

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





**Ex libris Bibliothecæ quam Illustrissimus
Archiepiscopus & Prorex Lugdunensis
Camillus de Neufville Collegio SS.
Trinitatis Patrum Societatis J E S U
Testamenti tabulis attribuit anno 1693.**

1874

1875

ANGLICA,
 NORMANNICA, HIBERNICA, CAM-
 BRICA, A VETERIBVS
 SCRIPTA:

Ex quibus

*Affer Meneuensis, Anonymus de vita Gulielmi Conque-
 storis, Thomas VValsingham, Thomas de la More, Guliel-
 mus Gemiticensis, Giraldus Cambrensis:*

Plerique nunc primùm in lucem editi, ex Bibliotheca
 GVILIELMI CAMDENI.

CVM INDICE, TVM VEROBVM, TVM RERVMI
*Opere hoc toto cum primis memorabilium locu-
 plerissimo.*



FRANCOFVRTI,

Impensis Claudij Marnij, & hæredum
 Iohannis Aubrij.

Anno M. D. CIII.

PATRIÆ, POSTERITATI,
ET
VIRTUTE, NATALIBVS, ERVDIT. ANIMI QVE
CANDORE VERE NOBILISSIMO FVLCONI
GREVILLIO, CLASSIS REGIÆ ANGLICÆ
QVÆSTORI, BONARVM LITTERARVM ET
LITTERATORVM FAVTORI
SVMMO.

HOS VETERES SCRIPTORES PARTIM
NVNC PRIMVM IN LVCEM EDITOS,
PARTIM DENV O
REVOCATOS:

GVILFELMMVS CAMDENVS CLARENTIVS
GREVILLIANO NOMINI DEVOTISSIMVS
LIBENS MERITO.

D.



VIRTUTE, NATALIBVS, ER-
VDITIONE, ANIMIQUE CANDO-
RE VERE NOBILISSIMO FVLCONI GREVIL-

lio, Classis Regia Anglica Quaestori, bonarum litterarum

& Litteratorum fautori summo.

S. D.



X quo bonæ litteræ rediuiuæ superiori sæ-
culo refluoruerunt, vniuersa Anglia nihil
magis in votis habuit, Clarissime Greuilli,
quam cum plurimos protulerit ab erudi-
tione, prudētia, & iudicio instructissimos,
ex iis iam tandē existeret aliquis, qui gentis
Anglorum historiam integram, suisq; nu-
meris absolutam cōtexeret. Verum nescio
quo fato, supplicantis patriæ quæ omnes

omnium charitates vna complecti debet, tam pia vota obstinatis
animis & obturatis auribus singuli neglexerunt. Charissima inte-
rim patria sua destituta historia etiam nū luget, sibiq; à suis *ὑποθήματα*
hac in parte non persolui conqueritur. Nec ipsi non possunt non
videri maiorum gloriæ, quæ sua licet firmata stirpe sine luce litte-
rarum emarcescat, inuidere, posterorum vtilitati quos historia ad
virtutē accendat, doceat, dirigat, & delectet, omnino decesse, suæ-
que ipsorum laudi pessime cōsulere, cum & qui fecere, & qui alio-
rum facta digne scripsere, parem ferè laudē reportauerint. At enim
dolenter dico, plerisque horum vires, ætas, ingeniumq; defluunt,
dum alii causantur quod per publica, alii quod per priuata negotia
non liceat, alii quod se fatigando nihil aliud nisi odium sibi quæ-
rant, alii quasi tanto oneri impares, quod maiorum facta scriptis
exæquare non possint, & satis materiæ ad manum non habeant,
difficultate deterreantur. Fatendum sane est opus esse plus quam
difficile, præter ea enim quæ in cæteris artibus singula: & in histo-
ria requiruntur vniuersa; materia sanè eaque solida & copiosa vn-
diq; indefesso labore conquirenda, cum ex Archiuis regis, mona-
steriorum vrbiumq; Commentariis; quæ non dubito quin facile
pateant, tum ex veterū scriniis, vicinarum gentium monumentis,
& nostrorum cuiusq; ætatis libris manuscriptis, qui numero plu-
rimi: & licet *μνήματα* potius quàm *ὑπομνήματα* sint, erunt in primis vsui.
Hac tamen in parte futuro nostro historico primus omnium pro-
uide prospexerit singularis ille omnium disciplinarum pater fau-

*** 2

torque,

E P I S T O L A

torque, & summus venerandæ antiquitatis cultor Matthæus Parkerus dum vixit Reuerendissimus Archiepiscopus Cantuariensis, Primas & Metropolitanus totius Angliæ, qui cū magnis impensis & maiori cura vndique libros manuscriptos ab interitu vindicasset, quos in Bibliotheca Collegii Corporis Christi Cantabrigiæ reposit, Anno salutis 1570. *Flores Historiarum per Matthæum VVestmonasteriensem collectos, præcipuè de rebus Britannicis ab exordio mundi vsq; ad Annum Domini 1307.* Anno sequente *Matthæi Parii monachi Albanensis, historiam maiorem, à Guilielmo Conquestore, ad vltimum annum Henrici tertii in lucē dedit*, quarum hæc Tiguri, illa Francofurti recusa. Anno verò 1575. *Alfredi Regis res gestas ab Asserio Schirburnensi Episcopo conscriptas. Historiam breuem Thomæ VValsingham. ab Edwardo primo ad Henricum quintū, cū Hypodigmate Neustriæ siue Normanniæ 1574.* publicauit, quos denuò cū exemplaria in Anglia rarius inueniantur, Claudius Marnius è suo prælo nunc edit. Hunc Archiepiscopum eodem studio ad historiam nostram promouendam sequutus est Guilielmus Hovvardus summo genere natus qui è Bibliotheca sua quam habet instructissimam diuulgauit 1592. *Chronicon ex Chronicis, ab initio mundi vsq; ad annum Domini 1118. deductum, Auctore Florentio VVigornienfi monacho, cui accessit etiam continuatio vsq; ad annum Christi 1141. per quendam eiusdem cœnobii eruditum.* Eo inprimis nomine quod in illo suis locis interferuntur Latine conuersi. Annales quos sua lingua conscriptos maiores nostri Anglo-Saxones solos habuere. Deinde Clarissimus Henricus Sauilus vir exquisitissima eruditione & solidissimo iudicio Londini 1596. *Guilielmum Malmesburiensem*, qui è nostris proximus ad historiam semibarbaro illo æuo accessit, *Henricum Huntigdonensem, Rogerum Houedenum*, & qui à nostris plurimū expetiti quia rari *Ethelvverdum & Ingulphum*, cuius nunc exemplar inuentum est emendatius & auctius cum Petri Bleffenfis supplemento. Ego autem qui & huius historiæ desiderio iam diu laboraui, cū nihil aliud possim, vt aliquam etiam materiam ad eam subueherem, impertiui Claudio Marnio Typographo Francofortensi (ille enim nostrorum scripta apud nos edita, in hoc orbis angulo latentia, & iam euanescentia in lucem reliqui orbis Christiani suis typis reuocauit,) quos habui ad manum descriptos codices, qui in hoc opere substruendo instar cæmenti vel vnius aut alterius saxi esse possint. *Fragmentum sc. de vita Guilielmi Conquestoris ex antiquo libro Monasterii S. Stephani Cadomensis*, ex Gallia, inter manubias regnate Henrico quinto allatum, quem à Guilielmo Pictauiensi Luxouiorum Archidiacono cōscriptum opinamur, *Vitam Edwardi secundi Regis Anglorum*, quā Thomas De-la-Moor, vir equestris ordinis eidem intimus descripsit,

Guiliel-

DEDICATORIA.

Guilielmum Gemeticensem de Ducum Normanorum gestis, qui rei genealogicæ & regum & nobilium nostrorum, quorum plures è Normania stemma ducunt, lucem præfert maximam, *Siluestrem Giraldu Cambrensem de expugnata ab Anglis Hibernia*. Cuius & *Topographica* (alterum enim historiæ lumen *Topographia*) *Hibernia* nunquam antea edita, & *Cambria* ante annos viginti à Davide Povvello S. Theologiæ Doctore diuulgata. Illâ Hiberniæ Topographiam Giraldu Oxonię per tres dies iuxta triplicem eius distinctionem summa cum auditorum delectatione anno 1200. recitasse legimus, quod eò cōmemoro, vt obseruetur maiores nostros veterem illam recitandi rationē à Romanis olim vsurpatam eò usq; retinuisse, quam aliqui reduci optant, vt scripturientium his temporib. vel emendationi, vel pœnitentiæ locus sit relictus. Ipse tamen se suos obtrectatores tunc habuisse nō dissimulat, qui oblatrarunt quod veritatē fabellis contaminasset, quibus pagina 755. paucis modestè respōdit. In confesso autem est scriptores eius, & superioris etiam æui (vt ait ille) fabulis indulgisse, falso vera, aut maiora vero miscuisse. *Ex ingenio, vel iudicio suo quisq; demat & addat fidem*, & iuxta illud Plinianum, FIDES TANTVM AVTHORES APPELLET. cæterum quæcunque, qualiacunque sunt, ecce, Vir Clarissime, sub tuo nomine in publicum prodire volo, vt aliquod, tantillum licet, extaret, & maximorū tuorum in me meritorum, & meæ summæ in te obseruantia testimonium. Nec dubito quin tu Anglicæ salutis & glorię studiosissimus atque antiquæ virtutis admirator summus hos si non vitæ magistros, saltē vetustatis nuntios, qui memoriam rerum ab Anglis præclare gestarum iam intermorientem reuocant, patrociniō tuo, libens lubensq; digneris. Deus Opt. Max. Amplitudinem tuam in tuum tuorumq; decus quam diutissime sospitet, & tueatur,

Greuilliano nomini deuotissimus

GVILIELMVS CAMDEN
Clarencius.

AVTHO-

A V T H O R V M V I T A .

Vita Asserij.

Asser, qui aliis *Asserius*, aliis *Asserio* dictus, natus fuit in vltimis & occiduis Britanniae finib. in Demetarum regione, quae nunc *Pembrochire* dicitur, ibique Meneuiæ, quam nunc Angli *St Davids* à *Degwy* siue *Degwy* eius loci olim sanctissimo Archiepiscopo nominant, in Monasterio eiusdem Sancti educatus, & sacris initiatus. Vnde ab Ælfredo Rege qui eruditos viros vndiq; acciuit euocatus ex suorum consilio & licentia ipsum adiuit, vt eius studiis præficeret, & *Saxonia*, id est, Anglia sic ipse scribit: *per rudimenta Sancti Degwy in omni causa adiunaretur*, vir, vt inquit, *Malmesburiensis, scientia non ignobilis instructus sensum librorum Boetij de Consolatione Philosophia planioribus verbis enodauit iussu regis, vt ipse Rex leuius in Anglicam linguam conuerteret.* A quo cum in Aula aliquandiu in summa gratia vixisset ob pietatem & eruditionem Episcopus Schirburnensis factus Ælfredi vitam quam oculatus testis diligenter obseruaret, fideliter descripsit. Obiit vero anno reparatae Salutis 909. vt vetustus author qui Paralipomenon eius operi addidit, testatur.

Vita Thoma Walsingham ex Centurijs Ioannis Balai.

Thomas Walsingham, patria Norfolciensis, sed ad S. Albani monasterium Benedictinorum ordinis monachus, ac præcentor, homo in historiis colligendis, Lelando teste, studiosus atq; diligens erat. An precio (inquit) ad id conductus fuerit, an suo Marte hoc egerit, nescio. Duas historias, vnam breuiem, alteram quidem longiorem posteritati tradidit. Primam inchoauit ab anno Christi 1273. & in anno illius 1423. finiuit, quæ continet centum ac quinquaginta annos. Alteram ab irruptione Normannorum, vsq; ad principium regni Henrici sexti Anglorum regis, cui opus illud dedicauit, & habet plus quam 356. annos. Hæc sunt ex falce rerum Britannicarum Guilhelmi Hormanni, & ex Lelandi catalogo desumpta. Labet nunc horum atque aliorum eius operum inscriptiones in medium adferre. Congessit enim ex aliorum historiis:

*De gestis Anglorum,
Historiam breuiorem,
Auctarium Polychronici,
Acta regis Henrici sexti,
Hypodigma Neustria.*

Hæc sola sunt quæ ex eius scriptis adhuc manent. Auctarium incipit ab anno Domini 1342. & finit in anno Domini 1417. habetq; rarissimas historias, & à nullo alio scriptas. Claruit anno à diuini verbi incarnatione 1440. sub Henrico sexto Angliæ Rege.

Vita Thoma De-la-Moore.

Thomas de-la-Moore, quantum ex veterum monimentis inuestigare possum, Equestri familia natus in Comitatu Glocestrensi, meruit sub Edvardo primo Angliæ Rege in bellis Scoticis, cumque singuli qui *viginti libras* ac terrarum, vt eo seculo loquebantur, *per seruitium militare*, *Milites fieri iuberentur militari cingulo & gladio cinctus*, equestrem dignitatem ab eodem Rege accepit. Postea cū Regi Edvardo secundo filio eius intimus domi bellicæ fidelem operam præstitisset, cumque ille & regno & vita immāni cum scelere spoliatus esset, eius vitam & mortem Gallicè scripsit, & in Latinam linguam à Gualtero Baker, aliàs *Syrinbern*, Canonico Osneienſi conuertitur.

Vita Guilhelmi Gemeticensis ex Centurijs Ioannis Balai, & alijs.

Guilhelmus Gemeticensis, qui à Gualtero, Albanensi cantore ac bibliothecario, in opere suo de *Sibris ecclesiæ*, *Canobita* cognominatus, patria Normannus fuit, professione monachus Eusebianensis, ac rerum Normannicarum illustrator suo tempore maximus. Nemo mirabitur ea tempestate monachos apud Principes in magno fuisse precio: cum intelligere debeat cæteris hominibus eos tunc fuisse doctiores. Scripsit Dudonem de Sto Quintino sequutus de Ducum Normannorum gestis vsque ad annum Christi octingentesimum nonagesimum sextum, inde ex fide dignorum relatione & certa sua scientia ad Guilhelmum Normanniz Ducem, & Angliæ regem, quem vulgo *Conquestorem* appellāt, illique dedicauit. Quod opus postea noua subinde accessione adauxit vsq; ad mortem Henrici primi Regis Angliæ, Ducisq; Normanniz, videlicet annum salutis 1135.

Siluestri Giraldi Cambrensis vita legatur in pagina huius libri 817.

R. P. MAT.



R. P. MATTHÆI PARKE-
RI ARCHIEPISCOPI CANTVARI-
ENSIS IN ASSERII MENEVEN-
sis Ælfredum Præfatio.



*Ælfredi regis amplissimi (qui olim toti fere
Britannia præfuit) historiam, tibi (huma-
nissime lector) exhibemus: à Iohanne Assero
Antistite Schyreburnensi (qui illi quoddam à
sacris fuit) Latinis litteris luculenter expres-
sam. Quæ quidē historia nō mediocrem men-
ti tuæ voluptatem infundet, neq; minorē ad-
feret cum voluptate utilitatē, si in præclaris-
simarum rerum cōtemplatione defixus, te ad earum imitationem, &
quasi imaginem totū effinxeris. Etenim quæ delectatio maior quam
clarorum virorum studia, res gestas, mores, vitas denique, ortus, obi-
tus, (tanquam tabulas bene pictas) quotidie intueri? Quis fructus
uberior quam qui ex istiusmodi rerū perenni lectiōe percipitur? Et
quanquam non sint hæc omnibus artium coloribus illustrata, atq; po-
lita, neque eleganti verborum concinnitate distincta, tamen & Lati-
ne loquitur, & significanter, & (ut priscis illis temporibus) non omni-
no incultē, tantumq; sibi fortassis adhibuit ornamenti, quantum in
exponenda decuit. Nam elaboratam exquisitiū orationem, nimiaq;
excultam industria, prudentium aures nō modò in vulgari sermonis
consuetudine, verum in historia quoque respuere consueverunt. La-
tina autem cū sint, Saxonice litteris excudi curauimus, maxime ob
venerandam ipsius archetypi antiquitatem, ipso adhuc (ut opinio
fert mea.) Ælfredo superstite, iisdem litterarum formulis descriptam.
Augent coniecturam Pastoralia, quæ ab ipso prudentissimo rege ex
sermone Romano in Saxonicum conuersa fuerunt, atque illius impe-
rio per quasdā Britannia Ecclesias sparsa. Quorum vetusta quadam
exemplaria, eodem etiam tēpore descripta, hodie extant similibus de-
picta characteribus. Atque hæc omnia (lector erudite) tuam ob cau-
sam diuulgamus, nimirum, ut tibi iucunditati sint & emolumento.
Etenim cum videas regem summo splendore, & tanta (quantam illa
perraro vidit ætas) dignitate regem, qui non pacis solum laudibus flo-
rebat, sed belli quoque gloria circumfluxerit, omnem curam, indu-
striam,*

P R Æ F A T I O

striam, cogitationes deniq, omnes, in disciplinarum studium consum-
pisse: adeo ut horam fere nullam effluere sibi passus sit, quam non in li-
teris, & cum virtute traduxerit, quo te lector animo esse oportebit?
quam in bonarum artium studia flagranti semper, & incenso? Ne-
que solum doctrina & cognitionis desiderio ipse mirifice afficiebatur,
adeo ut omnes conatus ad eam illustrandam conuerterit, sed exemplo
suo alios item ad excellentem omnium artium honestarum cupidita-
tem incitauit & illexit, doctosq, ex omnibus locis viros asciuit, quo-
rum praeceptis institutisque nobilium liberi, in Aula sua, una cum re-
gis filijs, ad humanitatem, & praeclarissimarum artium scientiam,
quotidie informarentur. Quod eo mirabilius videri debet, quando-
quidem maximis in rebus longeque diuersis, sese per omnem pene ata-
tem laboriosissime exercuerit, duasque res specie dispares, admirabi-
li prudentia coniunxerit. Quid enim tam distans quam pax à bello?
Quis tamen unquam illo aut pacis amantior est habitus, aut belli
laude illustrior? Quid tam difficile, quam & regni fines contra bar-
bararum gentium immanitatem assidue tueri: & doctrina & littera-
rum terminos quotidie proferre? Utrumque sane rex nobilissimus
consecutus est, ut & Danorum copias perpetuo in Britanniam in-
fluentes virtute bellica represserit, & in maximis semper occupatio-
num fluctibus, liberalium disciplinarum studia nunquam intermi-
serit. Cuius industria testimonia extant sane permulta, apud viros &
iudicij & antiquitatis autoritate insignes. Etenim in historia Elien-
si, lib. 2. sic scribitur: Aluredus acerrimi ingenij princeps, per Grim-
baldum, & Iohannem doctiss. Monachos tantum instructus est,
ut in breui librorum omnium notitiam habuerit, totumque no-
uum & vetus Testamentum in eulogiam Anglicæ gentis transmu-
tauerit. Accedit huc quod à vicesimo ætatis anno, ad quadragesi-
mum quintum, diuturno morbo afflictus, importunoque elanguerit:
qui quidem non tam corporis vires plerumque debilitat, quam men-
tis vim infringit & imminuit. Adde insuper, quod ea tempestate rex
optimus vixerit, cum priorum annorum miseranda peruersitas, toti
pene terrarum orbi inscitia, superstitionis, & perfidia tenebras offudis-
set: unde euenit, ut pietati, temporis improbitas, doctrina vero com-
munis illa bonarum artium lues non nihil obstiterit. Quo magis leta-
ri nos conuenit, & immortales Deo Optimo Maximo gratias habe-
re, qui hoc tanto cognitionis & scientia lumine (cui superioris aui
infelicitas obstruxit) diuina nunc benignitate circumfundimur. Iam
vero quanta ignorationis nox, & tempestas ætatem illam obscuraue-
rit: quo animo, quamq, ad virtutem ardenti & incenso pius rex fla-
grauerit, quemadmodum se eruditorum hominum quotidiana con-
suetudine deuinxerit, quos denique illis honores, quantaq, virtutum
præmia,

P R A E F A T I O

praemia contribuerit: harum rerum omnium exempla, tum liber iste, tum Pastoralis (cum explicatione eiusdem) praefixa praefatio copiosissime suppeditabit. Sin autem quis requirit, quamobrem cum isthac Latinis literis memoria mandentur, eadem tamen nos Saxonice typis peruiulgari fecerimus, nihil est, quod expedire tam facile possimus. Etenim cum ipsa nos primi exemplaris (ut antea dixi) antiquitas, debita quadam veneratione perfudit: tum magni ad fidem & auctoritatem interesse putabamus, si quae priscis notis verbisque conscripta, exsignataque ad manus nostras peruenissent, eadem nos iisdem literarum formulis imprimeremus. Eoque me minus instituti mei poenitet, quod facile sentio, hanc meam cogitationem, tibi (amice lector) nec inutilem, neque iniucundam futuram. Primum enim, ubi huius te libelli lectioni paululum assuefeceris, literarumque priscarum gnarus iam extiteris, licebit à Latinis ad Saxonica studium conuertere, quorum ex scriptis (mihi crede) non mediocrem voluptatem adipiscere: & in veteribus monumentis perscrutandis incredibilem cum voluptate utilitatem coniunges. Praeterea operae pretium erit patrium hunc nostrum (quo hodie utimur) sermonem, cum illo obsoleto iam pene & extincto conferre, & conferendo quam sint inter se similes, & pene eadem, animaduertere. Quam potissimum ob causam, quatuor Evangelia eadem lingua, atque iisdem literarum formulis excudi curauimus, & quo facilius eius cognitionem intelligentiamque comprehenderes, Anglica cum Saxonice in margine coniunximus, talibusque notis atque figurarum signis distinximus, ut perfacile inter se diuersarum linguarum sententiae comparari queant. Accedit huc etiam, quod cum Hybernici, libros aliquot antiquissimos, sermone vernaculo conscriptos reliquerint, eosque Saxonice characteribus exsignauerint (quanquam verborum sensum, atque pronuntiandi morem nationum obtinent, atque domesticum, tamen quandoquidem in vocibus describendis etiam hisce diebus Saxonice utuntur typis ac formulis) ex horum characterum notitia & intellectu, aditus certe patebit aliquis ad eius quoque linguae scientiam ijs, qui in regionibus illis legationis aliquod munus obierint, aut alio quouis modo eius Insulae negotiis implicabuntur. Iam vero cum Dayus Typographus primus (& omnium certe quod sciam solus) has formas ari inciderit: facile, quae Saxonice literis perscripta sunt, iisdem typis diuulgabuntur. Quorum sane lectio & veteris tibi lingua, ac quondam domestica memoria renouabit, & haud paruam suppeditabit abstrusa cognitionis suppellectilem. Facile autem erit vocum vim, & verborum varietatem percipere, praesertim cum tanta sit huius nostrae (qua nunc utimur) linguae & illius veteris similitudo. Pronuntiatio obscurior fortassis & impeditior aliquantulum videbitur, quam ut absolute percipi queat. Neque mirum: quan-

P R Æ F A T I O

quandoquidem quotidianus eius sermonis usus iam penitus evanuerit, & Saxones qui hodie in Germania sunt, illum pristinum pronuntiandi morem longo intervallo temporis amiserint. Veruntamen non exactam nos eius sermonis (qui iam fere totus obsolevit) notitiam, nec sollicitam nimis in verbis excutiendis industriam, requirimus: tantum opera in eius studio ponatur, quantum erit ad intelligendum satis. Quod qui fecerit, utilitatem exinde duplicem consequetur. Nam cum & veteres Britanni, & post hos Saxones (qui Britannorum vocabulis aut funditus deletis, aut ad arbitrium suum immutatis, nova cunctis pene locis nomina indiderunt) semper aut alicuius celebris facti memoriam, aut rei naturam locorum appellationibus exprimere consueverint (ut omittam utilitatem) quanta huius linguae studio voluptas erit (& ut periucunda, ita non multi sane laboris) scire, omnium ciuitatum, urbium, montium, sylvarum, fluminum, & viarum nomina, & hac uniuersa unde deriuetur, & quo quidque quasi è fonte profluxerit, intelligere. Quibus de rebus si qua fortè quis degustare concupiuerit, Gulielmi Lamberti (viri sanè eruditi, & in hospitio Lincolnensi, inter legum cōsultos, domestici iuris peritissimi) prefationem perlegat & expendat, quam libro de veteribus Saxonum legibus prefixit, quas nuper latinis literis eleganter expressit. Ibi etenim nonnulla de instituti sui ratione atque consilio prudenter prefatus, demum (ut est in istiusmodi rebus perscrutandis sagaci certè ingenio & peracri) quorundam verborum vim ac naturas subtiliter persecutus est. Quo in libro si se studiosius exercuerint ij, qui aut huius linguae notitiam, aut vetustarum legum (quas reges antiqui sanxerunt) scientiam habere desiderant, sapienter meo iudicio facient, & inde nō mediocre sibi ad eas quoque res percipiendas instrumentum, facultatemque comparabunt. Quinetiam quoniam diplomata multa, & vetustioris ætatis monumenta, tum regie, quæ in archiuis custodiuntur chartæ, tam ante, quam post Normannorum in Angliam aduentum, adhuc extant, quæ Saxonice & verbis, & literis comprehenduntur, omnes qui in regni institutis addiscendis elaborauerint, cohortabor, ut exiguo labore, seu pene nullo huius sibi linguae cognitionem acquirant. Quod si facere voluerint, multa proculdubio quotidie eruent, & elicient, quæ abdita iam iacēt, & abstrusa, & plurimarum rerum inuolutas penitus naturas, & simplicitas, nullo negotio expediēt. Quem in finem superioribus sæculis à maioribus nostris monialiū quadam Collegia instituta sunt, in quibus essent, quæ & huius linguae scientia imbuerentur, & eandem (cum alijs communicando) ad posteros transmitterent. Quod quidem in Cænobio monialium Tauestokensi in comitatu Deuonia, & multis alijs conuenticulis (nostra memoria) receptum fuit, credo, ne eius sermonis peritia, ob linguae insolentiam penitus

A D L E C T O R E M.

nitus obsoleceret. Quod autem ad historia fidem attinet (lector humanissime) hoc te scire volo, eam me semper rationem secutum, in omnibus ijs libris, quos diuulgavi, nihil ut de meo adiecerim, aut diminuerim, sed cuncta prout in primis exemplaribus reperiuntur ad verbum expresserim. Alioquin si quid forsan de meo attulissem, aut vetustatis veluti rugas ac nauos delere omnes voluissem, metuendum mihi sanè foret (ne quod Salustio suo scribit Cornelius Nepos) nō tam illorum qui illas conscripserunt historia, quàm mea videri possent. In-
 dicio erunt ipsa prima exemplaria, qua idcirco Cantebrigia, in biblio-
 theca collegij Corporis Christi, ad sempiternum huius rei testimonium extare volumus. Vbi si quis cum codicibus manuscriptis, impressos comparare voluerit, enimvero nihil nos aut detraxisse, aut addidisse inueniet, sed summam ubiq, fidem & religionem praestitisse. Quapropter si quidem olumēti ex huius historia lectione siue alicuius alterius iam per me euulgata ad te (humanissime lector) redundauerit, letabimur: & nos instituti ac voluntatis nostrae (quandoquidem id solum concupiuimus) fructus amplissimos consecutos existimabimus.

Cornel.
Nepos
ad Salust.
in bello
Troian.

Vale.

TYPO-



TYPOGRAPHVS. BENEVOLO

Lectori S. P.

Historia de Ælfredo Anglosaxonum rege per Afferum descripta, typis eundem Saxonice antehac impressa fuit. Impressionis illius mentionem facit (ut vides) præfatio proximè præcedens. Ad me verò quod attinet, quandoquidem typis illis Saxonice destitutus fui, eosque ad tractatum adeo breuem fundi curare operæ precium non fore mihi persuasum habui: ideo typos communes & vsitatos ad illum excudendum adhiberi volui. Veruntamen, ne putares incommodum quoddam ex ea re ad te redundaturum, volui, ut alphabetum Saxonum hîc adiungeretur: ut, quæ differentia inter orthographiam Saxonum illorum veterum & populorum aliorum esset, cum voluptatē quadam & delectatione perspicere posses. Hac de re admonendum te esse putavi. Vale.

Saxonica.	Latina.	Saxonica.	Latina.	Diphthongi.
A	a	M	m	Æ } Æ
B	b	N	n	Ɔ } Æ
C	c	O	o	
D	d	P	p	Abbrenia- tiones.
E	e	Q	q	
F	f	R	r	Ɔ } th
G	g	S	s	Ɔ } th
H	h	T	t	
I	i	V	u	þ
K	k	X	x	J et
L	l	Y	y	and
		Z	z	p. vv

DOMINO



10 **DOMINO MEO VENERA-**
BILI PISSIMOQVE OMNIVM BRI-
TANNIÆ INSVLÆ CHRISTIANORVM RECTORI
ÆLFRED, ANGLORVM SAXONVM REGI, ASSER
omnium seruorum Dei ultimus millemodam ad vota deside-
riorum utriusque vitæ prosperi-
tatem.



20



Nono dominicæ incarnationis 849. natus est *Ælfred* Angulfaxonum rex, in villa regia, quæ dicitur *Wanading*, in illa paga, quæ nominatur *Berrocscire*; quæ paga taliter vocatur à *Berroc* silua, vbi buxus abundantissime nascitur: cuius genealogia talis tali serie contextitur. *Ælfred* rex filius *Æthelwulfi* regis, qui fuit *Ecgbërthi*, qui fuit *Ealhmundi*, qui fuit *Eafa*, qui fuit *Eowwa*, qui fuit *Ingild*. *Ingild* & *Ine* ille famosus occidentalium rex Saxonum Germani duo fuerunt: qui *Ine* Romam perrexit, & ibi vitam præsentem finiens honorifice cœlestem patriam cum Chri-

Ælfred genealogia.

30

sto regnaturus adiit: qui fuerunt filii *Coenred*; qui fuit *Ceoluualde*; qui fuit *Cudam*; qui fuit *Cuthwine*; qui fuit *Ceaulin*; qui fuit *Cynric*; qui fuit *Creoda*; qui fuit *Cerdic*; qui fuit *Elesa*; qui fuit *Geeuis*, à quo Britones totam illam gentem *Geeuuis* nominant; qui fuit *Brond*; qui fuit *Belde*; qui fuit *Vuoden*; qui fuit *Frithowalde*; qui fuit *Frealaf*; qui fuit *Frithuwulf*; qui fuit *Fingodwulf*; qui fuit *Geada*; quem *Getam* iamdudum pagani pro Deo venerabantur. cuius *Sedulius* poeta mentionem facit in Paschali metrico carmine ita dicens:

Sedulius.

40

*Cum sua gentes studeant figmenta poeta
Grandisonis pompare modis, tragicæq; boatu;
Ridiculæ Geta seu qualibet arte canendi,
Sæua nefandarum renouant contagia rerum,
Et scelerum monimenta canunt, riuq; magistro
Plurima Niluacis tradunt mendacia biblis:
Cur ego Davidicis assuetus cantibus odas
Chordarum resonare decem sanctoq; verenter
Stare choro, & placidis cœlestia psallere verbis,
Clara salutiferi taceam miracula Christi?*

Qui *Geata* fuit *Caetuua*; qui fuit *Beauu*; qui fuit *Sceldwea*; qui fuit *Heremod*; qui fuit *Itermod*; qui fuit *Hathra*; qui fuit *Huala*; qui fuit *Beduwig*; qui fuit *Seth*; qui fuit *Noe*; qui fuit *Lamech*; qui fuit *Mathusalem*; qui fuit *Enoch*; qui fuit *Maleel*; qui fuit *Cainan*; qui fuit *Enos*; qui fuit *Seth*; qui fuit *Adam*.

De genealogia matris eius.

Mater quoque eiusdem *Osburgh* nominabatur, religiosa nimium fœmina; nobilis ingenio, nobilis & genere, quæ erat filia *Oslac* famosi pincernæ *Æthelwulfi* regis; qui *Ollac* Gothus erat natione. Ortus enim erat de Gothis & Indis: de semine scilicet *Stuf* & *Wihtzur*: duorum fratrum, & etiam comitum: qui accepta potestate *Vuettæ* insulæ ab auunculo suo *Cerdic* rege, & *Cynric* filio suo consobrino eorum, paucos Britones eiusdem insulæ accolæ, quos in ea inuenire potuerunt, in loco, qui dicitur *Gunnht Garaburgh* occiderunt. Cæteri enim accolæ eiusdem insulæ ante aut occisi erant; aut exules aufugerant.

*Britones in Vno-
Ba cas.*

A

Anno

*Scheapig firm.**Londonia à paganis vastata. Paganorum strages.*

Anno dominicæ incarnationis 851. natiuitatis autem AElfredi regis 3. Ceorl Domnaniæ comes; cum Domnanus contra Paganos Normannos siue Danos pugnauit in loco, qui dicitur Wicgambeorg: & Christiani victoriam habuerunt: & ipso eodem anno primum hyemauerunt pagani in insula, quæ vocatur *Scheapig*, quod interpretatur *insula ouium*: quæ sita est in Tamesi flumine inter Eastseaxum & Centaurios, sed ad Cantium propior est, quam ad Eastseaxum: in qua monasterium optimum constructum est. Eodem quoq; anno magnus Paganorum exercitus cum 350. nauibus in ostium Tamesis fluminis venit: & Londoniam ciuitatem, quæ est sita in aquilonari ripa Tamesis fluminis, in confinio Eastseaxum & Middelseaxum: sed ramen ad Eastseaxum illa ciuitas cum veritate pertinet; depopulati sunt; & Beorhtulfum Merciorum regem cum omni exercitu suo, qui ad præliandum cōtra illos venerat, in fugam verterunt. His ibi ita gestis, prædictus Paganorum exercitus perrexit in Suthriæ: quæ paga sita est in meridiana Tamesis fluminis ripa ab occidentali parte Cantii. Et A Ethelwulfus occidentaliū Saxonum rex, & filius suus A Ethelbaldus cum omni exercitu in loco qui dicitur *Aclea*; id est, in campulo quercus, diutissime pugnaverunt: ibique, cum diu acerrime & animose ex vtraq; parte pugnatum esset, maxima pars paganæ multitudinis funditus deleta & occisa est, ita, qualiter nunquam in aliqua regione, in vna die ante, nec post ex eis occisam esse audiuius: & Christiani victoriam honorifice tenuerunt, & loco funeris dominati sunt. Eodem quoq; anno A Ethelstan rex, filius A Ethelwulfi regis, & Ealhere comes, magnum Paganorum exercitum in Cantio, in loco, qui dicitur *Sandwic*, occiderunt, & ex nauibus eorum 9. naues ceperunt: cæteri per fugam elapsi sunt.

*Æthelwulfi ad Romam iter.**Paganorum strages.*

Anno dominicæ incarnationis 853. natiuitatis autem Ælfredi regis vndecimo, Burgred Merciorum rex per nuncios deprecatus est Æthelwulfum occidentaliū Saxonum regem, vt ei auxilium conferret; quo mediterraneos Britones, qui inter Marciam & mare occidentale habitant, dominio suo subdere potuisset. Qui contra eum immodice reluctabantur: nec segnius A Ethelwulfus rex legatione eius accepta exercitum mouens Britanniam cum Burghredi rege adiit; statimque vt ingreditur gentem illam deuastans, dominio Burghredo subdit. quo facto domum reuertitur. Eodem anno A Ethelwulfus rex præfatum filium suum A Elfredum magno nobilium & etiam ignobilium numero constipatum honorifice Romam transmisit. quo tēpore dominus Leo, Papa IV. apostolicæ sedi præerat, qui præfatum infantem A Elfredum oppido ordinans vnxit in regem, & in filium adoptionis sibimet accipiens confirmauit. Eodem quoq; anno Ealhere comes cum Cantuariis, & Huda cum Suthriis contra Paganorum exercitum in insula, quæ dicitur in Saxonica lingua *Tenet*; Britannico autē sermone *Ruim*, animose & acriter belligerauerunt: & primitus Christiani victoriā habuerunt: prolongatoq; diu prælio ibidem ex vtraq; parte plurimi ceciderunt, & in aqua merfi suffocati sunt. Et comites illi ambo ibidem occubuerunt: nec non & eodem anno A Ethelwulfus post Pascha occidentaliū Saxonum rex filiam suam Burgredo Merciorum regi in villa regia, quæ dicitur *Cippanhamme*, nuptiis regaliter factis ad reginam dedit.

Æthelwulfi donum pro anima.

Anno dominicæ incarnationis 855. natiuitatis autem præfati regis septimo, Eadmundus orientaliū Anglorum gloriosissimus cæpit regnare 8. Kalend. Ianuarii, id est, die natalis Domini; anno ætatis suæ 14. Hoc etiam anno Lotharius Imperator Rom. obiit, filius Ludouici Augusti piissimi. Anno eodem sub initio Karoli 3. Imper. filii Ludouici 2. magnus Paganorum exercitus tota hyeme in præfata Scepige insula hyemauerunt. Eodem anno A Ethelwulfus præfatus venerabilis rex decimam totius regni sui partem ab omni regali seruitio, & tributo liberauit, in sempiternoque grafio in cruce Christi pro redemptione animæ suæ, & antecessorum suorum, vni & trino Deo immolauit. Eodemq; anno cum magno honore Romam perrexit, præfatumq; filium suum Ælfredum iterum in eandem viam secum ducens; eo, quod illum plus cæteris filiis suis diligebat; ibique anno integro demoratus est. Quo peracto, ad patriam suam remeauit; adferens secum Iuthittam Karoli Francorum regis filiam. Interea tamen A Ethelwulfo rege ultra mare tantillo tempore immorante, quædam infamia contra morem omnium Christianorum in occidentali parte *Selwuda* orta est. Nam A Ethelbald rex A Ethelwulfi regis filius, & Ealhstan Scireburnensis ecclesiæ episcopus; Eanwulf quoque Summurtunensis pagæ comes coniurasse referuntur, ne vnquam A Ethelwulf rex à Roma reuertens iterum in regno reciperetur. Quod inauditum omnibus sæculis

sæculis ante infortunium episcopo & comiti solummodo per plurimi reputant; ex
 quorum consilio hoc factum esse perhibetur. Multi quoque regali solummodo in-
 solentiae deputant: quia & ille rex in hac re, & in multis aliis peruersitatibus per-
 tinax fuit; sicut quorundam hominum relatu audiuius; quod & rei sequentis
 approbavit effectus. Nam redeunte eo à Roma, prædictus filius regis Æthelwulfi
 cum omnibus suis consiliariis, immo, insidiariis tantum facinus perpetrare tenta-
 ti sunt, ut regem à regno proprio repellerent: quod nec Deus ita fieri permi-
 sit, nec nobiles totius Saxoniae consenserunt. Nam, ne irremedicabile Saxo-
 niae periculum belligerante patre & filio; quin immo tota cum gente ambobus re-
 bellante atrocius & crudelius per dies singulos quasi clades intestina augetetur: in-
 effabili patris clementia, & omnium astipulatione nobilium, adunatum antea ré-
 gnum inter patrem & filium diuiditur: & orientales plagæ patri, occidentales filio è
 contrario deputantur. Vbi enim pater iusto iudicio regnare debuerat; illic iniquus
 & pertinax filius regnabat. Nam occidentalis pars Saxoniae semper orientali princi-
 palior est. Adueniente igitur Æthelwulfo rege à Roma, tota illa gens, ut dignum
 erat, in aduentu senioris ita gauisa est, ut, si ille permetteret, pertinacem filium
 suum Æthelbaldum cum omnibus suis consiliariis à totius regni sorte expellere vel-
 lent. Sed ille, ut diximus, nimia clementia, & prudenti consilio usus, ne ad re-
 gni periculum perueniret, ita fieri noluit, & Iuthittam * Faroli regis filiam, quam
 à patre suo acceperat, iuxta se in regali folio suo sine aliqua suorum nobilium con-
 trouersia & odio, usque ad obitum vitae suæ contra peruersam illius gentis consuetu-
 dinem sedere imperauit. Gens namque occidentalium Saxonum reginam iuxta re-
 gem sedere non patitur; nec etiam reginam appellare, sed regis coniugem permit-
 tit. quam controuersiam, immo infamiam, de quadam pertinaci & maleuola eiuf-
 dem gentis regina ortam fuisse, maiores illius terræ perhibent. Quæ omnia contra-
 ria seniori suo & omni populo ita peregit, ut non solum suum proprium odium me-
 reretur, ut à reginali folio proiiceretur: sed etiam omnibus suis subsequatricibus
 eandem pestiferam tabem post se submitteret. Pro nimia namque illius reginæ malitia
 omnes accolæ illius terræ coniurauerunt, ut nullum unquam regem super se in vita
 sua regnare permetterent, qui reginam in reginali folio iuxta se sedere imperare vel-
 let. Et quia, ut opinor, multis habetur incognitum, unde hæc peruersa & detesta-
 bilis consuetudo in Saxonia, ultra morem omnium, id est, gentium, theotiscirum
 primitus orta sit, paulo latius mihi videtur intimandum: quod à domino meo Æl-
 fredo Angulfaxonum rege veridico, etiam sæpe mihi referente audiui, quod & il-
 le etiam à veridicis multis referentibus; immo ex parte non modica illud fa-
 ctum commemorantibus audierat. Fuit in Mercia moderno tempore quidam
 strenuus, atque vniuersis circa se regibus & regionibus finitimis formidolosus rex,
 nomine Offa: qui vallum magnum inter Britanniam atque Merciam de mari us-
 que ad mare facere imperauit. Cuius filiam nomine Eadburgh Beorhtric occiden-
 talium Saxonum rex sibi in coniugium accepit: quæ confestim accepta regis amici-
 tia, & totius pene regni potestate, more paterno tyrannice viuere incœpit, & om-
 nem hominem execrari, quem Beorhtric diligeret, & omnia odibilia Deo
 & hominibus facere: & omnes, quos posset, ad regem accusare, & ita aut vita,
 aut potestate per insidias priuare: & si à rege illud impetrare non posset, veneno eos
 necabat: sicut de adolescente quodam regi dilectissimo hoc factum compertum ha-
 betur. quem cum ad regem accusare non posset, veneno eum necauit. De quo vene-
 no etiam præfatus ille Beorhtric rex inscien-ter gustasse aliquid refertur. Neque e-
 nim illa venenum dare regi proposuerat, sed puero, sed rex præoccupauit; inde am-
 bo periere. Defuncto igitur Beorhtrico rege, cum illa inter occidentales Saxones
 diutius fieri non posset; ultra mare nauigans cum innumerabilibus thesauris Karo-
 lum illum magnum & famosissimum Francorum regem adiit. Ad quem cum ante so-
 larium multa regi afferens dona staret, Karolus ait: Elige Eadburgh, quem velis inter
 me & filium meum, qui mecum in solario isto stat. At illa sine deliberatione stulte re-
 spondens dicens ait: Si mihi electio conceditur, filium tuum, in quantum te iu-
 nior est, eligo. Cui Karolus respondens & arridens ait: Si me eligeres, haberes fi-
 lium meum: sed quia filium meum elegisti, nec me nec illum habebis. Dedit ta-
 men illi vnum magnum sanctimonialium monasterium, in quo deposito sæculari ha-
 bitu, & sanctimonialium indumento assumpto per paucis annis Abbatissæ fungeba-
 tur officio. Sicut enim irrationabiliter in propria vixisse refertur; ita multo irrationa-
 bilius

Cōluratio in Æ-
 thelwulfo.
 Æthelbaldi per-
 tinacia.

* Faroli Ka.

Saxones reginam
non admissunt.

Offa.

Tyrannus Ead-
burgh.

Beorhtric vene-
no sublatum.

Eadburgh Ab-
batissa.

bilius in aliena gente viuere deprehenditur. Nam à quodam suæ propriæ gentis homine constuprata demum palam deprehensa de monasterio imperio Karoli regis deiecta, in paupertate & miseria letho tenus vituperabiliter vitam duxit; ita, vt ad vltimum vno seruulo comitata; sicut à multis videntibus eam audiuius, quotidie mendicans in Pauia miserabiliter moreretur. Vixit ergo Æthelwulfus duobus annis, postquam à Roma peruenit: in quibus inter alia multa præsentis vitæ bona studia cogitans de suo ad vniuersitatis viam transitu, ne sui filii post patris obitum indebite inter se disceptarent; hereditariam, immo commendatoriam scribere imperauit epistolam: in qua & regni inter filios suos, duos scilicet seniores, & propriæ hereditatis inter filios & filiam, & etiam propinquos pecuniarum, quæ post se superessent inter animam & filios, & etiam nobiles suos diuisionem ordinabiliter literis mandari procurauit. De qua prudenti consideratione pauca de pluribus posteris imitanda scribere decreuimus: scilicet, quæ ad necessitatem animæ maxime pertinere intelliguntur. Nam cætera, quæ ad humanam dispensationem pertinent, in hoc opusculo inferere necesse non est: ne fastidium prolixitate legentibus, vel etiam audire desiderantibus procreauerit. Pro vtilitate namque animæ suæ, quam à primæuo iuuentutis suæ flore in omnibus procurare studuit per omnem hereditariam terram suam semper in X. manentibus vnum pauperem aut indigenam, aut peregrinum cibo, potu, & vestimento, successoribus suis vsque ad vltimum diem iudicii post se pascere præcepit: ita tamen, si illa terra hominibus & pecoribus habitaretur, & deserta non esset. Romæ quoque omni anno magnam pro anima sua pecuniam, id est, CCC. mancussas portare præcepit. quæ taliter ibi diuiderentur: scilicet C. mancussas in honorem Sancti Petri, specialiter ad emendum oleum, quo impleantur omnia luminaria illius apostolicæ ecclesiæ in vespera Paschæ; & æqualiter in galli cantu; & C. mancussas in honorem S. Pauli, eadem conditione ad comparandum oleum in ecclesia S. Pauli apostoli, ad implenda luminaria in vespera Paschæ & in galli cantu: C. quoque mancussas vniuersali Papæ Apostolico. Defuncto autem Æthelwulfo rege, sepultoque apud *Stemrugam*, Æthelbald filius eius contra Dei interdictum, & Christianorum dignitatem, nec non & contra omnium Paganorum consuetudinem, thorum patris sui ascendens Iuthittam Karoli Francorum regis filiam, cum magna ab omnibus audientibus infamia in matrimonium duxit: effrenisq; duobus & dimidio annis occidentalium Saxonum post patrem regni gubernacula rexit.

Anno dominicæ incarnationis 856. & natiuitatis Ælfredi 10. hoc est, anno secundo Karoli Imperatoris 3. anno vero regni Æthelwulfi occidentalium Saxonum regis 18. Nunberchus orientalium Anglorum antistes vnxit oleo, consecrauitq; in regem Eadmundum gloriosissimum cum gaudio magno & honore maximo in villa regia, quæ dicitur Burua, in qua tunc temporis regalis sedes erat: anno ætatis suæ 15. sexta feria, luna 24. die natalis domini.

Anno dominicæ incarnationis 860. natiuitatis autem Ælfredi regis duodecimo, Æthelbald occidentalium Saxonum rex defunctus est, & in Scireburnan sepultus: & Æthelberht frater suus Cantium; & Suthrigam; Suthseaxam quoque suo dominio, vt iustum erat, subiunxit. In cuius diebus magnus Paganorum exercitus de mari adueniens Wintoniam ciuitatem hostiliter inuadens depopulatus est. Cui cum ad naues cum ingenti præda reuerterentur, Ofric Hamtunensium comes cum suis; & Æthelwulf comes cum Bearrocensibus viriliter obuiauere, consertoque prælio oppido Pagani passim trucidantur. Et cum diutius resistere non possent, muliebriter fugam arripiunt: & Christiani loco funeris dominati sunt. Æthelberht itaque quinque annis regno pacifice & amabiliter, atque honorabiliter gubernato, cum magno suorum dolore vniuersitatis viam adiit, & in Scireburnan iuxta fratrem suum honorabiliter sepultus requiescit.

Anno dominicæ incarnationis octuagesimo sexagesimo quarto, Pagani hyemauerunt in insula Tanet, & firmum fœdus cum Cantuariis pepigerunt: quibus Cantuarii pecuniam pro fœdere seruato reddere promiserunt. Interea tamen vulpino more Pagani noctu clam castris erumpentes, fœdere disrupto, & promissionem pecuniæ spernentes (sciebant enim maiorem pecuniam se furtiua præda, quam pace adepturos) totam orientalem Cantii plagam depopulati sunt.

Anno

Regina mendicans.

Æthelwulfi testamentum.

Donatus ecclesiæ Romana.

Æthelwulfi mors. Æthelbald patris uxorem ducit.

Eadmundus in regem vnctus.

Wintonia à Paganis vastata. Pagani occisi.

Æthelberhti mors.

Pagani fœdificum Cantuariis.

Anno dominicæ incarnationis 866. natiuitatis autem Ælfredi regis 18. Æthelred Æthelberti regis frater occidentalium Saxonum quinque annis regni gubernacula suscepit, & eodem anno magna Paganorum classis de Danubio Britanniam aduenit, & in regno orientalium Saxonum, quod Saxonice *Eastengle* dicitur, hyemauit; ibique ille exercitus maxima ex parte equester factus est. Sed, ut more nauigantium loquar, ne diutius nauim vndis & velamentis concedentes, & à terra longius enauigantes longum circumferamur inter tantas bellorum clades, & annorum enumerationes, ad id, quod nos maxime ad hoc opus incitauit, nobis redeundum esse censeo: scilicet aliquantulum, quantum meæ cognitioni in-

10 notuit, de infantilibus & puerilibus domini mei venerabilis Ælfredi Angulsaxonum regis moribus hoc in loco breuiter inserendum esse existimo. Nam, cum communi & ingenti patris sui & matris amore supra omnes fratres suos; immo ab omnibus nimium diligeretur, & in regio semper curto inseparabiliter nutritur, accrescente infantili & puerili ætate, forma cæteris suis fratribus decentior videbatur: vultuque & verbis, atque moribus gratiosior. Cui ab incunabulis ante omnia, & cum omnibus præsentis vitæ studiis sapientiæ desiderium cum nobilitate generis; nobilis mentis ingenium suppleuit. Sed (proh dolor) indigna suorum parentum & nutritorum incuria vsque ad duodecimum æ-

20 noctuque solers auditor relatu aliorum sæpissime audiens, docibilis memoriter retinebat: in omni venatoria arte industrius venator, incessabiliter laborat, non in vanum. Nam incomparabilis omnibus peritia & felicitate in illa arte; sicut & in cæteris omnibus Dei donis fuit. sicut & nos sæpissime vidimus. Cum ergo quodam die mater sua sibi & fratribus suis quendam Saxonicum poematice artis librum, quem in manu habebat, ostenderet, ait: Quisquis vestrum discere citius istum codicem possit, dabo illi illum. Qua voce, immo diuina inspiratione instinctus, & pulchritudine principalis litteræ illius libri illectus, ita matri respondens, & fratres suos ætate, quamuis non gratia seniores anticipans, inquit: Verene dabis istum librum vni ex nobis, scilicet illi, qui citissime intelligere & recitare

30 cum ante te possit? Ad hæc illa arridens & gaudens, atque *affirmans*, dabo, inquit, illi. Tunc ille statim tollens librum de manu sua, magistrum adiit & legit. Quo lecto matri retulit & recitauit. Post hæc cursum diurnum, id est, celebrationes horarum, ac deinde psalmos quosdam, & orationes multas, quos in vno libro congregatos in sinu suo die noctuque, sicut ipsi vidimus, secum inseparabiliter orationis gratia inter omnia præsentis vitæ curricula vbique circumducebat. Sed (proh dolor) quod maxime desiderabat, liberalem scilicet artem desiderio suo non suppetebat, eo quod, ut loquebatur, illo tempore lectores boni in toto regno occidentalium Saxonum non erant. quod maximè inter omnia præsentis vitæ suæ impedimèta & dis-

40 pendia crebris querelis, & intimis cordis sui suspiriis fieri affirmabat: id est, eo, quod illo tempore, quando ætatem & licentiam, atque suppetentiam discendi habebat, magistros non habuerat. Quando vero & ætate erat prouectior, & incessabilius die noctuque, immo, omnibus istius insulæ medicis incognitis infirmantibus, internisque atque externis regiæ potestatis sollicitudinibus, nec non & paganorum terra marique infestationibus occupatus, immo, etiam perturbatos magistros & scriptores aliquantula ex parte habebat, legere ut non poterat. Sed tamen inter præsentis vitæ impedimenta ab infantia vsque ad præsentem diem, & ut credo, vsque ad obitum vitæ suæ in eodem insaturabili desiderio, sicut nec ante destituit; ita nec etiam adhuc inhiare desinit.

Ælfredi infantia.

Ælfred pueri memoria.

Inscitia temporis Ælfredi.

Anno dominicæ incarnationis 867. natiuitatis Ælfredi præfati regis 19. prædictus Paganorum exercitus de orientalibus Anglis ad Eboracum ciuitatem migravit; quæ in aquilonari ripa Humbensium fluminis sita est. Eo tempore maxima inter Northanhymbros discordia diabolico instinctu orta fuerat: sicut semper populo, qui odium incurrerit Dei, euenire solet. Nam Northanhymbri tempore (ut diximus) legitimum regem suum, Osbyrht nomine, regno expulerant; & tyrannum quendam Ælla nomine, non de regali prosapia progenitum super regni apicem constituerant: sed aduenientibus Paganis consilio diuino, & optimatum adminiculo pro communi vtilitate, discordia illa aliquantulum sedata, Osbyrht & Ælla adunatis viribus, congregatoque exercitu Eboracum oppidum adeunt. Quibus aduenientibus pagani confestim fugam arripiunt, & intra urbis mœ-

Northanhymbri regem abdicant.

nia se defendere procurant. Quorum fugam & pauorem Christiani cernentes, etiam intra vrbs mœnia eos persequi, & murum frangere instituunt: quod & fecerunt. Non enim tunc adhuc illa ciuitas firmos & stabilitos muros illis temporibus habebat. Cumque Christiani murum, vt proposuerant, fregissent, & eorum magna pars in ciuitatem simul cum paganis intrasset; pagani dolore & necessitate compulli, super eos atrociter irrumpunt, cædunt, fugant, prosternunt, intus & extra. Illic maxima ex parte omnes Northanhymbrensiū capti; occisis duobus regibus cum multis nobilibus deleti occubuerunt. Reliqui vero, qui euaserunt, pacem cum Paganis pepigerunt. Eodem anno Ealhstan episcopus Scireburnensis ecclesiæ viâ vniuersitatis adiens, postquam episcopatum per 50. annos honorabiliter rexerat, in pace in Scireburnan sepultus est.

Ealhstani mors.

Nuptia Ælfredi.

** Mucil eo quod erat corpore magnum.*

Anno dominicæ incarnationis 868. natiuitatis Ælfredi regis vigesimo, fames valida erat. Tunc præfatus ac venerabilis Ælfred rex, secundarii tamen tunc ordine fretus, vxorem de Mercia, nobilem scilicet genere, filiam Æthelredi Gai-
norum comitis, qui cognominabatur * Mucil, expetiuit & duxit. Cuius fœminæ mater Eadburh nominabatur, de regali genere Merciorum regis, quam nos ipsi propriis oculorum nostrorum obtutibus non paucis ante obitum suum annis frequenter vidimus: venerabilis scilicet fœmina; & per multos annos post obitum viri sui castissima vidua letho tenus permansit. Eodem anno prædictus Paganorum exercitus Northanhymbros relinquens, in Merciam venit, & Scnotengaham adiit, quod Britannice *Tigguocobauc* interpretatur: Latine autem *speluncarum domus*. Et in eodem loco eodem anno hyemauerunt. Quibus illic aduenientibus, confestim Burhred Merciorum rex, & omnes eiusdem gentis optimates nuncios ad Æthered occidentaliū Saxonum regem, & Ælfred fratrem dirigunt: suppliciter obsecrantes, vt illi illis auxiliarentur, quo possent contra præfatum pugnare exercitum. Quod & facile impetrauerunt. Nam illi fratres non segnius promissione, congregato ex omni parte sui immenso exercitu Merciam adeunt, & vsque ad Scnotengaham bellum vnanimiter quærentes perueniunt. Cumque Pagani tuitione arcis muniti bellum dare negarent; & Christianis frangere murum non suppetebat, pace inter Mercios & Paganos facta, duo illi fratres Æthered cum suis cohortibus domum reuersi sunt.

Fames cū peste.

Anno dominicæ incarnationis 869. natiuitatis autem Ælfredi regis 21. fames magna, & mortalitas hominum, & pestis animalium. Et præfatus Paganorum exercitus iterum ad Northanhymbros equitans Eboracum ciuitatem adiit, & ibi anno integro mansit.

Anno dominicæ incarnationis 870. natiuitatis autem Ælfredi regis 21. supra memoratus Paganorum exercitus per Merciam in orientales Anglos transiuit, & ibi in loco, qui dicitur Theodford, hyemauit. Eodem anno Eadmund orientalium Anglorum rex contra ipsum exercitum atrociter pugnavit. Sed (proh dolor) Paganis nimium gloriantibus, ipse cum magna suorum parte ibidem occisa inimici loco funeris dominati sunt: & totam illam regionem suo dominio subdiderunt. Eodem anno Ceolnoth archiepiscopus Doroberniæ antistes, viam vniuersitatis adiens, in eadem ciuitate in pace sepultus est.

Ceolnothi mors.

Anno dominicæ incarnationis 871. natiuitatis autem Ælfredi regis 22. exorsæ memoriæ Paganorum exercitus orientales Anglos deferens, & regnum occidentalium Saxonum adiens, venit ad villam regiam, quæ dicitur Rædigam in meridiana Tamesis Flumensis fluminis ripa sitam, in illa paga, quæ dicitur Bearroccscire: tertioque aduentus sui ibidem die comites eorum cum magna illius parte in prædam equitauerunt: aliis vallum inter duo flumina Tamesin & Cynetan à dextrali parte eiusdem regiar villæ facientibus. quibus Æthelwulf Bearroccensis Pagæ comes cum suis sodalibus, in loco, qui dicitur Englofeld obuiauit: & animose ex utraque parte ibidem pugnatum est. Cumque ibi diu vtrique resisterent, altero Paganorum comite occiso, & maxima exercitus parte deleta, cæterisque fuga elapsis: Christiani victoriam accipientes loco funeris dominati sunt. His ibi ita gestis post quatuor dies Æthered rex occidentalium Saxonum, & Ælfred frater eius adunatis viribus, congregatoque exercitu Rædigam adierunt. Cumque vsque ad portam arcis peruenissent, cædendo & prosternendo quoscumque de Paganis extra arcem inuenissent, Pagani non segnius certabant, lupino more totis portis erumpentes, totis viribus bellum perquirunt; ibique diu & atrociter ex utraque parte dimica-

Conflatus Christianorum cum Paganis.

micatum est. Sed heu (proh dolor) Christianis demum terga vertentibus, Pagani victoriam accipientes loco funeris dominati sunt. Ibi que Æthelwulfus præfatus comes inter cæteros occubuit. Quo dolore & verecundia Christiani commoti, iterum post quatuor dies contra præfatum exercitum in loco, qui dicitur Æsceldun; quod Latine *mons fraxini* interpretatur; totis viribus & plena voluntate ad prælium prodeunt. Sed Pagani in duas se turmas diuidentes, æquali lance testudines parant. Habebant enim tunc duos reges, & multos comites; concedentes mediam partem exercitus duobus regibus, & alteram omnibus comitibus. quod Christiani cernentes, & etiam ipsi exercitum in duas turmas similiter diuidentes, testudines non segnus
 10 construunt. Sed Ælfred citius & promptius cum suis, sicut ab his, qui viderunt, veridicis referentibus audiuius, ad locum prælii aduenit. Nimirum: erat enim adhuc
 20 suus frater Æthered rex in tentorio in oratione positus, audiens Missam: & nimium affirmans se inde viuum non discessurum, antequam Sacerdos missam finiret: & diuinum pro humano nolle deferere seruitium. & ita fecit. Quæ regis Christiani fides multum apud dominum valuit. sicut in sequentibus apertius declarabitur. Decreuerant ergo Christiani, vt Æthered sex cum suis copiis contra duos paganos reges sumeret prælium: Ælfred verò suus frater cum suis cohortibus contra omnes paganorum duces belli sortem sumere debere sciret. Quibus ita firmiter ab vtraque parte dispositis, cum rex in oratione diutius moraretur, & Pagani parati ad locum certaminis citius aduenissent, Ælfred tunc secundarius, cum diutius hostiles acies ferre non posset, nisi aut bello retrorsum recederet, aut contra hostiles copias ante fratris aduentum in bellum prorumperet, demum viriliter aprino more Christianas copias contra hostiles exercitus (vt antè proposuerant) tamen, quamuis rex adhuc non venerat, dirigens; diuino fretus consilio, & adiutorio fultus, testudine ordinabiliter condensata, confestim contra hostes vexilla mouet. Sed hoc in loco nescientibus intimandum est, quod ille locus certaminis belligerantibus inæqualis erat. Nam Pagani editiorem locum præoccupauerant: Christiani ab inferiori loco aciem dirigebant. Erat quoque in eodem loco vnica spinosa arbor, breuis admodum: quam nos ipsi nostris propriis oculis vidimus. Circa quam ergo hostiles inter se acies cum ingenti omnium clamore; illi perperam agentes, isti pro vita & dilectis atque patria pugnaturi
 30 hostiliter conueniunt. Cumque aliquandiu animose & nimium atrociter hinc inde vtrique pugnarent, Pagani diuino iudicio Christianorum impetum diutius non ferentes, maxima suarum copiarum parte occisa, opprobriosam fugam cepere: quo in loco alter de duobus Paganorum regibus, & 5. comites occisi occubuerunt: & multa millia paganæ partis in eodem loco: & insuper per totam campestem Æsceldun latitudinem vbique dispersa, longè lateque occisa corruerunt. Cecidit ergo illic Bægscegr rex, & Sidroc ille senex comes, & Sidroc iunior comes; & Obsbern comes; & Fræna comes; & Hareld comes; & totus Paganorum exercitus in fugam vsque ad noctem, & etiam vsque ad diem sequentem: quousque ad arcem, qui euaserant, perueniunt, versus est. Quos Christiani vsque ad noctem persequuti sunt, & vbique prosterntes. His ibi ita gestis, iterum post 14. dies Æthered rex vna cum fratre suo Ælfred, adunatis viribus contra Paganos pugnaturi Basengas adierunt. Quibus hinc inde hostiliter conuenientibus, & diu resistentibus, Pagani victoriam accipientes, loco funeris dominati sunt. Quo prælio peracto, de vltamarinis partibus alius Paganorum exercitus societati se adiunxit. Et eodem anno post Pascha Æthered rex præfatus regno 5. annis per multas tribulationes strenuè atque honorabiliter cum bona fama gubernato, viam vniuersitatis adiens in Winburnan monasterio sepultus, Æthered rex mori.
 40 aduentum domini, & primam cum iustis resurrectionem expectat.

Eodem anno Ælfred suprà memoratus, qui vsque ad id temporis viuentibus
 50 fratribus suis secundarius fuerat; totius regni gubernacula, diuino concedente nutu, cum summa omnium illius regni accolarum voluntate confestim fratre defuncto suscepit. Quod etiam viuentem prædicto fratre suo, si dignaretur accipere; facillimè cum consensu omnium potuerat inuenire. nempe quia & sapientia, & cunctis moribus bonis cunctos fratres suos præcallebat: & insuper eo, quod nimium bellicosus & victor prope in omnibus bellis erat. Cumque regnare prope quasi inuitus vno mente impleto cœperat: nimirum enim non putabat in se diuino fultus auxilio, tantam Paganorum vnquam posse solus sustinere austeritatem: quin etiam viuentibus suis fratribus, cum magna detrimenta sustinuisset, contra vniuersum Paganorum exercitum, in monte, qui dicitur *Wiltun*, qui est in meridiana ripa fluminis *Gulou*: de quo flumine

Belli inconstan-
tia.

tota illa paga nominatur, cum paucis, & nimium inæquali numero acerrimè belligeravit. Et cum hinc inde utriusque hostiliter & animose non parua dici parte pugnarent, Pagani ad integrum suum periculum propriis suis conspectibus cernētes, & hostium infestationem diutius non ferentes, terga in fugam verterunt. Sed, prohi dolor, per audacitatem persequentium decipientes, iterum in prælium prodeunt: & victoriam capientes, loco funeris dominati sunt. Nec hoc cuiquam mirabile videatur, quod Christiani paruum in prælio numerum habebant. Erant enim Saxones maxima ex parte in eodem vno anno 8. contra Paganos præliis populariter attriti: in quibus 8. præliis vnus rex Paganorum, & nouem duces cum innumeris cohortibus occisi periere: exceptis quotidianis & nocturnis irruptionibus innumerabilibus, quas Æl- 10
fred sæpe memoratus, & singuli duces illius gentis cum suis; & etiam per plures ministri regis contra Paganos infatigabiliter studiose exercebant: in quibus frequentissimis irruptionibus quot millia paganæ expeditionis occisa perierunt, nisi soli Deo, incognitum est. exceptis his, qui in 8. supra memoratis præliis trucidati sunt. Eodem quoque anno Saxones cum iisdem Paganis, eâ conditione, ut ab eis discederent, pacem pepigerunt, quod & impleuerunt.

Mercii cum pa-
ganis pacem
inuenerunt.

Anno incarnationis 872. natiuitatis autem Ælfredi regis 23. præfatus Paganorum exercitus Londoniam adiit, & ibi hyemauit. cum quo Mercii pacem pepigerunt.

Anno dominicæ incarnationis 873. natiuitatis autem Ælfredi regis 24. sæpe 20.
memoratus exercitus Londoniam deferens in Northanhymbrorum regionem perrexit, & ibi hyemauit in paga, quæ dicitur *Lindessig*; cum quo iterum Mercii pacem pepigerunt.

Burghredus Ro-
ma moritur.

Anno dominicæ incarnationis 874. natiuitatis autem Ælfredi regis 25. supra memoratus sæpe exercitus *Lindessig* deferens, Merciam adiit, & hyemauit in loco, qui dicitur *Hreopedune*. Burghredum quoque Merciorum regem regnum suum deferere, & ultra mare exire, & Romam adire contra voluntatem suam coegit 22. regni sui anno. Qui postquam Romam adierat, non diu viuens ibidem functus est; & in schola Saxonum, in ecclesia sanctæ Mariæ honorifice sepultus aduentum domini, & primam cum iustis resurrectionem expectat. Pagani quoque post eius expulsionem totum Mer- 30
ciorum regnum suo dominio subdiderunt. Quod tamen miserabili conditione cuidam insipienti ministro regis (cuius nomen erat *Ceolwulf*) eodem pacto custodiendum commendauerunt, ut qualicumque die illud vellent habere iterum, pacifice illis assignaret. quibus in eadem conditione obsides dedit: & iurauit, nullo modo se voluntati eorum contradicere velle; sed obediens in omnibus esse.

Pugna maritima
Ælfredi.

Anno dominicæ incarnationis 875. natiuitatis autem Ælfredi regis 26. supra memoratus sæpe exercitus *Hreopedune* deferens, in duas se diuisit turmas: cuius altera pars cum *Healfene* in regionem Northanhymbrorum perrexit, & ibi hyemauit iuxta flumen, quod dicitur *Tine*: & totam Northanhymbrorum regionem suo subdidit dominio: nec non & *Pictos*, & *Stratduntenses* depopulati sunt. Altera quoque pars cum 40
Gothrum & *Ossetil* & *Amund* tribus Paganorum regibus ad locum, qui dicitur *Grantebrycge*, peruenit & ibi hyemauit. Eodem anno Ælfred rex nauali prælio in mare contra 6. naues Paganorum belligeravit, & vnâ ex eis cepit, cæteris per fugam elapsis.

Pagani fudi-
fragi.

Anno dominicæ incarnationis 876. natiuitatis autem Ælfredi regis 26. sæpe memoratus Paganorum exercitus noctu de *Grantebrycge* exiens, castellum, quod dicitur *Werham*, intrauit; quod monasterium sanctimonialium inter duo flumina *Fraw*; & in paga, quæ dicitur Britannice *Durngucis*: Saxonice autem *Thorusata*, tutissimo terrarum situ situm est. nisi ab occidentali parte tantummodo, ubi contigua terra est. Cum quo exercitu Ælfred rex fœdus firmiter ea conditione, ut ab eo discederent, 50
pepigit. cui ille exercitus electos obsides, quantos solus nominauit, sine vlla controuerfia dedit: nec non & sacramentum in omnibus reliquiis, quibus ille rex maxime post dominum confidebat, iurauit: in quibus & super armillam, super quam nec alicui genti prius iurare voluit, citissime de regno suo se exiturum esse. Sed more suo solita fallacia utens, & obsides & iuramentum, atque fidem promissam non custodiens, nocte quadam fœdere disrupto, omnes equites, quos habebat, occidit; versusque inde *Domniam* ad locum, qui dicitur Saxonice *Eaxanceastre*, Britannice autem *Cairwisc*. Latine quoque ciuitas in orientali ripa fluminis *Wisc*, sita est prope mare meridiana: quia interluit Galliam Britanniamque: inopinante direxit, & ibi hyemauit. Eodem

dem quoque anno *Halfdene* rex illius partis Northanhymbrorum totam regionem sibi met & suis diuisit, & illam cum suo exercitu coluit. Eodem anno Rollo cum suis Normanniam penetrauit. Idem Normannorum dux Rollo cum in antiqua Britannia siue Anglia hyemaret, militaribus fretus copiis, quadam nocte fruitur visione mox futuræ certitudinis. De hoc Rollone vide plura in analibus.

Anno 877. Pagani instante tempore autumnali partim in *Eaxanceastre* residebant, & pars *Merciam* prædatura recessit. Crescebat insuper diebus singulis peruersorum numerus, adeo quidem, ut si 30. ex eis millia vna die necarentur, alii succedebant numero duplicato. Tunc rex *Ælfredus* iussit cymbas & galeas, id est, longas naues, fabricari per regnum, ut nauali prælio hostibus aduentantibus obuiaret. Impositisque piratis in illis vias maris custodiendas commisit. Ipse vero *Eaxanceastre*, ubi Pagani hyemabant, properans, illis inclusis ciuitatem obsedit. Nautis quoque suis mandauit, ut in parte freti vitale hostibus subsidium denegarent. Occurrerunt autem nautis suis 120. naues armatis militibus oneratae; qui in auxilium suorum concuiuium aduenerunt. Quas cum paganis militibus ministri regis cognouissent repletas, ad arma prosiliunt, & viriliter barbaras nationes inuadunt. Pagani vero, qui iam fere per mensem inter fluctus pelagi naufragium pertulissent, inutiliter prælium reddiderunt: unde in momento agminibus eorum laceratis, in loco, qui *Gnauewic* dicitur, undis submersi omnes pariter perierunt.

Galearum fabricatio.

Paganorum submersio.

Eodem anno exercitus Paganorum *Werham* deserens, partim equitando, partim nauigando, cum peruenerunt ad locum, qui *Suanauiue* dicitur, perierunt 120. e nauibus. Equestrem vero exercitum rex *Ælfredus* insequabatur tunc, quousque venit ad *Eaxanceastriam*. Ibi accepit obsides, & iuramentum ab eo, ut cito discederent. Ipso anno mense Augusto, ille exercitus perrexit in *Merciam*; & illam regionem Merciorum partim dedit *Cleotwulfo* cuidam insipienti regis ministro, partim inter se diuisit.

Anno dominicæ incarnationis 878. natiuitatis autem *Ælfredi* regis 27. supra memoratus sæpe exercitus *Eaxanceastre* deserens, *Cippanham* villam regionis, quæ est sita in sinistrali parte *Wiltunscire*; in orientali ripa fluminis, quod Britannice dicitur *Abon*, adiit, & ibi hyemauit: & multos eiusdem gentis ultra mare compulit hostiliter, & penuria atque pauore nauigare, & maxima ex parte omnes illius regionis habitatores suo subdiderunt dominio. Eodem tempore *Ælfred* sæpe supra memoratus rex occidentalium Saxonum cum paucis suis nobilibus, & etiam cum quibusdam militibus, & uasallis per syluestria & gronnosa *Summurtunensis* pagæ loca in magna tribulatione, inquietam vitam ducebat. Nihil enim habebat, quo ueretur, nisi quod à Paganis, & etiam à Christianis, qui se Paganorum subdiderant dominio, frequentibus irruptionibus aut clam, aut etiam palam subtraheret. Et, ut in vita S. patris Neoti legitur, apud quendam suum vaccarium. Contigit autem die quodam, ut rustica, uxor, uidelicet illius vaccarii, pararet ad coquendum panes. Et ille rex sedens sic circa focum præparauit sibi arcum & sagittas, & alia bellorum instrumenta. Cum vero panes ad ignem positos ardentes aspexit illa infelix mulier, festinanter currit, & amouit eos, increpans regem inuictissimum, & dicens: Heus homo:

Ælfredi inopia.

*Vrere quos cernis panes, gyrare moras,
Cum nimium gaudes hos manducare calentes?*

Mulier illa infausa minime putabat illum esse regem *Ælfredum*, qui tot bella gessit contra Paganos, tantasque victorias accepit de eis. Non solum autem eidem glorioso regi victorias de inimicis, & prosperitatem in aduersis conferre dominus dignatus est: verumetiam ab hostibus fatigari, aduersitatibus affligi, despectu suorum deprimi, multotiens eum idem benignus dominus permisit, ut sciret, quoniam vnus est omnium dominus, cui curuatur omne genu, cuius in manu corda sunt regum, qui ponit de sede potentes, & exaltat humiles: qui suos fideles in summa prosperitate positos flagellis aduersitatum vult aliquando tangi, ut depressi, de Dei misericordia non desperent; & exaltati de honore non superbiant; sed etiam sciant, cui debent omnia, quæ habent. Quam siquidem aduersitatem præfato regi illatam non immerito ei euenisse credimus: quia in primo tempore regni sui, cum adhuc iuuenis erat, animoque iuuenili detentus fuerat, homines sui regni sibi que subiecti, qui ad eum venerant, & pro necessitatibus suis eum requisierant,

Ælfredi fortuna.

Ælfredi contemptus in subditos.

erant, & qui depressi potestatibus erant, suum auxilium ac patrocinium implorabant; ille vero noluit eos audire, nec aliquod auxilium impendebat, sed omnino eos nihili pendebat. Quod beatissimus vir Neotus adhuc viuens in carne, qui erat cognatus suus, intimo corde doluit; maximamque aduersitatem ob hoc ei venturam spiritu prophetico plenus prædixerat. Sed ille & piissimam viri Dei correptionem parui pendebat, & verissimam eius prophetiam non recipiebat. Quia igitur quicquid ab homine peccatur, aut hic, aut in futuro necesse est ut quolibet modo puniatur; noluit verus ac pius iudex illam regis insipientiam esse impunitam in hoc seculo; quatenus illi parceret in districto iudicio. Quare ergo idem sæpeditus Ælfredus in tantam miseriam sæpius incidit, ut nemo subiectorum suorum sciret, 10 ubi esset, vel quo deuenisset. Eodem anno frater *Hynguari & Healfdene* cum 23. nauibus de *Demetica* regione, in qua hyemauerat, post multas ibi Christianorum strages factas ad *Dommaniam* enauigauit, & ibi à ministris regis cum 1200. infelici exitu perperam agens occisus est, ante arcem *Cynuit*. Quia in eadem arce multi ministri regis cum suis se concluderant confugii causa. Sed cum Pagani arcem imparatam atque omnino immunitam, nisi quod mœnia nostro more erecta solummodo haberet, cernerent: non enim effringere moliebantur. quia & ille locus situ terrarum tutissimus est ab omni parte, nisi ab orientali, sicut nos ipsi vidimus, obsidere eam cœperunt. putantes homines illos manum cito daturos fame, & siti, & obsidione coactos: quia nulla aqua illi arci contigua est: quod non ita, ut puta- 20 bant, euenit. Nam, Christiani antequam talem penuriam omnino subire paterentur, diuinitus instigati, multo melius iudicantes, aut mortem, aut victoriam mereri, diluculo super Paganos ex improviso irrumpunt, & aprino tempore hostes hostiliter cum rege suo maxima ex parte, paucis ad naues per fugam elapsis, prosternunt, ibique acceperunt spolia non minima. In quo etiam acceperunt illud vexillum, quod *Reafaw* nominant. Dicunt enim quod tres sorores Hungari & Habbæ, filiae videlicet Lodebrochi illud vexillum texuerunt, & totum parauerunt illud vno meridiano tempore. Dicunt etiam, quod in omni bello, ubi præcederet idem signum, si victoriam adepturi essent, appareret in medio signi quasi coruus viuens volitans. Sin vero vincendi in futuro fuissent, penderet directe nihil mouens. Et hoc sæpe probatum est. Eodem anno post Pascha Ælfred rex cum paucis adiutoribus fecit arcem in loco, qui dicitur *Æthelingæg*, & de ipsa arce semper cum nobilibus vasallis Summurtunensis contra Paganos infatigabiliter rebellauit. iterumque in septima hebdomada post Pascha ad petram *Ægbryhta*, quæ est in orientali parte saltus, qui dicitur *Seladu*, Latine autem sylua magna, Britannice *Coitmaur*, equitauit. ibique obuiauerunt illi omnes accolæ Summurtunensis pagæ, & Wiltunensis, omnes accolæ Hamtunensis pagæ; qui non ultra mare, pro metu Paganorum nauigauerant; visoque rege, sicut dignum erat, quasi rediuuium post tantas tribulationes recipientes, immenso repleti sunt gaudio; & ibi castra metati sunt vna nocte. Diluculo sequenti illucescente rex in castra commouens, venit ad locum, qui dicitur *Æcgles*; & ibi vna 40 nocte castra metatus est. Inde sequenti mane illucescente vexilla commouens ad locum, qui dicitur *Ethandum*, venit: & contra vniuersum Paganorum exercitum cum densa testudine atrociter belligerans, animoseque diu persistens, diuino nutu tandem victoria potitus, Paganos maxima cæde prostrauit, & fugientes vsque ad arcem percutiens persecutus est: & omnia, quæ extra arcem inuenit, homines scilicet, & equos, & pecora confestim cædens homines, surripuit, & ante portas paganicæ arcis cum omni exercitu suo viriliter castra metatus est. Cumque ibi per 14. dies remoraretur, pagani fame, frigore, timore, & ad extremum, desperatione perterriti, pacem ea conditione petierunt, ut rex nominatos obsides, quantos vellet, ab eis acciperet, & ille nullum eis daret: ita ramen, qualiter nunquam cum aliquo 50 pacem ante pepigerant. Quorum legatione audita rex sua ipsius misericordia motus, nominatos, quantos voluit, obsides ab eis accepit: quibus acceptis, Pagani insuper iurauerunt, se citissime de suo regno exituros. nec non & Godrum rex eorum Christianitatem subire, & baptismum sub manu Ælfredi regis accipere promisit: quæ omnia ille & sui, ut promiserant, impleuerunt. Nam post hebdomadas Godrum Paganorum rex cum 30. electissimis de exercitu suo viris ad Ælfred regem prope *Æthelingæg*, in loco, qui dicitur *Alre* peruenit, quem Ælfred rex in filium adoptionis sibi suscipiens, de fonte sacro baptismatis eleuauit. Cuius christi- matis solutio 8. die in villa regia, quæ dicitur *Wædmor*, fuit. Qui postquam bapti- zatus

Vexillum à Paganis captum.

Paganorum rex baptizatus.

zatus fuit, 12. noctibus cum rege mansit. Cui rex cum suis omnibus multa & optima ædificia largiter dedit.

Anno dominicæ incarnationis 879. natiuitatis autem AElfredi regis 28. præfatus Paganorum exercitus de *Cippanhamme*, vt promiserat, confurgens *Cirrenceastre* adiit: qui Britannice *Cairceri* nominatur. quæ est in meridiana parte *Huiciorum*: ibique per vnum annum mansit. Eodem anno magnus Paganorum exercitus de *Ultramarinis* partibus nauigans in *Thamesin* fluuium venit, & adunatus est superiori exercitui. Sed tamen hyemauit in loco, qui dicitur *Fullonham*, iuxta flumen *Thamesin*. Eodem anno eclipsis solis inter nonam & vespernam, sed pro-

10 pius ad nonam, facta est.

Anno dominicæ incarnationis 880. natiuitatis autem AElfredi regis 29. sæpe memoratus Paganorum exercitus *Cirrenceastre* deferens, ad orientales Anglos perrexit, ipsamque regionem diuidens, cœpit inhabitare. Eodem anno exercitus Paganorum, qui in *Fullonham* hyemauerat, Britannicam insulam deserens, iterum ultra mare nauigans, ad orientalem Franciam perrexit, & per vnum annum, in loco, qui dicitur *Gaent*, mansit.

Anno dominicæ incarnationis 881. natiuitatis autem AElfredi regis 30. præfatus exercitus superius in Franciam perrexit; contra quem Franci pugnaverunt; & finito prælio Pagani equis inuentis equites facti sunt.

20 Anno dominicæ incarnationis 882. natiuitatis autem AElfredi regis 31. præfatus exercitus suas naues per flumen, quod dicitur *Ine*, se fursum tanto longe in Franciam pertraxit, & ibi vno anno hyemauit. Et eodem anno Ælfred Angulsaxonum rex nauali prælio contra Paganicas naues in mare congressus est. ex quibus duas cepit naues, occisis omnibus, qui in eis erant; duarumque aliarum nauium duo principes cum omnibus suis sociis valde prælio & vulneribus fatigati, depositis armis, curuo poplite, & supplicibus precibus dederunt se regi.

Anno dominicæ incarnationis 883. natiuitatis autem AElfredi regis 32. præfatus exercitus naues suas per flumen, quod dicitur *Scald*, contra flumen nauigans, ad monasterium sanctimonialium, quod dicitur *Cundobæ*, perrexit, & ibi anno vno

30 mansit.

Anno dominicæ incarnationis 884. natiuitatis autem Ælfredi regis 34. præfatus exercitus in duas turmas diuisit. Vna etenim turma in orientalem Franciam perrexit; & altera ad Britanniam veniens, Cantium adiit; ciuitatemque, quæ *Hrofesceastre* Saxonice dicitur, in orientali ripa fluminis *Medwag* sitam obsedit. Ante huius portam Pagani castellum ibimet firmum subito fabricauerunt. Nec tamen illam ciuitatem expugnare potuerunt. quia ciues illi se viriliter defenderunt, quousque Ælfred rex cum magno exercitu adiutorium illis conferebat superuenit. Et tunc pagani relicta arce sua, & omnibus equis, quos de Francia secum adduxerant, derelictis; maxima parte, nec non captiuorum suorum in arce dimissa adueniente subito rege, ad naues suas confestim confugiunt. Et Saxones statim derelictos à Paganis captiuos & equos diripiunt. Pagani itaque magna necessitate compulsi, eadem æstate iterum Franciam adierunt.

Cinithus Roffensis obsessa.

Paganorum fuga.

Eodem anno Ælfred Angulsaxonum rex classem suam de Cantio, plenam bellatoribus in orientales Anglos dirigens, prædandi causa transmisit. Cumque ad ostium *Sturæ* fluminis aduenissent, confestim 13. naues Paganorum paratæ ad bellum, obuiauere eis: initoque nauali prælio, hinc inde acriter pugnantes pagani omnes occisi; & omnes naues cum omni pecunia eorum captæ sunt. Cumque inde victrix regia classis dormiret, Pagani, qui ad orientalem Anglorum regionem habitabant, congregatis vndecunque nauibus, eidem regiæ classi in ostio eiusdem fluminis in mari obuiauere, confertoque nauali prælio, pagani victoriam habuerunt.

Navali victoria de paganis.

Eodem quoque anno Carolomannum Francorum occidentalium regem, aprorum venationem agentem singulari congressione horrendo dente aper dilacerans, miserabili funere percussit: cuius frater *Hlothwicus* superiori anno defunctus est: qui & ipse erat etiā Francorū rex. Ipsi etenim ambo filii *Hlothwici* regis Francorū erāt. Qui etiā *Hlorwicus* supra memorato anno, quo eclipsis solis facta est, defunctus est. Ipse quoque *Hlothwicus* filius Caroli Francorū regis erat. cuius filiā *Iuthistam* *Æthelwulfus* occidentaliū Saxonum rex ad reginā sibi paterna voluntate suscepit. Eodē quoque anno magnus Paganorū exercitus de Germania in regionē antiquorū Saxonum, quod

Saxoni-

* *Lodonicus.**Dona Papa Æl-
fredo.**Morbus Ælfredi.**Ælfredi oratio.*

Saxonice dicitur *Ealdſcaxum*, superuenit. contra quos adunatis viribus iidem Saxones & Frisones ibidem in vno illo anno viriliter pugnauere. in quibus duobus bellis Christiani diuina opitulante misericordia victoriam habuere. Eodem quoque anno Farlus Almannorum rex occidentalium Francorum regnum, & omnia regna, quæ sunt inter mare terrenum, & illum marinum sinum, qui inter antiquos Saxones & Gallos adiacet, voluntario omnium consensu accepit; absque Armoricano (id est, minori Britania) regno. Qui Farlus filius Hlothwici regis filius fuit. Ipse vero * Hlothwicus Germanus Caroli regis Francorum patris, videlicet Iuthittæ reginæ prædictæ erat. qui etiam duo germani fuerunt filii Hlothwici. Hlothwic vero ille filius Karoli magni & antiqui atque sapientissimi; qui etiam fuit filius Pipini. Eodem anno beatæ memoriæ Marinus Papa vniuersitatis viam migravit; qui scholam Saxonum in Roma morantium, pro amore & deprecatione AElfredi Angulsaxonum regis ab omni tributo, & talento telonio benigne liberauit. qui etiam multa dona prædicto regi illa vice transmisit: inter quæ dedit etiam non paruam illius sanctissimæ ac venerabilissimæ crucis partem: in qua dominus noster Iesus Christus pro vniuersali hominum salute pependit. Eodem quoque anno ille Paganorum exercitus, qui in orientalibus Anglis habitauit; pacem, quam cum AElfredo rege pepigerat, opprobriose fregit. Igitur ut ad id, unde digressus sum, redeam; ne diuturna enauigatione portum optatæ quietis omittere cogar, aliquantulum, quantum notitiæ meæ innotuerit, de vita & moribus, & æqua conuersatione, atque ex parte non modica, res gestas domini mei AElfredi Angulsaxonum regis, postquam præfatam ac venerabilem de Merciorum nobilium genere coniugem duxerit: Deo annuente succinctim ac breuiter, ne qua prolixitate narrandi noua quæque fastidientium animos offendam, ut promisi, expedire procurabo. Cum ergo nuptias honorabiliter in Mercia factas inter innumerabiles vtriusque sexus populos solemniter celebraret; post diuturna die noctuque conuiuia subito & imminente, atque omnibus medicis incognito confestim coram omni populo correptus est dolore. Incognitum enim erat omnibus, qui tunc aderant; & etiam huc vsque quotidie cernentibus, quod (proh dolor) pessimum est, tantam diurnitatem à 20. ætatis suæ anno vsque 40. & eo amplius annum per tanta annorum curricula incessanter protelasse. Vnde talis dolor oriebatur. Multi namque fauore & fascinatione circumstantis populi hoc factum esse autumabant: alii diabolica quadam inuidia, qui semper bonis inuidus existat: alii inusitato quodam genere febris: alii sicum existimant. quod genus infestissimi doloris etiam ab infantia habuit. Sed quodam tempore diuino nutu antea cum Cornubiam venandi causa adiret, & ad quædam ecclesiam orandi causa diuertisset, in qua sanctus *Gueryr* requiescit, & nunc etiam sanctus Neotus ibidem pausat, subleuatus est. Erat enim sedulus sanctorum locorum visitator, etiam ab infantia, orandi & eleemosynam dandi gratia diu in oratione tacita prostratus; ita domini misericordiam deprecabatur, quatenus omnipotens Deus pro sua immensa clementia stimulos præsentis & infestantis infirmitatis aliqua qualicunque leuiori infirmitate mutaret. ea tamen conditione, ut corporaliter exterius illa infirmitas non appareret, ne inutilis & despectus esset. Timebat lepram aut cæcitatem, vel aliquem talem dolorem, qui homines tam cito & inutiles & despectos suo aduentu efficiunt. Oratione autem finita cæptum iter arripuit, & non multo post tempore, ut in oratione deprecatus fuerat, se ab illo dolore medicatum esse diuinitus sensit, ita, ut funditus eradicaretur. Quamuis & hunc dolorem in primæuo iuuentutis suæ flore deuota oratione & frequenti Deo supplicatione pius, supplex, nactus fuerat. Nam, ut de beneuola mentis suæ deuotione Deo succinctim ac breuiter, quamuis præposterato ordine, loquar; cum in primæuo iuuentutis suæ flore, ante quam propriam coniugem duceret, mentem suam propriam in Dei mandatis stabilire vellet, & se à carnali desiderio abstinere non posse cerne-
ret, offensam Dei incurrere, si aliquid contrarium voluntati illius perageret metuens; sæpissime galli cantu & matutinis horis clam consurgens, ecclesias & reliquias sanctorum orandi causa visitabat, ibique diu prostratus orabat; quo Deus omnipotens propter suam misericordiam mentem illius amore suæ seruitutis multo robustius per aliquam infirmitatem, quam posset sustinere; non tamen, quo eum indignum & inutilem in mundanis rebus faceret, ad se penitus conuertens corroboraret. Cumque hoc sæpius magna mentis deuotione ageret; post aliquantulum interuallum præfatum ficti dolorem Dei munere incurrit; in quo diu & ægre per multos annos laborans se etiam de vita desperabat, quousque oratione facta à se penitus eum amouit. Sed, proh dolor,

dolor, eo amoto alius infestior in nuptiis, ut diximus, eum arripuit: qui à vigesimo ætatis suæ anno usque ad quadragesimum quintum eum die noctuque incessabiliter fatigauit. Sed, si aliquando Dei misericordia vnus diei aut noctis, vel etiam vnus horæ interuallo illa infirmitas seposita fuerat; timor tamen ac tremor illius execrabilis doloris vnquam eum non deiecit, sed quasi inutilem eum, ut ei videtur, in diuinis & humanis rebus propemodum effecit. Nati sunt ergo ei filii & filię de supradicta *Ælfredi libri.* coniuge sua, scilicet *Æthelflæd* primogenita; postquam *Eadwerd*, deinde *Æthelgeofu*, postea *Ælfthryth*; deinde *Æthelweard* natus est. exceptis his, qui in infantia morte præueniente præoccupati sunt; de quorum numero est, *Æthelflæd*, adueniente matrimonio tempore, *Eadredo* Merciorum comiti matrimonio copulata est. *Æthelgeofu* quoque monasticæ vitæ regulis, deuota Deo virginitate subiuncta & consecrata; diuinum subiit seruitium. *Æthelweard* omnibus iunior ludi literariæ disciplinæ, diuino consilio, & admirabili regis prouidentia, cum omnibus pene totius regionis nobilibus infantibus, & etiam multis ignobilibus, sub diligenti magistrorum cura traditus est. In qua schola vtriusque linguæ libri, Latinæ scilicet & Saxonice assidue legebantur. *Nobilium educatio.* Scriptioni quoque vacabant, ita, ut antequam aptas humanis artibus vires haberent, venatoriæ scilicet, & cæteris artibus, quæ nobilibus cõueniunt, in liberalibus artibus studiosi & ingeniosi viderentur. *Eadwerd* & *Ælfthryth* semper in curto regio nutriti cum magna nutritorū & nutricū diligentia; immo, cum *magno omnium amore & ad omnes indigenas & alienigenas humiliata affabilitate, & etiam lenitate, & cū magna patris subiectione huc usque perseverant: nec etiam illi sine liberali disciplina inter cætera præsentis vitæ studia, quæ nobilibus conueniunt, otiose & incuriose permittuntur. Nam & psalmos, & Saxonicos libros, & maxime Saxonica carmina studiose didicere, & frequentissime libris vtuntur. Interea tamen rex inter bella & præsentis vitæ frequentia impedimenta, nec non Paganorum infestationes, & quotidianas corporis infirmitates, & regni gubernacula regere & omnē venandi artem agere; aurifices & artifices suos omnes, & fulconarios, & accipitrarios, & canicularios quoque docere, & ædificia supra omnem antecessorum suorum consuetudinem, venerabiliora & precipiosa noua sua machinatione facere; & Saxonicos libros recitare: & maxime carmina Saxonica memoriter discere, aliis imperare, & solus assidue pro viribus studiosissime non desinebat; diuina quoque ministeria, & missam scilicet, quotidie audire, psalmos quosdam & orationes, & horas diuinas, & nocturnas celebrare, & ecclesias nocturno tempore, ut diximus, orandi, causa clam à suis adire solebat & frequentabat: eleemosynarum quoque studio & largitati indigenis & aduenis omnium gentium; ac maxima & incomparabili contra omnes homines affabilitate atque iocunditate; & ignotarum rerum inuestigationi solerter se iungebat. Franci autem multi, Frisones, Galli, Pagani, Britones & Scoti, Armorici sponte se suo dominio subdiderant: nobiles scilicet & ignobiles, quos omnes, sicut suam propriam gentem, secundum suam dignitatem regabat, diligebat, honorabat, pecunia & potestate ditabat. Diuinam quoque scripturam à recitantibus indigenis, aut etiam, si casu quodam aliunde adueniret, cum alienigenis pariter preces audire sedulus & sollicitus solebat. Episcopos quoque suos, & omnem ecclesiasticum ordinem, comites, ac nobiles suos, ministeriales etiam, & omnes familiares, admirabili amore diligebat. Filios quoque eorum, qui in regali familia nutriebantur, non minus propriis diligens, omnibus bonis moribus instituere, & literis imbuere solus die noctuque inter cætera non desinebat, sed quasi nullam in his omnibus consolationem haberet; & nullam aliam intrinsecus & extrinsecus perturbationem pateretur. ita tamen quotidiana & nocturna anxius tristitia ad dominum & ad omnes, qui sibi familiari dilectione adsciti forent, querebatur & assiduo gemebat suspirio; eo, quod Deus omnipotens eum expertem diuinæ sapientiæ, & liberalium artium fecisset; in hoc pium & opinatissimum atque opulentissimum Salomonem Hebræorum regem æquiparans, qui primitus despecta omni præsentis gloria & diuitiis, sapientiam à Deo deposcit, & etiam vtramque inuenit sapientiam scilicet, & præsentem gloriam; sicut scriptum est: *Quarite ergo primum regnum Dei, & iustitiam eius, & hæc omnia præstabuntur vobis.* Sed Deus, qui est semper inspector internarum mentium, meditationum, & omnium bonarum voluntatum instigator; nec non etiam, ut habeantur bona desiderata, largissimus administrator: neque enim vnquam aliquem bene velle instigaret, nisi & hoc, quod bene & iuste quisque habere desiderat, largiter administraret: instigauit mentem eius interius, non extrinsecus: sicut*

B

scriptum

scriptum est: *Audiam, quid loquatur in me dominus Deus*. Coadiutores bonæ meditationis suæ, qui eum in desiderata sapientia adiuuare possent, quo ad concupita perueniret, quandocunque posset, acquireret: qui subinde velut auis prudentissima, quæ primo mane charis è cellulis conflurgens æstiuo tempore, per incerta aeris itinera cursum veloci volatu dirigens, super multiplices ac diuersos herbarum, holerum, fruticum flosculos descendit, probatque quid maxime placuerit, atque domum reportat, mentis oculos longum dirigit; quærens extrinsecus, quod intrinsecus non habebat; id est, in proprio regno suo. At tunc Deus quædam solatia regiæ beneuolentiæ tam beneuolam & iustissimam querelam illius diutius non ferens, veluti quædam luminaria, transmisit *Werfrithum*, scilicet Wigernensis ecclesiæ episcopum; in diuina scilicet scriptura bene eruditum: qui imperio regis libros dialogorum Gregorii papæ & Petri sui discipuli de Latinitate primus in Saxoniam linguam, aliquando sensum ex sensu ponens elucubratim & elegantissime interpretatus est. Deinde *Plegmundum* Mercium genere, Dorobornensis ecclesiæ archiepiscopum, venerabilem scilicet virum, sapientia præditum; *Æthelstan* quoque & *Werwulfum* sacerdotes & Capellanos, Mercios genere, eruditos: quos quatuor Ælfred rex de Mercia ad se aduocauerat, & multis honoribus & potestatibus extulit in regno occidentaliū Saxonum: exceptis his, quæ Plegmundus Archiepiscopus, & Werfrithus episcopus in Mercia habebant. quorum omnium doctrina & sapientia regis indefinenter desiderium crescebat & implebatur. Nam die noctuque, quandocunque aliquis licentiam haberet, libros ante se recitare talibus imperabat. Non enim unquam sine aliquo eorum se esse pateretur. quapropter pene omnium librorum notitiam habebat. quamuis per seipsum aliquid adhuc de libris intelligere non posset. Non enim adhuc aliquid legere incœperat. Sed, cum adhuc nec in hoc quoque regalis auaritia, sed tamen laudabilis, grata esset; legatos ultra mare ad Galliā magistros acquirere dixerit, indeque aduocarit *Grimbaldum* sacerdotem & monachum, venerabilem videlicet virum, cantatorem optimum, & omni modo ecclesiasticis disciplinis, & in diuina scriptura eruditissimum, & omnibus bonis moribus ornatum. Iohannem quoque æque presbyterum, & monachum acerrimi ingenii virum, & in omnibus disciplinis literariæ artis eruditissimum, & in multis aliis artibus artificiosum: quorum doctrina regis ingenium multum dilatatum est, & eos magna potestate ditauit & honorauit. His temporibus ego quoque à rege aduocatus de occiduis & vltimis Britanniarum finibus ad Saxoniam adueni. Cumque per multa terrarum spatia illum adire proposueram, usque ad regionem dexteralium Saxonum, quæ Saxonice Suthseaxum appellatur, ductoribus eiusdem gentis comitantibus perueni: ibique illum in villa regia, quæ dicitur *Dene*, primitus vidi. Cumque ab eo benigne susceptus fuisset, inter cætera sententiarum nostrarum famina me obnixè rogabat, ut deuouerem me suo seruitio, & familiaris ei essem, & omnia, quæ in sinistrali & occidentali Sabrinæ parte habebam, pro eo relinquere: quod etiam maiori mihi remuneratione reddere pollicebatur. quod & faceret. Respondi ego, me talia incaute & temerarie promittere non posse. Injustum enim mihi videbatur, illa tam sancta loca, in quibus nutritus, & doctus ac coronatus fueram, atque ad vltimum ordinatus, pro aliquo terreno honore & potestate derelinquere, nisi coactus & compulsus. Ad quod ille ait: Si nec tibi hoc suppetat subire, saltem dimidiam partem seruitii tui mihi accommoda; ita ut per 6. menses mecum fueris, & tantundem in Britannia. Ad quod ego taliter respondi: Nec hoc suauiter, & temerarie sine consilio meorum posse promittere. At vero, cum illum meum seruitium (sed nesciebam quare) desiderare cognoscerem, promisi, me iterum ad eum post 6. menses, sospite vita reuersurum, cum tali responso, quod mihi & meis utile, ac sibi placabile esset. Cumque sibi hoc responsum videretur probabile, dato reuertendi pignore statuto tempore; quarto die ab eo equitantes ad patriam remeauimus. Sed, cum ab eo discesseramus, in *Wintonia* ciuitate febris infesta me arripuit: in qua sedule per 12. menses & vna hebdomada die noctuque sine aliqua vitæ spe laboraui. Cumque statuto tempore ad eum, sicut promiseram, non peruenissem, transmisit ad me indiluculos, qui me ad eum equitare festinarent, & causam remorationis perquirerent. Sed, cum equitare ad eum non possem; alium transmisi ad eum indiluculum, qui remorationis meæ causam illi patefaceret: & si de illa infirmitate resipiscere possem, me velle implere, quæ promiseram, renunciaret. Discedente igitur infirmitate, ex consilio & licentia nostrorum omnium pro utilitate illius sancti loci, & omnium in eo habitantium, regi ut promiseram, eius seruitio me deuoui ea conditione, ut per sex menses omni anno cum eo comma-

Regis amor in
eruditis.

Ælfredi studium
de doctrinâ compa-
randis.

Asseri ad regem
aduensum.

commanerem, aut, si simul possem 6. menses protelare, aut etiam per vices: ut tribus mensibus in Britannia, ut tribus in Saxonia commanerem; & illa adiuuaretur per rudimenta sancti Degui in omni causa; tamen pro viribus. Sperabant enim nostri, minores tribulationes & iniurias ex parte Hemeid regis sustinere: qui saepe deprædabatur illud monasterium & parochiam sancti Degui aliquando, expulsi illorum antistitem, qui in eo præessent, sicut ex nobis Archiepiscopus. propinquum meum & me expulsi aliquando sub ipsis: si ego ad notitiam & amicitiam illius regis qualicunque pacto peruenirem. Illo enim tempore, & multo ante omnes regiones dexteralis Britanniae partis, ad Ælfred regem pertinebant, & ad-
10 huc pertinent; Hemeid scilicet cum omnibus habitatoribus Demeticæ regionis; & sex filiorum Rotri vi compulsus, regali se subdiderat imperio. Houil quoque filius Ris, rex Gleguising, & Brochmail atque Fernail filii Mouric, reges Guent, vi & tyrannide Eadred comitis & Merciorum compulsi, suapte eundem expetere regem, ut dominium & defensionem ab eo pro inimicis suis haberent. Helised quoque filius Teudyr, rex Brechoniae, eorundem filiorum Rotri vi coactus, dominium regis præfati suapte requisivit. Anaraut quoque filius Rotri, cum suis fratribus ad postremum amicitiam Northanhymbrorum deferens, de qua nullum bonum nisi damnum habuerat, amicitiam regis studiose requirens ad præsentiam illius aduenit. Cumque à rege honorifice receptus esset, & ad manum episcopi in filium confirma-
20 tionis acceptus, maximisque donis ditatus, regis dominio cum omnibus suis eadem conditione subdidit, ut in omnibus regiae voluntati sic obediens esset, sicut Æthered cum Mercis. Nec in vanum illi omnes regis amicitiam acquisierunt. Nam, qui desiderauerunt potestatem terrenam augere, inuenerunt: qui pecuniam, pecunia; qui familiaritatem, familiaritatem; qui utramque, utramque. Omnes autem habuerunt amorem & tutelam ac defensionem ab omni parte, qua rex seipsum cum suis omnibus defendere potuit. Cum igitur ad eum aduenissem in villa regia, quæ dicitur *Leonasford*, honorabiliter ab eo susceptus sum; & cum eo illa vice 8. mensibus in curto mansi: in quibus recitavi illi libros quoscunque ille vellet, & quos ad manum haberemus. Nam hæc est propria, & vñtatissima illius consuetudo die noctuque inter omnia alia mentis & corporis impedimenta, aut per se ipsum libros recitare, aut aliis
30 recitantibus audire. Cumque ab eo frequenter licentiam reuertendi quærerem, & nullo modo impetrare possem; tandem cum & licentiam omnino exposcere statuissem; diluculo vigiliæ natalis domini aduocatus ad eum tradidit mihi duas epistolas, in quibus erat multiplex supputatio omnium rerum, quæ erant in duobus monasteriis, quæ Saxonice cognominantur *Amgrybyri*, & *Banuville*. Et mihi eodem die tradidit illa duo monasteria cum omnibus, quæ in eis erant: & sericum pallium valde pretiosum, & onus viri fortis de incenso: adiciens his verbis; non ideo dedisse parua illa, quod sequenti tempore nollet dare maiora. Nam sequentis temporis successu ex improviso dedit mihi Exanceastre, cum omni parochia, quæ ad se pertinebat in
40 Saxonia & in Cornubia; exceptis quotidianis donis innumerabilibus in omni genere terrestri copiarum: quæ hoc in loco percensere longum est. ne fastidium legentibus procreent. Sed nullus existimet pro vana aliqua gloria, aut adulatione, aut maioris honoris quærendi gratia me talia hoc in loco dona commemorasse: quod coram Deo nec ideo fecisse testor: sed ut nescientibus propalarem, quam profusus in largitate ille sit. Tunc confestim dedit mihi licentiam equitandi ad illa duo monasteria omnibus bonis referta, & inde ad propria reuertendi.

Anno dominicæ incarnationis 886. natiuitatis autem Ælfredi 35. sæpe memoratus exercitus regionem fugiens iterum, & in occidentalium Francorum regionem venit, naues suas dirigens in flumen, quod *Signe* dicitur sursum contra longe
50 nauigans Parisiam ciuitatem adiit, & ibi hyemauit, & castra metatus est. intra quam partem fluminis prope ad pontem, ut transitum pontis ciuibus prohiberet. quia illa ciuitas in medio fluminis sita est in insula parua. Obsedit illam ciuitatem anno illo integro: sed Deo misericorditer fauente, & ciuibus viriliter se defendentibus munitionem irrumperere non potuit. Eodem anno Ælfred Angulsaxonum rex, post incendia urbium stragesque populorum Londoniam ciuitatem honorifice restaura-
Londonium ab Ælfredo instauratur.
uit, & habitabilem fecit: quam genero suo Ætheredo Merciorum comiti commendauit seruandam; ad quem regem omnes Angli & Saxones, qui prius ubique dispersi fuerant, aut cum Paganis sub captiuitate erant, voluntarie conuerterunt, & suo dominio se subdiderunt.

B 2

Eodem

Eodem anno exorta est pessima ac teterrima Oxoniæ discordia, inter Grymboldum, doctissimosque illos viros, quos secum illuc adduxit, & veteres illos scholasticos quos ibidem inuenisset: qui eius aduentu leges, modos, ac prælegendi formulas ab eodem Grymboldo institutas, omni ex parte amplecti recusabant. per tres annos haud magna fuerat inter eos dissensio, occultum tamen fuit odium, quod summa cum atrocitate postea erupit, ipsa erat luce clarius: quod ut sedaret, rex ille inuictissimus Ælfredus de dissidio eo nuntio & querimonia Grymboldi certior factus, Oxoniam se contulit, ut finem modumque huic controuersie imponeret, qui & ipse summos labores hausit. causas & querelas vtrinque illatas audiendo: Caput autem huius contentione in hoc erat positum: Veteres illi scholastici contendebant, antequam Grymboldus Oxoniam 10 deuenisset, literas illic passim floruisse etiam si scholares tunc temporis numero erant pauciores, quam priscis temporibus, plerisque nimirum scuitia ac tyrannide paganorum expulsi; quin etiam probabant & ostendebant idque indubitato veterum annalium testimonio illius loci ordines ac instituta à nonnullis piis & eruditis hominibus fuisse sancita, ut à D. Gilda, Melkino, Nemrio Kentigerno, & aliis qui omnes literis illic consenuerunt, omnia ibidem feliciter pace & concordia administrantes: ac D. quoque Germanum Oxoniam aduenisse, annique dimidium illic esse moratum. Quo tempore per Britanniam iter fecit aduersus Pelagianorum hæreses concionaturus, ordines & instituta supra mirum in modum comprobauit. Rex ille inaudita humilitate utramque partem accuratissime exaudiuit; Eos piis ac salutaribus monitis etiam atque etiam hortans, ut mutua 20 inter se coniunctionem & concordiam tuerentur. Itaque hoc animo discessit rex, quosque ex utraque parte consilio suo esse obtemperaturos & instituta sua amplexuros. At Grymboldus hæc iniquo animo ferens, statim ad monasterium Wintoniense ab Ælfredo recens fundatum proficiscebatur, deinde tumbam Wintoniam transferri curauit, in qua proposuerat post huius vitæ curriculum ossa sua reponenda, in testudine, quæ erat facta subter cancellum ecclesiæ Diui Petri in Oxonia. Quam quidem ecclesiam idem Grymboldus extruxerat ab ipso fundamento de saxo summa cura perpolito.

Anno dominicæ incarnationis 887. natiuitatis autem Ælfredi regis 36. supra memoratus Paganorum exercitus Parisiam ciuitatem derelinquens incolumem, eo quod aliter proficere sibi non poterat, classem suam sub illo ponte sursum contra Signe 30 longe remigando, tam diu direxit, donec ad ostium fluminis, quod Materre nominatur, peruenisset; tunc Sigonam deferentes in ostium Materræ diuertunt: contra quod diu ac longe nauigantes, demum non sine labore usque ad locum, qui dicitur *Cærei*, id est, villa regia, perueniunt: in quo loco hyemauerunt integro anno. Sequenti anno in ostium fluminis, quod dicitur *Iona*, intrauerunt, non sine magno regionis damno: & illic remorati sunt anno vno. Eodem anno Farlus, Francorum rex, viam vniuersitatis adiit. Sed Earnulf filius fratris sui, sexta, antequam defunctus esset, hebdomada, illum regno expulerat, quo statim defuncto 5. reges ordinati sunt, & regnum in quinque partibus conscissum est. Sed tamen principalis sedes regni ad Earnulf iuste & merito prouenit, nisi solummodo quod in patrum suum indigne peccauit. Cæteri quoque 4. reges fidelitatem & obedientiam Ear- 40 nullo, sicut dignum erat, promiserunt. Nullus enim illorum 4. regum hæreditarius illius regni erat in paterna parte, nisi Earnulf solus. Quinque itaque reges confestim Farlo moriente ordinati sunt. Sed imperium penes Earnulf remansit. Talis ergo illius regni diuisio fuit. Nam Earnulf orientales regiones *Hreni* fluminis, *Hrothihulf* quoque internam partem regni accepit. *Oda* etiam occidentale regnum, *Beorngar*. & *Witha Languobardiæ*. nec non & illas regiones, quarum in illa parte montis sunt: nec tamen tanta & talia regna inter se pacifice seruauerunt. Nam bis pleno prælio inter se belligerare, & illa regna per sæpe deuastauerunt inuicem. Et unusquisque alterum expulit de regno. Eodem quoque anno, quo ille exercitus Parisiam ciuitatem deferens *Cærei* adiit, *Æthelhelm* comes *Wiltunensium* Ælfredi regis & Saxonum eleemosynam Romam duxit. Eodem quoque anno sæpe memora- 50 tus Ælfred Angulaxonum rex diuino instinctu legere & interpretari simul vno eodemque die primitus inchoauit. Sed, ut apertius ignoratibus pateat, causam huius tardæ inchoationis expedire curabo. Nam cum quodam die ambo in regia cambra resideremus, vndeunque sicut solito, colloquia habentes, ex quodam quoddam testimonio libro illi euenit ut recitare. quod cum intentus utrisque auribus audisset, & intima mente sollicitè perscrutaretur, subito ostendens libellum, quem in sinum suum sedulo portabat (in quo diurnus cursus, & psalmi quidam atque orationes quædam, quas ille in iuuentute sua legerat, scripti habebantur) imperauit, quo illud testimonium in eodem libello literis mandarem. Quod ego audiens, & ingeniosam beneuo-

Francia in 5. ro-
ges diuisa.

Diuisio bellum
generauit.

lentiam illius ex parte: atque etiam tam deuotam erga studium diuinæ sapientiæ voluntatem eius cognoscens; immensas omnipotenti Deo grates, extensis ad æthera volis, tacitus quamuis, persolui. qui tantam erga studium sapientiæ deuotionē in regio corde inferuerat. Sed, cum nullum locū vacuum in eodem libello reperirem, in quo tale testimoniū scribere possem (erat enim omnino multis ex causis refertus) aliquātisper distuli: & maxime, quia tam elegans regis ingenium ad maiore diuinorum testimoniorum scientiam prouocare studebam. Cui, cum me, vt quanto citius illud scriberē, vrgeret, inquam, placetne tibi, quod illud testimonium in aliqua foliuncula segregatim scribam? Incognitum est enim, si aliquādo aliquod taliter aut plura reperiamus, quæ tibi placuerint testimonia. Quod si inopinate euenerit, segregasse gaudebimus. Quod ille audiens, ratum esse consilium inquit. Quod ego audiens & gaudens festinus quaternionē promptam parauit; in cuius principio illud nō iniussus scripsi: ac nulla eadē die non minus quā tria alia sibi placabilia testimonia illo imperante in eadem quaternione, vt prædixeram, scripsi: ac deinde quotidie inter nos sermocinando, ad hæc inuestigando aliis inuentis æque placabilibus testimoniis, quaternio illa referta succreuit. nec immerito. sicut scriptum est: *Super modicum fundamentum edificat iustus, & paulatim ad maiora defluit.* velut apes fertilissima longe lateque gronnios interrogando discurrens, multimodos diuinæ scripturæ flosculos inhianter & incessabiliter congregauit; queis præcordii sui cellulas densatim repleuit. Nam primo illo testimonio scripto confestim legere & in Saxonica lingua interpretari, atque inde per plures instituere studuit: ac veluti de illo fœlici latrone cautum est, dominum Iesum Christum, dominum suum, immoque omnium, iuxta se in venerabili sanctæ Crucis patibulo pendentem cognoscente; quo subnixis precibus inclinati solummodo corporalibus oculis, quia aliter non poterat (erat enim totus confixus clauis) submissa voce clamaret; *Memento mei, cum veneris in regnum tuum Christe, Qui* Christianæ fidei rudimenta in gabulo primitus inchoauit discere. Hic aut aliter, quāuis dissimili modo in regia potestate Sacræ rudimenta scripturæ diuinitus instinctus præsumpsit incipere in venerabili Martini solemnitatem. quos flosculos vndecunque collectos à quibuslibet magistris discere, & in corpore vnus libelli, mixtim quamuis, sicut tunc suppetebat redigere, vsque adeo protelauit, quousque propemodum ad magnitudinem vnus psalterii perueniret. quem enchiridion suum, id est, manuales librum nominari voluit, eo, quod ad manum illum die noctuque solertissime habebat: in quo non mediocre, sicut tunc aiebat, habebat solatium. Sed sic vt à quodam sapiente iam dudum scriptum est,

Inuigilant animi, quibus est pia cura regendi,

magnopere inuigilandum mihi censeo in eo, quod ante aliquam, quamuis dissimili modo similitudinem inter illum fœlicem latronem, & regem composuerim. Namque patibulum exosum est vnicuique; vbicunque; male habet. Sed, quid faciat, si non possit se inde eripere aut etiā effugere: vel qualicunque arte causam suā meliorare ibidem commorando? Debet ergo, velit, nolit, cum mœrore & tristitia sufferre, quod patitur. Erat itaque rex ille multis tribulationum clauis confossus, quamuis in regia potestate constitutus. Nam à 20. ætatis anno vsque ad 45. quem nunc agit, grauissima incogniti doloris infestatione incessanter fatigatus, ita, vt ne vnus quidem horæ securitatem haberet, qua aut illam infirmitatem non sustineat, aut sub illius formidine lugubriter prope constitutus non desperet. Præterea assiduis exterarum gentium infestationibus, quas sedulo terra marique, sine vllius quieti temporis interuallo sustinebat, non sine materia inquietabatur. Quid loquar de frequentibus contra Paganos expeditionibus, & bellis, & incessabilibus regni gubernaculis: de quotidiana nationū, quæ in Cyreno mari vsque vltimū Hybernæ finem habitant? Nam etiam de Hierosolyma Abel patriarchæ epistolas & dona illi directas vidimus & legimus, de ciuitatibus & vrbibus renouandis, & aliis, vbi nunquam ante fuerant, construendis ædificiis aureis & argenteis incomparabiliter illo edocete fabricatis: de aulis & cambris regalibus, lapideis & ligneis suo iussu mirabiliter constructis: de villis regalibus lapideis antiqua positione motatis, & in decentioribus locis regali imperio decetissime constructis. qui maxima (excepto illo dolore) perturbatione & controuersia suorum, qui nullum aut paruum voluntarie, pro communi regni necessitate vellent subire laborem: sed tamen ille solus diuino fultus adminiculo susceptum semel regni gubernaculum, veluti gubernator præcipuus nauē suam multis opibus refertam ad desideratum ac tutū patriæ suæ portum, quamuis cunctis propemodum lassis suis nautis perducere contendit: haud aliter

ter titubare ac vacillare, quamuis inter fluctuagos ac multimodos præsentis vitæ turbines non sinebat. Nam assidue suos episcopos, & comites, ac nobilissimos, sibiq; dilectissimos suos ministros, nec non & præpositos (quibus post dominum & regem omnis totius regni potestas, sicut dignum, subdita videtur) leniter docendo, adulando, hortando, imperando, ad vltimum inobedientes post longam patientiam acrius castigando, vulgare stultitiam & pertinaciâ omni modo abominando ad suam voluntatē, & ad communem totius regni vtilitatē sapientissimè vsurpabat & annectebat. etsi inter hæc regalia exhortamenta propter pigritiam populi imperata non implentur, aut tarde incœpta tempore necessitatis ad vtilitatem exercentium minus finita non prouenirent (vt de castellis ab eo imperatis adhuc non incœptis loquar) aut nimium tarde incœptis ad perfectum finē non perductis: quod hostiles copiarum terra mariq; irrumperent, aut, vt sæpe euenit, vtraq; parte tunc contradictores imperialium definitionum inani pœnitentia pene exinaniti verecundabantur. Inanem enim pœnitentiam scriptura teste nomino, qua homines innumerabiles nimio detrimento pluribus insidiis perpetratis sæpe perculsi dolent. Sed quamuis per hanc rem (heu, pro dolor) Eulogii miserabiliter contristentur, & perditis eorum patribus, coniugibus, liberis, ministris, seruis, ancillis, operibus, & omni suppellectili flebiliter commoueantur, quid detestabilis iuuat pœnitentia, quando nec occisis suis propinquis succurrere valent, nec captiuos suos à captiuitate exosa redimere: nec etiam interdum sibi met, qui euaserint, adiuuare valent, quoniam propriam vnde sustentent vitam non habent. Sera igitur pœnitentia nimium attriti pœnitent, & regalia præcepta incuriose despexisse dolent, & regalem sapientiam totis vocibus collaudant, & quod ante refutauerunt, totis viribus implere promittunt: id est, de arcibus cōstruendis, & cæteris communibus communis regni vtilitatibus. De voto quoque & proposito excellentissimæ meditationis suæ, quam inter prospera & aduersa sua, nullo modo prætermittere poterat, prætereundum esse hoc in loco vtiliter non existimo. Nam, cum de necessitate animæ suæ solito cogitaret, inter cætera diuturna & nocturna bona, quibus assidue & maxime studebat, duo monasteria construere imperauit; vnum monachorum in loco, qui dicitur *Ætheltingæg*, quod per maxima grœnnia paludosissima & intransmeabili, & aquis vndiq; circumcingitur; ad quod nullo modo aliquis accedere potest, nisi cauticeis, aut etiâ per vnū pontem, qui inter duas alias arces operosa protelatione constructus est: in cuius pontis occidentali limite arx munitissima præfati regis imperio pulcherrima operatione consita est; in quo monasterio diuersi generis monachos vndiq; congregauit, & in eodem collocauit. Nam primitus, quia nullum de sua propria gente nobilē ac liberum hominem, nisi infantes, qui nihil boni eligere, nec mali respuere pro teneritudine inualidæ ætatis adhuc possunt; qui monasticam voluntarie vellet subire vitam, habebat: nimirum, quia per multa retroacta annorum curricula monasticæ vitæ desiderium ab illa tota gente, nec non & à multis aliis gentibus funditus desierat; quamuis per plurima adhuc monasteria in illa regione constructa permaneant: nullo tamen regulam illius vitæ ordinabiliter tenente (nescio quare) aut pro alienigenarum infestationibus, quæ sæpissime terra marique hostiliter irrumpunt; aut etiam pro nimia illius gentis in omni genere diuitiarum abundantia: propter quam multo magis id genus despectæ monasticæ vitæ fieri existimo: ideo diuersi generis monachos in eodem monasterio congregare studuit: primitus Iohannem presbyterum monachum, scilicet Ealdsaxonum genere Abbatem constituit. Deinde Ultramarinos presbyteros quosdam & diaconos; ex quibus cum nec adhuc tantum numerum, quantum vellet, haberet: comparauit etiam quamplurimos eiusdem gentis Gallicæ, ex quibus quosdam infantes in eodem monasterio edoceri imperauit, & subsequenti tēpore ad monachicum habitū subleuari. In quo etiâ monasterio vnū Paganicæ gentis edoctū in monachico habitu degentem, iuuenē admodum, vidimus, nō vltimū scilicet eorum. Facinus quoq; in eodem monasterio quodā tempore perpetratum muti taciturnitate silētii obliuioni traderem. quamuis indignū facinus est: quia per totam scripturam impiorum turpia facta, inter venerabilia iustorum, sicut zizania & loliū in tritici segetibus interseminantur: bona scilicet vt laudentur, sequantur, æquiparentur: sectatores quoq; eorū omni honore venerabili digni habeantur; mala vero vituperentur, execrentur: & vt omnino effugiatur. Imitatores quoq; eorum omni odio & despectione ac vindicta corripiantur. Nā quodā tempore, eū instinctu diabolico quidā sacerdos & diacon⁹ Gallici genere ex præfatis monachis inuidia quadā latenti excitati, contra suū abbatem præfatū Iohannem

nimium

Monasteria ab Ælfrido condita.

Monastica vita desideria.

nimum latenter in tantū amaricati sunt, vt Iudaico more dominū suū dolo circumuenirent & proderent. Nam duos eiusdē gentis Gallicæ seruulos præmio conductos ita fraudulenter docuerunt, vt nocturno tempore, cum omnes delectabili corporis quiete grauiter dormirent, patefactam armati intrarent ecclesiam; quam post se iterum solito more claudebant; & vnicum Abbatis aduentum in ea absconditi præstolarentur. Cumq; solus solito orandi causā ecclesiam latenter intraret, & ante S. altare flexis ad terram genibus se inclinaret, hostiliter irruentes in eum, tunc eum ibidem occidere conabantur: cuius corpus exanime inde trahētes ante ostiū cuiusdā meretricis, quasi illic occisus esset in meretricando, iactarent. Quod etiā machinauerunt, crimen crimini addentes, sicut dictum est. Et erit nouissimus error peior priore. Sed diuina misericordia, quæ semper innocentibus solet subuenire, impiam impiorum meditationem maxima ex parte frustrata est, quo non per omnia eueniret, sicut proposuerant. Omni itaque mala doctrina à malis doctoribus, malis auditoribus elucubratis exposita, & condita nocte adueniente atque suppetenti, & impunitate promissa, latrunculos duos armatos in ecclesia cōcluserunt, aduentū Abbatis præstolantes. Cumq; media nocte Ioannes solito furtim nemine sciēte orādi gratia ecclesiam intrasset, & flexis genibus ante altare incuruaret, tunc duo illi latrunculi ex improviso euaginati gladiis in eum irrumpunt, & crudelibus afficiunt vulneribus. Sed ille vt solito, ac semper acris ingenio, & vt audiūmus de eo à quibusdam referentibus, bellicosæ artis non expertus; si in meliori disciplina non studeret, statim vt sonitus latronum audiuit, priusquam videret, insurgens acriter in eos, antequam vulneratur, & vociferans quantum poterat, reluctabatur, inclamitans dæmones esse, & non homines. Non enim aliter sciebat; quia nec hoc homines ausos esse existimabat. Vulneratus est tamen, antequam sui aduenirent. Sui ergo hoc rumore expergefacti, & etiam audito dæmonum nomine, perterriti vtrique, & inexpertes; & etiam illi Iudaico more domini sui proditores hinc inde ad ecclesiæ ostia concurrunt. Sed antequam aduenirent latrunculi præcipiti cursu ad proximantia sibi gronnæ latibula semiuiuum Abbatem relinquentes confugiunt. Monachi vero seniore suum semiuiuum colligentes cum gemitu & mœrore domum reportauerunt. Sed nec etiam illi dolosi minus lachrymabantur innocentibus. Sed Dei misericordia tantū facinus impunitum fieri non permittente, latrunculi, qui hoc perpetraverunt, omnes tanti sceleris persuasores capti ligatiq; per varia tormenta morte turpissima periire. His ita relatis ad incæpta redeamus. Aliud quoq; monasterium iuxta orientalem portam Sceftesburg habitationem sanctimonialium habitabile idē præfatus rex ædificare imperauit: in quo propriam filiā suā Ethelgeofu deuotā Deo virginem abbatissā constituit. cum qua etiam aliæ multæ nobiles moniales in monastica vita Deo seruientes in eodem monasterio habitant. Quæ duo monasteria terrarum positionibus, & omnib. diuitiis locupletatim ditauit. His ita diffinitis solito suo more intra semetipsum cogitabat, quid adhuc addere potuisset, quod plus placeret ad piam meditationem. Non inaniter incæpta, vtiliter inuēta, vtilius seruata est. Nam iamdudum in lege scriptum audierat, dominum decimam sibi multipliciter redditurum promississe; atq; fideliter seruasse; decimamq; sibi multipliciter redditurum fuisse. Hoc exemplo instigatus, & antecessorum morem volens transcendere, dimidiam seruitii sui partem, diurni scilicet, & nocturni temporis: nec non etiam dimidiam partem omnium diuitiarum, quæ annualiter ad eum cum iustitia moderanter acquisitæ peruenire consueuerant, Deo deuote & fideliter toto cordis affectu pius mediator se daturum spondit. quod & quantum potest humana discretio discernere & seruare, subtiliter ac sapienter adimplere studuit. Sed vt solito suo more cautus euitaret, quod in alio diuinæ scripturæ loco cautum est: *Sirectē offeras, rectē autem non diuidas, peccas*; quod Deo libenter deuouerat, quomodo rectē diuidere posset, cogitauit. Et, vt dixit Salomon, *Cor regis in manu domini*, id est, consilium; Consilio diuinitus inuento omnium vniuscuiusque anni censuum successum bifarie primitus magistros suos diuidere æquali lance imperauit. His ita diuisis partem primam sæcularibus negotiis pertinere addixit. quā etiam in tribus partibus sequestrari præcepit: cuius primam diuisionis partem suis bellatoribus annualiter largiebatur: item suis ministris nobilibus, qui in curto regio vicissim commorabantur, in pluribus ministrantes ministeriis. Ita enim ordinabiliter agebatur regalis familiaritas tribus omni tempore vicissitudinibus. In tribus namq; cohortibus præfati regis satellites prudentissime diuidebātur; ita, vt prima cohors vno mēse in curto regio die noctuq; administrās commoraretur, mensēq; finito, & adueniente

*Monachorum
facinus in Abba-
tem.*

*Elfredi filia ab-
batissa.*

Elfredi votum.

*Diuisio bonorum
per Elfredum.*

alia cohorte, prima domum redibat; & ibi duobus, propriis quiuis necessitatibus stude-
 dens, commorabatur mensibus. Secunda itaque cohors mense peracto adueniente,
 tertia domum redibat, vt ibi duobus commoraretur mensibus. Sed & illa finito vnus
 mensis ministerio, & adueniente prima cohorte domum redibat, ibidem commora-
 tura duobus mensibus. Et hoc ordine omnibus vitæ præsentis temporibus talium vi-
 cissitudinum in regali curto rotatur administratio. Talibus itaq; primam de tribus
 prædictis partibus partem, vnicuiq; tamen secundum propriam dignitatem, & etiam
 secundum proprium ministerium largiebatur. Secundam autem operatoribus, quos
 ex multis gentibus collectos & comparatos propemodum innumerabiles habebat
 in omni terreno ædificio edoctos. Tertiam autem eiusdem partem aduenis ex omni
 gente ad eum aduenientibus, longe propeque positis, & pecuniam ab illo exigenti-
 bus, etiam & non exigentibus: vnicuique secundum propriam dignitatem mirabili
 dispensatione laudabiliter, & (sicut scriptum est, *Hilarem datorem diligit Deus*) hilariter
 impendebat. Secundam vero partem omnium diuitiarum suarum, quæ annualiter
 ad eum ex omni censu perueniebant, & in fisco reputabantur, sicut iam paulo ante
 commemorauimus, plena voluntate Deo deuouit. Et in quatuor partibus etiam cu-
 riose suos ministros illam diuidere imperauit; ea conditione, vt prima pars illius di-
 uisionis pauperibus vniuscuiusque gentis, qui ad eum veniebant, discretissime ero-
 garetur. Memorabat etiam in hoc, quantum humana discretio custodire poterat, il-
 lius S. Papæ Gregorii obseruandam esse sententiam, qua discretam mentionem di-
 uidendæ eleemosynæ ita dicens agebat: *Nec paruum cui multum: nec multum cui paruum:*
nec nihil cui aliquid, nec aliquid cui nihil. Secundam autem duobus monasteriis, quæ ipse
 fieri imperauerat, & seruiantibus in his Deo (de quibus paulo ante latius disserui-
 mus) tertiam scholæ, quam ex multis suæ propriæ gentis nobilibus studiosissime con-
 gregauerat, quartam circum finitimis in omni Saxonia & Mercia monasteriis, & et-
 iam quibusdam annis per vices in Britannia & Cornubia, Gallia, Armorica, North-
 hymbris, & aliquando etiam in Hybernia, ecclesiis & seruis Dei inhabitantibus, se-
 cundum possibilitatem suam aut ante distribuit, aut sequenti tempore erogare pro-
 posuit, vita sibi & posteritate salua. His ita ordinaliter ab eodem rege dispositis, me-
 mor illius diuinæ scripturæ sententiæ, qua dicitur: *Qui vult eleemosynam dare, à semetipso*
debet incipere: etiam quid à proprio corporis sui & mentis seruitio Deo offerret, pru-
 denter excogitauit. Nam non minus de hac re, quam de externis diuinis Deo offerre
 proposuit. quinetiam dimidiam partem seruitii mentis & corporis, in quantum in-
 firmitas & possibilitas, atque suppetentia permetteret, diurno scilicet, ac nocturno
 tempore suapte totisque viribus se redditurum Deo spondit. Sed quia distantiam
 nocturnarum horarum omnino propter tenebras: & diurnarum propter densitatem
 sæpissime pluuiarum & nubium æqualiter dinoscere non poterat; excogitare cæpit,
 qua ratione fixa, & sine vlla hæsitacione hunc promissum voti sui tenorem letho te-
 nus incommutabiliter Dei fretus misericordia seruare posset. His aliquandiu exco-
 gitatis, tandem inuento vtili & discreto consilio suos capellanos coram offerre suffi-
 cienter imperauit; quam adductam ad denarios pensare in bilibri præcepit. Cumq;
 tanta cæra mensurata fuisset, quæ 72. denarios pensaret, 6. candelas vnâquamque
 æquali lance inde capellanos facere iussit: vt vnâquæque candela 12. vncias pollicis in
 se signatas in longitudine haberet. Itaq; hac reperta ratione, sex illæ candelæ per 24.
 horas die nocteque sine defectu coram sanctis multorum electorum Dei reliquiis,
 quæ semper eum vbique comitabantur, ardentes lucebant. Sed cum aliquando
 per diem integrum & noctem, ad eandem illam horam, qua anteriori vespere accen-
 sæ fuerant candelæ, ardendo lucefcere non poterant: nimirum ventorum violentia
 inflante: quæ aliquando per ecclesiarum ostia & fenestrarum, maceriarum quoque,
 atque tabularum, vel fræquentes parietum rimulas, nec non & tentoriorum tenui-
 tates, die noctuque sine intermissione flabat, exardescere citius plus debito ante ean-
 dem horam finiendi cursum suum cogeabantur: excogitauit, vnde talem ventorum
 sufflationem prohibere potuisset, consilioque artificiose atque sapienter inuento,
 lanternam ex lignis & bouinis cornibus pulcherrime construere imperauit. Bouina
 namque cornua alba, ac in vna tenuiter dolabris erasa non minus vitreo vasculo elu-
 cent. Quæ itaque lanternam mirabiliter ex lignis & cornibus, vt ante diximus, factas
 noctuque candela in eam missa exterius vt interius tam lucida ardebat, nullis ven-
 torum flaminibus impedita: quia valuat ad ostium illius lanternæ ex cor-
 nibus idem fieri imperauerat. Hoc itaque machinamento ita facto sex candelæ,
 vna-

vnaquæq; post alteram per 24. horas sine intermissione nihil citius, nihil tardius lucebant: quibus extinctis, aliæ incendebantur. His ita ordinabiliter per omnia digestis, dimidiam, sicut Deo deuouerat, seruiti sui partem custodire cupiens; & eo amplius augere, in quantum possibilitas aut suppetentia; immo etiam infirmitas permetteret; tædiosus examinandæ in iudiciis veritatis arbiter existeret; & in hoc maxime propter pauperum curam, quibus die noctuque inter cætera præsentis vitæ debita mirabiliter incumberebat. Nam in toto illo regno præter illum solum, pauperes aut nullos, aut etiam paucissimos habebant adiutores. *Ælfredus pauperum tutor solus.*

Nimirum, quia etiam pene omnes illius regionis potentes & nobiles ad sæcularia magis quam ad diuina mentem declinauerant negotia. Magis enim vnusquisque speciali lucro in sæcularibus negotiis, quam communi inhiabat. Studebat is quoque in iudiciis etiam propter nobilium & ignobilium suorum vtilitatem, qui sæpissime in concionibus comitum & præpositorum pertinacissime inter se dissentiebant: ita, vt pene nullus eorum, quicquid à comitibus & præpositis iudicatum fuisset, verum esse concederet: qua pertinaci dissensione obstinatissime compulsi, regis subire iudicium singuli subarabant: quod & confestim ab vtraque parte implere festinabant. Sed tamen ille, qui in sua parte aliquam de illa causa iniustitiam fieri cognosceret, ad talis iudicis iudicium, contra voluntatem tamen; quamuis per vim lege & stipulatione venire coactus esset, voluntarie nolebat accedere. Sciebat enim ibidem nihil

ex sua malitia confestim posse delitescere. Nec mirum. Erat namque rex ille in exequendis iudiciis, sicut in cæteris aliis omnibus rebus discretissimus indagator. Nam omnia pene totius suæ regionis iudicia, quæ in absentia sua fiebant, sagaciter inuestigabat, qualia fierent: iusta aut etiam iniusta: aut vero si aliquam in illis iudiciis iniquitatem intelligere posset; leniter aduocatos illos ipsos iudices, aut per se ipsum, aut per alios suos fideles quoslibet interrogabat, quare ita nequiter iudicassent; vtrum per ignorantiam, aut propter aliam quamlibet malevolentiam; id est, vtrum pro aliquorum amore vel timore; aut aliorum odio, aut etiam pro alicuius pecuniæ cupiditate. Denique si illi iudices profiterentur propterea se talia ita iudicasse, eo, quod nihil rectius de his rebus scire poterant; tunc ille discrete & moderanter illorum imperitiam & insipientiam redarguens aiebat, ita inquit: Nimium admiror vestram hanc insolentiam, eo, quod Dei dono & meo, sapientium ministerium & gradus vsurpatis, sapientiæ autem studium & operam neglexistis. Quapropter aut terrenarum potestatum ministeria, quæ habetis, illico dimittatis; aut sapientiæ studiis multo deuotius docere vt studeatis, impero. Quibus auditis verbis perterriti, veluti pro maxima vindicta correcti comites & præpositi ad æquitatis discendæ studium totis viribus se vertere nitebantur; ita, vt mirum in modum illiterati ab infantia comites pene omnes; præpositi ac ministri literatorum arti studerent: malevolentes infuetam disciplinam quam laboriose discere, quam potestatum ministeria dimittere. Sed si aliquis liberalibus studiis aut pro senio, aut nimia inusitati ingenii tarditate proficere non valeret, suum, si haberet, filium, aut etiam aliquem propinquum suum, vel etiam, si aliter non habeat, suum proprium hominem liberum vel seruum, quem ad lectionem longe ante promouerat, libros ante se die nocteq; quandoq; vnquam vllam haberet licentiam, Saxonicos imperabat recitare: & suspirans nimium intima mente dolebat, eo, quod in iuuentute sua talibus studiis non studuerat, felices arbitantes huius temporis iuuenes, qui liberalibus artibus feliciter erudiri poterant: se vero infelices existimantes, qui nec hoc in iuuentute didicerant, nec etiam in senectute: quamuis in hianter desiderarent, poterant discere. Sed hanc senum iuuenumq; in discendis literis solertiam ad præfati regis notitiam explicauimus.

Anno Domini 900. Ælfredus veridicus, vir in bello per omnia strenuissimus, rex occidentalium Saxonum nobilissimus, prudens vero & religiosus atq; sapientissimus, hoc anno, postquam regnasset 29. annis & dimidium super totam Angliam, præter illas partes, quæ subditæ erant Dacis, cum magno suorum dolore viam vniuersitatis adiit, die 7. Kalend. Nouemb. anno regni sui 29. & dimidio, anno vero ætatis suæ 51. indictione 4. Qui apud Wintoniam ciuitatem regalem decenter & regali honore est sepultus in ecclesia S. Petri Apostolorum principis. Mausoleum quoque ipsius constat factum de marmore porphyrio preciosissimo. De cuius regimine laborioso hos versus proloqui dignum duxi:

Nobilitas innata tibi, probitatis honorem

Ælfredus rex.

Armi-

*Armipotens Ælfrede dedit, probis asque laborem;
 Perpetuumq; labor nomen: cui mixta dolori
 Gaudia semper erant: spes semper mixta timori.
 Si modo victor eras, ad crastina bella pauebas:
 Si modo victus eras, & crastina bella parabas.
 Cui vestes sudore iugi, cui sica cruore
 Tincta iugi: quantum sit onus regnare probarunt.
 Non fuit immensi quisquam per climata mundi,
 Cui tot in aduersis vel respirare liceret:
 Nec tamen aut ferro contritus ponere ferrum,
 Aut gladio potuit vita finire labores.
 Iam post transactos visa regniq; dolores,
 Christus ei sit vera quies, sceptrumq; perenne.*

10

Hic Ioannes Asser Episcopus Scireburnensis scripsit Ælfredi res gestas, & annales Britanniz. Huius Asseri Annalibus vetustas quidam author paralipomenon addidit, & eum obiisse scribit Anno Domini 909.

F I N I S.

TESTAMENTVM ÆLFREDI REGIS.

EG o Ælfredus diuino munere, labore ac studio Athelredi Archiepiscopi, nec 20
 non totius Westsaxoniz nobilitatis consensu pariter & assensu, occidentalium
 Saxonum rex, quos in testimonium meæ ultimæ voluntatis complementi, vt sint ad-
 uocati in disponendis pro salute animæ meæ, regali electione confirmo tam de here-
 ditate, quam Deus ac principes cum senioribus populi misericorditer ac benigne de-
 derunt, quam de hereditate, quam pater meus Æthelwulfus rex nobis tribus fratri-
 bus delegauit, videlicet Æthelbaldo, Ætheredo, & mihi; ita, quod qui nostrum diu-
 tius foret superstes, ille totius regni dominio congauderet. Et si contigerit, quod Æ-
 thelbald primogenitus patris nostri primus in fata decesserit, tunc recognoscat Æ-
 theredus cum totius Westsaxoniz nobilitate; quod sint nobis in testes de nostræ por-
 tionis in regno participatione, in die coronationis Ætheredi regis, quem in regem 30
 super nos post mortem Æthelbaldi fratris nostri primogeniti erigere toto nostro co-
 namine insistemus, secundum assecurationem, quam nobiscum fideliter fecit; vide-
 licet, quod idem rex Ætheredus nostras distributiones nobis esse permetteret; sicut
 eas habuimus ante ipsius Ætheredi fratris nostri postgeniti coronationem. Fidelitas
 vero nobiscum ab ipso promissa de hereditaria distributione, erat modo consimili
 confecta; videlicet, quod de terris & dominiis, quæ rex ipse Ætheredus omni nostro
 iuuamine, & potestate, hominumque nostrorum sibi adquisierit: & etiam de domi-
 niis, quæ sibi iure hereditario contingunt, nobis fraterali affectione competenter
 impartiretur. Veruntamen, si contigerit, quod Ætheredus succedat in re-
 gnum; idem & ipse compromitteret. Quando vero ita Deus disposuit, vt 40
 Ætheredus regali diademate coronaretur, tunc ipsum Ætheredum rogavi coram omni-
 bus testibus nostris, videlicet quod de sua hereditate nobis impartiri recognoscat; &
 quod mihi meam distribuatur partem. Ipse vero his auditis statim mihi restitit conte-
 stans, se hoc non posse; nec agere vellet, vt impartiat. ex quo illud tam diutino tem-
 pore in propria retinuit possessione. Hoc tamen mihi sponderat; quod terras &
 dominia, quæ ipse nobis auxiliantibus, & populo nostro in suam ditionem perquisi-
 uerit; & hereditatem, ad quam nascitur, post dies suos nemini in possessionem daret,
 vt suæ congauderet hereditati, solummodo me excepto: sicque querimoniam con-
 tra fratrem remisi per verba prædicta complacatus. Si vero contigerit (quod absit)
 quod nos omnes impiissimorum Paganorum in manus inimicorum nostrorum Da- 50
 nensium inciderimus; tunc nobis est specialiter recognoscendum, disponere salu-
 briter pro filiis nostris, quod vnusquisque eorum successiue vnus post alium nostrum
 hereditatem possideat, & terris ac possessionibus nostris congaudeat; quemadmo-
 dum ipsa hereditas, terræ, possessiones & dominia nobis condonata fuerunt. Pro-
 pterea in vnum congregati sumus apud Suinburnam, vbi pronunciauimus in cogni-
 tione totius Westsaxoniz principum, dominorum ac seniorum, quod ipsi fideliter
 testimonium perhibeant: videlicet, quod quis nostrum diutius superuiveret, quod
 ipse legat alterius filiis ipsas terras, quas nosmet ipsi nostra virtute ac potestate con-
 questum sumus, & terras ipsas, quas rex Æthelwulfus nobis donauit; dummodo Æthel-
 bald

bald fuerat superstes, præter illud quod nobis tribus fratrib. pater noster rex Æthel-
 wulfus delegauit. Et super hoc vnuiquisq; nostrū alteri fidem firmavit, quod quis no-
 strum diutius vitam viueret, quod ipse alterius terras possideret, & dominia, & omnia,
 que sui erant, præter illam partem, quam vterque nostrum filiis alterius legauit. Et
 si contingat, quod Ætheredus rex viam vniuersæ carnis fuerit ingressus, ex tunc præ-
 ter me non est quis, qui super hereditatem scripturam habeat vel testimonium; nec
 quod sit aliquis alius heres præter me. Quod si aliquis hereditatem prædictam accla-
 mauerit, ius suum perdet, nisi citius de hoc testes adducat. Et tunc audiui, quod o-
 mnes cognati mei in soporem mortis resoluti erant. Et ita hereditas Æthelwulfi regis
 10 patris mei ad me deuoluta est per chartā inde confectā, in cōsilio nostro generali apud
 Langdene. quam quidē chartā libere legere iussi corā testibus totius Westsaxonix.
 Quando vero relecta fuerat, tunc mandauī illos omnes, qui aderant, & securitatē mi-
 hi facere præcepi pro meo amore, si vnquā audient de aliquo vel cognoscerēt, qui de
 hereditate mea aliquod ius acclamare iuste posset; q; nunquā ad meum auditū antea
 peruenit. Et iterum locutus sum ad eos in hæc verba: Rogo vos dilectissimi, q; nemo
 pro amore aut odio mei parcat veritatē annunciare, sed summopere consentiat veri-
 tati. Quia mea voluntas nō est, aliquē meorū consanguineorū in aliquo dishæritare.
 Et tunc omnes principes & seniores populi mei sub firma attestatōe dixerūt, quod
 nunquā ad eos deuenit notitia de aliquo, qui iustiorē haberet titulū, quam ego: nec
 20 cogitare nouerunt de aliquo, neq; in scripturis inuenire potuerunt, & in scisinā meā
 hereditatis me iterū imponentes dixerunt: Ecce, iam habes tuam hereditatē iterum
 in manibus tuis. Nunc de bonis & possessionib. conde testamentū tuum; lega & dona
 tuo proximo sanguini vel amicis tuis & cognatis sicut tibi placuerit. Et omnes illi fir-
 mitatē irreuocabile mihi fecerunt, & subscripserunt, ipsos nunquā hereditatē meam
 alicui homini aliter peruertendo daturōs, præter quam egomet legabo die proximo
 iam instante. Vnde ego Ælfredus diuino munere occidentalium Saxonum rex, præ-
 sentibus testibus intentionem meā vltimæ voluntatis in præsentiarū profero, vt im-
 plementum sortiatur post proprium in fata decessum. In primis concedo meo senio-
 ri filio Édouardo illas terras apud Stratnet in Triconschire & Hortingtune cum tota
 30 libera terra, quā Leofus à nobis perantea tenuit apud Carentune, & apud Kisantune,
 & apud Burnham, & apud Wedmore. Insuper ego confirmo custodi de Leodre, quod
 ipse illud habeat secundum assignationem à vobis prælocutam, cum terra illa apud
 Kintune, nec non cum omnibus ad illud pertinentib. Vterius prædicto concedo cu-
 stodi terras illas apud Kantune, & apud Bedewind, & apud Benesey, & apud Huse-
 burne, & apud Suttune, & apud Leodrian, & apud Altune, cum omnib. liberis terris;
 quas in Cantio possidemus, & apud inferiorem Huseburn, & apud Kyseldene. Do il-
 las terras meo principali seruienti apud Wintoniā, secundum assignationē; secun-
 dum quā illud pater meus prædicto seruienti per prius quam affectuose delegauit. Al-
 terū vero feodū, quem ego Egulpho dedi vsq; ad certū tempus apud inferiorem Huse-
 40 burne, prænominato seruienti concedo. Insuper do meo iuniori filio terras illas apud
 Ederingtune, & apud Dene, & apud Mene, & apud Ambresbiry, & apud Done, & a-
 pud Stureminster, & apud Zeule, & apud Cruerne, & apud Withchurch, & apud A-
 xanmuthe, & apud Brānescumbe, & apud Columtune, & apud Tiryford, & apud Mil-
 leburne, & apud Exammynter, & apud Suthwinthe, & apud Lintune, cū omnib. ter-
 ris ad illud pertinentibus: quæ sunt omnes, quas sub cælo ibidē possideo; solummodo
 Tryconschire excepto. Insuper meæ filix concedo primogenitæ villam de Welero; &
 meæ filix postgenitæ cōcedo villā de Clere, & de Condeuere; & meæ minori filix villā
 de Welige, & de Asketune, & de Chippenā. Athelmo vero fratris mei filio do villā de
 Edingburn & de Cumptune, & de Erundele, & de Bedingn, & de Dinghā, & de Burn-
 50 ham, & de Thumesfelde, & de Aschōgum. Et frat. mei filio Æthelwaldo cōcedo villā
 de Godelming, & de Guldeford, & de Stemingham. Et Osfertho cognatō meo do vil-
 lā de Beccaule, & de Ritherāfeld, & de Diccanlingū, & de Suttune, & de Bullingmin-
 ster, & de Angemeringū, & de Feltham; nec non & omnes terras ad illud pertinentes.
 Insuper concedo Alfwytho villam de Lamborne, & de Wantingh, & de Ethandune.
 Præterea duobus filiis meis libras lego mille: cui libet eorum 500. libras. Et primoge-
 nitæ meæ, postgenitæ, & minori, nec non Alfwytho; ipsis quatuor lego libras 400.
 cui libet eorū 100. libras. Vterius cui libet armigerorū meorum 100. marcas. Singulis
 eorū p se 100. marcas. Veruntamē cōcedo Athelmo, Æthelwaldo & Osfertho et cui-
 libet eorū 100. marcas. Insup do Æthelredo principi militiæ meæ vnū gladiū, & 2000.
 marcas.

marcas. Et meo sequestri, cum quo iam Pascha imminente pactum firmaui, do du-
 centas libras, vt ipse det & distribuatur inter omnes illos, vbi placitum est sibi subire se-
 pulchrum, secundum dispositionem, quam egomet sibi ad præsens conficio. Insuper
 Archiepiscopo do centum marcas; & Eſno episcopo, & Werfertho episcopo, & Aſse-
 ro episcopo de Schireburn; cuilibet eorum centum concedo marcas, ad dandum &
 distribuendum pro me & patre meo. Et præter hoc, quod ipse perante assignabat, et-
 iam ego assigno ducetas libras, quinquaginta presbyteris per totum regnum meum: &
 50. solidos cuilibet Deo seruienti per totum regnum meum: & 50. solidos ad distribu-
 endum inter pauperes: & 50. solidos ecclesiarum, in qua corpus meum traditur sepulturae.
 Et ultra ista nescio vtrum plus fuerit ad legandum. Spero re vera, quod plus non fue- 10
 rit inuentum. Si vero plus repertum sit, disponatur prout superius disponendum cen-
 suimus. Et volo, quod armigeri mei cum valedictis, & omnes, qui cum ipsis in seruitio meo
 existunt, ista distribuant modo supradicto: nec alio modo distribuant, quam superius
 præscripsimus, coram herede meo: cui præ cæteris maiorem quantitatem de bonis
 & possessionibus meis prælargitus sum; secundum quod donare potui. Et tali con-
 cessione multi nobiles conscripserunt; & coram præsentibus omnibus his testibus ista
 donationes & concessiones in scriptis erant redactæ. Et modo principibus regni
 mei dedi in mandatis, omnibus videlicet, qui inueniri poterant, quod illi impedi-
 mentum non inferant: quoniam voluntas mea de prædictis implendi capiat effectum
 diuina fretus virtute. Et volo, quod illi homines, qui prædictas possident terras, ob- 20
 seruent verba, quæ de patris mei hereditate rediguntur in scriptis, in quantum pos-
 sunt, & in quantum de futuro firmitus poterunt. Etiam volo, quod, si ego alicui de-
 di, vel feodum aliquem ad tempus accommodaui; quod illi meis cognatis, vel suis il-
 lud ostendant. Insuper volo, quod illi homines, quibus ego meas liberas terras de-
 legauim; non alienent illas à mea cognatione, ultra dies suos; & volo, quod transeant,
 diebus suis meæ propinquiore cognationi; nisi ex seipsis procreati fuerint filii legiti-
 mi. Et tunc ex meo beneplacito permaneant virili sexui, ab ipsis progenito; quam-
 diu vnus ex eis vixerit super terram. Nam & pater meus eodem modo suam legauit
 hereditatem. Quod si aliquo modo acciderit, vt perueniant terræ prædictæ in manus
 mulierum; tunc volo, quod post obitum earum reddantur consanguinitati meæ vi- 30
 rili ex earum visceribus descendenti; si ita fuerit, quod ipsas has terras vita comite in
 propriis manibus retinere voluerit. Si vero aliter acciderit, tunc ultra dies suos fiet
 ita, sicut per prius delegauimus. Vltius dico, quod reddatur ab ipsis pro sustenta-
 tione victus consanguineorum meorum, quibus oportet me prædictas terras legare;
 vtrum sint masculi vel feminae, secundum quod mihi melius videtur. Et ego in no-
 mine Domini exhortor, & in nomine omnium sanctorum, quod nemo consanguini-
 eorum meorum in posterum contra aliquem meæ consanguinitatis laboret quo-
 uis modo; quoad ea, quæ ego ipsis dedi per antea pariter & legauim. Et mecum tota
 nobilitas Westsaxonice gentis pro recto iure consentiunt; quod me oportet dimit-
 tere eos ita liberos; sicut in homine cogitatio ipsius consistit. Et ego pro amore Dei, 40
 & pro salute animæ meæ, volo, quod ipsi sint in possessione libertatum suarum; & om-
 nis cognatio eorum. Et ego in nomine Dei sacri in mandatis committo; quod ipsis
 nemo contradicat; neque cum armis, potestate, nec virtute, neque alio resistendi mo-
 do; quod illi non poterunt seisinare, vel introducere quemcunque illis placuerit in
 eorum terras, possessiones & dominia. Et volo, quod homines mei dent domino de
 Domraham suas terras liberas, & suas libertates, sic, quod ipsi seisinent
 quemcunque illi placuerit pro me & pro Elſſeda; & pro amicis suis, quibus
 ipsa gratitudines tenetur impendere; & pro viuorum ac defunctorum omnium ne-
 cessitates habentium salute; & quod habeant illas, vt possint stare pro animæ meæ sa-
 lute; & quod talis pia donatio sit in remissionem omnium peccatorum meo- 50
 rum; & ita desiderans altissimum humiliter deprecor; vt mea
 delicta & eorum pœnas mihi misericorditer
 relaxet; AMEN.

This

This is the preface how S. Gregorie this booke made, which
 This is seo forespræc hu S. Gregorius thas boc gedihte, the
men te Pastoral doe call.
 man Pastolem nemnath.

Ælfred Kyng wysseth greetung to Wulfsege Bishop hys worthy lovely & frendly
 Ælfred Kyning hateth gretung Wulfsege Bisceop his worthu luflice & freodlice, *alias gratum*
 & thee to know I will, that to me it comth very often in mynde, w at maner of wisemē long since we-
 & the cythā hate, that me com spithe oft on gemynd, hwylce sitan geoweron geond
 10 re troughout the English nation both of the spirituall degree as of the tēporaltie, & how happy the ti-
 Angelcyn, ægther ge godcundra hada ge woruldcundra, & huge sæliglica tida tha
 mes the were amogst all the English natiō, & how the kinges which thā the gouernmēt had of the peo-
 wæron geond Anglecyn, & hu tha cyningas the thone anweald hærdon thæs folces:
 ple, God & his will writtē they obeyed, & how they both in theyr peace & in theyr expedition of war,
 Gode & his æryndwritum hyrsumodō, & hu hi ægther ge heora sybbe ge heora sydo,
 & in theyr gouerning within borde or at home helde & also without their noblenes did spread, & how
 & ge heora anweald innan borde gehealdon & eac vt hira ethel rymdon, & hu him
 they then sped, as well in witte as in wisdom. And also the deuine orders how ear-
 tha speow, ægther gemid wige gemid wisdom. And eac tha gotcundā hadas huge-
 20 nest they were as well about preaching, and about learnung, & about all the seruices
 orne hi wæron ægther geymbe lara, geymbe leornunga, & ymbe ealle tha theowdo
 that they to God should do. And how men out abroad wisdom & doctrine hither in this lād sought,
 mas the hy gode sceoldō, & hu man vt on borde wisdom & lare hider on land sohte,
 & how we the same now must abroad get, if we them haue shall. So cleane it was
 & hu we hi nu sceoldon vte begitan; gif we hi habban sceoldō. Swa clæne heo wæs
 fallen amongst the English nation, that very few were on this side Humber which their
 othfeallen on Angelcynne that swithe feawa wæron be heonan Humber the hira
 seruice could understand in English, or els furthermore an epistle from latin
 thenūge cuthon vnterstādan on Englisc; oth the furthion an ærendgewryt of ledene
 30 into English to declare, & I wene that not many beyond humber were not. So few of
 on Englisc areccan, & ic wene that naht monige be geondā hūbre næron. Swa feawa
 them were, that I also one onely may not remember by south Thamise when as I
 heora wæro; that ic furthō a ñe ænlepne ne mæg gethencā besuthā Thamise tha tha ic
 so reigne undertoke. God almyghty be thanked, that we now any in shall haue a teacher.
 to rice feng. Gode ælmyhtigū sy thanc, that we nu ænigne an steal habbath lareowa.
 Therefore I thee bid, that thou do as I beleue that thou wilt, that thou vwith these worl-
 Forthā ic the beode, that thou do swa ic gelyfe that thou wille, that thou the thisse wor-
 dly thinges to them pourest out, as thou oftest mayest, that thou that wisdom which to thee God
 uld thinga to thā geæmtige, swa thou oftest mæge, that thou thone wisdom the the God
 40 geueth where soeuer thou to them bestow may thou bestow. Thinke what maner of punishments
 sealde thær thær thou hine befæstan mæge befæst: gethænc hwilce withu vs tha
 to us then shall comen for this world, when as we it neyther our selues haue loued, ne also to oth-
 becomon for thisse woruld; tha tha we hit na hwæther ne selfe, ne lufedon; ne ac oth-
 er men haue left it. The names only, we haue loued, that we Christians were, & very
 rum mannū ne lyfdō. Thone namā anne we lufdon, that we Cristene wæro, & swithe
 few the dueties. When I this all do mynde, then bethought I also how I saw before such
 feawa tha theawas. Tha ic this eal gemūde, tha gemunde ic eachu ic geseah ær tham
 tyme as it all spoyled was & burned, how the churches troughout all the English nation stode
 the hit eal for here god wære, & forbærned; hu tha circan geond eal Angelcyn stodon
 50 with ornāmets & bookes filled & also with a great multitude of gods seruātes, & the very lytle fruite
 mathma & boca gefylled; & eac m'cel meniu godes theawa, & tha swithe lytle feorme
 of their bookes wist they, bicause that they of then no thyng understand might, bicause that they
 thara boca wiston; fortham the hi hira nanthing ongitan ne mihton, fortham the hi
 were not in their ouun countrey lāguage writtē. Euen so they sayd our elders the which these places
 næro on hira agēge theode awritene. Swilce hi crādō vre yldrā tha the thas stowa ær
 before helde, they loued wisdom & trough the same they geseah weale & so us left it. Here a man
 heoldon, hi lufedon wisdom & thurh thone hi begetō welan & vs læfdon. Her mon
 may yet see theyr swathe, but we them cannot after enquire, becāse we haue
 mæggyt geseon hira swēth, ac we him ne cumō æfter spyrgean; fortham we habbath
 C both

both let go asuwell welth as also wifdome , for that then we would not to the wif-
 ægther forlætonge thone wela gethone wifdō, forthā the we noldon to tham spore
 wifh our mynde froupe. When I then this all mynded , then wvondred I greatly at theyr god-
 mid vre mode on lutā. Tha ic tha this call gemūde, tha wvundrode ic fvvite theſa go-
 ly wviſemē vvhich long ago wvere trouhōud the english nation, & thoſe bookes fully all leaſnet had,
 dera wviten a the geo wverō geōd Angelcyn, & tha bec be fullā calle geleornod hefđō,
 that of then then no part they wvoulſ not into their ovun country ſpeech turne, but I theſ quickly again
 tha hira tha nañe dēl noldō on hira agēge theode wvendā, ac ic tha ſona eft me ſylfum
 my ſelfe auſwvured, & ſayd: they wveened not that euer men ſhould ſo retchleſſe become , & this
 and wvyrde, & cvvēth; hi ne wvendō that æfre men ſceoldō ſvva recelaſe wvurdā, & ſeo 10
 learning ſo dec ay. Therefore wvillingly they it let alone , & wvould that heare the more wviſ-
 lar ſvva othfeallā. Forthere wvil nūge hi hit forletō, & wvoldon that her the mara wviſ-
 dome in this land wvould be, as we more languages they underſtode. Theſ remēbred I how the law
 dome on lande wvere, thi we ma getheoda cuthō. Tha gemūde ic hu ſeo æ wvæs æryſt
 wvas firſt in the Hebrue ſpeech found, & after that the Greekes had learned it, then turned they it into
 on Ebreiſc getheode fundō, & eft tha Crecas geleornodō; tha wvendon hi hit on hira
 theyr ovune ſpeech wvholly, & alſo all other bookes, & again the latine people as ſoone as after. they it
 agenge theode ealle, & eac ealle othra bec, & eft lede mare ſvva ſome ſith than hi hic
 had learned they tranſlated it wvholly throug wviſe interpreters, in to their ovune language, & eke
 geleornodō, hi wvendō ealle thurh wviſe vvealhſtodas on heora agēge theode, & eac 20
 all other chriſten people ſome part therof into theyr ovune tonge haue turned. Therefore me
 alle othra criſtene theoda ſumne dēl hira on hira agēge theode wvendon. Forthi me
 thinketh better if you ſo thinke, that we alſo ſome brokes wvhich demed moſt nedefull
 thingth betere gif geovv ſvva thinchth, that we eac ſume bec tha themed be thyrfyſta
 be for all men to underſtand, that we them into that language turne that we all knowv
 ſyn eallū mannū to wvitañe, that we tha on that getheode wvėdon the we ealle gec-
 may, & bring to paſſe , as we very caſily may wvith gods helpe if we than quiet-
 navvā mægē, & gedō ſvva we ſvvithe eathe magō mid godes fultume, gif we tha ſtyl-
 nes haue, that all the youth that nowv is in te english nation of freeborne men , ſuchas
 neſſe habbath, tha eall ſeo geoguth the nu is on Angelcynne fircora manna, thara the 30
 that wvealhſ haue. that they them maintayne may be to learyng committed, that wvhile that they
 tha ſpeda hebbē, that hi thā befeolā mēgen ſyn to leornūga othfeſte, tha hvvile the hi
 none other occupation can, untill firſt that they wvill conne english wvriting to read. Let
 nanre otherre note nemægē, oth fyrſt the hi wvel cumen engliſc gevvrir arēdā. Lære-
 teachmen after wward further in latin ſpeech, tho ſo that men further teach wvill, & to higher
 mon ſith than furthor on ledē getheode, tha the man furthor lēran vville, & to herrā
 degree do wvill When mynde howv this learning of the latine tonge before this fallen wvas
 hade don vville. Tha ic gemunde hu ſeo lar leden getheodes ær thyſum afe allen wvęs
 trouhōud the english natiō, & though many could ſkill the english wvriting to read. Then began I a-
 geond Angelcyn, & theah manega cuthon engliſc gevvrir arēdan. Tha on gan ic ge- 40
 mongſt other diuers & manifold buſineſſes of this kingdome, this booke to wvinde into en-
 mong othrū miſlicū & monigfealdū biſgū thiſſes kynerices tha boc wvendan on en-
 glish that is named in latin Paſtoralis , & in english the Hardmans booke, ſontime wvord by
 gliſc the is genemned on leden Paſtoralis, & on engliſc hirde boc; hvvilum wvord be
 wvorde, ſontime underſtanding for vnterſtanding euenas I them had learned at Plegmūd myne Ar-
 wvorde, hvvilū andgit of andgite; ſvva ſvva ic hi geleornode æt Plegmunde minū Ær-
 chebiſhop , & at Aſſere my Biſhop , & at Grimbolde my maſſe prieſt , & at Iohn
 cebiſcope, & æt aſſere minon Biſcope, & æt Grimbolde minū meſſe preoſte, & æt Io-
 my maſſe prieſt. After that I of then than learned had ſo as I then underſtode
 hanne minū mæſſe preoſt. Sith than ic hi tha geleornod hefde ſvva ſvva ic hi forſtod 50
 howv I to them moſt underſtandingly might, I them into english turned: & to eche biſhops ſea
 ſwa ic hi andgitlicoſt arrecā meahre, ic hi on engliſc a wvende: & to ælcun biſceþ ſtole
 in my kingdome wvill one ſende, & vpon eche one there is a ſtile that is of fiſti markes,
 on minū rice vville ane on ſendā, & on ælcra bith an æſtel ſe bith on fiſtigū manceſſa,
 & I bid in gods name , that man ſtat ſtyle from theſe bookes take not , nor the bookes
 & ic bebeode on godes naman, that man thoue æſtel fram there bec ne do, ne tha boc
 from the ſame mynſtre, unknorv un howv long there ſo learned biſhops be. So as nowv god be
 fram thā mynſtre, vncuth hu lange theſ ſvva geleſede biſcepas ſyn. Svva ſvva nu gode
 thanked

thanked every vvehre there are. Therefore I vvould that they alvvayes at theyr places vvære,
thancvvæl hvvar findon. For thi ic vvolve that hi ealne vvæg æt there stovve vværen,
except the bishop them vvith him haue vvill, or els they to some place lende be, until that some
buto se biscop hi mid him habban vvill, oth the heo hvvæt to læne sy, oth the hvva
oher be vvriten out.
othre bi vvrite.

LIBER LOQUITVR.

- 10 This vvriting Augustine ouer the salt sea from the south brought, to thin habitantes of the
land, euen as it befor prepared had te Lordes seruāt of Rome the Pope right vicar ruling Gregory of dis-
hit ær fore adiht no de drihtnes cempa Rome Papa rihtspel monig Gregorius gleavv
crete courage vvithout fury, through senses, vvifdome, pollicy a free horde. Bicaufe he of mankinde the
mod geond vvod thurh sefan, snytro, searo, thanca hord. Forthā he mancynnes mēst
most begat to heauen vværde, of Romaynes the best man, of courage vvæalsthiest, of porvver most free.
gestrinde woderavvearde Rommarena betst maña, mod weligost mērtha gefregost.
After that me into english Ælfred the king turned vvorde eche one, & me to his vvriters
Sith thā me on englisc Ælfred cyning avvende wordagehvvilc, & me his vvriterum
sent, Sout & North. To that ende he commaundet them such lyke me to bryng after theyr copy that
20 sende. Suth & North. Fortham he het him svvilcra ma brengan be thære bysne that
be to his bishops send them might, becaufe they to certayn of his bishops vvære nedefull, vvich the la-
he his biscopum sendā meahte, fortham hi his sūme be thorftan tha the leden spēce
in speech lest vnderstood.
læste cuthon.

HAEC EST PRAEFATIO (OSTENDENS) QVEM ADMODVM

*Sanctus Gregorius hunc librum fecit, quem homines
Pastorale nuncupant.*

- 30 **Æ**LFREDVS Rex optat salutem Wulfsigeo episcopo dignissimo beneuole & a-
manter. Et te scire volo, quod mihi sæpenumero in mentem venit, quales sapi-
entes abhinc extiterunt in Anglica gente, tam de spiritali gradu, quam de tempo-
rali, quamque felicia tum tempora fuerunt inter omnes Angliæ populos, quemad-
modumque reges, qui tunc gubernationem habebant plebis, Deo & eius voluntati
scriptæ obsecundarint, vtque in sua pace, & bellicis suis expeditionibus, atque regi-
mine domestico, domi se semper tutati fuerint, atque etiam foris nobilitatem suam
dilatauerint, quomodoque tunc temporis tam sapientia quam prudentia floruerint.
Præterea de gradu spiritali homines, quam diligentes fuerint tam docendo, quam
40 discendo, omnibusque officiis (exequendis) quæ Deo præstare debebant. Insuper
quemadmodum extranei sapientiam & doctrinam hic in hac nostra terra quondam
quæsierint: nosq; iam (versa vice) peregrinari oportet ad eam adipiscendam, adeo
funditus concidit apud gentem Anglicanam, vt paucissimi fuerint cis Humbrum,
qui vel preces suas communes in sermone Anglico intelligere potuerant, vel scri-
ptum aliquod è Latino in Anglicum transferre. Tam sane pauci fuerunt, vt ne v-
num quidè recordari possim ex australi parte Thamesis, tū cum ego regnare occæpe-
ram. Gratia Deo omnipotenti sint, quod nunc tandem aliqui in sede sint, qui do-
cere queunt. Quamobrem te iubeo vt facias (quemadmodum te facturum credo)
nimirum vt tu, qui mundana hæc illis profundis quam potes sæpe, eam sapientiam,
quam tibi Deus largitus est, illis, vbicunque poteris, vicissim impertias. Cogita, qua-
50 les pœnæ super nos tandem venturæ sunt propter hunc mundum, cum neque nos-
metipsi sapientiam adamauerimus, neque eam aliis reliquerimus. Nomina tan-
rum diligimus, quia Christiani nuncupamur, paucissimi vero officiis Christianorum
defungimur. Hæc omnia, quoties in memoriam reuoco, subit etiam cogitatio,
quemadmodum cuncta hic in Anglia viderim, priusquam deleta fuissent omnia &
incensa, vtpote templa per omnem Anglicanam gentem steterint ornamentis,
& libris instructa, magnaue insuper multitudine seruorum Dei repleta. Quam-
uis certe fructum perexiguum ex libris suis perceperint, quandoquidem intelligere
illos nequibant, eo, quod patrio sermone neutiquam conscriberentur. Qui qui-
dem hac oratione vsi sunt. Maiores nostri, qui hæc quondam loca obtinuerunt,
C 2 sapien-

sapientiam adamauerunt, & per illam opes sibi confluxerunt, nobisque reliquerunt. Quorum sapientiæ impressam nos veluti orbitam vidimus, sed eam adipisci non potuimus. Nam & opes & sapientiam plane perdidimus, quoniam ingenii nervos omnes ad eius contemplationem contendere nolimus. Cum igitur hæc omnia cogitatione complecterer, magnopere admirabar præclaros illos sapientes, qui diu abhinc per vniuersam gentem Anglicanam floruerunt, atque illos libros penitus omnes perdidicerant, quamobrem noluerunt horum partem aliquam in patrium sermonem transferre. Veruntamen protinus mihi metipsi respondebam, videlicet, quod maiores illi nostri neutiquam opinati sunt, homines vnquam adeo socordes futuros, aut rem literariam in tantum vnquam prolapsuram: ideoque consulto id omisisse, existimantes eo vberiore hac in terra sapientiam futuram, quo plures à nostris linguæ pernoscerentur. Tum vero venit mihi in mentem, legem Dei primum in Hebræo sermone fuisse inuentam, atque postea Græcos, cum eandem didicissent, eam vniuersam, & alios insuper omnes libros in suam linguam vertisse, necnon Latinos etiam, quamprimum ipsi eam intelligentia comprehendissent, per prudentes interpretes suo sermone eandem expressisse: eodemque modo omnem vndique Christianam plebem partem eius aliquam in linguam domesticam transtulisse. Quapropter optimum censeo (si tu quoque sic existimas) vt nos libros aliquos, quos maxime necessarios arbitramur, qui ab omnibus intelligantur, eodem in linguam, quam omnes intelligunt, conuertamus: efficiamusque (quod certe ope diuina per facile poterimus, si pace perfruamur) vt omnis iuuentus, quæ nunc est gentis Anglicæ (eorum præsertim hominum, qui liberi nati sunt, opesq; habent, quibus eos ad id alere possunt) literis addiscendis addicatur: vtque prius artem nullam imbibant, quam Anglica poterint scripta perlegere. Postea autem homines in Latinis literis eos instituunt, quos volunt amplius erudire, atque ad altiore gradum prouehere. Cum itaque mecum considerabam, quomodo isthæc doctrina sermonis Latini, per omnem gentem Anglicanam antehac obsoleuisset (quamuis plurimi potuissent Anglica scripta legere) tum inter alia varia ac multiplicia negotia huius regni, cœpi librum hunc vertere in sermonem Anglicanum: (qui Latine Pastoralis nuncupatur, Anglice vero *the Herdsmans booke*) aliquando verbum de verbo exprimens, interdum autem sensum ex sensu, sicuti egomet ea didiceram à Pleimundo Archiepiscopo meo, & Assero antistite meo, necnon Grimbaldo, & Iohanne mihi à sacris. A quibus posteaquam librum ita didicissem, vt penitus perciperem, quemadmodum facillime ad eius intelligentiam peruenire possem, in Anglicum sermonem eum conuerti, & ad vnamquamque episcopi sedem in regno vnum misi, superque singulos libros stylum, qui est, quinquaginta mancusæ. Et ego præcipio in Dei nomine, ne quis de libris hunc stylum tollat, neque librum de templo, incertum cum sit, quam diu futuri sunt tales eruditi præfules, quales nunc (honus Deo) vbique sint. Quapropter volo, vt libri suis semper in locis remaneant, nisi illos Pontifex habere voluerit, aut commodatos alicui dederit, donec alii ex illis describantur.

Cains de antiqu.
Cantab. pag. 208.

Liber loquitur.

Hoc scriptum Augustinus trans salsum mare ab Austro ad incolas huius regni pertulit: sicut illud antea preparauerat seruus domini Papa Romanus, rectus vicarius gubernans, Gregorius: considerata vir fortitudinis absque furore, summo sensu, sapientia, consilio præditus, immensus thesaurus, quoniam is generis humani partem maximam cœlo lucrifecit: Romanorum vir optimus, mentis magnitudine abundantissimus, maiestate liberrimus. Postquam me in Anglicum sermonem Ælfredus rex conuertisset ad verbum, me per Austrum & Aquilonem suis scriptoribus delegauit, mandans illis, vt secundum exemplar plures tales describerent, eum nimirum in finem, quo episcopis suis illos mittere posset. Quandoquidem quibusdam ex suis Antistitibus per necessarii essent futuri, qui linguam Latinam minus intelligerent.

FRAGMEN.

29

FRAG. DE GVIL. CONQ.
 FRAGMENTVM EX ANTIQVO LIBRO
 monasterii S. Stephani Cadomensis,

DE GVLIELMO CONQUESTORE.

DVM furerent in orbe tempestates multæ, quarum aliquæ in præcedentibus libri capitibus memoratæ sunt: quidam fortilegi Romanorum, quis in papatu succederet Hildebrando, indagarunt. & cum post transitum Gregorii, Odo Romanus papa fore compererunt. Hoc audiens Odo præsul Baiocensis, qui cum fratre suo Guilielmo rege Normannis dominabatur & Anglis, paui pendens potestates & diuitias
 10 regni occidentalis, nisi iure papatus dominaretur latius, & omnibus terrigenis: Romam misit, palatium sibi emit. Senatores Quiritum magnis muneribus datis sibi amicitia copulauit. palatiumque suum multis sumptibus, & superfluis apparatibus exornauit. Hugonem Cestrensiem Comitem, magnamque cohortem præcipuorum militum alciuit: vt secum in Italiam proficiscerentur obsecrauit, & ingentia precibus promissa prodigus addidit. Illi vero, quia Normanni leues & extera videre cupidi sunt: protinus præsumptori episcopo, cui principatus Albionis & Neultriæ non sufficebat, assenserunt. Ingentes quoque fundos, quos in occiduis climatibus possidebant, deferere decreuerunt: ac vt præfato præfuli trans Padum comitarentur, per fidem spon-
 20 derunt.

Apparatum huiusmodi prudens rex Guilielmus edidicit, sed non approbavit. regnoque suo multisque aliis nociturum æstimauit. Vnde festinanter in Angliam transfretauit, ac Odoni Episcopo cum grandi pompa nauigare in Normanniam cupienti, ex insperato in insula Vecta obuiauit. Ibi nimirum congregatis in aula regali primoribus regni rex ita locutus est:

*Egregii proceres verba mea diligenter audite. & salubre consilium mihi quasô tribuite. Antequam transfretassem in Normanniam regimen Angliæ fratri meo Baiocensi episcopo commendaueram. In Normannia multi contra me surrexerunt: & vt ita dicam, intimi me inuasērunt. Robertus filius meus & tyrones, quos enutriui, & quibus arma dedi, contra me rebellauerunt. eisque mei fidi-
 30 clientes & finitimi hostes gratanter adhaeserunt. Verum Deo, cuius seruus sum, me protigente, nil profecerunt: nec de meo aliquid nisi ferrum in vulneribus suis obtinuerunt. Conglobatos in me Andegauenses paratus ad bellum terrore compressi: parique modo rebellantes Canomannos armis & viribus compescui. His nimirum occupationibus ultra mare irreitus fui: ibique diu moratus publicis utilitatibus laboriose deseruiui. Interea frater meus Angliam vehementer oppressit, & ecclesias fundis & redditibus exspoliavit, ornamentis ab antecessoribus editis nudauit: militesque meos, qui contra Danos & Hybernenses, & alios hostes mihi nimis infestos Angliam tutari debuerant, seduxit. & trans Alpes in extera regna, me contempto, pertrahere disponit. Nimius dolor cor meum angit. præcipue pro ecclesiis Dei, quas afflixit. Christiani reges, qui ante me regnauerunt, ecclesiam Dei amauerunt: honoribus & xeniis multi generis locupletauerunt, unde nunc, vt
 40 credimus, in amœna sede felici retributione gaudentes requiescunt. Adelbertus & Eduinus, ac sanctus Osuualdus. Athulfus, ac Alfredus. Eduuardus senior & Edgarus. cognatusque meus & carissimus dominus Eduuardus dederunt opes ecclesiæ sanctæ, quæ est sponsa Dei. Et frater meus, cui totius regni tutelam commendauimus, violenter opes diripuit, crudeliter pauperes oppressit. friuola spe milites mihi surripuit. totumque regnum iniustus exactionibus concutiens exagitauit. Quid inde agendum sit, caute considerate, & mihi quasô insinuate. Cumque omnes tantum virum timerent. & sententiam in illum proferre dubitarent, magnanimus rex ait: Noxia temeritas semper comprimenda, multotiens olim contra patrem suum litigauerat: & tunc nouiter pro quibusdam ineptiis similiter stomachatus ad regem Francorum discesserat. Verum sapiens heros in futurum sibi multisque commoda fa-
 50 cere non distulit, omnesque thesauros suos ecclesiis & pauperibus, Deique ministris distribui præcepit. Quantum vero singulis dari voluit, calide taxauit, & coram se describi à notariis imperauit. Clero quoque Madantenſi supplex ingentia dona misit: vt inde restaurarentur ecclesiæ, quas combusserat. De fide & iustitia seruanda: de lege Dei & pace tenenda, de priuilegiis ecclesiarum & statutis patrum obseruandis, omnes qui præſentes erant, admonuit, & allocutionem per eum memoria dignam admixtis interdum lachrymis eloquenter sic edidit:*

Multis, inquit, o amici grauibique peccatis onustus contremisco, & mox ad tremendum Dei examen rapiendus, quid faciam ignoro. In armis enim ab infantia nutritus sum, & multi sanguinis effusione

effusione admodum pollutus sum. Nullatenus enumerare possum mala, quae feci per 64. annos, quibus in hac ærumnosa vita vixi: pro quibus absq; mora rationē reddere nunc cogor æquissimo iudici. Dum pater meus sponte proficiscens in exilium, commisit mihi Normannia Ducatum, tenellus eram puer ut pote octo annorum: ex quo tempore usque nunc semper subii pondus armorum. Ipsumq; ducatum fere quinquaginta sex annis gessi in discrimine bellorum. Mei, quibus praeram, mihi saepe insidiati sunt, & dampna grauesque iniurias mihi nequiter intulerunt. Turchetillum nutricium meum & Osbernum Herfasti filium Normannia dapiferum, Comitemq; Gislebertum patrem patriæ cum multis aliis reip. necessariis fraudulenter interfecerunt. His itaq; rebus gentis meae fidem expertus sum. Noctibus multotiens cognatorum timore meorum à Gaulterio auunculo meo de camera principali furtim exportatus sum: ac ad domicilia latebrasque pauperum, ne à perfidis, qui ad mortem me querebant, inuenirer, 10 translatus sum.

Normanni, si bono rigidoq; dominatu reguntur, strenuissimi sunt, & in arduis reb. inuicti omnes excellūt, & cunctis hostib. fortiores superare cōtendunt. Alioquin sese vicissim dilaniāt, atq; consumūt: Rebelliones enim cupiunt. Seditiones enim appetunt: & ad omne nefas prompti sunt. Rectitudinis ergo forti censura coerceatur, & frano disciplina per tramitē iustitiæ gradi cōpellantur. Si vero ad libitum suum sine iugo ut indomitus onager ire permittuntur: ipsi & principes eorum penuria & confusione probrosa operientur. Pluribus hoc experimentis iam dudum edidici. Proximi consanguineiq; mei, qui debuissent contra omnes mortales me omnimodis tutari, frequenti conspiratione facta in me surrexerunt, & pene omnem patriis mei hereditatem mihi abstulerunt.

Guido, Rainaldi Burgundionum ducis ex Adeliza amita mea filius, malum mihi pro bono reddi- 20 dit. Nam ego eum de alia regione aduentantem benigniter susceperam, ac ut unicum fratrem honoraueram: atq; Vernonum & Brioniam partemq; Normannia non modicam donaueram. Ille vero verbis & actibus mihi derogauit, me nothum degeneremq; & principatu indignum detestatus iudicauit, & hostiliter diffamauit. Quid plura referam? fidem suam mihi mentitus in me rebellauit, procereq; meos Ramulfum Baiocensem ac Haymonem Dentatum, & Nigellum de Constantino, aliosque multos mihi subtraxit: secumq; periuros esse nefario monitu coegit. Immemor itaq; hominū & fidelitatis, quā mihi iurauerat, totam Normanniam auferre satēgit. Sic igitur adhuc imberbis in illum coactus sum arma leuare, & in planicie apud Valledunas contra consobrinum hominemq; meum dimicare. Tunc auxiliante Deo, qui iustus iudex est, inter Cadomum & Argentonium hostes vici: quibus nutu Dei sub- 30 rutis patrium ius libere possedi. Deinde munitionem Brionia obsedi. Guidonem vulneratum, & de bello fuga elapsū inclusi, nec inde discessi, donec hostem publicum de Neustria expulerim, & cuncta eius munimina obtinuerim.

Non multo post alia mihi grauissima aduersitas oborta est. Patruinamque mei Malgerius Rothomagensis Archiepiscopus, & Guillelmus frater eius, cui Archas & Comitatum Calogii gratis dederam, me velut nothum contempserunt: & Henricum regem, & Engelrannum Comitem Pontini contra me accerserunt. Mox ego, ut in * Constantino huiusmodi rumores audiui: multis dis- 40 suadentib. iter iniui. Aliquantos milites, qui feruentiores ad ictus dandos erant, Archas pramisi, & ipse cum exercitu non grandi subsecutus arduam munitionem obsedi. Sed antequam rura, quae inter duo flumina sunt, Sedam & Garennam attigissem, percussores mei praoccupauerunt Engelrannum Comitem in castrum intrare festinantem, ipsumque fortiter pugnantem, quia miles erat asperimus, occiderunt, & agmina eius fugauerunt. Obsidione graui castrenses cohercui, & periurum comitem exulare coegi: nec in omni vita sua redire ad id quod amiserat, permisi. Proteruum quoque praesulem, qui nec Deo deuotus, nec mihi fidus erat, de pontificali sede per decretum Papa deposui: & Manrilium venerabilem cenobitam, quem mihi Deus de Florentia ciuitate Italia transmisserat, in loco eius subrogauit.

Henricus regali potentia fretus, & militari audacia feruidus, hostiumq; meorum derogationibus admodum stimulatus, saepe visus est me velut inermem conculcare, multisque modis proterere, & indebita mihi iura imponere. Sapius cum ingenti armatorum manu terram meam ingressus est. Sed nunquam de praeda spoliisque meis hominumque meorum captura gausus est. Cum grandi pompa minisque terribilibus plerunque fines meos intrauit: sed nunquam latus, nec sine dedecore 50 ad sua repedauit. Plures secum valentes huc adduxit: quos quia meo meorumq; gladio, pro dolor, perierant, non reduxit.

Quondam nimis contra me inflammatus ingentem exercitum Gallia in duas partes diuisit rex Henricus, ut nostros opprimeret fundos geminis irruptionib. Ipse unam phalangē in Ebroicensem diocesis, ut usq; ad Sequanā omnia deuastaret, introduxit: aliāq; Odoni fratri suo ac Rainaldo de Claromōte & duob. consulib. Radulpho de Monte Desiderii atq; Widoni de Pontino cōmendauit, ut p. vada Epiæ Neustriā cito introirēt Bratiū & Calcegiū totūq; Rothomagensem pagū inuaderēt. ferro & flamma necne rapinis usq; ad mare penitus deuastaret. Hac itaq; cōperiens ego econtra nō segnis pcepsi cōtra regis map- 60 palia per litus Sequana cum meis me semper opposui: & ubicunq; conaretur cespiti meum depopulari, armis

* Constantia.

armis & ferro calumniam paravi. Robertum vero Aucensium Comitem & Rogerium de Mortuo mari, aliosque milites probatissimos misi contra Odonem eiusque legiones. Qui dum penes castrum, quod Mortuū mare dicitur, occurrissent Francis, utriusque partis agminibus paratis, terribile praelium commissum est: & ex utraque parte multum sanguinis effusum est. Vtrobique enim bellatores erant strenui, & usque ad mortem cedere nescii. Hinc saevius Galli pro cupidine acquirendi: illinc feriunt Normanni spe feruētes eundem, & se suosque lares defendendi. Tandem, iuvante Deo, vicere Normanni & fugere Frāci. Hoc itaque bellum trans Sequanā in hyeme ante Quadragesimam fecere. octavo anno post bellum Vallesdunense. Tunc Wido Potini comes captus est, & Odo cum Rainaldo aliisque, qui velocitate pedum vigerunt, fugatus est. Radulfus quoque comes pariter caperetur, nisi Rogerius princeps militia mea illi suffragaretur. hominum enim iam dudum illi fecerat. In tali ergo necessitate pulchrum illi & competens servitium impendit. dum in castro suo illum triduo protexit: & postea saluum ad sua perduxit. Pro hac offensa Rogerium de Normannia eieci, sed paulo post reconciliatus illi ceterum honorem reddidi. Castrum tamen Mortui maris, in quo inimicum meum saluavi, illi iure ut reor, abstuli. sed Guillelmo de Guarenna consanguineo eius tyroni legitimo dedi. Widonem vero Comitem Baiocis quamdiu placuit in carcere habui: & post duos annos hominum ab eo tali tenore recepi: ut exinde mihi semper fidelis existeret, & militare servitium, ubi iussissem, cum centum militibus mihi singulis annis exhiberet. Deinde muneribus illum magnis donavi, & honoratum cum pace dimisi.

Peraeto certamine, mox ut certos rumores comperi per Radulfum de Toenia, quae Transsequanam contigerant, regi Francorum mandavi. Quibus auditis ille protinus noctu surrexit, & cum exercitu suo velociter aufugit. nec unquam postea in terra mea pernoctavit. Sic à pueritia mea innumeris pressuris undique impeditus sum: sed per gratiam Dei de omnibus honorifice ereptus sum. Invidiosus igitur omnibus vicinis meis factus sum. sed auxiliante Deo, in quo semper spem meam posui, à nullo superatus sum. Hoc saepe senserunt Britones & Andegauenses. Hoc astipulantur Franci, atque Flandrenses. Hoc grauius experti sunt Angli & Canomanenses.

Guilfredus Martellus Comes Andegavorum, & Conanus princeps Britonum, atque Robertus Fresiosatrapa Morinorum mihi multis machinationibus insidiati sunt. Sed custodiēte Deo licet multum optassent, & plures insidias perstruxissent, nunquam voti compotes effecti sunt. Diadema regale, quod nullis antecessorum meorum gessit, adeptus sum: quod diuina solummodo gratia non ius contulit hereditarium. Quantos ultra mare labores & periculosos conflictus pertulerim contra Exonios, Cestrenses, & Nordanhumbros, contra Scotos & Gallos Norweganos & Dacos, & contra ceteros aduersarios, qui conabantur me regno Anglia spoliare; difficile est enarrare, in quibus omnibus prouenit mihi fors victoria. Sed quamuis super huiusmodi triumphis humana gaudeat auditas, me tamen intrinsecus pungit & mordet formidinis anxietas: dum perpendo, quod in omnibus hiis grassata est saeva temeritas. Vnde vos, o sacerdotes & ministri Christi suppliciter obsecro, ut orationibus vestris me commendetis omnipotenti Deo, ut peccata, quibus admodum premor, ipse remittat, & per suam insatigabilem clementiam inter suos me saluum faciat. Thesauros quoque meos iubeo dari ecclesiis & pauperibus, ut quae congesta sunt ex facinoribus, dispergantur in sanctis sanctorum usibus. Debetis enim recolere, quam dulciter vos amavi, & quam fortiter contra omnes amulos defensiui.

Ecclesiam Dei, matrem scilicet naturam, nunquam violavi. sed ubique, ut ratio exegit, desideranter honoravi. Ecclesiasticas dignitates non venundedi. Symoniam detestatus semper reftui. In electione personarum vita meritam & sapientia doctrinam inuestigavi. & quantum in me fuit omnium dignissimo ecclesiae regimen commendavi. Hoc nimirum probari potest veraciter in Lanfranco Cantuariensium archiepiscopo. hoc in Anselmo Beccensium abbate. hoc in Gerberto Fontanellense. & Durando Troarnense, & in aliis multis regni mei doctoribus. quorum celebris laus personat in vltimis, ut credo, terra finibus. Tales socios ad colloquium elegi: in horum contubernio veritatem & sapientiam inueni: ideoque semper gaudens optabam eorum consiliis perfrui.

Nouem abbatia monachorum, & una sanctimonialium, quae à patribus meis in Normannia fundatae sunt, me adiuuante, cum auxilio Dei creuerunt & gloriose multarum augmentis reuerunt, quas dedi, magnificatae sunt. Deinde Ducatus mei tempore, decem & septem monachorum atque sanctimonialium sex cenobia constructa sunt. ubi magnum servitium & plures elemosinae pro summi regis amore quotidie fiunt. Huiusmodi castris munita est Normannia, & in his discunt terrigene praeliari contra demones & carnis vitia. Horum quippe aut ego, inspirante Deo, sui conditor aut fundator feruidus adiutor & beneuolus incentor. Omnes quoque res, quas in terris vel aliis redditibus proceres mei Deo & sanctis eius dederunt pro salute spiritali, in Neustria & Anglia benigniter concessi. & cartas largitionum contra omnes amulos & infestatores principali auctoritate gratis confirmaui.

Hac studia sectatus sum à primo tempore. hac haeredibus meis relinquo tenenda omni

tempore. In hiis, filii mei, me iugiter sequimini, ut hic & in aeuum coram Deo & hominibus honoremmini. Hoc precipue vos viscera mea commoneo, ut bonorum & sapientum indefinenter inhareatis sodalitis. & eorum in omnibus, si diu gloriosi milites persistere velitis, obediat imperio. Piorum sophistarum doctrina est, bonum à malo discernere: iustitiam omnimodis tenere: nequitiamque omni molimine cauere. Infirmis & pauperibus ac iustis parcere & subuenire, superbos & iniquos comprimere ac debellare, & ab infestatione simplicium refrenare, Ecclesiam sanctam deuote frequentare, diuinitatis cultum super omnes diuitias amare, & diuina legi nocte dieque & in aduersis & prosperis infatigabiliter obtemperare.

Ducatum Normannia, antequam in Epitunio Senlac contra Heraldum certassem, Roberto filio meo concessi. quia primogenitus est & hominum pene omnium huius patriæ Baronum iam recepit. concessus honor nequit abstrahi. Sed indubitanter scio, quod vere misera erit regio, quæ subiecta fuerit eius dominio. Superbus enim est, & inspiens nebulo, trucique diu plectendus infortunio. Neminem Anglici regni constituo heredem: sed aeterno conditori, cuius sum, & in cuius manus sunt omnia, illud commendo. Non enim tantum decus hereditario iure possedi. Sed diro conflictu & multa effusione humani cruoris periuro regi Heraldò abstuli, & interfectis vel effugatis fautoribus eius dominatus meo subegi. Naturales regni filios plus aequo exosos habui. Nobiles & vulgares crudeliter vexaui. Iniuste multos exhereditaui: innumeros, maxime in pago Eboracensi, fame seu ferro mortificaui. Dein enim & Transhumbrana gentes exercitum Sueni Danorum regis contra me susceperunt, & Robertum de Cuminis cum mille militibus intra Dunelmum aliosque proceres meos & Tirones probatissimos in diuersis locis peremerunt. Vnde immoderato furore commotus in boreales 10 Anglos ut uasanus leo properaui. Domos eorum ussi, segetesque & omnem apparatus atque supellectilem confestim incendi, & copiosos armentorum pecudumque greges passim maculari. Multitudinem itaque utriusque sexus tam dira famis microne multauit. Et sic multa millia pulcherrima gentis senum iuuenumque pro dolor funestus trucidauit. Fasces igitur huius regni, quod cum tot peccatis obtinui, nulli audeo tradere nisi Deo soli: ne post funus meum adhuc deteriora fiant occasione mei. Guillelmum filium meum, qui mihi à primis annis semper inhaesit, & mihi pro posse suo per omnia libenter obediuit, opto in spiritu Dei diu valere, & in regni solio, si Dei voluntas est, feliciter fulgere.

Hæc & his similia dum rex Guillelmus multa dixisset, & stupor assistentes calideque futura dimetientes inuasisset: Henricus minor filius ut nil sibi de regalibus 30 gazis dari audiuit, moerens cum lacrimis regi dixit. Et mihi pater, quid tribuis? Cui rex ait: Quinque millia libras argenti de thesauro meo tibi do. Ad hæc Henricus dixit: Quid faciam de thesauro, si locum habitationis non habuero? Cui pater respondit. Equanimis esto fili, & confortare in domino: pacifice patere, ut maiores fratres tui præcedant te. Robertus habebit Normanniam, & Guillelmus Angliam. tu autem tempore tuo totum honorem, quem ego nactus sum, habebis, & fratribus tuis diuitiis & potestate præstabis. His ita dictis, metuens rex, ne in regno tam diffuso repentina oriretur turbatio: epistolam de constituendo rege fecit Lanfranco archiepiscopo, suoque sigillo signatam tradidit Guillelmo Rufo filio suo: iubens, ut in Angliam transfretaret continuo. Deinde osculatus eum benedixit, & trans pontum ad 40 suscipiendum Dyadema properanter direxit. Qui mox ad portum, qui Witsand dicitur, peruenit, ibique iam patrem audiuit obiisse. Henricus autem festinauit denominatam sibi pecuniam recipere diligenter, ne quid sibi deesset ponderare, necessariosque sodales, in quibus confideret, aduocare: munitumque Gazophylacium sibi procurare.

Interea medici & regales ministri, qui languidum principem custodiebant, proceresque, qui ad eum visitandi gratia veniebant, ceperunt pro vinctis quos in carcere tenebat, eum affari: ac ut misereretur eis, & relaxaret suppliciter deprecari. Quibus ipse ait. Morcarum nobilem Anglorum Comitem iam diu vinctum tenui, & iniuste; sed pro timore ne per eum si liber fuisset turbaretur regnum Anglia. Rogerum vero de Britolio, quia valde contumaciter contra me insaniuit, & Radulfum de Guader sororium suum, & multos alios in me prouocauit, in vinculis arctavi. & quod in vita mea non egrederetur, iuravi. Sic multos vinculis iniecti ex merito propriæ peruersitatis, aliosque plures pro metu futura seditionis. Hoc enim censura rectitudinis exigit, & diuina lex per Moysen rectoribus orbis precipit, ut comprimantur nocentes ne perimant innocentibus. Nunc autem in articulo mortis positus sicut ovis to saluari, & per naturam Dei à reatibus meis absolui: sic omnes mox iubeo carceres aperiri. Omnesque vinctos præter fratrem meum Baiocensem episcopum relaxari, liberosque, pro amore Dei, ut ipse mihi misereatur, dimitti. Nexi tamen tali tenore de carcere procedant, ut antea iureiurando securitatem reipub. ministris faciantque pacem in Anglia & Normannia omnibus modis teneant, & pacis aduersariis pro posse suo viriliter resistent.

Cumque

Cumque Robertus, Moritolii comes, audisset, regali sententia fratrem suum perpetuo vinciri, multum contristatus est. Herluinus quippe de Contrailla Herlettani Roberti Ducis concubinam in coniugium acceperat, ex qua duos filios Odonē & Robertum genuerat. Guilielmus autem dux & postea rex, vitricum suum magnis & multis honoribus in Normānia & Anglia ditauerat, & filios eius Radulfum, quem de alia coniuge procreauerat, fratresque suos vterinos Odonem & Robertum maximis possessionibus sublimauerat. Nam postquam Guilielmus, cognomento Werlengum, Moritolii Comitem filium Magerii comitis, pro minimis occasionibus de Neutritia propulsauerat: Roberto Herluini filio fratri suo Comitatum Moritolii dederat.

10 Defuncto quoque Hugone Baiocensi episcopo Radulfi consulis filio, prædictum præfulatum conceilerat Odoni fratri suo, quem postmodum in Anglia præposuit Canciæ regno. Denique hunc pro nimietate sua, ut supernis pleniter relictum est, rex Guilielmus in insula Vecta cepit; quatuor annis in carcere tenuit: nec etiam in morte pro insolentia sua relaxare voluit. Vnde præfatus Moritolii Comes admodum mœrebat, & pro fratre suo per se & per amicos suos suppliciter interpellabat precibusque languentem fatigabat.

Cumque multi obnixè pro Baiocensi præsule rogent, tantorum supplicatione fatigatus rex ait: Miror quod prudenter non indignatis, quis vel quilibet est vir, pro quo supplicatis. Nonne pro tali viro petitis, qui iam diu contemptor exitit religionis, & argutus inceptor lethiferae seditionis. Nonne hunc 20 iam coercui quatuor annis episcopum, qui debuerat esse iustissimus rector Anglorum, & factus est pessimus oppressor populorum & monachilium destructor cenobiorum? Seditiosum liberando malefactoris, & vobismetipsis ingens detrimentum queritis. Evidenter patet, quod Odo frater meus levis est & ambitiosus carnis inhaerens desideriis, & immensis crudelitibus, & nunquam mutabitur à lenociniis & noxiis vanitatibus. Hic perspicue in pluribus expertum sum. Ideoque constrinxi non antistitem sed tyrannum absque dubio, si euaserit, totam regionem turbabit, & multis millibus perniciem subministrabit. Hæc non ex odio, ut hostis proferas: sed ut pater patriæ plebi christianæ provideo. Si enim caste & modeste se haberet, sicut sacerdotem & Dei ministrum ubique conduceret, cordi meo maior, quàm possim referre, lætitia inesset.

Spondentibus cunctis emendationem pontificis, rex iterum ait: Velim nolim, vestra fiet petitio. 30 quia me defuncto vehemens subito rerum fiet mutatio. Inuitus concedo, ut frater meus de carcere liberetur, sed scitote, quod multis per eum mors seu graue impedimentum incutietur. Baldrico autem Nicholai filio, quia seruitium meum insipienter relinquit & sine mea licentia in Hispaniam abiit, totam terram suam pro castigatione abstuli. Sed nunc illi reddo pro amore Dei. Ille melior in armis tyro, reor, non inuenitur, sed prodigus & levis est, ac per diuersa vagatur. Sic Guilielmus rex, licet nimio ilium dolore graueretur, sana tamen mente ac viuaci loquela efficaciter fruebatur, & in omnibus de negotiis regni poscentibus promptum & vtile consilium impartiebatur.

Denique quinto Idus Septembris, feria quinta iam phœbo per orbem spargente clara radiorum picula, excitus rex sonum maioris signi audiuit in metropolitana basilica. Percunctante eo, quid sonaret, responderunt ministri: Domine hora prima iam 40 pulsatur in ecclesia sanctæ Mariæ. Tunc rex cum summa deuotione oculos ad cælum erexit, & sursum manibus extensis dixit: Domine nunc sancta Dei genitrici Mariæ me commendo, ut ipsa suis sanctis precibus me reconciliet charissimo filio suo domino nostro Iesu Christo. Et his dictis protinus expirauit. Archiatri autem & ceteri præsentis, qui regem sine gemitu & clamore quiescentem tota nocte seruauerunt, & nunc ex insperato sic cum mox migrasse viderunt, vehementer attoniti, & velut amentes effecti sunt. Porro ditiores ex his ilico ascensis equis recesserunt, & ad sua tutanda properauerunt. Inferiores vero clientuli ut magistros sic se subduxisse prospexerunt: arma, vasa, vestes, & lintheamina, omnemque regiam suppellectilem rapuerunt, & relicto regis cadauere pene nudo in 50 area domus aufugerunt. Cernite, precor, omnes, qualis est mundana fides. Vnusquisque quod potuit de apparatu regio ut miluus rapuit, & confestim cum præda sua aufugit. Impietas itaque iustitiarum labente imprudenter prodiit, & rapacitatem circa ipsum ultorem rapinæ promptus exercuit.

Fama de morte regis perniciosus alis volauit, & longe lateque gaudium seu mœrorem audientium cordibus infudit. Nam mors Guilielmi regis ipso eodem die, quo Rothomagi defunctus est, in vrbe Roma & in Calabria quibusdam exheredatis nunciata est, ut ab ipsis postmodum veraciter in Normannia relatum est. Malignus quippe spiritus oppido tripudiauit, dum clientes suos, qui rapere & vehementer inhæbant, per occasum iudicis absolutos vidit.

O Secu-

O secularis pompa quam despicabilis es? quia nimis vana & labilis es. recte plu-
uialibus bullis equanda diceris, quæ in momento valde turgida erigeris, subitoque
in nihilum redigeris. Ecce, potentissimus heros, cui nuper plusquam centum mil-
lia militum seruibant auide, & quem multæ gentes cum tremore metuebant,
nunc à suis turpiter in domo non sua spoliatus est, & à prima vsque ad tertiam supra
nudam humum derelictus est. Ciues enim Rothomagenſes audito lapsu princi-
pis valde territi sunt, & pene omnes velut ebrii desipuerunt, ac si multitudinem ho-
stium im-ere vrbi vidissent, turbati sunt. vnusquisque de loco, vbi erat, recessit, &
quid ageret à coniuge, vel obuiio sodali, vel amico consilium quæsiuit. Res suas quisq;
aut transmutauit, aut transmutare decreuit, pauidusq; ne inuenirentur, abscondit. 10

Religiosi tandem viri clerici & monachi collectis virib⁹ & intimis sensibus pro-
cessionem ordinauerunt, honeste induti cum crucibus & thuribulis ad sanctum Ger-
uasium processerunt. Et animâ regis secundum morem sanctę christianitatis Deo cõ-
médauerunt. Tunc Guillelmus archiepiscopus iussit, vt corpus eius Cadomú defer-
retur, ibiq; in basilicam sancti Stephani prothomartyris, quam ipse cõdiderat, tumu-
laretur. Verum fratres eius, & cognati, iam ab eo recesserant, & omnes ministri eius
eum, vt barbarum, nequiter deseruerant. Vnde nec vnus de satellitibus regis est in-
uentus, qui curaret de exequiis corporis ipsius. Tunc Hurluinus quidam, pagensis e-
ques, naturali bonitate compunctus est, & curam exequiarum pro amore Dei & ho-
nore gēis suæ viriliter amplexatus est. Pollinctores itaq; vt vespiliones ac vehiculum 20
mercede de propriis sumptibus conduxit, cadauer regis ad portum Sequanę deuexit,
impositumque naui vsque Cadomum per aquam & aridam perduxit.

Tunc dominus Gislebertus abbas cum cõuentu monachorum veneranter ob-
uiam feretro processit, quibus flens & grans multitudo clericorum & laicorum ad-
hæsit. Sed mox sinistra fortuna omnibus pariter maximum terrorem propinauit.
Nam enorme incendium de quadam domo protinus erupit. & immensos flamma
globos eructauit, magnamque partem Cadomensis Burgi damnose inuasit. Omnes
igitur ad ignem comprimendum clerici cum laicis cucurrerunt. Soli vero monachi
ceptum officium compleuerunt, & regis corpus ad cenobialem basilicam pſalentes
perduxerunt. 30

Denique ad sepeliendum maximum Ducem & patrem patriæ congregati sunt
omnes episcopi & Abbates Normanniæ: ex quibus ad notitiam posterorum liber
quosdam nominare, & præſenti breuiter in pagina denotare. Guillelmus Rothoma-
genſis archiepiscopus, Odo Baiocensis episcopus, Gislebertus Manimotus Lexomē-
ſis, Michael Abrincensis. Goifredus Constantinensis, & Girardus Sagienſis. Abbates
quoque hi sunt, Anselmus Beccensis, Guillelmus de Ros Fiscannensis, Gerbertus
Fontinellensis, Guntardus Gemeticensis, Mamerius Vticensis, Fulco Dinensis, Du-
randus Troarnensis, Robertus Sagienſis, Osbernus Bernaicensis, Rogerius de mon-
te sancti Michaelis in periculo maris, Rothomagenſes archimandrite, Nicholaus de
sancto Audoeno, & Gaulterus de Monte sanctę trinitatis, & alii plures; quos no- 40
minatim proferre per longum est. Omnes hi ad exequias famosi baronis conuene-
runt, ipsumque in presbyterio inter chorum & altare sepelierunt.

Expleta missa, cum iam sarcoſagum in terra locatum esset, sed corpus adhuc in
feretro iaceret, Magnus Gislebertus, Ebroicensis episcopus in pulpitem ascendit, &
prolixam locutionem de magnificentia defuncti principis eloquenter protelauit. q
ipse fines Normannici iuris strenue dilatauerit, gentemq; suam plusquam omnes an-
tecessores sui sublimauerit: Iustitiam & pacem sub omni ditione sua tenuerit. fures &
prædones virga rectitudinis vtiliter castigauerit: & clericos ac monachos & inermem
populum virtutis ense fortiter munierit. Finita vero locutione plebem rogauit, & pro
pietate multis flentibus ac verba eius atestantibus, adiecit: Quia nullus mortalis ho- 50
mo potest in hac vita sine peccato viuere, in charitate Dei vos omnes precamur pro
defuncto principe, propter illum apud omnipotentem Deum studeatis intercedere,
ei quod si quid in vobis deliquit, benigniter dimittere.

Tunc Ascelinus Arturi filius de turba surrexit, & voce magna querimoniâ hu-
iusmodi cūctis audientibus edidit. Hæc terra vbi cõsistitis arca domus patris mei fuit,
quã vir iste, pro quo rogatis, dum adhuc esset Comes Normanniæ, patri meo violen-
ter abstulit, omniq; denegata rectitudine istam ædem potenter fundauit. Hanc igitur
terram calumpinor & palā reclamo, & ne corpus raptoris operiatur cespitem meo, nec
in hæreditate mea sepeliatur, ex parte Dei prohibeo. Hoc vt episcopi & proceres
alii

alii audierunt, & vicinos eius, qui eundem vera dixisse contestabantur, intellexerunt: hominem accersierunt. omni remota violentia precibus blandis lenierunt, & pacem cum eo fecerunt. Nam pro loculo solius sepulturæ sexaginta solidos ei protinus adhibuerunt: pro reliqua vero tellure, quam calumnabatur æquipollens mutuum eidem promiserunt, & post non multum temporis pro salute specialis heri, quem diligebant, pactum compleuerunt. Porro dum corpus in sarcophagum mitteretur, & violenter, quia vas per imprudentiam cementariorum breue strictum erat, complicaretur, pinguiissimus venter crepuit, & intolerabilis fetor circumstantes personas & reliquum vulgus impleuit. fumus thuris aliorumque aromatum de thuribulis copiose
 10 ascendebat. sed teterrimum putorem excludere non præualebat. Sacerdotes itaque festinabant exequias perficere, & aditum sua cum pauore mappalia repetere.

Ecce subtiliter inuestigauit, & veraciter enucleauit, quæ in lapsum Ducis præostendit dispositio Dei. Non fictilem tragediam venundo: non loquaci comedia cachinantibus parasitis faueo. Sed studiosis lectoribus varios euentus veraciter intimo. Inter prospera patuerunt aduersa, vt terrerentur terrigenarum corda. Rex quondam potens & bellicosus, multisque populis per plures prouintias metuendus, in area iacuit nudus, & à suis, quos genuerat vel aluerat, destitutus. Ere alieno in funebri cultu indignuit, ope gregarii. pro sandapila, & vespilionibus concludendis eguit, qui tot hactenus & superfluis opibus nimis abundauit. Secus incendium à formidolosus vectus
 20 est ad basilicam, liberoque solo, qui tot vrbibus & opidis & vicis principatus est, caruit ad sepulturam. Aruina ventris eius tot delectamentis enutrita cum dedecore paruit, & prudentes ac infrunitos, qualis sit gloria carnis, edocuit. Inspecta siquidem corruptione cenosi cadaueris quisque mouetur, vt meliora quam delectamenta sunt carnis, quæ terra est, & in puluerem reuertetur, labore salutaris continentia mercari feruenter conetur.

Diuitis & pauperis par est conditio, & similiter ambos inuadit mors & putredo. Nolite ergo confidere in principibus falsis, o filii hominum: sed in Deo viuo & vero, qui creator est omnium. Veteris & noui testamenti seriem reuoluite, & exempla inde multiplicia vobis capeffite, quid cauere, quidve debeatis appetere. Nolite sperare
 30 in iniquitate; & rapinas nolite concupiscere. Diuitia si affluant nolite cor apponere. Omnis enim caro vt fœnum; & omnis gloria eius vt flos fœni. Exaruit fœnum, & flos eius cecidit. Verbum autem Domini manet in æternum.

HISTO-

1917

1918

1919

1920

1921

1922

1923

1924

1925

1926

1927

1928

1929

1930

1931

1932

1933

1934

1935

1936

1937

1938

1939

1940

1941

1942

1943

1944

1945

1946

1947

1948

1949

1950

1951

1952

1953

1954

1955

1956

1957

1958

1959

1960

1961

1962

1963

1964

1965

1966

1967

1968

1969

1970

1971

1972

1973

1974

1975

1976

1977

HISTORIA BREVIS
THOMÆ VVALSINGHAM,
AB EDVVARDO PRIMO, AD
Henricum quintum.

NOMINA REGVM QVORVM
RES GESTAS PRÆSENS

Historia describit.

EDWARDVS I.



EDWARDVS II.



EDWARDVS III.



RICHARDVS II.



HENRICVS IV.



HENRICVS V.



P R Æ

PRÆFATIO AD LECTOREM.



TO

V M nos non nobis solum natos esse meminerim (Lector optime) sed Patria, Parentibus, & Amicis, istam Thoma Walsinghami historiam non uni mihi priuate retinendam, sed ad communem omnium utilitatem diuulgandam putauit: idque eo magis, quoniam ille percommode exordiri mihi videtur ab Henrico tertio Rege; in quo vera illa & fidelis Matthaei Parisii historia desit. Lex autem cum hac sit historia, ut rei potius veritatem, quam orationis elegantiam desideret; illud me quoquo modo dehortari non poterat, quod ille crasso ac leuidenti filo scripserit. Egregia enim & rarissima gesta cum illius historia contineat, non dubito quin multa apud nos praeclara ingenia sint, qui cum per artem melius possint, hoc illius opus meliori fuso & apparatu splendidiore illustrent. Rationem interim & exemplum Titi Liuii Frulouisi Ferrariensis odii: qui cum Henrici quinti res gestas proposito praeiudicio scribendas in se susciperet: ne videretur Authorem quendam antiquorum eisdem vestigiis insequi quoniam pingui Minerua usus esset, cuius historia sic exorditur (Lucerna posita sub modio) multa ab eo egregie scripta, & à principe inclito diuinitus facta omnino pratermisit. Curiosam istam in alios iniuriam, seu delicatam philautiam non approbo, maloque cum bona fide crassissime dicta commemorare, quam (ut mihi aliquid arrogem) mortuos iniuria afficere, posteros rerum antea actarum veritate fraudare. Visio ego hic mihi datum fore non dubito, quod multas huius regni historias antiquissimas ediderim, in quibus monastica quaedam fragmenta, aut potius aniles fabulae reperiuntur. Sed his libenter ignosco, qui zelo bono adducti, rem prima specie factam detestantur, cum nullam habeant occasionem altius & profundius considerandi, quanta, & quam quotidiana sit istius rei necessitas. Nam si rem mecum penitus introspicerent, Mattheos Parisium & Westmonasteriensem, cum suis fabulis & portentis (quibus hodie nemo credit) potius edendos, quam homines pios & scriptores sinceros reliquis illorum historiis (quae hodierna veritati magnopere suffragantur) priuandos putarent. Quibus si ad Papisticae disciplinae expugnationem, mutilato, inuerso, & conciso eorum opere, uteremur; illi contra iustissime reclamarent, aut non esse illorum hominum historias, aut si sint, deletas, corruptas, mutatas, imperfectas, adulteratas esse. Ita eo fugiendo quod non est necesse, in id incidemus quod non est decorum; & cum exemplis superiores simus, fide inferiores erimus: & nos illorum virulentia & maledictis obnoxios faciemus, cum aliqui suis eas sententias configere, suis gladiis interficere possimus. Quid enim oratori tam prodest, ut exultantem aduersarium frangat, quam aliquod illius stulte dictum aut impure factum commemorare? & suis eundem vocibus sic obrundere, magis ut pudeat quid ipse dixerit, quam recte caueat quid aduersarius possit dicere. Sed concedamus paululum nullum in eo Papistis scandalum dari, nec historia fidem in dubium vocari posse, si multa corrigantur, multa ne inferantur quidem: quid tandem erit in illis nugis & insomniis periculi? Certe, si deliriis & monasticis vanitatibus quisquam ebriosus & tanquam fascinatius fuerit, is eisdem credet, etiam si in nostris historiis nihil tale reperiat. Totus siquidem terrarum orbis istis insomniis, & miraculis circumfluit; & qui in sordibus est, sordescet adhuc. Quod cum ita sit, videamus quis sit hodie rerum nostrarum status in Anglia; & utrum nimium an parum credendo magis periculum impendeat. Sane quidem (tibi grates o summe Pater) ita omni ex parte bestia magna & tripitis caput contritum est, ita concussa sunt nuga monastica, ita depulsa tenebra, ita lux euangelica propagata, ut nemo iam adeo hebetis & obtusi ingenii papista sit, quin Legenda aurea miracula, & illis consimilia ad politicam Romanam ecclesiam gubernationem potius excogitata dicat, quam se eisdem credere quoquo modo fateatur. Et ut propius ad nos veniamus (ut nunc sunt hominum ingenia) nonne id potius metuendum est, ne multi sint, qui se nihil credere oportere existimant, quam ut pauci super sint qui nimium credant? Magis ut miseranda illorum ignorantia, quam ferenda istorum incredulitas & insolentia videatur? Vtinam profecto iste sermo quotidie in circulis & conuiuiis liberius non exiret, tatum se credere quaeque oportere, quantum ratione (ne dicam sensu) consequi poterunt: in utroque extremo vitium est, in illo crassum, in isto periculosum. Illi nimium desipere videbantur: nos nimium sapere videri volumus. Ego equidem quoties in fabulas monasticas & aniles ineptias oculos conicio, iisdem summa cum voluptate mea fruor. Aperta enim Dei bonitatem, & expressam misericordiam in nostra tempora videre mihi videor. Intueor siquidem eodem momento & inanes illas tenebras, quas patrum nostrorum oculis Deus effudit, & immensam lucem, quam idem nobis eorum posteris reuelauit. Istius sententiae bonos omnes iuxta mecum esse existimo, magisque vereor, si omnia istiusmodi somnia & deliria deleantur, ne tandem aliquando papista negent huiusmodi nugas in Ecclesia Anglicana unquam fuisse ante diruta Canobia (quod multi iam dudum factis arunt) quam ut eadem re perspecta, & cognita veritate, quaequam decipiant. Multa antiquitus prodita sunt mendacia de gentium & virorum origine, multa errant auguria, multa aruspicum responsa, multa diuinationes; quibus tanta fides est habita, ut religio ex illis constituta plus quam mille annis perdurauerit: & tamen veniente in mundum Christi Euangelio,

omnia tanquam nebula penitus euanuerunt. Adulterina merces lucem ferre non poterant. Eadem tamen post aliquod tempus in manus hominum recepta sunt, non tam ut iis quisquam capi quam ut delectari posset. Ridebat quisq; superiorum temporum inscitiam, deprehendit errorem, deniq; prophanos ritus, mores & ceremonias (ut nos hodie) sine ullo conscientia labe aut discrimine legebant. Quis est

Hac omnia apud Titum Livium.

Cicero de Divinatione.

In historia sua de Carolo cap. 23. Si lumen, quod in te est, tenebra sunt, ipsa tenebra quantat Matth. 6.

Hoc committum habetur in hist. antea. li. 2. ca. 7. Et Mat. Paris. pa. 290. anno. 1206. Et in Flo. rilegio anno. 814. Et in sermonibus Discipuli. Et in Polichron. lib. 5. cap. 26.

qui in hoc auro Romulum in cælum subdito emigrasse credat? Quis Numam Pompiliū cum dea Ægeria congressus tacitos habuisse, & ex illa leges Romanas didicisse? Quis Titi Latini in somnium? Quis Marci Ceditii de Gallorum aduentu vocem admiretur? Quis putet paulo ante Casarem interfectum bouem corde caruisse? aut, si caruerit, Casariana mortis portentum fuisse? Quis Tarquinii iussu Attium Naviū cotem, nouacula pracidisse opinetur? Quis Alexandrum crediderit amicum Ptolomæum à morte ad vitam radícula quadam reuocasse, quam illi Draco per quietem ostenderat? Et hæc tamen omnia ab Historicis & Oratoribus præstantissimis scribuntur, & a nobis quotidie sine ullo superstitionis discrimine leguntur. Et, ut historicos paululum omittamus, veniamus ad Theologos. Scribit Turpinus Remensis Archiepiscopus, & unus de primoribus Gallia, eam illi cum Carolo magno familiaritatem intercessisse, ut alter alteri religiose promitteret, ut quisquis prius moreretur, mortis sue tempus, quam fieri potuit diligentissime, superstitioni significaret. Quod cum inter eos diring; pactum conuentumq; esset, Turpinus die quadam, dum rem diuinam faceret in extasim raptus, agmen demonum vidit ver-
sus Lotharingiam prætereuntium; è quibus cum unum rogaret, quo proficisci vellent, respondit, se A-
quisgranum ad Caroli magni mortem festinare, ut illius animam ad infernum raperent. Tum ille in nomine Iesu illum adiurauit, ut eadem via reuersus fideliter illi ostenderet, quid de Carolo factum esset. Quod cum sollicite demon faceret, dixit Caroli animam ex illorum manibus abreptam esse: quia cum omnia illius facta tum bona tum mala statèris librarentur, tot ligna & lapides in alteram à diuo Iacobo Gallitano decapitato (quibus ille multas ecclesias dicauit) imposta esse, ut illius benefacta male-
factis longe superiora essent. Quid hoc miraculo stultius aut inanius? Quis est hodie apud Anglos tam stupidus & insensatus, ut huic credat, etiamsi à Matthæis Westmonasteriensi & Parisio scribasur? Quis hodie putat vel Dunstanum Archiepiscopum diabolum illius operi insidiantem naso suspensum tenuisse, vel Vlfstanum Wigorniensem iuxta Diui Edwardi sepulchrum baculum marmoribus adeo infixisse, ut nec à Lanfranco, nec alio quocunque, nisi solo Vlfstano, euelli posset? Ista omnia antiquitatis deliria cognoscere salus est adolescentulis: & plures, credo, ad castissimam nostram Religionem crassis istis & impuris exemplis ante oculos positis adducuntur, quam ullis politicis aut humanis præceptis. Difficile est enim id diligere quod aperse sordet; nec unquam postea ille cibis stomacho placere potest, qui semel nauscam ingenerauit. Ita qui populum semel aut sepe miraculis deceptum viderit, nunquam eisdem in posterum credit. Hunc enim sensum unusquisque nostrum habet, ut si ab homine ista fieri dicantur, nihil possibile; sin à Deo, nihil impossibile credamus. Ipsa Euangelii lux vanitatis tenebras non patitur, neque in ea gente deliria & prastigia unquam possunt reuiviscere, apud quam Christiani verbi puritas semel inualuit, quod si unquam credamus, imbecillitatis nostra fidei, non alicuius periculi argumentum est. Nam cum omnes vrbes, omnia templa, omnis domus scripturis sanctissimis abundant, nō potest ista antiquitatis crassities in ullo angulo aut latibulo sine lumine, sine indicio, sine veri perspicientia delitescere: aut, si quisquam omnium sit qui in tanta luce tenebras etiamnū mordicus retineat; indurauit cor eius dominus, & de eo magis desperandum est, ne nunquam resipiscat, quam metuen-
dum ne istis miraculis cæcus fiat, qui iam dudum in ipsa luce cacutire & offendere desiderat. Hæc in eū finem à me scribuntur (suauissime Lector) non ut à te puro Euangelii fonte ad turbulentos miraculo-
rum lacus adigam, sed ut tu (cum in ea incidexis) Deo gratias agas, quod eam tibi lucem ostenderis, quam patribus tuis denegauit: nec antiquissimas istas Patria tua Historias prorsus reiicias, quoniam in illis falsa miracula produntur; ne in summa rerum nostrarum ignoratione semper verferis, cum nec ulla antiquitatum vestigia nisi in illis scriptoribus reperiri possint, nec quisquam sit qui perfectam rerum nostrarum Historiam hæcenus scripserit. Id ego aliquando exactissime futurum non dubitarem, nisi in Deum & homines ingrati essemus; dum nec labores alienos merito approbamus, nec ingenia excellentia (ut solent alie nationes) premio & honore afficimus. Immo vero, quasi nati ad Barbariem essemus, doctissimos quosque & viros eloquentissimos cum indignitate reiicimus. Hæc in nobis & alia quacunq; vitia Deus optimus maximus pro sua summa clementia corrigat: & tibi Lector optime multarum annorum felicitatem cum salute sempiterna concedas. Vale.

Tabula

Tabula historie Tho. VV alsingham.

Nomina regum.	An. Do.	Pag.	Nomina regum.	An. Do.	Pag.	Nomina regum.	An. Do.	Pag.
Henrici 3. vls.	1273	43	16	1323	117	47	1373	187
Edw. I. I	1274	44	17	1324	119	48	1374	188
2	1275	45	18	1325	121	49	1375	188
3	1276	46	19	1326	123	50	1376	189
4	1277	46	Edw. III. I.	1327	126	51	1377	191
5	1278	47	2	1328	129	Rich. II. I	1378	201
6	1279	48	3	1329	129	2	1379	220
7	1280	48	4	1330	131	3	1380	235
8	1281	49	5	1331	131	4	1381	245
9	1282	49	6	1332	132	5	1382	281
10	1283	50	7	1333	133	6	1383	296
11	1284	51	8	1334	134	7	1384	308
12	1285	52	9	1335	135	8	1385	312
13	1286	52	10	1336	136	9	1386	321
14	1287	52	11	1337	146	10	1387	325
15	1288	53	12	1338	146	11	1388	333
16	1289	53	13	1339	147	12	1389	336
17	1290	54	14	1340	148	13	1390	342
18	1291	54	15	1341	160	14	1391	344
19	1292	55	16	1342	160	15	1392	346
20	1293	57	17	1343	160	16	1393	349
21	1294	59	18	1344	164	17	1394	350
22	1295	60	19	1345	165	18	1395	351
23	1296	63	20	1346	166	19	1396	352
24	1297	65	21	1347	167	20	1397	353
25	1298	69	22	1348	168	21	1398	355
26	1299	74	23	1349	168	22	1399	356
27	1300	76	24	1350	169	Henr. IV.	1400	362
28	1301	77	25	1351	169	2	1401	364
29	1302	80	26	1352	169	3	1402	365
30	1303	86	27	1353	169	4	1403	367
31	1304	86	28	1354	170	5	1404	369
32	1305	89	29	1355	170	6	1405	372
33	1306	90	30	1356	171	7	1406	374
34	1307	91	31	1357	172	8	1407	376
Edw. I. vls.	1308	93	32	1358	173	9	1408	376
Edw. II. 2.	1309	96	33	1359	173	10	1409	378
3	1310	97	34	1360	174	11	1410	378
4	1311	97	35	1361	177	12	1411	379
5	1312	99	36	1362	178	13	1412	381
6	1313	102	37	1363	179	Henr. V.	1413	382
7	1314	104	38	1364	180	2	1414	385
8	1315	103	39	1365	180	3	1415	393
9	1316	106	40	1366	181	4	1416	395
10	1317	108	41	1367	181	5	1417	400
11	1318	111	42	1368	182	6	1418	400
12	1319	111	43	1369	183	7	1419	
13	1320	112	44	1370	184	8	1420	
14	1321	113	45	1371	186	9	1421	403
15	1322	115	46	1372	186	10	1422	406

Thomas V Valsingham patria Nordouolgius; sed ad Albani fanum Benedictinorum ordinis Monachus, ac precentor eiusdem cœnobii, homo in historiis colligendis studiosus atque diligens erat. Duas historias, unam breuem, alteram quidem longiorem posteritati tradidit. Primam inchoauit ab anno Christi. 1273. Et in anno illius, 1422. finiuit, quæ continet centum quinquaginta annos uno dempto. Alteram ab irruptione Normannorum (quæ vocatur ab authore Tpodigma Neustria) usque ad. 6. annum regni Henrici V. Anglorum regis, cui opus illud dedicauit; habetque rarissimas historias, Et à nullo alio scriptas: claruit anno à diuini verbi incarnatione. 1440. sub Henrico V I.

CHRO-

CHRONICA THOMÆ VVALSING- HAM, QVONDAM MONACHI

S. ALBANI.

DE TEMPORE REGIS EDVARDI POT CON.
questum primi.

10 **A**NNO gratiæ 1273. qui est annus regni Regis Henrici à conquestu tertii, 57. & vltimus, cum idem rex Henricus condignam ultionem Northwicenlib. dedisset sacrilegiis, Lōdonias redire decreuit. Et cū ad abbatiam S. Edmundi regis & martyris declinasset, graui languore corripitur, qui cum non deseruit vsq; ad vitę finem. Dum ægrotaret enim, venerunt ad eum comites & barones terrę cū Pontificibus, vt eius transitui interessent. Confessus est autem humiliter peccata sua, tundens pectus suum, & malam remittens omnibus voluntatem, emendationem quoq; vitę promittens. Ex hinc absoluitur à prælato: deinde deuote suscepit corpus Christi, & vnctione delibatus extrema, Crucem Domini suppliciter adorauit, iubens debita sua solui, & residuum indigentibus æque parti. Cum hæc rite peregisset, reddidit spiritum suum Deo. Corpus autem eius apud Westmonasterium honorifice traditur sepulturę. Regnavit quinquaginta sex annis & amplius, quantum distat à festo sanctorum Simonis & Iudę, vsque ad festum sancti Edmundi Pontificis, videlicet viginti diebus. Duxerat autem in vxorem mulierem nobilem, filiam Comitis de Sauoye, nomine Ælenoram, de qua suscepit filios, Edwardum, qui post ipsum regnavit, & Edmundum, qui fuit Comes Leycestrię & Lancastrię, & duas filias, scilicet Beatricem, quę nupsit Comiti Britannię, & Margaretam, quę fuit Regi Scotiæ coniugata. Iste Henricus Rex inchoauit nouam fabricam Ecclesię Westmonasterii, sed non perfecit.

Singulis namq; diebus 3. Missas cum nota audire solebat, & plures audire cupiēs priuatim celebrantibus assidue assistebat: ac cum sacerdos corpus dominicum eleua-
30 ret, manum sacerdotis tenere, & illam osculari solebat. Contigit autem aliquando S. Lodovicum Francorum regem cum eo super hoc conferentē dicere, quod non semper Missis, sed frequentius sermonibus audiendis esse vacādum. Cui faceta vrbani-
te respondens, ait, se malle amicum suum sæpius videre, quam de eo loquentem, licet bona dicentem audire. Erat autē staturę mediocris, compacti corporis, alterius oculi palpebra demissiore, ita vt partē nigredinis pupillę celaret, robustus viribus, sed præ-
ceps in factis. In quibus tamen quia fortunatos & felices exitus habuit, putant eum multi apud Merlinum fatidicum per lyncem designatum omnia penetrantem. Cum
igitur corpus magnifici regis cōmissum fuisset honorifice sepulturę, quia Edwardus
40 filius eius primogenitus in terra sancta detētus fuit crucis negotio, & absens regni ad-
ministrationem non valebat exequi, die proximo post patris eius sepulturam, Frater Robertus Kylwarby Cantuariens. archiepiscop. & Gilbertus comes Glouerniæ, cum aliis prælatis, ac regni proceribus Londoniis apud Nouū templū conuenientes, Ed-
wardū absentē dominum suum ligium recognouerunt, paterniq; successorem hono-
ris ordinauerunt: & de assensu reginę matris statuerunt custodes regni, ministrosque fideles, qui regio fisco præssent, & prouentus regni ad opus regis noui ex integro re-
seruarent, cuius pacem iam vbiq; fecerunt per Angliam proclamari. Eodē anno Ed-
mundus filius regis Henrici, frater Edwardi, rediit in Angliā de terra sancta. Edwardus igitur regis Anglorū Henrici tertii ex Ælenora filia Comitis Prouincię vel Sab-
audię primogenitus, ætatis suę anno tricesimo quarto patri successit in regnum. Fuit
50 autem prudens in gerendis negotiis ab adolescētia, armorum deditus exercitio, quo
in diuersis regionibus eam famam militiæ acquisierat, qua totius orbis Christiani sui
tēporis principes singulariter transcēdebat. Elegantis erat formę, staturę pcerę, qua humero & supra cōmuni populo præminebat. Cæsaries in adolescentia à colore pe-
ne argenteo vergens, in flauum: in iuuentute vero à flauo declinans in nigredinem,
senectutem in cigneam versa caniciem venustabat. Frons lata, ceteraq; facies parili-
ter disposita, eo excepto, quod sinistri oculi palpebra demissior paterni aspectus simi-
litudinem exprimebat, lingua blęsa, cui tamen efficax facundia ad persuadendum
in rebus non defuit perorandis. Brachiorum ad proportionem corporis flexibilis
productio, quibus viuacitate neruica nulla cuiusque erant ad vsum gladii aptiora.

D 4

Pectus

Pectus ventri præminebat, tibiæque longa diuifio, equorum nobilium curfu & faltu, fessoris firmitatem prohibuit infirmari. Cum vacaret ab armis, venationib. tam auium quam ferarum indulgebat, & maxime ceruorum, quos in equis cursoribus solebat insequi, gladioq; vice venabuli confodere apprehensos. Quem commorari in protectione Dei coeli notum erat. Nempe cum adhuc adolescens esset, & cum quodam milite in camera testudinata ludo scaccarii occuparetur, subito nulla occasione præstita, inter ludendum surgens discessit, & ecce lapis immensæ magnitudinis, qui sedentem conquassasset, cecidit in eundem locum quo federat, propter quod miraculum beatam Mariam apud Walsingham propensius honorabat. Ei vero attribuebat, quod periculum istud euasit. Inerat ei præterea magnificus animus, iniuriarum impatiens, 10 periculorum obliuisci cogens, dum vindicari cuperet, qui tamen facillime humilitate exhibita potuit emolliri. Nempe cum quodam tempore iuxta quandam ripam falconum aucupio se exerceret, vnum de comitibus suis ex altera parte fluuii negligentius se habentem circa falconem, qui anatem inter falices corripuerat, arguit, & obiurgationi minus, vt videbatur, obediens, minas adiecit: at ille attendens, nec pontem nec vadum consistere in propinquo, facilitate quadam respondit: Eia (inquit) sufficit mihi, quod nos ab inuicem diuidit fluuius iste. Quo responso exasperatus filius regis, aquam ignotæ profunditatis ingressus equo natante, transiuit in crepidinem aluci fluminis decursu cauatam, & cum difficultate ascendens gladio extracto insequitur fugientem: qui tandem per fugam desperans euadere, regirato equo nudatoq; capite, 20 humiliter collum prætendit, & Edwardi se obtulit voluntati. Quo facto, ab incepto suo fractus regis filius, gladium reposuit in vaginam. Deinde reuersi pacifice, falconis relictî pariter curam egerunt. Hæc de morib. & adolescentia filii regis Henrici commemorauimus, ne polteris gesta talia sint ignota.

Annalis conclusio.

Transit annus iste frugifer & fructifer inter vtrumq; , Romanis desideratus, propter intronizationem Papæ: tristis terræ sanctæ, propter discessum exercitus Christiani: Anglis lætus propter electionem regis noui.

Mors imperator.

Anno gratiæ millesimo ducetesimo septuagesimo quarto, qui est annus Edwardi à conquestu primi, i. Principes Teutonicæ cognoscentes veraciter mortuum esse dom. Richardum regem Alemanniæ, quondam fratrem regis Anglorum Henrici, con- 30 uenerunt in vnum, & Radulphum de Assio comitem Ruphum elegerunt in Imperatorem Romanorum, qui anno eodem in regem Alemanniæ solemniter coronatur. Edwardus iam rex Angliæ præsignatus, dum moram apud Acton faceret, & Christianorum ac Tartarorum auxilia frustra diutius expectaret, consilio inito, relictis ad terræ sanctæ defensionem stipendiariis, naues repatriaturus ingreditur, cursuq; veliuolo Sicilia vsq; peruenit, vbi à rege Carolo honorifice susceptus est. Cumq; per dies aliquot recreandi gratia se & suos ibidem continuisset, rumores primo de morte filii sui Henrici, ac postmodum de morte patris accepit. Qui dum mortem patris anxius quàm filii sui plangeret, à rege Carolo vice consolatoris assistente, plurimumq; mirante, super hoc requisitus dicitur respondisse: Lactura (domine rex) filiorum facilis est, cum quo- 40 tidie multiplicentur: Parentum vero mors irremediabilis est, quia nequeunt restaurari. Carolus autem rex discedentem Edwardum conduci fecit per Carolum filium suum vsq; ad vltimos terminos regni sui. Cum autem ad veterem urbem (vbi Papa cum sua curia residebat) aduenisset, occurrentibus ei cardinalibus omnibus cum honore maximo ad dom. Papæ præsentiam est deductus. Cui super morte consanguinei sui Henrici de Alemannia, anxiam deposuit querimoniam, quem nō modo in offensam iuris humani à Guidone de Monteforti, dum Missarum solemnibus assisteret, cōstabat interfectum, sed in contemptum Ecclesiæ & scandalum nominis Christiani. Papa igitur his commotus, Guidonem excommunicauit, & omnes eundem receptantes, & quousq; ecclesiæ satisficeret, terras eorum supposuit interdicto. Discedens deniq; Ed- 50 wardus à curia, per ciuitates Italiæ progreditur, vbiq; receptus à ciuib. cum gaudio maximo & honore. Ingressuro autem Sabaudiam, prælati ac proceres Angliæ quamplurimi in descensu montium occurrerunt.

Edwardi responsio.

Rex Edwardus in torneamento reportat victoriam.

CUMQUE Edwardus pertransisset Sabaudiam, comes Kabilanensis cum ad ludum militarem (qui vulgo torneamentum dicitur) inuitauit. Optabat enim ipse Comes cum multis aliis militiam Edwardi opere experiri, cuius iam fama repleuerat totum orbem. Quorum votis condescendens Edwardus, se cum militib. suis, licet longa pere-

peregrinatione vexatis, partem velle tenere cōtra comitem & suos proclamari fecit, ac quoscunq; alios milites aduentantes. Die itaq; statuto congregiuntur partes, gladiisq; in alterutrum ingeminantes ictus vires suas exercent. Comes vero cuneum Edwardi penetrans, cum ipso cominus congreditur. Cui tandem abiecto gladio appropinquans, collum Edwardi brachio circumduxit, & tota fortitudine astringens, ab equo detrahare conabatur. Sed Edwardus inflexibiliter se tenens erectum, dum Comitem sibi sensit firmiter adhærentem, equum vrgendo calcaribus Comitem à cella abstraxit, quem ad collum suum pendentem fortius excutens à se in terram deiecit. Commouentur exinde Burgundiones in iram, & ubiq; exercitum armorum in hostilem insultum, ceptumq; ludi bellicum vertitur in tumultum. Cedunt igitur cædentes Anglici, & vim vi repellunt, fortiter impetus frangentes aduersariorum. Interim comes refocillatus paululum, Edwardum secundo aggreditur, cuius super se manum sentiens aggrauari, dedit se eidem. Sicq; peregrinis concessa victoria, partes ambæ in urbem pacifice reuertuntur.

Edwardus facit homagium regi Francia.

POST hæc Edwardus venit in Franciam, & à Philippo Francorum Rege magnifice susceptus est, fecitq; homagium pro terris suis, quas de eo tenebat, sub conditione restitutionis terrarum patri suo in venditione Normanniæ promissarum. Deinde in 20 *Edward. trāsse in Wascōniam.* Wascōniam proficiscitur ad compescendum nouos motus, quos in eadem Gasconie Bierna miles nobilis & strenuus, sed à fide domini sui Edwardi deficiens, concitauerat. Cuius terras Edwardus cum exercitu potenter ingressus, ipsum in fugam coegit, & in quodam castro forti ac munito obsedit. Transiit annus iste frugifer & fructifer opulenter: Romanis, Anglis, & Francis sub quiete transactus, Saracenis etiam & cunctis incredulis nociuus. *Annalis cō. luso.*

Anno gratiæ millesimo ducentesimo septuagesimo quinto, qui est annus regni regis Edwardi à conquestu primi secundus, fuit rex Edwardus ad natale in Wascōnia cum vxore sua. Hoc anno Gregorius Papa decimus, Kalendas Maii apud Lugdunum generale concilium celebravit, ad quod Græci & Tartari solemnes nuntios transmisserunt. Græci ad vnitatem Ecclesiæ se redire spondent, in cuius euident signum cum 30 cāntaretur symbolum, hortante domino Papa, trina vice nuntii eorum, & in spiritum dominū viuificantem qui ex patre filioq; procedit, replicauerunt celebriter & deuote. Nuntii vero Tartarorum baptizati, & infra tempus concilij ad propria redierunt. Affuit ibi prælatorum numerus, quingenti Episcopi, abbates 60. prælati vero alii circa mille. vnde dixit quidam:

Gregorius denuo congregat omne genus.

Ibi statutum est illud insigne, & à retro seculis insolitum, quod omnes rectores curati deinceps forent sacerdotes. Prohibiti sunt & Bigami primam tonsurā deferre, & quod nulli hominum deinceps liceat decimas suas ad libitum, vt antea, vbi vellet 40 assignare, sed matri ecclesiæ omnes decimas persoluerent. Ipse quoq; Gregorius decimam sexennalem vniuersali ecclesiæ imposuit, pluralitatem beneficiorum curatorum damnauit. Aliquos status de ordinibus mendicantium approbavit, vtpote prædicatores, & minores aliquos tolerauit, vtpote Carmelitas & Augustinenses. Aliquos reprobauit, vt Saccinos, qui intitulātur de pœnitētia, siue de valle viridi, & cōsimiles. In via versus istud consiliū doctor venerabilis frater Thomas de Aquino de ordine Prædicatorū, in quadā abbatia monachorū Cisterciensium, quæ dicitur Fossa noua, diem clausit extremum. Cuius tam acuta, tam publica sunt monumēta, vt doctor cōmunis à viris Scholasticis nuncupetur. Hic natione Campanus, filius comitis de Aquino, inuitis parentibus, qui eum monachari volebant, prædicatorum ordinem est ingressus, 50 missus vero ad studium Parisiense, doctoratus gradū merito est adeptus. Super libros sententiarum 4. scripta fecit, scripsit & primam partem de quæstionibus disputatis de veritate. Scripsit & secundam partem de quæstionibus disputatis de potentia Dei, & tertiam partem de quæstionibus disputatis, quarum initium est de virtutibus. Item, contra gentiles 4. libros scripsit. Item, summam Theologiæ, quam in 3. partes diuisit, & secundam in duas, sed morte præuentus tertiam non cōpleuit. Quatuor Euangelia continuata expositione de dictis sanctorū glossauit. Literalis etiā expositionis in Iob edidit librum vnū. Multaq; alia scripsit ad vtilitatē legentiū q̄ diligens lector inuenire poterit, intitulata in chronicis Nicolai Triuetti. Sanctitati v. ipse à vitæ meritis attestantur miracula, quæ post eius transitū, & in vita ipsius plurima contigerunt. Nocte vero

De gestis & moribus Thoma de Aquino.

vero ipsa, qua de hoc mūdo transiit, apparuit in somnis germano suo comiti de Aquino in habitu ordinis sui, tradens eidem in manu literam quandam clausam. Qui cito post excitatus cum sentiret se literam habere in manibus, camerarium suum aduocauit, iussitq; lumen celeriter apportare; quo allato literam aperiens, inuenit ibi aureis apicibus omne humanū artificium sua formositate excedētib. hoc inscriptum, *Hodie factus sum doctor in Hierusalem.* Conseruata itaq; litera, per nuntios ad inquirendum de statu suo missos, ipsum eadem nocte, qua apparuit sibi, comperit ex hac luce migrasse.

Sub eisdem diebus Gasco de Bierna à rege Anglorū obsessus, cum omni iam via euadendi sibi præclusa attēderet rem esse in foribus, vt ad deditiōē cogeretur, super negotio, q; inter regem Edwardū & ipsum vertebatur, appellationē interponit ad curiam regis Francorum, cui deferens rex Edwardus, nolens regem Francorum (quem nuper dominum suum pro terris in Francia recognouerat) contra se partem facere, dissentientibus multis de suis obsidionem amoueri iussit, ministris suis committēs, vt in curia regis Franciæ causam psequerentur contra Gasconem. In qua tandem iniuriōsæ rebellionis conuiētus per regem Francorum, regis Angliæ adducitur voluntati. Edwardus rex postquā obsidionem dimiserat, ordinatis pro articulo temporis rebus Wasconiæ in Angliā pperauit, vbi à clero & populo est receptus cū gaudio & honore.

Coronatio regis & regina.

Dominica vero infra octauas assumptionis B. virginis, in Ecclesia Westmonast. vna cum Alienora consorte sua à Roberto Cantuar. archiepiscopo inungitur in Regem, & solemniter coronatur. Coronationis solemnitati interfuerunt regina mater, Alexander rex Scotorum, duxq; Britannia, ambo regis sororii, cum prælatorum, comitum & baronum, aliorumq; nobilium, multitudine copiosa, & tunc 36. ætatis suæ anni rex impleuerat 2. menses, qui in crastino coronationis suæ recepto à rege Scotorum homagio, ipsum dimisit ad ppria plurimū honoratū. Eo anno infausta lues ouium surrepsit in Anglia, vt vbiq; repente ouilia peste granssante vacuarentur, quæ durauit sequentibus viginti octo annis. Ita vt nulla totius regni villa huius miseriæ clade caret. Causam huius morbi prius insuetam incolis, attribuebant multi cuidam diuiti de Francorum partibus, qui applicuerat in Northumbriam, adducens secum quandam ouem Hispaniæ morbidam, quæ totum gregem Angliæ morbi traductione contaminauit, quæ erat de biennalis bouiculi quantitate. Transiit annus iste frugifer & fructifer opulenter, Ecclesiæ memorialis ac celebris propter honorabilis concilii celebrata statuta apud Lugdunum, Wasconibus inquietus propter rebellionem Gasconis, Anglis desiderabilis, propter solemnitatem diu desideratæ regiæ coronationis.

De prima peste ouium.

Annalis conclusio.

De Gascone.

Parliamentum.

Anno gratiæ M. CC. LXXVI. qui est annus regni Regis Edwardi à conquestu primi tertius, Gasco de Bierna in Angliam veniens cum resti circa collum, ad regis præsentiam est adductus, quem ad suam misericordiam Rex recipiens morte condonata in castro Wintoniæ per annos aliquot custodiæ mancipauit, qui tandem per Regis gratiam liber dimissus ad propria, regi Angliæ semper in posterum gratus extitit & fidelis. Hoc anno coactū est Parliamentū Londoniis, ad q; inuitatus est per solennes nuntios Lewlinus Princeps Walliæ, qui inuitatus regiæ coronationi primo contem- pserat interesse. Cumq; moneretur per nuntios, vt veniret, & homagium debitum regi faceret, finxit se non audere intrare Angliam, propter insidias quorundam maiorum regni sibi insidiantium ea vice. Et idco pro sua securitate filium Regis & Gilbertum Glouerniæ comitem, Robertumq; Burnclii regis tæcellarium obsides postulauit, quod rex indigne tulit, sed tamen dissimulato negotio inceptum Parliamētum consummauit. In quo statuta edidit contra manum mortuam, ne de cetero possessiones terrarum seu reddituum, sine speciali regis licētia ad manū mortuā deuoluantur. Vocantur ergo statuta in præsentī Parlamento edita, statuta Westmonasterii prima. Post parliamentū vero rex, vt Lewlino Principi Walliæ liberior ad se pateret accessus, Cestriā vsq;, quæ in cōfinio Walliæ sita est, progreditur. Missis iterum nuntiis, homagium exigit ab eodem. Quo mandatis regiis parere detrectante rex exercitum cōuocat, disponens Principem sibi denegatē homagiū de suo feodo expugnare. Eodem anno in partibus Australibus Angliæ, & Occidentalibus, terræ motus horribilis contigit feria 4. infra octauas natiuitatis virginis gloriōsæ. Pestilentialis etiam ægritudo oues consumens scabie plurimas interfecit. Hoc anno soluit populus regi quintam decimam bonorum, quæ patri suo dicebatur præconcessa. Transiit annus iste frugifer & fructifer Angliæ regioni: Christianis & incredulis à bellis vbiq; quietus.

Statuta de manu mortua.

Dissentio inter regem & Principem Walliæ.

Terra motus.

Quinta decima. Annalis conclusio.

Comitissa Leycestria mittit filium.

Anno gratiæ millesimo ducentesimo septuagesimo septimo, qui est annus regni regis Edwardi à cōquestu primi quartus, comitissa Leycestriæ, relicta videlicet Simonis de

- nis de Monteforti quondā comitis Leycestriæ, quæ fuerat soror Henrici regis Angliæ, ^{suam Principi Wallia maritandam.} & occiso marito cum suis in Galliam fugerat, ac in domo sororum de ordine prædicatorū apud Montargis à sorore viri sui fundata, morabatur: filiā suā transmisit in Walliam, Principi (sicut patre viuente sub certis pactis conuentū fuerat) maritandam. Duce vero itineris ac procuratorē negotii Aimericum filium suum germanum puellæ constituit, assignata eisdem comitiua. Qui suspectū habentes iter per Angliā, emenso multo maris spatio ad insulas Siluias (quæ terminos Cornubiæ è vicino respiciunt) deuehuntur, ubi à 4. nauibus Bristollensibus ex insperato superuenientibus cōprehensi ad præsentiam regis Angliæ deducuntur, qui retenta puella honorifice in comitiuam reginæ, Aimericum fratrem suū primo in castro de Corf, & postea in castro de Sche-rebourne sub custodia libera detinuit, sed secura. Eodē tēpore Papa Gregorius apud Arescium defunctus, ibidem traditur sepulturæ, cui successit Innocentius 5. natione Burgundus, de Tarentasia, dictus ante frater Petrus, qui in ordine prædicatorum studiis scripturarum deditus, ac doctōr Theologiæ Parisius factus, sapientiæ suæ memoria multa scribendo vtilia posteris dereliquit. Qui cum esset vir religionis eximiæ, expertæq; prudentiæ, primo Prior prouincialis fratrum suorum in Francia, deinde efficitur archiepiscopus Lugdunensis, demumq; à Papa Gregorio ad cardinalatū assumptus, constitutus est Episcopus Hostiēsis. Factus autem Papa sedit mensibus 5. diebus 2. moriturq; Romæ, & in Lateranensi ecclesia sepelitur. Cui eodem anno successit Adrianus 5. natione Ianuensis, dictus antea Octobonus, qui tituli S. Adriani diaconus cardinalis à Papa Clemente 4. legatus in Angliam missus fuit. Hic Papa factus statim constitutionem, quam Papa Gregorius 10. fecerat de inclusione cardinalium pro electione summi Pontificis, suspendit: proponens eam aliter ordinare. Sed morte præuentus, constitutionem suspensam reliquit: sedit vero mensibus 2. Papa. Adriano defuncto successit Iohannes vicesimus primus, dictus Petrus Hispanus. Hic Episcopus Tusculanus erat prius, in actibus diuersis famosus, sed scientiarum florem, pontificalemq; dignitatem quadam morum stoliditate deformauit, adeo vt naturali pro parte carere videretur industria. In hoc tamen quamplurimum laudabilis fuit, quod se tam pauperibus quam diuitibus communem exhibens, studiumq; literarum amplectens, multos in beneficiis Ecclesiasticis promouit egentes. Rex Angliæ de Cestria in Walliam progrediens cepit castrum, quod dicitur Rodolanum, misitq; in Walliam occidentalem militem nobilem dictum Paganum de Canulsiis, qui cuncta eade incendio-que vastauit. Hoc tempore frater Iohannes de Derlington, ordinis Prædicatorum confessor, quondam regis Henrici autoritate Papali in regno Angliæ collector efficitur decimarum, salua Papali reuerentia contra sui ordinis professionem tali officio deputatus. Huius tamē studio & industria editæ sunt Concordantiæ magnæ, quæ Anglicanæ vocantur. Hoc anno sextodecimo Kal. Iulii venerabile corpus beati Richardi Cicestrensis Episcopi est translatus, & in capsâ argentea & deaurata honorifice collocatus. Transit annus iste frugifer & fructifer Anglicanis: sed propter tot Paparum interitum, tristis lugubrisq; Romanis: & non solum orbi Christiano à bello generali, sed Saracenis incredulisq; quietus.
- Anno gratiæ 1278. qui est annus regni regis Edwardi à conquestu primi 5. Ioannes Papa 21. cū sibi vitæ spatiū in annos plurimos extendi crederet, & hoc etiā coram multis assereret, subito cū noua Camera, quā sibi Viterbii circa palatiū construxerat, solus corruit, & inter lapides & ligna collisus, 6. die post casum (sacramentis omnibus Ecclesiasticis perceptis) moritur, & in ecclesia S. Laurentii sepelitur. Cui successit Nicholaus 3. prius dictus Iohannes Gagetanus, de genere Vrsinorum. Hic super regulam S. Francisci expositionem quandam edidit, quam inter alias decretales de verborum significationibus inseri ordinauit. Wallenses occidentales per id temporis ad pacem regis Angliæ venientes, Pagano militiæ regis in partibus illis capitaneo, castrum de Stredewey cū adiacenti patria reddiderunt. Princeps vero Walliæ videns se Regi Angliæ quotidie inualescēti nō posse resistere, pacē petiit & obtinuit sub hac forma: videlicet, q̄ omnes captiui, quos hactenus ratione regis Angliæ detinuit in vinculis, simpliciter & sine calumnia liberarentur. Item p̄ pace & beneuolentia regis habenda daret 50000. librarum sterlingorum, quarum tamen solutio in voluntate & gratia regis foret. Item, quod terra quatuor Cantredorum sine omni contradictione regi & suis heredibus cum omnibus terris conquisitis per regem hominesq; regios, excepta insula Anglesey, in perpetuum remaneret. Insula enim Anglesey concessa est Principi, ita, quod soluat pro ea singulis annis Regi mille marcas, quarum solutio incipien-

Obiit Gregorius Papa.

Adrianus quintus.

Obiit Adrianus Papa.

Wallia deuastata.

Concordantia edita.

Translatio sancti Richardi.

Annus conclusus.

Obiit Papa Ioannes aduū ruina oppressus.

Wallenses petiunt pacem.

Forma pacis inter regem Angliæ & principem Walliæ.

cipienda erat in festo S. Michaelis proximo tūc instātis: pro ingressu vero 5000. marcarum daret. Et si Princeps sine herede de corpore suo moreretur, insula illa in Regis Angliæ possessione remaneret. Itē, quod Princeps veniret in natali domini ad regem in Angliam pro homagio faciendo. Item, quod omnia homagia Walliæ remanerent regi, præterquam 5. baronum, qui in confinio Snowdoniæ morabantur: quia se Principem conuenienter vocare non posset, nisi sub se aliquos barones haberet ad vitam suam & post mortem eius. 5. prædictorum baronum homagium regi Angliæ fieret & suis heredibus in æternum. Et pro assecuratione istorum tradidit Princeps 10. obsides de melioribus Walliæ absq; incarceratione, exheredatione & termino liberationis. Et de omni Cantredo & de Snowdonia, & de consilio Principis meliores, iurabunt tactis 10 sacrosanctis reliquiis, quod quodocunq; Princeps aliquē prædictorum articulorum infregerit, nisi admonitus se correxerit, abalienabunt se ab eo, & eidem in omnibus, quæ poterunt hostes fient. Item, præter hæc Princeps fratres suos quos læsit placabit, habuit enim 3. fratres, quorum duos Owenum & Rodericum posuerat in carcere, tertius vero David fuga dilapsus multis annis cum rege Angliæ stetit, à quo contra morem gentis suæ miles factus in ista guerra, ob probitatem & fidelitatem suā plurimum erat regi acceptus, vnde & eidem castrum de Dimby contulit in Wallia cum terris ad valorem mille librarum annui redditus, insuper & vxorem dedit filiā comitis Derbeie, quæ nuper alio viro fuerat viduata. Owenus ergo fauore regio liberatur à carcere, quem fregerat paulo ante. Rodericus vero fratrem fugiens, in Anglia morabatur. Rex 20 autem in occidentali Wallia apud Lampader Vaur ad cohibendum irruptiones Wallensium castrum construxit insigne. In subsidium huius guerræ concessa est regi à populo vicesima pars bonorum. Transit annus iste frugifer & fructifer satis abunde, sine tumultu inter Christicolæ & Saracenos: Romanis notabilis, propter inopinabilem mortem Papæ: Anglis prosper propter subiectos rebelles Walliæ, sed ipsis Wallensibus infamis & odibilis propter admissionem dominationis insuetæ.

*Subsidium regi
concessum.
Annalis conclusio.*

*Archiep. Cant.
s. Cardinalis.*

*Nuptia principis
Walliæ.
Iudei suspenduntur.*

Statuta Glouernia.

*Restitutio terrarum
Eduardo regi facta.*

*Rex Scotia venit
in Angliam.*

Annalis conclusio.

Anno gratiæ M. CC. LXXIX. qui est annus regni Regis Edwardi à conquestu primi sextus, Robertus Cantuariensis Archiepiscopus per Dominum Nicolaum Papam ad Cardinalatum assumptus, factus est Episcopus Portuensis. Rex Angliæ circa tempus istud filiam Comitis Leycestriæ Simonis de Monteforti, apud insulas Siluias, 30 prout superius dictum est, captam à Bristollensibus, & sibi adductam, Principi Walliæ dedit vxorem, nuptiarum solemnitatem agens impensis propriis, suaq; ac reginæ præsentia illas honorans. Hoc anno Iudei de tonsura monetæ conuicti in magna multitudine vbique per Angliam suspenduntur: puniti sunt eo tempore & eorum consentanei pro prauis escambiis, & pro causa prædicta. Eodem anno tenuit rex parliamentum Glouerniæ in octauis sancti Iohannis Baptistæ, in quo edita sunt statuta, quæ de Glouernia appellantur. Circa mensem Augustum Rex Edwardus transfretauit in Franciam, ad habendum colloquium cum Philippo Rege Francorum, vnde tunc obtinuit restitutionem aliquarum terrarum, non tamen omnium, quæ in venditione Normanniæ promissæ fuerant patri suo. Per hoc tempus obiit regina Castellæ, mater 40 reginæ Angliæ, ad quam iure hereditario post mortem matris deuolutus est Pontini comitatus. Isto anno, antequam rex transiret in Gallias, rex Scotorum Alexander in Angliam veniens, regem consuluit de negotiis arduis terræ suæ. Impetravit autem à rege literas testificantes auxilium in guerra Walliæ præstitum non nomine seruitii factum esse. Hoc anno Robertus Burnel Episcopus Bathoniensis in Cantuariensem archiepiscopum est electus, sed Papa electione cassata lectori curiæ fratri Iohanni de Peccham de ordine Minorum, eandem contulit dignitatem. Transit annus iste frugifer & fructifer Romanis, Anglis & Francis, Scotis & Wallensibus sub silentio quieteque transactus, Saracenis etiam otiosus.

Anno gratiæ M. CC. LXXX. qui est annus regni Regis Edwardi à conquestu primi septimus, frater Iohannes Peccham Cicestrensis diocesis, de ordine Minorum, venit in Angliam à domino Papa in Cantuariensem Archiepiscopum cōsecratus. hic Parisius in Theologia & Oxo. lectiones suas resumpserat. Deinde minister puincialis Angliæ, ac tandē lector palatii in Romana curiā factus fuit, qui ordinis sui zelator precipuus, carminū dictator egregius, affatusq; pōpatici fuerat: mentis tamē benignæ extirrit & animi admodū liberalis. Hoc anno moneta Angliæ per tonsurā nimis deteriorata ex mandato regis renouatur. Obolus quoq; qui prius formam semicirculi habebat, tanquā pars denarii in medio diuisi, fit rotundus, iuxta vaticiniū Merlini dicētis: *Findetur forma cōmercii, dimidiū rotundū erit.* Facti sunt etiā eo tēpore primo & quadrates.

Illustris

Illustris miles Rogerus de Mortuo mari apud Kelingworth, ludum militare, quem vocant rotundam tabulam, 100. militum ac tot dominarum constituit; ad quam pro armorum exercitio de diuersis regnis confluit militia multa nimis. Frater Robertus quondam Cantuariensis archiepiscopus, & post cardinalis & episcopus Portuensis, post aduentum suum ad curiam grauiter infirmatur, ex qua infirmitate cito postea mortuus est. Eo tempore obiit Walterus Giffard archiepiscopus Eboracensis, cui successit magister Wilhelmus de Wikewanne in Romana curia consecratus. Eodem anno frater Ioannes Peccha Cantuariensis archiepiscopus conuocat conciliū apud Radingiam; ubi suffraganeis suis imposuit, ut statuta generalis concilii facerentur arctius obseruari. Transit

Rotunda tabula.

Obiit Archiepiscopus Eboracensis.

Concilium Radingia.

Annalis conclusio.

10 annus iste frugifer & fructifer Anglis, Francis, Romanis, Sarracenisque quietus.

Anno gratiæ millesimo ducentesimo octuagesimo primo, qui est annus regni Regis Edwardi à conquestu primi octauus, Nicolaus Papa tertius moritur. Successit ei Martinus 4. prius dictus Simon Turonensis, Gallicus natione. Hoc anno Edwardus Rex Angliæ de lapidibus preciosis iaspidum, quos secum attulerat de partibus Gallicanis, paternum sepulchrum apud Westmonasterium fecit plurimum honorari. Eodem anno Oliuerus de Suttona fit episcopus Lincolnienensis, qui prius fuerat eiusdem ecclesiæ decanus. Frater Ioannes Pecchan Cantuariensis Archiepiscopus, ne nihil fecisse videretur, conuocat concilium apud Lambheyth, in quo constitutiones Ottonis, Octoboni quondam legatorum in Anglia innouans, iussit eas ab omnibus custodiri. Transit annus iste frugifer & fructifer Romanis, Anglis, Gallicis, Sarracenis incredulisque quietus.

Moritur Papa Nicolaus.

Concilium apud Lambeth.

Annalis conclusio.

Anno gratiæ 1282. qui est annus regni Regis Edwardi à conquestu primi nonus, Martinus Papa senator efficitur vrbis Romæ, qui in Romaniolam exercitum misit contra Gwidonem Comitem Montis Febri, qui in partibus illis terras ecclesiæ occupauit. Hic Martinus Papa capas fratrum Carmelitarum mutauit in album, quæ prius erant stragulatæ & birratæ. Eo tempore Dauid germanus Principis Walliæ, immemor beneficiorum Regis Angliæ, qui eum promouerat, & contra fratrem persequentem protegerat, concitauit pene totam Walliam ad insurgendum contra regem. Et ut principem nobilesq; Wallensium ad seditionem facilius inclinaret, ipse primus facinus aggreditur, & Rogerum de Clifford militem nobilem & famosum, quem rex illuc miserat, tanquam totius Walliæ iustitiarum, nihil tale suspicantem proditorie in castro suo de Hawardin, dominica in ramis palmarum cepit. Quosdamque milites eius volentes resistere inermes occidit; exinde reuersus ad Principem, collecto exercitu una cum eo Rodolanum venit, obsidionemque posuit circa castrum. Eo tempore rex Paschale solennitate in diocesi Sarum tenuit apud Vistas, ubi super hac commotione auditis rumoribus iussit quamprimum totum exercitum congregari. Militiam, quam tunc in promptu habebat, usque Rodolanum præmisit. Ipse vero rex clauem Ambresbiriæ adiit, ut matrem suam saluaret, quæ tunc in illo monasterio morabatur. Contigit autem dum ibi esset, ut quidam ad matris eius præsentiam adduceretur, qui per tempus aliquod cæcū se finxerat, visumque sibi ad Henrici Regis quondam mariti sui tumultum dixerat restitutum.

Papa fit senator.

Dauid concitat Wallenses contra regem.

40 Edwardus vero Rex hunc ab antiquo nouerat famosum flagitiis, notatumque malitiis ac fraudibus ab olim, & mendaciis assuetum; matrisque narrationibus plurimum applaudenti ne crederet dissuasit; quæ in morem sceminarum vetularum subito in iram versa, filium grauissime redarguit, cameramque suam euacuare præcepit. Cui iussis matris humiliter parenti, dum egrederetur, occurrit Prior prouincialis fratrum prædicatorum, dictus frater Hugo de Mancestria, vir magnæ discretionis, ac magister in Theologia, qui & ipsi Regi familiariter notus erat; quem Rex ad partem trahens, offensam matris, & omnia quæ contigerant, enarrans per ordinem, finaliter hoc adiecit: Ego (inquit) iustitiam patris mei tantum noui, quod potius huic scurræ eruisset oculos integros, quam tantæ iniquitati lumen perditum restaurasset. Altera vero die ac-

50 cepta à matre licentia, cum celeritate ad militiam, quam præmiserat, in Walliam properauit. Cuius audito aduentu, Princeps Walliæ obsidione soluta longius se subtrahit. Interim captum est castrum de Lampadernaui per Resum filium Maylgonis, & Griffinum filium Mereduci. Capta sunt etiam in illis partibus per alios nobiles Wallensium castra plura. Eodem tempore procurante fratre Io. Peccha Cantuariensi archiepiscopo, Aimericus de Monteforti, quem rex in custodia detinuerat, liberatur; spondente pro eo clero se velle de periculo regni cauere. Qui transfretans in Gallias, non multo post curiam Romanam adiit, ubi post aliquot annos renunciatus clericali militi efficitur. Sed infaustus. nam cito postea defunctus est. Hoc anno translatum est in locum eminentiorem venerabile corpus beati Hugonis quondam episcopi Lin-

Acta in Wallia.

Nota de liberatione Aimerici.

De translatione beati Hugonis.

E

colnien-

*Annalis conclu-
so.*

colniensis. Eo tempore Cantuariensis Episcopus profectus in Snowdoniam, Principem Walliæ, & germanum suum, sategit ad pacem reducere, sed frustratus, regressus in Angliam excommunicationis in ipsos sententiam fulminavit. Transiit annus iste frugifer & fructifer: Romanis infamis, Francis quietus, sed Anglis & Wallicis inquietus.

*Rex Sicilia ex-
pellitur per regem
Arragoniæ.*

Anno gratiæ 1283. qui est annus regni Regis Edwardi à conquestu primi decimus, idem Rex cum exercitu valido de Rodolano per Angleseiam, cuius per nautas portum capi fecerat, versus Snowdoniam progrediens, ut viam pararet exercitui, ultra maris brachium, quod insulam diuidit à continente iuxta Bangoriam, constituit pontem fieri ex nauibus inuicem colligatis. Hoc anno Petrus Rex Arragoniæ 10 vendicans regnum Sicilia iure hereditario vxoris suæ, subito cum nauigio regnum Sicilia ingressus, Carolum Regem expulit de eodem, qui in Franciam fugiens, à Rege nepote suo pro recuperando regno subsidium implorauit. Papa vero Martinus, in Petrum prædictum, vel omnes ei fauentes, vel ipsum Regem appellantes, excommunicationis tulit sententiam; regno Arragoniæ eum priuans, & conferens illud Carolo filio Regis Francorum. Petrus vero de Arragonia missis ad Regem Sicilia nunciis, petiuit, ut cum quadraginta tantum militibus ad plana Burdegaliæ secum tot tantum habente milites dimicaturus veniret ad diem certum; sub certa pœna se ad hoc obligans: dum tamen Carolus modo se simili obligaret; & cui in hoc cōflictu cessisset victoria, ille sine contradictione regno Sicilia potiretur. Eo tempore Gilbertus 20 Comes Glouerniæ magnas prædas Wallensium cum militia sua faciens iuxta Lantiplowhir, facta copia apertæ pugne cum eisdem, duro prælio dimicauit. In quo peremptis multis de parte Wallensium, ipsemet Comes quinque milites perdidit, de quorum numero erat Wilhelmus Valentis, iunior consanguineus Regis Angliæ. Discedente autem Comite Glouerniæ, Princeps Walliæ intrauit terras de Cardigan & Stradewy, deuastrauitq; terras Resi filii Mereduci; qui cum Rege contra Principem tenuit in hoc bello. Progressus deinde Princeps versus tertiam de Vuelde, se cum paucis ab exercitu reliquo separauit. Cui cum sua militia superuenientes viri nobiles Iohannes Giffard, & Edmundus de Mortuomari, nihil tamen suspicantes de Principe, ipsum cum sociis pugna aggredientes occiderunt feria sexta ante festum beatæ Lucie. Principis autem caput post mortem à quodam, qui intererat, agnitum, mox absconditur, 30 regi; defertur. Quod transmissum Londonias, positum est per tempus aliquod super turrin, & hedera coronatum.

De Lewlino prædicto scripserunt duo religiosi metricè in hunc modum, Wallicus sic scripsit:

*Hic iacet Anglorum tortor, tutor Venedorum,
Princeps Wallorum, Lewlinus regula morum,
Gemma coauorum, flos regum prateritorum,
Forma futurorum, dux, laus, lex, lux populorum.*

Anglicus ita scripsit:

*Hic iacet errorum princeps, & prado virorum,
Proditor Anglorum, fax liuida, secta reorum,
Numen Wallorum, trux dux, homicida piorum,
Fex Troianorum, stirps mendax, causa malorum.*

40

*Milites transse-
ras submerguntur.*

Circa idē tempus milites quidā de Regis exercitu à seruientibus Wallensib. ter- riti, pontē, quē rex inchoauerat, nodū perfectū, minus prudenter accelerātes trāsire, dū in multitudine cōglobata reuertētes fugiūt, submerguntur; inter quos erat miles strenuissimus, Lucas de Thanay, & duo germani Roberti Burnel Bathoniensis episcopi, & alii quāplures. Hoc anno B. Thomas Herefordensis in viā versus curiam de præfenti sæculo nequā ereptus ad regna migravit cœlestia, cum 7. annis gregē sibi commissum sollicita cura rexisset. Hic nobilibus ortus natalib. à puero Deo vixit deuotus, 50 studii autem exercitatione literarum acquirens peritiā, primo in artib. liberalibus, deinde in iure rexit canonico, tandem ad Theologiam totam transtulit intētionem; in qua licentiatus ad magisterium, cum sub fratre Roberto de Kylewardby, ordinis Prædicatorū, quem dum prouincialis fuerat admodum familiarem habuit, decreuisset incipere; incidit negotii dilatio medio tempore, præfato fratre assumpto ad Cantuariensis ecclesiæ prælulatū. Sub quo tamen post consecrationem eius Oxonias veniente in ecclesia fratrum Prædicatorum incepit iuxta sui desiderii complemētum. In cuius commendatione (quæ solet fieri ante principiū post disputationē, quæ vesperiaz appel-

- appellantur, de Bachalariis magistrandis) asseruit præfatus archiepiscopus (quæ dictus Thomas ab olim confessor habuerat) nullius ipsum mortalis criminis vnquã sensisse contagiũ. Quantiq; meriti fuerit apud Deum crebrescentiũ ad sepulchrum eius miraculorũ gloria, indubitata fide demonstrat. Post quæ ad ecclesiam Herefordensem electus & consecratus est magister Richardus de Swynefeld, sacre Theologiæ doctor, vir iucundus in verbis, & egregius prædicator. Hoc anno cassato electo Wyntonienſi, magistro Richardo de Mora: ex dono curiæ Romanæ magister Ioannes de Pontiffa, in eiusdem Ecclesiæ Episcopum consecratur. Hoc anno rex de consilio Baronagii Walliam intrauit cum exercitu, ibiq; per irruptiones Wallensium amisit de suo exercitu vexilla 14. quo tempore perempti sunt dominus Wilhelmus de Audeleya, & dominus Rogerus de Clifford iunior; alii quoq; multi. Coactulq; est rex intrare castellũ de Opa. Cito postea rex cepit insulam de Angleſeia, sed hæc ante mortem Lewlini Principis contigerunt. Non multo post rex superior effectus pene totã Walliam subiugauit, villas & terras, quæ erant in meditullio Walliæ, suis proceribus distribuit, sed retinuit maritima castra sibi, ex quo factò magna tranquillitas tempore sequenti prouenit. Transiit annus iste frugifer & fructifer copiose. Romanis, Sicul. Apul. atque Francis sollicitus & moleſtus, propter eiectionem Caroli Regis Siculorum: Wallicis exitialis, propter libertatem cum suo principe perditam: Anglis varius, propter diuersos casus, qui modo dure, modo prospere contigerunt.
- 20 Anno gratiæ 1284. qui est annus regni regis Edwardi à conquestu primi vndecimus, rex Angliæ ponte iam perfectò, cum exercitu suo in Snowdoniam transiit, castra eius omnia sine notabili resistantia capiens & comburens. Comes vero Penbrochiæ castrum de Bere, quod erat quondam Lewlini principis, cepit; & cito post tota Wallia cum omnibus castris suis subacta est regiæ voluntati. Ante festum vero Sancti Iohannis Baptiste captus est Dauid frater principis per regios exploratores, & Rodolanum adductus. Quem rex ad sui conspectum admittere renuit; licet ipse Dauid hoc instantius flagitaret. Rex igitur transmisit eum Salopiam, carceri mancipadum. Eodem tempore per quendam secretarium principis allata est regi crux dicta Neoti, magnam de ligno Dominicæ crucis continens portionem. Quæ ideo Neoti dicitur, quod per quendam sacerdotem sic vocatũ antiquitus de terra sancta fuit in Walliam deportata. Post festum sancti Michaelis habitum est parliamentum Salopiæ, in quo per deputatos ad hoc Iusticiarios, Dauid iudicialiter condemnatus, tractus & suspensus est, visceribusque combustis, corpus capite truncatum, & in quatuor partes est diuisum. Quibus in ciuitatibus Angliæ nobilioribus suspensis, caput Londoniis super palum fixũ est ad terrorẽ consimiliũ proditorũ. Refus autẽ Vazhan Wallensium nobilissimus, audita captione Dauid, Comiti Herfordiæ se dedit, regique redditus ad turrim London. missus carceri mancipatur. Translata est hoc tempore Abbatia de Aberton, per regem, ad locum alium; & constructum est in loco, quò Abbatia fuerat, forte castrum ad irruptiones Wallensium compescendas. Et rex in comitatu Cestriæ aliam Abbatiam monachorum fecit Cisterciensium; quam multis ditatam prædiis, vallem regalem voluit appellari.
- 30 Hoc anno regi conceditur à populo in subsidiũ gwerræ suæ tricesima, & à clero vicesima pars bonorum. Eo tempore Papa Martinus Gwydonẽ de Monteforti à carcere liberans, in quo per Gregorium Papam positus fuerat, propter homicidiũ in ecclesia commissum in Henricum regis Alemanniæ filium, cognatũ regis Angliæ, misit in Romaniolã; quã eo anno etiam obtinuit, excepta ciuitate Vrbinatẽ, quam Gwido incepit obsidere in manu potẽti. Sed cito post, de licentia Papæ, omiſsa obsidione dictæ vrbis in Tusciã rediit, vt hereditatem vxoris suæ patre eius Comite Rufo mortuo occuparet. Carolus rex Siciliæ 1. die Iunii venit ad plana Burdegaliæ, comitante eum rege Francorum cum militia magna valde. De cuius aduentu Petrus quondam rex Arragoniæ præmunitus, diem præuenit coram Senescalco Wasconia, protestans se paratum tenere pactum, sed non posse, rege Francorum veniẽte cum tanta multitudine militum contra formam. Reuerso post hæc Carolo rege Siciliæ in Apuliam, Siculi contra Neapolim cum viginti septem galeis venerunt armatis. Aduersus quos Carolus filius regis Caroli tũc princeps Achaie egressus est cum magna galearũ multitudine ad pugnandũ, obtinentib. victoriam hostibus captus est cũ multis aliis, & ad ciuitatem Meſſanã deductus captiuus. Eodem anno rex Angliæ apud Aſton Burnel tenuit parliamentũ post festũ S. Michaelis; in quo editum est statutum, quod à loco cognominatum est. Ipſo anno ossa beati Wilhelmi Eboracensis archiepiscopi ad altiore

Rex perdit multos in Wallia.

Annus conclusio.

Bellum in Wallia.

Dauid capitur.

De cruce Neoti.

Parliamentum Salopie, in quo Dauid damnatur.

Nota de Abbatia de valle regie.

Nota de subsidio. Qualiter Guido de Monteforti à carcere liberatur.

Princeps Achaie capitur.

Parliamentum apud Aston Burnel.

- Annalis cōclusio.* tiorem locum cum solemnitate maxima transferuntur. Transit annus iste frugifer & fructifer satis frugaliter. Romanis sollicitus, Apul. Calabris atq; Sicul. inuisus & odibilis propter guerras motas ibidem effectuum variorum. Francis quietus, sed Anglicis & Wallicis inquietus. Hoc anno natus est filius Regi Anglię apud Karnaruan in Wallia die S. Marci; & vocatus Edwardus. Eodem anno Rex Edwardus fecit leges Anglicanas per Walliam obseruari, Vicecomites ponens in ea.
- Nascitur Ed-wardus apud Karnaruan.* Anno gratiæ 1285. qui est annus regni Regis Edwardi à conquestu primi duodecimus, rex de Snowdonia per Walliam occidentalem progrediens, intrauit Glomorganciam: quæ ad additionem Comitis Glouerniæ noscitur pertinere. Receptusq; à Comite cum honore maximo, ab eodem propriis impensis vsque ad terrarum terminos est deductus. Rex vero Bristolliam veniens, ibique festum Dominicæ natiuitatis tenuit eo anno. Philippus filius Philippi Regis Francorum duxit vxorem Iohannam filiam Regis Nauarriæ primogenitam, accipiens cum eadem regnum Nauarro-
rum, & Campaniæ comitatum. Hoc anno mortuus est Carolus Rex Siciliæ: cuius regni ac filiorum tutorem, Papa Martinus Robertum Comitem Atrabatensem constituit, largitus eidem pro hac re pecuniæ magnam summam. Eodem anno obiit apud Windeleshore Alfonsus filius Regis, iuuenis optimæ indolis, etiam admodum Deo deuotus: cuius corpus apud Westmonasterium; cor vero apud Fratres Prædicatores Londoniis (ordinante sic Regina matre) traditur sepulturæ. Hoc quoque anno obiit Robertus de Wickhamptona, Salesburiensis episcopus; cui successit Walterus Scam-
mel ecclesię eiusdē Decanus. Eo tēpore Maria filia regis Angliæ, Ambresbyrię sanctimonialis efficitur; parentib. licet cum difficultate assentientibus, ad instantiā matris Regis. Transit annus iste frugifer & fructifer satis vbertim: Romanis tristis propter desolationem regni Siciliæ: Francis sollicitus propter eandem causam: Anglis vero mediocriter pacificus & quietus.
- Qualiter rex Ed-wardus rogatur ad colloquiū regis Francia.* Anno gratiæ 1286. qui est annus regni Regis Edwardi à conquestu primi tertius decimus, Rex Angliæ de Bristollia profectus Cantuariam, disposuit in Gallias transfretare: sed audito rumore de matris infirmitate, reuertitur Ambresburiam, missis nuntiis, qui se apud Regem Francorum (ad cuius colloquium speciale inuitatus fuerat) excusarent. Eo tempore Papa Martinus moritur; cui successit Honorius quartus, natione Romanus, prius dictus Iacobus de Sabella; cui pedum ac manuum fere ossa abstulerat arcetica ægritudo; vnde sedendo in sella, ad hoc artificiose facta, missarum solemnia celebrauit. Hoc anno Philippus Rex Francorum profectus in Arragoniam, vt regnum illud iuxta donationem Papæ Martini filio suo Carolo adquireret, ciuitatem Girundam obsedit. Petrus vero Rex quondam Arragoniæ, sed priuatus per Papam, iniit bellum cum quibusdam militibus Gallicis; inter quos principales erāt Radulphus de Nigella, Constabularius Franciæ, & Iohannes de Haricuria Normannus, miles strenuissimus & probatus. Cumq; durus ex vtraq; parte conflictus inualesceret, Petrus Arragoniæ Rex lethaliter vulneratur; qui mox se cum suis subtraxit à prælio, & mortuus est in breui. Philippus Francorum Rex capta Girunda, hominibusque suis
munita, incipiens infirmari, discessit vsq; per Piniacum; vbi inualescente ægritudine de præsentiluce migravit: cuius carnes & viscera in Ecclesia Narbonensi; ossa vero apud S. Dionysium; cor in choro Fratrum Prædicatorum Parisius sunt humata. Huic successit filius eius Philippus, qui pulcher agnominatus est, ob corporis speciem excellentem. Medio tempore Arragonenses, nautes Gallicorum in portu Rosarum captas abducunt: vrbē etiā Girundā, obsidentes ipsam, & Gallicos ad eius defensionem derelictos, ad deditionē breui tēpore coegerūt. Eo tēpore Alfonsus filius Petri quondam regis Arragoniæ, patre defuncto vt præmittitur, regnū illud gubernādum suscepit; inter quē & filiā regis Angliæ Alienorā sponsalia facta fuerūt, patre adhuc viuēte, Iacobus autē filius Petri iunior, cum matre Constantina transiens in Sicilam, se fecit coronari. Eodem anno tenuit Rex parliamentum Londoniis, in quo edita sunt statuta, quæ Westmonasterii secunda dicuntur. Transit annus iste frugifer & fructifer plebi communi: Romanis, Siculis, Apulæis, Calabris, Francis, Hispanis & Arragoniis inquietus, propter bella mota, mortesq; regum: Anglicis tamen transcurfus sub silentio & quiete. Hoc anno tanta fuit siccitas & æstus, vt homines morerentur.
- Acta Westm. Annalis cōclusio.* Anno gratiæ millesimo ducentesimo octuagesimo septimo, qui est annus regni Regis Edwardi à cōquestu primi quartus decimus, Papa Honorius quartus moritur; cui succedit Nicolaus 4. natione Romanus, prius dictus frater Ieronimus de ordine fratrum Minorū. Hic idolum (vt dicitur) fratrum eiusdē ordinis multa priuatim statuit, quæ

quæ faciunt non solum superbire minores, sed etiam insanire. Hoc anno rex Angliæ in Gallias transiens Ambianis cum honorifica turba peruenit; cui occurrit ibidē honoris gratia rex Francorum. Rex autē Angliæ fecit homagium regi Franciæ, pro terris, quas de eo in regno Franciæ tenere debebat Parisius, & interfuit parliamēto, quod rex Francorum tunc Parisius tenuit; in quo multa (quæ pro libertate terrarū suarum pertinent) obtinuit; licet ipsa concessio regis Francorum, & parium diu in suo robore non maneret. Expectauit autem rex Edwardus Parisius ad festum Pentecostes, circa quod tempus fratres Prædicatores ibidem suum capitulum generale tenuerunt. Quod vterq; rex Francorum & Anglorum, & vtraq; regina diebus diuersis sua præsentia honorarunt. Post Pentecostem vero rex Angliæ de Parisio Wasconiam est profectus. Eo tempore Alienora regina Angliæ, mater regis Edwardi, sprete pompa sæculi, apud Ambresburiam induit habitum monachorum. Transiit annus iste frugifer & fructifer huic regno, & eo magis fructifer, quod fructum fecit centesimum, faciens de regina Sanctimonialem.

Rex in Gallias transiit.

Regina sanctimonialis. Annalis conclusio.

Anno gratiæ 1288. qui est annus regni regis Edwardi à conquestu primi 15. cum adhuc rex Angliæ in Wasconia moraretur, miles quidam Anglicus quendam Iudæum super detentione indebita cuiusdam manerii sibi impignorati, coram iudicibus conuenire decreuit; sed Iudæus versipellis respondere renuit; prætendens cartam regis quondam Henrici, qua sibi indultum fuit, ne coram iudice aliquo, solo corpore regis excepto, in iudicium trahi posset. Miles super hoc anxius Wasconiam adiit, ut super hoc à rege remedium aliquod impetraret. Quem cum rex audisset, non decet irritare facta parentum, quibus lege diuina iubentur reuerentiam exhibere, propter quod factum patris mei reuocare non decreui; sed tibi cæterisque regni mei, æqua lege (ne potior videatur Iudæus quam Christianus) indulgeo, ne pro quacunque iniuria illi Iudæo illata, quamdiu charta sua gaudere voluerit, coram iudice aliquo (me excepto) conueniri possitis. Reuertente cum hoc priuilegio milite, attendens Iudæus sibi imminere damnum & periculum, sponte renunciat suæ chartæ, optans, & euacuata conditione priuilegii, pars vtraque legi communi valeat subiacere. Eo tempore die quadam, cum rex & regina in camera quadam conuenientes super lectum quendam confabularentur, ictus fulminis per fenestram, quæ eis erat à dorso, ingressus est, & inter eos transiens, ipsis penitus illæsis, duos domicellos, qui in eorum stabant præsentia, interfecit: stupefacti admodum cæteri omnes, qui aderant, ex cuiusdenti, quod contigerat, perpendebant miraculo, diuini protectionem numinis salutis regis non deesse. Sub eodem tempore rex Cipri apud Acon in regem Ierusalem coronatur. Quod comes Attrebatensis in præiudiciū regis Siciliæ, qui regnū illud vendicabat, factum existimans; bona templariorum & hospitaliorū (quia facto huic consenserant) ubique per Apuliam confiscauit. Per idem tempus Alfonsus rex Arragoniæ missis ad curiam Romanam nunciis, reconciliari petiuit ecclesiæ, de his, quæ per patrem suum facta fuerant, se excusans.

Acta inter Christianum & Iudæum quendam.

Conservatio Regis miraculosa.

Novus rex Ierusalem coronatur.

Transiit annus iste frugifer & fructifer omni plebi; Iudæis per Angliam tristis & malorum inchoatius; Francis Angliisque quietus.

Annalis conclusio.

Anno gratiæ 1289. qui est annus regni regis Edwardi à conquestu primi sextus decimus, Carolus filius Caroli regis quondam Siciliæ, princeps Achaïæ, procurante rege Angliæ, liberatur à carcere sub hac forma; videlicet, quod data regi Arragoniæ certa summa pecuniæ, ipse Carolus à domino Papa pacem Arragonensibus impetraret; quam si infra terminum limitatum impetrare non posset, rediret ad carcerem. Quibus conditionibus iuramento firmatis, tradere debebat Carolus tres filios suos obfides, & alios milites nobiles 40. pro quibus, quousque venirent, rex Angliæ liberationem Caroli accelerans, nobiles viros, qui secum erant obfides tradidit, & pecuniam usque ad triginta millia librarum persoluit. Postquam autem filii Caroli venerant, rex Angliæ militibus suis liberatis in Wasconiam reuertitur; & apud Blankforde crucis suscepit characterem; moxque Iudæos omnes, tanquam crucis hostes, expulit de Wasconia, & aliis terris suis omnibus, quas in regno Franciæ possidebat. Interim Refus filius Mereduci Walliam conturbauit, impugnareque cepit aliqua regis castra. Eo tempore Tripolis ciuitas transmarina à Soldano capitur, qui & in ea multa Christianorum millia trucidauit; ex cuius captione territi Christiani, qui erant in Acon, à Soldano inducias impetrant biennales. Per idem tempus Edmundus Comes Cornubiæ, cui rex Angliæ in sua absentia regni commiserat custodiam, magnum ducit exercitum in Walliam contra Refum. Cum autem castrum de Drusselau, quod erat Refi,

De amicitia fructuosa inter regē Ed. & Carolum principē Achaïæ.

Ed. rex cruce signatur, & Iudæos expellit de Wasconia.

De Tripoli capta à Soldano.

Profectio in Walliam.

*De damno in-
superabili apud
S. Botolphum.*

obsideret; & muros eius suffodi faceret, casu illorum subito vir nobilis Wilhelmus de monte Canisii, aliiq; milites plurimi & scutiferi opprimuntur. Hoc anno armiger quidam dictus Robertus Camerarius cum suis complicitibus vere dæmoniacis, tentoria mercatorum apud sanctum Botolphum & mercimonia incendens, diffuso igne magnam partem villæ, & ecclesiā fratrum Prædicatorum combussit. in diuersis nempe villæ locis igne apposuerunt, vt ipsi liberius possent residua spoliare. Dumq; mercatores pro mercibus suis saluandis & extinguendo igne discurrerent, per dictum armigerum & suos trucidantur. Dicebatur reuera, quod tota pecunia Angliæ vix restauraret damna ibidem facta. Currebant namq; riuuli argentei & aurei & metallorum fusilium vsque in mare. Fuit autem hoc anno in Anglia tanta frugum abundantia, vt quarteriū frumenti alicubi pro 20. alicubi pro 16. alicubi pro 12. denariis venderetur. Transiit annus iste frugifer & fructifer mirabiliter: Iudæis lugubris: terræ sanctæ atq; Christianicis lamentabilis: Angliæ damnosus: sed Franciæ otiosus.

*Copia frugum
vilius.*

10

*Caroli iuramen-
tum irritum fit.
Iudæi fugati.*

Anno gratiæ 1290. qui est annus regni regis Edwardi à conquestu primi septimus decimus, Carolus princeps Achaïæ Romam veniens, per Papam Nicholaum, à iuramento Regi Arragoniæ præstito absoluitur, & in Regem Siciliæ coronatur. Eodem tempore inter Iacobum occupatorem Siciliæ, & Comitem Attribatensem firmantur induciæ biennales. Circa tempus istud Rex Angliæ de Walconia reuersus, Londoniis solemniter recipitur à clero totaq; plebe. Qui Iudæos omnes eodem anno expellens de Anglia, datis expensis in Gallias, bona eorum reliqua cōfiscavit. Eo-

*Iustitiarum mul-
tati.*

20

*Rex Scotorum
miserabiliter in-
terficitur.*

*Soboles regis Sco-
tia.*

dem tempore Rex auditis querimoniis eorum Anglicorum, qui de regiis ministris volebant conqueri, omnibus exhibens iustitiam, iustitiaros fere omnes de falsitate deprehensos à suo officio deposuit; ipsos iuxta demerita puniens graui multa. Tempore quadrigesimali huius anni, cum Alexander Rex Scotorum vxorem suam, filiam Comitum Flandriæ, quam post Margaretam filiam Regis Angliæ duxerat, nocte quadam admodum obscura visitare voluisset, cespitante equo lapsus, & collisus grauius, expirauit. Hic de secunda vxore, nullam; de prima vero prolem geminam, filium scilicet Alexandrum, & filiā genuit nomine Margaretā. Alexander absq; prole patrem immatura morte præuenit. Filia vero Margareta Regi Northagiæ desponsata filiam vnicam peperit nomine Margaretam, quæ matri mortuæ superuixit. Hæc consulto Rege Angliæ magnates Scotiæ recognouerunt heredem; quæ accersita per nuncios regis Angliæ, cum per nauigium tenderet in Scotiam, infirmata in mari apud Orkadæ insulas est defuncta. Hoc anno nocte sanctæ Margaretę descendit tempestas imbrium, tonitruum, & fulguris, à retro sæculis vix audita; concutiens sata, & submergens, ita, vt Londoniis modius tritici, qui prius ad tres denarios vendebatur, ex tunc paulatim vsq; ad 2. solidos excreuit. sicque per quadraginta ferme annos, vsq; ad obitum Regis Edwardi post conquestum secundi, dicti de Karneruam, extitit Karistia bladorum, & præcipue frumentorum, ita, vt aliquotiens Londoniis modus frumeti ad 10. solidos venderetur. Circa præsens tempus iubente Papa Nicolao taxatæ sunt ecclesiæ Anglicanæ secundum verum valorē; & ex tunc cessauit taxatio Norwicensis, per Inno-

*Tempestas inan-
dita.
Fames.*

30

Ecclesia taxata.

Annalis conclusio.

40

*Dubitatio de he-
redibus Scotia.*

Anno gratiæ 1291. qui est annus regni Regis Edwardi à conquestu primi octauus decimus, mortua Margareta filia Regis Northagiæ, ex Margareta filia Regis Scotiæ Alexandri, ad quam iure hereditario defunctis auo, patruo, & matre regnum Scotiæ deuolui debebat; quis foret iustus heres Scotiæ apud omnes in dubiū vertebatur. Pro-

*Filia regis nup-
tiantur.*

Regina moritur.

50

pter quod Rex celebratis Londoniis nuptiis inter Iohannem filiū & heredem Ducis Brabantiae, & Margaretam filiam suam secundā, ac inter Gilbertum Comitē Glouerniæ, & Ioannam filiam suam tertiam, versus Scotiā dimicaturus de iusto herede, tanquam superior dominus, dirigit iter suū. Sed dum finib. Scotiæ appropinquaret, Regina consors graui infirmitate correpta, 4. idus Decembris ex hac vita migravit in villa de Herdeby iuxta Lincolniam; propterea Rex cæpto intermisso inire Londonias funus deducendo reuertitur cum mœrore; qui cunctis diebus vitæ suæ eam plangebat, & Iesum benignum iugis precibus pro ea interpellabat, elemosinarum largitiones & misfarum celebrationes, pro ea in diuersis regni locis ordinans imperpetuum & procuras. Fuerat nempe mulier pia, modesta, misericors, Anglicorum amatrix omnium, & velut columna regni totius. Cuius temporibus alienigenæ Angliam non grauabant, incolæ

nulla-

nullatenus per regales opprimebantur, si ad aures eius vel minima querela oppressio-
nis aliquo modo peruenisset. Tristes ubique, prout dignitas sua promittebat, consola-
batur, & discordes ad concordiam, quantum potuit, reducebat. Huius corpori cum ad
sanctum Albanum appropinquasset, totus conuentus solemniter reuestitus in capis
perrexit obuiam usque ad finem villæ, quæ est ad Ecclesiam sancti Michaelis, ibidem de-
ducendoque corpus, ante maius altare in monasterio collocarunt, ubi nocte illa à toto
conuentu officiis diuinis ac sacris vigiliis assidua deuotione honoratur. Ab eo loco
corpus deferretur Londonias, ubi Rex cum tota regni nobilitate regni-
& Pontificibus & Prælatibus occurrit. Conditum est ergo corpus aromatibus in ecclesia Westmonaste-
rii, cum summa omnium reuerentia & honore. Cor vero in choro fratrum prædica-
torum Londoniis est humatum. In omni loco & villa, quibus corpus pausauerat, ius-
sit Rex crucem miro tabulatu erigi ad Regine memoriam; ut à transeuntibus pro eius
anima deprecetur; in qua cruce fecit imaginem Regine depingi. Transiit annus iste
carus, sed non famelicus: Scotis turbulentus: Anglicis vicissim lætus & tristis.

*Cruces eriguntur
pro Regina.*

*Annalis conclu-
so.*

Anno gratiæ millesimo ducentesimo nonagesimo secundo, qui est annus regni
Regis Edwardi primi nonus decimus, Soldanus Babylonie, lapsis iam treugis cum
Christianis per biennium initis, versus Acon tendens cum magno exercitu in ipso i-
tinere moritur; cuius filius Soldanus factus prosequitur capta patris, & ciuitatem A-
con obsidens à quarto die mensis Maii, per decem dies cõtinuos fortissime oppugna-
uit. Ciues vero viriliter urbem defendentes, interim thesauros suos ac merces sacro-
sanctasque reliquias, senes etiam atque debiles mulieres & paruulos fecerunt in Ci-
prum nauigio deportari. Multi etiam tam pedites quam equites discedentes, ad de-
fensionem ciuitatis reliquerunt tantum duodecim millia armatorum. Quintade-
cima vero die mensis tam graue dederunt Sarraceni insultum, quod cedente fere
Regis Cipri custodia, ciuitatem intrassent, nisi obscuritas noctis: alienumque subsi-
dium obtitisset. Denique Rex Cipri commissa custodia sua ministro militiæ domus
Teutonicorum promittens, se mane rediturum, aufugit in Ciprum. Sarraceni autem
videntes in crastino custodiam Regis Cipri destitutam ex parte illa, impleto fossato
ingressi sunt urbem, prælioque ancipiti cum Christianis duobus diebus, nunc his,
nunc illis præualentibus, dimicarunt. Tertia tandem die irrumpente per portam
sancti Antonii Sarracenorum multitudo, interfectisque templariis & hospitalariis,
urbem capiunt, muros eius cum turribus, ecclesiasque cum domibus aliis funditus e-
uertentes. Patriarcha vero qui de ordine prædicatorum fuerat, & minister hospitalis
lethaliter vulnerati, tracti à suis in Dromundum in mari cum multis aliis perierunt.
Per hoc tempus Carolus frater Regis Franciæ renuncians iuri suo in regnum Arra-
goniæ, uxorem duxit filiam Caroli Regis Siciliæ, qui cum ea prædicta renunciatione
Andegaviæ & Cenomanniæ contulit Comitatus.

*Soldanus pater
moritur.
Soldanus filius
Acon obsidet.
Acon capitur à
Soldano.*

Declaratio iuris Regii in regno Scotia.

40 **E**ODEM anno post Pascha Rex Angliæ Scotiæ appropinquans, parliamentum te-
nuit apud Northumb. ubi consultis prælatibus ac vtriusque iuris peritis, reuolutis-
que priorum temporum annalibus, vocari fecit Prælatos ac Maiores regni Scotiæ, &
coram eis in ecclesia parochiali de Northumb. ius suum in superius dominium regni
Scotiæ fideliter declarauit; petiuitque, ut hæc recognoscerent; protestando se ius co-
ronæ suæ usque ad effusionem sanguinis defensurum. Ob quam causam Rex isto
anno omnia monasteria Angliæ, Scotiæ, & Walliæ perscrutari fecerat, ad dinoscen-
dum, quale ius posset sibi competere in hac parte. Et repertum est in chronicis Ma-
riani Scoti, Wilhelmi de Malmesburia, Rogeri de Houeden, Henrici de Huntyng-
don, Radulphi de Luzeto, quod anno domini nongentesimo decimo Rex Edwardus
50 senior, subegit sibi Reges Scotorum & Cumborum. Item, ibidem, quod anno domini
nongentesimo vicesimo primo, prædictæ gentes elegerunt sibi Edwardum prædictum
in dominum & patronum. Item, ibidem, anno domini nongentesimo vicesimo sexto
Rex Angliæ Adelstanus deuicit regem Scotiæ Constantinum, & iterum sub se permisit
regnare. Itē, Edredus frater Adelstani Rex Angliæ, deuicit Scotos & Northumbranos,
qui se submiserunt ei & fidelitatem iurauerunt. Item ibidem, Edgarus Rex Angliæ
superauit Rinadum filium Alpini Regem Scotorum. Et ex tunc factus est Rex qua-
tuor regnorum; scilicet Angliæ, Scotiæ, Daciæ & Norwagiæ. Item ibidem, San-
ctus Edwardus regnum Scotiæ dedit Malcolino filio Regis Cumborum de se te-
nendum. Item, Wilhelmus Bastard, anno regni sui sexto, vicit Malcolinum Regem

*Scotia subdita
Angliæ.*

Scotiæ; & accepit ab eo sacramentum fidelitatis. Item, Wilhelmus Rufus, simile fecit, quod pater suus fecerat, erga Malcolinum Regem Scotiæ, & contra duos filios Malcolini successiue regnantes. Item, Alexander successit fratri suo Edgaro in regnum Scotiæ de consensu Regis Henrici primi. Item, David Rex Scotiæ fecit homagium Regi Stephano. Item Wilhelmus Rex Scotiæ fecit homagium Henrico tertio, filio Regis Henrici secundi in coronatione sua. Et iterum i Henrico patri anno regni sui vicelimo; sicut patet in quadam conuentione inter eos inde facta. Item, dicit Rogerus de Houeden, quod Wilhelmus Rex Scotiæ venit ad dominum suum Regem Henricum in Normanniam; & similiter fecit Regi Richardo, & etiam Iohanni Regi apud Lincolniam. Item, in Chronica sancti Albani reperitur, quod Alexander Rex Scotiæ, apud Eboracum desponsauit Margaretam filiam Regis Henrici, anno regni sui tricesimo quinto; & fecit ei homagium. Item, reperitur in chartis regum Scotiæ. Item, repertum est in bullis Papalibus Scotiæ directis, Reges Scotorum excommunicatos fuisse, quia noluerant obedire dominis suis Anglorum Regibus.

Chronica sancti Albani.

Multi recognoscunt Regem Angliæ priorem dominum suum.

Conuenientibus igitur apud Northumb. in finibus Anglorum versus Scotiam Rege Anglorum, cum suis peritis, ac Scotorum valentioribus, cum suis prudentioribus; petiuit Rex Angliæ in primis, vt Scoti pacifice assentirent suæ ordinationi super Rege Scotiæ; præsertim cum sibi competeret ratione sui domini capitalis. Scoti vero responderunt, se ignorare, quod talis superioritas Regi Angliæ competeret; nec posse sine capite Rege ad talia respondere; cui incumberet talem denunciationem audire, nec aliud responsum ad præsens debere reddere testabantur, propter iuramentum excommunicatione vallatum, quod post mortem Regis Alexandri sibi inuicem fecerunt: vnde deliberatione librata fecit Rex Edwardus Scotis literas suas patentes, quibus recognouit aduentum Scotorum in Angliam citra aquam Twede, non debere aliàs illis vrgeri in præiudicium iterum veniendi in Angliam. Post hæc Maiores Scotiæ & Angliæ, qui vendicabant ius successionis in regnum Scotiæ, per literas suas patentes recognouerunt, se velle sponte recipere iustitiam coram dicto Rege Edwardo, tanquam coram capitali domino, & firmum tenere quicquid ipse decreuerit in præmissis literarum dominorum vtriusque regni, qui ius successionis in Scotorum dominum vendicabant.

Littera recognitionis.

Omnibus præsentibus literas visuris vel audituris, Florentius Comes Holandiæ, Robertus le Brus, dominus Vallis Anandiæ, Iohannes de Balliolo, dominus Galwidia, Iohannes de Hastings, dominus Abergauennæ, Iohannes Comin, dominus de Badenaw, Patricius de Dunbar Comes Marchiæ, Iohannes de Vesci vice patris sui, Nicolaus de Sules, Wilhelmus de Ros, Salutem in domino. Cum nos in regno Scotiæ ius habere credamus, & ius illud coram illo, qui potiore habet potestatem, iurisdictionem & rationem, examinandi ius nostrum habet, declarare, vendicare & probare intendamus; nobilisque Princeps dominus Edwardus Dei gratia Rex Angliæ, per bonas sufficientesque rationes nos informauerit, quod ad eum spectat, & habere debet superius dominium regni Scotiæ, & cognitionem in audiendo, examinando & definiendo ius nostrum: Nos de propria nostra voluntate sine omni violentia & coactione volumus, annuimus & concedimus, vt recipiamus ius coram eo tanquam superiori domino terræ; volumus insuper & promittimus, quod habebimus & tenebimus firmum & stabile factum suum, & quod ille habebit regnum, cui coram eo ius potius illud dabit. In testimonium istorum nos literis istis apposuimus sigilla nostra. Data apud Northumb. feria tertia post ascensionem, &c. Facta itaque recognitione superioris domini & submissione recipiendi, quod coram Rege Angliæ iure fuerit definitum, petiuit Rex castra & terram totam sibi reddi, vt per seisinam pacificam ius superioris domini, quod iam per suas literas recognouerant, clareret vniuersis. Annuerunt statim Regiæ petitioni confectis super hoc literis, & ab eisdem signatis, continentibus in Gallico, sicut priores literæ, hunc tenorem.

Littera Scisina, data Regi Angliæ de toto regno Scotia.

OMNIBVS præsentibus literas visuris vel audituris, Florentius Comes Holandiæ, Robertus le Brus, dominus Vallis Anandiæ, Iohannes de Balliolo, dominus Galwidia, Iohannes de Hastings, dominus Abergauennæ, Iohannes Comin, dominus de Badenaw, Patricius de Dunbar, Comes Marchiæ, Iohannes de Vesci vice patris sui, Nicolaus de Sules, Wilhelmus de Ros, salutem in domino. Quia de bona voluntate nostra & communi assensu sine omni coactione, annuimus & concessimus nobili

bili Principi domino Edwardo Dei gratia Regi Anglię, quod ipse tanquam superior dominus terrę Scotię, possit audire, examinare & definire vendicationes nostras, & quas intendimus ostendere, & probare pro iure nostro recipiendo coram eo, tanquam superiori domino terrę, promittentes insuper quod factum suum habebimus firmum & stabile, & quod ille obtinebit regnum Scotię, cuius ius potius declaratur coram eo. Cum autem non possit prefatus Rex Anglię isto modo cognitionem facere nec complere sine iudicio, nec iudicium debeat esse sine executione, nec executionem possit debito modo facere sine possessione & seifina eiusdem terrę ac castrorum eius; volumus, annuimus, & concedimus, quod ipse tanquam dominus superior ad perficiendum predicta habeat seifinam totius terrę Scotię & castrorum eius, quousque ius in regnum petentibus fuerit satisfactum. Ita tamen, quod antequam habeat seifinam, bonam & sufficientem securitatem faciat petitoribus, & custodibus, communicati regni Scotię restituendi, & idem regnum cum tota regalitate, dignitate, dominio, libertatibus, consuetudinibus, iustitiis, legibus, visibus, possessionibus, & quibuscunque pertinentiis in eodem statu, in quo erant ante seifinam sibi traditam, liberabit illi, cui iure debetur secundum iudicium regalaris, salvo Regi Anglię homagio illius, qui Rex erit. Et debet hæc restitutio fieri infra duos menses, a die quo fuerit hoc ius discussum atque firmatum. Exitus dictę terrę medio tempore recipiantur, & in salvo deposito reponantur, & bene custodiantur per manum camerarii Scotię, qui nunc est, & illius, quem assignabit ad hoc Rex Anglię, & hoc sub sigillis eorum salva rationabili sustentatione terrę & castrorum, ministrorumque regni. In testimonium istorum omnium predictorum apposuimus ad has literas sigilla nostra. Data apud Northumb. die Mercurii proxima post ascensionem domini, anno, &c. Has duas literas misit Rex Anglię sub sigillo suo priuato, ad diuersa monasteria regni sui, ut ad perpetuam rei gestę memoriam in chronicis ponerentur.

Rex affecurat reddere regnum Scotię qui debetur.

IDcirco facta Scotis securitate ex parte Regis Anglię, de restituendo, prout prefertur, regno Scotię infra duos menses illi, cui de iure hoc competeret, sub pœna centum millium librarum sterlingorum, Romę in subsidium terrę sanctę soluendarum, ac etiam sub pœna excommunicationis & interdicti in Regis personam & regnum Anglię, si non restitueret fulminandum: Scoti per chartas suas tradiderunt Regi Edwardo, regnum Scotię cum castellis, iuribus, & consuetudinibus, posueruntque custodes qui medio tempore exitus & appromamenta terrę ad opus illorum quorum intererat custodirent, quousque videlicet debita discussione habita de legitimo constaret hærede. Quo facto, Rex Anglię post longas disceptationes vendicantium illud regnum discussis iuribus prætulit Iohannem de Bayllol, qui recognouit Regem Anglię fore Scotię capitalem dominum, fecitque ei homagium, & fidelitatem iurauit, ut in gestis anni sequentis plenius declaratur. Eodę anno circa festum beati Iohannis Baptistę, Alienora mater Regis Anglię Ambresbirię est defuncta, propter quod Rex de Scotia in Angliam rediit, ut funus maternum sepulturę traderet debito cum honore. Sepultum est itaque corpus eius in monasterio Ambresburie, cor vero Londoniis in ecclesia fratrum minorum, qui sicut & cuncti fratres reliquorum ordinum aliquid de corporibus quorumcunque potentium morientium, sibi met vendicabant more canum cadaueribus assistentium, ibi quisque suam particulam auide consumendam expectat. Post festum sancti Michaelis Rex iterum tendens in Scotiã, cum Eboracum venisset, moramque aliquam fecisset ibidem, Resus filius Mereduci captus illucque deductus iudicialiter condemnatur. Deinde Rex profectus in Scotiam, omnibus in regnum Scotię ius vendicantibus imposuit, ut in festo sancti Iohannis Baptistę proximo futuro coram se comparerent, & quo iure regnum illud vendicabant, plenius declararent. Transit annus iste frugifer, sed qui incolis vix sufficeret: terrę sanctę flebilis, propter nobilem ciuitatem Acon, quæ Acres vel Tholomayda dicitur, ereptam Christianis. Anglis & Scotis sub magna expectatione transactus, dum vnusquisque scire cupit, quis in regno gentium dominabitur.

Anno gratiæ millesimo ducentesimo nonagesimo tertio, qui est annus regni Regis Edwardi a conquestu primi vicesimus, Nicolaus Papa quartus viam vniuersę carnis ingressus est, qui paulo ante Regem Anglię ad recuperandam terram Sanctam inuitans, ducem & capitaneum omnium constituit Christianorum. Hoc anno suborta est discordia inter Anglicos & Francos huiuscemodi occasione: duo nautę

Obiit mater Regis.

Resus filius Mereduci captus illucque deductus iudicialiter condemnatur.

*Obiit Nicolaus Papa. 4.
Discordia inter Anglicos & Francos.*

(quo-

(quorum vnus erat Anglicus, alter Gallicus de Normannia) conuenerunt apud Gasconiam ad quendam fontem, vt haurirent aquam, vbi dissensio facta est dum quisque nititur prius haurire, cumque diutius contendissent & mutua conuicia inuicem intulissent, parauit Gallicus Anglicum percutere pugione, sed Anglicus vitato periculo Gallici pugnum tenuit quo gladium tenebat strictum, eum eripere volens sibi. Interea cecidit Normannus super mucronem suum, confossusque morti subiacuit suo casu. Cum vero casus iste Normannis fuisset cognitus, persecuti sunt Anglicum vt in eum necem socii vindicarent, sed nauæ confocii Anglici resistunt Normannis & fit conflictus grauissimus inter eos, tandem Anglici sine magno dispendio euaserunt. Tunc accesserunt ad Philippum Regem Franciæ, quibus grata fuit regni turbatio, & 10 eius bilem contra Anglicos commouerunt dicentes: turpe fore sibi gentique suæ, vt à caudatis taliter tractarentur. Rex vero iussit nautis suis vt vbicunque obuiarent Anglicis de nece confocii caperent ultionem. Feruebat igitur furor Gallicorum, & dum sitiunt Anglicorum sanguinem, multociens damna graua intulerunt. Vice quadam igitur dum maris obleruant semitas, conspiciunt naues Anglicas à remotis, quibus cursu appropinquantibus velocissimo subito prælium inchoarunt, inter congregiendum quandam nauem Anglicam inter confocias suas vncis attraxerunt Gallici, & quendam Anglicum trahentes de naui sua, mox in summitate mali naui Normannici suspenderunt. Quo facto (quia potentiores & plures pro tunc erant Gallici) sine magna læsione recesserunt. Ex his causis creuit timor & inuidia populis vtriusque 20 regni. Eo tempore moritur Rex Romanorum Radulphus. In cuius successione electus est Adulphus Comes de Naasso; & sine contradictione in regem Alemanniæ solemniter coronatur. Alfonsus etiam Arragoniæ Rex mortuus est hoc anno.

*Obiit Rex Romanorum.
Obiit Rex Arragoniæ.
Processus de Scotia.*

Rex Angliæ post festum sancti Iohannis Baptistæ in Scotiam veniens, receptis eorum qui regnum Scotiæ vendicabant allegationibus, pro iure suo eligi fecit quadraginta personas; videlicet, de Anglia viginti, & viginti de Scotia, qui istas allegationes deliberata diligentia discutèrent: sententiam finalem vsque in festum sancti Michaelis primo venturum differens proferendam.

*Rex Norwegiæ
vindicat Scotiam.*

Eo tempore Ericus Rex Norwegiæ venit coram consilio domini Regis Angliæ per attornatos suos, & protulit quoddam scriptum in hæc verba: Omnibus præsentibus 30 literas inspecturis vel audituris pateat euidenter, quod nos Ericus Dei gratia Rex Norwegiæ tenore præsentium fecimus, constituimus & ordinauimus, prout de iure & facto melius facere potuimus, nostros veros & legitimos attornatos & procuratores & nuncios speciales, nobilem virum Aduen. de Hager, & magistrum H. Plebanum, plebis de Castillione arretino domini Papæ capellanum, & magistrum Petrum Algorum, ad comperiendum pro nobis & vice nostra, coram excellenti Principe domino, Dei gratia Edwardo Rege Angliæ illustri, & superiori domino regni Scotiæ, & ad petendum nomine nostro, tanquam per superiorem dominum regni Scotiæ nobis adiudicari regnum Scotiæ supradictum, cum omnibus iuribus & pertinentiis suis: cum ipsum regnum per mortem dominæ Margaretæ filiæ nostræ olim dominæ & 40 Reginæ regni Scotiæ, sit ad nos iure hæreditario deuolutum legitime. Item ad petendum nomine nostro adiudicari nobis & præfatis attornatis & procuratoribus nostris, assignari pro nobis fructus & redditus regni Scotiæ quatuor annorum, qui fluxerunt è tempore mortis domini Alexandri, bonæ memoriæ quondam Regis Scotiæ, vsque ad diem mortis dominæ Margaretæ filiæ nostræ, olim dominæ Reginæ Scotorum, qui percepti sunt vel percipi potuerunt de dicto regno, cum ad nos dicti fructus seu redditus pleno iure pertineant; tum, quia fuimus legitimus administrator bonorum Reginæ præfatæ cum viueret; tum etiam, quia graua expensarum & sumptuum onera sustinuimus propter eam, dum in regno Norwegiæ moram traxit, & postmodum mittendo eam ad regnum suum Scotiæ supradictum. Item, ad petendum nomine nostro 50 condemnari vniuersitatem regni Scotiæ, & ipsum regnum ad soluendum nobis seu dictis attornatis & procuratoribus nostris recipientibus, vice nostra pœnam centum millium librarum sterlingorum, in quam inciderunt vniuersitas præfata & regnum prædictum non recipiendo libere præfatam dominam Margaretam, filiam nostram, in dominam & Reginam regni Scotiæ, nec ei obediendo in aliquo. Et ad petendum supplementum septingentarum marcarum, quas habere debemus à regno Scotiæ, occasione dotis dominæ Margaretæ olim filiæ nostræ & vxoris Regis Scotiæ prædicti; cum fructus & redditus terrarum nobis assignati pro septingentis marcis annuis, ad quingentarum marcarum summam non ascendant. Item, ad agendum & defendendum,

dum, lucrandum & perdendum, coram prefato Principe domino Edwardo Rege Anglię, superiore domino regni Scotię debita quomodocunque, & qualitercunque, & ex quacunque causa vel causis nobis debeantur, & à quibuscunque personis, loco vel vniuersitate, & quocunque nomine illa iura censeantur, & ad omnia alia & singula facienda, quę veri & legitimi attornati seu procuratores & nuncii facere possent in pręmissis, & quilibet pręmissorum si mandatum etiam exegerint speciale, & quę nosmet facere possemus si præsentes essemus, promittentes sub hypotheca & obligatione omnium bonorum nostrorum, pactum firmum & gratum habere & tenere perpetuo, & non contrauenire aliquo ingenio vel modo, quicquid per prędictos attornatos seu procuratores nostros, vel duos saltem ex eis actum vel procuratum fuerit in pręmissis, vel quolibet pręmissorum. Datum Tonsborg. anno domini, &c. anno regni nostri tertio decimo, in cuius rei testimonium has literas fieri fecimus, & nostri sigilli munime roborari.

Quod dies datus est Regi Norwagię.

REQUISITVM fuit de eisdem attornatis, quid voluit addere, minuere vel mutare, & quod in petitione sua danda declararent. Qui dicunt quod nolunt declarare antequam habuerint colloquium cum dicto domino Rege Anglię, superiori domino regni Scotię, nec aliquid aliud proponere vel dicere ea vice. Et hæc requisitio fuit facta, quia alias in petitione sua, quę coram ipsis fuit ibidem lecta, reseruauit sibi beneficium addendi, minuendi & mutandi, prout plenius ex tenore ipsius petitionis apparet, & datus est eis dies vsque ad diem Mercurii proximum sequentem, ad audiendum voluntatem domini Regis. Postea die Mercurii proximo post festum beati Martini, venerunt prędicti attornati Regis Norwagię, coram consilio prędicti domini Regis Anglię & superioris domini Scotię, & dictum fuit eis per consilium dicti domini Regis, quod declararent manifeste actionem domini Regis Norwagię, per quam intendunt recuperare regnum Scotię tanquam ius domini sui. qui quidem attornati responderunt & dixerunt, quod voluerunt prius habere colloquium cum prędicto domino suo Rege Norwagię, & ipsum super actione & petitione prędictis consulere antequam vltius prosequerentur. Et multotiens requisiti, quod petitionem pręfati domini sui manifestius declararent, tandem dixerunt pręcise, quod petitionem supradicti domini sui noluerunt declarare, nec vltius super hoc aliud dicere, antequam eundem dominum suum consulti fuerint in pręmissis. Ideo datus est eis dies de die in diem coram prędicto domino Rege Anglię superiore domino dicti regni Scotię, ad audiendum iudicium suum de eo, quod noluerunt vltius prosequi petitionem Domini sui prędicti. Igitur post diligẽtem huius negotii discussionem inter ceteros, de assensu communi, Iohanni de Balliolo, qui de filia Dauid Regis Scotorum descenderat, seniore, adiudicauit Rex ex integro regnum ipsum. Robertus nempe de Brus, inter quem & ipsum Iohannem de Balliolo (exclusis ceteris) questio vertebatur, licet vno gradu esset propinquior; tamen descendit à filia Regis Dauid secunda. Iohannes de Balliolo in festo sancti Andreę sequenti collocatus super lapidem regalẽ, quem Iacob supposuerat capiti suo, dum iret de Bersabec & pergeret Aram, in ecclesia canonicorum regularium de Stone solemniter coronatur. Post coronationem vero accedens ad Regem Anglię, qui festum natiuitatis dominicę apud nouum castrum tenuit super tynam, eidem fecit homagium sub his verbis:

Domine Edwarde, Rex Anglię, superior domine Scotię: Ego Iohannes de Balliolo Rex Scotię, me hominem vestrum de toto regno Scotię & omnibus pertinentiis, & his quę ad hoc spectant. quod regnum meum teneo, & de iure debeo & clamito tenere hæreditarie de vobis & hæredibus vestris regibus Anglię, & de vita & membris, & terreno honore contra omnes homines qui putant viuere & mori. Et Rex Anglię recepit homagium in forma prędicta suo & alterius iure saluo. Recepto autem Regis Iohannis homagio, Rex Anglię, eidem regnum Scotię integraliter cum omnibus pertinentiis restituit indilate. Transit annus iste multum frugifer nec famelicus: Anglicis & Francis discordię inchoatius, Romanis & Arragoniis lugebris, propter mortem Papę regumq; Alemannię & Arragonię: Scotis nec tristis nec hilaris de adoptione noui Regis.

Anno gratię 1294. qui est annus regni Regis Edwardi à conquestu primi viceimus primus, fuit idem Rex ad Natale apud nouum castrum super Tynam; vbi suscepit homagium Regis Scotorum. Eo tempore Henricus de Hispania in carcere

Regis

Iudicium contra Regem Northumagię. Iohannes Balliol obtinet regnum Scotię exclusis ceteris. Qualiter Iohannes coronatur.

Scoti faciunt homagium Regi Anglorum. Homagii forma.

Annalis conclusio.

De homagio Regis Scotorum.

*Congressus in
mari apud san-
ctum Matthæum.*

*De mandato
Francie regis.*

*Responsio regis
Anglia.*

*Citatur Rex
Anglia.*

*Nuptia filia
regis.*

*Annalis con-
clusio.*

Regina transfra-

Regis Sicilia diu detentus, euadens Hispanias, ad nepotem suum sanctum Regem venit. Per idem tempus mercatores Angliæ, variis in mari laceffiti periculis, super mercium suarum amissione Regi Angliæ conqueruntur. Qui Comitem Lincolnie Henricum de Lacy ad Regem Franciæ transmissit; suppliciter petens, vt de assensu ipsius per Reges & eorum consilia, contra huiusmodi maritima dispendia provideretur cum celeritate de remedio competenti. Interim vero dum Comes responsum expectat, classis ducentarum nauium Normannicarum & amplius, quæ coadnuata, vt Anglos virtuosius inuaderet, & inuadente fortius propulsaret, in Wasconiam profecta fuerat, quicquid de parte aduersa obuium habuit prædæ ac morti facile destinando. Dum onusta vino reuerteretur gloriunda, quasi sibi soli maris cessisset libertas, à sexaginta nauibus Anglicanis capitur in portu sancti Matthæi, in minori Britannia; & in Angliam adducitur feria sexta ante vigiliam Pentecostes, submersis aut cæsis hominibus omnibus, qui erant in nauibus, solis illis, qui in scaphis vix sibi saluti fuerant fugiendo. Perdiderunt nempe Gallici quindecim millia hominum in hoc conflictu. Rumor facti diffusus per Galliam, Regem consilium suumque non tam admiratione quam indignatione vehementi commouit. Ordinantur igitur ambassiatores, qui ex parte regis Francorum à Rege Angliæ peterent, vt absque mora naues cum mercibus per homines suos raptas, & in regno suo receptas restitueret, si vellet sua negotia pro terra Wasconie in curia Regis Franciæ fauorabiliter expediri. Super mandato Rex deliberans habito consilio, Richardum Londoniensem Episcopum adiunctis eidem aliis viris prudentibus, ad Regem Francorum & suum consilium cum huiusmodi transmissit responso; videlicet, cum Rex Angliæ curiam suam habeat nulli subiectam, si qui se lesos senserint per homines regni sui, veniant ad curiam suam, & declaratis sibi illatis iniuriis, Rex eis celerem fieri iustitiam ordinabit; quod, vt securius possint facere, quibuscunque conqueri volentibus, rex de eundo & redeundo per terram suam saluum dabit conductum. Quod si hoc regi Francorum non placeat, eligantur hinc inde arbitri, qui pensatis damnis vtriusque partis provideant, quomodo querelantibus satis fiat, & Rex Anglorum dicto eorum, & laudo sub certa obligatione se submittet; dum tamen Rex Francorum se submittat & obliget pari modo. Si vero aliquid occurrat tam arduum, quod per arbitros discindi nequeat, definiendum regibus referuetur. Et Rex Angliæ habito conducto ad Regem Franciæ accedentem, ad aliquam villam maritimam veniet, & de assensu mutuo finis negotio imponatur: quod si nec istud Rex Francorum acceptauerit, in summum Pontificem, cuius est inter Reges & regna pacem fouere, transferatur de assensu mutuo negotium; vel, quia tunc sedes sancti Petri vacabat, ad Cardinales omnes vel aliquos: vt litis & discordiæ submotamateria, pax inter eos & eorum populos refloreat vt solebat. Spreuit hæc omnia consilium Franciæ, nec nunciis instanter flagitantibus dignatum est aliquid respondere. Misit denique Rex Francorum ad ciuitatem Agennum, quæ ad Ducatum Aquitannie spectare dignoscitur, ibique nominatim citari fecit Regem Angliæ, vt die certa Parisius compareret, de iniuriis & rebellionibus in terra factis Wasconie responsurus. Quem ad diem præfixum non comparentem, rex Francorum in propria persona pro tribunali sedens sententiam protulit iudicans in defectu. Moxque præcepit Constabulario Franciæ, vt in manu armata proficiscens, Ducatû Aquitannie regis Francorum nomine occuparet, caperetque vel expelleret quoscunque per regem Angliæ illius custodiæ deputatos. Siquidem paulo ante miserat illuc Rex Angliæ, Iohannem de sancto Iohanne, militem discretum, in armis strenuum, & in rebus bellicis exercitatum; qui ciuitates & castra per totum Ducatum muniuit armis, & victualibus, & viris strenuis ad bellandum. Rex Anglorum adhuc satagens regis Francorum animum emollire, mandauit germano suo Edinundo, qui tunc in Galliis morabatur, vt consilium Franciæ adiens, de aliqua forma pacis prouideret; quæ regi Francorum foret placita & sibi non nimium inhonesta. Qui post tractatus multos frustra habitos, iter versus Angliam arripuit, de pace & concordia penitus desperatus. Eodem anno circa festum sancti Michaelis Elenora filia regis Angliæ apud Bristoliam Henrico Comiti Barrensi traditur in vxorem; de qua filium genuit Edwardum; & filiam, quam Iohannes de Warremia Surreiæ & Southsexiæ Comes duxit. Transit annus iste nec vber frugum, nec fertilis fructuum; Normannis flebilis, quia quod charius dilexerunt, per Anglicos amiserunt: Francis & Anglicis discordiæ inchoatiuis, & damnorum irrecuperabilium causatiuis.

Anno gratiæ millesimo ducentesimo nonagesimo quinto, qui est annus regni regis

regis Edwardi à conquestu primi vicesimus secundus, Edmundus frater regis Angliæ versus mare profectus, per reginas Franciæ, Iohannam regis consortem, & Mariam eiusdem nouercam, vt cum eisdem pacis tractatum resumat, celeriter reuocatur. Denique mediantibus reginis, post plurima interloquia in forma subscripta extitit concordatum; vt propter honorem regis Francorum, cui per ministros custodiæ Walconiæ deputatos, vt videbatur nonnullis, in pluribus fuerat derogatum, sex castra; videlicet, Sanctonas, Talemund, Tourn, Pomerel, Penne, & Mountflaunkon; voluntati regis Franciæ dederentur. In omnibus vero ciuitatibus & castris totius Ducatus, exceptis Burdegalia, Baiona, & Regula, vnus seruiens nomine regis Franciæ poneretur. De ministris quoque per regem Angliæ in Walconia positis, aliisq; per totam terram pro libitu regis Francorum obsides traderentur. Quibus pactis rex Franciæ citationem in aula Parisiensi publicatam faceret reuocati. Castra vero omnia, a motis seruientibus in ciuitatibus positis & castris, obsidesque ad petitionem duarum reginarum vel vnus earum restitueret sine mora. Rexq; Angliæ (concesso sibi saluo conductu) Ambianis veniret, vt ibi habito mutuo regum colloquio, pax & amicitia in posterum firmaretur. Super his confectis scriptis, vnum per reginas signatum Edmundo traditur, aliud signatum ab Edmundo, commendatur reginis. Quæ data fide in manu Edmundi promiserunt, pacta in scriptis inita nullatenus violanda. Certificatus super his rex Angliæ, per germanum suum literam vnâ patentem directam omnibus ministris suis in Walconia, continentem mandatum, vt in omnibus regis Francorum obtemperent voluntati, transmisit germano suo, per eum (cum sibi videretur) vltius in Walconiam transmittendam. Recepta litera, Edmundus veritus eam transmittere, antequam sibi constaret, an rex ipse acceptaret, quæ facta fuerant per reginas, petiuit ab eis, vt per dictum regis proprium super præmissis certior redderetur. Denique præsentibus Edmundo germano regis Angliæ, & vxore sua Blanka, regina Nauarriæ, matre reginæ Franciæ, necnon Duce Burgundiæ, & Hugone de Veer filio Comitis Oxoniensis, ac clerico quodam Iohanne de Lacy, rex ipse promissa reginarum ac pacta per eas concordata in fidelitate regia se adimplendum spondit. Moxque miles quidam nomine Galfridus de Langleya, de familia Edmundi fratris regis Angliæ, cum literis regis Francorum reuocantibus Constabularium Regis Franciæ, qui cum exercitu profectus fuerat, vt Walconiam expugnaret, missus est ad eum. Rex autem Angliæ, Cantuariæ solemnitatem Paschalem tenuit, ibidem vt Ambianis proficisceretur expectabat de conductu. Iohannes etiam de Lacy clericus prædictus, in Walconiam transmissus est, cum litera ministris regis Angliæ directâ, secundum formam prædictâ. Iohannes vero de S. Iohanne, quem rex Angliæ Walconiæ præfecerat, auditis pactis initis, omnia quæ ad munitiones castrorum & vrbium prouiderat, vendidit; discedensque per Parisius versus Angliam iter suum direxit.

Et ecce procurante pacis æmulo, immutatum est cor regis Franciæ, conductusque regi Angliæ denegatur, & litera Constabularii reuocatoria, per posteriorem literam irritatur. Et quia per Constabularium Walconiam in manu potenti intrantem, custodibus & ministris iuxta tenorem literæ sibi apportatæ se subdentibus, in manu regis Francorum accipitur terra tota: Ministri omnes regis Angliæ, terræque custodes, obsides & captiui Parisius deducuntur. Post dies tantum aliquot, Edmundus reginas rogauit, vt iuxta promissa sua & pactiones initas, regem Franciæ interpellarent, super conductu regis Angliæ concedendo, citatione reuocanda, terra restituenda, & obsidibus liberandis. Rex vero Francorum per quosdam milites ad Edmundum missos inficiatur se quicquam de talibus pactis scire. Denique perpendens Edmundus, se fratremque suum regem Angliæ delusos; reuersus in Angliam, regem & consilium suum ad plenum informat & certificat de re gesta. Igitur rex Angliæ conuocato Londoniis Parlamento, cui Iohannes rex Scotorum interfuit, de consilio prælatorum & procerum, censentium terram sub dolo ablatam recuperandam gladio: Rex Angliæ ad regem Francorum misit nuncios, Hugonem de Mancestria de ordine prædicatorum, & Wilhelmum de Ginesborn de ordine Minorum, Doctores theologiæ, viros prouidos ac discretos; mandans ei per eosdem, quod cum pacta inter progenitores eorum habita & ipsos, necnon & secretos tractatus, quos mediante germano suo cum eo habuit, violasset; non videbatur sibi, quod ipsum regem Angliæ, ducemque Aquitaniæ, hominem suum reputabat, nec ipse homagio suo astringi vltius intendebat. Eodem tempore rex Angliæ misit in Teutoniâ Antonio Dunelmensi

de pace cum fratre regis Angliæ.

Formula pacis.

Inconstantia regis Franciæ.

Parliamentum Londoniense.

Confederatio.

F

mensi

Nauigii dispositio.

Subsidium regi concessum.

Eligitur Papa Celestinus.

Capitur Riscium. Wallici insurgunt.

Rex ingreditur Walliam.

Rob. Winchelsea episcopus Cantuariensis creatur.

Quo pacto Celestinus discessit a Papatu.

Prophetia Celestini in Benedictum Papam.

mensi episcopo, confederauit sibi Radulphum regem Romanorum. Exercitum etiam in Wasconiam transmittendum, adunari iubens apud Portesmutham, Iohannem de Britannia nepotem suum Comitem Richmundie, eidem prefecit; dans ei consiliarios, Iohannem de sancto Iohanne, & Robertum Typetot, milites prudentes, & in bellicis rebus expertos. Nauigium etiam ad custodiendum mare in tres classes distinxit; tres præponens ei Admirallios; videl. Gernemuthensibus & ceteris illius partis nauibus, Iohannem de Botecurts: Portesmuthensibus, Wilhelmum de Leybourn: Occidentalibus vero nauibus & Hibernicis, militem quendam de Hibernia oriundum. Hoc anno concessum est regi in subsidium werræ suæ medietas à clero, sexta à ciuibus, & à reliquo populo decima pars bonorum. Fuit autem hoc anno in Anglia maxima annonæ caristia, ita ut pauperes passim afflicti lienteria morerentur. Eodem anno post vacationem diutinam, electus est in summum Pontificem Petrus de Murrone, qui Monachus de ordine S. Benedicti existens heremiticam duxit vitam. Hic sublimatus in Papam dictus est Celestinus quintus, qui vnam ordinationem in mense Septembri faciens, creauit duodecim Cardinales. Exercitus regis Angliæ de Portesmutha circa festum S. Michaelis progrediens, vi ventorum repulsus, applicuit Dorsemutham. In crastino vero S. Dionisii captata aura cursu veliuolo ad sanctum Matthæum in Britannia die secundo perueniunt, discedentes à Britannia in crastino sanctorum Crispini & Crispiniani, intrauerunt ostia Girundiaë fluiui à Burdegalia discedentes, per quem ascendentes, captis duabus villis bonis ac muratis, Burgo super mare, ac Blanio, cursu prospero transeuntes, coram Burdegalia Riscium perueniunt, vbi reddita eis villa, equos suos de nauibus eduxerunt. Eodem tempore Wallenses insurgentes contra regem, in diuersis partibus, diuersos sibi principes prefecerunt. Aquilonares enim, qui circa partes Snowdoniaë habitant, capitaneum habentes & ducem, quendam de genere Lewlini principis vltimi, Madocum nomine, villam & castrum de Carnaruan combusserunt, magna Anglicorum multitudine (qui nihil tale suspicantes ad nundinas venerunt) interfecta. Occidentales vero Wallenses præposito sibi quodam, nomine Mailgone, iuvene, in partibus Penbrochiaë & Carmerdin mala plurima perpetrarunt. Quidam etiam Morganus dictus Wallenses australes concitans, Comitem Glouerniaë Gilbertum, qui progenitores suos exhereditauerat, de terra sua quæ Glamorgan dicitur, expulit & fugauit. Rex Angliæ auditus his rumoribus Walliam ingressus, Edmundum germanum suum, & Henricum Comitem Lincolniaë, qui iam se parabant ad transfretandum in Wasconiam, cum exercitu ad se in Walliam reuocauit. Quibus in die S. Martini appropinquantibus castello Comitis Lincolniaë de Dimby, Wallenses in magna virtute occurrerunt, & conserto graui prælio repulerunt. Robertus de Winchelsea Doctor sacrae theologiæ à Papa Celestino confirmatus, & in Archiepiscopum Cantuariensem in curia consecratus, Angliam veniens, Iohanni de Monemutha Doctori theologiæ Episcopatum Londinensem auctoritate papali contulit, qui iam vacauerat multis annis. Celestinus papa se minus sufficientem ad regendum ecclesiam sentiens, de consilio Benedicti Caietani, cessit papatui, edita prius constitutione super cessione pontificum Romanorum. In vigilia natalis Domini apud Neapolim in Papam eligitur Benedictus Caietanus, natione Campanus, de Anagnina ciuitate. Hic Bonifacius octauus vocatus, statim post suam creationem episcopum Ostiensem super quibusdam in præsentia Cardinalium arguens durissime, pallii usu priuauit: & nihilominus ab eodem ante restitutionem pallii coronatur. Hic quinto pontificatus sui anno, qui Iubileus erat, vberes indulgentias limina Apostolorum visitantibus concessit. Sextum librum Decretalium edidit, in quo multa dubia decedit. Nonnullas extrauagantes constitutiones Honorii, Adriani, Innocentii, Clementis & aliorum incorporauit, reprobanda rescacuit. De quo prædecessor suus Celestinus, vir vitæ anachoriticæ, eo quod eum ad cedendum papatui subdole induxisset, prophetauit in hunc modum prout fertur: *Ascendisti ut Vulpes, Regnabis ut Leo, Morieris ut Canis*. Et ita sane contigit. nam ipsum papam ut papatui cederet, & ut Papa quilibet cedere possit, constitutionem edere fecit; quam quidem postmodum implemet Papa effectus reuocauit. Deinde rigide reges generosos quosdā de Columna Cardinales deposuit. Regi Francorum in multis non solum obstitit, sed eum totis viribus deponere insudauit. Igitur senescallus Franciæ Wilh. de Longareto, vir quidem in agilitibus admodum circumspectus, & fratres de Columna prædicti, foederatis viribus Bonifacium Papam comprehenderunt, & in equum effrenem versa facie ad caudam sine freno posue-

posuerunt, quem sic discurrere usque ad nouissimum halitum coegerunt, ac tandem fame necauerunt. Sed hæc in sequentibus, cum tempus occurrerit rei gestæ.

Transit annus iste frugibus & fructibus destitutus, ita ut pauperes fame peribant: *Annalis conclu*
 Anglis subdolis, propter fallacitatem, quæ de Francorum rege & regnis surrepsit, & *fic.*
 sollicitus, propter bella parata versus Walconiam siue Walliam: Romanis variis, pro-
 pter Papæ Celestini cessionem: Paganis, Saracenis & incredulis in terra sancta quie-
 tus, propter Christianorum dissentionem.

Anno gratiæ millesimo ducentesimo nonagesimo sexto, qui est annus regni *Adain Wallia.*
 regis Edwardi à conquestu primi vicessimus tertius, fuit idem rex ad Natale in Wallia
 10 apud Aberton, ubi Archiepiscopum Cantuariensem ad se venientem, misso ei ob-
 uitiam ad securum conductum faciendum, quodam clerico Iohanne de Berewi-
 co, cum manu armata gratiose recepit, & eius fidelitatem, quam ex more tene-
 tur regi facere admissam cum fauore remisit. In die Circumcisionis domini red-
 dita est Iohanni de sancto Iohanne ciuitas Baionensis; quam die præcedenti cepe-
 rant nautæ fortiter expugnatam: multosque de ciuibus, quos regi Anglorum aduer-
 sari compertum est, præfatus Iohannes captos in Angliam per mare transmisit. *Adain Wasco*
nia.
 Obsidionem vero posuit circa castrum, quod post dies octo cepit, Dominumque
 asperi Montis, qui id detinuerat, cum aliis custodiæ mancipauit. Duas etiam galias
 pulcherrimas, quas ad munimen urbis rex Francorum fecerat, in usum suum acce-
 20 pit. Non multum vero post reddita est Anglicis villa sancti Iohannis de Sordes,
 multasque alias villas & munitiones ceperunt; quibusdam se sponte deditibus,
 quibusdam violenter subactis. Auctus est in breui Anglicorum exercitus, mul-
 tis fraude cognita Gallicorum, ad fidelitatem regis Angliæ reuersis in quatuor mil-
 libus peditum, equitibusque ducentis. Rex Angliæ eo tempore transito flumine *Adain Wallia.*
 de Conewey, ut ulterius progrediretur in Walliam, cum nondum torus comita-
 retur exercitus, captis bigis & curribus victualibus onustis à Wallensibus, per
 aliquod tempus penuria coarctatur, ita, ut quousque veniret ad eum reliqua
 pars exercitus, aquam melle mixtam biberet, panemque cum salis carnibus vescere-
 tur. Comes Warwici, audito, quod Wallenses in maxima multitudine, in qua- *Probitas Comi*
 30 dam planitie, inter duo nemora se adunassent, assumpta secum electa militia, cum
 balistariis & sagittariis, de nocte superueniens, eos undique circumcinxit: qui
 fixis in terra lanceis, cuspidēs in oppositum irruentium dirigunt, ut sic se ab im-
 petu equitum tuerentur. Sed Comes inter duos equites posito vno balistario, ac ia-
 culis balistarum magna parte eorum, qui lanceas tenebant, prostratis, cum turma
 equitum in reliquos irruens, tantam stragem intulit, quanta eis vna vice illata, non
 creditur temporibus retroactis. Interim rex Angliæ ad compescendas Wallen- *Adain Wallia.*
 sium insolentias, castrum in Insula, quæ Anglesey dicitur, construxit, quod bellum
 Mariscum voluit appellari. Tandem Wallenses reliqui fame consumpti & inedia,
 ad pacem regis in breui venire coguntur. In hoc tempore succisa sunt nemora in
 40 Wallia, quæ belli tempore indigenis præstabant latibula, firmataque sunt castra ma-
 ritima circa loca. Cito post hoc captus est Madocus prædictus, capitaneus Walli-
 corum, & Londonias adductus, à quo tempore werræ in Wallia quieuerunt, &
 Wallenses more Anglicorum pene viuere inceperunt, thesauros congregantes,
 & rerum damna de cætero formidantes. Eodem anno Carolus germanus regis Fran- *Adain Wasco*
 ciæ Walconiam ingressus cum exercitu, Risuncium obsedit, & fugiente eius capita- *nia.*
 neo Iohanne de Britannia, cum Roberto Typetor, paucis relictis ad tuitionem villæ
 militibus, feria quinta in hebdomada Paschæ cepit; militesque ibi repertos, scil. Ra-
 dulphum de Gorges, Rogerum de Leybourne, & Iohannem de Cretingge, cum aliis
 militibus tresdecim, & scutiferis trigintatribus, Parisius captiuos transmisit. Occisus
 50 est ibi Adam de Cretingge, miles admodum probus, prodicione cuiusdam militis,
 nomine Walteri, cognomento Giffardi; qui factus transfuga, moratus est in Galliis
 annis multis. Eodem die reddita est Anglicis villa sancti Seueri; cuius capitaneus
 Hugo de Veer constituitur. Carolus autem, euersis villo & castro Risuncii, san-
 ctum Seuerum (antequam sufficienter muniatur) properat obsidere. Quam in ma-
 gnum Gallicorum dispendium, qui ibidem fame moriebantur & peste, tenuit præ-
 fatus Hugo tresdecim septimanis. Deficientibus tandem his, qui intus erant, per me-
 diationem Comitum de Anudoys & Fuctensis, qui erat cum Carolo, obrenta est
 treugadierum quindecim, infra quos liceret obsessis pro subsidio mittere in Baionā,
 quo deficiente ad terminum prætaxatum, reddita est villa Gallicis, ita, quod salua-

ta sint recedentibus arma cum suppellectili sua tota, dato conductu vsque ad duas dietas ab exercitu. Remanentibus vero nulla est illata molestia, sed potius obsides prius abducti Tholosam per Seneschallum regis Franciæ in villa repositi sunt, restitutis eis omnibus rebus suis. Carolus (positis in villa custodibus) cum exercitu suo reuertitur in Franciam; post cuius discessum infra paucos dies capta est villa ab Anglicis iterato. Eodem anno duo Cardinales, Albanensis & Prenestinus, primo ad regem Franciæ, postea ad regem Angliæ venerunt; missi à Papa Bonifacio pro pace inter reges & concordia reformanda. Qui circa festum Pentecostes venientes Londonias, ibidem ex mandato regis (adhuc in Wallia existentis) eius præstolabantur aduentum, qui fuit circa festum sancti Petri ad Vincula. Cardinales igitur coram rege nuntium suum prosequentes, & pacem suadentes, treugam duorum annorum petentes, respondenteque rege quod in pacem vel treugam absque regis Romanorum consensu assentire propter fœdus inter eos initum iuramento firmatum non potuit: Rogauerunt regem, ut regis Romanorum consensum petendo inducias impetraret. Rege autem ob reuerentiam curiæ Romanæ, petitioni eorum annuente, circa natiuitatem Virginis gloriosæ in Gallias reuertuntur. Circa præsens tempus classis Gallicana Doueriam veniens, emisit prædones, qui spoliato Prioratu & vno Monacho sene occiso, partem magnam oppidi incenderunt; quorum aliqui ante reditum ad naues interfecti sunt; sed plurimi euaserunt. Cito vero post, galia quædam Gallicorum casu quodam ad portum de Hyda appulsa, capta est per Iohannem de Columbariis militem nobilem, nautis qui eam conabantur abducere, interfectis. Nautæ etiam Gernemuthenses Cæsaris burgum in Normannia incendio vastauerunt Cherburgh, spoliataque Abbatia Canoniorum Regularium quendam senem in Angliam adduxerunt. Protesmouthenses quindecim naues Hispanicas onustas mercibus tendentes in Dammonem portum Flandriæ, captas deduxerunt Sandwicum. Iohannes rex Scotiæ, homagii & fidelitatis suæ immemor, destinatis ad regem Francorum nuntiis, Wilhelmo sancti Andreæ, & Wilhelmo Dunkelaensi Episcopis, Iohanne de Soules, & Ingelrame de Vmfreuile militibus, clam contra Regem Angliæ fœdus iniit; petens in affirmationem negotii, matrimonium contrahi inter filium suum Edwardum, ac nobilem puellam Iohannam filiam Caroli germani regis Francorum; spondens se velle regnum Angliæ totis viribus impugnare, & à werra cum rege Franciæ impedire, sicut in scriptis inter utrosque reges confectis plenius continetur. Scoti vero per idem tempus elegerunt sibi duodecim pares; quatuor videlicet Episcopos, quatuor Comites, & quatuor Barones; quorum consilio rex regnum suum gubernare debebat. per quos etiam, ut in hanc consentiret prodicionem fuit inductus. Nempe horum consilio, & præcipue Abbatis de Menros, cum ad Parlamentum venisset Regis Angliæ, illicitiatus clam discessit tanquam fugitiuus, ad magnum dedecus personæ suæ. Ob quam causam rex Angliæ iussit omnia bona sua mobilia & immobilia, quæ habebat in Anglia, confiscari; qui eo tempore multas villas, & prædia pingua in Anglia possidebat. Per idem tempus miles quidam, dictus Thomas Turberuile, in Walconia captus est, & Parisius inter alios captiuos detentus. Qui, procurante ciuitatis eiusdem Præposito, liber dimittitur; sponsione iuramento firmata, quod contra regem Angliæ Walliam commoueret. Qui cum venisset in Angliam prodicionis conuictus, tractus ac suspensus, dignas luit sceleris sui pœnas. Eo tempore Henricus de Hispania, mortuo nepote suo Sanctio, custos regni Castellæ & filiorum regis tutor efficitur. Iacobus frater Alfonsi quondam regis Arragoniæ, tradita fratri suo iuniori nomine Frederici Sicilia, regnum Arragoniæ, post mortem fratris accepit, & uxorem ducens filiam Caroli regis Siciliæ, reconciliatur ecclesiæ; obsidibus, quos frater suus tenuerat, liberatis. Rex Angliæ per idem tempus à rege Scottorum (ignorans eorum prodicionem) cum auxilium pro werra sua instanter petiisset, & sibi semper responderetur in dubiis, suspectum habens negotium, rogauit; ut ob securitatem vsque ad finem werræ suæ castra tria, videlicet Berwici, Edinburgiæ, & Rokesburgiæ traderentur in manu sua, quæ post werram restitueret, si eos sibi comperisset fideles. Quod cum Scoti facere renuissent, rex de prodicione eorum certior, cum exercitu versus Scotiam progressus, disposuit eam vi subiicere, nisi ab his, quæ referebantur, & quæ iam in opere ostendebantur, se possent legitime excusare.

Per idem tempus, cum maiores Flandriæ, qui Scabini dicuntur in villis, renuissent stare iudicio Comitum in his, propter quæ discordia suborta erat inter eos & communem

*Duo Cardinales
veniunt in Angliam.*

*Galli monachi,
direpto prioratu
Doueria, occi-
dunt.*

*Rex Scotia fi-
dem violat.*

*Scoti eligunt
pares.*

*Thomas Tur-
beruile suspen-
ditur.*

*Rex cognouit
Scottorum perfidi-
am in hac re.*

munem populum, ad curiam regis Franciæ appellarunt. Vocatus autem Comes à rege, cum Parisios venisset, detentus est ibidem, quousque filiam suam, cum qua filius regis Angliæ matrimonium fuerat (vt dicebatur) contracturus, pro se regi Frâcorum oblidem reddidisset. Circa præsens tempus fecit rex Angliæ omnia regni monasteria perscrutari, & pecuniam inuentam Londonias apportari, fecitque lanas & coria arrestari: & subsecuta est magna caristia bladi & vini.

*Comes Flandria
arrestatur Pa-
risiis.*

*Rex scrutatur
Monasteria.*

Transit annus iste molestus diuitibus, importabilis pauperibus, propter frugum inopiam magnamque caristiam: Anglicis, Gallicis, Aquitanis, Flandrensis, atque Scotis turbulentus: Wallicis exitialis, & finis libertatis eorum: Sarracenis & incredu-

*Annalis conclu-
sio.*

lis à Christianorum bello pacificus & quietus.

Anno gratiæ millesimo, ducentesimo, nonagesimo septimo, qui est annus regni regis Edwardi à conquestu primi vicessimus quartus, Petrus & Iacobus de Columna, à Cardinalatu per Papam Bonifacium deponuntur. Circa conuersionem Sancti Pauli, Edmundus germanus regis Angliæ, associato sibi Henrico Comite Lincolnix, cum exercitu valido in Wasconiam transfretauit, cui redditum est feria quinta S. cœnæ domini, castrum de Spera, & postea alia castra plura. Cū autem appropinquauit Burdegala ad reficiendum se cum exercitu, & posuisset in villula quadam nomine Rekele, feria quarta in hebdomada Paschæ, Gallicorum exercitus de Burdegala egressus, disposuit ex improviso, Anglicos tantum per duas leucas ab vrbe distantes, celeriter occupare. Præmoniti aliquantulum Anglici de aduentu hostium, ad bellum se parant, & armati prout articulus temporis permittit, parti occurrerunt aduersæ, confertoque graui prælio, non sine strage multa Gallos cogunt ad urbem reuerti: quos dum fugientes insequuntur, ingressi sunt duo milites Anglici, fratres domini Petri de Malo Lacu, & tertius Walco cum duobus vexilliferis, Iohanne de Britannia & Alano la Souche; quos ceperunt Gallici portis clausis. Deuastata vero magna parte suburbii, Edmundus propter quasdam causas arduas reuertitur in Baionam; vbi non multo post in ægritudinem decidens, terminum vite clausit: cuius corpus emenso dimidio anno per mare aduectum patriæ, apud Westmonasterium sepelitur. Post mortem Edmundi, Anglicanus exercitus

*Alain Wasco-
nia.*

obsedit urbem Aquensem, sed penuria victualium coactus discedere, obsidionem amisit. Eo tempore Comes Atrebatensis per regem Francorum missus in Wasconiam, munitiones quasdam de manibus Anglicorum extorsit. Qui vero Burgum super mare tenebant, obsidente eos Domino de Sullico, inducias impetrantes, vsque Blanium pro succursu nuncios transmiserunt. Vbi cum nauem victualibus onustam ceteri deducere recusarent, Simon de Monte acuto, miles strenuus & cordatus, per medias galias Gallicorum, quæ ad prohibendum transitum nauium fluuium obseruabant, aspirante flatu prospero, vsque Burgum deduxit, quo cognito, soluta obsidione, Dominus de Sullico reuertitur in Gallias intento frustratus.

*Probitus Simonis
de monte acuto.*

Per id tempus rex Angliæ immenso coadunato exercitu, venit ad nouum castrum super Tynam; ad quem locum Iohannem regem Scotorum citari fecerat edicto publico, vt de his, quæ sibi debeant obici responderet. quo ad diem præfixum nec per se comparente, nec per nuntium se excusante, Rex de consilio suorum decreuit ulterius procedendum. Interim miles quidam, Robertus de Roos, dominus castri de Werk, non obstante fidelitate, quam regi Angliæ iurauerat, ad Scotos transfugit. Super quo germanus eiusdem, Wilhelmus de Roos, regem præmonens, petiuit sibi mitti subsidium, quo posset castrum defendere contra Scotos. Misit rex illuc viros mille: qui recepti in villa quadam dicta *Prestfen*, omnes eadem nocte à Scotis, quorum capitaneus erat præfatus transfuga, Robertus de Roos, interfecti sunt, exceptis paucis qui dilapsi sunt fuga.

*Rex proficiscitur
versus Scotiam.*

Quo audito, mox rex cum exercitu ad castrum illud properat, gaudius in hoc, vt fertur, quod Scoti prima cœperunt hostilia exercere. Rex itaque, apud prædictum castrum, Paschalem solemnitatem peregit. Quo tempore, septem Comites Scotiæ, videlicet, de Bowan, de Menteth, de Stradeherne, de Lewenes, de Roos, de Athel, de Mar, ac Iohannes filius Iohannis Comin de Badenai; collecto exercitu valido in valle Anandiæ, feria secunda Paschæ Angliam ingressi, vastabant omnia cæde & incendio, non parcentes ætati vel sexui: venientes Carleolum urbem, ipsam obsidione cinxerunt. Combusto autem suburbio, cum ad portam ciuitatis cremabilia congererent, nobilis quidam de Galwidia, dum portæ ciuitatis appropinquaret, ignoto ferro ab his, qui super portam erant, attrahitur; confossusque lanceis enecatur. In carcere vero ciuitatis, quidam explorator detentus;

cum aduentum suorum audisset, carcerem incendit: Cuius igne flatu venti in domos alios delato, urbis pars magna crematur. viri tamen & mulieres ad muros concurrentes, lapidibus & telis Scotos à muris propulsant, urbem viriliter defendentes. Scoti videntes nil se proficere, feria quarta omiſſa obſidione, in Scotiam redierunt.

*Rex Angliæ capit
Berwicum.*

Eadem die ſcilicet feria quarta in hebdomada Paſchæ, Rex cum exercitu progrediens, tranſito flumine, quod Tweda dicitur, Scotiam eſt ingreſſus, & Burgenſes Berwici ad pacem inuitans, per vnum diem integrum expectauit. Quibus ad pacem venire nolentibus, cœpit in die veneris villæ appropinquare, fixis tentoriis in domo monialium de Caldeſtreme; à qua diſtabat villa Berwici per dimidiam tantum leuam. Aduenerunt autem & viginti quatuor naues Angliæ; quarum nauæ incalcſcente ſole exercitum regni in quadam planitie præparatum conſpicientes, vbi rex nouos milites fecerat, æſtimantes Regem velle dare inſultum, portum ingreſſi, & ad terram applicantes, conſlictum ineunt cum villanis; vbi quatuor nauibus perditis, cæteræ cum refluxu ſalux & integræ retrahuntur. Diuulgato autem in exercitu factò nautarum, Rex aperte terræ tranſgreſſus ſine difficultate foſſatum, quod Scoti fecerant, villam occupauit; vnico tantum de ſuis militibus interfecto. Mercatores Flandrenſes, qui in villa eadem domum ad modum turris habebant fortiſſimam, iacula mittentes in Anglicos & pila, Richardum de Cornubia fratrem Comitis de Cornubia, militem ſtrenuum caſualiter ſpiculo traiecerunt; ad quos cum non de facili pateret acceſſus, allato igne incendio ſuffocantur. Eadem nocte dormiuit rex in caſtro; quod redditum eſt eidem, ſaluis vita & membris his, qui in eo erant, & præſtito iuramento, quod contra Regem Angliæ arma de cætero non portarent. Omneſque, quo volebant, abire permittuntur, excepto eorum capitaneo Wilhelmo, quem ſecum retinuit uſque ad finem werræ. Et conſeſtimiuſſit rex fodi profundam foſſam inter Scotos & Berwicum, qui eſſet terrori hoſtibus, & eoſdem arctaret ab incurſibus repentinis. Cumque rex villam Berwici nouo foſſato muniret, circa ingreſſum menſis Aprilis, venerunt ad eum gardianus & lector Fratrum Minorum de Rockesburg, deferentes literas Iohannis regis Scotiæ, tenorem huiuſcemodi continentes. Magnifico Principi Domino Edwardo Dei gratia regi Angliæ, Iohanhes eadem gratia Scotiæ rex. Cum vos ac illi de regno

*Rex Scotia reddit
homagium.*

veſtro, non ignorantibus vobis, vel ignorare non debentibus, per violentam potentiam nobis ac regni noſtri incolis graues, imo intolerabiles iniurias, contemptus & grauamina, necnon & damna enormia contra noſtras & regni noſtri libertates, ac contra dominium & iuſtitiam notorie ac frequenter intuleritis, noſtra extra regnum ad leuem quamcunque ſuggeſtionem pro libitu veſtræ voluntatis citando, & indebite vexando caſtra noſtra, & terras & poſſeſſiones noſtras infra regnum noſtrum ſine noſtris demeritis, occupando bona noſtra ac ſubditorum noſtrorum, tam per terram quam per mare rapiendo, & infra regnum veſtrum receptando, mercatores, & alios regni noſtri incolas occidendo homineſque noſtros de regno noſtro violenter abducendo, ipſoſque ibidem detinendo & incarcerando; ſuper quibus reformandis, nuntios noſtros ſæpe tranſmiſimus; quæ non ſolum adhuc remanent incorrecta, verum etiam de die in diem per vos & veſtros prioribus deteriora cumulantur. Vos namque iam cum innumerabili multitudine armatorum, veſtro exercitu publice conuocato, ad exhæredandum nos & Regni noſtri incolas, fines regni noſtri hoſtiliter acceſſiſtis, & vltra progredientes, in regno noſtro ſtrages & incendia, necnon inſultus & inuaſiones violentas, tam per terram quam per mare commiſiſtis inhumane: Nos dictas iniurias, contemptus, grauamina, & damna, necnon & hoſtiles impugnationes vltèrius ſuſtinere non valentes, nec in fidelitate & homagio veſtro, licet per violentam impreſſionem impreſſam extortis, manendo contra nos etiam ad deſenſionem noſtram, & regni noſtri, cuius deſenſioni & tuitioni vinculo iuramenti ſumus aſtriſti, nos volentes erigere fidelitatem & homagium, tam à nobis, quam ab aliis quibuſcunq; regni noſtri incolis, fidelibus noſtris, ratione terrarum, quas in veſtro regno tenebant, & etiam ratione menagii, ſeu retentionis veſtræ, nomine noſtro ac nomine eorundem omnium & ſingulorum vobis reddimus per præſentes. Rex Angliæ audita præſenti litera, reſignationem homagii ſui admiſit, & Cancellario præcepit hanc literam regiſtrari ad perpetuam memoriam. Interim comites Scotiæ nominati ſuperius, ad eorum comitiua apud caſtrum de Rodeworth coadunati, proſecti ſunt in Angliam, & vaſtantes omnia cæde & incendio, uſque ad prioratum Hanguſtaldenſem, & in eodem, fugientibus canonicis, ſe quarto idus

10 idus Aprilis receperunt. Mane vero facto prioratum cum tota villa incendio destruxerunt. Progressi inde ad domum monialium de Ramelay, domibusque quibusdam (salua ecclesia) incensis, cum ingenti præda in Scotiam reuertuntur. Eodem tempore Patricius Comes de Dunbar ad Regem Angliæ veniens, se eidem cum tota sua potestate subdidit. Castrum de Dunbar in festo sancti Martini, obsessum à Scotis, fraude quorundam in eo existentium redditum est eisdem. Pro quo recuperando misit Rex Iohannem Surreyæ & Southsexiæ, & Wilhelmum Warwici comites, cum militia magna valde. Quibus superueniens Scotorum exercitus, ut obsessis ferret auxilium, excipitur pugna dura. Effugientibus tantum Scotis, insequuntur Anglici per octo milliaria, fere usque ad forestam de Selebarke, stragem nimiam inferentes, ita, ut occisorum numerus ad decem millia hominum fuerat æstimatus. Sabbato sequente, videlicet decimo octauo calendas Maii, regi aduenienti redditum est castrum, in quo capti sunt comites tres, de Menetez, & de Ascales, & de Roos; Barones vero sex, Ioannes Cominiunior, Wilhelmus de sancto Claro, Richardus Siwardus senior, Io. de Hinc maritimo, Alexander de Muramia, Edmundus Comin de Killebrid, cum aliis militibus 29. clericis duobus, & scutiferis octuaginta tribus, quos ad diuersa castra Angliæ rex transmisit in custodia detinendos. Post captionem castri de Dunbar paucis diebus interpositis, accessit Rex castrum Rokesburgiæ, quod statim redditum est ei à Senescallo Scotiæ, saluis vita & membris sibi & suis, qui secum erant in castro. Deinde progreditur ad castrum Puellarum, quod octo diebus obsidione expugnatum est, custodibus eius vita & membris concessis. Veneruntque ibi Wallenses ad Regem pedites in magna multitudine, & remisit rex fere in eodem numero Anglicos pedites fatigatos. Accedens deinde ad castrum de Stryuelin, vacuum illud inuenit, custodibus dilapsis in fugam. Illuc cum militia sua de Hibernia, venit Comes Ultoniæ in subsidium Regis nostri. Rex autem mare Scoticanum transgressus, venit ad villam S. Iohannis de Port, in festo S. Iohan. Baptistæ, ubi solemnitate peracta, per aliquot dies mansit.

Scoti comburunt Hexam. Strages Scotarū, & castrum Dunbar Scotis proditum.

Nota de captivis.

Castrum de Rokesburg capitur.

Castrum de Puellarum.

Castrum de Stryuelin.

Rex Scotorum pacem impetrat.

Subiectio Scotorum.

30 Dum hæc agerentur, videns Iohannes Scotorum Rex, quia non haberet potestatem resistendi, missis ad Regem Angliæ nunciis, pacem & misericordiam implorauit. Cui rex benigne annuens, remandauit, ut ad castrum de Brithin cum magnatibus terræ suæ veniret, cum his, quos Rex illuc mitteret nuncios, infra dies quindecim tractaturus. Misitque illuc Rex Anthonium Dunelmensem Episcopum, cum plena potestate regia: ad quem venerunt infra præscriptum tempus, Rex Scotorum magnatesque sui. Qui post multos variosque tractatus, nude & pure subiecerunt se, & Regnum Scotiæ Regiæ voluntati. Pro qua submissione obseruanda Iohannes Rex Scotiæ filium suum oblidem tradidit, litterasque confecit, continentes in Gallico hunc tenorem:

40 Iohannes Dei gratia Rex Scotiæ omnibus præsentis literas visuris vel audituris salutem. Quia nos per malum consilium falsumque, simplicitatemque nostram, grauiter offendimus & prouocauimus dominum nostrum Edwardum Dei gratia Regem Angliæ, dominum Hiberniæ, Ducem Aquitaniæ, videlicet in eo, quod existentes & manentes in fide sua & suo homagio, alligauimus nos Regi Franciæ, qui tunc hostis eius erat, & adhuc est: matrimonium procurantes fieri cum filia domini Caroli fratris eius, & ut dominum nostrum grauaremus, regemque Franciæ iuua-
50 remus cum omni potestate nostra per guerram modisque aliis. Deinde per nostrum peruersum consilium antedictum, diffidauimus dominum nostrum Regem Angliæ, & posuimus nos extra fidem & homagium suum, & misimus gentes nostras in terram suam Angliæ, ad incendia facienda, & prædas abducendas, homicidia & alia damna plurima perpetranda: & terram Scotiæ, quæ est de feodo suo, contra eum
50 muniendo, ponentes & stabilientes gentes armatas in villis, castris, & alibi, ad defendendum terram contra eum de feodo suo; pro quibus transgressionibus, dominus noster Rex Angliæ antedictus, ingressus terram Scotiæ in fortitudine sua, eam conquisiuit, & cepit, non obstante omni eo, quod facere potuimus contra eum, sicut potest de iure facere tanquam dominus de feodo suo, quia nos ei homagium nostrum reddidimus, & fecimus rebellionem antedictam. Nos igitur existentes adhuc in plena potestate nostra, & libera voluntate, reddimus ei terram Scotiæ, & gentem totam cum homagiis. In cuius rei testimonium fecimus fieri has literas patentes. Dat. apud Brithin decimo die Iulii, Regni nostro anno quarto. Consignata litera, factoque sigillo communi regni Scotiæ, processit Rex, ut videret montana Scotiæ, præcedente

*Thronus regis
Scotia lapis fuit,
quem erexit.*

*Parliamentum
apud Beruiciū.*

eum semper per vnam diætā episcopo Dunelmensi. Cumq; transisset Morauiam, & peruenisset vsque Eilgni, omnia videns esse pacata, conuerso itinere reuertitur Berwicum. In redeundo autem transiuit per Abbatiam de Scone, vbi sublato lapide, quo Reges Scotorum tempore coronationis solebant uti pro throno, vsque Westmonasterium transtulit illum, iubens inde fieri celebrantium cathedram sacerdotum. Eo tempore Rex apud Berwicum conuocato parlamento, omnium magnatum Scotiæ fidelitates recepit, & homagia, qui ad rei gestæ memoriam perpetuam confecerunt super hoc literas patentes eorum sigillis munitas, continentes in Gallico hunc tenorem:

*Littera Scotorum
de fidelitate ser-
uanda.*

*De iuramento
Scotorum.*

Omnibus præsentēs literas visuris vel audituris, Ioannes Comin de Badenauz. 10
&c. Qui ad fidem & voluntatem Illustrissimi Principis, ac charissimi Domini nostri Edwardi, Dei gratia Regis Angliæ, Domini Hiberniæ, ac ducis Aquitanniæ venimus, promittimus pro nobis, & heredibus nostris, sub pœna corporum nostrorum & castellorum, ac omnium quæ habere possumus, quod nos seruiemus ei bene & fideliter contra omnes gentes, quæ viuere & mori possunt, omnibus vicibus, quibus requiremur vel præmoniemur per antedictum dominum nostrum Regem Angliæ, vel heredes suos. Et quod nos non sciemus damnum eorum, quin illud impediemus omnibus viribus nostris, & eos præmoniemus. Et ad ista tenenda & seruanda obligamus nos, & heredes nostros, & omnia bona nostra. Insuper & iuramus tactis sacrosanctis Euangelis, & postea nos omnes, & quilibet nostrum, per se fecit homagium dicto 20
domino nostro regi Angliæ in hæc verba. Ego vester homo ligius efficior de vita & membris, ac terreno honore, contra omnes homines, qui possunt viuere & mori. Et idem dominus noster Rex recepit hoc homagium sub his verbis. Nos illud recipimus pro terris, quibus estis seifiti, salvo iure nostro aut alterius, & exceptis terris, quas Iohannes de Balliolo quondam Rex Scotiæ nobis contulit, postquam nos ei regnum Scotiæ liberauimus, si forte aliquas terras dedit. Insuper nos omnes & singuli nostrum per se fecimus fidelitatem domino nostro Regi prædicto, in his verbis: Ero fidelis & legalis, fidemque & legalitatem seruabo Edwardo Regi Angliæ, & heredibus suis, de vita & membris, & terreno honore, contra omnes qui possunt viuere & mori: & nunquam pro aliquo portabo arma, nec ero in consilio vel auxilio contra eum, vel 30
heredes suos, in aliquo casu qui possit contingere, sed fideliter recognoscā, & fideliter faciam seruitia, quæ pertinent ad tenementum, quod de eo tenere clamito; sic me Deus adiuuet, & omnes sancti eius. In harum rerum testimonium factæ sunt istæ literæ patentes, & sigillis nostris signatæ. Dat. apud Berwicum, Anno regni Regis Angliæ Edwardi domini nostri vicesimo quinto.

*Rex Scotia mit-
titur Londonias.*

*De parlamento
apud sanctum
Edmundum.*

*Celestinus olim
Papa moritur.*

Hispania.

*Comes Flandria
confœderatur
cum Angliis.*

His itaque gestis ordinauit Rex custodem Scotiæ, Iohannem de Warennā Surrey & Southsexiæ comitem, thesaurarium Hugonem de Cressyngham, iustitiarium Wilhelmum de Ormesby: cui mandauit Rex, ut omnes tenentes de Rege terras aliquas vocaret, & eorum homagia fidelitatesque reciperet. Iohannem vero Scotiæ quondam Regem, misit Londonias ad turrin, assignata sibi decēte familia, liberum- 40
que concessit exitum ad viginti milliaria circa urbem. Iohannem vero Comin de Badenhau, & alium de Lowan, ceterosque terræ illius magnates, transtulit in Angliam ultra Trentam, sub pœna capitis reditum in Scotiam interdicens, quousque guerra sua cum Rege Franciæ finiretur. Post hæc rex Angliæ profectus in Angliam, apud sanctum Edmundum parlamentum tenuit in crastino animarum, in quo à ciuitatibus & burgis concessa est regi octaua, à populo vero reliquo duodecima pars bonorum. Clerus ob constitutionem Bonifacii Papæ hoc anno editam, quæ prohibet sub pœna excommunicationis, ne talliæ vel exactiones à clero per sæculares principes quocunque modo exigantur, vel eis soluantur de rebus ecclesiæ, regi pro guerra sua petenti subsidium denegauit. Rex autem ut de meliori responso deliberarent, negotium in 50
aliud parlamentum tenendum Londoniis in crastino sancti Hilarii distulit. Hoc anno frater Petrus de Murrone quondam Papa Celestinus, per Bonifacium Papam captus, & in arcta detentus custodia, soluto præsentis vitæ ergastulo ad cœlestia regna migravit. Eo tempore duo filii Blanchæ, vxoris quondam Ferrandi, hæredes regni Castellæ, videlicet Alfonsus & Ferrandus, audita morte patris sui Sanctii, Hispanias petunt; & confœderato sibi Iacobo Rege Arragoniæ, regnum Legionense acquirunt, quod Alfonsus primogenitus patruo suo Iohanni, qui in eius auxilium venerat, contulit: ut illud de se teneret in feodum. Guido Comes Flandrensis multis à Rege Francorum iniuriis laceffit, confœderans se Regi Anglorum, homagio Regis Franco-
rum

renunciavit per nuncios ad hoc missos. Vrbs Apamia hoc anno proprium recepit Episcopum, à Tholosano episcopatu per Papam Bonifacium separata; sed cito post Lodowicus filius Regis Siciliae Episcopus factus episcopatum tenuit reunitum. Circa istud tempus Cardinalis Albanensis reuersus in Angliam, Regem apud Berwicum adiit, responsum requirens de treuga, quæ concessa non fuerat propter considerationem cum Rege Romanorum, à quo Regi Angliæ responsum fuit, & per Regem Cardinali, quod ipse in treugam noluit assentire. Reuersusque est Cardinalis in Gallias, intentione sua in hac parte frustratus. Hoc anno suborta est discordia grandis Oxoniæ inter clericos & laicos, propter duos garciones diuersarum patriarum,

Cardinalis uenit ad Regem.

Discordia Oxoniæ coorta.

10 qui pro leui causa ad pugnandum sunt accensi. Nam dum quidam ratione patriæ vnum iuuare laborarent, quidam alium nituntur manu tenere & fauere, translata est pugna ad fautores partium diuersarum. In tantumque creuit seditio, vt tam clerici quam laici euacuatis domibus ad pugnam accurrerent glomeratim. Dum autem clerici de suis hospitibus egressi fuissent, cognoscentes vespillones laici nullos vel saltem paucos remanisse domi apud hospitia clericorum, intrant habitacula, & bona diuersimoda asportant, damnum clericis irreuerabile ingerentes. In hac pugna peremptus est dominus Fulco de Neyrmeth, rector Ecclesiæ de Pychelestorn, & plures alii de vtraque secta. Audita huius facti querela, dominus rex iussit iustitiariis villam adire, pacem reformare, homicidas iudicialiter condemnare. Qui venientes Oxonias, 20 burghenses compulerunt soluere pro damnis factis clericis ducentas libras. Transiit annus iste asper incolis frugum paritate: Scotis perniciosus pro nimia falsitate; ob quam causam eorum Rex priuatur regia maiestate: Anglis sollicitus & damnosus pro expensarum nimia grauitate.

Annalis concilio.

Anno gratiæ millesimo ducentesimo nonagesimo octauo, qui est annus regni Regis Edwardi à conquestu primi vicesimus quintus, fuit idem Rex ad natale Londoniis, vbi post festum Epiphaniæ Elizabeth filia Regis Angliæ connubio iungitur Iohanni filio comitis Holandiæ & heredi. Quem pro hereditate patris, nuper occisi, assequenda vna cum vxore, conducente eos Humfredo de Boun, Herefordiæ & Essexiæ comite, remisit Rex Angliæ cum honore. Parliamentum coactum est Londoniis,

Natale celebrat Londonia.

30 post festum sancti Hilarii, in quo clero in denegatione persistente subsidii, Rex ipsum à sua protectione exclusit. Pro qua tamen redimenda multi per se, multi vero per mediatores, Regi bonorum suorum dederunt postea quintam partem. Rex Archidiscopum rigidiorum comperiens, terras eius omnes scissit, & de bonis eiusdem debita in rotulis Scaccarii inuenta præcepit cum celeritate leuari. Nam idem Archiepiscopus de consensu cleri procurauerat à Papa inhibitionem, ne quis clericorum Regem respiceret de bonis Ecclesiæ. Feria quinta ante Purificationem Comes Lincolnensis, & Ioannes de sancto Iohanne de Baiona, versus Bellagardam, quæ obsessa à Comite Atrebatensi penuria victualium laborabat, progredientes, vt eiusdem de victualibus prouiderent, cum appropinquarent syluæ, quæ per tria milia-

Clerici excluduntur à protectione Regis.

Angli parantur in Walsconiam.

40 rialoco præfato distabat, in duas se acies diuiserunt; quarum primam ducebat Iohannes de sancto Iohanne; secundæ vero præerat ipse Comes. Iohannes itaque de sancto Iohanne, suaque acies transita sylua cum egrederetur in campi planitiem, obuiam habuit Comitem Atrebatensem; qui cum præstolabatur cum magno exercitu, vbi statim commisso prælio, subtrahente se comite Lincolnensi pauci vincuntur à pluribus. Capti sunt ibi Iohannes de sancto Iohanne, Wilhelmus de Mortuomari, Wilhelmus de Bermengham, cum aliis militibus octo, scutiferisque nonnullis. Quos omnes transmisit Comes Atrebatensis Parisius in pompam triumphi. Comes vero Lincolnensis cum suis Baionam reuertitur. Hoc anno auxit Rex tributum de lanis,

Augmentum tributum de lana.

50 non daretur. In festo sancti Matthæi Rex conuocatis quibusdam terræ maioribus apud Sarum, rogauit eos, vt eorum aliqui in Walsconiam transfretarent. quibus renuntiibus, cæpit inter Regem & suos discordia popularis. Rex prouide citari fecit omnes, qui sibi seruitium debebant, cæterosque omnes, qui viginti libratas terras & amplius tenebant, vt parati essent Londoniis in festo sancti Petri ad Vincula, cum equis & armis, transfretaturi cum eo, & Regis stipendiis militaturi. Interim Cardinales, qui à domino Papa missi fuerant, pro pace reformanda inter Reges, indicentes, duorum annorum treugam inter eos auctoritate Papali, nihil proficere potuerunt. Iohannes per id temporis, cui Alfonso regnum Legionense contulerat, ab hostibus capitur; pro cuius redemptione Alfonso reddidit iam in Hispania conquistata.

Citatio omnium seruientium Regis.

Cardinales indicunt treugam.

Ingratitudo.

sita. Iohannes itaque liberatus à carcere, regnum Legionense reddidit aduersariis, & tanquam spreto redemptore suo, hostibus se coniunxit. Alfonsus igitur omnium destitutus subsidio, fratrem suum Ferdinandum pro auxilio petendo, primo in Franciam, deinde ad Romanam transiit curiam. Sed ex neutra parte aliquid reportauit.

Discordia inter Papam & Cardinales.

Per hoc tempus Cardinales de Columna, per Papam Bonifacium depositi ad urbem se conferunt Nepesinam. Cōtra quos damnatos tanquam schismaticos & excommunicatos, Papa viros bellatores in Italia cruce signauit. Eodē tēpore Philipp. rex Fran-

Flandriæ affliguntur.

corum Flandriā in manu potenti ingressus, villā insularū obsedit, suburbium destruens, & totam deuastans per circuitum regionem: Comes vero Atrebatensis de Was-

Wilhelmus Wales incitat Scotos ad rebellandum.

conia reuersus, & ingressus Flandriam, commisso bello iuxta Furnas, cepit; & cito post Regi Francorum villa redditur insularum. Eodem anno mense Maio cōperunt Scoti, instigante eos Wilhelmo Waleys (qui, ut fertur, latro publicus fuerat) rebellare. Iustitarius Scotiæ Wilhelmus de Ormesby præceptum Regis exequens, multos, qui Regi Angliæ homagium & fidelitatem facere recusabant, exilio condemnauit. Qui præfatum Wilhelmum Waleys sibi in principem eligentes, associato sibi Wilhelmo Dulgā, qui in reddendo castrum Berwici se Regi dederat, in magnam turmam creuerunt. Comite autem Surreyæ, & thesaurario in Anglia consistentibus, Wilhelmum de Ormesby Iustitiarium, apud Scone opprimere cogitabant. Sed ille, licet præmonitus, suis omnibus pene relictis ad spolia hostium eorum vix euasit insidias. Wilhelmus igitur Waleys, cum suis palam debacchando in Anglicos, quoscun-

Afflictio Flandrensiū.

que inuenire potuit, trucidauit. De quibus viros religiosos ligatis ad dorsum manibus, coegit saltare in fluuiū; eorum submersionem in ludibrium conuertendo. Rex commotione audita, pro veritate inquirenda misit Episcopum Dunelmensem; qui veritate comperta, rediens Regem de omnibus informauit. Medio tempore, rex audiens afflictionem Flandrensiū, doluit vehementer, habens maxime cordi iter in Flandriam ad iuuandum amicum suum Comitem. Militiam totam ultra fluuium, qui Trenta dicitur, assignauit Comiti de Warennæ; præcipiens, ut Scotorum audaciam celerius reprimeret, & auctores mali debita iustitia castigaret. Scripsit etiam Iohanni Comin de Badenau, & Comiti de Bowan, ut memores fidelitatis suæ reuerterentur in Scotiam, & populi sui suscitatum iam tumultum sedarent. Qui iuxta

Comes de Warennæ proficiscitur in Scotiam.

mandatum acceptum in Scotiam reuertentes, quæ pacis erant, segniter exequuntur. Comes de Warennæ in prouincia Eboraci coadiuuans exercitum, nepotem suū Henricum de Percy, cum militia communitatis Carleoli præmisit in Scotiam. Qui usque ad villam de Are profectus, Galwidienses ad pacem Regis admittere disponebat. Audito autem, quod Scotorum exercitus erat iuxta Irwine, quod inde ad quatuor milliaria distabat, illuc profectus, vidit ultra quendam lacum Scotorum exercitum confidentem; in quo capitanei erant episcopus Glasguensis, Andreas de Morima, Senescallus Scotiæ, & Wilhelmus Waleys. Miles autem quidam strenuus, nomine Richardus de Liuidi, qui Regi Angliæ nunquam homagium fecerat, relictis Scotis factus transfuga, se statim Anglicis lociauit. Reliqui pacem petentes dederunt se, saluis eis via & membris, catallis & terris; ita ut omnia usque in hanc diem essent simpliciter condonata. Quam pacem promissis obsidibus, & scripto confecto, admisit Henricus; si tamen hoc Regi placeret. Qui super hoc consultus, ne accepto impedi-

Reddunt se quidam Scoti.

retur itinere, annuit postulatis. Adueniente Comite Warennæ, cum Scoti tergiuersando de die in diem transferrent obsides reddere, & Wilhelmus Waleys interim populum adunaret, arbitantes se Anglici proditos dum Scotos inuadere disponunt: Episcopus Glasguensis, & Wilhelmus Dulgā, ne proditoris notam incurrerent, se in sui excusationem protinus dederunt; de quibus Episcopus in castro de Rokesh-

De parlamento.

burgia, Wilhelmus vero in castro Berwici custodiæ mancipantur. Parlamentum factum est hoc anno Londoniis in festo S. Petri ad Vincula; vbi in primis Rex recepit Archiepiscopum in gratiam suam; omnibus, quæ eius erant, restitutis eidem. Deinde præcepit magnatibus, qui tunc aderant, ut fidelitatem filio suo facerent, ipsumque regni heredem & suum, futurum recognoscerent dominum. Rex vero de exactionibus in regno factis per necessitates guerrarum diuersarum se erga populum excusauit. Comes vero Marecalli & Herefordensis se subtrahentes, cum vocarentur, ut sua officia transeundo in Flandriam exercerent, se super hoc per nuncios excusabant. Denique Rex ipse funere fratris sui, anno præterito in Wasconia defuncti, apud Westmonasterium sepultis honorifice usque ad sanctum Albanum proficiscitur, vbi de discretorum consilio Radulphum de Moynhermer militem, quem filia sua Iohanna

Rex parat ire in Flandriam.

- H**anna comitissa Glouerniæ, clam maritum accepit, in grauem patris offensam, de castro Bristolliz fecit educi, & vxori suæ reddi; restituens eis omnes terras ad comitatum Glouerniæ spectantes, seruitium quinquaginta militum in Flandria imponens eisdē. Liberauit etiā de carcere comites de Ascales & Menteth, & Iohannē Comyn, cū quibusdā aliis militib. de Scotia, qui in castro de Dunbar capti fuerant, vt secum in Flandria militarent. Collecto deniq; exercitū, qualem habere potuit, Thoma de Berkely Constabulario, & Galfrido de Monibilza Marefcallo factis, versus mare in Flandriam profecturus iter suum dirigit, atq; iuxta Wynchelseyam, vbi portum elegerat, confedit; milites virosq; bellatores de diuersis partibus ad se confluentes per dies aliquot expectando. Dum rex moraretur ibidem, quadam die ad portum ire disposuit, consideraturus nauigium, quod adunatū fuerat pro exercitu suo in Flandriā transuehendo. Villa autem de Wynchelseya, vbi portus erat, super montem sita est præruptæ altitudinis, ex eo latere, quo vel mare respicit, vel imminet nauium stationi; vnde via, quæ apertæ villæ deducit ad portum, non in directum, ne nimia decliuitate descendentes in præcipitium vel ascendentes, reperere potius manibus, quā ambulare cogat, tenditur: sed obliquata in latus, nunc ad vnā partem, nunc ad aliam sinuosius flexib. sæpius recuratur. Cingitur nihilominus villa non muro lapideo, sed aggere terra factō, ac super latus hoc præruptum in modum nemorum ad humanæ staturæ altitudinem erecto; inter cuius propugnacula patet ad naues aspectus. Ingressus itaque Rex
- 10** villam, cum iuxta hæc obequitaret aggeris propugnacula, contuendo classē in imo statutam, contigit, vt molendino cuidam, quod vento agebatur (quorum in villa illa sunt plurima) appropinquaret. Equus vero regis strepitu velorū citatius circumactōrū à vento territus, dū progredi refugit, & à Rege, vt pgrederetur, nūc flagelli (q manu gestabat) ictibus, nunc subditis calcaribus vrgeretur, à latere aggeris propugnacula transiliuit; super quo tam equitum, quam peditum multitudo, quæ vel Regem sequebatur, vel ipsum visura conuenerat, nemine aliud æstimare valente, nisi quod Rex non comparens præcipitio in hoc saltu perisset, stabat admodum stupefacta. Sed diuina disponente virtute, equus à tanta altitudine in via, quam descripsimus, pedibus recipitur; in qua ex recenti pluuiā aliquāliter resoluta in lutum, licet
- 20** lubricando laberetur ad spaciū duodecim pedum, non tamen cecidit; sed per habenam alteram à Rege paululum regiratus, directē ascendit ad portam, per quam rege ingressō incolumi, populus qui altabat, admiratione & gaudio multo repletur, super se solum diuinum in Regis salute miraculum contemplando. Rege moram adhuc faciente apud Wynchelseyam, venerunt ad eum nuncii ex parte comitum sui regni petitiones in scriptis huiusmodi proponentes.

*Miraculum de
regis saluatione.*

Hæc sunt nocumenta, quæ Archiepiscopi, Episcopi, Abbates & Priores, Comes & Barones, & tota terræ communitas monstrant domino nostro Regi, & humiliter rogant eum, vt ea ad honorem suum & saluationem populi sui velit corrigere & emendare.

Petitiones communitatis regni directæ regi.

- 40** In primis videtur toti communitati terræ, quod præmonitio facta eis per breue Domini nostri Regis non erat satis sufficiens; quia non exprimebatur certus locus, quo debebant ire; quia secundum locum oportebat facere prouidentiam, & pecuniam habere. Et siue deberent seruitium facere siue non: quia dictum est communiter, quod dominus noster vult transfretare in Flandriam, videtur toti communitati, quod ibi non debent aliquod seruitiū facere; quia nec ipsi, nec prædecessores sui seu progenitores vnquā fecerunt seruitium in terra illa. Et quamuis ita esset, quod deberent ibi seruitium facere, vt alibi; tamen non habent facultatem faciendi; quia nimis afflictī sunt per diuersa tallagia, auxilia, prisas, videlicet de frumentis, auenis, brasseo, lanis, coriis, bobus, vaccis, carnibus salis, sine solutione alicuius denarii, de
- 50** quibus se debuerant sustentasse. Propter hoc dicunt, quod auxilium non possunt facere propter paupertatem, in qua sunt, propter tallagia & prisas antedictas, quia vix habent vnde se sustentent, & multi sunt, qui nullam sustentationem habent, nec terras suas colere possunt. Propter hæc tota terræ communitas sentit se valde grauata, quia non tractantur secundum leges & consuetudines terræ, secundum quas tractari antecessores sui solebant habere, sed voluntarie excluduntur. Sentiunt etiam se multi grauatos super hoc, quod solebant tractari secundum articulos contentos in magna charta, cuius articuli omnes sunt omissi, in maius damnum populo vniuerso. Propter quod rogant dominum nostrum Regem, quod velit ista corrigere ad honorem suum, & populi sui saluationem. Propter hæc communitas terræ sentit se nimis

Accusatio communitatis.

gra-

grauatam de assisa forestarum, quæ non est custodita sicut consuevit; nec charta forestarum obseruatur, sed sunt attachiamenta pro libitu extra assisam, aliter quam fieri consuevit. Præterea tota communitas sentit se grauatam de vectigali lanarum, quod nimis est onerosum, videlicet de quolibet sacco quadraginta solidos, & de lana fracta, de quolibet sacco septem marcas: lana enim Angliæ ascendit fere ad valorem medietatis totius terræ: & vectigal, quod inde soluitur, ascendit ad quintam partem valoris totius terræ. Quia vero communitas optat honorem & salutem domino nostro Regi, sicut tenetur velle, non videtur eis, quod sit ad bonum Regis, quod transeat in Flandriam; nisi plus esset assecuratus de Flandrensibus, pro se, & pro gente sua, & simul cum hoc propter terram Scotiæ, quæ rebellare incipit, ipso existente in terra, & æstimant, quod peius facient, cum certificati fuerint, quod Rex mare transierit. Nec solum pro terra Scotiæ, sed etiam pro terris aliis, quæ non sunt adhuc modo debito stabilitatæ.

De Regis responsione.

Has petitiones cum Rex apud Odemer iuxta Wynchelseyam recepisset, respondit, se talibus non posse sine suo consilio respondere; cuius pars aliqua iam transit in Flandriam, pars vero aliqua Londoniis est relicta. Rogauit autem per eosdem nuncios præfatos comites, quod si secum transire nollent, saltem regno suo in sua absentia non nocerent: sperabat enim (Deo fauente) reuerti, & regnum suum debito modo obtinere.

Acta in Wasconia.

Hac ætate comes Lincolnienfis, & qui cum eo erant in Wasconia, amouerunt obsidionem, quæ posita fuerat circa villam sanctæ Catharinæ, fugatis, qui eam obsederant, Tholosanis; in quorum terris incendia & deprædationes multas fecerunt. Duodecimo calendas Septembris Rex Angliæ naues ingressus indissoluta classe sulcato mari, sexto die sequente applicuit in Flandria, receptus in quadam villa iuxta portum quæ vocatur Sclusa. Quo tempore nautæ Portesmuthenses & Gernemuthenses, mutuo flagitante odio, euacuatis nauibus ab his rebus, quæ erant militum, commiserunt ad inuicem grauem pugnam, sed succumbentibus Gernemuthensibus de nauibus eorum viginti quinque incendio consumuntur.

Rex transiit in Flandriam.

Rex vero Angliæ ad Burgiam veniens, assensum villanorum in conditiones inter ipsum & comitem initas, petiuit ex parte sua, & comitis, medietatem expensarum, offerens ad muniendam cingendamque villam fossato. Quæ cum villani renuerunt, comperit eos à suo alienatos domino, & ad reddendam villam Gallicis inclinos; reputansque periculosum, moram facere inter proditores, armato discedens exercitu, versus villam Gandauensem dirigit iter suum; vbi dum moraretur Rex, suborta est apud villam Samonem discordia inter Villanos & Anglicos, qui armati villani multis interfectis deprædati sunt in magnam displicentiam regis nostri. Rex Francorum audito aduentu Regis Anglorum vehementer consternatus, ad vnius dietæ spacium se subtraxit. Interim Papa Bonifacius scripsit Principibus Alemanniæ, vt Regem Romanorum Adolphum, cuius occursum in Flandria Rex Anglorum sperauerat, vt simul cum comite Flandriæ oppressores inuasoresque suos Gallicos propulsaret, commoto bello inquietarent, & ab inuasionem Gallicorum modis omnibus impedirent.

Seditio erexit in Angliæ.

Per idem tempus Comites Herefordiæ & Marescalli cum suis complicitibus Thesaurario & Baronibus de Scaccario inhiuerunt, ne leuari facerent octauum denarium à populo, qui Regi concessus fuerat apud sanctum Edmundum. Induxerunt etiam ciues Londoniarum, vt pro recuperandis suis libertatibus secum starent. Hoc anno beatus Lodowicus Francorum Rex à Papa Bonifacio Sanctorum Cathalogus est ascriptus. Eo tempore ciuitate Nepesina expugnata per milites Papæ Bonifacii, Cardinales de Columna se receperunt in oppidum de Columna.

Sextus liber Decretalium fit per Papam Bonifacium.

Hoc anno insuper Papa Bonifacius constitutiones prædecessorum suorum quædam extrauagantes adiectis quibusdam nouis in vnum volumen fecit redigi, & tertio die Maii in Consistorio lectum & approbatum, constituit sextum Decretalium appellari. Eodem tempore idem Papa fratri Wilhelmo de Hothum priori prouinciali fratrum Prædicatorum Angliæ, Archiepiscopatum contulit Dublinensem, indulgens eidem, vt à quocunque Episcopo Catholico, & ubicunque decreuerit, valeat consecrari. Qui cum Rege profectus in Flandriam ibidem à Domino Dunelmensi munus consecrationis accepit. Per cuius mediationem ex parte Anglicorum, & ducis Brytanniæ ex parte Gallicorum inter Reges acceptæ sunt induciæ, & ultra datos terminos sæpius prorogatæ. Interim vero diuersi hinc inde habiti sunt de pace inter Reges tractatus reformanda, quorum apud omnes finis sperabatur optatus, si de mu-

tuo

tuo assensu Reges fuissent ad inuicem collocuti. Itaq; Rege Angliæ in Flandria com-
morante, locum eius in Anglia tenuit filius suus Edwardus. Cui, quia minoris ætatis
erat, pater rectores consiliariosq; deputauerat, Richardum Episcopum Londonien-
sem, & Wilhelmum Comitem Warwicensem, necnon & milites, Reginaldum de
Gray, Iohannem Giffardi, Alanum Plokenet, viros emeritæ militiæ prouidos &
discretos.

*De introitu
Regis.*

Excunte mense Augusto, cum Comes Warennæ promissionem factam à Scotis
de obsidibus decidere videret in nihilum, Wilhelmum Waleys commouentem po-
pulum & magnates, sub dissimulatione ista permittentes, de Berwico progre-
ditur vsque ad Striuelyn exercitu adunato, vbi venerunt ad eundem Comitem
Warennæ, Senescallus Scotiæ, & Comes de Lewenes, rogantes, vt quiesceret,
dum ipsi populum Scotorum ad pacem Regis reducere attentarent. Concessit
Comes quæ petierant, sed ipsi, cum nil proficerent, redierunt, quarto idus Septem-
bris, promittentes, se cum quadraginta equis in crastino ad Comitum adiutorium re-
dituros. Quo die missi sunt nuntii ad Wilhelmum Waleys, & Scotos, qui cum eo
erant, inuitantes eos ad pacem Regis, & pro retroactis impunitatem sponden-
tes. Qui responderunt se ad pugnam non ad pacem venisse. Erat iuxta Striuelyn
pons arcus, qui ducebat vltra aquâ profundissimam, quem Anglici certatim transi-
re nitebantur, sed dissuasit hoc Richardus de Lundy, asserens, quod non possent si-
mul in multitudine aliqua progredi, sed tantum bini vel terni, ad plus, & si tali mo-
do transiret exercitus, dicebat grande periculum imminere his, qui primo transie-
runt, cum Scoti possent semper paucos pariter transeuntes ad vota perimere. Co-
mes tamen Warennæ suadentibus aliis minus sapientibus, elegit, vt per pontem
transirent. Et ecce antequam pertransisset medietas exercitus, superuenit multitudo
Scotorum; & cum his, qui iam transierant congressa, pene omnes qui transierant,
trucidauit. Inter paucos, qui euaserunt, fuit Marmeducus de Tweuge, qui in ma-
gna virtute obtinuit pontem, vt saluus rediret. Comes Warennæ custos Scotiæ vs-
que Berwicum fugiens, commisit custodiam castri de Striuelyn Marmeduco. Sene-
scallus vero Scotiæ, & Comes de Lewenes, videntes Anglicos corruisse, transfuge-
runt ad Scotos. Cecidit autem in hoc prælio Hugo de Cressyngnam thesaurarius
Scotiæ, quem Scoti ob odium speciale excoriantes, pellem eius in particulas diuise-
runt. Comes Warennæ custos Scotiæ de Berwico fugit in Angliam ad filium Re-
gis Edwardum, fugeruntque post eum & cæteri Anglici, qui in Berwico erant, vil-
lam Scotis vacuam relinquentes. Custodes tamen castri illud tenentes viriliter de-
fenderunt.

*Wilhelm. Wa-
leys.*

*Bellum de Stri-
uelyn.*

Dum hæc agerentur à Scotis, suatum est filio Regis à consilio suo, vt Comes
Herefordiæ & Marescalli vocaret, & si quo modo posset ad pacem alliceret. Qui cum
vocati venirent, in formam pacis subscriptam, voluerunt, & nullam aliam con-
sentire. Primo, quod dominus Rex chartam magnam cum cæteris articulis adie-
ctis, & chartam de foresta annuat & confirmet, & quod nullum auxilium vel ve-
xationem exigit à clero vel populo, absque consilio & assensu, & quod omnem of-
fensam Comitibus, & eorum confederatis dimittat. Articuli adiecti ad magnam
chartam sunt isti. Nullum tallagium vel auxilium per nos vel heredes nostros, de cæ-
tero in regno nostro imponatur seu leuetur, sine voluntate & assensu communi
Archiepiscoporum, Episcoporum, Abbatum, & aliorum Prælatorum, Comitum,
Baronum, Militum, Burgensium, & aliorum liberorum hominum. Nullus mini-
ster noster vel heredum nostrorum in regno nostro capiat blada, lanas, coria, aut ali-
qua alia bona cuiuscunque, sine voluntate & assensu illius, cuius fuerint. Nihil capia-
tur de cætero nomine vectigalis de sacco lanæ. Volumus etiam & concedimus pro
nobis & heredibus nostris, quod omnes Clerici & Laici de regno nostro habeant o-
mnes leges, libertates & omnes consuetudines, ita libere & integre, sicut eas ali-
quo tempore consueuerunt melius pleniusque habere. Et si contra illas vel quem-
cunque articulum in præsentī charta contentum statuta fuerint ædita per nos vel
antecessores nostros, vel consuetudines introductæ, volumus & concedimus, quod
huiusmodi statuta vacua sint, & nulla imperpetuum. Remisimus etiam Humfredo de
Boun Comiti Herefordiæ & Essexiæ, Constabulario Angliæ, Rogero Bigot Comi-
ti Northfolchiæ Marescallo Angliæ, & aliis Comitibus, Baronibus, militibus, armi-
geris, Iohanni de Ferrariis, ac omnibus aliis de eorum societate, confederatione &
concordia existentibus, necnon omnibus viginti libratas terrarum tenentibus in
regno

*Forma concor-
diæ inter comites
Angliæ & regē.*

regno nostro, siue de nobis, siue de alio quocunque in capite, qui ad transfretandum nobiscum in Flandriam certo die notato vocati fuerunt, & non venerunt, rancorem nostrum, & malam voluntatem, quam ex causis prædictis erga nos habuimus, & transgressiones, si quas nobis vel nostris fecerint, vsque ad præsentis chartæ confectiōem. Et ad maiorem securitatem huius rei volumus & concedimus pro nobis & heredibus nostris, quod omnes Archiepiscopi & Episcopi Angliæ in perpetuum in suis Cathedralibus Ecclesiis, habita præsentis charta & lecta, excommunicent publice, & in singulis Parochialibus ecclesiis suarum Diocesum excommunicari faciant, seu excommunicatos denunciare bis in anno omnes, qui contra tenorem præsentis chartæ, vim & effectum in quocunq; articulo scienter fecerunt, aut fieri procuraue- 10 runt quouis modo.

Subsidium Regi concessum.

Missis igitur in Flandriam nuntiis ad ipsum Regem, confirmationem omnium istorum, sub sigillo suo (tanquam ab eo, qui in arcto positus erat, cedendum malitiæ temporis censuit) obtinuerunt. Pro confirmatione harum rerum omnium dedit populus Anglicanus Regi denarium nonum bonorum suorum. Clerus vero Cantuariensis decimum, & Clerus Eboracensis quintum, quia propior damno fuit. Mandauit autem Rex Angliæ eo tempore Comitibus & magnatibus terræ suæ, ut assisterent Comiti de Warennæ custodi Scotiæ, ad comprimendum rebelliones Scotorum; præfigens eis terminum octauas sancti Hilarii, in quo parati foret Eboraci contra hostes ulterius progressuri: ad quem diem & locum mandauit maioribus Scotiæ, 20 ut venirent, alioquin hostes publici haberentur. Ante natale Domini Robertus Clifford miles illustris, cum centum armatis, qui erant in præsidio ciuitatis Carleoli Scotiam ingressus, cedes & incendia exercuit, & abducta præda magna Carleolum est reuersus. Transiit annus iste pro penuria frugum illaudabilis: Clero Angliæ importabilis; quia de protectione regia est exclusus, & per Regem nihilominus deprædatus: Anglis in Wasconia siue Scotia infortunatus, quia in vtraque regione populus Angliæ est prostratus: Regibus Angliæ & Franciæ sollicitus & laboriosus: Flandrensis satis lætus, sed infidelibus inquietus.

Annalis conclusio.

Papa mittit legatos ad Regem Angliæ. Natale celebratum Gandauum.

Anno Domini millesimo ducentesimo nonagesimo nono, qui est annus regni Regis Edwardi à conquestu primi vicesimus sextus, fuit idem Rex ad natale in Flan- 30 dria apud Gandauum, ad quem venerunt in festo sanctorum Innocentium, Magister ordinis Prædicatorum, & minister generalis fratrum Minorum sub eadem forma, qua ante Regem Franciæ, ex parte domini Papæ rogauerunt supplicantes, quatenus nuntios solemnes ad Curiam Romanam concessa eis plena potestate tractandi, ordinandi, & perficiendi omnia, quæ pacis reformationem tangerent, destina- rent; & ipse apostolicus non tanquam iudex, sed ut bonus pacis mediator in nullius præiudicium, satagaret ad pacem & tranquillitatem regnorum, Regum amicitiam in statum pristinum reformare. Et quia hoc absque treugis fieri non posse iudicauit dominus Papa, ideo per hos nuntios biennales inducias, quas per Cardinales implorauerat, indixit de nouo, sub pœna excommunicationis & interdicti terrarum 40 suarum.

Rex pangit inducias biennales.

Seditio in Flandria.

Expeditio in Scotiam.

Rex Angliæ perpendens se in Flandria periculose commorantem, illucque per informationem comitis Flandriæ minus prudenter attractum; regnumque proprium intestina seditione turbatum, fiduciamq; suam de Rege Romanorum per Papam sibi minus beneuolum regnum Teutoniæ turbantem frustratam, consensit in treugas indictas. Conuenitq; inter eos, ut captiui interim taxata eorū redemptione liberaretur hinc inde; ea conditione, ut si pax non fieret, redirent ad suas custodias, vel redempti- nem soluerent iam taxatam. Transmittunt igitur Reges vtriq; solemnes nuntios cum plena potestate ad curiam Romanam, ut per mediationem Apostolici, non tanquam iudicis, sed amicabile compositoris discussis negotiis pax inter Reges & concordia 50 reformetur. Post hæc apud Gandauum suscitata est seditio per filios Comitis Flandriæ, & villanos contra Anglicos, quorum villa per Wallenses incensa fuisset, nisi Rex accurrente ad eum Comite impetum impedisset. Eo tempore Comes Warennæ custos Scotiæ, ac Comites alii, iuxta mandatum regium Eboracum conuenientes in octauis sancti Hilarii, publicata confirmatione chartarum articulo- rum adiectorum, versus Scotiam processerunt. Maiores Scotorum Eboracum non venientes secundum vocationem regiam, se infra terræ suæ terminos tenuerunt, Wilhelmus Walleys castrum de Rokesburgia iam multis diebus obsederat. Sed audito aduentu Angilcorum, in multitudine magna diffugit. Comites vero regni An- glia

gliaz peruenientes Rokesburgiam, munito castro, ac consolatis obsessis, digressi sunt
 vsque Kelson, & inde reuersi sunt vsq; Berwicum, quam iam Scotis vacuum inuene-
 runt. Dumq; ibi morarentur, mandauit eis rex de treugis acceptis inter ipsum & Re-
 gem Francie, & reditu suo celeri, iubens ne ante aduentum suum excepta occupatio-
 ne Berwici, aliquid, quo paterent discrimini, attentarent. Comites igitur remissa
 maiori parte exercitus, & retentis qui ad defensionem villæ possent sufficere, aduen-
 tum regium expectabant contra principium quadragesimæ tunc instantis. Interea
 Robertus de Clifford cum his, qui erant in præsidio Carleoli, ingressus Scotiam vil-
 lam combussit Anandix, & rediit cum præda magna. Cum Rex Angliæ ad propria
 10 reuersurus, venisset ad villam, quæ Ardeburgia dicitur, Scoti fere omnes, quos se-
 cum in Flandriam duxerat, in expeditionem ab ipso Rege discedentes Parisios abie-
 runt. Rex Edwardus in Angliam veniens, ad regem Francorum misit pro liberatione
 captiuorum iuxta formam condictam. Rex vero Francorum exegit a nunciis libera-
 tionem Iohannis quondam Regis Scotiæ, qui de suis fuisse asseruit alligatis. Super
 quo Rex Angliæ requisitus, cum recusaret eum reddere, dicens, contentionem tan-
 tum de illis captiuis factam, qui in guerra Wasconia capti fuerant; hinc inde dilata est
 in annum sequentem liberatio captiuorum. Interim rex Angliæ Scotorū rebelliones
 disponens reprimere, & eos ad debitam coercere subiectionem, parlamentum te-
 nuit Eboraci, vocatisq; Scotorum maioribus, cum non venirent, suis indixit, vt cum
 20 equis & armis parati essent Rokesburgiæ in festo sancti Iohannis Baptistæ. Rex in-
 terim visitato sancto Iohanne de Beuerlaco, rediens Rokesburgiam, inuenit ad præ-
 fixum terminum exercitum congregatum. Sub eisdem diebus Comites Herefor-
 diæ & Marecalli, quia confirmatio chartarum fuit facta in terra aliena, petiuerunt
 ad maiorem securitatem eas iterum confirmari: sponponderunt autem pro Rege Epi-
 scopus Dunelmensis, ac comites Iohannes Surreyæ, Wilhelmus Warwici, Radul-
 phus Glouerniæ, quod obtenta victoria Rex eas post suum reditum confirmaret.
 Proficiscitur deinde Rex cum exercitu ad villam quandam de Temple Histon,
 remisitq; inde Episcopum Dunelmensem, ad capiendum castrum de Drilstone, cum
 duobus aliis castris, quorum custodes præter alia mala inuaserat extrema castrorum
 30 confinia. Quorum primum cepit Episcopus, custodibus liberis dimissis, reliqua duo
 capta sunt per novos milites ibi creatos, & incensa. Dum Rex apud Temple Hi-
 ston moraretur cum exercitu iuxta flumen, expectando aduentum nauium, quæ ap-
 ud Berwicum onerata victualibus fuerant, contigit, vt ipsi aduerso vento impe-
 ditis per mensem, exercitus affligi inciperet inedia atque fame; quo cognito,
 Scoti maximum coadunant exercitum, sperantes Anglicos iam fame deficientes op-
 primere sine mora. Et ecce triduo antequam venirent Scoti, naues applicant cum vi-
 ctualibus: quibus distributis, reficiuntur singuli iuxta vota. Rex deinde audito,
 quod aduenirent Scoti, obuiam progreditur, & nocte superueniente in quadam cam-
 pi planitie cum exercitu armato reledit. In aurora vero terribilis quidam clamor
 40 insonuit; quo excitati omnes, Scotosque in vicino æstimantes, celerius se parant
 ad pugnam. Dextrarius vero Regis tumultuoso actus clamore, Regem iam ascen-
 dentem recalcitrando deiecit, laterique eius calces posteriores allidens, duas ei co-
 stas confregit. Qui nihilominus ascendens eum, alium progredientem ad prælium
 comitari exercitum non omisit. Itaque iuxta locum, qui Fowkyrke dicitur, in diē B.
 Mariæ Magdalenz, Wilhelmus Waleys construxit sepem inter Scotorum exerci-
 tum & Anglorum, longos palos in terras figens, & cum funibus nectens & chordis,
 vt ingressum Anglicorum ad suos impediret. Deinde pedestrem Scotorum popu-
 lum in prima acie collocauit, dicens eis patria lingua, *I haue brought you to the Kyng, hop
 gif ye kun.*

50 Rex vero videns dispositionem Scotorum, iussit Wallensibus vt eos aggrede-
 rentur. Sed ipsi propter inueteratum odium, quod gerebant ad Regem, nego-
 tium distulerunt; credentes, quod Scoti, qui multo plures fuerunt quam Anglici, vi-
 ctoriam reportassent, & per consequens ipsi votorum suorum effecti compotes,
 in Anglicos cum Scotis comiter irruissent, & mala irrogata iam dudum genti suæ
 viriliter derogassent. Cumque eos cunctantes quidam miles cerneret, satyricè di-
 xit Regi:

*Rex Edwarde, fidem si das Wallensibus, erras;
 Vt dederas prædam, sed eorum diripe terras.*

Rex vero dato signo prælii primæ cohorti, irruit in Scotos audaciter, sepemque di-

G 2 rum-

Perfidia Scotorū.

*Parliamentum
 Eboracense.*

*Rex proficiscitur
 in Scotiam.*

*Episcopus militē
 agit.*

*Rex ab equo de-
 lectus duas costas
 confregit.*

*Bellum de Fow-
 kyrk.*

*Versus Satyrici
 in Wallos.*

Scotorū strages.

rumpit. Congrediuntur igitur ambo exercitus, sed fugientibus statim Scotorum equitibus, Anglici insequuntur cædentes, & stragem magnam ingerentes; ut eorum, qui ceciderant de Scotis in hoc prælio, numerus æstimeretur sexaginta millia excessisse. In principio autem prælii, præceptor militiæ templi in Anglia & socius eius, qui erat præceptor Scotiæ, Scotorum agmini se immiscentes, ante alios oppressi, oppressorum multitudine sunt perempti. Wilhelmus Walleys & maiores Scotiæ ab hoc prælio ad nemora confugerunt. Post hæc vastata est villa sancti Andreæ nemine resistente. Exinde per forestam de Felkyrke venerunt Anglici, ad castrum de Are (quod Robertus de Brus fugiens incendit, vacuumque reliquit) transeuntes per villam Anandiæ ceperunt castrum de Lowmaban. Cum autem venisset 10 Rex Carleolum, Comites Herefordiæ & Marecalli, licentia accepta ad propria redierunt. Rex vero primo Dunelmiam, deinde Tynemutham, & inde usque Coddingham iuxta Beuerlacum progressus, ibidem ut festum Natale Domini perageret expectavit. Hoc anno Albertus Dux Austriæ contra Adulphum Regem Romanorum dimicans, ipsum interfecit in campo, & cito post in Regem Romanorum loco Adulphi electus, solemniter coronatur. Petrus & Iacobus de Columna, quondam Cardinales, destructo castro de Columna per papales fugiunt Præneste, ubi ab exercitu Papæ obsessi, tantum se humiliant, & idibus Octobris ad Papam venientes, veniam postulant de commissis. Hoc etiam anno in crastino sancti Bartholomei beatus Lodowicus quondam Rex Francorum de loco sepulchri in capfam 20 pretiosam ad hoc paratam transfertur. Transit annus iste frugibus nec abundans nec omnino inops fructuum: Alemannis propter bella grauis: Scotis exitialis, sed pacificus Anglis & Francis.

*Rex Romanorū
occiditur.
Cardinales reos
sibiuntur Papa.*

*Annalis conclusio.**De pace interreges.*

*Miraculum de
filio cuiusdam
Tartari.*

*Cardinalium
fuga.
Parlamentum
Londonense.*

*Nuntii Papa in-
tercedunt pro re-
ge Scotia.*

Anno gratiæ millesimo tricentesimo, qui est annus regni Regis Edwardi à conquestu primi vicesimus septimus, fuit idem Rex ad Natale ad Coddingham iuxta Beuerlacum. Post quod versus partes regni australes iter suum direxit. Eodem tempore Papa Bonifacius submissionibus Regum receptis, pacem & concordiam inter Reges ordinavit, ita ut Rex Angliæ sororem, & filius eius filiam Regis Francorum ducerent, certis pro utrisque dotibus diffinitis, & quod ducatus Aquitaniæ in manus domini Papæ traderetur, quousque discussa utriusque regis iustitia iusto domino redderetur, & quod Rex Angliæ naues superstites cum mercibus de illis quæ raptæ fuerant, restitueret. Sed super hiis duobus articulis intercedit magna dilatio, Rege Francorum partem, quam in Wasconia occupauerat, tradere renuente. Hoc anno filii Caroli Regis Siciliæ, Philippus & Robertus ingressi Siciliam, dum Siculos fatagunt expugnare, Philippus cum gente sua tota à Siculis capitur. Eodem anno Rex Tartarorum ab vrbe Ierosolomitana expulit Saracenos. Frater huius Regis Tartarorum ex filia Regis Armeniæ genuit filium hispidum & pilosum, quem cum pater cremari iuberet, mater sibi dari infantem petiit, quem fecit illico à presbiteris baptizari. Quo baptizato, cecidit statim tota villositas, & puer apparuit lenis & pulcher. Quod miraculum cum pater vidisset, credidit ipse & domus eius tota. Eodem tempore Carolus Comes Valesii missus in Flandriam contra comitem, receptus est pacifice apud Burges. Sub eisdem diebus Petrus & Iacobus de Columna timentes sibi, iterum fugiunt, & toto tempore Bonifacii in loco latent ignoto. In principio Quadragesimæ Rex Angliæ parlamentum tenuit Londoniis, ubi rogatus à Comitibus sæpe dictis, ut chartarum confirmationem renouaret, secundum quod in Scotia promiserat, post aliquas dilationes instantiæ eorum adqueuit, hac additione, salvo iure coronæ nostræ, in fine adiecta. Quam cum audissent Comites, cum displicentia ad propria discesserunt. Sed reuocatis ipsis ad quindenam Paschæ, ad votum eorum absolute omnia sunt concessa. Perambulatio autem forestæ commissa est per Angliam tribus Episcopis, totidem Comitibus Baronibusque in eodem numero, ut ipsi 50 Deum habentes præ oculis executionem facerent; & si quæ emergerent dubia, illa secundum Deum & iustitiam declararent. In translatione beati Thomæ Martyris venerunt nuntii Papæ ad Regem Cantuariam; rogantes, ut Iohannem quondam Regem Scotiæ suæ liberaret custodiæ; spondentes, quod Regem & regnum ab omni, quod per hanc liberationem posset contingere, periculo præseruarent. Quorum petitioni Rex condescendens, respondit se ipsum Iohannem tanquam seductorem falsum & periurum ad Papam missurum. Ad quem nuntii responderunt: & nos eum pro tali suscipimus summo Pontifici præsentandum. Cumque dictus Iohannes cum præfatis nuntiis venisset Doueriam, & cistæ suæ in nauem inferrentur, quidam regales,

les, qui eos ad mare deduxerunt, dixerunt quod voluerunt videre, quæ continebantur in clitellis dicti Iohannis. Quibus apertis, inuenta est vna corona regia regni Scotorum aurea, & multa vasa aurea & argentea, & pecuniæ non parua summa; quæ vniuersa Regi Angliæ sunt allata. Rex illico coronam auream offerri iussit beato Thomæ martyri, & sigillum commune Scotiæ, quod repertum est ibidem inter cætera, iussit sibi met referuari, pecuniam vero totam remisit dicto Iohanni, ad expensas itineris inchoati. Nuntii vero plurimum commendantes Regis sapientiam, & regalem munificentiam, transtulerunt eundem Iohannem in terram Ballioli, quam habuit in regno Franciæ, & ibidem reliquerunt eum sub certorum custodia prælatorum.

Corona regis Scotorum consecrata Thomæ Cantuariensi.

10 Post hæc & alii captiui à Regibus detenti, hinc inde secundum conditiones in treugarum concessione positas, liberantur. Rex Angliæ sperans se per matrimonium inter ipsum & sororem Regis Franciæ contrahendum, pace diuturna gratulari, ac si foret iam omnia iura sua ultramarina cum noua nupta, sorore Regis Francorum dimidia, consecuturus, interno gaudio æstuabat, discessitque in Cantiam cum optimatibus suis, aduentum ibidem Dominæ præstolaturus. In nullo tamen ut probauit expositi rei exitus, per hoc matrimonium promouit regnum suum. Post paucos dies redierunt Legati Regis Angliæ, adducentes sororem Regis Franciæ nomine Margaretam, quam conduxit dux Burgundiæ cum non modica multitudine Galliarum. Comes quoque Britanniæ, cum proceribus sibi subditis, ad has nuptias

Desponsatio Regis & regine Margari.

20 properauit. Cunctique fere principes nominati, qui citra Hispaniam morabantur, tantæ desponsationi interesse gaudebant; quia nimirum Regis Edw. magnificentia per orbem totum dilatata, cunctos attraxerat in venerationem personæ regiæ & amorem. Igitur die 4. post natiuitatem Virginis gloriøsæ, agente Cantuariensi Pontifice in Ecclesia metropolitana Angliæ, inter Regem & Margaretam prædictam solemnitas matrimonii celebratur. Quæ fuerit ibidem non solum regni nobilitas, sed diuersarum regionum virorum congregata sublimitas, quis conuiuii apparatus, quæ profusio expensarum, scribere supersedeo; ne pannagericon videar conscripsisse. Durauit istud tripudium per dies quatuor, post quos extranei accepta repatriandi licentia sunt dimissi, maximis & variis muneribus honorati. In festo san-

30 cti Martini parlamento habito apud Eboracum, Rex Berwicum progreditur, intendens ulterius procedendo amouere obsidionem Scotorum, qui castrum de Striuelyn obsidebant, & vehementer arcebant obsessos. Sed causantibus proceribus loca palustria propter brumalem intemperiem esse immedibilia, Rex præmonitis caute obsessis, ut saluis sibi vita & membris castrum redderent, ulterius non processit. Deinde Rex direxit epistolam Archiepiscopo Cantuariensi, in hæc verba: Quia magnificauit dominus misericordiam suam facere nobiscum, dignum est, O pater, ut innumeris beneficiis suis dignis respondeamus operibus. Neque enim in gladio nostro possidemus terram, & brachium nostrum non saluauit nos, sed dextera eius, & brachium sanctum eius; quin complacuit illi in

Parlamentum Eboracense.

40 nobis, ut hucusque conseruauit nos, & inimicos nostros compescuit. Iustum proinde est, ut qui omnia subiecit sub pedibus nostris; subiiciamus illi & animas nostras, & ut hi, quos nobis subdidit, eius subdantur legibus. Non enim segniter elaborare debemus punire sacrilegos, rebelles comprimere, eripere pauperem de manu fortiorum eius. Sed & meæ sollicitudinis est, pacem firmam in regno nostro consolidare, & inimicos nostros expugnare. Quapropter orate pro me & regno nostro, populo quoque nostro, ut iter atque actus nostros dirigat altissimus, ut sit ad laudem nominis sui, & regni nostri promotionem. Diuulgata hæc epistola per Ecclesias, omnis populus sponte, & cum gaudio pro Rege fecit orationes. Eodem tempore iussit Rex apportari in turrin Londoniæ, omnes manicas ferreas & cathenas, 50 quæ inueniri poterant in omni loco Angliæ, ad inestimabilem multitudinem, sed causa penitus nesciebatur. Transit annus iste nec plene frugifer, nec penuriosus, sicut bellicosus; Sarracenis formidolosus; Tartaris martius; Scotis perfidia notabilis; Anglis & Francis sub quiete decursus.

Epistola regis ad Archiepiscopum Cantuariensem, ut pro se preces funderentur.

Omnes manica & catena in arch. Londini conseruantur. Annalis conelatio.

Anno gratiæ millesimo tricentesimo primo, qui est annus regni Regis Edwardi à conquestu primi vicesimus octauus, fuit idem Rex ad natale apud Berwicum: Regina vero apud Wyndeleshores. Infra præsentis natalis solemnità prohibita est moneta alienigenarum surreptitia & illegitima, quam Pollardos & Cocodones, atque Rosarios appellabant, qui paulatim & latenter loco irrepserant sterlingorum. Hanc monetam primo Rex Edwardus iusserat valere obulum, deinde omnino ex-

Natale celebratum Berwici.

Moneta adulterata, Pollardi & Kokodones, vocata.

*Obiit Edmundus
comes Cornubia.*

*Inbilans institui-
tur.*

*Parliamentum
Londonense.*

*Natus est regi-
lius dictus Tho-
mas.*

Alia in Scotia.

*Scoti corruptis
Papam.
Roma omnia ve-
nalia.*

Regis responsio.

*Papa inhibet re-
gem a perdoman-
do Scotia.*

terminauit. Gallici nempe hanc monetam fabricauerunt; quæ non erat argentea, sed superficialiter deargentata, & currebat in locis plurimis loco sterlingorum, multique decepti fuerant per eandem. Post festum natalis Domini Rex reuersus est in Angliam, de partibus Northumbranis. Hoc anno obiit sine prole Edmundus Comes Cornubiæ, filius Richardi quondam Comitis Cornubiæ, & Regis Alemanniæ. Qua de causa rediit comitatus ille ad coronam. Corpus eiusdem comitis apud Afs-herngger, locum quem fundauerat, est humatum. Isto anno Papa Bonifacius octauus indultum faciens omnibus vere pœnitentibus & confessis, qui per anni præsentis spaci-um, ac per quemlibet annum centesimum futurum, Romam, ac beatorum Apostolorum Petri & Pauli basilicas voto peregrinationis humiliter accesserint & deuote, cunctorum suorum concessit indulgentiam peccatorum. Parliamentum Londoniis conuocatur in quadagesima, in quo Rex confirmationes chartarum renouauit, & statuta quædam edidit de finibus & liberationibus carcerum, quæ sunt vtilia valde regno. Eodem anno apud Brothorton natus est Regi filius ex Margareta regina; quæ cum parturiret afflicta doloribus B. Thomam Cantuariensem Archiepiscopum atq; martyrem pro alleviatione tantæ pœnæ suppliciter inuocauit. Moxque morti proxima pro partus difficultate videbatur sibi, quod vires resumpsit, & peperit filium, qui in honorem beati Thomæ Thomas est appellatus: qui mox, vt cœpit mammillas sugere mulieris Francigenæ, horrente stomacho lac euomit, donec adducta est mulier Anglica, de qua delectabiliter, tanquam qui naturaliter discerneret lac alienigenæ sibi fore minime naturale. Hoc anno Rex Angliæ profectus est in Scotiam cum exercitu copioso, & cepit castrum de Louhmaban. Deinde ingressus est Galwideam, vbi maiores Scottorum petierunt à Rege, vt permitteret Iohannem de Balliolo pacifice regnare super eos, & vt sineret magnates Scotiæ redimere terras suas datas diuersis personis Angliæ de illis, quibus datæ sunt per Regem, asserentes, quod alioquin se defenderent, quamdiu possent. Sed Rex in nullo illorum petitionibus condescendit. In crastino vero Rex profectus est vsque Swinam, vbi moram traxit per octo dies, ad quem locum conuenerunt Scoti innumerabiles cum suis ducibus, vt Regem & eius exercitum infestarent. Rex autem cum filio suo suisq; proceribus Scotis obuiam est profectus, qui mox meticulosi & timidi velut lepores ad colles & nemora confugerunt. Fuissetque dies iste Scotis exitialis, si Anglicis Wallici non defuissent, quibus innatum est, vt inermes loca paludosa pertranseant, & colles agiliter occupent & ascendant. Nempe Anglici tunc eorum carentes auxilio, cum ipsi nimis ponderose fuissent armati, Scotos insequi non valebāt. Per idem tempus Scoti cognoscentes Romæ omnia venalia, donis dominum Papam vberimis ditauerunt, petentes ab eo consilium pariter ac auxilium contra dominum suum Regem Angliæ. Quibus Papa promisit in breui remedium contemplatione donariorum, iubens vt celeriter sine tumultu repatriarent. Igitur Papa promissionis suæ non immemor, illico direxit quendam Lombardum ad Archiepiscopum Cantuariæ, iubens, vt suæ legationis vices ageret in hac parte, & Regem adiret cum literis imbullatis, eique mandata papalia demonstraret. Archiepiscopus vero post trium hebdomadarum spacium peruenit ad Regem cum prædicto Lombardo, quem inuenit contra Scotos dimicantem. Ostendit ei igitur papale mandatum, cuius tenor fuit, vt Rex desisteret Scotos inquietare de cætero, quorum regio & personæ exemptæ specialiter suæ capellæ, vt asseruit, pertinebant. Neq; prout dicebat, esse poterat, quin ciuitas Ierusalem suos ciues protegeret, & confidentes in domino sicut mons Sion confoueret. Rex autem intellectis his apicibus, mox allata voce sic respondit: Per sanguinem (inquit) Dei propter Sion non tacebo, & propter Ierusalem non quiescam, dum spiritus fuerit in naribus meis, quin ius meum toti mundo cognitum toto posse defendam. Post aliquot dies Scoti freti papali fauore, superciliose mandauerunt Regi Angliæ, vt permitteret eos tranquille viuere, donec pares suos, & regem Franciæ consuluisent; comminantes, nisi faceret, quod Papa pro illis interponeret suas partes. Ad hæc Rex indignando subrisit, dicens: Ex quo vos omnes & singuli mihi (tanquam præcipuo Domino regni Scotiæ) fecistis homagia, putatis me terrendum per ampullosa mendacia, vt (tanquam carens viribus) ius, quod in vos habeo, prætermittam? Cauete, ne de cætero coram me cum tali mandato compareatis: quod si feceritis, Dominum testor, à mari vsque ad mare totam Scotiam deuastabo. E contra, Scoti satis audacter asserunt, se in hac causa sanguinem suum fufuros pro defensione iustitiæ & patriæ libertate. Eodem anno Cassanus Rex Tartarorum

rum in plano Damasci pugnauit contra Soldanum Babiloniæ, & victoria cessit ei, occisis centum millibus Sarracenorum. Veritus vero Soldanus fugit in Babiloniam, quæ ciuitas est Ægypti. Cassanus vero sciens diuina virtute datam sibi victoriam, Christianus illico est effectus. Et mox persecutus est Soldanum vsque ad portas Babiloniæ, & die octauo mensis Augusti iterum pugnam iniit cum Soldano ante portas Babiloniæ; & iterum victor effectus, misit ad inferos animas ducentorum millium Sarracenorum. Peremptusque est eodem die prædictus Soldanus in bello. Tertio vero die post prædictum prælium, ciuitas Babiloniæ capta fuit & reddita regi Cassano, qui liberauit à carcere cunctos Christianos, qui in dicta ciuitate fuere detenti in custodia nimis dura. Hoc anno Edwardus rex Angliæ fecit dominum Edwardum filium suum & hæredem, Principem Walliæ & Comitem Cestriæ. Quod cum Wallenses audissent, valde gauisi sunt, reputantes eum legitimum dominum, quia in illis partibus natus fuit. Et mirum in modum cum exposit sibi Scotia rebellaret, & tota Anglia ab eo descuiisset, Wallenses hunc coluerunt, dilexerunt, & eidem quantum poterant adheferunt, vices eius tam in vita quam morte dolentes, & cantilenas pro eo lugubres lingua patria componentes, quas vsque in præsens ab eorum memoria nec metus aduersantium, nec diuturnitas temporum aboleuit. Per idem tempus cum Edmundus comes Cornubiæ naturæ debita persoluisset, vt prædictum est, procurantibus in parlamento nuper facto Londoniis quibusdam magnatibus, Comitissa quondam vxor dicti Comitis dotata est quingentarum librarum porcione, domino rege huic ordinationi libentissime annuente. Circa præsens tempus divulgatum fuit Romanæ Curie, quod Sanctimoniales Angliæ vagabundè inutiliter discurrebant per patrias, quæ vagatio, etsi omnibus religiosis esset contraria, nimirum mulieribus esset tollenda, præsertim cum omne quod in mundo est, aut est concupiscentia oculorum, aut concupiscentia carnis, aut superbia vitæ. Cupiens ergo summus pontifex, sanctæ providere conuersationi, talibus inordinatis discursibus finem imposuit, quamuis decreta pontificum velut fundamenta montium in conuulsis ligaminibus fixa sint, & dictas sanctimoniales hætenus necessitatis causa extracellas suas exire permiserint, cum plerunque tempestatibus & turbinibus secularium rerum religio Sanctæ Dei Ecclesiæ maculis reproborum dissipatur. Idcirco profuturum succedentibus posteris esse decreuit, vt ea quæ salubri consilio ordinantur, & communi assensu fratrum definiuntur, firmentur suarum robore literarum. Quapropter summus pontifex Bonifacius octauus scripsit Archiepiscopo Cantuariensi Roberto, & aliis coepiscopis & suffraganeis districte, recipiens in virtute sanctæ obedientiæ, & iniungens, vt omnes Sanctimoniales in suis diocæsis habitantes includi facerent, vt non de cætero liceat eis de cellis suis progredi, quia non expedit animabus earum. Dedit etiam idem Apostolicus Archiepiscopo & suis Suffraganeis vnique in sua dioc. potestatem visitandi, terminos limitandi, ordinandi, & exponendi in cellis dictarum sanctimonialium, quos terminos & limitationes præterire non licebit, quauis causa necessitatis; vt decretalis inde confecta testatur. Rex Angliæ direxit nuncios ad papam, Comitem videlicet Lincolnæ & dominum Hugonem de Spencer, qui declararent iniurias sibi irrogatas per Scotos, & eorum falsitatem manifestarent. Insuper & dominum Papam deprecarentur, ne mendacii fabricatoribus, Scotis videlicet veritate odientibus, proditoribus, & homicidis sinum aperiret, de cætero protectionis, quorum fraudulenta falsaque persuasio Papalem sollicitudinem circumuenerat fraudulenter. Papa vero cuius stomachus à corruptione Scotorum nondum gestus fuerat, etsi noscet iustam petitionem regiam, tamen preces armat & regi mandat, vt sui contemplatione, Scotis treugas indulgeat à die omnium Sanctorum vsque ad Pentecosten: quod & factum est. Eo tempore comes Flandriæ nimis arctatus cum suis reddidit se Carolo comiti Vallesii, ductusque Parisius cum duobus filiis, & apud compendium in custodia est detentus. Eo tempore Radulphus filius Alberti Regis Romanorum Blancam sororem Regis Franciæ Parisius desponsauit. Eodem anno Lucetiæ vrbs Apuliæ Saraceni sub tributo regis Siciliæ venientes capti necantur. Transit annus iste Christianis omnibus lætus & votiuus propter Iubilei gratiam ipsis indultam, & propter victoriam de cælo concessam regi Tartarorum in terra Sancta, vbi de Soldano & Saracenis gloriosissime triumphauit: Anglis mæstus propter amici captiuitatem, comitis videlicet Flandriæ, & sollicitus propter rebellionem Scotiæ: Francis iucundus propter magnificas nuptias, & comitis Flandriæ captionem.

Soldanus Babiloniæ fugit in Tartariæ.

Filius regis sit Princeps Walliæ & Comes Gestræ.

Dos Comitissæ Cornubiæ.

Sanctimoniales vagabundi.

Rex mittit legatos ad Papam a. n. i. ius Scotos.

Captus Comes Flandriæ.

Annus ecclesiæ.

*Natale celebra-
tum Northam-
tonia.
Reginatus est
filius.
Causa dissensio-
nis inter Papam
& regem Francia.
Rex Francia ex-
communicatur.*

*Legitimatio filio-
rum regis Ca-
stella.
Parlamentum
Stamfordia.*

*Papa scribit in
gratiam Scoto-
rum.*

*Rationes à Papa
allegata, cur
Scotia non perti-
neat ad regem
Anglia.*

Anno gratiæ millesimo trecentesimo secundo, qui est annus regni regis Edwardi à conquestu primi vicesimus nonus, tenuit idem rex natale cum regina apud Northampton. Quo anno natus est ei filius ex Margareta regina secundus, quem vocauit Edmundum. Hoc tempore Appamensis Episcopus de conspiratione contra regem Franciæ accusatus, & ad regis vocatus curiam, in custodia detinetur. Mense vero Februario ad mandatum domini Papæ liberatus iubetur vna cum nuncio domini Papæ regnum euacuare infra certum terminum à rege præfixum. Papa talibus nouis exasperatus omnes gratias à se vel suis prædecessoribus concessas Francorum regibus reuocauit, & in eundem regem cito post excommunicationis sententiam fulminauit. Quam tamen regi nemo ausus est nunciare, vel in regno Franciæ publi- 10
care. Fecit etiam citari prælatos omnes de regno Franciæ, necnon & omnes magistros in theologia & in iure, tam canonico quam ciuili, vt coram eo Romæ in Calendis Nouembris comparerent. Rex vero Franciæ publico prohibuit edicto ne quis aurum vel argentum seu merces quascunque asportaret de regno suo sub forisfactione omnium bonorum, adiecta nihilominus pœna graui: fecit etiam omnes exitus & introitus vbique diligentissime custodiri. Eo tempore Papa legitimauit filios Sanctii regis Castellæ, cuius primogenitus Ferrandus obtinuit regnum patris. Rex Angliæ sub his diebus parlamentum tenuit Stamfordiæ, ad quod conuenerunt comites & barones cum equis & armis eo prout dicebatur proposito, vt executionem chartæ de foresta hæctenus dilatam extorquerent ad plenum. Rex autem eorum instantiam & 20
importunitatem attendens, eorum voluntati in omnibus condescendit. Eodem anno Papa Bonifacius direxit literas regi Angliæ secundarias, in quibus asseruit regnū Scotiæ ad ius Romanæ pertinere, regem Angliæ subiectioni eius contra Deum & iustitiam, & in præiudicium sedis Apostolicæ vendicare, rationes allegans subscriptas. Primo, quia cum rex Henricus pater istius auxilium obtinuisset in guerra sua contra Simonem de monte Forti, à rege Scotorum Alexandro, ne hoc auxilium iure subiectionis cuiuslibet, aut debiti petitum aut præstitum putaretur, idem Henricus per literas suas patentes recognouit, non ex debito recepisse, sed ex gratia speciali. Item ad coronationem huius regis vocatus per literas vt ei præsentiam amicabilem in tantis solemniis amicus exhiberet, non venit ex debito, sed ex gratia speciali. Item pro ter- 30
ris de Tyndale & Penreth in regno Angliæ positis, cum rex Scotiæ ad præsentiam regis Angliæ se personaliter contulisset, eidem fidelitatem impensurus pro eisdem terris tantum, in Anglia sitis, non vt rex Scotiæ nec pro regno Scotiæ fidelitatem eandem exhibuit, quia palam coram populo protestatum est, quod pro regno Scotiæ fidelitatem aliquam regni Angliæ facere non debebat. Item quod prædictus rex Alexander reliquit puellam, heredem nomine Margaretam, neptem regis Angliæ, tunc minoris ætatis, cuius custodia non ad regem Angliæ velut ad dominum supremum peruenit, sed ad ceteros eiusdem regni Scotiæ procures ad hoc electos. Red- 40
arguebat etiam Papa regem, eo quod post mortem dicti Alexandri regis Scotos tamquam acephalos, & ducis suffragium non habentes, ipsos per vim sibi subiugauit, & merum in præiudicium & grauamen non modicum Romanæ Ecclesiæ adiciens, quod cum Dominus Papa officium legationis alicui committit exequendum in regno Angliæ, causa solutionis decimæ, vel etiam pro quauis alia causa rationabili, & huiusmodi legatio literis & priuilegio speciali dictæ sedis Apostolicæ, ad dictum regnum Scotiæ se non extendat resistendum est & obstandum huiusmodi legationi, prout tempore scilicet recordationis contigit euidenter. Nam Legatus ipse ad præfatum regnum Scotiæ aliquatenus admissus non extitit, donec per literas Apostolicas speciales sibi legationis officium fuit in eodem commissum. Item addidit, quod idem Regnum Scotiæ per beati Petri Apostoli venerandas reliquias, non sine super- 50
ni dono muneris conuersum extitit ad fidei catholicæ vnitatem. Et qualiter etiam antiquis temporibus Eboracensis Archiepiscopus qui tunc erat, mota per eum super iure Metropolitano aduersus prælatos Scotiæ questione pro se nequiuit sententiam obtinere. His propositis monuit Papa regem per literas suas, quod Episcopos, Abbates, Electos, & omnes alios regni Scotiæ, quos detinebat captiuos in carcere, libere abire permetteret, & quod Officiales suos de regno Scotiæ memorato reuocaret, quos in præiudicium & iniuriam & graue scandalum fidelium populorum & oppressionem iustorum in dicto regno statuerat & ordinauerat: ita quod acceptior & gratior fieret Deo, & fauorem Apostolicæ sedis, in hoc sibi acquireret plenius. Et si in eodem regno Scotiæ vel aliqua eius parte ius aliquod habere se assereret per procura-
tores

ratores & nuncios suos ad hoc specialiter constitutos, cum omnibus iuribus & munitis huiusmodi negotium tangentibus, ad sedem Apostolicam destinaret super præmissis plenæ complementum iustitiæ recepturus.

L I T E R A R E G I S M I S S A P A P A E.

Rex Angliæ literis Apostolicis ex deliberato apud Lincolniam conuocato consilio pro iure suo declarando literam huius tenoris scripsit. Sanctissimo in Christo patri domino B. diuina prouidentia Sanctæ Romanæ & vniuersalis Ecclesiæ summo Pontifici, Edwardus Dei gratia Rex Angliæ, dominus Hiberniæ, Dux Aquitanix salutem, & deuota pedum oscula bonorum. *Responsa regis.* Infra scripta non in forma, nec in figura iudicii, sed omnino extra iudicium proferenda, sanctæ paternitatis vestræ conscientię vobis transmissimus exhibenda. Altissimus inspector cordium vestræ serinio memoriæ indelebili stilo nouit inscribi: quod antecessores & progenitores nostri reges Angliæ iuris superioris, & directi domini ab antiquissimis retro temporibus regno Scotiæ, ac omnibus ipsius regibus in temporalibus & annexis eisdem præfuerunt. Et ab eisdem pro regno Scotiæ & eiusdem proceribus, à quibus habere volebant legalia homagia receperunt, & fidelitatis debita iuramenta. Nos iuris & domini possessione continuantes pro tempore nostro eadem tam à rege Scotiæ recepimus, quam à proceribus ipsius regni. Quinimmo tanta iuris & domini prerogatiua super regnū Scotiæ, & eiusdem regem gaudebant, vt & regnum ipsum suis fidelibus conferebant. Reges etiam ex iustis causis amoueant & constituebant sub se loco ipsorum alios regnuros, quæ proculdubio notoria fuisse & esse creduntur apud omnes, licet aliud forsitan paternis vestris auribus per pacis æmulos & rebellionis filios fuerit falsa insinuatione suggestum, à quorum machinosis & imaginariis figmentis, vt vestræ sanctitatis oculus auertatur, suppliciter quæsumus & paternam clementiam & excellentiam deuotis affectibus exoramus. Sub temporibus Heli & Samuelis prophetæ, vir quidam strenuus & insignis, Brutus nomine, de genere Troianorum, post excidiū vrbis Troiæ cum multis nobilibus Troianorum applicuit in quandā insulam tunc Albion vocatā, & à gigantibus inhabitatam, quibus deuictis sua potentia, & occisis, eam de nomine suo Britanniam sociosq; Britones appellauit. *Britanni.* Postea regnum suum tribus filiis suis diuisit. Locrino primogenito suo dedit illam partē, quæ quondam Loegria, nunc vero Anglia nominatur. Albano secundo filio dedit Albaniam quæ nunc Scotia vocatur. Cambro vero tertio filio dedit Cambriā, quæ nunc Wallia appellatur, reseruata Locrino seniori regia dignitate. *Locrinum.* Biennio post mortem Bruti, applicuit in Albania rex Hunorum, Humber nomine, qui Albano fratrē Locri peremit. Quem mox Locrinus persecutus est: Humber vero fugiens submersus est in flumine q̄ de suo nomine vocatur Humber. Et sic Albania deuoluitur ad Locrinum. Postea Dunwallus rex Britonum Staterium Regem Scotiæ sibi rebellē occidit, & terram in deditionem accepit. *Dunwallus.* Item duo filii Dūwallionis scilicet Belinus & Brennius inter se regnū patris sui diuiserunt. Ita q̄ Belinus senior diadema insulæ cū Britānia, Wallia, & Cornubia possedit. Brennius vero sub eo regnaturus Scotiam accepit. *Belinus.* Petebat enim Troiana consuetudo, vt dignitas hereditatis primogenito perueniret. Item Arthurus rex Britonum famosissimus Scotiam sibi rebellem subiecit, & fere totam gentem deleuit, & postea quendam nomine Anguselum in regem Scotiæ præfecit: & postea cum idem rex Arthurus apud ciuitatē Legionum festum faceret celeberrimum, interfuerunt ibidem omnes reges sibi subiecti, inter quos Anguselus rex Scotiæ seruitium pro regno suo exhibens debitū, gladium regis Arthuri detulit ante ipsum, & successiue omnes reges Scotiæ omnibus regibus Britonum fuerunt subiecti. *Arthurus.* Succedētib; autem regibus Angliæ, in eadem insula ipsius monarchiam & dominium obtinet consequenter. Edwardus dictus senior filius Alfredi regis Angliæ, Scotorum, Cumborum, & Stegwallorum reges, tanquam superiori domino, subiectos habuit & submissos. *Edwardus senior.* Adelstanus rex Angliæ Constantinum regem Scotorum sub se regnaturum constituit, dicens: Gloriosius esse regem facere quam regem esse. Et est dignum memoria, quod idem Adelstanus intercedente Sancto Iohanne de Beuerlaco quondam Archiepiscopo Eboracensi, Scotos rebellantes ei diuicit. Qui gratias Deo deuote agens exorauit, petens vt interueniente beato Iohanne ei aliquod signum euidentis ostenderetur, quo tam succedētes quam præsentēs cognoscere possent Scotos Anglorum regno iure subiugari. Et vidit quosdā scopulos iuxta quendam locū prope Dunbar in Scotia prominere, extractoque gladio de vagina percussit in silicem. Qui lapis adictum

ad idum gladii Dei virtute agente, ita cauatur vt mensura vlnæ in longitudine possit coaptari. Et huius rei hactenus euidens signum apparet, & in Beuerlaccensi Ecclesia, in legenda beati Iohannis, quasi singulis hebdomadis, ad laudem & honorem Sancti Iohannis pro miraculo recitatur. Et de hoc extat celebris memoria tam in Anglia quam in Scotia vsque in presentem diem. Item Constantinus rex Scotorum & Eugenius rex Cumborum, ad prædictum regem Angliæ Adelstanum post aliquam disensionem inter eos habitam venientes, se cum suis regnis eidem Adelstano dediderunt: Cuius facti gratia, filium Constantini ipse Adelstanus de sacro fonte suscepit. Item Edredo regi Angliæ Scoti sine bello se subdiderunt, & eidem regi Edredo tanquam Domino fidelitatem iurauerunt, quodam Irco rege super eos constituto. Item cum 10 Edgarus rex Angliæ regem Scotorum Kynadium, & Cumborum Malcolinum, regem insularum Malkerium & alios quinque subregulos, videlicet Donewaldum, Syfolh, Hunewaldum, Iacob & Ruchill subiugasset, & remigando per fluuium de Dee iuxta Cestriam, in quadam naui prope proram sedisset, & nauim ipsemet gubernasset, fertur ipsum dixisse successores suos posse gloriari se reges Anglorum esse, cum tanta honoris prærogatiua fruerentur, quod subiectam haberent tot regum potentiam. Post dictum Edgarum successiue regnauerunt reges Angliæ, Sanctus Edwardus martyr, Ethelredus frater eius, Edmundus dictus *Ironsyde*, filius Ethelredi, & Cnutus qui eorum temporibus regnum Scotiæ in sua subiectione pacifice tenuerunt. Hoc duntaxat excepto, quod quintodecimo anno Cnuti prædicti, idem Cnutus Scotiam 20 rebellantem expeditione illuc ducta, & regem Scotiæ Malcolinum paruo subiecit negotio, subditusque est eidem prædictus Malcolinus. Quibus Haraldus filius Cnuti & Hardecnutus frater eius, vnus post alium reges Angliæ successerunt. Quibus sic regnantibus subiectionem pacificam regni Scotiæ habuerunt. Item sanctus Edwardus rex Angliæ regnum Scotiæ Malcolino filio regis Cumborum dedit de se tenendum.

*Edgarus rex.**Sanctus Edwardus martyr.
Ethelredus.**Edmundus Ironsyde.
Cnutus.
Haraldus.
Hardecnutus.
Sanctus Edwardus.**Wilhelmus conqueror.
Wilhelmus Rufus.**Henricus. i.
Matildis imperatrix.
Stephanus.**Henricus filius
Henrici. 2.**Monumentum
subiectionis.*

Item Wilhelmus bastardus rex Angliæ à Malcolino rege Scotiæ, tanquam à suo homine sibi subdito recepit homagium. Item Wilhelmo Rufo regi Angliæ Malcolinus rex Scotorum iuramento fidelitatis subiectus fuit. Item prædictus Wilhelmus Dunwaldum de regno Scotiæ ex iustis causis amouit, & Duncanum filium Malcolini regno Scotiæ præfecit, & recepit ab eo fidelitatem & iuramentum. Dictoque Duncan 30 no dolose perempto, dictus rex præfatum Donewaldum, qui iterum regnum Scotiæ inuaserat, amouit ab eodem, & Edgarum filium dicti Malcolini regem Scotiæ constituit, & eidem regnum illud donauit. Cui successit Alexander frater Edgari consensu regis Angliæ Henrici primi, fratris dicti regis Wilhelmi Rufi. Item Matildis imperatrici filiæ & heredi regis prædicti Henrici, David rex Scotiæ fecit homagium & fidelitatem. Item regi Angliæ Stephano, Henricus filius dicti regis David homagium fecit. Item rex Scotorum Wilhelmus pro regno Scotiæ, & David frater eius, & comites & barones regni Scotiæ, deuenerunt homines Regis Henrici, filii regis Angliæ Henrici secundi, in crastino Coronationis prædicti Henrici, filii Henrici secundi, patre vi- 40 uente, & fidelitatem ei iurauerunt contra omnes homines, salua fidelitate debita patri viuenti. Anno vero vicesimo regni regis Henrici prædicti secundi, prædictus Wilhelmus rex Scotiæ rebellare incipiens, venit in Northumbriam cum exercitu magno, & exercuit in populo stragem magnam. Cui occurrentes milites comitatus Eboracensis apud Alnewik ipsum ceperunt, & dicto Henrico regi Angliæ reddiderunt. Anno sequenti quintodecimo Calendas Maii idem Rex Wilhelmus permissus est libere abire. Postea vero apud Eboracum, anno eodem, septimodecimo Calendas Septembris, idem Wilhelmus rex Scotorum de consensu prælatorum, Comitum & Baronum, & procerum & aliorum magnatum regni Scotiæ, domino suo regi Angliæ Henrico filio Matildis imperatricis, suis literis patentibus cauisse noscitur, quod ipse 50 & heredes & successores sui reges Scotiæ, Episcopi, Abbates, Priores, comites & Barones, & alii homines regni Scotiæ, de quibus dominus rex Henricus habere voluerit, facient domino regi Angliæ homagium, fidelitatem, & ligiamentum, & vt ligio domino suo contra omnem hominem obedient. Et in signum subiectionis, Capellum suum & cellam atque lanceam, super altare beati Petri obtulit, quæ in eadem Ecclesia vsque in hodiernum diem remanent & seruantur.

Item Episcopi, Comites & Barones dicti regni Scotiæ conuentionauerunt, (vt verbis vtamur huiusmodi conuentionis) domino rege Angliæ, & Henrico filio eius prædictis: quod si rex Scotiæ aliquo casu à fidelitate regis Angliæ & conuentione prædicta

dicta recederet, ipsi cum regi Angliæ tenebunt, sicut cum ligio domino domino suo contra regem Scotiæ, quousque ad fidelitatem regis Angliæ redeat. Quam quidem compositionem felicitis recordationis Gregorius Papa quintus in diuersis re-
Gregorius confirmat subsidium Scotiæ.
scriptis regibus Angliæ & Scotiæ directis mandauit firmiter obseruari, continentibus etiam quod Wilhelmus & Alexander reges Scotiæ regibus Angliæ Henrico & Henrico ligium homagium & fidelitatem facerent, quæ tenentur successoribus eorum Comitibus & Baronibus regni ipsius, & successoribus suis exhibere. Et item quod cum idem rex Scotiæ homo ligius sit ipsius Henrici regis Angliæ, & eidem præstiterit fidelitatis iuramentum, ad quod se principaliter astringit: in ipsius regis,
10 & regni Angliæ detrimentum, nihil debeat penitus attemptare. Et Papa Clemens
Papa Clemens littera.
scribens Regi Angliæ pro Iohanne Episcopo Sancti Andreæ expulso ab Episcopatu suo per regem Scotiæ, inter cætera rogabat quod Wilhelmum regem Scotiæ moueret & induceret, & si necesse foret, destructione regali qua ei præminebat, & de concessa suæ regiæ celsitudini potestate compelleret, ut dicto Episcopo omnem rancorem remitteret, & episcopatum suum in pace habere permetteret. Et præter conuentionem prædictam in Ecclesia beati Petri Eboraci coram prædictis regibus Angliæ & Scotiæ, Dauid fratre suo, & vniuerso populo, Comitibus, & Baronibus, milites de terra regis Scotiæ iurauerunt regi Angliæ Henrico, & Henrico filio suo, & heredibus eorum fidelitatem contra omnem hominem, sicut ligiis do-
20 minis suis. Et idem Wilhelmus rex Scotiæ ad mandatum regis prædicti venit Northamptoniam ad parlamentum domini sui, adducens secum omnes Episcopos, Abbates, & Priores totius regni sui. Venit etiam ad eiusdem regis mandatum in Normanniam. Et idem Wilhelmus rex, post decessum regis Henrici veniens Cantuariam, regi Angliæ Richardo, filio & heredi dicti Henrici fecit homagium: quo Richardo viam vniuersæ carnis ingresso, sæpe dictus Wilhelmus Iohanni regi Angliæ fratri & heredi dicti Richardi, extra ciuitatem Lincolnie, super quendam montem in conspectu omnis populi fecit homagium & iuramentum fidelitatis super crucem Cantuariæ Archiepiscopi Huberti, & eidem domino suo per chartam suam concessit, quod Alexandrum filium suum sicut hominem ligium suum maria-
30 taret, promittendo firmiter in charta eadem quod idem Wilhelmus rex Scotiæ, & Alexander filius suus, Henrico filio Iohannis regis Angliæ tanquam ligio domino suo contra omnes mortales fidem & fidelitatem tenerent. A quo quidem Wilhelmo rege Scotiæ postmodum pro eo quod desponderat filiam suam Comiti Bologniæ præter regis Iohannis domini sui assensum, pro transgressione & temeraria præsumptione huius debitam satisfactionem suscepit. Item Alexander rex Scotiæ sororius noster, regi Angliæ Henrico patri nostro, pro regno Scotiæ, & postea nobis fecit homagium. Vacante deinde regno Scotiæ per mortem Alexandri regis illius, & subsequenter per mortem Margaretæ eiusdem Scotiæ reginæ, & dominæ pro-
40 neptis nostræ: Episcopi, Abbates, Priores, comites & barones, & ceteri nobiles ac communitates totius regni Scotiæ, ad nos tanquam ad defensionem, ducem, Aurigam, capitaneum & dominum capitalem eiusdem regni sic vacantis gratis & spontanea voluntate accedentes, prout tenebantur de iure, ius nostrum, progenitorum & antecessorum nostrorum, & possessionem superioris & directi domini in regno eodem & ipsius regni subiectionem ex certa scientia pure & simpliciter & absolute recognouerunt: & præstitis ab eis nobis tanquam superiori & directo domino Scotiæ debitis & consuetis fidelitatis iuramentis, ac ciuitatibus, burgis, villis, castris, & cæteris mansionibus eiusdem regni, in manu nostra traditis, ad custodiam eiusdem regni certos de iure nostro regio officiales & ministros deputauimus quibus ipsi tempore vacationis huius concorditer fuerant obediētes, & intendentes regiis nostris
50 præceptis & mandatis. Postmodum autem diuersæ personæ super successione in dictum regnum Scotiæ iure hereditario inter se contententes, ad nos tanquam ad superiorem dominum regni Scotiæ accesserunt, petentes super successione regni prædicti sibi per nos exhiberi iustitiæ complementum, volentes & expresse consentientes coram nobis, tanquam coram superiori & directo domino in omnibus ordinandis stare & obtemperare. Ac demum sententialiter propositis & sufficienter auditis, rimatis, examinatis, & diligenter intellectis partium iuribus, finaliter in præsentia omnium prælatorum & nobilium, quasi totius regni Scotiæ, & deuoluntate & assensu expresse eorundem procedentes, Iohannem de Balliolo debito præfecimus in regem Scotorum. Quem tunc in successione eiusdem regni hære-
disi-

dis iura inuenimus habere potiora. Qui quidem prelati, comites & barones, ac ceteri regni ipsius incolae sententiam nostram acceptauerunt, approbauerunt, & ipsum Iohannem de mandato nostro virtute huius iudicii in regem suum admiserunt. Ac idem Iohannes rex Scotiae pro regno suo predicto nobis homagium debitum & consuetum fecit, & fidelitatis iuramentum praestitit, & ex tunc tam in parlamentiis, quam consiliis nostris tanquam subditus noster, sicut alii de regno nostro interfuit, & nostris tanquam domini superioris sui beneplacitis & mandatis in omnibus obediens & intendens extitit, donec idem Iohannes rex Scotiae, & prelati, Comites & Barones, nobiles, communitates, & ceteri incolae maiores eiusdem regni, ex preconcepta malitia, & prelocuta ac preordinata prodicione communicato consilio, cum tunc inimicis nostris capitalibus & notoriis amicitias copularunt, ac (pactiones, conspirationes, & coniurationes in exheredationem nostram & heredum nostrorum, ac regni nostri, contra debitum homagium in crimen laesae maiestatis nequiter incidendo) fidelitatis iuramentum inierunt cum eisdem. Verum cum praemissa relatio & fama publica ad aures nostras aduenissent, volentes futuris periculis praecauere, quae ex his & aliis possent nobis, regno nostro, & regni nostri incolis verisimiliter prouenire, pro assecuratione regni nostri accessimus, ad confinium regni vtriusque, pluries mandantes eidem Iohanni tunc regi Scotiae, ut ad certa loca in confinio predicto ad nos accederet super praemissis, & aliis assecurationis statum tranquillitatem & pacem regni vtriusque contingentibus tractaturus. Qui spretis mandatis nostris in sua persistens perfidia ad bellicos apparatus cum Episcopis, praelatis, comitibus & baronibus regni Scotiae, ac etiam aliis exteris conductitiis contra nos, regnum nostrum, & regni nostri incolas, hostiliter se conuertens accinxit, & ad hostiles aggressus & ingressus procedens regnum nostrum inuasit, & quasdam villas regni nostri Angliae per se & suos depredatus est, easque vastauit incendio, homines nostros interfecit, & nonnullis nautis nostris per eos peremptis naues hominum nostrorum regni Angliae comburi fecit, & e vestigio aggredi. Denegatisque nobis homagio & fidelitate tam pro se quam pro aliis quibuscunq; regni sui incolis, per literas eiusdem Regis verba offensionum exprimentes, & inter alia verba diffidationis continentes.

Immanitas Scotorum.

Comitatus nostros Northumbriae, Cumbriae, & Westmerlandiae regni nostri Angliae congregato exercitu ingenti hostiliter, per se & suos inuasit, stragem innumeram hominum nostrorum, incendia Monasteriorum, Ecclesiarum, & villarum inhumane perpetrando, & patriam vndique depopulando. Infantes in incunabulis, mulieres in puerperio decubantes gladio trucidarunt, & quod auditu horrendum est, a nonnullis mulieribus mammillas atrociter absciderunt, paruos clericulos primam tonsuram habentes, & grammaticam addiscentes, ad numerum circiter ducentorum in scholis existentes, obstructis ostiis scholarum igne supposito cremauerunt. Nos quoque cernentes, tot damna, opprobria, facinora & iniurias in exheredationem nostram, & destructionem populi nostri prodicionaliter irrogari, nec valentes ratione iuramenti, quoad conseruationem iurium coronae regni sumus astricti, praemissa facinora ulterius concelare, nec iura nostra relinquere indefensata, cum idem Iohannes rex & gens Scotorum, & nostri subditi per leges se iustificari minime permisissent, ipso regno Scotiae (quod a longissimis retro temporibus sic ut superius exprimitur nobis & progenitoribus nostris foedale existit) ex causis praemissis nobis commissio, deinde bello (iuxta leges & consuetudines regni nostri contra eos, de consilio procerum & magnatum nostrorum) indicto contra dominum Iohannem & gentem Scotorum vires potentiae nostrae extendimus prout de iure nobis licuit, & processimus contra ipsos tanquam hostes nostros, & proditores. Subiecto itaque regno Scotiae, & iure proprietatis nostrae ditioni subacto, praefatus Iohannes quondam rex Scotiae ipsum regnum Scotiae quatenus de facto tenuit, sponte, pure & absolute reddidit in manum nostram, prodiciones, & scelera memorata coram nobis, & proceribus nostris publice recognoscens. Quo peracto praefati comites & barones nobiles & communitates regni Scotiae, quos ad pacem nostram regiam suscepimus, consequenter homagia & fidelitates nobis, tanquam immediato domino, ac proprio eiusdem regni Scotiae nobis fecerunt & praestiterunt, ac etiam redditus nobis eiusdem regni ciuitatibus, villis, castris, munitioibus, ac ceteris locis omnibus ad dictum regnum spectantibus, officiales nostros & ministros, ad regimen eiusdem regni Scotiae praefecimus iure nostro. Cumque iure pleni domini in possessione eiusdem regni existere dignoscamur, non possumus, nec debemus, quin insolentiam subditorum nostrorum rebellium, si quos inue-

inuenerimus præminencia regia, prout expedire viderimus reprimamus. Quia vero ex præmissis & aliis constat euidenter, & notorium existit, quod prælibatum regnum Scotiæ tam ratione possessionis quam proprietatis ad nos pertinet pleno iure, nec quicquam fecerimus vel cauerimus, scripto vel facto, sicuti nec possemus, per quæ iuri ac possessioni prædictis debeat aliquo modo derogari, Sanctitati vestræ humiliter supplicamus, quatenus præmissa prouida meditatione pensantes, ex illis vestrum motum animi dignemini informare, suggestionibus contrariis æmulorum in hac parte nequaquam fidem adhibendo, quin imo statum nostrum & iura nostra regia supradicta habere velitis, si placet, promptis affectionibus commendata. Quantum vero ad hoc quod Papa petiuit, quod si Rex Angliæ ius haberet in regno Scotiæ, vel in aliqua eius parte, procuratores & instructos mitteret, & fieret eis iustitiæ complementum. Rex per se noluit respondere, sed hoc commisit comitibus aliisque terræ proceribus, qui super hoc domino Papæ huius tenoris literas rescripserunt.

Sancta Romana iure ecclesia, per cuius ministerium fides catholica in suis actibus, cum ea (vt firmiter credimus & tenemus) maturitate procedit, quod nulli præiudicare, sed singulorum iura conseruari velit illæsa. Sane conuocato nuper per serenissimum dominum nostrum Edwardum, Dei gratia regem Angliæ illustrem, parlamento apud Lincolniam generali, idem dominus noster quasdam literas Apostolicas, quas super certis negotiis conditionem & statum regni ex vestra parte receperat in medio exhiberi ac seriose nobis fecit exponi. Quibus auditis & diligentius intellectis, tam sensibus admiranda, quam hæcenus inaudita in eis audiuius contineri. Scimus enim, Pater sanctissime, & notorium est in partibus nostris, ac nonnullis aliis non ignotum, quod à prima institutione regni Angliæ reges eiusdem regni tam temporibus Britonum quam Anglorum, superius & directum dominium regni Scotiæ habuerunt in possessione, vel capitanei superioritatis & recti domini ipsius Scotiæ successiuis temporibus extiterunt, nec vllis temporibus ipsum regnum in temporalibus pertinuit, vel pertinet quouis iure ad ecclesiam supradictam. Quin immo idem regnum Scotiæ progenitoribus dicti regis, nostris regibus Angliæ, atq; sibi feudale exitit ab antiquo. Nec etiam reges Scotorum & regnum aliis quam regibus Angliæ subfuerunt, vel subiici consueuerunt, neque reges Angliæ super iuribus suis in regno prædicto, aut aliis suis temporalibus coram aliquo iudice ecclesiastico vel seculari, ex præminencia status sui regis dignitatis & consuetudinis cunctis temporibus irrefragabiliter obseruata responderunt, aut respondere debebant. Vnde habito tractatu & deliberatione diligenti super contentis in literis vestris memoratis, communis, concors & vnanimis omnium nostrum & singulorum consensus fuit, & erit inconcusse Deo propitio in futurum. Quod præfatus dominus noster rex super iuribus regni Scotiæ, aut aliis suis temporalibus nullatenus respondeat iudicialiter coram vobis, nec iudicium subeat quoquo modo, aut iura sua prædicta in dubium questionis deducat, nec ad vestram præsentiam procuratores, aut nuncios ad hoc mittat, præcipue cum præmissa cederent manifeste in exhæredationem iuris coronæ regni Angliæ & regis dignitatis, ac subuersionem status eiusdem regni notoriam, nec non in præiudicium libertatis, consuetudinum, & legum paternarum, ad quarum obseruationem & defensionem ex debito præstiti iuramenti astringimur, & quæ manu tenebimus toto posse, & totis viribus cum Dei auxilio defendemus. Nec etiam permittimus aut aliquo modo permittemus, sicut non possumus, nec debemus, præmissa tam insolita, indebita, præiudicialia, & alias inaudita prælibatum dominum nostrum regem, etiam si vellet facere seu modo quolibet attemptare. Quocirca sanctitati vestræ reuerenter & humiliter supplicamus, quatenus eundem dominum nostrum regem, qui inter alios principes orbis terræ catholicum se exhibet, & Romanæ ecclesiæ deuotum, iura sua, libertates, & consuetudines & leges prædictas, absq; diminutione & inquietudine pacifice possidere, ac illibata persistere benignius permittatis.

*Littera Communitatis.
Anglia domino
Papa.*

*Proceres nolunt
suum regem coram
Papa iudicio
sibi.*

*Rex hostiliter
Scotiam ingreditur.*

Annali cōclusio.

In festo Pentecostes finitis treugis quæ cum Scotis initæ fuerant. Rex contra festum S. Iohannis Baptiste in Scotiam proficiscitur exercitu adunato. Dumq; in Scotia hiemaret, sui multos equos magnos perdiderunt, ob defectum foragii tempore frigoris hyemalis. Transiit annus iste frugum, nec opulentus, nec omnino inops: Papæ curiæq; Romanæ propter discordiam motam inter Papam & regem Franciæ malorum inchoatiuis, inquietudinis concitatiuis, scandali generatiuis: Anglis nec omnino martius, nec omnino quietus Scotis: suspiciosus, turbidus, & inquietus: Inimicis Crucis Christi, Saracenis videlicet, lugubris & molestus.

H

Anno

*Natale celebra-
tum in Scotia ad
Linsincum.*

*Rex regreditur in
Angliam.
Papa Anglum
in Francum
conciat.*

*Flandri rem be-
ne gerunt.*

*Strages Gallo-
rum.*

*Legatio præsuli
Francia ad Pa-
pam.
Regis Franco-
rum profectio &
reditus inglorius.
Io. Sebraue Sco-
tia profectus.*

Annalis conclusio.

*Natale apud
Westmon. cele-
brat.
Scoti iterum
rebellat.*

*Rex Francia re-
stituit Wafco-
niam regi
Anglia.*

*Guido Comes
Flandria carcere
liberatus.*

*Scoti Anglos vin-
cunt.*

Anno gratiæ millesimo trecentesimo tertio, qui est annus regni regis Edwardi à conquestu primi tricesimus, fuit idem rex ad natale in Scotia, in loco qui dicitur Linsinco, cum exercitus manu potenti, sed ad instantiam regis Francorum cuius nuper sororem duxerat, Scotis treugas vsque ad festum omnium Sanctorum concessit. Ordinatisque rebus Scotiæ reuersus est in Angliam, & circa mediam quadragesimam parliamentum Londoniis conuocauit. Eodem tempore Papa Bonifacius per literas suas regem Anglorum interpellauit, vt regi Francorum guerram commoueret, ad quod faciendum ingens subsidium pollicetur, sed rex Angliæ alias domini Papæ erga se affectum expertum infidum, rem distulit, si possibile foret recuperare per viam aliam, sua malens. Sub his diebus in Flandria Burgenses Gallicorum exactionibus iniustis minis oppressi, Iacobum Sancti Pauli, qui apud eos locum regis tenebat expulerunt de villa: plurimis in hoc tumultu Gallicis interfectis. Vocauerunt proinde in dominum & defensorem suum Guidonem comitem Nannircii filium comitis Flandrensis in custodia adhuc detenti. Guido vero cum numerosa multitudo bellatorum adueniens, auxit Flandrensiū animos plurimum contra Gallos. Interea Robertus comes Attrabatenſis cum exercitu maximo missus in Flādriam, inter Tortunatum & Brugastentoria sua fixit. Contra quem Flandrenses egressi omnes fere pedites prælium grauissimum conseruerunt cum Gallicis: Succumbentibus ergo Gallicis comites Atrabatenſis, Angi, & Albemarle viri nobiles, Godfridus ducis Brabantia germanus, cum filio suo filius comitis Hanonia, Radulphus de Nigella, Constabularius Francia cum fratre suo, Guidone Mareſcallo, Reginaldus de Tria miles emeritus, Camerarius de Tancreuilla, Petrus Flote regis Francorum consiliarius præcipuus, & exactionum prædictarum maximus, Iacobus sancti Pauli in hoc prælio ceciderunt occisi. Aliorum vero militum minoris gradus, scutiferorumque & peditum interfecta est maxima multitudo. Comes vero Sancti Pauli & Bolonia Lodowicus comitis Claremontensis filius, cum aliis pluribus fugientes, reliquerunt Flandrenſibus spolia infinita. Per id temporis prælati Francia missis ad Papam tribus Episcopis de non veniendo ad diem citationis præfixum, se per eosdem excusarunt. Papa vero Prælatiſ Francia non comparentibus misit in Frāciam Iohannem monachum presbyterum Cardinalem, qui conuocatis Prælatiſ Parisius secretum consilium habuit cum eisdem. Eodem anno Philippus rex Francia maximo coadunato exercitu, cum iuxta ciuitatem Attrabatenſem toto mense Septembri mansisset, licet hostes de propinquo diutius eum expectassent, nihil agendo Parisius reuersus est inglorius. Post festum omnium Sanctorum elapsis treugis cum Scotis rex Angliæ Iohannem de Sebraue militem nobilem cum exercitu misit in Scotiam, committens ei eiusdem terræ custodiam. His diebus ciues Burdegaleses dominium Gallicorum non ferentes illos de ciuitate sua contra natale domini expulerunt. Transit annus iste mediocriter frugifer & fructifer, consequenter Gallicis infamis & notabilis, propter infortunia, & res bellicas male gestas: Anglis honorabilis & confortabilis: Scotis odibilis, detestabilis & inuisus.

Anno gratiæ millesimo trecentesimo quarto, qui est annus regni regis Edwardi à conquestu primi tricesimus primus, tenuit rex natale apud Westmonasterium Londoniis. Quo anno Scoti cœperunt rebellare contra Regem Angliæ duce & capitaneo constituto Wilhelmo Waleys, qui eos ad seditionem commouerat, propter quod rex coadunato ingressus exercitu prætermisso castro de Striuelyn, quod contra eum munitum fuerat, totam terram peruagatur, nemine apertæ pugnae sibi copiam faciente. Eodem tempore rex Francorum ob detentionem Wafconia inuisitā, timens sibi à rege Angliæ per dominum Papam ad hoc instigato guerram parari, vt eius amicitiam sibi compararet, quicquid Wafconia in manu sua tenebat, eidem sponte gratisque restituit, prout videbatur ignorantibus veritatem. Tunc etiam & Burdegalia regi Angliæ sponte se subiecit. Philippus filius Comitis Flandriae coadunatis multis Teutoniae stipendiariis, ingressus Franciam castrum Sancti Audomari obsedit, sed cum nihil proficeret, discedens urbem Mormorum incendit. Philippus Francorum rex, versus Flandriam progressus cum exercitu, acceptis treugis inglorius est reuersus. Guido comes Flandriae, & filius eius Robertus, à custodia per regem Francia soluti, vt Flandrenses ad pacem reducerent in Flandriam transmittuntur. Sed cum nihil proficerent fidelitate seruata debita, ad loca suæ pristinae custodiæ reuertuntur. Eo tempore Wilhelmus filius Comitis Hanoniae Iohannis, & Guido Traiectensis episcopus eiusdem Wilhelmi patruus, contra Flandrenses qui maximam

mam partem Flandriæ occupauerant præliantes succumbunt capto Episcopo, sed Wilhelmo per fugam elapso.

Hoc anno circa principium Quadragesimæ Scoti latentes in insidiis Iohannem de Segraue cum paucis armatis transeuntem, iuxta castrum quod dicitur Puel-
larum subito inuaserunt, peremptisque hinc inde nonnullis, Scoti præualentes mul-
titudine, ceperunt aliquos milites Anglicos, inter quos & ipsum Iohannem Anglo-
rū capitaneum grauitè vulneratum, sed superuenientes milites alii de exercitu An-
glicorum, ipsum Iohannem à suis ereptum custodibus abduxerunt. Dum fieret iste
conflictus, miles quidam nobilis Robertus de Neuile missarum audiens solemnia (c-
10 rat nempe dominica prima Quadragesimæ) quæ gesta fuerant penitus ignorabat.
Post missam vero egressus, cum audisset à redeuntibus Scotos in Anglicos præualere,
illuc cum suis armatis properas multos peremit, multosq; fugauit, & captiuos aliquos
reduxit. Nec de his qui missæ cum eo intererant, quisquam captus fuit, aut grauitè
vulneratus, sed nec corruit vnus solus. Rex Angliæ rebellione Scotorum apud Ro-
kesburgiam in Scotia ex edicto publico in festo Pêtecostes exercitum adunauit, pro-
grediensq; paruis dietis totam terram vsq; Catenesiam, quæ est in vltimis Scotiæ fini-
bus perlustrauit, nemine aperti prælii copiam faciente. Videntes itaq; Scoti se non
posse resistere, missis nunciis petiuerunt humiliter à rege ad pacem suam recipi, & vt
permitteret eis dato precio ab his quibus per eum collatæ erant redimerent terras
20 suas. Acquieuit rex eorum precibus, & rediens castrum de Striuelyn, q; Scoti occu-
pauerant, & contra regem defendebant (cuius expugnatio in progrediendo gratis e-
rat omissa, per suos obfedit. Ipse vero non lōge à loco eodem apud Dunfermlyn hye-
mauit. Hoc anno circa festum Sancti Iohannis Baptiste milites quidam in præsentia
Cleri & populi Parisius congregati, Papæ Bonifacio multa imposuerunt enormia, pu-
ta hæresim, simoniam & homicidia, propter quæ per regem Franciæ appellatum est
contra eum, ad illum cuius interest, donec conuocato consilio se à criminibus purga-
ret obiectis. Circa festum natiuitatis beatæ virginis, videl. in vigilia natiuitatis eius-
dem venit summo mane magnus exercitus hominum armatorum missus ex parte re-
gis Franciæ & Cardinalium Columnensium damnatorum repente ad portas ciuitatis
30 Anagum, in quam Papa confugerat pro tutela, quia ibidem natus fuerat. Inuenientes
igitur portas apertas ingressi sunt ciuitatem, & mox dederunt insultum Palaciis do-
mini Papæ, & Marchionis nepotis Papæ, & trium Cardinalium. Communitas vero
villæ comperto quod Scaira frater Columpnensium Cardinalium, & Wilhelmus de
Longareto senescallus regis Franciæ aduenissent ea conspiratione, vt Papam depo-
nerent vel necarent, statim pulsata communi campana, & tractatu habito, in com-
muni elegerunt sibi capitaneum quendam Adnolphum, vnum ex maioribus domi-
nis de Campana per quem instanti negotio regerentur. Qui quidem Adnolphus il-
lis ignorantibus, domini Papæ extitit capitalis inimicus. Interim domini Papæ aduer-
sarii eius Palatio & Marchionis nepotis sui triumq; Cardinalium acerrimos dederūt
40 insultus. Sed familiaribus domini Papæ & Marchionis viriliter se defendentibus illo-
rum palacia inuadere nequiverunt. Trium tamen Cardinalium palatia qui reputa-
bantur specialiter amici Papæ, per vim & potentiam sunt ingressi, & omnia bona ibi-
dem reperta diripuerunt & asportauerunt. Ipsi vero Cardinales à tergo per latrinam
vix euaserunt. Interea superuenit dominus Adnolphus villæ capitaneus adducens se-
cum dominum Reginaldum de Supine, qui habuit in Campania magnum dominiū, &
& erat Papæ capitalis aduersarius, cum quo etiam venerunt filii domini Iohannis de
Chitan, quorum patrem Papa tunc in carcere detinebat. Cumq; dictus Capitaneus
cum suis sociis supradictis venisset ad Schairam de Columpna, & eius exercitum, sta-
tim cum omni populo quem ducebat, coniunxit se eidem. Et communibus votis, ir-
50 ruerunt tantum in Papam & nepotem suum, quod diu vt putabatur eis resistere non
valerent. Ob quam causam dominus Papa timens sibi, treugas petiit à Schaira, quas si-
bi concessit & nepoti suo, vsq; ad horā nonam dictæ diei, quæ videlicet treugæ captæ
fuerant hora prima. Durante treuga Papa misit secrete ad populum Anagum suppli-
cans vt saluarent vitam suam, promittens, quod si hoc facerent, quod ipsos in tantum
locupletaret, quod omnes suo perpetuo merito gaudere deberent. Populus vero se
excusauit, dicens se nil posse iuuare in hac parte, præsertim cum tota potestas villæ ca-
pitaneum sequeretur. Tunc Papa supplicauit Schairæ, vt significaret articulos, in qui-
bus fuerat iniuriatum sibi & suis fratribus, & ipse paratus esset secundum consilium
Cardinaliū facere restitutionē sibi. Schaira vero respondit quod non permetteret Pa-
pam

*Rex Angliæ Sco-
tiæ peruenit
armata manu.*

*Rex in Scotia
hyemauit.*

*Papa hæresis si-
monia & homi-
cidii accusatus.
Rex Franciæ ap-
pellat à Papa.*

Papa obsidetur.

*Cardinales fu-
gunt.*

*Papa pacis con-
ditiones flagitat.
Conditiones
pacis.*

pam viuere, nisi duos Cardinales fratres suos plene restitueret, scilicet Petrum & Iacobum de Columpna, quos prius damnauerat, ad temporalia & spiritualia, & non solum illos restitueret, sed & omnes de eorum sanguine vel parentela. Et quod idem Papa post huiusmodi restitutionem renunciaret papatui. Et quod postmodum corpus eius esset ad voluntatem ipsius Schairæ. His auditis ingemuit Papa, & ait, Heu me, durus est hic sermo: cumque concordari non possent, & aduenisset hora diei nona, iterum Schaira cum exercitu dedit insultum Papæ & nepoti suo: at ipsi se viriliter defendebant, tandem videntes aduersarii quod principalis Ecclesia Anagum, quæ erat de Sancta Maria, esset eis impedimento quo minus poterant accingere pro votis Palatium Papæ, apposuerunt ignem ad ostium Ecclesiæ supradictæ. Itaque valuis ecclesiæ combustis, totaliter ingressi sunt ecclesiam homines Schairæ, & despoliauerunt omnes Clericos & laicos mercenarios, habentes cultellos ibidem & alia mercimonia ad vendendum, ita quod non dimiserunt valorem quadrantis ex omnibus quæ apprehendere potuerunt. Tandem Marchio nepos Papæ perpendens quod se ulterius non posset defendere, reddidit se dicto Schairæ & capitaneo memorato, ea conditione, ut vitam ipsius & filii sui saluarent seruientiumque suorum. Quibus auditis Papa fleuit amare. Post hæc ruptis ostiis & fenestris Palatii Papæ, & pluribus locis igne supposito, per vim ad Papam exercitus est ingressus. Quem tunc permulti verbis contumeliosis sunt aggressi, minæ etiam ei à pluribus sunt illatæ. Sed Papa nulli respondit. Enimuero cum ad rationem positus esset, an vellet renunciare papatui: constanter respondit nō, immo citius vellet perdere caput suum, dicens in suo vulgari, *Et le col, & le cape*, quod est dicere: Ecce collum, ecce caput. Et statim protestatus est coram omnibus, quod Papatui nunquā renunciaret, quamdiu posset habere vitam. Schaira vero voluit libenter interfecisse Papam, sed per quosdam fuit prohibitus, ita quod Papa malum in corpore non recepit. Attamen ostiariis Papæ fugatis, & quibusdam interfectis, eiectioneque tam maioribus quā minoribus de sua familia, deputati sunt custodes Papæ per Schairam, & Capitaneum dominus Reginaldus de Suppine, & multi alii cum eodem. Acta sunt hæc in vigilia natiuitatis Sanctæ Mariæ, septima hora diei. Exercitus vero postquam irrupit palatium, mox despoliauit Papam, & eius cameram atque thesauriam suam, & asportauit vestimenta cum ornamentis & aurum atque argentum cum omnibus aliis rebus inuentis ibidem. Et reuera creditur, quod omnes reges mundi non possent tantum de thesauro reddere infra vnum annum, quantum fuit de Papali palatio asportatum, & de palatiis trium Cardinalium & Marchionis. Remansit autem Papa & nepotes sui sub custodia militum & custodum Schairæ vsque in diem tertiam. Medio tempore Schaira tractauit cum suis quomodo Papam morti traderet, vel mitteret ad regem Franciæ corpus eius. Sed populus Anagum hæc comperiens, facta conuocatione secreta ignorantibus capitaneo & Schaira, quasi ad decem millia hominum concurrunt ad Palatium vbi Papa seruabatur in custodia, & expulsis atque peremptis custodibus, ingressi sunt, & deliberauerunt Papam & nepotes eius, habituri eorum custodiam penes se.

*Marchio Papa
nepos se dedit.
Papa capitur.*

*Papa morti potius
vult quam
Papatui cedere.*

Infinite pecunie.

Papa liberatur.

*Papa ignominiose
tractatus.*

Oratio Papæ.

*Cibum ieiunius
emendicatus.*

*Mulierum cum
ciborescunt.*

Sed ante hæc omnia sciendum, quod cum primo Schaira & capitaneus cum Seneschallo regis Franciæ comprehendissent Papam, in equum posuerunt effrenem ad caudam versa facie, & sic discurrere fere vsque ad nouissimum halitum coegerunt, & tandem pene fame necauerunt, donec eum populus Anagum (ut præmittitur) liberasset. Schaira vero propter id offensis villæ communibus cum exercitu de villa recessit. Tunc populus fecit Papam deportari in magnam Plateam, vbi Papa lachrymando populo prædicauit, inter omnia gratias agens Deo & populo Anagum de vita sua. Tandem in fine sermonis dixit: Boni homines & mulieres, constat vobis qualiter inimici mei venerunt & abstulerunt omnia bona mea, & non tantum mea, sed & omnia bona Ecclesiæ, & me ita pauperem sicut Iob fuerat dimiserunt. Propter quod dico vobis veraciter, quod nihil habeo ad comedendum vel bibendum, & ieiunus remansi vsq; ad præsens. Et si sit aliqua bona mulier quæ me velit de sua iuuare elemosina in pane vel vino, & si vinum non habuerit, de aqua permodica, dabo ei benedictionem Dei & meam, & omnes qui quicquam portauerint quantulumcunq; modicum in meam subuentionem, absoluo ab omnibus peccatis suis. Tunc omnes hæc audientes ex ore Papæ, clamabant, Viuas Pater sancte. Et mox cerneret mulieres currere certatim ad palatium, ad offerendum sibi panem, vinum, vel aquam, in tantum, quod statim camera Papæ victualibus repleta fuit. Et cum nō inuenirentur vasa ad capiendum allata, fundebant vinum & aquam in area cameræ Papæ in maxima quantitate. Et tunc potuit quisque

- quisque ingredi & cum Papa loqui sicut cum alio paupere qui volebat. Tunc Papa exiens, absoluit omnes existentes in ciuitate ab omnibus peccatis eorum generaliter, præter despoliatores Ecclesiæ Romanæ. Spoliatores etiam Cardinaliū, & aliorum de curia non absoluebat, nisi bona huiusmodi infra triduum reportarent. Veruntamen Papa remisit expresse omnibus qui bona sua asportauerant, dum tamen illa bona de thesauro Ecclesiæ non fuerunt, & statim protestatus est coram omnibus, quod voluit habere pacem cum Columpnienſibus Cardinalibus & suis aliis inimicis, & paratus erat ipsos restituere ad temporalia & spiritualia Cardinales, & hoc fecit proclamari per villam. Interea reportata fuerunt bona illius quædam, sed non omnia prius ablata. His itaque gestis, Papa subito & inopinate recessit de villa Anagum, progressus versus Romam cum maxima multitudine armatorum. Et cum peruenisset ad Sanctum Petrum, ex timore quem conceperat quando captus fuit, & mœrore rerum inæstimabilium perditarum, & fame quam contraxerat sub custodia aduersariorum suorum cito deficit, & sic completa est in eo prophetia prædecessoris sui qui dixit: *Ascendisti ut vulpes, regnabis ut Leo, morieris ut Canis*. Succesit ei à Cardinalib. mox electus, Benedictus vndecimus, Lombardus natione, quem Papa Bonifacius de ordine Fratrum Prædicatorum, cuius magister erat, assumptum fecerat Episcopum Ostiensem. De isto Benedicto quidam sic ait, *A re nomen habe, benedic, benefac, Benedicte. Aut rem peruerte, maledic, malefac, maledicte*. Columpnienſes mortuo Papa Bonifacio, de suis egressi latibulis ad Papam Benedictum venerunt, misericordiam implorantes. Quos ille benigne suscipiens absoluit, ac bonorum suorum tribuit facultatem. Sed eos ad gradum Cardinalatus tam subito restituere non decreuit. Papa Benedictus per hoc tempus fratrem Nicholaum de Prato Episcopum Spoletanum ad Cardinalatum assumens, fecit Episcopum Ostiensem, fratrem etiam Wilhelmum de Makelesfield, doctorem sacre Theologiæ, ordinis prædicatorum, natione Anglicum, diœcesis Couentrensis, tituli sanctæ Sabinæ fecit presbyterum Cardinalem. Qui antequam ad eum rumor perueniret in fata concessit. Cuius morte cognita, Papa fratrem Walterum Wynterborne similiter ordinis prædicatorum regis Angliæ confessorem Sarisburenſis diœces. ad eundem titulum Cardinalatus promouit.
- Transit annus iste durus diuitibus, pauperibus penuriosus, Papæ curiæque Romanæ probrosus, propter malam captionem Papæ, incarcerationem & mortem consequenter. Sed tamen in hoc etiam consolari potuit, quia nullus eorum qui eius captioni interfuit, vel facinori tanto cōsenserit, iudicium ultionis euasit. Nam quidam insanabili acti sunt furia, quidam & præcipue qui manus iniecerunt Christi vicario, manus proprias comederunt. Regis etiam Franciæ consanguinitas & cognatio tacta est vsq; in generationem septimam igne sacro. Annus iste commoditate famosus fuit: Flandrenſibus & Francis infamis: Scotis durus: Anglicis inquietus.
- Anno gratiæ millesimo tricentesimo quinto, qui est annus regni regis Edwardi à conquestu primi tricesimus secundus, tenuit idem Rex natale apud Dunfermelyn in Scotia, cui interfuit Anglicanus. Transacta hyeme Rex ad obsidionem castrum de Striuelyn accedens personaliter diuersis preparatis machinis illud fortius impugnavit. Qui vero custodiebant castrum illud fortiter defendentes, cum machinis suis plurimos occiderunt. Die quadam cum rex castrum considerando obequitaret, ac quodam loco infra iactum balistarum obequitando appropinquaret, iaculum quoddam de castro emissum superiori eius armaturæ affixum est sine vlla corporis læsione. In quod extractum rex expuens conuersa ad castrum facie, alta voce ei qui illud emisserat (iaculum ostendendo) suspendium minabatur. Castellani videntes obsidionem super se grauari, obtulerunt castrum regi, saluis vita & membris, ac postea simpliciter se in eius gratia posuerunt. Sed neutro modo voluit Rex eos admittere, sed tantum in ea forma, vt pure & simpliciter se dederent Regiæ voluntati. Quod licet eis primo difficile videretur, tamen cum fossata conspicerent terra impleri & lapidibus, scalasque ad transcensionem murorum qui assiduis ictibus petrarum conquassabantur parari tandem in die Beatæ Margarietæ virginis castrum reddentes, se regis placito subdiderunt. Quorum capitaneum Wilhelmū Olifardi militem admodum strenuum & cordatū, ad turrim Londoniarū, reliquos vero ad alia castra diuersa transmisit carceribus mancipandos. Edwardus rex subacta ad votum Scotia, commissaque eius custodia Iohāni de Segraue, in Angliam est reuersus. Cumq; venisset Eboracum iussit sessionem iustitiariorum qui dicuntur, de banco, & Scaccarium, quæ iam septennio manserat Eboraci, Londonias ad antiquum locum transferri. Eo anno obiit

Papa famelicus familiaris.

Papa moritur ut canis.

Cælestini propheta impleta. Benedictus eligitur in Papam. Disichon.

Duo Angli Cardinales facti.

Annus conclusio.

Natale celebratur ad Dunfermelyn in Scotia. Rex obsidet castrum de Striuelyn.

Deditio castrum Striuelyn.

Rex subacta Scotia in Angliam reuertitur.

*Iusticiarii vocati
Traybaston.
Rex Francia ex-
communicatione
liberatus.*

*Flandria Fran-
cia fusa.*

*Obiit Benedi-
ctus papa.*

Annalis cōclusio.

Iohannes de Warena Comes Surrey & Southsexie, cui successit nepos eius ex filio, Iohannes nomine, uxorem accipiens neptem regis, & filia Alienora, quam duxit comes Barrensis. Hoc anno ordinati sunt iusticiarii qui de malefactoribus diligenter inquirerent, quantum ad ceteros articulos, & iuxta demerita punirent inuentos. Hii iusticiarii vocati sunt ab hominibus popularibus Traybaston, quod sonat, *trabe baculum*. Papa Benedictus per idem tempus considerans pium esse etiam ouem errantem licet inuitam perducere ad ouile, regem Francorum non petentem, à sententia excommunicationis per prædecessorem suum lata in eum absoluit. Per idem tempus rex Francie offensus abbati Cisterciensi, quia in appellationem contra Papam Bonifacium non consenserat, omnia monasteria eiusdem ordinis in regno Francie constituta plurimum molestauit, propter quod Abbas ultro regimini ordinis sui cessit. Rex Francie Philippus hoc anno in manu valida copias fudit Flandrensiū, inter quas cecidit Wilhelmus de Iuliariis, qui eorum capitaneus fuerat constitutus. Et non multo post reddiderunt se regi Francorum duæ villæ Flandrie nobiles Insulaci & Duacum. Hoc anno die nonarum Iulii moritur Papa Benedictus Perusii. Post cuius obitum cum Cardinales in electione summi Pontificis dissiderent, à ciuibus secundum constitutionem Gregorii decimi includuntur. Transiit annus iste frugum vel fructuum fertilitate, nec inops nec abundus, Romanis lugubris propter dissensionem Cardinalium in electione Papæ: Francis & Anglicis propter subactos aduersarios gloriosus: Scotis & Flandrensibus nimis odibilis propter regibus datam victoriam de eisdem.

CAPTIO ET MORS W. WALEYS.

*Natale celebra-
tum Londini.*

*Wilhelmus
Waleys unde
oritur.*

*Clemens quintus
papa.*

*Dux Britannia
muriusina op-
pressus.
Flandri ab An-
glia expulsi.*

Annalis cōclusio.

ANN O gratiæ millesimo tricentesimo sexto, qui est annus regni regis Edwardi à conquestu primi tricesimus tertius, fuit idem rex ad natale Londoniis cū regina multisq; proceribus regni sui. Hoc anno Wilhelmus Waleys qui Scotiam frequenter commouerat, per milites regis in Scotia captus est, & Londonias vsque ductus, vbi iudicialiter condemnatus, trahitur, suspenditur, & ultimo decollatur. Cuius caput Londoniis in loco eminenti figitur super palum, corpus vero in Scotiam transmissum est in quartas, quæ ad aliorum terrorem in diuersis vrbibus suspenduntur. Hic ex infima gente procreatus, processu temporis factus est vir sagittarius, illius artis peritia quæritans victum suum. Cumque semel & secundo suam fortitudinem pariter & audaciam expertus fuisset, altiora appetens, petiuit à Scotis licentiam vt possit Anglicos infestare, promittens se totam Angliam conquisturam, & Scotos victores vsque Londonias producturum. Scotis vero cito sibi consentientibus & ipsum eorum ducem constituentibus, militiæ donatus est cingulo à quodam Comite regionis illius. Inde cæpit peruagari prouincias vsque Northumbriam, maximum tumultum concitando, villas & agros depopulando, prædas agendo, & magnam partem patriæ incendio deuastando. Videntes ergo Scoti viam suam prosperari, confluebant ad eum in multitudine vix numerabili, non solum iuuenes, sed etiam ipsi senes, ita vt in breui tantum conflaret exercitum quanto nullus princeps iuxta Scotorum opinionem resistere prævaleret. Igitur de tanta multitudine gloriabundus, cōcepit audaciā præsumptibilem dominum suum regem Angliæ inquietandi, sed quæ merces pro demeritis sibi prouenerit, superius satis claret. Circa dies istos Bertrandus Burdgalensis Archiepiscopus, natione Vasco, in Papam est electus, & Clemens quintus dictus est: Qui mense Octobri Lugduni, conuenientibus illuc Cardinalibus, regeque Francorum Philippo suam præsentiam exhibente, papali diademate coronatur. Qui dum coronatus ad Ecclesiam beati Martini equitando duceretur, murus quidam à latere, (in quē multi spectaturi quæ gerebātur ascenderant) corruens multos oppressit, inter quos erat dux Britannie, vir senex & discretione insignis. Idem Papa ante natale vnam ordinationem faciens, creauit duodecim Cardinales, inter quos de ordine fratrum Prædicatorum frater Thomas de Iozi, doctor sacre theologie, natione Anglicus, titulus Sanctę Sabine, factus est presbyter Cardinalis. Hoc anno misit rex Francie ad regem Angliæ, rogans eum vt Flandrenses ab Anglia expelleret, sicut ipse ad suam instantiam Scotos à Francia eiecerat paulo ante, cuius rex precibus acquiescens Flandrenses omnes de Anglia exbanniauit. Transiit annus iste fructum faciens, frugesque producens, Francis & Anglicis otiosus, Flandrensibus odibilis atque Scotis. Hoc anno Antonius Dunelmensis Episcopus donante Papa Clemente fit Patriarcha Ierosolymitanus.

Anno

Anno gratiæ millesimo trecentesimo septimo, qui est annus regni Regis Edwardi à cōquestu primi tricesimus quartus, tenuit rex natale Londoniis. Circa quod tempus, videlicet quarto Calendas Februarii, Robertus de Brus aspirans ad regnum Scotiæ, nobilem virum Iohannem Comyn, quia suæ proditiosæ factioni assentire noluit, apud villam de Dunfres, in cuius castro iustitiiarii Regis Angliæ tunc sedebant, in ecclesia fratrum Minorum sacrilegus interfecit. In festo vero Annuntiationis beate Virginis in Abbathia Canonicorum regularium de Scone se fecit in Regem solemniter coronari. Vxor Comitissæ de Bowan, à marito suo tunc furtiue discessit, omnes equos eius magnos secum adducens, & properans vsque Scone, ut diadema imponeret capiti noui Regis, quia frater eius Comes de Fife, ad quem iure hereditario spectat hoc officium, tunc absens in Angliam morabatur. Hanc autem comitissam eodem anno captam ab Anglicis, cum quidam perimere voluissent, non permisit Rex. Sed in domuncula quadam lignea super murum castri Berewici posita est, ut possent eam conspicerè transeuntes.

Natale celebratur Londini.

Robertus de Brus homicida Rex Scotia coronatur.

- In festo Pentecostes, Edwardus filius Regis Angliæ, cum numerosa societate iuuenum nobilium Londoniis à patre militaribus armis cinctus est. Qui exinde cum tyronum multitudine Scotiam continuatis diebus contendit, ad reprimendum conatus Roberti de Brus inuasoris regiæ dignitatis: præcesserant vero cum Aymericus de Valentiiis, comes Pembrochiæ, Robertus de Clifford, & Henricus de Percy, missi à Rege cum manu armata, ad nouis motibus resistendum. Ipse vero Rex lento gradu secutus conuocauerat exercitum, quem apud Carleolum iussit esse paratum in quindena sancti Iohannis Baptistæ in occursum filii sui, cum eodem ulterius progressurum. Interim Robertus de Brus circumiens terram & homagia multorum recipiens, coadunato exercitu copioso, appropinquauit villæ sancti Iohannis, in cuius præsidium nuper aduenerat Aymericus de Valentiiis supra dictus. Equites autem Scotorum omnes lineis super arma sua, ne discernerentur, induti erant ex iussu Principis sui noui. Misit ergo Robertus de Brus inuitans Aymericum ad congressum. Qui respondit, quod cum eo non die illo, sed in crastino dimicaret. Igitur subtrahente se Roberto cum suis ad spatium vnus miliarii, & reficere se volente, appropinquante hora vespertina Aymericus cum suis armatis egreditur: & subito superueniens Scotos, multos interemit inermes. Cui cum aliquantulum Robertus, ceterique qui se cum celeritate armauerant, restitissent, tandem præualentibus Anglicis fugere sunt coacti. Quos insecutus Aymericus cum suis vsque in insulam de Kentyr, castrum illius loci putans Robertum se recepisse, in eo obsedit. Expugnato tamen castro, non cum inuenit, quia fugerat ad extremas insulas regionis, sed uxorem ac fratrem suum Nigellum ibi cepit, cum quibusdam aliis, quos omnes vsque Berewicum fecit deduci. Non multo post captus est comes de Athel, qui de castro fugerat antedicto. Circa festum sancti Michaelis reuersus est Robertus de Brus vsque Keyntyr, & Henrico de Percy in propinquo existenti superueniens, quosdam de familia eius occidit: equosque dextrarios & alia spolia multa cepit. Ipsumque Henricum in castro loci eiusdem obsedit, quousque robore exercitus à Rege missus obsidionem dimittere cogeretur. Interea Rex apud Lauercofte iuxta Carleolum commorans, misit Berewicum iustitiiarios, quorum iudicio Nigellus de Brus, & qui cum eo capti fuerant, tracti sunt & suspensi, & ultimo decollati: uxorem vero Roberti de Brus Rex transiussit in Angliam, iubens eam iuxta statum suum decenter tractari. Comitem vero de Athel iam secundo contra fidelitatem suam Regi rebellantem, misit Londonias, ubi ad tempus tentus sub custodia, tandem proditoris suæ meritis pœnas luit. Post hæc captum est castrum de Lochdor, in quo inuentus est Christoforus de Scotun, sororius Roberti de Brus, quem cum non Scotus esset, sed Anglicus, iussit rex deduci vsque Dunfres, ubi quendam militem de parte regis occiderat. Ibique iudicium subire coactus, tractus & suspensus est, & ultimo decollatus: uxorem vero Christoferi, & filiam Roberti de Brus in diuersis monialium monasteriis collocauit. Episcopos vero Glascuensem & sancti Andreæ, Abbatemque de Scone, cum eodem anno capti essent, misit in Angliam ad diuersa castra sub custodia detinendos. Hoc anno Clemens Papa curiam transtulit de Lugduno in Burdegalam, ubi Episcopum Pictauiensem, qui sibi (dum Archiepiscopus fuerat) aduersabatur, à pontificali deposuit dignitate. Primatum etiam Aquitanie de Bituricensi transtulit ad ecclesiam Burdegalensem. Per idem tempus rex Angliæ Robertum Cantuariensem apud dominum Papam accusauit, super eo, quod pacem regni sui perturbauit, sibi que

Edward. filius regis Scotiæ proficiscitur.

Scoti in fugam acti.

Henricus de Percy fugatus.

Supplicium de perduellibus.

Robertus Winchelsey accusatus à rege.

rebellantes defendit & fouit. Propter quæ vocatus est Archiepiscopus ad curiam, & ab executione officii suspensus, quousque de sibi impositis legitime se purgaret: obtinuitque Rex à domino Papa absolutionem à iuramento, quod inuitus præstiterat super obseruantia libertatum alias à Comitibus & Baronibus exactarum, vñs consuetudine & cautela paterna, qui, quotiens instabat necessitas, de facile iurare voluit, se satisfacturum votis suorum, & eadem facilitate voluit resilire, quotiens sibi tempus commodior arrideret, prætendens semper papalem absolutionem à præstito iuramento.

Rex Francia Bonifacii Papa ossa excurare voluit.

Rex Franciæ per hoc tempus petiit per suos nuntios à domino Papa ossa prædecessoris sui Bonifacii, ad comburendum tanquam hæretici, instantia importuna. Petiit etiam sanctorum cathalogo ascribi fratrem Petrum de Murrone, qui quondam fuit Papa, dictus Celestinus quintus. Hoc anno Rex Angliæ Petrum de Gauerston apud se à diuersis accusatum, regnum Angliæ abiurare coegit. Ad annuntiationem dominicam aderat Rex Edwardus cum magnatibus apud Westmonasterium, acturus Deo gratias & beato Edwardo, pro triumpho de Scotis potito, compassusque super iniusta carceratione Monachorum Westmonasterium, iussit mox fieri liberationem ipsorum: sed superabundante peruersorum iudicum malitia prolongantium iniquitatem suam ultra præceptum Regis, retinuerunt per octo dies monachos in prifona, quo audito, præcepit Rex iustitiariis, vt omiſſis ceteris curiſ incarcerationati monachi eorum abbati continuo redderentur. Eodem anno quidam hæreticus apostata surrexit

Monachi Westmonast. carcere liberati.

Hæreticus exortus Venetiis.

Amalis conclusio.

in Venetia, nomine Doncinus, qui plurima contra fidem prædicauit, & inter cætera finē mundi infra triennium nūc instare fallaciter vt veraciter prædicauit, qui multos sibi congregauit. Afferuit etiam hominem quemuis cum quauis muliere commiscere non esse peccatum, & mulierem renuentem cuiusque hominis amplexum, dignam ignibus concremari, qui non ita multo post captus, & ignibus est combustus. Transit annus iste similis multis annis præcedentibus, in frugum fructuumque procreatione, qui non solum nesciebant abundare, sed nec ad satietatem omnium fructum ferre: fuit etiam quietus Gallicis: sed inquietus Anglicis atque Scotis.

Natale celebratur Carleoli.

Anno gratiæ millesimo trecentesimo octauo, qui est annus regni Regis Edwardi à conquestu primi tricesimus quintus & vltimus, fuit idem rex ad natale apud Carleolum, cum magna multitudine populi Anglicani. In octauis sancti Hilarii rex parliamentum habuit Carleoli, in quo per maiores graues depositæ sunt querimoniæ de oppressiōibus Ecclesiarum & monasteriorum multiplicibus, & extortionibus pecuniarum per Clericum domini Papæ magistrum Wilhelmum Testa nouiter in regno inductum. Præceptumque est eidem Clerico de assensu Comitum & Baronum, ne de cetero talia exequatur. Ordinatum fuit etiam, quod pro remedio super his obtinendo, ad dominum Papam nuntii mitterentur. In eodem parlamento edita sunt statuta quædam religiosos tangentia, qui domos suas principales in alio regno habebant. Ad istud parliamentum venit transmissus per dominum Papam Cardinalis quidam Petrus Hispanus dictus, pro matrimonio inter filium Regis Angliæ, & filiam Regis Franciæ, secundum quod à Papa Bonifacio, tanquam mediatore pacis ordinatum fuerat consummando. Cui per Regem responsum est, paratum se fore implere quæ ordinata sunt, dummodo Rex Francorum velit ex parte sua, quæ ad ipsum pertinent, adimplere. Dederat enim Rex Franciæ, dum Wasconiam tenuerat, castrum, quod Malileonis dicitur, cuidā militi, qui illud adhuc detinebat, nec ad mandatum Regis Franciæ illud curabat restituere, ob quam causam fertur illud matrimonium hætenus fuisse dilatum. Rediit itaque Cardinalis Londonias, vbi super his certitudinem expectaret. Interim Robertus de Brus terram circumiens, multos sibi rebelles peremit, misitque cum parte exercitus duos fratres suos, Thomam militem, & Alexandrum clericum, ad aliam partem terræ, vt homines terræ ad se allicerent blanditiis atque minis. Qui Anglicis superuenientibus capti sunt, & ducti ad iustitarios, ac condemnati, primo tracti, ac postea sunt suspensi. Tempore huius Regis fratres, qui dicuntur minores, seu, quod latius publicatur, & nequius comprobatur, totius Ecclesiæ exploratores, ad illicita legis suæ aspirantes, obtulerunt summo Pontifici quadraginta millia de florenis auris, & pecuniam multam nimis, pro terris, prædiis, redditibusque licite obtinendis. Quibus Papa, vbi est (inquit) illa vestra pecunia? At illi dixerunt, in manibus mercatorum: Et datis fratribus induciis trium dierum responſionis habendæ, absolutis mercatoribus à depositi custodia, præcepit Papa sub interminatione anathematis, pecuniam ipsam eius necessitatibus custodiri. Responditque

Papa per legatū nuptias edicit. Nuptia hæ celebrata sunt 25. die Ianuarii, 1307. a pnd Boloniam exiit mare.

Papa fratres minores grande pecuniarum summam emungit.

ditque fratribus regulam sancti Francisci canonizatam se nolle sensu aliquo violare, nec fratres ab eo aliquando declinare, sed secundum eam degere semper debere. Sicque factum est, ut quod iniustius acquisierant æquissime amiserunt. Eodem anno ventus vehemens & damnosus prostravit arbores, ædificia & campanilia multa, in regno Angliæ per diuersa loca. Eius quoque tempore Rex Tartarorum, & Rex Armeniæ, & Rex Georgianorum, congregato exercitu, qui fuerunt decies centena millia, & quadraginta millia in equis, inuocato contra Sarracenos Christi adiutorio dimicarunt. Et cæsa sunt apud Halapiam, Alachemala, & Gararam, & Damascum ex Saracenis plusquam ducenta & quadraginta millia, in vltionem sanguinis Christianorum, effusi apud Acon, Tripolim, & cetera loca sancta. Horum Tartarorum conuersionis, ut fertur extitit ista causa: Frater magni Regis Tartarorum, Cassiam (cum esset Paganus) adamauit, filiam Regis Armeniæ Christianam, quam à patre petiit in coniugem sibi dari. Rex autem Armeniæ noluit acquiescere, nisi fieret Christianus. At ille præualens viribus & potentia, sibi intulit minas bellitandem Rex accepto consilio, quod meliores sunt nuptiæ quam pugna, annuit postulatis. Deinde suscitata prole masculini sexus inter eos, inuentus est hispidus & pilosus velut vrsus. Quo patri oblato dixit non esse suum, quemque iussit statim igne cremari, mater vero contradicens, petiit sibi dari infantem, quo accepto iussit eum baptizari, & statim post trinam immersionem in sacro fonte cecidit omnis pilositas de infante, & apparuit lenis & pulcherrimus puerorum. Hoc viso, credidit pater & domus tota. Post Pascha Robertus de Brus, aucto iam suo exercitu, congressus cum Aymero de Valentiis ipsum compulit in fugam, paucis de his, qui erant cum eo peremptis. Infra triduum etiam sequens fugauit Comitem Glouerniæ, multisque hinc inde occisis ipsum obsedit in castro de Are, quousque per exercitum à rege missum fuit obsidio dissoluta. Ex tunc autem insequentibus eum Anglicis fugit ad loca palustria & nemorosa, in quibus latibula quæritantem comprehendere minime potuerunt.

Ventus vehemens.

Sarraceni strages per Tartaros.

Ratio conuersionis Tartarorum ad fidem.

Robertus de Brus Anglos fugat.

Translatio Seberti Regis.

Hortatio regis ad filium.

Rex laborat dysenteria.

Edwardus Rex sua ossa per Scotiam deportata hostes fugare posse existimabat.

Filius immeritus patrius mandata negligit.

Hoc anno cum placeret fratribus de Westmonast. transferre Sebertum regem de veteri Ecclesia in suam nouam basilicam, qui primo de regibus Anglorum ibidem in honore sancti Petri Apostolorum principis fundauit Ecclesiam, & cum deuotionis ardore eius aperuissent sepulchrum, inuenerunt manum eius dexteram integram in carne, cute, vnguibus, & ossibus compactis vsque ad medium brachii, qui iacuerat ibi per annos circiter septingentos. Tunc Rex Edwardus missis per Angliam nuntiis, præcepit sub graui poena, ut omnes, qui ei debebant seruitium, parati essent apud Carleolum infra tres septimanas post festum sancti Iohannis Baptistæ. Interea Rex grandæuus vexari cœpit dysenteria, & quia iam desperabat de vita diuturna, misit ad filium, ut maturaret audire patris extrema colloquia. Quem inter cætera misericordem fore monebat, & iustum & affabilem vniuersis, constantem in dictis & factis, familiarem bonis, & præcipue miseris misericordiam impartiri. Deinde præcepit, ne post mortem suam festinaret ad coronam Angliæ suscipiendam, donec paternas iniurias in Scotos honorifice vindicasset, sed moraretur in partibus, & assumeret secum ossa paterna in aliquo vase reclusa, quæ secum faceret deportari, donec totam Scotiam peruagasset, & omnes superasset aduersarios vel cepisset. Quoniam (inquit) nullus te poterit superare, dum ossa mea tecum feceris deportari. Præcepit etiam, ut fratres suos, Thomam & Edmundum diligeret & foueret, quorum vni, Thomæ videlicet, dederat comitatum Cornubiæ, Edmundo vero comitatum Mareschalli. Præterea, monuit ut matrem suam Margaretam reginam, tanquam bonus filius coleret, & amaret: iussit etiam sub interminatione maledictionis suæ, ne Petrum de Gauerston communi decreto exiliatum sine communi fauore præsumeret reuocare. Intimauit ei quoque, quod crucem suscepisset pro negotio terræ sanctæ, quam proposuit personaliter adiuisse, sed turbatus per molitiones Roberti de Brus nouas & varias, impeditus fuit à proposito, & bellum in Scotiam transferre coactus est, omisso negotio memorato. Triginta (inquit) & duo millia librarum argenti præparauit ad exhibendum septies viginti milites honorifice in terra sancta cum sua familia, quia mihi non datur votum perficere in persona propria, qui cor meum illuc deferent & reponent. Quod cum secum deportauerint, spero in Deo meo, omnia illis prospera successura. Præcipio, ait, igitur, districte sub poena maledictionis paternæ, ne dicta pecunia in alios vsus expendatur. Sed filius regis patre defuncto nihil horum complere voluit, sed guerras Scotiæ mox deferuit, & regnare

regnare festinauit. Petrum de Gauerston contra suorum voluntatem procerum reuocauit, quem militem mox creauit, & totam pecuniam, quam pater ordinauerat ad succursum terræ sanctæ prodigaliter sibi donauit. Qui proinde in tantam superbiam est euectus, vt despiceret terræ magnates, publice vocando Thomam Lancastriæ comitem histrionem, Eymereum de Valentia Penbrochiæ comitem, Ioseph Iudæum, eo quod pallidus esset & longus. Comitem Warwichiæ Guidonem, eo quod fuscus esset, appellauit, D. de Arderina nigrum canem: sicque laceffiuit insolentis regni nobiles, donec priuatus capite, docuit suo miserabili fine nobiles milites nō laceffendos. Sed hæc in sequentibus videbit lector plenius suo loco: vltiones variæ, quæ contigerunt Edwardo pro contemptu monitionum paternarum. Edwardus vero, quia patris ne- 10 glexit monita, infeliciter regnauit, postea iugiter ipsum & Barones fuscitata discordia, continua perseuerante caristia, & præcipue tribus annis, quibus incolæ moriebantur pro panis inopia, & iumenta pestilentiâ perierunt. Et quod plus, nescio, vtrum verecundandum aut formidandum est, quondam Scoti subditi toto suo tempore in bellis mortalibus, in cunctis pene conflictibus, ex Anglicis vbique victoriam reportarunt, tantumque metum incusserunt eis, vt viginti non auderent congressum expectare trium Scotorum. Ipse autem Rex turpiter à Scotis victus est circa septimum annum regni sui, nobilesque multi perempti sunt ab eisdem. Ad consilium etiam miseriarum semper ducebatur malo consilio, donec efferatus in tyrannidem, Thomam Lancastriæ Comitem, & plures ex suis naturalibus peremisset. Tandem post infeli- 20 cem regni non dicimus gubernationem, sed potius deuastationem, turpiter regno deiectus, à suis inhumaniter est peremptus. Hæc omnia cunctorum opinione sibi contingentibus, quia iussa patris spreuit, & maledictionem vetuli parui pendit, quæ cuncta in sequentibus plenius enarrantur, sed nunc ad materiam reuertamur. Cum Rex Edwardus præmissis monitis, vt præfertur, filium instruxisset, & de sua postrema voluntate plenius docuisset, misit eum in Angliam, vt secundum ea quæ à Rege audiret Franciæ, proficisceretur ad connubium cum eiusdem filia contrahendum. Pro qua causa parum ante in Angliam missus fuerat quidam Cardinalis, dictus Petrus Hispanus, vt pacta nuptialia confirmaret. Post decessum filii cepit Rex prout ante vexari 30 dissenteria, mouit nihilominus de Carleolo, quinto nonas Iunii, paruis dietis versus Scotiam proficiscens. Pridie vero nonas Iunii venit ad Burgum super Sandes, vbi inualecente morbo, die crastina, scilicet feria sexta, præsentis vitæ valefaciens, dies suos in bono, & annos suos in Angliam consummauit. Regnauit autem annis triginta quatuor, mensibus septem, diebus viginti vno, compleuitque ætatis suæ annos sexaginta octo & dies viginti. Duxit autem Rex iste nobilis duas vxores nobiles, primo videlicet Alienoram sororem Regis Hispaniæ, viuentis patre suo Henrico illustri rege Angliæ, de qua quatuor filios generauit, Iohannem primogenitum, Henricum, Alonsum, & Edwardum, qui sibi successit in regno, & quinque filias: Alienoram scilicet, quam dominus Wilhelmus Comes de Bares cepit in vxorem: Iohannamque de Acres, quæ data est Gilberto de Clare Comiti Gloucestriæ in vxorem, 40 quæ post decessum Comitis quendam bachalarium nomine dominum Radulphum de Monhermer accepit in maritum inconsulto patre: Margaretam, quæ desponsata uir D. Iohanni Duci Brabantæ: Mariamq; quæ habitum Sanctimonialiū accepit apud Ambresbirie: Et Elizabethā, quā Comes Holandiæ duxit in vxorē. Quo mortuo dominus Humfridus de Boun, comes Herefordiæ, duxit eandē. Secūdo duxit Rex præfatus in coniugē Margaretam sororem Philippi regis Franciæ, de qua genuit duos filios, Thomā dictū de Brotherton, & Edmundum, & vnā filiā nomine Margaretam.

Hæc idcirco dignum duxi scribere, ne posteris lateat generatio tanti Regis. Fuerat autem in armis strenuus, bellicosus etiam & victoriosus: totam Angliam de manu Simonis de Monteforti, & eidem adhærentium Comitum & Baronum acqui- 50 siuit. Walliam de manu Lewlini in suos vsus accepit. Aquitaniam quoque de manu Regis Franciæ sapienter extorsit. Scotiam sapius subiugauit, sed ea capta per Robertum le Brus ipse in lecto mortis iacens, ex magnanimitate cordis iussit corpus suum ibi remanere insepultum, & deferri in exercitu, donec tota Scotia esset finaliter subiugata, de quo quidam sic scripsit:

*Dum vixit Rex, & valuit tua magna potestas,
Fraus latuit, pax magna fuit, regnauit honestas.*

Post Principis prædicti decessum venerabilis pater dominus Petrus Hispanus Cardinalis, & Clerus Angliæ, cunctique regni nobiles, qui interesse poterant, obuiam

*Rex filium remittit
in Angliam.*

*Vxores & liberi
regis Edwardi
primi.*

Victoria.

uiam corpori vndique occurrerunt, solemnes processiones, ad quas venerat, per Ecclesias faciendo. Requieuit autem corpus venerabile inhumatum in Ecclesia Canonorum de Waltham vsque in diem sepulturæ suæ, scilicet per sexdecim septimanas, per quod tempus ex mandato executorum Regis illuc destinati sunt de singulis magnis Monasteriis vicinis in circuitu hebdomadatim, sex Monachi seu Canonici, *Exequia.* vel alii religiosi, qui circa corpus vigilas facerent, & exequias solemniter continuerent, non sine grauibz laboribus & expensis. Nec cuiquam licebat recedere, donec arbitrio executorum licentiatus fuisset. Cardinalis autem indulxit veniam vnus *Indulgentia Cardinalis sacrilega.* anni omnibus dicentibus orationem dominicam cum salutatiōe angelica pro anima dicti Regis. Cumque à festo translationis sancti Thomæ martyris vsque ad festum Apostolorum Simonis & Iudæ iacuisset inhumatum corpus regium, tandem ipso die Apostolorum apud Westm. est sepultum, patre venerabili Antonio Patriarcha Ierosolymitano & Dunelmensi episcopo missam celebrante, & extremas exequias faciente. *Sepulchrum Westmonasterii.*

DE EDVARDO POST CON- questum secundo.

POST mortem toti mundo deffendam Edwardi Regis inuicti successit ei *Edwardus de Caernernan.* filius suus Edwardus cognomento de Caernernan, non tam iure hereditario, quam vnanimi assensu procerū & magnatum. Non tamen coronatus est vsq; ad 12. Cal. Martii, quando vna cum noua cōiuge sua filia regis Franciæ Isabella, regale diadema suscepit. Et in die S. Matthiæ Apostoli coronantur dominus Edwardus rex Angliæ & domina Isabella regina apud Westmonast. ab Episcopo Wintoniensi commissione Archiepiscopi Cantuariensis speciali in finibus transmarinis per biennium exceptis septem septimanis exulantis, propter iram domini regis Edwardi nuper defuncti, quā certis de causis incurrebat: cui quidē coronationi interfuerunt dominus Carolus & dominus Ludouicus de Claro monte, fratres regis Franciæ, dux quoque Brabantiæ, & Comes de Fens, & cæteri magnates vtriusque Franciæ & Angliæ, & Domicella de Artoys miræ pulchritudinis iuuenicula. Eodem anno, dominus rex reddidit Gilberto de Clare terram suam, redemptione facta pro tempore minoris ætatis. Sed hoc anno prius octauo Calen. Februarij Edwardus desponsauit Isabellam, filiam regis Franciæ, apud Bolon super mare, quibus nuptiis celebrādis interfuerunt 4. reges, videlicet Philippus rex Franciæ, rex Nauarræ filius regis Franciæ, rex Almanix, & rex Ciciliæ, Regina Franciæ Maria, mater Margareta reginæ Angliæ, regina Angliæ domina Margareta Edwardi primi sponsa, regina Nauarræ cum copiosa dictorum regnorum multitudine. Nihilominus defuncto patre, fidelitates & homagia à Prælatiis proceribusque suscepit. Sed medio tempore, priusquam corpus paternum sepulturæ traderetur, posuit maculam in gloria sua, erectus in tyrannidem, vnde mox contraxit infamiam perfecturaturam temporibus diuturnis. Nam Cestrensem Episcopum dominum Walterum de Langtona, regni thesaurarium, & patris executorem præcipuum, executione testamenti penitus impedita, capi fecit & includi, ac Dei timore, & Sanctæ *Episcopum Cestrensis regis mandato in carcerem sine causa coniectum.* matris Ecclesiæ honore postpositis, inhumane fecit tractari eundem. Causa inimicitie fuit, quia dictus Episcopus, patre suo viuente, de suis corripuit insolentiis, & superfluis compescuit ab expensis. Ex causis præmissis infensus Episcopo effrenis iuuenis, eum iqualore carceris coarctauit, & omnibus bonis suis, ac etiam sibi debitis spoliauit, nec erat in regno, qui pro eo verbum facere ausus fuit, tanta fuit bilis iuuenis contra eum. Fecit insuper iustitarios inquirere de persona sua, vt si quicquam inordinatum reperissent, Rex proculdubio ab eo vltra pœnas meritas exegisset. Rationem etiam Rex petiit ab eodem de officio thesaurarii, & tempore suæ ministrationis. Sed Pontifici semper congruis datis ad obiecta responsis, nullo sensu potuit culpabilis inueniri, tandem aspirante diuina gratia, & auctoritate papali mediante ad semi gratiam Regis recipitur, rebus suis omnibus restituitis.

Eodem tempore rex iuuenis reuocauit ab exilio Petrum de Gauerstone, qui dudum *Petrus de Gauerstone reuocatus ab exilio.* tempore patris sui certis de causis assensu communi procerum & magnatum exilio perpetuo fuerat condemnatus. Iste Petrus filius fuerat cuiusdam generosi, sed alienigenæ de Wasconia, qui in obsequio militauerat laudabiliter Regis patris, cuius obsequiū gratia Rex hunc Petrum puerulum in suam suscepit curiam, adiungens eum filio

filio suo curia, cum quo à pueritia adoleuit. Inuenit autem tantam gratiam coram regis filio, ut ipse spretis vel parui pensis magnatum regni filiis, huic solummodo adhereret, eius tantummodo seruitium acceptaret. In tantumque lapsu temporis creuit amor, ut ab eo usque ad mortem saltem animo non posset separari. Ille vero, & si eum facietenus reamaret, eius, ni fallor, munera plus amauit, dum thesaurum & regni iocalia, quæ filii Regis esse debuerant, penes se collegit, & transmarinis mercatoribus ad usus suos proprios tradidit conseruanda. Igitur cum (ut diximus) dictum Petrum ab exilio reuocasset, incōsultis cunctis regni proceribus illi contulit comitatum Cornubiæ, & insulam Man, quæ specialiter spectat ad coronam. Eodem anno tertio idus Octobris tenebatur Parliamentum Northamptoniæ, in quo fuit ordinatum, ut moneta Regis Edwardi patris istius Regis, quæ apud incolas viluerat, post decessum eius curreret more solito, sub pœna vitæ & membrorum. Et quinta decima clericorum, ciuium & burgensium totius terræ, & laicorum vicesima Regi nouo concederetur. Sub eodem tempore capti sunt omnes templarii per totam Angliam præcepto regio vno die, propter plurima inhonesta & enormia fidei catholicæ inimica, super eisdem prius per vniuersum orbem captis reperta & probata, & in diuersis regni castellis incarcerantur. Transit annus iste frugum ferax & fructuum, qui communitati sufficerent, si non nimium recondarent: Francis ociosus, Anglicis & Scotis inquietus. Et super hæc Anglis præcipue flebilis, pro amissione tanti Regis, cui non par in mundo eo tempore habebatur.

Insula Man proprie ad coronam spectat.

Annalis cōclusio.

Natale apud Wy. manerium Abbatis de Bello.

Anno gratiæ millesimo trecentesimo nono, qui est annus regni Regis Edwardi nondum coronati à conquestu secundi, secundus, tenuit idem Rex natale apud Wy, manerium Abbatis de Bello, cum familia multa nimis: paucis post natale diebus transactis, transfretaui in Franciam, ut Regis Francorum filiam in uxorem duceret nomine Isabellam, quæ paulo plus annos duodecim habuit in ætate. Commisit autem regni custodiam Petro præfato, ob quam causam murmur immodicus inter proceres regni succreuit. Nuptiis in Francia apud Boloniam iuxta mare, quibus quatuor Reges interfuerunt, videlicet Rex Franciæ, filius Regis Franciæ, Rex Alemanniæ, & Rex Ciciiliæ, celebratis, solenniter ad regnum Angliæ reuertitur cum vxore. Igitur proceres occurrunt Regi suo coniugique nouæ, & a cunctis elaboratur, quis propensorem honorem impendere possit illis. Occurrit inter cæteros ipse Petrus, quem mox Rex in amplexus specialius admittebat, & familiarius respiciebat. Inuidebant ergo proceres, sed vindictam in tempus aliud differebant. Eodem anno sexto Calendas Martii, die videlicet sancti Matthiæ Apostoli, Rex & Regina cum solemnitate maxima apud Westmonasterium ab Episcopo Wintoniensi, commissione Archiepiscopi Cantuariensis exulantis, magnifice coronatur. In die, quo Rex debebat coronari coram Carolo & Ludouico comitibus patruis reginæ, Iohanne duce Brabantia, & Margareta ducissa, Comite Sabaudia, & multis aliis nobilibus, tractauerunt Comites & Barones regni Angliæ de statu regni, petieruntque à Rege amotionem Petri de Gauerston à regno, sed Rex noluit consentire, idcirco proposuerunt Comites coronationem regiam impedire. Quod Rex intelligens, promisit bona fide se facturum illis in parlamento proximo quicquid peterent, tantum ne coronatio differatur. Interim Rex misit post regale sancti Edwardi in ecclesia monachorum ibidem, in quo post missam est in palatium reuersus, & ad prandium est sessurus. Cancellarius regni & thesaurarius de iure portare debent calicem Sancti Edwardi cum patena, si presbyteri fuerint, ante regem: tradidit autem Rex non quibus debebat, sed voluntarie portiunculas regales sancti Edwardi, puta crucem, sceptrum, virgam, calcaria & gladios, sed coronam Sancti Edwardi tradidit Petro ad portandum manibus inquinatis, ex quo non immerito indignati sunt populus atque clerus. Fuit autem ibi tanta compressio populi, ut quidam miles Iohannes de Blackwel, qui ab antiquo hostis illius ecclesiæ fuerat, sine viatico expiraret. Sed nec Regi coronando, nec Episcopis ipsum coronaturis pepercit violentia populi. Et ideo cum festinatione nimia & quasi sine reuerentia fuit ista solennizatio consummata. Illo die missa in Ecclesia diu post nonam, & prandium in pallatio de nocte sunt finita. P. de Gauerston se intra se continere nesciens, Torniamentum fecit iuxta castrum apud Wallingfordiam proclamari, & tantam sibi militiam ex diuersis partibus aggregauit, quod pene cunctos Anglorum nobiles contra se venientes vilissime conculcauit, inter quos extitere præcipui, Thomas Comes Lancastriæ, Humfridus Herefordiæ, Eymerus Penbrochiæ, & Iohannes Warenniæ, quasi totius regni primores. Hi nempe dure ferentes & Petri superci-

Coronatio.

Proceres petunt, ut Petrus de Gauerston in exiliū mittatur.

Io. Blackwel populi auctoritate oppressus.

Torniamentum.

supercilium & acceptum opprobrium, de die in diem, quomodo Petrum perderent, cogitabant. Transiit annus iste fruges & fructus afferens, quietus à bello Francis, Anglicis atq; Scotis: Magnates indignantur de Petri superbia. *Annalis cōclusio.*

Anno gratiæ millesimo trecentesimo decimo, qui est annus regni regis Edwardi à conquestu secundi, tertius, perpendentes regni magnates, & proceres, alique terræ fideles, Regem in Petrum deperire præfatum, in tantum, vt nullius consilium, nullius consortium, nulliusue solatium curare videbatur, nisi Petri solius, & quod tota regni dispositio fiebat illius arbitrio, nec in regali curia cuiusquam negotia vel promoueri poterant vel expediri sine Petri cōniuentia, indignati sunt pro eo maxime, 10 quod idem Petrus plus dilexit pecuniam quam æquitatem, plus respexit munera, quam causarum qualitates, & ipsam pecuniam, quam nequiter acquisiuit, commisit custodiendam, vel ad vsus suos ampliandam, transmarinis mercatoribus, sicut prius. Et super hæc omnia iusta satis illis accreuit ira, quod viderent se contemptui, & alienigenam, quem nec virtus, nec sapientia commendabant, super se supra merita sublimari, & eis in locis omnibus anteferri: dicebant igitur ad inuicem, videtis quia nihil proficimus, expedit, vt iste tollatur è medio, ne per potentiam inducat extraneos, qui non solum nostras leges, nostras adnullent consuetudines, sed nostrum forsitan tollat locum.

Creuit hæc voluntas indies, & quotidie hoc propositum firmabatur, tandem licet sero, prout moris est Anglicis, cum ad extremam necessitatem peruenerunt, parant erumpere, & Regem super hiis & aliis conuenire. Ad Regem igitur sine strepitu accedentes, rogant humiliter, vt Baronum suorum consiliis tractare negotia regni velit, quibus à periculis sibi & regni imminentibus, non solum cautior, sed tutior esse possit. Annuit Rex votis eorum, & ad parlamentum omnes qui interesse debebant, de consuetudine conuocauit, vbi tractatu diligenti habito, postulatum est à Rege cum instantia, vt liberam Baronibus disponendi quosdam articulos, sibi regnoq; suo nec non Ecclesiæ Anglicanæ vtilis, concederet facultatem. Suspiciatus mox Rex, quo eorum intendebat intentio, quod videlicet vel tenorē magnæ chartæ, vel chartæ de Foresta peteret confirmari, vel certe (quod plus timebat) Petrum de Gauerston ordinarent in exilium destinari, diu tenuit annuere postulatis. Tandem ad importunā cunctorum instantiam consensum præbuit, & iurauit se ratum tenere, quicquid proceres ordinauerint. Consensu Regis habito, Barones sibi sex Episcopos adsciuerunt, & plures de clero prudentes cum multis de communibus discretis viris, qui prædictos articulos ordinarent. Petrus vero de Gauerston in hoc parlamento elatus in superbiam, barones despexit, & conuitia nonnullis intulit, eorumque personas verbis procacibus dehonestauit, tollerauerunt tamen nobiles regni hæc omnia, quia sperabant in proximo vindictam sumere de eodem, sed hoc fieri posse minime credidit dictus Petrus. Hoc anno Robertus Archiepiscopus Cantuariensis ab exilio reuocatur iussu præsentis Regis, qui iam per biennium exulauerat, propter offensam patris sui. Transiit annus iste perexiliter fruges reddens siue fructificans: Anglicis sollicitus 40 & suspiciosus: Scotis & Gallicis ociosus. *Proceres inuidet Petro Gauerston.*
Proceres petunt leges quasdam condendis facultatem.
Insolentia Petri de Gauerston.
Archiepiscopus ab exilio reuocatur.
Annalis cōclusio.

Anno gratiæ millesimo trecentesimo vndecimo, qui est annus regni Regis Edwardi à conquestu secundi quartus, tenuit idem Rex natale apud Windesore cum solemnitate magna. Post natale dominicum, conuenit vniuersa multitudo regni nobilium ad parlamentum Londoniis, vbi communi decreto articuli per Barones dudum prouisi Regi proponebantur, instantibus importune Baronibus, vt Rex ipsas prouisiones confirmaret, & sui sigilli signaculo roboraret, præstaret insuper iuramentum de eisdem prouisionibus conseruandis. Rex vero pro tunc nihil esse ratus denegandum magnatibus, corporale præstitit iuramentum in hac parte, proceribus acquiescens. Quo facto, dominus Cantuariensis Archiepiscopus, Magister Robertus de Winchelsey, mox cum ceteris suffraganeis excommunicationis sententiam in omnes contradictos articulos venientes solenniter promulgauit. His expeditis, articuli in Ecclesia sancti Pauli Londoniis in præsentia prælatorum, magnatum & communium totius regni, rege præsentē publice legebantur, inter quos tenor magnæ chartæ, cum aliis prouisionibus Ecclesiæ & regno necessariis petebatur, & prout dominus Rex pater suus insserat alienigenas à sua curia, regnoque suo pelleret, & malos à se consiliarios amoueret. Et vt omnia regni negotia cum cleri magnatumque consilio tractaret de cetero, nullamque guerram inciperet, vel quocunque extra regnum diuerteret sine consensu communi. Rex autem, & si hæc omnia dura sibi

I & im-

*Petrus Genu-
flexus exulatur.*

*Rex conatur Pe-
trum reducere.*

*Petrus reuocatus
sororem comitis
Glouernia ducit.*

*Proceres aut Pe-
trum in exilium
agi volunt, aut se
rebellaturos mi-
nantur.*

*Petr. in exilium
ablegatur.*

*Petrus in Angliā
reuertitur, & a
rege humaniter
accipitur.*

*Fulgur horren-
dum.*

*Ecclesia de Mid-
leton concrementa-
ta.*

& importabilia videbantur, magnatum tamen præbuit prouisioni consensum, & dictum Petrum in Hiberniam exilio relegauit: sed articulos ceteros nondum effectui mancipauit: gaudebant nihilominus terræ proceres, quod id produxerant ad effectum, vt Petrus cunctis odibilis exularet. Soluta parlamento præfato cunctis cum gaudio ad sua discedentibus Rex mansit tristis, moleste ferens exilium dicti Petri, & disperquirens omni studio, qualiter ipsum posset ab exilio reuocare, communicatoque super hoc cum suis priuatis consilio suggestum est, quod si sororem Comitis Glouerniæ, qui tunc erat iuuenis toto regno dilectus, & sub tutela Regis, præfato Petro daret in coniugem, posset ipsum Petrum ab exilio reuocare intrepide. Rati sunt etiam propter amorem Comitis, pariter & honorem, cuius esset sororius, magnates ceteros eum posse magis æquanimiter tollerare. Igitur cum festinatione maxima missum est in Hiberniam, & Petrus in Angliam est reductus. Nec mora, Rex inter Petrum & dictam sororem Comitis fecit nuptias celebrari, licet multum Comiti displicerent. Exinde Petrus erexit cornua, & plus solito regni nobiles vilipendit. Ne his quidem quieuit, sed Regem adeo eneruauit, ne dicam, infatuauit, vt cor eius auerteret, & voluntatem à pacto, quod pepigerat, ne videlicet tractaret regni negotia sine communi consilio dominorum. Cæpit etiam (sicut prius) indies thesaurum Regis colligere, & negotiatoribus vltamarinis commendare, non quidem ad regios, sed ad vsus suos, & in tantum expilauit Regem, vt non haberet, vnde solueret expensa consueta vel necessaria domus suæ. Nec solum Rex rei familiaris penuria, Petri stultitia laborauit, vel magis avaritia: sed Regina tantum rebus necessariis arctabatur, vt Regi Franciæ patri suo lachrymabiliter quæretur honore debito destitutam. Ob quam causam Rex Franciæ cunctos Anglicos sibi notos pro talium abusionum tollerantia durius increpauit. Inter hæc Petrus spiritu exagitatus superbiæ, regni deridebat proceres, subianabat mediocres iactitando se, sicut prius, ipsis inuitis omnia facturum, nec esset qui suæ voluntatis propositum quomodolibet impediret. Igitur Barones considerantes, quod eorum patientia Petro malignandi præstabat audaciam, concepto spiritu fortitudinis, domino Regi assensu communi denuntiabant, vt vel dictum Petrum à sua propelleret comitiua, articulosque prouisos effectui manciparet, vel ipsi certe in eum tanquam periurum insurgerent pari voto. Durus videbatur hic sermo Regi, qui Petro carere nesciuit, sed magis videbatur imminere periculum, si non suis obtemperaret Baronibus in hac parte. Considerauit nempe suam notabilem paupertatem, & suorum abundas diuitias, suam impotentiam, & eorum vires, & idcirco ad tempus censuit illorum condescendere voluntati. Idcirco plus timore quam amore, plus necessitate quam voluntate coactus, Petrum regnum abiurare permisit, addita Baronibus conditione, quod si vltius in Anglia, vel quacunque terra Regis Angliæ ditioni subiecta potuisset inueniri, illico caperetur, & velut hostis terræ publicus damnaretur. Igitur sub præmissa conditione, dato sibi conducto, Angliæ regnum lugens deseruit. Cuius aduentu cognito, Rex Francorum mandauit regni sui ministris, vt dictum Petrum, vbicunq; possit inueniri, caperent, & commendarent diligenti custodiæ, ne videlicet iterato rediret in Angliam, & filiam suam reginam, regniq; proceres conturbaret. Sed mandatum Regis Franciæ Petrum non latuit, quamobrem regnum Francorum mox deseruit, & intrauit Flandriam, tutas ibidem latebras quasi-
40
turus. Cumque nec illic satis tutum sibi videretur, vagabundus per alia diuersa loca ferebatur, vbique quærens requiem, quam non inuenit, tandem in se reuersus iterum cogitauit regnum Angliæ reuifere, cōcepta fiducia de Regis amicitia & comitis Glouerniæ, cuius sororem duxerat in vxorē. Et assumptis secum alienigenis remeauit in Angliam, & parum ante natale dominicum se Regis obtutibus præsentauit. Rex præ gaudio aduentus sui, iuramēta, pacta, promissa negligens, eum suscepit hilariter, tan-
50
quam cœleste munus, & secum detinuit cum familia sua tota. Hoc anno quarto nonas Septembris parum ante horam 9. ignitegii visum est fulgur horribile, quod durauit per totam noctem sequentem, cum magno tonitru & crebris ictibus circa mediam noctem sequentibus, ita quod sepes & arbores in multis locis suam viriditatem penitus amiserunt. Eadem hora Ecclesia de Middleton in comitatu Dorset Sarum diocesis cū campanili & campanis, ornamentis, libris & munimentis Monachorum dicti loci, eodem fulgure, conuentu ad matutinas existente, combusta & consumpta est: pridie nonas eiusdem mensis ortus est ventus validissimus, quo arbores innumera-
rabiles cum suis fructibus prosterntur, & campanilia de Modeforde & Geuelton ad
terram

terram similiter ceciderunt. Hoc anno Archiepiscopus Robertus excommunicauit Walterum Couentrensem Episcopum, qui noluit in prouinciali consilio respondere, super eo quod ipse fuit iuratus ordinationes seruare Baronum, sed post & contra eas adhæsit consilio Regis, & fecit Petrum de Gauerston reconciliari, & ordinationes infringi, vnde dictus Episcopus ad sedem Apostolicam appellauit, & personaliter ipsam adiuit, & Adam Mirimouth contra eum per Archiepiscopum destinatus. Eodem anno nonis Iunii combusti sunt in ciuitate Parisiensi, iudicio domini Philippi Regis Franciæ quinquaginta quatuor Templarii. Hoc anno Calend. Octobris sub Papa Clemente quinto celebratum fuit concilium apud Viennam, in quo

Templarii ex-
mati.

Templariorum
ordo damnatus.

Decima sexen-
nalis in subsidium
terra sancta.

10 Templariorum ordo damnatus est. Et ante illud concilium per vniuersum orbem generaliter fuit diuulgatum, quod omnes & singuli religiosi exempti, ad ius transirent commune, vnde solus ordo Cisterciensis Papam adiit ante dicti consilii celebrationem pro exemptione sua pristina pacifice obtinenda. Quod & obtinuit donis datis. In isto consilio petita fuit & concessa decima sexennalis in subsidium terræ sanctæ, & annis successiuis soluta. Philippus Rex Franciæ cogitauit vnum de filiis suis Regem Hierosolimitanum facere, & impetrare sibi omnes redditus & proventus Templariorum. Et hac occasione prius multos Templarios in regno suo, & præcipue magistrum magnum ordinis, & alios multos procurauit comburi, & totum ordinem procurauit, & fecit in consilio prædicto damnari. Sed tamen pro-

20 positum suum de eorum redditibus non est consecutus, quia Papa hospitalariis hæc assignauit non sine magnæ pecuniæ interuentu. Deposited nempè fuit contra Templarios, & compertum, quod quando receperunt quenquam ad ordinem, amotis omnibus, exceptis fratribus eiusdem ordinis, adduxerunt illum ad locum priuatum, & totaliter denudauerunt, & tunc vnus accederet ad eundem, & eum oscularetur in posteriori parte, deinde inducetur & cingeretur corrigia de sambuco. Et post crux portaretur, & ibi diceretur sibi, quod crucifixus non est Christus, sed quidam falsus Propheta deputatus per Iudæos ad mortem propter delicta sua, & fecerunt eum ter spueri super illam, & postea proiecerunt crucem ad terram, & eam pedibus conculcari fecerunt, deinde ostenderunt sibi caput cuiusdam idoli, quod

Templariorum
scilicet de quibus
damnati sunt.

30 quotidie adorabant. Et præter hæc depositum est contra eos, quod vitio fœdabantur Sodomitico, statuentes, quod nullus vtatur mulieribus, sed quilibet alterutro, cum voluerit, vnde postea cum factum fuisset concilium prouinciale in Anglia Londoniis contra Templarios super his articulis, quod quidem cōcilium durauit à mense Maii vsq; ad mensem Iunii, in quo Templarii capti & accusati fatebantur famam, sed non factum, nisi vnus vel duo ribaldi in omni statu. Omnes tamen fatebantur finaliter, non posse de sibi impositis se purgare, & ideo adiudicati fuerunt per concilium perpetuæ pœnitentiæ. Ita quod singuli in singulis monasteriis possessionis detruderentur pro perpetua pœnitentia peragenda, qui postea in huiusmodi monasteriis bene per omnia se gerebant. Cum in concilio Viennensi tractaretur, an propter vocationem singulorum personarum ordinis Templariorum, vel propter acta contra eosdem posset totus ordo damnari propter singularium delinquentium vocationes, cum constaret, quod dictus ordo non fuerat vocatus, definitum fuit per dictum concilium, quod non de iure. Ideo Papa Clemens in bulla sua condemnatoria ordinis adiecit hanc clausulam. Quamquam de iure non possumus, tamen ad plenitudinem potestatis dictum ordinem reprobamus. Transit annus iste mediocriter fruges ferens, fructus quoque proferens: Anglicis nunc quietus, modo sollicitus: Francis pacificus: Scotiæ ociosus.



Annalis etc. infra.

Anno gratiæ millesimo trécentesimo duodecimo, qui est annus regni Regis Edwardi à conquestu secundi quintus, tenuit Rex Natale domini Eboraci, cui inter-

50 fuit Petrus de Gauerstone, quondam Comes Cornubiæ, cum suis alienigenis, Rege gaudente, quia receperat Petrum sanum, tota curia cum Regina mœrente, eo quod Regem cerneret male sanum. Post natale rumore ventilato per Prouinciam de Petri reuersione, tota patria merito commouebatur, maioribus & minoribus perpendentibus, non dum quicquam suum ingenium, sensum, consilium, vel prouisionem præualuisse, vt dictum Petrum arcerent à regia comitiua, indignati sunt igitur regni potentes, & disperquirunt, qualiter meliori modo possint cum communi consilio finem imponere futuræ turbationi. Bellum nempe in patria suscitare timebant, Regemque inquietare publice verebantur. Tamen librato vtrō-

Natale celebra-
tum Eboraci.

Proceres capiunt
consilium de sol-
lando Petro de
Gauerston.

I 2 abun-

abundare thesauro, vel regina gaudere Regis amore debito. Cumque diutius præterita, præsentia vel futura pericula ponderassent, tandem reperto consilio, statuerunt omnia extrema citius experiri, quam ut hætenus per alienigenam vilipendi. Eligunt ergo ducem pro futuro negotio dominum Thomam de Lancastria thesauro diuitem, stirpe nobilem, armis strenuum, moribus & iustitia præpollentem, cuius originem hic retexere dignum duxi. Henricus Rex Angliæ tertius à conquestu ex uxore legitima duos suscepit filios, Edwardum primogenitum, & Edmundum. Edwardo sibi suocessuro contulit Cestriæ comitatum, Edmundo iuniori filio consularum Lancastriæ assignauit. Et post cum comes Leicestriæ, Simon de Monte forti, & Comes de Ferariis occubuissent in bello contra Regem moto apud Euesham, 10 & eorum comitatus ad manum Regis fuissent per eskeatam deuoluti, Rex prædicto Edmundo vtrunque contulit consularum, sibi & heredibus suis iure perpetuo possidendum, quilibet tres comitatus, videlicet Lancastriæ, Leycestriæ, & de Ferariis obtineret, nomen tamen Lancastriæ retinuit sibi semper. Duxit autem in uxorem mulierem nobilem, quondam Regis Nauarræ coniugem, nuper viri solatio destitutam. Cuius filia heres effecta Nauarræ, filio & heredi Regis Franciæ maritatur. Quamobrem ex tunc regnum Nauarræ regno Franciæ est vnitum. Genuit autem ex dicta domina Thomam de Lancastria, de quo fit sermo, & duos alios filios nobiles, Henricum scilicet & Iohannem. Qui omnes ex parte matris eorum fratres erant reginæ Francorum. Igitur cum Edmundus in senectute bona hominem 20 exuisset, Thomas iure hereditario comes Lancastriæ, Leycestriæ, & de Ferrariis est effectus. Processu temporis dictus Thomas filiam vnicam comitis Lincolnici desponsauit, videlicet Henrici de Lacy, unde de magno maior effectus, post decessum dicti comitis Lincolnienfis, qui etiam & Sarisburici comes fuit, quinque comitatuum dominus existeret. Comes vero Lincolnici memoratus, cum propinquasse cerneret terminum vitæ suæ, vocato Thoma genero suo, monuit ut cogitaret, quomodo Deus eum præcunctis in regno ditauerit, honorauerit, & gloria fecerit abundare. Quapropter, ait, & Deum diligere & honorare præ ceteris obligaris. Cernis sanctam Ecclesiam Anglicanam honorabilem quondam & liberam, per Romanorum oppres- 30 siones & Regum huius regni iniustas exactiones (proh dolor) ancillatam: vides & plebem regni tributis & tallagiis apporiatam, & de conditione libertatis in seruitutem actam. Cernis regni nobilitatem (quandoque toti Christianitati venerabilem) iam ab alienigenis in terra propria vilipensam. Adiuro te igitur per nomen Christi, ut virum induas, exurgas, & erigas te ad honorem Dei & Ecclesiæ, & patriæ liberationem, adhibeasque tibi virum strenuum, nobilem & prudentem, Guidonem Warwicensem comitem cum necesse fuerit de regni tractare negotiis, qui & consilio præeminet, & maturitate pollet. Non verearis insurgentes aduersitates tibi dimicaturum pro veritate. Si his meis monitis acquieueris, in æternum honorem & gloriam consequeris. Cum Comes verulus fecisset finem huiusmodi monitis, sæculo valefecit, cuius corpus in Ecclesia sancti Pauli Londoniis est humatum. Igitur Tho- 40 mæ Lancastriæ Comiti pro releuanda sanctæ matris Ecclesiæ oppressione & recuperanda regni debita libertate adhæserunt viri nobiles, Humfridus de Boun Comes Herefordiæ, Aymerus de Valentiis Comes Penbrochiæ, Guido de Bello Campo Comes Warwici, Comesque Arundeliæ cum multis aliis Baronibus, quorum nomina scribere longum foret. Comes vero Marescallus, qui viuacissimus fuit exactor libertatum, iam dudum mortuo Comite de Hereford seniore, cernens se solum non posse proficere in præmissis, cum herede careret legitimo, timore ductus est, ut superius dictum est, regem Edwardum patrem istius constituit heredem suum, sed ipso post modici temporis interuallum sublato de medio, Rex dictum comitatum intrauit, & domino Thoma de Brotherdon filio suo ex secunda regina genito, 50 fratri Regis huius dimidio Comitatum Marescalli donauit, iure perpetuo possidendum. Gilbertus Comes Glouerniæ ætate iuuenis, quia nepos Regis erat natus ex sorore sua, nec Regem volebat offendere, nec paribus deesse, in petendis libertatibus mediatorem se exhibuit pro bono pacis. Comes Warenniæ, qui diu fluctuauerat, & fauerat parti regis, per Cantuariensem Archiepiscopum introductus suis paribus iam consensit. Comes igitur de Lancastria dux electus, regni nobilium communis decreti sententia, honorabiles misit domino Regi nuntios, qui moram traxit tunc temporis Eboraci, deprecans per eosdem ex parte communi, ut vel dictum Petrum eis traderet, vel, ut ordinatum fuerat, regnum euacuare præciperet. Rex vero sinistro ductus

*Genus Thomæ
Lancastrensis.*

*Quinq; comita-
tuum dominus.*

*Oratio comitis
Lincolniæ adge-
nerum.
Romanorum op-
pressiones.*

*Comitum effi-
ratio ad libera-
dam temp.*

*Legatio Lanca-
stria ad regem de
remouendo Petro.*

- ductus consilio, & tales supplicationes parui pendit, & ab Eboraco recessit, & donec peruenit ad nouum castrum super Tynam non quieuit, vbi vsque ad festum Ascensionis dominicæ perhennauit; Regina apud Tynemutham interim commorante. Itaq; non tam despectum quam delusum de consensu communi collegit exercitum; *Proceres arma capiunt.* & versus nouum castrum cum proceribus memoratis cum omni celeritate direxit iter, non quidem vt domino suo Regi quicquam iniuriæ vel molestiæ irrogarent, sed vt ipsum Petrum captum secundum leges communiter æditas iudicarent. Cumque Rex audisset barones cum armis & exercitu aduenturos, quasi proscriptus aut exul fuisset, fugit cum dicto Petro celeriter Tynemutham aduentantibus, atque
- 10 cum suis baronibus ad nouum castrum, & de facili ingressum obtinentibus, illico Rex quandam nauem petiit. Et quamuis regina tunc prægnans plena lachrimis supplicaret, vt secum moram faceret, nihil omnino compassus eidem, assumpto Petro, Scardeburgiam nauigauit. In quo quidem loco castrum Regis habebatur fortissimum, sed nec armis nec victualibus communitum. Rex autem præcepit suis, qui erant in castro, vt custodiam Petri susciperent, & castellum victualibus instaurarent, dum ipse ad partes Warwichiæ se transferret. Barones itaque cognoscentes fugam Petri, equos & arma, & bona cetera, quæ Petrus reliquerat, in nouo castro appreciari fecerunt, & loco tuto seruari, dehinc post Petrum lora dirigunt sine mora, cum autem ad castrum de Scardeburgh peruenissent, tentoria fixerunt ibidem, sed cum ad-
- 20 uertissent nullum adesse impedimentum in patria, quo minus castrum expugnare valerent, Thomas cum suis exercitibus recessit à loco, ne forte multitudo victualibus arctaretur, dimissis ibidem ad expugnationem castri, Comitibus Penbrochiæ, & de Warennæ, qui facientes insultum, custodes in breui adeo fatigarunt, vt resistere vel defendere se nequirent. Tunc Petrus cernens se non posse fugere, eisdem se reddidit, sub conditione, quod simpliciter (omni exceptione seclusa) staret ordinationi baronum, nihilq; postulauit aliud, nisi vt domini sui Regis saltè semel frui colloquio copiam sibi darent. Rex vero audiens Petrum captum, rogauit vt colloquio eius potiretur: precatus est insuper, vt eius vita saluaretur, pollicens eo pacto se magnatum votis in omnibus satisfacturum, quam quidem pollicitationem ample-
- 30 ctens Comes Penbrochiæ, suasit baronibus, vt hanc petitionem Regi concederent, promittens se sub pœna amissionis terrarum suarum omnium, saluo seruaturum dictum Petrum, donec habuisset cum Rege colloquium, & ex post baronum arbitrio commissurum. Concesserunt ergo dicto comiti Petri custodiam, eisdem die & loco præfixis sine fraude restituendum. Comes autem Petrum ad partes Wallingfordiæ proposuit perduxisse, sed cum declinasset ad villam de Dadington prope Warwicum, comes commisit suis Petri custodiam, ipso coniuge sua Comitissa in vicino pernoctaturo. Quod comperiens comes Warwici, cum magno strepitu & armatorum multitudine superuenit, & eadem nocte de manibus famulorum comitis Penbrochiæ Petrum rapuit, & ad castrum suum duxit. Cum igitur foret ibi quædam ambiguitas, quid esset faciendum de Petro, vtrum foret utilius mox eum neci tradere,
- 40 an regiæ voluntati reddere, quidam vir astutus & profundi consilii sic respondit: prædam (inquit) quam diu insecuti sumus, & non sine labore iam cepimus, superuacuum foret iterum foras quærere, si eam penes nos possemus quomodolibet detinere, pensare debemus viri scelera, & per eum patriæ illata damna, quæ semper sequebantur verba ridicula, superba responsa. Recolere quoque fas est labores publicos & priuatos, expensas innumeras, vexationes varias, vix vnquam terminabiles, quæ sustinuiamus ante prædam captam, & idcirco decerno, vt nunc solus prius moriatur hic homo, quam per guerras amplior turbatio crescat in regno. Assentiunt vniuersi viri consilio, & Petrum eiiciunt de ergastulo, capite plectendum communi iudicio. Du-
- 50 citur ergo Petrus ad locum Blakelowe vocitatum, & tanquam legum subuersor, & publicus regni proditor capite truncatus est. Et qui quondam vocauerat Guidonem Warwici Comitem, nigrum canem de Arderina, iam iuxta comitis vaticinium morsus amarissimos sensit eiusdem. Cadauer Petri per fratres Prædicatores Oxoniam est delatum, & inter eosdem plus biennio conseruatum, donec Rex illud ad manerium suum de Langley transferri fecisset, & in Ecclesia fratrum Prædicatorum, quos ibidem constituit de regio fisco victuros, & pro anima Petri & regionum progenitorum celebraturos honorifice condidisset.
- Magnates regni modo præfatos de Petro consecuto proposito, miserunt ad Regem, proterue postulantes prouisiones suas per eum confirmari, & effectui demandari, *Proceres petunt quosdam articulos confirmari.*

*Legati Pontificii
& principes inter-
cedunt pro pace.*

dari, comminantes, nisi maturius ista faceret, ad ipsum venirent, & præmissa comple-
re cogerent manu forti. Nec segnius impleuere legationem, sed continuo viribus
adunatis totam patriam circa Dunstapliam occuparunt, Rege Londoniensi existente.
Cernentes autem regni prælati vna cum Gilberto Comite Glouerniæ talem dissen-
sionem Ecclesiæ regniq; periculofam, totis viribus insistebant, vt pax reformaretur,
& pars vtraq; quictior esse posset.

*Proceres Papæ
gatos reiciunt.*

Obferua.

*Pax inter regem
& proceres.*

*Regi nascitur fi-
lius Edwardus.*

*Proceres probi-
bent, ne puer re-
gis Franciæ no-
men referret.*

*Eclipsis luna.
Annalis obclusio.*

*Natale celebra-
tur apud Win-
desore.*

*Discordia recu-
desit inter regē
& proceres.*

*Parliamentum
Londoniense.*

*Rex queritur in-
iurias sibi à pro-
ceribus illatas.*

Eo tempore venerunt cum regni pontificibus & dicto Gilberto Comite nuncii
Papæ duo, ad sanctum Albanum, vt ibidem hospitati, facilius possent ferre & referre
partis vtriusq; responsa: vnus illorum Cardinalis exstitit tituli sancti Priscæ, qui quon-
dam Abbas fuerat montis frigidi in Walconia, de ordine Cisterciensi, & Vicecan- 10
cellarius modo Papæ: alter vero fuit Episcopus Pictauiensis, & postea Cardinalis.
Hii quosdam clericos præmiserunt de sancto Albano ad villam de Wathamstede, v-
bi tunc erant Barones cum suis exercitibus, cum literis summi Pontificis eis pro pa-
ce roganda directis. Magnates audientes extraneos eis literas apportasse, ipsos qui-
dem pacifice receperunt, sed literas recipere noluerunt, dicentes se non esse literatos,
sed armis & militia exercitatos, & ideo videre literas non curarunt. Tunc qui
qui missi fuerant, requisierunt, si placeret eis habere colloquium cum dominis suis
domini Papæ nuntiis, qui pro pace reformanda personaliter accedere cupiebant. Ad
hæc proceres responderunt se in regno multos habere probos & literatos Episcopos,
quorum consiliis vti volebant, & non extraneorum quibus non esset cognita causa 20
commotionis suæ, præciseque dixerunt, se nullo modo permissuros, vt aliquis alieni-
gena vel forensis intromitteret de factis suis aut quibuscunque negotiis eos tangen-
tibus infra regnum. Nuntii domini Papæ tali modo perterriti, in crastino summo
mane iter versus Londonias maturarunt, qui apud sanctum Albanum (loci commo-
ditate illecti) moram traxisse per mensem vel amplius cogitauerant. Episcopis
vero regni cum Gilberto Comite sic intercurrentibus, sic satagentibus, sic de-
mum mediantibus, res est temperata, quod barones thesaurum & equos, & cun-
cta iocalia, quæ dicti Petri fuerant, & apud nouum castrum ceperant, domino Regi,
vel eius attornato apud sanctum Albanum viuenti restituerent, & tunc dominus Rex
eorum petitiones perduceret ad effectum. Venientibus igitur ad sanctum Alba- 30
num Iohannem de Sandale regni thesaurario, & Ingellardo de Warle custode
Garderobæ regis, iuxta conditum sunt omnia restituta. Hoc anno Isabella re-
gina peperit Regi Angliæ filium suum primogenitum die sancti Bricii apud Win-
desore villam Regis, & licet ibidem tunc præsens esset Ludouicus filius Regis
Franciæ, dictæ Reginæ frater, & multi magnates Franciæ sexus vtriusque, volui-
sentque imposuisse pusiolo nomen Regis Franciæ, magnates Angliæ hoc permit-
tere noluerunt, sed eum nomine patris sui vocauerunt Edwardum, in cuius ortu
tota Anglia ingenti plausu lætata est. Et pater eius tam hilaris est effectus, vt dolo-
rem, quem de morte Petri conceperat, temperaret. Ab illo die Deo disponente cre-
uit amor filii, & euauit in eius corde Petri memoria, & Rex voluntati suorum pro- 40
cerum facilius solito condescendit. Eodem anno die Iouis in crastino sanctæ Lu-
ciæ virginis eclipsis lunæ incepit in noctis crepusculo, & per trium horarum spa-
tium perdurauit. Transit annus iste fruges produciens, & fructus faciens: sed tam
rarus exstitit, vtrinque Gallicis Scotisque tollerabilis: Anglis varius, sollicitus & for-
midolosus.

Anno gratiæ millesimo trecētesimo decimo tertio, qui est annus regni regis Ed-
wardi à conquestu secundi, sextus, tenuit Rex natale apud Windesore, cum
multi nobiles ex Galliis interfuerunt, susurrone inuasi, & detractores Deo odibiles.
Per hoc tempus regni Barones criminari penes Regem toto conamine insistebant,
& ipsius Regis animum in odium conuertere eorundem. Effecerunt igitur, vt Rex 50
eorum consilia parui penderet, & ab eis affectum auerteret, & cultum debitum &
consuetum. Factum est igitur, vt rancor inueteratus inter Regem & proceres fomen-
tum reciperet rediuuium, & quicquid vni parti placuit, alteri displicebat. Anno sub
eodem citati sunt ad parliamentum Londoniense faciendum cuncti magnates, & qui de
consuetudine citari debuerant, vel de iure. Cunctis igitur clericis congregatis, & lai-
cis, dominus Rex grauem deposuit querimoniam de contemptu suo, & damnis sibi
illatis per Barones dudum apud Nouum castrum super Tynam, & quod plus doluit de
captione Petri, & impia trucidatione perpetratis per eosdem Barones. Barones ve-
ro ad has querelas vnanimiter responderunt, se in præmissis nullatenus deliquisse,
imo

imo potius regis gratiam & amorem promeruisse, cum non in contemptum regium contraxerunt pro tunc exercitum, sed vt regni inimicum publicū multotiens per cōmuniatem Angliæ ex duorum regū assensu extrabannitum destruerent, per quē lassa fuit in immensum fama regia, per quem expilabatur non solum regis sed regni substantia, per quem suscitata fuerat inter regem & suas naturales dissensio periculosa. Et addiderunt, se velle videre finem negotiorum circa quæ plura expenderant, grauius laborauerant, & se & suos minis vexauerant; nec profecerant ad hoc tempus. Dicebant insuper, nolle vanas promissiones & infructuosas, cuiusque de cætero præstolari. Eoque perducta est Baronum animositas ista vice, vt citius mori præligerent, quam vt hætenus ridiculose differri. Quod videns Regina cum Prælati regni, & comite Gilberto Glouerniæ, sollicitè intercurrerant, partium animos diligenter sedare studebant, & pacem facere totis viribus satagebant. Et factum est per laudabilem mediationem eorundem, vt tali pacto rancor regius conquiesceret, si videlicet ipsi Barones cum suis assentatoribus in aula Westmonasterii, & pleno parlamento venirent, & se humiliarent domino suo regi, & de his in quibus ipsum offenderant veniam precarentur. Et dominus rex eosdem ad gratiam & firmam pacem sine fictione reciperet, & vt ligios & fideles in amore suo tractaret de cætero & foueret, articulosque petitos ad finalem effectum perduceret, nec pro morte Petri quenquam impeteret, sed chartam cuiuslibet exigenti de indemnitate concederet. His itaque utrobique peractis, magnates regis considerantes indigentiam, sponte illi quintum decimum denarium bonorum temporalium concesserunt, & sic à dicto parlamento cum gaudio & pace recesserunt. Eodem anno magister Robertus de Winchelsey Cantuariæ Archiepiscopus, qui toto suo tempore nobiliter rexerat Anglicanam ecclesiam, & in temporibus duorum regum firmiter steterat cum magnatibus pro repetendis regni libertatibus, hominem exuens, migravit ad Christum. Quo sepulto, monachi primæ Metropolis Cantuariæ magistrum Thomam de Cobham virum supereminens literaturæ, multisque virtutibus redimitum in pastorem regi præcipuū concorditer elegerunt, quamuis Papa priusquam dictus Robertus secessit in fata, illius honoris collationem sibi met releruasset. Dictus vero Thomas electioni de se factæ consentiens, Anniuniam (vbi tunc erat curia) properauit, petiturus confirmationē electionis suæ. Et licet non potuisset inueniri in electi persona vitium, summus tamen pontifex electionem suam post reservationem sibi factam omnino nullam esse pronunciauit. Et quia constabat Papæ ecclesiam Anglicanam multis laborare tribulationibus cogitabat, sollicitè providere Ecclesiæ viduatæ de viro, per quē vexationes melius sedari possent. Habito super his tractatu provide, tandem in dominū Walterum Reynalde Wigorniensem Episcopum domini regis Cancellarium oculos, dirigebat considerans nimirum quantam gratiam coram domino rege præ cæteris regni prælati inueniebat, quam mature se in suo officio Cancellario, & quam sapienter habebat, quanta discretione motus & rancorem inter regem & proceres temperabat, sperans talem virum Ecclesiæ & regno plurimum profuturum. Huic igitur honorem Cantuariensis Ecclesiæ gratis cum pallio conferebat. Dicto vero magistro Thomæ spem promotionis honorificæ habere iussit. Prædictus vero Walterus honorem sibi collatum reuerenter suscipiens, accessit ad Ecclesiam Cantuariensem dominica Quinquagesimæ, quæ tunc erat tertiodecimo Calendas Martii, vbi eodem die post consecrationis suæ solemnia, conuiuium splendidissimum domino regi & regi nē multisque magnatibus causa ipsius illuc accedentibus præparauit. Hoc anno obiit dominus Guido de Bello campo, comes Warwici, qui in parlamento ultimo consilio regio fuerat deputatus, sed priuati regis inuidentes ei (vt dicitur) eū impocionauerunt. Eodem anno rex & regina miserunt se in mare versus Parisius cum multis terræ nobilibus, & interfuerunt Parisius coronationi domini Philippi filii regis Franciæ in regem Nauarræ ibidem creati die Pentecostes. Transit annus iste nec satis frugifer, nec abundans fructibus: Angliæ multipliciter varius: nunc nubilus, nunc serenus, nunc turbidus, nunc amœnus: nunc pacificus, nunc inquietus: suspiciosus regi & suis assentatoribus: sollicitus plebi, terræ, regni que proceribus: Franciæ pacificus: Scotis otiosus: Inimicis crucis Christi in terra sancta à Christianorum bellis (proh dolor) expeditus.

Defensio protestantium.

Regina & prælati pacem conciliant.

Obiit Archiepiscopus.

Thomas de Cobham elegitur in Archiepiscopum.

Papa electionem repudiat.

Walterus Reynaldus Archiepiscopus Cantuariensis proficiscitur ad papam.

Rex & regina interfuerunt consecrationi Archiepiscopi.

Rex & regina interfuerunt coronationi regis Franciæ.

Annalis cōtēptus.

Anno domini millesimo trecentesimo decimo tertio, qui est annus regni regis Edwardi à conquestu secundi, septimus, tenuit rex natale Lodonis. Hoc anno Scoti intrantes Northumbriam, prædabantur patriâ, trucidabant incolas, & villas plurimas incendebant.

incendebant. Eodem anno Papa Clemens diem clausit extremum, qui prius fuerat Archiepiscopus Burdegalensis, & vacauit sedes per biennium. Successit autem ei Iacobus Episcopus Anniuoniæ, & vocatus est Iohannes. Rex venit in vigilia Palmarum ad sanctum Albanum, & obtulit beato martyri quandam crucem auream diuersorum sanctorum reliquiis insertam, & lapidibus preciosis, commendans se & suos necessarios eiusdem sancti tutelæ & precibus monachorum. Cumque suggestum fuisset ei, quod pater suus chorum sancti Albani renouasse proposuerat, desiderium patris explere, gestiens contulit mox centum marcas argenti, & maremium apud Dynesleyam querendum ad opus illud, iubens vt pecuniæ nullo modo parcerent, quin opus illud ad honorem Dei & beati Albani Anglorum prothomartyris irreprehensibiliter consummarent. In crastino diei Palmarum rex iter versus insulam Eliensem arripuit, vbi solemnitatem Paschalem tenuit nobiliter & festiue: Quo tempore, Elienses mentientes se corpus habere sancti Albani Anglorum prothomartyris, manifestissime confutauit coram regni nobilibus & monachis dicti loci, iam cum ad alleuiandum moram suam in monasterio oculis diuersa subiceret, phanaque videre vellet ibidem, tandem incidit menti eius, vt videret quid esset contentum in feretro quod beati Albani vocant, in ecclesia memorata. Dixitque episcopo qui tunc aderat Eliensi: scis (inquit) quod fratres mei apud sanctum Albanum corpus eiusdem martyris putant veraciter se habere, & in hoc loco dicunt monachi se dicti sancti corpus tenere: per animam (inquit) Dei, volo videre in quo loco reliquias sancti corporis de beo potissimum venerari. Cumque præsul verba regis Priori & fratribus retulisset, illi velut exangues effecti, quid responderent, quid facerent nesciebant, ex vna parte timētes amittere tantum thesaurum, si verum esset quod apud eos foret, ex altera conuinci de mendacio metuentes, quia hoc prædicauerant se habere. Nesciebant enim pro tunc quid in dicto feretro continebatur. Episcopus videns suorum cōsternationem, animauit eos, monens vt considerent, quia non ad auferendum tantum thesaurum, sed venerandum, rex aspectum reliquiarum requisivit. Ventum est igitur in ecclesiā, & feretrum solutum & apertum est per quendam monachum, Alanum de Walsingham dictum, qui postea proficientibus meritis Prior factus est illius ecclesiæ, qui & ipse peritus erat in opere aurifabrilis, & ideo ad soluendum feretrum tunc vocatus. Rex vero cum vidisset cunctos clauos extractos, & feretrum patefaciendum, accessit & leuauit operculum manu sua. Et ecce vident Locellum illum à summo vsque deorsum, quodam panno villosus ita occupatum, vt nihil posset aliud continere. In superiori vero parte vestimenti, conspiciunt cruoris coagula dense respersa, ita noua, ita recentia, quasi pridie fuissent effusa. Constat hanc vestem fuisse Caracallam quam sanctus Albanus in conuersione acceperat à sancto Amphibalo magistro suo in signum religionis, in quo idem martyr sententiam subiit capitalem. Et fas est credere quod ad honorem sancti, diuino miraculo sanguis eius sic in hac veste seruatus, sicut in puluere sui sepulchri per multa secula legitur conseruatus. Cuius pulueris massam in qua rubebat adhuc sanguis martyris, sanctus Germanus Altissiodorensis episcopus secum abstulit, & detulit ad natale secum Altissiodoro, capellam construens in honorem martyris memorati. Rex igitur & omnes assistentes, de tanto miraculo stupefacti, proni corruerunt in terram. Et facta est non parua hæsitatio quis accederet ad deponendum operculum & feretrum contingendum. Tandem rex ipse cæteris animosior, operculum detraxit ad locum suum, & tunc primo cognouerunt Elienses quid de sancto Albano haberent, quid non haberent, cum oculata fide cernerent in dicto feretro præter Caracallam nihil omnino contineri. Rex vero hilarior effectus de rei comperta veritate, dedit illic dona varia, residuum temporis quo mansit ibidem ducens in summa lætitia, frequenter conferens de merito martyris Albani & gloria, & iudicans nō sine diuina factum prouidentia vt in duobus locis tam celebribus specialis veneratio martyris haberetur. Et ait Eliensibus, gaudete de Dei munere, gaudete de tanti martyris meritis & sanctitate, quia si prout dicitis, hic Deus per illum plura facit miracula ratione vestis, credatis quod apud sanctum Albanum ampliora facit miracula ratione corporis illic sanctissimi quiescentis. Rex de insula Elyensi transiuit Lincolniam, deinde ad Eboracum & nouum castrum super Tynam, Berewicum perueniens, expectauit ibidem omnes qui sibi debebant seruitium militare, cunctisque illuc peruenientibus qui sibi huiusmodi debebant seruitium, præter Thomam comitem Lancastræ, & comites Warenniæ, Warwichiæ, & Arundeliæ, qui venire volebant, eo quod articulos petitos totiens & concessos ad effectum detraxerat perducere.

Iohannes succedit.

Elienses mentiti sunt se sancti Albani corpus habere.

Rex falsi Albani corpus intueri vult.

Villosus pannus pro corpore inventus. Mendacium a lud alio excusatum.

Caracalla Albani.

Grossa cæcitia.

Rex in Scotiam properat.

cere. Disposuit militiæ suæ turmas, & ad obsidionem castrî de Striuelin dissoluendam cum grandi exercitu maturauit. Cumque fixisset prope locum tentoria, quidam de regis Anglorum exercitu equitationes coram cuneis Scotorum facientes, ipsos atrociter prouocabant, quibus illi viriliter occurrentes, multos Anglorum nobiles die Dominico in Sancti Iohannis Baptiste vigilia peremerunt. Quo casu Anglici exacerbati, in crastino vindicari firmiter proponebant, cumque dies illuxisset crastinus ad pugnam se vterque exercitus preparabat. Circa vero horam diei tertiam appropinquantes sibi vtriusque partis acies, iuxta rei militaris regulam turmas ad præliandum disponunt. Duces Anglorum pedites cum arcubus atque lanceis in prima com-
10 ponunt acie, equites diuersis alis retro constituunt. Ex parte vero Scotorum omnes erant pedites, eo quod in bello commissso quondam iuxta Fenkyrken non proptere cessisset equitibus eorundem, qui deserta pugna fugerunt, pedites in prælio deferentes. Robertus de Brus qui se regem Scotorum nominauit, pedes Scotorum præcessit exercitum, dans suis exemplum, vt nemo de fuga cogitaret. Cumque iam ventum fuisset ad manus, vt confligerent collidentibus cateruis ad inuicem, plures attoniti, multi saucii, multique mortui currerunt, ibi lancearum confractarum fragor horribilis, ensium in cassides vibratorum tinnitus terribilis, securum Scoticarum vis intollerabilis, sagittarum & spiculorum in vtramque partem missorum nubes formidabilis, etiam bene cordatos poterant terruisse. Congeminatio ferientium,
20 vox cohortantium, strepitus conclamantium, gemitus morientium poterant vltra quam dici fas est procul audiri, variante fortuna vices dum certatum est, nec poterat per longum discerni tempus, quæ pars potior videretur. Tandem sæuiente Bellona, discrimini patuit pars Anglorum. Quod cernens Gilbertus comes Glouerniæ, velut aper infrenduit, & feritate concepta, cum suis commilitonibus in Scotos irruit, quorum quosdam mucrone mutilat, truncat & trucidat, & gladium suum cruore Scotico multipliciter madefacit, quemcunque gladio feriebat vel caput illi vel membrorum aliquod amputabat. Cernentes Scoti tam sæuum aduersarium suis tam crudeliter insistentem, conglobati concurrunt suorum succursui, circumuallantes Gilbertum ex omni latere, conuertuntque in eum pondus prælii, lateribus eius ap-
30 plicantes cuspides lancearum & ensium, hinc inde impingentes eum tot viribus, tanta feritate, donec ad terram caderet suis viribus destitutus, tunc rabidi & inhumani Scoti caput eius securibus bifacutis & gladiis tundunt, pungunt, & feriunt, donec inter pedes sonipedum spiritum exhalaret. Quod videntes sui famuli, fugore festinarunt.

*Bellum Scrinib-
nense.*

*Prælium atro-
inter Anglos
& Scotos.*

*Comes Glouerniæ
in medios hostes
irruit.*

Gilbertum casum.

Nobilis etiam baro Robertus de Clyfforde cum multis aliis viris nobilibus in hoc funesto conflictu peremptus est, ceciderunt nempe die illo dominus Paganus Typotette, dominus Willielmus Mareſcallus, dominus Ægidius de Argenten, dominus Edmundus de Maule, cum multis aliis quorum nomina præsentibus inferere longum foret, ad numerum videlicet, & scutiferorum septingentorum. Comites
40 de Hereford & de Penbroke videntes suorum plagam terga verterunt, sibi fugæ præsidio consulturi. Sed Comes Herefordiæ in fugiendo captus est iuxta castellum de Bosuilla: capti sunt autem & in custodia detenti barones & baronetti viginti duo, milites sexaginta octo, clerici & scutiferi numero excessiuo, de quibus dominus Rogerus de Northburghe, custos targiæ domini Regis, quæ ab eodem ibidem per Scotos est ablata, in captiuitate ductus. Summa vero totalis, tam comitum, baronum & baronettorum, quam militum interfectorum & captorum ibidem centum quinquaginta quatuor. Interea dominus Radulphus de Mounthemer, qui desponsauerat dominam Iohannam de Acres comitiſſam Glouerniæ & regis præsentis sororem, captus fuerat apud Striuelin, inuenit gratiam in oculis Scotorum, ratione cuiusdam familiaritatis cum Rege eorundem quondam in curia Regis Angliæ habitæ casu fortuito, ita quod redemptio sua fuit sibi perdonata. Qui in Angliam rediens, tergiam domini Regis, modo quo permittitur, à custode eiusdem ablatam per Scotos, secū vsu ipsius reportauit, ratione præuia ex toto nihilominus interdicto. Rex vero cū ardenter cuperet vindicari, & instaret ad fundendum Scotorum sanguinem, à suis tamen de loco discriminis inuitus educitur, & ad fugiendum compellitur, pro tanto infortunio gemebundus. Commissum est autem istud cruentum prælium iuxta castrum de Striuelin, in loco qui Bannekemora vulgariter appellatur, Scotorum tripudio, luctui Anglicorum, qui ab hoc die creuit Scotis animus & audacia, Anglis timor & vecordia, vt in sequentibus plenius apparebit. Cum autem Gilbertus comes

*Nomina & numerus
casorum.*

*Comes Herefor-
diæ captus.*

*Radulphus de
Mounthemer
liberatur.*

mes Glouerniæ tam infausto conflictu tam lamentabiliter corruisset, & nullum superstitem masculini sexus reliquisset hæredem, expectatum est per duos annos si Comitissa coniux sua fortassis impregnata fuisset, sed cum frustra præstolatum fuisset biennale tempus super huiusmodi euentu, diuisa est hæreditas inter tres sorores comitis supradicti, quarum primam duxit in vxorem dominus Hugo de Spencer, secundam vero dominus Hugo de Audeley, quam prius habuerat dominus Petrus de Gauerstone quondam comes Cornubiæ. Tertiam vero duxit dominus Rogerus de Tamar, quam prius desponsauerat dominus Iohannes de Burgo, filius & hæres comitis Ultoniæ de Hibernia: & sic diuisus est comitatus nobilissimus in tres baronias, qui quondam dicebatur & erat altera regni columna. Igitur post bellum de Striuelin Robertus de Brus interfectorum spolia fecit colligi, quæ suis stipendiariis & his qui pro suæ partis defensione dimicauerant, distribuit larga manu. Captiuosque quos ceperat tam ciuilitè tractari fecit, tam honorifice custodiri, quod corda multorum in amorem sui indiuisibiliter commutauit. Corpora comitis Glouerniæ & baronis de Clifford regi Angliæ apud Berewicum moram trahenti transmisit sine pretio, sepelienda regia voluntate. Et cum comes Herefordiæ, dominus Humfridus de Boun (ut præmittitur) captus fuisset, deliberatus est, facta commutatione pro dicti Roberti de Brus coniuge, quæ iam diu in custodia regis Angliæ fuerat detenta captiua. Cæteri vero captiui per redemptionem seu commutationem sunt similiter liberati. Sed rex tamen amaro factus animo cunctis diebus suorum deplorauit infortunium, constituens in futurum vel certe perimi, vel in aduersarios vindicari, recedensque de Berewici partibus peruenit Eboracum, ubi magnum cum clero tenuit concilium & regni magnatibus vniuersis. Soluta concilio, rex se transtulit ad partes Australes. Eo tempore plures ex Anglicis facti transfugæ se Scotis confœderauerunt, & à regis Angliæ fidelitate descuerunt, reuersique cum Scotis Northumbranam plagam depredati sunt, vastantes villas & casalia, captiuos secum trahentes incolas, abigentes animalia & iumenta, agros depopulantes, incendia cedensque facientes, vbique nemine resistente. Nempe tunc Anglis in tantum consueta adempta fuit audacia, ut à facie duorum vel trium Scotorum fugerent Angli centum. Hoc anno obiit Papa Clemens, qui nunquam suo tempore Romanam Ecclesiam visitauit. Ipse pontificatus sui anno tertio multas & magnas dedit indulgentias proficiscentibus vel conferentibus ad subsidium terræ sanctæ, ut qui pro eodè terræ passagio die Parasæues 24. quadrantes conferunt, viginti quatuor annorum indulgentiam consequerentur, cæteris vero anni diebus Veneris duodecim denariorum valorem conferentibus, duodecim annos indulgit, reliquis vero diebus omnibus per hebdomadam sex denariorum valorem conferentibus, contulit indulgentiam sex annorum. Ipso anno obiit rex Franciæ Philippus le Bows, & successit sibi Ludouicus filius suus, qui prius fuit rex Nauarræ: Cuius vxor regina Nauarræ & filia comitis Burgundiæ, propter adulterium sibi impositum, cum domino Iohanne Danne fuit suffocata. Qui quidem Ludouicus eodem anno duxit vxorem filiam regis Hungariæ Clementiam appellatam. Hoc anno latens erat odium inter regem & proceres, & præcipue inter comitem de Lancastria, & comitem de Warwico, & adhærentes eiuidem. Transiit annus iste nec satis frugifer, nec bene fructifer: Anglis lugubris, probrosus & damnosus, propter infamem Scotorum victoriâ: Scotis commodus, lætus, hilaris, propter accrescens initium libertatis: cæteris mundi partibus multiplici varietate transactus.

Anno gratiæ millesimo trecentesimo decimo quinto, qui est annus regni regis Edwardi à conquestu secundi octauus, tenuit rex natale ad Windesore cum multis regni prælatis. Eodem tempore in die octauarum sancti Iohannis Euangelistæ, rex conuocatis Cantuariensi Archiepiscopo, & aliis quatuor pontificibus, cum abbatibus pluribus, & multis viris ecclesiasticis, corpus Petri de Gauerston de loco translatum, ubi iam diu quieuerat inter fratres prædicatores Oxoniis, fecit apud manerium suum de Langley honorifice tumulari, huic tamen solemnitati pauci de regni nobilibus interesse curabant. Hoc anno in crastino Purificationis, conuenerunt ad Parlamentum Londoniis vniuersi pene regni prælati, cum proceribus & communibus, ad tractandum de statu regni, & alleuiatione precii rerum vernalium, quæ modo tam caræ factæ fuerant, ut vix posset viuere plebs communis. Ordinatum est igitur, ut melior bos vnus venalis, crassus de grano non pastus, vendatur de cætero pro sexdecim solidis: & si de grano pastus fuerit & si crassus, pro viginti quatuor solidis ad plus vendatur: Vacca melior viua & crassa, vendatur pro 12. solidis: quilibet porcus duorum annorum

Partitio hereditatis Gilberti.

Humanitas Roberti de Brus.

Parlamentum Eboracense.

Angli pusillanimes effecti. Obiit Clemens Papa.

Obiit Rex Franciæ. Regina Nauarræ ob stuprum suffocata.

Annalis conclusio.

Natale celebratum apud Windesore.

Corpus Petri de Gauerston Oxoniæ translatum. Parlamentum Londini, in quo de annona charitate actum est.

*Parliamentum
indictum, sed non
celebratum.*

*Scoti omnia ad
Eboracum usque
depopulantur.*

Venalim post par-
liamentum ca-
riora.

Obiit rex Fran-
cia.
Annalis cœclesia.

*Natale apted
Clifton.*

**Edictum de ven-
denda annona
remotaque**

Grassatio furiosa.

*Referendarius
Papæ exustus.*

*Gravis pestilen-
tia.*

*Regina fitur fi-
lius apud Eltham
Iohannes.
Gravissima fa-
mes.*

*Edictum de ven-
dendis.*

*Iohannes papa.
Primitia benefi-
ciorum papa
soluuntur.*

*Natale celebra-
tur apud Clip-
ston.*

*Comitissa Lin-
castria raptā.*

Pavens timor.

anno Hugo Gerold, qui fuit referendarius Papæ Clementis & episcopus Caturcen-
sis, cui fuit impositum quod in mortem Iohannis Papæ fuerat machinatus, perpetuo
carceri mancipatur. Sed postquam fuit degradatus & tonsus capite, veste stragulata
indutus traditur curiæ seculari, videlicet marscallo Papæ, qui ipsum trahens de pala-
cio Papæ ad pedes equorum per totam ciuitatem, postremo fecit in campo igne cre-
mari. Hoc anno, circa festum Paschæ conuenerunt Londonias ad Parliamentum re-
gni proceres & magnates super statu regni tractaturi, durante vero adhuc parliamen-
to, creuit fames in regno Angliæ vehementer, ita vt quarterium salis & frumenti an-
te festum Natiuitatis Sancti Iohannis Baptistæ pro triginta solidis venderetur, & ab
illo die vsque ad festum assumptionis beatæ Virginis ad quadraginta solidos accre-
scebat. Famem igitur totam terram generaliter inuadentē, mortalitas hominum est
secuta, & præcipue egenorum, in tantum, vt vix possent viui mortuos sepelire. Nem-
pe dissenteria ex cibis corruptis generata, pene cunctos infecit, quam comitabatur
febris acuta, quæ multos ad extrema perduxit. Et non solum homines ex ciborum
corruptione lædebantur, sed pecora ex herbarum putrefactione corrupta cadebant,
vnde contigit vt esus carniū cunctis esset suspectus. Nec fuit illo tempore quisquam
tam annosus, qui meminit, se tantam famem, pestem aut caristiam præuidisse. Nec
valuit contra pestem prædictam prudentia Physicorum, quia medicinales herbæ quæ
leuamen languidis conferre solebant, per aeris intemperiem & elementorum inæ-
qualitatem, contra naturam effectæ degeneres, virus pro virtute reddebant. In festo
Assumptionis beatæ Virginis natus est regi filius apud Eltham, qui vocatus est Iohan-
nes. Eo tempore ita fames inualuit, vt quatuor denariatus de grosso pane in die vni
non sufficerent comedenti: carnes animalium quæ infectæ non fuerant erant raræ,
carnes equorum pauperibus preciosæ, multi canes pingues furabantur & eorum car-
nes edebant: quidam (vt dicebatur) filiorum suorum & filiarum suarum in locis abdi-
tis (compulsi penuria) comedebant: quidam paruulos alienos furabantur & eos fur-
tim mactabant, & eorum carnes edebant. Fures & qui in carceribus tenebantur ad e-
os nouiter venientes discerpebant, & semiuiuos illico deuorabant. Per dictum tem-
pus lagena ceruiæ tenuis pro duobus denariis, melioris pro tribus, optimæ vero
pro quatuor denariis vendebatur. Londonienses per idem tempus, quia frumentum
inbrasiatum maxime consumebatur, statuerunt ne in ciuitate id de cætero fieret, &
ideo constituerunt vt lagena melioris ceruiæ pro tribus obulis venderetur, debilio-
ris vero pro denario & non vltra. Rex autem clamori plebis compatiens, iuxta statu-
tum Londoniarum misit breuia vicecomitibus vniuersis per totum regnum, iubens
vt tam infra libertates quam extra, in comitatibus, burgis, villis mercatoriis & cam-
pestribus, lagena ceruiæ pro denario venderetur, & ne frumentum vltius in cerui-
am conuerteretur inhiuit sub graui forisfactura, qui nisi celerius hoc mandatum
promulgari fecisset maxima pars populi fame & inædia deperisset. Hoc anno post
mortem Clementis Papæ electus est in Papam apud Lugdunum, cum sedes vacasset
duobus annis quatuor mensibus & quinque diebus, octauo idus Augusti Episcopus
Anniunio, & vocatus est Iohannes viceimus secundus. Iohannes de Kendale regni
thesaurarius fit Episcopus Wintoniensis. Summus pontifex referuauit cameræ suæ
primos fructus beneficiorum omnium in Anglia per triennium vacantium. Rex ce-
lebrauit concilium apud Clarindon, sed magnates noluerunt interesse. Transiit an-
nus iste nec frugifer nec fructifer, sed mortalibus multis pestifer propter famem & si-
tim, dissenteriam & febres acutas, & varia morborum genera quæ contraxerunt & in-
ædia & aeris letifera corruptela: Scotis vorius: Anglicis ea parte nocius.

Anno gratiæ millesimo trecentesimo decimo septimo, qui est annus regni regis
Edwardi à conquestu secundi decimus, tenuit rex natale apud Clipston, prout fece-
rat anno transacto, solemnitatem vero paschalem apud Clarendoniam. Eodem anno
die Lunæ ascensionem dominicam præcedente, raptā est comitissa Lancastriæ nobi-
lis viri domini Thomæ comitis Lancastriæ vxor legitima, apud Caneforde in Dorset-
tia, per quendam militem de domo & familia Iohannis comitis Warrenniæ, conuo-
catis ad illud factum detestabile fautoribus (vt dicebatur) assensu regio plurimis An-
glicorum: ducta est autem prompse nimis in despectum comitis dicti Lancastriæ, ad
dictum Warenne comitem, ad castellum suum de Rigate. Dumque sic scemina ducere-
retur, ecce in itinerando, inter sepes & nemora inter Haulton & Farnahā existentia,
ductores vident eminus vela & vexilla. Aderant enim sacerdotes cum populo, faciē-
tes processiones more solito circa campos. Ductores igitur dictæ comitissæ timore
subito

subito & horrore percussi, putantes comitem Lancastriæ, vel aliquos per ipsum missos ad auferendum dictam dominam, & tantam iniuriam in ipsos vindicandum, cum omni celeritate fugerunt, domina pene sola relicta; sed rei tandem veritate comperita, reuersi sunt cum minis & pompa. Cum quibus, quidam miseræ staturæ, claudus & gibbosus, suisque perpetuo intendens maliciis (Richardus dictus de sancto Martino) dominam (proh dolor) supradictam delusam miserabiliter (magno suffultus adiutorio) in suam exegit vxorem, firmiter protestatus, quod ipsam fide media cognouit carnaliter antequam fuerat desponsata comiti supradicto, quod etiam plane prædicta domina palam vbiq; recognouit, ac etiam verum esse fatebatur, nullo ducta timore. Ac si quæ toto tempore vitæ suæ nobilissima fuerat reputata domina, subito vergente rota fortunæ, quod dictu turpe est, per totum orbem spurcissima meretrix acclamatur. Igitur dictus Richardus se supra se extollens, nomine vxoris suæ præsumit in curia regia vendicare comitatus Lincolnæ & Sarum, sed incassum, prout rei gestæ sequentia plenius explanabunt. Fama facti huius ad summi Pontificis aures allata, misit idem Pontifex duos Cardinales, vt pacem facerent inter regem & barones, & præcipue Thomam comitem, vt patebit inferius loco suo. Rex hoc anno celebravit festum Pentecostes apud Westmonasterium in aula magna, vbi cum regaliter resideret in mensa, præsentibus regni sui principibus, intrauit quædam mulier ornata histrionali habitu, equum bonum insidens histrionaliter phaleratum, quæ mensas more histrionum circuiuit, & tandem ad regis mensam per gradus ascendit, & quandam literam coram rege posuit, & retracto fræno, (salutatis vbiq; discumbentibus) prout venerat ita recessit. Rex vero fecit literam aperiri, vt cognosceret eius tenorem, qui talis erat in sensu: Dominus Rex minus curialiter respexit suos milites, qui patris sui tempore, & sui ipsius periculis diuersis se exposuerant, & suas substantias pro illorum honore vel perdididerant, vel diminuerant, & alios qui pondus negotii nondum portauerant, nimis abunde ditauit. His auditis, discumbentes se inuicem contuentes, mirabantur de tanto ausu scæmineo, & ianitores vel hostiarios quod permisserant eam ingredi, durius increpabant: qui se excusantes, responderunt: Non esse moris domus Regiæ histriones ab ingressu quomodolibet prohibere, & præcipue in tantis solemnitatibus vel diebus festis. Mittitur idcirco ad quærendum mulierem, quæ de facili inuenitur, capitur, & carceri mancipatur, & cur ita fecerit dicere cogitur, veritatemque respondit, se ad hoc faciendum conductum à quodam milite mercede condigna. Tunc miles quæritur, inuenitur, capitur ac ducitur coram rege, & super præmissis conuenitur, qui nihil omnino metuens, quod ipse sit author literæ fatetur audacter, & pro honore regio id fecisse. Promouit ergo dictus miles sua constantia fauorem regium cum donis vberissimis, & mulierculam à carcere liberauit. Hoc anno tenuit Rex tractatum Londoniis super iacturis & damnis sibi & suis per Scotos illatis, comite Lancastriæ nec ad hunc tractatum, nec ad illum habitum Clarendoniæ volente venire, vnde regis inimicus & regni palam & notorie in regis hospitio appellatur. Sub eodem anno videntes quidam de Northumbria Scotorum crebras irruptiones, depredationes, depopulationes, & incendia quasi totius patriæ, & nemine volente succurrere tantis malis, velut in defectu regis & procerum, sumunt arma, & resistere Scotis parant. Sed cum aliquandiu id probe fecissent, tandem deficientibus tam victualibus quam pecunia, de tyrannis facti sunt tyranni, de defensoribus destructores, de propugnatoribus proditores. Conuenientibus autem ad eos plurimis, pari voto despoliabant domi rucolas, in campis accolæ, eorum boues de plaustis vel carucis soluentes & ad cibum suum mactantes. In villis vero nihil reliquerunt, quod ad esum videbatur aptum, sed panes, frumentum, vaccas, oues, porcos, cæterasq; carnes, capones & gallinas, caseos & aue-nas diripuerunt sibi, & non solum perpetraverunt mala talia, sed plebanos despoliauerunt vsque ad famoralia, aurum, argentum, vestes & vasa rapientes: factus est itaq; tam grandis eorum numerus, vt neminem peneterent, continuaruntque dictam rabiem quatuor fere annis. Interea applicuerunt in Anglia Cardinales rogatu regis dominus Cancellinus domini Papæ vicecancellarius, & dominus Lucas de Flisco, nuntii domini Papæ Iohannis vicesimi secundi, vt pacem inter regna Angliæ reformarent, & Scotiæ, & vt comitem Lancastriæ pacificarent regi, etiam attulerunt bullas Papales quibus Papa Scotos excommunicauit, eo quod desciuissent à domino suo rege Angliæ, nisi redirent ad pacem eius: qui prout moris est Romanorum in externas terras venientium, semetipsos ostentare volentes, contulerunt se sub omni festinatione.

*Comitissa turpi-
ter nubit Richar-
do de sancto Mar-
tino.*

*Mulier histrionis
habitu literas
mercedis regi
affert.*

*Author literarum
capitur.*

*Latrones grassan-
tur in conspectu
Scotiæ.*

*Duo Cardinales
in Angliam ve-
niunt pacem
conferre.*

*Romanorum
ostentatio.*

natione in partes boreales infausta hora, vt dominum Ludouicum de Bellomonte, cui dominus Papa ad regis instantiam Episcopatum contulerat Dunelmensem, electo eiusdem loci cassato, cum pompa Romana intronizarent, quamuis premoniti fuissent, vt in comitatu Eboraci se continerent, & vltra progredi non præsumerent nisi regia manu fulti. Cumque venissent prope villam de Derelington, subito de val-
le quadam erumpentes dicti grassatores (ducibus Gilberto de Midleton, & Waltero de Selby) inopinate irruerunt in familiam Cardinalium, & futuri Episcopi Dunelmensis: iniectisque manibus sacrilegis de thesauro & equis suis (nulla habita ad tãtas personas reuerentia) spoliarunt. Ludouicum vero Episcopum Dunelmensem, duxerunt ad villam de Morpath, ad redemptionem grauissimam compellentes. Captus est 10
insuper à dictis populatoribus Henricus de Bellomonte, cum equis & thesauris plurimis, & ductus est ad castrum de Midforde, vbi detentus est donec magnam summam pecuniæ persoluisset. Cardinales vero restitutionem quarundam rerum habuerunt, puta de equis, vestimentis, & huiusmodi, sed restitutione plenaria caruerunt. Sine læsione tamen corporum, cum suis familiis Dunelmiam peruenerunt, vbi per dies aliquot perhendinantes, & Scotorum arbitrium præstolantes, infecto negotio pro quo venerant, reuersi sunt sub conductu regio Eboracum. Quo cum peruenissent, & viderent se positos in statione secura, tulerunt horribilem sententiam in malefactores Northumbriæ, & omnes eis quomodolibet adhaerentes. Quam sententiam per totam Angliam publicari fecerunt: & mox Londonias redierunt, octo 20
denarios de marca (pro damnis & expensis) à clero sibi dari cum instantia postulantes: non habentes respectum ad quatuor denarios sibi de marca prius concessos pro mora quam facturi fuerant in hac terra. Clerus vero tractatu habito respondit, quod contemptus & damna illis illata sibi met imputare deberent, cum locum à clero limitatum sibi, ciuitatem videlicet Eboraci, auaritiæ agitati stimulo transgredi præsumperunt. Quamobrem octo denarios de marca dare clerus Anglicanus noluit, quatuor vero denarios quos prius concesserat dare, bene consensit.

Cardinales à grassatoribus spoliati.

Cardinales fulminant in latrones.

Cardinales octo denarios de marca petunt.

Pax inter regem & comitem Lancastriæ.

Populus in comitis partes inclinat.

Dux latronum captum placatur.

Stratagemæ.

Septimus liber decretalium.

Cardinales per idem tempus fecerunt pacem sub certis conditionibus inter regem & Thomam comitem, quas condiciones Rex cito post fregit iniuste. Inde aucta est dissensio quæ prius extincta putabatur. Interim adductus est quidam miles comiti Lancastriæ tendens per Pontfret, versus partes boreales, cum quo alba charta regio sigillo magno, aliquæ literæ regis sigillo priuato signatæ credentiam innuentes inuentæ sunt, vt cum Rege Scotorum pro morte dicti comitis pacisceretur. Quem comes de veritate confessum, tractum, deinde suspensum, retentis penes se in argumentum fidei chartis suis & literis, mortis fecit subire supplicium, fixo capite suo super castrum Pontis fracti. Et hic vt dicebatur paulo antea de familia comitis fuerat specialis. Contigit ergo, quod hac de causa populus Anglicanus, qui prius comitem fere spreuerat, cognita veritate, contemptis Anglicis adhæsit comiti, vitam ipsius & salutem iugiter in spiritu postulans humilitatis.

Per idem tempus, cum multa damna Prioraui de Tynemutha Gilbertus de 40
Midleton antedictus, cum suis complicibus intulisset, & multos de conuicinis suis captiuasset, & ad graues redemptiones compulisset, multos autem statim non valentes soluere, in custodia detinisset: quidam de regione illa nobiles eorum detentionem iniustam dure ferentes, ad ipsum accesserunt, sub conductu saluo (quasi pro vicinorum deliberatione mediante pecunia tractaturi) habito, quosdam tunc à custodia liberatos secum abduxerunt, quosdam vero pro securitate soluendæ pecuniæ secum obsides dimiserunt. Finalis vero solutionis veniente die, & satellibus dicti Gilberti ad prædandum egressis, venerunt, qui pacti fuerant solutionem facere dicto Gilberto, dicentes se pecuniam attulisse, quam in villa secretius occultauerant propter metum prædonum, pro qua quærenda liberum exitum & introitum in castellum 50
sibi concedi petebant. Cumq; ad castri portas velut exituri venissent, trucidatis mox ianitoribus, multitudinem armatorum foras latentium introduxerunt. Qui subito irruentes in eum nil tale cogitantem inflictis plagis ceperunt, & vinculis ferreis acriter constringerunt, deinde quam cito potuerunt eum cum fratre suo qui tamen captus fuerat, Londonias transmiserunt, vbi iudicialiter condemnatus in oculis cardinaliū quos spoliauerat, tractus & suspensus est. Illi vero qui sibi famulatum præbuerant, audientes eum captum, ad Walterum de Selby suæ consortem malitiæ se contulerunt, qui in refortiuacula sua de Horton latens, vicinis similem iniuriam inferebat. Hoc anno dominus papa septimum librum decretalium à predecessore suo compositum

positum & quasi ab ipso deletum, promulgauit, instituit, & confirmauit. Instituit etiā festum solemnitate corporis Christi, quod ab Urbano Papa quarto sumpsit exordiū. Transit annus iste sterilis in multis partibus regni huius, sed miseria copiosus, dum prouincia Northumbrana nunc Scotis attrita, nunc prædonibus illius patriæ pauperata, quasi inter incudem & malleum versabatur, regi regnique magnatibus interim putibunde stertentibus & simulantibus damna suorum.

*Institutio solemnitate corporis Christi.
Annalis cōclusio.*

Anno gratiæ millesimo trecentesimo decimo octauo, qui est annus regni regis Edwardi à conquestu secundi vndecimus, tenuit Rex natale apud Westmonast. cui pauci de magnatibus interfuerunt propter discordiam motam inter regem & proceres, eo quod totiens articulos petitos & promissos noluit obseruari. Sed quia regnum per Scotorū irruptiones in grandi fuit periculo constitutum, nempe Scoti vsq; ad Eboracum ex vna parte, & vsq; ad Lancastriam ex alia parte, comburendo, vastando, prædando, nullo resistente, peruenerant: prælati regni accitis sibi cardinalibus regem adeunt, precaturi quatenus articulos totiens expetitos totiensq; promissos pro statu regni & Ecclesiæ bona fide confirmaret, & vsu vel actu stabiles esse permetteret, ne sibi regnoque suo graue periculum eueniret. Rex inclinatus humilibus precibus prælatorum simul & Cardinalium, diem statuit sancti Iohannis Baptistæ quando cōgregatis Leicestriæ, tam clero quam proceribus satisfaceret petitionibus tam diu concupitis. Quo die veniente, & populo cum magnatibus loco præfixo assistente: Rex more solito promissos articulos concessit obseruari. Sed cito postea concessio apparuit non solum friuola, sed penitus fraudulenta. His expletis, Cardinales quasi grande quid patraissent in regno accepta licentia ad curiam redierunt, quæ tunc fuerat Ambianis. Eodem anno tenuit Rex parliamentum Londoniæ circa festum Sancti Michaelis, in quo fuit ordinatum, quod haberet in auxilium contra Scotos electos homines de qualibet ciuitate vel villa regni quæ homines exhibere posset. De ciuitate Londoniarum dati sunt ducenti viri armati ad vnguem, de Cantuaria quadraginta, de villa Sancti Albani decem, & sic consequenter de ciuitatibus & villis regni iuxta villarum vel vrbium æstimationem. Qui congregati magnum conflauerunt exercitum & hostibus melius formidandum. Sed cum peruenissent ad Eboracum, subito tumultu pariter & simultate cum aliis impedimentis, infecto negotio licentia ad propria redierunt. In crastino Sancti Bricii terræmotus fuit magnus & horribilis deterrens corda mortalium plurimorum.

Natale apud Westmonast.

Scoti vsque ad Eboracum & Lancastriam grassantur.

Rex iterum articulos concedit sed non obseruat.

Parliamentum Londini. Singula ciuitates armant homines contra Scotos.

Terræmotus.

Per idem tempus Edwardus le Brus, frater regis Scotorum, qui iam per triennium Hiberniam infestauerat, & se ibidem in regem coronauerat nullo iure, à fidelibus regis Angliæ captus est, & propter suam præsumptionē, & superbiam decollatus in Dondalk: occisis baronettis de Scotia 29. in eodē campo, & 5. millibus & octingentis aliis præter milites & nobiles supradictos, primatē de Armach pro rege Anglorum capitaneo existente, sicque quodammodo mors comitis Gloucestriæ nuper perempti apud Striuelyn, multorumque Angliæ nobilium virorum occisio ibidem facta, insignis ruinæ maioris vitæ vltionis diuinæ pariter & humanæ recepit Robertus de Brus. Interea Rex Scotorum cum communicantibus auctoritate curiæ Romanæ solemniter & publice in regno Angliæ & Scotiæ omnibusque terris adiacentibus extitit excommunicatus, eo quod venit contra fidelitatem regi Anglorum ab antiquo debitam, regnumque Scotiæ generali supponitur interdicto. Transit annus iste qui frugibus & fructibus nec sufficeret incolis nec alienis: Anglicis & Scotis instabilis & inquietus: Hibernicis lætus & hilaris, eo quod excussum est iugum dominationis alienæ de ceruicibus eorundem.

Edwardus de Brus captus & Scoti fusi in Hibernia.

Rex Scotorum excommunicatur regnumque interdicatur. Annalis cōclusio.

Anno gratiæ millesimo trecentesimo decimo nono, qui est annus regni regis Edwardi à conquestu secundi duodecimus, tenuit Rex natale apud Beuerlacum cum Proceribus plurimis & Prælati, quo tempore prouidit sibi de exercitu copioso, ut Scotorum si quo modo posset humiliaret superbiam, & ab illorum irruptionibus Angliam liberaret. Accidit eo tempore ad malorum cumulum, quod quidam perfidus dictus Petrus de Spalding, cui custodia villæ de Berwico commissa fuerat, Scotis venderet dictam villam & intrare permetteret, quod factum regem grauiter contristauit. Cogitauit igitur obsidionem ponere circa villam, cumque collegisset exercitum & plantasset obsidionem, fuissetque sollicitus qualiter villam caperet, Scoti collecto exercitu quasi viginti millium, per partes obliquas intrauerunt Angliam, eo proposito, ut reginam caperent perhendinātem prope Eboracum in quadam villa minus caute, quam vendiderant illis quidam ex Anglia proditores. Sed cooperante Dei

Natale celebratum apud Beuerlacum.

Berwicum Scotis proditum.

Scoti cōnauit reginam Angliam armis capere.

gratia & Regina præmonita, fugit ad loca tutiora, & Scoti cognouerunt se fore deceptos. Qui dolentes & de inaniter fusa pecunia & de præda perdita, in iram conuersi & rabiem, ad omnem malitiam laxauerunt habenas, discurrentes per patriam, & obuia quæque flamma ferroque vastantes. Igitur dum quilibet pro parte sua obsidionem Berewici fideliter satis ageret & seruaret, Rex fatuitate solita prorupit in hæc verba: Dominum Hugonem le Spencer faciam custodem castri huius, & dominum Roge-
rum Tamari capitaneum huius villæ cum eam ceperimus. Quod verbum dure ferens Thomas comes Lancastriæ, mox cum multis aliis se subtraxit, quamobrem à toto exercitu proditor est clamatus, nempe prout dicebatur, si se non subtraxisset, villa cum castro in manus regis data fuisset.

Regis fatuitas in causa fuit cur comes Lancastria regem in obsidione Berewici desereret.

Scoti Anglos vincunt.

Eboracenses considerantes scelera quæ Scoti perpetrabant, vbique animositate concepta, collectis Anglorum decem millibus sunt egressi, vt ciuium & patriotarum sanguinem vindicarent. Scoti tunc prope villam de Mitone sitam iuxta fluuium de Swale, solitis facinoribus intendebant. Nostrates vero videntes Scotorum cuneos, incunctanter se ad prælium ingerebant. Sed quia iam pene totus eorum exercitus in armis fuerat, mox contra nostros inexercitados, & inexpertos, & sine duce vel ordine venientes ordinatissime occurrerunt, & leui negotio nostros fuderunt, & ad tria millia hominum in ore gladii peremerunt, & magna pars eorum qui fugerunt in fluuiio de Swala periit rapaci gurgite suffocata. Commissa fuit hæc infortunata congressio in vigilia Sancti Matthæi Apostoli & Euangelistæ, cui prout dicebatur, multi presbyteri seculares, multique religiosi interfuerant mala hora. Cumque rumor huius facti peruenisset ad aures regias, dimissa obsidione Berewici, festinauit cum suis omnibus obuiare Scotis, priusquam attingerent terram suam, & cum eis per partes Orientales iuxta nouum monasterium obuiare dis-
poneret. Scoti præmoniti, cum pomposa victoria hominum & armentorum præda per aliam viam reuersi sunt in regionem suam, fauillas, & cineres & vapores fumi ac pereemptorum cadauera in omni villa per quam transierant post se in suæ crudelitatis memoriam relinquentes. Igitur Rex sentiens quotidie sua damna cumulari, de communi consilio in treugas iurat biennales, Scotis libenter has acceptantibus, non tamen quia iam fuerant bellis fatigati, sed quia fuerunt Anglica præ-
da ditati.

Rex soluit obsidionem Berewici.

Inducie biennales cum Scotis.

Lues animalium.

Observa.

Multi se frustra parant ad recuperationem terrarum.

Annalis celsus.

Natale celebratur Wintonia. Obiit Episcopus Winton.

Papa cooptationem episcopi Winton. sibi refert.

Eodem anno inaudita pestis animalium, dubium vnde nata, succreuit in Anglia: quæ circa tempus Paschale incepit in Estsexia, & diffusa est in breui per totam insulam, durans per totum annum, & inficiens pene cuncta pecora regionis. Et quod est auditu insolitum & fortassis erit futuris incredibile, canes de cadaueribus pecorum morientium comedentes, & corui, illico intumuerunt, quasi toxicati veneno, & mortui corruerunt. Quamobrem nullus erat hominum qui fuit ausus carnes bouinas edere, quia in bobus maxime valuit pestis illa: dicebatur etiam quod tota Gallia per idem tempus eadem peste fuit infecta. Hoc anno multi pastores pecudum, & quidam alii, ac mulieres de Anglia, & aliis mundi partibus collegerunt se, volentes acquirere terram sanctam, & inimicos Christi interficere vt dicebant. Et quia non potuerunt mare magnum pertransire, multos Iudæos in partibus Tholosanis & Aquitanie peremerunt, asserentes eos inimicos fidei. Ob quam causam multi eorum capitalem sententiam subierunt, & alii frustrati suo proposito redierunt, & sic vertitur in nihilum quod fuit ante nihil. Transit annus iste pauper frugum, inops fructuum, probrosus, damnosus Anglicis: gratus & accommodus Scotorum latrociniiis: Gallicis pestifer, sed quietus.

Anno gratiæ millesimo trecentesimo vicesimo, qui est annus regni regis Edwardi à conquestu secūdi tertius decimus, tenuit Rex natale Wintoniæ, cum magna multitudine militum, armigerorum & regaliū famulorum. Hoc anno Iohannes de Kendale Wintoniensis Episcopus obiit in viam Patrum, cuius morte comperta, summus pontifex sibi collationem dicti beneficii, quia pingue fuerat reseruauit, sed monachi reseruacionem prædictam nihil pendentes, obtenta à rege licentia, ad electionem processerunt, & virum eminentis literaturæ quendam monachum de suo monasterio cōsensu vnanimi elegerunt in Ep̄m & pastorem. Rumore igitur ad aures Papæ delato, Papa dictā electionem nullam esse pronuncians, cassauit electionē memoratam, & domino Rigando Clerico suo speciali, Wintoniensem contulit præfultum, qui cum post multas tergiuersationes regis beneuolentiā adeptus fuisset, in monasterio sancti Albani ad Romanam Ecclesiam nullo modo pertinente, munus consecra-

secrationis accepit per manus Londinensis Episcopi, in presentia Eliensis & Rossensis Episcoporum, obtenta prius licentia ab eiusdem loci Abbate & conuentu. Et ne ipsius consecratio futuris temporibus priuilegiis monasterii supradicti præiudicialis existeret, literas super indemnitate priuilegiorum fecit fieri, quas conuentui tradidit sigillo suo signatas. Consecratus est autem in die Sancti Edmundi Archiepiscopi Cantuariensis ad maius altare, cum magna præsulum deuotione. Sub hoc anno venit Oxonias quidam pauper iuuenis, & prædicauit ibidem se fore regis Edwardi nuper regis hæredem, & quod Edwardus qui modo regnat, non erat regis filius, sed cuiusdam Carectarii dolose subintroductus ad reginam. Quod audientes
 10 ciues Oxonienses, ceperunt dictum iuuenem, & miserunt ad regem tunc Northamptoniæ existentem, qui à ministris regis in ultionem mendacii tractus & suspensus est, extra villam in loco vocato le Coppeddethorne, inter Northamptoniam & Killingworth, ad terrorem & exemplum talium nebulonum. Per idem tempus rege existente Eboraci, Scoti intrauerunt Angliam, & illuc vsque peruenerunt, & suburbana ciuitatis Eboracensis cremauerunt, & captiuos ceperunt dominum Iohannem de Breтайne comitem Richemundiæ, & plures alios qui grauissima redemptione sunt postea liberati. Hoc anno leprosi quasi per totam christianitatem fuere diffamati, quod inissent foedus cum Saracenis ad intoxicandum Christianos vbique terrarum, quod in multis fecerunt partibus, ponendo venenum in fontibus, puteis, doliis, & locis aliis, super quo multi de prouincia & Francia conuicti combusti sunt, & Iudæi de-
 20 renti & incarcerati propter auxilium eis præstitum & consensum.

Quidam se regis filium falso mentitur.

Scoti capiunt comitem Richemundiam.

Leprosi de veneficio conuicti.

Anno gratiæ millesimo trecentesimo vicesimo primo, qui est annus regni regis Edwardi à conquestu secundi quartus decimus, tenuit Rex natale Londoniis, apud Westmonast. cum magna gloria & honore. Hoc anno miles quidam perdiues à parentela, sed dissipator substantiæ sibi relictæ, dictus Wilhelmus de Brews, qui baroniæ dignitatem possedit, à parentibus in marchia Wallia quandam portionem terræ ipsum hæreditario iure contingentem, diuersis dominis obtulit ad vendendum. Terra vero quam vendere voluit, terræ de Gowers antiquitus vocabatur. Comes autem Herefordiæ, quia dicta terra contigua fuit terris suis pro quadam summa pecuniæ cum dicto Willihelmo conuenit, & eo promisit vberius soluere, quo nouit
 30 terram vtiliorem præ cæteris sibi fore, vnde obtenta à rege licentia, dictam terram ingredi disponebat tanquam propriam possessionem. Duo etiam milites præpotentes, quorum quilibet vocatur Rogerus de Mortuomari, videlicet auunculus atq; nepos, quia terra illa sibi videbatur accommoda, propter vicinitatem terrarum suarum, nescientes de pacto prælocuto, accesserunt ad dictum Wilhelmum de Brews, & cū eo conuenerunt sub pacto quodam de terra prædicta sibi & suis habenda & tenenda, & quasi securitatem de dicto Wilhelmo reportarunt. Dominus Iohannes de Moubray qui filiam dicti Wilhelmi duxerat in vxorem, quæ heres vnica fuit illi de tota terra præfata, tanquam vxori suæ hæreditario iure debita securior existeret. Nouissi-
 40 me ad omnium malorum cumulum, Hugo dispensator iunior, concupiscens terram sæpius memoratam, quia terris suis vndique vicina fuit, quia domini regis erat camerarius, ampliorem à rege gratiam de terra comparanda obtinuit, & specialiorē à domino dictæ terræ adeptus est fauorem in emptione terræ præfata, ita quod finaliter terram illam exclusis omnibus aliis comparauit. Igitur præfati procures, videntes se circumuentos & delusos ab Hugone, & à suo proposito defraudatos, commoti sunt valde & ad iracundiam concitati. Comes vero Herefordiæ, Humfridus de Boun, conquestus est super iniuria sibi facta Thomæ comiti Lancastriæ, qui allicientes cæteros pene cunctos comites & barones in partem suam, coniurationem fecerunt maximam ad viuendum & moriendum pro iustitia, & regni proditores pro viribus destruendis, & præcipue vtrunque Hugonem de Spencer, patrem scilicet atque filium, quos odio inexorabili perstringebant, eo maxime quia regem ducebant, pro suæ voluntatis arbitrio, in tantum quod nec comes nec baro, nec episcopus quicquam valuit expedire in curia sine horum consilio vel fauore. Omnium ergo liuore persequabantur, qui omnibus pene dominabantur, & quo plus creuit eorum gloria, & eo amplius contra illos creuit inuidia, quæ semper accrescit abundantia aliorum. Igitur Barones duce Thoma de Lancastria apud Schirborne in Elmedon conuenerunt, fæderati prout dicitur & iuramentis astricti ad prosequendum propositum vsque ad corporis & animæ diuisionem. Sed tamen pene cuncti præter Thomam de Lancastria & Humfridum comitem de Herefordia & paucos alios ante
 50

Natale celebratur apud Westmon.

Nonnulli occasione coniurationis procerum.

Coniuratio procerum.

Hugo de Spencer omnibus iniussus.

finem negotii retrorsum abierunt, & præ timore mortis se regi dediderunt: sed hæc inferius plenius videbuntur. Cumque barones ut præfertur apud Schirburnam conuenissent, quosdam articulos in præscriptionem dictorum Hugonis & Hugonis composuerunt, sed tamen vias iuris & æquitatis in hac parte penitus omiserunt, suorum pro tempore exequentes impetus animorum. Nam illorum bona qui illis vel amicitia vel affinitate iuncti fuerant, furibunde inuadebant, capientes castra per violentiam, vastantes prædia per malitiam, & perimentes famulos repertos in custodiis eorundem, dolentes ob hoc tantummodo, quod eorum personas capere quos oderunt minime potuerunt: prædicta furia de die in diem vires sumentes, barones vexillis explicatis ad sanctum Albanum veniunt, per viam diripientes ubique victualia, & 10 pauperes terræ grauantes. In hac comitiua fuerunt quidam, qui propter inueteratum odium monasterium Sancti Albani dictique loci Monachos se grauatuos deuouerant. Sed tamen disponente Deo qui neminem temptari permittit supra vires, horum magister & autor tantæ malitiæ in villa de Alysbury priusquam ad sanctum Albanum attingeret morbo percussus irremediabili, propriis seipsum discerpit manibus, & post duos dies miserabiliter expirauit. Cæteri tam formidabili tremefacti vindicta, casum pro miraculo reputantes, ab executione voti illiciti timore magis quam amore destiterunt. Magnates vero apud sanctum Albanum cum suis armatis exercitibus per triduum perhendinantes, miserunt solennes ad regem nuncios Londoniis commorantem, Londoniensem, Sarisburiensem, Eliensem, Herefordensem 20 & Cicestrensem præfules qui tunc apud Sanctum Albanum conuenerant pro pace reformanda, mandantes, ut dominus Rex non solum suam vacuaret curiam, sed regnum suum de regni proditoribus Hugone & Hugone le Spencer per communitatem terræ in multis condemnatis articulis, exiliumque meritum subire permetteret si diligeret regni pacem. Petierunt barones insuper, ut Rex ipsis & omnibus qui in eorum comitiua arma mouerant, literas patentes indemnitis concederet, & ne pro transgressionibus transactis vel præsentibus à rege seu quouis alio futuris temporibus puniretur. Adhæc dominus Rex respondit, quod Hugo le Spencer pater in suo negotio mare transierat, & Hugo iunior in mari erat ad custodiendum quinque Por- 30 tus, prout ex officio tenebatur, qui de iure vel consuetudine exulare non debent ante responsa data per eosdem. Adiecit præterea quod eorum petitio iuris & rationis fundamento carebat, eo maxime quod dicti Hugo senior & Hugo iunior parati semper fuerant omnibus de se conquærentibus in forma iuris respondere, & si probare possent eos in aliquo statuta terræ lēsisse, parati semper fuerant legibus regni parere. Postremo cum iuramento addidit, quod noluit sacramentum violare ad quod astrictus fuerat in Coronatione sua, concedendo literas pacis & indulgentiæ tam notorie delinquentibus in suæ personæ contemptum, & totius regni perturbationē, & maiestatis regiē lēSIONem. Hiis auditis, proceres acti in furiam, confestim ad arma profiliunt, & milites quidam super armatura cotucas induerunt vocatas quarte- 40 loys, Armigeri vero indumenta bendas habuerunt, quibus indumentis ex post indu- ti, tracti sunt & suspensi plurimi de procerum comitiua. Cum fastu igitur & pompa nimia barones Londonias adierunt, hospitatique in suburbio ciuitatis, manebant pacifice donec licentiam ingredi ciuitatem obtinuissent: obtento à rege ciuitatis ingressu, magnates sicut prius in petitione sua fortiter perstiterunt. Tandem interueniente Regina & præfatis episcopis laudabiliter mediantibus, Rex inductus est propter verræ periculum euitandum, ut condescenderet votis & petitionibus procerū prædictorum. Edictoque super hiis per comitem Herefordiæ in aula Westmonasterii publicato, Hugo senior in exilium actus est. Sed Hugo iunior in diuersis locis latitans in Anglia & in mari permansit. Hiis itaque peractis, barones obtentis à rege literis de impunitate & pace regis ad propria redierunt, ne hilares de dicta pace cō- 50 cessa prout præmittitur, nec securi, quia de regis beneuolentia desperabant, & ideo armati semper incedebant & loca tuta quærebant. Interea casus accidit eisdem magnatibus plenus infortunio & generatius molestiæ subsequenti. Isabella nempe Regina (quæ nutrix pacis & concordie semper fuerat inter regem & barones) peregrinata versus Cantuariam, in Castro de Ledes hospitari & pernoctare disposuit. Quod castrum dominus Bartholomæus de Batlesmere, qui diu senescallus regis fuerat, à rege in excambiū pro quibusdā terris aliis sibi & suis heredibus impetrauerat, in quo suam coniugem cum paruulis & magni thesauri copia dimiserat pro tutela dum fidē domini sui regis deferendo, adhæsit baronib⁹ in turbatione pfata. Igitur præueniens

*Monachi se suag-
miraculis inuen-
turi.*

*Legatio procerū
ad regem.*

Responsio regis.

*Rex metu peri-
culi assentitur.*

*Hugo senior ex-
lat. iunior la-
titat.*

*Alia discordia
causa.*

Regina prohibe-

ens dominæ suam reginam Mareſcallus , petiit ingreſſum caſtri, vt illuc neceſſaria
comportaret, & pararet pro familia domoq; reginæ. Sed qui in caſtro fuerant, proca-
citer reſponderunt, ſe nec Reginæ, nec cuiquam alteri ingreſſum caſtri permittere,
ſine iuſſione vel literis domini dicti caſtri. Reſponſum mox aud aures Reginæ perue-
nit, quæ illuc in propria perſona perueniens petiit ingreſſum caſtri, ſed nullam ſpem
intrandi potuit à reſpondentibus obtinere, & ideo alias pro nocte illa quæſiuit hoſpi-
tia, illo expreſſe ſibi denegato. Cumq; rediſſet ad regem, de iniuria cōqueritur ſibi fa-
cta, ex cuius relatione Rex prouocatus ad iram, collectis pluribus armatorū millibus
cum multis Londonienſibus, ad dictum caſtrum acceſſit perſonaliter, incluſis præci-
piens, vt redderent ſibi caſtrum. Renuentibus caſtellanis parere iuſſis regiis, Rex ar-
ctat incluſos obſidione, & tamdiu perſeuerat ibidem, donec victus incluſis & victua-
lia defeciſſent. Tandem redditum eſt caſtrum in manus Regis cum omnibus, quæ
intus erant. Thomas Colpeper cuſtos caſtri captus eſt in primis, qui tenuerat caſtrum
contra Regem, & pro rebellionē tractus & ſuſpenſus eſt, mulieres ibi repertæ Londo-
nias miſſæ ſunt in turri Londoniarum ſub arcta cuſtodia conſeruandæ, ſeruientes di-
uerſis multati pœnis in locis variis ſunt perempti. Theſauri reperti cum armis & e-
quis, regiis ſunt vſibus deputati. Quibus ita peractis, Rex ſuis militibus cuſtodiam ca-
ſtri commiſit, & victorioſe progrediens verſus Cireceſtriam, obiter cepit multa caſtra
ſibi rebellantium manu forti procerum. Circa feſtum omnium Sanctorum proximo
ſubſecutum Hugo diſpenſator iunior filius videlicet ſenioris, aſcendit è mari, & per-
uenit ad Regem, cuius conſilio & quorundam aliorum Rex mandauit breuia ſua ad
omnes vicecomites totius Angliæ, ad congregandum exercitū contra barones, quia
cupiebat vindicari de deſpectu & rebellionē nuper Londoniis ſibi factis. Barones ve-
ro præmoniti de tanta molitione ſe muniuerunt pro viribus, & ipſi multitudinem
exercitus colligentes, vt vim vi repellerent, & viriliter defenderent cauſam ſuam, il-
lud poeticum concorditer retinentes:

Felix qui quod amat defendere fortiter audet.

Transit annus iſte ſicut ceteri illaudabilis, prouentu frugum vel fructuū damno-
ſus, proceribus & mediocribus ſuſpectus, moleſtus & turbulentus: Regi ſollicitus &
inuiſus: Scotiæ propter magnatum Anglorum regni diſcordiam iocundus & hilaris:
Franciæ, Flandriæque pacificus, & (quod dolendum fuerat) Sarracenis & incredulis
fertilis & quietus.

Anno gratiæ milleſimo trecentefimo vicesimo ſecundo, qui eſt annus regni re-
gis Edwardi à conqueſtu ſecundi quintus decimus, tenuit Rex ſolemnitatem Nata-
lis dominici apud Cireceſtriam, cum magna militum ſcutiferorum & architenen-
tium numeroſitate. Illuc ergo grandem conuocauit exercitum contra barones, pro-
ponens proculdubio vel mori viriliter, vel velut Rex ſuper ſuos ſubditos imperialiter
dominari. Audientes multi de Baronibus regis propoſitum, diffidētes & animo con-
cidentes neglecto iuramento, quod in cōmune præſtiterant, ad Regē meticuloſi ve-
nerunt, ſe ſuę gratiæ in omnibus ſubmittētes. Inter quos duo Rogeri de Mortuomari
primi vel inter primos acceſſerunt, ſe voluntati regiæ ſupponentes, qui partem baro-
num in magna parte debilitauerunt, eo quod eſſent ſtrenui & bellicoſi, potentes re-
bus ſæculi & famoſi, & præ ceteris cauſæ communis incentores, ſed tamen ſecus acci-
dit eis quam ſperabant. Nam cum ſe regi reddidiſſent, miſſi ſunt ad turrim Londonia-
rum, donec Rex conſideraſſet, quid de eis facere debuifſet, qui quē finem ſortiti ſunt,
ſequentia declarabunt: comprehendit Rex dominū Hugonē de Audeley ſeniorē,
& dominum Mauritium de Berkley, & miſit illos ad caſtrū Wallingfordiæ cōſeru-
andos. Alios vero multos blandis deluſos promiſſionibus ſimili ſorte cepit, & variis cu-
ſtodiis commendauit. Cumq; comes Herefordiæ ceteriq; barones adhærentes ſibi
hæc veraciter cognouiſſent, ad partes Glouerniæ ſe contulerunt, deinde vna cū Tho-
ma Lancaſtriæ comite, exercitu grandi collecto, verſus Burton ſuper Trentā vexilla
verterunt, rapinis indulgentes vbiq; ad magnū patriæ nocumentum. Quos è veſtigio
Rex inſequens, reperit collectos & paratos ad reſiſtentiā faciendum. Impediuerunt
que regem per tres dies continuos, quo minus pontem dictæ villæ de Burton tranſire
poſſet, occiſis quibuſdam de regis exercitu qui pontem tranſire animoſius inſtiterūt,
vnde Rex coactus eſt tranſitum aliunde quærere vltra Trentam, per tranſito Trentæ
fluuiō Rex hoſtiliter equitauit verſus comites ſupradictos.

Thomas vero Comes videns iam res agi pro capitibus, cum ſuis commanipula-
ribus exiit villam de Burton, & exercitum in campo ſtatuit contra Regem, expectans

Comes Lancastria fugit.

Regis aduentum in eodem campo. Sed cum vidisset Regis exercitum tam numero, quam potentia multo suis præstantiorem, confusus fugit in dedecus sempiternum. In fugiendo vero diuersas fecit deprædationes baronum exercitus, dum vi non tantum victualia per viam rapiunt, sed etiam substantias diripiunt incolarum. Nec segnius Rex ipsos fugientes persequitur, dietas continuans, prout possibilitas supperebat. Thomas vero de Lancastria cum baronibus & exercitu fœderato peruenit ad Bourghbrigge, vbi repperunt magnam resistantiam de borealibus partibus congregatam. Nempe ad dictum locum cōuenerant custos Eboraci, dominus Symon Ward, & custos Carleoli dominus Andræas Herkle, cum sufficienti manu ad pugnandum parati, vbi cum dominus Humfridus de Boun comes Herefordiæ pontem transire voluisset, à quodam sub ponte latente lancea transfixus est & peremptus ibidem.

Comes Herefordia occumbit.

Lancastrensis capitur.

Thomas vero de Lancastria non valens sustinere pondus prælii in eum versi, nec de loco fugere, captus est ab Andræa de Herkle custode Carleoli, milite mediocris fortunæ: capti sunt etiam ab eodem dominus Rogerus de Clifford, dominus Iohannes de Moubray, dominus Warrinus de Insula, cum multis aliis, & adducti ad Regis præsentiam ad pontem fractum, vbi Rex cum duobus dispensatoribus Hugone seniore, & Hugone iuniore morabatur. Et cum Thomas Comes introductus fuisset in villam, à tota gente derisus est, & acclamatus Rex Arthurus, & yndique subfannatus. Quod tantummodo iuste dicebatur accedisse sibi, eo quod ipse Regem pari forma dehonora-

Lancastrensis in dībrio habitus.

stauerat, cum Rex parum ante à partibus borealibus diuertisset, & venisset ad Pontem fractum. Nam Thomas irreuerenter egrediens cum suis hominibus exiit castrum ad despiciendum Regem, & acclamans in ipsum Regem vilissime & contemptibiliter cum magno tumultu, in maximum contemptum ipsius, ac si non fuisset eius dominus, nec Rex eius. Idcirco venerunt super eum mala præsentia, prout creditur, vt per hæc purgatus facilius post hanc caducam meretur consequi vitam beatam. Tertio nempe die à captione sua federunt Principes, & in eum sententiam dictauerunt, Dominus Rex in primis, assidentibus Edmundo Comite Cantii, Hugone Comite Wintoniæ, Aymero Comite Penbrochiæ, Ioanne de Warennæ Comite Southrey, Dauide Comite de Athesel, Roberto Comite de Angos, vbi adiudicatus est tractioni, suspensioni, & decollationi. Tamen quia idem Comes de parentela fuit excellenti & nobilissima procreatus, Rex ob reuerentiam parentelæ suæ remisit de sua speciali gratia dicto Thomæ Comiti executionem duarum pœnarum, quod idem Thomas Comes non traheretur nec suspenderetur, sed quod executio fieret tantummodo super ipsum, quod decapitaretur, sicque decapitatus est extra villam de Ponte fracto, à captione sua die tertio, vt præfertur. Warrinus de Insula, Wilhelmus Toket, Thomas Mandut, Henricus de Bradbourne, Wilhelmus filius Wilhelmi, & Wilhelmus Cheyne, qui capti sunt cum Thoma Comite, propter roberias & felonias, & resistantiam, quam fecerunt contra Regem ad villam de Burton, occidentes Regis familiares, & Regis transitum prohibentes, ac partem villæ prædictæ in recessu suo comburentes, ceteraque perpetrantes, quæ dicto Thomæ Comiti imponuntur, adiudicati sunt de prædictorum Comitum & Baronum consilio, tractioni & suspensioni apud Eboracum. Dominus Rogerus Clyfforde, dominus Iohannes de Mounbray eodem iudicio condemnati sunt & suspensi. Gosselinus de Inuylla simili sorte vitam finiuir, ex post parumper dominus Henricus Tyes captus, Londoniis tractus & suspensus est. Deinde dominus Bartholomæus Barlesemere captus est, & Cantuariæ decollatus. Solus dominus Rogerus Tamari morte obiit naturali. Cetera qui voluerit videre pleni-

Lancastrensis capite placitur.

Chronica Risan-ger.

Rex conscribit exercitum in Scotos.

Regis exercitus fame afflictus dimittitur.

nius, in chronicis Wilhelmi Risan-ger apud sanctum Albanum latius poterit reperire, vbi recordatum Regis habetur de omnibus memoratis. Rex igitur elatus de tanta victoria, qui potius gemitus debueret de tanta nobilium turba male perempta, quia tunc fuit vere victus, quando tot vicit prudentes milites, collegit exercitum fortem nimis & magnum contra Scotos, quantus à longo tempore non est visus. Qui absque victualibus in graui pompaque multitudine in borealibus adunatus partibus, peruenit ad Regem, ad villam de nouo castro super Tynam. Inde Rex hostiliter profectus est in Scotiam lento gressu, permetiens quasdam partes illius prouinciæ, cuius aduentu præcognito, Scoti bona sua cum necessariis ad loca tutiora comportauerunt, fugientes ad montes, nemora, vel paludes: sicque contigit, vt cum Rex suis nullam resistantiam inueniret, nullaque victualia reperiret, sed omnia deserta, vacuata, & vastata, perpendit, consumptis igitur victualibus, tam per terram, quam per mare pro exercitu comportatis, magna pars exercitus fame & inædia tabefacta protinus est extincta.

tincta. Quia (prout dicit Vegetius de re militari) *Sapius penuria quam pugna consumit exercitum, & ferro senior fames est.* Cernens autē Rex plebem suam perire tam miserabiliter, dolēs domū regreditur, infecto quocunq; negotio fructuoso. Cumq; multi de Regis exercitu peruenissent ad propria, & gustassent cibos auidius, mox vel disruptis viscibus moriebantur, aut consumpta natura semper imbecilles & debiles permanserunt, vires præhabitas recuperare non valentes. Contigit eo tempore, cum Rex in partibus moram traheret borealibus, in loco, qui dicitur Regalis vallis, minus caute, Scoti (per exploratores perfidos quos habebant Anglicos) edocti de Regis male cautaperhendinatione, ingressi sunt regnum subito, sperantes Regem incautum capere, vel certe perimere, si fortuna fauisset: sed Deo volente Rex præmonitus de Scotorum molitionib. recessit à loco, quē velut fugientem Scoti persecuti sunt vsq; ad Abbatiam de Byland, sed nec ibi tutus locus regi fuerat propter Scotorum violentiam, quamobrem Rex vix arreptis armis, fugit Eboracum celeriter, thesauro suo, victualibus & utensilibus direptioni relictis. Scoti vero videntes vias suas prosperari, patriam peruagantur, omnia ferro flammaque vastantes, & captiuos multos secum trahentes, inter quos virum nominatissimum dominum Iohannem de Bretayne ceperunt, Comitem scilicet Richmundiæ, & multis spoliis domum prospere sunt regressi. Eodem anno dominus Hugo de Spencer pater, factus est Comes Wintoniæ. cui rex dedit castrum & honorem de Donyngton, quod fuit de Lincolnæ comitatu. Ipso anno obiit Rex Franciæ Philippus, filius Philippi, cui successit in regno Carolus frater eius, qui prius fuerat comes Marchiæ Wasconia. Transit annus ille parū frugifer, alias satis fructifer: Angliæ damnosus, probrosus, luctuosus propter intestinam discordiam, & nobilium terræ iugulationem. Regi vero infamis notabiliter, propter tyrannidem in suos naturales, inuisus propter infelicem profectionem ad partes boreales, & in Scotiam, ubi pene perdidit mediam gentem suam putibunde maxime, propter fugam suā ante Scotorum faciem in proprio regno suo, & thesaurorum suorum perditionem.

Rex prope circumuentus à Scotis.

Annalis reclusio.

Anno gratiæ millesimo trecentesimo vicesimo tertio, qui est annus regni Regis Edwardi à conquestu secundi sextus decimus, tenuit Rex natale dominicum Eboraci, dissimulans damna probrosa, quæ perceperat dudum per Scotos, & gestans vultu lætitiā, quamuis immaniter in animo torqueretur. Eodem tempore quidam de mediocri familia Thomæ quondam Comitis Lancastriæ captus est, qui pro rebellionē, quam fecerat insurgendo contra Regem in guerra baronū, & notabilib. depredationibus & incendiis, iudicio publico condemnatus est. Sed quia quandoq; steterat in Regis curia, & placuerat quibuscū de maiorib. Regi assistentibus, multi Regē adiecerunt deprecaturi pro vita eius. Quos cum Rex audisset instantius pro eius saluatione precari, commotus est vehementissime, cum verbis imperii ita respondens: vā vobis insurrones infandissimi, detractores maleuoli, nequam consiliarii, pro vita deprecamini nebulonis notissimi, qui pro vita mei consanguinei militis illustrissimi Thomæ Comitis nullas preces facere voluistis. Et quidem si ipse vixisset, mihi totique regno necessarius extitisset. Hic vero quanto diutius in hac vita perstiterit, erit tanto sceleratior, quippe qui hætenus repleuit sceleratis facinorib. totū regnū meū, per animum (inquit) Dei morte debita morietur. Et mox iussit executionem fieri de iudicio dato super eum, motus maxime contra suos, qui noluerūt preces fundere pro Thoma comite, quem Rex intime diligebat. Eo tempore venerunt ad Regē Angliæ nuntii noui Regis Franciæ Caroli, videlicet dominus de Beomble, & dominus Andræas de Florentia, ad citandū & monendū eum, quod veniret infra certum tempus ad faciendū homagium suum ipsi Carolo nouo Regi pro ducatu Aquitanie. Et licet Hugo de Spencer filius & Robertus de Baldock cancellarius procurassent ipsos nuntios, quod non notificarent regi aduentus sui causam, ipsi tamen in suo recessu monuerunt eum quod veniret infra certum tempus, quasi consulendo ad homagium faciendum. Super qua monitione siue citatione subdola, dictus Andræas de Florentia, qui fuit notarius, fecit publicum instrumentum, virtute cuius rex Franciæ fecit processum contra Regem, & terras multas Wasconie seiscire fecit in pœnam contumaciæ regis Angliæ, qui fuit informatus per malos cōsiliarios, quod ipsum præfata citatio vel monitio non arctabat. Eodem anno Episcopus Glasguensis, & Thomas Rondolf Comes Morauie missi sunt per Robertum Brus, & totum regnum Scotiæ ad curiam Romanam pro habenda relaxatione excommunicationum & interdicti sententiarum in regnum & regnicolas Scotiæ per Cardinales auctoritate Papę latorum. Contra quos Rex Angliæ misit

Natale celebratum Eboraci.

Pœnituit Regem de morte Lancastriensis.

Rex Francia à rege Angliæ sibi homagium fieri postulat.

Frans Gallica.

Scoti legatos Romanam mittunt, ut ab excommunicatione liberentur, sed non impetrant.

misit quendam simplicem clericum, qui obtulit se coram Papa ex parte Regis Angliæ ad probandam Scotorum manifestam & notoriam offensam, non solum contra Regem & regnum Angliæ, sed etiam contra sedem Apostolicam fore contractam, ita quod ante satisfactionem non possent dictæ censuræ laxari de iure. Contigitque clerici dicti diligentia, quod Scoti infecto negotio redierunt. Per idem tempus Andræas Herkle de probò factus improbus leuauit calcaneum contra Regem, qui illum de pusillo magnum creauit, & fecerat ei nomen iuxta nomen magnorum, qui sunt in terra. Siquidem cum dictus Andræas ad pontem Burgi Barones à facie Regis fugientes viriliter excepisset, & Humfridum de Boun per suos, vt præfertur, peremisset, & Thomam Comitem Lancastriæ tanquam captiuum cepisset, reliquos vero fugasset, 10 vel occidisset pro libito, & cum magna pompa à Rege acceptus fuisset, & pro tanta victoria cogitauit Rex qualiter talem virum posset vberius honorare: tandem deliberato consilio, propriis manibus eum cinxit gladio militari, donans ei comitatum de Carleo, cuius per ante ciuitatis & castri diu fuerat constabularius siue custos. Qui mox honore tanti nominis eleuatus, Hugonem dispensatorem cœpit persequi propter rancorem, quem per longum tempus conceperat contra eum. Sed cum videret dictum Hugonem de die in diem proficere & exaltari, insuper & per Regem manu teneri, contra eum indignatus quam maxime, quod iuxta malitiam cordis sui vindicari non poterat, contra fidelitatem, quam domino suo Regi iurauerat, iunxit se Scotis inimicis Regis publicis, & eorum consiliis se immerfit, qui mox ab illis hilaritate 20 tanta susceptus est, ac si cœleste munus, quia nullus vnquam fuerat illis infestior aut acrior expugnator. Nempe in regnorum confinio semper habitans damna innumera illis intulerat, modo prædas agens, modo faciens equitationes, modo captiuos secum trahens, modo flammis villas prædiaque deuastans. Cumque per dies aliquot moram fecisset inter eos, & ipsi iam securi facti fuissent de eius nefanda perfidia contra Regem Angliæ, cogitauerunt eum, quantum poterant, honorare, in tantum, vt sororem Regis Scotiæ vellent sibi coniugio copulare. Rex interim Angliæ cognoscens (per relatores) quid Andræas fecerat, doluit, quod tanta beneficia contulerat tam ingrato. Erat tunc in partibus borealibus miles famosus & strenuus, vocatus Antonius, cognomento de Lucy, qui & Regis fauorem cupiebat acquirere, & patriam 30 de tam nefando proditore protinus vacuare. Hic per exploratores edoctus, quod Andræas apud Carleolum satis secure (nihil mali suspicatus) morabatur, repête cum manu valida irruit super eum. Quem illico captum misit ad Regem Londoniis cathenatum, vbi quadrifario iudicio condemnatus est. Nempe primo degradatus est, amputatis securi ad talos suos calcaribus, & sic vicissim discinctus est baltheo militari, ablatis calceis & chirothecis. Deinde tractus, suspensus, & in quartas diuisus est. Et partes quatuor principalibus ciuitatibus Angliæ sunt transmissæ: caput eius super pontem Londoniarum fixum est, versus partes respiciens Scoticanas. Eodem anno Robertus de Brus per literas missas per solennes nuntios, requisivit regem Angliæ de treugis per annos tresdecim duraturis. Rex vero Angliæ fatigatus per 40 guerras Scotiæ multipliciter, concessit in treugas voluntarie, quæ sub tresdecim articulis clauderantur, quos qui videre desiderat, respiciat chronicas fratris Henrici Blankforde monachi sancti Albani, quæ habentur in monasterio memorato. Sub eodem anno facta est grandis coniuratio multorum, qui cum baronibus steterant in guerra sua, vt omnes, qui in carceribus detenti fuerant ratione dictæ guerræ per totum regnum, vna eademque nocte eriperent, & à vinculis liberarent. Venerunt igitur quidam de coniuratis ad castrum Wallingfordiæ, in quo tenebantur viri nominatissimi, Mauricius de Berkley, & Hugo de Audeley, & latenter ingressi sunt per posticium versus aquam Thamisiæ, vt complerent opeta præconcepta, sed eorum furtius introitus villanos non latuit, vnde mox clamor & tumultus factus est nimis 50 per totam villam, ex quo tota patria est commota. Aduenit igitur ex illis partibus indiscreta multitudo, vt obsiderent eos, qui castrum sic ingressi fuerant, & eos obsiderunt, donec venirent ad continuandam obsidionem Comites Cantia & Lincolniæ, cum vi maxima armatorum. Videntes autem, qui castrum sic ingressi fuerant, se non posse resistere tantæ violentiæ, ad capellam dicti castri pro refugio Ecclesiastico confugerunt. Qui tamen inuitis decano & presbyteris dicti collegii, qui eos nitentur defendere, de capella sunt violenter abstracti, & vel diuersis pœnis ad mortem traditi, vel carceribus mancipati, donec Rex crudelius de eorum suppliciis statuisset. Factum est igitur, vt hac occasione cuncti per Angliam incarcerati arctius solito strin-

*Andreas Herkle
ingratus trans-
fugit ad Scotos.*

*Scoti transfugam
cupido suscipiunt.*

*Andreas captus
regitraditur.*

*Inducia inter
Scotos & Anglos.*

*Coniuratio de li-
berandis omni-
bus carceribus
inclusis.*

gerentur. Circa festum sancti Michaelis Archangeli Rex circuiuit comitatus Eboraci & Lancastriæ, & Marchiam Walliæ, ingrediens ciuitates & villas, & inquisitiones faciens de pacis perturbatoribus, de vulgi cõmunis oppressoribus, de prouinciarum prolocutoribus & ductoribus, qui per nundinas siue fora soliti fuerant concitare seditiones, fouere partes contra partes, manutenere malefactores, & notatos captos & conuictos puniuit iuxta suæ demerita prauitatis, antiquisque profligatis erroribus, leges terræ præcepit in in locis omnibus obseruari. Eodem anno Papa citauit ducem Bauariæ in Imperatorem electum, vt infra certum terminum veniret ad curiam, & de electione & iure suo doceret, & quia non venit in terminum, excommunicauit eum, & postmodum pronuntiauit eum nullum habere ius in imperio, vel ad illud, & si quod habuit priuauit eundem. Hoc anno vacauit Ecclesia Wintoniensis per mortem domini Rigandi de Aisero in curia, cui Papa prouidit de Magistro Iohanne de Stretforde in curia tunc præsentem.

Papa electionem imperatoris pro suo arbitrio frustratur. Episcopus Winton. obiit.

Transit annus iste mediocriter lætus frugibus, sed fœcundus fructibus: formidolosus regni malefactoribus Angliæ: Scotiæq; votiuus propter treugas captas.

Anno gratiæ millesimo trecentesimo vicesimo quarto, qui est annus regni regis Edwardi à conquestu secundi septimus decimus, tenuit Rex natale apud caltrum de Kenelsworth in magnificentia & gloria, & magna frequentia sexus vtriusque. Eodem anno in sequenti quadragesima conuocari fecit Rex ad parlamentum Londoniis celebrandum regni proceres, & prælatos, ad tractandum de variis regni negotiis, & præcipue consulendum, quid foret respondendum regi Franciæ, qui Regē Angliæ pluries iam vocauerat, ad faciendum homagium sibi pro Wasconia, & ceteris terris, quas tenebat in regno Franciæ & dominio Regis Francorum, super quo, ex consensu procerum & omnium assistentium decretum fuit, quod in propria persona non trāsiret, sed prius mitteret solennes nuntios, si forte vel hac vice de non cõparendo posset obtinere dilationem vel omnimodam excusationem. Præterea rex petit in præfato parlamēto, tam de clero quā de populo laicali subsidiū pecuniarū, pro redemptione nobilis viri Iohannis de Britannia comitis Richmundiæ, nuper capti per Scotos apud Abbathiā de Byland. Sed hæc petitio mōstrabatur per multas rationes iniusta fore, & tandē voce publica penitus est negata sub ista replicatione, quod tantū pro rege, regina & filiorū regis primogenito (si in captiuitate tenerentur) foret cōtributio faciēda: & sic quieuit tributū, cessauit exactor. In eodem parlamento arrestatus fuit Adam episcopus Herefordensis, in magnum cleri dedecus, & præiudicium totius Ecclesiæ Anglicanæ, & examinatus de prodicione & crimine læsæ maiestatis corā Rege & proceribus vniuersis. Impositum nempe fuit sibi, quod quosdam inimicos nuntios regios suscepisset, & fouisset in magna copia armatorum, & quod eis impendit auxilium, consilium & fauorem. Ille vero, prout erat vir maturus & literis abundanter imbutus, patienter hæc tulit, ad conuitia & opprobria nihil omnino respondens. Tandem pulsatus diuersimode sic ora resoluit. Domine Rex (vestra regiæ maiestatis reuerentia semper salua) ego sanctæ ecclesiæ Dei minister humilis, membrum eius, & Episcopus consecratus (licet indignus) ad tam ardua nequeo respondere, nec debeo absq; domini Cantuariensis Archiepiscopi (post summum pontificem mei directi iudicis (cuius etiam sum suffraganeus) auctoritate, & aliorum parium meorum Episcoporum conuiuentia vel consensu.

Natale apud Kenelsworth.

Parlamentum Londini.

Subsidium negatum.

Episcopus Herefordensis de crimine læsæ maiestatis accusatur. Accusatio Episcopi. Defensio sui ad Archiepiscopum promouentis.

Quo responso prolato, mox Archiepiscopi & Episcopi omnes & singuli, qui affuerunt iurgentes, Regis clementiā pro collega & coepiscopo implorabant. Sed rege tot supplicationibus non placato, aut ab ira concepta nullatenus pacificato, totus clerus dictū Episcopū & membrū ecclesiæ vindicauit. Deliberatus est igitur custodiæ Cantuariensis Archiepiscopi, donec Rex discerneret, quando ad obiecta vel obiicienda alias responderet. Paucis exactis dieb. rex vt prius episcopū prædictū cõuenit. Quo rumore ad aures plato Pontificū, Cantuariensis, Eboracensis, & Dublinensis archiepiscopi, cum aliis decem episcopis, erectis crucibus ad locum iudicii cum omni celeritate venerunt, & confratrem eorum & coepiscopum solum stantem, & nimium desolatū in suam custodiam susceperunt, & eum absq; responso dato, cum illis protinus abduxerunt, iniungentes firmiter ex parte Dei & sub pœna anathematis vniuersis qui aderant, ne quis in eū manus præsumeret iniicere violentas. Quo sic abducto, rex de tanta cleri cõmotus audacia quasi ex officio iudicis obiectis pcepit fieri inquisitionem. Ac iurati de patria conuocati, plus regis terreni metuētes offensam, q̃ sempiterni iudicis ultionē, absentem episcopum reum fuisse de omnib. obiectis articulis præsentat-

Præsules episcopi quasi vi ad se abducunt.

Episcopus per iuratos laicos reum pronuntiat.

sentarunt. Quod Rex ducens pro maximo confiscari fecit omnes redditus, & terras suas, & quod erat intollerabilius, omnibus suis victualibus & utensilib. in plateis proiectis & dispersis, eum permisit inhumaniter spoliari. Episcopus vero remansit sub tutela Cantuar. Archiepiscopi gratiâ Regis expectans. Eo tempore Episcopus Lincolnienfis, cuius temporalia per biennium in manu detenta fuerant (adepta Regis beneuolentia) suis est possessionibus restitutus. De quibus omnibus quidam Satyricus illius temporis ita dictauit:

*Nostri cornuti, sunt consilio quasi muti,
Sunt quasi confusi, decreto legis abusi.
Et quia non tuti, nequeunt sermonibus uti,
Sic perit Ecclesia, iuris & ipsa via.*

10

Hospitalarii cōceduntur possessiones templariorum.

Legitur qui exsuscitauit regem de homagio non facto.

In eodem parlamento terrarum possessiones & dominia quondam templariorum, assensu communi totius cleri & populi, hospitalariis conceduntur, iure perpetuo per omnes regni prouincias possidenda. In eodem parlamento electi sunt viri nobiles, Comes videlicet Cantii, germanus Regis, & Archiepiscopus Dublinensis, ad excusandum penes Regem Franciæ, Regem nostrum, quia citatus non comparuit coram Rege Franciæ, ut superius memorauimus. Qui cum transfretassent, à Rege Franciæ honorifice sunt suscepti. Non tamen effectum negotii potuerunt consequi, donec de quadam transgressione nuper facta in Aquitania in dedecus Regis Franciæ sibi foret plenius satisfactum. Acceperat nempe Rex Franciæ quandam terrarum particulam ibidem per excambium, in qua municipium construxerat, propter amoenitatem loci, & villam in circuitu cum ædificiis sumptuosius, cuius habitatores erecti in superbiam, freti dominio Regis Franciæ, non solum leges & decreta populi Aquitanici, sed etiam Senescallum Regis Angliæ, dictum Radulphum Basset, spreuerunt, & contempnibiliter vilipenderunt. Et cum legibus debuissent paruissse illius terrarum communibus, idem Radulphus (collecto exercitu) venit ad locum, & omnes aut vertit, aut gladio interfecit, & vniuersa ædificia complanauit. Quamobrem dictus Radulphus vocatus ad curiam Regis Franciæ venire contempsit, sed pro omnibus allegatis respondit audacter, se nihil aliud in hac parte fecisse, quam quod sui officii debitum exigebat. Super quo responso commoti Franci Senescallum præfatum Regis Angliæ cum suis vocatum complicibus iterato, & non comparentem, proscripserunt. Præfatus vero Radulphus cognito Francorum decreto, ad castrum de Monpesade bene munitum se contulit, ubi potuit à Francorum incursumus tutus esse. Hunc ergo à prædictis nuntiis petiit Rex Franciæ sibi reddi cum suis complicibus, vna cum castro, ad quod confugerant, memorato, iuxta Francorum consuetudinem puniendum. Comes Cantii pro bono pacis cum suis laicis, Regis voluntati consentire decreuit. Sed Archiepiscopus irregularitatis notam timens incurrere, distulit consentire, donec à Rege Angliæ habuisset aliud in mandatis. Quocirca mox mittuntur ad Regem nostrum nuntii, qui quærerent quid agendum foret. Rex vero sine mora impetuosum

Legati infestare domum regis.

Rex Franciæ mittit exercitum in Wasconiam.

Rogerus de Mortuomari profugit à carcere.

Comitis consensum penitus reuocauit, nolens pro bono facto militiæ tantum militem quomodolibet per aduersarios molestari: sicque reuersi sunt nuntii sine itineris sui fructu. Rex Franciæ per idem tempus misit dominum Carolum de Walleys patrui suum in Wasconiam cum magno exercitu, ad iuuandum possessionem totius ducatus Aquitaniæ, pro eo, quod Rex Angliæ non venit ad faciendum homagium suum pro ducatu & comitatu Pontini, quam sefuit, ad quod faciendum fuit vocatus, sicut superius est expressum. Venit ergo in obuiam domino Carolo Comes Cantii, Edmundus de Woodstock frater Regis Angliæ cum multis nobilibus de regno Angliæ, qui illuc destinati fuerant, ad resistendum Carolo supradicto. Nullo tamen resistantiam faciēte, Carolus totam Agennam equitauit, & illas partes sefuit vsque ad villam de Regula, in qua fuit dictus Edmundus Comes Cantii tenens villam. Finaliter vero fuit treuga inita inter eos vsque ad certum tempus, quo possent de pace tractare, & reddita Carolo villa illa, vtraque pars ad propria remeavit. Eodem anno in festo sancti Petri ad Vincula, Rogerus de Mortuomari, dominus de Wygemore, qui cum Rogero auunculo suo post guerram Baronum Regis gratiæ se submiserat, & in eminentiori nihilominus & acriori loco turris inclusus fuerat, data suis custodibus soporifera potione, euasit per omnes turris custodias, quas wardas vocamus, & peruenit ad flumen, ubi quandam cimbam reperiens, à quodam coadiutore sibi præparatam illam intrauit, & cum conscio sui secreti peruenit ad mare. Quo cum summa felicitate transmeato, se contulit ad Regem Franciæ sine mora, ubi quorundam de sua

sua consanguinitate præsidio vitam duxit diutinam, gratiam reconciliationis expectans. Rogerus auunculus huius Rogeri fere per quinquennium squalore carcerali detentus, ibidem satis inciuiliter tandem diem clausit extremum, cuius corpus delatum Bristoliam sepelitur. Missi sunt eo tempore & alii nuntii pro pace impetranda, quorum vnus erat natione Francus, dictus dominus de Suliaco, alter Anglicus, magister Iohannes de Shordiche appellatus. Sed Iohannes de Suliaco ibi de quadam transgressione notatus & accusatus vix (interuentu Reginæ Franciæ) mortem euasit, collega suo sine fructu legationis domum transmissio. Interea mercatores vtriusque regni dissentiones Regales deplorabant, quia neque Francis in Anglia, neque Anglis in Francia negotiari licebat. Familiares quoque Reginæ quotquot erant oriundi de Francia, terram sine spe reuersionis exire cogeantur in Francorum odiū & contemptum. Terræ quoque, scilicet prædia & castella Reginæ, in manus Regis seiscita fuere, datis dictæ Reginæ stipendiis de bursa Regis. Religiosi autem & beneficiati in hac terra de gente Francorum in maxima miseria degere cogeantur, cum eorum redditus, possessiones & beneficia vniuersa & singula confiscabatur, exilissimo victu eisdem de rebus propriis deputato. Transit annus iste illaudabiliter fructus & fruges producēs: Anglis & Francis inuisus propter guerram motam in Wasconia, & præcipue propter negotiatorum varia impedimenta, quæ dissentionem generauerunt: Ecclesiæ Anglicanæ molestus: Scotis quietus.

Legati in Franciam pro pace.

Franci Angliam pulsi.

Annalis cōclusio.

10 Anno gratiæ millesimo trecentesimo vicesimo quinto, qui est annus regni regis Edwardi à conquestu secundi octauus decimus, cum treuge apud Eboracum fuissent firmatæ inter Anglicos & Scotos per vtriusque regni prudentiores viros, tenuit Rex apud Nottingham natale dominicum nobile & solenne. Per idem tempus dominus Papa paci regnorum Angliæ & Franciæ pie prospiciens, Archiepiscopum Viennensem, & Episcopum Auriacensem ad vtriusque regni Principes destinauit, qui pacis monita darent vtriusque. Qui cum nihil profecissent, facto in clero tallagio, videlicet de singulis marcis accipientes quadrantē pro suis expensis, infecto negotio sunt reuersi. In octauis sancti Hillarii factum est parliamentum Londoniis apud Westmonast. in quo tractabatur de saluatione ducatus Aquitaniæ, quæ iam dudum per Gallos fuit multiplicitè lacerata. Missi sunt ergo solennes nuntii ad Regem Franciæ, Wintoniensis & Norwicensis Episcopi, & vir illustris Iohannes de Britannia Comes de Richmond. Qui post multas disceptationes, allegationes & excusationes factas, tandem quandam pacis formam à Rege Franciæ receperunt. Remissus est ergo in Angliam Wintoniensis Episcopus collegis in Gallia remanentibus, qui nuntiaret Regi nostro, quæ facta sunt. Tandem post longum tractatum familiares Regis laudauerunt Regnam transmittēdam ad Regem Franciæ fratrem suum pro pacis negotio confirmādo cum familia moderata, quæ satis humiliter suscipiens legationis officium, cum vno solo barone, scilicet domino Iohanne de Cromwel quatuorque militibus transfretauit. Mediatrice igitur Regina Angliæ Isabella tali pacto, fuit finaliter concordatum, vt Rex Angliæ daret Edwardo filio suo primogenito ducatum Aquitaniæ, & comitatum Pontini, vt Rex Franciæ reciperet homagium ab eodem Regis filio, & redderet sibi statim comitatum Pontini, & terras in Aquitania, de quibus placita mota fuerūt, & de aliis æquitatis per Carolum auunculum suum faceret sibi iustitiæ complementum. Super quibus omnibus misit Rex Franciæ suas patentes literas in Angliam, & alias literas de conductu saluo, tam pro filio quam pro Rege Angliæ, si ipse mallet in persona propria venire. Super qua optione fuerunt multi & magni tractatus apud Languedon & apud Douoriam, multis consulentibus, quod Rex in persona propria transiret. Sed vterque dispensator pater & filius, qui nec audebant mare transire, nec Rege transeunte in Angliam remanere propter odium regni nobilium, qui perfecto odio oderant illos, dederunt consilium & præualuerunt, vt filius Regis transiret. Cuius transitus in caput ipsorum, sicut patebit, ex sequentibus redundauit. Vnde dominus Rex Angliæ fecit chartam filio suo prædicto de dictis ducatu & comitatu, habendum & tenendum sibi & heredibus Regis Angliæ, & si contingeret ipsum mori in vita patris sui, terræ redirent ad ipsum patrem. Itā etiam quod Rex Franciæ non posset dictum filium Regis maritare, nec tutorem aut curatorem sibi dare. Quæ ordinatio fuit facta Douoriz per chartam regis, ex cōsensu prælatorum & aliorū nobilium regni præsentium, tunc ibidē in crastino natiuitatis beatæ Mariæ. Et in die Iouis sequente idem Edwardus filius mare transiuit, & cum eo Wilhelmus Episcopus Oxoniæ, & alii in numero competenti. Et circa festum sancti Matthæi fecit homa-

Natale celebratum apud Nottingham.

Papa legati intercedunt pro pace.

Parliamentum Londonia.

Regina mittitur in Franciam auctoritate de pace.

Conditiones pacis.

Regis filius proficiscitur in Franciam.

L
gium

Edwardus filius regis homagium facit regi Francorum.

gium auunculo suo regi Franciæ, sub quibusdā protestationib. fuit etiam à contrario protestatum. Acta sunt hæc in Francia in manerio regis Franciæ, appellatum Boydeuincens, coram multis proceribus regni Francorum. Dona vero, quæ Franci regi Anglorum præparauerat, & exennia filio regis manu largiflua tribuebant, quorum fauorem iuuenis regis filius indicibiliter consecutus est. Eodem anno Guelfi venientes de Florentia ad Lucam, sumptib. & de mandato Papæ per Gibellinos capti fuerant, & multi interfecti, ac ceteri in fugam acti. Hoc anno in æstate, & etiam anno sequenti tanta fuit siccitas, quod vere dici posset illud Theodoli de hac terra:

*Anglorum terras iam seruida torruit æstas,
In Cancro solis dum voluitur aureus axis.*

10

Regina annū in Frācia commoratur, consuetudinem habens cū Rogero de Mortuomari.

Quia fluuiis etiam maioribus desiccatis, & fontibus riuorum aquæ pene in locis omnibus disparuere. Quamobrem multa animalia tam domestica quam siluestria præ potus penuria defecere. Eodem anno statim post festum sancti Michaelis voluit Rex Angliæ, quod domina Regina coniux sua, & filius suus Edwardus facti homagio, vt præmittitur, cito & sine mora redissent. Sed Regina & filius suus remissa magna familia vtriusque in Angliam, per totum illum annum remanserūt ibidem (vt dicebatur) inuiti. Alii vero asseriebant, quod voluntarie propter nimiam familiaritatem tunc contractam inter dictam reginam, & D. Rogerum de Mortuomari, sine quo & aliis nobilibus de Angliæ profugatis noluit dicta Regina redire, & maxime in odium illorum dispensatorum, & Hugonis, qui anno præcedenti procurauerāt familiam reginæ ab ipsa remoueri. Quod propositum reginæ postea rei exitus cōprobauit. Quod percipiens Walterus, Episcopus Exoniensis de comitiua dictæ Reginæ clam recessit. Per idem tempus iussit Rex Angliæ Isabellam Reginam Angliæ, & Edwardum filium suum primogenitum (contra voluntatem suam in vltamarinis commorantes) Londoniis tanquam regni inimicos notorios, & regionum inimicorum receptatores & fautores publice proclamari. Et banniuit eos cum omnibus, qui illis adhæserant de regno suo. Sub eodem tempore euaserat de castello de Corf, vir versutus & subdolos, sed manu tamen fortis, Robertus de Walkefare miles, qui captus fuerat in guerra baronum, mota contra Regem, eo quod magnus dissidii suscitator & promotor fuerit, & non dico ductor, sed seductor illius viri nobilis, & magnifici Comit

20

30

Oliuerus Inghā prouinciā Agennensium Anglorum imperio adiacit.

Admiralli Regis iussu Frācos maris infestant & 20. naues capiunt.

Legati Papa de pace in Angliam veniunt, & ea infesta recedunt.

Regina Franciæ coronata.

dem tempore dominus Oliuerus Ingham, miles iuuenis, sed cordatus, factus fuerat custos Aquitaniæ per iuuenem ducem Edwardum assensu Regis patris sui, qui grandi collecto exercitu, de stipendiariis militibus Hispanicis, Arragonicis, & Walsconensibus prouinciā Agennensium occupatam per Regem Franciæ contra patrum inuasit, eamq; dominio Regis Angliæ restituit integraliter & subiecit. Sub eisdem diebus tres Admiralli trium plagarum Angliæ, videlicet dominus Iohannes Oturuin, dominus Nicholaus Kiriell, & dominus Iohannes de Felton, custodiam maris habentes, & facultatem plenam per Regis commissionem inuadendi, infestandi, & diripiendi quoscunque de Francia mercatores, cum Gernemuthensium, & Portesmuthensium, & occidentalium classe oceanum sunt ingressi. Et non segniter commissionis suæ negotium exequentes, infra breue tempus centum viginti naues Normannicas ceperunt, & in Angliam attraxerunt. Suscitatum est igitur odium inexorabile inter Reges, & damna vbique pro viribus inferuntur. Quod cernens dominus Papa, & vehementer cōdolens, misit in Angliam nuntios duos Episcopos, qui primo pacem studerent facere inter Regem & Reginam, & secundarie inter Reges. Qui reuerenter admissi, nihil præter reuerentiam receperunt, vnde dolentes reuersi sunt, de pace penitus desperātes. Eodem anno coronata fuit Parisius regina Franciæ, cui solennitati interfuere Reges multi, Duces plurimi, Comites & Barones numero pene incredibili, cum suis militibus plusquam quingentis. Inter quos Edwardus filius Regis Angliæ, & dux iam Aquitaniæ, cum sexaginta & decem militibus celebrius festum fecit. Interea crescente odio inter Regem Angliæ & Reginam, regem Franciæ

40

50

& re-

& regem Angliæ, & vtrunque regnum, multa mala fiebant. Inter quæ Rex Angliæ (prout dicitur) procurauit mortem vxoris suæ, & filii sui Edwardi. Cuius scelestis executionem fecisset dominus Iohannes de Britannia Comes Richmundiæ, qui cum Regina familiaris fuit. Sed Deo prohibente, illa machinatio fuit penitus impedita. In fine vero anni præsentis, cum Regina cerneret magnates Franciæ fore corruptos magnis muneribus Anglicorum, & nusquam tutam fidem, festinauit egredi calorem domus Rechab, & Francos suos familiares & consanguineos (vsa sapienti consilio) latenter fugit, & ad Comitem Hannoniæ se contulit cum sua familia & filio suo Edwardo, petitura auxilium & fauorem, à quo cum filio & suis omnibus magnifice est suscepta, & honorabiliter (prout tantam Reginam decuit) exhibita, pro tempore moræ suæ. Transiit annus iste mediocriter hilaris, frugum fecunditate vel fructuum: Francis varius propter res perditas cum classe sua: Anglis suspectus propter pericula verisimiliter imminencia toti regno per Francorum odium, per iram exulium, & redditum eorundem.

Rex reginæ & filii mortem molatur.

Annalis cōclusio.

Anno gratiæ millesimo trecentesimo vicesimo sexto, qui est annus regni Regis Edwardi à conquestu secundi, nonus decimus, tenuit Rex natale apud sanctum Edmundum, timens vehementer Reginæ redditum, & exulum, qui cum ea fuerunt.

Natale celebratur apud sanctum Edmundum.

Hoc anno Isabella Regina Angliæ contractis sponalibus inter filium & Comitis Hannoniæ filiam, Philippam nomine, in Angliam ire disposuit, adiutorio Comitis dicti fulta. Assumptis igitur filio suo duce Aquitaniæ fere quatuordecim annos ætatis habente, domino Edmundo de Wodstock Comite Cantii, germano Regis Angliæ, domino Rogero de Mortuomari, domino de Wigomor, & aliis multis viris illustribus de regno Angliæ profligatis, duce domino Iohanne, viro strenuo, fratreque Comitis Hannoniæ, quem sequebantur milites stipendiarii de Alemania & Hannonia plures valde, ita quod numerus eorundem fuit duo millia septingenti quinquaginta septem hominum armatorum, parata classe per Comitem Hannoniæ, peruenit ad mare, & satis audacter committens se pelago, feliciter nauigauit, peruenitque ad Orewell cum familia integra, & in portu de Herwiche Angliam est ingressa in terra

Comitis Marecalli, cui mox Comes Marecallus & Comes Leycestriæ aliique Barones & milites illarum partium adhæserunt, cum Prælati fere omnibus, & præcipue Lincolnensi, Herefordensi, Dublinensi, & Eliensi Episcopis, qui iuncti Reginæ magnum exercitum conflauerunt. Alii vero, & præcipue W. Cantuariensis Archiepiscopus sibi pecuniam ministravit. Recreato exercitu apud sanctum Edmundum progressa est ad quærendum suos regniq; aduersarios, qui se semper sub alis protectionis regiæ adhærentes, eius præsentis occultabant. In progressu quotidie Reginæ augebatur exercitus, & minuebatur regius numerus, ita vt per totam Angliam non inueniretur aliquis, qui volebat contra Reginam regis stipendiis militare. Ne cladebat Reginæ exercitus quosque in corporibus aut catallis, nisi solum aduersarios quos quærebant, quorum proposito bona ubiq; locorum inuenta suis vñibus applicabant, & prædia destruebant. Erat autem Rex Londoniis, quando Regina dicto modo applicuit. Et primo quidem istis rumorib. renuit dare fidem, sed cum certissime cognouisset rerum fidem, multum consternatus, petiit Londonienses, vt sibi præberent auxiliū militate. Qui post deliberationem habitam responderunt, quod dominum Regem, Reginam, & filium eorundem, heredem regni legitimum, honorarent obsequio debito, sed extraneis & regni proditoribus ianuās clauderent, & resistere toto nisu: exire vero ciuitatem suam se nolle fatebantur ad pugnam, nisi possent (iuxta libertatem eis concessam) ipso eodem die reuerti ante solis occasum. Quo responso Rex accepto, sed nullatenus acceptato, turrim Londoniarū communiuit armis & victualibus, in quo reliquit filium suum iuniorem Iohannem de Eltham, & vxorem domini Hugonis de Spencer iunioris, neptem suā: ipse vero loca regni occidua adiit, quæsiturus tutamina, vbi collocaret exercitum contra reginam. Ante recessum suum de Londoniis, proclamari fecit, vt vnusquisque sub forisfactura rerum & corporum, resisteret applicatis, & eos inuaderet & occideret, si quo modo posset, exceptis solummodo regina & Edwardo filio suo, & comite Cantii germano suo, qui si commode possent viui caperentur illæsi. Proclamatum est insuper, vt nullus cōmunicaret cum eis, vel victualia venderet, vel quouis modo ministraret, aut quicquā boni eis faceret, aut de eis prædicaret sub pœna prætaxata. Item quicumq; caput vel corpus mortuum siue viuum domini Rogeri de Mortuomari Regi deferret, mille libras de fisco regio

Regina venit in Angliam.

Proceres & reginam adiungunt.

Londonienses cum rege aduersum reginam se exciuros negant.

Regis edictum in aduersarios.

Edictum regina. reciperet pro mercede. E contra de Regina (vbi illa fuit) proclamatum erat, vt omnes de pace bona sperarent, exceptis (inimicis regni publicis) dispensatorib. patre & filio, & Roberto de Baldock Regis Cancellario, eorumq; fautoribus, per quos præsens regni perturbatio contingebat. Proclamatum etiam, vt nullus caperet inuito possessore valorem trium denariorum, sub pœna mutulationis digiti, nec valorem sex denar. sub pœna manus amputandæ, nec valorem duodecim sterlingorum sub pœna capitis amputandi. Et quicumque caput Hugonis dispensatoris iunioris amputatum Reginæ deferret, reciperet duo millia librarum de thesauro Reginæ. Ab hoc ergo tempore pars de parte cauebat. Rege cum suis licet cum paucis fugiente, & Regina cum magna multitudine cum sollicitè insequente. Transtulit autem se Rex cum duobus *10*

Rex confert se ad Glouerniam. dispensatoribus ad partes Glouerniæ, & postmodum ad Strogail, & dimisit dominum Hugonem de Spencer patrem, ad custodiam villæ & castri de Bristollia. Rex autem ingressus est aquam cum domino Hugone de Spencer iuniore, Roberto de Baldock, & aliis valde paucis, vt inferius continetur. Regina vero cum filio suo & exercitu suo insequabatur regem per Oxoniam, vbi Episcopus Herefordiæ prædicauit, præsentem reginam & filio suo, de causa aduentus illorum, quod videlicet fuerat ad auferendum malū regimen de regno isto. Deinde venit Regina cum suis ad Glouerniam, vbi multū creuit eius exercitus per aduentum dominorum de Percy & de Wake, & aliorum de partibus borealibus & de Marchia. Dum hæc aguntur ex parte Regine, Londonienses (quibus nunquam deest furia, cū adest inolescēdi licentia) congregatis de cunctis artificibus infimis personis, ad arma profiliunt, & Maiorem Ciuitatis, qui partem fouebat regiam, violenti capiunt, & consentire compellunt, interminata capitali pœna, vt consentiat illorum ordinationibus per præstitum fidei sacramentum, qui (licet inuitus, timens sibi vim inferri) ad standum eorum ordinationibus publicum præstitit iuramentum. Fecerunt igitur coniurationē, vt reginæ aduersarios vbiq; possent inueniri, cuiuscunq; cōditionis aut status existerent, vel qui damnum aliquod libertatib. ciuitatis procurassent, captos plecterent sententia capitali. Cuius iuramenti prætextu discurrentes, quendam de suis ciuib. dictum Iohannem le Marchal, comprehenderunt. Qui quia familiaris fuerat domino Hugoni de Spencer iuniori putabatur ciues accusasse, quamobrem illico caput eius immisericorditer *30*

Londonienses Episcopum Exoniensem trucidant. amputarunt, & bona eius omnia rapuerunt. Eodem die (continuantēs suam rabiem) incurrerunt ad hospitium Exoniensis Episcopi magistri Walteri de Stapulton, & supposito igne in ianuis concito, sunt ingressi, non inuenientes autem Episcopum, ad quem perdendum venerant, iocalia sua cum vasis argenteis & vtensilibus rapuerunt. Accidit autem hora infortunata Episcopum de campo reuerti, qui quamuis præmonitus fuisset de hiis molitionibus, eos tamen nullatenus metuebat, & cum satis audacter equo sedens venisset ad ostiū boreale S. Pauli, mox à furenti populo comprehensus est, percussus, laniatus, deiectus, & tandem ad supplicii locum tractus. Cumq; traxissent eum ad vicum de Chepe, vbi acclamauerunt eum publicum proditorem, Regis seductorem, & eorum ciuitatis libertatum destructorem. Indutus autem fuit Episcopus quadam armatura, quam *Aketon* vulgariter appellamus, qua spoliatus, & etiam aliis omnibus indumentis, decapitatus est. Aliis duobus de sua familia, scutifero scilicet & valedo simili sorte peremptis. Perpetrato sacrilegio, velut pro triumpho caput fixerunt Episcopi in longo palo, vt esset aspicientibus diuturna memoria sceleris attemptati. Cadauer vero pontificis in quodam veteri cœmiterio, quod fuerat quondam fratrum, quos *Freres Pyes* veteres appellabant, sed tamen penitus derelicto absq; ullis exequiis, velut excommunicatum, in quadam ibidem fouea proiecerunt. Causa inimicitiarum fuerat, quia cum esset regni Thesaurarius, apud Regis consilium procurauit, vt Iustitiiarii itinerantes sederent in ciuitate Londoniarum. Qua occasione, quia in multis ciues deliquerant, in amissione libertatum & emuncione pecuniae, ac castigatione corporum multipliciter, prout meruerant, sunt puniti. Dicebatur etiam, quod maximam pugnatorū collegerat multitudinem contra Reginam, & filium suum Ducem Aquitaniæ, & ideo Londonienses studierunt, vt dicebant, suas molitiones tempestiuus præuenire. In crastino decollationis præfati Episcopi Londonienses casu fortuito comprehenderunt militem strenuum, dominum Iohannem (Constabularium turris Londoniarum) de Weston, & ab eo clauēs turris ceperunt, licet inuito, & intrantes turrim omnes incarceratos liberauerunt. Et ita fuerunt omnes incarcerati, quasi per totam Angliam liberati, & omnes banniti & fugitiui reuersi sunt. Londonienses vero omnes ministros Regis in turri Londoniarum

Causa odii popularis erga episcopum Exoniensem.

Londonienses vrbis arcem occupant, & vinctos dimittunt.

nam amouerunt, & nouos constituerunt sub nomine domini Iohannis de Eltham filii Regis, quem custodem ciuitatis & terrarum nominauerunt. Ipsi tamen multas rapinas & alias insolentias facere non cessarunt. Regina vero per illud tempus de Gloucestria transiit per Berkeleiam, vbi restituit castrum (prius à domino Hugone de Spencer iuniore detentum) domino Thomæ de Berkley, qui fuit heres domini Mauricii de Berkley defuncti parum ante apud Wallingforde in carcere, cum omnibus pertinentiis & rebus mobilibus ad honorem de Berkley pertinentibus quibuscunque: ex post Regina pergens cum exercitu obsedit villam & castrum de Bristol. Quod fuit cito Regina redditum, & filio suo duci vna cum villa. Et in crastino aduentus ipsius, ad clamorem vulgi fuit Hugo de Spencer pater, tractus & suspensus ibidem in armis propriis extra villam super communi furca latronum. Rex interea vagabundus, nunc hic, nunc ibi, pro varietate locorum, in spem erectus, in magna solitudine versabatur, nusquam expectare præsumens. Quod videns dominus Thomas de Blount miles emeritus, domini Regis Seneschallus, se cum tota sua familia, assumptis victualibus, armaturis & dextrariis, multis valde contulit ad Reginam. Quem illa cum filio aiori in pace dimisit. Rex vero cum Hugone iuniore de Spencer, & Roberto Baldock, ingressus aqua primo ad insulam de Londay inexpugnabilem, vel certe in Hiberniam disposuit confugisse, sed inter maris discrimina politus, miserabiliter per vnam hebdomadam vacillauit. Tandem applicuit in Glamorgan, & transtulit se ad Abbatiam & castrum de Neth, & ibi confusus promissioni Wallentium latitauit. Hugolinus filius filii Hugonis dispensatoris castrum de Kerfilli detinuit satis strenue per idem tempus, contra milites Regine & filii sui ducis Aquitanie, vsque ad Pascha. Tandem accepta securitate de vita & membris, & rebus omnibus concernentibus obsessos in eodem castro, castrum reddidit in manus militum Regine & filii sui Edwardi. Rege interea fugiente, & extra regnum vagante, fiebant proclamationes publice in exercitu Regine quotidie, in quibus Rex communi vocabatur edicto ad redeundum, & regnum suum reaccipiendum, si suis se vellent legibus conformare. Quo non comparente, magnates regni, Herefordie consilium inierunt, in quo filius regis, Edwardus dux Aquitanie factus est custos Anglie communi decreto. Cui cuncti tanquam regni custodi fidelitatem fecerunt per fidei sacramentum. Deinde Episcopum Norwicensem fecerunt Cancellarium, Episcopum vero Wintoniensem regni thesaurarium statuerunt. Morabatur autem regina Herefordie fere per mensem, quæ medio tempore misit in Walliam dominum Henricum comitem Lancastrie, & dominum Wilhelmum la Souch, & magistrum Vphowel, qui fuit prius de carcere Londoniis liberatus, quia in illis partibus erant noti, quia ipsi tres habuerant terras & dominia in Wallia, prope locum, vbi rex latitabat, vnde ipsi Wallensium adiutorio, de quibus confidebant, ipsum dominum regem & dominum Hugonem de Spencer filium, ac Robertum de Baldock, & Simonem de Reding ceperunt, non sine magna pecunie interuentu, de aliis Regis familiaribus non curantes, & Regem quidem Comitis Lancastrie Henrici consanguinei sui custodie liberauit. Captus est autem Rex 16. Calend. Decembris, in die sancti Edmundi Archiepiscopi, iuxta castrum de Laturf-san. Comes vero Lancastrie duxit Regem per Monumutham & Ledebury, & alia loca, vsque ad castrum suum de Keneworth, vbi per hiemem totam mansit. Dominum vero Hugonem de Spencer filium, Robertum de Baldock, & Simonem de Reding ad Reginam (quæ fuit Herefordie) conduxerunt, sed ante eorum aduentum fuerunt decollati Comes de Arundel, Iohan. Daniel, & Thomas de Michildeuere, per procurationem domini Rogeri de Mortuomari, qui illos oderat, qui etiam consiliarius familiarissimus Regine fuit, & sine quo nihil pene Regina attemptare voluit in hiis agendis. Illi vero, qui adduxerunt ad Reginam dominum Hugonem de Spencer supradictum, pro mercede duo millia librarum (prout promissum fuerat) acceperunt. Post hæc dominus Hugo prædictus apud Herefordiam fuit morti adiudicatus sine responsione, vbi tractus & suspensus est in furca habente 50. pedes in altitudine, & postea decapitatus est & quarterizatus, & partes ad quatuor plagas regni missæ. Caput vero super pontem Londoniarum fixum fuit, tractus autem fuit in collobio armis inserto propriis, in quo legibiliter fuit scriptus bonis literis Psalmus, *Quid gloriaris in malitia,* vsq; ad versum *Ego autem sicut oliua,* de quo quidam sic scribit:

*Funis cum lignis, à te miser, ensis, & ignis,
Hugo securis, equus, abstulit omne decus.*

L 3

Funis,

*Regina obsidet
castrum Bristol
lenso.*

*Hugo de Spencer
pater suspensus.*

*Rex fugit in
Walliam ad Gla-
morgan.*

*Hugolinus tra-
dit se regina vna
cum castro.*

*Edwardus fili-
us custos Anglie
constituitur.*

*Rex cum quibus-
dam est suis capi-
tur.*

*Aliquot proceres
supplicio affecti.*

*Hugo de Spencer
capite plezus.*

Funis, quia tractus fuit: ligna, quia suspensus: ensis, quia decollatus: ignis, quia exentrat, & viscera concremata: securis, quia in quartas diuisus: equus quidem eum traxit.

*Simon de Reding
suspenditur.*

Eodem die Simon de Reding tractus fuit & suspensus in eadem furca, qua Hugo suspendebatur, sed inferius per decem pedes. Hic de familia Regis fuerat, & plura conuitia irrogauerat sæpe Regina, vnde iam suo docuit exemplo, quam periculosum est Regem vel Reginam blasphemare. Acta sunt autem hæc diebus Lunę in ultionem necis domini Thomę Lancastrię, qui passus fuerat die Lunę. Robertus de Baldock post multas contumelias fuit carceri episcopi Herefordię liberatus, vbi mansit vsque ad festum Purificationis beatę Marię. Et tunc Episcopus Herefordensis fecit eum duci Londonias ad eiusdem ædes. Londonienses vero conglomerati, ipsum de custodia Episcopi (vt putabatur) consentientis rapuerunt, & ad Newgate incarcerationunt, & inhumaniter tractauerunt, adeo quod postmodum circa festum Ascensionis Domini obiit in tormentis. Regina vero expeditis præmissis se transtulit cum filio suo duce, domino Rogero de Mortuomari, & aliis, ad castrum de Wallingforde, vbi natale domini celebravit. Transit annus iste frugifer & fructifer plus quam anni præcedentes diu: Francis immemorabilis, quia nihil relatu dignum actum fuit ibidem: Anglis notabilis propter Regis fugam & captionem, & lugubris quibusdam propter nobilium infamem necem, quibusdam hilaris propter patriam à proditoribus liberatam: Scotis totus ociosus propter treugas captas, & ademptam bellorum formidinem ea vice.

*Robertus Baldock
in vinculis moritur.*

Annalis cōclusio.

10
20

*Natale celebratum
apud Wallingford.*

Anno gratiæ millesimo trecentesimo vicesimo septimo, & regni Regis Edwardi à conquestu secundi vicesimo & ultimo, tenuit Regina Natale cum filio, Cantuariensi & Eboracensi Archiepiscopis, Wintoniensi regni Thesaurario, & Norwicensi Cancellario, Lincolnensi, Eliensi, Couentrensi & Herefordensi Episcopis, aliisque Prælati, regni proceribus, & nobilibus, Wallingfordię, cum summo gaudio & honore, Rege detento in castro de Kenelworth, vt supra dictum est. Post Natale, Regina cum filio suo ante festum Epiphanię venit Londonias, vbi cum magno gaudio & muneribus est suscepta. Conuenit etiam illuc tota regni nobilitas citata per prius ad parliamentum tenendum ibidem in crastino dicti festi, vbi cuncti cen-

*Regina Londoniā
venit.*

30

*Rex dignitate
regali abdicatur,
& filius substituitur.*

*Regina videtur
viri abdicatiōem
gramiter ferre.*

40

*Rex electionem
filii probat.*

50

*Proclamatio pa-
cis nominis regis.*

Edwardus Dei gratiā Rex Anglię, dominus Hibernię, dux Aquitanię, vicecomiti de N. salutem. Quia dominus Edwardus nuper Rex Anglię, pater noster, de communi consilio & assensu prælatorum & Comitum, & Baronum, & aliorū magnatum, nec non communitatum totius regni prædicti, spontanea voluntate se amouit à regi-

regimine dicti regni, volens & concedens, quod nos tanquam ipsius primogenitus & hæres ipsius, regni gubernationem & regimen assumamus. Nosque ipsius patris nostri beneplacito in hac parte de consilio & auiamento prælatorum, comitum & baronum prædictorum annuentis, gubernacula suscepimus dicti regni, & fidelitates, & homagia ipsorum prælatorum & magnatum recepimus vt est moris. Desiderantes igitur pacem nostram pro quiete & tranquillitate populi nostri inuiolabiliter obseruari, tibi præcipimus, quod statim visis præsentibus, per totam balliuam tuam pacem nostram facias publice proclamari, vniuersis & singulis ex parte nostra inhibendo, sub pœna & periculo exhæredationis & amissionis vitæ & membrorum, ne quis dictā
 10 pacem nostram infringere seu violare præsumat, sed quilibet actiones & querelas abque violentia quacunque prosequatur, secundum leges & consuetudines regni nostri. Nos enim parati sumus, & semper erimus omnibus & singulis conquerentibus tam diuitibus quam pauperibus in curiis nostris plenam iustitiam exhibere. Teste meipso, &c. Calendas Februarii die dominica in vigilia Purificationis.

Edwardus iuuenis suscepit arma militaria, cum multis aliis iuuenibus generosis, per dominum comitem Lancastriæ, præfente domino Iohanne fratre comitis Hannoniæ, qui in Anglia tunc agebat, & multis aliis tam indigenis quam externis. Et eodem die coronatus est apud Westmonasterium per Cantuariensem Archiepiscopum Walterum, Regina (prout prætendebat vultu) in doloribus existente. Eodem
 20 tempore assignata fuit dos reginæ talis & tanta, quod regi filio regni pars tertia vix remansit. Per idem tempus Burgenfes de sancto Edmundo de Bury se clam vnanimiter adunantes hora meridiana, fractis ianuis, Abbathiam intrauerunt, & resistere volentes tam Monachos quam seculares inhumaniter tractauerunt, & chartas & munimenta loci, diuersaque iocalia & indumenta ecclesiastica, necnon & olosERICA pretiosa, Dei timore postposito asportauerunt, detinentes omnia donec Abbas & Conuentus suam sibi concessissent erroneam voluntatem.

Eo tempore quia videbatur quibusdam quod dominus Edwardus pater regis apud Kenelworth fuit nimis delicate tractatus, ordinabatur quod dominus Thomas de Berkeley & dominus Iohannes de Matrauers haberent ipsius custodiam, vnde
 30 circa ramos palmarum fuit vsque ad castrum de Berkeley ductus secrete. Et quia timuerunt aliquorum aduentum ad liberandum ipsum, de loco prædicto fuit deductus nocte ad loca diuersa, videlicet ad Corf, & alia secreta loca: sed finaliter ductores reduxerunt eum ad castellum de Berkeley, ita quod vix sciri potuit vbi fuit. Sed semper dominus Thomas de Berkeley habuit eius custodiam vno mense, qui cum satis tractauit humaniter, & dominus Iohannes Matrauers alio mense, qui erga eum aliter se habebat. Regina vero misit sibi indumenta delicata & literas blandientes, sed tamen ipsum videre nolebat, fingens quod communitas regni non permisit. Expen-
 40 sas autem habuit videlicet centum marcas per mensem.

Eodem anno iuuenis Rex Angliæ cum matre sua & stipendiariis suis alienigenis congregans magnum exercitum, versus Scotiam se transtulit, cum quo iuerunt
 40 plures voluntarie quam inuiti, quia optime præsumebant de auspiciis iuuenis. Nempe terra tunc recepit vbertatem, aer lætam temperiem, ecclesia libertatem. Sed tamen cum venissent Eboracum, orta discordia inter Anglos & Hannonenses, conflictus grauiissimus factus fuit: Angli tamen peiorem calculum reportabant. Facta tamen pace per bonos mediatores, se versus Scotiam concorditer transtulerunt, & venerunt ad Stanneparke, vbi exercitus Scotorum fuit. Et licet exercitus regis Angliæ fuit in triplo maior & fortior, Scoti tamen per prodicionem quorundam magnorum Angliæ sine læsione fugerunt, vnde rex iuuenis est cum dolore & sine honore reuersus, & cito postea remisit Hannonenses & stipendiarios ad partes suas.

Eodem anno circa festum S. Matthæi Apostoli & Euangelistæ cum multi conspirarent ex amicis Edwardi nuper regis sed depositi, ad eius liberationem, cum veru
 50 ferro & ignito inter celanda confossus nefarie est peremptus in castro de Berkley vbi fuerat carceri mancipatus: & licet multi abbates & priores, milites & burgenfes, de Bristollia & de Gloucestria ad videndū corpus suum integrū vocati fuissent, & tale superficialiter conspexissent, dictum tamen fuit vulgariter, quod per ordinationē domino-
 60 rum Iohannis de Matrauers & Thomæ Gorney fuit per cautelam occisus, ipso prostrato & sub ostio ponderoso detento ne surgeret, dum tortores imponent cornu in ano suo (quod dictū verecundum est) & per foramen immitterent ignitum veru in viscera sua, ne videlicet vestigia adustionis in cute sua aliqualiter apparerent, de cuius

Rex caput in signa militaria.

Coronatio Edwardi tertii.

De bacchanio clunium de S. Edmundo.

Rex pater humani tractatus.

Regina non fert aspectum mariti.

Regis professio in Scotiam.

Discordia exorta inter Anglos & Hannonenses.

Scoti fugiunt.

Edwardus pater veru confossus.

Inauditus crudelitas generis.

meritis an inter sanctos connumerandus sit frequens est in vulgo disceptatio, sicut de Thoma comite Lancastriæ quondam fuit. Dominus Iohannes Matrauers & Thomas Gorney timentes pœnas soluere pro morte regis, repente fugerunt. Sed dictus Thomas fuit post tres annos notus & captus apud Marciliam, & remissus versus Angliam pœnam pro demeritis recepturus, qui tamen illuc non peruenit, sed in mari decapitatus fuit, & sub quondam colore ne forte magnas personas & magnos Prælatos Angliæ de consensu necis regiæ & conniuentia accusaret. Iohannes Matrauers se transtulit in Alemanniam, & ibi mansit per plures annos, vt infra plenius apparebit. Hoc anno obiit dominus Carolus de Valeys patruus regis Franciæ, qui (vt prædictum est) in Wasconia contra fratrem regis Angliæ equitauit, qui Carolus in vita sua Anglos habuit exosos.

*De multorum
obitu.*

*Iuuenis Rex du-
cis uxorem.*

*Parliamentum
Northamptonia.*

*Obiit Archiepi-
scopus Cantua-
riensis.*

*Parliamentum
Londoniæ.*

Annalis celsus.

Eodem anno obiit Roberus le Brus, relicto filio suo Dauide septem vel octo annorum, quem Scoti receperunt pro rege suo. Eodem anno obiit Rex Franciæ Carolus, tertius frater, qui post mortem Philippi patris sui regnavit, cui successit in regno Philippus domini Caroli de Valeys filius, qui Anglicos nunquam dilexit. Item hoc anno Edwardus iuuenis Rex Angliæ duxit filiam comitis Hannoniæ in uxorem, quæ etiam fuit filia sororis domini iuuenis regis Franciæ, licet illa affinitas nec aliqua alia cum Francigenis vnquam contracta Angliæ profecisset. Eodem anno tenuit Rex iuuenis Angliæ Parliamentum Northamptoniæ, vbi facta fuit turpis pax inter Anglos & Scotos, ita quod David filius Roberti de Brus duxit sororem regis Angliæ in uxorem, & Rex Angliæ, cum matre (sed infra ætatem existens) fecit chartas Scotis, quarum tenor ab Anglicis penitus ignoratur: & hoc totum factum est per ordinationem reginæ & Rogeri de Mortuomari & Iacobi Duglas Scoti. Rex autem Angliæ post dictum Parliamentum se transtulit versus Herefordiam, vbi fuerunt solennes nuptiæ inter filias Rogeri de Mortuomari & quosdam nobiles, videlicet filium comitis Marescalli, & heredem domini Iohannis de Hastings. Mense Nouembris obiit Walterus Cantuariensis Archiepiscopus, cui successit per electionem magister Simon de Mephram magister in Theologia, & canonicus Cicestriæ, de Cantio oriundus. Hoc anno in festo sancti Bricii Rex Edwardus tertius tenuit Parliamentum apud Westmonasterium, in quo ciuibus London omnes libertates prius perditas, & de nouo alias, ac etiam quod omnes pro latrocinio infra libertatem London capti, coram Maiori in domo communi adiudicarentur, libere concessit. Rex Angliæ excitatus & indutus per matrem suam, fuit occasio matrimonii prædicti inter Dauidem prædictum & sororem regis, ac etiam per Rogerum de Mortuomari, ad resignandum omne ius & vendicationem superioritatis quod ipse vel primogenitores sui temporibus quibuscunque in regno Scotiæ habuerunt. Illis enim diebus Rogerus de Mortuomari thesaurum regium congregauit, potestatem regiam vsurpauit, regem (vt videbatur) supeditauit, ita quod comes Lancastriæ Henricus, in coronatione regis per procerum consensum regis custos deputatus, regia appropriare, cōsulere, nec custodire valens, consilio Archiepiscopi Cantuariensis, episcoporum ac aliquorum procerum ductus, circa festum sancti Hilarii cum magno exercitu (vt defectus reformaret, errataque pro posse corrigeret) cōtra dictum Rogerum circa Leycestriam & Bedfordiam morā traxit, mediante Archiepiscopo & multis aliis, comes Henricus se regi humiliauit, &

quod in Parlamento responderet errori inter eos satisfaciendo reprobavit. Transit annus iste fœlix, & fertilis frugum productione
& fructuum: Angliæ lætus: iucundus Hannoniæ: hilaris Galliæ: votiuus Scotiæ
& quietus.

D E

EDWARDVS III.
DE TEMPORE REGIS EDVVAR-
DI TERTII.

129

ANNO domini millesimo trecentesimo vicesimo octauo, & regis Edwardi tertii à conquestu secundo, post quindenam Sancti Michaelis tenuit Rex parliamentum apud Sarum, in quo fecit tres comites, scilicet D. Iohannem de Eltham, fratrem suum comitem Cornubiæ, & dominum Rogerum de Mortuomari comitem Marchiæ & Walliæ, & Pincernam Hiberniæ comitem de Ormonde. Ad quod parliamentum comes Lancast. dominus de Wake, & alii quidam nobiles non venerunt, licet prope venerant armati, de quo Rex fuit offensus, qui tamen postmodum in ætate, se gratiæ regis (procurante Archiepiscopo) submiserunt.

Parliamentum apud Sarum.

Eodem anno obiit dominus W. de Norwico die sancti Vincentii martyris. Item eodem anno circa festum Ascensionis Rex Angliæ transiit mare, fratre suo comite Cornubiæ custode in regno relicto, & fecit homagium suum regi Fraciæ Carolo pro toto ducatu Aquitaniæ, & comitatu Pontinæ, super quibusdam protestationibus videlicet quod non admisit homagium pro terris, quas pater suus Carolus sibi vendicauit, quousq; esset sibi satisfactum de damnis & expensis, &c. Eodem anno die Veneris post purificationem beatæ Mariæ, Simon Archiepiscopus Cantuar. tenuit concilium prouinciale London, in quo ordinauit aliqua licet modicum ponderanda: scilicet. q. in die Parasceue, & in commemoratione omnium animarum ab omni serui opere cessaretur. Item ipse & omnes episcopi presentes excommunicarunt & excommunicatos denunciarunt omnes illos qui Walterum de Stapleton, Exon. episcopum interfecerunt, seu manus violentas quomodolibet iniecerunt, & omnes qui eis opem, assensum vel consilium præbuerunt. Itē Archiepiscopus statuit de consensu consilii, q. festum conceptionis beatæ Mariæ solemniter celebretur. Hoc anno Robertus Brus Rex Scotiæ lepra percussus obiit 7. idus Iunii. Hoc anno dominica Quadragesimæ, Philippa Regina Angliæ coronatur, & in prima septimana Quadragesimæ factum est parliamentum apud Winton. vbi in crastino S. Gregorii Edmundus comes Cantii auunculus regis fuit arrestatus, & in vigilia S. Cuthberti morti adiudicatus, ab hora vero prima usque ad quintam extra portas castri, (nullo in eum manum mittente) stetit condemnatus, donec miser quidam de Mareschalla eum missus est decollare.

Obiit Wilhelmus de Norwico.

Prouinciale consilium.

Moritur Robertus Brus. Cor. Regina. Decollatur Ed. auunculus regis.

Eodem anno Petrus de Corbario de ordine fratrum minorum, de consilio & auxilio Ludouici ducis Bauariæ in ciuitate Romana in Papam se fecit coronari. Deinde idem Petrus antipapa eundem Ludouicum in regem Romanorum contra statutum ecclesiæ coronauit. Iste antipapa Cardinales & alios officarios quos verus Papa solebat habere creauit. (*)

(*)
Ab hoc anno vs. que 1336. parum Th. Walsing. scripsit parum extrac. ex A. Muremuth, & multum variat in annis, nam Muremuth incipit annum in festo Mich. vbi Th. Walsing. incipit in festo natalis Christi.

Anno gratiæ millesimo trecentesimo vicesimonono, qui est annus regni regis Edwardi tertii tertius, Episcopus Londonensis fuit accusatus de eo quod quidam confingentes patrem regis viuum, & quod ipse & alii conspirauerunt eum liberare, & ad statum regni reducere, inter quos etiam Robertus Tauton eadem de causa carceri mancipatur, & eadem de causa Edmundus comes Cantii, & propter quasdam confessiones suas, & quasdam literas secum inuentas, anno præterito decollabatur, licet nullæ illarum confessionum vel literarum (etsi veræ essent) deberent causam tribuere mortis suæ. Ista recognitio fuit facta coram Roberto Houel Coron. de hospicio domini regis, & postea coram senioribus & proceribus illius terræ apud Winchest. 16. die Martii anno 4. Nimirum quia Edmundus comes Cantii cognouit, quod apostolicus sibi præceperat sub pœna suæ maledictionis, quod vires suas & diligentiam adhiberet ad liberandum E. suum fratrem iam olim regem Angliæ, & quod ipse hac de causa sua sustineret expensa. Et dixit quod quidam frater prædicator Conuent. London ipsum conuenit apud Reuffington prope London, & ipse dixit se excitasse demonium, quibus sibi pro certo affirmat, quod E. suus frater iam olim rex Angliæ viuit. Et dixit quod Archiepiscopus Eborac. ad illum misit per quendam capellanum dominum Æyn epistolam fidelitatis, & fidelitas fuit talis quod ipse ad illum misit pro liberatione fratris sui ad 500. hominum, & eo amplius, quantum habuit, & quantum potuit reddere. Et dixit quod dominus Ingeram Berenger aiebat ad illum Londini à domino Wilhelmo de Souch, quod niteretur quantum potuit ad liberationem sui fratris. Et dixit quod dominus Wilhelmus de Cliff ad ipsum venit in eodē mandato per tales instructiones, q. ipse sinat compositionem fieri inter Wockingum & Gildesfordum: & sibi dixit se vel-

Episcopus London. accusatur.

Quadam recognitio comitis Cantii.

se velle oppugnare ciuitatem Herefordensem, propterea quod eius neptis de fratre de familia Spencer, qui fuit in eadem ciuitate de Gildeford, & ipse dominus Wilhelmus secum confabulatus est de affinitate inter filium Ricardum comitem de Arundel, & eius filiam, & dixit vltius, quod hoc illi foret maximus honos, qui vnquam illi potuit accidere, & quod ipse neruos intenderet quātum potuit, ad hoc faciendum. Et dixit quod dominus Wilhelmus de Werham clericus fratrum suorum, & frater Thomas de Brounfeld forent illi, qui sibi magis gratum facerent, & allicerentur ad has res supradictas faciendas. Et dixit quod dominus Rob. de Taunton ab Archiepiscopo Ebor. in præcepto habuit has res supradictas, & ipse dixit, quod habuit in paratu quinque millia hominum ad hoc negotium supradictum complendum. Et quod 10 idem dominus Robertus & duo fratres prædicatores qui sunt extra eorum ordinem, quorum vnus fecit se appellari Edmundum Sauage, & alter Iohannem, isti fuerunt factores istius negotii. Et dixit quod dominus Fouke, filius Waryn, ad ipsum venit Westmonast. & ipsum rogauit, & ipsum exhortatus est hanc rem incipere, & ad hoc faciendum, & sibi dixit quod hoc foret maximus honos qui sibi vnquam contigit, & illi dixit quod sibi opem præberet quantum potuit. Et dixit quod dominus Ingeram Berenger ad ipsum venit à domino Iohanne Peche qui fuit de hoc consilio, & ad hoc voluit adiuuari quantum potuit. Et dixit quod dominus Henricus Beamond, & dominus Thomas Rosselin ad ipsum locuti sunt Lutetiis in cubiculo ducis Brabantiae, quod parati erant venire in Angliam in auxilium horum prædictorum, vt quod illi se 20 instigarunt ad has res conficiendas. Et quod applicuerunt versus partes Scotiae, per Abbatem de Donalder de Maar, quod ipse foret paratus pro eorum auxilio ad tuendum partes suas quantum ille potuit, sed tempus de illorum aduentu fuit transactum. Et dixit quod dominus Richar. de Ponfret confessor dominæ N. ad illum venit ad Reusington in coronationem, & postea ad Arundel ab Archiepiscopo Eborac. pro his rebus supradictis. Et dixit quod monachus de Quarier, & Iohannes Cimminge eius cognatus habuerunt similiter cymbam paratam ad deducendum fratrem suum, & ipsum à sua turri de Arundel. Et dixit quod patefecit has res supradictas E. de Mounchiuer & Georgio de Percy, & dixit quod literæ quas misit ad dominum Buges de Baiouse & Iohannem Euroille, firmatæ sunt de suo sigillo, quas ipsis misit, & quod 30 vna litera scripta fuit manu vxoris suæ. Et dixit quod Ingeram Berenger, Mauchein Musarder & Iohannes Cyminge opem tulerunt, & neruos intenderunt ad has res faciendas. Et dixit quod dominus Ingeram Berenger ad ipsum venit ab Arundel in cubiculum super capellam, & dixit quod Episcopus Lodon ipsi succurreret in liberationem sui fratris quantum potuit, & istas res cognouit esse veras, & sic fatetur se non vacare culpa. Ideo ponit se in misericordia.

*Ecclesia Sarum
vacat.*

*Obiit Episcopus
Bathon.*

*Papa contra im-
peratorem, &c.*

*Edwardus
quartus natus
est.*

*Rex Scotia co-
ronatur.*

*Parlamentum
apud Noting-
ham.*

*Rogerus Morti-
merus suspensus.*

*Homagium fe-
ctum regi Fran-
cia.*

Hoc anno circa mediam Quadrages. vacauit Ecclesia Sarum per mortem M. Rogeri de Mortinans, cui ecclesiæ Papa prouidit de Rob. Wiuil, qui scripsit speciales literas reginæ, viro vtique competenter illiterato & minime personato, quem si Pa- 40 pa vidisset, nunquam eum (vt creditur) ad tantum apicem promouisset. Item hoc anno mortuus fuit Iohannes episcopus Bathon. Et licet magister Radulphus de Salopia fuisset concorditer electus, confirmatus & consecratus per Simonem Cantuar. Archiepiscopum, post tamen de curia Romana se redemit, vt rata essent facta de ipso, nō sine magna pecuniæ quantitate. Hoc anno Papa fecit graues processus contra ducem Bauariæ electum imperatorem, & contra sibi adhærentes, & pro sustinendâ guerra contra eum, omnes fructus beneficiorum vacantium per quadriennium reseruauit. Die Veneris ante festum S. Borulphi, videlicet 15. die Iunii 1329. natus est regi filius suus Edwardus quartus apud Woodstock. In festo S. Clementis coronati sunt & inuncti Dauid rex Scotiæ, & vxor sua Iohanna soror regis Edwardi tertii. Factum est 50 parlamentum apud Notingham, in crastino S. Lucæ Euangelistæ, & Rex arrestari fecit Rogerum de Mortuomari, Galfridum filium suum, Simonem de Bedford, & ad turrim Londoniensem transmisit. In vigilia S. Andreæ dictus Rogerus comes Marchiæ Londini tractus est & suspensus, ac post duos dies fratribus minoribus conceditur, & honorifice sepelitur. Dominus vero Simon de Bedforde Londini tractus fuit & suspensus. In hoc parlamento rex de communi consensu procerum, recepit in manu sua omnes terras prius matri suæ concessas, & quod singulis annis mille libras perciperet, ordinauit. Die Iouis in septimana Paschæ, rex Edwardus cum paucis mare transiuit, & regi Franciæ Philippo, pro terra Wasconiae homagium fecit, & rediit, & infra 15. dies apud Dortforde torneamentum tenuit. Die Lunæ post festum Sancti Matthæi

Matthæi Londoniis inter Crucem & Soperlane, 13. milites hastiludia contra quoscunque venire volentes, per tres dies tenuerunt.

Anno gratiæ millesimo trecentesimo tricesimo, qui est annus regni Regis Edwardi à conquestu tertii quartus, P. antipapa 25. die Augusti conuersus ad fidem catholicam, & fecit confessionem suam coram domino Papa I. & cardinalibus in pleno consistorio, & papa ipsum absoluebat. Hoc anno concessit Papa decimas regi Angliæ omnium bonorum ecclesiasticorum in Anglia per quadriennium mediate sibi retētas. Causæ vero antedicti comitis Marchiæ, quæ imponebantur eidē sequuntur. Prima quia dicebatur, quod ipse fuit consentiens, quod pater regis in castro Berkley fuit suffocatus, ex qua causa dominus Iohannes Matrauers, & dominus Thomas de Gorney senior, qui fuerunt deputati custodiæ dicti patris regis ibidem, & quidam alii se retraxerunt ad partes transmarinas, & propterea dominus Simon de Bedford fuit suspensus. Secunda causa imposita fuit, quod impediuit honorē regis & regni apud Stannoppark, vbi Scoti fugerunt, qui capi & interfici faciliter potuissent, si ipse qui fuit maior de consilio regis, Anglicos cū Scotis tunc congregari fecisset. Item quod ipse receptis 20. mille libr. à Scotis illos tunc promisit euadere, & turpē pacem postmodum inter Scotos & regem iuuenē fieri procurauit, & super hoc chartam regis eisdem fecit fieri, & etiam illud vile matrimonium contractum inter sororem regis Angliæ & Dauid filium Rob. de Brus fieri consuluit & procurauit. Item q̄ male consumpsit totam pecuniam inuentam in thesauris regis, & domini N. de Spencer & omnia bona regni, postquam Angliam regina intrauit, ita quod ipse & Regina abundabant, & dominus Rex fuit egenus. Item quod appropriauit sibi custodias & maritagia pingua per totam Angliam, & fuit malus consiliarius regi & reginæ matri, & nimis secretus cum ea: at de aliis taceamus. Hoc anno Edwardus de Balliolo ius in regnum Scotiæ vendicans, in principio Augusti, habens in suo exercitu, Henricum de Bello monte comitem de Bogham, Gilbertum de Vmfreuile comitem de Angus, & Dauidem comitem de Athels, cum 2500. armatis & peditibus, Scotiam apud Kingcorn intrauit, vbi comes de Fif, & Robertus de Brus filius Regis Roberti nothus, cū 10. millibus Scotorum, Anglicos in ripa maris ad pugnam prouocantes, per paucos arcitenētes, & alios pedites, antequam armati terram tangere possent repelluntur, reliquis in fugam lapsis 900. vna cum Alexandro de Seton filio Alexandri interficiuntur. Et cōfestim versus Abbatiam de Dunfermelin victualibus refertam processerunt. Quadraginta quoq; millia Scotorum in loco qui Gaskinor vocatur, parati ad pugnam venerant, sed Anglici per diē illum videntibus Scotis, in ripa cuiusdā aquæ morantes in nocte (Alexandro de Moumbray præcedente aquā transeuntes, montē vbi Scoti erāt ascenderunt. Mane autē factō, exercitibus dimissis (exceptis 44. Alemannis retro in equis existentibus) congregiuntur. Scoti virtute diuina reuera, nō humana, deuincuntur. Comites de Mar, de Meneth, de Athels, de Moref, Robertus Brus nothus, comes de Carrike, vitæ finem dederunt. Nigellus Brus 12. barones 800. milites 200. armatorum 13300. peditum interficiuntur. Ex parte vero Anglorū ceciderunt milites 33. scutiferi. Et in transitu aquæ nocte præcedenti, Rogerus de Swinardiston miles fuit submersus. Durauit hoc bellum ab ortu solis vsq; ad horam diei tertiam. Cadauera enim Scotorum altitudine vnus lanciæ, vt ferebatur, fuerant eleuata, & multo plures corporibus oppressi, quā in ore gladii interfecti, fuerant suffocati. In crastino vero Anglici villam sancti Iohannis victualibus repletam susceperunt, fossis largis & profundis circumducunt. Posthæc, Patricius comes de Dunbar, Arthebandus Duglas cum 12. millibus villam obsederunt: Iohanni Crabbe nautæ cuidam experto genere Flandrēsi, apud Berewicum moram trahenti, ad submergendum & cōburendum naues Anglicorum in aqua Tye, cum nauigio suo festinare miserunt. Qui cum 10. nauibus superueniens bargam Henrici de Bellomonte subito cepit, sed Anglici viriliter resistētes, omnes naues Scotorum vna cum barga prædicta incendunt, homines fere omnes (Iohanne Crabbe prædicto vsq; ad Berewicum vix per terram fuga dilapso) aut submersi, aut ore gladii interfecti, die sancti Bartholomęi apostoli. Cognito autem huius rei euentu, dimissa obsidione, Scoti ad sua redierunt.

Papa concessit decimas regi.

Causa mortis comitis Marchiæ.

Edwardus Balliol regnum Scotiæ vendicat.

Scotorum c'ades maxima.

Fuerunt occisi plus quam 20000.

Natale apud Welliam.

Anno gratiæ millesimo trecentesimo tricesimo primo, qui est annus regni regis Edwardi à conquestu tertii quintus, tenuit dominus Rex solemniter natale apud Welliam vsq; Epiphaniā: vbi fiebant multa mirabilia sumptuosa. Archiepiscopus vero Cātuariensis visitans dioc. Bathonię, tūc tenuit natale apud Wembliscumbe, qui postmodum mādauit se velle inchoare visitationem suam in ecclesia Exoniæ. Et postmodum

*Episcopus Exonien-
sis resistit
Archiepisc. in
uisione.
Concilium per
discordiam fru-
stratur.*

modum in ciuitate Exoniæ, die Lunæ prox. post festum Ascensionis domini : quod ne fieret episcopus Exon. appellauit, qua appellatione non obstante dicto die Lunæ accessit idem Archiepiscopus ad ciuitatem Exon. sed non fuit sibi permissum ecclesiam neque claustrum intrare, armata multitudine resistente. Hoc anno circa festum natiuitatis beatæ Mariæ fuit consilium prouinciale Londini congregatum : sed propter discordiam inter Archiepiscopū & suos suffraganeos sine effectu aliquo terminatum. Item Parliamentum tunc ibidem sine aliqua vtili expeditione finitur. Rex tamen habuit quintam decimam à populo, & decimam à ciuibus & burgenſibus sibi per vnum annum concessam.

*Edwardus Baliol coronatur in
regem Scotia.*

Eodem anno quidam maligni fulti quorundam magnatum præsidio, regis adolescentiam spernentes, & regnum perturbare intendentes, in tantam turbam creuerunt, nemora & saltus occupauerunt, ita quod toto Regno terrori essent. Rex militarem manum congregans, & contra impios viriliter agens, quosdam captos carceribus intrusit, quosdam excapitauit, & regni perturbatio quieuit.

*Berewicum
obsidetur.*

Hoc anno 5. calendas Octobris Edwardus de Baliolo apud monasterium de Scone in Scotia, in regem solenniter coronatur, & inde rediens apud Rokesburg cū Scotis congressum habuit, vbi & Andræas de Morauia captus fuit apudque Dunelmum ducitur, & in custodia detinetur. Post hæc comes de Dunbar & Arthebandus Anglus ab Edwardo de Baliolo vsque ad Purificationem beatæ Mariæ treugas petierunt, & obtinuerunt, vt tunc habito Parlamento, pars vtraque pro pacis reformatione plenius tractaret. Rex vero Edwardus dolum nesciens gentem suam ad propria remisit. Die enim assignato Scoti armati accedentes quotquot subito inuenerunt, Edwardo sibi vix sua consulente, peremerunt. Hoc anno septimo idus Martii Edwardus rex Scotiæ, & multi nobiles Angliæ Scotiam intrarunt, interficientes & comburentes fortalitium, in quo capti sunt Robertus Coluile. 10. armati, & pedites quamplurimi, quos etiam captiuos vsque Berewicum secum duxerunt, quam potenter per terram & per mare obfederunt. Post hæc vero ante Annunciationem dominicam, Arthebandus Douglas Angliæ marchiam cū 3000. intrauit villas de Gillesfonde, per 16. leucas in longum, & 6. in latum combussit, cum magna præda & captiuis, in Scotiam ingressus est. Hoc tempore Antonius de Lucy miles, & Wilhelmus de Lacu Mabo- 30 nis cum 800. hominibus nocte quadam per duo miliaria Scotiam intrarunt, in regressu vero eorum combusserunt, occiderunt, & maximam animalium prædam ceperunt. Quibus Wilhelmus Douglas cum magna multitudine occurrit. Sed deuictus est & captus, vna cū Wilhelmo Barde, & 100. aliis. Humfridus de Bosco, Humfridus de Gardino milites, Wilhelmus de Catleolo 160. valentibus gladio perierunt.

*Wilhelmus Douglas cum suis
capitur.*

Anno gratiæ millesimo trecentesimo tricesimo secundo, qui est annus regni regis Edwardi à conquestu tertii sextus, rex Angliæ cum militia magna 6. Calendas Maii ad obsidionem Berewici venit, & tam per mare quam per terram 15. Calend. Iunii villa fortiter expugnatur, diu ante insultum superuenit horribile incendium infra villam, compulsi que ciues gratiam regum, misericordiam & treugas vsque in crastinum, factis certis promissionibus de villa, & castro reddendis, postea tamen non obseruatis obtinuerunt. Post hæc vero quinto idus Iulii omnes procures fere Scotiæ, cum exercitu magno congregati obsessorum pro succursu vsque Twedemouthe accesserunt, quibus ne quoquo modo obsessis succurrere possent, per Anglos impediti partes Northumbriæ per sex dies comburendo, & multa mala inferendo, & incolas deuastando redierunt. Septimo vero die per suos de castro, & villa Berewici, & præcipue per Wilhelmum Deketh militem rogati & reformati, quod si redirent, & ad pugnam cum duobus regibus se disponerent indubitanter præualerent. Redierunt igitur & 14. Calendas Augusti dictos reges inuasit, virtuteque diuina deuicti sunt, & cuncti fere procures Scotiæ cum multitudine maxima popularium corruerunt, v- 50 no tantum milite & peditibus Anglicis decem interfectis. Numerus vero occisorum & fugatorum per æstimationem se extendebant ad 60. millia. Facta igitur voluntate regis de his qui fuerunt in villa & castro, & relicta custodia nomine suo in ipsis, quia dixit illa sua esse iure hæreditario, & ex conquestu antecessorum suorum, dimisit Edwardum de Baliol, cum aliis nobilibus qui secum erant, ad custodiam totius regni Scotiæ, & ipse rex Angliæ cum modica familia loca deuota Angliæ, ad quæ sua deuotio eum duxit peregre est profectus. Prælati vero totius regni Scotiæ in Frāciam fugierunt, & aliqui ad summum Pontificem de eorum infortunio, adiutorium & remedium requirentes. Sed hucusque suo desiderio sunt frustrati. Hoc anno parum ante

Scoti vincuntur.

*Custodia villa
Berewici com-
mittitur Ed-
wardo Baliol.*

*Prælati regni
Scotia fugiunt.*

ante festum Sancti Michaelis, vacauit Ecclesia Dunelmia, per mortem domini Ludouici de Bellomonte, de cuius successore infra proximo anno patet.

Anno gratiæ millesimo trecentesimo tricesimo tertio, qui est annus regni regis Edwardi tertii à conquestu septimus, circa festum Sancti Calixti Papæ, vacauit Ecclesia Cantuariens. per mortem magistri Simonis de Mepham, qui septimo Calendas Nouembris Cantuariæ est sepultus, in cuius locum capitulum Cantuariense magistrum Iohannem Stretford Wintoniensem elegit Episcopum. Sciuerat enim quod dominus Rex scripsit summo Pontifici, & ipse fuit bene in gratia Papæ. Cui Papa prouidit de dicto Archiepiscopatu primo die Decembris, non virtute postulationis capituli Cantuar. sed proprio suo motu.

Eodem anno, primo die Decembris transtulit Papa magistrum Adam de Orelton de ecclesia Wigornia ad ecclesiam Wintonia ad preces regis Franciæ. Cuius translationem dominus Rex Angliæ non habebat acceptam, imponens sibi, q̄ tunc ipse fuit nuncius ipsius regis Angliæ ad regem Franciæ, & quod ipse plus placuit regi Franciæ, quam regi Angliæ negotia utilia procurauit. Et quod idem Rex Franciæ scripsit Papæ pro ipso ad ecclesiam Wintoniensem transferendo. Item ex eo Rex Angliæ fuit magis offensus, quod ipse pro alio, domino Papæ scripsit pro episcopatu eodem, sibiq; visum fuerat, quod preces suæ pro episcopatibus & dignitatibus in Angliā citius audiri debent, quam preces regis Franciæ supradicti. Ideo retinuit dominus Rex temporalia episcopatus Wintoniensis in manibus suis vsq; ad diem Veneris post exaltationem sanctæ Crucis, quo die Archiepiscopus & cæteri Episcopi in Parlamento Londoniis rogarunt pro ipso, ita quod mandauit sua temporalia sibi reddi.

Hoc anno cito post festum sancti Michaelis Capitulum Dunelmensis ecclesiæ elegit vnum monachum eiusdem ecclesiæ, nomine Richardū de Bury, qui cito postmodum per Archiepiscopum Eboracensis ecclesiæ fuerat confirmatus, & ante festū natalis Domini in Ecclesia Eboracensi solemniter consecratus, non obstante fama per totā Angliam volante, quod contra regis voluntatem erat promouendus. Itē Papa commendauit ipsum episcopatum domino Richardo de Bury Clerico dicti domini regis, ad preces ipsius domini regis, q̄ famam rei exitus postmodum comprobauit. Nam idem dominus Richardus cito post festum natalis domini (obtentis literis Apostolicis) super sua prouisione se fecit autoritate Apostolica in Monasterio de Chertsey per dominum Wintoniensem episcopum consecrari, & à domino rege obtinuit sibi temporalia ipsius episcopatus integra liberari, quod prius dicto monacho facere denegauit: quo viso & intellecto, idem monachus electus & consecratus ad claustrum (sine episcopatu episcopus) est reuersus, & cito postea expirauit.

Hoc anno dominus Edwardus de Baliol Rex Scotiæ tenuit Parliamentum cito post festum sancti Michaelis, ad quod venerunt nobiles regni Angliæ terras & possessiones ibidem habentes, & finito Parlamento sunt in pace reuersi.

Hoc anno tenuit rex Angliæ natiuitatem Domini apud Wallingforde cū regina peregrinante, & finitis festis dimisit eam apud Woodstock ad pariendum, & ipse post purificationem beatæ Mariæ transtulit se versus Eboracum ad tenendum Parliamentum ibidem, quod in die Lunæ in secunda hebdomada Quadragesimæ inchoauit, ad quod Parliamentum vocatus fuit Edwardus rex Scotiæ, sed non venit propter insidias inimicorum suorum in insulis iuxta Scotos latitantibus, propter quod misit excusatores solemnnes, scilicet dominos N. de Bellomonte, & W. de Monteacuto, & quosdam alios milites seu barones. Hoc anno rex Edwardus Scotiæ 14. Calend. Iulii apud nouum castrum super Tynam in domo fratrum prædicatorum fecit & iurauit homagium & fidelitatem regi Angliæ Edwardo tertio, pro toto regno Scotiæ & insulis Scotiæ adiacentibus. Occasione huius homagii communitas Scotiæ contra vtrunq; regem insurrexit, & plures eis adhærētes cepit, & aliquos occidit. Interim vero rex Scotiæ ad Angliam se transferens, apud Rauenshelin per tempus morā traxit. Cui post principium mensis Nouembris rex Angliæ apud nouum castrum in adiutorium venit. In fine vero mensis Decembris, rex Scotiæ cum exercitu sibi per regem Angliæ assignato, per vallem Anandia vsque Glasgow, Cairik, & Connigham se transferens cuncta deuastauit. Rex Angliæ vero Londoneam & partes adiacentes inuasit, quosdam malefactores cepit, & eorum capitaneos interfecit. Redeuntibus vero regibus versus Berwicum, Comes Patricius ab eisdem recedendo homagium suum per suas literas eis remisit. Circa finem mensis Iulii Rex Angliæ cum exercitu Scotiam ingressus plura loca deuastat. Hociidem rex Scotiæ cum comite Warennæ

M

facie-

faciebat. Tandem apud villam sancti Iohannis ambo reges conuenerunt, vbi comes de Athels & Alexander Moumbray & alii qui propter homagium à rege Scotiæ Angliæ regi exhibitum ab illis discesserant, sub certis condicionibus vtriusque regis gratiæ se submiserunt. Comes vero de Athels regimen vltra mare Scoticum suscipiens, in breui à Scotis atrociter est occisus. Comes Morauia per Wilhelmum de Prestfeu captus, Londonias est transmissus.

*Concilium apud
Notingham.*

Hoc anno vocauit rex Angliæ Prælatos & magnates quod infra sex dies post translationem S. Thomæ venirent ad eum apud Notingham pro consilio & aliis tractatibus habendis ibidem: & tunc ordinauit Parliamentum London. & Archiepiscopus conuocauit clerum ibidem ad Sanctum Paulum die Lunæ post festum exaltationis sanctæ Crucis. Et quia noua venerunt ad Parliamentum, quod Scoti omnes insurrexerunt & ceperunt dominum Richardum Talebot & sex alios milites & multos pedites occiderunt, Rex promisit se iturum versus Scotos pro Scotorum malitia refrenanda: populus concessit sibi xv. denarium de Temporalibus, & de ciuitatibus & burg. decimum denarium, & clerus concessit vnam decimam. In dicto Parlamento dominus rex concessit quod iret in terrâ sanctam propriis sumptibus, sed certum tempus inchoandi iter non expressit, sed ordinauit mittere Archiepiscopum Cantuariensem ad Papam, & ad regem Franciæ, vt possent de tempore concordari. Ita quod illi duo reges possent cum suis potentiis simul arripere dictum iter.

*Archiepiscopus
mare transit.
Edward. Bonu
submersus.*

Anno gratiæ millesimo trecentesimo tricesimo quarto, qui est annus regni regis Edwardi à conquestu tertii, octauus, Iohannes Archiepiscopus Cantuariensis in festo Sancti Dionisii intrauit ecclesiam suam Cantuariæ, & solenne conuiuium more solito celebrauit, & in festo Apostolorum Simonis & Iudæ transiuit mare versus regem Franciæ cum aliis nunciis, sicut prius fuerat ordinatum.

Hoc anno circa festum Sancti Martini dominus Edwardus le Boun fuit submersus in marchia Scotiæ, dum voluit liberari domicellum suum fugantem prædam animalium, ita quod neuter euasit.

Inundatio maris.

Item hoc anno in nocte sancti Clementis per nimiam inundationem maris per totum regnum Angliæ, & maxime in Thamisia fuerunt rupti muri maritimi, & animalia infinita submersa, & terræ fructiferæ in falsuginem sunt conuersæ, adeo quod ad fertilitatem solitam per multa tempora non speratur posse redire.

*Iohannes Papa
obiit.*

*Natalis apud
Rokesburgh.*

Item hoc anno quarto die Decembris obiit Iohannes Papa vicesimus secundus in palatio suo Anniunonæ, & in ecclesia beatæ Mariæ eidem palatio contigua est sepultus, in qua ipse fuit Episcopus ante Cardinalatus honorem: vacauit sedes Apostolica per quindecim dies. Rex Angliæ tenuit festum natalis Domini apud Rokesburgh. Et vicesimo die mensis Decembris fuit electus in Papam frater Iacobus T. T. sanctæ Priscæ presbyter Cardinalis, qui fuit Monachus ordinis Cisterciensis & magister in

*Visitatio Archiepiscopi
Cantuar.*

Theologia de comitatu Sluxensi, iuxta partes Tholosanas oriundus, & die dominica post Epiphaniam tunc sequente fuit coronatus apud fratres prædicatores. Auinioni Archiepiscopus Cantuariensis rediit circa Epiphaniam, & statim post Purificationem, Ecclesiam, ciuitat. & dioc. suas Cantuariæ visitauit. Et cito post Epiphaniam, rex Franciæ misit nuncios Regi Angliæ, scilicet Episcopum Abricensensem, & quendam pro pace Scotorum, qui vsque in diem Lunæ mediæ Quadragesimæ in Angliam expectarunt, & tunc apud Notingham, concessæ fuerunt treugæ vsque ad festum Sancti Iohannis proxime tunc futurum, vt interim fieret parliamentum super illis, & aliis tangentibus statum regni. Circa finem mensis Maii Rex Angliæ misit Henricum filium comitis Lancastriæ cum exercitu magno ad regem Scotiæ qui villam Sancti Iohannis ingressi, partes adiacentes vndique destruxerunt. Post modicum vero tempus, rex Angliæ cum paucis admodum ad eos accedens vltra montes Scotiæ cum exercitu vndique vastando procedebat. Et vsque Eglin in Morauia, & in Derneffe, & per multa miliaria vltra quam vnquam fuit auus suus depopulando. Interim vero apud Aberden interfectus fuit quidam miles strenuus per nauigium adueniens, Thomas Roscelyn nominatus, vnde offensus rex, per Eberden veniens villam, comburi fecit, & partes adiacentes secundum rebellantium demerita deuastauit. Castra de Striuelyn & Lotheuile reparauit & muniuit. Dimissaq; cum rege Scotiæ militia Angliam rediit. In fine mensis Octobris Iohannes de Eltham germanus regis Angliæ, comes Cornubiæ, obiit in villa sancti Iohannis, & Londini sepultus. Obiit & ibidem Hugo de Frenes comes Lincolnienfis mense Decembri, profluvio ventris suæ, vt ferebatur, frigore per posteriora contracto.

*Obiit comes
Cornubiæ.*

Anno

Anno gratiæ millesimo trecentesimo tricesimo quinto, qui est annus regni regis Edwardi à conquestu tertii nonus, mense Martii rex Angliæ tenuit parliamentū apud Londonias, vbi filium suum primogenitum Edwardum quartum, tunc comitem Cestriæ, ducem fecit Cornubiæ, & sic ab omnibus præcepit nominari, fecit & idem Rex in eodem parlamento 6. comites, videlicet Henricum de Lancastria iuniorem, comitem Derby, Wilhelmum de Monte acuto comitem Sarum, Hugonem de Audley comitem Glouerniæ, Wilhelmum de Clinton comitem Huntingdon, Wilhelmum Boun comitem Northampton, Robertum de Rifford comitem Southfolciæ, in quorum solennitatem fecit Rex apud Westmonasterium solenne conuiuiū
 10 dominica 3. Quadagesimæ. Interea dum hæc agerentur, comes Patricius, & Andræas de Morauia, & Wilhelmus Duglas, plura fortalicia, videlicet Sancti Andree & Botheuile inuadentes ceperunt, & castrum de Striuelyn obsederunt. Quo audito Rex Angliæ ad partes Scotiæ iter dirigit, Scoti quoque castrum fortius aggrediuntur, & in conflictu Wilhelmus Deketh, qui de obsidentibus principalis fuit, interfectus est. Et sic dimissa obsidione ante regis aduentum recesserunt. Rex vero castrum victualibus & nouis stipendiariis muniens, vulneratos, debiles & infirmos in Angliam secum
 20 duxit. In hoc parlamento apud London statutum fuit, quod nulla lana crescens in Anglia exeat, sed quod ex ea fierent panni in Anglia, & quod omnes operatores pannorum, vndicunque in Angliam venientes reciperentur, & quod loca oportuna assignarentur eisdem cum multis libertatibus & priuilegiis, & quod haberent vadia regis quousque commode de sua arte lucrari possent. Item statutum fuit, quod nullus vteretur panno extra Angliam operato, & imposterum deferendo, rege, regina & eorum liberis duntaxat exceptis. Item quod nullus vteretur pellibus tranimarinis, nisi haberet in redditibus centum libras, quorum statutum nullus sequebatur effectus, nec aliquis ea seruari curauit. Post festum corporis Christi, Rex Angliæ apud Stamford
 30 magnum consilium tenuit, nunciosq; solennes ad regem Franciæ pro pace inter eos reformanda, videlicet episcopum Lincolnensem, comites Sarum & Huntington, & alios plures nobiles transmisit. Qui naues intrantes, apud Boloniam in principio mensis applicuerunt. Intelligentes voluntatē regis mutatam, transitumq; suum fore periculolum, versus comitatum Hanonię quam citius poterant properabant, cum Ludouico duce Bauariæ, regnum Alemanniæ contra voluntatē Papę tunc occupante, & cū
 40 comite de Selters, ac aliis proceribus multis fœdus in regis Angliæ subsidium inierunt. Redeuntes vero duas naues de Flandria versus Scotiam nauigantes, multitudine Scottorum oneratas, scilicet 250. capiunt, reperti enim sunt ibi Episcopus Glasguensis, Iohannes de Steward, & alii filii nobilium de Scotia, videlicet Dauid de la Hay, Hugo Giffard, Iohannes de la Mor, Wilhelmus Baly, Alexander Frisell, cū duobus clericis, magistro Thoma Figas, magistro Wilhelmo Muffet, & vno Monacho de Dunfermlyn, cum mulieribus quibusdam nobilibus, quibus fere omnibus interfectis, Episcopus obiit lethali ter in capite vulneratus. Rex Angliæ custodiam Marchiæ Scotiæ comiti Warwici, & aliis proceribus commisit. Quia diuersis vicibus Scotiam intrantes modicum profecerunt, sed Scoti ter Angliam intrantes, plura loca combusserunt, & castrum de Edinburgh obsederunt. Rege tamen Scotiæ superueniente obsidionem
 50 dimittere sunt coacti. Hoc anno in ecclesia de Edeligh Winton diocess. & decanatu de Aulton, in die Palmarum, post prædicationem cuiusdam sacerdotis literati Iohannes de Vecca nomine, mulier quædam Iohanna, coram populo, à iuuentute sua corpus suum libidini & obscœnitati fuisse expositum, ac alia facinora lachrymabiliter confessa est inaudita, obnixè flagitans pœnitentiam à sacerdote prædicto sibi imponi salutarem. Sacerdos quoq; de diuina misericordia confidens, post sacre scripture nominata ne desperaret, sed in domino peccatores ad pœnitentiam misericorditer expeccante spem poneret, sex dierum in pane & aqua in suorum remissionem dixit delictorum, illa quoq; pœnitentiam talē suorum respectu facinorum parum fore seu nihil
 60 asserente, pœnitentiam qualemcunq; agere posset sibi iungi simpliciter exorauit. Ille vero diebus postea tribus in petitione muliere perseverante, in expiationē omnium peccaminum suorum indixit ieiunium. Prostrata vero illa coram imaginibus Ecclesiæ, flens & eiulans, ac preces ad Deum deuote fundens, pronamq; in terra se prosterbens, in corporis Christi eleuatione exanimis & albissima est reperta. In foresta de
 70 Walmer capta est hinnula, duo habens capita equalis magnitudinis, cum duobus collis, cætera membra erant simplicia, nutrita autem aliquanto tempore & custodita in curia Edwardi de sancto Iohanne militis dictæ forestæ magistri.

Parliamentum
Londoni.Creatio comi-
tum.Rex proficiscitur
in Scotiam.Statuta in par-
lamento Lon-
dini.Legatio in Fran-
ciam.Legati Gallum à
pace auersum
sentientes cum
duce Bamarie
fœdum inuentis.

Scoti capti.

Commentum de
muliere pœnitentiam
agente.

Hinnula biceps.

1535.
*Mulier ab incubo
oppressa.*

Hoc anno nocte Pentecostes in parochia de Kingeslay Winton. dioc. & decanatu de Aulton, mulier quædam Iohanna nomine, in somnis amasium suum Wilhel-
mum, à quodam visitare monita, in crastino, à spiritu incubo dilecti sui spem sibi ap-
parente in foresta de Wolmer est cognita. Redeunte autem ad domum suam, mulier
grauissima infirmitate est detenta. Quod vero per spiritum malignum fuerat sedu-
cta, veritas per dilectum suum propalatur. Muliere autem eiulante & deuote dile-
cto confitente, intollerabili quasi fœtore domus repletur, post triduum toto corpo-
re inflato, vna cum ventre & labiis in nigredine obiit, ab 8. viris ad tumulum est
vix delata.

1536.
*Angli obsident
castrum de Dun-
bar.*

Hoc anno Comes Sarum & multi nobiles Angliæ 5. Calendas Februarii castrū 10
de Dunbar obsident, septimanisq; 19. durauit obsidio, acceptisq; tandem treugis sub
certis pactis Angliam redierunt. Quæ quidē obsidionis dimissio & treuga, Maioribus
Angliæ & multis ibidem congregatis displicuit, fuerat enim (vt ferebatur) ipsa dispē-
diola, nec honorifica, nec secuta, sed Scotis utilis atq; grata: Et sic mediantibus nunci-
is Papæ, & regis Franciæ, multi tractatus pacis inutiles habebantur, & multæ treugæ
ex parte Scotorum subdole agentium concessæ fuerunt, sed nihil efficaciter expedi-
tum, quia illis pendentibus comitem de Arcell interfecerunt. Rex autem non per-
misit Iohannem Archiepiscopum Cantuariensem ab ipso longe distari.

*Parliamentum
Northampton.*

Anno gratiæ millesimo trecentesimo tricesimo sexto, qui est annus regni regis
Edwardi à conquestu tertii decimus, habuit rex decimam à burgenfibus, quindecim 20
mam ab aliis, decimam à Clero, & circa Pentecosten habuit parliamentum Northā-
ptoniæ, vbi dimisit Prælatos & alios tractare, & ipse secrete equitauit versus Scotiam
cum paucis admodum, vsq; Berewike, & inde (assumptis secum paucis armatis) equi-
tauit ad villam Sancti Iohannis, vbi inuenit suos, qui de suo stupebant, & mirabantur
aduentu, & ibi dictam villam fecit muniri fossatis & muris, & suos comites misit cum
rege Scotiæ, per patriam si possent inuenire Scotos resistentes, sed nulli audebant eos
expectare, sed per montes, paludes, & nemora latitabant.

Hoc anno dominus rex in singulis Ecclesiis cathedralibus fecit capi totam pe-
cuniam collectam, & repositam in subsidium terræ sanctæ. Item hoc anno Papa reuo-
cauit sexennalem concessam in subsidium terræ sanctæ, pro eo quod rex Franciæ ver- 30
sus terram sanctam minus distulit iter suum, & voluit quod solum redderetur, sed
in Anglia nihil fuit redditum, quia fuit per Clerum regi concessum.

*Normanni Por-
tesmutham in-
cendunt.*

Hoc anno mense Martii in villa de Leighton, iuxta Huntingdon ad sex millia-
ria, natus est Vitulus duo habens capita, & octo pedes. Quædam naues & galeæ (vt fe-
rebat) Normanni in vigilia Annunciationis beatæ Mariæ apud Portesmutham
applicuerunt, villam quasi totaliter præter ecclesiam parochialem & hospitalem com-
bufferunt, & illæsi cum spoliis ad naues regressi sunt.

Hoc anno hyems asperissima extitit in Anglia, & durauit gelu maximum à quin-
to Calendas Decembris, vsque ad quartum idus Februarii, & niues nullæ, vnde & tri-
ticum charum, sed cetera blada abundanter terra produxit. In multis locis Angliæ fa- 40
lices in Ianuario flores protulerunt, rosas in quantitate & colore persimiles. Sambuci
vero arbores fructus cerasis sine lapidibus tum similes produxerunt: interpretetur
qui poterit signi prodigium.

*Rex se commisit
mari contra
Francos.*

Hoc anno rex Angliæ cum regina & comitibus de Derby & Northampton, ac
Sarum, ac militia copiosa, idibus Iulii apud Orewell in mare se posuit contra regem
Franciæ. Hic transito prospere mari apud Andwerpe moram traxit, habitoque iux-
ta Coloniam cum Ludouico de Bauaria consilio, de toto imperio citra Coloniam e-
ius vicarius factus est, & de omnibus imperium tangentibus vicem eius gerens. Misit
quoque rex Angliæ summo Pontifici literas ius suum in regno Franciæ declarantes
in hunc modum.

*Rex Angliæ ad
Papam scriptis
litteris imperium
regni Franciæ
vendicat.*

Amabilem Deo patrum sacrosanctæ Romanæ ecclesiæ Cardinalium collegio
venerando, Edwardus Dei gratia rex Angliæ, dominus Hiberniæ, & dux Aquitaniæ
salutem, & sinceræ dilectionis affectum. Sanctissimo patri domino summo Pontifici
post debita reuerentiæ munera scripsimus in hæc verba: Ius naturæ præuium pariter
animalia cuncta docens contra violentas iniurias licentiam defensionis indulgit,
statuens vniuersaliter iure factum, quod quisque (vim iniuriamque propulsans)
suam fecerat ad cautelam. Sane cum dudum animosa guerrarum pericula, iniuriola
damnorum discrimina nobis mota fuerunt & illata, quæ toti mundo notoria ex
nostra etiam intumatione frequenti Apostolicæ sedi facta, satis pro constanti
suppo-

supponitur beatitudini vestræ nota. Nos cor habentes pacificum (nouit Deus) pro vitandis illis & pacificis inducendis, obtulimus nos voluntarie persequenti, reuerenter & humiliter forte, nimis amabiles vias pacis, non sine nostrorum magno iurium interesse, vt neglecta persecutione alia cuiuslibet iuris nostri, tempore illo iusti doloris, quo propter accensam furoris Soldani Babylonæ rabiem, & crucis hostium aliorum ex causa iurati contra eos passagii, & solenniter publicati in partibus transmarinis peribant, & pereunt Christiani, & crescunt immaniter iniuriæ crucifixi: possemus sicut deberemus & propensius anhelamus intendere causæ crucifixi, quæ negligitur, immo verius imponitur in magnam cuiuslibet Christicolæ regis maxime demerentis infamiam & ignominiam magnæ notam. Sed nescimus veniat quò peccato, quod depacificis oblati humiliter (ex quibus surgere debuit pacis amor) in eo qui nos sola voluntate prosequitur, maioris iracundiæ, maiorisque duritiæ creuit tumor contranos, tum illum non prouocat (Deo & conscientia nostra teste nobis) aliquod factum nostrum, vel attemptatum per nos aliquid contra eum, imo vident oculi mundi, publici testes nostri, præfatus persecutor noster (Franciæ regem se nominans) damnosis iniuriis quot & quantis nos & nostra iura vulnerat & defolcat. Ipsius quidem regni Fraciæ (quod ad nos omni successorio iure legitimo pertinere dinoscitur) est inuasiō & illicitus occupator, regnum ipsum (quod debuit nobis vocatis vel defensis legitime debito iuris ordine petere) non veritus occupare, cum vir essemus, & quod

20 persona essemus cuius principaliter interesset, notorie certum esset, & in regno ipso ius nostrum foret tam notorium quam communi iure fundatum supposito, sicut euidencia facti notorii præsupponit, quod celebris recordationis Philippus olim rex Franciæ, pater claræ memoriæ Caroli regis Franciæ immediate defuncti, & serenissimæ dominæ Isabellæ reginæ Angliæ matris nostræ, fuerit auus noster, cum eidem Carolo tempore mortis suæ, ex descendantibus secum ab eodem Philippo masculus superstes proximior fuerit nullus nobis. Et persona fœminea dicti regni perius in eodem regno seruatum antiquitus sit non capax, quod ius regni præfati fauorem in viâ causæ finalis attendens, ne regnum ipsum sub fœminea fragili gubernatione labatur, & propter hoc personam mulieris excludens, non excludi personam masculû,

30 per sic exclusam fœminam descendantis; ne fiat iuribus semper odibilis prorogatio odiorum personæ, videlicet ad personam, sexus ad sexum, causæ ad causam, odii ad fauorem, ne contra legum traditiones communes, fœmineum genus vbi maxime de odio agitur concipiat masculum: ad hoc etiam, per ius memoratum à regno fragilitas muliebris excluditur, vt regno salubrius consulatur & proximior masculus admittendus. Alias admittatur potissime ad ius illud, qui primordialiter à matre sic exclusa non oritur, sed in nepotem propagatum ab auo originaliter deriuatur, alioquin sequeretur & alia iniquitatis absurditas, per prorogationem odibilem supradictam, quod excluderentur collateralesconiunctorum, vt remotior vocaretur, cum ipso iure gentium naturali, fratres & sorores eorumque filii in successione mutua, collateralibus aliis alterius lineæ præferantur, & inde dictum ius pro regum fauore, ac odii fœminæ inhabilitatis ad regnum, exoritur tam iuris quam descendētium

40 ne per fœmineam masculorum iniuriam occasio nasceretur. Nec est putanda quod memorati iuris intentio sit iniqua, vt matrem & filium natione contraria scilicet damnet. Imo contrario iuris eiusdem iudicio quo mater à successione expellitur, filio gradum matris ingresso successio tunc differtur, similitudine filii, qui gradum parentis deficientis ingreditur, vt ad patris successionem cum patruis etiam admittatur, vt sic merito tristis mater præfato rigore regia hereditate nudata, substitutione taliter sibi de filio gaudeat consolata, nec afflictioni afflictionem accumulat, q̃ sancta consideratio legis horret, sicut videmus etiam vbi onus afflictionis præamabile non intulit lex, sed casus in lege, scilicet quæ consuetudinariam legem damnat, bona concedentem alii naufragorum, qua ratione quod in expresso legali pro vitanda afflictionis adiectione corrigitur, multo fortius in tanto prohibetur, legi igitur regni Franciæ sufficiat, plus quam plenæ matri, nō suo vitio, sed naturæ fato, quæ fœminam fecit illam radices regias succidisse, quodque mater expresse per legem ipsam exheredationis propriæ, quasi quoddam naufragium patiaturs absque eo quod ex legis præfatæ consequenti tacito, omni iure contrario, cum filio exheredato iterum naufragetur, & sine culpa pœna inueniatur augeri, cum vbi etiam culpa est, debeat emolli, aliter etiam si pro eo quod mater ex iure nonmitteretur ad regnum, repelli iure filius intelligeretur à regno. Iudæorum regnum contra fidei fundamentum non

peruenisset legitime ad Iesum, qui tamen natus Dei misterio, non virili consortio ex
 foemina regali prole Daudica Maria virgine, ad regnum huius non admissa, nec et-
 iam admittenda, per certam fidei veritatem, Rex verus & legitimus extitit Iudeo-
 rum. Absit etiam, quod Iesus filius Daud regalis successio legalis obseruantia, siue
 nodi fuerit fractura siue solutio, cum legem non venerit soluere, sed implere: hoc au-
 tem excellentissimum legitimæ successionis exemplum rationabiliter imponit silen-
 tium loquacitati contrarii iuris nostri in regno Franciæ memorato, ne quoad legi-
 timum gradum & ordinem succedendi separemur in constitutione vel interpreta-
 tione iuris, quos quoad hoc pacificat idemptitas rationis. Ne dum autem debita no-
 stri vocatio, nostraque defensio (vbi de tanto nostro agebatur præiudicio) est admis-
 sa, sed etiam nostri procuratores qui instantiam petierant, vt pro nobis & nostro iure
 legitime comparerent, non solum fuerunt in iudicio non admissi, sed mortis horri-
 bilis comminatione repulsi. Et sic nostrum titulum memoratum (factum duodecim
 Parium Franciæ) non excusat, qui quoad nos (quibus ætatis tenellæ minoritas tunc
 fauebat) relictis partibus iudicum, ex hoc functi partibus sunt prædonum. Quorum
 processum factum in nostrum præiudicium, ipsa iure nostra minor ætas fecit inuali-
 dum. Qui quoad maiorem etiam efficax non fuisset, taliter defensione sublata, quæ
 competit homini ex iure naturæ, quod tolli nequit à principe, nec à iure. No-
 tum etiam communiter est vbique, qualiter in Aquitanix nostro ducatu semper
 inuaserit & colliserit iura nostra, terras nostras inuadens & dissipans, quas capere
 potuit, aliis nostris terris quas occupauit adiungens, & (ius sibi dicens ad libitum, Dei ti-
 more postposito) sibi tenens. Scoti enim, quos nostræ coronæ subiecerant iura
 temporum antiquorum, iniqua rebellionis dementia, contra naturalem Domi-
 num calcitrantes, continuati in nostros prædecessores, & nos, læsæ maiestatis cri-
 minis rei erant, vt contra nos nihil iniuriæ committerent ad nostras iniurias fœ-
 dere adiunxit, in tanto crimine nostræ iniuriæ fouens eos qui iure sanguinis, & na-
 tura debuit potius nos iuuare. Cumque præmissa omnia non implerent de nostris
 iniuriis votum suum, collectis vndique viribus quicquid potuit, vt nos iræ suæ tor-
 rens absorbeat aggregauit, tollere nos de mundo sollicitus, ad illud non intentos,
 forsitan ex intento facto suo contra nos, nostrum contra se metitus intentum, quod
 colligere vel metiri nequeunt per alicuius actus nostri iudicium nondum actum.
 Donum insuper nobis impensum diuini ægre muneris ferens æstimare visus est su-
 per iniuriam in Angliæ regno nostro nos viuere super terram, & quantum dabat do-
 minus prospere, saltem per omnia pacifice quoad eum, quodque seruiens nobis
 populus, vel verius cui seruimus, nostris temporibus Dei dono fuerit gloriosus.
 Hæc autem non statim audita vel cognita nos mouerunt, sed illa sub dissimulatio-
 ne transiuimus, nulli parcentes oneri vel honori, vt contra nos persecutio sua iniu-
 riaque quiesceret, nostrumque cum eo pacificum tempus esset, donec propinquum
 nobis vidimus gladium nostræ ac nostrorum neci & exterminio præparatum: sed
 nunquid aliquis est qui credat quod auunculus nobis cognitus, princeps tantæ po-
 tentiæ etsi (vt præmittitur) occupatis nobis, fuerit negligendus, qui suæ iuribus volun-
 tatis armatus, potentia vndiq; vocata vallatus vt possit liberius pro sua voluntate nos
 persequi iurata deserit causam Christi. Quid igitur pro suo iure suaque securitate
 non licuit regi sui status sui que periculum iam videnti, dicat qui nouerit, quid non
 liceat homini de vitandis iniuriis damnisque certanti, in illis præsertim quæ ad vitæ
 statusque radices securim ponere probant, leuis ne timor dici poterit aut vanus, qui
 pro nobis se potuit coniunctorum nobis illustrium fortiumque constantia cor-
 da concutere, multo fortius etiam debet nos terrere, quos solos periculorum con-
 cepta molimina concernebant. Propter hoc igitur iure naturæ dictante, facti tam
 nostri quam nostrorum iurium, non voluntarii sed necessarii defensores, ac opportu-
 nis cautionibus attendentes iuxta rei militaris documenta probata illustrium anti-
 quorum, quod potentiæ magnæ pericula conspirata periculosius expectantur, in lari-
 bus illis nuper currentibus ad nostræ lucis & salutis occasum cōsultius venimus, in oc-
 cursum, ne cōtra nos forte discriminose procederent, sed sui ortus præfocarentur lo-
 co eorū, freti consilio & auxilio nobis oblato, quos nobis consanguinitas & affinitas
 cōiungebat, & ad quos similiter spectabat nobiscū periculis nostræ destructionis oc-
 currere, illaque consiliis & auxiliis præcauere, ponentes in manu Dei quam in mani-
 bus Apostolicæ sedis vestræ vel aliorum bonorum virorum communium, pone-
 re quondam voluimus, iustificatam quantum potuimus causam nostram, vt ipse
 rectum

rectum ex alto prospiciens, sententiam iustam ferat, & in sui gladii viribus exequatur. Nec credimus alme pater, quod arbiter quivis rectus, vel etiam iudex iustus, sic interpretetur aut torqueat nostrum factum, ut quod pro nostrorum tuitione & assecutione iurium in tanto discrimine nostratum fecimus (fieri ad alterius, quam non intendimus, non agimus nec agemus) putet iniuriam vel offensam, immo credimus, & certi sumus, quod facti nostri intentio attendetur. Et quid, ubi, aut propter quid fiat, debita consideratione librabitur, & iusti statim iudicis appendetur. Et sicut sanctio legis docet, non factum ex dicto, sed dictum pensetur ex facto. Non esset equidem iuris præsumptio, nobilis quod supponit factum ab homine fieri suo iure, non
10 benigna interpretatio vel civilis, qualem semper fieri dicat censura legalis, si nostri iuris usum notorium, nostræque defensionis compendium, dispendium offensionis illicite quis diceret alienæ esse. Cesset igitur quæsumus omnis coniectura in actibus nostris, certisq; locum duntaxat sibi vendicet, non autem in incertis. Deniq; forsitan accusator calumniosus nostræ actionis interpret, quia suscepimus hominē, contra quem processisse fertur vel Ecclesia, vel parentis Ecclesiæ vicarius, non dicet, quod fratris vel affinis vicibus fungimur, non quod ad iuris habendum titulum necessarium nobis potentia solum usum asciscimus, ut necessario fulti præsidio, ubi nunc sumus, nos à congestis in nostri ruinam periculis defendamus, & pro nostrorum iusta iurium assecutione certemus. Non dicet, quod intendimus nos defendere,
20 pro nostro iure certare, non etiam impugnare, vel eius impugnationi favere, pro cuius utique certaremus honore, nullius habita respectione periculi, sicut catholicam excellentiam regum decet, cum tamen ut omnis iuris censet intentio, ac cuiuslibet actionis finalis causa, vel ratio principaliter attendenda, & ex notitia voluntatis atque propositi, surgat distincta certaue cognitio operis accusati, solumque gestis hominum realis actio non verbalis conceptio ponderetur. Non dicet, quod facimus de materia ista scutum contra eum, qui nostro minabatur capiti mortis ictum. Quodque fecerimus medici sapientis exemplo, qui materiam morte plenam, currentem ad partes corporis, ubi vita se recipit, diuertere facit ad membra, in quibus materia nequit fore suspecta, quæ ad proximum fuerat
30 interitum præparata. Sic loquitur sancte pater, sic loquitur propter vehementiam, qui in suis insidiis nos inuenire quærebat incautos & penitus imparatos: sed proculdubio cautius fuit nobis iuxta militarem theoricam edocentē, quod more talis guerræ periculum plus euitat, qui eam à terræ suæ limite prosequatur, contra notorium hostem nostrum pro iure nostro nos congregari, & terris potentum potentibus sociatos, quam in propria persona nostra solos. Non igitur apud vestra viscera misericordiæ & sanctitatis locum inueniat detrahentium informatio æmula, vel sinistra facta de filio, qui suorum hereditario iure maiorum, in vestra & Apostolicæ sedis gratia & obedientia semper inconcussa persistet. Immo si quævis de filio taliter facta suggestio pulsauerit beatitudinis forsitan aures, non prius à vestra dignatione
40 sancta credulitas illi detur, quam auditus sit filius qui tangitur, qui confidit, & indefinenter intendit, ante sanctitatis vestra iudicium omni præsidens creaturæ (quod negare hæresim est probare) iustam dicere, vel iustam facere quamlibet causam suam. Illud demum dicimus ad vestra intentionis maiorisque deuotionis euidentiam subiungentes, quod si sit aliquis de nobis fœdere naturæ conuinctus, nobisque ad nostram defensionem adiunctus, qui per viam obedientiæ Apostolicæ sedis vestra non ambulet sicut debet, dare intendimus, quam non parum utiliter dare posse fidimus operam indefessam, ut omnium dimisso deuio ad viam obedientiæ redeat, omnemque faciat semitam suam rectam. Vnum rursus, quod à multis audiui-
50 mus, petita venia cum reuerentia, non tacemus, quod alias inauditum fuit. Quanto consideretur attentius pungit atrocius mentem nostram, videlicet quod aduersarii nostri manus notorie nunc (ut prius) ad nostri tantum laborantis exitium, cum guerram faceret, nemo sibi nec ipse alii nisi nobis de Christi patrimonio sit armatus, quod certe Reges Angliæ nostras prædecessores illustres Christi pugiles, fidei athletas, sanctæ Romanæ iuris Ecclesiæ amantissimos zelatores, eiusque mandatorum deuotissimos seruatores, ut nos etiam nec scimus, nec credimus meruisse. Et licet propter hoc dicatur à pluribus, non à nobis, quod contra nos facta subuentio, quod ad nos actus patris vel matris non extiterit, sed nouerit: nihilominus tamen constanter asserimus, quod sumus, & perseveranter erimus vestra sanctitatis, vestraque sedis deuotus & humilis filius, non priuignus. Ex quo non sine ratione speramus,

mus, quod nostra humilitas facta maior & firmior per illud, quod non meruit nocu-
 mentum vestrae paternae charitatis, & gratiae inuenire debeat exuberantius incre-
 mentum, ut quod nobis infontibus intulit, quae non praecessit asperitas punitionis
 sequens debeat, & compenset vestrae bonitas vnctionis. Hunc autem nostrae iustitiae,
 & contra nos iniuriae sic multiplicatae processum praeminentiam vestri sancti culmi-
 nis intimamus, ut vestra summa sanctaque mensura boni & aequi cuius adeo sibi com-
 petit, dare clauces, aperire & claudere in terra positas portas coeli, prout exigit pleni-
 tudo suae potestatis, & praecellencia sui fori, quantum fuerit rationis, fauere debeat
 nostro iuri, parati semper nedum a vestro sancto cunctis praesidente iudicio, immo a
 quolibet alio de veritate contrarii, si quis eam nouerit humiliter informari. Et qui
 sponte rationi subiicimur, aliam datam nobis intelligi veritatem cum plena & humi-
 li gratitudine complectemur. Quia vero nobis patres circumscripti estis in partem
 sollicitudinis & consilii dicti domini summi Pontificis condignis meritis euocati, si-
 bique lateraliter ad dandam plebi Christi salutis scientiam assidetis, ista vestrae patere
 cupimus notitiae, ut cognita causa nostrae iustitiae, veritati possitis impendere quod
 debetis, ad quod circumspeditionem vestram prouidam, quae solet sine personarum
 acceptione iura singulorum aequo libramine ponderare, votius precib. excitamus.
 Et si forsan in facto nostro quicquam appareat cautelae, exposcentes consilii sanioris
 a vobis, super hoc cupimus salubriter informari, parati in agendis nostris singulis ce-
 dere rationi. Data apud Andwerp. 16. die Iulii, anno domini 1339.

Rescripsit ei summus Pontifex in hunc modum.

BENEDICTVS Episcopus seruus seruorum Dei, charissimo in Christo filio Edwar-
 do Regi Angliae salutem & apostolicam benedictionem. Dudum te fili charissime
 clara imitari vestigia progenitorum tuorum Regum Angliae, qui erga Deum & sacro-
 sanctam Romanam Ecclesiam, velut peculiare eius alumni & deuoti filii plenitudi-
 ne deuotionis & fidei claruerunt, suaeque splendorem profapiae a quauis obfuscatio-
 ne nubili contagii praesentarunt, eaque in te prelucere clarius cupientes, ob paternae
 charitatis & dilectionis affectum, quo te statumque tuum prosequimur, nostras tue
 celsitudini literas direxisse meminimus, inter cetera recensentes, qualiter excessus
 per nobilem virum Ludouicum de Bauaria olim ut asserebatur, discorditer in regem
 Romanorum electum aduersus Deum, & eandem Romanam ecclesiam ac felicitis re-
 cordationis Ioannem Papam 22. praedecessorem nostrum per coacervationem mul-
 tiplicium & atrocium offensarum nequiter perpetrati tuum praeterire nequibant au-
 ditum, quos velut toti mundo notorios, non omnes (cum longa & prolixa nimis eo-
 rum narratio extitisset.) Sed ex eis aliquos in eisdem literis prouidimus ut sequitur
 recitandos. Idem namque Ludouicus contra processum praedecessoris eiusdem & inhi-
 bitiones ipsius de consilio fratrum suorum eiusdem Romanae Ecclesiae Cardinalium
 factos & habitos, diuersas spirituales & temporales poenas & sententias continentes:
 intrauit Italiam, & nonnullos haereticos de haeresi publice & notorie condemnatos
 in consortium publicae participationis admisit, & asserens haereses manifestas, ac fo-
 uendo secumque tenendo haereticos publice dogmatizantes praedictarum haeresium
 detestabiles & horrendos horrores, haeretica quoque dogmata scienter, imo potius
 dementer approbans, & euidentiam approbationis huius, per diuersas literas sigillo
 suo noto munitas, deduxit, in aliarum discrimen nationum, sibi etiam nomen impe-
 riale postmodum usurpare, & administrare iura imperii in eadem Italia & Aleman-
 nia, contra processum & prohibitiones praedictas detestabili temeritate praesumpsit.
 Ex his praeter poenas alias, excommunicationis & anathematis sententias incurren-
 do, & tandem ausus ausibus, & excessus accumulando excessibus se conferre non ex-
 pauit ad urbem, ubi in illam nequitiae prorupit insaniam, ut meditatus vrbi & orbi vni-
 uersalis schismatis suscitare dispendium, quendam hypocritam diabolicam praesum-
 ptionis virum, nomine Petrum de Corbaria velut abominationis horrendae simula-
 crum in apostolica sede pro Romano Pontifice statuere moliretur. Idque quantum
 in eo fuit pro vi actum, fuit veneratus ut Papa, consecrationumque immo potius exe-
 crationum diadema imperiale de facto recepit ibidem, ut de multis insanis & aliis pro-
 cessibus quinimo detestandis excessibus per eosdem Ludouicum & Petrum praesum-
 ptione perpetratis haeretica taceretur. Propter quae dictus praedecessor praefatum Lu-
 douicum fore a dominio denuntiavit omni honore & dignitate priuatum, & in eum
 tantarum haeresium & schismatum maculis irretitum, exercens gladium Apostolicae
 potesta-

potestatis cum omnibus qui adhærerent eidem, vel præstarent auxilium, consilium, vel fauorem, seu pro Romano Rege aut Imperatore scienter haberent, tenerent, vel nominarent eundem, non solû excommunicationis & anathematis, sed etiâ alias pœnas & sententiâs tanquâ in fautores hæreticorû & schismatis promulgauit, & à iure declarauit prolatas, sicut in diuersis processib. per præfatû prædecessorê habitis seriosius continetur, super quibus quidê pœnis quantumcunq; per ipsum Ludouicû promeritis, & in eum iusto Ecclesiæ iudicio promulgatis, si vere pœnitens se humiliasset ad gratiam, benignam reperisset eandem Ecclesiâ, quæ ipsum tanquam filium prodigum de longinquo redeuntem, ad suum gremium apertis brachiis recepisset, immolatura pro eo (in vbertate diuinæ laudis) vitulum saginatû. Rursus adiecimus in literis supradictis, quod quanquâ tam prædictorum excessuum contra eorûdem processum (per dictum prædecessorem cõtra dictum Ludouicum exigente iustitia) postmodum habitorum notitiâ habuissimus & etiâ habemus, vt tamen ipsum à peccatorû nexibus liberatum de faucibus sempiternæ mortis possemus eripere, postquam fuimus ad apostolatus summi apicem assumpti, diuersos nuntios eius (diuersis vicibus & temporibus ad nos missos) receperamus benigne, ac pro reconciliatione ipsius p fructû verę pœnitentiæ promerenda, pro locutiones varias habueramus cû eis, & tunc pendebat etiam ad proloquendû vltèrius, terminis assignatis, in quo proculdubio per nos non sterit, quo minus vltèrius fuerit (super negotio reconciliationis eiusdem) processum.

40 **Quare** (fili dilectissime) serenitatem tuam requirendam tunc duximus per easdem literas, & rogandam, vt prudenter aduertens, & in scrinium internæ considerationis adducēs, grauitatē pœnarû, in quas inciderent, & sententiarû quas ineurrerēt, quantisq; periculis & discriminibus implicarent, qui præfato Ludouico sic notorie & publice, ab omnibus hæresis, & sic odiosi toti Christianitati schismatis condemnato, antequam reconciliationis gratiam eiusdem Ecclesiæ meruisset præcipitare præsumerent, sibi que impenderent auxilium, consilium & fauorem; vel sibi tanquam imperatori vel Regi Romanorum reuerentiæ cultum seu titulum regalis vel imperialis nominis assignarent scienter, ac cuiuslibet participationis fœdera contrahendo cum ipso, & exhibitione reuerentiæ & honoris sibi tanquam Regi vel Imperatori, quous-

30 que dictus Ludouicus reconciliationis eiusdem ecclesiæ meruisset gratiam obtinere, penitus te retrahere, & totaliter abstinere curares, vt tibi famæ integritas, & illibata tui generis claritas seruariantur, cum autem rumor implacidus & admodum infestus ad nos perduxit hiis diebus, quod tu fili requisitionibus & rogationibus nostris utique salutaribus, & de fonte prodeuntibus charitatis, non sine detrimento tuæ salutis & famæ, quod dolentes referimus obauditis, non solum cum prædicto Ludouico, nondum eidem reconciliato Ecclesiæ, nec à pœnis & sententiis, quibus (propter præmissa & alia multa grauiâ cõmissa) per ipsum prædecessorê nostrû implicatus esse noscitur liberato, nec etiam processus sæpèfati prædecessoris, per quos (vt præmittitur) aduersus omnes & singulos cuiuscunq; præminentia, dignitatis, conditionis, vel status, etiam si pontificali, regali quacunq; , vel alia Ecclesiastica seu mundana dignitate fulgerent, præfato Ludouico adhærerent seu præstantes, directe vel indirecte, publice vel occulte, consilium, auxilium, vel fauorem, vel sibi tanquam imperatori aut Regi Romanorum reuerentiam exhibentes, seu titulum regalis vel imperialis nominis assignantes seu ascribentes graues, spirituales ac temporales pœnæ & sententię infliguntur (nequaquâ relaxatis, imo in sui roboris efficacia perdurâtibus) participationes, confœderationes sibiq; adhærere, ac præstare fauorê, auxilium & consilium præsumpsisti: imo quod perniciosius (proh dolor) & damnabilius noscitur existere (si veritas relationibus suffragetur) vicariatus officium per totam Alemanniam & Germaniam, ac vniuersas & singulas earum prouincias, siue partes ab eodem Ludouico (sub

50 imperialis nominis titulo, vt asseritur) suscepisti de facto: cum ipse Ludouicus, nec Rex nec Imperator (vt præfertur) sit, cuius prætextu nonnullis prælatis Ecclesiarum, & personis Ecclesiasticis in terris imperii destitutis, ac in nostra & Ecclesiæ memoratæ deuotione ac fidelitate debitis persistentibus, sub pœnis grauib. per tuas ei literas comminatas mandasse diceris, & districtius iniunxisse, vt ad te tanquam eiusdem Ludouici in Alemannia & Germania, & partibus supradictis vicarium, & auditurî sententiarum & iudiciorum ipsius Ludouici, tuorumq; mandatorum rectitudinem, ac præstituri eidê Ludouico, vel tibi eius nomine, recognitiones, homagia de terris, bonis & iurib. quæ tenent ab imperio, conuenirent. De te igitur (fili) vt sit tua tuorûq; consiliariorum prudentia, ex ea præsertim non sufficimus admirari. Quod cum tu

(sicut

(sicut audiui) pro illorum repetitione iurium (quæ ad te asseris pertinere) non sine grandium personarum periculis, ac expensarum & sumptuum profluuiis peregrinatus sis ad partes Alemanniæ, & multos super hoc feceris apparatus, nunc spretis eiusdem prædecessoris processibus, & deductis damnabiliter in contemptum pœnis & sententiis supradictis, quibus te manifeste (si quæ nobis referuntur, vera sint) non absque horrenda nota, quæ non parum obfuscat tui claritatem generis, quam proculdubio multiplicasti. Et nihilominus quamuis nos te nunquam offenderimus, nec contra te aliquid fecerimus, quanquam & intelleximus falso & fallaciter suggestum tibi per eos, qui te, salutem, & honorem tuum minime diligunt, fuerit: quod nos charissimo in Christo filio nostro Philippo Regi Franciæ illustri, (in auxilium guerræ suæ) 10 ingentem pecuniæ quantitatem, de nostra camera dederamus, quodque institutionem personarum ecclesiasticarum eidem concesseramus in omnibus Ecclesiis regni sui, quæ omnimoda carere veritate noscuntur, talia namque nunquam fuerunt postulata à nobis, nec ea concessissemus quomodolibet, cum quantacunque instantia petita fuissent, nec decimas contra te Regi Francorum concessimus: sed aduersus Teutonicos Ludouico adherentes, prædictæque ipsius ecclesiæ Romanæ inimicos, qui ad inuasionem Regni Franciæ, se (vt habebat rumor publicus & notorius) disponebant, sicut in concessione decimarum ipsarum continetur expresse. Non fuit nempe nostræ intentionis aduersus te fomentum ministrare discordiæ, vel eos alicuius subsidii administratione fulcire. Quinimo statum regni tui & etiam regni Franciæ, pacis & concordie prosperitate & vnanimitate potiri, summis desideriis affectantes, ad hoc, serenitati tuæ, & dicto Regi Franciæ per nos sæpe directis literis, & etiam nuntiis (videlicet sanctæ Romanæ ecclesiæ Cardinalibus, ad partes illas de latere nostro missis) votis ardentibus laborauimus, & laborare non cessamus, nec cessabimus, vt inter te & Regem eundem, & vtriusque regna, pacis & vnitatis serenitas illucescat. Tu tamen fili charissime, fide (vt videtur) adhibita prædictis falsis suggestionibus & mendosis, te nostrum & eiusdem Romanæ ecclesiæ persecutorem & hostem, inuadere ac occupare honores & iura nostra, ac eiusdem ecclesiæ (ad quos regimen & administratio imperii Romanorum eo vacante, (sicut nunc vacare noscitur) pertinent pleno iure) moliri, molestando prælatos & personas ecclesiasticas in nostra & ipsius 30 Ecclesiæ deuotione ac fidelitate debitis, vt præmittitur persistentes, ipsosque ad obedientiam dicti Ludouici de diuersis (vt præmittitur) hæresibus & schismatibus, aliisque criminibus sententialiter condemnati, ac iure regio & imperii (si quod ad eum forsitan competierat vel competebat) iusto Dei & Ecclesiæ iudicio priuati, ac præstationem huius recognitionis & homagii sibi vel tibi eius nomine faciendam attrahere, & inducere coactiuis impulsionebus, & commonitionibus satagendo, vtinam fili (antequam de his tam periculosis & detestandis inuoluas amplius) attente consideres, & matura deliberatione præuia constituas ante oculos mentis tuæ, circuitus periculosos & nodosos laqueos, quibus te (subtilibus ingeniis & fraudibus exquisitis) aliqui de suis potius quam de tuis solliciti negotiis & commodis præmissis inuoluere, tibi que onus 40 (quod à se quodammodo reiicere cupiunt) non minus leue, si diligenter circumstantias attenderis, imponere moliti sunt, & non sine periculo tui præcipitii moliuntur. Nec te latere volumus, quod præfatus prædecessor olim per quandam constitutionem ab ipso deditorum fratrum suorum editam consilio, in omnes & singulos (cuiuscunque status, dignitatis, vel conditionis existerent, etiam si patriarchali vel quauis alia superiori, aut Pontificali, vel regali dignitate fulgerent) qui absque sedis Apostolicæ licentia speciali, vicarii seu cuiuscunque alterius officii nomen in prædicti terris imperii (eo vacante, sicut tunc vacabat, & nunc etiam vacat, vt præmissum est) assumere, vel assumptum ultra terminum duorum mensium præsumerent retinere, seu dimissum reassumere quoquomodo, inobedientes ac non parentes, & intendentes 50 eisdem, excommunicationes & alias graues sententias promulgauit. Nos itaque (qui erga te fili claudere viscera paternæ dilectionis nequiuimus, & cordis dolore tangimur intrinsecus) cum talia percipimus ad te, tuumque honoris statum salutis & famę dispendium machinari, tuam rogamus magnificentiam, requirimus, & in Domino attentius exhortamur, sano paternoque tibi nihilominus consilio suadentes, quatenus ea, quæ præmisimus, & alia, quæ circa illa tibi possunt occurrere, deducens in rectæ deliberationis & discussionis examē, ac insuper tenens certius & attendens, quod dictus Ludouicus (vt præmisimus) nec Rex, nec Imperator est, nec aliqua quæ ipse fecerit, vel faciet, quamdiu fuit & erit, dictis processibus ac pœnis & sententiis irritatus quic-

quicquam valuerunt, vel valent, nec sunt aut fuerunt alicuius auctoritatis, roboris, vel momenti: quodque tibi periculosum est, aut multipliciter formidandum, te bellorum subiicere discriminibus, maxime si omnibus supradictis processibus, pœnis & sententiis (à quibus liberari non posses, nisi duntaxat per sedem Apostolicam, quæ absolutionem earum sibi expresse retinuit) inuolutus, ac Dei & eiusdem Romanæ Ecclesiæ persecutor & hostis effectus, à quibus te misericordiarum dominus protegat & defendat. Consideransque præterea diligenter, quod licet humanum sit peccare, in peccatis tamen perseuerantia diabolica est censenda, quodque à præmissis singulis sic horrendis deuiis ad illa forsân declinaueris serpentina deceptione seductus, antequam inualescant perniciosius, seu in conspectu Dei & hominum fateant deterius & putrescant, cupimus te resiliire penitus, pedesque tuos ad viam rectam, Deo placitam, ac tuis statui, salutem, honori congruam dirigere, quam ut decreta postponas eorundem Cardinalium, qui te statumque tuum sincere diligunt: super reformatione pacis inter te dictumque Regem mutua, placabili Deo & hominibus amabili acquiescens. Videtur equidē, quod etiam si prædicti vicariatus valeret officium assignari, tamen tuum (qui tam magnus tantusque Rex & Princeps existis, tantoque nomine ac titulo regio existere nosceris insignitus in orbe) non deceret honorem, quod nominareris vicarius alicuius domini temporalis, quanto minus igitur tuam decuit vel decet excellentiam illius vicarium appellari, qui auctoritate nulla (ut sæpe dictum est superius) præminet. Sed (proh dolor) tantorum existit respersus labe criminum, tantisque grauibus pœnis & sententiis, cum omnibus sibi adhærentibus implicatus, sciturus (fili amantissime) quod si his monitis nostris salutaribus acquieueris, cum effectu (tibi sic impulsio, ut caderes) manum benignam porrigemus (quantum cum Deo poterimus) subleuantem: alias autem non poterimus desistere, cum id à nobis exigat officium Apostolicæ seruitutis (quo minus super prædictis prouidere de optimis remediis) procedendo contra te (quod molestum & graue nobis erit admodum) si necesse (quod absit) fuerit, prout exigente iustitia debebit & poterit fieri, procuremus. Dat. apud Auinionem, &c.

30 **R**ex Angliæ Brabantiam (ut præmittitur) intrans, fidelitate sibi iurata, relicto domino naturali, in amicitiam suam Flandrenses attraxit, mutatoque sigillo & armis propriis vtriusque regni, Francorum scilicet & Anglorum, arma integra moretum quadripartito sibi appropriauit, Regem Angliæ & Franciæ cum literis se vocauit: misit quoque literas suas patentes sigillo suo signatas locis Flandriæ conterminis, inter cetera continentes, quod Rege Francorum domino Carolo viam vniuersæ carnis ingresso, ipsi tanquam vero ac propinquiore heredi, germanæ sororis dicti Caroli sine liberis decedentis filio, regnum Franciæ hereditarie fuerat deuolutum. Insuper quod dominus Philippus de Valesio filius auunculi dicti Regis Caroli, in longinquo-
 40 ri gradu persistens, dummodo minor ætas ipsum Edwardum fouebat, contra dominum & iustitiam regnum Franciæ memoratum per potentiam occupauit, & iniuste detinere non desistit. Ipse quoque Edwardus (grandi mediante deliberatione) regni sæpediti regimen assumpserat & nomen. Sed quia Rex Francorum superiorem in temporibus non recognoscit, nec etiam processus, neque iudicium in præsentiarum iniuste regnum occupantem amouere valeret: idcirco nulli mirandum foret, si in manu armatorum valida regnum intraret: sed veraciter gentium mortalitatem neque depopulationem se querere asserbat. Verumetiam de sua speciali concessit, quod omnes de dicto Francorum regno cuiuscunque forent status aut conditionis, qui ipsum verum dominum recognoscerent, bona sua omnia in pace possiderent. Literas quoque talia continentes, in portis Ecclesiarum Rex affigescit.
 50 Rex Angliæ cum militia sua vna cum duce Brabantie, comite Gerlensi, Gillers, ac multis nobilibus, in mense Octobris cum exercitu maximo Franciam intrauit, & ferme (ut dicebatur) mille villas combussit igni, & damna non modica in bladis, bestiiis, & aliis, in pagis Cameracensi & Vermundinensi intulit. Quibus auditis, rex Franciæ innumerabili quasi exercitu congregato, usque sanctum Quintinum peruenit. Misit quoque Constabularius exercitus Francorum (iussu Regis) literas Anglorum Regi, inter cetera continentes, quod si Rex Angliæ locum arboribus, fossatis, & aquis, nequaquam munitum præligeret certo die, Rex Franciæ cum illo bellum committeret. Illud idem Rex Bohemiæ, & dux Lotharingiæ literis sigillis suis roboratis
 affirmarunt. Adueniente autem certaminis die, Regeque Angliæ ad bellum in campo
 cum

*Rex Angliæ in
guia missas.*

*Rex missis literis
per Flandriam
iussu sui in Fran-
cia denunciat.*

*Rex Angliæ
ciem populatur.*

*Francus Angliæ
ad prælium
cessit.*

*Francus bellum
recedit.*

cum suis parato, Rex Franciæ ad vnum milliare & amplius (vt dicebatur) cum exercitu persistens, nescio quo infortunio, metu, siue terrore ductus (mille equis subito & repentino regressu in palude quadam, & eo amplius collapsis) in Franciam remeavit, quo comperto, Rex Angliæ in Brabantiam regressus est. Cito post hæc Papa Regi Angliæ scripsit in hunc modum:

BENEDICTVS Episcopus seruus seruorum Dei, charissimo in Christo filio, Edwardo Regi Angliæ illustri salutem & apostolicam benedictionem. Dum diligenter attendimus, & profundis cogitationibus meditamur, quanta summi & æterni Regis fuerit benignitas, & misericordissimæ affluentia pietatis, quod pridem tuis (charissime fili) & charissimi in Christo filii nostri illustris Franciæ Regis, eiusque collegiatorum ordinatis aciebus, & multū ex propinquo ad confligendum terribiliter, & animose dispositis hinc & inde secuta non extiterunt pericula, quæ tantus fragor armorum & armatorum impetus minabatur, eidem laudum exoluimus præconia, cum & hoc ad donum Dei maximum & grande operatum misericorditer à clementia diuinæ prudentiæ, qui in sui dispositione non fallitur miraculum reputetur. Et quidem colligi potest etiam apertius, quod, altissimo qui bella conterit, & gentibus ea volentibus per prophetam, dissipationis exterminium comminatur, tantum sanguinis redemptorum pretioso cruore dominico fusum, quantum si confictum sibi dedissent acies prædictæ tunc temporis in totius Christianitatis damnum & opprobrium, ac animarum multarum periculum, non placebat. Regalis quoque circumspectio potest etiam aduertere quantum & cum Rex prædictus indignationum haberetis formam diuinam, si plures de eis, quos ipse à periculis animarum & corporum eripuit, sic benigne iterum simili subiicere discrimini curaretis, timendum esset, proculdubio vt à Deo attenderetur, & præsertim vehementius contra illum, qui huius discrimini daret ampliorem operam, & ira Dei, vt tanta strages tantaque confusio sequeretur, quod tota concuteretur Christianitas, & reformatio pacis & concordia, non solum difficile, sed impossibile, quod non sinat miserator & misericors dominus contingere, redderetur. Et insuper nec minus considerandum videtur, quantum occasione guerrarum præsentium, multis & variis modis, vt fertur, regii subditi non modicum sunt exhausti pecuniis & aliis bonis suis, & etiam si continuatione talium onerum, quod absit, amplius grauarentur. Quodque bellorum euentus est dubius, & multum, vbi Dei timetur indignatio, formidandus. Ideoque regiam magnificentiam rogamus in domino attentius, & hortamur, nihilominus per Dei misericordiam obsecrantes, quatenus præmissa, & alia, quæ possunt occurrere circumspectioni Regis in hac parte reuoluens infra claustrum regii pectoris, & deducens in exactæ deliberationis examen, ad reformandam pacem cum Rege præfato, & treugas ineundas, vt tuis dilectissime fili, tuorumque obuiaretur periculis: & Deo, qui pacem dirigit, & in viris pacificis delectatur, magis placeas, teque acceptiorem eidem efficias, totum corrobore regnum, & inclines dilectorum filiorum nostrorum Petri tituli, sanctæ Praxedis presbyteri, & Bertrandi, sanctæ Mariæ in Aquiro diaconi Cardinalium Apostolicæ sedis, nuntiorum zelatorum vtique regii honoris & commodi, quos dudum ad partes illas propterea de consilio fratrum nostrorum destinauimus, monitis & salutaribus circa hoc persuasionibus effectualiter nihilominus acquiescens. Sane cum præterea quæ præmissa sunt, & quia huiusmodi & aliis innumeris periculis ex guerris prædictis imminetibus obuiari salubriter possimus, & vt inter te fili amantissime, dictumque regem, nexu propinquo sanguinis & affinitatis coniunctum pacis plenitudo, & mutua charitatis dilectio vigeant, pacis reformationem huius feruentibus desideriis peroptamus, si forsan per eosdem Cardinales ad pacem illam attingi non possit in illis partibus, tuque per charissime fili, Rex prædictus vos ad mutuam habilitantes concordiam, Deo placabilem, hominibus amabilem, Christianitati utilem, ac vtrique vestrum multipliciter optimam, consentire volueratis, vt & nos ad pacem ipsam reformandam, tanquam tractatores amicales propria persona intendamus, & initis aliquibus inuicem treugis vel concessis sufferentiis ab inuasionibus & commotionibus bellicis vsque ad tempus optimum, infra quod tractatus pacis inchoari, continuari, & si misericordiarum dominus dederit, ad finem possit deduci feliciter, & votiuos nuntios mandatis suffultos idoneis ad vos propterea destinando. Nos licet arduis & importabilibus agitemur continue supra vires, paratos ob desiderium pacis prædictæ, nos offerimus, quantum commode cum honestate fieri poterit, prætermisissis efficaciter super refor-

reformatione huius pro quiete, vtilitate, ac honore vtriusque partis interponere, sicut præmisimus, prout ex alto nobis ministrabitur sollicitudinis nostræ partes, super quibus matura deliberatione præuia rescribat nobis, quæsumus regalis magnificentia suæ beneplacitum voluntatis. Rescripsit autem summo Pontifici Rex Angliæ in hæc verba:

RE V E R E N T E R & deuote recepimus sanctitatis vestræ literas ab vltimo nobis missas, per quas pacem reformandam, vel treugas ineundas, cum domino Philippo de Valesio nobis vestra benignitas persuasit, clementer adiiciens vos velle ad ipsam reformandam in persona propria, tanquam tractator amicabilis intendere, si nos & prædictus Philippus ad hoc voluerimus consentire. Nos quidem sanctam affectionem vestram, de filiorum quiete sollicitam in domino contemplantis, de salubri persuasione vestra oblatione tanta tamque pia grates & gratias vobis humiliter exsoluimus quas valemus, & sub firma dilectione rectitudinisq; vestræ fiducia sanis vestris cupimus inhærere consiliis, nosque sanctis vestris beneplacitis specialiter conformare, sed in publicam notitiam iam deuenit, qualiter idem Philippus regnum nostrum Franciæ, ad nos per mortem celebris memoriæ domini Caroli, vltimi Regis Franciæ, auunculi nostri legitime deuolutum, sibi contra iustitiā vsurpauit. Et eo non contentus, terras nostras in ducatu Aquitanix sibi attraxit iuxta vires: Insulas nostras in mari, & etiam regnum Angliæ nostrum inuadens hostiliter cum nauigio, quod sub colore sancti passagii transmarini parare se finxerat, deformat, cum iurauerat in causam Christi. Scotos etiam in nostri rebellionem concitauit machinans omnino nos deprimere, vt sic dictum regnum nostrum Franciæ, & alias terras nostras hereditarias iuxta insatiabile suum dominandi desiderium liberius possit retinere. Cui sicut alias sanctitati vestræ scripsisse nos meminimus, plures obtulimus amabiles vias pacis, volentes ab eo pacem redimere, cum nō modico nostrorū iurium detrimento, sed ipse per tractatus varios diu protrahens sub incerto, & magnis sumptibus nos exponens, vt nostrum exhauriret ærarium, & sic nos ad nostrorum recuperationem iurium efficeret impotentes, finaliter aliquid nobis facere non curauit, sed semper in nos grassando persecutio sua creuit, propter quod impellente necessitate, ad partes venimus transmarinas, ad induendum nostrorum amicorum potentiam, pro reformandis illatis & propulsandis inferendis per eum nobis iniuriis, & iuribus nostris hereditariis obtinendis, pro certo negligere non intendimus, sed ea vbi aliam viam congruam poterimus, prosequemur pro iuribus Deo duce. Et licet coram reuerendis patribus Petro tituli Sanctæ Praxedis presbytero, & Bertrando, sanctæ Mariæ in Aquiro diacono Cardinalibus, & sanctitatis vestræ nuntiis, qui circa pacis negotium laudabiliter & sollicite laborarunt, petatum sit nomine nostro dictū regnum Franciæ, quod ad nos pertinere noscitur omnium iure: nosque præfatis Cardinalibus sub certis viis pacis, velle nostrum bona fide fecerimus aperire, offerentes semper ad omnem viam pacis rationabilem, nos paratos pro certo tum de voluntate partis aduersæ, nec per dictos Cardinales, nec per alios huc vsque scire quiuimus, quod idem dictus Philippus, quicquam nobis facere voluerit, vel offerre. Et reuera si nobis oblationem etiam mediocrem tunc fecisset, ad vitanda guerrarum discrimina & expensarum profluvia, super ea responsionem rationabilem fecissemus, sed iam non videmus, quid per viam pacis vltius cum honore nostro facere valeamus, si tamen adhuc placet præfato domino Philippo nobis offerre rationabilem viam aliquam, vel etiam vestra consideratio prouida, seu dicti domini Cardinales huius viam congruam (cui prædictus Philippus consentire voluerit) nobis fecerint aperiri, statim (cum de illa constiterit) deliberationem habere volumus super ea, actalem in omni celeritate facere responsionem, quæ sanctitati vestræ (& cunctis consideratam) rectam, & ordinatam habentibus rationem videri debeat rationabilis & accepta. Et si forsitan in suprascripta via nostrorum amicorum & fidelium, foret requirendus & obtinendus assensus circa illum obtinendum, poneremus omnem diligentiam, quam possemus, ita quod per nos non stabit, quin concordia bona fiat, si pars altera velit condescendere rationi. Supplicamus igitur vestræ clementiæ toto corde, quatenus vestras iustitiam & intentionem in veritate fundatas, velitis, si placet, debite ponderate, nosque, vos & sancta Romana Ecclesia in omnium deuotionis plenitudine & solidæ dilectionis & fauoris gratia incidenter confouere, de nobis vt de filio deuotissimo sentientes. Nam testis est nobis conscientiarum dominus Deus, quod honores & libertates Ecclesiasticas extollere cupimus & tueri. Et si Deus nobis

N
prospe-

prosperari concesserit, ad ipsius bella inimicos fieri peragenda deuotis & humilibus affectibus aspiramus. Conferuet, &c.

Natale celebrat apud Rokesburgh. Southampis per Francos incensa.
Parliamentum.
Monachorum bona confiscata. Cometa.
Decima concessa Regi à clero. Annalis cōsuetio.
 Anno gratiæ millesimo trecentesimo tricesimo septimo, qui est annus regni regis Edwardi à conquestu tertii vndecimus, tenuit rex natale apud Rokesburgh. Hoc anno villa de Southampton per galeas Regis Franciæ, fere totaliter est combusta, quo anno orta est grandis discordia inter Reges Angliæ & Franciæ, eo quod Rex Franciæ multas terras & oppida in Wasconia improbe viurpauerat. Quae de causa Rex Angliæ plures oblationes humiles Regi Franciæ fecerat, si saltem sic possit recuperare terras suas, sed cum nihil proficeret, collectis vndecunque pecuniis mare transire disposuit. Nempe in parlamento apud Notingham exegit quintumdecimum denarium de communi plebe, decimumque de burgis. In hoc parlamento ordinatum est, vt omnes lanifici Flandriæ aliarumque terrarum (volentes inhabitare Angliam) pacifice aduenirent. Reuera per tres annos elapsos, vt dictum fuerat, passagium de lanis cessabat, vt citius Flandrensiū superbiā Rex deuinceret, qui plus saccos quam Anglicos venerabantur. Eodem anno propter instantem guerram inter regna, Rex Angliæ confiscari fecit bona Longobardorum & Cluniacensium monachorum, & Cistercensium, per totum regnum. Circa Calendas Augusti, id est, per quindenam præcedentem, & quindenam sequentem, cometa apparuit, præsignans fortassis durum bellum futurum inter regna, quæ partim radios emittebat circa orientem, & partim versus Austrum. Hoc anno concessa fuit Regi decima Ecclesiæ Anglicanæ per tres annos sequentes. Transit annus iste fruges & fructus faciens copiose: Anglis, Francis & Scotis sumptuosus, dispendiosus & odibilis propter guerras motas.

Natale apud Rokesburgh.
Cardinales de pace in Angliam missi, in Francia partes inclinant.
 Anno gratiæ millesimo trecentesimo tricesimo octauo, qui est annus regni regis Edwardi à conquestu tertii duodecimus, tenuit idem Rex natale apud Rokesburgh. Hoc anno cum compertum fuisset, Cardinales (qui pro pace venerant reformanda inter Reges Angliæ & Franciæ) plus fauere Regi Franciæ quam Regi Angliæ, vt patebat in sermone vnus Cardinalis ad clerum habito, surrexit Archiepiscopus Cantuariensis, & prædicauit publice assertiones Cardinalis fore vanas. Et post modicum temporis manifeste dicebatur per totam Angliam, quod rex Angliæ habuit ius in regnum Franciæ, quod prosequi intendebat.

Walterus Many Flandros fortiter deuicit.
Parliamentum apud Bury.
Dux Bauariæ regem Angliæ humaniter suscipit.
Rex Angliæ non minus fortis.
 Eodem anno Dominus Walterus Many ductor nauigii Regis Angliæ versus terram Hannoniæ, cum applicuisset ad quandam Insulam, vocatam Ageneys, pro aqua recenti haurienda, & sui fuissent dispersi per Insulam, mox Insulani dederunt insultum super eos, cum fratre Comitis Flandriæ, qui fuit dux eorum, vbi post multa discrimina hostium, virtute sagittariorum superati sunt, ita quod dictus frater Comitis Flandriæ reddidit se Waltero, & populus vniuersus. Qui quidem frater Comitis ductus est in Angliam, & regiæ traditus voluntati. Quidam vero de Insulanis, cum ad quandam Ecclesiam confugissent, à Wallicis, qui cum nostris profecti fuerant, circa tria millia cum Ecclesia conflagrati sunt. Post festum Pentecostes habuit Rex consilium apud Bury de transfretando ultra mare, & subsidio sibi conferendo: & in illis partibus vsque ad suum transitum morabatur, vbi Wallici multa damna fecerunt per illam moram, qui noxii sunt vbique. Interea cum nuntiatum fuisset Duci Bauariæ, qui se appellauit Imperatorem, quod Rex Angliæ aduenisset, accersiri eum iussit, & circa Calendas Augusti occurrit sibi iuxta Coloniam, vbi cum maximo apparatu & gloria se inuicem salutarunt. Quidam autem ferebant, quod Bauarus indigne ferebat, quod rex Angliæ non se submisit ad oscula pedum suorum. Cui responsum fuit, quod Rex Angliæ Rex erat inunctus, & habet vitam & membrum in potestate sua, & idcirco non debet se submittere tantum, sicut Rex alius non inunctus.

Rex Angliæ & Francia insignia eum suis conungit. Regi nascitur filius Lionellus.
 Post mutuam colloctionem & pristinae cōfoederationis renouationem, dictus Bauarus, qui se dicit Imperatorem, constituit Regem Angliæ vicarium suū, & rediit ad loca sua. Rex vero Brabantiam est regressus, vbi per annum iugiter moram traxit, maximam partem exercitus & familiæ suæ propriæ remisit in Angliam vna cum Wallensibus, qui in omni loco erant importabiles & nociui. Rex autem Angliæ per hanc moram in Brabantia, consilio Brabantinorum & Flandrensiū arma Franciæ suis armis immiscuit, & boreales partes Franciæ vsque ad Tornatum incendit & vastauit. Eo tempore natus est regi filius tertius apud Andwerp, & vocatus est Lionellus, in vigilia sancti Andree. Hic postea comes fuit Vltoniæ, & tandem Dux Clarentiæ

rentiæ est creatus. Hoc anno Cardinales prædicti de Anglia sunt egressi. Eodem anno à quinto Calendarum Decembris vsque quartum idus Februarii gelu maximum durauit in Anglia, & niues nullæ: quo anno prodigium apparuit in hac terra, salices nempe in mense Ianuario flores protulerunt rosis in quantitate & colore persimiles, quanquam eo anno fuisset hyems tanta, quanta non fuerat per transactos retro viginti annos. Interpretetur qui poterit signi prodigium, cuius relator esse delegi potius quam expositor. Hoc anno Rex Edwardus se Regem Franciæ & Angliæ constituit appellari. Transiit annus iste frugifer satis & fructifer, temperatus æstate, hyeme vero gelidus supra modum: Francis inuisus, dispendiosus, sollicitus: Anglis honorificus:

Prodigium.

Rex Angliæ primus Angliæ & Franciæ Rex appellatus.
Annalis conclusio.

10 Scotis in vtrunque.

Anno gratiæ millésimo trecentésimo tricesimo nono, qui est annus regni regis Edwardi à conquestu tertii tertius decimus, tenuit idem Rex natale in Brabantia apud Andwerp, cum Regina Philippa & multis proceribus illarum partium & exercitu Anglicano. Circa festum Purificationis Rex Edwardus rediit in Angliam, uxorem tamen suam apud Andwerp in Brabantia dimisit cum liberis, quasi in sui redditus assecurationem, peruenitque ad turrim Londinarum subito nocte media, & non inuenit in eodem nisi pueros suos, & tres seruientes. Cuius constabularius erat tunc Mathæus de la Beche. Rex igitur offensus, accersiri fecit Maiorem Londinarum, quem mox direxit pro Cancellario, & thesaurario domino de la Wake, Iohanne de S. Paulo,

Natalis apud Andwerp.

Rex in Angliam rediit.

20 Michaelē Wath, Philippo Thorp, Henrico de Stratford, Iohanne de Sconore Iustituario de banco, & hos omnes propter Cancellarium & thesaurarium, arestauit, & imprisonauit. Et ex post in diuersis regni partibus fecit arestari Iohannem de Pulteney, Wilhelmum de la Pool, Wilhelmum Schishull, Richardum Willoughby, Iohannem de Schardelow, & Thomam de Ferrariis, qui omnes diuersis custodiis missi sunt, sed cito post dominus de la Wake honorifice deliberatus est. Eodem anno factum est parliamentum apud Westmonast. in quo concessa sunt Regi, nonum vellus, nonus agnus, nona garba, per biennium, ab omnibus, qui per baroniam tenerent, & ad parliamentum venire tenerentur, & prælati religiosi, ac ceteri de clero (ut præmittitur) soluentes decimam Regi antea concessam, soluere minime arctarentur illa vice. Insuper illi

Parliamentum. Subsidium.

Decima.

30 qui ad parliamentum venire non consueuerunt prælati, scilicet religiosi, & ceteri de clero solum decimas antea Regi concessas soluere tenerentur. Pro hac autem concessione remisit dominus Rex, & condonauit omnia catalla, felonum & fugitiuorum euasiones incarcerationum, fines, exitus, & forisfactiones & amerciamenta murtherorum, & omnia alia delicta infra forestas facta, adiudicata vel adiudicanda, releuia, scutagia vsq; ad passagium suum versus Brabantiam, videlicet 16. diem Iulii, anno regni sui duodecimo. Et insuper auxilia faciendi filium suum militem, & filiam suam maritandi pro toto tempore suo. Insuper condonauit & remisit omnimoda debita computata, id est, arreragia firmariorum, & compotum quocunq; modo sibi debitum de tempore progenitorum suorum, quam tempore suo vsq; ad annum regni sui decimum.

Relaxationes à rege concessa.

Arreragiæ remissa.

40 Insuper concessit, quod debita terminata in scaccario ante tempus suum, & in tempore suo de debitis antiquis ante tempus suum debitis essent condonata, remissa, & ad nihilata in perpetuum. Ita tamen, quod terminamenta facta de debitis sibi debitis & suo tempore ortis starent in robore suo. Confirmauit etiam magnam chartam de foresta, & aliqua alia. Eodem tempore Dux Austriæ requisivit à Rege Angliæ eius filiam suo filio desponsandam, mittens sibi litteram, cuius stili principium tale fuit. Excellentissimi & magnifico Principi domino Edwardo Regi Angliæ illustri, sincero & amico suo charissimo: Octo Dei gratia Dux Austriæ, Stiriæ, & Carynthiæ, dominus Carinoliæ, Marchiæ, ac Portusæonis, Comes in Hapeburgh, & in Chibugh, necnon Landagrauius Absaciæ, cum sinceræ dilectionis affectu votiuorum successum & continuum incrementum, &c. Per idem tempus ciuitas Burdegaliæ fuit obsessa per militiam Regis Franciæ. Ciues vero tanquam inualidi ad resistendum, cautelose finxerunt se velle reddere dictis Francis, & apertis ianuis intromiserunt multos de Gallicis, & arma Regis Franciæ in turribus erexerunt. Quod videntes tam qui intus erant, quam de foris, deposuerunt arma sua, ciuitatem captam & eis redditam æstimantes. Dominus Oliverus de Ingham, miles nobilis & custos dictæ ciuitatis & terræ, subito cum magna manu irruit super eos inermes, & cum ciuium adiutorio magnam eorum multitudinem interemit, vnde Rex Angliæ promisit eis auxilium affuturum in proximo tam per terram quam per mare, ita scribens. Gaudere debetis, quia per magnanimitatem vestram & constantiam, comparastis vobis nomen per sæcula gloriosum, quod semper

Dux Austriæ petit filiam regis Angliæ in uxorem filio suo.

Stratagemata.

*Comites Sarum
& Southfolchia
capti.*

extollere laboretis, & sic vos remunerare curabimus, quod exemplo retributionis vestrae reddentur alii promptiores ad exponendum pro nobis se & sua, &c. Sub eodem tempore Comes Sarum Wilhelmus de Monte acuto, & Comes Southfolchia, Rob. de Vfford, post Regis Angliæ recessum in transmarinis moram continuantes, inconsulte conuolarunt ad arma, vt cum Flandrensiū adiutorio inimicos contererent regis sui, & post multas peractas victorias nimis de semetipfis præsumentes, ad urbem Lisse vocatam accesserunt, vt eam ab oppressione Gallicorum liberarent, vbi Francorum nimia multitudo occurrente, dum neuter vellet cedere, captus est vterque, & ad Regem Franciæ in ramis palmarum Parisius destinatus. Qui quamuis latus effectus esset de ipsorum præsentia, eos tamen arte carcerari custodi com- 10 mendauit.

Regi natus filius.

Annalis cōclusio.

Hoc anno natus est domino Regi Angliæ quartus filius apud Caudanum, & vocatus est Iohannes, qui postea factus est Comes Richmundiæ, & tandem Dux Lancastriæ est effectus. Transiit annus iste opulentissime frugifer, & abundanter fructifer apud Anglos, nam tanta fuit rerum copia, & æris inopia, quod quarterium frumenti Londoniis duobus solidis vendebatur, & ad dimidiam marcā bos pinguis. Fuit autem annus iste Anglis honorificus: Francis decorosus: Scotis sub quiete decursus.

*Rex tenet natale
Londini.*

Anno gratiæ millesimo trecentesimo quadragesimo, qui est annus regni Regis Edwardi à conquestu tertii, quartus decimus, tenuit idem Rex natale Londoniis 20 cum familia multa nimis. Hoc anno cum Rex Edwardus firmiter proposuisset in animo iterum transfretare, circa festum sanctæ Trinitatis suscepit noua à Comite de Gillers de conspiratione Francorum & Normannorum contra eum, qui iam cum ducentis nauibus & multis galeis, necnon viginti quinque millibus electorum pugnatorum portum de Scluy occupauerant, parati ad eum capiendum, & Philippo Regi Franciæ, iuxta tenorem iuramenti, quod sibi præstiterant, viuum vel mortuum præsentandum. Rex vero ne suo proposito frustraretur, licet ipse iam ducentas naues adunasset, & multam valentem militiam, misit tamen dominum Walterum de Burghwash, Episcopū Lincolniensem ad australes partes regni, & ipsemet Gernemutham accessit personaliter, pro maiori parte nauium, & militiæ numero congregan- 30 do. Deinde in vigilia sancti Iohannis Baptistæ ingressus est mare versus Flandriam profecturus, & aura sibi (Immo Deo) fauente cæpit prospere nauigare. Et cum peruenisset iuxta maritima Flandriæ, classē Francorum copiose instructam obuiam mox habebat. Quae de causâ per totum diem illum cum suis deliberans: in crastino superueniente in eius auxilium nobili milite Roberto de Morleya, cum boreali classe Angliæ, commissum est bellum nauale cruentissimum, quale circa oras Angliæ, Franciæ siue Flandriæ nusquam visum fuit, vbi fauore diuino Franci & Norman- ni acriter sagittati, per Anglos sunt gloriose deuicti. Qui partim cæsi, partim spon- te submersi, partim capti sunt, nauibus eorum (exceptis paucis, quæ aufugerant) to- taliter occupatis. Franci utique & Normanni cum viderent suos ita copiose cadentes à sagitta volante in die illo, & vbertim sterni ab ense, & securi furente, elegerunt 40 potius in mari semetipsos mergere, quam tam horribilibus ictibus subiacerē. Ceciderunt igitur ibi in ore gladii, vel securis, sagittæ volantis & saltus præcipitis, triginta millia hominum armatorum, vnde ex post cum nullus auderet referre belli præsentis exitum Regi Franciæ, affamiliares quendam stultum eiusdem Regis subornaue- runt, vt per eius verba quodammodo Rex intelligeret quod factum fuit. Nempe dictus fatuus in Regis præsentia constitutus, cæpit vehementer vituperare vecordiam Anglicorum, & huiusmodi materia multiplicare verba. Rex autem ignorans, quid sibi vellent verba morionis, interrogat, quare dicit Anglicos tam vecordes. Cui ille: Quia (inquit) timidi sunt, & in mare saltare non sunt ausi, vt fecerunt nostri Nor- 50 manni & Gallici generosi, per quod verbum illico Rex suos intellexit fore deuictos, & Anglicos fore victores. Ceperunt autem Anglici in dicto conflictu ducentas naues, in quarum vna quadraginta corpora Normannorum reppererunt, ceteris eorum nauibus in fugam conuersis. Eodem anno cum Papa vidisset Regem Angliæ in suis actibus prosperari, Flandriam supposuit interdicto, quia domino capitali relicto auxilium præstiterant Regi nostro. Quam sententiam parui pendentes Flandrenses, responderunt, quod quamuis Philippo de Valeys (eo quod se Regē esse prætendebat) homagiū fecerant, tamē non Regi, cum ipse coronā iniuste detineret, & regni dominationē indebite vendicaret. Hoc anno peperit regina Philippa (postquam in An-

*Victoria de Fran-
cia insignis.*

*Regina Anglia
Philippa peperit
filiam vocatam
Blanchiam.*

in Angliam est reuerſa) filiam in turri Londoniarum (vocatam Blanchiam) quæ inter
lactandum defuncta apud Weſtmonaſter. eſt ſepulta. Eodem anno menſibus Iulii,
Auguſti, & Septembris, Rex Angliæ Edwardus, cum ſua militia Franciam intrauit,
villas non paucas incendio deformauit, blada vaſtauit, prædas egit, ciuitatem Torna-
cenſem victualibus & armatis optime munitam obſedit. Rex autem Franciæ collecto
exercitu quaſi innumerabili, & noſtris temporibus inaudito, iuxta Tornacum ad tria
milliaria aqua profunda vtrumque exercitum ſecernente, loco (vt ferebatur) paludi-
bus circumſepto, caſtrametatus eſt, ſed tandem mediante præcipue Comitiffa Han-
noniæ, adiectis conditionibus nonnullis, captiuifq; interim partis vtriuſque libere di-
miſſis, vſq; ad feſtum Iohannis Baptiſtæ initæ ſunt treugæ. Quibus elapſis paceq; inter
Reges nondum reſormata, ad carceres captiui redirent, vel redemptiones ſoluerent
prætaxatas, ſicque Comites duo Sarum & Southfolchiæ, qui dudum cum paucis vil-
læ, quæ Inſula dicitur, minus prouide appropinquantes, à loci incolis concluſi fue-
rant & capti, Pariſiuſq; diu in carcere detenti, initis treugis libere dimiſſi, Angliã in-
trarunt. Ferebant enim nonnulli pecuniæ inopiam Regem plurimum coarctaffe: ſi e-
nim theſaurum habuiſſet, treugis nunquam conſenſiſſet. Poſuerat quoque in regno
ſuo cuſtodes & miniſtros auaritiæ ſuæ (vt videbatur) conſulentes, proſectibusque
propriis inhiantes, ſalutem honoremque regium parum curantes, Regem quaſi pec-
cunia deſtitutum dimiſerunt & egenum. Re enim vera ſi geſta Regum à monarcha
20 primo Anglorum reuoluiffent, accurateque conſideraſſent præteritorum, filium 28.
annorum talem inſulam produxiſſe minime reperiffent. Ante Tornaci obſidionem
miſerat Rex Angliæ Francorum Regi literas, ipſum nullatenus Regem, ſed Philip-
pum de Valeſio nominando, inter cetera talia continentes, quod quia per nuntios
ſuos plures vias rationabiles ei pro iure ſuo in regno Francorum hereditateque de-
bita recuperandis ſiue poſſidendis, hætenus ab ipſo contra Deum & iuſtitiam de-
tentis ac occupatis obtuliſſet, nec ei rationem, neque iuſtitiam, vt videbatur, facere
decreuiſſet, idem Rex Angliæ per medium Flandriæ, ſicut dominus ſuperior transie-
rat, collectaque ſecum terræ eiufdem fortium potentia, verſus ipſum ſe attraxerat in
iure ſuo, ſinem Deo placabilem affectans facere breuiorem. Et quia cauſa inter ipſos
30 duos fuerat mota, pro oppreſſione populi, vaſtatione ac ſtrage cuitandis etiam ipſo-
rum, bellum faceret ſingulare. Et ſi via forte iſta ſibi contingeret non placere, ex par-
te vtraq; centum cum Rege ſuo fortiores ac validiores conuenirent, bellumq; com-
mitterent. Quod ſi iſta Philippus prædictus acceptare non curaret, infra decem dies
iuxta ciuitatem Tornacenſem cum vniuerſo exercitu ſuo bellum daret. Et quid præ-
dictorum eligere deliberaret, ei per literas ſuas remitteret ſine mora.

Reſcripſit Rex Franciæ in hunc modum: Philippus Dei gratia Rex Francorum,
Edwardo Regi Anglorum. Literas veſtras curiæ noſtræ Phil. de Valeſio miſſas, aliquas
petitiones dicto Philippo factas continentes perſpeximus. Et quia literæ prædictæ
nec petitiones, ſicut illarum tenore euidenter apparet, nobis miſſæ nequaquam fue-
rant, nec factæ, vobis nullatenus reſpondemus. Sed quia per prædictas literas & aliter
40 intelleximus, quod Regnum noſtrum Franciæ in manu armatorum valida intraſtis,
damna non modica nobis, regno noſtro ac populo, voluntate ductus non ratione,
eaque homo ligeus domino ſuo facere non tenetur, minime conſiderando intuliſtis.
Intraſtis ſiquidem dudum homagium noſtrum ligium, nos (ſicut ratio exigiti) regem
Franciæ recognoſcens, obedientiamq; qualem ligio domino ſuo quis promittere te-
netur, ſicut literis veſtris patentibus magno ſigillo veſtro ſignatis, quas penes nos ha-
bemus, & etiam vos habere debetis, liquet manifeſte, promiſiſti. Noſtra vero exiſtit
intentio, cum aptum nobis decreuerimus ad honorem noſtrum, regni noſtri populi-
que commodum, vos de regno noſtro eiicere ac effugare. Et ad hoc quoq; complen-
50 dum perficiendumq; firmam ſpem, à quo nobis data eſt potentia, habemus in Chri-
ſto. Per veſtram quippe guerram voluntarie irrationabiliterque motam, ſecundum
paſſagium vltamarinum retardatur, non modica Chriſtianorum copia morti eſt ad-
ducta, ſeruitium diuinum minoratum, ſancta; eccleſia minus æſtimatur. Quod vero
aſſeritis, vos Flandrenſium animos ſiue auxilia poſſidere, æſtimamus certe, quod ipſi
patriæque tota communitas erga conſanguineum noſtrum Comitem Flandriæ do-
minum ſuum, noſq; ſuperiorem dominum taliter ſe habebunt, quod honorem ſuum
fidelitatemque ſeruare non omittent: & quod huc vſque commiſſum eſſe diſci-
tur, per malum eorum conſilium, qui commune commodum ſiue vtilitatem non
conſiderant, ſed proprium, perpetratum eſt.

Eodem anno mensibus Iulii, Augusti & Septembris Rex Angliæ assistentibus sibi duce Brabantiae Comite Hannoniae, ciuitatibusq; & villis de Bruges, Gaunt & Impres, boreales partes Franciæ iterum est ingressus, & ciuitatem Tornacensem obsidione vallauit. Interim Comes Hannonie, & dominus Walterus Manny, & Reginaldus de Cobham plusquam trecentas villas magnas & paruas, prædis & spoliis, hominibusque armorum plusquam mille peremptis igne deuastauerunt. Rex Francorum interea cum magno exercitu se tenuit à remotis, resistere non est ausus, sed pluribus sui exercitus fame & siti mortuis, per duos Cardinales treugas dari petiit in Ecclesia de Espletelyn, die lunæ, vicesimo quinto die mensis Septembris, anno domini proximo supradicto. Rex autem Angliæ ob defectum pecuniæ, quam sui segnes procuratores in Angliam misissent, & non miserunt, obsidione dimissa treugas concessit, & sic vterq; Rex ad propria remeauit.

Rex Edwardus Angliam intrauit, ministros suos, videlicet cancellarium, thesaurarium, & alios amouit non clericos, imo seculares ad placitum suum substituit, nonnulla (vt in sequentibus patebit) fautorum ductus consilio inchoauit, vnde & Iohannes Cantuar. Archiepiscopus ei litteram scripsit in hunc modum:

Charissime domine, dominationi vestræ scire placeat, quod res excellentissima, quæ Reges & Principes debito optimoque detinet statu, sapiens est consilium. Et ideo dicit sapiens, vbi multi consiliarii, videlicet boni, ibi saluatio. Scribitur enim libro Regum, quod Salomon Regum sapientissimus, seniores, sapientioresq; terræ suæ asciuit, quorum prouido consilio, sensuque proprio totam terram Israel in pace obtinuit, & quiete, omnesque Reges sibi conterminos voluntati suæ tributarios habuit & subiectos. Illo viam vniuersæ carnis ingresso, regnauit filius suus Roboam, qui prætermisso seniorum (qui cum patre steterant) consilio, iuuenibus sibi placere volentibus adhæsit, vnde & terram Israel præter duodecimam partem sibi à domino reservatam iuste amisit. Multiq; Reges Israel terrarum insuper aliarum malo ducti consilio ad magnas inopias deuenere. Et ne vobis domine displiceat recolitis quidem, quod per iniquum consilium dudum domini vestri Regis patris vestri, quem Deus absolueret dignetur, contra legem terræ, magnamque chartam maiores terræ, aliosque cepit, morti adiudicauit, diripuit bona, nonnullosque redemptionibus grauissimis vexauit, Et quid sibi illa de causa acciderit, vobis manifestum est. Post eius vero tempus, per consiliarios vobis adhærentes fere corda populi terræ amisistis, à quibus (vt sibi placuit) vos eripuit Iesus Christus. Post hæc autem, per bonam circumspectionem, discretionemque prælatorum, magnatum, ac terræ sapientum, negotia vestra taliter sunt deducta, vt integre corda populi vestri possidetis, & ita clerici sicut & laici magis quam alicui progenitorum vestrorum manus porrexerunt adiutrices. Sicque sano mediante consilio, populi vestri suffragio, gratia nec non vobis à Deo collocata, de inimicis vestris Scotiæ & Franciæ gloriose triumphastis, inter Christianos princeps nobilior estis reputati. Sed in præsentiarum, per iniquum quorundam terræ vestræ consilium, aliorumque (qui magis commodum proprium siue vtilitatem, quam honorem vestrum, populiue salutem affectare nesciunt) clericos & alios terræ vestræ capi facitis, processus contra leges terræ, quas per sacramentum in coronatione vestra factum custodire tenemini, peragitis indebitos, necnon contra chartam magnam contra quam venire præsumentes per prælatos Angliæ, bullamque papalem quam penes vos habere dinoscimur, sunt excommunicati. Quæ quidem in animæ vestræ non modicum periculum, status honorisq; detrimentum (proh dolor) acta sunt. Et quamquam iidem qui rectores terræ, magis etiam quam statui illorum congruit, se faciunt, & consiliarios, intelligere nos conantur, quod ea quæ in præsentia peragitis, populo vestro complacebunt, certissime tamen asserimus, modo nullatenus inchoato, & hoc reperietis. Dubitamus enim non modicum, quod si modum profecuti fueritis iam inceptum, corda gentis vestræ, necnon auxilia, bonum ac rectum amitteritis, & querelam taliter citra mare contra vos cõcitabitis, quod guerram vestram perficendi nequaquam vires possidebitis, nec potestatem, inimicis vestris occasionem insurgendi contra vos dabit, & destruendi, bonamque famam vestram ac terram (quod Deus auertat) amittendi. Quare (Domine) ob honoris vestri terræque saluationem, querelam vestram necnon confouendam, magnates terræ ac sapientes coadunare, & vt negotia vestra felicem sortiantur effectum seniorum ac magnatum secundum capere assensum, quorum sine auxilio consilioque terram vestram regere, nec etiam querelam potestis perficere, velitis operari. Et quia aliqui vobis collaterales adulantes siue

res siue fauentes, prodicionem vobis & falsitatem imponere non formidant, eos excommunicatos fore denunciamus. Et sicut pater vester spiritualis pro talibus eos tenere velitis exoramus. Ob quorundam insuper vobis ministrantium inertiam iniqua etiam nostri absentia sine famulatu, villam Tornacensem alios necnon honores quamplurimos amisisse nos asserunt & imponunt, velitis si placeat, praelatos, magnates, terræque nobiles, vbi cum praelatis secrete conuenire poterimus, loco competenti congregare, & in quorum manibus ab initio guerræ vestræ, lanæ, denarii, & alia quæque usque in hodiernum diem vobis concessa deuenerunt, qualiterque ministrata fuerint, per quorumque defectum Tornacensis ciuitas non subacta, sed taliter
 10 extiterat dimissa, diligenter inquirere, & velut dominus æquus & iustus secundum leges terræ, prout demerita exigerint culpabiles castigare. Et quantum nos attinet, iudicio parium nostrorum, vt sancta ecclesia statuere, ordine nostro alias (sicut sæpe scripsimus) semper saluis, in omnibus nos submittere parati sumus. De nobis itaque nec aliis terræ vestræ legalibus ac probis, priusquam veritas cognoscatur, nisi bonum credere, vel etiam cuiusque dictis fidem adhibere velitis. Si enim gentes sine responso (veritate ne agnita) puniantur, de bonis & malis, reis & infontibus vnum iudicium foret & idem, inimicos siquidem vestros Galliarum & Scotiarum adeo fortes attentius matureque considerare curetis. Si enim praelati, magnates, ac totius terræ sapientes, die nocteque sine diuisione aliqua seu discrepatione, vna voluntate
 20 forent congrua & assensu, negotia vestra supra modum ardua discrete ac circumspicte ordinando, guerram vestram iam inceptam, honorem vestrum, terræque saluationem conseruando, satis modicum foret & exile. Nec vobis displiceat (domine reuerende) quod veritatem vobis simpliciter sic mittimus & grosse. Affectio siquidem magna quam erga vos habuimus, & semper Deo auctore habebimus, honoris vestri ac terræ conseruatio, & quanquam indigni, Primas tamen totius Angliæ existimus, & pater vester spiritualis, excitare vos dinoscitur, pericula animæ vestræ ac status detrimentum dicere, mandare, ac præmunire cum effectu. Spiritus sanctus Domine corpus & animam saluet & custodiat, gratiamque bonum consilium habendi & sanum, ac credendi, victoriam necnon inimicorum vobis concedere dignetur. Dat. Cantuar. primo die Ianuarii. Rescripsit etiam idem Archiepiscopus Cancellario Angliæ in hæc verba.

Iohannes permissione diuina Cantuarien. Archiepiscopus, totius Angliæ Primas, & sedis Apostolicæ Legatus, domino Roberto Boufer Cancellario Angliæ, libertates sanctæ Ecclesiæ & terræ leges illibatas conseruandi voluntatem. Dicit enim sapiens, quod veritas præcognita & præuisa, ac præmissa pericula non modica euadere facit post futura. Ideo vos intelligere volumus, quod decimæ sanctæ Ecclesiæ per vnum annum per clerum nostræ Cantuar. provincie domino nostro regi vltimo concessæ circa festum sancti Iohannis Baptistæ proximo futurum, certis terminis cum aliis decimis à retro existentibus persoluendæ, sub certis concessæ fuerant
 40 conditionibus, certisque articulis à domino nostro rege dicto clero concessis, & per chartam suam confirmatis. Et insuper, quod dictus clerus nulla alia portione seu contributione domino regi faciendis, vel etiam concedendis illa vice foret onerandus. Post hæc quoque, in parlamento apud Westmonast. quadragesima proxime elapsa congregato, concessæ sunt Regi nonum vellus, nonus agnus, nona garba, certis tamen modis, conditionibus adiectis, videlicet q. nulli praelati, vel etiam aliquis de Clero prædicto, ad huius nonæ portione contributionem aliquatenus tenerentur, nisi tantum illi qui per baroniam tenerent, & ad parlamentum tenerentur venire. Quodq. ad solutionem decimæ, (vt præmittitur) concessæ, praelati & ceteri de clero nonam portionem prædictam solucentes, nullatenus forent astricti, sed quidam nostræ provincie dictæ nonæ portione collectores, à praelatis & ceteris de Clero, qui decimam
 50 antedictam soluunt, & per baroniam de rege nihil tenent, nec ad parlamentum venire astricti sunt, nonam (vt præmittitur) concessam, leuare, & per distinctiones varias nituntur exigere. Insuper, & ab his qui ad solutionem huius nonæ astringuntur, contra Deum & iustitiam, ac concessionem sepedictam, viros ecclesiasticos onerando, decimam exigunt memoratam. Quare vos hortamur in domino, & requirimus, quatenus personas religiosas & ecclesiasticas nisi secundum formam & concessionem antedictas onerari vel vexari nullatenus permittatis, nec etiam consilium seu assensum in dictæ chartæ præiudicium, seu priuilegiorum ac libertatum ecclesiasticarum subuersionem præbeatis quoquomodo: si vero breue, commissio præceptumue aliud

contra formam magnæ chartæ, priuilegia, ac libertates antedictas, à cancellaria huc usque fuerint transmissa infra decem dies post harum receptionem literarum, sicut tenemini, reuocari & annullari faciatis. Voluntas reuera domini regis chartam præfatam, priuilegia, ac libertates ecclesiasticas, (vt certi sumus) fouere existit, & conseruare. Nec est siquidem voluntatis eius, nec esse debet, quod clerus ultra cōcessionem suam spontaneam, à quoquam oneratus sit, vel grauatus: hoc enim in præiudicium sanctę Ecclesię (quod tollerare non possumus) non modicum vergeret & grauamen, si vero prædicta reuocare (vt præmittitur) nequaquam curaueritis nec annullare, remedium quale sancta Ecclesia permittere poterit apponere non omitemus. Et quid in præmissis feceritis, velut filius spiritualis, fidelis, & Deo acceptus post tempus supra dictum infra octo dies per literas vestras vos certificare curetis. Spiritus sanctus sicut iusticias suas sibi seruaueritis illibatas, corpus vestrum & animam saluare dignetur & custodire. Datæ Cantuarię 28. die mensis Ianuarii anno vt supra consecrationis nostrę 7.

Misit quoque Archiepiscopus regi ac consilio suo schedulam siue bullam in hunc modum continentem.

Domino nostro regi, consilioque suo, ac omnibus & singulis dicti consilii sui personis monstramus nos I. permissione diuina Cantuarien. Archiepiscopus, totius Anglię Primas, & sedis Apostolicę Legatus, quod cum omnes clericos capientes, in carcerem inuite mittentes siue detinentes, ac eos quocunque voluerint ire non permittentes, illos vt publice ac notorie pro talibus reputatos scientes, & vt clericos se habentes, qui crimina non confessi, nec de criminibus conuicti nec indictati, nec etiam notorie in criminibus sunt deprehensi à canone latę sententię existunt innodati: Illamque sententiam in ecclesia Cantuar. publicamus, & per omnes fratres nostros suffraganeos prouincię nostrę Cantuarię fecimus publicari. Post cuius siquidem sententię denunciationem siue publicationem (vt præmittitur) factam capti sunt, & in castellis diuersis & locis Anglię in carceres missi ac inuite detenti, Iohannes de sancto Paulo, Michael de Wath, Robertus de Chickwell, Iohannes de Thorp, & Henricus Stretford, in præiudicium Dei, & ecclesię sanctę, contra leges ac clericorum priuilegia omnium, necnon illorum animarum in periculum, qui talia commiserunt, consilium dederunt & assensum. Quare dominum nostrum regem, qui libertates sanctę ecclesię, prout in actibus suis dominus Deus temporibus elapsis feliciter monstraue- rit, clarumque fecerit & iura ac priuilegia semper conseruare curauit illibata exoramus, quatenus dictorum clericorum & singulorum contra chartam magnam, leges terrę & consuetudines detentorum, exceptionem à carcere siue deliberationem dominationi suę præcipere valeat indilata. Rogamus insuper & obsecramus in domino omnes consiliarios qui talia committendi consilium regi dare præsumpserunt, deliberationi detentorum nullatenus obuiare. Dissimulare enim non valemus, quin ea quę nobis incumbunt, faciamus in hac parte. Item quod personę laici, hominesque liberi, contra magnam chartam, leges ac terrę consuetudines capti, adhucque in carcere detenti, eiiciantur, prædictaque alia, ac secundum formam in bulla Innocentii quarti contentam, per quam omnes contra chartam magnam venire præsumentes seu illam violantes, sententiam excommunicationis incurrunt, dominus rex reformare placeat ac emendare. Item quod non solum ministri sui diuersęque conditionis officiales terram peragrantes, domos, grangias, & alia loca Archiepiscoporum, episcoporum, religiosorum aliorum, necnon virorum ecclesiasticorum intrant, siue custodum firmariorum voluntate, bona pro libito capiunt, inuiteque asportant, immo præmissa fieri præcipientes actaque suo nomine rata habentes & grata, sæpe facta sententia sunt innodati. Dominus rex dignetur remedium apponere oportunum, dissimulare enim non possumus quin contra tales (prout pastoralis officii cura exegerit) & per fratres nostros & suffraganeos, quod nobis, & eis incumbit exequamur. Nostrę tamen intentionis non existit, dominum nostrum regem, dominam reginam, aut liberos eorundem, dictis sententiis inuolui seu comprehendi, quatenus de iure poterunt excusari.

Misit quoq; idem Archiepiscopus, Episcopo Londini literas in hunc modum.

Iohannes permissione diuina Cantuar. Archiepiscopus, totius Anglię Primas, & Apostolicę sedis legatus, venerabili fratri, &c. Sacrosancta ecclesia quę debet libera esse, variis exactionibus indebite, & angariis infestis opprimitur, his diebus, cuius bona (ad quę laica manus non debet extendi) pro libito diripiuntur in prædam. Clerus

rus quoque nostræ Cantuar. prouinciæ vexatur iniuste, ac probroso contemptu nequiter conculcatur, iustitia (quæ principaliter elucere deceret, & quæ regibus dat regnare, ac populo quietem præparat oportunam) debito cultu non colitur, sed ad iniurias & opprèssiones iniquas multorum frænum laxatur impune. Nos oppressorum gemitibus paterno compacientes affectu, ac considerantes attente, quod ad Apostolicam dignitatem nos ideo diuina clementia sublimauit, non ut dies nostros in quiete & deliciarum affluentia duceremus, sed ut ex iniuncto nobis administrationis officio, nostrorum prædecessorum exemplis salubriter instructi, pro domo domini ascendentibus ex aduerso nos murum inexpugnabilem præparemus, ut errantes ad
10 viam veritatis inspirante domino reducamus, quasdam excommunicationum sententias à sanctis patribus & prædecessoribus nostris in subscriptis casibus aduersus delinquentes hætenus promulgatas, per denunciationes publicas in locis eminentibus faciendas per nos & ceteros confratres, ac suffraganeos nostros, palam duximus omnibus intimare, ne ignorantia affectatæ nebula se valeant, qui nequam sunt, aliquatiter excusare prætextu veritatis vecorditer occultatæ, & ut decet minime publicatæ, sed ut singuli melius sibi caueant de futuro. Nostræ tamen intentionis non existit, dominum nostrum regem Angliæ illustrem, dominam reginam aut liberos eorundem dictis sententiis, vel aliqua earum inuolui, seu sub denunciatione huius comprehendendi, quatenus de iure excusari poterunt in hac parte.

20 Mandantes, &c. quatenus, &c. Dat. &c. Tenor vero huius articulorum talis est. In Dei nomine amen. Nos I. permissione diuina, &c. Omnes & singulos qui ecclesias suo iure priuare, vel per malitiam infringere seu perturbare præsumunt libertates & liberas consuetudines earundem, & illos præcipue qui antiquas libertates aut liberas consuetudines nostræ Cantuar. ecclesiæ violauerint, seu in aliquo diminuerint, vel contra priuilegia eidem indulta scienter venerint, aut contra ea fecerint, necnon & illos qui pacem & tranquillitatem regis, aut regni Angliæ nequiter & iniuriose perturbare præsumunt, seu ad hoc dederint consilium, auxilium vel fauorem, maioris excommunicationis sententiam, sicut sunt à sanctis patribus, innodatos & excommunicatos fuisse & esse denunciamus, & à limitibus sanctæ matris ecclesiæ sequestramus, autoritate Dei Patris omnipotentis, beatissimæ Mariæ virginis matris
30 suæ, beati Thomæ martyris gloriosi, sanctorumq; omnium publice & solenniter in his scriptis. Item cum magna charta Henrici quondam regis Angliæ, sit concessum ac etiam ordinatum, quod nullus liber homo regni Angliæ capiatur vel imprisonetur, aut disseiseatur de libero tenemento suo, vel libertatibus aut liberis consuetudinibus suis, seu vthlagaretur, aut exulet, aut aliquo alio modo destruat, quodque super liberum hominem huiusmodi lex non ibit, nec mittet nisi per legale iudicium parium suorum, vel per legem terræ Anglicanæ, & quod rex nulli negabit, nulli vendet vel differret rectum vel iustitiam. Quodque ciuitas Londini habeat omnes antiquas libertates & liberas cōsuetudines suas, aliæque nōnullæ libertates & liberæ con-
40 suetudines in dicta charta regno Angliæ ad laudē & gloriam, ecclesiæ catholicæ pacem, & regni quietem provide sunt concessæ, & ab Archiepiscopis, & Episcopis dicti regni excommunicati, anathematizati, & à liminibus sanctæ Matris Ecclesiæ fuerunt sequestrati. Qui post concessionem dictæ Chartæ libertates & liberas consuetudines in ipsa & in charta de Foresta contentas & concessas ecclesiæ Anglicanæ quacunque arte vel ingenio violauerint & infregerint, diminuerint, seu mutauerint, clam vel palam, facto, verbo vel consilio, contra illas vel illarum aliquam in quocunque articulo temere veniendo. Quamplures nihilominus præmissorum non ignari, contra dictas chartas, libertates, & liberas consuetudines in chartis huius concessas venire temere iam conantur, & eas infringere plurimum sunt moliti.
50 Nos ipsorum ausus nephandos opprimere cupientes, & velatam ignorantiam & captatam fugare, ad omnium notitiam deducentes præmissa, monemus in genere omnes & singulos qui contra præmissa fecerunt in aliquo quouismodo contra dictas chartas, vel earum alteram, statuta ædiderint, vel ædita seruauerint, consuetudines introduxerunt vel seruauerint introductas, scriptores etiam statutorum necnon consiliarios & executores, & qui secundum ea præsumpserint iudicare, quod debite se corrigant, & ordinariarum arbitrio plene satisfaciant de commissis infra 15. dies, à tempore monitionis nostræ continue numerandos, quos non parentes, ex tunc indictam maioris excommunicationis sententiam, per Innocentium Papam quartum ex certa scientia confirmatam denunciamus publice & solenniter incidisse. Item
omnes

omnes & singulos qui de domibus, maneriis, grangis, aut locis aliis ad Archiepiscopos, Episcopos, vel alias personas Ecclesiasticas pertinentibus, quicquam præter voluntatem dominorum, vel eorum qui sunt huius rei custodes deputati abstrahere, capere, consumere vel contrectare præsumpserint, capi, consumi, vel contrectari fecerint, vel huius abstractionem, captionem, consumptionem, aut contractionem sub nomine, vel à familiaribus suis factam ratam habuerint, ecclesiasticæ libertatis & communis violatores existere, & excommunicationis maioris sententiam dictam contra violatores libertatum ecclesiæ in concilio Oxon. latam, ipso facto incurrere denunciamus, publice & solenniter in his scriptis. Item, quia temporis malitia clericos laicis tradit infestos, adeo quod ipsos capiunt & detinent inuitos, aut quo voluerint abire libere non permittunt: nos omnes & singulos clericos & laicos nostræ Cantuariæ prouinciæ subditos, qui scientes esse clericos, & publice ac notorie pro clericis habitos & reputatos, & etiam se gerentes de crimine non confessos, non conuictos, nec etiam indictatos, in custodia vel carcere ponunt, & detinent, aut inuitos temerarie in casu, à iure vel de consuetudine regni Angliæ nō permisso in cleri opprobrium, & iniuriam manifestam, maioris excommunicationis sententia à canone lata in hac parte denunciamus publice & solenniter inuolutos. Item, cum omnes & singuli qui in nostra Cantuar. prouincia alicui vel aliquibus crimen falso ex odii fomite maliciose imponunt, cum super crimine hic imposito apud bonos & graues prius non fuerant infamati, cuius impositionis occasione quouismodo grauentur maioris excommunicationis sententia in concilio Oxoniæ contra diffamatores huius à sanctis patribus rite lata sint, & fuerint innodati, ac delinquentes scienter in Archiepiscopos, aut eos patres spirituales, Christi legatos, ecclesiæ columnas, ex dignitate offensarum culpam grauiorem committant, nos ea authoritate qua fungimur, omnes & singulos qui in nostra Prouincia Cantuar. Archiepiscopo vel Episcopo, vel alii cuicunque crimen prodicionis seu aliud quodcunque falso nequiter & malitiose, hætenus imponere, ac publice præsumpserint, vel in futurum imponent contra constitutionem prædictam, dicta maioris excommunicationis sententia in præfato consilio provide lata, denunciamus publice innodatos, & à sanctæ matris Ecclesiæ liminibus sequestratos.

Misit insuper Archiepiscopus antedictus literam istam præcedentem ad omnes confratres & suffraganeos suos, vt & ipsi etiam in suis diocesibus & locis singulis sententias (vt præmittitur) publice promulgarent: mandatumque suum executioni demandarent. Auditis itaque literis Archiepiscopi, & singulis intellectis, aliis insuper nonnullis ab Anglicis regiis (vt putabatur) Archiepiscopo impositis, Rex Edwardus misit Episcopo Londoniensi literam, vt subsequitur continentem.

Edwardus Dei gratia. &c. Venerabili in Christo patri R. eadem gratia Episcopo Londoniensi salutem. Veteribus probatis historiis, & ex hiis quæ quotidie geruntur, clarius elucescit, quomodo multi probitatem principum & honorem qui in eos collatus est, in superbiam abutentes, nituntur interdum malitiæ suæ commentis regum laudabilia studia deprauare. Et vt manifestius quod dicimus cunctis fidelibus nostris innotescat, à nostra & eorum memoria non credimus excidisse, quod nos dudum in annis adolescentiæ ad regni solium exaltati, in eiusdem suscepto regimine, sanis consiliis dirigi cupientes, quia Iohannem tunc Winton. nunc vero Cantuar. Archiepiscopum fidelitatis & discretionis virtute credebamus aliis præeminere, eiusque consilio super his quæ animæ nostræ saluti expediunt, & regni nostri augmentum & conseruationem respiciunt, spiritualiter & temporaliter vti sumus, & in tantam familiaritatem est à nobis susceptus, ac illam in se humanitatem expertus, vt pater noster vocaretur, & adoraretur ab omnibus post regem secundus. Cumq; postmodum regnum Franciæ ad nos iure successorio fuisset deuolutum, & à domino Philippo de Valesio de facto notorie occupatum, idem Archiepiscopus nobis oportuna instantia persuasit cum principibus Alemanniæ, contradictum Philippum fœdus inire, & guerrarum dispendiis exponere nos & nostra, promittens & affirmans, quod expensas ad hoc necessarias, de terrarum nostrarum prouentibus & aliunde quæsitis subsidiis abundanter faceret ministrari, adiiciens insuper, quod solummodo de personis ad bella doctis & strenuis solliciti essemus. Quia ipse pecuniam necessariam pro nostris necessitatibus, & eorum stipendiis efficaciter procuraret: vnde nos mari transito, manum ad ardua misimus, & circa bellicosos apparatus immensas, vt oportuit, expensas fecimus, & confœderatis nobis, in maximis pecuniarum summis nos obligauimus, de

promis-

promisso nobis auxilio (vt premittitur) confidentes. Sed heu quantum in illusoris baculo arundineo, cum iuxta sententiam propheticam, si innixus fuerit homo, intrabit in manum eius & perforabit, eam fiduciam posuimus, & subtracto nobis, (vtinam non fraudulenter sperato) subsidio, necessitate compulsi, sub vsuris grauissimis, quasi importabilia contraximus onera debitorum, & sic retardata expeditione vltiori, coacti sumus ab inchoatis magnanimiter hostium aggressibus ea vice desistere, & in Angliam remeare, vbi expositis prefato Archiepiscopo nostris ærumnis multiplicibus & infortuniis memoratis, conuocatoque super hoc Parlamento, prelati, proceres, ceterique fideles eiusdem regni nostri, non æ partis garbarum, agnorum & vellerum suorum, præter decimam nobis à clero concessam, tale nobis dedere subsidium, quod si fideliter collectum fuisset congruo tempore & obtentum, ad expeditionem dictæ guerræ, debitorum solutionem, & inimicorum confusionem non modicum, nobis prestitisset, & forte (secundum multorum opinionem) verisimiliter suffecisset. Idem Archiepiscopus ad dicti subsidii collectionem, & aliorum nobis necessariorum subministrationem iterum promisit efficaciter interponere partes suas, vnde nos eius promissionibus inherentes, resumptis viribus nauigio ad hoc cōgregato, versus Flandriam nauigantes, commisso graui prælio nautico cum hostibus, qui in nostram & totius gentis nostræ Anglorum prauissime coniurauerant, misericordissima eius clementia, qui ventis & mari imperat, non nostris meritis, obtinuimus de tantorum hostium multitudine numerosa victoriam & triumphum. Quo pacto cum prægrandi exercitu, pro iurium nostrorum recuperatione exinde progredientes, castrametati sumus prope ciuitatem fortissimam Tornacensem, in cuius obsidione aliquandiu iugiter occupati, & continuatis expensis & laboribus fatigati, præstolantes in silentio, promissum nobis adiutorium sperabamus in dies ministerio dicti Archiepiscopi in tot & in tantis nostris necessitatibus releuari. Tandem spe cōcepta frustrati, licet per plures nuncios & diuersas literas plene significauerimus prefato Archiepiscopo & aliis consiliariis nostris sibi adherentibus nostras indigentias, & pericula varia quibus expositi fuerimus propter defectum promissi subsidii memorati, vtilitatem insuper & honorem quos ex succursu pecuniæ conspeximus nos posse facilius obtinere, nullum tamen ab eis emolumentum recipere potuimus, quia sua non nostra negotia curantes, & commoda propria procurantes, friuolis exultationibus & fucatis verborum phaleris, suam desidiam, ne dicamus fraudem vel malitiam, palliabant, similes illusoribus qui (vt ait Isaias) deridendo ludificant, dicentes, manda remanda, manda remanda, expecta reexpecta, expecta reexpecta, modicum ibi, modicum ibi: vnde (proh dolor) factum est, vt dum triumphandi super inimicos nostros arrideret nobis gloriosissime spes propinqua, præualente penuria cogermur inuiti treugis initis consentire, cum verecunda nostræ expeditionis retardatione, & exultatione non modica æmulorum. Reuersis nobis Flandriam, cum essemus pecunia vacui & æris alieni mole pressi, nec superesset quicquam in nostris aut nostrorum marsupiiis, vnde possemus nostris necessitatibus consulere, & debita stipendia nostro obsequio militantibus erogare, compulsi sumus vsurarum voragine nos submergere, & humeros supponere cumulatibus generibus debitorum. Tandem conueniunt ad nos amici fideles, peregrinationis nostræ comites & tribulationis nostræ participes, cum quibus tractum habuimus diligentem super optatis remediis, quibus à tanta infortuniorum tempestate possemus commodius respirare. Visum est omnibus præfatæ retardationis euentum tristabilem & egestatis nostræ incommoda multiplicia, culpa vel desidia, ne dicamus malitia prefati Archiepiscopi, de cuius discretione tota regni nostri negotia constituimus; accidisse, & vehementer mirantes ac cōtra nos murmurantes. Super hoc quod dictorum Archiepiscopi & officialium insolentiam regia mansuetudo tanto tempore relinquere voluit incorrectam sua publica potestate, quod nisi super hiis faceremus congruum remedium celeriter adhiberi, oporteret eos de nostris obsequiis se subtrahere, & ab inito fœdere retroire; & hoc vtrique in regni nostri subuersionem, & nostram perpetuam ignominiam, & nationis Anglicanæ sempiternum opprobrium redundare, quod auertat temporibus nostris clementissimi patris benignitas; in cuius soliditate fixa immobiliter anchora spei nostræ, vnde nos ad disciplinam & correctionem nostrorum officialium mentis aciem dirigētes, quosdam ex eis quos ex causis pluribus de mala administratione, iustitiæ subuersione, ac subditorum nostrorum oppressione, acceptorum munerum corruptione, ac aliis offensis grauib; suspectos habuimus, à suis fecimus officiis (prout nobis

nobis licuit) amoueri, alios quoque inferioris gradus in præmissis culpabiles sub custodia tuta detineri, ne si liberatione solita potirentur, supplantaretur eorum astutia iustitiæ executio, & deluderetur callide inquisitio veritatis. Quam cum ex dicti Archiepiscopi animi latebris eo certius & plenius elidere crederemus, quo nihil eorum ad informationem in hac parte conferre poterant, ipsum verisimiliter latere debuerat cui totius rei publicæ nostræ administrationem & summam rerum gerendarum à multo tempore duximus committendam; sibi que per fidelem nostrum Nicholaum de Cantilupo, ad hoc specialiter destinatum, mandauimus, quod ad nostram præsentiam, quia personali eius colloquio perfrui volebamus, Londoniam venire maturius non tardaret. Ipse vero semper tumidus in prosperis, & timidus in aduersis, 10
 trepidans timore ubi non erat timor, sibi periculum per aliquos nobis assistentes in-temptatum & comminatum, si ab ecclesia Cantua. recederet, imminere minus veraciter allegauit, quia hoc (teste Deo & pura conscientia) nunquā in mentem nostram cecidit, nec alicuius nobis assistentis (vt credimus) tetigit cogitatum. Et quanquam clero & populo regni nostri malignitatis suæ merito se reddidit odiosum, nos autem qui cunctos ad nostram præsentiam accedere, præcipue nostris ad hoc literis vel nunciis conuocatis, plena volumus securitate gaudere, ad conuincendam eius malitiam, dilectum & fidelem nostrum Radulphum de Stafford, hospitii nostri Senescallum ad ipsum destinauimus, vt ei securum conductum offerret & faceret, regias super hoc nihilominus literas patentes, sigillo regio consignatas ei fecimus præsentari, iterato mandantes, quod ad nos personaliter accederet, inchoatam sollicitudinem nostram informaturus super regni negotiis, quæ longo tempore gesserat, vt præfertur. 20
 Ipse vero precum & mandatorum nostrorum lenitate contempta, vultu & animo indignato respondit, quod se nostris conspectibus, seu colloquiis nequaquam conferret nisi in pleno parlamento nostro, quod in his diebus ex causis rationabilibus nullatenus expedit conuocari. Sicque idem Archiepiscopus, quem regalis benignitas beneficiis & honoribus magnificis ampliauit, & in suæ familiaritatis sacrarium & vnanimitatem amicitiae, & vinculum fœderis accersiuit, super quem sicut patrem charissimum totus noster spiritus & animus requieuit, quin etiam dum eius voluntatibus per omnia acquieuius, sophisticæ dilectionis faciem fuco mendacis beneuolentiæ 30
 palliatam, more patris amabilis nobis prætereundum consuevit, subito in vietricum onerosum & grauem crudeliter est conuersus, & beneficiis acceptis ingratus tumoris arrogantia beneficium persequitur, & illam nobis retributionem, (iuxta vulgare pro-uerbium) Mus in pera, serpens in gremio, ignis in sinu, suis consueuerat hospitibus exhibere. Nam licet nobis ad regale fastigium iure hæreditario diuina cooperante gratia sublimitatis detestabile semper sit & fuerit, abuti potentiae magnitudine, qui summis desideriis affectamus clementia & lenitate cum moderamine iustitiæ gubernare subiectos, vt optata cunctis mortalibus pace fruamur: ipse tamen nostram innocentiam, ac consiliarium & officialium nostrorum regalem iustitiam prosequentium, fidelitatem & diligentiam conuiciis lacerat, publice prædicando, & suis literis patentibus in diuersis partibus publicare mandando, quod potestate regia modernis temporibus contra iustitiam opprimatur populus, clerus confunditur, regnum variis exactionibus, collectis & talliis prægrauatur. Et quia nomen boni pastoris (quo hactenus semper caruit) cum sit reuera iuxta communem opinionem & confessionem publicam propriam publice (vt fertur) emissam notorie mercenarius, fallaciter nititur usurpare, fucatum zelum vulpinæ caliditatis fuci perizomate palliatum ad liberationem ecclesiæ, cuius vexationes si quas in rebus vel personis nostro tempore sustinuit, præfati Archiepiscopi duntaxat remissioni, & calidis adinventionibus ac reprobis consiliis sunt veraciter ascribendæ, nequiter simulat se habere & quasdam excommunicationum sententias in ecclesiasticæ libertatis & magnæ chartæ violatores in 40
 genere dudum latas ad suggillandam opinionem regiam & præfatos ministros regios diffamandos, ac seditiones in populo nobis commisso proditorie suscitandas, & deuotionem comitum, procerum, & baronum, magnatum regni nostri, maiestati regis subtrahendam specificatis nonnullis articulis, præter & contra solitum medium in concilio prouinciali traditum, mandauit per suas literas in pluribus locis insignibus publicari. Quamobrem nos volentes vt tenemur integritati famæ nostræ prospicere, & præfati Archiepiscopi malitiæ obuiare, paratosque nobis & nostris ab ipso laqueos cautius declinare: prouidimus præter ea quæ superius expressa sunt, vt ad præsens multis de eius actibus taceamus aliqua deducere in publicam notionem. Nempe eius im-
 prouido

prouido consilio & succursu in minori ætate constituti, tot donationes prodigas, ac alienationes prohibitas, ac gratias fecimus excessiuas, quod per eas ærarium nostrum totaliter est exhaustum, & fiscales redditus sunt enormiter diminuti, ipsumque munerum acceptione corruptum, magnas pecuniarum summas nobis debitas quibusdã sine rationabili causa (cum id nulla necessitas vel vtilitas exposcebat) comperimus remisisse, & plurimos prouentus & redditus qui pro nostris vtilitatibus & necessitatibus conseruari debuerant, suis suorumque vsibus applicasse, & aliis personis male meritis erogasse. Qui etiam ne dum munerum, sed etiam personarum acceptores, qui votum nostrum & prestitum nobis fidelitatis iuramentum solitum, ad officia publica in terris nostræ ditioni subiectis, dignis & bene meritis postpositis, & repulsos & indignos admisit, multaque alia animo infrenato temere attemptare presumpsit, in status nostri detrimentum, & dignitatis regiæ læsionem, ac populi nobis subditi damnum non modicum & grauamen, potestatem traditam & commissum sibi abutendo officium. Qui si in elata obstinatione & obstinata rebellione & continuata præstiterit, congruis loco & tempore intendimus apertius declarare, vobis firmiter iniungendo mandamus quatenus hæc omnia & singula singulatim & clare locis quibus expediri videritis, publicetis & faciatis per alios publicari piam intentionem quam habemus ad subducenda incommoda subditorum, ipsis iuxta datam & vobis a Deo sapientiam commendantes, & in hiis taliter vos habentes, quod vestram debeamus sollicitudinem merito commendare. Teste meipso apud Westmonasterium duodecimo die Februarii anno regni nostri quindecimo.

Scripsit Ludouicus dux Bauariæ regnum Alemanniæ occupans, Anglorum regi Edwardo sub hac forma.

Ludouicus Dei gratia Romanorum imperii semper Augustus, Edwardo regi Anglorum fratri suo charissimo salutem & fraternæ dilectionis affectum. Licet innumera grandiaque negotia nostris incumbant humeris, & circa illa multipliciter & assidue distrahamur, tamen cum discordia inter te & Philippum regem Francorum affinem vestrum prædilectum orta tibi & tuo regno quam plurimum personarum & rerum dispendia, ipsa non sedata in futurum poterit generare, & nostris se representant obtutibus, mentemque nostram specialiter angit & excitat, vt ad tollendam ipsam, studium & operam nostræ sollicitudinis apponamus. Propterea te scire volumus quod præfatus Philippus ad requisitionem nostram dedit nobis suis literis potestatem tractandi inter te & ipsum super discordia inter vos suscitata, quam & tibi & tuo regno pensatis diligenter omnibus conditionibus & allegatorum tuorum multipliciter expedire credentes, amicitia tuæ persuademus, teque cum diligentia hortamur, vt ad hoc tuum assensum præbeas, quod te & ipsum reuocare possimus ad concordiam inter vos pacis fœdera ordinare, ad quæ libenti animo vacare volumus & impendere onerosa prosecutione labores. In quo si consiliis nostris consentire volueris & acquiescere, vt speramus, placeat tibi tuis literis nobis dare potestatem præmissam tractandi concordiam, & treugas per annum vel biennium ordinandi. Nec te moueat amicitia inter nos & Phil. regem Francorum inita & contracta. Nam ex quo in treugas & certos terminos ad tractandum de concordia inter te & prædictum regem Francorum accepisti, absque nostro scitu, voluntate, & assensu de consilio nostrorum principum, qui ligias, pacta, & vniones nostras nouerunt, quibus visum fuit quod hoc (saluo honore nostro) facere possemus, concordiam & amicitiam cum dicto rege Francorum contraximus, & vnionem & vniuimus, vicariatum tibi per nos commissum, ex causis reuocamus prænotatis. Pro firmo sciturus, quod in tractatibus nostris sic tibi fraterne prouidebimus, quod si nostris consiliis acquiescere volueris, causa tua ad finem bonum, (mediante consilio nostro) producet: super quibus tuam amicitiam de nostra intentione plenius informaturum, religiosum virum Fratrem Edwardum lectorem ordinis fratrum Heremitarum sancti Augustini, specialem nostræ curiæ Capellanum, tuæ fraternitati transmittimus, quem petimus super præmissis celeriter expeditum remitti. Dat. Franfordiæ, &c. anno imperii nostri. 27. Rex autem Angliæ Edwardus, Ludouico prædicto rescripsit in hæc verba.

Serenissimo principi domino Ludouico Dei gratia Romanorum imperii semper Augusto, Edwardus eadem gratia rex Franciæ & Angliæ, & Dominus Hiberniæ salutem, & votiuis semper successionibus gratulari. Serenitatis vestræ literas reuerenter recepimus, inter alia continentes, quod Philippus de Valesio ad tractandum inter nos & ipsum concordiam dedit vobis ad requisitionem vestram suis literis potestatem.

O

tem.

tem. Et si placeret vobis, potestatem huius vobis dare, libenti daretis animo labores & operam ad dictam concordiam reformandam, & quod amicitia inter vos & Philippum minime nos moueret, nam ex quo sine scitu & assensu nostro treugas ad terminos ad tractandum de pace inter nos & dictum Philippum, accepimus dictam amicitiam cum eo de consilio principum vestrorum, quibus visum fuerat quod hoc (saluo honore vestro) possetis facere, contraxistis, vicariatum nobis per vos commissum reuocastis. Et quidem zelum quem habetis ad faciendam dictam concordiam, plurimum commendamus. Et reuera votium foret nobis admodum & acceptum si posset fieri per tanti mediatoris instantiam pax optata. Sed quia scimus ius nostrum in regno Franciæ satis clarum, illud arbitrio dubio non proponimus ducere alicui, 10 per nostras literas committendas, verum dum attenta meditatione pensamus, qualiter vestra consideratio circumspecta videns nostram patentem iustitiam, & dicti Philippi duritiam obstinatum & iniuriam, nobiscum contra dictum Philippum vestri gratia ligiam fecistis, velut in specialem adoptionis filium de dilectionis exuberantia nos admittentes, ut cum pace vestra loquamur mirari non sufficimus, quod præpotens vestra sublimitas, quæ ad laudem bonorum & vindictam malorum est diuinitus instituta, contra nos dicto Ph. iniuriatori nostro notorio seligauit. Et id quod dicitur nos sine scitu & assensu vestro cum præfato Ph. treugas ad tractatum pacis iniisse, non debuit consideratis facti circumstantiis rationabiliter mouisse, quia dum obsidebamus ciuitatem Tornacensem, oportuit nos eorum sequi consilia, qui nobis 20 auxilia & comitiuum tunc fecerunt, & hyemis subita vicinitas ac locorum distantia vestram super hoc consulere celsitudinem minime permiserunt. Immo nobis alias (si recolitis) concessistis, quod si opportunitas arrideret tractare possemus de pace vobis inconsultis, ita tamen, quod sine consensu vestro pacem finalem cum dicto P. nullatenus faceremus, quæ nunquam facere proponebamus priusquam vestrum super hoc habuissemus prouidum consilium & assensum. Sed in votis gessimus vobis in omnibus facere quod debuimus iuxta vires, sperantes quod fraternæ vestræ plenitudo beneuolentiæ, nos ad tempus benignius supportasset. Videtur etiam aliquibus quod reuocatio dicti vicariatus facta fuerit præmature iuxta sponsonem super hoc per imperiales nobis factam, non debuissent fieri quousque regnum Franciæ, vel maiorem partem 30 eiusdem fuisset adepti. Præmissa quæsumus velit vestra nobilitas debite ponderare, & ulterius facere quod debet, quia per Dei gratiam vobis & vestris semper iuxta mensuram impeniæ nobis beneuolentiæ gratiam faciemus pro viribus repensiuiam. Celsitudini vestræ donet altissimus votiuiæ felicitatis augmentum. Dat. Londini anno regni nostri Franciæ. 2. regni vero nostri Angliæ. 15.

Obiit Papa Benedictus. 12.

Mortuo Benedicto. 12. successit Clemens. 6. Hic de abbate ordinis S. Benedicti factus est Attreba. episcopus, postea successiue ad archiepisc. Senonensem, & Rothom. assumptus, deinde ad Cardinalatum, & tandem ad Papatum ascendit.

Edwardus Dei gratia rex Angliæ & Franciæ, & dominus Hiberniæ, vener. &c. salutem. Terribilis in iudiciis, & inscrutabilis in consilio Rex cœlestis, qui digne flagellat filios quos diligit, ostendit plerunque peccanti populo dura, peccantes propter iniquitates suas humilians, ut sic ad se reuersi, quærant humilium nomen eius. Pensantes itaque quantis guerrarum incommodis & aduersitatibus nos & subiectus nobis populus peccatis nostris, vel ipsius populi seu vtriusque forsitan exigentibus, fuimus à longe retro temporibus, & adhuc sumus inaniter lacesciti, ac facultatibus collapsi grauiter & exhausti, ac considerantes periculosa discrimina nobis & nostris verisimiliter imminencia, nisi diuina prouidentia clementius respexerit nos ex alto, tanta tribulatione malorum & dolorum dum nostrum conspiciamus imperfectum, diuinam contemplamur omnipotentiam operantes, quod iustus iudex, verax Deus, benigne respiciet causæ nostræ veritatem & iustitiam, & humiliabit 50 calumniatorem, & sic sub miserationis diuinæ fiducia rem aggredientes arduam, passagium nostrum versus partes Franciæ ordinauimus validum & festinum, & alium exercitum versus partes Scotiæ duximus transmittendum, ut sic, per Dei gratiam comminatis nobis occurramus periculis, & fidelibus nostris post magnam quam passi sunt inquietudinem quietis pulchritudinem præparemus. Cum igitur constituti sitis pro hominibus à domino, ut offeratis dona & sacrificia pro peccatis, attendite quæsumus prædicta, nedum nostra, sed publica pericula, preces pro felici progressu nostro fundentes altissimo, supplentes vices Moysis, ut nos & nostri possimus aduersariis in vestrarum erectione manuum præualere, & ut augmentum gratiæ no-

tiz nobis multiplicatis intercessoribus largiatur, faciatis per nostras ciuitates & dioc. prædicationes & processiones fieri, & alia piæ placationis officia misericorditer exerceri, vt Deus misericordiarum super nos & exercitus nostros manum suæ benedictionis extendat, & actus nostros in beneplacito suo sic dirigat, vt sibi cedant ad laudem, nobis ad meritum & subiectis nobis fidelibus commodum & quietem. Dat. &c. Anno regni nostri Angliæ. 16. regni vero nostri Franciæ. 3.

Hoc anno inita est treuga inter reges Franciæ & Angliæ, mediantibus duobus Cardinalibus, in hunc modum, videlicet, quod super omnimodis controuersis & dissensionibus, mittantur ad curiam Romanam aliqui de sanguine regum dictorum nobiles, & alii habentes potestatem concordiam ordinandi, affirmandi & roborandi, super causis, à partibus ostensis, secundum tractatum domini Papæ & nobilium prædictorum. Et poterunt partes dicere & præponere rationes suas coram domino Papa, non tamen ad finem dissensionis & dandi sententiam, sed pro facienda pace meliori & tractatu. Item quod antedicti nobiles, qui ad curiam mittentur Romanam, sint in curia citra festum sancti Iohannis Baptistæ proximo futurum, negotiaque præfata diuino mediante suffragio, summi necnon pontificis instantia, citra festum natalis domini, etiam de assensu dictorum nobilium, termino illo nullatenus prolongato maneant expedita. Si vero dominus Papa fuerit impeditus, vel pacem & concordiam inter reges præfatos reformare non poterit, treugæ nihilominus vsque ad terminum infra positum perseuerent, & firmiter ab omnibus conseruentur. Ad finem quoque illum quod negotia supradicta meliorem pleniorumque sortiantur effectum, concedantur treugæ, vt ad festum sancti Michaelis in mense Septembri proximo futurum, & à festo illo vsque ad finem trium annorum proxime sequentium, inter prædictos reges Angliæ & Franciæ regemque Scotiæ, comitem Hannoniæ, duces Brabantæ & Gelræ, Marchionem de Gillers, dominum Iohannem de Hannonia, & gentem Flandriæ, omnesque eis adhærentes in omnibus terris eorundem à tempore datæ treugarum præsentium, per totum tempus supradictum. Insuper rex Scotiæ, comes Hannoniæ, & dictis regibus cæteri nobiles alligati, mittant nuncios suos ad curiam præfatam, cum potestate consentiendi & affirmandi, secundum tractatum coram domino Papa habendum, in quantum eos attinet, citra festum sancti Iohannis prænotatum: si vero dictorum nobilium aliqui nuncios (vt præmittitur) ad curiam Romanam mittere non curauerint, negotia supradicta nequaquam ob hoc maneant prolongata. Conseruentur quoque prædictæ treugæ in Britannia inter supradictos & eis adhærentes, quanquam in ducatu illo ius se dixerint possidere. Durante vero treuga, ciuitas de Vanes in manibus Cardinalium nomine domini Papæ detineatur, elapsisque treugis, de vrbe illa suam faciant voluntatem. Cardinales insuper partes suas diligenter apponant, pro absolutione Flandrensiū, & sententiis quas incurrerunt amouendis, & quod via bona & rationabilis inueniatur, curiose studeant laborare. Comes Flandriæ sicut dominus sine medio, & medius velut superior, durante treuga remaneat in Flandria, ita tamen quod hoc fiat de assensu populi Flandriæ, si vero aliqui in Wasconia, vel alibi, durante treuga, vicinis suis vel inimicis partis alterius guerram suscitent, dicti reges per se, nec per alios, directe vel indirecte, se nullatenus intromittant, nec ob hoc treugæ violatæ sint infectæ. Dicti vero reges partes suas diligenter sine fraude apponant, nec vnus partis subditi durante treuga, parti alteri in Wasconia & Britannia guerram moueant quoquomodo, nec aliquis vni parti obediens, pendente treuga, parti alteri fœdus siue amicitiam inire permittatur, nec detur vel promittatur quicquam durante treuga directe vel indirecte pro guerra suscitanda, & tam per terram quam per mare treugæ firmiter ab omnibus sint conseruatæ. In Wasconia vero & in Flandria infra 15. dies, in Anglia & in Scotia, infra 40. dies treugæ fiant proclamatæ. Omnes captiui partis vtriusque à dominica ante festum sancti Vincentii proximo præterita, vsque ad diem præsentem, de carceribus eiiciantur, bona rapta reddantur, & liberi, prout ratio exigit, dimittantur. Nulla noua vel inuasionis durante treuga inter partes in præiudicium treugæ fiant vel despectus. Dicti quoque reges & eis adhærentes durante treuga in tali remaneant possessione & seifina, qua hodie persistunt in omnibus bonis, terris & possessionibus, quas detinent vel acquisierant quoquomodo. Et secure de vna terra in alteram redibunt, & omnes mercatores cum mercibus, & cæteri singuli fideles, tam per terram quam per mare & aquas consuetas, tamen in regno persolutis, ita libere veniant & secure, sicut tempore prædecessorum dictorum regum ire solebant & redire, exceptis bānitis dictorum

rum regnorum pro aliis causis & pro guerris regum supradictorum: sed Barones Wasconia & ceteri de ducatu eodem banniti in dicta guerra continentur, & ire & redire poterunt, durante treuga sepedicta, banniti vero & fugitivi patriæ Flandrensis, qui fuerunt ex parte regis Franciæ durante treuga, Flandriam intrare non poterant: dictæ vero treugę continebunt & comprehendent Hispanos, Cathalanos, Ianuenses, Prouinciales, Episcopum Cameracensem, & capitulum cameratum, castra Pagi Cameracensis, dominum de Brette vicecomitem de Fronsas, dominum de Tynbon, dominum Iohannem de Vernun, Dominum de Roya. Dominus vero Odo dux Burgundię, dominus Petrus dux de Burbon, in animam domini Philippi regis Franciæ: & dominus Henricus Lancastrię, dominus Wilhelmus de Boun, dominus 10 Wilhelmus de Monte acuto comites, in animam domini Edwardi regis Angliæ secundum mandatum eis per reges sæpè factum, tactis sacrosanctis Euangelis iuramentum præstiterunt concordale. Dat. in Prioratu sanctæ Mariæ Magdalenæ de Maletrete, ordinis sancti Benedicti, diocesis Nauet. 19. die Ianuarii, anno domini. 1342.

Natale celebratum apud Windsor.

Anno gratiæ millesimo trecentesimo quadagesimo primo, qui est annus regni regis Edwardi à conquestu tertii quintus decimus, tenuit Rex natale apud Windesore. Eodem anno Rex Edwardus cum suo nauigio Britanniam nauigauit, ubi per cibos & potus incongruos plures amisit de suis. Quo tempore missi sunt ad eum duo Cardinales, qui ex parte Papæ treugas triennales indixerunt inter reges, sub quo spacio 20 de iure quod Rex Angliæ vendicauit in regnum Franciæ discuti posset ad plenum. In redeundo quoque de Britannia maxima incommoda per marinam tempestatem perpeßus est, quæ utique dicebantur per nigromanticos regis Fraciæ procurari. Hoc anno quinto die Iunii apud manerium regium de Langele, iuxta sanctum Albanum, domina Philippa Regina peperit filium, qui baptizatus est à domino Michaelæ Abbate de sancto Albano, & nominatus est Edmundus. Transiit annus iste frugifer & fructifer, rerum venalium copiosus: regionibus Franciæ atque Scotiæ otiosus: Anglię laboriosus, sumptuosus, & studiosus.

Regina peperit quintum filium vocatum Edmundum.

Natale apud Kenyngton.

Anno gratiæ millesimo trecentesimo quadagesimo secundo, qui est annus regni regis Edwardi à conquestu tertii sextus decimus, tenuit Rex natale apud Kenyngton sollemniter, cum multitudo tam incolarum quam alienigenarum magna nimis. Hoc anno Ludouicus de Bauaria, qui se imperatorem appellauit, fœdifragus & falsus, vicariatum citra Coloniam à rege Anglię, (ut ferebatur minus consulte susceptum) per suas literas reuocauit, & spretis fœderibus regi Anglię sacramento firmatis, amicitias contraxit cum Rege Francorum. Sub eodem anno Rex Angliæ transfreta-uit in Britanniam Armoricam, iterato recepto prius homagio de domino Iohanne de Monteforti, pro Ducatu Britannię, qui fuit verus heres ducatus eiusdem, volens iuuare ipsum contra Dominum Carolum de Bloys, qui desponsauit filiam alterius fratris germani, ubi Rex Edwardus plures villas, munitiones & castra rebellantia fortiter conquisiuit, & post obsedit ibidem villam de Vanes. Et quamuis Philippus de 40 Valeys Rex Fraciæ sibi conglomerosa multitudo occurrisset, & treugas fecisset, nihilominus remansit villa prædicta regi Angliæ subiugata.

Natale apud Woodstock.

Anno gratiæ millesimo trecentesimo quadagesimo tertio, qui est annus regni regis Edwardi à conquestu tertii septimus decimus, tenuit Rex natale apud Woodstock, cum Regina Philippa, & filiis eorundem, ac primogenito suo principe Walliæ, & Comitibus ac Baronibus multis valde. Eodem anno Clemens sextus, quondam Rothomagensis Archiepiscopus, successit Benedicto duodecimo. Iste Clemens vir insignis literaturę fuit, sed prodigalitatē profusissimę, adeo ut dignitates Ecclesiasticas vacantes in Anglia, suis conferret Cardinalibus, nouosque pro eis in Anglia titulos moliretur imponere, qua de causā Rex Angliæ offensus, prouisiones per dominum 50 Papam factas cessauit. Et ne quis deinceps tales prouisiones afferret, sub pœna carceris atque capitis interdixit. Hoc anno per totum regnum Anglię decimę tam temporalium quam spiritualium regi solutæ sunt.

Eodem anno dominus Henricus de Lancastria, comes de Derby, cum comitibus de Glouernia, de Warwico, Northamtonia & Oxonia, Barone de Stafforde, Roberto de Vfforde iuniore, & aliis multis valentibus, & exercitu numerofo profectus est versus Scotiam, ad dissoluendam obsidionem quam Scoti plantauerant circa castellum de Louhmaban, quod quidem castrum commissum fuerat custodiæ comitis de Northamtonia, Wilhelmo de Boun, qui quendam militem dictum Walterum de Sel-

de Selby custodem in eodem castro constituerat loco suo, sed probitate dicti Walteri, & Episcopi Carleolensis, nec non domini de Lucy fuerat obsidione liberatum, antequam supradicti heroes aduenissent, sic quod redierant negotio nullo facto. Circa præsens tempus Henricus Burghwash Lincoln. episcopus in Flandria apud Gandauum diem clausit extremum. Cui successit Thomas le Beck, clericus nobilis & excellens. Iste Henricus quondam Lincolnienſis episcopus cupidus & auarus, apud prædium suum de Tynghurst, parcum fecerat, & suorum terras contiguas ipsis iunctis eidem parco adiecerat, & sepibus ac fossatis incluserat, non sine diris illorum incrementationibus ademerat terras suas. Post mortem vero suam apparuit cuidam ex armigeris suis quondam, cum pharetra & arcu, sagittis & cornu, indutus breui tunica, & ipsa viridi, & ait ei. Nosti quod non sine Dei offensa & iniuria pauperum clausurim istum parcum, datus sum igitur non sine pœna ad custodiam huius parci prout vides, quousque terræ istic inclusæ pristinis possessoribus restituantur. Vade ergo ad fratres meos Lincolnienſes canonicos, & roga eos ex parte meâ, vt hæc omnia pauperibus possessoribus redonentur, à quibus cum iniuria ea tuli. Canonici vero hæc audientes, & iniuriam prælibatam non ignorantes, miserunt vnum de canonicis Wilhelmum Bachelor appellatum, ad restituendum sua singulis, & sepes extirpand. fossataque complananda, qui rediens per Abbatem de sancto Albano Michaellem, sibi narrauit hæc omnia seriatim.

20 Eodem anno Papa Clemens iterum fecit in Anglia prouisiones duobus Cardinalibus de beneficiis proximo vacantibus præter Episcopatus, & Abbathias ad extentam duarum millium marcarum. Quod rex & tota regni nobilitas pati noluit, sed procuratores dictorum Cardinalium sub pœna carceris Angliam exire coegit. Et cito post rex direxit Papæ illam famosam epistolam pro libertate ecclesiæ Anglicanæ contuenda, quam præsentibus duximus inferendam.

Epistola missa Papæ Clementi pro libertate Ecclesiæ Anglicanæ, plena fructu, cui pro tunc Papa aut Cardinales respondere rationabiliter nesciebant.

30 **S**ANCTISSIMO in Christo patri ac domino, domino Clementi, diuina prouidentia sacrosanctæ Romanæ ac vniuersalis ecclesiæ summo Pontifici, Edwardus eiusdem gratia rex Franciæ & Angliæ, & dominus Hiberniæ, deuota pedum oscula beatorum. Pensatâ sedis apostolicæ clementiâ, quæ de fomento deuotionis Christi fidelium, & animarum salute, solet esse summe sollicita, non quærens quæ sua sunt, sed quæ sunt potius Iesu Christi, tenet probabiliter nostrâ fiducia, quod vestra maturitas in specula celsitudinis Apostolicæ præclaritate meritorum & scientiæ diuinitus iam erecta, ea quæ decus ecclesiæ, & deuotionem plebis attenuant, ac animarum & rerum pericula comminantur, curabit misericorditer reformare. In publicam autem non ambigimus notitiam prouenisse, qualiter ab exordio nascentis ecclesiæ in regno nostro Angliæ progenitorum nostrorum regum Angliæ, & procerum ac fidelium dicti regni digne recolenda prioritas propter diuini cultus augmentum construxit ecclesias, & ipsas amplis dotauit possessionibus & priuilegiis communiuit, ponens in eis ministros idoneos, qui fidem catholicâ in subiectis sibi linguis, & populis foeliciter peregerunt, per quorum curâ & sollicitudinem vinea domini sabaoth in cultu & fructu, ibidem mirifice foecundauit, sed quod dolendum est, ipsius vineæ propagines degenerantur in labruscas, & exterminant eâ apri de silua, singularesque feræ depascunt eâ, dum per impositiones & prouisiones sedis apostolicæ, quæ solito grauius inualescunt, ipsius peculium contra piâ voluntatem & ordinationem donatorum, manus occupant indignorum, & præsertim exterorum, & eius dignitates & beneficia conferuntur pingua personis alienigenis, plerumque nobis suspectis, qui non resident in dictis beneficiis, & vultus commissorum eis pecorum non agnoscunt, linguam non intelligunt, sed animarum cura neglecta, velut mercenarii solummodo temporalia lucra quærunt, & sic diminuitur Christi cultus, animarum cura negligitur, subtrahitur hospitalitas, ecclesiarum iura deperiunt, ruunt ædificia clericorum, attenuatur deuotio populi, Clerici dicti regni viri magnæ literaturæ & conuersationis honestæ, qui curam & regimen possent sibi salubriter peragere, & forent pro nostris & publicis consiliis opportuni, studium deserunt, propter promotionis congruæ spem ablatam, quæ diuinæ scimus non esse placitâ voluntati. Quinimmo graue nostrum & fidelium nostrorum versatur præiudiciū & ineffabile periculum, nisi super hoc citius & consul-

tius caneamus. Nam ius patronatus quod nos & fideles nostri in talibus obtinemus beneficiis eneruatur. Curia nostra in qua dumtaxat causæ super iure patronatus dictorum beneficiorum tractari debent deluditur, & siciura coronæ nostræ tam probrose quam damnose deperiunt, & regni thesaurus ad extraneos, ne dicamus nostros maleuolos asportatur, subtili forsan coniectura, ut regni depresso sacerdotio, & eius exhausto thesauro, reddatur regnum debilius in aduersis, quæ singula & alia quæ ex præmissis sequuntur incommoda, fuerunt nuper coram nobis in parlamento nostro generali pro communitate dicti regni palam exposita, vnanimi & feruenti petitione subiuncta, ut prædictis dispendiis quæ dictæ communitati videntur intolerabilia celeriter occurramus. Nos autem Anglicanæ depressionem ecclesiæ, & exheredationem coronæ nostræ, ac mala prædicta quæ dissimulata diutius adicerent verisimiliter grauiora, patulo cernentes intuitu, ad vos successores Apostolorum principis, qui ad pacendum non ad tendendum oues dominicas, ac ad confirmandum, & non ad deprimentum fratres suos mandatum à Christo suscepit, ista deferimus votiuis affectibus supplicantes, quatenus præmissis debite ponderatis ac consideratis, quod de iure creandi sunt de vico populi magistratus, & iuxta dictum Prophetæ, dandi sunt de eodem loco populi vinitores, quod per beatos Apostolos legitur esse factum, dum gentibus viros linguarum suarum habentes notitiam transumpserunt, pensata etiam deuotionis plenitudine, qua domus nostra regia, & clerus & populus dicti regni perstiterunt hætenus in obedientiam dictæ sedis, propter quod non haberet paternus affectus eis onera & grauamina cumulare, ut pater filiis thesaurizans, alleuians dictarum impositionum, & prouisionum, ac onerum tam per sedem apostolicam inuale-scentium grauitatem, permittentes vterius ut patroni patronatus sui solacium non amittant, ecclesiæque cathedrales & aliæ dicti regni liberas electiones & earum effectum habeant, quas quidem ecclesias dicti progenitores nostri dudum singulis vacationibus earundem personis idoneis iure suo regio libere conferebant, & postmodum ad rogatum & ad instantiam dictæ sedis sub certis modis & conditionibus concesserunt, quod electiones fierent in dictis ecclesiis per capitula earundem, quæ concessio fuit per sedem apostolicam ex certa scientia confirmata. Sed contra formam concessionis & confirmationis prædictarum, dicta sedes per reservationes & prouisiones suas dictis capitulis electiones adimit supradictas, & nobis ius & prærogatiuam, quæ iuxta formam dictæ concessionis nobis competunt in hac parte, propter quod iuxta legem dicti regni nostri, ex quo lex in concessione posita non obseruatur, concessio reuoluitur, & rei status reuertitur in primæum super præmissis. Itaque digne-tur quæsumus vestra benignitas ad honorem Dei & salutem animarum, nec non ad tollendum scandala & præiudicia prælibata, festinum & salubre temperamentum apponere, ut nos & nostri qui personam vestram sanctissimam & sanctam Romanam ecclesiam reuereri cupimus ut debemus, cessantibus dictis malis intollerabilibus, in paternæ vestræ dilectionis dulcedine quiescamus, reuirescat vestraque deuotio per ostensam nobis piæ moderationis vestræ clementiam recreata. Conseruet vos altissimus ad regimen Ecclesiæ suæ sanctæ per tempora prospera & longæua. Data apud Westmonasterium 26. die Septembris, anno regni nostri Franciæ quarto, regni vero nostri Angliæ, decimo septimo.

Epistola regi directæ pro Cardinalibus, quibus prouisiones prius fecerat, expul-sis de suis prouisionibus.

CLEMENS episcopus seruus seruorum Dei, charissimo in Christo filio, Domino Edwardo regi Angliæ illustri salutem & apostolicam benedictionem. Dudum post creationem nouorum sacrosanctæ Romanæ ecclesiæ Cardinalium, prouida & matura deliberatione præuia per nos facta, honoribus Dei & ecclesiæ suæ sanctæ, ac utilitati reipublicæ conuenire, quod Cardinales ipsi, qui super expediendis negotiis ad aluē Apostolicæ sedis vndique cōfluentibus nobiscum labores & onera partiuntur, & haberent congrue vnde suis valeret necessitatibus secundum status sui decentiam prouideri. Demum excogitatis viis & modis licitis, quibus absque minori ecclesiarum & personarum ecclesiasticarum grauamine huius prouisio sequi posset de beneficiis ecclesiasticis tunc in diuersis regnis in partibus Christianitatis vacantibus, & in antea vacaturis vsq; ad certā summā, pro singulis eorundem nouorum Cardinalium, & sub certis formis & limitationibus præfatis Cardinalibus distinctis eis, prout expedire vidimus prouinciis, gratias fecimus speciales. Cū autem duobus ex eis de ducatu Aquitanæ

tanix oriūdis, videlicet dilectis filiis nostris Adamarē, titulo sanctæ Anastasiæ, & Gerardo, titulo sanctæ Sabinæ præbyteris, Cardinalibus de huiusmodi beneficiis in regno & terris tuis (fili charissime) consistentib. in forma pro ipsis & aliis prædictis Cardinalibus cum magna deliberatione consilii ordinata, gratias huiusmodi prouiderimus faciendas, ipsiq; pro eis consequendis gratiis certos procuratores & nuntios suos ecclesiasticos, viros scilicet prudentes & literatos, ad partes regni tui Angliæ destinarent, ipsi procuratores & nuntii postquā ad regnum perueniētes prædictum, inceperunt ibidem dominorū suorum prædictorum negotia prosequi supradicta, per gentes & officiales regios non solum impediti super eis, quinimo captiuati, & tandem de regno prædicto expulsi cum ignominia, sicut infestis nimis relatibus percepimus, extiterunt. Profecto (fili dilectissime) si præmissa, quæ de procuratorib. prædictis præmittimus veritate nituntur attenta, deuotione sincera, quam ad dominū & sacrosanctam Romanam Ecclesiam matrem tuam gerere dinosceris, sicut claræ memorię progenitores tui reges Anglię gesserunt, dum in humanis agerent, ea de tua processisse conscientia faciliter credere non valemus. Certum est autem, quod non solum in regno & terris tuis prædictis, immo quasi in omnibus regnis & partibus tam propinquis quam remotis, vbi catholice fidei viget cultus, aliis nouis Cardinalibus consimilem gratiam fecimus, in quibus rebellionem aliquam præter prædictam, quam (si vera sit) cum dolore cordis referimus factam, nullatenus audiuius vsquequaq; satis namque honoribus & commodis regiis credebamus & credimus expedire, quod Cardinales, & illi maxime, qui naturaliter afficiuntur ad honores & cōmoda tua regia, in regno & terris tuis beneficia obtineant ecclesiastica, quia ex hoc proculdubio libentius & frequentius ad pmouendos profectus regios inducuntur, & vtinam illi qui nutriti de micis eiusdē Romanæ ecclesiæ, & ad honores & status exaltati per eam, impedimenta & alia prædicta procurasse, non absq; magnæ ingratitudinis vitio, & aliis suis periculis verisimiliter extimantur, ex quibus præter hoc excommunicationis & aliis pœnis & sententiis promulgatis aduersus tales à canonibus, se periculose nimium subiecerunt, quæ salutis, famæ, & honoris regii felicia respiciunt incrementa, fidelibus intenderunt studiis, & contrarium acceptādo nequaquam lucra propria sub manu regia venarentur. Demum regiam rogamus excellentiam, & in domino attentius exhortamur, quatenus hiis quæ præmissimus, & aliis, quæ in hac parte circumspeditioni regię possunt occurrere, diligenti præmeditatione intra pectoris regii claustra discussis, ea quæ contra dictos procuratores & quosdam alios præfati Adamari Cardinalis, qui postmodum in eodem regno capi & detineri dicuntur, facta fuerunt, repārari & reuocari decēter & benigne faciat, ipsosq; procuratores regio fauore suffultos, circa prosequenda in eodem regno supradicta negotia, plena securitate gaudere, pro diuina & nostra dictæque sedis reuerentia faciat regia celsitudo, aures non accommodando regias illis, aliquam in Dei offensam, ecclesiæ prædictæ contumeliam, ac honoris, salutis & famæ tui culminis læsionem, possent quomodolibet redundare, vt dominum tibi semper propitium, & sedem prædictam super tuis oportunitatibus cōstituas promptiorem. Rescripturus nobis fili dilectissime, quæ tua regalis circumspectio circa hæc prouiderit ordinanda. Datæ apud villam nouam Anniuoniæ diocesis quinto Calendarum Septembris, Pontificatus nostri anno secundo.

Per idem tempus Rex Angliæ misit procuratores ad Romanam curiam, dominos Henricum de Lancastria Comitem de Derby, Hugonē de Spencer, Radulphum de Stafford, cum Oxoniensi Episcopo & multis aliis, dans eis plenam potestatem & mandatum speciale ad tractandum coram summo Pontifice de iure suo in regnum Franciæ, non vt iudice, sed vt priuata persona & amico communi, non in forma nec in figura iudicii, &c.

De procuratoribus missis ad curiam Romanam

Eodem tempore contigit quoddam mirabile in partibus borealibus de quodam iuvene, qui fuerat in familia domini I. Baronis de Graystok, qui cum equitaret lætus, & hilaris per quendam campum seminatum cum filigine, & cerneret filiginē in modum æquoris fluctuare, repente considerat quendam homunculū rubeum de filigine caput erigere, qui quanto plus considerauit eundem, tanto plus videbatur sibi eum crescere in statura, qui appropinquans arripuit frenū eius, & vellet, nollet, duxit eum in filiginem, ad locum, vbi (vt sibi visum fuit) pulcherrima domina cum multis puellis tibi similibus residebat, quæ mox iussit eum equo deponi, & pelle carnibusq; lacerari, & demum excoriari mandauit. Deinde prædicta domina caput suum secans per medium, cerebrum (vt putabat) abstulit, caput vacuumq; reclusit. Quibus ita gestis, eum

De quodam iuvene mirabiliter sensu alienato

leuari fecit in equum, & abire demisit. Nec mora, expers & inops ingenii cæpit fure-
re, & furiosos gestus continuare. Cumque peruenisset ad villam proximam, quædam
puella, quæ & ipsa de domini sui familia fuerat, & cum multū dilexerat, venit ad eum,
& curam illius egit, & ne damna inferret sibi ministrantibus, cathenis eum coarctari
fecit, quæ duxit eum ad multos sanctos transmarinos pro consequenda sanitate, sed
cum nil profecisset ibidem, regressa est in Angliam cum eodem. Non tamen defuit
sibi ille rubeus & rufus, qui sibi prius apparuit, sed ubique visibilis sibi affuit. Et licet
tribus aut quatuor cathenis ligatus fuisset, eas semper soluere consuevit. Tandem a-
pud sanctum Iohannem de Beuerlaco post sex annos huius miseræ recepit integram
sanitatem. In placidum nempe soporem resolutus, visum fuit sibi pulcherrimam do- 10
minam eius caput iterato diuidere, & cerebrum per priorem ablatum dominam, re-
stituere loco suo. Restitutus prouide pristinæ sanitati, duxit præfatam puellam, quæ
eum circumduxerat, & ex ea quindecim filios generauit, qua defuncta, ad sacros or-
dines se contulit, & præbyter est effectus, & promotus ad Ecclesiam de Thorbasset.
Dum autem missam cum deuotione summa celebraret, & corpus Christi (prout mor-
ris est) populo videndū manibus eleuaret, apparuit rufus ille præfatus, & ait: Sit amo-
do tibi custos, quem tu tenes in manibus, nouit nempe ipse te quam ego melius cu-
stodire. Hoc anno Antonius Beck obiit, Episcopus Norwicensis, cui successit Wil-
helmus Bateman. Hic auditor Papalis palatii satis famosus, hoc tempore missus est à
Papa ad Regem Angliæ, qui inter cetera retulit Regi, quod dux Bauariæ Papæ in o- 20
mnibus se submisit, & absolutionis beneficium promeruit ab eodem: & sic Papa im-
perium, quod prius iniuste tenuerat, sibi iuste contulit & gratiose. Rex vero cum hæc
audisset, ira commotus ita respondit: Et si ipse componat cum Rege Franciæ, ego ta-
men paratus sum configere cum utroque. Hoc anno ad turrim Londoniarum iussit
Rex florenos fieri, scilicet denarium, obulum & quadrantem. Sub his diebus ciuitas
de Algazira capta est per Regem Hispaniæ, qui eam per triennium, per terram & per
mare obsederat, cum pene innumerabili populo Christiano. Rex vero de Garnade
qui eam occupauerat, cum Sarracenis deuenit vasallus regis Hispaniæ, & eidem con-
stituit censum annum duodecim millium florenorum. Dominus Papa his auditis, in
dicta ciuitate sedem statuit Episcopalem, & Episcopum illius vrbs subiecit tanquam 30
suffraganeum Metropolitanæ Ecclesiæ Hispalensi.

Anno gratiæ millesimo trecentesimo quadragesimo quarto, qui est annus regni
Regis Edwardi à conquestu tertii octauus decimus, Rex Edwardus fecit conuocari
plures artifices ad castrum de Windesore, & cæpit ædificare domum, quæ rotunda ta-
bula vocaretur: habuit autem eius area à centro ad circumferentiam, per semidia-
metrum centum pedes, & sic diametrum ducentorum pedum erat. Expensæ per
hebdomadam erant primo centum libræ. Sed ex post propter noua, quæ Rex suscepit
de Francia, rescebantur ad 20. libras, eo quod censuit pro aliis negotiis thesaurum
plurimum comportandum. Eodem tempore Philippus de Valeys Rex Franciæ hoc
facto Regis Angliæ prouocatus, cæpit & ipse rotundam ædificare tabulam in terra 40
sua, ut sic sibi attraheret militiam Alemanniæ & Italiæ, ne ad Regis Angliæ tabulam
properarent. Per idem temporis Rex Franciæ concessit suis hominibus liberam fa-
cultatem prosternendi arbores pro nauibus faciendis in omnibus baliuis suis, unde
infra breue tempus maxima copia nauium fabricata est, quæ multa damna Anglicis
intulerunt.

Eodem anno quædam puella quinquennis, apud molendinum de Bettlespole
iuxta Redburnam cadens in aquam subito submersa est, & cum eodem tempore mo-
lendinum moleret, & rota vehementius per aquæ abundantis decursum volueretur,
eiusdem puellæ corpus pertransiuit rotam, sed quod credebatur sub rota contritum
vel conquassatum, integrum permansit & illæsum, saltem ab ipsius rotæ oppressione. 50
Cumque plurimi occurrissent ad spectaculum, ut viderent matrem puellæ vehemen-
tius lugere, & compati natæ suæ, fundentes vnanimiter orationem ad beatum pro-
thomartyrem Albanum, & mensurantes corpus puellæ, idemque plicantes, quod
mirum dictu est, cæpit puella reuiuiscere, & post modicum temporis perfectæ se vitæ
redditam demonstrare. Clerus Anglicanus Regi concessit decimas triennales, & rex
concessit eisdem per chartam suam, quod nullus Archiepiscopus siue Episcopus sit
arenatus coram iustitiariis suis causa cuiuscunque criminis, si ipse specialiter non
præceperit, quousque aliud remedium ordinetur. Item quod nullus clericus sit are-
natus coram iustitiariis suis, siue ad sectam suam, siue partis, si clericus suæ clerimo-
niæ

*Obiit Episcopus
Norwicensis.*

*De florenis factis
primo.*

*Rotunda tabula
in Anglia.*

*Rotunda tabula
in Francia.*

*Miraculum fa-
ctum per S. Al-
banum.*

*Privilegia cæces-
sa clero per Regē.*

niæ se submittat, dicens se membrum Ecclesiæ sanctæ, non debere ipsius iustitiariis respondere. Et si sibi imponatur, quod duas vxores duxerit, siue vnam viduam, quod super hoc iustitiarii non habeant commissionem nec potestatem ad tractandum per inquisitionem, vel alio modo bigamiam, sed mittatur curiæ Christianæ, &c. Venit eo tempore quidam medicus Sarracenus ad Comitem de Warennæ, petens licentiam capiendi quendam serpentem in dominio suo in partibus Walliæ, in loco, qui Brumfield appellatur. Qui cum per incantationes cepisset serpentem, dixit esse in cauerna loco vicino, vbi serpens habitauerat, magnam summam thesauri. Quod audientes viri de Hereford, consilio cuiusdam Lombardi, qui vocabatur Petrus Pikard, fodere
 10 cæperunt illic. Et reperiens verum esse, quod Sarracenus prædixerat, illuc in noctibus sæpius conuenerunt, donec explorati à famulis dicti Comitis capti sunt, & carcerimancipati, Comes vero non modicum lucrum sumpsit ex hoc facto. Hoc anno Papa Clemens in consistorio publico dominum Ludouicum de Hispania creauit principem Insularum fortunatarum, qui tunc fuit vnus de Ambassatoribus Regis Franciæ. Et assumpsit Papa pro themate, Faciam principem super gentem magnam. Illæ autem Insulæ sunt in mari mediterraneo valde fertiles, quarum incolæ nec sunt Christiani, nec de secta Mahometi. Donum vtique laude dignum, si possessionem pacificam contulisset.

De quodam castro mirabili.

Creatus novus princeps insularum Balliarum.

Anno gratiæ millesimo trecentesimo quadragesimo quinto, qui est annus regni
 20 Regis Edwardi à conquestu tertii nonusdecimus, Henricus de Lancastria Comes de Derby in Walconiam transfretauit, cum sexcentis hominibus de armis, totidemque sagittariis. Qui in primo insultu urbem munitissimam de Brigerack cepit, & ii. nobiles in ea existentes, & plurimos de plebeis capitauit. Vrbes insignes & villas ibidem numero quinquaginta sex, Regis Angliæ ditioni subiecit. Paulo post, exercitum Francorum cum manu valida apud Allebrok contra eum venientem contriuit, captis nobilibus viginti tribus, cum aliis quasi innumeris viris armorum. Ceteris vero aut peremptis gladio, aut turpiter actis in fugam. Erat enim tam liberalis, tam profusus in donatiuis, vt dulce quisque reputaret militare sub ipso. Nam cum villam aliquam vi occupasset, parum aut nihil sibi collegit, sed exercitui vniuersa permisit. Reuera
 30 cum villam nobilem de Brigerack post magna pericula & sudores hostiliter ingressus fuisset, permisit cuilibet domum vel mansum occupanti, tam domum quam in ea contenta. Accidit, vt quidam miles, nomine Reth, domum infringeret, vbi monetarii illius terræ monetam in magnis & longis saccis posuerat pro tutela. Cumque miles tantam conspexisset pecuniam, rem Comiti nuntiauit. Erat enim in superficie moneta nigra de ære, prout moris est, ibidem fabricare. Requisiuit igitur, quid Comes vellet fieri de eadem. Qui ait, Tua (inquit) est domus, tua sunt & in ea reperia. Regressus miles, dum effunderet è saccis illam pecuniam, vt sciret eius summam, subito conspicit inæstimabilem summam monetæ, de argento puro percussæ, & obstupuit ipsa reuisa. Æstimansque multo plus ibi esse de pecunia, quam congruebat
 40 suæ fortunæ, reuersus ad Comitem rem protinus enarrauit. Cui Comes: Non (ait) decet me dare, & donum reuocare more puerorum, volo vt tibi permaneant quæ concessi, & si foret pecunia triplo maior. Eodem anno obiit Episcopus Wintoniensis Adam, qui magno tempore cæcus fuerat ante mortem. Cui successit Wilhelmus Edyndon thesaurarius Angliæ. Hic fundauit domum apud Edyndone, de ordine, qui nescitur, de secta fratrum de Asherugh. Eodem anno obiit dominus Henricus Comes Lancastriæ, pater Henrici Comitis de Derby, & sepultus est Leycestriæ in monasterio canonicorum, præsentib. rege & regina tam antiqua quam noua. Archiepiscopis & Episcopis, comitibus & baronibus quasi totius regni. Filius eius & heres eo tempore in Walconia, vt præfertur, actus bellicosos & strenuos exercebat;
 50 quamobrem interesse non potuit exequiis patris sui. Scoti sub his diebus collecto exercitu quasi triginta millium, duce Wilhelmo Douglas, apud Westmerland hostiliter Angliam sunt ingressi, ad insinuandum erga ipsorum malitiam Carleolum & Penreth, & multas alias villulas combusserunt. Episcopus igitur Lugubaliæ, & Thomas de Lucy miles strenuissimus, cum parua manu ex omni parte Scotorum exercitum circuierunt in noctibus, & lituis, & cornibus, & nocturnis clamoribus sic inquietauerunt, vt nec pro victualib. exire auderent, nec membra dare sopori. Tandem cum Scotos omnino vrgeret necessitas, Alexander Stragan coadunatis de audacioribus suæ gentis pabulatum exire disposuit. Cui mox obuiam fit Carleolensis Episcopus cum Roberto Oggil, & acriter irruunt super Scotos, demum fors contulit, vt
 Rober-

De pbitate Henrici comitis de Derby.

De liberalitate comitis de Derby.

Scoti comburunt villas in Anglia.

Robertus Oggil cum Alexandro præfato hastiludiare valeret. Qui cogens dextrarium vehementer cum lancea præacuta, ipsius Alexandri corpus perforavit, non sine læsione sui ipsius. Nam & ipsum Scotus in latere, sed non læthaliter vulneravit. Episcopus à Scotis ab equo & ipse deiicitur, & pene capitur, sed suorum laudabili probitate & equo restitutus est, & à Scotorum manibus liberatus. Et quamvis Scoti visi sunt primo propter suam multitudinem prævalere, commendabili tamen Anglorum constantia victi sunt, multis occisis, & pluribus captivatis. Interea domini de Percy & de Neuile ex parte vna, dominus de Lucy ex alia, & viri de comitatu Lancastriæ ex tertia, Scotos iam requie & prandio destitutos in suis tentoriis inuadere cōdixerunt, quod Scoti per exploratores cognoscentes, ante dictorum dominorum aduentum 10 in suam patriam meticolose fugerunt.

Rex intrat Franciam, & caput Cadonū, vastat Picardiam, & transiit aquam de Summe.

Anno gratiæ millesimo trecentesimo quadragesimo sexto, qui est annus regni Regis Edwardi à conquestu tertii vicesimus, Rex Edwardus missis ad curiam Romanam literis, in quibus asseruit per Regem Franciæ Philippum, & eius complices, certis rationibus assignatis treugas esse violatas: mense Iulii ingressus est mare in festo sancti Thomæ Archiepiscopi, omnibus ignorantibus quorsum tenderet. Tandem cuiusdam militis de Harecourt nuper de Francia exlegati, in australi parte Normanniæ apud Hogges, iuxta Sequanam flumen applicuit, mox Cadonum hostiliter ingressus, cepit, spoliauit, combussit, & postea multas vrbes: verum quia Philippus Rex Franciæ pontes fluminum versus Franciam in cunctis locis, quibus transitus eius esse 20 poterat, ante confregerat, nec facultas daretur exercitibus confligendi ad inuicem, Rex Edwardus Normanniam penetrauit, & in suo transitu Picardiam deuastauit & conflagrauit, & tandem veniens Pusianum, fractum pontem ibidem iussit reparari. Interim Comes Northantoniæ flumen Sequanæ transiens, quingentos ex illis, qui pontium reparationem impedire conabantur, occidit. Mox Rex Edwardus 16. die Augusti Sequanam flumen pertransiens, patriam vbicunq; perrexit, circumcirca destruxit, deprædatusq; est illius incolas, & captiuauit aquam de Summe, vbi antea nusquam fuit trāsitus, illæsus cum toto suo exercitu pertrāsiens, & de Gallicis, qui transitum impedire conati sunt, duo millia interfecit. Interim dominus Hugo de Spencer villam de Crotoye cepit viriliter, & quadringentos armatos, qui ad villæ custodiam 30 deputati sunt, interemit.

De bello de Cressy.

Rex Franciæ Philippus audiens, & cognoscens animositatem, probitatem & constantiam Regis Edwardi, cum iamdudum comparatis & conductis exercitibus parat obuiam Regi Edwardo. Igitur vicesimo sexto die Augusti Reges sibi obuiant cum suis exercitibus apud Cressy in Pontino, vbi commissum est bellum atrox valde, & multum sanguinis effusum ex parte Gallicorum. Nempe Rex Franciæ Philippus ibi deuictus est, cum innumerabili exercitu conductitiorum & fugatus. Duo etiam Reges, qui in auxilium venerant Regis Franciæ, scilicet Boemiæ & Maioricarum ibi perempti sunt. Ferunt vtique Regem Boemiæ cæcutientem fuisse, & res positas à remotis cernere non potuisse, qui quæsiuit à suis, qualiter Anglici collocati essent. Cui 40 respōsum est, quod dispositi erant pulchre per bella, & quod statuissent à tergo omne cariagium eorundem. Ipsi (inquit Boemius) vel mori volunt in campo die ista, vel certe victores existere. Relatum est præterea Regi Boemiæ, quod multi alites, scilicet corui, cornices, & monedulæ, & aliæ cadauerum sectatrices supra Francorum exercitum volitarent: Prodigium (inquit Boemius) est hoc & dirum signum, significat (inquit) exercitum fore mactandum. Attamen, inquit, applicatē me ad aliquem nobilem, cum quo congredi valeam, si potestis. Et mox eius milites collocauerunt eum in loco, vbi copiam habere potuit pugnandi cum Edwardo Regis Angliæ primogenito. Cumque constanter & bellicose pugnaret, circumclusus & oppressus ab Anglicis est peremptus. Cecidit ibi præterea Dux Lotharingiæ, cum duobus Episco- 50 pis, octo Comitibus, & pluribus aliis nobilibus, quorum nomina singulatim scribere longum foret, duoque millia militum ibidem prostrati sunt, & vulgus cuius numerus ignoratur, in hoc bello necatur. Qui gladios, lanceas, secures & sagittas Anglorum potuerunt euadere, cum Rege suo fugerunt. Philippus vero Rex Franciæ, dum suos hortabatur, & animare conatus est, dum in Anglos, vt lupus inter agnos desinit: dum multos prosternit & perimit, in gutture & femore vulneratur, & bina vice per regem Angliæ equo suo deiicitur. Captusque fuisset ibidem, nisi citius sibimet fuga consulisset. Quo fugiente, plena victoria cessit Anglis. Post præfatam victoriam Rex Edwardus recreato, remunerato & refocillato suo exercitu, mox nono die sequente planta-

Obfidio Calési.

plantauit obsidionem circa villam Caleſiæ ab olim ſibi regnoq; ſuo toto infeſtiſſimæ, quam obſidionem per annum & amplius protelauit, per quod tempus ibi multi de Anglicis cum corruptione cadauerum & inteſtinorum animalium, cum reliquis incommodis, & maxime fluxu ventris perierunt. Per idem tempus Dauid le Brus Rex Scotiæ animatus per inſtigationem Regis Franciæ, cum Scotorum exercitu glomeroſo auſus eſt intrare Angliam, æſtimans non remanſiſſe in terra niſi clericos & paſtores, autumnabat enim omnem regni malitiã cum ceteris viris deſenſoribus exiſſe regnũ cum rege ſuo. Nec vtiq; ſibi conſtabat de glorioſo triumpho, quem rex Angliæ de rege Franciæ reportauerat, ſed progrediens vſq; Dunelmã, putabat ſe poſſe mon-
10 tes æquare vallibus, & cuncta ad libitum ſibi licere, ſed cum opinio ſua cito ſeſellit. Nam per clerum Eboracenſem, & paucos laicos, non ſine confuſione maxima in vigilia ſancti Lucæ Euangeliftæ deuictus & captus eſt, cum Wilhelmo Duglas, & multis aliis nobilibus de regno ſuo, & carcerali cuſtodia mancipatus. Qui vero dictam (volente Deo) fecere victoriam, fuerunt dominus Wilhelmus la Zouche Episcopus Eboracenſis cum clero ſuæ diœc. dominus Gilbertus de Vmfreuyle comes de Angos, Henricus Percy, Radulphus Neuile, Wilhelmus Dayncourt, & Henricus Scroop, cum exercitu quem collegerant Anglicorum, prout poterant in tanta temporis diſtinctione. Et quamuis pene tota militia Scotiæ ibi capta fuerat vel perempta, pauci tamen ibi (Deo laudes) ex Anglicis ceciderunt. Ibidem fuerunt Robertus
20 Comes Morauia, & Moritius Comes de Stratherne. Cum Rege vero capti ſunt Comes de Fyfe, de Menteth, & de Wygyton. Et reuera hic dies fuiſſet vltimus obſtinatæ Scotorum rebellionis, ſi prædis & captiuis tunc omnino neglectis, Anglici gentem ab antiquo rebellem perſequendo de terra viuentium deleuiſſent. Eodem anno tertio Calend. Auguſti Regina peperit filiam nomine Margaretam. Eodem anno Thomas de Dagworth miles, genere Anglus, cum octoginta armatis & centum ſagittariis, tertio nonas Iunii contra Carolum de Bloys & magnates Britannia, & multos extraneos circumquaque collectos habito conſlictu valido velut alter Machabæus, per duas vices præualuit die illa, deletis nempe plurimis in ore gladii multos cepit: habuit enim idem Carolus in exercitu ſuo mille quingentos armatorum, octo
30 millia baliftariorum, & triginta millia peditum. Eo quoque anno menſe Auguſti, tenente concilio in Aquitannia domino Henrico de Lancaſter comite de Derby cum ſuis magnatibus, Iohannes primogenitus Regis Franciæ, qui villam de Aquilon longo tempore obſederat, ſed eam obtinere non poterat, miſit ad Henricũ pro treugis habendis, quæ ſibi negabantur expreſſe. Iohannes ergo quanquam iuraſſet, ſe non reſeſſurum, antequam villam intraret: relictis tamen ſarcinulis & tentoriis confuſus abſceſſit. Expoſt mox idem Henricus dictam villam de Aquilon, & villam de Reas, aliasque multas villas cum caſtellis de Agoneys, & Tonyngges ſibi ſtabiliuit. Deinde progrediens per Seyntonge, cum mille armatis hominibus pernoctauit in villa de Salueterre, tunc ſibi reddita præ timore. Poſt hæc villas ſancti Iohannis de
40 Angeleyn & de Liueſham potenter cepit per inſultum, captis reſiſtentibus vel occiſis, & quodam Episcopo, cum quatuor baronibus, & multis aliis fugientibus ex alia parte ciuitatibus, in qua cum cepiſſet ſpolia quanta placuit, rediit Burdegaliã cum triumpho.

Bellum Dunelmia inter Scotos & Anglos.

Probitas Thomas de Dagworth.

Acta comitis de Derby.

Anno gratiæ milleſimo trecentefimo quadrageſimo ſeptimo, qui eſt annus regni Regis Edwardi à conqueſtu tertii vicesimus primus, cum rex Angliæ ſtriſtius obſideret Caleſiam, Rex Franciæ iuxta promiſſionem, quam obſeſſis promiſerat, collecto exercitu Caleſiam appropinquat, ad diſſoluendum obſidionem, ſi quoquomodo valeret. In craſtino vero aduentus ſui clam aufugit diluculo relictis tentoriis, cum
50 viſualibus abunde refertis, metuens nimirum Anglici regis audaciam, quam expertus fuerat parum ante damno ſuo. Qui in Caleſia villam tenebant contra Regem Angliæ, viſo quod Rex Franciæ aufugiſſet, iam omnino deſperantes de ſuccuſſu, & eo maxime, quod fame & inædia tabeſcebant, villam Regi Angliæ reddiderunt, ſaluis vita & membris. Rex autem ingreſſus, villam eius diſpoſitioni & ordinationi totaliter intendebat, quaſi per ſpaciũ vnus menſis manens ibidem. Papa vero conſiderans rem contigiſſe contrariam votis ſuis, & iam Regem Angliæ effectum celeberrimum inter omnes Reges, interpoſuit partes ſuas, vt treuga fieret inter regna. Et poſt hæc cum ſumma laude & gloria Rex Edwardus circa feſtum ſancti Michaelis in Angliam eſt reuerſus. Sed in redeundo, ſicut quondam de Britannia minori, repatrians, maximam tempeſtatem perpeſſus eſt in mari, vbi multos valentes & probos de ſuis
amifit

Decapſione Caleſia, & reditu Regis in Angliã, & periculo quod perpeſſus eſt in mari.

amisit, sic & modo magnas pertulit aduersitates, vnde beatæ virginis conquestus est dicens: Sancta Maria (inquit) domina mea, quid est, quod tendēdo versus Franciam, felici aura, potior mare placatur, & cuncta prospere mihi succedunt: in redeundo vero versus Angliam mihi eueniunt sœua infortunia, & nimis aduersa. Eodem anno Thomas de Dagworth supradictus cum trecentis armatis, & quadringentis sagittariis, Carolum de Bloys in obsidione rupis Dirianę laborantem. 12. Calend. Iulii in auro diei superueniens est aggressus multitudinem, ad prælium præparatam, & eius aduentum præstolantem prostravit, Carolum cepit cum multis nobilibus, triumphumque obtinuit, futuris seculis merito commendabilem. Erat autem in exercitu Caroli militum & scutiferorum mille ducenti, & aliorum armatorum sexcenti, balistariorum duo millia, & peditum copia magna valde. 10

De captione Caroli de Bloys.

De pace & gloria regni Angliæ isto anno.

Anno gratiæ millesimo trecentesimo quadragesimo octauo, qui est annus regni regis Edwardi à conquestu tertii vicessimus secundus, composita pace per totam Angliam videbatur Anglicis quasi nouus sol oriri, propter pacis abundantiam, rerum copiam, & victoriarum gloriam. Nam nullius nominis erat fœmina, quæ non aliquid de manubiis Cadomi, Calesiæ, & aliarum vrbium transmarinarum vestes furruras, culcitras & utensilia possidebat: mappæ mensales, & monilia, cippi aurei, & argentea linthea & lintheamina, sparsim per Angliam in singulorum domibus visebantur. Tunc superbire cæperunt matronæ Anglicanæ in apparatibus matronarum Galliæ celticæ, & ut illæ dolebant de rerum suarum amissione, sic istæ gaudebant de rerum dictarum acquisitione. Hoc anno fuit magna pluuiæ inundatio, quæ durabat à festo natiuitatis sancti Iohannis Baptistæ, vsque ad natale domini proximo sequens, quam secuta mox est mortalitas in oriente Sarracenorum & incredulorum aliorum, in tantum, ut vix decimum vitæ relinqueret Sarracenum, qui putantes hanc eis pestem immissam propter incredulitatem suam, ad fidem se Christi conuerterunt, sed comperto, quod in secta Christiana eadem pestis inualuit, iterum ad vomitum reuertuntur. 20

De magna pluuia inundatione.

De magna mortalitate in Angliā, quæ à mortem vocatur prima pestilentia.

Anno gratiæ millesimo trecentesimo quadragesimo nono, qui est annus regni Regis Edwardi à conquestu tertii vicessimus tertius, magna mortalitas hominum grassata est per orbem, incipiens ab australibus & borealibus plagis, tantaq; clade deferuiens, ut vix media pars hominum remaneret, tunc villæ olim hominibus refertissimæ suis destitutæ sunt colonis, & adeo crebra pestis inualuit, ut vix viui potuerunt mortuos sepelire. In quibusdam vero religiosorum domibus de viginti vix supererāt tantum duo. Æstimabatur autem à pluribus, quod vix decima pars hominum fuisset relicta ad vitam. Hanc pestilentiam è vestigio lues animalium est secuta, tunc redditus perierunt, tunc terra ob defectum colonorum, qui nusquam erant, remansit inculta. Tantaq; miseria ex his malis est secuta, quod mundus ad pristinum statum redeundi nunquam postea habuit facultatem. 30

De fraude Gallicorum apud Calesiam, & eorum casu.

Eodem anno quidam miles nomine Galfridus Charneys, vnus de secretariis regis Franciæ, venit clam & subdole cum multitudine pugnatorum ad capiendum Calesiam, secundo die Ianuarii, secundum quod erat per prius dolose conductum inter ipsum & custodem illius villæ, ut saltem si villā obtinere non posset, ad minus castrum villæ sine dubio obtineret. Et ut ita fieret effectualiter, soluit præ manibus præfato custodi (qui fuit oriundus ex Ianua) pecuniæ magnam summam. Quod cum Regi Angliæ Edwardo fuisset intimatum, nescientibus Francigenis, illuc secrete cum suis aduenit armatis ad vnguem. Miles vero prædictus, iuxta conuentionem inter ipsum & Ianuensem factam, misit quosdam de suis, ut liberum introitum obtinerent, suo nomine, in castrum prædictum. Quibus ingressis, pons ligneus subito eleuatus, ante fores inclusit ingressos, & exclusit de foris existentes. Mox Rex Edwardus extra villam Calesiæ cum suis egressus animose, Francigenas est aggressus. Orta est ergo grauis pugna inter Francos & Anglicos, & tam acriter pugnatum est ex vtraque parte, quod vix cum Rege Edwardo remanserunt triginta de suis, tam constanter, tam feruide erant cum Gallicis occupati. Rex Edwardus prouide frendens apri more, & ab ira & dolore turbatus, euaginato gladio, Sanctum Edwardum & Sanctum Georgium inuocauit, dicens: *Ha Sancte Edwarde, Ha Sancte George*, quibus auditis & visis, milites confestim Anglici confluebant ad Regem suum. Et facto impetu contra hostes tam animose insteterunt, quod ducenti ex illis ceciderunt interfecti, & miles supradictus captus est cum pluribus aliis suæ gentis. Nonnulli vero fugæ præsidio sunt saluati. Interim sequente peste in Angliā, dominus Papa Clemens concessit plenam remissionem causa 50

Plena remissio.

causa huius epidemix omnibus vere contritis & confessis per totum regnum morientibus. Item obiit Symon Abbas Westmon. cui successit Symon Banham, qui mox factus est regni thesaurarius, deinde Episcopus Eliensis, ex tunc regni Cancellarius, deinde Archiepiscopus Cantuar. demum præsbyter cardinalis titulo sancti Sixti, postremo Episcopus Prænестinus.

Anno gratiæ millesimo trecentesimo quinquagesimo, qui est annus regni regis Edwardi à conquestu tertii vicesimus quartus, commissum est bellum nauale inter Anglicos & Hispanos quarto Calendas Septembris. Edwardus nempe Rex Angliæ cum paucis nauibus obuiauit nauigio Hispaniæ, viris bellicosus refertissimo iuxta Winchelsea. Et factò atrocissimo conflictu, multi læsi sunt ex vtraque parte. Nam tam feruens erat bellum, tam crebra vulnera inflicta ex omni parte, quod ab illo prælio vix aliquis euasit illæsus. Demum (Deo volente) victoria cessit Anglis. Captæ sunt ibi igitur 26. naues magnæ, reliquis submersis, vel in fugâ versis. In hoc conflictu dum Hispani timidi & superbi, atque fidentes in robore suo, & strenuitate dedignantur se reddere iussu Regis Edwardi, omnes miserabiliter perierunt, alii ferro cæsi, alii aquis submersi. Hoc anno obiit magister Thomas Bradwarden Cantuariensis Archiepiscopus, cui successit magister Symon Islep.

De bello apud Winchelsea.

Eodem anno cū magna veneratione facta est translatio sancti Thomæ Herefordensis Episcopi, Rege præsentē cum nonnullis Ecclesiæ Anglicanæ prælatis, regniq; nobilibus & aliis plebeis in multitudine copiosa. Eodem anno factum fuit duelum in palatio Regis apud Westmonast. inter dominum bastard filium Philippi regis Francorum, & quendam militem de Ypres, cessitque victoria Iohanni præfato. Annus iste erat Iubilæus, quo multi de populo vtriusque sexus, pro gratia remissionis suorum peccaminum consequenda, Romam sunt profecti. Quo quidem anno, venerunt in Angliam pœnitentes viri nobiles & alienigenæ, qui sua nuda corpora usque ad effusionem sanguinis, nunc flendo, nunc canendo acerrime flagellabant, tamen (vt dicebatur) nimis hoc faciebant inconsulte, quia sine licentia sedis Apostolicæ.

Translatio sancti Thomæ Herefordensis.

De anno Iubilæo.

Anno gratiæ millesimo trecentesimo quinquagesimo primo, qui est annus regni regis Edwardi à conquestu tertii vicesimus quintus, Wilhelmus de Edyngdon Wintoniensis Episcopus, regni thesaurarius, & vir magnæ prudentiæ, & qui plus Regis dilexit commodum quam communitatis: excogitauit, & fecit insculpi nouam monetam, scilicet grossum, & dimidium grossum, sed hæc erant minoris ponderis, quam correspondens summa sterlingorum. Quæ res fuit ex post occasio, quod victualia siue mercimonia fuerunt per totam Angliam magis cara. Operarii vero & artifices, ac seruientes prouide callidiores solito sunt effecti. Contra quorum astutiam & superbiam, nequitiam & avaritiam, ordinata sunt statuta per parliamentum ad Westmon. Ex post anno regni Regis Edwardi tertii à conquestu 28. & 35. sed parum ante nihil communibus profecerunt.

De fabricatione grossorum & dimidii grossi.

Anno gratiæ millesimo trecentesimo quinquagesimo secundo, qui est annus regni Regis Edwardi à conquestu tertii vicesimus sextus, in vigilia Assumptionis beatae Mariæ, dominus Walterus de Bendeley miles egregius, & custos Britannix Armorix iuxta Mauron inter villas de Reynes & Plumerel, cum trecentis hominibus armatis & totidem sagittariis debellauit, & visit Mareschallum Franciæ venientem hostiliter contra eum, cum exercitu excessiuo. Nempe ex parte Gallicorum cæsi sunt ibidem viri nobiles, id est, domini tredecim, milites vero centum quadraginta, scutiferi quoque centum, tot autem pedites, quod eorum numerus non facile poterat deprehendi. Capti sunt ibidem insuper nouem domini, milites & armigeri centum quadraginta. Gallici & Britanni per hunc euentum sunt maxime consternati, & eorum fastus & superbia inclinati. Obit Clemens Papa, cui successit Stephanus Episcopus Hostiensis, qui Innocentius sextus est vocatus. Eodem anno Haymo Atthe Episcopus Rossensis, sponte & vtorie renuntiavit episcopatu, resignans illum in manus Papæ. Cui Papa prouidit de magistro Ioanne de Schepey monacho & priore dictæ sedis. Sub quo tempore incepit magna caristia rerum venalium, id est, ferri, plumbi, æris, & omnium aliarum. Eodem anno Wilhelmus dux Selandiæ duxit in uxorem filiam Henrici Comitis Lancastriæ.

De bello Mauronæ & probitate domini Walteri de Bendeley.

Obit Clemens Papa 6.

Anno gratiæ millesimo trecentesimo quinquagesimo tertio, qui est annus regni Regis Edwardi à conquestu tertii vicesimus septimus, tenuit Rex Parliamentum apud Westmonast. post festum Pasche, in quo statutum est inter cetera, quod seruientes &

Statuta sunt in parlamento Londoniæ, sed frustra.

P

tes &

tes & operarii & ceteri frequentatores seruilis operis de cetero pro dietis suis sine annuis famulatibus plus mercedis vel stipendii non accipiant, quam solebant accipere ante annum pestilentia quouis modo. Præterea statutum est ibidem, ut panni venales per totam Angliam sint in longitudine & latitudine, sicut olim statutum est apud Northamptoniam. Et quod omnia molendina & alia quæque impedimenta nauium, limborum, & omnium aliarum vectuarum per riuos aquarum omnium in Anglia, tollantur & deleantur. Quæ omnia exposita (mediante pecunia & singulari dominorum amicitia) stare permittebantur ad communium detrimentum. Eodem anno tanta fuit siccitas à mense Martii, usque ad mensem Iulii, quod vix per totum tempus hoc plueret super terram, unde contigit, ut sementa, herbae, & omnia alia olim fructifera perierunt. Ob quam causam Anglia semper fertilis, ab aliis regionibus petere alimoniam coacta est. Cuius miserie condolens Wilhelmus dux Selandia, naues plures onustas siligine Londonias destinauit, quæ non parum profecit incolis regionis. Hoc anno Henricus comes Derby & Lancastria apud Westmonasterium dux Lancastriae est creatus, & Radulphus de Stafforde, comes Staffordia factus est.

*Præmissus dux
Lancastria.*

*De prolocutione
concordia inter
Regem Francia
& Angliam, quæ
frustra fuit dolo
Francorum.*

Anno gratia milleesimo trecentesimo quinquagesimo quarto, qui est annus regni Regis Edwardi à conquestu tertii vicesimus octauus, facta est concordia & iuramento firmata inter Reges Angliæ & Franciæ, excepto quod sigilla eorum adscripta indentata nondum fuerant apposita. In quibus continebatur, quod Rex Angliæ haberet omnes terras suas ducatus Aquitannia, quas sibi Rex Franciæ iniuste usurpauerat, si Rex Angliæ totum ius & clameum, quibus regnum Franciæ vendicabat Regi Francorum remitteret, ac imperpetuum renuntiaret, super quo negotio ex parte Regis Angliæ missi sunt solennes nuntii ad Romanam curiam, videlicet, dominus Henricus Lancastria, Rich. Comes Arundelia, Wilhelmus Norwicensis Episcopus, & Guido de Bryan, ut dominus Papa dictam concordiam confirmaret. Sed dolo & fraude Gallorum, quibus iugiter adhærebant, una cum conniuentia domini Papæ à concordia est discessum. Rex vero Edwardus ex hoc non modicum exasperatus, copioso exercitu congregato, regnum Franciæ confestim intrauit, ac illud vastare cepit.

Hoc anno feria tertia in hebdomada Pentecostes, combusti sunt apud Aunionem duo fratres Minores, pro quibusdam erroneis opinionibus prout Domino Papæ & suis Cardinalibus videbatur. Illo quippe anno, grandis seditio inter laicos & Scholares Oxonienses est exorta: Laici nempe collecta multitudine virorum de patria conuicina, in scholares atrocissime irruerunt, & quosdam vulnerauerunt, quosdam crudeliter peremerunt. Tandem more prædonum bona Scholarium diripientes, eos de villa fugere compulerunt, propter quod Oxonia diu postea erat supposita Ecclesiastico interdicto, sed demum mediantribus regni magnatibus, & eorum amicis, pax inter eos tali pacto firmata est: ut ciues Oxonienses, qui causas discordia ministrauerat, firmiter & perpetualiter obligarent se nunquam de cetero scholaribus Oxoniensibus fore nociuos, vel eis læsionem aut iniuriam illaturos: regimenque totius villæ cancellarius vniuersitatis, qui pro tempore fuerit, & nullus alius saltem laicus imposterum obtineret. Eodem anno per consilium Regis Angliæ stipula lanarum de Flaidria reuocatur cum omnibus ad eam pertinentibus, & stabilitur in Anglia, sed tamen diuisim per loca, videlicet Westmonasterii, Cantuariæ, Cicestræ, Bristoll. Lincolniz, & Hull. in omnibus libertatibus, consuetudinibus, & iuribus eidem concessis imperpetuum. Per idem tempus transfretauit Henricus dux Lancastriae cum magnificentia & honore ad ineundum singulare certamen Parisius cum Duce de Brounswike, qui res suas deprædatus est, cum rediret de Romana curia, sed interuenientibus dominis nihil actum fuit.

*De venditione
lanarum.*

*Transfretatio
duci Lancastria.*

*Princeps accepto
principatu Aquitannia trans-
fretatus.*
*Mors regis Fran-
cia.*

Anno gratia milleesimo trecentesimo quinquagesimo quinto, qui est annus regni regis Edwardi à conquestu tertii vicesimus nonus, dum rex Angliæ teneret consilium apud Westmonasterium nuntiatur eidem Philippum regem Franciæ fore mortuum, & Iohannem filium eius in Regem Franciæ coronatum, eundemque Iohannem Carolo filio suo seniori, qui dictus est Dolphinus de Vienna, ducatum Aquitannia contulisse. Quibus auditis, Rex Angliæ indignatus, aduocato coram suis proceribus domino Edwardo primogenito suo, illi ducatum Aquitannia assignauit, quia sibi iure hereditario pertinebat, præcipiens, ut se contra suos aduersarios tueretur. Qui mox una cum patre suo imploraturus auxilium, in Anglia loca sanctorum visitans, diuersis diuersa munera condonauit. Quo tempore Rex pater apud Westmonasterium caput sanctissimi

*De capite sancti
Benedicti.*

- atissimi obtulit Benedicti. Deinde Princeps Walliæ Edwardus præfati Regis primogenitus 2. Calend. Iulii paratis omnibus in expeditionem tanti negotii, ac comitantibus eum Comitibus de Warwike, Suffolk, Sarum, & Oxon. & mille hominibus armatis, totidemque sagittariis, in natiuitate sanctæ Mariæ apud Plymmouth velificare cepit. Igitur cursu prospero perueniens Aquitanniam, à nobilibus regionis honorifice susceptus est. Quibus aduentus sui causam notificans, & habita deliberatione optima, decimo die Octobris equitare cepit, transiens per patriam de Iuliack sibi subiectam, deinde per patrias de Armenack de la riuier. Cunyngerslee, Tholous, Carcafon, & Nerbon iuxta mare Græcum, villasque quamplures, quasdam muris clausas per octo hebdomadas eundo & redeundo, captis prædis & spoliis igne deuastauit, nulla resistantia sibi facta. Ex tunc hiemauit ibidem. Interim proceres sui multas villas muratas & castra sibi subiugauerunt, quamobrem territi multi nobiles, sese cum suis dicto domino Principi submittentibus, fide Anglici deuenerunt. Hoc anno circa principium mensis Nouembris Rex Angliæ Edwardus audiuit Iohannem Regem Franciæ ad sanctum Audomarum uelle expectare aduentum suum, & paratum ad dimicandum contra eum. Qui mox Calesiam transfretauit cum duobus filiis suis, Leonello Comite Ulton, & Iohanne de Gaunt Comite de Richemund, ac domino Henrico Duce Lancastriæ, Comitibusque Northamton. Marchiæ, & Staffordiæ, aliisque magnatibus & hominibus armatis, scilicet ad duo millia bellatorum.
- 20 Secundo die Nouembris egressus Calisiã, profectus est versus sanctum Audomarum, ubi putauit Regem Franciæ cum ingenti exercitu expectare. Sed rege Angliæ appropinquante, Rex Franciæ retrocessit, vastando patriæ suæ victualia, ne eis Anglici fruerentur. Quem sic fugientem rex Angliæ insecutus est usque Heden. Et visis defectu victualium, vecordiaque sui aduersarii, rediit vastando totam patriam per dies decem. Et dum hæc agerentur, Scoti subdole & nocturno tempore ceperunt villam de Berewico, nullos nisi resistentes occidendo, castrum tamen remansit in manibus Anglicorum, ob quam causam Rex Angliæ reuersus est. Eodem anno in Parlamento apud Westmo. concessum est regi, ut habeat de quolibet sacco lanæ, per sex annos sequentes proximo 50. solidos. Eodem anno septimo idus Ianuarii natus est Regi Edwardo
- 30 apud Woodstock filius, & vocatum est nomen eius Thomas.

*De transfreta-
tione Regis An-
glia.*

*Fuga Regis Fran-
cia.*

*Villa Berewici
captur per Sco-
tos.*

Anno gratiæ millesimo trecentesimo quinquagesimo sexto, qui est annus regni Regis Edwardi à conquestu tertii tricesimus, Rex Edwardus adiuit partes boreales cum exercitu populoso, ut villam de Berewick eriperet de Scotorum manibus perfidorum. Igitur 13. die Ianuarii Rege Edwardo in castro de Berewike existente, & exercitu eius prope villam, Scoti sibimet metuentes, sine damno vel difficultate villam Regi reddiderunt, sed tamen quidam ex Anglis interim deuiantes captiuantur à Scotis. Confestim postea vicesimo quinto die Ianuarii apud Rokesburgh dominus Edwardus Baylyol Rex Scotiæ, regnum & coronam eiusdem transtulit in Edwardum Regem Angliæ, literis suis patentibus & autenticis inde confectis.

*Rex recipit villam
Berewici, & co-
ronam Regni Scotia
in regem Angliæ
transfertur.*

- 40 Eodem anno dominus Edwardus primogenitus Edw. Regis Angliæ, Princeps Walliæ, existens in Wasconia, consulit Burdegalenses & proceres illius patriæ de aggreduendo regno Franciæ, aliisque terris sibi nondum subiugatis. Cuius propositum Comes de Armenack domini sui proditor, Regi Franciæ illico nuntiauit, & quæ mala regno Franciæ imminabant. Quod veraciter agnoscens Iohannes Rex Franciæ statim iussit prosterni omnes pontes super fluuium de Leyre, quos veteres non sine magnis expensis extruxerant. Princeps autem Edwardus hæc audiens, exercitu congregato sexto die Iulii cepit de Burdegalia proficisci, transiens per patrias de Agiues, Peregor, Lymosin, Berry, & de Saloigne. In quo transitu plures villas sibi rebelles incendit, & plures cum castris & munitionibus sibi redditas obtinuit sub
- 50 tributo. Itinerando quoque hominum armatorum plus quam sex millia captiuauit. In patria vero de Saloigne capta villa de Remorantin, castrum eiusdem sex diebus obsedit. Cui obsessi non valentes resistere castrum reddiderunt, ubi capti sunt Dominus de Cron. & Burssegraunde, aliique milites, & armati homines octoginta. Deinde progressus est per Toreigne & Peyton, & ibi prope Chaueny proceres sui septimo decimo die Septembris conflictum cum Gallicis habuere, in quo plures quam centum homines armati cecidere perempti. Sed etiam Comites de Aunser, & de Synny ac Seneschallus Regis Franciæ cum centum hominibus armatis capti sunt ibidem.

Eodem anno nonodecimo die Septemb. quasi in fine anni aduentus sui in Wasconiam,

P 2

Bellum de Poyteris, & victoria miraculosa.

niam, occurrit Regi Franciæ iuxta Poyteres, cum mille nongentis hominibus, totidemque sagittariis, venientem contra eum cum septem millibus electis armatorum, aliisque armatis pausariis ac balistariis in numero excessiuo. Aderant ibi duo Cardinales, quorum vnus erat dictus Petragoricensis, ad persuadendum pacem inter gentes paratas ad bellum, à latere domini Papæ missi. Quibus cum Papa arctius iniunxisset præsens pacis negotium, respondisse fertur eidem Petragoricensis. Vero inquit, Pater beatissime, aut pacem suadebimus, aut silices & petræ clamabunt. Tanta fuit illi fiducia, quod dominus Princeps cum tanta paucitate non auderet congregi contra tot hostes, quot venerant contra eum. Hoc autem à semetipso non dixit, sed cum esset Pontifex illius temporis, prophetauit de euentu belli futuri. Quia cum sagittarii nostri omnes sagittas expendissent, in hostes leuauerunt de agro petroso lapides, & cominus accedentes proiecerunt in Gallicos, percutientes galeas, cassides atque clypeos eorundem, ut sonus proueniens ex petrarum ictibus in campi circuitu reboaret, & sic quodammodo impleta est prophetia Cardinalis, qui spondit, dicens, quia pacem habebimus aut lapides clamabunt: sed hoc postmodum. Igitur cum Cardinales inter vtrunque populum diligentissime discurrissent, & vidissent se non posse persuadere pacem, indignantes recesserunt. Et mox acies conuenerunt, ubi primo fractis lanceis cum gladiis, securibus & bipennibus rem egerunt. Ibi claruit victoria domini Iac. Arundel militis, qui potenti virtute confregit, & perforauit aciem Gallicorum, & fuit ipso die necis occasio hostium plurimorum. Ibi patebat fides & constantia Comitum de Warwick & de Southfolk, & ceterorum procerum, qui tam animose, tam feruide, tam atrociter pugnauerunt, donec manus gladiis & securibus obrigueissent eorundem. Nec minus laudabilis erat ipse Princeps & Dux exercitus Anglicani, qui non solum se ducem exhibuit in hoc bello, sed probatum militem & expertum, vniuersa tentans, audiens & faciens, quæ miles fecerat animosus. Nec momentanie vel leuiter transit ista pugna. Sed tribus vicibus eo die præ multitudine superuenientium hostium oportebat Anglicos bellum instaurare. Tandem Deo nostris tribuente longanimitatem, & immittente Gallicis formidolositate, nostris insistentibus. Galli fugerunt, occisis prius ibidem duce de Burbon & Athenis, Episcopo de Chaluz, aliisque dominis & nobilibus ad numerum viginti duorum, militibusque peremptis ex hominibus armatis præelectis duobus millibus, & de communibus octogintis. Rex insuper Franciæ captus est ibidem, & Philippus filius eius iunior. Capti sunt etiam domini Iacobus de Burbon, & Archiepiscopus Senonensis, ac Comites vndecim, domini nobiles viginti duo, milites & homines armati plusquam duo millia. Quidam vero asserunt fuisse peremptos in hac pugna duos duces, decem & nouem magnos dominos, & quinque millia armatorum, vulgus autem, quod sub numero non cadebat. Expedito, finitoque præfato bello, Princeps rediit Burdegaliæ cum gloria & triumpho, ducens secum Iohannem Regem Franciæ, ubi acceptus est à clero honorifice, atque ciuibus cum omni gaudio & honore. Dominus Henricus dux Lancastriæ dum hæc agerentur in Britannia circa obsidionem ciuitatis Rauensis moram traxit, quam ex post obtinuit.

Princeps rediit in Angliam cum rege Franciæ captiuo.

Anno gratiæ millesimo trecentesimo quinquagesimo septimo, qui est annus regni Regis Edwardi à conquestu tertii tricesimus primus, dominus princeps Edwardus cum Iohanne Rege Franciæ & filio eius Philippo, aliisque magnatibus, rediit in Angliam de Wasconia, & quinto die mensis Maii applicuit in portu de Plymmuth cum præda nobili captiuorum. In vicesimo autem quarto die mensis eiusdem, ducens secum dictum Regem Franciæ, captiuosque prædabiles, per pontem & ciuitatem Londoniarum, & ingressus circa horam diei tertiam, tendendo versus Westmonast. ubi fuit circa eos tanta populi multitudo in auditum videre mirabile, quod vix impediēte populo post meridiem potuerunt ad palatium peruenire. Et cito post missi sunt in Angliam ex parte domini Papæ duo Cardinales, pro pace reformanda inter duo regna, dominus videlicet Tarilaudus Episcopus Albanensis, & Nicholaus titulo sancti Vitalis. Tertius vero Cardinalis venit in Angliam gratia visitandi regem Francorum, qui in Anglia moram traxerunt biennalem, sæpius cum regibus & eorum consiliis colloquentes, sed tandem discordes recesserunt.

De gente sine capite in Francia.

Sub hiis diebus confurrexit in Francia illa famosa societas, quæ Gens sine capite vocabatur, quæ primo parua, postea magna aggressa, magnam Franciæ partem occupans sine legibus, expulsi vel subactis locorum dominis, subiugauit. Erantque non tantum de vna gente vel natione, sed de pluribus regionibus congregati. Hoc anno

anno Daud le Brus Rex Scotorum circa festum omnium Sanctorum de diutina custodia, qua tenebatur in castro de Odiam, liberatur, mediante redemptione centum millium marcarum soluendarum in proximo sequentibus decem annis, præter expensas hospitii sui. Eodem tempore orta est tempestas grauissima, tam in terra quam in mari, quam maxima infortunia sunt secuta. Quo quidem anno concessum fuit domino Iohanni Regi Franciæ soluere pro redemptione sua sexcenta millia florenorum circa festum S. Martini. Sed ista conuentio fuit facta ante, id est, in mense Maii, secundo die mensis eiusdem. Ad habendam ergo maiorem securitatem istius summx soluendæ, postulatur ex parte Regis Angliæ habere potentiores & valentiores personas regni Franciæ in obfides, sed huic petitioni noluerunt Gallici consentire, quamobrem vicesimo die Nouembris responsum est Francis, vt se defendant & præparent ad bellandum. Eodem anno Calendis Aprilis relaxatur interdictum Oxoniæ, quod auctoritate domini I. Episcopi Lincolniensis propter clericidium & sacrilegia anno proximo præterito fuit illatum. Isto anno obiit mater domini regis Edwardi tertii domina Isabella, die sancti Ruffi martyris, & vicesimo septimo die Nouembris in Ecclesia Fratrum Minorum Londoniis sepelitur nondum dedicata. Hætiludia insuper hoc anno Londoniis facta sunt præsentibus regibus Angliæ, Franciæ, Scotiæ, & plebe numerosa.

Anno gratiæ millesimo trecentesimo quinquagesimo octauo, qui est annus regni Regis Edwardi à conquestu tertii tricesimus secundus, immediate post Septuagesimam tenuit Rex Angliæ parliamentum apud Westmonasterium, vbi de pace reformanda inter duo regna, persepe colloquentes nusquam concordarunt. Quo quidem tempore magna controuersia coram summo Pontifice facta est inter magistrum Richardum Fizraf primatem Hiberniæ Armachanum videlicet, & clerum Anglicanum ex vna parte, & quatuor ordines mendicantium ex altera, super statu & regula eorundem Fratrum. Qui videlicet Armachanus opiniones suas erga Fratres coram summo Pontifice diu, pluresque sustinuit, & ipsos manifeste à suis deuiasse regulis multis rationibus demonstrauit. Sed tandem (proh dolor) clero Anglicano sibi subtrahente promissa, & exuberante in curia Fratrum satis magna pecunia, adhuc lite pendente, Fratres sua priuilegia sicut per antè sub data noua obtinuerunt. Eodem anno frater Iohannes Lile Eliensis Episcopus nimis iniuste fatigatus, anno proximo elapso contra voluntatem domini Regis ad curiam transfretauit, propositisque causis ibidem de iniuriis sibi illatis, & suæ Ecclesiæ per dominam Blanchiam de Wake & alios de consilio suo, coram domino Papa motus est. Idem Papa vehementer & omnes aduersarios dicti Episcopi fecit excommunicari publice, mandans per litteras suas domino I. Lincolniensi Episcopo, & aliis quibusdam prælatis Angliæ, vt si quos nouerunt dictorum excommunicatorum mortuos & sepultos, à sepulchris extraherent, quod & factum est. Vnde Rex indignatus, quia dictorum excommunicatorum quidam erant de consilio suo, dictos prælatos grauiter infestabat. Quade causa venerunt quidam missi de curia Romana ex parte dicti Episcopi Eliensis, obuiantes domino I. Roffensi Episcopo (tunc regni Thesaurario) armati tradentes litteras Apostolicas violenter dicto thesaurario, quarum tenor communiter ignoratur, & illico euauerunt, quos regales insequentes quosdam captos incarcerabant, & coram Regis iustitiariis morti condemnatos, in carcere atque furcis interfecerunt. Eodem anno Normannia & Britannia Armorica graui clade vastantur per Philippum fratrem Regis Nauariæ, dominum Iacobum de la Pype, & Robertum Knolles, aliosque complures Anglicos, quos sine iussione regis Edwardi, qui in illis regionibus per tres annos & amplius hostiliter permanserunt. Ex quibus Robertus Knolles ex paupere mediocrique valetio mox factus ductor militum, ad diuitias vsq; regales excreuit ibidem. Quo tempore quidam natione Wasco surrexit in Francia, vulgariter nuncupatus Archipræbyter, ducens vnam magnam comitiuam per diuersas partes Franciæ, ipsas hostiliter deuastando, & potissime prouinciæ regionem.

Anno gratiæ millesimo trecentesimo quinquagesimo nono, qui est annus regni Regis Edwardi à conquestu tertii tricesimus tertius, 14. Calend. Iunii dominus I. de Gaunt, Comes Richmundiæ Blanchiam filiam Henrici ducis Lancastriæ consanguineam suam de dispensatione curiæ, apud Radingum duxit uxorem. Eodem tempore dominus I. Rex Franciæ sub vmbra pacis & dolose obtulit Regi Angliæ Flandriam, Picardiam, Aquitanniam, aliasque terras quas equitauerat & vastarat, pro quibus omnibus ratificandis idem Rex Edwardus in Franciam nuntios suos direxit, quibus

*De parlamento
apud Westm. &
archiepiscopo Ar-
machano disce-
pante contra or-
dines Mendicanti-
um.*

*Normannia &
Britannia va-
stantur per R.
Knolles.*

*Rex transfreta
uit ad frangen-
dum fastū Fran-
corum.*

omnibus Franci contradixerunt, unde motus rex Anglię, celeriter se & suos præpara-
uit ad transfretandū, ducens secum Principem Wallię Edwardum suum primogeni-
tum, Ducem Henricum Lancastrię, & fere procures omnes, quos comitabantur
vel sequebantur pene mille currus, habuitque apud Sandwicum instructas optime
vndecies centum naues, & cum hoc apparatu ad humiliandum Francorum fastum
Franciam nauigauit, relicto domino Thoma de Woodstock filio suo iuniore, ad-
modum paruulo, Anglici regni custode, sub tutela tamen. Igitur vicesimo septimo
die mensis Octobris peruenit Calesiam, & quarto die mensis Nouembris diuiso exer-
citu suo in tres turmas propter victualia, vnam turmam fortem Henrico Lancastrię
duci commisit, Edwardo vero Principi turmam aliam fortiolem, & fortissimam re- 10
tinuit penes ipsum. Deinde profecti prætereuntes ciuitates & castella, tandem in
festo sanctę Lucię prope ciuitatem Remensium peruenierunt, vbi moram traxerunt
vsque in diem sancti Hilarii, sed nihil omnino profecit hæc mora, quia nihil eis red-
debat. Eodem die mouit exercitum versus Burgundiam: cui venit obuiam dux
Burgundię, promittens eidem septuaginta millia Florenorum soluendorum sibi fi-
deliter, si toti Burgundię parceret, & contineret ab incendiis & rapinis. Quod Rex
concessit eidem. Mansitque ibidem remis, videlicet vsque ad quintum diem post festum
sancti Gregorii Papę. Interim Normanni cum non modica classe nauium apud Win-
chelseę applicuerunt, ipsamque villam idibus Martii inuaserunt, & pro parte com-
buserunt, ac omnes sibi resistentes interfecerunt, sexui, ætati, vel ordini nil parcendo. 20
Matronas insuper & virgines ac mulieres illorum oculis blandientes captiuas ad na-
ues duxerunt, & plurima spolia asportauerunt, & tandem sine læsione aliqua recesserunt.
Quorum vnum facinus isthic ponam, cum Franci applicuissent existentibus mul-
tis, tam viris quam mulieribus, tempore missarum in Ecclesia, ad eandem Ecclesiam
cum omni festinatione cucurrerunt, & interficientes multos, & deprædantes Eccle-
siam, aspexerunt inter ceteros quandam fœminam pulchram nimis & elegantis for-
mę, quę cum vicinis conuenerat, vt audiret missas. Ad quam nebulones satis intem-
peranter in eadem Ecclesia accedentes, mox suę libidini vt erant armati prostrau-
erunt. Et tam diu ei vnus post alium coeundo illuserunt, donec mulier fatigata spiritum
exhalaret. Quę cuncta cum relata fuissent, Rex Anglię turbatus nimium & exacer- 30
batus, exercitum suum versus Parisius mox conuertit. Interea prælati in Anglia vnde-
que confluxerunt ad arma cum clericis & laicis, vt per terram & mare dictis resiste-
rent inimicis. Sed cum se & suos parauissent ad pugnam, nihil actum est hostilibus il-
lis valefacientibus cum cachinno.

Hoc anno sanguis effluxit de tumba domini Thomę quondam comitis Lanca-
strię apud Pontem fractum. Eodem anno Rex Edwardus incepit nouum ædificium
in castello de Windesor, vbi natus fuerat. Ob quam causam illum locum ampliori-
bus ædificiis & splendidioribus decorare præ ceteris procurauit. Cuius operis consti-
tuit superuiforem dominum Wilhelmum de Wicham, virum prouidum & discre-
tum. Eodem anno obierunt viri nobiles & præclari Rogerus Comes Marchię, Tho- 40
mas Comes Oxon. I. le Gray tunc Seneschallus Anglię, Galfridus le Say, & multi.
Et de exercitu domini Regis in partibus transmarinis plures quam mille nominati
perierunt. Obiit etiam hoc anno dominus Rogerus de Northburgh, Couentrensis &
Lichfeldiensis Episcopus.

Anno gratiæ millesimo trecentesimo sexagesimo, qui est annus regni Re-
gis Edwardi a conquestu tertii tricesimus quartus, tenuit Rex Natale in partibus
transmarinis, iuxta Remensium ciuitatem, mansitque ibidem (vt prædicitur) vsque
ad festum sancti Gregorii Papę, quando se conuertit Parisius, exercitum in nouem
aciebus disposuit ad bellandum, & creauit milites quadringentos. Deinde mittitur
dominus Henricus dux Lancastrię ad portas ciuitatis, hiis qui intus erant proferens 50
campestre prælium, sub hac conditione, vt si rex Anglię deuictus foret ibidem, nun-
quam postea regnum Francię vendicaret. Et accepto breui responso, quę audiuit re-
gi nuntiauit. Mox noui milites armati cum aliis ciuitati dederunt insultum, & illico
eius suburbana destruxerunt. Per idem tempus Londonienses cum ceteris regni in-
colis congregata classe octoginta nauium, & quatuordecim millibus hominum cum
sagittariis dedecus apud Winchelseę, per prius factum affectantes vendicare, maria
perscrutando inimicos quærebant. Et tandem in Franciã applicantes, insulã de Sans
animose ceperunt. Sed tamen licet hæc omnia Franci bene satis cognoscerent, rumor
facti ad Edwardum regem nondum peruenerat. Igitur præuenire cupientes hos rumo-
res,

res, dominus abbas Cluniacensis, comes Tankeruil tunc Franciæ Seneschallus, Bursegaldus constabularius dicti regni, & nonnulli alii viri venerabiles, de consensu domini Caroli regentis Franciam, conuenerunt ad regem Angliæ, pacem finalem & firmam ostensis conditionibus inscriptis humiliter postulantes. Quæ cum deliberatione inspectæ domino regi & consilio minime placuerunt, vnde rex commotus prohibuit ne sollicitarent eum amplius, nisi habita ad eius beneplacitum prolatione prædictorum. Et in crastino octauis Paschæ conuertit signa cum exercitu versus Aurelianum prædando, vastando, & igni consumendo plurima, quo tempore ingruerat tam sæua tempestas & inaudita, vt plura millia hominum & equorum in regis exercitu itinerando perirent, subito mortua corruendo præ frigoris imminentis asperitate. Quæ tantum regem nec suos terruerunt, quin procederent cum inceptis. Circa inuentionem sanctæ Crucis dicti nuncii iuxta Carnotum domino regi formam pacis optime de communi consensu regentis & maiorum Franciæ circumspectissime ordinatam accedentes obtulerunt sub data apud ciuitatem Carnotum quintodecimo die mensis Maii, requirentes benignum dominum suum ac beneuolentiam consensumque gratiosum in scriptis ostensa, rata & grata ac firma sibi & heredibus suis imperpetuum admittere. Quibus inspiciendis sapienti deliberatione habita, rex annuit vt iuratis in corpore dominico partibus, tactisque sacrosanctis Euangeliiis, pacta stabilirentur. Mittuntur igitur ex utraque parte, Angliæ videlicet & Franciæ, duo barones, duo quoque milites, corporale sacramentum domini Caroli regentis Franciæ primogeniti I. regis eiusdem, ac domini Edwardi regis Angliæ, audire & admittere. Parisius igitur celebrata solenni missa, dictoque ter Agnus Dei, adiecto Dona nobis pacem, dictus Carolus in præsentia prædictorum & aliorum plurimum, dextram super patenam, cum corpore dominico, & leuam super Missale posuit, hæc verba proferens: Nos Carolus iuramus ad sacrosancta corpus domini & euangelia firmiter seruare penes nos pacem & concordiam formatas inter reges, & nullo modo in contrarium venire. Posthæc datis militibus reliquiis de corona Christi in testimonium omnibus valescit. Simile sacramentum dominus Edwardus primogenitus regis Angliæ proxima Sexta feria præstitit apud Louers. Ambo insuper reges & eorum filii, maioresq; vtriusque regni infra annum proxime sequentem, idem corporale sacramentum solemniter præstiterunt.

Ad corroboranda quoque complendaque prædicta & alia partes tangentia, rex Angliæ petiit & accepit maiores Franciæ in obsidatum, videlicet, dominos duces Aureliensem, Burbonensem, Lougan, Bertu, & de Bloys: comites vero de Lauson, Saint Poule, Derencourt, Pourlay, Valentinoys, Baumund, Brayne, Forest: dominos quoque de Recori, Priaunce, Valentinois, de sanct Venaunce, de Garentz, de Angest, de Merenthi, Daunfin, de Auerne, Guill. de Cram, Boys de Arecourte, I. Hugain cum aliis. Assignataque sunt dies & tempus quibus conuenirent ambo reges cum consiliis suis apud Caley prædicta consummare. Sigillatis scriptis indentatis, rex Angliæ vsque mare continuo proficiscitur, & apud Humflete ingressus mare nonodecimo die Maii in Angliam applicuit, veniensque ad palacium in festo Sancti Dunstani, quieuit paulisper, & mox I. regem Franciæ in turri Londoniis visitauit. Et facta concordia quid idem pro redemptione sua solueret, ab omni carcere liberauit. Summa vero pecuniæ soluendæ erat tres milliones Florenorum. Quibus ita gestis rex Angliæ regem Franciæ in turri & in palatio itinerando versus mare multimodis solatiis regaliter confortauit. Rex Franciæ prouide nono die Iulii transfretaui in regnum suum, deliberaturus & tractaturus cum suis de prædictis & aliis se tangentibus & regnum suum. Eo tempore in Anglia plures homines, bestię & arbores violento fulgure perierunt, & Diabolus in humana specie apparens locutus est.

Concurrentibus in vnum duobus regibus, posthæc cum suis consiliis apud Caley conuenerunt de pace & concordia præformatis apud Carnotum, & iurauerunt (vt prædicitur) eas firmiter seruare penes se. Quarum articuli erant isti, videlicet, Rex Angliæ vna cum illis quæ tenet in Wasconia habebit semper ciuitates, villas & castella, comitatus & patrias de Peyteres & de Peyton cum feodis de Tonard, & terra de Bekeuil, de Saintes, & de Saintoinge, citra & ultra la Charente, Danglefine & Daugolosinois, de Limoges & de Limosin, de Caours & de Cacursin, & de Paragort & de Paragnis, de Rodes & de Rouorgnes, de Agent & de Agenays, de Charbe, & de Bigor, & de Caure. Et si aliqui domini teneant aliquid inter limites dictorum

locorum, facient homagium regi Angliæ. Tenebitque Rex Angliæ prædicta, modo quo Rex Franciæ ea tenuit à sexaginta annis vsq; nunc, videlicet in dominio quæ sunt in dominio & in superioritate. Habebit etiam ea quæ antiquitus tenuerunt reges Angliæ in villa de Mounstroil super mare cum pertinentiis, & eorum comitatum Pontine, exceptis rebus alienatis per reges Angliæ, ad alias personas quam reges Franciæ. Quæ sic alienata si rex Franciæ teneat in præsentī, tenebitur ea reddere ac liberare regi Angliæ, exceptis terris obtentis per excambium, cum aliis terris. Quo casu rex Angliæ reddet regi Franciæ sic tradita per excambium, vel permittet alienari. Et si alienata fuit personis aliis quam regibus Franciæ per reges Angliæ, & post venerunt ad manus regis Franciæ per putagium, seu aliam iustam causam, Rex Franciæ non reddet ea nisi debeant homagium vel alia seruitia, tunc tradet illa personis quæ facient homagium, aut alia seruitia Regi Angliæ.

Habebitque rex Angliæ castella, villas, & dominium de Saleys, Meerk, Stangate, Colne, Hamme, Wale, Oye, cum omnibus suis pertinentiis, ciuitatem de la Rochel, & villam Sancti Wallerici. Habebit etiam Rex Angliæ castellum, villam, & totum Comitatum de Guysnes, cum omnibus ad se pertinentibus, tam integre, sicut Comes eiusdem tenuit in vita sua. Obedientque sibi omnes viri Ecclesiarum, & aliarum conditionum, infra limites dicti comitatus, sicut obediebant aliquando regi Franciæ, vel comiti de Guysnes. Et tenebit rex Angliæ omnia de Meerk & Caleyis contenta in præsentī articulo, & articulo præcedenti in dominio, exceptis hereditatibus, 20 quæ morantur Ecclesiis ibidem, & hereditatibus aliis in partibus illis quæ morabuntur heredibus vsque ad valorem centum librarum monetæ de patria, sed de hereditatibus infra villam de Saleys ordinet rex Angliæ ad libitum suum, & sic habitantium in comitatu, villa & terris de Guysnes, stabit dominium integrum. Rex vero Angliæ & heredes sui, omnes Insulas, patriis prædictis adiacentes tenebunt, vna cum insula quas tenent in præsentī.

Et rex Franciæ & filius suus senior pro se & heredibus & successoribus infra Sanctum Michaelē proximo tunc futurum ad vnum annum reddent, liberabunt & transportabunt regi Angliæ & heredibus suis omnes obedientias, homagia, feoda, iustitias, recognitiones, iurisdictiones, patronatus ecclesiarum, omnimodas dominationes & superioritates, & omnia iura quæ habent vel habere poterint in prædictis terris, patriis, villis & rebus aliis. Et mittent ad omnes superiores Ecclesiarum, & alios dominos temporales terrarum, patriarum, comitatum, & locorum prædictorum, vt obediant regi Angliæ & heredibus, sicut obediebant regi Franciæ, & per suas literas se acquietabunt de omnibus homagiis, feodis, seruitiis, obligationibus, subiectionibus, & promissionibus factis per aliquem eorum regi & coronæ Franciæ. Et Rex Angliæ tenebit prædicta omnia in dominio & in superioritate, quæ in superioritate. Si vero donationes aliqua, alienationes, obligationes, vel aliqua onera fiebant prædictorum per aliquem regem Franciæ à septuaginta annis vsque nunc, nulla erunt, & res alienatæ, donatæ, seu oneratæ reddentur regi Angliæ citra festum Sancti Michaelis proximo futurum, excepto quod supradictum est in articulo de Poitieu, quod permanebit in virtute sua, & exceptis omnibus collatis seu alienatis ad Ecclesias, quæ illis pacifice permanebunt. Habebit etiam Rex Angliæ, & tenebit ciuitates & patrias præfatas, quæ antiquitus non erant regis Angliæ, sicut Rex Franciæ aut filius suus senior tenet in præsentī, & infra limites patriarum prædictarum, quæ ab antiquo erant Regis Angliæ cum aliquibus rebus quæ aliquando eiusdem fuerant, vnde Rex Franciæ in possessione præfuerat in die belli de Peiton, erunt & permanebunt Regi Angliæ. Rex quoque Angliæ omnia prædicta tenebit tanquam vicinus regis Franciæ, absque recognoscere superioritatem, facere homagium, resortem, vel aliqua seruitia alia, seu recognitiones Regi seu Coronæ Franciæ. Rex quidem Franciæ & Filius suus senior, renuntiabunt dictæ resorti, superioritati, & iuri quæ habent, vel habere poterunt, quæ præsentī tractatu debent pertinere regi Angliæ. Similiter Rex Angliæ ac filius suus senior renuntiabunt omnibus, quæ per præsentem tractatum non eis traduntur, & exigentiis quas fecerunt per speciale homini vel iuri coronæ Franciæ, omnibusque homagiis & superioratui ducatus de Toraygne, Normanniæ & Britannię, & comitatus ac patriæ Flandriæ, Baniot, & Maigne, & aliis omnibus exigentiis quas fecerunt seu facere potuerunt regi Franciæ pro quacunque sic causa, exceptis illis quæ sibi traduntur per præsentem tractatum.

Rex quidem Franciæ pro sua redemptione soluet Regi Angliæ tres miliones

Scu-

Scutorum, quorum duo valebunt vnum Nobile, videlicet sex solidos & octo denarios argenti. Et omnia ista tradita Regi Angliæ permanebunt in tali securitate, ac libertate, prout sunt in præfenti, & confirmentur à dictis dominis & successoribus suis. Nec aliquis vel patria aliqua qui ante fuerant sub obedientia vnus partis, & per concordiam istam veniet in obedientiam alterius partis, pro factis præteritis damnetur. Omnes autem exhereditati vel de terris ablati vel onerati aliquo onere vel redonatione, quasi banniti, vni parti adhærentes vel alteri, & similiter de Ecclesiis causa istius guerræ restituentur in integrum cum omni iure sicut ante guerram. Omnesque fortisfacturæ indulgeantur, excepto vicecomite de Frouard, & domino Iohanne de Galard. Confederationes enim bonæ fient semper inter reges, non obstante qualicunque confederatione quam habent cum aliqua persona. Rex tamen Franciæ & filius suus senior pro se & successoribus suis regibus Franciæ se separabunt à confederationibus quas habent cum Rege Scotiæ, absque iuuare Scotos, vel confederationes facere contra regem Angliæ seu regnum suum. Similiter Rex Angliæ & filius suus senior, facient confederationibus quas habent cum Flandrensibus, valebuntque omnes collationes & prouisiones factæ durante guerra, per partes & beneficiis vacantibus, & eorum fructus morabuntur illis qui eos leuauerunt, facientque reges omnia prædicta confirmari à domino Papa, & impetrabunt absolutiones & dispensationes tangentes complementum præfentis tractatus. Poterunt studentes vtriusque regni in vtroque regno, vt sibi placuerit studere, & gaudebunt priuilegiis ac libertatibus studentium, per istum tractatum omnes alii tractatus & prælocutiones factæ temporibus præteritis annullabuntur, nec partes iuuare poterunt. Iurabitur, etiam confirmabitur præfens tractatus à duobus regibus, facietque Rex Franciæ literas confirmatorias, & alia necessaria sub manu publica, & mittet regi Angliæ, & Rex Angliæ remitter confimiles literas regi Franciæ. Fient igitur literæ optimæ de omnibus prædictis, sub sigillis vtriusque regis, & filiorum suorum, & iurabunt ambo reges & filii sui, viginti; de mari prole vtriusque regni, tenere, complere, & teneri facere atque compleri omnia prædicta, ac ponere rebelles & inobedientes vtriusque regni in veram obedientiam, & consurgent ambo reges contra tales inobedientes, & per illud renuntiabunt omnibus gentibus pro se & regnis suis futuris causa inobedientiæ prædictæ, & se supponent coertioni & correctioni domini Papæ. &c.

His ita gestis, confestim mittuntur nuncii summo Pontifici, pro pace & pactis mutuis confirmandis. Quo quidem tempore ad præceptum domini Papæ, quieuit controuersia inter clerum & ordines Mendicantium. Eodem anno erat communis mortalitas senum & puerorum.

Annogratiæ M. CCC. LXI. qui est annus regni regis Edwardi à conquestu tertii tricesimus quintus, rex Angliæ celebrato natali apud Wodstock venit Westmonasterium ad parliamentum, in quo præfentibus omnibus qui interesse debebant, proponitur concordia inter reges stabilita. Placuit igitur vniuersis dictam concordiam recipere & tenere. Quamobrem celebrata missa de sancta trinitate à Cantuariæ Archiepiscopo cum magna solemnitate, astante rege cum filiis suis & accensis luminaribus, & crucibus erectis super sacrosanctum corpus dominicum & missale, singuli qui non prius iurauerunt, hoc sacramentum præstiterunt in scriptis, Archiepiscopo Cantuariensi incipiente. Nos Nicholaus Archiepiscopus Cantuariensis iuramus ad sacrosanctum corpus Dominicum & Euangelia, firmiter seruare penes nos pacem & concordiam firmatas inter Reges, & nullo in contrarium venire. Quibus expletis, singuli suas schedulas regiis notariis tradiderunt. Rex autem Francorum cum suis nobilibus idem præstitit iuramentum. Sicque firmata pace inter duo regna, liberatus est Rex Iohannes.

Eodem anno. 6. die Maii in meridie fuit Eclipsis solis. Eodem mense Burgundiæ cecidit pluuia sanguinea, & sexto Calendarum Iunii in festo corporis Christi Bologniæ apparuit Crux sanguinea in aere à mane vsque ad horam sextam, eam multis videntibus: & tunc se mouebat, & in medio mari cecidit. Consequenter in partibus illis egressæ vulpes de syluis villas petierunt, & viuos quosdam homines deuorauerunt. Et in æstiuo tempore huius anni in Anglia & in Francia in locis desertis & planis, pluribus sæpe videntibus, subito apparuere duo castella, de quibus duo exercitus egrediebantur armatorum, quorum vnus signis militaribus ornabatur, alter vero nigro colore vestiebatur: & congregientes milites vicerunt nigros.

Interim

Interim adunati nigri milites superabant, & regredientes in castella omnia disparuerunt.

Dominus Iohannes Gaunt fit dux Lancastrie.

Et hoc anno post festum Sancti Michaelis Rosaria protulerunt rosas colorem & odorem perfectum habentes. Corui quoque & aues aliarum pullos prodixerunt. Dominus Iohannes Gaunt comes Richmundie hoc anno factus est Dux Lancastrie, iure uxoris sue filie & heredis quondam ducis Lancastrie, qui eodem anno diem clausit extremum.

De magnis comitiis.

Eodem anno illa magna & famosa Comititia de diuersis nationibus adunata, cuius Duces pro maiori parte erant Anglici, partes Francie versus Auinionem inuaserrunt, & villam Sancti Spiritus ceperunt, cum villis & castellis multis in Francia, quos nulla virtute vel arte potuit Rex Francie expellere de terra sua. Eodem tempore surrexit & alia societas, quae alba comititia vocabatur, quae transiit per prouinciam in Lombardiam, & duces huius comitiuae erant Anglici, qui aliquando erant stipendiarii, aliquando ex proprio capite discurrerunt, accipientes redemptionem de diuersis villis & castellis ac ciuitatibus, nec pene secure vixit quisquam in illis regionibus, qui non istorum beneuolentia fruebatur.

Princeps disposuit suam consanguineam.

Isto anno Edwardus Princeps Wallie desponsauit Iohannam Comitissam Cantuarii, relictam domini Thomae de Holande, quae olim fuit separata a comite Sarum militis praedicti causa. Hoc etiam anno fuit grandis pestilentia, quae viros potius consumpsit quam foeminas. Quo in tempore obiit Reginaldus Wigorniensis, Michael Londinensis, & Thomas Eliensis Episcopi. Quibus successerunt prouisione Papae Iohannes Barnet ad Wigorniensem, Symon Langham Abbas Westmonasteriensis ad Eliensem, & magister Symon de Sudbury ad Londoniensem Ecclesias. De nobilibus vero decesserunt dominus Henricus dux Lancastrie, Reginaldus Cobham, Wilhelmus Fitzwarin, & Iohannes Moubray.

Anno gratiae millesimo trecentesimo sexagesimo secundo, qui est annus regni regis Edwardi a conquestu tertii, tricesimus sextus, tenuit rex natale apud Wyndesfor, & quinto decimo die sequente ventus vehemens, nothus auster Affricus, tanta vi erupit, quod flatu suo domos altas, aedificia sublimia, turres, & campanilia, arbores, & alia quaeque durabilia & fortia violenter prostrauit pariter & impegit, in tantum, quod residua quae modo extant, sunt haecenus infirmiora. Hoc anno vendebatur libra cerae pro 18. dena. Quo etiam anno magna societas quae preualuerat in Francia & excreuerat, commisit bellum cum Francis, & vicit plures nobiles captiuando, & multa fortalitia capiendo.

Edwardus Princeps Aquitanie.

Eodem tempore Cardinalis Adrianus abbas Cluniacensis tertio die in fine Aprilis venit Londinum tractaturus cum rege & consilio suo pro redemptione regis Francie minuenda, obsidibus liberandis, & matrimonio contrahendo cum sanguine regis Angliae & Caroli Bloys, sed de his pauca vel nulla expediuit. Eo tempore fiebat Londini in Smithfield hastiludia quinque primis diebus Maii, praesente rege & regina, & maiori militia Angliae & Francie aliarumque terrarum. Ad quae venerunt Hispani, Cypri, & Armenii milites, auxilium regis Angliae requirentes contra Paganos, qui inuaserrant fines suos. Stapula lanarum non obstante sacramento regis & aliorum maiorum Angliae mutatur ad Caley. In festo Apostolorum Petri & Pauli rex Ed. 3. apud Westmonast. obtulit vestes in quibus beatus Petrus Apostolus celebrauit, & dedit per chartam suam Abbati & conuentui Westmonast. duos ceruos de venatione sua capiendos annuatim in foresta de Wyndesore. Edwardus regis primogenitus eo tempore circa festum sanctae Margarete apud Westmonasterium, praesentibus regni maioribus, suscepit a patre suo Principatum Aquitanie, fidelitate prius & homagio sibi factis, sed tamen principatum Wallie, ducatum Cornubie, comitatus Cestrie, & Cantii, non reliquit, qui circa festum Purificationis beatae Marie proximo sequentem cum uxore & tota sua familia in Wasconiam transfretauit.

Eodem anno Simon Issep Cantuar. Archiepiscopus deuotionem multorum aut infecit, aut subtraxit, literis suis parentibus sub poena excommunicationis precipiens vniuersis Ecclesiarum rectoribus & vicariis sue prouincie, & illorum subditis, ut de cetero non abstineant in festis quorundam Sanctorum, ab operibus manualibus & seruilibus, quae prius in talibus festis fieri non licebant. Si tamen benefecerit, iudicet hoc caput Sanctorum cum membris, qui mortem quondam regis Angliae Wilhelmi Rufi tradidit in manus, & arbitrium sancti Albani prothomartyris huius regni. Idem insuper Archiepiscopus assignauit & statuit, non plus dari Sacerdotibus

pro

pro annuali stipendio quam sexaginta sex solidos. 8. den. quod plures furari coegit. Eodem anno cæpit Parliamentum Londini. 17. Calen. Nouembris quod continuatū est vsq; in festum sancti Britii, quo die Rex natus fuerat, annis ætatis suæ quinquaginta expletis: vnde in suo Iubileo populo suo se exhibuit gratiosum, reis maiestatis suæ regiæ offensas indulgendo, vinctos libere abire permittendo, & exules reuocando: ad petitionem etiam communitatis, placita in lingua materna, & non Gallica versari iussit. Leonellum quoque filium suum fecit ducem Clarenciæ, & Edmundum comitem Cantabrigiæ. In dicto Parlamento concessum erat regi per tres annos sequentes recipere. 26. solid. & 8. denar. de quolibet sacco lanæ transuehendo vltra mare. Ordina-
 10 natum est insuper nullum in regno præter regem, Reginam ac duces, in posterū provisiones habere victualium, nec vt aliquid caperent, nisi denariis præsolutis, & vt hæc transgredientes stricto iudicio puniantur. Obiit hoc anno mense Augusti Papa Innocentius sextus. Cui successit dominus Gillerinus Abbas ordinis sancti Benedicti Marciliat. patria Anglicus, doctor egregius, & auditor in curia. Et. 2. Calend. Nouemb. consecratur, & vocatur Urbanus quintus. Hic cum longum tempus in curia transegisset, & nullum à Papa gradum accepisset, cuidam amico suo conquestus est
 20 dicens: Puto (inquit) veraciter o amice, etsi omnes ecclesiæ mundi caderent, nulla caderet super caput meum. Cum coronatus fuisset, accedens ad illum dictus amicus suus quondam, ait. Dudum conquesti estis pater beatissime dicens: Et si omnes ecclesiæ mundi caderent, nulla caderet super caput vestrum. Ecce quomodo Deus disposuit in hac parte. Omnes siquidem ecclesiæ mundi modo super caput vnum pariter ceciderunt. Obiit eodem anno I. episcopus Lincoln. cui successit per prouisionem I. de Buckingham, & Rob. Episcopus Cicestræ, cui successit prouisione domini Papæ magister Wilhelmus de Lenne. Eodem anno obiit domina Iohanna Regina Scotiæ, & Londoniis sepelitur. Moriebantur etiam plures morbo litargiæ, multa infortunia prophetantes: mulieres insuper decessere per fluxum, & erat cõmunis pestis bestiarū.

Obiit Papa Innocentius. 6.

Anni mortis.

Anno gratiæ M. CCC. LXIII. qui est annus regni regis Edwardi à conquestu tertii. 36. tenuit Rex natale apud Wyndesore. Quo anno Papa pluralitates reuocauit, discernens factio decretalis horribilis sufficere clerico rectoriam cum quatuor præbendis, minoribus vero minus. Iste Papa fratrem suum Episcopum Anniunoniam ordinauit. Et sequenti proxima Parasceue Iohannem regem Franciæ cū aliis regibus & proceribus cruce signauit. Prope tempus illud quidā spiritu diabolico instigati, corpus cuiusdam sacerdotis Londoniis in quatuor partes diuiserunt, quas per quatuor partes dictæ ciuitatis contemptibiliter proiecerunt: authores vero huius sceleris vsq; ad præsens latent. Eodem anno mense Octobri tenuit Rex parliamentum Londini, à quo nullus magnus se potuit absentare. In quo omne ornamentū aureum siue argenteū erat damnatū, scil. in cultellis, cingulis, monilibus, annulis, & ceteris corporū ornamentis, nisi in talibus qui possent per annum expendere decem libras. Ordinatum est ibidem etiam ne mercatores Angliæ, cum suis mercimoniis, vel ad vina quærenda de
 40 cætero transfretarent, & vt singuli artes suas exercerent, & vt nulli pannis preciosis, aut pellura vterentur, nisi qui possent expendere per annum centum libras. Et vt plebei operarii, & agricultores non vescerentur cibis delicatis aut potibus. Sed hæc omnia nullū effectum capiebant. Eisdem diebus venerunt tres reges, videl. Fraciæ, Cypriæ, & Scotiæ, visere & alloqui dominum regem Angliæ, à quo plurimum honorati, & donis donati, Reges Cypriæ & Scotiæ ad sua reuerſi sunt, sed Rex Franciæ graui morbo correptus Londonias apud Sauey diem clausit extremum. Sed hoc contigit anno sequenti. De obitu regis huius exequias Rex Anglorum in diuersis locis solenniter fecit celebrari, ac vsq; Doueriam suis sumptibus per reuerēdos viros corpus eius more regio conduci fecit, qui tandem sepultus est iuxta Parisium apud sanctum Dionysium, & regnauit pro eo Carolus filius suus maior.

Tres reges inuenerunt regem Angliæ.

Eodem anno. 7. Idus Decembris cæpit gelare, perdurauitq; gelu fortissimum vsque. 14. Calend. Aprilis. Rex Cyprii itinerando in Angliā plura perdidit per latrones. Ob quam causam Rex Edwardus concessit Londoniensibus potestatem copiosiorē malefactores iustificandi & incarceratos infra ciuitatem liberandi iusticiariis regis, vt prius solebant ad hoc non vocatis.

Latrones grauius sunt.

Hoc anno obiit bonæ memoriæ dominus Radulphus de Shreusbery, episcopus Bathoniensis, ad quam sedem translatus est magister Iohannes de Barnet, de Ecclesia Wigorniensis, & Io. de Wyttelessey de Roffensi translatus est ad Ecclesiam Wygornensem, cui successit Thomas Trilleck in Roffensem ecclesiam.

Hoc

Amena caritas.

Hoc anno fuit tanta frumenti caristia, ut venderetur summa frumenti. 15. solidis. Generale cap. nigrorum monachorum fuit hoc anno Northampton. presidente domino Thoma Abbate sancti Albani, in quo statutum est inter cetera perpetuum fieri iugemque memoriam per totum ordinem pro viuis & defunctis, in omnibus horis diurnis pariter & nocturnis.

*Carolus le Blois
in praelio succum-
bit.*

Anno gratiæ M. CCC. LXIII. qui est annus regni Regis Edwardi à conquestu tertii tricesimus octauus, tenuit rex Edwardus natale apud Wyndesore. Quo tempore Abbas de Bello itinerando versus Londinum obuiauit cuidam damnato ad furcas ex Marescalcia regis, quem virtute libertatum Priuilegiorum suorum, erectum & liberatum à mortis periculo secum adduxit. Et quamuis Rex & Magnates alii ferrent grauius factum istud, chartas tamen suas per placitum ibidem habuit approbatas. In festo sancti Michaelis Carolus le Bloys cum gente multa bellica ad numerum trium millium sexcentorum, irruit subito super Iohannem de Monte forti, & dominum Wilhelmum Latimer, dum obsiderent villam cum castro Doueroy, qui vix mille sexcentos de Anglis & Britonibus & omni gente habuerunt, vbi facto congressu absque deliberatione, ceciderunt ex parte ducis septem viri, & ex parte Caroli intrusorum, ipse Carolus cum domino de Richford, & Wilhelmo Vango, militibusque & armigeris pene mille. Et capti sunt de parte Caroli duo comites, viginti septem domini, & armati viri strenui mille quingenti.

*Christianorum
& Paganorum
eadem.*

Hoc anno, 5. idus Aprilis obiit (ut prædicitur) I. Rex Franciæ, cuius mors vtrunque regnum non modicum perturbauit. Eodem anno Longobardi mercatores sunt accusati per socios suos de magna infelicitate in mercimoniis suis facta regi, unde maior pars illorum in turri Londoniarum recluditur, quousque finem regi fecissent ad eius beneplacitum. Eisdem diebus Edmundus de Langley filius regis Edwardi, filiam & heredem desponsasset Comitis Flandriæ, nisi propinquitas consanguinitatis prohibuisset. Vnde pro habenda dispensatione missum est ad Papam, sed Rex Franciæ Carolus ne matrimonium istud procederet callide impediuit. Quæ mulier ex post copulata est Philippo fratri regis Franciæ duci Burgundiæ, qui quondam patri suo in Anglia fuerat concaptiuus. Sub eodem tempore in planis Turkeyz in die omnium Sanctorum commissum est bellum atrocissimum inter Christicolas & Paganos, vbi Christiani quamuis graui suo damno fuere victores. Attamen de Christianis ibidem cecidere principibus I. Rex Hungariæ, Siwardus Rex Gorgoniæ, & magister Hospitalis Insulæ de Rodes, & christiani ad numerum quinque millium ducentorum & decem, de Paganis missi sunt ad Tartara virorum quadraginta millia robustorum, quæ perempta sunt ibidem cum aliis popularibus, quorum numerus non potuit comprehendere. Et fuerunt principes paganorum Soldanus Babyloniz, rex Turkiæ, rex Baldok, rex Belmarinus, rex Tartarorum, & rex de Lettowe, ex quibus tres interfecti fuerunt, ut hii qui interfuerant dicto prælio referebant.

*Rex Cypria cepit
Alexandriam.*

Anno gratiæ millesimo trecentesimo quinquagesimo quinto, qui est annus regni regis Edwardi à conquestu tertii tricesimus nonus, natus est Edwardo principi Walliæ & Acquitanniæ apud Angolismum filius, & vocatus est nomine patris sui Edwardus. Hic anno ætatis suæ septimo diem clausit extremum, non tamen præmature ut plurimi asseriebant. Eodem anno Ingelranus dominus de Comyn apud Wyndesorem desponsauit Isabellam filiam regis Edwardi. 3. cum magna solemnitate. Hoc etiam anno Rex Cypriæ cepit Alexandriam magnam quæ clauis est Ægypti, perempta illic non modica multitudine Paganorum. Principes igitur prædictorum cum Soldano illud factum indigne ferentes, in numeros adunantes Sathanæ satellites venerunt contra eum: Quorum multitudini Rex & sui se cernentes omnino impares, cum non haberent exercitum, qui custodire posset tertiam partem ciuitatis, vbi consilio sapienti, depredati sunt illam partem quam ceperant, auferentes spolia & diuitias quæ quemlibet exaturare valuissent. Nempe non ceperunt nisi vnam partem vrbis ex vna parte fluminis, quia brachium quoddam marinam urbem secat. Reliquam partem tenuere pagani. Dirati nihilominus omnes fuerunt à maximo ad minorem. Et postquam spolia collegissent ad placitum, quarto die captionis eius, vel quinto, recedentes illesi, ciuitatem depredatam incredulis reliquerunt. Omnia vero genera specierum transmarinarum diu posthæc & rariora & cariorea fuere, quamuis Soldanus in despectu Christianorum proclamari fecisset in partibus, ne mercatores se subtraherent ab eadem vrbe, sed more solito illuc aduenirent, habituri tam bonum forum rerum venalium, sicut ante captionem dictæ ciuitatis, sed tamen non ita euenit. Interfuerunt autem

tem huic captioni cum rege Cypriæ plures Anglici & Aquitannici referentes tam in Angliam, quam in Aquitanniam pannos aureos, & holereticos, splendoresque gemmarum exeticos in testimonium tantæ victoriæ illic factæ.

Anno gratiæ M. CCC. LXVI. qui est annus regni regis Edwardi à conquestu tertii quadragesimus, natus est domino Edwardo principi Walliæ & Aquitanniæ apud Burdegaliæ Richardus filius suus secundus, quem Richardus Rex Nauarriorum de sacro fonte suscepit. Circa idem tempus rex Franciæ & maiores regni interpellauerunt auxilium regis Angliæ contra magnas comitiuas quæ debacchabantur in Francia, quarum ductores erant Anglici pro maiori parte, vel saltem de dominio regis Anglorum. Qui primo iussit per literas suas vt exirent Franciam, & non præsumerent illud regnum vltius infestare. Qui valde ridiculose talia mandata ferentibus responderunt, se nihil ibidem tenere de rege Angliæ, nec velle pro eodem suas munitiones relinquere, siue victum suum quæ tantis laboribus adquisiuisent. Quorum responsis exacerbatu rex Angliæ, parauit se ad transfretandum. Sed rex Franciæ cum audisset de tanto regis apparatu, timuit, putans fortassis se regnum amisurum, si contingeret regem Angliæ fore victorem. Quapropter misit ad regem, rogans vt à captis desisteret, & domi se contineret. Quæ quidem missio regem Edwardum iterum in tantum contristauit, vt iuraret per sanctam Mariam se nunquam surrecturum in auxilium regis Franciæ, licet dictæ comitiuæ regem cum suis omnibus nitantur expellere regno suo. Nihilominus exposit ad iussum regis Angliæ redditus regi Franciæ villis & castellis per prædictas comitiuas diu possessis, Bertrandus Cleikin miles insignis & belliger, cum magna comitiua processit contra dominum Petronem regem Hispaniæ, vt illum deponeret, fretus auxilio & fauore Papæ. Fuit utique iste Bertrandus semper quietis impaciens, bellum diligens plus quam pacem. Dicebatur de isto rege, quod vixit inter suos tanquam pessimus, maleficus, & tyrannus, proscribens & interficiens suos naturales homines, & quod peius est, sprete religione christiana, cum quadam se Iudæa fæmina miscuisset. Qui cum audisset aduentum illius terribilis comitiuæ, mox timore perterritus fugit in Wasconiam ad dominum principem Walliæ, poscens ab eo subsidium & iuuamen. Quo fugato, Henricus frater eius bastardus assensu maioris partis dominorum Hispaniæ siue communium, & auxilio comitiuæ prædictæ factus est rex ibidem. Erat autem numerus comitiuæ prædictæ circiter sexaginta millia bellatorum.

De magna comitiua.

Bertrandus mouens bellum in Hispania regem fugit.

Hoc anno obiit Symon Islepe Archiepiscopus Cantuariensis, cui successit Simon de Langham episcopus Eliensis prouisione Papæ. I. Barnet de ecclesia Bathoniensi translatus est ad Eliensem ecclesiam. Magister I. Harewell contemplatione domini Edwardi principis Walliæ confirmatus est à Papa in episcopum Bathoniensem. Item hoc anno obiit Wilhelmus de Edingdone episcopus Wintoniensis, cui successit per electionem, domino rege procurante, dominus Wilhelmus de Wickam, portator priuati Sigilli.

Anno gratiæ M. CCC. LXVII. qui est annus regni regis Edwardi à conquestu tertii quadragesimus primus, princeps Edwardus condolens calamitatibus domini Petronis regis Hispaniæ, profectus est in regnum illud cum electa multitudine bellatorum Angliæ, Scotiæ, Nauarriæ, Aquitanniæ & Britanniæ, & aliarum gentium plurimarum, ad quem cum multis accessit dominus Hugo de Caluerlee, deserto Henrico Bastardo, eo quod noluit stare contra dominum principem primogenitum regis sui: venit insuper ad principem dominus Robertus Knolles cum electa multitudine magnæ comitiuæ prædictæ. Qui duo de sua militia multum auxerunt, confortauerunt, & animauerunt partem eius. De Anglia venit ad eum dominus I. dux Lancastriæ cum multis valentibus militibus & armigeris, aliisque armatis. Eratque cum eo Rex Nauarriæ cum multis de gente sua. Ex aduersa parte venit ipse Henricus Bastardus, & cum eo Bertrandus Cleikin cum magna parte illius magnæ comitiuæ quæ ipsum secuta est non tantum amore quantum spe prædæ. Venerunt insuper cum Bastardo pene omnes domini & potentes Hispaniæ, & de Galliis infiniti, partim missi per regem Franciæ, partim lucri contemplatione. Saraceni præterea & vltiores Hispani, sed increduli, confluerunt cum intrusore prædicto, qui præ multitudine dinumerari non valebant. Igitur post paucos dies aduentus principis in Hispaniam, rex Nauariæ se gerens incaute captus est repente à militibus Bertrandi Cleikin. Qui tamen domino principi exposit cito fuit redditus, capto eodem Bertrando qui mortis incurrisset supplicium nisi eum protinus iudicasset. Remansit tamen idem Ber-

Rex Nauaria captus.

Q tran-

*Bellum apud
Naxos.*

*Victoria cessit
Anglis.*

trandus captiuus postea per longum tempus, captus quippe fuerat antequam acies conuenirent ad feriendum, in initio belli huius. Cito posthac acies ad inuicem percusserunt, sagittariis Anglicanis laudabiliter rem agentibus, & Hispanos vndiq; cum incredulis ferientibus. Dominus I. dux Lancastriæ, & dominus I. Chaudois miles famosissimus, quibus assignati fuerunt illi qui de magna comitiua adhæserunt principi, primam aciem habuerunt. Super hos pondus belli stetit, super hos Saracenica phalanx incubuit, super hos Hispanorum innumera multitudo diu sæuit. Sed tandem superueniente domino Roberto Knols cum electa gente quæ eum secuta fuerat, & nostra pars augetur & animatur, & pars aduersa debilitatur & terretur. Tunc retrocedunt Hispani, corruunt Saraceni, & ad inferna properant per centenos. Ipse 10 dux partis aduersæ paucifactus hiis visis, & maxime de sagittis quæ eum vndique circumuolauerant, reliquit sonipedem quem infederat, & equum velociorem infiliens festinauit ad fugam, non tamen illæsus, quia prout dicebatur erat in inguine sagittatus. Cognita vero fuga ducis sui Hispani, vltra resistendi spiritum non habentes, in fugam illico conuertuntur. Quos nostrates insequentes percutiunt, perforant, & prosternunt, quosdam captiuantes, plurimos perimentes. Captus est ibidem siquidem comes de Deue cum multis ex nobilioribus illius regni. Captus est insuper (vt prædicitur) ipse Bertrandus Cleikin, qui fuerat principalis consiliarius ex parte Bastardi, & dux primæ aciei. In hac pugna etiam & fuga prædicta occisi sunt ex gente Hispanica & auxiliariis plures quam septem millia bellatorum. In fluuio nempe de 20 Nazar suffocati sunt multi rapaci gurgite illius aquæ, in tantum, vt vnda appareret rubra vel sanguinea per spacium milliarii, præ numerositate vulneratorum, vel illic precipitantium, vt ibidem per Anglicos peremptorum. Commissum est prælium istud tertio die Aprilis, vel vt quidam volunt, in vigilia Dominicæ annunciationis. Igitur obtenta tanta victoria, princeps illustrissimus præfatum dominum Petronem restituit in regnum suum. Qui ex post ingratus & infidelis eidem principi non tenendo præmissa, initium magnorum dolorum fuit illi. Reuera cum sperasset de eo recepisse pecuniam cum qua satisfecisset suis conductitiis, & præcipue magnæ comitiuæ quam de Galliis accersiri fecerat, deficiente ipso in præmissis, confringi & 30 comminui fecit vasa sua aurea & argentea, & monetam exinde fieri, quam suis stipendiariis erogauit, ipso paupere remanente. Misit præterea quendam ex suis militibus vt caperet nomine suo seisinam in comitatu de Algezira & aliis terris quas idem rex Petro sibi præconcessit, sed nunquam tamen fuit in possessione pacifica de eisdem, & ita regressus est in Aquitanniam, depauperatus nimium, quia consumpserat omnes thesauros suos in hac expeditione (vt præfertur.) Ob quam causam compulsus est manus mittere ad bona subditorum suorum, & in toto dominio Wasconienfi nouas taxas exigere & insuetas. Quamobrem cito postea defecerunt ab eo, & rebellare ceperunt. Sed hæc postea. Per idem tempus Bertrandus Cleikin soluens redemptionem suam, à captiuitate liberatur, & pergens in Hispaniam regi Petro reconciliatur. Persuasit igitur sibi tanquam communis amicus & pacis moderator, vt reciperet Henricum 40 Bastardum fratrem suum in gratiam, quem promisit futurum fidelem sibi. Cuius verbis credens, idem Petro iussit vt ad eum adduceret, spondens se omnem rancorem & cunctas forisfacturas remissurum. Procurauit proinde idem Bertrandus, vt dictus Henricus adueniret cum armata manu, eo tempore quo rex sedebat in prandio, & subito præoccupatum lancea perforaret. Quod & factum est, & mox Bastardus inuasit regnum iterum, adeptus proditiōe quod non potuit aperto Marte. Edwardus princeps per idem tempus (vt dicebatur) intoxicatus fuit, à quo quidem tempore usque ad finem vitæ suæ nunquam gauisus est corporis sanitate. Sed & plures strenui & valentes post victoriam Hispanicam, fluxu ventris & aliis infirmitatibus perierunt ibidem ad magnum detrimentum Anglicani regni. 50

*Edwardus in-
toxicatur.*

Eodem anno circa principium mensis Maii Papa Vrbanus quintus de Anniunia cum plena curia se transtulit versus Romam, quo circa festum sancti Lucæ euangelistæ sanus peruenit, & summo cum honore ab omnibus est receptus, quia à tempore Papæ Bonifacii octaui ibidem visus fuerat Papa nullus, statimque loca sancta collapsa & ecclesias dirutas reparauit, reliquias sanctorum auro, argento & gemmis præciosis pulcherrime decorauit, & multa bona fecit ibidem propter quæ infinitas benedictiones post mortem ab omni populo reportauit.

Anno gratiæ M. CCC. LXVIII. qui est annus regni regis Edwardi à conquestu tertii quadragesimus secundus, mense Martio visa est stella Comata inter partes Septentriona-

trionales & occidentales, quæ versus Franciam radios suos porrexit. Quo anno mense Aprilis Leonellus dux Clarenciæ regis Edwardi tertii filius cum electa multitudine nobilium Anglicorum transiit versus Mediolanum, ad accipiendum in uxorem filiam domini Gallias domini Mediolani, cum qua medietatem eiusdem domini fuerat habiturus. Sed tamen modico tempore super coniuge vel dominio gaudere permissus est, morte (quæ cuncta disiungit & separat) mox præuentus. Celebrato nempe inter eos cum maxima gloria matrimonio, Leonellus circa festum natiuitatis beatæ Mariæ proximo sequentem diem clausit extremum.

Eodem anno Franci pacem fregerunt, equitantes in terras Angliæ in comitatu de Pounty, castella, villas, oppida, & munitiones ex insperato capientes, partim vi, partim prodicione, homines vero regis Angliæ quosdam peremerunt, quosdam captiuauerunt, rege Franciæ hæc omnia ignorante. Et ad circumueniendā regis Franciæ innocentiam, Rex Angliæ versutus & dolosus misit ei nuncios qui dicerent eum fore paratum soluere quod residuum fuerat de redemptione patris sui quondam regis Franciæ Iohannis, & omnes condiciones pacis apud Caleyas factas obseruare. Interea princeps Walliæ direxit nuncios ad patrem suum de Wasconia, mandans per litteras suas, ne Francorum regi fidem daret, qui proculdubio paratus fuit ad decipiendum eum, & iam pacem fregerat, vastando terras suas. Sed Rex Angliæ quorundam ductus consiliis qui dicebant principem temerarium & quietis impatientem, quippe qui nihil magis quam bella cupiuit, & ob id infamauerat regem Francorum satis innocentem, filii sui litteras monitorias paruipendit. Eo tempore Rex Franciæ ad decipiendum plenius regem Angliæ misit ei vina de Bohemia, & alia donatiua indicia bonæ fidei & dilectionis. Et factum est, adhuc Gallicis nunciis cum rege existentibus, noua deportantur ad regem, quod Rex Franciæ diripuisset hostiliter pagum Pōtinum, villas vastasset, & homines captiuasset. Insuper & magnam villam & fortem de Abuile cepisset, & prædas multas cepisset ibidem. Cum autem audisset Rex de captione de Abuile, contristatus est valde, & nunciis quidem præcepit cum donis redire, nolens eis damna inferre. Sed iussit eis ut referrent regi suo eius se infidelitatem quam maxime detestari, quam proculdubio lueret in futurum. Quibus domum properantibus, Calesienses facti sunt obuiam, & vina diripientes, Calesiam adduxerunt. Franci nihilominus ut erant semper fraude & dolositate pleni, causam fractionis pacis cautelose & subdole imposuerunt Anglicis. Hoc anno mense Octobri dominus Simon de Langham Archiepiscopus Cantuariensis creatus est in Cardinalem, & sequenti anno mense Aprilis versus curiam iter cepit. Igitur Papa transtulit magistrum Wilhelmum de Wittlessey episcopum Wigorniam, ad ecclesiam Cantuariensem, & magistrum Wilhelmum de Lenne episcopum Cicestriam ad ecclesiam Wigornensem, & magistrum Wilhelmum Reed ad episcopatum Cicestreensem promouit.

Anno gratiæ M. CCC. LXXIX. qui est annus regni regis Edwardi à conquestu tertii quadragesimus tertius, circa finem mensis Maii rex Edwardus tenuit Parliamentum apud Westmonasterium, in quo tractauit de rupto fœdere inter ipsum & regem Francorum. Quapropter sicut olim totum regnum Franciæ iterum vendicauit. In cuius rei negotium circa festum Natiuitatis beatæ Mariæ misit filium suum I. ducem Lancastriæ, & Humfridum de Boun, comitem Herefordiæ, cum valida manu militum in Franciam ad pugnandum pro iure suo. Qui ducentes exercitum versus montem Morianum, qui vulgo dicitur le Chalkhil, prope Calesiam, in quo conserat Francorum exercitus aduentum Anglicanæ militiæ præstolando, ad oppositum montis illius tentoria sua fixerunt. Dux igitur illic adhibitis certis dominis ad corporis sui custodiam qui nocturnum vigiliis inter se diuiderent, pro tutela sua, diu moram ibi protelauit, tam inutilem quam damnosam. Erant ibi tunc multi valentes barones & milites, qui cernentes plebem Anglicanam quotidie fame, pesteque perire, eo quod primum nullum sinebant pabulatum egredi, decreuerunt pugnare cum Gallicis priusquam gens Angliæ peste seu fame nimis infirmata fuisset. Sed tamen ductores (ut fertur) huiusmodi noluerunt consilio consentire, causantes se non habere sufficientem manum ad congregiendum cum tanta multitudine pugnatorum. Dubium quoque fuit utrum eis virtus hominum aut audax mens defuerat. Dominus Thomas Beuchamp comes Warwicensis, belliger animosus, audiens quod die statuto Franci pugnare vellent cum nostratibus illic existentibus, mox electa valida virorum fortium comitiua, peruenit ad mare, & ascēsis nauibus quas paratas reperit, cœpit versus

Q 2

Cale-

Calesiam navigare. Decuius aduentu Francorum exercitus ita stupefactus exitit, quod relinquerent latenter tentoria cum suis victualibus, & clam aufugerent antequam terram attingeret idem comes. Cumque applicuisset, ducum quos reperit ignauiam multum redarguens detestatus est, qui consulerunt sibi ne progredere-
 tur. Ipse vero commotus: Ego (inquit) progredi & pugnare volo dum adhuc panis Anglicanus in virorum meorum ventribus remanet indigestus. Et sine mora cum suis progrediens, Normanniam properauit, & insulam de Caws ferro flammaque vastauit, nemine sibi audente resistere. Sed heu, in redeundo versus Calesiam morbo pestilentiali correptus repente de medio est sublatus, parem sibi in armorum strenuitate, & regi regnique fidelitate superstitem minime derelinquens. Ceteri du-
 ces (vt præfertur) exercitum fere vniuersum quem eduxerunt, quo nunquam vllus validior nostris temporibus lectus fuit, de terra Anglicana, miserabiliter amiserunt, fame, & peste quem ex fame contraxerat in partibus transmarinis. Per idem tem-
 pus Papa fouebat guerram contra dominos Mediolanenses, quia ipsi tyrannice & iniuste terras, redditus, & castella de patrimonio beati Petri longo tempore detinebant. Pro Papa vero militant dominus de Spencer, qui laudabiliter se gessit ibidem post mortem ducis Clarenciæ cum quo peruenit ad partes illas. Eodem tempore flo-
 ruir ille miles egregius & famosus Iohannes Hauckwoode Anglicus natione, habens secum illam albam comitiuam præctam superius, qui nunc contra Papam, nunc contra præfatos dominos Mediolani arma gerebat, cuius pars quocunque verteret
 semper vincebat. Multa itaque facta egregia ibidem operatus est cum suis, immo mirabilia inaudita, si quis vellet eius gesta per singula enarrare. Eodem anno mortua
 est domina Philippa regina Angliæ in die Assumptionis beatæ Mariæ, mulier nobilissima, & Anglorum amatrix constantissima, quæ apud Westmonasterium honorifice tumulatur, fundente sumptuosas expensas rege Edwardo marito suo, circa eius exequias & sepulturam. Obierunt hoc anno insuper Thomas Percy Norwicensis, Lodowicus Scherleton Herefordensis, & I. Graunson Exoniensis episcopi, quibus prouisione Papæ succedere Wilhelmus Courtney ad Herefordensem, Henricus le Spencer ad Norwicensem, & Thomas Brauntingham fauore literarum domini regis Edwardi ad Exoniensem ecclesias. Hoc anno fuit magna pestilentia hominum & grossorū
 animalium, & per inundationes aquarum sequebatur & magna bladi dampnificatio, in tantum vt sequenti anno modius frumenti tribus solidis venderetur. Obiit Blanchia ducissa Lancastriæ, & in ecclesia sancti Pauli Londoniæ sepelitur. Hoc etiam anno tenuit rex Parliamentum apud Westmonasterium, in quo regi conceduntur decimæ triennales in tribus annis sequentibus persoluendæ. Et à laicis triennalis quintadecima conceditur pari modo.

Annogratia M.CCC.LXX. qui est annus regni regis Edwardi à conquestu tertii quadragesimus quartus, rex Edwardus sinistro vsus consilio, magnas summas pecuniæ à prelatis, dominis temporalibus, mercatoribus, aliisque diuitibus mutuo petiit & accepit, asserens, quod in defensionem ecclesiæ & regni illas expenderet, sed tamen nihil inde profecit. Ex post vero circa natiuitatem sancti Iohannis Baptistæ rex Edwardus congregari fecit exercitum magnum valde de valentioribus viris & magis expertis in bello qui in regno poterant inueniri. Inter quos erant domini de Graunson, de Fitzwater, & plures, tam armigeri quam milites nobiles & valentes. Hiis præfecit ducem dominum Robertum de Knols, virum prouidum & audacem, qui bella transmarina tractauerat per ante multoties gloriose, cuius discretionem & industriam voluit eos totaliter regulari, & eius imperio in omnibus obedire. Qui tandem mari transito, in regnum Franciæ peruenerunt, vbi quamdiu fuerunt, vnanimes Franci eos aggredi non audebant. Demum circa principium hyemis orta est discordia inter dictos dominos iuuenes & Robertum Knolles ducem eorum, qui de propriis virtutibus nimis confidentes, æstimabant se multum humiliatos, quod eiusdem Roberti consiliis, & mandatis eius oportuit obedire. Erat tunc inter eos quidam miles stipendiarius, dictus I. Mensterworth, qui vna & aciem prædicti ducebat exercitus, manu quidem promptus, sed mente fallax & peruersus, & Roberto Knols (cui tenebatur maxime) infidelis. Hic multum instigauit dictos dominos contra Robertum, dicens in eorum grande redundare dedecus, quod ei subiecti essent, satis scientem & fortem quemlibet eorum astruens, ad perficiendum iniunctum negotiū sine cōsilio Roberti Knols, quem Vespilionem veterem appellauit. Vnde factum est cū Robertus præfatus consuleret eos egredi Franciā eo tempore hyemali, & in Britannia hyemare, noluerunt

Io. Hauckwoode miles strenuus.

Mortitur Philippa regina.

Pestis & annona carissima.

Exercitus Anglicorum in Franciam.

runt ei consentire vel acquiescere, sed ibidem dixerunt se velle per totam hyemem expectare. Quapropter se in diuersas turmas pueriliter diuidentes, hyemationis loca quæsiuerunt. Robertus vero Knolles vt prudens & exercitatus miles, cum non posset eis persuadere salutem, diuertit cum suis in Britanniam, & in castello suo se cum suis prudenter recepit. Gallici vero sine mora in cæteros sic diuisos, & non dum in locis suis constitutos, irruerunt acriter, duce Bertrando Cleikin, & pro maiori parte vel occidunt vel capiunt vniuersos, in magnum regno Angliæ dedecus & detrimentum. Dictus vero I. Mensterworth multis de suis amissis, vix euasit. Veniensq; in Angliam dominum Robertum Knolles accusat instantius, imponens illi infortunii totius causas, eum insuper asserens proditorem. Sed nomen antiquum & probitas viri notâ cunctis Anglicis id fecere, vt idem I. mendax reputaretur, & ingratus illi Roberto diceretur ab omnibus & crederetur. Rex Edwardus nihilominus subtraxit ab eodem Roberto dona quædam quæ per ante sibi contulerat, vnde cõtigit vt dictus Robertus Angliâ non auderet intrare antequâ regis gratiam magna pecunia comparasset. Sed hæc inferius plenius innotescunt. Igitur dictus I. Mensterworth cernens suâ fraudem non posse procedere, & se cognoscens depræhensum in mendacio, fugit ad regem Franciæ, domini sui effectus infandissimus proditor, vt infra patebit.

Robertus Knolles destrahitur.

Hoc anno Vrbanus Papa de Roma rediit Anniunoniam, ea de causa, vt reges Anglorum & Francorum ad concordiam inuitaret. Sed (proh dolor) ante tam pium opus inceptum morte præuentus, vicesimo secundo die Decembris ab hac luce instabili est subtractus. Sepultusq; fuit ibidem ad tempus in ecclesia cathedrali iuxta magnum altare, sed post anni spacium eius ossa ad Abbathiâ sancti Victoris iuxta Marci-
 10 liam (vbi quondam Abbas fuerat) deportâtur, & in ecclesia quam ipse pro maiori parte de nouo construxerat, iuxta principale sepeliuntur altare. Et cum in vtroque loco Deo cooperante fiunt clara miracula, ex quibus cuius meriti fuit apud Deum, cunctis fidelibus apertissime declaratur. Huic successit Gregorius vndecimus, diaconus cardinalis, prius Petrus Rogerii nuncupatus.

Obiit Vrbanus Papa.

Eodem anno ciuitas Lemonicensium contra principem rebellauit, sicut & plures aliæ villæ cum castellis in Wasconia, propter graues exactiones & impositiones, ac
 30 alia quodammodo importabilia per dominum principem & suos (vt dicebatur) eisdem imposita. Quamobrem se separantes à principe, regi Franciæ adhæserunt, vnde commotus, Lemonicensium rebellionem primo disposuit vindicare crudeliter nisi maturius resipiscerent, & eius gratiam quererent, humili satis prece. Sed ipsos quos tuebant muri fortes, victualium abundantia & bellicosorum virorum copia: nil terruit legatio principis iubentis eos ad pacem redire. Quorum cernens princeps obstin-
 40 tiam, per nuncios mandat eis, dicens se totam ciuitatem funditus destructurum, & omnes inuentos in ea igne vel gladio perempturum, nisi citius sibi submitterent & traderent ciuitatem. Sed indisciplinatum vulgus, nihil horum audire voluit, sed & nuncios oculo superbo despexit, & ciuitatem arctius vndique communiuit. Mox domi-
 50 nus princeps plantata obsidione, diris oppugnatibus & insultibus ciuitatem circumquaque fatigat, nullam inclusis requiem indulgendo. Demum arte fodientium corruentibus muris, illam capit, & captam solo tenus fere destruxit, inuentosque in ea peremit, paucis captis & reseruatis ad vitam. Quibus ita gestis festinauit in Angliam remeare, tum propter iuges infirmitates quibus vexabatur, tum propter defectum pecuniæ qua bellatores conduceret ad reformandum rebelles. Igitur circa principium mensis Ianuarii cum vxore & paruulo filio suo Richardo obsequente familia apud portum de Plimmouth applicuit, relinquens post se in Wasconia duos fratres suos Io. ducem Lancastræ, & Edmundum comitem Cantebrigie cum aliis viris strenuis & militibus bellicosis. Qui mox vt venit ad patrem, totum dominium
 60 Wasconie in eius manus resignauit. Eodem anno venit ad regem Edwardum ipsum accersientem Rex Nauarriæ apud Claryndonam, vbi tractauerunt de certis negotiis tangentibus werram regis Angliæ, ad cuius aduentus securitatem dimissi sunt de Normannia obsides quidam Episcopi, & comites ac barones de Anglia, vsque dum idem Rex rediret, sed post multos tractatus, ab ipso hoc quod petiit non potuit obtinere Rex noster Edwardus: attamen dictus Rex recessit magnis à rege nostro donariis oneratus. Hoc anno ille famosus, sapiens, strenuus miles & bellicosus Iohannes Chandos, interfectus est ab hostibus in Wasconia, quos prius superauerat, dum incaute caput suum discoperuisset, ad magnum detrimentum vtriusque regni. Nempe ferunt regem Franciæ, audita morte sua, maxime doluisse: & asseruisse, quod eo mor-
 70 tuo,

Lemonensium urbs solo aquatur.

Iohannes Chandos interficitur.

tuus, non fuit ullus miles superstes qui esset habilis ad faciendum pacem inter Franciæ & Angliæ reges & regna, tantum metuebatur, tantus æstimabatur, tantum ab omnibus amabatur.

*Clerici amon-
entur, laici surro-
gantur.*

Anno gratiæ millesimo trecentesimo septuagesimo primo, qui est annus regni regis Edwardi à conquestu tertii quadragesimus quintus, celebrato parlamento apud Westmonasterium in Quadragesima, Rex Edwardus petiit à clero & populo subsidium quinquaginta millium marcarum argenti, quod sub deliberatione, in conuocatione cleri facta post pascha, fuit concessum tam à Clero quam à populo laicali. Ad quam quidem summam persoluendam sacerdotes stipendiarii secundum valorem pecuniæ quam perceperunt per annum taxati fuerunt. Minora etiam beneficia, quæ nunquam prius erant taxata ad complementum illius solutionis similiter taxabantur. In isto parlamento ad petitionem dominorum in odium ecclesiæ amoti sunt episcopi de officiis cancellar. & Thesaurar. & Clericus de priuato sigillo. Et loco illorum seculares subrogati fuere. Durante parlamento venerunt Londonias solennes Ambassiatores missi à domino Papa nouo, ad tractandum cum domino rege de pace inter eum & regem Franciæ confirmanda, qui Papa, videlicet, desiderauit in hac parte sui prædecessoris exequi voluntatem, sed tamen nullus ex his præmissis sequebatur effectus.

Anno gratiæ M. CCC. LXXII. qui est annus regni regis Edwardi à conquestu tertii. 46. nono die mensis Iunii Rex Edwardus tenuit parliamentum apud Wintoniam, ad quod de clero moniti sunt venire quatuor Episcopi, & quatuor abbates tantum, quod factum fuit (vt putabatur) propter mercatores Londonienses, Norwicensis, & alios in diuersis sua mercimonia promouentes, de quibus dicebatur, quod contra regem Edwardum rebellare volebant.

Eodem anno dux Lancastriæ & comes Canteburgiæ frater suus cum duabus sororibus filiabus domini Perronis quondam regis Hispaniæ de Wasconia in Angliam redierunt, quas postea in coniuges acceperunt. Dux quidem seniore[m] vocatam Constantiam, & comes iuniorem Isabellam appellatam. Sub quo tempore, Iohannes dux Lancastriæ ratione vxoris suæ regem Castellæ nominauit & scripsit. Per idem tempus iussu domini Papæ egressi sunt duo Cardinales ad tractandum de pace inter duo regna, Anglicus videlicet & Parisiensis, acceptis procurationibus absque pacis effectu ad curiam sunt reuersi. Hoc anno commissum est bellum nauale inter Anglicos & Flandrenses, de quo Anglici reportauere victoriam, captis viginti quinque nauibus sale onustis, & interfectis hominibus & submersis. Anglici reuera nescientes quod Flandrenses essent, cum insolenter prouocati fuissent ab eisdem, vt prædicitur, vniuersos perimerunt: vnde grauis discordia, & plura damna peruenissent vtrique populo ex hac occasione nisi pax amicabile fuisset citius reformata. Eodem tempore Franci obsederunt villam de Rochel, & in terra illa multa mala fecerunt. Quamobrem missus est comes de Penbroke, iuuenis viginti quinque circiter annorum in Wasconiam, ad refrænuandum Gallicorum immoderatos impetus, & ad dissoluendum obsidionem prædictam, cum magna multitudine armatorum. Qui cum satis securi peruenissent ad portum de Rochel, repente ruit super eos classis Hispanica incautos tunc & inordinatos ad pugnam, feriendo, sternendo, mactando: vnde contigit quod victoria cessit Hispanis, Anglicis pene cunctis in hoc congressu captis, vulneratis lethaliter vel occisis. Hispani insuper nullum genus damni quod irrogare poterant prætermittentes, naues omnes flammis voracibus cõbuserunt, captumque comitem cum viginti millibus marcarum susceptarum à rege Angliæ ad continuandam ibidem guerram, necnon dominum de la Spar aliosque multos nobiles & robustos in Hispaniam abduxerunt. Contigit autem istud infortunium in vigilia natiuitatis sancti Iohannis Baptistæ, in qua festum sanctæ Etheldredæ virginis semper occurrit. Quod quidem infortunium plures asserunt sibi contigisse propter iniuriam quam intulit ecclesiæ supradictæ virginis, in causas inter eandem ecclesiam, & ecclesiam sancti Edmundi regis & martyris de Bury, priusquam recederet de terra sua. Pecunia vero supradicta, quia collecta fuerat de sancta Ecclesia, prout fertur, fuit domino regi minime fructuosa. Alii siquidem asserunt dicta mala comiti accidisse, principaliter tribus de causis, primo, quia ipse vxoratus rupto fœdere coniugali, cum aliis mulieribus rem nephariam, adulterando commisit. Secundo, perniciosus quadam dementia & insania fatigatus, iura & libertates ecclesiasticas in quodam parlamento deleuisse ex animo affectauit. Tertio, ipse protinus exagitatus nequitie stimulo, suavitati Regi,

Regi, suoq; consilio, vt viri Ecclesiastici bellorum tempore grauius quam alii seculares mulctarentur, &c. Ista vero vltima summe dominis temporalibus placuerunt, quę deinceps quasi in consuetudinem licet nunquam gaudentes traxerunt, reputantes se in hoc magnum aliquid consequutos, si quandoque sanctam Ecclesiam nouis impositionibus & tagallis valeant onerare. Igitur qualiter hi profecerint, subsequenter vel regno Anglię, & incolis eius successerit, satis nouit & palam prædicat totus mundus.

Eodem anno mense Augusto Rex Edwardus parato nauigio copioso, cum magno nimis exercitu intrauit mare ad dissoluendum obsidionem de la Rochel, sed ventus contrarius non permisit eum longius à terra recedere, licet per magnum tempus prope littus maris ventum prosperum expectasset. Cum vidisset igitur, se nullo modo posse procedere, rediit ad terram tristis, post cuius reditum statim ventus ad partes oppositas se conuertit. In hoc apparatu erat cum filio filius suus Princeps, & nobilitas regni quasi tota. Expendisse quidem fertur eo tempore plusquam nonies centum millia librarum in vanum.

Anno gratiæ millesimo trecentesimo septuagesimo tertio, qui est annus regni Regis Edwardi à conquestu tertii quadragesimus septimus, Iohannes dux Lancastrię filius Regis, & frater Principis, cum ingenti exercitu transfretauit in Franciam, ad experiendum ibi iterum suam fortunam. Transiuit igitur equitans per Parisium in Burgundiam, & sic per totam Franciam, nemine sibi volente, immo nec audente resistere. Sed in hac expeditione modicum vel nullum damnum Francis intulit, nisi quia redemptionem diuersis villis & locis imposuit, alias vero neminem molestauit ex hostibus, tandem deseruit Franciam cum exercitu, in qua victualia sibi fuere sufficientia, vbi & epulabantur quotidie splendide, & ingressus est deserta montium Aluernię regionis, vbi nec reperiri possent hominibus victualia, nec bestiis alimenta, ibidem ergo fame & peste periit exercitus sui magna pars, sed & equi fere omnes interierunt in loco præfato. Tandem ingressus est Aquitanniam moestus de infortunio, & sic peruenit Burdegaliā. Nam qui ingressus Franciæ apud Calesiam triginta & amplius millia equorum in suo comitatu habuerat, per paucos, vt fertur, equos Burdegaliā secum viuos adduxit, vbi cernere possent spectaculum miserandum, milites famosos & nobiles, delicatos quondam & diuites in terra Anglicana (amissis hominibus & iumentis) hostiatim mendicando, panem petere, nec erat qui eis daret. Destructa nempe fuerat terra illa ante aduentum illorum per Gallicos. Ideoque inculta remanserat ad tempus illud, qua de causa facta est tanta fames in terra procul & iuxta Burdegaliā, vt ibidem summa frumenti pro quadraginta solidis venderetur. Dux nihilominus hiemauit ibidem. Decimo autem die Aprilis anno sequenti erat dies belli præfixus inter ipsum, & ducem Andegavię iuxta ciuitatem Tholosam. Interim vero captę fuerunt treugę inter duo regna ab hinc vsque ad vicesimum diem mensis Maii proximo sequentem, minus caute, prout dicebatur, quia dictę treugę Regem Anglię omnino latebant. Adueniente vero die statuto, aderat illic Francorum magnus exercitus per præfatum ducem Andegavię congregatus, sed nihilominus die illo transit absque bello, non sine pudore & vituperio Anglicorum, quia Gallici iactabant se fuisse paratos in campo die statuto ad expectandum illorum aduentum, qui non venerunt. Quamobrem Anglis multa intulere conuitia, asserentes eos esse falsos, timidos & vecordes, & hic fructus expeditionis istius. Eodem anno Rex Edwardus misit ambassiatores ad dominum Papam, rogans eum, vt super reservatione beneficiorum in curia sua facta in Anglia de cetero superfederet, vt etiam Clerici ad Episcopales dignitates, suis electionibus pleno iure gauderent, & vt à suis Metropolitanis, prout antiquitus fieri consuevit, idem clerici confirmari valerent. Sicque super his & aliis diuersis (in quibus tam Rex quam regnum sentiebant se grauari plurimum) remedium postulabant, super quibus quidam articulis nuntii à Papa certa recipere responsa, de quibus cum redirent in Angliam, deberet Papę rescribi per Regem de voluntate sua & procerum, antequam aliquid determinaretur super prædictis. Hoc anno in Parlamento erat decretum, quod Ecclesię cathedrales suis gauderent electionibus, & quod Rex de cetero contra electos non scriberet, sed per literas suas ad eorum confirmationem iuaret, sed tamen hoc statutum in nullo profecit. Obiit hoc anno magister I. Thoresby Archiepiscopus Eborac. Magister I. Barnet Eliensis, & magister Wilhelmus Lynne Wygorniensis Episcopi. Quibus successerunt auctoritate Papali magister Alexander Neule

Rex intrat mare, sed inaniter.

Anglorum penuria.

Francorum iactatio.

Decretum de electionibus cassum.

ad Eborac. Thomas filius Comitis Arundeliæ ad Eliensem, & dominus Henricus Wakefeld ad Wygorniensem Ecclesias. In supradicto parlamento concessa fuit Regi vna decima per Clerum, & vna quintadecima per populum laicalem. Hoc anno castellum de Lizimaco Francis redditur, pro redemptione domini Thomæ Percy.

*Aquitania de-
fecit à Rege An-
glorum.*

Anno gratiæ millesimo trecentesimo septuagesimo quarto, qui est annus regni Regis Edwardi à conquestu tertii, quadragesimus octauus, dux Lancastriæ rediit in Angliam de Wasconia, post cuius recessum tota Aquitania præter Burdegaliæ & Baionem defecit à Rege Angliæ, & ad Regem Franciæ se conuertit.

Circa idem tempus, scilicet quinto die Iulii, obiit magister W. Wyttleseye Can-
tuariensis Archiepiscopus, vnde monachi illius Ecclesiæ ad eligendum adepti à rege
licentiam, Cardinalem Angliæ in Archiepiscopum postularunt. Qua causa Rex
commotus aduersus eos ira maxima, proposuit dictos monachos exlegisse. Idcirco
plura bona expenderunt, antequam potuerunt super illo facto Regis gratiam obti-
nere. Postulationi nempe factæ de cardinale rex consentire noluit, sed nec Papa, nec
Cardinales. Circa principium mensis Augusti fuit tractatus apud Burges super diuer-
sis Articulis inter Papam & Regem Anglorum pendentibus, qui videlicet tractatus
durauit fere duobus annis. Tandem concordatum est inter eos, quod Papa de cete-
ro reservationibus beneficiorum minime vteretur. Et quod Rex beneficia per lite-
ras. Quare impedit vltius non conferret, sed de electionibus tactis superius, pro
quibus Ambasiatores anno præterito fuerunt missi ad curiam Romanam, in isto tra-
ctatu nihil penitus erat tractatum. Et hoc ascribitur aliquibus, qui sciebant se potius
per curiam Romanam, quam per electiones ad dignitates episcopales, quas am-
biunt, promoueri.

Anno gratiæ millesimo trecentesimo septuagesimo quinto, qui est annus regni
Regis Edwardi à conquestu tertii quadragesimus nonus, I. Dux Lancastriæ ordina-
tus fuit per consilium ad eundem in Flandriâ ad tractandum de pace vel saltem treu-
gis inter regna Angliæ & Franciæ. Proficiscens autem, habuit in comitiua sua Ar-
chiepiscopum Cantuariensem dominum Symonem de Sudbury, & plures alios pro-
ceres, cum familia magna valde. Ad quem locum occurrit ex parte Francorum Dux
Andegaviæ, cum multis regni tam Episcopis quam proceribus, personis grauib &
famolis: durauit itaque tractatus iste fere per biennium, vbi post horribiles expensas
& incredibiles, post longam moram & diutinam toti regno Angliæ descendam, quam
infructuose tractauerunt in breui, postea sensit Anglia damno suo: reuera per totum
tempus illud Franci fraudulenter non de pace sed de prælio cogitabant, sed refarci-
entes arma vetera, nouaque fabricantes, omnem apparatus belli in promptu habe-
re certabant: & contra, Anglici, qui nesciunt prudentia, & prouidentia, sed solum
more brutorum animalium cum punguntur agitari stimulo, nihil tale cogitabant, ad
spem suam ponentes in ducis sapientia, & credentes, quod ipse sua facundia gaudia
pacis afferret epulis, diuersis iocis inuigilauere. Factum est itaque in hac occasione,
quod Angli circumuenirentur incauti, quando non sperabant, vt in sequentibus cla-
rius elucebit. Nam discessum est vtrunque sine pacis effectu. Per idem tempus nuntii
domini Papæ, tam illi qui venerunt pro pace, quam illi qui venere ad tractandum in-
ter Regem Angliæ, & dominum Papam, prout supra fit mentio, plures procuraciones
à clero regni Angliæ receperunt. Hoc anno quarto idus Maii translatus est magister
Simon de Sudbury Londoniensis Episcopus, ad Ecclesiam Christi Cantuariæ, & ma-
gister Wilhelmus Courtney Herefordensis Episcopus translatus est ad Ecclesiam
Londoniensem, & ad Ecclesiam Herefordensem translatus est Episcopus Bangorensis.
Circa tempus istud concessæ sunt treugæ inter duo regna, à festo natiuitatis sancti
Iohannis Baptistæ, vsque ad idem festum anni sequentis. Eo tempore Dux Britannię
I. Monfort habens secum filium Regis Angliæ, Edmundum Comitem Cantabrig.
Comitesque Marchiæ, de Warwike, de Stafford, & dominum le Spencer, cum mul-
tis aliis bellicosis hominibus, in partes Britannię transfretauit. Quibus cito postea
fuit reddita villa sancti Matthæi supra mare, & duo castella, scilicet de Brest & de Or-
rei, villamque de Kemperle ab eis obsessa, in qua fuere tunc inclusi omnes fere maio-
res Britannię, indubitanter cepissent, nisi quidam miles afferens noua de treugis ca-
ptis inter regna superuenisset, & præcepisset eis ex parte Regis Angliæ, vt dimissa ob-
sidiōe ad Angliam festinarent: quo nuntio compulsi sunt (obsidiōe soluta) recede-
re anxii cum tristitia & mœrore. Eisdem fere diebus insula de Constantin (in qua
situatur

*Anglorum mo-
res.*

situatur castrum sancti Saluatoris Domini) obseffa à Francigenis, eis redditur cum suis pertinentiis vniuersis, in non modicum regni Angliæ detrimentum. Ob quam causam postea dominus Io. Aneslee miles Thomam Karington armigerum de proditione appellauit. Hoc anno fuere calores nimii, quo tempore grandis pestilentia tam in Anglia, quam in aliis diuersis mundi partibus ita defæuit, quod infinitos vtriusq; sexus morte repentina consumpsit. Quapropter dominus Papa ad instantiam Cardinalis Angliæ concessit cunctis decedentibus in Anglia, qui de peccatis suis contriti forent & confessi, plenam remissionem per duas bullas sex mensibus duraturas. Eodem tempore obiit Episcopus Sarum Robertus Wyfeld, cui successit magister Radulphus Argins. Obit quoque tunc dominus Edwardus le Spencer, & in monasterio de Teukelburie traditur sepulturæ. Comes de Penbroke, qui captus fuerat ab Hispanis, & ductus in Hispaniam quarto abhinc anno, nimis inhumane tractabatur ibidem. Non ferens igitur Hispanorum supercilium, misit ad Bertrandum Cleikin Franciæ Constabularium, rogans, vt eum de inhumanorum prædonum manibus liberaret. Qui missis litteris ad Regem nothum, pro hac ipsa re recepit eum à bastardo Hispaniæ, qui se Regem dixit, in partem solutionis pecuniæ sibi debitæ ab eodem, perductusque est ad Parisium, vbi cum aliquandiu moram traxisset, assignata est redemptionis suæ summa. Et cito postea idem Comes cepit ægrotare vsq; ad mortem. Forſitan intoxicatus fuerat ab Hispanis, qui hanc artem dicuntur habere im-

10 potionandi, vt quidam viuant per quatuor aut quinque annos postea, quidam eodem anno, nonnulli vero statim vitam finire cogantur. Metuentes vero Gallici ne moreretur inter illos, antequam solueretur sua redemptio, cum omni festinatione cum aduehere viuum Calesiam satagebant, sed frustra, nam inter illorum manus itin-

20 nerando inter Parisium & Calesiam in fata decessit, in die videlicet sanctæ Etheldredæ virginis, quam ante egressum Angliæ (vt dicebatur) offendit. Plures nempe tradunt illam dictam virginem offendisse multipliciter, & ideo talia infortunia suis diebus festinis sibi asserunt contigisse.

*Comes Penbroke
capitur ab His-
panis.*

Comitis mors.

Anno gratiæ millesimo trecentesimo septuagesimo sexto, qui est annus regni Regis Edwardi à conquestu tertii quinquagesimus, in principio mensis Maii rex Ed-

30 wardus fecit Parliamentum maximum apud Westmonast. celebrari, in quo more solito petiit à communitate quoddam subsidium sibi concedi pro defensione regni sui: cui respondentes illi de communitate, dixerunt se fore iugiter talibus impositionibus multipliciter fatigatos, nec onera talia diu posse ferre absq; maximo detrimento veraciter affirmabant. Nam liquido constabat eis Regem pro defensione regni sui sufficienter habere, si regnum foret prudenter & fideliter gubernatum, sed quamdiu tale regimen, quale tunc per malos officarios haberetur in regno, nunquā illud rerū copia vel diuitiis abundaret. Hoc itaq; se offerebant effectualiter probaturos. Et si post hanc probationem inuentum esset regem alterius indigere, ipsum iuxta suas facultates adiuuarent. In progressu vero plura fuere delata de Regis familiaribus & aliis di-

40 uersis Regis officiariis, & potissimum de domino Latymer ipsius Camerario, qui pessima gubernatione regem rexit. Quare dux Lancastriæ, dominus Latymer, & plures magni Regis officarii fuerunt amoti, & in eorum locis alii subrogati. Item ad petitionem communitatis extitit ordinatum, quod certi Episcopi & Comites, ac alii domini conuersationis laudabilis, Regem & regnum de cetero gubernarent, eo quod Rex iam vergebat in senium, & gubernatoribus indigebat huiusmodi. Sed ista ordinatio impredientibus illis, qui amoti fuerunt à Rege (vt prædicitur) vix tribus mensibus perdurauit. Item milites parlamentales grauiter conquesti sunt de quadam, Alicia Peres appellata, foemina procacissima, quæ nimis familiaris extiterat domino Regi. Hanc utique accusabant de malis plurimis per eam & fautores

50 eius factis in regno. Illa etenim modum mulierum nimis est supergressa: sui etenim sexus & fragilitatis immemor, nunc iuxta Iustitarios Regis residendo, nunc in foro Ecclesiastico iuxta Doctores se collocando pro defensione causarum suadere, ac etiam contra iura postulare minime verebatur, vnde propter scandalum, & graue dedecus, quæ exinde Regi Edwardo, non solum in hac terra, sed in exteris regionibus nimium resultabant, milites petierunt hanc ab illo penitus amoueri. Item in hoc Parlamento quidam defectus notabiles de Richardo Lions, & Adam de Bury Londoniarum ciuib; & mercatoribus in lucem fuere deducti. Quorum primus, mediante pecunia, à vindicta debita valde sagaciter, imo prudenter euasit. Secundus stupefactus ad sibi imposita, protinus de regno profugit in Flandriam, vt semet ibi sal-

uare

*Subditi negant
subsidium Regi.*

uare valeret. Qui autem omnium militum prolocutor parlamenti extiterat, & hæc vniuersa proposuit Petrus de la Mare fuerat appellatus, vir utique facundus & sapiens, cui pro sui maturitate, discretione siue prudentia talia negotia merito præcunctis aliis crederentur. Hic prout erat informatus, contra prædictam Aliciam & quosdam alios de domini Regis Edwardi consilio verba fecit. Quamobrem ad instantiam præfatæ Aliciæ idem Petrus expositum fuit apud Notyngham perpetuo carceri adiudicatus, in quo, licet eius amici pro eius liberatione sæpius supplicassent, biennio moram traxit.

*De morte Edwardi
princeps.*

Octauo die Iulii durante adhuc parlamento apud Westmonasterium, in regali palatio defunctus est dominus Edwardus Princeps Walliæ, Regis Edwardi primogenitus, in festo videlicet Trinitatis. Quo die idem Princeps ob reuerentiam tanti festi, in quocunque loco fuerat, semper solebat quolibet anno solennitatem maximam celebrare. Cuius fortunam militiæ tanquam alterius Hectoris omnes gentes tam Christiani quam Pagani, dum vixit incolumis, plurimum formidabant. Eo igitur obeunte, omnis obiit spes Anglorum. Quo quidem superstite nullius hostis incursum, quo præsentem nullius belli congressum Anglici timuerunt. Qui nunquam eo præsentem passi sunt probra male gestæ siue desertæ militiæ, qui nullam gentem adiit, quam non vicit, nullam ciuitatem obsedit, quam non cepit. Igitur extincto Principe extinctus est cum eo profecto parlamenti præsentis effectus. Nam communes cum quibus ipse tenebat, dicti parlamenti fortiti non sunt talem exitum, qualem pro meliori habuisse sperabant. Dominus Richardus de Burdegalia, filius Edwardi Principis Walliæ, in hoc parlamento factus est Comes Cestriæ, & non post multos dies patriæ suæ suscepit integrum principatum. Hoc anno circa principium mensis Iunii homines & tenentes Comitis de Warwike malitiose & nequiter insurrexerunt contra Abbatem, & conuentum de Euesham, & tenentes eorundem elaborantes Abbatiam destruere cum dicta villa, & eorum famulos diris verberibus affligentes, nonnullos vero crudeliter iugulantes, accedentes insuper ad monachorum maneria claustras parcorum confregerunt, & incendendo combusserunt, & occiderunt feras ingerentes, finaliter omne damnum, quod eorum crudelitati fors ingerebat in illa furia perpetranda. Ne his contenti, capita viuariorum dissipantes, aquas excurrere permiserunt, piscesque ceperunt, & secum asportauerunt, & alia damna multa illi loco omnino & dispendia grauissima intulerunt. Et pro certo dictam Abbatiam cum suis membris, secundum quod tunc verisimile videbatur, destruxissent irrestitabiliter, nisi Rex manus adiutrices apposuisset citius, mittendo mandata sua litteraliter ad præfatum Comitem, & præcipiendo arctius, ut huiusmodi malefactores & pacis perturbatores compesceret. Sicque timor Regis & amicorum meditationibus, pax inter eos reformata fuit, non tamè plena satisfactio facta parti læsæ, quia maius erat damnum, quod irrogauerant, quam possibilitas ad dictum damnum resarciendum. Ferunt quidam, quod per istam brigam Rex per illos dominos in parlamento constitutos noluit ulterius gubernari, unde filium suum Ducem Lancastriæ ad sui & regni regimen reassumpsit. Qui usque ad obitum Regis stetit regni gubernator & rector. Qui illico contra statuta Parlamenti permisit Regem recipere in gratiam dominum de Larymer, & Richardum Stury, & alios plures, qui in Parlamento prædicto iudiciali sententia ab eius præsentia fuerant perpetuo sequestrati. Rex insuper reuocat pellicem Aliciam Peres ad suum cõtubernium, quæ fuit eliminata iudicialiter ab eodem propter scandala siue probra, quæ de eius procacitate prouenerunt contra sacramentum quo se astrinxerat eadem Alicia, quod & ipse dominus Rex ratificauerat, videlicet, quod ad Regis præsentiam non accederet quouismodo, quæ & permansit cum eo usque ad mortem eius. Eodem anno Florentini excommunicantur à Papa propter rebellionem & enormia facta, quæ contra Romanam Ecclesiam perpetrarunt, quæ inter cetera sua facinora & facta crudelia, quæ gesserunt pessime, quendam Monachum illuc à domino Papa missum cum mandatis Papalibus candentibus fusciniis ferreis viuum excarnificauerunt, & nondum mortuum in terram foderunt, quorum quidam postea venientes in Angliam, & Regis pacem habere rogantes, manserunt ibidem, donec Papa per suas bullas declarasset, quantis essent sceleribus inuoluti. Extunc vero Florentini deuenerunt serui Regis tanquam natiui, cum omnibus bonis & catallis eorum, secundum tenorem literarum Papalium, quod aut ita facerent, aut ad curiam festinarent, submissuri se gratiæ domini Papæ, & curiæ supradictæ. Florentini igitur elegerunt (ut sibi videbatur) de duobus malis minus malum, seruire, videlicet

*De iniuria facta
Abbatibus Euesham.*

*Florentini deuenerunt
serui Regis Angliæ.*

et more natiuorum Regi Angliæ, quam subditi arbitrio Romanorum. Viceſimo ſe-
cundo die Iulii obiit Simon Langham Cardinalis Anglicus.

*Obiit Cardinalis
Anglicus.*

Anno gratiæ milleſimo trecentefimo ſeptuagelimo ſeptimo, qui eſt annus re-
gni Regis Edwardi à conqueſtu tertii quinquageſimus primus, tanta aduecta eſt in
Angliam vinorum abundantia, quanta multa tranſacta tempora non viderunt. Cir-
ca Natale vero dominicum tanta excreuit aqua in partibus Northumbrorum de re-
ſolutione niuium, quæ per ante in magna denſitate terram operuerant, vt aqua de
ſuperciliis montium deſcendendo iuxta cum fruſtis glaciei domos colonorum ſub-
uerteret, bona quæ ſuper terram accreuerant, puta carbones, molares, lapides, ligna
10 cum ſegetibus auferret ſuo impetu, inſuper in mare deſcendens, per vim & collifio-
nem dictarum fruſtarum naues quaſdam tam violenta impulſione glaciei aut inuti-
les reddidit, aut omnino demerſit. Circa feſtum Purificationis beatæ Virginis fa-
ctum eſt Parliamentum Londoniis, cogente Duce, qui vices gerebat Regis, ipſo irre-
cuperabiliter infirmato. In quo ex parte Regis poſtulatam eſt ſubſidium à clero &
populo laicali. Cui taxa conceditur hætenus inaudita, videlicet, quod à qualibet lai-
ca perſona ſexus vtriuſque annos excedente quatuordecim reciperet vnā groſſam,
vel quatuor denarios, exceptis notoriis pauperibus, qui publice mendicabant. Et de
cunctis religioſis vtriuſque ſexus & qualibet Eccleſiaſtica perſona promoti 12. dena-
rios, & de ſingulis aliis non promotis, vnā groſſam, exceptis fratribus quatuor ordi-
20 num Mendicantium. Qui quia in labore hominum non ſunt cum hominibus, non
flagellabantur. In hoc autem parlamento abrogata ſunt ſtatuta Parlamenti ſuperio-
ris, quod bonum merito vocabatur. Et Rege ſic volente, perſonæ abiudicatæ priſti-
no ſtatui reſtituuntur.

Parliamentum.

Per idem tempus ſurrexit in vniuerſitate Oxoniienſi quidam borealis, dictus ma-
giſter Iohannes Wicklef, ſecularis in theologia, tenens publice in ſcholis & alibi con-
cluſiones erroneas & hæreticas, ac ſtatui vniuerſalis Eccleſiæ cōtrarias & abſurdas, &
præcipue contra Monachos & alios religioſos poſſeſſionatos venenofe ſonantes, qui
vt ſuam hæreſim cautius palliaret, ac ſub exquiſito colore dilataret latius, congrega-
uit iniquitatem ſibi, videlicet, comites atque ſocios vnus ſectæ inſimul Oxoniis & a-
30 libi commorantes, talaribus indutos veſtibus de ruſſeto, in ſignum profeſſionis am-
plioris, incedentes nudis pedibus, qui ſuos errores in populo ventilarent, & palam ac
publice in ſuis ſermonibus prædicarent. Qui inter cetera iſta quidem tenuerunt ad
vnguē, videlicet, quod Euchariftia in altari poſt ſacramentum non eſt verum cor-
pus Chriſti, ſed eius figura. Item, quod Eccleſia Romana non eſt caput omnium Ec-
cleſiarum, plus quam vna alia Eccleſia, nec maior poteſtas per Chriſtum data fuit Pe-
tro, quam cuiſlibet alteri Apoſtolo. Item, quod Papa Romanus non habet maio-
rem poteſtatem in clauibus Eccleſiæ, quam quiſcunque alius in ordine ſacerdotii
conſtitutus. Item, quod ſi dominus eſt, domini temporales poſſunt legitime ac me-
ritorie auferre bona fortunæ ab Eccleſia delinquente. Item, ſi Dominus tempo-
40 ralis nouerit Eccleſiam delinquētem, tenetur ſub pœna damnationis eius ab ea tem-
poralia auferre. Item quod Euangelium ſufficit ad regulandum in vita iſta quemlibet
Chriſtianum: & quod omnes aliæ ſanctorum regulæ, ſub quarum obſeruatiis degunt
diuerſi religioſi, non plus perfectionis addunt Euangelio, quam addit albedo parieti.
Item, quod Papa nec alius Prælatuſ Eccleſiæ deberet habere carceres ad puniendum
delinquentes, ſed quilibet delinquens poſſet libere quocunq; vellet tranſire, & face-
re quæ ſibi placeret. Iſta & plura alia in ſubuerſionem noſtræ fidei aſſeruerunt, & affir-
mauerunt dicti ſeductores, in tantum, quod domini & magnates terræ, multiq; de po-
pulo ipſos in ſuis prædicationibus confouerunt, & fauerunt prædicantibus hos erro-
res. Eo nempe maximo, quia poteſtatem tribuerunt laicis ſuis aſſertionibus ad aſe-
50 rendum temporalia à viris eccleſiaſticis & religioſis.

*De Io. Wicklef,
& eius opinionibus.*

Cum autem concluſiones iſtæ & deliramenta fuiſſent exhibita & perlecta coram
Papa, viginti tres earum tanquam hæreticas & vanas ipſe damnauit, dirigens bullas
ſuas Archiepiſcopo & Epifcopo Londinenſi, vt ipſarum auctoritate dictum Ioannem
facerent comprehendere, ac ſupra dictis concluſionibus diligenter examinari. Quo
facto, atque habita declaratione ſuper iſtis, licet ficta & vana, dictus dominus Archie-
piſcopus ſibi & omnibus aliis ſuper illa materia, præſente duce Lancaſtriæ cum domi-
no Henrico Percy indixit ſilentium, prohibens, ne de cetero illam materiam quouiſ-
modo tangeret aut tractaret, & ne illam permetteret alios ventilare. Igitur tam ipſe,
quam ſequaces ſui aliquandiu ſiluerunt. Sed tandem contemplatione dominorum
tempo-

*Silentium indi-
xitur Iohanni
Wicklef.*

*Dux Lancastria
à Londoniensibus
male afficitur.*

*De captione I.
Mensireworth.*

*De moribus eius
dem.*

*De morte Regis
Edwardi &
fallacia Alicia
Peeres.*

*De moribus &
felicitate Regis.*

temporalium easdem opiniones, & alias multo peiores illis postmodum ausi sunt reassumere, & laicis spargere quam sparsere prius. Hi vocabantur à vulgo Lollardi, incedentes nudis pedibus, vestiti pannis vilibus, scilicet de ruffeto, ut per vitam penalem facilius incautos traherent ad sectam suam. Eo vero die quo præmissa Londoniis erant peracta, propter verbum quoddam iniuriosum & insolens à Duce Lancastriæ Episcopo Londinensi prolatum, confestim Londonienses vnanimiter insurgentes, arreptis armis ipsum occidere proponebant. Sed dictus Episcopus ne hoc fieret omnino prohibuit, & nisi tunc Episcopus se opposuisset eorum conatibus, hospitium dicti Ducis de Sauey eo furoris sui tempore combussissent, qui vix ab illo proposito antistitis interuentu refrænati sunt. Tandem ad nutum Pontificis quieuerunt. Inter cetera vero probra, quæ Duci intulerat, arma eius in foro sunt publico reuersata. Dux autem & Henricus Percy, quem ad occidendum in hospitio suo ciues quæsierant, admoniti de tanta commotione relicto prandio fugerunt ad manerium de Kenington, vbi tunc Richardus filius Principis cum matre sua casualiter morabatur, coram quibus de opprobriis illis illatis horribiliter sunt conquesti. His igitur aliisque causis multis Londonienses duci facti sunt odibiles, in tantum, quod maiorem, & seniores, qui tunc temporis præfuerunt, exauctotari faceret & deponeret, eorumque loco alios subrogaret. Sub eisdem diebus captus est Iohannes Menstreworth miles proditiosus, & transfuga in ciuitate Nauarriæ pampilona, & adductus Londonias, primo trahitur, deinde suspenditur, postea decollatur, postremo corpus eius quadripartitum ad quatuor ciuitates famosas Angliæ missum fuit: caput vero eius super pontem Londoniarum longo tempore postea stetit affixum. Fuerat nempe iste I. Regi infidelis & regno, ambitiosus, peruersus, fallax, simulator & cupidus, qui frequenter magnas summas pecuniæ à Rege pro stipendiis hominum armatorum acceptas in proprios conuertit usus. Et propter hæc atque alia sibi imposita vel imponenda timens pœnas dare, & mortem incurrere quam meruerat, ad Regem Franciæ (ut præfertur) aufugit. Cui facta fidelitate, promissit classem Hispanicam se adducturum ad regnum Angliæ inuadendum, sed Deus iustus iuste permisit illum intercipi & puniri, quam ut dolose atque malitiose dominum suum Regem, solumque natale nequiter infestando, suum iniquum propositum talis proditor adimpleret. Sub eisdem diebus nuntii, qui pro pace in Franciam sunt profecti, in Angliam reportauere nisi belli rumores. Quo tempore Rex Edwardus in festo sancti Georgii martyris apud Windesore, Richardo de Portugalia heredi suo, filio filii sui Edwardi Principis Walliæ, contulit ordinem militarem.

Rex Edwardus tertius cum quinquaginta & fere vno annis regnasset, vicesimo primo die Iunii apud manerium suum de Shene diem clausit extremum: Cui per totum tempus suæ decubationis assiderat (proh dolor) illa infanda meretrix Alicia Peeres, quæ cuncta quæ chariora sunt, medio tempore semper suggessit eidem, nihil omnino tractans aut tractari permittens de animæ suæ salute, sed ei iugiter sanitatem corporis repromittens, donec in eo vidisset indubitata mortis indicia per vocis præclusionem. Tunc nempe cum cerneret vocem ademptam sibi, & oculorum acies hebetari, caloremque naturalem extremitates relinquere: mox inuerecunda pellex detraxit annulos à suis digitis & recessit. Solus tunc quidam sacerdos assidebat Regi moribundo, ceteris circa rerum intentis direptionem, qui ei eo quod loqui non poterat, nec confessionem ore tenus facere, persuasit ut veniam peteret pro commissis, affrens sibi crucis imaginem, quam dedit in manus eius. Rex autem cum reuerentia summa illam accipiens osculabatur deuotissime, nunc manu, ut poterat, in signum optandæ veniæ prehendendo, nunc vero de suis oculis lachrymas vberes emittendo, & pedes imaginis frequentissime osculando. Tandem cum ad nutum presbyteri motibus & signis, quibus potuit, petisset primo & principaliter de peccatis à Deo remissionem, & secundarie à cunctis creaturis, quas vel scienter vel ignoranter offenderat, spiritum exhalauit, corpusque eius apud Westmonasterium cum omni reuerentia est humatum.

Fuerat nempe rex iste inter omnes reges orbis & Principes gloriosus, benignus, clemens, & magnificus, dictus antonomasice gratiosus, propter gratiam singularem, qua præcelluit, quia virtute gratiæ diuinitus sibi concessæ vniuersos prædecessores suos quadam excellentia gratiæ præcellebat. Erat & corde magnanimus, qui licet aliquando infortunia diuersa aut incommoda emergentia nosceret se passurum, nunquam expalluit aut mutauit vultu. Belliger quoque fuit insignis & fortunatus, qui

de cunctis congressibus in terra & in mari, semper triumphali gloria victoriam reportauit. Familiaris, humilis, & mansuetus erat omnibus, tam externis quam internis, subditos omnes suos fouens, diligens, promouens, & pie regens, Deo deuotus extitit, peregrinationes sæpe faciens, & ministros Ecclesiæ venerans & honorans. In curis temporalibus prouidus & tractabilis, consilioque discretus. In eloqui suauitate mitis & affabilis, in gestu & moribus compositus & maturus. Orphanis erat quasi pater, afflictis compatiens, miseris condolens, oppressos releuans, & cunctis indigentibus impendens auxilia oportuna. Nempe in conferendis beneficiis ultra omnes viuentes fuit semper profusus & promptus: in rerum modestus affluentia, non
 10 elatus aut superbus, sed se semper intra se continens, & inferioribus quasi parem se præbuit, & inter orbis primores & principes se dominum demonstrauit. In ædificiis construendis curiosus & sollicitus, in regni sui locis diuersis plura consummauit ædificia arte exquisitissima, structura elegantissima, situm pulcherrima, & sumptibus preciosa, moderate supportans gaudia, leuiter ferens damna. Recreationum erant ei solatia aucupatio & venatio, quibus quotiens vacauit, prout tempus anni obtulit, multum indulgit. Largus erat in donis & hilaris, prodigus in expensis. Corpore fuit elegans, statura quæ nec iustum excederet, nec nimis depressioni succumberet, vultum habens humana mortalitate magis venerabilem, similem Angelo, in quo relucebat tam mirifica gratia, ut si quis in eius faciem palam respexisset, vel nocte de illo somni-
 20 asset, eo proculdubio die sperabat sibi iocunda solatia prouentura. Regnum vero suum usque in senium strenue, sapienter & magnifice gubernauit. Et quia fuerat in vniuersa morum honestate præclarus, sub eo viuere regnare fuit, prout suis subditis videbatur. In tantum nempe eius fama percrebuit apud nationes barbaras & remotas, ut æstimarent se felices, qui vel eius erant dominio subditi, vel ei aliquatenus fœderati. Nullum enim credebant fore sub cælo regnum, quod tam nobilem, tam generosum & felicem produxit Regem, aut eo extincto imposterum suscitabit. Luxus tamen & motus suæ carnis lubricos etiam in ætate senili non cohibuit, alliciente eum satis inuerecunde (ut fertur) dicta meretricula A. P. vnde citius (ut putatur) propter illius immoderantiam vitam finiuit. In hoc loco summe notandum est, quod
 30 sicut in eius primordiis cuncta grata & prospera successiue ipsum illustrem reddiderunt & inclitum, ita eo ad senilem ætatem vergente, & ad occasum declinante, peccatis exigentibus, paulatim illa felicia decrescebant, & infortunia multa infausta & incommoda succrescebant, quæ minuere (proh dolor) famam eius.

DE TEMPORE REGIS RICHARDI

S E C V N D I.

40 **A**NNO Dominicæ incarnationis M. CCC. LXXVII. Cognito, quod illustris Rex Angliæ Edwardus tertius à conquestu, in vigilia sancti Albani Anglorum prothomartyris, videlicet 21. die mensis Iunii diem suum clausit extremum, Londonienses miserunt de valentioribus ciuib. ad Kyngston, vbi tunc morabatur tam Princeps quam mater eius Principissa, ut ciuitatem & ciues Londonienses recommendarent eisdem. Iohannes vero Philpot Londoniensis ciuis factururus verba pro conciuiibus, orationem huiuscemodi inchoauit. Noua afferimus excellentissime domine, quæ sine magno mœrore referre non possumus, de morte indubitanter imminente inuictissimi nostri Regis Edwardi, qui nos & regnum istud (ut ita dicam) per secula multa in tranquilla pace custodiuit & rexit, & iam manifestis in eo mortis signis desinit esse rector noster. Vnde rogamus ex parte ciuium & ciuitatis
 50 Londoniensis, ut habeatis recommendatam erga vestram reuerentiam, ciuitatem vestram, cameram scilicet vestram, qui in proximo eritis noster Rex, quem solum Regem recognoscimus, cuius solius subiiciemur imperio, flectemus arbitrio, parituri sumus dominio, famulabimur tam personæ quàm verbo, & ut cetera exequamur nostræ legationis nuntia, nouerit vestra reuerentia ciuitatem vestram indicibiliter perturbari, eo quod vestram præsentiam elongastis ab ea, quæ tantum vobis noscitur esse deuota, ut non solum parata sit, bona sua temporalia, sed etiam si necesse sit, pro vobis impendere vitam suam. Igitur ad vestram præsentiam accessimus, precaturi, ut ibidem tam ad consolationem ciuium quam vestri securitatem & solatium morari velitis. Deprecamur insuper (Princeps illustrissime) ut discordiæ, quæ inter ciues nostros
 R & do-

Legatio Londoniensium ad nomen regem.

& dominum nostrum ducem Lancastriæ nuper quorundam simultatib. orta est, nullorum quidem commodo, sed plurimorum dispendio finem imponere dignemini, ipsi duci & nostris ciuibus fructuosum. Hæc & his similibus ab eo peroratis, responsum est à Principe & suo consilio, quod satageret in omnibus eorum satisfacere voluntati. Et hoc modo dimissi læta nuntia suis ciuibus retulerunt.

*Legatio ex parte
regis Londoniensis.*

In crastino, qui est dies sancti Albani, missi sunt Londonias ex parte Regis dominus de Latymer, dominus Nicholaus Bonde, dominus Symon de Burley, & dominus Richardus Adderbury, qui nomine Regis noui salutauerunt ciues. Nam, vt diximus, dominus Rex Edwardus die obiit præcedente, & retulerunt eis tristitia de morte Regis antiqui, & læta de indole Regis noui, qui videlicet eos & eorum ciuitatem se delecturum promisit, & ad eorum urbem fore venturum ibique, vt petierant moraturum, exequentes & alia Regis noui mandata, dixerunt dominum Regem pro eis ad ducem verba fecisse, & quod dominus dux se in omnibus voluntati regis in hac causa submisit: quapropter esse voluntatis regiæ, vt eodem modo, & ipsi se submittant, & dominus Rex elaborabit, vt pax inter eos firmetur ad honorem ciuium & commodum ciuitatis. Ciues vero de tali forma pacis territi, responderunt se hanc rem nullo modo facturos, præcipue quia nouerunt Regem puerum & infirmum, ad patrocinandum eis in tanto motu, & quod non per eum, sed per eorum aduersarios & inimicos capitales eorum causa ventilaretur, & eorum arbitrio punirentur: si Regis mandatis in hoc articulo consentirent. Tandem (post tractatum habitum inter eos super isto negotio, per sex horas & amplius) in hanc sententiam conuenerunt, vt si idem milites vellent se ciuibus obligare, quod eorum submittio in nullius ciuium damnum temporale, vel dispendium corporale, seu in ciuitatis eorum præiudicium resultaret: regiis libenter iussionibus acquiescerent. Milites autem supradicti, & regiis votis satisfacere, & ciuium paci studentes consulere, sub sacramento fidelitatis suæ militiæ sponponderunt eis, non ad præiudicium (vt prædictum est) sed ad commodum eorum fore, si se Regi submitterent, sicut se submiserat prius dux. Hac securitate percepta ciues versus Schene maneriū regium iter capiunt, vbi reperiunt nouum regem & eius matrem, ducemq; Lancastriæ, & fratres suos regis filios, ac plures Episcopos congregatos circa corpus defuncti Regis. Quorum aduentu cognito, rex statim eos accersiri iussit: qui vt prius, deprecari sunt eum de adhibenda diligentia sua pro pace reformanda inter ducem & ciues, asserentes se paratos esse per omnia, ad subiiciendum se regis arbitrio. His dictis dominus Percy & Seneschallus regni, videlicet dux Lancastriæ cum militibus eisdem adiunctis inequitantes equos nobiles & prægrandes, vt viam inter turbas Regi facerent, inoffense incedebant. De quibus nimirum contigit, quod cum fuissent per ante formidabiles, non solum vulgo, sed ipsis regni magnatibus pro eorum affluentia & assentatorum frequentia, in hac equitatione adeo modeste se habuerunt, turbas tam honeste, tam facete, vt viæ cederent monuerunt, vt è tanta turba nullum illo die, nec in crastino verbo vel facto læderent quouis modo, vnde contigit, vt pene totius vulgi fauorem (quibus ante suspecti fuerant & odibiles) lucrarentur. Rex autem insidens magnum dextrarium tantæ personæ aptum, stratumque regaliter, sequebatur illos. Cuius gladium manibus eleuatum portabat ante eum dominus Simon Burlee, dominus quoque Nicholaus Bonde eius frætrum duxit, incedendo pedes. Regem vero sequebantur milites & Coetanei sui, atque domus regiæ familiares. Nec defuit tantæ turbæ magna vis lituum & barbarum, nam quælibet turba seorsim suos tubicines præcedentes habebat, statutique fuerunt per Londinenses super aquæductum, & super turrin, quæ in honorem Regis facta fuerat, tubicines qui clangerent in aduentu Regis. Qui omnes simul iuncti clangentes, sonum mirabilem audientibus reddiderunt. Fuit igitur dies ille iocunditatis & lætitiæ dies, vt ita dicam, clangoris & buccinæ dies diu expectatus, renouationis pacis & legum patriæ, quæ iam diu exulauerant, desidia Regis senis & auaritia obsecundantium sibi seruorum eius. Ad honorem insuper regium ciues ordinauerunt, vt per fistulas aquæductus efflueret abundans vinum, & per totum tempus equitationis, id est, per tres & amplius horas iugiter emanaret. Factum etiam fuerat quoddam castrum habens turres quatuor in superiori parte fori venalium, quod Chepe nuncupatur: de quo etiam per duas partes vinum defluxit abundanter. In turribus autem eius quatuor virgines speciosissimæ collatæ fuerant, stature & ætatis regiæ, vestibus albis indutæ, in qualibet turri vna, quæ aduentanti regi procul aurea folia in eius faciem efflauerunt, & propius accedenti, flores

*Dux Lancastriæ
Londoniensium
fauorem recipit.*

*Quomodo Rex
Richardus recipitur à Londonensibus.*

renos

renos aureos, sed sophisticos super eum & eius dextrarium proiecerunt. Cum autem ante castellum venissent, ciphos aureos acceperunt, & implentes eos vino ad fistulas dicti castelli, Regi atq; dominis obtulerunt. In summitate castelli, quæ ad modum tali inter 4. turrets eleuata fuerat, positus erat angelus aureus, tenens auream coronam in mali manibus, qui in tali ingenio factus fuerat, vt aduentanti Regi coronam porri-
geret inclinando. Adinuenta sunt illo die in ciuitate & alia multa, in honorem Regis, quæ numerare per singula longum foret. Nam singuli per vicos & plateas decertarunt, quis ei propensio-
rem reuerentiam exhiberet. Igitur cum tanto plebis ciuiumque tripudio, cum tanto dominorum procerumq; gaudio, perductus est ad pa-
latium regium prope Monasterium occidentale, vbi illa nocte quieuit.

Die Iouis, id est, 16. die Iulii, videlicet 17. Calend. Augusti, vigilia sancti Kenel-
mi Regis, conuenientibus Archiepiscopo & Episcopis, regniq; Proceribus ad West-
monast. summo mane, ordinata processione Monachorū in capis, Episcopi cū mona-
chis ad ostium regii thalami peruenerunt, & paratum Regem reperientes ibidem per
manus qui eius lateribus astiterunt, perduxerunt in Ecclesiam S. Petri, cantantes an-
riphonam in honorem Apostoli, cum oratione competenti adiuncta, & hac oratio-
ne: Deus humilium visitator, qui nos tua misericordia consolaris, præstende super fa-
mulum tuum Regem nostrum misericordiam tuam, vt per eum tuum in nobis adef-
se sentiamus aduentum. Rex vero mox vt altare peruenit, prostrauit se solo tenus an-
te altare, pauimentum autem stratum fuit palliis & tapetis. Profecuta, vt diximus, o-
ratione Archiepiscopus cum Episcopis qui aderant, prostrauit se super pauimentum
circa regem. Interim duo Episcopi Letaniam deuote cantarunt. Qua expleta erectus
rex ductus est ad sedē suā. Choro hæc antiphonam decantante, Firmetur manus tua.
Tunc episcopus sermonem fecit de materia Regis & regni ad populum, qualiter rex
se haberet in populo, & in quibus populus sibi debuit obedire. Quo completo iurauit
rex corā archiepiscopo, & proceribus qui ibi aderāt, quoniā ipsi soli eius iuramentum
audire potuerūt, quod ecclesiam suis pmitteret gaudere libertatibus, & eam & mini-
stros eius honoraret, & fidem rectā teneret, & rapacitatem & omnes iniquitates in o-
mnibus gradibus interdiceret. Secundo, vt leges terræ bonas vbiq; seruari faceret, &
præcipue leges S. Edwardi regis & cōfessoris, qui in eadem requiescit ecclesia, & ma-
las leges faceret abrogari. Tertio, vt non esset personarū acceptor, sed iudiciū rectum
inter virū & virū faceret, & præcipue misericordiā obseruaret, sicut sibi suā indulgeat
misericordiam clemens & misericors Deus. Quibus expletis, Archiepiscopus præce-
dente eum Marefcallo Angliæ domino Henrico Percy, conuertit se ad omnes plagas
ecclesiæ, indicans populo regium iuramentum, & quærens si se tali Principi ac recto-
ri subiicere, & eius iussionibus obtemperare vellent. Et responsum est à plebetifono
clamore, quod libenter sibi parere vellent. Archiepiscopus Regem his orationibus
benedixit, videlicet: Omnipotens & sempiternus Deus, benedic domine hunc regem
nostrum, qui regna omnium moderaris à seculo, tali eum benedictione glorifica, vt
Dauidicæ teneat sublimitatis sceptrū, & glorificatus in eius propitiis reperiatur me-
rito, da ei tuo inspiramine, cum mansuetudine ita regere populum sicut Salomon fe-
cisti regnum obtinere pacificum. Tibi cum timore semper sit subditus, tibiq; militet
cum quiete, sit tuo clypeo protectus cum proceribus, & vbiq; tua gratia victor existat.
Honorifica eum præ cūctis regibus gentiū. Felix populis dominetur, & feliciter eum
nationes adorent, viuat in gentium cateruis magnanimus, sit in iudiciis æquitatis sin-
gularis, locupletet eum tua prædiues gratia, fructiferam habeat patriam, & eius libe-
ris tribuas profutura. Præsta ei prolixitatem vitæ per tempora, vt in diebus eius oria-
tur iustitia, à te robustum teneat regiminis solium, & cum iucunditate & iustitia æter-
no gloriatur in regno. Ista præmissa benedictio post primā orationē ad modū præfa-
tionis ab archiepiscopo cantabatur, qua cantata dicta est & alia oratio super eum, sci-
licet, Deus ineffabilis, cum antiphona, Confortare & esto vir fortis, &c. Tunc archie-
piscopus accessit ad eum, & vestimēta sua discindens manib. suis à summo vsq; ad imū,
exuit eum præter camisiā vestimentis suis. Custodes vero 3. portuū ex officio tam in
processione quā in vnctione & missa, & post missam dū iret ad palatiū ab ecclesia, sem-
per tenuerunt vmbraculum sericum magnum, coloris aerii, 4. hastis per quatuor an-
gulos colligatum. Sed non obstante vmbraculo supradicto, mox antequam Archie-
piscopus eum suis vestibis exuisset, allatus est pannus aureus à Comitibus, sub quo la-
tuit, dum vnctionis perciperet sacramēta. Archiepiscopus (vt diximus) eo nudato vn-
xit manus eius de oleo sanctificato, vnde vncti fuerunt Reges & Prophete, & sicut va-

*Ordo coronatio-
nis Richardi se-
cundi.*

*Iuramentum re-
gis ante corona-
tionem sum.*

*Proces dicenda in
coronatione.*

xit Samuel Dauidem in Regem, vt sis benedictus & constitutus Rex in regno isto super populum istum, quem dominus Deus tuus dedit tibi ad regendum & gubernandum. Item dixit orationem, Prospice omnipotens Deus. Post hæc vnxit Archiepiscopus caput eius, & pectus, & scapulas, ambasq; compages brachiorum, dicens: Vnguantur caput istud, pectus, & scapulæ, & compages brachiorum de oleo sanctificato, &c. vt supra. Et interim chorus cantauit antiphonam, Vixerunt Regem Salomonem in Gyan, Sadock sacerdos, & Nathan Propheta, & ascendentes læti, dixerunt, viuat. Alleluia. Postquam subiunxit Metropolitanus, Deus Dei filius Iesus Christus dominus noster, qui à patre oleo exultationis vnctus est præ participibus suis, ipse per præsentem sacri vnguinis infusionem spiritum paracleti super caput tuum infundat, 19 benedictionemq; eandem vsq; ad interiora cordis tui penetrare faciat, quatenus hoc visibili & tractabili dono inuisibilia percipere & temporali regno iustis moderaminibus executo æternaliter cum eo regnare merearis. Mox finita oratione Archiepiscopus cum Episcopis hymnum, Veni creator spiritus, Rege interim prostrato in longa venia, & circa eum Metropolitano cum suffraganeis suis. Expleto hymno erectus est Rex ab archiepiscopo, & indutus est primo tunica S. Ed. & post eiusdem dalmatica, proiecta circa collum eius stola, archiepiscopo orationes cõpetentes interim prosequente. Post hæc archiepiscopus cum episcopis tradidit ei gladium, ita dicens: Accipe gladium p manus episcoporum licet indignas, vice tamẽ & autoritate sanctorum apostolorum cõsecratis tibi 20 regaliter impositum, nostræq; benedictionis officio defensionẽ S. ecclesię diuinitus ordinatum, & esto memor de Psalmista, qui prophetauit dicens: Accingere gladio tuo super femur tuum potētissime, vt per eundẽ vim æquitatis exerceas, molẽ iniquitatis potenter destruas, & sanctã Dei Ecclesiã, eiusq; fideles propugnando ptegas, nec minus sub fide falsos q̃ christiani nominis hostes execreris ac destruas, viduas & pupillos clementer adiuues ac defendas, desolata restaures, restaurata conserues, viciscaris iniusta, confirmes bene disposita, quatenus hæc in agendo virtutum triumpho gloriosus iustitię cultor egregius, cum mundi saluatore, cuius typum geris in nomine, sine fine merearis regnare. Tunc duo comites eum gladio accinxerunt: quo facto archiepiscopus armillas dedit ei, dicens: Accipe armillas sinceritatis & sapientię, diuinęq; circũdationis 30 indicium, quib. intelligas omnes operationes tuas contra hostes visibiles & inuisibiles posse esse munitas. Postea induit eum archiepiscopus regali pallio, ita dicens: Accipe pallium quatuor nuntiis formatum, per quod intelligas 4. mundi partes diuinę potestati esse subiectas, nec quenquã posse feliciter regnare in terris, nisi cui potestas regnandi fuerit collata de cõelis. Interim dum archiepiscopus benedixit coronam regiam, duo comites calcariauerunt, ad quorum officium pertinebat. Benedicta corona, archiepiscopus imposuit super caput, dicens: Coronet te Deus corona glorię atq; iustitię, honore & opere fortitudinis, vt per officium nostrę benedictionis, cum fide recta, & multiplici bonorum operum fructu ad coronã peruenias regni perpetui. Tunc dedit ei archiepiscopus anulum cum his verbis: Accipe anulum regię dignitatis, & p hunc, vitę 40 catholice fidei signaculum, quia vt hodie ordinari caput & Princeps regni ac populi, ita perseuerabis autor & stabilitor christianitatis & christianę fidei, vt felix in opere, locuples in fide, cum rege regum glorieris. Statim post hæc accessit dominus de Furneal, ex officio offerens ei rubeã chirothecã, quam archiepiscopus benedixit, & imposuit manui regię, dans ei sceptrum his verbis, dicens: Accipe sceptrum regię potestatis insigne, virgã sc. regni rectã, virgã virtutis, qua te ipsum bene regas, sanctã ecclesiam, populum videlicet christianum tibi à Deo cõmissum, regia virtute ab improbis defendas, prauos corrigas, rectos pontifices, & vt viam rectam tenere possint, tuo iuuamine dirigas, quatenus de temporali regno ad æternum regnum peruenias. Tunc dedit ei archiepiscopus virgam in alia manu, habentem in summitate columbã, nam sceptrum quod susceperat, confurrexit de rotundo globo aureo, quẽ tenebat in manu chirothecata, & habebat in summitate signum crucis, & accepit virgam prædictam cum verbis 50 his: accipe virtutis & æquitatis, qua intelligas te mulcere pios, & terrere reprobos, errantes viam doce, lapsiq; manum porrige, disperdasq; superbos & releues humiles, vt aperiat tibi ostium Iesus Christus dominus noster. Post hæc benedictus est Rex ab archiepiscopo ita dicente: Benedicat te Deus, custodiatque te, sicut te voluit super populum suum esse Regem, ita in præsentī seculo felicem æternę felicitatis tribuat esse consortem. His itaque peractis, osculatus est rex episcopos omnes & abbates, à quibus statim ductus est postea ad regale solium, episcopis inchoantibus hymnum, *Te Deum laudamus*. Finito hymno archiepiscopus ita eum allocutus est: Sta & retine amodo

amodo locum,quem hucusq;paterna successione tenuisti hereditarie,indico tibi delegatum per auctoritatem Dei omnipotētis,& præsentem traditionem nostram, scilicet omniū Episcoporum ceterorumq; Dei seruorum,& quanto clerū sacris altaribus propinquorem,tanto ei potiore in locis congruis honorem impendere memineris,quatenus mediator Dei & hominum , te mediatorē plebis in hoc regni solio confirmet,& in regnum æternum regnare faciat Iesus Christus dominus noster.

His itaq; peractis,inchoata est missa congruens coronationi regiae,cuius officium fuit, *Protektor noster aspice Deus, &c. Epist. Subiecti estote omni humana creatura propter Deū, &c. Gradale, Dirigatur domine oratio mea. Alleluia. Domine in virtute. Euangeliū. Abeuntes Phari-*

Solemnizatio missa in die coronationis.

10 *risai:* quod legit Episcopus Eliensis, Epistolam Episcopus Wigorniens. Offertorium. *Intende orationi mea rex meus.* Lecto Euangelio rex de regali solio ductus est ad offerendum. Primo igitur obtulit Archiepiscopo gladium suum, quem susceperat, & postea aurum quantum placuit, sed non minus marca propter cōsuetudinem: nam plus potest offerre Deo & sancto Petro si placuerit. Post oblationem pecuniæ obtulit Archiepiscopo panem & vinum ad modum monachorum, vnde postea, tam Metropolitani, quam ipse Rex, communicati fuerunt. Quo facto, Comes, ad cuius officium pertinebat portare gladium coram Rege, gladium quem obtulerat dato precio redemit, & assumens eum, portabat coram illo. Per celebrata missa vsque ad communionem, reductus est Rex ad altare, & genu flexo coram Archiepiscopo, dixit,

20 confiteor. Quo absolutō, communicatus est, & iterum reductus est ad sedem suam.

Ioannes Dymock arblata Regis.

Interea pręparauit se quidam miles dominus Iohannes cognomento Dimmock, qui clamabat se habere ius ad defendendum iura regis illo die, & etiā si opus esset duello configendum, si aliquis pręsumeret affirmare regē non habere ius in regno Angliæ, quanquā per ante dominus Baldwinus Freuill idem officiū calumniasset, sed minime obtinuisset. Iste ergo dominus Ioannes memoratus circa finem missæ incescit ad valuas ecclesię armatus decentissime, insidens dextrarium pulcherrime phaleratum, caput etiam & pectus armatum, quē idem dominus Ioannes assumpsit de stabulo regio, vtens videlicet auita consuetudine tam in equo quam armis eligendis de thesauro Regis. Nam & optimū equum pręter vnū, & pręter vnam pręcipuam armaturā facturus dictum officium elegit ad vota sua. Veniens igitur ad ostium monasterii, pręequitantibus duobus, qui eius lanceam & clypeum portauerunt, expectauit ibidem finem Missæ. Marechallus autem Dominus Henricus Percy, facturus viam coram Rege cum Seneschallo Angliæ, scilicet Duce & Constabulario Domino Thoma Woodstock, atque fratre eiusdem Marechalli Domino Thoma Percy, qui omnes magnos inequitauere dextrarios, venit ad dictum militem, dicens non debere eum ea hora venire, sed quod vsq; ad prandium regis differret aduentum suum. Quapropter monuit, vt rediret, & deposito tanto onere armorum, quiesceret ad illud tempus. Miles vero iuxta consiliū Marechalli facturus abscessit. Illico post decessum militis pręequitantibus Regem Dominis supradictis super dextrarios

30 suos, necnon pręcedente magno numero diuersi generis histrionum, portatus est in humeris militum vsque ad regale palatium, ductus quoque in cameram, paulisper quieuit: debilis enim fuerat prę labore parum comedens. Postea venies in aulam, creauit quatuor nouos Comites, antequam accessit ad mensam. Dominum namq; Thomam Woodstock auunculum suum comitem Buckingham, datis sibi mille marcis annuatim de thesauro regio, donec sibi de terris tanti valoris prouidisset. Dominum etiam Gifardum de Angolismo quondam magistrum suum fecit Comitem Huntington, datis insuper sibi mille marcis annuis vsquequo prouidisset sibi de redditibus tanti valoris. Domino de Moubray dedit comitatum Notynghamiæ, & domino Henrico Percy Northumbriæ comitatum: Milites quoque fecit nouē eodem die. Quibus expletis ascendit ad mensam, vbi epulabantur cum eo splendide Episcopi, Comites, & barones, & innumera multitudo plebis confluxerat in illā aulam pręgrandem, quod nisi dux Lancastriæ, videlicet Seneschallus Angliæ, & comes Buckinghamiæ regni Constabularius, & dominus Henricus Percy Marechallus, cum multis aliis, viam super equos grandes seruientibus in aula fecissent, ferentes fercula ad conuiuas minime penetrassent. Si numerare contenderem conuiuii apparatus, diuitias vtensilium, varietatem ferculorum, forsitan lector percussus tam tantarū rerum pretio q̄ magnitudine credere formidaret. Vnū solum quod ad magnificentiam regiam ostendendam fuerat ordinatum, aliis omissis æstimo proferendum. In medio regalis palatii eleuata fuerat quædam columna marmorea, concava super certos gra-

Coronatio Regis.

duſ, cuius ſummitatem occupabat grãdis aurata aquila, ſub cuius pedibus in capitel-
lo columnæ per 4. partes vina diuerſi generis decurrebant per totum diem corona-
tionis regiæ, nec erat qui aliquem vel pauperem virum haurire vetaret: facta eſt coro-
natio hæc anno 11. ætatis ipſius Regis.

*Generalis pro-
ceſſio.*

In craſtino facta eſt generalis proceſſio pro rege & pace regni, cui reueſtiti inter-
fuerunt omnes prælati, videlicet archiepiſcopus cum epiſcopis & abbatibus, qui co-
ronationi interfuerant, nec non ipſe dux cum magnatibus & plebis multitudine co-
pioſa. In progreſſu autem proceſſionis concionatus eſt ad populū epiſcopus Roſſen-
ſis, hortans vt diſſentiones & diſcordiæ ortæ, & diu continuatæ, inter plebem & do-
minos ſopirentur, probans per multa argumenta huiuſcemodi diſſentiones deo plu-
rimum diſplicere, hortatus eſt in ſuper dominos, ne tantis de cetero ſine cauſa taxa-
tionibus populū onerarent. Monuit etiã vt ſi cauſa ſub eſſet rationabilis, qua oporteret
eos omnino iuuare regem & regnum, vt patienter & ſine murmure atq; ſeditio-
nis ſcrupulo facerent quod oporteret. In ſuper exhortatur eos generaliter, qui Regi
puero & innocenti adhererent, vt relictis vitiis, quibus inſeruebant, videlicet ſtupris
in fornicationibus & adulteriis, eius puritati & innocentix ſe conformare ſtuderent,
aſſerens hoc omnino patri patrię oportunū, per facileq; Regi à recto deuiare, regnum
& populū periclitari, ſi tales eſſent, qui ei ſedulo & eius conſilio miniſtrarent. Ser-
mone finito, domini & vniuerſi prælati ad ſua ſecedunt.

*Concio Roſſenſis
Epiſcopi.*

Post paucos dies videns dux iam mortuo patre ſuo, & nouo rege conſtituto, cun-
cta noua in regno futura, & ſuam ſolicitudinem totaliter inter nouellos paruipen-
dendam, & metuens, ſi aliqua ſiniſtra contingerent Regi vel regno, ſibi putarentur,
& pro bonis grates nullas ſiue modicas reportaret, accepta à Rege licentia ad ſua diſ-
ceſſit, promittēs regi, ſi indigeret eius adiutorio, ſe venturū cum abundantiori appa-
ratu, quam aliquis dominus Angliæ ad ſuccurrendum ſibi, ſiue aliud faciendū, quod
eius commodo cederet vel honori. Erubuit (vt dicebatur) & doluit, quod Rex cepe-
rat de eo caſtrum Herefordiæ, vbi propoſuerat maxime moratus fuiſſe: & ob hoc ma-
remium emendicauerat ad fortiſicandum caſtellum de ſuis vicinis poſſeſſoribus
in circuitu eius, ad magnam proſecto iacturam eorundem, de quibus talia poſtu-
lauerat, quia non audebant eius voluntati contraire, eo præcipue tempore, quo ta-
lia poſtulauit. Receſſit ergo (vt diximus) à curia ad caſtrum ſuum de Killing-
worth, ſed ante receſſum eius conuiuentia ordinati ſunt, qui Regis hærerent conſi-
lio, & qui quodammodo tutelam haberent. Ordinati ſunt autem ad conſilium viri
boni, prudentes & famoſi, dominus Wilhelmus de Courtney Epiſcopus Londinen-
ſis, & dominus Edmundus de Mortuomari, Comes Marchiæ, & quamplures alii, de
quibus opinabatur optime plebs communis. Sed quia Sarisburienſis Epiſcopus, &
dominus Latymer illis mixti fuere, murmuratio ſucceſſit in vulgo. Per idem tem-
pus Mareſchallus Angliæ dominus Henricus Percy Comes Northumbriæ reſigna-
uit virgam officiũ ſui, & ad ſua diſceſſit. Cuius loco ſubrogatus eſt dominus Iohan-
nes de Arundele, frater Comitis Arundeliæ, qui ſtrenue Gallicis reſtitit, quando im-
petum fecerunt ad villam de Southampton, & eos viriliter arcuit ab ingreſſu villæ, ad
mare fugatis.

*Comes North-
briæ infeſtat Sco-
tæ.*

Prope tempus illud ex leui quadam cauſa orta diſſentione in nundinis apud Ro-
keſborough inter Anglos & Scotos, & occiſis quibuſdam ex vtraque gente Scoti
peius calculum reportarunt, vnde in furorem verſi, paulo poſt redeuntes ad ean-
dem villam, duce Comite de Dunbare, & nocte eam occupantes, peremerunt ciues,
eorum bona diripientes infeſtis manibus, & villam flammis voracibus coardentes.
Quibus cognitis, nouus Comes Northumbriæ tactus dolore cordis intrinſe-
cus, maxime pro morte ciuium de prædicta villa, ſtatuit vindictam retribuere in
hoſtes eorum, & auferre opprobrium terræ populi ſui. Et intrans terram Scotiæ
cum decem millibus hominum, prædas agit in terris Comitum de Dunbarre, qui
auctor extitit totius mali præſcripti, & triduo donans obuia quæque flammis, poſt
congruam ultionem inimicis repenſam, reuerſus eſt cum ſuis omnibus in terram
ſuam.

*Gallici capiunt
inſula de Veſta.*

Et ne ſolum Angliſ gaudia impermixta dolori contingerent: Gallici eodem anno
viceſimo primo die menſis Auguſti, inſulam (vt ita dicam) incapabilem de Wight
capiunt, minus virtute quam aſtu, quæ à nullo hominum fuiſſet captiuata, ſi dili-
genti cuſtodia fuiſſet conſeruata. Sed Inſulanorum male cauta ſecuritas eis indu-
xit exterminium, Gallicis inſperatum tripudium, & Angliſ opprobrium & graue
damnum.

damnum. Reuera Gallici ad insulam tempestate pulsi, temptauerunt irrumpere insulam supradictam, æstimantes insulanos inscios eorum aduentus, sed Vectuarios non latebat consilium Gallicorum. Quare permiserunt eos ingredi terram suam, vt certis intromissis quibus præualere rebantur, cæteri ab ingressu arcerentur: sed secus accidit quam credebant. Nam (vt diximus) quibusdam intromissis, conati sunt Vectuarii adimere cæteris ingressum terræ, sed frustra, quoniam Gallici tam abunde proruperunt, quam constanter Insulanos à maris custodia repulerunt, vt iam compellerentur latebras fugiendo quærere, qui prius credebant se posse pro suæ voluntatis arbitrio Gallicos captiuare. Gallici igitur tali modo Insula prædicta potiti, vndique peruagantur, stragem ex incolis faciendo, villas quasdam comburendo, & incolarum substantias abradendo. Tandem ad Castellum quod in eadem Insula est venientes, & eam leui negotio occupare putantes, inuenerunt ibidem incredibilis asperitatis stimulum, dominum Hugonem Tyrrell, custodem Castellî prædicti, qui eis audacter prope castellum occurrens fecit maximam stragem inter illos, ob quam causam ab illius castelli infestatione destiterunt, & de cætero non arbitantes tutum cohabitare tam vicino serpenti, prædam quam potuerant ex Insula collegerunt, & insulanos coegerunt extorquere ab amicis quos habebant extra insulam mille marcas argenti pro saluatione domorum ab ignibus & residuo bonorum suorum. Insuper accepto iuramento de fidelitate ab eisdem conseruanda, & quod non resisterent eis per circulum vnus anni, quotienscunque placeret eisdem ingredi terram illam, à loco recesserunt. Post occupationem insulæ supradictæ, Gallici galeas iterum repetentes circuierunt oram maritimam vsque dum peruenerunt ad obiectum villæ de Winchelsee. Et cognoscentes abbatem de Bello ad illam conuolasse causa custodiæ, missis nunciis, petunt vt villam redimat. Abbas vero negat se empturum, quod non perdiderat, quin potius denunciat, vt ab infestatione villæ desistant sub interminatione damni quod eis poterit prouenire. Gallici eius responso exasperati, petunt (si bellum velit) vt singuli ex vtraque parte mittantur, vel certe plures qui spectante vtroque exercitu congregiantur: sed nec hanc petitionem Abbas admittit, dicens se religiosum virum esse, & non licere sibi huius petitiones admittere, nec illuc belli causa, sed tuitionis & conseruationis pacis patriæ aduenisse. His auditis, Gallici æstimantes animum abbatis suorumque defecisse: mox ad motis instrumentis bellicis, scilicet missilibus quorum copia fruebantur, villam acriter infestabant, pugnantes à nona vsque ad vesperum: sed abbatis & eorum qui cum ipso erant laudabili probitate minime profecerunt. Interim dum pugnant ibidem mittunt partem nauium ad villam de Haltings, quæ reperiens villam pene vacuam, combusserunt eam. Gallici vero videntes se nil præualere apud Wynchelsee recesserunt.

Eodem anno Gallici intrauerunt ad villam de Rottyngdene, prope villam de Lewes, vbi obuiauit eis Prior de Lewes, cum parua manu, & superueniente copia Gallicorum captus est, ductusque ad naues eorum cum duobus militibus qui sibi adhaerant, videlicet domino Iohanne de Fallesey, & domino Thoma Cheyne, & vno armigero, cuius nomen erat Iohannes Brokas. Quidam autem armiger qui diu fuerat in obsequio prioris de Lewes natione Gallicus, tam viriliter, tam animose pugnauit ibidem contra Gallicos, donec effunderentur eius viscera ad pedes suos, & ipse insequendo hostes, quod est dictu horribile, ea per grande spacium post se primo protraheret, tandem omnino relinqueret. Defuerunt autem in illo conflictu ex Anglicis pro, e centum. Igitur (vt diximus) Gallici cum omni classe sua repatriauerunt, cuius summa se extenderat ad triginta septem Galeas, octo cogones Hispanicas, & nonnullas bargias. Mox igitur vt patriam attigerunt, quidam illorum profecti ad obsidionem, quæ tunc circa villam de Arde proditiōe quæ eis semper familiaris existit, tradente eis custode castelli eiusdem villæ quodam Alemanno, scilicet Domino de Gunny, villam primo, mox munitionem occupauerunt, Ob quam causam idem custos captus à domino Hugone Caluerley custode Calestæ Angliam missus est, & cæcerali custodiæ mancipatus.

Dum hæc agerentur in Gallia, accidit toti Angliæ luctuosus euentus in Aquitania. Egregius miles dominus Thomas de Hilton, cui commissæ fuerat custodia prouinciæ Aquitanicæ, nimis inconsulte cum paucis super plures Gallicorum irruens, ab eorum multitudine oppressus & captus est, cum multis nobilibus eiusdem terræ, qui parti Anglicanæ fauebant. Hoc autem infortunium contingebat prope villam quæ Rule nuncupatur.

*Prior de Lewes
captus à Gallicis*

*Gallici capiunt
villam de Arde*

*Tho. de Hilton
captus in Aquitania*

*Parliamentum
in quo prescribi-
tur Alicia Pee-
res & saxon regis.*

Per idem tempus coactum est Parliamentum Londoniis, quod à festo Michaelis usque ad festum beati Andreæ Apostoli protelatur. In eo Parlamento fuere pene omnes milites cum prædicto domino Petro de la Mare, qui ita nobiliter perstiterunt in eo Parlamento, quod bonum merito appellatur pro incremento patriæ atque regni commodo. Hii itaque resumentes petitiones suas eo in loco quo prius dimiserant, institerunt pro bannitione illius Aliciæ Peeres, quæ contempto statuto parliamenti, & iuramento quo se astrinxerat, curiam regis ingredi ausa fuit ad suadendum & impetrandum ab eo quæcunque sibi placerent. Quæ quamvis plures ex dominis, & omnes legisperitos Angliæ pecunia corruisset, qui pro ea non tantum occulte, sed publice allegarunt, diligentia tamen & sapientia prædictorum militum ore suo conuicta proscribitur, omnibus bonis suis mobilibus & immobilibus fisco regio iudicatis. Concessa sunt autem in adiutorium regi ab ecclesia & clero duæ decimæ eodem anno persolvendæ, ea tamen conditione, ut videlicet rex de cætero populum, non grauet talibus petitionibus extorquendo pecuniam subditorum, sed de suis uiuat, & continuet guerram suam, quæ utique (prout responsum fuerat ibidem) bona sua propria regalia sibi sufficiunt, tam ad regiæ domus exhibitionem quam ad guerræ sustentationem, si eadem bona ministros idoneos sortiantur. Et deputati sunt ad huius pecuniæ custodiam duo ciues Londini, Wilhelmus Walworth, & Iohannes Philpot.

*Anglici mare
ingrediuntur.*

Circa tempus illud audientes Anglici multitudinem nauium Hispanorum apud Scusiam venti penuria detineri, collecta copia armatorum cum ingenti classe mare ingredi meditantur, cupientes eis vicem rependere pro damnis quæ Anglis irrogauerant, ferentes auxilium Gallis ætate præcedente. Cuius classis primi fuere: Dominus Thomas Wodstock comes Buckingham, dux Britannia: dominus de Latimer, dominus Fitzwater, dominus Robertus Knolles, & nonnulli alii valentes cum eis: qui ingressu maris sæuam experti sunt fortunam. Nam nimium insurgente vento imbreque nociuo, mox naues ad inuicem separatæ in partes dilabuntur, confringuntur mali, vela dirumpuntur, plura de minoribus vasis quæ victualia exercitui fuerant allatura, submersa. Dum qui in ea concesserant, timore tempestatis ipsa relinquerent, ingrediendo naues maiores, vel iuxta suam opinionem fortiores, diuina tandem superueniente clementia naues inuicem recollectæ ad terram Angliæ sunt appulsæ. Et refarcitis eisdem iterum, bellatoribus instauraturæ, & iterum mare petunt.

*Gissa domini
Hugonis Cal-
uerley.*

Prope dies illos dominus Hugo Caluerley faciens expeditionem versus Bologniam, fortuito repperit in portu prædictæ villæ bargiam, quæ Aden villa nomen habuit, cum alia quæ erat regis Franciæ, & nauibus maioribus & minoribus numero viginti sex: quas omnes repente iniecto igne cremauit cum magna parte de suburbanis illius villæ, in quibus etiam eodem die à capellano suo missam celebrari fecit, quam & satis audacter ad finem audiuit, qua completa, eandem partem villæ direptioni dedit, abducens secum quæque concupiscibilia, quæ ibidem repperit, cum nonnullis captiuis qui ei obuiauerunt infausta hora. Magnum etiam numerum ouium & armentorum coram se agebat, quæ reppererat in pastura prope villam, quæ victui Calesiensium merito sufficerent per magnum tempus. Eius namque laudi adiciendum est, quod castellum de Merk, quo non posset esse locus magis infestus Calesiæ, si parti aduersariorum faueret, custodum incuria perditum, ipso eodem die strenue recuperauit, quo ipsum Gallici occupauerant, & antiquo dominio parere fecit. Siquidem dominus Robertus de Salle miles ne gregarius, sed inter famosiores strenuus, prædicti castelli capitaneus in Angliam concesserat de certis causis, commissa ipsius munitionis custodia quibusdam minus cautis. Qui eo absente, debito negligentiores effecti, ludis & sagittationibus indulserunt. Cumque certo die sagittationem instituissent non procul extra dictum castellum, videntes stipendiarii qui in ea erant Picardi, videlicet quod genus hominum apud Gallicos falsissimum reputatur, quod omnes Anglici exiissent, portas claudunt, castellum muniunt, & Gallicos quibus proditione fauebant admittunt, exclusis hoc ingenio Anglicis, quibus castelli fuerat custodia deputata. Quod comperiens, ut prælibauimus, dictus dominus Hugo, facto insultu castellum cepit, Gallicos qui aduenerant captiuauit, & omnes Picardos tanquam proditionis reos excapitauit. Transit annus iste lætus temperie, abundans fruge, sed fructibus arborum pene carens: quod autem ad pacem pertinet, Angliæ inquietus & suspectus, non minus fraude ciuium quam terrore Gallicorum: Gallicis immanitate expensarum

rum & lucri exilitate nimium onerosus: nam à Pascha vsque ad festum Michaelis, ad stipendium triginta septem galearum & octo cogonum à Francis pendebantur diebus singulis mille marcae, quæ profecto summa continuata tanto tempore, depauperasse poterat quodque prædiues regnum.

Anno dominicæ incarnationis millesimo trecentesimo septuagesimo octauo, *Natale apud Windesore.* qui est annus regni regis Richardi secundi primus, tenuit idem rex natale apud Windesore. Paucis diebus ante natale dominicum, misit dominus Papa bullam suam vniuersitati Oxoniæ, ministerio magistri Edmundi Stafford, increpans eos correctione paterna super eorum desidia manifesta, eo quod tanto tempore opiniones erroneas ipsius Antichristi discipuli, scilicet magistri Iohannis Wicklef radicari permiserant inter eos, dum non fuerat qui ferrum doctrinæ catholicæ assumere laboraret ad extirpandum tam pestiferæ plantationis radicem. Cuius vniuersitatis moderni procuratores siue rectores quantum degenerauerint à prudentia seu sapientia antiquorum per hoc facile coniici poterit, quod audita causa aduentus dicti papalis nuncii, diu in pendulo hærebant vtrum papalem bullam deberent cum honore recipere, vel omnino cum dedecore refutare. Oxoniense studium generale quam graui lapsu à sapientiæ & scientiæ culmine decidisti, quod quondam inextricabilia atq; dubia toti mundo declarare consuesti, iam ignorantia nubilo obfuscata dubitare non vereris, quæ quemlibet è laicis christianis dubitare non decet. Pudet recordationis tantæ imprudentiæ, & ideo supersedeo in huiusmodi materia immorari, ne materna videar vbera decerpere dentibus, quæ dare lac potum scientiæ consueuere. Igitur bullæ papalis tenor missæ Oxoniæ studio, talis est.

Gregorius episcopus seruus seruorum Dei, dilectis filiis Cancellario & vniuersitati studii Oxoniensis, Lincolniensis dioc. salutem, & Apostolicam benedictionem. Mirari cogimur & dolere, quod vos propter gratias & priuilegia vestra, studio Oxoniensi ab Apostolica sede concessa, & propter scientiam scripturarum, in quarum pelago sælicæ remigio (dante domino) nauigatis, tanquam pugiles & propugnatores orthodoxæ fidei (sine qua salus animarum non prouenit) esse deberetis, lollium inter purum triticum campi gloriosi studii vestri prædicti per quandam desidiam & ignauiam permittitis pullulare, & quod est perniciosius etiam adolere, nec circa extirpationem huius lollii (sicut nuper apud nos insonuit) curam aliquam adhibetis, non sine clari nominis obfuscatione, & animarum vestrarum periculo, & contemptu ecclesiæ Romanæ, & memoratæ fidei detrimento. Et quod nos torquet acerbius, prius de incremento lollii prædicti sentitur in Roma quam in Anglia, vbi tamen extirpationis remedium apponeretur. Multorum siquidem fide dignorum insinuatione admodum dolentium nostris est auribus intimatum, Iohannem Wycklef rectorem Ecclesiæ de Littleworth Lincolniensis dioc. sacræ paginæ professorem, vtinam non magistrum errorum, in illam detestabilem erupisse vecordiam, nonnullas propositiones & conclusiones erroneas & falsas, ac prauitate hæreseos sapientes, quæ statum totius ecclesiæ, & etiam secularem policiam subuertere & enervare nituntur, quarumque aliquæ, licet quibusdam mutatis terminis, sentire videntur peruersas opiniones & doctrinam indoctam damnatæ memoriæ Marculii de Padua, & Iohannis de Gandauo, quorumlibet per sælicis recordationis Iohannem Papam 22. prædecessorem nostrum reprobatus extitit, & damnatus in regno Angliæ nempe glorioso potentia, & copia facultatum, sed gloriosiore pietate fidei rutilante, sacræ paginæ claritate consueto viros producere, diuinarum scripturarum recta scientia illustratos, morum grauitate maturos, deuotione conspicuos, & catholicæ fidei defensores, dogmatizare, & publice prædicare, seu potius de virulento claustris sui pectore euomere non veretur, nonnullos Christi fideles earum resperione commaculans, & à fidel præfatæ rectæ semita in præcipitium perditionis abducens. Quare cum tam lethiferam pestem, cui si eius non obsteret principis & ipsa radicitus euellatur, sero posset medicina parari quum per contagionem plurimos infecisset, nolimus prout nec velle debemus sub conuiuentia pertransire. Vniuersitati vestræ per Apostolica scripta in virtute sanctæ obedientiæ, & sub pœna priuationis omnium gratiarum, indulgentiarum, & priuilegiorum vobis ac studio vestro à dicta sede concessorum, districtè precipiendo mandamus, quatenus conclusiones & propositiones in bonis operibus & fide, male sentientes licet eas proponentes sub quadam verborum siue terminorum curiosa implicatione nitantur defendere, de cætero non permittatis asseri vel proponi: dictumque Iohannem autoritate nostra capiatis, seu capi faciatis, & ipsum

ipsum venerabilibus fratribus nostris Archiepiscopo Cantuar. & Episcopo Londoniensi, aut eorum alteri sub fida custodia transmittatis. Contradictores quoque de dicto studio vestræ iurisdictioni subiectos, si qui forsan (quod Deus auertat) essent huiusmodi erroribus maculati, si in illis pertinaciter perstiterint ad similem captionem & missionem, aliasque prout ad vos spectat, firmiter & sollicitè procedatis, perinde vestram suppleturi diligentiam, hætenus in præmissis remissam, nostramque & dictæ sedis præter diuinæ retributionis præmium & meritum, gratiam & benevolentiam adepturi. Dat. Romæ apud Sanctam Mariam maiorem. ii. Calendas Iunii, Pontificatus nostri anno septimo.

Bulla papalis missa Archiepiscopo Cantuar. & Episcopo Londoniensi ad monendum regem & magnates Angliæ ne prædicto Iohanni fauerent vel adhaerent quouis modo.

Venerabilibus fratribus Cantuar. Archiepiscopo & Episcopo Londoniensi salutem. &c. Super periculosis admodum erroribus quarundam detestabilium propositionum & conclusionum ad enervationem totius ecclesiastici status tendentium, scriptas in cedula inclusa præsentibus. Iohannes Wycklef, rector Ecclesiæ de Littleworth Lincolniensis dioc. dictus theologiæ professor, asseritur tam impie quam temere suscitasse, plenius vobis scribimus, per alias nostras patentes litteras, quas cum præsentibus destinamus. Volumus igitur & vestræ fraternitati mandamus quatenus clarissimum in Christo, Edwardum regem Angliæ illustrem, & dilectos filios nobiles viros natos dicti regis, ac dilectam in Christo filiam nobilem mulierem Iohannam Principissam Aquitaniz & Walliæ, & alios magnates de Anglia & consiliarios regis per vos & alios magistros & peritos in sacra pagina, non maculatos huiusmodi erroribus, sed in fide sinceros & feruidos studeatis facere, plenarie informari, ac eis ostendi, quanta verecundia deuoto regno Angliæ oriatur exinde, & quod non solum sunt ipsæ conclusiones erroneæ in fide, sed si bene aduertantur, innuunt omnem destruere politiam. Et requiratis eos strictissime, quod extirpationem tantorum errorum pro reuerentia Dei & Apostolicæ sedis, & nostra, ipsorumque merito apud Deum & honorem sæculo, tanquam Catholici principes & pugiles dictæ fidei, omni qua poterunt efficacia tribuant auxilium & fauorem. Dat. Romæ apud sanctam Mariam maiorem. ii. Cal. Iunii anno septimo.

Alia bulla de eodem.

Venerabilibus fratribus Archiepiscopo Cantuar. & Episcopo Londoniensi salutem. &c. Nuper per nos non sine graui cordis turbatione, & plurium fide dignorum relatione, percepto quod Iohannes Wicklef, rector ecclesiæ de Littleworth Lincolniensis dioc. sacræ paginæ professor, utinam non magister errorum in tam detestabilem vesaniam temere prorupit, quod nonnullas propositiones & conclusiones erroneas, ac falsas & male in fide sonantes, quæ statum totius Ecclesiæ subuertere & enervare nituntur, quarumque aliquæ (quibusdam mutatis terminis) imitari videbantur peruersas opiniones, & doctrinam indoctam damnatæ memoriæ Marfilii de Padua, & Iohannis de Gandauo, quorumlibet per felicis recordationis Iohannem Papam 22. prædecessorem nostrum reprobatus extitit & damnatus, non verebantur in regno Angliæ asserere, dogmatizare, & publice prædicare illis nonnullos Christi fideles maligne inficiens, ac à fide catholica (sine qua non est salus) faciens deuiare. Nos attendentes quod tam perniciosum malum, quod in plurimos serpere poterat, eorum animas læthali contagione necando, non debebamus, prout nec debemus sub dissimulatione transire, vobis per alias litteras nostras commisimus & mandauimus, ut vos vel alter vestrum de dictarum propositionum & conclusionum assertione, quarum copiam sub bulla nostra misimus interclusam, vos secrete informantes, si ita esse inueniretis, præfatum, Iohannem autoritate nostra capi & carceribus mancipari faceretur, cumque sub bona custodia teneretur in vinculis, donec à nobis super hæc reciperetur aliud in mandatis, prout in dictis literis plenius continetur. Considerantes utique quod præfatus Iohannes huiusmodi captionem & carcerationem forte præsentens, posset (quod absit) perfugere, seu latitationis præsidio dictum nostrum mandatum in grauiissimum fidei detrimentum eludere: nos (ne tam damnabiles propositiones & conclusiones indiscussæ, & earum temerarius assertor impunitus remaneret in detrimentum grauiissimum fidei prælibatæ) fraternitati vestræ per Apostolica scripta committimus & mādamus, quatenus vos vel alter vestrum per vos vel aliū seu alios, præfatum Iohannē, si per vos capi & incarcerari non possit, per edictum publicū proponendum in studio Oxoniæ Lincolniensis dioc. & aliis locis publicis, de quibus fit verisimilis coniectura, quod ad dicti Iohannis notitiam peruenire valeat, & de quib⁹ vos expedire videatur, ex parte nostra peremptorie monere & citare curetis, q̄ infra trium mensium spacium à die citationis huiusmodi in antea computandum, vbi-

vbicunq; tunc nos esse contigerit, comparere, ac personaliter coram nobis super propositionibus & conclusionibus huiusmodi responsurus, ac auditurus & facturus quicquid super eis duxerimus ordinandum, & ordo dictauerit rationis prædicando in huiusmodi citationis edicto, quod siue idem Iohannes in huiusmodi termino comparuerit, siue non comparuerit, nos super præmissis, & contra eum vsque ad debitam condemnationem ipsius inclusiue procedemus, prout eius demerita exigent, ac nobis secundum Deum & conseruationem fidei videbitur expedire. Volumus autem & præsentium tenore statuimus, quod prædicta citatio sic facta, prouide præfatum Iohannem arctet, ac si sibi personaliter insinuata & intimata fuisset, constitutione quacunque contraria non obstante. Diem vero citationis, & formam, & quicquid feceritis in prædictis, nobis per vestras litteras sigillis munitas harum seriem continentes, fideliter & quam citius poteritis intimare curetis. Dat. Romæ apud Sanctam Mariam maiorem. II. Calendarum Iunii anno septimo.

Venerabilibus fratribus Archiepiscopo Cantuariensi, & Episcopo Londoniensi salutē. &c. Regnum Angliæ gloriosum nempe potentia & abundantia facultatum, sed gloriosius pietate fidei, & sacræ paginæ claritate coruscum consuevit viros producere diuinarum Scripturarum recta scientia præditos, maturitate graues, deuotione præclaros, & pugiles fidei orthodoxæ, & qui non solum proprios, sed alienos populos documentis instruebant verissimis, & in mandatorum domini semitam dirigebant. Et sicut ex effectu contingentium temporis antiqui colligitur, dicti regni præfules in specula sollicitudinis positi, proprias excubias exercentes sollicite, non permittebant aliquod oriri erroneum, quod posset inficere oues suas, sed si oriretur zizania ex inimici hominis insperione, illam protinus euellabant, crescebat assidue purum triticum in dominicum horreum inferendum. Sed (proh dolor) nunc apparet quod in ipso regno officio vigiles, negligentia vero desides, non circueunt ciuitatem, dum hostes ingrediuntur in eam, animarum thesaurum preciosissimum prædantur. Quorum latentes ingressus, & patentes aggressus, prius sentiuntur in Roma intercapedine longa remota, quam eis in Anglia resistatur. Sane plurimum fide dignorum significatione admodum dolenter audiuius, quod Iohannes Wycklef rector Ecclesiæ de Littleworth Lincolniensis dioc. sacræ paginæ professor, vtinam non magister errorum, in illam detestabilem vesaniam dicitur temere prorupisse, & nonnullas propositiones & conclusiones erroneas & falsas in fide male sonantes, quæ statum totius Ecclesiæ subuertere & enervare conantur, quarumque aliqua, licet aliquibus quibusdam mutatis terminis sentire videntur peruersas opiniones & doctrinā indoctam damnatę memoriæ Marcilli de Padua, & Iohannis de Ganduno, quorumlibet per felicitis recordationis Iohannem Papæ. 22. prædecessorem nostrum reprobatus extitit & damnatus, nō veretur in præfato regno asserere, dogmatizare & publice prædicare, nonnullos Christi fideles eis maligne inficiens, ac à fide catholica (sine qua non est salus) faciens deuiare, de quibus sic subortis, & non extirpatis, seu saltem eis nulla facta resistantia, quam sciamus, sed transactis seu tolleratis, conuiuentibus oculis tam negligenter transeundo non immerito deberetis rubore perfundi, verecundari, & in propriis conscientis remorderi. Quare cum tam perniciosum malum, quod nō præcisum seu radicitus extirpatum serpere posset in plurimos in animabus eorum (quod absit) læthali contagione necandos, nolumus (sicut nec debemus) sub dissimulatione transire. Fraternitati vestræ per Apostolica scripta committimus & mandamus, quatenus receptis præsentibus, vos vel alter vestrum de dictarum propositionum & conclusionum assertionem, quarum copiam vobis mittimus sub Bulla nostra inclusam, vos secrete informantes, si inueneritis ita esse, præfatum Iohannem faciatis autoritate nostra capi, & carceribus mancipari, eiusque confessionem super eisdem propositionibus seu conclusionibus recipere studeatis, ac ipsam confessionem, & quęcunque dictus Iohannes dixerit seu scripserit, super earundem propositionum & conclusionum inductione ac probatione, & quicquid feceritis in præmissis sub vestris sigillis clausa, & nemini reuelata, nobis per fidelem nuncium transmissuri, eundemque Iohannem sub fideli custodia teneatis in vinculis, donec à nobis super hoc aliud receperitis in mandatis. Cōtradiçtores. &c. Inuocato &c. Non obstantibus felicitis recordationis Bonifacii Papæ. 8. prædecessoris nostri constitutionibus, in quibus cauetur ne aliquis extra suā ciuitatem vel dioc. nisi in certis exceptis casibus, & in illis vltra vnam dietam à fine suæ dioc. ad iudicium euocetur, seu ne iudices à sede apostolica deputati aliquos vltra vnam dietam à fine suę dioc. euocare præ-

Alia bulla de eodem negotio.

re præsumant, & de duabus dietis in consilio generali, ac expensionis & aliis priuilegiis, constitutionibus, & literis apostolicis prædicatorum Minorum & hæremitarum Sancti Augustini, & sanctæ Mariæ de monte Carmeli, & aliis quibuscunque mendicantium, vel aliis ordinibus, & locis aut specialibus personis seu capitulis & conuentibus ipsorum generalibus vel specialibus, quorumcunque tenorum existant, necnon statutis & consuetudinibus eorundem ordinum, & locorum contrariis, per quæ effectus præsentium impediri valeat quomodolibet vel differri, etiam si de eis eorumque totis tenoribus ac de verbo ad verbum plena & expressa mentio in nostris literis sit habenda, seu si Iohanni prædicto vel quibuscunque aliis communiter vel diuissim à dicta sede sit indultum, quod personaliter capi aut quod ius dici, suspendi, vel excommunicari non possint per literas Apostolicas, non facientes plenam & expressam, ac de verbo ad verbum de indulto huiusmodi mentionem. Dat. Romæ apud S. Mariam maiorem. 11. cal. Iunii, anno. 7.

*Epistola Papæ ad
regem de eadem
demre.*

Charissimo in Christo filio Edwardo regi Angliæ illustri, salutem. &c. Regnum Angliæ quod altissimus tuæ suppositi potestati, gloriosum nempe potentia & abundantia facultatum, sed gloriosius pietate fidei, & sacræ paginæ claritate coruscum cōsuevit viros producere diuinarum Scripturarum recta scientia præditos, maturitate graues, deuotione feruentes, & catholicæ fidei defensores, qui non solum proprios sed alienos populos præceptis salutaribus instruebant, dirigebantque in diuinorum semitam mandatorum. Sed nuper cum ingenti cordis amaritudine plurimorum fide dignorum significatione percepimus, Iohannem de Wicklef rectorem ecclesiæ de Littleworth Lincoln. diocesis, sacræ pagine professorem, vtinam non magistrum errorum, in illam nefandam & abhominabilem prorupisse dementiam, quod nonnullas propositiones & conclusiones plenas erroribus, & manifestam hæresim continentes, quæ statum totius ecclesiæ subuertere & enervare nituntur, quarumque aliqua, licet quibusdam mutatis terminis sentire videntur peruersas opiniones, & doctrinam indoctam damnatæ memoriæ Marcilli de Padua & Iohannis de Ganduno, quorumlibet per felicis recordationis Iohānem Papam. 22. prædecessorem nostrum reprobatus extitit & damnatus, in dicto regno dogmatizare & publice prædicare, seu potius de virulento claustrō sui pectoris euomere non veretur, nonnullos Christi fideles earum resperione commaculans, & à præfatæ fidei recta semita in præcipitium perditionis abducens. Nos itaque tantum malum quod non præscisum seu radicitus extirpatum serpere posset in plurimos, in animabus eorum (quod absit) læthali contagione necandos, nolentes prout nec velle sine nostræ morsu conscientiæ, possumus conuiuentibus oculis pertransire, venerabilibus fratribus nostris Archiepiscopo Cantuariensi & Episcopo Londinensi per litteras nostras commisimus & mandauimus, vt ipsi vel alter eorū receptis per eos dictis nostris literis de dictarū propositionū & cōclusionum assertione, quarum copiam eis sub bulla nostra misimus interclusam, se informant (si inuenirent ita esse) facerent præfatum Iohannem autoritate nostra capi & carceribus mancipari, eius confessionem super eisdem propositionibus seu conclusionibus recipere studerent, ac ipsam confessionem & quæcunque dictus Iohannes dixerit vel scripserit super earundem propositionum & conclusionum inductione, & probatione, nobis per fidum nuncium transmittere non postponent. Cum itaque dicti archiepiscopus & episcopus in prosecutione huius negotii noscantur fauore & auxilio tuæ celsitudinis indigere, maiestatem tuam quam & tui progenitores incliti catholicæ fidei, cuius in hac parte res agitur, semper consueuerunt esse & præcipui zelatores, requirimus & deprecamur attente quatenus ob reuerentiam Dei dictæ fidei, & Apostolicæ sedis, & nostrum intuitum digneris præfatis archiepiscopo & episcopo, & aliis qui huiusmodi negotium persequuntur, in ipsa prosecutione tui fauoris & auxilii patrocinium exhibere prouide, præter humanis laudis præconium diuinæ retributionis præmium, nostram & dictæ sedis adeptionem inuolentiam ampliorem. Datæ Romæ apud sanctam Mariam maiorem. 11. Cal. Iunii, anno. 7.

*Propositiones sine
conclusionibus quas
Io. Wickles
publice prædicauit.*

Prima. Totum genus humanum citra Christum non habet potestatem simpliciter ordinandi: vt Petrus, vt omne genus suum dominetur policiter, imperpetuum super mundum.

2. Deus non potest dare homini pro se & hæredibus suis imperpetuum ciuile dominium.

3. Chartæ humanitus adinuentæ de hæreditate ciuili ppetua sunt impossibiles.

4. Qui-

4. Quilibet existens in gratia gratificante finaliter, ne dum habet ius, sed in re habet omnia dona Dei.
5. Homo potest solum ministratorie dare tam naturali filio quam inuitationis in schola Christi tam temporale dominium quam æternum.
6. Si Deus, domini temporales possunt legitime ac meritorie auferre bona fortunæ ab ecclesia delinquentē.
7. Nunquid ecclesia est in tali statu vel non, non est meum discutere, sed dominorum temporalium examinare, & posito casu confidenter agere, & sub pœna damnationis æternæ eius temporalia auferre.
- 10 8. Scimus quod non est possibile vt vicarius Christi pure ex bullis suis, vel ex illis, cum voluntate & consensu suo & sui collegii, vel habilitet vel inhabilitet.
9. Non est possibile hominem excommunicari nisi prius & principaliter excommunicetur à seipso.
10. Nemo ad sui deteriorationem excommunicatur, suspenditur, vel aliis censuris cruciatur nisi in causa Dei.
11. Maledictio vel excommunicatio non simpliciter, nisi quantum fertur in aduersarium legis Christi.
12. Non est exemplificata pōtestas à Christo vel suis discipulis excommunicandi subditos, præcipue propter negationem temporalium, sed e contra.
- 20 13. Discipuli Christi non habent potestatem coacte exigere temporalia per censuras.
14. Non est possibile de potentia Dei absoluta, quod si Papa vel alius prætendat se quouis modo soluere vel ligare, eo ipso soluit vel ligat.
15. Credere debemus quod solum tunc soluit vel ligat, quando se conformat legi Christi.
16. Hoc debet credi catholice, quod quilibet sacerdos rite ordinatus habet potestatem sufficientem sacramenta quælibet conferendi, & per consequens quemlibet contritum à peccato quolibet absoluendi.
17. Licet regibus auferre temporalia à viris ecclesiasticis ipsis abutentibus habitualiter.
- 30 18. Siue domini temporales siue sancti Papæ, siue Petrus, siue caput ecclesiæ, qui est Christus, dotauerat ecclesiam bonis fortunæ vel gratiæ, & excommunicauerit eius temporalia auferentes, licet tamen propter conditionem implicitam delicto proportionabiliter eam temporalibus spoliare.
19. Ecclesiasticus immo & Romanus pontifex potest legitime à subditis & laicis corripiri, & etiam accusari. Istæ fuerunt propositiones vel potius deliramenta sæpè dicti Iohannis, quæ ad aures domini apostolici peruenere; vnde iuste concitatus præscriptas bullas huius tanti negotii executores, & statum contingente vniuersalis ecclesiæ prædictis episcopis demandauit. Qui quam indeuotè, quam segniter commissa sibi mandata compleuerint, melius est silere quam loqui. Hoc tantum posterorum notitiæ declarare studuimus; quod cum ipsi Episcopi tantæ dignationis fauorem & apices suscepissent, animati plurimum, nec immerito, profitebantur se nullius precibus, nullius minis vel muneribus esse flectendos, quin in ista causa recta iustitiam sequerentur, etiam si periculum capitis immineret. Sed instante die examinationis ipsius apostatæ, à timore, à vento arundinis agitata, molliti sunt sermones eorum super oleum in iacturam publicam propriæ dignitatis, & totius Ecclesiæ detrimentum. Et qui nec ipsis dominis regnique principibus se obtemperare deuouerant, donec excessus ipsius hæresiarchæ puniissent iuxta mandata papalia à facie cuiusdam, nec nobilis militis neque potentis de curia principissæ: Iohanne videlicet Ludouici Clifforde pompose vetantis ne præsumerent aliquid contra ipsum Iohannem sententialiter diffinire, tanto timore concussi sunt, vt cornibus eos carere putares factos velut homo non audiens, & non habens in ore suo redargutiones. Insuper nec illud esse silendum æstimo, cum Episcopi prædicti cū isto schismatico in capella Archiepiscopi apud Lambeth conuenissent, non dico ciues tantum Londonienses, sed viles ipsius ciuitatis se impudenter ingerere præsumpserunt in eandem capellam, & verba facere pro eodem, & istud negotium impedire, consili (vt reor) de ipsorum præmissa negligentia prælatorum. Talibus occasionibus seu commentis pseudopropheta, & verus hypocrita pro tunc euasit, amplius non compariturus coram dictis Episcopis circa mortem Gregorii Papæ. Cuius obitum

S non

non modicum fideles contristauit, sed in fide falsos ipsum Iohannem & ipsius affectas animauit.

*Ista sunt declarationes facta
per I. W.*

In principio protestor publice sicut sæpe feci alias, quod propono & volo, ex toto corde meo, mediante Dei gratia, esse integer Christianus, & quamdiu manserit in me halitus, profiteri atque defendere, quantum sufficio legem Christi. Et quod si ex ignorantia vel quacunque alia causa in isto defecero: rogo Deum meum de venia. Et nunc prout ex tunc reuoco & retracto submittens me humiliter correctioni sanctæ matris Ecclesiæ. Et quæ per pueros sententia est fidei quam dixi in scholis & alibi, ac magis per pueros etiam usque ad Romanam curiam transportata, ideo ne Christiani scandalizentur in me, volo in scriptis dare sententiam, ex qua impetitus sum, quam volo usque ad mortem defendere, sicut credo omnes christianos debere, sed specialiter Romanum pontificem & cæteros sacerdotes ecclesiæ. Intelligo autem conclusiones ad sensum & modum loquendi scripturæ, & sanctorum doctorum, quem paratus sum exponere, & dato quod sunt fidei contrariæ, volo ipsas paratissime reuocare. Prima conclusio. Totum genus humanum concurrentium, citra Christum non habet potestatem ordinandi simpliciter ut Petrus & omne genus suum dominetur imperpetuum pollicite super mundum, patetque non esset in hominum potestate impedire aduentum Christi ad finale iudicium quod oportet creare iuxta illum articulum fidei, Inde venturus est iudicare viuos & mortuos. Ex hinc enim secundum fidem scripturæ, cessabit hominum politia. Intelligo autem dominationem pollicitam vel ciuilem dominationem secularem, pertinere laicis actiuis viantibus dum peregrinantur à domino. De tali enim dominatione politica loquuntur philosophi. Et quamuis periodicum vocatur, quandoque perpetuum, quia tamen in scriptura sacra in usu Ecclesiæ & libris philosophorum perpetuum sumitur communis pro æterno aperte, post in illa significatione famosiore suppono terminum illud capi: sic enim canit ecclesia, Deo patri sit gloria, eiusque soli filio, cum spiritu paraclito, & nunc & in perpetuum: Et tunc est conclusio immediata principiis fidei, cum non subiaceret hominum potestati, ordinare peregrinationem Ecclesiæ sine fine. Deus non potest dare homini pro se & hæredibus suis imperpetuum ciuile dominium. Intelligo autem ciuile dominium ut supra intellexi dominationem pollicitam & imperpetuum, ut supra, sicut Scriptura intelligit in beatitudine perpetuas mansiones. Tunc dixi primo, quod Deus de potentia ordinata non potest dare homini imperpetuum ciuile dominium. Dixi secundo, quod probabile videtur, quod Deus de potentia sua absoluta non potest dare homini imperpetuum tale dominium, eo quod non potest ut videtur semper incarcerare sponsam suam in via, nec pro semper differre vltimum suæ beatitudinis complementum. Multæ chartæ humanitus adinuentæ de hæreditate ciuili potentia sunt impossibiles. Iste veritas est incidens, non enim oportet catholicare omnes chartas à quolibet iniuste occupante. Sed hoc confirmato fide ecclesiæ daretur charitatis occasio confidendi in temporalibus & petendi licentia: sicut enim omne verum est necessarium, sic omne falsum est possibile ex suppositione, ut patet testimonio scripturæ, & sanctorum doctorum loquentium de necessitate futurorum. Quilibet existens in gratia gratificante finaliter nedum habet ius in rem, sed pro suo tempore ius iure super omnia bona Dei, patet ex fide scripturæ Matth. 24. quia veritas promittit ciuibus intrantibus in gaudium suum. Amen dico vobis super omnia bona constituet eum. Ius enim communionis sanctorum in patria fundatur obiectiue super vniuersitatem donorum Dei. Homo potest solum ministratorie dare tam naturali filio inuitationis & temporale dominium & æternum, patet eo quod omnis homo debet recognoscere se in omnibus operibus suis humilem Dei ministrum ut patet ex fide scripturæ. Sic nos existimet homo, ut ministros Christi, imo Christus sic ministravit & docuit suos precipuos apostolos ministrare. In patria vero dabunt sancti confratribus domini bonorum ut patet de suis corporibus, & bonis eis inferioribus in natura, iuxta illud Lu. 6. Mensuram bonæ & cõfertam & coagitatam & superfluentem dabunt in sinu vestrum. Si Deus est, domini temporales possunt legitime ac meritorie auferre bona fortunæ ab ecclesia delinquente. Ista est correlatiua primo articulo fidei. Credo in Deum patrem omnipotentem. Intelligo autem posse modo scripturæ concedentes quod Deus de lapidibus potest suscitare filios Abraham. Aliter enim omnes Christiani principes forent hæretici. Pro prima cõclusionem formatur sic ratio. Si Deus est ipse est omnipotens. Et si sic, ipse potest precipere dominis temporalibus, sic auferre. Et si sic, possunt legitime sic auferre, ergo à primo: vnde in virtute illius principii christiani principes practizauerunt illam senten-

sententiam, sed absit ex illo credere, quod intentionis meę sit seculares dominos, licite posse auferre, quancumq; & quomodocumq; voluerunt vel nuda autoritate sua, sed omnino autoritate ecclesię in casibus & forma limitatis à iure. Scimus quod non est possibile, vt vicarius Christi pure, ex bullis suis vel ex illis cum volutione & consensu suo ac collegii quencumq; habiliter vel inhabiliter, patet ex fide catholica cum oportet dominum omni operatione vicaria tenere primatum. Ideo sicut in omni habilitatione subiecti prius exigitur gratia & dignitas habilitati, sic in omni inhabilitatione prius exigitur dignitas ex demerito inhabilitati, & per consequens non pure ex ministerio vicarii Christi sit talis habilitatio vel inhabilitatio. Sed desuper aliunde, non est possibile hominem excommunicari ad sui damnum nisi excommunicetur primo & principaliter à seipso. Patet cum oportet talem excommunicationem originari à peccato damnificati: vnde Augustinus de verbis domini sermonē. 21. Tu te noli conculcare, & te non vincet homo. Et adhuc canit fides Ecclesię, quod nulla nocebit aduersitas, si nulla dominetur iniquitas, suppositum habemus octauę. Omnis tamen excommunicatio ex causa multiplici est timenda, etiam licet excommunicatio Ecclesię sit humili excommunicato non damnabilis sed salubris. Nemo debet nisi in causa Dei, excommunicare, suspendere, interdicere, vel secundum quamcunque censuram Ecclesiasticam vindicando procedere, patet cum omnis causa iusta sit causa Dei, cuius ratio debet maxime ponderari, immo amor excommunicati debet superare zelum vindictę & appetitum temporalium quorumcunque tum aliter ipse excommunicans seipsum damnificet, suppositum non est. Isti tamen congruit, vt prelatus excommunicet in causa hominis principaliter tamen secundum rationem, quia fit iniuria Deo suo, vt patet 13. q. c. inter quærelas. Maledictio vel excommunicatio non ligat finaliter nisi de quanto fertur in aduersarium legis Christi, patet cum Deus ligat omnem ligatum simpliciter, qui non potest excommunicare, nisi propter prauaricationem legis suę suppositum decimę. Isti tamē consonat, quod censura ecclesiastica non liget simpliciter, sed secundarie secundum rationem, quia fertur in aduersarium membri ecclesię. Non est concessa potestas à Christo suis discipulis excommunicandi subditum propter negationem temporalium, sed è contra patet ex fide scripturę quę creditur, quod Deus est super omnia diligendus, & proximus & inimicus, & plusquam omnia temporalia huius mundi necessario, quod lex Dei non est sibi ipsi contraria. Discipuli Christi non habent potestatem ad exigendum coactione ciuili temporalia per censuras, vt patet ex fide scripturę. Luc. 22. quā Christus prohibuit suos Apostolos ciuilitate dominari. Reges, inquit, gentium dominantur eis, vōs autem non sic. Et ad istum sensum exponitur à beato Bernardo, beato Chrysostomo & aliis sanctis, suppositum habemus duodecimę. Isti tamen non obstat quod exigant temporalia per censuras ecclesiasticas accessorie ad vindicationem Dei sui. Non est possibile de Dei potentia absoluta, quod si Papa alius vel Christianus prætendat se quouismodo soluere vel ligare, eo ipso sic soluit vel ligat. Oppositum istius destrueret totam fidem catholicam, tamenue implicaret blasphemiam usurpantem talem absolutam potentiam domini, suppositum habemus tertiodecimę. Per istam conclusionem non intendo derogare potestati Papę, vel cuiuscunque prelatus Ecclesię, quin possunt in virtute capitis ligare & soluere. Intellego autem conditionalem negatam, vt impossibilem ad hunc sensum, quod non potest esse, quod Papa vel alius prelatus Ecclesię prætendit se quouismodo soluere vel ligare, nisi eo ipso sic soluerit vel ligauerit, & tunc non potest esse peccabilis. Credere debemus, quod tunc solum ligat vel soluit Christi Sacerdos, cum simpliciter legi Christi parer, pro eo quod non licet sibi sic facere, nisi in virtute legis illius, & per consequens nisi quando est conformitas legi illi. Hoc debet credi pro catholico, quod quilibet sacerdos rite ordinatus secundum legem gratiæ habet potestatem secundum quam potest Sacramenta quælibet secundum speciem ministrare, & per consequens sibi confessum de quocumq; peccato contritū absolueret: patet ex eo, quod potestas sacerdotalis non sufficit maius vel minus in sua essentia: potestates tamen inferiorum sacerdotum, nūc sunt rationabiliter restrictę, & alias in ultimo necessitatis articulo sunt laxatę, suppositum habemus quintodecimę: & sic secundum doctores est dare in prelato duplicem potestatem, scil. potestatem ordinis, & potestatem iurisdictionis siue regiminis, & quoad illam sunt prelati, vt superioris maiestatis & regiminis. Licet regibus in casibus limitatis à iure, auferre temporalia à viris Ecclesiasticis ipsis habitua-liter abutentibus, patet ex hoc quod domini temporales debent plus inniti spirituali

eleemosinæ fructus vberiores ferenti quam eleemosinæ corporali necessario, quod foret in casu opus eleemosinæ spirituales clericos damnificantes se in corpore & anima per subtractionem huiusmodi castigare. Casus autem quem iura limitant foret defectus correptionis spiritualis præpositi, & demum fidei clerici corrigendæ, vt patet. 16. q. 7. filiis. 40. di. Si Papa, siue domini temporales, siue quicunq; alii dotauerint ecclesiam temporalibus, licet eis in casu auferre temporalia medicinaliter ad cauenda peccata, non obstante excommunicatione, vel alia censura ecclesiastica, cum non nisi sub conditione implicata sunt donata: patet ex hoc quod nihil habet impedire à præcipuis operibus charitatis necessario, quod in omni opere humano debet subintelligi conditio diuini beneplaciti necessariaque lege ciuili collationes decorandi c. 10. 5. in fine collationis. 10. suppositum habemus septimæ decimæ. Absit quod illis verbis detur occasio temporalibus ad auferendum bona fortunæ in detrimentum ecclesiæ. Ecclesiasticus etiam Romanus pontifex potest in casu à subiectis corripì, & ad vtilitatem ecclesiæ, tã à clericis quam à laicis accusari potest ex hoc q. ipse est peccabilis citra peccatum in Spiritum S. vt supponitur ex sanctitate, humilitate, & reuerentia debita tanto patri. Cũ enim sit frater noster peccabilis, subiacet legi correptionis fraternæ, & cũ totum collegium patet esse deses in correptione pro necessaria prosperitate ecclesiæ, patet q. residuum corpus ecclesiæ, quod possibile est secundũ plurimũ stare in laicis, patet medicinabiliter eũ corripere, accusare, & ad frugem melioris vitæ reducere. Casus autem possibilis tãgitur dist. 40. Si Papa fuerit à fide deuus, sicut enim nõ 20 debet supponi in dño Papa sine patenti euidẽtia tantus lapsus, sic non debet suppositione lapsio de possibili tanta obstinatio quin medelã superioris sui, quoad Deum humiliter acceptabit, vnde practica istius conclusionis multę chronicę attestantur. Absit ab ecclesia Christi q. damnetur veritas, quia male sonat peccatoribus vel ignaris, quia tunc tota fides scripturæ foret damnabilis. Hoc eodem modo idem versipellis I. Wycklef ponendo intellectum in suis nefandis propositionibus, vt dictũ est, fauore & diligentia Londinensium delusit suos examinatores, episcopos derisit, & euasit. Quæ omnes si simpliciter caperentur secundum modum quo ipse in scholis & in publicis prædicationibus eas protulit, hæreticam proculdubio sapiunt prauitatem. Non enim circumlocutionem aliquam eis immiscuit, quando eas laicorum auribus instillauit, 30 sed nude & aperte vt præscribuntur eas docuit, captans per talia gratiã laicorum, qui libenter audiunt quæ peruersa sunt, præcipue tamẽ de ecclesia, & personis ecclesiasticis, & libentius impelluntur ad damna vel iniurias inferenda religiosis & clericis, cũ aliqua oportunitas se ingesserit quæ omnino extat eis desiderabilis & votiuua. Idemq; memoratus hypocrita cũ ab Episcopis mandata cepisset, ne vltius in scholis seu sermonibus propter laicorum scandalum tales propositiones frequentaret, spreto sui Metropolitanì præcepto obstinatus & inobediens, alias nouas conclusiones ponere non omisit, adeo male vel peius q. priores sonantes, vt patet. 1. Dominium ciuile, dominium proprietarium actum viatoris super bonis plene secundũ leges humanas. 2. Nõ stat pure clericum absq; mortali peccato ciuilitè dominari, & intelligit per pure 40 clericos, Papam, Cardinales, episcopos, diaconos & alios sacerdotes. 3. Papa nõ potest dispensare contra Apostolum sicut nec cum clerico, vt habeat ciuilitè proprium. 4. Dominium ciuile formaliter dictum sapit inseparabiliter peccatum.

5. Actus ciuilis est actus rationalis creaturæ factus secundum legem humanam.

6. Sicut Deus non potest exercere actus ciuiles, nec homo in statu innocentie, sic illicitum est alicui pure clerico actus ciuiles exercere.

7. Quodcunq; collegium clericorum quod acquirit bona fortunæ, redditus vel prouentus, nec eis ciuilitè dominetur, peccat mortaliter.

8. Est impossibile de Dei potentia absoluta Christum regnasse ciuilitè.

9. Monachi sicut apostoli Christi nil haberent ciuilitè vt plane potest elici ex 50 regula & professione vnanimi monachorum.

10. Maior pars accumulationis bonorum fortunæ, in manibus religiosorum esset dissoluta, si iura regni Angliæ essent debite executæ, & intelligit per illum terminum religiosorum in dicta conclusione Episcopos, sacerdotes, monachos & canonicos ac omnes pure clericos.

Prope tempus illud rediit nauigium Anglicanum, quod supra retulimus magna pertulisse pericula maris & ventorum in procinctu primæ profectionis. Sed maiora in hoc secundo progressu non tantum tempestatibus quantum perfidia defectionis suorum, in quibus sperare debebant. Namq; hoc satis patuit per classiarios quibus præpositus

*Affertiones I.
Wycklef.*

Nauigium Angliæ rediit.

situs fuerat dominus Fitzwater. Qui cum eo tempore quò classis domini Thomæ de Wodstock comitis Buckingham, nauigium Hispaniæ inuadere decreuisset, ipsi quos gubernasse debuerat idem dominus Fitzwater, non solum se mouere in auxilium eiusdem Thomæ solatium festinare pro viribus impediuerunt, & ipsum eosdem pro huiusmodi negatō subsidio durius increpantem ad mortem vsq; profecuti fuissent, si non idem dominus Cantius se subtraxisset. Qui tādē pene solus fugiens in quodam Balingario, peruenit ad eundem comitem, & ei auxilium præstitit pro posse suo, vnde factum est vt tunc caperentur octo naues Hispaniæ in mari Armoricanæ Britannię prope pōrtum castelli de Brest. Et plures forsitan captæ fuissent, si præscripti desertores militiæ & defensionis socii adfuissent. Itaq; re minus laudabiliter gesta, reuersum est nauigium post natale, quod à primo præcincti modo imbris, modo niue, modo ventis & spiritibus procellarum, modo intestino dissidio, ita aduersum impeditum & conturbatum fuerat, velut caruisset diuino fauore. Solus dominus Thomas Percye ex hoc nauigio pro suæ classis emendatione remanserat, aliis (vt diximus) secunda vice proficiscentibus, qui non solum euadere meruit maris incōmoda, sed & adipisci diuino fauore, non tantum sibi, sed & toti regno perampla commodā. Hic namque, postquam sui nauigii infirma firmassent, profectus est cum vna magna naui & duabus bargiis, aliisq; minoribus vasis paucis, & factus est obuiam quinquaginta nauibus onustis mercibus Gallicorum, quarum quēdam fuere Flandrenses, quēdam Hispanicæ, ipsas intrepide est aggressus, denunciāns primo Flandrensibus, vt secederent ab Hispanis. Quibus nolentibus socios derelinquere, eo quod videbantur eorum bona communiter cum Francorum vehere necessariis, sine delectu rates inuasit. Quę cernentes eius constantiam animosam, & putantes in proximo magnum sibi subsidium affuturū, resistere destiterunt. Et mox octo & viginti fuga prolapsis, viginti duę se protinus reddidere, sicque solus idem Thomas re bene gesta rediit commendabilis, aliis nil reportantibus præter fuscā famam. De quibus prædicatum fuerat eos expedisse minus prospere, quod non solum publicas meretrices ausi sunt secum ad marina bella traducere, sed & comprouincialium coniuges adulteri & incesti.

Eadem tē pestate Robertus Knoll, cui custodia cōmissa fuerat castelli de Brest, *De Roberti Knoll.* per exploratores edoctus didicit non post multos dies quosdam Britones aduenturos hostiliter ad prædandum patriā circa eum, vt ipse prouocatus hoc modo exiret incōsultius ad repellendum eos, vnde si fortuna faueret, ipsi Britones fiduciam ipsum interficiendi conceperant, sed frustra, nam eorum fraudes ipse præueniendo delusit, & præcurrente diuina gratia, quod in ipsum meditati fuerant in ipsos ille peregit, cecideruntq; in foueam quam fecerunt, captis octoginta & carceribus mancipatis.

Paucis euolutis diebus post natale, dominus Hugo de Caluerle otiositatem sibi *Dominus Hugo Caluerle & sub spoliante mercatoris Boloniensis.* inimicam existimans, nolens etiam inimicos in otio transigere diu dies, conuocatis omnibus vicinis suis qui parebant Anglicanæ fidei, vniuersisque suis stipendiariis, post magnam cōenam factam, cum omnes hilariores è vino factos esse conspiceret, *es.* querit (si necessitas vrgeret) vtrum ei libetī animo ad communia siue damna siue cōmoda secuturi essent: quibus Sacramento firmantibus se eius signa quocunque veller prompto animo secuturos, tunc quidem singulis gratias agens eos ad propria loca remisit. Quos vix elapso triduo armatos adesse rogauit. Quibus eius iussioni parētibus, ipse intimauit quid mente conceperat quidue facere communis vtilitatis causa decreuerat. Moxque cunctis in sua conspirantibus eos secreto armatos educit, & ad villam de Stapul quam festinanter potuit properauit. Erant autem nundinæ in eadē villa ad quas confluerant mercatores Bolonienses, Nosterlenses, Ambianenses, Parisiacenses, cum multis aliis qui mercandi gratia illuc aduenerant nihil periculi metuētes. Noctē igitur dominus Hugo delitescens cum suis, notata hora congrua, villam *es.* ingreditur cum armatis. Qui illico irruentes in vulgus inerme, plurimos interficiunt, multos in vincula coniiciunt captiuorum more pecunia redimendos. Exhinc omnia mercimonia hostili morē diripiunt, villamque comburunt igne supposito, præter pauca loca quæ diligentia dominorum à flamma redempta saluantur, vna etiam aliaque mercimonia, grossioraque quod secum oportune tollere non valebant, minatus est idem Hugo diffundere vel gurgiti demandare, nisi mercatores (fide interposita) pro ipsarum rerum conseruatione taxatā summā pecuniæ pro suæ voluntatis arbitrio soluere spondissent. Hiis rite peractis, Calesiam cum suis omnibus incolumis repedauit, afferens secum è nundinis quæ suorum Calesiensium comodo merito cederent multis annis.

Viri de Winchelsea & de Ria, hiis diebus collecta multitudine, & ascensis bargiis, egressi sunt versus Normanniam, si quo modo possint damna anni præteriti eis illata per aduersarios eorundem, cupientes incommodum resarcire, noctuque terræ applicantes, villam quæ Portus Petri dicitur, ingrediuntur armati, quosq; obuios in ore gladii trucidantes peruagantur vicos, quos dignos captiuitate iudicant, eos videlicet qui dignam summam pecuniæ pro redemptione pendere poterant, vinctos ad vasa deducunt, domos cum ecclesiis spoliant, in omnibus remetientes eis tandem mensuram quā prius mensi fuerant apud Riam, vbi tandem inuenerunt multa spolia quæ abduxerant de villa de Ria, & præcipue campanas quas tulerant de ecclesia, cū plumbo etiam quod detraxerant infauis manibus de eadem. Tandem commendantes vniuersa Vulcano, descendunt de Wilet non procul positam properantes & similia facientes ibidem, domum cum præda opulentissima sunt egressi.

*Edmundo duci
Lancastrie.*

Per idem tempus Iohannes dux Lancastrie instantèr expetiit vt pecunia præconcessa regi in vltimo parlamento à clero & laicis, sub arbitrio suo traderetur, affirmans se inimicos à finibus Angliæ per annum integrum cum ipsa pecunia arctaturum, & insuper aliquod prægrande commodum allaturum. Cuius importunæ petitioni licet inuiti magnates assensum non sine cordis amaritudine (prout dicitur) præbuerunt, prænoscentes fortunā aduersam sibi, & ipsum etiam tantum in regno valere, vt omnino nō expediret eius contradicere voluntati. Primū ergo diem mensis Martii statuunt diffinito cōsilio, in quo omnes & singuli qui huic profectiōi interessent, ad mare parati per omnia conuenirent. Et ne interim custodia mare careret, conductæ sunt nouæ naues de Baionensibus, quæ mare & aridam tuerentur ab incuris & latrocinis Gallicorum. Quæ instructæ sufficienti manu armata, in breui mare sulcantes obuiant nauigio & mercimoniis Hispanorū. Initoq; conflictu, classem vehementer inuadunt Hispanicam, & in breui captis decem & quatuor ratis onustis baccho, cæterisq; necessariis, læta noua reuertentes Angliæ nunciarunt, domino tamen Roberto Knoll, custodi municipii de Brest, de suis spoliis dedere primitias centum dolia vini præcipui, dum transitum per eum facerent versus terram istam.

*Henricus Bastardus
duci nauigium
parat.*

Henricus interea Bastardus qui se dicit regem Hispaniæ, audito quod Baionenses tot damna suis hominibus intulissent, & quod dux Lancastrie ad ingressum maris secum turbam copiosam preparasset, timuit vehementer, æstimans eum non ob maris custodiam solummodo accessurum, verum sed ob eius regnum, (q̃ idem dux petebat ratione vxoris hæredis legitimæ regni ipsius Hispaniæ) hostiliter vindicandum. Quare idem Hæricus supradictus nauigium de tota terra sua parari iussit, vt vel ipsum ducem ab ingressu terræ suæ viriliter perturbaret, vel si fortuna faueret ipsum (propiciante Marte) captiuaret. Quod forsitan effecisset, si rex Portingaliæ sibi impedimento non fuisset. Nam ortis quibusdam simultatibus inter ipsos, Rex Portingaliæ cum innumerabili pene Christianorum & Sarracenorum turba regnum Hispaniæ hostiliter est ingressus eo quidem tempore quando idem Bastardus se contra ducem ad præcinctum itineris preparasset. Qua Bastardus occasione turbatus, ratus est tutius in terra morari ad repellendum eos qui iam occupauerant regnum eius, quam dubium exitum arripere ad conquiendum eos qui non dum attigerant fines suos. Dum igitur res se haberent (vt diximus) circa ducem, & ipse nil festinare diceretur ad mare, sed profectiōem suam in dies retardaret, moti hii qui classi præfuerunt, non expectato duce, maris alta cum nonnullis viris bellicis petierunt, ibidem eius aduentum expectaturi, gloriosius reputantes in mari de manibus hostium victitare, quam in patria de spoliis incolarum. Cum diebus aliquot maris peregrassent semitas, obuui fiunt eis Hispani cum armata manu. Qui mox confertis viribus utrobique ducti prædæ cupidine pugnaverunt, sed nostri aduersa tempestate defuncti victoriam hostibus concesserunt, quibusdam fuga prolapsis, quibusdam captis per manus hostiles. Captus est in eo conflictu dominus Hugo Courtney miles egregius inter multos, infortunium vero totum duci Lancastrie est ascriptum, eo quod ipse præsentiam suam tam diu subtraxit ab eis, sed si Dux in culpa fuerat ignoramus. Non enim semper recte iudicat vulgi furor.

Eodem tempore circa festum Sancti Iuonis Episcopi mense Martio scilicet 7. Calend. Aprilis obiit Papa Gregorius. 11. bonus utiq; vir & iustus, qui multum doluerat de damnis vtriusque regni, & multum laborauerat vt pax fieret inter illa. Ipse etiam ob amorem domini Simonis de Langham Cardinalis & Episcopi Prænestini quondam Cantuariensis Archiepiscopi, dum pestilentia inualuisset in hac terra,

per

per bullas suas omnibus tunc morientibus vere contritis & cōfessis plenam remissionem de thesauris Ecclesiæ indulgit exceptis his qui ære alienæ grauantur. Magnum vtrique beneficium & omni acceptione dignissimum, & quo maius incolis non potuit impendisse. Huic successit Bartholomæus Barenfis Archiepiscopus, qui multiplices tribulationes pertulit à Cardinalibus pro cultu iustitiæ, adeo vt ipsi niterentur eum cum dedecore papatu priuare, vt inferius declarabimus suo loco.

Circa tempus illud filius Iohannis Mercer, natione Scotus, collecta non parua manu Gallicorum atque Scotorum, ac etiam Hispanorum, dum adhuc dux Lancastriæ Iohannes in terris ageret, aggressus est naues quasdam apud Scarborough, quas incautas leui negotio cepit, & secum ad mare deduxit, occisis prius quibusdam, qui nauibus illis præerant, quibusdam vinculis mancipatis. Et ideo quam maxime nostratibus irrogauerat in ultionē opprobrii patris sui, qui antea ab Anglis captus fuerat, & in castello de Scarborough mandato regio custoditus. Est autem pater eius æque Scotus tam gente quam patria, & Regi Franciæ propter diuitias multas prædilectus, nam erat mercenarius, & vir satis vafer & consilio prouidus, cuius non immerito oris decreta in his quæ Angliā contingebant ipse rex & omnes Gallici sequebantur. Hunc casu interceptum cum quibusdam nauibus, Northumbrenses eorum comiti præsentarunt. Qui vt diximus in eodem castello custodiæ deputatus, cito post deliberatus fuerat ad magnum damnum totius regni & omnium incolarum. Nam si redemptus fuisset captiuorum more, regem & regnum inæstimabili pecunia diuites effecisset. Huius filius, vt prælibauimus, postquā damna nostratibus apud Scarborough intulisset, gloriabatur de arridēte sibi fortuna, & maiora Angliæ damna non solū meditabatur, sed etiā publice minabatur, sed eius conatus ipse impediuit, qui supbos humiliat & exaltat humiles. Tum vero suscitauit Deus cōtra eum vnum ex ciuibus Trinouantum, qui eum humiliavit, & à timore eius regnum Angliæ liberauit, vt patebit inferius volentibus intueri. Iohannes Philpot ciuis Londoniensis vir & ingenio præditus, & potentissimus opibus, ducis Lancastriæ, & ceterorum dominorum defectum, ne dicam falsitatem, qui regnum defendisse debuerant attente considerans, & oppressio-
nibus condolens incolarum de propria pecunia conduxit mille armatos, qui & prædicto Iohanni Mercer eriperent naues & bona, quæ latrocinando ceperat, & regnum Angliæ à talibus incurfibus tuerentur. Et factum est, vt omnipotens, qui semper assistit piis votis, sibi & suis successus prosperos ministravit, ita vt in breui eiusdem Iohannis Merceri filium iure bellico sui conductitii caperent, cum omnib. quæ apud Scarborough ipse violēter abduxerat, & aliis quindecim nauibus Hispanorum, onustis multis diuitiis, quæ sibi auxilio fuerant eodem tempore infauita hora. Fit ergo in plebe vniuersa tripudium, omnibus laudantibus & admirantibus, tandem ipsius viri erga Regem beneuolentiam & charitatem, iamque solus Iohannes Philpot ore omnium laudabatur, & admirationi habebatur, de nostris vero proceribus & militia, quæ dudum conductæ fuerat, dicebantur probrosa verba, aspera & inuectiua, prout commune vulgus solet inferre vario motu suo. Londonienses præcipue obloquebantur, dicentes, iam per paucorum procerum corda fore cum Rege, eos solos sibi fideles esse, quorum Rex, licet ironice, vocabatur à nonnullis proceribus, eo quod ipsi multum iuuissent eum in coronatione sua.

*Magnanimitas
Iohannis Philpot
erga patriam.*

Proceres regni Angliæ, scilicet barones & comites, vidētes tam laudabile factum Iohannis Philpot, conscientiæ propriæ stimulis agitati, illud ægre ferebant. Et quamuis se reos agnoscerent & culpabiles, in tantum, vt iam plebi eorum foret inertia manifesta, tamen eidem Iohanni Philpot non solum occulte insidiari, sed publice improperari ceperunt, dicentes, non licere sibi talia facere sine consilio Regis & regni, ac si non licuisset benefacere regi vel regno sine consilio comitum & baronum. Quibusdam autem talia memoratibus, & præcipue omnium pene minori sed prolocutori præcipuo, scilicet comiti de Stafford Hugoni, idem Iohannes dicitur respondisse, prænoscerit absq; dubio, me neq; pecuniam meam, nec meos ad maris pericula ideo destinasse, vt tibi vel collegis tuis surriperem militiæ nomen bonum, mihi que lucrarer, sed condolens plebis patriæque miseriæ, quæ iam vestra desidia de nobilissimo regno dominia quoq; gentium, est in tantam deuoluta miseriam, vt cuiuslibet vilissimæ gentis direptioni pateat, cum sit nullus ex vobis, qui ad defensionem eius manus apponat. Ego me meaq; exposui pro propriæ gentis saluatione, & patriæ liberatione. Comes autem non habuit quod responderet.

Emulatio procerum aduersus I. Philpot.

Adhuc dux in Anglia morabatur nolens maris experire fortunam tempore limitato,

*Arundelia
componunt cum
habitatoribus de
Scarburgh pro
villa.*

tato, scilicet nec in vere nec in prima ætate, nescitur quibus detentus impedimentis. Sed eius persuasu ingressi sunt mare duo Comites, Sarum & Arundeliæ, qui scrutatis vbique locorum hostibus & sociis mare ingressurum nulla pericula nuntiarent. Comes vero Sarum dominus Wilhelmus de Monte acuto vocatus, vir in armis & iuuentute exercitatus, & strenuus, mox ut mare ingressus est, compulit naues ad terram oppositam, ut aliquid damni aduersariis irrogaret, ubi dum moram trahit nociuam aduersariis, componit cum habitatoribus villæ de Scarburgh, quæ pertinebat Regi Nauariæ, qui iam & ipse inimicus factus fuerat Regi Franciæ, ut eadem villa cederet dispositioni & arbitrio Regis Angliæ, ita duntaxat ut idem Rex Angliæ manucapiat custodiam eiusdem villæ aduersus Gallicos, ad commodum tam Regis quam regni Angliæ, & nocumentum Gallicorum, quod & factum est. Mox comites Sarum & Arundeliæ remiserunt ad regem & regni consilium certificantes eos de tam glorioso euentu, & ut destinarent illuc ex Anglis, qui villæ custodiam obtinerent. Missi sunt igitur ad custodiendum villam illam ex Anglicis, quot sufficere videbantur, & paulo post Comites in Angliam redierunt.

Hugo Caluerle per idem tempus (cuius memoria benedictione est dormire) non sinens Gallicos prope eum, cepit quoddam castellum cui nomen erat Merke, & ad solum vsque deiecit, cum Ecclesia quadam, quæ castello vicina erat, & magnum præsidium Gallicorum. Et paruo interiecto, versus sanctum Audomarum proficiscens, cepit innumerabilem multitudinem animalium diuersorum, & ad Calesiam vsque deduxit, nullo audente conatus eius impedire, quia Deus erat cum eo, & omnia opera eius dirigebat. Eius est insuper laudibus ascribendum, quod capitaneum castelli de Arde, qui eum dolose decepiſſe decreuerat, ipse iuste deceperat, & in foueam, quam effoderat, eundem tali occasione impulerit sapienter. Petierat idem capitaneus à rege Franciæ auxiliares vires, videlicet quosdam milites & instrumenta bellica, machinas & tormenta, & alia quibus vel infestari, vel omnino prosterni solent munitiones hostium, promittens se magnum damnum nostris municipiis præcipue sitis prope Calesiam illaturum. Præfinito igitur die, quo hæc omnia ad villam de Arde veherentur, timens idem capitaneus solitudinem eiusdem Hugonis, qui vix vnquam sinebat Gallicos vel eorum bona prope eum impune transire, ut eum teneret attentius occupatum, quo minus impedirentur eius vota, quæ conceperat, mittit ad eum, nuntians ut aliqua velit tractare cum eo, & hoc caute egit, ut eodē die foret iste tractatus, quomodo omnia prædicta peruenirent ad eum. Hugo vero vir perspicax, æstimans non pro nihilo eundem capitaneum tam solícite eidem talem diem ad tractandum deputasse, sibi quidem concessit ipso die saluum conductum tractaturo, de quibuscunque placeret, suis autem propriis hominibus misit occulte, mandans, ut viam ipsam obsiderent, secretiusque ducit de Bolonia ad villam de Arde, ne forte idem capitaneus noua aliqua ipsis nociua vel contraria moliretur. Et factum est, volente Deo, ut hæc omnia ab hominibus ipsius Hugonis prospere caperentur, & ad Calesiam ducerentur cum omni apparatu armatorum, & aliarum rerum, ipso capitaneo de Arde non dum egresso de prædicto colloquio, quod ipse dolose confinxerat ad decipiendum Hugonem. Videns igitur omnia venire Calesiam, expauit vehementissime, recedens cum gemitu atq; murmure, & dolum, quem imaginauerat, fatebatur, asserens ingeniose deceptum, & in aduentione propria circumuentum.

Dolum dolo compenſatur.

Contigit sub eisdem diebus Anglicis graue damnum & dedecus toti regno imprudentia & superbia Northumbrorum. Quorum (ut est proprium loqui) sublimia grandia temere attemptari, ita de facili succumbere, & sine grandi negotio eneruari. Hi namque de sua virtute fidentes, inconsulte nimis eruperunt de occidentali Marchia in terram Scotorum, putantes se posse ibidem montes æquare vallibus, lapidesq; contere sine auxilio vicinorum. Scoti vero de eorum eruptione satis edocti, congregata sufficienti armata manu, eis obuiam processerunt, & sine magno eorum dispendio maiorem partem eorum crudeliter peremerunt. Quo facto, accreuit Scotis audacia, vicinis Anglis timor & inertia, adeo ut iam effæminatos crederes, quos parum ante cordis magnitudo æquauerat leopardis. Missus est ergo dominus Edmundus Mortimer Comes Marchiæ, ad tractandum cum Scotis, ut moris est singulis, in die, quam Anglici & Scoti, diem Marchiæ consuetudinaliter appellant. Qui id effecit, ut treugæ stabiles inter vtrunq; populum, sed paruo tempore firmarentur.

Prope dies istos Dux Lancastriæ (cuius memoriam sæpe per ante fecimus) post longam & diutinam moram in terra, quam iam licet protraxerat, se conuersaturus in aquis

aquis validis accingitur cum turba satis valida versus mare. Quæ quidem multitudo ad resistendum quibuscumque hostibus suffecisset, si Dei gratia tanto agmini minime defuisset. Sed pudet recordationis tot rerum tam male gestarum ipso tempore, adeo ut silentio multa tegamus, quæ scribere deberemus, ne forte ab incredulis siue nostris æmulis odii seu malitiæ regni taxemur. Ne ergo lateant omnino posteris facta nostratum parcius quam gesta sunt omnia tunc temporis, locuturi sumus cursim transiendo potius quam silendo infortunia, quam in talibus immorando. Ingressus mare Dux post non multos dies ad Brytanniam est traiectus Armoricam, ubi combustæ sunt quædam villæ per dominum Robertum Knoll, sed impune, nam plures amisit ex
 10 valentioribus viris suis. Dux vero ad sanctum Maloum se cum omnibus copiis contulit villam inter omnes villas Britannia munitam, ut illa capta fecisse aliquid magni videretur. Sed villani (ut dicitur) de tanti exercitus multitudine tremefacti obtulerunt duci villam eo pacto, ut ipse eos à rapinis & incendiis tueretur cum omnibus bonis suis. Sed dux hanc ciuium submissionem æstimans esse vecordiam, prout dicebatur à pluribus, audita tam gratiosa conditione, non suscepit eos, sed repulit, in tantum, ut pacem oblatam sperneret, mandans, ut sine conditione aliqua redderent sibi villam facturo de ea & ciuibus quæcunque sibi placerent. Ciues vero postquam hæc audissent, videntes rem agi per capitibus, concepta audacia villam alacriter munierunt. Dux vero collectis exercitibus & rebus expugnandæ villæ necessariis, iussit suis ut irent ad
 20 experiendum vires cum villanis, dum ipse interim se contineret alonge contemplaturus bellantes, & optimos pro meritis remuneraturus. Conserunt ergo manus Anglici & Britanni, & utrobique acriter decertatum est, illis cupientibus res & capita custodire, istis è contrario nitentibus villanos atterere, & ciuibus & eorum possessionibus dominari. Sed tandem ut creditur iniuriam passis fortuna fauit, & præualuerunt Britanni, Anglicis à muris turpiter satis diectis, & quamplurimis ex valentioribus interfectis. Quid plura? doluit dux suorum facta scèdari, cum suis militibus præstantiores in opere martio reperiret. Quapropter recessit iratus, dedignans accedere ad hostes tam truces: sed illis commisit propriis arbitrio & voluntati. Sed dum hæc aguntur, Gallici mare oceanum peruagantes, villas in Cornubia licenter incendunt, videlicet
 30 Fowey & quasdam alias absque resistantia siue licentia Anglicorum. Hæc tamen in ducis absentia facta sunt in terra ista, sicque sub hac tempestate hic illicque percutiuntur, ubique vero generaliter flagellamur. Quia si bubo lapidi iactetur vel lapis illi:

Ictus damna grauis semper habebit auis.

Rem scripturus sum plus quam tragicam, qui comœdiam scripsisse semper optaueram scelus à nostris seculis intentatum, sed in nostris diebus (proh dolor) perpetratum. Qualiter videlicet Sathanæ satellites irrumpentes templum, inauditum perpetrant sceleris exemplum. Pollutionem utique illius aulæ Dei ab Apostolorum principe dedicatæ, & ad præsens tempus ab ipsis etiã incredulis & sine fide hostibus impolutæ. Sed inuenit tempus nostrum (proh dolor) homines Christiano nomine insigni-
 40 tos peiores & infidelibus & irreuerentiores ipsis Ethnicis aut Paganis. Reuera Pagani suorum sacrorum immunitates & iura, quæ non Soldanorum Admiralliorum siue Regum chartis fulciuntur. Sed solum deuotione plebis adeo illibata custodiunt, ut capitale sit infra ambitum templi illius hominem percussisse. At templa tanta gaudent immunitate, ut nulli liceat damnum aut grauamen inferre hiis qui se talibus libertatibus contulerunt. E contra vero Christiani modernis temporibus sub fide falsi & deteriores Ethnicis, non sinunt domum Dei, portam cœli, ianuam Paradisi, Summi sacerdotis aulam, videlicet domini Iesu Christi sponsam non solum liberam & immunem esse, sed etiam incestis manibus, funestis gladiis, truci proposito non tantum ancillare, sed insuper polluere humano sanguine non verentur. Quid ergo
 50 dicendum est? ubi fides periit, ius euauit, deuotio friguit & abscessit: vel quid scribendum ubi omnis conspirat in deteriora consensus? Dolor autem nos silere compellit, magis autem ipsa periculosa tempora, in quibus perfidi Christiani Antichristi discipuli, diuini verbi prædicatores, siue ipsorum morum detestabilium conscriptores odiis, damnis & iniuriis persequentes. Sed tamen ne videamur magis homines vereri quam Deum, etsi non vniuersa mala, quæ fiunt in terra, scribere decreuimus, illa saltem trademus notitiæ posterorum, quæ pro sui magnitudine latere non debent. Erant ergo in his temporibus duo armigeri, quibus non facile vel in Anglia vel in Francia validiores reperiri valerent. Nomen vni Robertus Haule, alteri vero Iohannes Schakel. Hii ante decênium in bello, quod illustrissimus Princeps Edwardus
 contra

contra Hispanos gesserat, in quo & Henricum Bastardum deuicit, & Petrum fratrem eius iniuste pulsum regno restituit; ceperant Comitem de Dena, virum non ignobilem, qui iudicio Principis & Iohannis Chandos dictorum armigerorum magistri, eorum captiuus est effectus, super quorum decretis Christi armigeri chartas tam Principis, quam dicti Iohannis sigillis firmatas obtinuerant, ne alicuius impofterum impeditio præpediret eos, quo minus emolumentum tantæ personæ perciperent. Dictus igitur Comes de Dena filium suum primogenitum eis dederat in obsidem pro eo, dum ipse dictorum armigerorum indulgentia ad propria remissus esset. Comes autem postquam Hispanias peruenisset, paruipendit fidem datam hiis, qui eum ceperant, filio (vt dictum est) obside in Anglia derelicto. Huic ergo postquam naturæ debita perfoluissent, duo illustrissimi Edwardi, videlicet Rex pater, filius quoque Princeps, consiliarii noui regis ad opus eiusdem timide petierunt, vt quibusdam vero placeret, hoc factum est in gratiam ducis Lancastriæ, qui habebat ius in regnum Hispaniæ, vt habito tanto Comite ad prædicti regni possessionem facilius perueniret. Alii vero asserebant factum propter dominam Matildam sororem regis relictam domini P. de Courtney, vt illa sibi desponsata, & illa tanto viro promoueretur, vt pax & concordia accresceret per tales nuptias inter regna, sed nullo modo prædictam personam extorquerè poterant ab illorum manibus Rex nec ipse Dux, quin ipsam occultarent, & ab eorum manibus elongarent. Quapropter capti, & in turri Londinensi trusi sunt. De qua custodia euadentes, de curia ad Westmonasterium confugerunt. Quod Dux 20 grauitè ferens & eorum æmuli consiliarii, consilium inauditum, vt videlicet spretis tot sanctorum Regum sanctionibus, tot summorum Pontificum confirmationibus, & tot contrauenientium terribilibus sententiarum comminationibus, postremoque diuino timore ac sanctæ matris Ecclesiæ reuerentia statuerunt, eos à sanctuario perturbatos, ad turrim vsque reducere, & ibidem cautius conseruare, vel vt putatur tot malis affligere, vt vitam deserere cogerentur. Proinde mittuntur ex aulicis ad Westmonasterium causa huius incuriæ in homines, Deum, & Ecclesiam committendæ, quinquaginta armati, secrete tamen propter metum Londoniensium, ne forte tumultus fieret in plebe illa. Qui ingressi sanctuarium sancti Petri, astu quidem primum scilicet Iohannem Schakel circumuentum libertate Ecclesiæ exue- 30 runt, & ad turrim illico reduxerunt. Ad secundum autem eodem die Robertum Haule cum venissent, & ipse missarum solenniis, in crastino videlicet sancti Laurentii interesset, conuenerunt eum de satisfaciendo Regi super hiis, quibus eius offenderat maiestatem, quia cum esset eius ligius homo, regiis non tantum postulationibus quantum precibus eius spretis, contra eum tergiuersari tam procaciter ausus fuit. Ille vero dum non regem, sed eius consiliarios de iniustitia, auaritia, falsoque consilio accusare niteretur: & illi manus iniicerent, ad extrahendum de Ecclesia violentè extracto quodam curto gladio, mox omnes armatos ipse inermis ad fugam coegit. Et saluare se cupiens, bis circa chorum monachorum currendo pro refugio, tandem in ipso choro ab ipsis vndique circumuallatur. Quid multa? ex omni parte stri- 40 ctis pugionibus impetitus, vt se reddat perstrepunt horribiliter exclamando, & sanctissimum illum conuentum monachorum, nec non sacerdotem, sacro astantem altari, post perlecta sancti verba Euangelii conturbando, amplius etiam exarsit eorum furor, in tantum, vt domum Dei non solum haberent despectui: sed etiam in ipsos Christi famulos, qui iam, vt dictum est, domino in choro astant, ministerio iniquitatis vasa conuerterent, pectoribus singulorum figentes cuspides gladiatorum, vetantes eos sub pœna mortis horridæ, ne subsidio forent illi, quem perimere laborabant. At illi, qui eundem Robertum Haule circumsteterant, dum pacem Ecclesiæ peteret, dum causam tanti sceleris quæreret, dum se tandem cancellatis manibus sub his verbis Deo & Ecclesiæ commendaret, inquires: *Deo me reddo talium iniuriarum vindici, & 50 libertati sanctæ matris Ecclesiæ*, vnus eorum inter hæc verba gladio percutiens caput eius, eum in choro prope altare stantem crudeliter excerebrauit: alius vero eius corpus in eodem momento mucrone transfodit à tergo. Quidam autem ex famulis ipsius Ecclesiæ, qui conatus fuerat eos impedisse à tanti sceleris perpetracione, precando atq; monendo, ne verendum illud templum miraculose ab Apostolorum principe dedicatum, & hætenus impollutum fœdarent, cuiusdam framea mox in ipso loco per lœra traiectus interiit, vt credimus martyrio coronatus. Dicti vero ministri sceleris non contenti aut satiati, tot execrandis maleficiis, ipsius Roberti Haule cadauer examine per pedes arripiunt, & illud horrendè trahentes per sacratissimum locum cho- ri,

*Cades perpetrata
in templo West-
monast.*

ri, ac per Ecclesiam, eius sanguine siue cerebro cuncta fœdantes, demum irreuerenter foras eiiciunt, utpote deliræ debacchâtes, q̄ nec timuerūt Deū, nec hominē reuerentur. Sic vero prophanatū est sanctuariū, luget Syon, S. Petri sacrarium sedet in tristitia, regū receptaculū, domina ecclesiarū facta est in opprobriū & derisum, viq̄ Syon lugent, quia omnes portæ eius destructæ, sacerdotes eius gementes, & ipsa oppressa amaritudine, facti sunt hostes eius in capite, inimici illius locupletati sunt, quia dominus locutus est sup̄ eā: Et quid locutus est dominus? prædixit, ut à seniorib. nostris audiuius, istud facinus prædixit & vindictā deferendā ob necē S. Thomę martyris & Archiepiscopi Cantuar. donec sacrarium Westmonast. humano sanguine fœdaretur, timentenda est vindicta, rogandus est dominus, ut fiat pax & veritas in diebus nostris.

Peracta apud Westmonasterium cæde prædicta, pastores Ecclesiæ congregati, aliquandiu dubitauerunt, quid faciendum foret, utrum videlicet metu materialis gladii, gladio spirituali percuterent, vel omnino renuntiarent potestati & viribus sancti Petri: tandem (quamuis tarde) concepta audacia, Metropolitanus Pontifex cum quinque suffraganeis procedit in publicum, & terribiliter fulminauit excommunicationis sententiam in omnes, qui huic nephario operi interfuerant, vel qui illis consilium impenderant aut iuuamen: præcipue autem & nominatim in dominū Alanum Buxhul, & dominum Radulphum de Ferrariis, qui horum malefactorum fuere capitanei & ductores, demum tamen Regem & matrem eius, necnon & auunculum Ducem Lancastriæ ab hoc anathemate specialiter exceperunt. Londoniensis vero antistes apud S. Paulum, dominicis feriis quartis & sextis, indictos malefactores diu prædictam continuando sententiam terribiliter publicauit, unde factum est, ut plures ex illis tam terribilis fulminis adustione perculsi, citius pœnitendo ad pacem Ecclesiæ se conferrent.

Prima executio per episcopos in malefactores.

Factum est per idem tempus consilium apud Windesor, ad quod Dux Lancastriæ cum ceteris, qui cum ad mare (ut superius dictum est) comitati fuerant, iam post exhaustam pecuniam, & nil gestum prospere redierat, ut ore communium dicebatur. Dum igitur venisset, & audisset de tam terribili fulmine indies ab ore misso Londoniensis præsulis, ægre tulit, & præcipue autem abhominari se dixit tantam in eo proteruiam, qui cum literas regias supplicatorias accepisset, ut desisteret, ut differret publicationem prædictæ sententiæ, ipse nihilominus regiis contemptis precibus, perseverasset in pertinacia præconcepta. Et maius absurdum asseruit inuitatus à Rege ad idem consilium venire, superbe contempsisset. Quapropter affirmavit, si Rex iuberet, se velle properare Londonias, & illum cōtumacem Episcopum, inuitis Londoniensibus (quos ribaldos vocabat) violenter ad consilium adducturum. Præterea dicebantur omnia, quæ scelerate gesta retulimus apud Westmonast. eius iussu & conuiuentia perpetrata, unde commota sunt corda multorum & ora ad male sentiendum vel loquendum de persona sua.

Dux aggerat sibi inuidiam.

Circa festum sancti Lucæ Euangelistæ factum est parliamentum apud Glouerniam, instigatione quorundam peruersorum, qui semper aliquid noui moliebantur incommodi sacerdotio siue regno, & ea causa quammaxime, quia credebant Episcopos & plebem regni communem, necnou & Londonienses minus audere resistere vel contradicere votis eorum in partibus tam remotis. Nempe retulit fama vulgaris, quod inæstimabili summa pecuniæ decreuerant regnum multasse, ac etiam sanctam Ecclesiam de pluribus possessionibus spoliasse, si fuissent suum peruersum propositum consecuti. Et idcirco locum illum elegerant præmeditato facinori, ne Londonienses, si Londoniis fuisset parliamentum prædictum, sua auctoritate vel potentia eorum conatus vllatenus impedirent. Sed ipse cōsiliū eorum dissipauit, qui perdit sapientum sapientiam, & prudentiam prudentium reprobatur solo nutu. Reuera cor archiepiscopi & ceterorum Episcoporum, ut creditur, à domino confortatum & visitatum est, & tam firmiter solidatum, ut decernerent inter se nihil concedendum, quod in præiudiciū Ecclesiæ, vel damnum aliquod redundaret, quorum consilio maligno non latuit. Quare ipsi verentes pati repulsam cum dedecore, se in lucis angelos transformarunt, nihil pro tunc omnium, quæ decreuerant temptaturi, sed vniuersa facturi, quæ ipse archiepiscopus & suffraganei pro tunc vel discernere, vel iuberent. Ne autem omnino nullum damnum inferrent patriæ, hoc egerunt, ut regi de quolibet sacco lanę per annum præsentem vna marca à mercatoribus penderetur, & de qualibet argenti libra rerum venalium, quæ de vltamarinis partibus aduehuntur, & ab emptoribus comparantur, sex denarios Regi persoluendos censuerunt.

Parliamentum Glouernia.

Ad

Nuntii Papales.

Ad idem parliamentum venerunt solemnes ex Italia Papales nuntii, petentes succurri domino Papæ in arcto constituto per Regem & magnates, declarantes iniurias & damna, quæ idem dominus Papa pertulit insolentia apostatarum cardinalium, qui nitebantur eundem cum vniuersa Ecclesia subuertere & infirmare. Venerunt & nuntii eorundem Cardinalium, afferentes literas decem signatas sigillis, petentes & ipsi auxilium præstari Cardinalibus, allegantes fortiter pro eisdem. Sed domino Deo fauente, qui cuncta iuste disponit, repulsi sunt apostatici, & admissi Papales, promissumque subsidium domino Papæ gratanter quam cito tempus exigeret opportunum. Cantuariensis nempe Archiepiscopus perpendens publicam falsitatem & errorem manifestum per scripta eorundem, in quo idem Cardinales voluntarie versabantur, 10 & execrans eorum actus sceleratos vehementer, spiritu Dei subito agitatus, cepit hoc thema: Vnus erit pastor noster. Nam inuenit in eorum literis electionem factam de illo Apostolico, & ita luculenter illorum populo declarauit errorem, & per multa argumenta, & præcipue per eorum dicta propria, vt omnibus constaret illorum malitia, & error innotescat execrandus. Abierat tunc quidam e Cardinalibus, qui quondam fuerat Ambianensis Episcopus, iussu venerandæ memoriæ Papæ Gregorii supradicti, ad sedandum quasdam dissentiones apud Pyras, quæ ortæ fuerant inter Papam & ciues eiusdem vrbs. Qui audito de morte Papæ Gregorii, & de electione noua facta, tunc quidem ibidem morari decreuit, donec noua reciperet à fratribus aut à Papa. Quod & factum est. Sed ex post in breui apicibus accitus Apostolicis, pro- 20 perauit ad curiam mandatis Papalibus pariturus. Post cuius aduentum cum nouus Pontifex intrasset consistorium, cæpit ethice tractare de multis, & inter multa disputare contra Cardinalium auaritiam, qui fuluo corrupti metallo, aut excæcati pecunia, plus venabantur argentū, quam pacem gentium, ad quā missi fuerant inter regna reparanda. Ambianensis autē amplius publice detestabatur, & cōdemnauit perfidiā, imponendo sibi, cum sæpius missus fuisset à Papa Gregorio prædecessore suo, vt quomodo pacem inter Angliæ & Franciæ regna firmaret, & ipse inæstimabiles auri & argenti summas pro labore sui itineris iussu Papæ de vtroque regno cepisset, omisso suæ legationis officio, non curauit paci providere regnorum; sed potius elaborauit, vt dissentiones & odia continuarentur inter Reges diutius, vt dum ipse sæpius descen- 30 deret taliter sub vmbra firmandæ concordiæ, rediretque multotiens, infecto negotio, suo prouideret vberius infando marsupio de male quasita pecunia releuata de Christi patrimonio vtroque regno sophistice spoliato. Ambianensis vero his auditis, in furore mentis erexit se cum indicibili fastu, & in propatulo extento digito domino Papæ hæc verba furiose respondit. Tu (inquit) tanquam Barrensis mentiris. Et mox relicto consistorio cum contumelia recessit à conspectu Papali. Quem illico secuti sunt plures e Cardinalibus, qui parti suæ fauebant, vel consimilia scelera obligabant. Quos omnes dominus Papa confestim suis priuauit titulis, & alios ordinauit numero viginti nouem diuersorum regnorum, homines excellentiorum dignitatum, vt pote Archiepiscopos, Episcopos, Archidiaconos, inter quos & Londoniensem de regno 40 Angliæ censuit eligendum. Cardinales igitur Apostatici guerram aperte contra Papam ausi sunt suscitare, & ipsum & sibi fauentes persequi vsque ad diuisionem corporis & spiritus statuerunt. Et vt eorum conatus ampliora sortirentur robor, eligunt quendam alius ortum natalibus in Papam ex Gallia, qui ipsi Francorum Regi & pluribus ex Franciæ magnatibus linea cōsanguinitatis erat iunctus: amplius autem ad diffiduciandum dominum Papam hanc eidem epistolam plenam minis & terroribus transmiserunt.

*Cardinalium in-
crepatio à Papa.*

*Furiosa responsio
à Cardinale do-
mino Papa.*

*Epistola erronea
Cardinalium apo-
statarum.*

Episcopi, præbyteri, & diaconi, cardinales Apostolica sede vacante, Bartholomæo quondam Archiepiscopo Barrensi spiritum consilii sanioris. Exigit sanctitas, & catholicæ fidei puritas, & Christiani populi deuotio salutaris, totiusque Ecclesiæ sta- 50 tus clara professio ac salus animarum Christi fidelium singularis, vt ea quæ dissimulatam in fide maculam, subuersionem in Christicola populo, status Ecclesiastici enervationem, ac euidentia animarum pericula inducerent, palam notificentur omnibus, & annuncientur in populis, & iuxta doctrinam Euangelicam super tecta prædicentur, ne per indiscretum silentium in errore relinquantur hi qui poterant erudiri, ac hii ad quos ex officio pertinet subiaceant reprehensioni Prophetæ, dicentis: Prophetæ & prædicatores tui videbant tibi falsa & stulta, nec aperiebant iniquitatem tuam, vt te ad pœnitentiam prouocarent. Cum igitur Apostolica sede vacante, per obitum piæ recordationis domini Gregorii Papæ vndecimi, qui mense Martio proximo præ-

præterito in vrbe diem clausit extremum, nos pro electione futuri Pontificis (vt iuris & moris est) celebranda, in conclauis ad hoc in Apostolico palatio, in quo idem sanctę memorię dominus Gregorius obierat deputato, conuenissemus, populus Romanus etiam ad campanę sonum congregatus hostili more locum totum circundans, abintus & ab extra totum fere implens palatium, & cum terrore vehementi minas etiam superaddens, quod nisi elegerimus & sine mora Romanum vel Italicum, statim incideremur per frustra. Etiam congruo spacio, omnes in quo saltem de persona idonea deliberare possemus, penitus nobis subtrahendo contra voluntatem & propositum nostrum ad eligendum Italicum, subito & ex abrupto per violentiam & metum corporis coegerunt inuitos. Propter quod ad euitandum mortis duntaxat periculum alias non facturi, vt etiam tunc palam inter nos diximus, te in Papam duximus eligendum, æstimantes te, cui tam infanda impressio, sicuti & toti clero & populo nota erat, talis esse conscientię, quod eam nullatenus acceptares. At tu proprię salutis immemor, omni pura conscientia procul pulsa, ambitiosius alias, mundani honoris ardore quam maxime inflammatus præsentatione electionis huiusmodi, ab illis qui à nobis in vrbe remanserant, etiam per metum extorta contra canonicas sanctiones in scandalum maximum cleri & populi Christiani, ac exempli perniciem electioni huiusmodi, licet nullę & inualidę ipso iure consensisti. Necnon metu & ipsius metus causa adhuc proculdubio perdurante in vrbe intronizatus & coronatus de facto, te in Papam nominasti. Qui à sanctis & sapientibus patribus, & à iure communi apostaticus anathematizatus, Antichristus, & totius Christianitatis inuasor ac destructor potius & merito nominaris. Nempe igitur cum ista tua tam nephanda intrusio in Papatu iam sit diuulgata per orbem, veluti tam notoria, quod iam alicubi celari non potest, cum hoc tempore videlicet modicum ante Pascha factum fuerat, quādo de vniuersis partib. Christianitatis maior adest populi multitudo in vrbe, quod errores plurimi pullulare inceperunt, & fidelium Christianorū illaqueari conscientię, tuq; diutius expectatus, & in secreto charitatiue admonitus immemor salutis proprię, totum in præcipitium cupiens trahere clerum & populum vniuersum, ad cor redire non curas: sed inanem & transitoriam mundi gloriam, salutem animę, & aliorum Christi fidelium anteponeas, animo obstinato satagis ipsum Papatum tyrannide possidere, qui per ostium non intrasti. Nos non valentes præmissa saluis conscientiis amplius sub dissimulatione transire, ad tuam & aliorum Christi fidelium notitiam, omnia præmissa, licet ipsa tam sibi, quam pene toti clero & populo existant notoria, deducen-
tes te anathematizatum ac tanquam intrusum ad papatum, nulla electione canonica præcedente, totius Christianitatis inuasorem, qui caput ipsius Christianitatis inuadere non formidas, destructoremque, qui vt sub tua occupatione tyrannica efficere satagis, vt fere sacramenta deficiant, & vt Christicola populus tanquam vero pastore carens per abrupta deducatur in deuium. Publicamus & etiam denuntiamus te nihilominus exhortantes & obsecrantes, per viscera misericordię Iesu Christi, cuius Ecclesię sponsam suam non erubuiſti inuadere, vt de fine cogites, ad quem te trahit plenitudo dierum, ad Deum & puram conscientiam dirigas aciem mentis tuę. Ipsamq; beati Petri sedem sanctissimam, quam sine titulo occupas, liberam & vacuam omnino dimittas, insigniaque deponas Papalia, & ab administratione spiritualium & temporalium, Papatus & Romanę Ecclesię abstineas indilate, ac alias Deo & Ecclesię suę sanctę per fructus verę pœnitentię satisfacere studeas iuxta posse. Quod si feceris, gratiam Dei & gloriam mundi, & laudes cleri & populi, ac acerbarum pœnarum per iura canonica tibi impositarum ac imponendarum remissionem cum vniuersa diligētia mereberis obtinere, aliter indignationem omnipotentis Dei & beatorum Petri & Pauli, sanctorumque omnium non immerito incurſurus. Nosque diuinum & humanum consilium cum Christi sponsa & omnium Christianorum, quorum mater parte proculdubio violatur inuocabimus, aliisque vtremur remediis per canonicas sanctiones concessas abinde, & antea nullam spem de misericordia habiturus.

Hanc ergo epistolam plenam veneno & malitia, idem Cardinales schismatici dolose confinxerunt, & eam publice domino Papę (vt supra retulimus) transmiserunt, desiderantes per eandem commune vulgus & innocentem populum à vero pastore suo fraudulenter auertere, & in fauorem eorum talibus inclinationibus inclinare. Vnde ipso elaborante qui nostris gaudet in periculis, & Ecclesię lætatur perturbationibus & pcellis inimico homine, qui solet puro tritico superseminare zizaniā, multi

T seducti

seducti ipsarum doctrinarum sequeretur errores in breui ex discipulis facti magistri, utpote potentes Francorum cum ipso eorum rege, & aliis qui non parum nauiculam Petri, sponsam Christi, matrem Christiani populi perturbarunt hoc modo suis ministris mille artifex viam prouidit, qua desiderium eorum attulit eis, & non sunt fraudati à desiderio suo saltem pro tempore, quo sponsus Ecclesie Christus Petri nauiculam inter tot fluctuum perturbationes agitari permisit.

Responsio episcoporum catholicorum ad litteram pseudocardinalium.

Vniuersi Christi fideles, suo sacrosancto caractere insigniti, super firmam petram fidei sic fundati, ut manutene[n]te domino, & nostrae sanctae fidei irrigante radicem, nullo turbine hereticae seu schismatica[e] persuasionis extirpari poterimus aut euerti: Iohanni Episcopo Praenestino, Gulielmo titulo sancti Stephani in Celio monte, &c. 10 non prout nobis scribitis miseratione diuina sanctae Romanae Ecclesiae Cardinalibus, immo super vos maledictione fulminante, lupis rapacissimis totius gregis Christi inuasoribus, ac vulpibus callidissimis vineam domini Sabaoth cupientibus demoliri, non salutem sed languorem, non gaudium sed mœrorem, & indui sicut duploide confusione vestra. Tenor insipidus litterarum vestrarum, quas instigante diabolo per omnes & singulas Christianitatis prouincias temere destinastis, corda & intima quæque nostra lauciauit, non inquam fidei nostrae læsione, sed pia cordis compasione de tam horrendo scandalo in Ecclesia sancta Dei nouiter suscitato, veruntamen de vobis per quos scandalum venit. Nam pallida facta est matris Ecclesiae facies, pallore nempe turbationis immensae, & ex errore scelerum vestrorum à seculis 20 inaudito, qui putabimini esse legis æmulatores, sed estis sacrilegi, rubor verecundiae interdum conspergitur, dum ex vestris actibus scandalosis fines totius Christianitatis vruntur. O vestra detestabilis & infelix ambitio, qui tunicam domini inconsutilem, quam fors beata vestrae dispositioni non annuit, scindere nititur, & partiri, quæ diuisionem non patitur, sed congaudet potius vnitati. Serui nequam, ex ore vestro iudicandi modum electionis summi Pontificis nuper celebratae nobis per litteras vestras declarastis, dicentes, quod conclaue vestrum vallauit armatorum indomita multitudo, minas vobis facientes terribiles & lethales, nisi eligeritis Italicum vel Romanum, nullam tamen certam vobis limitando personam ad quam compellerent eligendam.

Manifestum est igitur, quod personam, quam vos conceditis elegisse libere & non coacte, & sic quantum ad personam à vobis tunc electam tenemus firmiter, & tenebimus ipsam electionem esse & fuisse rite & canonice celebratam, & ipso electo, intronizato, & coronato tanquam sacrosanctae Ecclesiae vero capiti, & Petri successori, & in terris Christi vicario fideliter adhæremus, & ipsius monitionibus, & dictis & factis ut veri fideles & catholici humiliter promittimus obedire, vestram perniciosam rebellionem & sacrilegam ac hæreticam cōtumaciam, in exemplum damnabile non trahentes. Detestemur insuper vestram vecordiam, qui cum in acie ecclesiae sitis constituti velut pugiles & oppugnatores orthodoxae fidei, & Ecclesiae libertatis capellos in capitibus rubeos comportantes, ob signum strenuitatis & audaciae, quod intrepide 40 vique ad mortem certare pro iustitia deberetis, quomodo metus mortis vos inuasit & vicit, ut perire iustitiā sineretis, quomodo qui vos columnas Ecclesiae nominatis facti estis & infirmi & debiles, ut sustinere non possetis tectum quin rueret. Numquid affuit ibi Sampson, qui longe prius obierat. Sed dicetis fortasse ad excusationes in peccatis, quod Petrus petra fidei, & post Petrum Christum primum Ecclesiae fundamentum ad vocem ancillae hostiarum expauescens ipsum Christum detestando & iurando negauit. Cuius infirmitatis vos estis participes & sequaces, Genimina viperarum, callidi serpentes veneno nutriti, si amaram gustatis herbam, gustate similiter dulcem & suauem. Et post capitis vestri damnabilem negationem redite cum Petro ad confessionem. Verum verbum hoc seminamus super petram, cum vestra detestabilis obstinatio, inde proditoris vos efficiat participes & consortes, cuius iniquitas residet super talentum plumbi. Ceterum non existimet vestra stulta cœcitas & cœca stultitia, quod illa verba, quæ interdum in vestris literis videntur sapere pietatē & zelum domus dei nos cōmoueant, vel quicquid vobiscū cōsentiendo psuadeant, satis enim luculenter perpendimus, quod ipsa verba fermento Phariseorum conduntur, à quo in Euangelio Christus suos cauere praecepit. Locum ergo quem elegistis vestris sceleribus perpetrandis idoneum vobis nominatis, ostendentes clare vos verum caput Ecclesiae reliquisse, & effectos membra diaboli in desertum abiisse cum Iuda proditore, vbi vosmetipsos estis laqueo suspensuri, ut de vobis verificetur id Propheti- cum:

cum: Fiat habitatio eorum deserta, & in habitaculis eorum non sit qui inhabitet. Et iterum de singulis vestrum dictum est: Fiant dies eius pauci, & Episcopatum eius accipiat alter. Præterea Comitum fundorum claram famam vestris commendationibus in toto Christicola populo denigraſtis, cum dicat Poeta: Idem est laudari à turpibus & ob turpia. Animaduerte igitur fundorum Comes, quod per quamplures Christianorum fines eras incognitus, & eo infelicius præsertim, cum iam tibi non nomen, sed ignominiam perquisis, inimicos Christi, & vnitatis Ecclesiæ diuisores, ac pacis & tranquillitatis totius Christianitatis turbatores inuitando, eos in ipsum detestabili perfidia confouendo, vt etiam contra Christum & populum catholicum ædificasse videaris asylum. Exurge ergo ô Comes, & mures de pera proicias, de tabernaculo tuo fuga serpentes, & carbones sulphureos à sinu tuo excute, ne flamma inextinguibili te exurant, & Dei gratiam & benedictionem totius populi Christiani, gloriam mundi, & commendationem adipisceris, & diuinam mereberis effugationem. Dat. &c.

Circa idem tempus, videlicet die Iouis proximo ante festum S. Andreæ Apostoli, latrones de Marchia Regis Scotiæ furtiue intrauerunt castrum de Berwico noctanter, per quoddam foramen cuiusdam turris, & constabularium dicti castri dominum Robertum de Boynton militem strenuum ibidem imparatum inuenientes occiderunt, vxorem vero eius & filios, ac etiam familiares alios exire permiserunt, sub conditione reddendi eisdem duo millia marcarum infra tres septimanas sequentes, vel alias, reddendi eorum corpora custodiæ carcerali. Deinde in crastino, idem vespiliones exeuntes patriam conterminam peruagantes, oues & boues, & diuersi generis animalia rapuerunt, & ad castrum pro eorum victu perduxerunt. Sperabatur autem à multis, quod hæc facta sunt consilio & fauore procerum regni Scotorum. His auditis, dominus comes Northumbrorum animose ad obsidendum dictos malefactores aduolat, & absque mora (adunatis quasi 400. armatis) insultum facit ad castrum, deterrens inclusos insuper cum petrariis & aliis machinis bellicis per longam moram. Collocauerat autem idem Comes semetipsum & filium suum primogenitum Henricum, qui primo tunc suum vexillum displicuit, ad magnam portam ipsius castelli. Dominum vero Alanum de Heton, cum suis ad aliam partem, dominum Thomam de Ilderton cum suis ad aliam partem, & vniuersos de familia de Herones ad quartam partem. Et adiutorio altissimi inuocato, insultum fecere vnanimiter quilibet in sua custodia contra muros. Nec defuit inclusis animus, quin fortiter & viriliter repellerent Anglos insistentes contra eos, & arcerent eos ab ingressu amplius quam per duas horas. Tandem post magnum longumque conflictum, fortuna nostratibus arridente, captum est castrum miraculose quidem, quum omnes quos diximus resedisse in circuitu eius, domini simul & semel intrauerunt, quilibet videlicet in ea parte quam ceperat expugnandam. Occisi sunt ex Anglicis tantum duo, & plurimi vulnerati. Ex Scotis vero ad numerum quadraginta & octo contriti sunt gladioque consumpti, vno tantummodo ad vitam reseruato, qui Scotorum consilia ediceret nostræ genti: sicque operarii iniquitatis ceciderunt (fauente Deo) in foueam quam fecerunt, & pene omnes malefactores Marchiæ contriti sunt superbia sua repente, qui putabant ex hoc vno successu Anglis exterminium irrogasse. Cum vtique primo eorum irruptio in dictum castellum Comiti Northumbrorum nuntiata fuisset, misit ad Comitem de Dunbare, qui est custos Marchiæ ex parte Scotorum, inquirens, si eius conscientia vel consilio fuissent treugæ taliter violatæ, & hæc omnia perpetrata. Qui affirmavit, se nullo modo horum conscium extitisse, nec istam iniuriam præciuisse, quinimmo promisit, se velle communiter cum Comite Northumbriæ ad locum properare, & quantum in ipso foret auxilium impendere ad extorquendum ipsum castrum de manibus perfidorum. Veniens autem iuxta condictum, requisit eos virtute treugarum, vt redderent castrum (quod iniuste occupauerant) Regi Angliæ vel Comiti Northumbriæ, seu attornato Regis. Qui more gentis eorum responderunt tam breuiter quam procaciter, se nullatenus regi Angliæ castrum illud, nec regi Scotiæ reddituros, quinimmo seruarent illud vsibus regis Franciæ contra omnes homines quamdiu viuerent, quod & opere compleuerunt. Nam octo diebus seruantes illud, nono die (vt prædicitur) gladio perierunt.

Rex Francorum eisdem diebus coacto parlamento Parisius, proceres Britanniæ qui adfuerant, iurare compulit ad reddendum villas munitas & castella quæ habebant in manibus, sibi vel eius assignato, quandoque placeret eidem regi petere ab eisdem.

Captio castri de Berwico.

De diffensione inter regem & Britones.

Annalis conclusio.

eisdem. Nolentes autem quosdam se astringere huiusmodi iuramento, mortis interminatione deterruit, & iurare coegit multos. Britanni vero post dictum Parliamentum festinantes ad propria, munierunt sua loca, comportantes frumentum & cetera necessaria ad instaurandum castella sua. Rex autem Franciæ paulo post misit Bertrandum Cleykin cum exercitu copioso, ad extorquendum præfatas munitiones de manibus Brytannorum, & imponendum Francos suos. Sed Britones non ignari de aduentu eorum restiterunt eis viriliter, arcentes eos à finibus Britanniae cum armata manu valida, & retrocedere compulerunt. Et hac occasione facta est dissentio inter Regem Franciæ & Britannos. Transiit annus iste lætus & habundus victualibus: Ecclesiæ perturbatus propter errores excrecentes in clero: Tristis propter mortem Papæ Gregorii, Angliæ, Franciæ, atque Scotiæ: Britanniae suspectus, molestus, & inquietus, propter motus varios & euentus.

Anno dominicæ incarnationis millesimo trecentesimo septuagesimo nono, qui est annus regni regis Richardi secundi post conquestum secundus, eodem anno dominus Robertus Rous, miles egregius, & custos villæ de Scherburgh, postquam Gallicos pluries infestasset, & cepisset Oliuerum fratrem Bertrandi Cleykin, & alia multa regno Angliæ fecisset vtilia, reuersus est in Angliam, & missus est ad custodiam illius loci dominus Iohannes Herleston.

Hugo Caluerlee à Calesiavocatur.

Dominus Hugo Caluerlee per idem tempus vocatus est à Calesia, quam strenue custodierat, ad totius Angliæ commodum & honorem, & factus est Admiralus maris. Et dominus Thom. Percy associatus est ei ad obseruandum semitas maris per vnum annum. Dominus Wilhelmus de Monte acuto comes Sarum missus est Calesiam loco Hugonis Caluerlee, qui non modicum post aduentum suum prædas egit infra Galliam, & instaurauit Calesiam de non parua multitudine diuersi generis animalium & iumentorum.

Alia Hugonis Caluerlee & Th. Percy in mari.

Eodem tempore dominus Hugo Caluerlee, & dominus Thomas Percy profecti sunt ad mare cum magna multitudine armatorum, qui Britannicum perscrutantes Oceanum, obuauerunt septem nauibus onerariis, & vni naui bellicæ, onustis vino, quas leui negotio subactas ceperunt, & Bristolium transmiserunt. Quum autem circa littus maris Armorici peruenissent, exierunt de hominibus dictorum Hugonis & Thomæ ad deprædandum patriam conuicinam. Quidam vero miles nomine Galfridus Cormel in insidiis delitescens, cum magna manu bellicorum hominum irruit in eos improuisos insidiarum talium, & cepit quotquot ascenderant super terram. Mandauerat tamen suis ne cuiquam nocerent ex ipsis, sed captos illæsos omnino seruarent. Quod & factum est. Igitur dominus Galfridus sumens homines, quos iure belli ceperat, properauit ad dominum Hugonem Caluerlee sub conductu, & reddidit sine redemptione homines supradictos, promittens, si idem dominus Hugo vellet in regionem ascendere, multum placeret dominis & habitatoribus ipsius terræ, & quod ipsi parati fuerunt ad liberandum sibi villas munitas & castella, si tamen vellet morari ad regionis custodiam. Oblulit insuper idem Galfridus nomine principum regionis sibi victualia, & mille equos exercitui suo, si placeret ei per patriam equitare. Sed idem dominus Hugo, quoad equitationem vel moram excusans se, dixit aliud se habere opus consummandum, quod susceperat, nec posse vacare pro tunc vilo modo, ad satisfaciendum votis eorum.

Archiepiscopus Cassiliensis.

Sub eisdem diebus venit à Roma Archiepiscopus Cassiliensis Hibernicus, qui illuc missus fuerat urgentibus quibusdam causis, reportans magnam potestatem ligandi & soluendi indultam sibi ab Apostolico. Cum autem venisset Londonias, habito sermone ad populum, denuntiavit Regem Franciæ, & quotquot Antipapæ adhærebant inuolutos excommunicationis sententia, asseuerans etiam iam Angliæ fore tempus acceptabile tam in causa Regis Angliæ, ad inuadendum regnum Franciæ, præsertim cum esset verisimile, quod Rex anathematizatus non haberet fiduciam resistendi.

Proclamatio contra Papam.

Circa idem tempus Rex Franciæ fecit proclamari per vniuersum regnum suum, quod nullus pareret vel obediret Urbano Papæ. Quod si aliquis attemptaret, decollandum se nosceret, & omnia bona sua regiis vñibus confiscanda.

Parlamentum Londini.

Eodem anno factum est parliamentum Londoniis, in quo fuit ordinatum, quod immunitates & priuilegia Ecclesiæ Westmon. illibata manerent, sed apposita est modificatio satis rationabilis, atque vtilis super impunitate illorum, qui pro debito illuc essent de cetero fugituri. Nam cum prius quidam quibus erat superabundans substantia-

stantia ad reddendum, quibus obligantur debita, scrupulosam sibi formantes conscientiam, illud fugerunt, ibidē lētos ducentes dies in cōmessationibus & conuiuationibus, quorum bona seu possessiones eadem gaudebant immunitate vbiq; locorum siti essent, quā ipsorum domini existētes, intra libertatem Westmonasterii fruebantur, ac per hoc nonnunquam hi, quibus debebantur pecuniā defraudabantur nequiter & depauperabantur, dum eorum debitores commorantes ibidem, vel omnino recūabant soluere, quā debebant, vel quibus debebant, dimidium pro toto recipere compellebant, & ita (vt diximus) semper pars iustior iniuste grauabatur. Statutum est, vt Ecclesia, quā iusta debet vniuersa disponere, iustitiā non prāiudicet, sed sicut illa suis debet gaudere priuilegiis, ita debet omnem iustitiā adimplere. Quapropter ordinatum est, vt pro debito confugientes ad libertatem Westmona. si actor hoc expetierit praconis voce, facta proclamatione in loco, vbi est verisimile, quod talis proclamatio debet venire ad audientiam debitorum, moneantur parere iustitiā. Quod si noluerint, extunc liceat ministris regis inuestigari bona debitorum, vel intrare possessiones eorundem, & venditionem facere de bonis seu possessionibus talium, donec plene creditoribus persoluantur. Item conuiuentibus quibusdam, qui semper aliquid incommodi nuntiabant, ordinata est noua taxa ad opus regis, parcendum enim decreuere communibus, qui exactionibus prateritis pene depressi fuerant. Duces videlicet Lancastriæ & Britannię soluerent viginti marcas, scilicet quilibet eorum decem marcas, Archiepiscopi vero tantum. Comites autem sex marcas, Episcopi quoque & abbates mitrati tantum, non obstantē quod Abbates tenerentur soluere pro singulis capitibus monachorum suorum 40. denar. In quō de certo patet manifestius eos bono modico caruisse, qui talia statuere, dum quilibet pauperrimus abbas pro cornibus suis teneretur soluere tantum, sicut ditissimus Comitum vel Episcoporum, & vltra pro monachis suis, donec excederet taxam dictam. Nullus praterea iustitiarius, vicecomes, miles, vel armiger, rector, vicarius, vel simplex capellanus subterfugiet hanc taxam, sed si habitura sit euentus sordida praeda bonos, Deus nouit.

Hoc anno post Pascha domini Urbani Papæ milites cum Romanorum & Italico-
 30 corum exercitu inierunt bellum aduersus Antipapæ exercitum, qui dicit se Clementem, & aduersus Britones, qui omnino fauebāt eidem: & cessit nostris victoria fauente Deo. Occisiq; sunt ex antipapalibus quinque millia, siue plures, ex communibus exercitus & campi milites sexaginta, cum eorum campi ductore Bernardo Delfale. Quod audiens, non Clemens, sed pene demens factus antipapa, concito fugit, ad quoddam castrum reginæ Neapolis, quod vocatur spelunca, ibidem latitans, & in terra Comitum fundorum, donec furtiue transuectus est a schismaticis Auinion. Sperabat nimirum in vmbra alarum Regis Franciæ, quem nouit parti suæ fauere, & idcirco illum locum pro maiori securitate censuit expetendum. O detestanda, prophana, damnanda, non ignorātia sed malitia huius regis, qui non ignorat quam iniustus, quam inualidus, quam vilis sit titulus huius pseudopapæ, & tamen non solum in
 40 perniciem animæ suæ, sed multorum damnationem & interitum, & totius Ecclesiæ submersionem nititur tale idolū adorare, colere & exaltare. Constabat utiq; sibi, quod non intrauit per ostium, sed ascendit aliunde, videlicet per maceriam, & ideo damnabilis eius fauor omnibus fidelibus esse videtur. Susceperat equidem epulas eiusdem post electionem Urbani Papæ de eius electione concordī, de eius introductione, solio, & aliis, quæ verum Petri successorem decerent, vnde nihil aliud videtur facere, nisi talibus cōsentire, qui dicunt verum falsum, & falsum verum. Audierat insuper, sicut nec eum latere poterat, epistolas quas idem de gressu Urbani Papæ suo consanguineo Comiti Flandriæ direxerat, quibus eum verbis commendauerat, quorum (effectum etsi non omnino) tenorem dicā, vt per hæc eius malitia clarius
 50 fidelibus elucescat. Erat siquidem hic antipapa (vt prāmisimus) Comitis Flandriæ consanguineus, vir & nobilitate generis præclarus, & scientia literatum non minus spectabilis, si genus & scientia ac perfidia minime maculasset. Hic igitur mox, vt Urbanus Papa Pontificatum est ingressus, adhæsit eidem familiariter ceteris, vnde & eius consiliis specialius est accitus. Quod & compertum est comiti Flandriæ memoratō, gauisus est, quasi per ipsum multa esset apud Papam facturus & impetraturus. Nec secus accidit quam sperabat. Nam confestim ad ipsum suas destinauit epistolas oneratas precibus & promissis, vt quendam clericum sui comitatus, Præpositum videlicet Sancti Donati transferre laboraret ad Episcopatum Mormensem, ac quendam

Bellū Papa contra antipapam.

Papa facile annuit comiti Flandrensi.

Vrbani Papae iustitia dicitur.

Cardinales desciunt à Papa.

Deditio castelli sancti Angeli.

Romanorum mores.

aliū clericum de sua familia in Præpositum sancti Donati faceret promoueri. Quibus acceptis, statim Cardinalis respectu tanti viri consanguinei sui, domino Papæ eius petitiones curauit exponere, nec segnius à Papa quæ petierat impetrauit. Expe-
ditus igitur pro suæ voluntatis arbitrio Flandrensis petitionibus, confestim remisit
eidem suas literas, nuntians & suas petitiones auditas, & quam benignum dominum
Papam reppererat erga suam personā, commemorans etiā multa de sanctitate Papæ &
iustitia, vnde precabatur obnixius, vt & ipse Comes esset amicus eius, quem senserat
in primis suis petitionib. sibi tam fauorabilem, ac insuper in suis literis curaret eidem
Papæ ipsum Cardinalem specialiter recommendare. Quæ omnia idem Comes adim-
pleuit. Ex post vero cum ipse Cardinalis & ceteri de collegio, quibus Ecclesiæ pertur- 10
batio complacebat, viderent Vrbani Papam vt summum Pontificem per omnia
condecenter agere, contra auaritiam ipsorum disputare, aduersus iniustitias de-
ceptare, & in omnes Simoniacos intrepide terribiliter fulminare, pœnituit eos fecisse
hominem. Augebat insuper furorem eorum, quod protestatus fuerat se iustitiam fa-
cturum inter virum & virum, & maxime inter Reges Francorum & Anglorum, per
quorum pene discordias tota Christianitas detrimentum accepit. Fauebāt nimirum
Regi Francorum, eius illecti muneribus, vnde & metuebant ne aliquid salubriter sta-
tueret contra eum, per quod vel eorum minueretur commodum, vel eorum opinio
penes Regem. Hiis itaq; & hiis similibus causis desciuerant ab eo quasi vir vnus, & i-
stum de quo fit sermo ad instar Baal, quod interpretatur vanitas, erigentes statuerunt 20
simulacrum suum, & ambulauerunt post vanitatem, & vani facti sunt, & procidentes
curuauerunt genua sua ante Baal. Relicti sunt tamen viri aliquot, viri iusti, timentes
dominum ex collegio Cardinalium, qui non incuruati sunt ante eum, sed cum Vrbano
in vnitatem Ecclesiæ permanferunt. Ex quibus præmissis (vt dixeram) manifeste cla-
rescit, quantum periculum suo capiti Rex Francorum aggerauit, qui hæc omnia sci-
ens, sed dissimulans, nitebatur viribus & substantia totam Christianitatem trahere in
erroris abyssum.

Cum hæc ita se haberent, arridere cæpit aliqualis aura serenior domino Vrbano
Papæ populoque Romano, Domino auferente opprobrium ex Israel, & conterente
portas æreas & vectes ferreos confringente. Portas, inquam, & vectes munitissimi ca- 30
stelli, videlicet sancti Angeli, quod fuerat eis spina in oculo, in latere stimulus, quam-
diu antepapales, Britanni videlicet, illud municipium occuparunt. Britanni reuera
ad eius custodiam mox initio dissidii inter Papam & Cardinales destinati, illud vi-
riliter munierunt, bellicose gubernarunt, & strenue seruauerunt, adeo autem, vt i-
gnominiam Romani populi redundaret, quicquid meditati sunt, quicquid machina-
ti sunt, quicquid denique aperte compleuerunt. Romanorum namq; bona diripien-
tes in castellum comportarunt, loca vicina deuastarunt, & obiecta quæq; scilicet do-
mos, & palatia, q̄ eis nullo modo esse possunt impedimento, machinis, trabiculis mis-
silibus, & petrariis conuassarunt. Erat ibidem cernere (nescio vtrum magis miseran- 40
dum an dolendum) spectaculum, populum cuius patribus nulla ciuitas, nulla prouin-
cia, nullum regnū, deniq; nec totus mundus quandoque resistere potuit, iam propriis
finibus ita arctari, ita vexari ab eo, reprobabiliter deturbari à facie mediocris castri,
vt pene omnem spem amitteret resistendi, propriis vtiq; diffidens viribus, quendam
Anglicum militem Iohannem Hawkwood in Italiæ & Lombardiæ partibus cum
non parua manu militum & armatorum militantem vocandum, vel potius multa pe-
cunia coemendum ad suum auxilium peroptimum fore putauit. Sed Britones, qui
in castello erant, cum hæc audissent, tutius rati sunt se occulte domino Papæ reddere,
quam eius aduentum in sui perniciem expectare. Constabat namq; eis Romanos sic-
ut à malitia veterum & probitate exciderant, sic à clementia & pietate, quæ semper
antiquos Romanos victores comitari solebant. Et reuera Romani moderni crudelif- 50
simi viri sunt, & nulla pietate præditi, præcipue penes eos, quos armis subiugare cōtin-
git. Hac ergo causa præcipue coacti sunt Britones occulte cū domino Papa componere,
vt saluis corporibus, tamen illæsi permitterentur abire. Dominus vero Papa, vt vir pa-
cificus eorum petitionibus adqueuit. Redditum est itaque castrum domino Papæ,
sed occulte & in nocte, ne forte venirent Romani, & tollerent ipsum locum & gen-
tem. Constabat autem domino Papæ, Romanos nullis eorum petitionibus inclinan-
dos, nullis precibus fore flectendos, & ideo dimisit eos occulte propter metum,
qui oderunt eos. Numerus quidem eorum, qui castrum ita tenuerant, qui Romanos
veluti aspīs in sinu afflixerant, vix excreuit ad septuaginta quinq; , vnde & eos maiori
odio

odio perstringebant, cum videbant à tam paucis eorum posse contundi superbiam, & ipsos Romanos amplior rubor confusionis inuasit. Quare (vt diximus) nullo modo salutem eorum consensissent, si dominus Papa pro liberatione eorum Romanorum arbitrium expectasset. Britonibus itaque de castello egressis, & papalibus iuxta conditum immisissis, per totam noctem aurum & argentum, vasa concupiscibilia, & vniuersa quæ vsui Papæ prodesse fecit Dominus Papa ad suum palacium comportari. Illucente crastino, senatus populusque Romanus cum comperissent deditionem castelli, occurrit ilico cum securibus, ligonibus, & omnis generis instrumentis ad diruendum castellum, in ultionem tanti opprobrii accepti per Britones castellanos. Confractum est itaque castellum in ipsa die, & dirutum pro magna parte, & ita Romani de visibili materia crudelem quodammodo cepere vindictam.

Eodem anno stipendiarii qui erant cum domino Iohanne Harleston apud Scherburg, & maxime hii qui remanserant post recessum domini Roberti le Rous, versi in seditionem duxerunt hanc multitudinem, præsertim cum gallici omnes penè aditus, omnes vias concluderint, per quas spes victus esse possit. Dominus Iohannes vero eorum necessitudinibus compassus, eorum lenire cupiens amaritudinem, dixit ad eos. Cernitis commilitones me eadem necessitate, præsum vobiscum comiter qua vos vrgeri doletis. Et quid est quod vltra facere vobis debeam, decernite quid me vultis facere pro salute vestra, paratum me habebitis siue ad vitam siue ad mortem: cui illi: Est hic (inquiunt) non procul Ecclesia & quoddam molendinum, in quæ hostes nostri sua victualia comportarunt, transeamus illuc instructis armis, & expecteamur si forte nobis arrideat fortuna serenior. Melius est enim & honorificentius nobis mori fortiter, quam fame & inædia cum dedecore deperire. Applaudit ille dictis eorum, & nocte sequenti accinguntur ad iter: ad loca ergo prædicta perueniunt, sed ea Gallicis repleta reperiunt. Nec mora, insultum dant acerrimum ad vtrumque locum, & fit vtrinque magnus strepitus, hinc Anglicis certantibus pro communi victu, illinc Gallicis eos viriliter propellentibus, pro custodia vtrarumque rerum, victus videlicet atque vitæ. Ibi videres in Anglicis non per speculum vel enigma, sed facie tenus, quid fames imperat, quid inedia stimulat, dum nostrates porius læthale ferrum hostium appetunt, saxa libenter subeunt, muros alacriter (sed periculose) inuadunt, quæ famis incommoda seipso tollere permittunt. Quid multa? pro victu instatur audacius, pugnatur ardentius, occupant famelici saturatos, Anglici Gallicos, & captiuos accipiunt pro libito iure belli, redeunt onusti spoliis, gaudent victoria affectata. Sed non diu perseuerat ista iocunditas, non longum tenet Vicia comas, nec Populus vmbra, nam in ipso itinere obuios habent quosdam ex Gallicis qui bellum eis indicunt, aut captiuitatem omnibus repromittunt. Turbantur Anglici à facie verborum eorum, Gallici redeunt ad ipsos qui miserunt eos. Nec mora, apparent Anglicis qui delituerant in insidiis Gallici, vnde nostrates certiores effecti de pugna, parant se ad gloriose viuendum aut fortiter moriendum, instruunt acies, turmas disponunt iuxta disciplinam militaris ordinis, præponunt sagittarios, stabiliunt pedites, & ipsi qui equites fuerant pedites efficiuntur. Gallici ergo videntes apparatus talem, & ipsi se parant & mutuis exhortationibus se confortant. Deinde venit ad pugnam, manus conferunt. Sed Gallici multo nostratibus fortiores, primo impetu nostros retrocedere vi compellunt. Interim architenentes nostris præsidio fiunt, dum denso sagittarum imbre Francos obnubilant, dum plures vulnerant, & Plutoni commendant. Nec tamen cedunt Gallici, sed instant animosius, pugnant alacrius, mortem si contingat subire pro gloria reputantes. Fit itaque personantium grandis tumultus inuicem se collidentium, gladiorum galearumque tinnitus, vnde non mediocriter animantur partes ad res bellicas magis strenue peragendas ibidem. Dominus Iohannes Harleston Anglorum ductor & capitaneus primus, vel vnus è primis Francos inuadens fortiter, concidens horribiliter, prosternens immisericorditer, & ipse à multitudine eorum se circulantium sicut apes opprimitur, solotenus delicitur, pedibus & hominum & equorum conteritur, & ibidem relinquitur semiuiuus. Illic cernendū Anglorum animositatem & fidē, qui cum suum ita deiectum cernerent campiductorem, non cedere, non fugere demum, nec mente concidere, sed audacius & fiducialius mortem contemnentes, in campo prostrare didicerunt. Dum hæc aguntur, & Belona pro parte Francorum desæuaret, dominus Galfridus Worseele, miles & manu promptus & bello strenuus, quem nostrates ex industria ad succurrendum (si necessitas vrgeret) reliquerant, improuise cum turma sua superuenit, durissimis armata

Acro certamen inter Anglicos & Gallicos apud Scherburgh pro victualibus.

Famis vsu.

Bellum inter Anglos & Gallicos.

Io. Harleston comprimitur.

*Angli victores
sunt.*

securibus, & Gallorum stationem petit, ipsosque inuadit, dissipat & prosternit. Omnes itaque qui conuenerant Anglici cum eodem, viri fortes, scientes bellum, eleuatis securibus Gallicos mactant ut pecudes, dum nullus ictus effectu careret, nullus feriendo laboraret in vanum. Quicumque hostem vno ictu percussisset, non opus erat ut secundum adderet. Cernere erat ibidem fortissimas galeas à viris fortibus omnino dissectas, nonnullas autem ita collisas, ut omnino vel conuulsato capite, vel contrito, vnum latus adhereret alteri, nulla arte leuandum, nulla ratione reformandum sine dissolutione totius operis. Affuit etiam & alia turba gacionum & aliorum, qui ad custodiam equorum remanserant, & ad sarcinas, quæ videns iam statum belli ex parte Francorum aliquantulum inclinatum, sumpta audacia, & assumptis instrumentis, vel quæ de propriis habere poterant vel quæ de cadentibus Francis extorserant, repente ex aduerso super Gallicos irruunt, & eos duplici contritione conterendo, dum hii istac cedunt. Illuc ut diximus Dominus Galfridus memoratus & sui sæuiunt, dissipationem adducunt, & violenter, immo turbulenter ad deditionem compellunt, occisis primitus plusquam centum viginti, & captis pene prisonibus ad numerum supradictum. Facta est igitur in illa die magna salus in gente Anglorum, & collaudabant dominum omnipotentem, cui non est difficile saluare in paucis æque ut in multis. Et reuersi sunt ad municipium cum magna gloria & spoliis multis, digni per omnia quibus dicatur, Vos estis qui fecistis salutem in Israel, & abstulistis opprobrium de gente.

Flandrenses perfidis pro crudelitate in Anglos pœnas lœunt.

Eodem anno circa festum Natiuitatis sancti Iohannis Baptistæ manifestata est hominum malitia dolose diligentium, & consequenter Deo volente in dolosos iusta animaduersione vindicatum. Malitia quidem hominum impiorum fecte loquendum, hominum perfidorum Flandrensium, qui more Samaritanorum Iudæos quondam colentium inter prospera, persequentium inter aduersa, Anglicos vicissim & amant, & odiunt varietate temporum. Hii siquidem & Anglos colunt & diligunt dum constat eos esse superiores, aduersis fortiores hostibus, fortunatiores aduersantibus, solito ditiores, ac contra, cum cernunt eis aduersa consurgere, præuales hostes insurgere, miseras crescere, ærumnas augeri, negant consilium, negant auxilium, negant fiduciam, negant notitiam, & postremo ipsi efficiuntur eisdem cunctis hostibus sauiiores: patuit hoc non semel aut iterum, siue tertio, sed puto infinities, si ab origine gentis eiusdem retexere cuncta fas sit. Patet in præsentī tempore quod nostris damnis sentimus, effectualiter cernimus. Enimuero cum dominus Hugo Caluerlee, & dominus Thomas Percy ad custodiam maris destinati fuissent, obuia fuit eis bargia quædam Cornubiæ, de Villa de Foiwaye, quæ tam transacto tempore à rege sibi deputato ad maris custodiam ante ingressum dictorum militum Hugonis & Thomæ, consumptis stipendiis domum redire parabat. Quam cum cognouissent idem milites, & causam ipsius redditus petierunt, & qui in ea erant cum eodem vase reuerterentur cum eis, promittens se interim quosdam ex suis Angliam remissuros pro eorum stipendio renouando. Ipsi vero propriis cessurum commodis arbitantes, si quid ex hostium manubiis leniter lucrari valerent, negant se pro tunc redituros, sed potius ducunt se nauigaturos ad propria, & postea nouis victualibus, nouis vtenfilibus, nouo robore reuersuros. Quid multa? velificant ipsi versus patriam. Milites cum suis ad maris custodiam & tutelam, cum voluctri cursu semoti essent procul ab inuicem, & vtriusque visus & cognitio ablati, obuiam habent Cornubienses quandam nauem Flandrensem, armatis onustam, perfidis repletam, crudelibus refertam, impiis onerata. Qui cernentes bargiam solam, & cognoscentes nostrum nauigium in alias partes concessisse operi consueti dantes operam, fide profligata, pietate repulsa, sumpta audacia, in nostros arina conuertunt: sed & nostros cernentes rem agi pro capitibus, & ipsi se parant ad viriliter resistendum. Fit igitur conflictus atrocissimus, nostris pro rebus & vita certantibus, Flandrensibus contra laborantibus, ne eorum in hac parte perdati dolus & falsitas, si non contingat eos superiores existere seu victores. Sed quid pauci contra multos, fessi contra fortes valerent, siquidem nostri diutina maris experti incommoda, eis erant impares, qui & plures erant, & minime fluctibus fatigati. Cessit ergo victoria hominibus inhumanis, trucibus & cruentis. Reuera bargiam occupantes, occidunt, prosternunt & demergunt nostros, nulli parcentes, nulli deferentes, nullum denique quem fors eorum crudelitati obtulit reseruantes. Occis tandem (ut arbitrabantur) omnibus, bargiam profundo commendant, ut videlicet eorum fraudulentia, dolositas, & dolosa fraudulentia Anglicis fieret manifesta: su-

sta: superfuit tamen quidam garcio ex eadem bargia, qui dum instantissime vtrunque pugnaretur, cernens nostros perdendos, transierat in nauem Flandrensiū, descendensq; in sentinam ibidem latuit, nulli cognitus donec idem Flandrenses portū Anglicum attrigissent. Hic ergo per tres dies sine victu perseverans dum audisset Flandrenses Anglicis colloquentes, & ydioma suorū agnouisset, repente surrexit ex profundo navis, fidem & suffragium Anglorum clamitans magna voce, accurrunt Anglici, turbantur Flandrenses, nulli tamen rei veritas erat nota, sed demum inualecente clamore res innotuit Anglicis sicut erat. Et mox Flandrenses capti sunt & carceribus destinati, recepturi pro facinoribus mercedem dignam. Navis autem & bona eorum regis sunt vlibus confiscata.

*Flandrensiū
pirata capta in
Anglia.*

Sed Anglis nunquam damna sola veniunt quin potius multiplicata cōcurrunt. Accidit Anglis eodem anno graue dispendium & toti insulæ deplorandum. Nam vir armipotens & bellicosus, prudens & strenuus, Iohannes Clerke, socius & collega strenuissimi militis domini Hugonis de Caluerlee, dum in Armoricam Britanniam concessisset, & moraretur in castello ibidem, quædam galea portum intrauit dicti castelli tanquam naues eiusdem incensura. Videntes autem hoc qui cum eodem Iohanne erant, mox armati ad vasa concurrunt, & ipsi defensuri naues ab incendiis vel rapinis. Dictus autem Iohannes (cui nunquam defuit quod ducem deceret) cernens suos ita grauitur pro rerum defensione concurrere, & ipse leuiter armatus descendit, accurrit nauem, ingreditur, asserens se velle fortunæ suorum fore socium, siue aduersa futura esset siue secunda. Qui vero in galea erant, cernentes rem pro votis accedere, nostros scilicet persequi incircumspecte, quasi in meticuloſe fugiendo nostros laceſcunt iaculis & missilibus donec venirent ad introitum ipsius portus. Et egressis vtrisque, illis fictæ fugientibus, nostris cum ardore sequentibus, mox nostri proditos se senserunt. Nam repente se inter quinque galeas qui in insidiis delituerant conspexerunt. Quid tunc nostri facerent, quo se verterent dubitabant. Tum subito Iohannes memoratus sumpta audacia velut gigas fertur in hostes, hos prosternens, istos repellens, ut ipse solus contra tot sufficere videretur. Mirantur & hostes animositatem hominis & audaciam, & in ipsum solum vires, mentes, odium, arma, conuertunt. Interim quidam ex suis eius hortatu portum reintrant, eius protecti præsidio, forti defensi brachio, saluati periculo. Ipse tandem cernens omnes suos posse saluari, eos qui in eius naui erant ducit ante eum, ipse murus pro illis effectus contra hostes, dum illi terram attingunt, nec prius satageret, donec omnes suos cerneret saluos & incolumes terram præoccupasse ante eum. Demum cum ille nauem relinquere veller, saltando de naui, cuiusdam securi percussus in femore corruit & illico captus est. Factum est utique femur eius illo ictu & tibia fere à corpore separata, vir spectatæ bonitatis & audaciæ, posteris multarum peroptime rerum à seipso gestarum monumenta relinquens.

*Iohannes Clerke
miles strenuus
in femore percus-
sus corruit.*

Ad malorum autem cumulum amissa est eodem tempore & nobilis bargia Eboraci, quæ dum nimis inconsulte galeas inuaderet, repente circumuallata vndique à multitudine galearum, capitur à viris eorundem, sed male gauisi sunt hostes tanto lucro, nam mox ut barbari eam intrassent quodammodo, & suis & nostris quos captiuos iam tenebant esset impleta, subito & insperato petiit profundum maris abyssi, & demersa est cum vniuersis Anglicis atque Barbaris qui in eam concesserant, rebusq; omnibus quas comportarant in eam perditis, cum manus conſererent nostrates, & hostes in profundo eiusdem, quod latuit tam nostros quam hostes, donec effectualiter dispendia vitæ sentirent, submersione præfata.

*Bargia quadam
Eboraci vna cū
hominibus sub-
mersa.*

Sub eisdem diebus dux Armoricæ Britannia (quem prædiximus vocatum à suis ad recipiendum ducatum suum, à quo velut eiectus fuerat) multis annis fuscipis oblidibus & sufficiente securitate transfretauit ad sua, applicuitque ad portum iuxta sanctum Maloum pridie nonas Augusti. Cui occurrentes domini milites, armigeri, mercatores, ciues pene præ gaudio visionis domini sui naturalis, semetipſos inter se capere non valebant, tanta erat vniuersis hilaritas, omnibus in commune gaudium & iocunditas, ut cernentes certatim ipsos populi principes splendidissime armatos, indumentis præciosissimis circummixtos, præ desiderio videndi, recipiendi, honorandi, quem eorum anima diligebat, sua ornamenta velut vilissima quæque contemnere, & se maris fluctibus præcipitanter ingerere, & ad nauem deuote in qua dux eorum dominus erat accedere, ac in ipsis Neptuni gurgitibus prout poterant genua flectere, quibusdam eum honorem aduentanti certant impendere pelagi fluen-

*Dux Armoricæ
Britannia à suis
honorifice susce-
ptus.*

fluentis ad genua, nonnullis ad pectora, plerisque ad mentum vsque totaliter madefactis. Inter alios occurrerunt ei ad eundem portum de villa de Dimiam, dominus Carolus de Dimiam, dominus de Mountafillan: Item dominus de Beaumauers, dominus Petrus Turnemeyne, dominus de Hannaday: Item vicecomes de Dimiam, capitaneus de Dimiam & de Selidort: Item dominus de sancto Gyell, dominus de Ferris, dominus de Plesiens, dominus de Mountaban, & plures alii milites, quorum nomina scribere supersedi: venerunt & armigeri innumerabili numero cum eisdem vsque ad numerum vt vsu vulgari loquar ccc. sexaginta lancearum. Septimo die Augusti venit ad eum constabularius de Reynes, & plures alii ad numerum. 60. lancearum. Octauo die Augusti venit ad eum dominus de la Vale, dominus Castelo, dominus de Mounford, & plures alii milites & armigeri nonaginta lancearum. Decimo die Augusti venit ad eum vicecomes de Rone, quondam fortissimus & infestissimus inimicus sibi, cum quo venerunt alii plures milites & armigeri ducatus sui vsque ad numerum quadringentarum lancearum. Qui omnes eum vt eorum dominum naturalem & legitimum honorauerunt, recognouerunt ac susceperunt, & pacem secundum eius arbitrium cum eo fecerunt. Reperitque idem dux (quod mirum dictu est) post ipsius patriæ tot dissidia, tot bellorum chorusca fulgura, tot hostium direptiones, & vespilionum furta publica, quæ iugiter per multos annos pertulerat ipsa regio, omnem domus suæ suppellectilem & thesaurum, omnia denique bona quæ possederat relinquens patriam, adeo intacta & integra, ac si ipse personaliter ea cum omni virtute sua & robore conseruasset. Tanta itaque constantia arserant populares in amore domini, tanta fide viguerant in amore principis, tanta perseverantia perstiterant in amore ducis, vt prius, vt citius, vt potius paterentur propria in direptionem & prædâ dari, quam quicquid minueretur de hiis quæ apud eos reliquerat eorum dominus naturalis. Tributum in super regionis quod soliti fuerant in pace colligere visibus sui ducis, etiam in vastitate hostili colligi fecerunt, & ad securum locum comportari, vt quandoque aduenisset ad tractandum eos in mansuetudine & lenitate vt accidit, thesauros tam insperatos quam inæstimabiles reperisset. Dux autem omnia ista considerans præter spem euenisse, indicibili repletus gaudio, gratias agit Deo, qui quando vult, transfert & mutat regiones & regna, & quibus vult ea tribuit. Et interim cum tempus miserandi eius aduenerit, restituit ea timentibus nomen eius. Deinde plebi pro incredibili fide & gratitudine quam in eis inuenit regratiatur vberissime, promittens se de cætero eis, non vt tyrannus aut hostis, præfuturum cum fauore, sed vt pius princeps cum iustitia & amore.

Memorabile factum domini Hugonis Caluerlee.

Nec obliuioni esse tradendum æstimo factum notabile, factum non minus laudabile quam memorabile illius virtutum & fortitudinum exemplar, illius præfulgentis speculi militaris domini Hugonis Caluerlee, qui tamen sua sapientia, animositate & virtute ipsum ducem seruauit à derisionibus hostium, & in super commune vulgus quod sequebatur apparatus aulae, seu camerae thesauros publicos & priuatos, arma bellica, vasa aurea & argentea, omnemque ducis suppellectilem defendit à rapinis & inuasionibus barbarorum. Cum autem vt præfatus dux Britanniae & dominus Thomas Percy cæterique maiores portum præoccupassent, simulque cum eis dominus Hugo memoratus, nec cum naues onerare quæ victualia vehabant, & cætera quæ prædiximus portum attigissent, non enim poterant omnes simul intrare, quia portus arctus est & periculosus, ecce repente vespiliones Gallici simul cum Hispanis vecti galeis aduolant, rati cuncta sibi cessura pro votis, cum naues nostræ quæ iam portum tenebant, reuerti non poterant ad ferenda præsidia, duplici vt eis visum est de causa, quia videlicet & aura erat eis contraria & malitia loci suspecta. Nec mora, consuetis adhibitis instrumentis, missilibus scilicet, quæ vulgus gunnas vocant, terribiliter feriunt & conquassant ipsam classem, & adeo constanter inuadunt, vt omnis spes liberationis earum & ipsis & illis qui iam terram tenebant esset adempta. Vidit hæc dominus Hugo Caluerlee, & ingemuit, & concaluit cor eius intra se, & oblitus totius periculi, imperat nauclero vt conuertat nauem in qua erat ad hostes, quoniam inquit pudendum est nos affici incommodo duplici, videre nostros cum nostris deperire, & auxilium ferre non posse. Citius deberemus mortem amplecti quam tam probrose damna talia cum cachinnis hostium sustinere. Ne igitur dicant nos nostratibus vel noluisse, vel ausos non fuisse in tantis periculis tulisse iolacium: sentiant quid Deus valeat, sentiant & nobis animos non deesse. Diutius vero reluctanti nauclero, & impossibilitatem prætendenti reuertendi ad nostros, & pericula commemoranti quæ passuri

furi essent si forte reuerterentur, comminatus est pœnas nisi laboraret reuerti, sicque factum est vt cum maxima difficultate reuertendo penetrarent ad hostes. Quo cum peruenissent, mox dominus Hugo & ipse sua preparat instrumenta, & sagittariis imperat vt iam demonstrent hostibus, quid manus, quid brachia, quid arcus, quid tela sua præualent. Ipsi vero non segniter iussis eius parent, & tam animose, tam dense sagittas in hostes emittunt, vt tempestas grandinis descendere consuevit in ortu primi veris. Igitur nullus locus, nullus angulus sagitta volante tectus erat, quin vbicunque locorum concesserant hostes vel læderentur, vel configerentur, vt saltem per sagittas impedirentur à cæptis, sicque dum sagittarii eminus, gladiatores nostri non cōminus præliantes, parata est via & occasio nauibus onerariis euadendi. Nec prius destitit Hugo quoadusque omnes prædictas naues tutam stationem cepisse viderat. Tūc demum & ipse insequitur hostes viriliter à sua rate perturbans, qui cum insecuti fuerant & eorum conatus tam vi quam astu deludens, donec & ipse cum suis portum salutis reintrasset. Viderant hæc omnia vna parte Britones cum suo duce, qui ob facta fortia eiusdem Hugonis & Anglorum qui cum eo fuerant, in tantum amorem eorum exarserunt, quod vitam & animam pro eis ponere, si necessitas hoc exigere, cum iuramento dulce reputarent: sed & ipse dux vix vnquam à gratiarum actione cessabat, nunc Dei collaudans virtutem & gratiam, nunc Hugonem extollens & magnificans, quasi per eum ex inope factus fuisset opulentus, quippe qui opes & substantiam turpiter & cum dedecore perdidisset, nisi iam Hugonis animositas, strenuitas atque probitas opem tulisset. Stabant ex aduerso in muris & turribus villæ sancti Maloi Gallici cum eorum Capitaneo Bertrando Cleykyn, quin & ipsi non minus quam Britones viri ausus laudantes & facta, afficiebantur ibidem, timentes (vt assollet vulgus) casum aut captionem viri quem diligit, & quanquam hostes existerent, tamen pro eius incolumitate dominum præcabantur. Ipse insuper Bertrandus Cleykin publice protestatus est se maluisse omnes Gallicos illo conflictu deperiisse, quam quicquam aduersi tantus vir pertulisset, quibus laudibus ipse vir dignus habetur, qui & suis salutem, per hostium detrimenta tulit, & tamen pro virtute sua hostium promeruit laudem & fauorem. Profecto nostris temporibus non est inuentus in ordine militari similis illi qui conseruaret legem excelsum, & idcirco reor omnia hæc sibi contigisse præter solitum, vt cognoscant posterius quantum erga Deum deuotio, erga sanctos affectio, erga matrem Ecclesiam veneratio, ac postremum erga cultum iusticiæ feruor & dilectio valeant obtinere. Nullus quippe vt verum fateor, eo virum magis sanctitati deditum, orationibus aut Eleemosinis assuetum nostro tempore facile reperisset.

Eodem tempore quidam nobilis & prædiues mercator Ianuensis veniens in Angliam & pluries commoda regi regnoq; promittens si rex dignaretur permittere eum apud Hampton castellum de nouo constructum occupare & ibidem sua mercimonia recondere, repente interemptus est à mercatoribus Anglicanis, magno detrimento plebis & regni, nam promiserat, & effectualiter compleuisset (vt dicebatur) si consecutus fuisset vota sua, & vita priuatus subito non fuisset, eo prouexisse portum Hamptonum, q; nullus portus in hiis occiduis Europæ partibus æquiperari potuisset eidem. Reuera quicquid ex orientalibus regionibus per mercatores Ianuenses, Flandriæ, Normanniæ, Britannicæ Armoricæ solebat inferri ante, nostris temporibus & regionibus fuisset allatum. Et ita consequenter compulsi fuissent ab Angligenis exteri suas merces requirere, à quibus ipsi nō sine magno periculo suas diuitias petere consueuerunt, sed tantis commoditatibus obuia fuit nostrorum malitia, nimis liceter efferata est in virum innocentem & molientem nostra commoda. Mercatores siquidem suis cessura damnis arbitrantes quæcunq; in hac parte publico proficerent incremento, vt ferunt hominē nihil doli suspicantem noctu repente circumuentum Londoniæ, in platea publica ante fores obtruncant hospitii sui, per quosdam conductos ad illud facinus exequendū. Sicq; nostrorum detestanda malitia nec minus execrabilis auaricia nobis inimicitias peperit amicorum, Ianuensium videlicet & aliarum nationum quæ in circuitu nostro sunt, & paucorum perfidia suspectam reddidit fidem omniū incolarum. Quis enim externus audebit se fidei nostræ committere cui tanta infidelitas siue inhumana crudelitas nota erit? Quis non timebit nostras versutias & abhominabitur nomen nostrū? Et super hæc omnia metuendus est dominus quē tam proterue nostris peccatis offendimus, cuius mandata adeo infinite despiciamus, vt nō iam negligenter quidem delinquimus, sed tanquam serui qui sciunt domini voluntatem

Dinos quidam mercator Ianuensis à mercatoribus Anglicanis inuidiose peremptus.

tatem & non faciunt, voluntarie suis legibus contraiimus. Scimus enim eum comminando præcepisse: Innocentem & iustum non interficies, sed nihili pendit mandata diuina auara cupiditas, & legis naturalis scita refugit ambitio mundialis, plus valet apud inhumanos homines lucrum temporalis substantiæ quam charitas vel affectio socialis vitæ, quæ nos generaliter fratres efficit. Timendum est igitur ne nobis iratus est dominus, ut ultionem subitæ necis comminando dicens impropere: Vox sanguinis fratris tui clamat ad me de terra, & maledicta terra in opere tuo, quæ aperuit os suum & suscepit sanguinis fratris tui. Quis autem frater carnalis vnquam maiora com-
moda fratribus suis elaborauit inferre, quam iste nostratibus machinatus est? reuera dicebatur, quod libram piperis pro quatuor denariis vendidisset, & ita consequenter de singulis faciendo generibus specierum, quod profecto tractu temporis indicibile emolumentum incolis peperisset.

*Magna pestis in
partibus Borea-
libus, Scotiq;
tunc partes illas
inmadentes.*

Eodem anno tempore æstiuiali tanta pestis exorta est in partibus borealibus ex iniquo sydere, quanta nunquam antea visa fuit, adeo namque inualuit ipsi ipsa mortalitas, ut pene totam patriam de probatissimis viris subito spoliaret, & de mediocribus (quid dicendum) euacuauit quamlibet fere domum, ut penitus sola remaneret, familias amplissimas absorbendo deleuit, non vsque ad vnum, sed vsque quo nullum superstitem derelinqueret. Sed hæc per pauca sunt respectu eorum quæ sequuntur. Enimvero in tantum aggrauata est manus domini super eos, ut villas & oppida olim viris bellicis, prudentibus & prædiuitibus, ac ipsis colonis refertissima, suis habitatoribus destituerat & in solitudinem redigeret & desertum. Et super omnia, Scoti ut paret humani generis inimici, non compati tot Christianorum mortibus, non condolere tot calamitatibus didicerunt gentis miseræ, postremo nec manum domini tam vicinam eis vereri sciuerunt, sed inhumaniores brutis, efferatioribus feris, istud tempus accommodatum eorum crudelitati putantes, in gentem morbo & peste tabescente efferati, quos dominus percusserat persecuti sunt, & dolorem vulnerum eorum addiderunt, percutientes in ore gladii viros bello aptos, quos non dum morbus aut pestis infecerat, & plurimorum amputatis capitibus, vesano spiritu agitati, ipsa capita ad inuicem pede percutere & repercutere ad modum cum pila ludentium non horrebant. Et cum nullum tot malis obuientem, nullum resistentem conspicerent, exinde audaciores effecti vniuersa sibi licere putantes, patriam peruagantur, villas prædantur, diuitias asportant, fugant bestias coram eis & iumenta, in tantum ut ipsos greges porcorum coram ipsis abigerent, quod animalium genus nullus ante Scotorum abducere prætemptauit. Cum autem patriæ præmeditati fuissent direptionem, antequam ingrederentur regionem illam, accitis quibusdam ex incolis solliciti scitati sunt cur ipsis tantum tanta pestis acciderat plus quam Scotis aut aliis gentibus conuicinis. Qui simpliciter responderunt se nescire causam tantæ mortalitatis, quippe quibus occulta fuere diuina iudicia: sed vnum constanter affirmabant, quod omnis calamitas, omnis mortalitas, demum omnis aduersitas quæ eis acciderant, ex speciali Dei gratia contingebant: quandoque propter peccata sua ut luerent in hac vita commissa ne-
pharie, & malis operibus dediti timore mortis desisterent ab inceptis: aliquando propter exercitium iustorum, ut maiorem fidem in Deo habeant, quemadmodum scriptum est, Iusti & timebunt & sperabunt in domino: & aliquoties propter multas causas occultas quas non expedit vobis scire. Cum vero Scoti aut ab incolis pestem eis illatam Dei gratia trepidauerunt timore ubi non erat timor, saltem talis qualem assumpserant satis bestialiter, unde ingressuri terram, & postquam ingressi sunt eam quotidie mane, signauerunt se tali benedictione ab ipsis magna deliberatione composita, & multum necessaria ut eis visum fuit. Senior igitur vel maior natus inter ipsos taliter inchoauit, Benedicite, & respondebatur Dominus: deinde maior persecutus est, Deus & sanctus Kyn tegernus, sanctus Romanus & sanctus Andreas seruent nos hodie à diuina gratia, & fœda morte qua Anglici moriuntur. Et post istam benedictionem se satis protectos satisque munitos putabant à cunctis malis casibus quæ superuenire valebant, quæ benedictio multo ridiculoser sonat in ipsorum ydiomate quam lingua latina, & propterea illam in præsentis loco scribere dignum puto, nam isto modo sonat: *Gode and S. Mango saint Romayn, and saint Andrew, schield vs this day fro Goddis grace, and the foule death that Englysch men dien vpon.* Sperandum est ergo etsi non in præsentis, in futuro tamen precum suarum consequenter effectum, & inhumanitatis crudelitatem quam exercuerunt in populum humiliatum sub flagello Dei, peste videlicet laborante, digna compensatione perlentient, lento namque gressu progreditur diuina seueritas, sed tarditatem iræ grauitate poenæ compensat.

*Cur Deus aff-
fugat.*

*Scotorum im-
precatio.*

Eodem tempore intercurrentibus personis grauib; qui multum de iniuria irrogata personis dudum in Ecclesia Westm. videlicet Roberto Haule & Iohanni Schakel pie iusteq; doluerant, reddita est pax & libertas Iohanni Schakel, quem supra docuimus irreuerenter extractum de eadem ecclesia, & ad turrim Londini tractum, ibidemque carcere mancipatum. Conuenit siquidem inter dominum regē, & ipsum de postulantibus viris venerabilibus, vt Iohannes Schakel captiuum suum filium comitis de Deua, qui iam nuper defuncto Papa & ipse hæreditarie comes effectus est, domino regi publicaret, non dum enim sciebant quis aut qualis esset, vel vbi moram traxerat ita diu. Et præterea ordinatum est, vt dominus rex daret eidem Iohanni pro possessione prædicti captiui, terras ad valorem centum marcarum per annum, & in pecunia quingentas marcas, & quod dominus rex de bonis regis fundaret vnā cātariam pro animabus eorum, quos eius ministri in ecclesia supradicta peremerant de quinq; sacerdotibus perpetuis temporibus duraturam, firmatis istis conditionibus, regi captiuus redditur, & Iohannes Schakel pristinae libertati. Iussus autem exhibere captiuum, cunctis admirantibus ministrum suum obtulit, qui ei astiterat, & more valēti seruierat in omni tribulatione sua, & ante persecutionem quæ sibi illata fuerat in carcere, & extra carcerem, & ita fideliter sibi adhæserat, vt non potuisset agnosci ita impense ministrauerat, vt putari conductitius suus famulus merito potuisset. Erat cernere inter Anglos ibidem confusionem magnam, & verecundiam de tanta viri fide, dum quisque non haberet in summa tranquillitate, quod ipsum in maxima perturbatione & regni totius commotione habuisse conspiceret, omnibus inter se quarrentibus quisnam ex ipsis inueniri potuisset similis, qui potuit transgredi, & non est transgressus, vt honorificus dominus habitus à rege fuisse regnique proceribus, & omnia respectu fidei quam magistris suis debuit contempsisse, ac demum in ipsa persecutione suis magistris illata pene caput suum intuitu fidelitatis ipsis gladiis posuisset. O constantia iuuenis prædicanda, quæ licet posita inter pressuras persequentium, nulla tamen varietate fortunæ frangi potuit, quo minus inueniretur perfecte stabilis inter aspera, securus inter dubia, fide cernens nil aduersa. Anglice quisquis es, qui pecunia corruptus aut aliis donis illectus perditionem patriæ tuæ moliris, respice speculum huius externi, fidem scilicet huius viri, qui non Anglicus, non indigena, sed quodam iure hostis & alienigena, & ita tamen, ita proterue, ita pertinaciter fidem seruat, iuramentum obseruat quo magistris suis, vt ita dicam, se adiunxerat, quod pauper & inops, & seruus miseriæ magistrorum infidelitate plus eligit effici, quam in fidei læsione semetipsum prodendo, damno magistrorum in rege regniq; proceribus iuxta conditionem sui generis in abundantia, iocis, ac diuitiis gloriari. Hæc idcirco scripsi, vt pudeat Anglos præsentis & futuros proditoris infamia, qui respectu huius Hispani in promptu habent fidei non fictæ sed perfectæ speculum, & discant quanta laus & gloria fide & probitate perquiritur, & è contra quam pudenda recordatio, quam fœda memoria sequitur proditores:

Sub eisdem pene diebus, Comes Flāndriæ, dum nouas consuetudines à suis communibus, dum nouas exactiones exquirat, dum noua onera minus prudenter imponit, dum insueta contra suorum libertates inquirat, cum omni domo sua, vniuersa familia, totoque consilio de terra sua vi communium est expulsus. Et mox exercitus plebis cito deligitur viginti millium & eo amplius virorum de communitate, electorum ad custodiendum fines patriæ ab incurso fauentium comiti, suo videlicet domino naturali, & ad obsidendum & capiendum eundem comitem, si persistendum inceptis putaret. Interim vt assolet fiunt direptiones & prædæ bonorum comitis si bique fauentium, incendia prædiorum, mortes famulantium, & cuncta quæ vel odio personarum geris solent, vel vindicta victorum sensit damni partem. Waleranus comes Sancti Pauli, qui per idem tempus ad partes illas concesserat ad munendum castra sua in illis partibus constituta. Cum comperissent eum fauere parti comitis, mox ad quoddam eius manerium vniuersi se transferunt in spiritu furoris & iracundiæ, & totum illud prædium, quod in ædificiis & pulchritudine omnia comitatus excedebat, prædia solo complanant, non relinquentes tignum super parietem, aut lapidem super lapidem, vt omnibus luceret clarius illos in corde & ex corde odio persequi dominum suum comitem, & omnes qui ei familiaritate aliqua iungebantur. Cum igitur elapsis iam multis diebus, comes cerneret eos in sua perseverare pertinacia, & prius mori velle quam consuetudines suas auitas amittere, & ipse pertæsus damni quod patriæ inferebatur medio tempore, mittit ad eos qui eorum palparent animos

Iohannes Schakel liberatus pristina restituitur.

Hispani mirantur infidelitatem.

Comes Flāndriae dum nouas à suis communibus exigit consuetudines, expulsus est.

mos si forte interim flexi fuissent, vel labore militiæ aut expensarum nimietate animo concidissent. Sed ubi didicit eos nullo modo deflexos, nullis laboribus fatigatos, decernit descendere suorum voluntati. Et idcirco renunciavit illis se fore paratum ad præsidendum eis ut dominus placidus, sed si ipsi in cæteris modo consueto sibi submittant. Ipsi vero nequaquam se subiiciendos renunciant, nisi omne consilium remoueat ab ipso, & recipere solum velit consiliarios ex communis vulgi decreto, & insuper ut tradat in manus plebis ipsos qui huiusmodi perturbationis seu commotionis causa fuere. Comes igitur nullam aliam viam cernens ad recuperandum eius dominium, licet inuitus adiudicauit fieri petitionem eorum, & ita postremo est suo comitatu restitutus.

Edmundus Brumfield fraudulenter agit in acquisitione Abbatis sancti Davidis.

Per idem tempus venit à curia Romana Edmundus Brumfield monachus ecclesiæ sancti Edmundi de Burgo, afferens secum bullas, in quibus dono & prouisione domini Papæ asseueravit se Abbatem & pastorem ipsius ecclesiæ confirmatum. Iste siquidem Edmundus promotus ex substantia illius Monasterii usque ad summum gradum, quotiens à studio reuocabatur ad Monasterium, semper contentiosus & seminator discordiarum & odii concitator extiterat inter fratres, unde fratres illius loci fatigati sæpe per ipsum, cum consilio domini Iohannis Bryuele, patristunc & pastoris eorum, decreuerunt quouis pacto aut per fas aut per nefas deliberari à persona sua, ne videlicet vna ouis morbida totum gregem ipsius Monasterii contaminaret, & ut illorum propositum cautius & secretius ac sine fratrum, vel loci aut ipsius Edmundi scandalo sortiri valeret effectum, offerunt sibi officium procuratoris domus illorum, ut vadens ad Romanam curiam, ibidem pro ecclesiæ necessitatibus iugiter moraretur, ac sic per consequens domus illa sua præsentia vacuaretur, & fraterna quies suis simultatibus imposterum minime turbaretur. Sed antequam hoc negotium eum exequi, aut ab eis recedere permiserunt, cogitantes plerumque quod cæli diuersa facies, vel externa regio non mutant conditiones quorundam, nec potest Æthiops mutare pellem suam, exegerunt ab illo iuramentum de non acquirendo aliquo beneficio ipsius domus, & de non procurando, quod in ipsius ecclesiæ cederet præiudicium quouis modo. Quod & iurauit, facto coram eis publico sacramento. Postea vero præsidentibus capituli generalis id procurantibus, imposi-
tum est ei onus procuratoris generalis totius nigri ordinis, & ut fauorabilius acceptaretur à summo pontifice, litteras commendatorias (quanquam aliquantulum contra conscientias) tam præsidentium, quam suæ domus, accepit ad Papam, quæ postea magno detrimento domus suæ fuere, ut inferius declarabo. Cum ergo Romam venisset, & ibidem longam moram traxisset, nec assecutus ab Apostolico vllum fuisset beneficium, tandem audiuit D. Iohannem Briuele quondam Abbatem suum diem clausisse supremum, & putans iam tempus oportunum arrisisse sibi fit ad procurandum & consequendum quod diu mente conceperat, accessit ad quendam aduocatum, sed filium qui tamen morabatur in curia, & vocabatur magister Iohannes Shipdam, & promisit ei magnam summam pecuniæ annue si id efficeret, ut abbas de Burgo quoquo pacto creari posset. Et si contingeret eum in hoc negotio minime expedire, procuraret sibi aliquem ex vacantibus Episcopatibus, aut si hoc non posset assequi, prioratum de Derhirst obtinere laboraret eidem, habiturus pro labore suo pro quolibet annuatim vnam summam ex eis. Dictus vero Iohannes, quosdam Cardinalibus qui nunquam aurum respuunt ad partem suam traxit, ut ipsorum interuentu, & fauore Edmundi prædicti negotia efficacius expediret, securus ergo de ipsorum Cardinalium adiutorio, proponit coram domino Papa causam Edmundi, asserens eum verum electum capituli & omnium fratrum vocis optatum ad ecclesiæ eidem præessendum. Dominus vero Papa considerans malitiam ipsius temporis, & sui aduersarii antipapæ quotidianum incrementum, & sperans Edmundum magno adiutorio sibi adfuturum si abbas efficeretur ibidem, de facili inclinatus ad confirmandum, vel si electio rite celebrata non fuisset, ad gratis dandum ipsi Edmundo beneficium supradictum. Quid multa? consequitur Edmundo dono & fauore Papæ imaginarium appetitum, & ad repatriandum cum bullis suis se præparat toto nisu.

Fratres vero de Bury post mortem statim Abbatis sui ad electionem conueniunt, & vnanimi consensu eligerunt in Abbatem dominum Iohannem virum idoneum de Tymworth, domus suæ suppriorum & ordinis zelatorem. Qui audientes Edmundum eos taliter præuenisse, mox festinarunt duos Monachos ad Romanam

nam transmittere curiam, ad certificandum dominum Papam de falsa suggestionem Edmundi, & ad petendum confirmationem ipsorum electi. Deferunt ergo secum litteras regias, & plurimorum dominorum supplicatorias pro confirmatione electi, & Edmundi depositione. Sed Papa pro tunc plus fauens Edmundo quam monachis, permisit eisdem ibi damnosam trahere diu moram. Interea Edmundus cogitans quod mora trahit periculum, & semper nocuit differre peractis, properat ad burgum sancti Edmundi, & ibidem aliciens sibi vicinos de patria, in breui magnum exercitum in partem suam traxit. Stipatus igitur multis assentatoribus publicari fecit in parochialibus ecclesiis suas bullas, ut fieri solet in talibus. Plebs auda semper ac cupida nouorum, suis credit assertionibus & fauet honori, maxime quia patriota fuerat & vicinus eis. Videns autem Edmundus principia sibi cessisse pro votis, sperat celos miscere terris, & spiritum carni coniungere, & claustrum foro, monachos scilicet, conflare laicis, & vnum serere in vtrisque. Intrat ergo capitulum cum turba multa, mittens notarios qui inuitarent monachos ad capitulum, ex parte domini Papæ, ad audiendum sub pœna inobedientiæ eiusdem mandata. Simpliciores vero fratres timentes hanc notam, capitulum intrauerunt. Alii quoque qui pericula mente librauerunt & incommoda quæ monasterio possent emergere per talem prouisionem, à turba se & capitulo subtraxerunt. Edmundus igitur in capitulo residens, de facili traxit in partem suam fratres qui aderant, partim timore censuræ, partim affectione, partim dominandi cupidine, præcipue quos amor administrationum temporalium detinebat. Erant idcirco post expressata negotia sua, & postquam vidit partem fauere, novos obedientiariorum statuit, & deponit antiquos, sed & electum eorum dominum Iohannem de Tymworth restituit officio superioris, si tamen idem electus putet cedentium electioni & mandatis eius parendum. Dehinc cum illa parte conuentus quæ conuenerat ad capitulum & eius suasioni acquieuerat intrat Ecclesiam, & arreptis pontificalibus ornamentis, Missam solemniter celebrat more abbatis loci, agens diem solennem in condensis, non tamen vsque ad cornu altaris, sed vsque ad ipsas mensas & conuiuium, magna vtrique sexus vtriusque frequentia atque plausu, sed non diu istud gaudium durat, quin perturbatio atque luctus eius extrema occupat. Nam paulo post regales tam milites quam armigeri cum licitoribus ad burgum conueniunt, & Edmundum sine magna difficultate secum ducunt ad respondendum regi super præmissis. Egressus autem cum illo Edmundo pars conuentus quæ sibi fauebat, secuti sunt illum monachi circa decem & octo, cumque ad Westmonasterium peruenisset, requisitus est à Cancellario domino Richardo Scrob milite, cur sine licentia regia Abbatiam de Burgo sancti Edmundi intrare, & vices ibidem agere præsumpisset. Quo respondente se tanquam legitimum pastorem intrasse ouile proprium, ut & ouibus suis infectis peste præstaret solatia, & morbidis salutifera procuraret remedia. Subintulit Cancellarius, puto te (inquit) in ipso loco nec ægras oues, nec sanas possidere, præsertim cum sine conuiuentia regia, imo contra ius regium, & approbatas regni consuetudines, non ut pastor, sed nec ut mercenarius tantum, sed ut lupo potius subintrasti. Et ideo scire te debes, & omnes tui similes læsæ maiestatis Regiæ tanquam proditores arcendos & carceribus mancipandos, præcipue propter statutum parlamentale æditum. 2. anno Edwardi regis ultimi, quod docet omnes tales vel decapitandos vel carceribus detrudendos. Decernimus ergo te ad turrim Londoniarum mittendum & ibidem conseruandū, donec voluntatē regiam & decretū parliamēti futuri super isto negotio plenius cognoscamus. Nec mora, cū verbum & decretum perficiebatur. Deducti enim sunt ad turrim vna cū eo qui consentientes aderant, & proclamatum est Londoniis, ut committerentur pari custodiæ si inueniri possent huius viæ monachi nō præsentēs. Factumq; est, ut qui quietē claustralem sponte deseruerant, inuiti cōmendarentur inquietudini carcerali. Exposit tamē vel propter regales expensas minorandas, vel propter zelū religionis, consilium regale decreuit, ut Monachi qui Edmundum secuti fuerant, diuersis monasteriis mitterentur, cū mandato regio super eisdem, ut videlicet Abbates vel Priores quibus directi fuerant eorum custodiam agerent, responsuri pro corporibus eorundem domino regi in parlamento sequenti.

Ipso anno etiam prope festū sancti Nicholai præsulis exercuit dominus manum magnam super Anglicos, in quosdam vindicta desinens, quibusdam vero misericordiā suam prætendens. Cum enim iam regium consilium in parte succurrendum putasset duci Britannię, cui post reditum suum in terram suam Francorum hostilis

*Edmundus su-
prædictus cum
suis adhaerenti-
bus turri Lon-
doniensi com-
missus.*

*Exercitus missus
in Francos
ad succurren-
dum duci Bri-
tanniæ.*

incurfio terrorem iniecerat magnum, communi decreto miffi funt armata manu ad auxilium fibi dominus Iohannes Arundel, dominus Hugo Caluerle, dominus Thomas Percy, dominus Wilhelmus Elinham, dominus Thomas Morews, dominus Thomas Lancaftre, & plures alii milites & armigeri, quos enumerare longum foret. Hi ergo armis & equis inſtructi nobiliter poſt perceptum à rege aurum ſtipendiarium, ad confinia maris properant, ibidem auram proſperam præſtolaturi. Qui ſicut generis præ eminentia & in armis exercitata prudentia, ac bellatorum ſequentium populosa frequentia Anglicis & Britannicis fiduciam magnam, & bonam ſpem hoſtes conterendi pepererant, ita & Gallicis metum grandem incuſſerant, nec merito, quia proſecto ſi Deo non diſplicuiſſet talis exercitus, pro virium gloria, pro præliandi cautela, pro reſiſtendi contra hoſtes audacia, non temere fuiſſet cunctis Gallicis metuendus. Sed quid valet vis humana? quid aſtutia? quid opulencia? ſi cui hæc accommodantur, perſona diſpliceat creatori, vti que non ad gloriam proficiunt, ſed ignominiam, & forſitan tendunt ad damnationis augmentum. Sed de his hætenus, iam ad materiam reuertamur. Cum igitur vt prædiximus dominus Iohannes de Arundel cum ſuis complicitibus ad mare perueniſſet, & nec dum aura ſecunda flaret eiſdem, ſtatuit vt optabat operire tempus gratioris venti. Perrexit interea ad quoddam monaſterium monialium virginum nō procul ſitum, & cum ſuis ingreſſes petiit à matre monaſterii, vt ibidem ſuos commilitones in negotiis regiis laboratores 10
permitteret hoſpitari. Sanctimonialis autem fœmina mente librans pericula quæ per
tales hoſpites poſſent emergere, & quia omnino religioni talis petitio contraibat, cum reuerentia & humilitate qua decuit expoſuit ſibi iuvenes plures qui cum eo venerant & impelli poſſe de facili in ſcelus inexprabile, quod non ſolum in opprobrium & infamiam illius loci, ſed in periculum & pernitiem ſui & ſuorum redundaret, qui non modo caſtra pudicitie impugnare vitarent, ſed etiam omne genus peccati effugere laborarent, ſi id agerent, obtinerent, quod viros ad bellum proſecturos oporteret. E contra, ille inſiſtere magis feruide cepit in propoſito, dicens illam falli in ſuis ſuſpitionibus, & non eſſe veriſimile quod mente imaginarie pertraheret. Cui illa ſolo proſtrata: ſcio (inquit) domine viros tuos viros effrenes eſſe, indomitos, qui Deum forſitan non verentur, & omnino non expedire vobis, nec tibi 30
ingrediantur clauſtra noſtra. Quapropter coniunctis manibus, tuam generoſitatem oro, atque obteſtor, vt hoc dimiſſo propoſito, alibi tibi tuiſque requiras hoſpitia, quæ ſuperabundant in patria conuicina. Ille vero perſiſtens in propoſito contemptibiliter, præcepit vt ſurgeret, iurans ſe nullo modo ſteſtendum quin in eodem loco ſuis hoſpitia prouideret. Confeſtim ergo iubet ſuis, vt domos ingrediantur, & cameras publicas occupent & priuatas, donec velificandi tempus inſtaret. Qui mox (vt creditur) diabolico ſpiritu agitati, irruunt in clauſtra monaſterii, & vt aſſolet in tam indiſciplinato vulgo, ille iſtam, iſte illam erumpit cameram, in quibus virgines filiarum maiorum prouinciæ ſeruabantur ad diſcendas litteras, & plæræque iam paratæ fuerant ad ſuſcipiendum ſacræ religionis habitum, & in propoſito virginitatis mentem fixerant ſuſcipiendam, quas (ſpretæ loci reuerentia & Dei timore poſtpoſito) opprimunt & polluunt violenter, & non ſolum in iſtis eorum libido furit, ſed & vidualem continentiam & coniugale vinculū pollutioni tradere minime verebātur. Nam plures illuc viduæ confluerent hoſpitandi gratia (vt moris eſt in talibus abbatibus) vel pro rei familiaris inopia, vel pro perfectius & ſecurius ſeruanda continentia. In mulieres etiam coniugatas quæ illuc ex cauſſis præmiſſis conuenerunt adulterium commiſerunt publicū, ſed violentum. Nec tantis contenti nequitiis (vt fertur) ipſas ſanctimonials ad ſuā luxuriā attraxerunt, paruipendentes inceſti & ſtupri notæ. Qua de re primo patientes iniuriam, mox vniuerſi qui in vicinia morabantur, ad quos notitia tanti mali peruenerat, maledictiones congerunt ſuper eorum capita horribiles, & eis quicquid infortunii, quicquid aduerſi Deus eis ſuſcitare valeat, imprecati ſunt. In his omnibus dominus Iohannes Arundel nihili pendens tantum clamorem, tot execrationes, talis infamiae dedecus, adiecit peccata peccatis, addit mala malis. Reuera permiſit ſuos quodammodo ſpoliare patriam, apporare vulgus, dum victualia vel cætera neceſſaria vi afferentes non compulit ad ſoluendum, ſed potius eorum fauebat violentiæ, & ipſe particeps effectus erroris: vnde proteſtati ſunt illius regionis incolæ maluiſſe aduentum in terram quorumuis, præter domorum incendia, q̄ ipſius domini Iohannis cū ſequela ſua. Pauca ſunt iſta, immo parua ſunt iſta reſpectu eorum quæ ſequuntur: Die namq; illo quo mare ingreſſuri erant ſui, & ipſe cum eis,

Iohanne Arundel in ſanctimonialibus ſanis.

eis, quandam nouam nuptam & illo eodem die per manus & orationes sacerdotis vi-
 ro de prouincia copulatam, de ecclesia post Missam & sponsalia celebrata reuertentē
 violenter rapiunt de medio & manibus eam ducentium, & ad naues vsque deducunt,
 operaturi in ea opus nefarium post ingressum eorum in mari, non considerantes nec
 putantes tanta scelera celeriter punienda. Et Abbathia etiam (vt fertur) prædicta, fœ-
 minas coniugatas, viduas & virgines abduxerunt, & in suis manibus collocarunt, nec
 istis saturati, quidam ex ipsis ad sacrilegia manus extendunt. Nempe post auditam
 Missam, vt apparuit indeuote, ante sacerdos casulam deponere potuisset, acceden-
 tes, & calicem de altari rapientes, cum summa festinatione, lætabundi quasi de præ-
 da, currunt ad naues, sacerdote eos in sacris vestibus, scilicet alba stola & fauone per-
 sequente, & sub interminatione census calicem repetente, cumq; nisi sanas & terri-
 biles minas nisi retrocederet accepisset, non sic quidem silere decreuit, sed accitis cō-
 uicinis sacerdotibus, ad littus vsque processit, cum candelis accensis, campanilis, li-
 bris, & his quæ sententiis huiusmodi promulgandis requiruntur, ibique petiit sub
 pœna excommunicationis, sententiam terribiliter & publice fulminauit, & iactu in
 mari cereum extinguendo, dominus Hugo Caluerle, & dominus Tho. Percy, & non-
 nulli alii quos hæc præmissa latebant, antequam naues ascensuri erant, fecerunt pro-
 clamari per patriam voce publica, vt venirent ante diem nauigationis qui molesta-
 tifierant per suos vlllo modo, vel per illatas iniurias, vel per alias quascunque vias
 10 vel causas, habituri condignam satisfactionem de quibuscunque transgressionibus
 conqueri voluissent: vnde contigit, vt ipsos deuota precans populus prosequeretur
 ad mare, sicut è contra dominum Iohannem Arundel diris imprecationibus fuerant
 insequuti. Post hæc euolutis non multis horarum spaciis, cum ventus flauisset pau-
 lo turgidius, imperat dominus Iohannes vt omnes naues ingrediantur, & mādāt nau-
 cleris velis expansis & in altum deductis, committant nauigia ventis. Nautæ vero in
 cuius nauem ipse dominus Iohannes concesserat, videlicet Robertus Rust de Black-
 ney prælagus intemperei futuræ, dissuadet ei se pro tunc mari committere, dicens
 tempestatem post modicum tempus affuturam, quæ & indubitatum ferret pericu-
 lum, & forsitan naufragii causa foret. Ipse autem quem sua fata trahebant aurem ac-
 30 commodare noluit verbis eius, sed magis vrgebat ad velificandum. Igitur nauta cer-
 nens non posse persuaderi dicto Iohanni, vt remorari deberet, dat Neptūno naues, &
 in breui ingreditur alta maris, & vt ita dicam, postquam altum tenuere rates, mox vē-
 ti velut agmine factō incubuere mari, ceruleusque supra eorum caput imber astitit,
 noctem hyememq; ferens, & inhorruit vnda tenebris, continuoq; venti voluunt, ma-
 re magna; surgunt æquora, & dispersi iactantur gurgite vasto. Inuoluere diem nym-
 bi, & mox humida cœlum abstulit, itaque incertis errat in vndis, præsentemque eis
 intentant omnia mortem. Et quod ipsa morte terribilius est, vt ferunt, diabolica visio
 siue spiritus apparuit inter eos, quæ visibiliter videbatur eorū perditioni, qui in na-
 uem dicti Iohannis Arundel concesserant imminere: quis clamor, quantus luctus,
 40 quales gemitus, quot lachrymæ sunt inter mulieres, quæ vi vel sponte in naues ascen-
 derant vsque ad cœlos, & descenderent vsque ad abyssos, cum iam non mortis ima-
 ginem, sed ipsam mortem præsentem cernerent, & continuo morti dari minime du-
 bitarent. Quanta perturbatio, mentisque trepidatio, corporisque magnus remor-
 sus, & anxietas conscientię viros inuasit, qui pro explenda libidine mulieres ad peri-
 cula maris traxerant, ipsi oportune referre nouerint, qui participes existentes tanti
 mali quandoq; domino miserante, salutis portū contingere meruerunt. Idcirco quid
 interim agerent dubitabant, cum hinc ventis & procellis, illinc fluctibus & fœmina-
 rum clamoribus vrgerentur. Tentauit ergo primo alleuiare vasa proiicientes impe-
 dimenta vilia, dehinc quæque præciosa, si forte vel sic eis exurgeret spes salutis. Sed
 50 cum ita non minus desperationem, sed potius augeri cernerent, refundunt causas in-
 fortunii in ipsas fœminas ac in spiritu furoris eisdem manibus, quibus ante illas blan-
 de actretauerat, iisdem brachiis, quibus eas libidinose demulserant, arreptas in mare
 proiiciunt, ad numerum (vt fertur) sexaginta fœminarum, piscibus & marinis be-
 luis deuorandas, sed ita quidem non cessauit tempestas, sed excreuit per amplius, vt
 cunctis omnem spem adimeret mortis pericula euadendi. Cumque diebus aliquot
 atque noctibus, non tantum in mortis periculo quantum in mortis faucibus, non
 sine trepidatione maxima transegissent, tandem vidit quoddam littus, & quan-
 dam insulam in regione Hiberniæ circa littus illud in fluctibus marinis sitam, vn-
 de momentaneo gaudio perfusus dominus Iohannes Arundel, mox iubet vt nau-
 tæ se

*Ioh. Arundel ca-
licem sacerdoti
aufert.*

*Visio diuina in
Ioh. Arundel*

tæ se transferant ad littus illud, si forte eis terram contingere donaretur. Nautis autem reluctantibus, & asserentibus in tantis turbinibus magis tutum fore maris alta tenere, quam vi ventorum illidi arenæ vel scopulis appropinquando terræ, irrui in eos dictus Iohannes furibunde, & quosdam ex eis crudeliter (ut fertur) interfecit. Robertus vero de Rust, cuius erat naus ipsa, timens etiam sibi de dicti Iohannis violentia, promisit se, si non desit gratia, nauem impulsurum non procul à terra. Cui dictus dominus Iohannes: Nonne conspicis illam insulam prope terram? saluemur in ea ascendendo saltem in ipsam, & refocillando membram nostram, fortassis qui in terra sunt videbunt nos & nostræ miseriæ condolebunt, & victualia nobis adferent vel efferent ad terram suam, vel certe quod graue videtur, naufragos captiuabunt. Esto captiuamur ad tempus, minus graue est hoc quam in mari totiens ante mortem mori, & tandem mortem de decorosam euadere nullo modo posse. Aut si inimici sunt qui in hac terra sunt, citius eligo per manus hostiles interfici, forsitan cadaueri sepulturam indulgebunt, quam more pecoris marinis mergi fluctibus, & fieri pælagi monstribus cibus. Cum hæc audisset Robertus præfatus naus rector, omninifuelaborauit ut nauem impelleret inter terram & prædictam insulam, sperans insulam posse protegere nauem à ventis, & æstimans facilem fore ascensum in terram: sed cum illic naus peruenisset, cernit scopulos maris magnitudinis ex utraque parte, & se in medio subito constitutum. Qui mox more inoritur in clamorem etu-pit, & sociis confessionem facere monuit, & quemlibet hortabatur se morti parare. Quoniam (inquiens) iam nullus superest euadendi locus. Cumque in tam horrendo periculo huc illucque per magnum tempus iactati fuissent, & naus illæsa scopulis iam vndas admisisset, repente apparuit ascensus in Insulam, sed arduus & difficilis propter scopulos & arenas. Nauta igitur omnem vim exercens, impulit nauem in arenam, ut vel sic saltem fracta naui daretur eis occasio euadendi. Et cum nauem marinis fluctibus quantum possibile fuerat expulisset, ipse primus in arenam exiit, deinde multi saltando post ipsum insulam præfata sunt ingressi. Demum dominus Iohannes Arudell & ipse saltauit, & arenam attigit, sed (ut videbatur) salutis suæ nimis securus fuit, nam quasi tamen nihil metuendum existeret, in arena viua stans, cepit aquas excutere vestimentis suis, quæ in naui aquis marinis fuerant madefacta. Quod cum vidisset memoratus Roberrus Rust, pericula librans quæ nondum Iohannes euaserat, descendit in arenam, & attripiens manum eius nitebatur secum trahere de statione periculosa: sed dum alienæ saluti nimis caute consulit, & suam negligeret, vitam perdit. Reuera dum nititur dictum dominum Iohannem secum trahere, mare vndosum & inquietum (quippe quod tunc fluxit) in vltiora fluctus dirigens, vtrumque prostrauit, & in regressu suo ambos in maris profundiora traxit, & hic finis eorum. Armiger specialissimus domini Iohannis memorati, nomine N. Musard, vir inter magnos maximus & decentissimus, & inter omnes Anglicos audacissimus & fortissimus, qui & ipse saltauerat in arenam, & naus quendam scapulum detinuerat, alluione maris dum fluere, violenter auellitur ab ipsa petra, & longius in mari proicitur, & hac illacque modo supinus, modo resupinus defertur, donec mare fluxu cum ad scopulos illidendo confregisset. Alter armiger vocabulo Deuyok similem finem sortitus est. Nobilissimus miles dominus Tho. Banastre, dominus N. Trumpington, & dominus Thomas de Dale, dum saltant de naui, dum quisque contendit alium currendo præcedere, quilibet existit alterius impedimento: vnde contigit, ut simili ascensu, sicut prius, mare eos & plures alios rapiens, secum traheret in abyssum. Pauci qui euaserunt, & in insulam attigerunt, pannos non habentes, an si fortassis habebant quidam, tamen aquis erant pleni, vnde abundantioris frigoris causa fuere, cum domos non inuenissent ibidem, frigore moriebantur. Cæteri modo currendo, modo luctando, quoquo pacto frigus deludere contendebant, degentes etiam ibidem in magna miseria à die Iouis vsque ad nonam dominicæ subsequēntis, qua hora post mare sedatum, Hibernienses ascensis nauiculis ad insulam nauigarunt, & reductos ad terram exiliter refecerunt: fuerant enim pene inedia exanimati. Perdidit in dicta procella dominus Iohannes supradictus, non solum vitam, sed omnem suppellectilem suam, & omnem apparatus, qui merito ornatum regium superaret. Habuit nempe quinquaginta duos pro proprio corpore nouos apparatus, vela aureos vel auro textos (ut ferunt) quos omnes mare absorbuuit, cum equis & dextrariis, qui ad valorem decem millium marcarum taxabantur. Præterea.

25. naues aliaz, quæ securæ sunt eum cum hominibus & equis aliisq; diuitiis forte consimili perierunt. Corpus eiusdem domini Iohannis, & eorum corpora, qui cum eo similem experti sunt fortunam, ab his qui remanserant post triduum sunt inuenta, & in quadam Abbathia in Hibernia tumulata.

Dominus Thomas Percy, & dominus Hugo Caluerle, necnon dominus Wilhelmus Elinham, & nonnulli alii spaciose dispersi, sed tamen pelagi profunda suscitantes, iuxta meritum sinceræ vitæ & bonæ fidei euadere meruerunt, apud quos illud mirabile contigit. Cum dominus Thomas Percy post tantum fragorem & horrendam mortis diutinam expectationem, magis aprus fuisset ad refocillandum membra
 10 inædia, vigiliis, laboribus, & tot ærumnis debilitata & fatigata lecto vel molliori stramine, irruit repente super eum, naus Hispanica, armatis onusta, qui putabant eum leui negotio post tot infortunia superandum. Sed quid ageret tunc miles inuitus, non opus extitit de deliberatione, sed mox ubi nec locus nec tempus pro huiusmodi suppetebat, intra se censuit illud modicum vigoris, & spiritus militaris, quod remanserat in hostes expendere, & sic saltem si victoria negaretur, vitam honeste finire. Sed fortuna parti suæ, immo Deus sibi suisque robur contulit & audaciam, & de inimicis victoriam gratiosam. Nec fuit conflictus iste momentaneus, vel cito pertransitus, sed per tres horas ante deditionem hostium continue perdurauit. Igitur post mare sedatum, cum ipsa naui, quam superatam ceperat & captiuus rediit,
 20 reparando duplicem regioni lætitiâ de sua salute seruata, & de victoria prælibata. Qui mox ut incolarum colloquio frui potuit, nauem quam ceperat pro cautione posuit, acceptis à patriotis centum libris argenti. Cum quibus illico audacter ingreditur mare iterum, & cursum versus castellum de Brest, cuius erat concapitaneus, cum Hugone Caluerlee dirigit, ne locus ille diutius Capitano destitutus vllum incurrat infortunium per manus hostiles, ad quem locum domino ducente, feliciter in breui iuxta vota peruenit. Ac non multum post hæc, dominus Hugo Caluerle, & dominus Wilhelmus Elinham, & quidam alii diuersa littora in Anglia & Hibernia attigerunt. Sed in his mirandum, quod cum ceteri vix vita saluata euadere potuerunt, dominus Thomas Percy, & dominus Hugo Caluerle, nullum ex suis hominibus,
 30 sed nec equos quidem aliquos perdiderunt. Intueri libet in præfato negotio & euidentem vindictam diuinæ seueritatis, & manifestam misericordiam dominicæ pietatis. Sed ne iudicemur odio vel fauore prosequi, quorum infortunia vel fortunas declarauimus, istam materiam conferendam ad quemcunque sensum placuerit lectoris derelinquimus: hoc pro certo adicientes, quod omni furo mentiendo, circumloquendi, excitandi, vel commouendi proposita, solidam veritatem, ut ab eis, qui his omnibus interfuere, didicimus, quibus nos non decet describere, scripsimus vniuersa.

Per idem tempus Hispani & Gallici magnam vim nauium ex vniuersa Gallia, Hispania, Portingalia, & regionibus illis subiectis congregauerant, ad impediendum
 40 nostrorû profectionē prædictā versus Britannia, vel potius ad dimicandū contra nostrates, ut debilitatos, vel certe captos, desistere cōpellerent ab inceptis. Sed ne libertas eis accresceret gaudendi super nostris infortuniis, manum domini super eos similem senserunt, & nō tamē simile, sed multo (ut dicitur) grauiorē. Nam & maiorem numerum nauium, & plures personas hominū perdiderunt in procella superius memorata. Transit annus iste frugifer, & satis fructifer: Ecclesiæ Romanæ modo lætus, modo lugubris: Franciæ desidiosus, sed suspiciosus: Angliæ oportunus propter euentus diuersos tam leues quam asperos: Britannia serenus & iocundus propter receptionem domini naturalis: Flandriæ sollicitus & infamis propter eiectionem Comitis: Scotiæ fauorabilis, quia Borealibus nostris fuit infestus propter pestem.

50 Anno dominicæ incarnationis millesimo trecentesimo octogesimo, qui est annus regni regis Richardi secundi post cōquestum tertius. Hoc tempore circa festum natalis domini rediit à Calefia dominus Wilhelmus de Monte acuto, Comes Sarum, qui annalem custodiam egerat illius villæ, cui subrogatur dominus Iohannes Denros miles ab antiquo exercitatus in armis.

Circa dies istos rediit de custodia villæ de Scherborough nobilis miles, dominus Iohannes Harleston, cui successit ad custodiam dictæ villæ dominus Wilhelm. Windesfor miles strenuus.

Isto anno post octa. Epiphaniæ coactum est parliamentum Londini, quod vsq; *Parliamentum*
 caput Calendarum Martii continue perdurauit, in quo regni communitas petiit ali- *Londini*

quem ex baronibus ordinari ad tutelam regiam, qui sciret forinsecis prudenter dare responsa, & esset maturus moribus, potens operibus, tractabilis & discretus. Electus est ergo communi sententia Dominus Thomas Beauchamp Comes Warwici, ut iugiter cum Rege moram traheret, & de thesauro regio quandam summam pecuniæ pro labore, ut decuit perciperet annuatim. Deputati vero fuerant ad idem negotium anno præcedenti certi Episcopi, Comites & Barones cum Iustitiariis; & multis aliis, qui eius astarent consilio commodisq; vacarent. Qui omnes per annum magnam pecuniæ summam de Regis ærario exhauserunt, & nullum aut modicum fructum protulerunt, unde iam (ut diximus) communitas vnum petiit, amotis aliis, qui omnia & singula satis expleret, quæ omnes antea perfecerunt. In hoc etiam parlamento dominus Richardus Scrop cessit officio Cancellariæ: & Archiepiscopus Cantuariensis magister Symon de Sudbury contra gradum suæ dignitatis, ut plurimi, conclamabant, illi officio militaturus accessit, sed si ipse illud procurauerit, aut sponte suscepit, nouit Deus.

*Processus contra
Edmundum de
Bury.*

Ad istud etiam parliamentum venerunt quidam à Romana Curia, non directe missi à Papa, sed à Cardinali de Agapito, ferentes secum eiusdem Cardinalis literas. In quibus idem Cardinalis fatebatur dominum Papam sibi mandasse, ut Archiepiscopo Cantuariensi, capitulo sancti Edmundi Regis de Bury, & domini Papæ Collectorio scriberet, & mandaret vniuersis & singulis, ut visis eius literis & intellectis, sine dilatione rescriberent singulas literas, certificantes eum de statu domini Edmundi de Brumfield (cuius superius egi memoriam) si videlicet acceptus in gratiam regiam admissus fuisset ad possessionem pacificam Abbathie de Bury. Causa autem huius missionis ista dicitur extitisse. Postquam dictus Edmundus de Brumfield recessisset à curia, ut dominus Papa audiuit & vidit tot literas supplicatorias pro confirmatione electi de Bury, ac Regi regnique magnatibus displicere prouisionem suam quam fecerat, conferendo ei dictam Abbathiam, mente turbatus est vehementer. Et reuoluens in animo, quantum auxilium Rex cum magnatibus contra aduersarium suum Antipapam conferre valeret, si eorum frueretur amicitia, & quanto detrimento foret eadem, si aduersarentur, statuit cameraliter, non quidem dictum Edmundum deponere, sed quia clericus, & eius creatura fuerat, ad quendam Episcopatum in Hibernia tunc vacantem transferre. Quod audiens supranominatus falsidicus, magister Ioannes Shipdam, confestim in crastino, cum Procuratores electi de Bury in consistorio adfuissent coram Papa, & petiissent confirmationem electi prædicti, adfuit ipse, allegans hoc nequaquam debere fieri, maxime quia dictus Edmundus iam receptus esset in gratiam regiam, & suis temporalibus inuestitus. Quod ut probaret ita esse, introduxit quendam Monachum Cisterciensem, & quendam presbyterum, qui paulo ante de Anglia venerant, quos & conduxit, ut iurarent coram Papa, se pro certo scire dominum Edmundum admissum in regis gratiam: & non solum in gratiam, sed & attractum ad eius familiare consilium, & suis temporalibus inuestitum. Ac ut maiorem fidem facerent in præmissis, iurauerunt se oculis suis vidisse eum ante eorum egressum de Anglia Londinum nobiliter incedentem, ut tantum Abbatem decuit, stipatum magna caterua præeuntibus eum bis senis armigeris in vna secta. Quæ omnia Procuratores electi constanter refellebant, asserentes hoc nullatenus ita esse. Quapropter dominus Papa distulit in causa procedere, donec alia certiora noua de ista materia cepisset. Et hæc (ut dixi) fuit causa, quare dictus Cardinalis præfatus dicto modo scripsit.

*Rescriptum archiepi
scopi Cantuariensis
certificatum Papæ.*

Archiepiscopus ergo Cantuariensis in primis maturauit scribere domino Papæ, & eundem certificare super his, quibus fuerat oneratus. Qui post præmissa verba subiectionis & reuerentiæ debitæ, innuit se ob Apostolicam reuerentiam instetisse penes regem & proceres pro Edmundi prædicti deliberatione, & ut Edmundum ecclesiam Papali sibi prouisione collatam pacifice ingredi paterentur. Sed post pauca in progressu asseuerat pro firmo, se ex responso regali ac regni procerum intellexisse, nunquam eos passuros ingressum Edmundi in Abbathiam de Burgo, sed nec egressum eius à carcere timore vel interuentu alicuius personæ, nisi solummodo contingat eos flecti per ipsius domini Papæ preces sollicitas & instantes. Explicat præterea eum ius regium & regni consuetudines ab initio talibus prouisoribus contrahuisse. Et inter cetera deprecatur, ut temporis præsentis considerata malitia, condescendat voluntati regis intuitu vndecunque periculorum emergentium, Electum de Bury iuxta Regis & magnatum regni desiderium confirmando. Hortatur præterea humiliter,

litate, qua condecet, vt nullius credat literis, nullius fidem det sermonibus, qui aliter scripto vel verbo suę significabunt reuerentię, quam ipse propriis literis commendauit. Hęc tempore prædicti parlamenti acta fuere.

In eodem parlamento concessum est ab ecclesia vna decima, & à laicis vna quinta decima ad opus regis adiecta conditione, quod ab illo tempore, scilicet à Cal. Martii vsque ad festum S. Michaelis anno reuoluto, aliud non fieret parliamentum: sed conditio ista non seruabatur, vt in sequentibus demonstrabimus.

Nuptiæ factæ sunt eodem anno in oct. Paschæ apud Wyndesore, tubicinum & histrionum magna frequentia, Francorum gaudio, nullius commodo, sed liuore & odio plurimorum: siquidem Dominus Wallerannus, Comes sancti Pauli externus & alienigena, adamatus Dominæ Iohannæ Courteney sorori Regis in tantum, vt nullius Anglici respectu illius dignaretur amplexum, duxit (vt prædictum est) eam supra memoratis loco & tempore in vxorem. Et quia contra consilium matris suæ quondam principissæ, tunc matris Regis & omnium amicorum, eadem Iohanna ista præsumpsit, ipso destituta subsidio merito & indignationem incurrit, & de gente sua opprobrium non leuiter transiturum. Rex tamen, quia soror eius erat, consilio eorum, qui astabant ei, contulit eis villam suam, & manerium de Bisflect, vt videlicet & illam honoraret, & Comitum animum suæ fidelitati magis & obsequiis inclinaret.

Res noua per hoc tempus in Anglia visa est, quæ cum magis insolita, tanto plures ad spectaculum sui traxit, propterea quod natura humana gaudet non solum variis sed insuetis. Miles quidem nomine Iohannes Aneslee in parlamento (quod bonum merito appellatur) tempore domini Edwardi Regis tertii post conquestum, Thomæ Kattrington armigero (quondam custodi castelli de sancto saluatore, quod recolendæ memoriæ dominus Iohannes Chaundos construxerat in Galliis, intra insulam de Constantin) imposuerat notam prodicionis, eo quod dictum castellum, vt asseruit, vendiderat Gallicis pro inæstimabili summa pecuniæ, cum nec defensio sibi, nec victualia defuissent: in qua causâ, cum eodem armigero armorum lege obtulit se pugnaturum. Ad eum namq; (ratione vxoris suæ, cui debebatur hereditas tanquam proximæ de affinitate dicti Iohannis Chaundos) dominium illius castri spectasset: si non proditiose alienatum fuisset commentis dicti Thomæ. Prædictus autem Thomas pro hac causâ captus, & incarceratus fuit pro tunc, sed cito post, quando duci licuit, quicquid libuit, dum Rex pater eius in extremis agebat, delibatus est interuentu (vt dicitur) domini de Latymer, cui idem armiger in pace, & in bello, in iustis & in iniustis, in veris & in falsis perante militauerat. Nec potuit Iohannes Aneslee sui clamoris effectum per totum tempus sequens consequi vsque modo, quibusdam asserentibus contra iura regni fore aliquem de ipso regno pro vlla causâ tali lege in regno pugnare. Obstabant quammaxime, qui simili nota percelli tuebant, sed tandem coactis viridicis & senioribus militibus regionis, diffinitum est pro causâ extrinsecâ sicuti pro præsentî causâ, quæ non infra regni limites orta est, & pro possessione rerum transmarinarum bene licere, quenquam duello configere, si Constabulario & Mareschallo regni, per ante causâ fuisset notificata, & in eorum præsentia duellum à partibus acceptatum. Statuitur ergo dies belli, & interim præparantur duello necessaria in curia apud Westmonasterium, limites videlicet, quas listas vocant de lignis fortissime fabrefactis, tanquam perpetuo duraturæ. Adueniente die præfixo, conueniunt de cunctis regni partibus ad insuetum belli spectaculum, in tanta quidem copia, vt numerus Londoniæ confluentium multitudinem eorum, qui ad Regis coronationem paucis annis ante confluxerant excessiue (multorum testimonio) superaret. Ipso vero die summo mane Rege cum proceribus & regni communitate locum ingressis (prout moris est) miles intrat armatus, insidens dextrarium decentissime phaleratum. Nam appellator debet ingredi primo locû, defensoris præstolaturus aduentum. Deinde, post aliquam horam vocatus est armiger ad defendendum causam suam tali forma. Thoma de Kattrington defensor compareas defensorus causam tuam, pro qua dominus Iohannes de Aneslee miles & appellator te publice & in scriptis appellauit. Hoc autem ter voce præconis belli factum fuit. Tertia vocatione completa, adest armiger, & ipse armatus, equitans dextrarium stratum regaliter stramentis præferentibus arma dicti Thomæ. Qui mox vt ad listas peruenit, descendit de equo, ne iuxta consuetudines prælii Constabularius vendicaret eum, si limites fuisset ingressus. Sed nihil sibi

*De duello inter
I. Aneslee, &
Th. Kattrington*

*Incarceratio
Thomæ Kattr.*

valet

valet astutia sua : nam equus iuxta listas discurrrens, aliquotiens totum caput & pectus
 iniecit ultra limites. Ob quam causam Constabularius dominus Thomas de Wodsto-
 ke equum vendicauit, iurans se velle caput eius habere, videlicet quantum inter listas
 de equo visum fuit, vnde adiudicatus est ei equus: sed hæc exposit, iam ad formam du-
 elli reuertamur. Armigero itaque limites pedes ingresso, per Mareschallum & Con-
 stabularium allata est indentura quondam coram ipsis confecta consensu & volunta-
 te partium, in qua continebantur articuli depositi contra eum per militem aduersa-
 rium, & in omni audientia legebantur. Armiger autem, quem conscientia stimula-
 bat, nitebatur exceptiones facere, vt quoquo pacto sua causa purior effici valuisset.
 Dux vero Lancastriæ cum vidisset eum tardare, & audisset eum exceptiones iam vel-
 le facere, publice iurauit, nisi iuxta conditiones duelli & leges armorum veller ad-
 mittere cuncta in indentura conscripta, quæ non sine eius assensu confecta fuerant,
 quod mox tanquam proditoris reus ad suspendendum traheretur. Quo facto, Dux
 multorum sibi conciliauit gratiam & partem infamiæ suæ antiquæ absterfit. At armi-
 ger vt ista persensit, fatebatur se audere pugnare cum milite, non tantum in his casi-
 bus, sed in omni casu mundi. Fidebat vtique plus in robore fortitudinis suæ & fauore
 amicorum, quam in causa quam susceperat defendendam. Erat enim magnus statu-
 ra, cum miles inter mediocres minimus videretur: & habebat amicos potissimos, do-
 minum de Latimer, dominum de Basset, & plures alios, quorum nomina supprime-
 mus ad cautelam, quorum interuentu fulciri sperabat, si forte quicquam aduersi pas-
 20
 surus esset. Huiusmodi occasionibus animatus, ingreditur locum pugnae, & præ-
 missa ab aduersario suo milite iuramento, prout moris est. Et ipse idem iurauit auda-
 cter, videlicet, quod causa, in qua pugnaturus erat, vera fuit, & quod non erat consci-
 us ullius artis magicæ, per quam de aduersario posset reportare victoriam, nec gesta-
 bat super se herbam, aut lapidem, nec experimenti genus, quibus solent malefici de
 hostibus triumphare. Quibus paratis, & ab utroque deuote oratione fusa, pugnam
 ineunt, primo lanceis, deinde gladiis, postremo cultellis rem agentes, pugnatum est
 ergo diutius, donec omnia instrumenta bellica armigero surripuisset. Tandem armi-
 ger à milite virtuose prosternitur, & miles se præparat ad irruendum in eum, sed ta-
 30
 men sudore decurrente per cassidem aliquantulum visu hebetatus, dum credit semeti-
 ipsum proicere super eum, à latere corruit armigero non appropinquans. Quod per-
 sentiens armiger, quanquam iam pene exanimis factus esset præ labore, se conuertit
 ad militem inferiorem existentem, & ideo quantotius deuincendum. Alii vero dice-
 bant militem in proximo surrecturum, & victoriam de armigero habiturum. Interea
 Rex pacem clamari præcepit, & militem leuari de terra. Quid multa? mittuntur qui
 armigerum erigunt, sed cum peruenissent ad militem, rogauit cum instantia, vt do-
 minus Rex permittat eum modo præfacto iacere, asserens sibi bene esse, & victoriam
 reportaturum, si armiger reponatur modo, quo prius iacuit super eum. Tandem cum
 miles non posset vota sua consequi in hac parte, permisit se leuari de terra. Qui mox
 postquam leuatus est, sine fulcimento cuiusquam perrexit ad Regem alacriter. Cum
 40
 armiger postquam leuatus fuisset, sine sustentamento duorum hominum, nec stare,
 nec quaquam progredi potuisset, & idcirco depositus in cathedra se dedit quieti. Mi-
 les igitur cum ante Regem venisset, rogauit eum & proceres, vt sibi illam concederent
 gratiam, vt iterum in loco quo prius, posset reponi, & armiger super eum: persenserat
 enim armigerum iam pene vltimum flatum emissurum præ nimietate & caloris & ar-
 morum suorum ponderositate, quæ sibi vitales fere spiritus subripuerant. Rex vero &
 proceres cum vidissent militem tam animose, tam viuide bellum repetere, & insuper
 magnam summam auri offerre publice, vt id posset effici, decreuerunt eum iterum re-
 ponendum, & armigerum super eum modo vniuersaliter seruato, quo iacuerant an-
 te prostrati. Sed interim armiger deficiente spiritu repente de cathedra corruit qua-
 50
 si mortuus inter astantium sibi manus. Accurrunt ergo multi, hominem vino perfun-
 dunt & aqua, sed nihil omnino proficiunt, donec detractis armis & omnibus indu-
 mentis ad corpus vsque nudatus fuisset. Quod factum, & militem victorem probauit
 & armigerum esse victum. Post diutinam autem moram paululum reuixit spiritus ar-
 migeri, & apertis oculis cepit caput erigere, & terribiliter vnumquemque respicere
 circumstantem: quod vt nuntiatum est militi, accessit armatus, quippe qui nihil de-
 posuerat armaturæ à pugnae principio, & alloquens eum & proditorem & falsum ap-
 pellans, quærit si iterum audeat duellum repetere. Illo vero nec sensum, nec spiritum
 habente respondendi, clamatum est pugnam finitam, & vt quisque ad propria re-
 mearet.

mearet. Armiger igitur mox vt ad lectum delatus est cepit furere, & in infania mentis perseuerans, in crastinum circa horam nonam spiritum exhalauit. Actum est bellum præfatum 7. idus Iunii, communis vulgi gaudio, proditorum dolori.

Circa istos dies rex Angliæ & eius consilium validum conflantes exercitum, miserunt in succursum ducis Britannia, qui pene ab omni spe excederat resistendi Gallias, postquam audisset videlicet dominum Iohannem de Arundelia, & eius exercitum in mari (vt prædiximus) expertos tam dira fata. Præfecti sunt autem huic exercitui dominus Thomas de Wodestoke comes Buckinghamiæ Regis auunculus, dominus Thomas Percy, frater domini Henrici Percy comitis Northumbriæ, dominus Hugo Caluerlee, dominus Robertus Knoll, dominus de Bassett, dominus Iohannes Harleston, dominus Wilhelmus de Wyndesore, omnes profecto viri, quibus singulis merito exercitus quisque committi posset, præ sapientia, fortitudine & arte bellandi. Hii, quia tutum non erat directo cursu ab Anglia in Britanniam nauigare, propter galleias obseruantes maris semitas, & propter paucitatem nauium, quæ non plures simul ex eis transfuchere poterant, elegerunt à Doueria & Sandwico ad Calesiam copias transferre, & ita per omnem Franciam equitare, donec Britanniam peruenirent, ne per longinquum mare spersem traiectioni, dispendia numeri suorum hominum piratarum paterentur incurfu. Iohannes Philpot ciuis Londoniarum in ista profectioe laudem promeruit & honorem, qui & eis naues proprio labore conduxit, & grauatos æ realieno, propter longam iuxta mare moram, vt assolet pro expectatione nauium aut ductorum, absoluit à debitis creditoribus, satisfaciens, & cautiones suis dominis restituens, qui loricas, laminas, cassides, galeas, arcus, lanceas, & alia armaturæ genera pro victualibus vadiauerant, quib. necesse fuerat vel non transire pro defectu (vt dicitur) armaturæ præfato modo expositæ, vel certe inermes omnino proficisci. Accepti vtique ab ore eiusdem Iohannis Philpot, quod mille loricas vel tunicas (quas vulgo lackes vocant) redemerit de manibus creditorum. Profecti autem nostrates omnem Galliam, circumequitando girauerunt, patriam deprædantes in vastitate hostili, villas & prædia succedentes, & populum sine respectu in ore gladii perimentes, donec ad confinia Britannia peruenissent, nemine eorum ausus impedire præsumente de tam famoso regno. Tantus vtique terror ipsos Francos inuasit, vt in amplissimo regno, in quo mille semper viri singulis ex Anglicano exercitu opponi potuerant, citius eligerent more sceminarum latebras se occultando quærere, quam glomeratim Anglicanis manipulis obuiare. Tua sunt opera hæc Christe, tua miracula Iesu bone, cui potestas est dimicare, seu vincere in paucis æque vt in multis, qui tibi famulantibus inter confertissimos hostes tutum iter præbes, & vindictam retribuis in hostes nostros, tu enim fecisti, vt essent immobiles quasi lapis, donec pertransiret populus tuus domine, exercitus Anglicanus, qui non in superbia & in abusione regnum Francie subiugare laborant, sed in iustitia & equitate, & innocentia regis sui iusti heredis Francorum regni confisi.

Per istud tempus viri de villa de Hul, & de Nouo castro super Tynam, communibus votis egressi, ad piratarum qui tum abundabant malitiâ retundendam, fortuito cuidam naui de Scotia obuiantes, cognito quod hostes essent in ea, nauem inuadunt hostiliter, & occisis vel captis qui in eam concesserant, ratem pertrahunt ad partes suas, cum bonis ad valorem septem millium marcarum æstimatis. Nec mora, huius euentu rei cognito, comes Northumbriæ dominus Henricus Percy citius aduolat, & partem vel totum dictæ prædæ obtinere cupiens regis nomine præcipit, ne distractionem rerum ipsius nauis facere præsumant sine eius conuiuentia quouismodo. At boreales mox spiritum habentes in naribus, prout moris est illius gentis, satis incompósito ore distorto naribus præ furore vento repletis, turgide responderunt cum summa indignatione latrantes se mortis periculis obtulisse pro regis regnique commodis, & per magna dispendia hostium bona ab ipsorum manibus extorlisse, nec debere eos, qui tantum laborauerant ipsius arbitrio partes capere, sed potius ipsorum esset in diuisione discretio, quorum fuerat in adeptione periculum, & idcirco quanto ius iubent illum recedere, ne cogantur in illum arma vertere pro rebus propriis, pro quibus iterum se fatebantur citius dare discrimen magis æquanimiter quam sufferre in earum diuisione eius arbitrium, qui in earum adeptione minime laborauit. Comes hæc audiens, quanquã sitiens auide bona præfata, iratus valde discessit, imaginaturus contra eos malum, quos sciuit sibi nihil in hac parte velle deferre. Adquisiuit ergo breuia ad capiendum eos tanquam sibi & per consequens regi rebelles, quippe qui

Exercitus Anglicanus equitabat per regnum Francie nemine resistente.

Capitulum nobile Scotice.

qui vices Regis ibidem gerebat. Sed interim nec ipse nec viri de nouo castro, qui maxime sibi restiterant, gauisi sunt de præda, quin potius à desiderio suo fraudati, & ridiculose delusi ab alienati sunt retrorsum, bonis prædictis ab eisdem abductis cautelose, & ad alias partes transuectis. Occasio huius facti fuit. Quidam de villa de Hull, qui (vt præmittitur) in dicta profectione socius laboris fuerat, & postquam Comes præfatus (vt diximus) rerum diuisionem petierat nec obtinuerat, petiit à sociis sibi dari partes suas, pro quibus laborauerat, timuit reuera, si mora longior intercederet, quod nec ipse, nec locii gauisuri essent bonis præfatis. Socii vero sui de nouo castro & de conuicinis locis respöderunt, bona præfacta nondum partiri debere, præsertim cum nescirent, quid Comes Northumbriæ contra imaginaturus esset. Altercantibus autem illis pro hac causa, & exorta rixa cum verbis, postremo negantibus viro de Hull quicquam de præda, recessit ad sua, & post paucos dies cum armata manu ex improviso adueniens, soluit nauem cum bonis omnibus, & nullo audente resistere, reuertitur ad villam de Hull, infidis fociis spoliatis, & Comite supradicto à suo desiderio cum fannis & cachinnis excluso.

Hostes in Hibernia capiuntur.

In festo sanctæ Margaretæ virginis Franci & Hispani, qui maritima loca Angliæ multipliciter infestauerant, & naues plures rapuerant, dum consuetæ suæ nequitie opera continuare contendunt, per viros de occidentalibus partibus Angliæ subito super eos irruentes coacti sunt quendam portum capere in Hibernia, vocatum Kynsale ab incolis, vbi virtute & animositate Anglicorum & Hibernicorum capti sunt duces eorum, videlicet Iohannes de Verse admiralus & capitaneus Franciæ, Iohannes Perys de Verris, Iohannes frater eiusdem Gounsalue, Martinus de Moterigo, Turgo dominus de Moraunts, dominus de Reyth Perys, Martinus de Vermewe, Iohannes Medite de Vermewe, Seymch de Veillale, Senischall. de Wergario, Iohannes Senischall. de sancto Audiro, Cornelius de sancto Sebastiano, Paschalus de Bykey, Iohan. Martinus Sopogorge de sancto Sebastiano, & plures alii nominati, pluribus interfectis, quorum numerus se extendit ad quadringentos viros. Recepta sunt autem ibi vasa, quæ ipsi nostratibus abstulerunt, viginti etiam vnum maiora & minora cum quibusdam valis eorum, scilicet quatuor bargiis & vno balingario. Euaserunt nostrorum manus ex Hispanicis quatuor, nominati Martinus Graunts, Iohannes Peris Montago, Iohannes Hufsch de Gytario & Gressiæ, & de sancto Sebastiano.

Scoti capiti nundini de Penreth.

Hac æstate Scoti nauem, de qua locuti sumus, captam esse dolentes, Northumbrensis vices rependere studuerunt, & similia pro similibus machinari. Ingressi namque cum populosa multitudo gentis rabidæ fines nostros, gentes Westmarorum & Cumbrosum inuaserunt, spoliarunt & occiderunt, & ultra progressi de foresta de Ingelwode diuersi generis animalia in Scotiam fugauerunt, ad numerum (vt dicitur) quadraginta millium, ubiq; furentes, ubique cædentes, & quæ poterant flammis contradentes. Nec hiis contenti, nocte iter ingressi furtiue & repente super villam de Penreth irruunt, vbi tunc nundinæ celebrabantur multorum populorum frequentia, in quo loco & occisis quamplurimis, multisque captis, cunctisque fugatis reliquis congregatas asportant diuitias, quæ nimirum cuiuslibet cupidissimi exercitus auiditatem explere potuerunt. Deinde per urbem redeunt Carleolensem, eam inuadere decreuerunt, sed tamen fama territi, quod nocte præcedente pene innumerabiles de appendicibus comitatibus ad eius defensionem occulte confluxissent, statuerunt quidem iter agendæ circa ciuitatem prædæ, ne forte aliquo dolo circumuenti, si ibi morari contingeret, partas manubias apud Penreth, & in patria dimittere cogerentur, quod & factum est: sed tamen transeundo per quosdam sagittarios Westmarorum & Cumbrosum, nonnullos ex suis amiserunt, vnde contigit, vt cum metu prætereundo recederent festinanter, agentes tamen coram eis prædas captas, & in Scotiam traduentes. Comes Northumbrii pulsatus eorum iniuriis, quippe cui amplius damni quam mille mercatus intulerant, dum ad arcendum eos, vel pro damnis damna parat reddere, per scriptum repente regium eis quicquam facere prohibetur. Vnde cum festinatione veniens ad consilium regale Londonias, querit quidnam hoc esse potest, quod inhibitum sit per Regis scriptum & regni resistere tam immanibus inimicis. Qui blande mox accepto responso & diem Marchiæ, quem annis singulis Angli simul tenent & Scoti, expectare iussus, recessit, nihil acturus vsque ad diem præfinitum.

Delusio.

Villa Wynchelsæ capitur.

Hac ipsa æstate Galeæ iugi peruagatione per diuersa littora plura damna patriæ irrogarunt. Nam vespiliones, qui in eis erant, vbi custodiam deesse conspexerunt, egressi

egressi prædas agebant impune multotiens, & quandoque etiam villas iniectis flammis combusserunt, sed more mergorum, vbi aliquem armatum aduenire videbant, ad aquas præcipitanter cucurrerunt. Quos aliquando fortuna nostris obtulit, vnde contigit, vt quandoq; octoginta, quandoque centum simul intercepti, antequam ad mare peruenire possent sagittis præforati, remorari coacti sunt. Interque dedecorosa damna, quæ patriæ intulerunt, villam de Winchelsee cæperunt, & Abbatem de Bello succursum eidem villæ præbere conantem ad fugam cum suis omnibus compulerunt, capto quodam ex suis monachis, qui illuc cum ceteris armatus conuenerat. Comes de Arundelia Richardus, quem paternæ diuitiæ & auita hereditas sublimem effecerat, nihil horum minuere quouis pacto, decernens, postposita pompa rei militaris & nominis, ne damna inferret claustris inexorabilibus, cum in partes suas prædicti nebulones ascenderent, cum notabili familia sane incompetenti tali personæ cum vna lancea (vt vsu vulgari loquar) egressus est non ad terrêdum hostes, sed eisdem præstandi animum ad vilipendendum comitatus dignitatem & nobilitatem militiæ Anglicanæ, dum cernerent vel audirent quempiam è nobilioribus, ditioribus & potioribus regionis cum tantilla familia egressum, non in occursum prædonum, & vt patriæ spem resistendi pareret, sed potius (vt vulgo ferunt) metum incuteret, minoribus ipso sed melioribus, qui proculdubio eos satis viriliter arcuissent, si ipse timide non interposuisset manus suas.

10 Per idem tempus, dominus Thomas de Helton pacta redemptione à carcere in Aquitania liberatur, qui domum rediens, obuiauit Anglicano exercitui (quem supra diximus in Franciam destinatum pro succursu Ducis Britannicæ) quem omnes Domini cum summa iocunditate susceperunt, & per dies aliquot cum eis detinuerunt. Qui medio tempore moræ suæ plura salutis monita dedit eis, & eosdem instruxit de multis præcauendis periculis, quæ eis exposuit (vt apparuit) non paruo momento fuere.

*Thomas Helton
carcere libera-
tur.*

Circa mensis Septembris initium orta simultate inter comitē Flandriæ, & communes suos de Ypres & de Gandauo, dum Ypresenses conuenissent ad tractandum cum magnatibus comitis, repente venit comes inopinate cum magna armatorū multitudi-
30 ne, & irruit super ciues Ypresenses, & occidit ex eis ad octo millia virorum, adorsus fortassis facinus in seipso acrius puniendum: deinde iuxta naturam sui crudelis animi è vestigio cingit urbem Ypresensem obsidione, quam captam, mox succendit partem ex ea, partem ad testimonium victoriæ suæ intactam reliquit à flammis. Quadraginta vero de maioribus illius villæ decapitari præcepit, & totidem ad villam de Brugges direxit carcerali custodiæ deputandos. Quibus feraliter perpetratis, commune vulgus conuocat, & se illorum fore dominum superbe pronuntiat. Quapropter mandat de cetero, caueant illi resistere, ne similem omnes pœnam incurrant, quam decapitados diximus excepisse, sacramento affirmans se vindicaturum in illos, si vnquam sibi resistendum putauerunt, vt in conciuēs eorum ultus est, omnes gene-
40 raliter plectendo sententia capitali. Præterea cum pulsaretur clamoribus relictarum fœminarum, quarum maritos obtruncauerat, quærit quænam sint vel quæ causa clamoris earum. Cumq; didicisset has relictas virorum morte punctorum, mox vt nihil plenæ deesset crudelitati, & has decapitari præcepit, mandans, vt suis mittantur maritis, ne diutius in viduitate detentæ cogantur prolixius inaniter lamentari. Quibus gestis, Gandauum cum centum millibus de plebe sua obsidione vallauit, nam & illam urbem subuertere cogitabat, non solum quia rebellem iudicabat eandem, sed ideo maxime, quia Gandauenses villam de Dindermoun igni succenderant, eo quod Comiti nimis fauere visâ fuit, sed Gandauenses nihil eum veriti, nec eius exercitum metuentes, eleuatis portis de suis cardinibus, & in medium forum villæ perlatis, latum i-
50 ter sibi & suis, si intrare audeant, patefaciunt.

*Crudelitas comi-
tis Flandria.*

Hac ætate Carolus, qui dictus est Rex Franciæ, qui & illud regnum post periu-
rium occupauit iniuste, maximus aduersarius regis Angliæ, & domini Urbani Papæ, concessit in fata, à suis prius impocionatus, vt ferunt, satisq; pœnitens de suscitatione belli iniusti contra regnum Angliæ & adhæsiōne antipapæ, qui cum consilio suorum procerum, ducem Burgundiæ iuniorem, scilicet fratrem suum constituit regni Francorum rectorem, antequam moreretur, eique commendauit paruuli filii sui omnis-
que domus suæ tutelam, eo quod infantulus nondum aptus fuerat ad regnandum. Andegauen-
sis autem dux, maior frater Caroli, post mortem eius ægre ferens minorem fratrem sibi prælatum, nam ad ipsum ratione ætatis spectasset (vt asseruit) regni

*Caroli Franciæ
Regis mors.*

*Ab nostratum
in Francia.*

tela, cepit aduersari manifeste sibi, adherente suæ parti domino de Clifson & nonnullis aliis de potentioribus regionis, facta est dissensio publica atque notoria inter eos, ita ut pene plus timerent inuicem alterutram crudelitatem, quàm nostri exercitus Angliæ, qui tunc impune circum patrias equitabat, potentiam siue numerositatem. Dux tamen Burgundiæ ut ostenderet se idoneum regni custodem, iam tunc cum fratre configere non reputauit expediens, quando cerneret nostrates circumquaq; patriotas perimere, patriam vastare tam flamma quàm gladio: quare collecta apud urbem de Troys qua potuit multitudine de tota terra præter terras Andegauenlis Ducis & domini de Clifson, quas sciuit propter memoratam dissensionem sibi parere nolle, ad numerum fere quatuor millium armatorum, & de communi plebe magna multitudine, statuit nostratum impedire viam, eos in itinere pueniendo, ut quoquo pacto compelleret ad pugnandum: quod ut nostris est compertum, decreuerunt Francos præcedere sine mora, ne forte eis aliquod impedimentum cōtingere posset, si Gallici eos præcessissent: & factum est ita. Collectique sunt nostri subito ante eos, non modicum mirantibus ipsis, quo modo nostratibus ita cito ipsorum consilium innotuisset. Cumq; certam nostri elegissent stationem, ut armatos statuissent ordinate & pulchre dispositos per turmas suas, cariagium quoq; (quod Garcinas appellamus) à tergo locassent, ecce quidam ex Gallicis egressi sunt, transgredientes quandam nouam fossam, quam iidem Gallici sibi fecerant pro sui exercitus maiori tutamine ad pugnandum contra nostrates, quos illico sine grandi negotio quidam è nostris fossam relinquere, & ad suos retrocedere compulerunt, obtenta ex eis eadem fossa, & multis super eandem interfectis, quod factum Gallicis mox pauorem incussit adeo quidem grandem, ut amplius dictam fossatam egredi non auderent. Ciues autem urbis de Troys tantus metus inuasit, ut sine mora (collectis quibusque de rebus pretiosissimis) ad partes alias pauidi transmigrarent: credebant namque nostros repente irruituros super eos, & eorum urbem, quam rebantur nullo modo custodiri posse contra eos. Nostrates vero post prædictum certamen per aliquot horas expectantes in loco, cum nullum è Gallicis ulterius eos infestare vel impetere velle pcepissent sine magno damno cum victoriæ gloria recesserunt, diutius ibidem immorari cauentes, imo quam maxime, quia nesciebant qualiter res cum duce Britannix (in cuius adiutorium missi fuerant) se haberent, quanquam fortassis si post prædictum conflictum, vel Francos impetere, vel dictam urbem inuadere decreuissent, magnum eisdem commodum excreuisset tali facto. Sed amor ducis & inuictum mandatum quod acceperunt ad festinandum ad succursum suum, eos à tali proposito auerterunt, qui tamen tam periculosa itinera peragrasse, tam confertos hostes & loca hostilia penetrasse, tantos labores non consummasse, sed inchoasse, in aduentu & approximatione Britannix cognouerunt. Enimuero dux, cuius amoris intuitu hæc omnia temptare, (vel inductus metu vel allectus mercede) in partem consenserat aduersam per ante, ut multis constaret sanioris capitis, cum magis timore quam amore Anglicis videntur impendere gratiam vel fauorem, si tamen gratia siue fauor sunt dicenda, quæ vel ab inuito, vel coacto quouis pacto extorquentur. Iam nunc vel sero saltem cognoscere possunt Anglici suam proteruam & indisciplinatum imprudentiam & stultitiam irrefrenabilem, qui omnium credentes spiritui, sensum, vires suas, atque substantiam in omnem ventum dispergentes, & velut metuentes ne terra sua habitatores eius deuoret, eosdem emittunt, qui defensio, protectio & iuuamen esse possent, in mari vel peregrinis regionibus consumendos. Et dum magis cauent alienis periculis, ipsi iacturam irreuerabilem patiuntur, & periculis se exponunt, ipsorum more, qui virantes Scylleam voraginem in Charybdim impingunt. Quis enarrare poterit quanta dispendia, quantos luctus mors domini Iohannis de Arundelia, & nobilium perditio, qui cum eo similem sensere fortunam, inuexit incolis Anglicanis? quæ plaga regionis, quæ prouincia, quæ ciuitas siue villa quenquam non amisit in illa infausa expeditione, in quam de toto regno valentiores conuenere? Puto nullus aut rarus angulus in tota terra vacauit à luctu, ubi non mater filium, vel vxor maritum, aut quis affinem vel cognatum in ipso naufragio se doluit amisisse. De substantia rerum pretiosarum amissarum, siue pecunia, qua pauperes apporati sunt, & terra depauperata pro illius exercitus, exhibitione silendum existimaui, cum anima sit plus quam esca, & corpus quam vestimentum, cum insanabilis sit plaga terræ tot fortibus morte percussis, tam generosis perditis, tam probis submersis: & tamen hiis omnibus non obstantibus, adhuc insensata patria iterum militiam legere, iterum expensas parare, iterum optimos

mos & probatissimos regionis dubiis fatis committere non veretur. Ecce enim in expeditionem Britannicam emittitur simul fere tota nobilitas ad hostes manifestos & publicos, priuatos & dubios destinatur, quæ si non magis diuina cura quam patriæ suæ fide fota fuisset, forsitan nunquam patriam reuidisset. Præsertim cum hinc Gallici certi hostes, illinc Britones dubii vel occulti (in circuitu eorum constituti) dolos & malitiam, insidias & fraudem iugiter meditantes, eos quouis pacto prodere vel circumuenire tentabant. Nam quotiens à Francis, dum per totum regnum Francorum audacter equitabant, dum vastabant patrias flammis atq; ferro, dum quicquid libuit, pro voluntate in ipso itinere versus Britanniam disponebant, ibidem insidias occultas & manifestas sunt perpeffi, dicere longum foret. Nouissime Britanniam subintrantes, & cuncta reperiens ibi confusa, ducē dubium & instabilem & nutātem, incolas perfidos & fraudulentos quis diffidēre poterit, eos in maximis periculis constitutos, & quod magis est hiis omnibus, suæ gentis propriæ perpeffi prodicionem, dum mox, vt terram Angliæ sunt egressi, derelicti velut mortuus à corde, è vestigio pacta contracta, promissiones infectæ, & pene omnis spes auxilii est subtrahita, vnde nisi dominus custodiuiisset eos propter vitæ munditiam, cordis innocentiam, quibus effulserē qui ductores fuerunt huius exercitus, nunquam terram propriam reintraissent. Nempe campi ductores huius turbæ, nō vt pleriq; ceteri, qui duces ante eos fuere, patriam passi sunt deprædari propriam ingressu suo, non maledictiones pauperum incolarum plebem ad prælia processuram siuerunt promereri, sed potius quicquid fauorem, gratiam, beneuolentiam totius populi inuitaret in terra, antequam ingrederentur maris alta, agere studuerunt. In Francia quoq; cōstituti, cum pene per totum regnum Franciæ ipsi inuitis Gallicis illæsi transissent, adeo vt nullum è suis per totum illud iter perdidērunt, in tantā felicitate nullatenus obliti sunt Dei sui, sed regi & proceribus, & omnibus religiosis Angliæ, præces deuotissimas litteraliter direxere, vt orationes continuare, processiones pro eisdem facere, & alia pietatis opera exercere dignarentur. Contigit ergo, vt felici fine in propria regione, quamuis in terra hostili insidias paterentur, benedictus Deus, cui placere comprobata sunt ipsorum opera, cuncta conclusit, & ad propria, cum salute, cum honore gratiosè reduxit. Et quidem ipsorum fuit gratiosa regressio, qui vbi amicos reperisse initio putauere, hostes familiares (Britones videlicet) reperiunt. Ipse etenim dux Britannia, pro cuius amore (vt præmisimus) Anglia tot valentes amisit & nobiles, pro quo (illis omnibus non obstantibus) isti tam periculosa itinera transierunt, vt opem ferrent eidem, in ipsorum aduentu, mox vt ad eum peruenere, colloquio cum illis habito de eorum recessu non de mora tractare curauit. Cuius inconstantiam ipsi mente librantes, & pericula, quæ eis parabantur præuidentes, (nam per certos viros partis aduersæ, qui eosdem imo diligeant amore, præmoniti, nisi cautius & citius atque subtilius sibi prouiderent, quod vniuersi (prodicione mediante) vel interirent, vel saltem vi hostibus traderentur) oblatum ab eodem duce aurum nō modicum, ea conditione, vt recederent, suscepērunt, & ita (Deo volente, & eos dextera sua protegente) ad propria sunt reuersi, sine suo vel suorum damno vel læsione, excepto quod equos omnes vel in mari redeundo, vel in Britannia perdidērunt, & præter illud, quod in obsidione, quam fecere frustra circa Maumentensium ciuitatem, nonnullos valentes amisere, inter quos nobilissimum militem dominum Hugonem Tytel viderunt iniquis fatis succumbere à quodam balistario trajectum.

Hoc anno mense Nouembris coronatus est filius Caroli quondam regis Francorum in Regem, ætatis videlicet decem aut vndecim annorum. Post cuius coronationis exacta celebra, cum vniuersa fere nobilitas regni Franciæ Parisius conuenisset, repente orta est seditio magna communis vulgi & tumultus, & murmur magnum excreuit inter procures, eo quod totiens non tam apporiascent, quam despoliascent patriam diuersis taxis, quas Gabelas appellant, iam exhibitas Galliariis & nautis, qui nihil commodi regni contulerunt, iam diuersis exteris, qui eos tutarentur & Anglis officerent, qui nihil profecerunt, iam dominis & regni proceribus, qui eos protegerent, sed in vanum, nam ipsi procures, qui eis defensio fuisse debuerāt, & ipsi patronis opus habebant, cum cernerent exercitum Anglicanum per totum regnum equitare, flammis & ferro quæq; vastare, & nullū è suis non tamē eisdem se obuiare, sed hæc quidem respicere ausum, sed quemlibet more foeminarum vel in vrbibus vel castellis occultare. Quare pudendū fore dominus asserēbāt, quod in tāto regno, vbi tot nobiles, tot magnates, tot milites, tot bellici esse debuerant, vt merito cōtra quēlibet de exer-

*Coronatio Regis
Francie, & tumultuatio
communium Parisien-
sium.*

citu Anglicano decem de facili producere potuissent, quod nullus ex omnibus pro regno auderet se opponere, vel pro plebe. Pudendū insup esse dicebāt, quod pulchris pollicitationibus totiens populum false circumuenissent, promittendo, si iam & iam tantum soluissent, se Angliam subiugaturos, si modo tamen pendidissent pacem habituros, & nullū ipforum verū verbum stetit, quin etiam tūc Anglos in medium eorum conuenisse, & Francos menticulose domi residere, nihil omnino patrię providere, sed vniuersa Anglorum direptioni derelinqui. Quapropter scirent proculdubio plebem nullatenus velle vel taxari, vel taxationibus acquiescere, quin potius relictis Rege suo & proceribus, qui continue eorum apporiationi studebant, ad Anglos se conferre, quos sciuerunt magis placide dominaturos super eos, quam Gallicos suos dominos naturales. Et talia conclamantes, vix manus poterant continere, quin in quosdam regios familiares & consiliarios iniicerent manus suas. Duces igitur & magnates cernentes populum exacerbatum, vim sibi timentes inferri, plebem cum omni mansuetudine demulcentes, vix ad horam sedare vel compescere potuerunt. Igitur Rex & regni maiores in quendam locum munitum se contulerunt, facientes illud Poetę consilium:

Dum furor in cursu est, currenscede furori.

ibidem rerum euentum prestolaturi. Plebs vero sequenti nocte cum furoris cōtinuatione progrediens, domum cuiusdam ex maioribus ciuitatis, cuius consiliis imputabant se totiens taxis vexatos fuisse, funditus diruerunt, & omnia vbiq; vrbis loca per-
lustrantes, quotquot ex Ianuensibus galeiariis reperire poterant immisericorditer
trucidarunt, quoniam (vt ipsi afferebant) pene exhauserant sine fructu totam pecuni-
am regionis. Et reuera grandis fuit summa, quam quotidie receperunt, quę nimirum
excreuit per dies singulos ad septingentas quinquaginta libras, quę per æquales por-
tiones viginti quinque galeis diuidebantur, & quidem per tempus prolixum, ab
initio mensis Maii, quo mense primo Galeę audent occiduum sulcare Oceanum,
vsque ad finem Augusti, post quem pertimescunt in nostro mari propter procel-
las & turbines immorari. Dux Lancastrię Iohannes sæpius nominatus, per hoc
tempus ad infestandum Scotos perfidos & rebelles mittitur in partes boreales,
cum decentissima satis turba ad exturbandum, si expediret totum regnum Scoto-
rum. Occasio profectiois istius exitit Scotorum irruptio turbulenta, dum (vt præ-
mittitur) satis inhumane partes Cumborum & Westmarorum, necnon villam de
Penreth hostiliter inuasissent. Sed quid Dux ibidem tractauit, quam fructuosa
eius profectio fuerit, conicere poteris ex vniuersis suis profectioibus antea-
ctis: nam Scoti versipelles & falsi, post eius tractatum (licet elaborasset pro pace, tam illo-
rum, quam nostratum quam maxime, plura damna irrecuperabilia regno Anglię ir-
rogarunt. Nam vt prætermittamus plurima, Scoti nos non solum deceperunt, sed de-
riderunt. Eo tempore vastata fuit pene prouincia Northumbrorum, nostri exerci-
tus hospitacione, in tantum, vt prouinciales iuramento firmarent magis æquanimi-
ter aduentum Scotici exercitus pertulisse, quibus legaliter siue licite poterant re-
stituisse, quā Anglorū aduentantium ea vice, de quib. reuerentia cognitionis & patrię,
necnon metu legum, non poterant vindicari. Post idcirco apporiatam patriam, post
expensam incredibilem auri summam, videlicet vndecim millium marcarū per ante
collectarum de communi plebe, reuersus est exercitus, nil boni reportans patrię, præ-
ter equos quos susceperat ad vsus proprios comparatos à Scotis ea vice.

Hiis diebus, quos inanes duxit nostra militia, quidam pauper inuentas litteras quasdam sigillatas attulit Iohanni Philpot, qui conuocatis sociis ciuibus, vnam ape-
riens, patrię prodicionem legit in ea, & sigillo exteriori inspecto, cognouit sigillum
fore Radulphi de Ferrariis militis, qui inter regios consiliarios fere tenuit pri-
mum locum: moxq; alias quatuor litteras eodem firmatas, primo regni cancellario,
deinde Regi defert: quibus inspectis, & signo Radulphi cognito, necnon considera-
to, quibus personis directę fuissent, Rex, Regisque quod pro tunc aderat, consilium
plurimum admirati sunt, & eo præcipue, quod miles tam senex, in quo etiam magna
spes patrię sita fuit, prodicionibus inseruiret. Namque directę erat vna ex ipsis Ber-
trando Cleykyn, alia Bruero de la Riuer & Franciz Camberlano, vna vero domino
de Clysson, & vna patrono Galeiarum, & Duci Francorum & Hispanorum exer-
citus, qui eodem tempore per diuersa loca maritima remigantes, plurima damna
patrię inferebant. Continebant adeo profunda regis & regni consilia, vt nulli veniret
in dubium alium quam Radulphum Ferreis, vel talē, qui priuato regis consilio assiste-
bat,

*Profectio Duci
versus Scotiam,
& depopulatio
regni.*

*Littera reperta
contra Radulphū
de Ferrariis.*

bat, potuisse vel imaginasse, vel sciuisse, vel talia denudasse. Igitur cum summa festinatione missi sunt quidam milites cum dicto Iohanne Philpot ad Ducem, qui tunc (vt prædiximus) ad tractandum cum Scotis in partes concesserat boreales, cum quo etiam & Radulphus de Ferrariis eadem tempestate fuit, sigilli vero impressionibus duci secrete monstratis, vocatus est Radulphus de Ferrariis, & sigillum proprium monstrare iussus, collatione ita facta, impressionem compertum est nihil omnino differre: ad cumulum etiam maioris suspicionis, fatebatur idem Radulphus se nulli commisisse sui sigilli custodiam per tres annos antea, unde visum fuit hiis, qui tunc aderant, satis manifeste conuictus. Præcepit eum dux arestari, & in castello Dunelmensi seruari, reuersisque ad Regem, quos diximus hac de causa ducem petisse, missa sunt ad eum verba consolatoria, mandantia, ne concideret in hoc casu vultus eius, sed esset forti animo, sciens pro certo, se nulla damna passurum pro præmissis. Vnde mox vt talia plebi fuere cognita, contra ducem multa dixerunt verba acerba plena contumelia. Sed qualiter idem Radulphus euaserit, sequens quod scripturus sum parlamentum declarabit. Idem Radulphus de Ferrariis, & Barones quatuor, qui parlamento proximo interfuere, manucaptus est, donec per magis euidentes rationes suam innocentiam declarasset.

Comes sancti Pauli Walerannus, qui cum coniuge sua Ioanna Courtenay sorore domini regis Angliæ paulo ante egressus est de terra, vel, vt verius asseritur, expulsus est in propriam regionem propter sua facinora, sine strepitu tamen, ne persona regia dehonestari potuisset per eum qui tam arcta affinitate eidem coniunctus fuerat, mox vt aerem attraxit proprium, more gentis suæ, prodere voluit se nõ ex corde cum Anglicis ambulasse, sed fide potius & dolose: reuera nacta mox oportunitate vt peruenit ad propria, magnates Francorum adiit, qui nouo Regi astiterunt, filio scilicet Caroli supradicti, qui eius negotia regi regisque consilio promouerent: nec mora, gratanter ab vniuersis admissus, regis Camerarius est effectus, factusq; est aduersarius publicus, ita vt cunctis constaret Anglos ex eo fouisse serpentem.

Flandrenses videlicet de Gandauo post multa ac damnoſa litigia, post diutinam obsidionem, sed inanem, post cædes ac mortes quibus affecti sunt, & patriotas ex parte Comitum affecerunt, quibus & superiorem manum continue reportarunt, id comite postulante & obsidionem dissolvente, pacem fecere cum eodem, sed modico tempore duraturam.

Circa festum sancti Martini nutu quorundam consiliariorum, contra voluntatem, & citra consensum pene cunctorum regni magnatum, & præcipue contra voluntatem Londoniensium, coactum est parlamentum apud Northamptoniam, eo quidem omnibus magis graue, quod contra hyemem & in tali loco fuit celebrandum, vbi nec copiam focalis facile potuit reperire, nec hospitia apta tãtæ turbæ. Causa vero, quare prædicti consilarii ibidem parlamentum esse constituere, fuit appetitus ultionis, quam sumere auebant de Iohanne Kyrkeby, qui fuerat interfector ipsius Ianuensis mercatoris, de quo supra tetigimus in hoc libro. Reuera consideraerunt animositatem Londoniensium, cogitaueruntque, prout erat futurum, si Londoniis parlamentum fieret, nequaquam Londonienses passuros eundem I. Kyrkeby pro occisione prædicti Ianuensis morte puniri, quin potius si talia Londoniis temptare conarentur, sibimet periculum imminere. Vnde præhibito secum consilio, vt præmissimus, Northamptoniæ parlamentum fieri procurarunt, in quo nimirum parlamento trahi & suspendi fecerunt eundem Kyrkeby, Londoniensibus vniuersa cernentibus: & nouam taxam ad opus Regis, & eorū præcipue qui nuper cum domino Thoma de Wodeſtoke per Franciam in Britanniam Armoricam missi sunt, coegerunt exigi, scilicet de quolibet sacerdote religioso dimidiam marcam, & tantum de vnaquaque scemina religiosa, de sacerdotibus quoque secularibus tantum, & ex singulis capitibus regionis, virorum scilicet coniugatorum & non coniugatorum, ac etiã mulierum, 12. denarios, non sine diris imprecationibus leuari fecerunt: quod quidem factum causa fuit inauditi mali in terra, vt ex posteris elucescet.

Anno dominicæ incarnationis millesimo trecentesimo octogesimo primo, qui est annus regni Regis Richardi à conquestu secundi quartus, post festi natalis domini gaudia celebratã, coactum est consilium Londoniis, in quo absolutus est ab officio thesaurarii Dominus Thomas Brantingham Episcopus Exoniæ, & subrogatus est dominus Robertus Hales magister hospitalis, miles in primis magnanimus atq; strenuus, sed qui non placeret communitati. Circa præsens tempus aduectæ sunt Tieres

Southamptonam, quas caricas alii vocare solent, refertæ multi generis speciebus & vinis, aliisq; diuitiis, quæ non modicum profuerunt incolis vniuersæ terræ tempore Quadragesimali.

Opiniones Iohannis Wicklif.

Eodem tempore ipse vetus hypocrita, angelus sathanæ, Antichristi præambulus non nominadus, Ioannes Wycklif, vel potius Wickebeleue hereticus, sua deliramenta continuans, visus est absorbere Iordanem, & omnes Christianos mergere in abyssum, reassumens quidem damnatas opiniones Berengarii & Oklese, astruere laborauit post consecrationem in missa à sacerdote factam remanere ibidem verum panem & vinum, vt fuere per prius, Christum ibidem vt vbiq; assistere, sed specialius, & non plus valere panem illum quam alium, nisi solum propter benedictionem à sacerdote datam. Quinimo si ibi esset corpus Christi, asseuerauit in fractione se posse frangere collū Dei sui. Affirmauit præterea Christianos errare in veneratione illius sacramenti, quod panem esse dicebat & rem inanimatam, & potius veneradum esse bufonem, vel quodlibet animatum, quam illud, quia multo præstantiorem esse fatebatur rem animatam, quam quæ carebat anima: & talia delirando multos seduxit in eundem errorem.

Factum militis de corpore Christi.

Vnde quidam miles de comitatu Wilshire iuxta Sarisburiam, nomine & cognomine Laurentius de sancto Martino, non dissimiliter seductus, cum instante festo paschali viuificum sacramentum sumere debuisset, petiit à sacerdote suo, vt in vigilia ipsius festi sibi daret communionē sanctam, qui iuxta vota post missarum solennia obtulit quod petebat. Miles vero post datam à sacerdote hostiam, illam manu recepit, & continuo surgens, ad domum suam (portans corpus dominicum) properauit. Sacerdos igitur præter solitum vidēs militem delirare, & mox insequitur, clamans & adiurans, ne tantam iniuriam faciat sacramento, sed illud sibi restituat, vel Christianorum more honorifice tractet &umat: sed nihil omnino preces illius profecere vel clamores, quin miles illud excluso præbytero, adhibitis ostreis diuideret, & partem cum ostreis, partem cum cæpis, & partem cum vino deglutiret, affirmans quemlibet panem apud domum suam tanti esse valoris, quanti fuit ille, quem sumplisse tali modo gaudebat. Famuli vero sui, qui de tam horrendi facti nouitate stupuerunt, hæc omnia exteris retulerunt. Sacerdos igitur parochialis, quem stimulat nimia amaritudo mentis ob tantum scelus commissum à milite, Sarisburiensi episcopo, Magistro Radulpho Ergom, cuncta per ordinem inordinate patrata narrauit. Episcopus autem mox militem citari mandauit, quem comparentem & factum nullatenus abnegantem, admonuit, quia vir in illis partibus magnæ æstimationis fuerat, vt domum rediens diuersos sibi notos clericos aggregaret, & cum illis de ipsa re tractatum haberet, si forte diuinitus respectus interim gratiam consequeretur salubrius sentiendo de præfato sacramento, compariturus interim certo die coram Episcopo supradicto: quod & factum est, & die præfixo rediens, iuxta doctrinam clericorum, qui ad eum confluxerant in huius rei gratiam cōfessus est se male sensisse de sacramento altaris, multumq; peccasse in dehonestatione sacramenti: quare ab episcopo & cunctis qui aderant, veniam suppliciter deprecatus est. Episcopus ergo eius videns conuersionem, & attendens humilem confessionem, in partem poenitentiae iniunxit eidem erigere Sarisburie (in loco publico) crucem lapideam, in qua per ordinem tota series huius rei sculperetur, & vt singulis feriis sextis vitæ suæ discooperto capite, nudis pedibus, in sola interula & femoralibus, ad eandem crucem veniret, & coram ea totius facti peccatum publice & per ordinem (flexis genibus) fateretur: aliasque iniunxit ei poenitentias, tam publicas quam priuatas, quas longum foret huic paginae commendare. Hæc idcirco scripsi plenius, vt omnibus elucescat, quanta mala bestia (quæ ascendit de abisso) collega sathanæ, Iohannes Wicklif siue Wickebeleue seminauit in terra.

Cardinalis Papa Angliam expulsi indulgentiis.

Pileus tituli sanctæ Praxedis, præbyter Cardinalis, per istud tempus venit in Angliam cum duce Tarsilia & multis nobilibus ex parte Imperatoris, locuturus de conditione matrimonii contrahendi inter sororem eiusdem Imperatoris & Regem Anglorū, & regnum de inæstimabili summa pecuniæ vacaturus. Nam (vt asseruit) potestatem afferens inauditam, in breui totum regnum ad ipsum cōfluere fecit pro diuersis gratiis impetrandis: reuera diuersa diuersis beneficia contulit, indulgentias, quas dominus Papa concedere solummodo cōsuevit & ipse cōcessit, biennales, triennales, confessionales literas quibuslibet soluentib. gratanter indulxit. Ad capellanatum domini Papæ, tam possessionatos quam mendicantes admisit, nec aurum eorum respuit, qui

qui notarii publici effici precabantur. Altaria quoque portatilia nulli pecuniam offerenti negavit. Quadraginta libras cum aliis donis Cistercientium non repulit, quū gloriose concederet eis licentiam generalem vescendi carnibus extra monasterium indifferenter, ut in monasterio edere consueverunt. Excommunicatis gratiam absolutionis impendit. Vota peregrinationis ad Apostolorum limina, ad terram sanctam, ad sanctum Iacobum, non prius remisit, quam tantā pecuniam recepisset, quantam iuxta veram æstimationem in eisdem peregrinationibus expendere debuissent. Et ut cuncta concludam breuibus, nihil omnino petendum erat, quod non censuit intercedente pecunia concedendum. Interrogatus autem in qua potestate hæc faceret, cum summa indignatione respondit, se Romæ (si scire vellent) eius potestatem omnibus responsurum. Iam iamque adeo referti erant argento eius sacculi, ut aduenientibus eius ministri respondere dedignarentur, nisi aurum afferrent, dicentes, afferre nobis aurum, argento enim vestro pleni sumus. Recessurus autem, aurum nec argentum post se nequaquam relinquere voluit, sed secum super summarios deferri fecit, ad tantam quidem summam, quantam nunquam Anglia in taxa vel talliagio semel pendere consuevit.

Per idem tempus collectus est copiosus exercitus ducis Lancastriæ conuiuentia, qui in adiutorium regis Portugaliz mittendus fuerat contra regem Hispaniz qui aduersabatur eidem. Asseueravit enim idem dux expediens fore regno, ut il-
 10 luc armatorum copia cum auri abundantia mitteretur. Quatenus Rex Portugaliz qui pro eis miserat, maiori charitate regno Angliæ & incolis regionis astrictus, maris prohiberet transitum apud Gades Herculis, quas moderni vocant, Stricta de Marrachia, galeis quæ de necessitate per eum & eius ibidem dominium transire in adiutorium Gallicorum & Hispanorum ad Oceanum. i. mare infestandum Britannicum vel Anglicum debuerunt. Sic itaq; & Angliam fore tutam, & prædicta duo regna, & præcipue Franciam deludendam asseruit. Constituti sunt duces & primarii huius processionis, dominus Edmundus de Langeley, comes Cantebriæ, regis auunculus: dominus Wilhelmus Beauchamp, dominus Botreus, & dominus Matthæus Gournay, & alii plures milites quos non expedit numerare. Qui mare transeuntes
 30 feliciter quidem peruenerunt Vlixibonam, ciuitatem metropolim regionis, & à rege gratanter sunt accepti. Sed præ paucitate sua ad laceiscendam bello Hispaniam minus apti tamen regno Portingaliæ plurimum profuerunt, quia satis fortes erant ad defendendum fines regni, & impediendum Hispanos, vel ne intrarent regnum hostiliter, vel pro votis damna incolis irrogarent. Hispani vero putantes se plurimum profuturos si Vlixibonam obsiderent, in quam nostrates concesserant, adhibitis nauibus & Hispanorum magna turba, urbem obsidione vallarunt, sed tunc datum est eis cognoscere virtutem Anglorum. Nam cum per multos dies urbem circumfedis-
 40 sent, & nihil præter verbera & cruenta vulnera lucrati fuissent, tandem (cum dedecore soluentes obsidionem) ad propria recesserunt. Nostrates igitur eorum cognoscentes ignauiam, plus animati sunt, & sæpius pro viribus & numero Hispanos irritantes, expectabant audacius in terra illa, donec fortassis ex Anglia plures bellatores mitterentur eisdem.

Circa tempus illud Anglorum regnum pro peccatis affligendum, magnum repente & inaudicū cunctis sæculis sensit è suis membris dispendium emanasse, quod nisi Deus misericordiarum dominus solito bonitatis intuitu citius compressisset, & regimen omnino destructum, & factum fuisset cunctis gentibus in sibilum & derisum. Rustici namque quos natiuos vel bondos vocamus, simul cum ruralibus accolis in Estsexia maiora suis concipientes viribus, & spem habentes omnia subiicienda suæ stoliditati, conglobata multitudine pro libertate tumultuare exere, & pares
 50 dominis effici, & nulli omnino alicuius de cætero astringi seruiicio meditati sunt. Et ut efficacius sua vota perducerent ad effectum, mox ad quamlibet primo paruum villam, viri tantum duarum villarum qui auctores & primi motores huius mali fuerant, mittere curauerunt, ut omni excusatione postposita, omnes, tam senes quam florentes ætate, ad eosdem confluere armis instructi, prout quisque poterat, scientes eorum bona qui venire superfederent, negligenter, aut contemnerent, dissipanda, domos conflagrandas vel deponendas, capita amputanda. Terribilis ergo comminatio cūctos coegit accurrere, ut aratri relictis negociis, seminandiq; commoditatibus, vxoribus suis & prædiis, in breui tantus coactus sit numerus, ut ad quinque millia recenserentur vilissimorum communium & rusticorum, quorum quidam tantum

Processio vel expeditio in Portugaliam.

De miseria qua contigit Angliam in tumultu nationum rusticorum & aliorum communium.

baculos, quidam rubigine obductos gladios, quidam bipennes solummodo, nonnulli arcus præ vetustate factos à fumo rubicundiores ebore antiquo, cum singulis sagittis (quarum plures contentæ erant vna pluma) ad regnum conquerendum conuenire. Inter mille vero de talibus, de facili non videndus erat vnus armatus, sed omnes vt magnum numerum conficere, credebant totum regnum illis resistere non valere. Vt autem maioris roboris firmamento lætari possent, Cantium transmiserunt nuncios, qui eos certificarent de illorum voluntate simul & proposito, & inuitarent ad occurrendum eisdem pro libertate acquirenda, pro isto negotio contuendo, demum, pro regno regnique malis consuetudinibus immutandis. Cantiani itaque rem audientes votis per ante desideratam pluries, tollentes moram illico & ipsi, congregata non parua manu communium & rusticorum iisdem comentis, quibus diximus Eastsaxon-
 10 nes suas congregasse turbas, in breui fere totam prouinciā suā ad similem tumultuationem concitauerunt. Moxque vias omnes quibus peregrinando itur Cantuariam obsidentes, & peregrinos vniuersos cuiuscunque condicionis existerent, arrestantes iurare compulerunt. Primo vt regi Richardo & communibus fidelitatem seruarent, & nullum regem qui vocaretur Iohannes acceptarent, ob inuidiam videlicet Iohannis ducis Lancastriæ, qui propter maritagium filię Petri quondam regis Castellæ, & hæredis, se dicit regem Castellæ. Et quod parati essent quādoque placet pro eisdem mittere, ad veniendum & obuiandum eisdem, & quod omnes conciu-
 20 es vel consortes suos inducerent ad tenendum cum eisdem, & nullæ taxæ de cætero leuandæ in regno acquiescerent aut consentirent, nisi quintædecimæ quam patres & antecessores eorum solummodo nouerunt & acceptauerunt. Itaque factum est, vt mox fama huius facti in Southsexiam, comitatus Hertfordiæ & Cantebrigie, Suffolchiam & Northfolchiam repente diffunderetur. Eratque magna expectatio totius plebis, quid si vellent hæc omnia, & quorsum tenderent cepta tam audacter multis coniciantibus pro meliori futura, quibusdam timentibus ea in perniciem totius regni cessura. Diuisionem namque regni præloquebantur talibus ausis euenire, & per consequens eius desolationem & destructionem. Et cum acciperent indies incrementum huiuscemodi congregationes, & iam fere factum fuisset eorum numerus infinitus, ita vt nullius resistantiam pertimescerent, cæperunt facta monstrare quædam que
 30 mente conceperant, & omnes & singulos iuris terræ peritos, tam apprenticios quam senes iusticiarios, & cunctos iuratores patriæ, quos apprehendere poterant, sine vllō respectu pietatis, capitis truncatione multare asserentes, non, priusquam illis occisis, terram ingenua libertate posse gaudere. Placuit iste sermo vehementer rusticis, & ex minoribus maiora concipientes, statuerunt omnes curiarum rotulos, & munimenta vetera dare flammis, vt obsoleta antiquarum rerum memoria, nullum ius omnino ipso-
 40 rum domini in eos in posterum vindicare valerent: factumque est ita. Nec dum euigilare voluere domini ad obuiandum tantis nequitiiis, sed velut stertentes, domi quiescentes, immobiles permanebant: donec Kentenses & Eastsaxones appropinquantes sibi vnum conflassent exercitum, quasi de centum millibus communium & rusticorum. Currebatur reuera ad eos ex omni parte ab his qui vel oppressi fuerant ære alieno, vel censuram iuris timebant propter malefacta, & fiebat plebanorum conglomeratio, quantam nullus meminisse potuit vel audisse in suis conuenisse. Cum tanta ergo frequentia ventum est ad locum vocatum Blackheth, vbi statuerunt turbam videre collectam, & sociorum multitudinem numerare. In quo loco dum constitissent, venerunt ad eos ex parte regis milites, qui causam inquirerent commotionis eorum, & quare illuc tantum populum contraxissent. Quibus responsum est se pro certis causis & negotiis ad habendum cum rege suo colloquium conuenisse, & debere eosdem nuncios regios remeare ad regem, & intimare ei oportere cum omnino ad eosdem venire, ad audiendum desideria cordis eorum. Nunciatum est igitur
 50 responsum regi, & suatum à nonnullis vt ad eos pergere festinaret. Archiepiscopus vero Cantuariæ pro tunc regni Cancellarius magister Symon de Sudburia, & dominus Robertus de Hales magister Hospitalis sancti Iohannis, tunc regni thesaurarius, obnixè restiterunt talia suadentibus, dicentes, nequaquam debere regem adire tales discaligatos ribaldos, quin potius disponendum esse aliter ad comprimendum superbiam ganeorum. Quæ cum audissent responsa vulgares, in furorem versi, iurauerunt se regios traditores, Archiepiscopum, scilicet, & Robertum prædictum quæsitu-
 60 ros, quo tutiores habere pedes se credebant, & eorum capita ablaturus. Et confestim iter versus Londonias arripientes, venerunt ad Southwerk, & omnia loca repleuerunt
 ibidem,

ibidem, & in regione vicina. Maior ergo Londoniarum & Aldermanni meruentes ubi, portas mox claudere decreuerunt: sed commune vulgus ciuitatis, & præcipue pauperiores, fauentes rusticis, prohibuere Maiorem à clausura portarum, inferentes vim, & mortem comminantes eidem si id facere attemptaret. Itaque factum est, vt per totam noctem sequentem, id est, vigiliam festi corporis Christi, libere gauderent exitu & introitu nebulones. Animauit communitatem Londoniarum, & etiam totius regni ad fauendum eis, quod asserebant eorum esse propositum regni tantummodo proditores scrutari, & postea cessaturos. Et eo maiorem fidem adhibuere dictis eorum, quod nihil rapuerunt omnino, sed omnia emerunt iusto præcio. Et si
 70 quenquam reperissent in furto, capite priuauerunt, tanquam qui fures maxime de-
 testarentur.

In crastino autem, hoc est in ipso festo corporis Christi, intrantes & exeuntes urbem, & de libertate acquirenda, de proditoribus capiendis, & maxime de duce Lancastriæ, quem in primis odio habuerunt, cum simplicibus communibus Londoniarum verba ferentes, in breui pauperiores omnes in eorum vota fecere de facili conspirare. Cum autem eodem die sol altius eleuatus incaluisset, & ipsi pro votis ubique vina diuersa & preciosissima pocula prægustassent, & facti fuissent non tam ebrii quam dementes (nam Londoniarum Maiores & plebs communis cuncta cellaria illis aperta reliquerant) cæperunt cum simplicioribus ciuitatis multa tractare de
 10 proditoribus, & inter cætera se mutuo cohortati sunt, vt properantes Saueyam, hospitium ducis Lancastriæ, cui nullum vsquam in regno in pulchritudine & nobilitate potuit comparari, iniectis flammis conflagrarent, ad diffiduciandum videlicet ipsum ducem, quem proditorem vocabant, & metum cæteris proditoribus incutendum. Placuitque statim sermo vulgaribus Londoniarum, & ipsi in primis foedum reputantes, si quisquam duci ante eos iniuriæ aut damni aliquid irrogaret, illico velut amentes cucurrerunt, & ignibus in giro coniectis, destructioni loci vacabant. Et vt patefceret totius regni communitati eos non respectu auaritiæ quicquam facere, proclamari fecerunt sub pæna decollationis, ne quis præsumeret aliquid vel aliqua ibidem reperta ad proprios vsus seruanda contingere, sed vt vasa aurea & argentea quæ
 30 ibi copiosa habebantur, cum securibus minutatim confringerent, & in Tamesim, vel in cloacas proiicerent. Pannos aureos & holosericos dilacerarent, & pedibus conculcarent, anulos & alia iocalia cum lapidibus præciosis imposita, mortariolis contererent, vt postea nullis vsibus apta forent. Et factum est ita. Deinde, vt nullum genus dedecoris præterirent, quin duci cuncta imaginabilia irrogarent, arreptum quoddam vestimentum præciosissimum ipsius, quale laeke vocamus, & impositum lanceæ, pro signo ad sagittas suas statuerunt. Et cum parum damni inferre sagittando valerent, depositum securibus & gladiis confregerunt. Quibus perpetratis satis maliciose, etiam locum qui vocatur Temple Barre, in quo apprenticii iuris morabantur nobiliores, diruerunt ob iram quam conceperant contra Robertum de Hales,
 40 magistrum Hospitalis sancti Iohannis, de quo præfati sumus, ubi plura munimenta quæ iuridici in custodia habuerunt, igne consumpta sunt. Et amplius insanientes, illam domum nobilem Hospitalis sancti Iohannis de Clerkenwell, immisso igne ardere fecerunt per continuos septem dies.

Illucescente die Veneris, die iræ, die tribulationis & angustiarum, die calamitatis & miseriarum, non dum finitis matutinis apud sanctum Albanum, venere de villa de Barnet sub festinatione maxima, qui nunciarent communes mandasse, vt assumptis secum communibus villarum de Barnet & de sancto Albano, cum armis quibus se defendere sciueret melius, Londonias festinare properarent: sin alias, viginti millia eorum simul accessura ad incendendum villas præfatas, & eos cum potestate magna adductura. Res statim notificatur Abbati, qui timens eorum aduentum, & damna ex
 50 eo secutura, confestim conuocatis vniuersis curiæ suæ famulis & villanis, Londonias festinare rogauit, ad mitigandum eorum malitiam, & impediendum aduentum. Nec mora, villani festinant & abbatis armigeri ad occurrendum eis & Londonias iter accipiunt cum seruire. Dissimiliter tamen hii & illi, de Abbathia scilicet & de villa, quia nostrates ad proficiendum, villani vero ad officiendum separarunt. Cum enim ventum fuisset non procul à Londoniis iuxta prædium quoddam Magistri Hospitalis Sancti Iohannis, cui nomen Heybury, vident ibidem quandam multitudinem (quasi viginti millium rusticorum & communis vulgi) qui immisso igne in æditissimas domos, quæ iam ardebant inextinguibiliter, nitebantur cum diuersis instrumentis cuncta quæ

Et quæ incendio dissolui non poterant subuertere machinamentis solo tenus. Visi autem à quodam illorum ductore, qui vocabatur Iohannes Strawe: mox accersiti & coacti, fidem ei fecerunt quod regi Richardo & communibus adhererent. Erant pro tunc turbæ rusticorum in tres partes separatae, de quibus vna pars vacabat (vt diximus) destructioni prædii suprascripti. Alia iuxta Londonias expectauit in loco le Mileende vocato. Tertia vero occupauerat montem Turris. Ea autem turba quæ prope turrimerat, ita inuerecunda & insolens habebatur, vt victualia regis quæ ad turrim vehabantur, diriperet inuerecunde. Et insuper, tanta agitabatur infania, vt regem compelleret ad concedendum eis Archiepiscopum & magistrum Hospitalis sancti Iohannis, aliosque in ipsa turri occultatos, quos omnes proditores vocabant: alias sciret semetipsum vita priuandum. Rex igitur in arcto constitutus, permisit eos in turrim intrare, & loca secretissima pro sua voluntate nequissima perscrutari, qui nihil negare tute potuit quod petebant. Erant eo tempore in ipsa turri sexcenti viri bellici, armis instructi, viri fortes & expertissimi, & sexcenti sagittarii, qui omnes (quod mirum est) animo ita conciderant, vt eos magis similes mortuis quam viuis reputares. Mortua enim erat in eis omnis memoria quondam bene gestæ militiæ, extincta recordatio ante habiti vigoris & gloriæ, & vt concludam breuiter, emarcuerat à facio rusticorum pene totius Loe griæ omnis audacia militaris. Nam quis vnquam credidisset, non solum rusticos, sed rusticorum abiectissimos, non plures, sed singulos aude-
re thalamum regis vel matris eius, cum baculis subintrare vilissimis, & vnumquem-
que de militibus deterrere minis, & quorundam nobilissimorum militum barbas suis
incultissimis & sordidissimis manibus contrectare, demulcere, & verba modo fami-
liaria serere de socialitate cum eisdem habenda de cætero, modo de fide seruanda i-
p-
s-
is ribaldis, modo de iuramento præstando, vt communiter cum eis regni quæ-
rent proditores, cum ipsi manifeste proditoris notam deuitare non possent, quippe
qui vexilla & penicillos erigentes, tali modo cum armata manu pro modulo suo, sci-
licet modo præfacto incedere non timebant. Et cum hæc omnia facerent, & (vt dixi-
mus) plerique soli in cameras concessissent, & sedendo, iacendo, iocando super lectum
Regis inolescere: & insuper matrem regis ad oscula inuitarent quidam, non ta-
men (quod mirum dictu est) audebant plures milites & armigeri, vnum de tam incon-
uenientibus actibus conuenire, non ad impediendum manus iniicere, nec verbis se-
cretissimis musitare. Intrabant & exhibant vt domini, qui quondam fuerant vilissimæ
conditionis serui, & præferebant se militibus, non tamen militum, sed rusticorum
subulci. Quia (vt credimus) Deus Anglicis demonstrare voluit, quod non in forti-
tudine sua roborabitur vir, nec in arcu vel gladio fore sperandum, sed in eo qui saluat
nos de affligentibus nos, & custodientes nos sua misericordia & pietate confundere
consuevit. Sed de istis hætenus: modo de his quæ gesta sunt circa Archiepiscopum
thalamum dirigamus.

*De his quæ gesta
sunt circa Archi-
episcopum.*

Cum ergo fatalis hora venisset, in qua manifestatum est diuinam ultionem in-
cubuisse regno Angliæ, rustici, ribaldi perditissimi, ganeones dæmoniacy, patrē com-
munem totius populi Archipræsulem & Primatem quæsituri, instinctu diabolico
portas turris (vt præfactum est) illi per vias glomeratim, & cum clamore terrifico sunt
ingressi, reperto vero quodam ibidem è famulis, imperant furibunde, vt eos ducat ad
locum in quo pius pater (quem proditorem nominauerunt) delitescerebat. Is autem
eorum mandato contrauenire non audens, deduxit eos ad capellam, in qua post ce-
lebratam Missam, & sacram perceptam communionem, Archiepiscopus orationi-
bus insistebat. Nempe non inscius Archipræsul eorum aduentus & propositi, totam
noctem præcedentem duxerat in confessionibus orationibusque deuotis: & ideo cū
magna securitate eorum intrepidus expectauit aduentum, frequentissime (tam in
Missæ suæ, quam post Missam ab eo celebratam) mores eorum arguens tali modo:
Quando (inquiens) sunt venturi? Deus bone, quid expectant? iam enim tempus esset
si Deo placeret vt venirent. Cum autem eos aduentantes audisset, cum magna con-
stantia dicit suis: Vadamus modo (ait) securi, præstat enim mori cum non iuuat viue-
re, neque enim ante in vita nostra in tanta securitate conscientia mortui fuissetus.
Et post pusillum ingressi tortores, clamauerunt: Vbi est regni proditor? vbi commu-
nis vulgi deprædator? Archiepiscopus vero tanquam nihil omnino turbatus ad cla-
mores eorum, ita respondit: Bene (ait) venistis filii, ecce, ego sum Archiepiscopus quæ
vos quæritis, non proditor aut deprædator. Igitur eo viso, mox membra diaboli (inie-
ctis in eum manibus sceleratis) rapiunt de capella, nullum deferentes honorem loco
seu

seu factis altaribus, aut imagini crucifixi, quæ in summitate baculi eius figurata erat, postremo nec corpori dominico, quod sacerdos coram eo tenebat: sed peiores demonibus (qui Christi sacramenta verentur & fugiunt) nihil dependentes saluatoris præsentiam, trahunt per brachia, per caputium, per diuersa loca, ad eorum sectæ satellites extra portas ad montem turris. Quo cum peruenisset, factus est clamor horrendissimus, non similis clamoribus quos edere solent homines, sed qui ultra omnem æstimationem superaret omnes clamores humanos, & maxime posset assimulari ululatus infernalium incolarum. Qualibus etiam clamoribus vsi in omni decapitatione cuiuslibet, & prostratione domorum, quamdiu Deus permisit eorum nequitiam impunitam. Non tamen resonabant verba inter horridos strepitus, sed replebantur guttura multifonis mugitibus, vel quod est verius vocibus pavonum diabolicis. Cum itaque staret Archipontifex inter eos (vt diximus) circumdatus nebulorum millibus, & gladios cerneret circa caput eius extractos in numero excessiuo, mortem sibi minitantes circumstantibus dixisse fertur. Quid est, charissimi filii quid est quod proponitis facere? quod est peccatum meum quod in vos commisi, propter quod me vultis occidere? Cauendum vobis est, ne me interfecto, qui pastor, prælatus & Archiepiscopus vester sum, veniat super vos indignatio iusti vindicis, vel certe pro tali facto, tota supponatur Anglia interdicto. Vix hæc verba finire potuit, antequam horrifono clamore perstreperent, se nec interdictum timere, nec Papam, solum superesse sibi vt collum submittat, qui falsus fuerat communitati & regni proditor, gladiis amputandum. Cernens autem Archiepiscopus sibi mortem indubitata imminere, nec superesse viam euadendi, post pluram piæ exhortationis documenta, post prædicata verba salutaria, vt erat vir eloquentissimus, & incomparabiliter ultra omnes regni sapientes sapiens, nouissime post remissam spiculatori, qui eum decollaturus erat (quantum in ipso fuit) offensam necis suæ, vt plene videretur saluatorem moriendo sequi, patrem pro persecutoribus exorauit, flexis genibus collum ferienti supposuit. Percussus vero in collo securi, sed non læthaliter, apposita manu vulneri, ita dixit: Ah, ah, (inquit) manus domini est. Non dum manum de loco doloris amouerat, & secundo percussus, summitatibus digitorum amputatis, & arteriarum parte, cecidit, sed non dum occubuit, donec octauo ictu miserabiliter mutilatus in collo, & in capite dignum (vt credimus) martyrium compleuisset. Iacuit ibidem corpus eius inhumatum toto illo die Veneris, in quo fuit festum sancti Basilii, & in crastino, nemine illud audente tradere sepulturæ, propter metum irrationabilis vulgi vndique debacchantis. Percussor eius mox diuinam sensit ultionem, in furiam actus, & cæcitate percussus. Quidam etiam ex rusticorum turba instigatus avaritia, nocte sequenti eius decollationem, latenter accessit ad corpus, vt anulum (qui in digito eius fuerat) furtiue detraheret. Quidam insuper à multis annis cæcus, quem idē Pontifex diu ex elemosina sua sustentauerat, audita morte eius & causa, fiducialiter petiit à Deo per eius merita sibi visum restitui, & visum recepit. In sepultura sua quidam de Doueria, qui iam duos annos in cæcitate transierat, per visum admonitus ad corpus venit, & ea nocte lumen sibi redditum fore gaudebat. Mulier quædam quæ in-
*Aliterandum de
mortuo archie-
piscopo.*
pregnata fuerat, & parere nullo modo poterat, postulato eius auxilio, eodem die de-
liberata est de tribus masculis puerulis, qui omnes baptizati sunt. Multaque miraculorum signa alia post eius mortem diuinitus sunt ostensa, & diuinæ ultionis iudicia manifesta in eos qui vel mortis eius auctores fuere, vel in eius necem voluntarie consensere, quæ in sequentibus cum res & tempus postulauerint inferemus. Interfecti sunt cum eo Robertus Hales miles strenuissimus, magister Hospitalis Sancti Iohannis & regni thesaurarius, & Iohannes Leg, vnus ex licitoribus regiis, & quidam frater de ordine Francisci, ob iram scilicet & rancorem quem in ducem gerebant
Lancastriæ Iohannem de Gandauo, quia familiaris ei fuisse dicebatur. Decapitati sunt eodem die quamplures, tam Flandrenses quam Anglici ob nullam quidem causam, sed ad explendum crudelitatem tunc dominantium rusticorum. Erat namq; eis solemnus ludus, si quem apprehendere poterant qui eis fidem non fecerat, aut cum eisdem pari mente non gradiebatur: aut si quis ex ipsis quenquam exosum habuisset, repente tali detrahere caputium cum clamore consueto, & mox in plateis certatim ruere ad decollandum eum, nec vllam reuerentiam impendebant factis locis, sed de ipsis Ecclesiis, & in sanctuariis passim, trucidabant quos odio habuerunt. A fide digno etenim referente, cognoui tresdecim Flandreses violenter extractos fuisse de ecclesia fratrum Augustinensium, quæ sita est Londoniis, & in strata publica decollatos:

& ab

& ab alia parochiali ecclesia in eadem vrbe decem & septem, qui omnes (spreta reuerentia sanctuarii, Deique timore, quia tunc temporis ipsa turba maledicta hominem non reuerebatur) consimili multatione capitum fuisse peremptos. Cum idcirco tantas transgressiones perpetrati viderent Rex & qui de eius consilio fuerant, post repentinos tractatus & subitos, quia tempus illud diutina non permittebat deliberationem, & maxime, quia omnes & singuli consternabantur de occisione Cantuar. Archipræsulis, & regni thesaurarii, qui potissimi in regno fuerunt: & quia timebant, occisis maioribus, minoribus non esse parcendum. Dominus rex cum deliberatione consilii, quod tunc cum eo fuit, vt sedaret furorem qui tunc in cursu extitit, obtulit eis pacem, ea conditione, vt cessarent ab incendiis domorum, & deiectionibus, & hominum interfectionibus, & redirent ad propria, sine pluri ibidem præstolaturi chartas confirmatorias pacis prædictæ. Quod Estsaxonēs libenter audierunt, eo quod iam pertæsi diutini laboris, afficiebantur quodammodo domibus, vxoribus & liberis reuifendis. Statuerunt tamen quosdam ex ipsis, qui cum illis recedentibus remanerent, pro chartæ regis acquisitione. Factumque est, vt recedentibus remanerent Kentenses tota nocte sequente.

*Raffici dispositi
runt Londoniam
spoliata.*

Craftinus dies aduenerat, quæ fuit dies Sabbati, dies sanctorum Viri & Modesti. 17. Calend. Iulii infra octa. festi corporis Christi, & ecce Kentenses pene nihil remissius egerunt in omnibus sceleratis operibus, quam die fecerant præcedente: sed mortibus hominum, domorum deiectionibus, & incendiis, vacauerunt. Rex autem ad 20 Kentenses misit, qui nunciarent socios recessisse, de cætero victuros in pace, & velle eis eandem formam concedere si eis acceptare placeret. Ductor ergo eorum maximus, dictus Walterus Helier, vel Tyler (nam talia nomina sibi met imposuerunt) & ex industria vir versutus, & magno sensu præditus, si ingenium decreuisset bonis vsibus adaptasse, pacem quidem se dixit amplecti, sed si conditiones secundum eius arbitriū dictarentur. Decreuerat utique regem regisque consilium (quia fortior illis esse videbatur) vsque in crastinum cauillationibus suspendisse, vt nocte sequenti suum peruersum propositum liberius consequi potuisset. Cogitauerat etenim in ipsa nocte, quia cuncti communes pauperes, videlicet vrbis Londoniarum illis fauebant, ciuitatem despoliasse, occiso prius rege & maioribus sibi adhærentibus, & eam quatuor locis 30 iniectis ignibus conflagrasse. Sed qui superbis resistit Deus, humilibusque dat gratiam, non permisit eius impias imaginationes & affectus ad finem vsque perducere, sed gratiose & subito iniquum eius consilium dissipauit. Cum enim trina vice chartæ fuissent sibi conscriptæ, secundum formam quam in sequentibus demonstrabimus, & nulla illarum illi placere potuisset, nouissime rex destinauit ad illum quendam e suis militibus, qui vocabatur Iohānes Newton, vt non tam inuitaret quam rogaret eum, quia superbia eius nota erat satis, regi ad accedendum, & tractandum cum rege de articulis pro quibus instabat suæ chartæ inserendis, de quibus vnum inserā nostris chronicis, vt legentibus constet clarius cæteros fore contrarios rationi.

*De superbia
Walteri Tyler.*

Voluit namque ad alia commissionem pro se & suis obtinuisse, ad decollandum 40 omnes iuridicos, Escactores, & vniuersos qui vel in lege docti fuere, vel cum iure ratione officii communicauere. Mente nempe conceperat, doctis in lege necatis, vniuersa iuxta communis plebis scitum de cætero ordinari, & nullam omnino legem fore futuram, vel si futura foret, esse pro suorum arbitrio statuenda. Fertur reuera cum superbia magna dixisse, pridie quam ista fierent, apposita manu sua suis labiis, quod ante quattriduum omnes leges Angliæ de ore suo & labiis emanarēt. Igitur cū (vt diximus) dominus Iohannes Newton pro acceleratione instaret penes eum, indignando respondit: Si tibi (ait) multum festinandum fuerit, redeas ad dominum tuum regē, ego vero veniam cum placebit. Post regressum vero militis, & ille vectus equo subsecutus, sed tamen paulo tardius: Cumque venisset vt esset non procul à loco in quo rex 50 constitutus fuerat, Smithfield appellato, destinatus est ad eum secundo prædictus miles, ad audiendum & referendum vota sua. Miles autem dextrarium insidens accessit ad eum, auditurus quid dicere proponebat. Ille quidem indignatus quia equo vectus miles accesserat, & non pedes, mox cum furore dixit, decere eum potius pedes quam equum insidens suæ præsentiae propinquare. Miles vero non dum oblitus omnino militiæ suæ veteris probitatis, illico sic respondit: Sediti (inquit) tibi in equo, non est iniuriosum me equitem accessisse. Ad quod verbum indignatus nebulo, mox extracto cultello, quem dagger vulgo dicimus, iectum militi minabatur cum adiectione verborum quibus eundem militem proditorem appellauit. At miles abhorrens

rens illud nomen, eum mentiri asseruit animose, extracto contra eum æque tali cultello. E contrario ribaldus non ferens inter suos rusticos illatam contumeliam, parauit in militem irruisse. Rex igitur videns militi periculum imminere, vt mitigaret animum pro tempore ganeonis, militem iussit equo descendere, & cultellum quem extraxerat reddere nebuloni. Cumque non sic mitigari posset eius elatus animus, quin omnibus viis & modis vellet in militem irruere furibunde, accesserunt ad regem (qui iuxta stabant) Maior Londoniarum Wilhelmus Walworth, & plures de militibus & armigeris regiis, asserentes dedecus inauditum & interminabile, si illis præsentibus; rex permetteret nobilem militem tam pudendæ morti succumbere coram eo. Quapropter succurrendum fore sibi celerius, & ribaldum arestandum. Quibus auditis, Rex (quanquam puer esset & tenerioris ætatis) concepta audacia, iussit Maiori Londoniarum vt eum arestaret. Maior autem vir incomparabilis animositatis & audaciæ, indubitanter eum illico arestauit; librato ictu eius capiti; qui eum plurimum perturbauit. At mox ab aliis ministris regiis circumclusus gladiis, diuersis in locis corporis transuerberatur. Corruensque de equo in terram, primum dedit spem Anglicanæ militiæ fere mortuæ communibus posse resisti. Statimque vt communes viderunt eius ruinam, præ dolore mortis clamauerunt: Mortuus est Capitaneus noster, proditiose peremptus est ductor noster: Stemus simul, moriamur cum ipso, sagittemus & vindicemus viriliter mortem eius.

10 Tensis ergo arcubus sagittare pararunt. Rex vero ultra ætatem mirabiliter ingenio præuentus, & audacia concitus, calcaribus vrgens equum ad eos accessit, & in circuitu eorum equitans, dixit eis: Quid est hoc homines mei? Quid agitis? Nunquid sagittare vultis regem vestrum, non causemini, nec sitis tristes de morte proditoris & ribaldi. Ego enim ero rex vester, ego capitaneus & ductor vester; sequimini me in campum; habituri omnia quæcunque vos petere delectabit. Hoc autem fecit rex ne rustici in amaritudine mentis constituti ignem immitterent in domibus apud Smithfeld, vbi fuerunt quando ductor eorum præfatus proditor est occisus. Igitur in apertum campum secuti sunt regem & milites qui cum eo erant, non dum plena deliberatione certi, vtrum regem perimere debuissent, an omnino conquiescere, & domum cum charta regia remeare. Interea Maior Londoniarum cum solo quodam famulo festinanter equitans ingressus ciuitatis, clamare cepit: Ciues optimi, gratissimi, piissimi, succurrite sine mora regi vestro perimendo; mihi que succurrite vestro Maiori in eodem periculo constituto, vel si non decernitis mihi succurrendum propter mea demerita, tamen nolite relinquere regem vestrum. Hæc cum audissent optimates de Londoniis, & cæteri quorum cordibus amor regis inhæserat, subito decenter armati sunt ad numerum mille virorum. Et mox parati in plateis constituerunt, expectantes quenquā ex militibus qui eos ducere posset ad regem. Obtulitque

30 fortuna pluribus Robertum Knolles, quem omnes rogauerunt, vt esset ductor eorum, ne incõposite & inordinate venientes facilius frangi possent. Qui gratanter duxit partem illorum, partem vero alii milites fulgentem armis splendissime ad regis præsentiam perduxerunt. Rex autem & qui cum eo erant milites & armigeri de insperato armorum numero lætificati, repente circumcinxerunt omnem turbam vndique rusticorum viris bellatoribus, velut cum oues caulis includuntur, vsq; dum mercenariis cõplacuerit quas vult in pasturam emittere, & quas vult morti deputare. Cernere erat ibidem mirabile dextræ Dei mutationem, modo proiectis baculis, securibus, bipennibus, gladiis, arcubus & sagittis, rusticos ad terram ruere suppliciter, gratiam postulare, qui parum ante & regis & regaliū vitam in sua non gratia sed potestate habuisse gloriabatur: delitescabant miseri in frugibus, in foueis & antris, in siluis, per fugam vel absconsionem vitam saluare cupientes, in quorum iamdudum manibus, mors & vita nobilium penè

40 totius Loegriæ sitæ fuerunt. Milites idcirco qui cum rege fuerunt, cupientes, non rã eorum iniuriã quam infamiam in rusticos vindicare, rogauerunt regem, vt permetteret eos vel saltem centum vel ducenta capita nebulonum tollere, vt monumetum esset in posterum, viros ordinis militaris, vel aliquid in rusticos valuisse. Rex vero eorum postulationibus noluit acquiescere, asserens plures ex ipsis timore ductos turbam fuisse secutos, & posse tali modo euenire, fortassis vt qui nihil peccauerant plecterentur, & delinquentes impunitate gauderent. Iussit tamen vt Londoniis statim proclamaretur, ne ciues de cætero communicarent cum illis, nec admitteret quenquā ex illis in Ciuitate ea nocte, sed permetterent eos sub diuo ruri pernoctare. Chartam nihilominus (quam petierant scriptam ac sigillatam, ad deuitandum maius ma-

50

lum pro tempore) tradi iussit eisdem, sciens nondum Estse iam pacificatam, aut Cātium fore sedatum, quarum prouinciarum communes & rustici parati erant ad insurgendum, si citius eorum non satisfaceret voluntati. Tenor chartæ extortæ per vim à domino rege talis extat, mutatis nominibus communitatum, prout diuersis comitatibus mittebantur.

*Charta regis de
manumissione
rusticorum.*

Richardus Dei gratia rex Angliæ & Franciæ, & dominus Hiberniæ, omnibus balliuis & fidelibus suis, ad quos præsentis literæ peruenerint, salutem. Sciatis, quod de gratia nostra speciali, manumissimus vniuersos ligeos & singulos subditos nostros, & alios comitatus Hertfordiæ, & ipsos & eorum quemlibet ab omni bondagio exuimus, & quietos facimus per præsentis, ac etiam perdonamus eisdem ligeis ac subditis nostris omnimodas felonias, prodiciones, transgressiones & extortiones, per ipsos vel aliquem illorum qualitercunque factas siue perpetratas, ac etiam ut legariam vel legarias, si qua vel quæ in ipsos vel aliquem ipsorum fuerint vel fuerit his occasionebus promulgata vel promulgata, & summam pacem nostram eis & eorum cuilibet inde concedimus. In cuius rei testimonium has litteras nostras fieri fecimus patentes. Teste me ipso apud London. 15. die Iunii Anno regni nostri quarto. Habita ista charta, communes ad propria recesserunt: sed tamen priora mala facere minime cessauerunt, prout demonstrabimus in sequentibus, in processu videlicet quem post redditum suum, villani de sancto Albano fecerunt. Qui ut plenius cognoscatur altius materiam repetemus, reincipientes à die exitus ipsorum, scilicet die Veneris præcedente.

*Processus domi-
lesciæ & mali-
cia villanorum
de sancto Al-
bano contra Abba-
thiam.*

Cum ergo (ut in anterioribus est prædictum) villani de Sancto Albano, & famuli de Abbathia peruenissent ad prædictum de Heybury, ipso die Veneris in crastino festi corporis Christi, & inde pertransissent: & Londonias peruenissent. Mox villani Abbathiæ famulos relinquentes, ad malignitatis se commenta conuerterunt, adeuntes namque Ecclesiam Sanctæ Mariæ de Arcubus, quæ sita est Londoniis, ibidem tractare cæperunt de ancillatione Monasterii, & quomodo ea quæ diu inter eos secrete voluerant, perducere possent ad effectum, ut videlicet nouis gauderent bundis circa villam, in quibus libere sua pascere animalia, & piscationem sine calumnia in certis obtinerent locis, nec non venationes & aucupationes iterum haberent in certis locis, & pro suæ voluntatis arbitrio, molas erigerent manuales ubique placerent. Et ut balliuis libertatis nihil interponeret infra villæ limites, & obligationes reposcerent, quas fecerant, quondam parentes eorum pia memoria Abbati Richardo de Wallyngforde, & alias chartas, si quæ forent illis præiudiciales, omnia quoque perscribendo quæ forent munimenta in Abbathia, vel illis firmamento, vel Monasterio detrimento. Et ut celerius optatum consequerentur effectum, quidam laudauerunt Walterum Tyler adeundo ducem ribaldorum & rusticorum de Cantio, ut accepta ab eo potestate, quia nunquam putauerunt maiorem in regno futurum, nec leges terræ de cætero valituras, eo quod iam maxima pars iuridicorum perempta fuerat, & reliqua iuxta æstimationem ipsorum fuerat perimenda, domum redirent, & strictis conditionibus expeterent quæ volebant. Ut videlicet si Abbas decerneret negandum esse quod peterent, mox incendium comminerentur domui, & mortem monachis, nec non postremo totius Monasterii demolitioni, ut in eo non relinqueretur lapis super lapidem. Alii vero asserebant esse securius adeundam regis præsentiam, quæ tunc nulli neganda fuit, & ab eo esse petendam litteram, sub priuato sigillo Abbati dirigendam, ut videl. Abbas redderet eis libertates, & iura quæ patres & antecessores eorum Henrici regis temporibus habuerunt. Laudatum est vtrunque consilium, & tam regem pro littera Abbati dirigenda, quam Walterum pro mittendis (si necesse foret) in subsidium eorum & loci destructione ganeonibus adierunt. Wilhelmus Gryndecobbe qui plura debebat Monasterio, tum quia educatus, nutritus, & exhibitus ibidem fuerat, tum propter propinquitatem Monachorum, qui eius consanguinei fuerat, & pro tunc fuerunt, maximus persecutor istorum negotiorum extitit penes regem, ita ut sexta vice coram turba regi genua flecteret pro dicta littera, quam obtinuit, obtinenda. Ipse etiam in primis prolocutor extitit principalis pro istis negotiis ipsi Waltero idolo rusticorum. Fuerunt tamen quamplures alii coadiutores maliciæ suæ penes ipsum, qui tantum Abbatem & Priorem, & quosdam monachis deprauarunt de iniusta dominatione in suos rusticos, de oppressione communium, de retentione stipendiiorum pauperum, & seruitutium, ut commouerent ipsum Walterum, quanquam non fuisset propositi sui, recedere

dere de Londoniis, nec quenquam à se de suis sequacibus mittere ad promittendum eis aduentum suum, ad radendum barbas Abbatis & Prioris, & cæterorum Monachorum, id est, ad decapitandum eos, cum numero viginti millium, si necesse foret, vel si ducerent mittendum esse pro ipso. Ita duntaxat ut ipsi in omnibus mandatis eius parerent, & nihil præterirent de vniuersis quæ mandaret. Et dedit mandata quæ facerent mox post eorum aduentum ad propria, sicuti dederat vniuersis & singulis qui de eo recesserant, vel recessuri erant, sub affirmatione iuramenti, quod nihil præterirent intactum de eius iussionibus & doctrina, quæ in sequentibus educemus: hac ergo accepta securitate, domum redire disponunt. Præuenit tamen eorum aduentum
 10 quidam de famulis Abbathie, cursu equorum velocissimo, & mortuum nunciauit Archiepiscopum, mortuum thesaurarium, mortuos esse quamplures alios, & nullum inesse communibus misericordiam aut gratiam, sed quosunque ordirentur sine pietate trucidare, decollandum fore Priorem, & alios cæteros monachos periculo subiacere, si vim & aduentum communium expectarent.

Fugit ergo Prior, & cum eo quatuor monachi, alii quoque familiares Monasterii nonnulli, & per longa itinera, per magnaue pericula, quidam è monachis equis vecti, quidam pedibus ad Tynemutham tandem trepidi peruenerunt. Villani vero non diu post recessum Prioris (ut dicitur) redierunt: sed ante omnes Wilhelmus Gryndecob & Wilhelmus Cadyndon pistor festinarunt, ut ipsi saltem aliquid fecisse viderentur ante aduentum sociorum. Cupiebant reuera specialius aliquid illis ascribi posse præ cæteris, ut magni postea haberentur. Hii igitur in aduentu illorum nunciauerunt cuncta sibi prospere euenisse, de cætero non seruos sicut hætenus, sed dominos futuros esse, de magnis & mirabilibus negotiis contra Abbathiam expedisse. Et ideo in primis ad diffiduciandum Abbatem, faldas quæ fecerat in Fauconwod & siluis aliis, esse frangandas ipsa nocte, & portas de Eywood & alias siluas quantocius excindendas, domumque subcellararii, quæ ex aduerso strata stabat ubi pisces venduntur, quia videbatur aspectum burgensium impedire, & nobilitatem ciuium prægrauare: sic enim se iam vocabant omnibus viis & modis, illico diruendam. Nec mora, stulti stultorum consentientes assertionibus, ipsa nocte ante quietem vniuersa
 30 (ut præmittitur) in fractione Faldarum, excisione portarum, & domus subuersione in magna mentis infania perpetrarunt. Et hic finis diei Veneris apud Sanctum Albanum, & initium malorum subsequentiū, quæ pro parte in proximo capitulo perorabo, distinguendo iam diem Sabbati à die Veneris, ut posteris facti notitia melius nota fiet.

Igitur die Sabbati mane surgentes villici de Sancto Albano, tractaturi de his quæ perpetrata fuerant: Villani cum pompa magna egrediuntur ad Fauconwoode, facta prius proclamatione, ne aliquis domi remaneat qui arma ferre præualeat, sed omnes & singuli statim sequentes egrediantur cum armis & utensilibus quibus se melius defendere poterant vel sciebant, sub pœna decapitationis, & nihilominus
 40 si domum haberet propriam, deiectionis domus suæ, & amissionis omnium bonorum inibi repertorum. Grauis interminatio beneuolos & maleuolos coegit accurrere, & accuratius subsequi incentores nequitæ: Wilhelmum Gryndecobbe, cuius nomen ante præmisimus, & Wilhelmum Cadyndon, & alios quos supersedeo numerare.

Ventum est ad locum præfixum cum turba multa, habitum & diffinitum est consilium, quid peterent, quid facerent, quid minarentur. Consultum est de faldis in siluis, de siluarum portis, ut primo si quid pridem fuerit relictum eis integrum, ita ut mox contereretur, ne vllis vñibus de cætero foret aptum: secutum est opus maliciosum, consilium impium, & factum est ita. Deinde, cum eadem turba regrediuntur
 50 ad villam, ubi iam expectabant eorum reditum de villis circumiacentibus, & domino Monasterii rustici, & communes qui per eos non inuitati sed citati, conuenerant duo millia vel amplius ribaldorum. Dederant namque in mandatis hominibus villarum de libertate sancti Albani, ut omni excusatione postposita, & sub pœna præmissa concurrerent simul, & semel, petitori & habituri libertates quasunque petere decreuissent, & ut nullum permetterent generosum domi residere, sed omnes secum ducerent in auxilium eorundem. Nolentes vero cum eis communiter pergere, & fidem eis facere, decollarent, & eorum habitacula diruerent aut conflagrarent, sic enim docendo præceperat eis Walterus Tyler, dominus & magister ipsorum. Cumque vidissent turbam quæ conuenerat ipsorum iussu, magnos

se reputantes, non modice confortati sunt, & eleuatum est cor eorum: moxque iungentes dexteras, fidem acceperunt ab inuicem & dederunt. Deinde cum superbia magna ad portas monasterii properarunt, demonstraturi quantam potestatem adepti fuerant de Waltero prædicto. Cum itaq; peruenissent ad portas quæ eis apertæ fuerunt, carcerem à ianitore illis aperiri cum indicibili fastu iusserunt. Qui non ignarus illorum propositi, quid videlicet præcepturi sibi fuerant, quidue facturi (nam Abbas per quosdam de villanis, quorum tetigerat Deus corda, occulte de omnibus edoctus fuerat, & quid facturus esset, ianitorem edocuerat) confestim ostia carceris referauit. Ingressi ergo cunctos vinctos eduxerunt, & liberos abire iusserunt, ita duntaxat, vt communitati fidem de cætero deberent & gratiam, & eis inseparabiliter adhererent. Quendam autem quem morte dignum iudicabant, inter alios extractum de carcere, ipsi iudices effecti & carnifices decollauerunt in larga terra ante ianuas Abbathia, & caput cum clamore diabolico, quem Londoniis didicerant in decollatione Archiepiscopi, deferentes ad collistrigium in sublime fixerunt, vt cunctis patefceret eos nouis vti posse legibus, nouis fultos esse priuilegiis. Non multo post istud factum, venerunt & villani de Barnet, villanis de sancto Albano foederati, ad supplendum prauorum numerum, & ipsi venientes simili mente contra Abbathiam. Circa horam dici tertiam, cursu velocissimo equi sui vectus, venit de Londoniis Richardus de Walingforde maximus villanorum Sancti Albani, qui ibidem remanserat pro littera deferenda, pro qua supra retulimus Wilhelmum Gryndecobbe regi totiens supplicasse deferens ante eum vexillum, vel pencellum displicatum, de armis Sancti Georgii, iuxta morem illorum qui Londoniis tot scelera perpetrarunt. Huius aduentum cum cognouissent villani, assumpta statim cum eis turba communium patriæ & rusticorum, quæ (vt diximus) citata per eosdem aduenerat, obuiam accurrunt eidem ad largam terram, vbi descendens equo suo, & figens standardum suum, iussit vt omnis populus veluti sit in bello adhæreret standardo. Et post modicum temporis spacium quod indulxit colloquio & consilio villanorum de habendo tractatu cum Abbate, præcepit communi plebi cum standardo stare, & eorum reditum ibidem expectare, donec videlicet responsum certum obtinerent, quid Abbas decerneret efficiendum, de petitionibus ei ex parte populi porrigendis. Ingressus est igitur in Ecclesiam ipse & plures de maioribus, & illico pro Abbate missum est in cameram, vt veniret & communibus responderet. Ita enim tunc temporis gloriabantur eo nomine, vt nullum censerent nomen honorabilius nomine communitatis, nec quenquam de cætero reputaturi fuerunt dominum (iuxta æstimationem suam stolidam) nisi regem solummodo & communes. Abbas vero qui iam dudum citius mori decreuerat pro libertate tuenda monasterii, quã quicquam facere quod ecclesiæ suæ cederet præiudicio, pulsatus suorum Monachorum precibus, monitionibus & assertionibus, qui dicebant nil præualere monasterio mortem suam in hac causa: & si omnino mori decerneret, cum irrationabile vulgus firmiter proposuisset vel obtinere petenda, vel illum & Monachos suos morti tradere, Monasteriumque cremare, tandem victus descendit ad eos. Qui cum venisset in ecclesiam, post breuē salutationem, Richardus de Walyngford porrexit eidem breue regium, quod nuper Wilhelmus Grindecobbe, non tam obtinuit quam extorsit à rege, (sicut prædiximus) cuius tenor est talis.

Littera regis directa Abbati pro chartis regis.

Trescher en Dieu, à la petition de nous amez liegés de la ville de saint Alban, nous voulons & mandons, qui certaines Chartres estans en vostre garde, faits par nostre progeniteur le roy Henry, aux lez burgeoiz & bonnes genz de la dite ville, de cōmune & de pasture, & de pescherie, & de certaines autres commodités expressees en mesmes les chartres, à ceo qu' ils disoiēt faites cea que loy & raison le requièrent, par ainsi qu' ilz n' ayent matiere de plaindre desore à nous pur celle cause. Donnez soubz nostre signet, à Londres, le .15. iour de Iuin, l' an de nostre regne quart.

Acta apud sanctum Albanum die Sabbati.

Dominus autem Abbas, recepta cum reuerentia debita & perlecta littera, informare nitebatur, & cōmouere eos, qualiter omnia talia per placita fuere suorum patrum temporibus terminata, & exinde recordum esse apud Westmonast. in rotulis regiis, vnde iuxta leges regni antiquitus vñtatas asseruit eos nullum ius vel clameum debere habere in omnibus quæ petebāt. Richardus de Wallingford, omniū prolocutor, respondit ad hæc dicens, cōmunes iam pro tempore dominari leges, penitus nō curare, nec rationes tales velle vel expectare vel acceptare, quare consulo (inquit) vos & hortor ne quouismodo communitatem exasperare tentetis, quæ nullatenus est sedanda, donec

donec cuncta quæ mente conceperant vno modo vel alio nanciscatur. Cumque nõdum acquiesceret Abbas, sed rationes & allegationes pro se plures faceret, quare non deberet petita concedereri, idem Richardus cum maioribus villæ qui adfuerunt isto colloquio subintulerunt. Considerate (inquiunt) ad millia populi ante fores monasterii festinum responsum præstolantis, qui in nos proculdubio suum furorem conuertent, si diutius immorati fuerimus pro hac causâ: aut enim decreuerunt obtinere petita repente, aut pro Waltero Tyler nuncios mittere, vt cum viginti millibus veniat in subuersionem loci istius & periculum capitum monachorum. Abbas vero tactus dolore cordis intrinsecus, cum audisset talia, dixit eis: Heu, heu (inquit) 10 boni proximi, iam triginta duo anni sunt ex quo Abbas & pater vester extiti, & nunquam vos infestauimus vel contristauimus, sed quotiens in tribulatione fuistis & angustia, laborauimus vestris necessitatibus & miseriis depellendis, & vos me omnino subuerrere nitimini amicum vestrum & placidum dominum sine causâ. Cui illi: Fate-mur (inquiunt) vos & æquum & placidum nobis fuisse dominum, & idcirco nequâquam proposuimus in diebus vestris, vos pro causâ huiusmodi molestando. Expe-ctauimus siquidem diem mortis vestræ, vt post fata vestra de successore vestro in hac causâ triumphassemus, sed iam nihil vobis & nobis superest, nisi vt pro periculo vos deuitando celerius acquiescatis: & nos, ne mora nobis etiam vitæ periculum ge-neret, aut cõmunes cum vno responso vel alio reuertamur. Abbas igitur librans 20 pericula quæ incumbabant, ad deuotandum maius malum, minus malum elegit incurrere, & concessit eisdem vniuersa quæ petere voluerunt. Cernentes idcirco villani iam tempus suæ malitiæ arridere, mox petitiones (vt præmisimus) specificant, postulantes nouas chartas illis fieri libertatum, & obligationes quas fecerant ex parte eorum monasterio, ipsis protinus redonari: nec morâ, cupiens Abbas eorum importunitate carere, tradi iussit obligationes quæ petebantur, facturum chartas pro illorum arbitrio de quibuscunque libertatibus voluissent. Igitur mox obligationes cum quibusdam domus munimentis & rotulis quas extorserant ab Archidiacono, quia nec iura ciuilia, nec canonica de cætero frequentare cogitauerant, in foro villæ iuxta cruce-m flammis consumpserunt: sed ista sufficere non valebant indisciplinato populo, 30 quin quandam chartam antiquam reposcerent de libertatibus villanorum, cuius literæ capitales fuerunt de auro, vna altera de azorio, sine qua non posse satisfieri votis populi asseriebant. Abbas autem affirmavit se nullam talem chartam scire, nec quidem de illa audisse perante, sed contentos eos esse rogauit ad præsens, quod omnia obtinuerant ab eo quæ potuit conferre eis, & nihil negauerat quod duxerant postulâ-dum, velle se chartam inter munimenta requirere si vspiciam inueniri posset, & eis sine fraude resignare, tantum iam quiescerent à furore. Igitur à maioribus de Ecclesiâ ad minores renunciatur eisdem responsum Abbatis, renunciatur omnia adepturos fir-mamento sigillorum Abbatis & conuentus post nonam, quiescere debere ad tempus illud. Tamen interim ribaldi cum instrumentis claustrum ingredienti, de locutorio 40 forinsecò lapides molares (qui in pauimento hostii locutorii in monumentum & memoriam antiqui placiti inter villanos & Monasterium quondam Abbatis Richar-di locati fuerant) leuauerunt, asportauerunt, & ad communes detulerunt, & ibidem minuant & confregerunt, dantes partem cuique, vt panis benedictus dominicis parti & conferri in Ecclesiis parochialibus consuevit, vt videlicet videntes eas-dem particulas, apud se recognoscerent se olim in ea causâ de Monasterio vindicasse. Indultum est spaciū prandio monachorum, sed quod non proficeret manducantibus, quoniam à facie mœroris & angoris, tristitiæ & pauoris, cibabantur pane lachrymarum, & panem utiq; doloris manducabant, & potus eorum fletibus misce-batur. Quis enim sanus, vel sapiens pro tunc lamentari non debuit, videns mutatū re- 50 rum ordinē, seruos versâ vice dominis imperare, in tantū, vt vbiq; vitæ & mors essent in manibus rusticorum qui dominari nesciunt, misereri nolunt? Quis temperaret à fletibus, cernens nobile caput regni, urbem dico Londoniarum perditâ per diem & noctem integram, & cõmunium voluntati subiectam? Quis non expauesceret cum ip-sum caput cleri dignissimum à vilissimæ condicionis hominibus obtruncatum audi- ret, Archiepiscopum scilicet in medio regni tam crudeliter interfectū, & regni The-saurarium cum eo pariter decollatum? Quis non doluisset, regem Angliæ (& nobili-tate & dignitate cunctis mundi regibus præferendum) in tantum à seruis arctari, vt ni-hil præter eos facere præualeret, & ipsam nobilem & approbatam regni militiam in conspectu silere rusticorum, & eorum sequi per omnia voluntatem?

Congregatio villanorum ad portam in sancti Albani.

Nouissime vt ad Sanctū Albanum redcamus. Quāta tristitia putandum est fuisse repleta corda Monachorum, qui videbant illud celebre monasterium iam vel constare suorum indulgentia natiuorum, qui nec indulgere sciunt, nec amare dominos, vel ipsorum furore & iracundia conflagrandum? Talibus ergo ferculis ministrabatur monachis eo die, donec tempus post nonam, quo villani pro charta libertatis obtinenda venerunt. Venientibus autem illis, conuenit ad portam monasterii turba copiosa, amplius quam duo millia nebulonum, qui omnes vna voce, vna mente firman-
runt, vel portam magnam illico diruendam, vel chartas Burgenſibus esse tradendas. Fecerat autem dominus Abbas quandā chartam fieri secundum petitionem eorum, & misit vt legerent eā in concione villanorum, & si dignarentur eam acceptare, paratus erat ad confirmandum eā roboramine sigillorum Abbatis & conuentus: sed non potuit placere eis q̄ ipsi non conceperant, sed cum magna superbia miserunt Abbati per quendam armigerum ipsius, vt destina- ret suum clericum cum incausto & pargamento, vt quod ipsi decernerent, ipse scriberet, & ex post Abbas & conuentus apponerent sigilla sua. Abbas vero renunciauit eisdem se confirmaturum vniuersa quę vel-
lent, vt tantum de cætero forent amici & desisterent ab inceptis. Sed postquam & clericum habuissent, & chartam confecissent iuxta vota sua confirmandam & sigillandam, non tamen satisfactum est eis, sed dixerunt quandam superesse chartam in monasterio, libertatum suarum antiquarum, quam iurauerunt eis esse reddendam, vel monasterium diruendum. Abbas autem bonos & honoratos armigeros patrię misit
ad eos, qui nunciarent eum velle si cuperent in crastino coram eis missam celebrare, & super sacramentum (quod sumpturus erat) cum omnibus suis monachis, vel quos ipsi ducerent adhibendos, iuramento firmare se nullam talem chartam penes eos scienter retinere. Sed nec sic quidem poterant mitigari, aut omnino recepturi erant quod haberi non poterat, aut in prima sententia permansuri. Abbas ergo quid faceret, quem angustię premebant vndique & dolores nimii affligebant, remisit eosdem viros quos ante miserat, qui nunciarent eis Abbatem in omnibus voluntati suę velle parere, eos quoddā impossibile exigere, rogare vt condescenderent rationi, & ex quo talis charta nō potuit inueniri, componerent ipsi chartam quibuscunq; vellent libertatibus aut conditionibus exaratā, de temporibus Henrici regis, & Abbatis qui tunc
supererat annotandā, & sigillis protinus firmaretur. Sed adhuc ita nō potuit satisfieri ganeonibus, affirmantibus se nulli iuramento fidem daturos, velle chartam irrecuperabilem recuperare, aut monasterium ignibus concremare. Tandem (Deo volente) quia plura damna illaturi erāt suis proximis, & non poterant vacare destructioni monasterii simul & proximorum detrimento, conuentum est, vt more treugarum Ab-
bathia gauderet indemnitate, vsque in crastinum ad horam nonam, tunc proculdubio subitura dispendium, nisi charta prefata quę non habebatur, communibus exhiberetur. Nihilominus rustici & natiui Abbatis & conuentus simul cum cōmunibus patrię, & quibusdam de villanis ad numerum mille quingentorum hominum omnis conditionis, persistentes ante magnā portam, instigante sola malitia, totū ædificium
portę destruere se velle dicebant, si quisquā vellet percutere primum ictum. In tantū enim natiui monasterii infesti fuere suis dominis, vt quamuis concederetur eis chartę libertatis, potius destruere monasteriū cuperent, quam chartas obtinere prefatas. Mittebatur eis ceruicia abundanter cum panibus in magnis cunis ad portam, vt qui-
libet biberet & tolleret quod volebat, vt vel sic pro beneuolentia ostensa con- quiescerent: sed nihil hæc omnia profecerunt, donec quidam de maioribus villę veniret & periculo se obiectaret inter illos conscientia ad hoc inductus. Hic ergo cum venisset, satis caute compescuit eos, dicens: vos ribaldi quid facitis? quid molimini? nunquid vos intenditis dare primum ictum in prostratione huius ædificii, qui estis extranei vel
aduenticii? & non nos potius qui sumus Burgenſes & liberi huius villę? quiescite ab
inceptis & Burgenſes sequimini, & quid ipsi decernunt facere faciatis, ipsi enim vos ducent & ad ducenda ad loca diruenda vel certa facienda. Hoc commento fecit eos
à porta recedere, & ad aliam congregationem similium ribaldorum quę in villa fuerat properare. Vbi quicquid restabat temporis illius diei, consumpserunt in deiectione domorum, in confractione utenſilium, vel rerum inuentarum in eisdem secundum quod didicerant Londoniis à Waltero prefato.

Proclamatio per villanos.

Præsumperūt in super sub vexillo regio displicato proclamationes facere de vigiliis locadis circa villam, in numero copioso, ne forte venirent armati in adiutorium Abbathie & occuparet incautos de semitis obseruadis & viis circa fluuiū & sanctum
Germa-

Germanum, ne vllus exiret ibidem monachus vel intraret, & si ibi aliquis apprehendi valeret, vel decollaretur, vel vsque in crastinum secunda custodia seruaretur, vnde contigit plus quam centum illas obseruare partes, vt si forte Prior monasterii, vel qui cum eo recesserant, reuersi fuissent per illam viam inter ribaldos, decollati fuissent. Proclamauerunt etiam vt si cuiquam deberetur pro mercede vel stipendio, vel pecunia de Abbate, Priore, vel monachis ceteris, venirent in crastinum petiturus, & Burghenses villæ sancti Albani satisfacere curarent de bonis monasterii, quantum sufficere possent ipsa bona cuiuslibet sic petere volenti. Pluraque magisteria præsumpserunt, quæ nimis longum esset per singula numerare. Dum ergo illi circa talia satis inutiliter occuparentur, intrauit quidam cum gladio & perma penticum Abbatis, audacter petens centum marcas ab Abbate donari sibi, vel certe mox congregata familia impia, ignem immitteret in grangiam S. Petri, & manerium de Kyngesburi, quæ sunt sita prope villam. Fuerat namq; quondam firmarius de Kyngesburi, & cum deberet magnam summam pecuniæ conuentui, & non haberet vnde redderet, fugam latenter arripuit, legum censuram timens. Iam ergo reuersus, affirmavit se timore Prioris qui eum pro eadem pecunia persecuturus fuërat, nõ fugam inisse, sed ad amicos transisse, qui ei succurrissent de tanta pecunia (quanquam iniuste) soluenda, & modo se perere tantam summam pro damnis illatis sibi ratione subitæ transitionis de manerio, quæ quidem damna dixit se incurrisse per Priorē, cum nihil omnibus computatis debuerat: sed cui debebantur centum marcæ de terminis, quibus occupauit manerium supradictum, velle sibi satisfieri iam de præfata summa, quia tempus eam recuperandi arripuerat, vel certe prædicta loca daret flammis. Habebat namq; (vt asseruit) duo millia communium prope loca, qui nisi abbas citius satisfaceret, aduersione locorū eius iniurias vindicaret. Quid multa? nulla in tantis turbinibus alia restabat via, nisi vt Abbas satisfaceret suæ petitioni, fraudulente tamen pulsatus ribaldus multorum precibus de centum marcis recepit viginti libras, & abiit, iurans se malle quam totam illam pecuniam Prioris habere personam, vt suas iniurias in eius capite valeret vlcisci, qui nihil vtiq; vnquam sibi iniuriatus fuerat, sed potius eum fouerat, & in multis adiuerat, donec sensit aperte ipsum fuisse damnosum monasterio, & inutilem debitorem. Hiis & multis similibus damnis, iniuriis & terroribus afficiebantur abbas & monachi eo die.

Pertransita nocte mæroris, in qua monachi constituti fuere in maxima perplexitate, quid agendū foret eo die de conditione proposita per villanos, nisi charta redderetur, q̃ non potuit reperiri, nec noua fieri, cuncti cõsiliū ceperant, fugiendi propter malitiam villanorum (qui occasiones quærebāt destruendi monasterium per talem impossibilem conditionem propositam) cepit illucescere dies dominicus, in qua & arridere fauorabilius diuina consolatio pauore depressis, mœrore confectis, nempe supercilium villanorum repente humiliatum est, & superbia hesternæ hodie cecidit insperato. Rumores vtiq; illis plurimum displicentes spergebantur de morte turpissima fœdæ memoriæ ganeonis sæpe dicti Walteri Tyler ipsorum magistri, quod occisus fuerat coram Rege, & quod communitas Londoniarum confluerat copiosa ad succurrendum Regi, & vnanimiter resistendum communibus de Cantio Estfexia, aliisq; nitentibus se leuare contra Regem. Venerat insuper summo mane quidam ex Regis militibus, qui proclamari fecit pacem ex parte Regis, vt omnes ligei Regis sub forisfactura vitæ & membrorum conquiescerent ab hac hora. Dominus quoque rex misit præterea chartam protectoriam abbati pro monasterio & omnibus locis eidem pertinentibus, in hæc verba:

Richard par la grace de dieu Roy d'Angleterre & de France, & seigneur d'Ireland, à tous noz lieges & cõmunes des counteéz de Hertford, & de tous autres counteés adioinantz & procheins. Nous vous prions, chargeons, & mandons le plus estroictement que nous pouons, & sur la foy & ligeance que vous nous deuez, que à nostre treschier en dieu l'Abbé S. Auban, ne à nostre maison & monastere dudit lieu, que est de nostre patronage, ne à nul de gentz, moignes ne autres, ne à nul dez biens dez le dit Monastere & l'enclos d'icelle & en quelconques autres places de dite Abbey esteiās, ou à luy & à les siens appartenāts, vous ne faces, ne soeffres estre fait en tant come en vous est, aulcū gref, damage ne moleste quelcōques en cors ne biēs en quelcōque manier, car si le dit abbé ou aucū de siēs ayt mespris deuers vous, nous meismes de luy ferōs le redresser & amēder si come raison vouldra. Et ceste nostre mandemēt prenez si à cueur que nous vous en deuons sauoir gre sur tout lamour & loy alté que

Tumultus mandus villani de S. Albano.

Littera protectoria regis pro Abbate S. Albani.

vous portes à nous. Donné sous nostre grand seale à nostre Cité de Londres le 15. iour de Iuin l'an de nostre regne quart.

*De malitia vil-
lanorum sancti
Albani.*

Oppidani tamen de sancto Albano cum hæc omnia comperissent, & noua frequenti relatione suis votis contraria percepissent, adhuc insensati & sine ratione libertates quidem expetere decreuerunt, ipso die dominico dum adesset turba, quæ ipsorum iussu citata fuerat sub forma prænotata, de villis de Lutona, de Watforde, de Barnet, de Rukemersworth, de Treng, & aliis circumiacentibus vicis & villis, ne viderentur ab hiis, quos tanto fastu vocauerant, nimis faciliter fuisse territi, vel regiis mandatis & monitionibus paruissse. Nihil etenim futurum præuidentes, sed omnia præsentia solummodo considerantes, desideria cordis eorum sine vlla in posterum reuocatione implenda putabant. Quapropter parui pendentes chartam regiam quæ pacem obtulit cessantibus ab iniustis leuationibus & extorsionibus à die Veneris & deinceps, necnon pericula & damna, quæ eos manebant in posterum pro huiusmodi insurrectionibus & turbationibus, conuenerunt cum turba multa mane prima sabbati, hoc est, dominica, vt ea quæ hesternum petierant, hodierno plenius recuperarent. Non tamen tam turbulente, tam immodeste sicut prius, sed pacem & tranquillitatem simulantes, petebant chartas præfatas, beneuolentiam promittentes ex hiis inter villanos & monachos orituram, & in perpetuum duraturam, non attendentes, quod: Quia

de male quaesitis vix gaudet tertius heres:

Nec habet euentus sordida præda bonos.

20.

Vtque omnia hæc tutius agere viderentur, & à maiori velamine obumbrarent chartam de foris facturæ remissione, quam quidam ex ipsis à Rege pro comitatu Hertfordiæ die præcedente obtinuerant & attulerant, quæ (vt prædiximus) conditionaliter remissionem & gratiam & manumissionem promissit, communibus occultare & recipere statuerunt, donec ea quæ petituri erant de abbate per phas aut nephas consequi potuissent, vt videlicet si eis aduersitas vlla pro hiis in posterum oriretur, excusationem scrupulosam possent prætere, se scilicet ante diuulgationem chartæ præfatæ hæc petiisse & obtinuisse, tanquam voluissent scienter contrauenisse mandatis regiis, cum aperte constabat eos & scienter & voluntarie sed dolose non tam petiisse, quam cum terroribus & minis extorsisse, chartas præfactas.

Igitur vt præfati sumus, die & hora præmissis, intrauerunt cameram Abbatis maiores villanorum, & iuxta cōdictum hesternum chartas libertatis exquirunt cum instantia, & pro votis accipiunt, ipsis dictantibus quæ volebant, & clerico assidentibus & astantibus, donec in eorum præsentia cuncta forent inserta, quæ pro eorum libertate fuerant meditati, sic enim oportebat fieri, quia nondum turba plene sedata, non pacificata fuerat, sed omnia adhuc turbulenta fuerunt & intranquilla. Obtenta autem charta secundum voluntatem propriam, de villæ libertatibus chartam exquirunt, qualem sæpe memorauimus, Abbatem aut monachos nullatenus habuisse. Sed quia minus valuit isto die, quam heri rusticorum audacia, non tam feruide instabant pro eadem vt prius, sed obligationem eis petunt fieri & sigillo Abbatis & conuentus firmari, de mille libris Sterlingorum, quod si idem Abbas citra festum annuntiationis beatæ virginis aliquam talem chartam inuenire poterit, eam villanis restituet sine dolo. Et si nulla talis charta poterit reperiri, paratus erit Abbas cum duodecim senioribus monachis monasterii adiurandum super Eucharistiam, se nullam huiusmodi chartam penes se scienter retinere, nec habere, & ex tunc volunt obligationem præfatam nullius esse roboris aut valoris. Abbas autem & fratres, quos dudum nimis dolor affligerat de irrationabilitate villanorum, iam cernentes mitigatam esse hesternam sæuitiam, gaudio gauisi sunt, quod conceperant spem saluandi monasterii, & eo amplius congaudebant, quod sperabant meliora noua de Regis audire dominio, & subiectione rusticorum in proximo, maxime quia dominus Hugo Segraue Regis Seneschallus, & dominus Thomas Percy milites, Abbatem confortauerant ipso die literaliter, præcipientes vt in vniuersis pareret vulgi petitionibus, sciens pro certo sibi nec suo monasterio de talibus concessionibus vllum dispendium aut præiudicium prouenturum. Paruit idcirco Abbas petitioni præsentis villanorum, & iuxta vota eorum scriptum obligatoriū sub forma præmissa (apposito sigillo proprio & sigillo conuentus) confecit & tradidit manibus eorundem. Ipsi autem in hiis omnibus non tanquam subditi, sed velut domini, in camera Abbatis, in capella, in penticio, pro libito deambulabant, & interfuerunt scripturæ ipsi, dictantes hoc quod scribendam fuerat, & sigil-

& sigillationi curiosius intendentes: nam pro tunc sigilla Abbatis & conuentus ibidem fuerunt. Vnde mirabile illud contigit cum charta de libertate villæ vel villanorum sigillari debuisset, quod cum omni cautela & diligentia cera apposita à scientibus sigillo communi fuisset, in quo vetustissimo opere imago gloriosi prothomartyris Britannorum Albani figuratur, tenens in manu palmam, nulla potuit arte per tres vices auelli vel remoueri de sigillo, prænotificans proculdubio martyrem nolle eos fore dominos, sed velle dominari vt hætenus super eos. Adepti chartam libertatum villæ, & obligationem præfatam, oppidani ibant gaudentes, tunc demum diuulgaturi ad crucem publice chartam, quam obtinuerant de monasterio, vna cum charta regia, quæ (vt diximus) videbatur indulgere ligeis hominibus Regis, felonias, prodiciones, transgressiones & extortiones per ipsos factas, &c. & manumissionem natiuis promittere modo præfacto. Chartam insuper protectoriam, quam dominus Rex miserat monasterio, facta proclamatione demonstrauerunt, tanquam omnimodam foris beneuolentiam simulantes, cum intus malitia regnaret in mensa, vt ex posteris elucebit.

*Nota mirabile
de sigillo com-
muni.*

Die Lunæ & Martis sequentibus cõuenerunt natiui omnium villarum pertinentium monasterio, asserentes se in mandatis habere, vt omnibus aliis curis postpositis, exigerent chartas manumissionis & libertatis secundum tenorem chartæ regalis, qui omnes consimiles chartas acceperunt in hæc verba: Vniuersis sanctæ matris Ecclesiæ filiis præsentis literas inspecturis, Thomas permissione Abbas monasterii sancti Albani, & eiusdem loci conuentus, salutem in domino. Noueritis nos literas domini Regis inspexisse in hæc verba: Richardus Dei gratia, &c. Harum literarum tenorem antea fuisse explicuimus, in quarum fine adiunctum est in charta Abbatis & conuentus: quas quidem literas volumus & mandamus in villa de N. firmiter obseruari. In cuius rei testimonium tam sigillum nostrum, quam commune capituli nostri præsentibus apposuimus, & hii omnes qui venerunt talia petitori, citati fuerant per villanos sancti Albani in grauamē abbatis & conuentus, & monasterii detrimentum: nam mox acceptis chartis prædictis, rustici æstimabant se super lineam regiam generosos, & quietos ab omni seruitio & consuetis operibus impendendis, vnde nullum omnino opus, nullas consuetudines, postremo nec redditus quidem facere vel reddere decreuerunt. Hæc de natiuis sancti Albani, quibus similia perpetraverunt natiui, vbicunq; terrarum turbatio prædicta desinit. Iam ad alia loca progrediemur, in quibus aliquot facinus abhominabile perpetratum est: reincipimus à dicto die Sabbati, vt plenius cognoscantur tempus & dies mali.

*Charta continetur
cunctis nati-
uis S. Albani.*

Exigit historiæ confusum ordinem, confusio rerum in locis plurimis perpetrata, & vix pro varietate locorum, & diuersitate facinorum vno tempore commissorum, seruari potest ordo scribendi. Ecce enim, dum magna & nimis magna facinora scribo diebus Veneris atque Sabbati gesta Londoniis, vix eorum explicare possum tragædiam, quin eisdem diebus occurrunt scribenda similia apud sanctum Albanum, vt præfactum est. Nec dum apud sanctum Albanum exarare possum commissam miseriam, antequam se offerat alibi aliquod par aut magis execrabile seu notabile nephas. Eodē die Sabbati (vt generalis esse videretur ista tempestas) in partes Southfolciæ & Northfolchiæ misit Deus iram indignationis suæ, indignationem & iram, & tribulationum immissiones per angelos malos, quosdā videlicet perfidis Estsexcentibus periculosiores, Angelos Sathanæ, qui informarent populum in quiete degentem, populum innoentem ad tumultuationem superioribus similem, & cōnecterent in suos dominos corda seruorum. Qui confestim efficientes magis quam proficientes, duce quodam sceleratissimo præbytero, dicto Iohanne Straw, qui & ipse Londoniis fuerat pridie, & instructus à ganeone præfato Waltero Tylero, de facili congregauerunt turbam, cuius numerus excedebat (vt ferunt) quinquaginta millia plebanorum. Hii autem iuxta maiorem eorum, qui Londoniis furuerunt, in vniuersis furentes, domos & prædia magnorum virorum legis peritorum prostrauerunt, legis apprenticios occiderunt, & dominum Iohannem Cauendisch Iustitiariū regni principalem interceptum decollauerunt, & super collistrigium, in foro villæ S. Edmundi de Bury, dominum Iohannem de Cantebrigia, virum industrem & solertem, Orpheum Tracem, Neronem Romanum, Belgabred Britannum vocis dulcedine pariter & cantus scientia superantem, dum à facie eorum fugere niteretur repente captum, crudeliter capitis truncatione peremerunt. Causa mortis eius satis nota est, quia cum esset circumspectus & prudens, causas domus suæ suscepit tuendas. Et quia

*Furia acta in
Northfolchia.*

quia fideliter decertauit contra villanos de Bury pro iure monasterii, accepit (vt diximus) sententiam capitalem prope villam de Mildenhale, quæ ad ius eiusdem monasterii pertinere dinoscitur, non tam villanorum prædictæ villæ de Bury suorum aduersariorum, sed priorum seruorum & natiuorum arbitrio simul & iudicio additus morti. Corpus eius fuit vsq; ad staminum nudatum & femoralia, in aperto campo subdio iacuit inhumatum quinq; diebus, nemine præsumente illud vel auferre, vel naturæ debitum illi minus impendere, propter sententiam rusticorum.

*Nota de Iohanne
Straw duce
plebi.*

Perpetrato prædicto piaculo, procures perfidiæ cum plebe perfida, dictus scilicet Iohannes Straw, cum præfata turba ad villam de Bury properant, & nemine resistente subintrant, caputq; Prioris prænominati in conspectu villarum tanquam professionaliter circumeundo inditum super lanceam perferentes, donec ad collistrigium peruenirent: quo cum accessissent, in signum antehabitz victoriæ, & amicitiz inter Priorem & Iohannem de Cauendisch, & derisionem vtriusque personæ, capita modo velut ad auriculandum, iam quasi ad osculandum inuicem super summitates lancearum cum maxima amentia coniunxerunt. Postremo cum talibus saturati fuissent ludibriis, vtriusque caput iterum super collistrigium posuerunt. Deinde mox in odium Prioris quandam domum quam ædificauerat, & à fundamentis de nouo construxerat, diruerunt, quibus perpetratis claustra ingressi monasterii, dominum Ioannem de Lakynghuythe custodem Baroniz illis tradi iusserunt, comminantes incendium monasterio, nisi traderetur. Cumque staret inter illos (mirum dictu) nulli eorum nota fuit persona sua. Sed hæc omnia perfecerunt instinctu villanorum, qui ad hæc eos (vt facile erit probare ex sequentibus) occulte conduxerant, ipsi se à turba subtrahentibus, vt vel sic à tantis sceleribus esse viderentur immunes. Igitur præfatus Iohannes cauens domus suæ periculo, respondit se esse quem querebant, interrogans ad quid à communibus peteretur: ad quem illi, ad mortem (inquiunt) proditor te modo quærimus, non iam enim diutius vitam protelabis: quibus ille, ad mortem quidem paratus sum, quam & libenter amplector, ita dūtaxat, vt istud monasterium nullum causa mei detrimentum patiatur. Moxque tractus ab eis, cum ingenti vociferatione, quod inuenissent filium, monachum abduxissent proditorem, in foro publice decollatus est, octies percussus, antequam caput esset à corpore separatum, cuius caput illico super collistrigium capiti Prioris sociauerunt. Nec hiis contenti, quendam alium monachum, videlicet Walterum Todington ad consimilem mortis pœnam quæsierunt: sed is occultatus diligentissime, cum non posset inueniri, mortis periculum euitauit. Post hæc euocatis cunctis monachis, dixerunt eos iam diuturno tempore per potentiam oppressisse confocios eorum Burghenses villæ de Bury, quapropter voluerunt, vt in conspectu communium modo redderent obligationes, quibus obligati fuerant Regi & Monasterio, si contigisset eos aliqua temptasse contra Abbatiam, necnon & chartas libertatum villæ, quas Cnuto fundator monasterii quondam concesserat, & quas successores sui Reges vsq; in præsens ad firmamentum monasterii concesserunt. Monachi vero sibi & suæ domui metuentes, si non parerent voluntati communium, omnia quæ petebantur, quæ scilicet vel villanorum firmamento vel illorum detrimento esse poterant, in forum coram omnibus protulerunt, iurantes inueniri non posse plures chartas (quæ villanorum commodo cedere possint) apud eos. Communes autem fidem dictis eorum vix dare volebant, sed vocatis villanis, qui simulabant in istis tristitiam, tanquam displicerent quæ gesta sunt, præceperunt eis, vt diligenti scrutatione superuiderent obligationes & chartas præfatas, & si ex hiis non possent consequi veteres libertates edicerent, quibus gaudere solebant. Et Abbas, qui in carcere tenebatur apud Notingham, Edmundus Brumfeld, quem deliberare proposuerant (vt in sequenti festo Iohannis Baptiste in suo monasterio solemneriter diuina celebrare deberet, post quadragesimum diem aduentus eius exinde confectam chartam sigillo suo muniret, & cōuentus idem facere sigillo suo communi non differret. Placuit hæc oratio monachis extrema, metuentibus & compellentibus communibus, & ita faciendum esse dictantibus, iocalia domus maxima, quandam crucem auream, & vnum calicem de fuluo metallo pretiosum, aliaque nonnulla iocalia elata de monasterio, quorum pretium excedebat mille libras monetæ tradiderunt vice pignoris manibus villanorum, ea videlicet conditione, vt si Edmundus Brumfeld (vt præmittitur) deliberatus à carcere gauderet ibidem Abbatis honore, sigillum apponeret proprium, vna cum consensu communi & sigillo conuentus infra tempus limitatum libertatibus eorundem. Quod si conditio prædicta non esset impleta,

pleta, remanerent prædicta iocalia imperpetuum penes villanos. Et ita quidem apud Bury res se habebant mirū in modū, communibus petentibus pro villanis, quæ ad eos minime pertinebant. De quibus rebus etiā scire nō poterant, qualia quoq; facere nō debebāt, nisi informatione & instigatione villanorum. Quis vnquam crederet communes quenquam ex monachis eis inuisum, incognitum, innocentem, ad mortem, petisse, quem insuper eis astantem non cognoscebant, si ad hæc minime inducti per alios extitissent? Quid ad eos pertinuit libertates exquirere pro villanis? Hæc omnia displicebant, cur recedentibus communibus & pace reddita ablata restituere distulerunt, inexcusabiles prorsus mihi videntur, vt ex posteris clarius apparebit.

10 Exaratis pro parte, quæ apud Burgum sancti Edmundi contigerunt, prætermis-
missis facinoribus apud Cantebrigiam perpetratis, & in comitatu Cantebrigie, *Consimilia facta in comitatu Cantebrigie, & in La Eliensi.*
nec non in insula Eliensi, quæ non fuere disparia, sed omnino similia sceleribus in mortibus hominum & locorum demolitionibus, ceteris quoque malis quæ docuimus alibi perpetrata, ad ea quæ in Northfolcia gesta sunt transiemus. Igitur conglomerata ibidem communium turba nō modica, duce quodā tinctore de Norwico, cuius nomen erat Iohannes Litteſtere, cæperunt vt vbiq; locorū alii fecerant, & ipsi facere, nihil prætermittentes ex omnibus, quæ audierant cōmunes in aliis locis egisse, sed maiora insuper præsumentes, ad rapinas cæperunt extendere manus suas. Igitur nullus pene locus tutus ab hiis esse poterat, quorum omnium conspirauerat ad mala consensus. Et quoniam parua videbatur eis ad tanta mala facienda autoritas propria: comitem Southfolchiæ, dominum Wilhelmum Vfforde duxerunt adhibendum turbæ communium, vt si contingeret inferiores impeti pro talibus causis in posterum exhibere possent maiorem & parem, sub cuius vmbra vel conuiuentia hæc fecissent. Sed comes præmonitus de eorum aduentu, repente surrexit à cœna ad quam confederat, iter faciēs per desertas patrias, per loca vltra citraq; propoſita ſemper declinās turbas communium peruenit ad S. Albanum, & ita peruenit ad Regem, garcionem domini Rogeri de Boys ſe ſimilans, manticamq; poſt tergum ducens. Communes autem eo frustrati, subito loca quorundam aliorum militum occupantes, & eos in eiſdem inuenientes, compulerunt in ſua vota iurare, ac pro maiori cautela cum ipſis
20 per patriam equitare. Quod niſi feciſſent confestim, morti turpiſſimæ ſuccubiſſent. Nomina militum, qui eos ſequi compulſi ſunt, fuere, dominus de Scales, dominus Wilhelmus de Morlee, dominus Iohannes de Brewes, dominus Stephanus de Hales, dominus Robertus de Salle, qui Robertus non diu viuus permanſit inter eos, quia diſſimulare neſciuit vt ceteri, ſed cepit eorum facta condemnare publice & hor-
rere, ob quam cauſam à quodam ruſtico repente percuffus in cerebro, natiuo ſcilicet proprio, expirauit miles, qui mille ex eis ſolus terruiſſet, ſi cōtigiffet eum aperto mat-
te pugnaſſe contra eos. Ceteri vero cernentes vel eſſe diſſimulādum, vel turpiter moriendum, caſu conſimili & periculo docti præfati militis, decreuerunt vniuerſa lau-
danda quæ ipſi laudarent, & vituperanda quæ eis diſplicerent. Vnde contigit, vt in
40 gratiam recepti dicti nebulonis Iohannis Litteſtere, qui ſe regem communium ap-
pellabat, mererentur præguſtatores effici ciborum eius & potuum, & flexis genibus ei obſequi in prandio reſidenti. Nempe dominum Stephanum de Hales, quia miles honorabilis fuerat, ad ſcindendum coram eo prælegit, & præguſtandum cibaria quæ ſumpturus erat, ceteris quoq; alia officia designauit. Cumq; iam fatigari communes cæpiſſent, & multi dies pertransiſſent, conſilium inierunt, vt mitterent duos ex mili-
tibus, dominum ſcilicet Wilhelmum de Morlee, & dominum Iohannem Brewes, cum tribus, in quibus fidebant ex communibus, ad regem Londonias vel vbicunq;
poſſet inueniri, pro charta manumiſſionis & remiſſionis obtinenda, quæ vt ſpecialior eſſet ceteris chartis aliis comitatibus conceſſis aut concedendis, magnam ſummam
50 pecuniæ, quam ceperant de ciuibus Northwicensibus ſub obtentu ſaluandæ vrbiſ à cædibus, incendiis & rapinis, præfatis nuntiis tradiderunt, vt videlicet pacem & liber-
tatem, quam ipſi non meruerant, pecunia impetraret.

Milites ergo acceptis comitib. de comitiua communium, ad exequendū prope-
rant iniunctum mandatum, & cum perueſſent ad villam de Ickingham, quæ non-
dum multum diſtat à villa quæ dicitur Nouum forum, inopinata ſit eis obuiam E-
piſcopus Northwicensis, dominus Henricus le Spencer, vir idoneus ſatis armis ge-
rendis bellicis, & ipſe armatus ad vnguem. Audierat namque famam, cum mora-
retur apud manerium ſuum de Burlee prope caſtellum Regis de Okam in partibus
Stanfordiæ, tumultuationis Northfolkenſium, quare propoſuit illuc deſcendere ad
viden-

Animoſitas Epiſcopi Northwicensis.

videndum vtrum clamorem opere compleuerint vel compleuissent. Habebat tunc in comitatu suo non plures quam octo lanceas, & sagittarum numerum perexilem. Videns autem milites & quosdam è communibus, præcipit sub ligeantia sua militibus, vt edicerent, si qui ex proditoribus Regis præsentessent cum illis. Milites vero quos dudum rusticalis timor absorbuerat, dissimulabant respondere, æstimantes episcopum, quia iuuenis erat & audax, inconsulte talia verba protulisse, nec habere qui adiuuarent, si proditores prodidissent. Episcopus autem cernens & considerans rem vt erat, hortabatur eos, vt confidenter agerent, & si qui adessent, traderent proditores. Tunc milites deterfa ignauia & sumpta audaciâ responderunt, duos ex maximis concitatoribus inter eos adesse, tertium pro eorum coemendo prandio alibi concessisse, sed & causam eorum itineris per ordinem narrauerunt. Episcopus ergo statim illos duos decapitari fecit, & tertium ipsemet requirere studuit, ouem suam, quæ videlicet perierat, & dum à regia fide desciueraat, & quæ peritura fuerat tunc episcopali decreto capite punienda. Fixis ergo capitibus eorundem apud Nouum forum, Episcopus cum militibus properat festinanter versus Northfolchiam, ad Northwalsham videlicet, locum in quo communes expectasse decreuerant responsum regium & redditum sociorum. In pertranseundo ergo patriam, semper numerus Episcopalis augebatur, quia de ordine militari & plures è patria generosi, qui delitescabant timore communium, videntes Episcopum militem induisse, & galeam assumpsisse metallicam, & lorica duram, quam non possent penetrare sagittæ, nec non gladium materiale ancipitem arripuisse, eius lateri se iunxerunt. Episcopus itaque cum peruenisset ad locum præfatum, stipatus turba decenti, reperit rusticos more bellatorum fossata circumcinxisse locum in quem conuenerant, & super fossam, tabulas, fenestras, & ostia cum palis in defensionem sui fixisse. A tergo autem conspicit eorum cariagium & carectas locatas, tanquam de fuga minime cogitarent. Nec mora, Episcopus Martius aperto Marte pugnaturus, commotus super audacia nebulonum, iubet tubicinibus & clangatoribus suis canere. Et ipse arrepta dextera manu læcea, vrget cornipedes acutis calcaribus, & tanta animositate, tanta audacia effertur in eos, vt cursu velocissimo fossam præoccuparet citatior sagittis suis, nec erat opus architenentibus sagittariis, cum res iam manu ad manum cominus ageretur. Antistes ergo belliger velut aper frendens dentibus, sibi nec hostibus suis parcens, vbi manus conspicit esse periculum, dirigit robur suum, hunc perforando, illum deiiciendo, alium vulnerando, non cessat lædere vehementer, donec omnis turba, quæ eum secuta fuerat nacta fossa ad configendum parata foret, idcirco pugnatum est acriter ab episcopalibus, nec secus à communibus, donec (vt assolet) infirmior conscia partem terreret iniustam, & animum ab audacia & voluntate subtraheret moriendi. Nihil est infelicius quam bella gerere cauteriata conscientia, qua timor & confusio semper solent ingeri, nunquam victoria prouenire. Fugiunt idcirco meticulosi plebani, & quia nulla alia restabat via vltra carectas suas & cariagia (quæ retulimus eos à tergo suo locasse) per saltus iter facere elaborant. Sed præsul Imperatoris circumspecti ubiq; gerens officium, hos conatus elidit, & fugere meditantes cedendo impedit, impediendo cedit, donec captis maioribus turbæ concitatoribus, & ipso eorum Rege Iohanne Litteftère, & quot volebat ad vitam reseruatis, plena victoria potiretur.

*Finis Iohannis
Litteftère regis
Northfolchiae.*

Episcopus itaque præfatum Iohannem idolum Northfolcorum adduxit tractioni & suspendio, nec non decapitationi. Quem auditum & absolutum virtute officii, ipsemet prosequabatur ad furcas, demonstrans in eo, quanquam vicisset eum, opus mansuetudinis & pietatis, sustentans videlicet caput eius, ne collideretur à terra dum ad suspendium traheretur. Quibus ita gestis, nondum quieuit Episcopus, donec perscrutatis per totam patriam malefactoribus, iustitia fieret de eisdem. Sicq; pacem peperit regioni, & indicibile toti regno commodum, laudanda probitas & audacia commendanda Pontificis bellicosi.

Capitulum probans eos in ecclesia & fidei Christiana, nec non regni destructionem conspirasse.

Expeditis paucis, quæ in Northfolchia gesta fuerunt, superfedeo scribere, quæ mala in Northfolchia, quot damna in reliquis comitatibus per viros diabolicos in turbatione totius regni sunt expleta: nisi enim dæmoniis pleni fuissent, nequaquam in destructionem sacrosanctæ Ecclesiæ & Christianæ fidei, nec non in regni exterminium conspirassent. Probant hæc eorum opera, probant confessiones quorundam, qui ex post capti sunt, quæ narrabimus loco suo. Ex operibus quippe iudicandi sunt, quia patrem totius cleri & caput Ecclesiæ Anglicanæ Archiepiscopum Cantuariensem occiderunt. In fidei quoque detrimentum quid fecerunt, magistros scholarum gram-

grammaticalium iurare compulerunt se nunquam paruulos instructuros in arte præfata. Amplius quid fecerunt? munimenta vetera studuerunt dare flammis, & de nouo quis reperiri valeret, qui vetera sine noua de cetero posset vel noscet commendare memoriæ, huiusmodi trucidabant: periculosum erat agnosci pro clerico, sed multo periculosius si ad latus alicuius attramentarium inuērum fuisset. Nam tales vix aut nunquam ab eorum manibus euaserunt. Quid in regni destructionem cogitauerant, probat confessio Iohannis Straw, qui fuit post Walterum Tyler maximus inter illos. Hic cum captus & Londoniis (Maiore dictante sententiam) capite priuandus esset, Maior Londoniarum postquam damnatus fuisset, publice eum taliter est al-

10 locutus. Iohannes (inquit) ecce mors tua instat absque dubio, & nullam sperare potes viam euadendi. Quapropter in adiutorium tui exitus & pro salute animæ tuæ, absq; mendacio narra nobis propositum, quod inter vos concepistis, ad quem finem turbam communium commouistis. Cumque aliquandiu hæsitaret & differret loqui, Maior subiunxit: scias firmissime ô Iohannes, quæ præcipio, si hiis parueris in animæ tuæ commodum conuersura, sed & ego in adiutorium animæ tuæ plures triennales missas faciam celebrari, multique qui aderant ex ciuibus idem promiserunt, vnusquisque pro persona. Ipse vero iam animatus tam pulchris pollicitationibus ita cæpit: Iam (ait) mentiri non expedit, nec fas est falsa proferre, præsertim cum per ea no-

20 uerim spiritum meum tormentis arctioribus deputandum, & quia duplex spero modum ex veritate dicenda, primo quia reipublicæ profectura sunt quæ dicam, & postea iuxta promissa vestra, post mortem vestris suffragiis adiuuari, sine fūco eloquar falsitatis. Eo tempore (inquit) quo ad le Blackheth conuenimus, quando pro accersendo rege destinauimus, propositi nostri fuerat, cunctos milites, armigeros, & ceteros generosos, qui cum eo venissent, morti subito tradidisse. Ipsum quoq; Rēgem inter nos regaliter exhibitum in vniuersis, nobiscum de loco ad locum traduxisse, vt eo viso, omnes & præcipue commune vulgus ad nos & nostram turbam transmigrare debuissent audacius, qui viderent ipsum regem esse velut autorem nostrę commotionis. Cumq; innumerabilem turbam conflassemus per omnes patrias communis plebis, repente dominos mortificassemus, in quibus consilium contra nos vel resistentia esse potuisset, & primo & principaliter destructioni hospitaliariorum vacassemus. Postremo regem occidissemus, & cunctos possessionatos, episcopos, monachos, canonicos, rectores insuper ecclesiarum de terra deleuissemus. Soli mendicantes vixissent super terrā, qui suffecissent pro sacris celebrandis aut cōferendis vniuersę terre. Cū vero nullus maior, nullus fortior, nullus scientior nobis superfuisset, leges condidissemus ad placitum, quibus subiecti regulati fuissent. Nam & Reges creassemus Walterum Tyler in Cantio, & in ceteris comitatibus singulos præfecissemus. Sed quia istud nostrum propositum impeditum fuit per archiepiscopum, maiori odio exarsimus contra eum, & citius studuimus tradere eum morti. Rursum eo die aduesperante, quo occisus est Walterus Tyler, proposuimus, quia commune vulgus London-

30 nienarium nobis fauebat, & præcipue pauperiores, iniectis ignibus in quatuor partibus ciuitatis urbem repente cremasse, & omnia pretiosa reperta inter nos pro libito diuississe. Et addidit, hæc fuerunt in nostro proposito, sicut Deus me adiuuauit in exitu vitæ meæ. Post hanc confessionem factam decapitatus est, & caput eius positum super pontem Londoniis iuxta caput collegæ sui Walteri Tyler. Ecce hic edocuimus, qualiter in regni destructionem conspirauerunt. Ne autem insufficiens videnda fuerat ista vnus confessio, confessi sunt eadem vel omnino similia plures alii, dum mortem adesse præ oculis cernerent, qui expositi capti sunt.

Confessio Iohannis Straw.

Si quis scire delectat nomina eorum, qui incentores & ductores fuere communium, inueniet hic inserta pro parte. Primus & principalis dicebatur Walterus Tyler,

50 vel vt quidam dicunt Walterus Helyer, secundus Iohannes Straw, tertius Iohannes Kyrkeby, quartus Alanus Treder, quintus Thomas Scot, sextus Radulphus Rugge. Hic multos multis possessionibus inuestiuit tempore ducatus sui. Hii & plures alii ductores Kentensium & Estsaxonum extiterunt. Eorum qui apud Mildenhale, & Burgum sancti Edmundi insaniērūt, Robertus Westbrom, qui se regem fecerat, nominatissimus fuit post Iohannem Wraw, qui quoniam præsbiter erat (vt diximus) coronam apponere voluit super coronam, sed contentus vna corona, quæ erat ei satis competens, sacerdotali videlicet, nomen regium & coronam si placeret, dereliquit præfato Roberto. Apud Northwalham, præfatus Iohannes Litteftere & nomen & potestatem, vt præmittitur, regiam exercebat.

Nomina duellorum communium.

Z

Acci-

*Opiniones cum
hæc mala acci-
derunt.*

Acciderunt hæc mala omnia aduersis prouinciis vno eodemque tempore, iisdem fere diebus, quanquam itinere longissimo loca distarent, infra octauas videlicet festi corporis Christi, multis opinantibus propter remissam curam Archiepiscopi, ceterorumque comprouincialium Episcoporum, huius rei præcipue, quam curasse debuerant, qua fides & stabilimentum Christianæ religionis consistit. Nempe cum nouissent indigne agere filios suos, Iohannem Wyclif & eius sequaces, dogmatizando peruersam & damnatam doctrinam Berengarii de sacramento corporis & sanguinis Christiani, & longe lateque per patrias populum maculando suam prædicationem dilataste, ita ut pene maiores prouinciarum eorum sequerentur errorem, quia sciebant, quod

10

Mobilitas versatur semper cum principe vulgus.

& maiorum exempla minores sequerentur. Nec fuit ullus cornutus, qui volebat, vel audebat tantis malis occurrere, & filios perfidos correptione debita castigare, mississe creditur à multis domini tribulationem præfatam, eo præcipue tempore, quo specialem de translatione corporis Christi facit sacrosancta Ecclesia mentionem. Archiepiscopum vero quanquam credibile est eum martyrio finisse vitam, tamen propter teporem curæ, quam adhibuisse debuerat in hac parte, horrenda mortis passione punisse, videlicet spiritum pie consulens, ut si quid hac occasione purgandum in eo fuerat, aut ex alia leui culpa, quia sine peccato in carne ista non viuitur, quia dicente sapiente, septies in die cadit iustus & resurgit, tam terribili, tamque graui, & tam aspera passione 20 in hac vita penitus purgaretur. Alii peccatis dominorum ascribebant causam malorum, qui in Deum erant fidei, nam quidam illorum credebant (ut asseritur) nullum Deum esse, nihil esse sacramentum altaris, nullam post mortem resurrectionem, sed ut iumentum moritur, ita & hominem finire. Erant præterea in subditos tyranni, & in pares diuersi inuicem suspecti, viuendo incesti, violatores coniugii, Ecclesiæ destructores. Alii imputandum esse communis vulgi facinoribus dicebant esse, quod accidit, quia in pace degentes, bono pacis abutebantur, dominorum facta rodentes, noctes insomnes in potationibus, ebrietatibus & periuriis transigentes, viuebant in terra pacis sine pace, rixando, litigando, cum proximis contendendo, fraudes & falsitates iugiter meditando, libidini dediti, fornicationibus assueti, adulteriis maculati, 30 unusquisque post uxorem proximi sui hinniebat. Et super hæc omnia in fide & fidei articulis plurimi claudicabant. Quare non immerito opinatum est iram Dei descendisse in filios diffidentie.

*Nota contra fra-
tres mendicantes.*

Mihi quoque videtur, tempora mala non tamen istis imputanda, sed generaliter cunctorum habitatorum terræ peccatis inclusiue ordines sumendo Mendicantium, ad cumulandum causas malorum. Qui suæ professionis immemores, obliui sunt etiam, ad quid ipsorum ordines instituti sunt, quia pauperes, & omnino expeditos à rerum temporalium possessionibus, eorum legistatores viri sanctissimi eos esse ideo voluerunt, ut prædicanda veritate, non haberent quod admittere formidarent: sed iam possessionatis inuidentes, procerum crimina approbantes, commune vulgus in 40 errore sequentes, & utrorumque peccata comedentes pro possessionibus acquirendis, qui possessionibus renuntiauerant pro pecuniis congregandis. Qui in paupertate perseuerare iurauerant, dicunt bonum malum, & malum bonum, seducentes principes adulationibus, plebem mendaciis, & utrosque secum in deuium pertrahentes. In tantum etenim illam veritatis professionem suam peruersè viuendo macularunt, ut in diebus istis in ore cuiuslibet, bonum sit argumentum tenens tam de forma, quam de materia. Hic est frater, ergo mendax. Sicut & illud: hoc est album, ergo coloratum. Sed ne videamur liuore scripsisse præsentia, fateamur nos omnes in culpa, & emendemus in melius, quæ scienter peccauimus, & Deum pacis & dilectionis deprecemur attentius, ut fiat pax & veritas in diebus nostris.

50

*Rex colligit exar-
citum magnum
valde contra
Kentenses.*

Scripsimus non sine labore in præcedentibus historiam tragicam ad posterorum notitiam & cautelam, de dominatione rusticorum, debacchatione communium, & insania natiuorum. Modo redeundum recte videtur ad enumerandum, quos fructus collegerint viarum suarum, regis & nobilium dominio respirante. Occiso (ut præmittitur) superbissimo nebulone Waltero Tyler, corrui spes & fiducia rusticorum: sed quia adhuc fluctuabant animi Regis & regalium, conspicientes plebem pronam esse ad malum, concesserunt eis chartas manumissionis (ut diximus) & remissionis forisfacturæ, & eorum quæ sequuntur, & abire permiserunt. Quibus gestis congregari fecit Rex exercitum de Londoniis, & misit per patrias, ut qui diligerent regem & hono-

honorem regium, accelerarent ad eum Londoniis, armis instructi & equis vestiti; nullus veniret inermis, nullus pedes, & qui non habebant arma, remaneret domi. Et consimiliter quibus equi defuerunt. Et factum est, ut infra triduum numeraret circa se quadraginta millia equitum decentissime armatorum. Exibat quotidie ad le Blackheth, ad recensendum numerum aduentantium, ipse rex in primis inter armatos equitans dextrarium grandem, & vexillum ante faciem eius portabatur, in exercitu gaudebat conspici, & ab hominibus suis dominus recognosci. Cum ergo tantus coactus esset exercitus, quantus nunquam in Anglia fuit ante conspectus, audiuit Rex Kentenses iterum conspirasse, iterum impiam familiam in totius regni perniciem congregasse. **10** Quid multa? indignatur rex, excandescit exercitus, & extemplo in Cantium proficisci, & totum illud germen Kentensium & iunctorum statuerunt de terra uiuentium eradicare. Sed procerum & maiorum Cantii interuentu, qui fideiussere pro communibus, placatus factus est, & qui cum eo erant super malignitate, quam dixerant facere toti populo imperito. Et tunc primo missi sunt Iustitiiarii ad sedendum & inquirendum de malefactoribus, & eis principaliter, qui auctores, incentores, & concitatores fuere turbarum in Cantio, & siluit terra illa in conspectu eorum, & timuerunt valde. Tunc Maior Londoniarum & ipse sedens pro tribunali, cepit ram urbis illius malefactores quam cunctos qui comprehendi potuerunt de Cantio, Estsexia, Southsexia, Northfolchia & Southfolcia, & ceteris comitatibus, ubi comunes fuerunt, infra libertatem ciuitatis Londoniarum, ad iudicium audacter trahere publicum, & vniuersos quos reperit resperfos praefata perfidia, decollare.

Tunc Iohannes Straw, Iohannes Kyrkeby, Alanus Treder, ductores communium decollati sunt. Tunc etiam Iohannes Starling de Estsexia, qui gloriabatur se archiepiscopum decollasse, & ipse decollatus est. Iste mox post illud perpetratum facinus arreptus a Diabolo insanire cepit, & domum veniens, nudum gladium a collo suo suspendit ante pectus suum, & cultellum (quem dagger dicimus) etiam euaginatam suspendit ad tergum, & ita vesanus circuibat per plateas & vicos, clamans & protestans, se cum eis Archiepiscopum occidisse. Et cum per dies aliquot domi moram fecisset, rediit Londonias, affirmans se mercedem accepturum ibidem illius facti. **30** Quo cum peruenisset, & constanter fateretur se Archiepiscopum decollasse, recepit capitalem sententiam pro mercede. Sed & hoc aduertendum, quod cuncti de Cantio vel Estsexia, qui manus apposuerunt noxias super Archiepiscopum, consimili modo confessi sunt (quanquam inuiti) sponte tamen venientes, qui in eum commiserant, & Londoniis pro maiori parte decollati sunt.

Decollatio dactorum communium Londoniis.

Tunc quoque accidit & villanis de S. Albano prognosticum futurorum malorum in eadem vrbe. Nam cum quidam illorum conducti & missi fuissent per Abbatem in supplementum regalis exercitus, noluerunt tamen (dubium an pro malitia aut pro superbia) fateri eos missos ad regem per Abbatem, sed velut propria venissent autoritate iactitare. Accidit tunc Richardum Peeres, quendam ex armigeris Archiepiscopi, **40** qui & in obsequio etiam erat Abbatis, & ad robas eius, eos in vrbe videre, & recognoscere, quod quidam eorum malefactores fuerunt, & incentores malorum gestorum apud sanctum Albanum. Quos sine mora (adhibitis balliuis) trahi fecit ad carcerem, in crastino proculdubio capitibus puniendos, nisi citatum remedium per abbatis adiutorium adfuisset. Nempe carceri mancipati, nullo modo alio sperauere salutem, nisi missis nuntiis ad conuicaneos suos villanos, edicerent quibus periculis constituti essent, & eisdem exponerent, quod nisi ipsi iam adire curarent Abbatem pro saluatione eorundem, in crastino sine vlla dubitatione fuerant puniendi. Acciderunt haec in vigilia passionis sancti Albani, octauo videlicet die ab illo die Veneris, quo ceperunt primo contra martyrem calcitrare. Quid plura? venerunt **50** lugubres maiores villae tempore matutinarum, quae solemnes erant in honore passionis dicti martyris, dum conuentus hymnum laudis cantabat, scilicet *Te Deum laudamus*, quaesituri remedium proximis suis, & accepturi ab Abbate. Cumque finitis laudibus matutinis, exposuissent haec omnia coram Abbate, ingemuit Abbas vehementer, & ultra modum tristis effectus, maledixit armigero suo, qui causa fuerat miseriae praedictorum, iurans se maluisse traiectum fuisse gladio, quam talia audiuisse, praesertim cum ipse eos illuc misisset, & ascribenda esset sibi calamitas, quam patiebantur. Nec mora, accersito quodam ex commonachis suis, iussit ut festinantissime Londonias properaret, non parcendo cornipedi, nec dimittendo, donec incarceratos liberos abire vidisset: qui non segniter iussa complendo, sine somno nocte perdurans

Nota de villanis sancti Albani.

Londonias properauit. Iniunctum est ergo præfato Richardo, vt desisteret ab inceptis, sicut diligeret honorem Abbatis: & iuratum coram Maiore, eos missos fuisse per Abbatem ad incrementum exercitus regii. Et sic demum post magnos timores, ipso die S. Albani dimissi sunt, præstito prius iuramento, vt fideles essent domino Richardo Regi, & domino eorundem abbati S. Albani. Et hoc initium malorum, quæ contigerunt illis. Nec fuerunt Albanenses villani absq; terroribus cunctis feriis sextis & sabbatis ex post sequentibus, vsq; ad illam sextam feriam, qua Rex (vt dicemus) venit ad S. Albanum, ad vliscendum iniurias martyris exasperati per eos. Sed hæc plenius dicemus suis locis, interim scribendo acta regis vsq; ad tempus prænotatum. Rex ergo intetea modo Londoniis, modo ad Waltham morabatur cum turba plurima, cogitans quid agendum pro communi regni commodo & quiete. Placuit tandem regis consilio huiusmodi literas per patrias destinare.

Pro resistendo pacis regni partibus.

Richardus Dei gratia Rex Angliæ & Franciæ, & dominus Hiberniæ, vniuersis & singulis vicecomitibus, Maioribus, & balliuis, & aliis fidelibus nostris comitatus N. salutem. Quia datum est nobis intelligi, quod diuersi subditi nostri, qui contra pacem nostram & inturbationem populi in diuersis comitatibus regni nostri Angliæ se leuarunt, & in diuersis conuenticulis & congregationibus se posuerunt, & damna plurima fidelibus nostris perpetrando populo nostro comitatum prædictorum, dant intelligi, & affirmant se dictas congregationes & leuationes ex nostris voluntate & auctoritate fecisse & facere, ac damna perpetrare. Vobis innotescimus per præsentem, quod huiusmodi leuationes, congregationes & damna, ex nostra voluntate seu auctoritate minime processerunt, prout nec procedere aut fieri debet, sed inde quantum plus potest, nobis displicet in immensum, & ea in nostri maximum vituperium, & coronæ præiudicium, & totius regni nostri damnum, & turbationem redundare sentimus. Et ideo vobis & cuilibet vestrū iniungimus & mandamus, quod hoc in locis, vbi melius & celerius pro pace nostra in hac parte conseruanda vobis videbitur faciendum, publice proclamari, & pro resistentia quorumcunque contra pacem nostram (vt prædictum est) leuantium manu forti, pro toto posse vestro, si necesse fuerit, taliter ordinari faciatis, quod pro defectu huiusmodi proclamationis & resistentiæ, damna vel mala aliqua in comitatibus prædictis per huiusmodi congregationes seu leuationes, vel alio modo, minime fiant seu perpetrentur, & sub forisfactura omnium, quæ nobis forisfacere poteritis, nullatenus omittatis. Præcipientes vniuersis & singulis ligeis & subditis nostris, quod ab huiusmodi congregationibus, & leuationibus, & damnis penitus desistentes, ad propria se trahant, & ibidem in pace morentur sub forisfactura vitæ & membrorum, & omnium aliorum, quæ nobis forisfacere poterunt. Teste meipso apud Londonias 17. die Iunii, anno regni nostri quarto.

Hæc commissio fideles regis & regni plurimum confortauit, & perfidos nec immerito conturbauit. Compulsi sunt igitur quærere latebras, qui antea videri appetebant, & ausi sunt de cauernis egredi iuriste, & qui primitus à facie furoris fugiebant, ibi sub silentio iam expectabant, tremantes iudicium & iustitiam in eos statuenda. Isti deterfa formidine gaudentes erigebantur ad iniurias suas vindicandas, attamen non in omni parte ad similem timorem rustici sunt perducti, quin vbi primum pullulauit infania in Essexia. Rustici relecta noua multitudine, ad Billerica, quæ est villa prope villam de Hatfeld Penderell, sic nuncupata, nimis fidentes suis viribus, propria decepti superbia, decreuerunt vel extorta libertate gaudere, vel pro eadem pugnando mori.

Mittuntur nuntii per rusticos ad regem de Essexia pro libertate.

Mittuntur ergo ad regem, qui tunc ad Waltham morabatur, qui sciscitarentur ab eo, si cogitaret permittere eos præmissa libertate gaudere, & amplius peterent, vt essent in libertate pares dominis, & quod non essent cogendi ad curias, nisi tantummodo ad visum Franciplegii bis in anno. Rex autem & consilium, quod tunc aderat, super tanta temeritate rusticorum admirantur quammaxime, & aliquandiu hæsitatum est, quale responsum reportarent, donec Rex in persona propria taliter respondisset: O (inquit) miseri & odibiles terræ mariq; nec viuere quidem digni petitis dominis comparari. Morte turpissima mulctandi fuissetis proculdubio, si non decreta nuntiis obseruasse statuissimus. Sed quia more nuntiorum aduenistis, non in præsentem moriemini, sed vira gaudebitis, quatenus nostra responsa vestris consociis narratione veridica nuntietis. Proferte ergo ista collegis ex parte Regis. Rustici quidem fuistis & estis, in bondage permanebitis, non vt hætenus, sed incomparabiliter

terviliori. Nam ad hoc dum viuimus, & regno Deo dante præfuerimus, sensu, viribus & catallis nostris elaborabimus vos suppeditare, taliter vt exemplum sit posteris vestræ seruitutis offensum, & habeant præsentēs & futuri vobis similes semper coram oculis, & tanquam pro speculo vestram miseriam, & vobis maledicendi materiam & timorem vobis similia perpetrandi. Vos autem qui nuntii aduenistis, expleto nostro mādato, & vestræ legationis officio, si ad nos redire decernitis, & in nostra perseuerare fidelitate & ligeantia, vitam viuetis. Iam ergo eligite, quod melius iudicabitis, cum ad vestros focios perueneritis, & consummaueritis nostra mandata. Cumque abiissent prædicti nuntii, missi sunt in Estsexiam è vestigio cum armata manu, 10 Dominus Thomas Woodstoke Comes Buckynghamiæ, & dominus Thomas Percy, frater Comitis Northumbrorum, ad prædictorum comprimendam audaciam rusticorum. Rustici vero (vt prædiximus in superioribus Northfolcos fecisse) per omnia se munierant in fossatis, plagis, & cariagio, præterquam isti fruebantur maiori siluarum & nemorum tutamento. Qui quamuis fuisset eorum magnus numerus, leui negotio dissipati sunt, à decem tantum (vt vsu vulgari loquar) lanceis, qui præcesserunt dominos suprædictos. Domini itaque cum vidissent eos fusos tali modo, sepeferunt siluas, ne vllus quidē euaderet, licet periculosum fuisset eos persequi intra siluas. Et factum est vt occiderentur à viris vtriusq; diuersis in locis quingenti, ceteris beneficio nemorum protectis & saluatis. Cesseruntq; ibidem in vsus militum octingenti e- 20 qui, quos rustici secum duxerant, pro sarcinis trahendis aut portandis, sed nondum statim finis post istam victoriam, malitiæ nebulonum ausi sunt, qui euadere poterant, tantam cladem iterum calcitrare, iterum malignari. Nempe reollecti qui dispersi fuerant, ad Colcestriam properauerunt, & oppidanos, sollicitare cæperunt ad nouam tumultuationem & vesaniam similē, summis precibus, magnis minis, pluribus argumentis: sed cum nihil profecissent, ad Sudburiā commigrarunt. Cognoscentes autem eorum transitum dominus Fitzwater, & dominus Iohannes Harleston, subsecuti sunt eos cum viris armatis, & repente cum proclamationes solitas facerent ex parte communium, inopinātē irruerunt super eos, & quot placuit occiderunt, & reliquos vel ad vitam dimiserunt, vel carceribus recluserunt.

30 Rebus ita se habentibus in Estsexia & Southfolchia, dominus rex volens Estsexiam sua iustificare præsentia, se contulit ad prædium suum, quod dicitur Haue-
ring at the Boure, deinde ad villam de Chelmesforde, vbi constituit dominum Robertum Tresilian Iustitiarium, vt sederet & inquireret de malefactoribus & turbatoribus patriæ, & secundum regni consuetudines puniret delinquentes. Cum ergo viderent Estsaxonēs fortunam aduersam, & librent mala imminētia, supplices venerunt ad Regem quingenti, & eo amplius viri nudatis pedibus & discoopertis capitibus, veniam ab eo & misericordiam petituri. Quibus ea conditione concessa est venia, vt malefactores maiores & concitatores præfatæ turbationis prouiderent & traderent ipsi regi. Factum est ergo, vt multi custodiæ traderentur, super quibus delibe- 40 randis vel occidendis, Iustitiarius oneravit viginti quatuor homines in eorum conscientis, vt nulli parcendo fauorabiliter, nec quenquam propter odium persequendo, de eorum factis & moribus dicerent veritatem. Et factum est, vt plures, dictante duodena, tractione & suspensio interirent, aliquando suspensis super vna trabe decem & nouem. Vbi sunt tamen prius iudices, qui sederunt in Estsexia, Cantio & Londoniis, propter multitudinem perimendorum decollationibus rusticorum, donec visum fuisset pœnam capitalem non correspondere tantis tamque facinoribus manifestis, quia quodammodo erat nimis secreta punitio tam euidenti delicto. Ob quam causam, ex post iuxta regni consuetudines decreuerunt omnes expertos sceleratiores (vt diximus) protrahere suspensione punire: & in Estsexia res vtrique taliter 50 se habebant. Interea placuit Regi Regique consilio has literas diuersis prouinciis demandare.

Richardus Dei gratia Rex Angliæ & Franciæ, & dominus Hiberniæ, omnibus, ad quos præsentēs literæ peruenerint, salutem. Licet nuper in turbatione detestabili, per quosdam ligeos & subditos nostros contra pacem nostram insurgentes horribiliter facta, certæ literæ nostræ patentes ad ipsum insurgentium instatiā importunam factæ fuissent, continentes, quod nos vniuersos ligeos nostros & subditos communes, & alios ceterorum comitatum regni nostri Angliæ manumissimus, & ipsos & eorum quemlibet ab omni bondagio & seruitio exuimus, & quietos fecimus. Ac etiam quod perdonauimus eisdem ligeis & subditis nostris omnimodas insurrectiones

per ipsos contranos factas, equitando & eundo per diuersa loca in regno nostro cum hominibus armatis, sagittariis & aliis viis manu armata, cum vexillis, pennicellis duplicatis: ac etiam omnimodas prodiciones, felonias, transgressiones & extortiones, per ipsos vel aliquem ipsorum factas siue perpetratas, ac etiam vtlegariam, & vtlegarias si qua vel quæ in ipsos vel aliquem ipsorum fuerint, vel fuerit his occasionibus promulgata vel promulgata, vel firmam pacem nostram eis & cuilibet eorum concessimus. Quodque volumus, quod iidem ligei nostri & subditi nostri liberi essent, ad emendum & vendendum in quibuscunq; ciuitatibus, burgis, villis, mercatoriis, & aliis locis infra regnum Angliæ, & quod nulla acra terræ in comitatibus prædictis, quæ in bondagio vel seruitio tenens, altius quam ad quatuor denarios haberetur: & si qua minus antea tenta fuisset, in posterum non exaltaretur. Nos tamen pro eo, quod dictæ literæ de curia nostra, absque matura deliberatione, & indebite emanarunt, perpendentes concessionem literarum prædictarum in nostri & coronæ nostræ maximum præiudicium, ac tam in nostri, & prælatorum, procerum & magnatum dicti regni nostri, quam sacrosanctæ Ecclesiæ Anglicanæ exheredationem, nec non dispendium & incommodum reipublicæ tendere manifeste, dictas literas, & quicquid exinde fuerit subsecutū de auisamento concilii nostri reuocauimus, cassauimus, irritauimus, & penitus adnullamus. Nolentes quod aliquis cuiuscunq; status seu conditionis fuerit, libertatem siue commodum aliquid de prædictis literis quomodolibet habeat seu reportet. Volumus enim & intentionis nostræ existit, talem gratiam singulis subditis nostris, quamuis enormiter ligeantiam suam forisfecerint de auisamento sani consilii nostri in posterum impartiri, quæ Deo placabilis, nobisque & regno nostro utilis fuerit, & vnde fideles nostri subditi reputabūt rationabiliter se contentos, & hæc omnibus, quorum interest, innotescimus per præsentis. Damus autem tam vniuersis & singulis dominis, magnatibus, & aliis fidelibus ligeis & subditis nostris, vicecomitibus & aliis ministris nostris comitatus N. tenere præsentium firmiter in mandatis, quod ipsi præsentis literas nostras in singulis ciuitatibus, burgis, & aliis villis & locis in comitatu prædicto, tam infra libertate, quam extra, vbi expediens fore viderint, & necesse ex parte nostra publice proclamari faciant, vltèrius districte præcipiendo, quod omnes & singuli, tam liberi quam natiui, opera, consuetudines, & seruitia, quæ ipsi nobis aut aliis dominis suis facere debent, & ante turbationem prædictam facere consueuerunt, absq; contradictione, murmure, resistantia seu difficultate faciant aliquali, prout ante solebant. Insuper inhibendo eisdem, ne ipsi opera, consuetudines, & seruitia sua prædicta, istis turbationum temporibus magis solito retrahant, seu nobis aut prædictis dominis suis facere vllò colore retardent. Nec aliqua alia libertates siue priuilegia exigant, vindicent, siue clament, quam ante turbationem prædictam rationabiliter habuerunt. Et quod ipsi, qui prædictas literas nostras manumissionis & perdonationis penes se habent & custodiunt, eas statim penes nos & consilium nostrum deferant & restituant cancellandas, sub fide & ligeantia quibus nobis tenentur, & sub forisfactura omnium, quæ nobis forisfacere poterunt in futurum. In cuius rei testimonium has literas nostras fieri fecimus patentes. Teste me ipso apud Chelmesforde 2. die Iulii, anno regni nostri quinto.

Hæc in Estsexia (vt ante docuimus) facta sunt, vbi erat rex moram trahens. Iam redeundum est ad scribendum processum factum apud S. Albanum, vt eo discant posteri villanorum dolos magis feliciter præcauere, quoniam:

Felix quem faciunt aliena pericula cantum.

*Processus factus
apud S. Albanum
per Walterum
at Lee militem.*

Cum itaq; rex in Estsexia aliquandiu moram traxisset, & multorū relatione didicisset, quas iniurias & damna villani de sancto Albano, non tam procurassent quam irrogassent monasterio, proposuit cum omni turba sua, quæ erat copiosa valde, personaliter locum adire, de transgressoribus iustitiam rectam factururus. Sed huic proposito obstitit toto nisu dominus Walterus atte Lee miles, quia de patria illa fuerat, timens videlicet patriæ destructionem, si tantus illuc populus aduenisset. Ob quam causam persuasit Regi & consilio, se facturum bonam pacem inter villanos & Abbatem monasterii sancti Albani, si placeret eis sibi committere causam istam. Qui si dem adhibentes verbis eius, dant commissionem, sociantes eidem Edwardum Benstude, & Galfridum Stukle, & quosdam alios, quorum nomina non occurrunt. Feria ergo sexta in vigilia Apostolorum Petri & Pauli, vt non deessent eis miseriæ illa die, in qua ipsi immisericorditer miseros (vt retulimus perante) afflixerant, cognoscentes villani prædictum Walterum cum armata manu in crastino aduenturum, factis pro-

propriis torti, & conscientis male consciis fatigati, cæperunt pauere & tædere. Iamque multi fugam inissent, nisi obstetisset improba, animositas Wilhelmi Grindecobbe, quem inter oppidanos supra retulimus magnum fuisse. Hic namque perfidos in infidelitate confortauit, dicens: Estote viri cordati, locupletes enim sumus, non deerunt nobis auxilia, quandiu non defuerit nostra pecunia. Ecce villæ circumiacentes nobis fœderantur, quæ nobis erunt adiutorio si oportuerit. Egre diamur mane velut homines, in obuiam militis extra villam equis vecti, & inquiramus antequam appropinquet villæ nostræ vtrum pacificus sit aduentus eius. Qui si non fuerit, fugabimus eum verberibus à villa nostra. Placuit ergo stultus sermo stultis, & mane iuxta verbum eius egressi sunt. Militem vero latuit causa huius obuiationis pro tunc. Qui tamen benigne postquam obuiaissent sibi (vt videbatur) salutatus ab eis, & resalutauit eos, & conduxerunt eum ad villam honorifice more suo. Habebat autem secum miles quinquaginta lanceis, & Architenentium vndecunque collectorum magnum numerum, qui forsitan si militi aliquod periculum contigisset, quia de patria fuerant quidam, & villanis fœderati, in primis restitissent eidem. Mox itaque post aduentum suum ad villam in ipso festo Apostolorum Petri & Pauli, fecit proclamari, vt omnes villani, & qui citati fuerant ad comparendum de villis vicinis coram eo, conuenirent in campum de Derffold voluntatem, & mandatum regium audituri post horam nonam. Conuenerunt ergo omnes ad horam & locum præfatum, & ipse vnà cum eis stipatus armatorum multitudine pariter est egressus. Cumque locasset se & armatos circa eum sub silua de Derffold, & cunctum populum stare disposuisset coram eo ad modum arcus cælestis, ad eos sermonem huiusmodi perorauit.

Domini (inquit) & amici, qui citati conuenistis ad hunc locum, antequam quicquam aggrediar causam aduentus mei vobis exponere, conueniens reputaui. Nostis enim quam grauitè pacis perturbatores regiam maiestatem offenderint. Ob quam causam dominus rex modo in partibus Essexiæ, exercet iudicia maxima & magnum grauamen super patriam vniuersam & habitatores eius, vt iugum eorum aggrauat vehementer. Qui audiens de perturbationibus & damnis & iniuriis factis in hac villa & monasterio, cuius patronus est & aduocatus, vltra quam credi potest indoluit, & vindicari cupiens in transgressores, statuit personaliter cum exercitu qui cum ipso est huc aduētasse, qui si venisset cum ea turba quam ibidem retinet, proculdubio omnes fructus, cuncta blada patriæ necessario deuastasset. Tantus nimirum est cum eo exercitus, quod per quinque milliaria in eorum circuitu, non fœnum, non blada aliqua, non fructus terræ noui, non antiqui supersunt, sed omnia consumpta & conculcata sunt. Condolens ergo elaboraui in his, tantis damnis patriæ meæ prouenturis, præcauens & compatiens conuicinis, parte regis eneruare propositum, & impedire aduentum, assumens quidem pro patriotis onus graue super humeros, sed tamen voluntarium: quia speraui aliquid patriæ tali occasione conferre. Commissa est ergo mihi potestas, licet non sine difficultate, ad precum mearum instantiam patriam iustificandi, vice regis, cui non extranei, non incogniti, sed proximi vestri & amici in commissione sunt iuncti. Agite igitur quod expediat & alacriter principales concitatores turbarum tradatis, & abbati huius Monasterii satisfacere studeatis, quem inuenitis (vt reor) satis rationabilem, quia vir sanctus & iustus esse dinoscitur, & regiam beneuolentiam & tranquillam recuperabitis tali facto. Finitis his sermonibus applaudunt multi, & eius consiliis se velle parere promittunt. Tunc miles (conuocata duodena de villanis) onerat, vt in crastino venientes iuxta formam iuramenti edicant quoscumque reos sciuerint in hac causa, & sic ea die dimissa turba, & ipse ad hospitium est reuersus. In crastino autem quia proposuerat malefactores, quos iudicandos putauit per præfata duodenam sine strepitu apprehendisse, vocauit viros duodenæ ad cameram suam, vt sciret quos iudicassent. Qui cum venissent, responderunt se neminem indictare posse, neminem accusare velle, omnes esse bonos & fideles regis, neminem alium nosse inter eos. Quibus auditis, & cognito quorsum intentio eorundem vrgeret, quod videlicet peiorando mallebant suas conscientias maculare, quam quemlibet ex proximis accusare, miles cōticuit, arte artem delusurus. Post auditam missam monuit eos reddere chartas quas extorserant de monasterio, dicens ex tali facto eis non modicum commodum prouenturum. Illi vero pro tunc promiserunt se sursum post nonā, chartas præfatas reddituros. Cum vero post nonam reuenissent ad cameram Abbatis ubi comederat dictus miles, excusationes nouas prætendentes,

*Oratio militis
habens ad villa-
nos.*

innuebant se chartas reddere non valere propter metum communitatis, & maxime, quia non sciebant pro certo quis eas in custodia detinebat. Miles igitur commotus nec immerito, iuravit, quod exirent de præsentia sua donec chartas reddidissent. Ob quam causam mendaces & falsi, ex post dixerunt se imprisonatas fuisse in camera Abbatis iniuste. Abbas autem ne materiam vel occasionem haberent male loquendi, quos sciunt pronos ad mendacia, intercessit pro eis penes militem, dicens se tantum in eorum confidere conscientia, quod non esset opus alio mediatore inter ipsos præter eosdem & semetipsum. Quibus verbis miles mitigatus, dimisit eos. His itaque gestis, miles omnem turbam, iussit convenire ad le Barnet wood, vbi parum aut nihil agens propter metum villanorum qui aggregauerant illuc, prope trecentos sagittarios de villis circumiacentibus, inter quos præcipui fuerunt Barnetenses, & viri de Berkhamstede, qui omnes, si aggressus fuisset aliquam publicam iustitiam facere in eo loco (vt credebatur) insurrexissent in eum, & hi fortassis qui cum eo venerant, eo relicto aliis adhæsis, nihil pro tunc aliud decreuit aperte, nisi mouere eos de satisfaciendo Abbati, & chartis reddendis. Secretis vero seorsum conuocatis Balliuis & Constabulariis, iussit ex parte regis, vt mox post subtractionem turbæ, quæ ad villam conuenerat, elaborarent circa captionem Wilhelmi Grindcobbe, Wilhelmi Cadyndon, & Iohannis Barbitonforis, qui videlicet (vt supra retulimus) petras molares abstulerat de locutorii pauimento, & quorundam aliorum quos dixit ita aperte accusatos de tam manifestis maleficiis, quod oportebat omnino pro honore villæ & saluatione villanorum eos ad tempus arctari. Iniunxit insuper, vt apprehensos adducerent Hertfordiam in crastino hora tertia coram eo. Post hæc repente ascenso compede cum omnibus qui cum eo venerant, Hertfordiam festinauit. Et factum est post recessum eius, magnanimitate, diligentia & probitate armigerorum, qui tunc in obsequio Abbatis erant, scilicet Richardi Peeres, Iohannis Chiuall, Thomæ Eydon, Wilhelmi Eccleshale, & balliui quanquam inuiti inducerentur ad capiendum præfatos viros: & capti sunt eadem nocte tres nominati superius, & in prisona positi apud Portam. In crastino vero iuxta præceptum militis Hertfordiam sunt deducti, comitantibus eos maioribus & valentioribus villæ S. Albani, & cunctis armigeris & valescentibus abbatibus decenter armatis: sic enim præceperat miles, vt venirent ad fortificandum eum, qui iustitiam & iudicium eo die erat factururus. Post quorum recessum cepit turbari vniuersa villa & ampullosa verba fundere, & iuramenta superuacua miscere, quod videlicet centum pro vno occiderentur, si contingeret quenquam ex proximis eorum occidi. Hinc ceperunt eodem die à villanis frequentari consilia, congregari conuenticula, non tamen in villa, sed in campis, siluis, & extra villam locis, vnde credebatur quod ipsa die immisissent ignem in Abbathiam, quia nullus domi erat qui defenderet: vel hostili more monasterium obsidione vallassent. Ex qua causa abbas & commonachi in timore maximo constituti, miserunt pro quibusdam generosis de patria, qui locum tuerentur si necessitas accidisset. Abbas etiam cum cognouisset quo abissent armigeri sui, & quod intendebant prædictos captiuos ad mortem insequi, confestim misit ad eos literaliter, præcipiens vt dimissis omnibus, festinantissime remearent ad eum pro præcauendis periculis, quæ sibi de nouo emergerant insperato. Erant, cum ad eos hæc noua perlata fuissent, stantes coram iudice, & constanter prædictos captiuos accusantes, & de eis secundum iura regni iudicium fieri postulantes. Viderant autem in quosdam eis similes capitis punitionis animaduersum ibidem, vnde conceperant spem eos consimiliter puniendi. Visis ergo literis abbatis, armigeri vehementer doluerunt, eo quod compellendi erant ad recedendum antequam vidissent finem de prædictis. Qui si expectassent, proculdubio eo die vidissent eosdem decollatos. Redierunt idcirco notificata prius militi legatione domini sui, cum summa celeritate, quia ignorabant causas tam repentinae reuocationis. Quibus recedentibus, insteterunt villani de sancto Albano, qui ibidem erant, pro manucaptione dictorum, sed duobus detentis in carcere, tertius, scilicet Wilhelmus Gryndcobbe deliberatur, eisdem obligantibus se, pro eisdem tribus de vicinis suis in trecetis libris, singulis etiam integra summa obligatis, quod cum carceri restituerent die Sabbati proximo sequente. Nam tunc erat dies Lunæ in octauis sancti Iohannis Baptistæ, nisi contingerent eos inire concordiam cum Abbate infra dictos dies. Reuertuntur igitur cum Wilhelmo sua æstimatione laudabiles, quod manucapere poterant pro amico, nisi timor surrepisset de fuga Wilhelmi, quæ si contingeret, semetipsum æstimabant perituros. Tractant interea cum vicinis super deliberatione Wilhelmi, affirmantes vnum e duobus necessari-

cessarium, aut Abbati restitutis chartis satisfacere, aut eundem Wilhelmum in suo
 reditu capite priuari, & plures forsitan ex vicinis consimili pœna percelli. Cumq; in-
 trarent & responsa suspenderent, Wilhelmus Gryndecobbe cuius cor iam induratum
 in malo fuerat, ita ait: Conciues quos iam dudum parca libertas de oppressione diuti-
 na releuauit: state modo dum stare licebit, & de mea mulctatione minime timeatis,
 qui in causa libertatis acquisitæ moriar, si nunc contingat occumbere, scelicem me
 reputans per tale posse martyrium vitam finire. Agite hoc in tempore, vt facere de-
 buissetis, si Hertfordiæ hesterno decollatus fuisset. Nam nihil obstabat quin finem
 vidissem vitæ, si non Abbas armigeros suos tempestiuus reuocasset. Nempe ipsi me
 10 in multis accusauerant, & iudicem fauorabilem eis habebant, & in sanguinem meum
 pronum. Quid multa? Indurantur & villani, & iurant se nondum libertates recupe-
 ratas dimissuros, quin potius æstimant se infortunatos & vecordes, qui cum tantam
 turbam eis fauentem habuissent, quod caput militis, qui in burgum eorum & burgē-
 ses tanta præsumpserat, ad terrorem vbique terrarum Iudicum & falsorum Iusticia-
 rior, viriliter amputassent, & super collistrigium collocassent. Pœnituit tamen Wil-
 helmum Grindecobbe, sed sero, stultitiæ suæ, quia vicinos elatos in superbiam, &
 cum vellet non potuit à stultitia reuocare. Adueniente ergo sabbato, vt diebus Sab-
 bati innouaretur tribulatio eis qui eo die multos conturbauerant, reductus est ad car-
 cerem per eos qui pro eo fideiusserant, Wilhelmus antedictus, & ibidem custoditus
 20 vsq; ad tempus illud, quo reductus est ad sanctum Albanum, ad iudicium subeundum
 in aduentu regis, vt ex post dicitur. Interea non cessabant coniurationes, elationes
 inter villanos per illam hebdomadā vsq; in diem Veneris, quo die Wilhelmus Grin-
 decobbe misit illis noua multum displicentia, de aduentu comitis Warwici, & domi-
 ni Thomæ Percy, qui mittendi fuerant in fauorem Abbatis, ad iudiciū exercendum
 in eos cum mille viris armatis. Nam & ipse Wilhelmus fratrem habuit, qui ad inter-
 cedendum pro eo curiam regis adiuerat Chelmesfordam, & ibidem audiens talia,
 prædicto Wilhelmo fratri suo nunciari curauit, & Wilhelmus vicinis suis. Tunc mœ-
 ror & luctus iterum, tremor & horror inuaserunt perfidos, superbos, elatos villanos.
 Tunc de nouo tractare cæperunt de chartis Abbati reddendis, de nouis fœderibus
 30 feriendis, de concordia ineunda. Venerunt idcirco in crastino. i. die Sabbati in octa-
 uis Apostolorum Petri & Pauli, hora completorii, ad reddendum chartas, & quendā
 librum in quo veteres placitæ inter Abbathiam & villanos habitæ continebantur,
 quem quidem librum abstulerant in die furoris sui: sed abbas non reputauit illam ho-
 ram idoneā, ad tractādum cum illis super re tam ardua. Quapropter misit ad illos fra-
 trem Wilhelmum Killingworth, Priorem de Wymundham, qui librum ab eis reci-
 peret, sed chartas reacceptare differret, & ducentas libras quas pro emendis facien-
 dis obtulerant, vsq; in crastinam horam primam.

Accidit autem vt comes Warwici, cui causa Monasterii commissæ fuerat iustifi-
 canda eodem tempore, audiret à referentibus in partibus sui domini grauem tur-
 40 bationem exortā esse, quare causis extrinsecis omnino dimissis, oportebat eum ad sua
 quantocius festinare. Missis ergo qui eum excusarent de suis militibus ad Abbatem,
 & eum confortarent, ne concideret vultus eius pro dilatione aduentus sui, abiit in
 viam suam. Cum vero in crastino cognouissent villani pro certo comitem non esse
 venturum, in derisiones dissoluuntur, & sannas ad inuicem garrulātes. Quid est quod
 timebamus? quare à verbis mendacibus formidauimus? num putandū est exercitum
 hic fuisse contrahendum ad preces Abbatis: stulti sumus, inepti credidimus, vt fatui
 operati sumus. Nunquam de cætero est offerenda pecunia, nunquā chartæ reddendæ.
 Et si reddendæ chartæ forent, quare nos primi meticolose in perniciosum exemplum
 inciperemus? Nō contingat hoc dedecus in persona nostra, saluat interim abbas car-
 50 nes quas mactauit, ne putrescant: & vendat ceruiciam quam pandoxauit, ne acefcat: &
 panes quos pinsuit ne indurescāt aut muscidi fiant, aut à muribus corrodat̃ur. Huius-
 cemodi verbis per singulos dies improperebant Abbati & famulis de abbathia, donec
 quidā ex armigeris abbatis zelo ducti domino regi tantas molestias indicassent. Qui
 cū audisset talia, cōmorus & ipse, nimirū iurauit se accessurum personaliter ad tātas in-
 solētiās cōpescendas. Villani vero (vt videbatur) interim de pāce reformāda minime
 cogitabant. Requisiti autē cur chartas non redderent, respōderunt se timore Barno-
 tensium & Watfordensium & ceterarū villarum differre, qui incendiū villæ cōminati
 fuerant, & eis exterminium, si ipsi primò id attemptare præsumerent: sed falsi quidem
 locuti sunt falsa, vt rerum exitus cōprobauit. Nam Barnotenses & ceterarum conter-
 mina-

minarum viri villarum, priusquam illi & chartas humiliter reddiderunt, & se in misericordia domini posuerunt, & se paratos esse ad pugnandum cum eis dixerunt, videlicet cum singulis singuli, aut cum decem totidem, aut cum omnibus omnes in hac causa, quod scilicet mendose de eis talia protulissent. Sed de his hactenus, iam ad superiora reuertamur. Dum igitur hæc agerentur, allati sunt rumores flebiles ad sanctum Albanum, quod Rex aduentare disponderet, & ibidem iudicia præsentialiter exercere. Doluit idcirco abbas, qui timuit per tantum populum patriam deuastandam. Doluerunt villani sed dispariter, quia metuebant subire iudicium debitum maleficiis eorundem. Abbas quem reipublicæ charitas detinebat, aliis satis benigne præcauere cupiens: misit Londonias ad dominum Hugonem Segraue senescallum, amicum suum, & alios amicos, & notos quos habebat in curia, rogans & efflagitans ut regis impedirent aduentum, si quoquo modo possent. Monachus vero qui hæc executurus exiuerat, cum nihil omnino proficere posset ille vel amici præfati, rediit infecto negotio, narrans Abbati regem pro nullo velle mutare propositum, quin omnino accederet infra duos dies. Tristatus est ergo Abbas ultra quam credi potest, non pro se, sed pro miseris oppidanis sancti Albani, nec non pro patria conuicina, quibus sciuit per aduentum regium prouenturum maximum detrimentum, quanquam idem villani ex post mendacia fabricantes, asseuerauerunt Abbatem regi contulisse mille libras ut in excidium eorum properaret. Sed fallax turba, gens perfida, populus dolosus, viri mendaces, homines fraudulentum, proximi vicini inuidi, beneficiis semper ingrati, talia confinxerunt ad diffamandum eorum velint nolint dominum & patrem spiritualem, ut veræ iniquitatis filii, patrem totius ingratitude & mendacii diabolum imitantes. Hi cum audissent regem procudubio aduenturum, conducunt quendam militem causidicum, scilicet Wilhelmum Croyser magno præcio, quia ipsimet propter maleficia sua iuxta opinionem propriam non merebantur audiri ad intercedendum & proloquendum pro eis, si forte abbas pro reuerentia mediatoris, induci posset ad ignoscendum eis. Nouerat apud abbatem laborem hunc facilem, qui ignosceret deprecantibus, ita tamen ut damna refarcirent ecclesiæ, quæ intulerant perturbatione præfata. Conuenit igitur inter Abbatem & villanos, mediante præfato milite & timore aduentus regii, ut eo die post nonam, quo die rex erat venturus, reportarent tot molarum manualium lapides, quot asportarunt de pavimento hostii locutorii forinseci, & restaurarent propriis sumptibus domum quam diruerant, præter id quod Abbas concessit eis maremium, quod remansit de domo præfata, & quod solueret eidem abbati, vel successoribus suis, pro damnis & iniuriis illatis sibi pariter & expensis suis, ducentas libras argenti bonæ & legalis monete citra festum S. Michaelis Archangeli proximi sequentis, ad quam summam soluendam obligauerunt se plures de maioribus appositis sigillis suis, sub pœna duplici. Et quod Abbas nullam deponeret quarimoniam penes regem pro illatis per illos iniuriis, sed si contingeret eos impeti per regem pro factis suis in turbatione præfata, idem apponeret diligentiam suam pro acquietatione eorundem & gratia obtinenda. Quibus promisit abbas se nullam quarimoniam depositurum de eis, si condita seruarent, penes regem vero se intercedere velle pro posse promisit, siquidem eius preces possent exaudiri, cæterum se nolle promittere eis veniam publice protestatus est, quæ tantummodo esset de regia gratia processura, quia ignorabat si id impetrare posset. Quod verbum acceperunt de ore eius maiores pariter & communes, asserentes illis sufficere bonam voluntatem abbatis, cum rege autem se optime conuenturos de his quæ spectant ad regiam dignitatem. Et ita pro tunc solutum est consilium & dimissa. Circa horam vesperarum allati sunt lapides molares sex, quot videlicet asportauerant, & ministerio villanorum positi iuxta locum de quo alii fuere leuati. Chartas insuper & obligationes quas extorserant timore ducti suppliciter veniam deprecati sunt, & chartas redonauerunt, & quamplures se obligauerunt ad satisfaciendum iuxta quantitatem delictorum suorum. Et ista utique eo die quo rex erat venturus facta sunt.

Finitis vesperis cum processione solemni obuiam regi processum est ab Abbate & conuentu ad occidentale hostium monasterii, acceptusque est honorifice cum pulsationibus campanarum cantuque tam debito quam deuoto. Aduenerunt autem cum eo ad millia Architenentium, & armatorum, inter quos dominus Robertus Trisilian miles, Iusticiarius peritissimus, vir multum habens pectoris & prudentiæ serpentinæ. Hic in crastino sedens pro tribunali in villa apud le Moothal, accersiri iussit ex Hertfordia, Wilhelmum Gryndecobbe, Wilhelmum Cadyndon, & Iohannem

nem Barbitonforem quem supra retulimus pauimentum locutorii cōfregisse, & molares abstulisse, & comminuisse in spiritu furoris sui. Cum ergo venissent ad Sanctum Albanum, iussit eos in custodia conseruari vsque in diem lunæ, quo videlicet die iurati qui onerati fuerant primo die sessionum ad prodendum malefactores qui regiam pacem perturbauerant, dicturi erant veredictum onerationis eorundem. Erat autem primus dies quo eum sedisse descripsimus dies Sabbati, & primus dies canicularium, qui ex post infauti fuere villanis.

Hoc die præterea Iohannem Ball præbyterum captum à viris Couentrensi-
bus, & pridie ductum ad sanctum Albanum & regis præsentiam, cuius maiestatem con-
10 uictus est læsisse enormiter, auditum & confessum turpissima scelera, tractioni, suspē-
dio, decollationi, exenterationi & quarterizationi vt vsu vulgari loquar, idem Ro-
bertus adiudicauit, cuius mors dilationem accepit vsque in diem lunæ, interuentu
domini Wilhelmi Londoniensis Episcopi, qui circa salutem sollicitus suæ animæ il-
lud ei spacium pœnitentiæ impetrauit. Hic per viginti annos, & amplius semper præ-
dicans in diuersis locis ea quæ sciuit vulgo placentia, detrahens tam personis eccle-
siasticis quam dominis secularibus, benevolentiam magis communis populi, quam
meritū penes Deum captabat. Docuit nempe plebem, decimas non esse dandas cu-
rato, nisi is qui daturus esset foret ditior quam vicarius qui acciperet siue rector. Do-
cuit etiā decimas & oblationes subtrahendas curatis, si constaret subiectum aut pa-
20 rochianum melioris vitæ fore quam curatū suum. Docuit etiā neminem aptū regno
Dei qui nō in matrimonio natus fuisset. Docuit & peruersa dogmata perfidi Iohānis
Wicklef, & opiniones quas tenuit & insanias falsas, & plura, quæ longum foret recita-
re: propter quæ prohibitus ab Episcopis in quorum parochiis hæc præsumpsit, ne in
ecclesiis de cætero prædicaret, concessit in plateas & vicos, vel in campos, ad prædi-
candum. Nec defuerunt ei de communibus auditores, quos semper studuit per
detractiones prælatorum & placentia verba allicere ad sermonem. Postremo ex-
communicatus, cum nec desisteret, carceri mancipatur, vbi prædixit se deliberan-
dum per viginti millia amicorum. Quod postea euenit in turbatione regni præfata,
cum omnes homines carceres confregerunt & incarceratos abire compulerunt.
30 Cumque taliter deliberatus fuisset, eos secutus est, instigans ad plura mala perpetranda,
& prædicans ita omnino fore faciendum. Et vt sua doctrina plures inficeret, ad le
Blackheth, (vbi ducenta millia hominum communium fuere simul congregata, hu-
iuscemodi sermonem est exorsus.

Wahn Adam dalse and Eue span, who was than a Gentleman?

Continuanque sermonem inceptum, nitebatur per verba prouerbii quod pro the-
mate sumpserat, introducere & probare, ab initio omnes pares creatos à natura, ser-
uitutem per iniustam oppressionem nequam hominum introductam contra Dei
voluntatem, quia si Deo placuisset seruos creasse, vtique in principio mundi consti-
tuisset, quis seruus, quisue dominus futurus fuisset. Considerarent igitur iam tempus
40 à Deo datum eis, in quo (deposito seruitutis iugo diutius) possent si vellent, libertate
diu concupita gaudere. Quapropter monuit vt essent viri cordati, & amore boni pa-
tris familias excolentis agrum suum, & extirpantis ac resecantis noxia gramina quæ
fruges solent opprimere, & ipsi in præsentī facere festinarēt. Primo maiores regni do-
minos occidendo. Deinde Iuridicos, Iusticiarios, & iuratores patriæ perimendo. Po-
stremo quoscunq; scirent in posterū cōmunitati nociuos tollerent de terra sua, sic de-
mum & pacē sibi met parerent & securitatē in futurū. Si sublati maioribus esset inter
eos æqua libertas, eadē nobilitas, par dignitas, similisq; potestas. Cumq; hæc & plura a-
lia deliramenta prædicasset, commune vulgus eum tātō fauore prosequitur, vt accla-
marent eū Archiepiscopum futurum, & regni cancellarium, solū eum dignum Archi-
50 præfulatus honore, Archiepiscopum qui tunc superstes erat, communium & regni
proditorem fuisse, & idcirco decapitandum vbicunq; posset in Anglia cōprehendi.
Miserat insuper ductoribus communibus in Estsexia quandam literam ænigmatibus
plenam, ad hortandum eos vt incepta perficerent, quæ ex post inuenta est in manica
cuiusdam suspendendi pro turbatione præfata, cuius tenor talis est.

*Iohn Schep sometime seint Mary priest of Torken, and now of Colchester, grætesh well Iohn
Namelesse, and Iohn the Miller, and Iohn Carter, and biddeth them that they beware of guyle in bo-
rough, and stand together in Gods name, and biddeth Piers Plowemangoe to his werke, and chastise
well Hob the robber, and take with you Iohn Trewman, and all his fellows, and no moe. Iohn the Mil-
ler hath yground smal, small, small: The kings sonne of heauen shal pay for all. Beware or ye be woe,
know*

*De Iohanne Ball
præbitero.*

*Thomas sermo
Iohannis Ball.*

*Littera Iohannis
Ball, missa com-
munibus Es-
sexia.*

know your frende fro your foe, Have ynough, and say hoe: And do wel and better, & flee sinne, and seeke peace and holde you therin, & so biddesh Iohn Trewman & all his fellowes.

Hanc literam idem Iohannes Balle confessus est se scripsisse, & communibus transmisisse, & plura alia fatebatur & fecit, propter quæ (vt diximus) tractus, suspensus, & decollatus apud sanctum Albanum idibus Iulii, præsentē rege, & cadauer eius quadripartitum quatuor regni ciuitatibus missum est.

*Comitia celebrata
apud S. Albanum.*

Robertus Trisilian Iusticiarius, Idibus Octobris apud Sanctum Albanum conuocari fecit duodenam, quam tridie onerauerat ad indictandum & prodendum malefactores & pacis regię turbatores. Venerunt igitur iurati de villa, & dixerunt se nullum talem scire, nullum indictare iuste posse, cunctos fideles & obsequentes regi fore, semperque fuisse. Videns autem Iusticiarius, quo tendebat ista responsio, vt erat vir sapiens & profundæ intelligentiæ, præcepit vt redirent & memores essent verbi illis dicti ex parte regis, quando suppliciter egressi in obuiam regi, misericordiam & veniam postulabant. In hoc videlicet & perdonationem & veniam consequuturos, si incentores & authores turbationis regni tradidissent, sin aliàs, iuxta sermonem regis eos subituros prædixit eandem poenam quam pertulissent iidem malefactores si deprehensi fuissent. Regressi sunt igitur dicti iurati, quos è vestigio secutus est Iusticiarius ad locum in quo erant de præmissis tractaturi. Et proferens de sua manica quandam rotulam, in qua & nomina plurimorum, & malefacta continebantur, ante eos: En (inquit) deposita proximorum vestrorum scelera per bonos viros & fideles patriæ, quæ neminem pene latent, & vos putatis nos omnes deludere vestro silentio, vel excæcare. Nequaquam fiet quod putatis, cum in promptu habeamus, & nomina & facta sceleratorum, quos vos iustos monstrare velletis. Agite propterea quæ vobis expediunt, & vitam vestram seruare satagite, ne dum nimis inutiliter cauetis proximis, vobismet periculum excitetis. Turbati ergo villani, estimauerunt salubrius indictare reos vicinos, quam in semetipsos dicta mala congerere, & indictauerunt quamplures, tam de patria quam de villa. Tunc Iusticiarius, conuocata seorsum alia duodena, demonstrauit eis & nomina & indictamenta personarum per primam duodenam (vt præmittitur) exarata, interrogans quid illi vellent dicere de personis prædictis si illi onerati essent super præmissis. Viri autem de secunda duodena cernentes cuncta fore vera, quæ per primam duodenam fuere scripta, responderunt se eo modo fecisse quo illi, si fuissent onerati. Igitur hanc duodenam seruauit Iudex ad dicendum veredictum de præfatis personis, quæ nullo modo potuit aliter dicere in reddendo veredicto, quam dixerant cum interrogarentur de præmissis: sed oportuit illos, vellent nolent, damnare eos quos antea fatebantur se voluisse indictasse de prædictis sceleribus, vel cum rubore falsi apparere. Et hoc commento, Iusticiarius induxit eos (quanquam falsi esse maluissent) ad dicendum veritatem. Onerauit nihilominus & tertiam duodenam super eadem re, quæ cum vidisset primæ duodenæ deposita, eadem deposuit quæ prima descripsit, ita vt nullus damnaretur nisi per ora triginta sex virorum: sed secunda duodena (vt diximus) semper seruabatur pro veredicto dicendo, postquam prima & tertia duodena indictamenta fecissent.

*Executio quorundam
malefactorum.*

Tunc damnatus est Wilhelmus Gryndecobbe, Wilhelmus Cadyndon, Iohannes Barbitonfor, & quidam alii malefactores, pro turbatione pacis regię, & tracti sunt & suspensi, ad numerum decem & quinque virorum. Incarcerati sunt de maioribus villæ ad sectam regis, suis conuicinis eisdem indictantibus, Richardus Walyngforde, Iohannes Garlek, Wilhelmus Berewill, Thomas Putor, & plures alii mediocres. De patria vero cōmendati sunt custodiæ carcerali ad numerum octoginta personarum, qui ex post regis indulgentia sunt dimissi.

*Abbas & conuentus sancti Albani
accusantur de perturbatione
& commotione
prædicta.*

Interim villani (vt nullum lateret eorum malicia) quanquam dominus Abbas sapius pro eis intercessisset domino regi, & pro salute & vita supplicasset eorundem, & frequenter ob id iram regiam metuisset, quia proclamatum fuerat nullum debere pro quoquam preces fundere, non onerati, non iussi, non coacti, sed sponte, in Abbatem & conuentum dolum cogitantes, & mendacia fabricantes, eosdem indictauerunt de prima commotione villanorum, quod scilicet Abbas iussisset & coegisset eos egredi ad turbam quæ erat Londoniis congregata, cum villani parum aut nihil de talibus cogitassent: quare asseuerauerunt Abbatem & conuentum & famulos eorundem incitatores & authores primos fuisse turbationis quæ in villa postea continebat: & insuper eos direxisse in adiutorium inimicorum regis & regni. Cumque iusticiarius hæc audisset & vidisset, abhorrens nimium & execrans tantam tamque manifestam

festam villanorum malitiam, dixit eis: dicatis ait o perfidi in animabus vestris hoc, quod creditis vtrum Abbas ista fecerit, tanquam regis & regni proditor, vel pro meliori, id est, pro periculo præcauendo, ne turba veniens quæ furebat, damna tam vobis quam sibi inferret. Edicite si sibi & vobis optauit exitium; aut si intentionis eius fuerat, vt reuertentes cum tanto numero, inferretis damna quæ sibi & vicinis vestris intulistis. Dicatis per iuramentum vestrum, si reus est Abbas horum quæ numerauimus in præsentia. Illi autem confusi in astutia propria, nec habentes quid responderent, aliquandiu conticuerunt. Vgebat autem Iusticiarius vehementer vt dicerent quid sentirent. Tandem verecundi compulsi sunt dicere veritatem, asserentes Abbatem satis fidelem tam regi quam regno fore, & hæc omnia iuxta intentionem suam pro meliori fecisse. Tunc Iudex detestatus est eorum perfidiam coram multis, & increpauit eos asperrime, præcipiens vt sine mora ipsimet manibus suis indictamentum prædictum confringerent & cassarent. Quod & villani, licet cum mala voluntate, fecerunt. Considerantes vero quod fraudati fuerant suo nequam desiderio in hac parte, cogitauerunt qualiter abbatem molestare possent per alias adinventiones. Hospites namq; suos, milites & armigeros de regis familia, qui apud eosdem copiose hospitati fuerant, fictis insimulationibus credere compulerunt, Abbatem fore hypocritam, & per speciem sanctitatis quam foris monstrabat, plerosque dominorum regni que magnatum deludendo decipere, vnde contigit vt eorum fultus patroniis, tyrannides impune exercere, & iniuste subiectos opprimere non timeret. Asserebant insuper eundem Abbatem burgenſium sancti Albani iura & libertates auitas nequiter per falsa commenta surripuisse, & eosdem liberos homines tanta oppressione contriuisse, vt nemini liceret in domo sua molam manulem erigere, sed more natiuorum cuncti compellerentur molere ad ipsius Abbatis molendina. Dicebant etiam eum infinitam auri quantitatem regi dedisse, vt adueniens secundum quod accidit, conciuēs eos suspendi iuberet. Persuadebant præterea muneribus, vbi verba defuerunt, vt quoquo pacto regales inducerent ad male loquendum de Abbate, si saltem mala irrogare actualiter non valerent. Suadebant & mulieres eorum, quod viri non valebant, quæ satis communes fuerunt eisdem tempore hospitalitatis eorū. Sicq; factum est, vt tot excreſcerent maliloqui, quod pene cunctos amicos monasterii conturbarent, licet proclamaretur publice viros suspendendos qui Abbatem accusare false præsumerent, & fæminas concremandas. Et hæc quidem erat retributio villanorum quam retribuerunt Abbati, qui reddere mala pro bonis festinabant, & odium pro dilectione sua, ac pro eo quod eundem diligenter detrahebant sibi. Cum dominus rex iam fuisset octo dies apud Sanctum Albanum, intelligens & prænosceus eius consiliū quod tunc aderat, natiuorum & seruorum monasterii corda non recta futura cum suis dominis, id est, cum Abbate & conuentu in posterum, nisi cautius ageretur cum eisdem, iussu regis remedium apponere statuerunt huiusmodi malis futuris, magno regis sigillo firmatum. Nam regis Cancellaria tunc tenebatur in domo capitulari, vnde facilius consequi potuit idem Abbas quæ volebat.

Richardus Dei gratia rex Angliæ & Franciæ, & dominus Hiberniæ, dilectis sibi Iohanni Lodewyke, Iohanni Westwycombe, Iohanni Kenting, Richardo Perers, Waltero Graunford, Richardo Gyffarde, Thomæ Eydon, & Wilhelmo Eccleshal salutem. Mandamus vobis & cuilibet vestrum, firmiter iniungentes, quod statim visis præsentibus, quacunque excusatione cessante, in singulis villis & locis in comitatibus Hertfordiæ & Buckingham, tam infra libertates quam extra, vbi expediens fore videritis & necesse, ex parte nostra faciatis publice proclamari, quod omnes & singuli tenentes dilecti nobis in Christo Abbatis de sancto Albano, tam liberi quam natiui, opera, consuetudines, & seruitia quæ ipsi prædicto Abbati facere debent, & ab antiquo (ante turbationem in diuersis comitatibus regni nostri Angliæ iam nouiter exortam) facere consueuerunt, absq; contradictione, murmure, resistantia, seu difficultate aliquali, faciant prout antea facere solebant. Et vltèrius, ex parte nostra districte inhibeatis, quod iidem tenentes aut natiui, seu alii quicunq; opera, consuetudines, aut seruitia sua prædicta, istis turbationum temporibus magis solito non retrahant, sed nec ea prædicto Abbati facere vllò colore retardent, nec aliqua libertates siue priuilegia exigant, vendicent, siue clament, quam ante præsentem turbationem habuerunt, sub fide & ligeantia quibus nobis tenentur, & sub forisfactura omnium quæ nobis forisfacere poterunt in futurum. Et omnes illos quos post proclamationem & inhibitionem prædictas, contrarios inueneritis seu rebelles, areſtetis & capiatis, &

Commissio ad inquirendum, ut omnes tenentes sancti Albani reddant seruitia consueua Abbati prædicto.

tis, & ipsos in prisonis nostris mancipetis, in eisdem moraturos, quousque de eorum punitione aliter duxerimus demandandum. Et hoc sicut nos & honorem nostrum ac saluationem iuris regni nostri diligitis nullatenus omittatis. Teste meipso apud villam de sancto Albano. 15. die Iulii, Anno regni nostri quinto.

Homines de Comitatu Hertfordie prestans fidelitatem regi.

In die sanctæ Margaretæ virginis post refectionem, dominus rex transiturus ad Castellum de Berkhamstede, in magna curia Abbathiæ apud sanctum Albanum fidelitatem suscepit de hominibus comitatus Hertfordiæ, qui summoniti fuerant ut ibi comparerent coram eo, cuncti videlicet qui erant inter quintumdecimum & sexagesimum ætatis annum. Qui omnes simul data fide iurarunt se de cætero fideles domino suo regi futuros, & nunquam iterum contra pacem surrecturos, sed citius morituros, quam regni turbatoribus parituros, & eosdem regni turbatores pro viribus comprehensuros, & carceribus adducturos, opera & seruitia consueta facturos fideliter. Et si qui inter eos essent qui ductores, concitatores turbarum fuerant, continuo captos regi monstraturos. Post quod iuramentum dimissi sunt in sua, rege ad Berkhamstede properante, ubi cum aliquandiu moratus fuisset, transiit venandi gratia ad villam de Esthamstede, quo in loco relatum est sibi, suspensos apud Sanctum Albanum fuisse depositos, & à furcis longius fuisse remotos. Dominus autem multum miratus super tanta audacia, & commotus immodice propter contumeliam in hac parte sibi met irrogatam, illico breue suum misit balliuis villæ de sancto Albano in hæc verba.

Corpora proditorum iussu regio ferreis cathenis ad furcas suspensa sunt.

Richardus Dei gratia rex Angliæ & Franciæ, & dominus Hiberniæ, Balliuis villæ de Sancto Albano salutem. Quia certitudinaliter informati sumus quod diuersi malefactores (timore nostræ regiæ maiestati abiecto) corpora diuersorum proditorum & felonum apud villam prædictam, qui pro eorum maleficiis in præsentī perturbatione contra nos & ligeantiam suam factis, ut suspenderentur & penderent quandiu possent durare adiudicati fuissent, prædictis proditoribus & felonibus iuxta iudicium prædictum suspensis, à furcis ubi pendebant, cepertunt & asportauerunt, in nostri vituperium & contemptum, ac contra iudicium supradictum, unde quamplurimum commouemur, nec immerito conturbamur. Vobis igitur in fide & ligeantia quibus nobis tenemini præcipimus, firmiter iniungentes, quod statim visis præsentibus, cathenas ferreas fieri, & corpora prædictorum suspensorum ubicunque inuenta fuerint, ad furcas prædictas reduci, & ea cum eisdem cathenis resuspendi faciatis ibidem, quandiu durare poterunt pensura iuxta formam iudicii supradicti. Et hoc sub forisfactura omnium quæ nobis forisfacere poteritis nullatenus omittatis. Teste me ipso apud Esthamstede tertio die Augusti anno regni nostri quinto.

Villani regio mactati coacti, ciues suos resuspendunt.

Hoc mandatum villanos de sancto Albano, iamdudum pro libertate tumultuantes, turpis & abhominabilis seruitutis seruos effecit, dum non habentes qui huiusmodi obsequium pro eisdem vellent agere, compulsi sunt propriis manibus suos cōciues resuspendere cathenis ferreis, quorum iam corpora, tabe fluentia, scatētia vermibus, putida & foetentia, odorem ipsis teterrimum refundebant. Et quidem merito hoc erat fædum officium, virorum vsurpantium minus iuste nomen ciuium, ut apte vocarentur & essent suspensores hominum, ipso facto incurrentes opprobrium sempiternum. Et qui veritatem reticere & peiorare maluerant, quam sibi similes proditores prodere non temere, ipsos eosdem suspendere sunt coacti. Consequuti quoque sunt canes eorum, quod domini non merebantur, dum per dominos (detractis cathenis quibus ligati fuerant) libertati donati sunt, ipsis cathenis sedentibus in vltis suspendendorum hominum, & magistris eorundem canum suspendendum (ut præfertur) ministrantibus, ac per hoc (ut dicitur) in turpissima morantibus seruitute: Quia videlicet par erat, ut periuri & Deo odibiles detractatores, canibus (Dei iudicio) monstrarentur peiores, dum canibus eorum dimissis liberis, ipsi necerentur tam execranda seruitutis obsequiis. Et hæc quidem apud sanctum Albanum gesta sunt circa festum inuentionis eiusdem martyris, quem probati sunt peccabiliter offendisse, & in multiplices miseras corruisse.

Trenga biennales inter Anglos & Scotos.

Dux Lancastriæ Iohannes, quia parum ante prædictæ tumultuationis tempus pro die Marchiæ (prout moris est) tenenda inter Anglos & Scotos annis singulis, in partes cōcesserat boreales, cum audisset de dominatione seruili, & quid rustici nebulones tempore quod datum eis fuerat præualere, vel in dominos, vel equales illis perpetrauerant, consternatus est valde. Et præcauens in futurum, utile iudicauit sub festinatione pacem facere cum gente Scotorum, ne si peruenissent rumores tam flebiles ad au-

adaures eorum , non solum illis afferrent inperatum gaudium, verum etiam audaciam inculcarent , refutatis pacis conditionibus, in nostram regionem hostiliter iruendi. Et factum est (Deo volente) vt firmarentur treugæ ad instantiam ducis prædicti, antequam notitia facti daretur Scotis, concessis prius eisdem certis terrarum spaciis, quibus per plures annos non fuerant ante gauisi. Sed nimietatem huius concessionis exculat nimietas supradictæ turbationis, quæ quemlibet etiam constantissimum turbasse & terruisse merito potuisset. Scoti vero cum iuramento firmassent biennales treugas se fideliter seruatu-
 10 ras, & earum formam in chartas redactam sub chirographorum signis munissent : audierunt à suis exploratoribus de turbatione præfata , qualiter vel regi dominabantur & turrim Londoniarum occupauerant, vel cancellarium seu thesaurarium regni decollauerant, & cætera per ordinem quæ facta sunt hiis diebus. Tunc primum dolere cæperunt, se tam cito condescendisse pacis conditionibus, quia miscuisse se desiderabant tantis turbationibus, & terram repleisse cadibus & rapinis. Tamen quia turpe videbatur eisdem tam cito notari periurio, ducem confortare cæperunt, & ei suadere, vt acceptis viginti millibus bellatorum de gente Scotorum, quos ei concederent animo liberali, ad Angliam properaret, vindicaturus eorum ope & auxilio , communes dominorum iniurias, & emendas accepturus de damnis & dehonestationibus illatis irreuerenter personæ suæ, sed re-
 20 nuit plane Dux promissa, dicens proculdubio si id attemptarent, futurum quod bellum contra eos paratum reperirent satis asperum antequam ad Eboracum peruenirent, etiam si cum eis contraherent potestatem gentis Scotorum : noscere se dixit multitudinem, fortitudinem quoque, nec non audaciam Anglicorum, qui nihil minus quam bellum timebant, quibus asseuerauit Scotos in breui fore ludibrio, etsi in duplo maior numerus eorum esset. Tamen quia dubiam cernebat fidem multorum quos fideles sibi reperisse putauerat, puta comitis Northumbrorum, aliorum quoque militum qui in illis partibus habebant custodias Castellorum, insuper & suorum militum commensalium, nec non totius pene suæ familiæ, quippe à facie formidinis prædictæ tumultuationis contabuerant, in tantum, vt vix pauci cum eo starent. Au-
 30 dierant nempe regem timore ductum corpus domini sui ducis donasse communi-
 bus id petentibus. Rogauit Scotos dux, vt si eum diligerent vt dicebant, concederent ei saluum conductum in terras eorum, & facultatem morandi quamdiu sibi placeret inter illos, nec non emittendi in Angliam quoscunque de suis vellet, & eos vel alios admittendi, qui ad eum ex Anglia pacifice venire vellent, ac etiam potestatem quando-
 40 cunque sibi met hoc placeret, sine impedimento ad Angliam remeandi. Scoti vero cuncta petita liberaliter concesserunt, & eum venientem honorifice susceperunt, & longo tempore confouerunt.

Talibus occasionibus orta est discordia grauis inter ducem & comitem Northumbrorum, quæ (vt ex post dicitur) totam Angliam deterrebat. Comes etenim audiens tam horréda mirabilia à parte duci parere vel timebat, vel (vt quidam asserunt)
 40 contemnebat. Cuius exemplum comprouinciales secuti, duci non paruum timorem imprimebant. Quod factum postea non solum comitis inobedientiæ, sed & ingratitudini dux ascripsit. Et quoniam scriptum est, vexatio tantum dabit intellectum auditui. Tunc primo dux ipse conuersus ad religionem, cæpit accusare vitam suam pristinam, non solum priuatis sed publicis confessionibus: tunc suis peccatis ascribere causas malorum quæ contigerant : tunc sibi met imputare mortes, non solum nobilium, sed reliquorum qui illo tempore manu impia strati sunt: tunc illius Katherinæ Swinford consortium abhorre-
 50 re vel potius abiurare, & fletibus ac singultu facere videbatur pænientiæ dignos fructus, quibus commentis (vt creditur) iram domini concuplacuit. Igitur regione pacificata, & oppressis vel occultatis malefactoribus, cæpit dux de reditu cogitare. Tamen ante regressum suum, vt se regi regnoque monstraret humiliatum vsquequaque, præmisit qui nunciarent regi eius fugam, & fugæ causas, quam maluit ipse met migrationem in Scotiam nominare. Nunciarent etiam si placeret res, & id opus expeteret, se velle reuerti cum ingenti Scotorum multitudine ad comprimendos rebelles, vel si hoc displiceret, cum propria familia quam recollegerat, & illucescente pace, de latebris ad eundem emerferat, quæ satis fortis erat ad obuiandum cunctis rusticis regionis. Quod si nec sic placeret aduentus eius, vel si cum multitudo viuientium cum eodem, regi siue regis consilio suspectum redderet, determinaret rex cum consilio assistente personas quas vel quot placeret eisdem, & ipse dimissis reliquis, paratus erat ad regem venire, etiam si contingeret determinari

*Discordia inter
ducem Lanca-
stria & comitem
Northumbro-
rum.*

solum tres personas, militem, armigerum, & valetum. Si vero nec ista regi placerent, & ipse ita inuisus esset vel proceribus vel communibus regionis, ut putarent per eum, vel regnum turbandum, vel pacem minuendam, paratus erat, si dominus Rex id dictaret, regno discedere velut exul, Angliam denuo non visurus, dummodo pacem consequeretur rex & regnum eius. Rex autem & proceres compatiens afflictio, renunciarunt sibi, ut dimissa gente Scotorum, confidenter rediret cum tota familia propria, quæ si non præstaret, assumeret de vnaquaque villa per quam transiturus erat certum numerum ad conducendum eum usque ad villam aliam pro tutela, donec veniret ad regem. Et factum est ita, rege præbente sibi commissionem: veniensque ad dominum suum regem honorifice susceptus est. Post paucos dies deposuit quærimonia 10 contra comitem Northumbrorum, quod non solum inobediens, sed infidelis & ingratus extitisset ei, prout (ut præmittitur) turbationis generalis tempestate. Ob quam causam vocatus est comes ad Berkhamstede, ubi congregati fuerunt ad interellendum consilio pene cuncti comites totius regni, ubi cum dux plura dixisset contra eum, comes impatiens (more gentis suæ) contra prohibitionem regiam in verba contumeliosa est resolutus, cum tamen dux tacere iussus, ad primam iubentis vocem satis humiliter tacuisset. Cuius inobedientiæ occasione, comes tanquam reus læsæ maiestatis regis protinus arrestatur, sed fideiubentibus pro se comitibus Warwici & Southfolciæ, quod veniret ad proximum parliamentum & suam præsentiam exhiberet, dimissus est, & consilium resolutum. 20

*Parliamentum
Londini.*

Circa festum omnium Sanctorum conuenerunt ad parliamentum Londonias Barones regni que communitas, ad quod dux cum tanta copia conuenit armatorum, ut facile dinumerari non posset. Contraxit & comes de partibus borealibus non inferiorem numerum, & Londonias usque peruenit. Sed dux suspectam putans fidem Londinensium propter inueteratum odium, non æstimauit tutum Londonias hospitari. Comes vero ad ciuitatem fiducialiter cum suis accessit, qui protinus à ciuibus acceptus est cum fauore, illis obuiam in equis procedentibus, illis xenia opipara præmittentibus, hospitia sua præbentibus, & pasturas quas in circuitu ciuitatis possidebant armentis quæ secum duxerat, pro tanta familia copiosa nimis comodantibus, & eidem (si oporteret) promittentibus fidele iuuamen. Erat igitur comes tunc multum 30 auctus, & numero & fauore Londinensium, & iam multo fortior partibus ducis pars eius existere videbatur. Erat interea cernere miserandum spectaculum, regnum quod olim pacis tranquillitate præcunctis regnis gauisum fuerat, vndique (versâ vice) turbationis fluctibus agitari, hinc seditione communium, illinc diuersis factionibus optimatum. Reuera viri diuersi partis ducis & comitis armati contra regni consuetudinem, ad Westmonasterium diebus aliquot conuenere, inusitatum de semet 40 ipsis incolis præbentes spectaculum, sed sapientioribus non modicum tali facto inculcantes metum. Expectabatur tot diebus à pacis perturbatoribus, ut ignis conceptus arderet in publicum, & furor dominorum procerum libere prodiret ad actum. Nutans commune vulgus non curabat quem illorum magnatum sequeretur ad pugnam, dum tali occasione (sicut prius turbationis tempore) irrefrenatas discursandi possidere posset habenas, & materiâ vindicandi suorum complicum proditorum, decollationes, tractiones, & suspensiones factas per regem & fideles regni. Totus clerus autem pluresque de populo, quorum Deus corda tetigerat, interim constituti erant in timore magno, & expectatione, propter mala quæ superuentura erant vniuerso orbi Britannia, occasione dissentionis eorundem, si effutire pararent odium præconceptum, unde fiebant in clero orationes publicæ & priuatæ, ut Deus (cuius natura est bonitas) inter illos spirare concederet auram pacis. Tandem cum diu parliamentum protelatum fuisset inaniter propter dissensionem supradictam, intercurrentibus regni proceribus, cepit rex querelas eorum in manus suas, ne propter dominorum discordiam, cuncta 50 regni negotia non solum paterentur impedimentum, sed & irrecuperabile detrimentum. Sicque soluta sunt à metu corda fidelium, domino miserante.

*Dissoluitur Par-
liamentum.*

Processum est perinde ad tractandum de regni regisque negotiis in parlamento præsentem, sed immoratum est inaniter in eodem diu, nec ad aliquem effectum quicquâ productum, quamuis non sine magnis fuisset ibidem sumptibus demoratum. & cum iam effectus aliquis successisse putaretur, superuenere noua de aduentu nouæ reginæ Calesiam, sororis videlicet regis Boemæ Wynceslai filii quoddam regis Boemiæ, & imperatoris, qui & ipse expectauit in Imperatorem coronari, & se Imperatorem v- bique literaliter nominauit. Hanc igitur magno præcio, multisque peremptam laboribus, ha-

bus, habendam rex præelegerat, quanquam cum inestimabili auri summa oblata fuisset ei filia domini Mediolanensis Barnabonis. Audito igitur (vt retulimus) de aduentu reginæ futuræ, soluitur parliamentum, reincipiendum post regales nuptias & natale dominicum. Et insuper laborat vnusquisque pro viribus tantas nuptias honorare muneribus insuper & obsequiis fauore dignis. Missum est ergo in obuiam tantæ virginis, & conducitur cum omni gloria mundi ad portum vsque Doueriæ, comitantibus eam multis nobilibus tam suæ patriæ quam istius terræ. Accidit illo die mirabile cunctis auspiciis, iuxta multarum opinionem fauorem Dei, fælicia fata terræ affutura præmonstrans. Nam cum pedem terræ intulisset è naui, & saluo cunctis egressis, nauigio reliquo, sequuta est è vestigio tanta maris commotio, quanta diu ante visa non fuerat, & ipsas naues in portu constitutas adeo agitauit, vt dissiparentur subito, & colliderentur, nauis prius in qua regina confederat dissoluta, & in multas partes horribiliter comminuta. Quidam vero aliter interpretati sunt supradicta, putantes esse futurum, vt regnum turbaretur per eam, vel regioni incommodum aliquod eueniret. Sed istius dubiæ perplexitatis obscuritatem gesta sequentia declarabunt.

Soror regis Bohemia honorifice suscipitur.

Anno dominicæ incarnationis millesimo trecentesimo octuagesimo secundo, qui est annus regni Richardi regis à conquestu secundi quintus, circa præsens tempus Britones in Armorica Britannia indignati, quod Anglici in tanto constituti essent honore penes dominum suum ducem Britannia, versi in seditione, conuenerunt aduersus dominum eorundem, imperiose mandarunt, vt dimissis à suo famulatu cunctis Anglicis, tantummodo gauderet ipsorum obsequiis, scilicet Britonum, vel mortem inferrent eisdem, insuper & ab eius obsequiis cuncti Britones descuerent. Igitur dux in arcto constitutus, conuocatis de familia sua Anglicis, enarrat dolenter instans periculum, & licet inuitis à sua terra quantocius vniuersos iubet abire. Conturbati vero & conterriti super audita Angli, cum omni festinatione parant indemnes abscedere, ne fortassis eis queant deteriora contingere incolarum malitia dictæ terræ. Audiens Anglorum recessum repentinum dominus de Clifton, & causam diligenter inquirens & agnoscens, (nam & ipse reconciliatus erat duci) vehementer irascitur contra autores recessus Anglorum, & conuocatis tam militibus quam armigeris, cæteris quoque quos nouit in hac causa peccasse, quærit cuiusmodi auctoritate id efficere præsumpserunt, vt à duce suo domino remouerent viros domino suo fidelissimos, & qui vltra nationes alias suis dominis decenter obsequi & placere sciuerunt, & eis reuerentiam omnem impendere commodum providere. Nullus inquit vestrum tanto honore dominum suum colere, affectu tanto diligere, tantæ humanitatis obsecratione venerari nouit, vt Anglici, quos inuidia pleni, in vituperium domini vestri atq; dedecus abiecit. Quapropter redire sinatis ad domini vestri solatium, quos ad eius tædium amouistis, & eidem eos pacifice deseruire permittite, aut (Deum testor) superbissimos è vobis faciemus suspendio stragulari. Quibus dictis, mittit qui reuocarent familiam eiectam, præhabitis officiis iterum gauisuram, sed frustra, quia iam plures ad Angliam transfretauerant, & relictæ fuerunt pauci admodum, qui deficiente nauigio siue vento post socios remanserunt, quos reuocatos iterum restituit curiæ domini sui Ducis. Post festum Epiphaniæ conuenit Londonias vniuersa regni nobilitas, ad interessendum regalibus nuptiis, & obsequium deferendum iuxta consuetudinem à quolibet antiquitus visitatam. Benedicitur apud Westmonasterium Imperialis puella in sponsatâ regiam, à domino Cantuariensi Archiepiscopo in reginâ cum gloria & honore coronatur. Hastiludia quoq; fiunt pro magnificentia tantæ celebritatis per dies aliquot, in quibus & Angli & virtutem suam, & patriotæ reginæ suam probitatem publice demonstrarent. In quibus non sine damno personatum vtriusq; partis laus est acquisita, & rei commendatio militaris.

Dux Britannia à Britonibus comminatus, dimittit Anglos.

Regales nuptia.

Expletis nuptiarum solemniis, incipitur Parliamentum quod omissum prædiximus propter causas præmissas, in quo plures articuli sunt propositi & decreti, videlicet de extraneis admittendis ad vendendum personaliter, sine impedimento mercatorum Angliæ, libere sua mercimonia. De abrogatione pelluræ, & apparatus argenti in zonis, &c. à communibus status inferioris: de præcio vini sic appposito, videlicet dolium non excedere sex marcas. Multa sunt & alia quæ statuta sunt ibidem. Sed quid iuuant statuta Parliamentorum, cum penitus exposit nullum sortiatur effectum? Rex nempe cum priuato consilio cuncta vel mutare vel delere solebat quæ in Parliamentis ante habitis, tota regni non solum communitas sed & ipsa nobilitas statuebat. Editum est & ibi statutum contra communitatem impostæ insurgentem, vt

Parliamentum nuper solutum incipitur.

non expectato alieno suffragio, videlicet breui regio, fideles regni vbicunque viderent rusticos vel communes excitare suspecta conciliabula, senos aut septenos, eos capere foret eis licitum, & in custodia detinere.

*Comes Southfol-
cia morte obitus
repentina.*

Comes Southfolciæ Wilhelmus Vfforde in isto presenti parlamento dum à militibus comitatum fuisset electus ad pronunciandum ex parte illorum negotia reipublicæ, die & hora quibus exequutus fuisset susceptum negotium, cum gradus ascendere incepisset ducentes ad cameram in qua regni nobilitas tota concesserat, repente corruit, & inter suorum manus illico spiritum exhalauit, quamuis iucundus & nihil mali sentiens aulam Westmonasterii parum ante & velut immediate subintrasset. De cuius morte subitanea non parum consternati sunt, non tantum cuncti regni proce- 10
res, sed & omnes mediocres & pauperes, quia cunctis se in omni vita amabilem exhibuerat. Post cuius mortem finis est impositus Parliamēto, postquam mercatores Angliæ concessissent regi pro subsidio consuetudines lanarum iterum, quos Maltot vulgares appellant, per quadriennium ex post sequens. Ordinatus est etiam in hoc Parlamento (petentibus hoc magnatibus & communibus) Richardus Scrop miles, cancellarius, utpote vir qui spectabili scientia & inflexibili iustitia non haberet ex sua fortuna parē in regno. Ad officium vero thesaurarii dominus Hugo Segraue miles subrogatur. Per idem tempus comes Marchiæ dominus Edmundus de Mortuo mari in Hibernia concessit in fata, postquam illam terram totam pene perduxisset ad pacem, & nobilissime & sapientissime gubernasset. Circa dies istos magister Wilhelmus 20
Courtney Episcopus Londoniensis transfertur ad Archiepiscopatum Cantuariensem, & magister Robertus Braybrock effectus est Londoniensis.

*Carolus corona-
tur à Papa in re-
gem Neapoli.*

Circa tempus illud Carolus de pace (de quo superius pauca prostrinximus) post coronatus est à domino Papa in regem terræ laboris Neapolis, quam intrauit in manu forti possessurus terram illam, & nemine resistente peruenit in pace Neapolim, ciuitatem Metropolitanam regni, vbi cum honore decenti à ciuibus est susceptus, & ut successus corresponderent ei iuxta domini Papæ vaticinium, dicentis in quodam sermone habito ad populum eiusdem Caroli pacis: Est tibi fili charissime non abs recognomen inditum, quoniam proficisceris in pace, & pax erit tibi in ingressu tuo, pax in progressu, & pacis successione gaudebis. In terra illa redditæ sunt ei pacifice sine 30
cuiusque belli tumultu vel dispendio, vrbes Gaierana, Capua, Beneuentum, Auerfana, & plures alii, quarum nomina non tenemus. Et illa meretrix magna quæ sedit super aquas multas & vocabatur regina Neapolis, à facie formidinis Caroli & eius exercitus fugit in castellum vrbis eiusdem, quod vocatur castrum nouum, quam mox Carolus obsidere curauit, & protelauit obsidionem quadraginta & duobus diebus. Igitur quadagesimo die obsidionis præfatæ, insultum fecit asperrimum ad castellum. Et cum maxime desudaret ipse & suus exercitus ad perturbandum castellanos, & castellum violenter occupandum, repente superuenit à tergo Caroli & ipsius exercitus intromissus in urbem (mediante prodicione) dominus Otto de Bronneswich, (maritus prædictæ reginæ) cum Marco de Monte Ferrando, & ar- 40
matorum copiosa turba, ad irruendum in Carolum, & succurrendum reginæ. Erat tunc in exercitu Caroli quidam miles, dictus Iomitus, qui & ipse princeps erat exercitus, vir utique & in bellis prouidus & manu promptus. Hic repente sentiens dolum proditorum, & periculum quod imminebat, partem exercitus locat ad muros, quæ castellanos prohiberet ab irruptionibus, dum manus consereret pars exercitus altera cum Ottone, cui mox obuiatum est cum audacia à Carolo & Iomito, & pugnatum est atrocissime, donec hostilis exercitus dissipatus & victus est, plurimis occisis, & multis captis. In qua pugna peremptus est Marcus de monte Ferrando, & Otto de Bronneswich læthaliter vulneratus & captus. Quem confestim reginæ monstrantes, minabantur in machina positum proiecturos ad il- 50
lam in castellum, nisi mox reddere vellet illud. Sed tamen nocte superueniente, non fecerunt ita. Igitur regina nocte illa tractatum cum suis faciens, in crastino se reddidit & castellum, in quo repertæ sunt diuitiæ infinitæ. Capta autem, in custodia seruabatur, donec Carolus cum domini Papæ consilio deliberaret quid agendum esset de persona sua. Captus est in eodem castello cum regina, comes cancellarius, cum comite camberlano, & multis aliis, quos lōgum foret per singulos nominare. Hoc modo parata est pax Carolo de pace, & paratum est regnum in conspectu eius. Fuerunt quidā, quod regina post captionem suam (mediantibus vtriusque partis amicis, Papa sic uolente, & Carolo permittente) ingressa sit religionē monialium, quæ de ordine Sancti Francisci

Francisci sunt, & Minorissæ vocantur, quæ si consecutura sit de tanta perfectione meritum, nouit Deus, cui omne cor patet.

Aduersarius fidei Christianæ, Hæresiarcha recordationis execrabilis, Iohannes Wicklif, sollicitus peruertere tam maiores quàm minores regionis incolas suis nequam adinventionibus, suas damnabiles opiniones modo per se, modo per sequaces suos, modo scriptis, modo prædicationibus, per totum tempus istud dilatare contendit. Et quia minus satisfaciebat eius affectui, prædicationibus in vulgari plebe in execrabili-
 10 ter declamatis, scribit ad dominos & magnates, qui circa festum sancti Iohannis ante portam latinam Londonias ad Parliamentum coadunati fuerunt machinationes nouas, quibus & illos allicere posset, & in errorem trahere: sub hiis verbis modum ponemus promissum, vt in eius schedula scribitur, erat nempe ista præscriptio. Quod Rex aut regnum nulli sedi vel prælato obediat, nisi de quanto ex fide scripturæ lonat in obedientiam Iesu Christo. Patet, quia aliter proponetur Christo in obedientia Antichristus: Omnis enim obedientia, quæ non fit Christo, fit Antichristo: Quia Lucæ 2. *Qui non est mecum, &c.* Quod nec curiæ Romanæ, nec Auinonicæ, nec alicui exteræ emittatur regni pecunia, nisi doceatur hoc esse debitum ex scriptura sacra, patet, quia aliter foret rapina lupi rapacis quam Christi. Matth. dicit esse à fructibus cognoscendum. Quod nec Cardinalis, nec alius habeat fructum Ecclesiæ vel præbendæ de Anglia, nisi vel rite resideat, vel occupetur legitime in causa regni
 20 à proceribus rationabiliter approbata. Patet, quia aliter non intraret per Christum, sed aliunde ascenderet, vt Antichristi discipulus, & per traditiones seculi tanquam latro prædaretur regnum in subiectis pauperibus, sine æquiualentia pecuniæ recompensæ. Quod Rex & regnum tenentur destruere regni proditores, & suos à ferocibus inimicis defendere. Quod regni communitas nõ oneretur tallagiis inusuetis, antequam totum patrimonium, quo clerus dotatur, deficiat, patet, quia omnia ista sunt bona pauperum charitatiue exponenda ad eorum agentiam, viuente clero in perfectione primarię paupertatis. Quod quocunque Episcopo vel curato dotato de Anglia in contemptum Dei notorie incidente, nedum liceat regi, sed teneatur sua temporalia confiscare: patet, quia aliter regnum postponeret, Christum Regis domini
 30 temporalis contemptum ponderans plusquam viginti. Quod Rex nullum Episcopum vel curatum mancipiet suo ministerio seculari, patet, tam rex quam clerus foret proditor Iesu Christi.

Propositiones septem magistri Iohannis Wicklif.

Magistri Iohannis Wicklif septem interpretationes, ad intellectionem regni Anglia per omnes peccatores exequenda.

Quod rex nullum propter moram in excommunicatione incarceret, antequam secundum legem Dei mora ista sit docta esse illicita, patet, quia sæpe excommunicantur multi improuide, vbi secundum legem Dei & Ecclesiæ debeant excommunicationes perpetuæ tolerare, auctorizare incarcerationem hominis propter hoc quod facit, & debet fore opus dæmonii meridiani. Contraria autem istorum licet sint insensibilia non curata, tamen nimis confundunt rempubl. quia res insensibiles paruipensæ sunt maximæ in vigore. Vt autem periculosius traheret auditores suos, scripsit
 40 eo tempore, & publicauit alias conclusiones ab omni ecclesia anathematizandas, & sunt istæ. Substantia panis manet post consecrationem, & substantia panis post consecrationem est corpus Christi. Deus de potentia sua absoluta non potest facere quod in sacramento altaris essent accidentia sine subiecto.

Alia propositiones Iohannis Wicklif.

Deus debet obedire Diabolo. Papa plus tenetur Imperatori quam è conuerso. Omnes monachi de ordine sancti Benedicti nolentes labore manuum victum adquirere, non solum non sunt Apostatæ ab ordine sancti Benedicti, sed quod verius est, à discipulatu Christi. Nullus est dominus, simul nullus Episcopus, nullus est prælatus, dum est in peccato mortali. Si ordines fratrum essent certi, & in Christo fundati, non quærent confirmationem à Papa. Vbi leges humanæ non fundantur in scriptura sacra, subditi non tenentur obedire. Has delirationes execrabiles posuit idem Iohannes ea vice, sed ad damnationis suæ cumulum, emisit viros apostatas de fide catholica pessime sentientes, ad dogmatizandum & prædicandum, & alias conclusiones periculosissimas, quas audiens quisque fidelis, merito tinnirent aures eius. Inter quos erat quidam vultum & habitum præferens heremitæ, veniens equidem in vestimentis ouium, sed intrinsecus erat lupo rapax. Hic emissus per dictum Iohannem, publice prædicauit Leicestriæ dominica in ramis palmarum abhominations istas.

Nulla hæresis vel falsitas in tota doctrina magistri Iohannis Wicklif potest probari.

Prima conclusio. Quod homines qui dimittunt audire verbum Dei & Euangelium prædicatum propter excommunicationes hominum, sunt excommunicati, &

Conclusiones Iohannis Wicklif.

in die iudicii traditores Dei habebuntur, & etiam illi, qui dimittunt prædicare propter talem excommunicationem. 2. Excommunicatio, quæ datur ad impediendum homines audire verbum Dei, excommunicatio Antichristi est, & non Christiani. 3. Quod nullus prælatus debet excommunicare aliquem, nisi prius sciat ipsum excommunicatum à Deo, & si quis aliter aliquem excommunicauerit, ipse excommunicatus est & hæreticus. 4. Nullus debet aliquem excommunicare, nisi ex charitate, & pro salute animæ suæ. 5. Prælatus excommunicans clericum, qui appellat ad Regem & consilium regni, eo ipso traditor Dei est & Regis regni. 6. Prælati Ecclesiæ adquirent beneficia sua per aurum, & sic sunt Simoniaci & hæretici. 7. Contra antiquam legem est, & etiam contra nouam, quod viri Ecclesiastici habeant possessiones temporales. 8. Nunquam erit bona pax & plenaria in regno isto, quousque ista temporalia auferantur à viris Ecclesiasticis, & ideo rogabat populum (manibus extensis) ut vnusquisque adiuuaret in ista materia quantum posset. 9. Quod viri ecclesiastici dummodo vixerint in diuitiis & voluptatibus, sicut iam viuunt, sunt inhabiles ad orandum pro populo, pro quo sine principaliter fuerunt ordinati. 10. Si rex haberet in manu sua temporalia Ecclesiasticorum, non oporteret eum tunc accipere tallagia, nec communitatem regni spoliare. 11. Beatus Paulus acquisiuit victum pro se & discipulis suis suis manibus, & sic deberent religiosi manibus suis laborare, & non publice mendicare. 12. Quod si ista noua secta, quæ quasi hesterno die venerunt, asserunt vitam suam perfectiorem, quam religionem Christi communem & Apostolorum, & volunt sic facere Christum fatuum. 13. Quod sacramentum altaris post consecrationem est verus panis & verum corpus Christi, & illa rotunditas, quæ videtur, & albedo, & huiusmodi sunt panis, & hæc est sententia Apostoli, doctorum antiquorum & sanctorum, & in ista materia doctores nouelli vel contradicunt inter se, vel non dant sufficientem huius sacramenti descriptionem. 14. Religiosi prædicantes, qui nolunt dicere populo & scribere veram descriptionem huius sacramenti, & fidem fundatam in Euangelio & sacra scriptura, sunt excommunicati & hæretici, & si quis talibus eleemosinam suam dederit, ipse est fautor illorum, & cum ipsis excommunicatus, & quod fratres verecundantur dicere fidem suam de sacramento altaris. Confirmatione autem omnium dictorum suorum, dixit quod hæc est fides, quam debent habere ex Euangelio & dictis Apostolorum, & si quis oppositum prædictorum diceret vel prædicaret, quod nullo modo esset ei credendum. Hæc & multa alia erronea dixit publice, & prædicauit idem zizanix seminator in detrimentum Ecclesiæ & fidei orthodoxæ. Nec suffecit huic diei malitia sua, nisi ut & apponeret iterum in die sancto Parasceues prædicare nequitiam inauditam in eodem loco, rectoribus Ecclesiarum non valentibus prohibere eum ob fauorem popularem, qui libentissime eum audiebant, & se periculo mallebant exponere pro eodem, antequam vel prohiberetur prædicare, aut quicquam contra eum per viam iuris tentaretur. Reuera loquebatur eis placentia, & quicquid proferre nouerat in derogationem prælatorum, detractionem magnatum, quæ vulgus commune solet libenter audire, lingua protulit venenata, captans per singula verba sermonis sui fauorem, laudem quoque vulgi, callide commentis talibus seducens & decipiens populum imprudentem. Vnde postea contigit, cum Episcopus Lincolnensis eum correxisse parasset, & ab eo facultatem prædicandi tulisse, scuiens turba demens Episcopum adeo deterrebat, ut nihil auderet agere contra eum. Ad notitiam igitur posterorum, ut cognoscant quantum nostris temporibus præualeret inimicus, & impune debacchatus fuerit, conclusiones, vel potius abusiones, quas in die Parasceues, ubi supra proclamauit, huic paginæ inseremus.

*Conclusiones in
die Parasceues.*

1. Quod si parochiani sciuerint curatum eorum incontinentem esse, & malum, debent subtrahere ab eo decimas, & alias sunt fautores criminis, & consentientes eius malis operibus. 2. Quod decimæ sunt puræ Eleemosinæ, & in casu, quo curati fuerunt mali, possunt licite eas aliis conferre. 3. Quod homines possunt debita ex charitate petere, sed nullo modo propter debita aliquem incarcerare. 4. Quod curatus malus subditos excommunicans pro decimarum detentione, non est, nisi pecuniam ab eis indebite & male extorqueri. 5. Si aliquis capellanus, vel compadres aut commatres infantium puerorum, temporibus quibus huiusmodi pueros seu infantes baptizauerunt & leuauerunt de sacro fonte, fuerint in aliquo mortali peccato detenti, infans huiusmodi siue puer non est baptizatus, nec recepit tempore huiusmodi sacramentum baptismi. 6. Quicumque Episcopus conferens alicui sacros ordines præbi-

præbiteratus, huiusmodi personaliter ordinatus, nō est præbiter ratione collationis huiusmodi sibi factæ, nisi sit electus à Deo. 7. Item idem dixit publice & expresse in prædicatione sua coram maiori Leycestriæ & multis aliis, quod Deus nunquam constituit missam celebrari, & quod bonū esset istis temporibus, ut pauciores missæ celebrarentur quam celebrātur. 8. Item dixit publice & expresse corā vicario de Fusby, decano de Gossecote, & multis aliis in prædicatione sua, quod quicumque parochianus dans decimas suo curato, sciēs ipsum in mortali peccato, vel tenere aliquam mulierem suspectam publice vel occulte, quod ipse cōferens decimas huiusmodi curato suo, manu tenet ipsum in peccato suo huiusmodi, & est particeps criminis eiusdem.

10 9. Item dixit, quod sacræ canones sunt traditiones humanæ. 10. Item idem Wilhelmus dixit publice & expresse in prædicatione sua Leycestriæ, quod sciuit bene, quod illud quod tractabatur in altari, fuit corpus dominicum, sed (ut asseruit) sciuit plus dixisse de ista materia si voluisset, & sic per huiusmodi verba sua per eum prolata, nequiter & perplexe indicata simplici populo Christiano, eosdem Christi fideles fecit per sua erronea multipliciter deuiare, & de fide Catholica desererare, & quod deterius est, omnes laicos de ipsa patria à tramite iustitiæ & veritatis quasi penitus declinare, diocesano (ut retulimus) timore turbæ, cui quammaxime complacere sermones eius, quicquam contra eum agere non audente. Fuerunt eo tempore & plures alii huius nefandæ doctrinæ sequaces & discipuli, qui prædicauerunt & ista & plura alia

20 magis enormia, non in quibuscunq; villis aut ciuitatibus, sed in ipsa vniuersitate Oxoniæ, profestis diebus. Cancellarius pro tunc magister Nicholaus Hertford, acerrimus sectator Iohannis Wiclif, & quidam canonicus Leicestrie, & alii qui non ascenderant per ostium in ouile scholarum, sed aliunde, potestate magnatum contra fratrum suorum & abbatis proprii voluntatem. Hii omnes & plures alii ex eorum complicitibus peccatum suum quasi Sodoma prædicauerunt, nec absconderunt, nec suffecit scholis male sentire de fide Catholica aut de ceteris in quibus errabant articulis, nisi publicis prædicationibus traherent in suæ prauitatis deuium Christi fideles. Ex quibus ille canonicus Leicestrie (ut pateret quam imperfecte viuendi normam didicerat ex doctrina sanctorum) asseruit in quadam prædicatione sua, se solummodo laudare suum

30 ordinē, ex hoc quod ceteris ordinibus erat propior & conformior vitæ seculari. Qui ut erat in ceremoniis propior, optabat ut in habitu conformis esset, hoc solum eis deesse ad gradum perfectionis asseruit, quod in habitu essent secularibus disconformes. Monachorum vitam & aliorum religiosorum imperfectionem esse dicebat, quod pluribus obseruantis astringebantur.

Hiis clamoribus excitatus dominus Cantuariensis magister Wilhelmus Courtney, ut erat vir (ut creditur) spiritu Dei plenus, non passus est tantas nequicias habenas liberas possidere, sed mox, ut erat in Christum domini cōsecratus, ut doceret sibi non iustitiam Phinees, sed facultatem hactenus defuisse in refrenandis animis irruentibus & infrænatīs, conuocatis fratribus suis suffraganeis, tractat de malitia temporis, edicit miseriam, & conqueritur de filiis prodicionis, qui sinu foti matris Ecclesiæ, conantur discerpere matrem suam. Tandem post tractatum habitum, auditis quorundam super ista re sententiis, deliberat penes se vel tot enormitates ad rectam regulam retorquere, vel caput exponere pro causa Dei. Disposuit ergo primum, adhibitis quibusdam coepiscopis, qui post Baalim non abierunt, & pluribus de sacræ paginæ professoribus, diuersitates lepræ discutere, quibus resperlæ erant oues erraticæ, & diligenter inspectis opinionibus infirmis, discernere inter lepram & lepram. Igitur afferuntur in medium tantę fæditatis vlcera pastoris palpanda manibus, eiusque ministerio anathematis ignibus consumenda. Quæ seorsum singillatim ponemus, prout damnari meruerunt.

40 1. Quod substantia panis materialis & vini maneat post consecrationem in sacrosancto altaris. 2. Quod accidentia non maneant sine subiecto post consecrationem in eodem sacrosancto. 3. Quod Christus non sit in sacrosancto altaris ydemptice, vere, & realiter in propria præsentia corporali. 4. Quod si Episcopus vel sacerdos existat in peccato mortali, non ordinat, conficit, nec baptizat. 5. Quod si homo fuerit debite contritus, omnis confessio exterior est sibi superflua vel inutilis. 6. Pertinaciter asserere non esse fundatum in Euangelio, quod Christus missam ordinauerit. 7. Quod debent obedire Diabolo. 8. Quod si Papa sit præstigiator & malus homo, ac per consequens membrum diaboli, nō habet potestatem supra fideles Christi ab aliquo sibi datam, nisi forte à Cæsare. 9. Quod post Urbanum sextum non est aliquis

N. Hertford & quidam canonici Leicestrie discipuli & sequaces Iohannis Wiclif.

Archiepiscopus vniuersitatis agit cum coepiscopis de conclusionibus Wiclif.

Articuli Iohannis Wiclif ab archiepiscopo, &c. damnati.

quis recipiendus in Papam, sed viuendum est more Græcorum sub legibus propriis. 10. Afferere quod est contra sacram scripturam, quod viri Ecclesiastici habeant possessiones temporales.

Notatis grauioribus culpis, dominus Archiepiscopus consequenter descendit ad minores, vt euellat & destruat, dissipet & disperdat, quæ filius perditionis seminauerat, omnia scandala in regno Dei, quæ partim hic inferius annotantur, 1. Quod nullus prælatus debet aliquem excommunicare, nisi prius sciat ipsum excommunicatum à Deo. 2. Item quod sic excommunicans ex hoc sit hæreticus vel excommunicatus. 3. Quod prælatus excommunicans clericum, qui appellauit ad Regem & consilium regni, eo ipso traditor est Dei, & Regis, & regni. 4. Item qui dimittunt prædicare seu audire verbum Dei, vel Euangelium prædicatum propter excommunicationem hominum, sunt excommunicati, & in die iudicii traditores Dei habebuntur. 5. Afferere quod licet alicui Diacono vel præbytero prædicare verbum Dei absque auctoritate sedis Apostolicæ, vel Episcopi Catholici, seu alia, de qua sufficienter constet. 6. Quod domini temporales possunt ad arbitrium eorum auferre bona temporalia ab Ecclesiasticis habitualiter delinquentibus, vel quod populares possunt ad arbitrium eorum dominos delinquentes corrigere. 7. Quod decimæ sunt puræ Elcemosinæ, & quod parochiani possunt propter peccata suorum curatorum eas detinere, & ad libitum aliis conferre. 8. Quod speciales orationes applicatæ vni personæ per prælatos vel religiosos, non plus prosint eidem personæ, quam generales orationes eidem ceteris partibus. 9. Eo ipso quod aliquis ingreditur religionem priuatam quancunque, redditur ineptior & inhabilior ad obseruantiam mandatorum Dei. 10. Quod sancti instituentes religiones quascunque priuatas, tam possessionum quam mendicantium, in sic instituendo peccauerunt. 11. Quod religiosi viuentes in religionib. priuatis, non sunt de religione Christiana. 12. Quod fratres teneantur per laborem manuum, & non per mendicationem victum suum acquirere, error damnatus ab Alexandro Papa quarto.

*Archiepiscopus
Cantuariensis
mittit mandatū
suum cancellario
Oxonie contra
articulos prædi-
ctos.*

Damnatis prædictis conclusionibus hæreticis & erroneis à domino Archiepiscopo & cœtu sapientum, consequenter idem archiepiscopus mandatum mittit cancellario Oxoniæ Roberto Rugge, in quo declarauit damnationem, & mandauit, vt per se vel per alium easdem esse damnatas faceret publice declarari. Prohiberet insuper hæc & cetera talia vel in scholis communicari, vel in prædicationibus attrectari de cetero, & eo effectualius laboraret in executione mandati sibi directi, quo dominus archiepiscopus posset aperte cognoscere eum nullatenus talibus erroribus maculatum, aut talium prædicatoribus adherere, sed dissimulari non potuit malitia præconcepta in corde suo, quin patenter foris ostenderet venenum, quod in eius animo firmauerat sibi sedem. Reuera diebus solennioribus, quibus eius incumberebat officio sermones in populo facere, commisit onus verbi hiis quos sciuit acerrimos Iohannis Wicliffe sectatores, spreto vel paruipenso archipontificali mandato. Et quidem Philippo Ripindon præfato canonico de Leycestria, sermonem dicendum assignauit in festo corporis Christi, in quo sermone inter multa quæ dixit abusiua talia perorauit. In doctrina autem speculatiua cuiusmodi est materia de sacramento altaris: Ponam (inquit) custodiam ori meo, donec Deus aliter illustrauerit siue instruxerit corda cleri. Factumque est, vt non emendationem malorum, sed augmentationem, idem Cancellarius mandato Archipræsulis vteretur, & ad irritationem paternæ patientiæ & lenitatis. Quibus rebus nimirum Archiepiscopus exacerbat, iterum recollecto cœtu magistrorum, citari fecit ex post prædictum Cancellarium & ceteros superius nominatos, ad respondendum de tanto contemptu coram eis publice, & declarandum quid de præmissis damnatis articulis ipsi sentirent. Qui tandem post multas tergiversationes, imponendo duplicem sensum in eisdem, & cauillationes diuersas, coacti sunt, licet inuiti, simpliciter proferre sentire suum de præmissis, facta prius protestatione, quod vellent & intenderent esse humiles & fideles filii, & Ecclesiæ in omnibus obedire, &c. Concesserunt igitur cunctas præmissas conclusiones, intelligendo eas, prout verba sonant, fore vel hæreticas vel erroneas, iuxta quod dominus Archiepiscopus & magistrorum cœtus (vt ante retulimus) plena deliberatione definierant de eisdem.

*Comes Flandria
expellitur de terra sua.*

Comes Flandriæ circa dies istos expellitur cum dedecore grandi de terra sua, qui dum plus studet falsitati quam veritati, iniustitiæ quam æquitati, sentit repente manum domini aggrauatam super eum. Reuera Gandauenses cum iam nullatenus cum

eum fidem erga eos seruaturum agnoscerent, nec eis more domini debito præfuturum, postquam multa mala eis latenter & aperte irrogasset, vindicari statuunt in eum, & adhærentes sibi, si fortuna permittat. Quapropter in die Inventionis sanctæ Crucis, qui est dies celeberrimus in tota Flandria, dicti Gandauenses latenter (congregatis innumeris de communibus & stipendiariis Zelandensibus, necnon Brabantis & quibusdam Anglicis) hostiliter egressi sunt, & pene subito ad tertium milliarium à villa de Burges peruenerunt. Ductore quodam Philippo de Northfeld arcta villa, qui quondam consanguineus extitit Anglorum Regina Philippæ. Comes ergo audiens de aduentu Gandauensium, repente cum multis obuiam est egressus. Bellum igitur est commissum inter eos atrocissimum, & cadunt hinc vicissim plurimi. Sed Burgeneses sensere totum pene dispendium, prostratis in breui septem millibus ex eisdem. Cernens autem Comes partem suam totaliter infirmatam, & animos deficere reliquorum, concidit & ipse animo, & timide fugiendo festinat ad Burges, quem Gandauenses è vestigio infecuti sunt ad villam vsque de Burges, & portas violenter effregerunt, & fossas aqua repletas leui negotio transierunt. Nam villa non munitur muro, sed optimis fossis circumdatur & profundis: & sic in villam velociter irruperunt. Impedimento erat eis paulisper fossarum transilitio quibusdam de villa repugnantibus, cum interim qui in villa fuere quinque bella licenter ordinauerunt contra eos, & intra villam locauerunt. Quæ pene sine difficultate vicerunt, dissipauerunt, & occiderunt, & Comitem in Franciam fugere compulerunt. Peracta tandem strage belli, ad cædes ciuium conuertuntur. Discurrentes ergo per totam villam, scrutantur vbicunque locorum frequentatores istarum artium, videlicet piscariorum, pellipariorum, carnificum, & eorum quos Macleres vocant lingua sua, qui mercedes recipiunt ex vtraque parte pro negotiis expediendis: de quibus quosque repertos in ore gladii peremerunt. Excreuit autem numerus occisorum ad decem & septem millia virorum de Burges. Nonaginta vero de maioribus villæ de Burgges, captos Gandauum transmiserunt, veruntamen nulli mercatori extraneo nocuerunt, vel quicquam molestiæ intulerunt. Sed & Anglicis præcipue pepercerunt, adeo vt si quis conuinceretur de bonis cuiusquam Anglici aliquid rapuisse, mox sine respectu misericordiæ capite plectebatur. Et cum cuiusdam Anglici com-potorium, quod Comitor vocamus, esset contrafactum in prædicta deprædatione, & idem Anglicus de hoc deposuisset querelam capitaneo eorundem, cum interrogatus nesciret dicere quis hoc fecisset, capitaneus dedit ei equum suum, præcipiens ne de hac re vltius quæreretur, pro quo dictus Anglicus mox recepisse potuit octoginta florenos, cum refarcire damnum suum potuisset minus quam decem marcis. His itaq; gestis, Gandauenses tam prudenter disposuerunt pro villa de Burges, vt infra triduum omnia mercimonia & mercata ibidem (quod mirum dictu est) non minus aperte & quiete tenerentur & frequenterentur, q̃ triduo vel quadriduo tenebatur ante cōflictum. Deposita villa more suo, Gandauenses regressi sunt Gandauum in multis spoliis & triumpho, mittentes ex eis qui sequerentur, & obsiderent eos, qui ad munitionem de Vdenarde confugerant, & eandem contra eos præsumpserant detinere. Fuerunt equidem nobiliores & valentiores milites & armigeri totius Flandriæ, & putabant tum pro fortitudine loci, tum quia contigua est illa inimico prouinciis Galliarum, vnde auxilium eis de facili ferri posse credebant, ibidem se fore saluandos. Igitur obsidione disposita, circumfederunt locum per totum tempus æstiuale, quibus Comes Flandriæ apud sanctum Audomarum commorans plura damna pluries irrogauit, vt subuenire posset obsessis.

Circa festum sancti Iohannis ante portam Latinam conuocati sunt ad parlamentum Londonias cuncti maiores regni, & qui de consuetudine vocari solebant, quamuis in quadragesima præcedente factum fuisset aliud parlamentum, prout supra scriptum. In quo, petitione militum comitatum, Ioannes Straw præbyter, qui ductor fuit eorum qui insurrexerant apud Bury & Mildenhale, tractioni & suspensioni adiudicatur, licet multi putassent eum fuisse pecunia redimendum.

*Parlamentum
Londoniæ.*

Londoniis eo tempore quidam nebulo prætendens phisicum & astrologum proclamari per urbem fecerat, ne quisquam in vigilia dominicæ ascensionis cubiculum suum exire præsumeret, antequam dixisset quinquies orationem dominicam, & comedendo soluisset ieiunium, propter nebulam pestilentem, quæ eo die superuentura fuit. Rogauerat insuper se seruari interim, & pœna plecti fidens forte in fatuitate ciuium, si ipsum suum vaticinium fefellisset. Nam prædixit omnes subito morituros, qui

*Quidam nebulo
phisicus aquo im-
postum mendacis
mercedem rece-
pit.*

qui secus quam ipse consulerat facturi essent. Plures igitur parentes consilio ganeo-
nis, eique credentes, eo die nec ad missas audiendas processerunt, nec egredi volue-
runt, priusquam illius diei ieiunium violassent. In crastino, cum mendacium latere
non posset, captus est, & equo impositus, equinaque cauda commissa suis manibus
loco fræni, & duæ ollæ, quas Iordanes vulgo vocamus, ad eius collum colligantur, cum
cote in signum quod illam mentiendo promeruit, & ita circumductus est per omnem
ciuitatem in conspectu cunctorum physicorum & chirurgorum digna dehonestati-
menta recipiens pro mercede.

*Anglici nauem
Falconem à pi-
ratis diripiunt.*

Prope tempus istud nostrates cum quibusdam viris de Rya, & nonnulli de patria
sunt egressi ad lustrandum mare, & pugnandum ab incurso piratarum, cum ecce re- 10
pente vident quasdam naues hostiles, inter quas conspiciunt vnā nauem, quæ quon-
dam fuerat domini Thomæ de Latimer, & vocabatur Falco, propter insigne falco-
nis, quod positum erat ad cognitionē dictæ nauis. Hæc dudum (prævalentibus hosti-
bus) capta fuit, & per eosdem abducta. Hanc igitur cum nostri vidissent, & ad Anglo-
rum dedecus ampliātam, & insigne pristinum superpositum in vituperium Anglico-
rum, se periculo cuncti deuouent, & statuunt extrema quæque pati, nisi eam victorio-
se recuperare valerent. Præmissis ergo qui suaderent hostibus, qui in ea erant, ut eam
pacifice redderent, cum nihil præter cachinnos recepissent, ad conflictum se præpa-
rant hinc & inde, & post diuturnum belli congressum, nostris prævalentibus, reddita 20
est nauis, occisis prius in ea, & sex aliis vasis captis cum eadem, trecentis viris. Regres-
si sunt quoque nostri cum victoria commendanda, ducentes secum prædicta vasa o-
nusta multis bonis, puta vino, cera, & diuersi generis mercibus, non parum incolis
profuturis.

*Dux Andegauia
coronatur in Re-
gem Neapolis.*

Dux Andegauia coronatus ab Antipapa Auinione in Regem Neapolis, circa
dies istos carpit iter versus Neapolim cum magna turba dominorum Gallia, & comi-
te de Saueya ad deponendum Carolum, quem supra diximus à Papa coronatum in
Regem dicti regni, & quia Regina victa iure conquestus occupauerat regnum illud:
Fertur autem dux præfatus traxisse cum eo tria millia hominum armatorum, & mille
balistarios, præter illos qui Comitem de Saueya secuti sunt, quorum numerus (ut vsu
vulgari loquar) ad sexcentas lanceas ascendebat, & præter triginta galcias per mare 30
destinatas, armatas optime, & ad vsu proelii præparatas. Præmisit autem ante faciem
suam in Italiam gentibus quæ in Lombardia & Tuscania commorantur, tres solennes
nuntios, ad manifestandum aduentum suum, & aduentus causam innuens, videlicet
se venturum ad succurrendum & iuuandum ac recuperandum Ioannæ reginæ, quam
Carolus deposuerat, regnum illud. Et hæc quidem erant verba monstrata de foris ad
omnes dominos & communes Italia per nuntios suprascriptos.

*Perturbationes
per Londinenses.*

Londonienses isto tempore cæperunt ultra modum inolescere in perniciosum
exemplum vrbiū aliarum. Reuera freti maioris illius anni Iohannis de Northam-
pton auctoritate superciliosa, præsumpserunt Episcopalia iura, multas dehonestatio-
nes inferentes, in fornicationibus vel adulteriis deprehensis. Captas nempe mulie- 40
res in prisona, quæ vocatur dolium, apud eos primo seclusas incarcerarunt. Postremo
productas ad conspectum publicum, decissa cesarie, ad modum furum, quos appella-
tores dicimus, circumduci fecerunt in conspectu cunctorum inhabitantium ciuita-
tem, præcedentibus tubicinis & fistulatoribus, ut latius innotescerent personæ earun-
dem, nec minus huiusmodi hominibus pepercerunt, sed eos iniuriis multis & oppro-
briis affecerunt. Animati etenim fuerant per Iohannem Wiclif & sequaces eius, ad
huiusmodi perpetrandum in reprobationem prælatorum. Dicebant quoque se ab-
hominari curatorum non solum negligentiam, sed & detestari auaritiam, qui studen-
tes pecuniæ ommissis pœnis à iure limitatis, & receptis nummis, reos fornicationis &
incestus fauorabiliter in suis criminibus viuere permiserunt. Dicebant se utique 50
pertimescere, ne propter talia peccata in vrbe perpetrata, sed dissimulata, tota ciuitas
quandoque Deo vlciscente ruinam pateretur. Quapropter velle se purgationem fa-
cere ciuitatis ab huiusmodi inquinamentis, ne forte accideret eis pestis aut gladius,
vel certe absorberet eos tellus. Erat autem maior eorum homo duri cordis & astu-
tus, elatus propter diuitias & superbus, quoniam nec inferioribus acquiescere, nec
superiorum allegationibus siue monitis flecti valeret, quin quod inceperat proprio
ingenio, toruo proposito ad quemcunque finem perducere niteretur. Habebat plane
totius communitatis assensum ad noua moliendum, quia

Mobile versatur semper cum principe vulgus.

& quo

& quo rarius audita vel visa tentaret, eo auidius eum sequi ad huiusmodi negotia festinaret. Factumque est, vt curatus eorum Episcopus Londinensis, veritus indisciplinatum cum capite vulgus, & malitiam temporis, contra eos procedere non auderet. Sed & ipsum Archiepiscopum irreuerenter turba præsumpsit in ciuitate sedentem impedire, cum processum fuisset contra quendam Iohannem Aston magistrum in artibus, & arctissimum sequacem Iohannis Wiclif, effractis foribus conclauis, in quo idem Archiepiscopus sedit cum turba Theologiæ, & iuris professorum. Nec sufficere eis ista, quin apponeret maior supranominatus (adiutorio & fauore communis plebis) omnes piscarios ciuitatis ad tantam miseriam illo anno producere, vt melioris conditionis esset extraneus quisque piscator, quam illi, qui ciuitatem vrbis vel hereditarie vel emptione possidebant. Reuera cuilibet licebat forinseco, suos pisces in propria persona infra ciuitatem vendere, cum piscariis ciuitatis adempta facultas fuisset ita facere sub magna forisfactura, corporibus eorum nihilominus carceri detrudendis, si contrauenire tentarent. Quid plura? in tantū arctauit eosdem piscarios, vt compulsi faterentur aperte, artem quam hactenus exercuerant, non esse artem, nec pro arte computandam, aut nominandam inter ceteras artes ciuitatis, effecitque, vt qui antea superiores in ciuitate fuerant, vix inferiores esse permitterentur. Eos autem, qui per ante banniti fuerant, & quibus interdictum est, ne consiliis & tractatib. ciuitatis interessent de cetero, ad gradum pristinum reuocauit, quorum consilio & ordinationi subiecta est tota communitas cum ipsa ciuitate, qui studentes quomodo quammaxime communibus complacere possent, & Maior eorum eis fieri valeret acceptior. Nullum permiserunt forinsecum piscatorem transire per urbem ad differendū patriæ victualia, sed omnes expectare fecerunt ibidem, & communibus vendere pisces suos, apposito pretio iuxta voluntatem Maioris. Commune vulgus igitur cernens forum venalium emendatum, vsque ad sydera Maiorem extolunt, & iam habentes odio concius suos piscarios eos exterminare (si id oporteat, & maiori placeat) sunt parati. Sed de patria conuicina in his omnibus nihil cogitarunt, quæ de eorum abundantia summam patiebantur inopiam, dum nihil patriæ inferre permiserunt. Enimuero illis viluit pretium marinorum piscium, patriæ autem non tantum carum, sed omnino carum factum est, illis impredientibus commeatum. Contigit ergo, vt vnde maior vrbis fauorem meruit, inde maledictionem incurrit, & odium totius patriæ conuicinæ. Et Londoniis quidem eo tempore res ita se habebant.

Hac æstate in Anglia terræmotus est magnus, vbi raro cernitur vel auditur, 12. *Terræmotus.* Calendas Iunii hora 9. multorum mortalium corda deterrens. In Cantio tamen vehementius terra tremuit, in tantum vt Ecclesias quasdam concuteret, & dirueret solo tenus. Secutus est & alius terræmotus nono Calend. eiusdem mensis summo mane ante solis ortum, sed non ita terribilis sicut prior.

Romani eo tempore seditiosi & inquieti insurgere contra Papam & Cardinales cæperunt, & tantum terrorem Cardinalibus incusserunt, vt pene fugerent vniuersi, vel diuerticula quærentes & latebras, quibus saluari possent à facie furoris crudelis & indisciplinatæ plebis. Sed dominum Papam in sua iustitia confidentem & adiutorio sperantem altissimi non plebs armata, non clamor horribilis, non discursus inordinatus vulgi perterruit, quin confidenter assumpta cruce sua manibus egrederetur ad eos, huiusmodi verba faciens ad eosdem. Quid est (inquiens) filii, quid molimini, subuertere nitimini amicos vestros? Quid in vos peccauit Collegium fratrum meorum? quare exarsit ira vestra in eos qui vos diligunt? aut certe si me quæritis, cur moramini caput meum tollere? Ecce caput in manibus vestris est, si placet tollite vt pax reformetur: si tamen hoc opus habetis. Videntes autem Romani tantam in viro constantiam, tanquam telo trabali percussi, cuncti protinus corruerunt ad terram, indulgentiam implorantes flebiliter de commissis, & paternam benedictionem humiliter postulantes. Quibus dominus Papa (eleuata manu) libenter benedictionem impartitus est, monens vnumquemque cum pace ad propria remeare, & à talibus, tumultibus & seditionibus imposterum temperare. Qui parentes paternis monitionibus, non sine grandi miraculo, deposita suæ feritatis malitia, ad propria sunt reuersi.

Dominus Papa sub istis temporibus postquam distulisset per amplius quam biennium electionem factam de Iohanne Tymworthe apud Burye confirmare, tandem regalibus & procerum literis pulsatus frequentibus, Edmundum Bromfielde

Bb

(cui

Papa confirmat Iohannem Tymworthe in abbatem S. Edmundi, sed non sine pecunia.

(cui contulerat Abbathiam de Bury) transtulit ad Abbathiatum cuiusdam monasterii in Wasconia: si tamen Regi placuerit eundem Edmundum à diutina quam per tulerat carceris custodia liberare. Iohanni vero Tymworth non confirmando electionem de ipso factam, sed per prouisionem concessit Abbathiam, ita duntaxat, vt solueret Romanæ curiæ duplicis vacationis censum, videlicet pro Iohanne Brin clee & Edmundo Bromesfeld, & ita videbatur nouissimus error esse peior priore. Fra tres tamen monasterii tamdiu paterno destituti solatio, ad hanc formam consense runt, non considerantes, quod eundem Edmundum prius prouisionaliter eis datum abegerant, & quanta pro tuitione causæ suæ profuderant, ne videlicet electio facta per eosdem locum non haberet. Regi vero regioque consilio non placuit ista forma 10. papalis collationis, tum quia credebant electiones in futurum faciendas per eandem si admitteretur periclitari, tum quia turpe videbatur eis flecti de causa, quantam diu dictante conscientia defenderant studio pertinaci. Et ita videbatur amor iuris & æ quitatis dilectio inter monachos quodammodo dormire, inter sæculares & laicos vigilare. Hoc anno mense Decembri stella cometa apparuit in occidente amplius quam per quindenam.

*Richardus Scrop
miles primatus
officio Cellarii.*

Dominus Richardus Scrop miles, quem supra docuimus per regni communitatem & assensum dominorum electum in regni Cancellarium, per dies istos deicitur de officio Cancellarii, quod laudabiliter administauerat & prudenter. Causa deiectionis eius extitit pertinax resistentia regiae voluntati, qui desiderabat semetipsum exinanire, ut forinsecos exaltaret. Enimvero post mortem Edmundi de Mortuomari comitis Marchiae, aliorumque dominorum, qui nuper in fata concesserant, accedentes ambitiosi, tam milites quam armigeri, & inferioris gradus famuli ad Regem, postulabant ab eo terras certas, & dominia mortuorum sibi concedi, pro tempore quo de regni consuetudine Rex deberet ea in manibus retinere. Quibus Rex utpote puer nihil moratus, postulata concessit, & mittens eos ad Cancellarium, iussit ut eisdem chartas sigillo magno signatas contraderet iuxta arbitrium voluntatis eorum. Cancellarius autem, qui cupiebat ardentem regni profectum, Regis quoque commodum negavit eis plane petita. Afferens Regem ære alieno multum prægrauatum, opus habere talia contingentia penes se detinere, ut per ea debita sua possit in parte debitoribus restituere. Ipsos autem qui nouerunt quibus debitis Rex obligatus erat, non esse fideles regi, dum magis suæ consulere avaritiæ, quam utilitati regiae, emolumenta talia postulantes, & priuata commoda publicis necessitatibus præponentes. Quapropter desisterent ab huiusmodi postulationibus, & contenti essent superioribus Regis largitionibus, quæ satis erant competentes eis. Scientes, proculdubio ipsum nullas chartas confirmatorias eisdem facturum aut sigillaturum de huiusmodi Regis donationibus, qui nondum pueriles annos excesserat, ne forte malas ab eodem grates reciperet in futurum.

*Richardus Scrop
figillum regi dat.*

Igitur reuerſi, qui à Cancellario talia venerant petíturi, renuntiant Regi obſtinatum eſſe animum Cancellarii, & nihil eum velle facere regis ad imperium, ſed contemnere potius regale mandatum, regem cum ſeueritate debita, tam effrenatam inobedientiam debere celeriter coercere, aut cito futurum eſſe, vt regis honor vileſceret apud ſuos, & imperium non valeret. Rex ergo qui ſapiebat vt paruulus, plus attédens delatorum falſas machinationes quam ſui Cancellarii fideles allegationes, in furoris ſpiritu mittit, qui ſigillum ſuum expeterent ab eodem, & ſibi deferrent. Et cum iterum atque iterum miſiſſet rex per ſolemnes nuntios, vt ſigillum ſibi remitteret, Cancellarius ita reſpondit, ſigillum (inquit) paratus ſum reſignare, non vobis, ſed ipſi, qui mihi illud ſeruandum tradidit, nec erit medius portitor inter me & illum, ſed ego reſtituam illud manibus ſuis, qui mihi propriis non alienis manibus commiſit illud. Et ita pergens ad regem, ſigillum quidem retradidit, & ſe fidelem Regi (ſicut hætenus) fore repromiſit. Officiarium tamen ſe futurum ſub illo impoſterum denegauit. Et ita rex recepto ſigillo, multis diebus quicquid libuit faciebat, donec magiſter Robertus Braibrook Londonienſis Epiſcopus officium Cancellarii ſuſcepiffet. Audientes igitur non ſolum magnates regni, ſed & ipſa communitas, Regem contra regni conſuetudinem, Cancellarium depoſuiſſe captioſe, quem tota regni nobilitas cum ſuffragio totius vulgi delegerat, indignati ſunt valde. Nemo tamen audebat aliquid palam loqui de materia propter malitiam Regi aſſiſtentium, & ipſius Regis irrationabilem iuuentutem. Et ita Regis regniq; commoda ſuppeditata ſunt à facie inſipientiæ Regis, & à malitia inhabitantium cum eodem.

Circa

Circa festum beati Michaelis Archangeli, quidam in Northfolcia dæmone agitati, quos non castigauerant aliena pericula, mortes aut tormenta non terruerant aliorum, facta conspiratione congregauerunt iniquitatem sibi, & firmiter statuerunt (si fortuna faueret) Episcopum Norwicensem, & cunctos maiores patriæ interceptos inopinato necare, & (vt maiori fulcirentur potentia) nundinas apud sanctam Fidem adire latenter decreuerunt, & cunctos congregatos ibidem cogere, vel in sua vota iurare, vel sine dilatione trucidare. Quibus ad effectum productis, cogitauerunt occulte præoccupare Abbathiam sancti Benedicti de Hulmo, quod fortis munitio videbatur eis futura, si aliquid periculi contra eosdem perfidos immi-
10 neret. Sed hæc omnia, antequam ad effectum perducere possent, compressa sunt, vno de coniuratis prodente consilium reliquorum, vnde contigit, vt inopinato caperentur conspiratores, & dignam malitiæ suæ apud Norwicum subirent pœnam, capibus amputatis.

Conspiratio inter homines de Northfolcia.

Circa idem tempus vocati sunt ad parlamentum (prout moris est) maiores regni, & quorum intererat de consuetudine interesse. Ad quos venerunt maiores de Flandrensibus, missi de Flandria per conciuēs suos, ad supponendum se & terram suam Domino Regi Angliæ eorum domino naturali, scilicet Comite Flandriæ abdicato. Et quoniam minus sufficiens esse videbatur ista legatio, remissi sunt ad redu-
20 cendum cum eis quosdam de singulis villis Flandriæ, qui maioris reputationis essent & famæ, de quibus merito constaret, quod potestatem haberent tractatum huiusmodi facere, & pactum firmare super præmissis. Quorum aduentum simul & petitiones, ac responsa, quæ ceperunt, cum locus & tempus se ingesserint, describemus. In isto Parlamento maior Londoniarum cum magnâ parte communitatis, facta suggestione regi & consilio de fraude ac deceptione, quam (vt assererat) exercuerant piscarii in distractione victualium, impetrauerunt, ne de cetero vllus eorum vel reliquorum, qui victualia distraherent, puta vinum, carnes, aut qui de numero sunt apothecariorum elegantur in maiores ciuitatis. Et ita indies elaboratum est per Maiorem, ne vnquam piscarii occasionem possent habere ad gradum pristinum aspirandi, adempto ipsis tantæ dignitatis honore. Considerans insuper Maior domini Iohannis Philpot auto-
30 ritatem in ciuitate plurimum præualere, & cognoscens, quod amicus erat illis, quibus Maior ipse inuidebat, abdicari fecit eum, ne de cetero tractatibus secretis ciuitatis & consiliis interesset, virum videlicet, qui plus cunctis pro libertatibus ciuitatis laborauerat & honore. Alios autem (vt præmittitur) qui quondam falsi reperti fuerant, & propter hoc abdicati, ad tractatus vrbis & consilia reuocauit,

Parliamentum ad quod venerunt Flandrenses.

Dans veniam Coruis vexans censura Columbas.

Episcopus Norwicensis dominus Henricus le Spencer parum ante istud tempus receperat bullas à domino Papa sibi directas ad cruce signandum quoscunque volentes cum eo proficisci in Franciam ad destructionem Antipapæ, qui se Clementem appellauit, & sanctificandum bellum contra quoslibet adhærentes sibi. Quas
40 bullas, quia ei magnam contulerant potestatem, fecit in parlamento publicari & earum exemplaria fecit dirigi circumquaque, & in ostiis Ecclesiarum, & in prætis monasteriorum publico conspectu iussit affigi. Bullam præterea, quam Papa sibi misit, & ius suum & iniuriam quam irrogauerant ei aut Papales declarantem publicauit ibidem, cuius tenorem non de verbo ad verbum, sed effectum præsentibus inferemus.

Bulla papalis episcopo Norwicensi directâ.

Bulla Papalis, in qua Papa conqueritur de filiis, quos exaltauerat Romana Ecclesia, qui versa vice conati matrem suam viperinis conatibus laniare. Vnde dominus Papa de suorum confratrum consilio, decreuit exurgere contra eos & adhærentes eis & fauentes, qui colligationes, conspirationes & machinationes diuersas facientes in Ecclesia Dei, schisma & diuisionem ponere, & ciuitatem Anagniam, & castellum sancti Angeli de vrbe, & nonnulla alia castra, terras & loca Paschalia occupare præsumpserunt, & insuper venire fecerunt ad ciuitatem, & alias terras prouinciæ suæ Campaniæ violenter occupandas multitudinem gentium, armigerorum, quæ Britones, Vascones nuncupantur, qui ibidem plura homicidia, sacrilegia, rapinas, depopulationes, & alia mala ac damna, & scelera perpetrarunt. Et cum exhortasset eos, vt ad cor redirent per Petrum episcopum Portuensem aliosq; duos Cardinales, & multos honorabiles & probos viros, ac etiam per literas suas iteratis vicibus, & ipsi nihilominus contempnissent eius monitis obedire, quem dudum in vrbe per ipsos & alios, ad quos spectabat in Papam elegerant, ac debitis & consuetis solennitatibus ob-

Effectus prædictæ bullæ.

seruatis inthronizauerant, ac publice coronauerant, & quem tanquam Papam summum Pontificem in missarum solemnibus & consistoriis publicatis & priuatis consulendo, & ordinando de statu Romanæ Ecclesiæ, ac Reipublicæ, per plures dies tractauerant, recipiendo ab eodem Ecclesiastica sacramenta, ac dignitates, ac beneficia Ecclesiastica pro se & aliis ab eo impetrando, diuersos libellos diffamatorios fecerunt, & illos ad diuersos prælatos & mundi principes transmiserunt, per quos asserabant eum non verum Papam fore, ac multa alia & enormia de ipso dicere præsumpserunt, & tandem cum quibusdam aliis, quos cum eorum suggestionibus ad eorum impium propositum attraxerant, congregati in domo iniquitatis filii Honorati Caietani, olim comitis Fundorum, cum ipsius Honorati auxilio & fauore, Robertum olim Basilicæ 12. Apostolorum vulgariter dictum Gebenensem, Iohannes Carter sancti Clementis vulgariter dictus, maioris monasterii præbyter Cardinalis, & Petrus olim Tarter sancti Eustachii diaconus Cardinalis, temere eligendo Antipapam fecerunt, ipsumque ausu sacrilego Papam nominare præsumpserunt & præsumunt. Ipseque Robertus se Papam nominare ausu temerario non erubuit. Præterea cum etiam iniquitatis alumnus Petrus olim Archiepiscopus Arelatensis, & camerarius eiusdem domini Papæ, diabolico spiritu instigatus, de vrbe prædicta (ubi cum eo erat) absque licentia sua, & quasi furtiue recessit, & de Camera Papæ quamplura iocalia & alias res magni valoris & preciosa, ad dominum Papam & Romanam Ecclesiam pertinentia, secum asportauit, & ad dictam Ciuitatem Anagniam se conferens, cum prælatis sceleratis diuersas conspirationes & colligationes ordinare & facere, & ad conducendū dictas gentes, armigeros, ad dictam Ciuitatem Anagniam, consilium, auxilium & fauorem præbere. Et tam ipsi, quam prohibitionis filii, Iacobus olim Patriarcha Constantinopolitanus, Nicholaus olim Archiepiscopus Cencensen. Petrus olim Vrbinas, Petrus olim Axutis Flaston, Iohannes olim Gebenensis, & Franciscus olim Gaiciens. Episcopi, Bertrandus Rasim olim clericus Cameræ Apostolicæ, & Matellus Cassilii olim rector Ecclesiæ sanctæ Mariæ Pedigriptæ prope Neapolim: ac etiam iniquitatis filii, Honoratus prædictus, Anthony olim Comes Casertan. Franciscus de Vico olim præfectus vrbis, Iohannes de Malastrete, Nicholaus Spinellus de Iumenatio, alias dictus de Neapoli, Siluester Bude, Bernardus de Lafala milites, & Guilhonetus de Lafala domicellus præfatus Roberto adhærere, credere, ac fauere, & eum Papam prædicare, & prædicari facere non verentur. Ipsumque dominum nostrum Papam non fore Papam, nec Romanum Pontificem, eorum falsis & confictis mendaciis asseuerant, & Franciscus de Vico ciuitatem domini Papæ Viterbiensem, & Iohannes de Malastrete, Siluester Bernardus, Petrus de Lafaga, & Guilhonetus, cum eorū complicitibus, dictā ciuitatem Anagniam, & alias terras Papæ occupare, & occupantibus fauorem præbere præsumpserunt, crimen hæresis, schismatici, læsæ Maiestatis & apostasiæ damnabiliter incurrendo. Cumque huiusmodi excessus & scelera essent adeo notoria, quod nulla possent tergiversatione celari, dominus Papa ad maiorem certitudinem eorundem, Iohanni titulo Sanctæ Sabinæ, & Gulielmo titulo Sancti Eusebii præbyteris Cardinalibus successiue, & indiuisim commisit, vt se de prædictis informarent, qui informationem huiusmodi per eos debite receptā domino Papæ in consistorio retulerunt, prædicta excessus & scelera fuisse, & esse notoria, & esse manifesta. Et tandem dominus Papa nequies absque graui offensa Christi, & remorsu conscientiæ tot & tantos excessus amplius tolerare, aduersus præfatos sceleratos viros in virtute altissimi de dictorum fratrum consilio (vt præmittitur) exurgere dignum duxit, & contra ipsos procedere iustitia mediante. Ipsi igitur ad hoc legitime citatis, & aliis debitis iuris solemnitatibus obseruatis per Papalem diffinitiuam sententiam, decreuit & declarauit prædictos Robertum, Iohannem, Geraldum, Petrum, olim Cardinales, nec non Iacobum olim Patriarcham, Petrum olim Arelatensem, &c. fuisse & esse schismaticos, & contra Papam conspiratores, & blasphemos, & tanquam hæreticos puniendos, & reos criminis læsæ maiestatis, ipsosq; pariter excommunicatos & anathematizatos, & incidisse in pœnas & sententias tam à iure, quam ab homine in talia perpetrantes inflictas & promulgatas, &c. Ac etiam declarauit dictos Robertum, &c. fuisse & esse depositos, & ab omnibus beneficiis Ecclesiasticis quibuscunque fuisse & esse priuatos & inhabiles, & inhabilitauit etiam ad habenda. Declarauit etiam prædictos Patriarcham, & Archiepiscopos, & Episcopos depositos ab omnibus dignitatibus Pontificalibus, &c. Necnon prædictum Honoratum, &c. deposuit dominus Papa

ab

- ab omnibus dignitatibus & honoribus, & gradu militiæ, & cingulo militari. Priuauit, ac etiam declarauit tam prædictorum olim Cardinalium, quam etiam omnium aliorum superius nominatorum bona & immobilia, ac iura & iurisdictiones fuisse & esse confiscata, & personas eorum detestabiles fuisse, & esse exponendas, & eas exposuit à Christi fidelibus capiendas; vt sic captæ, si absque eorum fuga & euasione periculo fieri posset, eidem Papæ indilate transmitterentur, alioquin arctis carceribus traderentur, & sub fida custodia detinerentur, donec aliud super hoc ipse mandaret. Credentes præterea, receptatores, & defensores eorum, & fautores excommunicationis sententia innodauit, absolutionem ipsorum præterquam in
- 10 mortis articulo Romano Pontifici reseruata. Decreuit insuper, quod quicumque aliquem ipsorum scienter præsumerent Ecclesiasticæ tradere sepulturæ, excommunicationis sententiæ subiacerent, à qua absolui præterquā in mortis articulo nō possent, nisi prius propriis manib. extumulerent, & procul eiicerent ab ecclesiastica sepultura corpora eorundem. Et subsequenter inhiuit omnibus Christi fidelibus, &c. ne in locis suis aliquem prædictorum scienter reciperent, seu eis ad illa loca, in quibus prædicti damnati vel aliquis illorum habitarent, vel moram traherent, blada, vinum, carnes, pannos, ligna, vel villa victualia, ad eorum vsum vtilia, portare, mittere, seu portari, mitti, aut deferre præsumerent, si hoc prohibere possent. Prohibuit insuper dominus Papa, ne quis impedire præsumeret quouismodo, quominus prædicti
- 20 Robertus, &c. caperentur, detinerentur, & ad eum transmitterentur: præcepit quoque, vt quilibet auxilium præstaret ad captionem eorundem. Qui vero contra præmissa facerent, seu qui præfatum Robertum, qui se Clementem Papam nominat, scienter Papam nominarent, vel tenerent, vel ipsum Papam crederent vel prædicarent, si persona singularis, excommunicationis, si vero communitas vel vniuersitas esset, vt interdicti sententias incurrerent, & ciuitates ac terræ eorum aliorum carerent commercio ciuitatum, locorum atque terrarum, ac ciuitates ipsæ se noscerent pontificali dignitate priuandas, & quod huiusmodi excommunicationis sententia nullus ab alio quam à Romano Pontifice (præterquam in mortis articulo) absolui, nec interdictum huiusmodi per alium possit quam per eundem Pontificem Romanum relaxari. Inhabilitauit insuper omnes, qui à præfato Roberto quælibet beneficia acceptarent. Dedit deinde præfato Norwicensi Episcopo potestatem publicandi per se vel per alios omnia præmissa, & contra præfatos damnatos procedendi, &c. Concessit præterea dominus Papa omnibus vere poenitentibus & cōfessis, qui præfatum Robertum Antipapam & alios damnatos prædictos, & eorum complices expugnabunt in personis propriis vel alienis, & super hoc per vnum annum incipiendum, a die quo Episcopus Norwicensis duxerit ordinandum continue, vel interpolatum in executione huiusmodi laborabunt, Ecclesiæ sequendo vexillum tam clericis quam laicis, & eis insuper, qui eis duntaxat expensas iuxta quantitates & facultates suas destinabunt, vel Episcopo, vel alteri deputando per eum, ministrabunt sufficientia stipendia, & destinare valeat idoneos bellatores per dictum tempus bellaturos, & moraturos ibidem, illam indulgentiam, quæ concedi consuevit, proficiscentibus in subsidium terræ sanctæ.
- 40

- Priuilegia per sanctissimum in Christo patrem, & dominum Vrbanum diuina prouidentia Papam sextum domino Henrico Norwicensi episcopo conceduntur. In primis, quod dictus Episcopus possit exequi capitalia contra Antipapam, & ei adhærentes, fautores, & consiliarios vbicunq; locorum cum manu forti. Item habet potestatem publicandi processus contra Antipapam, & ei adhærentes, & quoscunq; alios per dictum dominum Romanum Pontificem contra ipsos & ipsorum singulos fulminatos. Item habet potestatem inquirendi summarie, & de plano de omnibus & singulis schismaticis, & ipsos incarcerandi, & ipsorum bona mobilia & immobilia confiscandi. Item habet potestatem priuandi laicos schismaticos, quibuscunq; officiis secularibus, ipsaq; officia conferendi aliis personis idoneis. Item habet potestatem priuandi, & priuatos declarandi quoscunq; schismaticos clericos in hac parte, ipsorum beneficia, cum cura vel sine cura dignitates, personatus, vel officia conferendi aliis personis idoneis. Item habet potestatem in personis exemptis, laicis & clericis, secularibus & regularibus, etiam si fratres fuerunt de ordine mendicantiū, seu pceptores, aut aliarum professi domorum, vel hospitalis S. Ioannis Ierosolomitane, aut beate Mariæ Theutonicorum, vel cuiuscunq; aliorum ordinum professores. Item habet potestatem dispensandi cum quibuscunq; clericis secularibus beneficiatis cum cura
- 50

Privilegia concessa à Papa Episcopo Norwicensi pro executione præmissorum.

vel sine cura, etiam dignitatibus, personatus, vel officia habētibus, etiam regularibus exemptis vel non exemptis, quod ipsorum singuli poterunt secum abesse de ipsis beneficiis, dignitatibus, &c. sub vexillo crucis sine licentia ipsorum prælatorum obtenta, cum integra perceptione fructuum beneficiorum suorum, ac si personaliter residerent. Item conceditur omnibus transeuntibus suis propriis sumptibus & expensis, vel etiam alicuius expensis plena remissio peccatorum, & tot priuilegia conceduntur secum transeuntibus in terræ sanctæ subsidium. Item illi qui propriis bonis & facultatibus ministrabunt sufficientia stipendia idoneis bellatoribus iuxta discretionem dicti Domini Episcopi, vel alterius deputandi per eum; licet ipsi met personaliter non interfuerint in executione negotii prædicti, consimilem habebunt remissionem peccatorum, vt supra, & indulgentiam, sicut secum personaliter interessent. Item huius remissionis sunt participes omnes, qui ad expugnationem dictorum schismaticorum dicto Episcopo de bonis suis congrue ministrabunt. Item si aliquem sequendo vexillum per iter arreptum mori contigerit, vel interim ipsum negotium congrua terminatione compleri integre percipiet ipsam gratiam, & erit particeps indulgentiæ & remissionis memoratæ. Item habet potestatem excommunicandi, suspendendi, interdicens quascunque personas rebelles, seu impendentes ipsum exercere potestatem sibi commissam, cuiuscunque dignitatis, status, gradus, preheminentiæ, ordinis, loci, conditionis extiterint, etiâ si regali, aut reginali, aut imperiali, seu quauis alia Ecclesiastica, vel mundana præfulgeant dignitate. Item habet potestatem compellendi quoscunque religiosos, etiam de ordine mendicantium professores, si sibi videbitur expediens destinare seu transmittere pro executione prædictorum.

Mandatum Episcopi Norwicensis clericis & rectoribus ad publicandum bullæ prædictam.

Henricus permissione diuina Norwicensis episcopus, sedis apostolicæ nuntius, dilectis nobis in Christo omnibus & singulis rectoribus, vicariis & capellanis parochialibus per ciuitatem & diocesis Eborac. constitutis, salutem in domino. Licet vobis omnibus singulis auctoritate apostolica in domino exhortauimus, & districte præcipiendo mandauimus, quatenus vestris parochianis cruciatam nobis commissam & eius virtutem pro tempore & loco magis oportunis publicaretis, cuius sustentatores, fautores, & auxiliares, secundum nostram seu nostrorum deputatorum discretionem plena conceditur remissio peccatorum, & ultra hoc salutis æternæ pollicetur augmentum, 30 prout in litteris Apostolicis per totam Angliam legitime publicatis plenius continetur. Et quia ex relatione fide dignorum facta sentimus, quod exhortatio nostra & mandatum nullum aut modicum sortiuntur effectum, maxime (vt creditur) propter negligentiam curatorum in diminutionem fidei catholicæ, & periculum animarum, quæ faciliter consilio & exhortatione vestra præfata priuilegia, & gratiam consequi potuerunt sempiternam. Quapropter nos animarum salutem & profectum affectantes, ne huiusmodi gratiæ spiritualis & insolitæ pretiosum munus, seu vestra potestas aliquem parochianum vestrum, quantum in nobis est, lateat in futurum. Nomina autem singulorum parochianorum vestrorum scribi faciatis, summas & donationes soluentium super ipsorum nomina signando, & non soluentes de diebus in dies 40 quotiens, quando plus expedit, non solum diuites, sed pauperes ad similitudinem pauperculæ viduæ, sanos & valetudinarios maxime in confessionibus prudenter tractetis & inducat, vt huiusmodi sancto viagio in destructionem & exterminium hæreticorum modernorum manus apponant adiutrices, vt meriti & præmii in hac parte indultorum valeant esse participes, & vos ex hoc ab onere curæ vestræ plurimum releuari. Insuper huius viagii sancti perturbatoris, seu nostris mandatis verius apostolicis rebelles schismatis moderni fautores citetis, seu citet aliquis vestrum peremptorie, quod certo termino per vos vel aliquem vestrum præfigendo compareant personaliter coram nobis, vel commissariis nostris in Ecclesia cathedrali sancti Pauli Londoniensi, ostensuri & proposituri pro termino præciso & peremptorio, quare 50 incensuras contra talia perpetrantes fulminatas pronuntiari non debeant, incidisse ulteriusque facturi & recepturi, quod iustitia suadebit, de nominibus & quantitate elemosinam in hac parte conferentium necnon de diebus citationis vestræ, modo & forma eiusdem nos vel nostros commissarios discrete & prudenter certificetis, ceu certificet aliquis vestrum, de quibus omnibus & singulis, & cuiuslibet vestræ conscientiam oneramus, vobis in virtute obedientiæ, qua sedi apostolicæ tenemini firmiter iniungentes quatenus præsentis literas nostras inter parochianos vestros publicatas copiis penes vos retentis, ipsas ad curatum proximum in dioc. præfata celeriter transmittatis. In cuius rei testimonium sigillū cruciatæ, quo in hac parte vtimur præsentibus apposui-

posuimus. Dat. in hospitio nostro apud Charyngu iuxta Westmonasterium. 9. die mensis Februarii. Anno domini millesimo trecentesimo octuagesimo secundo, & consecrationis nostræ tertio decimo.

Authoritate Apostolica mihi in hac parte commissa te A.B.ab omnibus peccatis tuis ore confessis, & corde contritis, & de quibus confiteri velles, si tuæ occurrerēt memoria absoluius, & plenariam tuorum peccatorum remissionem indulgemus, & retributionem iustorum ac salutis æternæ pollicemur augmentum, & tot priuilegia quæ in terræ sanctæ subsidium proficiſcentibus conceduntur tibi concedimus, ac Ecclesiæ vniuersalis synodi, & Ecclesiæ sanctæ catholicæ orationum & beneficiorum suffragia tibi impartimur.

Forma absolutio nis.

Vix parlamento terminato lugubria noua feruntur è Flandria de solutione obſidionis villæ de Owdenarde, & de morte Philippi de Nartfelde, & confusione magna Flandrenſium per bellum Britonum & Francorum. Enimuero rex Franciæ cum omni militia suæ terræ, & quibuscunque quos poterat de exteris regionibus in auxilium euocare, Flandriam est ingressus, quibus Gandauenses incunctanter obuiâ exierunt, sperantes in auxilio sociarum ciuitatum & villarum Flandriæ, quod fuit eis causa magnæ ruinæ. Reuera cum ad bellum peruentum esset, & iam inclinari cæpiſſet status belli, de parte Francorum superuenit multitudo maxima de villa de Burges & partibus adiacentibus, quasi ad auxilium ferendum Gandauensibus, quem tamen eodem prodere cogitabat. Igitur Gandauenses nihil doli metuentes, sed instanter & animose pugnantes, conciuēs proprii de Burges aggressi sunt à tergo hostibus afferentes auxilium, & illis ante, istis retro cædentibus Gandauenses inopinato perterriti, pugnandi animos dimiserunt, sicque factum est, vt leui negotio vincerentur, occisis in eo bello viginti quinque millibus Gandauensium & sociorum.

Solutio obſidionis villa de Owdenarde cum magna confusione Flandrenſium.

Hoc ergo bellum Francis animum attulit, & Gandauensibus ademit spem resistendi, donec iterato nouo suffragio fulti, vel in Francos vel in patriotas iniurias suas vlcisci valerent. Gandauenses idcirco compulsi fugere, propriam villam petierant, sed iniustitiam deficientium sociorum mox vltio iusta secuta est. Nam Burgenſes & cæteri eorum complices qui malitiose suos prodiderant, quos adiuuisse debuerant, subito senserunt semetipsos in grauibus miseriis constitutos. Quia Gallici nullam fidem aut gratiam illis pro tali facto debentes, ingressi villam de Burges, & omnes alias villas prouinciæ expulerunt è suis propriis laribus, proditores, & quæque præciosa diripientes ad Gallias transiſerunt, & ipsos proditores vectigales esse regi Franciæ statuerunt. Itaque factum est, vt conditio Gandauensium superatorum multo melior esset quam Burgenſium proditiose victorum. Quia illis & propria ciuitas libertasque remansit, istis nihil omnino neque ciuitas, neque libertas, nec possessiones remanserunt. Superauerant utique Burgenſes, si nō tulissent desertis fociis opem Gallicis, Francos à direptione rerum suarum temperaturos post victoriam. Sed secus accidit quam sperabant. Nempe Gallici ex inperato omnes villas & loca eorum qui eis detestandum tulerunt auxilium, armatis hominibus munierunt, & inter eos degentes ipsos diris seruitiis oppresserunt. Sensit & Anglia huius incommodi graue damnum. Nam sicut per antea in conflictu inter Gandauenses & Burgenſes, Mercatores Anglici sunt saluati, & in rebus suis nil mali passi: ita versa vice modo præualentibus Gallicis, externis mercatoribus cunctis impunitate gaudentibus, solummodo Anglicorum bona direpta sunt, & Regis Francorum vſibus confiscata, occisis apprentitiis Anglicis obuiam illis factis. Igitur in Anglia his auditis rumoribus, nunciis de quibus supra retulimus redeundi timor incutitur, & ipsorum responsum ad tempus suspenditur, donec Consilium Regium tempus plus conueniens ipsis non solum respondendi, sed & opem ferendi prouidisset.

Galli villanos de Burges è suis laribus destrudunt.

His ita se habentibus in Flandria, regressus est Rex Franciæ arrogans & superbus Parisius pro victoria memorata, sed tamen in patria propria reperit resistentes. Communitas siquidem Parisiorum portas claudere, muros munire contra eum, & arma sumere moliebatur. Statuit ergo Rex violenter (collecta multitudine obſidentium) Ciuitatem effregisse. Sed tamen visa numerositate intus repugnantium, diuertit ab hoc proposito, & loquutus est eis verba pacifica in dolo, & crediderunt ei, permiseruntque intrare cum omni turba tecum essentium bellatorum. Astu itaq; ciuitatem ingressus, illico rupit pactū, & mentitus est eis, faciens nobiliores vrbis contemptibiliter compræhendi, & quosdam ex eis suspendi, quosdam decollari. Eis

Cruentata regis Francia in Parisianos sibi resistentes.

vero qui arma tulerant contra eum, brachia dextra abscindi, & in signum opprobrii sempiterni, ad illorum colla suspendi fecit ipsa brachia amputata. Omnes autem portas vrbs fecit dirui præter portam Sancti Antonii, in qua Rex ipse possidet domiciliū speciale. Ipsam vero Ciuitatem omni armatura & vasis bellicis spoliavit, ne habitatores illius vel minimam occasionem habere possent in posterum rebellandi. Insuper & noua grauiaque tributa illis imposuit, violenter (si nollent voluntarie) exigenda. Et hæc quidem Parisius gesta sunt.

Comes Cantabrigia rediit à Portugalia.

Dominus Edmundus Cantabrigiæ Comes, domini Regis auunculus, & quos supra docuimus missos Portugaliā, hoc tempore post expertam maris sæuam fortunam, & quorundam bonorum amissionem, Angliam redierunt. Missi siquidem (vt diximus) fuerant ad ferendum auxilium regi Portugaliæ contra Bastardum Hispaniæ, qui se regem dixit, quique multis iniuriis affecerat regem Portugaliæ, & pene contriuisset, si non iuuamen ex Anglia sibi maturius adfuisset. Post annalem moram nostratum in regno Portugaliæ, & plures irruptiones in Hispaniam, & quarundam munitionum captionem, placuit Hispanis hostiliter campum petere contra Regem Portugaliæ, & exercitum Anglicanum. Nec segnius rex cum nostratibus illis occurrit, pugnaturus (si fortuna permetteret) & vt sperabatur victor futurus.

Cuius animositatem simul & nostrorum probitatem timentes Hispani, tractare cum rege Portugaliæ petierunt, ita duntaxat, ne Comes Cantabrigiæ aut vllus Anglicus suis cōsiliis interesset. Annuit ipse rex petitis, & ad tractatum accessit. In quo tam Hispanis quam Portugalibus cupide pacem desiderantibus, cito conuentum est ad hoc quod vtrisque placeret, & illis regi Portugaliæ, & ipsis saluo vtrorumque iure cōcedentibus quæ volebant, pax clanculo est firmata, ita tamen vt rex Portugaliæ regnū suis Anglicis vacuaret. Et ne idem Anglici prætenderent nauigium sibi deesse, Rex Hispaniæ de suis illis concessit nauigium, & rex Portugaliæ naulum & quæ necessaria esse nauigantibus viderentur. Timebant nempe Hispani Anglicorum audaciam, & iam idem Anglici Portugalibus facti sunt onerosi, quia quos contutandos contra hostes susceperant, ipsi viliori seruitio deprimebant, non tamen bona diripientes eorūdem, sed & vxores & filias execrabiliter opprimentes, quare suis hospitibus odibiles sunt effecti. Rex vero Portugaliæ de dicto tractatu rediens, indixit communiter suis & nostratibus, vt domum redeuntē arma deponerent, & quod in pacem redisset cū Hispanis omnibus intimauit. Oportebat ergo nostrates (vellent nollent) eius parere mandatis. Et ita campum cum magna mentis amaritudine, deseruerunt, eo quod nō est permissum eis configere cum Hispanis. Ab illo ergo die non tantum præparati quantum coacti sunt ad reditum, donec omnis Portugalia Anglicis vacuaretur. Rediit igitur (vt prædiximus) cum suis comes, reducens secum vxorem suam quondam Petri Regis Castellæ filiam iuniorem, & filium ex ea susceptum per annos aliquot antequam Angliam exiuisset. Quem quidem tempore moræ quam fecit in Portugalia desponsauit, filia regis Portugaliæ cum solemnitate congruente. Sed quia timebat dubiam fidem illius regionis hominum, noluit eum post se relinquere, quāquam rex Portugaliæ id petisset, nec rex filiam suam voluit in Angliam cum comite destinare. Et hoc quidem modo eo tempore in Portugalia negotium se habebat.

Nauis Carika applicuit apud Sanduiciū.

Anno domini millesimo trecentesimo, octuagesimo tertio, qui est annus regis Richardi secundi sextus. Eodem tempore venit in magna tempestate ad Sandwici portum nauis quam dicunt Carika, miræ magnitudinis, plena diuitiis, quæ facile inopiam totius terræ releuare potuisset, si incolarum inuidia permisisset. Sed mercatores (vt fertur) Londonienses habentes domi plura mercimonia non noua sed vetera, puta fructus, species diuersi generis, oleum & cætera talia, & ea (ne nouis superuenientibus proiicerentur) vendere cupientes, facta pactione cum Ianuensibus, eorum portum relinquere & Flandriam velificare fecerunt, & ita propter paucorum auaritiam magnum dispendium sensit totum regnum.

Parliamentum Londini in quo tractatur de potestate concessa Episcopo Norwiciensi.

Diebus quadregesimalibus factum est parliamentum Londoniæ, in quo per plures dies tractatum fuit de potestate concessa per summum pontificem Episcopo Norwiciensi, & de professione sua contra scismaticos, & factus est ibi motus varius animorum. Nam pars, quorum corda Deus tetigerat, volebat eum proficisci tanquam Ecclesiæ pugilem contra hostes Christi: pars aduersa repugnabat, asserens non esse tutum committere plebem regis & regni præbytero inexperto: & schisma erat inter eos. Ob quam causam pontificale negotium, simulque totius Ecclesiæ, protelatum est vsque ad Sabbatum, quo de passione cruceque dominica in vniuersali Ecclesia fit mentio

mentio specialis. Tandem post multas tergiuersationes per duces regni factas, post plures altercationes interpositas per comites, barones & magnates terræ plurimos, sed omnino Dei virtute & laudabili cōstantia militum parliamentialium cōquassatas, ipsa die Sabbati horaq; quibus sancta Ecclesia vexilla crucis prodisse decantat, omnis repente turba quæ illi consilio vel parlamento interfuit, & quæ maxime steterat contra crucis negotium crucisq; fidei promotionem, consentit tanquam percussa tonitru solemnis illius Antiphonæ, ecce crucem domini, fugite partes adueriæ, decreuitque pro votis Episcopi cruce signari. Assignatur ergo sibi per commune decretum quinta decima regi præconcessa in superiori parlamento pro bellatoribus cōducendis. De-
10 cima vero Oxoniis præconcessa per Episcopos regi remanere statuitur pro maris custodia, dum Episcopus agere deberet in remotis. Quibus ita se habentibus, misit Episcopus literas sigillo suo munitas per omnes regni prouincias, committens rectoribus & vicariis, aliisque curatis per vniuersam Angliam constitutis, potestatem audiendi suorum confessiones parochianorum, eisque qui de bonis à Deo sibi collatis aliquid erogarent, vnde negotium cruce signatorum promoueri posset, absolutionis beneficium pariter & remissionis autoritate apostolica impendendi, iuxta formam bullæ prænotatæ. Igitur regni totius incolæ, audita tantæ benedictionis dulcedine Anglicis aduenisse, tantam gratiam nec abiicere in vacuum prorsus suscipere voluerunt, sed deuotionis fideique calore succensi, qui bello se reputauerunt idoneos, ad
20 proficiscendum se cum omni festinatione præparabant: qui vero profectiōni videbantur inhabiles, iuxta consilia confessorum de bonis suis liberaliter ad opus proficiscientium erogarunt, vt tantæ remissionis & indulgentiæ esse participes mererentur. Et ita generaliter (Deo volente) sunt accensa deuotioni corda cunctorum, vt pene nullus in tam spatioso regno reperiretur qui non vel semetipsum offerret dicto negotio, vel de bonis suis aliquid erogaret. Factumque est, vt in breui magnæ pecuniarū summæ ex multis regni partibus acervatæ Episcopo deferrētur, vt iam incepit videri possibile, quod per ante regis consiliariis, vel huiusmodi profectiōnis aduersariis impossibile visum fuit, vnde videlicet episcopo, & inter episcopos regni pauperrimo substantiæ tantæ profectiōni necessaria ministraretur. Episcopus autem non dominos præ-
30 potentes, nec eos qui in incerto diuitiarum suarum sperant, elegit in consodales sibi, sed mediocres, & qui sine strepitu vel sine pompa disponere bellum scirent & regere bellatores. Primus & principalis illorum erat dominus Hugo de Caluerle, vir ab antiquo exercitatus in armis, & qui in cunctis locis opera militaria laudabiliter & prudenter adimpleuerat, & iam pulchrum sibi videbatur bellando bella dominica finem imponere operi militari. Secundus vero dicebatur dominus Wilhelmus de Faringdon, sane vir prudens & callidus, sed cuius opera nō responderent vltima primis, quia quod laudabiliter inchoauit, expost perfidia maculauit. Hic primo vt apparuit, minas iudicum non timuit, nec à facie ducum superciliosa verba ructantium formidauit, quando pene cuncti magnates regni crucis negotio restiterunt, sed constanter atque
40 prudēter pro episcopo cruce signato disseruit, & ipsius profectiōnē non solum sacrosanctæ ecclesiæ promotionem futuram, sed totius regni prouectiōnē, palam argumentis euidentissimis allegauit. Sed tamen more Cayphæ prophetauit, vt posterius elucebit. Habuit Episcopus secum & alios nominis non parui milites, puta, dominum Wilhelmum Elinham & dominum Thomam Triuet, & plures quos longum foret inferre. Quibus Deus proculdubio dedisset bene expediendi gratiam in rebus militaribus, vltra quā meruerunt duces & marchiones Angliæ, quia multis annis elapsis, bella Gallica frequentarunt, si eodem anno eadem intentione iter illud arripuissent, quibus Episcopus & simplicioris conditionis homines qui profecti sunt cum eo: sed inerat eis (vt expost apparuit) mens inuidia corrupta, animus obsessus auaritia, & cor
50 proditiōnis felle toxicatum, vt ex sequentibus apparebit.

Piscatores Londonienses (quos supra docuimus suis consuetudinibus & dignitatibus exutos fuisse, non tantum causa transgressionum factarum per eisdem, quantum malitia Maioris Londoniarū & eius complicum eisdem inuidētium) in hoc parlamento suis consuetudinibus per chartam regis patentem restituntur, excepto qd curias inter semetipsos vt hactenus non tenebunt, sed transgressionem per eisdem factæ in curia publica ciuitatis emendabuntur ad libitum Maioris, prout de aliis artibus vrbis fieri consuevit. Maior vero ciuitatis veteri non dum digesta inuidiā quam gerebat contra eos, quanquam demonstraſſent chartam regiam de libertatibus recōcessis eisdem, & allegaſſent esse voluntatis regiæ simul & totius parlamenti decretum,

Piscatores Londonienses libertatibus restituti.

tum, quod prædictis gauderent libertatibus, acquiescere nolint eorum assertionibus, nec quouismodo chartam regiam acceptare, sed permanens in sua malitia eos violenter oppressit. Quod ut liberius facere prævaleret, data fului metalli inestimabili summa suis fautoribus, & eis qui de consilio regis erant, ipsos in partem suam traxit. Piscatores autem videntes se nihil proficere in hiis omnibus, usque ad tempus tacere decernunt. Et quidem erga Piscatores ita se res habebat.

Gandauenses tributum collectum in usum regis Francie hostiliter diripiunt.

Hoc pene tempore qui de villa de Bruges & de Ipres erant, & omnes de occidentali Marchia Flandriæ vectigales effecti regi Francie, tributum collectum à semetipsis regi Franciæ (iuxta conditum) per suos mittere disponebant, qui ut securiorem possiderent transitum, adhibuerunt armatos qui conducerent vectigal portantes, & suffragia ferrent si contingeret hostes adesse. Quibus omnibus cognitis per exploratores, Gandauenses se præparant ad auferendum tributum nunciis supradictis, vel certe si contra vota contingeret moriendum. Igitur dispositis in itinere turmis Gandauensium, sed latenter & insperato, veniunt ad manus hostiles tam Gallici quam Flandrenses cum pecunia memorata. Et quia fuit impar manus Gallicorum, Gandauenses sine difficultate vicerunt, & Gallicis & qui cum eis venerant non tantum vitam sed & vectigal surripuerunt, & Gandauum sine magna suorum ciuium læsione cum spoliis.

Comes de Sauey Antiochi more percussus obiit.

Circa tempus paschale comes de Sauey qui cum viginti octo millibus profectus fuerat cum duce Andegauix contra Papam & Carolum de pace, cum diutinam moram fecisset in illis partibus sed damnosam, agnouit manum domini contra eum missam, nam qui in patria sua subdi Deo noluit, & communem mundi patrem venerari, sed potius dimissa quiete qua diu gauisus fuerat, statuit persequi in remotis, iusto Dei iudicio miserabiliter percussus Antiochi more, periit in terra peregrina, contestatus prius quod iustum est subditum esse Deo eiusque vero vicario, quodque peccauit enormiter patrem filius persequendo. Quapropter filio suo & heredi dedit mandata salutaria, ne Vrbanum Papam exemplo paterno persequeretur. Et si quid forte contra eum temptasset, celeri satisfactione corrigere niteretur, ac ad vnitatem Ecclesiæ se conferret. Augebant autem non solum dolorem suum, sed & pœnitentiam eius mortes infandæ suorum militum quos conduxerat, qui omnes præter octo ante ipsum dissenteria perierunt, talique fine consummatus est comes & pene cuncti sui milites, duci Andegauix si fuisset in gratia manifestum resipiscendi relinquentes exemplum, sed superba mens eius, quamuis hæc omnia cerneret, renuuit tamen humiliari. Induratum erat nempe cor eius contra dominum & contra Christum eius.

Episcopus Norwicensis cum suis properat per mare.

Circa festum trinitatis quod euenit hoc anno in medio mensis Maii, Episcopus Norwicensis cruce signatus cum quibusdam de exercitu conducto per eum arripuit iter versus mare & festinato perueniens Cantium, ad manerium Abbatis sancti Augustini vocatum Northbourne diuertit, præstolaturus ibidem auram secundam, apud quem locum dum adhuc moram protrahit, accepit breue regium, in quo iubetur redire ad alloquendum regem, & eius cognoscendum voluntatem. Episcopus ergo timens si reuerteretur ad regem, mandatum remanendi susciperet, & sic omnis labor, omnis apparatus eius, non sine risionibus deperiret, eligit exponere se fortunæ cum parua manu quam præsentem habebat, citius quam remanendo effici prouerbium æmulorum. Igitur renunciari regi fecit, se iam paratum ad procinctum professionis, non expedire ut modo impediretur per vllum colloquium, quod forsitan parui vel nullius esset ponderis, sed oportere potius ut iter acceptum maturaret, tam ad Dei quam ad regis honorem. Et concito conuocatis quos secum habuit, adiutorio domini Iohannis Philpoti militis & mercatoris Londoniarum qui nauigium procurabat, cum illis Calesiam est transuectus, recordatus illius Poetæ consilii qui sic iubet. *Tolle moras, semper nocuit differre paratis.* Calesiæ igitur commoratus paucis diebus donec aduectus esset exercitus qui primam aciem facere debuisset, quo adunato, mox egressus de Calesia, vexillum sanctæ crucis erexit, & ad villam de Graueling muris fortibus circumcinctam, bellatoribusque ex Francia & Britannia contractis munitam, audacter accessit. Quam non obsidere, sed inspicere maluit, dum adhuc Anglici vigere viribus viderentur. Nec segnius qui in villa erant ad defensionem sui se parauerunt, sed alacriter ad muros cucurrerunt, & modo plumbum, modo ferrum, modo calcem viuum, modo lapides & quicquid erat necessarium defensionem super Anglicos proiecerunt. Nostri vero vexillum sanctæ crucis habentes præ oculis, & ad causam suæ cruce signationis pariter & absolucionis dirigentes intuitum vincere quidem

dem gloriam in hac causa, sed mori lucrum reputabant: quapropter contemptis periculis, vulneribus parvipensis, sprete morte, muros inuadunt, cum hostibus cominus bella committunt, & modo repelluntur, vulnerant & vulnerantur, prosternunt & prosternuntur, donec ex vtraque parte intereunt multi mortales. Interea Britones & Gallici qui in villa erant, villanos animant ad resistendum fortius, pugnandum acrius, afferentes superuenturos Gallicos, qui praesentes Anglicos inopes, imbelles & mendicos in ore gladii tanquam ignis stipulam deuorabunt. Parte vero nostra Episcopus & dominus Hugo Caluerlee (cuius memoria in benedictione est) nostris audaciam monitis & persuasionibus ingerunt, monstrantes causam Dei esse, & totius Ecclesiae, quam tuendam susceperant, praedicantes martyres futuros quotquot discedere contingeret in hac causa. Quapropter rogant, hortantur, adiurant, ut omni metu deposito, hostes crucis inuadant, non minus recepturi meritum de dictorum canum mortibus, quam si tot de gente Iudaica vel Saracenica peremissent. Talibus monitis animata iuuentus, vires colligit, & hostes acrius inuadendo caedit, retrocedere cogit, donec rarus super muros defensor appareret. Occupant idcirco muros nostri viriliter, & in villam defiliendo descendunt, & hostes intra muros comprimunt & coarctant, donec pauefacti arma proiiciunt, & latibula fugiendo requirunt. Nostrates autem cernentes iam rem correspondere, ardent crucis opprobria vindicare, necnon & proprias vlcers iniurias insolenter ab habitatoribus villae illius die praecedente acceptas cum primo applicarent ad muros. Dixerant nempe multa conuitia in nostrates, quae illos nec immerito molestant. Ob quam causam modo nostri hostes scrutantur per latibula & eos contumeliose extrahunt, & pollutos spiritus compellunt e-mittere violenter. Praecurrentes itaque villam, nulli parcunt, sed eos usque ad vnum delere laborant, sicque crucis beneficio factum, ut cruce signati & villa gloriose potirentur, & hostes crucis ita delerent, quod vnus ex eis non remansit. Nec occulte muris ruinam molientes, aut dolose hostes circumuenientes, sed aperto Marte pugnautes hanc victoriam sunt adepti, a meridie diei praecedentis per totam noctem usque ad meridiem diei sequentis fortunam variam tollerantes. In portu villae praedictae captae sunt tres magnae naues, in quibus habebantur ducenta dolia vino plena, & carnes multae salatae, frumentum quoque simul & ferrum. Quae omnia fuerunt aduecta instaurationi villae memoratae. Captae sunt insuper ibi duae barginae quibus non facile reperientur ex tota Gallia meliores. Duae praeterea galeae cum scaphis piscatoriis sexdecim interceptae sunt ibidem. Equi etiam multi nobiles ac alacres in eadem villa reperti sunt, quos Gallici praemiseraut ad illam villam, quia deposuerant interfuisse bello quod expositum est (ut dicemus) & obtenta victoria, quam sine dubio sperabant Episcopum fugientem cum suis interceptisse: sed euenit aliter quam sperabant, quia quicquid ipsi disponebant ad dolum hoc, diuinitas suis conuertit in bonum, & dedit eis prius praoccupare praefatam villam quam Gallici crediderunt. Factum est ergo ut nostri tantis prouentibus plurimum confortarentur, quia plurimi qui pedites venerant ex insperato equites sunt effecti. Nam fuit ibidem equorum tanta copia, ut equus vno solido venderetur. Et ad villam de Graueling, haec quidem gesta sunt.

Protractis diebus paucis apud villam de Graueling, quibus Episcopus & dominus Hugo de Caluerlee dictum oppidum munierunt, & custodes statuerunt, ibidem assumpsit commanipulares suos, & ad villam de Dunkirke pulchram valde fossis latis circumdatam, portis & seris firmam, profectus est. Audierat utique villanos de Dunkirke nuper nocte peruenisse de nostris viris nauticis ad triginta septem, unde offensus eis, mortes patriotarum in illos statuit vindicare. Quam quidem villam sine grandi labore cepit, & quibus voluit in illa vicem reddens, quibusdam vero parcens, totum exercitum suum in dictam villam traxit. Interea Flandrenses & Gallici, Britones & alii conductitii exercitum grandem comparauerunt, ducibus Bastardo Flaadriae, quem Hasam lingua sua vocant, & domino de Dixemuthe, ac quodam Iohanne Mitteney, qui & ipse parum ante in Anglia fuerat & Episcopo auxilium fidele promiserat venienti, sed prauaricatus est pactum in omnibus mentiendo. Hii ergo contractis amplius quam triginta millibus balistariorum & virorum bellicorum, sed tamen occulte, statuerunt repente super Episcopum improvisum irruisse, & eum de sub caelo cum toto suo exercitu deleuisse. Sed hiis conatibus restitit dominus fortis & potens, dominus potens in praelio, & dolos eorum tali occasione Episcopo patefecit. Egressi siquidem fuerant Garciones ad pabulandum super velocissimos magistrorum suorum equos, qui inopinato conspiciunt exercitum magnum & fortem, armis fulgentem, & pene

*Prælium inter
cruce signatos &
Flandrenses.*

& pene superficiem terræ replentem. Et existimantes (prout erant) hostes videlicet eos esse, urgentes equos calcaribus, festinanter fugerunt, & Episcopo cœnanti apud villam de Dunkirke vniuersa quæ viderant nunciarunt. Nec mora, Episcopus deiectis mensis & sumptis armis villam egreditur illico pugnaturus, quamuis nonnulli laudarent socios ex Anglia superuenturos qui plures exstiterant expectandos. Dominus Hugo de Caluerlee videns animositatem Episcopi & hostes adesse prope sentiens, hortatur socios ut etiam nunc viriliter agant & de Dei adiutorio ne diffidant, qui eis tam læta principia contulit, qualia ipsi sperare vix poterant, antequam Deus illis infudisset totam gratiæ plenitudinem. Quis enim vestrum credidisset (inquit) tam fortem villam, tot fortibus custoditam, à tam paucis potuisse subiici, ubi nec instrumenta bellica, nec multitudo repugnantium defuerunt, nisi dominus adiuuisset nos, nisi manus domini fecisset hæc omnia. Cogitate ait vos modo non esse pugnuros contra muros lapideos, contra vallum fossalque de Graueling, sed leniorem instare pugnam contra Flandrenses imbelles, schismaticos, crucis hostes. Et quia nec vsum pugnandi contra Anglicos hætenus habuerunt, ideo leniori negotio superandos. Exhortatione facta, disposuit aciem, collocat certis stationibus architenentes, & quemlibet rudem instruit de pugnandi forma. Hostes vero videntes nostros iam obuiam processisse, occurrunt cum clamore. Sed ne propius accederent repulsi sunt sagittis, donec manus armata parata esset ad congregiendum cum ipsis. Igitur accedentibus cominus armatis, cernere erat durus conflictus, hostibus gladiis, lanceis, & 20
 cudibus ferro ligatis rem agentibus, Anglicis vero securibus duris & acutis contra stantes more pecudum prosternentibus. Ibi rectores & vicarii quos beneficium absolutionis illexerat, periculis expositi, gustauerunt quam dulcis est domus propria, monachi & Canonici cognouerunt quam bona sit obedientia. Fratres mendicantes senserunt quāto leuius sit stipem postulare inter notos & in patria. Nam ut ita dicam, erat ex parte nostra nisi manipulus hominum, videlicet quinque millia maiorum & minorum, oppositorum triginta millibus bellatorum. Quare merito viri de rebus bellicis ex parte deliciose educati in pace requieque nutriti, animo poterant concidisse, nisi adfuisset illis spiritus domini, spiritus consilii & fortitudinis, & audaciam infudisset. Sed accidit eā hora (cooperante diuinitate) quod viri (ut vsu transacto lo- 30
 quar) irrequieti viribus & pulchris facinoribus demonstrarent, quia multum illis profuit requies diurna. Namque compertum est quosdam ex religiosis. 16. homines in ipso conflictu peremisse, & tanto alios in fortitudine præcessisse, quanto constabat eos claustralib⁹ ocii diutius senuisse, de qualibus olim Poeta sic ait: *Darequiem, requietus ager benecreditareddet.* Ita isti de re requie ad laborem repente translati, fructum quietis & ocii nobiliter reddiderunt. Sed inter omnes & præ omnibus, architenentes nostri laudem ibidem merebantur & gloriam, qui hostes sic à sagitta volante percusserunt, ut non plus in armis illorum morarent, quam si nudos feriissent ipsæ sagittæ: tanta itaque erat densitas sagittarum volantium, ut aer tanquam à nube nigra obscuraretur, & tam crebre hostibus mittebantur, ut vultus erigere non auderent. Quia 40
 quicumque in sublime suspicere nitebatur, hic repente vel amissum oculum, vel sagittam, vel perforatum cerebrum deplorauit. Fuerunt multi qui dum manus armatas apponunt frontibus, subito sagitta perueniens vtramque configit, perforabantur capita nihil iuuante galea, manus tenentes lanceas siue fudes, ipsis instrumentis suis sunt affixa, non proficientes chirothecæ. Et (ut vtamur breuib⁹) tanta erat pugnantium ibi diuersitas, ut hinc homines paratos ad occidendum cerneret, illinc pecudes ad moriendum. Franci igitur & Britones qui affuerunt, quorum numerus ad mille nongentos se extendit, videntes tantam stragem Flandrensiū, horrore nimio sunt percussi. Hii nempe anteposuerunt Flandrenses in dicto bello duabus quidem causis, quarum vna fuit, quia suspectam habebant fidem Flandrensiū, & ideo ne de bello fugerent cum instaret necessitas eos primis periculis exposuerunt: alia causa fuit, ut si 50
 contingeret Anglicos esse victores, ipsi haberent maiorem copiam fugiendi. Igitur Gallici considerata (prout diximus) tanta perniciē, obriguerunt omnes timore perterriti, & festinant, terga vertentes fugerunt, post quos mox omnis reliqua multitudo. Quod videntes Anglici, confestim hostes insequi maturabant, cædebant ergo comprehensos fugientes ante faciem suam, necnon à dextris & à sinistris, & cadebant in denso numero iugulati. Ut autem nulli veniret in dubium hanc victoriam diuinitus procuratam, fiebant in hora pugnæ præfatæ horrida fulgura, tremenda tonitrua, quæ sicut Anglicis famulabantur, sic in perniciem hostium ferebantur. Nam &
 in bel-

in bello & in fuga, per crebra fulgura in suos oculos emissâ cæcabantur, prosternebantur & necabantur. Anglici vero sentientes hæc esse diuina beneficia, confortabantur, exhilarabantur, vt estimare merito valerent illud Claudiani fuisse eorum cui-libet applicatum:

*Te propter gelidis aquilo de monte procellis,
O venit aduersas acies reuolutaque tela,
Vertis in auctores, & turbine reppulit hastas:
O nimium dilecte Deo, qui fundis ab antris,
Æolus armatos hyemes, cui militat æther,
Et coniurati veniunt ad classica venti.*

10 Interfecti sunt autem in loco pugnae & in fuga duodecim millia inimicorum, de nostris vero tantum septem viri ceciderunt, vt cunctis seculis eluceret hanc victoriam de cælis fuisse collatam. Commissum est dictum bellum octauo Calend. Iunii, die videlicet quo facit sancta ecclesia de bono Urbano Papa & martyre mentionem, ita omnia concurrebant, vt istam protectionem Deo placere nullus hominum dubitaret. Expleta pugna, Episcopus cum suis in villam de Dunkirke se recepit.

Auditis rumoribus de præfata victoria, vel Episcopi continuatis successibus in Galliis, concidit vultus aduersariorum, & timuerunt valde, quamobrem rex & tota nobilitas Franciæ (deliberato consilio) statuerunt vniuersos amicos & notos prope
20 positos ad ferendum auxilium contra tam infestos hostes euocare, quod & factum est, rege interim in valle Sueffionensi expectante venturos, & ibidem suos Gallicos adiuuante: nam regio illa multorum capax erat, & fertilis, ac victualibus cunctis abundans. Illic descenderunt ad regem duces septem cum suis exercitibus, Comites quidem decem, quidam ligeantia astricti, quidam precario aduocati, cum multis aliis dominis & viris magni nominis & potestatis, non absque militibus & armigeris, valectis & ciuibus, necnon & communi vulgo, quorum numerus centum millia excedebat. Sed horum omnium congregationem Episcopus paruipendens, statuit interea subiicere patriam sibi vicinam, donec & ipse suos conductitios qui nondum mare transierat
30 recepisset, conduxerat siquidem multos viros exercitatos in armis & bello aptos, si fideles fuisse maluissent. Quorum vnus erat Wilhelmus de bello campo, frater comitis Warwici, scil. domini Thomæ de bello Campo, hic quingentas Marcas suscepit ab Episcopo pro sua sola persona, sed quia non ante solutum erat ei de totidem quas habuisset ex pacto antequam transfretaret, pecuniam quidem sibi retinuit, & nihilominus domi remansit cum imprecatione sinistra totius vulgi. Dominus Thomas Triuet & ipse conductus nondum suos secum profecturos congregauerat, non ante paratus & ipse fuerat, sed more mulieris iacentis in puerperio iacebat ad mare, nescio quid expectans. Ob quam causam Londonienses & quidam ex amicis Episcopi comminati sunt ei mortem, nisi maturius transfretaret, cunctis acclamantibus eum prodicionis causa remorari. Quibus aculeis stimulatus mare transiit, & ad Episcopum festinanter
40 peruenit, sed nihil profuit aduentus eius Episcopo. Igitur Episcopus vt præfati sumus affectans subiugare prouinciam de villa de Dunkirke, profectus est à facie unde mox tota vicina turbabatur. Et recordantes quantâ fecerit apud Graueling, quanta per post apud Dunkirke, sine resistentia se reddere maluerunt, quam resistendo perdere villas & vitas. Villas ergo de Newport, de Burburgh, de Braw & de Poperinge sine conflictu recepit, & multas alias adiacentes.

Cum igitur in Anglia tam lata noua fuissent cognita per quosdam qui interfuerunt captioni villarum de Graueling & de Dunkirke, qui in testimonium fidelis relationis de præda, equos & equas, boues & multum suppellectilem domum secum contraxerant, confestim omnis patria spe prædæ illecta commota est ad proficiscendum.
50 Et sine maiori deliberatione de Londoniis multi apprenticii, plures serui, sumptis albis capuciis & rubeis crucibus in parte dextera, rubeis quoque gládiorum vaginis in sinistra, inuitis magistris & dominis sunt profecti. Quod exemplum secuti alii de tota pene Anglia, relictis parentibus & cognatis, charisque famulatibus, inermes præter gládios, arcus & sagittas, sunt egressi: & non tantum seculares viri ista fecerunt, sed religiosi sectæ cuiuslibet eodem animo (petita licentia, licet non obtenta) illud iter arripere præsumperunt, in magnum personarum suarum dedecus & detrimentum, quia non propter Iesum tantum peregrinare decreuerunt, sed vt patriam mundumque viderent. Currebatur itaque per omnes semitas à plebe inexperta & gente rustica, donec perueniretur ad mare, vbi dominus Iohannes Philpot sollicitus pro Episcopo nauigium prouidebat.

Quid rex Franciæ fecerit post hoc bellum.

De noua professione cruce signatorum.

debat. Ibi fuerunt multi qui præter nauium nullas habebant expensas, eo quod estimabant, si mare transissent, nihil eis omnino defuturum, sed futura cuncta pro votis, transpositi sunt ergo multi, & ad Episcopum festinabant, qui tunc vltius progressus ad villam de Ypres peruenerat cum exercitu, diuitiis plenam, ædificiis inclitam, bellatoribus communitam, quamuis inuitus, quamuis protestans non esse suæ voluntatis obsidionem ponere, sed Franciam tam in causa domini Papæ quam regis intrare. Compellitur per milites, dominum Thomam Triuet, Wilhelmum de Elinham, & Wilhelmum de Faringdon, residere, velit nolit, inuitus, qui omnes vnanimiter affirmabant se nolle vltius sequi eum, donec dictam villam hostiliter effregissent, licet in Franciam ire vellet. Aseuerabant etiam Gandauenses affuturos in adiutorium, & non esse modo difficile Anglicis & Gandauensibus simul victis villam effringere, cum tantummodo Gandauenses, sine externo suffragio eodem anno villam eandem vi & armis cepissent. Videns ergo Episcopus se nihil proficere, tacere decreuit, & eorum ad tempus obsequi voluntati, maxime quia pro certo cognouit Gandauenses obsidionis socios & laboris.

De obsidione villæ de Ypres.

Igitur villam de Ypres Episcopus & cruce signati ex vna parte, & triginta millia Gandauensium ex altera parte circumfoderunt, venerunt idcirco cateruatim ex Anglia ad obsidionem (quos supra diximus illectos spe prædæ) & iam tantus effectus est numerus accurrentium, vt sexaginta millia numerarentur ex Anglicis aduenisse. Igitur perpendens Episcopus tantum populum aduenisse, qui nec exercitatus esset in armis, nec arma quidem possideret, doluit, & mittens ad dominum Iohannem Philpot, rogauit ne permitteret quenquam de cætero mare transire, nisi valentes: & ait ad eos qui inermes venerant, vt quid ergo venistis ad consumendum victum, qui vix sufficiet bellaturis? vos numerus estis, fruges consumere nati: melius fuisset vobis domi sine cura super ollas carniū refedisse. Ob quam causam vulgus indignabatur, & iam quisq; cæpit Episcopo detrahere, occulte tamen propter metum eius.

Rex Angliæ circumcivit per Abbatiam.

Dum hæc aguntur in Flandria, rex Angliæ & regina cum suis Boemiis Abbatias regni circūunt visitando, quibus tanto tristior fuit eorum aduentus, quanto grauior, quia & accesserunt in excessiuo numero, & non offerre sed auferre venerunt. Sensit hoc Abbatia de Bury, quæ in eum & reginam ipsorumq; familiam per decem dies (quibus moram fecerunt ibidem) expendit octingentas marcas, tanquam nõ suffecissent eis pastoris viduacio per quadriennium, damna irrestiturabilia per insurrectionem cõmunium, pecuniarum largæ profusiones pro recuperatione suorum iuriū tam in Romana curia quam in ista terra. Vt videretur tamen rex aduentu suo eidem Monasterio aliquid cõtulisse, fecit vt nouissima illius fierent peiora prioribus, admitiendo prouisionem factā per dominum Papam de Iohanne Timworth, qui paulo ante iurauerat se nunq̃ consensurum vt gauderet honore pastoralis, nisi simpliciter Papa vellet confirmare electionem de ipso factam. Insuper & dudum Papæ rescripserat in eadem verba, sed vix Ambassiatores sui Romani peruenerant, anteq̃ pueriliter mutato proposito, eundem Iohannem Timworth benedici fecit à confessore suo Episcopo Landauensi, quo facto, inconstantia regis eiusq; consilii longe lateque innotuit, & sicut Ecclesiæ Anglicanæ detrimentum, ita Papæ & curialibus magnā peperit materiā insolescendi. Expletis diebus moræ dispendiose apud Bury recte ad Thetford properat, & sic ad Northwicum, vbiq; multa tam à religiosis quam à secularibus scienter accipiens, vbi duo mala concurrere videbantur. Non enim regi magna donaria suffecerunt, nisi & reginæ æqualia præberentur: nec cum populo graue visum fuisset, eius honoris intuitu exhibuisse per ampla donaria, si ad vsum eorum prudenter conseruata fuissent. Sed quicquid hausit eorum manus auida mox alienigenis de gente reginæ, scilicet Boemiis prodigaliter erogauit, vnde contigit vt post regni circuitiōnem magis inopes reuerterentur quam egressi fuerant, vt cunctis verum esse constaret illud prouerbiū sapientis, Væ terræ cuius rex puer est. Tædet recordationis tot nugarum, & idcirco placet melius silere quam loqui. Iam ergo ad Flandrensiū bellatiliū vertamus.

Prodictio quædam.

Sedente igitur Episcopo suisq; complicibus in obsidione villæ de Ypres, in ipso feruore dierum Ypresenses cõsiderantes obsessores esse remissos, ociusq; vacare, villam firmare, ruinas reficere, arma & utensilia bellica (quibus hostes arceri deberent) fabricare continue satagebant. Gandauenses vero qui alteram partem villæ obsidebant, comportare aggerem, implere fossam, vt facilior esset aditus ad conserendum cum villanis totis viribus laborabant. Sed nostris militibus nõ placuit insilire villā, experiri fortu-

fortunam, aut appropinquare muris, propter pericula quæ possunt emergere, sed o-
perire tempus dedicionis voluntarie, quod sciebant nunquam fore futurum, nam o-
mnibus carnibus & tritico, & diuersi generis potibus habundabāt. Fuerunt qui dixe-
runt dominum Thomam Triuet & quosdam ex militibus reliquis vtres plenos auro
de villanis cepisse, & in villam sepiissime introisse, ac tam priuate quam publice cum il-
lis tractatus multotiens habuisse, vnde non solum plebs communis suspicabatur eos
esse proditores, sed clamando publice testabatur. Factum est itaque, vt per moram in-
utilem quam traxerunt, peior esset conditio obsidentium quam obsessorum, quia &
illis inter se inerat multa concordia & victus habundantia, nostris suspicio & discor-
dia, ac panis & aquæ penuria, vnde contigit pestis mortifera inter nostros, & quotidie
plures dissenteria perierunt, furtiue igitur e castris recedendo nostri quotidie mare
petunt, & Angliam venientes, quæ viderant vel audierant de dictis militibus refere-
bant. Videns ergo Episcopus indies numerum suorum minui, instat apud milites (qui
iam non eius subditi sed magistri fuerunt effecti) vt contra villam suas vires experian-
tur, antequam turba nimis vel peste, vel discessione minuatur.

Cui petitioni vix tandem consentientes, villam occurrunt totis animis, & cum
lapidibus, lanceis & sagittis, igne græco, & missilibus quæ Gunna vocantur, nostros v-
biq; repellunt. Fecerat autem Episcopus fieri quendam pontem subtilissimum, per
quem ad vallum facilis fuisset ascensus. Quem villani cernentes in magnam perniciē
illorum esse compositum, emittunt Gunna grandem lapidem, qui percutiens pon-
tem, sine difficultate confregit, & quosdam milites superstantes simul crudeliter in-
teremit. Nec minora damna fiebant in locis aliis, propter quæ nostri sese retrahere &
insultum dimittere cgebantur. Subtractis cunctis qui superfuerant, de loco periculi
discessum est ad hospitia singulorum, & intra paucos dies obsidio dissoluta, Ganda-
uensibus cum mæore discedentibus & falsitatem execrantibus Anglicorum, quia
profecto si fuisset tanta fides inter duces Anglicorum quanta fuit inter Gandauenses,
villa de Ypres hodie non superesset. Relinquentes autē obsidionem, quæ incendere
poterant exurebant, ne hostibus essent ad solatium vel iuuamen, vellent nollent ta-
men reliquerunt ibidem quæ nec incendere, nec confringere, nec euehere potue-
runt, Gunnas videlicet magnas ingentis precii & valoris. Plurimi vero nescientes
tempus discessionis, quæque præciosa & portata per multos labores & pericula) su-
bito migrare compulsi) dimiserunt ibidem. Et hic finis & fructus obsidionis villæ
de Ypres.

Post obsidionis solutionem cognoscens Episcopus per exploratores regem Frā-
ciæ cum exercitu peruenisse ad ciuitatem Ambianensem, alloquitur suos milites, sci-
licet dominum Thomam Triuet, & Wilhelmum de Elinham, cæterosq; dicēs se vel-
le Pikardiam ingredi, & contra regem Franciæ vno die Martis experiri fortunam. Et
cum multa allegasset quibus merito accendi potuissent ad protectionem, nihil tamē
profecit, sed cum iniuria etiam contumelias recepit ab eis, dicentibus eum temera-
rium, & nescientem vires tantæ multitudinis, quæ centum habebat contra vnum ex
illis. Non fore tutum nec discretionis consonum sic temptare Deum, vbi nulla spes es-
set victoriæ, sed certitudo confusionis, nisi forte subito tam arctam necessitatem in-
currissent, de qua non possent effugere nisi pugnando. Quibus auditis, Episcopus va-
lescit eisdem cum paucis admodum Pikardiam ingrediendo. Milites vero ad villam
de Burburgh properant, quam munire decreuerunt contra Francos, si forte illuc eos
contingeret aduenisse. Cum ergo Episcopus prope partem exercitus Gallicorum ap-
propinquasse demonstrauit se, suisque in campo, explicatis vexillis, sed nemine au-
dente conferere, quia nondum totus exercitus Gallicanus conuenerat, Episcopus
vexilla reflexit, & sub omni festinatione ad villam suam de Graueling cepit iter, cum
domino Hugone de Caluerlee, qui ei semper fuerat in cunctis angustiis comes indi-
uiduus, sociusq; fidelis.

Coadunatus suis exercitibus rex Franciæ, & de nostrorum disfectione non pa-
rum elatus, vt agnouit quosdam villam de Burburgh ingressos fuisse, totū exercitum
conuertit ad locum, iurans se neminem illorum qui fuerunt ibidem prece vel præ-
cio saluaturum, sed omnes vel ignibus crematurum cum eadem villa, vel certe captos
in ore gladii perempturum. Quibus molicionibus dux Britanniæ contrauenit, asse-
rens non ita futurum vt credebatur, se nosse personas quæ in ea fuerunt, quod omnes es-
sent viri fortes & scientes bellum, & sine graui Gallorum dispendio superari nō posse.
Non (inquit) contra Flandrenses pugnaturi estis, sed contra Anglicos, viros utique
C c 2 corda-

*Insultus ad vil-
lam de Ypres.*

*Milites contra
dicunt Episcopo
volenti ingredi
Pikardiam.*

*Episcopus reuer-
titur ad Graue-
ling & milites
ad Burburgh.*

cordatos valde, & qui malunt mori quam vinci. Rex autem commotus ad hæc verba ducis, & tu (inquit) ex illis es, & ideo pro illis verba facis. Cui confestim dux: & ne estimetis me ait aut timore vel eorum fauore talia protulisse, videbitis me primum, cum meis hominibus insultum facere contra eos. Habebat siquidem virorum electissimorum ad duodecim millia quos contraxerat ex omni ditione sua. Et illico vexillis erectis ad muros accessit. Erant autem in villa dominus de Bemond, & Thomas Triuet, Wilhelmus Elintham, & Wilhelmus de Faringdon milites, & multi alii viri fortes, qui locati in circuitu ut defensores, mox contra Britones dimicare parati suas occupant stationes. Fit ergo pugna ingens (spectante rege Franciæ cunctisque Gallicis) & in omni conatu Britones peiorem calculum reportabant. Fecerant autem nostri instrumenta ferrea & vncata, quibus attraherent appropinquantes & in villam eiicerent, vel certe pungendo repellerent & in fossas cadere facerent luto plena. Attraherantur itaque plures supra muros in villam & more pecudum mox cadentes, cum securibus excerebrabantur: multi autem à muro repulsi in cæno quod in fossis erat demergebantur, insuper & vexillum ducis Britanniae violenter extortum de manibus signiferi, raptum est in villam, cum signis pluribus aliorum. Cogebantur ergo Britones metu mortis à pugna quiescere, & se muris subtrahere cum pudore. Tunc Gallici & ipsi presumptuosi accedere temptauerunt, sed suis periculis didicerunt Britones non se temere subtraxisse, nam mox ut appropinquauerunt, cadentibus veribus sunt repulsi, quibus apponere manus volentibus, & ad se contrahere, dum multi super vnum veru manus mittunt, omnes parem recipere mercedem manibus eorum miserabiliter concrematis, unde confestim inutiles facti, dum manus soluunt, vel trahuntur in villam, vel præcipitantur in fossam. Igitur interfecti sunt ex Gallicis in illo conflictu amplius quam quingenti, nostris pene nihil læsis, nisi quod per ignem Græcum in villam emissum tertia pars domorum cum multis victualibus est combusta. Nocte superueniente, pugna dimissa, & Gallici se ad sua tentoria contulerunt, amissis signis regis & plurium dominorum. Sub ipso noctis articulo dux Britanniae venit ad regem Franciæ, quærens quid sentiret de Anglicis, & si adhuc censeret plures insultus facere contra eos. Rex vero respondit, eos esse dæmones non homines, qui tam fraudulenta commenta adinuenissent aduersus aliquos Christianos. Nihilominus dixit se non cessaturum donec omnes eos cepisset manu forti. Cui dux, & ego (ait) non laudo plures insultus fieri, quia & ingeniosi & fortes sunt viri, & quotidie novas contra adinventiones disperquirent: & si tales tres dies fecerimus, perdendo contra eos, nostro numero imminuto, ipsi satis fortes erunt quarto die cum auxilio Episcopi (qui tenet prope villam de Graueling) ad exeundum & pugnandum contra nos in campo, tunc non dubito quin plura perdemus quam prius amisimus. Rex igitur & sanior pars Gallorum iam aliquantulum animo fracti, non de insultu sed de tractatu cum nostratibus cogitare cæperunt: angustiabant nempe eos tot mortes, non plebium, sed exercitatorum militum & armigerorum, tot læsiones dominorum tam Britanniae quam Gallorum. Nam & ibi Marecallus Franciæ fuit occisus, & dominus de Clifton graviter vulneratus, ita ut in manibus asportaretur à muris. Propter quæ omnia reputantes ducem Britanniae iam viridicum, decreuerunt ut ipse alloqueretur eos ex parte regis Franciæ, de reddenda villa, quia notus erat eis, & ipse peroptime nouit eos. Agentes ergo tractatum dux & nostrates, post plures altercationes tandem in hanc sententiam consenserunt, ut villam redderent regi Franciæ, & ipsi cum equis & armis, & cunctis feruentibus, cunctis quoque bonis quæ de villa asportare placeret indemnes exirent, & ad quemcunque locum vellent pergerent sub conductu regis Franciæ, ita tamen ut versus Angliam properarent. Exeuntes autem Calcesiam, peruenerunt cum ipsis multa spolia deducentes, quod nimium Gallicos contristauit. Sperauerant nempe ditati fuisse de eorum spoliis & exhilarati mortibus: sed tamen secus accidit quam credebant ut præactum est.

*Rex Francia cō-
ponit cum Epi-
scopo ut delevat
villam de Gra-
ueling.*

Post discessionem nostrorum de villa de Burburgh, conuertit se exercitus Gallicanus cum rege suo ad villam de Graueling, ubi erant dominus Hugo de Caluerlee & Episcopus constituti. Quia ergo Gallici iam satis experti sunt quædamna, quæ pericula sequantur insultus, insultum facere de cætero metuebant. Idcirco mittunt ad Episcopum enumerantes multitudinem Gallicorum, fortitudinem & animositatem Britonum & qui cum illis erant, denunciantes ut reddat regi Franciæ villam quæ suam iniuste dignoscitur occupare. Et Episcopus ad hæc breuiter respondebat, se tam in causa domini Papæ quam regis Angliæ lucratum fuisse villam prædictam, per multa pericu-

pericula insuper, & expost eandem reparasse, ac fortificasse, fusa multa pecunia, nec se cognoscere quenquam habere iuris titulum præter regem Angliæ, vel semetipsum in eam. Cum ergo Gallici hæc audissent, & diffiderent de redditione, remiserunt qui nunciarent Episcopo se velle. 15. millia marcarum dare, ita vt Episcopus eam deserat & complanet ad terram, & habeat facultatem Episcopus libere migrandi quocunq; vellet cum omnibus bonis suis & cunctis qui ibidem fuerunt cū eo. Ad hæc Episcopus petit inducias vt responsum differrat ad certum diem, & dantur ei, qui statim misit in Angliam, nuncians regi semet in arcto positum & regem Franciæ cum innumerabili exercitu ante ipsum iacere, iam tempus esse (si vnquam vellet congredi cum rege Frā-
 10 ciæ) properare vel mittere qui cum eo auderent congredi, quia nisi in Angliam nauigasse præsumpsisset, non potuisset propius accessisse, & ideo non erat difficile Anglicis ad succursum properare, cum nil in terra Franciæ morarentur priusquam vel bellum haberent, vel regem Franciæ effugarent. Huius auditis, rex Angliæ dum adhuc esset vagabundus (vt diximus) per patriam & domos religiosorum, & esset in cæna apud villam de Daubre, mox expulsis tabulis cū omni furia & festinatione surrexit, & apprehenso equo, cursu velocissimo noctem consumit equitando, multotiens equos mutando, tanquam ea nocte esset regem Franciæ perempturus, venitq; ad Sanctum Albanum nocte media, sed nil moraturus ibidem, nisi dum Palefridum Abbatis mutat, nunquam redditurus eundem, confestim festinat ad Westmon. sequentibus
 20 eum paucis, quo cum peruenisset, fatigatus à laboriosa equitatione, & somno pressus, ibidem pernoctare decreuit. Cum autem dormisset, cernens requiem quod esset bona, statuit mitius agere cum hostibus suis, & alios mittere qui propulsarēt eos. Sicque actum est, vt post grandia verba, & pompam nimiam, ab ipso factum est nihil, qualibus illudens Poeta dicit: *Parturiunt montes, exhibet ridiculus mus.* Missum tamen est pro duce Lancastriæ, vt ipse vsque ad locum properando festinet, & Episcopum liberet, & Gallicos arceat manu forti. Qui & ipse tanquam continuo facturum, ita festinat ad mare, & expectat ibidem donec dies induciarum pertransissent. Videns ergo Episcopus ex Anglia nullam fidem, nullum euenire remedium, componit cum Gallicis, & villam destruit solo tenus (vt tenebatur ex pacto) sed pecuniam non recepit,
 30 quia hoc cognouit consiliariis regis displicere.

Post recessum Episcopi, & ipsi Gallici ad propria recesserunt, in parte tamē maxima imminuti, quia (vt supra diximus) ad villam de Burburgh plures valentes amiserunt, & quotidie in exercitu plures subito dissenteria & aliis variis infirmitatibus perierunt, ita vt multis diebus amplius quam trecenti in die spiritum exhalauerūt. Coacti reuera fuerunt iuvenes delicati, mercatorum & Burgensium filii, nescientes arma, ignorantes vigilias, & per omnia inexperti ad supplementum exercitus, qui mox vt consuetudinem mutare cæperunt, continuo infirmabantur, & repente iuxta latus regis dum starent in armis, nil habentes mali (prout visum fuit) mortui corruerunt. Quare si qua fides, si appetitus gloriæ, si audacia in nostris tunc militib. qui domi re-
 40 manserant & hæc audierant extitisset, profecto fuisset tempus acceptabile transfretandi & experiendi vires contra hostes totiens in terra sua quæsitos. Nam multotiens quæsitum fuerunt in regno Franciæ, per duces, per comites, & alios dominos, sed tamen inueniri nequibant: iam præsentem fuerunt, non procul, sed prope: non pauci, sed plures: non communes, sed potentes & diuites: non exercitati, sed inexperti: non fortes, sed infirmi: & ecce nostri (vel prodicione detenti, vel vecordia refrænati) non transeunt contra diu desideratos, sæpe quæsitos. Proh dolor, terra quæ olim generauit & produxit homines cunctis reuerendos, prope & procul positos metuendos, effeminatos iam euomit, ridiculum hostibus, fabulam ciuib: nam nullus vel rarus reperitur in ea, qui reipublicæ se deuoueant, qui pro ciuib: laborem impendat, sed omnes sua
 50 lucra sectantur, propria commoda perscrutantur. Sed ne lectores scandalizentur huiusmodi verbis, plura de hiis scribere super sedemus. Ad materiam igitur superius memoratam reuertamur. Igitur Episcopus relinquens Gallias, Angliam est reuersus, qui cito postquam terram attigit, ducem adiuit qui adhuc iacebat illis in locis, qui Episcopum obiurgans, quærens nodum in scirpo cito dimisit. Hugonem vero Caluerlee aliquanto diutius secum detinuit, honorem ei exhibens propter antiquam militiam approbatam. Hic ergo finis fuit profectionis & belli pontificalis.

Scoti per idem tempus occasionem ex tempore nacti, eo qd plures fuissent cum Episcopo egressi, Northumbriā intrauerunt (prout moris eorū est cum superiores esse videntur,) incolis damna irrogarunt, agentes prædas ubiq; & captiuos de suis domi-

Gallici reuertuntur ad propria infirmassi.

Scoti intrauerunt Angliam.

bus educentes & Scotiam pertrahentes. Ausi sunt insuper ad castellum quod vocatur Werk super flumen de Twede cum multis armatis accedere, & captum ac deprædatum ignibus conflagrare, nemine conatus eorum impediante, nec semet ipsorum insolentis apponere volente, propter metum quorūdam qui tunc temporis à communi populo putabantur plus Scotis quam Anglicis fauere. Ob quam causam milites & armigeri qui custodias castellorum vel municionum habebant in villa patria, venerunt ad regem & reddiderunt ea in manus suas, dicentes Scotos vehementer inuuluisse, & Anglicos qui in partibus illis erant per paucos esse ad resistendum illis, nisi rex ipse manus apponeret adiutrices, qui responsum consolatorium acceperunt, ut dicemus in capitulo de proximo parlamento quod scripturi sumus.

10

De Papa & Romanis.

Eodem fere tempore Papa diffidens de fide Romanorum, simulata causa velut puriorem aerem veller haurire, urbem ad quoddam castellum non procul positum multotiens egrediebatur & reuertebatur, quandoque ad noctem, aliquando vero pernoctauit ibidem, & die secundo vel tertio est reuersus. Ut autem tolleretur omnem suspicionem à cordibus Romanorum, non procul à dicto loco quod amœnus esset & ibi locus, dixit se velle castellum forte construere, in quod sese posset secure recipere, si necessitas vlla vrgeret. Vnde gauisi Romani, iam libere permiserunt eum sine suspicionem vel exploratione, quotiens veller vel quando veller adire locum, pro eo maxime quod nouerunt eum latomos & fabros plurimos conduxisse, & ad eum locum magnam materiam lapidum & lignorum comportasse. Iam ergo Papa securus neminem 20 eius migrationem velle perscrutari, accito clanculum quodam potenti domino qui erat in illis partibus, componit cum eo ut certo die veniens cum armata manu, deducat eum in patriam suam ubi natus fuerat, scilicet in Neapolim, quia rebatur maiorem fidem inuenire inter suas patriotas, quam Romanos, si contingeret indigere. Quod & factum est. Audientes autem Romani Papam repente fugisse, cum magno supercilio miserunt ad eum, mandantes ut reuertatur, alioquin affirmabant eum velle deponere, & aliquem de Cardinalibus qui in vrbe remanserunt in Papam eligere, vel certe reuocare eius aduersarium Antipapam, & ipsum inthronizare. Ipse vero paruipendens eorum minas, moram suam continuare disponit in dicta terra, quanquam ibidem multa aduersa essent prouentura, prout in sequentibus plenius (cum locus & tempus id postulauerint) edicetur. 30

De navibus hostium captis.

Circa dies quibus Episcopus Norwicensis & cruce signati sederunt circa villam de Ypres, hostes armauerant quinque vasa bellica, qualia Balingarias appellamus, ut arcerent & impedirent tam transitum versus eum, quam versus Aquitaniam, quia & illuc dirigendi fuerant cruce signati, cum turba militum & armigerorum: Ducibus domino Britrigaldo de la Bret, & nonnullis aliis electis ex Anglia viris bellicosis. Et cum plura mala fecissent in mari, non ferentes hæc viri de Portesmutha & Dortesmutha, armauerant ipsi naues suas bellicas ad impediendum conatus eorum. Et progressi in obuiam, commiserunt repente prælium cruentum valde, sed tamen adiutorio superno nostri superiores effecti, occiderunt omnes qui erant in eis præter nouem 40 viros, & vasa & vniuersa contenta diripiebant sibi, aduehentes patriæ tam prædam quam pacem, per victoriam gloriosam. Eadem fere tempestate nauigiū Anglicanum dum liquidas obseruat in mari vias, octo naues grandes refertas multis bonis, & vnam præcipue bellico iure lucrantur, in quibus dicuntur fuisse mille & quingenta dolia boni vini. Et ita licet per breues successus Angliam plurimum confortabatur.

Qualiter Gandauenses inuasi villam de Owdenarde.

Postquam cruce signati è Flandria Angliam sunt egressi, Gallici qui custodiebant villam de Owdenarde, quam superiori anno Gandauenses obsederunt à festo inuentionis sanctæ crucis vsq; ad natale Domini, quo tempore (ut superius scripsimus) Gandauenses ibidem victi fuerunt per regem Franciæ, & Philippus de Nartfield interemptus cum viginti quinq; millibus Flandritarum, cæperunt Gallici crudele dominium exercere super ciues illius villæ, opprimentes eos vehementer. Et non tantū bona diripientes eorum, sed etiam vxores vi rapientes eis, pro suæ voluntatis arbitrio abutebantur. Super quibus omnibus oppidani de Owdenarde vehementer commoti, nec immerito, cum iam nullā spem cernerent correctionis Gallicorum, sed potius indies eorum scelera augeri viderent, miserunt secreto nuncios ad Gandauum, qui & eorum iniurias ciuib; nunciarent, & auxilium rogarent ab eisdem. Promittentes insuper illos quacunq; nocte vellent introducere in villam de Owdenarde, ut sic & dominio villæ potirentur, & acceptas frequenter iniurias siue damna per Gallicos in ipsos viriliter vindicarent. His auditis, Gandauenses non segnes accinguntur ad iter, &

50

iter, & nocte peruenerunt ad villam, datisque signis ad inuicem, qui in villa erant, & qui extra villam, intromissi sunt Gandauenses. Oppidani igitur dictæ villæ iuncti Gandauensibus, scientes peroptime, vbi hospitia Gallicorum fuere, domos repente irrumpunt, Gallicis dormientibus, & in ipsos subito irruentes, iugulant quotquot in villa fuere, multos valde, ita quod non superfuit vnus ex eis. Et ita Gandauenses villa potiti, etiam stragem magnam fecerunt in Flandrensibus, qui falsi fuerant suis ciuibus dictæ villæ. Ibi mercatores Anglici in parte recuperauerunt damna, quæ pertulerant per ante in villa de Bruges, dum bona in dicta villa reperta à Gandauensibus pretio leui emunt, & non solum mobilia, sed etiam domos, & quæque læta
 10 villæ. Post hæc Gandauenses miserunt ad Regem Angliæ, nuntiantes se lucratos dictam villam, quam vellent dare sibi, si vellet illuc ex Anglia custodes & auxilium destinare, alioquin detraherent illam solo tenus. Rex vero gratias agit illis, respondens se nolle illuc suos dirigere propter instantia pericula, quæ regno suo multis ex partibus imminebant, & honoratos dictos nuntios prout decuit Gandauum remisit. Et hic finis Gallicorum, qui multa mala perpetrauerant in villa de Owdenard. Nec silentio reticendum, quod in dicta villa repertus est infinitus thesaurus Comitum Flandriæ, qui merito & Gandauenses animaret, ad continuandam guerram, & Comitem cogere desperare.

Circa festum omniū Sanctorum factū est parliamentum Londoniis, in qua cōcessa est medietas quintæ decimæ p laicos, & paulo post medietas vnus decimæ per clericum, Regi. Cuius pecuniæ portionem domini partium borealium petierunt, quia in hoc parlamento fuerunt deputati ad custodiendum partes illas contra Scotorum irruptiones. Quibus responsum est per dominum Wilhelmum Wicham Episcopum Wintoniensem, quod ideo ex pauperibus effecti fuerant diuites, & domini vt Scotos liberius arcere possent, & vt Rex & australium domini partium minus grauarentur, dum alias oporteret eos omni anno comparare exercitus, populumque vexare contrahendo versus partes illas. Nec esse difficile eis ibidem hostes repellere, qui domini & magnates facti sunt, cum eorum antecessores, videlicet patres & aui, qui neque fuerunt domini vt ipsi, nec diuitiis abundantes, potuerunt sua animositate &
 30 audacia, hostibus, id est, Scotis resistere, & de ipsis multotiens triumphare. Concessæ sunt tamen illis commissiones congregandi virtutem exercitus, & Scotis resistendi, & damna pro damnis inferendi, quotiens contingeret Scotos irrumpere, vel hostili more partes illas intrare. Hæc autem facta sunt pro eo maxime, quia in ultimo die, quo dux Lancastriæ, & ipsi conuenerunt ad diem Marchiæ, conuentum fuit inter eos pro commodo partis vtriusque, vt de cetero ipsi nec Anglici vexarentur per tot labores & expensas, sed singulis annis certi vtriusque partis destinarentur ad parliamentum regni vtriusq; qui & iniurias acceptas proferrēt in medium, & emendas acciperent secundum quantitatem damnorum per iudicium dominorum. Qui vero Scoti supersederunt ad hoc Parliamentum venire iuxta conditum, & insuper
 40 per damna interim plura Borealibus præsumperunt inferre, ac etiam hostes ex Galliis in nocumentum Anglorum conducere. Decretum est per Parliamentum, vt frangenti fidem, fides frangatur eidem. Et vt potestas lecta ex Anglia mittatur illuc, subductore domino Thoma de Woodstoke, videlicet mille lanceæ, & duo milia architenentium, ad compescendum conatus eorum. Quibus cognitis, Scoti valde timentes in fine Parlamenti supplices aduenerunt, etiam de pace vel treuga tractare voluerunt. Sed Anglici totiens eorum falsitatem experti, cum eis tractare nec componere noluerunt, sed eos effectos contumeliis ad propria redire præceperunt, denuntiantes, vt capita sua defenderent quam bene scirent, & sua iura tuerentur. Quibus regressis (vt præmisimus) domini boreales susceperunt patriam conseruandam, donec comes Buckinghamiæ dominus Thomas de Wodstock prædictus paratus esset ad accedendum cum potestate grauiori. In hoc Parlamento Rex cepit temporalia Episcopi Norwicensis in manu sua, eo quod inobediens erat voci eius, quando (vt præmisimus) reuocauit eum per breue suum, cum paratus esset ad transfretandum, sed tamen Episcopus noluit reuenire. Milites quoq; qui cum Episcopo fuerunt in Flandria, quia & ipsi Episcopo fuerunt inobedientes, & quod peius est, proditores, in carcerati sunt: sed mox manucapri sunt per amicos, redimendi fuluo metallo. Et hic finis & fructus Parlamenti præsentis. Transit annus iste frugifer & fructifer:
 50 sed in fructibus arborum suspicio multa fuit, eo quod per nebulas fœtentes, exhalationes, aerisque varias corruptiones, ipsi fructus, puta poma, pyra, & huiusmodi

*Parliamentum
Londoni.*

Annalis celsus.

sunt infecta, quorum esu multi mortales hoc anno, ut pestē lethalem, vel graues morbos & infirmitates incurrunt. Fuit etiam annus iste Anglicis luctuosus, quia plures tam in Flandria quam in patria perierunt: Flandrensibus exitiosus, quia patria illa cum suis habitatoribus tam per suos quam alienos est vastata: Gallicis formidabilis & onerosus, qui nunquam per ante timuerunt quenquam ex Anglicis ducibus sicut Episcopum formidabant, & onerosus propter contractionem tanti exercitus, quantum Rex Franciæ congregauit, & expensas, quas in commune ad hoc negotium profuderunt.

De treuga inter regna.

Anno domini millesimo trecentesimo octuagesimo quarto, qui est annus Regis Richardi à conquestu secundi septimus, fuit idem Rex ad natale apud manerium suum de Eltham, & cum eo Regina Anna. Exactis diebus natalitiis, dux Lancastriæ Iohannes de Gandauo, qui ante natale profectus fuerat in Franciam ad tractandum de pace inter regna, rediit in Angliam, ferens treugas usque ad festum sancti Iohannis Baptistæ, quo tempore rediturus erat ad tractandum iterum & confirmandum pacem, si posset fieri inter Reges. Quæ treugæ quantum contulerunt utrique regno, regna manifeste suis commodis persenserunt. Nam Anglia per Gallicos & maxime per Normannos sequente quadragesima referta est cunctis necessariis mercibus, puta vino, fructibus diuersi generis, speciebus atque piscibus, adeo affluenter, ut admirationem ferret incolis vilitas rerum vernalium, præcipue in illis partibus, ad quas accessus esse poterat Normannorum. Francia & Normannia lætati sunt, quia argentum & aurum prompte perceperunt ex Anglicis pro suis mercimoniis, & abundantius multo quam in suis partibus pro tantillo commercio percepissent. Vnde ab utriusque regni incolis, & maxime communibus, pax est ardentissime concupita.

De diffidio inter Londonienses pro maioribus.

Eodem anno in nocte Purificationis beatæ Virginis visa sunt ingentia fulgura, & audita tonitrua, quæ corda mortalium non modice terruerunt: & non multo post Iohannes de Northamptonia dictus alias de Comberton, Maior London. anno præcedente, qui suis seditionibus iuxta sui nominis etymologiam ciuitatem Londoniarum seditionibus adimpleuit, moliri noua temptauit, multis assentantibus, quibus rapina placebat. Nempe Maiorem (electum iuxta morem ciuitatis) turbare, & cum multitudine stipatorum incedere, non semel sed pluries ad plurimorum terrorem, quibus placebat usus. Et cum iam Maior illius anni (dictus dominus Nicholaus Brambre, miles) occurrere suis motibus paruisset, in tantam insaniam dicti Iohannes Comberton amatores conuersi sunt, ut quidam ex arte futoria, qui maior æstimatione videbatur, publice communitatis suffragium expeteret & commoueret. Ob quam causam (consilio domini Roberti Knolles militis) domo sua tractus & decollatus est, tanquam insurrectionis concitator, & pacis regiæ perturbator. Quod factum pro tunc compescuit commotionem vulgi, insurrectionem populique sedauit, qui dicebatur eo tempore in necem Maioris electi, & multorum valentium conspirasse.

De professione ducis versus Scotiam.

Instante tempore quadragesimali, dux Lancastriæ Iohannes, cum fratre suo Thomade Wodstock comite Buckinghamiæ, & innumerabili pene turba militum, armigerorum & architenentium, profectus est versus Scotiam, ut Scotis perfidis perfidiæ pœnas inferret. Cumque in partibus borealibus perendinasset, donec incolarum destructis victualibus, plus damni irrogasset eisdem, quam per ante intulerant ipsi Scoti, tandem circa festum Paschæ terram Scotorum intrauit, ubi tanta erga eos usus est patientia, ut villanos de Edenburgh permitteret asportare de villa quæcunque vellent, & ultra mare Scoticum comportare, indicens interim exercitum, ne præsumerent sub pœna mortis versus eandem villam pedem mouere. Iacebant ergo nostrates per totum triduum non procul à villa, id est per tres leucas, dum potuissent adiuuasse prædictam villam, & Scotos asportatione rerum vel perturbasse, vel iure bellico ipsa bona occupasse. Sed asportatis quibuslibet rebus à villa, & Scotis fuga saluatis, signum dedit mouendi exercitum penes villam. Ad quam cum venissent, nihil præter domos vacuas inuenerunt, & non tantum vacuas, sed omne stramentum tectorum depositum propter incendium & detractum. In nocte vero Paschæ fecit exercitum in paludibus propter metum hostium armatum pernoctare, sed superueniente niue, & intollerabili frigore, perdidisse fertur (ut raceam de hominibus exanimatis) per frigus amplius quingentis equis. Scoti vero semper prudenter agentes se subtraxerunt, & in nemoribus vel ultra mare Scoticum delituerunt, nolentes bellum inferre nostratibus. Sed experimentaliter cognoscētes nostros illis in locis, & illo tempore

pore sine gladio, sine certamine, frigore, & inedia perituros. Quod & factum est: nam plures sine ferro perierunt, plures per irruptiones Scotorum vel captiuitatē vel mortem incurrerunt. Vt viderentur ergo boni ductores, dux & frater eius volentes pabulum exire prohibuerunt, exeuntes ascensis velocissimis equis persecuti sunt, & cum lanceis præcutis non plus parcentes eisdem quam hostibus, percusserūt, vulnerauerunt, perforauerunt, & occiderunt plures ex Anglicis quam hostib. perimentes. Tandem parum damni inferentes hostibus præter incensionem villarum paucarum, cum imprecatione cunctorum borealium, id est, Northumbrensium cum magno quidem supercilio ipsi domini, sed mediocres, egentes, angustiiati, afflicti redibant. Post quorum discessum, mox erumpentes Scoti in partibus borealibus, prædas egerunt, & plura damna per combustionem villarum fecerunt, quam nostrates intulerant ante illis. Et factum est, vt in hac expeditione non minus perderet & regnum in effusa pecunia, in turba virorum perditā, in amissa substantia, quam antea actis expeditionibus per annos multos factis noscitur perdidisse.

Exacto tempore Paschali, id est, post quindecim aut paulo plures dies post Pascha conuenere citati proceres apud Salisbury, ad Parlamentum celebrandum. *Parlamentum apud Salisbury.* Quidam de ordine Carmelitarum frater, bacularius in Theologia, Hibernicus genere, in fausta hora properauit. Hic namq; quandam schedulam dictauerat, & conscripserat, in qua plura enormia machinamenta per Ducem Lancastriæ (vt asseruit) *20* excogitata fuerant exarata. Contenta siquidem in illa fuerunt, quod dux statuerat Regem repente oppressisse, regnumq; occupasse. Designauit tempus, locum & cetera, quæ huius rei facere possent argumentum. Obtentoq; aditu ad regale colloquium, porrexit schedulam, iurans in sacramento corporis Christi, quod ipse eodem die celebrando confecerat, nullum verbum fore falsum, quod in schedula scripserat, monuitq; ne audirētur ducis excusationes, quia per subtrilia (inquit) verba hac die quidem iudicium differet, & si fugerit in spacio miliarii populum contrahet, & quo plus facultatis obtinuerit recedendi, tanto materiam obtinebit maiorem fortitudinem congregandi, & ita efficietur vel hostis publicus, vel dolose reconciliabitur tibi regi. His auditis, rex puer non dominos, non pares regni, seu qui sensu vigeabant in regno, *30* sed consuetos consiliarios suos, duos videlicet capellæ suæ clericos, Nicholaum Slake, & quendam alium super tantis conuenit negotiis, vt discernant quid in tali articulo sit agendum. Inter tractandum more solito dux intrauit, nihil voluens aduersi, omnino nesciens quid tractarent. Quem cū rex toruo vultu respexisset, nec vt solebat, honorem impenderet, dux æstimans aliquid latere in mente Regis, quod personam suam tangeret, se subtraxit. Interea duo dicti Regis consilarii fortassis metuentes ducis dominationem, vel affectantes amorem, consulunt, vt omnibus viis & modis ducem accersat, & ipse eum conueniat super istis. Vocatus est tandem Dux à Rege, & schedula sibi tradita supradicta, quam vt perlegerat, suspirans, ait ad Regem: Heu (inquit) domine mi, cur fidem datis talibus delatoribus? cur de mea persona talia opinamini? Nonne sum auunculus vester? Nonne tutor extiti? Nonne post vos *40* principalis in regno? Quid mihi suaderet vos prodere vel certe necare, qui nihil lucri reciperem de vestra morte? Nunquid hostes vestri me ditiores facerent in terra sua, quam effectus sum in terra vestra & in natali solo? aut si regnum affectarem, credendumne est post vestram interfectionem (quod absit) dominos huius regni æquanimitè ferre me posse, domini mei & patriæ proditorē? Desistite (si placet) fidem dare talia referentibus, quia paratus sum more militis cōtra quemcunq; mundi mihi in hac causa aduersantem pugnare, & meā innocentiam defendere & purgare. Cumq; hæc & his similia plura pro se dixisset, credidit Rex ipsi duci, & suscepit excusationes eiusdem. Dux vero rogauit regē, vt frater supradictus in custodia teneretur vsq; ad diem, *50* quo causam diceret horum, quæ proposuerat contra eum. Et rogauit specialiter, vt dominus Iohannes Holand eius custodiam obtineret. Erat iste Iohannes Holand frater regis ex parte matris, filius scilicet quondam domini Thomæ Holand, qui libenter propter amorem ducis fratris custodiam acceptauit.

In ipsa nocte, quæ præcessit diem datum suæ responsioni, idem Iohannes & quidam alius miles, dictus Henricus Grene, apprehendentes fratrem, & mittentes funem in collo eius, & eadem reſte neſtentes eius genitalia, suspenderunt à terra, imponentes super ventrem eius lapidem tantę ponderositatis, qui & torqueret eum per distractionem verendorum, & eius guttura suffocaret, confringeretque spinam dorsi eius, vt nō tantum vno supplicio, sed tribus tormentis vitam finiret: qua iniuria frater

Interficiunt fratrem Carmelita.

ter occubuit superatus. In crastino fecerunt fratris corpus exanime per villam detrahi more proditoris, ut suspicionem tollerent illatæ sibi mortis iniustæ. Et mirandum, quod non armigeri, non valecti, non garciones, nec inferioris status viri quicquam mali voluerunt inferre fratri, sed milites hæc fecerunt. Ipsi iudices, ipsi ministri, ipsi tortores extiterunt. Et hic fructus parlamenti præsentis, excepto quod Rex petiit & obtinuit de laicis quidem medietatem vnius, (ut vsu vulgari loquar) quintæ decimæ, de clericis vero vnius decimæ medietatem. Et præter hoc, quod dominus Wilhelmus la Zouche, quamuis grauissima detineretur ægitudine, accersitus erat ad parlamentum prædictum, ad standum iudicio Regis & dominorum, quia idem frater eum velut inuentorem, inceptorem & incentorem dixerat omnium quæ scripserat extitisse. Qui cum venisset lætica delatus, quia propter guttam equitare non poterat, compellus est discinctus, & discooperto capite ad hæc omnia sibi obiecta, more latronum vel proditorum respondere. Qui viriliter negavit obiecta sacramento firmans hæc nunquam audisse, vel huiuscemodi cogitasse, & ita demum absolutus est, & domum redire permissus, factus non solum illius ordinis, sed cunctorum ordinum fratribus inimicus. Sunt qui dicunt cratem sutam, super quā fratris corpus tractum erat reuiriisse, floruisse & folia produxisse, & quendam cæcum ad eandem cratem lumen amissum recepisse, sed si vere id asseuerauerint vel amore, vel odio personarum nondum scitur. Ferunt etiam, quod dominus Thomas de Wodstoke frater Ducis iruperit in cameram qua rex erat, & terribiliter iurauerit, se oppugnaturum vel occisurum quemlibet, qui prodicionem imponere vellet fratri suo duci, nullum excipiēs, non ipsum regem quidem. Vnde Rex turbatus, nec contramutire quidem ausus est. Quod factum capitale fuisset, si rex habenas regni rite rexisset.

Mirabile.

Irruptio Scottorum.

Circa idem tempus, quia Scoti varia damna Northumbrensis inferre non cessabant, Comes Northumbriæ, dominus Henricus Percy, Scottorum regnum parat ingredi, & damna pro damnis illis reddere, & iniurias illatas suis patriotis vlcisci. Quibus ita gestis, cum reuersus fuisset Comes, & exercitum dimisisset, reuertuntur Scoti, & damna damnis in patria cumulant, vnde dictum comitem multipliciter irritarunt. Eratque per totam ætatem vtriusque gentis euentus varius, dum nunc illi nunc nostri propriis damnis addiscerent, quanta mala pariat discordia, quanta pericula lis inter regna. Hac ætate dominus Iohannes Philpot miles, & ciuis Londoniarum nobilissimus, qui pro regno regnique commodo plus omnibus laborauerat, & expensis & affectu sæpius regem regnumque releuauerat, concessit in fata, neminem in huiuscemodi affectibus relinquens superstitem sibi parem.

I. Philpoti mors.

Dux Lancastria Franciam proficiscitur pro tranqu.

Prope mensis Augusti principium, Dux Lancastriæ profectus est in Gallias, ad tractandum cum Francis de pace vel treuga, quarum tractatus semper damnosæ Anglicis, & promissiones infructuosæ fuerunt. Igitur Dux ibidem cum numerofo nobilium comitatu diu perhendinans, cum iocunda noua patriæ putaretur asferre, reuersus est cum denuntiatione belli anno futuro prima ætate, treugas tantum habens vsque ad primum diem mensis Maii. Sicque reuersus est in terram istam, postquam expendisset (ut dicitur) quinquaginta millia marcarum argenti.

Processus & iudicium in Iohannem de Northampton Maiorē Londonia.

Eodem tempore (rege vocante) congregati sunt multi de nobilibus regni apud Rading, dum adhuc dux ageret in remotis, ad compescendum seditiosos motus Iohannis de Northamptonia nuper Maioris Londoniarum, qui ingentia facinora nixus est, de quibus & conuictus est ibidem, suo familiari clerico eum accusante, & molitiones plurimas per ipsum excogitatas, tam in damnum regis, quā totius ciuitatis Londoniarum obiciente. Cumque sententia ferenda esset in eum rege præsentē, reclamauit improbus, & asseruit, tale iudicium non debere fieri in absentia domini sui ducis. Quo verbo suscitauit suspicionem sinistram tam vulgi quam procerum contra ducem. Tamen ex processu iuris Iustitiarius huiusmodi verbis vsuse est: Iohannes (inquit) scelera quæ tibi obiiciuntur, debes duello refellere, vel per iura regni tractioni, suspensioni & quarterizationi subiacerē: cumque mutus staret, nec vllum verbum vellet ædere, decretum est, ut perpetuo carceri traderetur, & eius bona regiis vsibus confiscarentur, & ut Londonias non appropinquaret per centum miliaria in vita sua. Destinatus est igitur ad castellum de Tyntagel in finibus Cornubiæ constitutum, & interim ministri regis velut Harpiæ bonis illius incubabant. Et hic finis pro tunc processus contra eum facti.

Demiraculo factum in die S. Oswini Regis.

Prope dies istos, id est, vicesima die mensis Augusti, quo die videlicet celebratur passio S. Oswini regis & martyris, in nouo castro super Tynam apparuit nouum & inau-

inauditum nostris diebus prodigium. Duo nempe nautę ad refarciendum nauę suam quoddam lignum dolare fatagentes die prædicto, dum alter illorum securi dictum lignum percussisset, sanguinem repente de ligno prædicto, tanquam de pecude vberim stupuit emanasse. Percussus ergo formidine magna de tanta renouitate diu hæsit: tandem recordatus diei sancti Oswini, cuius solemnitatem infestauerat, vouit se nihil ulterius eo die in æternum facturum operis manualis. Quod audiens eius socius & miraculum paruipendens, iurat se dolaturum dictum lignum, & eo die loco præordinato positurū. Cumq; & ipse lignum percussisset, vidit sanguinē abundantius effluentem in parte percussa. Induraturus tamen lignum vertit, & insistit operi alia parte ligni, sed nec ibi defuit miraculum præostensum. Nam & ibi sanguis tanquam ē bove vel vacca decurrit. Giratur lignum ad quatuor partes, omni parte pcutitur, omni parte fluit cruor. Quod cernens qui prius improbe signum contempsit, ad deuotionem se conuertit, & deinceps eo die ab omni opere manuali spondet se cessaturum. Istud miraculum à multis visum, & quibus incumbibat, approbatum, testimonium magnum reddit sanctitati & excellentiæ martyris supradicti.

Eodem anno die sextadecima mensis Augusti, sero & per noctem sequentem audita sunt in Anglia perhorrenda tonitrua, & visa fulgura terribilia, quæ mortales multipliciter terruerunt. In crastino vero post meridiem quasi per horam facta est ec-

De Eclipsi solis.

20. Eodem anno circa festum sancti Martini factum est Parliamentum Londoniis, in quo (prout iam à multis consuevit temporibus) nihil dignum memoria fuit actum, præter illud, quod sedulo actitabatur extortio, videlicet pecuniæ, de clero & communi plebe ad sustentationem militibus guerræ regalis, & præter hoc quod duellum commissum est infra listas, inter quendam armigerum Anglicanum, & quendam de Nauaria, qui accusauerat dictum armigerum (cuius nomen erat Iohannes Walshe) de proditione regis & regni effectualiter: tamē non erat proditor, sed inuidebat sibi, eo quod cum esset idem Iohannes subcapitaneus de Cherburgh, oppresserat vxorem dicti Nauariensis, prout idem Nauarus expost superatus ab eodē, & moriturus publice fatebatur. Ob quā causam idē Nauarus regali iudicio (qui ad spectaculū duelli cum principibus regni sui confederat) tractus & suspensus est, quanquam regina & plures alii pro eo preces sedulas porrexissent. Nondum Parliamentum finitum fuerat, cum noua de partibus borealibus sunt allata de captione castelli de Berwico per Scotos, cuius custodiam comes Northumbriæ, dominus Henricus Percy auito iure possedit. Scoti namq; mediante pecunia, de quodam qui secundarie castri custodiam tunc habebat, introitum castelli dolose nacti sunt. Quibus dux Iohannes cognitis lætatus est valde, quod materiam iam inuenerat nocendi dicto comiti, prout fertur. Factum est ergo duce procurante (prout dicitur) vt pro perditione dicti castelli regalis comes iudicium qui aderant optimatum, & regis sententiam damnationis exciperet in eum publice promulgatam. Cuius executionis vindicta per Regem postea cito relaxata fuit, quamuis id Duci (vt dicitur) displiceret. Acta sunt hæc decimo quarto die Decembris in eodem Parlamento, non obstante, quod idem Comes ad dictum Parliamentum vocatus fuerat per breue regium, & ad custodiam suæ patriæ morari maluisset. Hæc idcirco causa inter ipsum Ducem & Comitem postea iræ & odii fomitem ministravit.

De Parlamento Londoni, & duello in eodē. Condamnatio comitis Northumbria.

Comes Northumbrorum taliter adiudicatus, sed indulgentia regis vitæ possessionibusque restitutus, nullas moras nectens, omnem apparatus belli præparat ad obsidendum dictum castrum, & expugnandum eos, qui in eo erant. Et cum populosum exercitum congregasset, & vtensilia comportasset expugnationi necessaria, repente castrum obsidione vallauit. Tandem cum ibidem moram traxisset aliqualem, conuentum est inter obsidentes & obsessos, vt ipsi obsessi castellum relinquerent, & vita gauderent, & mobilibus bonis suis, & pro redditione castelli reciperent ab eodem Comite duo millia marcarum Anglicanæ monetæ. Et hoc modo recepit Comes castellum de Scotorum manibus, doctus prudentius in futurum sua fortalitia custodire.

Comes Northumbria capis castellum de Berwico.

Hoc anno Dux Andegauiz post longam & procul positam à patria peregrinationem, post opum indicibilium & expensarū profusionem, post magnatum suorum morte periuriū amissione, spe sua frustratus, decidit in lecto egritudinis & simili forte periit, in magna mentis amaritudine moriens in terra aliena. Sicq; factum est, vt cui non placuit fortuna sua, dum ad dignitatem aspirat regiā, ducatus amisit honorem, &

Nota de Papa Urbano.

non

*Annalis conclu-
so.*

non solum ambitiosus moriens, sed etiam excommunicatus vitam finiuit. Qui remanserunt de eius exercitu vespillones & latrones facti, non solum regnum Siciliae, sed & alias regiones in giro positas, impleuerunt caedibus & rapinis. Et hic factus & fructus totius apparatus ducis Andegauiae regnum Siciliae meditantis conquirere, & Papam Urbanum suppeditare conantibus. Transiit annus iste quo ad Gallos pacificus, sed Anglicis nocius Scotorum irruptionibus, frugum fertilis, sed fructuum neque omnino sterilis, neque fecundus: in hac quidem terra seditionibus turbulentus propter motus inordinatos Londinensium volentium Iohannem de Comberton ad dignitatem pristinam reuocare, & propter occultum odium inter dominos suscitatum, prout in gestis sequentis anni patebit.

*De morte Iohannis
Wiclis.*

Anno domini millesimo trecentesimo octuagesimo quinto, qui est annus regni regis Richardi à conquestu secundi octauus, fuit idem Rex ad natale cum Anna regina, quam raro vel nunquam lateri suo deesse permisit, adfuerunt & Boemi patriota reginae, qui gustata dulcedine terrae, propriae regionis obliti, inuerecundi & illati hospites repatriare nolebant. Die S. Thomae Cantuariensis Archiepiscopi martyris organum diabolicum, hostis Ecclesiae, confusio vulgi, haereticorum idolum, hypocritarum speculum, schismatis incentor, odii seminator, mendacii fabricator, Iohannes de Wiclif, dum in S. Thomam (vt dicitur) eodem die in sua praedicatione quam dicere praeparauerat, actiones & blasphemias vellet euomere, repente iudicio Dei percussus sensit paralytici omnia membra sua generaliter inuasisse. Os nempe quod contra Deum & sanctos eius siue sanctam Ecclesiam ingentia locutum fuerat, à loco suo miserabiliter distortum, horrendum cernentibus spectaculum exhibebat, lingua effecta muta confitendi vel testandi copiam denegabat, caput tremulum maledictionem quam diuinitas in Cayn fulminauerat, in ipsum latam etiam patulo demonstrabat. Et vt nulli veniret in dubium eum Cayn consortio deputandum (vt ferunt hi, qui affuerunt morienti) per signa forinseca moriens desperauit: & quidem totius malitiae suae conclusio talis erat. Dominus Edwardus le Bourser per hos dies missus est Gandauum cum armata manu, vt Gandauensibus praesentet more capitanei. Illis quidem à Rege hoc instanter petentibus, & sibi fidelitatem promittentibus sub iurandi attestazione, vbi quam prudenter Gandauenses rexit, quam circumspecte res belli tractauerit, & nobis silentibus hostes sui, videlicet Gallici fatebuntur. Nam in ipso aduentu sui principio ipso duce Gandauenses tria millia Gallicorum deuicerunt, & ex illis quosdam fugauerunt, nonnullos ceperunt, plurimos occiderunt, & praeter reliquam praedam quadringentos equos hostium abduxerunt. Gallici proinde multipliciter exasperati cunctos captiuos, quos inter se tenebant, enormiter mutilantes, effossis oculis, & amputatis manibus & variis modis laesis irrestitabiliter domum ad commouendum corda Gandauensium remiserunt. Quibus visis Gandauenses commoti, voluerunt militibus & armigeris, quos de Francis (vt diximus) viuos ceperant, eadem supplicia irrogasse. Quibus conatibus obstitit dominus le Bourser dicens, id non debere fieri viris, qui iure belli capti, se ipsos pro saluatione vitae ipsorum fidei reddidissent, si vero in futurum quoscunque Gallicos possent violenter intercipere, hos dixit se bene permissurum tali modo mutilatos vt Gallias mitterent, & simili sorte Gallicos salutarerent. Quod paulo post factum est ipsis sibi obuiantibus, & Gandauensibus victoriam reportantibus ipso duce.

*De discordia inter
Papam & Regem
Siciliae, & de
degradatione sex
Cardinalium.*

Sub praesenti tempore commota est vniuersa Sicilia, commota est & tota Romana curia commotione magna, qualem per ante nunquam senserat vel tollerauerat, cuius causam inferius describemus. Cum dominus Papa (vt supra retulimus) dulcedine natalis soli illectus, Romanos decepisset suo repentino recessu, & Neapolim appropinquasset: Carolus Rex Hierusalem & Siciliae, qui vocatur à multis Rex Neapolis, cepit inopinato Papam in lecto suo, & per octo dies in priuato loco secum tenuit, & cum tam secrete seruauit, vt ignoraretur à Papalibus famulis, quoniam illorum dominus deuenisset. Quam quidem detentionem Papa vocauit ex post incarcerationem. Hac ergo de causa grandis dissensio creuit inter Papam & Regem, & etiam inualuit in alterutrum odium eorundem. Regina vero Neapolis non mediocriter dolens de tanta dissensione, apposuit vires omnimodas pro pace reformanda, & beneuolentia redintegranda inter illos, ad cuius instantiam commedabilem quamuis foret difficile, facta est pax, Rege iuramentum edente, & obligationem faciente de nunquam delinquendo contra Papam verbo vel facto. Ex parte vero Papae Cardinales cum Romanis obligauerunt se Regi pro Papa in centum millibus florenorum. Quod

Quod videlicet dominus Papa seruaret conditiones factas inter illos, inter quas con-
 uentiones conuentum est inter Papam & regem, quod dominus Papa prestaret auxi-
 lium ad custodiendum ciuitatem Neapolim. Quibus firmatis dominus Papa cruce
 signauit regem suis manib. & confortauit eum ad bellandū inimicos ecclesie, & cam-
 pum tenendum contra eos. Rex itaq; progressus tenuit campū contra dictos aduersa-
 rios per 8. menses: sed mox post recessum regis Papa transtulit se cum tota curia sua ad
 villam, quæ Luceria nominatur, & infregit conuentiones & pactum initum inter il-
 los. Regina proinde Neapolis dedit mandatum ciuitatibus & castellis, vicis & villis, &
 omnis conditionis hominibus, sub pœna mortis, ne victualia Papæ aut curialibus fer-
 10 re præsumerent, & omnem illis ex omni parte interdixit com meatum. Nec solum
 tunc inter Papam & Siculos orta est discordia, sed inter ipsum & Romanos propter
 pacta quæ pepigit, & misit eisdem sub bullis suis plumbo sigillatis. Iuramento & iam
 firmanerat iisdem Romanis, & sponderat se redditurum & moraturum inter eos:
 sed tamen nihil impleuit ex omnibus quæ promisit. Quibus de causis Romani illum
 falsum reputabant, & publice proclamabant.

Eodem tempore 3. idus Ianuarii orta est grauis dissensio inter Papam, & quosdam
 de collegio Cardinales, qui intrauerunt ipso die (prout moris erat) Papale pala-
 tium, vocati prius ab eodem, ignorantes siquidem intentionem Papæ, consistorium
 sunt ingressi, vbi Papa inopinato proposuit & obiecit in conclauī sex Cardinalibus
 10 conspirationem in mortem suam, & affirmauit eosdem triginta articulos hære-
 sis voluisse sibi imponere, & comprobasse eum deprauatum fuisse hæretica
 prauitate. Cardinales mox attoniti, vnus post alium iurauerunt se nunquam talia co-
 gitasse. Papa nihilominus sine processu facto comprehendī fecit eosdem & incarce-
 rari, & expositi quæstionibus contorqueri, quorum quidem nomina Cardinalium
 ista fuere.

*De discordia in-
 ter Papam & quos-
 dam de collegio.*

Cardinalis de Venetia, Cardinalis de Anglia, Cardinalis de Ianua. qui omnes
 erant viri venerabiles & religiosi, & maximæ opinionis in vulgo, & sacræ paginæ pro-
 fessores: trium reliquorum nomina fuere ista, Cardinalis Zang. Cardinalis Corsien-
 sis, & Cardinalis Tarentinus, qui fuerunt valentes, & de magno genere, & ex eis duo
 10 doctores legum. Igitur postquam torti fuissent (vt præfertur) dicti Cardinales confessi
 sunt (vt dicitur) delictū suum siue conscientia stimulari, siue pro carendo pœnarum a-
 cerbitate. Cardinalis tamen Angliæ nihil fatebatur præter id, quod dixisset, Papam
 esse nimis superbum. Proximo die dominico sequente Papa compelli fecit curiales
 & laicos de villa & casalibus in circuitu, ad veniendum in castellum, quibus ingressis
 portas claudi fecit, ne quis exiret, donec ipsemet prædicasset. Ascendit igitur turrim
 altissimam, secundum portā etiam prædicare cæpit, plebe sedente exterius super ter-
 ram in magno frigore & esurie, donec esset fere hora vespertarum, in quā prædicatio-
 ne mouit multas rationes, inter quas dixit, quod Cardinales prædicti cōfessi fuissent se
 adinuenisse articulos supradictos, & conspirassent in mortem suam tali modo: videli-
 40 cet, quod Rex cum sua comitiua cepisset, eum subito & deposuisset, vel certe pere-
 misset. Dixit etiam, quod ista omnia fuerunt demonstrata sibi reuelatione diuina.
 Longum est autem & tædiosum fabulas inserere quas narrauit. Inter quas dixit, quod
 Cardinalis Reatinus quondam factus per eundem, sed diu ante depositus, fuit ince-
 ptor & inuentor dictorum malorum contra eum, qui etiam diu ante fuit excommu-
 nicatus ab eo. Qui Reatinensis iudicio populi vir sapiens & circumspectus reputaba-
 tur, & erat doctor legum apprimè eruditus: & quamuis Papa priuasset eum, erat ta-
 men maximæ æstimationis in consilio, & inter consiliarios Regis Caroli supradicti.
 Præterea Papa retulit in illo sermone, quanta fecit pro Rege dicto, & Cardinalibus
 memoratis, & vt promoueret eos de puluere & de terra, & quot gratitudines osten-
 50 disse Regi & Reginæ, & Cardinalibus sepelitis. Post finem vero sermonis Papa cum
 Cardinalibus non priuatis, erecta cruce, & accensis candelis excommunicauit regem
 Carolum & reginam, Antipapam & anticardinales, Abbatem montis Cassini quon-
 dam Reatinensem Cardinalem, & prædictos sex quondam Cardinales, & omnes con-
 siliarios, & adiutores vel fautores eorum verbo vel facto, & omnes comedentes aut
 bibentes cum eisdem, & interdixit ciuitatem Neapolitanam, ne ibidem celebraren-
 tur, aut fierent sacramentalia vel sacramenta: & vna cum his extinxerunt candelas
 suas, & extra iecerunt inter plebes. Quibus expletis tumultus magnus excreuit in to-
 ta Luceria, & patria in circuitu constituta, & malefactores discurrere cæperunt, & de-
 spoliare quoscunq; poterant superare.

*Nomina Cardi-
 nalium de gradu-
 atorū.*

Dd

Eodem

*De malis qua in
rogauerunt roga-
les peregrinis post
dum assensum.*

Eodem die post solis occasum malefactores peremerunt quendam Anglicum procuratorem, & nuntium cuiusdam Clerici Regis Angliæ, dictum Iohannem Aleyn, dum ire disponderet ad hospitium suum, & despoliauerunt eum. Quapropter omnes, qui sequebantur Curiam, colligatis sarcinis reliquerunt ibi esse, & ad villam, quæ citra est constituta dicta Castelmare properare cæperunt viri amplius quam sexcenti: sed tamen deprædati fuerunt in ipso itinere, & amiserunt amplius quam quadraginta onera asinorum: vt autem Papa cognouit tantam miseriam, & prociñctum itineris peregrinorum & aliorum curialium, summoneri fecit omnes Anglicos ad veniendum ad eius colloquium, vt videlicet commorati fuissent in castello suo, & custodissent illud sub pœna excommunicationis omnium beneficiorum suorum. Non tamen voluerunt ex Anglicis expectare cum eo viri aliqui nominati, præter Episcopum Bethleemensem, & magistrum Henricum Bowet, & alios circa duodecim.

*Indit rex Caro-
lis.*

Septimo Calend. Februarii venit Carolus rex Neapolim stipatus turba magna, cui ciues & milites exierunt obuiam cum ingenti lætitia, & deduxerunt eum in castellum suum. Proximo die Sabbati subsequenti Papa in publico consistorio educi fecit dictos sex Cardinales priuatos, vbi fatebantur publice dictos articulos & obiecta de conspiratione contra Papam: sed tamen Cardinalis Angliæ nihil fatebatur, nisi sicut prius, scilicet quod intollerabilis erat fastus Papæ. Credebatur tamen eos voluisse longe aliam fecisse confessionem, si fuissent à carcere liberati: ibi tunc Papa iterum excommunicauit eosdem, & priuauit & regem & reginam. Cumq; rex hæc vniuersa cognouisset, relatione veridica iratus est valde. Et quarto die sequenti misit illuc magnam turbam hominum bellatorum, quibus præpoluit Villanocheum & Admiratum, cum tota potestate sua. Qui confestim cæperunt destruere casalia & villas in circuitu Luceriæ constitutas, & capere cunctos quos poterant, qui cum Papa tenebant, aut cum Principe Capuano, qui erat consanguineus Papæ, & compellere eos ad redemptionem. Proxima sexta feria sequente obsederunt villam de Luceria, & insultum fecerunt ex vtraque parte plurimi vulnerati. In crastino, id est, diei Sabbati, fecit Rex congregari totum consilium Cleri Neapolis, ad quærendum, si interdictum foret timendum: cui post tractatum diuturnum clerus respondit, interdictum non fuisse factum bono sensu & bona deliberatione, nec in iure sacrosanctæ Ecclesiæ, sed potius captiose, & ideo non fuerat metuendum. Die Lunæ proximo sequente regalis exercitus cepit villam de Luceria, & concremauit illam. Cepit insuper vltiorem custodiam, quam wardam vocant, castelli Papæ & gardenum eius. Tandem metuens sibi Papa, misit ad Regem nuntios pro concordia & pace reformanda. Sed Rex multipliciter exasperatus, respondit Papam fore falsum, & semper conuentiones factas inter eos infregisse, & nullum ex pactis omnibus custodisse, & ideo nolle se de cetero credere suis sponsonibus fraudulētis. Demū tamen intercurrentibus viris illustribus & bonis, concordati sunt summus Pontifex & Rex magnus, & Papa dimissus propriæ libertati.

Causa de Bury.

Causa monasterii sancti Edmundi de Bury, pro qua multotiens multi versus curiam Romanam laborauerant, huiuscemodi finem cepit. Papa laudabili instantia ambassiatorum concessit & permisit, vt ad nouam procedentes electionem, satagerent eligere monasterio dignum patrem, quanquam iam dudum Iohannes de Tymworth per prouisionem sibi factam Abbathia aliquanto tempore fuisset gauisus. Misit ergo fratribus, mouens vt eundem Iohannem Tymworth (si posset fieri) præ ceteris eligerent in pastorem, cuius condiciones per ante Papæ commendauerant in immensum. Cessauitq; Papa tam benedictionem, quā perceperat ab Episcopo Landauensi, quam electiones & prouisiones de eo vel sibi factas, vt electio iuxta postulata posset esse libera & quieta: delegationem vero ad ratificandum, quæ in hac parte secundum iura fierent, & munus benedictionis impendendum electo commisit Magistro Roberto Braybrok Episcopo Londoniensi, qui accedens ad locum adimpleuit officium, & eiusdem Iohannis Tymworth, quem iterum cōuentus elegerat in Abbatem, ratificauit electionem, & benedixit eundem in eadem Ecclesia cum solemnitate magna in die S. Albani Anglorum prothomartyris.

*Discordia inter
reg. m. & ducem
Lancastria oria.*

Per idem tempus in Anglia orta est duci Lancastriæ inquietudo grauissima, iuvene rege & iuuenibus eius complicibus, in mortem illius conspirantibus. Conueniunt nempe inter eos, vt eum subito arrestatum iudicio sisteret coram Iustitiario Roberto Trysilian, qui manu ceperat audacter in eum laturum sententiam iuxta qualitatem

litatem criminum sibi met obiciendorum. Sed dux præmonitus à quodam de confilio, & propriæ salutis non negligens, prudenter se subtraxit, & ad castellum suum de Ponte fracto quantocyus properauit, quod & armis & victualibus affatim communiuit: vnde factum est, vt iam non tantum occasione dissentionis huius in priuato, sed etiam in publico inualesceret odium in alterutrum, & iamiam timebatur adfuturum, quod communes diu affectauerant, discordia videlicet inter eos, ac per hanc licentiam impune discursandi & grassandi, sicut olim quando communes non principati sunt, sed debacchati sunt. Sed tantum discrimen regni ferre non sustinens domina Iohanna mater Regis, quamuis tenera foret & delicata, & præ corporis sui sagina semet ipsam vix portare valeret, neglecta tamen corporis sui quietudine, laboriosum iter, nunc ad regem, nunc ad Ducem gratis assumpsit, nihil parcens expensis, nihil humilibus precibus, donec voti compos effecta inter eosdem pacem & concordiam reformasset.

Eodem tempore coniunctio duarum maximarum Planetarum facta est, videlicet Iouis & Saturni mense Maio, quam secuta est maxima regnorum commotio, prout patebit inferius, cum attigerit stilus locum.

Coniunctio Iouis & Saturni.

Sub eadem tempestate rex Franciæ cum suis Gallicis exitium, quod Anglorum regno diu per ante excogitauerat, effutire parat. Et congregatis ratibus vndecunque atq; conductis apud Sculam, in anchoris stare præcepit. Ergo illuc omnis ætas apta bello iussa venire equos adducit, arma comportat, victualia congerit, & cuncta necessaria tantæ protectioni deponit. Auditur in Anglia rumor iste scilicet sexcentarum nauium istuc dirigendarum, cum exercitu infinito, qui totum regni solum sicut locustæ replet, & illico (quasi nulla spes salutis esset) non solum plebani, sed & ipsi milites olim exercitati, sed modo effœminati: olim animosi, sed modo meticulosi: olim cordati, sed nunc excordes & eneruati, trepidare ceperunt, & non de resistentia, non de bello modo, sed de fuga vel deditione tractabant. Missus est insuper Hertfordensis Episcopus cum nonnullis aliis reuerendis nuntiis, vt cum Francis componat, vel certe dilationem belli reportet. Qui derisus à Gallicis, treugas reportat non nobis vtilis, sed ad duos menses, videlicet donec illi se possent commodius præparare, adiectis conditionibus, quod nec illi terram istam, nec nostrates terram suam ingrederentur hostili modo per tempus prædictum. In mari tamen liceret eis nobisq; prædas agere, hostiliter accitare. Videbatur interea Anglia respirare, quod non statim hostili gladio subiicienda foret. Interea præparatur nauigium ex cunctis portibus Anglicanis, conducuntur bellatores copiosi, præficiuntur eisdem Admiralli, Magister hospitalis sancti Iohannis, & Dominus Thomas Percy, frater scilicet Comitum Northumbrorum: qui per totum tempus æstiuum obseruaturi maris semitas, videntes frequenter classem Gallicam, nunc eos prætereuntem, nunc etiam deridentem, nihil omnino contra eos, qui in illo erant, agere statuerunt, impediti vel priuata discordia, vel vecordia percussis. Sed non sic viri de Portesmouth & Dorsetmouth, non sic feriare decreuerunt, quos nullus conduxerat, nullus coemerat ad nocendum hostibus, sed virtus propria stimulauerat, probitas innata succenderat. Hi nempe nihil metuentes à facie multitudinis nauium, nihil formidantes occursum hostium, cum parua manu pertranseuntes Oceanum, in Sequanam nauigarunt, vbi sine magna difficultate quatuor naues hostium demerserunt, alias quatuor abduxerunt, cum bargia domini de Clifton, cui par non erat in Angliæ siue Franciæ regnis. In quibus vna ferrum & prædam aliam sunt lucrati, quæ merito auidissimi cuiusque saturare posset avaritiam, & inopiam releuare. Hoc anno terræ motus factus est ante mediam noctem præcedentem diem Inuentionis sanctæ crucis, significans fortassis commotionem magnam, & protectionem, quæ postea cito facta est in terram Scotiæ per nostrates.

De apparatu regis Franciæ volentis Angliam inuadere.

De vecordia nostratum in mari.

Terræ motus.

Indignatio Regis contra Cantuariensem Archiepiscopum, & quosdam alios.

Eodem tempore rex obleues occasiones in tantam exarsit iracundiam contra Cantuariensem Archiepiscopum Dominum Wilhelmum de Courtney, vt eius bona temporalia iuberet auferri, & in manus suas seifiri: factumque fuisset vt iussisset, nisi Cancellarius regni, Dominus Michael de Poole, eius conatibus laudabiliter restitisset. Ob quam causam idem Cancellarius indignationem regiam vix euasit. Prætermitto (quia longum foret scribere) verba cõtumeliosa, quæ rex iecit in vtrumque, quæ regale fastigiũ non decerent. Taceo probra & opprobria, quæ dixit in dominum Thomam Triuet, quamuis (vt quidam asseruit) verum dixerit, vocando eum publicum proditorem: taceo verba procacia & cõtumeliosa habita per eum contra domi-

Dd 2 num

num Iohannem Deueroux militem generosum, qui verba pro Archiepiscopo facere sunt conati. Archiepiscopus vero ut à præsentia regis est egressus, sumpta cruce sua, & consuta sub pannis eius ad pectus eius, paucis conficiis latenter se subtraxit, & latibula perquisiuit, donec intercurrentibus viris timoratis, pax est inter eosdem, & gratia reformata.

*De aduentu Fran-
corum in Scotiam,
& professione
regis contra illos.*

Dominus Iohannes de Vienna, stipendiarius Regis Franciæ, per idem tempus peruenit in Scotiam cum magna multitudine nauium & hominum bellatorum, ut pariter iuncti Scotis totum regnum Angliæ infestarent, & ut dum ipsi potentiam regni ad illas partes attraherent & detinerent occupatam, Rex Franciæ cum suo nauigio & exercitu congregato, alias partes regni licentius posset ingredi, nemine videlicet (vel saltem paucis) domi dimissis, qui eius introitum prohiberent. Comperto in Anglia dicti Iohannis aduentu, & Scotorum ferocitate, qui iam fulti Francorum subsidio, nihil illis obstare posse credebant, Rex & tota regni nobilitas se præparauit ad professionem: expetunt seruitia consueta & noua, non tam precatur, quam timore potestatis extorquent. Fit concursus ad regem iam primo suos aduersarios debellaturum, militum, armigerorum, & arcitenentium nostris sæculis & regionibus inauditis, ita ut equorum numerus ad summam excreceret trecentorum millium, prout æstimauerunt quibus incumbit seruientes de armis. Latatus est ergo Rex, ut veraciter lætari poterat de tam valentis exercitus numero & effectu, ac etiam de tam nobili apparatu suorum, & diutius gaudet de animositate, quam suis vidit inesse. Sed priuatum & publicum gaudium obnubilauit apud Eboracum cito ferocitas domini Iohannis Holand fratris Regis, qui dominum Radulphum de Stafford filium Comitis de Stafford occidit in via, dum pergeret ad Reginam, cuius familiaris erat miles, & ab eadem summa fuerat affectione dilectus. Erat non minus percharus ipsi regi, utpote qui cum eo coaluerat, & sodalis eiusdem fuerat ab ætate primæua, quam obrem rex indignatus statuit persequi dictum Iohannem, non tam vindicare cupiens dolorem proprium quam comitis de Stafford patris eiusdem iuuenis orbitatem. Confiscari fecit igitur bona Iohannis de Holand, ut nulli veniret in dubium eum ex animo vindicare velle mortem iuuenis supradicti, quo facto, sibimet conciliauit amorem Comitum de Stafford & de Warwike dominum de Bassett, & omnium qui ipsi iuueni necessarii fuerant vel affines. Ipse Iohannes iam fortunam mutatam intelligens fugit Beuerlacum, ut impunitate gauderet eiusdem loci.

*Causa mortis
matris regis.*

Audiens domina Iohanna mater Regis & eiusdem Iohannis de Holand, & homicidium, quod filius suus fecerat, & ut Rex eum subiiciendum legis rigori iurauerat, mittit illico qui Regem adeant, maternas preces deferant, & filio pro fratre porrigant, exorent ne matris faciem pro tantilla petitione confundat, misereatur fratris, misereatur & matris, & ampliore experiatur frater misericordiam, quod frater suus sit. Sed cum nuntii redissent Wallingfordiam, & mater filiorum nullam in hac parte à Rege consecuta fuisset gratiam, nimia profecto grauata dolore lecto decumbit, & post quatuor aut quinque dies seculo valescit, cuius corpus ceratis lintheaminibus inuolutum, & plumbo impositum, conseruatum est Wallingfordiæ usque ad regis regressum de Scotia, & tempus quo deberet Stamford inter fratres Minores honorifice tumulari.

*Fulgura, tonitrua,
& terra
motus.*

Hoc anno septimo die post translationem S. Thomæ Cantuariensis Archiepiscopi & martyris, circa horam tertiam post nonam audita sunt tonitrua, & visa fulgura & coruscationes iugiter per vnam horam, quæ multorum corda terruerunt, ex quorum ictibus quidam sunt mortui, quidam irremediabiliter læsi multis in locis. Quarto die sequente dictam tempestatem affuit terræ motus circa secundam vigiliam noctis, præsignans forsitan inanem commotionem vtriusque regis, Angliæ videlicet & Franciæ, qui iam contraxerant inauditos exercitus, vnus versus Scotiam, ut hostes arceret à regno: alter versus Angliam, ut acquireret sibi regnum.

*Rex Angliæ equi-
tatur per totam terram
Scotia, & cõ-
vulsis loca dispersa.*

Menſe Auguſti Rex Anglię cum potenti manu regnum Scotię eſt ingreſſus, cuius viribus Scoti & Gallici ſeſe cernentes impares, diuortia quærunt, nemora petunt, & ad latibula feſtinare contendunt. Ex quibus tamen frequentius latenter egreſſi, noſtros ignaros tam locorum quam inſidiarum ex inſperato inuadunt, perimunt, captiuos abducunt. Exercitus Anglicanus, quo nunquam pulchrior, nunquam fortior, numeroſior viſus eſt, equitat per terram habitatoribus deſtitutam, animalibus vacuatam, carentem victualibus, quæ omnia Scoti cum Francis præſcientes, aduentum noſtratum abegerant, abduxerant & aſportarāt, in tantum enim deſolata eſt terra, ut noſtra-

nostrates veraciter fatebantur, nec auem quidem se vidisse ibidē, bubonibus solummodo duntaxat exceptis, fruges tamē ibi pulcherrimas virides copiosas inuenerunt, quos vel in equorum pabulis consumpserunt, vel equorum pedibus destruxerunt. Ceterum hostibus bellum subterfugientib. nihil dignum relatu per nostros actum est amplius, nisi ad Abbathiam de Mailros & villam de Edenburgh cum casalibus, quas obiter reppererunt nostri flammis dederunt.

Cum peruenisset exercitus noster ad Edenburgh, deficientibus victualibus ceperunt multi infirmari, nonnulli fame periclitari. Ibi ergo consuluit rex, quid melius videretur agendum. Dux Lancastriæ, qui inter magnos maximus post regem, aderat; fari taliter est exorsus: Domine mi rex (inquit) Deū laudādi & multipliciter gaudendi vobis se ingessit occasio gratiosa. Primo quod hostes, qui sua confisi potentia existimabant regnum vestrum pessundare, à facie vestra veriti, comparere non audent; sed fugiunt cum dedecore. Secundo quod adest vobis dominorum & nobilium spectabilis numerus, bellatorum copiosus exercitus (qualis antea in hiis regionibus nunquam visus est) pro vobis dimicare paratus. Tertio, quod fauor diuinitatis vos (vt verisimiliter arbitror) comitatur, quia & ætas temperata, & aura serena votis nostris in tantum hætenus arriserunt, quod non vento contrario, non imbre nociuo fuimus impediti, quo minus vel in diebus equitare, vel in noctibus sub diuo requiescere valeremus. Consulo propterea, vt mare Scoticum transeamus, quo constat hostes nostros confugisse, præsertim cum facilis sit nobis transitus, & patriam flamma ferroque destruamus, vt vel sic compellātur hostes ad pugnā, vel saltē ad dedecorosa fugam. Rex ad hæc (tanquam testem prodicionis inuenisset ducis sententiā) exarsit in iram: tu (inquit) vbicunq; locorū cum exercitu deuenisti, meos homines malo ductu, malo consilio, mala patria, fame, siti, penuria perdidisti, semper tuis marsupiiis consulens, meis nihil. Et nunciuxta morem tuum me cogis ad transitum maris Scotici, vt ego cum hominibus meis fame peream & inopia, & fiam hostibus meis præda: ecce nobis in hoc loco constitutis desunt victualia, & multi de meis hominibus inedia perierunt, & tu compellis ad transeundum remotius, quo nullus victus ad me vel meos possit adduci, nequaquam fiet vt cogitas. Sed si tu velis transire cum tuis, mare transeas. Nunquam enim antea stipatus fuisti tanto numero tuorum hominum, quanto modo stiparis, ego enim & mei homines reuertemur. Ad hæc respondente duce, & ego homo vester sum: nequaquam inquit Rex vehementer turbatus, & dux humiliavit se satis eidem. Non ferentes domini tantam discordiam, ingesserunt se, & pacem reformauerunt, qualem poterant pro malitia temporis inter illos. Et factum est ita, vt non procederent, sed reuerterentur via, qua venerant in terram suam. Et quidem tantæ profectionis in Scotiam iste fuit finis & fructus.

Rege cum vniuerso exercitu suo terram vastante Scotiæ, ingressi sunt in Angliam Scoti cum Gallicis, & villas cremantes, prædas agentes, & captiuos multos abducentes, reuersi sunt in terram suam, & sic ingressu suo furtiuo plus commodi perceperunt in Anglia, quam rex cum imperiali exercitu retulit de terra sua.

Dum adhuc Anglicanus exercitus moraretur in Scotia, Rex Franciæ præparauit nauigium, conducit populosum exercitum, instrumenta bellica congregat, & victualia suæ profectioni necessaria comportat ad le Sclus, quia præcogitauerat intrasse regnum Angliæ, dum potestas regni (prout dictum est) in Scotia moraretur. Sed tantos sumptus, tantam astutiam, tantam prudentiam, tantum consilium (quia facta sunt contra dominum) dissipauit in hora breui dominus per captionem villæ de Ledam in Flandria, quam ceperunt Gandauenses, habitatoribus illius villæ tradentibus eam ipsis, quia iam fessi de dominio Francorum, quod erat eis nimis superciliosum & importunum, magis expedire credebant se submittere suis proximis quā crudelibus dominis. i. Francis. Et reuera Gallici vbi eos superiores esse & dominari contigerit, cum summa superbia & intollerabili iniuria subditos suos tractare solent. Inuenerunt ergo Gandauenses in dicta villa prædam magnam, victualium diuersorum, vini que præcipue, eo quod ibi erat cellarium vinorum Regis Franciæ, nempe mille & octingenta dolia inibi sunt reperta. Gandauenses asportatis Gandauum, quæ sibi necessaria videbantur, posuerunt in dicta villa præsidium hominum defensorum, & ad propria sunt reuersi.

Audiens Rex Franciæ cum suis magnatibus, quod Flandrenses qui in villa prædicta erant, se tradidissent Gandauensibus, consternatus est, & iam primo desperans de regno Angliæ conquirendo, præmeditatum dimisit propositum, & cuncta, quæ

De discordia inter regem & ducem Lancastriæ, & reuertu de Scotia.

Scoti prædantur Angliam Rege absente.

Rex Franciæ præparari fecit nauigium contra Angliam.

Gallorum dominantium moros.

Obsidio villa de Ledam.

parauerat ad debellandum Angliam, contraxit ad obsidionem prædictæ villæ. Collocatis ergo per gyrum suis exercitibus signum datur insultum faciendi villæ, & fit insultus acerrimus, Francis nitentibus gloriose recuperare, quod fraudulenter amiserant, Flandrensis contra certantibus conseruare libertatem, quam iam receperat, excusso iugo importabili Gallicorum: quid multa? repelluntur Gallici ferocitate Flandrensiū, & recedunt Flandrenses fessi, in villam se recipiūt, & quiescunt. Cumque aliquoties Franci insultus fecissent, nec tamen profecissent, ac per hoc videtur pars melior obsessorū: videntes tamen qui in villa erant iacula sibi deesse & instrumenta repellendis hostibus necessaria, prudenti consilio tradunt villam quadam nocte conseruandam mulieribus & senibus, affirmantes oportere eos facie tenuis habere custodiam villæ per illam saltem noctem, qua oportuit eos, qui dimicauerant die præcedēti membra reficere, somnum capere, corpora recreare. Dum ergo hii villam circumeunt, vigilias noctis custodiunt, aduersariorum irruptiones obseruant, omnes bello apti viri (nescientibus qui remanserant) villam furtiui egrediuntur, & Gandauum (nescientibus hostibus) perueniunt sine rerum vel corporum læsione. Confractis autem in egressum suum cunctorum doliorum capitibus, & effusis vinis & aliis liquoribus, qui in eis erant, ne Gallicis cedere possent in adiutorium quouismodo. Sicque Rex Franciæ dum villam se lucratum fuisse credidit, & aduersarios subiugasse, dum villam intrat, cognoscit se delusum. Et quidem in Flandria res ita se habebant, & Anglia pro præsentī anno gratulata est hoc modo se ab hostibus liberatam.

*Rex Portugaliæ
vincit Hispanos.*

Circa tempus istud Rex Portugaliæ congregatis quos poterat de terra sua pugnatoribus, vna cum Anglicis, qui sibi dudum missi fuerant in adiutorium, Marte fauente, immo domino Deo exercituum corda suis, viresque præbente, de Castellanis Hispanensibus habito congressu ferocissimo gloriose triumphauit. Quod bellum sibi dedit requiem ab inimicis suis, & totum regnum Portugaliæ suæ restituit ditioni. Nomina potentium peremptorum in prædicto bello duximus inferenda, Comes de Maiorca, Comes Carion, Iohannes Gandissaleyn, Prior sancti Iohannis de Castell, Consalpinus Galaci, Didacus Gomissixæ, Magister de Galliaturna, Dominus Iohannes Duke, dominus Iohannes Renulds comes de Dene, Didacus Auari, & frater eius filius Mariaci de Willanor, Lupus de Roding, Lupus Gomossi de Lisle proditor. Post dicti belli consummationem rex Portugaliæ misit regi Angliæ sex Galeyas, vt adiuuarent eum, & essent illi solatio contra hostes suos, quæ exceptæ cum fauore in breui beneficio Londoniensium, & aliarum vrbiū, senserunt se non sine suo commodo in Angliam remigrasse.

*Damna illata
regi Francia, &
suis residentibus
de Flandria.*

Rex Franciæ post frustratum propositum, quo cogitauerat Angliam infestare, post dispendiosam moram factam circa villam de Ledam, de qua cupiuerat triumphare, post infructuosam adeptionem dictæ villæ, quam putauit bonis omnibus abundare, tristis, fessus, & illus ad propria remeauit, non sine magno suorum dispendio in insultibus factis ad villam, vbi quinque valentiores primo perierunt, & in via versus patriam, vbi Gandauenses multos de suis ceperunt, & plurimos occiderunt. Nam vt raceamus damna irrogata sibi per terrestrem viam, plura damna pertulit per campos liquidos, amissione tam hominū quam suarum rerum: affuit siquidem tempestas horrida, dum naues redirent de le Scus, quæ naues disperfit, allisit, cōfregit, & inuitis nautis impulit in loca regis Angliæ, Calesiā videlicet & partes adiacentes. Reuera die exaltationis sanctæ crucis duæ grandes Galeyæ, & aliud genus ratis, quod vocatur Line, & vna bargia, & septem Balingariæ periclitatæ sunt ante villam de Calesia, & Calesienses captiuos ceperunt quingentos de Gallicis & Normannis, qui classe demersa venerunt ad portum. Numerus captiuorum, inter quos captus est Robertus Breuille, homo prædiues & potentissimus inter totius Neustriæ mercatores. Tertio die sequente septuaginta & duæ naues Francorum redeunt de Scusa pertransire Calesiam decertabant. Sed Calesienses egressi, pugnaverunt contra eas, & lucrati sunt decem & octo naues, & quandam grandem Bargiam, in qua fuerunt capti vel occisi armati homines sexaginta. Tertio itidem die sequente dictum conflictum quadraginta & quinque naues maximæ redeunt de Scusia, dum præterire vellent Calesiam, per nostrates impeditæ sunt. Nempe Calesienses & harū aduentu cognito armauerunt se contra eas, & pugnaverunt amplius quam per sex horas, tandem victoria cessit nostris, & fugerunt omnes illæ naues, præter duas, & vnum Coggonem, in quibus capti sunt duo admiralli Gallæ cum multis bonis. Fuerunt autem duæ dictæ naues

naues grandes adeo, quod apud Calesiam non valebant introduci, quamobrem ad Sandwicum missæ sunt. harum Maiorem comparauerat dominus de Clysson, pro tribus millibus Francorum apud Sclufam, & erat naus noua utpote ipso anno facta. Prædictum vero Coggonem de Estlandia Normanni conduxerant, quinque millibus Francorum, ut esset eis ad tutelam & defensionem redeuntibus in terram suam, sed tamen obsistentibus Anglicis, semetipsam defendere non valebat, quin caperetur & fieret Anglis præda. Capti sunt & occisi in dictis nauibus de nautis & stipendiariis ducenti & viginti & sex: per omnia benedictus Deus.

Die sancti Dionisii stipendiarii de Calesia & fortaliciis regis Angliæ illis in partibus constitutis latenter exierunt in Franciam, & quatuor millia ouium, & trecenta grossa animalium versus sua municipia fugauerunt. Quod cognoscentes dominus de Bambures (qui erat capitaneus Boloniæ) cum armatis exiit contra nostros, qui in primo congressu acceptus lancea cuiusdam Anglici, equo suo illico perturbatus est, & leuatus per suos in equum suum, non sustinuit ibidem diutius expectare, ne deterius sibi contingeret. Sed vrgens compedem calcaribus præacutis, fuga sua nostris suam prædam abigendi liberam tribuit facultatem. Capti sunt per nostros in hac profectio-
ne plures quam centum personæ.

Præposterum petit ordinem posteritas nunciorum redeuntium à remotis, & me quandoque scribere quæ sunt prima nouissime, & quæ nouissime primo cogunt. Hinc
est quod res Portugalenses in hoc loco pono, quæ per ante poni debuerant si temporis ordinem conseruassem. Igitur post decessum domini Edmundi comitis Cantebri-
giæ de Portugalia, regina Portugalix (prout dicunt) consensu cuiusdam militis quæ dilexit illicite, venenum regi Portugalix propinauit, cuius haustu læthifero rex in fata concessit. Regina proinde considerans cuncta sibi licere quæ voluit, filiam suam quæ desponsata fuerat filio domini Edmundi comitis Cantebri-
giæ, vendidit regi Castellæ, consilio militis supradicti. Rex ergo Castellæ odium inueteratum quod contra regnum Portugalix diu conceperat, effutire gestiens, gaudio gauisus est quod occasionem quandam suscepit perdendi regnum sibi odibile diu ante. Et hac occasione villas & municiones dicti regni suscepit in sua, parans proculdubio in futurum cunctos ibidem suos aduersarios delere usque ad vnum, immo destruere usque ad nullum. Proceres vero regni rem tacite considerantes quorum hæc tenderent meditabantur, tandem videntes regni desolationem præparari, concito ad regis defuncti fratrem, virum Martium, fide perspicuum, sensu præditum concurrerunt, incitantes eum ut se opposeret tãtis malis. Erat ille Magister hospitalis, vir tam religione quam potestate præstans cæteris, & habuit in temporalibus vnde proferret noua & vetera pro defensione dicti regni. Hic ergo pulsatus à ciuibus castrum adiit manu forti, ubi regina cum amasio moram traxit. Et quidem pacificum prætendens ingressum reginam sibi fecit occurrere, & eum eo ampliori honore suscipere, quo regis defuncti frater, quo Magister hospitalis, quo nominatissimus in regno fuit. In primo itaque ingressu suo reginam capit conuenire de fidefragio erga comitem Cantebri-
giæ, deinde de regimine prauo regni per quod vacillabat regni status ut præfertur. Quod audiens miles, quem prædiximus reginam viciasse, sine respectu reuerentiæ tãtæ personæ debitæ insolentius respondit eidem, dicens nihil sibi competere de regni regimine, quippe qui religiosus esse deberet, & suæ religioni potius indulgere quàm regni gubernationi. Quo responso magister hospitalis agnouit militis assensum in præmissis minime defuisse: quapropter illico extracto cultello in proditorem irruit & protinus interfecit. Reginam vero iussit apprehendi & in eodem castello regaliter custodiri, corpus quoque militis interfecti iussit sepeliri, quo facto tota regio adhæsit eidem. Cumque exposit contra regem Hispaniæ vna vice & alia prospere dimicasset, totius vulgi fauore electus est in regem: reclamauit ipse tamen dicens se suæ religioni voto professionis astrictum, nec posse, nec debere regni suscipere dyadema. Instantibus, vrgentibus, compellentibus tandem illis, dixit se velle parere ipsorum quodammodo voluntati, dum dictum regnum administrare velleret usque ad aduentum hæredis iusti filii, videlicet comitis Cantebri-
giæ cui filia fratris sui regis Portugalix (ut præfertur) primo fuerat desponsata, & hoc quidem modo est regni consecutus honorem, Anglos multum diligens, acrius fouens qui erant in regno suo propter illorum nimirum probitatem, per quos non dubitauit se superiorem manum semper in cunctis conflictibus reportasse. Rex vero Castellæ non ignorans per quos rex Portugalix triumphauerat, retinuit Anglos fuluo metallo corrumpere, quorum naturam didicit indultam auaritiæ,

*Nostros prædixit
sunt in Francia.*

*De his quæ gesta
sunt in Portu-
galia.*

transmittens aliqua, plura vero promittens, si prodere velint regem cum gente. Erāt reuera duo armigeri quorum virtute, discretione, prudentia per ante semper Portugalensibus cessit victoria, Hispanis vero fuga. Hii (proh dolor) auri sacra fame coacti consensere regi Castellæ, præferentes pecuniam fidei, munera veritati, sed eorum internuncii cuiusdam Anglici illibata conscientia regi delati, & cito conuicti, idem armigeri capti sunt, & carcerali custodiæ deputati, non sine magno totius suę gentis opprobrio, & scandalo nationis. Hæc in Portugalia gesta sunt trans Neptunum.

Abbas Papa.

Per idem tempus Urbanus sextus cui nil datum est diu dulce gustare eius nescio an aduersariorum improbitate, iterum inimicitias renouatas agnouit inter ipsum & Carolum regem Siculorum, iterum nempe per ipsum regem obsidionis contumelias, opprobria, damna tollerauit, vsquequo pene ad desperationis articulum est perductus. Sed tandem Ianuensium probitate qui cuncta norunt facere propter quid, ereptus, libertati abductus, Ianuam vsque perductus est, à qua ciuitate transigrare non permittitur donec inestimabilem auri summam pro sua ereptione persoluisset Ianuensibus, qui plus propter nummum quam propter Deum eius ereptioni intenderant, prout patet.

*Electus sancti
Andrea capitur.*

Hiis diebus electus sancti Andree in Scotia dum proficisceretur cum multis militibus & armigeris versus Lugdunum vt confirmaretur ab antipapa, captus est, qui quamuis vnum tantum Coggonem haberet in quo ipse & sui confederant, septem tamen pene de nostris bargiis superauit, tanta vis armatorum nebulonum extitit in nauibus suis. Captus tandem est à duobus filiis Wilhelmi Ruscbeby senioris, armigeris comitis Northumbriæ, & eidem comiti præsentatus. Qui cogente tristitia, paulo post prætulit mortem vitæ, ingressus viam vniuersæ carnis.

*Parliamentum
Londini & alia
eiusdem.*

Circa festum sancti Martini factum est parliamentum Londoniis, in quo laici concesserunt regi vnam quintam decimam & dimidiam, sub conditione tamē quod clerus decimam & dimidiam daret eidem: cui conditioni obnixè restitit Archiepiscopus Cantuariensis, dominus Wilhelmus de Courteney, dicens hoc minime fore faciendum, præsertim cum Ecclesia debeat esse libera & per laicos nullo modo taxanda, immo citius caput exponeret pro hac causa, quam in tantam sanctam Ecclesiam Anglicanam permitteret ancillari. Quæ responsio tamen commouit turbam communium, vt milites comitatum, cum quibusdam ex proceribus regni, cum summa furia deprecarentur auferre temporalia ab ecclesiasticis, dicentes clerum ad tantam excreuisse superbiam, quod opus esset pietatis & Elemosinæ per ablationem temporalium, quæ ecclesiasticos extollebant eos compellere ad humiliter sapiendum. Hæc clamabant, hæc regi in scriptis breuib; porrigebant: & tanta fuit eorum in hac parte vesania, quod hanc petitionem ad effectum posse perducere credebant. Inde cerneret milites latari venerios, de his inter se conferre, & velut totius Ecclesiæ temporalia eorum abusionibus iam deputata fuissent, hunc de hoc monasterio, alium de alio sibimet blandiendo, promittere certam summam. Audiui egomet reuera quendam ex huiuscemodi militibus intente iurantem se velle de domus sancti Albani temporalibus annuatim percipere mille marcas. Sed tantæ deliracioni non consensit Rex, sed auditis hinc inde, & horum inordinatis clamoribus, & istorum iustis responsis, præcepit deleri scripta, & cessari inordinate posita, dicens se Ecclesiam Anglicanam in eiusdem status qualitate suis temporibus seruaturum, quam ipsam cognouerat extitisse cum regnum suscepisset, aut potius meliori: quo facto, & apud Ecclesiasticos magna muneratione dignus censebatur, & apud bonos laicos hoc responsum maxime laudabatur. Archiepiscopus proinde (communicato cum clero consilio) regem adiit, & dixit se cum clero regni, vnanimi voluntate, consensu spontaneo vnam decimam regis vsibus prouidisse. Quam concessionem rex tam late audiuit, tam grate suscepit, vt palam assereret se malle hanc ad præsens donacionem liberam, quam alias quancunque quadrupli valoris coactam: & ita pro tunc hostium ecclesiæ auiditas infaciabilis est frustrata. Creata est in hoc parlamento noua dignitas Anglicis insueta, nempe comes Oxoniæ dominus Robertus de Veer appellatus, & factus est Marchio Dubliniæ in Hibernia, cæteris comitibus hoc indigne ferentibus, quod viderent eum gradum celsiorem ipsis regis munere percepisse, & præcipue, quia nec prudentia cæteris, nec armis valentior videbatur. Creati sunt insuper noui duces: quanquam in procinctu Scotico rex in campo donasset illos hiis nominibus, dominus Thomas de Wodestoke, videlicet comes Buckinghamiæ nomen ducatus accepit, & vocatus est dux Glouerniæ, & dominus Edmundus de Langeley qui erat comes Cantebrigie vocatus

*Oxonia comes
primo creatus.
Novi duces.*

catus est dux Eboraci, quibus Rex de fisco regio summas dedit propter honorem nominum ne suscepisse tantum nomen inaniter viderentur. Dominus Michael de le Pole qui fuit regni cancellarius ibidem, factus est comes South folchiæ, datis ei annuatim de regio marsupio mille marcis, vir plus aptus mercimoniis quam militiæ, & qui trapezetis in pace consenuerat non armatis in bello. *Nonus comes.*

Rex præterea in hoc parlamento mediatione sollicita præsul Eliensis, videlicet Thomæ de Arundell, restituit Episcopo Norwicensi bona sua temporalia quæ detinuerat per multos annos (vt superius exarauimus) quamuis cācellarius id fieri disuaderet. Reuera cum dominus Eliensis rogasset regem de re præmissa, cancellarius cum indignationis felle respōdit Eliensi dicens: quid est domine præsul q̄ rogatis? nunquid tam leue regi videtur Norwicensis temporalia modo dimittere quæ per annum sibi præstant amplius mille libris? non indiget Rex talibus consiliariis: nō eget amicis huiusmodi qui cum mulctare cupiunt tantæ pecuniæ detrimento. Cui respondit illico Eliensis: quid est q̄ loqueris domine Michael? non de rege sua deosco, sed aliena quæ minus iusto detinet titulo, tuo vel tibi similitum inductus prauo consilio, sibi nūquam prout estimo profutura: & tu si tantum regis detrimenta considerando ponderas, cur ab eo mille marcas annuas tam auide percepisti, cum te comitem Southfolchiæ creauisset? Cancellarius cum id audisset, velut iaculo reuerberatus substitit, & amplius huic materiæ contradicere non præsumpsit. Et hic finis parlamenti præsentis.

20 Anno domini M. CCC. LXXXVI. qui est annus regni regis Richardi à conquestu secundi nonus, tenuit Rex natale apud Eltham cum Anna Regina, quo peruenit ad cum Rex Armeniæ sub prætextu pacis reformandæ inter Angliæ reges & Franciæ: sed quid profecerit eius aduentus, ipse solus sensit. Nam præter innumera dona quæ de rege regniue percepit proceribus, Rex concessit & dedit eidem chartam de mille libris ad vitam suam percipiendum annuatim. Fuerat nempe (vt asseruit) fugatus à regno suo per Tartaros, & ob hanc causam multa à regibus Christianis extorsit munera, in tantum vt fælicior fuit illi fuga sua in aliena patria, quam dominium regni sui cum gente sua. Per idem tempus moritur Carolus de pace Rex Siciliæ, qui multa damna Papæ irrogauerat si iniuste nolimus diffinire: excommunicatus tamen à Papa discessit quo vindicandi genere Papa pro tunc contentus est, quia aliud vindictæ genus non occurrit. Nec est in ambiguo Papam voluisse, seque seuerius & materialius vindicasse si sibi potestas brachii secularis minime defuisset. Ferunt ipsum Carolum prodiciose occisum à quodam milite dum sederet ad mensam, die & hora quibus Papam proposuerat occidisse. Gandauenses hiis diebus, non expectato adiutorio quod illis Rex Angliæ non sine magnis sumptibus præparauerat innato more genti suæ, vt si leui consilio se regi Franciæ dediderunt, manifeste monstrantes se non posse vni amico vel domino fidem diutius conseruare. Igitur pars exercitus cum quibusdam capitaneis quæ Gandauum mittenda fuerat, ad villam de Berewico destinatur ad retundendas irruptiones Scotorum qui præparati erant ad inferenda damna nostrati-

Carolus Neapolitanus moritur.

Gandauenses se reddunt regi Franciæ.

40 bus in hac plaga.

Circa festum Paschæ dominus Iohannes dux Lancastriæ cum magna turba militum, armigerorum & architenentium se præparauit Hispaniæ, quod sibi debebatur hereditario iure vxoris suæ, scilicet dominæ Constantiæ filiæ quondam domini Petronis regis Castellæ & Legionis, vel cum incolarum pace repetere vel iure bellico vendicare. Accessit eius profectioni fauor Papalis & autoritas, tribuens peccatorum veniam cunctis secum proficiscentibus, & omnibus eius profectioni de bonis suis quicquam conferentibus, vt ipse quæstor ex principe effici videretur. Et reuera cunctas dispensationes & singulas accepit à Papa, quas per ante susceperat Northwicensis Antistes, quando cruce signatus erat contra Gallicos & Flandrenses: sed ipsa frequens veniæ & relaxationis concessio tantum viluit & sordebat in populo, vt pauci forent qui huic postremæ cruce signationi aliquid erogarent. Arripuit iter nihilominus, & ad mare cum peruenisset expectare coactus est ventorum penuria, donec pene cuncta quæ sui comportauerant necessaria consumpsissent. Tandem cum humiliati fuissent sub potenti manu Dei, aspirauit aura quæ classem afflauit in Britanniam, prope castellum de Brest, contra quam patriotæ Britones erexerant duas munitiones ad arcendum castellanos & prohibendum eorum egressum in terram suam. Erat tunc dicti castelli capitaneus quidam miles dictus Iohannes Roche, qui cum deplorasset suam coarctationem memoratam, laudabili probitate domini filii Walteri & aliorum nobilium qui cum duce erant confortatus est: siquidem mox egressi contra muni-

Dux Lancastria proficiscitur in regionem longinquam Hispaniæ accipere sibirognum.

munitiones prædictas eas ceperunt, confregerunt, diruerunt, & magnam prædam cum captiuis obtinuerunt ibidem, sed non sine suorum dispendio deplorando, quia perdiderunt illic viros quosdam validos atque fortes, quibus patratæ surgente vento secundo appulsi sunt in Hispaniam, in portum videlicet de le Groyn, in vigilia sancti Laurentii, cum integra classe sua.

De Henrico Percy missis Caleſiam.

Hac ætate increbuerunt rumores de proposito regis Franciæ volentis obsidionē ponere circa villam de Caleſia, & ad hoc exercitum comparantis, ad cuius impetus sustinendos vel potius repellendos cum multis victualibus missi sunt ex Anglia plures valentes, inter quos dominus Henricus Percy iunior, videlicet Henrici Percy comitis Northumbriæ destinatur iuuenis, in quo totius probitatis & militiæ specimen elucebat, qui cum aliquandiu apud Caleſiam moram protraxissent in ocio, indignatus Henricus Percy, huiusmodi quietes se odire professus est. Et reuera per ante dum fuisset custos villæ Berewici, gentem omnino inquietam, id est Scotos, quiescere cōpulit, & sua alacri inquietudine multociens fatigauit. Ob quam causam illorum lingua ipsum Henricum Hotſpor vocauerunt, quod calidum calcar sonat. Hic ergo Henricus congregatis focis, super Morinos & Pikardos facit expeditiones, prædas abducit, & actus exercet laudabiliter militares, & cum pluries ista fecerit & nullus ei resisteret, insuper & cognouisset quod rex Franciæ non proponeret obsidere Caleſiam, sed potius inuadere deliberaret Angliam, reuertitur in hanc terram, ut hic ei occurreret quod volebat, bellum scilicet Gallicorum.

De his que contigerint in Austria.

Per id temporis in ducatu Austriæ sub breui tempore fortuna vultus suos in diuersa mutauit, modo se fauorabilem præbens proceribus, modo semet ostendens adiutricem vulgaribus versa vice. Nempe dux Austriæ vir vaſer & cupidus, & Urbano Papæ contrarius, inuidens peregrinis ad Papam confluentibus, imposuit tributum importabile per terram suam transituris, ut vel sic saltem arceret Catholicos à visitatione Papali. Vnde factum est ut per illam viam peregrini transire cessarent, præeligētes longiorem in circuitu peregrinationem suscipere, quam tot iniustis exactionibus, contumeliis & iniuriis laceſſiri. Vulgares autem patriæ cernentes vias desolatas & librantes damna quæ iamdudum perceperant, cum peregrini cessassent transire per illos, ducem adeunt, oraturi ut more solito liceret peregrinis transire per illos, per quorum confluentiam non mediocre emolumentum perceperat tota terra: qui spre- 30 ti & superciliose à duce repulsi, ad propria discesserunt, congregaturi communes regionis ad vindicandum in ducem superbum iniurias præacceptas, quorum cognitis molicionibus dux cum suis generolis & dominis pergit obuiam turbæ vulgari. Et mox commisso bello, cædit, prosternit & captiuat eosdem & adductis morti quos volebat, dimittit reliquos in domos suas, qui cum tanto damno ab eo digressi & amaro animo nimis effecti, iam tunc quidem cessare minis decreuerunt, sed nouum exercitum recolligere, de nouo ducem aggredi statuerunt, quibus illico dux occurrit fidens in priori victoria, perempturos omnes si fortuna faueret, sed aliter euenit quam sperabat, quia ipse cum tota nobilitate & generosa gente ducatus coram eis 40 corruit.

De timiditate Londonensium.

Londonienses comperto pro vero quod rex Franciæ conduxisset nauigium, cōparasset exercitum, direxisset propositum in Angliam veniendi, timidi velut lepores meticulosi, ut mures requirunt hinc inde diuortia, perscrutantur latebras, & velut iam capienda foret ciuitas cæpere propriis diffidere viribus, & de resistentia desperare, & qui in pace timidi iactitabant se cunctos Gallicos sufflaturos ex Anglia. Audito iam licet inani rumore de aduentu hostium, vix vniuersam Angliam illos posse tutare putabant. Idcirco velut à vino madidi ad muros vrbs currunt, contiguas domos dilacerant, deponunt, destruunt, & cuncta formidolose faciunt quæ in extremis necessitatibus positi facere consueuerunt. Nondum vllus Gallicus in nauem pedem posuerat, Neptunum nullus hostis intrauerat, & Londonienses ac si tota terra in circuitu victa conquisita fuisset, adeo metuunt, ita sollicitantur, velut ipsos hostes aspicerent ante fores, sic sic viri qui in quiete fortes, in pace feroces de semetipsis pulchrum præbent spectaculum, proferunt non sequendum exemplum quid acturi forent, si sentirent instare prælium, inuenire periculum.

De vasis captis sed proditiōe liberatis.

Sub hac tempestate familia regis quæ constituta fuerat circa Doueriam & Sandewicum ad resistendum Gallicis, si forte illic temptarent irrumperæ æquoris vndas, ingressa duce domino de Garſi, obuiat quippe magnis Coggonibus & sex Carricis refertis vini speciebus, pannis aureis & holotericis, auro & argento & lapidibus præciosis,

ciolis, & diuerſi generis mercibus exoticis, quæ curſum verſus Sclufam in Flandria maturabant, quo cognito quod hoſtes eſſent, de ditione requirit eos qui in illis erant. Ianuenſes vero videntes ſe impares tantæ virtuti, ſemetipſos ſine magna reſiſtentia reddiderunt. Nempe ipſa vaſa cum contentis Ianuenſium eſſe dicebant, attracta ad Sandewicum ceperunt ea exonerare multis rebus, qui ea lucrati fuerunt. Ianuenſes autem non ignorantes vbi ſuccurri deberet eiſdem, mox feſtinant Londonias Cancellarii regni, domini Michaelis Atte Pole comitis Southfolchiæ auxilium peti-
turi, qui fuerat à pueritia magis mercimoniis, vtpote mercator mercatoris filius, quam militia occupatus, qui mox & illorum vicem doluit, & regem circumuenit, vt
10 ſcriberet hiis qui ceperunt eos, vetans ne quicquam præſumerent minorare de bonis eorum, reſtituerent inſuper cuncta quæ cepiſſent. Cancellarius præterea iuſſit de theſauro regio eorum damna reſarciri, vt videlicet pro cunctis quæ terra marique perdiderant poſt captionem ſuam reciperent pecuniæ dignam ſummam, & ita rex circumquaque deluſus, ſupplantatus, ſeductus eſt, & regnum theſauro debito vacua-
tum, & hoſtes ſæuiſſimi, infeſtiſſimi, crudeliſſimi, cum pace pecuniaque dimiſſi. Ipſi ergo mox vt ſoluerunt à litore, curſum verſus Flandriam direxerunt, & portum de Sclufa ſubintrauerunt.

Rex Franciæ parans inuadere regnum Angliæ, per illud tempus victoriam non armis ſibi tantummodo prouenturam credidit, ſed muris ligneis eſtimauit: quam ob-
20 rem congregatis ex multis locis fabris lignariis, quendam murum ligneum ſpiſſum atque denſum iuſſit fieri altitudinis viginti pedum, qui ſemper ad duodecim paſſus haberet turrim capacem decem hominum, quæ foret altior ſubiecto muro per decem pedes, quem murum (vt fertur) erigere præſiniuit in loco vbi applicaturus e-
rat, vt per murum defenderetur à ſagittis, & ſuos gunnarios protegeret, noſtratibus plagas horribiles illaturos, & cum opus eſſet ſuum exercitum reuocare poſſet ultra muri ambitum, vbi & feſſi quieſcere & faucii recreari valerent. Habebat murus ille prout ferebatur in longitudine tria millia paſſuum, & erat diſpoſitus turribus firmis & crebris vt præfertur. Eo tempore noſtrates qui in mari erant obuiant duabus naui-
bus regis Franciæ ſulcantibus campos liquidos, & iter carpentibus verſus Sclufiam.
30 Et illico conſerta pugna & naues illæ captæ & Sandewicum tractæ ſunt, in quibus & pars muri & turrium prædictarum eſt reperta, & magiſter totius fabricæ interceptus, qui erat Anglicanus natione, ſed quandoque bannitus. Captus eſt inſuper ibi ma-
giſter Gunnarius qui & ipſe prius Anglicis famulabatur apud Caleſiam, dum domi-
nus Hugo Caluerlee capitaneus ibi fuerat, & cum hiis diuerſæ machinæ ad iacien-
dum lapides & muros conterendum, & Gunnæ plures, cum magna quantitate pulue-
ris, cuius præcium præualuit omnibus manubiis ſupradictis. Erecta eſt igitur illa pars
muri apud Sandewicum, & quem contra nos hoſtes præparauerant, nos creximus
contra hoſtes.

Circa feſtum ſancti Michaelis Archangeli citati ſunt ad parlamentum Londo-
40 niæ qui de iure vel conſuetudine ad eſſe parlamento debebant. Per id temporis Michael Atte Pole dudum creatus comes Southfolchiæ, & iam tunc regni cancella-
rius, cui rex plus debito credebat, & fauebat, conuocari fecit pene de cunctis regni
finibus armos & Architenentes in merciam, vt prope Londonias exiſtentes parati
forent ad repellendum Francos cum rege ſuo, ſi tamen verum eſſet quod dicebatur
de eis, quia parati fuerunt cum ingenti multitudine nauium ad regnum Angliæ inua-
dendum. Adunatis igitur de diuerſis regni comitatibus velut innumerabilibus, tam
armatis quam Architenentibus perhendinauerunt prope Londonias viginti millia-
ria in circuitu, velut pro ſuis caſtris occupantes, vbi fuit cernere non ſecus quam ho-
ſtilis recognitionis imaginem, dum plebs ſic vocata quæ & victu carebat & pecunia
50 cogebatur, ſicut in hoſtili patria pabulando vicinos ſpoliare, & cuncta quæ feciſſent
inter hoſtes in terra propria perpetrare, hoc excepto ſolummodo, quod ab incendiis
abſtinebant, qui cum diu moram tam ſibi met quam patriotis infructuoſam feciſſent,
iuſſi ſunt ad propria remeare, & parati fore, cum rex ipſos decerneret reuocandos,
quorum plures pro rei familiaris inopia, compellebantur reuertentes exponere, vel
equos, vel arma venditioni, quidam pro com meatu ſpoliis intendebant, & rapinis.
Nondum finitum fuit parlamentum, ſed regreſſis ad ſua vulgaribus, proceres Lon-
doniis permanſerunt, præſtolantes rumores de Francorum aduentu qui quotidie di-
cebantur eſſe venturi.

Vbi ne dominus rex parum feciſſe videretur, dominū Robertum de Veer quan-
doque

*Rex Franciæ pa-
rat inuadere re-
gnum Angliæ.*

*Naues Franco-
rum captæ.*

*Parlamentum
factum Londo-
niæ & inani
commotio regni.*

Marchio Dublinia creatus dux Hibernia.

doque comitem Oxoniæ, sed nuper in ultimo parlamento creatum Marchionem Dubliniæ, ducem fecit Hiberniæ, facturus ex post de duce regem, si fortuna faueret, tantum afficiebatur eidem, tantum coluit & amauit eundem, non sine nota (prout fertur) familiaritatis obscenæ, submurmurantibus cæteris nobilibus & baronibus, ac indigne ferentibus tantæ promotionis appetitum in viro tam mediocri, quem nil plus cæteris commendabant vel generis sui sublimitas, vel reliquarum virtutum dotes.

Deposita in Parlamento contra Michaelum Arte Pole.

Per omne tempus istud durante parlamento quotidie prædicabantur noua de Gallorum aduentu, multis in magna trepidatione existentibus, quod viderent Barones in multis dissentire, vnde putabant quidam de prudentibus magnum regno dispendium affecturum, præcipue si mens non foret vna dominis inter tot pericula quæ ab hostibus parabantur. Quia reuera rex infensus erat non solum militibus parliamtalibus, sed pene cunctis proceribus, quia fauebant eisdem proponentibus multos articulos falsitatis contra prædictum Michaelum Arte Pole, & instanter exorantibus iudicium fieri de eodem. Conuicerant eum nempe de multis fraudibus & quibusdam proditiionibus in regem, quos nequaquam inficiari nequibat, vnde & cum responsis astaret & obiecta negare nequibat. Rex pro ipso verecundatus & rubore suffusus, caput agitans, heu, heu, inquit Michael, vide quid fecisti. De multis etenim obiectis cõtra eum hoc vnum extitit, quod auarus existens & alienæ pecuniæ audius, circumuenit regem, vt concederet sibi firmam cūctorum questorum regni, qui cum indulgentiis circuire solent, & congregare pecuniam ad opus fraternitatis sancti Antonii, daturus regi viginti marcas, de prouentibus memoratis de quibus singulis annis leuasse videbatur septuaginta marcas. Hiis & multis aliis defectibus veridica ratione probatis contra ipsum, de officio cancellariæ deiicitur, mulctandus pecunia grandi, scilicet soluenda regi.

Responsum regi fuit ipsum non egere subiectorum tallagio, cum de tanta summa ab eo qui iuste debitor erat regis, poterat merito prouideri. Hæc autem omnia quanquam summe regi placuisse debuerant, maxime displicebant, adeo fidebat infideli, adeo coluit nebulonem. Factumque est vt eius amoris intuitu non multo post infirmaret quicquid in parlamento contra ipsum fuit statutum, & familiariorem haberet quam ante habuerat, non tantum in priuato sed in publico, ita vt in conuiuio sequenti natali in mensa sua recumbere faceret, non contentum communi procerum indumento, sed rogatum, quod genus solis regibus ab antiquo debetur, & ne fieret in eum iudicii executio prælegit proditiose circumuenire suos accusatores cum duce Glouerniæ, qui maxima pars videbatur existere eorum qui pro regni commodo laborabant. Itaque prouisum erat inter regem & suos familiares, vt quidam de militibus parliamtalibus qui plus obstiterant vel sibi petenti subsidium pecuniare, vel dicto Michaeli infesti fuerant, vnà cum domino Thoma duce Glouerniæ inuitarentur ad cænā in hospitio cuiusdam Londoniis, & ibidem repente trucidarentur. Quorum morte solummodo, estimabat sibi cessurum arbitrium voluntatis: sed non cepit effectum tantæ malignitatis commentum: quia & dux de hiis omnibus præmonitus fuit, & vt cauerent cæteros præmonuit: iubens vt cænis essent contenti propriis, ne intricari valerent (vt præmittitur) alienis. Ferunt dominum Nicholaum Brambre, (qui Maior Londoniarum fuerat anno præterito) huic assensum præbuisse consilio. Sed laudabili constantia Richardi Extone Maioris anni præsentis (qui libere fatebatur cum vocatus esset à rege ad præbendum fauorem tanto facinori, se nunquam cõsensurum in necem talium innocentium) dictum scelus est omisum. Et palam factum est verbum istud omnibus habitantibus in regione vicina tua, vt ex tunc apud omnes odium cresceret talium consiliatorum, & amor ducis & militum prædictorum. Non tamen omisit dux, & milites, ea quæ vera sunt, regnoque fructuosa loqui, sed maiori constantia regi petenti subsidia restituerunt, sæpiusque illud susannicum inculcabat militibus, dicens, quin melius est nobis incidere in manus hominum quam derelinquere legem Dei nostri. Tandem propter improbitatem potentium, concessum tallagium, scilicet media pars vnius decimæ, & media quintæ decimæ, quod non regis arbitrio sed procerum prædictorum iudicio pro regni commodo expenderetur. Recepit hanc pecuniam comes Arundeliæ profecturus ad mare. Duci Hiberniæ ad regis instantiam est prouisum vt hæredes Caroli de Bloys, qui vindicauit olim ducatum Britannia Armorica, venderent Francis pro triginta millibus marcarum, vt hac adductus pecunia, dominium quod rex sibi donauerat in Hibernia viriliter recuperaret, ea

ret, ea duntaxat conditione, vt citra proximum pascha Hiberniam transfretaret, tantum nempe procures, tantum communes eius transitum affectabant, vt mallent regno carere tanto thesauro, quam ipsius habere præsentiam regem seducentis & infatuantis in regno.

Per idem tempus rex Armeniæ, (qui dudum expertus fuerat regis liberalitatem & procerum) mittit pro conductu, velut aduentus eius causa foret amor pacis reformandæ inter regna Angliæ & Franciæ, quorum vnum iam omnino paratum fuerat ad reliquum inuadendum. Sed reuera plus desiderauit dona quam pacem, plus pecuniam adamauit quam plebem, plus aurum regni quam regem. Et licet Rex esset sibi beneuolus, procures tamen librantes quod esset illusor, responderunt regi se nolle tractare cum illo. Sicque impeditus est aduentus eius, qui sicut nec primo nec quidem secundo profuisset.

Regi Armenia denegatur conductum.

Rex interea Fraciæ ducum, comitum, & aliorum procerum inaudita turba moram traxit in Flandria, paratus ad diripiendum regnum Angliæ, si non Deus eius conatibus obstitisset. Nempe per totum tempus quod fluxit à Kalend. Augusti vsque ad vigiliam omnium Sanctorum, nunquam flauit aura sibi commoda per paucas horas. In ipsa vero vigilia (surgente vento prout putabat sibi fauente turgidius) à longa statione dissoluit naues, & cum impetu portum de Sclusa reliquit. Cumque cunctæ rates fuissent egressæ & iam profunda tenerent, essentque à portu remotæ quasi per viginti milliaria, ecce ventus contrarius obuius eis factus, omnes retrocedere compulit, & non tantum compulit sed & impulit naues, & allisit vt quædam ex eis in introitu ipsius portus de Sclusa confringerentur. Hac occasione & Anglia metu liberata, & rex Franciæ est regressus ad sua. Numerus classis regis Franciæ mille ducentæ naues in hac comitiua fuere. Duces. 16. comites. 26. tria millia militum, & sexcenta centum millia pugnatorum.

Regis Francia aduentus mirabile impeditur.

Ad hoc vsque tempus parlamento continuato, licet rex grauiter ferret accusationes factas de Michaelē Atte Pole cæterisque, quos imprudenter amauit, compulsus est tamen post multas tergiuersationes, auditores & iudicii diffinitores eligere qui plenam haberent potestatem audiendi, & iudicium proferendi in dictum Michaelē, cæterosque, quos milites accusauerant parlamenti. Constituti sunt autem iudices dominus Thomas Glouerniæ, & dominus Richardus comes Arundeliæ, qui non segniter iniunctum negotium adimplebant, rege ad alias partes digresso, quia noluit hiis iudiciis quamuis sibi forent proficua interesse. Tandem (vt præfertur) dicto Michaelē de multis sceleribus fraudibusque conuicto, morte dignus iudicatur, & eius bona regio fisco cessura decernuntur. Ipse tamen manu captus, quibusdam diuitibus pro eo in magna summa pecuniæ obligatis. Quem (vt diximus) Rex mox finito parlamento recepit, & sibi cohabitare fecit cum duce Hiberniæ & Archiepiscopo Eboraci domino Alexandro Neuile, qui ex tunc quantum poterant laborabant regem contra dominos commouere diebus ac noctibus, & acta parlamenti adnullare. Succreuit igitur indies regi odium contra suos procures naturales & fideles, istis susurrantibus regem non in effectu fore regem, sed umbratilitate, futurumque vt nihil sui iuris existeret si domini accepta potestate gauderent. Credebat itaque illis Rex, & idcirco de cætero procures omnes suspecto habebat, nihilominus tamen deiecto Michaelē Atte Pole de cancellaria, subrogatus est dominus Thomas Arundell Episcopus Eliensis, Dunelmensis de officio thesaurarii, qui multum laborauerat, & expensas fecerat huius dignitatis amore, & pro eo constitutus est frater Iohannes Gilbert de ordine prædicatorum, Episcopus Herefordensis, vir qui plus lingua quam fide vigeat. Et hic huius parlamenti finis. Transit annus iste frugifer, sed mediocriter fructifer: Hispaniæ propter aduentum ducis Lancastriæ regnum vendicantis sollicitus & suspectus: Austriæ propter ducem & nobiles interemptos à communibus perniciosus: Fraciæ propter sumptus & apparatus quem fecerat ad Angliam inuadendum, onerosus: Angliæ, propter graues rumores, sed Londinensibus, propter muliebrem metulositatem maxime dedecoratus.

Processus in Michaelē Atte Pole.

Annalis cōsilio.

Anno domini millesimo trecentesimo octuagesimo septimo (qui est annus regni regis Richardi secundi à conquestu decimus) fuit rex ad natale apud cum Anna regina, & Boemis suis. Circa initium mensis Martii (iuxta decretum parlamenti) parauerunt se ad sulcandum liquentes campos, dominus Richardus comes Arundeliæ, & dominus Thomas Moubray comes Notinghamiæ: quorum primus constitutus est Admiralus instantis termini, vir valde deuotus & bonus, & qui probra quan-

E e doque

doque desertæ militiæ (cum tunc Gallici circa Southsexiam oras infestarent maritimas nunc abolere cupiens) curauit apponere totas vires.

Comes Arundelia proficiscitur ad mare.

Igitur profecturus ad mare, cum recensioem facturus esset in campo sui exercitus, cognouissetque ducem Glouerniæ, cum multis nobilibus velle videre collectam militiam, elaborauit vt bonos haberet, & famosos, vitans conducere Londoniensium & aliarum ciuitatum sutores, vel scissores, quales quidam ante conduxerant leui præcio, vt plus accresceret auri marsupio. Et quidā alii sic agentes, non regni commodo, sed lucro proprio militabant, vnde factum est, vt à longo tempore, regnum nihil aut parum emolumentum perciperet, illis non hostes inuadere, non experiri vires, sed inaniter tempus acceptum consumere meditantibus, vt integra stipendia consequi præualerent. Comes è contra quos (vt diximus non parcens expensis) valentiores nouit, elegit, vt per hos posset magnum aliquid patriæ reportare. Dux proinde Glouerniæ cernens tam pulchram, tam electam militiam, vrgebat omnes, monebat singulos, vt maris vndas intrarent, solutis morarum nexibus (multis se excusantibus quod oportebat amicis valedicere, negotia disponere domus suæ) æstimabat nempe (prout erat) quosdam arma mutuo suscepisse pro dicto spectaculo, vt laudarentur à dominis tanquam sufficienter armati, quæ proculdubio si diuertendi copiam habuissent, reddituri suis erant possessoribus, & mare repetituri, veluti inermes, quamobrem fuit verisimile quod minus audaces fuissent ad aduersarios inuadendum. Ingressi sunt ergo mare, vellent nollent, cum cunctis vtensilibus quæ habebant, fausta hora, quia non multum tempus effluxit antequam aduersariis obuiarent. Reuera die dominica, in vigilia Annunciationis dominicæ, magna classis nauium Flandriæ, Galliæ, & Hispaniæ refertarum viris bellicis, armatorum diuersis machinis, de longe velificans à spiculatore conspicitur: quæ mox Amiralio comiti nunciata, ipsum & suos omnes hilaritate repleuit. Aduersarii vero nihil tale suspicantes, quibus (vt fertur) promissum fuerat à quibusdam Angliæ proditoribus (quibus regnum raro carebat) nostrum nauigium circa mensem Maium minime fore paratum, agebant per omnia magis secure, ventum pro vehiculo, & armatos pro tutela tenentes. Cum autem nostratibus propinquassent vela tanquam nostros vellent aggre- 30 gri, nostri ex industria simulauere fugam, velut fuissent impares tantæ virtuti. Illi vero plus securum transitum quam bellum cupientes, pertransibant, vnde contigit cum nostrates ventum percepissent ad vota aduersarios insequentes, irruerunt subito super eos, & conflictum atrocissimum commiserunt: tandem victoria cessit nostris, captis octoginta nauibus, & multis diuersæ conditionis armatis, quampluribus quoque peremptis. Fugerunt tamen de conflictu quædam, quas biduo comes Arundeliæ persequens, postremo cepit & ad classem nostram traxit. Erant autem numero maiores & minores rates centum, & eo amplius quæ omnes vinis refertæ fuerunt. Numerus vero doli- 40 orum, ad decem & nouem millia, aut plus excreuit. Ipsa vero vina, cum vasis, mox ad portum de Orwello, & alios regni portus destinata sunt, præter ea quæ regis parti segregabantur, licet ciues de Middelburgh ad comitem accessissent, & orassent vt liceret eis illa vina comparare, & dare mox pro singulis doliis centum solidos, eo quod amici nostri videbantur existere & vinis egere. Sed his respondit Admiralius, iustius esse, vt hi his gauderent vinis, qui expensas fecerant pro sua profectioe versus mare, scilicet communes Angliæ quam alii quicunque pro quocunque lucro ea auferrent. Attamen (inquit) quin estis amici, & de longe venistis, dabimus vobis viginti dolia ne omnino vacui redisse videamini. Ipse vero comes tanta liberalitate vsus est, diuersis conferens de parte sibi contingente, vt nec vnum dolium sibimet remaneret (vt fertur.) Accreuerunt ergo laudes comiti in immensum à vulgaribus, quod postponens quæ sibimet aggerasse poterat, vendens alienis direpta vina, præposuit communem vtilitatem priuato commodo, & eo maxime quod 50 vulgares in effectu senserant, non omnino deperisse, quod penderant perfectioni suæ. Comes autem volens his maiora præstare patriæ, relecto resarcitoque nauigio, & conductis recentibus pro his qui læsi vel lauciati fuerant, siue perempti, vela reflexit versus castellum de Brest, quod videtur canis esse minoris Britanniæ, contra quod Gallici siue Britones iam duas munitiones erexerant, vel erecturi fuerat maiores, & multo fortiores, quam fuerunt illæ quas dux Lancastriæ per suos debellauerat, & destruxerat versus Hispaniam proficiscens. Harum vnā Admiralius (debellatis qui intus erant) cepit, & quia videbatur fortis, & necessaria castello, si nostri possiderent eam, posuit quosdam ex nostris in ea. Reliquam vero sumptuose paratam, sed

Anglia proditoribus nunquam vacua.

*Numerus nauium captarum. Numerus doli-
orum.*

sed nondum erectam iniecto igne cremavit, & sic Franci paruo tempore eodem in loco geminata damna cepere, primo per ducis milites: secundo, per comitis huius tirones. Castellum insuper de Brest cunctis victualibus quæ sufficerent ad vnum annum refecit, & castellanis vestes & calciamenta donauit. Compositisque per omnia rebus, rediuit in Angliam cum benedictione omnium plebanorum. Sed inuidebant omnes tantæ probitati qui cum Rege erant, Dux Hiberniæ, Comes Southfolchiæ, & Symon de Burleya, cum Richardo Styry, deprauantes acta Comitis apud Regem, & dicentes eum nullum opus egregium perpetrasset, quippe qui non nisi Mercatores inuasisset, quorum fructuosius extitisset amorem seruasse patriæ, quam odium exorabile concitasse.

Et hi nimirum milites, plures erant Veneris, quam Bellonæ, plus valentes in thalamo, quam in campo, plus lingua quam lancea præmuniti, ad dicendum vigiles, ad faciendum acta Martia somnolenti. Hi igitur circa regem conuersantes, nihil quod deceret tantum militem informare curabant, non dico tantum armorum vsum, sed nec ea quæ maxime reges generosos decent in pace, videlicet in venationem, vel aucupationem aut his similia, quibus regni honor crescit. Factumque est istorum instinctu, vt Rex tantum offenderetur his qui hoc negotio militauerant, quod venienti sibi Comiti Notinghamiæ (qui est Comes Mareschallus, & regis semper fuerat consodalis & coetaneus) & speranti magnas à rege grates reportasse, rex nullum bonum vultum faceret, sed omnino demissum. Dux autem Hiberniæ, vtrique Comiti, nō solum vultum subtraxit, sed colloquium: inuidens fortassis probitati, quam ipse assequi non valebat. Ipsi vero comites hæc cernentes, sed paruipendentes, ad propria discesserunt, victuri quietius quam cum rege.

Interiecto post hæc paruo tempore, qui de consilio regis erant, monuerunt eum, vt Henricus Percy (filius comitis Northumbrorum) mitteretur ad mare, ad repellendum irruptiones hostium, qui dicebantur prompti (propter plagam quam dudum acceperant per comitem Arundeliæ) ad irruptiones in Angliam faciendum. Cui nec sufficientem manum delegauerunt, nec fauorem quem decuit impenderūt, sed hæc fecerunt ei, inuidentes (vt dicebatur) eius indoli, eo quod iam nomen magnum propter probitatem, tam inter Scotos, quam Anglicos est adeptus. Sed ipse, quod ipsi dolosi machinati fuerant, vel nesciens, vel paruipendens, intrepide suscepit iniunctum negotium, & animose strenueq; peregit: & (expleto termino suæ militiæ) incolumis remeavit.

Per idem tempus erat quidam frater in Anglia, de Carmelitarum secta, cui nomen erat Walterus Disse, (qui dudum fuerat confessor ducis Lancastriæ,) sed cum eo in Hispaniam tendente minime profectus est, sed domi remanserat propter causam inferius declarandam. Papa siquidem Vrbanus sextus, agnoscens Hispaniæ regnum grande, diuitiisque refertum, & librans (licet inaniter) quanta commoda sibi accrescerent, si Dux eius dominio potiretur, præter priuilegia quæ concesserat profectura, iam noua concessit profecto per dictum fratrem Walterum Disse postulantibus dispensanda, sed non sine pecunia acquirenda. Inter quæ priuilegia siue potestates acceptas à Papa, fuit vnum, ad quod acquirendum concurrebant, & grandes summas offerebant. Qui pronior existens plura proferentibus, eos domini Papæ capellanos creauit, secundum formam & iuris consuetudinem in Romana curia, frequentatam. Concessit inter multas hanc libertatem cuidam fratri de ordine Augustinensium, dicto Petro Paresnull, qui exinde putans se omni libertati donatum, cepit primo adhærere Wiclefensibus (quos Lollardos quidem vocant) qui sui tenentes doctrinam magistri, iam ex anima multa suorum sequacium Londoniis fecerant, & plures doctrina polluerant sua praua. Igitur istorum se tradens informationi, didicit quod bene fecerit priuatam deferendo religionem, publicæ vitæ se conferens, quæ sanctior, & perfectior, eminentior, atque securior esse videbatur. Tandem horum imbutus malitia, & propria exagitatus nequitia, hortantibus illis, coactus est prædicare, & publice vitia sui ordinis propalare. Venit igitur ad Ecclesiam Sancti Christofori Londoniis, sequentibus eum pene centum de lollardis, & ibidem tanta mala facinora in confratres quondam suos euomit, vt horrori foret audientibus, & stupori. Interea quidam accurrentes, hæc Augustinensibus nunciarunt. Quorum quidam mox egressi (scilicet ad numerum duodecim maiori animositate vigentium) venerunt ad locum, vbi adhuc flagitiosus ille, tanta facinora declamabat. Et audientes quæ dicebantur, valde commoti sunt, vnus autem plus zelans pro religione,

Ec 2 auda-

Quidam inuidens factis comitibus.

Henricus Percy senior destinatur ad mare.

De potestate Walteri Disse.

audacter astans, contradixit his quæ nebulo proponebat. Quod cernentes lollardi, surrexerunt cum impetu, & fratrem contradictorem deiecerunt, lacerauerunt, & conculcauerunt, & male verberibus tractauerunt. Sed & cunctos fratres eiecerunt. & extra ecclesiam persecuti sunt, volentes eos perimere, & eorum domos incendere, cum furore clamantes, & dicentes: Disperdamus homicidas, incendamus Sodomitās, suspendamus regis & Angliæ proditores. Cum isto itaque furoris clamore currentes, ignem in habitacula fratrum iniicere proponebant. Sed impediti tamen sunt humili oratione fratris Thomæ Ashbourne, & sodalis sui, qui ambo boni viri, ambo fuere sacræ paginæ professores. Imuit insuper ad sedandum turbam furentem, interuentus cuiusdam de vicecomitibus Londoniarum, qui eos sua suasionem 10 mitigauit, & ad propria redire fecit. Interea Lollardi secum dictum fratrem tenentes, hortabantur vt quia alias disturbatus in sermone fuerat, chartam conscriberet, in qua omnia præmissa, & si quæ plura nosceret, exararet. Qui mox eorum acquiescens sceleratis consiliis, chartam confecit, in qua quosdam fratres suos accusat, de diuersorum confratrum suorum homicidio. Et vt maior fides tribueretur dictis suis, edicit occisorum nomina, & tortorum vocabula: necnon & loca designat, in quibus occisi vel sepulti fuerant tali modo perempti. Dicit insuper eos Sodomitās existere, regisque & regni traditores, & multa plura quæ dinumerare longum foret. Confectamque chartam configit super fores Ecclesiæ sancti Pauli Londoniis, vt maior confusio posset accrescere fratribus memoratis. In cuius principio dicit semet de nido egressum diaboli, & per Dei gratiam, de malis & impuris hominibus euasisse ad vitam perfectissimam, ob quam causam, & quia erat veritatis assertor, dicit plurima semet aduersa passurum ab iisdem fratribus, si comprehendere possent eum. Sed gratias agit Urbano Papæ, quod tantæ per eum libertati donatus sit, quod valeat cum adiutorio amicorum se subtrahere de manibus æmulorum. Hanc chartam multi de capuciatis militibus perlegentes, pro firmo prædicauerunt cuncta fore vera quæ scribebantur, vnde & transcripta exinde sibi fecerunt, vt valerent suæ militiæ satisfacere in futurum. Erant autem milites qui hanc sectam coluerunt quam maxime, & sustentauerunt Wilhelmus Neuile, Ludouicus Clifford, Iohannes Clanvow, Richardus Styry, Thomas Latymer, & inter cæteros maior fatuus Iohannes Montagu, qui 30 in tantam lapsus est vesaniam, vt cunctas imagines quas apud manerium de Scheuele (bonæ memoriæ quondam) Iohannes Aubrey, & ex post dominus Alanus Buxille, vel eorum antecessores erexerant in capella sua, deponi faceret, & in locis abditis collocari: vnum solummodo priuilegium adepta est imago beatæ Catherinæ, quam in pristinum suum deferri permisit, quia plures afficiebantur. Huius sacerdos sectator acerrimus lollardorum, cum peruenisset ad vitæ metam, & cognouisset se proculdubio moriturum, compunctus, & penitens eorum quæ contra fidem commiserat, sacerdotem petiit, cui confiteri valeret: Cui quidam de familia velut cum admiratione responderunt: Quid est (inquiunt) quod quæritis? quid quod desideratis? Nonne vos prædicastis, omnem confessionem extrinsecam sacerdotibus faciendam 40 superuacuum, solummodo sufficere, vt quis soli Deo confiteatur? Quibus ille, Erraui inquit, sed modo precor indulgete mihi copiam sacerdotis. Accidit eo tempore vt præsens esset Nicholaus Hereford, doctoris theologiæ gradum habens, sed seductoris sequens officium, quippe cui (post hæresiarcham Iohannem Wicklef) omnes huius sectæ viri maxime adhærebant. Hic ergo cum ad præbyterum accessisset, & in voluntate confitendi positum cognouisset, quid est (inquit) quod agis fatue? quid turbaris? Confitere Deo, qui potestatem ampliorem habet ligandi, atque soluendi, quam habent laici sacerdotes, & sufficet ista confessio tua: tibi ipsi peccasti, nō sacerdoti, ipse debet remittere cui sit offensa. Ille vero persistens in petitione sua: In vobis (inquit) sit peccati periculum, si sine confessione viaticoq; discedam, cui voluntas inest catholice moriendi, si mihi copia donaretur: & post pusillum spiritum exhalauit. Cui credibile est suffragaturam voluntatem bonam confitendi, quam habuit moriendo. Et quia pro maiori facienda notitia huius infandæ sectæ, paulisper digressi sumus à materia ad continuandum inceptæ rei ordinem reuertamur.

*Dux Hibernia
repudiatur uxorem
suam, regis natā,
& cis ignobilem.*

Accidit his diebus, vt Robertus de Veer elatus de honoribus quos rex impendebat eidem iugiter, suā repudiaret uxorem iuuenulam, nobilem, atque pulchram, genitam de illustri Edwardi regis filia Isabella, & aliam duceret, quæ cum Regina Anna venerat de Boemia (vt fertur) cuiusdam Cellarii filiam, ignobilem prorsus, atque sedam: ob quam causam magna surrepsit occasio scandalorum (cuius nomen erat in vul-

in vulgari idiomate Lancecrona.) Fauebat sibi in his omnibus ipse Rex, nolens ipsum in aliquo contristare, vel potius (prout dicitur) non valens suis votis aliquo modo obuiare, quia maleficiis cuiusdam fratris (qui cum dicto Roberto fuit) Rex impeditus nequaquam quod bonum est, & honestum cernere, vel sectari valebat.

Indignabantur proinde proceres, sed precipue dux Glouerniæ auunculus præfatae puellæ, qui etsi modo non valebat vlcisci tantas iniurias illatas nepti suæ, omnia tamen conseruabat in corde suo, vsque in tempus retributionis futuræ. Ducem vero Hiberniæ præmissa non latebant, quamobrem & sibi cauere statuit, & ducem Glouerniæ cum vniuersis qui sibi fauebant de medio tollere meditatur. Iam Pascha transierat, iam tempus præterierat, quod dux Hiberniæ transfretaturus fuerat in Hiberniam, & adhuc eum, velut nihil de profectioe cogitaret, Anglia retinebat. Sed ne tumultus foret nimius in regno inter proceres, rex velut deducturus eum ad naues, in Walliam proficiscitur cum eodem, non dimissurus eum, sed detenturus ibidem, vt illuc semoti, quietius deliberare possent, qualiter Ducem Glouerniæ, comites Arundeliæ, Warwici, Derby, & Notynghamiæ, cum aliis regni fidelibus dolo tenerent, & occiderent. Erant autem cum illis comes Southfolchiæ Michael Atte Poole, Robertus Trysilian iusticiarius, & plures alii qui suæ pelli timentes, non segnius quam rex, & dux Hiberniæ, in necem prædictorum procerum conspirabant. Emergo temporis magno spacio è Cambria (velut profectio Ducis in Hiberniam obliuioni data esset cunctis qui remanserant in Anglia) redit cum duce, & suis traditoribus, ad castellum de Notyngham, tractaturus ibi finaliter de morte procerum prædictorum. Illuc igitur aduocari fecit multos de Londoniis, quos nouit contingentes ad vtrumlibet, & cunctos regni vicecomites, & iusticiarios vniuersos. Sed Londonienses accersiuit, quia mobiles erant vt arundo, & nunc cum dominis nunc cum rege sentiebant, nusquam stabiles, sed fallaces, quorum multi nuper de prodicione in regem confessi fuerant, sed tamen eius gratiam consecuti, vt ipsi gratiam sibi pro gratia gratis rependerent: & dominos indictarent de multis criminibus, quæ contra eos rex dum in remotis ageret imaginatus fuerat cautelose, vicecomites conuenire fecit, vt sciret quantam potestatem possent contrahere in regis negotium aduersus Barones, & vt ipsi nullum militum de pago vel schira permitterent eligi, nisi quem rex, & eius consilium elegisset. Sed ad ista responsum est per vicecomites, communes omnes fauere dominis, nec esse in potestate sua ad hanc causam exercitum contrahere. De militibus eligendis dixerunt similiter, communes velle tenere consuetudines visitatas, quæ volunt quod à communibus milites elegantur. Vicecomites ergo datis his responsis, dimissi sunt. Iusticiarii sunt vocati, vt ipsi decernerent indictamenta fore legalia, & eisdem apponerent sua sigilla. Quod & tunc factum est, à Roberto Trysilian & Iohanne Blake iuris apprenticio (quem Robertus Tresilian ad curiam Regis ad dictum facinus introduxerat perpetrandum) expeditis ad vota indictmentis in sæpeditos proceres, & multos alios nobiles & Barones, qui ad hoc vocati fuerant sunt dimissi.

Rex autem & dux Hiberniæ missis mox nunciis conduci fecerunt, quos poterant, vt cum illis starent si oporteret contra dominos in die belli. Quorum multi responderunt, se nec posse, nec velle stare contra dominos, quos pro certo sciebant intinere regem diligere, & omnia machinari, omnia studere, omnia facere pro honore suo. Multi simpliciter putantes se conduci, promiserunt se ad notationem regiam fore paratos. Interea rumor huius facti peruenit ad dominos, & eos magna repleuit tristitia, eo quod nullius culpæ conscii tanto regis odio turbarentur. Vnde in primis regis patruus, dominus Tho. dux Glouerniæ, vt regis odium mitigaret, & animum ad concordiam pacemque reduceret, coram episcopo Londinensi, & multis aliis regni nobilibus, tactis sacrosanctis, iuramentum ædixit se nunquam aliquid in regis lesionem machinatum fuisse, sed omnia pro posse, studuisse, & perfecisse, quæ regis honorem, commodum, & beneplacitum prospectabant: excepto, quod ducem Hiberniæ, quem rex dilexit, lætis oculis non respexit, nec quidem in futurum respicere voluit, qui non tantum suam sed regis consanguineam dehonestasset: quamobrem in eundem statuit firmiter vindicari. Cum autem episcopus Londinensis ista (prout iniunctum sibi fuerat) regi retulisset, & aliquo modo ad credendum Ducis iuramento inclinatus esset, Michael Atte Poole timens si dux & rex redissent in concordiam, sua ad futura dispendia, verba fecit contra ducem, quibus aduersus eum regis animum commoueret. Cui mox episcopus: Sileas (inquit) o Michael, non decet enim te os de cætero aperire.

Dux Glouernia indignatur.

Rex redit à Wallia.

Consilium subdolum. Causa huius uocationis.

Proceres indictantur.

Rex conducit bellatores.

Dux Glouernia mittitur regem pacare.

Episcopus loquitur Michaeli Atte Poole.

Quare (inquit Michael) ita dicis? Quin (inquit episcopus) damnatus fuisti in retroacto parlamento, & non est nisi regia gratia quod tu uiuis. Ad hæc mox Rex iratus præcepit episcopo recedere, & ad suam ecclesiam remeare. Qui confestim discessit, & duci quæ viderat vel audierat nunciauit. Hinc excreuit rancor & indignatio duci, suisque nequam consiliariis odium inexorabile, per omnes dies duce Hiberniæ, Michaelæ Atte Pole, Roberto Trisilian, Alexandro Neuile Archiepiscopo Eborac. & multis aliis, iram augmentibus, concitantibus, & confirmantibus contra ducem. Qui considerans quorsum restenderet, conuocatis secreto comitibus Arundeliæ, Warwici, & Derbeyæ (qui consimili damnationi subiacerent, si non mature prospicerent sibi) denudat consilium, edicit periculum, quod omnes in commune tangebant. Qui mox collectis exercitibus, statuerunt regem conuenire super præmissis, & fauore quem præbuit non tantum suis, sed publicis proditoribus, nec non de periclitatione regni, quæ imminebat, nisi maturius subueniretur eidem. Contra rex ex parte sua (agentibus proditoribus) deliberauit qualiter singulos præfatos tolleret, antequam munitis viribus sibi met subuenirent. Et primo misit ad castellum de Reygate (vbi comes Arundeliæ morabatur) comitem Northumbriæ, cum multis aliis ad arestandum eum. Qui cernens animum comitis exacerbatum, & militiæ magnam multitudinem circa ipsum, timens perficere commissum mandatum, negotio recessit infecto. Post quem missi sunt plures qui noctanter eum interciperent, & præsentia regis sisterent, vel certe perimerent, si quo modo possent. Sed illorum aduentum præuenit nuncius ducis Glouerniæ, qui nocte tota illum equitare cōpulit, ita ut summo mane perueniret ad siluam de Harynggeye (transcursis celeritate triginta miliaribus (non sine magno labore,) vbi repperit congregatos ducem Glouerniæ, & comitem Warwicensensem, cum populo numerofo.

Rex mittit ad capiendum comitem Arundeliæ, sed euasit.

Rex proficiscitur Cantuariam.

Proceres congregantur, rex interuenit.

Ridicula responsio.

Eodem tempore (ut dicebatur) rex versus Cantuariam se parauerat proficisci, non tantum ut vota redderet beato Thomæ, sed ut promissa pacta firmaret transfretando regi Franciæ, cui vendiderat Calesiam, cum castello de Guynes, & vniuersis fortalitiis quæ antecessores possederant in illis partibus, vel a iure, vel bellica acquisitione. Sed hanc profectionem impediuit subito comperta congregatio dominorum in silua de Harynggeye, & regem obstupescere multum fecit, unde conuocatis familiaribus suis, sciscitabatur quid sibi vellet talis collectio inopinata. Et cum cognouisset propositum dominorum, quod pro reducendo eum ad frugem melioris vitæ, & regiminis commodioris conuenerant, mox expauit, quærens quid agendum in tanta turbatione foret. Quidam autem censuerunt dominos reconciliandos, & promittendum eis votiuam executionem propositi sui. Alii laudauerunt regis familiam, congregandam cum Londoniensibus, ad exeundum & obuiandum proceribus, & experiendum martis fortunam. Et horum acerrimus erat Archiepiscopus Eboracensis. Sed dissuasuerunt hoc prudentiores conciliarii, asserentes regi nullum prouenturum commodum licet vinceret, & magnum ad futurum dedecus & dispendium si vinceretur. Interea venit quidam miles exercitatus, sed sensu vacuus, Dominus Hugo de Lynne, qui eo quod stultus erat, & sensum perdiderat, eleemosyna dominorum plurium sustentabatur. Ab isto igitur Rex iocando quæsiuit quid acturus esset contra proceres, qui congregati dicebantur in prædicta silua. Cui mox Hugo cum summa melancholia respondit. Exeas (inquit) & aggrediamur eos, & cuiuslibet matris filios perimamus, & per oculos Dei hoc completo, peremisti omnes fideles amicos quos habes in regno. Quod responsum etsi stulte prolatum, sapientes quam maxime ponderant. Interea pacis mediatoribus intercurrentibus, res ad id deductum est, ut domini apud Westmonasterium coram rege venirent, accepturi responsum de his, pro quibus commoti fuerant. Episcopo Eliensi, cum multis aliis fide dignis, sacramento firmantibus pro parte regis, quod nulla fraus, nulla deceptio, nullum periculum pararetur, per quod ipsi domini nec in vita vel membris sentirent dispendia quouis modo. Et si contingeret regem, vel eos qui cum eo erant, ab isto pacto resilire, palam, vel occulte, dicti mediatores dominos inde præmonerent. Cum autem domini se parassent, ut Londonias iuxta conditum conuenirent, præfati pacis mediatores, clam miserunt ad illos, nunciantes insidias tentas eis, in loco qui vocatur le Muwes iuxta Londonias, & ideo se nolle consulere ut venirent, nisi cum secura manu. Quod audientes domini, suum distulerunt aduentum. Vnde transacta hora limitata, cum non adfuissent, inquisiuit rex cur domini pacta non seruabant. Cui episcopus Eliensis: Quia (inquit) parantur insidiæ mille vel amplius armatorum in tali

in tali loco contra pactum, & ideo nec veniunt, nec reputant vos fidelem. Rex vero confestim motus, iurauit se non esse conscium huius rei, & ideo iussit vicecomites Londoniarum, ut pergentes ad le Muwes, & omnia perscrutantes, interficerent, si quos inuenirent ob hanc causam congregatos ibidem: sed non latuit dolus ibi, sed apud Westmonast. factione Thomæ Triuet, & Nicholai Brambre militum, qui cognoscen-tes se deprehendendos, occulte dimiserunt armatos, & Londonias remiserunt. Mi-sit ergo Rex iterum ad dominos, promittens securum comitatum, si venirent. Qui mox ad Westmonasterium cum manu valida peruenerunt.

- Rex vero in aduentu dominorum regalibus ornans se insigniis, toga videlicet, *Alia apud West monast inter regem & dominos.*
- 10 & sceptro, aulam Westmonast. est ingressus, pro quo Cancellarius Episcopus Eliensis verba fecit in hunc modum. Domini (inquit) dominus noster Rex audiens vos dum congregatos in parco de Harynggeye contra morem, non in vos irruere voluit (quod quidem sibi fuisset facile, si non vobis cauisset, & his qui vobiscum erant.) Quia nulli dubium, si conflasset exercitum, multo plures vobis habuisset, & fortassis multus hominum sanguis effusus fuisset, quod constat dominum nostrum Regem quamma-xime abhorrere: & ideo patientiam sibi sumens & mansuetudinem, præligit vos pa-cifice conuenire, & causam dicere, quare tot homines congregastis. Ad hæc domini responderunt ob regis & regni vtilitatem se conuenisse, & ut proditores, quos secum iugiter detinebat, auellerent ab eodem. Proditores vero appellabant Robertum de
- 20 Veer ducem Hiberniæ, Alexandrum Neuile Archiepiscopum Eborac. Michaellem Atte Pole comitem Southfolchiæ, Robertum Trysilian falsum Iustitiarium, Nicho-laum Brambre falsum militem Londinensem. Et ut hanc appellationem veram mon-strarent (proiectis chirothecis) eam se velle duculo prosequi iurauerunt. Ad hæc Rex: Non ait modo fiet hoc, sed in proximo Parlamento, quod præfigimus in crastino Pu-rificationis beatæ Virginis, ad quod, tam vos, quam ipsi venientes, recipietis (secun-dum iuris exigentiam) quæ ratio dictauerit vniuersa. Et nunc ad vos (ô domini) meus sermo, quo modo, qua ratione, vel quali vos audacia præsumpsistis contra me insur-gere in hac terra? Putastisne me perterruisse cum tanta vestra præsumptione? an non armatos habeo, si voluissim, qui vos circumseptos ut pecudes mactauissent? Profecto
- 30 de vobis omnibus non plus in hac parte reputo, quàm de coquinæ meæ infimo garcio-ne. Cum hæc & plura alia perorasset, leuauit Ducem Glouerniæ (qui hætenus genu flexerat) & reliquis iussit ut se erigerent. Post hæc amicabiliter duxit illos in came-ram, & pariter potauerunt, & finale responsum receperunt, quod cuncti (prout dictum est) ad parliamentum conuenirent, in quo fieret omnis iustitia utrique parti. Et inte-rim Rex recepit Ducem Hiberniæ & ceteros in suam protectionem, & Ducem Glo-uerniæ cum suis sociis pari modo, ut nulla pars interea noceret alteri, nec præsume-ret congregationem facere usque ad diem tempusque præfixum: & sic istud consilium est solutum. Hæc acta sunt in absentia prædictorum, quia non audebant comparere in dominorum præsentia, quia profecto si comparuissent, tunc ilico pœnas luissent absque
- 40 respectu regiæ maiestatis.

- Recedentibus dominis non est visum eis tutum iam tunc disungi, propter regis *Dux Hibernia congregat exercitum ad extinguen-dum domi-nos.*
- mobilitatem, & proditorum notoriam falsitatem, quod eis expositæ magnæ sapientiæ loco fuit. Nam de conuenientia regis dux Hiberniæ in partibus Cestriæ, Walliæ, ma-gnam turbam collegerat. Quorum campi ductor erat Cestriæ Constabularius dictus Thomas Molynewes, vir diues & audax, cuius nutum tota illa prouincia expectabat. Non diu tamen dominos latere potuit tantus dolus, sed præmoniti de his omnibus, & quod Dux Hiberniæ Londonias properaret cum tanta turba, ut iunctus Londoni-ensibus, quasi inuincibilem exercitum ex duobus faceret, extemplo suos armauit, & inuicem cohortantur, ut iam non negligent salutem propriam, sed festinè præoccu-pare vel extinguere, qui in illorum necem conspirauerant fraudulenter. Igitur Duci
- 50 Hiberniæ exeuntes obuiam, sed occulte, dimiserunt turmas suas ad obsidendum omnes vias, quibus venturus sperabatur. Sed dux Hiberniæ cum sublimis & gloriosus equi-taret cum exercitu, quem comparauerat, & nullum crederet ausurum obuicare sibi, repente dirigens in obliquum oculos, vidit dominorum exercitum non procul ab eo distantem, & aduentum eius in cuiusdam vallis medio præstolantem. Quo viso, cor eius expauit, & dixit: Amici (inquit) ut cerno mihi fugiendum est ad horam, quia mul-to maior fortitudo in aduersa parte videtur quam nostra: vnde antequam sit manibus conferendum, me subtraham, & saluabo si potero. Quia me solum quærunt, contra vos autem nihil habent. Quamobrem me dilapso vos de facili euadetis. Cui quidam
- Dominus exiit obuiam duci Hibernia.*
- Dux Hibernia verba facit ad suos.*

ex militibus suis ait: Tu nos è patria exire compulisti, tu fidem nobis suastisti, tu ad hoc iter nos coegisti, tecum ergo parati sumus dimicare, tecum vincere (si contingat) vel (si fortuna non faueat) tecum mori viriliter. Non (inquit) ita in præsentiarum facietis, & mox calcaribus vrgens sonipedem fugere æstimabat. Quare multi, qui cum eo venerant execrantes eius meticuloſitatem, ad dandum dextras dominis parauerunt. Erat ibi tunc dictus Thomas Molinews, qui se præparauit ad pugnam (quia nondum domini cuncti conuenerant ad illum locum) sed vnus tantum, filius ducis Lancastriæ Henricus Comes Derbeyæ, qui cum aliquandiu pugnasset, fessus & desperans, flumen quod prope erat, ingressus est. Inter multos vero Thomas de Mortuomari miles hortabatur vt ascenderet, vel sine dubio eum in flumine sagittis perforaret. Si (inquit 10 Thomas) ascendam, visne seruare vitam meam? Non hoc promitto (ait miles) sed vel ascendas vel occumbes mox. Cui ille: Si sic (inquit) necesse est, sinas vt ascendam, vt tecum vel quocunq; vestrum pugnem, vt moriar sicut homo. In ascendendo autem cepit eum miles per cassidem, & de capite suo traxit, & mox extracto cultello daggar-do eius cerebrum perforauit. Interea dux Hiberniæ fugiens, peruenit ad flumen, sed cum transire ad pontem vellet, contrafactum reperit. Ad alium vero pontem dum peruenisset, architenentes inuenit, qui eius transitum prohiberent. Igitur diuertens ab eis, & vadum quærens, equum compulit intrare flumen, in quo mox ex equite nator factus, ad aliam ripam venit. Nox autem erat, & ideo non sunt secuti fugientem serui procerum, eo maxime, quod diuerticula patriæ nesciebant. Equus tamen eius, 20 cum casside, & cum chirothecis pectorale, in sortem peruenit dominorum. Vnde ex post magno tempore submersus fuisse putabatur. Quadrigam eius insuper cum clitellis proceres interceperunt, in quibus plurima repperunt, & præcipue Regis ad ipsum literas, in quibus continebatur, vt venire festinaret ad eum Londonias, cum potestate magna, & Rex paratus esset, & cor apponeret ad viuendum & moriendum cum eo. Qui apices magnam fidem fecerunt dominis de Regis inconstantia & mutabilitate.

Thomas Molinews occiditur.

Acta Michaelis Atte Poole.

Michael Atte Poole per idem tempus timens animaduersionem in eum futuram, latenter fugit Calesiam, ducente eo quodam milite Wilhelmo Atte Hoo. Quo cum peruenisset mutato habitu, & rasa barba, portabat altilia velut ad vendendum, donec venisset ad fores castelli Calesiæ, cuius capitaneus erat dominus Edmundus Atte Poole frater eius, à quo (licet difficulter cognitus propter vestem sordidam, & rasam barbam) rogauit vt eum occultaret & tutaretur, narrans quod propter quosdam æmulos, quos timebat Anglia exceſſerat. Cui ille, Frater meus es (ait) sed noueris, quod pro vlla consanguinitate nolo deprehendi falsus regno Angliæ, nec te admittere sine scientia vel cōsilio domini Wilhelmi de Bello campo, qui est capitaneus huius villæ, quia credo & veraciter conicio, quod sine magnis offensis non fugisti. Misit ergo ad Wilhelmum Beauchamp, nuntians fratrem eius aduenisse, non tam mirabiliter, quam miserabiliter, & orans vt sibi liceret recipere eum, & exhibere, donec idem Wilhelmus decerneret eum remittendum. Quod ita factum est: Nam reductus 40 ad Regem fuit, sed permisit illum Rex ire libere, quocunq; vellet, paruipendens verbum proprium, quo promiserat eum exhibendum cum ceteris Parlamento futuro. Fugerunt eo tempore Archiepiscopus Eborac. & Robertus Trysilian, iram (quam meruerant) procerum metuentes. Regressis dominis à conflictu, qui fuit iuxta Burford prope Babbelake, vbi militibus, qui conuenerant cum duce Hiberniæ, & armigeris, redonatis armis & equis, & secum detentis, sed plebanis equis, arcubus, sagittis, spoliatis & domum remissis, magna fiebat in communi vulgo lætitia de hostibus regni stratis. Sed hanc lætitiā temperauit euasio ducis Hiberniæ quia quid de eo fuit actum nesciebatur.

Capitulum nuntius regis Francorum.

Accidit eo tempore, vt quidam nuntius regis Franciæ caperetur, Lustratus nomine, qui detulerat apices, in quibus licentiauit Rex Franciæ, Regem Angliæ, & ducem Hiberniæ, & quosdam alios (sub hominum certo numero) venire in Boloniam, vbi Rex Franciæ (collecto exercitu) aduentum Regis præstolabatur, vt eum susceperet cum magna pompa, & ab eo reciperet possessionem in Calesia, & omnibus munitionibus, quas Rex Angliæ in illis partibus possidebat, pro quibus omnibus rex Franciæ persoluiſſet. Et Rex Angliæ pro Vasconia homo ligeus Regis Franciæ deuenisset, proceres autem hæc reticentes, festinauere Londonias properare, vbi rex natale dominicum celebraturus erat, non apud Westmonasterium, sed in turri, quia putabat locum (si quid sinistri emergeret) se posse tueri. Collecto ergo exercitu prope ad quadragin-

draginta millium valentium bellatorum (eo libentius aduentantium, quo sperabant Londinenses spoliandos.) In crastino natalis dominici Londonias peruenerunt, & se in campos, vbi videri poterant à turri per bellicas acies demonstraerunt. Et quia res digestissimus vsque ad hoc tempus, hic erit elapsi finis anni. Transit annus iste frugifer, *Annalis conclusio.* fructifer, & salubris mediocriter: Angliæ turbulenter (præter id, quod vina capta per comitem Arundeliæ lætificarunt corda multorum:) Hispaniæ latus de recessu ducis regnum vendicantis, & suorum interitu miserando: Franciæ tristis & lugubris, propter non solum vina perditā, sed vasa cum viris: Flandriæ mœstus, propter vina perditā cum bonis communiter Gallicorum.

- 10 Anno dominicæ incarnationis M. CCC. LXXXVIII. fuit Rex ad natale Londoniis in turri (vt præfertur) (hic est annus vndecimus regni eius) ad quem locum collecti sunt proceres cum plebe sua, hospitatique sunt in suburbiis vitantes fallacias vrbānorum. Erant tunc in magno metu Londinenses, libantes diuersa pericula, scilicet iram Regis, si proceribus aperirent, si vero illos excluderent, indignationem indiscreti vulgi, quod cum illis venerat, & præsto fuit ad infringendum muros vel fores ciuitatis, si vel minime exacerbarentur. Restabat & aliud satis graue periculū, quia nisi maiores dominis aperirent, communes ciuitatis & pauperes (qui plus affectabant seditionem quam pacem) parauerunt se ad introducendum dominos cum plebe sua, & diripiendum quicquam in domibus diuitum pretiosum. Habita tandem delibera-
- 20 tione Maior Londoniarum exiit, & dominis hospitia intra urbem, & omnia necessaria bona fide (si acceptare vellent) promisit, & vinum cum ceruisia, caseumque cum pane distribuit in exercitu vniuersis, quod non paruum commodum postea vrbī fuit. Rex interea audiens, & sciens hæc omnia, dissimulabat, tanquam collectam multitudinem paruipenderet, & dominos non timeret, dicens Archiepiscopo Cantuariensi, & aliis qui intercurrebant pro pace faciendā. Sinantur (inquit) hic iacere cum turba sua, donec expenderint omnia bona sua, & tunc demum vacui reuertentur, & egentes in domos suas, & tunc loquar cum eis iudicium sigillatim. Cum hæc audissent domini, valde commoti iurauerunt se nunquam recessuros, donec cum eo ore ad os colloquium obtinerēt. Et mox miserunt, qui fluuiū Tamesin custodirēt,
- 30 ne rex laberetur à manibus eorum, & postea subfannaret eos. Tunc videns rex se vndiq; circumclusum, nuntiis loqui cæpit, & iussit renuntiari dominis, se velle tractare cum eis. Qui postulauerunt, vt in crastino veniret ad Westmonast. vbi voluerunt sibi depromere vota sua. Non (ait rex) volo tractare cum eis apud Westmonasterium, sed hic in turri. Cui domini renuntiauerunt hunc locum suspectum fore, eo quod possent illic strui insidiæ, & eis pericula præparari. Ad hæc Rex, mittant (inquit) ducentos vel quot de suis voluerint, & præuideant cuncta, scrutentur vniuersa, ne lateat vllus dolus. Quod ita factum est. Tunc Dux Glouerniæ cum sociis suis intrant turrim, & habito palam cum rege, sed breui colloquio (postulante rege) cameram intrauerunt, vbi coram eo, eius conspirationem qua indictati sunt recitauerunt, & literas
- 40 ostenderunt, quas miserat duci Hiberniæ, vt exercitum congregaret in pernitiē eorundem. Apices quoque Regis Franciæ (quas interceperant) exhibuerunt, quibus vel concessus fuit regi conductus in Franciam veniendi, vel cetera firmandi, quibus eius honor decrederet, potestas fatesceret, & fama periret. Quid tunc Rex ageret (istis visis) nesciuit, præcipue, quia nouit se notabiliter depressum. Tandem confusum & lachrymantem (licentia tunc petita) reliquerunt, ea conditione, vt crastino veniret ad Westmonasterium auditurus plura, & tractaturus de necessariis negotiis regni sui. Quod ipse promisit, retinens secum in pignus amoris ad cœnam Comitem Derbensē: sed antequam iret cubitum, agentibus susurronibus, & dicentibus non esse decens Regi, tutum, nec honorificum, vt illic pergeret, propositum mutauit.
- 50 Proceres cum hæc nouissent tristes effecti, & amaro animo, renuntiauerunt ei, nisi venire maturaret iuxta dictum, quod eligerent alium sibi regem, qui vellet & deberet obtemperare consiliis dominorum. Quo telo Rex percussus, ad Westmonasterium in crastino remigauit. Cui (post paucos tractatus) dixerunt proceres pro honore suo, & regni sui commodo, oportere, vt proditores, susurrones, adulatores, & malefici, detractatores, & inutiles à suo palatio & comitiua eliminarentur, & alii substituerentur loco ipsorum, qui scirent, & vellent, sibi magis honorifice & fidelius famulari. Quod vbi Rex concessit (licet mœrens) censuerunt arcendos à curia Alexandrum Neuile Archiepiscopum Eboracensem, Iohannem Fordā Episcopum Dunelmensem, fratrem Thomā Rushok regis confessorem (de ordine Prædicatorum) Episco-

Acta inter Regē & Londonienses.

Episcopum Cicestrensem, sed ipse sibi conscius fugam iniit, & Eboracensis latebras requisivit. Expulerunt præterea dominos de Souche, de Haryngworth, de Burnel, & de Bemond, Albredum de Veer, Baldwinum de Bereford, Richardum Adderbury, Iohannem Worth, Thomam Clifford, & Iohannem Louel milites: non ut omnino dimissos, sed Parlamento proximo parituros. Expulsæ sunt & dominæ tanquam inutiles curiæ, scilicet de Ponyngs, quæ fuit vxor domini Iohannis Worth, de Mowen, & de Molyng, quæcunque manucaptæ sunt obiiciendis in proximo Parlamento responsuræ. Arrestauerunt insuper Simonem Burley, Wilhelmum Elinham, Iohannem Beauchamp de Holte Regis Seneschallum, Iohannem Salisbury, Thomam Triuet, Iacobum Berneys, Nicholaum Dagworth, & Nicholaum Brambre milites. Cæpe- 10

Milites arrestantur.

Clerici arrestati. runt & clericos, Richardum Clifford, & Iohannem Lincoln. Richardum Motford, & Nichol. Lake, decanum capellæ Regis, cuius verba multa fiebant in curia, & Iohannem Blake iuris apprenticium, quos omnes milites & clericos diuersis carceribus transmiserunt sub arcta custodia conseruandos, vsq; ad Parlamentum futurum, quo suis astituri erant responsis.

Parlamentum Londini.

Post festum Purificationis inceptum est Parlamentum Londoniis, licet rex voluisset omnino subterfugisse dictum Parlamentum ea vice. Ad quod proceres cum sufficienti conuenerunt exercitu, ad compescendum, si emergerent motus rebelles, & continuatum est istud Parlamentum vsque ad festum Pentecostes cum magna multorum sollicitudine & expectatione. In quo primo captus est Robertus Trysilian 20

Capitur Robertus Trysilian. satis infortunate sibi, quia mox tractus est, & ad furcas suspensus. Consequenter iudicio dominorum processum est contra Nicholaum Brambre militem, qui eidem damnationi subiacuit, licet plures habuisset intercessores. Hic (ut fertur) nomen nouæ scilicet paruæ Troiæ, cuius vrbis & nominis ipse dux creari statuit & nominari, ad perducendum ad effectum facilius cogitata, tabellos siue rotulos conscribi fecerat, in quibus plura millia nominum suorum ciuium exarata fuerant, quorum in hac parte resistentiâ verebatur, qui omnes repente iugulati fuissent, sed tamē ante suspensus est, (ut præfertur) quam ad effectum perduceret meditata. Post hæc Iohannes Salisbury, & Iacobus Berneys, ambo milites, ambo iuuenes, sed ambo proditores, tracti sunt Parlamenti iudicio & suspensi. Deinde Iohannes Beauchamp de Holte Regis Sene- 30

Suspensio militum. schallus (ab antiquo fallax & fraudulentus, & tam domino Edwardo de Windesore Regi, quam filio suo Leonello quondam duci Clarentiæ infidelis) eiusdem Parlamenti decreto tractus & suspensus est. Suspensus est consequenter Iohannes Blake scutifer, qui in consilio apud Notyngham steterat contra dominos infausta hora. Nouissime decollatus est Simon Burley, quamuis Comes de Derby omnes vires apposuisset eius ereptioni. Ob quam causam magna dissensio orta est inter eum & Ducem Glouerniæ, sed cito (laudes Deo) sopita. Hic in cunctis locis ubi incedebat non suæ fortunæ militem, sed in omni apparatu ducem vel principem seipsum exhibebat. Eratque custos castelli de Doueria, quod ad nutum Regis consenserat Gallicis vendidisse: fueratque intollerabiliter superbus & arrogans, oppressor pauperum, osor 40

Decollatus est Simon Burley. Ecclesiæ, mœchus & adulter. Damnati sunt insuper in præmissio Parlamento Iustitarii, Robertus Belknap, Iohannes Holte, Rogerus Fulthrop, & Wilhelmus Burgh exilio, concessa certa pecunia ad vitam singulis pro sustentatione sua quotidiana: deinde exactum est iuramentum à Rege ad standum regulationi procerum, & non solum à Rege, sed à cunctis regni incolis idem iuramentum est expetitum.

Profectio comitis Arundelensis.

Post festum Pentecostes Richardus Comes Arundelæ cum valentium turba profectus est ad mare, & hinc inde velificans hostes vbique quæsiuit, tandem hostium rates reperiens, configit & vincit: & naues octoginta vel mergit, vel capit, vel incendit. Insulam de Beas ingreditur, quam despoliat & comburit. Insulas insuper de Vs, & de Ree, de Lemustre & de Rochele, de Olum & de Olorum (ubi leges 50

Galli ingressi terras ducis de Gelre. marinæ conduntur) inuadit, capit, & deprædatur. De quibusdam redemptionem percipiens, quasdam vero igne deuastans, Gallicos siue Britones, qui resistentiam parauere, vincens conuertit in fugam. Pactoque cum summa felicitate negotio rediit ad regnum.

Eodem tempore Gallici (de pace fastidiosi) cum magno numero armatorum terras Ducis de Gelre sunt ingressi, ut ei inquietudinem suscitarent, eo maxime quod erat Anglis fidus amicus: sed mox Dux occurrens eis cum quibusdam Anglicis, docuit quam periculosum fuerat excitare canē dormientem, occidens ex eis plurimos, multosque captiuans, paucis per fugam dilapsis: sensitque in hoc conflictu damnum

Fran-

Francia, quantum non senserat à diebus antiquis. Flandrēses per idem tempus & ipsi
 occurrentes Gallicis magnam stragem fecerunt ex ipsis: nec immerito cum summa
 superbia grauiq; tyrannide Galli eos per ante oppresserant & vexarant. Eodem anno
 Scoti (quietis nescii) considerantes Anglicos nihil moliri contra illos, præparauerūt
 se vt mox expirantibus treugis essent omnes parati ad inuadendum partes boreales.
 Factumq; est vt cum grandi exercitu regnum intrarēt, antequam Anglici quicquam
 disponerent contra eos. Igitur (nullo resistente) progressi, agebant cædes & rapinas v-
 bique, multos captiuantes, villasq; conflagrantes, quæ fuerunt in eorum itinere (nisi
 quas domini de eisdem pecunia redemissent. Perueneruntq; cum magno fastu prope
 10 nouum castrum super Tynam, & non procul inde sua tentoria posuerunt. Erat tunc
 in villa prædicta Henricus Percy iunior, & Radulphus frater suus, ambo milites, am-
 bo gloriæ militaris cupidi, ambo Scotis infesti: sed Henricus præcipue, qui pro suæ
 strenuitate personæ, à Scotis maxime timebatur. Hic Henricus indigne ferens, quod
 Scoti tam impune bacchabantur, & eo maxime quod prouocatus fuisset ab eis ad pu-
 gnam, repromisit se proculdubio aduenturum ad conferendum cum illis infra tridu-
 um, quamuis omnino foret impar multitudini eorundem. Superuenit ergo repente
 iuxta conditum, irruens super eos in tentoriis constitutos, & magnam stragem faci-
 ens de eisdem. Dux Scotorum præcipuus W. Douglas (qui & ipse fuit iuuenis ambitio-
 sus) videns Anglos præualere, Henricum Percy videlicet intra castra, alacriter equi-
 20 tat contra eum. Erat ibidem cernere pulchrum spectaculum, duos tam præclaros
 iuuenes manus conferere, & pro gloria decertare, & quamuis neutri virilis deesset a-
 nimus, tamen fors contulit Henrico victoriam, qui Scotum, Scotorum maximum,
 suis manibus interfecit. Superuenit comes de Dubare cum excessiuo Scotorum nu-
 mero, & ipsum Henricum cum fratre suo cepit, occisis ex Anglicis ibidem multis, sed
 & ipsi Scoti damnum irreuerabile perceperunt de suorum potentissimorum strage
 facta per Henricum & paucos qui secuti sunt eum ad hanc pugnam. Interea dum pro-
 ceres se disponunt ad obuiandum Scotis, Scoti humiliati p hoc dedecus illis illatum,
 de regno fugiunt cum captiuis quos ceperant, expectare aduentum procerum non
 audentes, & sic vnus Henrici videlicet probitate (licet captus esset) totum regnum
 30 fuit tam metu, quam Scotis penitus vacuatum.

*Douglas perimi-
tur, & Henricus
captus.*

Post festum natiuitatis S. Mariæ factum est Parliamentum Cantebrigiæ, in quo
 noua statuta sunt ordinata, de stipendiis famulorum: de mendicis: de armis non por-
 tandis: de ludis non exercendis præter ad arcum: de stapula reducenda de Middel-
 bourgh ad Calesiam: de laboratoribus non recipiendis in aliena villa, nisi cum sigil-
 lo hundredi: de prouisoribus, quod regnum non exeant ad acquirendum beneficia
 cum cura vel sine cura, nisi habeant ad hoc licentiam ex ore Regis, & si fecerint, eo
 ipso Rex excluderet eos à sua protectione: multa fuerunt & alia ibidem statuta, quæ
 hic omitto scribere, propter id maxime, quod eadem perante sæpius sunt statuta, sed
 nullatenus obseruata. Tandem finis Parliamenti erat taxa leuanda ad opus Regis, id
 40 est, decima de clero, & quintadecima de populo laicali. Tempore Parliamentali cum
 dominus Thomas Tryuet cum rege sublimis equitaret ad regis hospitium (quod fuit
 apud Bernewelle) dum nimis vrget equum calcaribus, equus cadit, & omnia pene in-
 teriora sessoris dirumpit: protelauit tamen vitam in crastinum, quod tempus, vt pu-
 to, datum fuit sibi ad pœnitentiam, si ille vellet acceptare. Facta est in eius morte ma-
 gna lætitia plurimorum, tum quia superciliosus nimis extiterat, tum quia (vt diceba-
 tur) Norwyceensi Episcopo infidus in sua protectione cum cruce signatis fuerat, &
 præcipue quia contra proceres cum rege steterat, consulens, vt rex eos perimeret an-
 no transacto. In eodem Parlamento dominus Iohannes Holond, frater regis ex par-
 te matris, qui nuper redierat de Hispania, vbi duci Lancastriæ militauerat, creatus est
 50 Comes Huntingdoniæ.

*Parliamentum
Cantebrigia.*

*Trinot casus equi
casus.*

Per idem tempus Vrbanus Papa (vt erat semper varius) ad loca varia transu-
 lit se frequenter, tandem cum de Pisis latenter voluisset se transulisse Neapolim,
 Romani cum armatis obuiare sibi, vt eum per vim violentiamq; detinerent Rome,
 si ibidem nollent morari sua sponte: sed cum propinquassent sibi, viderunt se multo
 inferiores milita, quam ea quæ cum Papa venerat, & ideo deposito verborum super-
 cilio, eum pacifice salutarunt. Qui sciscitatus est ab eis, ad quid venerint cum tanta
 manu? qui mox finxerunt se venisse in eius obsequium, vt (si sibi videretur expe-
 diens) eum deducerent quocunque vellet: ipse vero commotus respondit, se non e-
 gere eorum conductu, quinimo sub benedictione sua Romam remearent: illi autem
 artem

*Abbas moni-
Cassini prohibet
transitum Papa.*

artem arte deludentes, accepta licentia regressi sunt. Sed mox aduentum Papæ Ab-
bati de Monte Cassino significare curarunt (hic erat quondam Cardinalis Reatinen-
sis (vt præmittitur) sed degradatus fuerat per Papam præfatum:) hic illico collecta ma-
nu militari, explorauit aduentum Papæ, quem oportuit omnino transire per illum.
Qui cum venisset ad partes eius, ei restitit, & eius transitum prohibebat. Papa vero,
quem nimius amor soli patriæ detinebat, confectis bullis de restitutione sua ad Car-
dinalatus dignitatem, & gradum doctoratus, nec non Abbathiæ Cassini Montis ho-
norem, destinauit sibi hæc omnia, tamen vt permetteret eum transire reuifere natale
solum. Cui Abbas respondit, se quidem non egere bullis suis ad restitutionem digni-
tatum, quibus & donatus & inuestitus fuit à prædecessore suo, cuius temporibus non
erat schisma in Ecclesia, qui & cognitus est vniuersaliter pro Papa Romano, de isto
vero dubium fuit, si futurus esset Papa viuentis Clemente suo aduersario, & ideo re-
misit nuntios cum bullis Papalibus, iniungens vt ei dicerent ex parte sua, vt Romam
rediret mundi Metropolim, & ibidem inter Romanos versaretur vt Papa Romanus,
quia proculdubio non expediebat sub sua iurisdictione constitutis eum quærere tam
remote, vt ad mare magnum proficiscerentur, qui eius perfrui benedictionibus affe-
ctabant. Rediit ergo Papa vellet nollet Romam, vbi à ciuibz summo cum honore
receptus est.

*Translationes
Episcoporum.*

Eodem anno Papa transfudit dominum Thomam Arundel. Episcopum Elien-
sem ad Archiepiscopatum Eboracensem, Alexandro Neuile proditore & susurrone
translato ad Episcopatum sancti Andreæ in Scotia, quanquam non habiturus esset
eum, quia Scoti pro tunc fuere schismatici: Iohannem vero Fordam de Dunelmensi
fecit Episcopum Eliensem, Magistrum Walterum Skirlow de Bathoniensi fecit Epi-
scopum Dunelmensem, Magistrum Radulphum Ergon de Sarum fecit Episcopum
Bathoniensem, & Iohannem Waltham clericum de priuato sigillo per prouisionem
contulit Episcopatum Salisburiensem. Transit annus iste frugifer & fructifer abun-
danter, proditoribus lugubris, fidelibus regionis hilaris: Francis dispendiosus pro-
pter vala perditam inuasionem Comitis Arundeliæ: Hispanis quietus tractantibus de pa-
ce: Scotis varius, & infaustus (quanquam Henricum Percy eo tempore captiuassent)
domino Papæ inuisus & odibilis, quia non consecutus est arbitrium voluntatis.

*Annalis concili-
so.*

*Tractatus de
treugis.*

Anno domini millesimo trecentesimo octuagesimo nono, qui est annus regni
regis Richardi à conquestu secundi duodecimus, fuit idem Rex ad natale cum Anna
Regina apud Westmonast. Hoc anno missi sunt nuntii ex parte Regis Angliæ, pro
pace vel saltem treugis petendis à Rege Franciæ, Magister Walterus Skirlow Epi-
scopus Dunelmensis, & Iohannes Clambowe, ac Nicholaus Dagworth milites: qui diu
perendinantes Calesiæ, & nunc isthac, nunc illac, trans mare discurrentes in pronun-
tiandis vel accipiendis treugarum cōditionibus, tandem pro finali recepere respon-
so, quod Gallici non consentirent ad treugas nisi Hispani, & Scoti, sub dictis treugis,
quiete simili congauderent. Diu igitur suspensum fuit pacis negotium, eo quod no-
stri affirmabant Scotos esse ligeos homines Regis Angliæ, qui pacem Regis sui enor-
miter conturbauerant, & ideo debere eos vt transgressores legum, iuxta voluntatem
Regis & procerum regni puniri, nec fas esse, vt Rex suis obiectis (sed tamen trangres-
soribus) tamen præstaret, vt absque vindicta cum eis taliter conueniret. Hac occasio-
ne treugæ dilatæ sunt, sed & Scoti interim paruipendentes ampullosas minas nostras,
irruerunt in Northumbriam, facientes magnam stragem, ex hominibus plures ab-
ducentes captiuos, & prædæ maximas in suam patriam reuehentes. Eo tempore mis-
sus fuit cum armata manu dominus Thomas Moubray Comes Bukinghamiæ, mare-
schallus, vt Scotorum obuiaret improbitatibus: sed quia non erat par tantis exerciti-
bus, nihil fecit, quippe qui non vltra quingentas lanceas secum duxit, contra triginta
millia aduersariorum.

*Obitus abbatum
sancti Edmundi.*

Circa dies istos obiit dominus Iohannes Tymworth, quondam abbas sancti Ed-
mundi de Bury, cui successit per electionem dominus Wilhelmus de Stratfeld, mo-
nachus eiusdem loci, qui Romam pergens confirmatus est à Papa, promissione prius
petita (sed non concessa neq; soluta) de certa pensione annua persoluenda de domo
sua Edmundo de Brumfeld: per cuius ambitionem (vt præfertur) idem monasterium
varia sustinuit detrimenta.

*Obitus Episcopi
Roffensis.*

Eodem tempore, dominus Thomas Bruton Roffensis Episcopus concessit in
fata, cuius morte comperta, mox Papa contulit Episcopatum illum fratri Iohanni
Boltesham (de Prædicatorum ordine) qui fuit Episcopus Landauensis. Edmundum
vero

vero præfatum, creauit Episcopum Landafenſem: & ſic exonerata eſt domus de Bury, de penſione petita, ratione videlicet beneficii ſibi collati. Elegerant autem Roſſenſes in Episcopum vnanimiter, magiſtrum Iohannem de Barnet: ſed Papa cupiens vtriq; perſonæ præſtare gratiam, Iohanni ſcilicet (quia ſecum permanſerat in temptationibus ſuis tempore quo apud Luceriam fuit obſeſſus) & Edmundo (eo quod carceres & damna ſuſtinuerat in cauſa Papæ, quando ſibi prouidit Abbathiam de Bury) ceſſauit electionem factam de dicto Iohanne Barnet, vt ſic vtriq; liberius prouideret, Edmundo videlicet & Iohanni.

Eodem anno rex ductus quorundam conſilio ſufurronum, conuocatis proceribus & multis regni valentibus, ſubito ſubintrauit domum conſilii, vbi proceres eius præſtolabantur aduentum. Et ſedens requiſiuit ab eis, quot annos ætatis habebat. Reſponſum eſt, quod iam viginti annos peregiſſet. Ergo (inquit) plenæ ſum ætatis ad gubernandum domum & familiam, nec non regnum meum, iniuſtū enim mihi videtur, vt conditio mihi imponatur infra regnum. Nempe quilibet hæres regni mei, cum viceſimum attigerit ætatis annum, deſuncto parente, libere propria ſua negotia tractare pmiſſitur. Cur ergo mihi negatur, quod cuiſlibet alteri gradus inferioris iure conceditur? Cumq; Barones ad hæc attoniti reſponderēt, nihil iuris ſibi debere ſubtrahi, ſed eum habiturum regimen regni ſui ſibi de iure debitum: ita ait: Ecce noſtis, quod diu regulatus fuerim per tutores, nec licuit mihi quicquam vel minimum facere ſine illis, iam enim de cetero illos de conſilio meo amoueo, & vt hæres ætatis legitimæ, quos voluero ad conſilium aduocabo, & negotia propria pertractabo. Et ideo iubeo, vt in primis Cancellarius ſigillum mihi reſignet. Cumq; Eboracenſis Archiepiſcopus ſigillū reddidiſſet, rex illud recollegit in ſinum, & repente ſurrexit, & exiit, & poſt puſillum rediit, & reſedit, tradiditq; ſigillum Epifcopo Wintonieſi, domino Wilhelmo Wykham, faciens eum Cancellarium, quamuis plurimum renitentem. Creauitq; nouos officiarios plurimos, antiquis deſiſtis, in omnib. vtens propriis arbitrio & poteſtate. Ducemq; Glouerniæ, & comitem Warwicenſem, alioſq; multos valentes amouit à conſilio, adhibitis aliis, qui ſuis oculis complacebant. Sub eodem tempore Rex creauit luſtitarios nouos quinque.

Interea quidam detractores, Regem circumuenientes, tantum profecerunt, vt crederet auunculum ſuum ducem Glouerniæ, collegiſſe turbas ad infeſtandū eum. ſed tandem Rex (acceſſito duce) & comperta fama mendace, conſulius erubuit. Adſerant tunc præſentes quidam, qui hoc mendacium ſeminauerant, contra quos cum Dux loqui voluiſſet, & eorum perfidiam publice declarafſe, rogauit Rex ſub obteſtatione ſuæ dilectionis, ne vltius procederet in materia prætaxata. Acqueuit ergo Dux roganti facilius, quod bene nouit iam Regi ſuam innocentiam declaratam: ſed cum receſſiſſet ad ſua, ſuccevit vtrobique ſuſpicio, ſufurronibus interponentibus partes ſuas.

Circa feſtum natiuitatis S. Iohannis Baptiſtæ, firmatæ ſunt treugæ triennales, inter regna Angliæ & Franciæ: Iohanne Clanbow milite, & Richardo Rouhale clerico, ſuſcipientibus in Francia iuramentum ex parte Regis Franciæ, & paulo poſt (ſcilicet circa feſtum ſancti Laurentii) venit in Angliam comes ſancti Pauli (qui deſponſauerat ſororē regis Angliæ Matildam de Courtenay) cum aliis honorabilibus, ad ſuſcipiendum iuramentum de treugis ſeruandis fideliter ex parte Regis Angliæ, qui cum honore maximo ſuſceptus eſt. Eo tempore quidam ex nuntiis, qui de regno Francorum venerant, miſſi ſunt in Scotiam ad dandum Scotis opinionem ſub certis conditionibus, vel includi inter treugas datas inter Reges, vel omnino de protectione Franciæ Regis excludi. Maiores Scotorum reſponderunt, ſe libenter treugas & conditiones admiſſuros, ſed tamen bene ſcire durum fore hæc communi vulgo perſuaderi, cum iam parati eſſent iterum cum abundantiori militia Angliam ingredi, & ſperarēt de tali ingreſſu lucrum multum, præcipue cum iam antea paucioribus, qui audebat reſiſtere, nullus fuit: & vt ſe monſtrarent obediētes regi Franciæ, rogauerunt vt nuntii cum illis accederent, & viderent ſimul & præparationē pugnæ, quam Scoti fecerant, & audirent, quæ communitas nuntiis reſpondere vellet. Gallorum ergo nuntii cum veniſſent ad Scotorum exercitum, reſpexerunt eos pulchre per turmas diſpoſitos, fulgide & decenter armatos, & quaſi ad procinctum prælii præparatos. Quibus cum innotuiſſet cauſa aduentus iudiciorum Franciæ, indiſciplinatum vulgus reclamauit procaciter ſe nolle tantum apparatū deſerere, tantos ſumptus perdere, quos ad regnum Angliæ inuadendum comparafſet: præcipue cum domos

Ff

& pe-

Rece vendicat liberam regni iure hereditario diſpoſitionem.

Rece vendicat liberam regni iure hereditario diſpoſitionem.

Treuga firmata.

Nuntii deſtinantur ad Scotos.

& pecunias, prædia & suppellectiles ad hunc finem inuadiasset, & se multipliciter depauperasset. Nuntii nihilominus hiis auditis, nunc minis & terroribus, nunc pollicitationibus & blanditiis id egerunt cum populo, ut armis depositis, in pacem consentirent. Iuuitq; multum ad animos sedandos rebellium, & assertio procerum Scottorum, qui omnino iurauerunt, se nolle eis præbere ducatum in Anglia, sed si omnino decernerent cepta continuare, ipsi proprio periculo pergerent, & ex se ipsis Duces eligerent pro eisdem. Sicq; factum est, ut improbi Scoti pacem susciperent, & treugis acquiescerent, non sine improprio Anglicorum.

*Miraculum de
Ely.*

Sub eisdem diebus apud Ely beata Etheldreda, virgo perpetua & regina, apparuit cuidam iuueni, docens eum cauere pericula sibi imminencia, & instruens eum de periculis maximis, quæ regno superuenirent, nisi pius Deus placatus orationibus piis fidelium, manum suspenderet à vindicta. Quapropter monet, ut Priorem & monachos adeat, & eis mandata sua deferat, ut pro salute gentis exorent dominum, & precentur, ut auertat iram indignationis suæ à populo Anglicano. Spondetque (beata virgo) suas etiam preces oblaturam domino, pro causa præmissa: cunctanti vero iuueni, nec audenti iussa perficere, signum dedit, dicens: Contractus & clauduseris, & omnino inutilis, qui modo sanus & sospes esse dinosceris, usque ad diem festum depositionis meæ. Quo die deportatus ad memoriam meam consequeris integram sanitatem. Prodit ergo iuuenis quæcunque viderat, & ad credendum dictis suis, suæ contractionis poena multos inuitat. Et ne fictum videretur, vel humano adinuentum ingenio, quod in ipso factum fuerat, consumptis carnibus, tibiæ exinanitæ fuerant, ut tantum pellis hæreret ossibus, & poplices ita contractæ, ut tali natibus inseparabiliter iungerentur. Accurrerunt ergo multi, illecti fama facti, ferroq; pungunt tibiæ seu pedes iuuenis, sed caro consumpta, pellis mortua nil sentire: tentant tibiæ contractas à tergo retrahere, sed minime proficere. Statuunt igitur operiri diem præfixum, in quo vel fama mendax, vel omnino vera probaretur. Illabente die gloriosæ virginis & Reginæ, iuuenis ad Ecclesiam deportatus, primo cepit obdormire, & mox excitatus à somno resiliit. Audiebanturque neruorum crepitus, & sequebatur membrorum distentio, & iuuenis exilire cæpit, & coram multis memoriam sanctæ virginis circuire. Et quia per ante dictus iuuenis, multa iussu sanctæ virginis Etheldredæ secreta de multis prædixerat (quæ suo parochiali sacerdoti sub sigillo confessionis reuelauerat) quæ omnia vera fuisse comperta sunt, fidem fecerunt indubitabilem de cunctis quæ ventura prædixit. Prædixit enim plura pericula imminencia, inter quæ prophetauit æstatem feruidissimam affuturam, cuius feruor plumbum Ecclesiarum liquefaceret, nisi deus manus apponeret adiutrices. Feruorem utique sensimus aliqualem, intollerabiliorem subituri, ut credimus (nisi preces fidelium obstitissent) plumbum Ecclesiarum per ignes cœlestes eo tempore liquefactum est, cum in Southsexia in villa de Maunfelde Ecclesia collegialis Cantuariensis Archiepiscopi conflagrata est, cum omni pene villa, & quædam prædia in Estsexia nauesq; cum nautis quibusdam in locis iactibus fulminum sunt consumpta.

*Aliud miraculū
de Etheldreda.*

Fidem fecit huius visionis & miraculi alia visio cito subsecuta, manifestataque decrepitæ mulieri, & octogenariæ, cui videbatur beatam Reginam & virginem Etheldredam astitisse sæpius, & eadem, vel plura commemorasse superuentura pericula, nisi deuotis supplicationibus omnipotens placaretur. Adiecitque beata virgo, se cum populo preces domino porrexisset, ut malum subtraheret, quod proposuit terræ immittere pro peccatis. Monuitque ut Priori & conuentui atq; plebi ex parte sua mandaret, continuare processiones, multiplicare deuotiones, facere incessanter orationes, ut Deus auerteret gladium imminens. Sciantq; proculdubio (inquit sancta) quod ego precum mearum instantia, minas varias & ruinas ab eis auerti. Iussitq; gloriosa domina, ut mulier hæc vniuersa publice profiteretur, & in festo sanctæ Mariæ Magdalene se deferri faceret ad eius tumbam, ibidem contractionis & inualetudinis consecutura coram populo sanitatem. Nempe per triennium ita confecta fuerat tibiæ intollerabili passione, ut immobilis semper vno iaceret in loco, nisi quando miseratione vicinorum compatiens de vno loco ad alium portabatur. Igitur in festo memorato, vetula in porta ad feretrum beatæ Etheldredæ deferretur, ubi in somnum resoluta, videt gloriosam virginem prodientem. Quæ accedens apprehendit eius tibiæ, & in longum protraxit, neruique tibiæ (pluribus de populo assistente audientibus) crepuerunt, & mulier mox sana surrexit, quæ prius ægra, veterana fuerat, & contracta: tumbamque tribus perlustravit vicibus, illam deuote deoscu-

deosculans, & agens Deo gratias, & gloriosæ dominæ Etheldredæ. Per idem tempus Cantebrigie in festo commemorationis sancti Pauli, occurrebat & festum dedicationis sanctæ Mariæ ibidem, ad quod festum amplius honorandum, in processione per parochiam deferebatur corpus dominicum super duos humeros sacerdotum in feretro non ponderoso, sed tam leui, vt à septenni puero, sine vexatione portari tota machina potuisset. Procedebant igitur, & præcedebant dicti præbiteri, supportâtes corpus domini per dictam villam, donec venirent ante locum fratrum Augustinensium (qui situati sunt iuxta mercatum villæ) vbi repente feretrum, quod æqualiter vtriusque humeris accliuus erat, se subrigens, nitebatur quasi quadam virtute inperceptibili, ab eorum humeris resilire, efficiebaturque adeo ponderosum, vt sacerdotes vix neque possent sufferre tantum pondus, neque feretri fines humeros iterum detrahare & applicare: torquentur proinde & sudant, & anhelant præ labore nimio, laicorum auxilium flagitantes. Accurrunt laici, manus supponunt, sed (quod mirabile fuit) nihil ponderis persenserunt. Cumque pertransissent omnem loci situm, dictorum fratrum feretrum iterum repente super illorum humeros æqualiter requieuit. Sed tunc quidam ineptus, & vere miser, in composito motu corporis cæpit saltare siue tripudiare coram Eucharistia, quem incontinententer apprehendit terribilis valde vindicta. Nam inter iocandum repente corruit, & post pusillum spiritum exhalauit. Horum causâ mirabilium à multis multipliciter est interpretata, 20 quam iudicare nos prætermittimus, malentes aliis iudicium derelinquere, quam de nobis incognitis inconsulte aliqua definire. Hoc tantum audemus adicere, quod magna & formidabilis pestilentia extemplo subsecuta est Cantebrigæ, qua homines subito (prout dicebatur) sospites correpti mentis frenesi, moriebantur sine viatico, sine sensu. Eodem tempore in manerio regio de Schene, repente tot cinifes confluxerunt, vt ipsum aerem obscurare viderentur, quæ mox conflictum ineuntes, pugnam confecere durissimam, ita vt duæ partes illius innumerabilis multitudinis in terram caderent interfectæ, tertia vero pars perfecto bello & consummata victoria auolauit, dubium in quas partes. Tantaque fuit peremptarum copia, vt scopis possent colligi, & ex illis plures modii possent impleri. Quid significare velint, aliis discutiendum relinquo. 30

Mirabile de corpore Christi contingens Cantebrigia.

Pugna inter cinifes.

Per idem tempus in Francia fratres Prædicatores antiquam suam opinionem reassumentes de conceptu beatæ Mariæ virginis, & prædicantes, illam fuisse in originali peccato conceptam, in tantam efferati sunt superbiam, vt Episcopis illi indigentibus huius rei silentium, noluerunt obedire. Postremo nec Regi & proceribus id iubentibus parere volebant. Quapropter extra protectionem regiam facti sunt, & inhibiti circuire per patrias more solito, ne forte commune vulgus ducerent in eiusdem erroris deuium, & seducerent innocentes: iussi sunt etiam intra propria se habitacula cohibere, de labore manuum suarum infra loca sua viuere, egredi nusquam præsumere sub pœna capitali. Præceptumque est eis, ne de cetero quenquam ad 40 ordinem suum admitterent vel reciperent, sub pœna præmissa. Sed ipsi met ita facerent, vt post hos, qui modo viuunt, nullus esset, qui eorum ordinem continuaret. Hac ætate perfidiæ promptuarium, sentina auaritiæ, auriga prodicionis, archa malitiæ, odii seminator, mendacii fabricator, susurro nequissimus, dolo præstantissimus, artificiosus detractor, patriæque delator, Michael Atte Pole, quondam Comes Southfolchiæ, regnique cancellarius, sed nequam consiliarius, concessit in fata Parisius, merito perfidum euomens spiritum in terra peregrina. Cuius opes, quas sibi habuit, suo cessere collegæ Roberto de Veer (quondam duci Hiberniæ) qui illuc fugerat cum eodem. Dominus Papa per id temporis considerans vires hominum, & ætates imminutas, constituit iubileū fieri, qui inciperet à natali sequente, & in eternū postea 50 semper reuolutis triginta tribus annis, cunctis Christicolis, volueretur, indicans videlicet annos ætatis plenitudinis Christi mysticos & idoneos ad renouandum iubileum. Eo tempore mulier quædam Agnes nomine, de Londoniis, quam tristitia amentem effecerat, ita vt pene nulli, qui solebat frequētare Londonias incognita foret eius demencia, præ famositate sui clamoris & operum: admonita erat per visum, sanctum adire Albanum Anglorum prothomartyrem, apud eum consecutura sanitatem & sensum. Quæ mox vt paruit visioni, perfecte pristinæ est restituta saluti. Lolardi seu quaces Iohannis Wiclif, per idem tempus in errorem suum plurimos seduxerunt, & tantam præsumpserunt audaciam, vt eorum presbiteri more Pontificum novos crearent presbiteros, asserentes (vt frequenter supra retulimus) quemlibet sacer-

Fratres delirant.

Obiit Michael Atte Pole.

Papa constituit iubileum.

Miraculum apud S. Albanum.

Lolardi Lolardos creant.

dotem tantam consecutum potestatem ligandi atq; soluendi, & cetera Ecclesiastica ministrandi, quantam ipse Papa dat vel dare potest: exercuerunt autem istam perfidiam in diocesi Sarum. Et qui taliter ordinati sunt ab hereticis, sibi cuncta licere putantes, missas celebrare, diuina tractare, & sacramenta conferre minime timuerunt. Prodata est hæc nequitia per quendam ab eis ordinatum, qui stimulatus conscientia, Episcopo Sarum confessus est errorem, apud manerium suum de Suunying. Eodem tempore, dicti hæretici prædicauerunt peregrinationes non debere fieri, & præcipue apud Walsingham, & crucem de Northdore apud Ecclesiam sancti Pauli Londoniis, vbi nihil erat numinis, sed tantum putride stipites, scaturientes vermibus, per quas imperitum vulgus seductum idolatrare manifestissime cogeatur. Audierunt & viderunt, atque sciuerunt hæc vniuersa Pontifices, sed abierunt alius in villam suam, alius vero in negotiationem suam, dimiserunt oues expositas luporum rictibus, sed nullus erexit baculum ad abigendum. Iam plena erat omnis turba, non solum lupis, sed ipsis rapacibus, quorum morsus ineuitabiliter virulenti atq; læthales, sed nullus oblator, qui saltem voce terreret fures, præter antistitem Norwycensem, sit nomen eius benedictum in sæcula, quia non permisit plebem suam infici tanta labe. Iurauit nempe & non pœnitebit illum, quod si quisquam de secta peruersa prædicare præsumeret in diocesi sua, vel ignibus traderetur, vel capite priuaretur. Nullusq; fuit de tanta sequela, qui hiis cognitis, vellet ad martyrium properare, propter quod in Episcopatu suo hætenus fides & religio inuiolata permanit. 19 20

Miracula apud Wymundham.

Sub eodem tempore (diuinitate procurante vt putamus ad confirmandum pie credentes, & confutandum hæreticos) iuxta prioratum de Wymundham noua succreuerunt miracula apud quandam crucem erectam in via publica, quæ merito & miracula dici possent & credi.

Miracula de Brydlington.

Eo tempore in prioratu Canonorum de Bridlington, qui est in diocesi Eboracensi ad tumbam Iohannis quondam Prioris ibidem, tanta (namq; manifestata) fiebant miracula, vt pene totam Angliam ducerent in stuporem: de quo ferunt, quod in vita sua super aquas ambulauerit, mortuum suscitauerit, & in horreis domus suæ tam manifestata quam mirabilia per orationes frugum fecerit, vt quæ vix per mensem familiæ putabantur suffecturæ, prece sua sufficerent toto anno, prærogatiua sanctitatis eius, humilitas & misericordia super afflictos. 30

Visitatio archiepiscopi Cantuariensis.

Per id temporis archiepiscopus Cantuariensis magister Wilhelmus de Courtenay suam prouinciam visitauit, qui cum venisset Exonias, niscus est nigrorum monachorum habitationem visitare, misso prius mandato, quod omnes interessent die visitationi statuto. Sed dictum mandatum non fuit præsentatum Priori monachorum ibidem, ipso existente tunc Glasconiæ. Turbantur ergo scholares de tam non exemptis monasteriis, quam exemptis, eo maxime, quod nunquam viderant vel audierant simile mandatum visitationis. Abbas ergo Westmonasterii, qui arctius ista cepit cordi, deliberauit cum suo consilio, vt Abbas sancti Albani, qui ab omnibus venerabatur, & colebatur præ ceteris Abbatibus nigri ordinis, destinaret literam magistro Symoni de Southeray commonacho suo (Priori nigrorum monachorum ibidem) præceptoriam in virtute obedientiæ, vt omnibus postpositis, eo celerius quo posset se transferret ad monasterium suum, ad habendum colloquiū cum Abbate suo, pro certis causis monasteriū concernentibus. Et quod ista litera præsentaretur corā testibus magistro Symoni supradicto, pridie ante diem visitationis præfixæ hora vespærum, & super istius literæ præsentatione ac receptione fieret publicum instrumentum, & quod dictus magister Simon statim post receptionem literæ sui Abbatis, constitueret procuratorem ad allegandum causam suæ absentiæ, coram archiepiscopo vel eius commissario sedente pro iudicio: prædicto Symone per præconem citato, & non comparente, procurator ipsius, non vt procurator, sed vt amicus duntaxat eiusdem diceret, quod prædictus magister Symon mandatum Archiepiscopi non recepit, nec sibi fuit præsentatum. Qua quidem excusatione acceptata & reputata pro vero, effectus dicti mandati totaliter expiraret. Et si tunc Archiepiscopus, vel eius commissarius, inquireret à cursore suo, in iuramento sibi præfato, si mandatum Archiepiscopi præsentauit præfato Simoni, & ille responderet quod sic, tunc oporteret probare contrariū per obliquum, & tunc si dicatur, qd mandatū Archiepiscopi fuit sufficienter ostensum & promulgatum, tunc idem procurator non vt procurator adhuc, sed vt amicus allegabit, quod prædictus magister Symon non potuit comparere dicto die statuto, propter præceptum sui Abbatis, in litera sua contentū, & si forte tunc Archiepi- 40 50

chiepiscopus vel eius commissarius peteret, quare responderet pro dicto Simone, in iudicio imponendo sibi silentium, tunc primo diceret, quod esset procurator eius. Et si oporteret demonstrare procuratorium, quo demonstrato, exhiberet litteram domini Abbatis de sancto Albano, per quam clareret, quod dictus magister Simon die statuto non potuit comparere coram Archiepiscopo vel eius commissario. Et ita foret practica, siue magister Simon mandatum Archiepiscopi recepisset, siue non, siue virtute illius mandati aliquos citasset, siue non: hoc tamen prouiso, quod nullo modo literas certicatorias exhiberet de mandato. Prouisum est etiam per eundem dominum Abbatem Westmonasterii, & suum consilium, ut vnus Monachus studens Oxoniis prouocaret pro se & omnibus aliis sibi adhærere volentibus pridie ante diem visitationis. Et ratio est, quia oporteret, quod omnes sibi adhærere volentes adhærerent infra decem dies, & quia bonum erat, ut eo minime infra id tempus curreret, ideo pridie ante diem visitationis prouocaret, pro se, & aliis sibi adhærere volentibus, & hæc practica pro primo die ad euacuandum mandatum: & si conringat, quod Archiepiscopus nouum mandatum dirigeret Priori studentium, vel Monacho singulari, prouisum erat, ut mitteretur forma mandati festinanter ad Dominum Abbatem Westmonasterii ad videndum, quid deberet fieri quoad illud. Ista tamen nullius fuere valoris, quia non isto modo ad euacuandum visitationem processum est. Sed modo qui sequitur dominus Archiepiscopus ab executione visitationis sponte recessit. Abbas sancti Albani scripsit domino Archiepiscopo, rogans & consulens, ut à visitatione studentium desistere dignaretur, commemorans multa, quæ tam sibi quam dictis scholaribus forent dispendio, si propositum suum exequendum putaret. Cuius literas dominus Archiepiscopus hilari vultu, lætoque corde suscepit, & monachum S. Albani literarum baiulum, ad prandium humanissime inuitauit. Et post prandium ad se vocato Monacho, asseruit quod pro domino Abbate sancti Albani amico suo speciali quicquid posset (saluo iure Ecclesiæ suæ) libentissime faceret, veruntamen à visitatione Prioris, & nigrorum monachorum Oxoniæ studentium, dicebat se saluo iure ecclesiæ suæ nullo modo posse desistere, etiam si rex Angliæ pro prædictis instaret: & addidit, ibi, inquit, est collegium, nunquid (ait) non habetis Priorem, qui potest tenere capitulum, & viuitis in communi? Ad hoc Monachus S. Albani respondit quod non fuit ibi collegium, cum ibi morantes sigillum commune non habeant, nec locus sit donatus temporalibus & spiritualibus: & alia plura desint, quæ ad collegium requiruntur. Cui Archiepiscopus, volumus, inquit, venire & videre, & inquirere, qualiter stat vobiscum. Ad hæc Monachus: Domine (ait) si veneritis ad illum locum, non habetis iurisdictionem inquirendi de talibus, nisi in non exemptis, & ipsi sunt visitati in propriis monasteriis per vos, ergo secunda vice non sunt visitandi. Cui archiepiscopus, certum est (inquit) quod in propriis monasteriis per me non fuerunt visitati, immo Abbates illorum excusauerunt eos, pro eo quod fuerunt in scholis, quare in scholis eos intendimus visitare. Tunc quidam doctor legis peritus Monachus Cantuariæ, qui cum Archiepiscopo venerat, volens ampliare iurisdictionem eius ait: etiam domine (ait) potestis visitare exemptos quamdiu in scholis steterint, cum sunt ibi sub iurisdictione cancellarii, &c. Respondit Albanensis, quod exempti ibi ita sunt priuilegiati, quod ubicunque fuerint, non sunt sub iurisdictione alicuius Episcopi, nisi Romani Pontificis, vel legati à latere missi. Ad hæc Archiepiscopus benigne respondit, quod si ita foret, nec potuit, nec voluit eos in aliquo molestare. Die S. Bricii magister Simon de Southrey Monachus S. Albani (qui dum hæc agerentur absens fuerat) comparuit coram Archiepiscopo, supplicans ut à visitatione præmissa desisteret, sed Archiepiscopus noluit aliquo modo illud sibi concedere illa vice. Dominica vero sequente præsentauit se dictus Simon, cum omnibus Monachis exemptis, & non exemptis, post occasum solis coram Archiepiscopo in Ecclesia S. Fredelwidæ. Quos videns dominus Archiepiscopus, petiit an ad submittendum semet ipsos aduenissent, cui responsum fuit, quod ad captandam eius beneuolentiam aduenierunt. Respondit benigne dominus Archiepiscopus: Et ego vos habeo excusatos, nec vnquam intendo vos grauare, & hic finis negotii supratacti.

Eodem anno mense Octobris Papa Urbanus sextus diem clausit extremum, vir cuius capitis multum fuit exitio, & sibi met (ut ferunt) damno, arte tamen viuere dicebatur, ita ut mores Carthusiensium, & consuetudines, quantum res patiebatur, imitaretur. Rigidus erat sibi, sed suis multo rigidior, ita ut delinquentibus nunquam ignosceret, aut eorum ærumnis aliquatenus compateretur, probat hoc poena

suorum Cardinalium, ferociter inflata, & æterna damnatio carceris subsecuta. Cuius loco electus est à Cardinalibus Cardinalis dictus Neapolitanus, qui Bonifacius nonus est vocatus.

*Dux Lancastriae
rediit in Angliam.*

Circa principium mensis Nouembris dominus Iohannes Dux Lancastriae de partibus Wasconiae in Angliam transfretauit, postquam in Hispania & Aquitania, siue Wasconia moram fecisset triennalem, qui in Hispania infortunia passus primo, postremo ad summam felicitatem perductus est, non viribus hominum, nec in numero bellatorum, sed manifesto diuino fauore. Enimvero cum primo peruenisset ad partes Hispaniae, cum manu satis valida, deficientibus victualibus, cepit plebs Anglicana primo fame, postea dissenteria interire, ita ut nonaginta milites famosi de exercitu miserabiliter morerentur. Quapropter residui, urgente necessitate, Ducem in campo deferentes, transierunt ad exercitum Gallicorum, qui ibi aderat in adiutorium regis Castellae, obtento prius conductu ab exercitu memorato. Qui eorum condolentes miseriis, humanissime eos tractauerunt, & de suis victualibus refecerunt. Nempe mos est utrique genti, Angliae scilicet atque Galliae, licet sibi in propriis sint infesti regionibus, in remotis partibus tanquam fratres sibi subuenire, & fidem adinuicem inuiolabilem obseruare. Rex vero Portugaliae, qui tunc cum quatuor milibus bellatorum affuit, videns Anglos sic recessisse, allocutus est ducem dicens: Ecce (ait) Anglici vestri qualiter te deferentes, ad hostes recedunt, qui cum refocillati fuerunt tibi & mihi infestissimi (ut reor) erunt, vadam ergo, & manus conferam, & nullum ex eis in vita relinquam. Cui dux: nequaquam domine rex fiet ita, scio quod sola victus necessitate, & non ex perfidia hoc fecerunt. Et mox Dux inclinans caput (ut erat æquus) amarissime fleuit super equum, tacite fundens preces omnipotenti Deo, commemorans in corde suo, quod antea in felicitate & rerum opulentia nec Deum ut debuit cognouisset, nec ut decuit coluisset. Tacitus ergo subortis suspiriis implorat pro gratia, precatur pro misericordia, spondens imposterum correctionis vitae practicae, & apud cordis oculos futuram iugem Dei sui notitiam: cuius videns lachrymas, qui Mariae peccatricis quondam suscepit suspiria, dedit ex insperato à die illo, & deinceps sibi, cuncta prospera, cuncta læta. Nam aduersarius suus rex Castellae non viribus humanis territus, nullius nisi Dei solius timore compulsus, quippe qui inter suos securus habitans, & vidit & sciuit nostratum miseras, tractare cepit cum Duce de forma pacis habendae inter illos. Et ventum est ad istud, ut acciperet Rex Castellae filio suo, ducis filiam in uxorem, quorum posteritas Hispaniae regno gauderet. Et si nulli liberi prouenirent inter illos, hereditas volueretur ad filium ducis Eboeci, qui frater erat Ducis Lancastriae, & desponsauerat filiam Regis Castellae, quondam Petronis iuniorem, & si contingeret eum discedere sine prole legitima, vis regni reuolueretur ad sobolem inter ducem Lancastriae & Constantiam filiam Petronis antedicti procreatam. Quibus pactis firmatis, Dux accepit à Rege Castellae pecuniam multam nimis pro tunc, & pro securitate soluendi residuum, obsoles nobilium filii dati sunt ei, in posterum vero omni anno (dum idem dux viueret) pactus est rex Castellae sibi soluere decem millia librarum, & eius uxori dominae Constantiae tantum, pro qua pecunia soluenda fideliter quatuor bonae villae assignatae sunt dominae Constantiae supradictae.

*Consilium apud
Reding.*

Eo tempore apud Redingum Rex Angliae procures ad consilium conuocauit, ad quod Dux Lancastriae eo celerius properauit, quo percepit Regem non rectis oculis quosdam de proceribus velle respicere, & metuit orituras eo tempore simultates, quas omnino sedare disposuit in aduertu suo, neque frustra quidem laborauit, sed id effecit, ut & pacem cordi Regis, pacemque magnatum pectoribus infunderet gratiose, sicque dictum consilium dissolutum fuit, & vniuersi cum pace ad propria discesserunt. Transit annus iste mediocriter frugifer, sed satis abundanter fructifer: luctuosus Northumbrensibus propter mala per Scotos illis illata, modeste lætus ceteris regni partibus propter miracula renouata: regnis Angliae & Franciae satis commodus, pro treuga firmata: sed multis multum formidabilis pro pestilentia prouinciis diuersis immixta.

Anno gratiae millesimo trecentesimo nonagesimo (qui est annus regni Regis Richardi à conquestu secundi tertius decimus) tenuit idem Rex natale cum Anna regina apud Manerium suum de Wodestoke. Dux vero Lancastriae fuit ad natale in Castello de Herthforde. Sub eisdem diebus Comes Penbrochiae, dum ludum hastilium attemptare cupit, percussus est in inguine à milite sibi occurrente, dicto Iohanne de

ne de sancto Iohanne, quo videlicet ictu eius viscera sunt dirupta, & mors est illico subsecuta, cuius interitus luctum indicibilem non tantum magnatibus, sed & cunctis communibus generauit. Fuerat nempe liberalis, affabilis cunctis, humilis & benignus super omnes nouellos dominos eius ætatis qui fuerunt in regno. De cuius antecessoribus illud mirabile contigit, quod ab Aymero de Valence comite Penbrochia qui fuit vnus de assessoribus & iudicibus super mortem Thomæ de Lancastria vsque ad istum Iohannem de Hastynge, nullus vnquam comes Penbrochia patrem suum vidit, sed nec pater filii visione lætatus est. Hoc quoque anno sanctus Thomas de Lancastria canonizatus est.

Comes Penbrochia hastiludius obiit.

- 10 Die lunæ proxima post festum sancti Hillarii, factum est parliamentum Londoniis in quo constanter à communibus est petatum, vt signa dominorum quæ gestabant, & eorum famuli deponerentur, eo quod iam tales per prouincias qui adepti fuerant signa talia, effecti fuere tyranni, malefactores, & malefactorum sustentatores, sed post multas altercationes quia procures noluerunt eorum signa deponere, saltem ad id consenserunt, vt nulli gestarent eorum signa nisi qui forent de priuata familia, & perciperent de magnatum marsupio certum aliquod annuatim. In eodem parlamento quidam noui insurrectores de Cantio capti, tracti sunt & suspensi. Statutum est in eodem insuper parlamento vt de cætero nullus transfretaret ad obtinendum prouisiones in ecclesiis, vel ecclesiam, & si quis contrarium faceret, si posset apprehendi caperetur vt regi rebellis & incarceraretur. Statutum est præterea vt nullus occultus iugulator (quales murderers appellant Anglici) de cætero chartam de regia gratia obtineret, & si vllus dux præsumeret pro huiusmodi preces facere, condemnabilis esset regi in centum libris, si comes in centum marcis, si Archiepiscopus in centum libris, si Episcopus in centum marcis. Concessum est autem regi in hoc parlamento, vt habeat de quolibet sacco lanæ quadraginta solidos, de quibus quadraginta solidis, decem applicarentur in præsentis regis vsibus, & triginta seruarentur in futurum in manibus thesaurariorum constituendorum per parliamentum, non expendendi nisi cum belli necessitas instare videretur. Similiter rex habebit de libra sex denarios, quatuor seruandos ad vsum præfatum per dictos thesaurarios, & duos iam
- 30 percipiendos, & expendendos ad voluntatem regis. Hoc anno dominus Laurentius quondam monachus de Bello, & exposit domini Papæ penitentiarius, postremo Episcopus Assauiensis, concessit in fata, cuius loco electus est alter, qui mox virtute statuti parlamenti, postulauit ab Archiepiscopo Cantuariensi consecrari. Eodem anno in parlamento præscripto, dominus Iohannes dux Lancastria factus est dux Aquitanie, per virgam & pileum præbitis manu regis. Eo tempore filius & hæres ducis Eboraci, creatur comes de Rutland. Quinto die Martii ventus magnus, terribilis, atq; nocuius, tecta dilacerans, domos subuertens, animalia conterens, arbores prosternens, spirauit in Anglia incommodo generali. Hoc anno magna pestis inualuit in hac terra, iuuenum præcipue, & puerorum, qui passim moriebantur per ciuitates & villas numero incredibili & excessiuo. Quam Epidemiam mox secuta est frugum caritas, ita vt modius frumenti in quibusdam locis viginti tribus denariis venderetur. Eodem tempore dominus Adam Cardinalis Anglicus, qui dedecorose depositus & priuatus fuerat per Vrbanum Papam, suo gradui per Bonifacium restituitur cum honore. Ferunt siquidem quod cum Vrbanus tyrannizare disponderet, hunc maxime propter profunditatem sensus, & scientiæ plus cunctis metuerit: & ideo ne per eum eius conatus impedirentur, eum satis iniuste comprehendit & extorsit & in carcere reclusit. Quod factum in morte sua satis inde doluit publice pœnitendo, & protestando hunc reum nullius criminis extitisse. Huius adeo petitione declaratum est per Papam Bonifacium, quod Bullæ de indulgentiis plenariis concessæ quibuslibet, in extremis tantum
- 40 valent eas obtinentibus, in confessione quæ mortem immediate præcedit, qui licet multoties propter diuisa pericula confiteantur, & conualuerunt, vsque ad extremum articulum nullum fortiuntur effectum.

Nomen dux Aquitanie.

Declaratio indulgentie.

Dominus Henricus comes de Derby per idem tempus profectus est in le Pruys ubi cum adiutorio Marecalli dictæ patriæ, & cuiusdam regis vocati Wytot de uicit exercitum regis de Letowe, captis quatuor ducibus, & tribus peremptis & amplius quam trecetis de valentioribus exercitus supradicti pariter interemptis. Ciuitas quoque vocatur Will. in cuius Castellum rex de Letowe nomine Skirgalle, confugerat, potenti virtute dicti comitis maxime, atque suorum capta est. Namq; qui fuerunt de familia sua primi, murum ascenderunt, & vexillum eius super muros, cæteris vel tor-

Gesta Henrici comitis de Derby.

pentibus, vel ignorantibus posuerunt. Captaque sunt ibi vel occisa quatuor millia plebanorum, fratre regis de Poleyn inter ceteros ibi perempto, qui aduersarius nostri fuit. Obsessumque fuit castrum dictæ ciuitatis per quinque hebdomadas, sed propter infirmitates quibus vexabatur exercitus, magistri de Le Pruys & de Lifland noluerunt diutius expectare. Facti sunt Christiani de gente de Lettow. viii. Et magister de Lifland duxit secum in suam patriam tria millia captiuorum. Transit annus iste verna-
Annalis cōclusio. opes reddens fraudulenter, quia nec copiam fructuum protulit, neque frugum, quā-
 obrem sequens annus multo difficilior existerat. Odibilis erat hic annus non solum Romanis Romanæque curiæ, sed Anglicis infinitis, qui curiam propter prouision-
 es & beneficia sequebantur; suspectus prelatis & religiosis, quia metuebant cen-
 10 suras vel interdictum regni futurum, propter statutum præmissum, factum cōtra Ro-
 manam ecclesiam, quanquam ipsi prælati parliamentum tunc exiuerunt, & protesta-
 ti fuerint se nihil commune sentire cum illis in hac parte qui statutum illud propone-
 re voluerunt.

*Aduentum nun-
 cii regis Fran-
 ciæ.*

Anno gratiæ millesimo, trecentesimo nonagesimo primo (qui est annus regni regis Richardi à conquestu secundi quartus decimus) fuit rex ad natale cum Anna re-
 gina. Camberlanus regis Franciæ missus à rege suo, Francorumque proceribus, venit
 in Angliam, proferens pacem desiderabilem, & diutissime concupitam. Post cuius
 recessum missi sunt in Franciam de nostris quidam, vt rei veritatem certius explora-
 rent. Qui à rege Franciæ cum honore suscepti, cum magnis muneribus sunt dimissi.
 20 Asserebant siquidem Gallici, se peroptime nosse fore insufficientes ad regnum An-
 gliæ deuincendum, & Anglicos nullatenus fore tam fortes vt Franciam subiugarent,
 & in talibus inutilibus expeditionibus vtrumque regnum fore multipliciter oneran-
 dum. Quapropter dicunt se velle omnino dimittere, nec vltius attemptare, quod
 constat eos nullatenus posse perducere ad effectum, & altercationibus vanis & da-
 mnosis postpositis, velle modis omnibus pacem querere, pacem petere, pacem tene-
 re, nisi per Anglicos steterat, quo minus tantis commodis perfruantur, vt ergo pax
 stabilior, conditio firmior, tractatus honoratior habeatur, rex Franciæ tam per suos,
 quam per nostros petiit à rege nostro colloquium personale, quod iuxta Calesiam
 fieri postulauit. Rex autem Angliæ, licet multis suspectus foret omnis tractatus Fran-
 30 corum, illuc proficisci decreuit. Et quia sublimis & honorabilis ibi apparere debuit,
 misit per singulas regni Abbathias pro equis nobilibus, quales regem decuit infide-
 re. Misit insuper ad eadem loca (ne minus viderentur equos dedisse regi suo) pro ma-
 gnis summis pecuniæ sibi mutuo concedendis; ne pacis negotium per religiosos im-
 pediri videretur, si sibi quod rex ab illis petiit negaretur. Vt autem de aliis taceam, de
 monasterio sancti Albani equum habuit precii viginti quatuor marcarum, & nihilo-
 minus ab Abbate petiit mutuo quingentas marcas. Quam summam quia pro tunc
 impossibile fuerat persoluisse, Dux Lancastriæ Iohannes charitatis intuitu promisit
 thesaurariis se regi velle satisfacere pro eisdem: ita duntaxat, vt Abbatem sancti Alba-
 ni quierum redderent in hac parte. Dederat nempe regi mutuo, quinque millia li-
 40 brarum parum ante, & ideo factus est audacior in nostra intercessione. Nec minus
 pepercit rex ciuitatibus regni siue burgis, qui à singulis peteret in hoc negotium sin-
 gulas summas, & acciperet, quamuis plurimi murmurarent. Sub eisdem diebus de
 consensu regis, regisque consilii proclamatio facta fuit Londoniis, vt omnes benefi-
 ciati existentes in Romana curia, redirent in Angliam citra festum sancti Nicholai,
 sub pœna perditionis omnium beneficiorum suorum: & nondum beneficiati, redi-
 rent per idem tempus sub pœna forisfacturæ. Anglici audito tanto tonitruo, in remo-
 tis metuentes ictum, deferra curia fugiunt ad natale solum. Papa vero tanto sonitu
 conturbato, mittit nuncium sub celeritate quendam Abbatem, videlicet qui causas
 exploret harum rerum omnium, simul & statuti parliamentalis nuper æditi, de proui-
 50 foribus contra consuetudinem ecclesiæ Romanæ. Adueniens dictus Abbas, saluta-
 uit regem ex parte Papæ, commendans regis deuotionem, & suorum prædecesso-
 rum erga ecclesiam, eo quod semper veris summis pontificibus adhæserunt. Deinde
 subintulit quod Papa percepto per literas regis, quod statuta sic edita fuerant, mira-
 batur, & vt bonus pastor salutem animarum desiderans, sæpius admonuerat & obte-
 status fuerat statuarios vt huiusmodi statuta de medio tollerent, in quantum læde-
 bant ecclesiasticam libertatem. Dixit etiam quod Papa non intendit minuere coro-
 nam regis, nec tollere, quin statuta condere valeat, (non facientia contra ecclesiasti-
 cam libertatem) quin immo paratus est conseruare (pro posse) regis honorem, prout
 ad hoc

*Renotatio An-
 glicorum à curia
 Romana.*

*Legatio Bonifa-
 cii 9. ad regem
 Richardum.*

ad hoc se cognoscit multipliciter obligatum. Dixit etiam dictus nuncius, quod Papa diutius expectans non sensit obtemperatum fuisse suis monitis, & tamen nihil innouando nec processus aliquos faciendo, expressit quæ iura statuunt contra statuentes contra ecclesiasticam libertatem, & propulsatus à pluribus pronunciauit illa irrita fore in quantum faciunt contra ecclesiasticam libertatem. Et quia Papa, si non sensit statuentium animas immutari, cum magna mētis amaritudine intelligens hæc in denigrationem famæ regiæ redundare, misit prædictum nūcium, per quem exhortatur, rogat, & requirit, quod rex statuta illa tolli & de capitularibus faciat aboleri: maxime statuta. Quare impedit, & præmunire facies, & his similia. Et Papa offert,

10 quod si statuarii velint cōqueri de aliquo, si mittant ad Papam legatos, erit promptus quantum cum Deo poterit, regi & regno complacere. Et si statuentes non tollant. &c. saluo honore Ecclesiæ, & animarum salute, non potest illa dissimulare. Item dominus Papa significat regi per prædictum nuncium, qualiter rex Franciæ & Antipapa pacta inierunt, hinc inde videlicet, q̄ idem rex per fortitudinem ducē Burgundiæ expellet, & inuestiet ducem Turoniæ de omnibus terris ecclesiæ in partibus Italiæ, & quendam alium promisit coronare regem Tusciæ & Lumbardiæ, & ducem Andexaciæ firmare in regno Siciliæ. Quare Papa exhortatur & rogat, quod rex ad defensionem fidei & Sanctę matris ecclesiæ se exponat. Item Papa exponit pericula, si

20 Antipapa & Rex Franciæ præualerent, quantumque Papæ Gallici iura regni Angliæ conati sunt deprimere. Et si Gallici vsurparent imperium, consequentur totum mundum, & sic finaliter Angliam vsurparent. Ideo Papa consulit quod rex Angliæ videat & provideat de remedio opportuno. Item Papa significat, quod Gallici tractabūt cum Anglicis, vt concordia inita possent liberius vsurpare præmissa, & vt subtiliter (fractis tandem conuentionibus) possint Angliam finaliter vsurpare: quare papa suadet quod cum sint schismatici, ex nulla alia causa communicatio sit cum eis, nisi pro reducendo eos ad fidem & obedientiam debitam. Item in casu quo tractatur de pace cum Gallicis, Papa hortatur & rogat, quod nulla fiat consensus nisi pactio roboretur pœnis vallata, quod rex Franciæ non mittet gentes in Italiam, nec permittet suos subiectos illic ire occasione præmissa, & de factis Romanæ ecclesiæ, & Romani imperii, vel

30 Italiæ, nullatenus intromittere, & quod non fauebit Antipapę in partibus Italiæ, sub pœnis apposis, alias pax intelligatur esse fracta. Item Papa desiderat, quod rex Anglię mittat Legatos ad imperatorem, vt pro honore ecclesiæ & imperialis dignitatis, concurrat cum rege Angliæ in præmissis. Item quia dicitur quod gentes paratę sint ad inuadendum, vt supra, Papa exhortatur, & rogat vt ad defensionem ipsius, rex Angliæ præstet subsidium, cum aliis subuenire volentibus, ad resistantiam Gallicorum. Ex præmissis patet quantæ reuerentię, quanti nominis rex noster pro tunc fuerit, cuius ope potissimum Papa se sperabat posse protegi & defendi. Rex noster vt filius obediētię, auditis præmissis, & conceptis sensibilibiter, subuenire decreuit & parere singulis, quo expediebant maxime vel licebant. Iussit ergo Papali nuncio vt expectaret

40 parliamentum futurum, in quo de communi consilio responsum de singulis sibi daretur. Expectauit igitur non inuitus, eo quod liberalitatem perante lenserat Anglicorum.

Eodē tempore Dux Glouerniæ, dominus Thomas de Wodstocke, multis mœrentibus iter apparauit versus le Spruys, quem non Londinensium gemitus, non cōmunis vulgi mœror retinere poterant, quin omnino proficisci vellet. Nam plebs cōmunis tam vrbana quam rustica metuebat, quod eo absente aliquod nouum detrimentum succresceret, quo præsentē, nihil tale timebant, siquidē in eo spes & solatium totius patriæ reposita videbantur. Ipse vero mox vt fines patriæ suæ transiit illico, aduersa agitata fortuna, nunc hac, nunc illac turbinibus procellosis circumfertur, & in

50 tantum destituitur, vt de vita etiam desperaret. Tandem post Daciam, post Norwagiam, post Scoticam barbariem non sine mortis pauore transcursum, peruenit Northumbriam, & ad castellum se cōtulit de Tynnemutha, velut asylum antiquitus notū sibi, vbi per aliquot dies recreatus, iter assumpsit versus manerium suum de Plashey, magnum apportans gaudium toti regno, tam de eius euasione, quam de aduentu suo.

Hoc anno in ætate. 7. idus Iulii sol apparuit rubeus, per nebulas spissas, fœtidas interpositas, & quasi nihil præstans luminis à meridie vsque ad occasum. Et expost fere per sex hebdomadas nebula superabundabant temporibus meridianis. Quædam vero per totum diem & noctem durabant, nullatenus euanescentes. Eo tempore mortalitas tanta succreuit in Northfolchia, & multis aliis comitatibus, vt non impar

magnis

*Dux Glouerniæ
iter arripuit, sed
infructum.*

Mortalitas.

magnis pestilentiis censeretur. Siquidem ut de aliis ciuitatibus & villis taceam, apud Eboracum infra breue tempus vndecim millia cadauerum sunt elata. Eodem anno dominus Henricus Percy, comes Northumbriæ reuocatus est de Calesia, & factus est custos marchię Scotiæ, & dominus Robertus Moumbray factus est custos Calesiæ.

Parliamentum
Londini.

Sub eisdem diebus, scilicet feria sexta proxima sequente commemorationem animarum, inceptum est parliamentum Londoniis, in quo tractatum est de Papali negotio, quoad statutum nuper editum contra prouisores, & quanquam rex ipse & dux Lancastriæ viderentur. Papæ deferre, tamen milites parlamentales nullo modo cōsentire voluerunt ut liceret Romipetis impune acquirere ibi beneficia sicut prius, 10 sed ne viderentur nullum honorem Papæ, vel regi detulisse, hoc tollerauerunt, ut per regis gratiam liceret eis acquirere vsque ad parliamentum futurum. In hoc parlamento concessa fuit regi dimidia decima, & dimidia quintadecima, quæ pecunia deferuaret tractatui habendo pro pace cum Gallicis, quem tractatum dux Lancastriæ profecturus erat. Concessa est ipsi regi conditionaliter plena decima, & integra quintadecima, si videlicet ipso anno moueret expeditionem aduersus Scotos: & hic 20 finis & fructus parlamenti prædicti. Transiit annus iste pauperibus & mediocribus multum durus & difficilis, propter caritatem iam biennio continuatam, vnde contigit ut veniente tempore nucum, pomorum, & cæterorū huiuscemodi fructuum, plures pauperes de eorum esu percepta dissenteria morentur. Fuisseque validior pestis ex fame, si non laudabilis diligentia Maioris Londoniarum communibus subuenisset. Qui iugi animo id prouidit, ut semper de transmarinis partibus frumenta Londonias deportarentur, alias sine dubio nec patria ciuitati, nec ciuitas patriæ suffecisset. Autumnali tempore veniente,

Annalis ecclesiæ.

Rus gaudens vario fundit munuscula sætu,

Cum bene vernaies reddit & annus opes:

Cæpitque minorari precium frumentorum. Fuitque præsens annus multis in locis (ut prædicitur) pestilentialis: Angliæ & Franciæ quietus à bellis: sed Romanæ curiæ propter Anglorum reuocationem, & statutorum indurationem odibilis & inuisus.

De Delphina.

Anno gratiæ M. ccc. xcii. qui est annus regni regis Richardi à conquestu secundi quintus decimus, tenuit rex natale magnificum cum Anna regina & quatuor 30 Episcopis, & tot comitibus, & vno duce, videlicet Eboraci, multisque proceribus, & quindecim dominabus apud Langley iuxta sanctum Albanum. Ipso die natalis Delphin de mari veniens, lussit Londoniis in Tamesia, perueniens vsque ad pontem, prælagiens fortassis tempestates, quæ mox infra hebdomadam sequebantur. Qui à ciuibus visus & insecutus, sed difficulter interceptus, reuectus est Londonias, multis præbens spectaculum de sui corporis vastitate, nempe qui habuit in longitudine decem pedes. Sunt autem Delphines marinæ belluæ, quæ voces hominum sequuntur, & gaudent cantibus tibiarum, & ad symphoniam solent gregatim aduenire. Hi quando præludunt in fluctibus saltu præcipiti, tempestates præsignant. Quibus nihil velo- 40 cius, nihil agilius continent maria. Nam plerunque salientes transuolant vela nauium. Cum coeunt coniuges euagantur: Catulos edunt. Decimus mensis mensuram partus facit, partum æstiuus dies soluit, vberibus foetus alunt teneros, & iuuenes in faucibus receptant: circa inualidos sollicitantur: vsque ad tricesimum annum viuunt: quod exploratum est in experimentum caudis amputatis. Ora habent loco quo ceteræ belluæ, sed in ventribus contra naturam aquatiliū soli linguas suas mouent, aculeatæ sunt pinnae dorsuales, cum irascuntur inhorrescunt pinnae, cum animi conquieverint quibusdam receptaculis operiuntur. Spirare eos in aquis negant, sed vitales auras non nisi in aere supero spirare dicunt: pro voce gemitus est illis similis humano, certum hoc vocabulum. Quo accepto vocantes sequuntur: nam proprie Simo- 50 nes vocantur, voces hominum cum ventus est in Aquilone celerius audiunt. E contra flante Austro, auditus illorum obstruuntur. Sub Augusto Cæsare puer quidam, primo fragmentis panis Delphinum allexit, & in tantum consuetudo valuit, ut ad manum pueri alendus veniret, mox puerilis audacia in tantum prorupit, ut super dorsum eius ascenderet, & puerum Delphinus per aquarum magna spacia vectitaret. Hoc tamen diu gestum est per annos plurimos, donec assiduo spectaculo desineret esse miraculū. Sed mox ut puer obiit sub multorum oculis, desiderii mœrore Delphinus interiit. Apud Hipponem in Affrica Delphinus à ciuibus pastus est, qui & se manibus tractandum præbuit, & multos dorso impositos frequenter gestauit. Apud Iassum urbem Babylonie

byloniæ Delphinus puerum adamauit. Quem dum post assueta colludia impacientius sequitur recedentem, à renis inuēctus hæsit, vbi & mortuus est. Alium puerum similiter insidentem dorsum Delphini cum vndosior fluctus necauisset, Delphinus ad terram reuexit, & velut fateretur reatum, pœnitentiam suam morte multauit, nec reuerti voluit amplius in profunda. Hæc de natura delphinorum curauimus istic inferere, vt delectet quos latuit, & quos non latuit non fastidiat.

Hoc anno Iohannes Dux Lancastriæ transfretauit in Franciam, ad colloquium regis Franciæ, tractaturus de pace finali, quam rex Franciæ summopere affectauit, missus illuc videlicet per regem Angliæ, totumque regni consilium, pro negotio memorato. Cuius aduentui rex Franciæ non minora parari fecit, quam pro aduentu imperatoris cuiusque maximi prouidisset. Nempe suis sumptibus suscepit eum, & Episcopum Dunelmensem, cum pene mille equis, & exhibuit à Calesia vsque dum perueniret ad ciuitatem Ambianensem, nemine de ducis vel pontificis familia sollicitante de quibuslibet victualibus prouidendis, Regis Franciæ prouisoribus & ministris cuncta comportantibus ad manus famulorum ducis, & præsulis, quæ necessaria videbantur. Cumque ad regis præsentiam dux accessisset, Rex eum ultra quam credi potest honorauit, & gloriabundus semetipsum extulit: quod colloquio ducis sapientissimi, honorabilissimi, atque potentissimi eum perfrui contigisset. Occurrerunt Ambianis iussu regis ea vice duces illius regni, Comites & barones ad deliberandum de tractatu & de pace componendum, vt quo abundantior adesset in tractatu nobilium numerus, tanto rei felicius esset effectus. Tandem finito tractatu, Dux rediit Angliam, treugas vnus anni reportans, vt per idem tempus deliberaret regni Angliæ collecta potestas, vtrum expediret paci finali manus dare potius, quam negotia dubia belli tractare. Idcirco Stanfordiam accessere vocati non solum regni domini, sed & de qualibet ciuitate quidam, prout ad parlamenta solent accedere, deliberaturi de tanto negotio quod agendum, sed tamen nihil profuit ea vice tanta collectio, præterquam quod treugas susceperunt per anni circulum duraturas, ad quas seruandas inuiolabiliter vterque rex scilicet Franciæ, corporale præstitit sacramentum: Seneschallo Franciæ, huc accedente ad capiendum regium iuramentum, & quibusdam de nostris militibus destinatis in Franciam ad idem exigendum de rege: quod & factum est.

Eo tempore venit in Angliam dux Gelriæ, cognatus regis, vir clarissimus, Angliæ vnus in militia, Anglis honorabilis, & Francis formidabilis, qui strenue Francorum superbos motus compresserat in terra sua. Hic magna animositate qua viguit, consulit regi nostro, ne pacem cum Francis aut Scotis faceret, nisi quam deceret regiam maiestatem, promittens se paratum fore in auxilium regis (siue in Franciam transfretaret, siue in Scotiam arma moueret) cum nobiliori militia terræ suæ, quam obrem à rege multipliciter honoratus, laudatus, muneribusque donatus, ac ducibus Lancastriæ & Glouerniæ regnique nobilitate pari modo respectus, cum fauore cunctorum permixtus est ad propria remeare. Eodē tempore, (sed non eodē anno) venit in terram istam comes de Ostrians tanquam amicus, pacisque mediator inter regna, qui sarcinatus donis variis cito recessit. Hoc anno rex Mauritaniæ intrauit terras magni Catayæ, & non modicam stragem fecit ibidem, & non multo post intrauit terras regis Hungariæ, sed ibi repperit obstaculum exercitæ militiæ, rege viuaciter eum cum suis omnibus repellente. Circa dies istos dominus Papa Bonifacius nonus, ordinauit nouum festum, celebrandum in Ecclesia, de salutatione beatæ Mariæ, qua salutauit Elizabeth cognatam suam, componens lectiones & historiam competentem, plenam misteriiis, refertam indulgentiis, excitatiuam deuotionis. Nam & pares indulgit remissiones interessentibus diuinis illis officiis, in vigilia, & in die, ac infra octauas, & in octauis, indulgentiis festo corporis Christi præconcessis per Urbanum quartum. Voluitque hunc diem haberi celebrem septimo Calend. Iulii, id est in crastino festi natiuitatis sancti Iohannis Baptistæ, quia eo tempore sancta Maria mansit cum Elizabeth & ministravit ei. Sub eodem tempore misit rex ad ciues Lōdoniarum petens ab eis mutuo mille libras, cui procaciter & ultra quam decuit restiterunt. Sed & quendam Lombardum volentem accommodare regi dictam summā male tractauerunt, verberauerunt & paulominus occiderunt. Quæ cum rex audisset, iratus est valde, & conuocans omnes regni pene maiores, apperit proteruiam ciuium Londoniarum, & de præsumptione conqueritur eorundem. Qui omnes infesti ciuibus propter diuersas causas, consulunt vt reprimatur citius eorum insolentia, & superbia

De transfretatione ducis Lancastriæ, & magnifica eius susceptione per regem Franciæ.

Aduentus ducis Gelriæ.

Aduentus comitis de Ostrians, Nouum festum Mariæ & Elizabethæ.

De transgressione Londinensium contra regem.

perbia destruat. Erant quippe tunc inter omnes fere nationes gentium elatissimi, arrogantissimi, & auarissimi, ac male creduli in Deum & traditiones auitas, Lolardorum sustentatores, religionum detractores, decimarum detentores, & communis vulgi depauperatores. In tantumque excreuit eorum supercilium, ut auderent leges condere, quibus aduentantes de circumiacentibus villis, vel prouinciis, contra rationem omnem humanam, Deum, & iusticiam, molestant, grauarent & fatigarent. Præterea eorum inhumanitatem, sileo rapacitatem, reticeo infidelitatem, transeo malignitatem, quam indiscipline in aduentantes populos exercuerunt. Qui si vellem cuncta describere quæ perpetraverunt hoc tempore, volumen credo maximum conficeret. Obiecta sunt eis igitur quæ contra regem fecerant, & suæ maiestatis notoriam læsionem, obiecta sunt quæ in prouinciales commiserant ad regis ac dominorum regni que populi detrimentum: quæ si vellent inficiari præsto erant accusatores à patria, qui sacramento suo eorum probare cuperent acta praua. Londonienses ergo in medio miseriarum subito constituti, & velut versati inter cudem & malleum, cum non esset locus excusationis, decreuerunt se potius submittere regis gratiæ, quam succumbere veridicto vel iudicio duodenæ. Regis ergo iudicio arrestatus est Maior Londoniarum, & vicecomites, cum quibusdam de maioribus, cæteris domum redire permittis. Maior autem missus est ad Castellum de Windeshores, cæteri ad diuersa castella destinata sunt, sub arcta custodia conseruandi, donec rex cum consilio deliberasset quid faceret de eisdem. Ibiq; decretum est, ne de cætero, Londonienses Maiorem eligerent vel haberent, sed rex de suis militibus prouideret aliquem qui rector foret, & custos ciuitatis vocaretur, & esset (quem alio nomine vocamus vulgariter Gardianum) ibi subsequenter: & eorum sunt priuilegia reuocata, libertates annullatæ, & leges quas vel condiderant, vel à diebus habuerant abrogatæ. Tunc primo Rex constituit custodem ciuitatis, abrogato Maioris vocabulo, quendam militem dictum Edwardum de Dalyngrygge, qui & ciues regeret, & iusticiæ cunctorum æque prospiceret: sed is cito fuit per regem depositus, quia conuictus est ciuibus fecisse iuramentum, vel de eorum consuetudinibus defendendis, vel certe pro posse suo, subtiliter reuocandis. Fuerunt qui dicerent eum ex industria hoc fecisse, plusq; regis commodo quam ciuium in hac parte prospexisse. Quod cum regi fuisset cognitum, pœnituit cum militem beneuolum sic tractasse. Nihilominus rex & alium militem loco suo constituit nomine Baldewinum de Radyngton, virum certe prouidum & discretum, qui sciret delinire mœrorem ciuium, & eorum mentes erigere ad spem bonam. Nam ciues præ tristitia contabuerant & dolore.

Londonienses submittunt se regis gratiæ. Maior & vicecomites arrestantur.

Londonienses ad Wyndesore vocantur.

Interea multis mediantibus (sed præcipue duce Glouerniensi insistente) rex factus animi æquioris paulatim discedit à sui rigore propositi, reducens ante mentis oculos honores varios, quos per Londonienses acceperat, & magnifica dona per eos præstita: unde decernit mitius cum eis agere, & eos ad spem aliquis gratiæ reuocare. Mittit nempe mandans Londoniensibus, ut ad castellum de Wyndesore conueniant, demonstraturi priuilegia, libertates ac iura ciuitatis noua & vetera coram eo, consilio quoque suo, ut ibi decerneret quæ seruanda forent in ciuitate, vel quæ penitus abolenda. Quibus ostensis, quædam ratificata, quædam permittis, quædam damnata fuisse, Maioris tamen nec personam, nec dignitatem ea vice recuperare, neq; plenam regis gratiam, donec satisfecissent regi de damnis & iniuriis quæ vel sibi, vel regis plebi antea intulissent. Equidem ea vice conuenit inter regem, & dominos ne eorum satisfactionem acceptaret, nec cum eis quouismodo componeret sine consilio dominorum. Nempe rex cum primo contra eos incanduisset (propter causas quas supra notauimus) meditatus est exercitum congregasse, & in ciuitatem irruisse cum impetu, & ciues de sub cælo deleuisse. Quod tamen propositum ducis Lancastriæ oratione mutatum est, qui censuit eos (ut præmittitur) euocandos, & (ut præfertur) castigandos, vel (si obstinati fuissent) tunc iuxta regis propositum obsidendos, & de terra viuientium disperdendos. Rex autem in hac collectione apud Wyndesore, dominos temporales regni cunctos, & Episcopos pene omnes, nec non exercitum talem contraxerat, qui merito terrori Londoniensium posset esse. In quos omnes incredibiles fecit expensas, pro quibus certum erat Londonienses soluturos. Ipsi vero non ignorantes quod horum finis esset expositio argenti & auri, submiserunt se & sua regi, voluntariæ ei decem millia librarum vadiantes, dimissi tamen sunt domum redire, incerti quid soluerent, donec regis consilium & formam satisfaciendi, & summam soluendi definisset. Cumq; & ciues regressi fuissent: & procures qui cum rege fuerant, ac reli-

reliquus populus ad propria remeassent, Rex audiens Londinenses in tristitia constitutos, & mente lapsos, ait suis: Vadam inquit Londonias, & consolabor ciues, nec patiar eos vltra de mea gratia desperare. Quæ sententia mox vt cognita fuit in ciuitate, incredibili iocunditate repleuit omnes, vnde omnes & singuli ei generaliter statuerunt occurrere, & non minores expensas facere in xeniis, & donatiuis quam fecerant in eius coronatione. Rex igitur vt venit Londonias, tanta gloria, tanta pompa, tanta varietate diuersorum apparatusum est susceptus, quanta suscipi regem aliquem triumphantem decuisset. Nam equos & phaleras, tabulas aureas & argenteas, pannos aureos & holosericos; pelues & lauatoria de fuluo metallo, aurum in pecunia, gemas & monilia, tam ditia, tam nobilia, tam speciosa donauerunt eidem, vt cunctorum valor & precium, non posset facile æstimari. Sicque recuperauerunt ciues consuetudines & libertates antiquas, quæ saltem ciuitati possent esse fulcumento, nec extraneis detrimento. Indultumq; fuit eisdem, vt Maiorem possent eligere sicut prius. Credebant autem Londonienses quod per hæc dona domigerium euassissent, & in posterum quieti fuissent: sed fefellit eos eorum opinio, qui coacti sunt expost soluere regi decem millia librarum, de communitate collecta in amaritudine mentis magna: proceres vero regni qui regis consilio interfuerant, audientes quod rex contra pactum indulsisset Londoniensibus, offensi sunt valde inter se, regis leuitatem & inconstantiam condemnantes. Nemo tamen palam regem redarguit de præmissis. Finemque cepit turba ciuium isto modo, quam Delphinus præludens in thamisi Die natalis domini vltimo præterito, forsan signauit eminus affuturam.

Eodem tempore, cum dux Glouerniæ recepisset pecuniam stipendiariam eundem cum exercitu in Hiberniam (cuius insulæ rex dudum creauerat eum ducem, & iam paratus & instructus esset ad proficiscendum, sine causa subito reuocatus est, ad magnum tam Angliæ quam Hiberniæ detrimentum, nam aduentus eius fama cognita, cuncti pene reguli Hibernienses se ei deliberauerant submisisse, sed præualuit penes regem malignorum consilium, quod tamen (proh dolor) commodum impediuit. Hoc anno rex Franciæ (vt fertur) maleficatus incurrit amentiam, & freneticus est effectus, dum expeditionem moueret contra ducem Britanniæ, vt dicitur minus iustam: perdurauitque in eo hæc infirmitas quam diu durauit calor æstiuus: hyemali tempore mitigabatur passio, & ipse redditus suo sensui videbatur: nunquam tamen tam plene conualuit, quin expost semper eo anni tempore, quo prius incurrerat istud incommodum destitueretur sensu suo. Eodem anno Robertus de Veer quondam comes Exoniæ, qui per multos gradus saltauerat ad nomen ducatus Hiberniæ, in Londonia diem clausit extremum in mentis angustia rerumque penuria miseranda. Qui equidem iuuenis aptus fuerat ad cuncta probitatis officia, si in pueritia non defuit ei disciplina.

Anno domini millesimo trecentesimo nonagesimo tertio, post natale factum fuit parliamentum Wintoniæ in quo concessum fuit regi per clerum dimidia decima, & dimidia quintadecima per communes, pro expensis ducum Lancastriæ & Glouerniæ, qui fuerant profecturi in Franciam ad tractandum de pacis negotio inter regna. Eo tempore rex Franciæ dum tripudiaret in aula sua cum quatuor militibus de familia, & esset diffiguratus in Siluestrem hominem, habens strictum vestimentum resina piceque linitum, vt lini stuppa quæ fixa fuerat in veste stricta, hæreret tenacius, & representaret euidentius, fuisset repente in cineres combustus, nisi gratia affuisset dolo fratris sui ducis, qui à tempore suæ infirmitatis aspirauit ad regnum: nempe rege cum sociis ducente choream, quidam ad hoc subrogatus, inclinato torticio, submisit ignem in stuppa, inusto quo, corpora eorum fuere exterius cooperta, qui ardens vsque ad vestimentum quod strictum & consutum erat corpori, vbi inuenit materiam picis & resinæ inextinguibiliter arsit vsque ad corpus: videns tamen periculum quædam domina, accurrit & regem rapuit de chorea. Rex vero hoc modo saluatus fuit. Sed quatuor socii eius nullo ingenio potuere saluari donec semiustis pellibus atque carnibus expirassent. Hoc anno Bancus regius & Cancellaria translata sunt de Londoniis Eboracum, vel odio Londoniensem (vt fertur) vel fauore Eboracensem, eo quod Cancellarius, qui fuit Archiepiscopus Eborac. cuperet profectum ciuitatis suæ. Sed non longo tempore durauit hæc nouitas, quia ea facilitate qua transportabantur Eboracum, eadem Londoniis reportabantur. Isto quoq; anno dominus Albertus de Veer, factus est comes Exoniæ. Eodem anno in festo Cathedræ S. Petri obiit subito Iohannes de Enros miles, Cõstabularius Doueriæ, & regis Seneschallus, cui successit in

Gg offi-

*Præfatus insula
Man coronatur.*

officiū Seneschalli, dominus Thomas Percy (qui fuerat prius Subcamerari⁹ regis:) in constabulatum Doueriæ, dominus Thomas de Beaumont successit: & dominus Wilhelmus Scrop subcamerarius, vir quo in humano genere de facili non inueniretur nequior aut crudelior. Circa præsens tempus, idem Wilhelmus Scrop emit de domino Wilhelmo de Monte acuto comite de Sarum, insulam Euboniæ, cum corona. Nempe dominus huius insulæ rex vocatur, cui etiam fas est corona aurea coronari, hæc insula vocatur in vulgari, insula de Man, quæ inter Angliam & Hiberniam situatur. Hoc anno duces Lancastriæ & Glouerniæ transfretarunt in Franciam, pro fine faciendo treugarum prælocutarum, vel pacis finalis inter regna. Sed tamen nondum finis, quia rege Franciæ iterum infirmato non potuit finis esse.

Aquarum inundatio.

Per idem tempus dominus Henricus Percy iunior constitutus est custos Burdegaliæ. Mense Septembris fulgura, choruſcationes, & tonitrua in multis regni partibus multa damna fecere, sed præcipue in comitatu Cantebrigiæ, vbi domos & blada iuxta Lolleworth, & in ipsa villa terribiliter cremauerunt. Aquarum etiam inundantia non multo post irruit, quæ apud Bury aream impleuit ecclesiæ, & apud Newmarket domorum parietes diruit, & viris illic ac mulieribus pene periculum demerſionis intulit, mense Octobri. Eodem anno multi moriebantur in Eſſſexia ingruente peſtilentia, mense Septembri. Ipſo anno dominium villæ de Cherburgh reuolutum est ad priſtinum poſſeſſorem, regem Nauarriæ, quod oppignoratum fuerat regi Angliæ per certos annos, pro viginti duobus millibus marcarum de rege Angliæ mutuo ſuſceptarum. Eodem anno dominus Thomas de Roos dum reuerteretur à terra Sancta, in Insula de Cypro ciuitate Papho, tactus aeris regionis incommodo, diem clauſit extremum.

*Parlamentum
Londini.*

Anno domini M. CCC. XCIII. (qui est annus regni regis Richardi à conqueſtu ſecundi. 17.) Morettus de Turcia, vallauit obſidione ciuitatem Conſtantinopolitanam, ſed obſeſſorum probitate reſuſus eſt. In octa. S. Hillarii factum fuit Parlamentum Londoniis, in quo petiſum fuit regi ſubſidium, volenti in Hiberniam proficiſci, vbi Clerus conceſſit ei plenam decimam ſi transfretaret, ſi vero non laboraret, medietatem tantum decimæ conceſſit eidem. Tempore iſtius parlamenti ſuborta eſt grandis diſcordia inter Ducem Lancastriæ, & Comitem Arundeliæ: Impoſuit nempe dux comiti, quod circa feſtum Exaltationis Sanctæ Crucis, iacuerit cum armatu manu in partibus Ceſtriæ, id eſt, in caſtello ſuo de Holte, eo tempore quo patria illa inſurrexerit contra eum, Ducibus Nicholao de Clifton, ſuiſque complicitibus in ſubſidium rebellantium vt putauit. Quod comes negauit expreſſe, & ſe ſatis euidenter excuſauit, ſicque pro tempore tempeſtas magna ceſſauit.

Circa feſtum ſancti Iohannis Baptiſtæ rediit è Francia dux Lancastriæ, qui profectus ad tractatum fuerat mense Maio, reportans quatuor annorum treugas, in quibus & Scoti comprehendendi debebant, ſi vellent ſubiici regi Anglorum, vt de iure ſolebant. Dum Dux agebat in Galliis (vt præfertur) obiit in Anglia coniux ſua domina Conſtantia, domini Petri quondam Regis Caſtellæ filia, mulier ſuper fæminas innocens & deuota. Et ne ſola venirent funera lamentanda eo tempore, conceſſit in fata Maria comitiſſa de Derby, vxor domini Henrici comitis de Derby, filii ducis Lancastriæ ſupradiſti. Obiit quoque Anna regina, quæ apud Weſtmonaſt. eſt ſepulta, cuius exequiæ quanto celebriores fuerunt in expenſis, tanto notabiliore infamiis: quia rex polluit locum ſanguine comitis Arundeliæ in principio officii funeralis. Eodem anno obiit domina Iſabella duciſſa Eborac. ſoror vterina duciſſæ Lãcaſtriæ, mulier mollis & delicata, ſed in fine (vt fertur) ſatis pœnitens & conuerſa. Hæc ſepulta eſt iuſſu regis apud Langley ſuum manerium, inter fratres. Hoc anno etiam obiit ille toto mundo miles notiſſimus I. Haukewood, cuius geſta tractatum exigunt ſpeciale. Circa menſem Auguſti proclamatum eſt per totam Angliam, vt omnes Hibernici redirent ad terram propriam, contra feſtum natiuitatis beatæ Mariæ, præſtolaturi in Hibernia aduentum regis, ſub pœna capitali: dicebatur nempe quod venerat in Angliã ſpelucris, tanta multitudo Hibernicorum, vt terra illa viris pene vacuaretur. Vnde contigit quod meri Hibernici, Anglicorum aduerſarii, partem inſulæ quæ paruerat regi Angliæ vaſtauerunt, nemine reſiſtente. Cum vero Rex Angliæ illuſtriſſ. Edwardus tertius à conqueſtu illic poſuiſſet bancum ſuum, atque iudices cum Scaccario, percepit annuatim ad regalem fiſcum triginta millia librarum de terra illa. Et modo propter abſentiam perſonarum, & hoſtium potentiã irrefrenatam, nihil inde venit, ſed per ſingulos annos de ſuo maſſupio ſoluit triginta millia marcarum, ad ſui dedecus,

dedecus, & cistæ detrimentum grauiſſimum. Circa feſtum natiuitatis ſanctæ Mariæ, Rex Anglię transfretauit in Hiberniam, & cum eo dux Glouerniæ, comiteſque Marchiæ, Nottinghamiæ, & Ruthlandiæ. Hibernici de tanto apparatu territi, quia palam non audebant occurrere, clandestinis irruptionibus frequenter regis exercitum fatigarunt. Coacti tamen (Anglicis prævalentibus) ſe regi ſubmittere plures reguli illius terræ, quorum quodaſ rex ſecum derinuit, ne noua aliqua molirentur: morabatur autem rex in Hibernia uſque poſt Paſcha.

Per idem tempus venerunt ad eum de Anglia Archiepiſcopus Eboracenſis, & Epicoſopus Londinenſis, cum aliis nunciis miſſis per clerum, ut quamcito in patriam remeare dignaretur, ad ſuccurrendum fidei & Eccleſiæ, quæ iam per Lolardos, & eorum fautores incredibiliter affligebatur. Nam ad hoc vacabant ſolummodo, ut imaginaretur qualiter totius Eccleſiæ poſſeſſiones tollerent, & quod peius fuit, cunctas canonicas deſtruerent ſanctiones. Hiſ auditis rex inflammatus diuino ſpiritu, quamcito potuit in Angliam eſt reuerſus, arbitrans magis neceſſarium fidei periclitati ſuccurrere, quam circa regna temporalia decertare.

Anno domini M. CCC. XCV. (qui eſt annus regni regis Richardi à conqueſtu ſecundi. 18. rex tenuit natale in ciuitate Dubliniæ, Hiberniæ Metropoli. & poſt natale fecit parliamentum ibidem, ad quod conuenerunt tam ligei, quam illi qui dudum ſubmiſerant ſe eidem. Eo tempore poſt octa. Epiphaniæ vocante cuſtode regni Angliæ, domino Edmundo regis patruo, Duce Eborac. factum eſt parliamentum Londoniis, ad quod acceſſit (miſſus de Hibernia) dux Glouerniæ, qui coram cunctis expoſuit regis neceſſitatem, qui iam exhauit theſauri ſui inter Hibernicos facultatem. Cuius legatio tantum valuit, ut Clerus vnā decimam, & quintādecimā plebs communis daret, (facta prius proteſtatione, quod ad hoc concedendum non tenebatur de ſtriſto iure, ſed ſui regis affectione.) Eo tempore Lolardi cum ſuis fautoribus in omnem maliciam efferati, fixerunt publice ſuper oſtia eccleſiæ S. Pauli Londoniis, & Weſtmonaſt. abhominabiles cleri accuſationes, & haſtenus inauditas conclusiones, quibus nitebantur deſtruire perſonas Eccleſiaſticas, & eccleſiæ ſacramenta, animati (ut fertur) nimio fauore quorūdaſ procerum & militum Anglicorum. Inter quos campi ductores fuerunt Richardus Stury, Lodouicus Clifford, Tho. Latymer, Io. de Monte acuto, qui inſtigabant & confortabant hæreticos ad confundendum (ſi poſſe daretur) præcipue religioſos. Rex igitur (ut præfertur) cōceptis lolardorum maliciis, feſtinauit in Angliam, ut diſſiparet eiſ intuitu tanta mala. Quo cum perueniſſet ſecliter, quodaſ de proceribus obiurgauit acriter, cōminans eiſ terribiliter ſi de cætero lolardis fauerent, vel eoſ in aliquo confortarent. De Richardo quoq; Stury accepit iuramentum, quod de cætero opinionem huiuſmodi non teneret. Quo facto, dixit rex: Et ego iuro tibi, ſi tu vnquā violaueris iuramentum, morte turpiſſima morieris. Audientes cæteri tantum rugitum, cornua retraxerunt, & haſtenus delituerunt. Eo tempore imago crucifixi cum ſtigmatibus ſanguinolentis apparuit in Gallia ſupra campanile cathedralis eccleſiæ Landunenſis, per mediam fere horam, cernentibus Epicoſpo, clero & populo manifeſte. Quo anno Morectus ille Barbarus, cum trecentis quinquaginta millibus paganorum, conſlixit contra Priorē ſancti Iohannis de Rodes, alioſq; chriſtianos, ſed Dei virtute conuiſtus eſt, centum millibus de exercitu eiſ interfecit. Et quia fortuna nō præualuit ſibi cāpeſtri prælio, nauali bello ſtatuit experiri fortunā, ſed qui terræ mariq; dominatur, eiſ conatus eneruauit, & cū cōfuſione maxima fugere cōpulſit iterato. Ciuitas quoq; Cōſtantinopolitana (quā ſupra diximus obſeſſam eiſ exercitu velut infinito) ſuperueniente imperatore Cōſtantinopolitano cum paruo Chriſtianorum numero liberatur, quingētis millibus de gente pagana miraculoſe peremptis. Eo anno ſenſit Anglia graue damnum per piratas reginę Denmarchiæ qui nauas & mercenarios de prædabantur, præcipue tamen viros de Norfolkia, qui auſi ſunt cōgregata multitudine congregari cū eiſdem: ſed hoſtibus præuolentibus, multi perempti, plurimi vero ad redemptionem grauiſſimā ſunt ſeruati, amiſſis viginti millibus libraru, quas ad mercandizandum cōportauerant. Eodem anno Wilhelmus Cantuar. Archiepiſcopus, non conſiderata depreſſione eccleſiaſtica qua iugiter premebatur per tallagia pendenda regi annis ſingulis, plus ſpectans ſuum priuatū commodum q̄ communitatē incommodū, impetrauit bullam ab apoſtolico gratioſam, ut leuaret per totā ſuā prouinciā quatuor denarios de qualibet libra omniū bonorum eccleſiaſticorum, tā exemptorum quam non exemptorum, nulla prætenſa cauſa vera nec legitima. Cuius bullæ fuerunt conſtituti executores, Archiepiſcopus

Eboracensis, & episcopus Londinensis. Multi vero censuras timentes tam sublimium executorum, maluerunt summam continuo soluere, quam dubiis litibus cum iactura forsitan subiacere: nonnulli sedem apostolicam tanquam à grauamine appellantes, suam causam nitebantur defendere, & dictum subsidium tanquam illegitimum quomodolibet reuocare, quorum animosiores, & precipue fuere Lincolnenses, sed tantis motibus finē imposuit mors Archiepiscopi cito postea subsecuta. Hoc anno obiit Io. de Waltham episcopus Sarum & regni thesaurarius, qui tantum regi complacuerat, ut etiam (multis licet murmurantibus) rege iubente apud Westmonasterium inter reges meruit sepulturam: huic successit in officio thesaurarii dominus Rogerus Walden, prius regis secretarius & Calesiæ thesaurarius. In episcopatu vero I. de Mytford Cicestrensis episcopus, ad cuius episcopatum Dublinensis Archiepiscopus est translatus, quia maior pontificatus, in seculari substantia minor erat. Obiit etiam Exoniensis episcopus Wilhelmus, post quem successit regis instantia magister Edmundus de Stafford, portator priuati sigilli. Obiit quoque dominus Henricus de Wakefeld episcopus Wigorniensis, cui successit ad preces regis, Papali permissione, quidam monachus Cicestrensis regis Physicus dict. Rob. Tydeman, spreta & cassata magistri Iohannis Grene electione legitima. Hoc anno mense Nouembris rex Angliæ apportato de Londonia corpore quondam dilecti sui Roberti de Veer, quem creauerat ducem Hiberniæ (fœlicis quidem si non aspirasset ad gradus sublimes, sed propter extollentiam infœlicitati subacti) fecit apud Prioratum de Colne in Estsexia solennes exequias, ibidem exhibens suam præsentiam, magnificans officium funerale. Curauitque thecam cyprissinam, in qua corpus balneo delibutum iacebat, aperire faciem, considerare, digitoque tractare, & publice monstrare dilectionem defuncto, quam impendiderat prius, iaceo, viuo. Erant ibi cum rege mater defuncti, comitissa Oxoniæ, Archiepiscopus Cantuariæ, plurimique episcopi, cum Abbatibus & Prioribus, aliisque religiosis, sed procures pauci, quia nondum digestum erat odium quod conceperant contra illum.

Anno domini. M. ccc. xcvi. dux Lancastriæ, cui rex donauerat ducatum Aquitaniæ, cum iam inæstimabilem summam thesauri expendisset in illis partibus pro adipiscenda patriotarum beneuolentia, consecutusque fuisset propositum, subito per mandatum regium reuocatur. Qui nihilominus reuocanti paruit & rediit in Angliam, peruenitque Langleyam, ubi rex natale domini tenuit isto anno, susceptus est à rege (prout decuit) cum honore, sed ut iidem asserunt, non amore: licenciatus proinde à rege, recessit à curia, & properauit Lincolniam, ubi Catherina de Swynforde tunc morabatur, quam post octa. Epiphaniæ (cunctis admirantibus facti miraculum) desponsauit, quia fortuna talis fœminæ tantæ sublimitatis error minime compete-
bat. Hoc anno Papa scripsit regi Angliæ, orauitque ut assisteret prælatis ecclesiæ in causa Dei, & ipsius regis & regni, contra Lolardos, quos declarauit non solum proditores ecclesiæ, sed & ipsius regis, rogauitque obnixius, ut quos prælati declarassent hæreticos condemnaret. Alias eo tempore direxit bullas ad reuocandum religiosos, qui capellanas obtinuerant vel ab ipso Papa, vel à quoquam alio nuncio vel legato, quas bullas (quasi munus gratissimum) amplexati sunt ordines Medicantium, sed fratres Minores, precipue qui confestim fratres suos qui per exemptiones capellanatus ab eis segregati fuerant, rapere, capere, domumque reducere satagebant. Eo tempore iuxta pacta inter reges Angliæ & Franciæ prius firmata, conuenerunt dicti reges, ad locum ultra Calesiam eorum colloquio designatum, ubi ambo regum tentoria magnifice fixa fuere. Qui ante tractatum, pro pacis veræ fidei securitate, corporale præstiterunt coram omnibus huiusmodi iuramentum. Nos Carolus rex Franciæ, iuramus in verbo regali, super euangelia pro nobis & omnibus nobis subiectis, amicis, & affinitate nobis iunctis, & beneuolentibus, quod non faciemus, nec patiemur fieri, per nos nec per supra nominatos damnum, nec disturbancem vlllo modo per tempus nostræ conventionis, nec per octo dies ante conuentionem, & septem dies sequentes, nostro filio regi Angliæ, nec alicui de suis subiectis, amicis, affinibus, nec beneuolis, ante dictum tempus. Et si casu aliquo insolentia vel litigium per aliquos de nostris supradictis (quod absit) emerferit: Nos permittimus in verbo regali, & per securitatem prædictam, quod faciemus hæc debite emendari, & sine dilatione reformari, & iuramus vltterius super securitate prædicta, quod si aliquis vel aliqui qualicunque statu vel conditione extiterint, voluerit, vel voluerint contraire dictæ nostræ securitati, nos erimus in auxilium nostri filii, pro nostro posse ad resistendum maliciæ malefactorum

Dux nuptia.

*Iuramentum
de pace.*

rum prædictorum, & conseruandum nostrum dictum filium, & suos, per modum quē nos & nostri scimus. Et ad tenendum omnia, & prosequendum sine fraude vel malo ingenio, ad hoc iuramus & promittimus vt supra. Die. 26. mensis Octobris rex Angliæ equitauit de Calesia versus castrum suum de Guynes, & cum eo dux de Berry, qui missus fuerat ad recipiendum sacramentum regis nostri. In crastino obuiauerunt re- *Congressus duo-*
ges pariter, ducentibus regem Angliæ, dominis Franciæ. sc. quatuor ducibus, de Ber- *rum regum.*
rey, Burgundiæ, Aurelianensis & Burboniæ: comite Sauter, vicecomite de Maleyn: episcopo de Valeins, domino de Bushy. Econtra de parte nostra missi sunt ad condu-
cendum regem Franciæ duo duces. s. Lancastriæ & Glouerniæ, comites Derby, &
10 Ruthlandiæ & Northumbriæ, habueruntque colloquium duo reges, & assensu mu-
tuo fuit ordinatum, vt construeretur in eodem loco amborum sumptibus in me-
moriā sempiternā vna capella. Quæ capella nostræ domine de pace vocaretur.
Die sabbati in festo apostolorum Simonis & Iudæ, rex Angliæ & Franciæ collocuti
sunt de certis articulis tractatus sui, quo factō, iurati sunt per Euangelia de pactis ser-
uandis. Tunc rex Angliæ rogauit regem Franciæ vt pranderet cum eo die sequente.
Die Lunæ venit rex Franciæ ad tentorium regis Angliæ. Ea hora regina fuit adducta
ad tentoria regis nostri. Rex Franciæ donauit eam regi nostro, quam rex noster cepit
per manum, & osculabatur eam, regrotando patri suo regi Franciæ de dono tam ho-
norabili & gratioso, asserens se eam sub conditionibus accipere factis inter eos, vt per
20 istam affinitatem possit vterque rex viuere in pace & tranquillitate, & peruenire ad
bonum finem & conclusionem pacis perpetuæ faciendę inter regna, & ne sanguis
Christianus effundatur, cuius effusio possit similiter euenire, si ista affinitas inter eos
non fieret ista vice. Commendata est igitur regina ducissę Lancastriæ & Glouerniæ,
& comitissis Huntyngdoniæ, & Staffordiæ, aliisque dominabus quæ aderant, quæ
conduxerunt eam Calesiam cum maximo apparatu hominum & equorum, ha-
buitque cum ea duodecim currus plenas dominabus & domicellis. Quibus ita ge-
stis, reges accesserunt ad prandium in tentorio regis Anglorum: rex Franciæ consedit
in dextera parte aule, cui seruitum fuit regaliter more suę patrię. i. de omnibus ciba-
riis primi cursus simul in magna perapside, & de secundo cursu eodem modo. Regi
30 vero Anglię seruitum fuit patrię suę more. Post prandium reges osculati sunt pariter,
& ascenderunt equos, duxitque rex Angliæ regem Franciæ in viam suam, & tandem
iunctis manibus super equos discesserunt ab inuicem, rex Franciæ equitauit ad Arde,
rex autem Anglię ad Calesiam se cōuertit, vbi filiam regis Franciæ duxit vxorem, pu-
sollam septennem vel octennem. Fuit annus iste regum apparatus grandis & sum-
ptuosus in donariis & expensis. Nam præter dona quæ rex Anglię dedit regi Fran-
cię, aliisque proceribus illius regni, quę superauerunt summam decem millium mar-
carum, rex expendit (vt dicitur) trecenta millia marcarum & amplius ea vice. Re-
diit igitur cito post in Angliam saluus, & vxor sua, sed auersa tempestate perdidit ten-
toria sua, & magnam partem suppellectilis domus suę.

40 Hoc anno valefecit mundo magister Wilhelmus Courtney Archiepiscopus
Cantuariensis, cui successit postulatione communis capituli, dominus Thomas Arū-
dell frater comitis Arundelię, regniq̃ue Cancellarius, qui mox Cancellarię dimisit
officiū, & illius sollicitudinem per regis assensum Magistro Edmundo Staffordo
commendauit. Eodem anno decessit totius Monasticę religionis pater & speculum
dominus Thomas Abbas monasterii sancti Albani.

Anno gratiæ. M. ccc. xcvi. (qui est annus regni regis Richardi à conque- *Parliamentum*
stu secundi vicesimus) post natale Domini factum fuit parliamentum Londini, in *Londini.*
quo dux Lancastriæ legitimari fecit sobolem quam susceperat de Catherina Swyn-
forde. In eodem parlamento fuit ordinatum, vt Iusticiarii de cetero non habeant
50 assessores. Item Thomas Benforde filius Ducis Lancastrię, & dictę Catherinæ
(nam sic censuit Dux cognominari filios eiusdem C. quos sibi genuerat) creatus est
comes de Somersset. Eo tempore concessa fuit regi per clerum medietas vnius de-
cimę, soluenda ad duos terminos ipsius anni. Hoc anno Richardus rex Angliæ,
contra iuramentum quod præstiterat, reuocauit de Hibernia Iusticiarios, quos o-
lim de consensu suo proceres propter defectus eorum notabiles constituerunt exula-
re. Eo tempore increbuerunt rumores (licet vanę) quod videlicet Rex Angliæ fuisset *Rumores regem*
electus imperator, vnde rex elatus (vt fertur) ab eo tempore sapere cepit altius *Angliæ futurum*
quam solebat, vulgus apporire, grandes summas pecunię de quibuslibet mutuari, *Imperatorem.*
in tantum quod nullus prælatus, nulla ciuitas, nullus ciuis notatus locuplex in to-

to regno se potuit occultare, quin de sua pecunia mutuo regi daret. Anno presentis cum iam sibi regnum Angliæ summa videretur pace gauisurum, propter nouas nuptias regales & diuitias per easdem accumulatas, & treugas annorum triginta firmatas, & presentiam tot nobilium dominorum, quot & quales nulla externa regio poterat exhibere: repente regis astutia cuncta turbantur, dum inopinato capitauunculum suum ducem Glouerniæ vi & armis, (nihil tale verentem) apud Plashy in Essexia, & vsque ad Calesiam deduci facit, carcerali custodiæ mancipandum. Comitem quoque Warwici ipso die quo eum inuitauerat ad conuiuium fecit arestari, & protinus in carcerari, quamuis ei per optimum vultum monstrasset eodem die, & insuper sibi bonum dominum futurum & magnam amicitiam promississet. Comitem quoque Arundeliæ deceptum blandis persuasionibus, qui satis potens erat, & se saluasse, & suos amicos deliberasse, scilicet ducem Glouerniæ, & comitem Warwici, se reddentem pacifice, misit in insulam Vectem, pari modo in carcere detinendum. Et ne fieret communis vulgi commotio pro captione dictorum procerum (quam maxime verebatur) proclamari fecit per regnum, quod ista dominorum captio, non erat facta pro quibusquam antiquis transgressionibus, sed pro nouis commissis contra regem, quæ propalarentur in parlamento futuro. Sed hæc proclamatio ficta fuit, prout rei exitus comprobauit. Rex vero (nescitur quid metuens) per idem tempus metuit ne pontifices, aliiue prælati facerent processiones, siue deuotiones pro causa præmissa, vel procerum ereptione tantorum. Et paulo post apud Notyngham fecit indictari dictos dominos de prodicione, subornauitq; appellantes, qui eos appellarent in parlamento futuro scz. Edwardū comitem Ruthladiæ, Thomā Mounbray comitē Marchallum, Thomam Holand comitem Cantii, Iohannem Holand comitem Huntingdoniæ, Tho. Benford comitem de Somerset, Iohannem de Monte acuto comitem Sarū, Thomam dominū de Spencer, & Wilhelmum Scrop regis Camberlanum. Quibus sic gestis, fecit rex proclamari per totum regnum, quod domini arestati proditores erant, & pro prodicione detenti. Interea rex sibi metuens, conuocauit ad tutelam sui corporis multos malefactores de comitatu Cestrie, qui noctium vigilias dierumque seruarent & diuiderent circa illum. Circa octa. natiuitatis beatæ Mariæ factum est parlamentum Londoniis, ad quod venerunt omnes regni proceres armati cum suis retinentiis, ducti timore regis: fuerunt autem præcipui prolocutores huius parlamenti milites valde cupidi, & ambitiosi & tumidi, I. Bushy, Wilhelmus Bagot, & Henricus Grene. Hi importunis clamoribus petierunt, vt chartæ pardonationum in primis reuocarentur & annullarentur, super quibus requisiti prælati de facile indicarunt, chartas tales fore reuocabiles, non attendentes quod huius gratiæ reuocatio, personæ regis maxime repugnabat, cum misericordia sit solii regalis confirmatio, & qui tollit à rege misericordiam, tollit solii regalis firmamentum. Cōsequenter domini temporales videntes assensum cleri, censuerunt & ipsi huius chartas annullandas, magis timore regis dicti, quam mentium ratione. Exactum etiā fuit à prælatis, vt constituerent laicum procuratorem pro eisdem, vt quia illi non poterāt interesse iudicio sanguinis, procurator eorum (si necesse foret) huius negotio consentiret. Altero die cum Archiepiscopus Cantuariensis de regis mandato, & consilio quem credebant amicissimum se absentasset de parlamento, qui sibi iurauerat qd. nihil attemptaretur in eius præiudicium, absente ipso contra omnem iusticiam adiudicatus fuit exilio, cum adiecto quod non remaneret in regno ultra sex hebdomadas ab eo die proximo computandas. Quo taliter condemnato, misit rex clam ad curiam Romanam pro translatione eiusdem, effecitque vt Rogerus de Waldene regni pro tunc thesaurarius, pro eo Archiepiscopus ordinaretur. Qui quia cubile patris sui viuētis ascendere præsumpsit, post biennium deiectus est auctoritate Papæ præfati. Die sancti Matthæi datum est iudicium contra Richardum comitem Arundeliæ, allegantem & exposcentem suffragia chartarum, & pardonationis regis, sed nihil in hac parte proficientem, nam adiudicatus est tractioni, suspensioni, exentricationi, combustioni interiorum, decapitationi, & quarterizationi. Sed prolata sententia modificata est de regis gratia, vt condonatis poenis cæteris, subiret tamen capitalem sententiam, cuius executio mox facta est. Sed comes nec cum responsis astitit, nec cum sententiam domini tristem subiit, nec cum de loco iudicii ad locum transiuit supplicii, neque cum iam flexo poplite præstolabatur ictum gladii, vultu concidit, sed seruans semper faciei colorem vni-formem, non plus palluit quam si fuisset ad epulas inuitatus. Præcessit autem eum, & sequebatur satis ferialis turba Cestrensiū, armata securibus, gladiis, arcubus & sagittis:

gittis: educebant eum, & vrgebant ad mortis metam Comites, Mareſchallus & Cantii, quorum alter gener eius erat, alter nepos ex filia, & Comes Huntingdoniæ frater Regis. Intuens ergo ſuos affines & neceſſarios Comites, ſcilicet Mareſcalli & Cantii perurgere negotium decollationis ſuæ, vere, inquit, decuiſſet vos præcipue abſentes fuiſſe, & ab iſto negotio ſubtraxiſſe, ſed veniet in breui tempus, quando tot mirabuntur de veſtris infortuniis, quot de meis caſibus nunc mirantur. Deinde data liſtori venia, rogauit ne torqueret eum diutius, ſed iſtu vnico caput eius amputaret, tentauitque ſuis digitis mucronis acie quo fuerat feriendus: ſatis, inquit, acutus eſt, fac cito quod facturus es, qui eum iſtu vnico decollauit, cuius corpus cum capite inter Auguſtinæſes Londoniis eſt humatum. Poſt cuius mortem Rex diuerſis imaginibus in ſomnis eſt turbatus: videbatur nempe vmbra comitis (mox vt dormire cepiſſet) ante oculos ſuos volitare, minariq; ſibi, & eum indicibiliter detertere, quaſi diceret cum Poeta:

Nunc quoq; factorum venio memor vmbra tuorum,

Ius quoq; & vultus cum offea forma tuos.

Quibus Rex pauefactus imaginibus, præ timore medios ſomnos interromperet, maledixit diei, in quo nouit comitem memoratum. Auxit quoq; mentis inſaniam, quod audiuit vulgus commune comitem reputare pro martyre, peregrinationes fieri ad corpus eius: vnde die decimo ſepulturæ eius Rex miſit circa decimam noctis horam duces & Comites, qui corpus eius effodi facerent, & aſpicerent, ſi caput corpori eſſet iunctum (prout fama communis erat) qui effoſſo corpore cum fama mendacem reperiſſent, omnia Regi renuntiarunt. Ille non contentus experimentis huiusmodi, iuſſit vt fratres ſigna deponerent, & quæ circa corpus eius fixa fuerat, & locum ſepulturæ ſuæ ſub pauimento protinus occultarent. Poſt mortem comitis Arundeliæ productus fuit comes Warwici ad ſtandum iudicio parliamentali, ſed deſuit illi conſtantia, quæ comitem Arundeliæ comitabatur. Nempe requiſitus quid reſpondere vellet ad equitationes factas cum duce Glouerniæ, mox fatebatur cum lachrymis ſe proditorem eo facto: data igitur mortis ſententia contra ipſum, quam mox temperauit miſericordia Regis, condonans ſibi veniam atque vitam, qui mox miſſus eſt ad inſulam Euboniæ, quæ pertinebat domino Wilhelmo Scrop, vbi ſub cuſtodia carcerali reſiduum tranſigeret vitæ ſuæ. Interea (quia non videbatur tutum Regi, vt dux Glouerniæ reſponſis aſtaret) Princeps propter fauorem populi, qui ei nimis afficiebatur, rex iuſſit comiti Mareſcallo, vt eum occulte occideret, qui miſſis iniquitatis miniſtris fecit eum ſuffocari ſuperiectis culcitris, & lectis pluma refertis ſuper os eius: ſicq; mortuus eſt ille vir optimus, Regis filius, & Regis patruus, in quo poſita fuere ſpes & ſolacium totius regni communitatis. Poſtea Rex aſtute fecit illud Parlamentum differri uſq; poſt natale domini, quod reincipitur, vel potius continuaretur apud Salopiam in conſinibus Walliarum.

Anno M. CCC. xcviij. poſt natale in parlamento continuato Salopiæ, procurauit Rex ſubtiliter, fecitque concedi de conſenſu omnium ſtatuum regni, vt poſtas parlamenti remaneret penes certas perſonas, ſeptem vel octo, quibus liceret determinare (diſſoluto Parlamento) certas petitiones in eodem Parlamento porrectas pro tunc minime expeditas. Cuius conſeſſionis colore perſonæ ſic deputatæ proceſſerunt expoſt ad alia generaliter parlamentum illud tangentiæ, & hoc de voluntate regis in derogationem ſtatus Parlamenti, & incommodum totius regni, & pernicioſum exemplum. Rex autem ſuper hoc facto, vt videretur habere colorem & autoritatem, fecit rotulos Parlamenti mutari & deleri contra effectum conſeſſionis prædictæ. Tunc aſſumpſit rex ſibi nomen Principis Ceſtriæ, & Comitæ de Derby creauit ducem Herfordiæ, comitem Mareſcallum ducem Norfolchiæ, comitem de Ruthland ducem Albemariæ, comitem Cantii ducem Southreyæ, comitem Huntingdoniæ ducem Exceſtriæ, comitiſſam de Norfolk duciſſam Northfolchiæ, comitem de Somerſet marchionem ibidem, dominum de Spencer comitem Glouceſtriæ, dominum de Neuile comitem Weſtmerlandiæ, dominum Wilhelmum Scrope comitem de Wilteſhere, dominum Thomam Dercy Senecaſcallum Regis, comitem Wygornia: proinde Rex mutauit arma ſua, addiditq; ſcuti ſuo arma S. Edwardi Regis & confeſſoris. Eo tempore rex contulit nouis creatis ſuis ducibus & comitibus magnam partem terrarum Ducis Glouerniæ, comitumque Arundeliæ & Warwici. In hoc parlamento continuato apud Salopiam Rex dominorum conſenſu Ioannem dominum de Cobham miſit in exilium ad inſulam de Gernſey, & dominus Reginaldus de Cobham condemnatur, quia fuit vnus ex deputatis ſibi pro ſuo cõſilio & tutela p dominos anno ſuo vnde-

cimo. Annulaturque per Parliamentum tentum eodem anno. Et ut robur obtine-
rent perpetuæ firmitatis, ordinationes & iudicia facta lata in præmisso Parlamento,
impetrauit Rex literas Apostolicas, in quibus graues censuræ proferebantur contra
quoscunq; qui dictis statutis in aliquo contrauenire præsumpserint, quas promulgari
fecit Londoniis ad crucem sancti Pauli, & aliis celeberrimis regni locis. Circa præsens
tempus appellauit Dux Herfordiæ Ducem Northfolchiæ, de quibusdam verbis per
eum dictis, quæ in Regis dedecus redundabant. Ob quam causam indictum fuit eis
duellum apud Couentre. Tandem cum listas intrassent tam animosæ quam magnifi-
ce, Rex in manu sua causam suscepit, & fecit proclamari, quod Dux Herfordiæ debi-
tum suum honorifice adimpletset. Sed tamen velut immediate postea Rex sine causa
quacunque legitima dictum ducem Herfordiæ ad decennium relegari fecit, & man-
dauit, contra iustitiam & iura militaria, & consuetudines huius regni. Ducem quoq;
Northfolchiæ perpetuo damnauit exilio, immisericorditer statuens sub pœnis graui-
bus, quod nullus rogaret, vel apud ipsum regem intercedere præsumeret, pro gratia
facienda Ducibus supradictis. Facta sunt hæc eo die, ad annum, quo idem dux North-
folchiæ Ducem Glouerniæ fecerat suffocari. Hoc anno Papa Iohannem Lincol-
nensem Episcopum transtulit ad Episcopatum Cestriæ, tunc vacantem. Et dedit epi-
scopatui Lincolniæ Henrico Bewford, vni de filiis domini Iohannis Ducis Lanca-
striæ, & Catherinæ de Swinford, ob Ducis reuerentiam & amorem. Episcopo vero
Lyncolniæ veteranus noluit hanc admittete translationem, sed ea spreta contulit se
Cantuariam, & in Ecclesia Christi inter monachos finem vitæ fecit. Confessor Regis
(quidam frater de ordine prædicatorum) de episcopatu Landafensi translatus est ad
episcopatum Cestrensem. Rex eo tempore fecit conuocari clerum, ut determinaret
si liceret Papæ tales facere translationes pro arbitrio suæ voluntatis. Ad quod fuit re-
sponsum, nõ directe, sed modo supplicationis porrectæ regi ex parte cleri, ut dignare-
tur Papæ scribere, ut à talibus translationibus cessaret pro commodo totius Ecclesiæ
Anglicanæ. Rex vero cum audisset responsum tale, velut offensus licentiæ Papæ, iura-
uit, quod si clerus restitisset constanter Papæ in isto negotio, ipse manus apposuiſſet in
auxilium eorundem. Eo tempore venit in Angliam domini Papæ nuntius Petrus de
Bosco Auenensis Episcopus, ad commonedum regem, ut permitteret ligeos suos pro-
uisiones acquirere de manu Papæ, & reuocaret statutum editum contra prouiso-
& illud breue Quare impedit, multa; similia: Sed quod minus obtinuit de suo nego-
tio, rex accumulauit suo marsupio, donans ei iocalia magni pretii & valoris. Sub hoc
anno Romæ repertus est thesaurus Helenæ, matris Constantini Imperatoris, sub quo-
dam pariete ruinoso: ipsa vero moneta aurea signata fuit imaginibus dictæ dominæ,
habens in circulo nomen eius scriptum, & valuit vna Petra xx. s. de nostra moneta:
cum quo thesauro postea Papa fecit reædificari capitolium & castellum sancti Ange-
li. Hoc anno fere per totum regnum Angliæ lauri veteres aruerunt, & exposit contra
multorum opinionem reuiruerunt.

Anno gratiæ M. CCC. xcix. in die circumcisionis domini, prope Bedefordiam
aqua profundissima, quæ decurrit inter villas de Suelleston, & Harewode, repente
restitit, & se diuisit sic, quod per tria miliaria alueus siccus remansit, præbens quibusli-
bet ingressum siccum. Quod prodigium visum est plurib. significare proprii diuisio-
nem, & à Rege defectionem, quæ contigit eo anno. Eo tempore Rogerus Comes
Marchiæ, dum nimis fidit in virtute propria, ab Hibernicis in Hibernia est peremptus.
Cuius morte cognita, rex statuit vindicare personaliter mortem eius, Hibernensesq;
domare, non attendens, quantum odium sibi accumulauerat ligeorum suorum, &
quam amarum animum vulgus commune gerebat contra eum. Fecit igitur præpara-
tionem maximam per totum tempus quadragesimæ, & sic deinceps vsq; ad suum transi-
tum extorquens pecunias, exigens equos & quadrigas, victualia pro profectio-
ne sua rapiens, nihilque soluens, vnde factus est suis subditis odibilis & inuisus. Per
idem tempus venit in Angliam Episcopus Calcidonensis, cum literis Apostolicis
comminatoriis, ut regni fideles de bonis conferrent Imperatori Constantinopolita-
no, qui infestabatur nimium per Tartaros, & ducem eorum vocatum Morectum. Ut
autem prouiores efficerentur regnicolæ ad offerendum huic negotio, concessit Pa-
pa benefactoribus (vere contritis & confessis) plenam remissionem. Inuoluitque a-
maris censuris omnes impediētes huius negotio conferre volentes, attendēs, quod
licet Imperator esset schismaticus, Christianus tamen erat: & si ipse per incredulos
opprimeretur, imminebat toti Christianitati ruina, habens in mente illud Poeticum:

Tunc

Tunc tuares agitur paries cum proximus ardet.

Hoc tempore obiit Iohannes Dux Lancastriæ, cuius corpus in Ecclesia sancti Pauli Londoniis est humatum, post cuius mortem Rex dominum Henricum filium eius, quem relegauerat ad decennium, exulare decreuit in perpetuum, reuocans suas patentes literas generales, quas sibi prius concesserat, quod in absentia ipsius dum fuerat relegatus, generales attornati sui possent prosequi pro liberatione sibi facienda de quibuscunque hereditatibus, siue successionibus ipsum ex tunc contingentibus, & quod homagium suum respectuari posset pro fine rationabili faciendo. Quo facto, constabat manifestius Regem sincere diligere Ducem Herfordiæ, nec eum relegasse, nisi pro dissensionibus, quæ potuissent oriri inter familias suas, & Ducis Northfolchiæ, ut prætensum fuerat, sed occasione bona ducibus occupandi, ut multi dicebant. Circa præsens tempus obiit nobilis foemina, domina Margareta ducissa Northfolchiæ, cuius corpus in Ecclesia fratrum Minorum Londoniis tumulatur. Interea rex cepit mutuo grandes pecuniarum summas, de quampluribus dominis, tam temporalibus quàm spiritualibus, aliisque personis regni, promittens eis bona fide sub patentibus suis literis, quod pecunias illas sic mutuatas resolveret termino limitato, quas tamē nunquam postea reddidit creditoribus supradictis. Eodem anno grandiores summas exegit pecuniarum, à xvij. regni comitatibus, metum mortis imponēs eis, quod contra eum steterunt cum duce Glouerniæ, comitibus Arundeliæ & Warwici, &c. quare paratus erat super eos equitare tanquam super hostes publicos. Quamobrem recepit à dictis comitatibus nouam securitatem sub iurisiurandi firmamento. Quo facto, misit certos Episcopos cū aliis viris honorabilibus ad dictos comitatus, qui inducerent tam dominos spirituales, quàm temporales, & omnes dictorum comitatum personas mediocres, ut se regi submitterent, & semetipsos recognoscerēt proditores, per literas sigillis signatas eorundem. Hac occasione coacti sunt regi concedere clerus, & commune vulgus, dominique temporales dictorum comitatum importabiles summas pecuniæ pro beneuolentia sua recuperanda. Cupiens (ut fertur) populū regni sui subpeditare & opprimere, direxit patentes literas ad omnes regni comitatus, & per terrores induxit, ut ligei sui quicunque, tam temporales quàm spirituales, iuramenta in-

30 sueta præstarent in genere suo, verisimiliter causare possent destructionem plebis suæ finalem, coegitque ligeos suos ipsa iuramenta sub literis eorum & sigillis roborare. Ad albas chartas insuper eosdem ligeos apponere sigilla sua compulit, ut quotiens grassari vellet in eos: facultatem haberet eisdem sigillatim, vel insimul opprimendi. Fecit præterea, ut vicecomites per totum regnum noua iuramenta præstarent ultra solita: quod videlicet obedirent omnibus mandatis regiis, quotienscunque directa fuissent eisdem sub magno priuatoque sigillis, ac etiam literis illis directis sub signeto suo. Et in casu, quo idem vicecomites scire possent aliquos de balliuis suis (cuiuscunque conditionis essent) aliquod malum dicere, siue loqui, publice vel occulte, quod cedere posset in dedecus aut scandalū personæ regis, ipsos incarcerarent, donec de rege aliud susci-

40 perent in mandatis. Vnde cōtigit quod quamplures ligeorum suorum malitiose accusati, quod debuissent dixisse quicquam publice vel occulte, quod cedere posset in vituperium, scandalum siue dedecus personæ regis, capti fuerunt & inprisonati, & ducti coram Constabulario & Marescallo Angliæ, in curia militari, non excusandi aliter, nisi per eorum corpora commissa Monomachia, se iustificarent & defenderent, non obstante, quod accusatores & appellatores eorum essent iuuenes fortes & sani, & illi sic accusati pro magna parte senes impotentes, mutulati & infirmi: unde non solum destructio magna regni, sed omniū & singularum personarum communitatis eiusdem verisimiliter timebatur. Circa festum Pentecostes rex relinquēs regnum (ut præfertur) turbatum multipliciter, nauigauit in Hiberniam cum suis Cestrensis, & quibus-

50 dam regni magnatibus, ducibus videlicet de Almarle, de Excestria, aliis quoque multis. Duxitque secum nobiles pueros, filios ducum Glouerniæ & Herefordiæ, quorum affines præcipue verebantur. Episcopos etiam traxit secum multos, cum Abbate Westmonasterii, qui quotiens vellet Parliamenta facere (prout prius constituerat) cū consensu octo personarum, præsto forent ad confirmandum pro parte sua quæ fuerant statuenda. Thesaurum præterea & reliquias, aliaque iocalia, regni quoque diuitias (ab antiquis dimissas in Archiuis regni pro honore regni) secum abstulit in Hiberniam profecturus, sine consensu statuum regni sui. Cumque venisset in Hiberniam, videbatur primo quidem prosperari, & super inimicos suos confortari, non tamen exinde multum lætabantur regnicolæ, qui semper de eo sentiebant deterius, & per eum ad-

huc

huc grauius opprimi metuebant. Interea Dux Henricus, olim Herfordiæ, sed nunc Lancastriæ, paterno iure, grauius ferens relegationem suam, sed multo grauius exilium suum & exheredationem, & considerans regem iam iniustum, cunctis suis ligeis propter causas præfatas (nacta oportunitate de regis absentia) Angliam redire disposuit, ad petendum hereditatem suam. Assumptisque secum domino Thoma de Arundel (quondam Archiepiscopo Cant.) & filio Comitum Arundeliæ & herede, qui iam dudum sibi adhæserant, mare intrauit cum familia mediocri, quippe qui secum non amplius, habuit, quam ut usu vulgari quindecim lanceas, licet in multo fortiorem manum potuisset habuisse: tantum fidebat de sua iustitia populique fauore, noluit tamen recto cursu terram ingredi, nec repente: sed nunc apparuit patriotis in vna parte regni, 10 nunc in alia, ut videret, si contra eum iuxta littora resistentia pararetur. Audiens Dominus E. Dominus Dux Eboraci (Regis patruus) cui custodia regni commissa fuit in Regis absentia, quod Dux Lancastriæ iam mare teneret, essetque paratus ad ingrediendum regnum, vocatis regni Cancellario, domino Edmundo Stafford Episcopo Cicestrensi: & Thesaurario, Wilhelmo Scrope Comite de Wilteshere: & militibus de Regis consilio, Iohanne Bushy, Wilhelmo Bagot, Henrico Grene, & Iohanne Russel, quæsiuit super isto negotio, quid esset agendum. Qui consuluerunt, ut de Londoniis se transferret ad sanctum Albanum, præstolaturus ibidem manum bellicam, quæ possit Duci resistere venienti, sed quam inane fuit eorum in hac parte consilium, rei exitus declarauit. Nam aduenientes illuc de multis prouinciis 20 protestabantur, se duci Lancastriæ nolle nocere, quem nouerant iniuriose tractatum fuisse. Dicti vero nequam consiliarii Iohannes Bushy, Wilhelmus Bagot, Henricus Grene cum Thesaurario Wilhelmo Scrope, cognoscentes iam communitatem adhærere velle Duci Lancastriæ, relicto regni custode, atque Cancellario, fugerunt ad castrum Bristoliam festinanter. Et Dux Lancastriæ circa festum sancti Martini translationis applicuit prope locum, ubi quondam fuit villa de Rauenshere, nemine resistente. Cui occurrit Comes Northumbriæ Dominus Henricus Percy, & dominus Henricus eiusdem filius, Comes Westmerlande Dominus Radulphus Neuile, aliique domini, qui timebant Regis tyrannidem plures valde. Factusque est in breui exercitus, quasi sexaginta millium pugnatorum, qui omnes vno voto statuerunt in pri- 30 mis persequi Regis malos consiliarios antedictos. Venerunt Bristoliam celeriter, & obsederunt castrum, quia parauerunt restitisse, ubi tandem capti sunt Thesaurarius Wilhelmus de Scrop, Iohannes Bushy, Henricus Grene, qui statim in crastino ad clamorem communium sunt decapitati, solus ex eis W. Bagot euasit in Hiberniam nauigando. Non enim cum sociis suis Bristoliam se contulerat, sed apud Cestriam fugat, & se occultaret.

Richardus Rex cum audisset in Hibernia de Ducis aduentu: mox curauit filium Ducis Glouerniæ, & filium Ducis Lancastriæ in castro de Trym recludere (quod est in Hibernia satis forte) & confestim ad nauigium conuolauit, cum Ducibus Albemarlæ, Exoniæ, & Southreyæ, & Episcopis Londoniensi, Lincolnensi, & Car- 40 leolensi, multisque aliis, ut Duci occurreret cum armata manu, priusquam ipse auxilios congregasset. Sed cum Angliam attigisset, & cognosset de Ducis apparatu, pugnandi dimisit animum, pro certo tenens, quod populus contra eum congregatus citius mori vellet, quam cedere, tam propter eius odium quam timorem. Dimisit igitur familiam, monens per Seneschallum dominum Thomam Percy, ut se reseruarent ad tempora meliora. Ipse vero Rex quærens diuortia, huc illucque contulit, multis diebus semper eum duce cum exercitu insequente. Tandem apud Castellum de Connewey constitutus, petiit habere colloquium cum domino Thoma Arundel, quem expulerat de Archiepiscopatu Cant. & Comite Northumbriæ, cum nulla spes esset ulterius fugiendi. Quibus indicauit se velle regno cedere, si sibi victus honorificus vi- 50 tæque securitas octo personis (quas nominare vellet) fide interposita donaretur. Quibus concessis & firmatis, venit ad castrum de Flynt, ubi habito breui colloquio cum duce Lancastriæ, mox ascensis equis venerunt ad castellum Cestriæ ea nocte cum exercitu: (qui Ducem secutus fuerat numerosus valde) reddidit autem se Rex Duci vicesimo die mensis Augusti, & quadragesimo septimo die ab ingressu Ducis in Angliam, thesaurus Regis, cum equis, & aliis ornamentis, & vniuersa domus suppellectili, venit ad manus ducis: sed familiares Regis magnates, domini, & mediocres, per Wallicos & Northumbrenses despoliati sunt. Rex vero perductus est Londoniis conseruandus in turri, usque ad parlamentum proximo celebrandum. Interim directæ sunt

Rex dedit se duci.

sunt breuia ad personas regni, qui de iure debeant interesse parlamento, sub nomine regis Richardi, vt conuenirent Londoniis apud Westm. in crastino sancti Michaelis. Quibus conuenientibus, ipso die S. Michaelis coram Archiepiscopo Cant. Thoma de Arundel, Archiepiscopo Ebor. Richardo le Scrop: & Iohanne Episcopo Herfordensi: nec non domino Henrico duce Lancastriæ: Henrico Comite Northumbriæ: Radulpho Comite Westmerlandiæ: Hugone Domino de Burnele: Domino Thoma de Berkeleye: Abbate Westmonast. Priore de Cantuar. domino de Roos, de Wilby, de Bergenney: W. Thirnynges, & I. Makeham iustitiariis: Thom. Stoke, & Iohanne Burbache legum doctoribus: T. Herpingham, & T. Gray militibus: Wilhelmo de Ferby, & Dionysio Lopham notariis publicis: in turri Londoniarum, rex Richardus gratanter (vt apparuit) & vultu hilari, perlegit distincte formam cessationis suæ, & absoluit ligeos suos à iuramento fidelitatis & homagii, & relaxauit ab omnibus aliis iuramentis quibuscunque, & suis dominiis renuntiavit & cessit, iuravit talia, dixit & protulit in legendo, & manu propria subscripsit, prout in forma cessationis plenius continetur. Et mox adiunxit, quod desiderauit, vt Dux Lancastriæ succederet sibi in tegno, sed quia hoc in potestate sua non erat, archiepiscopum Eboracensem, & episcopum Herfordensem pro tunc suos cōstituit procuratores, ad declarandum & intimandum cessationi. Sede regali tunc vacua, absq; præsidente quocunque, procuratores Regis Richardi, Archiepiscopus Eborac. & Herfordensis renuntiationem dicti Regis, & cessionem, omnibus statibus regni tunc adunatis ibi publice declararunt. Quam quidem renuntiationem & cessionem singuli singillatim super hoc requisiti vnanimiter & concorditer admiserunt: tunc fuit expositum publice, quod fuit expediens ac vtile regno prædicto, pro omni scrupulo & sinistra suspitione tollendis, quod plura crimina & defectus per dictum regem circa malum regimen regni sui frequētius perpetrata, propter quæ (vt idem rex asseruit in cessione sua) facta per eum, & esset ipse merito deponendus à populo legerentur, quodq; essent populo declarata. Lecti sunt igitur articuli numero triginta duo, qui omnes violationes iuramenti regalis finaliter concludebāt. Et quoniā videbatur cunctis regni statibus super dictis articulis singillatim ac etiā cōmuniter interrogatis, quod illæ causæ criminum erant sufficientes & notoriæ ad deponendum eundem regem, ordinati sunt commissarii ex parte statuum & communitatis eiusdē regni, ad ferendum de positionis sententiam contra dictū regem sub forma quæ sequitur. In Dei nomine amen. Nos I. Episcopo Assauiensis, I. Abbas Glasconienſes, Thomas Comes Gloucestriæ, Thom. dominus de Berkeleye, Th. de Epingham, Th. Gray milites, Wilhelmus Thirnyng iustitiarius, per pares & proceres regni Angliæ spirituales & temporales, & eiusdem regni communitates, omnes status eiusdem regni repræsentantes, commissarii ad infra scripta spiritualiter deputati pro tribunali sedentes attentos periuriis multiplicibus, ac crudelitate aliisque quampluribus criminibus dicti Richardi, contra regimen suum in regnis & dominiis supradictis, pro tempore sui regiminis commissis & perpetratis, ac etiam dictis statibus palam & publice propositionibus exhibitis & recitatis, quæ adeo fuerunt & sunt publica, & notoria, manifesta & famosa, quod nulla poterant aut poterunt tergiversatione celari: nec non confessione post dicti Regis recognoscentis, & reputantis, ac veraciter ex certa scientia iudicantes, se fuisse & esse insufficientem penitus, & irrationabilem, ad regimen & gubernationem regnorum & dominii prædictorum, & partium eorūdem, ac propter demerita notoria, non immerito deponendum, ac per ipsum Richardum prius emissa, ac de voluntate & mandatis sui coram dictis statibus publicata, eisque notificata, & exposita in vulgari præhabita, super hiis & omnibus in ipso negotio acq̃tatis coram statibus antedictis, & nobis diligenti vice, nomine, & auctoritate nobis in hac parte commissa, ipsum Richardum ex abundanti & ad cautelam, ad regimen & gubernationem dictorum regnorum, & dominii iuriumque & partium eorundem fuisse & esse inutilem, inhabilem, & insufficientem penitus, & indignum, ac propter præmissa, & eorum prætextu ab omni dignitate & honore regis (si quid dignitatis & honoris huius in eo remanserit) merito deponendum pronuntiamus, decernimus & declaramus: & etiam simili cautela deponimus, per nostram definitiuam sententiam in hiis scriptis. Omnibus & singulis dominis, Archiepiscopis, Episcopis, & Prælatibus, Ducibus, Marchionibus & Comitibus, Baronibus, militibus, vassallibus quibuscunque, ac ceteris hominibus dictorum regnorum, & dominii, & aliorum locorum, ad dicta regna & dominia spectantium, subditis ac ligeis suis quibuscunque ipso-

Rex cedit regno.

Regis depositionis forma.

rum

rum de cetero inhibentes expresse, ne quisquam ipsorum de cetero præfato Richardo tanquam regi vel domino regnorum, aut dominii prædictorum pareat quomodo libet, vel intēdat, volentes præterea dicti status, quod vel desit quod valeat aut debeat contra præmissa requiri, superinde singillatim interrogari personas easdem prius per commissarios nominatos, constituerent procuratores suos communiter & diuissim ad resignandum & reddendum dicto Regi homagium, & fidelitatem prius sibi facta, & ad præmissa omnia huius depositionem & renuntiationem tangentia, si oportuerit intimandum. Et confestim vt constabat de præmissis & eorum occasione regnum Angliæ cum pertinentiis suis vacare: præfatus Henricus dux Lancastriæ de loco suo surrexit, & stans erectus, vt videri posset à populo, & muniens se signo crucis in facie, & in pectore, inuocato Christi nomine, regnum Angliæ sic vacans (vt præmittitur) cum corona, ac omnibus membris & pertinentiis vendicauit in lingua materna: sub hac forma verborum.

In Dei nomine Amen. Ego Henricus de Lancastria, vendico regnum istud cum corona, & omnibus membris illi pertinentibus, tanquam per regium sanguinem veniens de Rege Henrico, & per iustitiam, quam Deus de sua gratia mihi misit, cum adiutorio conlanguineorum meorum, & amicorum, ad recuperandum illud: quod regnum erat in puncto perditionis propter defectum gubernationis, & legum violationem. Postquam quidem vendicationem, tam domini spirituales, quam temporales, & omnes regni status, concesserunt vnanimiter, vt dux præfatus super eos regnaret. Tunc Archiepiscopus Cantuariensis apprehēdens manum eius dextram, posuit eum in sede regali, assistente sibi Archiepiscopo Eboracensi, & vniuerso populo applaudente. Et confestim dominus Archiepiscopus assumpto themate prædicauit, cuius thema fuit: Vir dominabitur in populo. 1. Reg. 9. & c. Post hæc de mandato noui Regis fuit proclamatum publice in magna aula, quod die lunæ proxima post festum sancti Michaelis, Parliamentum teneri ac celebrari deberet. Et quod die Lunæ ex tunc proximo sequente, videlicet in festo S. Edwardi, coronatio Regis fieret apud Westmonasterium. Quibus ita peractis, Rex de sede sua surgens, & populum vultu hilari & benigno respiciens, recessit ad albam aulam, vbi eo die conuiuium solemne celebrauit. Die Mercurii proxima sequente, dicti procuratores (vt præmittitur) deputati ad præsentiam dicti Richardi (nuper Regis) infra turrim existentis, prout eis iniunctum fuerat, accesserunt, & per os domini Wilhelmi Thirning admissionem renuntiationis, ac modum, causam, & formam depositionis huiusmodi eidem Richardo notificarunt, & vice omnium regni statuum homagium & fidelitatem eidem Richardo nuper Regi factam (vt præmittitur) reddiderunt & resignarunt: ita quod nullus dictorum statuum siue populi ab hoc tempore & deinceps sibi portaret fidem nec obedientiam tanquam Regi suo. Ad quæ solum respondit istud, quod non respexit post talia: sed post hæc omnia (inquit) spero, quod cognatus meus vult esse mihi bonus dominus & amicus. Rex Henricus in hoc Parlamento fecit secundum filium suum dictum Thomam, Angliæ Senescallum: procreauerat siquidem masculini sexus ex filia domini Humfridi Boun Comitis Herfordiæ iuniore, quatuor liberos, & duas foeminas, primogenitus vocabatur Henricus, secundus Thomas, tertius Iohannes, quartus Humfridus.

DE TEMPORE REGIS HENRICI *post conquestum quarti.*

DE translationis sancti Edwardi Regis & confessoris, coronatus est Rex Henricus III. apud Westmonast. per manus domini Thomæ Archiepiscopi Cantuar. ipso videlicet die, quo fuerat in exiliū relegatus anno reuoluto, non sine diuino miraculo (vt putatur) & in auspiciū vberioris gratiæ sibi futuræ (prout creditur) vnctus est illo cœlesti vnguento, quod olim beata Maria mater Dei commisit beato Thomæ martyri Archiepiscopo Cantuar. dum esset in exilio conseruandum, prædicens eidem, quod reges Anglorum qui vngerentur hoc vnguento, pugiles essent Ecclesiæ, & benigni. Hoc vnguentum in aquila aurea & ampulla lapidea conseruatum latuit per multa tempora, sed tandem miraculose manifestatum. Dum dominus Henricus primus dux Lancastriæ bella gereret regis sui in partibus transmarinis, ipsi nempe tradita fuit prædicta aquila per quendam sanctum

Quum virum qui illam inuenerat reuelatione diuina. Qui dedit eam nobilissimo principi Edwardo (primogenito Edwardi illustris Regis Angliæ) vt in ea vnctione post mortem patris vngeretur in Regem. Qui posuit in turri Londoniarum vnguentum præfatum, recludens in cista multis firmata securis, latuitque ibi vel per obliuionem, vel per negligentiam, vsq; ad tempus Richardi Regis filii principis memorati.

Anno domini prædicto millesimo trecentesimo nonagesimo nono, prædictus Rex Richardus curiose perscrutatus res à progenitoribus sibi relictas, inopinato reperit aquilam & ampullam, & scripturam siue prophetiam beati Thomæ martyris cum eisdem. Et cum didicisset virtutem talæ vnctionis, rogauit dominum Thomam Cant. archipræsulem, vt eum denuo vngeret hoc vnguento. Qui hoc facere omnino recusauit, dicens sibi sufficere, quod semel per manus suas sacram suscepit in coronatione pristina vnctionem, quæ habere non debuit iterationem. Hanc aquilam cum ampulla rex Richardus portauit in Hiberniam, profecturus & denuo rediens in hanc terram. Quam petenti Archiepiscopo apud Cestriam tradidit, dicens se iam patenter clarescere, quod non fuit voluntatis diuinæ, vt vngeretur illo vnguento, sed alteri deberi tam nobile sacramentum. Archiepiscopus vero reseruans tanta iocalia sub veneranda custodia, ea tenuit vsque ad tempus coronationis regis moderni, qui primus regum Angliæ vnctus est tam pretioso liquore. Durante Parliamento, creauit rex filium suum primogenitum Henricum, cum consensu omnium regni statuum, principem Walliæ, addens ducatum Cornubiæ, & Cestriæ comitatum. Ex post in eodem parlamento creauit eum ducem Aquitaniz, & heredem proximum regni Angliæ. In hoc Parlamento fuit ordinatum, vt statuta, &c. facta in Parlamento tento in festo exaltationis sanctæ Crucis 21. anno Richardi Regis apud Westm. & postea dilato Salopiam (in quo certa potestas commissa fuit per autoritatē dicti Parlamenti, certis personis, ad procedendum in certis articulis in rotulo parlamenti, qua occasione diuersa statuta, iudicia, ordinationes & confirmationes erroneæ, facta fuerunt in exheredationē finalem, destructionē & extirpationē plurimorū honorabilium dominorum, & aliorū ligeorum regni & heredum eorum imperpetuū cum suis circumstātiis vniuersis) annullentur, reuocentur, irrita habeantur, & cassentur. Item vt Parliamento tentum apud Westmonasterium, anno Richardi Regis 11. firmiter teneatur pro honore & commodo totius regni. Item, vt domini alique personæ, qui fuerunt foris iudicati in Parlamento anno 21. Richardi Regis, & eorum heredes, qui mortui sunt, restituantur integraliter suis possessionibus, sine alia prosecutione aut liberatione facienda, excepto, quod dicti domini & alii nihil habebunt de exitibus receptis medio tempore. In eodem Parlamento Rex dedit Comiti Northumbriæ insulā Euboniæ, tenendam de Rege, per seruitium deportationis gladii, cum quo intrauit Angliam: dedit & comiti Westmerlandiæ Richemundiæ comitatum. Item iudicium datum fuit contra appellantes ducis Gloucestriæ, tali modo. Domini in præsentī Parlamento regis assensu iudicant & decernunt, quod duces Albemarlæ, Surreyæ & Exce-

40 striæ, qui modo sunt præsentēs & fuerūt appellantes, amitterēt ducum nomina & honores exinde pariter & dignitates. Et quod Marchio de Dorsete, qui præsens est, nomen amittat Marchionis. Et comes de Gloucester, qui præsens est, nomē amittat pro se & heredibus suis, sicut & superius nominati. Et vt omnia Castella, prædia, domi-

50 nia, & cetera, quæ habuerunt (de hiis, quæ fuerunt eorum, quos appellauerant) à die arrestationis Ducis Gloucestriæ, & aliorum dominorum, vel ex post aliquo tempore simpliciter, & absq; gratia & misericordia vlla perdant. Et vt omnia alia castella, prædia, dominia, possessiones, & libertates (quæ tenuerant de dono regis ipso die vel postea) stent in Regis gratia ab hac hora: & quod omnes literæ patentes, & chartæ, quas habuerunt, vel aliquis illorum habet dictorum nominum, castellorū, dominio-

rum, possessionum & libertatum, sursum reddantur in Cancellariam ibidem cancellanda. Et quod omnino consistant in statu, quem habuerunt nomine & possessione, ante dictum diem arrestationis prædictæ. Et quod ipsi nec aliquis illorum det libratas vel signa, nec faciat retinentiam hominum, nisi officiariorum intrariorum in suis domibus, & officiariorum extra, ad gubernandum hospitia, terras, & possessiones eorum, & aliorum intrariorum, prout rationabiliter pertinet dictarum statui personarum. Et vltorius domini temporales regis assensu iudicant & decernunt, quod si isti post dicti domini, Dux de Almarle, & ceteri, siue illorum aliquis, vnquam adhæreat Richardo (qui fuit rex, & est depositus) ferendo consilium, adiutorium, vel confortamen sibi contra dictam depositionem, iudicium, ordinationem, vel affirmationem

Hh

nem

nem in præfenti Parlamento tangentem personam dicti Richardi, vt sint in pœna proditiōis, & pro talibus habeantur & teneantur. Et insuper quia fuit & est clamor & tumultus magnus in communi populo, quod quidam dictorum dominorum famuli fecerunt grandes extortiones, iniurias, & oppressiones in communi populo, per causarum manu tenentiam domini supradicti regis assensu, iudicāt & decernunt, quod fiant proclamationes, & cetera, quod si vllus velit conqueri de dictis dominis, vel de aliquo de sua familia, qui cum illis est aut erat hiis tēporibus, scilicet de extortionibus, iniuriis, vel oppressiōibus sibi factis per eosdem, veniat, & grauamen insinuet, & remedium fiet ei. Post iudicium datum contra dominos prædictos, ortum est murmur maximum in communi populo contra regem & Archiepiscopum Cantuar. Comitemq; Northumbriæ, aliosq; de Regis consilio, quod vitas saluassent hominum, quos vulgus sceleratissimos & morte dignissimos reputabat. Rex vt demonstraret cunctis gentibus in circuitu constitutis, quo iure, quo titulo, quo fauore coronam regni susceperit, misit ad curiam Romanam ambassiatores, Episcopum Herfordensem, Magistrum Iohan. Treuenant, I. Cheyne militem, & Iohan. Cheyne scutiferum: in Franciam misit Episcopum Dunelmensem, magistrum Walterum Skirlow, & Comitem Wygornie dominum Thomam Percy. In Hispaniam Episcopum Asfauensem, magistrum I. Trenor, & dominum Wilhelmum Parmilitem destinauit. In Almania misit Episcopum Bangorensē, cum aliis, quorum nomina non tenemus. Scoti per tempus Parliamenti nacta occasione de dominorum absentia Borealium, & quia partes Angliæ Boreales per illud tempus premebantur grandi pestilentia, partes illas hostiliter intrauerunt, & castrum de Werk, quod deputatum fuerat custodiæ Domini Thomæ Gray militis, qui pro tunc in parlamento stetit pro commoditate gentis suæ, ceperunt, & per tempus aliquod tenuerunt, quod tandem despoliauerunt, & funditus deiecerunt, aliaque multa mala fecerunt in terra. Thomas de Mounbray (quondam Dux Northfolchiæ) diem clausit extremum in terra peregrinationis, cuius mors fuisset toti regno deflenda merito, si in Ducis Glouerniæ necem minime concessisset. Item hoc anno cessit in fata domina ducissa Glouerniæ, quæ (parum fausto omine) filium suum & heredem amiserat (Humfridum vocabulo) subtrahit sibi pestilentia, cum fuisset Hibernia reuocatus. Sub hoc tempore Romæ imagines crucifixi, & beatæ virginis Mariæ, humorem sanguineum sudauerunt. Quo tempore nobiles pene totius Italiæ, cum plebe communi, noua deuotione tacti, induti pannis lineis, cum crucibus insertis in eisdem, ferentes crucēs in manibus, & vexilla habentes, etiam imaginem crucifixi deportatam coram eis, fecerunt processiones, circumeuntes stationes die noctuque, & nudatis corporibus vsque vmbilicum, flagellabant se, cantantes pios cantus in vulgari & in latino, sed deuotius & frequentius inter ceteros, stabat mater dolorosa iuxta crucem lachrymosa, dum pendebat filius, & clamabant sæpissime misericordiam & pacem in suo vulgari. Fuerunt autem in vna comitiua quadraginta millia: in alia vero viginti millia: in alia quoque decem millia: vt autem vna comitiua compleuit Romæ suam deuotionem, accessit & alia, faciens per omnia sicut prior, & non dormierunt in lectis pro tempore peregrinationis suæ, nec carnes aut lactinia comederunt, & diebus sabbati generaliter ieiunauerunt.

Anno gratiæ millesimo, quadringentesimo (qui est annus regni Regis Henrici à conquestu quarti primus) comites Cantii, Salisburie & Huntingdoniæ ingrati Regis beneficiis, qui vitas eorum saluauerat, contra vota cunctorum regni communium, ac multorum procerum congregantes iniquitatem sibi, per conuenticula facta variis locis, & coniurationes, statuerunt super Regem irruisse repente in Castello de Wyndeshore, sub simulatione ludorum natalitiorum, & eum cum filiis suis crudeliter peremisse. Regemque Richardum requisitum regno restituisse, & per tanta facinora nomina ducum atque possessiones, quibus priuati fuerant recuperasse. Sed Rex gratiose prænosens præstructos dolos, de loco recessit, & Londonias se contulit festinanter. Illi vero (scilicet comes Cantii, & Comes Sarum) putantes Regem latere suam conspirationem, dominica proxima post festum Circumcisionis domini, id est in octauis Innocentium, in ipsius noctis crepusculo præfatum facinus perficere sunt aggressi: perueneruntq; ad castellum cum armata manu circiter quadringentorum virorum, sed cum cognouissent Regem præmonitum, conturbati sunt valde, diuortia requirebant, veneruntque cursu velocissimo ad Sunninges (quoddam prædium iuxta Radingiam) vbi Regina tunc temporis morabatur. Ingressusque Comes Cantii cum

cum prædicto Comite Sarum (dissimulata tristitia in præsentia familiæ Reginæ sibi occurrentis) eleuata ad frontem dexteram, signauit se: Benedicite (inquit) quid accidit, quod Dominus Henricus de Lancastria sic à facie mea fugit, qui tantum de sua strenuitate & militia se extollebat? Et mox subiunxit: Domini (ait) & amici, noueritis, quod Henricus de Lancastria (me persequente) fugit ad turrim Londoniarum, cum filiis suis & amicis. Et meæ intensionis est adire Richardum, qui fuit & est, & erit verus Rex noster, quia iam euasit de carcere, & iacet ad Pontem fractum cum centum millibus defensorum. Ut autem fidem faceret dictis, detraxit signa regis, scilicet collaria de collis quorundam quos vidit ibi habentes signa talia, cum despectu, dicens, non esse gestandum de cetero tale signum. Detraxit insuper de brachiis domesticellorum signa crescentium, & abiecit. Sicq; lætificata regina (licet inaniter) recessit, tendens primo Wallingfordiam, deinde Abyndoniam, commonens populum per omnes vias, ut arma caperent, & occurrerent regi suo Richardo. Peruenit tandem Cirecestriam cæca nocte: viri vero dictæ villæ suspectum habentes tantum apparatus, & putantes (prout erat) rumores eorum mendaces, præstrinxerunt omnes aditus & exitus hospitii eorundem. Cumq; media nocte temptassent latenter discedere, villani arcubus & sagittis armati, eos egredi non sinebant. Comites vero cognoscetes sibi imminere periculum, & ipsi ad arma conuolant, putantes villanos leui negotio superandos. Pugnatum est igitur, hic, & ibi, à noctis medio usq; ad horam diei tertiam. Tandem

10 fatigati, manus dederunt communib. obnixè precantes, ut saluarentur à morte, donec cum rege colloquium habuissent. Si non quidam præbyter de eorum familia ignem misisset in quasdam domos villæ, hac intentione, ut occupatis communibus circa extinctionem ignis, domini possent habere euadendi occasionem, sed frustra, nam communes relictis domib. in conflagrationis periculo maiori furia concitabantur ad vindicandum in dictos dominos incendii damna prædicti: perduxerunt igitur eos de abbatia, & in ipso noctis crepusculo decollauerunt. Comes Sarum (qui Lollardorum fautor in tota vita fuerat, & imaginum vilipensor, contemptor canonum, sacramentorumq; derisor, sine sacramento confessionis (ut fertur) vitam finiuit. Comes Huntingdoniæ dominus Ioh. Holand, non erat cum prædictis dominis apud castellum de Windesore, sed expectauit Londoniis rei finem. Qui cum nouisset rem versam contra vota: fugere nitebatur in schapha, sed vento flante contrario repulsus est. Quamobrem equo vectus, peruenit Essexiam cum quodam milite dicto Iohan. Scheuele. Tentauit igitur per mare fugisse ab illis partibus, sed quotiens voluit mare ingredi, totiens repulsus est vi ventorum, donec omnino desperans de Neptuni suffragiis, desistit ab inceptis. Tandem reuersus in terram ad domum cuiusdam amici, qui dum sederet in cœna cum milite supradicto, captus est per communes patriæ, & ductus primo ad villam de Chelmesfordia, deinde ad portalicium de Pleshy, custodiendus ibidem tanquam loco securiori. Quo confluentibus regionis communibus, die sancti Mauri circa solis occasum productus est, & in loco quo dominus eorum dux Glouerniæ quondam are-

40 status fuit per regem Richardum, decapitatus est, confessus prius lachrymabiliter, se peccasse in deum suum multipliciter, & in regem suum, quia sciens consilia dictorum dominorum, regem exinde minime præmonuisset. Per idem tempus dominus Th. le Spencer, qui dicebatur comes Gloucestræ, dum fugisse proposuerat, repente captus, ductus est Bristoliam, vbi iuxta vota communium decollatus est. Capti sunt quamplures alii huius conspirationis conscii, & morte mulctati sunt, quidam Oxoniis, quidam Londoniis. Damnati sunt nempe Londoniis clerici, I. Maudelyn Mawde, & Wilhelmus Ferby, qui tractione, suspensione, & capitis detruncatione finierunt vitam. Bernardus Prokays, & Ioh. Scheuele milites, alii quoque plures acceperunt similem mortis sortem. Episcopus Carleolensis impetitus de coniuratione damnatus est, sed

50 tamen regis misericordia reseruatus. Richardus (quondam rex Angliæ) cum audisset hæc infortunia, mente cōsternatus, semetipsum extinxit inedia voluntaria (ut fertur) clausitq; diem extremum apud castrum de Ponte fracto, die sancti Valentini. Cuius corpus per loca celeberrima, quæ interiacent à dicto castello usque Londonias, vbi contigit pernoctare, monstratum est post officium mortuorum, & in crastino post Missam peractam. Cumq; in Ecclesia sancti Pauli Londoniis celebratæ fuissent exequiæ, rege præsentem, & Londoniarum ciuibus, confestim corpus reportari iubetur ad Langley, tumulandum in Ecclesia fratrum Prædicatorum, perfeceruntque ibidem supremum officium Episcopus Cestrensis, Abbas sancti Albani, & Abbas de Waltham, sine magnatum præsentia, sine populari turba, nec erat qui eos inuicaret ad

prandium post laborem. Eodem anno sub æstiuo tempore fuit Epidemia, quæ multos hac luce priuauit. Eo tempore per viros de Lemnia captæ sunt quædam naues Scotorum, quarum Admiralius fuit dominus Robertus Logon miles Scoticus, qui pactus fuerat destruxisse nauigium Anglicanum, & præcipue piscantes apud Aberdennam. Sub eodem tempore nostrates insulas Orcadam quædam deprædati sunt. Mox etiam rex (congregato exercitu) profectus est in Scotiam, sed Scotis se subtrahentibus, nec facientibus belli copiam, rex vastata patria reuersus est. Interea Wallici nata occasione de Regis absentia (duce quodam Oweno de Glendour) rebellare cæperunt. Hic primo apprenticius fuit apud Westmonasterium, deinde scutifer Regis moderni, sed orta discordia inter eum & dominum Reginaldum Grey de Ruthyn, p̄ terris quas asseruit sibi iure hereditario pertinere, cum rationes suas & allegationes paruipensas cerneret, primo in dictum dominum de Grey hostilia commouit arma, vastans possessiones eius per incendia, & ferro perimens plures de sua familia nimis crudeliter & inhumane. Quem proinde Rex prosequi statuens, tanquam pacis patriæ turbatorem, cum armata manu Walliam est ingressus, sed Cambri cum duce suo montes Snowdoniæ occupantes, intentata vindicta se protinus subtraxerunt. Rex vero combusta regione, & quibusdam peremptis (quos fors pro tunc gladiis ænigmatis obtulerat) cum præda iumentorum & animalium remeauit. Hoc anno obiit magister Radulphus Ergam Episcopus Bathoniensis, cuius loco regis intuitu electus est magister Henricus Boower. Sub eodẽ tẽpore Imperator Constantino-
20
politanus venit in Angliam, postulaturus subsidium contra Turcas. Cui occurrit Rex cum apparatu nobili, ad le Blacketh, die sancti Thomæ Apostoli, suscepitque (prout decuit) tantum heroem, duxitque Londonias, & per multos dies exhibuit gloriose, pro expensis hospitii sui soluens, & eum respiciens tanto fastigio donatiuis. Papa transtulit Episcopum Carleolensem ad Episcopatum alium, vnde nec fructus perciperet nec prouentus, cui successit in Pontificatum Ligubaliæ magister Wilhelmus Strikelande.

Wallorum rebellio.

Imperator in Angliam venit.

Parlamentum Londini.

Anno domini M. cccc. i. (qui est annus regni regis Henrici à conquestu quarti secundus) post Epiphaniam factum est Parlamentum Londoniis, in quo statutum fuit editum de Lolardis, vt vbicunq; deprehenderentur suam prauam doctrinam amplexantes, caperentur, & diocesano Episcopo traderentur. Qui si perseverarint pertinaciter opiniones suas defendere, degradarentur, & iurisdictioni seculari committerentur: practizataq; fuit hæc lex in pseudo præbytero, qui apud Smithfield (multis aspectantibus) est combustus.

Rex de Lecto peremit in bello Balsak, filium Balthasardan illustris (quem Admiratum vocant) destruxitque Hierusalem, & in circuitu regionem, & quia gratiose vicit eum, & inopinabiliter conuersus est ad Christianitatis ritum, cum sexaginta millibus hominum sectæ suæ. His auditis rumoribus, Imperator lætior recessit ab Anglis, honoratus à rege donariis pretiosis. Hoc anno 6. idus Aprilis obiit dominus Thom. de Bellocampo, Comes Warwici, qui suam fortunam expertus fuerat sub Rege Richardo. Eodem anno debita naturæ soluit magister I. de Bottlesham, qui ex fratre de ordine Prædicatorum factus est Episcopus Bethlemitanus, ac deinde Roffensis, per Urbanum Papam, cui successit I. eiusdem cognominis clericus de familia domini Cantuariensis. Sub hoc tempore conditionibus iam inter regna firmatis, & omnibus perfectioni reginæ necessariis præparatis, reuecta est Isabella (quondam regina Angliæ) ad patrem patriamq; suam Franciæ, nondum annorum plene duodecim. Hoc tempore Owenus de Glendour, cum suis Wallensibus damna graua infert Anglis. Cum nocte quadam rex iturus esset cubitum (Deo protegente) euasit læthale periculum. Siquidem in stramento lecti sui (cuiusdam proditoris ingenio) positum fuerat quoddam ferrum fabrefactum ad modum triculpidis, habens tres longos aculeos subtiles, atq; rotundos, punctu aculeis acutissimis, sursum erectis, tali ingenio, vt cum rex decubisset, & mole corporali stramenta pressisset, per eosdem aculeos vulneratus fuisset, vel forsitan interfectus: Sed (Deo volente) rex inopinato persensit instrumentum mortiferum, & periculum deuirauit.

Anno gratiæ M. cccc. ii. (qui est annus regni regis Henrici à conquestu quarti tertius, cometa apparuit mense Martio, primo inter chorum & septentrionem, videlicet in circio flammas emittens, postremo comas in boream transferens, præsignans fortassis effusionem humani sanguinis circa partes Walliæ & Northumbriæ exposit futuram. Eo tempore Owenus de Glendour vastauit terras domini Reginaldi de Grey,

Grey, cui occurrens idem dominus, putans eum leui negotio superandum, inopinato (versa mortis alea) captus est, & de suis plurimi trucidati, quod infortunium Wallicos extulit in superbiam, & insolentiam auxit eisdem. Circa festum Pentecostes coniurauerunt quidam mortem Regis, asserentes Regem Richardum viuere, & quantotius in palam venturum, & suos fideles digne remuneraturum. Huius conspirationis in parte metus euauit, capto quodam præbytero apud Ware, qui scripserat nomina multorum in matricula, qui futuræ turbationis auctores vel adiutores fuissent. Iste iuxta conceptum proprium, nomina plurimorum inscripserat, qui nullatenus conscii fuerant huius facti, prout ex post paruit sua confessione, nempe cum requisitus fuisset de certis personis coram eo constitutis, quorum nomina ipse irrotulasset, si nouisset eas, respondit quod non, & cum interrogatus fuisset quare tales irrotulasset, dixit, quia opinabatur eos voluisse fecisse contra regem si cõplices inuenissent, quia per Regem Richardū ditati quondā fuerant, & promoti. Hac occasione liberati sunt plurimi, qui fuere suspecti, & sacerdos tractus & suspensus est. Nō multo post Prior quondam de Lawne, qui pro malo prioratus sui regimine à beneficio & statu suo priuatus erat, sortem similem est expertus, non quia deprehensus aliquid actitasse, sed quia confessus se maligni consilii fuisse consciū, & hoc utique concealasse. Hic erat quondam canonicus apud Dunstapliam, dictus Walterus de Baldok, qui (malo omine) relicto claustro, peruenit ad Regis Richardi curiam, & ibidem limitatus diutissime cum fortuna, tandem dono regis, de Lawne obtinuit prioratum. Eo tempore sat iniquo sydere quidam ex ordine Minorum de prodicione pensantes, priusquam procedere potuissent, capti sunt. Quorum vnus interrogatus quid facere voluisset, si rex Richardus viueret & adesset, respondit constanter, se pro eo velle decertasse contra quemlibet vsque ad mortem: data proinde contra eum sententia, tractus & suspensus est in habitu sue religionis. Sed confratres eius non ferentes tantum dedecus æstimauerunt, vt corpus defuncti supremis exequiis curaretur. Suspensus est etiā eo tempore miles Rogerus de Clarindon (filius vt dicebatur) nothus quondā nobilis Principis Edwardi, filii regis Edwardi tertii, à conquestu) & cum eo suus armiger & valedictus, eo quod accusati de prodicione defecerūt in purgatione. Diabolica species apparuit in Estsexia apud Danbury, in festo corporis Christi, hora vespèrarum in similitudine fratris Minoris intrantis Ecclesiam, & insolentissime debacchantis, vnde terrorem parochianis incussit indicibilem. Eadem hora cum tempestatis turbine, & tonitruo perhorrendo, fragore fulgurum & choruscatione globis collucentibus, concuitas totius Ecclesiæ confRACTA est, & medietas cancelli confRACTA & dissipata. Post dies aliquot capti sunt octo fratres de Minorum ordine, & ad iudicium publicum dedecorose tracti, vbi examinati, & conuicti, quod contra regem fecissent, London. tracti, suspensi & decapitati sunt. Eo tempore Owenus de Glendor, cum comitiua Cambrensiū, assuetis intendens irruptionibus, pene totam militiam Herefordensis comitatus prouocauit ad arma. Cuius comitatus viris congregatis, Edmundus de Mortuomari præbuit ducatum, sed cum peruentum fuisset ad actum (prodicione mediante) Edmundus captus, & ceteri victi sunt, occisis de magnatibus amplius quam mille viris, vbi perpetratum est facinus seculis inauditū, nam fœminæ Wallensium post conflictum, genitalia peremptorum absciderunt, & membrum pendendum in ore cuiuslibet mortui posuerunt, testiculosq; à mento dependere fecerunt, nasosq; præcisos in culis presserunt eorundem, nec patiebantur corpora peremptorum sine grandi pretio supremis exequiis commendari.

Hoc anno misit Rex filiam suam cum grandi apparatu ad Coloniam Agrippinam, cui occurrit filius Imperatoris in apparatu, qui (vt decuit nomen tanti fastigii) nec paruerat in occursum venire tantæ virgini. Ibi tamen iuuenis duxit (more regionis) virginem in vxorem. Rex Angliæ ante festum Assumptionis sanctæ Mariæ, collectis exercitibus, profectus est in Walliam, ad persequendum Owenum de Glendor, sed nihil profuit tantus armorum strepitus, cum Wallicus in nota latibula se recepit, quin potius (vt putatur) arte magica regem pene perdidit, cum exercitu quem ducebat, per pluias, niues, & grandines (vt creditur) arte diabolica concitatas. In vigilia vero natiuitatis sanctæ Mariæ, cum rex in loco amœnissimo fixisset tentoria, ibi nihil formidans, sed summa requies sperabatur, repente in ipsius noctis prima vigilia flauerunt venti, & descendit pluuia tam excessiua, vt ipsum regis tentoriū deiiceret, & eiusdem lanceam euerterent impetu vehementi, & in regis armatura defigerent. Fuisset ipsa regi nox vltima, si non quieuisset armatus: nec meminerunt Anglici (licet assueti

rebus bellicis) se vnquam tantum vexatos, periculis tantis expositos in illa expeditione fuisse. Fuerunt plures (si fas sit credere) qui dicerent hæc aduersa arte fratrum Minorum contra Regem fuisse commentata, qui parti Wallici fauere dicebantur. Sed absit hoc ab hominibus tam sanctam professis regulam, vt cum dæmonibus tantam contraherent familiaritatem, & poneret in gloria sua maculam nullo sæculo detergendam. Rex autem (necessitate cogente) rediuit in Angliam post incensam patriam & prædatam. Eo tempore Scoti fastu solito concitati, satis hostiliter Angliam sunt ingressi, putabant nempe cunctos dominos Transhumbranos in Walliarum partibus regis obsequiis fuisse detentos: sed comes Northumbriæ dominus Henricus Percy, & Henricus eius filius, comesq; de Dunbarre, qui dudum relictis Scotis fidem fecerat regi Angliæ, cum armata manu, & copia sagittariorum, Scotis repatriare volentibus, post prædas & incendia restiterunt subito, & repente præcludentes eis viam, sic quod oportebat Scotos subsistere, & capere locum pugnæ. Elegerant ergo montem iuxta villam de Woller, vocabulo Halweden hil, in quo se cum suis armatis & architenentibus collocarunt. Quod nostrates cernentes, relictæ via, in qua constiterat contra Scotos, montem Scotis oppositum conscenderunt, nec mora, nostri sagittarii in valle constituti sagittas miserunt ad Scotorum cuneum, vt eos ad descensum quomodolibet prouocarent. E contra architenentes Scotici in nostros sua spicula dirigunt toto nisu. Qui tamen vt senserunt grauitatem, & velut imbriferam tempestatem sagittarum nostræ partis, fugerunt. Comes Douglas cernens suorum fugam (nam & ipse erat campiductor Scotorum) ne belli desertor videretur esse, arrepta lancea, cum turba suorum animose descendit, confidens nimirum in armatura propria, complicumque suorum (iam per triennium elaborata) & super architenentes irruere nitebatur. Quod videntes sagittarii retrocedendo sagittabant, tam viuide, tam animose, tã graui-
ter, vt ipsos armatos omnino penetrarent, cassides terebrarent, gladios perforarēt, lanceas funderent, & omnem armaturam leui negotio transuerberarent. Ipse quoque Douglas quinque vulneribus confossus est, non obstante sumptuosissima armatura. Reliqui de Scotis, qui nondum de monte descenderant, conuersi retrorsum à sagitta volante fugerunt. Sed fuga nihil profuit, dum insequerentur architenentes, quin se reddere cogerentur Scoti, metu spiculorum mortiferorum. Comes quoque Douglas captus est: sed ex his qui fugerant, multi capti sunt, sed multi rapacitate Twe-
dæ fluminis submersi fuere, dum vada nescirent, ad numerū (vt asseritur) quingentorum. In hac pugna nullus dominus, nullus miles, aut scutifer hostib. ictum intulit, sed solummodo Deus omnipotens architenentibus Anglorum victoriam miraculose contulit, proceribus & armatis effectis belli spectatoribus otiosis. Eodem die flos Scoticæ militiæ captiuitati subactus est. Nempe cum Comite Douglas, Murdak de Fyf (primogenitus Ducis Albanix, & heres apparens regni Scotiæ) captus fuit. Experiti quoque sunt similem sortem Comes de Murryf, Comes de Angus, Comes de Orkeney: Et barones dominus de Môtegomerito, dominusq; de Erskin, dominus de Gramme, cum multis aliis militibus ad numerum octoginta, præter scutiferos, & valectos, quorum numerum ignoramus. Interfecti sunt Barones ibidem, dominus de Gurdon, & dominus Iohannes de Swynton infidus vtriq; regi: commissum fuit bellum istud die exaltationis sanctæ Crucis. Eo tempore Lolardi docuerunt conclusiones execrabiles, in occulto tamen, propter metum iudiciorū. Quæ sunt istæ: quod septem sacramenta nō sunt nisi signa mortua, nec valent in forma, qua eis vtitur Ecclesia. Item quod virginitas & præbyteratus non sunt status approbati à Deo, sed status coniugii optimus est & ordinatus à Deo. Quapropter omnino virgines & præbyteri, religiosiq; populi, si saluari desiderant, debent coniugari, vel esse in voluntate & proposito coniugandi, alias sunt homicidæ, & destruunt sanctū semen, vnde confurgeret secunda Trinitas, & sic impediunt numerum saluandorum pariter & damnandorum. Item si vir & foemina conuenerunt in vna voluntate nubendi, ipsa voluntas sufficiens est coniugium sine maiori obedientia Ecclesiæ facienda, & sic coniuncti plures, quam nos cognoscamus (prout dicunt.) Item, quod Ecclesia nihil est aliud quam synagoga Sathanæ, & ideo nolunt adire illam ad honorandum dominum, neque percipiendum sacramentum aliquod, & præcipue sacramētum Altaris, quia (vt asserunt) non est nisi buccella panis mortui, & turris siue pinnaculum Antichristi. Item, si haberent puerū modo natum, non baptizaretur per manus præbyterorum apud ecclesiam, quia puer iste est secunda Trinitas non contaminata peccato, & peior esset si deueniret in manus eorundem. Item, quod non habemus aliquem diem sanctificatum
vel

*Absit religiosus
cum dæmonibus
familiaritas.*

*Scotorum fra-
ges.*

*Lolardorum o-
piniones.*

vel sanctum, sed nec diem dominicum, sed quilibet dies est eiusdem libertatis, ad operandum, comedendum & bibendum. Item quod non est purgatorium post hanc vitam, neque quod oportet agere maiorem poenitentiam pro villo peccato, (quanquam vilissimo) sed tantum ut committentes illud deserant, & apud se poeniteant, quia (ut dicunt) in fide stat quicquid est. Sicut Mariæ Magdalene dixit Christus, fides tua te saluam fecit. Has conclusiones Lodouicus de Clifford miles (qui iam dudum Lollardis fautor extiterat,) diu sub terminorum inuolucris palliatis, sed iam denudatas Archiepiscopo Cantuariensi patefecit, ut videlicet se ostenderet, non expertinaciam, sed simplicitate cordis & ignorantia, communicasse cum impiis. Dedit etiam nomina Cantuariensi, dictas dogmatizantium prauitates. Elienses per hoc tempus pares esse cupientes Norwicensibus, qui in festo Trinitatis, & Buriensibus qui in festo sancti Edmundi indulgentias impetrant, à sede Apostolica obtinuerunt (peregre aduentantibus) & ecclesiæ suæ benefacientibus. In festo Trinitatis à primis ipsius vespers, usque ad posteriores vespers, feriæ martis in hebdomada Trinitatis vere contritis, & confessis, plenam remissionem. Eo tempore Edmundus Mortymer obiit, iuuenis quem retulimus ante captum ab Oweno Glendor, vel tædio diræ captiuitatis, vel metu mortis, vel ex alia qua nescitur causa, conuersus retrorsum cum Oweno, contra regem Angliæ se sentire professus est, dum nuptias satis humiles & suæ generositati impares contrahit, cum filia dicti Oweni. Huius (ut fertur) natiuitatis exordia, dira comitata sunt prodigia: quia nocte qua in lucem profusus est, in hypodromo paterno omnes equi patris sui reperti sunt in alto cruore stetisse usque ad tibiæ demersionem, quod tunc interpretati sunt plurimi sinistrorsum. Parliamentum Londoniis factum in crastino sancti Michaelis per septem hebdomadas perdurauit: cuius finalis effectus fuit concessio decimæ & medietas à Clero, & à Burgis decima & quintadecima de regni communitate.

Anno domini M. cccc. iii. post festum Purificationis, Regina venit in Angliam de minori Britannia ad maiorem, de ducatu ad regnum, degente feroci ad populum pacificum, & utinam fausto pede. Hæc fuerat prius coniugata nobili viro domino Iohanni de Monteforti duci Britannię, de quo tulit vtriusque sexus liberos: sed de rege Angliæ Henrico cui iam nupsit, omnino nullos. Vicesima vero sexta die mensis Ianuarii, Londoniis apud Westmonasterium fuit magnifice coronata. Æstate secuta iuxta villas de Bedford, & de Byckesworth frequenter visa sunt monstra mane & meridie de syluis emergentia, sub colore vario, in similitudinem hominum bellatorum, quæ sibi met occurrentia videbantur inire dira bella. Quæ etsi conspici poterant à remotis, appropinquantibus inueniri minime potuerunt: sicque dicta fantastica vel fatalis apparitio sæpius delusit plurimos accedere cupientes. Eodem tempore dominus Henricus Percy iunior (cui fortuna semper hætenus blandita fuerat, & in quo spes erat reposita totius populi) repente hostis regis apparuit. Cui contra cunctorum opinionem, iunxit se dominus Thomas Percy comes Wigornię patruus Henrici prædicti. Hic repente deserens domum Principis, regis primogeniti, cuius rex curam sibi commiserat in speciali, recessit ad nepotem, augens eidem vires & animum rebellandi. Quorum ut excusabilis esset coniuratio, scripserunt prouincialibus vbilibet constitutis, propositum quod assumpserant, non esse contra suam ligantiam, & fidelitatem quam regi fecerant, nec ab aliunde exercitum congregasse, nisi pro saluatione personarum suarum, & reipublicæ meliori gubernatione. Quia sensus & tallagia regis concessa pro salua regni custodia, conuertebantur (ut dixerunt) in vsus indebitos, & inutiliter consumebantur: præterea quærebantur quod propter æmulorum dilationes pessimas, Rex eis infensus fuerat, ut non auderent personaliter venire ad eius præsentiam, donec prælati regni que barones regi supplicassent pro eisdem, ut coram rege permitterentur declarare suam innocentiam, & per pares suos legaliter iustificari. Plures igitur visis his literis, collaudabant tantam virorum solertiam, & extollebant fidem quam erga rempublicam prætendebant. Sed rex ut fraudem comperit, turbatus nimirum, cogitabat quibus mediis communitati posset satisfacere, & eorum ficta commenta pessundare. Scripsit ergo personis quibus ipsi scripserant, dicens se mirari quam maxime, quod cum comes Northumbriæ & Henricus eius filius percepissent partem maximam summarum sibi concessarum per clerum seu communitatem Angliæ, pro tuitione Marchiæ Scotiæ, ut posset euidenter ostendere vnde concepissent materiã tantæ non solû querimoniæ, sed detractionis manifestæ. Scripsit insuper, quod intellexerat comitē North-

umbriæ, filium quoque suum, necnon & comitem Wigornię certificasse multis se non audere propter æmulorum dilationes ad regis venire præsentiam, sine mediatione præuia prælatorum & procerum, quare supplicabant, vt partes interponerent, vt de regis gratia venire possent ad allegandum pro se, & sua innocentia declaranda. Quamobrem scripsit eidem comiti. &c. sub sigillo regio possunt accedere sine damno, saluoque recedere sine periculo siue dolo: sed effrenata temeritas sprete lenitate regali, rigorem rebellionis induit, & Salopiam properauit, sperans (vt putatur) in auxilio Oweni Glendor & Edmundi de Mortuomari, quorundamque Cestrensiū & Wallicotum. At rex vt persensit induratum iuuenilem malitiam (nam pater eius non excefferat limites patriæ suæ) decernit occurrendum fore festinanter Henrico, 10 patruo quoque suo, domino Thomæ Percy, priusquam conflasset exercitum fortiorum. Nempe hi, & eorum complices, publicari fecere per patrias, regem Richardum viuere, & apud eos esse, cuius nomine siue causa bella sumpserant contra regem. Quem si videre vellent incunctanter, accederent armis instructi, & in castro Cestriæ viderent infallibiliter dictum regem. Quæ quidem quamuis dolosa denunciatio, varios multorum mentibus motus effecit, & fluctuare coegit plurimos, vt ignorarent cui parti foret tutius adherendum. Multi reuera afficiebantur regi Richardo, & præcipue qui familiares eius quondam fuerant, & ab eo donati feodis vel aliis donatiuis. Rex Henricus præmissa prudenter attendens, cum esset manu fortis & audax, congregauit quos potuit, instigante eum comite de Dunbarre Scoto maxime, qui mo- 20 nuit omnino ne moras neceret, commemorans illud Lucani,

Tolle moras, nocuit differre semper paratis,

Dum trepidant, nullo firmata robore partes.

Facit rex vt Scotus monuit, & inopinato peruenit ad partes vbi rebelles bacchabantur. Henricus autem subito conspecto vexillo regio, cum iam instaret effringere villā Salopiæ, mox destitit ab infestatione villanorum, dicens suis: Desistere nos (inquit) oportet ab inceptis, & arma vertere in eos qui contra nos veniunt, videtis certe signum regium, nec vacat quærere licet vellemus diuortium. State proinde corditer, quia dies hic aut nos omnes promouebit si vincimus, de statu regali liberabit si victi sumus. Nam pulchrius est in bello cadere pro republica quam post bellum mori hostis nostri 30 sententia. Conueniunt in hoc votum subito qui sequebantur Henricum, ad numerum quatuordecim millium lectissimorum hominum qui se perstituros ad statum vltimū cum Henrico promittunt. Præoccupauerant autem illis campū magis accommodum. Pax vero constitit cū suis tenens caput ad eorum oppositum. Cumq; partis vtriusq; pugnatōres signū belli præstolarentur, Abbas Salopiæ, & clericus de priuato sigillo pro parte regis legatione fungebantur, vt offerrent Henrico pacem & pardonationem si desisteret ab inceptis. Quorum persuasionibus Henricus effectus mansuetior, cū illis direxit ad Regem patruum suum dominum Thomam Percy, qui sibi tantæ turbationis causas exprimeret, emendas exigeret cum effectu. Ferunt autem quod cum rex omni rationi condescendisset & humiliasset se (secus quam personā regiam 40 decuisset) idem dominus Tho. Percy cum redisset ad nepotem, contraria referens responsis regis, exacerbauit mentem iuuenis, & ad bellum impulit, etiam non volentem. Igitur architenentes Henrici prælium inchoarunt, nec erat ad terram iaculis locus sed in corpora ferrum omne ruit, caduntque de parte regis ad instar foliorum decidentium brumali tempore post prunam: nec minus regii sagittarii suum peregere negotium, sed imbrem asperrimum spiculorum in aduersarios emisere. Cadunt proinde vtrinque plurimi, velut cum poma ruunt in Autumno, cum mouentur ab Africo, multaque simul millia de loco belli fugiunt, putantes regem sagittis occisum. Ipse vero campi ductor Henricus partis aduersæ, comesque Douglas Scotus (quibus animosiores nullus vnquam reperisset) spretis iaculis emissis de parte re- 50 gis, spretis armatorum consertis cuneis, contra solam personam regiam vires excitant, arma vertunt, ipsum pro decem millibus computantes stratis requirunt obuiis, infestis lanceis & gladiis perscrutantes. Comes de Dunbarre cum comperisset istorum propositum, regem subtraxit à statione sua. Quod factum salutare fuit regi ea vice, quia & signifer regius à furentibus est prostratus, vexillumque deiectum, circumstantes occisi. Inter quos comes Staffordiæ, & dominus Walterus Blunt miles regius cecidere.

Henrici periculum.

Princepsq; (regis primogenitus) pertentans præliandi primitias, ictu sagittæ vulneratur in facie. Interea dominus Henricus Percy dum præcedit suos in prælio, dum incon-

inconsulto penetrat hostes suos, inopinato concidit, interemptus dubium cuius manu, quo cognito, fugere partis aduersæ defensores, quibus fugiendi copia est permiffa: sed comes de Duglas captus est hic bina vice hoc anno, pugnas aduersus Anglicos aduersam semper expertus est fortunam. Nam in proximo bello traiectus caput amisit oculum, in secundo verenda transfixus perdidit paulominus loculum, & sub iugum venit captiuitatis secundæ. Captus est etiam comes Wigornia dominus T. Percy, inuentor (vt dicitur) totius mali, & causa præsentis infortunii: cum domino Richardo Vernon, Baroneque de Kinderton cum multis aliis. De parte regis ceciderunt decem milites, multi scutiferi, plures valecti, & ad numerum trium millium sunt grauiter
 10 vulnerati. Ex parte rebellium corruit maior pars militum & scutiferorum comitatus Cestrie, ad numerum ducentorum, præter domicellos & pedites, quorum numerum non tenemus. Commissum fuit hoc prælium in vigilia sanctæ Mariæ Magdalensæ, quo nunquam (vt putatur) vllum acrius gestum fuit. Die lunæ sequente (nam sabbato commissum fuit antedictum bellum) iudiciali sententia decollati sunt apud Salopiam Comes Wigornia, Baro de Kinderton, & dominus Richardus de Vernona. Die etiam Lunæ secuta proximo, dum comes Northumbria in manu robusta & brachio extenso versus filium suum properat, vel versus regem (vt putatur) pro redintegrando pacis negotio, Comitem Westmerlandia & Robertum Waterton ne progrediretur habuit impedimento. Hii nempe exercitu grandi collecto obuiare sibi subito disponebant. Qui
 20 neutrum horum putans sibi beneuolum, frena reflexit, rediens ad castellum proprium de Werkwortha. Eo tempore nuncii missi in Franciam reportarunt inducias & vacationem usque ad diem primum mensis Martii, videbanturque magnam rem fecisse in tanta rerum turbatione. Compositis rebus Salopia, rex progreditur Eboracum, ubi constitutus literaliter mandauit communitati Northumbria, vt sibi occurreret. Dimissa turba venit Comes ad Regis monita in crastino sancti Laurentii cum parua familia, non tamen susceptus est familiaritate solita, sed potius more supplicis gratiam requirentis. Cui rex vitam condonauit, & victui necessaria, decernens conseruandum secunda custodia. Reuersus rex de partibus borealibus disposuit adire Walliam ad compescendum insolentiam Wallicorum qui multa damna irrogauerant patriæ post
 30 recessum suum. Sed tamen retinuit eum rei familiaris inopia, eo quod destitutus esset pecunia pro exercitu conducendo. Astiteri sibi tunc milites & scutiferi magis idonei, Martislauerna, & Palladis, qui censuerunt Episcopos qui tunc illic forte conuenerant equis & auro spoliandos, domumque pedites remittendos, vt familiarium regis egestas ipsorum abundantia leuaretur. Affuit tamen gratiofus dominus, qui respondisse fertur vnus pro omnibus satis alacriter: milites improbos non spoliatu- ros de suis aliquem, nisi prius ausus temerarios luerent duris ictibus, & spolia verberibus nundinarent. Rex interea se gerens moderatius, aucupabatur quodammodo beneuolentiam prælatorum, vnde contigit quod dominus Cantuariensis conuocato clero, sibi de vna decima cum consensu præsulum prouideret. Britones Armorici duce
 40 domino de Castel. villam de Plimmouth inuadunt impune & succendunt. Mox claffis occidua sub ducatu Wilhelmi de Wilford scutiferi in partibus prædictæ Britannia, cepit naues quadraginta, refertas ferro, oleo, sopo & vino de rupella, ad numerum mille doliorum. Redeundo vero, cremauit naues quadraginta; & apud Penarch applicans idem Wilhelmus cum suis, combussit villas & prædia ad spaciū sex leucarum. Villam quoque sancti Matthei vltimicibus flammis dedit, & tria millia in giro dictæ villæ. Paucis diebus ante natale domini, Galli stipati bellatorum turba, ascenderunt terram in Vecta insula, iactantes se celebraturos natalis Festum illic etiam inuito rege. Cumque mille de Gallis intrassent insulam, & greges ac armenta fugassent, vt ad
 50 mare reuerterentur cum præda non modica, superueniente subito auxiliorum copia, coacti sunt prædas dimittere, & ad nauigia cum dedecore festinare, non sine damno suorum. Sicque contigit, vt qui prius instanter ab incolis petierant rerum redemptionem, vix euadere potuerunt publicam interuentionem.

Rebellium clades.

*Plimmouth in-
consa.*

*Gallorum in-
statio inanis.*

Taxa insolita.

Anno domini. M. cccc. iiii. in parlamento tento London. post octa. Epiphania, comes Northumbria restitutus est suæ dignitati pristina, bonisque mobilibus & immobilibus integraliter, & hæredes sui. In hoc parlamento concessa fuit regi taxa insolita, & incolis tricabilis & valde grauis. Cuius modum præsentibus inferuissim, nisi concessores ipsi, & authores dicti tallagii, in perpetuum latere posteros maluissent: nempe sub ea tantum conditione concedebatur, ne traheretur posterius in exemplum, nec seruarentur eius euidentia in thesauraria regia, nec in scaccario, sed

sed scripturæ vel recordationes eiusdem protinus post datum compotum cremarentur. Nec emitterentur breuia seu commissiones contra collectores vel inquisitores huius negotii de melius inquirendo. Gallici circa tempus illud venerunt ante Vectam insulam cum magna classe, miseruntque de suis quosdam qui peterent nomine regis Richardi & Isabellæ reginæ tributum, vel speciale subsidium ab insulanis. Qui responderunt regem Richardum fuisse defunctum, Reginam quondam suam coniugem remissam pacifice ad parentes & patriam, sine conditione tributi. Quapropter responderunt finaliter se subsidium non duros, sed si belli voluntas tenet Gallos, iusserunt ut ascenderent, sine cuiusquam impedimento, & daretur illis spacium refocillationis post ingressum insulæ sex horarum, & expleto tempore supradicto, daretur infallibiliter eis bellum. Quo audito, Galli nullo perfecto negotio recesserunt. Per idem tempus dominus de Castel. Britannicus factis se trahentibus, cum multitudine Gallorum & Britonum apud Dorthmouth, cum intollerabili fastu terram scandit, putans fortunam secuturam sicut prius apud Plymmouth: sed secus accidit quam sperabat. Nam ab his quos maxime habebat contemptui, scilicet ruralibus, est peremptus. Et qui post ipsum terram scanderunt, mox oppressi à rusticis, capti sunt protinus, vel occisi. Fœminæ quoque fraudari non debent huius facti præconio, quæ fundarum missilibus hostes diris strauerunt ictibus. Vnde contigit plures à fœminis, plures à rusticis sterni vel captiuari. A rusticis occidebantur multi quia nescierunt eorum linguam, quamvis grandes pro sua redemptione summas obtulissent: sed rurales rudes alia pro aliis interpretantes, putabant eos comminari, quando pro vita sollicitè supplicabant. Capti tamen sunt eo die tres domini & milites nominati viginti, pessundeditque Deus eo die arrogantiam superbiorum, & esse fecit victoriam rusticorum. Prosecuti sunt igitur captiuos suos rustici ad regis usque præsentiam, postulantes aliquod commodum prædæ suæ. Cum quibus rex ipse libenter conuenit & eorum crumenis suffarcinatis fuluo metallo abire permisit ad propria, retinens captiuos penes se grauiori censu in posterum redimendos. Mense Aprili concessa fuit regi per clerum vna decima conditionaliter, sed ne quis prouisor de cetero capiat bona vel careagia de ecclesiasticis contra voluntatem eorum. Sed tamen appensa pecunia, neglecta mox fuit conditio interposita. Anno præsentis quinto Idus Martii clarescentibus miraculis circa corpus sancti Iohannis (quondam Prioris Canoniorum de Brydelyngton) de mandato domini Papæ translatum fuit corpus eiusdem sancti Iohannis, per manus honorabilium virorum, scilicet Eboraci Archiepiscopi, & Dunelmensis, atque Carleolensis Episcoporum. Per omne tempus æstatis præsentis Owenus Glendor cum suis Wallicis prædatur, incendit & destruit regiones sibi contiguas, & nunc dolis, nunc insidiis, nunc aperto Marte, multos captiuat. Plurimos perimit Anglicorum, castellaque nonnulla capta complanat: quædam sibi conseruat integra pro tutela. Iohannes Grenor episcopus Assauiensis, cernens rem prosperari in manu Wallici, conuersus est in virum prauum, factus transfuga ad Owenum. Eo tempore Flandrenses & Britones ceperunt quasdam nauas nostratum, onustas mercibus, & nautas gladio vel suspendio peremerunt. Per idem tempus comitissa verula (quondam Oxoniæ mater Roberti de Veer ducis Hiberniæ quem exulatum diximus, & mortuum Louarne) fecit per se suosque familiares diuulgari, per omnes fines Estsexiæ, regem Richardum viuere, & in proximo fore venturum, & honorem pristinum vindicaturum. Fecitque fabricari ceruos argenteos, & auratos plurimos (signa videlicet quæ rex Ric. conferre solebat suis militibus scutiferis & amicis) ut his vice regis distributis, facilius allicerentur in vota sua milites illius patriæ, cæterique valentes. Urgebat namque plurimos ad putandum, quod Rex Richar. viueret, fama quoque quotidie ferebatur e Scotia, regem Richardum inibi constitutum, expectare solummodo tempus accommodum, quo cum forti brachio Francorum atque Scotorum posset recuperare regnum. Auxit errorem istum cuiusdam Serlonis, quondam cubicularii regis Richardi commentum, qui falso finxerat priuatum sigillum nomine dicti regis Ric. & destinauerat litteras consolatorias, simul & consonatorias, multis in regno de dicti Richardi quondam familiaribus, in quibus & continebatur eius incolumitas, & ipsius in breui cernēda prosperitas. Hac occasione multi dederunt fidem dictis & scriptis ipsius dominæ comitissæ, in tantum, ut crederent eius mendaciis & religiosi quidam Abbates illius patriæ, qui ex post, eo quod cū Comitissa sensisse videbantur, de mandato regis tenti sunt & carceribus mancipati. Comitissa vero (confiscatis bonis suis omnibus) arctæ custodię mancipantur. Clericus vero

*Insulanorum de
Dorthmouth
gesta.*

*Rumores Ri-
chardum viueret.*

vero qui præmissa fallaciter auribus multorum instillauerat, tractatione & suspendio muneratur : nam & ipse diligenter cundo per patrias, præminentes personas nitebatur ad credendum allicere, Regem Richardum non solum viuere, sed in proximo palam cunctis fore, adiiciens se dictum regem nuper allocutum fuisse, loco tali, tali denique apparatu. In festo Sancti Iohannis Baptistæ (vocante rege) comes Northumbriæ venit ad Pontemfractum, nepotes suos, & filiorum suorum filios secum ducens. Quo factò mitigauit corda complurium, qui putabant eum rebellionis iuuenibus præbuisse consilium. Venit & cum comite dominus Wilhelmus de Clifford miles, trahens secum Serlonem inuisum toti regno (de quo supra fit
 10 sermo) quem parum ante ceperat cautelose. Quo factò, penes regem meruit excusari, quod ultra placitum tenuisset Berwici castrum : propter quod reus læsæ maiestatis extiterat. Viso Serlone, feruebat omnis ætas in domo regia, sciscitari, scire, vel audire, quibus modis, quibus mediis, quibusue sociis illum inclitum regis filium, regis auunculum, Ducem Glouerniæ iugularit. Ille vero iam actum de se non ignorans, hoc solum fatebatur quod dignus fuit mille mortibus propter hoc scelus. Quæ confessione, simul & plenitudine, multorum ita demulsit animos, ut gratis promitterent se pro eius anima præbyteros conductores, qui suffragia spiritualia quotis diebus ferrent.

Requisitus cur dementare voluerat multos, ut putarent regem Richardum vi- *Serlo tractus.*
 20 uere, respondit se hoc odio Regis fecisse, ut alienaret ab ipso corda suorum, retulitque se beatum fuisse potuisse, in aula regis Franciæ, quam in aula regis Scotiæ, si non defuisset gratia. Sed cum bene sibi fuisset in domo regis Franciæ, audito quod rex Richardus uiueret, in Scotiam se transtulit, ut probaret si veridica fama foret. Quo cum peruenisset, & inuenisset quandam personam similem, sed non ipsum quem quærebat, nihilominus tamen ut illuderet Scotis & Anglis, affirmauit hunc esse Richardum regem proculdubio, præseruatam ab æmulis diuino miraculo. Sed ex post cum comperisset commentatam fallaciam patefaciendam, & ipse iam incurrisset rei familiaris inopiam, peruenit Berwicum ad dictum Wilhelmum Clifford, putans se per ipsum pecuniali
 30 præsidio releuandum, quo redire in Franciam potuisset : sed in hac parte sua spe frustratus est. Nam Wilhelmus captum detinuit, vsus consilio satis callido, ut regis gratiam nundinaret huiuscemodi mercimonio. Igitur Serlo finali iudicio tractus est in qualibet villa præcipua inter Pontemfractum & Londonias, inchoans pœnas meritas in ipsa villa regia de Pontefracto. Eo tempore rex indigens (ut fertur) pecunia, conuocauit regni proceres ad Parliamentum tenendum Conuentre, circa festum sancti Fidis virginis, non considerato quod ipso anno tempore quadragesimali Parliamentum celebrauerat apud Westmonasterium, quod inutiliter ut multis videbatur per duodecim hebdomadas fuerat protelatum. Direxit ergo breuia vicecomitibus, ne quosquam pro comitatibus eligerent quouis modo milites, qui in iure regni vel docti fuissent vel apprenticii. Sed tales omnino mitterentur ad hoc negotium, quos constaret
 40 ignorare cuiusque iuris methodum : factumque est ita. Qui conuenientes in unum & in id ipsum, cum propositum fuisset pro parte regis quo premebatur rei familiaris incommodo, instantibus prope Scotis & Wallicis, procul Britonibus, Flandricis & Gallicis, selecti milites parlamentales pro releuando rege non aliud inuenire potuere remedium, quam confiscandi Christi per totum regnum patrimonium, scilicet ut Ecclesia generaliter de bonis temporalibus priuaretur. Hinc orta est inter Clericos & laicos grandis altercatio, militibus regis asserentibus se pro rege, atque cum rege profectos sæpius citra rebelles & hostes, non solum sua expendisse profusus, sed corpora quoque multis periculis exposuisse, siue laboribus : Clericis interim domi otiose sedentibus, & in nullo regi suffragantibus. Contra quæ dominus Cantuariensis respondit, Clerum
 50 semper tantum Regi contulisse, quam Laici, dum decimas ipsi frequentius darent regi, quam ipsi quintas decimas, & insuper tenentes sui non minori numero regem sequebantur ad bella vel pericula quam tenentes feodi laicalis. Et super hæc omnia nocte dieque Missas & orationes facerent, pro eodem & omnem sibi famulantium prosperitate. Et cum adhuc prolocutor militum vultu, voceque prætendisset publice se preces ecclesiæ paruipendere, iam (inquit dominus Cantuariensis) video manifeste quorsum tendit regni fortuna, exclusis vilipensibusque suffragiis, quibus diuinitas placari solet. Certe nunquam fuit diu regnum stabile quod vacauit à precibus & deuotione. Attamen tu qui vilipendis cleri religionem, nec te putes impune direpturum Ecclesiæ possessionem, quia si uiuit Cantuariensis, malo tuo rapies quicquam de suis. Erat autem prolo-

*Parliamentum
indolentum.*

prolocutor Miles, dictus Iohannes Cheyne, qui (vt fertur) militiam sortemque Christi deferens, in sortem Martis apostatando transierat. Nam (prout dicunt) Diaconus fuerat ordinatus, nulla tamen vt resiliiret dispensatione licenciatus. Archiepiscopus inter hæc regem nutantem considerans, surrexit, genu flexo coram Rege, rogauit vt attenderet primitiuum propositum suum, quod cuilibet seruaret iura propria pro posse suo, attenderet, & iniuramentum quod non inuitus præstiterat, videlicet quod Ecclesiam & ministros eius honoraret, foueret & defenderet, attenderet & periculum iuramenti, siue dedecus violati, & ecclesiam gaudere promitteret suis priuilegiis & libertatibus, quibus gauisa est antecessorum suorum temporibus, vereretur offendere regem, per quem reges regnant: vereretur & censuras 10 quas incurrunt qui res Ecclesiasticas deprædantur: quo omnes constat excommunicationis sententia innodari. His à Cantuariensi prolatis, Rex præcepit ei repetere sedem suam, asserens voluntatis suæ fore ecclesiam in adeo bono statu dimittere sicuti eam inuenerat, vel potius meliori. Archiepiscopus concionatus militibus dixit: Vos (inquit) & vestri similes, consilium dedistis domino nostro regi moderno, & antecessoribus suis, vt confiscarent bona cellarum, quæ Gallici vel Normanni possederunt in Anglia, dicentes eis per hæc diuitias accumulandas in magna copia, & quidem (prout valent) multa fului metalli millia, sed tamen constat hodie regem non ditio- 20 rem dimidia quidem marca, vobis vel extorquentibus, vel emendicantibus de manu sua & vobismet appropriantibus dicta bona. Vnde potest coniici vos non pro regis vtilitate, sed pro vestra cupiditate temporalia nostra petere. Quia proculdubio si rex (quod absit) vestro satisfecisset execrando proposito, non esset opulentior vno quadrante sequenti anno. Et certe prius hoc caput exponam gladio, quam ecclesia destituatur minimo iure suo. Milites hac sententia, simul & Metropolitani percussa constantia, conticuere: Archiepiscopus vero (vt Argus) sibi met ex omni parte perspicuens, cum comperisset milites perstituturos in petitione temporalium, dominos temporales quosdam allexit in partem suam, qui constanter affirmauerunt sanctam ecclesiam nunquam sua voluntate, suis temporibus spoliandam, & in hac parte reddentes Archiepiscopo & prælatis gratiã, pro gratia quã sibi prius præstiterant, quando milites petierunt ad opus regis restitui quæcunq; dicti domini de corona tenebant, vel 30 dono regis nunc, vel antecessorum suorum regum Edwardi & Richardi, cui scilicet petitioni dominus Cantuariensis obnixius restitit & prælati: sic quod factum est vt de exactione temporalium nulla fieret mentio in posterum. Sed & milites ipsi qui importune perstituerant in hoc errore, domino Cantuariensi supplicabant, vt illis ignosceret, fatentibus malitiam & reatum suum, & gratias agentibus, quod animositate sua sub hac tempestate respirasset Ecclesia commemorantes illud Ethnici ita dicentis: *Tu sub principe diro, temporibusq; malis, ausus es esse bonus.* Præter multa quæ concessa fuerunt regi in hoc parlamento, laici concesserunt duas quintas decimas, ea cõditione, vt dominus de Furniual. &c. reciperent omnem fensum illum, & expederent in ver- 40 ris regis. Reuocata sunt etiam patentes regis præconcessæ personis variis de sustentatione sua annua per reges Edwardum & Richar. militibus parlamentalibus ea censentibus, licet id in regis dedecus redundaret. Clerus concessit regi vnam decimam & dimidiam, non obstante quod medietas vnius decimæ vltimo præconcessæ in festo sancti Martini fuerat persoluta.

Aquarum diluuium.

Eo tempore tanta repente ruptis limitibus irrupit aquarum influentia in terra domini Cantuariensis, & aliorum in Cantio, quanta nunquam fuerat illic ante visa, qua submersa sunt animalia numero & præcio excessiuo: Nec solummodo defleuit Anglia damna talia, sed (vt fertur) Selandia, Flandria, & Holandia per vndarum excremēta innumerabilia sensit dispendia eo anno.

Wickhamifundationes.

Hoc in tempore vir grandæuus dominus Wilhelmus Wickham Wintoniensis 50 episcopus viuere mundo desiit, cuius sumptibus & industria quotidie Clerus Anglicanus augmentatur & crescit. Nam in Wintonia constituit collegium nouellis, Gramaticis, & in Oxonia subtilioris scientiæ clericis fundauit domum. Exhibentur autem in vtroque loco centum personæ de sumptibus prouisis per eundem. Mense Octobris primo die mensis obiit Romæ Papa Bonifacius nonus, cui successit Episcopus Bononiensis & vocatus est Innocentius septimus, alias dictus Cosmatus gentilis, vir per omnia dignus nomine & gradu tanto.

Bonifacii. 9. mors. Innocentius. 7. papa.

Anno domini millesimo quadringentesimo quinto, circa festum sancti Valentini rapti sunt filii comitis Marchiæ & abducti. Sed cito post recepti de castro de Wynde-

Wyndesfor, faber ferrarius qui clauēs finxerat, per quas patebat ingressus ad eos, truncatione manuum atque capitis est mulctatus. Domina de Spencer (relictā domini Thomæ de Spencer, nuper occisi Bristolæ) dum fugit (vt fertur) ad Owenum Glendord cum filio octenni capta est, & cunctis thesauris spoliata, perque regios ad regem reducta, custodiæ arctioris subiit nocumenta. Post festum Purificationis rex (acceritis Londonias regni baronibus) tractabat cum eisdem de regni regimine, deque pecuniali subuentione sibi ferenda, sed proceres regiis votis tunc minime paruere. In quadragesima vero sequente Rex conuenire fecit apud sanctum Albanum clerum, regnique barones pro premissis negotio. Sed proceribus renitentibus nil actum fuit. Discesseruntque cuncti velut in concordia discordia, penes regem in vigilia palmarum. Sub his diebus Comes Mareſchallus Thomas Mounbray, armis instructus accessit ad Archiepiscopum Eboracensem Magistrum Richardum le Scrop, dubium an voluntate motus propria, an pontifice sollicitatus vt veniret. Eoque tempore dominus de Bardolf, Thomas adiuit Comitem Northumbriæ dominum Henricum Percy, eo animo vt molestarent regem, vt ex post apparuit manifeste. Sed Archiepiscopus atque comes Mareſchallus non diu celauere propositum quin mox palam facerent intentum suum. De comitis nempe Northumbriæ dominique de Bardolf (vt fertur) consili solatio, Ciues Eboraci cum multis aliis euocauerunt in magno numero, vt starent cum ipsis pro regni commodo, communiumque salute, & promptiores redderentur ad præſens negotium, finxerunt articulos in ostiis monasteriorum & Ecclesiarum vrbis, scriptos in Anglicis, pro quibus oportuit eos voluntarie in armis esse. Lectis ergo articulis, milites, armigeri, plebs urbana & rustica, intellecto pio proposito in magno valde numero pontificem constipauere, quem cunctis commendabant, & ætatis grauitas, & vitæ præcedentis sanctitas, & incomparabilis literaturæ scientia, & cunctis amabilis ipsa persona. Comes Westmerlandiæ qui cum filio regis Iohanne tunc prope fuit, audito rumore præcedentium, congregatis copiis, festinat occurrere Pontificali turbæ, priusquam multiplicata facile vinci non posset. Sed frustra: nam manus Archiepiscopaliū multo fortior erat gente sua. Misit ergo qui peterent causam tantæ conglobationis, & cur contra pacem regiam adessent armati. Archiepiscopus respondit se nil moliri contra pacem regiam, quin immo cuncta pro pace tranquillitateque facere, armari vero siue vallari hominibus tantum ob metum regium, ad quem alloquendum tutum non haberet accessum sine multitudine assentatorum. Propositum vero suum regis & regni fore commodum, si forte noscere vellent illud: demonstrauitque schedulam, qua articuli continebantur. Quam cum legisset comes Westmerlandiæ, verbo vultuque laudauit palam præſulis pium sanctumque propositum, spondetque se velle prosequi cum suis propositum Archipræſulis, vnde petit vt accedat cum paucis in medium, secum habiturus colloquium, & ipse cum paucis obuiaret sibi, ad equato numero personarum. Antistes gauisus credit verbis comitis, persuadet comiti Mareſcallo, (etiam nolenti) secum procedere ad locum colloquio deputatum. Ad quem cum pari numero conuenissent, cum perlecta fuisset charta de articulis, mox comes & qui cum eo erant præbuerunt assensum dictis & fauorem. Tunc comes astutior cæteris, ecce inquit finis optatus assumpti laboris, iam diu est quod populus perseuerauit in armis, renunciet ex vestris aliquis genti vestræ, vt domum redeant, arma deponant, & solitis occupationibus operam dent consuetam. Nos interim in signum concordie bibamus pariter, cernente populo partis vtriusque. Nec mora (datis dexteris) miles emittitur de parte præſulis, qui renunciet pacem populo, iubeat vnumque de depositis armis sua reuifere, quoniam iam partes in vnam sententiam conuenere. Illi vero videntes signa pacifica, proceresque combibentes, fessi ex insueta militia, læti lora vertere sic quod factum est vt (illis recedentibus) cresceret ex condito paulatim aduerſorum numerus, nec prius intellexit Archiepiscopus se seductum, quam per manus fuit comitis areſtatus cum multis aliis per eundem. Quibus omnibus indemnitas est promissa, sed nullatenus obseruata, quia tam præſul, quam comes decollatus fuit, postea veniente rege ad Eboracum in crastino Pentecostes. Quo facto patuit illud febricitantis Bridelintone vaticinium fore verum, prædicetis satis obscure præſens factum, sub hiis versibus.

Pacem tractabunt, sed fraudem subter arabunt,

Pro nulla marca, saluabitur ille ierarcha.

Archiepiscopo decapitato qui satis constanter necem tulit, martyrio pulchro finitus,

li

tus,

Archiep. Eborac. insurrexit.

Archiepiscopus capitur.

tus, ut vulgares opinabantur, qui etiam asseuerabant miracula quædam facta fuisse tam in campo quo decollatus, quam in loco quo sepultus est, illico vulgus promiscuum cepit obnixè colere cineres antitistis iam defuncti, quem dilexerant perante uiuentem, donec per quosdam regales prohibiti, præfulis monumentum reuifere metuebant. Corpus vero domini Thomæ Munbray comitis Marescalli, permissione regis sepultum est in Ecclesia Cathedrali, multis dolentibus vicem eius. Sed caput eius fixum in stipite, sterit supra muros vrbs longo tempore, expositum feruori atque pluuiæ. Quod tandem cum rex annuisset ut conssepeliretur corpori, ferunt inuentum fuisse in nullo fluxu, in nullo marcidum, nec penitus decoloratum, sed eundem prætulisse decorem, quem viuens obtinuerat. Rex posthæc ciuibus Eboracensibus multatis ad libitum qui cum Archiepiscopo senferant, promouit exercitum ad persequendum comitem Northumbriæ & dominum Thomam Bardolf, omne præparamentum belli secum contrahens & exercitum. xxxvii. millium pugnatorum. Comes Northumbriæ comperto regis proposito, Barwicum se transtulit. Eo tempore nuntii regis Daciæ, Norwagiæ & Suauici, venientes in Angliam, petiere regis filiam in coniugium domino suo: horum præcipuus fuit Episcopus Solucensis, qui cum scriptore præsentis chronici de vita sancti Albani (cuius peroptime nouit & communicauit historiam, eo quod in Danemarchia martyr noster celebris habeatur.) Interea rex firmans faciem contra comitem Northumbriæ, venit Barwicum: comes vero à facie formidinis eius fugit in Scotiam, & dominus de Bardolf cum eo. Quos dominus Dauid Fleming Scotus in fide sua suscepit. Rex autem cum cognouisset fugam comitis, mandauit hiis qui erant in castello ut illud sibi redderent. Quod cum illi præcise negarent, intendit Gunnam magnam, cuius unico iactu deiecit partem vnus turris, & inclusos tantum terruit, ut mallent obii cere se sponte gladiis, quam expectare secundum iactum. Redditum est ergo castrum regi, & de defensoribus partim fuere decollati, partim carceribus mancipati. Quo recepto, & pro votis disposito, castrum de Alnewyk & cætera castra comitis reddita sunt facilliter in manus regis. Quibus successibus rex elatus, rediuit incunctanter Walliam, ubi è contrario nil sibi cessit prosperum, sed velut infortunata omnia gerebantur. Quapropter nullo profecto negotio reuersus est, currus, carectas, & plaustra perdens numero quinquaginta (prout fertur) cum thesauro maximo & coronis suis, per aquarum inundationes superuenientes improuise. Venit ergo Wygorniam, & accersitis Archiepiscopo & aliis Episcopis, patefecit eis infortunium quod acciderat, petens sibi succurri per eosdem, cui respondit Archiepiscopus se cum clero super isto negotio tractaturum. Medio tempore Gallici venientes in succursum Wallici. i. Oweni Glendor, cum centum quadraginta nauibus applicuerunt in portu de Milleford, amissis primo præ penuria recentis aquæ pene omnibus equis suis. Dominus de Berkle & Henricus Pay combusserunt ex eisdem nauibus quindecim in eodem portu. Dicti vero Galli obsederunt urbem Kaermerdyn, & ceperunt, concessis prius defensoribus omnibus bonis mobilibus, cum licentia se transferendi quocunque vellent. Sub eodem tempore captæ sunt naues. xiiii. per supradictos dominum de Berkle & dominum Thomam de Swinburne, ac Henricum Pay, dum velificarent versus Galliam ad auxiliandum Howeno. in quibus senescallus Franciæ, & alii. vii. capitanei capti fuere. Villa de Royston conflagrauit in die translationis beati Martini. Comes Arundeliæ duxit London. in uxorem, filiam regis Portugaliæ notham, satis magnifice, præsentibus rege Angliæ, & regina, in crastino sanctæ Catharinæ. In festo conceptionis sanctæ Mariæ, domina regis filia præconis voce proclamata est regina Daciæ, Norwagiæ, Suauici, siue Sueciæ, in præsentia nuntiorum qui eam venerant petitori.

Anno domini. m. cccc. vi. (qui est annus regni regis Henrici à conquestu quarti septimus) dominus Rogerus de Waldene debitum naturæ soluit, qui varia fortuna vectus, expertus est sub breui tempore quam sit inconstans, incerta, volubilis, ipsa, errans, instabilis, vaga, quæ dum stare putatur,

Occidit & falso mentitur gaudia vulsu.

Walteri varia fortuna.

Nempe per hanc ex pauperculo, factus est regni thesaurarius, & mox Cantuariensis Archiepiscopus, quo iure mundus nouit, viuentem Thoma de Arundelia. Et illico deiectus & priuatus per longa tempora, tandem leuatur iterum in Londoniarum thronum venerandum, quo tamen non est permixtus gaudere per annum. Huic successit dominus Richardus Bobwyth. Hoc in tempore dominus Papa peremptores Richardi Scrop quodam Eboracensis Archiepiscopi publice excommunicauit. Eo tempore

tempore inchoatum est Parliamentum, quod protelabatur inutiliter fere per annum. Quia postquam parlamentales milites distulissent diu concedere regi subsidium, in fine tamen fracti, concessere taxam petitam, communis damno. Nam propter hanc dilationem expensæ militum æquiperabant pene subsidium postularum. Per clericum autem noua taxa regi conceditur, leuanda de presbyteris stipendiariis, & fratribus mendicantibus, ac aliis religiosis qui annalia celebrabant, ut horum quilibet dimidiam marcam regi daret in releuationem cleri, sed qui semper onus portauerat pro eisdem. Per idem tempus comes Northumbriæ & dominus de Bardolf monitu Dauid Fleming fugerunt in Walliam. Patefecerat nempe illis conspirationes Scotorum, qui conspirauerant illos tradere regi suo pro quorundam captiuorum commutatione. Ob quam causam Dauid à Scotis occiditur & Scoti prouocantur ad intestina bella, in tantum ut inualecente discordia, treugas annales petere cogerentur. Quibus firmatis in terra, Scoti misere per æquora filium regis sui & hæredem, ut coalesceret & informaretur in Francia de facie linguaque Gallica. Quem quidam nautæ de Cley in Norfolchia cepere fortuito, & quendam Episcopum Comitumque de Orkeney, quibus commissus fuerat à patre suo, & ad Angliam deduxerunt, regique dederunt. Rex vero resolutus in iocos dixit: Certe si grati fuissent Scoti, hunc misissent mihi iuuenem instituendum, nam & idioma Franciæ ego noui. Missique sunt ad turrin Londoniarum dictus iuuenis, & comes Orcadum, episcopo per fugam lapso. Eo tempore dum Galli properant in succursu Oweni Glendower cum ratibus. 38. captæ sunt ex eis octo naues armatis refertæ, reliquis in Walliam euadentibus meticuloſe. Non multo post captæ sunt naues quindecim, portantes vinum & ceram, per mercatores nostros ad maris custodiam deputatos. Papa contulit Archiepiscopatum Eboracensem magistro Roberto Alum Cancellario Oxoniensi, tunc in curia esistenti. Sed rex Angliæ indignatur & contradicit. Hac æstate rex & regina perduxerunt virginem Regis filiam, ex priore coniuge procreatam, ad villam de Lenna, ut inde transfretaret in Daciam ad sponsum suum regem. Hanc comitabantur nobiles, inter quos Episcopus Bathoniensis erat, & dominus Richardus frater ducis Eboraci. Qui redeuntes expleto negotio, parum vel nihil boni de patria retulerunt. Circa finem autumnus dominus Henricus de Spencer Episcopus Norwicensis ingreditur viam patrum, vir qui & militis suo tempore consummauit officium, & pontificale non neglexit debitum. Cuius loco monachi Norwicenses elegerunt Alexandrum commonachum & Priorem suum. Adhuc durante parlamento, restitutus est dux Eboraci dignitati pristinæ, qui putabatur à multis obiisse in carcere. Comes Cantii duxit in uxorem filiam domini de Mediolano. Hoc anno die sancti Clementis (apostolica vacante per obitum F. Re. Innocentii Papæ Cardinales 7. considerantes Christianæ religionis infamiam contractam ex pestifero schismate (quod tantis (proh dolor) temporibus perdurauit) conuenerunt, voverunt Deo ac eius matri Mariæ, & sanctis Apostolis Petro & Paulo, totique cælesti curiæ iurauerunt, & ad inuicem vnus alteri, & e conuerso se obligando solenniter, promiserunt quod si quis eorum assumptus foret ad apicem summi apostolatus, renunciaret effectualiter iuri suo & papatui, si & quando antipapa qui est, & pro tempore fuerit consimiliter renunciaret, accederet, & ante cardinales sic conuenire ac concordare vellent cum eisdem dominis & sacro collegio, sic quod ex his duobus collegiis sequeretur iuste canonica electio vnus Romani pontificis, ac etiam promitterent se facturos & curaturos, quod si quis ex dominis absentibus vel extra collegium per eos assumeretur in Papam, eandem faceret obligationem. Quodque nullus eorum à prædictis promissione, voto, & obligatione, absolutione, peteret vel impetraret. Et ad maiorem præmissorum firmitatem, quilibet ex dominis de collegio supradicto manu sua subscripsit. Elegerunt itaque dominum Anglicum tituli S. Marci, præbyterum cardinalem Constantinopolitanum, & vocauerunt Gregorium. 12. Qui eodem die post electionem, votum, sacramentum, & promissionem (prout superius continetur) in præsentia dictorum Cardinalium & testium manu propria subscripsit. Ego Gregorius hodie die ultimo mensis Nouembris, anno domini M. cccc. vi. assumptus in Romanum pontificem, iuro, voueo, & promitto, ac confirmo omnia supradicta, &c. Coronatus est autem die sancti Andreæ Apostoli vir annorum circiter octoginta. Circa festum sancti Martini cum rates Anglicæ versus Burdegalam cursum tenderent, & infrequentatum mare nostris hætenus attemptarent, quatuor naues de villa de Lenna nauigantes incautius inciderunt subito in caribdim, quæ dicitur esse in mari Hispanico, &

Innocentii
1195. 7.

Cardinalium
1195.

cernentibus fociis absorpti sunt. Nam illic dicitur esse mare vertiginosum, quod occultis gurgitibus naues sorbet. Ter enim in die stringit fluctus & ter vomit. Aquas itaque accipit ut vomat, vomit ut accipiat, unde Naso.

Euomit epotas dira charibdis aquas.

Doctæ sunt ergo reliquæ priorum periculo vela reflectere de tam pernicioso pelago, venereque saluo Burdegalim, sed numero diminuto. Appropinquante natali dominico, exactum est instantius ut regi prouideretur de pecuniali subsidio. Sicque tandem concessa fuit ei quintadecima de communi populo.

An. Do. 1407. soluta est obsidio facta villarum de Burgh, & de Bloys in Gasconia, facta per ducem Aurelianensem, qui cum quinquaginta millibus venerat ad subuertendum illas. Sed Deo dispensante, qui superbos humiliat, nulla dies per octo hebdomadas illuxit ei sine tempestate pluuiarum, niuis, & grandinis mixta cum ventis & fulmine, quæ tam homines ad mortem compulit quam iumenta. Quibus infortuniis fertur sex millia hominum perdidisse, & qui in aduentu suo supra fortunam suam nimis ambitiosus, fecerat deportari supra caput suum à quatuor militibus pannum aureum, iam reuertens inglorius, gaudebat ab imbris iam cessare cælum. Per idem tempus Henricus Pay & quidam de quinque portubus, cum nauibus quindecim, in mari Britannico centum viginti naues anchorantes, onustas ferro, sale, oleo, vinoque, de rupella ceperunt. Episcopus Sarum Richardus Mitford seculo valefecit. Eo tempore fixæ sunt scedulæ multis in locis Londoniis, quibus continebatur quod rex Richardus viueret, & in proximo venturus esset in magnificentia, & gloria, accipere sibi regnum. Sed non multo post captus est & punitus ausus tam temerarii stultus cōmentor, & ex mendatio multorum conceptam lætitiā temperauit. Hac æstate ex aeris corruptione tanta pestis humanis est infusa corporibus, quanta non est visa per annos plurimos in hac terra. Ita (ut ita dicam)

Lariferis calidi spirarunt astibus austri,

Pestis & in magna dominatur manibus urbis.

Pestis.

Nam & Londoniis consumpsit infra breue tempus ad triginta millia sexus vtriusque: in villis vero ruralibus peruenit ad miseros damno grauiore colonos, ut multæ domus quondam frequentibus lætæ familiis, penitus vacuarentur. Eo tempore pro ut videbatur in vnam conuenere sententiam Papa Romanus, & antipapa per litteras directas adinricem, attamen nondum finis. Sub hoc tempore Gallici ceperunt munitionem de Eye, & destruxerunt, ac bona inibi reperta rapuerunt, unde dolentes stipendiarii Calesiæ, ceperunt & ipsi castrum de Pouile, & ibidem bona reperta copiosa valde Calesiam comportarunt. Prope medium mensis Iunii, cum Papa Gregorius se parasset ad proficiscendum Sauoniam, iuxta conditum inter ipsum & antepapam gratia vnionis faciendæ in Ecclesia Dei, repente dæmonis instinctu, superuenit Rex Neapolis, & ante portam sancti Laurentii consedit cum exercitu, unde dominus Papa confugit cum cardinalibus in castellum sancti Angeli. Et accersito nobili viro Paulo Vrsino, iussit ut cum manu forti militari valida opem ferret. Qui commissa pugna peremit septem millia de hostibus Ecclesiæ, nobilibus multis captis. Rex vero mœrore plenus aufugit, & inglorius Neapolim repedauit. Hac occasione retardatum est negotium vnionis & pacis in ecclesia sancta Dei. Circa festum assumptionis beatæ Virginis, dominus Robertus Knolles diem clausit extremum. Cuius arma regnum Franciæ sensit, & expauit infesta ducatus Britanniæ, verebatur Armoricæ, atque pertimuit gens citerioris Hispaniæ. Qui præter laudem quam sibi peperit in gestis Martiis, construxit pontem ultra flumen de Modewey iuxta Rossam, prouexitque domum fratrum Carmelitarum Londoniis, fundauitque collegium secularium clericorum apud Pontem fractum, & alia multa laudabilia consummauit. Eodem anno Guido de Mone, Meneuensis episcopus, præsentis lucis sensit eclipsim, qui dum vixit magnorum malorum causa fuit.

Neapolitanus Papam obsides.

Knolles moritur.

Episcoporum translatio.

Sub eodem tempore, magister Henricus Bowet ad instantiam regis translatus est ab Episcopatu Bathon. ad Archipresulatum Eboracensem, & Magister Robertus Alun cui Papa prouiderat de Archiepiscopatu Eboracensi, thronum conscendit Sarisburiensem, vacante per mortem magistri Clickhole. Magister vero Richardus de Clifford, de Pontificatu Wigornia transiit ad sedem Londinensem. Thomas quoque Peuerel ab Episcopatu Landaffensi transfertur ad cathedram Wigorniensem. Hac æstate dominus Henricus Princeps Walliæ cepit per obsidionem castrum de Ab-rustwich, sed non multo post Owenus Glendor fraudulenter illud intrauit, & nos cu-

uos custodes imposuit. Mense Nouembri facto parlamento Londoniis, facta fuit leuatio pecuniæ toto regno.

Anno domini millesimo. cccc. viii. (qui est annus regni regis Henrici à conquestu quarti octauus) fuit hiems asperrima, ex niuium abundantia, durans per menses Decembris, Ianuarii, Februarii, atque Martii, vnde contigit pene cunctas volucres de genere Mauistorum vel Merularum, fame frigoreque perire. Eo tempore rege tenente cōsiliū grande Londoniis cum regni magnatibus, comes Northumbriæ, dominusque Thomas de Bardolf (fatis iniquis vrgentibus) in Angliam rediere. Qui post longam equitationem, cum peruenissent ad villam de Thrisk, proclamari fecerunt, vt quisquis libertatem cuperet, arreptis armis eos alacriter sequeretur. Igitur secuti sunt eos plurimi, putantes sibi cuncta pro votis accedere. Vicecomes vero de Euerwike, cum militibus patriæ illis occurrens, iuxta Horselwood commissio graui prælio comitem interemit. Cuius caput illico præcisum est, dominus de Bardolf ex vulneribus acceptis saucius, captus est viuus, sed cito postea defecit in mortem. Acta sunt hæc quantum ad bellum. ii. Cal. Martii. Completaque putabatur prophetia quæ præmissa prænuñciauerat sub hoc inuolucro.

Stirps Percitina periet confusa ruina.

Nempe dominus iste stirps fuit cunctorum de nomine Percy superstitum, & aliorum plurimorum variis cladibus finitorum. De cuius infortunio vulgus non parum doluit, recolens viri magnificentiam, famam, & gloriam, applicans sibi Lucani carmen lugubre sic dicentis:

"Sed nos nec sanguis, nec tantum vulnera nostri

"Affecere senis, quantum gestata per urbem

"Ora ducis: qua transfixo deformia pilo

"Vidimus.

Nam caput eius veneranda decoratum canicie, pilo superpositum, per urbem Londoniarum publice deportatum, super pontem confusibiliter est locatum. Pontifex Bangoriensis captus cum prædictis dominis donari vita meruit, eo quod inermis captus fuit. Post mortem prædictorum procerum, vires assumpsit inuidia, succreuitque delatorum turba in Boreali patria, quæ patriotas accusare studuit de impenso fauore dictis dominis. Quorum clamore rex excitus, perrexit Eboracum ad faciendum iudicium transgressorum, vbi cum multos damnaasset, plurima confiscasset, patriam pacificasset, suspensio Abbate de Hayles (qui cum præfatis dominis armatus itererat) rediit ad partes australes. In crastino S. Mariæ Magdalene, in consilio cleri celebrato Londoniis, assistentibus doctoribus vniuersitatum Cantebrigie & Oxoniæ, tractatum est de censu, & obedientia Papæ subtrahendis vel non subtrahendis, quia contra votum & iuramentum præstitum, se subtraxit à loco, vbi iuxta pacta, de cessione pro parte sua procedendum fuerat ad vnionem in Ecclesia faciendam. Eo tempore dux Aurelianensis dum scortis, stupris, incestibus vacat & adulteriis in regno Franciæ, peremptus est à quodam milite cuius coniugem adulterare consuevit. Dux Burgundiæ quia præsumpsit factum defendere militis, proscriptus & multis affectus incommodis, Franciam dereliquit. Sed ex post captus & incarceratus: solutus est sub pacto Calesiæ capiendæ. In vigilia natiuitatis beatæ Mariæ tanta fuit inundatio pluuiæ, quantam senes veterani antea non viderunt. Sanctus Edmundus Comes Cantii dum obsidet castrum de Briant in Britannia spiculo balistæ vulneratus in capite, cepit tamen castrum & destruxit funditus, nec multo post (putrefacto cerebro) mortem incurrit. Circa festū omnium sanctorum venit in Angliā cardinalis Burdegalenensis, (vir potens in opere & sermone) missus à Collegio cardinalium, ad informandum regem, regniq; clerū, de inconstantia Papæ Gregorii (prout prius edocuerat regē Franciæ & incolas regni eius) quatenus hii duo reges qui censebantur in orbe præstantissimi, manus apponerent adiutrices, ad inducendū dictum Gregorium ad seruandū iuramentum præstitū, vt ipsorum duorum regum auctoritate magnifica, vnio fieri posset in ecclesia. Cui negotio rex Franciæ lubens annuerat: & solennes Gregorio nuncios destinauerat, licet tergiuersanti & indurato. Quamobrem rex Franciæ, secutus consilia doctorum vniuersitatum, Parisiorum, & Bononiensium, Aurelianorum, Tholosanorum, & montis Pefulani, ad euitandum poenas fautoris schismatis, neutri de papatu contēdenti decreuit obedire, donec pax haberetur in ecclesia Dei. Rex Angliæ cum intellexisset propositionem Cardinalis, exhiberi sibi iussit omnem humanitatem, offerens sumptus sibi largifluos quamdiu cuperet in Anglia commorari.

Nimis asperitas.

Insuperatio D. Percy.

Dux Aurel. quomodo captus.

Pluuia.

Legatio à Papa.

*Littera cleri ad
Papam.*

Anno domini M.CCCC.IX. (qui est annus regni regis Henrici à conquestu quarti nonus) post Epiphaniam conuocauit dominus Cantuar. regni clerus Londoniis, ad eligendum personas idoneas, quæ proficiscerentur Pisas, ad consilium generale. Inter quas electi sunt Magister Robertus Alin Sarisburiensis Episcopus, & præmiserat ante Rex Angliæ ambassiatores ad Papam Gregor. & Cardinales, dominum Iohannem Coluile militem, & magistrum Nicholaum Rixton clericum, cum litteris exhibendis eisdem. Et quidem in littera Papæ directæ, inter cætera scribit ita. Beatissime pater, si sedis apostolicæ dignaretur attendere prouidentia, quanta quasi per vniuersum orbem pericula, prætextu schismatis emerere, & potissime de strage populi Christiani (quæ vltra ducenta millia personarum (vt assertur) ex guerrarum 10 fremitibus in diuersis mundi partibus exortarum, & iam pridem ad numerum. 30. millium) ratione dissentionis habitæ super Episcopatu Leodiensi inter duos, vnum scilicet auctoritate Dom. veri pontificis, & alium auctoritate antipapæ titulo contententium, in bello campestri (quod dolenter referimus) fuerant interfecti, pro facto iam dicto anxiaretur in spiritu, & in isto dolore torqueretur in mente, dictanteque bona conscientia, potius apostolicæ sedis honorem relinqueret, quam huiusmodi detestanda conuicia de cætero sub dissimulationis clamide tolleraret, exemplum sumens de vera matre, quæ coram rege Salomone contendens, cessionem potius elegerat, quam filii sectionem. Et quamuis ex illa noua creatione nouem Cardinalium, contra iuramentum vestrum (vt aliorum verbis vtamur) vltimo per vos facta (de qua 20 vehemens admirationis clausa confurgit) possit aliquatenus (præsertim prout verisimile est censendum) intentionem vestram ad finem schismatis non intendere. Absit tamen à seculo semper, quod sedes vestra circumspecta, de tanta mentis inconstantia notaretur ab aliquo, vnde nouissimus error priore deterior haberetur. Hæc descripsimus de epistola quæ rex direxit Papæ, vt cunctis liqueat quam sobrie, quam modestè temptauit Papam inducere ad votum, iuramentumque soluendum, ne per eum stare videretur quo minus in Ecclesia vnitas reformaretur. In epistola vero directæ cardinalibus, inter cætera scripsit sic. Cupientes ostendere quem zelum habuimus, & habemus, vt pax detur Ecclesiæ de consensu statuum regni nostri, domino summo pontifici literas nostras transmisimus (iuxta seriem copiar præsentibus interclusæ) 30 effectualiter exequendas: vestrum itaque venerabilem cærum affectuose precamur, quatenus si contingat eundem Gregorium (interessendo generali consilio apud Pisas, & cedendo Papatui, iuxta votum & iuramentum per ipsum vicibus iteratis emissum) acquiescere votis vestris & nostris (prout cupimus, & tenemus ipsum facturum) pro statu suo totaliter ordinare velitis, vt præcipue Deus exinde placetur, & tam ipse Gregorius, quam nos qui non immerito suum honorem & commodum ex affectu diligimus, vobis & singulis vestrum merito teneamur ad gratiarum vberes actiones.

Anno domini millesimo, c c c c. x. iuxta conditum conuenere Pisas domini Cardinales vtriusque collegii, videlicet Gregorii, & Benedicti, vt super reformatione 40 vnionis tractarent tam effectualiter quam finaliter, occurrentibus ad eundem locum pene totius orbis Latini prælatis, & viris venerabilibus electis ad suffragandum cardinalibus in hac causa: sic quod factus est ibidem numerus maximus mitrarum. Qui inuocata Spiritus sancti gratia, consenserunt in vnâ personam, ac elegerunt vnum qui caput esset totius ecclesiæ, duobus aliis abdicatis, vocaueruntque nomen eius Alexandrum quintum, licet Gregorius, & Benedictus (qui se de consilio prædicto sponte subtraxerant) procaciter obgrunnirent. Hic Alexander in primordio suæ creationis, concessit omnibus vere confessis & contritis, qui manus adiutrices apponerent ecclesiæ siue prioratui sancti Bartholomæi Canonicorum de Smithfeld Londoniis, scilicet die Cænæ domini, die Parasceues, siue sancto Sabbatho Paschæ, ac etiam in festo 50 Annunciationis beatæ virginis à primis vesperis vsque ad secundas vespèras, & quolibet istorum dierum plenâ remissionem omnium peccatorum. Creati sunt hoc anno dominus Thomas Benfort in regni Cancellarium, & dominus Henricus Scrop in thesaurarium. Facto parlamento Londoniis, sub diebus quadragesimæ, quidam laicus, arte Faber, dum pertinaciter defendit hanc hæresim, quod videlicet non est corpus Christi quod sacramentaliter tractatur in ecclesiâ, sed res quædam inanimata, peior bufone, vel aranea, quæ sunt animalia animata, nec vellet opinionem istâ deferere, traditus est iudicio seculari. Cumque damnatus esset, & in Smithfeld includendus dolio, dominus princeps Hæricus (regis primogenitus) qui tunc affuit, ad eum accessit, consuluit,

luit, monuit vt resipisceret: sed neglexit (perditus nebulo) tanti principis monita, & elegit potius se comburendum, quam sacramento viuifico deferre reuerētiam. Quapropter dolio includitur, affligitur à deuorante flamma, mugitq; miserabiliter inter incēdia: clamore cuius horribili Dn. Princeps motus, iussit ignis materiam ab eo subtrahi, ardorē longius amoueri. Consolatur pene mortuū, promittens nunc etiā victurum se, & cōsecuturum veniam, ac singulis diebus vitæ suæ (si resipisceret) de fisco regio tres denarios percepturum, sed miser (refocillato spiritu) respuit tantæ dignationis oblationem (non dubiū quin maligno spiritu induratus.) Quamobrem iussit dominus Princeps eum iterum recludi dolio, gratiā nullā consecuturū de reliquo, vnde
10 contigit, quod illic ad fauillas arsit ardalis, miserabiliter mortuus in peccato suo. In hoc Parlamento milites Parliamentales, (vel vt dicamus verius satellites pilatales) in maligno positi, nulli commoditati regni studentes, ad vnum solummodo scelus vacant, vt Ecclesiam Dei per Angliam spoliarent, huiuscemodi schēdulam Regi dantes: Excellentissimo domino nostro Regi & omnibus proceribus in præsentī Parlamento constitutis omnes communes fideles demonstrant humiliter, dicentes veraciter, quod dominus noster rex potest habere de bonis temporalibus per Episcopos & Abbates, ac Priores occupatis, ac superbe vastatis in regno, quindecim comites, mille quingentos milites, sex mille ducetos armigeros, & centum xenodochia plura quam sunt, bene & fideliter sustentata de terris & tenementis nunc inutiliter & superbe vastatis. Sed cum niteretur ostendere, de quibus locis tā grandes summæ leuari possent, vnde præmissi dotarentur siue ditarentur, defecerunt scrutantes
20 scrutinio, & dum diligunt vanitatem, quæsiuere mendacium. Serenissimus autem Princeps, abhominatus tantam Lolardorum malitiam, prohibuit, ne de cetero præsumerent talia commentari. Cumq; cœtus execrabilis Lolardorum militum videret, se nō posse progredi in præmeditata malitia petierunt cum instantia, vt clerici conuicti de cetero non traderentur ergastulis Episcoporum, sed carceribus regis, & temporalium dominorum: sed ne hoc quidem consecuti sunt. Petierunt etiā, vt statutum factum de Lolardis (in quo cauetur, vt vbicunq; forent deprehenſi dogmatizare doctrinas erroneas, caperentur sine breui Regio, & proximo Regis carceri manciparentur:) vel mutaretur, vel modificaretur. Et acceperunt responſum, se nō habituros huius petitionis propositum, quin potius statutū super huiusmodi negotio aggrauandum. Rex vero in præsentī parliamēto petiit, vt quot annis, dum viueret, sine parlamento tenendo, decerneretur sibi de clero vna decima, & de laicis vna quinta decima, sed non obtinuit. Protelatum est ergo Parliamentum ab octauis sancti Hilarii fere in medium mensis Maii. Tandem de laicis concessa fuit illi vna quinta decima, non sine grandi murmure communitatis. Hoc tempore dominus Thomas Benford Comes Surrey concessit in fata. Circa nonum mensis diem Aprilis incensa est villa de sancto Audomaro, cum Abbathia, vbi reconditus fuit apparatus execrabilis per Ducem Burgundiæ, qui pactus fuerat villam Calesiæ, vel destruere, vel Gallorum arbitrio subiugare. Ibi machinarum hætenus nullibi conspectarum multitudo maxima, ibi valorum venena continentium (quæ proiicienda præordinauerat in dictam villam) magna nimis abundātia seruabatur. Collegerat siquidem serpentes, scorpiones, bufones, & alia venenorū genera, & incluserat in paruis cadis, vt dum corripuissent illic noxiorum carnes animantium, & in tabem resolutæ fuissent, facta oblidione circa Calesiam, cados emissos è machinis in villam proiiceret. Qui dum confracti fuissent iactus violentia, fæto pestifero strangularent inclusos, armatos contactu inficerent, & vbique vicos venena sparsa fœdarent. Interea iuuenis quidam ductus auri cupiditate, vel affectu villæ regis, petiit à rectoribus, quid mercedis meretur, qui villam è tanto metu vacuaret, & omnem apparatus, quem formidabant,
30 incenderet. At illi summā fului metalli taxant, qua contentus digreditur adolescens, & immisso igne non solum combussit dictam materiam, sed pene cum monasterio totam villam.

Alexander Papa quintus electus in consilio Pisis celebrato, diem clausit extremum, cui successit Balthazar Bononiensis Archiepiscopus, consensu vtriusque partis Cardinalium, qui vocatus est Iohannes vicesimus tertius.

Anno domini M. cccc. xi. hostis humani generis inuidens incrementis orbis Christiani, non solum graue scandalum, sed & magnum scandalum intulit Christianis. Siquidem Rex de Krakon tactus affectu Christianæ professionis, baptizatus est in nomine sanctæ & indiuiduæ Trinitatis. Qua de causa cuncti noti & amici sui,

qui remanserunt in perfidia Sarasenica, se elongauerunt ab eo, & conspirauerunt, vt ipsum peruerterent, aut certe bello delerent. Quorum vt comperit molitiones, tanquam Christicola à vicinis Christianis contra hostes suæ fidei subsiduum experituit. Erant autem sibi contermini proceres & rectores de le Pruws, qui priusquam Christianus effectus esset, consueuere terras suas inuadere, & exinde prædas optimas Martio iure referte. Sed iam ratione religionis cessare necesse fuit. Nihilominus Prusienses heroes, comperto, quod affines sui persequerentur eum, vt afflictum magis affligerent, non verentes domini vindicem, bellum sibi crudeles indicunt, quamuis ipse ab eis suffragia contra Sarasenos primitus implorasset. Itaq; constitutus inter incudem & malleum, quo se verteret ignorabat, sed tandem animatus (vt creditur) 10 & indutus virtute ex alto, quo maius imminabat periculum, se conuertit. Et licet hostes præstarent & numero & apparatu, inuocato rex Neophitus Christi nomine commisit cum Prusiensibus, & fecit stragem magnam. Quo successu non solum sibi subegit hostes, sed & omnem regionem eorundem. In hoc tamen pie consulens subiugatis, vt pmitteret eos suis auitis gaudere priuilegiis, & mercimonia, prout soliti fuerant, exercere. Hoc anno Burdegaliæ ex dissenteria pene quatuordecim millia hominum periere. Tantumque pestis inualuit in Aquitania & Wasconia, quod vindemiatores & vuarum calcatores in patria defecerunt. Iohannes Prendergest miles, & Wilhelmus Long pelagus præseruantes à piratis, mare pacatum reddidere. Sed non tolerauit hoc maleuolorum supercilium, quin viros accusarent de furtis, de rapinis, 20 de prædationibus rerum inconcessarum. Quapropter miles Westmonasterii petiuit asilum, non domum tigurium (vel vbi caput reclinare possit) obtinere potuit metu Regis, sed in vestibulo sancti Petri (explicatis tentoriis) sibi necesse fuerat repansare, adhibitis lateri suo custodibus, propter timores nocturnos, qui sibi ab æmulis parabantur. Remansit interim Wilhelmus collega suus in pelago, donec Admiralius, qui tunc fuit, naues armasset, & ad eum personaliter accessisset, & impunitatem sibi (fide interposita) spopondisset. Qua conditione relictis nauibus secutus est eum: sed tamen (non obstantibus promissis pollicitationibus) reclusus est in turri Londoniarum. Dominus Cantuariensis dum nititur visitare vniuersitatem Oxoniarum, repulsam passus est. Guerra mota est inter Ducem Burgundiæ & Ducem Aurelianensem (filium Ducis Aurelianensis nuper occisi) factione Ducis Burgundiæ supradicti, 30 suffragantibus Duci Aurelianensi Regibus Nauariæ & Arragoniæ, ducibus Bituriæ & Britanniæ, cum Wasconis & Aquitanis, nec non Comitibus de Huys, & de Armanak, & multis aliis. Dux Burgundiæ (cui fauit rex Franciæ, & eius primogenitus (dictus rector Franciæ) cum multis aliis) videns partem contrariam robore fortem, populositate numerosam, diffidens suis viribus, misit ambassiatores in Angliam, petens per eos Regis suffragia contra Ducem Aurelianensem, offerens plurima, pluraque promittens, inter quæ nuptias filiæ suæ promisit Principi, simul cum maxima summa fului metalli. Cui Rex fertur tale dedisse responsum. Consulimus ne cum hoste vestro præsumatis in hac causa congregari, qui iuste vos infestare videtur pro nece 40 per vos procurata parentis sui, sed quantum in vobis est, animum iuuenis exasperati mitigare studete, satisfactionem rationabilem iuxta consilium partis vtriusque promittentes. Quod si nec sic à persecutione cessare decreuerit, secedite in partes tutiores vestri dominii, & illic vires aggregate, quæ sufficiant ad repellendum suam violentiam. Si vero post hæc bellum contra vos mouerit, ad congregiendum cum eo iustius mouebimini. Et in tali causa fauorem vobis quem petitis exhibebimus. Transmissi sunt ergo Comes de Arundel, Comes de Kyme, dominus de Cobham, Iohannes Oldcastell: & quidam alii cum armata manu, & architenentibus in numero copioso. Qui cum summa gratulatione recepti sunt per Ducem Burgundiæ, sufficienterque conducti: sed cum moram Parisius diuturnam protraxissent, & iam 50 macellarii carnes solito carius venderent, statuerunt nostrates egredi, & (si fortuna faueret) ab hoste quærere victum sibi. Iacuit tunc non procul Aurelianensis comes in loco quodam forti, cum priuata familia, prope villam de Seynclo, in qua magna pars exercitus sui constituta fuit, quasi media via inter vtrosque. Profecti sunt ergo Anglici pabulatum, proque sua necessitate prouidendum. Cumque villam de Seynclo proponunt inuadere, cōperiunt pontem fractum ab hoste. Cui tabulas licet strictas, longas tamen, hostes superstrauerant, vt egredientes ab ingressu villæ nostros arcerent, & si necesse foret (iuxta qualitatem negotii) reuerti possent. Pugnatū est ergo, & Franci fugati. Qui dum meticolose fugiunt, per arctitudinem tabularum cadentes in flumine dimer-

dimerguntur. Occisi feruntur ibidem mille, trecenti ceterisq; in villam ad ducem fugientibus, casumq; referentibus cum ploratu. Qui confestim fugiens è diuersa parte, salutis suæ consuluit. Nostri proinde villam de Seynclo deprædantur, captiuos multos secum trahunt, Parisius reuertuntur. Reguli & nobiles cum vidissent manum magnam, quam exercuerat dominus super hostes per manum nostratam, deum pro successu nouo laudauere, nostrisq; gratias retulere. Sed quia captiuos secum traxerant, rei læsæ maiestatis extiterant, eisdem captiuos Galli mox iudicialiter punire temptabant, contradicunt nostrates, eo quod pacta redemptione saluassent eos iuxta leges armorum, & timebant perdere summas pactas. Quapropter bile repleti, dum nituntur saluare, quos tueri ceperant, de Parisiensibus plures morte plectunt. Sed tandem recepta pecunia pacta pro redemptione captiuorum de fisco Regis & ciuibus, permiscere Francos gaudere suorum mortibus. Quorum quidam decapitâtur, quidam tormentis variis iuxta morem patriæ mori coguntur. Parliamentum celebratur Londoniis in crastino animarum.

Anno domini millesimo quadringentesimo duodecimo, dux Aurelianensis, qui se putabat insuperabilem, accepta plaga per Anglos inflicta, mox disperquisiuit media, per quæ regem Angliæ, nec non & procures, ac commune vulgus, in affectum sibi posset allicere. Initoque consilio super isto negotio, scripsit procuratorium sub his verbis. Iohannes Regis Francorum filius, Dux Bituriæ & Aluerniæ, Comes Pictauiæ, Stamparum, Boloniæ & Aluerniæ, &c. Carolus Dux Aurelianensis & Valesii, Comes Blesensis, & Bellimontis, & dominus Conciati. Iohannes Dux Burboniæ, Comes Clarimontis & Forestarum, & dominus Belli ioci, & Iohannes Comes Alekonæ, de Armanak & de Pertica, & dominus Filgeriarum. Notum vobis facimus vniuersis, quod nostrum quilibet de probitate, & fidelitate, circumspeditione, & prudentia Falconeti, &c. ad plenum confisi, ipsos & eorum quemlibet præsentium tenore nostrorum procuratores fecimus certos, indubitatos, & irreuocabiles, ac nuntios & legatos speciales, ad tractandum & concordandum, & concludendum cum serenissimo Principe Domino Henrico Dei gratia Rege Angliæ, & illustrissimis eius natis, &c. super restitutione & traditione reali Ducatus Aquitaniæ, cum suis iuribus, & pertinentiis vniuersis, quæ ad serenissimum Dominum Regem Angliæ hæreditario iure (vt asseritur) pertinent, per nos eidem fiendis, &c. Postquam legati suum procuratorium exhibuissent, obtulerunt quæ in subscriptis articulis denotantur. Primo obtulerunt sua corpora exponenda pro seruitio domini regis Angliæ in omnibus suis causis & actionibus (salua semper eorum fidelitate) scientes, quod aliter requirere nollet. Secundo obtulerunt filios suos, filias, neptes, nepotes, & vniuersaliter omnes consanguineos suos pro coniugiis faciendis, ad complendum iuxta dispositionem regis Angliæ. Tertio obtulerunt castra, villas, thesauros & alia bona in obsequium præfati domini regis. Quarto obtulerunt amicos fere omnes, nobiles Franciæ, clericos famosos, ciues honestos, qui eis assistunt, vt de facto patebit. Quinto obtulerunt ducatum Aquitaniæ integre, eodem modo quo eius prædecessores obtinuerunt, nihil excipiendo de pertinentibus ad præfatum ducatum. Ita quod parati sunt recognoscere terras, quas tenent à præfato domino rege, & tradere in manu sua quas possunt, ac residuas pro iuribus conquiescant. Ipsi vero petunt recipere, quod dominus Rex Angliæ & successores eius eisdem dominis assistant, cōtra ducem Burgundiæ, scilicet de crimine commisso in personam ducis Aurelianensis. Secundo petunt quod dominus rex Angliæ assistat contra ducem Burgundiæ & suos fautores, vsq; ad reparationem omnium bonorum, quæ habuerunt illius & suorum occasione causæ. Tertio petunt, quod assistat contra Ducem Burgundiæ pro restitutione damnorum, & reparatione offensarum, amicorum, vassallorum & subditorum suorum. Quarto petunt, quod eis assistat pro pace regnorum quantum poterit, &c.

Hoc anno libra Piperis quatuor solidis vendebatur. Circa festum assumptionis sanctæ Mariæ, cum Rex decreto sui consilii statuisset opem præstare partibus Ducis Aurelianensis, misit filium natu secundum Thomam ducem Clarentiæ, nec non Edwardum ducem Eboraci, dominumq; Thomam comitem Dorcetani, plurimosque valentes cum manu valida, vt Duci præfato ferrent auxilium contra ducem Burgundiæ (nondum reuersis in Angliam cunctis qui iam dudum cum comite Arundeliæ transfretauerant ad roborandum partes Burgondionis) vnde succreuit multis admirationi, qualiter tam repentina facta sit mutatio, vt sub temporis tantilli spatio contingeret, Anglos velut duo contraria confouere. Profecti sunt tamē prænotati procures,

& in

& in Neustria applicuere, vbi cum dux Aurelianensis iuxta conditum, tempore statuto non occurrisset, incenderunt villas suas, prædati sunt vicos, & municipia multa cepere. Tandem licet fero conuenerunt ad colloquium ducis Clarentiæ, & Aurelianensis. Habitusq; est tractatus inter eos, vt nostrates desisterent ab hostili equitatione & à prædationibus temperarent. Quo concessio recesserunt duces nostri in Aquitaniam illic hiematuri, Aurelianensis ad propria se conuertit. Medio tempore dominus de Heyle Marecallus Franciæ, cum multis magnatibus, hominibusq; de armis ad numerum quatuor millium pugnatorum, obsedit quoddam municipium in Aquitania, quod erat in custodia domini Iohannis de Blunt militis, qui cum trecentis auxiliariis fugauit & subdidit totum exercitum Gallicorum, captis de nominatis viris 12 duodecim, & aliis generosis ad numerum centum viginti.

DE TEMPORE REGIS HENRICI *post conquestum quinti.*



ANNO DOMINI M. cccc. xiii. Rex Henricus tenuit natale apud Elcham, valetudine graui pressus sic quod quandoq; mortuus videbatur. Resumpsit tamē vires, Deo volente, & dies natalitios iocunditate qua potuit celebravit. Post natalē cōuocauit regni pcceres ad parliamentū tenendum 20 Londoniis, in crastino Purificationis S. Mariæ, sed tamen finem parliamenti non expectauit, fato præuentus, die 20. mensis Martii, cum gloriose regnasset annis 13. & dimidio, præter 5. dies. Sepultusque est in Ecclesia Christi Cantuarii.

Eodem anno coronatus Londoniis Henricus primogenitus regis Henrici nuper defuncti 5. idus Aprilis dominica in passione domini. Quo die fuit tempestas niuis maxima, cunctis admirantibus de temporis asperitate, quibusdam nouelli Regis fatis impingentib. aeris turbulentiam, velut ipse futurus esset in agendis frigidus, in regimine regnoq; seuerus. Aliis mitius de persona regis sapientibus, & hanc aeris intemperiem interpretantibus omen optimum, quod ipse videlicet niues & frigora vitiorum faceret in regno cadere, & serenos virrutum fructus emergere, vt posset effectualiter à suis dici subditis: Iam enim hyems transiit, imber abiit & recessit. Qui reuera mox, vt initiatus est regni infulis, repente mutatus est in virum alterum, honestati, modestiæ, ac grauitati studens, nullum virtutum genus omittens, quod non cuperet exercere. Cuius mores & gestus omni conditioni tam religiosorum, quam laicorum in exempla fuere. Post festum Paschæ tenuit Rex parliamentum solenne Londoniis, in quo subsidium petiit & accepit. Circa præsens tempus rediit dominus Thomas dux Clarentiæ (frater regis) de partibus Aquitanniæ, quem directum diximus in auxilium ducis Aurelianensis contra ducem Burgundiæ. Sub hiis diebus magna pars ciuitatis Norwicensis, cum tota domo fratrum Prædicatorum ordinis S. Dominici, & omnibus eisdem pertinentibus, nec non & duobus fratribus ordinis eiusdem, repentinis ignibus conflagrauit. In festo S. Trinitatis celebratæ sunt solennes exequiæ regis Henrici à conquestu quarti, Cantuariæ, præsentē rege Henrico filio suo & herede. Eo tempore decretum fuit per cleri concilium Londoniis apud S. Paulum celebratum, ad instantiam maxime regis nunc, vt festiuitas S. Georgii martyris, vt duplex festum de cetero celebretur. Quod etiā die sancti Dunstani dominus Cantuariensis censuit faciendum. [Alexander Episcopus Norwicensis, qui de veterano Priore loci prædicti Pontifex factus fuerat, curis sæculi valefecit. Cui successit per electionem magister Richardus de Cortunaco, dignus, qui genere, moribus, & scientia cōquadraret hunc gradum. Eo tempore Lolardi, qui doctrinam Euangelicā & Apostolicam atq; propheticam deprauabant, fixerunt schedulas in valuis ecclesiarū Londoniis, quæ continebant centum millia parata, ad insurgendum contra cunctos, qui non saperent sectam suam. Inuitabantur nempe viribus & ingenio cuiusdam, qui dicebatur Iohannes Oldcastell, qui ob reuerentiam nuptiarum, quas contraxerat cum affine nobilis viri domini de Cobham, cognomen dicti domini est sortitus. Erat iste Iohannes fortis viribus, operi Martio satis idoneus, sed hostis Ecclesiæ peruicacissimus. Regi propter probitatē charus & acceptus, sed tamen propter hæreticā prauitatem valde suspectus. Eo tempore facta Londoniis cleri cōuocatione per dominum Cantuariensem, maxime iam causa prædicti Iohannis, repertum fuit, quod idem Iohannes fuit & est principalis receptator & fautor, protector & defensor Lolardorum, & quod

& quod præsertim in diœcesibus Londoniensi, Roffensi & Herefordensi, ipsos Lordos ab ordinariis siue diœcesanis locorum minime licentiatos contra constitutionem prouincialem inde factam ad prædicandum transmisit, eorumq; prædicationibus nephariis interfuit, & cōtradictores si quos repererat, minis & terroribus, ac brachii secularis potestate compescuit. Atserens inter cetera, quod Cantuariensis Archiepiscopus & eius suffraganei non habuerunt nec habent potestatem aliquam huiusmodi constitutionem faciendi, aliterque sentit & sentit, ac dogmatizat, & docet, de sacramentis Altaris, & pœnitentiæ, peregrinationibus & adorationibus imaginum, ac clauibus, quam Romana Ecclesia docet & affirmat. Quare ex parte totius Cleri, Dominus Cantuariensis fuerat requisitus, vt desuper præmissis contra eundem Ioannem procedere dignaretur. Qui tamen ob reuerentiam domini regis, cuius ad tunc idem Iohannes familiaris extiterat, & ob honorem ordinis militaris vna cum omnibus suffraganeis tunc præsentibus, & magna parte cleri, accessit ad præsentiam domini Regis (tunc in prædio suo de Kennington existentis) declarans ei defectus eiusdem. Ad instantiam tamen domini regis cupientis eum sine dedecore reuocare, suspensum fuit negotium magno tempore: sed cum dominus rex circa reductionem eius longum tempus triuisset inaniter, significauit domino Cantuar. se circa eum inutiliter laborasse. Dominus ergo Cantuariensis dictum Iohannem de & super præmissis personaliter respõsurum coram eo ad certum terminum decreuit euocandum, ac nuntium suum cum literis citatoriis ad dictum Ioannem transmisit (tunc in castro suo de Coulyng degentem) mandans dicto nuntio, vt dictum castrum dicti Iohannis nullo modo ingrederetur, nisi licentiatum, sed per mediationem cuiusdam Iohannis Butler hostiarii cameræ domini nostri Regis, ipsum dominum Iohannem requireret, quatenus, vt daret dicto nuntio licentiam ingrediendi, vt citaret eundem, seu saltem extra castrum suum prædictum faceret sui copiam, vt sic citatione posset apprehendi. Qui tamen Iohannes Oldcastel dicto Iohanni Butler ex parte Domini Regis sibi præmissa exponenti, publice respondit, quod nullo modo citari voluit, nec citationem ipsius aliquam tolerare. His auditis, dominus Cantuariensis decreuit eum citandum per edictum (in valuis Roffensis Ecclesiæ sibi vicinæ) publice affigendum: vt compareret coram eo ii. die mensis Septembris, super præmissis & aliis hæreticam prauitatem concernentibus personaliter responsurus. Quo die adueniente dominus Cantuariensis in capella maiori infra castrum de Ledes (quod tunc inhabitabat) sedens pro tribunali audita & recepta relatione, quod idem dominus Ioannes se in castellauit & fortificauit in castro suo prædicto, ac opiniones suas defendit, clauēs Ecclesiæ & potestatem Archiepiscopalem multipliciter contemnendo, fecit eum citari publice ac præconizari. Qui cum diu expectatus nullo modo compareret, prout initio contumacem excommunicauit in scriptis. Et quia dictus Ioannes in defensionem erroris sui contra clauēs se ecclesiæ in castellauit & fortificauit, dominus Cantuariensis decreuit iteratò citare dictum Iohannem (si posset apprehendi) vel alias per edictum (sicut prius) vt cõpareret coram eo die sabbati proximo, post festum sancti Matthæi Apostoli & Euangelistæ proximo futuro: causam rationabilem (si quam habet) quare contra eundem ad grauiora procedi non debeat, tanquam publicum hæreticum, schismaticum, & hostem & aduersarium vniuersalis Ecclesiæ, quare etiam pronuntiari non debeat, ac auxilium brachii secularis contra eum solemniter inuocari personaliter responsurus, factururus, & recepturus, circa omnia & singula præmissa quod iustitia suadebat. Adueniente termino præfixo, dominus Cantuariensis sedens pro tribunali in capitulo sancti Pauli Londoniis, assidentibus sibi dominis, Richardo Londinensi, & Henrico Wintoniensi Episcopis, dominus Robertus Murley miles custos turris Londoniarum secum præfatum dominum Iohannem adduxit. Nam parum ante per regios ministros comprehensus fuerat, & in turri clausus. Cui dominus Cantuariensis recitauit processum memoratum, quomodo videlicet in conuocatione cleri detectus & delatus extiterat, quomodoq; citatus & propter suam contumaciam excommunicatus, vnde dominus Cantuariensis gratiose se obtulit & paratum fore promisit ad absoluendum eum: sed ille absolutionem domini Cantuariensis petere noluit, sed diuertens ad alia dixit quod libenter recitaret coram domino Cantuariensi fidem quam tenet. Extraxitque de sinu suo schedulam indentatam, quam tradidit domino Cantuar. postquam legisset: Quæ schedula perlecta, dominus Cantuariensis dixit: Ecce domine Ioannes, in hac schedula vestra plura bona continentur, ac satis catholica, sed habetis terminum istum ad respondendum super aliis, erroribus &

Responsio I. Oldcastle.

res & hærefes sapientibus, quibus per contenta in hac schedula non est plene responsum. Et propterea vos oportet ad eadem respondere, qualiter sentitis, & fidē vestram plenius declarare, videlicet, an credatis & affirmetis, quod in sacramento altaris post consecrationem rite factam remaneat panis materialis vel non. Item, an teneatis, credatis & affirmetis, quod in sacramento pœnitentiæ necessarium fuerit, quod habens copiam sacerdotis cōfiteatur de peccatis suis præsbytero per Ecclesiam ordinato. Qui respōdit expresse, se nolle aliter prædicta declarare, quam in dicta schedula sua continetur. Cui compatiens dominus Cantuariensis dixit: Caueatis domine Iohannes, quia ad hæc vobis iniecta, clare non respondeatis in termino legitimo vobis iam dato, poterimus vos denuntiare & declarare hæreticum: sed dictus Iohannes aliter respondere contempsit. Tunc dominus Cantuariensis declaravit ei, quid sancta Romana Ecclesia sequēs dicta beatorum Augustini, Hieronymi & Ambrosii, & aliorū sanctorū determinavit, quas determinationes oportet quoscunq; Catholicos observare. Ad quæ dictus Iohannes respondit, quod voluit credere & observare, quicquid sancta Ecclesia determinavit, ac quicquid voluit se credere & observare: sed quod dominus Papa & Cardinales, Archiepiscopi, Episcopi, ceterique Prælati Ecclesiæ haberent potestatem talia determinandi, noluit ad tunc aliquammodo affirmare. Vnde dominus Cantuariensis sibi compatiens, sub spe melioris deliberationis sibi in Anglicis certis articulis, rogavit ut in die lunę proximo sequēte plene & clare suum daret responsum super eisdem. Quo die Lunæ videlicet 25. diē mensis Septembris, coram domino Cantuar. & antedictos Episcopos, adiuncto illis Bangerensi Episcopo domino Benedicto, comparuit dominus Robertus Murley custos turris Londoniensis, ac præfatum dominum Iohannem secum duxit, ac coram domino Cantuariensi, & toto clero pro tunc congregato statuit. Cui Archiepiscopus affabiliter & suaviter recitavit acta prioris diei, & quomodo excommunicatus fuerat, & est: ac rogavit, & requisivit eundem, ut peteret ac admitteret in forma debita Ecclesiæ absolutionem. Quod se dictus Iohannes facturum negavit, sed à solo Deo absolutionem petiturum. Consequenter dominus Cantuariensis suavi & modesto modo rogavit & requisivit eundem, quatenus de & super contentis in dicta schedula determinationem Ecclesiæ eidem transmissam de sibi oppositis clarum daret responsum. Et primum super sacramentum Eucharistiæ: Ad quē articulum inter cetera respondit: quod sicut Christus hic in terra degens habuit in se diuinitatem & humanitatem, diuinitatem tamen velatam & inuisibilem sub humanitate, quæ in eo aperta & visibilis fuerat. Sic in sacramento altaris est verum corpus & verus panis, videlicet quem videmus, & corpus Christi sub eadem velatum quod non videmus. Ad fidem circa sacramentum huiusmodi in schedula prædicta per dominum Cant. transmissa sibi, perque sanctam Romanam Ecclesiam & doctores sanctos determinatam, expresse negavit, dicens, quod determinatio Ecclesiæ facta est contra sacram scripturam, postquam Ecclesiam dotata est, & venenum infusum in Ecclesiam & non ante. Quod etiam ad sacramentum pœnitentiæ & confessionis, dixit & asseruit, quod si quis esset in aliquo graui peccato cōstitutus, à quo ipse surgere nesciret, expediret & bonū esset sibi adire aliquem sanctum & discretum sacerdotem pro consilio ab eo habendo. Sed quod confiteretur peccatum suum proprio curato seu alteri presbytero, etiam si haberet copiam eiusdem, non est necessarium ad salutem, quia sola contritio peccatū huiusmodi delere posset, & ipse peccator purgari. Circa adorationem sanctæ crucis dixit & asseruit, quod solum corpus Christi, quod pendebat in cruce, debuit adorari, quia illud corpus solum fuit & est adorandum. Et interrogatus quem honorem faceret imagini ipsius crucis, respondit verbis expressis, quod illum honorem solum faceret sibi, quod bene munderet eam, & poneret in bona custodia. Quod autem ad potestatem clauium, dominum nostrum Papam, & Archiepiscopos, & alios prælatos. Dixit, quod dominus noster Papa est verus Antichristus, hoc est, caput eiusdem Archiepiscopi & Episcopi, nec non alii prælati sunt membra, & fratres cauda eiusdem. Quibus Papæ, Archiepiscopis, & Prælati, non est obediendum, nisi quatenus fuerint imitatores Christi, & Petri, in vita, moribus, & conuersatione. Et quod ipse est successor, qui est vita melior, moribus purior, & nullus alius: vltius dixit idem Iohannes alta voce, manibus expansis alloquendo circumstantes. Isti qui iudicant & volunt damnare me, seducunt vos omnes, & seipsos, & vos ducent ad infernum, & ideo caueatis ab eis. Quibus omnibus per eum sic dictis, dominus Cant. iterum ac sæpius flebili vultu dictum dominum Iohannem alloquebatur verbis quibus potuit exhortādo, ut ad vnitatem rediret Ecclesiæ,

si, crederet & teneret quod Ecclesia Romana credit & tenet. Qui respondit expresse se aliter non credere, quam superius expressit. Viden ergo dominus Cantuar. se in nullo posse proficere, cum magna cordis amaritudine processit ad prolationem sententiae diffinitivae in hunc modum. In Dei nomine Amen. Nos Thomas permissione divina, &c. in quadam causa siue negotio haeretica prauitatis, de & super diuersis articulis, super quibus dominus Iohannes Oldcastell miles Dominus de Cobham coram nobis in vltima conuocatione cleri nostrae Cantuariensis prouinciae, in Ecclesia sancti Pauli celebrata, post inquisitionem diligenter ibidem inde captam, reperimus eundem Iohannem fore & esse haeticum, haeticis credentem, ac in fide & obseruantis sacrosanctae Romanae & vniuersalis Ecclesiae errantem, & praesertim circa sacramenta Eucharistiae & poenitentiae: ad quod tanquam iniquitatis & tenebrarum filius in tantum obdurauit cor suum, ut non intelligat vocem pastoris sui, nec velit monitionibus allici, nec reduci blanditiis, unde pensatis ipsius delictis & culpis per ipsius damnabilem pertinaciam aggrauatis, volentes quod, is qui nequam est, fiat nequior, & alios inficiat sua labe, de consilio & assensu magnae discretionis & sapientum virorum venerabilium nobis assistentium, praefatum dominum Iohannem Oldcastell militem, dominum de Cobham de & super huiusmodi detestabili reatu conuictum & ad ecclesiae vnitatem poenitentialiter redire nolentem, haeticum, ac in hiis quae tenet, docet, determinat, & praedicat sacrosancta Romana & vniuersalis Ecclesia, & praesertim in articulis subscriptis, errantem iudicamus, declaramus & concedimus sententialiter & diffinitive, in hiis scriptis relinquentes eundem ex nunc tanquam haeticum iudicio seculari. Ipsumque nihilominus haeticum, omnesque alios & singulos, qui eundem de cetero in sui fauorem erroris receptauerint, defensusauerint, seu sibi consilium, fauorem vel auxilium in hac parte praebuerint, tanquam fautores, receptatores & defensores haeticorum, excommunicamus, & excommunicatos denuntiamus in hiis scriptis. Hiis itaque peractis, dominus Cantuar. Regem certificauit super praemissis viuae vocis oraculo, postulans ut dominus Rex dignaretur dicto Iohanni damnato iuridice, gratiose concedere 50. dies ad inducias. Nam tam Rex quam Pontifex non eius interitum, sed vitam cupiebant affectualiter, & pro salute sua laborauere non segniter, unde de factum est, ut ad turrim adduceretur, ubi sub induciarum spatio sibi concessarum posset resipiscere, & gratiam tam Ecclesiasticam quam regiam promereri. Sed ista specialis indulgentia facta fuit sibi malignandi copia, dum citra praefixum terminum elapsus e custodia, congregauit iniquitatem sibi, nil aliud cogitans quam de vindicta. Reuera clam destinatis literis ad sequaces suos tam milites quam armigeros, qui non pauci fuere, hortabatur, ut & ipsi scriberent ad amicos suos, ut & ipsi se ad vindictam mutuo concitarent. Igitur per omne tempus illud, quod fluxit ab euasione eius usque ad circumcisionem domini, vel Epiphaniam, discurrebant undique Lolardorum nuntii, qui rurales & quoscunque poterant (promissis amplis stipendiis) allecarent, quatinus in certum diem eis denuntiandum parati forent ad stadium viriliter, & actus martios peragendum. Multis ignatis querentibus causam, pro qua vel in qua certare deberet, responsum fuit non esse curandum, dummodo stipendia larga reciperent, & pro rebus bene gestis affluenter remunerandos proculdubio se speraret. Sed de hiis omnibus in ordine praesentis historiae post haec plenius referemus. Hoc anno plures Angli peste percussi vel epidemia viuere desiere. Item hoc anno leuatum fuit corpus Richardi quondam regis Angliae, quod humatum fuerat iuxta Ecclesiam fratrum Praedicatorum de Langelea, & deportatum Londonias, ac apud Westmonasterium regaliter tumulatum, non sine maximis expensis regis nunc, qui fatebatur se sibi tantum venerationis debere, quantum patri suo carnali.

Anno domini M. cccc. xiiii. Rex tenuit natale solenniter apud Eltham, ubi Lolardi (facta coniuratione) regem inopinato cum fratribus suis & amicis cepisse vel occidisse statuerant. Sed Deus omnipotens noluit innocentem, nocentum perire manibus neque periclitari, sed immisit timorem suum in corda quorundam conspiratorum, qui regem monuere vitare periculum, & iam structas insidias declinare. Unde factum est, ut sine strepitu rex modeste se transferret ad palatium suum prope Westmonasterium, ubi & locus tutior & frequentia populi maior fuit. Lolardi vero cum iam completa esset eorum malitia, effutire parabant quae mente conceperant, gestientes experiri fortunam quam suis votis fore propitiam putauere. Veneruntque sub ipso noctis cotinuo in campum (qui dicebatur sancti Aegidii, prope Londonias, ubi ferebatur eorum campiductor Iohannes Oldcastel dominus de Cobham suos fa-

K k

telli-

*Sententia in D.
Ioh. Oldcastel.*

tellites operiri: videres per semitas, perq; vicos, per compita concurrentium, turbas pene de cunctis regni comitatibus sollicitas magnis promissis confluere ad diem & horam iam instantem. Qui requisiti quamobrem sic festinabant, & velut anhelant currebant, responderunt se properare ad dominum de Cobham, qui eos conductos suis stipendiis acciuisset. Rex vero non ignarus omnium præmissorum, sub eiusdē noctis articulo iussit suos in armis esse paratos, tunc primum suis intimans, quid facere decreuisset. Fuerunt tunc plures cum Rege, qui laudauerunt in diem clarum protelandum negotium, quo decernere possent, qui cum rege vel contra dominū stare vellēt. Alii vero cōsultuere, regē debere præstolari, donec ad eū multitudo conuenisset exercitus, ne cum paucis hostes aggrediēs, peiorē (q; absit) reportaret calculū. Sed neutris acquieuit rex, eo maxime, quod audisset Lolardorum fore propositum, si præualuissent primitus destruendi monasteria de Westmonasterio, de sancto Albano, de sancto Paulo, & cunctorum fratrum Londoniis constituta. Quamobrem Rex tantis malis se obiiiciens ingessit periculo, contra vota suorum in campum progrediens, paulisper transacta nocte media, ubi & constitit præstolaturus, quid ventura patiat dies proxima, ubi contigit, ut multi de remotis partibus ad castra hostilia, prius intrarent per errorem castra regia, ubi requisiti quid quærent, responderunt dominum suum de Cobham. Quapropter contra spem capti sunt, & carceribus mancipati. Peruenit rumor iste ad duces partis aduersæ, scilicet quod rex cum manu valida occupasset arua contermina, & de suis plurimos captiuasset. Consternatique sunt per amplius, quod neminem viderunt de Londoniis aduentare, vnde putabant millia ruitura in auxilium eorundem. Præceperat autem Rex, ut ciuitatis portæ clauderētur, & per armatos seruantur arctius, ut nullis pateret egressus nisi hiis, quos scirēt ad signa regia properare. Et reuera nisi rex vsus fuisset hac calliditate nocte illa (prout fertur) exiuisset de seruis & apprenticiis, simul cum quibusdam de ciuibus eorundem magistris ad quinquaginta millia contra regem. Qui vero de Lolardis adunati fuere ut audiuerent regem iam in eodem campo suas acies statuisse, non habentes ultra spiritum, fugæ prælidia petiere, quos regales insequentes quosdam cepere, quosdam peremere. Quo verò diuerterit dux eorum, minime scire potuit, licet dominus Rex spondisset publica voce præconis, cuicumq; prodenti eum, de suo marcipio mille marcas, & ciuitatibus siue pagis, qui illum detegerent, maximas libertates, vnde potest conici pene totam patriam eius dementiam amplexatā fuisse, cum nullus inueniretur, qui respectu tanti lucri eum voluerit publicare. Capti sunt tamen de suis affeclis plurimi, qui dicebantur conspirasse generaliter in destructionē regis & procerum, prælatorum, religiosorum possessionatorum, fratrum mendicantium atq; ciuium, qui super hiis conuicti, non solum tractioni & furcarum suspensioni sunt additi, sed post infelicia fata cremati. Inter quos quidam de Dunstaplia (negotio braciator) diues admodum, dictus Wilhelmus Murle, qui arctius secutus opiniones Iohannis Oldcastell, Orthodoxorum plurimos supra cunctos sectæ suæ perfidæ molestauerat. Hic cum in campo fuisset, & regis præsentiam cognouisset, meticulose ciuitatem repetiit, latebrasque quæsiuit. Præordinauerat utique (prout fertur) eo die suscepisse de manu Iohannis Oldcastell ordinem militarem. Cuius rei argumenta fuere dextrarii duo se sequentes auro phalerati, & deaurata calcaria, quæ sinu suo recōdiderat, exinde detracta, quando captus fuerat. Quod & euenit paruo peracto spatio post fugam suam. Tractus ergo, suspensus & combustus, finem quem meruit est sortitus. Repertus est autem rotulus præcentoris sancti Albani, continens cuncta monachorum nomina dicti loci in manica sua, quem vel ipse vel sui furtim abstulerant, quos (prout fertur) eliminasse proposuerat, & eorum locum velut dominus & Comes Hertfordensis pagi dono ducis sui Iohannis Oldcastell obtinuisse. Fuerunt & plures alii tam sacerdotes quam laici, qui capti, conuicti sunt & damnati, exituque fiunt consimili, quorum plurimi nec quidem pœnitere curabant. De hiis prophetatum est apud Anglos per longa tempora antequam ista contingerent sub hiis verbis:

Inter petrosū fontem montemq; nodosum,

Corruet Anglorum gentes perfida fraude suorum.

Constat veraciter inter hæc duo loca gentem perfidam contra Regem venisse, fraudeque suorum illic corruisse, quia quidam de suis Regi nuntiauerant eorum conspirationes. Hoc anno cecidit eminentissima turris Ecclesiæ Anglicanæ, & pugil inuictus dominus Thomas de Arundelia, morti soluens debita x. Calen. Martii. Cui successit in Archiepiscopatum magister Henricus Chichele. Confessor Regis magister

ster Stephanus Patrington (frater de ordine Carmelitarum, vir eruditus in triuio, & quatriuio) factus est Episcopus Meneuēsis. Rex cōpatiēns Henrico Percy adolescentulo (qui per auum suum Henricū Percy, comitem Northumbriæ, ductus fuit in Scotiam, post mortem patris sui perempti in bello apud Salopiam, cum adhuc esset paruulus) iussit suis necessariis, vt pro eius euocatione sollicitarentur, eum non solum honorare statuens eius reuocatione, sed vt sublimiaret comitis Northumbroꝝ nomine & dignitate. Eo anno ad Parliamentū tentū Leycestriæ, venere nuntii regis Franciæ, ducisq; Burgundiæ, qui contra Ducem Aurelianensem fortificari petiit, promittens (vt fertur) plura quam præstare potuit. Missi sunt ergo per Regem Angliæ solennes
 10 nuntii ad vtrunque. Inter quos duo Pontifices, scilicet Dunelmensis, & Norwycensis, legationis principes extitere. Frequenter enim & hii in Franciam, & Francorum legati directi sunt in Angliam, sumptusque maximi consumpti sunt vtroque, spe pacis omnino sopita. Hoc anno cæpit Rex Henricus fundare tria monasteria religiosorum, iuxta prædium suum (apud Schene vulgariter appellatum) vnum de ordine monachorum Cartusienſium, aliud monachorum qui Celestini vocarentur: qui profitentes regulam sancti Benedicti, quam seruare se dicunt ad literam, & vltius se astringunt ad reclusionem perpetuam. Tertium Brigittinorum, qui sancti Augustini profitentur regulam, quæ cum aliis adiectis ceremoniis vocatur ab eis regula Saluatoris: hiis non licet habere proprium, non quidem obolum, nec pecuniam tangere
 20 quouis modo. In hoc monasterio iuxta regulam debent esse sorores sexaginta, sacerdotes xiiij. Diaconi iij. octo fratres laici, quibus omnibus computatis, tantus erit numerus personarum, quantus erat xiiij. Apostolorum, & septuaginta duorum discipulorum Christi. Hii non lineis, sed laneis semper vtuntur: qui duo conuentus habebunt vnam Ecclesiam in communi, moniales habebunt superius sub tecto, fratres inferius ad terram. Et sunt vtriq; cōuentus separatim inclusi, quibus post professionem non licebit egredi, nisi de domini Papæ licentia speciali. Isti duo conuentus debent habere ex regula sufficientem dotationem ad sustentationem personarum & serui-
 30 entium, ac supportationem onerum tanti monasterii, ita quod absque indigentia & mendicitate tam in anno sterili, quam fertili possint sufficienter & quiete subsistere. Postea vero si totus mundus possessiones & prædia eis offerret, quicquam omnino recipere non liceret. Ante festum omnium sanctorum annuatim computari debent & præsciri victualia, & necessaria anni subsequētis, & quæcunq; tunc remanent de victualibus seu pecunia anni tunc instantis in crastino omniū sanctorū debent pauperibus erogari. Si vero aliquando victualia sequētis anni videntur non sufficere, tunc de pecunia aut victualibus imminētis anni additur sequenti anno quantum necesse est, & non plus, si Abbatisſa, & generalis eiūdem loci confessor, periculum animæ suæ voluerint euitare. Et ex post quicquid remanserit, egenis dari debet. Abbatisſa cum consensu sororum & fratrum eligere debent vnum de xiiij. sacerdotibus in confessorē generalem monasterii, cui omnes fratres obedire debent, & contra præcep-
 40 tum eius omnino nihil facere. Nullus secularium virorū, seu mulierum secularium, seu religiosorum, ingredietur claustra monasterii monialium. Hos ritus & plures alios obseruant huius nouellæ religionis p̄fessores, quos ad præsens omittimus, ad alia festinantes. Ambassiatores nostri Dunelmensis, & Norwicensis Episcopi, iam secundo de Francia redeūtes, Gallicos dolis hætenus inseruisse declarat. Quamobrem rex irritatus cachinnos eorum temperare decreuit, & in derisores animaduertere belli iure, & quantæ sit dementiæ suscitasse canem dormientem factis ostendere. Circa festum Michaelis iussit rex venire Londinum ad consilium cunctos regni proceres, & prælatos, consultaturus de negotiis arduis tangentibus regnum suum. Quo quidem tempore Cantuariensis celebrauit ibidem grande consilium, in quo tractatum
 50 est de priuilegiis exemptorum per Romanos Pontifices indultorū (quibus gauisi sunt hætenus) annullandis. Hoc initium signorum fecit nouus Metropolitanus, vt manifestaret bilem suam. In hoc consilio sunt electi, qui pro parte cleri Angliæ proficiscerentur ad generale concilium celebrandum, apud Constātiā Germaniæ ciuitatem. Quo pene per laudabilem sollicitudinem regis Romanorum & Hungariæ (viri Christianissimi) qui electus in Imperatorem Alemanniæ, recusauit coronam suscipere, donec sibi constaret indubitanter, quis esset præficiendus in Papam: totius Christianitatis prudentissimi Pontifices, & Prælati cum aliis clericis velut innumeris confluerent. Vtque de aliis taceamus, de regno Angliæ missi sunt ad cōsiliū viri valde venerabiles, Sarisburiensis, Bathoniensis, Herefordēsis Episcopi, & cum his Abbas West-

monasterii, Prior Wigornia, & plures alii pollentes ingenio, religione famosi. Horum cœtum honorauit multipliciter præsentia Comitis Warwicensis. His ergo & collegiis Cardinalium (quondam Gregorii & Petri de Luna) cum aliis prælatis & doctoribus præcipuis christianitatis, apud Constantiam, Gregorius renuntiavit Papatui, ita duntaxat ut idem faceret Petrus de Luna qui in Arragonia, & Iohannes qui in Roma, nomen sibi Papatus assumpserat, sed Iohannes noster aliquandiu tergiuersauit, donec monitus & inductus, per Imperatorem, se renuntiaturum sicut & ceteri aliquando concessit. Quo facto, factum est indicibile gaudium, inter omnes qui aderant, putantes iam finem dissidii imponendum. Sed (proh dolor) ubi sperabatur perfectionis & pacis initium, iam nouæ dissensionis surrepsit exordium. Nam 10 Papa Iohannes infirmitate simulata, nocte repente recessit cum Duce Austria ad quandam ciuitatem dicti Ducis, se tamen excusauit literaliter penes Imperatorem, quod propter aerem sibi nocuum reliquisset Constantiam, sed nihilominus quandocunque Imperator duceret eum accersendum, paratus foret ad consilium sine mora regredi, ad consummandū & implendū quæcunque promiserat. Cū vero post dies aliquot visum fuisset imperatori & consilio ut suam exhiberet inter eos præsentiam, per nuntios rogauerunt, ut venire nō deferret ad consiliū, prout promiserat se facturum, quod plane negauit se facere, & occulte diffiguratus, fugit cum Duce Austria in terram suam. Misit ergo Imperator ad ducem, mandans ut eum reduceret, vel saltem reduci permitteret ad consiliū memoratum. Quod cum dux supersedisset facere, im- 20 perator terras eius ingressus est, coegitque ducē se submittere, Papamque reducere in eodem habitu, quo eū abduxerat fugitiuū. Reductus est ergo, coramque consilio demonstratus, non indumentis religiositatis redimitus, sed Brigantinorum more semiuestitus, gestans ad latus sagittas breues, qualiter utuntur equites illarum partium, qui maulendrini dicuntur. Derisus igitur à toto cœtu, tam religioso, quam seculari, missus est in carcerem sub arcta custodia conseruandus. Moxque cuncta bona sua mobilia direptioni patuere: fertur enim, quod despoliatus sit de septuaginta quinque millibus librarum auri & argenti, quibus auditis in Anglia, pecunia collecta ad opus eius, & apud sanctum Paulum in cista reposita, disruptis seris, extracta est melioribus visibus destinata. In nomine sanctæ & indiuiduæ Trinitatis Patris, & Filii, & Spiritus sancti; 30 amen. Sacrosancta generalis synodus Constantiensis in Spiritu sancto congregata legitime, inuocato Christi nomine, solum Deum præ oculis habens, visis articulis in hac causa contra dominum Ioannem Papam 23. formatis, habita matura deliberatione super eisdem, per hanc sententiam diffinitiuam, quam proferimus in his scriptis, pronuntiat, decernit & declarat recessum per præfatū Ioannē Papā 23. ab hac ciuitate Constantiensi in dicto sacro consilio generali clandestine, & de nocte hora suspecta, in habitu dissimulato & indecenti factum fuisse, & esse illicitum Ecclesiæ Dei, & dicto consilio scandalosum, vacationis & vnionis ipsius Ecclesiæ turbatiuum, & impeditiuum, schismatis inueterati nutritiuum, à voto, promissione, & iuramento per Dominum Iohannem Papam, Deo & Ecclesiæ, & huic sacro consilio præstitis deuiati- 40 uum, ipsumque dominum Ioh. Papam simoniacum notorium, bonorum, bonorumque & iurium, nedum Romanæ, sed aliarum Ecclesiarum, & plurium aliorum piorum dilapidatorem notorium, malumque spiritualium & temporalium Ecclesiæ administratorem, & dispensatorem fuisse & esse, suis detestabilibus inhonestisque moribus & vita, Ecclesiam Dei & populum Christianum notorie scandalizantem, ante eius assumptionem ad perpetuum, & post usque ad ista tempora, ipsumque per præmissa, Ecclesiam Dei, & populum Christianum notorie scandalizasse, & scandalizare, postque monitiones debitas & charitatiuas, iteratis & crebris vicibus eidem factas in præmissis malis pertinaciter perseuerasse, seque ex hoc notorie incorrigibilem reddidisse, ipsumque propter præmissa & alia crimina in processu di- 50 ctæ causæ contra eum deducta & contenta, tanquam indignum, inutilem, & damnosum, à Papatu, & omni administratione spirituali & temporalis amouendum, priuandum & deponendum fore, & dicta sancta synodus amouet, priuat & deponit, vniuersos & singulos Christicolæ cuiuscunque status, dignitatis vel conditionis, ut existant ab eius obedientia, fidelitate & iuramento absolutos declarando, inhibendo insuper vniuersis Christi fidelibus, ne eundem de cetero Papam nominent, nec illi tanquam Papæ adhæreant, seu quoquomodo obediant. Et nihilominus ex certa scientia, & de plenitudine potestatis supplet dicta sancta synodos omnes & singulos defectus, si qui forsan in præmissis, vel aliquo præmissorum interuenerint, &c.

Item

Item decernit, statuit, ordinat dicta sancta synodus pro bono vnionis Ecclesiæ Dei, quod nullo vnquam tempore reeligantur in Papam dominus Balthazar Colli nuper Iohannes Papa 24. nec Petrus de Luna Clemens 13. nec Angelus Corrario, Gregorius 12. in suis obedientiis sic nominati, & si contrarium fieret, id si ipso facto irritum & inane, nullus cuiusque dignitatis, præheminentiæ, etiam si imperiali regali, Cardinalatus, vel Pontificali dignitate præfulgeat eis, vel eorum alicui contræ hoc decretum vlllo vnquam tempore obediat seu adhæreat, sub pœna fautorie dicti schismatis & maledictionis æternæ, ad quas contra præsumptiones si qui in posterum fuerint, etiam cum inuocatione brachii secularis rigide procedatur. Sub hoc
 10 tempore, cum iam Rex Angliæ comperisset Francos fallaciis & fraude, fideisque promissionibus eum inaniter sollicitasse, naues conduxit, architenentes & armatos elegit, machinas & missilia, ac omnem apparatus bellicum præparauit: quibus posset hostes efficacius infestare. Iussitque, vt omnes secum profecturi parati forent in festo Natiuitatis sancti Iohannis Baptistæ, apud Hampton. Quo tempore accesserunt ad eum noui recentesque legati Francorum, inter quos præcipuus fuit Archiepiscopus Senouensis (vir verbosus & arrogans, sed parum disciplinatus) prout ostendit ex post, nimis petulanter se gerens in præsentia Regis & procerum in peroratione suæ legationis. Finaliter tamen Rex legatorum spreuit oblationes & promissa, quæ nec rationi fuerint consona, nec sibi honorifica: & Londonias remisit eos.
 20 Dum Rex suorum procerum, qui cum eo transfretare debebant, apud Southamptoniæ præstolaretur aduentum, tres viri potentes (in quibus præ ceteris confidebat) in eius necem coniurauerunt. Quorum nomina si vellem suppressere, fama flagitii diuulgaret (etiam me tacente.) Dicam ergo, quod me dicturum doleo, parricidarumque nomina non celabo. Primus & præcipuus dominus Henricus le Scrop, *Proditio Henrici le Scrop.* in cuius fide siue constantia totus animus regius requieuit. Qui sub hypocriti cuncta gerenda foris suppallians, &

Asutam vapido gestans sub pectore vulpem,
 in cunctis agendis agniam simplicitatem publice præferebat.

30 *Edidit (nempe) simulare fidem, vultusq; minaces*
Protegere, & blando fraudem prætexere risu:
Plenus sauitia, lucrig, cupidine feruens:
Doctus & vnanimes odio turbare sodales.

Hic tantæ fuit æstimationis penes regem, vt si quando consilia priuata vel publica tractabantur, huius diffinitione terminabantur. Prætendebat namque tantam grauitatem in vultu, tantam in gestu modestiam, tantam in affatu religionem, vt quicquid ipse dictasset, velut oraculum è cœlo lapsum, rex oportere fieri iudicaret. Si legatio sollemnis emittenda foret in Franciam, ingenio vel persona Henrici le Scrop exequi necesse putabat. Ille proinde tractabat cum hostibus, ipse domino suo Regi hostis occultus, mulcebatque Regem vanis sponsonibus, delusit consilium promissis inanibus, referens vtrisque alia pro aliis, fronte fauens suis, mente vero Gallis. Cumque Rex innocens (propter magnam confidentiam) huius se arbitrio in pluribus commisisset, & ei multa donaria specialia tribuisset, ille tantis beneficiis retributor iniquus, dominum suum, cum iam in procinctu foret protectionis suæ, parata classe & aggregatis militum copiis, repente vita priuare moliebatur. Sponponderat ista Francis (vt fertur) pacta sibi pro prodicione pecunia, qui iam ad sua regressi lætificauere suos, asserentes regem Angliæ mutato proposito, vel ad sua regressum, vel certe quod verius putauere peremptum: Habuit consortes prodicionis Richardum comitem Cantebriæ, fratrem scilicet ducis Eboraci: & Thomam Grey militem Borealem. Quem quidem Richardum comitem rex creauerat, & multis bonis ditauerat, & præ ceteris
 50 honorauerat ratione generis & parentelæ, sed nulla impensa beneuolentia, nullum collatum beneficium proditores præuerrere poterant, quin in necem tanti benefactoris mutuo se armarent. Atq; priusquam conceptum facinus possent ad effectum perducere, Deo volente detecti sunt, & iudicio parium suorum condemnati decapitationis sententiam subire, rege alias pœnas de iure debitas perdonante (præterquam H. Scrop, qui dicitur fuisse tractus) qui etiam rex defleuisse vices eorū fertur. Quamobrem nonnulli propter regis modestiam, compassionem, & pietatem, laudes Augusti in eum transferunt, quondam editas à Nasone: eo quod

Sis piger ad pœnas princeps, ad præmia velox,
Quia, dolet quoties cogitur esse ferax,

Kk 3

Eodem

Eodem tempore velut ex condito, & tanquam proditoris præfata conscientia, Lolardi stumulati, è latebris emergere, & in Regem blasphemias euomere, loquentes grandia, minasque spargentes in scriptis, (quæ fixerunt in valuis Ecclesiæ, & Ecclesiarum Londoniis in multis locis) talibus se cohortantes. Iam (inquiunt) Princeps præbyterorum abiit, iam hostis noster abscessit, iam nobis artissimum tempus accommodum, quo nostras impune licebit iniurias vindicare, sicque se mutuo confortantes, scripserunt adinuicem multa millia in sua vota venisse. Interea campiductor, & caput eorum Iohannes Oldcastel, cum latuisset prope Maluerniam, & accepisset à falso nuntio Regem Angliæ transfretasse, ex eius absentia concepta audacia verba comminatoria misit ad dominum de Bergeyne, dicens in capite eius vlscisci velle sibi & suis illatas iniurias ab eodem. Qui prudenter sibi præcauens, cum circa noctis medium hæc audisset, illico secretis egit nuntiis, ut mane diluculo occurrerent armati sibi apud castrum suum de Haneley, ex Wigornia perfora & Teukesburia, prope quinque millia architentium & armatorum. Quo comperto, dictus Iohannes Oldcastel more solito latebras requisivit. Cepit tamen idem herus quendam præbyterum dicti Iohannis Oldcastel, & quosdam alios ex suis complicibus, quos sic arctatos quæstionibus examinavit, ut patefacerent locum, quo dictus Iohannes arma sua cum pecuniis occultasset. Quæ cuncta congesta sunt in quadam domo inter duos parietes sic erectos, ut nullus sine indice dictæ structuræ fallaciam percepisset. Illic inuenta sunt signa sua cum vexillo, in quibus depingi sumptuose fecerat calicem & hostiam in forma panis. Ibi etiam conspicienda fuere crux Christi cum flagris, lancea cum clavis, quæ depinxerat in vexillis ad seducendum simplices, si quando contigisset erigere signa suffultum populari dementia, sed cognito apparatu disposito contra se, demisit cornua, quæ arroganter crexerat, suppressit minas fastuosas, & eo celerius atque meticolosius latebras ut prius repetiit, eo quod audiuit Henricum Scrop & suos complices apud Hamptoniam proditoris suæ pœnas meritas exoluisse. Nec multo post captus est quidam (inuerteratus Lolardus) Wilhelmus Cleydon, qui in tantam mentem ruerat confidentia suæ sectæ, ut etiam filium proprium sacerdotem constitueret, & missam celebrare faceret in domo sua, die quo coniux eius à puerperio surgens, purganda ad Ecclesiam processisset. Hic ergo captus examinatus, legitimeque conuictus de hæresi, Londoniis est combustus. Rex Angliæ punitis iustissime (ut præmittitur) proditoribus, ascensis nauibus, mare sulcans, applicuit in Normanniam (in loco vocato Kedecans) nemine resistente. Traxit autem secum classem mille & quingentarum carinarum, ad negotia Martia sufficienter instructam: ut dum ipse cum suis villam de Hareflu obsideret per aridam, classis in pelago coram villa constituta villanis omne præsidium victualium præcluderet, & solatia quævis arceret. Nacta vero tellure, feria quarta in vigilia Assumptionis Sanctæ Mariæ sequenti Sabbato obsidionem posuit circa villam, quam continuauit per quinque septimanas honorifice, usque ad dominicam proximam ante festum Sancti Michaelis, qua die dominica villa fuit reddita tali modo: Feria nempe tertia proxima ante dictam dominicam, domini Gallici, qui fuere custodes ipsius villæ, scilicet de Gaucort, dominus de Estuteuile, dominus de Hakeuile, & dominus de Clere, non ferentes crebras quassationes murorum & ædificiorum infra villam, aliaque pericula perpessa per gunnas regias, nam ab ipsis euolantia saxa ingenti verberis ictu obuia fregere quæque ruentes, nec tantum corpora pressa necabant, sed totos cum sanguine dissipant artus, & singula cesserunt ictibus arma. Conturbati & conterriti coacti sunt nocte media quendam seruum ad arma ad ducem destinare Clarentiæ, domini regis fratrem, qui illorum vice precaretur obnixè dictum Ducem, quatenus dignaretur ob honorem Dei, Regi supplicare, ut eis concederet facultatem tractandi cum quibuscunque personis, quas Dominus Rex duceret ad istum negotium emittendas. Nec mora, Dux exequitur villanorum vota, cuius interuentu, & ob honorem Dei præcipue, Rex inclinatus eorum precibus, misit Comitem de Dorcet, Dominum filium Hugonis, & Dominum Thomam Erpinham, ad cognoscenda desideria obsessorum. Qui petiere suppliciter, ut rex charitatis intuitu cessaret ab eorum debellatione, ab ea hora noctis mediæ usque ad dominicam proximam post festum S. Michaelis, nisi contingeret regem (vel Dolphinum eius primogenitum) per bellum obsidionem dissoluere. Alias parati forent Regi villam reddere, saluis vita & bonis omnibus eorundem: Rex vero remandari iussit eisdem, quod nisi villam in crastino redderent nulla conditione interposita, non tracta-

Præbyter proditor captus.

tractarent amplius de materia memorata. Instabant adhuc Gallicani domini, & regis referendarios deprecabantur, ut apud regem insisterent quatenus inducias illis concedere dignaretur, ab illa hora usque ad horam proximam post dominicæ subsequē-
 tis. Qua hora promiserunt se cum propriis militibus & scutiferis ad regem accessu-
 ros cum viris honoratioribus infra dictam villam constitutis, quos omnes obsides
 darent regi usque ad dominicam supradictam, & ulterius prædicti procures spon-
 dere se iuratos super corpus dominicum, coram omni populo, quod si Rex Fran-
 cus, vel filius eius & hæres Dolphinus non accederent ad deliberandum eos infra
 horam dictæ dominicæ prænotatam, ipsi se redderent sine conditione aliqua regi
 10 Angliæ, ad faciendum de corporibus & bonis eorum iuxta suæ beneplacitum volun-
 tatis. Ita duntaxat ut permitteret eos dirigere nuncios regi Franco, & Dolphino,
 qui eis prætaxata pacta referrent. Cumque rex acceptasset hanc oblationem, dedit
 eorum legatis litteras de saluo conductu, quorum principalis fuit dominus de Hake-
 uyle, quem sequebantur viri valentes ad numerum. xii. personarum. In crastino, sci-
 licet feria quarta mane dicti domini cum. xxii. militibus, & armigeris, ac ciuibus no-
 tabilibus exiire de villa, quibus occurrit processio solenniissima, antecedens Eucha-
 ristia cum multis honorabilibus dominis, militibus, & armigeris, & populi frequentia
 magna valde, ubi expleto receptoque publice iusiurando, cuncti Gallici sunt intro-
 ducti ad regale tentorium, ubi & comederunt die illo: dominum tamen regem non
 20 viderunt. Post prandium disiuncti sunt & diuersis dominis commendati, qui eos tra-
 ctarent honorifice, usque ad reditum suorum legatorum, quos destinauerant ad re-
 gem Francum, qui fidenter promissa complentes redire statuta dominica, hora præ-
 fixa: sine quouis suffragio per regem Francum seu Dolphinum obsessis oblato. Qua-
 propter qui intra villam erant cuncti se sine conditione regis gratiæ summisere. Re-
 mansereque captiui regi Angliæ toti domini, cum militibus, & Armigeris atque ge-
 nerosis qui missi sunt à rege Franco ad custodiam villæ. Rex autem constituit illic
 Capitaneum dominum Thomam comitem Dorcetorum, dans ei manum validam
 defensorum. Durante obsidione regali, plures ex esu fructuum, & algore nocturno, fa-
 toreque cadauerum diuersarum pecudum (quas mactauere per castrorum circuitum,
 30 & non operuerant cespitibus sine terra, nec iniecerant in aquis fluuiialibus ut earum
 putridas exalationes tollerent) fluxu ventris vel dysenteria perire. Inter quos & in
 primis vir venerandissimus Magister Richardus de Cartiniaco Norwicensis episco-
 pus, domino regi fidissimus, diem clausit extremum, cui successit in Episcopatu do-
 minus Wakeringe: comesque Southfolchiæ dominus Michael Atte poole simili for-
 te functus est, cuius loco ne familia sua gubernatore careret, creauit dominus rex fi-
 lium eius comitem Southfolchiæ, sed & eius filium sæua nimis Atropos præcidit in
 bello: de quo inferius dicturi sumus.

Eodem tempore redierunt in Angliam aduersa cogente valetudine, dux Cla-
 renciæ, Comes Marchiæ, Comes Arundeliæ, & Comes Marescallus cum multis a-
 40 liis egrotantibus morbo præfato. Sed Arundeliensis (ut fertur) veneno, non mul-
 to post in fata concessit. Rex Angliæ compositis rebus apud Hareflue, prout regem
 decuit, & victorem, terrestrem viam versus Calesiam cum paucis admodum arripere
 statuit, non amplius (ut fertur) quam octo millibus architenentium, & armatorum,
 quarum magna pars infirmitate contracta apud Hareflue, (prout supra retulimus)
 vexabatur. Cum hac tam parua manu mirum est quod densissimam ausus sit aggre-
 di Francorum siluam, sed multo plus mirandum quod eam perforauit tot obicibus
 præmunitam. Galli nempe per totum tempus obsidionis villæ de Harflue electos
 quosque de semetipsis & conterminarum regionum fortissimos & audacissimos vi-
 ros adunauerunt, & auxilios vndique conduxerunt, ut numerus eorum (prout fer-
 50 tur) ex cresceret ad centum quadraginta millia pugnatorum. Hii ergo se præparaue-
 runt ad diem, tempus, & horam qua regem possent inuadere, & pusillum gregem
 suum iam fame, fluxu, ac febribus tenuatum. Cumque pene bis dominus Rex equi-
 tasset per regnum Franciæ, & hostes subtraxissent victualia, priusquam accederet ad
 castrametandi loca, defecit panis in exercitu, sic quod plures loco panis auellanis nu-
 cibis, & assis carnibus vterentur, potus aqua fuit cunctis inferioris fortunæ viris in
 exercitu, spacio pene decem & octo dierum. His lautitiis, his obsoniis athletæ regis
 Angliæ nutriti sunt & pasti, qui cum tot gigantum millibus fuerant cōgressuri. Adde,
 quod ab itinere fatigati, à vigiliis macerati, à frigoribus nocturnis debilitati, mirum
 quod subsistere potuerunt. Sed animauit debiles, inualidis dedit vires, qui voluit for-
 tes pes-

tes pessundare per infirmos. Nempe cum rex non sine difficultate maxima pertransisset flumina interposita, quia Franci pontes destruxerant, per quos iter compendii habuisse poterat, mox glomerati festinauere cum suis militibus præcludere viam per quam de necessitate debeat transire Calesiam. Et vicesimo quarto die Mensis Octobris, in quadam villa substitere. Rex tamen imperterritus iter arreptum constanter aggreditur: & eo usque procedit, quo vterque exercitus velut infra spacium milliarii ipsa eadem confedit nocte. Erat tamen facies vtriusque exercitus varia, disparque vultus, Gallis refocillatis victualibusque refertis, Anglis fatigatis, infirmis, inediaque confectis: quibus etiam nec copia aquæ fuit. Certum tamen erat Anglis in crastino se pugnuros, & cum tota nobilitate Franciæ manus conferturos. Quapropter ipsam noctem non tantum duxerunt insomnem corpora confouendo, quantum votis & confessionibus animabus propriis consulendo. Iactitauerant nempe Galli se nemini velle parcere, præterquam dominis, & ipsi regi, reliquos immisericorditer perempturos, vel membris irrestaurabiliter mutilaturos. Quade causa, nostri magis concitati, animos erexerunt, & contra casus omnes se mutuo confortarunt. Igitur *Postera vix summo spargebat lumine montes, Orta dies: Cum tuba sonitum procul ære canoro, Increpuit de castris regis,* accelerantque nostrates peruenire ad sui ducis præsentiam, parati dupliciter ad prouocandum Martem, scilicet audacia & conscientiæ puritate. Rex cernens suos alacriter aduenisse, mox agmina producit in campum tritico recenter satum, vbi vix standi paulisper vel progrediendi facultas fuit propter salebras, folique mollitiem. Nec segnius summo mane Galli in eundem campum emittunt primam aciem, viris instructam fortibus, armis ornatam fulgentibus, equitibus hinc inde ex utroque latere præcedentibus in equis generosis, & nobilibus, (quibus (vt ita dicam) *aurea pectoribus demissa monilia pendenti: qui insuper, Tecti auro, fuluum mandunt sub dentibus aurum.* Non tamen voluere Franci propter loci lutositatem procul in campum procedere, sed videre cupiebant quid Angli (quorum paucitatem maxime contemnebant) facere proponebant. Inter vtrunque cuneum campus late patuit, ad spacium (prout fertur pene) mille passuum, sed non vtrinque pari procurrunt agmina motu, quia Gallis immobiliter primam seruantibus stationem, Anglis necesse fuit si cum hoste vellent conferere, spacium medium armis onustos pedibus emetiri. Rex interea Gallorum perpendens astutias, quod sic perstabant immobiles in vno loco, ne perditando per campum lutosum fatigarentur,

*Sublimi vectus equo volat agmina circum, hortaturque duces,
Et animos ad prælia firmat.*

O fidissimi inquiens socii, vadimus in campum, ad magnum virtutis opus, summosque labores. En ipsam diem quam flagitauit sæpius vestra virtus, totas ergo vestras effundite vires. Experiamini quid lancea, quid securis, quid gladius, quid sagitta valeat in manu potentis. Quisquis ergo census, honores aut præmia cupit, illic reperiet,

Hæc nempe medio posuit Deus omnia campo,

sic fatus iussit conuelli signa. Quia (inquiens) hostes iniuriosi iter nostrum præcludere temptant, adeamus illos in nomine Trinitatis, & optima hora totius anni. Et erectis vexillis iussit suis ordinate procedere, à dextris & sinistris fecit sagittarios anteire. Qui conspicientes eos qui pridie coniurauerant in mortes vel mutilationes eorum, accensi indignatione, iniuria, omnis lassitudinis, omnis incommodi vel infirmitatis obliti sunt, & (vt ita fatear) turgescit in eis vitriabilis ira que vires, animumque ministrat. Mirumque in modum qui sero debilem arcum nequit ut tendere, iam fortissimum valuit sine difficultate pro voto trahere. Galli videntes nostros campum cum summo labore emensos fuisse, rati iam tempus arrisisse quo fatigatos inuaderent, quos putabant nullo negotio captiuandos, horribiliter in campum ruunt, præmissis equitibus qui nostros architenentes, (pectorebus dextrarum præferratis) obruerent, & suorum caballorum pedibus conculcarent. Sed (Deo volente) secus accidit quam sperabant. Quia sagittarii hinc inde occurrentes equitibus, tot simul emiserunt iacula, vt illa procella grandinea primitus equites dissiparent. Nam regente Deo, nusquam cassa manus, nusquam sine vulnere fugit missile, nullaque fuit requies mittentis dexteræ, sed & omne sedet telum quia nulli fuere sine cædibus ictus. Vtergo primum sonipedes ferro transfixi sunt, sessores conuersis frænis in sua agmina precipites corruere, omnesque equites qui euaserant campo cessere. Ex hinc vt acies conuenire, ingens nostratum clamor ad sidera tollitur, & impletur quodammodo vocibus vastus

Congressus Anglorum impatorum cum Gallis.

Architenentium virtus.

vastus aer. Tunc iterato volat vndique telorum nubes, & ferro fere sonat, dum iacula constanter emissa, cassides feriunt, laminas, & loricas. Cadunt proinde de Gallis plurimi sagittis terebrati: hinc quinquagenii, hinc pariter sexageni. Rex ipse non tantum regis, quantum militis exequendo vices, primus in hostes aduolat, crudeles ictus infert, & tollerat, exempla suis audendi fortia præbens in persona propria, stricto securi oppositas acies dissipando. Nec secus militares viri æmulantes acta regia, totis viribus collaborabant oppositam illam siluam Francorum frementium ferro prosternere, donec tandem via vi facta, Galli non tantum cessere, quam mortui cecidere. Et reuera Franci cum prostratos in acie belli cernerent quos autumabant immo mobiles, eorum mox obstupere animi, gelidusque per ima cucurrit ossa tremor tantus, ut immobiles, & sine sensu starent. Dum nostri secures ab eorum extorquerent manibus, & eos mactarent velut pecudes cum eisdem. Perdidit inde modum cædes, & velut nulla secuta est pugna, sed iugulis bellum geritur, nec valent Angli tot prosternere. Quot perire possunt de aduersa parte. Sic ergo pene Franciæ periit omne decus, per manus paucorum quos parum ante summo despectui habuere. Illic interempti sunt, Duces de Alançon, de Braban, & de Baar, cum quinque comitibus, & Constabulario Franciæ, & aliis nominatis dominis, ad numerum pene centum. De militibus & armigeris quatuor millia sexaginta nouem feruntur occisa. Numerus vulgi non fuit ab armorum nunciis computatus. Capti sunt ibidem duces, Au-
 20 relianensis, & Burbonensis, comites vero de Ew. & de Wendone & Arthurus frater ducis Britannicæ, qui se dicit comitem Richemundicæ, & quidam Burdegaldus miles honoratissimus regni Franciæ, & alii ut ferunt ad numerum septingentorum. De parte regis cecidere: dominus Edwardus dux Eboraci, & dominus Michael comes Southfolchiæ, quatuor milites & vnus armiger, dictus Dauid Game, & de communibus viginti octo. Dum rex & sui bello detinerentur, contra Gallorum multitudinem pugnando cominus, vespiliones Francorum inuadentes à tergo dimissas sarcinas rapuerunt, & protinus abduxerunt. In quibus cum reperissent coronam regiam, inani gaudio lætificauere suos, ita tamen ut signa solemniter pulsari facerent & canticum laudis, *Te Deum laudamus*, cum summo tripudio decantari. Emē-
 30 titi enim fuerant regem captum, sine mora venturum. Sed post pusillum cum ex tristiti nuncio cognouissent veritatem rei gestæ, versus est in luctum chorus eorum, & gaudium in mœrorem. Rex autem omnes hos euentus prosperos ascribens Deo, gratias infinitas egit ei qui sibi dedit inopinatam victoriā, & ferocissimos hostes subegit. Pernoctauit igitur in eodem loco & in crastino, scilicet die Sabbati versus Calesiam iter inceptum continuauit. Deinde. 16. die Nouēbris applicuit sero apud Doueriam in maxima niuis intemperie, vicesima vero tertia die dicti mensis venit Londonias ducens secum duces & nobiles quos dudum captiuauerat, quorum nomina superius sunt expressa. Quali gaudio, quali tripudio, quali denique triumpho sit exceptus à
 40 Londoniensibus dicere prætermitto. Quia reuera curiositas apparatus, nimietas expensarum, varietates spectaculorum tractatus exigent merito speciales. Primo die Mensis Decembris iussu regis affuere Londoniis pontifices, & Abbates in magno numero, ut interessent solemnissimis exequiis domini Edwardi quondam ducis Eboraci, & aliorum tam Francorum quam Anglorum qui interierāt in partibus transmarinis. Ad has etiam exequias venit ab Hareflu capitaneus dictæ villæ, regis auunculus, comes de Dorcet, qui parum ante fecerat equitationem in regionem conterminam & fugauerat octingentos ante se captiuos quos infra dictam villam strictæ custodiæ mancipauit. Hoc anno rex Portugalicæ fretus auxilio mercatorum Angliæ quam maxime, & Alemanorum, vicit Agarenos in terra regis Betinarinorum, multis eorum millibus ad generum Cereris destinatis. Cepitque ciuitatem eorum amplissi-
 50 mam supra mare sitam, vocatam Sunt eorum lingua: cinctam muro viginti millium passuum prout ferunt.

Gallia decus prostratum.

Gallorum inane gaudium.

Regis regis in Angliam.

Delphini in tamet.

Anno domini millesimo cccc. xvi. tenuit rex natale iuxta Londonias, apud Lambetham, quo tempore delati sunt sibi rumores de conflictu habito inter Anglos & Gallos iuxta villam de Hareflu, in quo plures Gallici sunt occisi. Circa festum purificationis septem Delphini luserunt in tamisia, quarum quatuor sunt occisæ: prænosticabant ut quidam volunt tempestatem maximam ventorum & imbrium continuo subsequatā. Feria quarta quatuor temporū in initio quadragesimæ, comes de Dorcet pugnavit cum comite de Armanak duce Gallorum, in quo conflictu cecidere plurimi de utraq; parte quia dictus comes gentem nostram inuaserat in prouiso, fugati tum

ti tum sunt Franci, & illo die nostratibus terga dedere, vno solo vñ solatio, quod vispiliones eorum dum cum nostris manus consererent, equos Anglorum & sarcinas rapuerunt. Oportebat ergo nostros prout erant in armis, reuerti pedites ad villam de Hareflu per multa miliaria regionis. Itaque peditando iuxta littus maris, vt hostes suos semper ante faciem suam non à tergo constitutos haberent: incedebant armis onusti per totam quintam feriam, noctemque sequentem: mane vero sexta feria nostros leuantes oculos, viderunt in montibus Gallos reollectos cum duce eorum comite de Armanak, paratos ad inuadendum eos: misit ergo comes de Armanak quendam armorum nuncium ad comitem Dorcetatum, qui diceret: Ecce conclusus es inter nos & mare, nec tibi superest euadendi facultas, quapropter ne pereas ore 10 gladii, redde te mihi, tractaboque te iuxta nobilitatem tuorum natalium, prout decet, rationabiliter redimendum. Ad hæc ille: renuncia sibi qui te misit, nunquam fuisse moris Anglorum hosti se reddere, ante præludia Martis & Bellonæ. Nec me reperiet ita vecordem vt manus illi dem, quem potest Deus tradere in manus meas. Hiis auditis, comes de Armanak furibunde cum suis equitibus pernici gressu per decliuum montis descendere conabatur. Quos excipientes nostri sagittarii, vel præuenterunt iaculis, vel peremerunt. Exinde creuit pugna inter reliquos, & vtrouque gladiis & securibus diu res Martia gerebatur. Tandem (Deo miserante) gens ieiuna, lassæ, famelica, somnique penuria fatigata, vicit Dei virtute manifesta: nam cum non essent plures ex Anglicis in hoc conflictu quam mille quingenti, gloriose vicerunt, & ad fugam 20 coegerunt quindecim millia Gallicorum, duce illorum prope capto: ferunt (quod non obstante sacro quadragesimali tempore, ipsoque inuiolabili ieiunio quatuor temporum) carnes assauerant in castris suis, & meretriculas introduxerant, vt post suffarcinationem ventris, Veneris se spurcitiis macularent. Circa præsens tempus, oboli Ianuensium, quia debito carebant pondere, prohibiti sunt ab Anglis in mercaturis accipi siue dari. Septimo die mensis Maii venit imperator Londonias, deductus in magnificentia & gloria per regem & regni nobiles, & hospitatus est in palacio regis iuxta Westmonast. rege recepto apud Lamhetham. Rex autem cupiens deferre omnem humanitatem regi Romanorum, suspendit ad tempus cuncta parlamenti negotia, ducens eum secum Windeleshoram ad festum sancti Georgii, honoratus illic 30 eum, & tantæ fraternitatis titulo, & religionis illius nobili vestimento, signumque regale imposuit collo suo, quod imperator exposit semper gessit in omni conuentu publico vel priuato. Ante festum ascensionis dux Holandiæ venit in Angliam, cum apparatu maximo, ad habendum colloquium cum rege nostro, regeque Romanorum. In festo Trinitatis, & per sequens biduum, audita sunt horrida tonitrua, omnem modum excedentia, & velut sine interpolatione durantia, quæ præcesserunt terrifica fulmina sine cessatione coruscantia, quæ multos strauerunt & occiderunt, arbores succenderunt, & ædificia diruerunt. Per totum tempus æstiuale putabatur, quod mediatione Imperatoris fuisset pax inter regna firmata, sed tergiuersantibus Gallis, suspensum fuit pacis negotium, eo maxime, quod Galli conduxerant classẽ 40 magnarum nauium Caricarum & Galearum, quæ regnum Angliæ molestarẽ, cõtra quos dominus Iohannes dux Bedfordiæ (frater regis) missus fuit cum manu potenti. Qui in die assumptionis beatæ virginis, commisit cum eis, & cepit tres Caricas, & vnam Hulkam, & quatuor Balingarias. Tres vero Caricæ fugere, vna vero de tribus inter fyrtes fracta submersa fuit. Alia magna Carica submersa fuit coram Southampton, cum qua perierunt octingenti viri, quales light harneys vulgo vocamus. Imperator & rex Angliæ fœdus ad inuicem pepigere, videlicet, quod ipsi, & successores sui, boni & firmi & stabiles imperpetuum amici erunt, alligati, obligati, & confederati pro se & hæredibus ac successoribus suis, contra homines cuiuscunque gradus, status, dignitatis aut conditionis existat: & contra omnes homines qui viuere aut mori possunt, exceptis sacrosancta Romana ecclesia, & Romanorum pontifice, 50 &c. Rex Angliæ vt ostenderet se ex corde pacem cupere, personaliter transfretauit Calesiam ne Gallis vllam calumniandi ministraret materiam, quia dixerant non stare per eos quin ei offerrent largam pacis viam, vbi cum imperatore constitutus, cum nihil ab eis audisset procurari nisi dolos & fraudem solitam commenta spreuit eorum, & inter imperatorem ducemque Burgundiæ qui dissidebant, fecit concordiam atque pacem. Quibus ita gestis, dux fecit homagium imperatori. Posthæc dux Glouerniæ frater regis minimus, cum magna regis familia deduxit Imperatorem donec venisset ad villam de Doredranth, vbi cunctos Anglos remunerauit imperialiter à maxi-

à maximo ad minimum. Benedictus Vllemani ciuis Lōdoniarum qui sperferat schedulas in multis locis errore plenas, captus, tractus, suspensus & decollatus est die Sancti Michaelis. Parliamentum quod diximus intermissum propter pręsentiam regis Romanorum, tētum fuit Londoniis circa festum sancti Lucię. In quo dominus Thomas Beuford comes de Dorcet creatus est dux Exonię, concessis sibi de fisco regio annuis mille libris, & XL. libris de villa Exonię supradicta quas dominus rex de eadem villa percipere consuevit. In hoc parlamento requisiti procures si ista sibi placerent, responderunt quod optime, si donum regium tam exile non esset, nec correspondēs meritis & virtutibus tanti viri. Concessisse fuere dux decimę per clerum regi sub vnus
10 anni spacio persoluendę.

Anno domini millesimo. cccc. xvii. rex celebrauit natale apud Kenelwerthā, quo tēpore structę sunt illi insidię (prout fertur) per quendam scutiferum complice Iohānis Oldcastell dictum. In crastino Natalis domini sperfę sunt schedulę Lolardorum venenosę, impingentes contra cunctos status ecclesię fere, in qualibet magna domo, vel hospitio villarum de sancto Albano, de Northamptona, de Radingia, auctorem nullo sciente.

Ad laudem, & gloriam & honorem omnipotentis Dei, ad pacem & vnitatem vniuersalis ecclesię, ac totius populi Christiani, vt electio futuri Romani & summi pontificis, proxime celebranda, firmiori auctoritate & plurium roboretur assensu, &
ne attento statu ecclesię super dicta electione in posterum vlla retractio, vllusue
20 scrupulus in mentibus hominum resideat, sed ex illa sequatur vnio certa, vera, plenissima & perfecta, sacrosancta generalis sinodus Constanciensis communi vtilitate pęsata, de speciali & expresso consensu, ac voluntate concordi, sanctę Romanę ecclesię Cardinalium in eadem sinodo personaliter existentium, & collegii eorundem, ac omnium nationum pręsentis consilii ordinat, statuit, & decreuit, quod hac vice duntaxat ad eligendum Romanum pontificem summum, vna cum Cardinalibus sex pręlati vel alię honorabiles personę ecclesiasticę in sacris ordinibus constitutę, de qualibet natione in eadem sinodo pro nunc existente & nominata, quos seu quas
30 quęlibet ipsorum nationum pro se adhuc infra dies duxerit eligendos, seu eligendas, ipsis cardinalibus adiungantur, quibus omnibus eadem sancta sinodus eligendi Romanum pontificem; secundum formam hic expressam, quatenus opus est tribuit potestatem: videlicet quod ille absque vlla exceptione ab vniuersali ecclesia Romanus pontifex habeatur, qui à duabus partibus Cardinalium in conclauī existentium, & à cuiuscunque nationis duabus partibus eisdem cardinalibus adiungendorum & tunc adiunctorum electus fuerit & receptus: quodque non valeat electio nec electus pro summo pontifice habeatur, nisi dux partes Cardinalium in conclauī existentium, & cuiuslibet nationis dux partes, cum Cardinalibus ad eligendum adiungendorum, & tunc adiunctorum consentiant & consenserunt in Romanum pontificem eligendum. Statuit insuper & ordinat ac decernit, quod vota quorumcunque in electione
40 huiusmodi emittenda sint nulla, nisi vt pręmittitur dux partes cardinalium, & dux partes cuiuslibet nationis adiungendorum, & tunc adiunctorum prędictorum principaliter aut per accessionem in vnum concurrant. Hoc etiam adiecto, quod pręlati, & alii cum ipsis cardinalibus, ad electionem huiusmodi adiungendi & tunc adiuncti, omnes & singulas constitutiones etiam penales, circa electionem Romani pontificis æditas, atq; consuetudines obseruare consuetas, quemadmodum ipsi cardinales obseruare teneantur, & ad illarum obseruantiam astringantur. Teneantur insuper iurare & iurent dicti electores cardinales & alii, antequam ad electionem procedāt, quod in huiusmodi electionis negotio attendentes quod eis imminebit cum de citatione
50 agetur vicarii Iesum Christi successoris beati Petri vniuersalis ecclesię rectoris, gregis dominici directoris, puris & sinceris mentibus, & quam credent publicę vtilitati vniuersalis ecclesię proficere omni cuiuscunq; nationis peregrinę, aut alio inordinato affectu, odio, gratia, vel fauore abiectis, procederent vt eorum ministerio de vtili & idoneo vniuersali ecclesię prouideatur pastore. Ordinat insuper, statuit & decernit eadē sancta sinodus, qđ infra decem dies ex nunc continue numerandos, quos decem dies omnib. & singulis sanctę Romanę ecclesię cardinalibus pręsentibus & absentib., & cęteris electoribus supradictis, attenta Romanę ecclesię vacatione notoria, ad intrandū conclauē in hac ciuitate Cōstanciensi in maiori domo cōmunitatis ciuitatis eiuſdē ad hoc iā ordinata pfigit & assignat, qđ pręfati electores cardinales & alii supradicti intrent ipsum cōclauē ad electionem huiusmodi celebrandū, cęteraq; faciendum,
obser-

*Decretum consilii
Constanciensis
de electione Papę
futuri.*

obseruandum & prosequendum, quemadmodum in cæteris præter præmissa de cardinalibus & aliis in electione Romani pontificis iura decernunt, quæ omnia præmissa obseruata vult eadem sancta synodus in suo robore permanere. Hanc autem formam & hunc modum electionis approbat, ordinat, statuit pro hac vice, & ad omnem scrupulum remouendum vel summouendum, omnes & singulos in eadem synodo præsentibus & venturos qui eidem synodo adhærebunt ac omnes actus legitimos in eadem synodo agendis actiue & passiue quatenus opus est habilitat & habiles esse declarat cæteris eiusdem sacri consilii decretis semper saluis, supplens omnes defectus si qui forsan interuenerint in præmissis apostolicis & in generalibus consiliis æditi constitutionibus, & aliis in contrarium facientibus, non obstantibus quibuscunque. 10
 Ultimo die Mensis Octobris, episcopus Winton. accessit ad consilium, peregrinaturus Hierosolimam, post electionem summi pontificis celebratam, ubi tantum valuit eius facunda persuasio ut & excitaret dominos Cardinales ad concordiam, & ad dilectionem summi pontificis se ocius præpararent. Quamobrem mox præparata fuit domus, quæ conclaue vocaretur, & essent cum lectis stratis honorifice pro dominis Cardinalibus, & electoribus adiungendis eisdem. Ordinatum nempe fuerat decreto consilii, ut eligerentur ex omni natione quæ conuenerat sex personæ, ad intrandum conclaue cum cardinalibus, prout superius est expressum, unde de Anglia ingressi sunt conclaue episcopi Londoniensis, Bathon. Norwicensis, Lichfeldiensis, Abbas Eboracens. & magister Thomas de Polton, Decanus Eboracensis. 20
 Quælibet autem natio scripsit nomina personarum suarum in schedula, & cera inuoluit. Præordinatæ proinde personæ conclaue sunt ingressæ, die quatuor coronatorum. Quibus intromissis, quædam persona laica, attulit omnes schedulas cera circumductas, ad vicecancellarium in conclaue. Qui nudatis brachiis vsque ad cubitum, posuit omnes schedulas super mensam. Exinde decretum factum est quomodo reclusi ederent in conclaui, statutumque fuit, ut haberent panem & vinum, & vno die vnicum genus carniū, & altero vnum genus piscium, & singulis diebus vnum genus potagii, prout dies exigebat. Tunc Imperator, & tredecim duces, ac maiores ciuitatis, Constantiæ, iurauere super librum, quod fideliter custodirent conclaue ab impeditoribus, & ne alia cibaria intromitterentur quam statuta fuere. Quo facto, Imperator 30
 personaliter perscrutatus est domum totam, & duabus seris ostium post se clausit. In ostio domus illius, factum fuerat foramen quadratum, habens in longitudine & latitudine pedem vnum, per quod immitti deberent cibaria inclusorum, omniquaque die dum in conclaui fuerunt. Abbas sancti Edmundi de Bury, & prior sancti Iohannis de Clerkenewelle, fuerunt assignati ad prægustandum cibaria Anglicorum. Mox vero ut seruitum fuit inclusis, dictum foramen clausum fuit tribus seris. Igitur illis conferentibus de iniuncto negotio, quidam nominauere Wintoniensem, quidam Londoniensem Episcopos: nonnulli vero cardinalem Franciæ, nihilque fuit actum primo die vel secundo. Die vero S. Martini primo mane episcopus Londoniensis venit, & inter omnes cardinales protulit ista verba. Ego Richardus episcopus London. accedo ad dominum meum cardinalem de Columnia. Audito præsentis sermone, repente cuncti præsentibus per Dei gratiam in eandem consensere personam. Et illico exuerunt eum vestibus suis omnibus, & nouis eum reuestierunt, ac super altare posuerunt, & deosculati sunt manus eius & pedes. Hiis ita gestis, confestim vnus eorum qui inclusi fuerant, fregit foramen in pariete, & clamauit: *habemus Papam Martinum*, & tunc exiuerunt omnes in magnam ecclesiam cantantes, *Te Deum laudamus*. In crastino Papa fuit factus presbyter, & die sequenti fuit sacratus episcopus, & celebrauit missam suam primam, cui missæ interfuerunt centum quadraginta mitrati. Sequenti dominica dominus Papa fecit mane diluculo solemnem processionem, transiens per australem partem ecclesiæ versus occidentalem, ubi constitutus fuit quidam 40
 clericus habens canabum, & stuppam, & combussit ea, dicens:

Ecce pater sancte sic transit gloria mundi.

Posthæc eodem die fuit factum quasi quoddam solarium pro coronatione Papæ, in altitudine habens viginti pedes. Prior sancti Iohannis de Clerkenwell tenuit diadema Papæ in officio coronationis. Ipso die post prandium Papa equitauit per medium ciuitatis Constantiæ, quem sequebantur in equis omnes episcopi mitrati, Abbates. Equus Papæ phaleratus cum rubeo escarleto, equi vero cunctorum episcoporum phalerati fuere cædido panno bislino, & imperator in hac equitatione tenuit frenum Papæ. Cum autem peruenisset Papa ad locum fori, illic obuiauere sibi omnes

Iudæi

Papa nouus.

Imperator Papa frenum tenet.

Iudei ciuitatis, qui porrexerunt sibi (sicut mos est) ceremonias ac legem suam, quas acceptas, Papa proiecit post tergum suum, dicens: Recedant vetera, noua sunt omnia. Papa (prout dicunt) prius vocabatur Paulinus, natus de illa nobili & antiqua gente Paulina Romæ.

Hoc anno circa finem mensis Iulii, rex Henricus cum magna classe mare fulcās, decimo nauigationis die saluus applicuit in Normannia, scilicet in festo sancti Petri ad vincula, vocato in loco Tonque, vbi villa fortis est, & castrum nobile, quod reddere per annum solet octo millia coronarum. Quo in loco quingenti equites hostiliter occurrerunt ei, transitum prohibere volentes, sed perempto per architenentes
 10 eorum capitaneo, & eius collega capto, cæteri metulose fugerunt. Nec multo post redditum fuit regi dictum castrum, & qui remanere volebant, accepere gratiam remanendi, volentes abire, tulerunt secum de gratia regia pecunias & suppellectilem, relinquentes arma & instrumenta bellica, necnon & victualia dicto castro. Consimili modo reddita fuit regi villa de Aumberes cum castello, qua tempestate monachus quidam soliuagus captus à quodam de familia regis despoliatus est. Quod vt rex comperit, solcite quæsiuit à monacho si personam recognosceret quæ tulerat ab eo res suas. Qui cum diceret bene se personam noscere, si videret eam, tandem post aliquos in conspectu ductos, notauit vnum dicens illum bona sua rapuisse. Quem
 20 rex illico vehementer redarguit, dicens illum morte dignum, qui cum aliunde satisfacere potuisset suæ necessitati, ad res religiosorum manus extenderet, modo tamen gauisurum perdonationis titulo, si nihil tale committat de cætero. Fecitque virum reddere monacho quis tulerat prius ab eo, monacho mandans vt domum repeteret, & consuetum seruitium cum fratribus suis intrepidanter Deo rependeret, asserens se non illuc aduenisse modo vespilionis vt res religiosorum raperet, sed potius more regis, vt eorum bona à direptionibus seruaret. Nec mora proclamari fecit per exercitū, ne quis religiosum, clericum vel præbyterum, nec vllum penitus ecclesiasticum despoliare seu quouis modo molestare præsumeret, nec ad res ecclesiasticas animo rapiendi manus mittere, sub pœna suspensionis & laquei. Qua proclamatione per pleba-
 30 nos vulgata, videres rusticos indumentis clericorū sumptis vagari per exercitū negotia tractare foralia, impune accedere & recedere, Anglis astu pie deceptis. Nec valebant Anglici rei veritatem agnoscere, rustici coronas sibi radentibus, vt Anglos fallerent efficacius, aspectu capitum abraforum. Consequenter insuper fecit rex proclamari ne quis fœminam coniugatam, viduam siue virginem contra voluntatem auderet opprimere, vel bona diripere plebeiorū, qui se regi summisserant sub pœna prætaxata. Tertio decimo die mensis Augusti rex recessit cum exercitu de villa de Tôque, & pernoctauit apud villam Sancti Saluatoris de Tybe. Crastino die Sabbati pernoctauit apud villam de Granuile, vbi commoratus est die dominica, videlicet in festo assumptionis beatæ Mariæ. Die lunæ pernoctauit apud Abbathiam de Fontenes, & in die Martis peruenit ad villam Destusteuyle: die vero Mercurii confedit cum ex-
 40 ercitu coram villa de Cane, ex parte australi, prope monasterium Sancti Stephani, dux Clarentiæ ex parte boreali iuxta Monasterium monialium Sanctæ Trinitatis, comes Marescallus sedit ex parte sinistra regis, & dominus de Mattreuers iuxta eum. Iuxta quem domini Talbot, & Vmfreuile sunt locati, & consequenter domini de Neuile, & Willoughby. Ex parte regis dextera confedens, Comes de Warwike, & dominus Iohannes Gray, iuxta quos Comites de Huntingdon, & de Sarum, & dominus Iohannis Grecornwayle. Dum sic esset dispositus regalis exercitus, & Abbathia sancti Stephani foret Francis communita, videntesque in monasterio proturamento fore se impares regiis viribus, locum deferere festinabant. Et diripientes tam victualia, quam alia loci iocalia, latenter in villam commigrauerunt, notabiles sacrilegio manifesto, vbi constituti tractabant inter se qualiter dictum monasterium flammis absumerent, & tures ecclesiæ complanarent: per quas multa mala fieri posse non dubitabant. Audiunt hæc insusurrari inter Francos quod quidā monachus eiusdem loci, qui metuens sui monasterii destructionem, confidenter dedit se periculo, & sub illius noctis silentio, manibus reptās & genib⁹, & per hostes, per ignes, per arma, per gladios tandem peruenit ad locum vbi dux Clarentiæ frater regis obsidionis suæ vigilias obseruabat. Et impetrato aditu, vidit vt recubuerat armatus ad vnguē in horto quodam super herbam, supposito capiti suo saxo. Cui confestim flexis genibus, flebiliter supplicauit, vt loco suo succurreret, qui iam diruendus erat nisi maturius subueniret. Vobis autem specialius conuenit nostrum seruare monasterium,

Rustici in clericali habitu.

qui de regum linea descendistis in locum nostrum quem fundauerunt, extruxerunt, atq; dotauerunt. Quapropter incunctanter utamini duce preuio, & ego vos inducam, & gaudere faciam loco nostro. Nec mora fecit dux ut monuit, & arreptis scalis, peruenit ad eam partem quam monachus bene nouit immunitam: nam pauci sed inuailidi relictii fuerant, magis ad ostentationem, quam ad defensionem loci, quos aduentu suo territos, vel captiuauit, vel abire permisit, reputans eos indignos gladio suo propter rusticitatem & uilitatem personarum. Vnum tamen decollari iussit, qui confessus fuerat se res monasterii, scilicet ferramenta fenestrarum, & huiusmodi compilasse, dicens ei: Si nos & nostros propter talia sacrilegia iusta morte multaueris, multo plus tu pœnam moereris qui patriæ propriæ sacella spoliare non times. Dux ergo tali modo potitus loco, introduxit regem in crastino, gaudentem nimirum quod à telis & turribus monasterii valebat intueri quæcunque gerebantur in villa, & illic figere vel locare gunnas suas, quas Galli canones vocant, quibus validius villam infestare posset. Post hæc denunciatur dies & hora quibus fieri deberet insultus ad villam. Interea sonante terrifico lituorum & tubarum classico, obsessi semet cohortantes, ad muros alacriter cucurrere, telis armati, giadiis & missilibus, iaculis & petrariis, ut vim vi repellant. De parte regis (ut ita dicam) *Induit aduersis contraria pectora telis, miles: ut aeternum sanguine nomen emat.* Inter milites dominus Edmundus Springeus, qui dudum cum aliis militiæ cingulo donatus fuerat, muros Cadomæ armatus ascendit, *Et vulnera alterna datque, capitque manu. Sicut aper longe siluis latratibus actus, Fulmineo celeres dissipatore canes, Mox tamen ipse perit:* sic & iste vir egregius dum multos muris deiicit, dum plures ense perimit, dum Martis acta peragit, lapsus pede corruit in foramen muri, ubi sedendo pugnans peremptus est, quem mox inhumaniter ut erat armatus adhuc spirantem, tormentarii (circumiectis ignibus) cremauerunt. Non tamen destitit regales inimicis insistere, sed bili concitata propter infortunium tanti socii, fuerat nempe cunctis amabilis: insurrexerunt acrius, & exarserunt contra tam improbos pollinitores, fatigantes illos sic ex parte, quod videbatur ipsis qui tuebantur oppidum ex parte altera necessarium, ut statione sua relictâ, ad eam partem accurrerent qua rex oppugnabat villam sicq; rarecente in dictâ parte defensore, dux Clarenciæ (factis instrumentis in loco qui putabatur tutissimus) muros scandit, & post terga Gallorum desiliens, eos adeo repente terruit, ut ignorarent utrum iuuaret potius procedere contra regem, an reuerti & manus erigere contra ducem. Facta est igitur strages magna Gallorum, obuiantibus à fronte regalibus, instantibus à tergo Clarencianis, omnemq; illis adimentibus spem salutis. Taliq; modo rex villa potitus est, castello nondum rebellibus vacuato. Quapropter rex Gunnarû iactu sic castrû debilitauit, ut impossibile videretur inclusis se defendere locum posse. Proinde impetrato tractatu, obtinuerunt à rege libertatem abeundi, relictis armis, victualibus, auro & argêto atq; iocalib. in castello. Sed ne inanes & vacui omnino recederent, rex indulxit eis ut milites quidam certâ summam fului metalli secû ferrent, armigeri quoq; taxatâ, & alii limitatâ tollerent, & nō amplius, sub pœna perditionis summarû concessarû, pariter & vitarû. Fœminas vero pmisit ornamenta vel quæq; mobilia secû ferre & indemnes abire. Quæ magnas auri summas (ut fertur) in vtrib. abstulere. Hiis omnib. ingrati Frâci beneficiis, regiæ munificentiæ pessime responderunt, & inuidentes eius cōmodis, aurû & argêtum, & quicquid in castrû ad tuendû deportatû fuerat igne cōbusserunt, ut post recessum patuit eorundē. Post deditiōnē castri Cane, q̄ obtinuerat conditionaliter, scil. si rex Frâcus vel Dolphinus aut comes de Armanak bello nō dissolueret obsidionem infra 19. diem Mensis Septembris, reddiderunt se pacto cōsili, ciuitas & ecclesia Baiocensis, cū aliis multis villis. Cum hæc agerentur in Neustria, Lolardi duce (I. Oldcastel) insanire ceperunt in Anglia, qui Scotos cōcitauit tã prece, q̄ repromissa pecunia, ut intraret hostiliter regnû in regis absentia, leui negotio (ut asseruit) subiugandû. Ferunt q̄ Wilhelmû Douglas Scotû, apud Pontē fractum allocutus fuerat, grandē promittens auri summâ, si gentē suam sollicitaret, & eum qui falso dicebatur apud eos rex Richardus, venire cum eis faceret, & se ostentare tanquam regem. Scotus vero auri sacra fame coactus, non multo post contribules suos cum magno strepitu venire fecit ad obsidendum castellum cum villa de Rokesburgh. Quo cum venisset, suffocatores immiserunt ad subuertendum muros. Contigit eo tempore ducem Exoniæ dominum Thomam Beuford ad Brydelingtoniam venisse peregrinandi, gratia, qui confestim audito rei nuncio properauit ad partes, eundo colligens armatos & architenentes, hostibus occurrere festinando. Ex alia parte custos regni dominus I. frater regis

regis dux Bedfordiæ cum aliis regni nobilibus magnum conflans exercitum, ad eadem peruenit partes. Quod Scoti per exploratores comperientes, expectare non audentes diutius, turpia femineæ terga dedere fugæ. Nec mirum, quia plusquam centum millia virorum conuenisse ferebantur ad repellendum eos. Et ne rurales æstimerentur, & inexperti qui cū dictis heroibus venerant, vir valde venerabilis dux Exoniæ palam asseueravit se sciuisse ex illis cohortibus delegisse quadraginta millia virorum bellicosorum qui virtute præstarent, & animis, æque cum valentioribus, quasi regni totius, non obstante quod maxima multitudo cum rege in Normannia militabat. Eo tempore dux Lolardorum I. Oldcastel dum diuersis in locis requirit latibula, prope
10 sanctum Albanum in domo cuiusdam rustici habentis ibidem idoneam mansionem, dominio Abbatis delituit multis diebus. Quo audito, familiares Abbatis illuc nocte properantes, illum quidē non inuenerunt, sed quosdam de suis specialibus asseclis tenuerunt & ad carcerem adduxerunt. Ipse vero dux perfidorū hoc audito rumore, vehementer ingemuit, dicens suum grande propositū eneruatum, captis præcipuis confociis votorum suorum. In præfato loco reperti fuerunt libri in Anglicis scripti litteris, & nonnulli libri quondā nobiliter & Imaginibus sanctorum diuersorum decorati, quarum Imaginū capita iuxta formam falsæ doctrinæ suæ, nebulones abraferant, & in letaniis omnium sanctorum nomina vnā cum nominibus beatæ virginis aboleuerant vsq;
ad hunc versum. Parce nobis domine. Inuenta sunt insuper illic quædā scripta plena
20 blasphemiarum in beatam Mariam, quæ propter horrorem scribere supersedi. Librū tali rasura deformatum, misit domino nostro regi dictus Abbas S. Albani, cū quibusdam aliis deliramentis repertis ibidē, & dominus rex eundē librum Archiep. Cantuariensi remisit, vt in sermonibus faciendis ad crucē S. Pauli Londoniis ostenderetur, vt vel sic ciuibus innotesceret, quanta furia Lolardi vehebantur, qui nō dico Imagines, sed nec ipsa sanctorum nomina in suis membranis inferi permittebant. Rex Angliæ per idem tempus impiger in partibus transmarinis, cepit plures ciuitates & villas muratas, cū castris & munitionibus plusquā centum. Hoc anno quarto die mēsis Septembris, obiit magister Robertus Alin, Episc. Sarum, apud Constanciā, consilio nondū finito. Mense Decembris rex Henricus obsedit Phalesiam villā munitissimam, refertam defensoribus, superbam suis opibus, instauratā machinis, confidentē mœniis, vt nec quidē
30 portas cōtra regē initio claudere dignabātur, villa tamē leui negotio terrore gunnarū reddita fuit regi. Sed castrū cum magno fastu detentū fuit, fere vsq; ad festum purificationis, medio tempore multis hinc, inde, iactis conuitiis. Tandē obstinatione deposita, pœnituit obsecros tamdiu perseuerasse in pertinacia, & humiliter sapiēdo regis gratiā flagitabant. Non enim ferre valebāt horridos saxorum volatus, quos crebro circa se cernebant emissos, cuilibet formidādos, & p̄inde maluerē semel vitā seruare quoquo pacto, q̄ quotidie quasi mortem metuēdo mori. Igitur post certas cōditiones assecrauerunt regi, se propriis suis sumptibus, damna castri, villæq; ruinas reparaturos: præter illas, quas soluerēt redemptionis suæ summas, q̄ idcirco illis imposuit, propter suā
40 fastuosæ detentionis diuturnitatem, quæ fuit causa ruinæ magnæ dicti castelli. Circa præsens tempus captus fuit in Anglia ille vaniglorius, inueteratus dierum malorum, primicerius Lolardorum, dux & princeps perfidorum I. Oldcastel, (quondam dictus dominus de Cobham) in terris domini de Powisia, non sine periculo lēsiōneq; quorundam qui ceperunt eum, sed nec ipse sine vulnere tentus fuit. Sub eodem tempore vocati fuerant ad parlamentum Londonias, omnes status regni, vt de pecuniāli suffragio regi ferendo consulerent, quo laborabat in partibus vltamarinis. Cumq; domini & personæ parlamentales, audissent q̄ captus fuisset hostis publicus, placuit cūctis parlamentū non dissoluēdum donec interrogatus, & auditus fuisset in eodē parlamento. Missus est igitur dominus de Powysia, qui deduceret eū manu forti. Qui &
50 adduxit eū Londonias, in lectica saucium vnā cū clerico omnium secretorum suorum conscio. Nec mora, cum constitutus fuisset in præsentia regni rectoris ducis de Bedfordia, & statuum parlamenti, lectum fuit indictamentū coram eo de hostili insurrectione contra regem in campo sancti Egidii, & aliis offensis læsæ maiestatis, qui partim tanguntur superius in locis suis. Quæsitum fuit ab eo qualiter se voluit excusare, & ostendere quare nō merito sit adiudicandus morti, qui mox aliunde quærens diffugia, assumpta parabola, cæpit prædicare de Dei misericordia, & quicumque mortales Dei imitatores esse vellent, deberent semper misericordiam superexaltare iudicio, vindictā fore solius Dei qui ab eius cultoribus nō debuit exerceri sed soli Deo relinqui, & alia plura commemorauit redimendo tempus, donec summus regni iusticiarius regis

vicarium monuit, ne pateretur eum inaniter tempus terere, & assistentes regni proceres molestare. Iussit ergo regni rector ut responderet conformiter ad obiecta, qui se videns constanter vrgeri, tandem post breuem meditationem soluto silentio respondit, dicens: Mihi autem (inquit) pro minimo est, ut à vobis iudicer aut ab humano die. Et iterum impertinenter garrulare cepit donec summus iusticiarius iussit ut responderet finaliter, & doceret si posset quare mori non debuit, qui confestim cum summa superbia & abusione, respondit se non habere iudicem inter eos viuente ligeo domino suo in regno Scotiæ rege Richardo. Quo responso accepto, quia non opus erat testibus, sine mora iussus est trahi & suspendi super furcas, atque comburi pendens in eisdem, ubi cum plures personæ honorabiles huic spectaculo interessent, domino 10 Thomæ Erpingham (prout dicunt) nouissima verba locutus est: adiurans eum, ut si cerneret eum resurgere die tertia, pacem procuraret sectæ suæ. Tanta perditus fuit dementia, ut putaret se post triduum à mortuis resurrecturum.

Anno domini M. cccc. xviii. tenuit rex natale in Normannia apud Baiocas, circa quod tempus redditum fuit sibi castrum de Phalesia, & ciuitas de Abruicis, id est Auerance se summisit. Post festum Paschæ missi sunt per regem ad obsidendum monasterium de Bekke Herlewim, dominus Thomas dux Clarenciæ: ad obsidendum villam de Cherburgh dominus Humfridus dux Glouerniæ: ad obsidendum castrum de Daunfront, dominus Richardus comes Warwici: ad obsidendum castrum Nullyle Vesque, dominus comes de Kyme. In die sancti Georgii rex apud Cado- 20 mum in castello celebrauit solemniter idem festum. Circa festum trinitatis ad iussum regis profectus est in Normanniam dominus Thomas dux Exoniæ regis auunculus cum quindecim millibus prout dicitur bellatorum. Mense Iunii Burgundiones nocte Parisium intrauerunt, & comitem de Armanak morte turpissima mutulauerunt. Nam (ut ferunt) eum crudeliter excoriarunt, ex post crudelissime peremerunt. In illa ferali seditione iugulati feruntur plures nobiles, scilicet Cardinalis Baar Archiepiscopus Remensis, Episcopus Meulx, episcopus Constanciensis, episcopus de Liseux, Abbas sancti Dionisii, Abbas de Iormayle, cancellarius Franciæ, prepositus Parisiorum, & plures alii ad numerum quatuordecim millium personarum. Nec faciri potuit effrenata furia tanta cæde virorum, quin & in fæminas grassaretur. Nempe fe- 30 runt iugulata quinque millia fæminarum. Sub eodem tempore rex obsedit nobilem villam vocatam Loueres, quam fortiter expugnatam compulit ad deditionem sub certis condicionibus utrobique pactis. Reddita est ergo regi villa in vigilia sancti Iohannis Baptistæ. Die vero Lunæ sequente mouit dominus rex exercitum versus Pount de Laarche. Eodem tempore dux Exoniæ obsedit ciuitatem Ebroicensem Eueroyse. Ipso anno infra octauas assumptionis beatæ Mariæ, Iesus Christus ut putatur ob honorem gloriosæ matris suæ quam propensius veneratur rex Angliæ, dedit ei in locis variis tres miraculosas victorias in prouincia Normannorum: Prima fuit quod centum de suis Anglicis die Martis infra dictas octauas ceperunt tres magnos dominos apud locum vocatum Kylbenef & personas alias octoginta, & ter 40 centum fugere compulerunt. Secunda fuit die Iouis, quadringenti nempe de hostibus, intrauerunt suburbana ciuitatis Ebroicensis, & vndecim ex Anglis fugauerunt eos, & ceperunt ex eis quatuor, & duodecim peremerunt, captis quadraginta dextrariis eorundem. Tertia fuit die sabbathi sequente summo mane. Hostes reuera voluerunt cepisse villam quam rex ceperat in prima equitatione sua præsentis anni, dictam Loueres, sed capitaneus dictæ villæ cum centum de nostris exiuit animose contra mille, & Deo volente vicit eos, & tradidit in manus hominum nostræ partis centum & octoginta personas generosas ex hostibus, per omnia benedictus Deus. Pri- die Kalendas Augusti capta fuit inopinato, villa de Pounteyse, prope Parisium, præbitate capitanei de la Bouche, summo mane, qui nocte non procul à villa delitescens, 50 inter vineas cum nonnullis de domini regis familia, in vigilia matutina repente scalarum scanfione muros ascendit, ubi post diutinam dimicationem, occisis multis de defensoribus, & pluribus vulneratis, cum ciues cernerent numerum inuictum crescere inter eos, oppressi vecordia, portis apertis fugerunt quo sors quæque trahebat, fuerunt utique in ea villa præfortes homines constituti pro defensione mille, qui ferebant lanceas atque scuta, & balistariorum duo millia, qui omnes sub festinatione versus Parisium fugere contendebant, sed intercepti sunt & præoccupati per comitē de Huntingdonia, qui & ipse destinatus fuit ad istud negotium, ut ipse ex vna parte aut altera muros ascendere moliretur, sed tamen retardatus fuerat in Marisco, nō inueniens

ueniens exitum, vsque ad solis ortum. Oecisa est ergo illa pene multitudo per comitem, villa per nostros detenta. In qua recondita fuerant omnis generis victualia ad duos annos, de cuius amœnitate, diuitiis & vtilitate rex scripsit quod inter omnia quæ gessit in transmarinis partibus, opus magis vtile non peregit. Hæc autem gesta sunt expirantibus treugis, in crastino postquam Franci regem suis fallaciis delusissent, & pacis vias quas res obtulerat refutassent: ferunt quod dicta villa fuit instaurata sufficienter victualibus pro duobus annis. Die Lunæ proxima post festum sancti Matthæi apostoli, castrum Gisorcii recuperatum fuit per Anglos. Et die Sabbathi proximo post idem festum recuperatum fuit castrum de Galiard per eosdem. Dux Burgundie vocatus ad Dolphini colloquium, & tuorum perfidorum complicum, proditiose peremptus est, licet perante pariter omnes pari sacramento se constringissent, quod nullus alterum læderet eorundem qui ad colloquium conuenissent, filius ducis Burgundie (qui & heres eiusdem) patris cupiens vindicare iugulationem, destinatis humiliter ad regem nostrum multis personis honorabilibus, præstitit sacramentum per eosdem de fidelitate seruanda sibi. Episcopus Surreyensis domini Wintoniensis suffraganeus celebrauit solemnes ordines apud S. Hoc anno nouerca regis, Anna regina, per quosdam infamata de quodam maleficio, quod in læsionem regis commentata fuisset (amotis cunctis suis famulis) commendata est custodiæ Pellam, qui adhibitis sibi nouem seruiantibus, introduxit eam in castrum de Peneneseye sub eius prouidentia gubernandam. Circa festum omnium sanctorum ducissa Clarenciæ cum multis aliis dominabus Angliæ in Neustriam transfretauit. Balthazar Cossa nuper dictus Iohannes Papa 23. decreto consilii Constanciensis degradatus, & incarceratus, propter humilem summisionem qua se summisit Papæ Martino, liberatur à carcere, & ad Cardinalatus restituitur dignitatem. Dominus Humfridus dux Glouerniæ, frater regis minimus, factus est custos regni Angliæ, loco fratris sui domini Iohannis ducis Bedfordiæ, qui vocatus à rege, nauigauit in Neustriam cum valida bellatorum manu, postquam gloriose regimen regni tenuerat per duos annos. Hoc anno. 16. die Maii nostri pugnauerunt cum Gallicis, qui venerant ad dissoluendum obsidionem villæ de Freney, quam comes Sarisburiensis obsedit, & occiderunt ex eis pene quinque milia, captis sexcentis cum Marefcallo de Rows, & multis aliis nobilibus & honoratis viris. Ductores ex parte nostra fuere comites Huntingdoniæ, & Marchiæ: I. Grenewayle, & Philippus de Leche. Capti sunt in hoc conspectu multa signa nobilium, inter quæ Wilhelmus Douglas perdidit vexillum suum, occisis de Scotis suis plusquam centum: signum Wilhelmi Douglas rex iussit extendi in ecclesia sanctæ Mariæ Rothomiagi. Dux Burgundie per hoc tempus sollicitat, ut pax & concordia fiat inter reges, modo & forma sub certis condicionibus, quarum talis est effectus. In primis quod Rex noster acciperet & habebit in coniugem puellam præclarissimam dominam Katherinam, regis Francorum Caroli filiam. Et quod per eum modum illustrissimos consanguineos suos, regem Franciæ, & reginam, efficiet sibi patrem, & matrem, & eosdem ut patrem & matrem suos habebit & pro talibus venerabitur præ cunctis aliis personis mundi, & quod non impediet quin consanguineus suus rex Franciæ teneat & possideat quoad vixerit coronam & dignitatem regalem Franciæ, & prouentus more solito, ad sustentationem sui status, & onerum regni, & præfata consanguinea sua serenissima regina Franciæ conthoralis eiusdem regis Franciæ, etiam teneat quamdiu vixerit, statum & dignitatem reginæ, secundum morem regni prædicti, &c. Quæ præmissa illustrissimus rex Angliæ se obseruaturum, facturum, & impleturum offert, dummodo per partem regis Franciæ ista promittantur, concordentur & fiant. Similiter in primis quod immediate post obitum eiusdem consanguinei sui, & ex tunc deinceps, corona & regnum Franciæ cum eorum iuribus, & pertinentiis vniuersis, manebunt & erunt ipsius regis Henrici, & hæredum suorum imperpetuum. Item quod pro eo quod præfatus serenissimus consanguineus suus Franciæ, tenetur ut plurimum aduersa valetudine, sic quod non potest commode vacare disponendis regni negotiis, idcirco ad vitam eiusdem consanguinei sui Franciæ, facultas disponendi rem publicam regni prædicti, & exercitum (cum consilio nobilium & prudentum eiusdem regni, eidem serenissimo consanguineo obedientium, qui commodum & honorem ipsius regni dilexerint) penes ipsum dominum regem Henricum sint, & maneant, ita ut ipsam per se ipsum, & etiam per alios quos cū consilio præfatorum nobilium ad hoc duxerit deputandos, regere possit & gubernare secundum exigentiā iusticiæ, & æquitatis. Item quod procures, magnates, & nobiles,

*Iuramentum
commune regi
Henrico.*

ac status regni prædicti, tam spirituales quam temporales, necnon ciuitates, & notabiles cõmunitates, ac ciues, & Burgenſes villarum eiufdem regni, præfato cõſanguineo ſuo pro tempore obediẽtes, præſtabunt iuramenta quæ ſequuntur. In primis quod eidem domino regi Henrico (facultatem & exercitiũ diſponendi & regendi dictam rempublicam gerenti) ac iuſſionibus ſuis humiliter & obediẽter in omnibus (exercitiũ regiminis dicti regni concernentibus) & per omnia parebunt & intẽdent. Item quod ea quæ inter præfatum cõſanguineum, & cõſanguineam eiufdem regis, & ipſum regem, cum cõſilio eorum (quod iidem cõſanguineus, & cõſanguinea, & ipſe dominus rex ad hoc duxerit adhibendos) appunctata fuerunt & concordata, ipſi proceres & magnates, &c. quatenus eos ſimul & ſingulos eorum concernere poterit, in omnibus & per omnia, bene & fideliter obſeruabunt, & pro poſſe ſuo facient ab aliis quibuſcunque obſeruari. Item quod continue ab obitu & poſt obitum dicti cõſanguinei ſui Franciæ, erunt ipſi fideles homines & ligei præfati regis H. ac hæredum ſuorum, ac ipſum pro domino ſuo ligeo, ac ſupremo, ac vero rege Franciæ, abſq; oppoſitione, contradictione, ſeu difficultate recipient & admittent, ac pro tali obediẽt, & quod (præterquam dicto cõſanguineo) nulli vnquam poſthæc tanquam regi & regi regi regni Franciæ obediẽt, niſi eidem regi, Henrico & hæredibus ſuis. Item quod non erunt in cõſilio, auxilio, vel aſſenſu, quod præfatus rex Henricus perdat vitam, aut membrum, ſeu capiatur mala captione, aut quod patiatur damnum ſeu diminutionem in perſona, ſtatu, honore, ſeu rebus, verum ſi quid tale contra eum moliri ſeu machinari nouerint, illud pro poſſe ſuo impediẽt, & eidem regi quam celerius poterint per ſeipſos ſeu nuncios vel litteris intimabunt. Item quod præfatus ſereniſſimus cõſanguineus ſuus Franciæ, ſuper præmiſſis omnibus & ſingulis, ac aliis quibuſcunque inter ipſum cõſanguineum, & præfatum regem in hac parte concordandis, eidem regi Henrico, dabit, & faciet, ac dari & fieri faciet, ſuas litteras patentes, ſuo magno ſigillo ſigillatas, nec non litteras patentes approbatorias & confirmatorias, præfatæ ſereniſſimæ principiſſæ cõſortis ſuæ, ac illuſtris cõſanguinei ſui ducis Burgundiæ, & aliorum procerum & magnatum dicti regni, eidem cõſanguineo ſuo Franciæ nunc vel in futurum obediẽtium (quorum litteras in ea parte ab eodem cõſanguineo dictus rex exigere voluerit) ſub ita clariſ, apertis & ſecuris, modo, forma & verbis, ſicut per cõſilia partium poterit aduiſari, necnon omnimodas rationabiles ſecuritates quas in hac parte velit idem rex Henricus. Et offert dominus rex Henricus, quod ſimili modo pro parte ſua, dabit & faciet ſuper eiſdem ſuas litteras patentes, approbatorias & affirmatorias, præclariſſimorum fratrum ſuorum & aliorum de ſanguine ſuo regali, pro eorumque & magnatum ſibi obediẽtium, nec non omnimodas ſecuritates rationabiles, quas dictus cõſanguineus exigere velit in hac parte. Duce Burgundiæ ſuadente, rex Francus & regina cõthoralis eiufdem, necnon & magnates & proceres qui aſtabant eidem regi, gratanter admiferunt præſcriptos articulos, & eoſ ſe obſeruatuſos fideliter promiferunt. Ac proinde Rex Angliæ cæpit equitare cum exercitu verſus regem Franciæ, qui perhendi nauit apud Troys in Campania de Ponteyſ, octauo die Menſis Maii, tranſiens per villam ſancti Dioniiſii, vbi & obtulit & deuotiones fecit. Deinde tranſiit iuxta foſſata Pariſeorum (populo ciuitatis inſpectante, & vt apparuit valde gaudente) peruenitque ad pontem de Charenton, ſuper quem Turris habetur fortiſſima, & ex vtraque parte turris eſt pons eleuabilis & tractabilis, ſic quod nullus accedere poteſt ad Turrim, ſi iſti pontes fuerint eleuati. In hoc loco rex dimiſit dominum Wilhelmum Gaſcoine, cum forti manu ad pontis cuſtodiam donec rediret, ſicque fecit in omnibus locis in quibus tales pontes habebantur. Tandem viceſimo die menſis Maii peruenit ad Troys, vbi cum ſumma reuerentia pontifices qui fuerunt in villa, & Cancellarius Franciæ; cum toto clero & omnes qui aliquem gradum tenebant circa regem Francum, dux Burgundiæ cum multis proceribus & militibus, facti ſunt in obuiam domino noſtro regi ad ſpaciũ miliarii extra ciuitatem. In craſtino partes conuenerunt ad Eccleſiam ſancti Petri, rex videlicet cum quadraginta perſonis dominorum, militum, & armigerorum (ad iſtud negotium ſpecialiter aſſignatorum) duciſſa quoque Clarenciæ intrauit cum domino noſtro rege: regina vero Franciæ venit illuc cum duce Burgundiæ, & quadraginta perſonis de ſuo cõſilio, & cum ea filia ſua domina Katherina duciſſa de Baire, & regina Angliæ mox futura. Obuiauerũt igitur rex & regina in medio ipſius eccleſiæ, & aſcenderunt pariter ad maius altare, vbi corã vtriſq; partibus recitabantur omnes articuli & appunctuationes præmiſſæ concordiæ quæ (partibus

bus consentientibus) sigillatæ fuere sigillis amborum regum, & partes iuratæ de concordia sine fraude. Quibus ita gestis, dominus rex & Katherina fecerunt assecurationem fide interposita per manus eorundem. Post hæc dux Burgundiæ iurauit publice, quod esset obediens domino nostro Regi tanquam regi Franciæ, durante termino vitæ Regis Franci, & quod post eius decessum deueniret illico ligeus homo Regis nostri: proinde mox pax proclamata fuit, primo in parte regis Franci in lingua Gallica, & ex post in parte Regis nostri in lingua nostra, vbi tunc recitati fuerunt articuli istius concordia, & publicati per totam ciuitatem, & exercitum Anglicanum. Tercio die mensis Iunii (scilicet in crastino Trinitatis) rex noster Henricus duxit in uxorem dominam Katherinam, & assignauit sibi ministros domus suæ valentes personas Anglicanas, nec remansit in eius obsequio quisquam Gallicus, exceptis tribus mulierculis generosis, & duabus ancillis, quæ famularentur magistræ suæ. Acta sunt hæc anno gratiæ millesimo quadringentesimo vicesimo, & regni regis Franci quadregesimo, & regis Anglorum octauo. Quartodecimo die mensis Iunii facta fuit London. solemnis processio, in qua & sermo de præmissis publice dicebatur apud crucem sancti Pauli, vbi in super diuulgabatur, quod sigillum regis Angliæ confringeretur, & insculptio noua fieret in eodem, quæ nomen regis præferret, adiecto titulo, quod Rex noster in suis apicibus rex Angliæ vocaretur, & regens vel rector Franciæ, & heres aparens regni prædicti.

- 10 Nuntiis itaque inter dominum regem Angliæ, & dominam Katherinam filiam regis Franciæ (vt præscribitur) solemniter celebratis, & pace reformatâ, Rex Angliæ (vt pote rector & hæres Franciæ) se disposuit ad ciuitates sibi & coronæ Franciæ rebelles, pro suis viribus subiugandis, cepit ciuitates de Saunz, & de Botreus per dedicationem continuo sibi redditas: deinde ad ciuitatem fortissimam de Melon cum suis exercitibus se transtulit, & eandem per obsidionem fortissimam vallauit: fuerunt namque in ipsa obsidione reges Angliæ, & Franciæ, & Scotiæ, ducesque Burgundiæ, Bauariæ, Clarentiæ, Bedfordiæ & Excestriæ, Comites vero Marchiæ, Warwici, Huntingdon, de Somersede, &c. Et alii domini, Barones, milites, & armigeri genere præclari, & armis validi, quorum nomina memoriæ non occurrunt. Durauit ipsa obsidio 14. ebdomadibus, & quatuor diebus, videlicet à festo sanctæ Mariæ Magdalenæ vsq; ad festum omnium sanctorum proximum sequens, non sine quotidiano pene & valido conflictu obsidentium cum obsessis, læsione, mutilatione, & interitu plurimorum. Interierunt namque de obsidentibus (vt asseritur) plures quam mille & septingenti viri. Fuerat namque dicta obsidio Anglicis omnium obsidionum, quas antea habuerant, magis nociua. Tandem deficientibus & absumptis cunctis victualibus obsessorum, regnum Angliæ & Franciæ se gratiæ reddiderunt, de quibus plures quam quadringenti, de valentioribus castrorum diuersorum custodiæ sunt commissi, reliqui vero regis Angliæ pietate sunt dimissi. Habita igitur de suis rebellibus tam mortifera, quam gloriosa victoria, reges prædicti cum magna parte eorum exercitus, Parisius accesserunt, ibidem dies natalitios, & maximum Parliamentum solemniter celebraturi.

- Anno domini millesimo quadringentesimo vicesimo primo, regni vero Henrici quinti regis Angliæ heredis & regentis Franciæ nono, tenuit idem rex natale domini Parisius, in quodam loco munitissimo (castrum sancti Antonii vocitatum) in latere eiusdem ciuitatis situm, vbi in ciuitatem poterat respicere, & rebelles eidem (si necesse fuerit) de facili cohibere, non tamen sine vigilia sui exercitus, & custodia satis forti. Expletis diebus natalitiis, & solenni parlamento ibidem, rex Angliæ Rothomagum transtulit, ibique cum suis Normannis & Anglicis ligeis aliud Parliamentum similiter celebrauit. Dispositis dehinc sufficienti securitate & custodia (vt sibi videbatur) tam pro regno Franciæ, quam ducatu Normanniæ, Angliam properauit, & per Picardiam & Calesiam pertransiens, in vigilia Purificationis beatæ Mariæ Doueriam, deinde Cantuariam, cum regina sibi nouiter nupta aduenit, domino Iohanne Cornwayle milite reliquis in partibus transmarinis pro tutela perquisitorum, & patriæ derelicto. Transactis quoque Cantuariæ paucis diebus, London. accessit, vbi à clero, ciuibus & populo ludicris & vario apparatu (vt decuit) cum maximo gaudio receptus fuit. Dicta quoque regina, (dominica prima quadregesimæ proximo sequente) præmissa equitationibus, & processionibus congruis, ad Westmonasterium à turri London. conductâ, & ibidem ministerio Cantuariensis Archiepiscopi (& aliorum quibus competit) solemniter coronata. Coronatione itaque Reginæ cum omni so-

lemnitate & lætitia (vt dēcuit) celebrata, & competenti familia eidem, & eius hospitio deputata, rex cum regina per diuersa loca solēnia & celebria sanctorum pertransiens, & peregrinationes suas & vota adimplens, festum Paschæ apud Leicestriam tenuit, festum vero sancti Georgii non ipso eius die, sed vsq; ad dominicam post ascensionem Domini apud castrum de Windesore tenendum more solito prorogauit. Quo quidem tempore Parliamentum per ipsum primitus limitatum Londini fuerat inceptum, & infra mensem felicitet expeditum. Nempe præter decimam à clero, & quintam decimam à populo domino Regi (in suarum guerrarum sustentationem & subsidium) conceditur, multa alia sunt in clero & populo ad Regis placitum reformata. Et præcipue in ordine nigrorum monachorum, illuc in maximo numero regis edicto in simul congregato. Fuerant vtrique ibidem etiam sexaginta abbates, & priores conuentuales etiam trecenti, & amplius monachi, doctores, & procuratores. Delatum namque fuerat regiæ Maiestati, à quibusdam falsis fratribus, Abbatibus cum sociis, multum deuiasse, religionem monasticam à suis primævis institutionibus, & obseruantis, fore dilapsam, & necessario per eundem & non aliter posse reformari. Quæ quidem credibilior fuerat eo, quod maior pars prælatorum ac seniorum eiusdem ordinis defecisset, & effrenata iuuentus eius tempore successisset, vnde idem Rex cum quatuor solummodo personis valentibus, ad eosdem in capitulo Westmonasterii in simul congregatis, satis humiliter intrauit, & præmissa humili salutatione, collationem ad hoc idoneam, per Episcopum Excestriæ (magistrum videlicet Edmundum Lacy sacræ Theologiæ professorem) auditurus confedit, post cuius terminationem ipsemet eisdem alloquebatur de pristina religione monachorum, & ob hoc suorum antecessorum & aliorum in fundatione & dotatione monasteriorum deuotione, ac de modernorum negligentis & indeuotione. Tradiditque eisdem quosdam articulos, vt exposit se per eosdem corrigerent: suppliciter exorans, vt ad pristinam religionem se retraherent, pro ipso & statu regni eius, & Ecclesiæ indefinenter orarent, satis animose & corditer affirmans, & si talia agerent, se ipsos nullum hostem penitus verituros, & se in eorum orationibus specialiter confidere, quibus quidem articulis, & aliis, per dictum Episcopum & alios ex parte regia approbatis per Abbatem sancti Albani (sacræ Theologiæ professorem) & alios valentiores, & sapientiores dictæ congregationis, diligenter discussis: facere fuerat super eisdem reformationem, prout tempus, status, & imbecillitas hominum videretur permittere, per capitulum prouinciale proximum approbandum, & per dominum Apostolicum confirmandum. Quam qui voluerit aspicere in monasterio sancti Albani & aliis pluribus locis eiusdem religionis poterit inuenire. Statutum etiam fuerat in eodem parlamento, ad instantiam maximam domini regis (vt asseritur) per clerum, vt tertium beneficium collationi seu præsentationi prælatorum & monasteriorum pertinens amodo per septennium vacaturum conferretur alicui clerico vniuersitatis Oxoniæ, seu Cantabrigiæ, secundum modum & formam in quodam statuto inde plenius specificato. Ad petitionem insuper domini regis obtentum fuerat, quod portio hereditaria de comitibus Northamptoniæ, Herfordiæ, & Estsexiæ, ipsum concernens, paribus gauderent libertatib. alias per Edwardum tertium regem Angliæ ducatu de Lancastria primitus concessis. Plura quoque alia fuerant statuta, quæ nostræ notitiæ non occurrunt, inter parlamentalia statuta plenius annotata. Præterea dominus Thomas frater regis (dux Clarentiæ) cum exercitu Anglicano satis valido in Franciam progreditur, Regis & regni rebelles subiiciens, & eorum bona sibi & suis diripiens, peruenit ad castrum fortissimum in partibus de Meyns, (Beuford nominatum) vbi à duobus Scotis per suos exploratores seu feriarios interceptus, relatus sibi fuerat exercitus Dolphini, ad numerum quatuor millium pugnantorum per quatuor inde leucas prope ciuitatem nominatam residere: vnde supra modum exhilaratus, & secus quam decuit tantum Principem, festinos transmisit nuntios ad capitaneos sui exercitus per patriam dispersos, vt ipsum illuc sequerentur indilate. Ipse quoq; dux cum paucis ultra numerum non supputatum, inde progrediens peruenit ad quendam fluuium & mariscum, quos (cum maxima difficultate, & non sine suorum tam hominum quam equorum amissione) pertransiens, diuisim & absque militari ordine incedens, in manus suorum inimicorum se iniecit, à quibus ipse & alii plurimi de suis valentioribus fuerant intercepti, plurimi quoque intercepti, grauib. redemptionibus redimendi. Multi quoque plures cecidissent, nisi vox eorum conflictum præpedisset, latebant tamen suos aduersarios quos occiderunt, donec

per

per duos haroldos (per ipsam ibidem interceptos, & super hoc stricto iuramento oneratos) scrutinio facto corporum occisorum continuo inde certificati plenius extiterunt. Imposuerunt dictum Ducis corpus in quodam vehiculo ad Dolphinum (qui tunc temporis Turonis aderat) cum ceteris captiuis deducendis, sed filius dicti Ducis nothus, coadunato reliquo exercitu, illud de eorum manibus viriliter eripuit, & ad suam coniugem ducissam in Normanniam transmisit, in Ecclesia Christi Cantuariæ postea tumulatum. Cecideruntque ibidem dominus de Ros, & germanus eius, dominus Gilbertus Humfreuile factus Comes de Kyme, & dominus Iohannes Gray factus scilicet per eundem Comes de Tankeruile in Normannia. Capti quoque fuerant ibidem comes dominus de Huntingdon, dominus comes de Somerset, & frater eius dominus Fitzwalter, & dominus Wilhelmus Bower. Ceperunt namque dicti regis aduersarii in eius absentia quandam ciuitatem munitam, primitus sibi redditam: eius capitaneo Anglicano cum omnibus aliis gladio trucidatis, de quibus victoriis elati, tantam conceperunt audaciam, vt timeretur de rebellione & redditu ceterorum superius sibi redditorum, vnde supplicarunt attentius domino regi sui fideles & ligei, vt ad illas partes cum valida armatorum manu quantocius festinaret. Rex igitur omnibus regnum Angliæ, & guerras Scotiæ concernentibus, pro suo beneplacito dispositis, cum valida armatorum & architenentium manu (ad mille & amplius supputatis) ad partes Gallicanas rediit, mortem sui fratris & ceterorum pro suis viribus vindicaturus, sed noluit Dolphinus cum eo cōfigere: licet aliter eidem suis nuntiis intimasset, & maiorem exercitum, vt asseritur, habuisset, & eidem iuramento astinxerat, si daretur oportunitas cum rege nostro Angliæ voluisse cōfigere: sed se in longinquis tunc partibus tenuit, & patriam vndiq; deuastauit: vnde asseritur maiorem suorum stipendiariorum armatorum partem ab eo recessisse, nec ei diutius militare voluisse. Rex itaque postquam per terras per ipsum Dolphinum primitus vastatas, cum magno detrimento sui exercitus inaniter persecutus fuisset ciuitatem de Mewz, super fluuium & partibus de Bry, suis rebellibus plenam cum suis exercitibus obsedit, vbi per conflictum & victualium inedia, magna eius multitudo consumpta vel infirmata fuit, magna quoque eius pars in Angliam rediit denuo minime reditura. Per idem tempus Dux Burgundiæ ciuitatem sancti Richardi munitissimam sibi & coronæ Franciæ rebellem adiutorio Anglicorum obsidione vallauit, sed ad eius dotationem ex causis subsequenter non peruenit. Nam Pikardi & Gallici vndique congregati dictam obsidionem dissoluere nitebantur, maiori armatorum super eum numero irruente. Quorum aduentum paulo prius per suos exploratores præsciens, tria propria tentoria combussit, & se fugere simulauit, vnde eius aduersarii amplius efferati, eum persequi non desistunt, sed inter ipsum & insidias eiusdem repositi intercepti mille & octingenti de eisdem occisi, ac captiuati, ceteris per fugam dilapsis. Sic itaque prædicta obsidione dissoluta, ipse Dux pro tanta victoria Deo gratias retulit, & suas peregrinationes & vota ob hoc promissa indilate persoluit, non enim poterat cum suo exercitu pro tunc amplius obsidere, propter cremationem suorum tentoriorum (vt præscribitur) quia magna pars sui exercitus ab eo recesserat ante conflictum, & sui aduersarii taliter prouocati super eum accrescere poterant tota die.

Postquam vero Christianissimus & excellentissimus Hungariæ, Boemiæ ac Romanorum Rex Sigismundus ad Romanum imperium electus, sua præsentali sollicitudine, Ecclesiam Dei cum generali consilio stabilisset, & verum domini vicarium & successorem Petri Martinum quintum in eadem præfecisset, rediit ad sua regna, & dominia propria, pro inimicis fidei debellandis, & hæresi Lolardorum (qui tempore & manu tenentia sui fratris senioris in regno Boemiæ inualuerat) pro suis viribus distrahendis. Collecta itaque armatorum maxima multitudo, vniuersitatem, & ciuitatem de Prage (in qua vltra ceteras dicta hæresis originem sumserat, & suas radices fixerat & dilatauerat) etiam sibi rebellem obsidione fortissima circumcinxit. Videntes igitur obsessi, tantæ se potentia non posse resistere, summisserunt se totaliter eius imperio, fatentes se fore eius ligeos, & eius consilio, ordinationi, & imperio parituros, dummodo maximam partem sui exercitus (quæ totam eorum patriam deuastauerat) remitteret: & cum suo solo familiari exercitu, cum eisdem inde amicabiliter pertractaret, eidem victualia & dona in signum suæ promissionis & futuræ fidelitatis emittentes, & suos ambassiatores honorifice suscipientes, quorum promissionibus nimis credulus, & effusionem sanguinis Christiani euitare desiderans, fortissimam partem

Sigismundus Pragam obsidet.

*Pragenses fandi-
fragi.*

partem suorum exercituum remisit, & reliquo suo familiari exercitu (ut optauerant) rei exitum expectauit. Videntes igitur fallaces, & falsidici, tempus suis desideriis arripisse, irruerunt etiam subito in eius exercitum, feceruntque inde stragem maximam, antequam imperator ceteris poterat subuenire. Tandem resumpto spiritu uiuaciori, per medium illorum trina vice se ingessit, plurimos peremit, & ceteros reintrare coegit. Et cum reliquo exercitu ad propria rediit, fortior denuo rediturus, & sui iniuriam vindicaturus, coadunato namque suorum principum, ducum, & militum, & aliorum armatorum, & architenentium, & balistariorum validissimo exercitu, cum Archiepiscopis, Colonienſi, Magutunenſi, & Treuerenſi, & aliis (ob hoc exhortatione & auctoritate Apostolica cruce signatis) dictos hæreticos persequi non cessauit, & eosdem aut unitati fidei & Ecclesiæ reuocauit, aut gladio vel ignibus tradidit deuorandos.

Hoc etiam anno domina Katherina regina Angliæ peperit filium suum primogenitum, apud castrum suum de Windeshora, die sancti Nicholai Episcopi & confessoris, & vocatum est nomen Henricus. Susceperunt namque eum de sacro fonte dominus Iohannes dux Bedfordiæ (eius auunculus, & pro tunc custos Angliæ) & dominus Henricus domini regis auunculus, Wintonienſis Episcopus, & domina Iakelina duciſſa Holandiæ (pro tunc in Anglia moram trahens) ministerio domini Henrici Cantuarienſis Archiepiscopi, cum ea qua decuit solemnitate & lætitia (cunctorum præcipue Anglicorum) non sine maximis donatiuis ad magnum valorem computatis. Hoc insuper anno primo die mensis Decembris, coadunatum est Parliamentum apud Westmonasterium per dominum Regem, domino duce Bedfordiæ (pro tunc custode Angliæ) eidem præſidente. In quo fuerat una quinta decima à laico populo domino regi in suarum guerrarum subsidium concessa, ad festum Purificationis beatæ virginis, & sancti Martini eidem persoluendum, sed nihil à clero ea vice pro eo quod decima per eundem in ultimo Parlamento conditione tali concessa nondum fuerat plene persoluta, sub ea etiam conditione, quod prima medietas dictæ quintæ decimæ solueretur de pecunia conseruata & alia tunc currente. Ordinatum etiam fuerat, quod talis moneta cum reliquo usque dictum festum Purificationis indifferenter curreret, dummodo foret argentum verum vel aurum, nec tonsione vel lotione enormiter diminutum. Hoc etiam anno mense Aprili transfretaui regina Angliæ in Normanniam, cum manu valida sub conductu domini Iohannis fratris regis, ducis Bedfordiæ: & dominus Humfridus frater eiusdem custos Angliæ subrogatur.

Anno Domini millesimo quadringentesimo vicesimo secundo, tenuit dominus rex Angliæ regens & heres regni Franciæ, natale domini cum suo pauco Anglorum exercitu sibi relicto, in obsidione ciuitatis de Mews, in partibus de Bry, quam obsederat per quoddam spatium anni proximi præcedentis. Durauit quoque eadē obsidio usque 5. diem mensis Maii proximo subsequenter, quo quidem die reddita fuerat ciuitas memorata, cum omnibus eidem pertinentibus dispositioni & gratiæ domini Regis. Rex vero admisit ad gratiam omnes inclusos, præter Scotos, Hibernicos, & falsos Anglicos, & alios sibi antea iuratos, sed de valentioribus ad Angliam sunt conducti Comitibus Deuoniæ transmissi, & ibidem diuersis carceribus mancipati, grauib. (ut creditur) summis pecuniæ redimendi: saluis etiam domino Regi omnimodis armatura, victualibus, & re pretiosa in eadem ciuitate repertis. Interea Dolphinus cum Comite de Armanak & Scotis, & aliis sibi adhærentibus, & exercitu satis valido, quandam ciuitatem muratam ducis Burgundiæ obsedit. Obfessi igitur ob inopiam victualium in arcto positi, miserunt eidem Duci ac etiam domino regi Angliæ heredi & regi Franciæ pro succursu: alias urbem prædictam eosdem eidem Dolphino necessario reddituros. Misit igitur Dominus Rex illuc cum suis exercitibus fratrem suum Dominum Iohannem Ducem Bedfordiæ, Dominum Thomam Beuford auunculum suum Ducem Exceſtriæ, Comitem Marchiæ, Comitem Warwyci, & alios Comites, & Barones, & milites (quorum nomina nostræ notitiæ non occurrunt) cum dicto Duce Burgundiæ pro dicta obsidione amouenda, & bellis cum suis aduersariis committendis: sed Dolphinus eorum aduentu per suos exploratores recognito, more solito fugit, & eius tentoria Anglorum direptioni dereliquit. Rex itaque diutina intemperie (quam ex nimio & diutino labore contraxerat) interim incidit in febrem acutam cum dysenteria vehementi, quæ in tantum eius vires consumpserant, quod medici eidem medicinas aliquas intrinsecas apponere non audebant, sed de eius vita penitus desperabant. Cernens igitur Dominus Rex sibi mortem proximam imminere,

nere, conuocatis suis ducib. & aliis qui adesse poterant, pro regnis tam Franciæ quam Angliæ, ac ducatu Normanniæ sapienter disposuit, testamentum confecit, & debita sua de suis thesauris & iocalibus superhabundantibus soluenda constituit, sumptifque viuifici corporis dominici & aliis, quæ ad Christianum pertinent, sacramentis, in vera pœnitentia, fide recta, spe certa, & charitate perfecta, & bona memoria, huic seculo & suis valefaciens, animam suam suo reddidit creatori penultimo die mensis Augusti, postquam regnasset nouem annis, quinque mensibus, & 14. diebus, sibi que similem inter Christianos Reges vel Principes non reliquit, vnde eius mors non solum regnicolis Angliæ & Franciæ, verum toti Christianitati non merito est deflenda.

Henrici 5. mors.

- 10 Fuit itaque pius in animo, rarus & discretus in verbo, prouidus in consilio, prudens in iudicio, modestus in vultu, magnanimus in actu, constans in agendis, in peregrinationibus frequens, & eleemosynis largus, Deo deuotus, & Ecclesiæ prælatos & ministros promouens & honorans, belliger quoque insignis & fortunatus: qui in cunctis congressibus bellicis semper victoriam reportabat. In ædificiis construendis, & monasteriis fundandis magnificus, in donis munificus, inimicos fidei & Ecclesiæ super omnia persequens & impugnans. Hæc & eius gesta notabilia eius subditi animo reuoluentes, de tam subitanea & terribili mutatione dexteræ excelsi plurimum formidabant, ac indicibiliter condolebant, nec mirum, cum pro tam potentissimo rege & domino sapiente, & omnibus bonis moribus adornato, reciperent pro eorum
- 20 Rege & domino eius filium nondum annalem, inualidum & improuidum, ad regendum tot & tanta regna, & dominia sibi hereditarie pertinentia: illud vñ Salomonis metuentes, cuius terræ rex puer est, &c. Nisi eius bonitatis clementia subueniat, qui æque mirabilia operatur in minimis vt in magnis, cuius manus non est abbreviata quin faciat bonū, dummodo in eius & nostris oculis ad modū nostri regis humiles efficiamur & paruuli, & in nostris actibus & bonis consiliis indiuisi. Rex itaque Franciæ Carolus audita morte sui generi Angliæ prænotati, post solennes exequias & missas in sua capella pro eius anima solemniter celebratas, accersito eius edicto suorum prælatorum & aliorum dominorum (qui concordiam nuper pridū inter regna Franciæ & Angliæ consenserant) numero copioso, fecit eandem concordiam coram ipsis perle-
- 30 gi, & tam suo quam illorum iuramento super corpus dominicum & sancti Dei Evangelia denuo confirmari. Deinde dolore & desolatione contrabescens, 13. die subsequenti & ipse instabili luci seculi valefecit. Sed & omnis pene Francigenæ, qui eiusdem regis Angliæ æquum & discretum regimen post tam turbulentam & improbam aliorum tyrannidem experti fuerant, planctu maximo condolebant, præcipue Parisienses, & Rotomageneses, eiusdem Regis corpus in funeralibus obsequiis, legitime, & oblationibus pro eorum viribus multipliciter honorantes, offerentes auri summas maximas pro eius corpore inter eosdem tumulando, pro eorum honore & solamine singulari, sed hoc fieri non poterat pro eo, quod testamentarie primitus legauerat se apud Westmonasterium tumulandum, quod postmodum, vt sequitur, satis honorifice est completum. Congregato interea apud Parisiū & Rotomagum magno consilio vtriusque regni, dominoque Iohanne fratre regis duce Bedfordiæ, & custode ducatus Normanniæ, ac domino duce Burgundiæ regente regis & regni Franciæ, prout idem rex Angliæ viuens ordinauerat constitutis. Nec non comite Salisburien-
- 40 si, Comiteque Southfolchiæ & aliis pluribus proceribus ad tutelam castrorum, & villarum inibi relictarum. Reliqui pene Comites & domini cum regis corpore, & regina ad Calesiam, deinde in Angliam redierunt, præmissis Regis thesauris & iocalibus in Turri Londoniensi conseruandis. Regis quoque exequiis apud Cantuariam & sanctum Paulum Londini, & Westmonasterium (vt tantum Principem decuit) solemniter celebratis, inceptum fuerat Parliamentum auctoritate & breuib. Hen-
- 50 rici Regis Angliæ sexti dicti Regis filii, pridem summoniti apud Westmonasterium, præsidente eidem eius auunculo domino Humfrido duce Gloucestriæ, prius custode Angliæ commissione dicti Regis. Infra quod Parliamentum solennes exequiæ regis ab omnibus statibus (vt præscribitur) fuerant celebratæ. Cuius Regis mortui apparatus si scire libeat, talis erat. Superposita namque fuerat cistæ, in qua corpus eius habebatur quædam imago stature & faciei Regis mortui similima, clamide purpurea satis longa & larga cum furrura de Ermyn induta, sceptrum in vna manu, & pila rotunda aurea cum cruce infixæ in altera, Corona aurea in capite, super capellum regni & sandalis regiis in pedibus impositis. Et taliter eleuatur in curru, vt à singulis videri potuisset, vt per hoc mœror & dolor accresceret, & eius amici & subditi pro eius anima

Caroli mors.

domi-

dominum tenerius exorarent. Fertur etiam mille torticios magnos per venerabiles personas circa eius corpus delatos, & pannos aureos, & sericos pro eodem oblatos. Adducti etiam fuerant ad maius altare Westmonasterii tres dextrarii cum eorum sessoribus, ut moris est, armis regis Angliæ & Franciæ, optime armatis, & sessoribus inibi inde expoliati. Arma vero integre ablata, vexilla insuper circa corpus defuncti ferebantur. Arma sancti Georgii Angliæ & Franciæ, ac imaginum sanctæ Trinitatis sanctæ Mariæ continentur, sicque corpus dicti Regis usque ad monasterium deducitur, & ministerio prælatorum & procerum regni inter Reges Angliæ, ibidem inter fere-trum sancti Edwardi, & Capellam sanctæ virginis (loco quo reliquæ ibidem fuerant reconditæ) honorifice fuerat tumulatum, ac Parlamentum continuatum. In quo 10 quidem Parlamento ex assensu omnium statuum eiusdem, idem Dux defensor seu protector Angliæ in absentia sui fratris senioris Ducis videlicet Bedfordiæ fuerat ordinatus, ac nominatus, omniaque regni officia & beneficia eius dispositioni sunt com-missa.

F I N I S.

YPO.



YPODIGMA NEVSTRIÆ
VEL NORMANNIÆ, PER THOMAM
DE VV ALSINGHAM; AB IRRVPTIO-
ne Normannorum usque ad annum sextum regni
Henrici quinti.

Mm

DVCES

DVCES NORMANNORVM.

ROLLO SIVE ROBERTVS.



GVLIELMVS.



RICHARDVS I.



RICHARDVS II.



RICHARDVS III.



ROBERTVS.



GVLIELMVS CONQUESTOR.



ANNI,

ANNI, IN QUIBUS DE REGIBVS IN HOC Ypodignate tractatur.

<i>Regum nomina.</i>	<i>An.D.</i>	<i>Pag.</i>	<i>Regum nomina.</i>	<i>An.D.</i>	<i>Pag.</i>	<i>Regum nomina.</i>	<i>An.D.</i>	<i>Pag.</i>
<i>Wilhelm. Com.</i>	1066	436	<i>Henricus II.</i>	1160	446	<i>Henricus III.</i>	1224	464
	1067	438		1163	446		1225	464
	1069	438		1166	446		1226	464
	1070	438		1167	447		1227	464
	1071	438		1168	447		1230	464
	1072	438		1170	447		1231	464
	1073	439		1172	447		1232	464
	1074	439		1173	448		1233	464
	1075	439		1174	449		1234	464
	1076	439		1176	451		1235	465
	1077	439		1177	451		1236	465
	1079	439		1178	451		1237	465
	1080	439		1179	451		1238	465
	1087	439		1180	451		1239	465
<i>Wilhel. Rufus.</i>	1088	440	<i>Richardus I.</i>	1181	451		1240	465
	1090	440		1182	451		1241	465
	1091	440		1183	451		1242	465
	1093	440		1185	452		1243	466
	1095	441		1186	452		1244	466
	1096	441		1187	452		1245	466
	1097	441		1189	452		1246	466
	1098	443		1199	453		1247	466
	1099	443		1191	453		1248	466
	1100	443		1192	454		1249	466
<i>Henricus I.</i>	1101	443	<i>Lohannes.</i>	1193	455		1250	466
	1104	443		1194	456		1251	467
	1106	443		1195	456		1252	467
	1110	443		1196	456		1253	467
	1118	443		1197	456		1254	467
	1119	444		1198	457		1255	467
	1120	444		1199	457		1256	467
	1123	444		1200	458		1257	467
	1125	444		1201	458		1258	467
	1127	444		1202	458		1259	467
	1129	444		1203	459		1260	468
	1133	444		1204	459		1261	468
	1134	444		1205	459		1262	468
	1135	444		1206	459		1263	468
	1136	445		1207	459		1264	469
<i>Stephanus.</i>	1137	445		1208	459		1266	470
	1138	445		1209	460		1267	470
	1139	445		1210	460		1268	471
	1141	445		1211	460		1269	471
	1142	445		1212	460		1270	471
	1143	445		1213	460		1271	472
	1146	445		1214	461	<i>Edvardus I.</i>	1272	472
	1148	445		1215	461		1273	472
	1150	446	<i>Henricus III.</i>	1216	462		1274	473
	1151	446		1217	463		1275	473
	1152	446		1218	463		1276	473
	1153	446		1220	463		1277	473
	1156	446		1221	464		1278	474
	1158	446		1222	464		1279	474
	1159	446		1223	464		1280	474
<i>Henricus II.</i>								

<i>Regum nomina.</i>	<i>An.D.</i>	<i>Pag.</i>	<i>Regum nomina.</i>	<i>An.D.</i>	<i>Pag.</i>	<i>Regum nomina.</i>	<i>An.D.</i>	<i>Pag.</i>
<i>Edvardus I.</i>	1281	474		1327	508		1371	528
	1282	475		1328	510		1372	528
	1283	475	<i>Edwardus III.</i>	1329	510		1374	529
	1284	476		1330	510		1375	530
	1285	476		1331	511	<i>Richardus II.</i>	1376	530
	1286	476		1332	511		1377	531
	1287	476		1333	511		1378	532
	1288	476		1334	511		1379	532
	1289	476		1335	512		1380	533
	1290	477		1336	512		1381	534
	1291	477		1337	512		1382	535
	1292	479		1338	513		1383	535
	1293	480		1339	513		1384	536
	1294	481		1340	514		1385	537
	1295	482		1341	514		1386	538
	1296	483		1342	514		1387	539
	1297	486		1343	515		1388	542
	1298	488		1344	515		1389	544
	1299	489		1345	516		1390	544
	1300	490		1346	516		1391	545
	1301	490		1347	518		1392	546
	1302	496		1348	519		1393	546
	1303	496		1349	519		1394	547
	1304	497		1350	519		1395	547
	1305	497		1351	519		1396	548
	1306	498		1352	519		1397	550
<i>Edwardus II.</i>	1307	498		1353	520	<i>Henricus III.</i>	1398	551
	1308	499		1354	520		1399	552
	1309	500		1355	520		1400	555
	1310	500		1356	521		1401	557
	1311	500		1357	522		1402	557
	1312	501		1358	522		1403	559
	1313	501		1359	523		1404	561
	1314	501		1360	523		1405	564
	1315	502		1361	524		1406	566
	1316	502		1362	524		1407	567
	1317	503		1363	524		1408	568
	1318	503		1364	525		1409	569
	1319	504		1365	525		1410	570
	1320	504		1366	525		1411	571
	1321	504		1367	526	<i>Henricus V.</i>	1412	572
	1322	505		1368	527		1413	573
	1323	506		1369	527		1414	577
	1324	506		1370	527		1416	585
	1325	507						

YPO.



10 YPODIGMA NEVSTRIÆ PER
TH. DE WALSINGHAM.



20 **M**AGNIFICENTISSIMO & Illustrissimo Francorum & Anglorum Regi, Henrico Normannia conquestori, Principi Wallia serenissimo, Hybernia & Aquitania domino, Dei gratia semper & ubique victori. Suorum minimus Orator frater Thomas de Walsingham, Monachus Monasterii S. Albani Anglorum Protomartyris humilis cum recommendatione. Salutem in eo qui dat salutem Regibus. Cogitanti mihi inter studia contemplationis claustralis, quantis virtutum dotibus, ac victoriarum titulis Deus omnipotens vos extulerit, quantis specialium gratiarum donis cumulauerit, ut hostes etiam vestram sapientiam prædicent, discretionem mirentur, & ubiq; commendent, iustitiam laudum præconis celebrent, fateor spirituali iocunditate, & interiori gaudio sum repletus atq; refertus, multo suauius quam ab epulis exquisitis. Sed inter hac oritur in mente mea quoddam nubilum, quod obfuscet conceptum cordis mei iubilum, dum vereri cogor gentis morem solitum, qua multotiens parvipendit etiam nēmissam votum publicum, & solenne præstitum iuramentum. Dumque memor fui dierum antiquorum, recoleens fraudes, facinora, factiones, & scelera commissæ per hostes, anxius est in me spiritus meus, & in me turbatum est cor meum, & pene defecit in dolore vita mea, sciens, quod cras poterunt fieri turpia sicut heri. Et metuens ne forte quouis
30 modo vestra circumueniretur innocentia, scrutatus sum in mente mea, quid maxime vestra salutis suffragari posset conuersanti inter tot pericula. Tandem occurrit inter plurima scribere vestra celsitudini, quam præcordialiter diligit anima mea quicquam, per quod tutior simul & cautior esse possit. Teste nempe Poeta: Omnia vincit amor: Qui id in me efficit, ut non verear licet inculto & impolito sermone, tam sapienti, tam glorioso Principi balbutiendo proferre, qua mente tractavi, & vestra serenitati utcunque pandere, qua pro salute regia corde concepi. Hinc est, quod breuem tabulam compilare studui, qua facit à principio conquestus Neustria per Normannos usque ad conquestum Anglia per eosdem. Quam deduxi usque ad tempus, quo vestra Maiestas eandem Normanniam abalienatam contra fas & iustitiam à vestris progenitoribus per annos circiter ducentos & viginti potenter & victorioso subiugum venire compulsi, & pro votis regaliter ordinauit. Proinde (domine
40 mi Rex inclyte) vobis in hoc opusculo conspicienda porrigo gesta præterita, bella varia, paces pactas mutuo, fœdera violata firmata iuramento, promissiones, sponsiones, oblationes factas antecessoribus vestris sub dolo, hostium deceptiones & hypocrisim, & quicquid hostis adinuenire potuit exquisita calliditate, per quod seducere posset nobile genus vestrum. Igitur quia nullum maius decet plura scire, quam Principem, cuius doctrina maxime subiectis prodesse potest, hunc libellum si placeat inspiciendum vestra celsitudini, ego pauper & modicus deuotus obtuli, imponens illi nomen Ypodigma Neustriæ, eo quod prædemonstret præcipue casus velleuentius illius patriæ, à tempore Rollonis primi Ducis, usque ad annum felici regni vestri sextum: quod Deus omnipotens pro sua magna pietate ubique pacificet, & in omni prosperitate conseruet, Amen.

YPODIGMA NEVSTRIÆ PER T. DE
WALSINGHAM.*De consuetudine Danorum antiquitus frequentata.**Lex Dacorum de
iunioribus exu-
landis.*

LIM mos erat in Dacia, cum repleta esset terra hominibus, ut sancita lege per reges illius terræ cogerentur iuniores de propriis sedib. emigrare. Quæ gens idcirco multiplicabatur nimium, quoniã luxui excessiue dedita multis mulierib. iungebatur. Nã pater adultos filios cunctos à se pellebat, præter unum, quem heredem sui iuris relinquebat. Quæ lex per multorum tempora regum mansit inconuulsa, quoad usq; Lothbrocus rex patri successit in regno, quæ prædicant de stirpe Gothorum processisse. Ex quorum progenie iactitant Troianos fuisse progressos: Anthenorem ab urbis exterminio cum duobus millibus & quingentis viris ob prodicionem illius ab eo perpetrata euasisse, & per multimodos anfractus ponti Germaniam appulisse, ac in Dacia ex post regnasse: eamq; à quodam vocato Danao suæ stirpis rege, Danemarchiam nuncupasse. Igitur rex Lothbrocus excitus patrum legibus, forte cogente, cum ingenti iuuenum agmine filium suum nomine Bier, costa ferrea à suo abdicat regno, cum pædago suo Hastings nomine: viro per omnia fraudulentissimo, ut externa petens regna, alias sedes sibi armis acquireret. Qui ideo costa ferrea vocabatur, quia vehementissimis infectus veneficiis suæ matris, licet in acie staret inermis, omnem vim armorum illæsus sperneret. Hastings ergo à patria cum suo adolescente sic proscriptus, de finitimis prouinciis milites animo leues, & belli cupidos congregauit: Deo suo pro thure humanum sanguinem delibauit. Cuius cruorem libaminis omnes unanimiter potauerunt. Et vento flante secundo Ver-
mendemsem aggrediuntur portum. Exilientesq; de nauibus totum Vulcano tradunt illico comitatu. Sancti quoq; Quintini monasterium ferali cõburunt rabie, de Christiano populo nepharium ludibrium exercentes. Neuionensis namq; præsul Emino nomine, cum suis Diaconis eorum gladiis obtruncatur, sitq; cædes in plebe proprio viduata pastore. Dehinc fluuium Sequanam ingrediuntur, & apud Gemeticum ob-
dionem componunt. Qui locus iure vocatur Gemeticus: quia velut gemma in anu-
lo, sic rutilat situ loci & fructuum vbertate. Hic Clodonei Francorum Regis tempore à beato Philberto, opitulante Beatilda Regina constructus, in tanto incremento adoleuit, ut noningentorum monachorum numero eius quantitas suppleretur. Huius loci monachi vel incolæ comperientes aduentum paganorum fuga lapsi, quædam sub terra occultantes, quædam secum asportantes euaserunt. Paganum locum reperientes vacuum, Monasterium sanctæ Mariæ sanctiq; Petri, & cuncta ædificia igne comburunt in solitudinem omnia redigentes. Abhinc denique Sequanæ sulcantes alueum, Rhotomagum adeunt, igneque comburunt, horrendum de Christiano populo ludibrium exercentes. Franciæ quoq; interiora petentes, omnem fere Neustriam, Northmannica ferocitate inuadunt: urbem quoq; Namiaticā incendio cremauere. Episcopum sancto sabbato Paschæ Baptismū celebrantem trucidauere, clerū & populum peremere. Deinde Andegauensem percurrentes regionem, ipsam quidem ciuitatem concremant: Pictauorumq; castella atq; vicos, omnemq; patriam à mari usq; ad eandem Pictauiensem urbem populantur & vastant, replentes cædibus vniuersa. Sequenti namq; tempore nauigio Turonum ademit ciuitatem, eamq; de more opplentes stragibus: ad postremum tradunt ignibus, populata omni circumquaq; regione. Non longe post superiora Ligeris fluuii manibus expetentes, Aurenā perueniunt, captamq; urbem auro distrahunt: & ad tempus recedentes secundo aduentu comburunt eandem. Et ut concludam tragædias infinitas breuib; Hiteciam Parisiorum nobile caput, quondam resplendens gloria, abundans opibus, in cineres redegerunt. Betuacus quoq; & Nomoniis quondam Galliarum præstantissimæ ciuitates eorum gladio concidere. Aquitannia quoque quondam bellorum nutrix tunc patuit præda gentibus alienis. Nec erat oppidum aut vicus in ea regione, neq; ciuitas: quæ non strage ferali horum cõciderit Paganorum. Testatur id Pictauiis fecundissima urbs Aquitanniæ, hoc Sanctonum, hoc Engolisma, hoc Petragoricum, hoc Lamonicas, hoc certe Aruernus, ipsumq; Auaricum, caput regni Aquitanici.

*Bier dictus costa
ferrea.**Cædes S. Quinti-
ni grania.**Gemeticus Mo-
nachorum sedes.**Paganorum va-
bis in Franciâ.**Aquitannia de-
predatur.*

Hiis calamitatum malis Galliis per 30. fere annorum spaciū detritis flebiliter: Hastings Bier dominum suum prouehere cupiens ad altiora, imperiali eum diadema coronare volebat. Proinde deliberauit cum suis complicibus, Romam clande-

stina

stina irruptione obtinere. Sed nimia exorta tempestate ad urbem Lituis vëto impellente deuoluitur, quæ pro sui decore hoc nomine vocabatur. Porro ciues attoniti tanta classe, ciuitatem muniunt, & semetipsos hortantur ad resistendum. Quorum audaciam Hastings vt comperit, ratus hanc Romam fore, omni conatu cœpit attemptare, quo pacto posset eâ dolo inuadere. Deniq; Episcopo ciuitatis & cõmunitati ministros suæ perfidiæ dirigit: asserens non sua sponte illuc appulisse, sed patriam suam repetere voluisse, pacificos se esse, pacem deinceps quærere, & se lætali pressum languore, ab eis Christianum fieri supplici prece deposcere. Hiis auditis Comes & Episcopus *Hastingsi dolo infensu.* gaudio exhilarati, pacem cum nephandissimo pacis inimico firmant, fitq; communis. *10* vtriq; populo vrbis ingressus. Tãdem ad ecclesiam sceleratus fertur Hastings, sacrosancto baptismate mergitur homo versutus, & rapacissimus exit lupus. Quem ad sui perniciem à fonte Prælul & Comes excipiunt: Hinc quoque baiulorum manibus refertur ad nauim crismate delibutus. Post hoc intempestæ noctis medio loricatus locatur in feretro, innuens cœteris vt suas induerent lorigas sub tunicis. Proinde fit luctus intollerabilis per exercitum, Hastingsum obiisse neophitum, & resonat maris litus tanti ducis excessu. Dehinc naui effertur, & ad ecclesiã baiulatur, sacrosancto vestitur Antistes indumento, mactaturus sacrosanctã hostiam pro defuncto, fit commendatio animæ, vt corpus scelerum & perditionis in baratro iam sepultũ, tradatur sepulturæ. Sed ecce profilit de feretro, Episcopum & Comitem obruncat gladio: dehinc *20* lupina rabie cum suis grassatur in plebe. Hiis à funesto perpetratis, Theatrum efficitur domus domini, iugulantur iuuenes, trucidantur senes, depopulatur ciuitas, & à fundamentis mania diruuntur. Huius itaq; peracta vrbis subuersione, comperientes pagant se Romam nullatenus cepisse, veriti ne vltius quicquam proficerent, quippe cum Romanas aures fama volante eorum prophana opera iam occupassent, inito consilio de regressu disponunt. Nam Bier totius exçidii signifer, & Rex exercituum, dum natiuum solum repeteret, naufragium passus, vix apud Anglos portum obtinuit, quamplurimis de suis nauiculis submersis tempestate. Inde; petens Frisiam, illic obiit. Hastings vero Carolum simplicem regem Francorum adiens, pacem petit, quam adipiscens, urbem Carnotensem stipendii munere accepit ab illo. Et sic Francia à tumultuum fragoribus aliquamdiu respirauit.

Emensis exposit plurimorum annorum interstitiis, Francia ab hiis tumultuũ fragoribus paulisper sopita. Denemarchia spargens iterato iure exterminii flãmiuomos Ticiones, plurimos tirones à se iuuenili flore vernantes, priscorum patrum lege secer-
nit. Qui profecti cũ sex nauibus plenis armato milite apud Scanzã insulam applicant. indeq; sublatis anchoris, spirantibus auris salubriter Anglicam Britannia aggrediũ-
tur. Quibus Angli confestim obuui, multis suorum amissis, cum dedecore refugerũt. Quibus compertis illius regni Rex Ethelstanus missa legatione, protinus pacem pet-
it, & adipiscitur: firmatisq; fœderibus, amicitia indissolubili ad inuicem connectun-
tur. A quo suæ expeditionis postulantes auxilium, paruo tempore contraxerunt non
40 minimam armatorum manũ. Abinde fluctuaga sulcantes æquora, cũ magno vitæ periculo, ad locum vocatum Walchras deuoluti sunt. Quibus mortem euadentibus, & de maris dispendio respirantibus Ramerius longi colli, Hamensis siue Hasbanien-
sis Dux, cum multitudine graui bellum intulit. Sed suorum extinctis quampluribus: ipse victus capitur, & ad naues ducitur compeditus. In illa pugna duodecim Danorum bellatores à Ramerii militibus capiuntur, & vxori eius presentantur. Quæ legatos ad Danos mittens, & ipsa suum virum dato pro eo magno auri pondere recepit, & Dani qui ab ipsa tenebantur liberi dimittuntur.

Otingentesimo sexto anno ab incarnatione domini, Dani flantibus ventis ad vota, Gemeticum veniunt: vbi quandam sacram virginem nomine Gertrudem quam
50 asportauerant à Britannia in capella S. Vedasti, quæ trans flumen est, super altare ponentes ibidem reliquerunt. Quæ capella nomen virginis hætenus Sanctæ Gertrudis habet. Quorum aduentum Franco Rotomagensis Archiepiscopus agnoscens, & vrbis suæ muros solo tenus hostica immanitate cernens dirutos, ac de iuuamine ad resi-
stendum omnino diffidens: adiudicauit salubrius ab eis pacẽ quærere, q̃ in aliquo illos ad sui perniciem prouocare. Festinus igitur illos adiens pacem petit: & consequi-
tur inter se fœdere firmo pacto. Quo factò Dani festinantes, naues propellunt ad mania ciuitatis. Cuius præsidium sagaci mente terra mariq; considerantes, compendio-
rum lucris munitum, totius Comitatus caput illud fore concorditer deputauere. Deinde vnũ ex semetipsis sorte eligentes nomine: dominum suæ militiæ atq; principem pacta fidelitate præficiunt.

Rainoldus paganus sic obuius.

Rollo prælatione potitus, tractauit sollicitè cum suis, de Parisiaca subuersione. Et soluentes classem, Sequanæ sulcant fluuium, stationemque nauium apud Hasdaus componunt. Tunc Rainaldus dux totius Franciæ, repentino paganorum aduētu cognito, cū valida exercituum virtute processit eis obuius, præmittens Hastingsum, qui adhuc in Carnotena vrbe morabatur cum aliis legatis, quia & ipse peritus fuerat Danorū linguæ, qui talibus eos adorsus est verbis. Heus inquit robustissimi milites, quib⁹ ab oris huc aduecti estis, vel quid in hac regione quæritis, aut qui vestrum senior censetur nomine, edicite nobis: Francorum sanè regis legati sumus vobis directi. Cui interroganti sic Rollo: Dani sumus, æquali dominio fungimur: terræ huius colonos exturbare venimus, nostræ ditioni patriam subdere cupientes. Quis enim es tu qui tam facete nobis loqueris. Adhæc ille. Audistis inquit aliquando de quodam Hastingso, qui à vestris partibus exul, cum multitudine nauium huc adueniens, hoc Francorum regnū magna ex parte pessundedit, & in solitudinem redegit. Cui Rollo, audiuius inquit, Hastingsus inquit bono omine cœpit, & cuncta malo fine cōpleuit. Hastingsus ad hæc: vultis inquit Carolo Regi subdi? Nequaquam, Rollo intulit, alicui subiciemur, sed quæcunque armis adquiremus, nostro iure vendicabimus. Regi cuius te legatum gloriaris, audita si vis renuncia. Hæc Hastingsus cuncta refert expeditius duci suo. Sane Rainaldus citato exercitu suo Northmannos inopinato impetu festinans inuadere, super eos irruit. Quem Rollo cum suis audacter excipiens, prostrato Rollando eius signifero, plurimos Francigenas morti tradidit, aliosque in fugam vertit. Quibus peractis, Rollo nauibus festinans municipium Mellende capit. Quo subuerſo, omnes incolas ense necat.

Igitur Theobaldus comes videns se tempus reperisse oportunum ad decipiendum Hastingsum, talibus verbis falso appetit illum. Cur inquit, vir insignissime torpes ignauia? Ignoras regē Carolum te velle perimere, ob Christianorum sanguinē à te olim fusum iniuste? Reminiscitur enim malorum quæ illi tunc improbe intorsisti: & ideo de terra te exterminare decernit. Manus & tua vt ipse ait cum Rollone pagano ad delendos Frācos sentit: qua de re in proximo, pessime deleberis ab eisdē. Consule ergo tibi ne inconsultus puniaris. Quibus verbis Hastingsus territus, confestim Carnotenā urbem Theobaldo vendidit, & distractis omnibus, peregre profectus disparuit.

Rainoldus casu interfectus.

Dux autem Franciæ Reinaldus fugæ non ferens dedecus, iterum maiori exercitu cōgregato, Rollonem aggreditur inopinate. Cuius conatus ipse præueniens, multos suorum obruncat, multos fugat. Ipsum autem Rainaldum quidam piscator emissio iaculo interfecit. Dehinc subductis anchoris, Rollo celeri nauigio Parisium petit. Cui quidam exploratores nunciant Baiocensem urbem carere defensoribus, & facile posse capi. Rollo vero mox auulſis ab obsidione nauibus Baiocensium veliuolo venit cursu. Quam captam in parte subuertit, habitatoribus interfectis. In qua nobilissimā puellam Popam nomine: filiam scilicet Guidonis Comitis Siluanietensis capiens, nō multo post, more Danico, id est, paganico copulauit. Ex qua genuit Gulielmum Longam Spatam filiamq; Gerloc nomine, decoram valde. Et sic vrbe demolita, Rollo velociter Lutetiam regressus est. Cumq; ad expugnandum eam diligenter intenderet, pars exercitus sui urbem Ebroicam captam exterminauit, ciues extinxit, & cum præda maximā rediit ad ducem suum.

Guliel. Longa Spata.

Rollo rebelles Anglia coerces.

Interea legati Regis Anglorum Erhelstani ad Rollonem veniunt, deprecantes vt Regi quantocius auxilium contra quosdam rebelles auxilium ferat. Cuius anxietati compatiens, & de Parisiacæ vrbis expugnatione diffidens, ob videlicet aditus difficultatem, & nimiam alimoniz copiam intra eam: dimissa obsidione Anglos aggreditur. Quo cum venisset, rebelles expugnans cum austeritate coercuit: acceptisque obsidibus Regi suo pronos fecit. Ex hinc iterato electa multitudo iuuenum, cum magnis muneribus à Rege sibi collatis, in Franciam remeauit.

Mirabile duellum.

Rollo cum redisset Northmanniam, Carnotenam urbem obsidione vallauit. Quā cum machinis, & tormentis oppugnaret, Richardus Burgundionum Dux cum suo Francorumq; exercitu adueniens, irruit super eum. Cū quo cōgressus Rollo atrociter resistebat, quousq; Walterius episcopus ex ciuitate cū armatis inopinate proſiliens. Supparū beatæ Mariæ q; Carolus Caluus Constantinopoli cum aliis reliquiis aduexerat, in modum vexilli contra hostes ferens manibus à tergo eos cedendo inuaderet. Illi tamen ignorantes cuius esset camisia virtutis & reuerentiæ, deridendo sagittauerunt ad eam sed non impune. Nam subita cæcitate percussi sunt. Quod Rollo intelligens, à certamine declinauit, multis prius de eius exercitu interemptis.

Hiis

Hiis itaque Rollo infortuniis, militumque suorum morte furibunde succensus ad Francorum infestationem reliquos exaggerat, & ad perdendam patriam ob socio-
rum perniciem totis conatibus eos incitat. Quid plura: ut Lupi vespertini vehuntur
pagani ad ouiculas Christi. Succenduntur ecclesiæ, mulieres ducuntur captivæ, ruci-
datur populus, fit omnib. in cōmune luctus. Hiis deniq; Franci calamitatibus oppres-
si, quæstuosis clamoribus Carolum Regē appetunt: vnanimiter cōclamantes Christia-
num populum ob eius inertiam paganorum incurſibus deperire. Quorum quærimo-
niis Rex permotus, Astitum Franconem Archiepiscopum Rotomagensē Rolloni
festinanter dirigit, mandans si Christianus efficeretur, terram maritimam ab Epte
flumine vsque ad Britannicos limites cum sua filia nomine Gisla se ei daturum fore.
Qua legatione Franco suscepta: pagano Duci per ordinem cuncta pandit. Cuius ver-
ba Rollo consultu suorum gratanter suscipiens à vastatione paganica, indulget Regi
inducias trium mensium, ut in hoc dierum spatio, stabiliretur fœdere firmo pax inter
eos. Venientes igitur ad sanctum Clerum discurrentibus alternatim inter eos nun-
ciis. pax fauente Christo stabilitur: Rollone iurante Regi fidelitatem, & Rege illi fi-
liam cum terra prætitulata donante, superadditur ad supplementa sumptuum, tota
Britannia: iurantibus Rolloni super sacramenta principibus ipsius terræ Berengario
& Alano. Nam terra maritima quæ nunc vocatur Northmannia ob diuturnos excur-
sus paganorum, siluis vbique adultis, à cultro & vomere torpebat inculta. Quibus no-
bilitate expletis, rex lætus ad sua regreditur, & Rollo cum Roberto Duce ad Rotoma-
gensis vrbs mænia proficiscitur.

*Rollo Francorum
regis filium
ducis.*

Anno igitur incarnationis Dominicæ 912. benedicto fonte in S. Trinitatis no-
mine Rollo baptizatur à Francone Rotomagensi Archiepiscopo. Quem Robertus
Dux Francorum à fonte suscipiens, imposuit ei nomen suum. Videntes autem paga-
ni Ducem suum Christianum esse, relictis Idolis Christi nomen suscipiunt, conuolā-
tes vnanimes ad baptismum. Dehinc Robertus Francorum Dux, rebus pro quibus
venerat competenter gestis: Franciam cum maxima hilaritate repetiit. Porro dux
Northmannorum Robertus preparato rerum nuptialium apparatu magno: supranom-
minatam tanti regis filiam, Christiano more in consorcium sui thori duxit.

Post hæc intra Northmānicos limites legem statuit, ut nullus assensum furi præ-
beret: quod si deprehenderetur ambo patibulis appenderentur. Contigit autem non
multo post in Longapetentis villa quendam agricolam reficiendi causa labore suspē-
so domum redire, demissis loris in campo cum cultro & vomere. Cuius vxor tam in-
fœlix quam vesana hæc cuncta clam sustulit, experiri volens edictum ducis. Rusticus
verò ad campum regressus, rebus non inuentis, vxorem an eas haberet inquit: qua
negante ducem aggreditur, petens ut sua sibi reddantur utensilia. Qui mox pietate
motus, damnum viri quinq; solidis datis releuare, & populum per circuitum ad exa-
men calibis cunctum iussit compellere: Quo domino indicante liberato: vxor rustici
à ministris arctatur, quæ coacta verberibus, reatum profitetur. Dux vero rustico ait:
Noueras inquit ante hanc furem esse: Et rusticus, noueram ait. Ad hæc Dux intulit,
tuum os te condemnauit serue nequam. Et continuo iussit ambos suspendi patibulo.
Hiis & huiusmodi Robertus Dux populum suum frænans terroribus, ducatum sibi à
Domino attributum longo tempore pacifice gubernabat.

*Roberti ferocitas
in legibus exco-
quendis.*

Interea morte præuenta vxore sua Gisla sine liberis, Dux primam vxorem repu-
diam Popam videlicet, ex qua filium Gulielmum iam adultum genuerat, iterum re-
petens sibi copulauit. Verum fractis iam viribus laboribus & præliis in quibus con-
sumpserat omne robur iuuentutis suæ: deliberare cœpit de sui ducatus dispositione,
cui vel qualiter illum relinqueret. Conuocatisque totius Northmanniæ proceribus,
cum Alano & Berengario Britonibus, Gulielmum filium suum pulcherrimæ iuuen-
tutis flore vernantem illis exponit, iubens ut eum sibi dominum eligerent: militæq;
suæ principem præficerent. Meum est inquit mihi illum subrogare, vestrum est illi fi-
dem seruare. Et cunctos suasibilibus demulcens verbis: filio suo sub sacramento fidei
illos subegit. Et ex post vno viuens lustro, consumptus senio viuere desiit, fœlicem fi-
nem faciens sub titulo nominis Christiani.

Roberti mors.

Duce Roberto ab onere carnis iam libero, filius eius Gulielmus totius monar-
chiam Ducatus Northmannici sagaci regens moderamine incōuulsam Christo regi
fidē seruare satagebat. Erat quippe statura procerus, vultu decorus, micantib⁹ oculis,
beneuolis manuetus, quasi leo inimicis terribilis, ut gigas fortis in præliis, terminos
sui Ducatus per circuitum dilatare non desistens. Quæ res inualionis & audaciæ,
Fran-

Gulielmi mors.

Francorum proceribus odii & inuidiæ fomitem ministravit. Sub eodem tempore Berengarius & Alanus Britones, à tenore fidei quam cum eo pepigerant dissidentes: ab eius dominio præsumptiuo ausu conati sunt recedere, Regi Francorum de cætero disponentes militare. Quorum temeritatem Dux impetu festinato comprimens: Britanniam tam diu vastauit hostiliter, eorum illic subuertens municipia, quo ad vsq; totius nequitia incensorem à regno exturbaret, Anglosque adire compelleret Berengario sibi conciliato.

Pugna cum Rihulpho.

Sed hiis ita deuictis, quidam nomine Rihulphus succensus perfidiæ furiis, coadunatis plurimis infectis veneno discordiæ, à ducatu eum funditus conabatur extrudere: adeo ut collecta vnde quaque multitudine, circa Rotomagensis ciuitatis suburbana, transmeato aluo Sequanæ componeret obsidionem, quatenus ducem ab ea propelleret, aut captum nequiter interimeret, Northmannia sibi vindicata. Videns itaque dux se à suis sic obseßum, cæpit meditari qualiter suæ saluti consuleret, & honori, & milites suos à tam audaci conspirationis motu cohiberet. Tandem cum trecentis Loricatis militibus, irrumpens castra temeraria: maximam se eorum multitudinē gladiis prostratam orco transmisit, aliosq; per diuersa siluarum lustra oculentes in fugam vertit. Rihulphus commilitonum fiducia destitutus, inter profugos delitescens, fugæ subsidio euasit. Dux ergo profugatis inimicis, suorum recensens numerum reperit ex eis interiisse nullum. Locus in quo hic fuit conflictus, Pratum belli hætenus nuncupatur. Regresso igitur eo de prælio, à præfecto Fistanuensis castri venit nuncius qui sibi dixit filium natum fore ex puella nomine Sprota, sibi Danico more iuncta, vnde valde lætus effectus, fecit eum baptizari ab Henrico episcopo Baiocensi, Richardumque vocari.

Gulielmi magnifica liberalitas.

Triumpho conspicuo de rebellibus dux potitus, atque viribus conualescens, cæpit per exteras nationes multimode præclaram virtutum suarum famam spargere: in tantum ut ex diuersis mundi partibus regnorum proceres illius curiam fræquentarent, & ab eo nobiliter munerati sedes suas ornantes repeterent. Vnde cognita ducis magnificentia, Gulielmus Pictauiensis Comes sororem eius nomine Gerloc petiit & accepit in vxorem. Ipse vero Dux filiam Herberti Comitissæ, donante patre ductam Rhotomagensibus intulit arcibus.

Gul. pacem inter reges componit.

Audiens autem Ethelstanus Rex Anglorum tam magnificam incliti ducis famam cum multis donariis legatos illi mittit, orans ut Ludovicum videlicet nepotem suum, Caroli regis filium, qui Laudunensis præsulis Ascelini captus decipulis, in custodia diem obierat, satageret restituere regno paterno, Alanoq; Britoni sibi infenso, commissa pro suo amore ignosceret. Confugerat enim Lodowicus puer cum matre Ogina ad eum, cum Francorum dolis pater eius caperetur, ne pari modo in eum illorum sæuitia grassaretur. Iste nempe Carolus rex Francorum dictus simplex, Robertum ducem Parisiensium inuadentem regnum Francorum cum multis peremit. Ob quam causam dictus Carolus ab Herberto comite captus in custodiam Peroni traditur, & in custodia Herberti moritur. Dux igitur ad preces Anglorum regis Ethelstani libenti animo, & Alano debita indulgit, & ad sua redire concessit, & Lodovicum à partibus Anglorum reuocatum: Hugone magno fauente, cum episcopis cæterisque Francorum primoribus, apud Landunum ab Artallo Archiepiscopo coronari procurauit. Sed Franci quietis nescii, post quinquennium iterum aduersus eum conspirant, molientes à regno illum pellere. Quorum improbitate coactus, Henrico transrenano regi mittit nuncios, mandans quod eum vellet alloqui, & pactū amicitiarum stabile firmare cum eo. Quibus rex respondit se nullo modo ad hoc fœdus ineundum acquiescere: nisi Gulielmi ducis Normannorum astipulatione. Hiis auditis Lodowicus illico ducem adiit, petiturus auxilium contra Francos. Quem dux honorifice prout regem decuit excipiens: in regalibus epulis & vultu serenissimo honorauit. Et non multo post, reges ad certum locum conuenire procurauit, additis ad hoc fœdus faciendum principibus Francorum Hugone magno & Herberto. Gulielmus vero tam fidelissimus quam prudentissimus mediator consilia tam utilia quam honesta dictans, amicitiarum tenorem prout disposuit. Ambo reges inter se sacramentis confirmauerunt. Quibus ita gestis, Rex Lodowicus duci Gulielmo de rebus strenue consummatis per eum egit gratias: exorans ut nuper natum sibi filium de sacro fonte susciperet, & eum Lotharinum nominaret. Quod dux gratanter adimplens apud Landunum, Rhotomagum reuersus est.

Sub eodem tempore dum fuisset egressus ad venandū, inuenit duos monachos, qui

qui quondam metu paganorum fugerant à Gemetico illuc reuersos, vastam loci heremum manibus suis purgantes & complanantes. Quos percunctatus requirit ab eis quibus ab oris aduenissent illuc, vel quæ tam præcipua ædificia quondam fuissent. Cui illi rei seriem per ordinem detexere, & charitatem panis hordeacii & aquæ obtulerunt: quam cum ob vilitatem panis & aquæ sumere contempsisset, Saltum ingressus immanem aprum reperit, quem festine insequi cœpit, venabuloque percussit. Sed mox hasta venabuli fracta: fera impetu præcipiti in ducem irruit, eumque prostratum vehementer attriuit. Qui post paululum sensu recepto, ac sana mente monachos repetiit, & charitatem quam incaute spreuerat ab eis recipiens, locum se restauraturum

10 *10* spondit. Immissis ergo Ancionariis, à spinis purgavit & sentibus: Sanctiq; Petri Monasteriû quod aliquantisper deciderat resarciens competenter textit. Claustrum quoq; & receptacula cuncta muniens, à sui magnitudine breuiata reddidit habitabilia. Interea legatos Pietauis sorori suæ quam Gulielmus Comes duxerat destinauit, mandans vt monachos illi mitteret, quos præfato loco subrogaret. Cuius petitioni soror gratanti fauens animo, duodecim Monachos cum suo Abbate Martino nomine, à sancti Cypriani sublatos cœnobio fratri destinauit. Quorum aduentu nimiû exhilaratus eos Rhotomagi cum ingenti recepit gaudio, & cum magno honore dux ipse militum septus cuneis duxit Gemeticum. Abbatiq; locum tradidit cum tota villa, q̃

20 *20* à Lodariis auro redemit, se voto obligans inibi monachum fieri. Satisq; fecisset votis, nisi idem Abbas eius animositati obsterisset. Eo quod filius eius Richardus adhuc puerulus esset, verens ne propter illius imbecillitatem, quorundam iniquorum molimine patria turbaretur, veruntamen cucullam & stamineam ab illo extorquens, secum asportauit, quæ reponens in scrinio, clauem eius argenteam cingulo suo appendit. Inde deniq; digressus, Rhotomagum repetit Abbatis prohibitum moleste ferens. Ascitis quoq; Normannicis atq; Britannicis cunctis principibus enucleati animi sui consultum pandit. Cuius verbis vniuersi vehementer stupefacti, hærebant quid responderent præ nimio stupore elingues effecti: & vix tandem resumpto spiritu, in hæc vocem prorumpunt quæuli. Cur nos serenissime Domine tam repente dimittis, vel cui dominium committes tui ducatus? Quibus dux. Est mihi inquit, filius nomine

30 *30* Richardus, vos oro vt si quando amoris affectum erga me habuistis, mihi nunc æquo animo ostendatis, quatenus illum vice mei vobis præficiatis: quia quod Deo voui, inuitabiliter à me complebitur factis. Cuius voluntati non valentes contradicere, omnes ei quamuis mœsti proceres assensum præbuere, in hiis concordēs. Missis quoq; nunciis puerum à Fiscamio reductum illis exponit. Cui fidelitatem sacramentis pronō animo cunctis firmanibus, Dux totius Normannici seu Britannici ducatus est prælatus. Quem confestim pater Baiocas mittens, Botoni suæ militiæ principi nutriendum tradidit, vt ibi lingua eruditus Danica, suis cæterisque hominibus sciret apte dare responsa. Hæc de Gemeticensis loci relatu prætulimus, volentes ostendere quam tam deuotionem, quam pium animi propositum dux Gulielmus habuerit circa eum.

40 *40* Interea tanti Principis fortitudinem & pietatem audiens Haroldus Rex Danorum, qui à filio suo nomine Sweno pulsus fuerat regno suo, cum sexaginta nauibus milite armato plenis, Northmanniam supplex adiit. Quem potentissimus ac liberalissimus Dux, congruo cum honore recipiens, Constantinensem ei ad præsidium cōcessit comitatum, donec fabricatis nauibus multiplicatoq; exercitu amissum regnum repeteret cum militum validiori manu.

50 *50* Ea tempestate Arnulfus Flandrensis Comes homo versutus nequiens se cohibere intra sui iuris terminos, illectus cupiditate & fastu dominandi plurimos in vicino positos studuit conturbare. Et inter cætera suæ nequitie molimina, cuidam Comiti vocabulo Herlewino grauissimum inferens detrimentum, Castrum quod vocatur monasteriolum fraude abstulit. Qui penitus ab Hugone magno domino suo auxilio destitutus, causa petendi auxilii ducem Normanniæ lugubris adiit. Cuius calamitati Dux compassus congregato exercitu municipium vallans obsidione cepit, & alimoniæ sumptibus instauratum reddidit Herlewino. Et strenue rebus gestis Rhotomagum ouans rediit. Quo tempore Franco Rhotomagensis Archiepiscopus moritur: cui successit Gunardus.

Interea Comes Arnulfus dolens de ablato municipio, cum multis Francorum principibus de ducis morte corde tenus cepit tractare. Qui inhumani hominis & nephandi homicidæ cauillatione infecti subdola, vnanimiter conspirant in mortem optimi principis, constringentes se sacramento ad tantum nefas. Arnulphus autem

Munificentia in monachos.

Guliel. dux cuius monachus esse.

Richardus patre uinente ducatus præficiunt.

Arnulfus patri turbator.

tem quod animo conceperat fraudulento opere explere cupiens, missis legatis Duci Gulielmo mandat se cum eo amicitiam velle habere pacemque in deilebilem confirmare, & Herlewino Comiti pro eius amore infensa indulgere: & nisi podagrico chiragricoque detineretur languore, ob hoc ad eius curiam desideranter ire. Denique toto annisū rogat ut locum denominare velit quo valeat ei occurrere ad mutuum colloquium. Dux quoque cupiens ducatum suum pacatum reddere, eo quod monachicum toto conatu sitiret habitum, determinato loco apud Pinchamacum cum innumera manu electissimorum militum, super fluuium Sompne ob tanti spem negotii proficiscitur. Vbi Arnulfi ex vna parte fluminis, Gulielmi vero ex altera e regione sedit exercitus. Erat quippe insula in medio fluuii, in qua libatis osculis ambo duces confederunt, de rebus pro quibus venerant tractaturi. Arnulfo etenim, perditionis inde morē imitante, & ambagibus diu telā texente aranearum: nouissime post iurata amicitiarum sacramenta, & plurima pacis oscula, sole ruente ad occasum abinuicē dirimuntur. Sed ecce meante fluuiū duce Gulielmo: quatuor diaboli filii, milites Arnulfi illū clamoribus reuocantes, referunt dominū suum melioris consilio omisisse decretū. Quem nauē ad ripā retorquentē, mox ut terrā tetigit, extractis gladiis prohi dolor interimunt innocentē, nullum iuuamen de suis valentem habere, ob deturrentis aquarū profunditatem. Indeque protinus fugā arripientes corpus ducis potentissimi exanime reliquerunt. Berengerius quidē atque Alanus Britones, nec non Normannorum principes dominum suū cernentes perimi; clamore & ululatu implentes littora nullo iuuamine illi valuerunt subuenire. Cuius corpus post paululum ad se relatum, cum disuestirent, argenteam clauem in eius stropheo reperiunt dependentē, satis ditissimū thesaurum sub se habentem, stamineam scilicet cucullam monachalem: quę proculdubio sumpsisset apud Gemiticum effectus monachus, si comes ei vita fuisset. Imponētes autem illum feretro, quantocius cum multiplici luctu Rhotomagum detulerunt, & in ecclesiam S. Marię virginis intulerunt, & ibidem sepelierunt. Illicque iterato tenorem fidei renouantes unanimiter puero Richardo fidem fecerunt, tradentes illum in custodiam Bernardi Dani: ut sub eius tam prouida quam fideli cura tutius custodiretur intra muros ciuitatis. Compleuit autem sanctissimus Dux Gulielmus vitę suę cursum 16. Kalend. Ianuarii, Rege Lodouico regnum tenente Francorum, anno Christi. 944.

*Gulielmus dolo
interemptus.*

*Duci filium suc-
cedis.*

Piissimo atque beatissimo Duce, Gulielmo inter electos Dei ut credimus translato, filius eius summę ingenuitatis iuuenis, omni probitati & prudentię dabat operā, custodibus suis & curatoribus ultro subditus in vniuersis. At Francorum procures tam nephandam Arnulfi Flandrensis prodicionem videntes, lugubrem Gulielmi Ducis necem plurimū doluerunt. Complices autem ipsius homicidę qui antea se fide amicitissimos fatebantur: detectis archanorum intimis, virus diu absconditum in propatulo denudarunt. Nempe Lodouicus Rex æstimans iam sibi magni honoris ianuam patuisse, immemor beneficiorum & fidei à Duce semper illi impensę, quasi consulturus apud Normannos super illius morte, accelerato itinere venit Rhotomagum festinanter. Quē Rodolphus nec non & Bernardus atque Anslech tutores totius ducatus Normanni suscipientes regaliter, se subegerunt eius famulatui pro fidelitate, videlicet, sui tantilli Domini. Videns autē Rex terrę vbertatem, atque aquarum salubritatem, silvarumque plenitudinem: cupiditate captus fraudulenter promittēte, quod aliter sibi disponebat retorquere. Iussit ergo Richardum puerum suis aspectibus presentari. Quem egregia forma perspicuus decoratum, cum coetaneis pueris in suo palatio decreuit educandum. Interea dirus rumor totam concussit urbem, Richardum suę spei depositum, sub captura regis indecenter detineri. Quade re ciues mixti cum turmis militaribus strictis gladiis per ciuitatem discurrentes; curiam Regis irrumpunt: ferinis conatibus illum interimere festinantes. Quorum tumultus ut comperit, vehementer territus, arreptum puerum in vlnis, eorum conspectibus exhibuit, & sic eorum motus efferos compressit. Volens ergo Rex tumultuantes Northmannorum animos omnino sedare, suorum consultu puero Richardo paternam hereditatem pacta sibi inde fidelitate concessit. Quem in sua fide suscipiens spondit se eis (licet subdole) eum redditurum imbutum decenter palatinis disciplinis.

*Richardo patri
regnum concedi-
tur.*

Hiis ita sedatis, Rex dedecus quod à Normannis accepit sub occulto ferens ægre, cum Richardo puero Franciā repetit, quasi vellet patrie ei mortē de Arnulfo Flādensi prius vindicare. Arnulfus itaque metuens ne rex hostiliter super eum irrueret, à crimine traditoris se expiare cupiens, missis legatis cum decē libris auri, à Gulielmi necē se corā rege fatetur immunē esse. Perceptores vero illius si iubeat, proculdubio se exterminaturum

naturum pollicetur. Ait tamen reminisci debere contumeliarum & opprobriorum, quæ à Normannis tam lōgo tempore ipse & pater eius perpessi fuissent. Et ideo dixit, optimum fore consilium, vt Richardum puerum aduſtis pōplicib⁹ arctaret graui custodia, & gentem Normannicam grauiſſimis vectigalibus tam diu affligeret, quo ad vſq; Danemarcham ex qua eruperat, coacta repeteret. Rex igitur muneribus verſuti proditoris cecatus & decipulis, ipſum ſuſpendio dignum abſoluit à ſcelere, & iram reſe-
flexit in innocentem puerum, exemplum Pilati imitatus, qui virum homicidam dimiſit, & Chriſtum crucis damnauit patibulo. Vnde cum apud Landunum clauatum moraretur, puerum ab aucupio regredientem, acerbiffimis confutans conuiitiis, me-
retriciſ filium vltro virum rapientiſ eum vocauit. Et niſi à talibus reſiſceret, cau-
triatis genibus omni illum honore priuare minatus eſt. Deputatiſq; aliis cuſtodibus: ne elabatur ſub magna cautela ſeruari iubetur.

Audiens deniq; Oſmundus eius procurator ſeueriſſimam regis ſententiam, & futuros ei caſus intelligens, conſternatus animo Normannis legatos mittit, mandans Richardū dominum ſuū ſub lugubri captiuitatis iugo à rege mancipari. Quib⁹ com-
pertis, conſeſtim per totā patriam Normannorū indicitur triduanum ieiunium, ſitq; continua oratio ab eccleſia ad Deum pro eo. Enimvero Oſmundus inito cōſilio pue-
rum hortabatur vt ſimulata ægitudine lecto decumberet, & ita ægre vt ab omnibus deſperaretur. Cuius monitis puer obtemperans lecto decumbit, velut illico moritur.
rus. Quod cuſtodes videntes neglecta eius cuſtodia, ad propria procuranda negotia huc illucq; diuertunt. Forte in area domus iacebat herbæ faſcicul⁹, in quo Oſmundus puerum colligatum imponens humeris, velut equo laturus pabulum cænante rege, nudatiſq; plateis à ciuib⁹, mænia vrbiſ egreditur, venienſq; in domum ſui hoſpitiſ ſu-
per equū feſtinans inſiliit, & arrepto puero fugiens quātocius, Cotidiacum venit. In quo commendato Caſtellaniſ puero, nocte equitans diluculo Siluaneſtis venit. Quem Bernardus comes intuens tam mature veniſſe ſtupet: & qualiter erga nepo-
tem ſuum Richardum reſ ſe habebat diligenter inquiri. Cui cum rei ordinem de-
rexiſſet, & ſolito eum lætiorem feciſſet, Hugonem magnum ſtatim celeri equitatu petiere: à quo detecto cauſæ cōſilio, ſumpſerunt ſacræ fidei ſacramenta ad adiuuan-
dum puerum: & mox cum maximo exercitu feſtinanter veniunt Cotidiacum, eumq; inde ſublato ad Siluaneſtenſem vrbeſ deducunt.

Rex autem Lodowicus cernens votum ſuum fore irritum, miſit ad Arnulſum Flandrenſem vt ſibi feſtinus occurreret de hiis omnibus cōſulturus. Cui dixit Arnul-
fuſ. Noſtiſ inquit, Hugonē magnum cum Normanniſ diu ſentire, & ideo vobiſ exped-
dit illum munerib⁹ excæcare. Concedatiſ illi Ducatū Normannicum reſeruando vo-
biſ vrbeſ Rhotomagenſem, quatenus eiſ priuato iuuamine, gens iſta perfida à patria pœnitus cogatur exire. Hugo vero cū audiſſet regem de hac materia diſputare cupi-
ditate cæcatus: elegit periurus honore ampliari, quā fidem amico ſuo Richardo ſer-
uare. Quapropter iurantes aduerſus Normannos expeditionē, mox rex Calſina, Hu-
go Baiocalina territoria cœperunt rapiniſ & incendiis oppugnare. Quæ cum Bernar-
duſ Danuſ didiciſſet Bernardi Siluaneſtenſiſ vſuſ cōſilio, conſeſtim legatos dirigit regi Lodowico huiuſmodi verbis inſtructoſ. Quare inquit, præpotentiſſime princeps tuam patriā demoliriſ, præſertim cum ſit tibi quieta & pacifica nemine obſiſtente, de-
ſiſte igitur à tuorū rapiniſ, & militum Normannorum vttere militiis. Cur enim eoſ ve-
xas incendiis: cum tibi patula ſit vrbeſ Rhotomagenſiſ, ſuſcipe igitur beneuolo animo
eorum ſeruitia, vt queaſ illorum ſubſidio inimicorum vitare molimina. Hac itaq; le-
gatione Rex exhilaratuſ, prohibitiſ à præda militib⁹, ire feſtinat quātocius ad vrbeſ. Cui venienti cunctuſ ciuitatiſ Cleruſ & populuſ ad portā proceſſit obuiuſ clamant benedi-
ctuſ qui venit in nomine Domini. Inde Rex ad regaleſ accedens dapeſ, cœpit
epulari ſplendide, Bernardo Dano miniſtrante. Cui inter prandendum, vino iam æ-
ſtuanti ſic Bernarduſ ait. Hodie rex ſereniſſime illuxit nobiſ diēſ lætitiæ in qua capi-
muſ eſſe regaleſ: haſten⁹ militauimuſ Duci, vltერიſ inuictiſſimo ſeruiemuſ regi. Te-
neat ſibi Bernarduſ Siluaneſtenſiſ Richardum nepotem ſuū: noſ vtinam longo tem-
pore habeamuſ te regem & Dominum. Reuera exitiabiliter cōſilium dedit, qui to-
tiuſ Northmannici robur exercituſ amittere ſuaſit. Quem vero inimicorum non va-
luiſſeſ terrere robuſtiſſima illorum virtute. Sunt enim vt noſ tuo ſubieſti dominio, ti-
bi militare volenteſ corde volenti. Quare ergo viginti millibuſ bellatorum in noſ ar-
maſti inimicum tuum? Nonne ſemper ipſe inſenſuſ extitit tibi, & contra te rixator af-
fiduſ: Huiuſmodi rex placatuſ verbis cum feſtinatione Hugoni magno legatoſ mit-
tit:

Nn

tit:

*Hugo regis iussu
Normanniam
exit.*

tit: qui cum compellant exire à Normānorum terminis, & ei dirigens verba ista. Stolidum quidem fore aliis tantam donare potestatem, quibus ad sui supplementū quieto iure nullo aduersante posset potiri. Quo audito, Hugo magnus exacerbatus valde celerrime recessit, omīssa expeditione milites cohibens à Northmannica vastatione. Rex autem aliquamdiu morans apud Rhotomagū Comitatuī præfecit Rodolphum cognomento Tortam, qui vectigalia annuatim à subiectis exigeret: & in tota prouincia iura & quælibet negotia decerneret. Qui paganis deterior, cuncta monasteria ab ipsis exusta, quæ circa littora fuere Sequanæ à fundamentis diruens, ad reparandam Rhotomagensē ciuitatem, petras earundem asportauit. Rex autem ad libitum rebus expletis regreditur Landunum gaudens.

10

*Harlewinus
belli causa.*

Bernardus interea Danus metuens ne in regressu Rex Lodowicus cum Hugone duce Northmannos grauioribus pressuris opprimeret: Haraldo regi Danorū adhuc degenti apud Cæsaris Burgum, legatos clam mittit: mandans ut sociatis sibi Constantinensibus & Baiocasinis militibus, expeditione terrestri ipse à partibus marinis cum hostica classe direptionibus Normanniam concuteret, quatenus tali occasione Rex Lodowicus eius colloquium expeteret, & ipse Haraldus satageret de inimicis amici sui Gulielmi Ducis vindicare. Quod & factis mox Haraldus implere curauit. Fama pinde volans more solito, paganos occupasse maritima littora Frācos perterrituit. Sed & Bernardus Danus, & Radulphus Torta regi Lodowico per nuncium huius infortunii intimauerunt aduentum: qui validum congregans exercitum quantocius venit Rhotomagum. Hincq; Regi Haraldo mandat ut sibi apud Lekherlewin occurrat: scire cupienti cur infestet terminos regni sui. Quæ res regi Haraldo vehementer complacuit decernenti mortem Ducis toto animo suo vlscisci. Vbi cū reges ambo die præfinito conuenissent, & de Gulielmi Ducis iniusta nece inter se diutius disceptarēt: quidam Danus Herlewinum monasterioli Comitem, pro quo idem dux occubuerat inter alios prospiciens, zelo amici succensus, confestim lancea profodit eum, mortuumque sub monumento strauit. Cuius mortem Lambertus eius frater, cæteriq; Franci amare ferentes: concitatis animis ad dimicandum super Danos repentino impetu prouunt. Quos pagani viriliter excipientes, sæuiente Marte, decem & octo satrapas cum innumeris aliis truncatos gladiis igniuomo transmittunt orco, aliis hac illacque nutabundis querentibus vitæ suffugia. Rex vero Lodowicus velocis equi cursu, à regis Haraldī captione lapsus, in cuiusdam militis manus incidit. Cui cū multa promitteret ne eius proditione hosti traderetur, tandem miles victus regis lachrymis, eum clam subduxit in quandam Sequanę insulam. Quod ut Bernardus Danus agnouit, captum militem mox in vincla coniecit. Qui coactus suimet necessitate inuitus coram protulit, quem pro obtentu muneris eruere disponebat. Rex igitur ab insula sublatus, Bernardi iussu apud Rhotomagum arctatur sub custodia vehementi.

*Lodowicum Rex
captum.*

Gereberga Francorum Regina audiens regem virum suum à Northmannis captum dirigit, & consternata animo celerrime aggreditur patrē suum Henricum scz. regē Transrenanū: orans ut exercitu congregato Rhotomagū obsideret, & inde virū suum violenter abstraheret. Cuius infortunium cū rex Henricus audisset: iure hoc illi contigisse respondit, quia sicutem quam Gulielmo Duci olim iurauerat, eius filiū capiēdo nepharie corruerat. Per tuos, inquit, o filia stude illū iuuare, quoniā de propriis oportet me tractare. Hiis à patre auditis, regina concite Franciā reuertitur, reb⁹ nequaquam prospere gestis. Dehinc supplex adiens Hugonē magnum, postulat ut à Normannis extorqueret dominum suum. Hugo vero dux misso Bernardo Siluacensi, Normannos conuocat ad colloquium apud S. Clerum. In quo colloquio eo deductum est negotiū ut Rex Francis redderetur, eo tenore ut Normāni reciproce filiū regis acciperent obsidē cum duobus episcopis, Beluacensī & Sueffionensī. Quibus patetis strenue, rex lærus Landunū regreditur, & Normanni Rhotomagum sunt regressi.

50

*Rex sub condicio
nibus liberatur.*

Post hæc præfinito tēpore, reuocato Richardo puero qui fuerat in tutela Bernardi Siluacensis, Rex Franciæ cum suis magnatib. & magna militari manu venit sup fluuium Epte, & Hugo magnus cū eo ad habēdum colloquium cum Normannis. Ad quem locum occurrere Normanni cum puero Richardo. Discurrentibus autem ab utraq; parte internunciis, Christo fauente, pax inter eos firmis fœderibus iuratisq; sacramentis stabilitur, & obsides redduntur præter regis filium, qui medio tēpore mortuus est apud Rhotomagū. Hiis rite explicitis rex regreditur Landunū, & puer Richardus Rhotomagum. Quem Radulphus Torta vrbis præfectus male illico capit tractare, & domesticos eius penuria famis affligere: nolēs plus soluere ad quotidianū victum illis quam

quam

quam 12. nummos. Quamobrem dux iuuenis, vehementer furore succensus, ab vrbe festinanter illum pepulit, Parisiumque ad filium suum ciuitatis p̄sulem ire coegit. Quibus ita peractis Normannica tellus siluit à facie ducis. Haraldus vero rex Daciæ non multo post in regnum regreditur, reconciliato sibi filio suo Swano.

Hugo dux considerans puerum Richardū viribus conualescere, cōsilio Bernardi Siluanectensis filiam suam nomine Emmā illi despondit: quæ res Lodowicum regem Francorumq; proceres valde perterruit, sed maxime Arnulfum Flādrensem totius fraudis incentorem. Lodowicus siquidē rex vt didicit hos magnarum virium duces amoris vinculo fore cōstrictos, cōsilio Arnulfi Flandrensis misit eundē ad transferenandum regem Othonem, mandans quoniā si Hugonem magnum omnino cōtereret, & terrā Northmannicā suo dominio subigeret, p̄culdubio Lothariensē regnū illi contraderet. Qui gauisus nimium audito q; diu optauerat, p̄paratis omnib⁹ quæ ad tantum negotium erant congrua ac necessaria, velut tempestas valida regno suo egressus: adiunctis sibi Lodowici regis Franciæ & Arnulfi Flandrensis exercitibus, cū multis militum legionibus, sup̄ Hugonem magnum irruit, consumptisq; omnib. quæ illius erant extra oppida, omne robur belli super Normannos à patria extirpādos im-misit, p̄mittens cum multo milite nepotem suum ad terrendam Rhotomagensium urbē. Quam cum aggressus fuisset, Normannos intra muros delitescētes reperiens, suspicatus est omnes imbelles fore. Proinde concitatis militib⁹ cæpit expugnare portas vehementissime. At Normanni (portis patefactis) impetu repentino animis effectis proruentes, tanto turbine depopulati sunt aduersarios: vt prostrato sup̄ pontem nepote regis Othonis, vix vlli à certamine elaberētur. Porro rex Otho cum rege Lodowico & Flandrensi Arnulfo lento gradu subsecutus: dispositis militum legionibus, cum accessisset ad obsidendā urbem, perspexissetq; eam inexpugnabilē: audita morte nepotis sui, clam cœpit cum suis consultare de distrahendo Arnulfo Normānis intra ecclesiam S. Petri, almiq; Andoeni q̄ sita est in suburbio ciuitatis. Sed Arnulfus eo traditionis laqueo deprehēso, papilionibus tentoriisq; complicatis, ac sarcinariis oneratis, in conticinio noctis cum suo exercitu festinus aufugit. Otho vero atq; Lodowicus consurgentes diluculo, vt didicerunt Arnulfum fugisse: illico itinere quo venerant gressus retorquent dimissa obsidione. Quos discedentes Normanni adeo sunt persecuti, gladiis perimentes: vt per diuersa reperirentur itinera prostrati quasi bidētes. Plurimi autem illorum dum per siluarum deuia oberrarent capti, per patriam Normannorum sunt distracti. Hic extitit euentus Othonis Germanorum imperatoris: hic Lodowici regis finis, non multo post hominem exuentis.

Hugo deniq; dux fessus senio, cum nouissimum sui exitus diem cerneret imminere, ascitis principibus sui ducatus, eorum cōsilio Richardo duci Normannorum flore iuuentutis vernātū filiū suum nomine Hugonē cōmendare studuit, vt eius patrocinio tutus, inimicorum fraudibus nō caperetur. Post cuius obitum dux filiā eius Emmam nomine olim sibi desponsatam, à paterna domo sublatam, cum maximo tripudio & honore Rhotomagensibus intulit manibus, eam sibi iungens iure coniugali.

Carnotensis interea comes Theobaldus, exortis quibusdam simultatibus, duci Richardo cœpit aduersari, terram suā demoliendo rapinis. Cuius ausus temerarios illico viriliter dux cōpressit. Theobaldus autē suum inceptum spe minus valere considerans, Gerbergē reginæ de Richardo duce maleuola verba cæpit suggerere: asserens quod eo viuente, Lotharius filius suus Francorum rex nunq̄ regnum suum pacatum teneret. Qua de re summe fore necessarium, vt excogitaret qualiter è terra tantum hostem exterminaret. Quibus verbis Regina credula cōfestim Brunoni Archip̄suli Coloniensi & duci, viz. fratri suo Germano legatum mittit, mandans quatenus suo nepoti subueniat, capere satagens Richardum infestissimum eius regni aduersarium, si qua via possit. Continuo quidam episcopus à Brunone mittitur, qui ei suadeat vt sibi occurrat apud pagum Ambianensem ad colloquium cupienti reconciliare sibi regem, Francorumq; regnum subdere suæ tuitioni. Quibus verbis dux deceptus subdole, i ter festinus arripuit. Cui eunti obuui fuerunt duo milites Theobaldi: quorum vnus, quorsum (ait) illustriissime virorum gressum tendis? vis esse dux Normannorum? an extra patriam custos ouium? Hiis dictis conticuit: cuius ait milites estis? Adhæc alter, quid tibi (inquit) cuius? nonne tui? Animaduertens igitur dux eorum verba, sibi ad consulendum, ac necessario prouidendum dirigi, illos quidem digna mercede remunerauit: suum vero celerrimē gressum retorquens, venit Rhotomagum. Hoc modo Bruno delusus, regressus est detectis suæ nequitiae fraudibus.

Richardus Hugonis filium ducis.

Irruptio in Normannos.

Normanni prauales.

Richardus Hugonis filium ducis.

Brunonis fraus detecta.

Exinanito itaq; tanto dolo, Lotharius rex ad aliud palliatæ pditionis argumentū hortante Theobaldo iterato diuoluitur: destinando duci legatum huiusmodi verbis instructum. Quousq; (inquit) dux seruitii debitum mihi detrectas exhibere? An ignoras me Regem Francorum esse, cui te militiam oportet impendere? cuius edictis atq; consultis te nequaquam oportet contraire? Nonne de nostra dissensione mei tuique gratulantur inimici? Respice ergo iam, iamq; ab his obstinati animi altercationibus, & accelerato itinere, festina mihi occurrere, vt fœderati indissolubilibus pacis vinculis, deinceps per mutuam cōcordiam fruamur competentibus commodis, gaudeatq; rex de tanto suo duce, & dux de suo charissimo rege. Quibus simulatæ legationis ambagibus dux illectus, illico regi mandat se vlroneo libitu affuturum. Super hiis rex vehementer gauisus, accitis ducis inimicis Baldewino scilicet Flandrēsi, atq; Gorfri-
do Andegauenſi, nec nō Theobaldo Carnotensi, super fluuium Helue venit cōcitus ad placitū detestandum. E contra dux ex altera parte aquē sedit cū manu militari. Cupiens autē scire quæ apud regem gererentur, misit quosdam qui renunciarent qui fuerunt contubernales regis. Qui repertis illic dictis comitibus, irruere super ducem disponentibus, confestim pernici cursu regressi ducem hortantur vt à loco recedat, ne in manus incidat suorum hostium publicorum. Qui mox loco recedens & iter cōtinuans, Rhotomagum cum suis omnibus est regressus: sic detecta in propatulo fraude regis, animositatem circa se agnouit. Perspiciens ergo rex propositum sui voti floccipensum fore, Landunum regreditur furibundus, non multo post Normanniam (Theobaldo suggerente) hostiliter petiturus. Moxq; congregatis Burgundionum & Francorum copiis, ciuitatem Ebroicam aggressus, ciuib; incautis dolo capit, & statim tradit Comiti Theobaldo ad circumiacentem patriam expugnandam. Rege vērō ab vrbe recedente, dux Richardus è vestigio eum prosequitur, vastans prædis & incendiis totum Dunensem siue Carnotensem comitatum. Consumptisque omnibus quæ Theobaldi erant, cum innumera præda reuertitur ad propria. Nec mora Theobaldus vicissitudine reciproca, collecto clam exercitu, ad dedecus ducis papiliones fixit, & magalia apud Vermentrudis villā, & infestissimorum hostiū stationem cōponit ibidem. Vnde dux puidissimus, intempestæ noctis silentio alueo Sequanæ transmeato, diluculo super eos irruens illos tanta strage profligauit, vt sexcentis quadraginta peremptis, reliqui per diuersa sylvarum lustra diffugerēt vulnerati. Ipse vero Theobaldus dedecorese fugiens cum paucis, latitando per deuia saltus Carnotū venit confusus. Quo die (Christo illi reddēte vicem) filius eius moritur, & tota Carnotena vrbs incendio consumitur. Dux vero ad campum belli regressus, mortuosq; reperiens, misericordia motus sepeliri eos iussit, ac vulneratos leniter Rhotomagum deportari, & à medicis ibi curari, sanatos quoque Theobaldo remitti.

Lotharii dolum non succedit.

Theobaldus cum dedecore fugit.

Haraldus Duci fuit opem.

Dux itaq; videns tantarum fraudium regis molimina super se imminere, Frācorumq; comites vnanimiter cōtra se sēuire, Haraldo Danorū regi legatos mittit, orat vt illi succurrat ocus, paganorumq; multitudine Francorū rabiem solo tenus cōprimat. Cuius legatos rex gaudenter recepit, & muneribus ditatos maximis duci remisit, seq; celerrime missurum iuuamen spondit. Quid plura? Mox ad tātę expeditionis negotium paganica iuuentus preparatur, omniq; armorum apparatu innumera-
bilis exercitus: qui clerici cursu nauīū permenso mari ad Sequanica deuoluuntur ora. Quibus mox obuiā gaudenter dux pcessit: atq; eo præeunte sulcantes remigio alueum Sequanæ, ad Guinoldi fossam deuehuntur. Ibiq; fixis anchoris cōsulunt de subuersione Franciæ. Et ecce repentino tumultu è nauibus proruant, totamq; in circuitu patriā exitiali flamma comburunt. Dehinc distrahuntur viri cum mulieribus cōcatenati, deprædantur vici, desolantur vrbes, subuertuntur castra, in solitudinē redigitur omnis terra, fit luctus omnium in commune per Theobaldi comitatum nullo cane latrante: vbi vero illa deficiunt, regalia iura mox inuadunt: quæ vero Francis subtrahunt, Normannis possidenda vili pretio conducunt. Manet libera à Paganorum rapinis tellus Normannica, Francia (nullo obſistente) distrahitur captiua.

Cum hæc agerentur, sinodalis episcoporum conuentus apud Landunum celebratur, inuestigaturus cur Christianus populus his cladib; affligatur. Mittentes denique quendam Carnotensem præfulem duci, sciscitantur ab eo, cuius rei causa tā execranda à Christianissimo piissimoq; principe pcesserit seueritas. A quo cū regis fraudes, & Theobaldi vrbs Ebroicæ subreptionem pontifex didicisset, confestim à paganis irruptionibus inducias petit, & adipiscitur, in quibus præfules adducant loco opportuno Regem Lothariū, de omnibus beneuolo animo illi satisfacturum. Igitur audiens

diens Theobaldus absque suo consulto regem pacem quærere, formidans ne totum seditionis pondus super eum incumbat: quendam monachum cum festinatione duci mittit, nuncians se in quibus illum offenderat valde pœnitere, Ebroicamq; urbem illi reddere velle. Hiis dux auditis lætus efficitur, & concessa securitate, copiam illi indulget ad se veniendi. Qui non solum illi urbem reddidit, verum etiam firmatis amicitiiis cum multis donariis ab eo recessit gaudens. Imminente vero die præfiniti colloqui dux apud Guinoldi fossam in paganorum castris tentoria miræ magnitudinis construi iussit, in quibus rex Lotharius cum suis optimatibus receptus est: illicque satisfecit duci pactis fœderibus, iuratis sacramentis. His ita dux expletis salubriter, paganorum plurimos ad Christi fidem cōvertit sacris monitis. Alios vero in paganismo permanere disponentibus transmisit ad Hispanias, vbi plurima bella perpetrantes decem & octo diruerunt vrbes.

Theobaldus pacem cum Duce inis.

Eo tempore Emma ducis vxor, filia magni Hugonis moritur absq; liberis. Ipse vero non multo post quandam speciosissimam virginem nomine Gunnor ex nobilissima Danorum prosapia ortam, sibi matrimonio copulavit Christiano more. Ex qua filios genuit, Richardum viz. & Robertum, atque Malgerium, & duos alios, necnon & tres filias: quarum vna Emma nomine nupsit Egelredo regi Anglorum, de qua idē rex Edwardum regem, necnon Aluredum, Godwini Comitis longo post tempore dolis interemptum procreavit. Secunda vero Hawisa vocata Godfrido Britannorū iuncta Comiti, Alanum & Endonem duces progeniuit. Tertia quidem Comiti Edo-

Prosapia Gunnor.

Cum igitur dux Richardus multorum operum bonorum polleret incrementis: inter plurima apud Fiscamium miræ magnitudinis & pulchritudinis in honorem Dei & S. Trinitatis templum construxit, mirificisque ornamentis multimode adornavit. Quasdam etiam Abbacias instauravit: vnam siquidem in suburbio Rothomagensi in honorem S. Petri, aliamque Andoeni, aliam in monte qui dicitur Tuba, in venerationem Archangeli Michaelis, gregibus monachorum insigniuit. Tempore sub eodem mortuo Francorū rege Lothario: illius loco ab omnibus subrogatur Hugonis magni ducis filius adminiculanti ei dūce Richardo. Qui cito post moriens regnum Franciæ filio suo Roberto reliquit, viro piissimo & religiosissimo. Dux Richardus his beatitudinis prærogatiuis profusus floruit: vt quos audiebat discordes, aut per se aut per suos legatos concordēs redderet (scriptura dicente) Beati pedes pacē portantes. Erat autem statura procerus, vultu decorus, corpore integer, barba proluxa, ca-

Richardus de notio.

Richardus statura.

no decoratus capite, prouidus clericorum suffragator, superbiorum contemptor, humilium amator, pauperum sustentator, Orphanorum tutor, viduarum defensor, captiuorum redemptor. Hiis & huiusmodi boni odoris flosculis dux Richardus in Laicali habitu redolens vera gemma Christi: corporis ægritudine cepit vehementer aggrauari, conuocatoq; fratre suo vterino Rodulpho comite consiliū exigit de patriæ dispositione. Qui nimio turbatus dolore, ac aliquantisper factus elinguis, nouissime resumpto spiritu, hæc responsa reddit duci. Quamuis dulcissime frater atq; serenissime senior viribus corporis videaris destitui: tamen dum in hac vita te gaudemus amplecti, tuum est de totius patriæ statu disponere. Quo audito dux accitis vndiq; suis optimatib: Richardum suū filium exponit corā, hoc eum commendans & præficiens eloquio. Hactenus cōmilites optimi militiæ vestræ præfui: nunc vocante domino morbo crudescēte compellor à vobis separari. Proinde si mei aliquando amatores fuistis, oro vos vt hunc meum filium loco mei vobis præficiatis, eiq; fideles sitis sicut semper mihi fuistis. Iam enim me ingrediente viam vniuersę carnis vltterius habere non potestis. His ab eo lugubre prolatis protinus tota domus concutitur lachrymis & gemitibus. Tandē sopitis fletibus assensum præbent omnes ducis voluntati, Richardum adolescentē pacta ei fidelitate collaudantes principem. Deinde languore ingrauescente lecto prosternitur, & libratissimis oculis inter verba orationis, plenus dierum spiritum efflauit. Obiit autem apud Fiscamium 996. an. ab incarnatione domini Iesu Christi.

Richardus mor.

Richardus, Richardi primi filius fulgoris sui radios per diuersos orbis cardines post patris decessum sparsit nomine glorioso, & totam pene Normannicam patriam vnam Christi insigniuit ecclesiam. Qui in armis strenuus, vbiq; armatas legiones militum rexit nobiliter, de inimicis victoriam semper accipere consuetus. Et quamuis seculari actui foret deditus, totus tamen fuit fide catholicus, & erga domini cultores beneuolus & deuotus. Sub cuius moderamine plurima monachorum adoleuere ou-

Richardus filius catholicus.

lia: qui velut apes ex multis sanctorum canistris actuum erumpentes, lucidissima in cælestes Thesauros intulerunt mella.

Rusticorum rebellio.

Cum igitur tantæ probitatis exuberaret copiis, in initio suæ iuuentutis contigit intra Ducatum Normannicum quoddam pestiferi dissidii oriri seminarium. Nā rustici vnanimis per diuersos totius Normannicæ patriæ comitatus agentes conuenticula, iuxta suos libitus viuere decernebant. Quatenus tam in siluarum compendiis, quā in aquarum cōmerciis, nullo obfistente obice perante statuti iuris legibus vterentur suis. Quæ vt rata manerent ab vnoquoque cætu furentis vulgi duo eliguntur legati, qui decreta ad mediterraneū ferrent roboranda conuentum. Quod vt dux agnouit, prius fratrem suum Rodolphum Comitē cum militum multitudine illis destinauit, qui & agrestem comprimeret ferocitatem, & rusticam dirimeret concionem. Qui non morans iussa, cunctos confestim legatos cum nonnullis aliis cepit: truncatisque manibus & pedibus inutiles suis remisit, qui eos à talibus ausis compescerent: & ne deteriora paterentur, euentibus suis cautos redderent. His rustici expertis, concionibus omis-
lis, festinato ad sua aratra sunt reuersi.

Gul. obsequium negans in carcerem.

Eadem tempestate Gulielmus frater ducis ex parte, pgenitus, cui dux Oxunensem comitatum contulerat: spreto illius dominio ab illius se cohibuit fidelitatis obsequio. Qui dum per legatos à duce sæpius ob id obiurgaretur, & resipiscere nullo modo vellet, consultu & auxilio Rodulphi Comitæ in turrim Rhotomagensis ciuitatis traditur, temeritatis pœnitudinē per quinquēnium ibi luens. Illos vero qui seditionis causa fuere vita priuauit, alios consentientes exules de suis finibus exturbauit. Tandē post quinquennium Gulielmus cuiusdā sui militis factione, longissimo fune per eminentiorem fenestram turre lapsus, fugā iniit. Et post tempus aliquod cū penes se deliberasset sibi fore salubrius cum vitæ discrimine fratris clementiā attemperare, quam cuiuspiam regis aut comitis suffragium nil sibi quandoque profuturum expetere: contigit vt die quadam ducem reperiret se in saltu Vernensi ludis venatum exercētem. Cuius vestigiis illico solo tenus prouolutus, veniam commissi ab eo lugubris expetebat. Quem protinus dux misericordia motus fauente Rodolpho Comite à terra erigens, & euasione suæ ipso narrante casum agnoscens, non solum errata sibi indulgit, verum etiam beneuolo animo vt fratrem charissimum deinceps dilexit. Et comitatum Oxunensem ipsi donauit, dans insuper ei quandam puellam speciosam valde Litselinam nomine, filiam viri nobilissimi vocati Turkertilli. Ex qua tres genuit filios: Robertum post eius mortem Comitatus illius hæredem, & Gulielmum Successionensem comitem, & Hugonem Luxonensem præfulem. Quibus ita sopitis, terra Normannica siluit à facie ducis.

Guliel. penitus restituitur.

Anglorum strages in Normannia.

Circa præsens tempus Ethelredus Rex Anglorum Emmam Ducis sororem habens in coniugio, quibusdā exortis dissentionū incentiuus, Duci nocere sitiens, maximam nauium multitudinē in mare iussit impelli. Ac militibus mandauit ex omni regno, vt constituto ab eo die ad eas cōuenirent decenter armati. Quibus valida austeritate regio more præcepit, vt euntes totam Normanniam rapinis & incendiis exterminarent: solummodo Archangeli Michaelis monti parcerent, ne tantę sanctitatis & religionis locum igne concremarēt. Sed & Richardum Ducem captum, vincis post tergum manibus, subiugata sibi patria, viuum suis conspectibus præsentarent. His editis cum festinatione eos ire imperauit. Qui mox veliuolo sulcantes æquora vento, ad littora Sare deuoluuntur permenso maris limbo. Hinc prorumpentes de nauibus continuo maritima confinia exitiali Vulcano tradunt. Quod vt Rugellus à speculatoribus comperit, militibus Constantinensibus congregatis, cum multitudine vulgi repentino impetu super eos irruit, tantaque illos strage deleuit, vt nullus penitus remaneret, qui facta posteris nunciaret. Nam vnus illorum cursu nimio fatigatus à longe refederat, qui videns sociorum infortunia, timore territus, corporisque imbecillitatem oblitus: ad naues concurrit quantocius nuncians custodibus exitia sociorum. Qui pariter ex omnibus ad tres tutiores naues conferentes, intra sinum maris remigio se contulerunt de vita diffidentes. Pansisque velis in sublime, cursu citissimo regem suum expectierunt, vento ad votum spirante. Quos vt vidit, protinus Ducem exigere capit ab eis: Cui illi: Nos (aiunt) serenissime Rex Ducē non vidimus, sed cum vnus Comitatus gente ferocissima, nostro cum interitu dimicauimus. Vbi non modo sunt fortissimi bellatores: sed & fœminæ pugnatrices, quosque hostium vectibus hidriarum suarum robustissimos excerebrantes: à quibus scito tuos milites extinctos esse omnes. Quibus Rex auditis suam agnoscens insipientiam tristis erubuit.

Gaufri-

Gaufridus comes Britanniae cernens ducem Richardum in omnibus prosperari, & eius magnificentiam toto orbe dilatari, intra se deliberare cepit, quod si forori Ducis nomine Hadwisi iungeretur connubio, inter eos nodus amoris fortior neceretur, eam sibi dari toto annisu poposcit. Cuius voluntati Dux grater fuit: Principibus Normannorum assensum praebentibus. Celebratisque Christiano more cum inestimabili honore nuptiis, non multo post cum immensis muneribus eos ouantes abire permisit. Ex qua dictus Gaufridus ex post duos filios genuit, Alanum videlicet & Endonem, qui post eius excessum Britannicam patriam robusto vigore rexere longo tempore.

- 10 Cum in statu supradicto sub tam praclaro rectore Normannia polleret feliciter, rex Anglorum Ethelredus, regnum quod sub magna potentissimorum regum gloria *Ethelredi in Danos crudeliter.* diu floruerat, tanto nephariae proditoris scelere poluit, ut etiam pagani nephas tam execrabile horrendum iudicarent. Nam Danos per omne regnum vnanimi concordia secum pacifice cohabitantes, mortis periculum minime suspicantes, subito furore sub una die perimere: mulieres quoque alio tenus terrae esse defossas, & ferocissimis canibus concitatis mamillas ab earum pectoribus crudeliter extorqueri. Lactantes vero pueros ad domorum postes allisos excerebrari iussit nullis criminum existentibus culpis. Cum igitur apud Londoniam sub huius decreti die haec congeries peremptorum li-
- 20 dtorum scuritiae in immensum cumularetur, quidam iuvenes agilitate pernices ad quandam naue[m] se conferentes, fugae praesidio per Thamisis alueum celeri remigio petierunt maris sinum. Permenso prolixi ponti spacio nouissime cupitum applicant Danamarchiae portum, regi Sweno cruenta gentis suae exitia nuntiantes. Tunc rex dolore cordis tactus intrinsecus, accitis totius regni sui principibus, cunctam rei seriem illis exponit, quidque agendum consulere[n]t, diligenter inquirat. Qui amicorum & propinquorum arumnis atque luctu moti, quasi ex uno ore omnes eorum sanguinem decreuerunt totis viribus ulcisci debere. His rex auditis sub festinatione cunctos degentes sub suo regimine praeparari misit, missisque hac illaque veredariis, milites cupidos lucri de exteris regnis ad hanc expeditionem sub praefixo ab eadem die venire mandauit. Porro
- 30 termino adueniente statuto, ad naues immensus illic concurrat exercitus. Dehinc in sublime eliuantes vexilla regia, librantisque ventis vela, protensi maris intervallo velificato ad Eboracae territoria deuehuntur. Ibi quippe Rex dimisso exercitu, cum nonnullis nauibus pacis gratia apud Rhotomagum Ducem Richardum aggreditur. Quem cum dux aliquanta mora tractaret regaliter, pacem inter se continuam firmauerunt. Ea lege videlicet, ut per succedentia Danorum regum, Normannorumque ducum, ac eorum heredum tempora firma perpetualiter maneret inter eos, & quae Dani abstulissent inimicis, emenda conferrent Normannis. Si quis vero Danorum inualidus, aut vulneratus, amicorum indigeret iuuamine, apud Normannos quasi in domo propria, sub securitate sanaretur. Quae lex ut rata maneret ab utraque parte, sacramentorum tenore illam sanxerunt illorum Principes. Quibus rex expletis ad votum, mune-
- 40 ratus dignis a duce muneribus, quantocius ad suos regreditur, qui remanserant prope ciuitatem Eboraci. Ut vero iunctus est suo exercitui, continuo Anglorum regnum ultatricibus tradit flammis. Videntes itaque Eboracenses se a nullo iuuari, datis obsidibus illi se subdiderunt. Et cum venissent Cantium, gens illius patriae simili modo fecere. Dehinc circa Londonias obsidionem componit. Cuius imperum Londonienses non ferentes, iugo seruitutis illius, colla ferina inuiti supposuere. Ethelredus autem rex apud Wintoniam degens, ut vidit se ab Anglis destitui, sublatis a terra thesauris cum vxore & filiis Edwardo scilicet & Aluredo, in Normanniam Ducem Richardum expetiit. A quo decenter exceptus, cum magnis opum apparatibus omne sui incolatus tempus Rhotomagi cum eo exegit. *Ethelredi fuga.*
- 50 Swenus igitur dum apud Londoniam de regni tractaret dispositione, mortem obiit, interceptus aegritudine. Cuius corpus Dani deponentes in nauis aromatibus conditum, cum festinatione apud Danemarchiam deuexerunt tumulandum. Quo tumulato filius eius Cnutus nomine arma illius sumens exercitum viriliter roborat, & ne ab iterata expeditione resipiscant, totis viribus exaggerat. Missisque legatis duos reges euocat ad suum suffragium Lacinam Swanorum, & Alanum Moricorum. Interea dum haec geruntur, audiens mortem Sweni Ethelredus rex, paratis omnibus ad nauigandum, cum vxore iactus ad suum regreditur regnum, dimissis cum auunculis duobus suis filiis, Edwardo & Aluredo. Rex itaque Cnutus collectis unde quaque militum legionibus, velut turbo validus a regno suo egressus procellosum mare temptat intrepidus: subductisque in

Cnutus de Angliis triumphat.

altum nauibus, veliuolo cursu ad Anglos cum suis deuehitur. Inde perens Thamelis fluuium, celeriter appulit Londoniæ Comitatum. Cui cum suis egredienti de nauibus, occurrentes Angli ex omni regno apud Auxendunum congregati, ad suam perniciem cruentissimū illi intulerunt bellum. Cum quibus rex efferatis legionū suarum animis configens atrociter, tanta eos internecione deleuit, ut nullus hominum queat supputare, quot millia die illa gentis Anglicæ corruere. Hinc rex celeri se mouens fiducia, Londoniā circumdat obsidione, intra quā urbem Ethelredus Rex tunc temporis grauiter ægrotabat, & crudescente morbo corporis non multo post hominem exiit. Rex igitur Cnutus audita morte Regis, suorum consultu fidelium præcauens in futurum, Emmam Reginam abstractam ab vrbe post aliquot dies sibi iunxit Christiano more: dans pro illa cuncto exercitui in auro & argento pensum illius corporis. Ex qua succedente tempore genuit filium nomine Hardecnutum, postmodum Danorum Regem, & filiam vocabulo Gunnildem, quæ nupsit Henrico Romanorum Imperatori. Diffidentes quoque Londonii de sua salute, quippe cum diuturna laborarent fame, patefacta vrbe se suaque omnia Regi sponte dedere. Quibus peractis omne robur Anglici regni succubuit dominio Regis Cnuti. Hæc in huius serie inteximus, ut Edwardi regis ortum ignorantibus monstremus. Nunc vero ad propositum retorqueatur stilus, a quo paulisper digressi sumus.

Cnutus Emmam reginam ducit.

Odo Matildam ducit.

Sub eisdem temporibus Odo Carnotensis comes ducis Richardi sororem Matildam nomine duxit in uxorem: cui dux medietatem Dorcastrini castri dedit dotis nomine, cum terra super Arne fluuium adiacente. Sed illa post annos aliquot sine liberis moriente, comes Odo duci repetenti dictam terram cum castri tuitione Dorcasini, noluit quietam dimittere. Quapropter dux accitis Britonibus cum Normannorum legionibus, super Arne fluuium hostiliter veniens castrum condidit, quod Tegulense vocauit: sumptisque ex Odonis comitatu alimoniis eandem munitionem abundantissime instaurauit, relinquens ibidem custodes, de quorum fidelitate certus fuit. Odo vero comes conuocatis clam ad sui suffragium Hugone siquidem Cinomannensi, ac Wallerando Mellentensi cum multis copiis militum tota nocte equitans, diluculo ad Tegulense castrum venit signiferis præeuntibus. Quos ut viderunt procures, quos illic dux dimiserat, dimissis custodibus intra municipiū, repentino impetu foras erumpentes cum suis, cum eis prælium commiserunt. Quos ita prostrauerunt, ut multis peremptis, plurimis vulneratis, reliqui per deuia fugientes, opaca sylvarum latibula quærenter nutabundi. Odo atque Wallerandus vitæ quærentes suffragium se occultauerunt Dorcasini castri munitione. Hugo nempe equo, cui insederat extincto, pede fugiens, ad caulas diuertit ouium, loricam, quam indutus erat, sub sulco tegens telluris. Dehinc clamide opilionis se amiciens, septaque gregum infatigabiliter humeris de loco ad locum ferens, Normannos hortabatur, ut quantocius persequerentur hostes non longe ante eos turpiter abeuntes. Quibus recedentibus præuio pastore, sylvarum lustra carpens, tandem post triduum Cinomannis venit, vepribus & sentibus miserabiliter pedes ac tibias cruentatus.

Odo rebellans subiungitur.

Britones hostium decipulis casti.

Dux igitur videns Odonē comitem ad tantā deuolutum esse vecordiam, missis legatis duos reges cum paganica multitudine ex transmarinis partibus euocat in suum auxilium: Olanum scilicet Noricorum & Lacinam Suanorum. Qui lætis animis cum suis exercitibus pariter cōgregati, cursu celeri ad Britannorū finitima littora nauigio deuenere. Quorum repentinum Britones agnoscentes accessum, arbitrati sunt eos ad prædam inhiantes incautos præoccupare. Pagani vero dolos eorum comperientes, quadam vsi versutia, per campi planiciem, quo illos nouerant venturos fore: profundissimos foderunt cuniculos in superficie angustos, ut superuenientes equites, cruribus eorum confractis indecenter humo præcipitarentur, & sic facilius gladiis perimerentur. Venientes ergo Britones atrociter irruunt super hostes. Quorum mox prostrati decipulis, tantam illorum sequitiam sunt perpeSSI, ut vix è prælio elaberentur per pauci. Inde prolixius pagani progredientes, castrum Doli obsident, captumque igne comburunt, interfectis eius incolis cum Salemane aduocato loci. Deinde sublati anchoris repetentes mare, velificante classe ad ora Sequanæ deuehuntur, carpentesque fluminis alueum, pernici remigio applicant Rhotomagum: quos dux vehementer gausus, regaliter excepit honore competenti.

Rex autem Francorū Robertus audiens paganos Britannis tanta probra intulisse, ducemque Richardū ad confutandā comitis Odonis contumaciam eos accersisse: verens ne ab eis Francia demoliretur, conuocatis satrapis sui regni, ambos discordes ad se

ad se apud Coldras conuenire mandauit, vbi sopitis eorum animis protinus illos concordes reddidit. Eo quidem tenore, vt Odo Dorcasinum castrum teneret, & dux præreptam terram reciperet, reciproce Tegulensi castro in suo statu perpetualiter persistente, in eius s. suorumq; heredum potestate. Quibus dux ita ad vota peractis ad suos Reges regreditur lætus. Muneratisque congruis donis regaliter, ouanter ad propria redire permisit, quandoq; ad eius iuuamen reuerti paratis. Rex autem Olanus super Christiana religione oblectatus, spreto idolorum cultu, cum nonnullis suorum, hortante Archiepisc. Roberto, ad Christi fidē conuersus est: atq; ab eo Baptismate lotus sacroq; chrismate delibutus: de percepta gratia gaudens ad suum regnum est reuer-

10 sus. Qui postea à suis proditus, & à perfidis iniuste peremptus, cœlestem regiam intrauit Rex & Martyr gloriosus, coruscans nunc apud gentem illam prodigiis & virtutibus.

Francorum Rex pacem inter vtriusq; reges composuit.

Olanus Rex s. Christianus & Martyr.

His ita gestis dux Richardus de successione prolis sollicitus, audiens Goisfridum Britannorum comitem habere quandam sororem Iudith nomine, corpore elegantem, omniq; morum honestate pollentem, hāc in connubium petiit per legatos. Cuius propositum Goisfridus vltro eo animo satagens accelerare: omnibus quę ad tantum negotium erant congrua præparatis, eam illi deduxit vsque ad limina Michaelis Archangeli, vbi dux illam suscipiens cum honore, eam sibi iunxit legitimo iure. De

20 quatuor genuit filios, s. Richardum, Robertum & Gulielmū, qui factus est monachus apud Fiscamium: totidemq; filias, quarum vna nomine Adeliz nupsit Rainaldo Burgundionum comiti, altera Baldewino Flandrensi: tertia iam adulta obiit virgo. Porro Goisfridus comes ex post orationis obtentu Romam proficiscens, totam Britanniam cum duobus filiis, Alano videlicet atque Endone, reliquit sub ducis aduocatu. Qui peragratis sanctorum locis in repatriando, præuentus morte diem obiit.

Richardus liberti per uxorem Iudith.

Tempore illo cum Burchardus Mildunēsis castri comes moraretur apud curiam regis Francorum Roberti, quidam eius miles nomine Walterius cœcatus muneribus illud ei dolo surripuit, Odonique comiti clandestina proditione tradidit. Quod vt rex comperit, Odoni mandauit, quatenus castrum sponte desereret, quod sibi vsurpauerat minus iuste. Sed ille loci sis munimini ob decurrentis in giro alueum Sequanę, regiis legatis respondit, illud vita comite se nunquam vlli reddere. His rex oppido exacerbatus verbis, Richardum Normannorum ducem ad colloquium accersuit, cui sui ruboris dedecus deposuit, oranse eius gratissimam fidelitatem subuenturam sibi, ne tanto præsumptionum ludibrio premeretur à suis. Cuius opprobrium dux non ferens, congregato mirę multitudinis exercitu quantocius, Mildunum venit, illudq; obsedit ex vna parte fluminis, & rex cum suis ex altera, die noctuque illud

30 quatientes cum turbine graui, machinis, & tormentis. Videntes itaq; Mildunenses se non posse tolerare tantam vim hostium, distracto duce tumido rebellatore, portas repente aperiunt, eumq; cum suis introducunt. Quorum dux parcens multitudini, traditorem protinus regi destinauit, mandans vt milites dirigeret, qui castrum in sua fidelitate custodirent. Quo rex exhilaratus nuntio, continuo illud Burchardo reddidit, & proditorem cum vxore propria patibulo suspendi iussit, debitam illis reddens talionem pro præsumptione factionis. Post hæc dux cum benedictione regali ad propria remeauit. Cuius temporibus semper fuerunt assueti hostes fugare Normanni, terga vertere nulli.

Mildunum rebellans capitur.

Annis abhinc tribus emensis, Henricus Burgundionum dux moritur absque liberis: Robertum Francorum regem relinquens sui ducatus hæredem. Quem suscipere Burgundiones fastu supercilii refutantes, Landricum Niuernensem Comitem intra Altrissiodorum tamdiu obsedit: donec Landricum cum vrbe obsidibus sumptis suo dominatui subiugaret. Inde vero profectus cum duce Richardo pene totam va-

40 stauit Burgundiam robore vehementi. Quibus rite peractis, rex per cuncta castella custodibus deputatis, Robertum filium suum ducatui subrogauit. Et sic arrogantia repugnantium cassata quieuit. Post hæc Rex in Franciam, & dux regreditur cum suis in Normanniam.

Burgundiones iniussu recipientes Francorum Regem dominum suum.

Cognita quoq; mirandorū operum ducis opinione, Rainaldus trans Aone fluuium Burgundionum comes missis legatis, filiam eius nomine Adeliz sibi petiit in coniugium. Quam impetratam, à paterna domo auferens, in Burgundiam cum magno duxit honore, suoq; thoro Christiana lege sociauit. Qui longo post tēpore obortis fomentis litium à comite Cabilonensi, Hugone nomine dolo captus sub dirę custodię ergastulo detruditur, compedibusq; grauissimis arctatur. Cuius incompetentem anxietate-

Ducis filium Rainaldum carcere liberat.

xietatem dux ut agnouit, illico legatos direxit Hugoni, mandans ut pro amore suo fineret generum suum abire liberum. Quam legationem Hugo tumide spernens, non modo eum reddere contempsit, verum etiam custodibus adhibitis vehementius custodiri iussit. Quod cum relatum duci fuisset, protinus Richardo filio suo imperavit, ut coacto in unum Normannorum exercitu Burgundiam adiret, suamque iniuriam de funesto totis nisibus vindicaret. Quæ iussa adolescens libenter exequens, præparatis quæ ad tanti itineris erant necessaria, velut tempestas procellosa cuncta coram se proturbans, egressus à patria confecto calle, Burgundiam inuasit cum innumerabilium multitudine Normannorum, castrumque Menwaldum cinxit obsidione. Quod captum cum viris & mulieribus atque paruulis comburunt terra tenus, eo quod incolæ fidentes loci munimini telis & sagittis hostes ad sui perniciem prouocauerant. Inde retorquentes gressum patriam igne cremantes iter dirigunt ad urbem Cabilonensem. Considerans igitur Hugo, se nullatenus posse resistere contra tantum exercitum, ferens equestrem sellam in humeris, genibus prouolutus adolescentis Richardi, prece supplici veniam precabatur commissi. Qua indulta Rainaldum reddidit, & obsidibus datis, apud Rhotomagum ex hoc se fore satisfacturum iureiurando duci Richardo spondit. Quibus ad votum peractis, Richardus iuuenis ad patrem est regressus.

Ducis mors.

Dux ergo, quamuis præcellentissimorum actuum prærogatiuis longe lateque claruerat, tam cultor Christi extitit assiduus, adeo ut Monachorum & clericorum iure vocaretur piissimus, & pauperum sustentator indefessus. His & huiusmodi probitatum vigenis titulis ægritudine corporis cepit vehementer aggruari. Conuocatoque apud Fiscamium Roberto Archiepiscopo, cum cunctis Normannorum Principibus, indicauit se iam omnino resolui. Igitur per cuncta domus triclinia, fit illico luctus omnibus intollerabilis: Iugebant & lamentabantur monachi atque clerici, lachrymabantur heroes, flebant egenorum cateruæ pro destitutione tanti ducis & patroni. Tandem accitum Richardum filium suum consultu sapientum, suo ducatu præfecit, fratremque suum Robertum comitatu Oxunensi, ut inde illi debitum persolueret obsequium. Omnibusque, quæ ad cultum Dei pertinere videbantur strenue dispositis, 1026. anno dominicæ incarnationis hominem exiit, viam ingre- diens vniuersæ carnis.

Richardus laus.

Richardus iuuenis in ducatu superstes genitoris, licet paulisper superuixerat, sicut in vocabulo nominis, ita eius hæres extitit censura summæ ingenuitatis. Hic in armis bellicis valde idoneus, totus tamē fuit fide catholicus, & circa Dei cultores mansuetissimus, æquo libramine militares turmas moderans, pace continua frui gaudens. Sed pacis hostis perfidus non passus est diutius illum lætari, sed fratrem suum Robertum ad rebellionem quorundam maleuolorum versutia concitauit. Hic enim post

Robertus rebellis fratri se dedit.

biennium contempto eius dominio intra Falise castrum cum suis satellitibus se contulit ad resistendum. Quem dux illico cum magna multitudine infra castrum ambitum vallauit obsidione. Quem cum arietum & balistarum crebris ictibus expugnaret, Roberto tandem à perfidia resipiente, datis dextris in pristinam concordiam redierunt, firmiterque pace composita ab inuicem recesserunt. Porro dux post hoc dimisso exercitu Rhotomagum regressus, 1028. ab incarnatione domini anno, cum suorum nonnullis, ut retulerunt plurimi, veneno mortem obiit, fratrem suum Robertum relinquens heredem sui ducatus.

Richardus mors.

Robertus Archiepiscopus obsidetur.

Robertus igitur frater ducis Richardi totius Monarchiæ ducatus ab omnibus subrogatur. Qui quamuis circa rebelles fuerit aliquanto ferocior: beneuolus tamen, lenis & benignus erga que Dei cultum pius & deuotus extitit. Quamobrem pacis oblectamento diutine frui meruit: præter id quod prauorum consilio, Robertum Archiepiscopum habens suspectum, hostili obsidione vallauit, intra mœnia ciuitatis Ebroicensis. Qui tandem nata discedendi libertate, Robertum Francorum regem exul cum suis adiit, Normannicam patriam feriens anathemate pontificali. Dux autem Robertus recompensata improborum astutia, & perpendens se inconsulte omnia gessisse, Episcopum reuocauit à Francia, & pristinum restituit in honorem facti penitens, cumque ut tantum virum decebat, suis deinceps asciuit consiliis, in reliquum persistens sibi fidelis.

Eliminatis denique à se totius litis incentoribus, sapientum cepit ut tractatibus, & solerti industria ad summi honoris incrementa prouehi. Cuius probos mores boni ceperunt efferre, nonnulli vero improbi ignauitæ ascribere. Ex quorum contubernio

nio Gulielmus Bellemenſis animoſitatem eius audens attemperare, ex caſtro Alencio quod iure beneficii tenebat, à ſeruitii iugo viſus eſt extorquere ſumma rebellione. Ad cuius inſolentiam conterendam Dux veniens cum turmis militaribus, tam diu cum intra munitionem ſuæ præſumptionis adiutricem concluſit: donec eius clementiam expeteret, nudis veſtigiis equeſtrem cellam ad ſatisfaciendum ferēs in humeris. Cui dux, licet ficta facienti, non modo cuncta indulſit, verum etiam reddito ei oppido feſtinus à loco ſeceſſit. Sed Gulielmus non multo poſt iterum diſſidii inuectus furia: filios ſuos Fulconem atque Robertum cum copia militum dirigit, qui direptionibus Normanniam infeſtarent. Quibus ex domo ducis plurimi audacter occurrentes ex-
10 pediti vernaculi, intra ſaltum Banonis cruentum pœlium commiſerunt. Et ita domino fauente profecerunt, vt iugulato Fulcone præuaricatoris filio, vix frater eius Robertus elaberetur à certamine cunctis pene militibus interfectis. Quorum interitum vt idem Gulielmus grauiter egrotans comperit, tactus dolore cordis intrinſecus continuo animam exhalauit. Et ſic proſtigatis ducis inimicis ſeditio preſſa in partibus illis vltra diſparuit.

Dux rebelles comprimit.

Cum hæc gererentur, perſpiciens Baiocaſinæ vrbis epiſcopus, Hugo Rodulfi comitis filius, ducē velle prudentū ſectari cōſilia, ſuaq; deſtitui, quadā vſus doli verſutia, Ebroicum caſtrum armis clam alimoniisq; muniuit. Et poſitis cuſtodibus ocieſſe Franciam adiit, vt inde milites conduceret, qui illum ad repugnandū viriliter adiuuarent.
20 Cuius fraudis molimina dux comperiens, contractis Normannorum copiis idem caſtellum præoccupauit obſidione: clauſa egrediendi ab eo ſiue ingrediendi omnibus facultate. A cuius ingreſſu cum ſe videret Hugo extruſum: ſollicitus de ſuis intra illud concluſis, libertatem abeundi per legatos à duce petiit, & eos idem protinus abiecit. Ipſeq; cum eis quos expetierat diu permanſit extorris. Dux autem caſtellum deditio-
ne ſibi redditum cuſtodibus & armis muniuit.

Dux ſapienter conſiliis adhibet.

Sub eodem tempore Baldewinus Flandrenſis Satrapa cupiens ſobolem ſuam in-
normare regali proſapia, Robertum Francorum regem expetiit, poſcens eius filiam dari ſuo filio Baldewino. Quam adeptam à palatinis ferens tricliniis ad domum propriam in cunis aſportauit, eam nutriens vſq; annos nobiles diligenti cura. Cuius filius
30 mox vt nubilus puellæ frui cæpit amplexibus: fretus affinitate regali patrem à ſolo pepulit, Flandrenſibus ab eius fidelitate auulſis. Qui indecenter à ſuis deſtitutus, Normannorum ducis ſuffragia poſtulauit. Cuius calamitatem dux miſeratus, contractis militum viribus, velut turbo horridus egreſſus à patria, Flandoniam eſt adorſus, illam exterminans flammis exitiis; progrediensq; ad caſtrum, quod Cioca vocatur, confetiſſim illud ſubuertit, combuſtis omnibus in eo conſiſtentibus. Quod videntes reliqui proceres & ſimilia pati formidantes, relicto filio ad patrem ſunt reuerſi, duci obſides dirigentes. Ante cuius excuſus intollerabiles adoleſcens Baldewinus intuens ſe non poſſe vſlo modo ſubſiſtere, cum precibus humilimis illi legatos dirigit, dicens ſe cupere eo mediatore patri reconciliari. Cuius deſiderio vir ſummæ beneuo-
40 lentia fauens affectu gratulanti, vtroſq; libato pacis oſculo in priſtinam concordiam redire perſuaſit. Sic litibus compreſſis, vltèrius in pace & amore, quo decuit, perſtiterunt. Ipſe vero dux demolitis rebus rebellium cum incolumi exercitu Normanniam eſt reuerſus. Qua tempeſtate moritur Francorum rex Robertus, cui ſucceſſit filius eius Henricus.

Filius patrem regno pulſit.

Rex etenim Henricus patre Roberto viuente Francorum regno potitus: tanto poſtmodum à matre Conſtantia nouercali odio eſt affectus: vt conſpirantibus aduerſus eum comitibus, à regali ſaſtigio eum deponere conaretur: diſponens Robertum Burgundionum Ducem illius loco ſubrogare. Ob cuius infeſti animi inſecutionem conſilio ſuorum fidelium cum duodecim tantum ſamulis confugit ad Normanno-
50 rum ducem, qui tunc morabatur apud Fiſcamium, petens per debitum fidei, quatenus ſibi in hac neceſſitate ſubueniret. Quod dux compleuit efficaciter, plexis rebellium ceruicibus, conſumptis eorum bonis omnibus, & per hoc ſuæ inſeliciffimæ matris conatibus exinanitis.

Robertus opem ducis implorat.

Britannorum comes Alanus elatus faſtu præteruiæ, à ducis ſeruitio ſe ſubtraxit. Aduerſus quem dux innumerabilem mouens exercitum, inuaſit Britannia, & flammis voracibus totum Doli tradidit comitatum, & cum ingenti præda Normanniam eſt regreſſus. Poſt cuius abſceſſum Alanus illatum ſibi cupiens vlcifci opprobrium, è veſtigio illum proſequitur cum magno exercitu ad demoliendum Abrincateſem comitatum. Cui cuſtodes illius caſtri cum ſuis occurrētes tanta illico ſtrage depopulati ſunt

Britanni ſtrage.

sunt Britones, vt per camporum plana viderentur prostrati quasi bidentes. Ipse vero sua tristis repetens cum dedecore Rodonis venit.

*Dux iter parat
Britanniam vs
statum.*

Tempore quippe, quo Ethelredus Anglorum rex à Sweno Dacorum rege regno pulsus, vt supra recitauimus, in Normanniam venit profugus, duos filios, Edwardum & Aluredum non longo post patriam repetens, Richardo eorū auunculo reliquit nutriendos. Qui intra Normannici ducis aulam educati tanto honore à duce sunt habitati, vt nexu amoris summi eos sibi tanquam fratres adoptaret. Quorum diuturno exultui cōpassus missis legatis regi Cnutoni mandauit, vt iam iamq; eorū exterminium illis parceret, & sua eis vel sero pro sui amoris obtentu redderet. Qui salubribus eius non adquiescens monitis, legatos infectis rebus nihil lætum portantes remisit. Tunc dux succensus rubore vehementissimi furoris, cōuocatis sui ducatus principibus magnam classem nauium festinato fabricari iussit. Quam ex omnibus Normannici maris partib. coactam, infra spatium parui temporis in anchoris, hominibusq; robustissimis diligenter instructam stare apud Fiscamium in littore ponti fecit. Inde quoq; signo dato velisq; pansis in sublime nimia tempestate acti, ad insulā, quę vocatur Gernsi-cum magno periculo ponti pelagi demum sunt deuoluti. Quod puto ita factum esse domino autore pro Edwardo rege, quem disponebat in futurum regnare sine sanguinis effusione. Vbi dum longo detineretur tempore, vento aduersus flante diutius, dux efferatus animo incredibili cruciabatur mœrore. Nouissime videns se nullo modo transfretare: giratis prorsus nauium, apud S. Michaelis montem remeato limbo maris quantocius sunt appulsi.

Sumens autem dux quandam partem classis direxit ad affligendam Britanniam incendiis atq; prędis. Ipse vero cōtracto equestri exercitu parabat ab altera parte eam aggredi. Alanus itaq; videns graue sibi discrimen imminere ab vtriusq; partibus, missa legatione Robertū vtriusq; auunculum, Normannorū videlicet archipræsulem ad se mandauit sub festinatione venire. Cui cum exitialem Britannię exterminationem & concitati ducis super se atrocem enarrasset expeditionem, sumens eum præsul fide sua interposita, ad S. Michaelis montem adduxit, ad clementiam ducis illum inuadere disponentis. Quorum pręcordia nimium rigida propiciante Christo illico ad quietem composuit, & omni dissentionum motu sedato serena eos vniuit concordia, Alanum in seruitio ducis pacta fidelitate supplicem omnino complicans. Post hæc missis legatis nautas à Britannica vexatione recedere iussit.

*Cnuto ducem in
stituit heredem
regni.*

Quibus aliquādiu sopitis ecce assunt legati à Cnutone rege duci directi nuntiantes illum medietatē Anglici regni velle reddere filiis, & heredi regis pace rata in diebus suis, eo q; valida grauaretur incommoditate corporali. Sed dux ad tempus differre decreuit nauale expeditionē, donec redisset ab Hierosolymis, quā peregrinationē diu optauerat. Quapropter accersito Roberto archiepiscopo Rhotomagensi cum optimatibus sui ducatus, illis diu conceptum propositū manifestauit. Qui mox omnes vehemēter attoniti propter eius absentiam patriam perturbandam multimode formidabant. Exponens autem eis Gulielmum filium suum, quem vnicum genuerat, vt hunc sibi loco suō dominum eligerent, militiq; suā principem præsicerent ab eis attentissime exigebat. Qui licet sub tenerrima detineretur ætate, tam de eius consolatione omnes oppido exhilarati, cum prompta vnanimitate delegerunt principem, pangentes illi fidelitatem inuiolandis sacramentis. Quibus ad votum expletis Dux sub tutoribus & actoribus vigentibus sapientia illum ad vsq; legitimam ætatem subegit. Et dispositis competenter rebus ad patrię moderamina congruentibus, pium vale dicens omnibus, cum suo nobilissimo comitatu, illam sanctissimam peregrinationem est aggressus. Quæ vero lingua vel sermo explicabit eleemosynarum exhibitiones, egenis quotidie ab eo distributas. Tandem confecto itinere ad illud peruenit sepulchrum venerabile in quo regis cœlestis sanctissimum corpus iacuit. Quis ergo hominum enarrauit, quot per octonōs dies lachrymarum riuiulis illud eluerit? vel quot auri muneribus accumulauerit? Porro inuictus Dux pius, & Deo amabilis adorato Christo cum suspiriis interiorum singultuum, & peragratis sanctorum locis, felicissimum conuertens iter ad Nicenam regressus est urbem. In qua correptus ægrimonia corporis, 1034. anno ab incarnatione Domini, viam petens vniuersi generis humani: gaudentibus Anglis diuinę vocationis iussu occubuit in fine. Cuius beata anima plurimo iam optimorum operum splendore, candidata nunc vt credimus cœlo residet glorificata. Sepultus est autem in basilica S. Marię à suis intra mœnia ipsius ciuitatis cum honore.

*Dux peregrinatur
ad Hierosolymas.*

Roberti mors.

Guliel-

Gulielmus Roberti ducis filius Roberto successit: qui quo sudore laboris inimicorum laqueos euaserit, suisque vestigiis illorum colla ferina substrauerit, quibus victoriarum triumphis in ducatu claruerit, prout ordo rerum veracissime computatarum dictauerit, notificare libet futuris, ne tegantur segnitie, quae gloriose micuerunt sub illius aetatis tempore. Is itaque in puerilibus annis orbatu patre, sagaci tutorum prouidentia liberalium morum instituebatur ad incrementa. Sub cuius ineunte aetate plurimi Normannorum ab eius fidelitate aberrantes per loca plura erectis aggeribus tutissimas sibi construere munitiones. Hinc diuersi inter eos exoriuntur motus, concitantur seditiones, ac saeva patriae perpetiuntur incendia. In tanto quippe dissensionum turbine consumitur non modicus bellatorum cuneus saeuiente Marte: Hugone montis fortis cum Walchelino configente, in quo certamine occisus est uterque. Porro eructante in maius quorundam rabie: tutor ipsius pueri, scilicet domini, Occensis siquidem comes Gislebertus non multo post perimitur. Deinde diuersis temporibus Turoldus eius praedagogus, nec non Osbernus procurator domus, nouissime Henricus rex Francorum immemor beneficii à patre ducis quondam sibi impensis, dixit se ei placabilem nullo modo fore Tegulensi castro in statu pristino persistente. Cuius fraudes ob salutem pueri Normanni in fide stantes decreuerunt fieri, quod egisse postmodum poenituere. Sed Gislebertus cognomento Crispinus, cui dux Robertus olim illud castrum commiserat, mox ut molestissimum agnouit decretum, spretis eorum conatibus. cum valida manu armatorum intra ipsum ad resistendum se illico conclusit, quem confestim rex obsidione cinxit. Quid plura? Tandem Gislebertus precibus victus ducis, mœrens castrum reddidit, quod sub oculis omnium cum maximo dolore corporis confestim igne concremari perspexit. Quibus rex ad vota peractis à loco secessit. Sed non multo post Oxunensem comitatum aggressus, Argentonium ducis vicum cremauit, & onustus praeda deseruit partes illas. Regressusque via qua venerat, ad castellum Regulense venit, atque sacramenta faciens irrita, quae iurauerat duci: quod à nullo suorum reficeretur in quatuor annos, cum festinatione illud restaurans, militibus & alimoniis abundantissime muniuit, hincque recessit.

*Subditi in Gul.
rebellant.*

*Gislebertus ca-
strum reddidit.*

Perspiciens vero Thurstinus Oxunensis praeses ducem puerum cessisse regi aliquantulum, & iam quasi victum regiae manus oppressionem aliquantam utcumque perpeti, zelo succensus infidelitatis, regales milites stipendiis conduxit, quos complices ad muniendum Falise castellum, ne idem seruiret duci, sibi ascivit. Cuius conatus perfidos ut dux comperit, legionibus Normannorum vnaquaque coactis festinanter illud obsedit. Concitatisque militibus tanta mox magnanimitate pugnatum est, ut partem muri sub momento deiicerent, & nisi nox praelium dirimisset, proculdubio rem, quam summe volebant, totam confecerant. Perpendens autem Thurstinus, se tantas hostium copias non posse tolerare diutius, locum secedendi à duce petiit, & sic profugus à patria extorris aufugit.

*Thurstinus re-
bellans fugit.*

Quo tempore moritur Robertus archiepiscopus Rhotomagensis, cui successit Malgerius frater Roberti ducis. Nam Richardus dux secundus mortua Iudith aliam uxorem nomine Papiam duxit, ex qua duos filios genuit, Walgerium scilicet archipraefulem, & Gulielmum Archalensem. Hic enim Gulielmus à duce iam adolescente, comitatum Tolagi percipit obtentu beneficii, ut idem illi fidelis existeret. Qui elatus nobilitate generis, castrum Archarum in cacumine ipsius montis condidit, quo assumpta tyrannide regioque fretus iuuamine, contra eundem ducem calcaneum ausus est extollere. Quod dux persentiens, quantocius frater ad eum venit, & erectis aggeribus ad radicem montis castrum stabiliunt, quod fortium virorum robore inexpugnabile reddidit. Sicque inde abiens vallatum alimoniis reliquit. Quod audiens Rex Henricus protinus sumptis Francorum copiis, causa muniendi superioris oppidi apertissime prope aduenit, exercitum iubens apud sanctum Albanum castrum merari. Cuius aduentum milites ducis comperientes, protraxerunt non minimam partem exercitus regis in insidias, & configentes cum eis plurimos peremerunt. Inter quos Inglaramus Abbatis villae comes occiditur, & Hugo cognomento Bardulfus cum multis aliis capitur. Quod ut rex agnouit, intromissis alimoniis castello, pro quo venerat, mœstus propter milites amissos recessit cum dedecore. Gulielmus quoque non multo post cum suis affectus inedia inuitus castellum reddidit, & ipse à nativo solo in exilium discessit.

Eadem tempestate Anglorum rex Cnutus diem obiit. Cui successit Haroldus eius filius ex concubina nomine Elfina natus. Cuius diu cupitam mortem Edwardus rex audiens adhuc cum duce degens, quantocius cum quadraginta nauibus milite plenis

Continuans.

superato mari Hamptoniam appulit. Vbi innumerabilem Anglorum multitudinem ad sui perniciem se operientē offendit. Qui protinus cōgressus cū eis, non minimam partem ex illis orco transmisit. Ipse vero victor existens ad naues est regressus cū suis. Videns autem non absq; plurimo numero militum se posse regnum obtinere Anglorum, regiratis nauium proris Normanniam cum pręda magna repetiit. Interea frater eius Aluredus non parui numeri bellatoribus portum Whitlandi petiit, & inde transfretans venit Doroberniam, & inde regni penetrans interiora obuium habuit comitem Godwinum. Quem idem comes in sua fide suscipiens, inde traditoris vicem impleuit in illo sub nocte eadem. Nam libato pacis osculo & cum percepto cibo medio intempestę noctis manibus post tergum ligatis illum Haraldo regi apud Londoniam cum suorum nonnullis destinauit. Milites autem suos partim per Anglorū regionem distraxit, partim dedecorose peremit. Quem Haraldus vt vidit, mox eius socios decapitari iussit, ipsumq; duci ad Elięsem insulam ibiq; oculis priuari mandauit. Sicq; nobilissimus vir & optimus Aluredus occubuit iniuste peremptus, Haraldus nō diu post viuens obiit in mortem. Cui successit frater eius Hardecnutus à Dacia regressus ex Emma matre Edwardi natus. Qui confirmatus in regni culmine, fratrem suum Edwardum à Normannia reuocauit, & secum cohabitare fecit. Ipse vero nō plenis duobus annis subsistens, exiit hominem Edwardum totius regni relinquens heredē. Sed de hiis hucusq; , nunc stilus figatur in præfixa narrationis serie. Igitur dux iam florenans gratissimę iuuentutis, cultum Dei cępit amplecti vltroneo corde, imperitorum contubernia eliminare, & sapientum consiliis adhærere, rebus pollere bellicis & vigere prudentia sæculari. Cum vero his probitatum augmentaretur quotidie commodis, contigit illum quendā crudelem conuiuā experiri secum à puerilibus educatum annis, Widonem videlicet, Burgundionem filiū comitis Rainaldi, cui olim contulerat castrū Brioci quasi munere firmitus astringendę fidelitatis. Is enim fastu inuectus superbiz plurimos proceres velut Absolon ab eius fidelitate cępit auertere, & in voraginem suę perfidiz complicare, in tantum, vt Nigellum Constantinensem præsidem in hac conspiratione annecteret, & à seruitio duci sacramentorū obligatione debito cum multis aliis funditus exturbaret. Quod videns dux prudentissimus, verē ne à ducatus fastigio abiiceretur, & eius æmulus suo loco subrogaretur, necessitate coactus, Henricum Francorum regem expetiit pro subueniendi obtentu. Tunc tandem rex memor beneficii à patre eius quodam sibi impensū, coactis simul Francorum viribus, Oxunensem comitatū aggressus Valesdunas venit, vbi innumerabiliū armatorum exercitū infestissimo animo strictis gladiis prælium sibi attemptantem offendit. Quorum efferos impetus rex cum duce minime perhorrescēs, factō alterno concursu militum bellum commisit, tantaq; eos strage deleuit, vt quos gladius nō extinxit, Deo formidinem inferente refugientes absorberet fluuius Olne. Wido vero lapsus è prælio Briocum expetiit, in quo obseratis portarum repagulis cupiens se liberare aliquandiu obstruxit. Quem dux (rege Franciam repetēte) propere intra castelli ambitum sepsit obsidione, stabilitis munitionibus in vtraq; parte fluminis, quod vocatur Risle. Videns profecto Wido, se nullo pacto à loco posse fugere, astrictus famis calamitate, per amicos compulsus est supplex & commissi pœnitens eius clementiam exorare. Cuius dux misertus miseriz illi clementer pepercit, & recepto castello Brioci, cum suis domesticis in domo sua manere iussit. Conspicientes itaq; cuncti optimates, qui à duce descuerant, illum omne fugę præsidium partim destruxisse, partim interclusisse, datis obsidibus colla rigida ei vt domino subdidere. Sicq; vbiq; castellis euersis, nullus vltra ausus est erigere rebellem animum contra eum. Andeganorum quoq; comes Goisfridus, cognomento Martellus, per omnia vir versutus, vicinas sibi gentes afflixit frequenter, Comitemque Theobaldum à se fraudulenter captum tam diu custodię mancipauit, donec urbem Turonicam ab illo violenter extorqueret cum nonnullis castellis aliis. Cępit insuper rapinis Normanniam demoliri, immissa intra Danifrontis castrum custodibus seditiosis. Quod dux militari manu vallatus, visendi obtentu aggressus, vt vidit illud scopulis asperimis & eminentibus in giro circumdatum, & inaccessible ad expugnandum, accitis Normannorum viribus illud protinus firmissimis castellis cinxit, obstruis aditibus egrediendi. In cuius præcinctu dum aliquandiu moraretur, ecce assunt exploratores, nuntiantes, Aleucium castrum eum posse capere sine detrimento suorum. Qui confestim custodibus intra castrum positīs, tota nocte equitans cum exercitu diluculo venit Aleucium, vbi in quodā municipio trans flumen posito quosdā reperit se cōiitiis sublannantes. Quod

mox

*Aluredus iniuste
peremptus.*

*Francorum Rex
dux auxiliatur.*

*Goisfridus Nor-
manniæ spoliatus.*

mox cepit, & flammis concremauit. Illusores vero coram omnibus infra Aleucium consistentibus manibus pedibusque priuari iussit. Vnde Aleucii paucifaci castellum duci illico reddiderunt. Quibus peractis viriliter militibusque suis intromissis, celerrime Danfrontem repetiit. Audientes igitur Danfrontani, qualia dux suis sociis intulerit, & considerantes se à nullo posse iuuari, datis obsidibus, eius se cum castello dominatui tradiderunt. Inde vero custodibus positis egrediens, Abrincas venit ad confutandum comitem Goisfridum: ibique super ora fluminis castellum condidit, quod alimoniis & militibus sufficienter muniuit. Quibus gestis Rhotomagum est regressus.

Iam itaque duce iuuenili vigente robore ceperunt eius optimates de prolis successione cum eo tractare. Quorum consultu à Baldwino Flandrensi comite filiam suam *Dux Baldwinus filiam ducit.* Mathildam regali ex progenie descendente, corpore elegantem, animo liberalem petiit in uxorem. Vnde Baldewinus satrapa multum gauisus, non solum decreuit petitam dare sibi, verum etiam cum immensis muneribus eam adusque Ocenense castrum adduxit. Vbi dux adueniens, stipatus cateruis militum illam sibi desponsauit, & cum maximo gaudio & honore Rhotomagensibus intulit mœnibus. De qua filios filiasque genuit, ex quibus postea in ducatu genitori Robertus successit, functus honore paterno. Eo tempore Malgerius archiepiscopus Rhotomagensis cepit delipere, & insipientia ductus, duci archiepiscopatum reddidit, quem postea dux tradidit Maurilio excellenti monacho, & multis virtutibus decorato, sinodali decreto.

Enimuero ex quo Normanni arua Neustriæ ceperunt incolere, mos fuit Francis semper eis inuidere, concitantes Reges contra illos insurgere, asserentes eos terras, quas possident suis maioribus surripuisse violenter. Quibus rex Henricus vehementer irritatus suggestionibus, duobus hostium agminibus Normanniam est aggressus, dirigens unum agmen virorum fortium ad subuertendum Caltinum territorium, cui præfecit fratrem suum Odonem nomine, alteri vero Goisfrido comiti Andegauorum, ut ipse demoliretur comitatum Ebroicensem. Ut ergo dux se suosque taliter vidit opprimi, magno & nobile dolore tactus, protinus elegit milites, qui subuersores Caltini territorii comprimerent. Ipse autem cum nonnullis suorum circa regem se contulit, quatenus poenas lueret, si quem satellitum à latere regis abstrahere aliquatenus præualeret. Venientes quoque Normanni ad Francos, reperiunt eos ad mare mortuum, incendiis & mulierum ludibriis occupatos. Cum quibus illico mane commissum bellum in continua caede occumbentium usque ad noonam est protractum. Nouissime quippe *Henricus Normannus vastat.* victi Franci terga dedere Normannis, cum eorum signifero Odone, videlicet fratre regis. In quo nimirum certamine concidit pars maxima nobilitatis Franciæ, partem vero reliquam oppressit captiuitas ea vice. Quorum infortunium ut rex agnouit, à Normannica infestatione concito gradu pedem retraxit.

Hiis ita gestis dux memor opprobrii à comite Goisfrido sibi illati, ad urbem Cinomanicam post annos aliquot arma conuertit. Quis igitur explicare poterit quot militum incursum, quot legionum expeditionibus illam afflixerit? Ad postremum nempe victi *Francorum caedes.* Cinomanni iam castellis per cunctum comitatum subactis, dextras dederunt duci, fidem pangentes illi arctissimis sacramentis. In quorum medio duo stabilivit municipia ad domandam eorum insolentiam, quæ suis militibus custodienda commisit. Restiterat adhuc Meduanum castellum, quod erat cuiusdam militis nomine Goisfridi, quod & oppugnauit & combussit, & iterum illud restaurans custodibus mancipauit. Rex vero Henricus iniuriam sibi à duce illatam ulcisci cupiens sumpto Goisfrido comite Andegauense copiosissimo cum exercitu Normanniam ingreditur, iterata expeditione. Qui comitatum pertransiens Oxunensem, & penetrans Baiocensem tandem reflexo calle redeundi vadum Dinæ appetiit. Quod rege transeunte media pars exercitus substitit mari eructante, non valens transmeare ob redundationem fluminis, cum quibus *Dux Cinomanos subiugat.* Dux alacriter superueniens, illico vidente Rege congressus tanta illos strage prostrauit, ut quos gladius non extinxit, hos per Normannica compita constringeret direptionis violentia. Videns autem rex suorum interitum, concito gressu recessit à Normannia, & ultra ad eos venire non apposuit. Qui tandem post aliquot annos moriens, Philippum filium suum in Francorum regno reliquit heredem.

Edwardus quoque rex Anglorum disponente domino prolis successione carens, quoniam miserat duci Robertum archiepiscopum Cantuar. statuens illum heredem regni à Deo sibi attributi. Sed & Haraldum illi postmodum destinauit, qui fuit maximus *Edwardum ducem statuit heredem.* comitum regni sui in honore, dominatione & diuitiis, ut ei de sua corona fidelitatem faceret, ac Christiano more sacramentis confirmaret. Qui dum ob hoc negotium venire

contenderet, velificato freto Ponti Pontinum appulit, vbi in manus Widonis Abbatis villæ f. Abuile Comitis incidit: quem idem Comes captum cum suis confestim in custodiam trussit. Quod vt dux comperit missis legatis violenter illum extorsit: quem aliquandiu secum moratum, facta fidelitate de regno pluribus sacramentis, cum muneribus multis regi remisit. Deniq; Rex Edwardus completo termino felicitis vitæ, sub ann. 1065. dominicæ incarnationis migravit à sæculo. Cuius regnum Haraldus continuo inuasit, ex fidelitate peiuratus, quam duci iurauerat. Ad quem legatos direxit protinus, hortans vt ab hac vesania resipisceret, & fidem, quam iuramento sponsponderat, cum digna subiectione seruaret. Sed ille hoc non solum audire contempsit, verum omnem ab illo Anglorum gentem infideliter auertit. In dieb. illis in parte circuli Stella apparuit, quæ tribus radiis longius protensis maximam partem austri per quindecim noctium spatium illustrauit, mutationem, vt asseuerant plurimi, designans alicuius regni. Considerans itaq; princeps regio diademate iure coronandus Haraldum quotidie viribus roborari, classem ad tria millia nauium festinanter constructam, in Pontino apud sanctum Walericum in anchoris stare fecit, plenam tam valentibus equis quam hominibus robustissimis cum galeis & loriceis. Inde vero flante secundo velis in sublime passus: trans mare Peneuessele appulit. Vbi firmissimo vallo castrum condidit, quod militibus committens, festinus Hastings venit, ibique cito opere aliud firmavit. Quem Haraldus incautum accelerans præoccupare, contracta Anglorum innumera multitudo, tota nocte equitans, in campo belli apparuit summo mane. Dux vero nocturnos præcauens excursus hostis, inchoantibus tenebris, ad gratissimam vsq; lucem exercitum in armis esse iussit, facto autem diluculo, legionibus militum in tribus ordinibus dispositis, horrendo hosti intrepidus processit obuiam. Cum quo committens bellum sub hora diei tertia, in cædibus morientium diem protraxit in vespertum. Haraldus autem in primo congressu militum cadens occubuit, læthaliter confossus vulneribus. Quod comperientes Angli de sua diffidentes salute iam nocte imminente, versa facie fugæ subsidia petiere. Dux ergo fortissimus inimicorum strage reuersus nocte media ad campum belli est regressus. Mane autem illucescente, spoliis hostium distractis à corporibus suorum charorum sepultis, iter arripuit, quod tendit Londoniam. Referuntur enim illo conflictu pugne multa millia Anglorum corruisse, Christo illis vicem reddente ob Aluredi fratris Edwardi regis necem ab eis iniuste perpetratam. Deniq; felicissimus atq; consilio præcipue munitus belli ductor callem cõficiens ad Waringford diuertit urbem: transmeatoq; vado fluuii legiones ibi castrametari iussit. Inde vero profectus Londoniam est aggressus, vbi præcursores milites venientes in platea vrbs plurimos inuenere rebelles. Cum quibus congressi protinus non minimum luctum intulerunt vrbi, ob pluri-
ma funera ciuium ac filiorum eorundem. Videntes demum Londonii se diutius contrastare non posse, datis obsidibus se suaq; omnia nobilissimo victori suo hereditario domino supposuere. Quo triumpho inter tanta eo ordine confecto pericula dux noster inclitarum virtutum, & quem nostri præconia stili minime sufficiunt æquare, in die natalis domini ab omnibus tam Normannorum quam Anglorum proceribus rex electus, sacro oleo ab episcopis regni est delibutus, ac regali diademate coronatus sub 1066. ab incarnatione Christi anno.

Paulo post hæc rex Gulielmus regressus in Normanniam ecclesiã S. Mariæ in Gemetico cum honore magno dedicari iussit. Quam dedicationem hii Episcopi cum spirituali iocunditate 1067. dominicæ incarnationis an. Kal. Iulii compleuerunt, Mauritius f. Rhotomagensis archiepiscopus, Io. Abrincatenis, Goisfridus Constantinensis, Hugo Luxoniensis, nec non Baldewinus Ebroicensis. Rex autem ipse deuotissimo animo, hiiis nuptiis præsentialiter studuit interesse. Cumque rex in Normannia circa pietatis opera detineretur, Eustachius Comes Boloniensis quorundam Anglorum versutiis deprauatus, Doroberniæ castellū inuolare nisus est. Qui in noctis conticinio mare trās fretans, diluculo cum copioso exercitu illud obsedit, & totis viribus expugnare cæpit. Perspicientes Odonis Baiocasinæ vrbs episcopi, atq; Hugonis fortis montis milites, quibus custodia illius castri fuit credita, absentibus dominis sic se inopinato obsessos, liberalibus animis accensī, patefactis portis repente vnanimiter foras prouunt, consertoq; certamine cunctos cum dedecore ab obsidione repellunt. Eustachius autem ad mare diuertens cum paucis aufugit nauigio indecenter. Ceteri vero ad deuexum montis, qui rupibus ac scopulis asperrimis mari imminet, fugientes omnes sese (Deo terrorem ingerente) inde deieccero deorsum præcipientes,
iustas

*Haraldus regni
inuasit.*

*Haraldus occi-
ditur.*

*Dux coronatur
Anglorum.*

*Eustachium Do-
nari castrum ob-
sidet.*

iustas sui sceleris pœnas luentes. Sicq; factum est, vt quos gladius non prostrauit, hos *Hostes sepracipi-*
discorporet horribilis asperitas prærupti montis, vindice superna sententia perfidos *ant.*
actemerarios conterente.

Rex ergo iam pro voluntate rebus dispositis, pro quib. venerat, Roberto filio suo
iuuenili flore vernati Normannici ducatus dominium tradidit. Ipse vero in regnum
Anglorum remeans iterato, plurimos eiusdem gentis reperit, quorum corda leuia
ab eius fidelitate auerterat conspiratio præuaricatrix. Coniurauerant enim latrun- *Latronum con-*
culi per totam patriam, vt milites, quos ad tuendum regnum reliquerat, in capite ie- *spiratio.*
iunii, quo solet vsu pœnitens Christianorum religio ad ecclesiam festinare, nudis ve-
10 stigiis incautos ubiq; perimerent, & sic ipsum à Normannia regredientē è regno faci-
lius proturbarent. Verum detectis eorum perfidiæ machinis repentinum domini sui
magni debellatoris formidantes aduentum, furtim fuga lapsi in quandam cuiusdam
comitatus partem aquis pariter & siluis inaccessibilem se contulerunt firmissimo val-
lo erigentes castrum, quod propria lingua Dunelmum nuncuparunt. Ex quo di-
uersos crebrius agitanter excursus aliquamdiu inibi delituerunt: prætolantes Swe-
ni Danorum Regis aduentum vel subuentum, quem veredariis ad sui auxilium con-
uocauerant. Eboracenses enim per legatos ascuerunt ad exerenda suæ nequitiae in-
fausta commenta. Quibus iuncti armorum simul & stipendiariorum copia urbem
munierunt, semetipsos corroborantes ad resistendum: quendamq; puerum sibi præ-
20 ficientes regem ex Edwardi Regis nobilitate genus ducentem. Quorum conatus te-
merarios Rex vt agnouit productis Normannorum copiis ad confutandam eorum
contumaciam quantocius ire perrexit. Seditiosi autem audacia & viribus fisi ex ciui-
tate profilientes, contra regalem exercitum aciem illico direxerunt. A quo protin- *Latronum cades*
us ita sunt profligati, vt quampluribus interemptis reliqui compellerentur refuge- *& fuga.*
re intra mœnia ciuitatis. Quos vestigiis consecuti Normanni, muri ambitum, quo
confugerant, cum ipsis irruerunt, & tam ferro quam igne à puero vsq; ad senem to-
tam pene deleuerunt urbem. Incentores namq; totius doli per Hambre fluuium na-
uib. mortis dispendium effugerunt.

Porro duo Haroldi regis filii se ab eorum contubernio subducentes cum multis
30 vernaculis patris adierunt regem Hiberniæ nomine Dirmetū pro iuamine obtinen-
do. De cuius regno ipso suffragante paruo tēpore non minimā militū sibi contraxere
manum, & cum 66. nauibus Anglos ocus repetierunt in regione, quam maxime o-
portunam iudicabant rapinis & incendiis, more sæuissimorum piratarum terræ po-
pulum exterminantes. Quibus Brienus Endonis ducis Britanniae minoris filius cum
suis obuius, protinus cum eis sub die vna duobus præliis manum conseruit. Cæsisque
mille & septingentis bellatoribus cum nonnullis regni proceribus, reliqui è certami-
ne fugientes, nauium præsidio necis exitium vtrunque euaserunt, ex charorum amif-
sione per maximum Hibernensibus reportantes luctum. Qui profecto omnes mortis
nouacula abrasi fuissent, nisi nox prælium diremisset.

40 Quod rex Gulielmus regnum Angliæ sit adeptus non euentu subito, aut incerto
casu, sed Dei iudicio prouido satis patet. Nam tempore regis Edwardi orta est grauis
dissentio inter ipsum regem Edwardum & Godwinum comitem Cantii, patrē s. Ha-
raldi, qui regnum tenuit post Edwardum. Sed Godwinus tandē cum rege pacificatus
dedit Regi obsides filium suum Wulnothum, & Hæcum filium filii sui Sweni, quos
Rex Edwardus transmisit in Normanniam Gulielmo duci custodiendos. Post mor-
tem vero Godwini Haraldus petiuit à rege, quatenus cum licentia eius transfretaret
in Normanniam repetiturus fratrem suum, & nepotes datos obsides. Cui rex ait: ad
detrimentum totius Angliæ transfretabis. Haraldus nihilominus nauem ascendens,
& in Pontinū fluuium nō prospero cursu perueniēs, à domino illius terræ captiuatur,
50 & ad Guliel. ducem Normannorū transmittitur. Post dies aliquot dux ait Haraldo.
Rex Anglorum Edwardus sororius tuus, dum adhuc esset iuuenis, nutritus mecū hic
in Normannia, interposita fide pollicitus est, q. si Angliæ rex foret, & sine prole disce-
deret, in me ius hereditariū regni transferret. Tu ergo si te in hoc adminiculaturum
mihi sponderis, & castellum apud Doueram cum puteo aquæ ad opus meū feceris:
& sororem tuam vni de principibus meis dederis in vxorē, filiamq; meā Alam in con-
iugem te accepturum iuraueris, tunc & modo nepotē tuum, & cum in Angliā regna-
turus venero, recipies incolumem fratrem tuum. Prolatis itaq; sacrosanctis reliquiis,
iurauit Haraldus, se cuncta quæ Gulielmus dux proposuerat opere completurū. Et sic
Haraldus accepto nepote suo reuersus in Angliam, cum intra paucos dies rex Edwardus

*Matildi doli
bi perniciat.*

du obisset, contempto sacramento regni diadema suscepit. Ad quem dux Normannorum Gulielmus cum direxisset nuntium, sic respondit. Soror mea quam iuxta dictum expetis, mortua est. Quod si corpus eius quale nunc est vult dux habere, mittam, ne iudicer sacramentum violasse. Castellum Doueriz, & in eo puteum aquar, licet nesciam cui, expleui. Regnum quod necdum fuit meum, quo iure potui dare vel promittere? Si de filia sua quam debui in vxorem, vt asserit, ducere agit, super regnum Anglię mulierem extraneam inconsultis principibus me nec debere, nec sine grandi iniuria posse adducere nouerit. Reuersus nuntius domino suo rerulit hæc responsa. Quibus ille auditis, iterum ei amica familiaritate mandauit, quatenus aliis omissis seruata fidei sponfione, saltem filiam suam vxorem duceret, alioquin promissionem 10 successionis regni armis sibi proculdubio sciret se vindicaturum. At ipse nec illud quidem se facere velle, nec hoc formidare respondit. Vnde factum est, vt dictis facta compensans, Dux Gulielmus intraret Angliam, vt præfertur, & Deo sibi fauente regnum subiugaret.

*Odo absente rege
fit custos regni.*

Adueniente Quadragesima anno domini 1062. rex Gulielmus petiit Normanniam, ducens secum Dorobernensem archiepiscopum Stigandum, & multos de primatibus Anglię: constituens interim fratrem suum Odonem Baiocensem Episcopum, & Gulielmum filium Osberni, quem Herefordię comitem constituerat, custodes regni Anglię, quibus præcepit, vt castella per loca firmarent.

Circa quod tempus fundare cepit abbatiam de Bello. Rediens autem de Normannia rex Gulielmus importabile tributum Anglis imposuit. Deinde in Deuoniam profectus hostiliter ciuitatem Excestriam sibi rebellem obsedit & infregit.

Matildis vxor regis Gulielmi consecratur in Reginam Anglorum die Pentecostes ab Aldredo Eboracensi archiepiscopo, anno gratiæ 1068.

Anno gratiæ 1069. Principes Northanhumborum timentes ferocitatem Regis Gulielmi, assumpto secum Clitone Edgardo, Scotiam adierunt, & incitauerunt Danos qui cum ducentis quadraginta nauibus Angliam infestarunt, vnde contigit, vt hinc Normannis, hinc Northanhumbis, hinc Danis Angliam incurfantibus tames præualuit in hac terra.

*Stigandus cur
degradatur.*

Anno 1070. Rex Gulielmus monasteria totius Anglię perscrutari, & pecuniam, quam ditiores Angli in eis deposuerant auferri, & in ærarium suum deferri iussit. In consilio magno celebrato Wintonię iubente & præsentē Gulielmo, Alexandro Papa consentiente, Stigandus Dorobernensis archiepiscopus degradatur tribus ex causis. Quia Episcopatum Wintonię cum Archiepiscopatu iniuste possidebat. Et quia viuente Archiepiscopo Roberto non solum Archiepiscopatum sumpsit, sed & eius pallio, quod Cantuarię remansit, dum iniuste pulsus est ab Anglia, in missarum celebratione vsus est. Et post à Benedicto, quem Romana Ecclesia excommunicauit, eo quod Apostolicam sedem inuasit, pallium suscepit. Nonnullos tam Episcopos quam Abbates, quos nulla euidenti causa, nec consilia, nec leges seculi damabant, honoribus suis Rex Gulielmus priuauit, & vsq; in finem vitæ detinuit custodiæ 40 mancipatos.

*Lanfrancus quo
modo exceptus à
Papa.*

Anno 1071. Lanfrancus Abbas Cadomensis genere Longobardus, vir vndeunque doctissimus, omnium liberalium artium, diuinarumque simul ac sæcularium literarum scientia peritissimus, consiliis quoque ac gubernatione rerum mundanarum æque prudentissimus, die assumptionis sanctæ Mariæ Archiepiscopus Cantuar. consecratur. Lanfrancus pro pallio Romam iens, peruenit ad præsentiam Alexandri Papæ. Cui Papa ad se intranti assurgens, eum, vt gressum figeret, dulciter hortatus est. Ac deinde subdens, honorem, inquit, exhibuimus tibi, non quem archiepiscopatu tuo, sed quem magistro, cuius studio sumus imbuti in illis, quæ scimus, debuimus. Hinc quod ad te pertinet ob reuerentiam beati Petri te exequi par est. Resistente igitur Papa, Lanfrancus progressus humiliat se ad pedes eius, sed mox ab eo ad osculum est erectus. Reuersus in Angliam primas totius Anglię confirmatus est. Cuius tempore per totam terram religio quam plurimum aucta est in nouis monasteriorum ædificiis. Quorum structoribus ipse primum exemplum præbens Ecclesiam Christi Cantuar. cum omnibus officinis, quæ inframurum sunt ipsius curiæ cum ipso muro ædificauit.

Anno 1072. rex Gulielmus audito, quod comites, Morgarus & Edwardus Barn & Egelwinus Dunelmensis Episcopus latenter in insulam Eliensem confugerant, in orientali insulæ plaga omnē illis obstruxit exitum, & pontē duorū milliariorū in occiden-

dentali fieri iussit, & omnes excepto Herewardo viro serenissimo, qui cum paucis per paludes euasit, sibi deditioem facere coegit, anno s. regni sui 6. Hoc anno post Assumptionem S. Mariæ Rex Gulielmus profectus est in Scotiã, vt eam subiugaret. Cui rex Scotorũ Malcolinus in loco qui dicitur Abrenitici occurrit, & homagiũ sibi fecit.

Anno 1073. Rex Anglorum Gulielmus ciuitatem quæ dicitur Cinomannus & adiacentem prouinciam maxime Anglorum adiutorio sibi subiugauit.

Scotorum rex hoc magnum facit.

Anno 1074. Gregorius Papa 7. prius vocatus Hildebrandus celebrata synodo Symoniacos anathematizauit, vxoratos sacerdotes à diuino remouit officio, & laicis missam eorum audire interdixit, nouo exemplo & vt multis visum est inconsiderato

Hildebrandi decreta scandalum generabant.

10 præiudicio contra sanctorum patrum sententiam: qui scripserunt quod sacramenta quæ fiunt in ecclesia, Baptismus, Chrisma, corpus & sanguis Christi spiritu sancto latenter operante eorundem sacramentorum effectum, seu per bonos seu per malos intra ecclesiam dispensentur, tam quia spiritus sanctus mystice illa viuificat, nec bonorum meritis amplificantur, nec peccatis malorum attenuantur. Ex qua re, tam graue oritur scandalum, vt nullius hæresis tempore, sancta ecclesia grauiori schismate discissa sit, hñs pro iustitia, illis contra iustitiam agentibus. Porro continentiam paucis tenentibus: aliquibus eam modo causa quæstus, ac iactantiæ simulantibus, multis incontinentiam periurio aut multipliciori adulterio cumulantibus, adhæc hac oportunitate laicis insurgentibus contra sacros ordines, & se ab omni ecclesiastica subiectione excutientibus, laici sacrosancta mysteria temerant, & de hiis disputant, infantes baptizant, sordido humore aurium pro sacro oleo & crismate vtentes in extremo vitæ viaticum dominicum & vñtatum ecclesiæ obsequium sepulturæ, à presbyteris coniugatis accipere paruipendunt, decimas presbyteris deputatas igni cremant, & vt in vno cætera perpendas, laici corpus domini à presbyteris coniugatis consecratum, sæpe pedibus conculcauerunt, & sanguinem domini voluntarie effuderunt.

Herefordensis Comes Rogerus filius Gulielmi contra præceptum regis Comiti Estanglorum Radulpho sororem suam cõiugem tradidit, nuptiasque cum plurima multitudine optimatum, in Cantebriensi prouincia in loco qui dicitur Ixingham, celebrantes magnam coniurationem plurimis assentientibus contra regem Gulielmum ibi fecerunt, comitemque Waltheofum suis insidiis præuentum secum coniurare compulerunt. Qui mox vt potuit Lanfrancum Archiepiscopum adiit: poenitentiamque ab eo pro facto sacramento licet non sponte suscepit humiliter, eiusque consilio regem Gulielmum in Normannia petiit, eique rem ex ordine gestam pandens, illius misericordiæ ultro se dedit. Herefordensi vero Comiti ne trans Sabrinam Rodulpho occurreret restitit Wolstanus Wigorniensis episcopus, & Egelwinus Euiushamensis cum Vrsone vicecomite Wigornia & Waltero de Laceio. Odo vero Baiocensis episcopus frater regis & Gaufridus Constantiensis Episcopus Radulphum ad minorem Britanniam cum exercitu fugere compulerunt.

Waltheofus conspirationem Gul. pandit.

40 Rex autem Gulielmus reuersus de Normannia eorum qui in illum coniurauerant quosdam exlegauit, quosdam erutis oculis, vel manibus truncatis deturpauit. Comitem vero Waltheophum indigne iussit decapitari. Cuius corpus ex postè terra leuatum magno cum honore Cruland sepeliendum deportatur, vbi prodentibus miraculis se cum Christo regnare manifeste declarat. Post hæc rex Guliel. in Britanniam minorem transiens castellum Rodulphi Comitis, quod Dol dicitur tam diu obsedit, donec Rex Francorum Philippus illum inde fugaret. Acta, anno Christi, 1075.

Gul. pacem de coniuratione sumit.

50 Robertus Curthofe Gulielmi Regis primogenitus eo quod Normanniam quæ ante cõquestum Angliæ, coram rege Francorum dederat, possidere non licebat, Frãciam adiit, & auxilio Philippi regis in Normannia magnas frequenter prædas agebat, & patri suo non paruam molestiam inferebat sub annis. 1076. & 1077.

Anno 1079. Rex Gulielmus pugnando cum Roberto filio suo vulneratus est ab ipso in brachio & deiectus ab emissario. Sed Robertus mox vt vocem illius audiuit, festinus descendit, & illum suum caballum iussit ascendere, & sic abire permisit. Ille autem multis suorum occisis nonnullisque captis, ac filio suo Gulielmo vulnerato cum multis fugam iniit. Maledixit igitur Rex Roberto filio suo, quam maledictionem antequam moriretur euidenter perpeffus est.

Gul. à filio vulneratus.

Anno 1080. Rex Gulielmus Walliam sibi subdidit, & Odonem episcopum Baiocensem fratrem suum in carcere posuit.

Anno 1087. Rex Gulielmus misit iusticiarios suos per vnamquamq; Schirã Angliæ,

glia, & per iusiurandum fecit inquirere quot hidæ, id est, iugera vni aratro sufficientia per annum essent in vnaqua; villa, & quot animalia: fecit & inquire quid vnaqua;que vrbs, castellum, vicus, villa, flumen, palus, silua redderet per annum. Et omnia in chartis scripta, delata sunt ad regem & in Thesauros reposita vbi vsq; hodie seruantur.

*Gul. moriens sua
disponit.*

Anno 1088. Rex Gulielmus regnum deuastans Franciæ, Castrum nobile q; vocatur Maante combussit, & ecclesias quæ ibi erant & plebem multâ & duos sanctos Anachoritas igni tradidit, quibus visum nō fuit, & in tâto periculō deferere cellas suas. Sed in ipso redditu dirus dolor viscerum apprehendit illū. Cum autem diē sibi mortis imminere sensisset, fratrem suum Odonem Baiocensem episcopū, & omnes quos in Anglia vel Normannia tenebat in vinculis relaxabat. Terras vero suas sic diuisit. Roberto primogenito suo Normanniā. Gulielmo secundo filio suo Angliæ Monarchiā. Hérico Thelauri copiam. Pro quo cū Robertus vendidisset ei partē Normāniæ, Thesauro habito, q; ei vendiderat abstulit. Rex igitur Gulielmus postq; genti Anglorum præfuisset viginti annis decem mensibus & 27. diebus, quinto Idus Septembris die Iouis regnū cum vita reliquit, & Cadomi in ecclesiam S. Stephani q; ipse à fundamentis construxerat, sepultus requiescit. Vxor vero sua Matildis, Abbaciam Sanctimonialiū ibidē construxit, vbi & ipse requiescit. Hæc fuerat filia Baldewini comitis Flādrensis.

*Wulstani viri-
tatis.*

Gulielmus dictus Rufus regis Gulielmi filius Angliam adiit festinanter ducens secū Wulnotheum & Morcharū quos laxauerat pater suus. Sed mox vt venit Wintoniā eos custodiæ mancipauit. Sexto vero Kalend. Octobris die dominico in Westmonasterio à Lanfranco Archiepiscopo cōsecratus est in regē. Hoc anno inter primates Angliæ oritur magna discordia. Pars enim nobilior Normannorum fauebat regi Gulielmo, sed minima: pars vero altera Roberto comiti. Sed maxima cupiens hūc sibi affiscere in regnū, fratrem vero aut fratri viuū tradere, aut regno priuare peremptum. Itaq; res eo pducta est vt partes essent ad conflictū paratæ. Sed pater reuerendus Wulstanus, iam quodā modo alter Moyses, parat se viriliter staturus pro populo & ciuitate sua, pro imminente periculo fundens precamina, exhortans quosq; ne desperent de Deo, qui non pugnat gladio neq; hasta. Normanni igitur rogant sanctum Wulstanum episcopum, vt ab ecclesia ad eos transiret in castellum: Ipse vero pro regis fidelitate, petitioni eorum acquieuit. Castellani igitur atq; ciues, licetia episcopi occurrunt hostibus trans Sabrinam. Quibus inquit, Ite filii, ite in pace, ite securi cum Dei benedictione & nostra. Confidens ego in domino spondeo, vobis hodie gladius nō nocebit. Alacres ergo omnes vnanimiter occurrunt hostibus. Hostes vero cōtumaciter spernentes mandata pontificis in terram ipsius posuerunt incendia. Vnde à circumstantibus coactus episcopus, graui eos percussit anathemate. Res miranda & Dei virtus, & viri bonitas. Nam statim hostes tanta membrorum percutiuntur debilitate, tâta oculorum attenuantur cecitate, vt vix arma valerent ferre, nec socios, nec hostes agnoscere, ceduntur pedites, capiuntur milites. Cæteris fuga elapsis, regis fideles sine vlla diminutione suorum remeant ad propria, gratias Deo & Episcopo referentes.

*Concordia regis
cum fratre.*

Anno 1090. Rex Gulielmus regni sui vlscisci paratus iniurias, quas frater suus Robertus intulerat muneribus datis, acquisiuit sibi Castellum sancti Walerici & Albamarle & On & Fiscamium. Comes vero Robertus suorum infidelitate cognita, regē Francorum Philippum in Normanniam venire fecit. Sed à Gulielmo Rege non modica pecuniæ data quantitate in Franciam remeauit.

*Anselmo datur
Archiep. Cant.*

Anno 1091. Rex Anglorum Gulielmus cum fratre suo Roberto fecit concordiam, eo tamen pacto vt castra illa quæ frater ab eo acquisierat regi remanerent. Hoc enim statuerunt inter se, si alter sine hærede moriretur, hæreditas defuncti superstiti remaneret. Post hæc simul venientes in Angliam, regem Scotorum Malcolinum cōpulerunt obedire Regi Gulielmo sicut obedierat patri suo, & Rex Gulielmus 12. villas quas in Anglia sub patre suo habuerat, Malcolino redderet, & 12. marcas auri singulis annis daret. Anno sequenti Rex Gulielmus profectus Northumbriam ciuitatē, Caerlel restaurauit, quæ à Danis Paganis ante ducentos annos diruta, vsque ad id tempus mansit deserta.

Anno 1093. Rex Gulielmus decidit in languorem, vt putaret se moriturum. Vnde de cætero vitam suam corrigere, ecclesiam non amplius vendere, nec ad censum ponere, sed illas regia tueri potestate, rectasq; leges statuere Deo promisit. Igitur Anselmo Beccensi Abbati, suadentibus sibi suis Baronibus 4. anno oppressionis ecclesiæ Anglicanæ Dorobernensem Archiepiscopatum concessit. Et Cancellario suo Roberto Bloet, dedit Lincolniz præsulatum.

Anno

Anno 1095. vir vitæ venerabilis sanctus Wulstanus episcopus Wigornienſis migravit è ſeculo. Anno à primo die ſæculi certa ſcripturæ ratione, 5219. Cuius tranſitus hora apparuit amico ſuo, quem ſpecialiter dilexerat Roberto Herefordenſi episcopo in villa quæ Crekelade dicitur, illique ad ſe tumulandum, Wigorniam properare mandavit. Anulum enim ſuum cum quo pontificalem ſuſceperat benedictionem, neminem paſſus eſt digito extrahere, ne poſt mortem ſuam ſuos videretur fallere, quibus prædixerat ſæpiſſime, nec illum ſe vita comite velle perdere, nec etiam ſepulturæ ſuæ die.

Wulſtani mors.

Northumbrenſis comes Robettus de Mulbraio & Gulielmus de Auco, cum multis aliis, regem Gulielmum conati ſunt regno vitæque priuare, & Stephanum de Albamarlum filium amicæ illius regem conſtituere. Sed rex congregato exercitu caſtella eius obſedit, milites illius cepit, & ipſe à Monasterio S. Oſwini quo fugerat à militibus regis captus eſt & in cuſtodia poſitus. Rex igitur non multo poſt illum ad Bambergh caſtellum ſ. ipſius Comitis duci iuſſit, & oculos eius erui, niſi vxor eius & propinquus eius Moreal Caſtellum redderent. Qua neceſſitate compulſi Caſtellum reddiderunt. Robertus autem Comes ad Windeſhoram ductus eſt, forti cuſtodie mancipandus. Moreal vero factæ traditionis cauſam regi detexit.

Albamarlus rebellans capitur.

Anno 1096. in octauis Epiphaniæ apud Sarisburiam rex Gulielmus tenuit conſilium, in quo iuſſit Gulielmi de Anco in duello victi oculos eruere, & teſticulos abſcindere, & dapiferum illius Gulielmum de Alderi filium amicæ illius ſuſpendi. Comitum Odonem de Campania, prædicti Stephani patrem, & quosdam alios traditionis participes in cuſtodiam poſuit.

Eo tempore inſtante magna peregrinatione Ieroſolimitana Robertus Dux Normannorum miſſis in Angliam nunciis, petiit à Gulielmo rege fratre ſuo, vt præſtaret ſibi peregrinaturæ 10. millia marcarum argenti, & ab eo Normanniam in vadimoniū acciperet. Qui mox petitioni eius ſatisfacere cupiens, accommodata à maioribus Angliæ non modica pecunia, menſe Sèptembri mare tranſiit, & ſex millia ſexcenta ſex illi præſtitit, & ab eo Normanniam vadem accepit.

Anno 1097. Primum bellum chriſtianorum fuit ad pontem Pharchar fluminis 9. Kal. Martii. Secundum apud Niceam, quam & cœperunt 13. Kal. Iulii, cœperunt & Laodiciam. Cum vero eſſent plus quam 300. millia armatorum tanta eis ſupperebat copia, vt aries vno nummo, bos vix 12. nummis venderetur. Cum igitur poſt 7. ebdomadas & tres dies, inde Antiochiam tenderent diuiſo exercitu, circumdederunt vnum eorum exercitum, 360. millia equitum, & Arabes quorum non erat numerus. Mittitur ergo ad aliū exercitum, & bellum geritur horrendum nimis, in quo chriſtiani vehementer attriti ſunt. Quibus iam fugam meditantibus occurrit Robertus Dux Normanniæ, clamans magna voce. Quo milites? quo fugitis? Equi eorum ſunt noſtris velocioreſ, melior eſt enim bene mori quam male euadere, me ſequamini. Dixerat, & in quædam paganorum regem lanciæ ſuæ direxit aciem, quæ lignū, & æs, & corpus æque diffidit. Strauitque ſecundū & tertium. Qua occasione cæteris principibus miniſtrauit animum & audēdi fortia dedit exemplum. Vnde factū eſt vt chriſtiani victoria potirerentur, licet damnosa, menſis Iulii die 1. Inde progredientes ceperunt plurimas ciuitates. Tandem venerunt ad pontē ferreum & Antiochiā quæ caput eſt Syriæ 12. Kal. Nouembris obſiderunt. In Februario congregato mirabili paganorū exercitu ad pontem ferreum apud caſtellum Areth, chriſtiani ſex acies in eos direxerunt. Sed maxima vis paganorum eos inuaſit tā acriter vt paulatim iam cederēt. At Boamundus bellorum arbiter, Robertus & filius Gerardi ſignifer, velut Leones prouunt in hoſtes. Dux igitur Normannorum gladio caput cuiuſdam magni viri, & dentes, & collum & humeros vſque in pectora diffidit. Dux Godfridus quendam medium ſecauit. Cum igitur pars terræ cecidiſſet, partē aliam domini ſui ferebat equus inter paganos. Quo monſtro perterriti ſimul cuncti fugientes in iram damnationis abierunt.

Chriſtianorum clades.

Chriſtiani victoria potius.

Godfridi fortitudo.

Ortum, vitam & promociōem Beccenſis Abbatis in Archiepiſcopum Cantuariæ ſequentiā edocebunt.

ANSELMVS genere Longobardus, Auguſtæ ciuitatis indigena, à puero literas edoctus, cum literis bonos imbibit mores, ſtudens in hoc firmare propoſitum, ne ab honeſto refleſceret animum. Tranſcendens iuga Alpium, in Gallia liberalibus diſciplinis ſtudit per triennium. Inde tranſiens in Normanniam adhæſit Lanfranco Priori Beccenſi, ſcholas publicas regenti tunc temporis, permiſſu vel iuſſu Abbatis Her-

Herlewin. Sanā cuius doctrinā attēdens, & mundialibus curis ex toto renunciāns, habitum Monachalē suscepit, 27. ætatis agens annum. Quos imitari debuerat, bonis operibus iugiter inhæredo, cura sollicitiore puenit. Et cum in clauſtro iam cōtinuum tranſegisset triennium, Lanfrancus primo Cadomēsis Abbas effectus, post Dorobernenſis Antistes cōsecratus, in prioratu Beccenſi ſucceſſorem reliquit Anſelmum, qui poſtea vnanimi conſenſu fratrum, electus eſt in Abbatem loci prædicti. Ex poſt vt ſupra retulimus poſt deceſſum Lanfranci, in Archiepiſcopum Cātuariæ ſublimatus eſt, procurante rege Gulielmo, anno ætatis ſuæ 60. Rex Gulielmus conualeſcens corpore de infirmitate, ægtotare cæpit in anima. Nā in propriis facultatibus diſpergendis effuſior, alienas perſcrutari nō deſtitit. Petiit igitur ab Archiepiſc. mille libras argenti-¹⁰ ſcōrum fiſcalibus cōmodis applicandas, cauſam allegans vt ſibi videbatur iuſtiſſimā, quoniam gratis in promotione ſua promptum p̄buiſſet aſſenſum. Archiepiſcopus vero trahiens ad indiſſerentiam, ante p̄motionem vel poſt, ob talem cauſam numerare pecuniā pari ſententia feriendum decreuit vtrumq;. Sed quia regis ſaccos implere nō poterat, niſi prius bonā conſcientiam euacuaret, elegit potius regis indignationem incurtere, quam diſpendium famæ: quam periculum animæ, quam conſuſionem impoſterum, quam imprecationem multorum in eccleſia Dei ſubire. Non multo poſt cum maxima difficultate vix obtenta à rege licentia nō licentioſa receſſit à Curia. Nā ſi propoſitis Euangelis, repromitteret ſe nec Apoſtolorum limina viſitaturum, nec pro quouis negotio Romanæ ſedis audientiam appellaturum, tūm poterat & ſuis atq; ſuorum rebus cum omni tranquillitate proſpicere, poterat & regni maioribus in omni dominatione præſeſſe. Sin autem poterat tranſfretare, ſed ſine ſpe reuertendi recedere. Diſcedens Archiepiſcopus venit ad mare. Aſcēſuro nauem apud Doueriam, accurrit Gulielmus Warwaſt irreuerenter, & pecuniam non in ore ſaccorum ſolummodo, ſed in ipſius Archiepiſcopi manicis & clitelis, improbus perſcrutator perquirens: ſed non inuento quod queſierat, ſollicitudinem ſuam deluſam vidit. Sed in hiis iniuriis, nec ſic ab Archiepiſcopo vel verbum amaritudinis, vel ſignum offenſionis potuit extorquere. Tranſfretationem eius illico apparitores poteſtatis proſequuntur, eccleſiæ bona fiſcalibus ratiociniis per totam regionem addicentes. Limina viſitans apoſtolorum ab Vrbanō Papa maximo cum honore receptus eſt Laterani. Cum²⁰ quo poſtmodum in Barenſi conſilio, Græcorum à fide catholica diſſidentium conſutauit errorem. Habito Romæ conſilio quo ruruſ idem Papa reſedit Vrbanus, inter fuit, in quo laicos inueſturas eccleſiarum more priſtino conferentes, & eas accipientes à laicis, & taliter poſt adeptum honorem munus conſecrationis impendere præſumentes, à cōmunionē fidelium ſynodalis authoritas decreuit extorres. A conſilio rediens Archiepiſcopus, dum exilium æquanimiter Lugduni ſubiret, effluxit triennium, prope cuius finem, rex Gulielmus vitæ fecit finem. Cui frater ſuus Henricus ſucceſſit in regno. Qui mox reuocauit Archiepiſcopum, & libertatem rerum ſuarum adminiſtrationem habere permiſit. Sed tamen vt debitam libertatem eccleſiis conſeruaret, per duos annos & dimidium grauiffimis affectus eſt iniuriis. Nam bonis ſuis⁴⁰ denuo conſiſcatis annus elapſus eſt & dimidiuſ. Ipſe interim Lugduni moram traxit, vbi quaſi in quadam ſchola virtutum præſidens, magiſterio ſanctæ conuerſationis enituit. Poſtmodum Archiepiſcopus à rege rogatus intrauit Normanniam. Cum autē Becci rex & Archiepiſcopus conueniſſent, ſub audientia virorum illuſtrium, tãquam in ture profeſſus eſt rex, ſe nihil iuris vel ſibi vel hæredibus impoſterum in eccleſiarū inueſtituris vendicaturum, nec in electionibus faciendis aliquid aliud quam ſolum aſſenſum, ſicut ſacrorum canonum cenſura præſcribit. Quibus ſic pacificatis Archiepiſcopus regreſſus eſt in Angliam & in bona quiete conſenuit.

Rex Guliel. dum in noua foreſta venaretur, venit ei nunciuſ à Cenomannia dicens ei familiam ſuam ibi obſideri. Illico rex ad mare veniens, naues introiit. Cui nauclerus & Nauæ. Cur regum fortiffime intollerabili tempeſtate maris alta laceſſis: & mortis imminens periculum non formidas? Quibus Rex, de Rege ſubmerſo fluctibus ſermonem non audiuit: quin potius ſoluite retinacula nauium & videbitis elementa conſpirare ad meum obſequium. Ergo mare tranſiens ſpreto periculo, nihil dum viueret egit, vnde tantam famam haberet Cenomanniā veniens Heliam Cōſulē qui cum ſuis urbem obſederat cæpit, fugatis reliquis. Adducto Helia corā ſe ludibundus ait. Habeo te magiſter. At ille: fortuito me cepiſti. Sed ſi poſſem euadere, noui quid facerem. Hoc autē dixit propter paucitatem militum regionum. Tunc rex iratus: Abi inquit, fuge, concedo vt facias quodcunq; volueris ſiue poteris. Hoc autem dixit

vt re-

ut readunaret exercitum. Sed nec ille fuit ausus redire cum exercitu, quamuis plures haberet milites quam rex habebat, nec exercitus manus conferere cum rege furente. Hiis ita gestis rex in Angliam est reuersus.

Anno 1098. Christiani obsessa Antiochia in tantum attenuati sunt propter omnium rerum penuriam, ut in toto exercitu vix centum boni equi inuenirentur. Et tamen quamuis ex desperatione multi sese subtraxerunt, multiq; repatriaerunt 9. tamen Antiochia à Christianis capta. mense obsidionis 3. Nonas Iunii, capta Antiochia, Christiani à paganis versa vice obsessi, tanta fame sunt afflicti, ut vix aliqui ab humanis carnibus abstinere. Sed confortati à Deo per inuentam ipsius lanceam, S. Andrea Apostolo reuelante in ecclesia beati Petri, ipsa lancea eos precedente, occurrunt obsessoribus, & Cirbaram principem militum aliosq; fugantes occisis multis millibus plenam victoriam reportarunt, 4. Kal. Iulii. Commissa Antiochia Duci Boemundo, christiani propter discordiam principum in Syriam profecti, expugnata Marra & Batra, ibi rursus fame afflicti sunt, ut corpora Saracenorum iam fetentia comedere sunt compulsi.

Anno 1099. exercitus Dei peruenit Ierosolimam, eamq; obsidentes Christiani, cum laborarent pro victus, & maxime pro aquarum penuria: omnes ex communi decreto nudis pedibus orando quotidie circuibant urbem. Octauo igitur talis humiliationis die, obsidionis autem 39. capta est Ierusalem Idus Iulii sexta feria, & in templo Salomonis, & in porticu eius, christiani cum paganis bello conferto, tot incredulos occiderunt, ut in sanguine occisorum, pene ad equorum genua equitarent. Ciuitate igitur ordinata: & principibus de reditu iam agentibus, ecce Turcæ occurrunt cum centum millibus equitum, & quadringentis millibus peditum. Quibus cum occurrisset exercitus domini, cum non pluribus quam quinque millibus equitum, & 15. millib. peditum, Saraceni solo christianorum impetu territi, omnes proiectis armis fugerunt. Et hoc octauo bello 4. Kal. Augusti, cæsa sunt centum millia paganorum. In porta vero Ascalome ubi bellum commissum fuerat ad duo millia suffocati sunt.

Rex Anglorum Gulielm. anno dom. 1100. dum in noua foresta venaretur in die S. Petri ad vincula, à Gualtero Tirel, sagitta percussus occubuit, & Wintoniæ sepultus est in ecclesia S. Petri. *Gulielm. sagitta casus.*

30 Henricus frater regis Gulielmi consecratus est rex Anglorum apud Westmonasterium à Mauritio Londinensi episcopo, Nonis Augusti, cum quo Thomas archiepisc. Eboracensis coronam capiti regis imposuit.

Godfridus princeps Ierosolimorum & dux Lothariensium die clausit extremum.

Henricus Rex Anglorum uxorem duxit Matildam filiam Matcolini regis Scotorum.

Anno Christi 1101. Robertus dux Normanniæ regressus de peregrinatione Ierosolimitana, venit in Angliam, & regis prudentia condonauit regi tria millia marcarum quæ sibi rex debebat annuatim.

40 Anno Christi 1104. Gulielmus Comes Moritonienſis exhereditatus ab Anglia causa perfidiæ, discessit in Normanniam, & hominibus regis Henrici bellum intulit calamitate refertum.

Anno 1106. rex Henricus transiens in Normanniam fere subiugauit omnes principes Normannorum, exceptis Roberto de Belesino, Gulielmo de Moritonia & paucis aliis.

Rex Henricus Beccum venit, ubi ipse & Anselmus Archiepiscopus in vnum conuenerunt, & tandem omnia quæ in diuersa traxerant, pacem & concordiam inuenerunt, & idem Archiepiscopus iussu & rogatu regis Angliæ rediit in Angliam.

Congregato exercitu rex Anglorum Henricus quoddam Castrum Comitis de Moritonia quod vocatur Tenerchebray perrexit & obsedit. Interim venit dux Robertus frater regis super eum cum exercitu in vigilia S. Michaelis, & cum eo Robertus de Belesino, & Comes Gulielmus de Moritonia, ubi concito pugnatum est, sed victoria regi fauit. Nam illic captus est dux Robertus Normanniæ comes de Moritonia, Robertus de Belesino in fugam versus est, & plures alii capti sunt. Igitur Normannia sub regia disposita potestate, Duceq; Roberto Normannorum & Comite Moritonii Gulielmo sub captione præmissis in Angliam, ipse ante Pascha in regnum reuersus est. *Gulielmi victoria.*

Anno 1110. rex Henricus Abbathiam Eliensem ad Episcopalem mutauit sedem, & Herueum præfecit ibidem. Rex Francorum & auxiliarii sui hostiliter venerunt in Normanniam, ubi cum vna nocte mansissent, formidantes regis aduentum propere recesserunt.

Anno Christi 1118. regis Francorum & regis Anglorum longa cōcertatio grauissime

sime regem vexauit vtrumque, donec Baldewinus Comes Flandriæ apud Onlêthali-
ter vulneratus est.

*Henrici magna
nimis.*

Anno Christi, 1119. rex Anglorum Henricus pugnavit contra regem Franco-
rum. In quo bello Gulielmus Crispinus miles magnanimus, regis Henrici caput bis
gladio percussit, ita vt sanguis prorumperet. Vnde rex commotus percussorem suum
ita percussit vt equitem & equum prosterneret mole ictus, qui mox ante pedes re-
gios captus est. Franci vero horrore inspirato liquefacti: terga dedere. Henricus au-
tem rex perstitit in campo victor.

Regni Ierosolimitani principes directis nuntiis Fulconem Andegauensium co-
mitem sollicitauerunt, quatenus loca dominicæ passionis adiret, accepturus vxorem ¹⁰
filiam regis Baldwini, quam vnicam & hæredem reliquerat. Quibus adquiescens
Comes filio suo Gaufrido Plantagenet hæreditatem reliquit. Ierosolimam venit, su-
per solium David regis in Ierusalem collocatus est, Christi crucis inimicos attriuit.
Quod igitur incepit, viriliter sui successores tempore suppleuerunt. Quorum stre-
nuitas ordine successorio gubernacula regni Ierosolimitani nanciscens & Ydumeo-
rum compescuit ferocitatem, & Babilonem factam rebellem sub ditione redegit, &
Alexandriam reddidit tributariam: & in nominis sui celebritate, totius populos ori-
tis effecit attonitos.

Mortua Matilda Regina rex Henricus duxit Adelizam filiam ducis Louanniæ.
Quæ à Radulpho Cantuariensi Archiepiscopo consecrata est apud Windelishoram, ²⁰
anno 1120.

*Gul. regis filium
submergitur.*

Eodem anno, Gulielmus filius regis primogenitus submersus est cū multis no-
bilibus. Hic iactitauerat quod si dominium super Anglos aliquando acciperet, eos
quasi boues ad aratrum trahere faceret. Sub hoc tempore rex Henricus maritali
Matildam filiam suam Henrico 4. Teutonico imperatori.

*Templarii de-
liti.*

Circa an. dom. 1123. Ordo Templariorum incepit. Hii nempe congregati ex re-
liquiis hospitaliorum sedem sibi statuerunt in porticu templi Ierosolimitani: qua de
re vocati sunt milites templi. Qui ex reliquiis hospitaliorum in cibis & armis susten-
tati, ad tantam rerum opulentiam deuenerunt, vt filia ditata matrem videretur su-
pergredi & suffocare. Qui tandem ob ignominiosam Apostasiam in Christum & blas-
phemiam, circa annum gratiæ, 1312. sub papa Clemente 5. deleti sunt. ³⁰

*Imperatoris
mors.*

Anno Christi, 1125. Henricus 4. obiit Alemanniæ imperator. De quo quidam
dicunt quod postquam incarcerationem suam carnalem, & patrem spiritualem
Papam cum Cardinalibus, tandem ad cor rediens, vltro neus exul factus est, dimissa
clam vxore sua Matilde Anglica: heremiticam vitam duxit apud Cestriam per decē-
nium. Quo sic digresso latenter, Matildis imperatrix ad patrem suum regem Henri-
cum in Normanniam rediit. Vbi cito copulata est Galfrido Plantagenet comiti An-
degauiz, de quo suscepit Henricum 2. postmodum regem Anglorum. Alii vero di-
cunt quod præfatus Henricus imperator Alemanniæ sepultus sit apud Spiram cum
suis progenitoribus cum hoc Epitaphio. Filius hic, pater hic, auus hic, proauus iacet ⁴⁰
istic. Primates Angliæ iurauerunt imperatrici, & primus inter omnes Stephanus co-
mes Boloniæ.

Anno 1127. Galfridus Plantagenet comes Andegauorum duxit imperatricem
Matildem.

Anno 1129. Mortuo Flandrensi comite Karolo, Henricus rex Angliæ de bene-
placito regis Franciæ successit iure consanguinitatis.

Anno 1133. Robertus Curthose quondam dux Normaniæ & frater regis obiit a-
pud Kardif.

Henrici mors.

Anno 1134. natus est Cenomanniæ Henricus primogenitus, Galfridi Plantage-
net comitis Andegauorum & Matildis imperatricis. Quo audito rex Henricus con-
uocatis regni sui principibus, filiam suam & hæredes filiz suæ sibi instituit successores,
super hoc sibi præstito à regni maioribus iuramento. Stephanus filius Ale sororis suæ
apud Westmonasterium post præstitit sacramentum.

*Quæ castra
struxit.*

Anno 1135. Henricus rex Anglorum cum regnasset annis 35. & mensibus 4. de-
cessit apud S. Dionisium in silua Leonum, & in Anglia sepultus est apud Radingum.
Nomina Castellorum quæ in Normannia ex integro fecit Henricus Rex in margine
ipsius prouinciæ sunt ista. Drincurtus nouum mercatum, Vernolium, Nonanticur-
tis, Bomunlius, Colun mons, Pons Versoms: fecit & castrum S. Dionisii in silua Leonū
Vallem Rodullii, Turrim Ebroicarum, Turrim Osteriarum, Turrim Alenc. Turrem
S. Io-

S. Iohannis iuxta montem S. Michaelis Monasterium Radingarum fecit in Anglia Monasterium Canonorum apud Circestre, Monasterium de Prato apud Rhotomagum, Monasterium de mortuo mari.

Stephanus comes Boloniæ audita morte regis Henrici auunculi sui transfreta-
uit in Angliam, & à Gulielmo Cantuariensi Archiepiscopo consecratur in regē apud
Londoniam. Hugo nempe Bigod veniens in Angliam qui fuerat senescallus regis *Stephani coro-*
coram Archiepiscopo Cantuar. sacramento probauit, quod dum rex Henricus age- *natio.*
ret in extremis, ortis quibusdam inimicitis inter ipsum & imperatricem, ipsam exhe-
redauit, & Stephanum Boloniæ Comitem hæredem instituit. Gulielmus igitur Can-
tuar. Archiepiscopus nimis credulus verbis Senescalli, Stephanum Moritonii comi-
tem consecrauit in regem apud Westmonasterium vt præferrur.

Anno 1136. Imperatrix Castella quædam in Normannia post mortem regis f.
Argentonum & Danufrunt cepit.

Stephanus rex in Paschalibus diebus apud Westmonasterium consilium con- *Stephani libera-*
gregauit, fidelitates exegit, regis Henrici Thesauris non pepercit, in munerum largi- *litas.*
tione nimis effusus. Stephanus rex duxit exercitum apud Excestriam, quam obsedit
& cepit, Baldewinum de Rimeres exhæredauit.

Anno 1137. Stephanus rex transiit in Normanniam & fœdus iniit cum rege Frã-
corum. Galfridus comes Andegauensis ingressus Normanniam Regi Stephano treu-
gas dedit, accipiens ab eo duo millia marcarum argenti singulis annis per tres annos.

Anno 1138. Dauid rex Scotorum innumerabilem congregauit exercitum ten-
dens in Angliam, & terram vsq; ad flumen Teyse cremando, cedendo, grauidas fin-
dendo, vastauit. Thurstanus Eboracensis Archiepiscopus auxilio Northanhumbro-
rum ei restitit apud Aluerton vbi duodecim millia Scotorum sunt occisa.

Anno 1139. Rex Stephanus cepit episcopos Sarum & Lyncolniæ, quoniam ipsi
castella sua reddere noluerunt. Sequenti anno rex Stephanus obsedit Lyncolniam.
Cum autem die Purificationis rex ad missam cereum suum offerret, confractus est *Stephanus ca-*
pitis & cecidit super altare cum corpore Christi. Captusq; est eo die rex & ductus ad *pitur.*
imperatricem, quæ dudum sollicitata fuerat venire in Angliam, à quibusdam proce-
30 ribus regni, & positus est rex in custodia apud Bristow.

Imperatrix à Londoniensibus in dominam est recepta. Vbi regina Angliæ con-
iunx regis Stephani eam interpellauit, vt rex absolui posset ea conditione, vt regno
imperatrici reddito, rex alicubi posset monachari, ac perpetuo peregrinari. Sed non
est exaudita. Interpellata est enim à ciuibus Londoniarum, vt liceret eis vti legibus S.
Edwardi, & non legibus patris sui Henrici, quia graues erant. Sed illa non adqueiuit.
Et idcirco à Londoniensibus est expulsa. Illa vero, anno 1141. assumpto secum auun-
culo suo Dauide rege Scotorum, obsedit turrim episcopi Winton. vbi frater regis e- *Imperatrix fu-*
rat. Sed superueniente regina cum Gulielmo Yprensi, imperatrix tanto timore reso- *git.*
luta est, vt feretro imposita ac si cædauit esset, equis deferentibus ad urbem Glouer-
40 niæ delata est. Et interim frater eius comes Robertus in exaltatione sanctæ crucis ca-
ptus est. Habita proinde mutua compensatione compeditorum, hinc rex, hinc co-
mes à vinculis absoluti liberi recesserunt.

Rex Stephanus obsedit imperatricem apud Oxenford à festo Michaelis vsque
ad natale domini. Illa vero obsidionis diutinæ impatiens, occasionem fugæ ex tem-
poris qualitate nacta, noctis & niuis beneficio, in veste alba Tamesim fluium crassa
glacie transiit superstratum.

Anno 1142. Lucius Papa misit pallium Henrico Wintoniensi Episcopo cui pro-
posuerat assignare septem Episcopos. Sed morte præuentus q; proposuerat non per-
fecit, nempe non amplius quam duodecim mensibus vixit in papatu.

50 Anno 1143. Godfridus comes Andegauensis, receptus Rhotomagi, turrim ob-
sedid & cepit, & ex tunc dux Normannorum appellatus est.

Anno 1146. Rex Stephanus cepit in curia sua Ranulphum comitem Cestriæ, nec
liberari potuit donec castrum Lyncolniæ reddidisset. Et ex post rex Stephanus Lin-
colnæ coronatur.

Anno 1148. Lodowicus rex Frãcorum de Ierusalem est regressus. Cui cum qui-
dam clericus Papale priuilegium attulisset, quod in omni Cathedrali ecclesia regni *Littera Papa com-*
sui primam vacaturam haberet, cum fructibus medio tempore prouenientibus: illē *busta.*
confestim combussit literas, dicens se malle tales comburere literas, quam animam
suam in inferno torqueri.

Anno 1150. Euerſo monaſterio quod tribus annis obſeſſum fuerat, Galfridus Plantagenet reddidit ducatum Normanniæ Henrico filio ſuo & Matildis imperatricis.

Lodowicus Rex Franciæ accepit homagium Henrici filii Galfridi Plantagenet de ducatu Normanniæ & comitatu Andegauiz. Dum Galfridus Plantagenet comes Andegauorum rediret Pariſio à curia, conceſſit in fata apud caſtrum Lidii, & ſepultus eſt Cenomannis in eccleſia S. Iuliani

Stephanus ducem Normannorum heredem inſtituit.

Anno 1151. celebratum eſt diuortium inter regem Francorum & reginam Alienoram. Quam conſeſtim Henricus Dux Normannorum & comes Andegauorum accepit in coniugem. Et ſic factus eſt ratione coniugis dux Aquitanorum. Anno 1152. 10 Henricus dux Normannorum cum manu valida intrauit Angliam. Anno 1153. euenit quod minime credebatur. Siquidem ducem Normannorum Henricum, Rex Stephanus in filium arrogauit, eique & in eum ius tranſtulit, & poteſtatem, ſibi quoad vixerit regiæ dignitatis ſolam imaginem reſeruauit. Et ſi propheticum illud attende- ris, iam ſe induit genitore, iam ducem arrogauit in filium. Et vt pax vberior vigeret in Anglia, munitiones de nouo fundatæ deſtructæ ſunt ad numerum 1115.

Henricus coronatur.

Anno 1153. Rex Stephanus obiit 8. Kalend. Nouembris, & ſepultus eſt apud Feueresham monaſterium quod ipſe à fundamentis conſtruxit. Quo audito Dux Normanniæ Henricus aſcenſis ratibus apud Barbeſtuum, & inde Angliam veniens, die dominica ante Natale domini apud Weſtmonaſterium electus eſt ab omnibus in re- 20 gem, inunctus eſt à Theobaldo Archiepiſcopo, præſente Archiepiſcopo Eborum, & aliis epiſcopis Angliæ, Rogerus Eborum Archiepiſcopus manum non appoſuit. Hé- ricus Wintonienſis epiſcopus abſque licentia regis reſeſſit ab Anglia, ideoque diruta ſunt eius ſex Caſtella. Natus eſt Henricus regis primogenitus.

Anno 1156. Rex Henricus tranſfretans apud Douerum, applicuit apud Wiſſand. Ad quem venit Rhotomagi, Theodoricus comes Flandriæ & Comitiffa Sibilla regis Amita. Rex Henricus cepit Caſtellum Mirabellum & Chinonem longa obſi- dione, Loſdunum vero redditum fuit ei. Regina Alienora peperit filiam quam voca- uit Matildam. Anno ſequenti Regina Alienora peperit filium quem vocauit Richar- dum. Henricus rex tranſfretauit in Angliam, & Malcholinus rex Scotorum reddidit 30 ei ciuitatem Kaerliel, caſtrum Bamburgii, nouum caſtrum ſuper Tynam & comita- tum Londonenſem.

Henrici corona- tio.

Anno 1158. Henricus rex Anglorum coronatus apud Wigorniam, poſt celebra- tionem diuinorum coronam ſuper altare poſuit nec vltius coronatus eſt.

Regina Alienora tertium peperit filium ſ. Gaufridum. Thomas regis Cancellarius in apparatu magno venit Pariſiis, Margaretam filiam regis Francorum acceptu- rus vxorem, Henrico filio regis Anglorum. Gaufrido fratre regis mortuo, rex ſtatim tranſfretans accepit Raimetem.

Anno 1159. Rex Anglorum Henricus duxit exercitum verſus Tholoſſam, & ce- pit caſtella fortia vicina eius, Rege Franciæ commorante interim iugiter in Tholoſſa, 40 & ob reuerentiam ipſius præſentiæ, dictus eſt rex Angliæ ipſam ciuitatem Tholoſſam non aſſiluiſſe. Rex enim Franciæ ob gratiam comitis S. Egidii cuius ſororem comes vxorem duxerat, à Tholoſſa non recedebat, vnde duo reges inimici facti ſunt.

Henricus Calu- montem cepit.

Anno 1160. Henricus rex Angliæ Margaretam filiam regis Francorum quam a- pud ſe habebat in cuſtodia, Henrico filio ſuo diſponſari fecit. Et caſtellum de Giſor diu deſideratum, & iam ante ex condito duorum regum cuſtodia militum Templi vſq; ad diem illarum nuptiarum commiſſum obtinuit. Quod quia præpropere vt di- cunt factum eſt, Rex Franciæ & Fratres vxoris eius indignati, regi Angliæ inimici fa- 50 cti ſunt, & aduerſari cœperunt. Ad dedecus itaq; regis Angliæ rex Franciæ & comes Theobaldus Caluum montem ſitum inter Bleſim & Ambaſium firmauerunt. Rex autem Angliæ feſtinus cum ſuis adueniens, rege Francorum & comite Theobaldo fugatis, caſtrum obſedit & cepit, captis illic intra caſtrum 55. militibus Theobaldi.

Anno 1163. Henricus rex Angliæ finibus Normannorum, Britonum, Cenoma- nenſium, Andegauorum, Turonenſium, & Aquitanorum ad voluntatem ſuam diſ- poſitis in Angliam rediit.

Homagium quo- rundam princi- pum regi Angliæ.

Malcolinus rex Scotorum, Reſus princeps Auſtraliſium Wallenſium, Andoe- nus Aquilonarium, & quinq; Maiores de Kambria, fecerunt homagium Regi An- glorum & Henrico filio ſuo Kal. Iulii apud Woodſtoke.

Anno 1166. quidam prauſ dogmatis diſſeminatores, tracti ſunt in iudicium apud Oxonias

Oxoniae praesente rege, praesentibus & episcopis. Quos à fide nostra deuotos, & in examine superatos, facies cauteriata notabiles cunctis exposuit, expulsos à regno.

Collectam Ierosolimitanorum visibus destinandam, truncus in singulis deputatus ecclesiis adaeta sera conclusit, praestito per Angliam publice sacramento, denarios 4. à singulis marcatibus emungens.

Anno 1167. Rex Anglorum & rex Francorum facti sunt discordes, à Normannis Caluus mons, vicinus Gisors succensus est. Multi milites, multi ciues ibi capti sunt. In ultionem huius facti, Rex Francorum villam Campestem Rhotomagenis Archiepiscopi s. Andeli combussit, & ipsa die rediit in Franciam amissis in itinere plus quam 10 mille de suis. Postmodum in Pertico multi milites Francorum capti sunt à Normannis. Tandem duo reges pacificati sunt. Richardus siquidem filius regis Anglorum dux Acquitaniae, filiam regis Francorum accepit in sponsam.

*Li inter Anglo-
rum & Franco-
rum regem.*

Anno 1168. Ex quo reges in minori Britannia desierunt praesse, duo comites in eisdem locis principari ceperunt. Sed quoniam omnis potestas impatiens semper confortis erit, sese variis saepe dissentionibus affligerunt. Conanus tandem iure successorio nactus vtrumque comitatum, dum in fata concederet, ex sorore regis Scottorum, filiam reliquit haeredem. Quam rex Anglorum filio suo Gaufrido uxorem accipiens, & in pace passim statuenda per Britanniam studiosus existens, clerum terrae illius sibi conciliauit & populum.

10 Anno 1170. in Natali domini rex tenuit curiam suam apud Nannotensem urbem, praesentibus episcopis & Baronibus totius Britanniae, ubi fidelitatem sibi & filio suo Gaufrido communiter iurauerunt. Sequenti quadragesima rediens in Angliam, multis suorum subita maris tempestate periclitatis, ipse magno diuinæ pietatis munere euasit incolumis.

Annus Millesimus Cētenus Septuagenus: Primus erat primas quo ruit ense Thomas. Rex Angliæ morabatur apud Argentonium in Normannia, cum ad eius noticiam rumor infaustus, de nece Sancti Thomæ Cantuariensis Archiepiscopi, quibusdam perferentibus penetrauit, qui statim in primis nephandi sermonis initiis, ad omnia lamentationum & miseriarum genera conuersus, regiam prorsus maiestatem, 30 quasi cilicio & cinere commutauit. Octauo Idus Augusti, Rex pater Regis appulsus est in Angliam. Qui visitauit in transitu Henricum Wintoniensem episcopum iam in extremis agentem, qui eum pro morte gloriosi Martyris Thomæ durissime increpauit. Ob quam causam ipsum multa praedixit aduersa passurum.

*Thoma Cant.
cades.*

Rex pater regis intrauit Hyberniam 15. Kal. Nouembris & Lismorum episcopus & Apostolicæ sedis legatus, Archiepiscopi & Episcopi receperunt eum in regem & dominum, & fidelitatem ei iurauerunt. Regulus de Limelie, regulus de Chorc. regulus ille qui dicebatur monocus, homagium fecerunt ei. Rodericus autem regulus de Conmat, quia regio in qua habitabat inaccessibilis est paludibus nimis interiacentibus, in quibus nec vada commoda nec peruii pontes, nec nauigatio tuta est su- 40 persedit occurrere.

*Rev. r. r. r.
visitas.*

Anno 1172. Dum rex moram faceret in Hybernia, Hugo de S. Moore & Radulphus de Faie auunculus reginae Alienoræ, (consilio sicut dicitur eiusdem reginae) regis filii regis animum à patre suo ceperunt auertere, suggerentes incongruum videri quibuslibet regem esse, & dominationem regno debitam non exercere.

Recentium esus carniū, & haustus aquæ tam incognitus quam solitus plures de Regis exercitu panis inedia laborantes afflixit in Hybernia fluxu ventris.

Cum autem intellexissent Hybernenses in quantum circa pacem statuendam & conseruandam regis Angliæ tota versaretur intentio, qui nec indulgentiis crimina subleuabat, nec in mortem alicuius precipitabat sententiam, cōuenerunt ad ipsum rogantes quæ ad pacem sunt. Et quoniā inter eos publica potestas constituta non fuerat, quæ metu poenarum impunitatē minime repromitteret, cum partes suos mutuo cæ- 50 dibus interfectos saepissime doluissent, ut in virtute regis pax fieret in diebus suis, ei & in eum ius suum transtulerunt & potestatem. Archiepiscopi & Episcopi plebis sibi commissæ plurimum & in plurimis attendentes errorem, sed in hiis maxime quæ circa matrimonium à maioribus definita noscuntur, quæ Anglia recipit & obseruat, se firmiter amplexuros & inuiolabiliter executuros promittunt. Et in singulis obseruatio similis regnum colligaret vtrumque, passim omnes vnanimi voluntate, communi assensu, pari desiderio, regis imperio se subiiciunt. Omnibus igitur hoc ordine consummatis, in Consilio habito apud Lismor: vrbes & castella quæ Rex redegerat in suam

*Hybernenses sub-
duntur regi.*

potestatem, fideli deputavit custodiam. Et quia ipsum varia trahebant negotia, die Pasche nauem ascendit, & in crastino appulsus est in Walliam prope Sanctum Dauid. Inde progressus est usque ad Porcestre, ubi nauem ascendens Angliam salutavit à limine, & felici navigatione intrauit Normanniam. Quod cum ad regis Francorum notitiam peruenisset, vociferans ait: Rex Angliæ modo in Hibernia, modo in Anglia, modo in Normannia, volare potius iudicandus est, quam vel equum vel nauem conscendere.

*Rex purgat se à
necesse Thomæ.*

Postquam Rex Anglorum appulsus est in Normanniam, ubi cum sub festinatione venisset ad Apostolicæ sedis Legatos, iuravit mortem gloriosissimi Martyris Thomæ nec voluntate sua, nec conscientia perpetrata fuisse, nec suo artificio requisitam. In facie igitur Ecclesiæ solemniter absolutus, promisit quod ab instanti festo Pentecostes usque in annum, tantam pecuniam daret, unde possent ducenti milites conducere ad defensionem terræ Ierosolimitanæ per annum. Et multa alia quæ scribuntur plenius in vita S. Thomæ.

Anno 1173. Henr. rex Angliæ Iohanni filio suo cognomento sine terra, vix septenni filiam primogenitam Huberti comitis de Moriana, sponsam accepit, cum quatuor castellis datis in dotem, & custodiæ regis deputatis.

Aldefonsus rex Aragonum, Reymundus comes S. Ægidii, Girardus Comes Viennensis, Hubertus comes de Moriana, tanquam ex condito conuenerunt ad curiam regis Angliæ ad montem Ferandum in Aruernia, fuit & ibi Henricus rex filius regis Henrici, procerum, equitum, ciuium quos varia trahebant negotia, non defuit multitudo numerosa. Prædictis itaque viris illustribus partes suas interponentibus, Comes S. Ægidii fecit homagium regi Anglorum Henrico, patri regis Henrici, salua fide Lodowici regis Francorum, sibi suisque heredibus volens in futurum prospicere. Comitatum Tolosanum ex hoc & deinceps Aquitanico duci in seruitio militari, multisque aliis præstationibus in scripto redactis, subnoxium futurum esse sacramento firmavit. Sed quia Richardus dux Aquitaniæ cum facturus erat homagium, comes S. Ægidii tunc temporis præsens non erat, usque ad Octauas Pentecostes, negotii complementum dilatione accepit.

Regis filii fuga.

Henricus rex filius regis abiens in consilio impiorum animum suum auertit à patre. Et ab Argentonis noctu recedens, domesticis patris sui qui ei necessaria ministrabant ignorantibus, ad socerum suum Lodowicum regem Francorum secessit. Ipsa nocte pater suus dormiens apud Aleucium, cum subito expergefactus, transfugium filii cognouisset, paucissimis secum assumptis, equum ascendit, & transitum habens per Marchiam suam & castellorum custodes præmunens, equis sæpe mutatis, sub ipso diei crepusculo 10. Kal. Aprilis venit Gisorcium, quod filio suo regi, rex Francorum Lodowicus cum filia sua Margareta nomine dotis contulerat. Richardus dux Aquitaniæ, Gaufridus dux Britanniarum, iuniores filii Regis, consilio matris suæ reginæ s. Alienoræ sicut dicitur fratrem potius elegerunt sequi quam patrem. Fiunt undique coniurationes, fiunt rapinæ, fiunt incendia. Et ut à tempore sumamus auspiciam, eo tempore sumpsit arma filius contra patrem, quo quibuslibet locis ob reuerentiam dominicæ passionis arma christiani deponunt.

*Flandrensiū
submersio.*

Septies 20. Flandrenses irruptione facta prope Pasceium beneficio pontis intrauerunt Normanniam. Quibus obuui facti Normanni quantocius eos cogitare de reditu coegerunt. Sed pons quo transitum prius habuerant effractus à quadam muliercula, in subsidium aquas opposuit profundissimas. Quibus inuoluti Flandrenses vniuersi submersi sunt. Quod audiens rex Francorum ait: Pro Normannis elementa decertant. Nam alio tempore cum intrassem Normanniam pars exercitus mei quā plurima pro aquæ penuria periit. Nunc nimiam possumus abundantiam aquarum causari.

Hugo de Gornai tam pater quam filius & 80. milites cum eis, capti sunt à rege filio & castrum in quo fuerant succensum est, & Burgeneses ad redemptionem compulsi.

*Comitis Legio-
cestria perfidia.*

Robertus comes Legiocestriæ accipiens mutuam unde quaque pecuniā, & verba pacis habens transfretandi, à iusticiariis licentiā impetrauit. Gulielmus Camerarius, de Tankeruilla fecit similiter. Vterque sacramento corporaliter præstito, regi patri fidelitatem iuravit. Sed subito trans mare currentes, cælum illico mutauerunt & animum. Nam cum audissent quæ fiebant in terra, ceperunt & ipsi de transfugio cogitare. Plures enim Comites & mediæ manus homines quos ex iustis & probabilibus causis rex pater exheredauit, Regis filii cesserunt in partem, non quia causam eius iustiorē attenderent, sed quia rex pater regis titulos dignitatis ampliare procurans, superborum & sublimium colla calcaret.

Lodo-

Lodowicus rex Franciæ ad Normanniam penitus deuastandâ innumerablem congregauit exercitum, in Octauis S. Iohannis Baptistæ. Et primo impetu statuit delere Vernolium. Sed nunciatum est ei ab exploratoribus castrum inaccessibile, utpote fossatis circumdatum, cinctum muris, propugnaculis obfirmatum viris bellicosis ebulliens, radiantibus armis refertum, victualibus multis abundans, & nisi longa obsidione obsessos coarctarent, Franci poterant inani labore consumi. Ad sumptus igitur exercitui prouidendos, per totam Galliam fit descriptio generalis. Nullus immunitate gaudebat à sedente in folio usque ad laborantem in mola, vel in prostibulo dormientem, manum extendere iuebantur regii exactores. Non sexus, non ordo, non dignitas, à muneribus sordidis vacationem habebat. Multi ut exercitui necessaria mitterent, detrahare patrimonium cogebantur.

Lodouici calor frigidus.

Taxatio Franciæ ad bellum in Normannos.

Rex filius tractis in partem suam comitibus Flandrensi & Boloniensi, intrauit cum eis Normanniam in superbia magna, ubi cepit castellum de Albamarle, non sine nota prodicionis quorundam custodum dicti Castri. Cepit etiam castellum de Driuecourt munitissimum, & militibus electis commissum.

Inde Rex filius cum comitibus Boloniensi & Flandrensi progrediens versus castrum Arches, Comes Boloniensis Matthæus in festo S. Iacobi vulneratur ad mortem. Hic fidelitatem patri Regi iurauerat, tactis sacrosanctis reliquiis, inter quas manus S. Iacobi presentialiter habebatur, & idcirco in ultionem periurii in die festo S. Iacobi læthaliter vulneratus fuit iuxta multorum opinionem. Comes Flandrensis Philippus vulnerato fratre suo comite Boloniensi ut præfertur ad propria remeare maturauit. Rediit itaque per comitatum Ancensem quem iam rex filius totum subiecerat potestati suæ.

Comes Boloniensis occumbit uulnere.

Rex pater eo tempore morabatur Rhotomagi ut populo videbatur, æquo animo ferens quod fiebant in terra. Frequentius solito venatui totus indulgens, & venientibus ad se vultum hilaritatis præcedens. Attamen hii quos domesticos prius habuerat & familiarissimos, quotidie dilabebantur ab eo, credentes eius deiectionem futuram in breui, & filii dominationem arbitantes procedebant iuxta regis Franciæ & principum voluntatem: Ut autem audiuit rex, Philippum Flandrensem comitem à Normannia recessisse, confestim congregauit exercitum, ut si regem Franciæ intra fines Normanniæ reperisset, prælium iniret cum eo. Venit igitur & fixit tentoria in loco ab exercitu Francorum non procul remoto sapud Conchas. Dirigit ergo nuncios in mandatis habentes verbis pacificis dicere regi Francorum, ut à Normannia cum indemnitate suorum recederet, alioquin visitaret eum ipsa die. Quod audiens rex Francorum cum sciret regem Angliæ fortissimum esse, & amaro animo, veluti si vrsa raptis catulis sæuiat in saltu, ascendens illico equum velocissimum, intra Galliam se cum festinatione recepit. Sicque cunctis fugientibus, totus apparatus ad obsidionem comportatus in plaustris, quadrigis, bigis siue summariis, Normannis & obsessis cessit in prædam 5. Idus Augusti.

Domestici à patre regis deficiunt.

Rex Scotorum Guliel. Angliam intrans, & per fines Dunelmensium transitum faciens, cepit Angliam depopulari, villas succendere, prædas agere, mulierculas captiuas abducere, & à prægnantium uteris infantes semeiuos extrahere. Quod audientes magnates Angliæ, arma cum ea qua fieri potuit acceleratione sumentes, Regem Scotiæ subito fugam arripere coegerunt, & inducias petere vastata patria sua compulerunt, & sic cum victoria redierunt.

Scotorum regis familia.

Rege patre moram faciente Rhotomagi, nunciatum est electam regis filii militiam apud Dolensem urbem à Brabantinis suis circumclusam: qui statim equi dorsum infiliens, & cum calcaribus vrgens, sequenti mane venit in Britanniam scilicet ad Dol. ubi militiam filii per dies aliquot repugnantem, insimul comprehendit. Inimicorum vero suorum præmaxima multitudo, priusquam veniret à Brabantinis fuerat interempta. Ibi captus est comes Cestrensis cum aliis proceribus, & cum eis milites fere 24.

Anno 1174. Rex filius regis habens in comitatu suo tres comites & 500. milites, Sagiensem urbem inuasit. Sed ciuibus & sine principe, & sine duce viriliter resistentibus nihil profecit.

Rex pater dubitans ne vel rex filius, vel quilibet alii Marchiæ vicinantes intra suos irrumperent, & Normanniam deuastarent, eam domesticis familiaribus custodiendam commisit. Cupiensque experiri quo animo secum starent Cenomannenses & Andegauenses, terras illas ingreditur. Cenomani parati per omnia ad eius obsequium, si vel bellum ingrueret vel aliud immineret discrimen, vel vllum mortis instaret periculum se promptos fore dicebant. Andegauenses celerius & celebrius occurrerunt

domino suo regi, omnia submittentes suo arbitrio, quæcunque proponeret. Omnibus inibi pro voluntate completis, diem Pentecostes Pictavis celebrauit, vbi cū audisset Richardi filii sui militiā, urbem Sanctonicam occupasse, sumptis secū Pictauēsis, ad eam liberandam cucurrit, & primum præsidium subiugauit, deinde maius præsidium s. capitellum. Ad vltimum accessit ad maiorem ecclesiam militibus multis & armatis refertam, oppressam à sagittariis, à lenocinantibus conculcatam. In qua & in duobus aliis supradictis præsiidiis, cepit circiter sexaginta milites & Sagittarios quadringentos; commisitque sex viris illustribus Acquitanniam defendendam. Quibus gestis rediit in Normanniam.

Rex quam religiosus.

Interea Philippus comes Flandriæ venit in Angliam vt eam subiugaret regi filio 10 regis. Missum est igitur pro rege patre per regni iusticiarios quia videbant multa fieri mala in terra per Flandrenses & quosdam alios regis proditores. Rex vero suis subuenire celerius cupiens, naues ascendit apud Barbe fluuium. Et cum vidisset ventum contrarium, & sibi suisq; imminere periculum, erectis in cælum luminibus palā dixit. Si quæ ad pacem sunt cleri & populi habeam in proposito: si pacem in aduentu meo reformandam rex cælorum disposuit: tunc pro sua misericordia, portum salutis indulgeat. Si autem aduersus fuerit & regnum in virga visitare decreuerit, nunquā mihi detur vel fines regionis attingere. Exaudiuit ergo diuinitas orationem regis humiliati, & ipsa die omnium indemnitate, applicare fecit foeliciter in portu Hamonis. Qui ex tunc vtens tenui dieta, pane s. & aqua, omnes curas abiiciens, nec aliquam ciuitatē 20 ingrediens, non destitit donec ad Thomam gloriosum Martyrem peruenisset, vbi cum affluentia lachrymarum, cum gemitibus, nudus pedes, toto corpore prostratus, misericordiam & veniam præcabatur. Et ab episcopis qui tunc præsentés aderant, absolutionem petiit, & carnem suam disciplinæ supponens, virgis cæsus est à singulis religiosis quorum multitudo conuenerat, ternos ictus vel quinos excipiens. Surgens igitur & vestibus resumtis quas prius exuerat, muneribus pretiosis pretiosissimum honorauit, assignans insuper annuos redditus quadraginta libras ad luminaria iugiter circa matrem in eius venerationem concinnanda. Sicq; deditus vigiliis & orationi, ieiunium vsq; in diem 3. cōtinuauit. Quin martyrem sibi placabilem iam reddidit, quoniam peccatum eius translatus sit; non est qui dubitet. Nam ipsa die qua indulgentiam sibi dare postulabat à Martyre, sepulchrum Martyris frequēter deosculans, tradidit dominus Gulielmum regē Scotorum in manus suas, custodiæ mancipatum apud Richemond, vt adimpleretur illud propheticum: Dabitur maxillis eius frenum, quod in Armorico sinu fabricabitur. Sinum vocans Armoricum, Castellum de Richmount, ab Armoricis principibus & nunc & ab antiquis temporibus hæreditario iure possessum. Ipsa enim die rex filius nauibus quas congregauerat ad transfretandum in Angliam dissipatis, cæpit redire in Galliam. Votis orationum cum deuotione completis, rex pater rediuit Londoniam vbi repperit regni maiores sibi occurrisse. Inde regrediens, rebelles domuit, hostes fugauit, municiones cepit. Tādem per omnia regni sui confinia potentissimus naues ascendit apud Porcestre, ducens secum 40 regem Scotiæ, comitem Leicestrensem, comitem Cestrensem, & quosdam alios quos habebat in vinculis. Et prospera nauigatione transuectus, venit Rhotomagum, quam inuenit obsessam à Lodowico rege Franciæ, & Henrico rege filio regis Angliæ comiteque Flandrensi Philippo. Cumque rex Francorum regem patrem in manu valida aduentasse didicisset, versus est in stuporem. Et illico de communi consilio tam Franci quam Flādrenses ignem machinis apponentes, auulsis tentoriis, mapalia succedentes omnia, non sine detrimento famæ recesserunt ab vrbe. Extremam partem castrorum Marchiones instanter impugnantes arma plurima, nec non & impedimēta diripuerunt in prædam.

Subiactio regis Scotorum.

Franci sumptibus tediosis afflicti, Flandrenses à suorum interemptione deterriti, damna suis illata conferebant ad inuicem. Vt ergo suæ tranquillitati prospicerent, filios Regis Anglorum ad gratiam patris reducere studuerunt, quod & factum est.

Gulielmus rex Scotorum in Normannia pago Constantiensi apud Valomas homo regis Anglorum deuenit, de Scotia, & de omnibus terris suis, fecit & homagiū Henrico filio regis & fidelitatem salua fide patris sui.

Vt filii regis Anglorum quos à sacris paternis, consilia prauorum extraxerant, pristinam familiaritatem reciperent, homagium atq; ligeantiam patri suo omnibus modis facere institerunt. Quod factum est primitus Cenomānis, à Richardo & Gaufrido, & postmodum in Normannia à rege filio apud Bur.

Reges

Reges Angliæ, quos anno præterito capere latitudo regni non poterat, confoederatos ad inuicem, nauis eadem transevit in Angliam.

Anno 1176. vniuersa castella per Angliam & per Marchiam totam ad imperium regis patris deputata sunt custodiæ.

Gulielmus comes Gloucestriæ dum filium non haberet, ægre ferens hereditatem inter filias diuidendam, Iohannem filium regis heredem instituit apud Windeshores.

Aldefonsus rex Castellæ gener regis, Sanctius rex Nauarriæ auunculus Aldefonsi discordes ad inuicem, in regem Angliæ compromiserunt, & directis in Angliam nuntiis, se staturos regis patris arbitrio iurauerunt. Sub eisdem diebus nuntium Manuelis Constantinopolitani, nuntium Frederici Romani Imperatoris, nuntium Gulielmi Remensis Archiepiscopi, nuntium Henrici Ducis Saxonici, nuntium Philippi Flandrensi comitis, quos varia trahebant negotia, tanquam ex condito simul in curia regis Anglorum conspiceret apud Westmonasterium.

Nuntii ex vtriusque regis ad Anglos.

Anno 1177. amotis ab Ecclesia Walthamensi canonicis sæcularibus, subinducti sunt regulares, auctoritate summi Pontificis sub præsentia regis patris, in vigilia Pentecostes. Rex vero regno pro voluntate disposito transfretauit in Normanniam 15. Kal. Septembris. Post hæc vtrique reges Angliæ & Franciæ huiusmodi inter se iussurandum fecerunt.

10 Ego Lodowicus rex Francorū, & ego Henricus rex Angliæ, volumus ad omnium notitiam peruenire, nos Deo inspirante promississe ac iurasse, quod simul ibimus in seruitium Christianitatis, & crucem suscipiemus ituri Ierusalem. Volumus enim, quod omnes sciāt, quod sic sumus & animo volumus esse amici, quod vterque nostrum alteri nostrum conseruabit vitam, & terrenum honorem contra omnes homines pro posse suo. Acta apud Nouancurt 7. Kalend. Octobris.

Anglia & Francia reges inuicem iurant.

Anno 1178. Rex pater Gaufridum filium suum ducem Britannię, donauit cingulo militari apud Woodstoke.

30 Anno 1179. Rogerus à collegio S. Trinitatis ad curam assumptus Monasterii S. Augustini, ab Alexandro Papa 5. Kal. Februarii Tusculani benedictionē, & in signum emancipationis indultæ, mitram, anulum, & chirothecas suscepit. Cuius prædecessores debitam Archiepiscopo Cantuariensi obedientiam per annos quingentos perante exoluerunt.

Lodowicus Rex Francorum venit in Angliam peregre visitaturus S. Thomam Martyrem, quem quondam exulantem intra Galliam Selticam pie fouit.

Anno 1180. Henricus rex filius regis reliquiis præsentibus sacrosanctis iurauit apud Radingum, quod dispositionem paternam in omnibus sequeretur.

Lodowicus rex Franciæ naturæ soluit debitum 14. Kal. Octobris. Cui successit 40 in regno Philippus filius eius.

Lodowici mort. Regi 4. annis congressus.

Anno 1181. quatuor reges pacifice ad vnum colloquium conuenerunt, & pacifice recesserunt. Philippus rex Franciæ, Rex Anglorum Henricus, Rex Henricus filius Regis Anglorum, & Gulielmus Rex Scotorum.

Anno 1182. Rex Anglorum Henricus ætatis annum inchoans 49. necessitatibus Ierosolymitanorum, quadraginta duo millia marcarum argenti, quingentas marcas auri distribuit.

50 An. 1183. Rex filius ad instantiam regis patris, Richardo fratri suo ducatum concessit Aquitaniam, dummodo Richardus homagio sibi præstito & ligantia facta, fidelitatem sibi tactis sacrosanctis reliquiis repromitteret. Ad hanc vocē Richardus vehementer excanduit, incongruum esse dicens cum ex eodem patre, cum eadem ex matre traxisset originem, si fratrem primogenitū aliqua specie subiectionis superiorem agnosceret. Rex pater hoc audiens iracundiæ calore succensus aduersus Richardum dura proposuit. Et ut ad edomandam Richardi superbiam rex filius totus insurgeret, constanter indixit. Galfridū quoque Britannię ducem, ut cum fratre suo rege, domino suo ligo fideliter staret, commonuit. Rex pater nempe parum ante iusserat filio suo regi, ut de ducatu Britannię, quem Galfridus frater suus possidebat, cum Constantia filia Conani Ducis vnica simul & herede legitima, homagium eius reciperet & ligantiam. Hoc enim vinculo debita subiectionis, de liberalitate regum Franciæ, ducibus Normannorum ab antiquis temporibus, comites siue duces Britaniæ tenentur astringi. Quod ergo pater petiit, factū est Andegauis. Sed Richardo detrectante subiici fratri suo maiori, Rex filius copiosum congregauit exercitum, ut Richardum fratrem

Pp 4 suum

*Richardus mors
subita.*

uum ad debitæ feruitutis coarctaret obsequium. Sed nequicquam. Quia quando cum fratre congregari debuisset, præcisa est veluti à texente vita eius, cum compleisset viginti & octo annos, quatuordecim septimanas & sex dies. Sepultus est Rhotomagi prope maius altare versus Aquilonem.

Anno 1185. Iohannes filius regis à patre militaribus armis accinctus in Hiberniam est transmissus.

Hibernia descriptio.

Hibernia post Britanniam omnium insularum est optima. Quæ quamuis Britannia diuitiis cedat: latitudine, salubritate, serenitate præstat. Quæ sicut versus Aquilonem breuior est, ita versus meridiem trans illius fines protenditur. Hæc autem proprie patria Scotorum est. Nam sicut legitur Ægyptiis in mari rubro submersis, illi qui super fuerunt, expulerunt à se quendam nobilem Sciticum, qui debebat apud eos, ne dominium super eos inuaderet. Expulsus ille cum familia peruenit ad Hispaniam, ubi & habitauit per annos multos, & progenies ipsius familie sue multiplicata est nimis. Inde venerunt Hiberniam post annos mille, duobus additis à transitu filiorum Israel per mare rubrum. Et de Hibernia pars eorum egressa, tertiam in Britannia Britonibus & Pictis gentem addiderunt. Pars eorum, quæ remansit in Hibernia, Nauarri vocantur, & adhuc eadem vtuntur lingua. In Hispania nempe fluuius est Hiberus, à quo dicitur Hibernia, dicuntur enim & Hibernienses.

Cum Simon comes filius Simonis comitis de Northampton sine liberis decessisset, rex reddidit comitatum Huntingdonia cum omnibus pertinentiis suis Gulielmo Regi Scotorum, qui fuit filius Henrici comitis, filius Regis Dauid, qui fuit Regis Malcolini, &c. Ab isto Malcolino reuoluunt genealogiam usque ad Noe.

Vnde Scoti dicti.

A regione quadam, quæ dicitur Sicia, dicitur Scita, Sciticus, Scoticus, Scotus, Scotia, similiter à regione quadam, quæ dicitur Getia, dicitur Geta, Geticus, Gothicus, Gotus, Ostrogotus, Witigotus.

Galfridi mors.

Iohannes filius regis Anglorum vocatus Hibernia dominus rediit in Angliam. Anno 1186. Galfridus Dux Britannia, filius Regis Anglorum, cum à natiuitate sua compleuisset annos viginti octo, diem clausit extremum. Sepultus est autem Parisiis in Ecclesia beatæ virginis intra chorum Canonorum s. in sede maiori. Reliquit autem idem Galfridus ex vxore sua Constantia filia Conani Duce Britannia, duas filias.

Sancta crux capta à Turcis.

An. 1187. Constantia comitissa Britannia, quæ maritus suus filius regis Anglorum Galfridus vita decedens reliquerat grauidam, die S. Paschæ peperit filium, quem Britones vocauerunt Arthurum. Sub eodem anno capta est S. crux à Turcis. Quo etiam anno rex Ierusalem Suido captus est, & Christiani multipliciter flagellati in terra sancta, & pene tota regio est amissa. Facta est proinde cruce signatio pene per omnia regna Christianitatis. Inter quæ reges Angliæ & Franciæ cruce signati sunt.

Boamundus proditor amens expirat.

Boamundus comes Tripolitanus elapsis diebus 15. postquam capta fuit Ierusalem proditoris reus, amens factus est, & expirauit.

Richardus Pictauiorum comes petiit à patre suo, quatenus sororem Regis Franciæ sibi daret in vxorem in colloquio habito inter reges, & terram suam sibi velut hæredi suo faceret iuramento firmari. Quod etiam peti fecit per regem Francorum. Rex Anglorum respondit, se nullatenus hoc facturum in tali statu, quin hoc potius videretur coactus facere, quam spontaneus.

Rex Francorum dominia Angliæ occupat.

Anno 1189. post Pascha inter reges Francorum & Anglorum, & comitem Pictauiorum bis habitum est colloquium prope feritatem Bernardi. Sed tandem inimici adinuicem recesserunt. Rex Francorum & comes copiis vndique congregatis, infra paucos dies, feritatem Bernardi, montem fortem, Baalum, Bellum montem, factis irruptionibus occupauerunt. Et à municipalibus circumquaque comiti Richardo sit deditio castellorum. Multique proceres & magnates ad eundem comitem transfugerunt.

Pax inter Angliam & Franciæ reges.

Rege Angliæ Cenomannis residente, appropinquabant rex Francorum & comes Pictauiæ cum armatorum multitudine. Rex vero Anglorum quamuis militum copiam maximam haberet paratam ad resistendum hostibus, præcauens tamen obsidione vallari, reliquit Cenomanniam sufficienter refertam victualibus. Quam Rex Francorum & comes Richardus ingressi, recepti sunt in Ecclesia maiori cum processione solemni. Post diem decimum turris ciuitatis de mandato regis Anglorum regi Francorum reddita fuit. Tandem pax inter tantos principes magnorum consilio reformata est. Et rex Angliæ munerauit regi Francorum 20. millia marcarum, expensarum nomine, quas fecerat circa castrum Radulphi, vt firmior pax haberetur: facta sunt hæc in vi-

in vigilia Apostolorum Petri & Pauli. Postmodum Rex Anglorum homagium fecit Regi Francorum. Et quicquid in Armenia vel ipse vel antecessores sui possederant, quietum clamavit Regi Francorum.

Deinde rex Anglorum ad Chinonem venit, & tactus dolore cordis intrinsecus maledixit diei in qua natus fuerat. Et sic in dolore positus & cordis angustia infra tri-
 duum post pacem factam diem clausit extremum. Sepultus est autem apud fontem Ebrandi in monasterio monialium, quod ipse fundauerat, & multipliciter ditauerat. Turonensis & Treuerensis archiepiscopi celebrauerunt diuina, Richardus Comes interfuit. Et quoniam sepe viuens dixerat, vniuersum orbem vni non sufficere pro voto
 10 principi, inscriptio tumuli illius talis fuit. Sufficit hic tumulus, cui non suffecerat or-
 bis. Res brevis est ampla cui fuit ampla brevis. *Regis mors. Epitaphium tumuli regis.*

Richardus comes Pictauorum dispositis omnibus, quæ tam ad pacem quam securitatem Aquitanix vel Andegauix, vel Turonix seu Cenomannix spectare potius videbantur, intrauit Normanniam, & apud Sagium inueniens archiepiscopos Cantuariensem & Rhotomagensem, quia post fidem susceptam arma mouerat contra patrem, à prædictis archiepiscopis beneficium absolutionis accepit. Inde Rhotomagum veniens, ab archiepiscopo Rhotomagensi tam ensen quam vexillū de ducatu Normannix proceribus multis præsentibus, in Ecclesia beatæ virginis ante maius altare suscepit. & inde tendens in Angliam apud Wintoniam in assumptione beatæ virgi-
 20 nis, solemniprocessionereceptus est.

Ad vocationem archiepiscopi Cant. conuenerunt suffraganei ecclesiæ supradictæ Londonias ad coronationē noui regis. Richardus igitur hereditario iure promouendus in regē, inuolutus est triplici sacramēto, s. quod opem impendet pro viribus, vt ecclesia Dei populusq; Christianus veram pacē obtineret. Quod interdicet omnibus rapacitatem. Et quod in iudiciis æquitatem præcipiet & misericordiam. Cantuariensis archiepiscopus celebrauit diuina, Radulphus de Diceto, qui scripsit hæc, Londoniensis ecclesiæ decanus tam in oleo quam in chrismate ministrauit Archiepiscopo, quia tunc temporis vacabat ecclesia Londinensis. *Richardus coronatio.*

Rex Scotiæ Gulielmus, Cantuariæ fecit homagium regi Richardo.

30 A tempore crucis susceptæ per reges Franciæ & Angliæ decimatio generalis rerum mobilium facta per Angliam, ad subuentionem terræ Ierosolymitanæ, tam cle-
 rum quam populum exactione violenta perterruit, sub eleemosynæ titulo vitium rapacitatis includens. *Exactio grani ad terram sanctam.*

Anno 1190. 4. idus Aprilis Rex Richardus cruce signatus ascendit nauem cum exercitu suo apud Messanam, habens secum naues 150. & galeas triginta nouem, aliaque vasa multa.

Anno 1191. Rex Richardus applicuit in Cipro apud Limezim. Cursac autem dominus terræ, qui se vocabat imperatorem, occurrit ei cum manu forti portum prohibiturus, & quamplurimos hominum suorum afflictos afflixit, spoliauit naufragos, &
 40 in carcere inclusit fame perituros. Quem captum rex Richardus & vinctum in castello prope Tripolim retrudi præcepit. Inierat autem cum rege pactum prædictus Cursac, ne ferreis detineretur in vinculis. Quod rex obseruans, eum compedibus arctari fecit argenteis, filiam autem eius vnicam secum retinuit cum duabus reginis in thalamo honorifice custoditam. *Cursac compedibus argenteis arctatus.*

Situs Cipri talis est: Primo venit ad Paphum, quæ caput est regionis versus
 meridiem. Secundo venit ad Limezim. Tertio venit ad Famagust, dictam quasi ciuitatem Augusti. Postea caput S. Andreæ versus septentrionem extenditur, & e regione respicit Armeniam. Postea venit ad Cheri, quo naues ascendunt Ierosolymam visitaturi. Rex Francorum applicuit apud Acon in Paschalibus diebus die Sab-
 50 bati 12. Kal. Aprilis. *Cipri sum.*

Rex Anglorum Richardus habens in comitatu suo 13. magnas naues, quas Bucas vocat triplici velorū expansione notabiles, dum sulcarent æquora: habens & centum naues onerarias, & 50. galeas triremes, se vento comisit apud Ciprum, & inter nauigandum nauem quandam, quam Saphadinus Saladini frater Babylonix dominus sumptibus magnis extruxerat, vt Saracenis apud Acon obsidione vallatis succursum præstaret, casu fortuito velificatē aspexit, refertam omni genere victualium, armis bellicis ad quoslibet subeundos congressus instructam, ignis Græci, serpētium ignitorum plena vasa plurima continentem, sicut dicebatur hominum mille quingētorum suffragio roboratam. Instructis igitur in articulo temporis omnibus ad proeliū nauale
 necessa-

*Richardus Rex
cum magna clas-
se nauis Acon.*

necessariis, galearum concursu circa nauem, acerrimus vndiq; fit insultus, quæ venti destituta suffragio stabat immobilis. Quidam itaq; remigantiû, subtus aquas accessit ad nauem, & eam terebro perforauit. Rediensq; ad galeam incolumis, sua resedit in sede. Modico tractu temporis aqua subintrans, omnia tabulata trāscendit, & hominibus, qui prius in propugnaculis confidebant, euadēdi spem omnem prorsus abscidit, quorum mille trecentos, Richardus rex Anglorû in mari mergi præcepit, reseruando ducentos. Tertio die post hæc rex intrauit portum Acon, 6. Idus Iunii. Cum igitur duo reges circa ciuitatem machinas erexissent, & magnitudine lapidum muros penitus attriuisent, Saraceni versi sunt in stuporem nullam habentes fiduciam resistendi. Qui communicato cum suis consilio, cæperunt tractare de pace talibus initis pactionibus. Quod Saladinus sanctam crucem certa die restitueret, & Christianos captiuos mille quingentos, quos habebat in vinculis, liberos abire permetteret. Sic ciuitas cum armis & impedimentis Saracenorum, saluis tantum corporibus ipsorum regibus duobus fuit reddita 4. Idus Iulii. Sed veniente die statuto Saladinus nihil horum quæ promiserat adimpleuit. In cuius perfidiæ ultionem circa duo millia secenti Saraceni decapitati sunt. Subiugata ciuitate rex Francorum ad propria redire proposuit, quasi toto negotio consummato. Quod audiens rex Anglorû quicquid in argento vel auro, quicquid in victualium cōgregatione, quicquid in armis vel equis, vel nauibus congregauerat, se pro parte dimidia regi Francorum tanquā domino suo communicaturum obtulit, & sub quauis securitate firmiter repromisit. Sed nequicquam, toto Christianorum exercitu de eius recessu grauiter cōsternato, cum paucis suorum repatriaturus nauem ascendit. Post recessum Regis Francorum, Rex Anglorum Richardus reparatis ciuitatis Acon ruinis muris fossatis, versus Ioppen iter arripuit. Et cum eo dux Burgundiæ cum suis Francigenis, & cum eo multi comites & barones, & populus innumerus. Sed antequam Rex venisset ad Ioppen, Saladinus imperum fecit super ultimam aciem Christianorum, qui fauente diuinæ miserationis gratia, in vigilia natiuitatis beatæ Mariæ prope Assur tantam stragem de nobilioribus Saracenis fecerunt, quantam Saladinus annis 40. transactis antea non sustinuit vna die. Deinde domino ducente Rex Anglorum Ioppen peruenit, eandemq; villam fossatis & muro firmavit.

Saladinus vincitur à christianis.

Francorum regis perfidia.

Ann. 1192. Rex Francorum à finibus Ierosolymitanis rediens 6. Kal. Ian. Parisiis solemni processione receptus est. Qui immemor beneficiorum regis Richar. & iuramenti sibi præstiti, quod suis aut terræ suæ non noceret, quandiu rex Richard. in peregrinatione maneret nec iret post reditum suum in terram suam ante dies 40. exactos, statim tamen in reditu suo terras regis Richardi inuasit.

Richardus periculum de Turcis.

Rex Richardus cum die quadam spatium fuisset egressus iuxta Ioppen cum paucis familiaribus & Falconibus suis, fatigatus ex itinere in loco quodā sub dio dormiuit. Et ecce repente cum impetu irruerunt Turcæ, vt ipsum comprehenderent improuisum. Qui ex aduenientium strepitu expergefactus, equum ascendit, & extracto gladio cum suis Turcis obuiam procedit. Quos fugam simulantes insequitur vsq; ad locum insidiarum ipsorum. Vbi subito erumpentes plurimi, regem cum paucissimis de suis circumdederunt, quem tunc destitutum auxilio comprehendissent, si eius plenam notitiam habuissent. Sed ecce confuso certamine contendentibus vnus sociorum regis nomine Guliel. de Pratellis exclamauit idiomate Saraceno se regem esse affirmans. Quod Turcæ credentes, ipsum Guliel. comprehensum confestim ad suum exercitum deduxerunt captiuum. Fama facti perueniens ad exercitum ipsos ad arma commouit. Qui dum progrediuntur regem quæsituri reuertenti occurrunt. Abierāt enim Turcæ longius putantes se regem abducere, cuius 4. socii in bello ceciderant interfecti.

Amicum vtrum.

Saraceni intercepti.

Caterua Saracenorum dum à Babilonia tenderet Ierusalem, armis abundans, & omni genere victualium intercipitur à Christianis. Quod quisq; Francorum diripuerat, suos cessit in vsus, quod templares, quod hospitalarii, quod exteræ gentes inuaserant, cessit ad arbitrium regis Anglorum.

Ioppe capta recuperatur.

Pridie idus Maii rex Anglorum veniens ante Darum, castellum obsedit, & infra 5. diem capto castello plusquam 5 millia hominum captiuauit.

Pridie Kal. Augusti captum fuit oppidum Ioppe à Saracenis. Quod mox Kalen. Augusti rex Richardus recuperauit.

Rex Richardus pro Gulielmo de Pratellis redimendo, qui se capi fecerat pro rege suo, decem de nobilioribus Turcis commutauit.

Inducia Turca-

Hinc inde datæ sunt induciæ inter Christianos & Saracenos à Pascha sequente per

per 3. an. per 3. menses, per 3. ebdomadas, & 3. horas. Die festo S. Michaelis dux regine, tam Angliæ quæ Siciliæ nauē ascenderunt apud Acon. Rex vero nauem ascendit die festo S. Dionysii, & post longā nauigationē infausto omine terrā ducis Austriæ subintravit. A quo captus est in ciuitate, quæ Wena dicitur 13. Kal. Ian. Habebat autē dux eum exosum pro morte Marchisi ducis Tiri, de qua suspectum habebat regē Rich. De hac tamen morte princeps Assesmorom, à quibus interfectus est Marchisus, regem Rich. literaliter excusauit. Limpoldo duci Austriæ vetus de monte salutem. Cum plurimi reges & principes vltra mare Richardum regem Angliæ & dominum, de morte Marchisi inculpent, Iuro per dominum, qui regnat in æternum, & per legem, quam tenemus, quod in eius morte nullam culpam habuit. Et siquidem causa ipsius Marchisi talis. Vnus ex fratribus nostris in vnam nauem de Sateleia ad partes nostras veniebat, & tempus illum forte ad Tirum appulit. Et Marchisus fecit illum capere & occidere, & magnam pecuniam eius rapuit. Nos vero Marchiso nuntios nostros misimus, mandantes, vt pecuniam fratris nostri nobis redderet, & de morte fratris nostri nobiscum se concordaret, & noluit, necnon & nuntios nostros spreuit. Et mortem fratris nostri super Reginaldum dominum Sidonis posuit. Et nos tantum fecimus per amicos nostros, quod in veritate scimus, quod is fecit illum occidere, & pecuniam rapere. Et iterum alium nuncium nostrū nomine Edrisum misimus ad eum, quem in mari mergere voluit. Sed amici nostri illum à Tiro festinanter fecerunt recedere. Qui ad nos cito peruenit, & ista nobis nuntiauit. Nos quoque ex illa hora Marchisum deliderauimus occidere. Tuncque duos fratres misimus ad Tirum, qui eum aperte & fere coram omni populo Tiri occiderunt. Hæc ergo fuit causa mortis Marchisi, & bene dicimus vobis in veritate, quod dominus Richard. Rex Angliæ in hac Marchisi morte, nullam culpam habuit, & qui propter hoc domino regi Angliæ malum fecerunt, iniuste fecerunt, & sine causa. Sciatis pro certo, quod nullum hominem huius mundi pro mercede aliqua vel pecunia occidimus, nisi prius nobis malum fecerit, & sciatis, quod literas fecimus in domo nostra ad castellum nostrum Messiat, in dimidio Septembris, an. ab Alexandro 1505.

Anno 1193. Iohannes comes Moritonii cum audisset fratrem suum regem tenentum in vinculis, illectus est spe magna dominatum regendi. Multos itaque per totum regnum alliciens plurima promittebat, munitionibus suis celeriter obfirmandis sollicitus intendebat. Mare transiens fœdus iniit cum Rege Francorum, vt Arthurum ducem Britannię nepotem suum, ab ea spe, quam Britones super eius promotione conceperant, prorsus excluderet.

Feria tertia post ramos Palmarum Dux Austriæ regem Angliæ tradidit imperatori Romano sub pactione pecuniæ persoluendæ. Postmodum vt imperator ad immoderatam pecuniæ quantitatem nomine redemptionis soluendam regem Anglorum terroribus & exemplis impelleret, eum retrudi præcepit in loco qui Triuallis dicitur. A quo carcere nullus ante dies istos exiuit, qui victus ibidem intrauit. De quo dicit Aristoteles libro 5. bonum est mactare patrem in Triuallis: de quo loco rursus metricè scriptum est. Sunt loca, sunt gentes, quibus est mactare parentes, vel mos, vel pietas, cum sera superuenit ætas. Hoc enim non fortuito, sed vltione diuina prouisum est, & salubriter ordinatum, vt Richardus rex ad pœnitentiā & satisfactionem congruam reuocaretur, super excessu, quo patrem suum carnalem s. Henr. regem decumbentem in lecto, tam auxilio quam consilio regis Francorum apud urbem Cenomannicam obsidione vallauit. Et licet eum ferro non mactauerit, eum tamen crebris & sœuis assultibus compulit inde recedere.

Totius Alemanniæ magnates apud Warmaciam conuenerunt, vbi tractatum est de redemptione regis Anglorum. Tandem sub audientia plurimorum propalatum est pretium appretiati, quem appretiauit Henricus imperator Romanus, ab Austriæ duce Limpoldo s. 50. millia marcarum argenti. Sed vt Imperator egregius fenerator legitimarum vsurarum summa, quæ per annum æquiperantur sorti per vnum diem in duplum excederet, 100. millia marcarum sibi suo tempore soluendarum extorsit à Rege.

Summa igitur redemptionis regis Anglorum, 100. millia librarum argenti, ad pondus Coloniz, monetæ publicæ & probatæ. Quæ pecunia certis temporibus & distinctis, 50. datis obsidibus persolvebatur.

Cum de redemptione regis agendum sit, proferamus in medium, quam deuotionem ei sui fideles exhibuerunt incipientes à domo dei. Maiores quidē ecclesiæ thesau-

*rum cum Christianis.**Rich. captus.**Littera Richardi infontem absolventes.**Ioannis defectio à fratre.**Richard. in carcerem conicitur.**Redemptio regis.**Subditi & libera litæ ad regem redimendum.*

ros ab antiquis congestos temporibus, Ecclesię parochiales argenteos calices promiserunt. Statutum est insuper assensu communi, Archiepiscopos, Episcopos, Abbates, priores conuentualium ecclesiarum, comites, barones, 4. partem annuorum reddituum, monachos Cistercienses, canonicos ordinis albi totam lanam vnius anni, clericos viuentes de decimis decimam partem de redditibus proueniẽtem persolvere.

Anno 1194. rex prospero cursu tendens in Angliam 13. Kal. Aprilis, cum exultatione magna tam cleri quam populi, processione solemnı receptus est, in Ecclesia S. Pauli Londoniis.

Regis cura in ecclesiis.

Cum rex Richardus aduertisset, nonnullas Ecclesiarum campestrium argenteis carere calicib. & didicisset eos redemptionis suę occasione sublatos, hoc sibi tãquam reo imputans ad culpam, quod diuina minus digne in hac parte celebrarent officia, iussit fieri per loca diuersa calices quamplurimos, & eos ecclesiis indigentibus distribui sine mora.

Richardi magnanimitas.

Cum autem apud Westmonast. in aula sua, quę dicitur parua die quodam pranderet, accepit rumores, quod Philippus Francorum rex ingressus Normanniam, Vernolium oblideret, quo audito, iurasse fertur, se nunquam auersurum faciem, quousq; regi Francorum occurreret pugnaturus. Vnde effracto muro ẽ directo per aperturam factam, cuius vsq; hodie vestigium ostenditur, egressus accelerauit ad mare & in Normanniam transfretauit. Vbi obuium habens Ioannem fratrem suum, eidem misericordiam petenti super commissis culpam incunctanter indulgendo, hoc dicitur respondisse: vtinam apud me delictum tuum in obliuionem transeat, ita quod apud te permaneat in memoria quod fecisti. Tendens Vernolium audiuit regem Francorum castellum obsidione vallasse, & per dies 8. obsessos indicibiliter afflixisse. Cumq; Rex Francorum audisset, quod rex Anglorum in crastino superuenturus esset, accinctus ad prœlium, timore perterritus potius elegit fugere quam pugnare, & sub omni festinatione, non sine damno & opprobrio recessit a castris.

Francorum Regis fuga.

Postquam rex Francorum recessit Vernolio, rex Anglorum veniens Turonis, à castelli noui Burgensibus, vbi requiescit beatus Martinus, duo millia marcarum xeniorum nomine suscepit nulla coactione prœmissa.

Prada in Francorum regem.

Rex Francorum fines intrans Turonię, prope Vindocinum fixit tentoria. Quo cum regem Anglorũ cognosceret superuenisse, summo mane tentoriis auulsis cum festinatione recessit. Rex autem Anglorum eum subsecutus est, & quadrigas ipsius, comitum, & baronum & magnatum sub eo militantiũ, impedimenta tota sub captione conclusit. Aurum & Argentum in scriniis & in aliis locis repositum, tentoria quoque, balistas, & res innumeras, quarum æstimatio crescit in immensum, sine damno suo cepit, secumq; reduxit. A festo Pentecostes, quo rex Francorum Philippus à Vernolio nocte recedens, fuga sibi consuluit, elapsi sunt dies 37. ad illum vsq; diem, quo quiescens prope Vindocinum exterritus summo mane cum graui iactura suorum, castellum Duni tremefactus recessit.

Rex Anglorum potitus victoria transiit in Pictauiam, & intra paucos dies Tailburgh, & totam terram Gaufridi de Rancina, totam quoq; terrã comitis Engolismen-
tium sua sub potestate recepit, vt à castello Vernolii, quousq; veniatur ad crucem Karoli, nullus ei rebellis extiterat.

Rex pede truncatur.

Anno 1195. Limpoldus Dux Austrię in die S. Stephani, cum apud Gramni dies natalitios celebraret, & iuxta consuetudinem regionis, sui corporis agilitatem inter suos commilitones ostenderet, militaribus armis accinctus, flexis in girum frenis, equo cecidit, & pedis attritione subita fauciatus ad necem, arctissima tandem necessitate compulsus, consilio medicorum pede truncatus est, vt qui Regis Anglorum Richardi Ierosolyma redeũtis, & crucis adhuc mortificationem in suo corpore gestantis, & animum habentis ad terram sanctam redire pedes constrinxerat, nec licentiam abeundi quo vellet, habere permetteret, in ultionem tanti facinoris pede proprio mulctaretur.

Inundatio aquarum Parisius.

Anno 1196. aquarum inundatio subita, vehemens, & fluctibus procellosis inuoluens omnia circa Sequanam adiacentia tam lignea quam lapidea, Philippum Regem Francorum, Mauritium Parisiensem Episcopum commorantes Parisius, non parum exterruit. Vnde rex relinquens palatium cum domestica familia pernoctare decreuit apud S. Geneuesam. Episcopus vero vt sibi prouideret, & suis apud S. Victorem quieuit.

An. 1197. Marcadeus miles Soldarius Richardi regis Brabantinorum vallatus ca-
teruis,

teruis, cepit Philippum Beluacensem episcopum, Gulielmum de Merlow, & multos alios iure belli. Qui videlicet Episcopus erat in armis vir strenuus, & regis Francorum consanguineus, homo Marti plus deditus, quam cultor martyrum. Quem in concaptiuis durissimis constrictum vinculis, transmisit Rhotomagum.

Episcopus in armis strenuus.

Richard. rex aduertens villam Andeliaci & quasdam alias adiacentes ad ius ecclesie Rhotomagensis pertinentes, hostium irruptionibus nimium oportunas, commutationem fecit cum archiepiscopo, & dicta ecclesia, dans pro dictis villis molendina sua apud Rhotomagum, ita quod archiepiscopus soluat eleemosynas de eis ab antiquo statutas, villamq; de Deepe, & villam de Buffeles, ita quod soluat eleemosynam assignatam, 372. libras Andegauensis monetæ. Dedit eis autem manerium de Loueres & forestam de Alermound, cum feris & omnibus pertinentiis aliis.

Gualterus Mape (de quo multa referuntur iocunda) ex præcentore Lincolnien- si, Oxoniensis archidiaconus est effectus. Richardus rex apud Audeliacum castrum construxit insigne.

An. 1198. Hubertus Cantuar. archiepiscopus auctoritate fultus Apostolica, clericos, quos Hugo Cestrensis Episcopus eiectionis monachis apud Couentriam posuerat, reintroduxit monachos. Ad quorum supplementum septem monachi monasterii S. Albani illuc destinati sunt, vnde contigit illa duo monasteria arctissima familiaritate coniungi, & indissolubili fœdere adiuuari.

Monachi restituti.

Richardus rex Angliæ intrauit terram Regis Francorum cum magno exercitu, & cepit castellum de Curtell, & de Burriz, & castrum Sirefontanum. Die crastina rex Francorum venit de Mantua cum quadringentis militibus, & multis aliis, ad succurrendum dicto castro de Curtellis, quod non putauit esse captum. Rex igitur Anglorum, ex quo eum venire cognouit, insecutus est eum in fugam conuersum, & in tanta districtione posuit in portam Gisortii, quod pons fractus est sub eo, submersis de suis viginti militib. Ipseq; rex nisi attractus fuisset à custodibus Gisortii, fracto sub eo ponte submersus fuisset. Interim Rex Angliæ propria lancea prostrauit tres milites, & captos detinuit. Capti sunt cum eis insuper vsque ad centum milites, & seruientes, quorum non est numerus. Ducenti quoque capti sunt dextrarii, quorum 27. cooper-
ti sunt ferro.

Regis Francia periculum in fugando.

Regis Angliæ prada.

An. 1199. Richardus rex cum militem quendam super inuentione thesauri conuenire voluisset, ille veritus seueritatem regiam ad vicecomitem Lemonicensem fugit. Qui rogatus à rege vt militem redderet cum parere neglexisset, rex terras eius ingressus, castrum quoddam, quod Caluca dicitur, iuxta Lemonicas obsedit, ac fortiter impugnavit, 17. vero Kal. April. dum castrum considerando circuiret inermis, subito balistæ iaculo in humero sinistri læthali cõfoditur vulnere, à quodam milite, qui Petrus Basili dicebatur. Sequentibus diebus 11. languens ex vulnere, die 12. octauo videlicet Idus Aprilis ætatis suæ anno 42. diem clausit extremum. Hic propter magnanimitatem cordis cognominatus est ab Anglicis & Normannis cor leonis. Sepultus est apud fontem Ebrandi in monasterio monialium ad pedes patris sui Henrici regis, cum regnasset annis 9. mensibus totidem, sexq; diebus.

Richardus balistæ iaculo peris.

Iohannes filius iunior Henrici 2. regis Anglorum ex Alienora ducissa Aquitanie, non modo iure propinquitatis, sed in testamento fratris sui Richardi designatus successor, post mortem eiusdē anno dom. 1199. regnum obtinuit Anglicanum. Hic à patre Iohannes sine terra cognominatus est, quia fratrib. eius ad amplis. honores sublimatis, puta Henrico in Regem Angliæ coronato, Richardo Aquitanorū, & Galfrido Ducatu Britannico insignitis, ipse nihil habebat, quanquam postea ditatus fuerat Comitibus Moritonie in Normannia, & Glouernie in Anglia, collatis insuper à patre terris omnibus in Hibernia conquestis. Triginta duorum erat annorum, cum in Octauis Paschæ apud Rhotomagum Ducatus Normannici gladio cingeretur. In Angliam vero veniens infra octauas ascensionis apud Westmonasterium coronatus est. Porro Philippus Francorum rex defuncto rege Richardo omnia quæ libuit sibi licere reputans, non deferens induciis, quas iuramento firmauerat, Normanniam ingressus cepit urbem Ebroicam: tertasq; regis Angliæ vsq; Cenomannicam vndiq; deuastauit.

Iohannes fratri in regno succedit.

Arthurus autē nepos regis Iohannis ex fratre Galfrido duce Britannie aspirans ad regnum Angliæ, regi Francorū Cenomannis occurrit cum manu valida Andegauensium, & pro comitatu Andegauie eidem fecit homagium. Alienora quoq; regina pro Ducatu Aquitanie, quæ iure possedit hereditario, eidem Regi homagium fe-

Qq

cit

*Rex Scotia ho-
magium facit.*

cit cum Turonis aduenisset. Iohannes rex coadunato exercitu magno in Norman-
niam transfretauit. Sed cito post in Angliam rediens, apud Lyncolniam in conspectu
totius populi Regis Scotorum suscepit homagium, qui super crucem Cantuariensis
archiepiscopi fidelitatem iurauit eidem.

*Pax firmata in-
ter Angliā &
Franciæ reges.*

Anno 1200. Iohannes rex iterum in Normanniam transfretauit, vbi inter reges
in forma subscripta pax & concordia reformatur. Restitutis nempe regi Angliæ ciui-
tate Ebroica cum toto comitatu, castellis, pagis & prædiis, quæ rex Francorū occupa-
uerat violenter, præstitoq; à rege Angliæ homagio regi Francorum, & eidē fidelitate
iurata: Lodowicus regis Franciæ primogenitus nobilem puellam Blanchiam nomi-
ne, Hildefonsi regis Castelli filiam, Regis Angliæ ex sorore Alienora neptem accepit
vxorem. Cui rex Iohannes concessit omnes munitiones & possessiones à rege Fran-
corum sibi nouiter restitutas, annuens etiam eidem omnes terras suas, quas in regno
Franciæ possidebat post decessum suum, si absq; herede de corpore suo contingeret
eum mori. Firmata inter reges pace & concordia, Arthurus comes Britannia patruo
suo regi Iohanni regi Angliæ fecit homagium pro comitatu Britannia, qui spectat ad
feodum ducatus Normannia, & aliis terris suis, quas in Anglia vel Aquitania ducatu
habebat.

*Arthurī homa-
gium.*

*Iohannes rex v-
xorem ducit.*

Eodem anno Ioannes Rex vxorem accepit Isabellam comitis Engolismensis fi-
liam & heredem, quæ 8. idus Octobris coronata est Londoniis in reginam. Hanc fe-
runt quidam prius vicecomiti Toartensi Hugoni Brun nupsisse, ipsumq; propter vxorē
violenter ablatam à fidelitate regis Angliæ discessisse.

*Rex Francorum
occasione quarit
fœderis infrin-
gendi.*

An. 1201. Iohannes rex Angliæ venit Parisiis, & honorifice à rege Francorum re-
ceptus est, & donatus variis donis pretiosis. Tenuis tamē inter eos erat amicitia, quia
rege Anglorum vxorato, euacuata videbatur illa sponsio, quam de terris suis in regno
Franciæ fecerat Lodowico. Vnde non multo post habito inter reges colloquio inter
Vernonam & insulam Andeliacæ, rex Francorum occasiones quærens fidei non ser-
uandæ, & iniri fœderis infringēdi, regē Angliæ submonuisse fertur, vt Parisiis in quin-
dena Paschæ compareret super hiis, quæ aduersus eum proponeret pro ducatu Aqi-
tania, comitatuq; Andegauia responsurus.

*Iohannes Arthu-
rum nepotem su-
perat.*

Æstate sequenti rex Francorum Philippus hostiliter ingressus est Normanniam, 30
vbi munitiones quasdam cepit, & villas subegit. Et vt acriores Regi Angliæ inimicitias
concitaret, Arthuro nepoti eius militaribus armis cincto, comitatum Britannia tra-
didit, præcipiens vt Pictauiensium & Andegauenium sibi comitatus acquireret, tra-
dens ei 200. in subsidium milites, & largiens eidem pecuniæ magnam summam. Io-
hannes rex vndiq; laceratus iniuriis, relumpto animo in Arthuro nepotem, quem
domesticum hostem ferebat grauius, & fautores eius, quorum præcipui erant, Hugo
Brunus & Galfridus de Ladimano conuertit exercitum. Quos bello victos & obsessos
ad deditionem coegit. Cepit etiam postea vicecomitem Lemonicensē, aliosque
quampures, qui ab eius fidelitate descuerant, Arthuroq; adhærētes. Quorum non-
nullos transmisiit in Angliam per diuersa castra seruandos, quosdam acceptis obsidi-
bus remisit ad propria. Arthuro vero misit Rotomagum sub arctiori custodia deti-
nendum. Ob istam victoriam multi putant sibi conuenire illud Merlini fatidici. Ca-
pite Leonis coronabitur: & iterum illud. Linguas taurorum abscindet, & colla rugi-
entium onerabit catenis.

Anno 1202. Iohannes Rex Philippum Beluacensem Episcopum, quem captum
in prælio supra rerulimus, diebus Richardi Regis, à custodia liberauit, & ad propria
redire permisit.

Philippus rex Francorum in exheredationem Regis Angliæ totis viribus labo-
rans, ingressus Aquitaniam, cepit munitiones militum Pictauiensium, Britonumque
fauore.

Papa Innocentius pro pace inter reges reformanda misit abbatem de Casa Ma-
rii, qui adiuncto sibi abbate trium fontium, autoritate apostolica præcepit vtriq; regi,
vt conuocatis Episcopis & principibus regni, salua vtriusq; iustitia pacem facerent.
Et abbatias ceterasque ecclesias per eorum bella destructas in statum debitum re-
pararent.

*Philippus Nor-
manniam vastat.*

Philippus Rex non obstante apostolico mandato Normanniam ingreditur, &
Rudipontem obsidens, expugnauit & cepit, castrum quoque Gaylardi, quod in ex-
cellsa rupe super Sequanam fortissimum Richardus Rex firmauerat, sex mensium ob-
sisione subegit.

Hoc

Hoc anno, vt à plerisq; traditur, cæpit Tartarorum dominium. Qui sub montibus Indiæ in regione Tartara constituti, Dominum suum regem Indiæ Dauid nomine, filium Iohannis præbyteri occidentes, ad deprædationem processerunt aliarum terrarum. *Tartarorum domini origo.*

Anno 1203. Arthurus Rhotomagi moritur, de cuius morte Regem Iohannem quidam eius æmuli infamauerunt. *Arthurus mors.*

Rex Iohannes obsides Pictauiensium propter eorum falsitatem suspendi fecit.

Philippus vero rex Francorum à captis non desistens, castra Normannica & totam fere terram circumpositam vsq; ad montem Michaelis in suam ditionem accepit. *Normanni ad regem Francorum desciscunt.*

10 Normanni à fidelitate regis desciscentes, regisq; Francorum fauorem quærentes, ciuitates & castra cõmissa suæ custodiæ sine vlla resistantia reddiderunt, videlicet Constantiam, Baiocas, Luxonium, Abrincas cum suburbanis & pagis. Iamq; nihil regi Angliæ in Normannia fraudibus suorum à se alienata remansit, exceptis ciuitate Rhotomagi & duobus castris Vernolio atq; Archis.

Iohannes rex Alienoram sororem Arthuri in Angliam transtulit, quæ in castro Bristolliæ honorifice exhibita ibidem consenuit. Mater eius Constantia heres Britannia post mortem viri sui Galfridi, nupsit Guidoni de Toarto. Qui de ea vnicam filiam generauit. Quam postea duxit Petrus Roberti comitis Drocharum filius cognomento Manclerk, accipiens cum eadem Britannia comitatum.

20 Anno 1204. Alienora Ducissa Aquitannia, mater Regis Angliæ ex hac luce migravit. *Alienora mors.*

Ciuitas Rhotomagensis à Gallicis obsessa, cum iam fere per annū se fortiter defendisset, de subsidio desperans regis Angliæ, Philippo regi Francorū se reddidit. Qui statim muros eius diruens, ne vnquam reedificaretur in posterum, ciuib. interdixit. Redditis etiam duobus castellis Archis & Vernolio, totam ex integro Normanniam habuit subiugatam. Nec hiis rex Philippus contentus vltius progreditur, & Cennanniam, Turoniam atq; Pictauiam sine difficultate occupat, nemine resistente. Capta est etiam dolose ciuitas Andegauensis à Guliel. de Rupibus, ducente milites suos armatos sub capis, velut fuissent mercatores ad nundinas accedentes. *Rhotomagus capitur.*

30 Anno 1205. Philippus Francorum rex captis fortissimis castris, Archis & Chino-ne à dominio Andegauia & Turonia exclusit totaliter regem Anglorum.

Anno 1206. Iohannes rex Angliæ in Aquitania transfretauit, & innumeras apud Rupellam copias secum duxit. Sed adueniente illuc rege Francorum cum exercitu abiq; confictu munita villa in Angliam remeavit.

Hoc tempore clericus quidam Walo nomine à Constantinopoli rediens, faciem S. Iohannis Baptista secum deferens, eam reposuit Ambianis. *Facies S. Iohannis Baptista.*

S. Dominicus fere per decennium in continuatione prædicationis perseuerauit contra hæreticos Albigenes.

40 Monachi Cantuarienses in electione futura Pontificis discordes, alii magistrum Reinerum superiorem suum, alii Iohannem de Graye Norwicensem Episcopum elegerunt. *Contestio monachorū de archiepiscopi electione.*

Anno 1207. Innocentius Papa cassatis vtrisque electis, Cantuar. ecclesiæ magistrum Stephanum de Langton tituli S. Chrisogoni præbyterum cardinalem, postulantibus monachis, eidem ecclesiæ præficiens, in archiepiscopū cõsecrauit. Super quo indignatus rex Iohannes, qui partem Norwicensis omni conatu fouebat episcopi, per Falconem de Cantilupo, & Petrum de Cornehull monachos de suo monasterio expulit, & Stephano archiepiscopo ne accedendo ad suam Ecclesiam intraret, Angliam interdixit. Quinimo prælatos tam maiores quam minores, clericos quoq; quoscunque fauentes archiepiscopo coegit in exilium, rebusq; eorum omnibus confiscatis. *Stephanus Langton interdictus Anglia.*

50 Per id tempus dux Saxonie Otho in regem Romanorum quamuis discordia electus, in Angliam ad regem Iohannem auunculum suum venit. Pro cuius subsidio rex Angliæ & à clericis & laicis 13. partem bonorum extorsit. *Otho fit rex Romanorum.*

Philippus Francorū rex in exheredationem regis Angliæ non agens segniter, vt qui prædatur non prædaretur, multas ei in Aquitania muntiones abstulit.

Eodem anno apud Wintoniam in die S. Remigii natus est regi Iohanni filius, quem vocauit Henricum nomine patris sui. *Regi natus filius.*

An. 1208. Anglia per Papam Innocentem interdicto supponitur 11. Kal. Aprilis, exsequentibus Papale mandatū, Gulielmo Londoniensi, Eustachio Eliensi, & Malgero Wigornienti Episcopis, quia rex Iohannes archiepiscopum Stephanū ad suam ecclesiam

clesiam accedere non permisit. Qui tempore sui exilii mansit in monasterio Pontiacensi, beati Thomæ martyris vestigia imitatus.

Otho dux Saxoniz nepos regis Angliæ ex sorore regnum Alemanniæ pacifice obtinuit, Philippo Suauiz, qui cum Othone diu contenderat de imperio, à Landegraui Turingiz interfecto.

Anno 1209. Iohanni regi natus est filius secundus in vigilia Epiphaniæ, quem in fratris sui memoriam vocauit Richardum.

Iohannes rex audito, quod Gulielmus Scotorum Rex filiam suam comiti Bologniæ iunxisset connubio, eius assensu non requisito ægre tulit. Propter quod eum bello aggredi proposuit. Sed tandem reformatâ pace acceptis duabus filiabus Regis Scotiæ obsidibus, rediit proposito immutato.

Crux contra Albigenſes hæreticos ex mandato dn. Papæ in Francia prædicatur, multitudo ergo Gallicorû contra fidei refugas profecta, adiuncto sibi comite Tholoſano Viterpin primo ad eundem, Carthasonem obsident & expugnant. Moxq; reuersuri ad propria toti regioni præficiunt Simonem Comitem montis fortis.

Papa mina in reges.

An. 1210. Innocentius Papa in Othonem imperatorem ecclesiæ Romanæ rebellem excommunicationis sententiam fulminauit, principesq; Tenoine ab eius fidelitate absoluit, ac ne quis eum imperatorem appellaret sub interminatione anathematis interdixit. Excommunicauit Iohannem regem Angliæ, pro eo quod archiepiscopum Stephanum ad ecclesiam suam accedere non permisit.

Rex Hiberniam subiugat.

Iohannes Rex eodem anno profectus in Hiberniam in suam ditionem redegit totam terram Catalo rege Conacciz triumphato. Rediens vero de Hibernia, de abbatis aliisq; religiosorum domibus, & præcipue Cisterciensium, exegit tallagium nimis graue.

Wallenses subegit.

Anno 1211. Iohannes Rex Wallenses rebelles subegit. Qui nihilominus resumptis viribus in eodem anno Angliam infestabant.

Castrum de Stotford, quoderat Londoniensis Episcopi, à rege euertitur.

Alexander regis Scotorum primogenitus Londonias veniens à Rege Iohanne militariibus armis accingitur.

Papa discordiarum motor.

Innocentius Papa videns Regem Iohannem ecclesiastica disciplina nullatenus emolliri, scripsit regi Francorum & aliis Principibus conterminis, vt Regem Angliæ inquietarent, quatenus rigorem animi sui per tales molestias remitteret, & ad obedientiam Romanam rediret.

Anno 1212. Philippus rex Francorû cum suis proceribus tractare cepit de transfretando in Angliam ad debellandum regem Ioannem, quod colorabat sub specie iustitiæ, eo quod esset Romanæ Ecclesiæ rebellis.

Rex Iohannes duxit exercitum in Walliam, incurſus Wallensium repressurus, & regreditur cum honore.

Barones à rege deficiunt.

Eodem tempore ceperunt Barones à rege Ioanne deficere, prædentes libertates eis debitas minime obseruari. De quibus acti sunt in exiliu: Robert. filius Gualteri, & Stephanus Ridel. qui in Galliis morabantur. Galfridus etiam de Norwico carceri mancipatur. Hii tres creduntur fuisse contra regem capitanei factionis.

S. Franciscum.

Hoc anno beatus Franciscus natione Tuscus, de ciuitate Assisii, post lasciuia iuuenilis ardoris, & negotiorum sæcularium vanitatem, mente compunctus, abiit, & venditis vniuersis quæ habuit, pecuniam cuidam sacerdoti obtulit ad suæ ecclesiæ reparationem. Quam cum sacerdos renueret, Franciscus monetam abiiciens, Christo in paupertate voluntaria seruire decreuit, octauo anno ab eo quo cepit S. Dominicus prædicare.

An. 1213. Philippus Francorum rex coadunato nauigio apud Kalesiam, perpendens Ferrandum Flandrensem comitem regi Angliæ Ioanni fauere, diuertit in Flandriam, vt ea prius subiugata libetius deinde Angliam occuparet.

Classis Angliæ Francos adducit.

Interim rex Angliæ copiosa nauium classe parata, & præpositis eidem Gulielmo de longa spata Sarisburiensi, & Reginaldo de Danmartino Boloniensi comitibus, ac nobili viro Hugone de noua villa cum viris naualis belli peritis trāsmisit eam in Flandriam, vt Regis Francorum nauigium destruerent, & ipsum ab impugnatione Flandrensis comitis impedirent. Ingressi igitur prædicti nobiles portum Damonis cum classe sua tota, totam fere multitudinem nauium Gallicorum victualibus onustarum, & armis in Angliam abduxerunt.

Francorum Rex

Rex Francorum tam subito consternatus euentu pauculas naues relictas, timens ne in

ne in vsum cederent aduersariorum, in ira vehementi præcepit comburi. Et exposit *manes suos comburit.*
Parisiis dirigit iter suum.

Iohannes rex Angliæ videns barones suos contra se insurgere, vtpote qui cum rege Francorū per literas suas ligeas fecerant, spondentes regnum Angliæ Lodowico filio regis eiusdem. Videns etiam offensam domini Papæ super se de die in diē aggruari, flexus est animo. Et inprimis archiepiscopū Stephanū ad suam permisit sedē *Stephanus admittitur Archiepiscopus.*
cedere, ac libera in omnibus fungi sibi debita dignitate. Cupiens etiam contra hostes tam domesticos quam extraneos ecclesiastica protectione muniri, procurante Pandulpho apostolicæ sedis legato, totum regnum suum Angliæ & Hiberniæ Deo & beato *Iohannes pacem à Papa mercatur.*
10 Petro Apostolo eiusq; vicario catholico Innocētio Papæ 3. successoribusq; suis catholicis, in remissionem peccatorum suorū totiusq; generis sui in mille marcis, s. pro Anglia 700. & pro Hibernia 300. constituit censuale, vt patet in charta super hiis confecta, & sigillo regio consignata. Hiis peractis Iohannes rex à sententia excommunicationis absoluitur publice in ecclesia cathedrali Wintoniensi, præstita iuratoria cautione de restitutione ablatorum tam clericis quam laicis facienda, & recipiendis omnibus in plenam gratiam & amorem.

Exinde Pandulphus legatus in Galliam transiens, Francorum regi Philippo sub anathematis interminatione prohibuit ne trāsiret in Angliam, seu regem Angliæ reconciliatum ecclesiæ, quo minus regnum suum possideret pacifice, aliquatenus per se *Franci prohibentur regem Angliæ infestare.*
20 vel per alios infestaret. Durauit tamen adhuc interdictum in Anglia, clero illud relaxari nolente, quousq; de ablatis satisfactum esset ad plenum.

Iohannes rex eodem anno transfretans susceptus est honorifice in Rupellam. Nec multo post recōciliatis sibi Comite Marchiæ & Galfrido de Landauano cepit urbem Andegauim, & castrum Bellum forte, aliasq; munitiones quamplures. Turba *Iohannes urbem Andegauim capit.*
militum suorum missa Transligeri, ad prædandum Robertum Comitis Drocharum filium, & milites cum eo 14. in armis sibi occurrentes ceperunt.

Anno 1214. Iohannes rex impetratis à sede apostolica 5. annorum induciis super restitutionem ablatorum, ita quod singulis annis vsq; ad complementum vna pecuniæ portio solueretur, inuito clero relaxationem obtinuit interdicti, quod iam 6. *Rex interdicto absoluitur.*
30 nis, mensibus 3. & diebus 10. & 7. durauerat.

Vrbs Andegauis Regi Iohanni inuida Lodowico primogenito Regis Francorum se reddidit. Qui muros eius nouiter à Rege Iohanne constructos ad solum diruens complanauit.

Attendens autem Iohannes Pictauensium duplicitatem, & Andegauensium penes se mobilitatem, qui plus fauerent parti Gallicæ quam suæ, in treugas quinquenales à rege Franciæ impetratas per amicos concessit.

Otho ab Imperio iudicio Ecclesiæ depositus à rege Francorum bello victus est, *Otho depositus.*
captis in hoc prælio Ferrando Flandrensi, Gulielmo de longa spata Sarisburiensi, & Reginaldo de Danmartino Boloniensi comitibus, multisq; baronibus, & aliis personis ordinis militaris.
40

An. 1215. Otho quondam imperator aduersante sibi fortuna post bellū proxime supradictū in Saxoniam reuersus priuatam vitam toto æuo suo duxit in ducatu, qui sibi iure hereditario competeat. Tandem dissenteriarum morbo laborans conuocatis Episcopis alioq; clero, instanter cum lachrymis absolutionem super sua rebellionem petiit & accepit. Miles quidam Anglicus dictus Philippus de bona villa, qui sub isto Othone plurimis annis militauerat, sæpe de illo cū magna deuotione referre solebat. Cum *Mirabile de hostia.*
instante morte viaticū recipere (quia nihil retinere poterat) nō auderet, tamē corpus Christi ad instantiam eius vt illud videret allatum, humiliter adorauit. Et cum quasi amplexaturus brachiis expansis, nudato corpore approximaret, hostia illa in loco, *Otho moritur.*
50 vbi cor latuit facta apertura intrauit, profiliens de manibus sacerdotis, & absq; omni cicatricis vestigio reclusus est locus: sicq; recumbens spiritum reddidit.

Iohannes rex Angliæ vna cum comitibus Cestriæ, Derbiæ, aliisq; nobilibus crucem accepit à Gulielmo Londoniensi episcopo in Ecclesia S. Pauli. Verum aduersante sibi fortuna non licuit ei tam utili vacare proposito, insurgentibus contra eum Baronibus suis, eo quod libertates & iura ab eo petita, & vt dicebant, promissa non persoluit, nec impleuerat in effectu. Vnde & per quendam canonicum regularem ipsum diffidarunt apud Radingiam 3. Nonas Maii. *Baronum rebellio.*

Iohannes Rex Gulielmum de Longa spata Comitem Sarum à Gallicis captum, mutatione Roberti filii Comitis Drocarum redemit.

*Londoni defectio
à rege.
Barones multi
capti.*

Ciuitas Londoniarum à rege deficiens 16. Kalend. Iulii se transtulit ad barones. Rex Iohannes multos de baronibus & militibus in castro Roffensi, quod post aliqualem obsidionem redditum fuerat, cepit, & castrum de Corf insigne captiuos transmisit.

*Britannorum
submersio.*

Barones Lodowicum regis Francorum filium in suum euocant subsidium, promittentes ei regnum Angliæ rege Iohanne expulso.

Hoc anno mense Septemb. multi viri nobiles Britanni & Flandrenses, regis Iohannis allecti stipendiis, volentes in Angliam transfretare naufragio perierunt. Horum dux fuit miles quidam dictus Hugo de Bones, vir vitiis plenus & crudelitate. Qui in partibus transmarinis 60. millia armatorum in auxilium Regis collegerat. Sed Deo miserante hii omnes à pelago sunt absorpti. Cadauer Hugonis apud Gernemutam in Norfolcia est eiectum, vbi cum maxima multitudine militum mercatorum & seruientium est repertum. Eiecta sunt etiam in locis diuersis super littus maris corpora mulierum & paruulorum in cunis iacentium, quorum omnium multitudo ita maris occupauit littora, quod ex infectione aeris, morbus & pestis inualuit inter prouinciales. Habuerant autem in proposito, vt expulsis indigenis à toto regno terram iure perpetuo possiderent. Dederat namq; rex Ioannes duci eorum Hugoni de Bones per chartam suam prouincias Norfolciæ & Southfolciæ, prout dicebatur. Sed propositum eorum annullauit diuina clementia, vt præfertur.

*Pestis ex corpori-
bus submersis.*

*Lateranense con-
siliium.*

Hoc anno mense Nouembri sub Papa Innocentio Lateranense celebratur concilium, in quo lata est sententia excommunicationis in omnes, qui Iohannem regem Angliæ satagebant de regno suo modo quolibet exturbare.

*Lodowicum Pa-
pa legatum sper-
nit.*

Anno 1216. Gualo Apostolicæ sedis legatus venit Parisiis, Philippum regem studiose exhortans, vt filium suum Lodowicum à transitu in Angliam prohiberet. Super quo etiam nihilominus auctoritate apostolica ipsum monuit Lodowicum, denuntians tam patri quam filio sententiam excommunicationis laram in Lateranensi consilio in omnes, qui Iohannem regem Angliæ vt à regno deicerent, expugnabant. Lodowicus sprete monitione legati, à ceptis nequaquam destitit, sed apud Kalesium Flandriæ portum classem adunari præcepit, pro exercitu in Angliam transportando.

*Lodowicum An-
gliam occupat.*

Gualo legatus in Angliam tendens, & Lodowicum præueniens sategit inter barones & regem pacem componere licet frustra.

Lodowicus perueniens Sandwicum habuit obuios barones suæ parti fauētes, qui deduxerunt eum vsq; Rosam, cuius castrum statim est redditum eidē. FERIA 5. in ebdomada Pentecostes veniens Londonias cum processione solemni receptus est in Ecclesia S. Pauli. Vbi cum suscepisset homagium ciuium, vsq; Westmon. transiens suscepit homagium procerum adhaerentium parti suæ. Cum quibus progrediens cepit castrum de Reigate, Guilford & Farneham, & multas alias munitiones.

*Papa excommu-
nicatio nihil fit.*

Gualo legatus Lodowico plurimum conabatur resistere excommunicando & interdicens. Sed parum proficere potuit, populo fere toto in regis sui odium prouocato.

Iohannis mors.

Interim Iohannes rex valido collecto exercitu, proposuit cum Lodowico & eius fautorib. prælio decertasse, sed in ipso belli apparatu morbo correptus decubuit. Et post paucos dies defungitur apud Newarke 14. Kal. Nouembr. cum regnasset annis 17. mensibus 5. decemq; diebus.

*Iohannis deuotio
in religiofos.*

Sepultus est autem Wigornia coram altari magno in medio inter sacrosancta corpora Oswaldi & Wulstani Pontificum bonorum.

Iste rex Iohannes abbatiam Cisterciensis ordinis in Winton. diocesi. quæ bellus locus dicitur, & monasterium virginum apud Godstow in Lincolnienſi diocesi. pro anima Rosamundæ, quæ aliquando patris fuerat concubina, fundauit. Propter quod nonnulli putant ad illum Merlini fatidici vaticinium referri, quo dixit. Virginea munera virginibus donabit: Promerebitur inde fauorem tonantis, & inter beatos collocabitur.

*Henricus coro-
natur.*

Henricus filius Ioannis regis ex Isabella filia comitis Engolismensis, annu ætatis agens 10. post patrem defunctum, an. dom. 1216. sublimatur in regem. Et presentibus Gualone apostolicæ sedis legato cum episcopis Iocelino Bathoniensi, Gulielmo Couentrenſi, aliisq; prælatis pluribus, reginaq; Isabella cum comitibus Gulielmo Marschallo, Gulielmo de Ferrariis, magna; aliorum multitudine nobilium, per Petrum Wintoniensem episcopum, in die Apostolorum Simonis & Iude in Ecclesia beati Petri monachorum Glouernia inunctus in regem, solemniter coronatur.

Lodo-

Lodowicus regis Francorum filius cum iam castrum Doueriz obsedisset diebus 15. nihil proficiens, Londonias reuertitur, ubi in die S. Leonardi redditur ei turris. Progressus vero de Londoniis castrum de Hertford cepit, in die S. Andreæ apostoli, & castrum de Berkhamsted, in die sancti Luciz. Et exinde acceptæ sunt treugæ, *Treuga inter Lodouicum & Henricum.* inter regem iuuenem Henricum, & Lodowicum usque in festum Martyrum Fabiani & Sebastiani. Quibus firmatis Lodowicus in Gallias transfretauit. Interim vero multitudo magna Baronum & militum rupto fœdere quo se Lodowico astrixerant, ea mentis leuitate qua à patre descuerant, ad filium reuertuntur.

Narrant tamen quidam Chronici, quod quidam miles de regno Francorum, *Conspiratio Galorum per militem patofallum.* qui cum Lodowico venerat ad subiugandum Angliam iam fatis vrgentibus ad extrema perductus, cum nouisset infallibiliter se moriturum, asciuit ad se presbyteros & Barones quosdam Angliæ qui tunc ob ciuitatis custodiam in vrbe Londoniarum morabantur, coram omnibus lachrymabiliter ista dixit. Doleo super miseria & desolatione vestra, quod vos pericula quæ imminet vobis non videtis. Iurauit inquit Lodowicus & 12. comites de regno Franciæ & Barones sui, quod si contingat eum Angliam subiugare, & in regem coronari, ipse omnes Barones & nobiles Angliæ qui nunc cum ipso militant, & regem Iohannem persequuntur, perpetuo damnabit exilio, & sui domini proditores & omne genus eorum usque ad vltimam generationem de terra delebit. Et ne hoc vobis vertatur in dubium, ego qui hic decumbo continuo moriturus, vobis affirmo in periculo animæ meæ, me vnum ex illis esse qui hoc cum Lodowico iurauerunt. Vnde summopere vobis consulo, vt vobis salubriter provideatis. Quibus dictis continuo spiritum exhalauit.

Anno 1217. Lodowicus in Angliam rediens post lapsum treugarum obsedit iterum castrum Doueriz, sed nihil profecit. Simili quoque sorte, à castro de Windeleshore est repulsus. Quapropter ordinatis dietis, versus Lincolniam dirigit cum exercitu iter suum. Vbi superueniens exercitus regis iuuenis ei bellum indixit. Grauiissimo proinde conferto prælio, fiunt victores Anglici fugiente Lodowico. Quadringenti milites de parte Lodowici fuerunt occisi. Inter quos cecidit nobilis ille Thomas Comes de Perticis, tam regis Francorum quam Anglorum consanguineus, feruntur *Lodowicum fugatur.* etiam captiuati 52. milites de complicibus Lodowici. De quorum numero erat Gilbertus de Clare vir inclytus, quem cepit Gulielmus Mareschalli, & Glouerniam deduci fecit custodiæ mancipandum. Cui postea sedatis rebus bellicis, paceque refluente Isabellam filiam suam matrimonio copulauit.

Lapsis post prælium hoc diebus paucis, cæsus est ab Anglicis naualis exercitus Lodowici. Huic præerat Eustachius vt fertur Monachus, qui vt decebat Apostatam ostendens suam inconstantiam, sæpe de vno rege transiit ad alium, & tanquam de *Pena perfidia.* Monacho factus Demoniacus, dolo & perfidia plenus fuit. Cuius caput abscissum, delatum est per diuersa loca Angliæ super palum.

Lodowicus Londoniis receptus, terra mariq; sibi comperiens detrimenta augeri, & partem inueniens regis indies roborari pacem petiit, necessitatis articulo cōpellente. In præsentia igitur domini Walonis Apostolici sedis legati, & prælatorum atque procerum huius regni, præstitit iuramentum quod mandatis pareret ecclesiæ, *Lodowicum absoluitur.* & sic à sententia excommunicationis est absolutus. Insuper renunciens regno Angliæ & præstito iuramento quod adepti regno paterno, omnia per patrem suum regibus Angliæ iniuste ablata, restitueret, liber cum suis omnibus remeauit.

Anno 1218. multi Francorum & Anglorum deuotione allecti, peregrinationem Ierosolimitanam sunt aggressi. Iohannes rex Ierusalem & dux Austriæ coadunato exercitu valido ex multitudine peregrinorum nationum diuersarum ciuitatem Damiaticam obsederunt, & anno sequenti ceperunt. Est autem Damiatia ciuitas Ægypti *Damiatia capta.* maritima in terra Gossen inter Rameffe, & Campotaneos sita, antemurale totius Ægypti, dicta quondam Eliopoleos.

Anno 1220. treugæ quatuor annorum inter Philippum Francorum & Henricum Anglorum reges pro Pictauia sunt acceptæ.

Hoc anno inchoatum est nouum opus Westmonasterii. Cuius in propria persona rex primum posuit lapidem fundamenti. De singulis autem carucis Angliæ dati sunt regi duo solidi pro releuamine status sui. *Ædificatio Westmonasterii.*

Hoc anno clerici qui infra castrum regis apud veterem Sarum manebant, vna *Sedes Sarum translata.* cum sede episcopali ad villam episcopi quæ nunc noua Sarum dicitur, & priuilegio ciuitatis do-

tis donata est, à rege Henrico transferuntur, procurante negotium episcopo Sarisburienſi Richardo, & eodem rege deuotius annuente.

Anno 1221. Ifabella mater regis Angliæ irrequiſito filii vel conſilii ſui conſenſu, transfretans in Gallias nupſit Comiti Marchiæ filio Hugonis Bromz. Qui ſtatim quædam Caſtra Regis in Pictauiâ in manu expugnans valida occupauit.

*Comes de alba
Marlo excom-
municatur.*

Eodem anno Gulielmus de fortibus, comes de Alba Marlo, in comitatu Lincolnia multos ad rebellionem commouit. Qui dum ad pacem regis venire contemnit à Pandulpho apoſtolicæ ſedis legato excommunicatur. Fuerunt & alii viri magni qui munitiones, & caſtra poſſeſſionesque alias regis dominicas iniuſto dominio uſurpabant. Hii tandem coacti ſunt omnia reſignare regiæ uoluntati.

16

Hubertus de Burgo comes Cati ob probitatem & fidelitatem eximiam, cuſtos regis iuuenis & totius Angliæ Iuſticiarius factus eſt, aſſenſu omnium maiorum regni.

*Damiata occu-
pata à Turcis.
Apoſtata ſuppli-
cio aſſectus.*

Anno 1222. Damiata cum maximo chriſtianorum labore capta, & chriſtianis per annum poſſeſſa Saracenorum dominio iterum eſt ſubiecta.

Stephanus Cantuar. præſul primum conſilium ſuum tenuit Oxonia, in quo Diaconus quidam Apoſtata conuiſtus degradatus eſt, & manu ſæculari traditus, flâmis uſtricibus eſt abſumptus.

Ruſticus quidam ſeipſum crucifigens, & ſtigmata uulnerum Chriſti ſuperſtitio- ne quadam circumferens perpetuo immuratur.

Philippi mors.

Anno 1223. Obiit Philippus Francorum Rex, cui ſucceſſit filius eius Lodo- 20 wicus.

Anno 1224. Lodowicus Francorum rex poſtpoſito iuramento, quod olim in Anglia præſtiterat, cœpta patris contra regem Angliæ proſequens, uillam ſancti Iohânis Angliaci cepit & caſtrum de Mordum in Pictauiâ. Obſedit etiam Rupellam & cepit eam traditione Sauarici de Malo leone. Qui timens tantæ proditiſionis pœnas ſibi imminere, factus transfuga ad regem Franciæ ſe conuertit.

Falcaſii ruina.

Eodem anno Falcaſius de Brenſis inſurgens contra regem Angliæ, illico eſt oppreſſus. Et infra annum ad tantam egeſtatem deductus, ut qui paulo ante Angliæ proceres diuitiarum gloria anteire uidebatur, iam actus in exilium, tenuem in Galliis quæritando uictum, etiam capitis reclinatorium non haberet. Suppreſſis ſibi per Angliam inimicis, cœpit rex pacifice adminiſtrare regnum. Sed nondum ei ad recuperanda perdita in partibus Galliarum ſupperebât facultas.

30

Anno 1225. Richardus comes Cornubiæ frater regis & Gulielmus Comes Sarum, auunculus eius, cum multis proceribus proficiſcentes in Waſconiam proſpere reſeſſerunt.

Lodowici mors.

Anno 1226. moritur Lodowicus Francorum rex, & ſuccedit eidem filius eius S. Lodowicus, coronatus in regem cum eſſet annorum 14.

*Discordia inter
regem & Baro-
nes.*

Discordia orta eſt inter regem & Barones propter Hubertum de Burgo, quem Barones ab officio deiicere rege contradicente uolebant.

Rex Henricus Richardo fratri ſuo moranti in Waſconia 500. tranſmiſit Wal- 40 lenſes & pecuniæ magnam ſummam.

Anno 1227. Lodowicus Francorum rex de conſilio Blanchiæ matris ſuæ Episcopos & milites in terram Albigenſium miſit, per quos urbem Tolofam cum toto obtinuit comitatu.

*Henrici humi-
liſas.*

Anno 1230. Henricus Anglorum rex transfretauit in Britanniam ſuadente Petro duce Britannia, ut à rege Francorum terras per patrem eius & auum ſibi & progenitoribus ſuis iniuſte ablatas repeteret. Qui die quo naues aſcenſurus erat pauperes & infirmos humiliter uſitans, leproſosq; deoſculans largas eis eleemoſynas erogauit.

Anno 1231. Henricus rex Angliæ intentio ſua fruſtratus de Britannia in Angliam remeauit.

*Hubertus incar-
coratur.*

Anno 1232. Hubertus de Burgo comes Cantii quibuſdam grauibus contra eum propoſitis carceri mancipatur.

50

Anno 1233. Richardus Mareſchalli contra regem inſurgens, Walliam commouit ad guerram. Qui etiam Hubertum de Burgo qui de caſtro de Dimſis euaserat ad eccleſiam, uic capturn in Walliam ſecum duxit. Hic etiam in Hybernia contra regem conſurgens, ibidem deceptus occiditur. Cui ſucceſſit in comitatu Germanus eius Gilbertus.

*Edmundus ſis
Archiep. Cant.*

Anno 1234. Magiſter Edmundus de Abendonâ in Cantuar. Archiepiſcopum ſublimatur.

Anno

Anno 1235. Imperator Fredericus sororem Henrici regis nomine Isabellam uxorem accepit.

Fames admodum magna inualuit in Gallia maxime in partibus Aquitaniz ita *Fames in Gallia* vt homines herbas campestris sicut animalia bruta comederent.

Henricus rex Angliz Alienoram filiam secundam comitis prouinciz apud Cantuariam desponsauit.

Anno 1236. Richardus frater regis Cornubiz comes, & comes Mareschalli Gilbertus cum multis aliis crucis caracterem susceperunt.

Anno 1237. Iohannes Scorus vltimus comes Cestrie moritur, & deficiente *rede*, deuolutus est in possessionem regiam comitatus. Otho Legatus venit in Angliam. Data est regi hoc anno à clero & populo, 30. pars bonorum.

Anno 1238. Otho apostolicæ sedis legatus, cum ad Abbathiam de Osney iuxta Oxoniam receptus fuisset, insultum passus à scholaribus ad campanile transfugit. *Otho ab Oxoni- ensibus male tractatur.* Qui postea Londoniis in scholares Oxoniz sententiam excommunicationis fulminauit, studiumq; dispersit. Vnde factum est, vt quidam villam Northamptoniz, quidam nouam ciuitatem Sarum ad studium elegerunt.

Anno 1239. Corona domini spinea allata est in Franciam.

Henrico regi natus est filius & vocatus Edwardus.

Richardus regis Anglorum Germanus, Comes Pictauiz & Cornubiz vna cum *Richardi compassio.* Gulielmo de longa spata profectus in terram sanctam, exercitum Francorum inuenit sub rege Nauarrie Theobaldo plurimum desolatum. Quibus compatiens cum Saracenis treugas iniit, omnibus Christianis qui captiui tenebantur liberatis.

Comes Cantii Hubertus de burgo, iudicio contra eum procedente 4. castra dominationi regiz cogitur resignare.

Simon de monte forti filius Simonis de monte forti, qui an. dom. 1209. cruce signatus est contra Albigenes, reginam Blanchiam regis Francorum matrem sibi timens offensam, aufugit in Angliam, vbi gratiose acceptus à rege, Leicestrie obtinuit comitatum, cum Seneschallia Angliz, & regis sororem, quæ prius castitatem, publice vouerat in manu episcopi uxorem accepit. *Simon recipitur in gratiam.* Qui etiam postea Senescallus Wasconiz factus: regem Angliz vt terram Basclorum, cui caput est ciuitas Baiona, & olim regnum fuerat, recognosceret de feodo Franciz regis: vt sic regis Castellæ actionem excluderet: qui terram illam ad feodum regni Hispaniz asseruit pertinere.

Anno 1240. Fredericus imperator Romipetis ponens insidias, Iacobum Pre- *Otho capitur.* stinum Episcopum de Francia, & Othonem diaconum Cardinalem de Anglia ad curiam reuertentes capi fecit, & in custodia detineri.

Gregorius Papa cum consilium teneri voluisset, captis per diuersas partes prelatibus ab Imperatoris fautoribus à suo proposito impeditur. Inter quæ mala ad extremam horam veniens in domino obdormiuit.

Beatus Edmundus Cætuariensis Archiepiscopus in Galliis apud villam de Soy- *Edmundi mors.* 40 si præsentem miseram vitam exuens: ad æternæ viriditatis pascua introiuit.

Anno 1241. rex Angliz capsam auream pro reponendis exuviis sanctissimi regis & confessoris Edwardi in ecclesia Westmon. fecit parari.

Alphonfus frater regis Franciz Comes Pictauensis efficitur. Soror Arthuri a- *Soror Arthuri moritur.* pud Bristollum obiit: vbi cum annis multis duxisset vitam cælibem, tandem moritura corpus suum inter Sanctimoniales Ambrestberiz sepeliendum legauit. Quibus annuente rege manerium de Molkesham cum pertinentiis suis dedit.

Anno 1242. Richardus frater regis Angliz cum comite Wilhelmo de longa spata reuertitur de terra sancta.

Lodowicus Francorum Rex Hugonem Broun Comitem Marchie qui matrē *Prælium inter reges Angliæ & Francia.* 50 regis Angliæ duxerat in uxorem, infestauit propter homagium Alphonso Pictauensi Comiti denegatum. In cuius subsidium transfretans rex Angliæ vna cum Richardo fratre suo Cornubiensi comite, Comitatumque Pictauiz ex donatione patris vendicante iuxta Sanctonas cum rege Franciz pugnam commisit. Videns vero Pictauenses à se deficere, quorum fiducias ad illas partes accesserat, prælio se subtrahens in quoddam castrum se recepit. Urbem namque Sanctonas sibi infidam præsentens, vt pote quæ statim post pugnam regi Francorum se reddidit, ingredi recusauit. Cecidit in hoc tumultu miles illustris Gilbertus de Clare aliique nonnulli. Exercitus etiam Francorum rege suo infirmato, ingrauescenteque penuria victualium, ad propria remeauit.

Anno

Anno 1243. Henricus rex Angliæ munitiones quasdam in Wasconia rebellantes subegit. Inter quas erat castrum de Viterna.

Templarii in Acon hospitalarios etiam persequentes crudeliter, treugas cum Soldano Babiloniæ per Richardum fratrem regis Angliæ initas, in eorum infregerunt odium cum Soldanis aliis ut dicitur fœdere sociati.

Anno 1244. Dauid princeps Walliæ ex sorore nepos, Innocentio Papæ suggestit principatum Walliæ ad ecclesiæ Romanæ feodum pertinere, seque de rege Angliæ tenere compulsus iniuste. Propter quod scripsit summus Pontifex Abbati de Albertain super hoc negotio. De quo plenius informatus, sub dissimulatione transiit.

Saraceni Christianos cadunt.

Soldanus Babiloniæ super treuga interrupta grauer indignatus, conductis Corasinis qui inter Saracenos pugnatiorum putantur christianos bello aggreditur, ac de eis multitudinem magnam cruentissimâ cæde strauit. In quo prælio, tam Prior hospitalis quam magister militiæ Templi, ab hostibus captiuantur, Saraceni que ciuitatem Ierusalem sepulchrumque dominicum destruxerunt.

Natus est regi filius 2. & dictus est Edmundus.

Lugdunense consilium.

Anno 1245. Innocentius Papa celebravit consilium apud Lugdunum. Ad quod missi sunt per regem Angliæ de consilio prælatorum, comitum & Baronum viri nobiles 4. dato eis aduocato magistro Gulielmo de Powyke, ut concessionem regis Iohannis de censu annuo pro Angliæ & Hybernica contradicerent, eo quod de regni assensu non processerat. Sed & per Cantuariensem Archiepiscopum fuerat reclamatum vice totius regni. Sed Papa hoc indigere morosa deliberatione respondens, negotium posuit in suspensio.

Itali ecclesia episcopi occupant.

Prælati Angliæ hoc anno, conquesti sunt regi de oppressione ecclesiæ Anglicanæ, cuius proventus omnes & redditus Italici occupabant. Propter quod magistro Martino domini Papæ consanguineo, qui maior inter ceteros, aliorumque tutor in huiusmodi negotiis videbatur & defensor, ut regnum indilate euacuet, regio mandatur edicto.

Richardus frater regis Angliæ (defunctæ prioris uxore, Isabella relicta quondam Gilberti de Clara, de qua filium genuerat Henricum nomine) tertiam filiam comitis Prouinciæ nomine Seuchiam accepit uxorem.

Edmundus Cantuariensis canonizatur.

Anno 1246. Beatus Edmundus Cantuariensis Archiepiscopus, ab Innocentio canonizatur Lugduni. Carolus frater regis Franciæ Andegauensium obtinet ciuitatem.

Papa de glubet clerum Anglicanum.

Anno 1247. Ecclesia Anglicana pro releuamine status sui, 11. millia marcarum domino Papæ soluit.

Anno 1248. Rex Franciæ in terram sanctam proficiscens, & per Lugdunum transiens à domino Papa literas prohibitorias ad regem Angliæ, ne terras suas inquietaret peregrinationis tempore impetrauit.

Passus dominicus soluitur.

Anno 1249. passus dominicus per quendam fratrem de ordine prædicatorum allatus in Angliam, repositus est in conuentu ordinis eiusdem apud Bristol. Quem rex Henricus à fratribus præsentatum contulit ecclesiæ Westmon. ubi usque in præsens ueneratione habetur.

Damiata recuperatur.

Rex Francorum cepit Damiatam & in ea æstatem peregit, mense vero Nouembri procedens ad ciuitatem Massoræ eam obsedit, ubi de exercitu christiano per Saracenos plurimi occiduntur.

Rex Francorum capitur à Saracenis.

Anno 1250. Rex Francorum exercitu suo in obsidione Massoræ peste laborante & fame, dum Damiatam reuertitur, superueniente Saracenorum exercitu in itinere captus est, cum duobus fratribus suis Alphonso Pictauiensi, & Carolo Andegauensi comitibus, multisque aliis uiris nobilibus. Robertus vero Attrabatensis comes, tertius frater regis submergitur fugiendo. Multi etiam prælio decertando occiduntur, de quorum numero erat Gulielmus de longa spata, Comes Sarisburiensis qui uiriliter dimicando cecidit, aggrauata manu hostium super eum.

Abbatissa de Lacok.

Abbatissa de Lacok fœmina magnæ sanctitatis, quæ mater erat Gulielmi de longa spata nocte præcedente diem quo filius eius interfectus est, uidit cœlos apertos, & filium suum armatum ab Angelis eleuatam cum gaudio introire. Huius Gulielmi filiam unicam & hæredem duxit Henricus de Lacy comes Lincolnæ, Sarisburiensem cum eadem accipiens comitatum.

Rex Francorum liberatur.

Rex Francorum procurante regina Blanca matre eius, cui custodiam reliquerat, dato pretio & restituta Damiata Saracenis, liberatur, una cum fratribus & aliis concapti-

concaptiuis. Qui remissis in Franciam fratribus transfretauit in Acon, cuius muros ac ciuitatum Ioppe & Sidonis reparans in terra illa per quinquennium moram fecit.

Anno 1251. Pastores in Francia coadunata multitudine, dicebant se Anglica visione monitos, vt proficiscerentur in terram sanctam contra Saracenos & incredulos pugnaturi. Transcuntes vero Parisiis, venerunt Bituricas, vbi suborta discordia cum ciuibus fit conflictus, & multis occisis reliqui dispersuntur. *Pastorum visio in Francia.*

An. 1252. Papa Innocentius statuit vt Cardinales capellis rubeis vterentur.

Magister Albericus domini Papæ Notarius mittitur ab eodem ad Richardum fratrem regis Angliæ offerens ei regnum Apuleæ, quo priuauerat Fredericum vnâ cum imperio. Sed Richardo comite negotium differente, superuenienteq; cito post morte Papæ, non est res sortita effectum. *Papa offert regnum.*

A primo die Martii vsque ad assumptionem beatæ Mariæ, in Anglia nulla cecidit pluuia super terram. *Pluuia defecit.*

Anno 1253. Henricus rex Angliæ ad instantiam prælatorum, comitum & Baronum chartas duas, vnâ de libertatibus quæ magna, & aliam quæ dicitur de foresta concessit. *Henrici charta.*

In partibus Angliæ quæ dicitur Hollande & Holderneesse aluuione maris insolita, magna terræ portio cum domibus & earum habitatoribus est deleta. Moritur Robertus Episcopus Lincolnienfis, qui cognominatus est à pluribus grossum caput. *Dammum ex inundatione maris. Roberti Grossi mors.*

Anno 1254. Henricus Rex Angliæ cum regina Alienora transfretans in Walsconiam, Edwardum filium suum primogenitum cum iam esset annorum quindecim, transmisit ad Aldefonsum regem Castellæ, vt cum nobili puella Alienora eiusdem regis sorore iniret connubiū. Quem Aldefonsus rex (ad ciuitatē Hispaniæ, quæ vulgo Bures dicitur) venientem, cum gaudio & honore suscipiens militaribus armis cinxit. Et nuptiarum celebratis solemniis, valde honoratum cum vxore ad patrem remisit. *Edwardus a lenorâ duxit.*

Anno 1255. Comites & Barones Angliæ, assentientibus prælatis, denuntiari fecerunt per singulos comitatus, vt chartæ de libertatibus & de foresta inuiolabiliter obseruentur. Ad quorum instantiam Archiepiscopus Bonifacius de Sabaudia regi- næ Angliæ consanguineus, sententiam excommunicationis tulit in omnes earum spontaneos transgressores. *Charta Henrici executio.*

Lewlinus princeps Walliæ cum manu valida intrauit comitatum Cestriæ, quem rex nuper Edwardo filio contulerat, & omnia cæde atque incendio vsque ad portas vrbs Cestriæ deuastauit, & fecit hominum magnam stragem. Hoc anno puer quidam christianus nomine Hugo à Iudæis Lincolnæ captus est, & in opprobrium Christi nominis crudeliter est crucifixus. *Lewlinus Cestriam vastat. Iudæorum scelus.*

Anno 1256. Alexander Papa magistrum Gulielmum de sancto Amore canonicum Beluacensem suumq; capellandum propter persecutionem iniuste commotam contra religiosos mendicantes, & præcipue prædicatores, Anagninæ condemnauit, priuans eum capellatu suo, & omni beneficio ecclesiastico habito & habendo. Libellum etiam de mundi periculis intitulauit, in quo contra ordines pauperum multipliciter inuehit reprobans, in Ecclesia Cathedrali comburi fecit, excommunicans omnes qui retinent librum illum. Cæteros etiam magistros per dictum Gulielmum comitatus coegit fratres ad pacem recipere, & secundum legem charitatis tractare. *Papa severitas in Capellandum suum.*

Anno 1257. Richardus frater regis Angliæ Comes Cornubiæ in Alemanniam transiens, Aquiligrani in regem Romanorum solemniter est coronatus. *Richardus rex Romanorum coronatur.*

Rex Angliæ filio suo Edwardo, Walsconiam, Hyberniam, villamque Bristolli dedit.

Anno 1258. Rex Angliæ parliamentum Oxoniam cōuocat, ad quod conuenientibus Prælatis, comitibus & Baronibus, facta sunt statuta, quæ vsque in præsens prouisiones Oxoniæ appellantur. Ad quas inuiolabiliter obseruandas rex coactus est corporale præstare sacramentum, cum omnibus fere post iurantibus illud idem. Aymertus autem Wintoniensis electus, Gulielmus de Valenciis, Guido & Galfridus de Lizenim fratres regis vterini nolentes iurare cum aliis discedunt, insequentibus eos aliquibus Baronibus, sed illi cum equis & armis mare versus Gallias transeunt indilate. *Prouisiones Oxoniæ.*

Anno 1259. Rex Anglorum transfretans in Gallias, à rege Francorum petiit restitutionē terrarū sibi ac patri suo iniuste ablatarum per aum eius Philippū, & patrē Lodowicum, & ab ipso iniuriose hætenus detentarum. Sed Gallicis multa contra regem Anglorum allegantibus, & specialiter donationem Normanniæ antiquam non

non fuisse spontaneam: sed per primum ducem Rollonem à rege Francorum vi extortam, nec regi Anglorum tutum videbatur iam prælio decertare, cum sui in procinctu essent insurgendi contra eum, pacem subscriptam quodammodo compulsus admisit. Solutis namque sibi à rege Francorum 300. millibus librarum paruorum Turo-nensium, promissaq; restitutione terrarum ad valorem 20. millium librarum annui census, omnibus terris in manu regis Francorum existentibus resignauit plene & pure. Exinde vero literarum suarum abbreviauit titulum, vt nec ducem Normanniæ, nec Comitem Andegaviæ deinceps se vocaret.

*Rex Norman-
niam regnat.*

*Iusticiarii An-
glie repulsi.*

Anno 1260. Iusticiarii regis Angliæ qui dicuntur itineris, missi Herefordiã pro suo exequendo officio repelluntur, allegantibus hiis qui regi aduersabantur, ipsos 10 contra formam promissionum nuper Oxoniæ factarum venisse.

Anno 1261. Alexandro Papæ succedit Vrbanus natione Gallicus de ciuitate Trecenti.

*Oxonii promissio-
nes reuocata.*

Rex Angliæ impetrata à domino Papa absolutione iuramenti, quod pro obseruandis promissionibus Oxoniæ inuitus præstiterat, multos earum articulos publice reuocauit.

Anno 1262. Princeps Walliæ regis Angliæ aduersarius, cepit in terris Edwardi filii regis cades & incendia exercere.

Anno 1263. Edwardus filius regis Angliæ, cum collegisset exercitum copiosum contra principem Walliæ, & ille ad nemorosa & palustria fugiens copiam pugnæ non 20 faceret, à patre suo in Angliam reuocatur.

*Simonis prædatio
cum Baronibus.*

Simon Leicestriæ Comes capitaneus Baronum contra regem insurgentium factus, prædari cepit bona regi adhaerentium, & præcipue eorum qui reginæ attinentes, per eam introducti fuerant in Angliam, quos alienigenas appellabant.

Glouernia capta.

Quidam Baronum de parte Herefordensem episcopum Petrum natione Burgundum in ecclesia sua cathedrali captum duxerunt ad castrum de Erdesleya, The-saurum suum inter se pariliter diuidentes. Deinde duce Simone comite, progreditur exercitus Glouerniam, cuius castri custodia, fidelissimo Militi Matthiæ de Bessilles fuerat per regem commissa. Occupata villa, cum castro dantes insultum Barones por-tam primam versus urbem confregissent, Matthias vt sibi essent auxilio, incarceratos 30 dissoluit. Quorum proditione cum ex altera parte castri ingressus esset patefactus, Matthias in turrim confugit, vbi & captus est, & abductus quo volebant.

Exinde comes Wigorniam accedens illam cepit, inde Brugiam obsedit & cepit, deinde proficiscitur comes ad partes regni australes.

*Regina male
tractatur à
plebe.*

Rex interim & regina Londoniis morabantur, quæ cum se transferre volens ad Castrum de Windeleshores per flumen Thamisis in scapham ascenderet, multitudo ciuitatis plebeia, ad pontem sub quo transitura erat congregata, conuitia & maledicta confuso clamore conegit, & iactu luti & lapidum ad turrim reuerti coegit.

*Pax inter regem
& comitem.*

Igitur sub istis conditionibus inter regem & comitem pax formatur. Vt in pri- 40 mis Henricus regis Alemanniæ filius, qui tunc parti comitis contra regem adhaerens captus fuerat & in custodia detentus, liberetur. Deinde vt Castra regis omnia per totam Angliam Baronum custodiæ traderentur. Item vt prouisiones Oxoniæ inuiolabiliter obseruentur. Item quod omnes alienigenæ, infra certum tempus regnum euacuant, exceptis hiis, quorum morâ fideles de regno vnanimi assensu acceptarent. Postremo vt indigenæ regno fideles, & vtilis negotiis regni: de cetero sub rege dispo-nerent. Sed hiis non obstantibus: milites quidam de parte regis castrum de Windeleshore victualibus & armis munierunt.

Edwardus filius regis ad Castrum Bristolli venit: vbi inter milites suos & villanos suborta discordia, auertitur ab eo villa, iam parans obsidionem ponere circa castrum. 50 Quod aduertens Edwardus, Walterum Wigorniensem Episcopum qui partem baronum fouit, accersiri fecit, vt in eius conductu, patris aditet curiam, spondens se patri & eius consilio ea quæ pacis erant efficaciter suadere. Profectus igitur cum episcopo, cum appropinquaret Castro de Windeleshores, ingressus est illud. Quod suspectum habens Episcopus male tulit. Comiti autem Simoni cum sibi adhaerentibus volenti Castrum obsidere, Edwardus accurrit quasi media via citra villã de Kyngestone, pacis offerens tractatum eidẽ. Sed Comes fretus cõsilio præfati episcopi Walteri, Edwardum proposito frustratum redire volẽtem detinuit. Redditumq; est Castrum de Windeleshores Comiti, concessa custodibus eius ad recedendum cum suis omnibus, quo

quo volebant libera potestate. Alienigenis etiam volentibus transito mare redire ad propria, saluus datur conductus.

Leolinus Princeps Walliæ Comiti Simoni confederatus, Comitatum Cestriæ & Marchiam eius interim deuastauit, & duo castra Edwardi, Diffard & Gannok solo tenus complanauit. *Leolinus uastat Cestriam.*

Post hoc Parliamentum Londini conuocatur, in quo multi, qui hætenus Comiti adhæserant, ad partem Regis se transferunt. Inter quos præcipuus erat, Henricus de Almannia, Richardi Regis Romanorum de prima vxore filius. Et tunc potestas regia coepit aliquantulum respirare.

10 Anno 1264. S. Lodowicus Francorum Rex Anglicani regni desolationi compatiens procurante Archiep. Bonifacio, qui Regis Angliæ & Comitis Leicestriæ processus & gesta declarauit coram Rege & omni populo, in concordatorem amicabilem pacisq; arbitrum se venire promisit. Sed Comes Leicestriæ se subtrahens, pacis negotium conquassauit. Ex tunc ergo coepit Rogerus de mortuo mari, in rebus bellicis miles expertus Comitis Leicestriæ dominica deprædari. Contra quem Comes adiuncto sibi Principe Walliæ progressus, castrum de Radnor obsedit & cepit.

Leicestria Comes oblatam pacem respuit.

Edvv. filius Regis Angliæ de Parisijs regressus, quo transfretauerat ad parendum arbitrationi Regis Franciæ si Comes adfuisset, castra Comitis Herefordiæ, Hay & Huntendone cepit. Castrum vero Breconia sibi redditum, Rogero de mortuo mari custodien-
20 dum tradidit cum territorio adiacente, multaue mala facta sunt utrobique.

Henr. Rex de Francia redijt, & personaliter aduixit Oxoniam, orationis gratia ad S. Fredesvvidam. Armatus nempe fide recta, non veritus est supersticiosam opinionem illorum qui putant illicitum Regibus villam intrare, vltionem in eos virgine exercente. Ad quem cum venisset Edvvardus filius eius, coadunato exercitu, disposuit hostes in manu valida propulsare. Interim Londonienses iusticiarios Regis ac Barones de Scaccario capientes, carceri manciparunt.

Henrici deuotio.

Rex vero habens secum illustres Principes Rich. germanum suum regem Alemanniæ & filium suum Edvv. Gulielmumq; de Valentijis fratrem vterinum, clarissimosq; milites loh. Comyn de Scotia cum multitudine Scotorum, loh. de Baliolo dominum Gal-
30 vvide, Rob. de Brus dominum de valle Anandia, Rog. de Clifford, Phil. Marmiomy, loh. de vallibus, Rog. de Leiborne, Henr. Percey, Phil. Bassett, Rog. de mortuo mari, cum exercitu progrediens, villam Northamptoniæ obsedit & cepit, & in illa milites vexilliferos 15. f. Simonem minorem, Gul. de Ferrarijs, Petr. de Monte forti, Baldevinum VVake, Adam de nouo Mercato, Rog. Bertrandi, Simonem filium Simonis qui primo vexillum contra Regem erexerat, Beringarium de VVateruile, Hugonem Gubins, Tho. Mansell, Rog. Butuileys, Nich. VVake, Rob. Nevvinton, Phil. de Dryby, Grimbaldum Pauosfont. De quibus Simonem minorem ad castrum de VVindeleshores, reliquos ad alia castra transmisit captiuos. Capti sunt & milites minoris gradus circiter 40. scutiferiq; pauci. Perrexit inde Rex versus Nortingham, Maneria Baronum cæde vastans & incendijs. Vbi auctus est
40 suus numerus vehementer. Tandem illatis hinc inde multis malis, peruenit ad Levvys, vbi Rex ipse receptus est in Prioratu, & filius eius in castro.

Northampton capitur.

Appropinquantes Comites & Barones ad villam de Levvys in manu armata regiones satellites, qui pro quæritando equorum pabulo egressi fuerant inuadentes plurimos peremerunt. Præmonitus ergo Rex de aduentu repentino Comitum & Baronum, obuiam
pergit cum exercitu in 3. partes deuiso. Quarum primæ præerat Edvvardus Regis primogenitus, cum Gulielmo de Valentijis Penbrochiæ, & Iohanne de Warena, Surrey & South-
sex. Comitibus. Secundæ, Rex Alemanniæ cum filio suo Henrico. Tertiæ vero, Rex ipse
Henricus. Baronum vero acies in 4. diuisa erat acies. Quarum primæ Henricus de monte
forti, cum Comite Herefordiæ. Secundæ Gilbertus de Clare, cum Iohanne filio Iohannis,
50 & Gul. de monte Camisij. Tertiæ in qua erant Londinenses Rich. de Segraue. Quartæ ipse
Comes Simon cum Tho. de Peluiston præfuerunt. Edvvardus igitur & acies sua cum
tanto impetu in hostes irrui, ut eos retrocedere coegeret. Quorum multi submersi sunt,
vsque ad numerum 60 militum, ut quidam dicunt. Londonienses etiam in fugam versi
sunt. Quos dum Edvv. insequitur ad spatium 4. miliarium grauissimam cædem inferendo, à reliquo exercitu separatus, diminuit robur eius. Interim de acie Regis occisi sunt plu-
rimi. Captiq; Rex Alemanniæ, Rober. de Brus, & loh. Comyn qui Scotos adduxerant. Rex
etiam Henr. dextrario eius occiso captus, & in Prioratu adhibita custodia est reclusus. Re-
uersus Edvv. graui prælio excipitur, fugeruntq; Comes de VVarena, Gul. de Valentijis,
Guido de Lizmiaco fratres Regis vterini, Hugo Bigod cum militia quæ ad 40. loricatos
Rr ascen-

Bellum civile.

*Henricus rex ca-
pitur.*

ascendit, omnes ad castrum de Peuenesey tendentes. Cum autem & hinc & inde multi corruissent, Edw. villam circumiens, cum patrem non inuenisset in castro, prioratum ingressus peruenit ad eum. Interim dato insultu ad castrum, cum inclusi viriliter se defenderent, subtrahunt se Barones. Edwardus audacia Castrensiū animatus, relictis suis voluit iterum præliari. Quo cognito miserunt Barones mediatores pacis, promittentes se in crastino velle de pace tractare cum effectu. In crastino discurrentibus inter partes fratribus prædicatoribus & minoribus, factum est, vt feria sexta sequente Edw. & Henricus pro patribus suis Regis Angliæ & Alemanniæ se Comiti Simoni traderent, sub spe pacis & quietis. Ita vt cum deliberatione tractaretur, quæ prouisionum & statutorum essent, pro utilitate regni tenenda, & quæ delenda. Et quod interim hinc inde captiui absque villo pretio redderentur. Sequenti Sabbato Rex omnes qui sibi adhæserant, licentiauit ad propria. Scripsitque de voluntate Comitis Simonis his, qui erant de munitione de Tunbrigge, quod redeunt ad sua Barones nullatenus molestant. Sed illi hoc non obstante, armati procedentes, Londonienses qui de bello fugerunt, receptos apud Croydon, illuc properantes, multis perempris, eorum spolia abstulerunt. Exinde tendebant vsque Bristollum, vbi ad liberationem Edwardi in præsidio remanserunt.

*Castrum Douer-
riæ redditum.*

Anno 1266. castrum Douerriæ redditum est Edw. in quod Guidonem de monte forti transtulit, sub custodia detinendum. Cuius custos corruptus ipsum post Pascha liberum dimisit mare transiens cum eodem. Guido vero partes Tusciæ adiens, adhæsit Rufo Comiti. Cuius fauorem propter militiæ probitatem in tantum adeptus est, vt filiam suam & hæredem sibi daret in coniugem. Simon vero frater eius senior, paulo ante tempore quadragesimali euadens è carcere, transfugit in Gallias.

Rex in singulis ciuitatibus capitaneum vnum constituit, qui vna cum vicecomite, prædonum (qui plurimum abundabant) violentias coerceret.

In vigilia Pentecostes Rob. de Ferrarijs Comes de Derby, captus est per milites regios, socijs quos ad prædandum acciuerat per fugam dispersis.

Exhæredatorum quidam, insulam de Axiholm occupantes per dominum Edmundum fratrem Regis ad deditionem coguntur.

Miles quidam in partibus Windon. Adam dictus cognomento Gurdoun exhæredatus cum cæteris qui Simoni Comiti adhæserant, ad pacem Regis venire renuens, iuxta viam inter villam de Aulton, & castrum de Farnham, locum scilicet prædonibus opportunum, cum suis resedit patriam rapinis infestans, & terras illorum qui parti regiæ adhærebant. Cuius vires & probitatem ex fama cognitas Edwardus regis filius experiri cupiens, cum manu forti supernuissit eidem se ad pugnam præparanti, præcepit Edwardus, ne quis inter eos impediret singulare certamen. Congressi itaque mutuos ictus ingeminant, parique sorte neutro cedente alteri, diutius dimicant. Delectatus tandem Edwardus virtute militis, inter pugnandum consuluit vt se redderet, vitam pollicens & fortunam. Cui miles adquiescens, abiectis armis se illico reddidit, quem eadem nocte Guildfordiam Edwardus transmisit regiæ Maiestati cum recommendatione supplici præsentandum. Quem ex post hæreditati restitutum, Edwardus semper charum habuit atque fidum.

*Exhæredatorum
redemptio.*

Eodem anno multi de exhæredatis castrum de Kenelvvorth ingressi victualibus munierunt & armis, disponentes defendere illud contra Regem. Rex illuc properans in crastino S. Iohannis Baptistæ obsidionem posuit circa castrum. Qua durante Rex duodecim personas fecit eligi, quibus commisit vt prouidendo paci Regis & regni, in exhæredatos sententiam moderarent, iureiurando spondens, se eorum ordinationem per omnia seruaturum. Conuenientes igitur personæ electæ apud Couentriam, vnanimi decreuerunt assensu, vt exhæredati poena pecuniaria suas hæreditates redimerent, ab his qui eas occupauerant dono Regis. Ita tamen quod hæc redemptio, prouentus hæreditatum in septennium non excederent, nec vnus anni prouentibus minor esset. Sed inter hos taxaretur terminos, secundum quantitatem delicti. Ab hac tamen redemptione filij Simonis Comitis, & Robertus Comes Derby, quorum exhæredationem censuerunt fore perpetuam, excluduntur. Qui autem modo prætaxato mulctandi, pecuniam sic taxatam, id est, redemptionem soluere nequirent, terras suas in manu possessorum relinquerent, quousque de earum fructibus redemptio leuaretur.

*Kenelvvorth ca-
strum redditum.*

Castrum de Kenelworth ante natale Regi Angliæ redditum est, penuria victualium compellente, vita & membris & suppellectili necessaria his qui tenuerant illud saluis.

*Rebellio exhæ-
redatorum.*

Anno 1267. quidam exhæredatorum in Anglia, non ferentes ordinationem de redemptione hæreditatum apud Kenelworth factam, quorum Princeps & Capitaneus erat Ioh. de Ciuille, cum cepissent ciuitatem Lincoln. & spoliaſſent Iudaismum, Mediampræ insulam

lam Eliensem occupant contra regem. Quorum egressum & impetum cum rex plurimum impendisset, Edwardus filius regis factis ex cratibus, & tabulis pontibus in locis opportunis, prout eum incolæ regionis illius instruxerant, insulam cum suis militibus est ingressus. Cui quidam se dediderunt, alijs fugiendo dispersis.

Dum hæc aguntur comes Glouerniæ infidus regi, collecto exercitu in Wallia in fauorem exheredatorum Londonias adiit, & occurrente sibi loh. de Ciuile cum magna manu complicum suorum, ciuitatem fauentibus ciuibus occupauit. Moxque legato qui turrim pro hospitio habuit, mandauit comes per nuncios, vt eam sibi redderet indilate. Et vt hoc maturaret facere, interdixit ne quis ei victualia venderet quouis modo. Legatus

Glouernia comes turrim occupat.

10 dissimulato negotio à turri discedens, prædicaturus crucem procedit ad ecclesiã S. Pauli.

Post paucos dies comes regi reconciliatur, per mediationem Rich. regis Romanorum, ac illustis militis Philippi Basset, posita poena 10. millium marcarum, si comes in posterum aliquem tumultum commoueret.

Circa festum S. Michaelis Rex cum magno exercitu venit Salopiam contra Principem Lewlinum, qui partem comitis fouerat contra regem. At ille missa legatione rogauit ea quæ pacis sunt, concedens regi 32. millia librarum sterlingorum pro pace habenda. Sicq; interueniente legato Oðobono, restituta est Principi terra 4. Cantredorum, quam rex ei abstulerat iure belli.

Pax inter Lewlinum & regem.

Anno 1268. Oðobonus Legatus London conuocans consilium, multa statuit ad reformationem ecclesiæ Anglicanæ. Non multo post cruce signatis apud Northampton filijs regis, Edwardo, & Edmundo, ac comite Glouerniæ, cum multis nobilibus ad curiam est reuersus.

Edwardus S. Lodowico Francorum regi impignorat Wasconiam, accipiens ab eo pecuniam necessariam pro itinere terræ sanctæ.

Corpus beati Edwardi regis & confessoris instante rege Angliæ in feretrum aureum quod ei parauerat est translatum.

Translatio corporis Edwardi.

Iohannes de Warena comes Surrey, Alanum la Souche regis Iusticiarium in Aula Westmon. subortis inter eos verbis manu propria interfecit.

Iusticiarius in Aula Westm. casus.

Hoc anno rex Angliæ in Octauis S. Martini Parliamentum tenuit apud Marleberge, in quo de assensu Comitum & Baronum, edita sunt statuta, quæ de Marleberge vocantur.

Anno 1269. S. Lodowicus rex Francorum, non territus præteritis laboribus & expensis, quas fecerat ultra mare magnum, iterato cum filijs duobus, adiuncto sibi rege Nauarriæ & quamplurimis ecclesiarum Prælati & Baronibus, pro recuperatione terræ sanctæ iter ierosolymitanum capere maturauit. Verum ad hoc vt terra sancta facilius recuperaretur, incidit illis consilium, vt Tunicium regnum, quod in medio consistens, non paruum dabat transfretantibus impedimentum, primitus Christianorum subijcerent potestati. Applicantes igitur in regno Tunicij portum, & Chartaginem ad paruum redactam oppidum iuxta Tunicium de facili occuparunt.

Lodowici expeditio ad terram sanctam.

Hoc anno 6. Idus Aprilis Edmundus filius Regis duxit vxorem filiam Gulielmi de alba Marla, comitis de Holderneffe nomine Auelinam, quæ hæres erat hæreditatis, & etiam materna ratione comitatum Deuoniæ & vectæ insulæ dominium fuerat habiturus. Sed cum tota prole mortem parentum præuenit.

Anno 1270. Edwardus filius Regis Angliæ cum Edmundo germano suo, alijsq; nobilibus pluribus, iter peregrinationis in terram sanctam arripuit, mense Maio.

Mense vero Augusto inualecente peste in exercitu Christiano, multi mortis debitum persoluerunt. Inter quos beatus Lodowicus Francorum rex Christianissimus in crastino S. Bartholomæi Apostoli, de regno temporali transiit ad æternum.

Lodowicus moritur in terra sancta.

Edwardus filius Regis Angliæ cum sua comitina saluus peruenit Tunicium, ubi licentiato consanguineo suo Henrico de Almannia volente redire in Angliam, vela sua direxit in Acon, illucq; post quindenam Paschæ deuenit. Quo nisi aduenisset, infra 4. diem ab aduentu suo, fuisset vt dicebatur, vrbs reddita Saracenis.

Edwardus nauigat Acon.

Quidam Mercatores Veneti apud Edwardum accusati, quod Saracenis arma & victualia detulissent, comperta veritate secundum sua merita puniuntur. Soldanus vero Babylonæ qui ciuitatem Acon ceperat oppugnare, cum exercitu reuertitur ad propria, spe fraudatus.

Mercatorum Veneti executio.

Henricus filius Regis Romanorum transiens per Tusciam, cum apud Viterbium missarum solemnij interesset in ecclesia S. Laurentij, à Guidone de mōte forti occiditur.

Henr. occiditur.

Richardus Rex Romanorum frater regis Anglorum 5. Nonas Aprilis apud castrum de Berkhamsted viam vniuersæ carnis ingressus est. Cuius cor in ecclesia fratrum Minorum

Rr 2 rum

rum Oxoniæ, corpus vero in ecclesia monachorum Cisterciensium de Hayles quam ipse construxit, impensis proprijs sepelitur.

*Edvardus
clam capus.*

Anno 1271. Edwardo filio regis in Acon commorante, Lassatinus quidam qui sæpius ad eum nuncius admirallij loppensis venire consueuerat, fingens se velle ei secreta quædam referre, omnibus à camera exclusis, ipsum ad fenestram quandam appodiantem, ex improviso cultello occidit. In extractione vero cultelli violenta semetipsum in manu vulnerat, & in fronte. Vulnere vero eius grassante veneno, multis varijs adhibitis remedijs vix curantur.

*Norwicensium
scelus puniunt.*

Anno 1272. Mense Augusti, ciues Norwicenses Prioratum monachorum inuadentes, combusserunt ecclesiam cathedralem. Super qua re indignatus admodum rex Henricus, ad vindictam malefactorum misit illuc Iusticiarium militem quendam dictum Thomam Triuet, qui & Iusticiarius itineris fuit de corona. Vnde factum est vt urgente mandato regio & horrore facinoris, magna multitudo conuicta de scelere tanto, ad caudas equorum tracta suspendio iudicatur.

Henrici mors.

Henricus Anglorum Rex mense Nouembri infirmitate correptus, in die S. Edmundi confessoris obdormiuit in domino, & apud Westmon. honorifice tumulatus est. Iste Rex quantum in actibus sæculi videbatur minus prudens, tanto apud dominum maiori deuotione pollebat. Singulis namque diebus 3. missas cum nota solebat audire, & priuatim plures audire cupiens, assidue assistebat celebrantibus. Contigit autem aliquando S. Loduicum Francorum Regem, cum eo super hoc conferente dicere, quod non semper missis, sed frequentius sermonibus audiendis esset vacandum. Qui faceta vrbanitate respondens, ait se malle amicum suum sæpius videre, quam de eo loquentem licet bona dicentem audire. Erat autem stature mediocris, compacti corporis, alterius oculi palpebra dimissiore, ita vt partem nigredinis pupilli celaret, robustus viribus, sed præceps in factis, in quibus tamen quia fortunatos & foelices exitus habuit, putant eum multi apud Merlinum fatidicum per lincem designatum omnia penetrantem.

Henrici deuotio.

Henrici statura.

Edwardus Regis Anglorum Henrici 3. ex Alienora filia Comitis prouinciæ primogenitus, ætatis suæ 33. annos & 5. menses impleuerat die, quo patri suo defuncto, an. dom. 1272. in regno fuerat successurus. Qui tempore quo pater defunctus est in terra sancta commorans, obsequio crucis insistebat. Propter quod, die proximo post patris sepulturam, frater Rober. de Kilwardby, Cantuar. Archiepiscopus, & Gilbertus Glouerniensis Comes cum alijs Prælati ac regni proceribus, Londini apud nouum templum conuenientes, Edvardum absentem dominum suum ligeum recognouerunt, paterniq; successorum honoris ordinauerunt, atq; de assensu reginæ matris custodes regni, ministrosq; fideles, qui regio fisco præessent, & prouentus regni ad opus Regis noui ex integro reseruent, cuius pacem facerent per Angliam vbique proclamari. Eodem anno Edmundus frater Regis, Comes Lancastriæ, de terra sancta venit in Angliam.

*Edvardus ab-
sens, à suis proce-
ribus ordinatur
rex.*

*Custodes regni
rege absente.*

*Comes Lanca-
striæ redijt in An-
gliam.*

Anno 1273. Edvardus in Acon, Christianorum & Tartarorum auxilio diutius frustra expectato, relictis ad terræ defensionem stipendiarijs nonnullis, naues repatriaturus ingrediens, cursu veliuolo Siciliam vsque peruenit, vbi à Rege Carolo susceptus honorifice, primo rumores audiuit de morte filij sui Henrici, ac postmodum de morte patris sui. Qui dum mortem patris anxius quam filij sui plangeret, à Rege Carolo vice consolatoris assistente: plurimumq; mirante, super hoc requisitus, dicitur respondisse. Iacturam filiorum facilem, cum quotidie multiplicentur: parentum vero mortem fore irremediabilem, quia nequeunt restaurari. Denique Carolus discedentem Edvardum conduci fecit per Carolum filium suum vsque ad vltimos terminos regni sui. Cum autem ad veterem urbem, vbi Papa cum sua curia residebat, aduenisset, occurrentibus ei Cardinalibus omnibus cum honore maximo ad domini Papæ præsentiam est deductus. Hic primo dictus Theobaldus Placentius Leodiensis Archidiaconus, deuotionis causa transierat cum domino Edvardo in Acon, absensq; electus est in Papam, & Gregorius 10. appellatus. Huic super morte consanguinei sui Henrici de Alemannia anxiam deposuit quærimoniam, quem non modo in offensam iuris humani constabat interfectum à Guidone de monte forti, dum missarum solemnij assisteret, sed in contemptum ecclesiæ, & scandalum nominis Christiani. Papa igitur his commotus, Guidonem excommunicauit, omnesque eum receptantes, & quousque ecclesiæ satisfaceret terras eorum supposuit interdicto.

*Edvardus rex
Siciliam venit.*

*Responsio regis
ad Carolum, de
morte patris sui,
& filij.*

*Gregorius 10. ele-
ctus.*

*Guido excom-
municatus.*

*Rex venit Sa-
baudiæ
Torneamentum.*

Ingressuro Sabaudiam occurrerunt ei prælati & procures Anglicani, qua pertransita, ad ludum militarem qui vulgo torneamentum dicitur per Kabilonensem Comitē inuitatur. In quo cum suis se gessit tam strenue vt Comitem supradictum dedere se sibi cogeret, Deinde venit Edvardus in Franciam, & à Philippo Francorū Rege susceptus magnifice, homa-

homagium fecit ei pro terris suis quas de eo tenebat, sub conditione restitutionis terrarum patri suo in venditione Normanniæ promissarum. Post hæc in Wasconiam proficiscitur ad compescendum novos motus quorundam, quos Gasco de Bierna concitauerat ad rebellionem. Cuius terras Edwardus cum exercitu potenter ingressus, ipsum in fugam coegit, & quodam forti castro receptum obsedit.

*Rex Angliæ facit
homagium regi
Francia.
Gasco de Bierna
rebellis.*

Anno 1274. Henricus Nauarorum Rex moritur, cuius vxor regina, postea nupsit Edmundo germano regis Angliæ, qui de ea tres procreauit filios, Primogenitum Thomam comitem Lancastriæ. Secundum Henricum de Lancastria Dominum Monumutæ. Tertium Iohannem, qui cum sorore in Gallijs morabatur.

*Mors regis Na-
uari.*

10 Gasco de Bierna à rege Anglorum obsessus, cum omnis iam via euadendi sibi præcluderetur, & attenderet rem esse in foribus, vt ad deditiōem cogeretur, super negotio quod inter regem Edwardum & ipsum vertebatur, appellationem interponit ad Curiam regis Francorum. Cui deferens rex Edwardus nolens regem Francorum, quem nuper dominum suum pro terris suis in Francia recognouerat, contra se partem facere, dissidentibus multis de suis, obsidionem amoueri iussit, ministris suis committens, vt in curia regis Francorum causam prosequerentur contra Gasconem. In qua tandem iniuriōsæ rebellionis conuictus per regem Francorum regis Angliæ adducitur voluntati.

*Rex obsedit Ga-
sconem.*

*Appellatio Ga-
sconis ad regem
Francia.*

*Gasco rebellionis
conuictus.*

Edwardus rex postquam obsidionem dimiserat, ordinatis pro articulo temporis rebus Wasconiæ in Angliam properauit, vbi à clero & populo cum gaudio receptus est &

*Rex venit in An-
gliam.*

20 maximo cum honore.

Dominica infra octauas assumptionis virginis gloriosæ in ecclesia Westmonasteriensi, vna cum Alienora consorte sua à fratre Roberto Cantuariensi Archiepiscopo inungitur in regem & solemner coronatur. In crastino coronationis suæ recepto à rege Scottorum Alexandro homagio, ipsam dimisit ad propria plurimum honoratum.

*Coronatio regis
Edvardi 3.*

*Homagium regis
Scotia.*

Anno 1275. Gasco de Bierna in Angliam veniens cum resti circa collum, ad regis præsentiam est deductus, quem ad suam Rex misericordiam recipiens, morte condonata in castro Wintoniæ per annos aliquot custodiæ mancipauit. Qui tandem per regis gratiam liber dimissus ad propria, regi Angliæ semper in posterum gratus extitit & fidelis.

*Gasco, condona-
tus de vita, &
carceri mancipa-
tur.*

30 Rex Principem Walliæ, qui coronationi suæ licet inuitatus noluit interesse, vocari fecit pro homagio sibi debito faciendo. Qui fingens se non ausum Angliam intrare, quibusdam maioribus sibi insidiantibus pro securitate sua, filium regis, & Gilbertum Glouerniæ comitem Robertumque Burnell regis Cancellarium obsides postulauit. Quod Rex indigne ferens dissimulato negotio Londonias accessit parlamentumque tenuit, vbi contra manum mortuam statuta edidit, quæ vocantur statuta Westmonasterij prima.

*Rex petit homa-
gium à Principe
Wallia.*

Post parlamentum Rex vt Principi Walliæ liberior ad se pateret accessus, Cestriam vsque progreditur, quæ in confinio Walliæ sita est. Mittitque nuncios qui ab eo homagium exigant iterato. Quo mandatis regijs parere detrectante, Rex exercitum conuocat disponens Principem expugnare.

*Statuta de mor-
tua manu.
Princeps Wallia
negat homagi-
um.*

40 Hoc anno populus soluit Regi quintam decimam partem bonorum quæ patri suo dicebatur concessa.

*Quinta decima
pars bonorum
regi.*

Anno 1276. comitissa Leicestriæ quæ marito occiso cum suis in Galliam fugerat, & in domo sororum de ordine prædicatorum apud Mountargys à sorore viri sui fundata morabatur, filiam suam transmisit in Walliam Principi, sicut patre puellæ viuente sub certis pactis conuentum fuerat maritandam. Ducem vero itineris ac procuratorem negotij Aymericum filium suum germanum puellæ constituit, assignata eisdem comitiua honesta. Qui suspectum habentes iter per Angliam, à littore gallico nauigantes ad insulas Siluias, quæ terminos Cornubiæ è vicino respiciunt, deuehuntur, vbi à quatuor nauibus Bristolliensibus ex insperato superuenientibus comprehensi ad regis præsentiam deducuntur. Qui retenta puella honorifice in comitiua reginæ, Aymericum fratrem suum sub

*Comitissa Ley-
cestria mittit fi-
liam ad Princi-
pem Wallia.*

*Filia comitissa
capitur.*

50 custodia libera detinuit, sed securo.

Rex Angliæ de Cestria in Walliam progrediens cepit castrum quod dicitur Rodolanum, misitque in Walliam occidentalem militem nobilem Paganum de Amirsiis, qui cuncta eade incendioque vastauit.

Anno 1277. Wallenses occidentales ad pacem regis Angliæ venientes Pagano militiæ regis in partibus illis capitaneo castrum de Stredewy cum adiacenti patria reddiderunt. Princeps etiam Walliæ videns se regi Angliæ non posse resistere pacem petijt, & obtinuit sub hac forma. Videlicet quod omnes captiui quos hactenus ratione regis Angliæ detinuit vinculis sine calumnia liberarentur. Item pro pace beneuolentia regis habenda daret 50000. librarum sterlingorum, quorum tamen solutio in voluntate & gratia regis

*Wallenses pe-
tunt pacem.
Conditiones pa-
cis.*

Rr 3 foret.

foret. Item quod terra quatuor Cantredorum sine omni contradictione Regi Angliæ & suis hæredibus cum omnibus terris conquistis per Regem hominesq; regios, excepta insula Anglesea in perpetuum remaneret. Insula enim Anglesea concessa est Principi, ita quod solueret pro ea singulis annis Regi mille marcas, & pro ingressu quinq; millia marcarum daret. Et si Princeps sine hærede de corpore suo moreretur, insula illa in Regis Angliæ possessionem rediret. Item quod Princeps veniret in Natali Domini in Angliam ad Regem pro homagio faciendo. Item quod omnia homagia Walliæ remanerent regi præterquam quinq; baronum qui in confinio Snowdoniæ morabantur, se enim Principem conuenienter vocare non posset, nisi sub se aliquos barones haberet. Item quod nomen Principis tantum haberet ad vitam suam, & post mortem eius quinq; prædictorum baronum homagia Regi Angliæ fierent, & suis hæredibus in æternum. Pro assécuratione istorum, tradidit Princeps decem obsides de melioribus Walliæ, & viginti meliores iurabunt, quod quodocunq; Princeps aliquem prædictorum articulorum infregerit, nisi admonitus se correxerit ab alienabunt se ab eo, & eidem in omnibus quæ poterint hostes fieri. Item præter hæc Princeps fratres suos quos læsit placabit: habuit enim tres fratres, quorum Owenum & Rodernum incarcerationat, sed tertius videlicet David fuga lapsus multis annis in Anglia stetit. Cui Rex contulit in Wallia castrum de Denby cum terris ad valorem mille librarum annui redditus, insuper & uxorem dedit filiam comitis Derby, quæ nuper alio viro fuerat viduata. Owenus ergo favore regio liberatur à carcere, quem paulo ante fregerat. Rodericus fratrem fugiens in Anglia morabatur. Rex autem in occidentali Wallia apud Lampadernaur ad cohibendum irruptiones Wallenses castrum ædificauit insigne. In subsidium huius werræ concessa est Regi à populo vicesima pars bonorum.

Subsidium.

*Nuptia Principis
VVallia.*

Anno 1278. Rex Angliæ filiam comitis Leicestriæ apud insulas Siluias captam, Principi Walliæ uxorem dedit, nuptiarum solemnitatem impensis proprijs agens, suaque ac Reginæ præsentia illas honorans.

*Robertus Cant.
factus Cardina-
lis.*

Frater Robertus Cant. Archiepisc. ad Cardinalatum assumptus, factus est Episcopus Portuensis.

Iudæi pro tonsura monetæ in magna multitudine vbique per Angliam suspenduntur.

Parliamentum.

Rex Parliamentum tenuit Glouerniæ in octauis S. Ioh. Baptistæ, in quo edita sunt 30 statuta, quæ Glouerniæ appellantur. Rex in Galliam transiens restitutionem aliquarum terrarum obtinuit, non tamen omnes quæ in venditione Normanniæ promissæ fuerant patri suo. Obijt hoc anno Regina Castellæ mater Reginæ Angliæ, ad quam iure hæreditario post matris mortem deuolutus est comitatus Pontini.

*Obitus regina
Castellæ.*

*Rex Scotia con-
sultuit regem.*

Rex Scotorum Alexander antequam Rex Angliæ transiret in Gallias, in Angliam veniens regem consuluit de negotijs arduis terræ suæ. Putant eum quidam tunc suum fecisse homagium, quod alij verius in crastino coronationis Regis Angliæ asserunt esse factum. Impetrauit autem à Rege literas testificantes auxilium in werra Walliæ præstitum, non nomine seruitij factum esse. Frater Iohan. Peckham fit Archiep. Cantuar. prouisione domini Papæ.

*Ioh. Peckham
Archiep. Cant.*

*Renouatio mo-
netæ.*

Anno 1279. frater Iohannes Peckham de ordine Offinorum consecratus à domino Papa in Archiepiscopum Cantuariensem venit in Angliam. Moneta Angliæ per tonsuram nimis deteriorata ex mandato regio renouatur. Obolus qui prius formam habebat semicirculi tanquam pars denarij in medio diuisi, fit rotundus iuxta vaticinium Merlini dicentis: funderur forma commercij, dimidium rotundum erit. Illustres miles Rogerus de mortuo mari apud Kenelworth ludum militarem, quem vocant rotundam tabulam, 100. militum & tot dominarum constituit, ad quam pro armorum exercitio de diuersis regnis confluit militia multa nimis.

Ludus militaris.

Anno 1280. Edwardus rex Angliæ de lapidibus pretiosis laspidum quos secum attulerat de partibus gallicanis, patris sui sepulchrum apud Westmonasterium fecit nobiliter 50 honorari.

Davidis rebellio.

Anno 1281. David Germanus Lewelini Principis Walliæ, immemor beneficiorum Regis Angliæ qui eum promouerat, & contra fratrem persequentem protexerat, concitauit pene totam Walliam ad rebellandum contra Regem, cepitq; proditiose Rogerum de Clifford militem nobilem & famosum, quem Rex fecerat iusticiarium totius Walliæ in castro suo de Hawardyn, dominica in ramis palmarum, & quosdam milites eius volentes resistere inermes occidit. Exinde reuersus ad fratrem suum Principem collecto exercitu, vna cum eo Rodolanum venit, obsidionemq; posuit circa castrum. His auditis rumoribus Rex in manu forti Walliam est ingressus, cuius aduentu cognito princeps Walliæ obli-

obsidione soluta, longius se subtraxit. Interim captum est Castrum de Lampadernaur, & alia plura castra in illis partibus per nobiles Wallensium hiis diebus. Eodem tempore procurante fratre Iohanne de Peckham Cantuariensi Archiep. Aymericus de monte forti, quem rex in custodia detinuerat liberatur, sed cito postea defunctus est. Sub eodem tempore Cantuariensis Archiepisc. profectus in Snowdoniam principem Walliæ & germanum suum sategit ad pacem reducere. Quibus monita sua spernentibus regressus in Angliam, in eos excommunicationis sententiam fulminavit. Hoc anno mense Februario, apparuerunt octo semicirculi circa solem dorfatim coniuncti.

An. 1282. Rex Edwardus cum exercitu valido, de Rodolano per Angleseiam, quā per nautas portuum capi fecerat, versus Snowdoniam progrediens ut viam pararet exercitui, ultra maris brachium, quod insulam diuidit à continente, iuxta Langoriam constituit pontem fieri ex nauibus inuicem colligatis. Eo tempore Gilbertus comes Glouerniæ magnas prædas Wallensium cum militia sua faciens iuxta Lantilowhir facta copia apertæ pugnæ cum eisdem duro prælio dimicauit. In quo peremptis multis de parte Wallensium ipsemet comes quinque milites amisit, de quorum numero erat Guliel. de Valentiis iunior consanguineus regis Angliæ. Discedente autem comite Glouerniæ princeps Walliæ intrauit terras de Cardigan & Strredewy, deuastauitque terras Regi filij Mereduci qui cum rege contra principem tenuit in hoc bello. Progressus deinde versus terram de Buelld se cum paucis ab exercitu reliquo seperauit, cui cum sua militia superuenientes viri nobiles Iohannes Giffarde & Edmundus de mortuo mari inopinate ipsum cum sociis pugna aggredientes occiderunt. Cuius caput abscisum positum est super turrin Londoniarum hedera coronatum.

Hoc anno rex de consilio Baronum intrauit Walliam, vbi amisit per irruptionem Wallensium vexilla 14. Non multo post rex superior effectus, pene totam Walliam subiugauit cum Insula de Angleseia, villas & terras quæ erant in meditullio Walliæ suis proceribus distribuit, sed retinuit maritima castra sibi, vnde magna tranquillitas tempore sequenti peruenit. Hiis diebus clerus & populus primo quintam decimam, & postmodum tricesimam bonorum suorum regi Angliæ in subsidium concesserunt.

An. 1283. Rex Angliæ ponte iam perfectio cum exercitu in Snowdoniam transiit, castra eius omnia cepit & combussit. Comes vero Pembrochiæ Castrum de Bere quod erat quondam Lewlini principis cepit. Et cito post tota Wallia cum omnibus castris suis subacta est regiæ voluntati. Ante festum S. Iohannis Baptistæ David frater principis Walliæ caprus est, per exploratores regios, & Rodolanum adductus, quem rex ad sui conspectum admittere renuit, licet ipse David hoc instantius flagitasset. Rex igitur transmisit cum Salopiam carceri mancipandum.

Eo tempore per quendam secretarium principis allata est regi crux dicta Neoti, magnam deligno crucis Christi continens porcionem, quæ ideo Neoti dicitur, quod per quendam sacerdotem sic vocatum, antiquitus de terra sancta fuit in Walliam deportata.

Post festum S. Michaelis in Parlamento tento Salopiæ, David quondā frater Lewlini principis Valliæ iudicialiter condemnatus, tractus & suspensus est, visceribusque combustis, corpus capite truncatum, & in quatuor partes est diuisum, quibus in ciuitatibus Angliæ nobilioribus suspensus, caput Londoniis super palum fixum est ad terrorem consimilium proditorum. Resus autem Vazham VVallensium nobilissimus comiti Herefordiæ se dedit, regique redditus ad turrin Londonarum missus carceri mancipatur. Abbathia de Aberton translata est per regem ad locum alium, & constructum est in eo loco quo Abbathia fuerat castrum valde forte, ad irruptiones VVallensium compescendas. Et rex in comitatu Cestriæ fecit construi aliam Abbathiam Monachorum Cisterciensium, quam multis ditatam prædiis, vallem regalem voluit appellari.

Hoc anno regi conceditur à populo in subsidium verræ suæ tricesima, & à Clero viciesima pars bonorum.

Eo tempore Papa Martinus Guidonem de monte forti à carcere liberans in quo per Gregorium. 10. Papam positus fuerat, propter homicidium in Ecclesia commissum in Henricum regis Alemanniæ filium cognatum regis Angliæ, misit in Romaniolam, quam pene totam obtinuit eo anno. Cito post de licentia Papæ Tusciam rediit ut hæreditarem vxoris suæ patre eius comite Rufo mortuo occuparet. Rex Angliæ apud Acton burnell tenuit parlamentum post festum S. Michaelis, in quo æditum est statutum quod loco cognominatum est. Natus est regi filius apud Carneruan in VVallia die S. Marci &

Rr 4 voca-

Edwardus apud Carnernan natus est.

Corona Arthuri.

vocatus est Edwardus. Et rex Edwardus fecit leges Anglicanas per Walliam observari, vicecomites ponens in ea. Sub eodem tempore apud Carnernan inuentum est corpus patris Constantini imperatoris, s. Constantij senatoris, & rege iubente honorifice in ecclesia collocatum. Corona etiam quondam famosi regis Britonum Arthuri Regi Angliæ cum alijs iocalibus reddebatur, & sic ad Anglos gloria Wallensium Dei providentia est translata.

Alfonsus filius regis moritur.

Parlamentum Londini.

Anno 1284. Rex de Snowdonia in Walliam occidentalem progrediens intrauit Glamorgantiam, quæ ditioni comitis Glouerniæ subiecta fuit, deinde venit Bristolliam, vbi festum dominicæ natiuitatis tenuit eo anno. Alfonsus filius regis Angliæ moritur apud Kideleshores, & apud Westm. sepelitur.

10

Anno 1285. tenuit rex parlamentum Londonijs in quo ædita sunt statuta quæ Westmonasterij secunda dicuntur. Et quia prius statuerat ne religiosæ personæ in secularibus possessionibus crescerent, nunc statuit vt prius habita non minorarent.

Rex facit homagium Gallo.

An. 1286. Rex Angliæ in Gallias transiens, Ambianis cum honorifica turba peruenit, cui occurrit ibidem honoris gratia rex Francorum, & rex Angliæ fecit homagium regi Franciæ pro terris quas de eo in regno Franciæ tenere debebat Parisius, & interfuit Parlamento quod rex Francorum, tunc tenuit Parisius, in quo multa quæ pro libertate terrarum suarum iniuste oppressarum petiuit & obtinuit, licet ipsa concessio regis Francorum & patrum diu in suo robore non maneret. Expectauit autem Parisius rex Edwardus festum Pentecostes, & post festum Walsconiam est profectus.

20

Mater regis monacha facta.

Eo tempore Alienora regina mater regis Angliæ, sprete pompa sæculi, apud Ambresburiam induit habitum monacharum, dote sua per papam & regem sibi in perpetuum confirmata.

Duo domicelli fulminis ictu caesi.

Anno 1287. cum die quadam rex & regina conuenissent in vnam Cameram, & super lectum sedendo pariter confabularentur, ictus fulminis per fenestram quæ eis erat à dorso ingressus, inter eos transiens, ipsis penitus illæsis, duos domicellos qui in eorum stabant præsentia interfecit. Stupefacti ceteri qui affuerunt, ex euidenti quod contigerat perpendebant miraculo, diuini protectionem numinis salutis regiæ non deesse. Eo anno rex Angliæ profectus est in Arragoniam, vt consanguineum suum Carolum filium Caroli, quondam regis Siciliæ ab Alfonso rege Arragoniæ detentum in carcere liberaret. 30
Alfonsus rex Arragoniæ missis ad Curiam Romanam nuntijs, reconciliari petiuit ecclesiæ de his quæ per patrem suum facta fuerant se excusans. Thomas de Cantilupo quondam episcopus Herefordensis, qui nuper versus Romanam Curiam contra fratrem Iohannem Peckham Cantuar. Archiepiscopum causam ecclesiæ suæ prosecuturus proficiscens obiit, & in Angliam per suos relatus, ac in ecclesia sua traditus fuerat sepulturæ, cepit multis & inauditis miraculis coruscare.

Mors episcopi Hereford.

An. 1288. Carolus filius regis Caroli quondam Siciliæ, Princeps Achaïæ, procurante rege Angliæ liberatur à carcere. Quo facto rex Angliæ reuertitur in Walsconiam, & apud Blankeford crucis suscepit carecterem. Et mox ludæos omnes tanquam crucis hostes expulit de Walsconia, & alijs terris suis omnibus quas in regno Franciæ habebat. Interim 40

Refus rebellis.

Refus filius Mereduci Walliam conturbauit, impugnareque cepit aliqua regis castra, contra quem Edmundus Comes Cornubiæ, cui Rex Angliæ in sua absentia commiserat regni custodiam, magnum ducit exercitum. Et cum quoddam castrum Refi dictum Drusfelan obsideret, & muros eius suffodi faceret, casu murorum subito vir nobilis de monte Canisij & alij milites plurimi & scutiferi opprimuntur. Tanta fuit hoc anno in Anglia frugum abundantia vt quarterium frumentum alicubi pro viginti, alicubi pro sexdecim, alicubi pro 12. denarijs venderetur.

Frumenti copia.

Iudæi ab Anglia expulsi.

An. 1289. Rex Angliæ reuersus de Walsconia Londoniis solemniter recipitur à clero & omni plebe. Qui ludæos omnes eodē anno expellēs de Anglia, datis expensis in Gallias bona eorum reliqua confiscauit. Eo tempore rex auditis multorum querimonijs, fere iusticiarios omnes de falsitate deprehensos, à suo officio deposuit, puniens eos iuxta demerita graui multa. Hoc anno tenuit rex Parliamentum Londoniis, in quo ædita sunt statuta quæ dicuntur Westm. tertia, in quo etiam Parlamento pro expulsionem ludæorum concessa fuit regi à populo quintadecima pars bonorum.

50

Rex Scotia obiit.

Cum rex Scotorum Alexander vxorem suam filiam comitis Flandriæ, quam post Margaretam filiam regis Angliæ duxerat, nocte quadam obscura visitare voluisset, equo cespitante lapsus, & collisus grauius expirauit. Hic de secunda vxore, nullam de prima vero prolem geminam, filium scilicet Alexandrum, & filiam genuit nomine Margaretam. Alexander absque prole, patrem immatura morte præuenit. Filia vero Margareta regi Nor-

Norwagiæ desponsata, filiam vnicam peperit nomine Margaretam quæ matri mortuæ superuixit. Hanc consulto rege Angliæ, magnates Scotiæ recognouerunt hæredem. Quæ accersita per nuncios regis Angliæ, cum per nauigium tenderet in Scotiam, infirmata in mari apud Orchades insulas est defuncta. Nocte S. Margaretæ descendit tempestas ymbrium, tonitruum, & fulguris, à retro sæculis vix audita, fata concutiens & demergens, vnde factum est, vt Londoniis modius tritici qui prius ad tres denarios vendebatur ex tunc paulatim ad duos solidos excrederet, sicque per quadraginta ferme annos vsque ad obitum regis Edwardi post conquestum secundi dicti de Carneruan, extitit bladorum caristia, & præcipue frumentorum. Ita vt aliquotiës Londoniis modius frumenti ad decem solidos 10 venderetur.

An. 1290. mortua Margareta filia regis Scotorum Alexandri ad quam iure hæreditario, defunctis auo, patruo, & matre regnum Scotiæ deuolui debebat, quis foret iustus hæres Scotiæ, apud omnes in dubium vertebatur. Propter quod rex Edwardus versus Scotiam diiudicaturus de iusto hærede, tanquam superior dominus dirigit iter suum, sed dum finibus Scotiæ appropinquaret, regina consors defungitur in villa de Herdeley iuxta Lincolniam, propter quod rex dimisso itinere captò versus Scotiam, Londonias tunus deducendo reuertitur cum mæore. Conditum est ergo corpus cum aromatibus in ecclesia Westmonasterij cum honore, cor vero in choro fratrum prædicatorum, Londoniis est humatum. In omni loco & villa quibus corpus paulauerat, iussit rex crucem miro ta-
20 bulatu erigi ad reginæ memoriam, vt à transeuntibus pro eius anima deprecetur, in qua cruce fecit reginæ imaginem depingi, fuerat hæc regina dicta Alienora soror Aldefonsi regis Castellii nobilis genere, sed multo nobilior morum gravitate.

Ann. 1291. Ciuitas Acon capitur à Soldano Babilone, qui muros eius destruxit cum turribus & euertit ecclesias cum domibus ciuitatis. Eo anno post Pascha rex Angliæ appropinquans Scotiæ, Parliamentū tenuit apud Northūb. vbi consultis prælatis ac vtriusq; iuris peritis, reuolutis priorum temporum annalibus, vocari fecit prælatos ac maiores regni Scotiæ & coram eis in ecclesia parochiali de Northumb. ius suum in superius dominium regni Scotiæ fideliter declarauit. Petiuitque vt hoc recognoscerent, protestando se ius coronæ suæ vsque ad effusionem sanguinis defensurum. Ob quam causam rex fecerat
30 omnia monasteria Angliæ, Scotiæ, & Walliæ perscrutari, ad dignoscendum quale ius posset sibi competere in hac parte. Et repertum est in chronicis Mariani Scoti, Gulielmi. Malmesburienfis, Rogeri de Houeden, Henrici de Huntingdone, Radulphi de Diceto, quod anno dom. 910. Rex Edwardus senior subegit sibi reges Scotorum & Cambrorum. Item ibid. quod ann. dom. 921. prædictæ gentes elegerunt sibi Edwardum prædictum in dominum ac patronum. Item ibid. anno dom. 926. rex Angliæ Adelstanus deuicit regem Scotiæ Constantium, & iterum sub se permisit regnare. Item Edredus frater Adelstani rex Angliæ deuicit Scotos & Northamhumbros, qui se submiserunt ei & fidelitatem iura-
uerunt. Item ibidem Edgarus rex Angliæ superauit Kinadum filium Alpini regem Scotorum, qui iurauit ei fidelitatem. Item ibidem rex Angliæ & Daciæ Canutus, anno regni
40 sui 16. perdomuit Malcolinum regem Scotorum, & ex tunc factus est rex quatuor regnorum, scilicet Angliæ, Scotiæ, Daciæ, & Norwagiæ. Item ibidem S. Edwardus regnum Scotiæ dedit Malcolino filio regis Cambrorum de se tenendum. Item Gulielmus Bastard, anno regni sui 6. vicit Malcolinum regem Scotiæ, & accepit ab eo sacramentum fidelitatis. Item Guliel. Rufus fecit similiter erga Malcolinum regem Scotiæ, & duos filios Malcolini successiue regnantes. Item Alexander successit fratri suo Edgardo in regnū Scotiæ de consensu regis Henrici 1. Item Dauid rex Scotiæ fecit homagium regi Steph. Item Gul. rex Scotiæ fecit homagium Hentic. 3. filio regis Henric. 2. in coronatione sua, & iterum Henrico patri anno regni sui 20. sicut patet in conuentione inter eos facta inde. Item dicit Rogerus Houedē quod Gul. rex Scotiæ venit ad dominum suum regem Henricum in Normanniam, & similiter fecit regi Rich. & etiam Iohanni regi apud Lincolniam. Item in chronicis S. Albani reperitur quod Alexander rex Scotiæ apud Eboracum desponsauit Margaretam filiam regis Henrici, an. regni sui 35. & fecit ei homagium. Item reperitur in chartis regum Scotiæ. Item repertum est in bullis papalibus Scotiæ directis, reges Scotorum ex-
50 communicatos fuisse quia noluerunt obedire dominis suis Anglorum regibus. Conuenientibus igitur apud Northumb. in finibus Anglorum versus Scotiam rege Anglorum cum suis peritis, ac Scotorum valentioribus cum suis prudentioribus petiuit in primis rex Angliæ, vt Scoti pacifice assentirent suæ ordinationi super rege Scotiæ, præsertim cum sibi competere ratione sui dominij capitalis. Scoti respondebant se ignorare quod talis superioritas regi Angliæ competere, nec posse sine capite regi ad talia respondere, cui

Margareta sola hæres Scotia defuncta.

Caritas frumentum.

Dubitatio de hæredibus Scotia.

Regina moritur.

Crucis erecta in memoriam regina.

Declaratio iuris regis de regno Scotia.

Testimonia chronicarum de iure regis Angliæ in regnum Scotia.

*Competitores in-
ris in regnum
Scotia, subdunt
se voluntati re-
gis Anglia.*

cui incumberet talem denunciationem audire. Nec aliud responsum ad præfens debere reddere testabantur propter iuramentum excommunicatione vallatum, quod post mortem regis Alexandri sibi inuicem fecerunt, vnde deliberatione habita fecit rex Edwardus Scotis literas suas patentes, quibus recognouit aduentum Scotorum in Angliam circa a- quam Twede non debere alias illis vertere in præiudicium iterum veniendi in Angliam. Post hæc maiores Scotiæ & Angliæ qui vendicabant ius successionis in regnum Scotiæ per literas suas patentes recognouerunt se velle sponte recipere iustitiam coram dicto re- ge Edwardo, tanquam coram capitali domino, & firmum tenere quicquid ipse decreue- rit in præmissis. Tenor autem literarum dominorum vtriusque regni qui ius successionis vendicabant in Scotorum dominium erat talis.

10

*Litera seifina da-
ta regi Anglia de
regno Scotia.*

Omniibus præfentes literas visuris vel audituris Florentius Comes Hollandiæ, Ro- bertus le Brus dominus Vallis Anandiæ, Iohan. de Balliolo dominus Galwidæ, Iohannes de Hastings dominus Abergauenniæ, Iohannes Comyn dominus de Badenaw, Patri- cius de Dunbar comes Marchiæ, Iohannes de Vesci vice patris sui, Nicholaus de Sules, Gulielmus de Ros salutem in domino. Cum nos in regno Scotiæ ius habere credamus, & ius illud coram illo, qui potiore habet potestatem, iurisdictionem & rationem exa- minandi ius nostrum decertare, vendicare ac probare intendamus: nobilisque princeps dominus Edwardus dei gratia rex Angliæ per bonas sufficientesque rationes nos infor- mauerit, quod ad eum spectat & habere debet superius dominium regni Scotiæ, & co- gnitionem in audiendo, examinando & definiendo ius nostrum, nos de propria nostra 20 voluntate sine omni violentia & coactione, volumus, annuimus & concedimus, vt reci- piamus ius coram eo tanquam superiori domino terræ. Volumus insuper ac promitti- mus quod habebimus & tenebimus firmum & stabile factum suum, & quod ille habebit regnam, cui coram eo ius potius illud dabit. In testimonium istorum, nos literis istis ap- posuimus sigilla nostra, data apud Northumb. feria tertia post Ascensionem, &c. Facta ita- que recognitione superioris dominij, & submissione recipiendi quod coram rege An- gliæ fuerit definitum, petiuit rex castra & terram totam sibi reddi, vt per seifinam pacifi- cam ius superioris dominij, quod iam per suas literas recognouerant claresceret vniuer- sis. Annuerunt statim regiæ petitioni confectis super hoc literis habentibus hunc teno- rem. Omnibus præfentes literas visuris vel audituris Florentius comes Hollandiæ, &c. sa- 30 lutem in domino. Quia de bona voluntate nostra & communi assensu annuimus, & con- cessimus nobili principi domino Edward. dei gratia regi Angliæ, quod ipse tanquam supe- rior dominus terræ Scotiæ, possit audire, examinare, & definire vendicationes nostras & petitiones quas intendimus ostendere & probare pro iure nostro recipiendo coram eo, tan- quam superiore domino terræ, promittentes insuper quod factum suum habebimus fir- mum & stabile, & quod ille obtinebit regnum Scotiæ, cuius ius potius declaratur coram eo. Cum autem non possit præfatus rex Angliæ isto modo cognitionem facere, nec com- plere sine iudicio, nec iudicium debeat esse sine executione, nec executionem possit debi- to modo facere sine possessione & seifina eiusdem terræ & castrorum eius: volumus & annuimus, & concedimus quod ipse tanquam dominus superior ad perficiendum præ- 40 dicta, habeat seifinam totius terræ Scotiæ & castrorum eius, quousque ius in regnum peten- tibus fuerit satisfactum. Ita tamen quod antequam habeat seifinam, bonam & sufficien- tem securitatem faciat petitoribus, & custodibus & communitati regni Scotiæ, restituendi idem regnum cum tota regalitate, dignitate, dominio, libertatibus, consuetudinibus, iustitiis, legibus, vsibus, possessionibus, & quibuscunque pertinentiis in eodem statu in quo erant ante seifinam sibi traditam, & liberabit illam cui iure debetur secundum iu- dicium regalitatis, salvo regi Angliæ homagio illius qui rex erit. Et debet hæc restitutio fie- ri infra duos menses à die quo fuerit hoc ius discussum atque firmatum. Exitus terræ præ- dictæ medio tēpore recipiantur & in salvo deposito reponantur, & bene custodiantur per manum Camerarij regni Scotiæ qui nunc est, & illius quem assignabit ad hoc rex Angliæ, 50 & hoc sub sigillo eorum, salva rationabili sustentatione terræ & castrorum ministrorum- que regni. In testimonium istorum omnium prædictorum apposuimus sigilla nostra, &c. Data apud Northumb. die Mercurij, &c. Has duas literas misit rex Angliæ ad diuersa mo- nasteria ad facti memoriam seruandas.

*Rex asscurat
Scotia regnum
vare hereditari-
deret.*

Igitur ex parte regis Angliæ facta securitate de restituendo prout præfertur regno Scotiæ, infra duos menses illi cui de iure hoc competeret sub pena 100. millium librarum sterlingorum Romæ in subsidium terræ sanctæ soluendarum, ac etiam sub pena excom- municationis & interdicti in regis personam & regnum Angliæ, si non restitueret fulmi- nandum, Scoti per chartas suas tradiderunt regi Edwardo regnum Scotiæ cum castellis, iuri-

iuribus & consuetudinibus, posueruntque custodes qui medio tempore, exitus & ap-
promamenta terræ ad opus illorum quorum intererat custodirent, quousque viz. debi-
ta discessione habita de legitimo constaret hærede. Quo factò rex Angliæ post longas
disceptationes vendicantium illud regnum discussis iuribus, prætulit Iohannem de Ba-
liol qui recognouit regem Angliæ fore capitalem dominum Scotiæ, fecitque ei homa-
gium & fidelitatem iuravit, prout in gestis anni sequentis plenius declaratur. *Iohan. Baliol rex
Scotia.*

Circa festum S. Iohannis Baptistæ Alienora mater regis Ambresbyriæ est defun-
cta propter quod rex de Scotia rediit in Angliam, & funus maternum debito cum hono-
re curaret.

10 Post festum S. Michaelis Rex iterum tendens in Scotiā cum Eboracum venisset, Refus
filius Mereduci captus illucque deductus iudicialiter condemnatur. Deinde rex profectus
in Scotiam, omnibus in regnum Scotiæ ius vendicantibus imposuit, ut in festo S. Iohan-
nis Baptistæ proximo futuro coram se comparerent, & quo iure regnum illud vendica-
bant, plenius declararent.

Anno 1292. suborta est discordia inter Anglicos & Francos huiusmodi occasio-
ne. Duo nautæ quorum vnus erat Anglicus, alter Normannus conuenerunt apud Gar-
timam ad quendam fontem ut haurirent aquam, vbi dum quisque niritur prius haurire,
facta est contentio inter utrosque. Post multa iactata conuitia, Normannus educto gladio
ferire nitetur Anglicum, qui virato periculo, pugnam Normanni tenuit, volens eripere
20 de manu sua pugionem, quibus colluctantibus Normannus corruens super mucronem
suum casu proprio confossus fuit. Quo cognito Normanni persecuti sunt Anglicum,
ut in eum necem socij vendicarent. Sed nautæ Anglici consortes contuentur socium &
Normannos repellunt. Normanni vero de casu prædicto coram Philippo rege Franciæ
grauem deposuere querimoniam. Quibus rex iussit ut vbicunque obuiarent Anglicis de
nece confocij sumerent ultionem, unde factum est ut dum Normanni sollicitius maris
obseruarent semitas, nauigium Anglicanum conspiciunt à remotis. Cum quo mox con-
gredientes quandam nauem Anglicam vncis attrahentes, Anglicum quendam rapien-
tes de naui sua in summitate mali cuiusdā puppis Normannicæ suspenderunt, quibus cau-
sis creuit rumor & inuidia populis utrisque regni.

30 Rex Angliæ post festum Sancti Iohannis Baptistæ in Scotiam veniens, receptis eo-
rum qui regnum Scotiæ vendicabant allegationibus, pro iure suo eligi fecit 40. personas,
viz. 20. de Anglia, & 20. de Scotia, qui istas allegationes deliberata diligentia discuterent,
sententiam finalem usque in festum Sancti Michaelis proximo venturum differens pro-
ferendam.

Eo tempore Ericus Rex Norwagiæ venit coram consilio domini regis Angliæ per
attornatos suos, & protulit quoddam scriptum in hæc verba.

Omnibus præsentibus literas inspecturis vel audituris pateat euidenter quod nos Eri-
cus dei gratia rex Norwagiæ tenore præsentium fecimus, constituimus & ordinauimus
prout de iure & facto melius facere potuimus, nostros veros ac legitimos attornatos &
40 procuratores, & nuncios speciales, nobilem virum Adneum de Hagr. & magistrum Henri-
cum Plebanum plebis de Castellione arretino, domini Papæ Capellanum, & magistrum P.
Algor ad comparandū pro nobis & vice nostra coram excellenti principe domino dei gra-
tia Edwardo rege Angliæ illustri, & superiori domino regni Scotiæ ad petendum nomine
nostro tanquam per superiorem dominum regni Scotiæ nobis adiudicari regnum Sco-
tiæ supradictum, cum omnibus iuribus & pertinentiis suis, cum ipsum regnum per mor-
tem dominæ Margretæ filiæ nostræ olim dominæ & reginæ regni Scotiæ sit ad nos pleno
iure deuolutum hæreditarie, legitime.

Item ad petendum nomine nostro adiudicari nobis, & præfatis attornatis & pro-
curatoribus nostris assignari pro nobis fructus redditus regni Scotiæ quatuor annorum,
50 qui fluxerūt à tempore mortis domini Alexandri bonæ memoriæ quondam regis Scotiæ,
usque ad diem mortis dominæ Margretæ filiæ nostræ olim Domine reginæ Scotorum, qui
percepti vel percipi potuerunt de dicto regno, cum ad nos dicti fructus seu redditus pleno
iure pertineant: tum quia fuimus legitimus administrator reginæ præfate cum viueret:
tum etiam quia grauias expensarum & sumptuum onera sustinuimus propter eam, dum
in regno Norwagiæ moram traxit, & postmodum mittendo eam ad regnum Scotiæ
supradictum. Item ad petendum nomine nostro condemnari vniuersitatem regni
Scotiæ, & ipsum regnum ad soluendum nobis seu dictis attornatis & procuratoribus
nostris recipientibus vice nostra pœnam centum millium librarum sterlingorum, in
quam inciderunt vniuersitas præfata & regnum supradictum, non recipiendo libere
Domi-

Dominam præfatam Margaretam filiam nostram in dominam & reginam Regni Scotiæ, nec ei obediendo in aliquo. Et ad petendam supplementum septingentarum marcarum quas habere debemus à regno Scotiæ, occasione dotis Domine Margarete olim filie nostræ, & vxoris regis Scotiæ prædicti, cum fructus & redditus prædicti nobis assignari pro septingentis marcis annuis ad quingentarum marcarum summam non ascendant. Item ad agendum & defendendum, lucrandum & perdendum coram præfato principe domino Edwardo rege Angliæ superiore domino regni Scotiæ debita quomodocunque & qualitercunque, etiam ex quacunque causa vel causis nobis debeantur, & ea quibuscunque personis loco vel vniuersitate, & quocunque nomine illa iura censeantur, & ad omnia alia & singula faciendum, quæ veri ac legitimi attornati seu procuratores & nuncij facere possent in præmissis, & quolibet præmissorum si mandatum etiam exigent speciale, quæ nosmet facere possemus, si præsentēs essemus, promittentes sub ypotheca & obligatione omnium bonorum, ratum, firmum, & gratum habere & tenere perpetuo, ac non contrauenire aliquo ingenio vel modo, quicquid per prædictos attornatos seu procuratores nostros, vel duos saltem ex eis actum vel procuratum fuerit in præmissis vel quolibet præmissorum. Dat. Tonsborg. anno regni nostri decimo tertio. In cuius rei testimonium has literas fieri fecimus, & nostri sigilli munimine robotari.

Requisitum fuit de eisdem attornatis quid volunt addere, minuere, vel mutare, & quod in petitione sua danda declararent. Qui dicunt quod nolunt declarare, antequam habuerunt colloquium cum dicto domino rege Angliæ superiore domino regni Scotiæ, nec aliquid aliud proponere vel dicere ea vice. Et hæc requisitio fuit facta, quia alias in petitione sua quæ coram ipsis fuit ibidem lecta, reseruarunt sibi beneficium addendi, minuendi & mutandi prout plenius ex tenore ipsius petitionis apparet. Et datus est eis dies vsque ad diem Mercurij proximum sequentem ad audiendum Domini regis Angliæ voluntatem.

*Dies datum regi
Norrvagie.*

Postea die Mercurij proximo post festum beati Martini venerunt prædicti attornati regis Norrvagiæ coram consilio prædicti Domini regis Angliæ & superioris domini Scotiæ, & dictum fuit eis per consilium dicti domini regis quod declararent manifestationem domini regis Norrvagiæ, per quam intendunt recuperare regnum Scotiæ tantquam ius domini sui. Qui responderunt & dixerunt quod voluerunt prius habere colloquium cum domino suo rege Norrvagiæ, & ipsum super actione & petitione prædictis consulere, antequam vltius prosequerentur. Et multotiens requisiti quod petitionem præfati domini sui manifestius declararent, tandem dixerunt præcise quod petitionem supradicti domini sui noluerunt declarare, nec vltius super hoc aliud dicere, antequam eundem dominum suum consulti fuerint in præmissis. Ideo datus est eis dies de die in diem coram prædicto domino rege Angliæ superiore domino dicti regni Scotiæ, ad audiendum iudicium suum de eo quod noluerunt vltius prosequi petitionem domini sui prædicti, &c.

*Iudicium contra
regem Norrvagie.*

Igitur post diligentem huius negotij discussionem inter cæteros, de assensu communi Ioh. de Baliolo, qui de filia David regis Scotorum descenderat seniore, adiudicauit rex ex integro regnum ipsum. Robertus nempe de Brus, inter quem & ipsum Ioh. de Baliolo exclusis cæteris quæstio vertebatur, licet vno gradu esset propinquior, tamen descendit à filia regis David secunda.

*Homagium regi
Scotie.*

Ioh. de Baliolo in festo Sancti Andree sequenti collocatus super lapidem regalem in ecclesia canonicorum de Scone regularium solemniter coronatur, moxque venit ad nouum castrum super Tynam, & fecit homagium regi Angliæ sub hiis verbis. Domine Edwarde rex Angliæ superior domine regni Scotiæ. Ego Iohannes de Baliolo Rex Scotiæ recognosco me hominem vestrum ligeum de toto regno Scotiæ & omnibus pertinentiis & hiis quæ ad hoc spectant, quod regnum meum teneo & de iure debeo, & clamito tenere hæreditarie de vobis & hæredibus vestris regibus Angliæ, de vita & membris, & terreno honore contra omnes homines, qui possunt viuere & mori. Et Rex Angliæ recepit homagium in forma prædicta suo & alterius iure saluo. Quo facto rex Angliæ idem regnum Scotiæ integraliter cum omnibus pertinentiis restituit indilate.

An. 1293. Rex Angliæ tenuit natale apud nouum castrum super Tynam vbi suscepit homagium Iohannis de Baliolo regis Scotorum.

Per idem tempus mercatores Angliæ lacessiti per Francos super mercium suarum amissione regi Angliæ conqueruntur. Quapropter rex comitem Lincolnæ Henricum de

de Lacy transmisit ad regem Franciæ, petens humiliter vt per vtriusque regis consilium de assensu communi contra huiusmodi dispendia prouideretur de remedio competenti: sed dum comes responsum expectat, classis ducentarum Normannicarum onusta viris virisque bellatoribus à sexaginta nauibus Anglicanis capitur, in portu Sancti Matthæi in minori Britannia & in Angliam adducitur, in quo conflictu feruntur occisa quinde-
 cem millia Gallicorum. Rumor facti regem Franciæ, non tam admiratione quam indignatione vehementi commouit. Qui missis nuntiis petiit à rege Angliæ vt absque mora naues cum mercibus, & homines suos captas & in regno suo receptatas restitueret, si vellet sua negotia pro terra Wasconia in curia regis Franciæ fauorabiliter expediri. Rex igitur habito cum suis consilio, Richardum Londoniensem episcopum cum aliis viris prudentibus direxit ad regem Franciæ cum hoc responso, videlicet, quod rex Angliæ curiam suam habet nulli subiectam, ideo si qui de regno Franciæ læsos se senserint, & iniurias suas declarauerint, Rex eis celerem fieri iusticiam ordinabit, & eisdem eundo per terram suam & redeundo saluum dabit conductum, vel si hoc regi Francorum non placeat, eligantur hinc inde arbitri qui pensatis damnis vtriusque partis, prouideant quomodo quærelantibus satisfiat, & rex Anglorum dicto eorum & laudo sub certa obligatione se submittet, dum tamen rex Franciæ se submittat & obliget pari modo. Si vero aliquod occurrat tam arduum, quod pro arbitrio decideri nequeat, definiendum regibus reseruetur. Et rex Angliæ habito conductu ad regem Franciæ accedentem ad aliquam villam maritimam veniet, & assensu mutuo finis negotio imponetur. Quod si nec istud rex Francorum acceptauerit, in summum pontificem negotium transferatur, vel quia runc sedes vacabat apostolica, ad Cardinales omnes vel aliquos committatur. Spreuit hæc omnia consilium Franciæ, nec nuntiis instanter flagitantibus dignatum est aliquid respondere. Misit denique rex Francorum ad ciuitatem Agennum quæ pertinet ducatu Acquitaniae & ibi nominatim citari fecit regem Angliæ, vt die certa Parisius compareret, de iniuriis & rebellionibus factis in terra Wasconia responsurus. Quem ad diem præfixum non comparentem, Rex Francorum in propria persona pro tribunali sedens sententiam protulit, regem iudicans in defectu. Moxque præcepit Constabulario Franciæ, vt in manu armata ducatum Acquitaniae regis Francorum nomine occuparet, caperetque vel expelleret quoscunque per regem Angliæ illius custodiæ deputatos. Siquidem paulo ante miserat illuc rex Angliæ Iohannem de S. Iohanne militem in armis strenuum & discretum, qui ciuitates & castra per totum ducatum muniuit armis & victualibus & viris strenuis ad bellandum.

Classis Gallicana ab Anglis capta.

Rex Angliæ citatur.

Parlamentum Londini.

Rex Angliæ renunciat homagio pro Acquitania.

Anno 1394. Cum Edmundus frater regis Angliæ diu, sed inaniter tractasset de pace cum consilio regis Franciæ manifeste seductus fuisset Francorum falsitate ad maximum damnum fratris sui regis Angliæ, regressus est in Angliam referens regi totique consilio totam rerum gestarum seriem. Quapropter rex conuocato Londoniis parlamento, cui Iohannes rex Scotorum interfuit, de consilio prælatorum & procerum centientium terram sub dolo sibi ablatam recuperandam gladio, rex Angliæ misit nuncios ad regem Franciæ mandans ei per eosdem, quod cum pacta inter progenitores eorum habita & ipsos, nec non & secretos tractatus quos mediante Germano suo cum eo habuit, violasset, non videbatur sibi quod ipsum regem Angliæ ducemque Acquitaniae hominem suum reputabant, nec ipse homagio suo astringi vltius intendebat.

Eodem tempore rex Angliæ misso in Teutoniam Antonio Dunelmensi Episcopo confederauit sibi Adolphum regem Romanorum. Et in Wasconiam transmisit exercitum, cui præfecit milites prudentes & in bellicis rebus expertes, & nauigium ad maris curiam forte satis ordinauit.

Subsidium regi datum.

Hoc anno concessa fuit regi in subsidium verra suæ medietas à clero, sexta à ciuibus, & reliquo populo decima pars bonorum, non obstante quod fames in terra præualuerat annonæ caristia, & pauperes passim afflictæ lenteria morerentur. Naualis exercitus regis Angliæ cepit tres villas in Wasconia muratas, cepit s. Burgum super mare ac Blanium atque Rifuncium. Sub eisdem diebus Wallenses insurgentes contra regem in diuersis partibus, diuersos sibi principes præfecerunt. Aquilonares quendam Mado cum nomine, de genere Lewlini principis vltimi qui villam & castrum de Carneruan combusserunt magna Anglorum multitudine quæ ad nundinas venerat interfecta. Occidentales Wallenses, quendam Maylgonem nomine sequebantur, mala plurima petrant.

Wallensium insurrectio.

Tertius Marganus dictus Wallenses australes concitans, comitem Glouerniæ Gilbertum qui progenitores suos exheredauerat, de terra sua quæ Glamorgan dicitur expulit

Edvardus à Wallensibus repulſus.

Celeſtinus papa ſui renunciat.

Prophetia de Benedicte.

Alia in Waſconia.

Edv. victu- lia.

Comitis Warwici fortitudo.

Bellum marſci.

Wallenſes ſubacti poſtea non re- bellarunt.

Riſuncium à Gal- lu captum recu- peratur.

Cardinales de pace tractaturi veniunt.

Galli Doueriam ſpoliant.

& fugavit. Rex Angliæ auditis hiis rumoribus Walliam cum exercitu eſt ingreſſus, ſed mox occurrentibus ſibi Wallenſibus exceptus graui prælio repulſus eſt. Robertus de Wincheſey doctor ſacræ paginæ Archiepiſcopus Cantuarenſis à Celeſtino Papa confir- matur, & in Angliam veniens, Iohanni de Monemutha magiſtro Theologiæ contulit e- piſcopatum Landafenſem authoritate papali qui iam vacauerat multis annis. Celeſtinus papa prius dictus Petrus de Murrone de ordine S. Benedicte monachus & anachorita, ſe ſentiens minus ſufficientem ad tantum onus ſufferendum, de conſilio Benedicte Ca- ietani ceſſit papatu, ædita prius conſtitutione ſuper ceſſione pontificum Romanorum. Huic ſucceſſit idem Benedicte, de quo ex poſt prophetavit, eo quod eum ad cedendum ſubdole induxiſſet idem Celeſtinus, ita : Aſcendiſti vt Vulpes, regnabis vt Leo, morie- 10 ris vt Canis, contigitque prout vir ſanctus prophetavit. Quia rigide Cardinales de Co- lumna tractavit & quosdam depoſuit, regique Francorum in multis obſtitit, & eum to- tis viribus elaboravit deponere, idem rex Franciæ confederatis fratribus de Columna miſ- ſo Senefchallo Franciæ, Gulielmus de Longareto comprehendit eum, & in equum effre- nem verſa facie ad caudam poſuit. Quem ſic diſcurrere uſque ad nouiſſimum halitum compulſit actandem ad hæc omnia cardinalibus prædictis conſentientibus ſe me nece- uit, ſed hæc in ſequentibus, cum tempus occurreret rei geſtæ. Ipſe vero conſtitutionem de ceſſione Romanorum pontificum æditam per prædeceſſorem ſuum, factus papa re- uocauit.

Anno 1295. in die Circumciſionis domini reddita eſt domino Iohanni de ſancto 20 Iohanne ciuitas Bayonenſis, quam die præcedente ceperant nauæ fortiter expugnatam. Obſidionem vero poſuit circa caſtrum quod poſt dies octo cepit, multæque munitio- nes & caſtra ſe reddiderunt Anglis cognita fraude Gallorum, ita quod exercitus Angli- corum excreuit ad quatuor millia peditum & equitum ducentorum. Rex Angliæ tranſi- to flumine de Conw. y, cum parte exercitus, infortunatè capris bigis & curribus onuſtis victualibus penuria coarctatur, ita vt donec veniret ad eum reliqua pars exercitus aquam melle mixtam biberet, panemque cum ſaliſ carnibus veſceretur. Comes Warwici co- gnito quod Wallenſes in maxima multitudine inter duo nemora in quadam planitie ſe adunaſſent, aſſumpta ſecum electa multitudine cum baliſtariis & ſagittariis de nocte ſuperueniens, eos vndique circumcinxit, qui fixis in terra lanceis culpes in oppoſi- 30 tum irruentium dirigunt, vt ſic ſe ab impetu equitum tuerentur. Sed comes inter duos e- quites poſito vno baliſtario ac iaculis baliſtarum magna parte eorum qui lanceas tenebāt proſtrata, cum turma equitum in reliquos irrucens, tantam ſtragem intulit quanta eis, vna vice illata non creditur temporibus retroactis.

Interim rex Angliæ caſtrum conſtruxit in inſula Angleſey quod bellum marſcum voluit appellari. Succifa ſunt etiam nemora in Wallia quæ belli tempore indigenis para- bant latibula, & firmata ſunt caſtra maritima circa loca. Et cito poſt hæc captus eſt Mado- cus prædictus capitaneus Wallicorum. A quo tempore werræ quieuerunt in Wallia, & Wallenſes more Anglicorum pene ceperunt viuere, theſauros congregantes, & rerum 40 damna temporalium metuentes.

Carolus Germanus regis Franciæ Waſconiam ingreſſus Riſuncium obſedit & cepit.

Eo tempore reddita eſt Anglis villa S. Seueri.

Carolus germanus regis Franciæ euertis villa & caſtro Riſuncij quæ Hugo de Veer capitaneus 13. ſeptimanis tenuit in magnum Gallorum diſpendium, ea tandem reddidit, ſaluis omnibus, ſua ſuppelleſtili, & dato conductu uſque ad duas diſtas ab exercitu. Caro- lus poſitis in villa cuſtodibus cum exercitu reuerſus eſt in Franciam. Poſt cuius diſceſſum mox capta eſt villa ab Anglicis iterato. Duo Cardinales miſſi à Papa Bonifacio pro pace re- formanda inter reges, primo venerunt ad regem Franciæ, deinde ad regem Angliæ pe- tentes treugas biennales. Quibus reſpondit rex Angliæ, quod non potuit treugas inire 50 propter foedus initum & iuramento firmatum inter ipſum & regem Romanorum, ſine conſenſu eiufdem. Quapropter regem rogauerunt, vt regis Romanorum conſenſum in inducias impetraret. Quod rex ob reuerentiam curiæ Romanæ fecit. Cardinales vero in Gallias ſunt reuerſi. Circa præſens tempus claffis Gallica Doueriam veniens ſpoliauit prioratum, & ibidem perempto vno monacho veterano, magnam partem oppidi incen- derunt. Quorum aliqui priuſquam potuerunt naues repetere ſunt occiſi, captaque eſt v- na galea plurimis interfectis de parte Gallorum.

Nauæ Gernemuthenſes Ceſaris burgum, id eſt, Cherburgh in Normannia incen- dio veſtauerunt, ſpoliataque Abbathia canonicorum regularium canonicum quendam ſenem

senem in Angliam adduxerunt. Portesmouthenſes ceperunt quindecim naues Hispanicas onestas vino.

Iohannes rex Scotiæ fidelitas immemor, destinatis ad regem Francorum nuntiis in-
iit cum eo foedus contra regem Angliæ, petens in affirmationem negotij matrimonium
contrahi inter filium suum Edward. & puellam nobilem Iohan. filiam Caroli germani re-
gis Francorum, spondens se velle regem Angliæ totis viribus impugnare, sicut in scriptis
inter utrosque regis confectis plenius continetur. Scoti per idem tempus elegerunt sibi
12. pares quorum consilio rex regnum suum gubernare debebat, per quos etiam vt in præ-
missam consentiret prodicionem fuit inductus. Nempe horum consilio & præcipue abba-
10 tis de Menros, cum ad parliamentum venisset regis Angliæ, illicentiatuſ clam discessit
tanquam fugitiuus, ad magnum dedecus personæ suæ: ob quam causam Rex Angliæ iuf-
sit omnia bona sua mobilia & immobilia quæ habebat in Angliâ confiscari, qui eo tem-
pore plures villas & prædia pingua possidebat.

Thomas Turberuile miles captus in Walsconia, & Parisius inter alios captiuos de-
tentus, liber dimittitur sponſione iuramento firmata, quod contra regem Angliæ Wal-
liam commoueret. Qui cum venisset in Angliam prodicionis conuictus tractus & sus-
pensus est.

Gilbertus Comes Glouerniæ dies suos clausit, relictis ex vxore sua Iohanna filiabus
tribus & vnico filio minoris ætatis, nomine Gilberto.

20 Gulielmus de Valentiis comes Penbrochiæ concessit in fata, cui successit filius suus
Aymerus.

Rex Angliæ Scotorum comperta prodicione, disposuit regnum Scotiæ vi subiicere
nisi possent ab hiis quæ referebantur se legitime excusare.

Anno 1296. Edmundus Germanus regis Angliæ & Henricus comes Lincolnæ
cum exercitu valido in Walsconiam transfretarunt, vbi reddita sunt eis castra plura, cum-
que venissent prope Burdegaliâ ad duo miliaria, exercitus Gallorum egressus de Bur-
degalia velut inopinato eis occurrit commissoque graui prælio Galli retrocedentes ad
urbem fugiunt, quos dum inſequuntur tres milites & duo vexilliferi Iohannis de Britan-
nia & Alani Souche Galli portis clausis ceperunt. Comites vero magna in partem subur-
30 bij combusserunt.

Et non multo post Edmundus comes vitæ finem fecit, fuerat autem comes Leice-
striæ & Lancastriæ. Post cuius mortem exercitus Anglicanus obsedit urbem Aquesensem,
sed penuria victualium compellente negotium est interctum. Eo tempore comes Attra-
baræſis per regem Francorum missus in Walsconiam munitiones aliquas de manibus An-
glorum extorsit. Per id tempus rex Angliæ immenso coadunato exercitu venit ad nouum
castrum super Tynam. Ad quem locum fecerat Iohannem Scotorum citari per edictum
publicum, vt de his quæ sibi debebant obici responderet. Quo ad diem præfixum nec per
se comparente, nec per nuncium se excusante, rex de consilio suorum decreuit vterius
procedendum. Interim quidam miles Robertus de Ros dominus Castelli de Werk non
40 obſtante fidelitate quam Regi Angliæ iurauerat ad Scotos transfugit. Cuius germanus
Gulielmus de Ros regem præmonens de fratris perfidia petiuit sibi mitti subsidium, quo
posset castrum defendere contra Scotos. Rex vero misit illuc mille viros, qui recepti in
villa quadam dicta Prestfen, omnes eadem nocte à Scotis quorum capitaneus erat præ-
fatus transfuga Robertus de Ros interfecti sunt, exceptis paucis qui dilapsi sunt fuga. Quo
audito mox Rex cum exercitu ad castrum illud properat, gauisus in hoc vt fertur, quod
Scoti primo ceperunt hostilia exercere. Rex itaq; ad prædictum castrum de Werk Pascha-
lem solemnitatem peregit. Quo tempore septem comites Scotiæ videlicet, de Bowhan,
de Menteth, de Stratuerne, de Lewenes, de Ros, de Athel, de Marcus exercitu grandi
50 feria secunda paschæ Angliam sunt ingressi, vastantes omnia cede & incendio, non par-
centes sexui vel ætati, venientesque Carleolum urbem ipsam obsidione cinxerunt. Viri
vero ciuitatis & foemine lapidibus & telis Scotos à muris propulſabant, urbem viriliter de-
fendentes.

Videntes autem Scoti nil se proficere, feria quarta omiſſa obsidione in Scotiam re-
dierunt. Eadem die s. feria quarta paschalis hebdomadæ rex cum exercitu transito flumine
Twede peruenit prope Berwicum. Die vero veneris cum videret ciues ad pacem redire
nolle, factis insultibus tam per aquam quam per aridam, villam occupat, vnico tantum
de suis militibus interfecto. Nocte sequente dormiuit rex in castro, iussitque rex fodi fos-
sam profundissimam inter Scotos & Berwicum quæ esset terrori hostibus, & eisdem ar-
ctaret ab incurſibus repentinis. Cūq; rex villam Berwici nouo fossato muniret, venerunt
Berwicum fossa
manit.

ad eum duo fratres minores de villa de Rokesburgh deferentes literas Iohann. regis Scotiæ, tenorem huiusmodi continentes.

*Scotorum regis
littera.*

Magnifico principi domino Edwardo dei gratia regi Angliæ, Iohannes eadem gratia Scotiæ rex. Cum vos ac illi de regno vestro non ignorantibus vobis vel ignorare non debentibus, per violentiam, potentiam, nobis ac regni nostri incolis graues immoderabiles iniurias, contemptus, grauamina, nec non enormia damna, contra nostros ac regni nostri libertates, ac contra deum & iusticiam notorie & frequenter intuleritis, nos extra regnum ad leuem suggestionem pro libitu vestræ voluntatis citando & indebite vexando, castra nostra ac terras, possessionesque nostras & nostrorum infra regnum vestrum sine nostris demeritis occupando, bona nostra ac subditorum nostrorum tam per terram quam per mare rapiendo, & infra regnum vestrum receptando, mercatores & alios regni nostri incolas occidendo, hominesque nostros de regno nostro violenter abducendo ipsosque ibidem detinendo & incarcerando, super quibus reformatis nuncios nostros sepe transmisimus, quæ non adhuc solum remanent incorrecta, verum etiam de die in diem per vos & vestros prioribus deteriora cumulantur. Vos namque iam cum innumerabili multitudine armatorum vestro exercitu publice conuocato ad exhæredandum nos, & regni nostri incolas ad fines regni nostri hostiliter accessistis, & ultra progredientes in regno nostro strages & incendia, nec non insultus & inuasionem violentam per terram quam per mare commisistis inhumane. Nos dictas iniurias & grauamina & damna, nec non & hostiles impugnationes ulterius sustinere non valentes, nec in fidelitate & homagio vestro (licet per violentam impressionem impressam extorris) manendo contra nos, etiam ad defensionem nostram & regni nostri, cuius defensionem & tuitionem vinculo iuramenti sumus astricti: nos volentes erigere fidelitatem & homagium tam à nobis quam ab aliis quibuscunque regni nostri incolis fidelibus nostris ratione terrarum, quas in vestro regno tenebant, & etiam ratione menagij seu retentionis vestræ, nomine nostro ac nomine eorundem omnium & singulorum, vobis reddimus per præsentem.

Rex Angliæ audita præsentem litteram resignationem homagij sui admisit, & Cancellario suo præcepit hanc litteram registrari ad perpetuam memoriam rei gestæ.

*Scoti Angliam
vastant.*

Septem Comites Scotiæ prænominati superius cum eorum comitiua profecti sunt in Angliam, vastantes omnia eade & incendio, inter quæ prioratum, cum tota villa de Hexham incendio destruxerunt, progressique ad domum monialium de Ramesay, domos quasdam incenderunt, & cum ingenti præda in Scotiam sunt reuersi.

*Dunbar à Scotis
captum recuperauit.*

Patricius de Dunbar se regi Angliæ cum tota sua potestate submisit. Castrum de Dunbar cito post obsessum à Scotis fraude quorundam in eo existentium redditum est eisdem ad quod recuperandum comes Surrey & Southsexia Iohannes, & Guliel. comes Warrwic à rege mittuntur cum manu forti. Quibus superueniens Scotorum exercitus ut obsessis ferret auxilium, excipitur dira pugna, in qua dicuntur occisa Scotorum 10. millia. Sabato sequenti regi aduenienti redditum est castrum, in quo capti sunt tres comites, sex barones, cum militibus 29. scutiferis octoginta tribus. Quos rex ad diuersa castra Angliæ transmisit arctius detinendos. Post captionem castri de Dunbar reddita sunt ei castra de Rokesburgh, & Edinburgh, castellum vero de Striuelin inuenit vacuum, custodibus in fugam dilapsis. Transgressus vero mareoticum venit ad villam S. Iohannis in festo S. Iohannis Baptistæ, ubi per aliquot dies mansit.

Scotorum rex pacem petit.

Rex Scotorum Iohannes videns se regi Edwardo non posse resistere, pacem supplex & misericordiam implorauit, venitque ad mandatum regis Angliæ cum suis magnatibus ad castrum de Brithni. Qui post multos variosque tractatus, nude & pure subiecerunt se & regnum Scotiæ regiæ voluntati. In cuius subiectionis firmamentum rex Scotiæ filium suum obsidem tradidit, litterasque confecit continentes in Gallico hunc tenorem.

Subiectis Scotis.

Iohannes dei gratia rex Scotorum omnibus præsentem litteras visuris vel audituris salutem. Quia nos per malum consilium falsumque, simplicitatemque nostram, grauiter offendimus dominum nostrum Edward. dei gratia regem Angliæ dominum Hiberniæ, ducem Acquitaniæ in multis, viz. in eo quod existentes & manentes in fide sua & suo homagio, alligauimus nos regi Franciæ, qui tunc hostis eius erat, & adhuc est, matrimonium procurantes fieri cum filia domini Caroli fratris eius, & dominum nostrum grauaremus, regemque Franciæ iuuaremus cum omni potestate nostra per werram, modisque aliis. Deinde per nostrum peruersum consilium antedictum, diffidauimus dominum nostrum regem Angliæ, & posuimus nos extra fidem & homagium suum, reddendo

dendo ei homagium suum, & misimus gentes nostras in terram Angliæ ad incendia faci-
cienda & prædas abducendas, homicidia & alia damna plurima perpetranda, & terram
Scotiæ quæ est de feodo suo contra eum muniendo, ponentes & stabiliētes gentes arma-
tas, in villis, castris, & alibi ad defendendum terram contra eum de feodo suo pro quibus
transgressionibus dominus noster rex Angliæ antedictus ingressus terram Scotiæ in for-
titudine sua eam conquisiuit & cepit, non obstante omni eo quod facere potuimus con-
tra eum, sicut potest de iure facere tanquam dominus de feodo suo, quia nos homagium
nostrum reddidimus & fecimus rebellionem antedictam. Nos igitur existentes adhuc in
plena potestate nostra & libera voluntate, reddimus ei terram Scotiæ & gentem nostram
10 cum homagijs. In cuius rei testimonium, &c. Consignata litera, fractoque sigillo commu-
ni regni Scotiæ, processit rex ut videret montana Scotiæ, præcedente eum semper per v-
nam dietam episcopo Dunelmensi. In redeundo autem transiuit per Abbathiam de Sco-
ne, vbi sublato lapide quo reges Scotorum tempore coronationis solebant uti pro thro-
no, transtulit illum vsque Westmonasterium, iubens idem fieri celebrantium cathedram
sacerdotum.

*Thronus Scoto-
rum regis in An-
gliam transla-
tus.*

Eo tempore Rex apud Berwicum facto parlamento, omnium magnatum Sco-
tiæ fidelitates recepit & homagia, qui ad rei gestæ memoriam perpetuam, confecerunt
super hoc literas patentes, eorum sigillis munitas, continentes in Gallico hunc tenorem.

20 Omnibus præsentēs literas visuris vel audituris Iohannes Comyn de Badenau, &c.
Quia ad fidem & voluntatem illustrissimi principis ac charissimi domini nostri domi-
ni Edward. dei gratia regis Angliæ, domini Hiberniæ, ac ducis Aquitaniæ venimus, pro-
mittimus pro nobis & hæredibus nostris, sub pœna corporū nostrorum & catellarum ac
omnium quæ habere possumus, quod nos seruiemus ei bene & fideliter contra omnes
gentes, quæ viuere & mori possunt, omnibus vicibus quibus requiremur & præmunie-
mur per antedictum dominum nostrum regem Angliæ, vel hæredes suos, & quod nos
non sciemus damnum eorum, quin illud impediemus omnibus viribus nostris, & eos
præmuniemus, & ad ista tenenda & seruanda, obligamus nos & hæredes nostros, & omnia
bona nostra. Insuper & iurauimus tactis sacrosanctis Euangelijs, & postea nos omnes
& quilibet nostrum per se fecit homagium domino nostro regi Angliæ in hæc verba. Ego
30 vester homo ligeus efficior de vita & membris, & terreno honore contra omnes homi-
nes qui possunt viuere & mori. Eridem Dominus recepit hoc homagium sub hiis ver-
bis: Nos illud recipimus pro terris quibus estis nunc seisciti, salvo iure nostro aut alterius,
& exceptis terris quas Iohannes de Baliolo quondam rex Scotiæ nobis contulit, post-
quam & regnum Scotiæ liberauimus, si forte aliquas terras dedit. Insuper nos omnes &
singuli nostrum, per se fecimus fidelitatem domino nostro regi prædicto in his verbis. E-
ro fidelis & legalis, fidemque & legalitatem seruabo Edw. regi Angliæ & hæredibus suis,
de vita & membris & terreno honore, contra omnes homines qui possunt viuere & mo-
ri, & nunquam pro aliquo portabo arma, nec ero in consilio vel auxilio contra eum, & hæ-
redes suos in aliquo casu qui possit contingere, sed fideliter recognoscā, & fideliter faciā
40 seruitia quæ pertinent ad tenementum, quod de eo tenere clamito, sicut me deus adiuuet
& omnes sancti eius. In harum rerum testimonium factæ sunt istæ literæ patentes, & sigil-
lis nostris signatæ. Dat. apud Berwicum, anno regni regis Angliæ Edwardi domini nostri,
vicefimo quinto.

*Scoti fidelitatem
iurans regi An-
glia.*

*Forma homagij
Scotorum.*

*Iuramentum
Scotorum.*

Hiis ita gestis ordinauit rex custodem Scotiæ, Ioh. de Karenna Surrey & Southsexie
comitem, thesaurarium Hugonem de Cressingham, iusticiarium Gulde Ormesby. Cui
mandauit rex ut omnes tenentes de rege terras aliquas vocaret, & eorum homagia fide-
litateque reciperet. Iohann. vero Scotiæ quondam regem misit ad turrim Londoniarum,
assignata sibi decenti familia, liberumque concessit exitum ad 20. miliaria circa urbem.
Iohan. vero Comyn de Badenhan & alium de Bowhan, cæterosque terre illius magnates
50 transtulit in Angliam ultra Trentam, interdicens reditum in Scotiam sub pœna capitali,
quousque guerra sua cum rege Franciæ finiretur.

*Iohannes turri
commisus.*

Post hæc Rex Edward. veniens in Angliam, apud S. Edmundum parlamentum te-
nuit in crastino animatum. In quo à ciuitatibus & Burgis concessa est regi octaua, à popu-
lo vero reliquo duodecima pars bonorum. Clerus ob constitutionem Bonifacii papæ
hoc anno æditam, quæ prohibet sub pœna excommunicationis, ne talliæ vel exactio-
nes à clero per seculares principes quocunq; modo exigantur, vel eis soluantur de rebus ec-
clesiæ, regi pro guerra sua petenti subsidium denegauit. Rex autem, ut de meliori respon-
so deliberarent, negotium in aliud parlamentum tenendum Londoniis in crastino S.
Hillarij distulit.

*Parlamentum
apud S. Edmun-
dum.*

Celestini mors.

Hoc anno frater Petrus de Murrone, quondam papa Celestinus per Bonifacium papam captus, & in arcta detentus custodia, soluto præsentis vitæ ergastulo ad cælestia regna migravit.

Clarus regia pro sectione excluditur.

An. 1297. Parliamentum coactum est Londonijs post festum S. Hillarij, in quo clero persistente in denegatione subsidij, rex ipsum à sua protectione exclusit. Pro qua ramen redimenda multi per se, multi per mediatores regi bonorū suorum dederunt postea 5. partem. Rex Archiepiscopum in hac parte rigidiorē comperiens, terras eius omnes seiscuit, & de bonis eiusdem debita in rotulis scaccarij inuēta præcepit cum celeritate leuari. Nam idem Archiepiscopus de consensu cleri procurauerat à papa inhibitionem, ne quis clericorum regem respiceret de bonis ecclesiæ.

10

Per idem tempus Comes Atrabatenſis in Waſconia in quodam conflictu vicit Iohannem de S. Iohanne custodem illarum partium, & captiuum misit Parisius cum aliis 8. militibus, & scutiferis nonnullis in pompa triumphi.

Tributum lana anſum.

Hoc anno auxit rex tributum de lanis, accipiens de quolibet sacco 40. sol. cum prius ultra dimidiam marcam non daretur.

Citatio regia seruientium.

Rex congregatis ad consilium Sarum quibusdam regni magnatibus, rogauit ut eorum aliqui in Waſconiam transfretarent. Quibus renuentibus inter utrosque discordia pullulauit. Rex proinde citari fecit omnes, qui debebant sibi seruitium, ceterosque omnes qui 20. libratas terræ & amplius tenebāt, ut parati essent Londoniis in festo S. Petri ad vincula, cum equis & armis transfretaturi cum eo, & regiis stipendiis militaturi.

20

Per hoc tempus cardinales de Columna per papam Bonifacium depositi, ad urbem se conferunt Nepeſinam, contra quos damnatos tanquam schismaticos & excommunicatos, papa viros bellatores in Italia cruce signauit.

Flandriſum aſſiſio.

Philippus Francorum rex ingressus Flandriam partem patriæ deuastauit. Comes vero Atrabatenſis reuerſus de Waſconia, & ingressus Flandriam commisso bello iuxta Furnas, factus est superior, & villam de Furnas cepit.

Guliel. Walleys Scotos ad rebellionem incitat.

Guliel. Walleys latro publicus Scotos ad rebellionem concitauit. Qui factus dux Scotorum, associato sibi Gul. Douglas, Gul. de Ormesby iusticiarium apud Scone opprimere cogitabat. Sed ille licet tarde præmonitus, suis omnibus pene relictis ad spolia hostium, eorum insidias vix euasit. Gul. ergo Walleys cum suis palam debacchando in Anglicos, quosunque inuenire potuit trucidauit, de quibus viros religioſos ligatis ad dorsum manibus, coegit saltare in fluuium, eorum submersionem in ludibrium conuertendo. Medio tempore rex audiens afflictionem Flandrenſium doluit vehementer. Habensque maxime cordi iter in Flandriam ad iuuandum amicū suū comitem sibi nuper confederatum, totam militiam ultra fluuium de Trent assignauit comiti de VVarena, ut Scotorum audaciam reprimeret, conatusque fastuosos. Scripsit etiam Ioh. Comyn de Badenam, & comiti de Bowhan, ut memores fidelitatis suæ reuerterentur in Scotiam, & populi sui suscitatum iam tumultum sedarent. Qui iuxta regis mandatum reuertētes in Scotiam, quæ pacis erant, segniter executi sunt.

30

Scoti quidem se reddunt.

Comes de Warena profecturus in Scotiam, nepotem suū Henr. de Percy cum militia Carleoli ante se præmisit, viditque ultra quendam lacum confidentem Scotorum exercitum. Quorum capitanei erant episcopus Glascuensis, Andreas de Morima Seneschallus Scotiæ, & Gul. Walleys. Miles autem quidam Rich. de Lundi, qui regi Angliæ nūquam homagium fecerat, relictis Scotis factus transfuga, se statim Anglicis sociauit. Reliqui pacem petentes dederunt se, saluis eis vita & membris, catallis, & terris, ita ut omnia usque in hanc diem essent simpliciter condonata. Quam pacem promissis obsidibus, & idem scripto confecto admisit Henr. Percy, si tamen hoc regi placeret. Rex super hoc consultus, ne à certo impediretur itinere annuit postulatis. Episc. Glascuensis in castro de Rokburgh, Gul. vero Duglas in castro Berwici custodiæ mancipantur.

Edwardus primus parat ire in Flandriam.

Parliamentum factum est Londoniis in festo S. Petri ad vincula, in quo Rex recepit Archiepiscopum in gratiam suam, omnibusque eius erant restitutis eidem, & de exactionibus in regno factis per necessitates guerrarum, se erga populum excusauit. Magnatibus vero, qui tunc aderant, præcepit, ut fidelitatem filio suo facerent, ipsumque regni hæredem recognoscerent. Comes Marſcallus & Herefordensis cum vocarentur ut sua officia transfretando in Flandriam exercerent, se subtraxerunt, & super hoc se per nuncios excusabant. Rex Radulphum de Moynhermet militem, quem filia sua Iohanna Comitissa Glouerniæ clam maritum acceperat, in grauem patris offensam, de castro Bristollæ fecit educi & uxori suæ reddi, restituendo ei omnes terras spectantes ad comitatum Glouerniæ, imponens eisdem seruiciū quinquaginta militum in terra-

ram

ram Flandriæ. Liberauit etiam de carcere Comites de Asceles, & de Menteth & Iohan. Comyn cum quibusdam alijs militibus de Scotia, qui in castro de Dunbar capti fuerunt, vt secum in Flandria militarent. Collecto denique exercitu, Thoma de Berkeley Constabulario & Galfrido de Monibilza Marefcallo factis, in Flandriam profecturus iter suum dirigit, atque iuxta Winchelseiam vbi portum elegerat confedit, illic viros bellatores aduenturos ad se de diuersis partibus per dies aliquot expectando. Regi adhuc moram facienti apud Winchelsey, venerunt ad eum nuncij ex parte Comitum regni, petitiones in scriptis huiusmodi proponentes.

Hæc sunt nocumenta, quæ Archiepiscopi, Episcopi, Abbates, & Priores, Comites & *Petitiones Comitum regni.*
 10 Barones, & tota terræ communitas monstrant domino nostro Regi, & humiliter rogant eum, vt ea ad honorem suum & saluationem populi sui, velit corrigere & emendare. In primis videtur toti communitati terræ, quod præmunio facta eis per breue domini nostri Regis non erat satis sufficiens, quia non exprimebatur certus locus, quo debebant ire, quia secundum locum oportebat facere prouidentiam & pecunias habere. Et siue deberent seruitium facere, siue non, quia dictum est communiter, quod dominus noster vult transfretare in Flandriam, videtur toti communitati, quod ibi non debent aliquod seruitium facere, quia nec ipsi, nec prædecessores sui, seu progenitores, vnquam fecerunt seruitium in terra illa. Et quamuis ita esset, quod deberent ibi seruitium facere vel alibi, tamen non habent facultatem faciendi, quia nimis afflicti sunt per diuersa tallagia, auxilia, prisas,
 20 viz. de frumento, auenis, braeco, lanis, corijs, bobus, vaccis, carnibus salis sine solutione licuius denarij, de quibus debuerant se sustentasse.

Præter hæc dicunt, quod auxilium non possunt facere propter paupertatem in qua sunt, propter tallagia & prisas antedictas, quia vix habent vnde se sustentent, & multi sunt, qui nullam sustentationem habent, nec terras suas colere possunt. Præter hæc tota communitas sensit se valde grauata, quia non tractantur secundum leges & consuetudines terræ, secundum quas antecessores sui tractari solebant, nec habent libertates quas solebant habere, sed voluntarie excluduntur. Præter hæc communitas terræ se sentit nimis grauata de vectigali Lanarum, quod nimis est onerosum, viz. de quolibet sacco 40. sol. & de lana fracta de quolibet sacco septem marcas. Nam lana Angliæ
 30 ascendit fere ad valorem medietatis totius terræ, & vectigal quod eidem soluitur, ascendit ad quintam partem valoris totius terræ. Quia vero communitas optat honorem & salutem domino nostro Regi, sicut tenetur velle, non videtur eis quod sit ad bonum Regis, quod transeat in Flandriam, nisi plus esset affecuratus de Flandrensibus pro se & pro gente sua, & simul cum hoc propter terram Scotiæ, quæ rebellare incipit, ipso existente in terra, & æstimant quod peius facient, cum certificati fuerint, quod Rex mare transierit, nec solum pro terra Scotiæ, sed etiam pro terris alijs, quæ non sunt adhuc modo debito stabilitæ. Rex ad præmissa respondit, se talibus non posse sine suo consilio respondere, cuius pars aliqua iam transiit in Flandriam, pars aliqua Londonijs est relicta. Rogauit ergo per eosdem nuncios præfatos Comites, quod si secum transire noilent, saltem
 40 regno suo in sua absentia non nocerent, sperabat autem Deo fauente reuerti, & regnum suum modo debito obtinere. Duodecimo Kalendas Septembris Rex naues ingressus velificauit vsque Flandriam, & sexto die sequente applicuit iuxta Sclusam, vbi facta dissensione inter Portesmuthenses, & Gernemuthenses ventum est ad pugnam. Succumbentibus Gernemuthensibus de nauibus eorum viginti quinque incendio consumuntur. Rex vero vt venit ad Brugiam comperit Brugenfes plus inclinatos Gallicis, quam sibi vel suo domino naturali. Quapropter versus Gandauum dirigit iter suum, vbi dum moraretur orta est discordia apud villam Samonem, inter villanos & Anglicos, qui armati villam ipsam multis interfectis deprædati sunt ad magnam displicentiam Regis nostri.

50 Rex Francorum audito aduentu Regis Anglorum in Flandriam vehementer consternatus, ad vnus dietæ spacium se subtraxit.

Papa Bonifacius scripsit interim Principibus Alemanniæ, vt Regem Romanorum Adulphum qui nuper confœderatus fuerat Regi Angliæ, ne transiret in Flandriam in auxilium Regis Angliæ, bellis quibus possent inquietarent, & ab inuasionem Gallorum modis omnibus impedirent.

Comites Herefordiæ & Marefcalli cum suis complicitibus inhibuerunt thesaurario & baronibus de Scaccario, ne leuari facerent 8. denarium à populo, qui Regi concessus fuerat apud S. Edmundum. Induxerunt insuper ciues Londoniarum, vt pro recuperandis suis liberratibus secum starent.

Rege Angliæ in Flandria commorante, locum eius in Anglia tenuit ~~filius suus~~ Edwardus, adhibitis sibi tutoribus viris prouidis & discretis.

Adolphus inter-
ficitur.

Eodem anno Adolphus Rex Alemanniæ, qui pactum quod pepigit cum Rege Angliæ præuaricauerat, orta dissensione inter ipsum & Albertum filium Rodulphi ducis Austriæ, belloque indicto iuxta Maguntiam corruit sauciatus. Et regnavit idem Albertus pro eo.

Bellum inter Sco-
tos & Anglos.

Exeunte mense Augusto, cum Comes Warennæ frustram vidisset Scotorum promissionem, misit nuncios ad Guliel. Walleys, & Scotos qui cum eo erant, qui inuitarent eos ad pacem, & pro retroactis sponderent impunitatem. Qui responderunt se ad pugnam, non ad pacem venisse. Commissum est ergo bellum iuxta pontem de Striuelin satis inconsulte, in quo plures ex Anglicis sunt perempti. Comes Warennæ custos Scotiæ fugiens ad Berwicum, commisit custodiam castri de Striuelin, Marmeduco de Twenge, qui inter paucos qui euaserant se saluauit. Senescallus Scotiæ & Comes de Lewnes videntes Anglorum stragem transfugerunt ad Scotos. Cecidit autem in hoc conflictu Hugo de Cressingham Thesaurarius Scotiæ, quem Scoti ob odium speciale excoriantes, pellem eius in particulas diuiserunt. Comes Warennæ de Berwico fugit in Angliam ad filium Regis Edwardum, post quem fugerunt & cæteri, qui in Berwico fuerant, villam Scotis relinquentes vacuam. Custodes autem castri illud tenentes viriliter defenderunt. Cum hæc agerentur à Scotis, suatum est filio Regis à consilio suo, vt Comites Herefordiæ & Mar-

Articuli pacti in-
ter regem & pro-
ceres.

scalli vocaret, & si quo modo posset ad pacem alliceret. Qui hanc formam pacis & nullam 20
aliam admittere voluerunt. Viz. quod dominus Rex magnam chartam, cum cæteris articulis adiectis, & chartam de foresta annuat & confirmet: & quod nullum auxilium vel vexationem exigit à clero vel populo in posterum, absque consilio & assensu: & quod omnem offensionem Comitibus & eorum confederatis dimittat. Articuli adiecti ad magnam chartam sunt isti. Nullum tallagium vel auxilium per nos vel hæredes nostros de cætero in regno nostro imponatur, seu leuetur sine voluntate & assensu communi, Archiepiscoporum, Episcoporum, Abbatum & aliorum Prælatorum, Comitum, Baronum, Militum, Burgensium & aliorum liberorum hominum. Nullus minister noster, vel hæredum nostrorum in regno nostro capiat Blada, Lanas, Coria, aut aliqua alia bona cuiuscunque sine voluntate & assensu illius cuius fuerint. Nihil capiatur de cætero nomine vesti- 30
galis de sacco Lanæ. Volumus etiam & concedimus pro nobis & hæredibus nostris, quod omnes clerici & laici de regno nostro habeant omnes leges, libertates, & omnes consuetudines, ita libere & integre, sicut eas aliquo tempore consueuerunt melius pleniusque habere. Et si contra illas, vel quemcunque articulum in præsentis charta contentum, statuta fuerint edita per nos vel antecessores nostros, vel consuetudines introductæ, volumus & concedimus, quod huiusmodi statuta vacua sunt & nulla in perpetuum. Remisimus etiam Humfrido de Boun Comiti Herefordiæ & Estsexiæ, Constabulario Angliæ, Roberto Bigod Comiti Northfolciæ, Marefcallo Angliæ, & alijs Comitibus, Baronibus, militibus, armigeris, Iohanni de Ferrarijs ac omnibus alijs de eorum societate, confederatione & concordia existentibus, nec non omnibus viginti libratas terrarum tenentibus in regno 40
nostro siue de nobis, siue de aliquo quocunque in capite, qui ad transfretandum nobiscum in Flandriam certo die notato vocati fuerunt, & non venerunt, rancorem nostrum & malam voluntatem, quam ex causis prædictis erga eos habuimus, & transgressionem si quas nobis vel nostris fecerint vsque ad præsentis chartæ confectionem. Et ad maiorem securitatem huius rei, volumus & concedimus pro nobis & hæredibus nostris, quod omnes Archiepiscopi Angliæ & Episcopi in perpetuum in suis cathedralibus ecclesijs, habita præsentis charta & lecta excommunicent publice, & in singulis ecclesijs suarum diocesium excommunicari faciant, se excommunicatos denunciare bis in anno omnes, qui contra tenorem præsentis chartæ vim & effectum in quocunque articulo scienter fecerint, aut fieri procurauerint quouis modo. 50

Subsidium.

Missis ergo in Flandriam nuncijs ad ipsum Regem, confirmationem omnium istorum sub sigillo suo tanquam ab illo qui in arcto positus erat, & cedendum malitiæ temporis obtinuerunt. Pro confirmatione harum rerum omnium dedit populus Anglicanus Regi denarium nonum bonorum suorum. Clerus vero Cantuariensis decimum, & clerus Eboracensis quintum, quia propior damno fuit.

Anno 1298. tenuit Rex Edwardus festum natalis in Flandria apud Gandauum. Ad quem venerunt ex parte Papæ nuncij rogantes eum sub eadem forma, qua ante ex parte Papæ rogauerant Regem Franciæ, vt nuncios solemnes ad Curiam Romanam, concessa eis plena potestate tractandi, ordinandi, & perficiendi omnia, quæ pacis reformationem tange-

rangerent, destinaret, & ipse apostolicus non tanquam iudex, sed vt bonus pacis mediator in nullius præiudicium satageret ad pacem & tranquillitatem regnorum, Regum amicitiam in statum pristinum reformare. Et quia hoc absque treugis fieri non posse iudicauit summus Pontifex, ideo per hos nuncios biennales inducias, quas per Cardinales implorauerat, indixit de nouo sub poena excommunicationis, & interdicti terrarum suarum.

Papa mediator inter reges.

Rex Angliæ perpendens se in Flandria periculose commorantem, illucque per informationem Comitis Flandriæ minus prudenter attractum, regnumque proprium intestina seditione turbatum, fiduciamque suam de Rege Romanorum per Papam sibi minus beneuolum regnum Teutoniæ turbantem frustratam, consensit in treugas indictas. Transmittunt ergo Reges vtrique solemnnes nuncios cum plena potestate ad Romanam curiam, vt per mediationem apostolici, non tanquam iudicis sed amicabile compositoris discussis negotijs, pax inter Reges & concordia reformaretur.

Nuncij ad Papam de pace.

Post hæc apud Gandauum suscitata est seditio per filios Comitis Flandriæ & villanos contra Anglicos, quorum villa per Wallenses incensa fuisset, nisi Rex accurrente ad eum Comite, concitatum impetum impedisset.

Eo tempore Comes Warennæ custos Scotiæ, ac Comites alij iuxta mandatum regium apud Eboracum conuenientes, publicata confirmatione chartarum articulorumque adiectorum versus Scotiam processerunt. Maiores Scotorum Eboracum non venientes secundum vocationem regiam se intra terræ suæ terminos tenuerunt.

Gulielmus Walleys Castrum de Rokesburia iam multis diebus obsederat, sed audito aduentu Anglorum diffugit. Comites vero regni peruenientes Rokesburgiam munito castro, & consolatibus obsessis, audierunt de treugis acceptis inter Reges, & literas acceperunt à Rege de reditu suo, iubentes ne ante aduentum suum aliquid in Scotia attemptarent, per quod possent discrimen incurrere quouis modo.

Rex Angliæ reuersurus ad propria, cum venisset ad villam vocatam Ardeburgia, Scoti fere cuncti quos secum in Flandriam duxerat, ab ipso decedentes Parisius abierunt. Cumque Rex venisset in Angliam, misit ad Regem Francorum pro liberatione captiuorum iuxta formam conditam. Conuenerat nempe inter eos, vt captiui interim taxata eorum redemptione liberentur, hinc inde ea conditione, vt si pax non fuerit, redirent ad suas custodias, vel redemptionem soluerent iam taxatam. Rex vero Francorum exigit à nuncijs liberationem Iohannis quondam Regis Scotiæ, qui de suis fuerat, vt asseruit, alligatis. Rex Angliæ respondit, conuentionem tantum de illis captiuis factam, qui in terra Wasconie capti fuerant, hinc & inde, quapropter dilata est in annum sequentem liberatio captiuorum.

Rex Edwardus ad reprimendum Scotorum rebelliones parlamentum tenuit Eboraci, vocatisque Scotorum maioribus cum non venirent, indixit suis vt cum equis & armis parati essent Rokesburgiæ in festo S. Iohannis Baptiste. Tempore præfixo affuit rex paratus ad proficiscendum, profectusque est cum exercitu ad quandam villam vocatam Temple historie, vbi dum moraretur, Scotorum exercitus purans Anglos confectos inedia venit prope locum. Quod rex prænosens, processit Scotis obuiam, & nocte iam cæca in quadam campi planicie cum armato confedit exercitu. In aurora clamor factus est horribilis, tanquam Scoti castra regia occupassent. Regis dextrarius tumultuoso actus clamore, regem iam ascendentem calcitrando deiecit, cuiusque lateri calces posteriores alidens, duas ei costas confregit. Qui nihilominus ascendens equum, alium exercitum progredientem ad bellum comitari non omisit. In die beatæ Mariæ Magdalene commissio inter Anglos & Scotos cruentissimo bello, Scoti terga dedere, occisis ex eis 60. millibus ea die.

Parlamentum Eboraci.

Regis duas costas fractas Scotorum cades.

Gulielmus Walleys & maiores Scotiæ ab isto discrimine ad nemora confugerunt. Post hæc vastata est villa S. Andreæ per Anglos, & captum castrum de Loughmaban. Cum autem venisset rex Carleolum, Comites Herefordiæ, & Marecalli, licentia accepta ad propria redierunt. Rex vero reuertendo peruenit ad Coldingham, vbi festum natalis Domini expectauit.

Hoc anno Albertus dux Austriæ contra Adulphum regem Romanorum dimicans ipsum interfecit in campo, & sibi successit in regem solemniter coronatus.

Petrus & Iacobus de Columna quondam Cardinales ab exercitu Papæ Præneste obsessi, tandem se humiliant, & venientes ad Papam, veniam postulant de commissis.

Cardinales humiliant se.

Anno 1299. Papa Bonifacius receptis regum submissionibus, pacem & concordiam inter reges ordinauit, ita vt rex Angliæ sororem, & filius eius, filiam regis Francorum

*Pax inter Reges
per Papam fa-
cta.*

rum ducerent, certis pro vtriusque dotibus definitis. Et ducatus Aquitaniz in manus domini Papæ traderetur, quousque discussa vtriusque iustitia iusto domino redderetur. Et quod Rex Angliæ naues superstites cum mercibus de illis quæ raptæ fuerant, restitueret. Sed super his duobus articulis intercidit magna dilatio, Rege Francorum partem quam in Wasconia occupauerat, tradere renuente.

Petrus & Iacobus de Columna timentes iterum fugiunt, & toto tempore Bonifacii Papæ se occultant.

In principio quadragesimæ Rex Edvv. tenuit parliamentum Londonijs. In quo rogatus à Comitibus sæpe dictis, vt chartarum confirmationem renouaret, secundum quod in Scotia promiserat, post aliquas dilationes, annuit eorum petitioni, hac conditione, saluo iure coronæ nostræ in fine adiecta. Quam cum audissent Comites cum displicentia ad propria recesserunt. Sed reuocatis ipsis ad quindenam Paschæ, ad vora eorum absolute omnia sunt concessa.

*Iohannes Papa
mittitur.*

*Scotorum Regis
cista aperitur.*

Nuncij papales venere Cantuariam Regem rogantes, vt Iohannem quondam Regem Scotiæ suæ liberaret custodiæ, spondentes quod Regem & regnum, ab omni quod per hanc posset contingere liberationem periculo præseruarent. Quorum petitioni Rex condescendens respondit, se ipsum Iohannem tanquam seductorem, falsum & periurum ad Papam missurum. Ad quæ nuncij responderunt: Et nos cum pro tali suscipimus summo Pontifici præsentandum. Cumq; dictus Iohannes cum præfatis nuncijs venisset Donerniam, & cistæ suæ in nauem inferrentur, quidam regales qui eos ad mare deduxerant, clitellas dicti Iohannis aperiri fecerunt, in quibus inuenta est vna corona regia regni Scotorum aurea, & multa vasa aurea & argentea & pecuniæ non parua summa, quæ vniuersa Regi Angliæ sunt allata. Rex illico coronam auream offerri iussit beato Thomæ martyri, & sigillum commune Scotiæ quod repertum est ibidem inter cætera, iussit sibi met reservari. pecuniam vero totam remisit dicto Iohanni ad expensas itineris. Quod factum nuncij plurimum commendarunt. Iohannem vero in terram Balioli quam habuit in regno Franciæ transtulerunt, & ibidem sub certa prælatorum custodia reliquerunt. Post hæc & alij captiui à Regibus detenti hinc inde, secundum conditiones in treugarum possessione positas liberantur. Rex Angliæ sororem Regis Franciæ Margaretham Cantuariæ duxit uxorem. His nuptijs interfuerunt, Dux Burgundiæ, Comes Britanniz, & cuncti fere Principes nominati, qui citra Hispaniam morabantur. Cantuariensis Archiepiscopus solemnitatem matrimonij consummauit.

*Rex Edwardus
ducit uxorem.*

Edmundi mors.

Rex venit ad S. Albanum petens humiliter orationes & suffragia fratrum illius loci. Post eius recessum accessit Regina ad monasterium, & obtulit duos pannos aureos beato Albano, vbi etiam perhendinauit per tres hebdomadas cum familia magna nimis. Ante recessum suum ingressa capitulum, suscepit beneficium sororitatis cum magna deuotione.

Anno 1300. obiit sine prole Edmundus Comes Cornubiæ, filius Richardi quondam Comitis Cornubiæ & Regis Alemanniæ. Qua de causâ redijt comitatus ille ad coronam. Corpus Edmundi Comitis apud Asscherugge, locum quem fundauerat est humatū.

*Scotis Papa po-
nit treuga da-
ta.*

Rex Angliæ direxit ad Papam nuncios, qui declararent iniurias sibi irrogatas per Scotos, & eorum falsitatem manifestarent, insuper & eundem deprecarentur, ne Scotis mendacij fabricatoribus, proditoribus, & homicidis de cætero sinum aperiret protectionis, quorum fraudulenta persuasio papalem sollicitudinem circumuenerat. Sed Papa cuius stomachus à corruptione Scotorum nondum digestus fuerat, Regi supplicat, necnon & mandat, vt sui contemplatione, Scotis treugas indulgeat à die omnium sanctorum usque ad festum Pentecostes, & factum est ita.

*Papa nuncios ad
dum Franciam in-
bitur.*

Anno 1301. natus est Regi filius ex Margaretha Regina, quem vocauit Edmundum. Appamiensis Episcopus de conspiratione contra Regem Franciæ accusatus, & ad curiam Regis vocatus in custodia detinetur. Mense vero Februario ad mandatum Papæ liberatus, iubetur vna cum nuncio domini Papæ, regnum euacuare infra certum terminum à Rege præfixum. Quo facto Papa sic exasperatus est, vt omnes gratias à se vel suis prædecessoribus concessas Francorum Regibus reuocaret, & in eundem Regem excommunicationis sententiam fulminaret. Quam tamen Regi nemo ausus est nunciare, vel in regno Franciæ publicare. Fecit etiam Papa citari cunctos Prælatos de regno Franciæ, necnon & omnes magistros in Theologia, & in iure tam canonico quam ciuili Doctores, vt coram eo Romæ in Kalendis Nouembris comparerent. Rex vero Franciæ publico prohibuit edicto, ne quis aurum vel argentum, seu merces quascunque asportaret de regno suo, sub satisfactione omnium bonorum, adiecta nihilominus poena graui. Misitque domino Papæ nunc-

nūncium dictum Petrum de Flote, qui mandata regis constantissime coram Papa prosequabatur, de cuius audacia Papa exasperatus dicto Petro respondit: Nos habemus, inquit, vtramque potestatem. Et illico Petrus pro suo domino respondit: Vtique domine, sed vestra est verbalis, nostra autem realis. Quo responso tantum excanduit ira Papæ, vt diceret se mouere contra eum coelum & terram.

Papæ gladium verbalis.

Rex Angliæ tenuit parliamentum Staunfordiæ, ad quod conuenerunt Comites & Barones cum equis & armis, eo proposito, prout dicebatur, vt executionem chartæ de foresta, dilatam hæctenus extorquerent. Rex vero eorum voluntati in omnibus condescendit.

- 10 Eodem anno Papa direxit literas regi Angliæ, quibus asseruit regnum Scotiæ ad ius Romanæ ecclesiæ pertinere, regemque Angliæ subiectionem eius contra Deum & iustitiam, & in præiudicium sedis Apostolicæ vendicare, allegans subscriptas ratiunculas. Primo, quia cum rex Henricus pater istius obtinuisset auxilium in terra sua contra Simonem de monte forti à rege Scotorum Alexandro, ne hoc auxilium iure subiectionis cuiuslibet aut debiti peritum, aut præstitum putaretur, idem Henricus per literas suas patentes recognouit non ex debito recepisse, sed ex gratia speciali. Item ad coronationem huius regis vocatus per literas, vt ei præsentiam amicabilem in tantis solemnibus amicus exhiberet, non venit ex debito sed ex gratia speciali. Insuper pro terris de Tyndale & Penreth in regno Angliæ positis, cum rex Scotiæ ad præsentiam regis Angliæ se personaliter contulisset, eidem fidelitatem impensurus pro eisdem terris tantum in Anglia sitis, non vt rex Scotiæ, nec pro regno Scotiæ fidelitatem eandem exhibuit, quia palam coram populo protestatum est, quod pro regno Scotiæ fidelitatem aliquam regi Angliæ facere non debebat. Item quod prædictus rex Alexander reliquit puellam hæredem nomine Margaretham neptem regis Angliæ tunc minoris ætatis, cuius custodia non ad regem Angliæ velut dominum supremum peruenit: sed ad cæteros eiusdem regni Scotiæ procures ad hoc electos. Redarguebat etiam Papa regem, eo quod post mortem dicti Alexandri regis, Scotos tanquam Acephalos & ducis suffragium non habentes, ipsos per vim sibi subiugauit & metum, in præiudicium & grauamen non modicum Romanæ ecclesiæ, adiiciens, quod cum dominus Papa officium legationis alicui committit exequendum in regno Angliæ,
- 20 causa solutionis decimæ, vel etiam quauis alia causa rationabili, & huiusmodi legatio literis & priuilegio speciali dictæ sedis apostolicæ ad dictum regnum Scotiæ se non extendat, resistendum est & obstandum huiusmodi legationi, prout tempore felicitis recordationis contigit euidenter. Nam legatus iste ad prædictum regnum Scotiæ aliquatenus admissus non fuit, donec per literas apostolicas speciales, sibi legationis officium fuit in eodem commissum. Item addidit, quod regnum per beati Petri Apostoli venerandas reliquias, non sine superni dono muneris conuersum extitit ad fidei Catholicæ vnitatem. Et qualiter etiam antiquis temporibus Eboracensis Archiepiscopus qui tunc erat, mota per eum super iure metropolitano aduersus Prælatos Scotiæ quæstione, pro se nequiuisset sententiam obtinere.
- 30

Rationes Papæ, cur Scotia non spectet ad regem Angliæ.

- 40 His propositis monuit Papa Regem per literas suas, quod Episcopos, Abbatēs, Electos, & omnes alios regni Scotiæ, quos detinebat captiuos in carcere, libere abire permetteret. Et quod officiales suos de regno Scotiæ memorato reuocaret, quos in præiudicium & iniuriam, & graue scandalum fidelium populorum, & oppressionem iustorum, in dicto regno statuerat, & ordinauerat, ita quod acceptior & gratior fieret Deo, & fauorem apostolicæ sedis in hoc sibi acquireret plenius. Et si in eodem regno Scotiæ vel aliqua eius parte, ius aliquod habere se assereret, per procuratores & nuncios suos ad hoc specialiter constitutos, cum omnibus iuribus & munimentis huiusmodi negotium tangentibus, ad sedem apostolicam destinaret, super præmissis plene complementum iustitiæ recepturus.

- 50 Rex Angliæ literis Apostolicis ex deliberato apud Lincolniam conuocato consilio, pro iure suo declarando, literam huius tenoris rescripsit centum sigillis signatam. Sanctissimo in Christo patri domino B. diuina prouidentia S. Romanæ ecclesiæ summo Pontifici, Edw. Dei gratia rex Angliæ, dominus Hybernæ, dux Acquitaniæ, salutem & deuota pedum oscula beatorum. Infra scripta non in forma, nec in figura iudicii, sed omnino extra iudicium proferenda, sanctæ paternitatis vestræ conscientiæ vobis transmissimus exhibenda.

Litera regis ad Papam de iure suo in Scotiam.

Altissimus inspector cordium vestræ scrinio memoriæ indelebili stylo nouit inscribi, quod antecessores & progenitores nostri reges Angliæ, iuris superioris & directi dominij ab antiquissimis retro temporibus regno Scotiæ, & omnibus ipsius regibus in tem-

temporalibus, & annexis eisdem pro regno Scotiæ, & eiusdem proceribus à quibus habere volebant, legalia homagia receperunt, & omnibus ipsius Regibus in temporalibus & annexis eisdem præfuerunt, & ab eisdem pro regno Scotiæ & eiusdem proceribus à quibus habere volebant, legalia homagia receperunt, & fidelitatis debita iuramenta. Nos iuris & dominij possessionem continuantes pro tempore nostro, eadem tam à Rege recipimus, quam à proceribus ipsius regni. Quinimo tanta iuris & dominij prærogatiua super regnum & eiusdem Regem gaudebant, quod regnum ipsum suis fidelibus conferebant. Reges etiam ex iustis causis amovebant, & constituiebant sub se loco ipsorum alios regnuros, quæ proculdubio notoria fuisse, & esse creduntur apud omnes, licet aliud forsân paternis vestris auribus per pacis æmulos, & rebellionis filios fuerit falsa insinuatione suggestum. A quorum machinosis & imaginarijs figmentis, vt vestræ sanctitatis oculus auertatur suppliciter quæsumus, & paternam clementiam & excellentiam deuotis affectibus exoramus. Sub temporibus Hely & Samuelis Prophetæ vir quidam strenuus & insignis Brutus nomine, de genere Troianorum post excidium vrbs Troiæ cum multis nobilibus Troianorum applicuit in quandam insulam tunc Albion appellatam, quæ tunc temporis solos gigantes habitatores habuit. Quibus deuictis & occisis eam de nomine suo Britanniam, sociosque suos Britones appellauit. Qui moriturus regnum suum tribus filiis suis delegauit. Locrino primogenito, dedit illam partem, quæ quondam Loegria, nunc vero Anglia nominatur. Albanao filio natu secundo, dedit Albaniam, quæ nunc Scotia vocitatur, Cambro vero tertio filio dedit Cambriam, quæ modo Wallia nomen habet, reseruata Locrino seniori regia dignitate. Biennio post mortem Bruti applicuit in Albania Rex Hunnorum Humber nomine, qui Albanao fratrem Locrini peremit. Quem mox Locrinus fugere compulsi ad fluium, in quo submersus est, qui ab eius prænomine nunc vsque Humber dicitur. Et sic Albania deuoluitur ad Locrinum. Ex post Dunwallus Rex Britonum, Staternum Regem Scotiæ sibi rebellem occidit, & terram in ditionem accepit. Item duo filij Dunwallonis siue Dunwalli, s. Belinus & Brennius inter se regnum patris sui diuiserunt, ita quod Belinus senior, diadema insulæ cum Britannia, Wallia & Cornubia possedit. Brennius vero accepit Scotiam sub eo regnaturus. Item Arthurus Rex Britonum famosissimus, Scotiam sibi rebellem subiecit, & fere totam gentem deleuit. Et ex post quendam nomine Anguselum præfecit in Regem Scotiæ, qui in famoso suo conuiuio apud urbem legionum celebrato, seruitium pro regno suo exhibens debitum, gladium Arthuri detulit coram eo, & successiue omnes Reges Scotiæ Regibus Britonum subiecti fuere. Succedentes autem Reges Angliæ in eadem insula, ipsius monarchiam & dominium possidere. Edwardus dictus senior, filius Alfredi Regis Angliæ, Scotorum, Cumborum & Stregwallorum Reges tanquam superiori domino subiectos habuit & submissos. Edelstanus Rex Angliæ Constantinum Regem Scotorum sub se regnaturum constituit, dicens, gloriosius esse Regem facere, quam Regem esse. Et est dignum memoria, quod idem Adelstanus interdicente S. Iohanne de Beuerlaco quondam Archiepiscopo Eborum, Scotos rebellantes ei deuicit. Qui gratias agens Deo beatoque Iohanni deprecatus est, vt interueniente beato Iohanne præfato ei aliquod signum euident ostenderetur, per quod tam succedentes quam præsentis cognoscere possent, Scotos Anglorum regno iure debere subijci. Et videns quosdam scopulos prope Dunbar in Scotia, extracto gladio percussit prominentiorem scopulum. Et mox silex istu mucronis, virtute Dei ita cauata fuit, vt mensuram vlnæ in longitudine contineret. Quod miraculum velut omni hebdomada per totum annum in legenda S. Iohannis, in reigestæ memoriam recitatur, quando seruitium sit de S. Iohanne in Beuerlacenſi ecclesia.

Item Constantinus Rex Scotorum, & Eugenius Rex Cumborum ad prædictum Regem Angliæ Ethelstanum, post aliquam dissentionem inter eos habitam venientes, se cum suis regnis Ethelstano dedidere, cuius facti gratia filium Constantini ipse Ethelstanus de sacro fonte suscepit.

Item Edredo Regi Angliæ, Scoti sine bello se subdiderunt, & eidem Regi Edredo tanquam domino fidelitatem iurauerunt, quodam Iricio Rege super eos constituto. Item cum Edgarus Rex Angliæ Regem Scotorum Kinadium & Cumborum Malcolinum, Regem Insularum Malkerium, & alios quinque subregulos, s. Dunenaldum, Syfoth, Hunewaldum, Iacob & Inchillum subiugasset, & remigando per fluium Dee iuxta Cestriam in quadam die prope proram sedisset, & nauim ipsam gubernasset, fertur ipsum dixisse, successores suos posse gloriari se Reges Anglorum esse, cum tanta honoris prærogatiua fruerentur, quod subiectam haberent tot Regum potentiam. Post dictum Edgarum regnauerunt successiue Reges Angliæ. S. Edwardus martyr, Egelredus frater eius, Ed-

*Brutus rex.**Locrinus.**Albanao.**Cambro.**Dunwallus.**Belinus.**Arthurus.**Edwardus.**Ethelstanus.**Ioh. de Beuerlaco miraculum.**Edredo.**Edgarus.**S. Edwardus rex & martyr. Egelredus.*

mun-

- Edmundus dictus Yrenside filius Egelredi, & Cnutus, qui eorum temporibus regnum Scotiae in sua subiectione pacifice tenuerunt. Hoc duntaxat excepto, quod decimoquinto anno Cnuti praedicti, idem Cnutus Scotiam rebellantem expeditione illuc ducta regem Scotiae Malcolinum paruo subegit negotio, subditusque est eidem praefatus Malcolinus. Cui Haraldus filius eiusdem Cnuti, & Hardecnutus frater eius, vnus post alium reges Angliae successerunt, quibus sic regnantibus subiectionem pacificam regni Scotiae habuerunt. Item S. Edwardus rex Angliae regnum Scotie Malcolino filio regis Cumbriorum dedit de se tenendum. Item Gul. Bastardus rex Angliae à Malcolino rege Scotiae tanquam à suo homine sibi subdito recepit homagium. Item Guliel. Rufo regi Angliae Malcolinus rex Scotorum iuramento fidelitatis subiectus fuit. Item praedictus Gul. Dunwaldum de regno Scotiae, ex iustis causis amouit, & Duncanum filium Malcolini regno Scotiae praefecit, & recepit ab eo fidelitatem & iuramentum. Dictoque Duncano dolose perempto, dictus rex praefatum Dunwaldum, qui iterum regnum Scotiae inuaserat, amouit ab eodem, & Edgarum filium dicti Malcolini regem Scotiae constituit, & regnum illud donauit eidem. Cui successit Alexander frater Edgari consensu regis Angliae Henr. 1. fratris dicti regis Gul. Rufi. Item Matildi Imperatrici, filiae & haeredi regis Henrici praedicti, David rex Scotiae fecit homagium. Item regi Angliae Stephano, Henr. filius dicti regis David homagium fecit. Item Rex Scotorum Gul. pro regno Scotiae, & David frater eius, & Comites & Barones regni Scotiae, deuenerunt homines regis Henr. filij regis Angliae Henr. 2. in crastino coronationis praedicti Henrici, filij regis Angliae Henrici 2. patre viuentis, etiam fidelitatem ei iurauerunt contra omnes homines, salua fidelitate patri viuenti. Anno vero 20. regni regis Henrici praedicti 2. praedictus Guliel. rex Scotiae rebellare incipiens, venit in Northumbriam cum exercitu magno, & exercuit in populo stragem magnam. Cui occurrentes milites Comitatus Ebor. ipsum ceperunt, & dicto Henrico regi Angliae reddiderunt. Anno sequenti 15. Kalend. Martij, idem rex Guliel. permissus est libere abire. Et eodem anno 17. Kalend. Septembris, idem Gul. Rex Scotorum, de consensu Praelatorum, Comitum & Baronum, procerum, & aliorum magnatum regni Scotiae domino suo Henrico Regi Angliae filio Matildis Imperatricis suis literis patentibus cauisse noscitur, quod ipse, & haeredes & successores sui reges Scotie, Episcopi & Abbates, Priores, Comites, & Barones, & alij homines regni Scotiae, de quibus dominus Rex Henricus habere voluerit, facient domino Regi homagium, fidelitatem, & ligeamentum, & vt ligeo domino suo contra omnem hominem obedient. Et in signum subiectionis capellum suum, & Sellam atque lanceam, super altare beati Petri Eborum obtulit. Quae in eadem ecclesia vsque in hodiernum diem remanent & seruantur. Item Episcopi, Comites, & Barones regni Scotiae conuencionauerunt, vt verbis vtamur huiusmodi conuentionis, domino regi Angliae, & Henrico filio eius praedictis, quod si rex Scotiae aliquo casu à fidelitate regis Angliae & conuentione praedicta recederet, ipsi cum rege Angliae tenebunt, sicut cum ligeo domino suo contra regem Scotiae, quousque ad fidelitatem regis Angliae redeat. Quam quidem compositionem, foelicis recordationis Gregorius Papa Quintus in diuersis rescriptis, regibus Angliae & Scotiae directis, mandauit firmiter obseruari, continentibus etiam quod Gulielmus & Alexander reges Scotiae, regibus Angliae Henrico, & Henrico, ligeum homagium & fidelitatem facerent, quae tenentur successoribus eorum, Comitibus & Baronibus regni ipsius, sibi & successoribus suis exhibere. Et item, quod cum idem rex Scotiae homo ligeus sit ipsius Henrici regis Angliae, & eidem praestiterit fidelitatis iuramentum, ad quod se principaliter astringit, in ipsius regis & regni Angliae detrimentum, nihil debeat penitus attemptare. Et Papa Clemens scribens regi Angliae pro Iohanne Episcopo S. Andreae expulso ab Episcopatu suo per regem Scotiae, inter caetera rogabat, quod Gul. Regem Scotiae moneret & induceret; & si necesse foret distictione regali, qua ei praemi-nebat, & de concessa suae regiae celsitudini potestate compelleret, vt dicto Episcopo omnem rancorem remitteret, & Episcopatum suum in pace habere permetteret. Et praeter conuentionem praedictam in ecclesia beati Petri Eborum, coram praedictis Regibus Angliae & Scotiae, Dauide fratre suo & vniuerso populo, Comitibus, & Baronibus, milites de terra Regis Scotiae, iurauerunt Regi Angliae Henrico, & Henrico filio suo, & haeredibus eorum fidelitatem contra omnem hominem, sicut Ligeis dominis suis. Et idem Guliel. Rex Scotiae ad mandatum Regis praedicti venit apud Northamptonam, ad parlamentum domini sui, adducens secum omnes Episcopos, Abbates & Priores totius regni sui. Venit etiam ad eiusdem Regis mandatum in Normanniam. Et idem Guliel. Rex post decessum Regis Henrici veniens Cantuariam, Regi Angliae Richardo filio & haeredi dicti Henrici fecit homagium. Quo Richardo defuncto praedictus Guliel. Iohanni Regi Angliae fratri

Tt & hæ-

Edmundus.
Cnutus.Haraldus.
Hardecnutus.S. Edmundus
confessor.
Gul. Conquestor.
Gul. Rufus.

Henricus 1.

Matildis Imp.
Stephanus.

Henricus 2.

Signum subiectionis
regis Scotiae.

Gregor. Paps.

& hæredi dicti Richardi, extra ciuitatem Lincolnæ super quendam montem in conspectu omnis populi fecit homagium, & iuramentum fidelitatis super crucem Cantuariensis Archiepiscopi Huberti, & eidem domino suo per chartam suam concessit, quod Alexandrum filium suum, sicut hominem ligeum suum maritaret, promittendo firmiter in charta eadem, quod idem Gulielmus Rex Scotiæ, & Alexander filius suus Henrico filio Iohannis regis Angliæ tanquam ligeo domino suo contra omnes homines mortales fidem & fidelitatem tenerent. A quo quidem Guliel. rege Scotiæ postmodum, pro eo quod desponsauerat Comiti Boloniæ præter regis Iohannis domini sui assensum, pro transgressionem & temeraria præsumptione huiusmodi debitam satisfactionem suscepit. Item Alexander Rex Scotiæ sororius noster Regi Angliæ patri nostro, pro regno Scotiæ, & postea nobis fecit homagium. Vacante deinde regno Scotiæ per mortem Alexandri regis illius, & subsequenter per mortem Margarethæ eiusdem Scotiæ reginæ, & dominæ, preceptis nostræ, Episcopi, Abbates, Priores, Comites & Barones, & cæteri nobiles, & communitates totius regni Scotiæ ad nos tanquam ad defensionem, ducem, aurigam, capiraneum, & dominum capitalem eiusdem regni sic vacantis, gratis & spontanea voluntate accedentes, prout tenebantur de iure, ius nostrum progenitorum & antecessorum nostrorum, ac possessionem superioris ac directi dominij in regno eodem, & ipsius regni subiectionem, ex certa scientia pure, & simpliciter, & absolute recognouerunt, & præstitis ab eis nobis tanquam superiori & directo domino Scotiæ debitæ & consuetæ fidelitatis iuramentis, ac ciuitatibus, burgis, villis, castris & cæteris mansionibus eiusdem regni in manu nostra traditis, ad custodiam eiusdem regni, certos de iure nostro regio officiales & ministros deputauimus, quibus ipsi tempore vacationis huius fuerant concorditer obediens, & intendentes regijs nostris præceptis & mandatis. Postmodum autem diuersæ personæ super successione in dictum regnum Scotiæ iure hæreditario inter se contententes, ad nos tanquam ad superiorem dominum regni Scotiæ accesserunt, petentes, super successione regni prædicti sibi per nos exhiberi iustitiæ complementum. Volentes & expresse consentientes coram nobis tanquam superiore & directo domino, in omnibus ordinandis stare & obtemperare. Ac demum sententialiter propositis & sufficienter auditis, rimatis, examinatis ac diligenter intellectis partium iuribus, finaliter in præsentia omnium prælatorum & nobilium, quasi totius regni Scotiæ, & de voluntate & assensu expresso eorundem procedentes, Ioh. de Baliolo debite præfecimus in regem Scottorum, quem tunc in successione eiusdem regni hæredis iura inuenimus habere potiora. Qui quidem Prælati, Comites & Barones, communitates ac cæteri regni ipsius incolæ, sententiam nostram acceptauerunt, approbauerunt, & ipsum Ioh. de mandato nostro, virtute huius iudicij in regem suum admiserunt. Ac idem Ioh. Rex Scotiæ pro regno suo prædicto, nobis homagium debitum & consuetum fecit, & fidelitatis iuramentum præstitit, & ex tunc, tam in parliamentis quam consilij nostris tanquam subditus noster alius de regno interfuit, & nostri tanquam domini sui superioris beneplacitis & mandatis in omnibus obediens & intendens extitit, quousque idem Iohannes Rex Scotiæ, & Prælati, Comites & Barones, nobiles, communitates & cæteri incolæ, maiores eiusdem regni ex præconcepta malitia, & prælocuta, ac præordinata prodicione, communicato consilio cum tunc inimicis nostris capitalibus & notorijs amicitias copularunt, ac pactiones, conspirationes & coniurationes in exhæredationem nostram, & hæredum nostrorum, ac regni nostri contra debitum homagium in crimen læsæ maiestatis nequiter incidendo, fidelitatis iuramentum inierunt cum eisdem. Verum cum præmissa relatio & fama publica ad aures nostras deuenissent, volentes futuris periculis præcauere, quæ ex his & alijs possent nobis, regno nostro, & regni nostri incolis verisimiliter prouenire, pro affecuratione regni nostri accessimus ad confinium regni vtriusque pluries mandantes eidem Ioh. tunc Regi Scotiæ, vt ad certa loca in confinio prædicto ad nos accederet, super præmissis & alijs affecurationis, statum, tranquillitatem & pacem regni vtriusque contingentibus tractaturus. Qui spretis mandatis nostris, in sua persistens perfidia ad bellicos apparatus, cum Episcopis & Prælati, Comitibus & Baronibus regni Scotiæ, ac etiam alijs exteris conductitijs, contra nos, regnum nostrum, & regni nostri incolas hostiliter se conuertens, accinxit, & ad hostiles aggressus & incursus procedens regnum nostrum inuasit, & quasdam villas regni nostri Angliæ, per se & suos deprædatus est, easque vastauit incendio, homines nostros interfecit, & nonnullis nautis nostris per eos peremptis, naues hominum nostrorum regni Angliæ comburi fecit, è vestigio aggredi, redditisque nobis homagio & fidelitate tam pro se, quam alijs quibuscunque regni sui incolis per literas eiusdem Regis, verba offensionum exprimentes, & inter alia verba diffidationis continentes. Comitatus

tus nostros Northumbriæ, Cumbriæ, & Westmerlandiæ regni nostri Angliæ, congregato exercitu ingenti, hostiliter per se & suos inuasit, stragem innumeram hominum nostrorum, incendia monasteriorum, ecclesiarum & villarum inhumane perpetrando, & patriam vndique depopulando, infantes in cunabulis, mulieres in puerperio decubantes gladio trucidarunt, & quod auditu horrendum est, à nonnullis mulieribus mamillas atrociter absciderunt, paruos clericulos primam tonsuram habentes, & Grammaticam addiscentes, ad numerum circiter ducentorum in scholis existentes obstructis ostijs scholarum igne supposito cremauerunt. Nos quoque cernentes tot damna, opprobria, facinora & iniurias, in exhæredationem nostram, & destructionem populi nostri proditorialiter

10 irrogari, nec valentes ratione iuramenti, quo ad conseruationem iurium coronæ regni nostri sumus astricti, præmissa facinora vltius concelare, nec nostra relinquere indefensa, cum per leges ipsum Iohannem tunc regem Scotiæ, gentemque suam nobis subditam iustificare non possemus, nec ipsum regnum Scotiæ, quod à longissimis temporibus, sicut superius exprimitur, nobis & progenitoribus nostris fæodale extitit in causis præmissis, contra dictum Iohannem & gentem Scotorum vires potentæ nostræ extendimus, prout de iure nobis licuit, & processimus contra ipsos tanquam hostes nostros & proditores. Subiecto itaque regno Scotiæ, & iure proprietatis nostræ ditioni subactò, præfatus Iohannes quondam rex Scotiæ, ipsum regnum Scotiæ quatenus de facto tenuit, sponte, pure, &

20 absolute reddidit in manum nostram, proditones & scelera memorata coram nobis & proceribus nostris publice recognoscens. Quo peractò, præfati Comites & Barones, nobiles & communitates regni Scotiæ, quos ad pacem nostram regiam suscepimus, subsequenter homagia & fidelitates nobis tanquam immediato domino, ac proprio eiusdem regni Scotiæ nobis fecerunt & præstiterunt, ac etiam redditus nobis eiusdem regni ciuitatibus, villis, castris, munitioibus ac cæteris locis omnibus, ad dictum regnum spectantibus, officiales nostros & ministros ad regimen eiusdem regni Scotiæ præfecimus iure nostro. Cumque iure pleni dominij in possessione eiusdem regni existere dinoscamur, non possumus nec debemus, insolentiam subditorum nostrorum rebellium, si quos inuenerimus, præminencia regia prout expedire viderimus reprimamus. Quia vero ex præmissis & alijs constat euidenter, & notorium existit, quod prælibatum regnum Scotiæ, tam ratio-

30 ne possessionis, quam proprietatis ad nos pertinet pleno iure, nec quicquam fecerimus vel cauerimus scripto vel facto sicuti nec possumus, per quæ iuri ac possessioni prædictis debeat aliquo modo derogari: Sanctitati vestræ humiliter supplicamus, quatenus præmissa prouida meditatione pensantes, ex illis vestrum motum animi dignemini informare, suggestionibus contrarijs æmulorum in hac parte nequaquam fidem adhibendo, quinimo statum nostrum, & iura nostra regia supradicta, habere velitis si placeat promptis affectionibus commendata.

Quantum vero ad hoc quod Papa petiuit, quod si rex Angliæ ius haberet in regno Scotiæ, vel in aliqua eius parte, procuratores & instructos mitteret, & fieret eis iustitiæ complementum, rex per se noluit respondere. Sed hoc commisit Comitibus alijsque ter-

40 ræ proceribus, qui super hoc domino Papæ huius tenoris literas rescripserunt.

Sancta Romana iure ecclesia, per cuius ministerium fides Catholica in suis actibus cum ea vt firmiter credimus & tenemus maturitate procedit, quod nulli præiudicare, sed singulorum iura conseruari velit illæsa. Sane conuocato nuper per serenissimum dominum nostrum Edwardum, Dei gratia regem Angliæ illustrem, parlamento apud Lincolniam generali, idem dominus noster quasdam literas apostolicas, quas super certis negotijs conditionem & statum regni ex vestra parte receperat in medio exhiberi, ac seriose nobis fecit exponi. Quibus auditis & diligentius intellectis, ita sensibus admiranda quam hæcenus inaudita in eis audiuius contineri. Scimus enim pater sanctissime, & notorium in partibus nostris, ac nonnullis alijs non ignotum, quod à prima institutione

50 regni Angliæ, Reges eiusdem regni tam temporibus Britonum, quam Anglorum, superius & directum dominium regni Scotiæ habuerunt in possessione, vel capitanei superioritatis & recti dominij ipsius Scotiæ successiuis temporibus extiterunt, nec vllis temporibus ipsum regnum in temporalibus pertinuit, vel pertinet quouis modo ad ecclesiam supradictam. Quinimmo idem regnum Scotiæ progenitoribus dicti regni nostri regibus Angliæ, atque sibi fæodale extitit ab antiquo. Nec etiam Reges Scotorum & regnum, alijs quam Regibus Angliæ subfuerunt, vel subijci consueuerunt, necque Reges Angliæ super iuribus suis in regno prædicto, aut alijs suis temporalibus coram aliquo iudice ecclesiastico, vel sæculari, ex præminencia status suæ regis dignitatis & consuetudinis cunctis temporibus irrefragabiliter obseruatæ, responderunt, aut respondere debe-

bant. Vnde habito tractatu & deliberatione diligenti super contentis in literis vestris memoratis, communis, concors, & vnanimis omnium nostrum & singulorum consensus fuit, & erit inconcussa Deo propitio in futurum, quod præfatus dominus noster Rex super iuribus regni Scotiæ, aut alijs suis temporalibus nullatenus respondeat iudicialiter coram vobis, nec iudicium subeat quoquo modo, aut iura sua prædicta in dubium quæstionis deducat, nec ad præsentiam vestram procuratores aut nuncios ad hoc mittat, præcipue cum præmissa cederent manifeste in exhæredationem iuris coronæ regni Angliæ, & regniæ dignitatis, ac subuersionem status eiusdem regni notoriam, necnon & præiudicium libertatis, consuetudinum & legum paternarum, ad quarum obseruationem & defensionem debito præstiti iuramenti astringimur, & quæ manu tenebimus toto posse, totisque viribus cum Dei auxilio defendemus. Nec etiam permittimus, nec aliquo qualiter permittemus sicut non possumus, præmissa tam insolita, tam indebita, præiudicialia, & alias inaudita, prælibatum dominum nostrum Regem etiam si vellet facere seu modo quolibet attemperare. Quocirca sanctitati vestræ reuerenter & humiliter supplicamus, quatenus eundem dominum nostrum Regem, qui inter alios Principes orbis terræ catholicum se exhibet, & Romanæ ecclesiæ deuotum, iura sua, libertates, & consuetudines & leges prædictas absque diminutione & inquietudine pacifice possidere, ac illibata persistere benignius permittatis.

Edouardi professio in Scotos.

In festo Pentecostes finitis treugis, quæ cum Scotis initæ fuerant, rex circa festum S. Iohannis Baptistæ in Scotiam cum exercitu profectus est. Qui dum in Scotia hyemaret, 20 sui multos equos nobiles amiserunt pabulo deficiente.

Anno 1302. Rex ad instantiam Regis Francorum cuius sororem duxerat, Scotis treugas vsque ad festum omnium sanctorum concessit. Et idcirco ordinatis rebus Scotiæ reuersus est in Angliam.

Papa regem Anglorum in Gallos concitat.

Eo tempore Papa Bonifacius per literas suas Regem Anglorum interpellauit, vt Regi Francorum guerram commoueret, pollicens sibi ingens subsidium, Sed Rex Angliæ alias domini Papæ affectus expertus, rem distulit, malens recuperare sua per viam aliam, si quo modo posset.

Post festum omnium sanctorum elapsis treugis concessis Scotis, rex Angliæ Iohannem de Segraue militem nobilem cum armata manu misit in Scotiam, committens ei 30 eiusdem terræ custodiam.

Burdegallia se in libertatem vendicat. Scotia subacta.

His diebus ciues Burdegalenses non ferentes Gallicorum dominium, illos de ciuitate sua contra natale domini expulerunt.

Anno 1303. Scoti duce Gul. Walleys coeperunt rebellare contra Regem Angliæ, propter quod Rex cum exercitu ingressus Scotiam totam terram peruagatur, nemine apertæ pugnæ sibi copiam faciente.

Wafconia regi Angliæ restituta.

Eodem anno rex Francorum ob detentionem Wafconia iniustam, timens sibi à rege Angliæ per dominum Papam ad hoc instigato guerram parari, vt eius sibi amicitiam compararet, quicquid Wafconia tenebat in manu sua eidem sponte restituit, prout videbatur ignorantibus veritatem. Tunc etiam & Burdegallia regi Angliæ sponte se subiecit. 40

Io. Segraue à Scotia vulneratus.

Hoc anno Scoti latentes in insidijs Iohannem de Segraue cum paucis armatis equitantes subito inuaserunt, & ipsum Iohannem ab eis grauiter vulneratum, cum nonnullis alijs militibus, commisso cruento conflictu ceperunt. Sed inopinato superuenientes milites alij de Anglorum cohortibus, ipsum Iohan. à suis ereptum custodibus abduxerunt. Dum hæc omnia fierent, miles quidam nobilis dictus Robertus de Neuill solemniter missarum audiens (erat enim dominica prima quadragesimæ) quæ gesta fuerant penitus ignorabat. Post missam vero egressus, cum audisset à redeuntibus Scotos in Anglos præualuisse, mox illuc cum suis properans, multos peremit multosque fugauit, & captiuos aliquos secum reduxit. Nec de his qui missæ cum eo interfuerant, quisquam captus fuit aut grauiter vulneratus, sed neque corruit vnus solus. Comes Marecalli offensus fratri suo Iohanni, captans Regis beneuolentiam omnes terras suas Regi donauit, ita vt ei adiectis mille libratibus terrarum redonarentur ad vitam.

Missæ saluas factæ in bello.

Rex Angliæ audita rebellionem Scotorum ex edicto publico exercitum adunauit, & à Rokesburgia progrediens paruis dietis, totam terram vsque Cateneham, quæ est in finibus Scotiæ perlustrauit nemine resistente. Videntes itaque Scoti, se non posse resistere, pacem Regis humiliter petierunt. Et vt permetteret, quod possent dato pretio redimere terras suas ab his quibus Rex eas contulerat, quorum precibus Rex acquieuit, & rediens castrum de Striueline, quod quidam de Scotis tenuerunt, per suos obsedit, ipse vero apud Dunfermelyn hyemauit.

Scoti pacem petierunt.

Circa

Circa festum S. Iohannis Baptistæ milites quidam in præsentia cleri & populi Parisius congregati, Papæ Bonifacio imposuerunt plura enormia, puta hæresim, simoniam & homicidia. Propter quæ per regem Franciæ appellatum est contra eum ad illum cuius interest, donec conuocato consilio, se à criminibus purgaret obiectis.

Papa Bonifacius accusatus.

Bonifacius Papa sibi timens, Anagninam originis suæ urbem venit, & tutelæ ciuium se commisit. Quo peruenientes regis familiares Franciæ, vna cum fautoribus Cardinalium Columpnensium comprehenderunt Papam, & in equum effrenem posuerunt, ad caudam versa facie, & sic discurrere fere ad nouissimum halitum coegerunt, & tandem pene fame necauerunt, donec eum populus Anagn. liberasset. Reuera cum persecutores

10 eum in quodam palatio reclusissent, ad decem millia populi ciuitatis concurrerunt, & palatium infregerunt, & expulsis atque peremptis custodibus liberauerunt, & Romam cum armatorum multitudine perduxerunt. Cumq; peruenisset ad S. Petrum, extimore quem conceperat quando captus fuit, & mœrore rerum inæstimabilium perditarum cito defecit. Et sic completa est in eo prophetia prædecessoris sui, qui dixit: Ascendisti vt Vulpes, regnabis vt Leo, morieris vt Canis. Cui successit Benedictus II. natione Lombardus. Columpnenses de suis latibulis emergentes, venerunt ad Papam Benedictum misericordiam implorantes, quos ille benigne suscipiens clementer absoluit, atque bonorum suorum tribuit facultatem.

Bonifacius male tractatus.

Anno 1304. tenuit rex Natale apud Dunfermelyn in Scotia, cui interfuit exercitus

20 Anglicanus. Transacta hyeme rex ad obsidionem castri de Striuelyn accedens personaliter, diuersis præparatis machinis, illud solito fortius impugnavit. Obfessi vero castrum fortiter defendentes cum machinis plurimos occiderunt. Quadam die cum rex confiderando obequitaret, & infra iactum balistarum incaute venisset, iaculum quoddam de castro emissum superiori eius armaturæ affixum est, sine vlla sui corporis læsione. In quod extractum rex expuens, conuersa ad castrum facie, celsa voce ei qui iaculum illud emiserat, ostenso telo iuspendium minabatur. Tandem in die beatæ Margarethæ, obfessi pure & simpliciter se dedidere regiæ voluntati. Quorum capitaneum Gul. Olifordi militem misit ad turrim Londoniarum. Reliquos ad alia castra diuersa.

Striuelyn castrum obfessum.

Rex Edw. subacta Scotia, commissaque eius custodia Iohanni de Segraue, in Angli-

30 am est reuersus. Cumque venisset Eboracum, iussit sessionem Iustitiariorum qui dicuntur de banco, & Scaccarium quæ iam septennio manserant Eboraci, transferri Londonias ad antiquum locum.

Papa Benedictus considerans pium esse, quem errantem etiam licet inuitam ad ouile reducere, regem Francorum non petentem à sententia excommunicationis per prædecessorem suum lata in eum, absoluit.

Francorum rex absolutus.

Nonis Iulij obiit Papa Benedictus Perusij, post cuius obitum cum Cardinales in electione summi Pontificis dissiderent, à ciuibus secundum constitutionem Gregorij 10. includuntur.

Rex Edw. fecit Petrum de Gauerston abiurare regnum Angliæ, quia dedit filio suo

40 malum consilium.

Anno 1305. Gul. Walleys qui Scotiam commouerat frequenter ad rebellionem per milites regis captus est, & Londonias vsque deductus, vbi iudicialiter condemnatus, trahitur, suspenditur, & vltimo decollatur. Cuius caput Londonijs in loco eminenti figitur super palum, corpus in Scotiam reportatum, diuisum est in quartas, quæ in diuersis vrbibus suspenduntur.

Circa dies istos, Bertrandus Burdegalensis Archiepiscopus natione Vasco, in Papam electus, Clemens 3. dictus est. Qui mense Octobri in Lugduno, conuenientibus illuc Cardinalibus, regeque Francorum Philippo suam exhibente præsentiam, papali diademate coronatur.

Clemens 3. fit Papa.

50 Rex autem Angliæ misit domino Papæ omnia vtenilia, quibus ministrabantur in camera, & in mensa ex auro puro per Episcopos Lichfeldensem & Wigornensem & Comitem Lincolnæ. Porro dominus Papa Episcopum Dunelmensem, dominum Antonium Beek propter dapilitatem & cordis magnificentiam, quas in eo reperit, fecit Patriarcham Ierosolomitani, & electos Eborum & London. remisit ad propria confirmatos. In illo tempore Papa concessit regi Angliæ decimas ecclesiasticas per biennium pro negotio terræ sanctæ, sed tamen in vltus alios expendebantur. Dominus vero Papa, attendens quod charitas incipit à se ipsa, primo fructus sibi per totam Angliam reseruauit, inductus per auaritiam Episcoporum regni Angliæ postulantium, primas vacationes per annum in suis diocæsis sibi concedi. Nempe summus Pontifex aduertens, quia quod petit in-

Flandrenses Angliam pulsi.

ferior, postulare potest & superior, appropriavit sibi ipsi per triennium omnes proventus de primo vacantibus ecclesijs per totam Angliam, videlicet de primo anno primos fructus tam de Episcopatibus, Abbathijs, prioratibus & præbendis, personatibus, vicarijs, quam de cæteris minutis beneficijs. Hoc anno misit rex Franciæ ad regem Angliæ, rogans ut Flandrenses ab Anglia expelleret, sicut & ipse ad suam instantiam Scotos de Francia eiecerat paulo ante. Cuius Rex precibus acquiescens, Flandrenses omnes de Anglia exbaniuit.

Ioh. Comyn casus.

Anno 1306. Robertus le Brus aspirans ad regnum Scotiæ, nobilem virum Iohannem Comyn, quia suæ proditosæ factioni assentire noluit apud villam de Dunfrez, in cuius castro iustitiarum regis Angliæ tunc sedebant, in ecclesia fratrum minorum sacrilegus interfecit 4. Kalend. Februarij. In festo vero Annunciationis bearæ virginis in abbatia canonicorum regularium de Scone se fecit in regem solemniter coronari. Vxor Comitissæ de Bouhan, à marito suo tunc furtive discessit, omnes equos eius magnos secum abducens, & properans vsque Scone, ut diadema imponeret capiti noui regis, quia frater eius Comes de Fyf, ad quem iure hereditario spectabat hoc officium, tunc in Anglia fuit absens. Hanc autem viraginem eodem anno captam ab Anglicis, cum quidam perimere voluissent, non permisit rex, sed in domuncula quadam lignea super murum castri Berwici posita est, ut possent eam conspiciere transeuntes.

Expeditio in Scotiam.

In festo Pentecostes Edw. filius regis Angliæ à patre cum multis alijs nobilibus militibus armis accinctus est. Ob quam causam datus est regi 36. denarius à populo & clero, & à mercatoribus 20. denarius datus fuit. Dedit autem Rex filio suo principatum Walliæ, & Cestriæ Comitatum, unde Walliæ maxime sunt gaudi. Edwardus proinde regis filius cum nouellorum tyronum multitudine profectus est Scotiam, ad reprimendum conatus Roberti le Brus inuasoris regiæ dignitatis. Precesserat ante cum Aymerus de Valencijs Comes Penbrochiæ, Robertus de Clifford, & Henricus Percy missi à rege cum manu armata ad nouis motibus resistendum. Ipse vero rex lento gradu sequutus est versus Carleolum. Edwardus filius regis cum venisset Carleolum ante patris aduentum, sumptis secum nouis tyronibus, qui omnes deuouerant se mortem Ioh. Comyn vindicaturos, præcessit patrem suum in Scotiam semper vnam dietam, & tantam fecit vindictam, ut nec sexui parceret nec ætati, villas etiam & casalia vbicunque peruenit, incendit, quod multum dicitur displicuisse patri suo. Eo maxime, quod diuitibus fuga lapsis vulgus miserum luit poenas maiorum, unde & filium suum increpans, iussit ut misericors semper esset pauperibus & communibus, quia nihil pene moliantur aut faciunt sine suorum Principum iussione.

Aymerus poenas de Roberto sumit.

Interim Robertus le Brus circuiens terram, & homagia multorum recipiens, coadunato exercitu copioso appropinquauit villæ S. Iohannis, in cuius præsidium nuper aduenerat Aymerus de Valencijs supradictus. Equites autem Scotorum omnes lineis operimentis super arma sua ne discernerentur, de præcepto noui sui Principis erant induti. Misit ergo Robertus le Brus, inuitans Aymerum ad congressum, qui respondit, quod cum eo non illo die, sed in crastino dimicaret. Igitur subtrahente se Roberto cum suis armatis egreditur & subito superueniens, multos à Scotis occidit inermes. Robertus hæc videns, cum suis fugit ad insulam dictam Kenlyr. Aymerus vero putans Robertum se recepisse in castro illius insulæ, illud obsedit, sed expugnato castro non inuenit eum, sed uxorem & fratrem suum Nigellum cepit ibidem cum quibusdam alijs, qui omnes cito post tracti sunt & suspensi, ac ultimo decollati præter uxorem Roberti le Brus, quam rex iussit iuxta statum suum tractari decenter. Comes vero de Athel, iam secundo contra fidelitatem suam regi rebellans, tandem proditoris suæ meritis poenas luit. Insuper Simon Fristell, in quo pendebat Scotorum tota fiducia, tractus, suspensus, decapitatus & combustus est. Episcopi Glasguensis & S. Andreæ capti, cum Abbate de Scone missi sunt in Angliam ad diuersa castra.

Rex iuramento Baronibus praestito absolutus.

Rex Angliæ obtinuit à domino Papa absolutionem à iuramento, quod inuitus præstiterat super obseruantia libertatum, alias à Comitibus & Baronibus exactarum. Per idem tempus Clemens Papa transtulit curiam à Lugduno vsque Burdegaliæ, ubi Episcopum Pictauiensem, qui sibi dum Archiepiscopus tuerat aduersabatur, à pontificali deposuit dignitate. Primatum etiam Acquitaniæ de Bituricensi transtulit ad ecclesiam Burdegalem.

Anno 1307. qui est annus regni regis Edw. à conquestu primiticesimus, tenuit rex Parliamentum Carleoli. Ad quod accessit quidam Cardinalis dictus Petrus Hispanus, transmissus à Papa pro matrimonio consummando inter filium regis Angliæ & filiam regis

regis Franciæ, secundum quod à papa Bonifacio tanquam mediatore pacis olim fuerat ordinatum. Cui per regem responsum est paratum se fore, quæ ordinata sunt implere, dummodo rex Francorum velit ex parte sua, quæ ad ipsum pertinent adimplere. Dederat nempe rex Franciæ, dum adhuc derineret Wasconiam, cuidam militi castrum quod Mali leonis dicitur, qui illud nec ad mandatum regis Franciæ curabat restituere. Ob quam causam fertur illud matrimonium hæcenus fuisse dilatum.

Causa matrimonij dilati.

Robertus le Brus interea peruagatus patriam plures sibi rebelles peremit. Misitque cum parte exercitus duos fratres suos Thomam militem, & Alexandrum clericum ad aliam terræ partem, qui illarum partium habitatores allicerent ad se blanditiis atque minis. Qui Anglicis de nocte superuenientibus capti sunt, & ad Iusticiarios regis ducti, ac cõdemnati, tracti sunt & suspensi.

Post Pascha Robertus le Brus congressus cum Aymero de Valentiis ipsum in fugam compulit, & infra triduum sequens comitem Glouerniæ Gilbertum fugauit.

Tunc rex Angliæ missis nuntiis præcepit sub graui pœna, vt omnes qui sibi debebāt seruitium parati essent apud Carleolum in tres septimanas post festum S. Iohannis Baptistæ, filium vero suum remisit in Angliam, vt secundum ea quæ de rege Franciæ audiret, proficisceretur ad connubium cum filia eiusdem contrahendum. Post cuius decessum cepit rex vexari dissenteria. Mouit de Carleolo nihilominus 5. nonas Iulij, paruis dietis ver-

Rex dissenteria laborat.

20 Pridie vero nonas Iulij venit vsque Burgum super Sandes, vbi inualeſcente infirmitate die crastina s. sexta feria diem clausit vltimum, dies suos in bono, & annos suos in gloria consummauit.

Edw. i. mors.

Regnauit autem annis 34. mensibus 7. diebus 21. compleuitque ætatis suæ annos 68. & dies 20. Duxerat autem duas vxores, Alienoram viz. sororem regis Hispaniæ, de qua suscepit filios Iohann. Henricum, Alonsum, & Edward. qui sibi successit, alij tres moriebantur ante patrem: filias vero genuit ex eadem Alienora, s. Alienoram quam dominus Gulielm. de Bares cepit in vxorem, & Iohannam de Acres, quæ nupsit Gilberto de Clare Comiti Gloucestriæ, & post mortem comitis, elegit inconsulto patre, Radulphum de Mounhermer in maritum. Tertia filia dicta Margareta copulata fuit domino Iohan.

Vxores & liberi ex eis.

30 duci Brabantia. Quarta vero Maria apud Amesbury suscepit habitum monialem. Quintam regis filiam nominatam Elizabeth, comes Hollandiæ accepit vxorem. Quo defuncto dominus Humfredus de Boun, comes Thetfordiæ duxit eandem. De secunda sua Margareta sorore Philippi regis Franciæ genuit duos filios, Thom. dictum de Brother-ton, & Edmundum, & filiam nomine Margaretam. Fuerat autem Rex Edward. armis strenuus, bellicosus & victoriosus. Totam Angliam de manu Simonis de monte forti, & eidem adhærentium comitum & Baronum acquisiuit. Walliam de manu Lewlini recepit in vsus suos proprios. Aquitaniam de manu regis Franciæ sapienter extorsit, Scotiam sapius subiugauit, sed ea capta per Robertum le Brus ipse in lecto fatali decumbens ex cordis magnanimitate, iussit corpus suum ibi remanere inhumatum, & deferri in ex-

Rex gesta Edwardi.

40 ercitu, donec tota Scotia esset finaliter subiugata.

Edwardus Secundus.

DOST mortem toti mundo deflendam Edwardi regis inuicti, suscepit regnum pro eo filius suus Edwardus cognomento de Carnerman, qui mox reuocauit ab exilio Petrum de Gauerſton, contra veritum patris sui, qui dudum assensu communi procerum fuerat exilio perpetuo condemnatus. Iste Petrus filius fuit cuiusdam militis generosi, sed alienigenæ, qui in obsequio militauerat laudabiliter regis patris. Cuius obsequij gratia, rex hunc Petrum 50 puerulum in suam suscepit Curiam, adiungens cum filij sui Curia, cum quo à pueritia adoleuit. Quorum lapsu temporis in tantum creuit amor, vt nunquam disiungi possent. Reuocato (prout diximus) ab exilio præfato Petro contra voluntatem procerum, contulit illi comitatum Cornubiæ, & insulam Guboniæ quæ vulgariter Mannia nominatur.

Edwardus de Carnerman.

Anno 1308. tenuit rex natale apud Wye manerium Abbatis de bello, non dum tamen susceperat regni coronam. Paucis post natale diebus transactis transfretauit, vt regis Francorum filiam nomine Isabellam duceret in vxorem, quæ paulo plus annis duodecim habuit in ætate. Regni vero custodiam commisit prædicto Petro, ob quam causam proceres indignati sunt.

Tt 4

Nuptiis

Nuptiis in Francia celebratis solemniter apud Boloniam, quibus quatuor reges interfuere, scilicet rex Franciæ & rex Nivarre filius regis Franciæ, rex Alemanniæ, & rex Sicilia, reuersus est in regnum Angliæ cum vxore. Quibus occurrunt regni proceres, certantes quis propensiores possit illis honorem impendere. Sed Petrus antedictus in omni apparatu catetos transcendebat. Quem rex etiam in amplexus specialius admittere, & familiarius respiciebat. Inuidebant proinde proceres, & vindictam in tempus illud differebant.

Coronatio regis. Sexto Kal. Martij die viz. S. Matthiæ rex & regina apud W. stmonasterium solemniter coronatur.

Templarij capti. Hoc anno capti fuerunt omnes templarij per totam Angliam præcepto regio vno 10 die propter plurima inhonesta & enormia, fideique catholicæ aduersantia de eis dicta & probata, & in diuersis regni castellis carcerali custodia deputati.

Anno 1309. regni proceres & nobiliores videntes se contemni, & Petrum de Gauerston cunctis anteferri, accesserunt ad regem humiliter rogantes, vt baronum suorum vellet consiliis tractare regni negotia, quibus à periculis sibi imminetibus, non solum cautior, sed tutior esse posset. Quorum votis facie tenus rex annuit, & parliamentum Londoniis instituit fieri, ad quod omnes qui interesse debebant venire mandauit.

Robertus Archiepiscopus Cantuariensis iubente rege reuocatur ab exilio, qui iam per biennium exulauerat propter offensam regis Edwardi patris regis præsentis.

Petrus exulat. Anno 1310. decreto parliamenti tenti Londoniis ad baronum instantiam, Petrus de Gauerston in Hyberniam exilio relegatur. Solutoparlamento cunctis gaudenter ad sua discedentibus, rex remansit tristis, cogitans & disquirens cum priuato iuo consilio, qualiter posset ipsum ab exilio reuocare. Suggestumque fuit ei quod si sororem comitis Gloerniæ, qui protunc erat iuuenis toti regno dilectus, & sub tutela regis, præfatus Petro daret in coniugem, posset ipsum intrepide reuocare. Rex hiis auditis cum omni festinatione missis nunciis accersit eum, & inter ipsum & sororem comitis fecit celebrari nuptias, licet multum comiti displicerent. Exinde Petrus superbiens plus solito, regni nobiles vilipendit, subannabat proceres mediocresque despexit. Et quia rex permiserat sibi facultatem penefaciendi quæ vellet, quantum ad ea quæ respiciebant personam 30 regiam, cepit sicut prius thesaurum regis colligere, & negotiatoribus vltamarinis accommodare, non ad vsus quidem regios, sed suos proprios. Qui in tantum expilauit regem, vt non haberet unde solueret expensas solitas domus suæ. Regina vero tantum rebus necessariis arctabatur, vt regi Fraciæ patri suo lachrymabiliter quereretur, honore debito se priuatam. Barones igitur considerantes, quod eorum tolerantia Petro malignandi præstabat audaciam domino regi denuntiauerunt assensu communi, vt vel dictum Petrum à sua propelleret comitiua, articulosque prouisos effectui manciparet, vel ipsi certe in eum tanquam periurum insurgerent.

Petrus exulat. Durus videbatur hic sermo regi quia Petro carere nesciuit, sed plus periculi cernebat emergere, si petitionibus procerum non obtemperaret. Petrus igitur abiurat re- 40 gnum, regis plus permissione quam beneplacito, addita à baronibus conditione, quod si de cætero posset inueniri in Anglia, vel aliqua terra regi subiecta, caperetur, & velut hostis publicus damnaretur.

Igitur sub præmissa conditione dato sibi conductu, Angliæ regnum lugens deseruit & Franciam est ingressus. Quo adito rex Francorum iussit suis vt eum caperent, si quomodo possent, & diligenter custodirent, ne rediret in Angliam, & proceres sicut prius turbaret, & filiam. Petrus de hiis præmonitus fugit in Flandriam, ibi quæsiturus requiem nec inuenit. Tandem cum suis consortibus alienigenis rediit in Angliam, de amicitia confusus comitis Glouerniæ cuius sororem duxerat in vxorem. Parum ante festum natalis domini, regis se præsentauit obtutibus, qui præ gaudio sui aduentus, iuramenta, pacta, 50 promissa negligens, tanquam coeleste munus hilariter suscepit eum, & secum detinuit cum familia sua tota.

Anno 1311. post natale rumore vulgato de Petri reuersione regni magnates & plebei conturbati sunt. Qui necessitate ducti, elegerunt sibi Thomam de Lancastria in ducem & defensorem, vt periculis consulerent & malis fitoris. Nobiliores vero regni de communis decreti sententia, miserunt honorabiles domino regi nuncios exorantes, vt vel dictum Petrum eis traderet, vel vt ordinatum fuerat ipsum regnum euacare iuberet. Rex vero sinistro ductus consilio baronum supplicationes paruipendens, ab Eboraco recessit ad nouum castrum.

Magna-

Magnates proinde sub omni celeritate ad nouum castrum iter arripuerunt. Quod cum rex audisset, quasi proscriptus aut exul fugit cum dicto Petro Tynemutham, & inde Scadeburgiam ubi habebatur castrum regale, ubi præcepit Castellanis, ut custodiam Petri susciperent & castellum victualibus instaurarent, rege se alias transferente, nec opem ferre valente, quin caperetur & reduceretur usque ad villam de Dadington. Vbi comes Warwici, Guido de bello campo fecit eum decollari tanquam legum regni subuersorem & publicum proditorem. Cadauer eius humatum est apud Langley regale prædium, ubi rex de regio fisco construxit fratribus Iacobitis habitaculum pro anima dicti Petri. Die S. Bricii Isabella regina peperit regi filium apud Windeleshores, cui nomen patris fuit impositum, licet magnates Franciæ qui tunc aderant, pussolo nomen regis Franciæ imponere voluissent.

Patru decollatur.

Anno 1312. obiit magister Rob. de Winchelsey quondam Cantuar. Archiep. qui nobiliter toto suo tempore rexerat ecclesiam Anglicanam, & firmus exactor fuerat regni libertatum.

Winchelsey moritur.

Hoc anno dominus Guido de bello campo comes Warwici fato ferali succubuit, impacionatus ut fertur. Rex & regina transfretauere Parisius cum multis regni nobilibus, ut interessent coronationi domini Philippi filij regis Franciæ in regem Nauarriæ coronandi die Pentecostes.

Anno 1313. Scoti intrantes Northumbriam deprædati sunt patriam trucidantes incolas, & villas plurimas incendentes.

Clemens papa diem clausit ultimum, & vacauit sedes per biennium. Cui tandem successit Iacobus episcop. Auoniæ, & vocatus est Iohann. 22. Post pascha rex accinxit se versus Scotiam cum exercitu, peruenitque Berwicum. Cunctisque illuc properantibus qui sibi debebant seruitiū, præter Thomam comitem de Lancastria, & Comites Warwicæ & Arundeliæ qui super sedere venire, eo quod quosdam articulos petitos & concessos, rex detractabat ad effectum perducere, disposuit militiæ suæ turmas, ad dissoluendum obsidionem castri de Striuelyn. Cumque fixisset prope locum tentoria, quidam de regis exercitu facientes equitationem, Scotos atrociter prouocabant. Quibus illi viriliter occurrentes, multos Anglorum nobiles in vigilia S. Ioh. Baptiste peremerunt. Quo casu Anglici nimis exacerbat, in crastino vindicari firmiter proponebant. Crastino vero circa horam dici 3. Robertus le Brus qui se regem nominauit, præcessit pedes Scotorum exercitum, dans illis exemplum, ut nemo de fuga cogitaret. Cumque ventum fuisset ad actum ut manus conferrent, discrimini patuit pars Anglorum. Ibi nempe corruit nobilis ille miles Gilbertus comes Glouerniæ, ante mortem suam crudelem sumens de Scotis suis manibus ultionem. Nobilis etiam baro Robertus de Clifford cum multis viris aliis nobilibus in hoc funesto conflictu peremptus est. Ibi ceciderunt milites & scutiferi ad numerum septingentorum.

Regis in Scotiam expeditio.

Anglorum cades.

Rex in hostes desaniens, & sui ipsius oblitus, per suos educitur à loco discriminis, & ad se subtrahendum compellitur. Comes Herefordiæ fugiendo capitur, cum baronibus, 22. & militibus 68. Dominus Radulphus Mounhermer qui desponsauerat sororem regis Angliæ & comitissam Glouerniæ, & captus fuerat in ferali certamine, inuenit gratiam in oculis regis Scotorum ratione familiaritatis cum eodem præhabita, ita quod redemptio sua sibi fuit perdonata per eundem. Qui rediens in Angliam reportauit secum domini regis targiam captam à Scotis, vsu tamen ipsius primitus interdicto.

Gilbertus consul Glouerniæ in fausta pugna vita priuatus, tres filias superstites dereliquit. Quarum primam duxit dominus Hugo de Spencer. Secundam dominus Hugo de Audeley, quam prius habuerat dominus Petrus de Gauerston quondam comes Cornubiæ. Tertiā duxit dominus Rog. de Tamary quam prius desponsauerat dominus Ioh. de Burgo, filius & hæres comitis Ultoniæ de Hybernia. Et sic diuisus est comitatus nobilissimus in tres baronias.

Gilberti filia.

Post bellū de Striuelinæ Robertus le Brus interfectorum spolia suis distribuit larga manu, captiuos tractauit ciuilitate, corpora comitis Glouerniæ, & baronis de Clifford transfmisit regi Angliæ apud Berwicum commoranti, sine pretio pro sue voluntatis beneplacito sepelienda. Quibus ex causis corda multorum in sui amorem allexit. Comitem vero Herefordiæ facta cōmutatione pro sua coniuge quæ iam diu in custodia regis Angliæ, detenta fuerat, liberum abire permisit. Quibus gestis rex se transtulit ad partes australes. Eo tempore plures ex Anglicis facti transfugæ, se Scotis confederauerunt, reuersiq; cum Scotis, plurima damna Northumbrensibus irrogauerunt.

Scotorum regis comitatus.

Anno 1314. Rex conuocatis Cantuariensi Archiepiscopo & aliis quatuor pontificibus

ficibus cum multis prælatis aliis, corpus Petri de Gauerston transferri fecit Langleiam, & inter fratres predicatorum honorifice tumulari.

*Viſualium pro-
tium.*

In craſtino Purificationis conuenerunt Londoniis ad parlamentum prælati pene regni omnes cum proceribus, vt quia vix potuit viuere plebs communis præcariffia rerum venalium, prouiderent tantæ neceſſitati remedium. Statutum eſt igitur, vt melior bos viuus venalis craſſus non paſtus de grano pro 16. ſol. venderetur, de grano vero paſtus 24. ſol. vacca melior viua craſſa 12. ſol. venderetur, porcus duorum annorum pinguis pro 3. ſol. & 4. denariis, multo tonſus craſſus 14. denariis, lanatus vero craſſus 20. denar. anca craſſa 2. denar. & obolo. Capo bonus 2. denar. Gallina bona pro vno denario venderetur, duo pulcini pro vno denario, Columbellæ quatuor pro vno denario, Ouaque 24. 10. pro vno denario venderentur. Et ſi vendentes aliter facerent, res venales regi forisfactæ remanerent.

*Parliamentum
ſine effectū.*

In quindena Paſchæ per regis breuia citatæ ſunt generaliter omnes parlamentales perſonæ pro parlamento tenendo Londoniis. Sed multis proceribus præſeſſantibus impediementi cauſas, nihil hac vice factum fuit. Scoti per hoc tempus crudeles & inhumani, flamma, rapinis & cædibus, partes occidentales Northumbriæ à Lugubalia vſque ad Eboracum ſine reſiſtentia deuastaſunt, factaque fuit patria longo tempore Scotis tributaria, donec miſeri patriotæ nil haberent vnde tributa penderent. Eodem ann. Robertus le Brus in Hiberniam tranſmiſit exercitū, cui ducem conſtituit Edward. fratrem ſuum vterinum, vt terras regis Angliæ in illis partibus occuparet, & Anglos ibidem pro viri- 20 bus infeſtaret. Hoc in tempore velut deo diſplicerent ſtatuta præcedentis parlamenti omnia venalia plus ſolito facta ſunt cara, animalia craſſa maſtabilia, capones & ancæ vel oua rariffime videbantur. Oues peſte peribant, porci nutriri nequibant, quarterium frumenti fabarum & piſarum 20. ſol. vendebatur. Quarterium Bracij vna marca, ſalis quarterium vendebatur 35. ſolidis.

*Anglia pars Sco-
ti tributaria.*

Lewlini captio.

Lewlinus Bren Wallicorum capitaneus qui multas villas combuſſerat, & Anglos interfecerat, captus eſt cum duobus filiis, per quosdam aulicos, & regi London. præſentatus.

Anno 1315. In parlamento tento Lincolnia de conſenſu baronum, ſtatuta de venditione viſualium reuocantur. Permiſſumque fuit, vt quiſque ſua viſualia meliori foro 30 quo poſſet venderet in futurum.

*Periculis di-
minutio præſa-
ma.*

Hoc anno præualeſcente fame, magnates & diuites ſuas minuire familias, & fercula ſuperflua ſubtrahere. Qui fuerunt expulſi à Curia, effecti ſunt veſpiliones & in tantam ſuccreſcere multitudinem, vt vix fuit aliquis tutus à deſpoliatoribus in hac terra.

*Famem ſequuta
mortalitas.*

Circa feſtum Paſchæ factum fuit Parliamentum Londoniis ante feſtum Aſſumptionis beatæ virginis, & quarterium frumenti 40. ſol. vendebatur. Famem totam terram inuadentem, mortalitas eſt ſequuta pauperum, & pecora eſu herbarum putrefactarum cadebant, vnde contigit, vt eſus carniū cunctis eſſet ſuſpectus. Nec valuit contra peſtem hominum ſolertia Phyſicorum, quia medicinales herbæ, propter elementorum inæqualitatem effectæ degeneres, virus pro virtute reddebant.

40

In feſto aſſumptionis natus eſt regi filius apud Eltham qui vocatus eſt Iohannes. Londonienſes quia frumentum inbraſiatum multum adauxit cariffiam ſtatuerunt ne frumentum de cætero in ceruiſiam verteretur.

Rex etiam idem proclamari iuſſit per totum regnum.

*Beneficiorum fru-
ctus per papam
reſeruantur.
Northumbri ſuos
ſpoliant.*

Iohannes papa 22. reſeruauit ſibi primos fructus beneficiorum vacantium in Anglia per triennium.

Anno 1316. videntes quidam Northumbrenſes impune Scotos debacchari, nec quemquam obuiare volentem eorum inſolentiis, velut in defectu regis & procerum ſumunt arma, & reſiſtere Scotis parant. Et cum per tempus aliquod id probe feciſſent, tum deficientibus tam viſualibus quam pecunia, de tyronibus facti ſunt tyranni, de defen- 50 ſoribus deſtructores, de propugnatoribus proditores. Deſpoliabant domi rurículas, in campis accolas, eorum boues rapientes, & ad cibaria ſua maſtantes. Multiplicatusque eſt in tantum eorum numerus, vt neminem in illa regione timerent, continuaueruntque ſua ſcelera in illa prouincia per quatuor fere annos. Sub iſtis diebus applicuerunt in Anglia Cardinales rogatu regis, directi nunciij domini papæ Iohannis 22. vt pacem inter regna Angliæ reformarent & Scotiæ, & vt comitem Lancaſtriæ Thom. regi pacificarent. Attulerunt etiam ſecum bullas, quibus dominus papa Scotos excommuni- cauit, eo quod deſciuiffent à domino ſuo rege Angliæ, niſi redirent ad pacem eius. Qui prout moris eſt Romanorum in exterarum regiones venientium, ſemet oſtentare volentes,

con-

contulerunt se sub omni festinatione in partes boreales, ut dominum Lodowicum de Bello monte, cui dominus papa ad regis instantiam Dunelmensem contulerat Episcopatum, electo eiusdem loci cassato, cum pompa Romana intronizarent, quamvis præmoniti fuissent, ut in comitatu Eboraci se continerent & ultra progredi non præsumerent, nisi regia manu fulti. Cumque venissent prope villam de Derlington, subito de valle quadam erumpentes dicti grassatores, ducibus Gilberto de Middleton, & Gualtero de Selbye inopinato irruerunt in familiam Cardinalium & Lodowici futuri episcopi Dunelmensis. Et nulla reuerentia habita ad tantas personas, eos de thesauris & equis suis spoliaverunt. Lodowicum vero episcopum Dunelmensem ducentes ad villam de Morpath
 10 ad redemptionem grauissimam compulerunt. Henricus de Bello monte, qui cum illis venerat, captus cum equis & thesauris plurimis ductus est ad castrum de Mitforde, ibique detentus, donec magnam summam pecuniæ persoluisset. Cardinales autem cum sua familia Dunelmiam peruenerunt, ubi per dies aliquot perhendinantes & Scotorum arbitrium præstolantes, in festo negotio pro quo venerant, reuersi sunt sub conductu regio Eboracum. Ibique horribilem tulere sententiam in malefactores Northumbriæ, & omnibus eis quomodolibet adhærentes.

Cardinales spoliati.

Quam sententiam publicari fecerunt per totam Angliam. Redeuntes vero Londonias, petierunt à clero octo denarios de marca sibi dari, pro damnis suis & expensis, non habentes respectum ad 4. denarios sibi de marca prius concessos. Sed clerus huic petitioni
 20 noluit obedire.

Gilbertus de Middleton post plura damna illata prioratui de Tynmuthe, & patriotarum deprædationes captus est & vinculis arctatus, una cum fratre suo transmissus
 30 Londonias, ubi iudicialiter condemnatus in oculis Cardinalium quos spoliauerat, tractus & suspensus est. Qui sibi famulatum præbuerant, audientes eum captum, ad Walterum de Selby consortem suæ malitiæ, qui vicinis similem inferebat iniuriam se contulerunt. Cardinales per id temporis fecerunt pacem sub certis conditionibus inter regem & comitem Lancastriæ Thomam, quas cito postea rex infregit, ut dicebatur, iniuste.

Middleton suffraganeus.

Anno 1317. Scoti ad Eboracum, & Lancastriam comburendo, prædando, vastando
 30 peruenerunt. Quapropter prelati regni, accitis sibi cardinalibus regem deprecantur, ut tantis malis velit remedium prouidere. Quod confestim posset effici, si baronum suorum petitionibus acquiesceret, ut dicebant. Quorum supplicationibus rex inclinatus diem præfixit, quo apud Leicestriam petitiones baronum & articuli confirmarentur. Quibus concessis per regem, Cardinales quasi grande quid patrassent in regno ad curiam redierunt, quæ tunc extitit Ambianis. Post lapsum temporis regis concessio friuola videbatur & inanis. Circa festum Sancti Michaelis in Parlamento tento Londoniis fuit ordinatum, ut rex haberet contra Scotos auxilium de qualibet ciuitate, vel villa regni, quæ homines exhibere posset. Qui congregati magnum conflauerunt exercitum. Cumque peruenissent Eboracum, suborta discordia, redire iussi sunt ad propria in festo
 40 negotio.

Scotorum prædationes.

Edwardus le Brus frater regis Scotorum, qui iam per triennium Hyberniam infestauerat, & nullo iure se ibidem in regem coronauerat, captus est ab Anglicis & regis fidelibus, & apud Dundalk decollatus, occisis in conflictu quo captus fuit 29. Baronettis de Scotia, & 5. millibus, & 80. aliis, Primate de Armakh pro rege Anglorum capitaneo existente.

Edwardus Brus captus.

Robertus le Brus inuasor regni Scotiæ, autoritate Romanæ Curie excommunicatus est solemniter & publice in toto regno Scotiæ, & omnibus terris adiacentibus, eo quod venit contra fidelitatem regi Anglorum ab antiquo debitam, regnumque Scotiæ generali supponitur interdicto.

Regnum Scotia excommunicatum.

Anno 1318. quidam proditor dictus Petrus de Spalding, qui fuit custos Berwici accepta pecunia, Scotos intrare permittebat ipsam villam, unde rex est grauiter contristatus. Mox ergo properauit illuc pergere, villamque cingere obsidione. Et cum id fecisset, Scoti
 50 adunati ad numerum 20. millium per partes obliquas intrauerunt Angliam, proponentes reginam capere quæ in illis partibus moram traxit, sibi venditam per quosdam Angliæ proditores. Attamen Deo volente fraudati sunt à desiderio suo, perdita tam pecunia quam ipsa præda. Quapropter versi in omnem rabiem, inæstimabilia damna in illis partibus perpetraverunt.

Scotorum irruptiones.

Eboracenses collectis 10. millibus patriotarum Scotos obuiat apud villam de Mytone, Et facto congressu superantur à Scotis, de nostris ad tria millia hominum interemptis. Cuius

Cuius facti rumor cum peruenisset ad aures regis, illico dimissa obsidione Berwici festinauit Scotis occurrere, priusquam proprios limites reintrent. Sed tamen illi præmoniti per aliam viam reuersi sunt in regionem suam.

Treugæ biennales acceptæ sunt inter Anglos & Scotos.

Bouum pestis.

Hoc anno fuit pestis bouum, qui tam lætifere fuerunt infecti, vt canes de cadaueribus eorum comedentes & corui, quasi toxicati veneno intumescerent & mortui caderent. Quamobrem nemo fuit ausus comedere carnes bouinas aut vaccinas. Regina peperit filiam suam primogenitam Alienoram apud Woodstocke.

Scotorum irruptio.

Anno 1319. rege existente Eboraci, Scoti intrauerunt Angliam, & illuc vsque penetrauerunt, & suburbana ciuitatis cremauerunt, & captiuos ceperunt dominum Iohannem de Bretayne comitem Richmondia & plures alios. Quos omnes ad grauissimam redemptionem compulerunt. Leprosi per totam christianitatem diffamati fuere, quod iniissent fœdus cum Saracenis, ad toxicandum christianos vbique terrarum, ponentes venenum in fontibus, puteis & cisternis. Super quo multi de Francia, & Prouincia conuicti combusti sunt, & iudæi detenti & incarcerati propter auxilium eis præstitum & consensum.

Leprosorum excentio.

Terra de Gouers.

Anno 1320. Quidam miles dictus Gulielm. de Brewes quandam portionem terræ ipsam contingentem iure hæreditario in Marchia Walliæ, diuersis dominis obrulit ad emendum. Quæ terræ portio terra de Gowers antiquitus vocabatur. Comes Herefordiæ quia dicta terra contigua fuit terris suis, conuentione facta cum dicto Gulielm. disposuit cum regis licentia dictam terram ingredi, tanquam propriam possessionem. Rogerus de mortuo mari f. auunculus, & Rogerus nepos, nescientes de pacto prælocuto, ad dictum Gulielm. de Brewes accedentes, cum eo conuenerunt de dicta terra, sibi & suis habenda, & quasi securitatem bonam de præfato Guliel. reportarunt. Dominus Iohann. de Moumbray, qui filiam dicti Gulielm. duxerat in vxorem, quæ fuit vnica hæres de tota terra præfata, tanquam vxori suæ hæreditario iure debita securior existeret. Notissime ad omnem malorum cumulum, Hugo de Spencer iunior terram illam exclusis omnibus aliis comparauit. Quo cognito præfati proceres irati sunt valde. Comes vero Herefordiæ Humfridus de Boun conquestus est super iniuria sibi illata Thomæ comiti de Lancastria. Qui allicientes cæteros pene cunctos comites, & barones in partem suam, duce Thoma de Lancastria venere Shireburniam. Indeque barones vexillis explicatis venerunt ad villam de S. Albano, ibi per triduum cum suis armatis exercitibus perhendinantes, miserunt ad regem Londoniis commorantem solemnes nuncios, Sarisburiensem, Eliensem, Herefordensem, & Cicestreensem præfules, qui tunc ad S. Albanum conuenerant pro pace reformanda, mandantes, vt dominus rex Hugonem, & Hugonem le Spencer regni proditores per communitatem regni in multis condemnatos articulis, exilium meritum subire permetteret, & baronibus ac omnibus qui in eorū comitiua arma sumpserant indemnitis patentes literas concederet. Quibus petitionibus cum rex noller condescendere, barones cum fastu nimio Londonias adierunt. Tandem rex ad instantiam reginæ, & præfatorum pontificum eorum petitionibus acquieuit. Edicto quoque super hiis per comitem Herefordiæ in aula Westmonasterij publicato, Hugo senior in exilium actus est, sed iunior Hugo in diuersis locis latitauit, nunc in terra, nunc in mari, nec potuit apprehendi.

Baronum insurrectio.

Spiseri exulanti.

Hugo Spencerredis.

Circa festum omnium sanctorum Hugo de Spencer iunior filius Hugonis senioris ascendit e mari, & peruenit ad regem, cuius consilio & quorundam aliorum, rex mandauit breuia sua ad omnes regni vicecomites ad congregandum exercitum contra barones, cupiens vindicari de despectu & rebellionem nuper sibi factis Londoniis. Barones hæc audientes ad se defendendum protinus parauerunt.

Regis preparatio in Barones.

Anno 1321. tenuit rex natale apud Cirecestriam cum magna militum, scutiferorum & architenentium numerositate, proponens aut mori viriliter, aut velut rex superbos subiectos imperialiter dominari. Quidam baronum hiis cognitis animo conciderunt, & neglecto iuramento quod in commune præstiterant, regis gratiæ se submisere. Inter quos erant præcipui duo Rogeri de mortuo mari, qui contra suam opinionem missi sunt ad Turrim Londoniarum ibidem detinendi, donec præuidisset quid de eis fieri decreuisset. Eo tempore dominus Hugo de Audelee senior, & dominus Mauricius de Berkleee in manus regis incidentes, missi sunt ad castrum Walingford conseruandi. Nulla fuit interim requies, donec vterque exercitus regis & baronum iuxta villam de Burton super Trent conuenisset. Sed Thomas conspecto regis exercitu suis præstare & numero & virtute, dedecorose fugit. Rex autem fugientes persequitur donec venisset ad Burbrige,

- brige, vbi boreales aduenerāt ad supplementum regis exercitus. Cumque dominus Humfredus de Boun comes Herefordiæ pontem ibidem transire voluisset à quodam sub ponte, lancea transfixus est & peremptus ibidem. Thomas de Lancastria non valens sustinere pondus prælij imminētis, nec de loco fugere, captus est ab Andrea de Herkle, custode Carleoli, milite mediocris fortunæ cum multis aliis, & ductus ad regis præsentiam, qui tunc fuit apud Pontem fractum, cum vtroque Hugone de Spencer seniore & iuniore. Tercio vero die à captione sua sederunt principes, & aduersus eum dictauere sententiam, adiudicantes eum tractioni, suspensioni & decollationi. Sed indulgentia regis solummodo decollatus est. Sectatores tamen dicti Thomæ qui capti fuere tracti sunt & suspensi.
- 10 Rex elatus de tanta victoria collegit exercitum, quantus non fuerat per ante visus, vt Scotos suos aduersarios debellaret, & cum magna pompa transiit ad partes boreales. Cuius aduentu Scotis præcognito, se cum suis victualibus ad notas latebras transtulerunt, sicque factum est, vt rex nec resistantiam nec victualia reperiret. Periiit ergo fame magna pars exercitus, & rex redire coactus est inglorius. Commorante rege minus caute in loco qui dicitur regalis vallis, Scoti latenter ingressi regnum Angliæ, regem incautum capere meditati sunt, sed deo volente rex præmonitus recessit à loco, quem velut fugientem Scoti insecuti sunt vsque ad Abbathiam de Byland, sed cum nec ibi tute perhendinare posset propter Scotorum violentiam, rex arreptis armis fugit celeriter Eboracum thesauro suo, victualibus, & vtenilibus direptioni derelictis. Scoti vero in hac peruagatione prosperantes patriam incenderunt, obuios occiderunt, captiuos abduxerunt. Inter quos virum nominatissimum Iohann. de Bretayne, comitem Richmundiæ captiuum traxerunt, & cum multis spoliis domum prospere redierunt.

Thomas de Lancastria captus.

Regis bona à Scotis direpta.

Hoc anno dominus Hugo de Spencer pater, factus est Comes Wintoniæ, datis sibi dono regis castro & honore de Donington, quod fuit de comitatu Lincolnæ.

Philippus rex Franciæ moritur, cui succedit in regno Carolus frater eius, qui prius fuerat comes Marchiæ.

Philippi mors.

- Anno 1322. venerunt ad regem Angliæ nuncij noui regis Francorum Caroli, ad citandum eum, vt infra certum tempus accederet ad regem Franciæ, & homagium sibi faceret pro ducatu Acquitaniæ, quos cum Hugo de Spenser iunior & Robertus de Baldok Cancellarius conuenissent, ne regi notificarent aduentus sui causam, ipsi tamen in recessu suo monuerunt eum quasi consulendo, vt veniret infra certum tempus ad homagium faciendum. Super qua monitione siue citatione subdola, fecit quidam notarius, qui fuit vnus ex nunciis publicum instrumētum, virtute cuius rex Franciæ fecit progressum contra regem, & terras plures Wasconiz seysiri fecit, in poenam contumaciæ regis Angliæ, qui fuit informatus per malos consiliarios, quod ipsum præfata citatio vel monitio iactabat.

Rex Angliæ citatus pro homagio.

- Eodem anno episcopus Glasgucensis, & Tho. Rondolf comes Moraniæ missi sunt per Robertum le Brus & totum regnum Scotiæ ad Romanam curiam, pro habenda relaxatione excommunicationum & interdicti sententiæ, in regnum & regnicolas Scotiæ per Cardinales auctoritate papæ latorum. Contra quos rex Angliæ misit quendam clericum qui obtulit coram papa se probaturum Scotorum manifestam & notoriam offensam, nō solum contra regem & regnum Angliæ, sed etiam contra sedem Apostolicam fore contractam, ita quod sine satisfactione non possent à dicta censura relaxari de iure, euenitque clerici supradicti solertia, quod Scoti infecto negotio redierunt. Per idem tempus Andreas de Herkle ob notam probitatis, accinctus regis manibus gladio militari, & donatus consulatu Carleoli, desciiuit à fidelitate quod domino suo iurauerat regi, & Scotis regis hostibus se coniunxit. Et in tantum sibi Scotos allexit, vt de communi consilio vellent illi sororem regis Scotiæ coniugio copulare.

Scoti non relaxati interdicto.

- Rex ista non ignorans doluit se tam ingrato, nec non perfido tot beneficia contulisse. Erat eo tempore in partibus borealibus miles quidam strenuus, dictus Anton. de Lucy, qui captans fauorem regium, Andræam per insidias inopinate captum, misit ad regem Londonias catenatum, vbi quadrifario iudicio condemnatus est. Nempe primo degradatus est, amputatis securi calcaribus ad talos suos, ex post discinctus est baltheo militari, exinde detracti sunt ei calcei, & chirothecæ, nouissime tractus, suspensus, decapitatus, & in quartas diuisus est, & partes quatuor principalioribus ciuitatibus Angliæ sunt transmissæ, caput eius super pontem Londoniarum fixum est, versus partes respiciens Scotianas.

Andræam Herkle proditor.

Andræa executio.

Robert. le Brus petit treugas à rege Angliæ per solemnes nuncios, & concessæ sunt ei treugæ per annos 13. duraturæ.

Circa festum Michaelis Rex circuiuit Comitatus Eboraci, & Lancastriz, Marchiam Walliz, faciens inquisitiones de pacis perturbatoribus, de vulgi communis oppressoribus, de prouinciarum prolocutoribus, & ductoribus, qui per nundinas, sue fora, soliti fuerant concitare seditiones, fouere partes contra partes, manutenerere malefactores, & omnes tales captos & conuictos, puniuit iuxta suæ demerita prauitatis.

*Imperator excō-
municatus.*

Eodem anno papa citauit ducem Bauariæ electum in imperatorem, ut veniret ad curiam, & de electione & iure suo doceret. Et quia nō venit in termino limitato, excōmunicauit eum, & pronunciauit eum nullum ius habere in imperio, vel ad aliud, & si quod habuit priuauit eundem.

Ann. 1323. in parlamento tento Londoniis quæsitum est, quid foret respondendum regi Franciæ, qui regem Angliæ iam pluries vocauerat ad faciendum homagium sibi pro Walconia, & cæteris terris quas tenebat in dominio regis Francorum. Super quo consultum est per regni proceres, ne rex transiret in persona propria, sed prius mitteret solemnes nuncios, si forte vel hac vice de non comparendo posset obtinere dilationem, vel omnimodam excusationem. Præterea Rex petiit in præfato Parlamento pecuniare subsidium, pro redemptione nobilis viri loh. de Britannia, comitis Richmondiæ nuper capti per Scotos, apud Abbatiam de Ryland, sed non obtinuit.

*Templariorum
bona ablegata.*

In eodem Parlamento, terræ, possessiones, & dominia, quondam templariorum, assensu communi, totius cleri, & populi hospitalariis concedentibus iure perpetuo, per omnes regni prouincias possidenda.

20

In eodem Parlamento electi sunt viri nobiles, comes videlicet Cantij Germanus regis, Edmundus de Hodestoke, & Archiep. Dublinensis, ad excusandum Regem Angliæ, penes regem Franciæ ut superius dictum est. Qui cum diu inutiliter tractassent cum rege Franciæ, eiusque consilio, demum sine suæ legationis fructu reuersi sunt.

Rex Franciæ per idem tempus, misit dominum Carolum de Valoys patrum suum in Walconiam cum magno exercitu, ad inuadendum possessionem totius ducatus Aquitaniz, quia rex Angliæ non venit ad faciendum homagium suum regi Franciæ pro ducatu & comitatu Pontini, quem seysuit, ad quod faciendum fuit vocatus, ut superius est expressum.

Carolus ergo perequitauit totam Agemmam, & illas partes seysuit, usque ad villam de Regula, in qua tunc fuit dictus Edmundus frater regis Angliæ, Comes Cantij tenens eam. Finaliter, treuga inita inter eos, usque ad tempus quo possent de pace tractare, reddita est illa nobilis villa de Regula Carolo supradicto, & vtraque pars ad propria remeauit.

*Rog. de mortuo
maris fuga.*

Rog. de mortuo mari, dominus de Higemor, qui cū Rogero auunculo suo in guerra baronum regis gratiæ se submiserat, & in turri Londoniarum clausus fuerat, data suis custodibus soporifera potione, euasit per omnes turris custodias, & peruenit ad flumen, ubi quandam cimbam reperiens, à quodam coadiutore sibi paratam, illam intrauit, & cum summa foelicitate mare transiit & in regnum Franciæ, sine quouis impedimento peruenit, ubi diu degens, gratiam reconciliationis expectauit.

40

Rogerus auunculus huius Rogeri, fere per quinquennium, squalore carcerali detentus ibidem satis inhumaniter, tandem diem clausit extremum, cuius corpus delatum Bristoliam sepelitur.

Circa tempus istud, missus est ad regem Franciæ dominus Aymarus, comes Penbrochiæ ad tractandum de pace prælocuta. Sed cum peruenisset ad villam de Sancto Richerio inopinato languore correptus, inter brachia domesticorum expirauit. Missi sunt & alij pro causa præfata, scilicet dominus Iohannes de Suliaco, & magister Iohannes Schordich. Sed Iohannes de Suliaco, ibi de quadam transgressione accusatus, vix interuentu reginæ Franciæ, mortem euasit, collega suo, sine fructu sui itineris domum reuerso.

*Alieni Angliæ
pulsæ.*

Interim commeatus interdicuntur inter regna, sicq; quod, neque Francis in Angliā, nec Anglis in Francia, negotiari licebat. Familiares reginæ quotquot erant, oriundi de Francia, sine spe reuersionis, regnū exire coguntur, terræ præterea, & castella reginæ, seysita sunt in manum regis, datis reginæ statis stipendiis de bursa regis. Religiosi etiam, & beneficiati de gente Francorum, in maxima miseria vitam transigere compelluntur, eorum beneficiis confiscatis, & exilissimo victu, eis de rebus propriis deputato.

50

Anno 1324. in octauis Sancti Hillarij, in Parlamento tento Londoniis, tractabatur de saluatione ducatus Britanniz, quæ iam per Gallos fuit multipliciter lacerata. Pro qua causa missi sunt solemnes nuncij, ad regem Franciæ, Wintoniensis, & Norwicensis episco-

episcopi & vir illustris dominus Iohan. de Britannia comes de Richmund. Qui post multas disceptationes tandem quandam pacis formam, à rege Franciæ receperunt. Wintoniensis episcopus, collegis in Gallia remanentibus, remissus est in Angliam nuntiaturus regi, quæ facta sunt. Regale consilium decreuit reginam mittendam ad regem Franciæ fratrem suum, pro pacis negotio confirmando. Quæ cum transfretasset cum parua familia, scilicet, Ioh. de Cromwelle, & tribus aut quatuor militibus, effecta mediatrix præsentis negotij, tali fuit pacto finaliter concordatū. Videlicet, ut rex Angliæ daret filio suo primogenito scilicet Edwardo ducatum Aquitaniæ, & comitatum Pontini, & rex Franciæ reciperet homagium ab eodem.

Pax inter reges.

10 Rex Angliæ fecit chartam suam, filio suo prædicto, de dictis ducatu & comitatu, habendis & tenendis, sibi & hæredibus suis, regibus Angliæ, & si contingat ipsum mori in vita patris sui, terræ redirent ad ipsum patrem, ita quod rex Franciæ non possit, dictum filium maritare nec tutorem, aut curatorem sibi dare. Quibus ita petactis, Edwardus filius regis mare transit cum familia competenti. Et circa festum Sancti Matthæi fecit homagium auunculo suo Regi Franciæ sub quibusdam protestationibus. Et etiam ex parte Francorum protestatum est. Acta sunt hæc in Francia, apud prædium regis Franciæ quod dicitur Boydenicens.

Eodem anno moram faciente regina in partibus Franciæ cum filio, ultra regis placitum nec volente redire, sine domino Rogero de mortuo mari, & aliis nobilibus ex Anglia præfugatis, & quam maxime propter odium duorum dispensatorum, Hugonis, & Hugonis, qui procurauerant anno præcedente, ab ipsa remoueri familiam suam, banniuit tam reginam quam filium proprium, cum omnibus qui illis adhæserant de regno suo.

Regina exulat.

Eodem tempore Robertus de Balbesare miles vir virfutus, & magnus dissidij suscitator, sed tamen manu fortis, euasit de castro de Corf, interfecto constabulario, & ad reginam tunc exulem se contulit ultra mare, vbi multipliciter indices fugitiuorum numerus augebatur.

Hoc anno dominus Oliuerus de Ingham miles iuuenis factus custos Aquitaniæ, per iuuenem ducem Edward. de consensu patris sui, collecto grandi exercitu, de stipendiariis militibus, Hispanis, Arragonicis, & Gasconensibus, prouinciam Agennensium occupatam per regem Franciæ contra pacem inuasit, & dominio regis Angliæ integraliter restituit.

Sub eisdem diebus, nauigium regis Angliæ 100. naues Normannicas cepit, & in Angliam secum traxit. Qua de causa succreuit odium inter reges, & regna, & damna utroque pro viribus inferebantur.

Odium inter Normannos & Anglos.

In fine anni præsentis, percipiens regina magnates Franciæ fore corruptos, Anglorum muneribus, & nusquam tutam fidem, festinauit egredi de calore domus recab, & Francos latenter fugere, contulitque se cum filio ad comitem Hanoniæ, ab eo auxilium petitura. A quo cum filio, & suis omnibus magnifice est suscepta, & prout tantam reginam decuit, honorifice exhibita pro tempore perhendinationis suæ.

Regina fuga.

Anno 1325. Isabella regina Angliæ contractis sponsalibus inter filium suum primogenitum Edwardum & filiam comitis Hanoniæ Philippam nomine, assumptis secum filio suo, 14. ætatis annos habente, & domino Edmundo de Hoodestock comite Cantij, Germano regis Angliæ, dominoque Rogero de mortuo mari, & aliis multis viris illustribus de regno Angliæ profligatis, duce domino Iohan. viro strenuo, fratre comitis Hanoniæ, quem sequebantur milites stipendiarij de Cermania, & Hanonia plures valde. Proinde parata classe, per comitem Hanoniæ, regina peruenit ad mare, cum suis auxiliariis, qui fuere duo mille, septingenti, quinquaginta septem viri sufficienter armati. Regina transfretando peruenit ad portum de Herewich. Confestim occurrere comites, Marchalli, & Leycestriæ, cum Lincolnensi, Herefordensi, Dublinensi, & Eliensi episcopis, qui iuncti reginæ, magnum exercitum confecerunt. Alij quidam episcopi, & præcipue Cantuariensis, sibi pecunias ministrare. Recreato exercitu apud Sanctum Edmundum, processit regina, suos regni que aduersarios quæsitura, neminem lædens in bonis, aut cattallis, nisi solum aduersarios quos quærebat, quorum bona reperta suis vñibus applicabat, & prædia destruebat. Rex cum hæc audisset, petiit Londonienses, ut sibi præberent auxilium. Qui responderunt quod ipsum dominum regem, reginam, & filium eorundem hæredem regni legitimum, honorare vellent obsequio debito, & extraneis, regni que proditoribus, portas clauderent, & resisterent iuxta vires, exire vero ciuitatem suam se nolle fatebantur ad pugnam, nisi possent iuxta libertatem eis concessam, ipso eodem die reuerti

Regina in Angliam oppressa.

reuerſi ante ſolis occaſum. Quo audito, communiuit Turrim Londoniarum armis, & victualibus, relinquens ibi filium ſuum iuniorem, ſcilicet Ioh. de Eltham, fecitque proclamari Londoniis, vt vnusquiſque ſub forisfactura reſiſteret applicatis & eos inuaderet, & occideret, ſi quo modo poſſet, exceptis ſolummodo regina & filio ſuo Edwardo, comiteque Cantij Germano ſuo.

Regis proclamatio. Item quicumque caput Rogeri de mortuo mari regi deferret, mille libras reciperet pro mercede. E contra de parte reginæ fuit proclamatum, vt omnes de pace bonam ſpem haberent, exceptis regni perturbatoribus, ſcilicet de Spencers patre, & filio, & Roberto de Baldock regis Cancellario, & fautoribus eorundem.

Regina proclamationis. Item proclamatum eſt vt nullus caperet inuito poſſeſſore, valorem trium denariorum, ſub poena mutilationis digiti, nec valorem ſex denar. ſub poena manus amputandæ, nec valorem 12. ſterlingorum ſub poena decapitationis. Et quicumque caput Hugonis de Spencer reginæ deferret, reciperet duo millia librarum de regina.

Londonienſes per idem tempus fecerunt, coniurationem, vt aduerſantes reginam, ſine delectu captos, ſententia plecterent capitali. Comprehendentemq; vnum de ſuis ciuibus, dictum Iohanem Marſhal decapitauerunt, & eius bona rapuerunt, quia nimis familiaris fuerat domino Hugoni de Spencer iuniori. Apprehenſum in ſuper magiſtrum Gualterum de Srapleton epiſcopum Exoniensem decollauerunt, cum duobus de ſua familia, ſcutifero, & valecto, pro eo, vt dicebant, quod collegerat multitudinem exercitus ad reſiſtendum reginæ. Clauſe etiam turris Londoniarum extorſerunt de manibus conſtabularij dictæ Turris, & omnes incarceratos deliberauerunt.

Hugo de Spencer ſuſpenſus. Regina interim obſedit villam & Caſtrum de Briſtolia, quod fuit cito ſibi redditum, cum dicta villa. Et in craſtino aduentus eius, ad clamorem vulgi, fuit Hugo de Spencer pater tractus & ſuſpenſus ibidem in armis propriis, ſuper communi furca latronum.

Edw. vagatur. Dum hæc ita geruntur, Rex vagabundus, nunc hic, nunc ibi, pro varietate locorum, in ſpem erectus, & de ſpe deiectus, in magna ſollicitudine verſabatur. Senecaſcallus domus reginæ dominus Thomas Blount, cum tota ſua familia aſſumptis ſecum victualibus & armis, cum dextrariis multis valde, ſe contulit ad reginam.

Rex captus. Rex vero cum Hugone de Spencer iuniori, & Rob. de Baldock, diſpoſuit confuſiſſe in Hyberniam. Sed inter pelagi conſtitutus pericula, miſerabiliter per vnam ebdomadam vacillauit. Tandem applicuit in Wallia cum ſuis familiaribus, & fraude Wallenſium captus eſt in die Sancti Edmundi Archiep. iuxta caſtrum de Lantruſſan. Capti ſunt etiam, Hugo de Spencer iunior, Robertus de Baldock & Simon de Radingia. Et rex quidem domino Henrico Comiti Lancaſtriæ, conſanguineo ſuo conſeruandus committitur, & ductus per eundem ad caſtrum de Kenelworth: dominus Hugo de Spencer, Robertus de Baldock, & Simon de Radingia, ad reginæ præſentiam, quæ tunc fuit Herfordiæ, ſunt deducti, comes de Arundell, Iohannes Daniel, & Thomas de Mucheldeuere, procurante Rogero de mortuo mari, ſine quo nihil pene regina geſſit, antecorum aduentum fuerunt decollati.

Post hæc dominus Hugo prædictus apud Herefordiam mortis accepit ſententiam, ſine reſponſo. Vbi tractus, & ſuſpenſus eſt in furca habente quinquaginta pedes in altitudine, & ex poſt decapitatus & quarterizatus eſt.

Eodẽ die Simon de Radingis tractus fuit, & ſuſpenſus in eadem furca, ſed inferius per decem pedes, hic de familia regis fuit, & multa conuitia irrogauerat ſæpe reginæ. Rob. de Baldock obiit in carcere, & tormentis.

Regina præmiſſis expeditis, ſe tranſtulit cum filio ſuo, duce Aquitaniæ, dominoque Rogero de mortuo mari, & aliis ad caſtrum de Wallingforde ante feſtum natalis.

Anno 1327. & regni regis Edwardi à conqueſtu ſecundi 20. & vltimo, tenuit regina natale cum filio, Wallingfordiæ, cui feſto præſentes fuere, duo regni Archiepi ſcopi ſexque epiſcopi, cum prælatis multis, regnique proceribus, & nobilibus, virisque famoſis.

Rex deiectus regno. Exaſto natali, venit regina cum filio ſuo Londonias ante feſtum Epiphaniæ vbi cum magno gaudio ſuſcepta fuit. Conuenerunt illic etiam tota regni nobilitas citata prius ad parliamentum tenendum ibidem in craſtino dicti feſti. Vbi communi decreto cenſuerunt regem indignum diademate, & propter plures articulos deponendum, & Edwardum filium eius primogenitum in regem vnanimiter eligendum. Quod etiam conſequenter factum fuit, & electio in magna aula publice diuulgata. Miſſi ſunt igitur de parte totius Parlamenti tres epiſcopi, duo comites, & duo Abbates, quatuor baro-

barones, & de quolibet comitatu tres milites, & etiam de ciuitatibus, & magnis villis, atque de portibus, ad certum numerum virorum honorabilium, ad regem degentem apud Kenelworth, qui nunciarent electionem filij sui, & requirerent ab eo, vt renunciaret dignitati regie, & coronę, atque permetteret filium suum regnare pro eo, alioquin ipsi redderent sibi homagia in præactis. Rex hiis auditis, respondet cum lachrymis se multum dolere, quod sic demeruit erga populum regni sui. Sed ex quo res ista fuit impreuertibilis, ab omnibus veniam precabatur, & gratias agebat ex corde quod filium suum primogenitum elegissent, nuncij vero redeunt ad Parliamentum cum regis responso, & insigniis, plebem lætam fecere. mox tota regni communitas Edwardum iuuenem, quatuordecim
10 annos ætatis habentem in regem promptissime admiserunt, & 27. diem Ianuarij, diem primum regni sui esse decreuerunt, & in omnibus regni communitatis pacem eius proclamari fecerunt, sub hac forma.

Edwardus dei gratia Rex Anglię dominus Hybernię, & dux Aquitanię, vicecomiti N. salutem. Quia dominus Edwardus nuper Rex Anglię, pater noster de communi consilio, & assensu prælatorum, & comitum, & baronum, & aliorum magnatum, nec non & comitatum totius regni prædicti, spontanea voluntate se amouit à regimine dicti regni, volens & concedens, quod nos tanquā ipsius primogenitus & hæres, ipsius regni gubernationē & regimen assumamus, nosque ipsius patris nostri beneplacito in hac parte de consilio, & auiamento prælatorum, comitum, & baronum, magnatum, & comitatum prædictorum annuentes, gubernacula suscepimus dicti regni, & fidelitates & homagia, ipsorum prælatorum, & magnatum recepimus, vt est moris, desiderantes igitur, pacem nostram, pro quiete & tranquillitate populi nostri inuiolabiliter obseruari, tibi præcipimus, quod statim visis præsentibus per totam baliuam tuam, pacem nostram facias publice proclamari, vniuersis & singulis ex parte nostra inhibendo, sub pœna & periculo exheredationis, & amissionis vitę & membrorum, ne quis dictam pacem nostram infringere seu violare præsumat. Sed quilibet actiones & querelas suas absque violentia quacunque prosequatur secundum leges & consuetudines regni nostri, nos enim parati sumus, & semper erimus, omnibus & singulis conquerentibus, tam diuitibus quam pauperibus, in curiis nostris plenam iustitiam exhibere.

30 Kalend. Febr. die dominica, in vigilia purificationis, Edwardus iuuenis suscepit arma militaria, cum multis aliis adolescentibus generosis, per dominum Henric. comitem Lancastrię, & eodem die coronatus est apud Westmonast. per Gualterum Archiepiscop. Cantuar.

Reginę matri regis assignata fuit dos talis ac tanta, quod regi filio suo pars regni tertia vix remansit.

Regi deposito, per singulos menses assignatę fuerunt per consilium 100. marcę, sed Rex non permissus est per vnus anni spatium gaudere tantilla remuneratione, nam nequiter
40 atque crudeliter à suis custodibus interfectus, prout dicitur, viuere desiit ante finem anni, nempe si vulgo credendum est, tortores immites eum deiectum obruerunt, quodam ostio ponderoso detinentes eum ne surgeret, donec tortores imposuissent cornu, in secreto egestionis suę loco, & per foramen immisissent ignitum veru in viscera sua, ne videlicet vestigia adustionis in cute sua aliquo qualiter apparerent, de cuius meritis, an inter sanctos connumerandus sit, fręquens est in vulgo disceptatio, sicut & de Thoma comite Lancastrię quondam fuit.

Eodem anno iuuenis rex Anglię, cum matre sua, & stipendiariis suis alienigenis, & aliis multis regnicolis versus Scotiam properauit, peruenitque ad Stannopark, vbi exercitus Scotorum fuit. Et quia fuit ei exercitus multo maior, & fortior, quam ipsis Scotis, obsedit eos in eodem loco, scilicet in herdale, diebus 15. sed mediante prodicione quorundam magnorum Anglię, sine læsione fugerunt. Vnde rex cum dolore maximo
50 reuersus est, remittens ad partes proprias Hannonienses, & stipendiarios quos conduxerat.

Iacobus autem Douglas, dum rex vt præfertur Scotos circumfederet nocte quadam cum paucis latenter penetrauit ad regis tentoria vt eum caperet, vel occideret, si fortuna faueret. Sed Capellanus regis, vir cordatus & fortis regem defendit cum quibusdam aliis, donec idem præbiter caderet interemptus. Iacobus vero dux Scotorum, præuidens sibi imminere periculum, fugam cepit, & vix ad suos illeßus euasit.

Dominus Iohan. Mantrauers, & Tho. Gurnay, metuentes poenas soluere pro morte regis, repente fugerunt. Sed dictus Thomas post 3. annos, notus & captus, apud Mariliam remissus est versus Angliam, poenam pro demeritis recepturus. Qui tamen illuc

non peruenit, sed in mari decapitatus fuit, sub quodam colore, ne forte magnas quasdam personas regni de consensu regie necis, vel conneuentia accusaret.

Dominus Iohann. Mantrauers, se transtulit in Alemanniam, & ibi mansit per plures annos.

Hoc anno obiit Carolus de Valoys patruus regis Franciæ.

Eodem anno obiit Robertus le Brus rex Scotorum, relicto paruulo filio suo 8. annorum, quem Scoti receperunt pro rege suo.

Obiit etiam rex Francorum Carolus 3. frater, qui fuit germanus serenissimæ dominæ Isabellæ Anglorū reginæ, matris Edwardi regis presentis. Per cuius mortem deuolutum fuit regnum Franciæ iure successorio, ad Edwardum regem, Angliæ qui nunc regnat, sed per dominum Philippum de Valoys filium patris dicti domini Caroli per vim & potentiam se intrudentem, contra iustitiam occupatum.

Philippus de Valoys, occupat Francorum regnum, iuuenis rex Angliæ duxit Philippam filiam comitis Hannoniæ in vxorem, quæ fuit filia sororis Philippi de Valoys nunc occupantis Franciam, licet illa affinitas, aut vlla alia cum Francis contracta, Angliæ nunquam profecisset.

*Turpis pax inter
Anglos & Scotos.*

Parliamentum tentum apud Northamptonā, in quo facta fuit turpis pax inter Anglos & Scotos, ita quod Dauid filius Roberti le Bruse, duxit sororem regis Angliæ in vxorem, & rex Angliæ cum matre licet infra ætatem existens, fecit Scotis chartas, quarum tenor ab Anglicis ignoratur. Sed hæc omnia facta sunt per ordinationem reginæ, & Rogeri de mortuo mari, & Iacobum Douglas Scotum.

Concilium Archiep. Cant.

Ann. 1328. magister Simon Archiep. Cantuar. tenuit concilium prouinciale Londoniis, in quo ordinauit quod in die Parasceues & in die commemorationis animarum, ab omni opere cessaretur. Item statuit de consensu concilij, quod festum conceptionis beatæ Mariæ principaliter celebraretur. Item ipse, & omnes Prælati tunc præsentēs, excommunicarunt, & excommunicatos denunciarent omnes illos qui Gualterum de Stapleton episcopum Oxoniæ interfecerunt, seu in eū manus violentas quomodolibet iniecerunt, & omnes qui eis opem, assensum, & consilium præbuerunt.

Circa festum Ascensionis dominicæ, Rex Angliæ transiit mare, & fecit homagium regi Franciæ, pro toto ducatu Aquitaniæ & comitatu de Pontyff sub quibusdam protestationibus, quod homagium suscepit rex Franciæ sub aliis conditionibus, videlicet quod nō admisit homagium, pro terris quas pater suus Carolus equitauit, quousque esset sibi satisfactum pro damnis & expensis.

Regis Angliæ homagium.

Circa festum Michaelis in Parlamento tento Sarisburiz, fecit rex 3. Comites, dominum Iohan. de Eltham fratrem suum comitem Cornubiæ, & dominum Rog. de mortuo mari comitem Marchiæ Walliæ, & Pincernam Hyberniz comitem de Ormund.

Edmundus de Hoodstocke decapitatus.

An. 1329. Dauid filius Roberti le Brus, Iohannam sororem regis Angliæ duxit vxorē. Hoc anno, procurante regina, & Rogero de mortuo mari, dominus Edmundus de Hoodstocke Patruus regis comes Cantij decollatus fuit, propter quasdam confessiones, & literas apud se repertas, licet nullæ confessionum vel literarum earundem, et si veræ fuissent, deberent causam tribuere morti eius. Qui cum tristem accepisset sententiam, hora diei prima, in Parlamento tento Wintoniz, extra portas tamen stetit vsque ad vespertas condemnatus, nullo in eum volente manum mittere, donec miser aliquis de Mariscallia eum iussus est decapitare. Qui eo minus deploratus fuit, quod familiam malam habuit, quæ supra modum afflixerat populares.

Sub hiis diebus Papa fecit graues processus iterato contra ducem Bauariæ, electum in imperatorem, & adherentes sibi. Et pro sustinenda guerra contra eum, omnes fructus beneficiorum vacantium per quadriennium reseruauit.

Scotorum rex lepra moritur.

An. 1330. Robertus le Brus, qui se regem Scotorum fecerat, lepra percussus obiit. Ipso anno, natus regi Edwardo filius primogenitus, Edwardus vocatus de nomine patris sui.

Hoc anno dum Parliamentum teneretur apud Nottingham, captus fuit de nocte, in camera reginæ matris regis dominus Rogerus de mortuo mari Comes Marchiæ, per dominum Gul. de monte acuto, & alios, ipso rege præsentē, & mox Londonias missus fuit, vbi mortis excepit sententiam suspensus apud Elmes, super communi furca latronū. Causæ quæ imponebantur eidem prout accepimus, istæ fuere.

Prima causa, quod fuit consentiens morti regis Edw. in castro de Barkley.

Secundarie, impositum ei fuit quod ipse impediuit honorem regis, & regni apud Stannoppark vbi Scoti fugerunt, qui capi & interfici potuerunt.

Ter-

Tertió, quod ipse recepit viginti millia librarum à Scotis, & illos tunc permisit eua-
dere, & turpem pacem postmodum inter Scotos, & Regem iuuenem fieri procurauit. Et
super hoc chartam Regis fieri fecit eisdem. Et etiam illud vile matrimonium con-
tractum inter sororem Regis, & David filium Rob. le Brus consummari consuluit, &
procurauit.

Quarto, quod male consumpsit totam pecuniam in thesauris patris huius Regis, &
domini Hugonis de Spencer inuentam. Et omnia bona regni, postquam Angliam regina
intrauit, suæ dispositioni subiecit, ita quod ipse & regina abundabant, & dominus Rex
egebat.

- 10 Quinto, quod appropriauit sibi custodias & maritagia nobiliora per totam Angli-
am. Et quod fuit malus conciliarius Regis & reginæ matris, & nimis secretus cum ea, ut de
alijs taceamus.

Rex Edwardus de consensu procerum recepit in manu sua, omnes terras prius ma-
tri suæ concessas, & ordinauit ut singulis annis perciperet mille libras.

*Rex matri mille
libras assignat.*

Papa concessit Regi Angliæ decimas omnium bonorum ecclesiasticorum per qua-
driennium, medietate sibi retenta.

Anno 1331. fuit Parliamentum tentum Londonijs, in quo concessa fuit à populo
quintadecima, & à Burgensibus decima per vnum annum.

- 20 Circa festum S. Laurentij venit in Angliam dominus Edwardus de Baliol dicens se
ius habere in regnum Scotiæ, cui adhæserunt, dominus Henricus de Bello monte, David
Comes de Atheles, Gilbertus Vinfreule, Rich. Talbot, & alij multi nobiles, asserentes se
ius habere, ad terras & possessiones in dicto regno, vel ratione suarum coniugum, volen-
tes ingredi Scotiam per regnum Angliæ, quod Rex noluit permittere contemplatione
sororis suæ, nuptæ David filio Roberti le Brus. Quapropter ipsi intrauerunt per mare Sco-
tiam iuxta Dunfermelyn, vbi mox in littore maris resistentiam inuenerunt. Actam Sco-
tos resistentes fugauerunt Anglici pedites, & plurimos occiderunt, priusquam gentes de
armis, naues egredi potuerunt. Ex post infra dies paucos, commiserunt prælium iuxta
Gledesmore, vbi duo millia Anglicorum vicerunt 40. millia Scotorum præ multitudine
semet opprimendum & pressura. Ibi interempti sunt de parte Scotorum, 5. Comites, &
30 multialij interfecti.

*Scotorum cla-
dis.*

Anno 1332. continuata fuit guerra in Scotia, per dominum Edw. Baliol, & nobiles
ante dictos, ad quos accesserunt plures alij viri nobiles de regno Angliæ, voluntarie, pro-
prijs sumptibus militaturi, qui villam & castrum de Berwik obsederunt. Rex Angliæ con-
siderans multa vituperia sibi, & antecessoribus suis per Scotos illata, & quod concordia fa-
cta inter ipsum & Scotos fuit irrita per prodicionem, ipso in minori ætate notorie consti-
tuto, & in custodia matris suæ existente, iam contra consilium matris suæ, collecta multi-
tudo armatorum, ad Berwyk potenter accessit, vbi tenentes castrum & villam, multos
dolosos tractatus habuere cum eo, ut ab extra adiutorium expectarent. Sed hæc de Regis
Angliæ profectio gesta sunt, anno sequenti.

*Profectio regis in
Scotiam.*

- 40 Eodem anno quo supra, Edwar. filius Iohan. de Baliolo, apud Scone, in regem Sco-
tiæ coronatur.

Anno 1333. in festo S. Margarethæ virginis, venerunt Scoti in magna multitudine
volentes dissoluere obsidionem Berwici. Quibus cum suis occurrit Rex Angliæ vultu a-
lacri, & commisso bello, occidit ex eis octo Comites, 1.00. equites, & de popularibus tri-
ginta quinque millia. Hos ad discrimen appulerat quidam miles vocatus Guliel. Kenth,
ad locum iuxta Berwicum, qui dicitur Boothule iuxta Hellidon.

*Scotorum fra-
ctus.*

- 50 Miserant interea dolose Scoti quosdam de suis in Angliam, qui obsederent castrum
de Bambergh, in quo tunc temporis regina fuit. Sed auditis rumoribus de præacta victo-
ria, obsidione de Bambergh dimissa, Scoti fugerunt ad nota latibula, & est dictu mirabile,
quod in dicto bello, vbi corruerunt tot Scotorum millia, non ceciderunt ex Anglicis nisi
miles vnus, armiger vnus, & 12. pedites. Quibus visis, oppidani de Barwico, villam cum
Castro Regi Angliæ reddiderunt.

Rex relictis custodibus in villa, castroque Barwick, quæ sua fore dixit iure hæredita-
rio, & etiam ex conquestu antecessorum suorum, dimisit Edw. le Baylol, cum alijs nobili-
bus qui secum erant, ad custodiam regni Scotiæ.

Hoc anno dominus Edw. le Baliol rex Scotiæ tenuit Parliamentum post festum Mi-
chaelis, ad quod venerunt nobiles regni Angliæ, terras & possessiones ibidem habentes.
Et finito Parlamento in pace reuersi sunt.

Anno 1334. in festo sanctorum Geruasij & Prothasij Edw. le Baliol, verus Rex Sco-
tiæ, fe-

Homagium Scotia regis.

tia, fecit homagium Edw. Regi Angliæ apud nouum castrum super Tynam, in præsentia trium Episcoporum, Comitum, & Baronum, ac copiosæ plebis.

Eodem fere tempore, Rex Angliæ cepit homagium ducis Britannia, pro Comitatu Richmundia.

Post festum exaltationis sanctæ crucis, dum fieret Parliamentum Londonijs nunciatum fuit quod Scoti omnes insurrexerunt, & ceperunt dominum Rich. Talbot, & sex alios milites, & multos perimerunt. Vnde Rex commotus promisit se iturum in Scotiam, pro Scotorum malitia refrenanda. Ob quam causam populus concessit ei, 15. denarium, & ciues atque Burghenses decimum denar. prouiderunt.

Scotia deuastata.

Post festum Michaelis Rex transtulit se versus Scotiam, & sub hyeme gelida intrauit Galwediam, & deuastauit vsque mare Scoticum totam patriam. Audito quod Comes de Adhælis, transfugit ad Scotos, itatus est valde. Et cum didicisset quod dictus Henricus de bello monte in quodam castro fuit obsessus per Scotos, obsidionem fecit celeriter amoueri.

Hoc anno Rex Angliæ Edwardus, & Henricus filius Henrici Comitis Lancastria, vltra montes Scotia processit cum exercitu, deprædantes, & incendentes plurima milliaria, amplius quam vnquam fecerat Rex Edwardus, annis Regis Edwardi.

Anno 1335. fuit Rex ad festum natalis, apud Rokesburgh cum manu potenti.

Scotis concessæ sunt treugæ, vsque ad natale S. Iohannis Baptista, proxime futurum duraturæ. Quo tempore fuit totum Parliamentum apud Eboracum super illis treugis, & alijs concernentibus statum regni. In quo fuit ordinatum, quod Rex cum exercitu transiret mare Scoticum, quod cito postea factum est, Scoti proinde finxerunt se pacem habere velle. Et circa festum Michaelis, quidam ad pacem venerunt, inter quos Comes de Arthole, pacem petijt, & impetrauit. Comes de Moryf, qui pacem petierat, & ad pacem venire contempserat, captus est, post carceri mancipatur.

Eodem tempore, dominus Richardus Talbot, pro duobus millibus marcarum redemptus fuit.

Comes de Asselis, volens se ostendere vere reuersum ad Anglicos, fecit equitationem contra Scotos, & subito dissipata comitiua sua, à multitudine Scotorum, cum 13. personis mediocribus est occisus.

Anno 1336. Domina Philippa regina peperit filium suum 2. dictum Guliel. apud Hatfeld. Qui cito moriens sepultus est apud Eboracum.

Circa festum S. Gregorij in Parlamento tento Londonijs Rex Edwardus de Comitatu Cornubiæ fecit ducatum, quem contulit primogenito suo Edwardo tanto donatio Comitatum Cestria superaddens. Dominus nempe Iohan. de Eltham, frater regis qui fuit Comes Cornubiæ, obierat per ante.

Comitum creatio.

In eodem Parlamento, fecit sex Comites, videlicet Henr. de Lancaster iuniorem, Comitem de Derby, Guliel. de monte Acuto, Comitem Sarum, Hugonem de Audele, Comitem Glouernia, Guliel. de Clinton, Comitem Huntingdonia, Rob. de Vfford, Comitem Southfolcia. Statutum est hoc anno quod nullus vteretur panno, extra Angliam operato, exceptis Rege, Regina, & liberis eorundem, neque pellura transmarina, nisi valentes 100. libras reddituum annuatim.

Hoc anno Edw. Rex Angliæ, foedus iniijt infructuosum cum Lodowico de Bauaria, se Imperatorem appellante.

Nuncij decreti sunt ad Regem Francia, ex parte Regis Angliæ, ad tractandum de pace inter regna, & conueniendum Regem Francia, eo quod iniuste fouit partem Scotorum, contra Regem Angliæ dominum eorundem. Adhuc dictis nuncijs in Francia moram trahentibus, directæ est per Regem Francia magna classis, armatis onusta, ad auxiliandum Scotis.

Dominus Guliel. de monte acuto, Comes Sarum obsedit castrum de Dunbar in Scotia, cum alijs magnatibus regni Angliæ, quos Rex ibidem dimiserat pro custodia illius terræ, dum interim ipse redisset in Angliam, pro regni sui negotijs exequendis. Sed cum cognouisset, quod Scoti dictum castrum obsidione vallassent, illuc celeriter properauit. At quia cuncta male ministrarat, impeditus in itinere quosdam de suis amisit.

Southampton combusta.

Anno 1337. villa de Southampton per galeas Regis Francia totaliter est combusta. Grandis discordia orta est, inter Reges Angliæ & Francia, propter terras quas Rex Francia, satis iniuste in Wasconia vsurpauerat. Qua de causa Rex Angliæ, plures oblationes humiles Francorum regi porrexerat, si saltem sic posset recuperare terras suas, sed nil profecit.

fecit. Ob quod negotium in Parlamento apud Nottingham, exegit 15. denarium de communi plebe, decimumque de burgis. In hoc parlamento, statutum fuit, vt omnes Ianifici Flandriæ, aliarumque terrarum volentes inhabitare Angliam, pacifice aduenirent. Re vera per annos elapsos, interdictum fuit passagium de lanis, vt sic retunderetur superbia Flandritarum, qui plus saccos quam Anglos venerabantur.

Hoc anno propter instantem guerram, Rex Angliæ confiscari fecit, bona Longobardorum, & monachorum Cluniacensium atque Cisterciensium per totum regnum. Circa Kalend. Augusti Cometa apparuit.

Monachorum bona dirupta.

Hoc anno concessa fuit decima ecclesiæ Anglicanæ per 3. annos sequentes.

10 Anno 1338. Cardinales, scilicet, dominus Petrus Hispanus, & dominus Bernardus de monte Fauenciæ, qui pro pace venerant reformanda inter reges Angliæ & Franciæ, plus fauerunt regi Franciæ quam regi Angliæ, vt patebat in sermone vnus Cardinalis, ad clerum habito. Quapropter continuo surrexit Cantuar. Archiep. & prædicauit publice assertiones Cardinalis fore friuolas atque vanas. Et post modicum tempus manifeste dicebatur per totam Angliam, quod rex Angliæ habuit ius in regnum Franciæ, quod prosequi intendebat.

Expediit regis in Galliam.

Circa festum translationis S. Thomæ Rex Edwardus, cum Philippa regina prægnante & duabus filiabus suis, & exercitu copioso, in mare transijt, ad tractandum cum duce Brabantiæ & alijs alligatis suis, de aggrediendo regnum Franciæ sibi iure successorio, per mortem celebris memoriæ, domini Caroli regis vltimi, fratris germani dominæ Isbellæ, matris dicti domini Regis Edwardi deuolutum, & per dominum Philippum de Valesio filium Patruum dicti domini Caroli, iniuste hætenus occupatum. Cumque peruenisset ad portum de Swine, Flandrenses occurrunt ei vnanimiter, offerentes se paci eius, & fidelitati. Indeque transiuit in Brabantiam, vbi dux Brabantiæ suscepit eum in gloria & honore. De Brabantia peruenit prope Coloniam, & loquutus est cum duce Bauariæ, qui se vocauit Imperatorem. Qui constituit eum vicarium suum de toto imperio citra Coloniam, & omnibus imperium suum tangentibus. Quibus expletis rex Brabantiam est ingressus, vbi per annum iugiter moram traxit. Et per hanc moram, consilio Brabantinorum, & Flandrensiarum, armâ Franciæ suis armis immiscuit, & boreales partes Franciæ, vsque ad Tornam cum incendit, & vastauit.

Eo tempore natus est Regi filius tertius apud Andwerp, & vocatus est Lionellus.

Hoc anno Rex Edwardus, se Regem Franciæ & Angliæ constituit appellari. Et domino Papæ ac Cardinalibus, scripsit epistolam, ius quod habebat in regnum Franciæ declarantem. Quæ sic incipit: Amabilem domino patrum. Cui Papa rescripsit epistolam, cuius initium tale est: Dudum te fili clara imitari vestigia, &c.

Anno 1339. Rex Edwardus, tenuit natale in Selandia apud Andverp cum Regina Philippa, & multis proceribus illarum partium, & exercitu Anglicano.

Circa festum Purificationis Rex Edwardus rediuit in Angliam, dimittens vxorem suam cum liberis in Selandia, quasi in sui redditus asscuracionem. Peruenitque ad Turrim Londoniarum nocte subito, & non inuenit in ea, cum esset media nox, nisi pueros suos, & 3. seruientes. Quapropter Constabularium & plures alios incarcerari mandauit.

Rex subito rediit.

In Parlamento celebrato Londonijs indixit rex Anglicis tributum 5. partis bonorum suorum, & lanæ 9. vellus, nonamque garbam de omni gleba regni, suis expeditionibus deputauit, de quarum prouentu dominos vicinarum villarum respondere fecit.

Eo tempore Oston dux Austriæ petijt magnis precibus à Rege Angliæ, filiam eius filio suo desponsandam.

Per id temporis ciuitas Burdegaliæ, per militiam Regis Franciæ fuit obsessa. Ciues vero tanquam inualidi ad resistendum, cautelose finxerunt se velle reddere dictis Francis. Et apertis ianuis, intromiserunt multos de Gallicis, & arma Regis Franciæ in Turribus erexerunt. Quod videntes Franci, tam qui intrauerant, quam qui foris erant deposuerunt arma sua, ciuitatem captam & eis redditam existimantes. Dominus vero Oliuerus Ingham miles nobilis, ac custos dictæ ciuitatis, & terræ, repente cum manu potenti irruit super Gallos inermes, & cum ciuium adiutorio magnam eorum multitudinem interemit.

Burdegalia delus in Gallos.

Concessum nempe fuit Regi per biennium nonum vellus, nona garba, ab omnibus qui baronias tenebant, & ad Parliamentum venire de consuetudine, vel de iure venire tenebantur. Qui vero religiosi, vel clerici non consueuerunt ad Parliamentum accedere, solum decimas per ante regi concessas soluerunt. Pro præmissa concessione, remisit rex & condonauit omnia catalla felonum & fugitiuorum, euasiones incarcerationum, fines, exitus

Regis indulta pro subsidio.

exitus & forisfactiones, & amerciamenta, murdrorum, & omnia delicta de viridi, de venatione, de vasta, & quæcunque alia delicta infra forestas facta, adjudicata vel adjudicanda, Releuia, Scutagia vsque ad passagium suum vsque Brabantiam, viz: octauo die Iulij, anno regni sui duodecimo, & insuper faciendi filium suum militem, & filiam suam maritandi, pro tempore suo. Confirmauit etiam magnam chartam de foresta, & alia multa condonauit.

Comes Sarum Guliel. de monteacuto, & Comes Southfolciæ Rob. de Vifford post recessum Regis Angliæ, continuantes moram in transmarinis partibus, dum minus consulte martem lacefcere tentauerunt, à nimia Gallorum multitudine sunt oppressi, capti, & ad Regem Franciæ in ramis palmarum destinati, & eius iussu carcerali custodiae destinati.

Hoc anno nascitur Regi filius 4. apud Gandauum, qui vocatus est Iohannes.

*Victoria naua-
lis.*

Anno 1340. cum Rex Edwardus firmiter statuisset in animo iterum transfretare, Comes de Gilers per nuncios certificauit eum de conspiratione Francorum & Normanorum, qui iam cum ducentis nauibus & multis galeis, necnon & viginti millibus electorum pugnatorum portum de Selus occupauerunt, & parati erant ad eum capiendum, & Philippo Franciæ, iuxta tenorem iuramenti quod sibi præstiterant, viuum vel mortuum præsentandum. Rex de imminente periculo præmonitus, naues congregat & ipse ducentas siue plures, & in vigilia S. Iohannis Baptistæ ingressus mare, velificare coepit versus Flandriam, vbi sub breui tempore conspexit classẽ Gallicam terribiliter instructam 20 contra eum. Qua de causa per totum diem illum cum suis deliberans, in crastino mane, superueniente nobili milite Roberto de Murleya cum boreali classe Angliæ, commisit bellum nauale cum suis hostibus cruentissimum. In quo Galli cum Normannis sagittis terrebrati, securibus decidi & prostrati, gladijs bisacutis vulnerati, Anglorum Regi victoriam concessit. Ceciderunt ergo die illa de aduersarijs, 30. millia hominum armatorum, quorum multi saltu præcipiti in pelago perierunt. Captæ sunt autem in dicto conflictu naues ducentæ, reliquis in fugam versis.

Rex Angliæ mensibus Iulij, Augusti, & Septembris, assistentibus sibi duce Brabantia, & comite Hannoniæ, & auxiliaribus sibi datis de villa de Brugis, de Gaunt, & de Ypers, boreales Franciæ ingreditur iterato, ciuitatemque Tornacensem obsidione vallat. 30

Interea Comes Hannoniæ, & domini Gualterus Manny, & Reginaldus de Cobham amplius quam 300. villas maiores, & minores, captis prædis & spolijs, hominibusque armorum plusquam mille peremptis, ignibus cremauerunt.

Rex Francorum interim, cum magno exercitu se tenuit à remotis. Qua tempestate Galli plurimi, de regis Francorum cuneis fame, sitique perierunt. Quapropter per duos Cardinales, treugas sibi dari petijt, quas & accepit, in ecclesia de Espletelyn die Lunæ, 25. die Septembris, an. dom. supradicto. Rex autem Anglorum ob defectum pecuniæ, quam sui segnes pecuniatore in Anglia misissent, obsidione dimissa, citius in treugas concessit, & sic vterque ad propria remeauit.

*Flandria sub in-
terdicto.*

Sub istis diebus cum Papa vidisset Regem Angliæ in suis actibus prosperari, Flandri- 40 am supposuit interdicto, eo quod desciuissent à domino suo capitali, & Anglorum Regi auxilia præstitissent. Quam sententiam Flandri paruipendentes, responderunt quod quamuis Philippo de Valoys, eo quod se Regem esse prætendebat, homagium fecerant, tamen non Regi, cum ipse iniuste coronam detineret, & regni dominationem indebite vendicaret.

Hoc anno peperit regina Philippa, postquam in Angliam est reuerfa, filiam, in turri Londoniarum Blanchiam appellatam, quæ cito defuncta apud Westmonasterium est sepulta.

Anno 1341. Rex Edwardus transfretauit in minorem Britanniam, vbi per cibos, & potus incongruos, plures de suis amisit. 50

Hoc tempore missi sunt ad eum duo Cardinales ex parte Papæ, qui treugis triennales indixerunt inter Reges, sub quo spacio, de iure quod Rex Angliæ vendicauit in regnum Franciæ discuti posset ad plenum. In redeundo vero de Britannia perpeffus est maxima, per marinam tempestatem incommoda. Quæ utique dicebantur per Nigromanticos regis Franciæ suscitata.

Hoc anno regina peperit 5. filium apud Langele, quem baptisauit dominus Michael Abbas, de S. Albano, & nominatus est Edmundus.

*Imperatoris in-
constantia.*

Anno 1342. Lodowicus de Bauaria, qui se Imperatorem appellauit, foedifragus atque inconstans vicariatum citra Coloniam, susceptum à Rege Angliæ, per suas literas re- uoca-

nocauit. Et spretis foederibus Regi Angliæ sacramento firmatis amicitias contraxit cum Rege Francorum.

Rex Edw. suscepto homagio, pro Ducatu Britannia, de Iohanne de Monte forti germano quondam Iohannis Ducis Britannia, sine hærede legitimo, de corpore suo defuncti, ipsum vassallum suum iuuare cupiens, contra Carolum de Bloys qui desponsauit filiam alterius fratris germani, qui dicto Iohanne Duce veniente decessit mense Octobri, transfretauit in Britanniam, vbi multos magnates sibi conciliauit, plures villas, & munitiones, atque castra rebellantia manu potenti cepit, villam de Vanes obsedit, quamuis Rex Franciæ illuc cum multo milite occurrisset. Ibi mediantibus duobus Cardinalibus captæ sunt
10 treugæ in prioratu de Malestreyt 30. die Ianuarij. Sed tamen treugis non obstantibus remansit villa de Vanes Regi Angliæ subiugata.

Anno 1343. Clemens Papa, quondam Rhotomagensis Archiep. successit Benedicto 12. vir insignis literaturæ, sed prodigalitatē profusissimæ. Adeo vt dignitates ecclesiasticas vacantes in Anglia, suis conferret Cardinalibus, nouosque pro eis in Anglia titulos imponere moliretur, vnde nimis offensus Rex Angliæ, prouisiones per eum factas cassauit. Et ne quis de cætero tales prouisiones afferret, sub pœna carceris atque capitis interdixit.

Papa prouisiones cassata.

Isto anno per totum regnum Angliæ decimæ tam temporalium, quam spiritualium Regi solutæ sunt.

20 Eodem anno Papa Clemens iterum fecit in Anglia prouisiones duobus Cardinalibus de beneficijs proximo vacantibus, præter Episcopatus & Abbathias, ad extentam duorum millium marcarum, quod Rex & nobiles noluerunt pati. Sed procuratores dictorum Cardinalium, sub pœna carceris, Angliam exire iussere, nec multo post Rex direxit Papæ, illam famosam epistolam pro libertate Anglicanæ ecclesiæ contuenda, quæ sic incipit: Pensata sedis Apostolicæ Clementia, &c. Cuius tenor, dominum Papam, & omnes Cardinales, pro sui elegancia, non solum vertit in admirationem, sed etiam in stuporem.

30 Per idem tempus Rex Angliæ misit procuratores ad Romanam curiam dominum Henr. de Lancastria Comitem de Derby, cum multis alijs viris nobilibus, tam ecclesiasticis quam temporalibus, ad tractandum coram summo Pontifice de iure suo in regnum Angliæ, non vt iudice, sed priuata persona, & amico communi, non in forma, nec in figura iudicij, &c.

Hoc anno apud Turrim Londoniæ, iussit Rex aureos florenos fieri, scilicet denarium, obolum, & quadrantem.

40 Anno 1344. Rex Edwardus fecit conuocari plures artifices, ad Castrum de Wyndeshores, & coepit ædificare domum, quæ rotunda tabula vocaretur, habuit autem eius area, à centro ad circumferentiam per semidiametrum, 100. pedes. Et sic diameter ducentorum pedum erat. Expensæ per hebdomadam, erant primo centum libræ, sed ex post propter guerras inchoandas fuerunt subtractæ & imminutæ vsque ad viginti libras hebdomadatim.

Rotunda tabula.

Eodem tempore Philippus de Valoys Rex Franciæ prouocatus factio Regis Angliæ, coepit & ipse construere rotundam tabulam in terra sua, vt sic alliceret militiam Alemanniæ, & Italiæ, & impediret ne ad Regis Angliæ tabulam properarent.

In diebus illis idem Rex Franciæ concessit suis hominibus licentiam consterandi arbores pro nauibus faciendis, in omnibus boscis suis, factumque est vt infra breue tempus maxima nauium copia fabricaretur, quæ cito postea Anglicis multa intulit damna.

Galli naves struunt.

Obijt dominus Gul. de monte acuto Comes Sarum, Rex Mannæ, & Mariscallus Angliæ, de cuius virtuosis gestis digne scribere, opus foret commendabile.

50 Clerus Anglicanus concessit regi decimas triennales, cui rex reconcessit per chartam suam tale priuilegium, quod nullus Archiepiscopus vel Episcopus sit arreynatus coram iustitiarijs nostris, causa cuiuscunque criminis, si non specialiter non præceperimus, quousque aliud remedium ordinetur. Item quod nullus clericus sit arreynatus coram iustitiarijs nostris, siue ad sectam nostram, siue partis, si clericus suæ clerimoniæ se submittat, dicens se membrum esse ecclesiæ, & non debere ipsis iustitiarijs respondere. Et si sibi imponatur, quod duas vxores duxerit, siue vnam viduam, quod super hoc iustitij non habeant commissionem, nec potestatem ad triandum per inquisitionem vel alio modo bigamiam, sed mittatur Curia christiana.

Cleri indulta.

In illo tempore venit Saracenus quidam, arte Medicus, ad Comitem de Warennæ, pctens

*Saraceni incan-
tatio de serpente.*

petens licentiam capiendi quendam serpentem in dominio quod habebat in partibus Walliæ, loco qui Bronsfeld appellatur, qui cum per incantationes cepisset serpentem, dixit esse in loco vicino cauernæ vbi serpens habitauerat, magnam summam thesauri. Quo audito viri de Hereford, consilio cuiusdam Lombardi, qui vocabatur Petrus Pykard, illuc fodiendo penetrarunt sæpius. Et comperientes verum fore Saraceni vaticinium, noctanter opus facturi sæpius conuenerunt, donec per famulos Comitis deprehensi, capti sunt, & carceri mancipati. Comes vt fertur ex hoc facto, lucrum non modicum nundinatus est.

Regina Philippa peperit filiam Mariam nomine, quæ fuit ex post copulata Duci Britanniæ, sed de medio sublata est præmature.

10

Anno 1345. Dominus Henricus de Lancastria Comes de Derby transfretauit in Wasconiam cum sexcentis hominibus de armis, & totidem sagittarijs, qui primo insultu villam munitissimam de Brigerak cepit, & vndecim nobiles in ea protinus existentes, & plurimis de plebeis captiuauit, vrbes insignes & villas numero quinquaginta sex Regis Angliæ ditioni subiecit. Exercitum regis Francorum contra se venientem contriuit, captis 23. viris illustribus, cum alijs viris armorum velut innumeris, cæteris mucrone peremptis, aut turpiter actis in fugam. Huius liberalitas, & munificentia remotarum partium tyrones allexit, in amorem iuuenis, vt quisque dulce reputaret militare sub eo, nempe cum villam aliquam vi & armis occupasset, parum aut nil sibi retinuit, sed exercitui vniuersa permisit.

20

*Asinum Papa ad
mitteret ad Epi-
scopatium.*

Hoc anno obiit Richardus de Bury, Episcopus Dunelmensis, cui successit Tho. de Hatfeld Regis Secretarius, mediantibus Regis literis apud Papam, in magnum ipsius Regis opprobrium. Reuera cum aut Rex & nobilitas instetissent, pro electionibus libere faciendis, & confirmandis, iam Rex directe contra tenorem suarum literarum, & vota procerum, hunc Pontificem fieri flagitauit. Papa vero non inuitus hanc petitionem Regi concessit. Sed à Cardinalibus quibusdam calumniantibus dictum Tho fore leuem, & laicum, sic respondit, vere ait, si Rex hac vice supplicasset pro asino obtinuisset.

Eodem anno obiit dominus Henricus Comes Lancastriæ, pater Henrici Comitiss de Derby, & sepultus est Leycestriæ in monasterio canonicorum cum honore. Cuius filius vt præfertur, eo tempore actus martios in Wasconia strenue exercebat.

30

*Scotorum strage-
s.*

Scoti sub his diebus, collecto exercitu quasi triginta millium, duce Gul. Douglas apud Westmerland, hostiliter Angliam sunt ingressi, Carleolumque & Penreth & multas villas alias combusserunt. Quapropter Episcopus Lugubaliensis, & Thomas de Lucy miles nobilis, & Robertus Oggill scutifer valentissimus, cum parua manu ex omni parte Scotorum exercitum girauerunt in noctibus, & lituis, ac cornibus, atque nocturnis clamoribus sic hostes inquietauerunt, vt nec cauderent exire pro victualibus, nec membra dare sopori. Sed tandem cum Scotos omnino perurgeret necessitas, Alexander Stragan, audacioribus suæ gentis adunatis, pabulatum exire disposuit. Cui mox Episcopus Carleolensis, sit obuiam cum Roberto Oggil, qui cogens dextrarium, cum lancea præacuta ipsius Alexandri corpus perforauit, victi sunt proinde Scoti, multis occisis, & plurimis captiuatis. Reliqui vero cognito aduentu dominorum de Percy, & de Neuile ex vna parte, & domini de Lucy ex alia, & virorum bellicosorum de Comitatu Lancastriæ ex tertia, meticuloſe fugerunt.

40

*Fortitudo Tho.
de Bello campo.*

Anno 1346. Rex Edwardus missis ad curiam Romanam literis, in quibus asseruit per Regem Franciæ, & eius complices, certis rationibus assignatis, treugas fore violatas, mense Iulij naues ingressus, apud Hogges in Normannia saluus applicuit, vbi diebus sex moram traxit.

In scandendo terram apud Hogges, mira patuit probitas domini Tho. de Bello campo Comitiss Warwicensis, qui ante cunctos nauim ingressus cum vno armigero, & sex Architenentibus, equo vectus debili, quem tunc negotij festinantia sibi ministravit, contra centum homines de armis audacter manus erexit, & hostili hastiludio obuium quemque prostrauit, & vno solo impetu, cum suis septem seruiantibus, sexaginta Normannos interemit, & toto exercitui facultatem fecit naues ingredi, omni impedimento remoto.

50

*Normannorum
cades.*

Ibi Rex Angliæ fecit Principem militem, & alios plures nobiles accinxit baltheo militari.

Vicesimo sexto die Iulij, in Cadomo, apud pontem Feretti, munitum cum Normannis, fortem conflictum habuit, adeo quod in vicis, hortis, & domibus, illic Normanni, quasi sine numero perierunt, Comes de Warwicke, & dominus de Tankeruille, centumque

tumque milites, & quamplures homines de armis capti sunt, & villa vsque ad ipsos nudos parietes, fuit omnibus portatilibus spoliata.

Quibus ita gestis, Rex vltra progrediens totam patriam per 20. milliaria in latitudine vastauit incendio, captis spolijs & præda magna.

Rex interim Francorum cum magno exercitu constitutus in Rhotomago, ad duo milliaria iuxta eum, & hæc omnia non ignorans, non audebat pertransire flumen Sequanæ, nec sibi occurrere quouis pacto, sed omnes pontes constructos super Sequanam à Rhotomago, vsque Parisius confringi fecit, nec quieuit donec Parisius peruenisset.

Rex vero Edwardus perueniens Pusiæ pontem ibidem fractum infra triduum
10 reparauit. Interea Comes de Northamptonia Sequanæ flumen transiens interfecit de Gallis nitentibus impedire refectionem pontis quingentos. Et Rex Edwardus in crastino assumptionis beatæ Mariæ transiit Sequanam, iter arripens versus Cressy, villas deuastando & habitatores earum.

In festo vero beati Bartholomæi, totus exercitus Anglicanus transiit illæsus aquam de Summe, vbi nunquam per ante fuit transitus, ibique peremit duo millia Gallicorum, qui conabantur eius transitum impedire.

Eodem die capta fuit villa de Crotoy per dominum Hugonem le Spencer, & intercepti fuere per eundem, de Gallis, homines armorum quadringenti.

Hoc anno, 26. die mensis Augusti, rex Edw. habens tres acies gentis Anglicæ, com-
20 misit bellum cum præfato Philippo, Francorum rege, sibi occurrente cum quatuor aciebus, quarum minima Anglorum numerum excedebat. In quo bello cecidere, duo reges, *Franci fugantur.* Bohemæ, & Maioricarum, Duces Vtharing, & de Burbon, Comites de Alanfon, de Harecourt, de Aumarle, de Sauoy, de Bloys, de Mountbyllard, de Nyueres, & de Flandria, & summus Prior hospitalis Franciæ, cum multis dominis & Baronibus, & duobus fere millibus hominum nominatorum de armis, de communibus vero numerus ignoratur.

Philippus Francorum Rex, dum suos animare satagit, vt fertur in gutture vulneratur & femore, & bina vice, per Regem Angliæ, equo suo deiectus est eo die. Quapropter *Philippi fuga.* cum residuo sui exercitus excessiui, pulcherrime prout dicunt Galli, se retraxit. Quæ fuga vocatur à Gallis vulgariter beuretret vsque in hodiernum diem, mane autem facto Franci
30 redierunt, cum vna acie valde magna circa Solis ortum, quibus occurrerunt Comites de Northamptonia, de Warwick, & de Southfolcia, & præliando satis acriter, peremerunt plus quam duo millia de eisdem, captiuos trahentes multos milites & armigeros, ac fugientes per tria milliaria prosequentes.

Tertia die post bellum, Rex Edwardus arripuit iter versus Kalefiam, supponendo totam patriam vastitati. Et nono die post bellum, cinxit obsidione villam Kalefiæ, ab-
olim sibi, regnoque suo semper infestissimæ. Quam obsidionem per annum & amplius
protelauit. *Kalefia obsessa.*

Anno quo supra, obsidione durante Kalefiæ, David rex Scotorum, sollicitatus per literas Philippi Regis Francorum venit in partes Nouthumbriæ cum exercitu sexaginta
40 millium, refeditque iuxta Dunelmiam, in Parco vocato Beurepeyr, vbi fixit tentoria sumptuosa, qualia per antea in hijs partibus non sunt visa. Quibus cognitis Archiepiscopus Eboracensis dominus Gul. la Zouche, Comes de Angos, domini de Percy, Mountbray, Neuille, Deyntcurt, Maule, Leyburne, Scrope, Musgraue, vicecomites de Euerwik, dominus Rob. de Bertram vicecomes Northumbriæ, & alij nobiles Baronetti, coadunauerunt se, a-
pud Richmond, & 17. die mensis Octobris, Dunelmiam peruenerunt. Commissioq; graui prælio, cum Rege superbo, & gente sua, victi sunt hostes, & interempti pro maiori parte, capto Dauide Rege, per Iohan. Coupelond, & tribus Comitibus de parte Scotorum. Ex
parte Anglorum recensebatur summa virorum bellatorum, cum architenentibus, & communibus, triginta duo millia, de parte vero Scotorum summa totalis excreuit ad se-
50 xaginta duo millia. *Scotorum clades.*

Eodem anno regina peperit filiam nomine Margaretham.

Anno quo supra Carolus de Bloys, qui se dixit Ducem Britannia per medium ius uxoris suæ, cum mille ducentis hominibus armatorum, & sexcentis hominibus armatis, & duobus millibus balistariorum & sex millibus brigantinorum, ac triginta millibus peditem Britonum & aliorum, veniens ad obsedendum castrum, siue villas munitas, quas Anglici tuebantur, habuit repente obuiam nobilem militem dominum Tho. Dagworth, qui non habuit secum plures, quam octoginta homines de armis & 100. sagittarios, proponens adire villas, quæ pertinebant Regi Angliæ, & in eis escas ponere, & arma, contra insultus dicti Caroli, si forsan aliquid moliretur contra eas, vt autem vidit dictus Thomas

se non posse transire quo proposuerat, cepit locum pugnae. Quo facto supervenit dictus Carolus, cum praedictis cohortibus nono diei Iulij, hora prima diei, & circumdedit dictum Thomam, ex omni parte viris armatis & balistarijs. Cum quibus dictus Tho. commisit acriter praeliando, ab hora diei prima, usque ad horam nonam, & factum est Dei virtute, qui vincere facit in paucis, aequae ut in multis, ut hostes non ferentes Anglorum constantiam, relinquerent domino Thomae campum. In hoc conflictu capti sunt dominus Galeys de le Hufce, & dominus Paganus de Fontaneto, qui fuere grauitur vulnerati. Illic occisi fuere dominus Guido de Rocheford, & plures alij milites generosi, de alijs vero quasi sine numero corruiere, reliqui se subtrahentes ad magnum vexillum, siue standardum se contulere. Perseueravit autem dominus Tho. cum suis in loco belli usque ad horam vespertinam. Qua quidem hora Carolus recollectis suis hominibus venit ut leena catulis suis orbata contra dictum Thomam, cum tribus magnis aciebus, quarum una venit contra eum, & una retro, & tertia ad sinistram eius, omnes pariter peditando. In ante fuit Vicecomes de Roan, dominus de Leyacer, dom. Rollandus de Tynaule, & dom. de Muntaban. A Latere venit Tho. Carolus de Boys, dom. de Rochford, dom. de Quintium & Vicecomes de Goymes. Post tergum vero venit D. de Rotheren, D. de Bewmanners & plures alij, qui intulerunt ei tam grande bellum ex omni parte, quod ipse sui que quorsum se verterent ignorabant, duravit igitur iste conflictus diutissime, donec omnipotenti Deo miserante non sine euidenti miraculo, tota potestas illa victa fuit, & campus gloriose remansit nostris.

20

In hoc postremo conflictu, plures domini, Barones & milites capti fuere, qui omnes tam grauitur erant vulnerati, ut de vita eorum desperaretur. Et cum tot cecidissent de exercitu Caroli, quod praetadio numerari nequirent, tamen laudes Deo, nullus miles vel generosus ex Anglicis fuit occisus in hijs diris conflictibus, licet omnes pene fuissent grauitur vulnerati, sed non ad mortem.

*Dagworthi vi
Boria.*

Eodem anno idem dominus Tho. Dagworth cum 300. armatis, & quadringentis architenentibus, & non pluribus, Carolum de Bloys in obsidione rupis Tyrianæ laborantem 12. Kalend. Iulij, in aurora diei, superueniens aggressus est, prostravitque multitudinem ad praelium præparatam, & eius aduentum praestolantem, captiuauitque cum multis nobilibus dictum Carolum de Bloys, qui vendicauit totam Britanniam per medium Ducatum, quod fuit vxoris suæ ut dicebat. Fuere autem in exercitu Caroli milites, & armigeri mille ducenti, & de alijs armatis hominibus sexcenti, balistariorum duo millia, peditum vero numerus ignoratur.

Sub hoc tempore, cum dominus Henr. de Lancastria, Comes de Derby, tuncque Senescallus Wasconia, teneret consilium cum magnatibus illarum partium, apud Brigerak, & D. Iohan. primogenitus Regis Francorum, obsideret villam de Aquilon, & peteret treugas à dicto Comite de Derby, Comes ad concedendas treugas noluit consentire, unde consternatus & valde confusus dictus Iohan. eo quod per ante iurauerat se non recessurum priusquam villam intrasset, relictis sarcinolis, & tentorijs, nocte recessit.

40

*Derbeia Comitum
clara facinora.*

Post cuius fugam Comes de Derby dictam villam de Aquilon, villamque de Reas, & alias multas villas, cum castellis de Ageney & de Touingges, fidelitatem Regi Angliæ iurare fecit. Deinde progrediens per Sanctoniam cum mille viris armatis, pernoctauit in villa de Salueterre, quæ se sibi reddiderat, 12. die mensis Septemb. Posthæc villas S. Ioh. de Angeleyn, & de Isyngham insultibus magnis cepit, cum castro ipsius villæ de Isyngham, veniensque ad ciuitatem Pictauesem, obsedit eam. Cuius capitaneus vilipendens paucitatem obsidentium, egressus est audaciter ad inferendum eis in campo bellum, cumque per tempus aliquod manus conseruissent, victi Pictaueses fugerunt, quos Anglici sequentes è vestigio mixti ciuibus, portas intrauerunt, donec totus exercitus introisset. Perempti sunt ergo, de ciuibus, & auxiliarijs indifcrete venientibus illic per plurimi, & multi captiuati. Episcopus quidam & Barones quatuor, cum plurimis alijs euaserunt, fugientes ex alia parte ciuitatis. Comes vero de Derby, se suosque refocillauit ibidem per dies octo, & captis spolijs infinitis, redijt Burdegalam cum triumpho.

Anno 1348. cum Rex Angliæ Edwardus arctius obsideret Kalesiam, Rex Francorum iuxta promissionem quam fecerat, venit prope Kalesiam, ad dissoluendam obsidionem si quo modo posset xxvi. die Iulij. Sed cum vidisset se non posse votis suis satis facere in hac parte, ultimo die dicti mensis Iulij hora vespertina fecit offerri Regi Angliæ, quod quandocunque sibi placeret extra locum obsidionis venire ad bellum, ex tunc usque ad horam vespertinam tertiæ diei sequentis, bellum contra se proculdubio inuenirer.

Quam

Quam oblationem Rex Edwardus gratanter acceptauit, quod ut audiuit à referendarijs Rex Francorum, euentum belli noluit expectare, sed omni festinatione, noctanter immissoigne in tentorijs suis combussit ea, vecorditerque recessit. Quo comperto Kalestiensis tercio die sequenti, videlicet die tertio mensis Augusti villam cum castro reddiderunt, se & sua voluntati regis submitrentes. Rex vero paucis de maioribus captiuatis, totam communitatem cum suis portabilibus, siue mobilibus, libere permisit abire, dictamque villam cum castello, retinuit suo imperio subiugatam. Quibus gestis per mediationem dominorum Cardinalium, ibidem captæ sunt treugæ xxviii. die mensis Septembris, anno quo supra, & Rex cum triumpho redijt gloriose.

10 Anno 1348. composita pace per totam Angliam, videbatur incolis, quasi nouus sol oriri super illos, propter pacis abundantiam, & cunctarum rerum copiam, ac tantarum v-bique quæsiturarum victoriarum gloriam, nam pene nullius nominis erat mulier, quæ non aliquid de manubijs, Caromi, Kalestæ, & aliarum urbium transmarinarum, vestes, furruras, culcitra, & utensilia possidebat, mappæ mensales, linthea, & lintheamina, sparsim per Angliam in singulorum domibus visebantur. Tunc coeperunt matronæ superbire in apparatibus matronarum Galliæ, & velut illæ dolebant de rerum suarum amissione, sic istæ gaudebant, de dictarum rerum acquisitione.

Hoc anno fuit magna pluuiæ redundatio, quæ durauit à festo S. Iohan. Baptistæ, usque ad natale domini, quam sequuta est mox mortalitas tam sæua, ut vix viui possent suos mortuos sepelire.

Anno 1349. fuit tanta mortalitas hominum ut multi periti putarent, 10. partem humani generis relictam fuisse superstitem, hanc quoque pestilentiam, mox lues animalium est sequuta.

Sæuiente, ut præfertur in Anglia tanta peste hominum, dominus Clemens Papa concessit plenam remissionem, omnibus vere confessis & contritis morientibus in hac epidemia per totum regnum.

Eodem anno quidam miles, nomine Galfridus Charneys, vnus de secretarijs Regis Franciæ corrupto fului metalli ingenti pondere, quodam lanuense custode castri Walestæ, misit armatos plurimos, qui iuxta pactum, in castrum admitteretur, ipso foris villam cum grandi exercitu præstolante. Quibus dictum castrum arroganter ingressis, pons ligneus ante fores, ex præordinata cautela subtiliter eleuatus, ingressos detinebat inclusos.

Rex Edw. per idem tempus aduenerat ad illas partes, Francis id ignorantibus, & mox egressus foras pugnavit cum Gallicis, plusquam ducentos electissimos viros armatos perimens, & omnes alios ad fugam cogens. In quo conflictu captus est, cum multis alij, dictus Galfridus Charneys. Sicque dolus dolo delusus est, dolosusque cecidit in foueam quam ipse fecit.

Anno 1350. commissum est bellum nauale inter Anglicos, & Hispanos, in festo de-collationis S. Ioh. Baptistæ, iuxta villam de Winchelte. Qui anno præcedenti, quamplures Anglicos venientes de Wasconia, cum vinis & alijs mercimonijs, crudeliter interfecerant, raptis spolijs eorundem. Quorum sanguinem Rex Edwardus vindicare cupiens personaliter ipse obuiauit Hispanis. Et commissa pugna peremit omnes Hispanos, qui fuerunt in 24. magnis nauibus, licet fuissent armati peroptime, & omni genere defensionis instructi. Maluerunt nempe, præ cordis durtia, mori quam subijci. Capti sunt igitur naves viginti sex magnæ, reliquis submersis, vel in fugam versis.

Annus iste fuit iubilæus, quo plures vtriusque sexus pro suorum peccaminum remissione, Romam profecti sunt.

Anno 1351. Guliel. de Edingdon Wintoniensis Episcopus, regni thesaurarius, vir magnæ prudentiæ, sed qui plus Regis dilexit commodum quam communitatis, excogitauit, & fecit insculpi nouam monetam, scilicet, grossum, & dimidium grossi, sed hæc erant minoris ponderis quam correspondens summæ sterlingorum. Cuius rei causa, ex post, victualia, cæteraque mercimonia, fuere magis cara per totum regnum. Seruientes, operarij, & artifices, callidiores, victu dulciores solito sunt facti. Contra quorum astutiam, nequitiam & auaritiam ordinata sunt statuta per parlamentum tentum apud Westmon. anno regni Regis Edwardi 3. post conquestum 28. & 35. sed parum aut nihil communibus profuerunt.

Anno 1352. in vigilia Assumptionis beatæ Mariæ, dominus Gualterus Bentwe miles egregius, & custos Britannicæ armoricæ iuxta Mauron, inter villas de Reymes, & Plumera cum trecentis hominibus armorum, totidemque sagittarijs debellauit, & vicit Marescal-

Gallorum clades.

rescallum Franciæ, venientem hostiliter contra se in numero excessiuo, nempe de parte Francorum cæsi sunt ibidem viri nobiles & domini 13. milites vero 140. scutiferi quoque 100. tot autem pedites, quod eorum numerus non poterat facile deprehendi. Capti sunt insuper ibidem 9. domini, milites & armigeri 140. Quo euentu, Gallici atque Britones consternati sunt.

Guliel. Dux Zelandiæ duxit in vxorem filiam Henrici Comitis Lancastriæ.

Annona caritatis.

Anno 1353. tanta fuit siccitas à mense Martij vsque ad mensem Iulij, vt vix per totum tempus illud plueret super terram, vnde contigit sata perire, & annonam in regno rarefcere. Cui penuriæ condolens Gulielmus Dux Zelandiæ, misit Londonias naues plures onustas siligine, quæ non parum profuit incolis regionis.

Hoc anno Henricus Comes Darbiæ, & Lancastriæ apud Westminster. Dux Lancastriæ est creatus, & Radulphus de Stafford, Comes Staffordiæ factus fuit.

Statuta edita non executæ.

Parliamentum tentum fuit Londonijs, in quo edita sunt statuta de stipendijs operariorum, de longitudine, & latitudine pannorum vernalium, de molendinis & impedimentis nauium, & cimbarum, per riuos aquarum omnium per totum regnum. Sed quia non sunt executioni mandata, plus inde quicquam scribere supersedeo.

Anno 1354. facta est concordia iuramento firmata inter Reges Angliæ & Franciæ excepto, quod sigilla eorum, ac scripta indentata non sunt apposita. In quibus continebatur, quod Rex Angliæ haberet omnes terras suas Ducatus Aquitaniæ, quas sibi Rex Franciæ iniuste vsurpauerat, si Rex Angliæ totum ius & clameum, quibus regnum Franciæ vendicabat, Regi Francorum remitteret ac in perpetuum renunciaret eisdem. Super quo negotio, ex parte Regis Angliæ missi sunt solemnes nuncij, ad Romanam curiam, viz. dominus Henricus Dux Lancastriæ, Richardus Comes Arundeliæ, Gul. Norwicen. Episcopus & Guido de Brian miles, vt dominus Papa dictam concordiam confirmaret. Sed dolo fraudeque Gallorum, quibus iugiter adhærebant vna cum Legato domini Papæ, à concordia est discessum, vnde Rex Edwardus non modicum exasperatus, copioso exercitu congregato regnum Franciæ intrauit hostiliter, ac illud vastare cœpit.

Oxonia interdicta.

Eo anno propter seditionem quam laici Oxonijs concitauerant, & damna quæ scholaribus illic irrogauerant, villa supposita fuit interdicto, & regimen totius villæ concessum est Cancellario, ita quod nullus alius saltem laicus illud obtineret.

Eodem tempore per consilium Regis Angliæ Stapulum de lanis reuocatur à Flandria, cum omnibus ad eam pertinentibus, & stabilitur in Anglia, per diuersa loca Lincolnæ, & Hull, in omnibus libertatibus, consuetudinibus, & iuribus eisdem concessis in perpetuum.

Per idem tempus transfretauerat Dominus Henricus Dux Lancastriæ, cum magnificentia & honore, ad inuendum singulare certamen Parisijs cum Duce de Brunswike, qui res suas deprædatus est, cum rediret de Romana Curia. Sed interuenientibus dominis, & amicis, sine duello discessere.

Anno 1355. nunciatum est Regi Angliæ, Philippum Regem Francorum diem clausisse vltimum, & Ioh. eius filium, in Regem Franciæ coronatum, eundemque Ioh. Carolo filio suo seniori, qui dictus est Dolphinus de Vienna, Ducatum Aquitaniæ contulisse, vnde Rex indignatus aduocato coram regni proceribus domino Edwardo suo primogenito, assignauit illi Ducatum Aquitaniæ, qui sibi iure hæreditario pertinebat, præcipiens vt se contra suos aduersarios tueretur. Princeps vero Edwardus, iussis paternis obediens, comitantibus eum Comitibus de Warwick, Sarum, & Southfolke, & Oxoniæ, & mille hominibus armorum, totidemque sagittarijs, in natiuitate beatæ virginis, velificare cœpit prosperoque cursu peruenit Aquitaniam, & à nobilibus regionis honorifice susceptus est. Quibus aduentus sui causam notificans, optima deliberatione habita, decimo die Octobris equitare cœpit, transiens per patriam de Iuliak sibi subiectam, deinde per patrias de Armanack, de la Ryuer, Cuningg, Slee, Tolouse, Karkason & Nerbon iuxta mare Græcum, per octo septimanas, villas multas valde, quasdamque muro clausas, cundo, & redeundo, cepit & spoliavit, & deuastauit per incendia, nulla resistentia sibi facta. Quibus gestis in Wasconia hyemauit. Exercitus tamen eius interea non vacauit otio sed plures bonas villas muratas, & castra fortia sibi subiugauit, multique magnates illarum partium, se cum suis villis & castris, domino Principi submittere & fidelitatem iurauere.

Edwardi Principis gesta.

Hoc anno circa principium mensis Nouembris rex Edwardus transfretauit, assumptis secum duobus filijs suis, scilicet Lionello Comite Ultoniæ & Ioh. Comite Richmundiæ, domino Henrico duce Lancastriæ, comitibusq; Northamptoniæ, Marchiæ, & Staffordiæ,

diæ, alijsque magnatibus, & hominibus armorum, ad numerum duorum millium. Secundo die mensis Nouembris, egressus Kalefiam profectus est versus Audomarum, vbi putabat Regem Franciæ eius aduentum cum ingenti exercitu expectare, paratum ad dandum sibi bellum, prout sibi antea fuerat nunciatum. Sed appropinquante Rege Angliæ, Rex Francorum euentum belli noluit expectare, sed illico retrocessit, destruendo victualia, ne nostrates fruerentur eisdem. Quem meticolose fugientem, Rex Angliæ profectus est, vsque Heden. Sed pro penuria victualium reuersus est per 10. dies destruendâ patriam, cundo videlicet, & redeundo.

Dum Rex Edwardus ageret in transmarinis partibus, Scoti fraudulenter, & subdo- *Berwickum ca-*
 10 le, ceperunt villam de Berwick, castrum tamen capere nequiverunt. Ob quam causam *pient.*
 Rex in Angliam cum festinatione reuersus est.

Eodem anno in Parlamento apud Westm. concessum fuit Regi, vt haberent de quolibet Sacco lanæ, per 6. annos proxime sequentes 40. sol.

Septimo Idus Ianuarij, natus est Edwardo nouissimus filius apud Woodestock, & vocatus est Thomas.

Anno 1356. Rex Edvardus adiuit partes boreales, cum grandi exercitu, vt villam suam de Scotorum manibus recuperaret, quam Scoti 13. die Ianuarij sibi sine vlla resistantia præuia reddiderunt.

Die 25. Ianuarij, dominus Edvv. de Baliol, Rex Scotiæ, apud villam de Rokesburgh, *Scotorum regis*
 20 regnum & coronam eiusdem transtulit in Edvv. regem Angliæ, literis suis patentibus, & *subiectio.*
 autenticis inde confectis.

Eodem anno dominus Edvardus, primogenitus regis Angliæ, & Princeps Angliæ existens, in Wasconia, consuluit Burdegalenses, & proceres illius patriæ, de aggrediendo regno Franciæ. Cuius propositum Comes de Armenak, domini sui proditor, confestim Regi Franciæ nunciavit, & quæ mala regno Franciæ imminebant. Quæ cum audisset Rex Franciæ, statim iussit destrui pontes constructos super fluuium de Leyre, quas veteres, non sine magnis expensis extruxerant. Princeps hæc audiens, exercitu congregato sexto die Iulij, coepit proficisci de Burdegalia, transiens per patrias de Ageneys, Peregor, Limosin, Berry, & de Saloygne. In quo transitu plures villas sibi rebellés incendit, & multas
 30 cum castris & munitiombus sibi redditas, obtinuit sub tributo. In hac equitatione plus quam sex millia hominum armorum captiuauit. In patria vero de Saloygne, capta villa de Remorantyn, castrum eiusdem villæ, sex diebus obsedit, & cepit, captis ibidem domino de Cron, & Brusigundo, alijsque militibus, & armorum hominibus 80. Deinde progressus est per Toreignac, & Peyton, & ibi prope Chaueny proceres sui 17. die Septembris conflixere cum Gallicis, in quo certamine 100. homines armorum ex Gallicis peremerunt. Ceperuntque Comites de Amiser, & de Iuny, cum Senescallo regis Franciæ, & hominibus armorum 100.

Eodem anno 19. die Septembris, vel vt quidam volunt 21. die mensis eiusdem, Princeps Walliæ, quasi in fine anni aduentus sui in Wasconiam, occurrit regi Franciæ iuxta
 40 Peyteis, non amplius quam mille nongentis hominibus armorum, totidemque sagittarijs venienti contra se cum 7. millibus electis armorum hominibus alijsque armatis, paufarijs, ac balistarijs in numero excessiuo. Aderant tunc ibidem duo Cardinales, missi per dominum Papam, pacem facere inter partes, qui à domini Papæ præsentia recessuri, promiserunt eidem dicentes vere sancte pater, aut habebimus pacem, aut lapides clamabunt. *Cardinalium*
 Euenitque iuxta vaticinium eorundem, nescientium quod dicebant. Reuera cum sagittarij Principis omnes sagittas suas expendissent in Gallicos, & iam stare viderentur otiosi, quia campus belli lapidosus extitit, moniti sunt per Comitem Southfolciæ lapides tollere, & in Francos mittere, vnde contigit quod magna multitudo Gallorum, ictibus saxorum prostrata perijt, attonita nimirum collisione lapidum in Galeas & cassides impactorum, & sic quodammodo lapides clamauerunt. Igitur cum Cardinales inter vtrumque
 50 populum diligentissime discurrissent, nec pacem persuadere potuissent, indignantes recesserunt. Tunc confestim acies conuenerunt, vbi primo fractis lanceis, cum gladijs, securibus & bipennibus, rem egerunt. Ibi claruit virtus & probitas, domini Iacobi de Audelee generosi militis, qui potenter, & audacter confregit & perforauit Francorum aciem, & fuit occasio necis plurimorum hostium ea die.

Ibi patebat fides & constantia Comitum de Warvvicke & de Southfolke, & cæterorum procerum, qui tam animose, tam acriter, tam atrociter, tam perseueranter pugnaverunt, donec manuum eorum gladijs & securibus obrigescerent. Nec minus laudabilis erat ipse Dux belli Princeps serenissimus, qui non solum se Ducem exhibuit in hoc bello, sed

probatum militem & expertum, vniuersa temprans, audens, & faciens, quæ miles faceret animosus. Nec momentanea seu brevis fuit ista pugna, sed tribus vicibus eo die præ multitudine superuenientium hostium oportebat Anglicos prælium instaurare.

*Anglorum victo-
ria in Gallos.*

Tandem omnipotenti Deo nostris tribuente longanimitatem & Gallis immittente formidolositate insistentibus Anglicis Galli fugerunt, occisis ibidem prius Duce de Burbon, & Athenis, Episcopo de Chaluz & alijs dominis & nobilibus ad numerum viginti duorum, militibusque peremptis, & hominibus armaturæ electis duobus millibus, & de communibus octingentis. Rex insuper Franciæ captus est ibidem, & Philippus filius eius iunior, capti sunt etiam domini Iacobus de Burbon, de sanguine regio, & Archiepiscopus Seuonenfis, ac Comites 11. domini nobiles 22. milites & homines armorum plusquam duo millia. Expedito finitoque præfato bello, Princeps redijt Burdegaliæ cum glorioso nobilique triumpho, Ioh. Regem Franciæ secum ducens. Dominus Henricus Dux Lancastriæ dum hæc agerentur, obsedit in Britannia ciuitatem Ranensem, quam & cepit.

Anno 1357. Dominus Edw. Princeps Walliæ redijt in Angliam cum Ioh. Rege Franciæ & filio suo Philippo 5. die mensis Maij applicans in portu de Plimouth cum præda nobili captiuorum. Et cum peruenisset Londonias cum prædictis captiuis circa horam diei tertiam, tanta ruit, ad tantum spectaculum populi multitudo, vt vix valeret post meridiem præ compressione plebis ad Westmonast. peruenire.

Cito post hæc missi sunt per Papam in Angliam duo Cardinales, pro pace reformanda inter regna, tertius vero Cardinalis venit gratia visitandi Regem Francorum. Qui frequenter colloquentes cum Regibus & eorum consilijs, sed nil proficientes, post moram in Anglia biennalem tandem infecto pacis negotio recesserunt.

Gens sine capite.

Sub hijs diebus succēuit in Francia illa famosa magnaque comitiua, quæ gens sine capite vocabatur. Hæc in initio parua temptans, & mox aggressa maiora magnam Franciæ partem occupans, expulsi vel subactis locorum dominis, suis legibus subiugauit. Erat autem non tantum de vna gente vel natione, sed de pluribus regionibus congregata.

Concessum fuit etiam domino Iohanni Regi Franciæ pro redemptione sua soluere sexcenta millia florenorum citra festum S. Martini. Et ad habendam maiorem securitatem istius summæ soluendæ, petijt Rex Angliæ obsides de valentioribus personis regni Francorum, sed huic petitioni noluerunt Gallici consentire. Quamobrem 20. die Nouembris responsum est Francis vt se defendant, & præparent ad bellandum.

Eodem anno relaxatum fuit interdictum Oxoniæ quod autoritate domini Iohan. episcopi Lincolnæ propter clericidium, & sacrilegia anno proximo præterito fuit illatum.

Hastiludia facta sunt Londonijs præsentibus regibus Angliæ, Franciæ & Scotiæ, & plebe multa.

*Processus contra
mendicantes.*

Anno 1358. tentum fuit Parliamentum Londonijs, vbi de pace reformanda inter duo regna persæpe tractabatur, sed nullus effectus de tot tractatibus sequebatur. Armachanus facit processum contra 4. ordines mendicantium coram Papa, demonstrans eos multis rationibus manifeste à suis regulis deuiasse. Frater Iohan. Lyle Eliensis Episcopus, vt dicitur iniuste fatigatus per dominam Blanchiam de Wake transfretauit ad Romanam curiam contra voluntatem Regis. Dominus vero Papa auditis eius querelis fecit excommunicari publice omnes aduersarios dicti Episcopi, mandauitque per literas suas Lincolnienfi Episcopo, & alijs quibusdam Prælati Angliæ, vt si quos nouerint dictorum excommunicatorum, mortuos & sepultos, à sepulturis extraherent, quod & factum est, vnde Rex indignatus, quia dictorum excommunicatorum quidam erant de consilio suo, dictos Prælatos grauiter infestabat. Qua de causa venerunt quidam de Curia Romana missi, ex parte dicti Episcopi Eliensis, obuiantes domino I. Roffensi Episcopo regni Thesaurario armati, tradentes literas Apostolicas violenter dicto Thesaurario, quarum tenor hæcenus ignoratur, & illico disparuerunt. Quos regales insequentes quosdam captos incarcerabant, & coram Regis Iustitiarijs condemnatos in carcere & furca necabant.

Eodem anno, Neustria, & Britannia Armorica graui clade vastantur per Philippum fratrem Regis Nauarriæ dominum Iacobum de la Pype, & Robertum Knollis, aliosque quam plures Anglicos, qui ductores fuere magnæ comitiæ, & in hijs regionibus per tres annos & amplius hostiliter debacchati sunt contra regis Angliæ voluntatem. Ex quibus Robertus Knollis ex vulgari valecto fortuna fauente diratus, mox factus ductor militum multa miranda gessit in terra, cuius gesta tractatus exigunt speciales.

Eodem

Eodem tempore quidam natione Walco, vulgariter nuncupatus Archipræbiter, duxit aliam comitiuam per diuersas partes Franciæ, ipsas deuastando hostiliter, sed potissime prouinciarum regionem.

An. 1359. 14. Kalend. Iunij, dominus Iohannes de Gaunt filius regis Edwardi Comes Richemond, Blanchiam filiam domini Henrici Ducis Lancastriæ consanguineam suam de dispensatione Curie, apud Radingum duxit uxorem.

Sub eodem tempore D. Iohan. rex Franciæ sub umbra pacis dolose contulit regi Angliæ Flandriam, Pykardiam, Acquitaniam aliasque terras quas equitauerat & vastarat, pro quibus omnibus ratificandis idem rex Edw. in Franciam nuncios suos direxit, quibus omnibus Franci contradixerunt. Vnde rex Edw. indignatus cum classe 1100. nauium mare *Expeditione Gal-* transiit, habens secum paulo minus quam mille currus, peruenitq; Kalesiā 24. die mensis *liam.* Octobris, & 4. die mensis Nouembris, diuiso exercitu suo in 3. turmas commisit vnam fortem valde domino Henrico duci Lancastriæ. Edw. vero principi turmam deputauit aliam fortio- rem, sibi ipsi turmam fortissimam referuauit. Qui profecti peruenierunt ante ciuitatem Remensem in festo S. Lucie vbi moram traxerunt inutilem, vsque in diem S. Hillarij, nihil proficientes ibidem.

Eodem die signa conuertit versus Burgundiam. Cui occurrit dux Burgundiæ, promittens 70000. florenorum soluendorum sibi fideliter, si toti Burgundiæ parceret, & cōtineret ab incendiis & rapinis. Quod rex concessit eidem, mansitque iuxta ciuitatem Remensem vsque in 5. diem post festum S. Gregorij Papæ.

Interim Normanni cum modica classe nauium apud Winchelsey applicuerunt, ipsamque villam Idibus Martij inuaserunt, & in parte combusserunt, ac resistentes interfecerunt, sexui, ætati, vel ordini non parcentes. Quapropter prælati in Anglia vndique confluxerunt ad arma cum clericis & laicis, vt dictis resisterent inimicis. Sed cum se & suos præparauissent ad pugnam, nihil actum est, hostibus valescentibus illis cum cachinno.

Anno 1360. tenuit rex Angliæ natale iuxta Remensem ciuitatem, mansitq; ibidem vt præfertur vsque ad festum S. Gregorij, & 12. die Aprilis Parisius se conuertit. Et cum appropinquasset Parisius exercitum in nouem disposuit aciebus, & creauit ibidem milites quadringētos. Deinde mittitur dominus Henricus dux Lancastriæ ad portas ciuitatis proferens huius qui intus erant bellum campestre, sub hac conditione, vt si rex Angliæ deuictus foret ibidem, nunquam ex post regnum Franciæ vendicaret. Sed Galli bellum committere detrectabant, quapropter tirones nouelli, militesque veterani armati cum aliis dederunt insultum ciuitati, & confectum eius suburbana destruxerunt.

Londonienses per idem tempus, cum cæteris regni incolis affectantes vindicare dedecus nuper acceptum per Francos apud Winchelsey cum classe octoginta nauium & 14. millibus hominum cum sagittariis perscrutando aduersarios quæsierunt. Et tandem applicantes in terra hostili, ceperunt insulam quæ Caus vulgariter appellatur. Franci præuenire cupientes hos rumores præordinauerunt dominum Abbatem Cluniacensem comitem, de Tankeruille, Senescallum Franciæ, Brusigaldum constabularium, & nonnullos alios viros venerabiles de consensu domini Caroli regentis Franciam, pacem finalem & firmam ostensis conditionibus, in scriptis à domino rege Angliæ humiliter postularent, sed conditiones inscriptæ & excogitatæ per Francos, nec regi nec suo consilio placuere. Quapropter rex commotus, prohibuit ne sollicitarent eum amplius, nisi habita ad eius beneplacitum prolatione præmissorum.

In crastino octauarum Paschæ, conuertit signa versus Aurelianum, prædando, vastando, conflagrando quæq; fors obtulit tunc eidem. Quo tempore fuit tanta frigiditatis immanitas, vt plura millia hominum & equorum in exercitu regis exanimaret.

Circa festum inuentionis S. Crucis nuncij memorati venientes ad regem iuxta Carnotum, obtulerunt ei optimam formam pacis ordinatam circumspiciissime, de communi consensu regentis, ac maiorum Franciæ, sub data apud Carnotum 15. die mensis Maij, requirentes humillime benignam donationem suam atque beneuolentiam consensumque gratiosum, vt eam dignaretur admittere & ratam & gratam tenere, pro se & hæredibus suis in perpetuum, qua forma cum deliberatione perspecta, dominus rex annuit votis eorum, ita duntaxat, vt iuratis in corpore dominico partibus, tactisque sacrosanctis Euangelis pacta stabilirentur. Proinde celebrata Parisius missa solemniter, Carolus primogenitus regis Franciæ in præsentia nunciorum regis Angliæ atque procerum regni Franciæ, dicto ter agnus Dei & adiecto, dona nobis pacem, ascendit ad altare, & dextram super patenam posuit, in qua locatum fuerat corpus dominicum, leuamque super *Pacis forma.* missa-

*Iuramenti for-
ma.*

missale, sicque iuravit. Nos Carolus iuramus, ad sacrosancta corpus domini & Euangelia, firmiter seruare penes nos pacem & concordiam formatas inter reges, & nullo modo in contrarium venire. Posthæc datis militibus reliquiis de corona Christi in testimonium valefecit eisdem. Simile iuramentum præstitit apud Luneros, dominus Edwardus princeps Walliæ proxima feria sexta sequente. Ambo igitur reges, & eorum filij, maioresque utriusque regni, idem corporale sacramentum præstiterunt. Ad corroboranda quoque complendaque prædicta, rex Angliæ petiit & accepit maiores Franciæ in obsidatum, viz. 5. duces, 8. comites, & 30. dominos nominatos, assignataque sunt dies & tempus, quibus ambo reges conuenirent prædicta consummaturi cum suis consiliis apud Calceys.

19

*Rex Francia li-
beratus.*

Scriptis igitur sigillatis & indentatis, confestim Rex Angliæ transiit ad Hounflet, ubi naues ascendit & scilicet cursu peruenit in Angliam. Et confestim transiit ad turrim, gratia visitandi regem Franciæ, ubi limitata summa redemptionis suæ, quæ steterat in tribus millionibus florenorum, quorum duo valerent 6. sol. & 8. denar. eum ab omni carcere liberavit. Quibus ita gestis Rex Angliæ regem Franciæ cum summa veneratione deduxit ad mare, qui nono die Iulij transfretauit, atque peruenit in regnum suum, tractaturus effectualiter de pacationibus supradictis.

Ealpsō paruo tempore conuenerunt apud Calestiam ambo reges, cum suis consiliariis, tractaturi finaliter de pace & concordia præformatis apud Carnotum, iuraueruntque firmiter pacta seruare penes se. Quorum articuli in chronicis nostris maioribus latius describuntur.

Hiis ita gestis confestim mittuntur nuncij summo pontifici, pro pace pacisque mutuis confirmandis.

Anno 1361. In parlamento Londoniis proponebatur cunctis regni statibus concordia inter reges stabilita, placuitque cunctis dictam concordiam recipere & tenere. Quamobrem celebrata missa de sancta Trinitate, à domino Cantuariensi cum magna solemnitate, assistente rege cum filiis suis, & accensis luminaribus, & erectis crucibus singuli qui non prius iurauerant, super corpus dominicum, & missale, istud sacramentum in scriptis præstiterunt, domino Cantuariensi inchoante. Nos N. Cantuariensis Archiepisc. iuramus ad sacrosancta corpus dominicum & Euangelia firmiter seruare penes nos pacem & concordiam firmatas inter reges, & nullo modo in contrarium venire. Quibus expeditis, singuli suas schedulas regiis notariis tradiderunt.

Comitiua magna.

Eodem anno illa magna & famosa comitiua de diuersis nationibus adunata, cuius duces pro maiore parte fuerunt Anglici, partes Franciæ versus Auinioniam inuasērunt, villam S. Spiritus ceperunt, cum villis & castellis multis in Francis, quos nulla virtute vel arte expellere potuit rex Franciæ de terra sua.

Eodē tempore surrepsit & alia comitiua, quæ vulgariter vocabatur Alba, quæ transiit in Lombardiam, cuius etiam duces fuerunt Anglici, & quandoque militabant alienis stipendiis, aliquando vero commotu proprio discurrebant, accipientes redemptionem de diuersis villis, castellis ac ciuitatibus, nec pene deguit securus aliquis in illis regionibus, qui non istorum beneuolentia fruebatur. Sub hoc tempore dominus princeps Walliæ desponsauit dominam Iohannam Cantij comitissam.

Anno 1362. dominus Edw. princeps Walliæ accepit à patre coram regni magnatibus principatum Aquitaniæ, fidelitate prius & homagio regi patri factis. Non tamen reliquit principatum Walliæ, ducatum Cornubiæ neque Cestriæ neque Cantix comitatus. Qui circa festū purificationis beatæ Mariæ prox. sequens cum vxore & tota sua familia in Wasconiam transfretauit.

Hoc anno expletis annis quinquaginta à natiuitate domini Edw. regis Angliæ, idem rex volens reddere iubilæum suum memorabilem, celebrato parlamento populo suo se exhibuit gratiosum, reis maiestatis suæ offensas indulgendo, victos à carceribus liberando, & exules reuocando. Ad petitionem etiam communitatis placita in lingua materna, & non in Gallica versari iussit. Leonellum quoque filium suum fecit ducem Clarenciæ, & Edmundum comitem Cantebrigæ. Ordinatum fuit insuper in hoc parlamento, quod nullus in regno præter regem & reginam atque duces haberet prouisoires victualium, nec aliquid caperet, nisi denariis persolutis, & ut transgredientes stricto iudicio punirentur.

In hoc parlamento concessum fuit regi recipere per tres annos sequentes 26. sol. 8. denar. de quolibet Sacco lanæ.

Anno 1363. in parlamento tento Londoniis, omne ornamentum aureum, & argen-
teum

tenum fuit damnatum, s. in cultellis, cingulis, monilibus, anulis & cæteris corporum ornamentis, nisi in talibus qui possent per annum expendere decem libras. Ordinatum insuper fuit ibidem, ne mercatores Angliæ cum suis mercimoniis, vel ad vina quærenda de cætero transfretarent, & ut singuli, artes singulas exercerent, & ut nulli pannis pretiosis aut pellura vterentur, nisi qui possent per annum expendere 100. libras, & ne plebeij operarij & agricultores vescerentur cibis delicatis. Sed hæc omnia nullum effectum cepere.

Statuta de vestibus.

Per hoc tempus venerunt tres reges, scilicet, Franciæ, Cipriæ & Scotiæ, gratia videnti & alloquendi regem Angliæ, à quo plurimum honorati, donisque, donati, reges Cipriæ & Scotiæ ad sua reuersi sunt, sed rex Franciæ morbo correptus, Londoniis apud Suuoy diē clausit extremū, sed hoc contigit anno sequenti. Exequias eius rex Angliæ in diuersis locis fecit solemniter celebrari, ac vsq; Doueriam suis sumptibus per viros honorabiles corpus eius more regio conduci fecit. Qui tandem sepultus est iuxta Parisium apud S. Dionisij monasterium in sepulchro regum.

Eodem anno 7. Idus Decembris cæpit gelare, perdurauitque gelu fortissimum vsque 14. Kalend. Aprilis.

Eo tempore rex Ciprii itinerando per Angliam plura perdidit per latrones. Ob quam causam rex Edward. concessit Londoniensibus potestatem iustificandi malefactores, & incarceratos infra ciuitatem liberandi, iusticiariis regiis ut prius solebant minime requiritis.

Hoc anno fuit tanta frumenti penuria, ut summa tritici ad quindecim solidos venderetur.

Anno 1364. Carolus de Bloys cum tribus millibus sexcentis viris bellatoribus irruit subito super Ioh. de monte forti, & dominum Gul. Latimer, dum essent in obsidione villæ & castelli de Aueroy, qui vix habebant secum mille sexcentos de Anglis & Britonibus. Et facto congressu sine deliberatione, ceciderunt ex parte ducis tantum 7. viri, & ex parte Caroli intrusoris corruit ipse Carolus, cum domino de Rocheford, & Gul. Vango, & ex militibus atque armigeris pene mille, captique sunt de parte Caroli, duo comites, 27. domini, & armati viri strenui mille quingenti.

30 Quinto Idus Aprilis obiit dominus Ioh. rex Francorum.

Longobardi mercatores per socios suos accusantur de magna infidelitate in suis mercimoniis factis regi. Quapropter ex illis multi recluduntur in turri donec finem fecissent ad regis beneplacitum.

Eodem tempore Edmundus de Langley regis filius, desponsasset filiam & hæredem comitis Flandriæ, nisi propinquitatis consanguinitatis prohibuisset, vnde pro habenda dispensatione, missum est ad papam. Sed rex Franciæ Carolus, ne matrimonium istud procederet, callide impediuit. Quæ mulier ex post copulata fuit Philippo fratri regis Franciæ duci Burgundiæ, qui quondam patri suo in Anglia fuerat concaptiuus.

40 Anno 1365. natus est domino Edward. principi Walliæ & Aquitaniæ apud Angolismum filius, & vocatus est nomine patris sui Edward. Hic anno ætatis suæ 7. diem clausit, non tamen præmature, ut plurimi asseriebant.

Eodem anno Ingelramus dñus de Cuncy apud Windeleshoram desponsauit Isabellam filiam regis Edwardi.

Hoc etiam anno rex Cipri cepit Alexandriæ magnæ partem tertiam, & despoliatam dimisit incredulis, quia non habuit qui possent custodire eam. Interfuerunt autem huic captioni cum rege Cipri plures Anglici & Aquitanici, referentes tam in Angliam quam Aquitaniam pannos aureos & holosericos, splendoresque gemmarum exoticos in suæ testimonium probitatis.

50 Anno 1366. natus est domino Edward. principi apud Burdegaliæ secundus filius dñus Richardus, quem Richardus Rex Maioricarum de sacro fonte suscepit.

Hoc in tempore Rex Franciæ & maiores illius regni implorabant auxilium regis Angliæ, contra magnas comituias quæ bacchabantur in Francia, quarum ductores erant Anglici pro maiori parte vel saltem de dominio regis Anglorum. Qui mandauit eis per suas literas ut regnum Franciæ euacuarent, & illud desinerent molestare. Qui primo tergiuersantes, nec suas quas ceperant munitiones deferere meditantes, breui ridiculosoque responso regem Angliæ exacerbauerunt. Quapropter rex Angliæ ad humiliandum eorum superbiam conduxit exercitum, nauigium præparauit. Quod cum audisset rex Franciæ per nuncios rogauit regem Angliæ ut à ceptis desisteret & domi se contineret, vnde contristatus rex Angliæ iurauit per sanctam Mariam, se non laturum auxilium

Comitibus dñis.

xilium regi Franciæ in æternum, licet eum dictæ comitiuæ niterentur expellere regno suo. Nihilominus ex post ad iussum regis Angliæ redditus regi Franciæ villis & Castellis, per dictas comitiuas diu possessis regno Franciæ valescerunt.

Insultum in Petro nem. Bertrandus Cleykyn insignis & belliger habens collegam Hugonem de Caluerlee, militem toti Europæ famosum, cum parte magnæ comitiuæ processit contra Petronem regem Hispaniæ vt Petronem regno priuaret, & Henricum faceret coronari, ad quod etiam exequendum accessit auxilium & fauor Papæ. Petro rex Hispaniæ cum audisset aduentum illius terribilis comitiuæ fugit ad principem Walliæ, ab eo contra tam seuos hostes suffragia petiturus. Quo fugato Henricus frater eius notus, assensu multorum procerum & auxilio comitiuæ prædictæ rex Hispaniæ factus est. Numerus istius comitiuæ stetit in 60. 10 millibus bellatorum.

Anno 1367. dominus Edw. princeps condolens calamitatibus domini Petronis regis eieci, profectus est in Hispaniam, cum nobili multitudine pugnatorum Angliæ, Scotiæ, Nauarriæ, Acquitaniæ, Britanniæ, Armoricæ, & aliarum gentium plurimarum. Ad quem (cum attigisset partes Hispaniæ) cum multis accessit dominus Hugo de Caluerlee, deserto Henrico bastardo, qui noluit in bello stare contra principem primogenitum regis sui, venit in super ad eum dominus Robertus Knolles cum parte prædictæ Comitiuæ, quæ cum eo remanserat. Post abscissum Bertrandi Cleykyn & Hugonis de Caluerlee, cuius numerus fuit decem millia virorum scientium bellum, & ad opus martium promptissimorum, de Anglia venit ad eum dominus Iohannes dux Lancastriæ cum multis valentibus militibus & armigeris, architenentibus, aliisque armatis, eratque cum eo Rex Nauarriæ cum pluribus probatis hominibus de gente sua. Ex aduersâ parte venit ipse Henricus Bastardus, & cum eo Bertrandus Cleykyn cum maiori parte illius sæpèdictæ magnæ comitiuæ quæ sequebatur eum, non illius amore tantummodo, sed optimioris spe prædæ. Venerunt & omnes domini potentiores prouinciarum Hispaniæ, & de Gallis infiniti, partim missi per regem Franciæ, partim lucri contemplatione. Saraceni præterea, & vltiores Hispani, cum incredulis confluerunt, cum intrusore prænominato qui præ multitudine diuinerari nequibant. Princeps perpendens omnium horum multitudinem, quantum res patiebatur, die noctuque laborabat, ad opus martium consummandum. Vnde contigit vt contra opinionem hostium, qui nullo modo putabant eum tam subito aduenturum, tertio die Aprilis oriente sole, irrueret super eos. Bertrandus Cleykyn more ducis prouidi bellum differre quoquo modo gestiens donec sui se possent armare, qui nondum stratus excoasset, cum quinque vel sex sociis intrauit campi medium, in quo bellum gerendum fuit, inter vtrumque exercitum constitutum. Cui cum pari occurrens numero miles nobilis dominus Thom. Vfford, equites quidem omnes contra se venientes, hostili hastiludio de suis deiecit equis. Et cæteris interemptis de parte Bertrandi ipse quidem captus est viuis. Interea anteriores acies, sibi inuicem obuierunt, vbi sagittariis Anglicanis laudabiliter rem gerentibus Hispanos multipliciter terruerunt. Dominus Iohan. dux Lancastriæ, & dominus Iohan. Chaundos miles famosissimus, & qui de magna comitiua adhæserant principi, in acie primi constituti sunt. Super hos pondus belli stetit, super hos Saracenica phallanx incubuit, super hos innumera Hispanorum multitudo diu sæuit, sed tandem superueniente domino Roberto Knoll cum electissima gente quæ eum secuta fuerat, & velut fulminea tempestas irruens super hostes, & pars aduersa terretur, & debilitatur. Terga proinde vertunt Hispani, & per centenos corruunt ad inferna pagani. Ipse campi ductor partis aduersæ, pauefactus hiis visis, & de grandine sagittarum caput eius circumuolantium tremefactus, reliquit sonipedem quem insedit, & equum velociorem insiliens fugam cepit, non tamen illæsus vt fertur, fuit in inguine sagittatus. Cognita vero fuga sui ducis Hispani terga dedere, peremptis in bello siue fuga 7. millibus armorum. Captus est in bello comes de Dena, cum multis nobilibus Hispanorum. Bertrandus Cleykyn captus fuerat, ante bellum vt præfertur, qui principalis extitit Bastardi consiliarius, & dux primæ cohortis. In fluuio vero de Nazar suffocati sunt plurimi, qui dum pertransire vellet, vada nescientes, rapaci gurgite sunt absorpti. Rubuitque fluuius per multa millia de sanguine vulneratorum pereuntium in eodem. Commissum fuit hoc prælium tertio die Aprilis, vel vt quidam volunt in vigilia dominicæ Annunciationis. Igitur serenissimus princeps obtenta victoria dominum Petronem restituit regno suo. Et rediens in Acquitaniam, compulsus est confringere vasa sua aurea & argentea & sculpere in monetam, quam stipendiariis suis irrogaret, quia Petro pro tunc non inuenit in thesauris suis, unde principi satisfaceret iuxta pacta. Ob quam causam Princeps cum redisset in Acquitaniam coactus est manus mittere ad bona subiectorum suorum & exigere nouas taxas Waf-

conca-

conensibus insuetas. Quamobrem cito postea, defecerunt ab eo, & rebellare cœperunt, ut in sequentibus elucebit.

Per idem tempus Bertrandus Cleykyn, soluta redemptione à captiuitate liberatur. Et pergens in Hispaniam regi Petroni reconciliatur. Cui persuasit, ut reciperet Henricum Bastardum fratrem suum in gratiam, quem promisit fidelem sibi futurum. Cuius assertioni Petro fidem dans, iussit ut eum adduceret, spondens se sibi rancorem omnem, & forisfacturas corditer remissurum. Bertrandus cuncta dolose faciens, procurauit ut præfatus Henricus adueniret cum armata manu, tempore quo rex sedebat in mensa & subito, præoccupatum lancea perforaret. Quo facto Bastardus inuasit regnum nactus proditione, quod non potuit aperto morte. Edwardus princeps intoxicatus sanitate corporis usque ad finem vitæ fuit priuatus.

Anno 1368. Leonellus dux Clarentiæ regis Edwardi filius Mediolanum abiit, ducere in uxorem filiam Galeas, domini Mediolanensi, cum qua medietatem eiusdem domini fuerat accepturus, ubi celebrato cum gloria maxima matrimonio, vix quinque mensibus superuixit.

Eodem anno pacis pacta fregerunt Franci, capientes in Pontino castella, villas, oppida, & munitiones spectantia iuri regis Angliæ, & homines eiusdem perimentes, & plurimos captiuantes, rege hæc omnia ignorante. Et ut efficacius regis Angliæ circumuenirent innocentiam, rex Franciæ literaliter denunciauit regi Angliæ, se fore paratum soluere quod residuum fuerat de redemptione patris sui Iohannis quondam regis Franciæ, & omnes pacis condiciones editas Calesiæ obseruare. Et ut plenius circumueniret regem Angliæ misit ei vina de Boemia & alia donatiua, inditia bonæ fidei & dilectionis. Et factum est, adhuc nunciis cum rege existentibus, rumores flebiles deferuntur ad regem de equitatione Francorum hostili in pago Pontini, & de excessibus factis ibidem. Quibus auditis rex iussit nunciis ut cum donis suis fallacibus redirent ad dominum suum fraude plenum, cuius nugas & dolos non diu tolleraret inultos. Quibus domum remeantibus occurrere Calesienses, & vina direpta Calesiam adduxerunt.

Hoc anno dominus Simon de Langham Archiepiscopus Cantuar. assumptus est ad Cardinalatum, vocante eum Urbano 5.

Anno 1369. rex Edward. 3. in parlamento tento Londoniis, tractauit de concordia violata, pacisque passionibus inter ipsum & regem Franciæ. Quapropter sicut olim, totum regnum Franciæ vendicauit. Misitque circa festum natiuitatis beatæ virginis, filium suum Ioh. ducem Lancastriæ, & Humfridum de Boun Comitem Herefordiæ cum valida manu militum & architenensium, ad ius suum ex integro repetendum. Qui cum transfretassent, & super montem qui dicitur le Chalkball castra metati fuissent contra Francos qui illuc illis occurrerant, tam diu iacuerunt ibidem donec consumptis victualibus pars Anglica fame deficiebat. Erant tunc ibi multi valentes barones & milites qui censuerunt cum Gallis fore pugnandum priusquam gens Anglica fame perisset. Sed duces causabantur sibi non esse manum sufficientem ad obuiandum Gallis.

Interea dominus Tho. Beuchampe comes Warwici audiens Francos paratos ad pugnam, ascensis nauibus cum electis militibus versus Calesiam nauigauit, de cuius aduentu Franci stupefacti, relinquentes tentoria cum victualibus clam fugerunt. Comes vero cum applicuisset, ducum detestatus ignauiam consulentium ne progrediretur, ego inquit progredi & pugnare volo, dum adhuc panis patriæ in virorum meorum ventribus remanet indigestus. Nec mora, progreditur, & insulam de Kaus ferro flammaque vastat nemine resistente: sed heu redeundo versus Calesiam morbo correptus de medio sublatus est. Cæteri duces aduersante fortuna, inglorij redierunt.

Per id tempus papa fouebat guerram contra dominos Mediolanenses, militante pro eo domino de Spencer qui laudabiliter bella gessit papalia post mortem Leonelli ducis Clarentiæ cum quo peruenerat ad partes illas.

Eodẽ tempore floruit ille miles egregius & toti mundo nominatus Ioh. Hawkwood natione Anglicus, qui duxit comitiam albam superius nominatã, & nunc contra papam, nunc contra præfatos dominos Mediolanenses arma gerebat, semper inuictus. Cuius admiranda gesta prædicat usque nunc Italia & Lombardia.

Hoc anno modius frumenti tribus solidis vendebatur. Domina Blanchia ducissa Lancastriæ viam vniuersæ carnis ingressa est, & in ecclesia S. Pauli Londoniis sepelitur.

Parliamentum London. in quo concessæ sunt regi decimæ triennales, in tribus annis sequentibus persoluendæ, & à laicis quinta decima triennalis.

Anno 1370. Rex Edward. prauo ductus consilio petiit & accepit mutuo de prælatis, domi-

dominisque temporalibus, ac mercatoribus magnas summas pecuniæ, dicens quod illas expenderet in defensione regni & ecclesiæ, sed secus accedit quam putabant.

Circa festum natiuitatis Sancti Iohannis Baptistæ, rex congregari fecit exercitum forte valde in quo nobiliores fuere, dominus de Graunform, & dominus filius Walteri. Quibus præfectus est D. Rob. Knolles, vir qui transmarina bella per ante fortunate tractauerat, cuius discretionem Rex vniuersos censuit gubernari. Qui transeuntes in Franciam, quam diu Roberti paruere consiliis, Gallos indicibiliter terruerunt. Sed tandem ingruente hyeme, orta inter adolescentes dominos, & dictum Robert. dissentione, factione Iohan. Menstreworth militis, qui & ipse partem ducebat exercitus, dicentis dictos dominos non debere subiici ducatu Vespilionis veterani, qui satis erant idonei quisque pro parte sua ad perficiendum iniunctum negotium, in diuersas turmas se pueriliter diuiserunt. Quorum incorrigibilem animum cum persentisset Robertus, secessit in Britanniam, ad propria castra sua, quæ quondam conquieserat ense suo. Franci vero duce Bertrando Cleykyn in cæteros dominos sic diuisos, & nondum in locis refugij constitutos hostiliter irruerunt, & quos voluerunt captiuos duxerunt, & reliquos occiderunt. Iohan. Menstreworth consultor pessimus, amissis de suis plurimis vix euadens venit in Angliam, imponens domino Roberto Knoll. huius infortunij totam causam. Sed antiqua viri probitas cunctis nota id effecit, ut idem Iohan. mendax reputaretur, & non solum ingratus, sed infidus dicto Roberto prædicaretur.

Robertus tamen non audebat in Angliam remeare, donec gratiam regis magna summa pecuniæ comparasset. Igitur præfatus Iohan. Menstreworth cernens suas fraudes pro votis non posse procedere transfugit ad regem Franciæ, domini sui effectus proditor manifestus.

Hoc anno magna pars Wasconia: desciuit à principe propter insolitas exactiones, & maxime ciuitas Lemonicensis rebellare cepit. Quam princeps post diram obsidionem arte fodientium captam destruxit solo tenus rebelles iuste puniendo. Post hæc infirmitate grassante, & pecunia deficiente, Angliam reuiscere sibi necessarium videbatur. Cum coniuge proinde & Richardo filio suo. (nam Edward. senior filius tunc obierat) ad portum de Plimmouth applicuit, relictis in Wasconia duobus suis fratribus, Ioh. duce Lancastriæ, & Edmundo comite Cantebriæ, ad defensionem patriæ cum aliis viris strenuis & bellicosis. Cumque peruenisset ad patris præsentiam, in manus eius totum dominium Wasconia: resignauit.

*Princeps resignat
Wasconiam.*

Eodem anno dominus Iohan. Chaundos miles probatissimus, dum superatis hostibus in Wasconia caput in caute discoopernisset, ictu spiculi peremptus est. Cuius audito rex Francorum infortunio, fleuisse fertur, propter viri modestiam, nobilitatem, multiplicisque virtutes.

Anno 1371. in parlamento tento Londoniis tempore quadragesimali, petiit rex à clero & populo subsidium 50000. librarum. Ad quam summam leuandam taxati fuere, sacerdotes stipendiarij iuxta summam quam receperunt à conductoribus annuatim. Minuta etiam beneficia per ante non taxata, ad complementum huius summæ similiter taxabantur.

*Episcopi amouentur
de officijs secularibus.*

In hoc parlamento petentibus dominis temporalibus, ammoti sunt episcopi de officiis Cancellarij & Thesaurarij, & clericus de priuato sigillo, & seculares siue laicales personæ eorum locis subrogati sunt, & hoc quidem totum factum est in odium clericorum. Eo tempore missi sunt solemnnes per papam nuncij pro pace reformanda inter reges, sed nullo expedito negotio recesserunt.

Anno 1372. 9. die mensis Iunii, rex fecit submoneri ad parlamentum tenendum Wintoniæ de clero 4. tantum episcopos, & abbates totidem, quia dicebatur quod mercatores Londonienses & aliorum locorum rebellare volebant. Iohan. dux Lancastriæ, & frater eius Edm. comes Cantebriæ, de Wasconia redierunt in Angliam, ducentes secum duas filias Petronis, quondam regis Hispaniæ, quas ex post in coniuges acceperunt, dux quidem seniore, & comes iuniore. Et ab eo tempore dux se regem castellæ nominauit & scripsit.

*Flandrenses ab
Anglis profugati.*

Papa per hoc tempus misit duos Cardinales in Angliam pro pace reformanda, cardinalem. viz. Anglicum, & cardinalem Parisiensem, qui parum profecerunt, nisi quod vberes procuraciones de suis prouinciis reportauerunt. Anglici Flandrensum concitati insolentia, commisso nauali bello vicerunt eos, captis, 25. nauibus onustis sale, & vniuersis hominibus interemptis.

Eodem anno Franci obsederunt villam de Rupella, ad quos remouendos missus est domi-

dominus Iohan. Hastings comes Penbrochia, iuuenis 25. agens annum cum electissima
multitudine armatorum. Super quos in portu de Rochella ruit repente classis Hispanica,
quæ victis Anglis & occisis & cunctis cæteris pene captis classem anglicanam concrema-
runt. Ibi que captus est dictus comes cum multis valentibus, & ductus in Hispaniam cum
stipendiali pecunia à rege recepta, pro guerra ibidem continuanda. Istud infortunium cõ-
tigit in vigilia natiuitatis S. Ioh. Baptistæ, nonnullis astruentibus causas huius infortunij
fuisse, vel quia fædere coniugali rupto, peccatum adulterij paruipendit, vel quia delibera-
uerat libertates ecclesiasticas annullasse, vel quia regi malitiose persuaserat, vt ecclesiastici
gravius mulctarentur quam alij seculares. Quod consilium indicibiliter dominis illius
20 temporis dicitur placuisse.

Eodem anno rex Edw. collecto nauigio & exercitu validissimo intrauit mare, vt ob-
fessis in Rupella subueniret. Sed continue flantibus ventis contrariis ad terram tristis re-
diit, expensis in hoc apparatu nouies 100000. librarum, prout fertur. In hoc apparatu fuit
cum eo filius suus princeps & regni nobilitas pene tota.

Hoc anno cum præualida manu bellica transfretauit Ioh. dux Lancastriæ, & equi-
tauit per Parisium & Burgundiam, redemptiones pro suæ voluntatis arbitrio de villis ac-
cipiens & munitionibus nemine resistente. Tandem relicta Francia progressus est per de-
serta montium regionis Aluerinæ, vbi deficientibus victualibus multi de exercitu perie-
runt. Ex hinc profectus in Aquitaniam peruenit Burdegaliæ, vix 40. caballos secum vi-
20 uos ducens, nempe si vulgo credi debet, 30000. equorum in hac infausta profectio-
ne dicitur amisisse.

Eodem anno rex Edw. misit ambassiatores ad dominum papam rogans vt super re-
seruationes beneficiorum Anglicorum in curia sua factas de cætero supersederet. Et vt
clerici ad episcopales dignitates electi suis electionibus pleno iure gauderent, & à suis me-
tropolitanis confirmarentur prout antiquitus fieri consuevit. Super quibus articulis &
nonnullis aliis, quibus tam rex quam regni communitas sensit se grauari, nuncij à papa
certa recipere responsa, de quibus cum redissent in Angliam deberet papæ rescribi per re-
gem de voluntate sua & procerum, antequam aliquid determinaretur de præmissis.

*Regis ad papam
petitio.*

In Parlamento tento Londoniis decretum fuit vt ecclesiæ cathedrales suis gaude-
30 rent electionibus, & quod de cætero rex contra electos non scriberet, sed per suas literas
ad eorum confirmationes iuuaret. Sed tamen nil profuit hoc statutum. In eodem parla-
mento concessa fuit per clerum regi decima, & per laicos quintadecima.

Hoc an. castellum de Liziniaco Francis reddebatur pro redemptione D. Tho. Percy.

An. 1374. Dominus Iohan. dux Lancastriæ rediit in Angliam de Wasconia, post cu-
ius recessum tota pene Aquitania desciuit à fide facta regi Angliæ præter Burdegaliæ &
Bayonem.

*Aquitania de-
sciscit.*

Quinto die Iulij obiit M. Gul. Wittlesey Cant. Archiep. Monachi vero illius eccle-
siæ ad electionem procedentes cardinalem Angliæ in Archiep. postularunt, quod tantum
offendit regem, vt eos proponeret exlegare. Vnde compulsi sunt pro recuperanda regis
40 gratia prouidere fuluo metallo remedia.

Hoc anno tractatum fuit in Flandria apud Bruges super articulis inter papam & regem
pendentibus: & concordatum est quod papa non vteretur de cætero reseruationibus bene-
ficiorum, & quod rex per breue, Quare impedit, beneficia non conferret. Sed de electio-
nibus tactis superius, pro quibus anno præterito directi fuerunt ad papam nuncij, nihil in
hoc tractatu tactum fuit. Credebatur nempe quod quidam ex aulicis, qui se sciebant po-
tius per Romanam curiam promouendos, quam per electiones legales, istum articulum
supprimi procurarunt.

Eodem anno conuenerunt apud Bruges electi nobiliores Angliæ, i. dux Lancastriæ,
Gulielm. comes Sarum, Reginaldus dominus de Cobham, & alij plures seculares ad tra-
50 ctandum de pace inter regna. De ecclesiasticis vero, D. Simon de Sudbiria Cantuar. Ar-
chiep. cum aliis clericis regni famosis illuc directi sunt. Quibus occurrerunt de parte Fran-
corum pro dicto negotio dux Andegauiz cum multis regni proceribus & episcopis. Du-
rauitque tractatus iste fere continuis duobus annis non sine partium magnis sumptibus
& labore. Franci per totum tempus istud domi non de pace, sed prælio cogitabant refarci-
entes arma vetera, nouaque fabricantes omnem apparatus belli in promptu habere cer-
tantes. Sicque factum est vt Angli circumuenirentur incauti vt in sequentibus apparebit.
Nam discessum est vtrique sine pacis effectu, Capta sunt tamen treugæ inter duo regna
vix per annum duraturæ. Nuncij papæ qui pro pace tractanda venerant, vberes procura-
tiones à clero Angliæ receperunt.

*Consilium apud
Bruges.*

Anno 1375. dux Britannia loh. Mountfort habens in comitiua sua filium regis Edmund. comitem Cantebriagiæ, comitesque Marchia, Warwici & Staffordia, D. le Spencer pluresque alios bellicosos & nobiles in partes Britannia transfretauit, quibus reddita sunt illico villa S. Matthæi supra mare & castella de Orrey, & de Brest, villam de Kemple obsederunt, in qua conclusi fuerunt omnes maiores Britannia, eamque cepissent, nisi quidam nuncius superuenisset, & treugas inter regna captas indicasset, & ex parte regis Anglia præcepisset, vt obsidione dimissa ad Angliam remearent. Hoc in tempore post longam obsidionem reddita fuit Francis insula de Constantine cū castello s. Saluatoris quod situatur in eā per quendam scutiferum dictum Tho. Katington. Ob quam causam dominus loh. de Annesle miles ex post eundem Thom. de prodicione appellatum in duello deuicit & occidit.

Hoc anno saeuiente peste nimis in Anglia dominus papa Gregorius concessit decedentibus vere pœnitentibus plenam remissionem, 6. mensibus duraturam. Comes de Pembroke qui captus fuerat ab Hispanis datus est Bertrando Cleykyn per Henr. Northum regem Hispania, pro certa summa pecunie quam idem Henricus debuit dicto Bertrando. Qui cum perductus fuisset Parisius & redemptionis suæ summa fuisset limitata, caput grauius infirmari Metuentes igitur Gallici ne in eorum manibus moreretur, priusquam sua solueretur redemptio, aduehere eum Calesiam festinabant. Mortuus tamen est antequam perueniret Calesiam, & Franci suo desiderio sunt fraudati.

Parliamentum bonum.

Anno 1376. Parliamentum tentum fuit Londoniis, quod bonum à vulgaribus dicebatur. In quo cum peteretur parari regi subsidium more solito, responsum fuit per dominum Petrum de la mare prolocutorem parlamenti regem non indigere pauperum suorum substantia, si foret prudenter & fideliter gubernatus. Et hoc se dixit effectualiter probaturum. Promisitque nihilominus quod si post declarationem huius promissi compertum foret regē suorum indigere subsidiis, omnes paratos existeret, iuxta facultates ipsum libentissime adiuuare.

In progressu vero petierunt Parliamentales milites vt amouerentur quidam regis officarij, & præcipuus dominus de Latimer, qui vt dicebant non sano consilio regem rexit. Amotis ergo regis consuetis familiaribus ad petitionem communium, ordinati sunt certi prælati, & comites alique sapientes, qui gubernarent regem iam vetulum, & vice sua cunctis aduenientibus responsa darent, sed hoc statutum, vix tribus mensibus perdurauit.

Alicia Peers.

Item communitas regni petiit amoueri de domo regis que consortio, quandam Aliciam Peers foeminam procacissimam, quæ confisa nimia regis familiaritate multorum malorum in regno causa fuit. Quæ modum mulierum supergressa, ausa est nunc iuxta regis iusticiarios, nunc in consistoriis iuxta doctores considerare, & pro defensione causarum suadere vel dissuadere, ac contra iura sine verecundia postulare, ad regis manifestum scandalum non solum in hoc regno, sed in regionibus proculpositis & remotis.

Item quidam Richar. Honnes & Adam Bury ciues Londoniarum per communes sunt accusati de variis fraudibus factis regi. Quorum primus mediante pecunia vindictam debitam prudenter euasit. Secundus stupefactus ad imposita, latenter fugit in Flandriam vt se saluaret ibidem. Sed ille veritatis assertor dominus Petrus de la mare horū omnium peroratorum, ad instantiam dictæ Aliciæ peers, & aliorum quos iuste satis offenderat apud Notingham perpetuo carceri adiudicatur. A quo tamen est post biennium liberatus.

Princeps Wallia moritur.

Eo tempore non dum finito Parlamento dominus Edw. Princeps Wallia 8. die Iulij, i. in die S. Trinitatis defungitur. Quo obeunte omnis obiit spes Anglorum. Quo superstitie nullius hostis incursum, nullius belli congressum timuerunt Angli. Ipse nempe nullā gentem adiit, quam non vicit, nullam ciuitatem obedit, quam non cepit. Quo extincto, extinctus est Parliamenti præsentis effectus.

Dominus Richardus de Burdegalia filius domini Edward. principis in hoc parlamento factus est comes Cestria, & non multo post dux Cornubiæ, & princeps Wallia est creatus.

Eodem anno familiares comitis de Warwico intulere damna graua Abbati & conuentui de Euisshā cuncta perpetrantes, quæ crudelitas pro tempore suadebat, & nisi terruisset eos regia prohibitio, dictam Abbathiam irrestiturabiliter deuastassent.

Regis ergo timore pax inter partes fuit reformata, sed plena satisfactio parti læsæ non est facta, quia profecto maius erat damnum quod irrogauerant quam possibilitas damna refarciendi. Fertur quod propter istam præsumptionem rex comitem supra-

prædictum de consilio suo amouerit, & noluerit gubernari per dominos ad suum consilium ordinatos per parliamentum supradictum, sed ducem Lancastrie reuocauerit ad regimen regni sui. Qua occasione redierunt ad curiam cuncti qui fuerant ante banniti, cum domino de Latimer à supradicta meretricula Alicia peeris, quæ (proh pudor) permanfit cum eo vsque ad finem vitæ.

An. 1387. in Parliamēto tento Lond. concessa fuit regi petēti taxa hæctenus inaudita, *Taxa inaudita.* vt perciperet à qualibet persona laica vtriusque sexus, annos excedente 14. vnum grossum. Et de religiosis vtriusque sexus, & qualibet ecclesiastica persona promotæ 12. denar. & aliis non promotis vnum grossum exceptis fratribus 4. ordinum mendicantium, qui cum
10 hominibus non flagellabantur.

In hoc parlamento abrogata sunt statuta parlamenti superioris, quod bonum parliamentum à populo vocabatur & personæ abiudicatæ sunt statui pristino restitutæ.

Per idem tempus surrexit Oxoniis quidam dictus Ioh. Wickliff doctor in Theologia tenens opiniones à tota damnatas ecclesia, viz. quod Eucharistia in altari post sacramentum non est verum corpus Christi, sed eius figura. *Oratio Ioh. Wickliff.*

Item quod ecclesia Romana non est caput omnium ecclesiarum plusquam vna alia ecclesia, nec maior potestas data fuit Petro quam cuiuslibet alteri apostolo.

Item quod Papa Romanus non habet maiorem potestatem in clauibus ecclesiæ quam quicumque alius in ordine sacerdotij constitutus.

20 Item si Deus est, domini temporales possunt legitime ac meritorie auferre bona fortunæ ab ecclesia delinquente.

Item si dominus temporalis nouerit ecclesiam delinquentem, tenetur sub poena damnationis eius, ab ea temporalia auferre.

Item quod euangelium sufficit ad regulandum in vita ista quemlibet christianum. Et quod omnes aliæ sanctorum regulæ, sub quarum obseruantis degunt diuersi religiosi, non plus perfectionis addunt Euangelio quam albedo parieti.

Item quod papa nec aliquis alius prælatus ecclesiæ deberet habere carceres ad puniendum delinquentes. Sed quilibet delinquens posset libere quocunque vellet transire, & facere quæ sibi placeret.

30 Hæc & plura alia ipse & eius sequaces docuerunt, habentes dominos temporales fautores & assentatores suo nequam dogmati, quia tantam illis tribuerant potestatem in ecclesiasticos debacchandi.

Dominus Papa cum hæc audisset damnauit has opiniones hæreticas & alias ad numerum 23. dirigens bullas Archiep. Cant. & episcopo Londoniensi vt ipsarum authoritate dictum Ioh. facerent arrestari, & cum super dictis conclusionibus diligenter examinerēt. Quo facto præsentē domino duce Lancastrie Archiep. super hiis dicto Ioh. Wickliff indixit silentium, prohibens ne de cætero tangeret istam materiam, aut per suos discipulos tractari permitteret. Qui paruo tempore siluerunt. Sed tandem contemplatione dominorum temporalium eisdem opiniones & alias multo peiores reassumpserunt, & latius quam
40 prius disseminauerunt. Hi j vocabantur à vulgo Lollardi incedentes nudis pedibus, vestiti pannis vilibus s. de russeto, vt per vitam poenalem facilius incautos traherent ad sectam suam.

Eo die quo præmissa gesta sunt, Londonienses furia concitati, ducem Lancastrie perimere quæsierunt, propter quoddam verbum insolens emissum contra eorum episcopum, & manerium suum de Sauoy combussissent, nisi antedictus episcopus eorum motibus occurrisset.

Dux ergo fugit ad Keningtonē vbi tunc Richardus filius principis morabatur, cui *Londoniensium furor.* de illatis opprobriis flebiliter est conquestus. Hiis & aliis causis Londonienses effecti sunt duci odibiles, in tantum vt Maiorem aliasque personas publicas suis dignitatibus vel officiis priuari faceret, & eorum locis alios subrogari. Eodem anno captus est Ioh. Menstreworth miles proditiosus & transfuga, & accepta sententia tractus est, suspensus, decollatus & in quartas diuisus.

Rex Edwardus in festo S. Georgij apud Windeleshores contulit Richardo de Burdegal hæredi suo ordinem militarem.

Rex Edwardus apud prædium suum de Schene diem clausit extremum mensis Iunij 21. diē cum regnasset annis 50. mensibus quatuor, 28. diebus. Cuius corpus apud Westmonasterium tumulatur, qui dum vixit, omnes reges orbis gloria & magnificentia superauit.

Ty 2 Richard-

Richardus Secundus.

RICHARDVS de Burdegalia filius Edwardi principis filij regis Edwardi nuper defuncti Londoniis apud Westmon. 16. die mensis Iulij magnifice coronatur, 11. ætatis suæ anno. Qui ante coronationem suam laudabili vltus consilio pacem fecit inter dominum ducem Lancastriæ & ciues Londonienses, & dominum Petrum de la Mase militem quem diximus missum in carcerem instigatione Aliciæ Peeres cum honore maximo liberauit.

*Comitibus crea-
tis.*

In festo apostolorum Petri & Pauli Gallici cum 50. nauibus applicantes villam de Rya despoliauerunt & incenderunt. Rex Richardus in coronatione sua creauit 4. nouos comites, D. Thom. de Woodstock filium regis Edw. iuniorem fecit comitem Buckinghamiæ, Tho. Moubray Nottinghamiæ, Gychardum de Angolismo Huntingdoniæ, & Henr. Percy Northanhumbriæ. Per idem tempus Scoti combusserunt villam de Rokesburgh. Kal. mensis Septembris, Gallici galeis aduecti ceperunt insulam de Werta præter castellum quod D. Hugo Tyrel strenue custodiuit. Franci vero despoliata patria, ceperunt ab incolis mille marcas, vt saluarent ab incendiis domos suas. Non multo post Gallici fecerunt insultum ad villam de Winchelsee, sed per homines patriæ sunt repulsi. Combusserunt tamen eo tempore villam de Hastings.

*Gallorum inua-
sio.*

Eodem anno Gallici ascenderunt in Southsexia iuxta villam de Rotingdene. Quib. occurrit armatus Prior de Lewys cum paucis & captus est ab eis, vna cum duobus militibus s. Ioh. Falislee & Thoma Cheyne, & quodam armigero dicto Ioh. Brokas. Peremptique sunt ex Anglicis pene centum, sed ex Gallicis multo plures. Gallici cum suis captiuis ad nauigium redierunt, sed valde contentam victoriam reportauerunt.

Hoc anno Gallici ceperunt villam de Arde mediante prodicione domini de Gnumeny Alemannia, qui fuerat illic capitaneus constitutus.

In diebus illis obiit Gregorius papa 11. cui successit Urbanus 6. Contra quem aduersarius cardinalis lubenensis, qui per dissentionem factam in collegio electus est in Antipapam à quibusdam Cardinalibus sibi cohærentibus, postquam idem lubenensis, & cardinales sui complices eidem Urbano fecissent obedientiam debitam & consuetam. Qui vocauit se Clemetem, & secessit Auinioniam cum suis complicitibus Cardinalibus antedictis, vbi & nouos creauit sibi met Cardinales.

Anno 1378. Iohan. Philpot ciuis Londoniens. classē exhibuit suis sumptibus quæ defenderet tam mare quam terram ab incurribus piratarum. Quæ post paucos dies reuersa est captis 15. nauibus Hispanorum omittis multis mercimoniis quæ ceperat iure belli.

Eo anno rex Nauarriæ locauit villam de Cherburgh in Normannia regi Angliæ pro certa pecunia annua eidem regi Nauarriæ persoluenda, vbi & applicare posset cum vellet, & habere præsidium contra Francos.

Hugo Caluerlee capitaneus Calesiæ cepit castellum de Merk, eo tēpore & destruxit.

Hoc anno Robertus Haule scutifer fuit occisus in ecclesia Westm. tempore maioris missæ per quosdam regis satellites, quorum ductor extitit Alanus de Buxille miles perante non ignobil. sed hoc facto postea semper infamis.

Eodem anno Scoti ductore quodam Thoma Hog ceperunt castellum de Berwico, sed nono die sequēte comes Northumbriæ qui illud obsederat recuperauit, Scotis qui illud ceperant gladiis interemptis.

Rex Franciæ petiit à magnatibus minoris Britanniae munitiones & castella, villasque muratas eorundem sibi reddi, quibus hoc facere recusantibus, cepit ex eis plurimos & occidit. Quidam mortis pericula deuitanter fugerunt. Hæc igitur fuit causa quare desiderabant dominum suum naturalem, Iohannem Mountfort ducem Britanniae reuocare.

Anno 1379 Dominus Iohan. de Harleston miles, custos villæ de Cherburgh cum domino Warselee gratiose deuicit Gallicos, occisis 120. viris, & captis ad numerum supra dictum.

Eo tempore dominus Hugo Caluerlee, & dominus Thomas Percy facti maris Admirali, post captas plures naues hostium, & res martias bene gestas, toti Angliæ læta noua reportarunt desiderio Britonum reuocare cupientium ducem suum, & odio quod contra regem Franciæ satis iuste conceperant, eos tractare nitentem, non vt dominus, sed potius vt Tyrannus.

Ecclesia Westm. recuperauit quædam privilegia quibus rex eam priauerat parum ante

ante in parlamento facto Londoniis isto anno. In quo parlamento decretum est, vt communibus parceretur, & diuites onus subsidij regij supportarent: viz. ducēs soluerent 10. *Diuites subsidij soluent.* marcas, & Archiepiscopi eandem summam penderent, comites, episcopi & Abbates mitrati tantum darent non obstante quod idem Abbates tenerentur soluere 40. denarios pro singulis capitibus monachorum sibi met subiectorum.

Denique nulla religiosa persona vir nec foemina, nullus Iusticiarius, vicecomes, miles, vel armiger, rector nec vicarius, nec simplex Capellanus subterfugit hanc taxam, quin secundum valorem pensionis annue taxabatur.

Per hoc tempus falsi Flandrenses violatis treugis ceperunt bargiam de Foway quae est in Cornubia, occidentes Anglicos qui fuerunt in ea, & bargiam demergentes. Quo perpetrato facinore, applicuerunt in Anglia, & mercimonia sua exposuere venditioni, quidam Garcio qui in nauem Flandriae dum pugnauerūt ascenderat, & in sentina se occoluerat, audiens Anglos colloquentes Flandris repente profiliens exclamauit, fidem patriarum flagitans. Qui mox per Anglos eductus detexit facinus, referens seriem rei gestae. *Flandrensiū facinus detexit.* Capti sunt proinde Flandrenses, & carceribus mancipati.

Eodem anno D. Iohan. Mountfort dux Britanniae rogatus à suis Baronibus rediit ad patriam sub ducatu nobilium militum, D. Hugo de Caluerlee, & domini Thom. Percy, vbi cum honore maximo susceptus est.

Eo tempore Londonienses occiderunt nequiter quēdam Ianuensem mercatorem, *Mercator Ianuensis ab Anglicis interfecit.* eo quod promiserat se speciosa aromata aduecturum, & meliori foro quam Londonienses incolis venditurum.

Aestivali tempore in partibus borealibus fuit maxima pestilentia, quantum vix antea ullus vidit. Scoti vero crudeles vt afflictos affligerent ingredientes patriam super dolorem vulnery eorum addiderunt, adeo debacchantes, vt pene patriam accolis vacuarent.

Ioh. Schakel scutifer quondam socius Roberti Hawlee nuper occisi in choro inter monachos Westm. rege promittente quod daret eidem, pro habendo obside comitis de Dena quem ceperant in bello Hispanico, terras ad valorem 100. marcarū annuarum, & in pecunia quingentas marcas, & de bonis regiis fundaret cantariam pro animabus eorum quos ministri eius in ecclesia supradicta peremerant, de quinque sacerdotibus perpetuo duraturam, exhibuit obsidem, qui fuerat filius naturalis dicti comitis de Dena, & iam palam more valecti seruierat cunctis incognitus praterquam dicto Iohanni, & sponte latuerat seruans eidem fidem. Quamobrem eius fidelitas ab omnibus est admirata & Ioh. prudens astutia multipliciter commendata.

Hoc anno dum comes Flandriae consuetudines à suis communibus nouas exigit, dum contra libertates gentis suae molitur, cum omni domo sua, totaque familia & suo cōfilio vniuerso pellitur terra sua. *Comes Flandria pellitur terra sua.*

Circa festum S. Nicholai dominus Iohann. de Arundelia frater comitis Arundeliae missus in subsidium ducis Britanniae, cum multis nobilibus militibus & armigeris est submersus. Ferunt familiam dicti Iohan. priusquam naues ascenderet pauperes illius patriae nimium molestasse, tollentes raptorum more eorum victualia, & violantes eorum filias & vxores. Propter quae communes eos insecuti sunt diris imprecationibus quando naues fuerant ingressuri. *Dom. Arundelia submersus.*

Anno 1380. in Parlamento facto Londoniis concessa fuit regi ab ecclesiasticis vna decima & à laicis vna quintadecima conditione adiecta, quod à Kalend. Martij vsque ad festum S. Michaelis anno reuoluto aliud parlamentum non fieret. Sed ista conditio obseruata non fuit.

In octauis Paschae Walerandus comes S. Pauli apud Windeleshores duxit vxorem dominam Iohannam de Cortnay. Quibus rex contulit dominium de Byflet.

Eo tempore Thom. Abbas S. Albani in placito contra Henr. episcop. Norwicensē obtinuit ne priores cellarum S. Albani in sua dioec. existentium per episcopum fierent collectores decimarum vel cuiuslibet taxae leuandae in posterum ad opus regis. Duellum commissum est praesente rege inter D. Ioh. Anueslee militem & Thom. Kathon scutiferum: milite cum appellante de proditiosa venditione castri S. Saluatoris, quod construxit olim recolendae memoriae D. Ioh. Shandos in Gallia iuxta insulam de Constantyn, & miles armigerum superauit. *Duellum commissum coram rege.*

Hac astate D. Thom. de Woodstock Comes Buckinghamiae, Hugo Caluerlee, Rob. Knollis, Thom. Percy, Guliel. de Windeleshores milites probatissimi in auxilium ducis Britanniae missi sunt cum manu forti. Qui cum recto cursu propter galeas regis Franciae

Britanniam nauigare nequirent, Calesiam sunt traieci. A quo loca equitauerunt per girum Franciæ, patrias deprædantes & succendentes ac populum trucidantes, donec ad confinia Britannia peruenissent, quæ tandem deo laudes intrauerunt saluis hominibus & iumentis.

Per idem tempus rex Carolus qui Francorum regno incubuerat concessit in fata, delegata regni & pupilli custodia minori fratri suo Burgundionū duci. Ob quam causam indignatus frater maior Caroli, s. dux Andegauia, mouit guerram contra iuniorem fratrem, nostris qui erant in Britannia satis accommodam & votiuam.

Scoti depradantur nundinæ de Penreth.

Eo tempore Scoti ingressi sunt hostiliter Cumbriam & Westmerlandiam & forestâ de Inglewood & interfectis incolis plura animalia abegerunt, & nundinas villæ de Penreth deprædati sunt, multis interfectis & captis plurimis, reliquisque fugatis. Comes vero Northanhumbriæ dum parat Scotis vices rependere per literas regias prohibitorias impeditur.

Quo tempore Galeæ regis Franciæ villam cepere de Winchelsea, fugato Abbate de Bello, & quodam eius capto commonacho, qui ad defensionem villæ concurrerant infausta hora, villas quoque quasdam maritimas, Franci impune eo tempore succenderunt.

Orta de nouo similitate inter comitem Flandriæ & populares, occidit idem comes proditiose 8000. hominum de villa de Ypres, qui ad tractandum de pace conuenerant, & mox Gandauum licet infructuosa cinxit obsidione, vbi dum comes perfectus diu, inutiliter dissoluit obsidionem, pacem faciens cum eisdem breui tempore duraturam.

Coronatio regis Franciæ.

Hoc anno mense Nouemb. Carolus filius Caroli regis Franciæ coronatur, paruulus admodum 11. vel 10. annorum. In cuius regni principio grandis vulgi creuit tumultuatio pro taxis extortis sæpius ab eisdem, vnde communes moti, Parisius proceres & regis consiliarios fugere coegerunt ad tutiora loca ciuitatis. Ianuenses vero quos reperire poterant trucidauerunt, quia prout asserebant, ipsi exhauserant inutiliter totam pecuniam regionis. Et reuera grandis erat summa, quæ eis quotidie pendebatur. Nempe cum 25. forent galeæ, receperunt quotidie 750. libras. Et quidem longo tempore, i. ab initio mensis Maii, vsque ad finem mensis Augusti.

Circa festum S. Martini tempore parliamenti tenti Northamptonæ suspensus fuit R. Kirkeby interfectior nobilis illius Ianuensis mercatoris de quo superius fecimus mentionem.

Taxa graui.

In hoc parlamento exigitur grauis taxa, quæ fuit ex post causa magnæ turbationis in terra. Quilibet nempe sacerdos religiosus compulsus est soluere dimidiam marc. & tantum quælibet foemina religiosa, sacerdotes vero seculares tantum, ac quilibet tam coniugatus quam solutus vtriusque sexus pro capite suo 12. denarios soluere cogebatur.

Anno 1381. Circa festum natalis D. magister Tho. de Brantingham Exoniensis episcopus depositus est ab officio thesaurarij. Et dominus Rob. Hales magister hospital. S. lohannis oneratur officio supradicto.

Assertiones Ioh. Wickliffe.

Eo tempore ille damnatissimus Antechristi præambulus Iohannes Wickliff hæreticus reassumpsit anathematizatas opiniones Berengarij, nitens astruere quod post consecrationem in missa à sacerdote factam, remaneret ibidem verus panis & vinum sicut fuere per prius. Docuitque Christum ibidem assistere, sicut & vbique, sed tamen specialius: nec plus valere panem illum, quam alium, nisi solum propter benedictionem à sacerdote datam, quinimo si ibi esset corpus Christi asseuerauit in fractione se posse frangere collum Dei sui. Affirmauitq; Christianos errare in veneratione illius sacramenti, quod panem esse dicebat, & rem inanimatam & potius venerandum esse busonem vel quodlibet animatum, quam illud, quia multo præstantiorē esse fatebatur rem animatam, quam quæ carebat anima.

Cardinalis per id temporis venit in Angliâ S. Pileus præbiter tituli Sanctæ Prædix, cum duce Tassilia missus à rege Bohemiæ qui se vocauit Imperatorem, pro matrimonio inter sororem eius & regem Angliæ contrahendo. Hic sub prætextu potestatis quam se dixit à domino papa suscepisse, multam collegit pecuniâ, fecit enim mirabilia in terra ista. Et tandem recedens tantam summam secum abstulit, quantam vt putabatur nunquam Anglia in vno tallagio pendere consuevit.

Per idem tempus missus est copiosus exercitus in auxilium regis Portingaliæ contra Hispanos qui eum multipliciter infestabant. Huius exercitus fuere ductores dominus Edmun-

Edmundus Comes Cantebrię Regis auunculus, Gulielmus Beauchampe, Matthæus Gurnay, & Gulielmus Butrewus milites in rebus Martijs satis experti. Qui à Rege Portingalię cum honore maximo sunt suscepti. Et ibidem commorati per biennium fines Portingalię ab Hispanorum incurſibus viriliter defenderunt. Tandem Reges Hispanię & Portingalię ad concordiam redeunt, Anglis navigia cum expenſis dedere communiter, eorum redditum avidiſſime cupientes. Nam & Hispanis ſemper ſuſpecta fuit eorum audacia, & Portingaliſibus oneroſa præſentia, quia quos tutandos contra hoſtes venerant, viliori ſervitio deprimebant, non tantum eorum diripientes ſubſtantias, ſed & vxores & filias opprimentes. Redijt ergo cum ſuis Comes Cantebrię, reducens ſecum ſuam
10 coniugem quondam Petri Regis Caſtillę filiam iuniorem, & Edw. filium ex ea genitum per annos aliquot, antequam Angliam exuiſſet. Quem quidem tempore morę quam traxit in Portingalia filię Regis Portingalię matrimonio copulauit.

Angli Portingaliſibus opem ferunt.

Menſe Iunio ruſtici & communes homines manus infimę inſurrexerunt contra Regem & proceres, & perimerunt plurimos fuſioſe. Inter quos magiſtrum Simonem de Sudbyria Metropolitanum totius Anglię, regniq; Cancellarium, & D. Rob. Hales qui fuit Prior S. Iohannis & regni Theſaurarius, extraçtos de Turri Londoniarum crudeliter decollarunt, ſub Duce quodam Waltero Tylere ſuperbo proſus & ignobili ganeone. Sed dicto Waltero Tylere interempto per manus Gulielmi Walwoorthe tunc Maioris Ciuitatis Londoniarum & corruente ad pedes equi Regis, faſtus vulgarius fuit ſubito immi-
20 nutus.

Plebs inſurrexit.

Cæterum quis nebulonum debacchationes, in alijs locis explicare poſſet ad plenum. Certe nullum poſſe referre puto plenarie malitias & nequitias, homicidia & ſacrilegia, crudelitates & ſcelera quę geſſerunt. Quę quia tractatum expetunt ſpeciale, præſentis compendio non impono, remittens ad noſtra maiora chronica videre cupientes traędendam ruſticorum.

Anno 1382. & Regis Richardi 5. peractis diebus natalitijs rex duxit vxorem ſororem Regis Bohemię Annam nomine. Quę etiam per manus Cantuarienſis Archiepiſcopi magiſtri Gulielmi de Courtney, qui nuper de Episcopatu Londonienſi tranſlatus fuerat ad Archiepiſcopatum Cantuar. cum magna gloria coronatur.

Rex ducit vxorem.

30 In parlamento tento London. editum eſt ſtatutum contra inſurrectores, viz. quod non expectato breui reg. fideles regni vbicunque viderent ruſticos, vel quoscuque communes actitare ſuſpecta conciliabula, per ſenos pariter aut ſeptenos, eos caperent, & in cuſtodia detinerent. Conceſſę ſunt Regi per mercatores in hoc parlamento lanarum conſuetudines, quas vulgus vocat, Le maltot, per quadriennium.

In hoc etiam parlamento Richardus Scroupe miles fit regni cancellarius, & Hugo de Segraue miles, regni Theſaurarius eſt effectus.

Circa feſtum S. Iohan. ante portam Latinam in parlamento facto London. Ioh. Wraw preſbyter & author inſurgentium apud Myldenhale & Bury trahitur, & ſuſpenditur, communibus id petentibus magna voce.

40 Duodecimo Kalend. Iunij hora nona factus eſt terręmotus magnus in Angliā, quem ſequutus eſt mox & alius terręmotus 9. Kalendas eiſdem ſummo mane.

Hoc in tempore Rex iuuenis iuuenum conſilij acquieſcens, priuauit capitoſe dominum Rich. Scroupe officio Cancellarij, præficiens loco ſuo magiſtrum Rob. Braybroke Episc. Londonienſem.

In Parlamento facta Londonijs circa feſtum Sancti Michaelis conceſſa fuit Regi per clerum vna decima & à laicis quintadecima, conditionaliter tamen ex parte cleri, vt viz. rex manus apponat deſenſioni Eccleſię & præſtet auxilium ad compreſſionem hæreticorum Wickleuenſium, qui iam ſua praua doctrina pene infecerant totum regnum.

50 Hoc anno ordinauit Vrbanus Papa, vt vigilia natiuitatis S. Marię, pro vigilia de cætero in omnibus habeatur, & in eadem ieiunetur.

Anno 1383. menſe Martio in Parlamento facta London. dominus Henr. le Spencer Episcopus Norwicensis, cruceſignatur contra Schiſmaticos & Flandrenſes, accepta inaudita poteſtate à Papa Vrbanò 6. diſpenſandi in caſibus curię reſeruatis. Qui circa medium menſis Maij proſectus in Flandriam cum magna turba cruceſignatorum, mox per inſultum cepit villam de Grauenſigge & per deditionem villas de Dunkirke, de Newport, de Burburgh, & de Poperingge. Octauo Kalend. Iulij cum 5000. cruceſignatorum, vicit 30000. ſchiſmaticorum iuxta villam de Dunkirke, occiſis 7000. Flandrenſium, Gallorū & Britonum venientium contra eum, ſeptem de cruceſignatis tantum modo interemptis.

Episcopus armis Flandriam inuadit.

Dehinc obsedit villam de Ypres assistentibus sibi Gandauensibus, sed nil profect frustra-
to proposito prodicione suorum.

Rex Francus per idem tempus congregat 100000. hominum statuens cruce signa-
tos persequi, obsedit quosdam in villa de Burburgh s. dominum Beumund, Tho. Triuet,
Gul. Elinham, & Guliel. Faringdone milites, qui deseruerunt Episcopum parum ante vo-
lentem ingredi regnum Franciæ & cum rege Franco dimicare. Cumque Rex Francus
cum Gallis & Britonibus plures inutiliter dedisset insultus ad villam præfatam, & semper
recepisset suos vel mutilatos vel mortuos, tractare coepit cum eis vt villam redderent, &
ipsi cum equis, & armis, & cunctis seruiantibus, ac bonis omnibus quæ de villa asportare
placeret indempnes exirent, & libere pergerent quocunque vellent sub conductu Regis 10
Francij, ita duntaxat vt versus Angliam properarent. Quibus conditionibus consentien-
tes nostrates per omnia sic fecerunt. Consequenter Rex Francus componit cum Episco-
po, qui villam tenebat de Grauenig, vna cum D. Hug. Calueslee vt deserat villam illam,
Episcopus vero cum vidisset, nec Regem Angliæ, nec quenquam alium repromissum fer-
re subsidium, iuxta pactum inter eum & Regem Francum initum, recedendo funditus il-
lam euerit, & in Angliam est reuersus.

*Reueritus fran-
strato proposito.*

*Castellum de
Werck capitur
à Scotis.*

Circa tempus illud hostes armauerunt 5. vasa bellica, quæ balingariz appellantur, ad
impediendum nostratum transitum versus Episcopum Norwicensem in Flandriam, &
manus militaris quæ mittenda fuit in Acquitaniam sub Duce Britrigaldo de la Bret. Qui-
bus obuiauerunt homines de Portesmutha, & Dortsmutha, & conflictu habito pereme- 20
runt omnes Gallicos, qui in dictis fuere bargijs præter nouem viros. Scoti per hoc tempus
ceperunt castellum de Werck super Twedam fluuium & deprædatum ignibus succende-
runt. Quamobrem missus est regalis exercitus ad illas partes, qui humiliaret superbiam
eorundem.

Eodem anno Vrbanus Papa cernens Romanorum fidem dubiam, fugit Neapolim
ad natale solum. Nauigium Anglicanum per idem tempus reduxit octo naues maximas,
quas ceperat iure belli, in quibus fuisse dicuntur mille & quingenta dolia boni vini.

Circa festum omnium Sanctorum in parlamento factò London. concessa fuit Re-
gi per clerum medietas vnius decimæ, & per laicos medietas quintædecimæ pro guerra
fouenda contra Scotos & Piratas. Et Rex cepit in manu sua temporalia Norwicen. Epi- 30
scopi, eo quod non obediuit suis literis reuocantibus eum, cum paratus omnino fuisset
quasi cum suis omnibus ad transfretandum.

Milites vero qui cum eo fuerunt in Flandria, quia inobedientes fuerant, prout di-
ctum est, Episcopo, capri sunt & carceribus mancipati. Sed manu capri sunt per amicos
fuluo metallo prægrandi, vt fama fuit.

Anno 1384. post festum natalis domini Dux Lancastriæ transfretauit in Franciam, &
exinde treugas reportauit, ab hoc instanti festo natalis vsque ad festum Sancti Iohannis
Baptistæ continue duraturas. Instante quadagesimali tempore dominus Iohan. Dux
Lancastriæ cum domino Thoma Comite Buckinghamiæ fratre suo & turba velut inau-
merabili bellatorum profectus est in Scotiam. Sed Scoti se prudenter subtraxere, donec 40
magna pars nostratum hyemali frigore & inedia deperisset. Reuersi sunt ergo dicti domi-
ni frustrato proposito post interitum hominum & equorum.

*Dux arguitur la-
se manifestum.*

Post quindena Paschæ in parlamento Salisburij quidam frater Carmelita accusauit
Ducem Lancastriæ de imaginatione mortis Regis. Qui positus est in custodia domini Ioh-
han. Holland vsque ad diem, quo de dictis suis fidem facere debuisset. Sed nocte diem
illum præcedente turpissima morte mulctatus est multis supplicijs & crudelibus inter-
fectus.

Dominus Gul. la Zouche per prædictum fratrem delatus est tanquam huius accu-
sationis adinuentor. Qui distinctus & discooperto capite compulsus est ad hæc publice re-
spondere. Negauit igitur obiecta viriliter, sacramento firmans se nunquam vel audisse ta- 50
lia vel cogitasse. Dimissus est igitur, factus non solum illius ordinis sed cunctorum ordi-
num fratribus inimicus.

In hoc parlamento clerus concessit Regi medietatem vnius decimæ & laici medie-
tatem quintædecimæ.

*Sanguis fuit de
ligno miraculose.*

Vicesimo die mensis Augusti, id est, in festo passionis Sancti Oswini Regis & marty-
ris, dum apud nouum castrum super Tynam quidam nauta lignum dolaret ad opus suæ
nauiculæ, repente vidit de dicto ligno vbertim sanguinem emanare, recordatusque dici
festi continuit manus ab opere. Sed eius socius paruipendens miraculum, accedit, & li-
gnum ferit, ebullitque sanguis illico quacunq; parte percutitur velut cum pecus ferro
trans-

transfigitur. Res deferretur in coetum clericorum, qui omnes cum laicis miraculum approbant. Lignum deferretur Tynemutham, ubi prædicti sancti corpus quiescit in testimonium miraculi præmonstrati.

Per idem tempus Scoti ceperunt castrum de Berwico commissum custodiæ domini Henrici Percy Comitis Northumbrorum. Qui in parlamento tunc tento damnatus est publice pro amissione dicti castri, quanquam ad idem parlamentum vocatus per breue regium, remansisse ad tutelam suæ patriæ maluisset. Comes vero cito post Regis indulgentia est honori pristino restitutus, & omnibus bonis suis. Qui mox huius facti infamiam repellere cupiens, obsedit dictum castellum, & illud de Scotorum manibus pactione

Scoti capiunt castrum de Warwick.

10 2000. marcarum illis soluendarum extorsit.

Anno 1385. in festo passionis S. Thomæ Cantuar. Archiep. organum diabolicum, hostis ecclesiæ, vulgi confusio, hæreticorum idolum, hypocritarum simulachrum, schismatis instaurator, mendacij promptuarium, adulationis sentina Ioh. Wycliff, percussus Dei iudicio horribili tactus est paralyti in corpore suo toto, protelauit inuisam vitam usque ad diem S. Siluestri. Quo die malitiosum efflauit spiritum ad sedes luce carentes, & quidem satis iuste die S. Thomæ percussus est, quem multotiens lingua blasphemauerat venenata, & die S. Siluestri temporali morte damnatus est, quem crebris inuectionibus exasperauerat in dictis suis.

Ioh. Wycliff moritur.

Eodem anno dominus Edw. Bourser factus est capitaneus Gandauensium ipsis potentibus à Rege Angliæ Ducem aliquem Anglicanum. Qui secum traxit illuc armatam manum ex Anglia fortem valde.

Sub hoc tempore grauis dissensio inter Regem & Ducem Lancastriæ, instinctu quorundam iuuenum, qui cum Rege nutriti fuerant, est exorta.

Dux vero præmonitus de præstructa malitia contra eum, se subtraxit, & castellum suum de Pontefractio subiit, quod armis & victualibus affatim communiuit. Tandem laudabili interuentu dominæ Iohan. Principissæ matris Regis, pro tunc discordia est sopita.

Hoc anno terræmotus factus est ante medium noctis inuentionis S. Crucis. Et coniunctio Planetarum Iouis & Saturni fuit mense Maio, quam mox commotio regnorum

30 maxima est sequuta.

Gallici Duce quodam milite Iohanne de Vienna, venerunt in Scotiam, ut simul iuncti Scotis regnum Angliæ facilius infestarent.

Eo tempore Rex Francus apud le Sclus contraxit exercitum velut innumerabilem ad ingrediendum Angliam, dum nostri in Scotia bello contra Scotos & Gallicos tenebantur.

Rex Angliæ per idem tempus cum 300000. hominum, & equorum totidem, Scotiam est ingressus, sed hostibus non facientibus pugnæ copiam, nec apparere volentibus reuersus est concremata patria, & illo nobili monasterio Maytrosensi flammis dato.

40 In progressu versus Scotiam dominus Ioh. Holland frater Regis occidit nequiter filium Comitis Staffordiæ & hæredem, non procul ab Eboraco, ob quam causam perdidit idem Ioh. terras suas. Ipse tamen mortem metuens Beuerlacense cepit asylum. Mater vero Regis & eiusdem Ioha. dum preces in cassum multiplicat pro Iohanne contristata decumbit & post quatuor aut quinque dies seculo valescit. Quintodecimo Kalend. Augusti fuit alius terræmotus circa vigiliam secundam noctis.

Hæres Comitis Staffordia interimitur.

50 Rex Francus cum iam paratus fuisset ad inuadendum regnum Angliæ, Gandauenses in Flandria ceperunt villam de la Dam, in qua repperunt prædam maximam & victualia, sed præcipue vini copia, scilicet mille dolia & octingenta. Quod audiens Rex Francus suspensio suo transitu in Angliam, cuncta quæ suæ professioni præparauerat, contraxit ad obsidendum villam de la Dam, Qui villam ceperant cernentes se impares virtuti regiæ, nocte quadam relicta villæ custodia senibus & mulieribus, confringentes dolia, & vastantes victualia latenter recesserunt, & salui Gandanum perueniunt. Tandem Rex Francus mane villam intrat, quam ut inuenit vacuum, doluit se fore delusum.

Eo tempore Rex Portingaliæ adiutorio Anglicorum vicit Hispanos, & misit Regi Angliæ sex galeas, ut essent illi solatio contra hostes.

Circa festum exaltationis S. Crucis, dum classis Regis Franci reuerteretur è Flandria, dispersa fuit tempestate grauissima, & partim allisa, partim contrafacta, pars vero magna Caleciam, & in terras Regis Angliæ est appulsa. Sicque contigit, ut caperentur de nau-

Classis Gallica tempestate dispersa.

nautis stipendiarijs per Caleſienſes ducenti & viginti ſex, præter naufragos quingentos & amplius ex Gallicis & Normannis, qui demerſis ratibus in manus Caleſienſium deueniunt.

*Rex Portugaliæ
expirat.*

Eodem tempore Rex Portugaliæ intoxicatus hauſtu lethifero, dolo reginæ vitam finiuit. Et frater eius magiſter hospitalis miles egregius leuatur in Regem licet inuitus, & multa cum Anglorum adiutorio contra Hiſpanos proſpera bella gerit.

Circa feſtum S. Martini in parlamento Londonijs, clerus conceſſit Regi decimam, & quintamdecimam populus laicalis.

Creatio Ducum.

In hoc parlamento Robertus de Veer infaſta hora Comes Oxonij, creatus eſt Marchio Dubliniæ in Hybernia, & Tho. de Woodſtock creatus eſt Dux Glouerniæ, 19 & frater eius Edmundus Comes Cantebrigiæ, factus eſt Dux Eboraci. Michael Attepool vir plus aptus commercijs, quam geſtis Martijs, pro tunc regni Cancellarius, factus eſt Comes Southfolciæ, conceſſis ſibi pro tanto nomine de burſa regia annuis mille marcis.

In hoc Parlamento Rex reſtituit ſua temporalia Epiſcopo Norwicenſi.

*Rex Armeniæ
ſui mediator.*

Anno 1386. Rex Armeniæ venit in Angliam tractaturus de pace inter regna Franciæ & Angliæ, ſed ſine commodo vtriuſque. Nihilominus ſibi met ceſſit proſpere, quia præter mille libras quibus honoratus fuit à Rege in naui aurea, literas patentes accepit à Rege, de mille libris annuatim ſibi perſoluendis. Fueraſt nempe vt aſſeruit expulſus regno ſuo per Tartaros, qua occaſione à Regibus Chriſtianis extorſit plura donaria, vt foelicior foret illi 29 fuga ſua in aliena patria, quam pacificum dominium in propria. Gandauenſes leues & varij non expectato ſuffragio, quod Rex Angliæ non ſine magnis ſumptibus illis præparauerat, Regi Franciæ manus dederunt, manifeſte monſtrantes ſe nescire vni amico vel domino fidem diu reſeruare.

Sub hijs diebus audientes Hiſpani quod Iohan. Dux Lancaſtriæ proponeret regnum Caſtellæ vendicare, & ad hoc negotium neceſſaria præparaſſet, miſſis legatis Regi Franco ſuum deprecantur auxilium. Qui mox miſit armatos illuc, ex Gallicis & Britonibus ad numerum ſexcentorum. Qui illuc quidem peruenientes foeliciter, ſed inſoeliciter ſe gerentes, dum nimis confiſunt in virtute propria, prædas inſolenter agentes & incendia in regno Portingaliæ, obuioſ habent Anglos inopinato cum Portingalenſibus. Cum 30 quibus congregientes, diſſipati, proſtrati, capri ſunt vel occiſi. Quo facto luſus & deſperatio creuit Hiſpanis, ira & indignatio Gallis & Britonibus, qui poſthæc domi infortunia cognouerunt.

*Dux Lancaſtriæ
regnum Hiſpaniæ
vendicat.*

Eodem anno D. Iohannes Dux Lancaſtriæ circa feſtum Paſchæ proſectus eſt cum exercitu in Hiſpaniam, quæ ſibi iure ſuæ coniugis dominæ Conſtantiæ, ſenioris filiæ & hæredis domini Petronis nuper Regis Caſtellæ & Legionis debebatur. Cuius proſectioni quia Hiſpani fuere ſchiſmatici, fauor Papalis acceſſit, indulgens peccatorum veniam ſecum proficiſcentibus, & eius proſectioni quicquam conferentibus de bonis ſuis.

Igitur dum nauigat verſus Hiſpaniam, caſtellum de Breſt in Britannia obſidione Gallorum liberat non ſine ſuorum maximo detrimento, quia multos valentes amiſit ibi 40 dem. Deinde ſtante vento ſecundo appulſus eſt in portum Geromiæ, qui eſt primus introitus in Hiſpaniam ſalua claſſe ſua.

Hac æſtate rumores increbuerunt de propoſito Regis Franci volentis Caleſiam obſidere. Quapropter miſſus eſt ad loci tuitionem D. Henricus Percy iunior, electis bellatoribus, quem Scoti Ironice hotſpur cognominauerunt, id eſt, calcar calidum ſiue feruens, propter eius animoſitatem. Qui mox vt peruenit Caleſiam ſuper Morinos & Pikardos fecit expeditiones, prædas egit, & actus exercuit laudabiliter militares. Sed cum nuntiatum fuiſſet ei, Regem Francum nolle Caleſiam obſidere, ſed vel potius transferre bellum in Angliam, reuertitur feſtinanter gaudens ſibi occurrere quod volebat. bellum ſ. Gallicorum. 50

*Londonienſium
timor.*

Londonienſes eo tempore Regis Franci metuentes aduentum, cuncta meticuloſe faciunt, ac ſi mox foret capienda ciuitas. Currunt ad muros Haueli, contiguas domos dilacerant, deponunt, deſtruunt, diuortiaque requirunt, ſicque turbantur, ſic ſolicitantur, velut ſi ipſos hoſtes aſpicerent ante fores, dantes ignauitiæ ſuæ manifeſtum omnibus experimentum.

Interea familiares Regis Angliæ ceperunt, naues magnas, & ſex tarritas reſerras lanuenſium multis bonis. Sed lanuenſes peroptime ſcientes vbi ſibi ſuccurri deberet Michaellem Attepool adeunt regni cancellarium, qui & ipſe mercator erat, & mercatoris filius, & ob hoc multis notus inſitoribus, & eius ſuffragia petierunt. Qui conſeſſim iuſſit de theſau-

thesauro Regteorum damna refarciri, hostesque saeuissimos cum pace pecuniaque dimitti. Qui mox vt soluerunt naues à littore, cursum in Flandriam direxerunt. Quo cum peruenissent quosdam ex Anglicis peregrinis qui versus Romanam curiam properabant interemerunt, licet eos in vasa sua pacifice admisissent pacto naulo.

Sub eisdem diebus nostrates ceperunt duas magnas naues Regis Franci, in quibus & pars muri lignei quam idem Rex parari fecerat ad erigendum in Anglia, & magister totius fabricæ qui fuit Anglicus natione interceptus est, cum machinis ad petras iaciendas & gunnis & multo puluere pro eisdem.

Erecta est proinde illa pars muri lignei apud Sandwich, & factum est vt quem contra nos erexisse hostes parauerant, nos ereximus contra hostes.

Circa festum S. Michaelis conuenerunt armati & architenentes de toto regno ad parliamentum tenendum London. vt parati forent ad resistendum Regi Francorum, qui dicebatur venturus cum 15. Ducibus, 26. Comitibus, ac ducentis proceribus, & bellatoribus 100000. necnon & mille nauibus ad regnum Angliæ destruendum. Sed obsistente vento, imo frustrante conatus eius Deo, totus ille apparatus confusus, turbatus, & cassatus fuit. Nempe per totum tempus quod fluxit inter Kalend. Augusti & vigiliam omnium sanctorum, aura nunquam flauit illis accommoda.

Preparatio ad resistendum Franci.

In ipsa vero vigilia surgente vento prout putabatur opportuno, dissoluere rates, & coeperunt vsque Angliam nauigare. Sed mox illis maris alta tenentibus facti sunt obuij venti contrarij, qui naues omnes compulerunt retrocedere, & eas tanta violentia impulerunt, & alliserunt, vt plures ex illis in introitu portus de Sclusa confringerentur. Hac occasione & Anglia metu liberata est, & Rex Francus regressus ad sua.

In hoc parlamento D. Rob. de Veer olim Comes Oxoniæ, sed in vltimo parlamento Marchio factus Dubliniæ, Regis munere creatur Dux Hybernæ, submurmurantibus cæteris regni nobilibus, & indigne ferentibus tantæ promotionis appetitum in Vero dudum tam mediocri, quem non plus alijs commendabant virtutum dotes.

Rob. de Veer creatur Dux Hybernæ.

Cancellarius regni Michael Attepool per milites parlamentales conuictus est de quibusdam proditiõis articulis tam contra Regem quam regnum perpetratis. Ob quas causas licet Regi multum displiceret, ab officio Cancellarij deijcitur, & dignus morte iudicio parlamenti decernitur.

Rex tamen non multo post eius amoris intinctu annullauit quicquid in parlamento statutum fuerat contra ipsum. Ipse vero Michael suos accusatores meditatus est inuitatos ad coenam Londiniciam vna cum Duce Glouerniæ trucidasse. Cui facinori non solum fautor fuerat Nicolaus Brambre vt dicebatur, sed author maximus miles mercenarius, & qui fuerat anno transacto Maior Londoniarum. Sed laudabili constantia Nicholai Exstons Maioris anni præsentis, qui libete fatebatur se non consensurum tanto sceleri, facinus est omissum. Et palam factum est verbum istud omnibus habitantibus in regione vicina.

In fine parlamenti clerus concessit Regi mediam partem vnus decimæ, & mediam partem quintæ decimæ populus laicalis, conditionaliter tamen, vt procerum iudicio dicta pecunia pro regni commodo expendere. Quam pecuniam recepit Comes Arundeliæ profecturus ad mare.

Duci Hybernæ prouisum fuit ad Regis instantiam, vt hæredes Caroli de Bloys qui quondam vendicauit Ducatum Britannia, pro 30000. marcarum venderentur Gallicis, vt hac suffultus pecunia dominium quod Rex sibi donauerat in Hyberniam posset conquire, adiecta conditione, vt citra Pascha proximum in Hyberniam transfretaret.

Finito parlamento & proceribus regressis ad propria, Rex reuocauit Michaellem Attepool iam dudum damnatum per proceres, & securi detinuit cum Duce Hybernæ, & Archiepiscopo Ebor. domino Alexandro Neule. Qui Regis animum pro posse concitauerunt contra proceres, & præcipue dominos Tho. Ducem Glouerniæ, & R. Comitem Arundeliæ, & vt acta parlamenti ante omnia annullaret. Hic primo succreuit odium Regi contra proceres, & ex tunc nunquam eos vt ferrur coluit nisi fide. Nihilominus deiecto Michaelle Attepool de officio Cancellarij, subrogatus est dominus Tho. Arundel Episcopus Eliensis. Depositus est in super dominus Iohan. Fordam Episcopus Dunelmensis de officio Thesaurarij, & frater Ioh. Gilbert de ordine prædicatorum fit Thesaurarius, qui tunc fuit Episc. Herefordensis.

Anno 1387. Circa principium mensis Martij Rich. Comes Arundeliæ, & Thomas Comes Notinghamiæ profecti sunt ad mare, vt Oceanum Britannicum custodirent ab incurribus hostium. Et factum est vt in vigilia annunciationis dominicæ committerent

Bellum nauale.

rent bellum cum magna classe Franciæ, Flandriæ, Normanniæ & Hispaniæ. Cessitque nostris victoria, captis centum nauibus vel eo amplius, in quibus continebantur vini 19000. doliorum, quæ diuersis regni destinata prouincijs inæstimabiliter incolis profuerunt.

Comites hijs ita gestis, castellum de Brest in Britan. adierunt, vbi duas munitiones ligneas erectas & refertas bellatoribus præelectis è Francia & Britannia cum difficultate magna ceperunt. Quarum alteram incenderunt, alteram impositis castellanis de Brest munierunt, quia illis necessaria videbatur. Et sic hostes in eodem loco sub temporis parui spatio, geminata damna sensere, primo per Ducem Lancastriæ petentem Hispanias, secundo per Comites memoratos, qui ibidem compositis bene rebus in Angliam prospere sunt reuersi.

Robertus de Veer Dux Hybernæ, Michael Attepool Comes Southfolciæ, Simon de Burle, & Richardus Stury deprauantes apud Regem acta Comitum, dixerunt eos nihil dignum laude gessisse, quippe qui non nisi mercatores dispoliauerunt, quorum fructuosius multo fuisset amorem seruasse patriæ, quam odium inexorabile concitasse. Sed hijs nimirum milites potius erant Veneris quam Bellonæ, plus potentes in thalamo quam in campo, plus valentes lingua quam lancea, vtpote, qui ad dicendum vigiles, ad agendum acta Martia somnolenti. Hijs circa Regem conuersantes nihil quod deceret tantum Principem informare curabant, non dicimus tantum armorum vsum, sed nec ea quidem, quæ maxime decent Heroes, viz. venationem, aucupationem aut hijs similia, quibus in pace regius honor crescit.

Privilegia à Papa concessa.

Eo tempore quidam frater de ordine Carmelitarum dictus Gualterus Disse, nuper confessor Ducis Lancastriæ accepit à Papa plura privilegia illis impertienda præcipue, qui Duci profecto in Hispanias quicquam de bonis suis conferrent. Inter quæ potestatem accepit creandi capellanos Papæ. Et inter cæteros qui satis care comparauerunt hanc libertatem, quidam frater de secta Augustinensium comparauit eam. Qui exinde sumens cornua, Lollardis adhæsit, hortatu quorum plura prædicaui enormia contra fratres suos. Milites capuciatii qui defendebant vbique pro viribus Wiclefenses, hunc in suis prædicationibus animauerunt, extulerunt, & indicibiliter laudauerunt. Qui ideo capuciatii vocabantur quia nulli, nec ad sacramentum altaris quidem caputia deponebant. Horum præcipui 30 fuere Guliel. Neuile, Ledowicus Clifford, Ioh. Clanbow, Rich. Stury, Gul. Latimet, & vesanior omnium Iohannes de monte acuto, qui tantam incurrit amentiam vt imagines, quas apud prædium suum de Schenelee habebat in capella sua, deponi faceret & abscondi. Fuerunt & alij multi milites de fide male sentientes, sed infamia maiori famosior Laurentius de Sancto Martino, de Comitatu Sarum, qui in vigilia Paschæ corpus dominicum in ore acceptum euomuit, & manu tenens illud ad propriam domum detulit, sacerdote sequente & obsecrante ne tantam iniuriam faceret sacramento, sed illud restitueret, vel more tractaret & sumeret Christiano. Sed ille excluso presbytero, adhibitis ostreis, diuinit hostiam, cuius partem cum ostreis, partem cum cepis, partem cum vino deglutiuit, asserens quemlibet panem domus suæ tanti fote valoris, quanti fuit ille, quem sic cum ostreis 40 absumpsisset.

Bigamia Ducis latius impia.

Robertus de Veer Dux Hybernæ repudiavit uxorem nobilem, genitam de illustri Regis Edwardi filia Isabella, & cepit aliam quæ cum regina venerat de Bohemia, vt fertur cuiusdam sellarij filiam sat ignobilem, nomine Lancæcronam. Ipse autem Rex fauebat sibi in omnibus, nolens eum in aliquo contristari. Proceres tamen indignabantur, & præcipue Dux Glouerniæ, mulieris auunculus, qui quandoque statuit vlçisci neptis iniurias, quod Ducem Hybernæ non latebat. Quamobrem & sibi cauit prout potuit, & Ducem Glouerniæ perimere cogitauit.

Iam Pascha transierat, iam tempus omne præterierat, quo Dux Hybernæ illuc transfretasset iuxta conditum, & adhuc in Anglia moram traxit. Sed ne propter hanc causam tumultus fieret inter procures, Rex ipse, velut deducturus eum ad nauem, cum eo in Walliam est profectus. Non tamen dimissurus eum, sed detenturus ibidem, vt illic semoti prout fertur quietius deliberate possent, qualiter procures eorum votis obuiantes, dolo tenerent & occiderent. Instigabant ad hæc Regem iugiter Mich. Attepool, Rob. Tresilian iustitarius, Alexander Neuile Ebor. Archiepiscopus, & plures alij, qui suæ pelli timentes, non minus quam Dux Hybernæ in necem procerum conspirabant. Igitur emenso in Wallia longi temporis spatio, Rex velut profectio Ducis in Hyberniam data fuisset obliuioni cunctis in Anglia, redit cum Duce & suis traditoribus ad castellum de Nottingham, tractaturus ibi finaliter de morte procerum prædictorum. Illuc igitur venire fecit

cit multos de Londoniensibus, quos nouit contingentes ad vtrumlibet, & regni Vicecomites & iustitios vniuersos. Londonienses accersuit, quia plures eorum nuper de prodicione in Regem conuicti, sed tamen eius gratiam consequuti, ut ipsi gratiam Regi pro gratia gratis rependerent, & dominos indicarent de criminibus, quæ contra eos dicti proditores imaginati fuerant, dum cum Rege egerant in remotis: Vicecomites conuenire fecit, ut sciret quantam potentiam manus bellicæ contrahere possent contra proceres, & ut ipsi nullum militem de pago vel Schyra eligi ad parlamentum permitterent, nisi quem Rex & eius consilium delegisset. Sed ad hæc Vicecomites responderunt, quod communes fauebant dominis, nec esse in potestate illorum ad hanc causam exercitum
 10 contrahendi. Et de militibus ad parlamentum eligendis dixerunt, communes velle tenere consuetudines vsitatas, quæ volunt ut à communibus milites eligantur. Iustitiosi sunt vocati, ut ipsi decernerent, indictamenta fore legalia, & eisdem apponerent sigilla sua. Quod & tunc completum est Roberto Tresilian iustitioso, & Iohanne Blake iuris apprentice facinus introducentibus prælocutum.

Rex cogit senatum in proceres.

25. die mensis Augusti, conuenientibus apud castellum de Notyngham Rob. Tresilian capitali iustitioso: & Roberto Belknap capitali iustitioso de communi banco, & Ioh. de Holt, Rogero de Stilthorp, Gul. de Burgh militibus, iustitiariis & sociis Roberti Belknap supradicti, requisivit ab eis Rex in fide & ligeantia, ut ad istas quæstiones fideliter responderent.

20 Primo, an illa noua, statutum & ordinatio atque commissio, facta & edita in parlamento ultimo, derogant regali prærogatiuæ dicti Regis? Dederat nempe Rex Duci Glo-
 uerniæ, & Comiti Arundeliæ, & quibusdam alijs commissionem licet inuitus, ad inquirendum, audiendum & iudicandum de quorundam defectibus, & præcipue Michael. Attepool. Ad quam responderunt quod derogant, eo quod fuerant contra voluntatem Regis.

*Ficta accusatio-
nes contra proce-
res.*

Secundo, illi qui statutum, &c. fieri procurarunt, qualiter sunt puniendi? Responderunt quod poena capitali, nisi Rex eis voluerit indulgere.

Tertio, qualiter sunt puniendi, qui Regem excitauerunt ad consentiendum præmissis? Responderunt, quod nisi Rex eis gratiam fecerit sunt poena capitali merito

30 puniendi.

Quarto, qualem poenam merentur, qui compulerunt Regem ad consentiendum confectioni dictorum statuti, &c. Responderunt, quod sunt ut proditores merito puniendi. Quinto, quomodo sunt illi etiam puniendi, qui impediuerunt Regem, quo minus poterat exercere, quæ ad regiam suam pertinuerunt, remittendo poenas, siue debita quæuis? Responderunt, quod sunt ut proditores merito puniendi. Sexto quæsitum fuit, an postquam parlamento congregato, negotia regni, & causa congregationis parlamenti de mandato Regis exposita & declarata, & communes articuli limitati per Regem, super quibus domini & communes in eodem parlamento procedere debeant, si domini & communes super alijs articulis velint omnino procedere, & nullatenus super articulis li-

40 mitatis per Regem, donec super articulis per eisdem expressis fuerit per ipsum Regem primo responsum, non obstante quod eis fuerat per Regem iniunctum in contrarium, nunquid Rex in ea parte debeat habere regimen parlamenti, & de facto regere effectum, quod super limitatis articulis per Regem primo debeant procedere, vel domini, & communes primo debeant habere responsum à Rege super articulis per eisdem expressis, antequam ulterius procedatur? Responderunt, quod si quis huiusmodi regimen Regis impediri fecerit, tanquam proditor est puniendus. Septimo, nunquid Rex quandoque sibi placuerit, potest dissolvere parlamentum, & suis dominis & communibus præcipere, quod abinde recedant an non? Responderunt quod potest, & si quis ex tunc contra voluntatem Regis procedat, ut in parlamento tanquam proditor
 50 est puniendus. Octauo, ex quo Rex potest quandoque sibi placuerit remouere quoscunque Officiarios & iustitios suos, & ipsos pro delictis iustitiare & punire, nunquid domini & communes possunt absque voluntate Regis, Officiarios & iustitios ipsos impetere super delictis eorum in Parlamento an non? Responderunt quod non possunt, & si quis contrarium fecerit, est ut proditor merito puniendus. Nono, qualiter ille est puniendus, qui in Parlamento monebat, quod mitteretur pro statuto, per quod Rex Edwardus Carnaruan erat abiudicatus in Parlamento, per cuius statuti inspectionem noua statutum, ordinatio & commissio supradicta, fuerunt in parlamento concepta? Responderunt, quod tam ille qui sic monebat, quam alius qui prætextu huius monitionis statutum illud portauit ad parlamentum, sunt ut proditores criminosi merito puniendi.

Zz, Deci-

Decimo, an iudicium illud in vitimo parlamento celebrato apud Westm. redditum contra Comitem Southfolciæ Mich. Attepool, fuit erroneum & reuocabile, an non? Responderunt vnanimiter, quod si illud iudicium fuisset modo reddendum, illi iustitij modo reddere nollent, quia videtur eis quod iudicium illud reuocabile est tanquam erroneum in omni sui parte.

In quorum omnium testimonium iustitij prædicti & Iohannes Lokton seruiens domini Regis ad legem sigilla sua præsentibus apposuerunt, &c. Expeditis ad vota indictamenti in dictos proceres, & plures alios nobiles, Rex & Dux Hybernæ missis nuntiis conduxerunt multos qui cum illis starent, si oporteret, contra dominos in die belli. Inter ea rumor huius facti peruenit ad proceres, & eos magna repleuit mœstitia, eo quod nullius culpæ conscijs, tanto Regis odio stringerentur. Vnde in primis Regis patruus Dux Glouerniæ, vt Regis animum mitigaret, coram Episcopo Londoniensi & multis alijs regni nobilibus iuramentum tactis sacrosanctis edidit, se nunquam aliquid in Regis læsionem machinatum fuisse, excepto quod Ducem Hybernæ, quem Rex dilexit, lætis oculis non respexit, qui non solum suam, sed Regis consanguineam dehonestasset: Cum audisset ista rex, & iam pacificatum se monstrasset, Michael Attepool timens si rex & dux concordarentur sua affutura dispendia, coepit duci detrahare, & commouere regem ad pristinam indignationem. Cui London. Episc. qui tunc se mediatorem exhibuerat inter regem & ducem, dixit: Sileas, ait, ô Michael, non enim decet te, qui damnatus es, os de cætero aperire. Est enim nisi indulgentia regia quod tu viuas. Ad hæc rex illico tantum offende-
batur, vt Episc. iuberet abscedere eum rancore, qui recedens retulit quæ audierat. Hic excreuit odium & indignatio ex vtraque parte, & dux comitibus Arundeliæ, Warwici & Derby, quorum res tenderet palam facit consilium, prædicit periculum, quod omnes in communi rangebant. Qui mox collectis exercitibus statuerunt regem conuenire super præmissis. E contra rex agentibus preditoribus excogitat, qualiter dominos præfatos tolleret, antequam iunctis viribus conuenirent. Et primo misit ad castellum de Reygate Comitem Northumbriæ, vt Comitem Arundeliæ arrestaret, sed ipse cernens Comitem valde commotum & circa eum manum armatam validam, infecto negotio reuersus est. Comes autem post eius regressum noctanter equitauit cum exercitu, donec peruenit ad syluam de Haringey, vbi reperit ducem Glouerniæ, comitem Warwici cum magna vi militiæ congregatos. Sed tandem intercurrentibus pacis mediatoribus, ad id deductum est negotium vt domini apud Westm. coram rege venirent exposituri sua grauamina, & iustum iudicium percepturi. Petierunt ergo, vt proditores suos & totius regni, quos rex secum detinebat, iugiter amoueret. Proditores appellabant, Rob. de Veer ducem Hybernæ, Alexandrum Neuille Archiep. Ebor. Mich. Attepool comitem Southfolciæ, Rob. Tresilian falsum iustitiarium, & Nich. Brambre falsum militem Londoniensem. Ad firmandum hanc appellationem proiecerunt chirothecas suas, iurantes se eam duello probaturos si regi placeret. Rex autem respondit, hoc modo non debere fieri, sed omnia differri ad parlamentum proximum, in quo fieret iustitia vtrique parti. Et recepit vtriusque partis personas in protectionem suam, vt nulla pars interea noceret alteri, nec exercitum medio tempore congregaret. Recedentibus dominis cum hoc responso, non est visum eis iam tunc dis-
iungi, quod eis ex post magnæ sapientiæ loco fuit. Nam de conuiuentia regis interim dux Hybernæ in partibus Cestriæ & Walliæ magnam turbam conflauerat, quod cognoscentes domini eius moribus festinanter occurrunt, & de Cestrensis quosdam perimunt, quosdam captiuant, nonnullos despoliant armis & equis, & vacuos domum remittunt. Dux Hybernæ cernens imminere sibi periculum fuga sibi consuluit. Et dominorum æmuli his auditis fecere similiter. Proceres proinde reuersi properauere Londonias, vbi rex celebraturus fuit in turri dies natalitios. Quæ & viualibus instaurauerat, si oporteret pro-
resistentia facienda. Habebant autem proceres exercitum valde fortem 40000 bellatorum.

Procerum exerci-
tum.

Anno 1388. In crastino natalis domini proceres conuenere Londonijs cum exercitu, & in campis vbi à turri videri poterant confederunt. Rex autem hæc sciens dissimulabat quasi multitudinem paruipendens, dixitque suis: Sinantur, inquit, hic iacere cum turba donec expenderint bona sua, & tunc demum vacui reuertentur, & ego postea loquar iudicium cum eisdem. Cum verbum istud fuisset nunciatum proceribus, iurauerunt, se non recessuros, donec cum eo ore ad os colloquium obtinerent. Tandem post altercationes varias, in turri cum eo colloquium habuerunt, vbi coram eo de conspiratione contra eos facta conquesti sunt. Cumque rex inficiari nequiret obiecta, præ confusione lachrymatus est. Sicque confusum proceres ea vice reliquerunt, condicentes vt veniret in crastino ad Westm. auditurus plura, & de regni negotijs tractaturus. Quod ea vice concessit, sed nocte
sequen-

seque in instinctu susurronum propositum mutare decreuit, quod proceres non latebat. Renunciari fecerunt ergo sibi, vt pacta teneret veniens ad Westm. aut pro certo sciret eos electuros alium sibi Regem, qui vellet obtemperare consilijs dominorum. Quo telo Rex percussus mane ad Westm. remigauit. Cumque tractare cœpissent proceres, inter cetera dixerunt Regi, quod pro honore suo, regnique commodum oporteret proditores, susurrones, adulatores & maleficos, detractores, & inutiles de suo palatio eliminari. Censuerunt igitur arcendos à curia Alexandrum Archiep. Eborac. & alios plures tam spirituales quam temporales dominos, vna cum nonnullis clericis de capella sua, militibusque multis cum dominabus plurimis, quæ non tantum fuerunt inutiles, sed infames. Arrestati sunt autem
10 Simon Burlee, Gulielmus Elmesham, Iohannes Beauchampe de Holte Regis Seneschallus, Iohannes Salisbury, Thomas Triuet, Iacobus Berneres, Nicholaus Dagwoorth & Nicholaus Brambre milites, clerici vero Richardus Clifford, Iohannes Lincolne, Richardus Mirforde, & Nicholaus Clake, Decanus Capellæ Regis, cum quibus Iohannes Blake iuris apprenticius arrestatus est, & omnes tam milites quam clerici diuersis carceribus sunt transmissi.

Post festum purificationis conuenit ad parliamentum Londonijs vniuersa regni nobilitas, ad quod proceres cum exercitu conuenerunt. Captus est tum infausto sydere Rob. Tresilian quondam Iustitarius, qui mox tractus ad furcas suspensus est iudicio dominorum, quibus Rex commissionem dederat malefactores puniendi. Consequenter
20 processum est contra Nich. Brambre, qui consimili damnationi subiacuit. Deinde Ioh. de Salisbury, & Iacobus Berneres de prodicione notati, tracti sunt & suspensi. Post quos Iohan. Beauchamp de Holt Regis Seneschallus de infidelitate conuictus, eiusdem Parlamenti decreto, tractus est & suspensus. Suspensus est & Ioh. Blake iuris apprenticius, qui in consilio apud Nottingham contra dominos multa machinatus est. Nouissime decollatus est D. Simon Burlee homo intolerabiliter arrogans, oppressor pauperum, osor ecclesiæ, mœchus & adulter, quia consenserat castellum Doueriz cuius custos erat Gallicis vendidisse, & quia pessimus consultor fuit semper Regi. Dammati sunt præterea exilio dicti parlamenti decreto, Iustitarij Rob. Belknap, Ioh. Holt, Rogerus Fulthorp, & Guliel. de Burgo. Hijs ita gestis, Rex præstitit iuramentum de stando & parendo regimini procerum. Et
30 consimile iuramentum exactum est à tota regni communitate.

Post festum Pentecostes Comes Arundeliæ Rich. factus Admiralius, ingressus mare octoginta naues hostium vel cepit, vel incendit, vel certe demersit victis hostibus in eisdem.

Insulam de Baas deprædatam dat ignibus, insulas insuper de Vs, & de Ree de Lemustre & de Rochele, de Olum & de Olorum, à quibus leges marinæ nomen habent, inuadit, capit, & dissipat, de quibusdam redemptiones accipiens quasdam vero flamma deuastans. Gallos cum Britonibus qui resistentiam parauerunt deuincens, conuertit in fugam. Peraçtoque cum foelicitate negotio ad Angliam remeauit. Per idem tempus Gallici de pace fastidiosi ingrediuntur hostiliter terras Ducis de Gelre, pro eo maxime, quod
40 Anglis erat amicus. Qui mox occurrens illis prostrauit magnam multitudinem eorundem, docuitque Gallos experimento præfenti, quam periculosum sit excitare canem dormientem.

Eodem anno Scoti quietis nescij, agebant in Anglia cædes & rapinas, fixeruntque tentoria prope nouum castrum super Tynam. Quibus occurrit D. Henricus Percy iunior cum fratre suo Radulpho. Contigitque Henricum in primo congressu perimere Guliel. Douglas Ducem Scotorum: sed mox vertente faciem fallaci fortuna, idem Henricus cum fratre captus est à Comite de Dunbarre, multis ex Anglis interemptis. Scoti tamen etsi illis cessit victoria, damnum tamen acceperunt irrecuperabile de suorum valentissimorum strage facta per Henricum. Qui nimirum post hanc pugnam humiliati fugerunt, non audentes aduentum aliorum procerum expectare. Et sic vnus, id est, Henrici probitate licet captus esset, regnum Angliæ tam metu bellico quam Scotis extitit vacuarum.

Post festum natiuitatis beatæ Mariæ factum est Parliamentum Cantebrigiæ, in quo fuerunt edita plura statuta, quæ in maioribus chronicis videri possunt.

In hoc Parlamento clerus concessit Regi decimam & laici quintamdecimam. Et D. Iohan. Holland frater Regis ex parte matris, creatus est Comes Huntingdoniæ, & D. Thomas Triuet equo lapsus mortem incurrit. Papa transtulit D. Tho. Arundel Episcopum Eliensem ad Archiepiscopatum Ebor. Alexandro Neuile proditore translato ad Episcopatum Sancti Andree in Scotia, Iohanne Fordeham de Dunelmensi in Eliensem, Magistro

gistro Gualtero Skirlow de Bathoniensi in Dunelmensi. Magistro Radulpho Ergon de Sarisburiensi in Bathoniensem, & Iohan. Waltham clerico de priuato Sigillo prouidit de Episcopatu Sarum.

*Rex nouos eligit
Officiarios.*

Anno 1389. Rex inopinate collectis optimatibus in domo consilij, inquisiuit quot annos ætatis habebat. Responsumque fuit quod viginti iam plene peregisset: Ergo inquit plenæ sum ætatis ad gubernandum domum & familiam, necnon & regnum meum. Iniustum est ut mea conditio sit deterior quam conditio minimi in regno meo. Cur mihi negatur quod cuilibet alteri gradus inferioris conceditur de consuetudine & regni iure? Cumque Barones attoniti responderent, nihil iuris sibi debere subtrahi, ita ait: Nostis quod diu regulatus fuerim per tutores, nec mihi licuit sine illorum arbitrio quicquam facere. Et ideo nunc illos am moueo, & ut hæres ætatis legitimæ regni regimen apprehendo. Iussitque statim Cancellario resignare sigillum, quod mox dominus Eboracensis Regi dedit in manus. Qui post pusillum illud commisit Episcopo Winton. Gul. Wickham. Deinde constituit nouos Officiarios, vtens in omnibus proprijs arbitrio & voluntate. Ducemque Glouerniæ & Comitem Warwici dimouit à consilio, adhibitis alijs qui suis oculis placuerunt. Interea detractores tantum Regem de mentauerunt, vt crederet Ducem Glouerniæ collegisse militiam contra eum. Tunc Rex repente accersito Duce huiusurbationis ignaro, scrutatus rei veritatem, comperit famam mendacem & erubuit. Aderant tunc præsentibus qui mendacium istud finxerant, contra quos cum Dux loqui parasset, & eorum perfidiam voluisset publice declarasse, rogauit Rex sub obtestatione suæ dilectionis, ne procederet in materia supradicta. Acquieuit ergo Dux roganti, eo facilius, quo bene nouit iam Regi suam innocentiam declaratam.

Circa festum Sancti Iohannis Baptistæ firmatæ sunt treugæ inter regna Angliæ & Franciæ triennales, ad quas seruandas (quod mirum est) Reges præstitere personalia iuramenta.

Eo tempore Scoti combusserunt villam de Tynemutha. Post paucos autem dies Francis pro Scotis spondentibus, Scoti inclusi fuere in treugis captis inter Anglos & Francos, nulla restitutione facta pro damnis & iniurijs illatis nostratibus per eosdem.

Anno Iubileum.

Dominus Papa Urbanus 6. considerans vires hominum & ætates imminutas, constituit annum gratiæ, id est, Iubileum fieri anno sequenti, qui inciperet à natali insequente, & ex post in æternum semper reuolutis triginta tribus annis cunctis christicolis nouaretur. Iudicans annos plenitudinis ætatis Christi mysticos idoneos ad remouendum seculis Iubileum.

Michael Attepool diem supremum clausit Parisijs hac æstate.

Lollardi sequaces Ioh. Wickliff in tantam sunt euecti temeritatem, vt eorum presbyteri more Pontificum nouos crearent presbyteros, asserentes, quemlibet sacerdotem tantam habere potestatem conferendi sacramenta ecclesiastica, quantam Papa. Hanc autem perfidiam in Sarum diocesi practizarunt. Qui vero taliter ordinati sunt, sibi cuncta licere putantes, missas celebrare, & sacramenta conferre minime timuerunt. Audierunt & cognouerunt hæc regni Pontifices, sed abierunt alius in villam suam, alius ad negotiationem suam, solus Norwicensis temporibus malis ausus est esse bonus.

Papa mors.

Hoc anno mense Octob. Papa Urbanus 6. valescetit seculo. Cui successit Cardinalis Neapolitanus, qui Bonifacius 9. dictus est.

Mense Nouemb. redijt in Angliam D. Iohan. Dux Lancastriæ, qui in transmarinis partibus moram traxerat triennem. Qui in Hispania primo passus infortunia, postremo ad summam vsque foelicitatem Deo miserante peruenit. Nam suus aduersarius Rex Castellæ, non viribus humanis territus, nullius nisi Dei solius timore coactus (quippe qui inter suos securus habitans, & vidit nostratum miseras, atque cognouit penurias) obtulit se primo de forma pacis cum Duce tractaturum. Sicque factum est domino disponente pro Duce miraculose negotium, vt affinitas inter eos successoria firmaretur & Dux acciperet pro tunc in arram multa millia librarum à Rege Castellæ, & obsides pro soluendis annuatim ad vitam Ducis & Ducissæ 10000. librarum.

*Comes Penbr. in
scriptur.*

Anno 1390. dum iuuenis Comes Penbrochiæ Ioh. de Hastings exercet hastiludia in domini Regis curia, percussus est inguine à quodam milite sibi occurrente vocato Ioh. de S. Iohanne. Qua læsione obiit præmature penultimo die mensis Decembris.

Post festum sancti Hilarij in parlamento tento Londonijs statutum fuit, vt nullus transfretaret ad impetrandum prouisiones à Papa, sub poena carceris. Item concessi fuere domino Regi 40. sol. de quolibet sacco lanæ, & de libra 6. denarij.

In hoc parlamento dominus Ioh. Dux Lancastriæ factus est Dux Acquitaniæ, per virgam

gam & pileum sibi præbitas manu Regis. Et Edwardus filius Ducis Eboraci factus est Comes de Ruthland.

Eo tempore dominus Adam Cardinalis Anglicus qui dedecorose depositus fuerat *Cardinalis restituitur.* per Urbanum Papam restituitur suo gradui, per Bonifacium successorem. Ferunt quod cum Urbanus tyrannizare meditaretur, hunc maxime propter profunditatem sensus pertimuerit. Et ideo ne conatus sui impedirentur per eum, hunc sat iniuste comprehendit, & torfit, & reclusit in carcere quam diu vixit. Quod factum in morte sua fertur satis doluisse, publice poenitendo & protestando, hunc reum nullius criminis extitisse.

- 10 Huius Cardinalis petitione declaratum fuit per Papam Bonifacium, quod bullæ de indulgentijs plenarijs concessæ quibuslibet in extremis, tantum valent obtinentibus, in ea confessione quæ mortem immediate præcedit. Qui licet multotiens propter diuersa pericula confiteantur, si conualuerint, non tamen usque ad extremum articulum sortiuntur effectum. *Bullarum virtus.*

Hoc anno dominus Henricus Comes de Derby profectus in le Pruys in regno de Lettow bella gerit, ciuitatem dictam Willis, ad cuius castellum Rex de Lettow dictus Skyrigalle confugerat, primus occupauit vexillo suo super muros erecto. In ea ciuitate perempta sunt ad 4000. plebanorum vel saltem in captiuitatem ducta, fratre Regis de Poleyn ibi perempto, qui fuit grauis aduersarius Christianis. Marecallus Prusiæ, & quidam

- 20 Rex vocatus Wytot delectati probitate tanti iuuenis & animositate multum honoris impenderunt illi.

Anno 1391. Rex Franciæ missis in Angliam nuntijs, obtulit pacem Regi de ~~terribilem~~ diutissime concupitam. Et vt pax stabiliior, conditio firmior, tractatus honoratior haberetur, petijt Regis nostri colloquium personale, quod prope Kalesiam fieri postulauit.

Rex autem Angliæ, quia sublimis & honorabilis ibi apparere voluit, misit per singulas regni Abbatias pro equis nobilibus, quales Regem decuit insidere. Misit etiam ad eadem loca pro magnis summis pecuniæ sibi mutuo concedendis, ne pacis negotium per religiosos impediri videretur, si quod Rex ab eis petijt negaretur. Nec minus pepercit ciuitatibus & burgis regni, quin à singulis peteret in hoc negotium magnas summas.

- Sub eisdem diebus de consensu Regis & consilij fuit proclamatio facta Londonijs, vt omnes beneficiati existentes in Romana curia redirent in Angliam citra festum S. Nicholai, sub poena priuationis omnium beneficiorum suorum, & non dum beneficiati cederent per idem tempus. Anglici autem audito tanto tonitruo in remotis, metuentes iterum deserta curia confugiunt ad natale solum. Ipse vero Papa, tanto fragore turbatus, mittit festinanter nuntium, qui causas exploret harum rerum omnium, simul & statuti *Papalis nuntius.* Parliamtentalis de prouisoribus nuper editi, vt præfertur. Qui cum venisset, hortatus est Regem rogans & requirens ex parte Papæ, quod statuta illa tolli & de capitularibus faciat
- 40 aboleri & maxime statuta. Quare impedit, & Præmunire facias, & hijs similia, & si statuentes non tollant, &c. saluo honore ecclesiæ, & animarum salute non potest illa dissimulare. Rex Angliæ vt filius obedientiæ, petitionibus Papæ parere decreuit, hijs præcipue quæ expediebant vel licebant. Iussitque papali nuntio, vt expectaret Parlamentum futurum, in quo de communi consilio sibi responsa darentur.

Eo anno dominus Thomas Dux Glouerniæ dum in le Pruys vellet cursum dirigere cum armata manu, agitur aduersa fortuna, & procellosis Neptuni turbinibus à proposito impeditur. Nempe post Daciam, post Norwagiam, post Scotticam barbariem non sine mortis metu transcursum, tandem electus est in Northumbriam prouenitque Tyne-mutham.

- 50 Circa festum omnium sanctorum in Parlamento facto Londonijs tractatum fuit de papali negotio, quo ad statutum nuper editum contra prouisores. Et quamuis Rex & Dux Lancastriæ viderentur Papæ deferre, milites tamen parlamentales nullo modo consentire voluerunt, vt liceret Romipetis impune ibi acquirere beneficia sicut prius. Sed ne viderentur nullum honorem Papæ vel Regi detulisse, hoc tolerauerunt, vt per Regis gratiam liceret talibus impetrare beneficia usque ad parlamentum futurum. Clerus concessit Regi dimidiam decimam, & laici quintamdecimam. Quam summam percepturus erat dux Lancastriæ profecturus in Franciam, & cum Rege Franco personaliter de pacis negotio tractaturus. Item per clerum & laicos conceduntur Regi vna plena decima, & plena quin tadecima sub conditione, viz. quod ipso anno super Scotos hostiliter equiraret.

Eodem anno dominus Henricus Percy reuocatur à Caleſia & cuſtos Marchiæ Scotiæ conſtituitur. Et dominus Tho. Mounbray Comes de Notingham fit cuſtos Caleſiæ.

Anno 1392. in die natali Domini, Delphinus de mari veniens luſit Londonijs in Thamifia, perueniens uſque ad pontem, præſagiens fortaffe tempeſtates, quæ mox infra hebdomadam ſequerantur, vt certe perturbationem ciuium, quam cito poſtea per iram regiam incurrerunt.

Hoc anno Dux Lancaſtriæ transfretauit cum Epifcopo Dunelmienſi, habuitque Ambianis cum Rege Franco colloquium perſonale. Quem Rex ſuſceptum magnifice, ultra quam credi potuit, honorauit. Tandem finito tractatu, reportauit Dux vnius anni treugas, vt per idem tempus deliberaret regni communitas, vtrum expediret paci finali manus dare, potius quam negotia dubia belli tractare. Ob hanc cauſam conueniunt ad conſilium apud Stamford omnes regni proceres, & de cunctis ciuitatibus & burgis nobiliores, ad audiendum & diſcernendum de tractatu Ducis habito Ambianis. Sed tamen nil profuit ea vice tanta collectio, præterquam quod ſuſceperunt treugas per vnius anni circulum duraturas. Ad quas ſeruandas vterque Rex corporale præſtitit iuramentum.

Eo tempore cum Londonienſes Regi petenti mutuo 1000. libras procaciter petita negaſſent, Rex offenſus fecit citari Maiorem & Vicecomes cum Aldermannis ad conſilium Nottinghamiæ & diſtoribus ciuitatis. Et Maiorem quidem cum potentioribus arreſtatum, propter diuerſos defectus illis impoſitos, varijs cuſtodijs deſtinauit. Reuocauitque priuilegia, libertates eorum annihilauit, & leges quas condiderant abrogauit, Decretumque de conſenſu conſilij, vt de cætero Londonienſes Maiorem non eligerent vel haberent, ſed Rex de ſuis militibus prouideret aliquem qui rector eorum foret, & Gardianus Londoniæ vocaretur. Conſtituitque dominum Edw. Daluirigg Gardianum. Qui quia dicebatur nimis fauere ciuibz illico ſubmouetur, & D. Baldewinus de Radir gtona conſtituitur loco ſuo.

Igitur cum Londonienſes humiliati fuiſſent in iniquitatibus ſuis, vidit dominus Rex tribulationem eorum, & propitius fuit peccatis eorum mediante Duce Glouerniæ, venitque Londonias ad conſolandum eos. A quibus tunc cum tanta gloria, tanta pompa, tanta varietate diuerſorum apparatusum eſt ſuſceptus, quanta decuiſſet Cæſarem triumphantem, tantis donis honoratus eſt ab eis, quod eorum pretium nequiuſſet faciliter æſtimari. Sicque recuperare meruerunt libertates veteres, quæ ſaltem ciuitati poſſent eſſe ſulcimentum, non extraneis detrimento. Indultumque fuit eiſdem vt liceret eis Maiorem eligere ſicut prius.

Hoc anno Rex Franciæ malificatus incurrit amentiam, & phreneticus eſt effectus, nec vnquam poſtea potuit vllis artibus plene reſtitui ſanitati.

Robertus de Veer quondam Dux Hybernæ in Louania diem clauſit extremum iamentis angaria, rerumque penuria. Qui equidem iuuenis aptus fuerat ad cuncta probitatis officia, ſi non deſuiſſet ei in pueritia diſciplina.

Anno 1393. in Parlamento factò Wintoniæ poſt natale conceſſa fuere Regi per cle- rum dimidia decima, & medietas quintadecimæ per communes, pro ſumptibus Ducum Lancaſtriæ & Glouerniæ, qui fuerunt proſecturi in Franciam ad tractandum de pacis negotio inter regna.

Hoc anno Bancus regius & Cancellaria tranſlata ſunt de Londonijs Eboracum. Sed non longo tempore durauit hæc nouitas, quia qua facilitate transportabantur Eboracum, eadem lenitate Londonias reportabantur. Iſto quoque anno D. Aldredus de Veer, Comes Oxonij factus eſt.

Dominus Tho. Percy frater Comitis Northumbriæ factus eſt Senecaſſus Regis, & dominus Guliel. Scroope Subcamerarius Regis efficitur, vir quo de facili nemo poſſet nequior aut crudelior inueniri. Sub hoc tempore dictus Guliel. Scroope emit de domino Guliel. de monte acuto Comite Sarum Inſulam Euboniæ cum corona. Nempe dominus huius inſulæ Rex vocatur, cui etiam fas eſt corona aurea coronari.

Hæc inſula vocatur in vulgari, Inſula de Man, quæ inter Angliam & Hyberniam ſituatur.

Duces Lancaſtriæ, & Glouerniæ transfretauerunt in Franciam, pro fine faciendo treugarum præloquutarum, vel pacis finalis inter regna. Sed tamen non dum finis, quia Rege Franco iterum infirmato non potuit finis eſſe.

Dominus Henric. Percy iunior conſtitutus eſt cuſtos Burdegalæ. Aquarum inundatio apud Bury tanta ruit, vt arcem adimpleret eccleſiæ, & apud Nouum Forum parietes do-

tes domorum dirueret, & viris illic ac mulieribus pene periculum dimersionis inferret in Octobrio.

Isto anno dominium villæ de Sherburgh reuolutum est ad pristinum possessorem regem Nauarriæ, quod inuadiatum fuerat regi Angliæ certis annis, pro 22000. marc. de reg. Angliæ mutuo susceptarum.

Anno 1394. Morettus de Turkia vallauit obsidione ciuitatem Constantinopolitana, sed probitate ciuium est repulsus.

In oct. S. Hillarij factum fuit parliamentum London. in quo petatum fuit regi subsidium volenti in Hyberniam proficisci. Cui Clerus concessit plenam decimam si transiret, si vero non laboraret, medietatem tantum decimæ concessit eidem.

Circa festum S. Iohan. Baptiste venerunt à Francia dux Lancastriæ, reportans 4. annorum treugas. In quibus & Scoti comprehendi debebant, si vellent subiici regi Anglorum vt de iure solebant.

Agente duce in Galliis, obiit in Anglia coniux sua domina Constantia domini Petri quondam regis Castillæ filia, mulier super foeminas innocens & deuota. Obit etiam Comitissa de Derby vxor domini Henrici comitis de Derby, filij ducis Lancastriæ supradicti. Anna quoque regina diem clausit, quæ apud Westm. est sepulta. Cuius exequiæ quanto celebriores fuerunt in expensis, tanto notabiliores infamiis, quia rex ipse polluit locum sanguine comitis Arundel in principio officij funeralis. Causa iræ regiæ fuit, quia comes non interfuit processioni & deportationi corporis reginæ ab ecclesia S. Pauli vsque Westm. deportati, & quia cum tardius aduenisset, primus omnium petiit à rege licentiam recedendi propter certas causas quæ eum vrgebant.

Comes Arundel, interfecit.

Eodem anno obiit domina Isabella Ducissa de Cuerwike soror ducissæ Lancastriæ mulier mollis & delicata, sed in fine (prout fertur) satis pœnitens & conuersa.

Hæc humata est iussu regis apud Langlee prædium suum inter fratres.

Circa gulam Augusti iussi sunt omnes Hybernici per totum regnum euacuare citra festum natiuitatis S. Mariæ, præstolaturi in Hybernia regis aduentum, sub pœna capitali. Dicebatur quod in Angliam lucigratia tanta multitudo Hybernicorum venerat, vt illa regio viris & mulieribus vacaretur. Vnde contigit quod mere Hybernici, Anglicorum Hybernicorum æmuli, partem insulæ quæ paruerat regi Angliæ vastauerunt nemine resistente.

Hybern. relegati ad natale solum.

Cui vero cum quondam rex Angliæ illustris Edw. 3. à conquestu illic posuisset Bankum suum atq; iudices cum Scaccario, percepit inde ad regalem fiscum annuatim 30000. librarum. Modo propter absentiam personarum & hostium potentiam irrefrenatam, nihil inae venit, sed rex per annos singulos de suo marsupio terræ defensorib. soluit 30000. marc. ad sui dedecus, & fisci grauissimum detrimentum.

Circa festum natiuitatis beatæ Mariæ rex Angliæ transfretauit in Hyberniam, quem sequebantur dux Glouerniæ, comites Marchiæ, Nottinghamiæ, & de Ruthland. Hybernenses nimirum de tanto apparatu territi, palam non audentes occurrere, clandestinis irruptionibus frequenter regis exercitum fatigant. Coacti tamen sunt se regi submittere plures magnates, quos reges vocat plebs rustica regionis, quorum quosdam rex secum detinuit, ne noua aliqua molirentur. Morabatur autem rex in Hybernia vsque ad Pascha. Per id temporis accesserunt ad eum ab Anglia Archiepiscopus Eborac. & Episcopus London. cum aliis nuntiis missis per clerum rogantes vt quantocius repatriare dignaretur ad succurrendum fidei & ecclesiæ, quæ iam per Lollardos & eorum fautores incredibiliter affligebatur. Nam ad hoc vacabant solummodo vt imaginarentur qualiter totius Ecclesiæ possessiones tollerent, & quod peius fuit, cunctas canonicas destruerent sanctiones. Hiis auditis rex impiger reuersus est in Angliam, arbitrans magis necessarium fidei periclitanti succurrere, quam circa regna temporaria acquirenda decertare. Sed hæc in sequentibus diffusius sunt tractanda.

Anno 1395. Tenuit Rex natale in ciuitate Dubliniæ, & post natale fecit parliamentum ibidem, ad quod conuenerunt tam ligei sui, quam illi qui dudum submisserant se eidem. Eo tempore post Octauas Epiphaniæ, vocante custode regni Angliæ domino Edmundo regis patruo duce Eboraci factum est parliamentum Londoniis. Ad quod accessit dux Glouerniæ missus de Hybernia, qui coram cunctis exposuit regis necessitatem, qui iam exhauserat thesauri sui in Hybernicos facultatem. Cuius legatio rantum valuit, vt clerus vnā decimam regi concederet, & quintam decimam plebs communis facta prius protestatione, quod ad hoc concedendum regi non tenebantur stricto iure, sed sui regis affectione.

Parliamentum Dubliniæ.

Eo tempore Lollardi cum suis fautoribus in omnem malitiam efferati, fixerunt publice super ostia sancti Pauli London. & Westmon. abhominabiles cleri accusationes, & hætenus inauditas conclusiones, quibus nitebantur destruere personas omnes ecclesiasticas & ecclesiæ sacramenta, animati ut fertur fauore quorundam procerum & militum Aulicorum.

Inter quos campi ductores fuere Richardus Stury, Lodowicus de Clifford, Thomas Latimer, Iohannes de monte acuto, qui instigabant & confortabant hæreticos ad confundendum & delendum si posse daretur præcipue religiosos.

Rexigitur ut præfertur conceptis tantis malitiis Lollardorum festinanter venit in Angliam ut suo dissiparet intuitu omne malum. Quo cum peruenisset lætis auibus, quosdam de proceribus obiurgauit acriter, comminans eis terribiliter, si de cætero Lollardis fauerent, vel eos aliquo modo confortarent. De Richardo vero Stury accepit iuramentum tacto libro Euangeliorum, quod de cætero opinioniones huiusmodi non teneret. Quo facto dixit rex: Et ego iuro tibi, & tu vnquã violaueris iuramentum morte pessima morieris. Audientes cæteri tantum rugitum contraxere cornua & hætenus dilituerunt.

Eo anno sensit Anglia damna graua per piratas reginæ Danemarchiæ, qui nautas & mercenarios deprædabatur, præcipue tamen eos qui erant de Northfolchia. Qui tandem ausi sunt collecta multitudine congregari cum eisdem. Sed hostibus prævalentibus, multi nostratum sunt perempti, plurimi ad redemptionem grauissimam sunt seruati, direpta pecunia, quam ad nundinandum comportauerant, ad summam viginti millium librarum.

Eodem anno dominus Wilhelmus Cantuar. Archiepiscopus non considerata de-
Oppressio Ecclesiasticorum. pressione ecclesiastica qua iugiter premebatur singulis annis per tallagia regia, plus prospiciens suo priuato commodo, quam communis incommodo, impetrauit ab Apostolico, ut leuare posset per totam suam prouinciam quatuor denarios de libra, omnium bonorum ecclesiasticorum tam exemptorum, quam non exemptorum, nulla præten-
30 sa legitima neque vera causa.

Multi metuentes supercilium executorum præsentis negotij Sancti Archiepiscopi Eborum, & Episcopi Londoniensis se luere consenserunt, alij autem ad sedem apostolicam appellauerunt, sed tantis motibus finem imposuit summus pontifex dominus Iesus Christus, consulens honori, famæ, corpori & spiritui tanti viri, dum cum celeri fato subtraxit.

Hoc anno obiit Ioh. Waltham Episcopus Sarum, regni thesaurarius. Qui tantum regi complacuerat ut rege iubente apud Westm. inter reges habuerit sepulturam. Huic successit in officio Thesaurarij, D. Rogerus Walden, in episcopatu vero D. Ioh. de Mitford episc. Ciceſtrenſis, ad cuius episcopatum Dublinensis Archiep. est translatus. Quia maior Præfatus in seculari substantia minor erat.

Obiit etiam Exoniensis episcopus, cui successit regis instantia magister Edmundus de Stafford portitor priuari Sigilli, obiit quoque D. Henr. de Wakefeld episc. Wigorn. Cui successit ad preces regis quidam monachus Cisterciensis regis Physicus dictus Tydeman, cassata magistri Ioh. Grene electione legitima.

Mense Nouembrio Rex Angliæ apportato de Louania corpore dilecti sui Roberti de Veer, fecit illud apud prioratum de Coolne in Estsexia solemniter tumulari, exhibens suam præsentiam officio funerali. Multitudo Præfulum & prælatorum contemplatione regis affuit hiis exequiis: sed per pauci de proceribus, quia nondum digestum fuerat apud eos odium inueteratum.

Anno 1396. Iohannes dux Lancastriæ cui rex donauerat ducatum Acquitaniæ, cum iam incredibilem summam thesauri in illis partibus expendisset, pro adipiscenda patriotarum beneuolentia, consequutusque fuisset propositum, subito per mandatum regium reuocatur. Qui nihilominus reuocanti paruit, & in Angliam rediit, & accessit Langleyam ubi rex natale domini celebrauit. Susceptusque est à rege debito cum honore, sed ut quidam asserunt, non amore. Licentiatus proinde à rege, curiaque recessit, & properauit Lincolniam ubi Katherina de Swinford eo tempore morabatur. Quam post Oct. Epiphaniæ desponsauit, cunctis admirantibus facti miraculum, & maxime ipso rege.

Hoc tempore papa scripsit regi Angliæ orans ut assisteret prælatis ecclesiæ in causa dei, & ipsius regis, & regni contra Lollardos, quos declarauit non solum proditores ecclesiæ, sed ipsius regis. Rogauitque obnixius ut quos prælati declarassent hæreticos condemnaret.

Eo tempore iuxta pacta inter reges Angliæ & Franciæ prius firmata, conuenerunt dicti

dicti reges ad locum ultra Calesiam eorum colloquio designatum, vbi amborum regum tentoria magnifice fixa fuere. Qui ante tractatum pro pacis securitate, corporale præstiterunt coram omnibus iuramentum. Et quidem iuramentum regis Franciæ tale fuit.

Nos Carolus rex Franciæ iuramus in verbo regali super Euangelia pro nobis & omnibus nobis subiectis, amicis & affinitate nobis iunctis, & beneuolentibus, quod non faciemus, nec patiemur fieri per nos, nec per supra nominatos, damnum, impetitionem molestiam, arrestationem, nec disturbationem vlllo modo per tempus nostræ conuentionis, nec per 8. dies ante conuentionem, & 7. dies sequentes nostro dilecto filio regi Angliæ, nec alicui de suis subiectis, amicis, affinibus, nec beneuolis, ante dictum tempus. Et si casu aliquo insolentia vel litigium per aliquem de nostris supradictis, quod absit, emerferit, nos promittimus in verbo regali, & per securitatem prædictam, quod faciemus hoc debite emendari, & sine dilatione reformari.

Infirmandum regis Franciæ.

Et iuramus vltcrius super securitate prædicta, quod si aliquis vel aliqui de qualicunque statu vel conditione extiterint, voluerit, vel voluerint contraire dictæ nostræ securitati, nos erimus in auxilium nostri prædicti filij pro nostro posse ad resistendum malitiæ malefactorum prædictorum, & conseruandum dictum nostrum filium & suos, per modum quem nos & nostri scimus. Et ad tenendum omnia, & persequendum sine fraude, vel malo ingenio, & ad hoc iuramus & promittimus sicut supra.

Die 26. mensis Octob. rex Angliæ equitauit de Calesia versus castellum de Gynes, & cum eo dux de Berry qui missus fuerat ad recipiendum sacramentum regis nostri.

In crastino obuiauere reges, ducentibus regem Angliæ dominis Franciæ 4. ducibus de Berry, & Burgundiæ, Aurelianensi, & Burboniæ, Comite Sancer, Vicecomite de Meleyn, Episcopo de Vilames, dominoq; de Bussy. E contra de parte nostrati missi sunt ad conducendum regem Franciæ ad suam papilionem duo duces, scilicet Lancastriæ, & Glouerniæ, 4. Comes scilicet de Derby, & de Ruthland, Nottinghamiæ, & Northanhumbriz. Habueruntq; colloquium duo reges, in quo assensu mutuo fuerat ordinatum, vt cõstrueretur in eodem loco vna capella sumptibus amborum in æternam memoriam, quæ capella dominæ nostræ de pace vocaretur.

Regum colloquium.

Die Sabbati in festo apostolorum Simonis & Iudæ reges colloquuti sunt de certis articulis tractatus sui, iuraueruntque super Euangelia de pactis seruandis. Et tunc rex Angliæ rogauit regem Franciæ vt pranderet cum eo die Lunæ sequente. Die Lunæ venit rex Franciæ ad tentorium regis Angliæ. Et eadem hora, regina fuit adducta ad tētoria regis nostri, quam rex Franciæ donauit regi nostro. Qui tenens manum puellæ, osculatus est eam, multum regratiando patri suo de dono tam honorabili & gratioso, asserens se eam sub conditionibus accipere factis inter eos. Commendata est proinde regina ducissis Lancastriæ & Glouerniæ & comitissis Huntingdoniæ, & Staffordiæ, aliisque dominabus quæ conduxerunt eam Calesiam in apparatu maximo hominum & equorum. Habuit nempe secum 12. currus plenos dominabus & domicellis.

Hiis ita gestis reges accesserunt ad prandium in tentorio regis Anglorum. Consecutque rex Franciæ in dextera parte Aulæ, cui seruitum fuit more patriæ suæ regaliter, id est, de omnibus cibariis primi cursus simul in magna parapside, & de secundo cursu eodē modo. Regi vero nostro, modo patriæ seruiebatur, id est, Anglico. Post prandium reges osculati pariter ascenderunt equos, duxitq; rex Angliæ in viam suam, & tandem iunctis manibus super equos ab inuicem discesserunt. Rex Franciæ equitauit ad Arde, & rex versus Calesiam se conuertit, vbi filiam regis Franciæ duxit vxorem pusillam septennem vel octennem. Fuerat autem iste regum apparatus grandis & sumptuosus in donariis & expensis. Nam præter dona quæ rex Angliæ dedit regi Franciæ, aliisque proceribus illius regni, quæ superauerunt summam 10000. marcarum, rex expendit vt aiunt 30000. marcarum & amplius ea vice. Rediit autem cito postea saluus in Angliam, & vxor sua, sed aduersa tempestate tentoria sua perdidit, & magnam partem suppellectilis domus suæ.

Hoc anno valefecit seculi vanitatibus Magister Guliel. de Cortiniaco Archiepiscopus Cantuariensis. Cui successit postulatione capituli D. Thom. frater comitis Arundeliæ regni Cancellarius. Qui mox Cancellarij renunciauit officio, & illius sollicitudinem Magistro Edmundo Stafford episcopo Exoniensi assensu regio commendauit. Successitque prædicto Thom. in Archiep. Eborac. quidam frater, prouisione papali contra vota totius cleri Eboracensis.

Archiep. Cantuariensis.

Eodem anno decessit totius monasticæ religionis speculum, curusq; & auriga eius, D. Tho.

D. Thom. Abbas Monasterij Sancti Albani, cui successit per electionem D. Iohan. Moot Prior eiusdem loci. Qui iuxta noua priuilegia à curia impetrata, vt viz. eo ipso quo rite foret electus, esset & confirmatus, primus omnium eo priuilegio vsus est. Suscepitque munus benedictionis ab Archiepiscopo Cantuariensi domino Thoma de Arundell, non quia sic oportuit, sed quia per manus eius benedici prælegit. Qui benedixit eum in manerio suo de Salte woode inhibens omnibus ministris domus suæ, ne vlla feoda susciperent ab eodem.

Anno 1397. In parlamento celebrato London. D. Iohan. dux Lancastriæ legitimari fecit prolem quam susceperat de Katherina de Swinford.

Erin eodem parlamento Thom. Beufort filius ducis eiusdem Katherinæ creatus 10 est Comes Somerset. Cognominauit autem dux prolem illam de bello forti, id est, de Beufort. Rex contra iuramentum quod præstiterat reuocauit de Hybernia iusticiarios, quos olim de consensu suo regni proceres propter defectus eorum notabiles constituerant exulare.

Eo tempore increbuere rumores, licet inanes, quod rex Angliæ fuisset electus in Imperatorem, unde rex elatus vt fertur, ab eo tempore cepit altius sapere quam solebat: vulgus exinanire, grandes summas pecuniæ mutuari, in tantum vt nullus prælatus, nulla ciuitas, nullus ciuis notatus locuplex in toto regno se potuit occultare, quin de sua pecunia mutuum regi daret.

*Dux Glouernia
in carcerem con-
iectus.*

Hoc anno cum iam sibi regnum Angliæ summa videretur pace gauisurum propter 20 regales nuptias & opes accumulatas per easdem, & treugas annorum 30. firmatas, & præsentiam tot nobilium procerum, quot & quales nulla externa regio poterat exhibere, repente regis astutia cuncta turbantur. Dum inopinate capit auunculum suum ducem Glouerniæ vi & armis nihil tale verentem apud Pleschi in Estlexia, & Calesiam deduci facit ceri mancipandum. Comitem vero Warwici ipso die quo eum inuitauerat ad prandendum secum, fecit arrestari, & protinus incarcerari, quamuis ei peroptimum vultum monstrasset eodem die, & insuper sibi futurum bonum dominum promississet.

Comitem præterea Arundeliæ deceptum blandis persuasionibus, qui satis potens erat & se saluasse vt dicitur, & suos amicos liberaffe, scilicet ducem Glouerniæ & Warwici comitem, se reddentem pacifice misit ad Westam Insulam pari modo in carcere detinen- 30 dum vsq; ad parlamentum, quo definierat eos omnes morte plectendos. Et ne fieret communis vulgi commotio pro captione dictorum procerum, quam maxime verebatur, proclamari fecit per regnum quod ista dominorum captio non erat facta pro quibuslibet antiquis transgressionibus, sed pro nouis commissis contra regem, quæ propalarentur in parlamento futuro, sed hæc proclamatio ficta fuit, prout rei exitus comprobauit.

*Proclamatio in
proceres.*

Rex vero nescitur quid metuens, per idem tempus vetuit ne pontifices aliue prælati facerent processiones siue deuotiones pro causa præmissa, vel procerum ereptione, detentorum. Paulo post apud Noringham fecit indictari dictos dominos de proditione. Subornauitq; appellantes, qui eos appellarent in parlamento futuro, Edw. comitē Ruthlandiæ, Tho. Mounbray comitem Mareschallum, Tho. Holland comitem Cantij, Ioh. Holland 40 comitem Huntingdoniæ, Tho. Beufort comitem de Somerset, Ioh. Moutague comitem Sarum, Tho. dominum de Spencer, & Guliel. le Scroupe regis Camberlanum. Quibus sic gestis, fecit rex proclamari per totum regnum quod domini arrestari proditores erant & pro proditione detenti. Interea rex sibi metuens, conuocauit ad tutelam sui soporis multos malefactores de comitatu Cestriæ, qui noctium vigiliis dierumque seruarent, & diuiderent circa illum.

Circa oct. Natiuitatis sanctæ Mariæ factum est Parlamentum Lond. ad quod venerunt omnes regni proceres armati cum suis retinentiis, ducti nimirum metu regis. Prolocutores præsentis parlamenti milites extitere, in quibus nec virtus aliqua, nec fides vlla posset inueniri. Sed innata cupiditas, ambitio inextinguibilis, fastus intollerabilis, o- 50 dium veritatis. Tæderet eorum commemorare vocabula, nisi quia Pilatum & Herodem & sacrilegos sacerdotes nomine notatos in Agiographia sciremus. Fuerunt ergo istorum nomina, Ioh. Buffy, Gul. Bagot, & Thom. Grene. Hij importunis clamoribus petierunt vt chartæ perdonationum in primis annullarentur. De quibus requisiti prælati de facili iudicarunt, chartas tales fore reuocabiles, non attendentes quod huiusmodi gratiæ reuocatio personæ regiæ maxime repugnabat, cum misericordia sit solij regalis confirmatio, & qui tollit à rege misericordiam, tollit regalis solij firmamentum.

Consequenter domini temporales videntes imperfectum cleri post ipsum abierunt magis metu regis moniti, quam mentis ratione. Iusticiarij, legisque periti, censuerunt istud

istud nullatenus faciendum asserentes inter se cunctos fore regis proditores, qui ad hoc eum quomodolibet instigarent. Nihilominus exactum fuit à Prælatiſ vt constituerent laicum procuratorem pro eisdem, vt quia illi non poterant interesse iudicio sanguinis, procurator eorum si necesse foret huiusmodi negotio consentiret. Altera autem die cum Archiepiscopus Cantuariensis de regis mandato (quem credebatur sibi amicissimum) se absentasset de Parlamento (qui etiam sibi iurauerat quod nihil attemptaretur in eius præiudicium absente ipso) contra omnem iustitiam, adiudicatus fuit exilio, cum adiecto, quod non remaneret in regno ultra sex hebdomadas ab illo die proxime computandas. Quo taliter condemnato misit rex clam ad Romanam curiam pro translatione eiusdem, 10 effecitque vt Rogerus de Walden regni pro tunc Thesaurarius pro eo Archiepiscopus ordinaretur. Qui quia præsumpsit ascendere cubile viuentis patris sui, post triennium deiectus est autoritate Papæ præfati.

Die vero S. Matthæi, Richardus Comes Arundeliæ tristem mortis accepit sententiam, deducenſibus eum cum turba Cestrenſium ad mortis metam comitibus Mareſcallo & de Cantio, & I. comite Huntingdon fratre regis. Intuens Comes Arundeliæ Comitem Mareſcallum & comitem Cantij ſuos affines & neceſſarios, (nam alter gener eius erat, alter nepos ex filia) perurgere negotium decollationis ſuæ, vere inquit, decuiſſet vos præcipue absentes fuiſſe, & ab isto negotio ſubtraxiſſe. Sed tempus adueniet, quando tot mirabuntur de veſtris infortuniis, quot de meis caſibus nunc mirantur. Sicque fle- 20 xo poplite vultu conſtantiffimo decapitari ſuſtinuit, nec plus expalluit, quam ſi fuiſſet ad epulas inuitatus. Cuius corpus cum capite inter fratres Auguſtinenſes Londoniis eſt humatum.

Comes Arundelia capite plectitur.

Post cuius mortem, rex diris imaginibus in ſomnis eſt turbatus. Videbatur nempe umbra comitis mox vt dormire cæpiſſet ante ſuos oculos volitare, minarique ſibi, & cum indicibiliter deterrere, quaſi diceret hoc quod Naſo:

*Nunc quoque factorum venio memor umbra tuorum,
Insequor & vultus offea forma tuos.*

Quibus rex paucifacſus imaginibus, cum meticuloſus medios ſomnos interromperet, maledixit diei in q 10 nouiſſet comitem memoratum. Auxit quoque ſibi mentis infaniam quod audiuit commune vulgus Comitem reputare pro martyre, peregrinationeſq; fieri circa corpus eius. Quapropter iuſſit vt fratres ſigna deponerent fixa vel erecta circa ca- 30 dauere eius, & locum ſepulturæ ſub pauimento altius occultarent.

Post mortem comitis Arundeliæ productus fuit Comes Warwici ad aſtandum iudicio parliamenti. Qui mortis metu ductus, ſimul & pollicitationibus blandis ſeducſus, ſe reum fatebatur criminis læſæ maiestatis. Data eſt ergo mortis ſententia contra eum, quam mox temperauit regis gratia, condonans ſibi veniam atque vitam, ſed tamen miſ- 40 ſus eſt in exilium ad inſulam Euboniæ, vbi ſub cuſtodia carcerali reſiduum tranſigeret vitæ ſuæ. Interea quia non videbatur tutum regi vt dux Glouerniæ reſponſus aſtaret publice propter fauorem populi qui ſibi nimis afficiebatur, iuſſit Comiti Mareſcallo vt 40 eum latenter occideret. Qui miſſis iniquitatis miniſtris, ſuffocari fecit eum ſuperiectis culcitris & lectis pluma refertis ſuper os eius. Sicque mortuus eſt ille vir optimus regis filius, & regis patruus, in quo reſoſita fuere ſpes & ſolacium totius regni communitatis. Ex poſt Rex fecit aſtute iſtud parlamentum differri vſque poſt feſtum natalis domini, quod reinciperetur vel potius continuaretur apud Salopiam in confiniis Wal- 50 liarum.

Comes Warwici exilio afficitur.

Dux Glouernia ſuffocatur.

Anno 1398. in parlamento continuato Salopiæ procurauit Rex ſubtiliter, fecitque concedi de conſenſu omnium regni ſtatuum vt potestas parliamenti remaneret penes certas perſonas 7. vel 8. quib. liceret determinare diſſoluto parlamento, certas petitiones in eodem parlamento porrectas, pro tunc minime expeditas. Cuius conſeſſionis colore, perſonæ ſic deputatæ proceſſerunt ex poſt ad alia generaliter parlamentum illud tangentia, 50 & hoc de voluntate regis in derogationem ſtatus parliamenti & incommodum totius regni, & pernicioſum exemplum.

Rex autem vt ſuper hoc factò videretur habere colorem & autoritatem fecit rotulos parliamenti mutari & deleri contra effectum conſeſſionis prædictæ.

Hiis ita perpetratis rex aſſumpſit ſibi nomen principatus Ceſtriæ, & comitē de Derby creauit ducem Herefordiæ, comitem Mareſcallum ducem Northfolciæ, comitem de Ruthland ducem Albemarle, comitem Cantia ducem Surrey, comitem Huntingdoniæ ducem Exceſtriæ, comitiſſam de Northfolke duciſſam Norfolciæ, comitem de Somerſet Marchionem ibidem, D. de Spenſer, comitem Gloceſtriæ, D. de Neuile comitem Weſt- 60 mer-

merlandiæ, D. Gul. le Scroupe comitem de Wilshire, D. Tho. Percy Seneschallum regis comitem Wigornia.

Proinde rex mutauit arma sua, addiditque scuto suo arma S. Edwardi regis & confessoris.

Eo tempore rex contulit nouis creauis suis ducibus & comitibus magnam partem terrarum ducis Glouerniæ, comitis Arundeliæ, & comitis de Warwico.

D. de Cobham exilio multatus.

In hoc parlamento continuato apud Salopiam D. de Cobham vir grandæuus, simplex & rectus, ob nullam causam aliam est damnatus, nisi quia fuerat vnus ex deputatis regi pro suis consilio & tutela, per dominos 11. anno suo, & parlamentum tentum eodem anno annullatur. Rex tamen concessa seni, quam non optauit venia, siue vita, misit eum 10 ad insulam de Gernesey in exilium.

Vt autem robur perpetuæ firmitatis obtinerent ordinationes & iudicia facta & lata in præmissis parlamento, impetrauit Rex literas apostolicas in quibus graues censuræ intentabantur contra quoscunque dictis statutis quomodolibet contrauenientes. Quas promulgari fecit Londoniis ad crucem S. Pauli & aliis celeberrimis regni locis.

Circa præsens tempus appellauit dux Hereford ducem Northfolciæ de quibusdam verbis per eum dictis, quæ in regis dedecus redundabant. Ob quam causam indictum fuit eis duellum apud Couentre. Tandem cum intrassent listas ibidem tam animose quam magnifice, rex in manu sua causam suscepit, & fecit proclamari quod dux Herefordiæ debitum suum honorifice adimplet. Sed tamen velut immediate postea, rex sine causa 20 quacunque legitima dictum ducem Herefordiæ relegauit ad decennium, contra iustitiâ & iura militaria & consuetudines huius regni, ducem vero Northfolciæ perpetuo damnauit exilio. Acta feruntur hæc eodie ad annum, quo idem dux Norfolciæ ducem Glouerniæ fecerat suffocari.

Dux Northfol. patria pellitur.

Hoc anno papa Iohan. Lincolnensem episcopum transtulit ad episcopatum Cestriæ tunc vacantem, & dedit episcopatum Lincolnæ H. Beufort vni de filiis D. Iohann. ducis Lancastriæ & dominæ K de Swinford ob ducis reuerentiam & amorem. Episcopus vero Lincolnæ veteranus noluit hanc admittere translationem, sed ea spreta contulit se Cantuariam & in ecclesia Christi inter Monachos finem vitæ fecit. Confessor regis quidam frater de ordine prædicatorum de Episcopatu Landassensi translatus est ad episcop. 30 Cestrensem.

Rex eo tempore conuocato clero iussit vt determinaret si liceret papæ tales facere translationes pro suæ arbitrio voluntatis. Ad quod responsum fuit non directe, sed modo supplicationis porrectæ regi ex parte Cleri, vt dignaretur papæ scribere, vt à talibus translationibus temperaret pro commodo totius ecclesiæ Anglicanæ. Rex vero cum audisset hoc responsum, velut offensus tantæ licentiæ papæ, iurauit quod si clerus constanter restitisset papæ in præsentis negotio ipse manus apposuiisset in auxilium eorundem.

Eo tempore venit in Angliam domini papæ nuntius Petrus de Bosco Aquensis episcopus, ad commouendū regē, vt permetteret ligeos suos prouisiones acquirere de manu Papæ, & reuocaret statutum æditum contra prouisores, & illud breue, Quare impedit, multaque similia. Sed quod minus obtinuit de suo negotio, Rex accumulauit suo marsupio, donans ei iocalia de magno pretio.

Ann. 1399. per totum regnum Angliæ lauri veteres aruerunt, & ex post contra multorum opinionem reuiruerunt.

Portentum de aqua diuisa.

In die Circumcisionis domini, prope Bedfordiam, aqua profundissima quæ decurrit inter villas de Snedlisterie & Harlewood repente restitit, & se diuisit, sic quod per tria milliaria alueus siccus permanfit præbens quibuslibet ingressum siccū. Quod prodigium visum est pluribus significare populi diuisionem & à rege defectionem, quæ contigit eo anno.

Eo tempore Rogerus Comes Marchiæ dum nimis confidit in virtute propria, ab Hibernicis peremptus est in Hibernia: cuius mortem Rex statuit vindicare personaliter, Hibernicosque domare. Fecitque præparationem maximam, extorquens pecunias, exigens equos & quadrigas, & iustualia pro prosecutione sua rapiens, nilque soluens: vnde suis ligeis factus est odibilis. Misus.

Per idem tempus venit in Angliam Episcopus Calcidonensis cum literis Apostolicis commonitoriis, vt regni fideles de bonis suis conferrent Imperatori Constantino-politano, qui nimis infestabatur per Tartaros & eorum Ducem vocatum Moretum. Vt autem prouiores efficerentur Regnicolæ ad offerendum huic negotio, concessit Pa-
pa be-

pa benefactoribus vere contritis & confessis, plenam remissionem, attendens quod si ipse ab incredulis opprimeretur, imminebat toti Christianitati ruina: recolens illud in mente Poeticum:

Tunc tuares agitur paries cum proximus ardet.

Circa festum Purificationis obiit Dominus Ioh. Dux Lancastriæ, cuius corpus in Ecclesia Sancti Pauli Londoniis est humatum. Post cuius decessum Rex Dominum H. filium eius quem relegauerat ad decennium, exulare decreuit in perpetuum, reuocans suas patentes literas generales quas sibi prius concesserat: quod durante relegationis tempore, generales Attornati sui possent prosequi pro liberatione sibi facienda de quibuscunque hæreditatibus siue successionebus ipsum ex tunc contingentibus, & quod homagium suum respectuari posset pro fine rationabili faciendo. Quo facto constabat regem non relegasse ducem pro dissentionibus quæ potuissent oriri inter familias suas & ducis Northfolciæ ut præensum fuerat, sed occasione bona Ducis occupandi, ut multi dicebant.

Interea rex cepit mutuo grandes pecuniarum summas de quampluribus dominis tam temporalibus quam spiritualibus, aliisque personis regni: promittens eis bona fide sub patentibus literis, quod pecunias illas sic mutuatas resolveret termino limitato, quas nunquam postea reddidit creditoribus supradictis.

Eodem anno grandiores summas pecuniarum exegit à 17. regni comitatibus metu mortis, imponens eis quod contra eum fecerant cum duce Glouerniæ, comitibus Arundell & Warwici &c. Quare paratus erat super eos equitare tanquam super hostes publicos. Quamobrem recepit à dictis comitatibus nouam securitatem super iurisdictioni firmamento. Quo facto misit certos episcopos cum aliis viris honorabilibus ad dictos comitatus, qui inducerent tam dominos spirituales quam temporales ut se regi submitterent, & semet recognoscerent proditores per literas eorundem sigillis signatas. Hac occasione coacti sunt regi concedere Clerus & commune vulgus, dominique temporales dictorum comitatum importabiles summas pecuniæ pro beneuolentia sua recuperanda, & ista redemptione *Le pleafunze* vocabatur.

Item cupiens ut fertur populum regni sui suppeditare, direxit patentes literas ad omnes regni comitatus, & per terrores induxit, ut omnes ligei sui quicunque tam spirituales quam temporales iuramenta insueta præstarent in genere, quæ verisimiliter cauere possent destructionem plebis suæ finalem ut dicebatur. Coegitque ligeos suos ipsa iuramenta sub literis eorum & sigillis roborare. Ad chartas albas insuper eosdem ligeos apponere sigilla compulsi, ut quoties grassari vellet in eos, facultatem haberet eos sigillatim vel insimul opprimendi. Fecit præterea ut vicecomites per totum regnum noua iuramenta præstarent ultra solita, quod viz. obedirent omnibus mandatis regis quotiescunque directa fuissent eisdem sub magno priuato sigillis, ac etiam literis illis directis sub sigillo suo. Et in casu quo idem vicecomites scire possent aliquos de balliuis suis cuiuscunque conditionis essent, aliquod malum dicere siue loqui publice vel occulte, quod cedere posset in dedecus aut scandalum personæ regis, ipsos imprisonarent, donec aliud de rege susciperent in mandatis. Vnde contigit quod quamplures ligeorum suorum malitiose accusati, capti fuerunt & imprisonati, non excusandi aliter nisi commissa monomachia personali se iustificarent, non obstante quod accusatores & appellatores eorum essent iuuenes, fortes, & sani, & illi sic accusati pro magna parte senes, impotentes, mutilati, vel infirmi.

Circa festum Pentecostes rex relinquens regnum ut præfertur turbatum multiplicitè, nauigauit in Hyberniam cum suis Cestrensis, ducibusque de Albamarla & de Excestria, aliis quoque multis, habens secum nobiles pueros filios ducum Glouerniæ & Herefordiæ, quorum affines præcipue verebatur, Episcopos etiam secum traxit multos cum Abbate Westmon. qui quoties vellet Parliamenta facere, prout prius constituerat, cum consensu octo personarum præsto forent, ad confirmandum pro parte sua quæ fuerant statuenda.

Thesaurum præterea & reliquas aliaque iocalia regni que diuitias ab antiquis dimissas secum abstulit in Hyberniam, sine consensu statuum regni sui.

Cumque venisset in Hyberniam, videbatur primo quidem prosperari & super inimicos suos confortari. Non tamen exinde multum lætabantur regnicolæ, qui semper de eo sentiebant deterius, & per eum grauius opprimi metuebant.

Interea dux Henricus olim Herefordiæ, sed nunc Lancastriæ paterno iure, grauius ferens relegationem suam, sed multo grauius exilium & exheredationem suam, nata

Aaa

sibi

Senatus conuocatus apud S. Albanum.

sibi prout videbatur temporis opportunitate de regis absentia, quem sciuit inuisum populo regni sui, in Angliam redire disposuit, ad petendum hæreditatem sibi de iure debitam. Occurrerunt sibi sub eodem tempore T. quondam Archiep. & nepos eius filius comitis Arundell simul & hæres, qui mare cum eo sunt ingressi. Qui inter omnes non amplius (vt vsu vulgari loquar) quam quindecim lanceas habuere: tantum fidebat dux de sua iustitia, populi que fauore. Noluit tamen recto cursu terram ingredi, nec repente, sed nunc apparuit patriotis in vna parte regni, nunc in alia, vt videret si contra eum iuxta littora resistentia pararetur. Audiens dominus Edm. dux Eboraci rector regni, quod dux Lancastriæ iam mare teneret, accitis regis consultoribus, & regni Cancellario, consilium tenuit apud S. Albanum, quærens super isto negotio quid agendum. Qui consuluerunt illuc manum 1 • bellicam aduocandam quæ posset resistere venienti: sed quam inane fuit consilium eorū in hac parte, rei exitus declarauit. Nam aduenientes illuc de cunctis provinciis protestabantur se duci nolle nocere, quem nouerant iniuriöse tractatum fuisse. Dicti vero nequā Consiliarij hæc audientes, mox relicto regni custode, nec non & Cancellario, ad castrum Bristol confugerunt.

At dux Lanc. circa festum translationis s. Martini applicuit prope locum vbi quondam fuerat villa de Rauenesere nemine resistente, cui occurrit Comes Northumbriæ D. Henr. Percy, & H. eiusdem filius, & Comes Westmerlandiæ D. Radulphus Neuile, aliique domini, qui timebant regis tyrannidem, plures valide: sic quod factus est exercitus 60000. pugnatorum qui omnes vno voto statuerunt inprimis prosequi regis pessimos consultores 2 • veneruntque Bristolium & obsederunt castrum: vbi tandem ceperunt Thesaurariū Gul. le Scroope, loh. Buffy, & Tho. Grene, qui mox ad clamorē communiū sunt decollati. Gul. Bagot & loh. Aufferell hanc tempestatem declinando fugerunt.

Rex in magnas angustias adductus.

Rich. rex cum audisset in Hybernia de ducis aduentu, mox curauit filium ducis Glouerniæ & filium ducis Lancastriæ in castro de Trym recludere, quod est in Hybernia satis forte. Et confestim ad nauigium conuolauit, cum personis quas secum traxerat in Hyberniam, ducibus & episcopis, aliis quoque multis. Sed cum attigisset fines Angliæ & cognouisset apparatus ducis, pugnandi dimisit animum, pro certo tenens quod populus contra eum congregatus citius vellet mori quā cedere tam propter eius odium quam timorem. Dimisit ergo familiam, monens per Seneschallū D. Tho. Percy vt se reseruaret ad tempora 3 • meliora. Ipse vero rex quærens diuorcia huc illucque se contulit multis diebus, semper eū duce Lanc. cum exercitu insequente. Tandem apud castellum de Cunnwey constitutus, petiit habere colloquium cum domino T. Arundell quem expulerat de Archiepiscopatu Cant. & comite Northumbriæ, cum nulla spes esset vltius fugiendi: quibus indicauit se velle regno cedere, si sibi victus honorificus, vitæque securitas & octo personis quas nominare vellet fide interposita donaretur. Qua petitione concessa atque firmata, venit ad castrum de Flynt, vbi habito breui colloquio cum duce Lancastriæ mox ascensis equis venerunt ad castellum Cestriæ ea nocte. Et ab eo loco productus est Londonias conseruandus in Turri vsque ad parlamentum proxime celebrandum.

Rich. deponis imperium.

Interim directæ sunt breuia ad personas regni qui de iure debebant interesse parlamento, vt conuenirent ad Westm. in crastino S. Michaelis. Quo die rex Richardus in Turri coram regni magnatibus gratanter vt apparuit & vultu hillari perlegit distincte formam cessationis suæ, & absoluit ligeos suos à iuramento fidelitatis & homagij, & relaxauit ab omnibus aliis iuramentis quibuscunque, & suis dominiis renunciauit, iurauit, & alia dixit & protulit in legendo & manu sua se subscripsit, prout in forma cessationis plenius continetur. Et mox adiunxit quod desiderauit vt dux Lancast. succederet sibi in regno. Sed quia hoc in potestate sua non erat, Archiep. Ebor. & episc. Herefordensem constituit suos procuratores ad hæc omnia declarandum, & intimandum cessationem & renuntiationem statibus dicti regni. Et in signū suæ intentionis & voluntatis huiusmodi annulū de signeto suo aureum extractum de digito suo, digito ducis apposuit: desiderans hoc ipsum vt afferret, omnibus regni statibus innotesci. 4 • 5 •

Dux Lancastriæ regnum Ang. vt dicit.

In crastino lectis regis renuntiatione & cessione coram statibus regni in magna aula Westm. consequenter processum est ad articulos pro quibus videbatur merito deponendus. Qui etiam lecti omnes violationem iuramenti regalis finaliter concludebant. Proinde sententia depositionis regis lecta, constabat regnum Angliæ cum pertinentiis suis vacare. Quapropter dux Lancastriæ de loco suo surgens, & stans erectus vt posset à populo toto videri, muniens se signo crucis in fronte & in pectore, & inuocato Christi nomine, dictum regnum Angliæ sic vacans, vt præmittitur, cum corona ac omnibus pertinentiis vëdicaui, in lingua materna sub hac forma verborum. In dei nomine Amen.

Ego

Ego Henricus de Lancastria vendico regnum istud cum corona, & omnibus membris illi pertinentibus, tanquam per regum sanguinem venientem de rege Henrico, & per iustitiam quam deus de sua gratia mihi misit cum adiutorio consanguineorum meorum & amicorum ad recuperandum illud, quod regnum fuit in puncto perditionis propter defectum gubernationis & legum violationem.

Huic vendicationi omnes status regni manus dederunt, & Archiepiscopi eum in regali solio posuerunt, vniuerso populo applaudente, factoque sermone per Archiepiscop. Cantuar. cuius thema fuit: *Vir dominabitur populo*. Mox de mandato noui regis proclamatum fuit, quod die Lunæ proxima post festum S. Michaelis parliamentum ibidem celebrari debebat. Et die Lunæ ex tunc proximo sequente viz. in festo S. Edward. coronatio regis fieret apud Westmonasterium. Quibus ita peractis, rex de sede sua surgens, & populum vultu benigno respiciens, recessit ad albam aulam, vbi eodem die magnum conuiuium celebrauit.

Post hæc procuratores per parliamentum deputati, accesserunt ad præsentiam nuper regis Richardi infra Turrim existentis, & per os domini Gul. Therningge admissionem renunciationis, ac modum & causam & formam sententiæ depositionis eius eidem notificauerunt, & vice omnium regni statuum homagium & fidelitatem eidem Richardo nuper regi facta ut præmittitur reddiderunt & resignarunt, ita quod nullus dictorum statuum siue populi, ab hoc tempore & deinceps sibi portaret fidem nec obedientiam tanquam regi suo. Ad quæ solum respondit istud, quod non respexit post talia. Sed post hæc omnia inquit: Spero quod cognatus meus vult esse mihi bonus Dominus & amicus.

In hoc parlamento rex Henricus fecit secundum filium suum dictum Tho. Angliæ Seneschallum, procreauerat siquidem masculini sexus ex filia D. Humfredi comitis Boun comitis Herefordiæ iuniore 4. liberos, duasque foeminas. Primogenitus vocabatur Henr. 2. Tho. 3. Ioh. 4. Humfridus.

Die translationis S. Edwardi regis & Confessoris coronatus est Rex Henricus apud Westm. per manus domini T. Cantuar. Archiep. viz. ipso die quo fuerat relegatus anno reuoluto, non sine manifesto diuinitatis miraculo ut putatur. Ut scilicet ille dies sibi deferuaret ad gloriæ, qui transacto anno fuerat deputatus ad poenam. Et in auspiciis vberioris gratiæ sibi futuræ delibutus est illo coelesti vnguento, quod olim beata Maria mater dei cōmiserat beato Tho. Martyri & Archipræsuli Cant. dum esset in exilio conseruandum, prædicens eidem quod reges Anglorum qui vngereantur hoc vnguento, pugiles ecclesiæ futuri forent. Hoc vnguentum in aquila aurea & olla lapidea conseruatum latuit per multa tempora vsque ad 21. annum Rich. regis prædecessoris regis præsentis. Qui dum curiose perscrutaretur res relictas in turri à suis antecessoribus, inopinate reperit aquilam auream cum ampulla, & scripturam siue prophetiam beati Tho. repositam cum eisdem. Hanc Aquilam rex Rich. portauit super se profecturus in Hyberiam, & inde rediens tradidit Archiepiscopo eam petenti licet inuitus.

Durante parlamento fecit rex filium suum primogenitum Henr. principem Walliæ addens ducatum Cornubiæ & Cestriæ comitatum. Et cito post in eodem parlamento ducem creauit Acquitaniæ.

Scoti per tempus parlamenti castrum de Werke ceperunt, despoliauerunt, & destruxerunt, & plura mala fecerunt.

Tho. de Moubray, quondam dux Northfolciæ diem clausit extremum in terra peregrina dum rediret ab ierosolymis: cuius mors fuisset toti regno deflenda, si nec in ducis Glouerniæ necem consensisset, nec eum inhumaniter iugulasset, foelixque fuisset fama sua per secula, si declinato scelere vel cum dicto duce fugisset, vel eum ad sua responsa perduxisset.

Item hoc anno concessit in fata Alienora ducissa Glouerniæ, quæ parum ante infauisto fidere filium suum & hæredem amiserat Humfridum vocabulo, subtractum sibi pestilentia, cum fuisset de Hybernia reuocatus.

Anno gratiæ 1300. Comites Cantij, Sarum & Huntingdoniæ ingrati regis beneficiis qui vitas eorum saluauerat, contra vota cunctorum regni communium ac multorum procerum, congregantes iniquitatem sibi per conuenticula facta & coniurationes locis variis statuerunt super regem irruisse repente in castello de Windeleshores sub simulatione Ludorum natalitiorum, & eum cum filiis suis crudeliter peremisse. Quorum dolos rex gratiose prænoscens, confestim Londonias se contulit. Qui cum cognouissent regem eorum insidias declinasse, conturbati valde diuortia requirebant, perueneruntq; Circestriam

iam cæca nocte. Viri vero dictæ villæ suspectum habentes tantum apparatus, præstruxerunt omnes aditus & exitus hospitij eorundem. Cumque nocte media tentassent latenter discedere, ciues eos arcibus & sagittis armati egredi non sinebant. Pugnatum est igitur hic & ibi à noctis medio usque ad horam diei tertiam: tandem fatigati manus dederunt communibus obnixè precantes, ut saluarentur à morte, donec cum rege colloquium habuissent. Quod & factum fuisset, si non quidam præbyter de eorum familia ignem misisset in quasdam domos villæ, hac intentione ut occupatis communibus circa extinctionem ignis, comites possent euadendi occasionem capere. Sed frustra. nam villani neglectis domibus in conflagrationis periculo maiori concitantur furia, ad vindicandum in domos incendij damna prædicti. Populus ergo villæ produci fecit dominos de Abbathia in qua statuerant seruasse eos iuxta conditum, & in ipso diei crepusculo decollauerunt eos. Comes Sarum l. de monte acuto qui Lollardorum fautor semper fuerat, & imaginum vilipensor, contemptor canonum, sacramentorumque derisor, expers omnium sacramentorum vitam finiuit ibidem ut fertur.

Comites decollantur per populum.

Comes Huntingdoniæ dominus l. Holland non erat cum prædictis dominis apud castellum de Windeshores, sed expectauit Londoniis rei finem. Qui cum nouisset rem veram contra vota fugere nitebatur in scapha, sed vento flante contrario repulsus est. Quamobrem equo vectus peruenit Essexiam cum quodam milite dicto l. Scheuele. Tentauit igitur per mare fugisse ab illis partibus, sed quoties cymbam volebat ascendere, toties est reiectus vi ventorum donec omnino desperans de Neptuni suffragiis, destitit ab incæptis. Tandem reuersus in terram, dum cænaret captus est cum supradicto milite per communes patriæ, & ductus ad fortalitium de Pleschi custodiendus ibidem velut in loco securiori. Quo confluentibus illius pagi communibus, die S. Mauri circa solis occasum productus est, & in loco quo dominus eorum dux Glouerniæ quondam fuerat arrestatus per regem Rich. decapitatus est. Per idem tempus dominus Thom. le Spencer qui dicebatur nuper Comes Gloucestriæ captus & ductus Bristoldum decapitatus est. Multique alij in locis variis tam milites quam clerici tunc temporis acceperunt similem mortis sortem. Episcopus Garleolensis impetitus de coniuratione damnatus est, sed regis misericordia vitæ seruatus.

Comes Northh. decollatus.

Rich. depositus exspirat.

Richardus quondam Rex Angliæ cum audisset hæc infortunia mente consternatus, 30 voluntaria semet extinxit inedia prout fertur: clausitque diem vltimum apud castrum de Pontefracto die S. Valentini, cuius corpus apud Langleyam in ecclesia fratrum prædicatorum (supremū perficientibus offertorium Cestrensi episcopo & Abbatibus de S. Albano & de Waltham) tumulatum est sine magnatum præsentia, sine populari turba, nec erat qui eos inuitaret ad prandia post laborem.

Rex collecto exercitu profectus est in Scotiam, sed Scotis detrectantibus belli copiâ, rex vastata patria reuersus est in Angliam.

Wallici naâta occasione de regis absentia duce quodam Howeno de Gleyndor rebellare cæperunt: quem Rex persequi confestim statuit tanquam pacis patriæ turbatorē, & cum armata manu Walliam est ingressus. Sed Cambri cum duce suo montes Cnowdoniæ occupantes, intentatæ vindictæ se protinus subtraxere. Rex vero combusta regione, & quibusdam peremptis quos fors pro tunc gladijs euaginati obtulit, cum præda iumentorum & animalium remeauit.

Imperator Constantinopolitans venit in Angliam, postulaturus subsidium contra Turcos, cui Rex occurrit cum apparatu nobili ad le Blacketh die S. Thomæ Apostoli, duxitque Londonias, & per multos dies exhibuit gloriose, soluens pro expensis hospitij sui, & cum respiciens dignis tanto fastigio donatiuis.

Edictum in Lollardos.

Anno 1401. in Parlamento tento Londoniis, editum est statutum ut ubicunq; Lollardi deprehenderentur suam prauam dogmatizare doctrinam, caperentur, & episcopo dioecessano traderentur. Qui si præsumerent pertinaciter opiniones suas defendere, 50 degradarentur, & iudicio seculari committerentur. Præstizataque fuit hæc lex eodem tempore in quodam pseudopræbytero, qui apud Smithfield multis aspectantibus est combustus.

Rex de Lecto peremit in bello Laffack, filium Balthasar Dan illustris, quem admiratum vocant, destruxitque Ierusalem & in circuitu regionem. Et quia gratiose vicit eum & inopinabiliter conuersus est ad christianitatis ritum, cum 60000. hominum sitæ sitæ. Hiis auditis rumoribus Imperator effectus lætior, recessit ab Anglia, honoratus à rege donariis pretiosis.

Sub hoc tempore conditionibus iam inter Francos & Anglos firmatis, & omnibus pro-

profectioni reginæ necessariis præparatis, reuecta est Isabella quondam regina Angliæ ad patrem patriamque suam Franciam, nondum annorum duodecim.

Howenus Gleyndor cum suis Wallensibus sub his diebus, damna grauia infert Anglis.

Cum nocte quadam Rex iturus esset cubitum, deo protegente euasit lætale periculum. Siquidem in stramento lecti sui cuiusdam proditoris ingenio positum fuerat quoddam ferrum fabrefactum ad modum tricuspidis, habens tres longos aculeos subiles & terretes, punctuum aculeis acutissimis sursum erectis, tali ingenio, ut cum rex decubisset & mole corporis stramenta pressisset per eosdem aculeos vulneratus fuisset, vel forsitan interfectus. Sed deo volente Rex inopinate persensit instrumentum mortiferum, & deuitauit periculum. *Rex extremo capiti periculo liberatus.*

Hoc anno, dom. I. Moot Abbas S. Albani rebus humanis exemptus est. Cui successit per viam scrutiniij D. Gul. de Henworth Cellerarius dicti loci, quanquam capitulum fuisset eo die turbatum per minas nuntiorum ex parte regis venientium, ut regis intuitu alium elegissent.

Anno 1402. Cometa apparuit mense Martio primo inter chorum & septentrionem, viz. in circo flammam emittens, postremo comas in boream transferens, præsignans fortassis effusionem humani sanguinis circa partes Walliæ & Northumbriæ post futuram. *Cometa apparuit.*

20 Eo tempore Howenus Gleyndor cum suis Wallicis vastauit terras D. Reginaldi Grey, cui occurrens idem dominus malis auib. captus est ab eo, & de suis plurimi trucidati.

Circa festum Pentecostes coniurauerunt quidam in mortem regis dicentes regem Rich. viuere, & quantotius in palam venturum, & suos fideles regaliter remuneratum. Sed huius conspirationis in parte tam spes quam metus euauit, capto quodam præbytero apud Ware, qui scripserat nomina multorum in matricula, qui futuræ turbationis authores fuissent. Iste iuxta conceptum proprium nomina plurimorum scripserat, qui nulla tenus conscij fuerant huius facti prout ex post patuit in sua confessione. Nempe cum requisitus fuisset de certis personis coram eo constitutis quarum nomina ipsemet irrotulauerat si nouisset eas, respondit quod non: & cum interrogatus fuisset, cur ergo tales irrotulasset, dixit quia opinabar eos voluisse fecisse contra regem si complices inuenissent, quia per regem Rich. ditati quondam fuerant & promoti. Hac occasione liberati sunt plurimi qui fuere suspecti, & sacerdos tractus & suspensus est. Non multo post prior de Laune sortem similem expertus, non quia deprehensus est aliquid actitasse, sed quia confessus est se maligni consilij fuisse conscium, & hoc utique concealasse. Hic fuerat quondam Canonicus apud Dunstaphiam dictus Gualterus de Baaldock, qui malo omine relicto claustro, peruenit ad regis Rich. curiam, & ibidem luctatus diutissime cum fortuna, tandem dono regis, de Laune obrinuit prioratum. *Conspiratio in regem.*

40 Eo tempore satis infausto sydere quidam de ordine minorum pensantes de proditio ne priusquam procedere potuissent, capti sunt. Quorum vnus interrogatus quid fecisset voluisset, si rex Rich. affuisset, respondit constanter se pro illo voluisse decertasse contra quolibet vsq; ad mortem. Data proinde contra eum sententia tractus & suspensus est in habitu sue religionis. Sed confratres eius non ferentes hoc dedecus, obtinuerunt ut corpus defuncti supremis exequiis curaretur.

Diabolica species apparuit in Essexia apud Dambyria in festo corporis Christi hora vesperarum, in similitudine fratris minoris intrantis ecclesiam & insolentissime debacchantis: vnde parochiani territi, quid agerent ignorabant.

50 Eadem hora cum tempestatis turbine & tonitruui perhorrendi fragore, fulgurumque & cornuscationum globis collucentibus, summitas tota ipsius ecclesiæ confracta est, & medietas cancelli quassata & dissipata.

Post paucos dies capti sunt octo fratres de ordine minorum, & ad iudicium publicum dedecorose tracti, vbi examinati & conuicti quod contra regem fecissent, Londoniis tracti, suspensi, & decapitati sunt.

Eo tempore Howenus Gleyndor assuetis intendens irruptionibus, pene totam militiam Herefordensis prouinciæ prouocauit ad arma, cui ducatum præbuit Edmundus de Mortuo mari. Sed cum peruentum fuisset ad actum Martium, proditione mediante & Edmundus captus & cæteri victi sunt, occisis de nostratibus, amplius quam mille viris. Quorum genitalia mulieres Wallensium post conflictum absciderunt, & membrum pudendum in ore cuiuslibet interempti posuerunt, testiculosque à mento dependere *Barbara femina crudelissimo.*

fecerunt, nasosque præcisos in culis eorundem presserunt, & sepulturam mortuis cadaueribus prohibuerunt.

Hoc anno misit rex filiam suam cum grandi apparatu ad Coloniam Agrippinam, ubi nupsit adolescentulo filio Imperatoris.

Circa festum Assumptionis beatæ Mariæ profectus est rex cum manu potenti in Walliam ad persequendum Howenum Gleyndor: sed nil profuit regia sollicitudo, in nota latibula se recipiente Wallico. Quin potius ut putatur, arte magica regem pene perdidit cum exercitu quem ducebat, per pluuias, niues, & grandines ut creditur arte diabolica concitatas. Quapropter Rex necessitate cogente rediit in Angliam incensa patria & prædata.

10

Eo tempore obiit dominus Edmundus de Langley dux Eboraci, filius quondam nobilis regis Edwardi à conquestu tertij, cuius corpus apud Langley sepultum est inter fratres.

Dux Ebor. extremum balium efflat.

Eo tempore Scoti venientes hostiliter in hanc terram per Architenentes comitis Northumbriæ & Henrici filij sui victi sunt, capto comite de Douglas & multis aliis: sed & plurimi rapacitate Twedæ fluminis submersi fuere, dum vada nescirent, ad numerum ut asseritur 500. Murdak de Fyf, cum comitibus de Murrif, de Angos, ac de Orkney, & Baronibus, domino de Montgomerico, dominoque de Erskyn, & domino de Graue, in hoc prælio captus est cum militibus octoginta, & aliis scutiferis & valettis, quorum numerus ignoratur. Interfecti sunt barones ibidem, D. de Guerdon, & D. loh. de Swinton. in festo 20

Affertiones Lollardorum.

Eo tempore Lollardi docuerunt conclusiones execrabiles, in occulto tamen propter metum iudiciorum, quæ sunt istæ.

Quod septem sacramenta non sunt nisi signa mortua, nec valent in forma qua eisdem utitur ecclesia.

Item quod virginitas & præbyteratus non sunt status approbati à deo, sed status coniugij optimus est & ordinatus à deo: quapropter virgines & præbyteri, religiosique populi si saluari desiderant debent coniugari, vel esse in voluntate & proposito coniugandi. Alias sunt homicidæ & destruunt sanctum semen unde consurgeret secunda ciuitas, & sic impediunt numerum saluandorum pariter & damnandorum.

30

Item si vir & foemina conuenirent in vna voluntate nubendi, ipsa voluntas sufficiens est coniugium sine maiori obedientia ecclesiæ facienda. Et sic sunt cõiuncti plures quam nos cognoscimus prout dicunt.

Item quod ecclesia nihil est aliud quam synagoga Sathanæ, & ideo nolunt adire illam ad honorandum deum, neque percipiendum sacramentum aliquod, & præcipue sacramentum altaris, quia ut asserunt non est nisi buccella panis mortui, & turris siue pinacula Antechristi.

Item si haberent puerum modo natum, non baptizaretur per manus præbyterorū apud ecclesiam, est enim sancta trinitas non contaminata peccato & peior esset si deueniret in manus eorundem.

40

Item quod non habemus aliquem diē sanctificatum vel sanctum, sed nec diem dominicum, sed quilibet dies est eiusdem libertatis ad operandū, comedendum, & bibendū.

Item quod non est purgatorium post hanc vitam, neque quod oportet agere maiorem poenitentiam pro vilo peccato quanquam viliissimo: sed tantum ut committentes illud deserant, & apud se poenitent. Quia ut dicunt: In fide stat quicquid est, sicut Mariæ Magdalenz dixit Iesus: Fides tua te saluam fecit.

Has conclusiones Lodowicus de Clifford miles, qui iam dudum Lollardis fautor extiterat, diu sub terminorum inuolucris palliataras, sed iam denudatas Archiep. Cant. patefecit. Ut viz. se ostenderet non expertinaci malitia, sed simplicitate cordis & ignorantia communicasse cum impiis. Dedit etiam nomina Cantuariensi dictas dogmatizantium 50 prauitates.

Eo tempore Edmundus de mortuo mari iuuenis quem retulimus ante captum ab Howeno Glendor, vel radio diræ captiuitatis, vel metu mortis, vel ex alia qua nescitur causa, conuersus retrorsum cum Howeno contra regem Angliæ se sentire professus est, dum nuptias nimis humiles & suæ generositati impares contrahit cum filia dicti Howeni. Huius ut fertur natiuitatis exordia, dira comitata sunt prodigia: quia nocte qua in lucem effusus est, in ypodromo paterno omnes equi patris sui reperti sunt in alto cruore stitisse vsque ad tibiærum demersionem. Quod tunc interpretati sunt plurimi sinisterum.

Prodigia natalis diei comitis canonicantia.

In

In parlamento facto London. clerus concessit Regi decimam & dimidiam, & à burgis decima, & à communitate vero regni quintadecima concessa fuit.

Anno 1403. post festum Purificationis regina venit in Angliam, de minori Britannia ad maiorem, de ducatu ad regnum, de gente feroci ad populum pacificum, & vrinam fausto pede. Hæc fuerat prius coniugata nobili viro domino Philippo de monte forti Duci Britanniae, de quo tulit vtriusque sexus liberos: sed de Rege Angliæ Henrico cui iam nupsit omnino nullos. Vicefima vero sexta die mensis Ianuarij, Londonijs apud Westm. fuit magnifice coronata.

Æstate sequuta iuxta villas de Bedford & de Bikkeliſshade, frequenter visa sunt *ostenta inaudita.*
 10 monstra mane & meridie de syluis emergentia sub colore vario, in similitudinem hominum bellatorum, quæ sibi met occurrentia, videbantur inire dira bella. Quæ si conspici poterant à remotis ab propinquantibus inueniri minime potuerunt. Sicque dicta phantastica vel fatalis apparitio sæpius delusit plurimos accedere cupientes.

Eodem tempore dominus H. Percy iunior, cui fortuna semper hæcenus blandita fuerat, & in quo spes erat reposita totius pene populi, repente hostis Regis apparuit. Cui contra cunctorum opinionem iunxit se Dominus Thomas Percy Comes Wygorniae, Patruus Henrici prædicti. Hic repente deferens domum Principis Regis primogeniti, cuius Rex curam sibi commiserat in speciali, recessit ad nepotem, augens eidem vires & animum rebellandi. Quorum vt excusabilis esset coniuratio, scripserunt prouincialibus vbi-
 20 libet constitutis, propositum quod assumpserant non esse contra suam ligeanciam vel fidelitatem quam Regi fecerant, nec ad aliud exercitum congregasse, nisi solummodo pro saluatione personarum suarum & Reipublicæ meliori gubernatione. Quia census & talli-
 30 agia Regi concessa pro salua regni custodia, conuertebantur vt dixerunt in vsus indebitos, & inutiliter consumebantur. Præterea querebantur quod propter æmulorum delationes pessimas Rex eis insensus fuerat, vt non auderent personaliter ad eius venire præsentiam, donec Prælati regnique Barones Regi supplicassent pro eisdem, vt coram Rege permitterentur declarare suam innocentiam, & per pares suos legaliter iustificari. Plures igitur visis hijs literis, collaudabant tantam virorum solertiam, & extollebant fidem, quam erga Rempublicam prætendebant. Sed Rex vt fraudem comperit, turbatus nimirum cogitabat, quibus medijs communitati posset satisfacere, & eorum ficta commenta
 40 pessundare. Scripsit ergo personis quibus ipsi scripserant, dicens se mirari quam maxime, quod cum Comes Northumbriæ & H. eius filius percepissent partem maximam summarum sibi concessarum per clerum seu communitatem Angliæ pro tuitione Marchiæ Scotiæ, vt posset euidenter ostendere, vnde concepissent materiam tantæ non solum querimoniæ, sed detractionis manifestæ. Scripsit insuper quod intellexerat Comitem Northumbriæ, filium quoque suum, necnon & Comitem Wygorniae certificasse multis, se non audere propter æmulorum delationes ad Regis venire præsentiam, sine mediatione præuia prælatorum & procerum: quare supplicabant vt partes interponerent, vt de Regis gratia venire possent ad allegandum pro se & sua innocentia declaranda.
 50 Quamobrem scripsit eidem Comiti, &c. sub sigillo regio quod possent accedere sine damno, saluique recedere sine periculo, siue dolo. Sed effrenata temeritas, spreto lenimento regali, rigorem rebellionis induit, & Salopiam properauit, sperans vt putatur in auxilio Howeni Gleyndor, & Edm. de mortuo mari quorundamque Cestrensiū & Wallicorum. At rex vt persensit induratum iuuenilem malitiam (nam pater eius non exceſſerat limites patriæ suæ) decreuit occurrendum fore festinanter Henrico, patruo quoque suo D. Tho. Percy, priusquam conflasset exercitum fortio-rem. Nempe hij & eorum complices publicari fecere per patrias regem Rich. viuere, & apud eos esse, cuius nomine siue causa bella sumpserant contra Regem. Quem si videre vellent, incunctanter accederent armis instructi & in castro Cestriæ viderent infallibiliter dictum Regem. Quæ quidem, quamuis dolosa denuntiatio, varios in multorum mentibus motus effecit, & fluctuare coegit plurimos, vt ignorarent, cui parti foret tutius adhærendum. Multi reuera afficiebantur Regi Richardo, & præcipue qui familiares eius quondam fuerant, & ab eo donati fæodis vel alijs donatiuiis.

Rex Henricus præmissa prudenter attendens cum esset manu fortis & audax congregauit quos potuit, instigante eum Comite de Dunbarre Scoto maxime, qui monuit omnino ne moras flecteret, committens orans illud Lucani,

Tolle moras, nocuit semper differre paratis,

Dum trepidant nullo firmata robore partes.

Fecit Rex vt Scotus monuit, & inopinate peruenit ad partes vbi rebelles bacchantur.

Aaa 4

Hen-

*Magnanimitas
D. Henr. Percy.*

Henricus autem subito conspecto vexillo regio, cum iam instaret effringere villam Salopie, mox destitit ab infestatione villanorum, dicens suis: Desistere nos, inquit, oportet ab inceptis, & arma vertere in eos qui contra nos veniunt, videtis certe signum regium, nec vacat querere licet vellemus diuortium: state proinde corditer, quia dies hic aut nos omnes promouebit si vincimus, aut de fastu regali liberabit, si victi simus. Nam pulchrius est in bello cadere pro Republica, quam post bellum mori hostis nostri sententia. Conueniunt in hunc votum subito qui sequebantur Henricum ad numerum 40000. lectissimorum hominum, qui se perstituros ad flatum vltimum cum Henrico promittunt. Præoccupauerant autem campum illis magis accomodum, Rex vero constitit cum suis renens campum ad eorum oppositum. Cumque partis vtriusque pugnatore signum belli præstolarentur, Abbas Salopie & clericus de priuato sigillo pro parte Regis legatione fungebantur, vt offerrent Henrico pacem & perdonationem si desisteret ab inceptis. Quorum persuasionibus Henricus effectus mansuetior, cum ille direxit ad Regem patrum suum D. Tho. Percy, qui sibi tantæurbationis causas exprimeret, & emendas exigeret cum effectu. Ferunt autem, quod cum Rex omni rationi condescendisset, & humiliasset se secus quam personam regiam decuisset, idem D. Tho. Percy cum redisset ad nepotem, contraria referens responsis regis, exacerbauit mentem iuuenis, & ad bellum impulit etiam non volentem.

*Duo exercitus
prælium inueniunt.*

Igitur Achitenentes Henrici prælium inchoarunt, nec erat locus ad terram iaculis, sed in corpora ferrum omne ruit, caduntque de parte Regis ad instar foliorum decidendum brumali tempore post pruinam. Nec minus regij sagittarij suum peregere negotium, sed imbrem asperissimum spiculorum in aduersarios emisere. Cadunt proinde vtriusque plurimi velut cum poma ruunt in Autumno cum mouentur ab Affrico, multaque simul milia de loco belli fugiunt, putantes Regem sagittis occisum.

*D. Henr. Percy
interimitur.*

Ipse vero campiductor Henricus partis aduersæ, Comesque Douglas Scotus, quibus animosiores nullus vnquam reperisset, spretis iaculis emissis de parte Regis, spretis armorum consertis cuneis, contra solam personam regiam vires excitant, arma vertunt, ipsum pro 10000. computantes stratis requirunt, obuios infestis lanceis & gladijs perscrutantes. Comes de Dunbarre cum comperisset istorum propositum, Regem subtraxit à statione sua, quod factum salutare fuit Regi ea vice: quia & signifer regius à furentibus est prostratus, vexillumque deiectum & circumstantes occisi: inter quos Comes Staffordie & D. Gualterus Blount miles regius cecidere. Princepsque Regis primogenitus, pertentans præliandi primitias, ictu sagittæ vulneratur in facie. Interea D. Henricus Percy, dum præcedit suos, inopinato concidit interemptus, dubium cuius manu. Quo cognito, fugerunt partis aduersæ defensores quibus fugiendi copia est permissa. Sed Comes de Douglas captus est: hic bina vice hoc anno pugnans aduersus Anglicos, aduersam semper expertus est fortunam: nam in primo bello traiectus caput, amisit oculum, in secundo verenda transfixus perdidit paulo minus loculum, & sub iugum venit captiuitatis secundæ. Captus est etiam Comes Wigornie Dominus Thomas Percy, inceptor vt dicitur totius mali & causæ præsentis infortunij, cum D. Rich. Vernoun & Baron. de Kynderton cum multis alijs. De parte Regis ceciderunt decem milites, multi scutiferi, plures valetti, & ad numerum trium millium sunt grauitur vulnerati. Ex parte rebellium corruit maior pars militum & scutiferorum Comitatus Cestrie ad numerum ducentorum præter domicellos & pedites quorum numerum non tenemus. Commissum fuit hoc prælium in vigilia sanctæ Mariæ Magdalene, quo nunquam vt putatur vllum acius gestum fuit. Die Lunæ sequente, nam Sabbato commissum fuit ante dictum bellum, iudiciali sententia decollati sunt apud Salopiam: Comes Wigornie, Baro de Kynderton, & Dominus Rich. de Vernona.

*Proditores capite
placantur.*

Die etiam Lunæ sequuta proxima, dum Comes Northumbrie in manu robusta & brachio extento versus filium suum properat, vel certe versus Regem, vt putatur pro redintegrando pacis negotio, Comitem Westmerlandie & Robertum Watertone ne progresseretur habuit impedimento. Hij nempe exercitu grandi collecto, obuare sibi subito disponebant: qui neutrum horum putans sibi beneuolum, frenare flexit, rediens ad castellum proprium de Werkwurtha.

Eo tempore nuntij missi in Franciam reportarunt inducias bellicque vacationem, vsque ad diem primum mens. Martij, videbanturque magnam rem fecisse, in tanta rerum turbatione.

Compositis rebus Salopie, Rex progreditur Eboracum, vbi constitutus mandauit literaliter Comiti Northumbrie, vt sibi occurreret dimissa turba. Venit Comes ad Regis moni-

monita in castro sancti Laurentij cum parua familia, non tamen susceptus est familiaritate solita, sed potius more supplicis gratiam requirentis: cui Rex vitam condonauit, & vi-
tui necessaria, decernens conseruandum secunda custodia.

Reuersus Rex de partibus borealibus disposuit adire Walliam ad compescendum insolentiam Wallicorum, qui multa damna irrogauerant patriæ post recessum suum: sed tamen retinuit eum rei familiaris inopia, eo quod destitutus esset pecunia, pro exercitu conducendo. *Rex inopia.* Astitere sibi tunc milites & scutiferi magis Dionei quam Martij, Lauernæ quam Palladis, qui censuerunt Episcopos qui tunc illic forte conuenerunt, equis & auro spoliandos, domumque pedites remittendos: vt familiarium Regis egestas, ipsorum abundantia leuaretur. Affuit tum gratiose dominus Cant. qui respondisse fertur, vnus pro omnibus satis alacriter milites improbos non spoliaturos de suis aliquem, nisi prius ausus temerarios luerent duris ictibus, & spolia verberibus nundinarent. Rex interea se gerens moderatius, aucupabatur quodammodo beneuolentiam Prælatorum: vnde contigit quod D. Cantuariensis conuocatō clero, sibi de vna decima cum consensu præsulū prouideret.

Britones Armorici, Duce Domino de castellis villam de Plumouthe inuadunt, impune diripiunt & succendunt. Mox classis occidua sub ducatu Willielmi de Wilford scutiferi, in partibus prædictæ Britannię, cepit naues quadraginta refertas ferro, oleo, sepo, & vino de Rupella ad numerum mille doliorum: redeundo vero cremauit naues quadraginta: & apud penarch. applicans idem W. cum suis combussit villas & prædia ad spacium sex leucarum. Villam quoque sancti Matthæi vltimicibus flammis dedit, & tria millia in giro dictæ villæ.

Paucis diebus ante natale Domini, Galli stipati bellatorum turba ascenderunt terram in v. cta insula, iactantes se celebraturos natalis festa illic etiam inuito Rege. Cumque mille de Gallis intrassent insulam, & greges ac armenta fugassent, vt ad mare reuerterentur cum præda non modica, superueniente subito auxiliatorum copia coacti sunt prædas dimittere, & ad nauigia cum dedecore festinare non sine damno suorum. Sicque contigit, vt qui prius instanter ab incolis petierant rerum redemptionem, vix euadere potuerunt publicam internecionem. *Galli profligati.*

30 Anno 1404. In parlamento tento London. post oct. Epiphaniæ, Comes Northumbriæ restitutus est suæ dignitati pristinæ, bonisque mobilibus & immobilibus integraliter & hæredes sui.

In hoc Parlamento concessa fuit Regi taxa insolita, & incolis triciabilis & valde gra- *Taxa grauis.* uis. Cuius modum præsentibus inferuissim, nisi concessores ipsi & authores dicti tallagij in perpetuum late re posteros maluissent: nempe sub ea tantum conditione concedebatur, ne traheretur posterius in exemplum, nec seruarentur eius euidentię in thesauraria regia, nec in scaccario, sed scripturæ vel recordationes eiusdem protinus post datum compotum cremarentur, nec emitterentur breuia seu Commissiones contra collectores vel inquisitores huius negotij, de melius inquirendo.

40 Gallici circa tempus illud venerunt ante Vectam insulam cum magna classe: miseruntque de suis quosdam, qui peterent nomine Regis Richardi & Isabellæ reginæ tributum, vel pecuniale subsidium ab Insulanis. Qui responderunt Regem Rich. foras ductum & reginam quondam suam coniugem remissam pacifice ad parentes & patriam sine conditione tributū: quapropter finaliter responderunt, se subsidium non duros, sed si belli voluntas tenebat Gallos, iusserunt vt scanderent sine cuiusvis impedimento, & daretur illis spacium refocillationis post ingressum insulæ sex horarum. Et expleto tempore supradicto, daretur infallibiliter illis bellum. Quo audito, Galli nullo perfecto negotio recesserunt. *Gallorum in-
stio dissipatis.*

50 Per idem tempus dominus de castellis Britannicis satis se trahentibus, cum multitudine Gallorum & Britonum apud Dortmouth, cum intolerabili fastu terram scandit: putans fortunam sequuturam sicut prius apud Plimmouth, sed secus accidit quam sperabat. Nam ab hijs quos maxime habebat contemptui scilicet ruralibus est peremptus: & qui post ipsum terram scanderant mox oppressi à rusticis, capti sunt protinus vel occisi. Foemina quoque fraudari non debent huius facti præconio, quæ fundarum missilibus hostes diris strauerunt ictibus. Vnde contigit plures à foeminis, plures à rusticis sterni vel captiuari. A rusticis vero occidebantur multi, quia nescierunt eorum linguam, quamuis grandes pro sua redemptione summas obtulissent. Sed rurales rudes, alia pro alijs interpretantes, putabant eos comminari, quando pro vita solícite supplicabant. Capti tamen sunt eo die tres domini, & milites nominati viginti. Pessumdeditque Deo eo dicarrogantiam super-

superborum, & esse fecit victoriam rusticorum. Prosequuti sunt igitur captiuos suos rustici ad Regis vsque præsentiam, postulantes aliquod commodum prædæ suæ. Cum quibus Rex ipse libenter conuenit, & crumenis eorum suffarcinatis fuluo metallo abire permisit ad propria, detinens captiuos penes se grauiori censu in posterum redimendos.

Decima cleri.

Mense Aprili concessa fuit Regi per Clerum vna decima conditionaliter, scilicet, ne quis prouisorum de cætero capiat bona vel cariagia de Ecclesiasticis contra voluntatem eorum. Sed tamen appensa pecunia, neglecta mox fuit conditio interposita.

Anno præsentis quinto Idus Maij, clarescentibus miraculis circa corpus S. Iohannis quondam prioris canonicorum de Bridelington de mandato domini Papæ, translatus fuit corpus eiusdem sancti Iohannis per manus honorabilium virorum, scilicet Eborum Archiepiscopi, & Dunelmensis atque Carleolensis Episcoporum.

Prædatio Gleyndor.

Per omne tempus ætatis præsentis Howenus Gleyndor cum suis Wallicis, prædatur, incendit & destruit regiones sibi contiguas, & nunc dolis & insidijs, nunc aperto Marte multos captiuat, plurimos perimit Anglicorum, castellaque nonnulla capta complanat, quædam sibi conseruat integra pro tutela.

Ioh. Treuor Episcopus Assaphensis cernens rem prosperari in manu Wallici, conuersus est in animum prauum, factus transfuga ad Howenum.

Eo tempore Flandrenses & Britones ceperunt quasdam naues nostratum onustas mercibus, & nautas gladio vel suspendio peremerunt.

20

Commentum Comitissæ Oxon.

Per idem tempus Comitissa vetula quondam Oxoniæ, mater Rob. de Veer Ducis Hybernæ, quem exulatum diximus, & mortuum fuisse Louaniæ, fecit per se suosque familiares diuulgari per omnes fines Estsexiæ Regem Rich. viuere, & in proximo fore venturum, & honorem pristinum vendicaturum. Fecitque fabricari ceruos argenteos & auratos plurimos, signa viz. quæ Rex Rich. conferre solebat suis militibus, scutiferis, & amicis, vt his vice Regis distributis, facilius allicerentur in vota sua milites illius patriæ, cæteri que valentes. Vrgebat nempe plurimos ad putandum quod Rich. viueret, fama quæ quotidie ferebatur è Scotia Regem Rich. inibi constitutum, expectare solummodo tempus accomodum, quo cum forti brachio Francorum atque Scotorum posset recuperare regnum. Auxit errorem istum cuiusdam Serlonis quondam cubicularij Regis Richardi commentum, qui falso fixerat priuatum sigillum nomine dicti Richardi, & destinauerat literas consolatorias, simul & commonitorias multis in regno de dicti Richardi quondam familiaribus, in quibus & continebatur eius incolumitas, & ipsius in breui cernenda prosperitas. Hac occasione multi dederunt fidem dictis & scriptis ipsius dominæ Comitissæ, in tantum vt crederent eius mendacijs, & religiosi quidam Abbates illius patriæ, qui ex post eo quod cum Comitissa sensisse videbantur, de mandato regio tenti sunt & carceribus mancipati. Comitissa vero confiscatis suis omnibus, arctæ custodiæ commendatur. Clericus vero qui præmissa fallaciter auribus multorum instillauerat, tractione & suspendio muneratur. Nam & ipse diligenter eundo per patrias, præ eminentes personas nitebatur ad credendum allicere, Regem Rich. non solum viuere, sed in proximo palam cunctis fore, adiiciens se dictum Regem nuper allocutum fuisse loco tali, talique denique apparatu.

49

Serlonem reum aquarum captum.

In festo sancti Iohannis Baptiste vocante Rege, Comes Northumbriz venit ad pontem fractum, nepotes suos & filiorum suorum filios secum ducens, quo facto mitigauit corda complurium, qui putabant eum rebellionis iuuenibus præbuisse consilium. Venit & cum Comite Gulielmo de Clifford miles trahens secum Serlonem inuisum toti regno, de quo supra fit sermo, quem parum ante ceperat cautelose: quo facto penes Regem meruit excusari, quod vltra placitum tenuisset Berwici castrum, propter quod reus læsæ maiestatis extiterat. Viso Serlone feruebat omnis ætas in domo regia sciscitari, scire, vel audire quibus modis, quibus medijs, quibusve socijs illum inclytum Regis filium, Regis auunculum, Ducem Glouerniæ iugularit. Ille vero iam actum de se non ignorans, hoc solummodo fatebatur, quod dignus fuit mille mortibus propter hoc scelus. Qua confessione simul & pœnitundine, multorum ira demulsi animos, vt gratis promitterent se pro eius anima presbyteros conducturos, qui suffragia spiritualia aliquot diebus ferrent. Requisitus cur dementare voluerat multos vt putarent Regem Rich. viuere, respondit se hoc odio Regis fecisse, vt alienaret ab ipso corda suorum, retulitque se beatum fuisse potuisse tam in aula Regis Franciæ, quam in aula Regis Scotiæ, si non defuisset gratia, sed cum bene sibi fuisset in domo Regis Franciæ, audito quod Rex Rich. viueret, in Scotiam se transtulit, vt probaret si veridica fama foret. Quo cum peruenisset & inuenisset quidem per-

personam similem, sed non ipsum quem quærebat, nihilominus tamen ut illuderet tam Scotis quam Anglis, affirmavit hunc esse Rich. Regem, proculdubio præservatum ab æmulis diuino miraculo. Sed ex post cum comperisset commentatam fallaciam patefaciendam, & ipse iam incurrisset rei familiaris inopiam, peruenit Berwicum ad dictum Guliel. Clifford putans se per ipsum pecuniali subsidio releuandum, quo redire in Franciam potuisset, sed in hac parte sua spe frustratus est. Nam Gulicimus ipsum captum detinuit, usus consilio satis callido, ut Regis gratiam nundinaret, huiusce mercimonio.

Igitur Serlo finali iudicio tractus est in qualibet villa præcipua, inter pontemfra-

10 **ctum & Londonias,** inchoans poenas meritas in ipsa villa regia de pontefracto.

• Eo tempore Rex indigens ut fertur pecunia, conuocauit regni proceres ad parlamentum tenendum Couentreiæ circa festum S. Fidei Virginis, non considerato quod ipso anno tempore Quadragesimali parlamentum celebrauerat apud Westm. quod inutiliter ut multis videbatur per duodecim hebdomadas fuerat protelatum. Direxit ergo breuia Vicecomitibus, ne quosquam pro Comitibus eligerent quouis modo milites, qui in iure regni vel docti fuissent, vel apprenticij, sed tales omnino mitterentur ad hoc negotium, quos constaret ignorare cuiusque iuris Methodum. Factumque est ita. *Qui Parliamentum Inductum.*

20 **Britonibus, Flandricis, & Gallicis:** selecti milites parlamentales pro releuando Rege, non aliud inuenire potuere remedium, quam confiscandi Christi per totum regnum patrimonium, scilicet ut ecclesia generaliter de bonis temporalibus priuaretur. Hinc orta est inter clericos & laicos grandis altercatio, militibus regijs asserentibus se pro rege, atque cum Rege profectos sæpius contra rebelles & hostes, non solum sua expendisse profusius, sed corpora quoque multis periculis exposuisse, siue laboribus, clericis interim otiose domi sedentibus, & in nullo Regi suffragantibus. Contra quæ dominus Cantuariensis re-

Parliamentum Inductum.

Cant. Archiep. fortitudo in clero defendendo.

30 **spondit,** clerum tantum semper contulisse Regi, quantum laici, dum decimas ipsi frequentius darent Regi, quam ipsi quintas decimas, & insuper tenentes sui non minori numero Regem sequebantur ad bella vel pericula, quam tenentes feodi laicalis. Et super hæc omnia nocte dieque, missas & orationes facerent pro eodem, & omnium sibi famulantium prosperitate. Et cum ad hæc prolocutor militum, vultu voceque prætendisset publice se preces ecclesiæ paruipendere: iam inquit dominus Cantuariensis, video manifeste quorsum tendit regni fortuna, exclusis vilipensisque suffragijs quibus diuinitas placari solet. Certe nunquam fuit diu regnum stabile, quod vacauit à precibus & deuotione. Attamen tu qui vilipendis cleri religionem, ne te putes impune direpturum ecclesiæ possessionem, quia si viuit Cantuariensis, malo tuo rapies quicquam de suis. Erat autem prolocutor miles dictus Iohan. Cheyne, qui ut fertur militiam sortemque Christi deserens, in sortem Martis apostatando transierat: nam prout dicunt, Diaconus fuerat ordinatus, nulla tamen ut resiliiret dispensatione licentiatus. Archiepiscopus inter hæc Regem nutantem

40 **considerans, surrexit,** genuque flexo coram Rege rogauit ut attenderet quam gratiosè regnum consequutus sit, attenderet primitiuum propositum suum, quod cuilibet seruaret iura propria pro posse suo, attenderet & iuramentum quod non inuitus præstiterat, viz. quod ecclesiam & ministros eius honoraret, foueret, & manuteneret, attenderet & periculum iuramenti, siue dedecus violati, & ecclesiam gaudere permetteret suis priuilegijs & libertatibus quibus gauisa est antecessorum suorum temporibus, vereretur offendere Regem per quem Reges regnant, vereretur & censuras quas incurrunt, qui res ecclesiasticas de prædantur, quos omnes constat excommunicationis sententia innodari. Hijs à Cantuariensi prolatis, Rex præcepit ei repetere sedem suam, asserens voluntatis suæ fore ecclesiam in adeo bono statu dimittere, sicuti eam inuenerat, vel potius meliori. Archiepi-

50 **scopus concionatus militibus dixit:** Vos inquit & vestri similes consilium dedistis domino nostro Regi moderno, & antecessoribus suis, ut confiscarent bona cellarum, quæ Galli- ci vel Normanni possederunt in Anglia, dicentes eis per hæc diuitias accumulandas in magna copia, & quidem, prout valent multa fului metalli millia, sed tamen constat hodie Regem non esse ditio- rem dimidia quidem marca, vobis extorquentibus, vel emendicantibus de manu sua, & vobismet appropriantibus dicta bona: vnde potest conijci, vos non pro Regis vtilitate, sed pro vestra cupiditate temporalia nostra petere. Quia proculdubio si Rex quod absit, vestro satisfecisset execrando proposito, non esset opulentior vno quadrante sequenti anno. Et certe prius hoc caput exponam gladio, quam ecclesia destituatur minimo iure suo. Milites hac sententia, simul & Metropolitanus percussus

con-

constantia, conticuere. Archiep. vero vt Argus sibimet ex omni parte prospiciens, cum comperisset milites perstituros in petitione temporalium, dominos temporales quosdam allexit in partem suam: qui constanter affirmauerunt, S. ecclesiam nunquam sua voluntate suis temporibus spoliandam, & in hac parte reddentes Archiep. & Prælati gratiam pro gratia, quam sibi prius præstiterant, quando milites petierunt ad opus Regis restitui quæcunque dicti domini de corona tenebant, vel dono Regis nunc, vel antecefforum suorum Regum Edw. & Rich. Cui scilicet petitioni dominus Cant. obnixius restitit & Prælati. Sicque factum est, vt de exactione temporalium nulla fieret mentio in posterum, sed & milites ipsi, qui importune perstiterant in hoc errore, domino Cant. vt illis ignosceret fatentibus malitiam & reatum suum, & gratias agentibus quod animositate sua sub hac tempestate respirasset ecclesia, commemorantes illud ethnici ita dicentis:

*Tu sub Principe duro,
temporibusque malis, ausus es esse honus.*

Præter multa quæ concessa fuerunt regi in hoc parlamento, laici concesserunt duas quintas decimas, ea conditione vt D. de Furniwall, &c. reciperet omnem censum illum, & expenderet in Werris regis. Reuocatz sunt etiam patentes regis præconcessæ personis varijs de sustentatione sua annua per reges Edw. & Rich. militibus parliamentalibus ita consentibus, licet id in regis dedecus redundaret. Clerus concessit regi vnam decimam & dimidiam, non obstante quod medietas vnius decimæ vltimo præconcessæ, in festo S. Martini fuerat persoluta.

Aquarum inundatio in Cantio.

Wickhami mors.

Eo tempore tanta repente ruptis limitibus irrupit aquarum influentia in terra D. Cant. & aliorum in Cantio, quanta nunquam fuerat illicante visa, qua submersa sunt animalia numero & pretio excessiuo. Nec solummodo defleuit Anglia damna talia, sed vt fertur Selandia, Flandria, & Hollandia, per vndarum excrementa innumerabilia sensit dispendia eo anno. Hoc in tempore, vir grandæuus D. Gul. Wickham Winton. Episc. viuere mundo desijt, cuius sumptibus & industria quotidie clerus Anglicanus augmentatur & crescit. Nam in Wintonia constituit collegium nouellis Grammaticis, & in Oxonia subtilioris scientiæ clericis fundauit domum. Exhibentur autem in vtroque loco centum personæ de sumptibus prouisis per eundem. Mense Octobris, primo die mensis obiit Romanæ Papa Bonifacius 9. cui successit Episcopus Bononiensis, & vocatus est Innocentius 7. alias dictus Cosmatus gentilis, vir per omnia dignus nomine & gradu tanto.

Anno 1405. circa festum S. Valentini capti sunt filij Comitissæ Marchiæ & abducti, sed cito post recepti de castro de Wyndeleshores. Faber ferrarius qui claues finxerat, per quas patebat ingressus ad eos, truncatione manuum atque capitis est multatus. Domina de Spencer relicta domini Tho. de Spencer nuper occisi Bristolliz, dum fugit vt fertur ad Howenum Gleyndor cum filio octenni capta est, & cunctis thesauris spoliata, perque regiones ad regem reducta, custodiæ arctioris subijt nocumenta.

Subsidium regi negatum.

Post festum Purificationis Rex accersitis Londonias regni Baronibus, tractabat cum eisdem de regni regimine, deque pecuniali subuentione sibi ferenda, sed proceres regijs votis tunc minime paruere. In quadragesima vero sequente, Rex conuenire fecit apud Sanctum Albanum, clerum, regnique Barones pro præmissis negotio, sed proceribus renitentibus nil actum fuit. Discesseruntque cuncti velut in concordia discordia penes Regem in vigilia palmarum.

Sub hijs diebus Comes Mareschallus Thomas Moubray, armis instructus accessit ad Archiepiscopum Eborum magistrum Richardum le Scroope, dubium an voluntate motus propria, an à Pontifice sollicitatus vt veniret. Eoque tempore dominus de Bardolf Thomas, adiuit Comitem Northumbriæ dominum Henricum Percy, eo animo vt molestarent Regem, vt ex post apparuit manifeste. Sed Archiepiscopus atque Comes Mareschallus, non diu celauere propositum, quin mox palam facerent intentum suum. De Comitissæ nempe Northumbriæ, dominique de Bardolf vt fertur confisi solatio, ciues Eboraci cum multis alijs euocauerunt in magno numero, vt starent cum ipsis pro regni commodo, communiumque salute: Et vt promptiores redderentur ad præsens negotium fixerunt articulos, in ostiis monasteriorum & ecclesiarum vrbis scriptos in Anglicis, pro quibus oportuit eos voluntarie in armis esse.

Lectis igitur articulis, milites, armigeri, plebs vrbana & rustica, intellecto pio proposito, in magno valde numero, Pontificem constipauere, quem cunctis commendabant & ætatis grauitas, & viræ præcedentis sanctitas, & incomparabilis literaturæ scientia, & cunctis amabilis ipsa persona.

Comes

*Archiep. Ebor.
in iurisdictione.*

Comes Westmerlandiæ, qui cum filio Regis Iohanne tunc prope fuit, audito rumore precedentium, congregatis copijs festinat occurrere pontificali turbæ, priusquam multiplicata facile vinci non posset. Sed frustra. Nam manus Archiepiscopaliū, multo fortior erat gente sua. Misit ergo qui peterent causam tantæ conglobationis, & cur contra pacem regiam adessent armati. Archiepiscopus respondit, se nil moliri contra pacem regiam, quinimo cuncta pro pace tranquillitateque facere, armari vero siue vallari hominibus tantum ob metum regium, ad quem alloquendum tutum non haberet accessum, si ne multitudine assentatorum. Propositum vero suum, Regis & regni fore commodum, si forte noscere vellent illud. Demonstravitque schedulam, qua articuli continebantur.

- 10 Quam cum legisset Comes Westmerlandiæ, verbo vultuque laudavit palam præsulis pium sanctumque propositum, spondetque se velle prosequi cum suis propositum Archiepiscopus, unde petit ut accedat cum paucis in medium, secum habiturus colloquium, & ipse cum paucis obuiaret sibi adæquatus numero personarum. Antistes gaudens, credit verbis consulis, persuadetque Comiti Mareschallo etiam nolenti secum procedere ad locum colloquio deputatum. Ad quem cum pari numero conuenissent, cum perlecta fuisset charta de articulis, mox Comes & qui cum eo erant præbuerunt assensum dictis articulis & fauorem. Tunc Comes astutior cæteris, ecce inquit finis optatus assumpti laboris, iam diu est quo populus perseveravit in armis, renunciaret ex vestris aliquis genti vestræ, ut domum redeant, arma deponant, & solitis occupationibus operam dent consuetam. Nos
- 20 interim in signum concordie bibamus pariter, cernente populo partis utriusque. Nec mora datis dextris, miles emittitur de parte præsulis, qui renunciaret pacem populo, iubeat unumquemque depositis armis sua reuifere, quoniam iam partes in vnam sententiam conuenere. Illi vero videntes signa pacifica, procuresque combibentes, fessi ex insueta militia lati lora vertere. Sicque factum est, ut illis recedentibus cresceret ex condito paulatim aduersorum numerus, nec prius intellexit Archiepiscopus se seductum, quam per manus fuit Comitis arrestatus. Comes etiam Mareschallus est arrestatus cum multis alijs per eundem. Quibus omnibus indemnitas est promissa, sed nullatenus observata, quia tam Præsul quam Comes decollatus fuit postea veniente Rege ad Eboracum in crastino Pentecostes. Quo facto paruit illud febricitantis Bridelington vaticinium fore verum,
- 30 prædicentis satis obscure præsens factum, sub hijs verbis:

*Pacem tractabunt, sed fraudem subter arabunt,
Pro nulla marca saluabitur ille Hierarcha.*

Archiep. decollatus.

Archiepiscopo decapitato qui satis constanter necem tulit, martyrio pulchro finitus ut vulgares opinabantur, qui etiam asseuerabant miracula quædam facta fuisse tam in campo quo decollatus est, quam in loco quo sepultus est, illico vulgus promiscuum coepit obnix colere cineres antistitis iam defuncti, quem dilexerant per ante viuentem, donec per quosdam regales prohibiti, præsulis monumentum reuifere metuebant.

- Corpus vero domini Tho. Moubray Comitis Mareschalli permissione Regis sepultum est in ecclesia cathedrali, multis dolentibus vicem eius: sed caput eius fixum in stipite
- 40 stetit supra muros vrbs longo tempore, expositum feruori atque pluuiæ. Quod tandem cum Rex annuisset ut consepeliretur corpori, ferunt inuentum fuisse, in nullo fluxum, in nullo marcidum, in nullo penitus decoloratum, sed eundem prætulisse decorem, quem viuens obtinuerat.

Rex post hæc ciuibus Eboracensibus mulctatis ad libitum qui cum Archiepiscopo senserant, promouit exercitum ad persequendum Comitem Northumbriæ & D. Tho. Bardolfomne præparamentum belli secum contrahens, & exercitum 37000. pugnatorum. Comes Northumbriæ comperto Regis proposito, Berwicum se transtulit.

- Eo tempore nuntij Regis Daciæ, Norwagiæ & Suauiz venientes in Angliam, petiere Regis filiam in coniugium domino suo. Horum præcipuus fuit Episcopus Soluicnsis,
- 50 qui cum scriptore præsentis Chronicæ de vita S. Albani, cuius peroptime nouit & communicauit historiam, eo quod in Danemarchia martyr noster celebris habeatur.

Interea Rex firmans faciem contra Comitem Northanumbriæ, venit Berwicum. Comes vero à facie formidinis eius fugit in Scotiam, & dominus de Bardolf cum eo: quos D. Dauid Flemming Scotus in fide sua suscepit. Rex autem cum cognouisset fugam Comitis, mandauit hijs qui erant in castello, ut illud sibi redderent, quod cum illi præcise negarent, incendit gunnam magnam, cuius vnico iactu deiecit partem vnus turre, & inclusos tantum terruit, ut mallerent obijcere se sponte gladijs, quam expectare secundum iactum. Redditum est ergo castrum Regi, & de defendentibus partim fuere decollati, partim

*Berwicum red-
ditum.*

tera castra Comitis reddita sunt facilliter in manus Regis. Quibus successibus Rex elatus rediit incunctanter Walliam, ubi è contrario nil sibi cessit prosperum, sed velut infortunata omnia gerebantur. Quapropter nullo perfecto negotio reuersus est, currus, carcatas, & plaustra perdens numero quinquaginta, prout fertur cum thesauro maximo, & coronis suis per aquarum inundationes superuenientes improviso. Venit ergo Wigorniam, & accersitis Archiepiscopo & alijs Episcopis, patefecit eis infortunium quod acciderat, petens sibi succurri per eosdem, cui respondit Archiepiscopus, se cum clero super isto negotio tractaturum.

Medio tempore Gallici venientes in succursum Wallici, id est, Howeni Gleyndor cum 140. nauibus applicuerunt in portu de Milforde, amissis primo pro penuria recentis aquæ pene omnibus equis suis.

Dominus de Berklec & Henricus Pay combusserunt ex eisdem nauibus 15. in eodem portu. Dicti vero Gallici obsederunt urbem Carmardin & ceperunt, concessis prius defensoribus omnibus bonis mobilibus cum licentia se transferendi quocunque vellent.

Sub eodem tempore captæ sunt naues 14. per supradictos D. de Berklec, & dominum T. de Swinbourne, ac Henr. Pay dum velificarent versus Walliam ad auxiliandum Howeno. In quibus Seneschallus Franciæ, & alij septem capitanei capti fuere.

Villa de Royston conflagrauit in die translationis beati Martini.

Comes Arundeliæ duxit Londonijs in uxorem filiam Regis Portingaliæ Notham, 20 satis magnifice, præsentibus Rege Angliæ & regina, in crastino Katherinæ.

In festo conceptionis S. Mariæ eadem domina Regis filia, præconis voce proclamata est regina Daciæ, Norwagiæ, & Suauiae sue Sueffiæ in præsentia nuntiorum, qui eam venerant petitori.

Anno 1406. Dominus Rogerus de Waldene debitum naturæ soluit, qui varia fortuna vinctus, expertus est sub breui tempore, quam sit inconstans, incerta, volubilis ipsa, errans, instabilis, vaga, quæ dum stare putatur, occidit, & falso mentitur gaudia vultu. Nempe per hanc expauperculo, factus est regni thesaurarius, & mox Cant. Archiep. quo iure mundus nouit, viuente D. Tho. de Arundelia. Et illico deiectus & priuatus per longa tempora, tandem leuatur iterum in Londoniarum thronum per annum, quo tamen 30 non est permixtus gaudere per annum, huic successit D. Nich. Hobwith.

Hoc in tempore dominus Papa, peremptores Rich. Scroope quondam Eborum Archiep. publice excommunicauit.

Eo tempore inchoatum est parliamentum, quod protelabatur inutiliter fere per annum. Quia postquam parlamentales milites distulissent diu concedere Regi subsidium, in fine tamen fracti, concessere taxam petitam, grandi communitatis damno. Nam propter hanc dilationem, expensæ militum æquiparabant pene subsidium postulat- 40 tum. Per clerum autem noua taxa Regi conceditur leuanda de presbyteris stipendiarijs, & fratribus mendicantibus, ac alijs religiosi quæ annalia celebrabant, vt horum quilibet dimidiam marcam Regi daret in releuationem Cleri videlicet, qui semper onus portauerat pro eisdem.

Per idem tempus Comes Northumbriæ & D. de Bardolfe monitu Dauid Fleming fugerunt in Walliam, patefecerat nempe illis conspirationes Scotorum, qui conspirauerant illos tradere Regi suo, pro quorundam captiuorum commutatione. Ob quam causam Dauid à Scotis occiditur, & Scoti prouocantur ad intestina bella, in tantum vt inualefcente discordia, treugas annales petere cogerentur. Quibus firmatis in terra, Scoti misere per æquora filium Regis sui & heredem, vt coalesceret & informaretur in Francia de facietia, linguaque Gallica. Quem quidam nauæ de Cley cepere fortuito, & quendam Episcopum, Comitemque de Orkeney, quibus commissus fuerat à patre suo, & ad Angliam deduxerunt Regique dederunt. Rex vero resolutus in iocos, dixit: Certe si 50 grati fuissent Scoti, hunc misissent mihi iuuenem instruendum, nam & Ydioma Franciæ ego noui. Missique sunt ad Turrim Londoniarum dictus iuuenis, & Comes Orkeney, Episcopo per fugam lapsus.

Eo tempore dum Galli in succursum properant Howeni Gleyndor, cum ratibus 28. captæ sunt ex eis octo naues armatis refertæ, reliquis in Walliam euadentibus meticolose. Non multo post captæ sunt naues 15. portantes vinum & ceram, per mercatores nostros ad maris custodiam deputatos.

Papa contulit Archiepiscopatum Eborum magistro Roberto Alum Cancellario Oxoniensi tunc in curia esistenti. Sed Rex Angliæ indignatur & contradicit.

Hæc

Rogeri Walden
fortuna.

Taxa cleri &
populi.

Papa contradici-
tur à Rege.

Hac ætate rex & regina perduxerunt puellam virginem regis filiam ex priore coniuge procreatam ad villam de Lenna, vt inde transfretaret in Daciam ad sponsum suum regem. Hanc comitabantur nobiles, inter quos Episcopus Bathoniensis erat, & D. Rich. frater Ducis Eboraci: qui redeuntes expleto negotio, parum vel nihil boni de patria retulerunt.

Circa finem Autumni D. Henticus le Spenfer Episcopus Norwicensis ingreditur viam patrum, vir qui & militis suo tempore consummauit officium, & pontificale non neglexit debitum. Cuius loco Monachi Norwicenses elegerunt Alexandrum commonachum & priorem suum.

10 Adhuc durante parlamento, restitutus est Dux Eboraci dignitati pristinae, qui putabatur à multis obijisse in carcere.

Comes Cantij duxit in vxorem filiam domini de Mediolano.

Hoc anno die S. Clementis Apostolica sede vacante per obitum nuper Innocentij Papæ 7. Cardinales considerantes Christianæ religionis infamiam contractam ex pestifero schismate, quod tantis pro dolor temporibus perdurauit, conuenerunt, voverunt Deo ac eius matri Mariæ, & sanctis Apostolis Petro & Paulo, totique cœlesti Curia iurauerunt, & ad inuicem vnus alteri & e conuerso se obligando solemniter promiserunt, quod si quis eorum assumptus foret ad apicem summi Apostolatus, renunciaret effectualiter iuri suo, & papatui, si & quando Antipapa, qui est & pro tempore fuerit, consimiliter renuncicaret accederet, & Anticardinales sic conuenire ac concorditer vellent cum eisdem dominis & sacro collegio, sic quod ex ipsis duobus collegijs inæquaretur iuste canonica electio vnus Romani Pontificis, ac etiam promitterent se facturos & curaturos, quod si quis ex dominis absentibus vel extra Collegium per eos assumerentur in Papam, eandem faceret obligationem. Quodque nullus eorum à prædictis promissione, voto, & obligatione, absolutionem peteret vel impetraret. Et ad maiorem præmissorum firmitatem, quilibet ex dominis de collegio supradicto, manu sua subscripsit. Elegerunt itaque dominum Angl. tituli S. Marci presbyterum Cardinalem Constantinopolitanum, & vocauerunt Gregor. 12. Qui eodem die post electionem, votum, sacramentum, & promissionem, prout superius continetur, in præsentia dictorum Cardinalium & testium sic manu propria subscripsit: *Ego Gregorius hodie die ultimo mensis Nouembris, An. 1406. assumptus in Romanum Pontificem, iuro, voveo, promitto, ac confirmo omnia supradicta, &c.* Coronatus est autem die S. Andree Apostoli, vir annorum circiter octoginta.

Cardinalium votum de Papatu.

Circa festum S. Martini cum rates Anglicæ versus Burdegalim cursum tenderent, & infrequentatum mare nostris hætenus attemptarent, quatuor naues de villa de Lenna nauigantes incautius, inciderunt subito in caribdim, quæ dicitur esse in mare Hispanico, & cernentibus socijs absorptæ sunt. Nam illic dicitur esse mare vertiginosum, quod occultis gurgitibus naues sorbet. Ter enim in die stringit fluctus, & ter vomit. Aquas itaque accipit vt vomat, vomit vt accipiat, vnde Naso:

Naues submersæ.

Euomit epotas dira caribdis aquas.

40 Doctæ sunt ergo reliquæ priorum periculo, vela reflectere de tam pernicioso pelago, venereque saluæ Burdegalim, sed numero diminuto.

Appropinquante natali dominico, exactum est instantius vt Regi prouideretur de pecuniali subsidio, sicque tandem concessa fuit ei quinta decima de communi populo.

Quinta decima.

Anno 1407. soluta est obsidio villarum de Burgh, & de Bloy in Wasconia facta per Ducem Aurelianensem, qui cum 50000. venerat ad subuertendum illas. Sed Deo dispensante qui superbos humiliat, nulla dies per octo hebdomadas illuxit ei sine tempestate pluuiarum, niuis, & grandinis mixtæ cum ventis & fulmine, quæ tam homines ad mortem compulit quam iumenta. Quibus infortunijs fertur 6000. hominum perdidisse. Et qui in aduentu suo super fortunam suam nimis ambitiosus fecerat deportari supra caput suum à quatuor militibus pannum aureum, iam reuertens inglorius, gaudebat ab imbribus cessare cœlum.

Per idem tempus Henricus Pay & quidam de 5. portubus cum nauibus 15. in mari Britannico, 120. naues anchorantes onustas ferro, sale, vinoque de Rupella ceperunt.

Episcopus Sarum Rich. de Mithforde seculo valescit.

Eo tempore fixæ sunt schedulæ multis in locis Londonijs, quibus continebatur, quod Rex Richardus viueret, & in proximo venturus esset, in magnificentia & gloria accipere sibi regnum. Sed non multo post captus & punitus, ausus tam temerarij stultus commentor, ex mendacio multorum conceptam lætitiā temperauit.

Rumores Rich. vixisse.

Hac ætate ex aeris corruptione tanta pestis humanis est infusa corporibus, quanta

Pestis Londini.

Bbb 2 non

non est visa per annos plurimos in hac terra. Ita ut dicam, lætiferis calidi spirant æstibus austri. Pestis etiam in magnæ dominatur moenibus vrbs, nam & Londonijs consumpsit infra breue tempus, ad triginta millia sexus vtriusque. In villis vero ruralibus, peruenit ad miseròs damno grauiore colonos, ut multæ domus quondam frequentibus lætæ familijs, penitus vacuarentur.

Eodem tempore prout videbatur in vnam conuenire sententiam, Papa Romanus & Antipapa per literas directas ad inuicem, attamen non dum finis.

Sub hoc tempore Gallici ceperunt munitionem de Aye, & destruxerunt, ac bona inibi reperta rapuerunt, vnde dolentes stipendiarij Calesiæ, ceperunt & ipsi castrum de Pomle, & ibidem bona reperta copiosa valde, Calesiam comportarunt. 10

Prope medium mensis Iunij cum Papa Gregorius se parasset ad proficiscendum Sa- uonam iuxta dictum inter ipsum & Antipapam, gratia vnionis faciendæ in Ecclesia Dei, repente Dæmonis instinctu superuenit Rex Neapolis & ante portam sancti Lauren- tij confedit cum exercitu, vnde dominus Papa confugit cum Cardinalibus in castellum sancti Angeli, & accersito nobili viro Paulo Vrsino, iussit ut cum manu militari valida o- pem ferret. Qui commissâ pugna, peremit 70000. de hostibus Ecclesiæ, nobilibus multis captis.

Rex vero moerore plenus aufugit & inglorius Neapolim repedauit. Hac occasione retardatum est negotium vnionis & pacis in ecclesia sancta Dei.

Colles moritur.

Circa festum assumptionis beatæ virginis, D. Rob. Knolles, diem clausit extremum. 20 Cuius arma regnum Franciæ sensit, & expauit infesta Ducatus Britannia, verebatur Ar- moricæ, atque pertimuit gens citerioris Hispaniæ. Qui præter laudem quam sibi peperit in gestis Martijs, construxit pontem, vltra flumen de Medewey iuxta Roffam, prouexit- que domum fratrum Carmelitarum Londonijs, fundauitque collegium secularium cle- ricorum apud Pontem fractum, & alia multa laudabilia consummauit.

Eodem anno Guido de Mone Meneuensis Episcopus præsentis lucis sensit eclipsim, qui dum vixit magnorum malorum causa fuit.

Sub eodem tempore M. Henricus Bowet ad instantiam Regis translatus est, ab Epi- scopatu Bathoniæ ad Archipræsulatum Ebor. Et M. Rob. Aluco cui Papa prouiderat de Archiep. Ebor. thronum conscendit Sarisb. vacantem per mortem M. Clickhole de Chi- 30 chley. Magister vero Rich. de Clifford, de Pontificatu Wigorn. transijt ad sedem Londo- niæ, Tho. vero Peuerell ab Episcopatu Landaphensi, transfertur ad cathedram Wigorn.

Hac ætate D. Henricus Princeps Walliæ cepit per obsidionem castrum de Aberust- with, sed non multo post Howenus Gleyndor fraudulenter illud intrauit, & novos custo- des imposuit.

Mense Nouembris, factò parlamento Londonijs facta fuit leuatio pecuniæ de toto regno.

Hyems dura.

Anno 1408. fuit hyems asperissima ex niuium abundantia durans, per menses De- cembri, Ianuarij, Februarij, atque Martij, vnde contigit pene cunctas volucres, de genere inaniscorum vel merularum fame frigoreque perire. 40

Insurrectio.

Eo tempore Rege tenente consilium grande Londonijs cum regni magnatibus, Comes Northumbriæ, dominusque Tho. de Bardolf, fatis iniquis vrgentibus in Angliam rediere. Qui post longam equitationem cum peruenissent ad villam de Thrisk, procla- mari fecerunt, ut quisquis libertatem cuperet, arreptis armis eos alacriter sequeretur. Igi- tur secuti sunt eos plurimi, putantes sibi cuncta pro votis accidere.

Viccomes vero de Euerwike cum militibus patriæ illis occurrentes iuxta Hefel- wood commisso graui prælio Comitem interemit. Cuius caput illico præcisum est. D. de Bardolf ex vulneribus acceptis saucius captus est viuis, sed cito postea defecit in mortem. Facta sunt hæc quantum ad bellum 11. Kalend. Martij, completaque putabatur propheta, quæ præmissa prænuiciauerat sub hoc inuolucro: *Stirps Percitina periet confusa ruina.* Nem- 50 pe dominus iste stirps fuit cunctorum de nomine Percy superstitum, & aliorum plurimo- rum varijs cladibus finitorum. De cuius infortunio vulgus non parum doluit, recolens viri magnificentiam, famam & gloriam, applicans sibi Lucani carmen lugubre sic dicen- tis: Sed nos nec sanguis, nec tantum vulnera nostri, affecere senis, quantum gestata per vr- bem, ora ducis. Quæ transfixo deformia pilo vidimus. Nam caput eius veneranda deco- ratum canitie, pilo suppositum, per urbem Londoniarum publice deportatum, super pontem confusibiliter est locatum.

Pontifex Bangoriensis captus cum prædictis dominis donari vita meruit, eo quod inermis captus fuit.

Post

Post mortem prædictorum procerum, vires assumpsit inuidia, succereuitque delatorum turba in boreali patria, quæ patriotas accusare studuit de impenso fauore dictis dominis. Quorum clamore Rex excitus perrexit Ebor. ad faciendum iudicium transgressorum. Vbi cum multos damnasset, plurima confiscasset, patriam pacificasset, suspensio Abbate de Hayles, qui cum præfatis dominis armatus steterat, redijt ad partes australes.

In crastino Sanctæ Mariæ Magdalenzæ in concilio cleri celebrato Londonijs, assistentibus Doctoribus vniuersitatum Cantebrigiz & Oxoniæ, tractatum est de censu, & obedientia Papæ subtrahendis vel non subtrahendis, qui contra votum & iuramentum præstitum se subtraxit à loco, vbi iuxta pacta de cessione pro parte sua, procedendum fuerat, ad vniõnem in ecclesia faciendam.

Eo tempore Dux Aurelianorum dum scortis, stupris, incestibus vacat & adulterijs in regno Franciæ, peremptus est à quodam milite, cuius coniugem adulterare consuevit. Dux Burgundiæ quia præsumpsit factum defendere militis proscriptus, & multis affectus incommodis, Franciam dereliquit, sed ex post captus & incarceratus, solutus est sub pacto Calesiæ capiendæ.

In vigilia natiuitatis beatæ Mariæ, tanta fuit inundatio pluuiæ, quantam senes & veterani antea non viderunt.

Dominus Edmundus Comes Cantiz dum obsidet castrum de Briant in Britannia, spiculo balistæ vulneratur in capite. Cepit tamen castrum & destruxit funditus. Nec multo post putrefacto cerebro mortem incurrit.

Circa festum omnium sanctorum venit in Angliam Cardinalis Burdegalensis vir potens in opere & sermone, missus à collegio Cardinalium ad informandum Regem regni que clerum, de inconstantia Papæ Gregorij, prout prius edocuerat Regem Franciæ & incolas regni eius, quatenus hij duo Reges, qui censebantur in orbe præstantissimi, manus apponerent adiutrices ad inducendum dictum Gregorium, ad seruandum iuramentum præstitum, vt ipsorum duorum Regum autoritate magnifica, vniõ fieri posset in ecclesia. Cui negotio Rex Franciæ libens annuerat, & solemnes Gregorio nuntios destinauerat, licet tergiuersanti & indurato. Quamobrem Rex Franciæ secutus consilia Doctorum vniuersitatum Parisiorum & Louanienfium, Aurelianorum, Tholosanorum, & montis Pefulani, ad euitandum poenas fautoris schismatis, neutri de Papatu contendenti decreuit obedire, donec pax haberetur in ecclesia Dei.

Rex Angliæ cum intellexisset propositionem Cardinalis, exhiberi sibi iussit omnem humanitatem offerens sumptus sibi largifluos quam diu cuperet in Anglia perhædinare.

Anno 1409. post Epiphaniam conuocauit dominus Cantuar. regni clerum Londonijs ad eligendum personas idoneas, quæ proficiscerentur Pisas ad concilium generale, inter quas eliguntur Magister Robertus Alum Sarisburiensis Episcopus cum alijs viris doctis & prudentibus.

Præmiserat autem Rex Angliæ ambassiatores ad Papam Gregorium, & Cardinales, dominum Ioh. Coluile militem, & Magistrum Richar. Rixton Clericum cum literis exhibendis eisdem. Et quidem in litera Papæ directæ, inter cætera scribit ita: Beatissime pater, si sedis Apostolicæ dignaretur attendere prouidentia, quanta quasi per vniuersum orbem pericula prætextu schismatis emersere, & potissime de strage populi Christiani, quæ vltra ducenta millia personarum vt asseritur ex guerrarum fremitibus in diuersarum mundi partibus exortarum, & iam pridem ad numerum 30000. ratione dissentionis habitæ super Episcopatu Leodiensi inter duos, vnum scilicet autoritate domini veri Pontificis, & alium autoritate Antipapæ titulo contententes, in bello campestri (quod dolenter referimus) fuerant interfecti.

Profecto iam dicta sedes anxietur in spiritu, & iusto dolore torqueretur in mente, dictanteque bona conscientia, potius Apostolicæ sedis honorem relinqueret quam huiusmodi detestanda connisi de cætero, sub dissimulationis clamide toleraret, exemplum sumens de verâ matre, quæ coram Rege Salomone contendens cessionem potius elegerat quam filij sectionem. Et quamuis ex illa noua creatione nouem Cardinalium, contra iuramentum vestrum, vt aliorum verbis vtamur, vltimo per vos factum, de qua vehemens admirationis causa consurgit, possit aliquatenus præsertim prout verisimile est censendum, intensionem vestram ad finem schismatis non intendere, absit tamen à seculo semper, quod sedes vestra circumspecta de tanta mentis inconstantia notaretur ab aliquo, vnde nouissimus error priore deterior haberetur. Hæc decerpimus de epistola,

Bbb 3 quam

Generale concilium Pisis.

Litera Regis ad Papam.

quam Rex direxit Papæ, vt cunctis liqueat, quam sè brie, quam modeste, tentauit Papam inducere ad votum iuramentumque soluendum, ne per eum stare videretur, quo minus in Ecclesiâ vnitatis reformatetur. In epistola vero directâ Cardinalibus inter cætera scripsit sic: Cupientes ostendere quantum zelum habuimus, & habemus vt pax detur Ecclesiæ de consensu statuum regni nostri, domino summo Pontifici literas nostras transmisimus, iuxta seriem copiar præsentibus interclusæ effectualiter exequendas. Vestrum itaque venerabilem cœtum affectuose precamur, quatenus si contingat eundem Gregor. interessendo generali concilio apud Pisas & cedendo Papatui, iuxta votum & iuramentum per ipsum vicibus iteratis emissum acquiescere votis vestris & nostris, prout cupimus & tenemus ipsum facturum, pro statu suo taliter ordinare velitis, vt præcipue Deuse inde placeat, & tam ipse Gregorius quam nos, qui non immerito suum honorem & commodum ex affectu diligimus, vobis & singulis vestrum merito teneamur ad gratiarum vberes actiones.

Anno 1410. iuxta conditum conuenere Pisas domini Cardinales vtriusque Collegij viz. Gregorij & Benedicti, vt super reformatione vnionis tractarent tam effectualiter quam finaliter, occurrentibus ad eundem locum pene totius orbis latini prælatis & viris venerabilibus electis ad suffragandum Cardinalibus in hac causâ, sic quod factus est ibidem numerus maximus mitratorum. Qui inuocata spiritus sancti gratia consenserunt in vnâ personam, ac elegerunt vnum qui caput esset totius Ecclesiæ, duobus alijs abdicatis, vocaruntque nomen eius Alexandrum s. licet Gregorius & Benedictus, qui se de concilio prædicto sponte subtraxerant, procaciter obgrunnirent.

*Alexander s. elo
Bna.*

Hic Alexander in primordio suæ creationis concessit omnibus vere confessis & contritis, qui manus adiutrices apponerent Ecclesiæ suæ prioratui Sancti Bartholomæi Canonorum de Smithfeld Londonijs, scz. die cœnæ Domini, die Parasceues, siue sancto Sabbato Paschæ, ac etiam in festo Annunciationis beatæ virginis, à primis vesperis vsque ad secundas vespèras, & quolibet istorum dierum plenam remissionem omnium peccatorum.

Creati sunt hoc anno D. Tho. Beufort in regni Cancellarium, & D. Henricus Scroope in thesaurarium.

Facto parlamento Londonijs sub diebus quadragesimæ, quidam laicus, arte faber, dum pertinaciter defendit hanc hæresim, quod videlicet non est corpus Christi, quod sacramentaliter tractatur in Ecclesiâ, sed res quædam inanimata peior bufone vel aranea, quæ sunt animalia animata, nec vellet opinionem istam deferere, traditus est iudicio seculari. Cumque damnatus esset, & in Smithfeld includendus dolio, dominus Princeps, Henrici Regis primegenitus, qui tunc affuit, ad eum accessit, consuluit, monuit vt resipisceret. Sed neglexit perditus nebulo tanti Principis monita, & elegit potius comburi quam sacramento viuifico deferre reuerentiam. Quapropter dolio includitur, affligitur à denorante flamma, mugitque miserabiliter inter iucendia. Clamore cuius horribili dominus Princeps motus, iussit ignis materiam ab eo subtrahi, ardorem longius amoueri. Consolatur pêne mortuum, promittens nunc etiam se victurum & consequuturum veniam, ac singulis diebus vitæ suæ si resipisceret de fisco regio tres denarios percepturum. Sed miser refocillato spiritu, respuit tantæ dignationis oblationem, non dubium quin maligno spiritu induratus. Quamobrem iussit dominus Princeps eum iterum recludi dolio, gratiam nullam consequuturum de reliquo. Vnde contigit, quod illic ad fauillas arsit ardelio miserabiliter mortuus in peccato suo.

*Hereticum combus-
tus.*

In hoc parlamento milites parlamentales, vel vt dicamus verius, satellites pilatales in maligno positi, nulli commoditati regni studentes, ad vnum solum modo scelus vacant, vt ecclesiâ Dei per Angliam spoliarent, huiuscemodi schedulam Regi dantes: Excellentissimo domino nostro Regi, & omnibus proceribus in præsentī parlamento constitutis, omnes communes fideles demonstrant humiliter, dicentes veraciter, quod dominus noster Rex potest habere de bonis temporalibus per Episcopos, Abbates ac Priores occupatis ac superbe vastatis in regno, quindecim Comites, mille quingentos milites, sex mille ducentos armigeros, & centum xenodochia plura quam nunc sunt, bene & fideliter sustentata de terris & tenementis nunc inutiliter vastatis. Sed cum niterentur ostendere, de quibus locis tam grandes summæ leuari possent, vnde præmissi dotarentur, siue ditarentur, defecerunt, scrutantes scrutinio, & dum diligunt vanitatem, quæ finire mendacium. Serenissimus autem Princeps, abhominatus tantam Lollardorum malitiam prohibuit ne de cætero præsumerent talia commentari. Cumque cœrus excrabilis Lollardorum militum videret se non posse progredi in præmeditata malitia petierunt cum

Lollardorum passio.

cum instantia, vt clerici conuicti de cætero non traderentur ergastulis episcoporum, sed carceribus regijs & temporalium dominorum, sed nec hoc quidem consecuti sunt. Petierunt etiam vt statutum factum de Lollardis in quo cauetur, vt vbicunque forent deprehensi dogmatizare doctrinas erroneas, caperentur sine breui regio, & proximo regis carceri manciparentur, vel muraretur, vel modificaretur. Et accepere responsum, se non habituros huius petitionis propositum, quin potius statutum super huiusmodi negotio aggrauandum. Rex vero in præsentī parlamento petiit vt quotannis dum viueret sine parlamento tenendo, decerneretur sibi de clero vna decima, & de laicis vna quinta decima, sed non obtinuit.

16 Protelatum est ergo parliamentum ab octauis S. Hillarij, fere in medium mensis Maij. Tandem de laicis concessa fuit illi vna quinta decima non sine grandi murmure cōmunitatis.

Hoc tempore dominus Thomas Beufort comes Surrey concessit in fata.

Circa nonum diem mensis Aprilis incensa est villa de S. Andamaro, cum abbacia vbi reconditus fuit apparatus execrabilis per ducem Burgundiæ, qui pactus fuerat villam Calesiæ vel destruere, vel Gallorum arbitrio subiugare. Ibi machinarum hæcenus nulli conspectarum multitudo maxima, ibi vasorum venena continentium quæ proiicienda præordinauerat in dictam villam magna nimis abundantia seruabatur. Collegerat siquidem serpentes, scorpiones, bufones, & alia venenorum genera, & incluserat in paruis cadis, vt dum computriuisent illic noxiorum carnes animantium, & in tabem resolutæ fuissent, facta obsidione circa Calesiam, cados emissos è machinis in villam proiiceret. Qui dum confracti fuissent iactus violentia fæto pestifero strangularent inclusos, armatos contactu inficerent, vbique vicos venena sparsa fædarent. Interea iuuenis quidam ductus auri cupiditate, vel affectu villæ regię petiit à rectoribus quid mercedis mereretur, qui villam tanto metu vacuaret, & omnem apparatus quem formidabant incenderet. At illi summam fului metalli taxant, qua contentus, digreditur adolescens & immisso igne, non solum combussit dictam materiam, sed pene cum monasterio totam villam.

Ducis Burgundiam machina in Calesiam.

30 Alexander Papa 5. electus in concilio Pisis celebrato diem clausit extremum, cui successit Balthazar Bononiensis Archiep. consensu vtriusque partis Cardinaliū, qui vocatus est Ioh. vicesimus tertius.

Alexandri 5. mors.

Anno 1411. hostis humani generis inuidens clementis orbis Christiani, non solum graue scandalum sed & magnum dispendium intulit christianis. Siquidem rex de Crakon tactus affectu christianæ professionis baptizatus est in nomine sanctæ & indiuiduæ trinitatis. Qua de causâ, cuncti noti & amici sui qui remanserant in perfidia Sarazenicâ, se elongauerunt ab eo, & conspirauerunt, vt vel ipsum peruerterent, aut certe bello delerent. Quorum vt comperit molitiones tanquam Christicola à vicinis christianis contra hostes suæ fidei subsidium expetiuit. Erant autem sibi contermini proceres & rectores de le Pruns, qui priusquam christianus effectus esset, consuevere terras suas inuadere & exinde prædas opimas Martio iure referre. Sed iam ratione religionis cessare necesse fuit. Nihilominus Prusienfes Heroes comperto quod affines sui persequerentur eum, vt afflictum magis affligerent non verentes deum vindicem, bellum sibi crudeles indicunt, quamuis ipse ab eis suffragia contra Sarazenos primitus implorasset. Itaque constitutus inter cudem & malleum, quo se verteret ignorabat. Sed tandem animatus vt creditur, & indutus virtute ex alto quo maius imminebat periculum, se conuertit. Et licet hostes præstarent & numero & apparatu, inuocato rex Neophitus Christi nomine, commisit cum Prusienfibus & fecit stragem magnam, quo successu non solum sibi subegit hostes, sed & omnem regionem eorundem.

Rex de Crakon christianus.

50 In hoc tamen pie consulens subiugatis vt permitteret eos suis auitis gaudere priuilegijs, & mercimonia prout soliti fuerant exercere.

Hoc anno Burdegaliæ ex diffenteria pehe 14000. hominum perire, tantumque pestis inualuit in Aquitania & Wasconia quod vindemiatores & vuarum calcatores in patria defecerunt.

Ioh. Predergest miles & Gul. Long pelagus præseruantes à piratis, mare pacatum reddidere. Sed non tollerauit hoc maleuolorum supercilium, quin viros accusaret de furtis, de rapinis, de depredationibus rerum inconcessarū. Quapropter miles Westm petiuit auxilium. Non domum vel tigurium vbi caput reclinare posset obtinere potuit, metu regis id vetantis sed in vestibulo S. Petri, explicatis tentoriis sibi necesse fuerat repausare, adhibitis lateri suo custodibus propter timores nocturnos, qui sibi ab æmulis parabantur.

Remansit interim Gul. collega suus in pelago, donec Admiralius qui pro tunc fuit naues armasset, & ad eum personaliter accessit, & impunitatem sibi fide interposita spondisset. Qua conditione, relictis nauibus secutus est eum, sed tamen non obstantibus promissis pollicitationibus reclusus est in Turri Londoniarum.

*Cant. repulsi vi
sitare Oxoniæ.*

Dominus Cantuariensis dum nititur visitare vniuersitatem Oxoniarum, repulsam passus est.

Guerra mota est inter ducem Burgundiæ & ducem Aurelianensem filium ducis Aurelianensis nuper occisi factione ducis Burgundiæ supradicti, suffragantibus duci Aurelianensi, regibus Nauarriæ, & Arragoniæ, ducibus Bituriæ, & Britannia, cum Walconibus & Acquitannis, nec non comitibus de Huys, & de Armanack & multis aliis.

Dux Burgundiæ cui fauit Rex Franciæ & eius primogenitus dictus rector Franciæ cum multis aliis, videns partem contrariam robore fortem, populositatem numerosam, diffidens suis viribus, misit ambassiatores in Angliam petens per eos regis suffragia contra ducem Aurelianensem, offerens plurima, pluraque promittens, inter quæ nuptias filia suæ promisit principi, simul cum maxima summa fului metalli.

Cui rex fertur tale dedisse responsum. Consulimus ne cum hoste vestro præsumatis in hac causa congregari, qui iuste vos infestare viderur, pro nece per vos procurat a parentis sui, sed quantum in vobis est animum iuuenis exasperati mitigare studete, satisfactionem rationabilem iuxta consilium partis vtriusque promittentes. Quod si nec sic à persecutione cessare decreuerit, secedite in partes tutiores vestri dominij, & illic vires aggregate quæ sufficiant ad repellendum suam violentiam. Si vero post hæc bellum contra vos mouerit, ad congregandum cum eo iustius mouebimini. Et in tali causa fauorem vobis, quem petitis exhibebimus.

Transmissi sunt ergo comes de Arundell, atque comes de Kyme D. de Cobham Iohan. Oldcastle & quidam alij cum armata manu, & architenentibus in numero copioso. Qui cum summa gratulatione recepti sunt per ducem Burgundiæ, sufficienterque conducti. Sed cum moram Parisius diuturnam protraxissent & iam macellarij carius solito carnes venderent, statuerunt nostrates egredi, & si fortuna faueret ab hoste quærere victum sibi.

Iacuit tunc non procul Aurelianensis in loco quodam forti cum priuata familia prope villam de Seynclo, in qua magna pars exercitus sui constituta fuit, quasi media via inter utrosque. Profecti sunt ergo Anglici pabulatum proque sua necessitate providendum. Dumque villam de Seynclo proponunt inuadere, comperiunt pontem fractum ab hoste. Cui tabulas licet strictas, longas tamen, hostes superstrauerant, ut egredientes ab ingressu villæ nostros arcerent, & si necesse foret iuxta qualitatem negotij reuerti possent. Pugnatum est igitur, & Franci fugati, qui dum meticolose fugiunt, per arctitudinem tabularum cadentes in flumen demerguntur. Occisi feruntur ibidem mille trecenti, cæteris qui in villa fuerunt ad ducem fugientibus, casumque referentibus cum ploratu. Qui confestim fugiens è diuersa parte salutem suam consuluit. Nostri proinde villam de Seynclo deprædantur, captiuos multos secum trahunt, Parisius reuertuntur. Regales & nobiles cum vidissent manum magnam quam exercuerat dominus super hostes per manum nostratum, deum pro successu nouo laudare, nostrisque gratias retulere. Sed quia captiuos secum traxerant, qui rei læsæ maiestatis extiterant, eisdem captiuos Galli mox iudicialiter punire temptabant. Contradicunt nostrates, eo quod pacta redemptione saluassent eos iuxta leges armorum, & timebant perdere summas pactas. Quapropter bile repleti dum nituntur saluare quos tueri ceperant, de Parisiënsibus plures morte plectunt. Sed tandem recepta pecunia pacta pro redemptione captiuorum de fisco regis & ciuibus, permisere Francos gaudere suorum proditoribus. Quorum quidam decapitantur, quidam tormentis variis iuxta morem patriæ mori coguntur. Parlamentum celebratur Londoniis in crastino animarum.

Ann. 1412. dux Aurelianensis qui se putabat in superabilem, accepta plaga per Anglos inflata, mox disperquisiuit media, per quæ regem Angliæ, imo & proceres & commune vulgus in affectum sui posset allicere. In itoque consilio super isto negotio, scripsit procuratorium sub hiis verbis. Ioh. regis Francorum filius dux Bituriæ & Aluerniæ, Comes Picauia Boloniæ & Aluerniæ, &c. Carolus dux Aurelianensis & Valesij, Comes Bletensis & belli montis, & dominus Conciati. Ioh. dux Burboun, comes clari montis & forestarum, & dominus belli ioci. Et Iohannes Alenconiæ, id est, de Armanacke, & de Pertica, & dominus Filgeriarum.

Notum facimus vniuersis, quod nostrum quilibet de probitate & fidelitate, circum-

specione & prudentia Falconeti, &c. ad plenum confisi, ipsos & eorum quemlibet presentium tenore nostros procuratores fecimus certos, indubitatos, & irrevocabiles, ac nuncios & legatos speciales ad tractandum, & concordandum, & concludendum cum serenissimo principe D. Henrico dei gratia rege Angliæ, & illustrissimis eius natis &c. super restitutione & traditione reali ducatus Aquitaniæ cum suis iuribus & pertinentiis vniuersis, quæ ad serenissimum dominum regem Angliæ hæreditario iure ut asseritur pertinent per nos eidem fienda, &c. Postquam legati suum procuratorium exhibuissent, obtulerunt quæ in subscriptis articulis denotantur.

*Procuratorium
ducis Aurelian.*

10 Primo, obtulerunt sua corpora exponenda pro seruitio domini regis Angliæ in omnibus suis causis & exactionibus, salua semper eorum fidelitate. Scientes quod aliter requirere nollet.

Articuli eorum.

Secundo, obtulerunt filios suos, filias, neptes, nepotes, & vniuersaliter omnes consanguineos suos pro coniugiis faciendis, ad complendum iuxta dispositionem regis Angliæ.

Tertio, obtulerunt castra, villas, thesauros, & alia bona in obsequium præfati domini regis.

Quarto, obtulerunt amicos fere omnes nobiles Franciæ clericos famosos, ciues honestos, qui eis assistunt, ut de facto patebit.

Quinto, obtulerunt ducatum Aquitaniæ integræ, eodem modo, quo eius predecessores obtinuerunt, nihil excipiendo de pertinentibus ad præfatum ducatum.

20 Ita quod parati sunt recognoscere terras quas tenent à præfato domino rege, & tradere in manu sua quas possunt & residuas pro viribus conquestant. Ipsi vero petunt reciproce, quod dominus rex Angliæ & successores eius, eisdem dominis assistant, usque ad iustitiæ complementum contra ducem Burgundiæ, scilicet de crimine commisso in personam ducis Aurelianensis.

Secundo, petunt quod dominus Rex Angliæ eis assistat contra ducem Burgundiæ & suos fautores, usque ad reparationem omnium bonorum quæ habuerunt illius & suorum occasione causæ.

Tertio petunt quod assistat contra ducem Burgundiæ pro restitutione damnorum, & reparatione offensarum amicorum, vassallorum & subditorum suorum.

30 Quarto petunt quod eis assistat pro pace regnorum quantum poterit, &c.

Hoc anno libra piperis 4. solidis vendebatur.

Circa festum Assumptionis beatæ Mariæ cum rex decreto sui consilij statuisset opem parare partibus ducis Aurelianensis, misit filium natum secundum D. Thom. ducem Clarentiæ: necnon Edw. ducem Eboraci, dominumque Thom. comitem Dorcetani, plurimosque valentes cum valida manu, ut duci præfato ferrent auxilium contra ducem Burgundiæ, nondum reuersis in Angliam cunctis qui iamdudum cum comite Arundeliæ transfretauerant, ad roborandum partes Burgundionis. Vnde succreuit multis admiratio, qualiter tam repentina facta sit mutatio, ut sub temporis tantilli spatio cõtingeret Anglos, velut duo contraria consonare. Profecti sunt tamẽ prænotati proceres, & in Neustria applicuere. Vbi cum dux Aurelianensis iuxta conditum, tempore statuto non occurrisset incenderunt villas suas, prædati sunt vicos, & municipia multa cepere. Tandẽ licet sero conuenerunt ad colloquium duces Clarentis & Aurelianensis. Habitusque est contractus inter eos, ut nostrates desisterent ab hostili equitatione, & à prædationibus temperarent. Quo concessio, recesserunt duces nostri in Aquitaniam illic hyematuri. Aurelianensis ad propria se conuertit.

Subita mutatio.

50 Medio tempore dominus de Heyle Marechallus Franciæ, cum multis magnatibus, hominibusque de armis ad numerum 4000. pugnatorum, obsedit quoddam municipium in Aquitania, quod erat in custodia D. Ioh. de Nouut militis. Qui cum trescentis auxiliariis fugauit & fudit totum exercitum Gallicorum, captis de nominatis viris 12. & aliis generosis ad numerum 120.

Anno dom. 1413. Rex Henricus tenuit natale apud Eltham, valitudine graui pressus, sic quod quandoque mortuus videbatur. Resumpsit tamen vires, deo volente & dies natalitios iocunditate qua potuit celebravit.

Post natale conuocauit regni proceres ad parliamentum tenendum Londoniis in crastino purificationis beatæ Mariæ. Sed tamen finem parliamenti non expectauit fato præuentus, die 20. mensis Martij, cum gloriose regnasset annis tredecim & dimidio, præter quinque dies. Sepultusque est, in ecclesia Christi Cantuariæ.

Mors Henr. 4.

Eodem anno coronatus est Londoniis Henr. primogenitus regis Henric. nuper defuncti, 5. Idus Aprilis dominica in passione domini. Quo die fuit tempestas niuis maxima, cunctis

Coronatio Henrici 5.

cunctis admirantibus de temporis asperitate, quibusdam nouelli regis satis impingentibus aeris turbulentiam, velut ipse futurus esset in agendis frigidus, in regimine regnoque fenerus. Aliis mitius de persona regis sapientibus & hanc aeris intemperiem interpretantibus, omen optimum, quod ipse viz. niues & frigora vitiorum faceret in regno cadere, & serenos virtutum fructus emergere, vt posset effectualiter à suis dici subditis. Iam enim hyems transiit, ymber abiit & recessit. Qui reuera mox vt initiatus est regnum infulis, repente mutatus est in virum alterum, honestati, modestiæ, ac grauitati studens, nullum virtutum genus omittens quod non cuperet exercere.

Cuius mores & gestus omni conditioni tam religiosorum quam Laicorum in exempla fuisse.

Post festum Paschæ, tenuit rex parliamentum solemne Londoniis, in quo subsidium petiit & accepit.

Circa præsens tempus rediit D. Thom. dux Clarentiæ frater regis de partibus Aquitaniz quem directum diximus in auxilium ducis Aurelianensis contra ducem Burgundiz.

Sub hiis diebus, magna pars ciuitatis Norwicensis repentinis ignibus conflauit.

In festo S. Trinitatis celebratæ sunt solemnes exequiæ regis Henrici & conuesti 4. Cantuariæ, præsentem rege Henrico filio suo & hærede.

Schedula Londoni affixa.

Eo tempore decretum fuit per cleri consilium Londini apud Sanctum Paulum celebratum, ad instantiam maxime regis nunc, vt festiuitas Sancti Georgij Martyris vt duplex festum de cætero celebretur. Quod etiam de festo S. Dunstani, D. Cantuar. censuit faciendum.

Alexander episc. Norwicensis, qui de veterano priore loci prædicti, pontifex factus fuerat, curis seculi valescit. Cui successit per electionem Magister Rich. de Cortiniaco, dignus qui genere, moribus & scientia, conuadaret hunc gradum.

Quæstio in Joh. Oldcastle.

Eo tempore Lollardi qui doctrinam Euangelicam & Apostolicam, atque propheticam deprauabant, fixerunt schedulas in valuis ecclesiarum Londoniis, quæ continebant 10000. paratos, ad insurgendum contra cunctos, qui non saperent sectam suam. Innitebantur nempe viribus & ingenio cuiusdam militis qui dicebatur Iohann. Oldcastle, qui ob reuerentiam nuptiarum quas contraxerat cum affine nobilis viri D. de Cobham, cognomen dicti dominij est sortitus. Sed tamen propter hæreticam prauitatem valde suspectus.

Eo tempore facta Londoniis cleri conuocatione per D. Cantuar. maxime causa prædicti Iohannis, repertum fuit quod idem Ioh. fuit & est principalis receptator & fautor, protector & defensor Lollardorum, & quod præsertim in diocesisbus Londoniensi, Rossensi & Herefordensi, ipsos Lollardos ab ordinariis siue diocesanis locorum minime licentiatos contra constitutionem prouincialem inde factam, ad prædicandum transmissit, eorumque prædicationibus nefariis interfuit, & contradictores si quos repererat, minis & terroribus ac brachij secularis potestate compescuit, afferens inter cætera, quod Cantuariæ Archiep. & eius suffraganei non habuerunt nec habent potestatem aliquam huiusmodi constitutionem faciendi, aliterque sentit, & sentit ac dogmatizat & docet de sacramentis altaris & poenitentiz, peregrinationibus & adorationibus imaginum ac clauibus quam Romana ecclesia docet & affirmat.

Quare ex parte totius cleri D. Cantuar. fuerat requisitus, vt de & super præmissis contra eundem Iohan. procedere dignaretur. Qui tamen ob reuerentiam domini regis cuius ad tunc idem Iohann. familiaris extiterat, & ob honorem ordinis militaris vna cum omnibus suffraganeis tunc præsentibus, & magna parte cleri, accessit ad præsentiam domini regis tunc in prædio suo de Kenyngton existentis, declaraturus ei defectus eiusdem. Ad instantiam tamen domini regis cupientis eum sine dedecore reuocare, suspectum fuit negotium magno tempore. Sed cum dominus rex circa reductionem eius longum tempus triuisset inaniter, significauit domino Cantuar. se circa eum inutiliter laborasse. Dominus igitur Cantuar. dictum Iohann. de & super præmissis personaliter respondurum coram eo ad certum terminum decreuit euocandum, ac nuntium suum cum literis citatoriis ad dictum Ioh. transmisit tunc in castro suo de Couling degentem, mandans dicto nuntio, vt dictum castrum dicti Iohann. nullo modo ingrederetur nisi licentiarus. Sed per mediationem cuiusdam Ioh. Buttiler hostiarij cameræ domini nostri regis, ipsum dominum Iohan. requireret quatenus aut daret dicto nuntio licentiam ingrediendi vt citaret eundem, seu saltem extra castrum suum prædictum, faceret sui copiam, vt sic citatione posset

Ioh. Oldcastle citatur.

posset apprehendi. Qui tamen Ioh. Oldecastle, dicto Ioh. Buttiler ex parte domini regis sibi præmissa exponenti, publice respondit quod nullo modo citari voluit, nec citationem ipsius aliquammodo tollerare.

Hiis auditis dominus Cantuar. decreuit eum citandum per edictum in valuis Rosensis ecclesiæ sibi vicinæ publice affigendum, ut compareret coram eo II. die mensis Septembris, super præmissis & aliis hæreticam prauitatem concernentibus personaliter respondurus. Quo die adueniente D. Cantuar. in Capella maiori infra castrum de Ledis, quod tunc inhabitabat, sedens pro tribunali, audita & recepta relatione, quod idem Iohann. se in castellauit & fortificauit in castro suo prædicto, ac opiniones suas defendit, clauis ecclesiæ & potestatem Archiepiscopalem multipliciter contemnendo, fecit eum citari publice ac præconizari. Qui cum diu expectatus nullo modo compareret, prout erat merito, contumacem excommunicauit in scriptis. Et quia dictus Ioh. in defensionem erroris sui contra clauis ecclesiæ se in castellauit & fortificauit, D. Cantuar. decreuit iterato citare dictum Iohann. si posset apprehendi, vel alias per edictum sicut prius, ut compareret coram eo die Sabbati proximo post festum S. Matthæi apostoli & Euangelistæ proximo futuro, causam rationabilem si quam habeat, quare contra eundem ad grauiora procedi non debeat, tanquam publicum hæreticum, schismaticum & hostem, & aduersarium vniuersalis ecclesiæ, quare etiam pronunciari non debeat, ac auxiliū brachij secularis contra eum solemniter inuocari personaliter respondurus, facturus & recepturus, circa omnia & singula præmissa quod iustitia suadebit. Adueniente termino præfixo, D. Cantuar. sedente pro tribunali in capello S. Pauli Londoniis, assidentibus sibi D. Richardo London. & Henr. Winton. episcopis, D. Rob. Murley miles Custos Turris Londoniarum secum præfatum D. Ioh. adduxit (nam parum ante per regios ministros comprehensus fuerat & in Turri clausus.) Cui D. Cantuar. recitauit processum memoratum, quomodo viz. in cōuocatione cleri detectus & delatus extiterat, quomodoque citatus & propter suam contumaciam excommunicatus. Vnde D. Cant. gratiose obtulit & paratū fore promisit ad absolueūdum eundem. Sed ille absolutionem D. Cant. petere noluit. Sed diuertēs ad alia, dixit quod libenter recitaret coram D. Cantuar. fidem quam tener. Extraxitque de sinu suo quandam schedulam indentatam, quam tradidit D. Cantuar. postquam legisset. Quam
30 schedula perlecta D. Cantuar. dixit. Ecce domine Ioh. in hac schedula vestra plura bona continentur, ac satis catholica. Sed habetis terminum istum ad respondendum super aliis, errores & hæreses sapientibus, quibus per contenta in hac schedula non est plene responsum. Et propterea vos oportet ad eadem respondere qualiter sentitis, & fidem vestram plenius declarare. Viz. an teneatis, credatis & affirmetis, quod in sacramento altaris post consecrationem rite factam remaneat panis materialis vel non? Item an teneatis, credatis & affirmetis, quod in sacramento penitentiae necessarium fuerit, quod habens copiam sacerdotis confiteatur de peccatis suis præbytero per ecclesiam ordinato. Qui respondit expresse, se nolle aliter prædicta declarare, quam in dicta schedula continetur. Cui cōpatiens D. Cantuar. dixit. Caueatis D. Ioh. quia si ad hæc vobis obiecta, clare non respon-
40 deatis in termino legitimo vobis iam dato, poterimus vos denunciare & declarare hæreticum. Sed dictus Ioh. aliter respondere contempsit. Tunc D. Cantuar. declarauit ei, quid sancta Romana ecclesia sequens dicta bonorum Augustini, Hieronimi & Ambrosij & aliorum sanctorum determinauit, quas determinationes oportet quoscunque catholicos obseruare. Ad quæ dictus Ioh. respondit, quod voluit credere & obseruare, quicquid ecclesia sancta determinauit, ac quicquid voluit se credere & obseruare. Sed quod dominus papa & cardinales, Archiepiscopi episcopi, ceterique prælati ecclesiæ haberent potestatem talia determinandi, noluit ad tunc aliquammodo affirmare. Vnde D. Cant. sibi compatiens, sub spe melioris deliberationis, datis sibi in Anglicis certis articulis, rogauit, ut in die Lunæ proximo sequente plene & clare suum daret responsum super eisdem. Quo die Lunæ
50 viz. 25. die mensis Septembris, coram D. Cantuar. & antedictis episcopis, adiuncto illis Bangorensi episcopo domino Benedicto, comparuit D. Rob. Murley Custos Turris London. ac præfatum D. Iohann. secum duxit, ac coram D. Cantuar. & toto clero pro tunc congregato, statuit. Cui Archiepisc. affabiliter & suauiter recitauit acta prioris diei, & quomodo excommunicatus fuerat & est, ac rogauit & requisit eundem ut peteret acmitteret in forma debita ecclesiæ absolutionem. Quod se dictus Ioh. facturum negauit, sed à solo deo absolutionem petiturum. Consequenter D. Cantuar. suauiter & modesto modo rogauit, & requisit eundem quatenus de & super contentis in dicta schedula determinationem ecclesiæ eidem transmissam de sibi oppositis clarum daret responsum. Et primū super sacramentum Eucharistiæ, ad quem articulum inter cætera respondit, quod sicut Christus hic
in

*Examinatio
Ioh. Oldecastle.*

in terra degens habuit in se diuinitatem & humanitatem, diuinitatem tamen velatam & inuisibilem sub humanitate quæ in eo aperta & visibilis fuerat: sic in sacramento Altaris est verum corpus, & verus panis, videlicet, quem videmus, & corpus Christi sub eadem velatum, quod non videmus. Ad fidem circa sacramentum huiusmodi in scheda prædicta per dominum Cantuar. transmissa sibi, perque sanctam Romanam ecclesiam, & doctores sanctos determinatam expresse negauit, dicens quod determinatio ecclesiæ facta est contra sacram scripturam, & postquam ecclesia dotata est, & venenum infusum in ecclesia, & non ante. Quod etiam ad sacramentum poenitentiae, & confessionis dixit & asseruit, quod si quis esset in aliquo graui peccato constitutus, à quo ipse surgere nesciret, expediret, & bonum esset sibi adire aliquem Sanctum & discretum sacerdotem pro consilio ab eo habendo: sed quod confiteatur peccatum suum proprio curato, seu aliter præbytero, etsi haberet copiam eiusdem, non est necessarium ad salutem, quia sola contritio peccatum huiusmodi delere posset, & ipse peccator purgari.

Circa adorationem Sanctæ Crucis, dixit & asseruit, quod solum corpus Christi, quod pendeat in cruce, debuit adorari, quia illud corpus solum fuit & est adorandum. Et interrogatus quem honorem faceret imagini ipsius crucis, respondit verbis expressis quod illum honorem solum faceret sibi, quod bene mundaret eam, & poneret in bona custodia. Quod autem ad potestatem clauium, dominum nostrum Papam & Archiepiscopos & alios prælatos dixit, quod dominus noster Papa est verus Antichristus, hoc est caput eiusdem, Archiepiscopi & Episcopi, nec non alij prælati sunt membra, & fratres caudæ eiusdem.

Quib. Papæ, Archiepiscopis & Prælati, non est obediendum nisi quatenus fuerint imitatores Christi, & Petri, in vita, moribus & conuersatione. Et quod ipse est successor, qui est vita melior, moribus purior, & nullus alius. Vterius dixit idem Iohannes alta voce, manibus expansis, alloquendo circumstantes. Isti qui iudicant & volunt damnare me, seducunt vos omnes & seipsos, & vos ducent ad infernum, & ideo caueatis ab eis. Quibus omnibus per eum sic dictis, dominus Cant. iterum ac sæpius flebili vultu dictum dominum Iohannem alloquebatur verbis quibus potuit, exhortando vt ad vnitatem rediret ecclesiæ, crederet & teneret, quod ecclesia Romana credit & tenet. Qui respondit expresse, se aliter non credere, quā superius expressit. Videns igitur dominus Cantuariensis se in nullo posse proficere, cum magna cordis amaritudine processit ad prolationem sententiæ definitiue in hunc modum.

*Sententia in D.
Oldcastle.*

In dei nomine Amen. Nos Tho. permissione diuina &c. in quadā causā siue negotio hæreticæ prauitatis, de & super diuersis articulis, super quibus dominus Iohannes Oldcastle miles, dominus de Cobham, coram nobis in vltima Conuocatione cleri nostræ Cantuariensis prouinciæ, in ecclesia S. Pauli celebrata, post inquisitionem diligentem ibidem inde captam, reperimus eum Iohan. fore & esse hæreticum, hæreticis credentem, ac in fide & obseruantis sacrosanctæ Romanæ & vniuersalis ecclesiæ errantem, & præsertim circa sacramenta Eucharistiæ & poenitentiae. Ad quod tanquam iniquitatis tenebrarum filius in tantum obdurauit cor suum, vt non intelligat vocem pastoris sui, nec velit monitionibus allici, nec reduci blanditiis. Videlicet, pensatis ipsius delictis & culpis per ipsius damnabilem pertinaciam aggrauatis. Nolentes quod is qui nequam est, fiat nequior, & alios inficiat sua labe, de consilio & assensu magnæ discretionis & sapientium virorum venerabilium nobis assistentium, præfatum D. Ioh. Oldcastle militem, D. de Cobham, de & super huiusmodi detestabili reatu conuictum, & ad ecclesiæ vnitatem, poenitentialiter redire nolentem, hæreticum, ac in hiis quæ tenet, docet, determinat & prædicat sacrosanctæ Romanæ & vniuersalis ecclesiæ, & præsertim in articulis subscriptis errantē, iudicamus, declaramus & condemnamus sententialiter & definitiue in hiis scriptis, relinquentes eundem ex nunc, tanquam hæreticum iudicio seculari. Ipsumque nihilominus hæreticum omnesque alios & singulos, qui eundem de cætero in sui fauorem erroris receptauerunt, defensauerunt, seu sibi consilium, fauorem vel auxilium in hac parte præbuerint tanquā fautores, receptatores & defensores hæreticorum excommunicamus & excommunicatos denunciamus in hiis scriptis.

Hiis ita peractis, dominus Cantuar. regem certificauit super præmissis viuz vocis oraculo, postulans vt dominus rex dignaretur dicto Iohanni damnato iuridice, grato se cōcedere 40. dies ad inducias.

Nam tam Rex quam Pontifex, non eius interitum, sed vitam cupiebant affectualiter, & pro salute sua laborauere non segniter. Vnde factum est vt ad Turrim reduceretur.

Vbi

*Oldcastle fugam
labitur.*

Vbi sub induciarum spatio sibi concessarum possit resipiscere, & gratiam tam ecclesiasticam quam regiam promereri. Sed ista specialis indulgentia facta fuit sibi malignandici copia, dum citra præfixum terminum elapsus è custodia, congregauit iniquitatem sibi, nil aliud cogitans quam de vindicta. Reuera destinatis literis ad sequaces suos tam milites quam armigeros qui non pauci fuere, hortabatur vt & ipsi scriberent ad amicos suos, vt & ipsi se ad vindictam mutuo concitarent. Igitur per omne tempus illud quod fluxit ab euasione eius, vsque ad circumcisionem domini vel Epiphaniam, discurrebant vndique Lollardorum nuntij, qui rurales & quoscunque poterant promissis amplis stipendiis allectarent, quatenus in certum diem eis denunciandum parati forent ad standum viriliter & actus martios peragendum. Multis ignaris quærentibus causam pro qua vel in qua certare deberent, responsum fuit non esse curandum dummodo stipendia larga reciperent, & pro rebus bene gestis affluenter remunerandos proculdubio se sperarent. Sed de hiis omnibus in ordine præsentis historiæ, post hæc plenius referemus.

Hoc anno plures Angli peste percussi vel epidemia, viuere desiere.

Item hoc anno leuatum fuit corpus quondam Richardi regis Angliæ, quod humatum fuerat intra ecclesiam fratrum prædicatorum de Langley, & deportatum Londonias, ac apud Westmonasterium, regaliter tumulatum, non sine maximis expensis regis nunc, qui fatebatur se sibi tantum venerationis debere, quantum patri suo carnali.

20 Anno 1414. Rex tenuit natale solemmniter apud Eltham. Vbi Lollardi facta coniuratione, regem inopinate cum fratribus suis & amicis cepisse vel occidisse statuerant. Sed deus omnipotens noluit innocentem nocentum perire manibus, neque periclitari: sed immisit timorem suum in corda quorundam conspiratorum, qui regem monuere vitare periculum, & iam structas insidias declinare. Vnde factum est, vt sine strepitu Rex modeste se transferret ad palatium suum prope Westmonasterium, vbi locus tutior, & frequentia populi maior fuit.

Lollardi vero cum iam completa esset eorum malitia, parabant quæ mente conceperant, gestienses experiri fortunam quam suis votis fore propitiam putauere. Venerunt, que sub ipso noctis conticinio in campum qui dicebatur sancti Egidij prope Londonias, 30 vbi ferebatur eorum campiductor, Iohannes Oldecastle, dominus de Cobham suos satellites operiri. Videres per semitas, perque vicos, per compita concurrentium turbas pene de cunctis regni comitatibus sollicitas magnis promissis confluere ad diem & horam iam instantem. Qui requisiti quamobrem sic festinabant, & velut anhelant currebant, responderunt se properare ad D. de Cobham qui eos conductos suis stipendiis acciuisset. Rex vero non ignarus omnium præmissorum sub eiusdem noctis articulo, iussit suos in armis esse paratos, tunc primum suis intimans quid facere decreuisset. Fuerunt tunc plures cum rege qui laudauerunt in diem clarum protelandum negotium, quo decernere possent, qui cum rege vel contra dominum starent. Alij vero consulere regem debere præstolari donec ad eum multitudo conuenisset exercitus, ne cum paucis hostes aggrediens, peiorem (quod absit) reportaret calculum. Sed neutris acquieuit Rex eo maxime, quod audisset Lollardorum fore propositum si præualuissent, primitus destruendi monasteria de Westmonasterio, de Sancto Albano, de Sancto Paulo, & cunctorum fratrum Londoniis constituta.

Quamobrem Rex tantis malis se obiciens, ingessit periculo, contra vota suorum in campum progrediens paulisper transacta nocte media, vbi & constitit præstolaturus quid ventura pariat dies proxima. Vbi contigit, vt multi de remotis partibus ad castra hostilia, prius intrarent per errorem castra regia, vbi requisiti quem quærent, responderunt dominum suum de Cobham. Quapropter contra spem capti sunt & carceribus mancipati. Peruenit rumor iste ad duces partis aduersæ, scilicet, quod rex cum valida manu occupasset arua contermina, & de suis plurimos captiuasset. Consternatique sunt per amplius, quod neminem viderunt de Londoniis aduentare. Vnde putabant millia ruitura in auxilium eorundem. Præceperat autem Rex vt ciuitatis portæ clauderentur, & per armatos seruarentur arctius, vt nullis pateret egressus nisi hiis quos scirent ad signa regia properare. Et reuera nisi rex vsus fuisset hac calliditate nocte illa, prout ferrus exiissent de seruis & apprenticiis simul cum quibusdam de ciuibus eorundem magistris ad quinquaginta millia contra regem. Qui vero de Lollardis adunati fuere, vt audiuerunt regem iam in eodem campo suas acies statuiffe, non habentes ultra spiritum, fugæ præsidia petiere.

Quos regales insequentes, quosdam cepere, quosdam peremere. Quo vero diuerterit

Ccc

Fuga rebellium.

terit dux eorum, minime scire potuit. Licet dominus Rex spondisset publica voce præconis cuicunque prodenti eum de suo marsupio mille marcas & ciuitatibus sine pagis qui illum detegerent, maximas libertates. Vnde potest conici pene totam patriam eius dementiam amplexatam fuisse, cum nullus inueniretur qui respectu tanti lucris, eum voluerit publicare. Capti sunt tamen de suis Affeculis plurimi qui dicebantur conspirasse, generaliter in destructionem regis, & procerum, prælatorum, religiosorum, possessionatorum, fratrum mendicantium atque ciuium, qui super his conuicti, non solum tractioni & furcarum suspensioni sunt addicti, sed post infœlicia fata cremati. Inter quos quidam de Dunstaplia, negotio braciator, diues admodum, dictus Gulielmus Murlee, qui arctius secutus opiniones Iohannis Oldcastle, orthodoxorum plurimos supra cunctos 10 sectæ suæ perfidæ molestauerat. Hic cum in campo fuisset, & regis præsentiam cognouisset, meticolose ciuitatem repetiit, latebrasque quæsiuit. Præordinauerat utique prout fertur eo die suscepisse de manu Iohannis Oldcastle ordinem militare. Cuius rei argumenta fuere dextrarij duo sese quærentes auro phalerati, & deaurata calcaria, quæ sinu suo recondiderat, exinde detracta quando captus fuerat.

Quod & euenit paruo peracto spatio, post fugam suam. Tractus igitur suspensus & combustus, finem quem meruit est sortitus. Repertus est autem rotulis præcentoris sancti Albani, continens cuncta monachorum nomina dicti loci in manica sua, quem vel ipse, vel sui furtim sustulerant, quos ut fertur eliminasse proposuerat, & eorum locum velut dominus & Comes Herefordensis pagi dono ducis sui Iohannis Oldcastle obtinuisse. Fuerunt & plures alij, tam sacerdotes quam laici, qui capti, conuicti sunt & damnati, exituque functi consimili, quorum plurimi, nec quidem poenitere curabant. De hiis prophetatum fuit apud Anglos per longa tempora antequam ista contingerent, sub hiis verbis.

Inter petrosam fontem, montemque nodosum.

Corruet Anglorum gens perfida fraude suorum.

Constat veraciter inter hæc duo loca gentem perfidam contra regem venisse, fraudeque suorum illic corruisse, quia quidem de suis regi renunciauerant eorum conspirationes.

*Thom. Arundel
mors.*

Hoc anno cecidit eminentissima turris ecclesiæ Anglicanæ & pugil inuictus D. Tho. 30 de Arundelia, morti soluens debita decimo Calendas Martij. Cui successit Henticus Chicheley.

Confessor Regis Magister Stephanus de Patrington, frater de ordine Carmelitarum vir eruditus in triuio & quadriuiro, factus est Episcopus Meneuensis.

Rex compatiens Henrico Percy adolescentulo qui per auum suum Henr. Percy comitem Northumbriæ, ductus fuit in Scotiam, post mortem patris sui perempti in bello apud Salopiam cum adhuc esset paruulus, iussit suis necessariis ut pro eius euocatione sollicitarentur, eum non solum honorare statuens eius reuocatione, sed ut sublimaret Comitis Northumbrorum nomine & dignitate.

EO anno parliamentum tentum Leycestræ, venerunt nuncij regis Franciæ ducisque 40 Burgundiæ, licet non pari voto. Nam Dux Burgundiæ contra ducem Aurelianensem fortificari petiit, promittens ut fertur plura quam parare potuit.

Missi sunt igitur per regem Angliæ solemnnes nuncij ad vtrumque. Inter quos duo pontifices scilicet Dunelmensis & Norwicensis legationis Principes extitere. Frequentes enim & hij in Franciam, & Francorum legati directi sunt in Angliam, sumptusque maximi consumpti sunt utrobique, spe pacis omnino sopita.

*Henr. 3. fundat
monasteria 3.*

Hoc anno cepit Rex Henricus fundare tria monasteria religiosorum iuxta prædium suum, quod Schene vulgariter appellatur, vnum de ordine monachorum Chartusienium. Aliud monachorum qui Celestini vocarentur, qui profitentes regulam S. Benedicti, quam seruare se dicunt ad literam, & ulterius se astringunt ad reclusionem perpetuam. 50

*Brigittinorum
ordo.*

Tertium Brigittinorum qui S. Augustini profitentur regulam, quæ cum aliis adiectis ceremoniis vocatur ab eis regula saluatoris. His non licet habere proprium, non quidem obolum, nec pecuniam tangere quouis modo.

In hoc Monasterio iuxta regulam, debent esse sorores 60. sacerdotes 13. Diaconi 4. octo fratres laici. Quibus omnibus computatis tantus erat numerus personarum quantus erat 13. apostolorum, & 72. discipulorum Christi. Hij non lineis, sed lancis semper vtentur. Qui duo conuentus habebunt, vnam ecclesiam in communi.

Moniales habebunt sub tecto fratres inferius ad terram. Et sunt vtrique conuentus sepa-

separatim inclusi. Quibus post professionem non licebit egredi nisi de domini Papæ licentia speciali. Isti duo conuentus debent habere ex regula sufficientem dotationem, ad sustentationem personarum & seruietium, ac supportationem onerum tanti monasterij ita quod absque indigentia & mendicitate, tam in anno sterili quam fertili possint sufficienter quieteque subsistere. Postea vero si totus mundus possessiones & prædia eis offerret, quicquam omnino recipere non liceret. Ante festum omnium sanctorum annuatim computari debent, & præsciri victualia & necessaria anni subsequenti. Et quæcunque tunc remanent de victualibus seu pecunia anni tunc instantis, in crastino omnium sanctorum debeat pauperibus erogari. Si vero aliquando victualia sequentis anni videntur non sufficere, tunc de pecunia aut victualibus imminenti anni addatur sequenti anno quantum necesse est, & non plus, si abbatissa & generalis eiusdem loci periculum animæ suæ voluerint euitare. Et ex post quicquid remanserit, egenis dari debet. Abbatissa cum consensu sororum & fratrum, eligere debent vnum de 13. sacerdotibus in confessorem generale monasterij, cui omnes fratres obedire debent, & contra præceptum eius nihil omnino facere. Nullus secularium virorum seu religiosorum ingreditur castra monasterij monialium. Hos ritus & plures obseruant huius nouellæ religionis professores, quos ad præsens omitimus ad alia festinantes.

Ambassiatores nostri Dunelmensis & Norwici episcopi iam secundo de Francia redeuntes, Gallicos dolis hæcenus inseruisse declarant. Quamobrem Rex irritatus, cachinnos eorum temperare decreuit, & in derisores animaduertere belli iure, & quantæ sit de mentis suscitasse canem dormientem factis ostendere.

Circa festum Michaelis iussit rex venire London. ad consilium cunctos regni prælatos & proceres consultaturus de negotiis arduis tangentibus regnum suum. Quo quidem tempore Cantuar. celebrauit ibidem grande consilium. In quo tractatum est de priuilegiis exemptionum per Romanos pontifices indultorum, quibus gauisi sunt hæcenus annullandis, hoc initium signorum fecit nouus metropolitanus vt manifestaret bilem suam.

Consilium Cant. Archiep.

In hoc consilio sunt electi, qui pro parte cleri Angliæ proficiscerentur ad generale concilium celebrandum apud Constantiam Germaniæ ciuitatem. Quo pene per laudabilem sollicitudinem regis Romanorum & Hungariæ viri christianissimi, qui electus in imperatorem Alemanniæ, recusauit coronam suscipere, donec sibi constaret indubitanter quis esset præficiendus in Papam, totius christianitatis prudentissimi pontifices & prælati cum aliis clericis velut innumeris confluxere. Vtque de aliis taceamus, de regno Angliæ missi sunt, ad concilium viri valde venerabiles, Sarisburiensis, Bathoniensis, Herefordensis episcopi, & cum hiis Abbas Westmon. Prior Wigornia, & plures alij pollentes ingenio, religione famosi. Horum cætum honorauit multipliciter præsentia comitis Warwicensis.

Concilium Constantia.

Hiis igitur & collegiis cardinalium, quondam Gregorij & Petri de Luna, cum aliis prælatis & doctoribus præcipuis christianitatis adunatis apud Constantiam, Gregorius sponte renunciavit papatui, ita duntaxat vt idem faceret Petrus de Luna qui in Arragonia, & loh. qui in Roma nomen sibi Papatus assumpserat. Sed loh. noster aliquamdiu tergiversauit, donec monitus & inductus per Imperatorem se renunciaturum, sicut & cæteri aliquando consensit.

Papa 3. papatus renuncians.

Quo facto, factum est indicibile gaudium inter omnes qui aderant putantes iam finem dissidij imponendum. Sed pro dolor, vbi sperabatur perfectionis & pacis initium, iam nouæ dissentionis surrepsit exordium. Nam papa Iohannes infirmitate simulata, noctu repente recessit cum duce Austriæ ad quandam ciuitatem dicti ducis. Se tamen excutauit literaliter penes Imperatorem, quod propter aerem nocuum reliquisset Constantiam. Sed nihilominus quandocunque Imperator duceret eum accercendum, paratus foret ad concilium sine mora regredi, ad consummandum & implendum quæcunque promiserat. Cum vero post dies aliquot visum fuisset Imperatori & concilio vt suam exhiberet inter eos præsentiam, per nuntios rogauerunt vt venire non differret ad concilium prout promiserat se facturum. Quod plane negauit se facere, & occulte disfiguratus fugit cum duce Austriæ in terram suam. Misit igitur Imperator ad ducem mandans vt eum reduceret, vel saltem reduci permitteret ad concilium memoratum.

Quod cum dux super sedisset facere, Imperator terras eius ingressus est, coegitque ducem se submittere, papamque reducere in eodem habitu quo eum abduxerat fugitiuum. Reductus est igitur coramque concilio demonstratus, non indumentis religiositatis redimitus, sed Brigantinorum more semiuestitus, gestans ad latus sagittas breues, qualibus

Ioh. papa vestitu mutatur.

libus vtuntur equites illarum partium qui malendriini dicuntur. Derisus igitur à toto cœtu tam religioso quam seculari, missus est in carcerem, sub arcta custodia conseruandus, moxque cuncta bona sua mobilia direptioni patuere. Fertur enim quod despoliatus sit de 75000. librarum auri & argenti. Quibus auditis in Anglia pecunia collecta ad opus eius, ei apud sanctum Paulum in cista reposita disruptis seris extracta est, melioribus vñibus destinata.

Depositi Ioh. 22.

In nomine sanctæ & indiuiduæ trinitatis patrisque & filij & spiritus sancti. Amen. Sacrosancta generalis Synodus Constantiensis in spiritu sancto congregata legitime inuocato Christi nomine, solum deum præ oculis habens visis articulis in hac causa contra D. Iohan. Papam 23. formatis, habita matura deliberatione super eisdem, per sententiam diffinitiuam quam proferimus in his scriptis pronunciat, decernit & declarat recessum per præfatum Iohan. 23. ab hac ciuitate Constantiensi in dicto sacro concilio generali clandestine & de nocte hora suspecta, in habitu dissimulato & indecenti, factum fuisse & esse illicitum, ecclesiæ domini & dicto concilio scandalosum, vacationis & vnionis ipsius ecclesiæ turbatum & impeditum, schismatis inueterati nutritium, à voto, promissione & iuramento per D. Iohan. papam, deo & ecclesiæ & huic sacro concilio præstitis deuiarium, ipsumque D. Ioh. papam simoniacum notorium, bonorumque & iurium, nedum Romanæ, sed aliarum ecclesiarum, & plurium aliorum piorum dilapidatorem notorium, malumque spiritualium & temporalium ecclesiæ administratorem & dispensatorem fuisse & esse, suis detestabilibus inhonestisque moribus & vita, ecclesiam dei & 20 populum christianum notorie scandalizantem ante eius assumptionem ad papatum, & post vsque ad ista tempora, ipsumque per præmissa ecclesiam dei & populum christianum notorie scandalizasse & scandalizare, postque monitiones debitas & charitativas iteratis & crebris vicibus eidem factas, in præmissis malis pertinaciter perseuerasse, seque ex hoc notorie incorrigibilem reddidisse, ipsumque propter præmissa & alia crimina in processu dictæ causæ contra eum deducta & contenta, tanquam indignum, inutilem & damnosum à papatu & omni administratione spirituali & temporalis amouendum, priuandum, & deponendum fore, & dicta sancta Synodus amouet, priuat, vniuersos & singulos christianos cuiuscunque status, dignitatis vel conditionis existant, ab eius obedientia, fidelitate & iuramento absoluit declarando, inhibendo insuper vniuersis Christi fidelibus, ne 30 eundem de cætero papam nominent, nec illi tanquam Papæ adhæreant, seu quoquo modo obediant. Et nihilominus ex certa scientia & de plenitudine potestatis supplet dicta sancta Synodus omnes & singulos defectus, si qui forsitan in præmissis vel aliquo præmissorum interuenerint, &c.

Item decernit, statuit & ordinat dicta Sancta Synodus pro bono vnus ecclesiæ dei, quod nullo vnquam tempore reeligantur in Papam, dominus Balthazar Cossa nuper Iohann. papa 23. nec Petrus de Luna Clemens 13. in suis obedientiis sic nominati, & si contrarium fieret, id sit ipso facto irritum & inane, nullusque cuiuscunque dignitatis & præminentie, etsi Imperiali, regali, cardinalatus vel pontificali dignitate præfulgeat, eis vel eorum alicui, contra hoc decretum vlllo vnquam tempore obediat seu adhæreat, sub pœna fautoris dicti schismatis & maledictionis æternæ, ad quas contra præsumptiones si qui impostum fuerint, & cum inuocatione brachij secularis procedatur rigide.

Sub hoc tempore cum iam rex Angliæ comperisset Francos fallaciis & fraude, fidisque promissionibus eum inaniter sollicitasse, naues conduxit, Architenentes & armatos elegit, machinas & missilia, ac omnem apparatus bellicum præparauit, quibus posset hostes efficacius infestare. Iussitque vt omnes secum profecturi parati forent in festo natiuitatis S. Ioh. Baptistæ apud Hampton. Quo tempore accesserunt ad eum noui recentesque 40 legati Francorum, inter quos præcipuus fuit Archiepiscopus Senonensis vir verborum & arrogans, sed parum disciplinatus, prout ostendit ex post, nimis petulanter se gerens in præsentia Regis & procerum in peroratione suæ legationis. Finaliter tamen Rex legatorum spreuit oblationes & promissa, quæ nec rationi fuere consona, nec sibi honorifica, & Londonias remisit eos.

Dum rex suorum procerum qui cum eo transfretare debebant apud Southamptonam præstolaretur aduentum, tres viri potentes, in quibus præ cæteris confidebat, in eius necem coniurauerunt. Quorum nomina si vellem suppressere, fama flagitij diuulgaret etiam me tacente. Dicam igitur quod me dicturum doleo, paricidarumque nomina non celabo. Primus & præcipuus D. Henricus le Scroope, in cuius fide siue constantia totus animus regius requieuit. Qui sub hypocrisis cuncta gerenda foris suppallians, & astu-

Legati Francorum præsti.

Predictio Henr. le Scroope.

& astutam vapidogestans sub pectore vulpem, in cunctis agendis agnam simplicitatem publice præferebat.

*Edidicit (nempe) simulare fidem, vultusque minaces
protegere, & blando fraudem prætexere visu:*

*Plenus scintilla, lucrique cupidine feruens,
ductus & unanimes odio turbare sodales.*

Hic tantæ fuit astimationis penes regem, ut si quando consilia priuata vel publica tractabatur, huius definitione terminabantur. Prætebat namque tantam grauitatem in vultu, tantam in gestu modestiam, tantam in affatu religionem, ut quicquid ipse diceret, velut oraculum ex coelo lapsum, Rex oportere fieri iudicaret. Si legatio solemnis emittenda foret in Franciam, ingenio vel persona Henr. le Scrope exequi necesse putabat. Ille proinde tractabat cum hostibus, ipse domino suo regi hostis occultus, mulcebatque regem vanis sponsonibus, delusit consilium promissis inanibus referens vtrisque alia pro aliis, fronte fauens suis, mente vero Gallis. Cumque rex innocens propter magnam confidentiam huius se arbitrio in pluribus commisisset, & ei multa donaria specialia tribuisset, ille tantis beneficiis retributor iniquus, dominum suum cum iam in procinctu foret professionis suæ parata classe, & aggregatis militum copiis, repente vita priuare moliebatur. Sponponderat ista Francis ut fertur, pacta sibi pro proditione pecunia, qui iam ad sua regressi lætificauere suos, asserentes regem Angliæ mutato proposito, vel ad sua regressum, vel certe quod verius putauere peremptum. Habuit consortes proditionis Rich. comitem Cantebriæ, fratrem scilicet ducis Eboraci, & Thom. Grey militem borealem. Quem quidem Rich. comitem rex creauerat, & multis bonis ditauerat, & præ cæteris honorauerat ratione generis & parentelæ. Sed nulla impensa beneuolentia, nullum collatum beneficium proditores præuerrere poterant, quin in necem tanti benefactoris mutuo se armarent. Attamen priusquam conceptum facinus possent ad effectum producere, deo volente detecti sunt, & iudicio parium suorum condemnati decapitationis sententiam subire, rege alias poenas de iure debitas perdonante, præterquam Henrico Scroope, qui dicitur fuisse tractus. Qui etiam defleuisse vices eorum fertur. Quamobrem nonnulli propter regis modestiam, compassionem & pietatem, laudes Augusti in eum transferunt

*Henrici Scroope
executio.*

quondam æditas à Nasone, eo quod:

*Sit piger ad poenas princeps ad præmia velox,
quique dolet quoties cogitur esse ferox.*

Eodem tempore velut ex condito, & tanquam proditionis præfatæ consciëntia Lollardi stimulatî latebris emergere, & in regem blasphemias euomere, loquentes grandia, minasque spargentes in scriptis, quæ fixerunt in valuis ecclesiarum Londoniis in multis locis, talibus se cohortantes. Iam inquiunt princeps præbiterorum abiit, iam hostis noster abcessit, iam nobis arrisit tempus accomodum quo nostras impunelicebit iniurias vindicare. Sicque se mutuo confortantes, scripserunt ad inuicem multa millia in sua vota venisse. Interea campiductor & caput eorum Iohan. Oldcastle cum latuisset prope Maluerniam, & accepisset à falso nuntio regem Angliæ transfretasse, ex eius absentia concepta audacia, verba comminatoria misit ad dominum de Bergen, dicens in capite eius vlciisci velle sibi & suis illatas iniurias ab eodem. Qui prudenter sibi præcauens cum circa noctis medium hæc audisset, illico secretiis egit nuntiis ut mane diluculo occurrerent armati sibi apud Castrum suum de Haneley, ex Wigornia, Perfora & Teukesbyria, prope 5000. Architenentium & armatorum. Quo comperto dictus Ioh. Oldcastle more solito latebras requisivit. Cepit tamen idem heros quendam præbyterum dicti Ioh. Oldcastle & quosdam alios ex suis complicibus, quos sic arctatos quæstionibus examinavit, ut patefacerent locum quo dictus Ioh. arma sua cum pecuniis occultasset. Quæ cuncta congesta sunt in quadam domo inter duos parietes sic erectos, ut nullus sine indice dictæ structuræ fallaciam percepisset. Illic inuenta sunt signa sua cum vexillo, in quibus depingi sumptuose fecerat, calicem & hostiam in forma panis.

Armatorum Oldcastle inuenta.

Ibi etiam conspicienda fuere crux Christi cum flagris, lancea cum clauis, quæ depinxerat in vexillo ad seducendum simplices, si quando contrigisset erigere signa, suffultum populari dementia. Sed cognito apparatu disposito contra se dimisit cornua quæ arroganter erexerat, suppressit minas fastuosas, & eo celerius atque meticulosius, latebras ut prius repetiit eo quod audiuit Henr. Scroope & suos complices apud Hampton proditionis suæ penas meritas exsoluisse.

Nec multo post captus est quidam inueteratus Lollardus Gulielm. Cleydon, qui in tantam dementiam ruerat confidentia suæ sectæ, ut etiam filium proprium sacerdotem

constitueret, & missam celebrare faceret in domo sua die quo coniux eius à puerperio surgens purganda ad ecclesiam processisset. Hic ergo captus, examinatus legitimeque conuictus de hæresi, Londoniis est combustus.

Rex Angliæ punitis iustissime ut præmittitur proditoribus, ascensis nauibus mare sulcans, applicuit in Normannia, in loco vocato Kydecaus, nemine resistente. Traxit autem secum classem mille & quingentarum carinarum, ad negotia Martia sufficienter instructam, ut dum ipse cum suis villam de Hareflu obsideret per aridam, classis in pelago coram villa constructa, villanis omne præsidium victualium præcluderet, & solaria quæuis arceret. Nacta vero tellure, feria quarta in vigilia Assumptionis Sanctæ Mariæ, sequenti Sabbato obsidionem posuit circa villam. Quam continuauit per quinque septimanas honorifice, usque ad dominicam proximam ante festum Sancti Michaelis. Quæ die dominica villa fuit reddita, tali modo. Feria nempe tertia proxima ante dictam dominicam, domini Gallici qui fuere custodes ipsius villæ, scilicet D. de Gâcourt, D. de Escuteuile, D. de Hakeuile, & D. de Clere, non ferentes crebras quassationes murorum & ædificiorum infra villam, aliaque pericula perpeffa per gunnas regias, nam ab ipsis euoluta saxa, ingenti verberis ictu, obuia fregere quæque ruentes, nec tantum corpora pressa necabant, sed toto cum sanguine dissipant artus, & singula cesserunt ictibus arma, conturbati & conterriti coacti sunt nocte media quendam seruum ad arma ad ducem destinare Clarentiæ domini regis fratrem, qui illorum vice precaretur obnixè dictum ducem, quatenus dignaretur ob honorem dei regi supplicare, ut eis concederet facultatem tractandi cum quibuscunque personis, quas dominus rex duceret ad istud negotium emittendas.

Nec mora dux exequitur villanorum vota, cuius interuentu, & ob honorem dei præcipue rex inclinatus eorum precibus, misit comitem de Dorcet, dominum filium Hugonis, & D. Tho. Erpingham, ad cognoscenda desideria obsessorum. Qui petiere suppliciter ut rex charitatis intuitu cessaret ab eorum debellatione ab ea hora noctis mediæ, usque ad dominicam proximam post festum S. Michaelis, nisi contingerent regem Francum vel Dolphinum eius primogenitum per bellum obsidionem dissoluere.

Alias, parati forent regi villam reddere, saluis vita & bonis omnibus eorundem. Rex vero remandari iussit eidem. Quod nisi villam in crastino redderent nulla condicione interposita, non tractarent amplius de materia memorata. Instabant adhuc gallicani domini, & regis referendarios deprecabantur, ut apud regem insisterent, quatenus inducias illis concedere dignaretur, ab illa hora usque ad horam proximam post nonam dominicæ subsequenti. Quæ hora promiserunt se cum 22. militibus & scutiferis ad regem accessuros cum viris honoratioribus infra dictam villam constitutis, quos omnes obsides darent regi usque ad dominicam supradictam. Et ulterius prædicti proceres spopondere se iuratos super corpus dominicum coram omni populo, quod si rex Francus, vel filius eius & hæres Dolphinus non accederet ad deliberandum eos infra horam dictæ dominicæ prænotatam, ipsi se redderent sine conditione aliqua regi Angliæ ad faciendum de corporibus & bonis eorum iuxta suæ beneplacitum voluntatis. Ita duntaxat, ut permitteret eos dirigere nuncios regi Franco & Dolphino, qui eis prætaxata pacta referrent. Cumque rex acceptasset hanc oblationem, dedit eorum legatis literas de saluo conductu, quorum principalis fuit D. de Hakeuile, quem sequebantur viri valentes ad numerum 22. personarum.

In crastino scilicet feria quarta mane, dicti domini cum 22. militibus & armigeris, ac ciuibus notabilibus exiuerunt de villa. Quibus occurrit processio solemnissima antecedens Eucharistiam, cum multis honorabilibus dominis, militibus & armigeris & populi frequentia magna valde. Vbi expleto receptoque publice iusiurando, cuncti gallici sunt introducti ad regale tentorium, ubi & confederunt die illo, dominum tamen regem non viderunt. Post prandium disiuncti sunt, & diuersis dominis commendati, qui eos tractarent honorifice usque ad reditum suorum legatorum quos destinauerant ad regem Francum. Qui fideliter promissa complentes, rediere statuta dominica, hora præfixa, sine quouis suffragio per regem Francum seu Dolphinum obsessis oblato. Quapropter qui intra villam erant, cuncti se sine conditione regis gratiæ submisere. Remanseruntque captiui regi Angliæ toti domini cum militibus & armigeris atque generosis qui missi sunt à rege Franco ad custodiam dictæ villæ. Rex autem constituit illic capitaneum D. Thom. comitem Dorcetani, dans ei manum validam defensorum. Durante obsidione regali, plures ex usu fructuum, & algore nocturnum, fatoreque cadauerum diuersarum pecudum quas mactauere per castrorum circuitum, & non operuerant cespitibus, siue terra nec iniecerant

cerant in aquis fluuiialibus vt earum putridas exhalationes tollerent, fluxu ventris vel disenteria periere. Inter quos, & in primis, vir venerandissimus M. Rich. de Cortiniaco Norwicensis Episcopus domino Regi fidissimus diem clausit, cui successit in Episcopatu D. Rob. Wakering, Comesque Southfolciæ, D. Michael Atrepool, simili sorte functus est. Cuius loco ne familia sua gubernatore careret, creauit dominus Rex filium eius Comitem Southfolciæ, sed & eius filium sæua nimis Atropos præcidit in bello, de quo inferius dicturi sumus.

Eodem tempore redierunt aduersa cogente valetudine, Dux Clarentiæ, Comes Marchiæ, Comes Arundeliæ & Comes Marefcallus, cum multis alijs ægrotantibus morbo præfato. Sed Arundelienfis (vt fertur) impotionatus non multo post in fata concessit.

Rex Angliæ compositis rebus apud Hareflu prout Regem decuit & victorem, terrestrem viam versus Caleciam cum paucis admodum arripere statuit, non amplius vt fertur quam 8000. architenentium & armatorum, quorum magna pars infirmitate contracta apud Hareflu prout supra retulimus vexabatur. Cum hactam parua manu mirum est quod densissimam ausus sit aggredi Francorum syluam. Sed multo plus mirandum quod eam perforauerit tot obicibus præmunitam. Galli nempe per totum tempus obsidionis villæ de Hareflu, electos quosque de semetipsis & conterminarum regionum fortissimos, & audacissimos viros adunauerunt, & auxiliares vndique conduxerunt, vt numerus eorum prout fertur excreceret ad 140000. pugnatorum. Hij igitur præparauerunt ad diem, tempus & horam, qua Regem possent inuadere & pusillum gregem suum, iam fame, fluxu, ac febribus tenuatum. Cumque pene bis denis diebus Rex equitasset per regnum Franciæ & hostes vbique subtraxissent victualia, priusquam accederet ad castrametandi loca, defecit panis in exercitu. Sic quod plures loco panis auellanis nucibus, & assis carnis vterentur. Potus aqua fuit cunctis inferioris fortunæ viris in exercitu spatio poenæ 10. & 8. dierum. Hijs lauticijs, hijs obsonijs: Athletæ Regis Angliæ nutriti sunt & pasti, qui cum tot gigantum millibus fuerant congressuri. Adde, quod ab itinere fatigati à vigilijs macerati à frigoribus nocturnis debilitati, mirum quod subsistere potuere. Sed animauit debiles, inualidis dedit vires, qui voluit fortes pessundare per infirmos. Nempe cum Rex non sine difficultate maxima pertransisset flumina interposita, quia Franci pontes destruxerant, per quos iter compendij habuisse potuerat, mox glomerati festinauere cum suis millibus præcludere viam, per quam de necessitate debebat transire Caleciam, & 24. die mensis Octobris in quadam villula subistere.

Cibus Anglorum in Gallia.

Rex tamen imperterritus iter arreptum constanter aggreditur, & eo vsque procedit, quo vterque exercitus velut infra spatium milliarij ipsa eadem nocte confedit. Erat tum facies vtriusque exercitus varia, disparque vultus, Gallis refocillatis victualibusque refertis, Anglis fatigatis, infirmis, inediaque confectis, quibus etiam nec copia aquæ fuit. Certum tamen erat Anglis in crastino se pugnatorios, & cum tota nobilitate Franciæ manus conferturos. Quapropter ipsam noctem non tantum duxerunt insomnem corpora confouendo, quantum votis & confessionibus animabus proprijs consulendo. Iacitauerant nempe Galli, se nemini velle parcere, præterquam dominis & ipsi Regi, reliquos immisericorditer perempturos, vel membris irrestaurabilibus mutilaturos. Qua de causa nostri magis concitati animos erexerunt, & contra casus omnes se mutuo confortauerunt. Igitur postea vix summo spargebat lumine montes orta dies, cum tuba sonitum procul ære canoro increpuit de castris regijs, accelerantque peruenire nostrates ad sui Ducis præsentiam, parati dupliciter ad prouocandum Martem, scilicet audacia, & conscientiæ puritate.

Rex cernens suos alacriter aduenisse, mox agmina producit in campum tritico recenter satum, vbi vix standi paulisper vel progrediendi facultas fuit propter salebras, soliq; mollitiem. Nec segnius summo mane Galli in eundem campum emittunt primam aciem, viris instructam fortibus, armis ornata fulgentibus, equitibus hinc inde ex vtroque latere præcedentibus in equis generosis & nobilibus, quibus vt ita dicam, aurea pectoribus demissa monilia pendent, qui insuper tecti auro, fuluum mandunt sub dentibus aurum. Non tamen voluere Franci propter loci lutositatem procul in campum procedere. Sed videre cupiebant quid Angli quorum paucitatem maxime cõtemnebant facere proponebant. Inter vtrumq; cuncum campus late patuit ad spatium prout fertur pene mille passuum. Sed non vtrique pari procurrunt agmina motu, quia Gallis immobiliter primâ seruantibus stationem, Anglis necesse fuit, si cum hoste vellent conferere, spatium medium armis onustis pedibus emetiri. Rex interea, Gallorum perpendens astutias, quod sic perstabant immobiles in vno loco, ne peditando per campum lutosum fatigaretur,

rentur, sublimi vectus equo volat agmina circum, hortaturque Duces & animos ad prælia firmat. O fidissimi inquit socij, vadimus in campum, ad magnum virtutis opus summosque labores. En ipsam diem quam flagitavit sapius vestra virtus. Toras igitur vestras effundite vires, experiamini quid lancea, quid securis, quid gladius, quid sagitta valeat in manu potentis. Quisquis igitur census, honores aut præmia cupit, istuc reperiet. Hæc nempe medio posuit Deus omnia campo. Sic fatus iussit conuelli signa. Quia inquit hostes iniuriosi iter nostrum præcludere tentant, adeamus illos in nomine Trinitatis & optima hora totius anni. Et erecto vexillo iussit suis ordinate procedere. A dextris vero & sinistris fecit sagittarios anteire. Qui conspicientes eos qui pridie coniurauerant in mortes vel mutilationes eorum, accensi indignatione nimia, omnis lassitudinis, omnis incommodi 10 vel infirmitatis, obliti sunt. Et ut ita fatear, turgescit in eis vitria bilis, itaq; vires, animumque ministrant. Mirumq; in modum qui sero debilem arcum nequiuit tendere, iam fortissimum valuit sine difficultate pro voto trahere. Galli videntes nostros campum cum summo labore emensos fuisse, rati iam tempus arrisisse quo fatigatos inuaderent, quos putabant nullo negotio captiuandos, horribiliter in campum ruunt, præmissis equitibus qui nostros architenentes pectoribus dextrariorum præferratis obruerent, & suorum caballorum pedibus conculcarent. Sed Deo volente secus accidit quam sperabant. Quia sagittarij hinc inde occurrentes equitibus tot simul emisere iacula, ut illa procella grandinea primitus equites dissiparent. Nam regente Deo, nusquam cassa manus, nusquam sine vulnere fugit missile, nullaque fuit requies mittentis dextere, sed & omne sedet telum, 20 quia nulli fuere sine cædibus ictus. Ut ergo primum sonipedes ferro transfixi sunt, scissores conuersis frenis in sua agmina præcipientes corruere, omnesque equites, qui euaserant campo cessere. Ex hinc ut acies conuenire, ingens nostratum clamor ad sydera tollitur, & impletur quodammodo vocibus vastus aer. Tunc iterato volat vndique telorum nubes, & ferrum ferro sonat, dum iacula constanter emissa, cassides feriunt, laminas & loricas. Cadunt proinde de Gallis plurimi sagittis terebrati, hinc 500. hic pariter 600. Rex ipse non tantum Regis, quantum militis exequendo vices, primus in hostes aduolat, crudeles ictus infert & tolerat, exempla suis audendi fortia præbens in persona propria, stricto securi oppositas acies dissipando. Nec secus militares viri æmulantes acta regia, totis viribus collaborabant compositam illam syluam Francorum frementium ferro prosternere, donec 30 tandem via vi facta, Galli non tantum cessere, quantum mortui cecidere. Et reuera Franci cum prostratos in acie belli cernerent quos autumabant indomabiles, eorum mox obstupescere animi, gelidusque per ima cucurrit ossa tremor, tantus ut immobiles & sine sensu starent. Dum nostri secures ab eorum extorquerent manibus, & eos mactarent velut pecudes cum eisdem. Perdidit inde modum cædes, & velut nulla secuta est pugna, sed iugulis bellum geritur. Nec valent Angli tot prosternere quot perire possunt de aduersa parte. Sic ergo pene Franciæ periit omne decus per manus paucorum quos parum ante summo despectui habuere. Illic interempti sunt Duces de Alanfoun, de Braban, & de Baar, cum 5. Comitibus, & Constabulario Franciæ, & alijs nominatis dominis, ad numerum pene 100. De militibus & armigeris quatuor millia sexaginta nouem feruntur occisa. Numerus vulgi non fuit ab armorum nuntijs computatus. Capti sunt ibidem Duces Aurelianensis & Burbonensis, Comites vero de Ew. & de Vendone, & Arthurus frater Ducis Britannicæ, qui se dicit Comitem Richmundiæ, & quidam Brucegal dus miles honoratissimus regni Franciæ, & alij ut ferunt ad numerum 700. De parte Regis cecidere D. Edw. Dux Eboraci, & D. Michael Comes Southfolciæ, 4. milites, & vnus armiger dictus David Gamme, & de communibus 28. Dum Rex & sui bello detinerentur contra Gallorum multitudinem pugnando cominus, vespilliones Francorum inuadentes à tergo dimissas sarcinas rapuerunt, & protinus abduxerunt. In quibus cum reperissent coronam regiam, iam gaudio lætificare suos, in tantum ut signa solemniter pulsari facerent, & canticum laudis: Te Deum laudamus, cum summo tripudio decantari. Ementiti enim fuerant Re. 50 gem captum, sine mora venturum. Sed post pusillum cum ex tristi nuntio cognouissent veritatem rei gestæ versus est in luctum chorus eorum, & gaudium in mœrorem.

Rex etiam omnes hos euentus prosperos ascribens Deo, gratias infinitas egit ei qui sibi dedit inopinatam victoriam, & ferocissimos hostes subegit. Pernoctauit igitur in eodem loco, & in crastino scilicet die Sabbati versus Calesiam iter inceptum continuauit. Deinde 10. die Nouembris applicuit sero apud Doueriam in maxima niuis intemperie, vicesima vero tertia die dicti mensis venit Londonias, ducens secum Duces & nobiles, quos dudum captiuarat, quorum nomina superius sunt expressa. Quali gaudio, quali tripudio, quali denique triumpho sit exceptus à Londoniensibus dicere prætermitto, quia reuera curio-

*Gallorum cum
Angliæ congressus.*

Gallorum stragem magna.

Regis à bello reditus.

curiositas apparatus, excessus expensarum, varietates spectaculorum, tractatus exigent merito speciales. Primo die mensis Decemb. iussu Regis affuere Londonijs Pontifices & Abbates in magno numero, vt interessent solennibus exequijs D. Edw. quondam Ducis Eboraci & aliorum tam Francorum quam Anglorum, qui interierant in partibus transmarinis. Ad has etiam venit ab Harflu capitaneus dictæ villæ Regis auunculus Comes de Dorcet, qui parum ante fecerat equitationem in regionem conterminam, & fugauerat 800. ante se captiuos quos infra dictam villam strictæ custodiæ mancipauit. Hoc anno Rex Portingaliæ fretus auxilio mercatorum Angliæ quam maxime & Alemannorum vicit Agarenos in terra Regis Belmarinorum, multis eorum millibus ad generum Cere-
 10 ris destinatis. Cepitque ciuitatem eorum amplissimam supra mare sitam vocatam Snut eorum lingua, cinctam muro 20000. passuum prout ferunt.

Anno 1416. Tenuit Rex natale iuxta Londonias apud Lamhitham. Quo tempore delati sunt sibi rumores de conflictu habito inter Anglos & Gallos iuxta villam de Harflu, in quo plures Gallici sunt occisi.

Circa festum purificationis 7. Delphini luserunt in Tamisi, quorum 4. sunt occisi. Prænotificabant vt quidam volunt tempestatem maximam ventorum & imbrium continuo subsequutam.

Feria quarta quatuor temporum in initio quadragesimæ Comes de Dorcet pugnavit cum Comite de Armanak Duce Gallorum, in quo conflictu cecidere plurimi de vtra-
 20 que parte, quia dictus Comes gentem nostram inuaserat improviso, fugati tamen sunt Franci & illo die nostratibus terga dedere, vno solo vsi solatio, quod vespillationes eorum dum cum nostris manus confererent, equos Anglorum & sarcinas rapuerunt. Oportebat ergo nostros prout erant in armis reuerti pedites ad villam de Harflu per multa milliaria regionis. Itaque peditando iuxta littus maris, vt hostes suos semper ante faciem suam non à tergo constitutos haberent, incedebant armis onusti per totam quintam feriam noctemque sequentem. Mane vero sexta feria nostros leuantes oculos viderunt in montibus Gallos relictos cum Duce eorum Comite de Armanak, paratos ad inuadendum eos. Misit igitur Comes de Armanak quendam armorum nuntium ad Comitem Dorcet-
 30 tanum, qui diceret: Ecce conclusus es inter nos & mare, nec superest tibi euadendi facultas. Quapropter ne pereas in ore gladij, redde te mihi, tractaboque te iuxta nobilitatem
 tuorum natalium, prout decet rationabiliter redimendum. Ad hæc ille: Renuncia sibi qui te misit, nunquam fuisse moris Anglorum hosti se reddere ante præludia martis & bellonæ. Nec me reperiet ita vecordem, vt manus illi dem, quem potest Deus tradere in manus meas. Hijs auditis Comes de Armanack furibunde cum suis equitibus pernici gressu per decliuum montis descendere conabatur. Quos excipientes nostri sagittarij vel præuerterunt iaculis vel peremerunt. Exinde creuit pugna inter reliquos, ex utrobique gladijs & securibus diu res martia gerebatur. Tandem Deo miserante gens ieiuna, lassæ, famelica, somni, cibique penuria fatigata vicit, Dei virtute manifesta. Nam cum non essent plures ex Anglicis in hoc conflictu quam 1500. gloriose vicerunt, & ad fugam coegerunt
 40 15000. Gallorum Duce illorum prope capto. Ferunt quod non obstante sacro quadragesimali tempore ipsoque inuiolabili ieiunio quatuor temporum, carnes assauerant in castris suis, & meretriculas introduxerant, vt post suffarcinationem ventris, veneris se spurcitijs macularent.

Circa præsens tempus oboli Ianuensium quia debito carebant pondere, prohibiti sunt ab Anglis in mercaturis accipi siue dari.

Septimo die mensis Maij venit Imperator Londonias deductus in magnificentia & gloria per Regem, & regni nobiles, & hospitatus est in palatio Regis iuxta Westm. Rege recepto apud Lamhitham.

Rex autem cupiens deferre omnem humanitatem Regi Romanorum, suspendit ad
 50 tempus cuncta parlamenti negotia, ducens eum secum Wyndeleshoram ad festum S. Georgij honorans illic eum, & tantæ fraternitatis titulo & religionis illius nobili vestimento, signumque regale imposuit collo suo, quod Imperator ex post semper congeffit in omni conuentu publico vel priuato.

Ante festum ascensionis Dux Hollandiæ venit in Angliam cum apparatu maximo, ad habendum colloquium cum Rege nostro, Regeque Romanorum.

In festo Trinitatis & per sequens biduum nocte dieque audita sunt horrida tonitrua omnem modum excedentia, & velut sine interpolatione durantia quæ præcesserunt terrificis fulmina sine cessatione choruscantia, quæ multos strauerunt & occiderunt, arbores succenderunt, & ædificia diruerunt.

Pet

Pertotum tempus æstiuale putabatur quod mediatione Imperatoris fuisset pax inter regna firmata, sed tergiuersantibus gallis, suspensum fuit pacis negotium, eo maxime, quod galli conduxerant classem magnarum nauium Caricarum & galearum, quæ regnum Angliæ molestaret. Contra quos dominus Ioh. Dux Bedfordiæ missus fuit frater Regis cum manu potenti. Qui in die assumptionis beatæ virginis commisit cum eis, & cepit tres Caricas & vnam Hulkam, & quatuor Balingarias. Tres vero Caricæ fugere, vna vero de tribus inter firtes fracta submersa fuit. Alia magna Carica submersa fuit coram Southhamptona, cum qua perierunt octingenti viri, quales Legharneys vulgo vocamus. Imperator & Rex Angliæ foedus ad inuicem pepigere, viz. quod ipsi & successores sui boni, firmi & stabiles in perpetuum amici erunt, alligati, obligati, & confœderati pro se & hæredibus ac successoribus suis, contra homines cuiuscunque gradus, status, dignitatis, aut conditionis existant, & contra omnes homines qui viuere aut mori possunt, exceptis sacrosancta Romana Ecclesia & Romano Pontifice, &c.

Rex Angliæ vt ostenderet se ex corde pacem cupere, personaliter transfretauit Calesiam, ne Gallis vllam calumniandi ministraret materiam, quia dixerant non stare per eos, quin ei offerrent largam pacis viam. Vbi cum Imperatore constitutus, cum nihil ab eis audisset procurari nisi dolos, & fraudem solitam, commenta spreuit eorum, & inter Imperatorem Ducemque Burgundiæ qui dissidebant, fecit concordiam atque pacem. Quibus ita gestis, Dux fecit homagium Imperatori.

Post hæc Dux Glouerniæ frater Regis minimus cum magna Regis familia deduxit Imperatorem donec venisset ad villam de Doredraut, vbi cunctos Anglos remunerauit imperialiter à maximo ad minorem.

Benedictus Wulleman ciuis Londoniarum qui sparserat schedulas in multis locis errore plenas, captus, tractus, suspensus & decollatus est die Sancti Michaelis.

Parliamentum quod diximus intermissum propter præsentiam Regis Romanorum tentum fuit Londonijs circa festum Sancti Lucæ. In quo dominus Tho. Beufort Comes de Dorcet creatus est Dux Exoniæ, concessis sibi de fisco regio annuis mille libris, & 40. libris de villa Exoniæ supradicta, quas dominus Rex de eadem villa percipere consuevit.

In hoc Parlamento requisiti procures si ista sibi placerent, responderunt quod optime. Si donum regium tam exile non esset, nec correspondens meritis & virtutibus tanti viri. Concessæ fuere duæ decimæ per clerum Regi sub vnus anni spatio persoluendæ.

Anno 1414. Rex celebrauit natale apud Kenewourtham, quo tempore structæ sunt illi insidiæ prout fertur per quendam scutiferum complicem Ioh. Oldcastle dictum.

In crastino natalis Domini sparsæ sunt schedulæ Lollardorum venenosæ, impingentes contra cunctos status Ecclesiæ fere in qualibet magna domo vel hospitio villarum de sancto Albano, de Northamptona, de Radingia, authorem nullo sciente.

DECRETVM CONCILII CONSTANTIENSIS DE ELE- ctione Papæ futuri.

AD laudem & gloriam & honorem omnipotentis Dei, ad pacem & vnitatem vniuersalis Ecclesiæ, ac totius populi Christiani, vt electio futuri Romani & summi Pontificis proxime celebranda, firmiori authoritate & plurium roboretur assensu, & ne attento statu Ecclesiæ dicta electione in posterum vlla retractatio, vllusve scrupulus in mentibus hominum resideat, sed ex illa sequatur vnio certa, vera, plenissima, & perfecta, sacrosancta generalis Synodus Constantiensis communi vtilitate pensata, de speciali & expresso consensu, ac voluntate concordie sanctæ Romanæ Ecclesiæ Cardinalium in eadem Synodo personaliter existentium, & collegij eorundem, ac omnium nationum præsentis concilij, ordinauit, statuit & decreuit, quod hac vice duntaxat ad eligendum Romanum summum Pontificem, vna cum Cardinalibus, sex Prælati, vel aliæ honorabiles personæ ecclesiasticæ in sacris ordinibus constitutæ, de qualibet natione in eadem synodo pro nunc existente, & nominata, quos seu quas quælibet ipsarum nationum pro se adhuc infra dies duxerit eligendos seu eligendas, ipsis Cardinalibus adiungantur, quibus omnibus eadem sancta Synodus eligendi Romanum Pontificem secundum formam hic expressam quatenus opus est, tribuit potestatem, viz. quod ille absque vlla exceptione ab vniuersali Ecclesia Romanus Pontifex habeatur, qui à duabus partibus Cardinalium in conclaui existentium, & à cuiuscunque nationis duabus partibus eisdem Cardinalibus adiungendorum & tunc adiunctorum, electus fuerit, & receptus. Quodque non valeat electio nec electus pro summo Pontifice habeatur, nisi duæ partes Cardina-
lium

lium in conclaui existentium, & cuiuslibet nationis duæ partes, cum Cardinalibus ad eligendum adiungendorum, & tunc adiunctorum consentiant & consenserint in Romanum Pontificem eligendum. Statuit insuper & ordinat ac decernit, quod vota quorumcunque in electione huiusmodi emittenda, sint nulla, nisi ut præmittitur duæ partes cuiuslibet nationis adiungendorum, & tunc adiunctorum prædictorum principaliter, aut per accessionem in vnum concurrant. Hoc etiam adiecto, quod Prælati & alij cum ipsis Cardinalibus ad electionem huiusmodi adiungendi. & tunc adiuncti omnes & singulas constitutiones, etiam poenales circa electionem Romani Pontificis editas, atque consuetudines obseruari consuetas, quæ admodum ipsi Cardinales obseruare teneantur, & ad illarum obseruantiam astringantur.

Teneantur insuper iurare, & iurent dicti electores Cardinales, & alij antequam ad electionem procedant, quod in huiusmodi electionis negotio attendentes quid eis imminet cum de citatione agetur, vicarij Iesu Christi successoris beati Petri vniuersalis Ecclesiæ Reſtoris, gregis dominici directoris, puris & synceris mentibus, & quantum credent publicæ vtilitati vniuersalis Ecclesiæ proficere omnes cuiusque nationis personæ aut alio inordinato affectu, odio, gratia, vel fauore abiectis procedent, ut eorum ministerio de vtili & idoneo vniuersalis Ecclesiæ provideatur pastore. Ordinatur insuper, statuit & decernit eadem sancta Synodus, quod infra decem dies ex nunc continue numerandos, quos 10. dies omnibus & singulis sanctæ Romanæ Ecclesiæ Cardinalibus, præsentibus & absentibus & cæteris electoribus supradictis, attenta ratione Ecclesiæ vacatione notaria, ad intrandum conclaue in hac ciuitate Constantiensi, in maiori domo, communis ciuitatis eiusdem ad hoc iam ordinata præfigit & assignat.

Præfati electores Cardinales & alij supradicti intrent ipsum conclaue ad electionem huiusmodi celebrandum, cæteraque faciendum, obseruandum & prosequendum, quemadmodum in cæteris, præter præmissa de Cardinalibus, & alijs in electione Romani Pontificis iure decernunt. Quæ omnia præmissa obseruata vult eadem sancta Synodus in suo robore permanere. Hanc autem formam & hunc modum electionis approbat, ordinat, & statuit pro hac vice. Et ad omnem scrupulum remouendum vel submouendum, omnes & singulos in eadem synodo præsentibus, & venturos qui eidem synodo adherent, ac omnes actus legitimos in eadem synodo agendos, actiue & passiue, quatenus opus est habilitat, & habiles esse declarat. Cæteris eiusdem sacri Concilij decretis semper saluis, supplens omnes defectus, si qui forsitan interuenerint in præmissis, apostolicis etiam in generalibus consilijs editis constitutionibus, & alijs in contrarium facientibus, non obstantibus quibuscunque.

Vltimo die mensis Octobris Episc. Winton. accessit ad concilium peregrinaturus Hierosolymam, post electionem summi Pontificis celebratam, ubi tantum valuit eius facunda persuasio, ut & excitaret dominos Cardinales ad concordiam, & ad electionem summi Pontificis seotius præpararent. Quamobrem mox præparata fuit domus, quæ conclaue vocaretur & esset, cum lectis stratis honorifice pro dominis Cardinalibus & electoribus adiungendis eisdem. Ordinatum nempe fuerat decreto concilij, ut eligerentur ex omni natione quæ conuenerant, sex personæ ad intrandum conclaue cum Cardinalibus, prout superius est expressum. Vnde de Anglia ingressi sunt conclaue Episcopi London. Bathon. Norwic. Lichfeld. Abbas Eborum, & Magister Tho. de Polton. Decanus Eborum. Quælibet autem natio scripsit nomina personarum suarum in schedula & cera inuoluit. Præordinatæ proinde personæ conclaue sunt ingressæ die 4. coronatorum. Quibus intromissis quædam persona laica, attulit omnes schedulas cera circumductas ad Vicecancellarium in conclaue. Qui nudatis brachijs vsque ad cubitum posuit omnes schedulas super mensam. Exinde decretum factum est quod reclusi ederent in conclaui. Statutumque fuit, ut haberent panem & vinum, & vno die vnicum genus carniū, & altero, vnum genus piscium, & singulis diebus vnum genus potagij, prout dies exigebat. Tunc Imperator, & 13. Duces, ac maiores ciuitatis Constantiæ iurauere super librum, quod fideliter custodirent conclaue ab impeditoribus, & ne alia cibaria intromitterentur, quam statuta fuere. Quo facto, Imperator personaliter perscrutatus est domum totam, & duabus seris ostium post se clausit. In ostio domus illius, factum fuerat foramen quadratum, per quod immitti debebant cibaria inclusorum. Omni quoque die dum in conclaui fuerunt, Abbas S. Edmundi de Bury, & prior S. Iohan. de Clerkenwell fuerunt assignati ad præguſtandum cibaria Anglicorum. Mox vero ut seruitum fuit inclusis dictum foramen clausum fuit tribus seris. Igitur illis conferentibus de iniuncto negotio, quidam nominauere Winton. quidam London. Episcopos, nonnulli vero Cardinalem Franciæ, nihil-

nihilque fuit actum primo die, vel secundo. Die vero S. Martini primo mane, Episc. London. venit, & inter omnes Cardinales protulit ista verba:

Electio Papa.

Ego Richardus Episc. London. accedo ad dominum meum Cardinalem de Columpna. Audito præsentis sermone, repente cuncti præsentis per Dei gratiam in eandem consensere personam. Et illico exuerunt eum vestibus suis omnibus, & nouis eum reuestierunt, ac super altare posuerunt, & deosculati sunt manus eius & pedes. Hijs ita gestis, confestim vnus eorum qui inclusi fuerant fregit foramen in pariete, & clamauit: Habemus Papam Martinum. Et tunc exiuerunt omnes in magnam Ecclesiam cantantes: Te Deum laudamus.

In crastino Papa fuit factus presbyter. Et die sequenti fuit sacratus Episcopus, & celebravit missam suam primam, cui missæ interfuerunt 140. mitrati. Sequenti dominica Dominus Papa fecit mane diluculo solennem processionem, transiens per australem partem Ecclesiæ, versus occidentalem, vbi constitutus fuit Clericus habens canabum & seuppam & combussit ea, dicens: Ecce pater sancte, Sic transit gloria mundi. Post hæc eodem die fuit factum quasi quoddam solarium pro coronatione Papæ altitudine habens 20. pedes. Prior S. Iohan. de Clerkenwell tenuit diadema Papæ in officio Coronationis. Ipso die post prandium Papa equitauit per medium ciuitatis Constantiæ, quem sequebantur in equis, omnes Episcopi mitrati, & Abbates. Equus Papæ fuit phaleratus cum rubro eskarleto, equi vero cunctorum Episcoporum phalerati fuere candido panno bissino, & Imperator in hac equitatione tenuit frenum Papæ. Cum autem peruenisset Papa ad locum fori, illic obuiare sibi omnes ludæi ciuitatis, qui porrexerunt sibi sicut mos est ceremonias ac legem suam. Quas acceptas Papa proiecit post tergum suum dicendo: Recedant vetera, noua sunt omnia. Papa prout dicunt prius vocabatur Paulinus, natus de illa nobili & antiqua gente Paulina Romæ.

Imperator frenum tenet.

Hoc anno circa finem mensis Iulij Rex Henricus cum magna classe mare sulcans 10. nauigationis die saluus applicuit in Normannia, scilicet in festo sancti Petri ad vincula in loco vocato Tonque, vbi villa fortis est & castellum nobile, quod reddere per annum solet 8000. coronarum. Quo in loco quingenti equites hostiliter occurrerunt ei transitum prohibere volentes. Sed perempto per architenentes eorum capitaneo, & eius collega capto, cæteri metulose fugerunt. Nec multo post redditum fuit Regi dictum castellum, & qui remanere volebant accepere gratiam remanendi. Volentes abire tulerunt secum de gratia regia pecunias & suppellectilia, relinquentes arma, & instrumenta bellica, necnon & victualia dicto castello. Consimili modo reddita fuit Regi villa de Aumberes cum castello.

Qua tempestate monachus quidam soliuagus captus à quodam de familia Regis, despoliatus est. Quod vt Rex comperit, solcite quæsiuit à Monacho si personam recognosceret, quæ tulerat ab eo restellas suas. Qui cum diceret bene se personam noscere si videat eam, tandem post aliquos in conspectu ductos, notauit vnum dicens illum bona sua rapuisse. Quem Rex illico vehementer redarguit, dicens illum morte dignum, qui cum aliunde satisfacere potuisset suæ necessitati, ad res religiosorum manus extenderet, modo tamen gauisurum perdonationis titulo, si nihil tale committat de cætero.

Henrici in Normannia gesta.

Fecitque virum reddere monacho, quæ tulerat prius ab eo, monacho mandans vt domum repeteret, & consuetum seruitium cum fratribus suis intrepidanter Deo rependeret, asserens se non illuc aduenisse modo vespillionis vt res religiosorum raperet: sed potius more Regis, vt eorum bona ex direptione seruaret. Nec mora proclamari fecit per exercitum, ne quis religiosum, clericum, vel presbyterum, nec vllum penitus ecclesiasticum despoliare, seu quouis modo molestare præsumeret, nec ad res ecclesiasticas animo rapiendi manus mittere, sub poena suspensionis & laquei. Qua proclamatione per plebanos vulgata, videres rusticos indumentis clericorum sumptis, vagari per exercitum, negotia tractare foralia, impune accedere & recedere, Anglis actu pie deceptis. Nec valebant Anglici rei veritatem agnoscere, rusticos coronas sibi radentibus vt Anglos fallerent efficacius, aspectu capitem albatorum. Consequenter insuper fecit Rex proclamari, ne quis foeminam coniugatam, viduam siue virginem contra voluntatem auderet opprimere, vel bona diripere plebeiorum, qui se Regi submiserant sub poena prædicta.

Rustici in clericali habitu.

Tertiodecimo die mensis Aug Rex recessit cum exercitu de villa de Tonque, & pernoctauit apud villam S. Saluatoris de Tybe. Crastino die Sabbati pernoctauit apud villam de Gramuile, vbi commoratus est die dominica, viz, in festo assumptionis beatæ Mariæ.

Die

Die Lunæ pernoctauit apud Abbathiam de Fontenès, & in die Martis peruenit ad villam de Scuteuile. Die vero Mercurii, confedit cum exercitu coram villa de Caen ex parte Australi prope monasterium S. Stephani: Dux Clarentiæ ex parte Boreali, iuxta monasterium Monialium sanctæ Trinitatis: Comes Maréscallus sedit ex parte sinistra regis & Dominus de Mantrauers iuxta eum. Iuxta quem D. de Talbot & Vmfreuile sunt locati, & consequenter D. de Neuile & de Wulluby. Ex parte regis dextera confedere comes de Warwike, & D. Ioh. Gray, iuxta quos comites de Hūtingdon & de Sarum, & D. Ioh. Gernecornewayle. Dum sic esset dispositus regalis exercitus, & Abbatis S. Stephani foret Francis communita, videntes qui in Monasterio pro tutamento fuere se impares Regis viribus, locum deserere festinabant. Et diripientes tam victualia quam alia loci localia, latenter in villam commigrauerunt notabiles sacrilegio manifesto, vbi constituti tractabant inter se qualiter dictum monasterium flammis absumerent, & turres ecclesiæ complanarent, per quas multa mala fieri posse non dubitabant. Audiuit hæc insusurrari inter Francos quidam monachus eiusdem loci, qui metuens sui monasterii destructionem, confidenter dedit se periculo, & sub illius noctis conticinio manibus reptans & genibus, per hostes, per ignes, per arma per gladios, tandem peruenit ad locum vbi dux Clarentiæ frater regis obsidionis suæ vigilias obseruabat. Et impetrato aditu, vidit vbi recubuerat armatus ad vnguem in horto quodam super herbam supposito capiti suo saxo. Cui confestim flexis genibus
20 flebiliter supplicauit vt loci sui ruinæ succurreret, qui iam diruendus erat nisi maturius subueniret. Vobis autem specialius conuenit nostrum seruare monasterium qui de regum linea descendistis, qui locum nostrum fundauerunt, extruxerunt atque dotauerunt. Quapropter incunctanter vtamini me duce preuius, & ego vos inducam & gaudere faciam loco nostro. Nec mora, fecit dux vt monuit, & arreptis scalis peruenit ad eam partem, quam monachus bene nouit immunitam. Nam pauci sed inualidi relictæ fuerant, magis ad ostentationem quam ad defensionem loci. Quos aduentu suo territos, vel captiuauit, vel abire permisit, reputas eos indignos gladio suo propter rusticitatem & vilitatem personarum. Vnum tamen decollari iussit, qui confessus fuerat se res monasterii, scz. ferramenta fenestrarum & huiusmodi compilasse, dicens ei: si nos, ait, nostros propter talia sacrilegia iuste morte mulctamus, multo plus
30 tu poenam mereris, qui patriæ propriæ sacella spoliare non times? Dux ergo tali modo potitus loco, introduxit regem in crastino, gaudentem nimirum, quod à turribus monasterii valebat intueri quæcunque gerebantur in villa, illic figere vel locare gunnas suas, (quas Galli canones vocant) quibus validius villam infestare posset.

Post hæc denunciabatur dies & hora, quibus fieri insultus deberet ad villam. Inretea sonante terrifico lituorum & tubarum classico, obsessi semet cohortantes, ad muros alacriter cucurrere, telis armati, gladiis & missilibus, iaculis & petratiis, vt vim vi repellerent. De parte regis, vt ita dicam: Induit aduersis contraria pectora telis miles, vt æternum sanguine nomen eruat. Inter milites D. Edm. Springeus, qui dudum
40 cum aliis militiæ cingulo donatus fuerat, muros Cadomi armatus ascendit, & vulnera alterna datque capitque manu.

Sicut aper longe siluis latrasibus actus,

Fulminco celeres dissipat ore canes:

mox tamen ipse perit.

Sic & iste vir egregius dum multos muris deiicit, dum plures ense perimit, dum Martis acta peragit, lapsus pede corruit in foramen muri, vbi sededo pugnans peremptus est. Quem mox inhumaniter vt erat armatus adhuc spirantem, ganeones circumiectis ignibus cremauerunt. Non tamen destitit regales inimicis insistere, sed bili concitata propter infortunium tanti focii (fuerat nempe cunctis amabilis) insurrexerunt
50 acrius, & exarserunt contra tam improbos pollinctores, fatigantes illos sic ex parte illa, quod videbatur ipsis qui tuebantur oppidum, ex parte altera necessarium, vt statione sua relictæ, ad eam partem accurrerent, qua rex oppugnabat villam. Sicque rarefcente in dicta parte defensore, dux Clarentiæ factis instrumentis in loco qui putabatur tutissimus muros scandit, & post terga Gallorum defiliens, eos adeo repete terruit vt ignorarent, vtrum iuuaret potius procedere contra regem, an reuerti & manus erigere contra ducem. Facta est igitur strages magna Gallorum, obuiantibus à fronte regalibus, instantibus à tergo Clarentianis, omnemq; illis adimentibus spem salutis. Talique modo rex villa potitus est, castello nondum rebellibus vacuato. Quapropter rex gunnarum iactu sic castrum debilitauit, vt impossibile videretur inclusis

Ddd

se de-

sed defendere locum posse. Proinde impetrato tractatu, impetrarunt à rege libertatem abeundi relictis armis & victualibus, auro & argento atque iocalibus in castello. Sed ne inanes omnino & vacui recederent, rex indulgit eis, vt milites quidam certā summam fului metalli secum ferrent, armigeri quoque taxatam, & alii limitatam tollerent, & non amplius sub pœna perditionis summarum concessarum pariter & vitarū. Fœminas vero permisit ornamenta vel quæq; mobilia secum ferre, & indemnes abire. Quæ magnas auri summas (vt fertur) in vtribus abstulere. Hiis omnibus ingrati Franci beneficiis, regiæ munificentiae pessime responderunt, & inuidentes eius commodis, aurum & argentum & quicquid in castrum ad tuendum deportatum fuit, igne combusserunt, vt post recessum patuit eorundem. Post deditionem castri de Caen, 10 obtinuerunt condicionaliter, si rex Francus vel Dolphinus, aut comes de Armanak bello non dissoluerent obsidionem infra 29. diem mensis Septemb. reddiderunt se pacto consimili ciuitas, & ecclesia Baiocensis cum multis aliis villis. Dum hæc agerentur in Neustria, Lollardi duce Oldcastle insanire cæperunt in Anglia, qui Scotos cecitauit tam prece, quam repromissa pecunia, vt intrarent hostiliter regnum in regis absentia, leui negotio, vt asseruit, subiugandum. Ferunt quod Gul. Douglas Scotum ad Pontem fractum allocutus fuerit, grandem promittens auri summam, si gentem suam sollicitaret, & eum, qui falso dicebatur apud eos rex Rich. venire cum eis faceret, & se ostentare tanquam regem. Scotus vero auri sacra fame coactus non multo post contribulos suos cum magno strepitu venire fecit ad obsidendum castellum, 20 cum villa de Rokesburgh, quo quum venissent, suffossores immiserunt ad subuertendum muros. Contigit eo tempore ducem Exoniæ Tho. Beufort ad Brydelingtonam venisse perigrinandi gratia, qui confestim audito rei nuncio properauit ad partes, eundo colligens armatos & architenentes, hostibus occurrere festinando. Ex alia parte custos regni D. Iohan. frater regis dux Bedfordiæ cum aliis regni nobilibus magnum conflans exercitum ad easdem peruenit partes, quod Scoti per exploratores comperientes, expectare non audentes diutius: *Turpia faminea terga dedere fuga.* Nec mirum, quia plusquam 100000. virorum conuenisse ferebantur ad repellendum eos: & ne rurales estimarentur & inexperti qui cum heroibus venerant, vir valde venerabilis dux Exoniæ palam asseuerauit se sciuisse ex illis cohortibus delegisse 40000. virorum bel- 30 licosorum, qui virtute præstarent & animis, æque cum valentioribus quasi regni totius, non obstante quod maxima multitudo cum rege in Normannia militabat.

Eo tempore dux Lollardorū Ioh. Oldcastle dum diuersis in locis requireret latibula prope S. Albanum in dominio Abbatis delituit multis dieb. in domo cuiusdam rustici, habentis ibidē idoneā mansionem. Quo audito familiares Abbatis illuc nocte pperantes illum quidē non inuenerunt, sed quosdā de suis specialib. assecis tenuerūt & ad carcerem adduxerūt. Ipse vero dux perfidorū hoc audito rumore vehemēter ingemuit, dicens suum grande ppositum eneruatum captis p̄cipuis consciis votorū suorum. In pfato loco reperti fuerunt libri in Anglicis scripti literis, & nōnulli libri quōdam picti nobiliter & imaginibus decorati, quarū imaginum capita iuxta formā falsæ 40 doctrinæ suæ nebulones abstraxerant & in Letaniis omnia sanctorum nomina vna cum nominib. beatæ virginis aboleuerant vsq; ad hūc versum: Parce nobis domine. Inuēta sunt insuper illic quædā scripta plena blasphemiarū in beatā Mariā quæ propter horrorem prætereo. Librum tali rasura deformatū, misit domino nostro regi dictus Abbas S. Albani, cū quibusdā aliis deliramentis receptis ibidem, & D. rex eundē librum Archiep. Cant. remisit, vt in sermonibus faciendis ad crucem. S. Pauli Lond. ostenderetur, vt vel sic ciuib. innotesceret quanta furia Lollardi vehebantur, qui non dico imagines sed nec ipsa sanctorū nomina in suis membranarū inseri pmittebant. Rex Angliæ per idē tempus impiger in partib. transmarinis, cepit plures ciuitates & villas muratas, cum castris & munitionibus plus q̄ 100. Hoc an. 4. die mensis Septemb. obiit M. Rob. 50 Alum episc. Sarum, apud Constantiam concilio non dum finito. Mense Decemb. rex Henr. obsedit Falesiam villam munitissimā, refertam defensoribus, superbam suis opibus, instauratā machinis, cōfidentem mœniis vt ne quidem portas cōtra regē in initio claudere dignabantur. Villa tamē leui negotio terrore gunnarum reddita fuit regi. Sed castrum cum magno fastu detētum fuit fere vsq; ad festū Purificationis medio tempore multis hinc inde iactis conuitiis. Tandē obstinatione deposita pœnituit obsessos tā diu pseuerasse in pertinacia, & humiliter sapiendo regis gratiam flagitabant. Nō enim ferre valebāt horridos saxorum volatus quos crebro circa se cernebāt emissos cui libet formidandos. Et proinde maluerunt semel vitā seruare quoquo pacto quam quo-

quotidie quasi mortē metuendo mori. Igitur post certas conditiones, asscurauerunt regem se propriis suis sumptibus damna castri villæq; ruinas reparaturos, præter illas quas soluerent redemptionis suæ summas, quod idcirco rex illis imposuit propter suæ fastuosæ detentionis diuturnitatem, quæ fuit causâ ruinæ magnæ dicti castelli. Circa præsens tempus captus fuit in Anglia ille vaniglorius, inueteratus dierum malorum, primicerius Lollardorum, dux & princeps perfidorum Ioh. Oldcastle, quondam dictus D. de Cobham in terris domini de Howisia non sine periculo, lesioneq; quorundam qui ceperunt eum, sed nec ipse sine vulnere tentus fuit. Sub eodem tempore vocati fuerant ad parlamentum Londonias omnes status regni, vt de pecunia-
10 li suffragio regi ferendo consulere, qui laborabant in partibus vltimarum. Cumq; domini & personæ parlamentales audissent quod captus fuisset hostis publicus, placuit cunctis parlamentum non dissoluendum, donec interrogatus & auditus fuisset in eodem parlamento. Missus est igitur D. de Powisia qui deduceret eum manu forti. Qui & adduxit eum Londonias in lectica saucium vna cum clerico omnium secretorum suorum conscio. Nec mora, cum constitutus fuisset in præsentia rectoris ducis de Bedfordia, & statuum parlamenti, lectum fuit indictamentum coram eo de hostili insurrectione contra regem in campo S. Egidii, & aliis offensis læsæ maiestatis, quæ partim tåguntur superius locis suis. Quæsitumq; fuit ab eo, qualiter se voluit excusare, & ostendere quare non merito sit abiudicatus morti. Qui mox aliunde quærens dif-
20 fugia, assumpta parabola cepit prædicare de Dei misericordia, & quicumque mortales Dei imitatores esse vellent, deberent semper misericordiam superexaltare iudicio, vindictam fore solius Dei, quæ ab eius cultoribus non debuit exerceri, sed soli Deo relinqui. Et alia plura commemorauit, redimendo tempus, donec summus regni Iusticiarius regis vicarium monuit, ne pateretur eum inaniter tempus terere, & assistentes regni procures molestare. Iussit ergo regni rector vt responderet conformiter ad obiecta. Qui se videns constanter vrgeri, tandem post breuem meditationē soluto silentio respondit dicens. Mihi autem (inquit) pro minimo est vt à vobis iudicer, aut ab humano die. Et iterum impertinenter garrulare cepit, donec summus Iusticiarius iussit vt responderet finaliter, & doceret si posset, quare mori non debuit.
30 Qui confestim cum summa superbia & abusione respondit, se non habere Iudicem inter eos, viuentem ligo domino suo in regno Scotiæ rege Rich. Quo responso accepto, quia non opus erat testibus, sine mora iussus est trahi & suspendi super furcas, atq; comburi pendens in eisdem. Vbi cum plures personæ honorabiles huius spectaculo interessent, D. Tho. de Erpingthum (prout dicunt) nouissima verba locutus est, adiurans eum, vt si cerneret eum resurgere die 3. pacem procuraret sectæ suæ. Tanta perdit fuit dementia, vt putaret se post triduum à mortuis surrecturum.

An. 1418. tenuit rex natale in Normannia apud Baiocas, circa quod tempus redditum fuit sibi castrum de Falesia, & ciuitas de Aueraunce se submisit. Post festum paschæ missi sunt per regem ad obsidendum monasterium de Bekke Herlewini, D.
40 Tho. dux Clarentiæ, ad obsidendum villam de Sherburg, D. Humfridus dux Glouerniæ, ad obsidendum castrum de Danufrount D. Rich. comes Warwici, ad obsidendum castrum Nully le vesque comes de Kyme. In die S. Georgii rex apud Wonium in castello celebrauit solemniter idem festum. Circa festo Trinitatis ad iussum regis profectus est in Normanniam D. Tho. dux Exoniæ regis auunculus, cum 15000. (prout dicitur) bellatorum. Mense Iunii Burgundiones nocte Parisium intrauerunt & comitem de Armanak morte turpissima multauerunt. Nam (vt ferunt) eum crudeliter excoriauerunt, & ex post crudelissime peremerunt. In illa ferali seditione iugulati feruntur plures nobiles scz. Cardinalis de Baar, Archiep. Remensis, episc. de Mentz, episc. Constantiensis, episc. de Liseux, Abbas S. Dionysii, abbas de Pormayle, Cancellarius Franciæ, præpositus Parisiorum, & plures alii ad numerum quatuordecem milium personarum. Nec satiari potuit effrænata furia tanta cæde virorum, quin & in
50 fæminas grassaretur: nempe feruntur iugulata 5000. fæminarum. Sub eodem tempore rex obsedit villam nobilem vocatam Loueres: quam fortiter expugnatam compulit ad deditionem sub certis conditionibus vtrobique pactis. Reddita est ergo regi in vigilia S. Ioh. Baptistæ. Die vero Lunæ sequenti mouit dominus rex exercitum versus Pount de la Arche cueroise.

Eodem tempore dux Exoniæ obsedit ciuitatem Ebroicensem. Ipso anno infra octauas assumptionis beatæ Mariæ, D. Iesus (vt putatur) ob honorem gloriosæ matris suæ, quam propensius veneratur rex Angliæ, dedit ei in locis variis 3. miraculosas vi-

*Videtur 3. Hen-
rici in Nor-
mannia.*

etorias in prouincia Normannorum. Prima fuit, quod 100. de suis Anglicis, die Martis infra dictas octauas ceperunt 3. magnos dominos apud locum vocatum Kulnef, & personas alias 80. & 300. fugere compulerunt. Secunda fuit die Iouis, 400. nempe de hostibus intrauerunt suburbana ciuitatis Ebroicensis, & 11. ex Anglis fugauerunt eos, & ceperunt ex his 4. & 12. peremerunt, captis 40. dextrariis eorundem. Tertia fuit die Sabbati sequente, summo mane: hostes reuera voluissent cepisse villam quam rex ceperat in prima equitatione sua præsentis anni dictam Loueres, sed capitaneus dictæ villæ cum 100. de nostris exiuit animose contra mille, & Deo volente vicit eos, & tradidit in manus hominum nostræ partis 180. personas generosas ex hostibus, per omnia benedictus Deus.

Pridie Calendas Augusti capta fuit inopinato villa de Pountoyse prope Parisium, probitate Capitanei de la Bouche summo mane. Qui nocte non procul à villa delitescens inter vineas cum nonnullis de regis familia, in vigilia matutina repente scalarum scanfione muros ascendit, vbi post diutinam dimicationem, occisis multis defensoribus, & pluribus vulneratis, cum ciues cernerent numerum nostratum crescere inter eos, oppressi vecordia, apertis portis fugerunt quo sors quemque trahebat. Fuerunt vtique in ea villa præfortes homines constituti pro defensione mille, qui ferebant lanceas atque scuta, & balistiariorum duo millia. Qui omnes sub festinatione versus Parisium fugere contendebant: sed intercepti sunt & præoccupati per Comites de Huntingdonia, qui & ipse destinatus fuit ad hoc negotium vt ipse ex vna parte villæ ciues occuparet, dum alii ex parte altera muros ascendere molirentur, sed tamen retardatus fuerat in marisco, non inueniens exitum vsque ad Solis ortum. Occisa est igitur illa pene multitudo per comitem, villa per nostros detenta, in qua recondita fuerunt omnis generis victualia ad duos annos. De cuius amœnitate, diuitiis & vtilitate rex scripsit, quod inter omnia quæ gessit in transmarinis partibus opus magis vtile non peregit. Hæc autem gesta sunt expirantibus treugis, in crastino postquam Franci Regem suis fallaciis delusissent, & pacis vias quas rex obtulerat recusassent. Ferunt quod dicta villa fuit instaurata sufficienter victualibus pro duobus annis.

VITA



VITA ET MORS ED- WARDI SECUNDI, REGIS AN- GLIÆ CONSCRIPTA A THOMA DE LA MOOR, EQVITE AVRATO, ET eiusdem Regis famulo.



10 **A**NNO Domini 1307. Edwardo de *Winchester* rege Angliæ
 mortuo successit filius Edwardus de *Carnarvan*. Qui statim
 in Galliam traiecit, ut sibi conciliaret animū regis Philippi
le bel: cuius filiam Isabellam in vxorem duxit Boloniæ: 5. K.
 Febr. mira cum celebritate. Deinde Rege quinto Febr. in
 Angliā reuerso. 7. Kal. Martii Isabella coronata est West-
 monasterii. Cum Rex in Gallia esset, accessit ad eū Petrus
 de Gaueston, ei antiqua familiaritate notus, & ea gratia à
 patre suo exul factus, quem is secum in Angliā reduxit, atq;
 ei dedit Comitatum Cornubiæ vna cum sororis suæ filia
 videli. Iohanna de *Acres* Commitissa Glouerniæ in vxorem. Erat hic Petrus * Ita-
 20 lus natione, corpore elegans, ingenio acer, moribus curiosus, in re militari satis
 exercitatus. Cuius argumentum, cum is in Scotia militiæ præfideret Scotos valde
 terruit, & à pdis & aliis vefaniis repressit. Quo (per inuidiā eorum, qui felices eius per-
 gressus haud libenter viderunt) reuocato inualuit iterum Scotorum versutia. Regi-
 coronationi interfuerunt Carolus de *Valois* frater regis Fraciæ, & pater Philippi primi
 intrusoris, & Dux Britaniæ, H. Comes Lucenburghæ, postea Imperator. Sed cultu fa-
 cile omnes excelluit & ornamenti Petrus. Quare plurimū auxit in se magnatū inuidiā.
 Anno 1309. Rex, quo detineret animos nobilium in Petrum, eum in Hiberniam
 transmisit cū satis magna manu aduersus Hibernos rebelles. stipendiū ex ærario suo
 assignauit soluendum. Is pspere primo pergressus est, sed fortuna statim mutata, non-
 30 dum transacto anno in Angliā rediit ad Regis contubernium. Iam exarserunt in eum
 manifesta odia variis signis expressa nonnullorum, qui putarunt se gratum opus Deo
 facturos, si Petrū medio tollerent atq; vita priuarent. Rex igitur ut eum à magnatū
 insidiis seruaret, eum Castro Bamburgi inclusit: se id fecisse asserens, ut eorum animos
 placaret. At hoc satis non est illis visum, quin etiam Rex piissimus eius causa non pau-
 cas contumelias passus est. Anno igitur 1311. circa festū natiuitatis S. Iohannis Baptiste
 à Bamburgo reuocatum, custodiæ commisit Audomari de *Valentia* Comitis Penbro-
 chiz, quē prius sacrosanctum sacramentum (astantem in p̄sentia) iurare coegit, quod
 ipsum indemnem (quoad posset) cōtra omnes hostes suos tueretur ad certum vsq; tē-
 40 pus, quo eum reliquis p̄ceribus reconciliare p̄posuerit. At vero Audomari superauit
 inuidia fidem, & voluntas placendi reliquis sui ordinis: Duxit eum ad Manerium Da-
 thington, q̄ est inter Oxoniam & Warwik locum neq; tutum, nec munitum, nec se-
 cretum, quo eum tueri posset aduersus Comitē Warwici. Nocte sequenti recessit Au-
 domarus, atq; postridie mane accessit Comes Warwici Guido cum hominū mediocri
 manu, & eū cepit, secum ad castrū Warwici abduxit. Habita itaq; deliberatione inter
 se Thomas Lancastriæ, Warwici & Herefordiæ Comites, in eorū conspectu in loco q̄
 dicitur *Blakliffe* 19. Ianuarii capite truncari curarunt. Corpus aut in Ecclesia fratrum
 p̄dicatorum de *Langley* Rex honorifice sepeliri iussit. Hoc anno p̄pterea Clemēs con-
 silium tenuit Vicennæ q̄ durauit à primo Octobris vsq; ad Pētecostem. In quo (p̄sen-
 50 te Philippo Bello Rege Francorū) condemnati sunt Templarii procurante hoc ipso
 rege, quia is Magistrum ordinis exosum habuit, propter importunā pecunię exactio-
 nem q̄ in nuptias filiz suæ Isabellæ ei mutuo dederat. Inhiabat præterea p̄diis militum
 & possessionibus vnde Magistrū ordinis cum aliis multis Parisiis cōburendum cura-
 uit. At vero q̄ proposuerat nō obtinuit, nā Papa eictorum terras & possessiones Ho-
 spitalariis assignauit, pro quib. in eorum manus tradēdis misit in Angliā, p̄pter Cardī-
 nalem quendā comitatū Episcopo Albanensi. At vero magnates Angliæ, quorū ma-
 iores templarios p̄diis ditauerant Papæ in hoc restiterunt atq; ordine iam conde-
 mnatē maiorum suorum donatas possessiones, ipsi repetitas occupauerunt. Papæ itaq;
 nuntii infecto negotio reuersi sunt. Anno 1312. die sancti Brissii Windesoriæ natus est
 Regi Edwardus tertius, postea vocatū magnificus Gallorū triumphator, Scotorum

Dominator, &c. Rex mortem Petri fidelissimi quondam amici deplorare nō cessauit. Cuius interit⁹ eū in multos infestū reddidit quos ad se consiliaq; sua vocare dedignabatur. Cum igitur internis solatiis intenderet Robertus de Brus omnia fere in Scotia amissa recuperauit. Castra & munitiones (iectis Anglicis p̄sidiis) in suā potestatē recepit. Anno igitur sequenti p̄latorum consensu & aliorū quorundā Hugo *despenfer* filius constitutus est regis Camerarius loco Petri de *Gaueston*. Quem eo libentius in hunc locum p̄mouerunt quia eum Regi exosum cognorunt. At vero is prudentia & obsequio haud multo post dirempto regis animo cū in sui amorem facile cōmutauit, vnde & illi odio eum vel maximo p̄sequuti sunt. Huius Hugonis pater senex, adhuc superstes erat magnæ probitatis miles, consilio prouidus, armis strenuus, cuius confu-
sionē & ignominiosum finem accumulauit amor naturalis sed disordinatus erga filium suum corpore formosissimum, spiritu superbissimum, actu flagitiosissimum, quē spiritus ambitionis & cupiditatis à viduarum & orphanorum exheredatione, in necem nobilium Regis precipitium, & sui atq; patris interitum præcipitauit. Anno 1313. Rex iniuriis regis Brusii instigatus vires p̄pe *Striuelin* adunauit, nunq̄ magis splendidus, nobilis, aut superbus exercitus Anglorū visus vt affirmat paup̄ ille Carmelita, frater R. Baston in suis heroicis de illo bello q̄ ipse p̄sens à Scotis captus deplanxit, vidisses prima nocte Anglos haud Anglico more vino madentes, crapulam eructantes, *Wassale & Drinkhaile* plus solito intonantes. E contra Scotos silentes sanctā vigiliam (erat enim vigilia natiuitatis S. Iohannis Baptistæ) ieiunio celebrantes, amore patriæ
& libertatis estuantes. In crastino Scoti cāpi locū nacti victorib. opportunū suffodie-
bant ad mensurā trium pedum in p̄fundum & in eandē latitudinē fossas longas à dextra in sinistrā, operientes illas plexis fragilib. ex virgultis & viminibus *hordelles* cespitæ & herbis superstratis (peditibus quidē prius conscis cautele) sufficientes, sed equitum pondera nō valētes sufferre. Exercitus Scotorum nō longe ab hac fossa cōstitit in turmas diuisus, in acies solidissimas distributus. Ab occidēte vero e contra Anglus refulsit, sol oriens in scuta aurea & galeas splendentes radios emisit, oportuit autē vt expectassent potius meridiē ad cōfligendum cum solem habuissent dextrū. In prima acie fuerunt equites, in secunda pedites & sagittarii, in tertia, Rex ipse cū Episcopis & aliis religiosis, & inter ipsos vecors miluus H. *Le Spenfer*. Equites in hostes moti, p̄cipites in
fossam ceciderunt, quib. adfuerant hostes mañtantes, capientes diuitibusq; solis magno pretio redimendis parcētes. Ibi occubuit Gilbertus comes Glocestriæ, quē Scoti libenter ad redemptionē seruassent si cognouissent, at vero is togā propriæ armaturæ eo die induere neglexerat. Ceciderunt cū eo Edmundus *Mauler*, Robertus de *Clifford*, Paganus *Tiptoft*, Egidius *D' Argentina* & multi alii ordinis militaris. Capti sunt & redemptioni seruati Humfridus de *Bohun* Comes Herefordiæ, Iohannes de *Segrane*, Iohannes de *Clauering*, Gulielmus *le Latimer*, & fere trecenti viri militares, multos autē occiderunt nostri sagittarii qui cū Scotos in fossas directos irruere aspexissent, sagittis in eos directis nō Scotos à pectore armatos, sed nostros à tergore nudos traiecerūt. Rex cum Episcopis & Hugone fugā capeffiuit: Hic nō equi velocitas, non hominum industria Regem ab inimicis liberauit sed mater Dei q̄ Rex inuocauit. Cui Rex & filio suo vouit, si saluus euassisset se erecturū pauperibus eius Carmelitis mansionem in matris Dei titulo insignitam pro 24. fratribus theologiæ studio deputatis quod & postea fecit Oxonii, & expensis ditauit dissuadente Spenfero.

Anno 1315. Scoti sub ducatu Edwardi *de Brus* qui se Regem Hiberniæ nominari iussit Hiberniam inuaserant Domino Iohanne *Briningham* tunc ibi iusticiario. Cuius virtute fusi fugatique sunt & plurimi interfecti. Incruduit eodem tempore in Anglia seuissima pestis & fames. Quarterium frumenti vendebatur pro quadraginta solidis sterlingorum.

Anno 1316. venerunt in Angliam duo Cardinales vt inter Angliam & Scotiam
pacem componerent, qui in itinere versus Scotiam in agro Dunelmensi depredati sunt à Gilberto de *Middelton* milite qui postea ea de gratia suspensus est, & in quarterium deuissus, Robertus de Brus nuntios spirituales Scotiam ingredi noluit permittere, quamobrem Cardinales eum excommunicauerunt, & Regem Scotiæ interdicto supposuerunt. Reuersi autem Cardinales ad Curiam pro ablatis à prædonibus duplicia receperant à rege & proceribus sponte collata.

Anno 1317. Robertus *de Brus* Castrum & villam Berwicke viriliter acquisiuit, neminem occidendo, qui voluit obedire. In Augusto Rex & Comes Lancastriæ in quadā planitie p̄pe Leicestriā sunt cōcordati, & se mutuo amplexati & osculati sunt.

Anno

Anno 1318. In autumno Rege transequitante magno cum exercitu partem Scotiæ, & ad obsidionem Berwici se disponente, Scoti ex alia parte Angliam inuasunt vsq; ad Eboracum prædiis & incendiis omnia vastantes, Regemq; infaustis nuntiis ad sui regni defensionem reuocauerunt, & per aliam viam ipsi in Scotiam reuersi sunt.

Ann. 1319. in Iunio rex profectus est in Galliam vbi Ambianis occurrit regi Philippo, à quo recepit comitatum Pontini, quem princeps Gallorum in sua nouitate propter non factum homagium occupauerat.

An. 1320. oritur inter regem & barones, scil. comites Lancastriæ & Herefordiæ dissidiū, quod origo & causa fuit interitus baronū, calamitatis regis, & regii sanguinis fere excidii. Exarsit enim odium & inuidia baronum in Hugonem le Spenser: Fuerūt enim, qui dixerunt eum esse alterum regem, & potius solum: regisque animum eum incantasse, non secus atque olim fecisset Petrus de Gaueston: & de regis familiaritate præsumpsisse, quod nonnullos nobiles frequenter à regis colloquio arceret, at cum regem ipsi de suis negotiis alloqui cuperent, eum (præoccupata Regis benignitate) responsionem in se sulcipere, regisq; commoditatem præ se ferens responsa dare aduersa & ingrata. Talia de Hugone fateor mala, sed non adeo, quin vulgus garrulus peiora studuit fingendo demonstrare, & malefacta deteriora reddere. Hiis & similibus (quæ ministri regii ostendere solent) procures accensi & furibundi, in odium filii patris Hugonis possessiones in Wallia & Marchia occuparunt, nemora vastarunt, & mobilia deprædarunt, in vtriusque præterea necem patris, & filii, & cuiuslibet præterea amicorum (regio sanguine excepto) sub sacramento coniurarunt. Quorum præcipui fuerunt Comes Herefordiæ, R. de Mortimer: Mauritius de Barkley: B. de Badelminere, R. Damorum. His occulte Comes Penbrochiæ consensit, & comes Lancastriæ ardentem & manifeste. Hugo furorem eorum temporis tractu mitigari arbitratus, se in tempus clam tenuit aliquando in transmarinis partibus, quandoq; in mari ipso regis ipsius voluntate nauigio latitauit. Igitur comitiis Westmonasterii habitis vterq; Hugo regia maiestate assentiente, sed potius refragari non audente in exilium mittitur.

Anno 1321. venit Isabella regina ad castrum de Leedes circa festum Michaelis, atque ibi pernoctare voluit. At vero non est permessa ingredi. Hac re Regis animo offenso, vt in suum contemptū acta, conuocatis vicinis ex Estsexia & Londino nonnullis castrum iussit obsideri. Castrum tenuit B. de Badelmore, in quo relicta vxore & filiis, ipse cum reliquis baronibus ad res Hugonum euertendas profectus fuerat. (Interim inclusis de salute desperantibus) Barones cū suis Kingston vsque venerunt in vigilia Apostolorum Simonis & Iudæ, rogantes per intermissos Episcopos Cantuariensem & Londinensem, & Comitem Penbrochiæ, quod obsidionem rex solueret, polliciti se post proximum Parliamentum castrum regi in manus tradituros. Rex vero perpendens, non posse diu obsessos resistere, & exasperatus eorum contumacia Baronum petitiones audire noluit: quibus in alias partes conuersis, postea non modico labore castro potitur, reliquis in eo repertis suspensis, vxorem cum filiis ad turrim Londinensem misit. In sequenti natali Cirencestræ festum celebravit, profectus cum exercitu in Marchiā Walliæ Glouerniā reliquit, à quibusdā baronib. præoccupatam rebellibus, atque Wigorniam pertransiens ad Bridgenorth iter direxit, vbi castro in tempus defenso tandem potitus, Castellani partim occisi, partim fugati, & in exilium acti sunt, eorumque bona vbique confiscata. In Salopiam perueniens, vtrumque de Mortuomari ad eius gratiam confugientes, ad turrim Londinensem misit; Mauritium vero de Barkley, & Henricum de Audeley sese ei submittentem ad castrum Wallingfordiæ misit. Comes Herefordiæ Gilbertus Talbot, R. D'amory, & omnes alii eorum adhærentes in boream ad Comitem Lancastriæ, qui eos expectauit, profecti sunt. Istis peractis archiepiscopo præsidente in consilio Londini fuit per prælatos prouinciæ Cant. allegatum, quod exilium * Dispensatorum fuit * *Spenser.* erroneum, & de iure reuocandum. Vnde directum est eos esse reuocandos & restituendos.

An. 1321. oblata sunt conditiones pacis à baronib. Verū rex eorum pertinacia offensus collecto exercitu circa finem Februarii in boreā contendit, rebellesq; adortus apud Burton super Trentam in fugam vertit. Deinde paulo post regio exercitu aucto copiis Northumbriæ ab Andrea de Harcklay adductis, valde animo consternati sunt Barones. Ineunt igitur consilium de se submittendo Regiæ clementiæ, quod quidem Thomam Lancastrensem reliquis valde exosum reddidit:

Ddd 4 vt qui

ut qui colligerent Thomam (cum esset regio sanguine creatus) sibi facile posse securitatem obtinere, illis non item, præcipue, cum is affirmaret, se non contra regem sed Hugonem arma suscepisse regis corruptorem, ac regni pestem. Humfridum vero de Bohun comitem Herefordiæ, virum bellicosum, strenuum & prouidum compulit periculi timor in sententia desistere communi, cum sibi, cum reliquis militibus, quos non sine maximo suarum rerum detrimento, vel etiam vitæ dispendio regi & Hugonibus reconciliari posse animaduernerit. Vnde veluti pietate quadam commotus generosus Comes, vitæ periculum subire, quam se & suos manifeste calamitati bonorum amissionis, carceris & interitus exponere. Tandem 7. die Martii iterum congregiuntur acies apud Burrenbrig, vbi piissimus Comes Humfridus à 10 quodam Wallo, qui sub ponte constitit, lancea perforamina pontis emissa per inguina traiectus interiit. Quo in loco milites armari non solent: quippe cum sub pedibus hostes se inuenturos minime credant. Capitur in campo Comes Lancastriæ, Barones & Baronetti, commilitones eius & milites circa 95. reliquis fuga seruatis. Hii in exemplum aliorum grauiter puniuntur, sententia Andree de Harckley, & iustitiariorum regis. Inprimis Thomas Lancastriæ Comes, cuius nobilitas, potentia, & diuitiarum splendor reliquos animauerat, sexto post die suspendio condemnatus est: tametsi regia clementia grauitatem pœnæ, & turpitudinem, præsertim consanguineo, mitigauit. Capite itaque truncari iussit, & circa octodecim reliquorum in diuersis Angliæ partib. suspensi & tracti sunt: 5. in exilium acti, reliqui carceris squalori man- 20 cipati tandem pretio redimuntur.

Anno 1322. Eboraci Parliamentum post Pascha celebratur, vbi Hugone patre Comite Winton. constituto, Rex collecto exercitu ad festum sancti Iacobi Scotiam inuasit. Scoti vero regiam potentiam veriti cum suis omnibus ultra mareoticum se conferunt, regione citramarina victualibus prius euacuata, quoad poterant. Rex breui exercitum fame pressum in Angliam reduxit. Scoti igitur mari transmissis nocturnis & clandestinis itineribus Regem infecuti, apud forestam de Blackmore noctu ex improviso castro Regis adoriuntur, in Regis ipsius hospitium obsessum insulsum faciunt. Rex vero vix eorum insidias elapsus, fuga cum paucis aliis se seruauit, captis ex eius Comitibus Comite Richmondiæ, & domino de Siliaco Regis Franciæ; 30 nuntio, multisque aliis. Scoti deinde totam Marchiam Eboracum vsq; rapinis & igne deuastant. Ripense oppidum incendunt, Beuerlacum quadringentis libris sterlingorum redemptam indemnem relinquunt, & ad propria spoliis onusti reuertuntur. Anno sequenti Iunio mense captæ sunt induciæ in 13. annos.

Anno 1322. Philippus Rex Franciæ moritur. Succedit Carolus frater, qui statim in Angliam misit Andream de Florentia, ad citandum regem, ut ad se veniret homagium præstaturus de Ducatu Aquitanie, & aliis terris, quas à se tenuit. Et licet Hugo de Spencer, & R. Baldocke precibus & monitis nuntiorum informassent satis (ut ipsi putabant) quod causam sui aduentus non notificarent Regi, tamen in suo recessu monuerunt ipsum, & suaferunt, ut homagium facturum se Regi præstaret. Super 40 qua monitione Andreas, qui Carolo fuit notarius, consilio Regis Angliæ hoc ignorante fecit publicum edictum. Cuius virtute Rex Franciæ contra Regem factis processibus, terras nonnullas de Ducatu Glasconie, & Comitatum Pontini in suum emolumentum seiscire curauit. Edwardo putante (sicut fuit informatus) prædictam citationem non valuisse seiscinam fecit patruus Caroli Regis, Carolus de Valois vir Anglis infestissimus, qui magno cum exercitu fingens legationem, prætendens Edwardi inobedientiam de homagio minime præstito, Comitatum Pontini, & totam Agenam in manus sui nepotis seisciuuit. Tandem ad Regulum oppidum progressus munitum inuenit, Duce Edmundo de Woodstocke, Edwardi fratre, & Comite Cantie, qui inter se colloquuti inducias faciunt, dum inter Reges de pace agi posset.

Anno 1323. Rogerus de Mortuomari è turri Londinensi (corruptis custodibus) euasit, & in Franciam elapsus, Carolo de Valois se adiunxit, in nouum dissidium, & bellum intestinum miserrimum à diabolo reseruatus. Proxima quadragesima in Parlamento Londini facta, & inquisito contra Adamum Episcopum Herefordensem per legales viros eiusdem Comitatus super eo, quod prædictus Adam adhæsit quondam illis de Mortuomari Regis hostibus, eosque equis & armis accommodatis adiuuerat ad dicti Regis euersionem. Volente vero Episcopo accusato respondere, eius omnia temporalia (sicut proditoris) regia auctoritate confiscantur. Vnde inexorabile odium concipiens Episcopus in Regem & amicos eius, vir ingenio callidissimus, & 30 pruden-

prudencia mundana summus, facinorosus & audax, & factiosus ad Regis degradationem, & multorum nobilium ruinam iræ conceptæ venenum propinauit, resuscitando procerum odium in Hugones, iam fere post Regis victoriam ad Burrowbrig sopitum, aut certe terrore regis potentis coopertum. Quod tandem vires resumens sese conspiciendum obtulit. Multi autem nobilium, qui sub Comite Lancastriæ arma gessissent aduersus Regem non alia via salutem sperantes, quam Hugonum intercessu, eorum animos & fauorem, terrarum & prædarum donatione coemerunt, quæ res eos omnibus valde exosos reddidit, non solum quod Regi omnibus reliquis posthabitis soli illi maximi habebantur, verum quod sua ambitione
 10 & cupiditate plurimos nobiles depauperassent, hiis modis. Atque videbantur pro vno tres iam esse Angliæ Reges. Sed eos præcipue odio habebat Adam Herefordensis iam temporalibus suis priuatus, & Henricus de Burwalsche, & istorum amici, qui solum regis maiestatis reuerentia manus continebant. Ad hoc ipsum Reginæ ipsius animum incendebant, in maius nefas iram muliebrem rapidissimam concitantes, eo quod Hugonum consilio reginæ familia esset diminuta, & certorum reddituum præcisione & annonæ magis parca subministracione. Inde vel auaritia insatiabilis (fœmina frustrata) vel certe prodigalitas affectata, quorum alteri solent semper muliebres sexus indulgere) in causa fuit, quod non solum in Dispensatores, sed etiam in maritum mortale odium conceperit. Luget Francorum regis filiam, imo vnicam successorē avaro maritatā, se
 20 promissam fore redinam, sed ancillam factam esse dispensatoribus stipendiariā. Cum fratre regis colloqui cupit, ut ei de miseris suis cōquereretur, & de vindicta in dispensatores cōsuleret. Episcopus Herefor. non cessat clam cum ea hiis de rebus conferre, de præsentī calamitate conqueri, & reginam omnibus horis & modis incitare, & eius indignationem augere. Id ipsum agit etiā Lincol. Episcopus: vterq; reginā admonet, ut capter occasione fratrē & patrē in Francia visitandi, ut eorum consiliū contra dispensatores impleret, quod si fecerit, omnia facile pro voto successura esse. Erat illis dieb. inter reges (ut prædictum est) de pace agendum: ad quod cōficiendum voluit rex ipse mare transire. Illud vero sibi timentes * comites Winton. & Gloucestriæ dissuadebāt, ne
 30 mitarentur ad Francum hostem. Interim regina blandimentis regem inducit, ut ipsa fungatur hac legatione, omnia promittens se effectura. Stipulantur Episcopi duo, & aliquot procerum reliquorum, adeo ut tandem persuaso rege ea mittitur in Franciam.

Anno millesimo trecentesimo vigesimo quarto regina à fratre Franco & patruo libentissime suscepta, dum causam mariti agit. Is interim per totam quadragesimam, & ætatem in littore commoratus est, ut facilius nuntios & literas ab vxore recipere posset. Ea interim suas res agit. Consensit Francorum Parliamentum, quod si Rex Edwardus filio ius suum in Ducatu Aquitanis & Comitatu Pontini resignaret, Rex Francus ei traderet in manus eorum plenam seisinam, & contentus foret homagio, quod ille sibi faceret. Hiis conclusis Carolus Rex literas suas patentes, & alias de saluo conducto pro primogenito Angliæ ad Edwardum mittit. Super hiis habentur consilia Langedone & Douoriz sæpius. Atqui suadebant, ut Rex
 40 in propria persona transiret: nec securum posse esse Regis filium paterna ope destitutum inter Francos astutos, & facinorosos, ne Rex Francorum paruulum, cui vellet dispari matrimonio copularet, aut sibi tutorem assignaret. Comites vero Winton. & Gloucestriæ alterius erant sententiæ, eo quod cum rege transfretare timerent, vel eo transgresso in Angliam manere. Quibus in eorum damnum assensit Episcopus Lincol. ea, quæ proposuerat, ad finem deduci posse sperans. Præterea Rex timens, ne eo absente barones in Comites Dispensatores delinquerent, & bellum intestinum iam sopitum resuscitarent, facile assentit illis, qui suum filium esse mittendum suadebant. Unde
 50 chartam de prædictis terris habendis & tenendis sibi & heredibus suis Regibus Anglorum filio suo fecit: Addens, quod si patre suo superstite filius moreretur, prædicta ad patrem redirent, & præterea quasdam condiciones, quibus non liceret Regi Franciæ cum maritare, nec tutori sine sua voluntate submittere. Hæc ordinatio facta fuit ex consilio prælatorum & nobilium aliorum regni Douoriz postridie natiuitatis beatæ Mariæ anno Regis 18. Et die Iouis sequenti Edwardus filius nauem ascendit, comitatus Gulielmo Episcopo Exoniæ, & aliis nobilibus aliquot. Exinde circa festum Sancti Matthæi fecit homagium auunculo suo Regi Franciæ, sub protestationibus factis ex vtraque parte completis negotiis, pro quibus Regina missa fuerat in Franciam. Statim post festum Sancti Michaelis scripsit ad eam
 Rex

* Hugo de Spicer
 pater fuit comes
 Wintonia, &
 Hugo filius comes
 Gloucestria.

Rex maritus, præcepitq; vt filium suum in Angliam reduceret confestim. Rescripsit ipsa quod dominus Rex Franciæ frater nimia charitate foueret illos, & secum iunctos detineret, vnde remissa magna parte vtriusque familiæ residuum illius anni, circa negotia, pro quibus ex intentione proficiscebatur, ipsa transegit. Gulielmus Episcopus Exon. non in Angliam iussus redire, à communione tamen secreti consilii reginæ videns se sequestratum: P. & R. de Mortuomari, & alios profugos Regis Domini sui inimicos locum suum, quoad Reginæ familiaritatem vsurpasse, clam repatriauit. Rex commotus est hac Reginæ mora filium suum detinentis extra regnum, quibusdam asserentibus, eos inuitos detineri, aliis coniciientibus, eam illicitis complexibus Rogeri de Mortuomari deuinctam cum eo & reliquis Anglorum profugis, quas 10 in Francia reperit, nolle redire. Aliis autem alia vane coniciientibus, Episcopi Lincoln. & Herefordiæ consilii negotii finem expectantes, secreta animorum dissimularunt. Regina vero muliebri ira, & vindictæ cupiditate æstuans, in fine anni in Hannoniæ partes profecta est, toti mundo filium suum amabilem, & formidabilem sine consilio procerum Angliæ matrimonio copulauit Philippæ Ducis Hannoniæ filiz: tametsi inconsulto, tamen felici pulchræ prolis successu, deinde colligit exercitum armatorum ex Hannonia & ex Germania, stipendiarios vocatos ex dote nouarum nuptiarum soluendos. Huic exercitui proerant viri militares, Iohannes Comitis Hannoniæ frater, Rogerus de Mortuomari secretissimus & principalis de priuato consilio Reginæ.

Classis prospero flatu in Angliam ad portum Orwell appulit die Veneris proximo ante festum sancti Michaelis. Cui obuii Comes Marechallus, & Henricus Comes Leicestriæ, & cum eis Baronum atque militum protetua multitudo se coniunxit, nec defuerunt prælati, qui hiis contra patriam & Dominum suum se coniunxerunt, sed & illi tanti facinoris auctores, sceleratissimæ suæ disciplinæ antedicti sceleris se ad reliquos contulerunt ad diem expectatum, nō quidem lanigerarum ouium, sed armigerorum luporum crudelium pastores, horum phalanigis præcipue ducatum præbuere. Hi duo seniores; à quibus egressa est iniquitas Babylonica contra Susannam, sed pro Isabella. Hi, inquam, Baal sacerdotes, alumni Isabellæ, id est, Lincolniz & Herefordiæ Episcopi, cumque hiis quoque Dublinensis & Holmensis cum eadem 30 Regina magnum congregauerunt exercitum: proditori facundo verba committuntur Herefordensi, qui pleno conspirantium parlamento perorauit, expediens fore regno, quod tantæ nobilitatis congregatæ consilio regendus, Rex coarctaretur. Regina quoque offensa inexorabilis per voluntatem suam factam de Comitibus Winton. & Gloucest. placaretur. Sed quia pro constanti fuit apud omnes, quod Rex amicitiz cultor fidelissimus, suos amicos Comites prædictos (in quorum necem fuerat Regina debacchata) non sine securitate sua Comitibus dimitteret, & omnibus modis ab inuidorum tyrannide tueretur: censuerunt finali præcipuorum iuratorum cautione, quod manu armata Regis præsentia per eos peteretur, mittuntur ab exercitu epistolæ episcopales ad suos coepiscopos, & alios amicos, tot Duces, Comites, totque 40 Barones Francigenas cum eorum copiis per Regem Francorum pro tuitione iuris sororis suæ mitti, quod vix eorum victui Anglia sufficeret. Consternitur pauore grex indigena sine pastore, expectans triumphum partis vnus parata se dare virtuti potiori. Præterea prosiluit mendacium ab exercitu in omnes regni plagas diuulgatū, quod summus Pontifex Romanus omnes Anglos absoluit à fidelitate iurata suo Regi, fulminaretque sententia excommunicationis in omnes contra Reginam arma deferentes. Ad huius mendacii confirmationem finguntur duo Cardinales esse exercitui Reginæ adherentes nuntii præmissorum.

Anno 1326. & Regis 20. & vltimo, bellum intestinum Anglis consuetum progreditur, quod perinde non poterat diu durare, qui Rex & Comites (quos expetiuit 50 manus proditiosa) inualidos ad resistendum se putantes, fugæ se mandant. Rex enim per exploratores perspectum habens, quod vxori suæ tota fere regni communitas (falsis territa rumoribus) adhæret cum duobus Comitibus, & R. de Baldocke, & paucis de sua secreta familia in Walliam se contulit, dimisso Comite Winton. ad tuitionem oppidi & castri Bristolliz. Deinde ipse vsq; ad Chepstrow progressus cum Comite Gloucestriæ & R. de Baldocke, aliisque valde paucis, se commisit nauigio, intendens ad insulam de Conday proficisci. Conday est insula in Sabrinæ ostio duobus milliaribus vndique longa abundans pascuis amœnis, cuniculos producit copiose, columbas, & struconas (quos vocat Alexander Nechristum Ganimedidis aues) indies habet prægnan-

gnantes: aquas insuper recentes de fontibus scaturientes incolis ministrat, ipsa licet undique mari sit circumcincta vnum duntaxat aditum habet, quo vix duo viri poterint coniuncti pedites incedere: ex omni alia parte rupis horrendæ alta proeminentia prohibens egressum.

Ad hanc insulam, ut dictum est, victualibus vniuersaliter abundantem, tamen abundanti vino, oleo, melle, frumento, brasio, piscibus salsis, carnibus & terrestri carbone instuffatum, Regem volentem ad nauigare, ventus contrarius prohibuit omnino, vnde sæuas tempestates maris vix declinans applicuit in Glamorgam, & se transfudit ad Abbathiam de Nethe, vbi Wallorum (qui promittebant, se secum velle mortem & vitam commutare, falsæ promissioni minimum confusus latitauit. Regina iam potentissima sub vexillo filii non animo malitioso, sed maleducto patrem prosequenti iussit exercitum in regis persecutionem promouere.

Peruentum igitur est Oxoniam, vbi coram Vniuersitate, præsentibus Regina, & paruo Duce Aquitaniz, sed & Rogero de Mortuomari, & aliis, satellibusque principalis machinator tantæ cladis. Adamus Hereford vocatus Episcopus de aduentu Reginz, & causa exercitus publice prædicauit, assumens pro themate: *Caput meum doleo*. quam auctoritatem ad talem duxit quæstionem, quod auferendum foret necessario caput languidum de regno, nec vllis Hippocratis vinculum alligandum salutiferis. Dein exercitum Glouernia motum auxerunt multi Boreales Reginz seruientes.

His ita se habentibus, vulgus Londini Reginz & Rogero de Mortuomari volens complacere bonæ memoriæ Dominum Walterum Episcopum Exon. decimo quinto Octobris in medio ciuitatis furiosæ captum decapitauit, & quosdam etiam alios ea sola causa, quod Regis ministerio fideliter adhæserunt, atrociter necuere. Caput vero Episcopi Reginz apud Glouerniam suo exercitui incumbenti, ut sacrificium Deo & beneplacitum obrulerunt. Ingressi præterea turrim Londini omnes incarceratos liberarunt, & etiam per edictum publicum Reginz omnes incarcerationi per totam Angliam dabantur libertati. Banniti quoque & fugati fuerunt reuocati, ut & præsentia generali pietate & misericordia in noui Regis coronationem populi cupiditas excandesceret. Tunc omnes facinorosi, & læsæ Maiestatis rei apud Reginam cunctis imperantem, summæ gratiæ subleuamen facile sunt consequuti. Tunc regii ministri per totam Angliam diffusi sunt Regem aduocare, aut se Regis familiares nuncupare, tantus paor gregem perterruit, Rege pastore persequuto. Omnes regii ministri in turri Londinensi à Londinensibus amoti sunt, & noui constituti sub nomine Domini Iohannis de Eltham, pueri nouem annorum filii Regis, quos custodes turris & ciuitatis nominaret. Fuit enim apud omnes Regis aduersarios cautela generalis, quod non nisi nomine alicuius filiorum suorum vllum facinus læsuum Regiæ Maiestati ederetur, ut si forsitan iustitia regalis ad libere faciendum (quod vellent in regno, & possent de iure) foret aliquando resuscitata in filios suos proprios, tanquam detrimentorum principales auctores desuaret.

Sic confusione fas & nefas sunt collisa, ut omnes rapaces & homicidas, & sub indifferentia quosunque facinorosos sceleris impunitos retinerent, & veniæ facilitate in sua flagitia prouocarent. Sic creuit subita rapacitas impunita, & ubicunque reperiretur regius amicus, profuit sub ista confusione cuilibet facinoroso suis flagitiis edicere prodicionem.

Gloucestria relicta, Bristollium (quod, ut prædictum est, occupauerat Hugo Dispensator pater) Regina cum exercitu properauit, obsessura tam oppidum quam castrum. Sed loca munitissima solita referare, desperatio compulit generosum in iracundia foeminae misericordia se & sua cuncta commendare.

Reddebatur igitur Castrum cum oppido, quod ingressa virago iussit Comitem sine quæstione, seu responsione finali supplicio torqueri alligatum. Confestim strenuissimus miles brachiis, & tibiis in longum protensis, & in ipsius viuientis conspectu viscera propria de ventre crudeliter & nimium inhumaniter extracta ignibus traduntur, residuum quoque corporis & in furca latronum suspensum.

His confectis ad partes Marchiæ Regina conuersa apud Hereford per mensem commorata exercitum suum diuidit, & cum eius vna parte misit Henricum Comitem Lancastriæ, & dominum magistrum Rhesium apud Poroel clericum natione Wal-

ne Wallum ad comprehendendum Regem, & sibi adhærentes. Prædictus Comes etiam germanus & heres sæpe nominati Comitum Lancastriæ, Thomæ, & iste Rhesus secum missus, qui iustitia regali in turri London. incarcerationatus erat, sed per Reginæ potentiam suæ libertati restitutus, tam Comes prædictus, quam Rhesus habuerunt possessiones & ampla dominia iuxta locum, in quo Rex latitabat. Fuitque Rheso tota regio valde nota. Denique Comes & clericus (non sine pecuniæ interuentu Wallis corruptis) Regem in monasterio de Nethe Hugonem de Spenfer filium desertum, profugæ præsidium capefcentem per exploratores Wallos inuenerunt. Captis igitur Rege, Hugone, & R. de Baldocke, & Simone de Redingis, aliis sine cura dimissis, custodiæ Comitum Leicestriæ Rex. autoritate consilii Episcopi Herefordensis commendatus, ad castrum Kenelworth adductus est, ubi per totam hyemem in satis honeste tractatus non aliter quam oportuit Regem captiuum custoditum. Regina apud Herefordiam cum magistro totius suæ militiæ Episcopo ciuitatis scilicet exercitui præsidente. Edmundus Comes de Arundel, Iohannes Daniel, & Thoma Micheldene ad instantiam Rogeri de Mortuomari, qui perfecto odio, sed non prophetico ode-
rat illos, fuerunt decollati. Postea Comes Gloucestriæ, Hugo de Spenfer filius in vinculis oblatus, oculis terribilibus indignare non expectata ratiocinatione cuiuscunque iudicis, fuit ab eadem ciuitate tractus, suspensus, decollatus, & in quarterias diuisus, cuius caput fuit missum apud pontem London. & quatuor quarteriæ ad quatuor regni partes fuerunt distributæ. Simon etiam de Redingis fuit ibidem tractus & suspen-
sus. Sed magister Robertus de Baldocke post multas contumelias carceri Episcopi Herefordensis fuit mancipatus, ubi nimis vitam dolerosam vsque ad proximum sequens festum Purificationis duxit. Tunc siquidem Episcopus Hereford omnis huius mali architectus fecit ipsum ad se Londinum adduci. Quo deductum Londinenses non sine consensu Episcopi rapuerunt, & apud Newgate incarcerationarunt, quærentes occasionem contra eum tanquam proditorem tractum, suspensum mortuis adnumerare. Sed tamen post multas inquisitiones in ipso non inuenientes maculam proditionis, nec alius felonix, ita inhumaniter ipsum tractarunt, quod eodem anno cito post Pascha obiit. In tormentis tanti sceleris, scilicet rapinæ & iugulationis clerici, atque sacerdotis Dei non improbabiler aliquis putabitur auctor manifestus vel occultus, qui de medio luporum misit in ouile sui tutissimum carcerem, videlicet Episcopalem: pro oue sibi & lupis tradito tutelæ, quam portendit, quod ab Herefordia ipsum Londinum fecerat traduci à suo Episcopatu in diocesim alienam: i. loco munitissimo in montes Pardiorum, qui insuper fingit, quod clerici sibi traditi rapinam, atque iugulationem sacerdotis ipse potētissimus prælatus prouinciæ salua dignitate archiepiscopatus debita diligentia non curauit præmunire. Credo, quod in tali casu verum est illud Quintiliani: *Torquentem vincit, quisquis occiditur.* & ideo sub silentio palliato querelam omitto, quam etiam sub altare Dei audiui per voces occisorum innocentium. His scriptis & aliis non paucis per Reginam, Herefordensem, & R. de Mortuomari, ut cuilibet eorum placuit, confectis, ipsi simul Londinum se contulerunt, ubi cito post Epiphaniam in Parlamento per ipsos conuocato, in quo nullus ausus est resistere, fuit ordinatum & constitutum, quod ex parte totius regni tres Episcopi, duo Comites, duo Abbates, quatuor Barones, & de quolibet Comitatu Angliæ duo milites, de qualibet ciuitate & villa capitali cuiuslibet Comitatus, & similiter de Portubus duo Burgenfes mittuntur ad Regem (apud Kenelworth custoditum) facturi infra scripta. Iohannes de Stratford Episcopus Winton. Adam de Torleton Episcopus Hereford, & Hentricus Episcopus Lincoln. collegæ principales negotii tractandi, erant misit. Præcesserunt (ceteros itinerando) Episcopi Winton. & Lincoln. secretius alloquentes Regem vna cum custodiæ suo comite Leicestriæ, ipsum inducunt, ut suo primogenito designaret coronam, astute satis hi tres circumuenerunt Regem, promittentes ei non parciorem honorem post honoris depositionem, quam antea solebat ab omnibus habere regia celsitudo. Adiciebant quoque (adulterantes verbum veritatis) quanti foret meriti, apud Deum pro subditorum pace (quam ea sola via spondebant affuturam) regnum respuere temporale, in hoc non indubitanter cum Caipha Pontifice Pontifex prophæantes. Ex alia parte sibi comminabantur, quod nisi resignaret, populus sibi abdicato homagio, & fidelitate, filiis quoque suis repudiatis, alium in Regem exaltarent, quam de sanguine regali. Istis & aliis importunis promissis, atque minis inflexum piissimum cor regale (non sine singultibus, lachrymis & suspiriis) monitis Episcoporum condescendit, paratior pro Christo vitam finire, quam

re, quam suorum filiorum exheredationem, aut regni diuturnam perturbationem, oculis viuientis corporis videre, sciens quod bonus pastor animam suam poneret pro ouibus suis.

Finaliter ad castrum, vbi Rex inclusus, Episcopus Herefordiæ inimicos ceteros adduxit, quos in Regis camera secundum suas dignitates ordine collocavit, à multis temporibus affectata ex omnium permissione sibi ipsi reseruans. Tandem regia maiestas togam nigram induta de secretiori camera progrediens, suis seruis se repræsentans, conscius negotii, pro quo venerat, pro dolore sui impos effectus corruit expansus. Cui accurrentes Comes Leicestriæ, & Episcopus Wintoniensis, vix
 10 Regem semiuivum crexerunt, quem ad mentem & vires pristinas vterque reuocatum alloquebatur Adam Hereford, exponens causam aduentus nuntiorum, mira impudentia non confusus Regis animum attrectare, cui se putavit præ ceteris mortalibus exosum fuisse. Adiecit suis dictis ille Herefordensis, quod oporteret Regem regni diadema suo primogenito resignare, aut post sui repudium viuere aut pati, quod eligerent in Regem quemcunque visum ipsis aptiorem pro regni tutela. Hiis auditis Rex cum fletu & eiulatu respondit, quod multum doluit pro eo, quod populus regni taliter exasperatus foret contra ipsum, quod suam dominationem fastidiret, finaliter quoque subiunxit suo beneplacito valde conuenisse, quo filius suus populo sic fuerit acceptatus, vt ipsum in Regem affectaret. In castro iidem nuntii
 20 homagia & legeamenta Domino Edwardo de Carnaruam (nuper Regi) per manus Gulielmi Trussell militis ex parte totius regni, renuerunt, & Thomas Blunt miles regalis hospitii Seneschallus fractione virgæ suum officium resignauit, & regiam familiam nuntiavit esse licentiatam. Post hoc ad Parlamentum Londinum reuersi responsum Regis plene (immo plenius quam factum fuit) retulerunt, ad factam resignationem. Communitas regni veterum fastidiatrix, nouorum appetitrix gratanter admittens suum primogenitum dominum Edwardum bonæ indolis vndecim annorum promptissime erexit, vt infra plenius dicetur, cuius pueritia cuiq; eo plus cessit ad votum, quomodo sub tam molli pastore sperabant gregem regni suis libitis victurum. Reginæ quoq; Isabellæ de Carnaruam fuit talis & tanta dos assignata, quod
 30 Regi filio suo, & Reginæ Philippæ vix remansit tertia pars regis coronæ. Domino vero Edwardo de Carnaruam Comitibus Leicestriæ deputato custodiæ, centum marcas pro mense expendendas ordinauerunt Regina & Simon Herefordensis, & Rogerus de Mortuomari, de fisco regali tribuendas. Itaq; graciosus dominus Edwardus quondam rex regis coronæ & libertatis priuationem pro amore Iesu Christi pauperis crucifixi patienter admittens, cum suo consanguineo Comite Leicestriæ Henrico mansit nullo egens, quo reclusus & monasticus indigebat, nullum infortunium in ima depressus deplanxit, nisi quod vxor sua (quam non potuit non amare) nolebat ipsum videre, cuius amplexibus plus quam per annum vixit viduatus, & quod nec illa permisit filium suum nouum Regem, aut aliquem suorum liberorum sibi præsentiale
 40 solatium præbere. Quot amorosa delectamenta voce submissa tanquam alter Orpheus concinuit, sed in cassum, ha, quoties defleuit querulus, quod tam gratiosa & prædita dotibus, tam speciosa, potuit proditoris amaricari felle. Auscultantibus quoque non siluit sub iuramento, quod, ex quo primum eam vidit, nunquam aliam mulierem potuit amare. Amoris languor, in ceteris aduersis patientia, Comitem custodem, & omnes reliquos familiares ad tantam miserationem prouocarunt, quod gloriosi militis amorem languidū vxoris suæ (corde duriori incude adamantino) non dimiserunt. Vnde non amore mota, sed furore commota ferrea virago, secreto cogitatu cepit expauescere, ne vnquam per ecclesiam miserorum consuetam misereri foret compulsa viro repudiato iterum impartiri thorum. Excogitauit enim quod à for-
 50 riori homines indifferētes, & pietatis alumnos in sui miserationem prouocaret contra suos inimicos, cum quos ipsa ministros suos ordinauit per aduersitatum tolerantiam, & omnium virtutum vberem fragrantiam ad pietatem sui inclinauit.

Talibus & aliis cogitationibus angustata, truculenta, sæua recurrens ad consilium sui sacerdotis Baal Episcopi Herefordiæ, ab ipso recepit rursum, quod certe sanguinem tetigit. Quando Comes Edwardo consanguineo suo compatiēbatur, constituit fœmina crudelis ex ordinatione magistri sui subdoli, Episcopi prædicti, quod Thomas de Gorney & Iohannes Maltrauers duo milites ipsum Edwardum de custodia Comitibus Leicestriæ receptum ducerent, quo vellent: ita quod nullus sui beneuolus seu indifferens persona ipsum libere adiret vel sciret, vbi diu perendinaret, hiis

Ecc

duobus

duobus proditoribus nequissimis fuerat commissum auctoritate principali, & in quamcunque regni plagam declinarent, omnes fortalitii, castrum, seu villæ, quamdiu ipsis placeret, & quodocunque usum haberent, quomodolibet de regno sub pœna confiscationis census, & vitæ prohibito contravenire huius rei mandato, educitur de nocte à Kenelworth inter inimicos securus de vita plena doloris, post ad castrum de Corffe, deinde ad Bristoliam, reclusus per tempus aliquod in castro, quousque id foret quibuscunque Burgensibus in villam notum, qui ad ipsius liberationem, & abductionem in partes transmarinas (quam optabat) se disponebant. Quorum consilium ut primum innotuit custodibus Edwardi, sub noctis eiusdem opaco silentio ipsum de loco ipso Berkeleyam adduxerunt. Immanitate maiore quam ferina 10 Edwardum sui tortores tractauere, sed nec ab ullo videri sibi amicali. Equitare compulerunt exiliter indutum, caput habere discoopertum, volentem dormire non permiserunt, non quos volebat, sed quos cibos ipsi præparauere, verbo suo cui libet contradixere, vesanum esse calumniati sunt. Et, ut breuiter concludam, in omnibus eius voluntati se contrarios exhibuere, ut frigore, & vigiliis, & cibis intemperatis, aut fastiditis, ut saltem melancholia aut infirmitate correptus expiraret. Sed contra vir in necessitate optime dispositus, fortis ad labores, & ad vniuersos (gratia Dei patientiæ) languores, omnes versutias malignantium natura & gratia superauit: venenum, quod pluries propinauerunt, suo Domino ministri Belial, aut fortitudine naturali euacuauit (sicut solent viri temperatæ complexionis secundum Galenum in tertio simplicis medicinæ) aut, quod verius credo, manifestiori martyrio suum confessorum altissimus reseruauit.

Attestamur & scribimus, quæ luce clariora innotuerunt mundo, si non timor æmulatorum Regis deuotissimi adhuc superstitis clarere prohiberet, quæ non poterint semper occultare. Tum abducitur Edwardus (ut præscriptum est) versus Berkeleyam à satrapis Sathanæ equitans stipatus, duxerunt etiam exemplar patientiæ per grangias castrum Bristolii, vbi de fœno factam coronam capiti iamdudum oleo sancto consecrato imposuit nefarius ille de Gorney, ausus contingere Christum Dei, cui illudentes ironia nimis acerba milites dixerunt, *Fare forth syr Kynge*. Metuentes maligni, ne pariter directe incedentibus obuiaret aliquis amicus Edwardi, & manus misericors ipsum liberatura, declinauerunt ad Smilcham per mariscum ad flumen Sabrinæ terminatum. Excogitarunt inimici Dei, quomodo Edwardum deformarent, ne foret facile notus. Vnde cæsariæ & barbæ radendas cõstituerunt. Venientes proinde in itinere ad fossam, iusserunt ipsum radendū descendere. Cui assidētī super cuiusdam talpæ monticulum peluim aqua frigida de fossa recepta attulit barbitonsor. Cui & aliis asserentibus, quod aqua talis pro tunc deberet sufficere, ait Edwardus: *Felicitis, nolitis, habebimus pro barba aquas calidas*, & ut promissum consequeretur veritas, cepit profuse lachrymare. Ita mihi retulit viuens post magnam pestilentiam Gulielmus Bisshop, qui ductoribus Edwardi sodalis, vnde confessus & contritus pœnituit, sub spe misericordiæ diuinæ.

Tandem adueniunt ad castrum Barkley, vbi patientiæ exercens virtutem reclusus, ut anchorita nobilis Edwardus: vbi cum beato Iob, regno spirituali nondum per alienigenas, sed per uxorem, seruos & ancillas honorum & vtilitatis dominio priuatus, expectauit regnum æternum pro terreno. Vxor interim Isabella impatienter ferens, quod vita mariti, quem nimium oderat, tamdiu produceretur, conqueritur magistro suo Herefordensi, fingens sibi somnia pessima interpretatu, vnde dixit se timere, ne vir dignitati pristinæ restitutus, ipsam tanquam proditricem igni aut seruituti perpetuæ damnaret. Episcopus igitur læsæ Maiestatis sibi conscius timuit hoc idem: aliorum non minus ob eandem causam, intendebatur metus, quos aduersus Dominum & Christum eius Diabolus confœderauit. Placuit igitur non paucis vtriusque sexus magnæ dignitatis, tam ecclesiasticæ quam secularis, quod causa tanti metus foret cum Edwardo cõsopita, quem ut quisque metuebat, perire concupiuit. Mittuntur igitur literæ increpatoriæ custodibus Edwardi, calumniant fallacissime, quod remissius quàm deberet, ipsum custodirent, & nimis delicate confouerent. Intimatur etiam eisdem, sed semiplene, quod interitus Edwardi aut naturalis aut violenta indifferenter complaceret. Hic vigeat sophistarum fallacia accensa per Episcopum, qui scripsit: *Edwardum occidere nolite timere, bonum est*. Quod illi in peruersam partem interpretati sunt. Sciens autem callidus sophista, quod sine suo inscripto consensu non audebant executores crudelis mandati eum occidere,

dere, nec sine consensu maiorum de regno aliquando forent accusati. Hoc fecit Episcopus, quia in necem Edwardi determinatus, & perinde (sibi ipsi forsitan accusando) de consensu prouidit cautelose, vt eadem auctoritas sui mandati affectionem contrariam exprellura, vno modo exposita, & punctuata animaret stultos in mortem innocentis, sed sub alio sensu facinoris tanti ipsum immunem faceret putari: quod vt fuit cogitatum, contigit. Deniq; Edwardi interfectores, pinde amicitia Isabellæ & Episcopi sophistici deceptoris erga se fuisse confirmatam: inuenerunt illam & Episcopum seruientes exactores, pignoris hominis traditi, scilicet Domini Edwardi, & stipendium proditorum, scilicet mortem vilissimam pro demeritis ipsis comminantes.

10 Vnde stulti confusi quid facerent ignorauerunt, nisi quod epistolam Isabellæ & Episcopi aliorumque cōspiratorum sigillis munitam, in testimonium de ipsorum consensu eis ostenderent. Epistolam Episcopus non recusauit, sed suam esse alicui confitebatur, sed interpretatur illam ad sensum innocentiae, & fidelitate imprægnata, sed ipsos tanquam falsos suarum literarum expositores minis terribilibus in fugam coacturis affligere non cessauit. Ad castrum ductus Edwardus per dominum feodi Thomam Berckley fuit humaniter & benigne receptus & tractatus, sed post receptionem epistolæ, exercuerunt tortores commissam potestatem de tutela castri. Iubent protinus Thomam Berkley nullam cum Edwardo habere familiaritatem. Qui non solum pœnitens, sed verecundus, quod sibi fuit denegatum facere quod veller, & Christiano de iure liceret (Domino Edwardo finaliter & suspiriis salutato) ad alia sua loca transmigravit. Tunc incepit Edwardi consummata persecutio aduersus suam mortem concinnata. Post reclusum in camera tutissima per exaltationem cadauerum in subolario positorum ipsum transferunt per multos dies pene vsq; ad suffocationem: vnde foetorem illum intolerabilem fuisse pœnā maximam, quam vnquam sustinuit, ad fenestram vna dierum carpentariis à dextra laborantibus seruus Dei deplanxit. Videntes Tyranni, quod aduersus virum strenuissimum nō posset per foetorem mors præualere, nocte 10. Kalen. Octobris in lecto cubantem, subito præoccupatum, cum puluinaribus magnis atque grauitate amplius quam quindecim robustorum, ipsum oppressum & suffocatum cum ferro plumbarii intente ignito trans tubam ductilem

30 ad egestionis partes secretas applicatum membra spiritalia post intestinas combusserunt, cauentes ne vulnere in regio corpore, vbi solent vulnera requiri, per aliquem iustitiæ amicum reperto, sui tortores de læsione manifesta respondere, & pœnam subire forent coacti. Taliter obruitur miles strenuissimus emissio clamore (audientibus & intra castrum & extra) satis nota, qualis esset violentia in mortē patientis. Clamor ille expirantis multos de Berkleya, & quosdam de castro (vt ipsi asseruerunt) ad compassionem & orationes pro sancta anima migrante monebat: Sic hunc mundus odio habuit, sicut suum magistrum, scilicet Christum prius odio habuit, quo præceptorem de regno Iudeorum reprobatum, deinde discipulum regno Angliæ spoliatum recepit celsitudo regni Angelorum. Proditorios ministros, scilicet Thomam de Gorney

40 & Iohannem de Maltrauers, persecutio Isabellæ & Episcopi Herefordensis (vt proinde viderentur manus innoxias & mentes habuisse) vt legauit, & in exilium egit. Thomas de Gorney Massiliam fugitiuus clanculo post triennium cognitus, captus, & versus Angliam reductus, pœnam pro demeritis recepturus in mari fuit decapitatus, ne forte magistros & magnos prælatos, & quamplures alios de regno sibi suum nefas monuisse, & in illud sibi assensum præbuisse accusasset. Alter vero Maltrauers partibus Teutonicorum agens pœnitentiam, diu latuit.

WILHEL. GEMITICENSIS
 VVILHELMVS GEMITICENSIS
 DE DVCV M NORMANNO-
 RV M GESTIS.

INCIPIT EPISTOLA WILHELMI GEMITICENSIS
 ad Wilhelmum Orthodoxum Anglorum Regem de Norman-
 norum Ducum gestis.



Dilectissime, atque Orthodoxo summi Regis nutu Anglorum
 Regi Wilhelmo, Gemiticensis cœnobita omnium cœnobitarum indi-
 gnissimus Wilhelmus, ad conterendos hostes Samsonis fortitudinem,
 & ad discernendam iudicium Salamonis abyssum. Opus hoc pruden-
 tissime Rex, & serenissime in Normannorum Ducam gestis de di-
 versis excerptum codicibus iuxta mea exiguitatem industria conte-
 xui, vestraque dicans idem celsitudini, ob recolenda priscorum patrum
 inter præcipuas laicarum dignitatum administrationes piissimorum
 actuum exempla chronicorum bibliotheca delegandum decreui. Quod
 non rhetorum venusta exornatam gravitate, non politi sermonis ve-
 nali lepore seu nitore, sed inelimito stilo, tenui oratione per plana deductum, cuiuslibet lectori ad liqui-
 dum elaboravi. Vestra quidem maiestatis latera ambiunt præclari viri, literarum peritia admodum e-
 ruditi, qui strictis gladiis civitatem circumcunctes, eliminatis pravorum insidiis tectum Salomonis di-
 vina legis pervigili munimine satagunt tueri. Subtilissimi quoque ingenii vigorem calici dispensato-
 ris prerogativa vobis collati, qualiter in armorum regimine, sic in cunctis, quibus intendere, qua per-
 pendere proponitis, mira valere efficacia, multi multimode probaverunt. Munusculum igitur tantilli
 nostri laboris placida manu sumite, nobilissima gesta celebri memoria dignissima, vestra & antiqua per
 has paginas recolite. Principium namque narrationis usque ad Richardum secundum à Dudonis pe-
 riti viri historia collegi, qui quod posteris propagandum charta cœmendavit, à Rudolpho Comite primi
 Richardi fratre diligenter exquisiuit: reliqua vero, qua partim relatu plurimorum ad corroborandum
 fidem aequè idoneorum annis & rerum experimentis, certissimo indice proprio visu didici: prauatim
 mea dono. Verum qui sacris mancipatum scholis forte presumptionis aut alia qualibet culpa tali pro stu-
 dio notaverit, hanc huius opusculi nouerit causam, quam non superuacaneam arbitror, ut virtutes opti-
 morum virorum tam in secularibus, tum in diuinis excellentissima, qua feliciter in oculis Dei viuunt,
 utiliter & in hominum notitia viuant. Non enim populari aura leni, sed pernitioso arrisù blandiente
 delectari, eaq; illecebra mundo implicari condecet, quem angustia maceriarum pro superna Ierusalem
 amplitudine deuotissimo corde amplectenda includunt: quem tam habitus reuerentia quam vita pro-
 fessio a mundo secludunt. En habetis vestram, sapientissime regnorum domitor, & pacem & bella si-
 mul, piissimi genitoris vestri gloriosissimi Ducis Roberti, superiorumq; parentum, qui terrena militia
 nominatissimi principes, sincerissima tamen fide, allacerrima spe, feruentissima caritate ad cœlestia
 tendentes, Christi maxime strenui milites ac studiosissimi cultores extiterunt. Imperator æterno præ-
 sidens imperio, in quo confidens plurima seuissimorum periculorum obstacula admirandis prouentibus
 ouantissime triumphando protinuit: ipse potentissimus tutor in cunctis gerendis vos tutetur: pru-
 dentia vestra, quam contulit gubernando patrocinetur: quoadusq; felicissimo cursu sub mundano dia-
 demate consummato in aulam veræ summaque beatitudinis patriam assumamini, peren-
 nis gloria annulo ac stola adornatus, pie Rex, victoriosè,
 atq; orthodoxè.

Explicit epistola Wilhelmi Cœnobitz ad Wilhelmum Regem Anglo-
 rum & Ducem Normannorum.

QVO.

605

DE DVCIBVS NORMANNIS.
 QVOMODO HASTINGVS OPPRES-
 SIT NEVSTRIAM ANTE ADVEN-
 TVM ROLLONIS.

*QVOMODO FORTITVDO FRANCORVM, QVAE DIV
 viguerat, imminuta sit, vnde & ipsi ferocitati Paganorum minns re-
 sistere valuerunt.*

CAPVT I.

10 **E**X quo Francorum gens resumptis viribus Romanæ feritatis iugum à
 ceruice propria pepulit, ferinaque colla sub Regum domino flexit,
 Christi ecclesia vehemèter adulta odoriferos fructus ferens, adusq; occi-
 duos limites floruit. Qua denique tempestate ipsi Reges rebus bellicis
 strenui, ac Christianæ fidei vigore fulti, circumquaq; de inimicis validissimos semper
 reportabant triumphos. Sub quorum moderamine Christi vinea succrescēs innume-
 ros fidelium protulit ramos. Ex hac quippe quamplurima monachorum proruperūt
 ouilia, quæ velut apes ex suis alueariis multimodis ex diuersis mundi violis, in cœlesti-
 bus sedibus intulerunt fauos. De hiis etenim perennis Ierusalē fabrica erecta, coram
 regis æterni obtutibus vt stellæ lucidæ fulgēt in perpetuas æternitates. Quæ videlicet
20 ecclesia multis Francorum tēporibus sub diuersis regib. valida virtute pollens viguit,
 donec à pace quatuor Lodouici Imperatoris filiis dissidentibus ex magna gloria re-
 gnum Francorum quati cæpit: in tantum vt cœlestis vnde quaque viribus in territo-
 rio Autisiodorensi apud Fontanetium vicum duo aduersus duos diabolo instigante
 confligentes, cruentissima Christianorum inter se cæde infelicissimo satisfacere o-
 dio. Qui patriam pene omni munimine militum frequentia præliorum destituen-
 tes, inualidam barbarorum seu cuiuslibet hostis inuasioni opportunam eam relique-
 runt. Quo tēpore Pagani cum Lothbroci regis filio nomine Bier costæ quidē ferreæ
 procurante eius expeditionem Hastings omnium Paganorum nequissimo à Noricis
 seu Danicis finibus eructuantes, maritima littora incolentes continuis cladibus ve-
30 xauerunt, ciuitates diruentes, atq; abbathias concremantes. Quis vero iste Lothbro-
 cus, vel ex cuius stirpe oriundus extiterit, infra dicemus. Sed modo prius de situ Da-
 ciæ pauca dicemus.

*De tribus partibus orbis terræ, & in qua earum sit Dacia, &
 de situ ipsius.*

CAPVT II.

40 **T**OTIVS namq; mōlis orbe descripto, ambituq; & superficie terræ sagaciter permē-
 so, omnem terram perpetuo oceani limbo vndiq; secus circumseptam, æthereo
 quadripartiti cœli cardine intellectu Cosmographi dimensi in tres partes diuiserunt,
 ASIAM, EVROPAM, AFFRICAMQVE reputantes. Sed quia hic mentionem
 de partibus terræ fecimus, non inutile videtur, si breuiter commemoremus, quid de
 illis beatus Augustinus in 16. libro de ciuitate Dei dicat. Asia, inquit, à meridie per
 orientem vsque ad Septentrionem peruenit. Europa vero à septentrione vsque ad
 occidentem. Atque inde Africa ab occidente vsque ad meridiem. Vnde videntur
 orbem dimidium duæ tenere, Europa & Africa, aliud vero dimidium sola Asia. Sed
 ideo illæ duæ partes factæ sunt, quia inter vtramque intrat ab Oceano, quicquid a-
 quarum terras interluit, & hoc mare magnum nobis facit.

50 Quapropter si in duas partes orbem diuidas, Orientis & Occidentis, Asia erit in
 vna, in altera vero Europa & Africa. His succincte intimatis, ad propositū redeamus.
 Europa quamplurimis fluminum alueis interriuata, variisque prouinciis denomina-
 ta, termino diremptionis limitatur patriis. Harum quædam spaciosissima multi-
 plici innumerabilium hominum frequentia ceterarum copiosissima, nuncupatur
 Germania. In qua Hister fluiuius de cacumine montis Athnoc ortus, in sexaginta a-
 mnibus augmentatus profusus, & à meridie ad Orientē means procellosus, Germa-
 niamq; & Scithiam vsq; eo quo pontē Scithico recipitur discriminatus, vocitatur Da-
 nubius. In copiosa igitur intercapedine à Danubio ad Scithici ponti vsq; confinium
 diffusæ commorantur feræ gentes & barbaræ, quæ ex Scanza insula Oceano hinc in-
 de circumsepta, vel examen apum ex canistro, seu gladius è vagina diuersitate

Ecc 3 mul-

multimoda dicuntur profuiffe consuetudine barbarica. Est namque ibi tractus quamplurimus Alanæ, situsque nimium copiosus Daciæ, atque meatus multum protensus Getiæ. Quarum Dacia extat medioxima, in modum coronæ, instarque ciuitatis præ magnis alpibus emunita. Quos protentæ anfractus amplitudinis furescentes incolunt populi, præmonente Marte bellicosi, scilicet Getæ, qui & Gothi, Sarmatæ, & Amaxobii, Tragoditæ, & Alani, quamplurimæque gentes Meotidibus paludibus excolendo commorantes.

De origine Gothorum, & ubi primum habitauerunt.

C A P. I I I.

10

TRES etenim Noe filios habuisse sacræ ad liquidum testantur paginæ. Quorum iunior nomine Iaphed filium genuit, quem prin.... vocabulo Magog nominauit. Cuius Gothica soboles de similitudine vltimæ syllabæ paterni nominis vocabulum trahens, adeo pullulauit, vt per diuersa terrarum interstitia multimode se dilataret, prædictamque insulam Scanzam intra maris fretum sibi vindicaret. In qua per succedentia temporum curricula admodum multiplicata, duos ex se in armis robustissimos perduxit Gothorum populos. Ex quibus vnus cum suo Rege Thanause de vagina sua egressus, vltiorem Scythiam inuasit, sibi que vsurpauit multo post aduersum Vesoem Ægyptiorum Regem contra se bella attemptantem, diutissime se armis & præliis extendens.

Quorum vxores postmodum vocatæ Amazones, diuturnam eorum moram moleste ferentes, repudiata virorum copula arma capessunt: duas Reginas, Lampeto scilicet, & Marpessam ceteris audaciores principatui subrogantes. Quæ dextris mammillis ob telorum iactus adustis, totam Asiam aggressæ, per centum fere annorum volumina grauissimæ dominationis iugo eam domuerunt. Sed de his hucusque. Qui vero scire cuncta desiderat, Gothorum gesta percurrat, & noster stilus vertatur ad proposita.

Quod Dani de Gothorum progenie descendant, & quare dicantur Dani vel Northmanni, & cur eadem gens sic multiplicetur.

30

C A P. I I I I.

IGITUR alter Gothorum cuneus ex Scanza insula, quæ erat quasi officina gentium, aut velut vagina nationum, cum Rege suo nomine Berige egressus, mox vt è nauibus exeuntes terras attigerunt, nomen loco dederunt, Scanzamque ob illius memoriam, de quo eruperant, illum vocauerunt. Inde denique prolixius tendentes, intra Germanicos sinus Meotidas occupauerunt paludes, plurimas regiones diffuse merantes. Quatum in secunda sede Dacia, quæ & Danamarcha ficiens, Reges habuit multos, miræ Philosophiæ eruditione vehementer imbutos, Zeutan scilicet atque Dicineum, nec non Zalmorem, aliosque plures. Vnde & pene omnibus barbaris Gothi semper extiterunt sapientiores, Græcisque ferme consimiles. Nam Martem apud se autumant fuisse exortum, quem humani placabant effusione sanguinis. Iactant enim Troianos ex sua stirpe processisse, Antenoremque ab vrbe exterminio cum duobus millibus militum, & quingentis viris ob proditorem illius ab eo perpetratam euasisse, ac per multimodos ponti anfractus Germaniam appulisse, atque postmodum in Dacia regnasse, eamque à quodam Danao suæ stirpis Rege Danamarcam nuncupasse.

Hac igitur de causa Dani nuncupantur à suis Danai vel Dani. Normanni autem dicuntur, quia lingua eorum Boreas North vocatur, homo vero Man, inde Northmanni, id est, homines boreales per denominationem nuncupantur. Sed siue hoc, siue illud extiterit, originem tamen à Gothis noscuntur ducere Dani. Qui tantis post hoc adoleuerunt incrementis, vt dum repletæ essent hominibus insulæ, quamplures sancita à Regibus lege cogerentur de propriis sedibus migrare. Quæ gens idcirco sic multiplicabatur, quoniam nimio dedita luxui mulieribus iungebatur multis. Nam pater adultos filios cunctos à se pellebat, præter vnum, quem heredem sui iuris relinquebat.

Quo-

*Quomodo Bier filius Lothroci Regis Dacia expulsus est de patria more solito cum
Hastingo pedagogo suo.*

CAP. V.

QVÆ denique lex per multorum tempora Regum inconuulsa mansit quoadus-
que Lothrocus Rex de quo supra prælibauimus patri in regno successit. Is et-
iam Rex patrum legibus excitus, cum ingenti iuuenum agmine sorte cogente fi-
lium nomine Bier costæ ferreæ à suo abdicat regno, cum eius pedagogo Hastingso
per omnia fraudulentissimo vt peregrina regna petens exteris sibi armis acquire-
ret sedes. Qui ideo costæ ferrea vocabatur, quia non clipeus ei obiceretur, sed iner-
mis in acie stans armorum vim quamcunque sperneret illesus, vehementissimis ma-
tris eius beneficiis infectus.

Hastingsus vero à patria cum suo adolescente exul proscriptus, missa legatione
milites definitimis prouinciis animo leues, bellicque cupidos, ad hanc expeditio-
nem inuitans, innumerabilem pugnantium tyronum congregauit exercitum. Quid
plura: fabricantur naues, innouantur scuta, refarciuntur thoraces, poliuntur lorice,
& galeæ, acuuntur enses, & lanceæ, omnique telorum apparatu accurate munitur ex-
ercitus. Inde vero statuto die pelago impelluntur naues, ad eas propere festinant mi-
lites, eleuantur vexilla, librant ventis carbasa, vehuntur lupi pernices ad laceran-
das dominicas oues Deo suo Thur humanum sanguinem libantes.

*Quomodo venerunt in regnum Francorum & Vermmendensem pagum prius
depopulati sunt.*

CAP. VI.

CVI s cruore libaminis vnanimiter potati, vento flante secundo, Vermmen-
densem aggrediuntur portum, Anno ab incarnatione Domini, octingentesimo
quingentesimo primo, Exilientesque è nauibus totum illico Vulcano tradunt Co-
mitatum, Sanctique Quintini ferali monasterium rabie comburunt de Christiano
populo nefarium exercentes ludibrium.

Nouiomensis namque Emmo episcopus cum suis diaconis eorum gladio ob-
truncatur sitque cedes in populo proprio orbatore, Dehinc Sequanica ora ag-
grediuntur, & apud Gemmeticum classica statione obsidionem componunt. Qui
locus iure Gemmeticus vocatur, quia pro suis offensis illuc gemunt qui in flammis
vltricibus gemituri non erunt. Quidam vero à gemma illum vocatum arbitrantur,
quia vt gemma in anulo rutilat situ & vbertate fructuum, Hic nempe Clodouei Fran-
corum Regis tempore à beato Philiberto opitulante regina Baltilde constructus in
tanto incremento adoleuit vt in nongentorum Monachorum numero eius quan-
titas suppleretur. In quo quamplurima multitudo episcoporum seu clericorum
vel nobilium laicorum spretis secularibus pompis collecta Christo Regi militatura
propria colla saluberrimo iugo subegit. Cuius loci monachi siue incolæ pagano-
rum aduentum comperientes, fuga lapsi quædam suatum rerum sub terra oculen-
tes, quædam secum asportantes Deo iuuante euaserunt, Paganum locum vacuum re-
perientes, monasterium Sanctæ Mariæ, sanctique Petri & cuncta ædificia igne inie-
cto adurunt, in solitudinem omnia redigentes.

Hac itaque patrata euerfione, locus qui tanto honoris splendore diu vigerat,
exturbatis omnibus & subuersis domibus cæpit esse cubile ferarum & volucrum:
maceriis in sua soliditate in sublime porrectis: arbustisque densissimis & arborum vir-
gultis per 30. ferme annorum curricula vbique è terra productis.

*De excidio Neustrie, quæ ab Aurelianensi vrbe per transuersum Lutetiam vsque
Parisiorum pertingit.*

CAP. VII.

AB HINC denique Sequanz sulcantes Alueum, Rotomagum adeunt igne-
que comburunt, horrendum de Christiano populo exercentes ludibrium. E-
nimvero Franci interiora petentes, prolixius omnem fere Neustriam quæ à
Genabensi vrbe per transuersum Lutetiam vsque Parisiorum pertingit oppidum,

Normannica feritate inuadunt. Irruptionibus namque creberrimis cuncta vastando circumeunt, primo quidem pedites, eo quod equitandi peritia deesset. Deinde equis more nostratum, per omnia peruaguntur, Interea stationem nauium suarum ac si asylum omnium periculorum, in insula quadam cœnobio Sancti Florentii supposita componentes magalia instar exadificauere burgi, quo captiuorum greges catenis astrictos asseruarent, ipsique pro tempore corpora à labore reficerent, expeditioni illico seruitura, Ex qua inopinatos discursus agitantes, modo nauibus, modo equis delati, totam circumcirca deleuere prouinciam, Et primo quidem aduentu urbem Nanneticam incendio cremauere, dein Andegauensem percurrentes regionem, ipsam quidem ciuitatem concremant: Pictauorum vero castella atque vicos, omnemque patriam à mari vsque ad eandem, Pictaensem urbem populantur, vastant cœdibus replentes omnia. Sequenti namque tempore nauigio Turonum adeunt ciuitatem, eamque de more stragibus opplentes ad prosternium ignibus tradunt, populata omni circumquaque regione. Haud longo post superiora Ligeris amnis nauibus expetentes, Aurelianis perueniunt, captamque urbem auro distrahunt, sicque ad tempus recedentes, secundo aduentu eandem combustionem dissipant. Quid denique solius Neustriæ clades memorando stilum protraham aut solæ quinque supra memoratæ vrbes excidii damna sensere?

Quomodo destructa sit urbs Parisius & Beluacis nec non Pictauis & alia contigua vrbes ab ipso Oceano litore Orientem versus vsque Aruernum.

20

C A P. VIII.

QV I D Lutetia Parisiorum nobile caput, resplendens quondam gloria, abundans opibus, firmitate soli, incolarum quietissima pace quam non immerito emporium dixerò populorum; Porro quid Beluacus, quid Nouiomagus, & ipse quondam Galliarum præstantissimæ vrbes? Num & ipse eorundem barbarorum irruptionibus atque hostili gladio concidere; Piget referre nobilissimorum cœnobiorum tam virorum quam fœminarum, Deo deuote seruientium excidia, stragesque non ignobilium plebeiorum captiuitates matronarum virginum ludibria, ac cuncta quæ victis victores inferre valent. infanda tormentorum genera. Quid Aquitannicæ gentis ingentem referam afflictionem, quæ olim bellorum nutrix tunc frigidam bello præferabat dextram. Etenim ipsa optimos quosque genitalis soli in se se elidens, tunc patuit præda gentibus alienis. Ab ipso quippe ut ita loquar, Oceani litore versus orientem vsque Aruernam clarissimum veteri tempore Aquitanicæ urbem, nullam libertatem retinere valuit regio, non oppidum aut vicus, non denique ciuitas, quæ non strage ferali conciderit horum Paganorum. Testatur id Pictauis fecundissima vrbs Aquitanicæ hoc Sanctonum, hoc Engolisma, hoc Petragoricum, hoc Lemouicas, hoc certe Aruernus, ipsumque Auaricum caput regni Aquitammici.

Quod postquam Francia Paganorum oppressione afflictæ est, fere 30. annis, Hastings nanigans Romam ut eam subderet Bier domino suo tempestate compulsus appulit Lunis urbem Italia.

40

C A P. IX.

H I s atque huiuscemodi calamitatum malis ut prælibauimus Galliis non absque piaculo quorumlibet per 30. fere annorum spacium lugubre detritis, Hastings dominum suum ad altiora cupiens prouehere, de imperiali diademate cum agmine complicum capit attentius tractare, Postremo inito consilio veliuolum permeantes mare, Romam deliberant clandestina irruptione obtinere, Sed nimia exorta tempestate ad urbem Lunis deuoluuntur, vento impellente, quæ pro sui decore hoc vocabatur nomine. Porro ciues tanta attoniti classe, ciuitatis repagula portis inducunt, propugnacula clipeis, & iaculis muniunt, atque semetipsos hortantur ad resistendum. Quorum audaciam Hastings ut comperit, ratus hanc Romam fore, omni conatu capit attemptare quo pacto possit eam dolo inuadere. Denique episcopo & Comiti quæ perfidiæ ministros dirigit, mandans non sua sponte illuc appulisse sed suam repetere patriam voluisse, pacificos se esse, pacem deinceps querere, & se letali presum languore, ab eis Christianum fieri supplici voce deposcere. His episcopus & Comes auditis, gaudio exhilarati, pacem cum nefandissimo pacis inimico firmant, fitque communis utriusque populo urbis ingressus.

Quo-

Quomodo Hastings reputans Lunis esse Romam, quia vi non poterat, dolo eam capit & destruxit.

CAP. XI.

TANDEM scelestus ad ecclesiam fertur Hastings sacro baptismo mergitur homo versutus, & exit rapacissimus lupus. Quem ad sui perniciem, à fonte excipiunt episcopus & Comes, hincque baiulorum manibus refertur ad nauim, crismate delibutus. Post hoc intempesto noctis medio, loricatus locatur in feretro, innuens cæteris ut suas induerint loricas sub tunicis. Proinde fit intollerabilis luctus per exercitum, Hastingsum obiisse neophitum, resonat maris litus tanti ducis excessu. Dehinc naui effertur, ad ecclesiam baiulatur. Sacra vestitur antistes indumenta, sacrosanctam pro defuncto mactaturus hostiam. Fit commendatio animæ, ut corpus scelerum & perditionis in baratro iam sepultum, tradatur sepulturæ. Sed ecce profilit de feretro, episcopumque & Comitem obruncat gladio. Dehinc lupina rabie cum suis grassatur in plebe. His à funesto perpetratis, theatrum efficitur Dei domus, iugulantur iuuenes, trucidantur senes, depopulatur ciuitas, diruuntur à fundamētis mænia.

Quod pagani comperientes illam urbem non esse Romam, diuisi sunt, & Bier volens redire Danamarcam apud Frisiam obiit, Hastings vero pacificatus cum Carolo rege, accepit ab eo loco stipendii urbem Caris in qua & habitauit.

CAP. XII.

HVIUS itaque peracta urbis subuersione, comperientes Pagani se Romam nullatenus capisse, veriti ne ulterius quicquam proficerent, quippe cum Romanas aures fama volante eorum prophana opera iam occupassent, inito consilio de regressu disponunt. Nam Bier totius excidii signifer, exercituumque Rex, dum natiuum solum repeteret, naufragium passus, vix apud Anglos portum obtinuit, quampluribus de suis nauibus submersis. Indeque Frisiam repetens, ibidem obiit mortem. Hastings vero Carolum Francorum Regem adiens, pacem petiit, quam adipiscens, urbem Carnotensem stipendii munere ab ipso accepit: Et sic Francia à tumultuum fragoribus aliquandiu respirauit, sententia ultionis ob enormitatem scelerum debitæ suspensa, propiciata piissimi Christi clementia, cum patre & spiritu sancto mundum ineffabiliter regentis per secula.

INCIPIT LIBER SECVNDVS CONTINENS GESTA ROLLONIS PRIMI DV- CIS NORMANNORVM.

De nobilitate & virtute patris Rollonis, & quomodo iuuenes Daciz, qui descripti erant iussu Regis ut expellerentur, venerunt ad Rollonem & Gurim fratrem suum ut ferrent illis auxilium contra Regem.

CAP. I.

OSTENSIS plurimorum annorum intersticiis Francia ab his tumultuum fragoribus paulisper sopita, iterum Danamarcha flammis uiuos extremi iure titiones spargens, plurimos tirones à se iuuenili flore vernantes, patrum lege, à genitili solo eliminandos decernit. Illis vero in diebus senex quidam erat in partibus Daciz, omnium rerum affluentia locupletissimus, innumerabiliumque militum frequentia vndique secus constipatus, qui nunquam colla suæ ceruicis cuiquam Regis subiecit, nec cuiuslibet manibus gratiam seruitii manus suas commendando commisit. Qui Daciæ regnum pene vniuersum possidens, affines Daciz & Alaniz terras sibi vindicauit, populosque sibi præliis quamplurimis vi & potestate subiugauit. Erat enim omnium, Orientalium præstantior, virtute præpotentissimus, cunctorumque exaggerato omnium virtutum cumulo præcellentissimus, Defuncto vero illo superstiterunt duo filii eius, armis

armis strenui, bellis edocti, corpore pulcherrimi, animositate robustissimi. Quorum maior natu Rollo, alter vero Gurim iunior nuncupatur. Quos regali iussione descripti iuvenes ad exterminationem aggredientes genuque flexo, vultuque submisso, atque humili voce, obnixè precantes, inquirunt vnamines, ferte nobis auxiliū, subuenite nobis in adiutorium, sub tutela vestræ protectionis morabimur, vestrumque seruitium incessanter faciemus. Rex autem noster vult à Dacia exterminare fundisque nostris atque beneficiis nos per omnia priuare, Tunc duo illi fratres suppliciter precantibus responderunt, dicentes: Auxiliabimur optime vobis, vosque regaliū minarum securos morari in Dacia, atque res vestræ proprietatis faciemus quiete tenere. Illi autem hæc audientes, Rollonis & Gurim osculo expetierunt pedes, atque ilico 10 super dictis principum remearunt gratulantes. Interea veridicæ opinionis promulgatur fama Regis Daciæ aures pulsans, quod dux præpotentissimus pater scilicet Rollonis & Gurim sorte frueretur suprema. Tunc Rex ante malorum quæ sibi ille Dux intulit reminiscens, cunctis sui imperii accersitis principibus, inquit: Vos non later patrem Rollonis & Gurim esse defunctum. Aggrediar ergo fines illorum, & capiam vrbes & castra, atque munitissima loca, vlciscarque facta patris in filios, eosque contendo satiabor super malis illorum. Vos vestrosque præcor præparate ad talia negotia adimplenda. Denominatio igitur termino protectionis, vndecunque venerant repedarunt cum suis. Mox effera Daciæ iuuentus nimio curarum inhians æstui, quæ commoda sunt præparat in illo profectu. Hi leues clipeos, lucidaque spicula fabrilis 20 adiuti arte componunt, Hi tela ensesque atque secures cote exacuunt. Huius rei inopinata fama Rollonis & Gurim aures perlabitur, & talis relationis sermone perturbantur. Qui conuocata copiosa manu congruentique pubertate florentium, congregataque multitudine mediæ ætatis, senum, atque ad exterminandum descriptum elatis dextris mandant silentium.

Quomodo Rollone rebellante contra Regem per quinquennium, Rex ab eo pacem expetuit dolose.

C A P. I I.

TVMULTVANTES populi murmure penitus sudato, sedisque decentis suggestu 30 sublimiter Rollone suffecto, infit ore mellifluo. Vos quibus incalescit iuuenilis ardor, quique flore præstantioris estis virtutis alloquor. Solerti proposito reuerendos patres auosque & proauos imitaminor, conuallescite viriliter, & confortaminor, & ne æquiperis vicibus illis valeatis congruenter conuenire dedignaminor, Rex siquidem huius regni molitur nos supergredi, nostræque monarchiam ditionis inuadere nosque & vos omnes perdere, & antequam hæreditariam nostræ dominationis terram mancipet, sui regiminis terram anticipando præoccupemus, hostiliter resistendo aduentui eius. Illico omnes his dictis hilares regiam terram conglobatis exercitibus inuaserunt, totamque sæuiente vulcano depopularunt. Hæc autem Rex audiens, contra Rollonem & fratrem eius Gurim pergit ad prælium, diuque dimicando terga 40 vertit fugiens ad præsidia urbium. Tunc Rollo sui exercitus mortuos sepeliuit, Regis autem inhumatos reliquit. Vnius vero lustrispatio perseverante inter Regem & Rollonem duello, misit Rex pacificis verbis ad eum huiusmodi in dolo. Nihil mihi & tibi, nisi gratia propinquitatis. Vt requiescat respublica precor permitte, vt quod mei iuris est, meusque pater tenuit liceat me patienter possidere, tibi autem quod tui iuris, quodque tuum. Sitque inter me & te pax & concordia, in extricabili fædere compacta. Tunc Rollo & Gurim illorumque milites atque descripti ad exterminandum, pacem collaudauerunt. Determinato igitur coniurandæ amicitiae tempore, vterque venit ad placitum, mutuisque muneribus ditati fæderati sunt.

Quomodo Rex aggressus est noctu ciuitates Rollonis, & de morte Gurim fratris eius, & de aduentu Rollonis in Scanzam insulam cum 6. nauibus.

C A P. I I I.

DENIQUE perfidus Rex dolositatem conceptæ fraudis infesto corde ruminans, conuocato quodam exercitu suo, noctu pergens contra illos, inuadensque fines illorum, abscondens insidias prope mœnia ciuitatis, oppugnare capit. Tunc Rollo & Gurim frater eius & qui cum eo erant exilientes de ciuitate, persequabantur Regem terga vertentem, fugamque simulantem. Transgresso igitur locum insidiarum Rollone, pars quædam illarum de latibulis egressa petit urbem. Quam armigeris vacuam

cuam inueniens, incendit omniumque suppellectilium spolia sibi detulit. Quædam vero sequebatur Rollonem, Regem hostili immanitate fugantem. Cernens autem Rex incensam urbem insidiasque præualere, retrogressus præliabatur contra illum. Cæsis vero ex parte Rollonis quampluribus, cecidit Gurim frater eius in prælio. Videns autem Rollo se inter vtrunque exercitum, vnum fugam simulantem, alterum latebris egressum, fratremque mortuum, vulneribus plurimis laceratus, cum paucis diuertit ab eis. Tunc rex obsidens & capiens vrbes, populum contra se obiurgantem sibi subiugauit. Rollo vero morari non valens in Dacia, propter Regem diffidens sui, Scanzam insulam cum sex nauibus aggressus est. Tunc Dacia pio Duce patricioque atque robustissimo aduocato priuata, magno eiulatu concussa cæpit nimium flere.

De admonitione facta in somnis Rolloni ut Angliam peteret, & de victoria eius de Anglis.

C A P. I V.

CVMQUE diu Scanza insula mæstus moraretur, sollicitaque contorquentis animositatis cogitatione estuans, moliretur ut vindicaret se de inimicis suis: plurimique quos fugarat de Dacia regalis immanitas ad eum reuerterentur, fessis labore artubus sopore oppressis, vox diuina illi sonuit dicens: Rollo velociter surge pontum festinanter nauigio transiens ad Anglos perge, ibi audies quod ad patriam sospes reuerteris perpetuaque pace in ea sine detrimento frueris. Hoc somnium cum cui-
dam sapienti viro & christicolæ retulisset, huiusmodi sermone interpretatus est. Tu
vergente venturi temporis cursu, sacrosancto baptismate purificaberis prædignusque
christicola efficiaris, & ab errore fluctuantis seculi ad Anglos, angelos scilicet usque
olim peruenies, pacemque perhennis gloriæ cum illis habebis. Ilico vela nauibus aptas,
remisque eas exornans, atque frumento vino tergisque suum eas onerans, veli uolum
mare celeriter permeans Anglos aggreditur, ibique morari quiete diu suspicatur.
Audientes autem illius territorii pagenses quod Rollo Dacus adueniret, aciem ma-
gnam contra illum construxerunt, eumque ab illis finibus fugare conati sunt. Qui
more solito ad prælium indubitanter illis occurrit, plurimosque illorum prostrauit,
atque cæterorum fuga vertentium dorsa hasta fatigauit. Denique pagenses prioribus
plures coaceruantes, contra Rollonem iterum aciem dirigunt, eumque occidere aut
fuga labi conantur. Ille vero studiis belli edoctus, certaminisque necessitate asperri-
mus galea auro mirifice compta, triplicique lorica indutus, contra obiurgantium &
proficiscentium in se turmas armigeras, velociter atque indubitanter perrexit, mil-
liaque illorum immaniter prostrauit, victrice manu celerique cursu profugos perse-
quens, multosque principum capiens, Inde ad locum prælii reuertens, occisorum
corpora terra condit, cæterosque plagis infectos deportauit, captosque nauibus con-
nexuit. Tunc trimodo errore estuans, si Daciam repeteret, an Franciam pergeret, aut
Anglicam terram præliis affligeret, & sibi vendicaret, cæpit anxiam nimiumque tristari.

De somnio eius, & de expositione ipsius somnii à quodam Christiano facta.

C A P. V.

CVM autem huiusmodi perturbationibus sollicitus hæreret, hominesque regionis illius ditioni suæ fidelitatis gratia vinculoque sese subiugarent, quadam nocte soporifera lætheæ molis quiete per membra leniter serpente, videre videbatur præcellentissimus quodam præcelliore Franciæ habitationis monte se positum, eiulque montis in cacumine fontem liquidum & odoriferum, seque in eo abluui, & ab eo expiari contagione lepræ & prurigine contaminatum. Denique illius montis cacumine adhuc superstes, circa basim illius hinc inde & altrinsecus multa millia auium di-
uersorum generum varii coloris, sinistras alas quinetiam rubicundas habentium,
quarum diffusæ longe lateque multitudinis inexhaustam extremitatem perspi-
caci & angustato obtuitu non poterat comprehendere. Cæterum congruenti in-
cessu atque volatu eas sibi alternis vicibus inuicem cedentes fontem montis pe-
tere, easque se conuenienti natatione sicuti solent tempore futuræ pluuiæ abluere.
Omnibusque mira infusione delibutis, congrua eas statione sine discretione ge-
nerum & specierum, sine ullo contentionis iurgio, mutuo vicissim pastu quasi amica-
biliter comedere, easque deportatis ramusculis festinanti labore nidificare. Quineti-
am suæ iussione imperio voluntarie succumbere Mox expergefactus, & visionis quam
viderat reminiscens, acçeruit maioribus principum, captisque prælio principibus
simul

simul ascitis, omnem huius visionis seriem incunctanter differuit, & quid huius visionis mysticum sentirent ab eis inquit. Tunc cunctis conticentibus captorum vnus Christianæ religiositatis fide imbutus, præfatio diuinæ inspirationis aspersus mysticum illius visionis intellectum explanauit dicens. Mons Franciæ quo stare videbaris, ecclesia illius designatur. Fons qui in summitatis montis erat, Baptismus regenerationis interpretatur. Per lepram & pruriginem quo infectus eras, cõmissionis tuæ scelera & peccata animaduertes. Te in eo ablui, & ab eo lepræ pruriginisque morbo expurgari, telanacro sacri baptismatis regenerari, & ab omnibus peccatis emundari. Per volucres diuersorum generum leuas alas habentes puniceas, quarum infinitissimam extremitatem exhaurire visu non poteras, homines diuersarum prouinciarum 10 scutulata brachia habentes, tuique effecti fideles quorum innumeram multitudinẽ coadunatam videbis, animo deprehendas. Per alites fonte infusas, & in eo alternatim ablutas, communique comestione edentes populum antike fraudis contagio pollutum, typico baptisinate abluendum, sacrosancti corporis & sanguinis Christi alimonia saginandum. Per nidos quos circa fontem faciebant, vastatarum vrbiũ mænia reedificanda intellige. Tibi aues diuersarum specierum obtemperabant, tibi homines diuersorum regnorum seruiendo accubitati obedient. His igitur mirabilium interpretationum sermonibus Rollo exhilaratus, visionis suæ interpretem ceterosque quos bello cæpit vinculis soluit, variis muneribus & donis diuersis ditatos ad sua lætos remisit.

20

De Adelstano Rege Anglorum Christianissimo cum quo iniit Rollo fœdus indissolubilis amicitia.

C A P. V I.

E O namque tempore Rex Anglorum Christianissimus nomine Adelstanus omnium bonorum titulis exornatus, sacrosanctæ ecclesiæ prædignus aduocatus, habenas regni Anglorum moderabat piissimus. Cui continuo Rollo legatos suos misit, & quid dicerent auribus illorum intimaui. Qui venientes ad eum, pio vocis affectu submissis vultibus dixerunt. Omnium præpotentissimus patricius Duxque Dacorum præcellentissimus Rollo noster senior & aduocatus, tibi fidele seruitium, tuique amicitia munus inconuulsum. Magnum domine Rex Daciæ regno infortunium 30 perpeffos & ab eo heu dolor fraudulenter exterminatos, curis obnoxios nobis penitus intumescendumque procellarum elationibus afflictos, vestris finibus appulit, omni spei & salutis præsidio priuatos. Cum autem conaremur Daciam repetere, & nos de inimicis nostris vindicare, obstitit & interclusit nos glacialis hiems, geluque cruf tante terram, & affligente flexibiles herbarum & arborum comas, densa glacialium mole refrenata crustarum, struxerunt nobis murum flumina, nec præbuit nobis prosperum iter vnda. Audientes quidam milites in confinio nostri aduentus commorantes, præmaximam aciem contra nos struxerunt, nosque lacessentes inuaserunt. Nos vero nec sub glacie nec supra nauigare valentes, illorum audaciæ restitimus, multosque illorum prælio exarmatos cœpimus. Non autem regnum tuum depopu- 40 labimus, nec prædas vsquam raptas ad naues vertemus. Vendendi atque emendi sequestram pacem petimus, quia imminens veris tempore ad Franciam proficiscemur. Rex autem hilarem vultum summissus his auditis, profatur. Nulla tellus effert viros magis quam Dacia præcipuos armisque strenue edoctos. Parentelam diffuse generositatis vestri senioris, casuque & labores vestros, quin etiam fraudulentam perfidiam Daciæ regis nobis retulerunt plurimi. Nemo seniore in factis iustior vestro, nemo maior in armis. Huius negotii curas secludite, armorum securi, præliorum impatientes, atque omnium malorum immunes estote, liceat vobis vbicunque terrarum nostræ ditionis vendere & emere, vestrum seniore precamur cogite vt nostræ fidei integritate dignetur ad nos venire, quia eum desiderio intueri, superque malis suis so- 50 lari: Abeuntes autem missi quæcunque audierant renunciauerunt Rolloni. Exemplo Rollo audaciter & incunctanter perrexit ad Regem contra se venientem. Qui mutuo amplexati & oscula libati, cedentibus vtriusque exercitus turmis federunt depositi. Tunc Rex Adelstanus prior est allocutus.

*Pro sapia pollens, gestorum lumine fulgens,
Moribus & meritis præcellor omnibus, atque
Fœdere complacito fidei nectamur in vno,
Sis peto pars anima semperque mea comes, atque
Finibus in nostris temet deponco morari,*

Sicque

*Sicque salutifero baptismo sordē piari.
En quid gestis habe nostra ditionis in orbe.
Sis memor ipse mei fuero cū semper in omni,
Et si velle alias est nunc proficiscier oras.
Si gens torua, ferox, iam iam feritauerit in me,
Improba non seruans fidei retinensq; tenorem,
Vt potis es fer opem stabili conamine saluans,
Et tibi succurrat simili ratione iuuando,
Te teget atque meum mutuo certamine scutum.*

De tempestate quam passus est Rollo cum in Regnum Francorum de Anglia nauigaret, & quomodo littoribus Walgrorum appulset.

CAP. VI.

TVNC Rollo super dictis Regis lætus, dixisse ferrur: Grates tibi omnium Regum præstantissime super voluntariis beneficiis rependo, & quicquid inter me & te agenda retulisti, fac ut opto. Diutissime in regno tuo non morabor, sed celerius quam potero Franciam adibo. Vbicunque terrarum fuero, tuus amicus insolubili dilectionis coniunctus fœdere permanebo. His dictis admodum inextricabiliter fœderati, alternarumque rerum competentis mirabiliter ditati, rediit quisq; cum suis ad sua. Toto namq; hiemantis anni tempore, naues sumptusq; qui necessarii erant itineri præparare Rollo dux sollertis curæ fecit, Anglosq; florentis iuuentutis milites qui erant sui affecti, & secum ituri erant asciiuit. Cum autem primæ ætatis tempore rutilantium molliter florum arrideret copia, purpureisq; blattis lactea, & odorifera alberent lilia, memor semper visionis monentis ad Franciam proficisci classibus velis datis, nauim conscendit. Cum vero lenibus ventis congressus nauigii factus esset, usq; ad medium æquoris, nihilq; viderent nisi cælum complexum super faciem maris, inuidi spiritus scientes illos baptismo Christi nomine abluendos, gloriamq; quam perdidderunt adepturos ingemiscientes occurrerunt excitantes pericula illis, venti quinetiam à sedibus suis ruunt, & hiantē ponte à sedibus imis in præcipitium fluctus nimios & ad sidera tollunt. Cælum crebescens fulguribus intonuit, dēfarumq; tenebrarum nox atra illis incubuit. Remis confractis vētorum rabiem vela ferre non possunt, itaq; viribus exhausti, omnia ventis permittunt. Huc illucq; naues quasi per montes & valles fluctuant, mortemque repentinam omnibus intentant. Tunc Rollo protensis manibus prostratus incubuit naui, humilique voce talia profudit:

*O Deus omnipotens cælestia lumine complens,
Qui cælum terramq; tenes, per secula cuius
Numen, & aeterno complectens omnia gyro
Infectum vitiis peccati & face repletum,
Qui me christicolam fieri vis munere visi
Temporis exiguo cursu voluente futuri,
Suscipe vota libens, precibusq; faueto benignus.
Fluctus sedatisque feros compesce ruinis
Casibus eripiens istis nos atq; labore,
Comprime demulcens, mitescens atque serena,
Vndantem nimium violento turbine pontum.*

Harum vero orationum precibus finitis, mox mare quiescit serenatis procellis immensoque æquoris tractus optato flamine breuiter explicuerunt; nauesque tempestate diruptas littoribus Walgrorum applicuerunt.

Quomodo Rollo diuisit Walgrenses rebellantes & Rainerium Hainaucensem Ducem, & Radeboldum principem Frisia, & de 12. nauibus onustis victu & totidem armato milite plenis, quas Adelfanus Rex Anglorum sibi misit dum ibi moraretur.

CAP. VIII.

AVDIENTES autem Walgrenses quod gens barbara tempestate maris ferociter quassata, suis littoribus esset aduecta, congregata multitudine pagensium, Rollo-nem Ducem tempestuoso mari vix ereptum assillierunt. Qui solito more concitus contra illos debellando perrexit, atq; plures illorum nece prostratos orco transmisit; residuosq; illorum aut fugauit, aut cepit. Cumq; diutissime morulans Walgras depopula-

*Walcheren for-
tasse inter Ze-
landia insulas in
qua Flushinga.*

pularet reminiscens Adelstanus Rex Anglorum christianissimus, omnium Regum probitate præcellentissimus, amicitia quæ se & Rollonem colligarat in fœdera sempiterna, duodecim naues frumento vino atq; lardo oneratus, quinetiam totidem armato milite repletas, Duci præcelso transmisit, in Walgras. his Rollo donis lætus, legatos muneribus præmaximis ditatos cum gratiarum actione ad regem remisit, seq; per eos famulaturum Regi mandauit. Estimantes autem Walgrenses propter deportati frumenti copiam omni tempore Rollonem Walgris moraturum, conuocarunt Reinerium longi colli Hasbacensem & Hainaucensem Ducem, & Radeboldū Frisiæ regionis principē, & conglobato exercitu aliorum pagorum, inuasērunt Rollonem. Qui sic sæpius ad bellum indubitanter perrexit, & multa millia illorum occidit, atque Rainerium longicollis & Radebodem Frisionem ad sua castra fugauit: Deinde totam terram Walgrorum deuastauit, atque incendio concremauit. Post hinc huius rei causa indignatus, Frisones celeriter expetiuit terramque illorum deuastare cepit tunc Frisones multorum congeriem populorum concite coaceruantes, sibiq; multitudinē plebium in confinio Frisiæ commorantium accumulantes, fluuio Almeræ commorante in agminibus multis præparatis, accelerata incurfione conantur inuidere Rollonem. Rollo vero & qui cum eo erant genu flexo, armorumque ingruente horrore, scutorum tegmine cooperti stricteque aciei mucronibus coruscis complicati, expectabant initium certaminis. Frisones ergo paruissimam esse putantes multitudinem illorum inierunt bellum sibi non profuturum. Daci vero exilientes & in illos irruentes usq; ad internecionem prostrauerunt, pluresque principes ceperunt innumera- bilemque manum ad naues duxerunt. Frisones igitur residui diffidentes sui, ex hinc tributarii effecti sunt, Rollonis præceptis per omnia obedientes. Congesto & exaggerato atq; dato Frisiæ tributo, ilico librat in altum carbasa nauibus data, vertitq; proras ad Raineri prolixi iuguli terras, vlscisci se cupiens de ipso, qui affuit Walgris cum Frisonibus iam prostratis in prælio. Pererrato ponto intrat Scaldi alueum & cis citraque terram depopulans super longicollis Rainerium, venit ad quandam abbatiam dictam nomine Condatum. Rainerius vero multa prælia contra eum fecit, sed ex omnibus Rollo victor potens extitit. Deuastabatur terra, vtriusque exercitus mala perpessa. Præualida fames exoritur, quia terra aratro non scinditur. Vulgus penuria affligitur, fame bellisque atteritur, diffidunt viuere cuncti, salute victus priuati. Quadam igitur die Rainerio loco insidiarum commorante, clam super Dacos cupiente irruere, Daci cum hinc inde congesti vallauerunt, eumque nimium debellantem manciparunt, victumque ad Rollonem duxerunt. Ipsa namq; die Raineridæ Dacorum vt caperēt aliquos latebris commorantes inuasērunt 12. milites præcipuos Rollonis, & constanti virtute ceperunt, tunc vxor Raineri flens & eiulans super eo, conuocatis principibus suis misit ad Rollonem vt pro 12. comitibus captis redderet sibi suum seniore ilico Rollo suscepta legatione, remisit ad eam dicens: Non reddetur Raineri tibi sed decollabitur, nisi reddideris prius meos comites mihi insuper dederis quicquid auri est & argenti sui Ducaminis cum iuramento christianæ religionis, quinetiā tributum istius regionis. Mox cum iuxta Rainerii lugubri legatione afflicta, Comites captos Rolloni remisit, aurumq; & argentum quod usq; inuenire potuit, Quinetiam illud quod erat sacris altaribus concessum, pariterque vectigal illius Ducaminis cum iureiurando quod plus metalli non haberet nec exigere posset, supplicibus verbis & deprecatiuis misit ad Rollonem vt redderet sibi suum virum. Ipse autem motus pietate vocibusque suppliciter petentium, ad se fecit venire longi colli Rainerium verbis pacificis affatur eum, Rainere Dux milesque aspergime Regumque & Ducum atque comitum superbo satus sanguine, quid tibi feceram olim iniuriæ, propter quid præliatus es cum Walgris & Frisonibus contra me? Si scire modo voles, armorum spicula desunt & satellites. Si velis à nobis fuga labi, compedibus intricatus nunc captus non potes euadere. Talionem sicut Frisonibus tibi reddidi pro malis quæ mihi sine re intulisti. Vxor tua & principes tui, quicquid auri & argenti recuperare potuerunt pro te miserunt mihi. Dimidium exaggerati muneris reddam tibi, teque tuæ vxori remittam. Hinc mansuescens requiesce, & nullatenus sit discordia, sed sempiterna inter me & te pax & amicitia. His dictis, Rainerii crura soluuntur compedibus.

Statinque Rollo sibi fœderatum muneribusque & donis præmaximis ditatum, quinetiam reddita medietate legatorum munerum, ad vxorem suam remisit Rainerium.

Quo.

Quomodo anno incarnati verbi 876. Gemetias venit, deinde Rothomagum, & de pace quam Franco Archiepiscopus ab eo accepit.

C A P. I X.

His ita sedatis, Dani cum suo duce Rollone vela ventis librant, Scaldi alueum deserentes, atque permenso ponto octingentesimo septuagesimo sexto ab incarnatione domini anno, Sequanica penetrantes ora, flante ad vorum vento Gemmeticum veniunt, corpus sacrae virginis nomine Hameltrude quod à Britannia asportauerant, in capella S. Vedasti quæ trans flumen est, super altare ponentes. Quæ capella, hactenus illius virginis nomen retinet. Quorum aduentum Franco Rothomagensis archiepis-
 10 episcopus agnoscens, & vrbis muros solo tenuis hostica immanitate dirutos perspicuens, ac de iuuamine ad resistendum omnino diffidens adiudicabat salubrius ab iis pacem quærere, q̃ in aliquoad sui perniciem puocare. Qui festinus illos adiens pacem petit, & consequitur optatam, pacto inter se fædere firmo. Post hoc vero Daci festinantes, ad vrbis mænia quantocius propellunt naues portæque cui adnexa est ecclesia Sancti Martini plurimo milite plenas adiungunt. Cuius vrbis præsidium sagacimenter terra marique considerantes compendiorum lucris munitum, totius Comitatus caput illud fore concorditer deputant.

Quomodo Rollo cum suis per alueum Sequanae veniens Archas quæ Hasdans dicitur ubi composuit quoddam castrum, ubi & pugnavit contra Francos & plurimis occisis Rainaldum, ducem illorum in fugam vertit, & de subuersione Mellensi castri.

60

C A P. X.

ROLLO igitur Rothomago potitus, de Parisiaca euerfione corde versuto cum suis tractans, christianorum sanguinem paganico instinctu lupino more sitiebat. Qui classem soluantes, Sequanae fluuium sulcant, stationemq; nauium apud Hasdans quæ Archas dicitur componunt. Tunc Rainaldus totius Franciæ Dux agnito paganorum repentino aduentu, cum valida exercituum virtute super Authura fluuium eis obuius processit, Hastingsum qui adhuc in Carnotena vrbe morabatur, ob peritiâ lingue cum aliis legatis præmittens. Veniens itaq; Hastingsus iuxta aquæ decursum, talibus
 30 illos adorsus est verbis: heus inquit robustissimi milites, quib. ab oris huc aduecti estis, vel quid in hac regione queritis, aut quo vester senior censetur nomine edicite nobis, Francorum sane regis summus legati vobis directi. Cui interroganti, sic Rollo: Dani ait sumus, æquali dominio fungimur, terræ huius colonos exturbare venimus, nostræ dititioni patriâ subdere cupientes. Tu vero quis es, qui tam facete nobis loqueris? Ad hæc ille; Audistis inquit aliquando de quodâ Hastingso, qui à vestris partib. exul cum multitudine nauium huc adueniens hoc Francorū regnum magna ex parte pessundabat, & in solitudinē redegit? Cui Rollo: Audiuius inquit: Hastingsus enim bono omine cæpit, & cuncta malo fine compleuit. Hastingsus ad hæc: vultis inquit Carolo regi subdi? Nequaquâ Rollo intulit alicui subiiciemur: sed quæcunq; armis adquiremus nostro iuri vendicabimus. Regi cuius te legatū gloriaris, audita si vis renuntia. Hæc Hastingsus cuncta expedite suo refert Duci. Interim Rollo & qui cum eo erant fecerunt
 40 sibi munimen & obstaculum in modum castri, munientes se per girum auulsæ terræ aggere, locoq; portæ relinquentes spacium prolixæ amplitudinis, q̃ apparet ad tempus vsq; istius diei. Franci vero diluculo venerunt ad ecclesiam S. Germani, ibiq; missam audientes participabant corpore & sanguine Christi. Abhinc equitantes, in ripa fluminis naues Dacosq; in munimine auulsæ terræ videntes amplum portæ aditum solum inuaserunt. Daci vero intrinsecus hinc & inde per planiciem castri accubitarunt, atque scutis se cooperuerunt, vt paruissima putaretur summa eorum. Rotlandus signifer Rainaldi, cum acie quæ præibat exercitum violenter per aditum miræ prolixitatis amplum super eos irruit & debellare eos cæpit. Daci vero exurgentes, Rotlandum in momento interemerunt & eius sequaces Rainaldus & Hastingsus cæteriq;
 50 comites illic cunctos mortuos considerantes, terga vertentes fugam expetierunt hilares. Quibus peractis, Rollo nauibus festine Mellenti municipium occupat. Quo subuerso, omnes incolas gladio necat.

Qua fallacia Tetboldus Comes Carnotenam urbem ab Hastingso emit, & quomodo ipse Hastingsus omnibus distractis peregre profectus disparuit.

C A P. XI.

CONSIDERANS ergo * Tetboldus comes se reperisse tempus opportunum ad decipiendum Hastingsum, talibus verbis falso appetit illum. Cur inquit insignissime

* Theobaldus.

vir ignauia torpes? Ignoras regem Carolum te velle morte oppetere, ob Christianorum sanguinem à te olim fufum iniuste. Reminiscitur enim malorum quæ illi tunc improbe intorfisti, & ideo de terra te exterminare decernit. Manus etiam tua vt ipse ait, cum Rollone pagano ad delendos Francos sentit. Qua de re in proximo pessime deleberis ab eis. Consule autem tibi ne inconsultus puniaris. Quibus verbis Hastings territus, confestim Carnotenam urbem Tetboldo vendidit & distractis omnibus peregre profectus disparuit.

Bellum iterum Regnoldi principis Franciæ cum Rollone & de morte ipsius, & de annuâ obsidione urbis Parisius, & de destructione urbis Baiocas, in qua capit quandam virginem nomine Popam, ex qua genuit Wilhelmum & Gerloc sororem eius, & quomodo exercitus eius trucidauit ciues Ebroicæ ciuitatis, ipso tamen cum quibusdam Parisius obsidente.

C A P. XII.

RAINALDVS ergo fugæ dedecus non ferens, iterum congregato exercitu maiore Rollonem aggreditur repente, Cuius conatus ipse præueniens, quosdam suorum gladiis obtruncat, alios indecenter fugientes fugat. Ipsum autem Rainaldum quidam piscator Sequanæ Rolloni attributus, iaculo transfixum mortuum sternit. De hinc Rollo anchoris subductis, & celeri remigio Parisium petit obsidioneque cingit præda vnde quaque illo adducta. Quo illic moranti exploratores superueniunt nunciantes Baiocensem urbem à defensoribus vacuum esse, & absque detrimento cuiuslibet victoris facillime capi. Ilico auulsis ab obsidione nauibus Baiocasium veliuolo venit cursu. Quam captam aliquatenus subuertit, habitatoribus eius interfectis, In qua quandam nobilissimam puellam nomine Popam, filiam scilicet Berengarii illustris viri capiens, non multo post more Danico sibi copulauit ex qua Wilhelmum genuit filiamque nomine Gerloc valde decoram ea sic vrbe demolita, Rollo concite Luteciam regreditur. Cumque in expugnatione eius arietibus & balistis intenderet, misit exercitum militum ad Ebroicam urbem vt eam exterminarent, episcopumque nomine Sibar cum suo populo trucidarent. Quo cum venissent, episcopum fuga lapsum non reperientes omnes ciues perimunt, & cum maxima præda Ducem suum reperiunt. Talibus itaque exterritæ plurimæ gentes Franciæ, tributa soluebant Rolloni, plurimæ vero resistebant ei.

De Adelstano Rege Anglorum qui per legatos petiit auxilium eius contra rebelles & accepit, & quod Rollo inde rediens subugatis Anglis ad votum Regis maximis ditatis donis & auxiliis, diuidens Comites exercitus sui, alios aluæ Sequanæ, alios Ligeris, alios Gerunda, inter iacentes prouincias pradatueros, celeri nauigatione direxit.

C A P. XIII.

DVm hæc geruntur, Regis Anglorum Adelstani legati adueniunt deprecatoria verba Rolloni deferentes, vt illi quantotius auxilium ferat. Cōspirauerunt enim aduersus eum quidam rebelles, arma mouentes. Cuius anxietati compatiens, & de urbis Parisiæ expugnatione diffidens, ob videlicet aditus difficultatem & nimiam alimoniam intra eam capiam, dimissa obsidione Anglos aggreditur. Quo cum venisset rebelles expugnans cum austeritate coercuit, acceptisque obsidibus regi suo pronos effecit: Ex hinc iterato electa iuuenum multitudine cum magnis muneribus à rege sibi collatis, in Franciam remeat statim comites exercitus sui diuidens, alios aluæ Sequanæ alios Ligeris fluento, alios amne * Gerundæ interiacentes prouincias pradatueros, celeri nauigatione misit. Ipse autem Parisius iterum veniens, cepit urbem oppugnare, & terram super inimicos suos deuastare.

Quod Carolus audiens reditum Rollonis pacem ab eo trium mensium petens, accepit: quo termino finito Rollo suos usque Burgundiam pradatueros circumquaque misit.

C A P. XIV.

AVDIENS autem Carolus Rex ab Anglorum partibus rebus prospere gestis Rollonem rediisse, misit ad eum Franconem Rotomagensis archiepiscopum mandans vt à vexatione Francorum cederet, & ei indutias trium mensium daret. Quibus impetratis, paulisper quieuit terra à Paganorum rapinis. Expletis autem tribus mensibus ilico Rollo putans se propter securitatem quam dedit à Francis se vilem æstimatum, ferociter & crudeliter deuastando prouincias, cepit laniare & affligere atque delere

lere populum. Sui autem in Burgundiam pergentes, perque Ionam in Sigonam nautigantes, terrasque omnibus affines vsque Clarum montem vndique secus deuastantes, Senonis prouinciam inuaserunt, atque cuncta depopulantes, ad sanctum Benedictum contra Rollonem reuenerunt. Videns autem Rollo monasterium sancti Benedicti, illud contaminare noluit, nec pdari illam prouinciã ppter S. Benedictum permisit. Stampas equidem adiens, totam terram adiacentem perdidit, quã plurimos captiuauit. Inde ad Vilemelt veniens finitimas terras p̄dauit, hincque Parisius remeare accelerauit.

- 30 *Quomodo dum obsideret urbem Cartis, Ricardus Dux Burgundionum cum suo & Francorum exercitu in eum irruit, quo fortiter resistente & Gaultelmus episcopus ex urbe cum armatis inopinante profiliens S. Dei genitricis tunicam ferens, à tergo eum inuasit, cessit itaque Rollo non Burgundionibus sed diuina virtuti.*

CAP. XV.

- POSTREMO Carnotenam urbem obsidione circumdat quam cum machinis & tormentis impugnaret, Ricardus Burgundionum Dux cum suo Francorumque exercitu adueniens super eum irruit: cum quo congressus cum suis, atrociter resistebat, quousque Antelmus episcopus ex ciuitate cum armis inopinato profiliens, sanctæque Dei genitricis Mariæ supparum præferens, à tergo eum inuasit cedendo. Hic tandem videns Rollo se suosque in extremo mortis, decreuit ad horam hostibus cedere, quam cum suorum detrimento pugnare & prouido consilio non tamen ignauia, declinauit à certamine.

De parte exercitus qua in quendam montem subiit, & de Ebulo Pietauensi comite, qualiter in domo Fullonis latuit propter Normannos.

CAP. XVI.

- QVÆDAM autem exercitus sui pars Francis persequentibus recedens: Leugas venit, ac in cuiusdam montis subiit cacumen. Ebulus vero Pietauensis Comes, tarde ad prælium veniens, comperit paganos montis excelsa occupasse, quos ilico persequens, eius ardua militibus ne effugerent cinxit, Sed noctis medio Normanni per Francorum castra violenter erumpentes, vitæ dispendium euaserunt. Enimvero Ebulus Rollonem super eos irruisse suspicatus, domum cuiusdam Fullonis subintrauit, ibiq; tota nocte tremebundus delituit. Porro Franci facto diluculo paganos euasisse agnoscens, citatis equis calcaribus, eos insequi cæperunt. Quos repertos expugnare non audentes eo quod animalium cadaueribus sanguine cruentatis, in modum castrise munissent, nulla re prospere acta citius refugerunt, Normannis ita se liberantibus, ducemque suum gaudenter repetentibus.

- 40 *Quod Rollone furis succenso & acriori oppressione Franciam demoliente Carolus Rex filiam suam dedit ei, & maritimam terram ab Eptæ flumine usq; ad Britannicos limites, & ipsam Britanniam unde viueret, quia terra prædicta erat deserta ea tamen conditione ut Christianus fieret & quod Rex & Rodbertus Dux Francia, & ceteri procures & episcopi iurauerunt eandem terram Rolloni & heredibus eius in perpetuum possidendam, & quod Rollo volens osculari pedem Regis iussit cuiusdam militi suo ut eum oscularetur.*

CAP. XVII.

- HIS itaque Rollo infortuniis, militumque suorum morte furibunde succensus, ad Francorum infestationem reliquos exaggerat, & ad demolendam siue exterminandam patriam ob sociorum perniciem eos totis conatibus incitat, Quid plura? Ut lupi vespertini vehuntur pagani ad caulas Christi, succenduntur ecclesiæ, mulieres ducuntur captivæ, trucidatur populus, fit omnibus in cōmune luctus. His denique Franci calamitatibus oppressi, querulis clamoribus Carolum Regem appetunt, vnam nimir conclamantes, Christianum populū ob eius inertiam paganorum incurfibus deperire. Quorum quærimoniis Rex vehementer permotus, ascitum Franconem archiepiscopum Rolloni festinanter dirigit, mandans si Christianus efficeretur, terram maritimam ab Eptæ flumine vsque ad Britannicos limites cū sua filia nomine Gisla se ei daturum fore. Qua legatione Franco suscepta, peracto itinere, pagano Duci cuncta per ordinem pandit. Cuius verba consulto suorum gratanter suscipiens, à vastatione paganica inducias trium mensium Regi indulget, & in hoc dierum spaciū pax inter eos stabiliretur fædere firmo. Statuto sane tempore veniunt ad denominatiū locū qui dicitur ad S. Clerum, Rex cum Roberto Francorum Duce trans Eptæ fluuium, Rollo vero citra, vallatus cuneis militum. Discurrentibus alternatim nunciis, pax fa-

uente Christo stabilitur inter eos, Rollone regi fidelitatem sacramentis iurante & rege illi filiam cum terra prætitulata donante, superaddita etiam ad sumptuum supplementa tota Britannia, ipsius prouinciæ principibus Alano atq; Berengario sacramenta iurantibus Rolloni. Nam terra maritima quæ nunc vocatur Normannica ob diuturnos paganorum excursus siluis vbique adultis, à cultro & vomere torpebat inculta. Flandrensem vero prouinciam vt ex ea viueret voluit Rex ei primum dare, sed ille noluit præpaludum in expeditione recipere. Rolloni autem pedem regis cum ab eo Ducatum Normanniæ susciperet nolenti osculari, dixerunt episcopi, qui tale donum recipit, osculo debet expetere pedem Regis, Et ille: nunquam curabo genua mea alicuius genibus, nec osculabor cuiuspiam pedem. Francorum igitur precibus compulsus, iussit cuidam militi pedem regis osculari. Qui statim pedem regis arripiens, deportauit ad os suum, standoque defixit osculum regemque fecit supinum. Itaque magnus excitatur risus, magnusque in plebe tumultus. Cæterum Carolus Rex duxq; Francorum Robertus, Comitesq; & procures, præsules & Abbates iurauerunt sacramento catholicæ fidei patricio Rolloni vitam suam & membra & honorem totius regni, insuper terram denominatam, quatenus ipsam teneret & possideret, hæredibus & traderet & per curricula cunctorum annorum, successio nepotum, in progenies progenierum haberet & excoleret. Quibus nobiliter expletis, Rex lætus ad suam regreditur, & Rollo cum Roberto Duce ad Rothomagensis vrbs mænia proficiscitur.

Quod anno incarnationis verbi 912. baptizatus est Rollo & exercitus eius, & quod venerabilioribus ecclesiis sua prouincia dedit partem terra antequam suis eam diuideret satrapis, & de Brenneual quam dedit Sancto Dionisio Arcopagita.

C A P. XVIII.

Anno Domini.
912.

ANNO igitur incarnationis Dominicæ nongentesimo duodecimo benedictio fonte in nomine S. Trinitatis, Rollo à Francone archiepiscopo baptizatur: quem Robertus Dux à fonte accipiens, ei suum nomen imposuit. Rollo autem postquam baptizatus est, per septem dies quibus in albis mansit, Deum & Sanctam ecclesiam deuote datis muneribus honorauit, nam primo die, dedit terram præmaximam Sanctæ Mariæ Rothomagensi ecclesiæ. Secundo, S. Mariæ Baiocensi ecclesiæ. Tertio, Sanctæ Mariæ Ebroicensi ecclesiæ. Quarto, S. Michael archangeli ecclesiæ in periculo maris supra montem positæ. Quinto, S. Petri & S. Audoeni in suburbio Rotomagensi ecclesiæ. Sexto, S. Petri & S. Aichadri Gemmeticensi ecclesiæ. Septimo, Brenneual cum omnibus appendiciis S. Dionisio dedit.

Quomodo diuisit terram suis hominibus, & ecclesias destructas & muros ciuitatum readificauit & de Britonibus quos sibi rebellantes subiugauit.

C A P. XIX.

OC T A V O die expiationis eius, vestimentis crisimalibus exutus, verbis capit ad requisitam terram metiri, Comitibusque suis & cæteris fidelibus suis largiri. Videntes autem pagani Ducem suum Christianum esse relictis idolis Christi nomen suscipiunt ac vnanimis ad Baptismum conuolant. Dehinc Robertus Fræcorum. Dux rebus pro quibus venerat competenter gestis, Franciam repetit hilaris. Porro Robertus Normannorum Dux preparato nuptialium rerum magno apparatu supranominatam tanti regis filiam, in consortium sui Thori Christiano more duxit securitatem omnibus gentibus in sua terra manere cupientibus fecit illam terram suis fidelibus funiculo diuisit vniuersamq; diu desertam reedificauit: atq; de suis militibus aduenisque gentibus refertam restruxit, iura & leges sempiternas, voluntate principum sancitas & decretas, plebi indixit: atq; pacifica conuersatione morari simul coegit, ecclesias funditus suas statuit, templa frequentia paganorum destructa restaurauit: muros ciuitatum & propugnacula refecit & augmentauit: Britannos rebelles sibi subiugauit, atque de cibariis Britonum totum regnum sibi concessum sufficienter paui.

De lege quam statuit vt nullus assensum praberet furi, & de rustico & uxore eius quos affigi patibulo propter cultrum & vomerem furatum præcepit.

C A P. XX.

PO S T hæc intra Normannicos limites legem statuit, vt nullus assensum furi præberet. Quod si deprehenderetur, ambo patibulis appenderentur. Contigit autem non

non multo post in longa petentis villa quendam agricolam reficiendi causa, labore suspenso domum redire, dimissis loris in campo cum cultro & vomere. Quæ tam infelix quam vesana vxor ipsius clam cuncta sustulit, experiri volēs edictum Ducis. Rusticus vero ad campum regressus, rebus non inuentis vxorem an eas haberet inquit. Qua negante Ducem aggreditur, petens vt sua sibi vtensilia reddantur. Qui motus illico pietate, damnum viri datis quinque solidis releuare, & populum per circuitum ad examen calibis cunctum iussit compellere. Quo Deo iudicante liberato, vxor rustici à ministris arctatur. Quæ coacta verberibus reatum profitetur. Dux autem rustico ait: Noueras antea hanc furem esse? Et rusticus ait: Noueram. Ad hæc Dux intulit: 10 Tuum os te condemnat serue nequam. Et continuo ambos iubet suspendi patibulo. Dicuntur etiam alia multa digna relata vulgo de illo: quorum vnum breuiter hic intimabo. Dum post venationem in syluam, quæ imminet aluco Sequanæ iuxta Rotomagum, stipatis obsequentium turbis comederet sedens super lacum, quem vsu quotidiano loquendi Maram vocamus, armillas aureas in quercu pependit. Quæ per tres annos ob timorem ipsius intactæ ibidem fuerunt. Et quia iuxta Maram illud factum memorabile fecit: ideo ipsa sylua vsque in hodiernum diem Rollonis Mara vocatur. His & huiusmodi Rollo Dux terroribus populum frenans, tum ob amorem iustitiæ, quem diuinis debuit legibus, tum pro subditorum concordie & quietæ vita, tum pro sui honoris tranquillo statu, Ducatum sibi à Deo attributum tempore longæuo pacifice gubernabat. 20

De duobus militibus Caroli Regis, quos fecit puniri.

C A P. X X I.

CAROLVS Simplex filius Lodouici, cognomento *Nihil fecit*, qui erat socer Rollonis, quodam tempore misit duos milites Gillæ filie suæ. Quos illa apud se occultè diu morari fecit, nolens eos manifestare Rolloni. Quod cum ille cognouisset, iratus & reputans eos exploratores, iussit illos educi, & eductos in foro rerum venalium iugulari. Audiens autem Robertus Dux Francorum patruus Rollonis, quod pro nece duorum militum colligatæ pacis inter Regem & Robertum Ducem Normannorum 30 vincula soluta diruptaq; essent, contra eum rebellauit, & regnum Franciæ inuadens, in Regem 3. Kalendas Iulii vnctus est. Carolus vero, antequam annus compleretur, contra regni inuasorem Sueffionis pugnavit, ipsumq; Deo adiuuante vincens peremit. Sed ei, dum à bello victor reuerteretur, nequissimus Comes Herbertus occurrit, & sub fictæ pacis simulatione ad Parronam castrum hospitandi gratia diuertere compulit, & ibi cum dolo captum vsque ad mortem retinuit. Robertus enim Dux sororem Herberti in coniugio habuit, ex qua Hugonem Magnum genuit. Carolus autem vbi captus est, Rodolphum filium nobilem Richardi Burgundionum Ducis, quem de sacro fonte susceperat, consilio procerum Francorum in regnum sublimauit. Ogiua vero coniux Caroli filia Adelstani Regis Anglorum, infortuniis mariti sui 40 territa, ad patrem suum cum Ludouico filio suo in Angliam fugit, animo firatem Herberti & Hugonis magni nimium metuens.

Quod mortua uxore eius absque liberis iterum Popam, quam ante baptismum habuerat, sibi copulauit: & de fidelitate, quam fecit Normannos & Britones iurare VVilhelmo filio suo: & de morte eius.

C A P. X X I I.

ROLLO autem Dux, qui & Robertus, postquam vxor eius morte præuenta absque liberis mortua est, repudiatam Popam, ex qua filium nomine Wilhelmu iam adultum genuerat, iterum repetens sibi copulauit. Verum fractus iam viribus, laboribus & præliis, in quibus omne iuuentutis robur consumpserat, de Ducatus sui dispositione apud se toto conamine, cui vel qualiter illū relinqueret deliberabat. Conuocatisq; totius Normanniæ proceribus, cum Alano & Berengerio Britonibus Wilhelmu filium suum pulcherrimæ iuuentutis flore vernantem illis exponit: iubens, vt eum sibi dominum eligerent, suæq; militiæ principem præficerent. Meum est, inquit, mihi illum subrogare, vestrum est illi fidem seruare. De cetero cunctos suasibilibus demulcens verbis sub sacramento fidei filio illos subegit. Post hæc vno viuens lustro, consumptus senio hominem exiit in Christo, cui est honor & gloria in secula seculorum, Amen.

Explicit liber secundus.

WILHEL. GEMITICENSIS
LIBER TERTIVS DE WVILHELMO
DVCE FILIO ROLLONIS.

DE HONESTATE MORVM WILHELMI DVCIS, ET QVOD FRANCI
inuidebant ei, quod in circuitu dilataret terminos ducatus sui, & quomodo Berengerium
& Alanum Britannum Comites sibi rebellantes
deuicit.

C A P. I.

LIGITVR Duce Rodberto carnis ab onere iam liberato Wilhelmus filius¹⁰
eius totius Monarchiam Normannici Ducatus sagaci moderamine re-
gens, inconuulsam Christo Regi fidem seruare corde vltroneo satage-
bat. Erat quippe statura procerus, vultu decorus, micantibus oculis,
mansuetus beniuolis, quasi leo inimicis terribilis, & vt gigas fortis in præliis, termi-
nos sui Ducatus per circuitum dilatare non desistens. Quæ res inuasionis & audaciæ,
Francorum proceribus odii & inuidiæ fomitem ministravit. Sub eadem sane tem-
pestate Berengerius, & Alannus Britones à tenore fidei, quâ cum eo pepigerant, dis-
fidentes, ab eius dominio præsumptiuo ausu conati sunt recedere, Regi Francorum
vltius disponentes militare. Quorum temeritatem Dux festinato impetu compri-
mens, Britanniam tamdiu hostili expeditione vastauit, plurimaque eorum munici-²⁰
pia subuertit, quoadque Alannum totius nequitiae incentorem à regno exturbaret,
& Anglos adire compelleret, Berengerio sibi clementer reconciliato.

*Quomodo quidam Normannorum duce Rihulfo quodam perfido volentes cum funditus à regno ex-
trudere, dum obsiderent suburbana Rhotomagensis urbis ab eo cum parua manu militum sunt deuicti
in loco, qui hætenus dicitur Pratum belli: & quod dum à bello victor rediret, cognouit sibi ex
Sprota nobilissima puella filium natum apud Fiscannum, quem Richardum
iussit baptismate vocari.*

C A P. II.

HIS ita deuictis, diabolo agitante iniquorum, quamplures iterum intestina aduer-³⁰
sus eum insurgunt, molimina. Nam quidam Rihulfus perfidiæ succensus furis,
plurimis veneno discordiæ infectis, arma arripiens, à regno adorsus est eum funditus
extrudere: adeo vt vndequaq; collecta virorum multitudine circa Rotomagensis ci-
uitatis suburbana transmeato Sequanæ alueo obsidionem componeret, quatenus du-
cem ab ea propelleret, aut captum nequiter perimeret, Normannica sibi vendicata.
Videns itaque Dux, se à suis sic obsessum multimode meditari cepit, qua via suæ con-
suleret salutis atque honori, & milites suos à tam audaci conspirationis motu adhibe-
ret. Ad extremum à quodam Bothone procuratore suo indecenter laceffitus con-
uitiis arma sumit, & cum trecentis loricatis militib. temeraria castra irrumpens ma-
ximam eorum multitudinem gladiis prostratam orco transmisit: aliosq; per diuersa⁴⁰
sylvularum lustra se occultantes in fugam vertit. Rihulfus autem commilitonum fidu-
cia destitutus, inter profugos delitescens, fugæ subsidio euasit. Dux ergo profligatis
inimicis, suorum recensens numerum, reperit ex eis interiisse nullum. Locus, in quo
fuit hic conflictus, hætenus Pratum belli nuncupatur. Degresso eo igitur de prælio,
à præfecto Fiscannensis castri legatus dirigitur, deferens ex quadam nobilissima puel-
la Danico more sibi iuncta nomine Sprota filium esse natum. Qui letus valde effectus
sub festinatione Baiocas illum Episcopo Henrico mandauit dirigere, vt per ipsius ma-
nus sacro lotum fonte, proprio nomine vocaret eum Richardum. Cuius iussa præsul
gratanter complens, puerum Chrismate delibutum, Fiscannum remittit nu-⁵⁰
trientum.

*Quod multi Comites & Duces exterarum regionum excitati fama bonitatis & virtutis, eius frequen-
tabant curiam eius: & maxime Hugo magnus Dux Francorum, & Wilhelmus Comes Pictauorum,
& Herbertus Giromandorum: quorum Wilhelmus sororem eius Gello sibi coniugem petiit &
accepit. Herbertus vero filiam suam hortatu Hugonis Magni ipsi per
coniugium sociauit.*

C A P. III.

TRIVMPHO de rebellibus conspicuo potitus dux, atque viribus conualescens, per
exterarum nationes multimode cepit præclaram suarum virtutum spargere fa-
mam,

10 mam, in tantum vt ex diuersis mundi partibus Comites & proceres regnorum illius curiā frequentantes, multis munerati donis, sedes suas ouanter repeterent. Quibus summæ ingenuitatis rumorib. Hugo dux Francorū, & Wilhel. comes Pictauenſis, ac Herbertus excitati, cum apud Leonis filuam petulantiū ceruorū in venatu exercitiorum ludis infudaret, ad eū veniunt eius cōmodis congratulantes. Quos ille cū magno sumptuū apparatu suscipiens de complurib. seculariū rerū dispositionib. frequenter cum eis disputabat. Inter quos secretorū tractatus, Wilhel. Pictauēſis comes sororem eius nomine Gerloc petiit, quatinus maritali lege illius connubio iungeretur. Cuius perorantis gratanter fauens votis, consultu Hugonis magni descriptis sponſalibus, & celebratis nuptiis, cum multis xeniis gaudētem illum ad propria remiſit. Oblectatus deniq; Herbertus super hac festiua nuptiarum & magnifica hilaritate, cupiens & ipse magni ac liberalis viri affinitate suum & nomen & posteritatē propagare, adhortante Hugone magno filiam suam ei donauit. Quam à paterna domo sublatam, cum innumera militum manu idem Normannorum dux Rotomagenſibus intulit arcibus.

Quomodo rogatu Elpſtanni Regis Anglorum restituit paterno regno Ludouicum, sique fauente Hugone magno cum Episcopis & ceteris Francorum primoribus, sancto inunctum oleo diademate regio insigniuit: & quod Franci post quinquennium iterum in ipsum conspirantes moliti sunt eum à regno expellere.

20

C A P. I I I I.

A VDIENS autem Elpſtannus Rex Anglorum tam magnificam incliti ducis famam, cum donariis multis legatos illi mittit, orans vt Ludouicum suum videlicet nepotem Caroli Regis filium paterno restituere regno satageret, atque Alanno Britoni sibi infenso commissa pro suo amore ignosceret. Cuius precibus dux libenti animo annuens, Alanno debita indulſit, atq; ad sua redire iussu concessit: & Ludouicum transmarinis partibus reuocatum Hugone magno fauente cum Episcopis ceterisq; Francorum primorib. sancto inunctum oleo regno sublimauit. Quod cum lustro vno sub quiete disponderet, iterum Franci aduersus eum conspirant, molientes à regno illum pellerere.

30 *Quomodo Ludouicus necessitate compulsus volens inire fœdus amicitia cum Henrico transfrenano rege, noluit idem rex acquiescere, nisi mediante Wilhelmo Normannorum Marchione, unde Ludouicus ducem suppliciter expetens, per ipsum quod quærebat fœdus & auxilium apud Henricum regem obtinuit.*

C A P. V.

Q V I coactus eorum improbitate, Henrico transfrenano regi nuntios mittit, mandans in colloquio cum eo quædam conferre velle: pactumq; amicitiarum stabile firmare. Quibus rex respondit, se nullo modo ad hoc fœdus ineundum acquiescere, nisi Wilhelmi ducis astipulatione. His Ludouicus per internuntios auditis, illico ducem aggreditur, aduersum Francorum conatus auxilium petiturus. Quem dux honorifice vt regem decet excipiens, sponōdit se per omnia iuuamen ei præbiturū fore. Insuper in regalibus epulis aliquandiu iucundum tempus pariter exegerunt. Præmisso quoq; Tedgerio milite ad regem Henricum, illi ambo cum magno exercitu è vestigio expedite post eum proficiscuntur ad colloquium, aditis etiam pro eodem negotio Hugone magno & Herberto principibus Francorum. Itaq; accelerato itinere super Molæ fluuium loco qui Neusedus vocatur, ambo reges conuenerunt, Henrici ex vna fluminis parte, Ludouici vero ex altera è regione exercitu tabernacula figente. Inter quos Wilhelmus tam fidelissimus quam prudentissimus consilia, & vtilia, & honesta dictans amicitiarum tenorem prout disposuit, ambo reges inter se sacramentis confirmarunt. Abhinc Ludouicus cum suis iter conuertens Franciam repetit, & maximas de rebus strenue gestis Duci gratias egit.

Quomodo Dux Wilhelmus, dum à colloquio Regum rediret, rogatu Ludouici filium eius ex sacro fonte apud Laudunum suscepit, cui nomen impositum est Lotharius.

C A P. V I.

R EGREDIENTI igitur à colloquio regi legatus superuenit, & ex Gerberga cōiuge illi natum esse filium nuntiauit. Qui nimio exhilaratus gaudio Wilhelmū ducem exorat continuo, vt ex sacro fonte suscipiens illum proprio nomine vocaret illum

Lotha-

Lotharium. Quibus verbis Dux congratulanter affectu obtemperans, Laudanum proficiscitur postulata factis expleturus. Quibus regaliter paratis, festinato regressu cum suis Normannicos limites appetit. Cuius aduentum cunctus prænoscens clerus Rotomagensis, ad portas vrbis cum laudibus processit obuiam illi, ciuibz vtriusque sexus acclamantibus in propugnaculis, Benedictus qui venit in nomine Domini. Sic inter consonas clericorum seu populorum voces, intra Dei genitricis Mariæ Ecclesiam à cunctis inducitur, fusisque Deo precibus ad domum propriam epulaturus properat, multo comitatu stipatus.

Qua occasione Dux Wilhelmus restaurauit cœnobium Gemeticense, à Paganis ante destructum.

19

CAP. VII.

SVB eodem tempore duos à Camberacensi territorio ex villa, quæ Haspera vocatur, Monachos, Balduinum videlicet atque Gunduinum contigit Gemeticum repetere, qui vastam loci heremum ingressi, cum maximo labore terram, prout posse erat, extirpatis arboribus cæperunt complanare, ac suarum laboribus manuum inibi insudare. Dux vero Wilhelmus dum venatus gratia superueniens illic eos reperisset, percunctari cæpit ab eis, quibus ab oris illuc aduenissent, vel quæ tam præcipua ædificia forent. Mox serui Dei seriem rei per ordinem ei detexerunt, & charitatem panis ordeacei & aquæ obtulerunt. Quam cum pro vtilitate panis & aquæ sumere contempnisset, saltum ingressus, immanem aprum reperit, quem festiue insequi cæpit. Porro aper molossis post eum admissis cursum retorquens, hasta venabuli fracta præpeti impetu in Ducem irruit, cum prostratum vehementer attriuit. Qui post paululum sensu recepto, ac sana mente monachos repetiit, & charitatem, quam incaute spreuerat, ab eis recepit, & locum se restauraturum spondit. Immissis ergo auctoriariis eum à ramis & sentibus purgauit, sancti Petri, quod aliquantisper deciderat monasterium refarciens competenter texit. Claustrum vero & omnia receptacula muniuit, ac à sui magnitudine breuiata habitabilia reddidit.

De duodecim monachis cum suo Abbate Martino à cœnobio Sancti Cipriani sumptis, quos Comitissa Pictauiensis soror ipsius Ducis ei misit secundum petitionem suam, ut eos supradicto loco subrogaret: & quomodo ibidem Dux monachus fieri volens prohibitus est ab ipso Abbate: & de fidelitate, quam fecit iurare Normannos & Britones Richardo filio suo.

CAP. VIII.

INTEREA legatos Pictaui sorori suæ, quam Wilhelmus Comes sibi in matrimonio iunxerat, dirigit, mandans, ut monachos illi mitteret, quos præfato loco subrogaret. Soror autem eius petitioni gratanti animo fauens, itineris sumptus ordinauit, & 12. monachos cum Abbate suo nomine Martino à sancti Cipriani cœnobio sublato fratri destinauit. Dux vero aduentu eorum nimis exhilaratus, eos Rothomagi cum maximo gaudio recepit, & cum omni honore militum cuneis septus Gemeticum duxit, Abbatique locum cum tota villa tradidit, quam ab Alodariis auro redemit, & se inibi monachum fieri voto obligauit. Votis quoque satisfecit, nisi isdem Abbas eius animositati obstitisset, eo quod filius eius Richardus adhuc puerilis esset, verens ne propter illius imbecillitatem quorundam iniquorum molimine patria turbaretur. Veruntamen cucullam & staminiam ab eo extorquens secum asportauit, quæ in scrinio reposuit, & clauim eius argenteam cingulo suo appendit. Inde denique digressus Rotomagum repetit, Abbatis prohibitum moleste ferens. Cunctos quoque Normannicos & Britannicos principes asciiuit, animique sui consultum enucleatim pandit. Cuius verbis vehementer stupefacti, hærebant, quid responderent, præ nimio stupore elingues effecti. Nam spiritu vix tandem resumpto in hanc vocem queruli prorupunt: Cur nos serenissime domine tam repete remittis? vel cui dominum ducatus tui committis? Quibus Dux ait: Est mihi filius nomine Richardus. Vos autem oro, ut si quando amoris affectum erga me habuistis, mihi nunc æquo animo ostendatis, quatenus illum vice mei vobis præficiatis, quia quod Deo voui, ineuitaliter à me complebitur factis. Cuius voluntati obistere non valentes, ei quamuis mœsti assensum præbuerunt in his cōcordes. Missis quoque nuntiis, puerum Richardum à Fiscanno reductum illis exponit. Cui fidelitatem sacramētis prono animo cunctis firman-
tibus, Dux totius Normannici seu Britannici ducatus est prælatus. Quem confestim
pater

pater Baiocas mittens Botoni militiæ suæ principi nutriendum tradidit, vt ibi lingua eruditus Danica, suis exterisq; hominibus sciret aperte dare responsa. Hæc de Gemericensis loci prætitulauimus relatu, ostendere volentes, quantam deuotionem, quam pium animi propositum Dux Wilhelmus circa eum habuerit.

Quomodo Heroldus Rex Danorum à filio suo Sueno de regno pulsus cum 60. nauibus Normanniam petens, à Duce Wilhelmo cum honore congruo susceptus est, Constantiensis comitatu ad præsidium ei ab ipso Duce concessio.

CAP. IX.

¹⁰ **I**NTEREA tanti principis fortitudinem & pietatem fama promulgante, Aigroldus rex Danorum à filio suo nomine Sucno de regno pulsus; cum sexaginta nauibus armato milite plenis Normanniam supplex adiit. Quem potens & liberalis Dux cum honore congruo recipiens, Constantiensem Comitatum ei ad præsidium concessit, donec fabricatis nauibus exercitum multiplicaret, & amissum cum validiore militum manu regnum repeteret.

Quomodo Dux Wilhelmus compassus calamitati Herluini Comitis, castrum Monasterioli ab Arnulfo Flandrensi sibi ablatum obsidione cingens capit, illudque Herluino reddidit.

CAP. X.

²⁰ **E**A tempestate Arnulfus Flandrensis Comes homo versutus intra sui iuris terminos cupiditate illectus non se valens cohibere, plurimos in vicino positos fastu dominandi studuit conturbare, vnde inter cetera suæ nequitiae molimina cuidam Comiti nomine Herluino grauissimum inferens detrimentum, castrum quod Monasteriolum vocatur, fraude abstulit. Qui ab Hugone magno suo videlicet Domino subuentu penitus destitutus, petendi auxilii causa Normanniæ dominum lugubris aggreditur. Cuius calamitati princeps tam bonitate quam amplitudine præditus beniuolo compassus congregato exercitu ad expugnandum municipium festinato proficiscitur. Quod mox obsidione occupauit, & concitatis militibus per vim cepit, iterumq; alimoniarum sumptibus vallatum Herluino reddidit. A quo regressus, Rotomagum rebus strenue gestis ouans redit. Quo tempore Franco Rotomagensis Archiepiscopus moritur, cui dominus Gunardus successit.

Quomodo Arnulfus de ablato municipio tristis, mandauit verbis pacificis in dolo Gulielmo Duci, vt Pinchiniacum veniret, cum ipso de fœdere amicitie tractaturus.

CAP. XI.

⁴⁰ **I**NTEREA Arnulfus Flandrensis dirum perfido sub pectore virus efflans, & de ablato municipio efferatis animis condolens, cum multis Francorum principibus de ducis morte corde tenus cepit tractare. Qui inhumani hominis & nefandi homicidæ cauillatione subdola infecti, vnanimiter conspirant in mortem optimi principis, tantum ad nefas sacramento sese constringentes. Porro Arnulfus, quod fraudulentum animo conceperat, opere explere cupiens, missis legatis Duci Wilhelmo mandat, se amicitiam cum eo velle habere, pacemq; indelebilem firmare, & Herluino comiti pro eius amore infensa indulgere, & miser podagricioq; ciragricioq; detineretur languore, ob hoc ad eius curiâ desiderantur ire. Deniq; toto annisu rogat vt locum denominare satagat, quo ei occurrere ad mutuû colloquium valeat, cupiens quoq; Dux suum ducatum reddere pacatum, eo quod mœstichum toto conatu sitiret habitum, determinato loco apud Pinchiniacum cum innumera manu electissimorum militum super Somne fluuium tanti ob negotii spem proficiscitur, vbi Arnulfi ex vna parte fluminis, Wilhelmi vero ex altera e regione sedit exercitus.

Quomodo quatuor traditores, scilicet Henricus Balzo, Robertus & Ridulfus in quadam insula Somne fluuii ipsum Ducem iussu Arnulfi interemerunt: & de clauæ argentea inuenta in strophio eius, sub qua seruabat in scrinio concullam & stammeam monachilem, & quomodo corpus eius relatum est Rotomagum.

CAP. XII.

⁵⁰ **E**RAT quippe insula in medio aluei, in qua libatis osculis ambo duces confederûr, de rebus, pro quibus venerant tractaturi, Arnulfo etenim proditores Iudæ morem

morem imitato, neniis & ambagibus diutius telam aranearum texente, nouissime post iurata amicitiarum sacramenta & plurima pacis oscula, sole ruente ad occasum ab inuicem dirimuntur. Sed ecce meante Wilhelmo fluuium Henricus, nec non Balzo, Robertus quoque atque Ridulphus quatuor diaboli filii, clamoribus illum reuocantes, referunt dominum suum melioris consilii omisisse secretum. Quem nauim ad ripam retorquentem, mox ut terram tetigit, extractis gladiis, proh dolor, interimunt innocentem, nullum iuuamen de suis habere valentem, ob decurrentis aquarum profunditatem. Inde protinus petentes subsidium fugarum, corpus piissimi viri reliquerunt exanime. Berengerius atque Alannus, Britones, nec non Normannorum Principes, dominum suum cernentes perimi, clamore & ululatu littora implentes, nullo iuuamine 10 valuerunt illi subuenire. Cuius corpus post paululum ad se relatum cum deuestirent, argenteam clauim in eius strophio reperiunt dependentem, satis ditissimum thesaurum sub se habentem, stammeam scilicet & cucullam monachilem. Quasi Comes ei vita fuisset, ab hoc conuentu rediens apud Gemmeticum factus monachus proculdubio sumpsisset. Imponentes autem illum feretro quantotius cum multiplici luctu detulerunt Rotomagum. Cui obuiam procedens clerus & populus vtriusque sexus ad portam urbis, cum moestis singultibus intulerunt eum in Ecclesiam S. Mariæ perpetuæ virginis. Mittentes itaque ad Baiocasinam urbem, puerum Ricardum asciscunt ad patris rumulationem. Ibique ei iterato renouantes vnanimiter tenorem fidei, tradiderunt illum sub tutela Bernardi Dani, ut sub eius tam prouida quam fideli cura tutius custo- 20 diretur intra muros ciuitatis. Compleuit autem sacratissimus Dux Wilhelmus vitæ suæ cursum 16. Calendas Ianuarii, Rege Ludouico regnum Francorum tenente, anno dominicæ incarnationis nongentesimo quadragesimo tertio, regnante eodem Domino nostro Iesu Christo, qui viuit & regnat in secula seculorum, Amen.

Explicit liber tertius.

INCIPIT LIBER TERTIVS DE PRIMO RICHARDO FILIO WVILHELMIDVCIS.

Quod Richardus adhuc puer WVilhelmo patri successit.

CAP. I.

PISSIMO atque beatissimo Duce Wilhelmo inter electos Dei, ut credimus, translato, filius eius Richardus summæ ingenuitatis titulo velut surculus ex dulcissima abscissus arbore, in primæuo flore radicem figens, cepit odoriferos gratissimos pueritiæ flosculos emittere, & liberales sub pedagogi disciplinis animos innormare. Ab illicitis vero teneri pectoris motus nobili 40 reprimens continentia, spreis imbecillis ætatu læ discursibus, sapientum tractatibus vltro neo corde inhærebat. Si quid probitatis vel prudentiæ aure captabat, prout tempus dictabat, sagaci memoriæ protinus committebat. Audientes quoque Francorum optimates tam nefariam Flandrensis Arnulfi prodicionem, & lugubrem Wilhelmi Ducis necem, plurimi condoluerunt.

Quod Lodouicus Rex Francorum Rotomagum venit, & Richardum puerum secum fraudulentè in Franciam ducens, Ducatum Normanniæ iuri proprio quasi tutor pueri subdidit.

CAP. II.

ALIVANTI tum complices ipsius homicidæ, qui se amicissimos fidei antea fatabantur, detectis archanorum intimis virus diu absconsum in propatulo denudarunt. Ludouicus etenim Rex æstimans sibi magni honoris ianuam patuisse, immemor beneficiorum & fidei à Duce semper illi impensæ, quasi consulturus apud Normannos super illius morte accelerato itinere Rotomagum venit concite. Quem Radulphus & Bernardus atque Anslech totius Normannici ducatus tutores, cum regali honore suscipientes, ut tanto Regi congruit, eius se famulatui subegerunt, pro fidelitate videlicet sui tantilli domini. Videns autem Rex terræ vbertatem, & aquarum salubritatem, ac siluarum plenitudinem, cupiditate irretitus, fraudulentè capit eis pro-

promittere, quod aliter disponebat tibi retorquere. Mittēs enim Ricardum puerum suis iussit aspectibus præsentrari, quē egregia forma perspicuens decoratū, cum coetaneis pueris in suo palatio decreuit educandum. Interea durus rumor totam urbem concussit, Richardum suæ spei depositum sub captura regis indecenter detineri. Quade re ciues mixti cum militaribus turmis strictis gladiis per ciuitatem discurrentes, curiam Regis irrumpunt, ferinis conatibus illum interimere festinantes. Quorum tumultus ut comperit, vehementer territus, consilio Bernardi Dacigenæ puerum in vlnis arripuit, eumque furentium conspectibus exhibuit, & sic efferos eorum motus compressit. Volens ergo Rex tumultuantes Normannorum animos omnino sedare, 10 cōsultu suorum puero Ricardo paternam hereditatem pacta sibi inde fidelitate concessit. Quem in sua fide suscipiens, spondit se eis licet subdole eum redditurum, palatinis disciplinis decenter imbutum.

*Quod Ludouicus muneribus Arnulfi cæcatus, Richardo puero Duci Normannorum adu-
tere poplites minatus est.*

CAP. III.

His ita sedatis, Rex dedecus, quod à Normannis perceperat, sub occulto pectoris ira feruente ægre ferens cum Richardo puero quasi patris eius mortem de Arnulfo Flanderensi hostiliter ulturus Franciam repetit. Arnulfus itaque metuens, ne 20 rex Ludouicus cum hostica manu super eum irrueret, & à crimine traditoris se expiare cupiens, missis legatis cum decem libris auri à Wilhelmi nece se coram Rege fatetur immunem esse. Peremptores vero illius si iubeat proculdubio à patria se exterminaturum pollicetur. Attamen reminisci debere contumeliarum & opprobriorum, quæ tam longo tempore à Normannis ipse & pater eius perpessi fuissent. Et ne diuturna ægritonia langueret, optimum fore consilium, ut Richardum puerum adustis poplitibus graui custodia arctaret, & gentem Normannicam grauissimis vectigalibus tam diu affligeret, quoadusque Danamarchiam, ex qua eripuerat, coacta repeteret. Rex igitur muneribus versutisque proditoris decipulis cæcatus ipsum suspendio dignum à scelere absoluit, & iram in innocentem puerum reflexit, 30 exemplum Pilati imitatus, qui virum homicidium dimisit, & Christum crucis supplicio dampnauit. Vnde cum apud Laudunum clauatum moraretur, puerum ab aucupio regredientem acerbissimis confutatus conuitiis, meretricis filium ultro virum alienum rapientis eum vocauit, & nisi à talibus resipisceret, cauteriatis genibus omni illum honore priuari minatus est. Deputatis autem aliis custodibus, ne elabatur, sub magna cautela seruari iubetur.

Qua cautela Osmundus procurator ipsius pueri, eum ab arcta custodia liberauit, & à Lauduno clauato exemptum Siluanectis vsque ad Bernardum Comitem auunculum ipsius perduxit.

CAP. IIII.

40 AVDIENS denique Osmundus procurator eius seuerissimam Regis sententiam & intelligens futuros rei casus animo consternatus Normannis legatum mittit, mandans Dominum suum Richardum sub lugubri captiuitatis iugo à Rege mancipari. Quibus compertis confestim per totam patriam Normannorum indicitur tri-duanum ieiunium, & fit continua oratio ab Ecclesia pro eo ad Dominum. Enimvero Osmundus inito consilio cum Iunone patre Wilhelmum de Belismo puerum hortebatur, ut simulata ægritudine lecto decumberet, & ita ægre, ut ab omnibus desperaretur. Cuius monitis puer haud segnitè obtemperans quasi in extremo mortis positus continuo stratu prostermitur: Quod custodes videntes, neglecta eius custodia, de 50 suis procurandis rebus huc illucque diuertuntur. Forte in aria domus iacebat herbæ fasciculus, in quo Osmundus puerum colligatum humeris imponens, velut pabulum equo laturus, cœnante rege, nudatisque plateis à ciuibus mœnia urbis transgreditur. Veniens autem in domum sui hospitis, super equum festinus insilit, & arrepto puero fugiens quantotius Codiciacum appulit. In quo castellanis puerum commendauit, & ipse nocte equitans diluculo Siluanectis venit. Bernardus vero Comes eum intuens tam mature venisse stupet, & qualiter erga nepotem suum Ricardum se res habeant, diligenter inquit. Cui cum rei ordinem detexisset, & solito latiore eum fecisset, Hugonem magnum statim celeri equitatu petunt. A quo detecto causæ consilio, sacræ fidei ad iuuandum puerum fumentes sacramentum, cum maximo

Ggg

exerci-

exercitu festinanter veniunt Codiciacum, eumque inde sublatum ad Siluanectensem urbem gaudentes deducunt.

Quomodo Bernardus Danus consilium Hugonis magni, quod Ludouico contra Normannos dederat, sapienter adnihilauit.

C A P. V.

CONSIDERANS autem Ludouicus Rex votum suum irritum fore, ab Hugone magno per legatos suos tenore fidei cepit eum exigere. Cui cum renuntiassent nequaquam sub manu quam suspicatus est eum teneri, sed sub Bernardi Siluanectensis Comitis praesidio de redditione eius diffidens misit ad Arnulfum Flandrensem, mandans, quod sibi occurreret festinus, de his consulturus apud vicum, qui dicitur Restibulus. Vbi dum ambo pariter diuersè disceptarent, super huius rei casu, nouissime subintulit Arnulfus, Nouimus, ait, Hugonem magnum cum Normannis diu sentire, & ideo expedit tibi muneribus illum excœcare. Concede ergo ei à Sequana vsque ad mare Normannicum Ducatum, tibi reseruans urbem Rotomagensem. Quatinus eius priuata iuuamine penitus cogatur hæc gens perfida à patria exire.

Quibus verbis rex persuasus, continuo per suum legatum conuocat Hugonem magnum ad colloquium, ad villam, quæ dicitur Crux iuxta compendium. Quo cum venisset, & de urbium seu comitatum distributione audisset Regem disputare, maluit periurus honore ampliari cœcatus cupiditate, quam suo amico Ricardo fidem inconuulsam conseruare. Quapropter à loco recedentes, iurata aduersum Normannos expeditione, & ab utriusque partibus congregatis exercitibus Rex Calciua, Hugo Baiocasina ceperunt rapinis & incendiis oppugnare territoria. Quæ cum Bernardus Danus didicisset, Bernardi Siluanectensis vltus consilio, confestim legatos dirigit Regi Ludouico huiusmodi verbis eruditos: Quare, inquiunt, præpotentissime Rex tuam demoliris patriam, præsertim cum sit tibi nullo abstante pacifica & quieta? Desiste ergo à tuorum rapinis, & vtere Normannorum militum militiis. Cur enim eos vexaris incendiis, cum tibi patula sit vrbs Rotomagensis? Suscipe igitur beneuolo animo eorum seruitia, vt queas illorum subsidio vitare inimicorum molimina.

Quod Ludouicus Rotomagum veniens, susceptus est à Bernardo Dano & ceteris ciuibus, & quod eius iussione Hugo magnus cessauit à deuastatione Normannia.

C A P. VI.

HAC itaque Rex legatione oppido exhileratus, prohibitis à præda militibus festinat ire ad urbem quantotius. Cui venienti cum multimodis laudibus cunctus ciuitatis clerus ad portam processit obuius, clamãs eum populorum turbis, Benedictus qui venit in nomine domini. Inde rex ad regales accedens dapes, cepit epulari splendide Bernardo Dano ministrante. Cui inter prandendum vino iam æstuanti sic Bernardus ait: hodie serenissime Rex latissimus illuxit nobis dies, quam cepimus esse regales. Hactenus militauimus Duci, vltierius seruiemus inuictissimo Regi. Teneat sibi Bernardus Siluanectensis Ricardum suum nepotem, nos vtinam tempore longo habeamus te Dominum & Regem. Reuera exitiabile tibi consilium dedit, qui totius Normannici exercitus robur amittere suauis. Quam vero inimicorum non voluisses terrere, robustissima illorum virtute, sunt enim vt nos tuo dominio subiecti, tibi militare cupientes corde volenti. Quare ergo viginti millibus bellatorum in nos armaisti Hugonem tuum inimicum? Nonne tibi semper ipse infensus extitit, & contra te esse assidue rixatur? His & huiusmodi Rex placatus verbis, cum festinatione Hugoni magno legatos mittit, qui eum compellant exire à Normannorum terminis, ei dirigens & hæc, stolidum quidem fore tanta in alius potestatem donare, quibus ad sui supplementum quieto iure nullo aduersante posse potiri. Quo relato, Hugo magnus valde exacerbatus celerrime recessit, omissa expeditione, milites cohibens à Normannica vastatione. Rex etenim aliquandiu apud Rotomagum moras præfectum comitatu præfecit Rodolphum agnomento Tortum, qui vestigalia annuatim à subditis exigeret, & tota hac prouincia iura ac quælibet negotia decerneret. Qui pagani deterior, cuncta monasteria ab ipsis exusta, quæ circa Sequanæ littora erant diruens à fundamentis ad reparandam Rotomagensem ciuitatem Petram asportauit. Ad Gemmeticum
viro

vero cum accessisset, sanctę Marię monasterium inuasit, illudq; euertit, quod à fundamentis funditus diruisset, nisi quidam clericus nomine Clemens ab operariis duas turres pretio redemisset, quę usq; ad tempus Roberti archiepiscopi, qui illam restaurauit ecclesiam, permanserunt stabiles. Igitur Rex ad libitum expletis rebus gaudens regreditur Landinũ.

Quomodo industria Bernardi Dani, agente Haigroldo Rege Danorum, Ludouicus Rex Francorum captus est, & Rothomagensi urbe sub arctā custodia retentus.

CAP. VII.

10 **I**NTEREA Bernardus Danus metuens, ne in regressu Ludouicus Rex cum Hugone Duce Normannos pressuris grauioribus opprimeret, Haigroldo Danorum Regi adhuc apud Chierisburch degenti legatos mittit clam, mandans, vt sociatis sibi Constantinensibus atque Baiocasinis militibus expeditione terrestri, ipse cum hostica classe direptionibus Normanniam concuteret à partibus marinis, quatinus huius rei gratia Ludouico Rege ad colloquium contra eum veniente, de inimicis satageret Wilhelmum amici sui sanguinem vindicare. Cuius monitis Rex celerrime fauens, propulsis ad mare nauibus, subductisque in altum velis, Circio flante Carbonis Salinæ littora appulit, qua rapido meatu se procelloso mari diua infundit: enim-
20 uero fama solido more volans Francorum aures illico percelluit, paganos maritimalittora occupasse cum nauium multitudine graui. Barnardus etiam Danus, & Rodolphus Torta Regi Ludouico legatum miserunt, & huius infortunii euentum intimarunt. Qui validum congregans exercitum quantotius venit Rotomagum. Hinc Haigroldo Regi Danorum mandat, vt apud vadum, qui Herluini vocatur, sibi occurrat, insinuaturus scire cupienti, cur infestet terminos regni sui. Quares Regi Haigroldo vehementer complacuit mortem Ducis decernenti toto annisū vlcisci. Vbi cum ambo Reges præfinito die conuenissent, & de Wilhelmi Ducis iniusta nece diutius inter se disceptarent, quidam Danus Herluinum Monasterioli castri Comitem, pro quo idem Dux occubuerat, inter alios prospiciens, zelo amici succensus, confestim illum lancea perfodit, mortuumque sub momento sternit. Cuius mortem Lambertus frater eius, ceteriq; Franci amare ferentes, concitatis animis ad dimicandum super Danos repentino impetu prouunt. Quos Pagani viriliter excipientes, sæuiente Marte satrapas decem, & octo cum innumeris aliis gladiis truncatos igniuomo transmittunt orco. Alii vero se occulere festinantes, per diuersa latibula hac illacque nutabundi vitæ quærebant suffugi. Rex quoque Ludouicus pernicious equi cursu à Regis Heigroldi captione lapsus, in cuiusdam militis incidit manus. Cui cum multa promitteret, ne eius proditione hosti traderetur, tandem miles victus Regis lachrymis in quandam Sequanæ insulam clanculum eum subduxit. Quod vt Bernardus Danus à relatoribus agnouit, exactoribus directis militem statim in vincula coniecit. Qui coactus suimet necessitate, inuitus coram protulit, quem disponebat eruere pro obtentu muneris. Rex vero ab insula sublatus Bernardi iussu apud Rotomagum sub vehementi custodia arctatur.

Quod Gerberga Regina auxilium petens ab Henrico patre suo trans Rhenano Rege contra Normannos non impetrauit: quapropter filium suum, & duos Episcopos obsides pro Ludouico Rege coniuge suo dedit.

CAP. VIII.

50 **G**ERBERGA denique Regina virum suum à Normannis audiens esse captum dirigit, & consternata animo Henricum trans Rhenanum regem suum equidem patrem celeriter aggreditur, orans, vt plurimo ordinato exercitu, Rotomagum obsideret, virumque suum violenter inde abstraheret. Cuius infortunium cum Rex Henricus audisset, iuste illi hoc contigisse respondit, quia fidem, quam Wilhelmo Duci olim iurauerat, filium eius capiendo nefarie corruerat. Per tuos, inquit, o filia stude illum iuuare, quoniam de propriis oportet me ad præsens tractare. His Regina à patre auditis, concite reuertitur ad Franciam, rebus nequaquam prospere actis. Dehinc supplex appetens Hugonem magnum, postulat, vt à Normannis extorqueret Dominum suum. Hugo vero Dux misso Bernardo Siluancensensi Normannos conuocat ad colloquium festinato ad sanctum Clerum. Cumque illuc congregati

fuiſſent, & de Regis exhibitione diutius altercarentur, Hugo magnus nouiſſime ſubintulit. Reddite nobis Regem noſtrum, & pro eo reciproce ſulcipite eius filium eo tenore, vt opportuno huc reuertentes tempore, firmemus pacem inter nos ſtabili foedere. Hoc cum Normannis placuiſſet, pro eo ſuſceperunt obſides, eius ſiquidem filium, & duos præſules, Hildierium Beluacenſem, atq; Widonem Sueſſionenſem. His itaq; ſtrenue peractis, Rex de euafione ſua lætus, regreditur Laudunum, & Normanni repetunt Rotomagum.

Quomodo Normanni reduxerunt Ricardum dominum ſuum de Francia, & quod obſides redditi ſunt, & de reditu Haigroldi Danamarcham.

C A P. I X.

19

POſt hoc autem Normanni mittentes ad Siluaneſenſem Bernardum, reuocauerunt inde cum exercitu magno Ricardum ſeniores ſuum. Tempore vero præſinito aſcita militari manu cum præſulibus Franciæ venit Rex ſuper fluuium Eptæ cum magno Hugone, Normannis occurrentibus in altera parte fluminis cum puero Ricardus. Diſcurrentibus autem ab vtraq; parte internuntiis Chriſto fauente pax inter eos ſtabilitur foederibus firmis, iuratisq; ſacramentis obſides redduntur: mortuo filio Regis apud Rotomagum. His autem rite expletis Rex Ludouicus Laudunum, & puer Ricardus Rotomagum. Quem Rodulfus Torta vrbs præfectus male ilico cæpit tractare, & domesticos eos penuria famis affligere, nolens ad quotidianum victum illis præter 12. nummos præbere. Quamobrem Dux vehementer furore ſuccenſus, ab vrbe illum feſtinanter pepulit, Pariſiumq; ad filium ſuum vrbs præſulem ire coegit. Quibus ita peractis Normannica tellus ſiluit à facie Ducis. Haigroldus vero Rex non multo poſt regreditur in Danamarcham, & Sueno filio ſuo reconciliatur.

Quod Hugo magnus filiam ſuam Emmam Ricardus Duci deſpondit, unde Lodouicus Rex & Arnulſus Comes Flandrenſis perterriti auxilium Othonis Regis petierunt contra Hugonem magnum & Ricardum Ducem, & quod Otho depopulata terra Hugonis magni Rotomagum aggreſſus eſt expugnare.

C A P. X.

39

POſt hæc Hugo Dux conſiderans puerum Ricardum viribus conualeſcere, conſenſu Bernardi Siluaneſenſis ſacramentis ab vtraque parte iuratis, filiam ſuam nomine Emmam illi deſpondit, vt pubeſcēs flore iuuentutis iungeret eam ſibi lege coniugali. Quæ res Ludouicum Regem plurimofq; Francorū proceres valde perterriti, ſed maxime Arnulſum Flandrenſem totius fraudis incētozem. Ludouicus ſiquidem vt hos magnarum virium Duces amoris vinculo connexos eſſe didicit, timens ne eorum conatu deponeretur à culmine regni, miſit Arnulſum Flandrenſem conſultue iuſdem, ad Othonem trans Renanum Regem, mandans, quoniam ſi Hugonem magnum omnino contereret, & Normannicam terram ſuo domino ſubigeret, proculdubio Lotharienſe regnum illi contraderet, quod patri ſuo Henrico Regi videlicet trans Renano fuerat promiſſum, propter prælium Sueſſonio campo ipſius adiutorio à Carolo patre ipſius Ludouici contra Robertum proſpere geſtum. Qui gauiſus audito quod diu optauerat, præparatis omnibus quæ tantum ad negotiū congrua erant ac neceſſaria, velut tempeſtas valida à regno ſuo egreſſus, adiunctis ſibi Ludouici Regis & Arnulſi Flandrenſis exercitibus, cum legionibus militum multis ſuper Hugonem magnum irruit. Conſumptisq; omnibus, quæ illius erant extra oppida, omne robur belli ſuper Normannos à patria exturbandos immiſit: præmittens cum milite multo quendam ſuū nepotem ad terrendā Rotomagenſem vrbe. Quam cum aggreſſus fuiſſet, Normanni intra muros reperiens deliteſcentes, ſuſpicatus eſt omnes fore imbelles. Itaq; militibus concitatis vehementer portas expugnare cæpit. Normanni vero portis repentino impetu patefactis, proruentes animis efferatis, tanto aduerſarios turbine depopulati ſunt, vt proſtrato ſuper pontem nepote Regis, vix elaberentur è certamine per pauci.

Quam turpiter Otho Imperator, & Ludouicus Rex, & Arnulſus Flandrenſis ab obſidione Rotomagi fugerunt, & de morte ipſius Ludouici, cui ſucceſſit Lotharius filius eius.

C A P. X I.

POſt hæc Rex Otho cum Rege Ludouico atque Flandrenſi Arnulfo lento gradu ſubſecutus, diſpoſitis militum legionibus, cum acceſſiſſet ad obſidendam vrbem, cam-

eamq; perspexisset inexpugnabile, audita morte sui nepotis, de distrahendo Arnulfo Normannis, cū suis clam cepit concultare, intra Ecclesiam S. Petri almiq; Audoeni, quæ in suburbio sita est ciuitatis. De regressu quoq; in crastino pauido inibi disponit consilio. Verum Arnulfus eo traditionis laqueo deprehensio, papilionibus tentoriisq; complicitis, & saginariis oneratis, in conticinio noctis cum suo exercitu festinus aufugit, in maximo tremore persistentibus aliis, equorum strepitu abeuntium territis. Otho vero atq; Ludouicus diluculo consurgentes, vt didicerunt Arnulfum fugisse, ilico quo venerant itinere, gressus retorquent dimissa obsidione. Quos maturius discedentes, Normanni adeo sunt persecuti gladiis, perimentes, vt per diuersa itinera
 10 reperirētur prostrati quasi bidentes. Plurimi autem illorum dum per deuia siluarum diuortia oberrarent capti per Normannorum patriam sunt distracti. Hic extitit euentus Othionis Germanorum siue Romanorum Imperatoris. Hic Ludouici Regis finis, non multo post hominem post multos mœores exeuntes. Quo tempore defuncto Guñardo Rotomagensi Archiepiscopo successit Hugo.

Quod Hugo magnus ad extrema ueniens, filium suum Hugonem patrocini Ducis Ricardi commendauit, & quod idem Dux filiam predicti Hugonis Emmam post mortem patris uxorem accepit.

CAP. XII.

10 **H**Uc o deniq; dux senio fessus cum nouissimum sui exitus diem cerneret imminere, ascitis principibus sui ducatus, eorum consulto flore iuuentutis vernanti Ricardo Duci filium suum nomine Hugonem commendare studuit, vt eius patrociniotutus inimicorum fraudibus non caperetur. Post cuius obitum filiā eius nomine Emmam à paterna domo sublatam, idem dux vt olim despoderat, cum maximo tripudio & honore Rotomagensibus intulit mœnibus sibi eam iungens iure coniugali.

Quod consilium Thebaldus Comes Carnotensis dedit Gerbergæ Regina contra Ricardum Ducem, & quomodo eadem fraus à duobus militibus ipsius Thebaldi Duci detectum est.

CAP. XIII.

10 **I**NTEREA Thebaldus Carnotensis comes quibusdam simultatib. exortis, duci Ricardo cepit aduersari, eius terras demoliēdo rapinis, cuius temerarios ausus vt compertit, fortitudine tanto digna viro strenue compressit. Terbaldus autem suum inceptum spe minus valere considerans, Gerbergæ Reginae de Ricardo Duce maliuola verba cepit suggerere, suadens eo viuente Lotharium regem filium equidem suum, Francorū regnū nunquā pacatum tenere. Quā de re summe necessariū fore. Quibus verbis regina credula confestim Brunoni archipræsuli Colonienſi & duci, suo videlicet fratri, legatum mittit, matidans quatinus nepoti suo subueniat, Richardum infestissimum regni eius aduersariū capere, si qua via succedat annitens. Continuo à Bruno
 40 ne quidam episcopus duci destinatur, qui ei suadeat, quo apud Ambianensem pagum sibi ad colloquium occurrat, regem reconciliari illi, Francorumq; regnum suæ tuitioni subdere cupiēti. Quibus verbis dux subdole deceptus, quo lætissima spes vocauit, iter instituit festinus, cui eunti obuui fuerunt duo milites Tedbaldi. Quorum vnus ait: Quorsum illustrissime virorum gressum tendis? Visne esse dux Normannorum, an extra tuam patriam custos ouium? His dictis conticuit. Cui Dux ait: Cuius milites estis? Ad hæc alter inſit: Quid tibi cuius? Nonne tui? Animaduertens ilico Dux verba delatorum sibi ad consulendum ac necessario prouidendum dirigi, illis quidem honorifice valedixit, & vni enssem ex auro quatuor librarum in capulo fulgidum dedit. Alterum vero armilla totidem librarum purissimi auri remunerauit. Deinde suum celerrime gressum retorſit, saluusque Rotomagum venit. Hoc modo Bruno delusus, regressus est detectis nequitiae suæ fraudibus.

Quomodo Rex Lotharius congregatis inimicis Ricardi Ducis, videlicet Balduino Comiti Flandrenſi, Gaufrido Andegauenſi, Thebaldo Carnotensi, illum voluit decipere, sed non potuit.

CAP. XIII.

EXINANITO itaq; tanto dolo, Lotharius rex ad aliud palliatæ proditiōis argumentum hortante Tedbaldo iterato deuoluitur, duciq; legatum huiusmodi verbis instructum destinat. Quousq; inquit dux seruitii debitū mihi detrectas exhibere?

An ignoras me Francorum Regem esse, cui te militiam oportet impendere: cuius edictis atque consultis te nequaquam oportet contraire? Nonne de nostra dissensione mei tuique gratulantur inimici? Risipisce ergo iam iamque ab his obstinati animi altercationibus, & accelerato itinere festina mihi occurrere, ut indissolubilibus pacis foederati vinculis, deinceps per mutuam concordiam fruamur competentibus commodis. Gaudeatque Rex de tanto suo Duce, & Dux de suo charissimo Rege. Quibus simulatae legationis ambagibus Dux illectus, illico Regi mandat, se ultro neo libitu affuturum. Super his vehementer Rex gauisus, ascitis Ducis inimicis, Balduino scilicet Flandrensi, atque Goisfredo Andegauensi, nec non Tedbaldo Carnotensi, super Helnae fluuium ad detestandum placitum concitus venit. Econtra quoque Dux ex altera aquae parte sedit cum militari manu. Cupiens autem scire, quae apud Regem gererentur, misit de suis renuntiarios, qui agerent cum eo de eius contubernalibus amicis. Legati praenominatis illic repertis Comitibus super Ducem irruere disponentibus, confestim pernici cursu regressi Ducem hortantur, ut a loco recedat, ne dum regia praecupatur prodicione inimici eius aduersum se congregientes, gaudeant de illius morte. Continuo Dux compellentibus suis fluuium Deppae transiens aliquandiu substitit, & a vado aquae insequentes hostes prohibuit, donec regiam vim declinans, Rotomagum repeteret celeriter cum suis. Sic detecta in propatulo fraude Regis, animositatem eius circa se agnouit.

Quod Rex Lotharius urbem Ebroicam capiens Thebaldo tradidit: & quomodo Dux Ricardus Carnotensem Comitatum, & Dunensem vastauerit: & quod Thebaldus ad Ermentrudis villam cum exercitu veniens, ignominiose inde agente Duce cum magno dampno aufugit.

C A P. XV.

PERSPICIENS ergo Rex propositum sui voti flocci pensum fore, Laudanum regreditur furibundus, non multo post Tedbaldo suggerente Normanniam hostiliter petiturus. Vix enim ad consilium contrahendum respirans, congregatis Burgundionum Francorumque militum copiis ciuitatem Ebroicam aggressus, ciuibus incautis eam obsidione cingit, dolisque Gisleberti agnometo Machel capit, ac ad expugnandam patriam Tedbaldo Comiti statim tradit, Rege vero ab urbe recedente Ricardus Dux e vestigio eum prosequitur, & cunctum Dunensem seu Carnotensem comitatum praeliis & incendiis depopulatur. Consumptis omnibus, quae Tedbaldi erant, cum innumera praeda reuertitur ad propriam. Haud mora Tedbaldus reciproca vicissitudine clam exercituum agmen collegit, ac ad dedecus Ducis apud Hermentrudis villam papiliones & magalia fixit, stationemque infestissimorum hostium composuit. Verum prouidissimus ac fortissimus Dux intempestae noctis silentio alueum Sequanae transmeauit, & diluculo super eos irruens tanta illos strage profligauit, ut ex eis sexcenti quadraginta perirent, & reliqui per diuersa silvarum lustra vulnerati diffugerent. Ipse vero Tedbaldus turpiter fugiens cum paucis, latitando per deuia saltus, Carnotum venit confusus. Ad eius fugam suffragium, Christo illi reddente vicem, filius eius ipsa die moritur, totaque Carnotena urbs incendio consumitur. Dux autem Normanniae ad campum belli regressus, mortuos reperit, & misericordia motus sepeliri eos iussit. Vulneratos vero imperat Rotomagum leniter deferri, ibique a medicis curari, sanatos quoque Tedbaldo remitti.

Quod Ricardus Dux auxilium Heraldi Regis Danorum contra Francos petiit, & efficaciter impetrauit.

C A P. XVI.

VIDENS itaque Dux tantarum fraudium Regis molimina super se imminere, Comitescque Francorum contra se vnanimiter spuire, Heraldo Danorum regi legatos dirigit, & mandat, ut otius illi succurrat, & paganorum multitudine, Francorum rabiem solatenus comprimat. Cuius legatos Rex non modo gaudenter recepit, verum etiam maximis muneribus ditatos Duci remisit, seque missurum celerime illi iuuamen spondit. Quid plura? Iussu regio naues ad mare propelluntur. Ad tantae expeditionis negotium paganica iuuentus praeparatur, clipeis, & loricis, ac galeis, omnique armorum apparatu innumerabilis exercitus munitur. Inde statuto die eleuantur vexilla, ventis salubriter spirantibus librant vela, celerique nauium

nauium cursu peruenso mari ad Sequanica deuoluuntur ora. Quorum aduētū Dux cognito vehementer gauisus, illis obuiam processit, atque eo præunte sulcantes remigio alucum Sequanæ, ad Giuoldi fossam deuehuntur expedite, ibique fixis anchoris de subuersione consulunt Franciæ. Et ecce repentino tumultu è nauibus pro-
ruunt, totamque in circuitu patriam exitialiter comburunt, Dehinc viri cum mulie-
ribus concatenati distrahuntur, vici deprædantur, vrbes desolantur, castella subuer-
tuntur & terra in solitudinem redigitur. Fit luctus omnium in commune, nullo cane
per comitatum Tedbaldi latrante. Vbi vero illa deficiunt, regalia iura continuo in-
uadunt. Quæ autem Francis subtrahunt, Normannis possidenda vili precio condu-
cunt. Libera manet à paganorum rapinis tellus Normannica, Francia vero nullo ob-
sistente distrahitur captiua.

*Quod necessitate compulsi Rex Lotharius & Thelbaldus omnia quæ Duci Richardo diripuerant
integre restituerunt, & de conuersione paganorum ipsius hortatu.*

C A P. XVII.

DVM hæc geruntur, Sinodalis episcoporum conuentus apud Laudunum congre-
gatur, inuestigaturus cur Christianus populus his cladibus affligatur. Mittentes
denique Carnotensem præfulem Duci, sciscitantur ab eo, cuius rei causa tam execra-
da à Christianissimo piissimoque viro processerit seueritas. A quo cum Regis frau-
des, & Tedbaldi vrbis Ebroicæ surreptionem pontifex didicisset, confestim à pagani-
cis irruptionibus inducias petit ac adipiscitur, in quibus præfules adducant loco op-
portuno Regem Lotharium, de omnibus beniuolo animo illi satisfacturum. Igitur
audiens Tedbaldus Regem absque suo consilio pacem quærere, formidans ne totum
seditionis pondus super eum incumbat, quendam monachum Duci cum festinatio-
ne mittit, mandans se in quibus illum offenderat toto conamine penitere, ac ad curi-
am eius ire, Eboricamque urbem illi reddere velle. Dux autem his auditis letus efficitur,
& concessa securitate, copiam illi indulget ad se veniendi. Qui cum familiaribus ad
eum veniens, non solum urbem illi reddidit, verum etiam firmatis amicitiiis donariis
ab eo gaudens discessit. Imminente vero die præfiniti colloqui, Dux apud Ginoldi
fossam in paganorum castris scænam miræ magnitudinis construere iussit, in qua Rex
Lotharius cum suis optimatibus diuertens, illi satisfecit, fœderibus pactis iuratisque
Sacramentis. His itaq; Dux salubriter expletis, paganorum plurimos ad fidem Chri-
sti sacris monitis conuertit, alios in paganismo permanere disponentes ad Hispanias
transmisit. Vbi plurima bella perpetrantes, decem & octo diruerunt vrbes.

*Quod mortua uxore sua Emma absque liberis idem Dux duxit Gunnorem
& de progenia ipsius ducis.*

C A P. XVIII.

QVA tempestate Emma vxor eius filia Hugonis magni, absque liberis moritur.
Ipse vero non multo post quandam speciosissimam virginem nomine Gunnor,
ex nobilissima Danorum prosapia ortam sibi in matrimonium Christiano more de-
sponsauit. Ex qua filios genuit Ricardum videlicet & Robertum atque Malgerium,
aliosque duos, atque filias tres. Quarum vna nomine Emma Edelfredo Regi Anglo-
rum nupsit, de qua idem Rex Edwardum & Aluredum, Godwini Comitis longo
post dolis interemptum procreauit. Secunda vero Haduis vocata, Goisfredo Britan-
norum Comiti iuncta Alannum & Eudonem Duces progeniuit. Tertia quidem Ma-
rthildis Odoni Comiti, de qua sermo imposteris orietur. Genuit etiam duos filios &
totidem filias ex concubinis. Quorum vnus Godefridus, alter vero dicebatur Willel-
mus. Horum prior, Comes fuit Aucensis. Quo defuncto accepit frater eius eundem
Comitatum, quem adhuc hæredes eius iure successionis possident, licet Comes Gis-
lebertus filius Godefridi Comitis, ipsum Comitatum parumper tenuerit, antequam
occideretur. Hic Gislebertus genuit Ricardum strenuissimum militem, qui tam ipse
quam filii eius Gislebertus, Rogerius, Walterius, Rodbertus, ecclesiam Beccensem
magno affectu dilexerunt, & magnis possessionibus ditauerunt, imitantes Comitem
Gislebertum auum suum, qui in fundanda prædicta ecclesia venerabilem Herlui-
num primum Abbatem & constructorem ipsius, & consilio & rebus iuuit. De qua
ecclesia, & prædicto eius Abbate procedenti tractatu, loco competenti
pro vt decet mentionem faciemus. Hic vero ista per anticipationem
breuiter dixisse sufficiat.

Quomodo Dux Ricardus apud Fiscannum ecclesiam in honorem Sanctæ Trinitatis construens, diuersis ornamentis decorauit: & de Abbatibus S. Michaelis de Monte & S. Audoeni quas restaurauit: & quod mortuo Lothario Hugo Capet Rex eleuatur, cui etiam post aliquantum temporis defuncto successit Robertus filius eius.

C A P. X I X.

CVm igitur Dux Ricardus multorum operum bonorum polleret incrementis, inter plurima commercia summæ opinionis apud Fiscannum mire magnitudinis & pulchritudinis in honore Deificæ Trinitatis templum construxit, mirificisq; ornatibus multimode adornauit. Abbatis quoque quasdam restaurauit. Vnam siquidem in suburbio Rothomagensi in honore Sancti Petri Sanctique Audoeni, aliam in Monte qui dicitur Tumba in ueneratione Archangeli Michaelis, gregibusque monachorum insignauit. Tempore sub eodem diem obiit Hugo Rotomagensis archiepiscopus, cui successit Rodbertus eiusdem Ducis filius. Porro mortuo Francorum rege Lothario, in illius loco ab omnibus subrogatur Hugonis magni Ducis filius Hugo Capet, adminiculante ei Duce Ricardo. Hic aduersum Flandrensem Arnulfum sibi militare renuentem, arma mouens cum valida manu hostifica, Atrabatum illi abstulit, & cuncta municipia quæ citra flumen quod vocatur Lis tenebat. Huius infortunii dolore mæstus Arnulfus, petiit Ricardum Ducem supplex & deuotus, ut pacificaret eum cum rege & Francorum principibus. Hoc itaque pro negotio Dux contra regem Hugonem ad placitum pergens, non modo eum pacificauit, sed & cuncta illi ablata suis precibus restituit. Quo tempore moritur isdem Rex Hugo, succedente eius filio Rodberto rege pristino. Huius igitur beatitudinis prærogatiuis iste Dux profusus floruit, quia quos audiebat discordes, aut per se aut per suos legatos reddebat concordēs, scriptura dicente: Beati pedes pacem portantes. Erat autem statura procerus, vultu decorus, integer corpore, barba prolixa, cano decoratus capite, piissimus monachorum altor p̄uoidus clericorum suffragator, superbiorum contemptor, humilium amator pauperum sustentator, orphanorum tutor, viduarum pius defensor, & captiuorum liberalis redemptor.

Quod dux Ricardus ad extrema ueniens, Ricardum filium suum Normannis præfecit & de morte eius apud Fiscannum.

C A P. X X.

His & huiusmodi boni odoris flosculis in laicali habitu redolens gemma Christi, ægritudine corporis caput vehementer aggrauari. Conuocatoque Rodulfo Comite suo equidem vterino fratre, consilium exigit de patriæ dispositione. Qui nimio turbatus dolore, ac aliquantisper factus elinguis, nouissime resumpto spiritu hæc Duci responsa reddit. Quamuis dulcissime frater atque serenissime Senior viribus corporis videaris destitui, tamen dum in hac vita te gaudemus amplecti, tuum est de totius patriæ statu disponere. Quo audito Dux suis vndiq; optimatibus ascitis, Ricardum filium suum coram exponit, hoc eum eloquio commendans & præficiens. Haftenus commilitones optimi vestræ militiæ præfui, nunc vocante Deo morbo crudesciente compellor à vobis separari. Proinde si aliquando mei amatores fuistis, oro vos ut hunc filium meum loco mei vobis præferatis, eique fideles sitis, sicut mihi semper fuistis. Iam enim me sita onere vitæ corruptibilis. His ab eo lugubre prolatis, protinus tota domus concutitur gemitibus & lachrimis. Tandem fletibus sopitis, assensum præbent voluntati ducis, Ricardum adolescentem pacta ei fidelitate, æquanimiter collaudantes principem. Dehinc languore ingrauescente lecto prostermitur, & libratissimum oculis, inter verba orationis plenus dierum spiritum efflauit. Huiusque digesta prout à Rodulfo Comite huius Ducis fratre magno & honesto viro narrata sunt, collegi: quæ scholastico dictamine scripta relinquo posteris. Obiit autem apud Fiscannum Ricardus Dux primus, fletibus populis, gaudentibus angelis, nonagesimo nonagesimo sexto anno ab incarnatione Domini. Regnante eodem Domino nostro Iesu Christo, qui cum patre & Spiritu Sancto uiuit & regnat in secula seculorum. Amen.

Anno Domini 996.

Explicit liber tertius.

I N C I.

DE DVCIBVS NORMANNIS. 633
INCIPIT LIBER QVARTVS DE SE-
CVNDO RICARDO DVCE FILIO RI-
CARDI SVPERIORIS.

*De honesta conuersatione secundi Ricardi tam in secularibus quam in
diuinis negotiis.*

C A P. I.

10 **Q**UONIAM quidē dignis preconiorū titulis in præcedentibus preciosissimam
Christi gemmam, Ricardum scilicet Normannorū Ducem extulimus, & æ-
terni Regis anulo decēter inseruimus, opere pretiū videtur, vt carbūculus ab
ipso exoriens secundam sicuti in nomine ita in præclarissime ingenuitatis eulogio
absidam teneat Ricardus eius siquidem filius, militaribus triumphis oppido conspi-
cuus, & non minori laudum tripudio excolendus. Qui sui fulgoris radios per diuer-
20 sos orbis cardines glorioso nomine spargens, intra sui Ducatus limites plurimis bo-
norum operum incrementis, Normannicam pene patriam vnā Christi insigniuit
ecclesiam. Hic in armis admodum strenuus, vbique armatas militum legiones no-
bilititer rexit, de inimicis victoriam semper capere assuetus. Et quamuis seculari actui
foret deditus, totus tamen fuit fide catholicus, & erga Dei cultores beniuolus ac de-
uotus. Sub cuius moderamine plurima monachorum adoleuere ouilia, qui velut a-
pes ex multis sanctorum actuum canistris erumpentes, lucidissima in cælestes thesau-
ros intulerunt mella.

*Quam sapienter repressit vnanimem coniurationem Rusticorum quam contra pacem
patria moliebantur.*

C A P. II.

DV M igitur tantæ probitatis exuberaret copiis, in initio suæ iuuentutis intra Nor-
mannicum Ducatum contigit quoddam pestiferi oriri seminarium dissidii. Nam
30 rustici vnanimes per diuersos totius Normannicæ patriæ Comitatus plurima a-
gentes conuenticula iuxta suos libitus viuere decernebant. Quatenus tam in silua-
rum compendiis quam in aquarum commerciis, nullo obistente ante statuti iuris
obire, legibus vterentur suis. Quæ vt rata manerent, ab vnoquoque cætu furentis
vulgi duo elegantur legati, qui decreta ad mediterraneum roboranda ferrent con-
uentum. Quod vt Dux agnouit, protinus Rodulfum Comitem cum militum multi-
tudine illis destinauit, qui agrestem comprimeret ferocitatem & rusticam dirimeret
concionem. Qui non morans iussa, cunctos confestim legatos, cum nonnullis aliis
cæpit, truncatisque manibus ac pedibus, inutiles suis remisit, qui eos à talibus compe-
40 scerent & ne deteriora paterentur, suis eueuentibus cautos redderent. His rustici ex-
pertis, festinato concionibus omissis ad sua aratra sunt reuersi.

*De rebellionē Willelmi naturalis fratris ipsius Ducis cui dederat Oximensē Comitatum : & quo-
modo idem Willelmus captus & fratri postea reconciliatus Ocensem Comitatum ab
ipso Duce dono accepit cum Lezscenina, & de filiis eiusdem
Willelmi.*

C A P. III.

EA D E M tempestate quendam ducis vno ex patre fratrem progenitum nomi-
ne Willelmum, quorundam proteruia improborum fecit tumidum & rebel-
lem. Is enim fraterno contubernio Oximensē ab ipso accipiens in munere Co-
50 mitatum, vt inde exhiberet ei militiæ statuta, prauorum illectus calliditate, do-
minium eius spreuit, & ab illius fidelitatis obsequio se cohibuit. Qui dum per le-
gatos à Duce sæpius obiurgaretur, & ab ausu obstinati animi resipiscere noller, con-
sultu & auxilio Rodulfi Comitis captus, in Rothomagensis vrbis turre detruditur,
remeritatis penitudinem ibi per quinquennium luens. Nonnullo quoque suorum
Satellitum in seditionis proposito persistentium crebris certaminum tumultibus de-
uincens, vita priuauit, alios exules de suis finibus exturbauit. Willelmus tandem post
qui nquennium cuiusdam sui militis factione longissimo sine per eminentiorem fe-
nestram à turre lapsus, fugam iniit.

Qui diebus ne à perquirentibus reperiretur delitescens, & noctibus iter carpens,
nouissi-

nouissime deliberauit apud se æquius illi fore cum vitæ discrimine clementiam fratris attemptare, quam cuiuspiam Regis aut Comitatus suffragium nil sibi quandoque profuturum expectere. Sub hac quippe deliberatione animi callem conficiens, quadam die ducem repperit, se in saltu vernensi exercentem Venatum ludis. Mox eius vestigiis solotenus prouolutus, veniam commissi ab eo expetebat lugubres. Protinus eum Dux misericordia motus fauente Rodulfo comite à terra erexit, ac ut euasione suæ ipso narrante casum agnouit, non solum errata illi indulgit, verumetiam beneuolo animo ut fratrem charissimum deinceps dilexit. Cui non multo post Ocensem comitatum tradidit, eique quandam puellam valde speciosam vocabulo Lezscelinam dedit, filiam siquidem cuiusdam nobilissimi viri nomine Turchetilli. Ex ea tres genuit filios Rodbertum scilicet post eius mortem Comitatus illius heredem, & Wilhelmum Suessionensem comitem, atque Hugonem Luxouensem præfulem. Quibus ita sopitis, Normannica tellus siluit à facie Ducis.

Quod Edelredus Rex Angliæ qui Emmam sororem ducis duxerat, misit exercitum ad subiugandam sibi Normanniam, & quomodo Nigellus Constantinensis eos usque ad interuiccionem denicit.

C. A. P. IV.

*Maxima nauis
multitudo.*

CIRCA hæc tempora Edelredus Rex Anglorum Emmam Ducis sororem in coniugio habens, quibusdam exortis dissensionum incentiuus Duci nocere & decora ingerere sitiens, maximam nauium multitudinem in mare iussit impelli, ac militibus ex omni regno mandauit, ut constituto ab eo die ad eas conuenirent, loriceis & galeis decenter armati. Cuius iussis gratanter Angli obtemperantes vnanimis adfuerunt ad naues. Rex igitur prospecta multa & optime instructa exercitus copia, ascitis militiæ suæ satrapis, animi sui propositum exponens, valida austeritate Regio more præcepit, ut euntes totam Normanniam rapinis & incendiis exterminarent, solummodo Archangeli Michaelis Monti parcerent, ne tantæ sanctitatis & religionis locum, igne concremarent. Iussit etiam ut Ricardum Ducem caperent, post tergum manus vincerent, & uiuum patriam sibi subiugata conspectibus suis adducerent. His uero edictis, eos ire cum festinatione imperauit. Qui subductis in altum nauibus, uolens fulcantes æquora vento, ad littora Saræ deuoluuntur permenso maris limbo, Hinc prorumpentes è nauibus, continuo maritima confinia exitiali Vulcano tradunt. Quod ut Nigellus à speculatoribus comperit, milites Constantinenses cum multitudine vulgi congregauit, impetuque repentino super eo irruit, tantaque illos strage deleuit, ut nullus penitus remaneret, qui facta posteris nuntiaret. Nam vnus illorum cursu nimio fatigatus à longe resederat, qui uidens sociorum infortunia, timore territus corporisque imbecillitatem oblitus, ad naues concurrat quantotius, ceterorum exitia nunciando custodibus. Qui pariter ex omnibus ad tres tutiores se conferentes intra sinum maris remigio se contulerunt de vita diffidentes. Pansique uelis in sublime, cursu citissimo Regem suum expetunt, vento ad votum spirante. Quos ut uidit, protinus Ducem ab eis exigere cepit. At illi respondent: Nos serenissime rex Ducem minime uidimus, sed cum vnius Comitatus gente ferocissima nostro cum interitu dimicauimus, Vbi non modo sunt viri fortissimi bellatores, sed & feminae pugnatrices robustissimos quosque hostium uectibus hydriarum suarum excerebrantes. à quibus omnes scito tuos extinctos esse milites. Quibus rex auditis, insipientiam suam agnoscens tristis erubuit.

Remigium.

Quod Gaufridus Britannorum Comes sororem Ducis Ricardi nomine Haducis petiit uxorem & accepit, de qua genuit Alannum & Eudonem.

C. A. P. V.

CONSIDERANS etiam Gaufridus Britannorum Comes Ducem Ricardum in omnibus prosperari, viribus & diuitiis quotidie ampliari, arbitratus est sua tutius vallari, seque amplius roborari, si eius frueretur amicitia & auxilio. Quamobrem consultu suorum fultus Britannicos limites penetrans, cum maxima militum ambitione illius appetiit curiam. Quem Dux ut tantum decebat virum honorifice suscipiens, aliquid sper cum copioso affluentium opum apparatu eum secum detinuit ut potentia suæ magnitudinem prout libuit illi ostendit Gaufridus autem ut se à Duce tam excellenter tractari uidit, intra se deliberare cepit, quia si eius iungeretur connubio sororis nomine Haducis fortior inter eos necteretur nodus amoris. Erat enim hac puella

puella corpore valde decora morum honestate gratissima. Vnde post pactas amicitias eam sibi dari toto annisu poposcit. Cuius voluntati Dux gratanti animo fauens assensientibus Normannorum principibus petitam Christiano more tradidit. Celebratis vero cum inæstimabili honore nuptiis non multo post cum immensis muneribus eos ouantes abire permisit Gausfridus ex ea postmodum duos filios genuit, Alānum videlicet & Eudonem qui post eius excellum Britannicam patriam robustissimo vigore diutius rexerunt.

De crudelitate Edelmi Regis Anglorum in Danos qui pacifice secum in Anglia commanebant:

& de quibusdam iuuentibus eiusdē gentis qui euadentes Regi Danamarchæ

Sueno mortem propinquorum nunciauerunt.

CAP. VI.

DV M in statu supra intellecto sub tam præclaro rectore Normanniæ felicitas pol-
leret. Ædelredus Anglorum Rex regnum quod sub magna potentissimorum
Regum gloria diu floruerat, tanto nefarie proditionis scelere regiminis sui tempo-
re polluit, vt & pagani tam execrabile nefas horrendum iudicarent, Nam Danos per
omne regnum vnanimi concordia secum cohabitantes, mortis periculum minime
suspicientes, subito furore sub vna die perimi, mulieres quoque aluotenus terræ esse
defossas & ferocissimis canibus concitatis mamillas ab earum pectoribus crudeliter
20 extorqueri, lactentes vero pueros ad domorum postes allisos excerebrari iussit, nul-
lis criminum existentibus culpis. Dum igitur apud Lundoniam sub huius decreti die
hæc congeries peremptorum lictorum seuitia in immensum cumularetur, quidam
iuuenes agilitate pernices ad quandam nauium se contulerunt, & fuge præsidium per
Thamisæ alueum celeri remigio maris sinum petierunt. Peruenso autem prolixo pō-
ti spacio nouissime capitum, Danamarchæ portum applicant, Regique Sueno cruen-
ta gentis suæ exitia nuntiant. Tunc Rex nimio dolore tactus intrinsecus, totius regni
sui ascitis principibus cunctam ei seriem illis deponit quidq; agendum consulerunt,
diligenter inquirunt. Qui amicorum & propinquorum erumnis, & luctu mori, quasi ex
vno ore omnes eorum sanguinem decreuerunt debere totis viribus vlcisci.

*Quod Suenus Rex congregato exercitu ad Eboracum Comitatum appellens, inde dimisso exercitu ad
Ricardum Ducem Normanniæ petendæ pacis gratiam nonnullis nauibus Rotomagum venit & de
pacto quod inter Normannos & Danos firmatum est, & quod Eboracenses & Cantuarii &
Londonienses eidem Regi se tradiderunt, & de fuga, Edelmi Regis cum uxore
& filiis ad Ricardum Ducem Normannorum.*

CAP. VII.

His autem Rex auditis, cum festinatione cunctos sub suo regimine degentes præ-
parari iussit. Hac illacque veredarios misit, diemque præfixit, quando milites lu-
40 cri cupidos de exteris regnis ad hanc expeditionem venire mandauit, Porro termi-
no adueniente statuto, ad naues immenius illico cucurrit exercitus. De hinc Rega-
lia in sublime eleuantur vexilla & librantés ventis vela, velificato protensi maris in-
teruallo ad Eboracæ deuehuntur territoria, Ibi quippe Rex dimisso exercitu cum
nonnullis nauibus petendæ pacis gratia apud Rotomagum, Ducem Ricardum ag-
greditur. Quem cum Dux aliquanta mora regaliter tractaret, dum & ipse & milites
post tantum nauigii laborem recrearentur, pacem continuam inter se firmauerunt.
Ea videlicet lege vt per succedentia Danorum Regem Normannorumque Ducem
ac eorum hæredum tempora, firma perpetualiter inter eos maneret, & quæ Dani ab-
stulissent inimicis, emenda conferrent Normannis. Si quis vero Danorum inualidus
50 aut vulneratus amicorum indigeret iuamine, apud Normannos quasi in domo pro-
pria sub securitate sanaretur. Quæ lex vt rata maneret, ab vtraque parte sacramento-
rum tenore principes eorum illam sanxerunt. Quibus Rex ad votum expletis, con-
dignis à Duce muneribus muneratus, quantotius ad suos regreditur letus. Qui vt suo
iunctus est exercitui, continuo Anglorum regnum tradit vlticibus flammis. Viden-
tes itaq; Eboraci se à nullo iuuari, datis obsidibus se subigunt illius dominatui. Inde ve-
ro egressus, ad Tamisæ ora prouehitur. Vbi venientes Cantuarii, simili modo eius se
sudent potestati. Deinde auulsis nauium anchoris, alueum fulcans fluminis apud Lō-
doniam obsidionē cōponit. Cuius impetum Lundonii nō valentes ferre illius serui-
tutis iugo colla ferina inuiti supposuere. Ædelredus vero Rex apud Wintoniā degēs,
vt ab

ut ab Anglis se vidit funditus destitui, sublati à terra thesauris, cum vxore & filiis Edwardo scilicet & Aluredo in Normannia Ducem Ricardum expetiit. A quo decenter acceptus, cum magnis opum apparatibus omne sui incolatus Rotomagi cum eo exegit tempus.

De morte Sueni Regis apud Londoniam, & quod Chunutus filius eius patri succedens, iterum exercitum contra Angulos mouit, & de reditu Edelredi in Angliam, & de victoria Danorum apud Auxendunum.

C A P. VIII.

IG I T V R Suenus dum apud Londoniam de regni tractaret dispositione, mortem obiit interceptus ægitudine. Cuius corpus Dani aromatibus condierunt, & in naui disposuerunt, & cum festinatione apud Danamarcham tumultum deuexerunt. Quo tumulto, filius eius nomine Chunutus arma illius sumens exercitum viriliter roborat, & ne ab iterata expeditione resipiscant totis nisibus exaggerat. Denique missis legatis duos Reges ad suum euocat suffragium. Laciniam equidem Suauorum & Olauum Noricorum. Hi ad eius auxilium aduenientes cum suis copiis militum, totius robur militiæ suæ corroborauerunt virtute. Interea dum hæc geruntur Edelredus Rex mortem Sueni audiens, præparatis ad nauigandum omnibus, cum vxore lectus ad regnum suum regreditur: sed filios suos Edwardum & Aluredum cum auunculo dimittit. Rex itaque Chunutus collectis vnde quaque militum legionibus, velut turbo validus à regno suo egressus, procellosum mare intemptat intrepidus. Subductis autem in altum nauibus veliuolo cursu ad Anglos deuehitur. Inde petens Tamese fluuium, celeriter appulit Lundoniæ comitatum. Cui cum suis egredienti de nauibus occurrentes Angli ex omni regno apud Auxendunum congregati, ad suam perniciem cruentissimum illi bellum intulerunt. Cum quibus Rex efferatis legionum suarum animis atrociter confligens, tanta eos internecione deleuit, ut nullus hominum queat suppetare, quot millia in die illa corruerint Anglicæ gentis.

Quod mortuo Edelredo Rege Anglorum Chunetus Rex Danorum Emmam uxorem eius duxit, & ex ea genuit Hardechuntum qui postmodum ei successit.

C A P. IX.

REX vero victor effectus, ad naues suas cum suis est reuersus. Hinc celeri se mouens fiducia, Londoniam circumdat obsidione. Quam intra urbem. Edelredus rex grauius ægotauit, & crudescente morbo corporis non multo post hominem exiuit. Rex igitur Chunutus audita morte Regis, consultu fidelium suorum præueniens futurum Emmam reginam abstractam ab vrbe post aliquot dies sibi iuxit Christiano more, dans pro illa cuncto exercitui in auro & argento pensum illius corporis. Ex ea succedente tempore, genuit filium nomine Hardechuntum postmodum regem Danorum, & filiam vocabulo Ginildem quæ nupsit Henrico Romanorum Imperatori. Diffidentes quoque Lundonii de sua salute quippe cum diuturna laborarent fame, patefacta vrbe se suæque omnia Regi sponte dedere. Quibus peractis, omne robur Anglici regni incubuit sub domino Regis Chunuti. Hæc in huius operis serio intexuimus, ut Edwardi Regis ortum ignorantibus monstraremus. Nunc vero ad propositum retorqueatur stilus, à quo paulisper digressi sumus.

De discordia inter Ricardum Ducem & Odonem Comitem Carnotensem propter castrum Dorcastinum: & quod idem Dux castrum Tegularias super Aruæ fluuium firmanit: & quomodo Normanni Odonem & duos Comites adiutores eius vicerunt.

C A P. X.

TEMPORIBVS denique sub eisdem Oddo Carnotensis Comes quandam Ducis sororem nomine Mathildem cum multimodis muneribus à fraterna domo auferens, sibi in matrimonio legitimæ compulauit. Cui Dux medietatem Dorcastini castrum dedit dotis nomine, cum terra super Aruæ fluuium adiacente. Nonnullis hinc elabentibus annis, hæc eadem Mathildis iudicio disponente Dei moritur absq; liberis. Post cuius obitum Duci terram prætitulatam repetenti, Comes Oddo nimis versutiis cepit contraire, nolens illi quietam dimittere Dorcastini castrum tuitionem. Quapropter Dux ascitis Brutonibus cum Normānorum legionibus, super Aruæ fluuium hostiliter veniens, castrum condidit quod Tegulense vocauit. Sumptis autem ex Odonis Comitatu alimoniis eandem munitionem abundantissime repleuit. Nigellum Constan-

Constatiniensem atque Rodulfum Toeimensem & Rorerium filium eiusdem, cum eorum militibus custodes in ea reliquit. Quibus patratis prospere recessit inde vnū-
 10 quenque iubens ad sua redire. Oddo vero Comes conuocatis clam ad sui suffragium Comitibus Hugone siquidem Cinomannensi ac Walleranno Mellendenſi cum eorum militum copiis, tota nocte equitans, diluculo ad Tegulense castrum venit, prae-
 euntibus signiferis. Quos vt viderunt proceres praetitulati custodibus intra municipi-
 um demissis repentino impetu foras erumpentes cum suis, commiserunt praelium cum eis. Illico partes Ducis Deo iuuante ita eos prostrauerunt, vt multis peremptis, plurimis vulneratis per devia reliqui fugerent, & nutabundi opaca Siluarum latibula
 20 quaererent. Oddo vero atque Wallerannus quaerentes suffragium vitae, occulerunt se Dorcanſi caſtri munitione. Hugo nempe equo cui infederat extincto pede fugiens ad caulas ouium diuertit, & lorica quam indutus erat sub telluris sulco texit. De-
 hinc clamyde opilionis se amiciens, septaque gregum infatigabiliter humeris de loco ad locum ferens Normannos hortabatur, vt quantotius persequerentur hostes, non longe ante illos turpiter abeuntes. Illis itaque recedentibus praeuio pastore siluarum lustra carpens, tandem post triduum. Cinomannis venit vepribus & sentibus miserabiliter pedes ac tibias cruentatus.

Quod duo Reges Pagani ex transmarinis partibus venerunt ad auxilium Ricardi ducis contra Francos.

CAP. XI.

VIDENS igitur Dux comitem Oddonem ad tantam deuolutum esse vecordiam, missis legatis duos Reges cum paganica multitudo ex transmarinis partibus sui
 euocat in auxilium, Olauum scilicet Noricorum, & Lacum Suauorum. Cuius legatos Reges competenter susceperunt, cum multis donariis ei remiserunt, & non multo post se venturos esse nuntiauerunt. Deinde cum suis exercitibus pariter congregati paucisque nauium velis spumia sulcantes aequora ponti, cursu celeri ad Britanno-
 30 rum finitima littora sunt deuoluti. Britones autem eorum repentinum agnoscentes accessum à cunctis regni partibus congregati, eos ad praedam inhiantes cautos pra-
 occupare sunt arbitrati. Pagani vero eorum dolos comperientes, quadam vsi versutia per campi planitiem quo illos nouerant venturos fore profundissimos foderunt cuniculos in superficie angustus, vt cipitarentur, sicque gladiis facilius perimerentur. Britones autem veniunt & continuo super hostes atrociter irruunt. Sed paganorum
 40 dicipulis prostrati, tantam saeuitiam ilico sunt perpeſsi vt viri è prelio elaberentur perpauci. Inde Barbari prolixius progredientes, castrum Doli obsident, & captum igne comburunt ac incolas eius cum Salomone aduocato loci interficiunt. Deinde sublatis anchoris repetunt mare & velificante classe ad ora deuehuntur Sequanae. Car-
 pentes vero fluminis alueum pernici remigio applicant Rotomagum, eosque Ricardus Dux valde gauisus competenti honore regaliter accepit.

Quod Robertus Rex Francorum timore praedictorum Regum concordiam fecit inter Ducem Ricardum & Odonem.

CAP. XII.

ROBERTVS autem Rex Francorum audiens paganos tant Britannis propria intulisse Ducemque Ricardum ad confutandam Oddonis Comitſ contumaciam eos accersisse, verens ne ab eis Francia demoliretur, Satrapas regiminis sui conuocabat amboſq; discordes ad se apud Coldras conuenire mandauit. Vbi dum causas dis-
 50 fensionum vtraq; in parte audisset sopitis eorum animis, protinus illos concordes reddidit. Eo quidem tenore, vt Oddo Dorcasinum castrum teneret, & Dux praereptam terram reciperet, reciproce Tegulensi caſtro in statu suo perpetualiter consistente, in eius scilicet suorumque haeredum potestate. Quibus Dux ad votum peractis, ad Reges suos regreditur laetus. Muneratos autem congruis donis regaliter, ad propria
 ouanter redire permisit quandoque ad eius iuuamen paratos reuerti. Rex autem Olauus super Christiana religione oblectatus spreto Idolorum cultu, cum nonnullis suorum hortante, Roberto Archiepiscopo ad Christi fidem conuersus est, atque ab eo baptismate lotus & sacro chrismate delibutus, de percepta gratia gaudens, ad regnum suum regressus est. Postea vero à suis proditus, & à perfidis iniuste peremptus, caelestem regiam intrauit. Rex & Martir gloriosus, & nunc apud gentem illam cho-
 ruscatur prodigiis & virtutibus.

Hhh

Quod

*Quod Richardus Dux uxorem duxit Iudith sororem Goisfridi Comitis Britannorum,
& de prole quam ex ea genuit.*

C A P. XIII.

PORRO Dux Richardus de successionē prolis sollicitus, Goisfrædum Britannorum comitem, quandam habere sororem nomine Iudith audiens, corpore admodum elegantem, omniq; morum honestate pollentem hanc per legatos petiit in conubium. Goisfredus autem propositum eius vltro animo satagens accelerare, omnibus quæ ad tantum negotium erant congrua præparatis, eam illi deduxit vsq; ad limina Archangeli Michaelis. Ibi dux illam competenti honore suscipit, sibiq; legitimo iure iunxit. De qua profluentibus annis, tres filios genuit. Richardum siquidem atq; Robertum, & Willelmum apud Fiscanum monachili vellere in adolescentia functum. Totidemq; filias, quarum vna nomine Adeliz Rainaldo Burgundionum Comiti nupsit, ex qua Willelmum & Widonem procreauit. Altera Balduino Flandrensi. Tertia iam adulta obiit virgo. Porro Goisfredus Comes longo post orationis præobtentu Romam proficiscens, totam Britanniam cum duobus filiis Alanno videlicet ac Eudone reliquit sub Ducis aduocatu. Qui peragratis sanctorum locis, in repatriando præuentus morte diem obiit.

*Quomodo Robertus Rex Francorum auxilio Richardi Ducis reddidit
Burchardo castrum Milidunum.*

C A P. XIV.

TEMPORE illo cum Burchardus Milidunensis castri Comes apud Regis Francorum curiam moraretur, quidam eius miles nomine Walterius muneribus cæcatus, illud ei dolo surripuit & Oddoni Comiti clandestina prodicione tradidit. Rex autem ut hoc comperit, Oddoni festinato mandauit, quatenus castrum desereret sponte, quod sibi vsurparet iniuste. Sed ille loci filius munimine ob decurrētis in gyro alueum Sequanæ, referentibus legatis Regi respondit, illud vita Comite se nulli vnquam reddere. His Rex oppido exacerbatus verbis Richardum Normannorum Ducem ad colloquium accersuit, eique ruboris sui dedecus deposuit, orans gratissimam eius fidelitatem subuenturam sibi, ne tanto præsumptionum ludibrio premeretur à suis. Dux autem opprobrium pii regis non ferens, congregatio mire multitudinis exercitu quantocius Milidunum venit, & illud ex vna fluminis parte obsedit. Et Rex in altera parte constitit. Sic ab vtrisque partibus castrum diu noctuq; cum turbine graui tormentis & machinis quatunt. Videntes itaque milites tantam vim hostium se non posse tolerare, distracto * ducti tumido rebellatore portas repente aperiunt eumque cum suis introducunt. Dux autem parcens multitudini, traditorem protinus Regi destinauit mandans ut milites dirigeret, qui castrum in sua fidelitate custodirent. Rex vero hoc exhilaratus nuntio, continuo castrum reddidit Burchardo & proditorem cum vxore propria patibulo iussit suspendi, debitam illis talionem reddens suæ factionis. Post hæc Richardus Dux rebus decenter expletis, cum benedictione Regali ad propria remeauit: Cuius ætatis tempore semper assueti fuerunt hostes fugare Normanni sed terga vertere nulli.

*Quod auxilio Ricardi Ducis Robertus Rex Francorum Ducatum Burgundie quod Henricus
Dux eiusdem sibi moriens reliquerat inuictis Burgundionibus adeptus est.*

C A P. XV.

ANNIS abhinc tribus emensis Henricus Burgundionum Dux moritur absque liberis, Rodbertum Francorum Regem sui Ducatus relinquens hæredem. Burgundiones eum factu supercilii suscipere refutauerunt. Sed Landricum Niuernensem Comitem intra Antisiodorum ad rebellandum summisserunt. Quorum tumidos præsumptiuæ temeritatis conatus, Robertus Rex comprimere festinans accersito Duce Ricardo cum exercitu Normannorum copioso Antisiodorum tam diu obsedit, donec Landricum cum vrbe obsidibus sumptis suo subiungaret dominatui. Inde vero profectus apud Aualonum castrum ad obsidionem est castra metatus. Quod cum tribus mensibus expugnaret robore vehementi, tandem Burgundia vastata, oppidani coacti penuria stipendiorum, consilio & auxilio Ducis illud reddiderunt Regi Francorum. His ad votum rite peractis, Rex per cuncta castella custodes deputauit, & Rodbertum filium suum Ducatui subrogauit, sicque arrogantia repugnantium cassata quieuit. Deinde Rex in Franciam, & Dux cum suis redit in Normanniam.

Quod

*Quod Rainaldus trans Saona fluuium Comes Burgundionum duxit filiam
Richardi Ducis Adeliz.*

CAP. XVI.

Cognita quoque mirandorum operum Ducis opinione Rainaldus trans Saonæ fluuium Burgundionum Comes missis legatis filiam eius nomine Adeliz in coniugium sibi expetiuit. Quam impetratam à paterna domo auferens, in Burgundiam cum magno honore induxit suoque thoro Christiana lege sociavit. Sed longo post obortis litium fomentis ipse à quodam Cabilonensi Comite nomine Hugone dolo capitur, & sub diræ custodiæ ergastulo detruditur, compedibusque grauissimis arectatur. Cuius incompentem anxietatem Dux ut agnouit, illico Hugoni expedite legatos direxit, mandans ut absq; difficultate dilationis generum suum pro amore suo sineret liberum abire. Legationem vero Ducis Hugo paruipedit, nec modo Rainaldum reddere contempsit, verum etiam custodibus adhibitis vehementius custodiri tumide iussit. Quod cum relatum Duci fuisset, protinus Richardo filio adiret, suamq; iniuriam de funesto totis nisibus vindicaret. Adolescens iussa patris libenter exequitur, & omnia quæ ad tanti itineris expeditionem oportuna erant præparat. Deinde velut tempestas procellosa coram se cuncta proturbans à patria egreditur, confecto calle cum innumerabilibus Normannis Burgundiam inuadit, & Milinandum castrum obsidione cingit. Incole vero loci tuto fidentes munimine, telis ac sagittis hostes cæperunt confestim ad sui perniciem prouocare. Normanni seuissimo furore concitati, castrum cum magno impetu per girum oppugnant, repente capiunt, & cum viris ac mulieribus atque paruulis igne terra tenus comburunt. Inde ad Cabilonensem urbem iter dirigunt, eiusque patriam igne consumunt. Considerans igitur Hugo contra tantum exercitus robur, se nullo pacto posse resistere, equestrem sellam ferens humeris prouolutus genibus Richardi adolescentis prece supplici veniam precabatur commissæ temeritatis. Quam indulta Rainaldum reddidit, & obsidibus datis apud Rotomagum ex hoc se fore satisfacturum, iureiurando Duci Richardo spondit. Quibus ad votum peractis, Richardus iuuenis ad patrem rediit cum suis.

*Quod Dux Richardus ad extrema veniens Richardum filium senio-
rem præfecit suo Ducatus.*

CAP. XVII.

Richardus Dux quamuis præcellentissimorum actuum prærogatiuis longe lateque claruerit perspicuus, tamen Christi cultor extitit assiduus, adeo ut monachorum atque clericorum iure vocetur pater piissimus, & pauperum sustentator indefectus. His & huiusmodi probitatum vicens titulis, cæpit vehementer aggrauari ægritudine corporis. Rodbertum ergo archiepiscopum & cunctos Normannorum principes apud Fiscannum conuocat, eisque se iam omnino resolui indicat. Illico per cuncta triclinia domus, fit omnibus intolerabilis luctus. Lugubre quippe lamentabantur monachi & clerici, pro tanta orbitate patris charissimi. Heroum ora vdebant lachrimis pro amissione inuictissimi Ducis. Lugebant quoque cateruæ egenorum per compita oppidi, pro destitutione sui consolatoris & patroni. Nouissime autem ascitum Richardum filium suum consultu sapientum præfecit suo Ducatus & Rodbertum fratrem eius Comitatus Oximensi, ut inde illi persolueret debitum obsequii. Denique omnibus quæ ad Dei cultum pertinere videbantur strenue dispositis, Millesimo vicesimo sexto anno ab incarnatione Domini hominem exiuit viam ingrediens vniuersæ carnis, Regnante eodem Iesu Christo in Deitate paternæ Majestatis, & in vnitæ Spiritus Sancti per omnia secula seculorum. Amen.

Anno 1026.

Explicit liber quartus.

Hhh 2 INCL

WILHEL. GEMITICENSIS
INCIPIT LIBER QUINTVS DE TER-
TIO RICARDO ET ROBERTO FRATRE,
EIVS FILIIS VIDELICET SECVNDI
RICHARDI.

Quod Richardus tertius licet paulisper in regimine Ducatus fuerit, bonitatem tamen patris imitatus est.

C A P. I.

H A C T E N V S clarissimis præcedentium Normannorum Ducum gestis inelimitato stili nitore in propatulum expressis, cōsequens videtur, ut qui floruerunt ætate nostri temporis in huius stadio gymnasii opportunum obtineant locum stationis. Quorum actus partim intuitu parum veracium comperimus relatu, quos plurimorum notitiæ prout tenuitas dictaminis supeditauerit, propalare decreuimus. Igitur Ricardus iuuenis in Ducatu superstes genitoris, licet paulisper superuixerit, sicut in vocabulo nominis, ita hæres extitit censura summæ ingenuitatis. Hic in armis bellicis valde idoneus, totus tamen fide fuit Catholicus, & circa Dei cultores benignus ac mansuetus, æquo libramine militares turmas moderans pace gaudens continua.

De discordia inter ipsum & Robertum fratrem suum, & de morte ipsius Ricardi post factam concordiam.

C A P. II.

V E R V M huius optandæ pacis incremento perfidus hostis non diutius passus est illum latari, quorundam versutia maleuolorum fratrem suum Rodbertum aduersus eum concitans ad rebellandum. Is enim post biennium contempto eius dominio, intra Falisiæ castrum cum suis satellitibus se contulit ad resistendum. Ricardus autem Dux furentis fratris temerarios conatus festiue cupiens refrenare, ac ad obtemperandum debitæ subiectioni reuocare, cum hostium multitudine infra castrum ambitum vallauit eum obsidione. Quod cum crebris ictibus arietum & balistarum aliquandiu expugnaret, tandem à perfidia resipiscente Roberto, datis dextris in pristinam concordiam redierunt, & firmiter pace composita ab inuicem secesserunt. Porro dux Ricardus dimisso exercitu Rotomagum rediit, & cum suorum nonnullis ut plurimi retulerunt veneno mortem obiit. Hoc Millesimo vicesimo octauo ab incarnatione Domini anno contigit. Paruulus Ricardus filius Nicholaus extitit, qui terrenæ hæreditatis sorte ut ipse Deus hic & in æuum sua pars esset caruit. Nam ab infantia litteris traditus, & in cœnobio Sancti Audoeni in suburbio Rotomagensi nutritus, monachile iugum diutissime portauit. Defuncto autem Abbate Herfasto in regimine præfati monasterii successit, quod fere 50. annis tempore Wilhelmi Ducis Normaniæ, & magni Regis Angliæ tenuit. Denique Anno millesimo nonagesimo secundo ab incarnatione Domini; mense Febuario obiit tempore Roberti secundi Ducis, & Wilhelmi Rotomagensis archiepiscopi. Nunc vero ad propositum reuertamur.

Quod Robertus fratri suo Ricardo successit, & de moribus eius, & de discordia inter ipsum & Robertum Archiepiscopum.

C A P. III.

D E C E D E N T E igitur Duce Richardo à mundani principatus culmine, & regna ut credimus Vranica scandente, Rodbertus frater eius totius monarchiæ comitatus ab omnibus subrogatur. Qui quamuis circa rebelles fuerit ferotior moribus, beneuolis tamen extitit lenis & benignus, & erga Dei cultum pius ac deuotus. Quamobrem diutine pacis oblectamento semper meruit frui, præter id quod prauorum consultu sponte sibi delegit. Vnde in primordiis suorum actuum suspectum habens Robertum archipræfulem, hostili obsidione Ebroicam girauit urbem. Eius igitur efferos imperus archipræsul cupiens declinare, intra vrbis mænia cum militari manu obstruxit se. Nouissime vero datis dextris ab ea secedendi, Rodbertum regem Francorum cum suis exul adiit, & Normanniam pontificali anathemate percussit. Robertus ergo Dux recompensata improborum astutia, & perpendens se inconsulte egisse omnia, archiepiscopum à Francia reuocauit, & in pristinum honorem restituit. Postea mali penitens facti, suis ut tantum virum decebat asciuit consiliis, in reliquum illi persistens fidelis.

Quod

Quod idem Dux Robertus Willelmum de Belesmo obsedit intra Alentium castrum, & ad deditionem coegit.

C A P. I V.

ELIMINATIS denique à se totius litis incentoribus & subactis paci animis liberalibus sapientum cæpit tractatibus uti, & sollerti industria ad summi honoris incrementa pollentissime prouehi. Iam probos eius mores & pacificos actus laudum fauoribus bonorum plurimi ceperunt efferre improborum vero nonnulli ignauia ascribere. Ex quorum contubernio Willelmus Belesmensis Iuonis filius animositatem eius audens attemptare, ex castro Alentio quod beneficii tenebat iure à Seruiminis iugo pertinacem ceruicem temere sumpta rebellione nifus est extorquere. Ad cuius atrocem insolentiam propere conterendam adueniens Dux cum militaribus turmis, tam diu eum intra munitionem tantæ præsumptionis adiutricem conclusit, donèc eius clementiam expeteret, & nudis vestigiis equestrem sellam ad satisfaciendum humeris ferret. Dux autem ei licet fiste satisfaciendi non modo cuncta indulgit verum etiam reddito ei oppido festinus à loco fecisset. Willelmus enim dirum angusto sub pectore virus efflans, paulisper à manifesto perfidia motu se suspendit, sed non multo post ad idem periurii scelus palam rediit. Multum quippe crudelis & cupiditas erat, & quatuor filios Warinum, & Fulconem, Rodbertum & Willelmum sui similes habebat. Warinus igitur postquam Gunherium & Belifmo militem bonum & amabilem, qui nihil mali suspicabatur. Sed potius ei ridens ut amico congratulabatur, siue causa capite crudeliter primauerat mox à demonio arreptus est, & videntibus sociis qui aderant strangulatus est. Iterum Willelmus ad tantam controuersiam contra Ducem peieratus incanduit, ut intrepida cum audacia filios suos Fulconem atque Rodbertum cum militum copia dirigeret, qui directionibus Normanniam vexarent. Verum plurimi ex domo Ducis expediti vernaculi audacter eis occurrerunt, & intra saltum Blauonis cruentum cum eis prælium commiserunt, ac suffragante Deo grauiter illos protriuerunt. Ibi Fulco præuaricatoris filius iugulatus est, & omnes pene milites abrafi sunt. Robertus autem frater eius vulneratus vix è certamine cum paucis elapsus est. Willelmus vero pater eorum iam grauiter ægrotatus ut eos sic interiisse comperit, intrinsecus dolore cordis tactus, continuo animam efflauit. Sic Ducis hostibus profligatis seditio pressa in partibus illis ultra disparuit.

Quod Hugo Baiocensis episcopus filius Rodulfi Comitis Ebrilium tenere voluit sed non potuit.

C A P. V.

INTEREA dum hæc geruntur, Hugo Rodulfi Comitis filius Baiocasinæ vrbis præsul perspexit, quod Rodbertus Dux vellet prudentium consilia sectari, & sua destituere, quadam vsus doli versutia Ibrilicum castrum clam armis & alimoniis sufficienter muniuit. Deinde custodes posuit, & Franciam ocus adiit, ut inde milites conduceret, qui viriliter illum ad repugnandum iuuarent. Dux vero fraudis eius molimina accelerans anticipare, contractis Normannorum copiis idem castellum præoccupauit obsidione clausa egrediendi ab eo siue ingrediendi omnibus facultate. A cuius ingressu cum se Hugo videret extrusum, Sollicitus de suis intra illud conclusis libertatem abeundi per legatos à Duce petiit, & eos inde permansit. Dux vero custodibus à castello amotis, idem in deditione munitum suscepit.

Quod Balduinus Comes Flandrensis filio suo Baldaino filiam Roberti Regis Francorum quasinit & accepit, malo suo nisi Robertus Dux Normannia sibi ferret auxilium: & de morte Roberti Regis Francorum, cui successit Henricus filius eius.

C A P. V I.

SVB eodẽm tempore Balduinus Satrapa Flandrensis sobolem suam cupiens innormare profapia regali. Rodbertum Regem Francorum expetiit, & filiam eius Balduino filio suo dari poposcit. A palatinis vero tricliniis adeptam tulit, ac domum propriam in cunis asportauit eamque vsque ad annos nobiles diligenti cura nutriuit. Filius autem eius mox ut nobilis puellæ amplexibus cepit frui, affinitate fretus regali, patrem à proprio solo pepulit, Flandrensibus ab eius fidelitate auulsis. Qui indecenter à suis destitutus, Normannorum Ducem festinanter aggreditur suffragium aduersus filium postulaturus. Dux ergo nobilis viri calamitatem miseratus, con-

Hhh 3 tractis

tractis militum viribus velut horridus turbo à patria egressus. Tlandoniam est adorsus, illam exterminans flammis exitialibus. Progrediens itaque ad castrum quod Cioca vocabatur, confestim illud subuertit, & omnia quæ in eo consistebant combussit. Videntes autem reliqui proceres & similia pati formidantes, relicto filio ad patrem reuersi obsides dirigunt Duci. Adolescens vero Balduinus intuens se non posse villo modo subsistere, ante Ducis intolerabiles excursus, legatos illi cum precibus humillimis dirigit, patri se cupere eo mediatore reconciliari. Desiderio eius ac petitioni vir summæ beneuolentiæ congratulanti affectu fauit, & utrosque libato pacis osculo in pristinam concordiam continuo redire persuasit. Sic litibus compressis, ulterius in pace & amore quo decuit perstiterunt. Ipse vero Dux demolitis rebellium rebus cum incolumi exercitu in Normanniam regreditur. Qua tempestate Rodbertus Rex Francorum moritur cui successit Henricus filius eius.

Quomodo idem Dux inuit Henricum Regem Francorum, contra Constantiam matrem suam.

C A P. VII.

REX etenim Henricus patre Rodberto viuentis Francorum regno potitus, tanto postmodum à matre Constanca nouercali odio est affectus, ut conspirantibus aduersus eum Comitibus à Regali fastigio eum deponere satageret, & Robertum fratrem eius Burgundionum Ducem illius loco subrogare disponderet. Consultu itaque suorum ad Rodbertum Normannorum Ducem cum 12. clientulis confugium fecit, ac apud Fiscannum per fidei debitum sibi ab eo subuenire petiit Dux enim honorifice recepit, multis donis honorauit, & non multo post decenter equis & armis instructum, patruo suo Malgerio comiti Corbuliensi destinauit mandans ut suis in partibus omnes incendiis ac tormentis affligeret, quos ab eius fidelitate desipere videret. Ipse vero per cuncta suæ ditionis castella Franciæ contermina militum validissimam manum posuit, & conflictibus crebris tam diu rebelles violenter oppugnauit, donec ceruicibus plexis & suis omnibus consumptis coacti suo Regi reconciliarentur & infelicissimæ matris conatus omnino exinanirentur. Tunc Rodbertus Willelmum Belesmenis potestatis hæres & crudelitatis per aliquot annos infestus erat vicinis sibi Cenomannensibus & Normannis. Expeditionem itaque ultra Sartam agens, à Cenomannensibus capitur ac apud Balaum castrum duobus annis in carcere custoditur. Post biennium vero Willelmus Geroii filius alique Rodberti proceres exercitum congregant & Cenomannis Comitem ad pugnam prouocant, & viriliter præliantes è bello effugant, ibi Walterium de Sordenia egregium militem cum duobus filiis militibus eximiiis comprehendunt, inter quos contradicente Willelmo nequiter eum in patibulo suspendunt. Alii vero tres filii Walterio apud Balaum erant. Qui ut atrocem patris & fratrum mortem cognouerunt vehementer irati carcerem vehementer irrumpunt, & Rodbertum de Belesmo securibus capite eius ibidem contrito miserabiliter occidunt. Quo defuncto Willelmus Taluatius frater eius successit in honore paterno. Ipse cunctis fratribus suis in omnibus flagitiis deterior fuit, & in eius seminis hæredibus immoderata nequitia usque hodie viguit.

Quod Dux Robertus contra Alannum Comitem Britannorum pergens, non longe à fluuio Coisum Castrum Carrucas condidit.

C A P. VIII.

ALANNVS Britannorum Comes proteruiæ fastu elatus à Roberto Ducis senitio se surripere pertinaciter est aggressus. Dux igitur aduersus eum innumerabilem exercitum mouit, & non longe à fluuio Coisnon castrum quod vocatur Carnel stabiluit, ad munimen videlicet Normannici limitis ac domandam tumidi arrogantiam præsumptoris. Inde Britanniam inuasit, totumque Doli Comitatum voracibus flammis tradidit. Quibus luculenter peractis, cum præda ingenti Normanniam reperiit. Alannus autem post eius abscessum cupiens vlcisci illatum sibi improprium ad demoliendum Brincatensem Comitatum, cum magno exercitu è vestigio persequitur illum. Nigellus vero & Aluredus cognomento Gigas prætitulati castelli custodes cum suis ei occurrunt & cum eo certantes ilico tanta strage. Britones depopulati sunt ut per camporum plana Sini prædicti fluminis littora prostrati viderentur quasi bidentes. Alannus itaque sua tristis repetens, cum dedecore Redonis venit.

De Ab.

De Abbatia Becci, & primo Abbate & fundatore ipsius venerabili Herluino, & de successore eius Anselmo.

CAP. IX.

CIRCA hæc tempora, anno videlicet ab incarnatione Domini millesimo trigesimo quarto, Dominus Abbas Herluinus quadragesimo ætatis suæ anno deferens secularem vitam sacræ religionis habitum suscepit ab Episcopo Lexoniensi Herberto, & postea ab eodem præfule sacerdos ordinatus, atque Abbas constitutus est. Inde Beccense Cœnobium cæpit habere initium. Sed quia tanti patris fecimus mentionem, libet ad memoriam posteritatis his annalium paginis aliqua de eo & Ecclesia
10 ab eo constructa paulo latius inferere. A Danis igitur, qui Normanniam primi obtinuerunt, pater eius originem duxit, mater proximam ducum Morinorum, quos moderi Flandros cognominant, consanguinitatem attigit. Ansgodus ille ista Helois nomen habebat. Gislebertus Brionnensis Comes primi Ricardi Normanniæ Ducis nepos ex filio consule Godefrido illum enutritum penes se inter omnes curiæ suæ primates habuit acceptissime. Habilis ille ad arma plurimum erat, nec minori ea animositate gestabat. Omnes omnium totius Normanniæ maiorum familiæ in electis illum habebant in armis, omniq; rei militaris vsu & cultu corporis sui attollebant. Ab inhonestis auertebat animum, honestis, quæ curiæ magnificiunt, impendebat omne studium, domi ac militiæ commilitonum suorum præstantissimus, non esse impatiens erat.
20 Quibus de rebus non solum singularem domini sui obtinuerat fauorem, verum & apud Robertum totius patriæ Ducem, & apud exterarum dominos regionum pepererat sibi nomen plurimum, accessumq; familiarem.

Vitæ huius iocundissimo statu annos ille iam excesserat triginta septem, cum tandem diuino metu succendi amore mens illius cæpit, & ab amore mundi tepescere, sensimq; indies frigescere. Ab exterioribus oculum cordis conuertens ad seipsum ibat frequentius ad Ecclesiam, orabat deuote, ac sæpe prorumpatur in lachrymas. Ludicra re omni omissa, iam minus frequens erat in curia. Quia hoc solo retinebatur, quod prædia sua Deo secum lucrari satagebat, quod & obtinuit extorquens ea sibi à
30 Domino suo multa instantia seruiti. Ditioni illius ac seruitio ipso Domino tradente quicquid paterni iuris habebant fratres sui, qui eadem dignitate geniti pares extiterant sibi. Quia dignior & vera nobilitate generosior germanis efficiebatur. Protinus in villa, quæ dicitur Burnen villa, extruendum seruitio Dei opus arripuit non paruum breuiperactum.

Ipse non solum operi præsidebat, sed opus ipsum efficiebat terram fodiens, fossam referens, lapides, sabulum, calcemque humeris comportans, ac ea in parietem, ipsemet componens. Quibus alii horis aberant, ipse congerebat, quæ ad opus exigebantur, excludens otium ab omni parte diei, quanto vanitate timida olim delicatior tanto vera humilitate nunc ad omne laboris tolerantiam propter Deum pa-
40 tientior.

Cibum præter quibus non licet diebus semel accipiebat, nec exquisitum & parce satis expleto cum die opere suo. Prima literarum elementa didicit, cum iam existeret annorum prope quadraginta, & diuina opitulante gratia eo vsq; processit, ut etiam ipsis apprime eruditus Grammatica in exponendis ac intelligendis diuinarum scripturarum sententiis merito haberetur admirabilis. Quod ut solius diuinæ gratiæ efficaciz actum credatur, nocturnis tantum horis huic studio vacabat, quippe propter lectionem nunquam diurni operis intermisit executionem. Auulsit ilico paternas domos, vnde seruorum Dei habitacula construxit. Sacrata vero quam construxit Ecclesia ab episcopo Lexoniensi Herberto, comam totondit, ac secularem habitum de-
50 ponens ab eodem Pontifice sacræ habitum religionis accepit, mille Christi per tot pericula fortis ante expertus. Eiusdem ordinis cum eo iugum subierunt duo sui. Postmodum à præfato præfule sacerdos consecratus, pluribus Ducatu illius iam additis fratribus Abbas præficitur. Quos ergo regendos acceperat, arctissime, sed more patrum præcedentium regebat. Videres peracto in Ecclesia officio, Abbatem collo sementem, manu rastrum, vel sarculum gestantem ad agriculturam præire, monachos omnes ruris operi sub diei terminum insistere. Sentibus & spinis alia agrum emundabant, alii fimum scapulis comportantes spargebant. Hi sariebant, illi ferebant, nemo panem absolvebat in otio. Ad horam agendi officii in Ecclesia omnes vnquamque conueniebant.

Victus quotidianus, panis siligineus & herbæ cum aqua & sale. Aqua non nisi lutulenta, quia fons nusquam ad duo miliaria habebatur. Simili se inibi propter Deum seruituti nobilis mater eius addixit, & concessis Deo prædiis, quæ habebat ancillæ fungebatur officio, seruorum Dei pannos abluens, & quicquid iniungebatur extremi operis accuratissime agens. Dein post aliquantum temporis per visum commonitus est, ut dimissa solitudine campestri, quæ competenti oportunitate omnino carebat, eum ad locum sui iuris mansionem transferret, qui à riuo illic mananti Beccus appellatur, ad miliarium à castro, quod vocatur Brionnium. Est hic locus in ipso saltu Brionnense valle ima montibus saltuosus hinc inde conclusa, omni oportunitate humano vsui commodus. Propter densitatem ac riui recreationem ferarum illic multus erat accursus. Trium tantum molendinorum tres domus illic erant, & solum habitabile permodicum. Consecrata paucis extructa annis non parua Ecclesia, columnis ex ligneis claustrum construxit, in quo ad morem patriæ fratres iam nusquam progressuros confidere instituit.

Variis ergo simultatibus, quæ sæpe introrsus oriebantur, cæpit dolere multum & anxari. Ad ea enim componenda, qui in claustro præsideret, minime erat, sumptuum congerendorum necessitas illum immorari extra compellebat. Hac de re cum iam Deum multoties exorasset, diuina sibi miseratio accommodauit auxilium sufficiens ad vniuersa, quæ agenda forent, suffragium. Ortus Italia quidam vir erat, quem latinitas in antiquum ab eo restituta scientiæ statum, tota supremum debito cum amore & honore agnoscit nomine Lanfrancus. Ipsa quoque in liberalibus studiis gentium magistra Græcia, discipulos illis libenter audiebat & admirabatur. Is patria egressus, quamplures multi nomini scolaris secum habet in Normanniam deuenit. Beccum itaque adiit, quo nullum vsquam pauperius æstimabatur vel abiecius cœnobium. Forte tunc Abbas extruendæ fornaci occupatus, ipse operabatur manibus suis. Cuius humilitatem animi sermonisq; dignitatem ille plurimum veneratus & amans, monachus ibi efficitur. Sic per tres annos vixit solitarius in frequentia hominum, gaudens quod ibi nesciebatur, præter paucissimos, quibus aliquando loquebatur omnibus ignotus. Rumor ut hoc factum prodiit, longe lateq; protulit, & fama viri præclarissima Beccum & Abbatem Herluinum breui per orbem terrarum extulit. Accurrunt clerici, Ducum filii, nominatissimi scholarum latinitatis magistri, laici potentes, alta nobilitate viri multi pro ipsius amore multas eidem Ecclesiæ terras contulere. Datur ilico Beccensis locus ornamentis, possessionibus, personis nobilibus & honestis. Interius religio atque eruditio multum accrescere, exterius rerum omnium necessariorum sumministratio cepit ad plenum abudare. Qui ergo in ipsius Monasterii inchoatione domibus necessariis solum sufficiens non habuit, eius paucos infra annos ad miliaria protenditur dominum. Non multo post propter inhabitantium multitudinem contigit in ea illud à Domino per Ysaïam prophetam: Angustus mihi est locus, fac spacium mihi ut inhabitem. Adunatam etenim illic fratrum multitudinem, quia domorum spaciositas iam carpere non valebat, & quia situs loci degentium incolumitati contrarius existeret, venerabilis Lanfrancus abbatem Herluinum de maioris monasterii & officinarum ædificatione compellare cæpit. Tanti operis solam commonitionem ille extimuit ætatis iam deficientis viribus plurimum diffidens. Nolente illo aliquatenus adquiescere, diuino nutu monasterii presbiterium corruit. Tandem victes spem in Deo certissimam gerens, & plurimum in consiliarii sui ope confidens, cuius opera sibi bona omnia proueniebant, & in salubriori multum situ noua inchoauit, monasterium & officinas, opus pergrande dignum, cuius dignitati ditiores multæ non accedunt Abbatix. Ad initiandum opus hoc tantum, non res suæ quæ permodicæ erant, sed maxima in Deum fides animum firmavit, quæ vniuersa conferendo sic accumulauit, quod à die, qua primo fundamenta posita sunt, usque ad externi lapidis impositionem, nec materia defuit, nec sumptus. Post triennii vero completionem sola nec dum completa basilica, venerabilis Lanfrancus cepti operis institutor, tam dominum, quam Normanniæ priuatum supplicatione coactus, Ecclesiæ Cadomensi Abbas præficitur. Interea sæpe dictus Normannorum Dux Wilhelmus hæreditarium sibi Angliæ regnum peruadens, imperium rebelle armis ad quæ voluit iura composuit. Denique ad meliorandos Ecclesiarum status animum intendit. Totius igitur Christianitatis summi Pontificis Alexandri, viri vita & scientia excellentissimi, consultu & rogatu, omnium quoque Anglici regni & Normandi imperii magnatum libentissimo assensu Rex Wilhelmus quod potissimum solumq; accepta-

septabat consilium, doctorem supra memoratum ad hoc elegit negotium. Victus
multiplici ratione in Angliam traducitur, & quæ insularum transmarinarum prima-
tum obtinet Cantuariensis Ecclesiæ suscepit præsulatum. Qui multarum ditatus am-
plitudine terrarum, auro argentoque locupletatus, executus mandatum, quod in
Exodo mandatur: Honora patrem tuum & matrem, ut sis longæuus super terram:
omnibus modis benignus extitit circa patrem suum spiritualem & matrem Eccle-
siam. Cuius in Anglia quantus postea extiterit fructus, latissime attestatur renoua-
tus usquequaque institutionis Ecclesiasticæ status. Cœnobialis ordo, qui omnino ad
laicalem prolapsus fuerat dissolutionem ad probatissimam reformatur disciplinam
20 monasteriorum, clerici sub canonicali coercentur regula, populus rituum barbaro-
rum interdicta vanitate ad rectam credendi, atque viuendi formam eruditur. No-
bilissimorum atque optimorum tam clericorum quam laicorum ex multis partibus
orbis illic adunatus numerus ad centenariam pertingebat summam. Noua necdum
sacrata erat Ecclesia, quoniam ab ipso, cuius eam consilium inchoauit, & auxilium
consummauit, expectabat consecrari instanter hoc à Deo exposcens. Cuius petitioni
qui ad cetera sibi benignus extiterat, optatum Deus concessit effectum, adimplens
per omnia super hac re illius affectum. Multo enim ampliori quam præsumere pote-
rat honorificentia consecrata est à quo exoptabat. Igitur decimo Calendas Nouem-
bris, Anno ab incarnatione domini millesimo septuagesimo septimo, sanctæ omni-
30 um Ecclesiæ reuerendus gentium transmarinarum summus Pontifex Lanfrancus ad-
uenit consecrando consummaturus Ecclesiam, quam inspirante Deo inchoauit, &
in cuius extruendis fundamentis lapidem secundum ipse manu sua imposuit. Con-
uenerunt vniuersi Normanniæ Episcopi, Abbates, & alii quique religiosi viri, affue-
runt procures regni. Rex aliis intentus negotiis adesse non potuit Regina Mathil-
dis libens affuisset, nisi regiis detenta occupationibus fuisset. Affuit tamen per con-
decentem beneficentiæ suæ largitionem. Noluît Rex supernus operi gratiæ suæ Re-
gem terrenum supremam manum imponere, sibi totum reseruans operis consum-
mati gaudium, quod infra sedecim annos solis pauperum expensis compleuit, mona-
sterium cum omnib. officinis opus pulchrum & maximum. Affuerunt & regni Fran-
40 ciæ clarissimi consules, & ex aliis regni eiusdem primatibus complures, clerici, mo-
nachi, ex vniuersis adiacentibus prouinciis, aliquanto vero temporis post dedicatio-
nem exacto, venerandus pater Herluinus omni membrorum officio destitui penitus
cepit, & longe ante diei ipsius annuam reuolutionem quod optauerat obtinuit.
Nam proximo subsecuto mense Augusto, tertio decimo Calendas Septembris die
Dominico ex toto lecto decubuit. Vespertina à fratribus peracta Synaxi, cum diei ac
diurni officii fine, vitæ humanæ stadium felici cursu peregit, nocte iam proxima, quæ
in dominicam illucescebat septimo Calendas Septembris. Actum est in Capitulo il-
li monumentum bonorum actuum æternum filiis monumentum. Iure quo de spi-
ritualibus loquuturi studiis conueniunt, illius præsentatur memoria, qui ex tyranno
40 religiosus, ex multum seculari omnino spiritualis, loci illius atque ordinis primus ex-
titit fundator & Abbas.

E P I T A P H I V M.

*Hac tegitur petra, qui quas circumspicis ædes,
Cunctas ediderat, Monachus ex laico.
Ter post undenos ac tres & quatuor annos,
Grammata nescierat, postq. peritus obit.
Quatuor undecies transegit cœnobialis
Annos rite suos, dimidiando dies.
Cum Phæbus nouum sub Virgine protulit ortum,
Commigrando diem clausit & hebdomadem.
Herluinus erat, si quis de nomine querat,
Cui cum sanctis det quicquid eis Deus est.*

ALIUD EPITAPHIUM HERLVINI ABBATIS.

*Hunc spectans tumulum titulo cognosce sepultum,
Est via virtutis nosce quis ipse fuit.
Dum quater hic denos aui venisset ad annos,
Quæ fuerant seculi spreuit amore Dei.*

Mutans

*Mutans ergo vices, de mundi milite miles
 Fit Christi subito, monachus ex laico.
 Hinc sibi more patrum socians collegia fratrum,
 Cura qua decuit rexit eos, aluit.
 Quod quantaſque vides hic ſolus condidit ades,
 Non tam diuitiis, quam fidei meritis.
 Quas puer haud didiciſſet ſcripturas poſtea ſciuit,
 Doctus ut indoctum vix ſequeretur eum.
 Flentibus hunc nobis tulit inclementia mortis,
 Sextilis quina biſq; die decima.
 Herluina pater ſic cœlica ſcandis ouanter,
 Credere namq; tuis hoc licet ex meritis.*

19

Deceſſit autem idem venerabilis pater 7. Calendas Septembris, 84. ætatis ſuæ anno, Monachatus vero 44. pauciſque interpoſitis diebus electus eſt Abbas Anſelmus pro eo qui tunc erat prior eiufdem loci. Qui quantæ fuerit religionis, quantæue ſapientiæ, in libro, qui de vita ipſius ſcribitur, facile, qui eundem librum legerit, reperiet. Scripſit vero idem vir reuerendus nonnulla digna memoriæ, quæ ſubter annexere curauimus. Dum adhuc Prior eſſet in Beccenſi cœnobio ſcripſit tractatus tres: Primum de veritate: ſecundum de libertate arbitrii: tertium de caſu Diaboli: Scripſit & quartum, quem titulauit de Grammatico, in quo diſcipulo, quem ſecum diſputantem introducit, reſpondit, & multas Dialecticas quæſtiones proponit & ſoluit. Fecit quoque libellum quintum, quem Monologion appellauit: Solus enim in eo & ſecum loquitur, ac tacita omni ratione quærit & inuenit, & quod vera fides de Deo ſentit inuincibili ratione, ſic nec aliter eſſe poſſe probat & aſtruit: composuit etiam librum ſextum licet paruulum, ſed ſententiarum ac ſubtiliſſimæ contemplationis pondere, magnum quem Proſlogion nominauit. Alloquitur enim in eo opere aut ſeipſum, aut Deum. Scripſit & ſeptimum librum Epistolarū ad diuerſos diuerſis eorum negotiis reſpondens, vel ea quæ ſua procurare nitere: aut mandans: Fecit & octauum de incarnatione verbi. Quod opus epistolari ſtilo conſcriptum ſanctæ Romanæ Eccleſiæ ſummo Pontifici Urbano dicauit, deſtinauit. Nonum librum edidit, quem, Cur Deus homo, appellauit. Decimum de conceptu virginali. Vndecimum de orationibus ad diuerſos ſanctos, quas plurimi Meditationes vocant. In quibus legentibus facile apparet, quanta dulcedo ſupernorum mentem eius repleuerat. Duodecimus, qui & vltimus illi tractatus fuit de proceſſione ſpiritus ſancti: conſutauerat enim Græcos in Barenſi conſilio, negantes ſpiritus ſanctum à filio procedere. Vnde ſumpta materia rogatu Ideberti Cinomannorum Epiſcopi hunc librum composuit. Et quia de hoc venerabili viro aliqua diximus, libet compendioſe ſpacium vitæ eius comprehendere.

Ortus igitur ex generoſis parentibus in ciuitate Auguſta, quæ contigua eſt Burgundia & Italia, per diuerſa loca ſtudiis literarum operam dando peruenit Normanniam, & in Monaſterio Becci, vbi tunc temporis magnus ille ſupradictus Lanfrancus Prioris fungebatur officio, cum aliis conſcholasticis ab eodem tam diuinis quam ſecularibus literis inſtructis, ipſius hortatu & conſilio factus eſt monachus Becci anno ætatis ſuæ 27. vbi vixit clauſtralis ſine prælatione tribus annis 15. Prior poſt bonæ memoriæ prædictum Lanfrancum Cantuarienſem Archiepiſcopum. Deinde 15. annis Abbas extitit poſt piæ recordationis venerabilem Herluinum primum Abbatem ipſius loci. Inde aſſumptus eſt ad Archiepiſcopatum Cantuarienſem poſt venerandum Lanfrancum, quem rexit 16. annis. Septimo decimo autem Archiepiſcopatus anno, Monachatus vero 49. porro ætatis 76. tranſiit è mundo 11. Calendas Maii, feria quarta ante cœnam Domini. Ipſo anno fuit vltimum Paſcha, hoc eſt, ſeptimo Calendas Maii.

His per anticipationem dictis de fundatore Beccenſis Cœnobii cum reuerentia nominando venerabili Herluino & ſucceſſore eius viro clariffimo in diuinis rebus Anſelmo, ad ordinem geſtorum Ducum Normanniæ, quibus paululum digreſſi fueramus, reuertamur.

De claſſe,

De classe, quam Dux Robertus disposuit mittere in Angliam in adiutorium cognatorum suorum Edwardi & Alfredi filiorum Regis Edelredi.

CAP. X.

TEMPORE quo Edelredus Rex Anglorum, vt supra recitauimus, à Sucho Danorum Rege regno pulsus, & Normanniam profugus venit, duos filios, Edwardum & Aluredum non longo post patriam repetens, Richardo eorum auunculo nutriendos reliquit. Hi enim intra Normannorum Ducum aulam educati tanto honore à Duce sunt habiti, vt summi nexu amoris tanquam fratres eos adoptaret sibi. Quorum diuturno compassus exultatui missis legatis mandauit Chnuto Regi, vt iam iamque faciatus eorum exterminio illis parceret, & sua eis vel sero pro sui amoris obtemptu redderet. At ille salubribus monitis eius non adqueieuit, sed legatos in factis rebus nihil lætum portantes remisit.

Tunc Dux vehementissimi furoris rubore succensus conuocatis Ducatus sui principibus, iussit magnam nauium classem festinato fabricari. Quam ex omnibus Normannici maris partibus coactam, & infra exigui temporis spacium in anchoris, armis, hominibusque robustissimis diligenter instructam, stare apud Fiscannum in littore ponti fecit. Inde quoque signo dato, & velis in sublime panlis nimia tempestate acti ad insulam, quæ Gressui vocatur, cum magno periculo pelagi domum sunt deuoluti. Quod puto ita factum esse, Deo auctore, pro Edwardo Rege, quem disponebat in futuro regnare sine sanguinis effusione. Vbi dum longo detinerentur tempore vento aduerso diutius flante, Dux efferatis animis incredibili cruciatur morore. Nouissime autem videns, se nullo modo posse transfretare, giratis nauium proris apud sancti Michaelis montem remeato limbo maris quanto-
tius sunt appulsi.

Quod partem eiusdem classis misit ad affligendam Britanniam, & de pace redintegrata inter ipsum & Alaneum Comitem Britannia.

CAP. XI.

DUX autem Rodbertus quandam partem classis Rabello fortissimo militi tradidit, ac ad affligendam incendiis & prædis Britanniam direxit. Ipse vero contra-cto exercitu equestri, parabat ex altera parte eam aggredi.

Alannus itaque considerans graue sibi ab vtriusque partibus discrimen imminere, missa legatione Rodbertum vtriusque auunculum Normannorum videlicet Archipræsulem ad se mandauit festinanter venire. Cui cum exitialem Britanniae exterminationem, & concitati Ducis atrocem super se enarrasset expeditionem, præsul sua interposita fide eum sumpsit, ac ad Montem tumbam sancti Michaelis domum adduxit, ad clementiam siquidem Ducis illum inuadere disponentis. Mox nimium rigida eorum præcordia propiciante Christo eam ad quietem composuit, vt omni dissensionum motu sedato serena concordia eos vniret, & Alannum in seruitio Ducis pacta fidelitate supplicem omnino complicaret. Post hæc legatos Dux misit, & nautas à Britannica vexatione recedere iussit.

Quod Chnutus Rex Anglorum obtulit per legatos suos Edwardo & Aluredo medietatem Anglici regni pro timore Roberti Ducis Normannorum: & quod idem Dux per gens Ierusalem Wilhel mum filium suum quinquennem Ducatui Normannia præfecit.

CAP. XII.

QVIBVS ad liquidum sopitis en adsunt legati Rodberto Duci à Chnuto Rege directi nuntiantes, illum medietatem Anglici regni velle reddere filiis Edelredi Regis, pace rata in diebus suis, eo quod valida grauaretur incommoditate corporali. Idcirco Dux intermissa nauali expeditione distulit incæptum, prius cupiens ab Ierolymis redire, quod diu optauerit deuotissimo animo. Nam perpendens hanc vitam prodigam fore & labilem, verbaque dominica pio atque felici corde volutans diuitibus loquentia: Væ vobis qui habetis vestram consolationem: elegit magis pauper Christi fieri, quam gehennalibus ignibus aduri.

Rodbertum ergo archiepiscopum cum optimatib. sui ducatus accersuit, & illis velle

velle se appetere Ierosolymitanam peregrinationem manifestauit. Quibus verbis omnes vehementer attoniti, propter eius absentiam formidabant patriam multimode perturbari. Exponens autem eis Wilhelmum filium suum, quem vnicum apud Falesiam genuerat, ab eis attentissime exigebat, ut hunc sibi loco sui Dominum eligerent, & militiæ suæ principem præficerent. Quilicet sub tenerrima detineretur ætate puerili, tamen de eius consolatione omnes oppido exhilarati, iuxta decretum Ducis protinus eum prompta viuacitate suum collaudauere Principem ac Dominum, pangentes illi fidelitatem non violandis sacramentis. Dux itaque Rodbertus postquam hæc ad votum expleuit, filium suum fidelibus & sensatis tutoribus & auctoribus vsq; ad legitimam ætatem subegit, & dispositis competenter rebus ad patriæ moderamina congruentibus, pium valedicens omnibus, cum suo nobilissimo comitatu illam sanctissimam peregrinationem est aggressus. Quæ vero lingua vel sermo explicabit elemosynarum exhibitiones egenis ab eo quotidie distributas? Aut quæ vidua vel orphanus egenusque extitit, qui non eius expensis subleuaretur? Tandem profecto itinere ad illud venerabile sepulchrum peruenit, in quo Regis cœlestis sanctissimum corpus iacuit. Quis ergo hominum enarrabit, quot per octauos dies lachrymarum riuulis illud eluerit, vel quot auri muneribus accumulauerit.

Quod idem Dux Rodbertus rediens ab Ierosolymis apud urbem Nicenam obiit in Christo.

20

C A P. XIII.

Anno 1035.

PORRO inuictus Dux pius & Deo amabilis, adorato Christo cum internorum singultuum suspiriis, & peragratis Sanctorum locis felicissimum conuertens iter ad Nicenam regressus est urbem. In qua correptus ægrimonia corporis, Millesimo tricelimo quinto ab incarnatione Domini anno viam petens vniuersi generis humani gaudentibus angelis diuinæ vocationis iussu in fine occubuit, 6. Nonas Iulii. Non enim indignum æstimo credere, & pennæ officio signare, quod æterno cœlestis Ierusalem moderatori, cuius & sepulturæ locum in terra veneratus est, in huius vitæ medio labore ad perennis gloriæ consortium eum assumere placuerit. Ne beata anima plurimo iam optimorum operum splendore candidata, post mundanis actibus im-
plicata maculas colligeret. Sepultus est etiam in basilica sanctæ Mariæ à suis intra mœnia Nicenæ ciuitatis, regnante Domino nostro Iesu Christo in paternæ maiestatis deitate, cum cœqualitate spiritus sancti per omnia secula, Amen.

Explicit liber quintus.

INCIPIT LIBER SEXTVS DE WVILHELMO DVCE, QVI ANGLIAM ARMIS SVBEGIT.

40

Quos labores Wilhelmus puer perpeffus est in initio fuis principatus peruerfitate quorundam.

C A P. I.

RECENSITIS feriatim Rodberti magni Ducis actibus, & multorum solerti indagine intimatis auribus competens videtur, ut ad Wilhelmum filium eius articulus vertatur, subscribendo futuris, quo sudore laboris inimicorum laqueos euaserit, & suis eorum ferina colla vestigiis viriliter subtrauerit. Plerisque etenim scripturæ reperitur in paginis, nequitia patris iniqui domum filii subuerti, è diuerso vero merito boni solidius roborari. Denique Christus Rodberto Duci spretis ab eo secularib. pompis domum stabiliuit, dum perenni eum palma remuneravit, & Wilhelmum filium illius profligatis inimicis throno regali postmodum prouexit.

Veruntamen quibus victoriarum triumphis in Ducatu claruerit, prout ordo rerum veracissime compertarum dictauerit, libet venturis notificare, ne tegantur inani segnitie, quæ gloriose micuerunt ætatis nostræ tempore. Is itaq; Dux, in puerilibus annis patre orbatus sagaci tutorum prouidentia, liberalium morum instituebatur ad incrementa. Sub eius ineunte ætate Normannorum plurimi aberrantes ab eius fidelitate

litate plura per loca aggeres crexerunt, & tutissimas sibi munitiones construxerunt. Quarum dum auderent filii munimine, protinus inter eos diuersi motus exoriuntur, seditiones concitantur, ac sua patriæ incendia ubiq; perpetrantur. In tanto quippe dissensionum turbine Mars atrociter grassatur, & non modicus bellatorum cuneus frustra consumitur.

De bello inter Turstinum de Bastenbore, & Walchelimum de Ferrariis, & de morte Osberni filii Herfasti.

CAP. II.

- 10 **N**AM Hugo de Monteforti filius Turstini cum Walchelino de Ferrariis certauit, & in eo conflictu uterque occisus occubuit. Porro immanis quorundam rabies eructuat, ac ad patriæ detrimentum nimis regnat. Siquidem Gislebertus Comes Ocenis filius Godefridi Comitum, callidus & fortis tutor Wilhelmi pueri scilicet domini, quodam mane dum equitans loqueretur cum compatre suo Wascelino de Ponte Erchenfredi nil mali suspicans occiditur cum Fulcoio filio Geroii. Hoc vero malum dolosis hortatibus Rodulphi de Waceio filii Rodberti Archiepiscopi factum est per manus crudeles Odonis Grossi, & audacis Rodberti filii Geroii. Deinde Turoldus teneri Ducis pædagogus perimitur à perfidis patriæ desertoribus. Osbernus quoque procurator principalis domus, Herfasti Gunnoris Comitissæ fratris filius, quadam nocte, dum in cubiculo Ducis cum ipso in valle Rodoili securus soporatur, 20 repente in statu suo à Wilhelmo Rogerii de Monte Gumerii filio iugulatur. Rogerius enim pro perfidia sua tunc exulabat apud Parisios, & quinque filii eius Hugo & Rodbertus, Rogerius & Wilhelmus, atque Gislebertus, in Normannia summopere inseruiebant diris facinoribus. Sed Wilhelmus pro scelere præscripto, quod operatus est, non multo post condignam mercedem retribuente Deo nactus est. Barno quippe de Glotis præpositus Osberni iniustam necem Domini sui cupiens vlisci, nocte quadam expeditos pugiles congregauit, & domum, ubi Wilhelmus & complices sui dormiebant, abiit, ac omnes simul, sicut meruerant, statim trucidauit.

- 30 *Quomodo Rogerius de Bellomonte filius Hunfridi de Vetulis patri inssione Rogerium de Toenico superauit.*

CAP. III.

- R**OGERIUS Toenites de stirpe Malahulcii, qui Rollonis Ducis patricius fuerat, & cum eo Francos atterens Normanniam fortiter adquisierat, vir potens & superbus, ac totius Normanniæ signifer erat. Hic vero dum Rodbertus Dux peregre perrexerat in Hispaniam, ubi per eum multæ probitates super paganos factæ sunt, profectus fuerat. Sed post aliquantum temporis in sua regressus est. Comperiens autem, quod Wilhelmus puer in Ducatum patri successerit, vehementer indignatus est, & tumide despexit illi seruire, dicens, quod nothus non deberet sibi aliis 40 que Normannis imperare. Wilhelmus enim ex concubina Rodberti Ducis nomine * Herleua Fulberti Cubularii Ducis filia natus, nobilibus indigenis, ex Ricar- * *Herleua* dorum prosapia natis despectui erat, utpote nothus.

Verum postquam Ierosolymitanus Dux obiit, Herluinus quidam probus miles Herleuam uxorem duxit, ex qua duos filios, Odonem & Robertum, qui postmodum præclaræ sublimitatis fuerunt, procreauit.

- Rogerius itaque fretus auxiliatorum multitudine contra tenerum Ducem ausus est rebellare. Omnes vicinos suos palam despiciebat, & terras eorum, maxime Vnfridi de Vetulis, rapinis & incendiis deuastabat. At ille diutius hoc ferre nolens, Rogerium de Bellomonte filium suum cum familia sua contra eum misit. Quem 50 Roger. Torniësis temere spreuit, & nil metuens cū eo audacter conflixit: sed ibidem cum duobus filiis suis Helberto & Elinantio peremptus victoriam hostibus reliquit. Ibi Rodbertus de Grentemaisnil læthale vulnus accepit, quo post tres hebdomadas decimoquarto Calendas Iulii obiit. Porro ante mortem suam duobus filiis suis Hugoni & Rodberto terram suam æqualiter distribuit: eisque Ernaldum minimum filium suum ut ipsum dum ad ætatem veniret, sicut fratrem

benefructarent, commendauit.

Iii

Quod

*Quod idem Rogerius Abbatiam Pratellis adificauit, & Adelinam filiam Waleranni
Comitis Mellenti duxit.*

C A P. IIII.

ROGERIUS vero de Bellomonte superatis aduersariis victori Deo gratiam re-
lit: & in omni vita sua bonis operibus insudare studuit. Inter quæ Monachile
Cœnobium in fundo suo Pratellis construxit, & Wilhelmo Duci contra omnes fi-
delis semper extitit.

Quapropter omnibus auis proauisque suis sublimior effectus est. Nam Adeli-
nam Waleranni Comitis Mellenti filiam vxorem duxit, ex qua duos filios, Rodber- 10
tum & Henricum magnæ potentia postea Comites procreauit. Rodbertus quippe
post Hugonē auunculū suū Comes Mellentis plusquam viginti septem annis vixit:
& Henricus dono Wilhelmi Regis in Anglia Comitatum Warwik promeruit. Post
præfatam cædem, in qua Rogerius & Robertus de Grentemaisnil, & alii quamplu-
res ceciderunt, Ricardus Ebroicensis Comes filius Rodberti Archiepiscopi, vx-
orem Rogerij de Toenia sibi in matrimonio assumpsit, ex qua Wilhelmum, qui nunc
Ebroicensibus principatur, genuit. Rodolph. vero frater eius Haduisam filiā Geroii
relictam Rodberti de Grentemaisnil sibi iunxit. Interea Wilhelmus Dux fauente
Deo crescit ætate & viribus, ac sensu morumque valentia proficit. Animaduertens
itaque, quanta suorum rabies Normanniam proculcauerit, in pueri pectore virile 10
robur colligit, procuresque patris sui ascitos ad amorem sui trahere satagit, & ne
quid indisciplinate agant precibus & iussis erudit. Rodulfum de Waceio ex consul-
tu maiorum sibi tutorem eligit, & principem militiæ Normannorum constituit.
Quidam optimatum, qui Dominum & iustitiam amant, libenter Duci vt Domino
obtemperant, fidemque seruant, & rebelles ei subdere fideliter anhelant. Porro fi-
lii discordiæ, qui dissentionibus gaudent, & innocenter viuere volentes, affligere
student, dum per se tantum nocere simplicibus, quantum vellent, se non posse vi-
dent, commentantur, qualiter improba fronte subuersionem patriæ procurent.
Henricum igitur Regem Francorum adeunt, & titiones eius per Normannicos li-
mites hac illacque spargunt. Quos nominatim literis exprimerem, si inexorabi- 30
lia eorum odia declinare nollem. Attamen non alii extiterunt, vobis in aure loquor
circumstantibus, quam hi, qui fidiiores se profitentur, & quos nunc maioribus Dux
cumulauit honoribus.

*Quod Henricus Rcx Francorum castrum Tegularias à Normannis pro pace sibi tradi-
tum combussit, nec non & Argento-
nium.*

C A P. V.

VESA N A igitur proditorum prouocatione Rex Henricus vehementer permo-
tus, & beneficii à Roberto Duce sibi quondam impenſi immemor effectus, di- 40
xit se placabilem ei nullo modo fore, quamdiu Tegulense castrum videret in pristino
statu persistere. Cuius fraudes animi ob salutem pueri vitare cupientes in fide stan-
tes Normanni, decreuerunt fieri quod egisse postmodum pœnituit.

Gislebertus autem cognomento Crispinus, cui illud commiserat olim Dux
Rodbertus, mox vt molestissimum agnouit decretum, conatus eorum spreuit, &
cum valida manu armatorum ad resistendum ilico se intra ipsum conclusit. Rex
quoque munitionis aditum sibi denegari considerans, exercitibus tam Francorum,
quam Normannorum contractis festinus eam obsidione cinxit. Quid plura? Gisle-
bertus tandem precibus Ducis victus, mœrens castrum reddidit, quod sub oculis o-
mnium cum maximo dolore cordis confestim igne concremari perspexit. Quibus, 50
Rex ad votum peractis, à loco secessit. Sed non multo post Oximensē Comitem
adiuit, & Argentonium Ducis vicum flammis voracibus combussit: Sicque onustus
præda partes illas deseruit. Deinde itinere, quod venerat, regressus, ad castellum
Tegulense venit, atque sacramenta, quæ Duci iurauerat, ne à quoquam suo in qua-
tuor annis reficeretur, irrita fecit. Nam illud cum festinatione restaurauit,
militibus & alimoniis abundantissime muniuit, & hinc quia
votis suis iam satisfecerat, lætus
recessit.

Quomo-

*Quomodo Turstinus Gox castrum Falesia contra Wilhelmum Ducem tenere volens,
sed non potuit, & de Richardo filio
eiusdem.*

CAP. VI.

TURSTENVS cognomento Guz Ansfridi Dani filius, qui tunc præses Oximen-
sis erat, perspicuens Ducem puerum Regi aliquantum cessisse, & quasi victum
regiz manus oppressionem iam aliquantam utcunque perpeti, zelo succensus infide-
litatis, regales milites stipendiis conduxit, quos complices ad muniendum Falesia
castellum, ne inde Duci seruiret, sibi ascivit. Cuius maliuoli animi conatus Dux vt
comperit, legionibus Normannorum vndeque coactis festinanter illud obsedit.
Tunc Rodulfus Waccientis magister militum erat, Ducemque suum totis nisibus
adiuuabat.

Concitatis autem militibus tanta ilico magnanimitate pugnatum est, vt partem
muri sub momento deiecerunt. Et nisi nox prælium diremisset, proculdubio rem,
quam summe volebant, totam confecissent. Perpendens Turstinus, se tantas ho-
stium copias non posse diutius tolerare, locum secedendi à Duce petiit, & sic profu-
gus à patria extorris aufugit. Post hæc Ricardus Turstini filius optime Duci serui-
uit, & si patrem suum Duci reconciliauit, & ipse multa maiora, quam pater perdidit,
rat, adquisiuit.

*Quod Roberto Archiepiscopo successit Malgerius filius secundi Ricardi ex secunda coniuge Papiæ,
& de Wilhelmo Archacensi.*

CAP. VII.

MORTVO Rodberto Rotomagensi Archiepiscopo successit Malgerius frater
Rodberti Ducis. Nam Ricardus Gunnorides mortua Iudith, aliam vxorem no-
mine Papiam duxit, ex qua duos filios genuit, Malgerium scilicet archipræsulem, &
Wilhelmum Archacensem. Hic enim Wilhelmus à Duce iam in adolescentia pos-
sente, Comitatum Talogi percepit, obtentu beneficii, vt inde illi existeret fidelis.
Nobilitate vero generis elatus castrum Archarum in cacumine ipsius montis condi-
dit. Deinde assumpta tyrannide, regioque fultus iuuamine, contra Ducem ausus
est calcaneum extollere. Quem Dux à sua vesania nitens auellere, ad exhibendum
sibi obsequium per legatos iussit cum venire. Sed ille huiusmodi legationem habens
contemptui, magna cum fiducia ad resistendum se muniuit & armauit. Dux vero vi-
ribus Normannorum ascitis eius supercilium domiturus quantotius super eum ve-
nit, & erectis aggeribus ad radicem montis castrum stabiliuit, quod fortium virorum
robore inexpugnabile reddit, & sic inde abiens vallatum alimoniis reliquit. Quod
factum protinus Henricum Regem minime latuit. Rex ergo Francorum copias
sumpsit, & superioris oppidi causa muniendi properatissime aduenit, & exercitum
castra metari apud Sanctum Albinum iussit. Cuius aduentum milites Ducis com-
perientes, de suis miserunt, si quos forte hostium à regio cœtu abtraherent, quos il-
li in latibulis degentes incautos exciperent. Quo dum venissent, non minimam
exercitus partem inde protraxerunt, & fugientes in insidias induxerunt. Statim ve-
ro qui videbantur fugere, versa facie caperunt eos, acriter cedere: adeo vt in hoc
conflictu cum pluribus Ingelrannus Abbatissuillæ Comes confossus perimeretur,
ac Hugo cognomento Bardulfus cum multis aliis caperetur. Quod vt Rex agno-
uit, alimoniam castello, pro quo venerat intromisit, vt mœstus propter milites amif-
sos cum dedecore recessit. Wilhelmus quoque non longo post inedia affectus cum
suis inuitus castellum reddidit, & ipse à nativo solo in exilium discessit. Denique
cum vxore sua sorore, scilicet Widonis Comitis Pontini Eustachium Boloniz Co-
mitem expetiit, & in eius familia victum & vestitum percipiens vsque ad mortem
suam extorris remansit.

*Quod mortuo Chnuto Rege Anglorum successit Heroldus filius eius, & de Edwardo
adhuc exule.*

CAP. VIII.

EADEM tēpestate Anglorū rex * Chnutus obiit, cui successit Heraldus filius eius, * *Canonicus.*
ex concubina nomine Elffigua natus. Cuius diu cupitam mortem Edwardus au-
diens adhuc cum Duce degens, quantotius cum quadraginta nauibus milite plenis

superato mari Hantunam appulit, vbi innumerabilem Anglorum multitudinem ad sui perniciem se operientem offendit. Qui protinus congressus cum eis, non minimam partem ex illis otius orco transmisit. Ipse vero victor existens, ad naues regressus est cum suis. Videns autem non absque plurimo militum numero se posse regnum obtinere Anglorum, regyratis nauium proris Normanniam cum maxima præda repetiit.

De traditione Aluredi fratris Edwardi per Goduinum Comitem, & quod Hardechnutus filius Emma matris Edwardi successit Heraldofratri suo, & Hardechnuto Edwardus, qui duxit Editham filiam Goduini.

C A P. I X.

10

INTEREA frater eius Alfredus milites non parui numeri assumpsit, portumque Widland petiit, & hac transfretans Doroborniam venit. Inde siquidem interiora penetrans regni, Goduinum Comitem obuium habuit. Quem idem Comes in sua fide suscepit, sed in illo sub eadem nocte traditoris inde vicem impleuit. Nam libato pacis osculo, & cum eo percepto cibo medio intempestæ noctis manibus post tergum ligatis, illum Heraldofratri Regi apud Londoniam cum suorum nonnullis destinauit. Milites autem suos partim per Anglorum regionem distaxit, partim cum dedecore peremit. Heraldus ut Aluredum vidit, statim eius socios truncari capitibus iussit, & ipsum ad Hely duci, ibique oculis priuari. Sic nobilissimus & optimus vir Alured⁹ occubuit iniuste peremptus. Heraldus vero non multo post superstes obiit mortem: cui successit frater eius Hardechnutus à Datia egressus, ex Emma Edwardi matre natus. Qui post paululum confirmatus in culmine regni fratrem suum Edwardum à Normannia reuocauit, ac secum cohabitare fecit. Ipse autem non plenis duobus annis existens, exiit hominem, & Edwardum totius regni reliquit hæredem.

Ferox dolique commentor Goduinus eo tempore Comes in Anglia potentissimus erat, & magnam regni Anglorum partem fortiter tenebat, quam ex parentum nobilitate, seu vi vel fraudulentia vendicauerat. Edwardus itaque metuens tanti viri potentia lædi, doloue solito, Normannorum consultu, quorum fido vigeat solatio, indignam Aluredi fratris sui perniciem ei benigniter indulsit. Ac ut inter eos firmus amor iugiter maneret, Editham filiam eius vxorem nominatenus duxit.

Nam reuera, ut dicunt, ambo perpetuam virginitatem conseruauerunt. Edwardus nempe Rex vir bonus erat, mitis, & humilis, iocundus, & longanimis, clemens pauperum tutor, & Anglicarum legum legitimus restitutor. Multotiens diuina misteria vidit, & vaticinia, quæ rerum euentu postmodum comprobata sunt, deprompsit, regnumque Anglorum fere viginti quatuor annos feliciter rexit.

De crudelitate Wilhelmi Taluasi, & de Wilhelmo filio Geroii, qui Monachus Beccifactus est.

40

C A P. X.

WILHELMVS cognomento Taluati⁹ postquam Rodberti fratris sui caput in carcere securibus comminutum est auxilio suorum & maxime Wilhelmi filii Geroii omnem patris sui fundum adeptus est. Hic vero à parentum suorum perfidia nequaquam sua retorsit vestigia.

Hildegem quippe filiam Arnulfi cuiusdam nobilissimi viri in coniugio habuit, ex qua Arnulfum & Mabiliam crudelissimæ sobolis postea matrem genuit. Sed quum mulier prædicta bene morigerata erat, & Deum feruenter amabat, diris mariti factionibus non consentiebat. Quapropter ipse eam abominatus est vehementer. Deinde filiam Rodulfi Vicecomitis de Bellomonte sibi desponsauit, & plures sibi vicinos optimates ad nuptias inuitauit, inter quos Wilhelmm Geroii filium eximie strenuitatis virum accersiuit.

Rodulfus autem frater eius Clericus copiose litteratus erat, & cognomento Mala Corona. quia militaribus exercitiis inseruiens clericatus grauitatem male seruabat, ex augurio graue infortunium sibi imminere prænosens, fratri suo prohibet, ne foedas feralis bigami nuptias ullatenus adiret. Wilhelmus autem spretis Rodulfi dissuasionibus, inermis Alentium venit cum duodecim militibus.

Porro Taluati⁹ cum illic nil mali suspicantem, sed potius, ut moris est, ad nuptias

ptias amici sui gaudentem sine reatu quasi nequam proditorem mox comprehendit, & caute custodiri suis clientibus præcepit. Postea cum conuiuis suis venatum perrexit. Satellites vero eius, quibus clam iusserat hoc Wilhelmum foras eduxerunt, & cunctis qui hoc videbant lugentibus, heu pro dolor, oculis priuarunt, nariumque summitatibus & aurium abscissis deturparunt.

Hoc audito scelere multi doluerunt, & contra Taluatum in ira exarserunt, & tale nefas vlscisci conati sunt. Geroianus autem Wilhelmus post tres annos venerabilem Herluinum Abbatem adiit, & in Beccensi cœnobio, quod in honore Sanctæ Dei genitricis Mariæ tunc à præfato patre construebatur, Monachus factus est.

Quod Dux Ricardus dedit duo municipia Monasteriorum & Eschalfoum Geroio, qui duxit Gislam filiam Turstini de Monteforti.

CAP. XI.

GEROIVS iste, de cuius prole loquimur, ex nobili Francorum & Britonum prosapia originem traxisse dicitur. Hic autem cum Belesmensi Wilhelmo ad curiam Ricardi ducis venit, cuius dono in Normannia duo municipia, Monasteriolū & Eschalfoum obtinuit. Hospitium vero dum Ducem expeteret in domo Turstini de Monteforti habuit, cuius filiam nomine Gislam ad prandium forte videns admauit, & à præclaris parentibus eam requirens impetrauit. Quæ succedenti tempore septem filios & quatuor filias ei peperit: quorum nomina hæc sunt: Ernaldus, & Fulcoius, qui cum Gisleberto Comite periit, Wilhelmus & Rodulfus Mala corona, Rodbertus, Hugo, & Geroius. Herenburgis, & Emma, Adalais, & Haduifa.

Ex his filiorum & nepotum militaris turma propagata est, quæ Barbaris in Anglia vel Apulia seu Turcia nimio terrori visa est. Igitur postquam Wilhelmus Taluatus Wilhelmum, qui ætate & sensu in Geroiana progenie sublimior erat, ex inuidia, ut supra diximus, tam truculenter dehonestauerat, Rodbertus & Rodulfus egregii milites cum fratribus & cognatis viriliter insurgunt, & damnosam fratris sui iniuriam vindicare moliti sunt.

Omnem itaque terram Taluatii prædis & incendiis deuastabant, usque ad portas munitionum eius nullo resistente armati veniebant, ipsumque ut exiret, & comminus certaret audacter prouocabant. At ille & timidus, & in militia nullarum virium erat, cum laceissentibus inimicis in campo configere non audebat. Sic à Geroicis sæpe deludebatur.

De Arnulfo filio Wilhelmi Taluacii & Oliuero fratre eius Monacho Beccensi.

CAP. XII.

ARNVLFVS tandem filius eius ut hæc animaduertit, optimatum suorum consensu contrapatrem, qui omnib. odibilis erat, rebellauit, & eum de munitionibus suis turpiter eiecit, & usque ad mortem miserabiliter exulare compulit. Paternam quidem possessionem inuasit, sed nequitiam non deuitauit, unde tristi fine perire meruit.

Nam quadam die cum clientibus suis prædari perrexit, & inter reliqua porcum cuiusdam sanctimonialis rapuit. At illa gemens cum infecuta est, ac ut porcellus, quem nutrierat, sibi pro Deo redderetur, obnixè deprecata est. Arnulfus autem preces eius spreuit, porcum mactari, & ad esum præparari coco iussit, ventrique suo frustra seruiens inde sero nimis comedit. Sed non impune. Nam eadem nocte in lecto suo strangulatus est.

Porro quorundam relatio asserit, quod ab Oliuario germano suo peremptus sit. Nos vero de tali viro tantum nefas non solum non astringimus, verum etiam credere penitus teculamur.

Præfatus siquidem Oliuarus longo post tempore in militia honorifice deguit, senexque factus Dei nutu seculum dereliquit. Deinde sub Domino Anselmo tunc Abbate, nunc vero Cantuariorum Archiepiscopo Monachile scema in Beccensi Cœnobio pie suscepit, quod ibidem sub Domino Wilhelmo Abbate multis annis laudabiliter portauit.

Quod mortuo Arnulfo Iuo patruus eius Episcopus Sagiensis terram eius hereditario iure possedit.

C A P. XIII.

DE N I Q V E Arnulfo nequiter perempto, sicut supra retulimus, venerabilis Iuo patruus eius Sagiensis Episcopus Belesmiæ castrum, & quæque ad ipsum iure pertinebant, accepit, & legitime quamdiu vixit, pace cum Geroianis aliisque vicinis facta, tenuit. Sagax enim idem erat, ac decorus, & affabilis multumque iocosus, ac serenæ pacis cupidus. Sed perfidia malorum non cessat perturbare quietem bonorum. Itaque temporibus Iuonis Episcopi Richardus atque Rodbertus, & Anesgotus filii Wilhelmi cognomine Sorengi cuneum sceleratorum sibi ascuerunt, & omnem circa Sagium patriam sine reuerentia depopulati sunt. Postremo Ecclesiam Sancti Geruasii inuaserunt, ibique turbam prædonum posuerunt. Sic de domo orationis speluncam latronum, stabulumque fecerunt equorum. Religiosus Azo vetulus præsul eiusdem vrbis muros destruxerat, & ex lapidibus deiectioni muri Ecclesiam Sancto Geruasio Martiri construxerat, ubi sedes Episcopalis longo post tempore fuerat. Venerandus autem Iuo dum vidit Sorengos in diebus suis ita insanire, vt in templo Dei non dubitarent foueam furum & lupanar meretricum facere, nobili tactus ira vehementer doluit, ac ad liberationem Ecclesiæ Dei toto nisu animum conuertit. Quadam igitur die de curia Wilhelmi Ducis rediret, ac per Oxinensem pagum transiret, Hugonem de Grentemaisnil aliosque barones cum turmis suis secum adduxit, & Sorengos in turre Monasterii fortiter expugnari fecit. At illi audacter resisterunt, vt pro se pugnantes proiectis telis plures læserunt. Quod pontifex dum perspexit, vicinis domibus ignem imponi iussit. Mox parrochiani iussis parent Episcopi. Ignis vero immissus flante vento ad Ecclesiam currit, ipsamque inuadens consumit, & impios in ea furentes acriter angit. Sorengi tandem dum se vident flammæ læuitiem pati non posse, arreptis armis inde fugiunt cum dedecore.

De filiis Wilhelmi Sorengi Ricardo, Rodberto, & Anesgoto, quomodo digna morte interierunt.

C A P. XIII.

IV S T V S & misericors Deus ægre tulit Ecclesiæ suæ prophanationem, debitamque violatoribus non distulit inferre mulctationem. Nam tres germani, qui principes extiterant prædictæ inuasionis, non multo post, dum latrocinii iusto Dei iudicio perempti sunt, sine confessione & viatico salutis. Ricardus nempe qui primogenitus erat, noctu in vili casa iuxta quoddam stagnum securus dormiebat. Protinus quidam miles potens nomine Ricardus de Sancta Scholastica, cuius terram deuastauebat, domunculam circumdedit cum sua familia. Sorengus vero expergefactus de Bordello exiit, & fugiens in viuarium exilire voluit. Verum quidam rusticus, quem ipse pridem in vinculis cruciauerat, eum præuenit, & securi caput eius conterens, mox eum ibidem exanimauit. Deinde Rodbertus frater eius cum suis quadam die circa Scucerum prædam rapuit, & dum rediret, à persequentibus villanis vulneratus statim interiit.

Ad vltimum Anesgotus Cambeiam super Albertum Girardi Flatelli filium intrauit, ibique militari rabie debacchari cæpit, sed pilo desuper emisso in capite ictus mox periit. Ecce in his vere completum vidimus, quod audiuius: Si quis templum Dei violauerit, disperdet illum Deus. Raptores ergo & fractores ecclesiarum sui similia interitu comperto caueant, nedum similia perpetrant, simili punitione tandem pereant. Et si mundana prosperitas paululum eos comitatur, non inde securi gloriantur. Illis nimirum scire conuenit, quod mundi gaudiū quasi fumus ad modicum transit, ac permanfurum mœrorem acquirit, ceu quidam egregius in poemate suo impios arguens versificator ait:

*Vos male gaudetis, quia tandem suscipietis
Nequitia fructum, senebras, incendia, luctum.
Nam pius indultor iustusq, tamen Deus ulsor,
Quæ sua sunt munit, quæ sunt hostilia punit.*

Prostratis, vt supra dictum est, filiis discordiæ, simplicibus in pace circa Sagium lieuit aliquantulum respirare. Nobilis Iuo præsul Ecclesiæ cooperire satagit. Et quarto nonas Ianuarii iterum dedicauit. Sed quia maceræ flammarum virtute læsæ fuerant, ipso anno ante quadragesimam corruerunt.

De

*De consilio quod Remis tenuit Leo Papa & de increpatione ipsius in Iuonem episcopum
Sagiensem propter ecclesiam Sancti Geruasii combustam.*

CAP. XV.

IN illo tempore Sanctus Leo Papa Gallias expetiit, ecclesiam Sancti Remigii Remensis archiepiscopi consecrauit, eiusque corpus in ecclesiam nuper dedicatam transtulit. Tunc Remis idem Papa grande consilium tenuit, & desides episcopos vel Abbates acriter redarguit, inter quos ut dicunt propter combustionem ecclesie Iuoni dixit: Quid fecisti perfide? Qualege damnari debes, qui matrem tuam cremare ausus es? Eloquens Iuo palam confessus est se quidem malum fecisse, ne deteriora fierent à scelerosis super filios ecclesie.

Denique pœnitentiam secundum Sagacis Papæ iussum accepit, ac de restituenda Sancti Geruasii ecclesia operam adhibuit. Igitur Apuliam & inde Constantinopolim perrexit, & à diuitibus cognatis & amicis suis simul multum pecunie congescit, donoque Imperatoris de ligno dominicæ crucis charum munus deportauit. Reuersus autem Sagium ecclesiam cepit tam magnam ædificare, ut successores eius Rodbertus Girardus ac Serlo nequiuertunt eam per XL. annos consummare.

*Quod Willelmus Talauatius frater Montis episcopi filiam suam Mabiliam Rogerio
de Monte Gumerii cum terra sua dedit.*

CAP. XVI.

INTEREA Willelmus Talauatius postquam à filio suo ut supra retulimus de terra sua expulsus est, miser & despicibilis omnibus per aliorum domos diu peruagatus est. Ad extremum Rogerum de Monte Gumeri expetiit, eique filiam suam nomine Mabiliam sponte obtulit, & omnem quem ipse pro nequitia segnitiaque sua perdidit honorem concessit. At ille qui fortis erat & probus consilioque maturus, hoc placitum sibi profuturum cernens, ei adqueiuit in omnibus. Ipsum namque errabundum in domo sua suscepit, eiusque natam sibi legitime copulauit. Præfata vero mulier erat corpore parua multumque loquax, ad malum satis prompta, & sagax, atque faceta, nimiumque crudelis & audax. Quæ succedenti tempore quinque filios & quatuor filias peperit, quorum nomina hæc sunt. Rodbertus & Hugo, Rogerius Pictauinus, Philippus & Arnulfus. Emma Mathildis, Mabilia, & Sibilla. Hæ siquidem fratres suos moribus præcesserunt. Nam dapiles & honestæ ac affabiles pauperibus & monachis aliisque seruis Dei fuerunt. Illi vero ferales & cupidi ac inopum rabidi oppressores extiterunt. Quam callidi vel militares seu perfidi fuerunt, aut quantum super vicinos paresque suos excreuerint, iterumque sub eis pro facinoribus suis deciderint, non est nostrum in hoc loco enarrare, qui decreuimus Willelmi Ducis magni gesta propalare. Quapropter illis relictis nunc stylus figatur in præfixa serie narrationis.

Quod mortuo Hugone Episcopo Baiocensi Dux Willelmus Odonem fratrem suum Vterinum subrogauit, & de bello apud Valedunas.

CAP. XVII.

IGITUR Dux iam flore vernans gratissimæ iuuentutis, cultum Dei cepit ut troneo corde amplecti, imperitorum quoque contubernia à se eliminare & sapientum consiliis uti, bellicis rebus pollere, & prudentia seculari vigere. Circa hæc tempora Hugo filius Rodulfi Comitis Baiocensis episcopus obiit, & Dux prædictum episcopatum Odoni fratri suo commendauit. Præfatus autem Odo ut præsul consecratus fuit, pontificalem ecclesiam in honorem Sanctæ Dei genitricis Mariæ nouam auxit: auctoque clericorum numero peritorum & multis ornamentis mirabiliter ditauit. Ipse vero fere quinquaginta annis in episcopatu vixit. Dux autem dum multis probitatum commodis quotidie augmentaretur, quendam crudelem cõuiam expertus est, Widonem scilicet filium Rainaldi Burgundionum Comitis, qui cum eo à puerilibus annis educatus fuerat, & cui olim contulerat castrum Brioci quasi munere firmitus astringendæ fidelitatis. Is etenim fastu inuectus superbiz, plurimos proceres velut Absolon ab eius fidelitate cepit auertere, & in suæ perfidiz voragine complicare, in tantum ut Nigellum Constantinensem præsidem, in hac conspiratione annecteret & à seruitio quod electissimo principi sacramentum obligatione debebat, cum multis aliis

funditus exturbaret. Considerans itaque prudentissimus Dux se tantopere à suis destituti, & eos suorum municipiorum prædiis iugiter robustius vallari, verens ne à comitatus fastigio abiiceretur, locoque suo æmulus eius subrogaretur, necessitate coactus Heinricum Francorum regem expetiit pro subueniendi optentu. Tunc tandem rex memor beneficii quod à patre eius sibi quondam impensum fuerat, vires Francorum simul coegit, & Oximensis Comitatum aggressus, Valedunas venit, ubi innumerabilium infestissimo armatorum animo exercitum, strictis gladiis prælium sibi intentantem offendit. Quorum efferos imperus Rex cum duce minime perhorrescens, facto alternatim militum concursu, bellum commisit, tantaque eos illico strage deleuit, ut quos gladius non extinxit, Deo formidinem inferente fugientes fluuius Olnæ absorberet. Fœlix namque pugna, in qua die sub vna corruerunt proteruorum castella, & facinorosorum domicilia. Wido autem è prælio lapsus Briocum expetiit, in quo obsecratis portarum repagulis cupiens liberari se aliquandiu obstruxit. Quem Dux, Rege Franciam repetente, propere insecutus, intra ambitum sepsit obsidione, stabilitis munitionibus in vtraque parte fluminis vocabulo Risle. Videns profecto Wido se nullo pacto à loco effugere posse, astrictus famis calamitate, per amicos compulsus est supplex & commissi pœnitens, eius clementiam expetere. Cuius Dux suorum consultu miseræ misertus, clementer illi pepercit, & recepto castello Brioci cum suis domesticis eum manere in domo sua iussit. Conspicientes itaque cuncti optimates qui deuierant à Ducis fidelitate, illum omne præsidium fugæ partim destruxisse, partim interclusisse, datis obsidibus rigida colla ei ut domino suo subdidere. Sic castellis ubiq; euerfis nullus ultra ausus est contra eum rebellem animum detegere. Prædictum itaque bellum anno ab incarnatione domini M. XLVII. factum est.

Anno 1047.

Quomodo dux Willelmus castella Alentium & Danfrontem, quæ Goisfredus Comes Andegauensis inuaserat, recepit.

CAP. XVIII.

ANDEGAUORVM quoq; Comes Goisfredus agnomine Martellus, vir per omnia versutus, quosdam cladibus diuersis & intolerabilibus pressuris in vicino degentes frequenter afflixit.

Ex quibus Comitem Tedbaldum à se fraudulenter captum tamdiu custodiæ mancipauit, donec urbem Turonicam ab illo violenter extorqueret cum nonnullis castellis. Hic ergo obortis litium quibusdam fomitis, contra Willelmum Ducem cæpit atrociter moueri, Normanniamq; rapinis vehementer demoliri, intra Danfrontis castrum seditiosis custodibus immisissis. Quod Dux militari vallatus manu, visendi optentu aggressus, ut ipsum vidit scopulis asperrimis & eminentibus in gyro circumdatum, & inaccessible ad oppugnandum, vires Normannorum acciuit, & firmissimis castellis illud strinxit, ac aditus egrediendi obstruxit. In cuius procinctu dum aliquandiu moraretur, ecce adfunt exploratores Alentium castrum absq; suorum detrimento eum capere posse nunciantes. Qui confestim custodes intra castra disposuit, & cum exercitu tota nocte equitans diluculo Alensium venit, ubi in quodam municipio transflumen posito quosdam se conuitiis subsannantes repperit. Quod acerrime, concitatis militum animis, expugnans, festinanter cæpit, igneq; iniecito exitialibus flammis cremauit. Illusores vero coram omnibus infra Alensium consistentibus, manibus priuari iussit, & pedibus. Nec mora sicut iusserat, triginta duo debilitati sunt. Pelles enim & renones ad iniuriam Ducis verberauerant, ipsumque Pelliciarium despectiue vocitauerant, eo quod parentes matris eius Pelliciarum extiterant. Custodes autem castelli tam seueram austeritatem Ducis cognoscentes timuerunt, & ne similia paterentur ilico portas aperuerunt Ducique castellum reddiderunt: malentes illud reddere, q̃ cum suorum periculo membrorum tam graui tormenta tolerare. Dux autem viriliter his peractis, militibusq; suis intromissis, celerrime Danfrontem repetiit. Audientes itaque Danfrontani qualia Dux suis commilitonibus intulerit, & considerantes se à nullo posse iuuari, se & castellum eius tradiderunt dominatui. Inde vero custodibus positus egrediens, & prolixius tendens ad confutandum Comitem Goisfredum Ambreras venit, ibiq; super ora fluminis castellum condidit, quod alimoniis & militibus sufficienter muniuit. Quibus decenter expetitis rebus, Rotomagum Metropolim Normanniæ regressus est.

Quod

Quod deposito Wilkelmo Werlenco de Comitatu Moritalii, Rolertum vterinum fratrem suum subrogauit.

CAP. XIX.

E ADEM tempestate Wilkelmus cognomento Warlencus de stirpe Richardi magni, Comes erat Moritolii. Ad eum aliquando quidam tiro de familia sua, nomine Rodbertus Bigot accedens ait. Paupertate premor domine mi, & in hac patria nequeo questum mihi necessarium lucrari. Quapropter ibo nunc in Apuliam, ut ibidem honorabilius viuam. Cui Wilkelmus ait: Quis hoc tibi persuasit? At ille respondit. Penuria quam patior. Comes vero dixit. Si mihi credere vis, hic nobiscum remanebis. Nam tale tempus ante octoginta dies in Normannia habebis, ut quæ tibi necessaria oculis videris, impune manibus rapere poteris. Ille vero domini monitis adquiescens remoratus est, & non multo post per Richardum Abrincatensem cognatum suum familiaritatem Ducis consecutus est. Qui dum quadam die priuatim loqueretur cum Duce, inter alia perscriptum Wilkelmi Comitis verbum ei retulit. Dux autem Wilkelmum ad se vocauit, & cur eiusmodi sermonem protulisset, interrogauit. At ille nec negare potuit, neque intentionem dicti declarare præsumpsit. Ob hoc iratus Dux ait. Seditiosis tumultibus Normanniam perturbare decreuisti, & contra me rebellans me nequiter exheredare disposuisti, ideoque rapacitatis egeno militi promisiisti. Sed nobiscum dono creatoris ut indigemus maneat pax perhennis. Tu autem à Normannia discede quantotius, & huc dum vixero ne redeas ulterius. Wilkelmo itaque expulso, & Apuliam miserabiliter petente cum vno tantum armigero. Dux confestim Rodbertum fratrem suum sublimauit, ei que Moritoniensem Comitatum tribuit. Sic tumidos sui patris parentes aspere prostrauit, humilesque matris suæ propinquos honorabiliter exaltauit. Cæterum sicut in vulgari prouerbio dicitur. Stultus non verbis non exemplis, sed plagis vix corrigitur, nec pertimescit, donec diros ictus accipit: quod in subsequenti luce clarius apparebit exemplo.

Derebellionem Wilkelmi Busatii comitis Aucensis, & quod idem exul ab Henrico Rege Francorum Comitatum Sueffionicum dono accepit.

CAP. XX.

S I QUIDEM ut in superioribus manifestauimus Dux Normannorum Ricardus filius primi Ricardi, cuidam fratri vterino nomine Wilkelmo dedit comitatum Aucensem. Hic ex Lescelina Comitissa habuit tres filios, Rodbertum, Wilkelmum, Hugonem postea episcopum Lunouiensem. Horum medius Wilkelmus cognomento Busatius Ducatum sibi volens vendicare, cepit contra Ducem minis & infestationibus ceruicem erigere. Verum fortis princeps nolens ei cedere exercitum congregauit, & castrum Oucis donec illud caperet, obsedit, atque Wilkelmum rebellem cognatum suum exulare coegit. At ille Henricum Regem Francorum expetiit, cui quid sibi contigisset flebiliter retexit.

Rex vero ipsum utpote nobilem genere & forma militem benigne suscepit, & infortunio eius condolens Comitatum Sueffionis ei cum quadam nobili coniuge tribuit. Ex qua postmodum egregiam prolem iam felix exul suscepit. Quæ patris honorem usque hodie nobiliter regit. Tandem eiectionis vel prostratis dissensionum famulis, omnis Normannia quieuit sub alis commodæ pacis.

Quod Dux Wilkelmus duxit Mathildem filiam Balduini Flandrensis neptem Henrici Regis.

CAP. XXI.

I A M Duce iuuenili robore vigente transcensis animis adolescentiæ, ceperunt optimates eius de successionem proles cum eo attentius tractare. Audiens autem Balduinum Flandriæ Comitem quandam habere filiam. Regali ex genere descendente nomine Mathildem, corpore valde elegantem, animoque liberalem hanc suorum consultam missis legatis à patre petiit uxorem. Ex cuius proposito animi Balduinus Satrapa admodum gauisus non modo petitam dari decreuit, verum etiam cum muneribus innumeris eam adusque Oucense castrum adduxit. Vbi Dux militum stipatus cateruis aduenit, illamque sibi iure coniugali despondit, & cum maximo tripudio ac honore Rotomagi mœnibus intulit. Genuit autem ex ea procedenti tempore filios

filios quatuor, Rodbertum qui post eum Ducatum Normanniæ aliquandiu tenuit, & Wilhel mum qui regno Angliæ tredecim annis præfuit, & Ricardum qui iuuenis decessit, & Henricum qui fratribus tam Regi quam Duci successit: & filias quatuor, de quibus omnibus tam viris quam fœminis liber subsequens qui de gestis nobilissimi Regis Henrici inscribetur, pro modulo nostro Deo iuuante pertractabit.

De Monasteriis quæ edificata sunt in Normannia tempore Wilhelmi Ducis.

C A P. XXII.

IN diebus illis maxima pacis tranquillitas fouebat habitantes in Normannia, & ser-
ui Dei à cunctis habebantur in summa reuerentia. Vnusquisque optimatum certa-
bat in prædio suo ecclesias fabricare, & monachos qui pro se Deum rogarent rebus
suis locupletare. Et quia diximus nobiles quosque Normannorum tunc temporis in
fundis suis in ædificatione Monasteriorum promptissimos, libet nominatim expri-
mere eos qui eo tempore Monasteria in eadem prouincia construxerunt. Primum
igitur ponam ipsum Ducem Wilhel mum patrem patriæ qui Monasterium Sancti Vi-
goris Ceracii à Duce Rodberto patre suo antequam Ierusalem pergeret incæptum
cepit & propagatur, vsque quo ipse Monasterium Sanctæ Trinitatis ædificauerunt
Cadoni. Wilhelmus vero filius Osberni propinquus Ducis Wilhelmi vir potens & vir-
tute tam animi quam corporis laudabilis, duo Monasteria in honorem beatæ Dei ge-
nitricis Mariæ, vnum apud Liram, in quo Adelizam filiam Rogerii de Toenio vxor-
em suam postmodum sepeliuit, alterum apud Cornelias, in quo ipse mortuus con-
ditus est fecit. Rogerius etiam de Bellomonte filius Humfridi de Vetulis in fundo
suo Pratellis duo cænobia ædificauit, vnum Monachorum, alterum Sanctimo-
nialium.

Rogerius de Montegomerii pater Rodberti de Belesmo indignans videri in a-
liquo inferior suis comparibus, in honorem Sancti Martini ecclesias duas vnam in
Sagiensis vrbis suburbio, alteram in Vico suo Troarno nobiliter construens, greges
monachorum ibidem Deo militaturos posuit, tertiam etiam fecit apud Almanachias
ad opus Sanctimonialium. Lescetina vero Comitissa Aucensis adiuta à filiis suis
Rodberto Comite Auci & Hugone episcopo Lexouien si cænobium Monachorum
Sancti Petri super Diuam, & Monasterium Sanctimonialium ante urbem Lexouien-
sem virili animo construxit. Filius vero illius prædictus Comes Aucensis.

*In alio exem-
plari.*

Monasterium S. Michaelis vltis partes ædificauit. At Rogerius de Mortuo-
mari filius Walteri de Sancto Martino frater primi Wilhelmi de Warennæ Monaste-
rium S. Victoris in proprio solo fundauit: Ricardus vero Comes Ebroicensis in eadē
vrbe Monasterium Sancti Saluatoris ad opus Sanctimonialium fabricauit. Itidem
vicecomes apud Rotomagum in monte vrbi imminenti cænobium Summæ Trini-
tati ex sumptu proprio consummans Monachos ibidem Deo seruituros constituit.
Monasterium Gresteni Rodbertus Comes Moritolii fecit. Hugo vero postea Comes
Cestrensis Abbatiam Sancti Seueri: At ecclesiam Sanctæ Trinitatis Exaquei Eudo-
cum Capello fecit. Balduinus etiam de Reuers aliam apud Montisburgum. Nigellus
vicecomes Constantinien sis Cænobium S. Saluatoris.

Monasterium vero Sanctæ Mariæ Lonleii Wilhelmus Talauatius primus, qui
exciso nemore in monte quodam castrum nomine Danfrontem construxerat, à fun-
damentis ædificauit: Ecclesiam Sancti Stephani Fontaneti Rodolphus Taison & Er-
neisus frater eius construxerunt. Monasterium autem Sancti Petri Castellionis Ro-
dulfus de Toeneio.

Quædam vero Cænobia eiusdem prouinciæ antiquiora, quæ à Normannis ad-
huc paganis fuerant destructa, studio bonorum principum reædificata sunt. Rollo si-
quidem primus Normannorum Dux in primordio suæ conuersionis plurimas pos-
sessiones dedit ecclesiæ S. Mariæ Rotomagensis, & Sanctæ Mariæ Baiocensis, & San-
ctæ Mariæ Ebroicensis, & cænobiis Sancti Petri Sanctique Audoeni, & Gemetricen-
si, & Sancto Michaeli de periculo maris. Wilhelmus vero filius eius ex integro mona-
sterium Gemmeticense restaurauit. Richardus autem filius eius & successor, Fiscanni
cænobium, & Sancti Michaelis de Monte, & Sancti Audoeni Rotomagi. Ricardus
vero secundus Monasterium Sancti Wandregisili, & alia Monasteria ab antecessori-
bus eius reædificata mirabiliter auxit. Iudith vero vxor eius ecclesiam Sanctæ Mariæ
Bernai fundauit. Ricardus vero tertius morte immatura præuentus, nullum mona-
sterium vel instituit vel renouauit. At Rodbertus frater eius antequam Ierusalem
perge-

pergeret Monasterium Sancti Vigoris Ceratii ædificare incepit. Eodem etiam tempore venerabilis Abbas Herluinus Monasterium Beccense in honorem Sanctæ Mariæ cepit ædificare, de quo in libro superiori pauca perstrinximus. Si quis vero conuersionem & conuersionem ipsius plenius nosce desiderat, librum qui de vita eiusdem patris venerandi eleganti sermone conscriptus est à viro religioso Gisleberto Crispino postea Abbate Westmonasterii & tam nobilitate generis quam scientia seculari & diuina pollenti perquirens relegat, in quo sufficienter repperiet vnde suo desiderio satisfaciat. Monasterium vero sancti Taurini & Sancti Leufredi, & villare Monasterium, & cœnobium Sancti Amandi intra urbem Rotomagensem intra antiquiora computanda sunt. Vnde constat illa prius fuisse destructa & iterum reedificata.

De restoratione Monasterii Sancti Ebrulsi apud Vticum per Willelmum Geroianum, & Robertum & Hugonem de Grentemaisnilione nepotes suos.

CAP. XXIII.

IN illo tempore Rodbertus de Grentemaisnil cernens mundi felicitatem in momento perire, cum fratre suo Hugone disposuit Abbatiam Monachorum construere. Hic vero in infantia literarum scientiam perceperat, sed postea litteris aliquantum intermissis, quinque annis Armiger Ducis fuerat, à quo postmodum militari ense accinctus ingentia dona receperat. Sed non multo post ut dictum est instinctu Dei omnia spreuit, cœnobiumque facere monachisque fieri firmiter decreuit. Quod audiens Willelmus Geroii filius valde lætatus est, ac ad Rodbertum & Hugonem accedens, sic loquutus est. Audio vos o charissimi mei nepotes erga Dei cultum feruere, quin etiam Monachile monasterium velle erigere. Vnde vehementer gaudeo, & me vos in hoc opere adiuturum gratanter spondeo. Sed tamen ad hanc fabricam quem locum elegistis, & quid ibidem Christo militantibus collaturi estis? At illi responderunt, apud Nuceretum iuuante Deo castrum ei stabilire cupimus, & ecclesias decimasque nostras & alia quæ poterimus pro posse paupertatis nostræ dabimus.

Willelmus dixit, Sanctus Benedictus Monachorum magister iubet Monasterium ita constitui, ut omnia necessaria, id est, aqua, molendinum, pistrinum, hortus, vel artes diuersæ infra monasteriū exerceantur, ne sit Monachis necessitas vagandi foras quia omnino non expedit animabus eorum. Nucereti vero rura quidem satis fertilia sunt, sed copia siluæ ac habilis limpha quibus monachi maxime indigent procul absunt. Cumque ipsum rogarent, ut quid sibi visum fuerit, super hac re proferret, dixit. Tempore Clotharii Regis Francorum filii Clodouei qui primus in Regibus Gallorum baptizatus est, à beato Remigio Archiepiscopo Remorum, S. Ebrulfus Baiocis natus inter proceres Regios fuit stemmate nobilitatis & census. Hic pro amore Dei seculi pompam contemnens, monachus factus est, & post aliquantum temporis cum tribus monachis in heremum profectus est. Ibi quippe putabat se posse homines latere, & cum diabolo per auxilium Dei fortius pugnare. Qui dum flexis genibus Deum deuote obsecraret, ut aptum mansionis locum sibi monstraret, angelus à Deo missus eis affuit, eosque Vticum perduxit. Præfatus autem seruus Dei regnantibus Hilperico & Sigiberto Clotharii filius illic cœnobium condidit, & latrones siluam qui incolebant vtilibus minis & exhortationibus terruit, eosque relictis latrociniiis aut monachos aut agricolas fecit. Ibi pro amore Dei magnam paupertatem patienter tolerauit, & insignem fidelium monachorum multitudinem aggregauit. Ibi duos mortuos in nomine domini resuscitauit, & multa alia quæ enumerare per longum est miracula perpetravit. Denique anno ab incarnatione Domini D. xcvi. ætatis vero suæ octogesimo residente in sede Apostolica Gregorio summo doctore & Anglorum Apostolo, beatus Ebrulfus quarto Kt. Ianuarii ex hoc mundo migravit, & mercedem laborum suorum in cœlestibus à Domino recepit. Deinde post annos fere trecentos, tempore Caroli simplicis filii Ludouici cognomine, nihil fecit, cōditor noster multiplicata plebis suæ in his partibus consistentis crimina punire voluit. Eius igitur permissu Hastings perditionis filius in Neustriam venit, & Rotomagum ac Beluacum aliasque ciuitates igne combussit. Plura quoque destruxit cœnobio Sactorum patrum, scilicet Filiberti apud Gemmeticum, Wandregesili apud Fontinellam. Ebrulsi apud Vticum, & Sancti Martini Turonis, quod dicitur maius monasterium, & alia multa monachorum, clericorum atque Sanctimonialium. Quædam coram à bonis principibus post-

postmodum restaurata sunt, nonnulla vero adhuc in solitudine degunt. Fortasse vobis fastidio est hæc nostra tam proluxa locutio, quam si suscipitis benigno animo, commodam vobis fore o chari nepotes æstimo. Nunc autem quod mente reuoluo, expectationi vestræ breuiter propalabo. Apud Vticum Sancti Ebrulfi cœnobium iuuant Deo restauremus, & fideles monachos contra Zabulum dimicatu- 10
ros illic aggregemus. Omnes ecclesias decimasque nostras illis tradamus, & nos cum fratribus & filiis & nepotibus nostris vsque ad mortem illis seruiamus. Non enim debemus illis dominari, sed famulari, vt eorum precibus mereamur adiuuari, & in amœnitate Paradisi quandoque beari. Cumque Rodbertus & Hugo gratanter hæc suscepissent, & qualitatem loci solerter inquirerent, magnanimus heros Wilhelmus adiecit, Vticen- 10
sis locus ad quem Deus venerabilem Ebrulfum per Angelum suum direxit, pauperibus Spiritu quibus regnum cœlorum promittitur satis congruit. Nam vetusta Sancti Petri basilica ibidem adhuc permanet, & amplius ager vbi hortus & viridiaria fieri possunt circumiacet.

Terra quippe intulta & sterilis est, sed Dominus seruis suis parare mensam in deserto potens est. Piscosa quidem flumina & vberes vineæ desunt. Sed densum nemus & habiles ad bibendum fontes præsto sunt. Multorum quoque Sanctorum corpora ibidem requiescunt, quæ cum ingenti gloria in extremo die resurrectura sunt. Iam quod summopere cupio audistis, nunc considerate quid agere velitis. Illis autem consilium eius approbantibus & se in omnibus ipsi obsecundare pollicentibus, Iterum intulit sagax Wilhelmus: si placet Monachi cito requirantur, & Vtico tam libere 20
constituantur, vt exinde à nobis vel hæredibus nostris nulli redditus exigantur, nisi vnus solummodo scilicet vt serui Dei nobis orationibus suis suffragentur. Et ne aliquando instinctu demonis eos aliquo modo infestare possimus, præfatum Cœnobium totius Normanniæ Duci ad tutandam contra nos & posteros nostros omnesque mortales vltro commendemus. Vt videlicet si præter spirituale beneficium aliquid seruitii seu muneris violenter exegerimus, principali seueritate salubriter coerciti 30
tirones Dei molestare vel inuiti cessemus. Post hæc pariter Ducem adierunt, eique suum velle luculenter insinuauerunt. At ille votis eorum benigniter fauit, & inde chyrographum auctoritatis suæ in Saltu leonis sanxit, & episcopis ac Baronibus Normannicis ad confirmandum tradidit. Malgerius itaque Archiepiscopus Rotomagensis primus subscripsit. Deinde præsules subscripserunt. Hugo Luxouien- 39
sis, & Odo Baiocensis. Wilhelmus Ebroicensis atque Gislebertus Abbas Castellionis. Tunc dominus Teodericus Gemmeticensis Monachus electus est, eique Vticensis Abbatiz cura commissa est.

Anno igitur Dominicæ incarnationis millesimo quinquagesimo, indictione quarta, Leone Papa in sede Apostolica residente, nec non Henrico secundo Christianissimo Augusto Conradi Saxonum Ducis filio imperante, Monasterium Sancti Ebrulfi à sæpèdictis optimatibus Wilhelmo Geroiano & nepotibus suis Rodberto & Hugone de Grentemaisnilio apud Vticum restauratum est. Ibi venerabilis Theodericus magnæ religionis monachus Non. Octobris, die Dominico à Domino Hugone Luxouii pontifice ante altare Sancti Petri solemniter consecratus est. 40
Sequenti quoque anno nobilis Rodbertus cœnobii fundator, ibidem monachus factus est, multosque labores postea in procuratione seruorum Dei perpeffus est. Non multo post Geroianus Wilhelmus pro quibusdam rationabilibus causis in Apuliam missus est, ibique dum redire cæperat, apud Caietam Non. Februarii defunctus est. Wilhelmus de Monasteriolo filius eius in Apulia magnæ sublimitatis eques erat, Græcos & Longobardos armis premebat, & vicario Sancti Petri Apostoli subdebat.

Quod Malgerius Archiepiscopus Archiepiscopatum Duci reddidit, & ille Maurilium monachum subrogauit.

C A P. XXIV.

EO tempore Malgerius Archipræsul Rotomagensis desipere cæpit, & insipientia ductus, Archipræsulatum Duci reddidit. Dux autem Malgerium insula quæ dicitur * Gherneruia retrusit, & Synodi decreto Metropolitanam sedem Maurilio Fiscannensi monacho multis virtutibus excellenti tradidit. Tunc etiam Normannos discordia turbauit, eosque vicinorum qui bella paci præponebant cruores effundere compulit. Enimuero ex quo Normanni arua cæperant incolere, mos fuit Francis semper eis inuidere. Concitabant ergo Reges aduersus illos insurgere, afferentes ter- 45
ras

* Gherney.

ras quas possident suis maioribus violenter eos surripuisse. Quibus Rex Henricus, vehementer irritatus, ambagibus immo malignissimis æmulorum suggestionibus ob Ducis imperium, duobus hostium agminibus Normanniam est aggressus. Vnum quidem electæ nobilitatis virorum fortium ad Calciuum subuertendum territorium direxit, cui fratrem suum nomine Hodonem præfecit, alteri vero cum Goisfrido Martello ad demoliendum Comitatum Ebroicensē ipse præfuit. Dux ergo ut se suosque taliter opprimi vidit magno & nobili tactus dolore milites potius elegit quos ad comprimendos Calcei subuersores celerrime direxit. Ipse autem cum suorum nonnullis circa Regem se contulit, quatenus pœnas lueret, si quem satellitum latere abstrahere aliquatenus valeret. Venientes vero Normanni ad Francos, repperunt eos apud Mortuum mare in incendiis & mulierū ludibriis occupatos. Cū quibus ilico mane commissum bellum, in continua cæde occubentium adusq; nonam ab utrisque est protractū. Nouissime autē Francigenæ victi fugerunt, & Normanni certaminis euentum Duci mox per nuncios intimauerunt. At ille nimis lætus super hac re, Henticum Regem volens effugare, terruit eum legatione. Nuncius Ducis regalibus castris appropriauit & in quodam proximo monte noctu stans fortiter clamare cepit. Cumque Regii vigilēs sciscitarentur quis esset vel quare tali hora sic vociferaretur, respondisse fertur, Rodulfus de Toenia nominatus sum, vobisque defero lugubre nuntium. Ad Mortuum mare currus vestros cum carris ducite, & inde cadauera charorum vestrorum reportate. Franci quippe Normannorum militiam experiri super hos venerunt, eamque multo maiorem quam voluissent inuenerunt. Odo signifer eorum turpiter fugatus est, & Wido Pontini Comes captus est. Reliqui omnes capti aut perempti sunt. Aut obnixē fugientes vix euaserunt. Hoc ex parte Ducis Normannorum, confestim renuntiate Regi Francorum. Rex igitur ut infortunium suorum agnouit, à Normannica infestatione concito gradu quantocius valuit, mæstus de interitu Gallorum retro pedem retraxit. Hæc pugna anno Dominicæ incarnationis M. LIIII. facta est.

Quod dux Willelmus Castrum Bretolium construens, Willelmo filio Osberni commisit, & de uxore eiusdem.

CAP. XXV.

POSTEA Dux contra Tegulensē castrum quod Rex illi dudum abstulerat, aliud oppidum non vltius quod Bretolium vsque hodie vocatur instaurat, & Willelmo Osberni filio ad custodiendum contra cunctos sibi aduersantes commendat. Hic legimus & liberalis vir Adelizam Rogerii Toenitæ filiam in coniugio habuit, ex qua duos filios Willelmum & Rogerium contumacem procreauit, & vnam filiam, quæ postea Rodulfo Comiti genere Britoni nupsit, atque cum eodem in diebus Urbani Papæ Ierusalem perrexit. Præfatus hæros duo cænobia monachorum Sanctæ Mariæ cœli reginæ condidit. Vnum apud Liram vbi coniugem suam Adelizam sepeliuit, & alterum apud Cormelias, vbi ipse quiescit, & Rodulfus filius eius à pueritia monachus Deo diu militauit. Ipse quoque cum Willelmo Duce Anglos maxime perdomuit, & Comitatum Herfordiæ cum magna parte regni sensu & viribus obtinuit. Denique anno ab incarnatione Dōmini M. LXX. cum Philippo rege Francorum Flandriam perrexit, volens Balduino Mathildis Reginæ nepoti subuenire. Rodbertus autem Frisio cum exercitu Henrici Imperatoris sociato cuneis suis 10. Cal. Martii dominico septuagesimæ imparatos mane præoccupauit, & Philippo cum Francis fugiente, Balduinum nepotem suum, & Willelmum Comitem telis suorum occidit. Postea Flandriæ Ducatum diu tenuit, moriensque filiis suis Rodberto Ierosolymitano & Philippo dereliquit. Nunc ad ordinem historię redeamus.

Qua fuit causa ut duo cænobia Cadomi construerentur.

CAP. XXVI.

WILLELMVS Dux dum à quibusdam religiosiſ sepius redargueretur, eo quod cognatum suum sibi in matrimonio copulasset, missis legatis Romanum Papam super hac re consuluit, at ille sagaciter considerans quod si diuortium fieri iuberet, forte inter Flandrenses & Normannos graue bellum exurgeret, maritum & coniugem à reatu absoluit, eisque pœnitentiam iniunxit. Mandauit enim ut ab eis duo Cœnobia conderentur in quibus pro ipsis ab utroque sexu Deo sedulo preces offerrentur

Kkk

rentur

rentur. Quod illi gratanter opere compleuerunt. Nam apud Cadomum vna constructa est abbatia in honorem Sanctæ Trinitatis, altera vero in honorem Sancti Stephani protomartyris. In cœnobio quippe Sanctæ Trinitatis Sanctimonialium chorus Deo laudes quotidie concinit, quibus ancilla Dei Mathildis Abbatissa fere xlviii. annis præfuit. Ibi Mathildis Regina m. lxxx. dominicæ incarnationis Anno 3. Non. Nouembris sepulta est. Ibi quoque Cecilia virgo filia eius Deo consecrata est, & in seruitio Dei diu commorata est. Porro in cœnobio Sancti Stephani monachorum exercitus demoniacæ phalangi resistit, quorum primus Abbas dominus Lanfrancus Beccensis monachus extitit. Hic vero fuit genere Longobardus moribus mitis & religiosus, & tam secularis quam spiritualis scientiæ peritissimus. Qui post aliquot annos annitente Alexandro Papa Cantuariorum Archiepiscopatum suscepit, & post

Anno 1099. multum temporis anno ab incarnatione Domini m. xcix. vi. Cal. Iunii obiit. Post ipsum Willemus monachus Radbodi Sagienfis episcopi filius, Cadomensis ecclesiæ regimen tenuit, qui & ipse post Iohannem Metropolitam Rotomagensis Archiepiscopatum suscepit. Deinde Gislebertus Constantinensis callidus Cadomi rector factus est, cuius tempore Willemus Dux Normannorum & Rex Anglorum millesimo lxxxvii. Rotomagi 5. Idus Septembris, mortuus est, & in ecclesia Sancti Stephani honorifice Cadomi sepultus est. Hæc per anticipationem dicta sufficiant. Venerabilis autem Teodoricus postquam cœnobium Sancti Ebrulfi fere viii. annis rexit, pro quibusdam tumultibus sibi excitatis à Domino Rodberto de Grentemaisnilio qui tunc Prior erat, Maurilio archiepiscopo & Hugoni episcopo curam animarum reddidit. Absolutus itaq; ab eis, utpote filius pacis ire Ierusalem decreuit. Qui dū in Ciprum insulam cum quodam venerabilis vitæ peregrino episcopo ad quandam ecclesiam S. Nicholai venisset humi prostratus coram altari diutius orauit, ibique in oratione Cal. Augusti beatum Deo spiritum reddidit. Insulani vero comperta sanctitate talis peregrini, corpus eius in ecclesia sepelierunt, cuius meritis in ægrotis multa sanitarum miracula diuinitus ostenta sunt.

Quod Dux Willemus urbem Canomannicam, & castrum Meduanum expugnauit & cepit.

C A P. XXVII.

MAGNIFICVS Dux Willemus Francorum cateruis competenter deuictis memor opprobrii à Goisfredo comite sibi illati, ad urbem Cinomannicam per aliquot annos arma conuertit. Quis igitur explicare poterit, quot militum incurfib; quot legionū expeditionib; illā afflixerit. Ad postremum victi Cinomani, iam castellis cunctū Comitatum subactis, dextras duci dederunt, fidē pangentes illi artissimis sacramentis. In quorū medio ad domandā eorum insolentiam duo mancipia in monte Barbato, seu Barbello stabiliuit, suisq; militibus custodienda cōmisit. Meduanum vero castellum cuiusdam opulenti militis nomine Goisfredi adhuc restierat, quod Dux exercitibus applicitis aliquandiu oppugnans cepit, igneque iniecto per duos pūeros, qui clam ad ludendum cum oppidanis infantibus intrauerant combussit. Quod iterum restaurauit, & custodibus suis mancipauit.

Quomodo Henricus Rex Francorum apud vadum Diuæ exercitum amisit, & postea Ducis reconciliatus, ei castrum Tegularias reddidit.

C A P. XXVIII.

REX autem Henricus iniuriam sibi à Duce illatam toto annisu cupiens vlcisci, sumpto Goisfredo comite Andegauensi copiosissimo cum exercitu iterata expeditione Normanniam aggreditur. Qui comitatum pertransiens Oximensis & penetrans Baiocacensem, tandem reflexo calle redeūdi vadum Diuæ appetiit. Quod rege transeunte media exercitus pars substitit, mari eructuante, ob redundancyem fluminis non valens transmeare. Cum quibus Dux acriter superueniens sub regis oculis ilico congressus tanta illos cæde prostrauit ut quos gladius non extinxit, hos per Normannica competa dispergeret violentia diræ captiuitatis. Videns autem Rex suorum interitum, quantotius valuit à Normannis recessit, & ad eos ultra venire non apposuit. Amicitiam quoque Ducis considerata eius probitate requisivit, & Tegulense castrum quod dudum abstulerat illi tradidit. Sæpeditus Rex valde fuit militaris, magnæque fortitudinis & pietatis. Mathildem Iuliusclodii Regis Ruigorum Russiæ filiam in matrimonio habuit, ex qua duos filios Philippum & Hugo-

& Hugonem, vnamque filiam genuit. Qui postquam Regnum Gallia fere viginti quinque annis rexit, causa corporeæ salutis à Iohanne medicorum peritissimo potionem accepit. Sed veneno nimiam sitim inferente iussu Archiatri spreuit, & à cubiculario potum accipiens dum medicus abesset, ante purgationem bibit. Vnde nimis infirmatus, eodem die post perceptionem sacrae Eucharistiae obiit. Philippum vero filium suum in regimine Francorum hæredem constituit, & tutelæ Balduini Flandrensis satrapæ commendauit.

Quod de lationibus quorundam dux Willelmus aliquos de Baronibus suis eiecit de Normannia.

CAP. XXIX.

10 **T**VNC quibusdam maledicis viciniis comparesque suos accusantibus ex inuidia Dux Willelmus exasperatus ingenti furia Barones suos scilicet Rodulfum de Toenia, Hugonem de Grentemaisnilio & Ernaldum Willelmi Geroiani filium eiecit de Normannia. Abbatem quoque Rodbertum qui iam tribus annis Cœnobium S. Ebrulfi rexerat, quia de audaci Geroiorum prosapia prodierat, sine reatu & iudicio synodi de Normannia expulit, & quendam monachum nomine Osbernium ei subrogauit. Rodbertus Romam petiit & Nicholao Papæ causam suam intimaui. Sed quoniā prædictus præsul paulo post defunctus est, nil reſtitutionis per eum consequutus est. Denique venerabilis Rodbertus cum 11. monachis Alexandrum Papā adiit, & eius iussu Rodbertum Calabriæ Ducē compatriotam suum expetiit. A quo honorificè susceptus est eiſque locus ad construendam Abbatiam in vrbe Brixa nomine datus est. Britones ut fertur antiquitus iussu Romanorum, qui tunc per totum orbem imperabant, de finibus suis egressi sunt. Deinde Romanis iubentibus supra littus Calabrici maris Brixam urbem condiderunt: sed eam post plures annos diuersi bellorum tumultus destruxerunt. Singulis enim annis Agarem nauigio in Italiam veniebant & Græcis ac Longobardis qui terram incolebant, ignauia torpentibus crudelitatem suam nimis exercebant. Nam vrbes & oppida incremabant, ecclesias destruebant, virosque cum mulieribus captiuabant, hoc per multa sæcula frequenter fecerunt.

30 *Quo tempore primum Normanni in Apuliam perrexerunt & de principibus Normannis quorum Ducatu Apuli subacti sunt.*

CAP. XXX.

DEINDE temporibus Henrici Imperatoris filii Conradi, & Rodberti Normannorum ducis, Osmundus Drengotus audax miles Apuliā adiit, cum quibusdam aliis Normannis. Nam Willelmum cognomento Repostellum militem clarissimū in uenatione in præsentia Rodberti Ducis occiderat metuensque animositatem Ducis, & insignis equitis nobilium parentū iras in Apuliam secessit & propter magnā probitatem eius à Beneuentanis honorificè detentus est. Deinde præfati Drengoti exemplo
40 agiles Normannorum seu Britonum tirones incitati, Italiam diuersis temporibus expetierunt & primo iuuare Longobardos contra Sarracenos siue Græcos viriliter cæperunt. Barbaros bello sæpius priuerunt, unde cunctis eorū vires expertis, formidabiles facti sunt. Longobardi vero adepta securitate, cæperunt Normānos despicere, eiſque debita stipēdia subtrahere. At illi ut hoc animaduertuerunt quendam ex suis super se principē constituerunt, & contra Longobardos arma verterunt. Deinde munitiones cæperunt & incolas terræ sibi fortiter subegerunt. Primus Apulienſib. Normānis dum adhuc ut aduenæ Waimalchi Ducis Salerniæ stipendiarii erant, præfuit Turstinus cognomento Scitellus vir in multis probitatibus admodum expertus. Qui inter reliqua virtutis suæ indicia caprā Leoni ex ore rapuit, ipsumque leonem pro ablata sibi
50 pra furentē nudis manibus arripuit. Et ultra murum palatii præfati Ducis velut catellum quemlibet proiecit. Langobardi vero ex inuidia cōmoti contra ipsum mortem eius optantes duxerunt eum in quendam locum ubi morabatur immanis draco cum magna multitudine serpentium. Deinde ut Draconem senserunt confestim fugerūt: Turstinus autē ignarus doli dum socios suos fugere cerneret & obstupescens causam tam subitæ fugæ ab Armigero suo inquireret, en repente flammiumus Draco illi occurrit & caput Sonipedis eius hianti ore inuadit. At ille abstracto ense viriliter feriēs feram mox peremit, quinetiā ipse venenoso flatu infectus tertio die obiit. Nam clipeum eius (quod mirum dictū est) flamma ex pre draconis erumpens in momento totum combussit. Defuncto autem Turstino Normanni principes sibi Ranulfum

Kkk 2

& Ri-

& Richardum elegerunt quibus ductoribus mortem Turstini vlciscentes cōtra Longobardos aspere rebellauerunt. Post aliquot tempus Constantinensis Drogo filius Tancredi de alta villa princeps Normannorū in Apulia factus est. Hic Christiana religione militari probitate laudabilis extitit. Quem Wazo Neopolitanus Comes cōpater eius dum vigilias in ecclesia beati Laurentii i v. Idus Augusti agerent, quorum altari dominū Deum & S. Laurētium inuocantem trucidauit. Porro Vmfridus frater eius in principatus ei successit, totamq; Apuliam Normannis subegit. Qui postquam finem vitæ sibi adesse perspexit, Abailardum filiū suum, Roberti fratri suo quem pro versutiis Wiscardum cognominauerat, cum Ducatu Apuliæ commēdauit. Rodbertus autem fratres suos qui omnes Duces vel comites fuerunt, virtute & sensu ac sublimitate transcendit. Nam totam Apuliam Calabriam, ac Siciliam sibi subiungauit, & transmeato mari maxima partem Græciæ inuasit, & Alexium Imperatorem qui contra dominum suum Michaelem Augustum nequiter rebellauerat, bello turpiter cum immensu exercitu victum fugauit. Hic vero multa bona fecit, episcopatus & Abbatias plures restaurauit. Hic sicut supra diximus dominū Rodbertum Abbatē S. Ebrulfi benigniter suscepit & quandam paruam ecclesiam supra littus Calabrici maris sitam, quæ in honore S. Eufemiæ virginis & martyris dedicata erat, ei tribuit. At ille ut erat magnanimus ingens cænobium ibi condidit & magnam multitudinem monachorum ad militandum Deo ibidem congregauit. Episcopi & nobiles viri prædictum patrem Rodbertum diligebant, venerabantur, totisq; nisibus adiuuabant. Curam quippe corporis sui parui pendebat, sed sibi subiectos victu & vestitu sufficienter albat, & mentes eorum regulari disciplina coercens componebat. Præfatum itaque cænobium ferre xvii. annis rexit Idibusq; Decembris feliciter ad Dominū migravit.

Quod Heraldus Duci Willemo fidelitatem fecit, quam mortuo Edwardo Rege perierat infregit.

C A P. XXXI.

EDWARDVS Anglorum Rex disponente Deo successione prolis carens, olim miserat Willemo Duci Rodbertum Cantuariorum archipræsulem ex regno a Deo sibi attributo illum statuens heredem. Deinde Heraldum cunctorum suæ dominationis Comitum diuitis & honore ac potentia maximum Duci destinauit, ut ei de Corona sua fidelitatem faceret, ac Christiano more sacramentis firmaret. Qui dum ob hoc negotium venire contenderet, velificato freto ponti Pontinum appulit. Vbi in manus Widonis Abbatisuillæ Comititis incidit. Quem idem comes captum cum sui confestim in custodia trussit. Dux autem ut hoc comperit, missis legatis violenter illum extorsit. Quem aliquando secum demorari fecit & in expeditione contra Britones adduxit. Deinde Dux postquam Heraldus fidelitatem sibi de regno pluribus sacramentis firmavit Adelizam filiam suam cum medietate. Anglici regni sedaturum eidem sponndit. Postremo ipsum cum multis muneribus Regi remisit, & pulchrum adolescentem Walnothum fratrem eius obsidem retinuit. Denique Edwardus Rex completo felicitis vitæ termino sub anno millesimo sexagesimo quinto Dominicæ incarnationis migravit è seculo. Cuius regnum Heraldus continuo inuasit, ex fidelitate peieratus quam iurauerat Duci. Ad quem Dux protinus legatos direxit, hortans ut ab hac infania resipisceret & fidem quam iuramento sponderat condigna subiectione seruaret. At ille non solum hoc audire contempsit verum omnem Anglorum gentem ab illo infideliter auertit. Grithfridi quoque Regis Wallorum postquam hostilis eum gladius peremit, pulchrum coniugem Aldith præclari Comititis Algari filiam sibi uxorem iunxit. In diebus illis in parte Circii cometes apparuit, quæ tribus radiis longius protensis, maximam partem Austri per spacium quindecim noctium illustravit, & mutationem ut plurimi asseruerunt alicuius regni designauit.

Quod Dux Willemus, Tosticum comitem in Angliam misit, quia ad Regem Northwegha timore Haraldi confugit.

C A P. XXXII.

PORRO Dux Tosticum Comitem in Angliam misit, sed militia Haraldi mare seruans cum armis abegit. At ille non valens salubriter Angliam introire, neque Normanniam quia ventus obstabat redire, Heraldum Herfagam Northwegha Regem adiit, ipsumque supplex ut se iuaret rogauit. Ipse vero precanti Tostico libenter adqueiuit.

Eodem

Eodem anno dominus Osbernus Abbas postquam cœnobio S. Ebrulfi quinq; annis & duobus mensibus præfuit, vir bonus & de subiectis sibi sollicitus 6. Cal. Iunii obiit. Cui sagax Mannerius eiusdē cœnobii monachus successit, & nouā ecclesiam omnēsq; domos monachis cōgruas Deo iuuante & tēporis felicitate fauente cōstruxit. Qui postq̃ 22. annis monasterium rexit tempore Rodberti ignaui Ducis & Gisleberti Mammoti Luxouienſi episcopi, 2. Nonas Martii obiit. Vticensis vero Abbatia regimen elegantissimo Serloni peritia Scripturarum & eloquentia pollenti reliquit, qui post duos annos & tres menses præſulatum Sagiorum Dei gratia suscepit.

10

De morte Cunani Comitis Britannorum.

CAP. XXXIII.

TEMPORE quo Willelmus Dux disponebat Angliam adire & armis eam sibi vindicare, audax Chunanus comes Britannia nixus est cum missa legatione huiusmodi terrere. Audio te inquit nunc velle trans mare p̃ficisci & Angliæ tibi regnū nācisci. Inde multum gaudio, Sed vt mihi Normanniā reddas obsecro. Rodbertus autē Dux Normannorum, quē tu fingis esse patrē tuum iturus in Ierusalem, Allanno patri meo consobrino scil. suo cōmendauit omnem suam hereditatem. Tu autē cum cōplicibus tuis Alannum patrem meum apud Wimusterium in Normanniam veneno pemisti, & terram eius q̃ ego quia puer eram possidere nequiba inuasisti, & contra fas cum
20 sis nothus hucusq; tenuisti. Nunc igitur aut mihi debitam reddē Normanniā, aut ego tibi totis viribus bellum inferam. His auditis Willelmus Dux aliquantulū territus est. Sed mox eum Deus frustratis inimici minis eripere dignatus est. Vnus enim ex p̃ceribus Britanum qui vtriq; Comiti iurauerat fidelitatē, & huiusmodi legationē inter eos ferebat, lituum Chuningi & habenas atq; Chirothecas intrinsecus linit veneno. Erat quippe Cubicularius Chuningi. Tunc idē comes Britonum in Cinomannēſi Comitatu Castellum Gunterii obsederat, & oppidanis militibus sese illi deditibus suos intromittebat. Interea Chuningus chirothecas suas incaute induit, tactisq; ha-
30 benis, manum ad os leuauit. Cuius tactu veneno infectus est & paulo post omnibus suis lugentibus defunctus est. Hic multum sagax fuit & probus, ac amator iustitiæ. Qui si diu vixisset multa bona vt fertur fecisset, ac ad regendum honorem vtiles fuisset. Proditor autem conscius sui reatus mox de expeditione aufugit, & mortem Chuningi Willelmo Duci mandauit.

De numero nauium quem Dux Willelmus duxit in Angliam.

CAP. XXXIV.

WILLELMVS ergo securus effectus in Anglos omnem vim furoris conuertit. Considerans autem Heraldum quotidie viribus robori, classem ad tria millia nauium festinanter & bene construi iussit, & in Pontino apud S. Walericum in anchoris congrue stare fecit. Ingentem quoque exercitum ex Normannis & Flandren-
40 sibus ac Francis & Britonibus aggregauit, atque preparatam classem tam valentibus equis quam robustissimis hominibus cum loriceis & galeis repleuit. Omnibus itaque paratis vento flante secundo, velis in sublime panſis transmare Peuenesellum appulit, vbi statim firmissimo vallo castrum condidit, probisque militibus commisit. Deinde festinus Hastings venit, ibique cito opere aliud firmavit. Heraldus autem dum Normanni intrauerunt regnum quod ipse vsurpauerat, contra Toſticum fratrem suum bello occupatus erat. In quo conflictu prædictum fratrem suum peremit, ac Heraldum Regem Northweghæ qui Toſticum iuuare venerat. Hęc pugna Nonis Octobris in die Sabbati facta est in qua pene totus Northwigenarum exercitus ab Anglis cæsus est. Inde victor Heraldus Lundoniam rediit, sed de fratricidio diu gaudere vel
50 securus esse non potuit, quia legatus ei Normannos adesse mox nuntiauit.

Quod Heraldus tyrannus consilium matris suæ & fratris, bellum contra Normannos dissuadentiam, spreuit.

CAP. XXXV.

IPSE vero audiens acriores aduersarios ex alia parte surrexisse, iterum ad agonem viriliter præparauit se. Erat enim multum audax & probus toto corpore pulcherri-
mus, eloquentia lepidus, & affabilis omnibus. Porro matre sua, aliisque amicis fidelibus bellum ei dissuadentibus, dixit ei Worth Comes frater suus: Oportet charissime frater & Domine vt probitas tua temperetur discretionis moderamine. Nunc ex

Kkk 3 prælio

prælio Northwigenarum fessus venisti, iterumque ne festinas contra Normannos præliari. Quiesce quæso, Prudenter tractare tecum velis quid cum sacramentis Consuli Normanniæ promiseris. Caue ne petiurium incurras, & pro tanto scelere tu cū viribus nostræ gentis corruas nostræque progeniei permanfurum dedecus inde fias. Ego liber ab omni sacramento Willelmo Comiti nihil debeo. Audacter igitur contra illum pro natali solo certare paratus sum. Tu autem frater mi quo vis in pace quiesce & euentum belli præstolare, ne clara libertas Anglorum pereat in tua pernicie. His itaque auditis sermonibus Heraldus vehementer est indignatus. Consilium istud quod amicis eius salubre videbatur spreuit, & germanum suum qui fideliter ei consiliabatur conuitiis irritauit, matremque suam quæ nimis ipsum retinere secū satagebat pede procaciter percussit. Deinde per sex diēs innumeram multitudinem Anglorum contraxit, Ducem incautum accelerans præoccupare, tota nocte equitans in campo belli apparuit mane.

Quomodo Dux Normannorum Willelmus Anglos sibi rebelles deuicit.

C A P. XXXVI.

DVx vero nocturnos præcauens excursus hostis inchoantibus tenebris ad gratissimam usque lucem exercitum iussit esse in armis. Facto autem diluculo Sabbati, legione militum in tribus ordinibus, & horrendo hosti intrepidus obuiā processit. Cum quo sub hora diei tertia bellū commisit, & in cædibus ab utraque parte morientium usque ad noctem protraxit. Heraldus etiam ipse in primo militum progressu vulneribus letaliter confossus occubuit. Angli vero post quā tota die fortiter in conflictu perstiterunt, regemque suum morte oppressum cōpereunt, iam de salute sua diffidere cæperunt, & nocte intuentē versā facie subsidium fuge appetierunt. Itaque Normanni dum Anglos fugere viderunt, tota nocte dominica eos ad detrimentum sui obnixē persequuti sunt. Nam crescentes herbarum antiquum aggerem tegebant. Vbi summopere currentes Normanni cum equis & armis ruebant ac sese dum vnus repente super alterum cadebat vicissim exinguebant. Ibi nimirum ut ferunt, ferme 15. millia perierunt. Sic omnipotens Deus pridie Idus Octobris innumeros peccatores vtriusque phalangis puniit diuersis modis. Nam vesania sæuiente Normannorum in die Sabbati multauit multa millia Anglorum, qui longe ante innocentem Aluredum iniuste necauerunt, ac præcedenti Sabbato Heraldū Regem & Tosticum Comitem aliosque multos absque pietate trucidauerunt. Idē quoque iudex sequenti nocte Anglos vindicauit, & furentes Normannos in cecā voraginem precipitauit. Ipsi enim contra præceptum legis rem alienam immoderate cōcupierunt, ac veloces ut Psalmographus dicit, pedes eorum ad effundendum sanguinē fuerunt. Ideoque contritionē & infelicitatem in viis suis offenderunt.

Quod Londonienses se ei dederunt, & quod sequenti Natali Domini Londonia Rex Anglorum effectus est de Abbatia de Bello.

C A P. XXXVII.

POST hæc fortis Dux Willelmus ab inimicorum strage reuersus, nocte media ad campum belli est regressus. Mane vero dominicæ diei illucescente, spoliis hostium distractis & corporibus charorum suorum sepultis, iter arripuit quod Londoniam tendit. Denique ad urbem Warenges gressum diuertit, transmeatoque vado fluminis Legionis ibi castra metari iussit. Inde vero profectus, Londoniam est aggressus. Vbi præcursores milites venientes in platea urbis plurimos inuenerunt rebelles, resistere toto conamine decertantes. Cum quibus statim cōgressi, non minimum luctum intulerunt vrbi ob filiorum ac ciuium suorum plurima funera. Videntes demum Londonii se diutius contrastare non posse, datis obsidibus se suaque omnia nobilissimo victori supposuere. Anno itaque ab incarnatione Domini millesimo sexagesimo sexto Willelmus Normannorum Dux quem stilus noster extollere non sufficit, nobile tropheum ut supra dictum est ex Anglis confecit. Deinde in die Natalis Domini ab omnibus tam Normannorum quam Anglorum proceribus Rex est electus & sacro oleo ab episcopis regni delibutus, atque Regali diademate coronatus. Locus vero ubi sicut supra diximus pugnatum est. Exinde Bellum usque hodie vocatur. Porro Willelmus Rex ibi cœnobium in honore Sanctæ Trinitatis construxit, & monachos ac ordinem maioris monasterii Sancti Martini Turonensis statuit, atque necessariis opibus pro interfectis vtriusque partis

affatim ditauit.

Dere-

*De reditu eius in Normanniam, & de morte Maurilii Archiepiscopi, cui
successit Iohannes.*

C A P. XXXVIII.

DE HINC vero paulo post in Normanniam regressus, Ecclesiam S. Mariæ in Gemetico cum honore magno dedicari iussit, vbi cum sacrosanctum hoc misterium summa cum reuerentia tam religiosissime quam festiuissime celebraretur, ipse harum nuptiarum sponsi semper studiosus cultor deuotissimo animo interfuit. Quam dedicationem hi episcopi cum spirituali iucunditate 1067. dominicæ incarnationis anno Cal. Iulii compleuerunt. Maurilius scilicet archiepiscopus Rotomagensis, & Bald-
 10 nus Ebroicensis. Maurilius Archipræsul mense illo viuens, Idus Augusti carnis onere deposito cum suo Rege Christo iam victurus, liber & gaudens decessit. Cui successit Iohannes Abrincatinæ vrbis præsul, vir ingenuitate plurimum conspicuus sapientia spirituali feliciter imbutus, prudentia seculari summe præditus, secundum quippe nobilitatē generis comitis Rodulphi filius. Et quia huius Rodulphi fecimus mentionem, libet superiora paulisper repetere. Ricardus I. filius Willelmi Longespæ, cum adhuc puer mortuo patre à Rege Francorum quasi exul in Francia detineretur, mater eius Sprota necessitate urgente contubernio cuiusdam prædiuitis nomine Esperlengi adhæsit. Hic licet in rebus locuples, tamen molendina vallis Pistris ad firmam solitus erat tenere. Genuit itaq; ex Sprota filiū Rodolphum, de quo loquimur,
 20 & filias plures, quæ postea per Normanniam nobiliū matrimonio sunt copulatæ. Cum autem prædictus Ricardus ducatum Normaniæ esset adeptus, quem rex Francorum sibi fraudulenter surripuerat, contigit quadam die, vt homines ipsius in siluam Weuram nominatam irent venatum. Affuit forte inter eos idem Rodulfus vterinus frater Ducis. Cumq; venando deuia quæque & abdita syluæ lustrarent, in quadam valle vrsū immanissimum reperiunt. Venatores igitur in fugam versi prædictum iuuenem solum relinquentes, occasionem suæ probitatis manifestandæ ei dederunt. Hic namque plus timens opprobrium inertis fugæ quam ferocitatem bestię substitit, & licet annis tener, ingenita tamen magnanimitate fortis, furem in se belluā prostrauit. Reuertentes vero socii ipsius post fugam, & euentum rei comperientes pudibundi,
 30 Duci Ricardo probitatem iuuenis retulerunt. Vnde Dux hilaratus, ipsam siluā Weuram cum appenditiis suis illi dedit. Vocatur autem vsq; hodie vallis in qua occidit vrsū vallis vrsonis. Dedit præterea illi castrum Iureium, vnde vocatus est Comes. Accepit autem mulierem quandam, vocabulo Alberedam vel Erenbergam, speciosam valde, natam in quadam villa Calciui territorii, quæ dicitur Camuillam. Genuit vero ex ea duos filios, Hugonem postea Episcopum Baiocensem, & Iohannem Abrincatensem, qui ad vltimum fuit Rotomagensis Archiepiscopus, filias etiam totidem habuit, quarum vna nupsit Osberno de Crepon, de qua natus est Wilhelmus filius Osberni, alteram duxit Ricardus de Bellofago, de qua genuit Rodbertum, qui ei successit, & filias plures, quarum vna iuncta est Hugoni de Monteforti matrimonio. Et quia
 40 de hoc Hugone incidenter fecimus mentionem, vtile duximus de eius antecessoribus breuiter aliquid dicere. Turstinus igitur de Bastenbure habuit duos filios, Wilhelmum Bertramium & Hugonem cum barba de Monteforti. Hic Hugo occisus est, nec non & Walchelinus de Ferrariis in quodam confictu, quem inter se ceperant, filius autem huius Hugonis fuit secundus Hugo, qui postea fuit Monachus Beccensis. Idem vero Hugo de filia Ricardi de Bellofago habuit vnam filiam, quam Gislebertus de Gant duxit. Ex qua genuit quartum Hugonem, qui duxit Adelinam filiam Robberti comitis Mellenti, ex qua genuit filium suum primogenitum Rodbertum & alios. Ideo autem hunc Hugonem diximus quartū, quia secundus Hugo mortua prima vxore duxit aliam, ex qua genuit Hugonem tertium, & Rodbertum fratrem eius, sed absque liberis & peregre defuncti sunt. Rodbertus autem de Bellofago circa finem suum factus est Monachus Becci, vbi filii eius Ricardus & Wilhelmus religiose conuersantur. Successit vero ei Robertus Bauiel ex filia nepos. His per anticipationem dictis, ad ordinem historiæ redeamus.

Quomodo Eustachius Comes Bolonia repulsus est à castro Douera, quod obsederat, cum Rex Wilhelmus esset in Normannia.

C A P. XXXIX.

CVm igitur victoriosus Rex in Normannia bonorum operum studiis probo more suo immorando pietatis titulos adaugeret, patriamque sibi gratissimam præsen-

tia sua illustraret Eustachius Boloniensis Comes quorundam Anglorum intra Cantuariensem Comitatum consistentium versutiis deprauatus Doroberniæ inuolare est. Qui in noctis cōticinio mare transfretans diluculo cum copioso exercitu eorum illud obrectit, totisq; viribus expugnare cepit. Porro milites Odonis Baiocasi præsulis, atque Hugonis de Monteforti, quibus custodia Doroberniæ credita erat, perspicientes absentibus dominis sic se inopinato obsessos, liberalibus animis accensi mox portas patefaciunt, vnanimiter foras prouunt, concertoque certamine cunctos cum dedecore ab obsidione abigunt. Eustachius autem ad mare deuertens cum paucis indecenter nauigio aufugit. Ceteri vero ad deuexum montis, qui rupibus & scopulis asperrimis mari imminet, fugientes, omnes sese, Deo terrorem ingerente, 10 inde deiecere deorsum præcipites, iustas sceleris sui pœnas luentes. Sicque factum est, vt quos gladius non prostrauit, hos discerperet horribilis asperitas prærupti montis, vindice superni iudicis sententia temerarios conterente.

Quod latrunculi Angliæ rebellionem parantes condiderunt castrum Dunelmum, & de excidio eorum.

C A P. XXIX.

Rex vero Wilhelmus iam ad votum dispositis omnibus, pro quibus venerat, Roberto filio suo iuuenili feruore vernanti Northmannici Ducatus Dominium tradidit. Ipse vero in regnum remeans Angliam iterato plurimos eiusdem gentis repe- 20 rit, quorum leuia corda ab eius fidelitate præuaricatrix conspiratio aduerterat. Coniurauerant enim latrunculi per totam patriam, quatinus milites, quos ad tuendum regnum reliquerat, in capite ieiunii nudis vestigiis, quo solet vsu, pœnitens Christianorum religio ad Ecclesiam festinantes incautos ibique peremerent, & sic ipsum à Northmannia regredientem leuius è regno perturbarent. Verum detectis Deo contrariis eorum perfidiæ machinis, repentinum magni debellatoris formidantes aduentum, furtim (vt festiuium magni terroris consilium suasit) fuga lapsi in quandam partem Cumberlande Comitatus, aquis pariter & siluis inaccessibilem se contulerunt, & firmissimo vallo castrum erexerunt, quod propria lingua Dunelmum nuncuparunt. Inde diuersos excursus crebro agitantes aliquandiu initi delituerunt 30 Sueni Danorum Regis præstolantes aduentum, quem Veredariis ad sui conuocant auxilium. Inde vero legatos mittentes ad exerenda suæ nequitiae infausta commenta sibi ascuerunt Eboracenses. Quibus iuncti armorum simul & stipendiorum copia urbem munierunt, & semetipsos ad resistendos corroborauerunt, sibi que puerum quendam nomine Eadgarum ex Edwardi Regis nobilitate genus ducentem Regem præfecerunt. Quorum temerarios conatus Wilhelmus Rex vt agnouit, Normanno- rum cateruas produxit, & quantotius ad confutandum contumaciam eorum perrexit. Seditiosi autem audacia & viribus fisi ex ciuitate profilierunt, & contra regalem exercitum ilico aciem direxerunt. A quo protinus ita profligati sunt, vt quampluri- 40 mi perimerentur, & reliqua intra mœnia oppidi refugere compellerentur. Normanni vero è vestigio eos consecuti sunt, & muri ambitum, quo confugerant, cum ipsis irruerunt, atque tam ferro quam igne à puero vsque ad senem totam pene urbem deleuerunt. Incentores autem totius doli per Humbre fluuium nauibus dispendium mortis effugerunt.

Quomodo Briennus filius Eudonis Comitæ minoris Britannia demisit duos filios Heraldi cum exercitu Regis Hiberniæ.

C A P. XL.

PORRO duo filii Heraldi Regis ab eorum contubernio se subduxerunt, & cum multis vernaculis patris Dirmetum Hiberniæ Regem pro obtinendo iuamine aggressi sunt, De cuius regno eodem suffragante, parua temporis intercapedine non minimam manum militum sibi contraxerunt. Deinde cum sexaginta sex nauibus, qua in regione maxime oportunum æstimauerunt, otius Angli repetierunt, & more sæuissimorum piratarum rapinis & incendiis terræ populum exterminare conati sunt. Briennus autem Eudonis Ducis Britannia minoris filius eis armatus cum suis occurrit, & mox cum eis sub die vna duobus præliis manum conferuit. Cæsis vero mille & septingentis bellatorum cum nonnullis regni proceribus, reliqui è certamine fugientes, nauium præsidio necis excidium utcunque euaserunt, & ex charorum amissio-

amissione per maximum Hibernensib. luctum reportauerunt. Qui profecto nisi nox praelium diremisset, omnes mortis nouacula abrali fuissent.

Quod Rex Wilhelmus circuiens Angliam castella plurima ad defensionem regni construxit.

CAP. XL I.

SICARI deniq; intra Dunelmum latitantes, compertis tot in pernitiolis conspirationibus eadē vesania coadunatorū infortuniis, cum adhuc in suas ærumnas armis atq; fuga auderent, regiam expeditionem super se metuētes, deliberata sententiā tam inconsultā temeritatē congrua, in maritimorū præsidiorū remotiora sese receperunt, inhonestas opes piratico latrocinio sibi contraheutes. Rex autē monitus quidē prudētia, quā cōsule in cunctis regi nouit immunita regni prouidissima dispositione perlustrauit, ac ad arcēdos hostiū excursus tutissima castella per oportuna loca stabiliuit, quā militū electissimo robore, & vberima stipēdiorum copia muniuit. Tandem bellorum ac seditionum tempestate parumper conuiescente, iam totius Anglicæ Monarchiæ & habenas potentius temperat, & gloria prosperius potitur.

*Hincq; Dudo decanus S. Quin-
tini continuauit
historiam suam
de ducib. North-
mannia.*

De morte Roberti Wiscardi Ducis Apulia, & de probitatibus eius & posteritate, & qua occasione Rogerius nepos eius factus est Rex.

CAP. XL II.

HAC tempestate mortuus est Rodbertus Wiscardus Normannigena dux Apuliæ. Hic relicta priore vxore propter consanguinitatem, de qua suscepit filium nomine Buamundū, duxit primogenitā filiam Gaumarii principis Salerniæ nomine Sichelgaitā fauente Gisulfo fratre p̄dictæ puellæ, qui Gaumario patri successerat. Gatteclina vero soror eius minor nupsit Iordani principi Capuæ, filio Ricardi senioris, patri vero Ricardi iunioris. Huius Iurdani auus fuit Rannulfus, qui primus p̄fuit Normannis in Apulia, qui etiam condidit urbē nomine Aufam. Genuit autē Rodbertus Wiscardus ex Sichelgaita filios tres, & filias 5. filia vero adeo excellentissime maritatæ sunt, ut vna earum matrimonio copulata sit Imperatori Constantinopolitano. Hic Rodbertus duos Imperatores in vno vicit praelio, Alexium Græcorū in Græcia, Henricū Romanorū in Italia. Satis enim victus est Henricus, qui audita fama Ducis Rodberti, nec viribus Saxonū & Atlemannorū, nec etiā mœnibus urbibus, q̄ caput est orbis, confusus, vel tutius concitus aufugit. Boamundus autē licet haberet magnā terram, in Apulia tandem cum ceteris Normannis & Francis perrexit dimicare aduersus Saracenos, qui tunc temporis omnes fere ciuitates Romanæ tenebant. Debellatis tandem paganis, & subiugatis urbibus. Antiochia & Ierusalem, & ceteris multis, Boamundus adeptus est principatum Antiochiæ, & heredes eius post ipsum, scilicet filius eius Boamundus natus ex Constantia filia Philippi Regis Francorum, & post istum Raimundus filius Wilhelmi Comitis Pictauiorum, qui filiam secundi Boamundi duxerat vxorē. Roberto itaq; duce obeunte successit ei filius suus de secunda coniuge primogenitus nomine Rogerius, cognomento Bursa. Hoc etiā Rogerio deficiente, & filiis suis post ipsum Roger. patruelis ipsius filius Rogerii Comitis Siciliæ fratris Roberti Wiscardi, solus tā Apuliā quā Siciliā obtinuit. Hic autem procedenti tēpore de duce factus est Rex, causā altercationis duorum Apostolicorum, qui simul fuerant Romæ ordinati. Innocentius videlicet II. & Petrus Leonis. Quorum vltimus concessit duci Rogerio ut regio diademate vteretur, ideo quod idē dux parti ipsius fauebat. Accidit hoc circa annum ab incarnatione dom. 1130. vixerunt vero ambo fere 8. annis simul.

De morte Wilhelmi Regis Anglorum & Ducis Normannorum, & de sepultura eius apud Cadomum.

CAP. XL III.

His per anticipationem breuiter intimatis, ad finem gestarum Wilhelmi Regis Anglorum, & ducis Normannorū, de quibus fastidio lectorū compendiose consulentes quædam perstrinximus, veniamus. Si quis vero plenius illa nosse desiderat, librum Wilhelmi Pictauiensis Luxouiorum Archidiaconi eadem gesta copioso ita eloquenti sermone affatim continentem, legat. Edidit præterea de eadem materia opus non contemnendum Guido Episcopus Ambianensis Heroico metro exaratum. Sed ut iam finem dicendi faciamus, causam mortis, secundum existimationem quorundam pandamus.

Cum

Cum ergo idem Rex victoriosus post plurima bella post multiplices expeditiones tam in Normannia quam in Anglia, & in minore Britannia, seu etiam in Cinnomania prospero exitu consummatas, oppidum quoddam Medanta nomine proprium Philippi Regis Francorum, qui tunc temporis partes Rodberti Ducis bellum patri inferentis iuuabat. Causa autem huiusmodi discordiæ erat, quod eidem filio suo Rex Wilhelmus non permittebat facere voluntatem suam de Ducatu Normanniæ, licet eum ipse post se fecisset heredem. Cum igitur Wilhelmus Rex oppidum Medanta assiliens flammis ultatricibus tradidisset, pondere armorum, & labore clamoris, quo suos exhortabatur, ut fertur, à ruina intestinorum eius liquefacta, infirmari non modice cæpit, & licet aliquandiu postea vixerit, non tamen solita valetudine usus est. 10 Dispositis tandem rebus suis, & regno Angliæ concessio Wilhelmo filio suo, vitam præsentem finiuit in Normannia apud Rotomagum 4. Idus Septembris. Translatum est corpus eius, sicuti ordinauerat, Cadomum, & in Ecclesia Sancti Stephani, quam ipse à fundamentis ædificauerat, ante maius altare regaliter tumulatum. Solus autem filiorum suorum Henricus exequias patris prosequutus est. Decessit autem idem rex fere sexagenarius, anno Ducatus in Northmāniā 52. Porro regni sui in Anglia 20. Incarnationis autem Domini 1087. regnante eodem Domino nostro Iesu Christo cum æterno patre in vnitate Spiritus Sancti per omnia secula seculorum, Amen.

Explicit liber sextus de Wilhelmo Rege Anglorum, & Duce Normannorum.

20

INCIPIT LIBER SEPTIMVS HISTORIÆ NORMANNORVM; CONTINENS RES GESTAS HENRICI REGIS ANGLORVM ET DUCIS NORMANNORVM.

Prologus in gesta Henrici Regis, in quo breuiter fratribus suis melior ostenditur.

C A P. I.

QUONIAM in libro superiori de actibus Wilhelmi Regis Anglorum & Ducis Normannorum tractatum est, non indecens videbitur, ut hic liber, qui septimus cuditur, in Normannorum Ducum gesta, vitam & conuersationem, & ex parte non modica res gestas Henrici nobilissimi Regis filii prædicti Wilhelmi edifferens, seculo futuro, & maxime posteris imitandas proponat. Nec immerito hic numerus illi viro congruit, qui non solum honestate animi, verum etiam corporis probitate, vero videlicet ternario & quaternio plurimum emicuit. Ad hoc accidit, quod idem Rex, quem describendum suscepimus, in septimo gradu genealogiæ Normannorum Ducum reperitur, si incipias computare à Rollone Duce, qui fuit huius prosapiæ principium. Ut autem ordo historiæ non interruptus seruetur, de fratribus eius Wilhelmo Rege Anglorum, & Roberto Duce Normannorum, quibus ipse solus successit, aliqua vel breuiter dicenda sunt, maxime cum hoc ad commendationem naturæ proficiat. Sic enim pictores ferrugineum colorem subternere solent, ut rubeus superpositus magis elucescat, ita forsitan, si prædicti fratres conferantur cum isto, ex eorum comparatione altius resplendet. Quod paucis animaduerti potest. In altero eorum Wilhelmo loquor, dapnitas erga seculares prædicabatur, sed contempta ab eo religio sita plurimum conquerebatur. Robertum in rebus bellicis fama non immerito extollebat, sed hæc eadem in maturitate consilii, & in regimine Ducatus ipsum minus utilem non mendaciter asseribat. At Henricus & illa complectens solus, quæ in singulis eorum honesta videbantur, & ea pariter, quibus ipsos carere iam diximus, non solum illis, sed & omnibus sui temporis principibus nobilior habebatur. Sed quia hæc suis in locis plenius exponentur, ne digressionem in ipso exordio facere videamur, à modo rerum propositarum ordinem prosequamur.

Quomodo Wilhelmus frater Henrici mortuo Wilhelmo Rege patre eorum transiens in Angliam Rex factus est, & Robertus Ducatum Normanniæ adeptus est, & quod idem Robertus Comitatum Constantinensem dedit Henrico, & postea abstulit.

C A P. II.

IGITUR Rege Anglorum Wilhelmo rebus humanis subtracto, Wilhelmus filius eius, quam citius potuit apud Tolcam mari transito, susceptus est ab Anglis & Francis,

cis, vinctusque est in Regem à Lanfranco Archiepiscopo Cantuar. eiusq; suffraganeis, Lundoniæ apud Westmonast. Robertus namq; frater eius ante mortem patris sui discesserat de Normannia, indignè ferens, quod ipse non permetteret ei pro sua voluntate disponere tam comitatum Normanniæ, quam Cinomanniæ. Alterius enim dudum heres designatus fuerat; alterius vero hac de causa viuentē patre regimen quærebat, quod Margareta filia Herberti quondam Cinomanniensis Comit̃is ipsi fuerat desponsata, licet antequam ad nuptias eius pertingeret, apud Fiscānum virgo eadem Christo deuota obierit. Cum igitur in Pontino apud Abbatissuillam cum sui similibus iuuenibus filiis scilicet Sattraparum Normanniæ, qui ei quasi suo domino futuro
 10 specietenus obsequebantur, re autem vera nouarum rerum cupiditate illecti, moraretur, & ducatum Normanniæ, maxime in margine excursionibus & rapinis demoliretur audito nuntio excessus patris, confestim veniens Rothomagum, ipsam ciuitatem & totum Ducatum sine vlla contradictione suscepit. Cumque sui fideles eum exhortarentur, vt regnum Angliæ sibi à fratre præreptum, velocius armis sibimet restitueret, simplicitate solita, & vt ita dicam, imprudentiæ proxima, respondisse fertur. Per Angelos Dei si ego essem in Alexandria expectarent me Angli, nec ante aduentum meum Regem sibi facere auderent. Ipse etiam Wilhelmus frater meus, quod eum præsumpsisse dicitis, pro capite suo sine mea permissione minime attentaret. Hæc primo dicebat, sed postquam rei gestæ ordinem rescieuit, non minima
 20 discordia inter se & fratrem suum Wilhelmum emerfit. Interim autem Henricus frater eorum remansit in Normannia cum Duce Roberto. Dederat autem eidem Henrico pater suus moriens quinque mille libras Anglicæ monetæ. Robertus etiam frater suus dedit illi Comitatum Constantinensem, vel vt alii volunt inuadiavit, sed non diutius inde gauisus est. Nam inuentis quibusdam vilibus occasionibus per malorum tum hominum suggestiones ipsum nihil tale meditantem apud Rothomagum capiens, quod dederat indecenter extorsit.

De discordia, que facta est inter Wilhelmum Regem Anglorum, & Robertum Ducem Normanniæ fratrem eius, & quomodo obsiderunt Henricum fratrem suum in Monte Sancti Michaelis.

30

CAP. III.

POst hæc aliquanto temporis emerſo concordiam fecerunt adinuicem Wilhelmus Rex Anglorum & Robertus dux Norman. licet regnū Angliæ ipse Robertus facillime paulo ante potuisset habere, nisi minus cautus esset. Siquidem Eustachius Comes Boloniæ, & Episc. Baiocensis, & Comes Moritolii patrui ipsius, & alii Principes Normanniæ cū magno apparatu militū mare transeuntes Roucestriā & alia nonnulla castella in comitatu Cantuariensi occupantes & tenentes ad opus illius dū ipsum Robertū ducem expectant, qui tunc tēporis vltra quam virum deceat in Normannia deliciabatur, obsessi diu à Rege Wilhelmo, dum ille, cuius causa tantum discrimen
 40 subierant, non subuenit, cum dedecore ipsas quas tenebant munitiones exeuntes ad propria sunt reuersi. Facta est itaq; tandem inter eos apud Cadomum, vt diximus, aduentante Philippo Rege Francorum, qui in auxilium Ducis contra Wilhelmum Regem apud oppidum Auciacum ingenti Anglorum & Normannorū exercitu tunc morantem venerat quaecunq; concordia, & quantum ad Ducem Robertum spectat probrosa atq; damnosa. Nam quicquid Rex Wilhelmus in Normannia occupauerat per infidelitatem hominum ducis, qui eidem regi suas munitiones tradiderāt, quam suis militibus ipse commiserat vt inde fratrem suum infestarentur, impune permissus est habere. Munitiones illę, quas hoc modo tenebat, Fiscannū fuerunt, oppidū Auci, quod Wilhelmus comes Aucensis cum reliquis suis firmitatibus illi tradiderat. Si-
 50 militer Stephanus Comes de Abamarla filius Odonis comitis de Campania, Wilhelmi autem regis Anglorum senioris ex sorore nepos, fecerat, & alii plures vltra Sequanam habitantes. Cum igitur fratrem suum Henricum debuissent adiuuare, eique prouidere, vt sicut frater eorum & filius regis honorabiliter posset viuere, de tota terra patris sui eum expellere conati sunt. Vnde accidit, vt quadam vice ipsum obsidione cingerent in monte Sancti Michaelis.

Sed illis ibidem incassum diu laborantibus, & ad vltimum inter se dissidentibus, comes Henticus inde libere exiēs oppidū munitissimū nomine Danfrontē sagacitate cuiusdā indigenæ suscepit. Indignabatur. n. prædictus peti quas Robertus de Belismo homo ferox & mentis inhumane, sibi & aliis conuicaneis inferebat, qui tunc tēporis
 illud

illud castrum possidebat. Quod tanta diligentia Henricus exinde custodiuit, ut usque ad terminum vite illius in suo dominio habuerit. Circa hæc tempora obeunte Iohanne Archiepiscopo Rothomagensi, successit Wilhelmus Abbas Sancti Stephani Cadomi.

Quod redeunte Wilhelmo Rege in Angliam Henricus Comitatum Constantiniensem in ditionem suam reuocauit.

C A P. IIII.

REDEUNTE autem Wilhelmo Rege in Angliam, Henricus haud segniter Comitatum Constantiniensem, qui sibi fraudulentia ante præreptus fuerat, consensu Wilhelmi Regis & auxilio Ricardi de Reuers, & Rogerii de Magna villa, ex maiori¹⁰ parte in ditionem suam reuocauit. Et quia in hoc negotio & in aliis plerisque suis necessitatibus, Hugo Comes Cestrensis ei fidelis extiterat, concessit ei ex integro castellum, quod Sancti Iacobi appellatum est, in quo idem Comes tunc temporis nihil aliud habebat præter custodiam munitiois ipsius oppidi. Wilhemus siquidem Rex Anglorum senior illud condiderat in confinio Normanniæ & Britanniae minoris, cum ante bellum Anglicum contra Conanum Comitem Britanniae filium Alanni consobrini sui, sibi non obtemperantem, exercitum duceret. Ne igitur amplius famelici prædones Britonum Ecclesiis inermibus, aut ultimo terræ suæ vulgo excursionibus latrocinantibus nocerent, illud ad eos arcendos institutum tradidit Richardo Abrincateni præfidi, patri videlicet prædicti Comitis Hugonis.¹⁹

Quod Cinomannenses aduertentes Ducem Robertum occupatum plurimis perturbationibus in Normannia, fecerunt sibi Comitem Heliam filium Iohannis de Fleca.

C A P. V.

INTEREA Cinomannenses aduertentes Ducem Robertum tot perturbationibus in Normanniam occupatum consilium ineunt cum Helia, filio Iohannis de Fleca, viro forti & industrio & in illa prouincia potentissimo, ut filiam cuiusdam Comitis Langobardiæ, neptem videlicet Hereberti quondam Cinomannensis Comitis ex primogenita filia in matrimonium ducat, existimantes hac occasione se posse excutere à sua ceruice iugum dominationis Ducum Normanniæ. In quo persuadendo diutius immorari illis necesse non fuit, cum iam nominatus vir illorum admonitionem præueniens super hoc negotio prætermissa omni dilatione ad effectum perduxit. Nec ipsum nec consiliarios suos ab hac rebellionis præsumptione deterrendo reuocauit, quod antiquitus sub Normannorum Ducum ditione regio Cinomannica egit, vel quod nostra memoria nobilissimus Dux Normannorum Wilhelmus, postea vero felicissimus Anglorum expugnator eosdem Cinomannenses de oppressione Gaufridi Martelli senioris liberans, alis suæ protectionis munitis quoad vixit, illos ut proprios rexit, ac suis successoribus regendos moriens dimisit. Vnde factum est, ut paulo post mortem ipsius Regis idem dux Rodbertus, de quo nunc sermo est in principio⁴⁰ sui ducatus iam tunc rebellionis contumaciam attemptantes in ipsis suis finibus ducto exercitu Normannorum eos compescuit.

Quod assumpto Anselmo Abbate Becci ad Archiepiscopatum Cantuaria, Wilhelmus eiusdem loci Monachus claustralis successit.

C A P. VI.

PER idem tempus assumpto Anselmo Abbate Beccensi ad archiepiscopatum Cantuariæ, successit ei in regimine eiusdem loci Wilhelmus de Bellomonte, vir non contemnendæ religionis, & eiusdem cœnobii monachus claustralis. Anno deinde secundo Urbanus Papa in Gallias veniens, ciuitate Aruernis, quæ alio nomine Clarus⁵⁹ mons dicitur, de Ecclesiasticis negotiis tractaturus, consilium congregauit. Inter alia vero, quæ ibi salubriter disposuit, hortatus est fideles tam præsentis, quam absentes, ut ad liberanda sancta loca de potestate Paganorum, à quibus tunc possessa contaminabantur, Ierusalem pro remissione excessuum suorum irent.

Quod Robertus Dux Normannorum inuadiato ducatu suo Wilhelmo Regi Anglorum fratri suo Ierusalem perrexit.

C A P. VII.

IGITUR anno sequenti hac diuina exhortatione permoti omnes fere famosæ probitatis milites occiduae regionis tam illustres quam ceteri priuati iter peregrinationis^{nis}

nis ineunt. Quo desiderio succensus Robertus dux Normannorum Wilhelmo fratri suo regi Anglorum per nuntium mandauit, vt in Normanniam festinanter veniat, ducatum ipsius vsq; ad reditum habiturus, de thesauris Anglorum opimis suam & suorum indigentiam obiter suppleat. Huius autem legationis nuntio exhilaratus Rex Wilhelmus in Normanniam transfretans, decies mille marcas argenti ea conditione Roberto Duci commodauit, vt quamdiu idem Dux in prædicta peregrinatione moraretur, ipse Ducatum Normanniæ pro eis vadem haberet, illum Duci restitutus cum ipse sibi prætaxatam pecuniam rediens reassignasset. His itaque gestis Comes Henricus contulit se Regem Wilhelmum atque omnino cum eo remansit, cui idem
 10 Rex Comitatum Constantinensem & Baiocensem præter ciuitatem Baiocas & opidum Cadomi ex integro concessit. Hoc tempore prædictus Rex Wilhelmus fecit quoddam castellum nomine Gisorz in confinio Normanniæ & Franciæ, quod sæpe nominatus frater eius Henricus, qui ei diuina dispositione successit, mœnibus ambitum, & turris excelsis inexpugnabile reddidit.

De probitate ipsius Wilhelmi in negotiis regni, & quod Ecclesiam Dei & seruos eius persecutus est.

CAP. VIII.

DE ipso autem Wilhelmo his annalium paginis possemus inferere, quod semel &
 20 iterum Wallenses ducto exercitu in ipsorum fines sibi rebelles subiugauit, quoq; Regi Scotorum Malcolm, qui in Angliam exercitum adduxerat, cum suo exercitu obuians, eum, ad quæ voluit, pacta inclinauit. Illud etiam nihilominus quod cum audiuiſſet Heliam Comitem Cinomannorum in ipsa vrbe Cinomannica homines suos auxilium ei ferente, Fulcone Comite Andegauorum obsedisse, abstulerat enim illam urbem primum Helias hominibus Regis, sed ciues iterum Regi reddiderant, vnde eos iterum Helias obsederat. Hoc, inquam, audito, cum esset in Anglia, accersitis, quos tunc forte secum habebat, militibus, imperans, vt reliqui, qui aberant, se sequerentur. Ad mare veniens, cum ventus esset contrarius in Normanniam transfretaturo, cōtra ventum intrauit pelagus, dicens se nunquā audisse de aliquo rege, quod
 30 naufragio perisset. Transitoq; mari velut cōtra vim elementorū, prædictos comites solo auditu sui aduentus ab obsidione fugauit. Hæc, inquā, & alia his similia de illo veraciter possumus referre, nisi facta eius quia plurimo seruorū Dei, & S. Ecclesiam non minimum persecutus est, vnde sero & infructuosam, vt plurib. sapientibus videtur, egit pœnitentiam, dignum iudicemus propter ordinem historiæ solummodo breuiter attingere, & ad actus Henrici diuæ memoriæ fratris & successoris sui, qui viros religiosos & Ecclesiam Dei protegendo & auxilium ferendo admodum veneratus est, prolixius explicandos vellemus accedere. Eodem Wilhelmo regnum Angliæ procurante Morellus nepos Roberti de Moubrai comitis Northumbrelandiæ prædictum Malcolmum regem Scotiæ irruptiones in Anglia facientem, & filium eius primogenitum
 40 cum maxima parte sui exercitus in finibus Anglorum trucidauit. Hic autem Robertus cum quasdam munitione regias suo comitatu collimantes contra voluntatem domini sui attempasset occupare, captus à militibus Wilhelmi regis, ipsoq; iubente in ipsis vinculis diutius perseuerans, regnante iam Henrico rege, tandē ab ipso argastulo deficiens mortuus est. Dictum est à pluribus hunc talionem sibi redditum fuisse: quia Regem Scotiæ patrem videlicet nobilissimæ Matildis postea Reginæ Anglorum dolose peremerat. Illius autem terram, quam habebat in Normannia, & maximam partem prædicti sui Comitatus Henricum iam Rex factus dedit Nigello de Albinneo viro illustri & probato. Duxit postea idem Nigellus Gundredam filiam Giral-di de Gornaco, ex qua genuit filium nomine Rogerium de Moubraio, qui tandem
 50 adhuc paruulus patri suo facto monacho Beccensi, & eidem loco magnam possessionem in Anglia conferenti, successit. Ipse etiam Giraldus rogatu Hugonis de Gornaco patris sui monachi vero Beccensis plura dedit eidem Ecclesiæ, tandem Ierusalem petens cum vxore sua Edithua sorore Wilhelmi Comitis de Warrenna, in ipso itinere mortuus est. Vxor vero inde rediens, nupsit Drogoni de Monceio, ex qua idem Drogo suscepit vnum filium nomine Drogonem. Successit prædicto Giraldo filius eius nomine Hugo, qui ex vxore Rodulphi de Parrona Comitis Viromandorum genuit vnum filium nomine Hugonem. Hæc per anticipationem de amicis ac benefact oribus Beccensis monasterii hic breuiter commemorauimus: nunc ad ordinem historiæ redeamus.

De morte eiusdem Regis in Noua foresta, & quod Richardus frater eius antea ibidem mortuus fuerat, & de causa mortis eorum secundum estimationem vulgi.

CAP. IX.

Anno 1096. **I**GITUR sicut supra diximus, cum Robertus Dux Normannorum anno ab incarnatione Domini M. XC. VI. Ierusalem perrexisset, & Ducatum Normannię Wilhelmo fratri suo Regi Anglorum inuadiasset, contigit post aliquantum temporis, ut idem Rex quadam die venatum iret in Nouam forestam, vbi quarto Nonas Augusti missa sagitta incaute à quodam suo familiari in corde percussus, mortuus est anno ab incarnatione Domini millesimo centesimo, regni autem sui decimo tertio. In eadem etiam silua Richardus frater ipsius Wilhelmi dudum adhuc viuente patre eorum, dum simili modo venaretur, ictu arboris male euitate ægrotans, post paululum hominem exiuit. Ferunt autem multi, quod ideo hi duo filii Wilhelmi Regis in illa silua iudicio Dei perierunt, quoniam multas villas & Ecclesias propter eandem forestam amplificandam in circuitu ipsius destruxerat.

Quod Henricus frater ipsius ei successit, qui Matildem filiam Regis Scotia duxit in uxorem.

CAP. X.

OCCISO itaque Wilhelmo Rege, ut præmisimus, statim frater suus Henricus corpus eius Wintoniam deferri fecit, ibique in Ecclesia sancti Petri ante maius altare sepulturæ tradidit. Quo sepulto Lundoniam venit, atque apud Westmonasterium annuentibus cunctis Francis & Anglis quarto die post mortem fratris regale diadema suscepit. Vnde plurimi sunt letati, quod modo Regem natum à Rege & Regina, natum & nutritum in Anglia habere meruissent. Ut autem idem Rex legaliter viueret, duxit eodem anno venerabilem Matildem filiam Malcomi Regis Scotia & Margaretæ. Quantæ autem sanctitatis & scientiæ tum secularis quam spiritualis utraque Regina Margareta fuerat scilicet & Matildis fuerint liber, qui de vita ipsarum scriptus est, plano sermone describit. Nec illud prætermittendum, quod à sanctæ recordationis Anselmo Cantuariensē Archiepiscopo eadem Matildis in festiuitate sancti Martini apud Westmonasterium Henrico Regi nobilissimo desponsata, & eodem die regali diademate insignita est. Fuit autem Rex Henricus vir pluribus virtutibus præditus, iustitiæ ac pacis sectator, religionis amator, iniquorum & furum feruentissimus punitor, inimicorum suorum non solum excellentium principum & comitum, verum & nominatissimorum Regum felicissimus triumphator.

Quod ex ea genuit filium nomine Wilhelmum, & filiam qua procedente tempore nupsit Henrico Imperatori Romanorum.

CAP. XI.

GENUIT enim ex secunda Matilde Regina Anglorum vxore sua filium vnum nomine Wilhelmum, & filiam vnam matrem sicut nomine ita honestate representantem. Hanc autem virginem vix quinquennem, Henricus quintus Rex & quartus Imperator Romanorum & Alemannorum Augustus in coniugem requisivit, & adquisitam per claros viros Episcopos, & Comites internuntios cum ineffabili munificentia vtriusque parentis in suum regnum recepit, & receptam solemniter in proximo Pascha apud vltius traiectum desponsauit, desponsatam vero Archiepiscopus Coloniensis in festiuitate S. Iacobi Maguntia in Reginam consecrauit, ceteris coepiscopis assistentibus, & præcipue Archiepiscopo Treuerensi, qui eam dum consecraretur inter sua brachia reuerenter tenuit. Deinde consecratam reginam usque ad tempestiuum tempus nuptiarum studiose nutriti præcepit, in quo nutritio & linguam addiceret, & se secundum Teutonicos mores componeret, de qua nobilissima Imperatrice, in sequentibus plenius differemus. Prædictus autem Wilhelmus, filius Henrici Regis, qui post sororem Matildem Imperatricem natus est, licet enim causa masculini sexus illi præposuimus, cum iam ad iuuenilem ætatem venisset, morte immatura obiit. Cum enim transfretaret de Normannia in Anglia, inter Barbe fluium & Hantoniam in quodam maris loco periculoso, qui ab incolis Cataras dicitur, illi sa nauis scopulo, ipsi & multi optimates patris eius naufragio perierunt. Quo solo euentu felicitatē excellentiā regis fortuna aliquātis per obnubilauit, licet in aliis omnibus sibi arrideret iocundissima. His anticipando commemoratis ad ordinē rei gestæ reuertamur.

Quod

Quod Robertus Dux Normannorum rediens ab Ierosolymis transiit in Angliam, volens auferre regnum fratri suo, & quomodo concordati sunt.

CAP. XII.

NON longum autem tempus transiit, postquam Henricus rex regnum Angliæ regnare suscepit, quod frater suus Robertus de Ierusalem rediit, atq; Ducatum Normanniæ, quem fratri suo Wilhelmo inuadiauerat absq; ullius pecuniæ exhibitione recepit, licet ipsam summam, quam ab eodē fratre suo acceperat, secum haberet, ut si necesse esset ut redderetur, & si esset qui eam exigeret, in promptu haberet. Audiens itaq; quod Henricus frater suus rex Anglorum esset constitutus, cepit indignari aduersus illum, multumq; ei minari, quod regnū Angliæ suscipere ausus fuisset. Hac igitur de causa cepit nauigium præparare quale potuit. Quo completo in Angliam transiit. Henricus autem rex cuius fiducia tota erat in Deo, magnam Anglorum militiam velociter congregans, aduersus eum venit, paratus eum & omnes, qui cum eo venerant de terra Anglorū expellere. Quod profecto annuente Deo in breui egisset, nisi frater suus cum eo hoc pacto cōcordaret: ut ipse Rex illi quotannis 4000. marcas argenti perpetuo daret. Hanc summam tamen idem Comes Matildi Reginæ fratris sui coniugi condonauit. Facta itaq; inter eos concordia, aliquanto tempore demoratus est Comes Robertus in Anglia. In qua postquam tamdiu fuit, quantum ei placuit, in Normanniam remeauit.

Quod eadem pactione rupta, Henricus apud Tenechbray in bello eum capit, & postea vsque ad mortem cum regno Angliæ Ducatum Normanniæ sapienter disposuit.

CAP. XIII.

NON diu autem durauit inter eos prædicta concordia. Robertus enim comes plus iusto credens illis, qui magis volebant inter eos esse discordiam quam pacem, cepit occasiones querere, fratremque suum ad discordiam commouere. Rex autem Henricus non diutius hoc ferens, maximeque indigne ferens, quod frater suus ita paternam hereditatem Ducatum scilicet Normanniæ dissipauerat, quod præter ciuitatem Rothomagensium nihil pene in dominio haberet, quam etiam forsā alicui ut cetera dedisset, si hoc sibi licitum propter ciues ipsius fuisset. His inquam indignatus mare quam citius potuit transiens, atque non multo post non paruum exercitum congregans, obsedit ciuitatem Baiocas, eamque citius capiens, fere omnem destruxit. Deinde cepit Cadomum. Post aliquantulum vero temporis cum obsideret quoddam castrum Comitis Moritolii, quod vocatur Tenechebrai, atque in obsidendo laboraret, ut illud caperet, frater eius Comes Robertus, & Comes Moritolii cum magna multitudine militum, putantes se de Rege Henrico vindicare, eumque omnino de terra deleere, cum magno impetu irruerunt in eum. Sed iudicio Dei super eos veniente, capti sunt ambo, & multi alii cum eis ab hominibus Henrici Regis, atque ante eum adducti. Concessit hoc modo Deus Regi se timenti victoriam incruentam, sicut quondam Theodosio Imperatori seruo suo fecerat. In hoc enim conflictu ex suis nullus, ex aduersa parte vix sexaginta corruerunt. Finito itaque hoc conflictu & pace reddita miseræ prouinciæ, quæ pene per imprudentiam Comitis prædicti destructa erat, Rex Henricus totam Normanniam & omnia castella Comitis Moritolii in suum dominium suscepit. Atque ita omni terra sedata, rediens in Angliam Robertum Comitem fratrem suum, & Comitem Moritolii, & quosdam alios quos ei placuit secum abduxit, eosque in libera custodia vsque ad terminum vitæ eorum tenuit. Factum est autem hoc bellum apud Tenechebrai inter Henricum Regem Anglorum, & Robertum fratrem suum Ducem Normannorum anno ab incarnatione Domini, millesimo centesimo sexto, quinto Calendas Octobris. Eodem autem anno mense Februario Comites apparuerat Regibus & Ducibus mutatione regnorum terribilis.

Rexit autem Robertus Comes Ducatum Normanniæ nouendecim annis, excepto spacio, quo in itinere Ierusalem demoratus est. Fuit hic Robertus miles fortissimus, & multa nobiliter gessit, maxime quando à Christianis Antiochia & Ierusalem super Sarracenos captæ sunt. Ad regimen tamen Ducatus minus utilis propter simplicitatem suam, & propter consilia leuia, quibus nimium aurem accommodabat.

De Sibilla uxore Ducis Rodberti, & Wilhelmo filio eius, & quomodo idem Wilhelmus factus est Comes Flandrensis.

C A P. XIII.

CUM autem rediret de via Ierusalem, accepit Sibillam in uxorem, sororem Wilhelmi Comitis Conuersanæ. De qua genuit vnum filium nomine Wilhelmum. Fuit vero prædicta Comitissa pulchra facie, honesta moribus, sapientia prædita, & aliquando absente Duce ipsa melius per se negotia prouinciæ tam priuata quàm publica disponebat, quam ipse faceret si adesset. Vixit autem in Normannia paruo tempore, inuidia & factione quorundam nobilium sceminarum decepta. Prædictus vero Wilhelmus filius Roberti Ducis procedenti tempore Comes fuit Flandrensis. Quod quomodo acciderit, paucis aperiamus. Cū igitur ille iam iuuenis multæ probitatis in Francia exularetur, patre suo, vt iam diximus, in vinculis Henrici Regis posito, accidit, vt Carolum Comitem Flandrensem quidam traditores in Ecclesia, dum sacris misteriiis interesset, occiderent. Quo audito regina Francorum vxor Ludouici regis dedit prædicto Wilhelmo sororem suam uxorem, efficiens per maritum suum, vt idem comes Flandrensis constitueretur. Deceßerat enim Carolus absq; filio, nec tamen idem Wilhelmus longe aberat à cognatione Comitum Flandriæ. Nam Matildis Regina Anglorū auia ipsius fuit filia Balduini cum barba Comitis Flandrensiū. Hic vero Balduinus 2. filios habuit, Balduinū & Robertū. Quorū vterq; vxorē accepit viuente patre eorum. Nam Balduinus primogenitus habuit in vxorē comitissam Hainaucensem, ex qua genuit duos filios Ernulfum & Balduinū. Robert⁹ autē accepit coniugem relictam Florentii comitis Frisiæ, quæ vnicā ex prædicto Florētio habebat filiā. Quam Robertus longe facere volens à paterna hereditate, dedit eam Philippo regi Francorum, & ita comitatus Frisiæ remāsit ei cū matre prædictæ puellæ, vnde cognominatus est Frisio. Deceßit autē mortē patris sui Balduinus comes Hainaucensis, & successit Ernulfus filius eius primogenitus. Tandē obeunte Balduino comite Flandriæ cū Ernulfus comes Hainaucēsis deberet ei succedere, vtpote nepos ex primogenito filio eius, & ad hoc etiam niteretur, Philippus Rex Francorum veniens in auxilium eius & Matildis Regina Anglorum amita eius, mittense ei Wilhelmum filium Osberni cum armata militum manu, Robertus Frisio patruus eius adiuncto exercitu Henrici Romanorum & Alemannorum Imperatoris cuneis suis, ex improviso super eos irruens die Dominico Septuagesimæ fugato Philippo Rege Francorum Ernulfum nepotem suum, & Wilhelmum filium Osberni Comitem Herefordi peremit, & hac de causā Flandriam vsque ad suum obitum possedit.

De Wilhelmo Comite Herefordi, & successionē eius.

C A P. XV.

PRÆDICTVS autem Wilhelmus Comes Herefordi fuit vir honestus & probus, & cognationem Ducū Normanniæ non solum ex parte patris, verum etiam ex parte matris attingens. Osbernus namq; pater eius fuit filius Herfasti fratris Gonnoris Comitissæ primi Ricardi ducis Normanniæ vxoris. Mater vero fuit filia Rodulfi comitis Iureicēsis. Qui Rodulfus frater fuit vterinus Ricardi ducis superius nominati. Duxit autem idem Wilhelmus Aelizam filiam Rogerii de Teoneio, ex qua genuit 2. filios, Wilhelmum de Britolio, qui post decensum eius terram, quā habebat in Normannia habuit, & Rogerium cui comitatus Herefordi funiculo distributionis euenit. Habuit etiā 2. filias, quarū vna nomine Emma iuncta est Rodulfo de Waier, genere Britoni, qui fuit comes Norwicensis. Sed quia cōtra fidelitatē Wilhelmi regis senioris, munionē Norwich aliquando tenere attēptauit, expulsus & extorris de regno Angliæ cū vxore sua Ierusalē perrexit, relinquens vnā filiā nomine Ittā, q̄ procedenti tēpore nupsit Roberto comiti Legrecestriæ, filio Roberti comitis Legrecestriæ. Vnde factū est vt Lire Gloz, Britoliū & plurimā partem terræ, quam Wilhelmus filius Osberni auus, vxoris suæ habuerat in Normannia post mortē Wilhelmi de Britolio auunculi vxoris suæ idem comes haberet. Genuit autem ex ea vnum filium & plures filias. Occiso itaque, vt diximus, Wilhelmo filio Osberni Wilhelmus de Britolio filius suus, qui ei successerat, cepit calumpniari oppidum Iureii, quia fuerat Rodulfi Comitis patris, videlicet auis suæ.

Habebat autem tunc temporis idem castrum Robertus dux Normanniæ in suo dominio, sicut pater suus Wilhelmus Rex per omne tempus vitæ suæ habuerat.

Comi-

Comitissa enim Albereda vxor Comitum Roberti in supercilio montis eidem castro imminentis turrim munitissimam, quæ usque nunc superest, ædificari fecerat. Robertus Comes Mellenti turrim illam custodiens, vicecomitis officio in prædicto oppido fungebatur. Egit itaque calliditate solita, ut idem castellum Wilhelmo de Britolio redderetur, hac tamen conditione, quatinus ipse pro eo, quod in ipso oppido nunc habebat, Brionnium suæ terræ vicinum largitione Ducis Roberti perpetuo possideret. Erat enim ab antiquis temporibus idem municipium una ex propriis sedibus Ducum Normanniæ, unde semper illud in suo dominio hætenus habuerunt, excepto, quod secundus Ricardus ipsum Comiti Godefrido fratri suo naturali dederat, & Comes Gislebertus filius eius post ipsum idem habuerat, sed eodem occiso, ad dominium ducum Normanniæ redierat. Et quoniam Rogerius filius Ricardi idem castrum repetebat, quia auus suus Comes Gislebertus id ipsum, sicut dictum est, antea possederat, Robertus Comes Mellenti omni inquietudine carere gestiens, egit apud Ducem Robertum, ut quoddam municipium nuncupatum Humetum, situm in Constantiensi Comitatu daretur Rogerio filio Ricardi, non solum pro illa calumpnia sopienda, verum etiam pro non minima pecuniæ summa, quam Rogerius hac de causa Duci contulerat. Sunt antiquorum plurimi, qui dicant, quod Ricardus pater Rogerii pro repetitione eiusdem castri dudum in Anglia acceperat oppidum Toneburge, asserentes leugam Brionii cum funiculo circumcirca fuisse mensuratam, & eodem fune in Anglia delato, leugam Tonburge tantundem spatii in metiendo recepisse, quantum hætenus Brionenense milliarium probatur retinere. Accidit post aliquantum temporis, ut Goellus de Breherii valle dominum suum Wilhelmum de Britolio dolose caperet, & in ipsa captione eum tamdiu retineret, quousque idem Wilhelmus quandam filiam suam notham cum ipso castello Iureii coactus illi concederet. Ex qua ille vir Belial suscepit filios, Wilhelmum Luellum, & Rogerium Balbum, & alios, in quibus nequitia patris eorum & fraudulentia velut in malo germine ad perniciem innoxiorum adhuc perseuerat. Wilhelmus autem de Britolio à nexibus liber memor iniuriæ à perfido sibi illatæ, quandam rem dignam memoria ausus est incipere. Nam Regem Francorum Philippum cum plurimo exercitu, & Robertum Ducem Normanniæ ad se immensis muneribus euocans, & 30
ipsis & hominibus eorum omnibus, qui suam procuracionem voluerunt accipere, sufficienter necessaria de suo proprio subministrans, castrum Breherii vallis, & totam terram Goelli fere destruxit, & Iureium tamdiu obsidens afflixit, usquequo ille perfidus suis rebus diffidens, illud sibi redderet. Et sic tandem Wilhelmus idem castrum sicut proprium, quoad vixit, securus possedit. Cum autem ad extrema veniens idem Wilhelmus iuuenem quendam Rodulfum de Walet, ex sorore Emma nepotem heredem sui cassamenti fecisset, Eustachius filius eius naturalis, dum exequiæ patris agerentur, omnes munitiones eius occupans & muniens, omnem terram sui patris diutius hac inuasionem quiete tenuit, donec vxor eius Iuliana filia Regis Henrici notha, nimis arroganter & stulte contra voluntatem & fidelitatem Regis, custodes suos de munitione Britolii eiecit. Qua de causa Rex exacerbat omni illam hereditatem, quam non hereditario iure, sed sua persuasione, immo Regis clementia hætenus ille possederat, non immerito illi abstulit. Castrum siquidem Iureicense redditum est Goello, & filiis suis.

Ceterum terram, sicut iam diximus, Robertus Comes Legrecestræ cum vxore sua postmodum accepit. Eustachio proinde Paceii oppidum solummodo remansit. Et quia hæc causa Wilhelmi filii Osberni, cuius supra mentionem fecimus, latius executi sumus, nunc ad ea, quæ de Comitibus Flandriæ proposueramus, reuertamur.

De morte Wilhelmi Comitum Flandriæ.

C A P. XVI.

IGITUR prædicto Rodberto Comiti Flandriæ Henricus Rex Saxonum & Imperator Romanorum dedit Comitatum Cameracensem, & ipse fecit ei inde fidelitatem. Genuit autem idem Robertus duos filios, Robertum, & Philippum. Robertus vero Ierosolymitanus cognominatus, quia interfuit, dum Ierusalem à Christianis caperetur, genuit Balduinum, qui ei successit. Eodem vero Balduino mortuo ex vulnere, quod in conflictu quodam apud Aucum castrum quoddam Normanniæ

acceperat, Carolus cognatus ipsius ei successit. Quo per traditionem occiso, sicut iam dictum est, eundem Comitatum Flandriæ, sicut superius diximus, Wilhelmus filius Roberti Ducis Normanniæ habuit, sed paruo tempore superuixit, incuiusdam oppidi assultu appetitus lethali vulnere, decessit vero sexto Calendas Augusti, anno ab incarnatione Domini millesimo centesimo vigesimo octauo. Sepultus est autem in Ecclesia Sancti Bertini confessoris, & successit ei Terricus de Aufeis, cognatus præcedentium Comitum. Huic Henricus Rex Anglorum copulauit sororem Gaufridi Martelli Comitis Andegauorum. Robertus autem Dux Normanniæ, pater prædicti Wilhelmi, mortuus est in Anglia apud Bristoldum castellum Roberti Comitis Glocestriæ nepotis sui, cui Henricus Rex eum ad custodiendum tradiderat.

Decessit autem quarto Idus Februarii, sepultusque est in Ecclesia Sancti Petri Glocestriæ, anno ab incarnatione Domini millesimo centesimo trigesimo quarto. His per anticipationem intimatis, nunc ad ordinem historiæ reuertamur.

Quod mortuo Philippo Rege Francorum successit Ludouicus filius eius, & de origine Comitum Ebroicensium & eorum posteritate.

C A P. XVII.

CIRCA hæc tempora rebus humanis excessit Philippus rex Francorum, & successit Ludouicus filius eius. Mortuo etiam Wilhelmo Rothomageni Archiepiscopo, eandem Pontificatus sedem adeptus est Gaufridus Decanus Cinomannensis. Paruo exinde tempore exacto moritur Wilhelmus Comes Ebroicensis. Et quoniam de hac ciuitate fecimus mentionem, libet paulo superius originem Comitum eius repetere. Robertus igitur filius primi Ricardi Ducis Normanniæ Archiepiscopus Rothomagensis, & Comes Ebroicæ ciuitatis, contra morem Ecclesiasticum vxoratus quasi quilibet laicus, genuit duos filios, Ricardum, qui ei successit in Comitatum, & Rodulfum de Waceio. Ricardus autem Comes ex relicta Rogerii de Toenio, qui peremptus fuerat in quodam conflictu, genuit prædictum Wilhelmum, qui ei successit, & vnâ filiam, quæ nupsit Symoni de Monteforti, ex qua natus est Almaricus & Berta soror eius. Sed ante eam idem Symon habuerat duas vxores. Ex quarum prima filius eius primogenitus alter videlicet Almaricus natus est, & Elizabeth soror eius. Occiso autem illo Amalrico Rodulfus de Toenio, denique cateruis more pugnantium nec non & equitibus sagittariis, quorum inibi exercitus regius maximam multitudinē habebat, in dextra parte hostium præmissis, clamor vt in initio bellorum solet fieri, vtrinque attollitur. Sed antequam militum cunei iungerentur pars Comitum instantia sagittariorum, qui eam in dextris, vbi carebant protectione clypeorum, absque interuallo sagittabant, pene defecerat. Spaciosum esset ire per singula, sed nos ad cetera festinantes rei euentum succincte enodamus.

Inito itaque certamine, postmodum captus est Comes Walerannus, capti sunt etiam omnes illi famosi & diuites milites, qui eius signa sequebantur, licet aliqui, postquam in manus hostium venerunt, consentientibus quibusdam suorum necessariorum in exercitu, quos regio habebant, fuga elaberentur. De quorum numero fuit Amalricus Comes Ebroicensis, & Wilhelmus Louellus de Iureio. Gestum est autem hoc bellum à Ducibus Henrici Regis Anglorum, contra Walerannum Comitem Mellenti, anno ab incarnatione Domini 1124. 7. Calend. Aprilis, haud procul à villa, quam vocant Burgum Tuoldi.

Qua sagacitate idem Rex terram suam pacifice regebat.

C A P. XXII.

COMITE itaque Waleranno in vinculis cum sociis suis posito, Rex Henricus turrem Wateuillæ funditus fecit euerti, oppido præterea Brionnii vi potius quam voluntaria redditione sibi subiugato, eum qui idem post captionem Comitis diu tenuerat orbitate oculorum multauit, vnde perterriti, qui castrum Belli montis seruabant, ne similia paterentur, illud Regi reddiderunt. Taliter igitur omni illa perturbatione sopita, rex tam terrâ comitis quàm ceterorū, qui cum eo capti fuerāt in suo dominio habuit. Sed tamen post aliquot annos Comiti Waleranno data venia, & à vinculis liberato, redditus suæ terræ habere permisit munitiones tantum ipsius in sua manu retinens. Quidā vero concaptiuorum quādiu idem Rex humanis rebus interfuit, in

vincu-

vinculis suis permanferunt. Ex quo autem comes Mellenti in fupradicto confictu captus eft, tam in Ducatu Normanniæ quam in Regno Angliæ per totum decennium quo Rex Henricus fuperuixit, fuma pax vigit, licet nepos eius Willelmus paruo tempore quo Comitatum Flandriarum tenuit eam perturbare pro fuo poffe fatageret. Sed cum fapiens Rex mifericordia & diuitiis fere omnibus fui temporis principibus excelleret altero horum fcilicet mifericordiæ ecclefiis, & monafteriis & pauperibus hominibus fuæ terræ condefcendebat, altero vero id eft opulentia thefaurorum infinita plurimas centurias militum in diuerfis locis hoftibus propinquis opponebat, qui eos à rapina ecclefiarum, vel pauperum acie ferri repellerent. Vnde factum eft vt raro etiam illa terra Augufti Henrici quæ in confinio exte-
 10 rarum prouinciarum erat aliqua hoftili læfione læderetur, nedum illa quæ ab eis longe aberat, quia vt dictum eft multitudo militum quos excellentiffimus princeps fuis ftipendiis fufficienter alebat, & donatiuis muneratos honorabat, illis obfiftebant.

Quid de trapezetis per omnem fere Angliam deprauatis ob amorem iufticiæ fecit.

C A P. XXIII.

REFERAM quiddam quod accidit dum prædicta difcordia adhuc perfeueraret inter Regem, & Comitem Mellenti, in quo apparebit, & feueritas iufticiæ ipfius in
 20 impios, & contemptus pecuniæ in comparatione rectitudinis. Cum igitur in Normannia rebus bellicis intendens ageret, accidit vt nefeio qua peruerfitate deprauati omnes fere trapezetæ Anglici regni monetam ftanneam in qua vix tertia pars effer argentea, cum eadem moneta tota ex argento foleret fieri fabricarent. Cum vero de eadem falfa moneta in Normanniam delata Regii milites forte ftipendium accepiffent, nec de ea vt pote non legitima aliquid emere valerent, de falſitate eius conquæſti ſunt apud Regem. Iratus ergo Rex, & propter militum fuorum iniuriam magis autem ob iufticiam temeratam, ſententiam dictauit, mandans & præcipiens illis quos in ſuo loco in Anglia demiferat, vt omnes numularios qui huius impietatis iuſte argui valerent, abſciſſione dextrarum manuum nec non & genitalium membrorum
 30 mulctarentur. O virum defenſorem iufticiæ, & iniquitatis acerrimum punitorem, o ſi vellet redemptionem accipere pro tot hominum impiorum membris, quanta milia talentorum poſſet inde lucrari! ſed vt diximus ſpreuit pecuniam amore iufticiæ.

De obitu Willelmi, Abbatis Beccenſis, & de bonitate venerabilis Boſonis ſucceſſoris ſui.

C A P. XXIV.

HOc tempore moritur Willelmus Abbas Beccenſis, & ſuccedit dominus Boſo, de quo venit in litem plus ne ſit meritis hominum reuerentiam, atque gloriam ſecularium ac ſpiritualium rerum ſingulari peritia, an ordinis monaſtici ſingulari obſeruantia. Hunc plurimi potentes tam ſeculari eccleſiaſtica dignitate fulgentes, intima familiaritate colebant, vt patrem venerantes, verentes vt præceptorem, diligentes vt germanum aut prolem. Illi conſulta animarum ſuarum illi ſpeculam quandam vnde ordinibus eccleſiaſticis proſpiceretur committebant. Potuit namque viri talis vigilans cura cui maximam auctoritatem ſapientiæ pariter, ac ſanctitatis prærogatiua comparuit ſecuritatem non paruam optime ſollicitudini eorum promittere. Hunc vt diximus Rex Henricus immo generalis totius conuentus conſenſus Monafterij Beccenſis Abbatem ſtatuit, non minus reſiſtentem ſubiectionis amore, quam altioris gradus timore. Venerantur eum reuerentes Abbates, Monafteria, Synodi, Curie,
 30 vt prudentem, ita eloquentem, vt iuſtum ita diſcretum, Guſtat hic imperio naturæ non epulatur, qui nec pecuniæ vnquam faueat vel gratiæ, ſiue in iudicio ſiue in conſilio ſententiam dicens. Exhibet ſe blandum ac ſeuerum decentiſſima in alterutrum permutatione, nullius hominis, omnis vici clemens perſequutor, pius inimicus. Sed ne à geſtis incliti Regis longius digredi videamur, ad ea quæ de filia eius Mathilde Auguſta Imperatrice promiſimus narranda redeamus.

Ell

Quod

*Quod obeunte Henrico Imperatore, Rex Henricus filiam suam Matildem Imperatricem red-
 Etam in Angliam matrimonio copulauit Gaufrido Duci Andegauensium ex qua susce-
 pit tres filios, Henricum, Gaufridum, Willelmum.*

C A P. X X V.

CVm igitur Henricus quartus Romanorum Imperator Augustus citra senium obiisset anno videlicet ab incarnatione Domini millesimo centesimo xxv. potētissimus Rex Anglorum Henricus filiam suam prædictam Imperatricem, licet excellentissimi principes Curia Romanæ experti prudentiam ipsius & morum venustatem viuente imperatore coniuge suo, eam omnimodis sibi imperare optarent, & hac de causa ipsam profecuti sint vsque ad curiam sui patris, id ipsum rogaturi. Quorum 10 petitioni cum Rex minime adquiesceret, volebat enim illam post suam mortem in regnum Angliæ hæreditario iure succedere, fecit episcopos & archiepiscopos, & Abbatum potentiores, necnon Comites & Satrapas totius Anglici regni sub arctissimo Sacramento illi fidelitatem hoc pacto promittere, quatenus ipsi pro suis viribus obniterentur, vt eadem Augusta post decessum patris Monarchiam maioris Britanniz quam nunc Angliam vocant obtineret. Quod vtrum fecerint, nihil mea interest dicere. Procedenti autem tempore pater suus cupiens carere inimicitis & importunitate Fulconis Comitis videlicet Andegauorum Turonorum atq; Cinomannorum, namque inter eos quibusdam ex causis longa simulas durauerat, licet inuitam dedit eandem imperatricem in vxorem, Gaufrido Martello filio prædicti Fulconis, qui ei 20 in comitatum successit, cum idem Fulco Rex Ierusalimorum efficeretur. De qua idem Marchio genuit tres filios. Henricum, Gaufridum, Martellum, Willelmum, hæredes legitimos Anglici principatus, non solum ex parte Henrici Regis aui sui, verum etiam ex parte Sanctæ Mathildis Reginæ auiæ ipsorum. Vterque enim coniunx consanguinitatem veterum Regum Angliæ, licet diuerso modo proxime attingebat, sicut in libro qui de vita ipsius Reginæ scriptus est, continetur. Quem propter notitiam rerum gestarum, & ad honorem & memoriam vtriusque matris de qua æditus est & filia ad quam æditus est, huic operi forsitan adiungemus.

Quomodo Reges Francorum descendebant de origine Comitum Andegauensium.

C A P. X X V I.

30

NE c alicui vel ipsi Imperatrici Augustæ omnino indignum videatur, quod post thorum Imperatoris coniugium fortita est Comitis Andegauorum. Licet enim multo minoris dignitatis sit Comes Andegauensis quam Imperator Romanus, tamen si quis consulat gesta Regum Franciæ inueniet de quam generosa stirpe descendant Comites Andegauensium. Ibidem enim reperiet, quod Reges Francorum qui nostris temporibus idem regnum administrant, de prædictorum Comitum propagine deriuentur. Sic enim postquam de morte Caroli calui in eisdem gestis tractatum est, & si non eisdem verbis, eadem tamen sententia reperitur. Obeunte Ludouico filio Caroli Calui, cum Carolus simplex filius eius adhuc puer habenas regni minime 40 moderari valeret, & duo filii Roberti Comitis Andegauorum qui fuit vir Saxonici generis superessent, Odo scilicet princeps sub cuius custodia Ludouicus reliquerat filium suum Carolum, & Robertus frater eius, Burgundiones & Aquitanenses elegerunt sibi in Regem prædictum Odonem, qui xiii. annis regnum Francorum optime rexit, & contra Danos qui tunc temporis Gallias demoliebantur nobiliter protexit. Decedente vero Odone, Carolus simplex recepit regnum suum, & Robertus frater Odonis factus est sub eodem Carolo princeps Francorum. Sed quia non ei reddebatur pars principatus quam frater suus Odo antequam in Regem eligeretur habebat, rebellauit idem Robertus contra Carolum Regem, vnctusque ipse in Regem, vno anno regnauit, sed postea occisus est in bello Sueffonico ab exercitu Caroli simplicis. Factus est tamen post ipsum princeps Francorum filius eius Hugo magnus, natus ex filia Hereberti Comitis Parronæ. Hic Herebertus per traditionem capit Carolum simplicem, reuertentem cum victoria à prædicto prælio, & in vinculis ipsius mortuus est idem Carolus. Supradictus vero Hugo magnus genuit ex filia Ottonis Regis Saxonum, postmodum vero Imperatoris Romanorum, Hugonem & Caperet & fratres eius. Qui Hugo adnullato genere Caroli magni, vnctus est in Regem super Francos. Ipso etiam superstite primo regni sui anno adiunctus est in regnum Robertus filius eius, rex piissimus, vir in literarum scientia plurimum à Gerberto monacho philosopho, postea vero Papa Romano instructus. Hæc de gestis Francorum huic opuscu-

opusculo inferui, volens nescientibus intimare nobilitatem Comitum Andegauensium, & quod tertia familia Regum Franciæ, siquidem de tot familiis ab initio illius regni vsque nunc seriatim creati sunt Reges de eorum propagine modo quem prædiximus veniant. Non igitur vsquequaque indignum, si filia Regis Anglorum matrimonio copulata est viro cognatione propinquo Regibus Francorum. Nunc ad ordinem rerum propositarum reuertamur.

Quam deuote prædicta Imperatrix thesauros suos diuersis ecclesiis & inopibus dum egrotaret erogauit.

C A P. XXVII.

10 **S**ÆPÊ nominata deniq; Mathildis Imperatrix dum quadam vice apud Rothomagum infirmaretur, sufficiens argumentum suæ prudentiæ & religionis, cā præsentibus quam futuris ostendit. Gazas enim non solum Imperatorias quas secum de Italia incomparabiles attulerat, verum etiam quas Regalis, immo paterna munificentia de inexhaustis Anglorum thesauris sibi contulerat, tam deuota manu ecclesiis diuersarum prouinciarum, & vtriusque sexus religiosi pauperibus, viduis, orphanis, distribuit, vt nec à culcitra serica super quam in ipsa infirmitate iacebat, abstineret, quin ipsa distracta pretium eius leprosis erogari iuberet. Veruntamen promptiorem se
20 Beccensi ecclesiæ quam multis cœnobiis Neustriæ, ne dicam omnibus in hac erogatione exhibuit, dans ei tam diuersa donaria, materia, artificioque præciosissima, quæ Bizantium percara haberet, & quæ ad seculi terminum honora permanere valeant semper ipsius imperatricis Augustæ studium & amorem erga illam ecclesiam repræsentantia, vicissimque cordibus mihi habitantium memoriam insignis dominæ arctius imprimentia singula descriptionibus aut nominibus designare, spaciosum foret. Voluptuosum est spectare hospitibus maximis, & qui sæpe nobilium ecclesiarum thesauros viderunt. Transiret illachospes Græcus aut Arabs, voluptate traheretur eadem. Credimus autem & credere fas est, æquissimum iudicem omnium non
30 solum in futuro, verum etiam in præsentī seculo illi centuplum redditurum, quod seruis suis manu sicut larga, ita deuota gratanter impendit. Ad remuneratione vero instantis temporis pertinere non dubium est, quod miserante Deo sopita aduersa valetudine, sanitatem refouit, & monachos suos, monachos Beccenses qui præ omnibus, & super omnes pro ipsius sospitate iugi labore supplicandi decertando pene defecerant, aura prospere valetudinis eius afflatos omnino redintegravit.

Quod dum desperaret poposcit Regem, vt Becci sepeliretur, & de affectu eius circa eandem ecclesiam, & quod sospitati reddita sit.

C A P. XXVIII.

NE c illud silentio supprimendum, immo vt ita dicatur vntialibus litteris exaratum seculo venturo transmittendum, quod antequam conualesceret postularat
40 rat patrem suum vt permitteret eam in cœnobio Beccensi humari. Quod Rex primo abnuerat, dicens non esse dignum vt filia sua Imperatrix Augusta quæ semel & iterum in vrbe Romulea quæ caput est mundi per manus summi Pontificis Imperiali diademate processerat insignita, in aliquo monasterio licet per celebri & religione & fama sæpeliretur, sed ad ciuitatem Rotomagensium quæ metropolis est Normannorum saltem delata, in ecclesia principali in qua & maiores eius Rollonem loquor & Willelmum Longam spatam filium ipsius qui Neustriam armis subegerunt positi sunt, ipsa & poneretur. Qua deliberatione Regis percepta, illi per nuntium remandauit animam suam nunquam fore letam nisi compos voluntatis suæ in hac duntaxat parte efficeretur. O femina in actū virtutis & consilii sanioris, paruipendens pompam
50 secularem in corporis depositione. Nouerat enim esse salubrius animabus defunctorum ibi corpora sua tumulari, vbi frequentius & deuotius supplicationes pro ipsis Deo offeruntur. Victus itaque pater ipsius Augustæ, pietate & prudentia filiæ qui ceteros & virtute & pietate vincere solitus erat, cessit, & voluntatē & petitionē ipsius de se sepelienda Becci fieri concessit, sed volente Deo vt præfixum est, sanitati integerrimæ restitute conualuit. His igitur de Imperatrice Augusta suo loco prout dignum est, commemoratis, de cæteris liberis Henrici Regis licet minus idoneo modo procreatis, propter rerum tamen notitiam aliqua vel
breuiter dicamus.

Quod

Quod Henricus Rex duxit Adelizam mortua Matilde uxore sua, & de liberis quos aliunde procreauit, quorum primogenitus fuit Robertus Comes Glocestria qui hereditatem Roberti filii Haimonis cum filia ipsius accepit.

C A P. XXIX.

MORTVA itaque secunda Matilde Regina Anglorum matre huius Imperatricis Augustæ sicut in superioribus dictum est, Henricus Rex duxit Adelizam filiam Godefridi Ducis Louaniæ, comitis Eustachii Boloniensis consobrinam, de qua nihil posteritatis accepit, habuit tamen idem Rex filios sex, & septem filias, licet minus honesto ut prædiximus modo progenitos. Illorum autem primogenito Roberto pater suus quandam nobilissimam puellam nomine Sibillam, filiam Roberti filii Haimonis, neptem scilicet ex filia Mabilia Rogerii de monte Gummerici, patris videlicet Roberti de Bellisimo, matrimonio copulauit: concedens ei maximam hereditatem tam in Normanniâ quam in Anglia, quæ præfata virgini hereditario iure compete-
bat. Ex ipsa autem genuit filios quinque, scilicet Willhelmum suum primogenitum & fratres eius, & vnam filiam. Hereditatis autem quam cum præfata virgine idem Robertus adeptus est, caput est oppidum Torrinneium nuncupatum, in confinio Comitatum Baiocensis & Constantiensis situm distans à fluuio nomine Vira, qui prædictos Comitatus dirimit, in citeriori parte millibus ferme duobus. Quod municipium à prædicto Regis filio Roberto postquam in iuris eius potestatem redactum est, turribus excelsis, & mænibus robustissimis nec non & fossatis præruptis, & in ipso saxo monte incisis, contra omnium inimicorum conatum munitum est & ex magna parte aquis in piscinas collectis vallatum & inaccessum. Et licet terra circumiacens minus in fertilitate frugum reddenda sit habilis, est tamen idem oppidum populosum, negotiatoribus diuersarum mercium refertum, ædificiis tam publicis quam priuatis ornatum, copia auri & argenti non egenum. Dedit etiam illi Rex terram Haimonis Dapiferi patris videlicet uxoris suæ. Præterea quia parum erat filium Regis ingentia prædia possidere absque nomine & honore alicuius publicæ dignitatis, dedit illi pater pius Comitatum Glocestriæ. Ricardus autem huius comitis vno de patre frater, cum fratre suo Willhelmo in sæpedito naufragio periit. Alii vero tres, id est Rainaldus, Robertus, Gislebertus, adhuc iuuenes sine casamento sunt. Quartus scilicet Willhelmus de Traceio, paululum post mortem patris rebus humanis exemptus est. Filiarum vero vna nomine Mathildis nupsit comiti Perticensi Retroco. De qua genuit vnam filiam. Ipsa vero Mathildis Comitissa postmodum in supradicto naufragio cum fratribus suis submersa est. Alia item Mathildis nuncupata, data est Conano comiti minoris Britannæ, genuitque ex ea filium nomine Hoellum & filias duas. Tertia scilicet Iuliana Eustachio de Paceio: Qui habuit ex ea eos filios, Willhelmum & Rogerium. Quarta, Willhelmo Goieto. Quinta, vicecomiti de Bellomonte, quod castrum situm est in Cinomannensi pago. Sexta, Matthæo filio Burchardi de Montemorenceio. Septima, quæ nata ex Elizabeth sorore Waleranni comitis Mellenti, adhuc innupta permanet.

Quod decedente Gaufrido Rotomagensi archiepiscopo, qui Willhelmo dudum successerat, eandem sedem adeptus est Hugo Abbas Radingarum.

C A P. XXX.

CIRCA hæc tempora decedente Gaufrido Archiepiscopo Rothomagensi, Hugo primus Abbas Radingensis successit. Paruo exinde tempore exacto, Innocentius Papa sedem Rothomagum veniens causa Regis Henrici, ingentibus obsequiis ut virum Apostolicum decebat, ab eodem Rege susceptus & prosecutus est. Sic etiam Calixtum Papam longe antea se aduentem pro causis ecclesiasticis apud castrum suum Gisorz nomine in margine sui Ducatus situm Regaliter procuratum, muneribus ornatum regiis remiserat.

De castellis quæ Rex Henricus adificauit in Ducatu Normannia, & quod pacem non solum in terra sua, verum etiam in longinquis regionibus sua sapientia faciebat.

C A P. XXXI.

FECIT autem Rex Henricus plurima castella tam in regno quam in Ducatu suo. Cætera vero ab antecessoribus suis constructa, non solum municipia, sed etiam antiquissimas vrbes pene omnes meliorauit. Illorum autem quæ in Normannia construxit in margine sui Ducatus & confinium prouinciarum ista sunt nomina: Driemcurtis,

curtis, Nouum castrum situm super ripam Eptæ fluminis, Vernoilum Nonanti curtis, Bonum molendinum, Colmemons, Pons Vrfonis, & alia quæ ex industria prætereo ne moram faciam. Pacem non solum in terra sua verum etiam in longe positis regnis concessa sibi à Deo sapientia & bonitate tenebat. Walenses semper Anglis rebelles ita subditos habebat, vt per omnem terram eorum vel ipse vel satrapæ sui illis inuitis munitiones ædificarent. Nec aliquam in suo iure munitionem haberent ipsi illo viuente, præter montem qui lingua Anglorum Snowdowne, id est, mons niuosus quia ibi iugiter nix perdurat, appellatur. Vnum in ipso quidam non immerito vt pluribus videtur reprehendum ducebant. Cum enim haberet in manu sua nonnullorum Baronum suorum, & etiam vicinorum aliquorum collimitantium suo Ducatu munitiones, ne illi confidentes in eis aliquid contra pacem sui Imperii agerent, illas velut proprias ambitu murorum & turribus nonnunquam muniabat. Qua autem intentione illud faceret, à multis nesciebatur, vnde id ipsum reprehendebant.

De ecclesiis vel Monasteriis quæ edificauit & de largitate eius in seruos Christi, & de cæteris pijs eius actibus.

C A P. XXXII.

FVI T autem inclitus Rex Henricus de cuius actibus loquimur, liberalissimus non solum potentibus huius mundi, verum etiam quod maius est & vtilius, hominibus religiosis. Testantur hoc episcopi, Abbates, monachi pauperes, Sanctimonialium greges, non solum Franciæ & Aquitanniæ, verum etiam Burgundiæ & Italiæ, qui ab ipso annuatim plurimum emolumentum accipiebant. Ædificauit autem in Anglia à fundamentis abbatiam Sanctæ Mariæ Radingis super fluuium Tamisæ, & ornamentis & possessionibus locupletans, monachos & ordinem Cluniaci ibi esse fecit. Ædificauit & aliam ecclesiam apud Cirecestam in honorem Sancti Iohannis, & Canonicos Regulares ibidem statuens, illis sufficienter necessaria procurauit. Nihilominus etiam in Normannia apud Rotomagum ecclesiam Sanctæ Mariæ de Prato à matre sua dudum inceptam pene consummauit, claustro & officiis monachis congruentibus, & ambitu murorum ipsum locum decorans, nonnulla prædia tam in Normannia quam in Anglia ad opus ibidem Deo Seruientium, cum ornamentis preciosis contradidit, maiora tamen saliquantum vita comes foret secundum suam promissionem largiturus. Et quia idem locus ad ecclesiam Beccensem pertinebat, vt pote patrimonium domini Herluini primi Abbatis & fundatoris Beccensis monasterii, Monachos Beccenses illi Deo seruituros instituit. Illius enim ecclesiæ Abbates & monachos mire semper coluit, plurimum veneratus est. Maxime tamen dominum Bosonem abbatem quod nos in nostra memoria experti sumus, cum idem Rex daret annuatim eidem venerabili viro non minimam summam pecuniæ ad subsidium victualium suæ congregationis & susceptionem hospitem, quos ille plus amplitudine caritatis quam rerum suarum mirifice ne dicam vltra vires suas procuratos honorabat. Et quamuis munificentia Regis eadem largiretur non solum propter abbatem, verum etiam propter bonam existimationem monachorum quorum orationibus se commendari aut per se aut per aliquem nuntium fræquentius satagebat, illud tamen inditio est quod illum plus antecessoribus suis in hac duntaxat parte veneratus sit, quod aliquando centenarum libras argenteorum, sæpissime centum Marcas eiusdem metalli tempore regiminis prædicti Abbatis, ecclesiæ Becci deuote cõtulit, cū antea vix ad quartam partem prætaxatæ summæ in dando eidem aliquid ecclesiæ peruenerit. Illū etiam sanctitate & consilio tam spirituali quàm seculari, cæteris personis sui regni excellere, non solum verbo, sed opere prædicabat, præsertim cum in illo biennio quo eundem S. virum continue ante suam mortem graui infirmitate fatigatum, nunquam per vicina loca iter faciens præteriret, quin gratia visitandi ad eum diuerteret, & quæ ipse pro necessitate sui monasterii vel alieni ab eo peteret, gratanter impetraret. Ædificata sunt autem tam in regno huius incliti Regis quam in remotis ab eo prouinciis ipsius consilio & liberali munificentia nonnulla seruorum Dei habitacula. Ecclesiam quippe Cluniacensem vt de minoribus taceam suis impensis ex maiori parte ædificans ingentes possessiones in Anglia pro redemptione animæ suæ delegauit. Hoc idem fecit & ecclesiæ Sancti Martini de Campis. Officinis quoque monachorum tironis construendis, nonnulla adiumenta præiudic, excepto dormitorio quod

ex in-

ex integro ipse fieri ob memoriam sui ex solummodo impensis voluit. Nec non etiam Xenodochium elephantiorum Carnoti manentium opus videlicet pergrande ac mirificum ipsius munificentia compleuit. Egit præterea inexhausta ipsius largitas Alpes hætenus pene inuias, petentibus limina Apostolorum vel reliqua sanctorum loca, peruias. Quid referam quod militibus Templi Ierosolimorum, qui assidue pro defensione Christianæ religionis contra Agarenos decertant, plurima subsidia tam in armis quam & in cæteris necessariis deuota manu annuatim trans mittebat? Hospitali etiam Ierusalem quandam terram in pago Abrincatenfi dedit, in qua illi serui Christi vicum quendam quem vocant Villam Dei magnis priuilegiis Regia munificentia munitum ædificauerunt. Prætereo, quod ecclesia Beatæ Mariæ Ebroicæ ciui-¹⁰ tatis, ipsius quadam pia vt ita dicatur crudelitate destructa, & iterum reædificata, omnes fere ecclesias Neustriæ, sua pulchritudine superat. Nam cum vt sæpius dictum est, eadem vrbs causa discordiæ Amalrici incensa à Rege fuisset, & ecclesia episcopalis sedis minime ab ipso incendio liberari valeret, Rex eidem ecclesiæ postmodum tanta in redditibus, concessit, vnde ipsa in melius renouata, & summa reddituum ipsius episcopatus hac de causa imperpetuum plurimum esset augmentata.

De obitu eius, & quod corpus eius in Angliam delatum Radingis sepultum est.

C A P. XXXIII.

LONGVM esset singula pietatis, vel quantum ad regimen publicæ rei attinet, scien-¹⁰ tiæ & probitatis, ipsius gesta enumerando perscrutari. Alterius horum ecclesia cum pauperibus suis, alterius curia non solum Anglorum: Sed & remotarum prouinciarum cum proceribus suis testis indeficiens perleuerat. Nos igitur non immemores beneficiorum tam à se quam à filia sua Mathilde Imperatrice Augusta nobis liberaliter collatorum, ne ingrati iudicemur, licet ei in spiritualibus vicem pro nostro modulo redibere assidue non negligamus, sætegitimus vt ex paucis gestorum eius quæ commemorauimus, plurimorum quæ non nescientes prætermisimus, præsentibus & futuris. Si imitari non dedignentur profuturam recordationem surgeremus. Dece-³⁰ sit autem post longam regni administrationem sæpe nominatus Henricus Rex Anglorum & Dux Normannorum 4. Nonas Decembris ab incarnatione Domini nostri Iesu Christi M. c. xxxv. in Normannia apud villam Regiam sitam in Silua Leonis quæ per metonomiam Sanctum Dionisium vocant. Regnauit autem annis xxxv. & quatuor mensibus in Anglia. Ducatui vero Nortimanniæ præfuit annis xxix. & mensibus quatuor. Corpus autem ipsius delatum in Angliam honorifice sepultum est in ecclesia Sanctæ Mariæ Radingis, quam ipse à fundamentis suis sumptibus ædificauerat. Cui Rex seculorum Christus precibus suæ genitricis indulgentiam suorum excessuum conferens beatorum gaudia misericorditer tribuat. Qui cum patre & Spiritu Sancto uiuit & regnat Deus per omnia seculorum Amen.

EPITAPHIUM REGIS HENRICI.

*Quod modicum præsent, quod opes magnum nihil extant,
Rex probat Henricus, Rex viuens pacis amicus.
Exstiterat siquidem præ cunctis diuor idem,
Occidua genti quo prætulit ordo regendi.
At necis ad pestes, quid gemma pallia, vestes,
Esuarium terra, quid castra sibi valuer.
Vilibus hinc aquam dans sortem, pallida, nequam,
Protendendo pedem, mors eius pulsat ad adem.
Quo dum dira febris prima sub nocte Decembris
Mundum nudauit, mundo mala multiplicauit
Quippe pater populi, pax & tutela pusilli,
Dum pius ipse ruit, furit impius, opprimit, urit,
Anglica lugeat hinc, Normannica gens fleat illinc
Occidis Henrice, tunc pax, nunc luctus utrique.*

ITEM EIVSDEM.

*Sensu, diuitiis, aditu, feritate decenti
Mire, plus dictu, vim perpeßis, scelerosis,
Excellens, locuples, haud difficilis, reuerendus,
Hic iacet Henricus rex quondam, pax decus orbis.*

ITEM

ITEM EIVSDEM.

*Victor, sectator, vindex, tutamen, amator,
Bellorum pacis, scelerum, regni, bonitatis.
Continet hunc loculum Rex notus ubiq. locorum
Henricus prudens, tunc terror, tunc cinis idem.*

*De quatuor sororibus prædicti Regis quarum Adela nupsit Stephano Comiti
Blesensi, & de filiis ipsius Adele.*

CAP. XXXIV.

- 10 **D**E filiabus primi Willelmi Regis Anglorum sororibus incliti Regis Henrici, de cuius gestis iam aliqua recensuimus, libet huic opusculo causa & amore ipsius fratris earum in calce libri inferere. Primogenita igitur earum Cecilia nomine virgo Deo sacrata in Monasterio Sanctæ Trinitatis Cadomensis oppidi, post Mathildem ipsius loci primam Abbatissam, illi cænobio pluribus annis præfuit. Secunda vero Constantia Alano Feregant Comiti minoris Britannia filio scilicet Hoelli qui Conano successerat, matrimonio iuncta, absque liberis mortua est. Vnde factum est ut idem Comes post ipsam duceret filiam Fulconis Rechin Comitis Andegauorum, ex qua genuit Conanum iuniorem qui ei successit, sicut in superioribus commemoratum est. Occiso autem per traditionem Gaufrido Martello viro magnæ
- 20 probitatis primogenito filio prædicti Fulconis comitis Andegauorum, successit alter filius suus Fulco nomine, natus ex alia coniuge nomine Berta, sorore videlicet Amalrici comitis Ebroicensis. Hic postquam accepit filiam comitis Helia Cinnomannorum cum ipsius comitatu, & genuit ex ea duos filios, Gaufridum scilicet Martellum de quo iam pauca superius diximus, & Heliam, & totidem filias; quarum una nupsit Terrico comiti Flandrensium. Mortua vxore sua perrexit Ierusalem, & accepta filia secundi Balduini Regis nouiter defuncti, factus est tertius Rex Ierosolimitanorum. Siquidem capta vrbe Ierosolima à Christianis, primus præfuit illi Dux Godefridus frater Eustachii comitis Bononiæ. Hic tamen ad reuerentiam nostri redemptoris qui in illa vrbe coronam spineam pro nobis peccatoribus gesserat,
- 30 nunquam voluit Regio diademate insigniri. Quo mortuo, Balduinus frater eius factus est ibi primus Rex, cui successit alter Balduinus nepos prioris. Et illi ut diximus accepta eius filia, Fulco comes Andegauorum.

- Tertia vero filiarum Willelmi Regis Adelidis Heraldus proditori ante bellum Anglicum sponsata, sed illo digna morte multato nulli nupta, virgo iam nubilis obiit. Quarta Adela vocata nupsit Stephano comiti Blesensi, ex qua suscepit quatuor filios, Willelmum, Theobaldum, Henricum, Stephanum, & unam filiam. Willelmus autem primogenitus honorem Soreii regendum à patre suscepit. Huius filiam duxit Henricus comes Aucensis, filius Willelmi comitis, licet proxima consanguinitate nequerentur, natiq. sunt illi ex ea tres filii, & una filia. Tetbaldus vir
- 40 per omnia laudabilis, utpote Laicus ac viros religiosos nimio affectu venerans ac fouens, successit patri in Comitatu Blesensi, Comitatum etiam Trekarum emens ab Hugone patruo suo, simul cum Carnotensi possedit. Accepit aut vxorem filiam cuiusdam Comitis Behaniz ex qua plures filios habuit, & filias. Henricus autem frater eius à puero monachus Cluniasensis, postmodum Henrico auunculo suo Rege Anglorum, accepit prius dono Abbatiam Glastonia & postea Episcopatum Wintoniensem. Stephanus etiam ab eodem Rege factus est Comes Moritolii ipso suffragante duxit vxorem Mathildem filiam Eustachii comitis Bononiæ, neptem videlicet secundæ Mathildis Regina Anglorum ex sorore Maria. Et quia idem Eustachius nullum habebat filium, causa vxoris suæ ipse Stephanus tam Comitatus Bolo-
- 50 niæ, quam etiam magnarum possessionum quas socer eius habuerat in Anglia, hæres factus est. Genuit autem ex ea plures filios & filias: Hic autem Stephanus factus est Rex Anglorum post excessum auunculi sui Henrici regis. Nam cum decederet idem Rex in Normannia, Mathildis filia ipsius quondam Imperatrix quam dudum constituerat heredem sui regni, in Andegauensi pago cum coniuge suo Gaufrido Duce ipsius Comitatus & filiis morabatur. Recesserat enim à Normannia paulo ante mortem sui patris, erga ipsum aliquantulum commota, quia idem Rex reconciliari volebat impune Willelmo Taluatio, quamuis ipsa inde ei plurimum supplicaret. Quod non ad contemptum dilectæ filia faciebat, sed ne minus timeretur ab ipso Willelmo vel cæteris principibus suis, si propere ac leuiter iniuriam illi remitteret.

M m m

Quod

Quod Rogerius de monte Gummerici natus est ex una neptium Gunnoris Comitissæ, & de antecessoribus ipsius Rogerii.

C A P. XXXV.

FVIT autem hic Willelmus filius Roberti de Belismo natus ex filia Widonis Comitis Pontini. Qui Robertus ob nimiam crudelitatem ipsi Regi & cæteris multis sapientibus viris exosus habebatur. Ipso denique in vinculis posito in quibus & defecit, Rex Henricus nobilissimum oppidum eiusdem nomine Bellissimum cepit, & illud Rotroco Comiti Perticensi genero suo dedit, licet pagus Bellismensis non ad Ducatum Normanniæ pertineret, sed ad regnum Francorum, dederat tamen dominium eiusdem pagi vel ut quidam dicunt vendiderat dudum Philippus Rex Francorum cognato suo Willemo seniori Regi Anglorum & Duci Normannorum. Iuo autem de Belismo antecessor huius Roberti fuit vir potens & sapiens, cuius consilio primus Richardus dum adhuc puer teneretur in custodia Regis Francorum ereptus est agente Osmundo armigero ipsius pueri. Huius autem Iuonis fuit filius Willelmus de Belisino qui genuit alium Willelmum cognomento Taluatium, patrem Mabiriæ. Hanc Mabiriam Rogerius comes filius Hugonis de Monte gummerici accepit in uxorem cum tota hæreditate patris ipsius, quam habebat siue in Bellismensi pago siue Semienfi ultra fluuium Sartæ. Ipse autem Rogerus natus est ex quadam neptium Gunnoris Comitissæ * unde & ipse ingentes possessiones habuit in diversis regionibus Nortmanniæ. Genuit autem ex ipsa Mabiria quinque filios & quatuor filias. Successit vero eidem Robertus de Bellismo filius eius, vir per omnia nefarius, qui ex filia Widonis Comitis Pontini sicut iam diximus genuit Willelmum Taluatium successorem suum. Hic Taluatius habuit ex Ala uxore sua quæ fuerat antea vxor ducis Burgundiæ, duos filios, & totidem filias.

* MS. Liber sc.
ex locellina filia
Wemina.

Filiorum vero primogenitus Wido patre viuentis factus est Comes Pontini. Filiarum autem una Iuhello filio Walterii de Meduana nupsit, ex qua habuit plures filios. Altera vero tertio Willemo de Warennæ Comiti videlicet Surreiæ. Prædictus autem Rogerus de Montegummerici bello Anglico interfuit, & à Willemo Rege Anglorum Comitatus Arundelli & Salopesberii dono accepit.

Relatio quomodo ipsa Gunnor primo Ricardo Duci Normanniæ copulata fuerit matrimonio.

C A P. XXXVI.

ET quia de Gunnore Comitissæ fecimus mentionem causa matris Rogerii de Montegummerii, quæ fuit neptis eiusdem Comitissæ, libet literarum memoriæ commendare sicut ab antiquis didici, qualiter ad coniugium Comitis Ricardi eadem Gunnor accesserit. Igitur Ricardus Comes audita fama pulchritudinis coniugis cuiusdam sui forestarii manentis haud procul ab oppido Arcarum villa quæ dicitur Schecheuilla, ex industria iuit venatum illuc, volens probare si verum esset quod relatione quorundam perceperat. Hospitatus igitur in domo forastarii illectusque venustate vultus vxoris ipsius, præcepit hospiti suo quod ipsa nocte adduceret ad cubiculum suum uxorem suam Sainfria: Sic enim vocabatur. Quod cum ille eidem tristior retulisset, illa ut sapiens mulier consolata est eum, dicens se supposituram in loco suo Gunnorem sororem suam virginem quam plurimum se ipsa pulchriorem. Quod & factum est. Cognita denique tali fraude delectatus est Dux, quod non incurrisset peccando in alienam uxorem. Genuit itaque ex Gunnore filios tres, & totidem filias, ut in libro qui de gestis eiusdem Ducis scriptus est superius inuenitur. Cum vero idem comes quendam filium suum nomine Robertum vellet fieri Archiepiscopum Rotomagensis, responsum est ei à quibusdam, hoc nullatenus secundum scita Canonum posse, ideo quod mater eius non fuisset desponsata. Hac itaque causa comes Ricardus Gunnorem Comitissam more Christiano sibi copulauit, filique qui iam ex ea nati erant interim dum sponsalia agerentur, cum patre & matre pallio cooperti sunt, & sic postea Robertus factus est Archiepiscopus Rotomagensis.

Quomodo eadem Comitissæ sorores suas & neptes nobilioribus Normannorum in coniugium tradidit & de posteritate earundem.

C A P. XXXVII.

IPSA autem Gunnor excepta Sainfria habuit duas sorores, Weuiam & Duuelinam. Alteram quarum adminiculante ipsa Comitissæ quæ fuit femina magnæ prudentiæ, nupsit

nupsit Turulfo de Ponte Audomari, qui fuerat filius cuiusdam nomine Torf, à quo etiam vsque nunc quædam villæ cognominatæ sunt Torfuillæ. Huius Turulfi frater fuit Turchetillus pater Anſchetilli de Harecurt. Genuit autem ex eadem idem Turulfus Humfridum de Verulis, patrem Rogerii de Bellomonte. Tertia autem sororum Gunnoris Comitissæ, nupsit Osberno de Bolebec, Ex qua genuit * Walterium Giffardum primum, & Godefridum patrem Willelmi de Archis. Hic autem Willelmus pater fuit Mathildis quam Willelmus Camerarius de Tancarville habuit uxorem, ex qua genuit filium nomine Rabellum qui ei successit. Prædictus autem Galterius duxit vnam filiarum Girardi Flatelli, alteram vero Basiliam relictam Rodulphi de Waceio habuit Hugo de Gornaco, de cuius successione & posteritate superius dictum est. Genuit autem idem Galterius secundum Galterium Giffardum, & filias plures, quarum vna nomine Rohais nupsit Ricardo filio Comitis Gisleberti: qui Gislebertus fuerat filius Godefridi Comitis Aucensis, naturalis videlicet filii primi Ricardi ducis Normannorum. Hic Gislebertus habuit duos filios prædictum Ricardum & Baldwinum. Baldwinus etiam genuit tres filios Ricardum Robertum & Willelmum, & totidem filias. Ricardus autem frater Baldvini genuit ex Rohais quatuor filios, Gislebertum, Rogerium, Walterium, Robertum & duas filias, altera quarum matrimonio copolata est Rodulfo de Telgeriis natiq̃ue sunt ex ea Franſuato, Henricus, & Robertus Giffardus. Gislebertus qui illam terram quam pater eorum habuerat in Anglia post ipsum adeptus est, Rogerius enim frater eius terram de Normannia obtinuit. Hic inquam Gislebertus ex filia comitis de Claromonte habuit tres filios Richardum qui ei successit, & Gislebertum & Walterium, & vnam filiam nomine Rohais. Ricardus autem duxit sororem comitis Rannulfi iunioris comitis Cestriæ, & habuit ex ea tres filios, Gislebertum qui ei successit & fratres eius.

Ipse autem Ricardus immatura morte obiit peremptus à Walensibus, qui immaniter audita morte Henrici Regis, contra Anglos rebellauerunt. Mortuis autem absque liberis Rogerio & Walterio patris suis, Gislebertus filius Gisleberti, hæreditario iure ipsis etiam concendentibus, terras eorum adeptus est. Idem vero sororem
 30 Walerani Comitis Mellenti nomine Elizabeth duxit, ex qua genuit filium primogenitum nomine * Richardum. Roberto autem filio Richardi successit filius suus primogenitus, natus ex quadam filiarum Walleui comitis Huntendonæ. Habuit autem idem Waldeus tres filias ex uxore sua filia Comitissæ de Albamarla, quæ Comitissa fuit soror vterina Willelmi Regis Anglorum senioris. Harum autem filiarum comitis Waldeui primogenitam accepit Simon Siluanectensis cum Comitatu Huntendonæ, & genuit ex ea vnum filium vocatum Simionem. Mortuo autem Simone Comite, David frater secundæ Mathildis Reginæ Anglorum duxit uxorem eius, ex qua suscepit vnum filium scilicet Henricum. Sublatis autem de medio fratribus eius Dudecano & Alexandro Regibus Scotorum, ipse idem regnum suscepit. Aliam vero scilicet Iudith Rodolphus de Toeneio sicut iam dictum est duxit uxorem. Tertiam Robertus filius Ricardi, sicut modo commemorauimus.

Et quoniam de sororibus Gunnoris Comitissæ fecimus mentionem, libet etiam de illis qui secundo gradu consanguinitatis affines eidem fuere, prout ab antiquis accepimus aliqua dicere. Habuit ergo ex fratre suo Herfasto eadem Comitissa nepotem Osbernum de Crepon patrem videlicet Willelmi Comitis Herefordiæ, viri per omnia laudabilis. Nepotes vero plures prædicta Gunnor habuit, sed solummodo de quinque quibus maritis nupsent audiui. Vna itaque earum matrimonio copolata est patri primi Willelmi de Warennæ ex qua natus est idem Willelmus postea Comes Surreiæ, & Rogerius de mortuo mari frater ipsius. Altera Nicholao
 50 de Bascheruilla, ex cuius posteritate natus est Willelmus Martellus, & Walterus de Sancto Martino. Tertia Richardo Vicecomiti Rothomagensi, patri videlicet Lamberti de Sancto Sidonio. Quarta Osmundo Centumvillis Vicecomiti Vernoniæ, ex qua natus est primus Fulco de Aneio, & plures filię quarum vna mater fuit primi Balduini de Reuers. Quintam Hugo de Montegumeri duxit, ex qua natus est Rogerius pater Rodberti de Belleſmo.

* Galterium.

* Hic ille Richardus est qui comes Pembrochia & cognomento Strongbowus Hiberniam primus Anglis aperuit.

M m m 2

Qua

Qua occasione Stephanus Comes Moritolii nepos Henrici Regis ei in regnum successit.

C A P. XXXVIII.

SED ut redeamus ad ea vnde digressi sumus causa harum genealogiarum, obeunte Henrico Rege Anglorum, successit ipso mense decessionis eius Stephanus nepos eius. Nam cum degeret idem Comes in Boloniensi comitatu, audita morte auunculi sui velociter transfretans, auxilio Henrici fratris sui Wintoniensis episcopi coronam regni adeptus est. Erat enim ut prædictum est tunc temporis Mathildis hæres ipsius Regis in Andegauensi pago.

Obtinuit tamen ipsa Damfrontem, & Argentomagum, & Oximum castella sui patris & alia tria scilicet Colmiemontem, & Gorram, & Ambreras, quæ interim concessit Iuhello de Meduana, hac conditione, ut ipse eam fideliter iuaret in acquirendo suam hæreditatem. Dicebat enim idem Iuhellus, illa tria oppida videlicet quæ ultimo nominauimus, esse in sua terra.

Filia autem Adelæ filia Willemi Regis Anglorum de qua superius fecimus mentionem, nupsit Ricardo Comiti Cestrensi, filio Hugonis Comitis, qui Hugo fuit filius Ricardi Vicecomitis Abrincatenſis pagi. Cum vero Ricardus & vxor eius in sæpedito naufragio cum Willemo filio regis Henrici mortui fuissent, Ranulphus vicecomes Boiocasini consobrinus ipsius Ricardi adeptus est Comitatum eius. Mortuo autem eodem Ranulpho, successit ei item Ranulphus filius eius, vir in rebus bellicis strenuus. Huius autem Ranulphi sororem duxit Ricardus filius Gisleberti, ex qua suscepit tres filios. Ipse denique Ricardus peremptus est à Walensibus ut præfixum est. Prædictus autem Ranulphus Comes accepit vxorem Mathildem filiam Roberti Comitis Glocestriæ, ex qua genuit duos filios Hugonem & Ricardum.

Quomodo Adela Comitissa Bleſensis habitum Sanctimonialis & conuerſationem Marciniaci tempore Domini Petri Abbatis Cluniacensis accepit, & quod secundo anno post mortem Henrici Regis Anglorum fratris sui mortua est.

C A P. XXXIX.

30

MORTVO autem Stephano Comite Bleſensi marito Adelæ filia Willemi Regis Anglorum, ipsa aliquandiu nobiliter rexit Comitatum quia filii sui adhuc minus habiles ad procurandum regimen erant. Quibus adultis ipsa Sanctimonialis habitum & conuerſationem tempore Domini Petri Cluniacensis Abbatis Marciniaci assumens laudabiliter ibidem in Dei seruitio vsque ad finem perseuerauit. Decessit vero secundo Anno post mortem Henrici fratris sui Regis Anglorum.

De vento vehementi qui accidit ante mortem Henrici regis, & quod plurimi principum Anglici Regni defuncti sunt ipso anno vel sequenti, quo Rex Henricus mortuus est.

40

C A P. XL.

EO anno quo idem rex Henricus humanis rebus subiectus est, factus ventus vehemens in Normannia, & in aliis pluribus regionibus paulo ante mortem ipsius, scilicet vigilia Apostolorum Simonis & Iudæ. Non multum vero post mortem eius tempore transacto, id est, ipso anno vel sequenti, mortui sunt plures ex principibus Anglici regni iudicio Dei videlicet Willemus Cantuariensis Archiepiscopus, Episcopus Rouceſtriæ, Episcopus Exoniensis, Ricardus filius Gisleberti, ut iam dictum est. Robertus filius Ricardi patruus eius, Ricardus filius Balduini consobrinus horum duorum ultimo nominatorum nec non & secundus Willemus de Warennâ comes Surreiæ. Cui successit tertius Willemus filius eius natus ex Elizabeth filia Hugonis magni comitis Viromandorum. Fuit autem primo iuncta prædicta Comitissa Roberto comiti Mellenti, & ex ea habuit tres filios, & totidem filias.

De filiis Roberti Comitis Mellenti, & filiis Henrici fratris eius Comitis Warwic.

C A P. XLI.

FILIORVM vero duo scilicet Wallerannus & Robertus qui gemelli fuerunt, successerunt ei. Wallerannus siquidem primogenitus suscepit Comitatum Mellenti, & terram quam pater eorū habebat in Nortmannia. Robertus vero Comitatum Legie-

Legiecestræ in Anglia. Nupsit autem mater eorum mortuo priore marito secundo Willelmo de Warrenna Comiti Surreiæ, ex qua suscepit vnum filium scilicet Willelmum tertium & duas filias. Fliarum vero primogenitam accepit vxorem comes Rogerus de Warwic. fuit autem idem Rogerus filius Henrici comitis fratris Roberti comitis Mellenti, natus ex Margareta sorore Rotroci Comitis de Pertico. Genuit autem ex ea Henricum & plures alios, & duas filias. Prædictus denique Rogerus successit patri in Comitatum Warwic. Quidam vero fratrum suorum natus post ipsum scilicet Robertus de Nouoburgo, habuit terram quam pater eorum habuerat in Nortmannia. Hic Robertus fuit amator intimus & benefactor Beccensis ecclesiæ.

10 Hic accepit vxorem sororem Rogerii de Toenio filiam secundi Rodulfi Godehildem nomine, ex qua habuit plures filios, scil. Henricum & fratres eius.

De obitu Domini Bosonis Abbatis Beccensi, & de successore eius.

CAP. XLII.

CIRCA hæc tempora Dominus Boso quartus Abbas Becci vir per omnia laudabilis vitæ decessit, & Terbaldus successit prior eiusdem loci. Willelmus etiam dux Aquitanorum non multo post mortuus est. huius filiam vnicam cum ipsius Ducatu Ludouicus filius Regis Francorum accepit in vxorem, mortuoque Ludouico patre suo ipso anno Calend. Augusti, successit idem Ludouicus iuuenis, factus Rex Francorum & Dux Aquitanorum anno ab incarnatione Domini M.C.XXXVII. quo anno fuit maxima siccitas. Eodem anno mortuus est Lotharius Imperator Romanorum & Alemannorum, cui successit Corradus nepos Henrici quarti qui ante Lotharium imperauerat.

Paucis de pluribus de memorato illustri Rege Henrico tactis succincte potius quam prosequitis miraculum quoddam dignum non minus fructuoso relatu quam admirabili subnectendum censuimus. quod etiam quasi ad caput historiae compulsi nos reuertii.

CAP. XLIII.

QUANTÆ humilitatis Rollo fuit postquam fidem Christi suscepit, ex vna re quam fecit patenter cunctis innotuit. Quodam tempore postquam pacificatus est cum rege Franciæ venientes ad eum homines Rotomagi cæperunt eum rogare vt de Francia faceret corpus Sancti Audoeni redire, quod propter timorem eius illuc olim fuerat translatus antequam cæpisset Normanniam. Tristes inquit & multum dolentes sumus, quod sic Archiepiscopum nostrum perdidimus. Hoc audiens Comes mandauit Regi Franciæ, vt ei presbiterum suum redderet. Qui si non faceret, proculdubio sciret, quod nullo modo cum illo pacem habere posset. Rex autem Franciæ nolens ei de hac re facere molestiam reddidit ei sicut petebat suum presbiterum. Dux ergo præcepit, vt inde reduceretur corpus Sancti Audoeni suæque redderetur ecclesiæ vnde fuerat asportatum. Monachi ergo qui custodes eius fuerunt dum in Francia fuit, reportauerunt illud vsque ad quandam villam ad vnâ leugam ab vrbe Rotomagi. Quo cum peruenissent, non parum de via lassati manserunt ibidem illa nocte mane surgentes si possent Sanctum Audoenum ad suum locum reportarent. Cum itaque mane surgerent, eumque ad ciuitatem portare vellet, nullo modo potuerunt. Tunc tristes monachi nimiumque dolentes de hoc quod illis acciderat mandauerunt, ciuibz quid Sancti Audoeni corpus nullo modo poterant mouere de loco illo vbi iacuerat illa nocte. Quod cum Comiti qui tunc apud Rotomagum erat fuisset nuntiatum, respondit, quia merito hæc tribulatio de corpore Sancti Audoeni eis accidisset, quia si recte cogitassent, sensumque rectum habuissent, cum processione & cum magna deuotione illi obuiare debuissent. Post hæc præcepit Comes Archiepiscopo, omni que populo Rotomagi, vt in laneis vestibus & nudis pedibus cum eo ad Sanctum Audoenum pergerent, eiusque pietatem quam deuotius possent exorarent quatenus ad stultitias eorum vel negligentias non respiceret, sed propitius illis esset, seque de illo loco ad ciuitatem vbi archiepiscopus fuerat transferri permitteret. Tunc ipse Dux primus sicut cæteris præceperat in Laneis vestibus & nudis pedibus vsque ad villam in qua Sanctus Audoenus erat peruenit. Quo cum peruenisset, protinus cum omni populo qui cū eo erat coram feretro eius prostratus, hæc orando dixit. Sanctæ Audoenæ bone Archiepiscopæ & aduocate noster, permitte corpus vestrum ad ciuitatem transferre, vbi præsulis officio functus fuistis, & sacras benedictiones sæpius fecistis, & ego de ecclesiæ vestræ & vobis

Mmm 3 totam

totam terram quæ adiacet ab isto loco vsque ad mænia ciuitatis. Tunc continuo Comes & populus summissis humeris feretrum in quo Sanctum corpus erat facillime deportare cæperunt, & sic vsque ad ecclesiam suam gaudentes & exultantes deportauerunt. Ex huius rei euentu dixerunt quidam illam villulam Longum peanum, eo quod Comes illuc tam iter nudis pedibus fecisset, Si quis hoc factum non esse signum magnæ humilitatis asserit de eo dici veraciter potest, quia quid si magna humilitas nescit.

CAP. XLIV.

QUIDDAM vero aliud dicitur eidem Comiti accidisse eo tempore quo primum 10
 pacificatus est cum Rege Franciæ. Quadam die cum esset idem Dux apud Rotomagum, ad vesperam ipsius diei stabant plurimi homines ante domos suas quæ erant iuxta ripam Sequanæ. Illic ergo cum essent, eandemque aquam aspicerent, viderunt vnum equitem transire super aquam quasi iret super terra, & vsque ad eos peruenientem. Hac ergo de re non parum obstupescit cum ad eos peruenisset, cæperunt inquirere ab eo quis esset, vel vnde rediret ille vero respondens, videtis inquit quod ego vnus homo sum & hodie multum mane discessi de Retnis in Britannia, Abrincis vero ad sextam hora comedi, ad vesperam autem huc vsque sicut videtis perueni, Et si mihi non creditis, ite & in domo in qua pransus sum cultellum meum quem ibi ignoranter dimisi, inuenietis. Tunc mandauerunt Comiti qui sicut dixi tunc erat 20
 in ciuitate, de illo homine qui sic transierat super aquas: sine nullâ læsione, Comes vero rem audiens tam insuetam, mandauit ei, vt sibi loqueretur antequam recederet. Tunc ille remandauit comiti, quia in crastino eum vsque ad primam expectaret. Verum in crastino mane surgens viam suam tenuit & nihil locutus est comiti. Comes vero vt audiuit illum ita recessisse, dixit eum mentitum esse, & ideo putare illum aliquid fantasma esse, qui sic eos voluisset deludere. Tunc dixerunt quidam qui affuerunt, quia sicut eis videbatur non e mentitus esset, quia non de prima comitis, sed de sua prima ei mandasset. Prima enim eius multo citius fuerat quam prima comitis, & ideo verum fuit quod dixit. Dum tamen in illa nocte ad focum hospitis sui sederet, & ille de multis eum interrogaret, & maxime de illo Comite, si genera- 30
 tio illa diu maneret, respondit illam diutius manere, illorumque Ducatum vsque ad septimam generationem viriliter durare.

Cum itaque hospes inquisisset quid post septimam generationem futurum esset, nihil voluit respondere, sed de vno lignulo quod manu tenebat, cæpit per cineres foci quasi sulcos faceres. Et cum hospes suus vehementer ab illo exigeret, quid post septimam generationem veniret, de illo lignulo quod manu tenebat commiscuit sulcos quos in cineribus fecerat. Ex quo arbitrati sunt quod post septimam generationem ille Ducatus vel deficeret, vel magnas pateretur dissensiones, & tribulationes. Quod nos iam ex magna parte impletum videmus qui Henrico Regi qui huius prosapiæ loco septimus fuisse dignoscitur, superuiximus. Rollo enim 40
 huius genealogiæ primus fuit. Willemus Longaspata filius eius secundus. Ricardus vero huius Willemi filius, tertius Ricardus vero Richardi filius quartus. Robertus filius Ricardi quintus. Willemus filius Roberti, qui non solum Normanniam sed etiam Angliam possedit, in sexto loco successit. Post illum in septimo gradu fuerunt filii eius, ex quibus solus Henricus ad vltimum Normanniam & Angliam possedit vsque ad mortem.

CAP. XLV.

IN concordia quæ facta est inter Francos & Normannos tempore primi Ricardi, cum redditus est Ludouicus Rex Francorum qui captus fuerat à Normannis auxerunt Dani Normanniam, ab aqua quæ vocatur Andella, vsque ad aliam aquam quæ vocatur Eita.

Alii tamen dicunt ab Eita vsque ad Isaram. Constitutum est etiam in illa concordia quod comes Normanniæ nullum faciet seruicium Regi Franciæ de terra Normanniæ, neque ei aliter seruiret nisi Rex Franciæ daret ei fædum in Francia vnde ei seruire deberet. Quapropter Comes Normanniæ de Normannia tantummodo facit hominum & fidelitatem Regi Franciæ de vita sua, & de suo terreno honore.

CAP.

CAP. XLVI.

SIMILITER Rex Franciæ facit fidelitatem & de sua vita, & de suarum rerum honore Comiti Normanniæ. Et nihil aliud differt inter illos, nisi quod homagium non facit Rex Franciæ Comiti Normanniæ, sicut comes Normanniæ Regi Franciæ facit. Hanc libertatem adquisiuerunt tunc Dani parentibus suis comitibus Normanniæ.

CAP. XLVII.

DE Ricardo filio primi Ricardi dicitur, quod fuerit pater patriæ, & maxime monachorum. Toto enim tempore eius habundauit Normannia omnibus bonis, & tanta pax fuit in Normannia eius tempore, vt neque etiam Carrucarii de campis suis auderent ferramenta carrucæ ad domos suas reportare, & si alicui furata essent, præceperat Comes vt ad eum veniret, & quicquid furto perdidisset, ipse ex integro totum redderet. Accidit ergo quoddam simile in illius tempore facto cuidam atauui sui Rollonis. Cum enim audisset cuiusdam carrucarii vxor interdictum Ducis, quadam die furata est cultrum & vomerem aratti, probare volens quid ex hoc Comes ageret. Rusticus vero in crastino veniens ad carrucam suam, & utensilia sua non inueniens, venit ad Comitem, eique retulit quod sibi accidisset. Cui Dux iussit dari denarios, vnde posset damnum reparare. Ille itaq; rediens domum, retulit vxori suæ, quid ei Comes fecisset. Cui illa: modo bonum est, quia & ipse denarios, & quod perdiderat ipsa haberet. Quo audito ne infideliter ageret, reportauit Comiti denarios, quos ei dederat, eiq; retulit quid sua vxor fecisset. Comes vero retinens illum aliquantulo tempore, misit & præcepit, vt vxori eius eruerentur oculi, propter furtum quod fecerat. Cum itaq; rusticus domum rediret, inueniens vxorem suam merita pœna multatam, cum indignatione dixit ei: Noli amplius furari, & amodo disce obseruare præcepta Comitis. Hic Comes multum ampliavit terris & ornamentis Ecclesiam Fiscanni, quam pater suus primus Ricardus ædificauerat. Ibi etiam erat solitus fere omni tempore suam curiam in Paschali solemnitate tenere, & aliquando in ipsa solennitate solebat vnam tinam plenam textis, & thuribulis, candelabris, & quibusdam aliis ornamentis, & coopertam quodam optimo pallio ipse & vxor sua ante altare sanctæ Trinitatis portare, ipsaq; pro suis peccatis Deo ibi offerre. Ipsa vero die post missas, antequam ad curiam suam iret, atque cum baronibus suis comederet, veniebat cum duobus filiis Ricardo & Roberto in refectorium monachorum, & prædicti pueri afferentes de fenestra coquinæ scutellas, sicut solent monachi facere, porrigebant patri suo, & ipse per seipsum prima fercula ante Abbatem & postea ante monachos ponebat. Quod cum egisset, cum magna humilitate veniebat ante Abbatem, & sic ab eo accepta licentia, lætus & gaudens ibat ad curiam suam. Aliquando vero mittebat de sua mensa Abbati scutellam argenteam plenā piscibus, & mandabat ei, vt eam retineret, atque inde suam voluntatem faceret. Hic autem Ricardus nō solum Ecclesiæ Fiscanni multa dedit, sed etiam aliis Ecclesiis. Quadam enim die cum venisset Gimiegias, ibidem ea nocte quieuit. Mane verò surgens, sicut sua consuetudo semper erat, perrexit orare ad monasterium, & post orationem super altare vnum lignulum posuit, recedente vero illo, venerunt secretarii ad altare, putantes se ibi esse inuenturos vel marcā auri, vel vnciam, vel aliquid huiusmodi. Itaq; inuenerunt lignulum, atque quid significaret non parum mirati cæperunt. Ad vltimum inquirunt ab eo, quid hoc esset, quod super altare illud posuisset. Tunc respondit, quod hoc esset in monasterium, scilicet quoddam manerium, quod illis pro anima sua dabit.

*Anima Ducum Northmannia & omnium fidelium requiescant in pace,
Amen.*

TOPOGRAPHIA HIBERNIÆ, SIVE DE MIRABILIBVS HIBERNIÆ, AVTHORE SILVESTRO GERALDO CAMBRENSI.

PRAEFATIO IN HIBERNICAM TOPOGRAPHIAM PRIMAM.



CONSIDERANTI mihi, quam brevis & fluxa sit vita, quam ducimus: eorum præclara fuisse videtur intentio, quibus nondum patefacta vitæ via, operæ pretium fuit & curæ, egregium aliquod mundo memoriale relinquere, famamque sui perlongam facere, & momentaneam istam saltem memoria vivere posse post vitam. Vnde in egregiis legitur Poetarum libris:

*Denique si quis adhuc prætendit nubila linor
Occidet, & meriti post me referentur honores.* Et alibi:

*Quæ patet domitis Romana potentia terris
Ore legat populi, perque omnia sæcula fama
Siquid habent veri vatum præfagia viuum.*

Hæc summis authoribus prima fuit & præcipua scribendi occasio. Altera vero nec merito minus quam numero secunda: nobilium principum tam retributio, remuneratio, quam exhortatio. Honores enim artes nutrire solent:

*Nam si Vergilio puer, & tolerabile desit
Hospitium, caderent omnes à crinibus hydra. Item:
Quis locus ingenio, nisi cum se carmine solo
Vexant, & dominis Cyrrha Nisæque feruntur
Pectora nostra, duas non admittentia curas.*

Philosophia tamen tam mediocritatis amica, quam modestiæ, nec opulentiæ gaudens, nec inopiam admittens: in Salomone damnasse videtur. Diuitias & paupertatem ne dederis mihi Deus, sed tantum victui necessaria. Licet enim mediocribus esse Poetis non liceat, quoniam

Non dii, non homines, non concessere columnæ:

mediocris tamen competit eis, etsi non scientia, certe sufficientia. Cessante igitur olim occasione scribendi hac vltima: cessare cæperunt & poemata. Nec tamen omnino vel poësis abolita, vel absumpta est philosophia: Nec rerum inclyte gestarum memorabilis autoritas obsoleuit. Non enim desunt literæ: sed principes literati. Non desunt artes: sed artium honores. Ne hodie destitissent scriptores optimi: si non defuissent Imperatores electi. Da igitur Pyrrhum: dabis Homerum. Da Pompeium: dabis & Tullium: Da Caium & Augustum: Vergilium quoque dabis & Flac- cum. Ceterum, quamuis defectu principum cesset in nobis causa secunda: scribere nos tamen prior illa admonet, & potissima. Hoc etiam animositatis tam scintillam adiacere, quam & innatum ignem inflammare potest: quod tantis authoribus & tot innitentes, eorumque tanquam humeris insidentes: multiplicatæ maiestatis beneficio magni fieri possumus, si magnanimi. Nobiles nimirum ausus nihil æque impedit, ut diffidentia. Omnis apperendi conatus perit, ex desperatione consequendi. Latet ab hoc sub ocio laudabilis plerunque virtus & eruditio: & dum se probandi formidat exercitum, occulta manet lux tota meritorum. Hinc accidit, ut scientissimi plurimique se nesciendo senescant: & dum vires ingenii non experiuntur: igne animi vacui, veluti pecora pereunt: & nomen eorum non memorabitur ultra. Vnde & quoniam paulum sepultæ distat inertiae celata virtus: Degeneres animos timor arguit: Dimidium facti, qui cæpit, habet: Audaces fortuna iuuat: scribere proposui, & liuidorum malitia ridiculosus cenferi, potius quam bonorum arbitrio meticulosus, elegi. Illo quoque Ciceronis exemplo retardari non potui. Ea, inquit, de re poemata non scribo, quia qualia volo, non possum: qualia possum, nolo. Mihi enim uero ea mens est, & in hanc partem tam vehemens:

Cum neque chorda sonum reddat, quem vult manus & mens:

Nec semper feriat, quodcumque minabitur arcus:

Si qualia volo non possum, qualia possum volo. Præsumptuosus itaque dicar an pro- uidus:

uidus: qui tantis lucubrationibus elaborandum mihi onus arripui: ut inuidiam in vita, gloriam forte post fata compararem? Talia siquidem mihi dudum proponenti, diuq; in animo anxie voluenti: vix tandem angulus vnus, quasi ab aliis relictus, terrarum scilicet finis, Hibernicus orbis occurrit. Nec ille omnino intractus: nullius tamen hæcenus stylo absolute comprehensus.

Sed ab Hibernia potestne aliquid boni esse? nunquid montes illi stillabunt dulcedinem: & valles fluent mel & lac? Sugamus ergo mel de petra, & oleum de saxo. Et faciamus, quod Oratores facere solent. Quibus in admirabili genere causæ acuenda sunt præcipue arma facundiæ, ut exilitatem materiæ grauior stylus attollat. Et ferat
10 inualidæ robur facundia causæ.

Quibus est ad hoc propensus enitendum: ut in quo non prævalent esse fecundi, fieri valeant vel facundi: ut in quo parum potuit ratio, plurimum posse videatur oratio. Hæc est enim virtus, hic vigor eloquentiæ, ut nihil tam exile, quod non extollar: nihil tam plenum, cui non adiciat: nihil tam obscurum quod non illuminet: nihil tam clarum, quod non illustret. Quia (ut ait magnus ille prætextatus in Paradoxis) nihil tam incredibile, quod non dicendo probabile fiat: nihil tam horridum, & tam incultum, quod non splendescat oratione, & tanquam excolatur. Veruntamen eruditis auribus, summæque eloquentiæ viris: & minus medullata sententiis oratio, & ieiuna verborum macies, quæ propinabit? Superuacaneum est enim, & omnino superfluum,
20 tam inter eloquentes arida: quam inter scientes vñitata proferre. Quam igitur vocem inter olores canoros, clamoriferus anser emittet? Noua namque palam, an nota proponet? frequentata & trita fastidium generant, auctoritatem noua non habent. Quoniam, ut ait Plinius, ardua res est, vetustis nouitatem dare, nouis auctoritatem, obsoletis nitorem, fastiditis gratiam, obscuris lucem, dubiis fidem, & omnibus naturam. Aggrediar tamen vtcunque nouis quibusdam, & quæ vel nullis hæcenus edita sunt, vel perpauca enucleata, lectoris animum excitare: expressamque Hyberniciæ topographiam hoc opusculo quasi speculo quodam dilucido repræsentare: & cunctis in commune palam facere.

Terrarum enim uero remotissimarum tam qualitates quam situs saltem à longe
30 speculari, & abditas ab antiquo proprietates euoluere: Rerumque omnium fere quas vel mundo maiori ad ornatum, vel minori ad vñum natura produxit, tam naturas quàm defectus, enotare: nec non & naturæ ipsius excursus tam stupendos explicare: variarumque gentium originalem à puncto lineam ducere: hominumque mores nosse multorum. Et (quoniã tarda & infirma est terra quam gerimus) parte nostri meliorem mundum vniuersum, mundi que causas vel mente percurrere: & omnia in promptu habere, studiosis animis non vltima laus est.

Est itaque trimembris operis huius partitio. Prima continet de situ Hiberniciæ, localique ipsius cum maiori Britannia proportionem: de qualitate terræ & inæqualitate, & proprietatibus eiusdem variis: de piscibus & auibus. situ potius quam ortu distantibus,
40 de feris & vermibus, singulorumque tam naturis quam defectibus. & venenosis omnibus hic deficientibus: de orientis quoque & occidentis collatione, & occidentalium non immerito prælatione, sicut distincte præscripta declarant capitula. Secunda vero prodigiosa naturæ ludætiæ exprimit opera: nec tantum in hac regione reperta: sed & alia quælibet, dum tamen his fuerint vñdecunque concordia: depromit etiam virtutibus inclityta, egregiis quoque & inauditis à seculo declarata miraculis Sanctorum præconia. Tertia quidē de primis terræ istius incolis, singulisque seriatim diuersarum nationum, tam aduentibus quam defectibus: de gentis Hiberniciæ, quæ vsque hodie insulam habitat, naturis & moribus: eiusdemque per aduenas expugnationibus. Totam denique gentis huius vsque ad nostra iam tempora memoratu dignam perducit historiam.

In duabus primis nullam prorsus ex scriptis Hibernicis euidentiam, nullum penitus inueni (præter ipsam inquisitionis diligentiam) extrinseci iuuaminis adminiculum. In tertia sola de habitatoribus insulæ, & de gentium origine, aliquam ex eorum chronicis contraxi notitiam. Veruntamen ea quæ ab ipsis diffuse nimis & inordinate, magnaque
50 ex parte superflue satis & friuole, rudi quoque & agresti stylo congesta fuerant: non absque labore plurimo tanquam marinas inter arenas gemmas eligens & excipiens, elegantiora quæque præsentī volumine, quanto compendiosius potui lucidiusque digessi. Sed quoniam misera humanæ imperfectionis conditione,

Iudicis argutum labor hic formidat acumen:

laudem tamen mereri poterit, et si non opus, vel operantis affectus. Amor enim studii

dii non illaudabilis. Nec illaudabile videtur inter oportunas & importabiles fere curæ curas aliquis respectus honesti. Laudetur itaq; mancipatio seruituti corpore: animus liber. Et quoniam sapientis est proprium, ab exteriori vicissim vexatione, spiritus alacritate respirare, & fastidiosa quælibet alterna delectatione distinguere (cum nihil laboriosum videri possit, quod iucundum) nobile laudetur ocium inter negotia multa.

INCIPIVNT CAPITVLA LIBRI GERALDI Kambriensis de mirabilibus Hibernia.

IN TRES AVTEM PARTICVLAS LIBELLVS
iste distinguitur.

- I. Prima distinctio continet
 - De situ Hibernia.
 - De distantia inter Hyberniam & Brytanniam.
 - Quam terram, & quam remotam habeat ab Austro, quam ab Aquilone, quam ab oriente, & quid ab occidente.
- II. De Hispanico mari duobus brachiis Brytanniam & Hyberniam complectente.
 - Qua proportionem Hibernia Britannia respondeat in qualitate.
 - De longitudine Hibernia & latitudine.
- III. De variis Solini, Horosii, & Isidori, & Bedæ sententiis, quibusdam veris, quibusdam erroneis.
- IIII. De qualitate terra & inaequalitate.
 - Quod terra montuosa, sabulosa magis, quam saxosa.
 - De gleba fertilitate, & granis minutis, & vanni beneficio vix purgandis.
 - De ventositate & pluuiositate, earumq; causis.
- V. De coro hic regnante, & arbores inclinante.
- VI. De nouem fluminibus principalibus, & aliis pluribus nuper emerfis.
- VII. De lacubus & eorum insulis.
 - De marinis & fluuiialibus & lacuum piscibus, eorumq; defectibus.
 - De piscibus nouis & alibi non inuentis.
- VIII. De auiibus earumque defectibus, & tam naturis quam allegoriis.
 - De accipitre, falcone, & Niso, eorumque naturis.
- IX. De aquila eiusque natura.
- X. De grue eiusque natura.
- XI. De Bernacis ex abiete nascentibus, earumq; naturis.
- XII. De auiibus bisformibus earumq; naturis, & de auiibus quasi adulterinis & non veris.
- XIII. De martinis earumq; naturis.
- XIIII. De cygnis & ciconiis earumque naturis.
- XV. De auiibus hyemali tempore non comparentibus.
- XVI. De cicadis, quæ decapitata dulcius canunt: diuque mortua per se renouiscunt.
- XVII. De cornicibus hic variis, earumq; naturis.
- XVIII. De croceris hic albis, earumq; naturis.
- XIX. De feris, earumque naturis, & defectibus, de ceruis, apris, & leporibus hic minutis, eo quod omnia animalia præter homines hic quam alibi minora.
- XX. De taxo, eiusque natura.
- XXI. De Castore, eiusque natura.
- XXII. De Mustelis, earumq; naturis.
- XXIII. De vermibus, eorumq; defectibus, & venenosis omnibus hic deficientibus.
 - De venenosis vermibus, qui huc allati statim moriuntur: & toxico malitiam amittunt.
 - De puluere huius terræ venenosos vermes necante.
 - De corrigiis terræ istius contra venena conferentibus.
- XXIV. De rana in Hibernia nuper inuenta.
- XXV. De variis insula laudibus terræq; naturis.
 - Quod ex omni vento hic brumescit.
 - Quod medicis hac insula parum indiget.
 - Quod Hibernenses sola acuta vexantur.
 - De comparatione orientis & occidentis.
 - Quod omnia elementa in oriente pestifera.

De venenorum ibidem malitia, & aeris inclementia.

XLVIII. *De aeris nostri clementia incomparabili.*

XLIX. *De laudabilibus hic quarundam rerum defectibus.*

Quod fons venenorum in Oriente.

Quod Occidentalia commoda sunt Orientalibus preferenda.

CAPITULA SECUNDÆ PARTIS.

Secunda distinctio continet de mirabilibus Hiberniæ, & miraculis.

10

I. *De Hibernico mari undosissimo: variis fluxibus eiusdem & refluxibus.*

II. *De contrariis aquoreis fluxibus in Hibernia & Britannia.*

III. *Quod luna tam liquores moderatur, quam humores.*

IIII. *De duabus insulis: in quarum altera nemo moritur: in alteram fœmineus sexus non intrat.*

V. *De Insula, cuius pars una bonis, altera pars malis spiritibus est frequentata.*

VI. *De insula, ubi hominum corpora sub diuo posita non putrescunt.*

VII. *De mirandis fontium naturis.*

VIII. *De duobus Britannia, s. & Armorica, & Sicilia fontibus admirandis.*

IX. *De lacu magno miram originem habente.*

20 X. *De pisce tres dentes aureos habente.*

XI. *De insulis borealibus, quarum fere omnium dominium Norwagienses habent.*

XII. *De insula primum instabili, tandem per ignem stabili facta.*

XIII. *De Islandia, qua gentem breuiloquam & veriloquam habet, & iuramento non utentem.*

XIIII. *De voragine maris naues absorbente.*

(applicanda.

XV. *De Mania insula, qua privilegio venenosorum vermium, quos admittit, Britannia censetur*

XVI. *Quod longe post diluvium nec subito, sed paulatim, & quasi per eluionem insula nata sunt.*

XVII. *De Tyle occidentali insula, qua apud orientales est famosissima, cum occidentalibus sit prorsus incognita.*

XVIII. *De chorea Gigantum ab Africa in Hiberniam: ab Hibernia in Britanniam translata.*

30 XIX. *De mirabilibus nostri temporis, & primo de lupo cum sacerdote loquente.*

XX. *De muliere barbata & in tergo cristata.*

XXI. *De semiboue viro, & semiuiro boue.*

XXII. *De vacca ceruina.*

XXIII. *De hirco ad mulierem accedente.*

XXIIII. *De leone mulierem adamante.*

XXV. *De gallis aliter in Hibernia quam alibi vociferantibus.*

XXVI. *De lupis in Decembri catulos habentibus.*

XXVII. *De cornis & ululis circa natale pullos habentibus.*

XXVIII. *De miraculis sanctorum: & primo de pomis, & coruis, & merula S. Keyini.*

40 XXIX. *De Cercellis S. Colmani quasi mansuetis, & ad iniuriam fugitiuis.*

XXX. *De lapide vinum quotidie miraculose continente.*

XXXI. *De pulcibus à S. Nannano deportatis.*

XXXII. *De ratibus per S. Tuorum à Fernegman expulsis.*

XXXIII. *De campana fugitiua.*

XXXIIII. *De variis Kyldaria miraculis, & primo de igne quasi inextinguibili cinereq. nō excrefcente.*

XXXV. *De igne à Brigida sua nocte seruato.*

XXXVI. *De sepe circa iguem, intra quem mas non intrat.*

XXXVII. *De falcone Kyldaria quasi mansueto & domestico.*

XXXVIII. *De libro miraculose conscripto.*

50 XXXIX. *De libri compositione.*

XL. *De mirandis sanctorum refugiis.*

XLI. *De saltu Salmonis.*

XLII. *De saliendo modo.*

XLIII. *De vita Brendani.*

XLIIII. *De cruce Dublinie loquente, & testimonium veritati perhibente.*

XLV. *De eadem cruce immobilis facta.*

XLVI. *De denario cruci oblato bis resiliente, & tertio post confessionem remanente, & ocreis ferreis miraculose restitutis.*

XLVII. *De frenetico apud fernas verbis de praterito futura pradicente.*

XLVIII.

- XLVIII. De sagittario qui sepem Brigida transfiliit insaniente, & alio tibiam amittente.
 XLIX. De tricici semine per imprecationem Corcagiensis Episcopi non proneniente: & anno sequente in siliginem miraculose conuerso.
 L. De Philippo Wigorniensis apud Armatiam passione percusso, & Hugone Tyrello diuinitus flagellato.
 LI. De molendino, quod nec diebus dominicis, nec de furto vel rapina quicquam molit.
 LII. De molendino S. Phecnini, quod fœmina non intrant.
 LIII. De duobus equis, qui auenam de eodem molendino raptam comedentes, statim interierunt.
 LIIII. De sagittariis apud Phyneglas diuinitus condemnatis.
 LV. Quod sancti terra istius animi vindicis esse videntur.

10

CAPITVLA TERTIÆ PARTIS huius libri.

Tertia distinctio siue pars continet de istius terræ
habitoribus.

- I. De primo aduentu Cesara, scilicet neptis Noe ante diluuium.
 II. De secundo aduentu Bartholani: scilicet 300. annis post diluuium.
 III. De tertio aduentu Nemedi, scilicet à partibus Scythia, cum quatuor filiis suis.
 IIII. De quarto aduentu, quing, scilicet fratrum, & filiorum Dela, qui primo Hiberniam in quinque portiones aequales diuiserunt.
 V. De primo Hibernia monarcha, scilicet Slanio.
 VI. De quinto aduentu quatuor scilicet filiorum Millefii Regis de partibus Hispania: & qualiter Hermon & Heberus regnum inter se diuiserunt, & de fratrum discordia, & qualiter interfecto Hebero, de Hiberniensi populo primus Herymon monarcha fuit.
 Quod ab Hebero vel potius Hiberno Hispania fluuius dicti sunt Hibernienses. ibid.
 Vnde vocati sunt Gaideli, & vnde Scoti, ibid.
 VII. De Gurgouientio Britonum Rege, qui Basclenses in Hiberniam transfugit, & eandem ipsis inhabitandam concessit.
 VIII. De duplici iure antiquo quo Britannia Reges Hibernia contingit. ibid.
 IX. De triplici nouo iure.
 X. De gentis istius natura, moribus & cultu.
 Quod Hibernienses natura beneficio pulcherrimi: moribus vero & cultu turpissimi. ibid.
 XI. De gentis istius in musicis instrumentis peritia incomparabili.
 XII. De commodis & effectibus Musica.
 XIII. De primis Musica consonantia inuentoribus.
 XIII. De precipuo Musicorum instrumentorum cultore ac ornatore.
 XV. De nomine Musica.
 XVI. Quot Reges ab Herimone vsque ad aduentum sancti Patricii regnauerunt: & quod insula per ipsum ad fidem conuersa est.
 XVII. Quod Archiepiscopi nulli in Hibernia fuerunt ante aduentum Iohannis Papyronis, qui quatuor pallia in insula plantauit.
 XVIII. Quod 3. corpora, S. Patricii, S. Columba, & S. Brygida apud Vltioniam, in Dunensi ciuitate iis nostris diebus inuenta sunt & translata.
 XIX. De Hiberniensibus in fidei rudimentis incultissimis.
 XX. De eorum nequitia & proditiis.
 XXI. De securi, quam semper in manu quasi pro baculo baiulant.
 XXII. De argumento nequitia & nouo desponsationis modo.
 XXIII. De fratribus & cognatis, quos odio persequuntur: solum alumni & collectaneis fidem habentes & amorem. Hic titulus in loco dicto sic notatur: Qui alumnos & collectaneos diligunt: fratres & cognatos persequuntur.
 XXIIII. De aduenis quoque eodem vitio contaminatis.
 XXV. De nouo & enormi regni & domini confirmationis modo.
 XXVI. De multis in insula nunquam baptizatis, & ad quos nondum fidei doctrina peruenit.
 XXVII. De clero Hibernia in multis laudabili.
 Quod ubi vina damnantur, venus non regnat. ibid.
 XXVIII. De praelatis ex pastoralis negligentia corripiendis: & quod omnes Hibernia sancti confessores sunt: & nullus martyr.

20

30

40

XXIX.

- XXIX. *Quod omnes fere Episcopi Hibernia de monasteriis in clerum assumptisunt: & quod monachi in clerum electi, qua cleri sunt agere debent.*
- XXX. *Qualiter à monachis clerici distent: & eis præferantur.*
- XXXI. *Quod quidam intus videntur esse, qui foras missi sunt: & è diuerso.*
- XXXII. *De obliqua Cassiliensis Archiepiscopi responsione.*
- XXXIII. *De campanis & baculis, aliisque huiusmodi Sanctorum reliquiis, tam in Hibernico & Scotico, quam & Guallenfi populo in magna reuerentia habitis: & sacerdote duplici passione percusso.*
- XXXIII. *De baculo virtuosissimo, quem baculum Iesu vocant. ibid.*
- 10 XXXV. *De corpore vitiatu in hac natione quamplurimis.*
- XXXVI. *Quot Reges à tempore Sancti Patricii: usque ad Turgesii aduentum regnauerunt.*
- XXXVII. *Quot tempore Fedlimidii Regis Norrvagienses Turgesio Duce Hiberniam expugnaverunt.*
- XXXVIII. *Quod Angli Gurmundum, Hibernici Turgesium Hiberniam dicunt subiugasse.*
- XXXIX. *Vnde Gurmundus in Hiberniam vel Britanniam adueneris.*
- XL. *Qualiter interfecto in Gallia Gurmando: Turgesius in Hibernia dolo puellarum delusus occubuit.*
- XLI. *De Norrvagiensibus, qui circiter annos triginta regnauerant, ab Hibernia expulsis.*
- XLII. *De dolosa Regis Medensis questione.*
- 20 XLIII. *De Ostmannorum aduentu.*
- XLIII. *Quot Reges regnauerunt in Hibernia ab obitu Turgesii usque ad ultimum Hibernia Monarcham Rothericum.*
- XLV. *Quot Reges fuerunt à primo Herimone usque ad hunc ultimum Rothericum.*
- XLVI. *Quod à primo aduentu suo usque ad Turgesium, & ab obitu Turgesii usque ad Anglorum regem Henricum secundum gens Hibernica manserit inconcussa.*
- XLVII. *De victoriis Anglorum Regis Henrici secundi.*
- XLVIII. *De titulis Henrici tertii.*
- XLIX. *De titulis Pietauiensis.*
- L. *De diuersitate duorum. ibid.*
- 30 LII. *De Britone & Hibernico.*
- LIII. *De fratrum inter se & cum patre discordia.*
- LIII. *De Saxonica, Hispanica & Sicula.*

Nnn

ILLV-

ILLVSTRI ANGLORVM REGI
HENRICO SECUNDO SILV. GIRAL-
DVS CAMBRENSIS.



DLACVIT Excellentia vestra (Inuictissime Anglorum Rex, Nor-
mannia Dux & Aquitania, & Comes Andegauensium.) me cum
dilecto filio vestro Iohanne in Hiberniam à latere vestro transmitti-
re. Vbi non tanquam transfuga, sed exploratoris officio fungens: 10
cum in primis multa notarem aliis regionibus aliena nimis & pror-
sus incognita, sui que nouitate valde miranda: capi diligens scruta-
tor eruere, quis terra situs, qua natura, qua gentis origo, qui mores,
quoties, à quibus, & qualiter, subacta sit, & expugnata: qua noua,
quaue secreta contra solitum sui cursum in occiduis & extremis ter-
rarum finibus natura reposuit. Quos quidem ultra fines nec terra
subsistit, nec hominum vel ferarum habitatio est ulla: sed trans omnem horizontem in infinitum per
inuestigabiles & occultas vias solus Oceanus circumfertur & euagatur.

Sicut enim Orientales plage propriis quibusdam & sibi innatis praecminent & praeclunt
ostentis: Sic & Occidentales circumferentia suis natura miraculis illustrantur. Quotiescunque 20
quippe tanquam seriis & veris fatigata negotiis paululum secedit & excedit: remotis in partibus
quasi verecundis & occultis natina ludit excessibus. Collectis igitur & electis elegantioribus cunctis,
ea quae memoria digna videbantur: non inutile duxi in unum congerere, & industria vestra (quam
nulla fere latet historia) propalar.

Poteram quidem (ut alii) aurea forte munuscula, falcones & accipitres, quibus abundat insu-
la, vestra sublimitati destinasse. Sed quia magnanimo Principi parui pendenda putavi, quae de faci-
li reperiri possunt & * perire: ea potius curavi Celsitudini vestrae mitti, quae non possunt amitti: illis po-
steritatem per vos instruere, quae nulla valeat aetas destruere.

Dignas vero tam vestras quam inclite prolis vestrae virtutes & victoriarum titulos summa-
sim euoluere, styloque perstringere non indignum reputavi: ut tanta temporis nostri gloria transitorie 30
non pertranseat: verum enimvero literarum beneficio firmum perpetuitatis robur obtineat. Hoc et-
iam vestra diligentia digne deberi non diffido: ut rerum tam inclite gestarum memoria, multorum
mentibus mirabilis exemplo virtutis in posterum vigor accresceret, earundemque lectio, sicut anti-
quis maiorum imagines & pictura, laudabilem amulationis inuidiam tam animosis conferret,
quam ignauis: istis scintillam strenuitatis adiiciens, innatum illis
ignem accendens.

INCI

INCIPIT HIBERNICÆ HISTORIÆ DISTINCTIO PRIMA.

De situ Hiberniæ, variaque eiusdem natura.

C A P. I.

HIBERNIA post Britanniam insularum maxima, vnius contractioris diei nauigatione vltra Britannicas Wallias in occidentali oceano sita est. Intra tamē Vltioniam & Scoticas* Galuitias duplo fere angustiore spacio mare ^{* Galuedian} coarctatur. Vtrinque vero vtriusque terræ promontoria: hinc distinctius, illinc vero ratione distantie confusius, satisque aperte sereno tempore prospici possunt, & notari. Insularum occidentalium hæc vltima, Hispaniam ab Austro trium dierum naturalium nauigatione collateralem habet: Britanniam maiorem ab oriente: solum Oceanum ab occidente: Ab aquilonari vero parte trium dierum velifico cursu borealium Insularum maxima Yslandia iacet.

De Britannico mari duobus brachiis Britanniam & Hiberniam complectente.

C A P. II.

HISPANICVM autē mare, quod & Hiberū dicitur vel ab Hiberō flumine, vel quod ²⁰ hemisphærii formā Hispanica præstat, de occidentali se inter Hiberniā & Hispaniam recipiēs oceano, gemino dirimitur brachio. Quorū vnū Hispaniā interluit atque Britannia: ac exinde in boreā se conuertens Galliā diuidit & Britannia. Sed quamuis brachii istius ora crebris hinc inde terris (à quibus nominari potuisset) ^{* attingitur.} accingitur: à Gallia tamen sola vltimatus mare Gallicū nominatur. Aliud vero eiusdē Hiberi maris brachiū Hiberniā in directū versus boreā præterlabitur & Britannia. Cuius quanto longitudo præstat: tanto latitudo Arctoas immoratur ad partes, donec se Aquilonari Oceano immisceat ad Orchades. Quæ videlicet Hibernia quanto à cetero & cōmuni orbe terrarū semota, & quasi alter orbis esse dignoscitur: tanto rebus quibusdā nature cursui incognitis, quasi peculiaris eiusdē nature thesaurus, vbi insignia & preciosiora ³⁰ sui secreta reposuerit, esse videtur. Sic quidē Hibernia Britannia collateraliter adiacet: vt quocumque ex portu Britanico in occidentē nauigantibus aliqua se ex parte representet. Britannia tamē duplo in quātitate Hiberniā excedit. Cū. n. vtriusque longitudo ab Austro in boreā extensam iaceat: illa 800. mil. pass. in longū, circiter vero 200. mil. in latū habet: Ista v. à Brendanicis montibus vsque Columbinā insulā (quæ Thorach dicitur) 8. dierum magnis & Hibernicis, 40. sc. miliarium excursibus in longū præterditur. Quatuor vero à Dublinia vsque Patricii colles Conacticumque mare in latū expāditur. Tantę siquidem Hibernia quantitatis esse potest: quantę circumscriptionis Wallia & Scotia potior insulæ Britannicæ pars regibusque antiquitus appropriata: quam & Britones olim à primæuo Bruti filio Loctrino, cui assignata fuit: Loegriam dixere.

⁴⁰ *De variis Solini, Orosii, Ysidori & Bedæ sententiis quibusdam veris, quibusdam erroneis.*

C A P. III.

SOLINVS vero in 120. mil. pass. satis exquisitè latitudinē Hiberniæ diffundi describit: sed de longitudine tacet. Quā & ob hoc arbitror ipsi incognitā: quoniā insulam in humanæ magnitudinis esse testatur. Orosius vero certiori indagine Hiberniā Britannia propinquā, longe spatio terrarū angustiorē: sed solis cœlique temperie magis vtilem præstat. Ysidorus quoque cōcordat Orosio dicens: Hiberniā proximā Britannia Insulā spacio terrarū angustiorē, sed situ fecundiorē. Beda vero Hiberniā tam aeris salubritate quæ serenitate multū Britannia præstare asserit. De salubritate verū; de serenitate vero (salua pace veniaque sua) contrariū scribēs: sicut ex sequentibus palam erit. ⁵⁰ Sicut. n. Gallia Britannia, sic & Britania Hibernia aeris tā serenitate quæ subtilitate longe præcellit. Quanto namque ad Euri partes magis acceditur: tanto cœli faciē quo purior & subtilior tanto penetrabilior & inclementior aer illustrat. Quanto vero ad Circii Zephyrique fines magis vergitur, occidua temperiē quo nubilosior & obrusior, tanto benignior atque salubrior aura fecundat. Terra quippe medio inter Islandiam frigidā & Hispaniā torridā libramine porrecta, à contrariis hinc inde contracta temperantia: tam cœli temperiē quæ aeris salubritate feliciter Hibernia fecundatur. Est autē Hibernia pro quātitatis suæ captu multo rotundior: In medio aliquantulū substrieta: circa capita vero in amplitudinē dilatata, Britannia oblongior & arctior esse dignoscitur. Sed sicut

Hibernia contra Aquilonē Britannia longe breuior & mutilatior: ita & in meridiem non minor: verū etiam (iuxta Bedæ assertionem) trans illius fines se multū protendit.

De qualitate Hibernia & inaequalitate.

C A P. IIII.

HIBERNIA quidem terra inæqualis est, & montuosa: mollis & aquosa, syluestris & paludosa: & vere terra deserta, inuiā, sed aquosa. Videas hic igitur supra montes aquas stare. In summis enim acreorum arduorumq; collium verticibus stagna reperies & paludes. Planicies tamen habet per loca pulcherrimas, sed respectu syluarū modicas. Est autem per omnia fere sui latera marinaq; littora, terra valde demissa. Interius tamen in colles varios, arduosq; montes enormiter erecta, non tantum circumferentias, verum etiam penitimas sui partes sabulosas magis habens quam saxosas.

De gleba fertilitate.

GLEBA præpingui vberiq; frugū, puentu felix terra est, & fœcūda frugib. arua, pecore montes. Nemorosa feris abūdant: pascuis tamen q̄ frugib. gramine q̄ grano, fœcundior est insula. Multā fruges in herba, plurimā in culmis, minorē in granis spem promittit. Tritici nāq; grana cōtracta sunt hic & minuta, & vix vāni alicuius beneficio purgāda. Abūde satis & cāpi vestiūtur, & horrea farciūtur, sola v. granaria destituūtur.

De ventositate, & pluuiositate, earumq; causis.

C A P. V.

QUOD vergignit & parturit, ætas nutrit & puehit: vix in messe pluuialis aquositas colligi pmittit. Æolicis nāq; flatibus & pluuias lib. inundationib. p̄ aliis terris hæc exuberat. Collateralis vero Zephyro ab australi parte frequentior, & p̄cellosior aliis, Corus hic regnat: omnes fere occidentales arbores in eminēti positas partē in oppositā vel inclinās veleuertēs. Terra nimirū mari immēso, & ex omni latere ventis exposita nullā penitus partib. ex illis seu p̄pinquā seu remotā solidi obstaculi defensionem habet. Ad hæc ētaquæ in nubibus attractæ & cōglobatæ ob tantā loci illius tēperiem, nec ætherei caloris igne cōsumptæ, nec alioris aerei nexib. astrictæ, & in niueā glacialē naturā cōcretæ, demū in pluuias facillime resoluuntur. Deniq; hæc quoq; terra sicut & alia q̄libet montuosa, pluuias abūde gignit & nutrit. Terrea quippe mōtanaq; p̄cipue frigiditate cōsumpti caloris euacuata: attracti humores in natiuā originem de facili cōuertuntur. Qui ēta iuxta situs varios varia vocabula sortiri solent. Dū. n. adhuc collib. incūbunt, nebulæ nuncupantur. Altius eleuati, & à terreno cōtagio libere sublimati: nubes vocantur. Guttatim v. minutimq; ad ima reuertētes seu liquidi, seu concreti: nunc niues, nunc pluuiæ dicuntur. Hinc igitur Hibernia, Gwallia & Scotia pluuiis abundant. Pascuis & pratis, melle & lacte, vinis nō vineis, diues est insula. Beda tamen inter alias insulæ laudes dicit eā vinearū exptem nō esse. Solin. vero & Isidor. apibus eā carere affirmant. Sed salua ipsorū venia circūspectius ē diuerso scripsissent: vineis ipsam carere, & apiū exptem nō esse. Vineis. n. & earū cultorib. semp caruit & caret hæc insula. Vina tamē transmarina ratione cōmercii tā abunde terrā replēt, vt vix propaginis prouentusq; naturalis in aliquo defectum percipias. Pictauia enim de plenitudine sua ei copiose vina transmittit. Cui & animalium coria, & pecudū ferarumq; tergora: Hibernia non ingrata remittit. Apes quidem sicut aliz regiones hæc mellificas habet. In maiori tamen copia (vt arbitror) scaturirent, si non venenosas & amaras, quibus syluescit insula, fugerent examina taxos: vel potius si non aeris Hibernici tanta cum humiditate ventositas minuta corpuscula tam dispergeret, quam corrumpere. Fauorabiliter autem dici potest, tempore Bedæ nonnullas forsitan in insula vineas fuisse: & longe post Solini tempora S. Dominicum Ossyriensem (vt asserunt quidam) apes in Hiberniam detulisse. Ceterū ipsos in hoc excusabiles vix inuenio, quod adeo apibus inimicam hanc terram asserunt, vt aduectos etiam inde pulueres seu lapillos, si quis alibi inter aluearia sparserit, examina fauos deserant. Beda quoque ceruorum & capreorum venatu insulam istam dicit insignem: cum eandem tamen semper capreis caruisse constet, & carere. Nec mirum tamen, si à tramite veritatis interdum deuiarint: cum nihil occulta fide, nihil nisi per indicem & à remotis agnouerint. Tunc. n. res quælibet certissimo nititur de veritate subsidio, cū eodē vtitur relatore, quo teste. Ob tantā tamē tam sollicitā tamq; in plerisq; certissimā remotissimarū rerū indaginē: debita sunt laude nō indigni. Et quoniā nihil humanū omnino perfectum, omnium-

omniumq; habere notitiam, & in nullo peccare, potius diuinitatis est, quam humanitatis: errores forte, si qua ex parte irreplerint, tam imperfectionis conditio, quam ipsa locorum distantia reddat veniales. Hanc igitur veniam petimusq; damusq; vicissim: nihil vnquam humani à nobis alienum esse putantes.

De nouem fluminibus principalibus, & aliis pluribus nuper emerfis.

C A P. V I.

- F** L V M I N I B V S egregiis primoq; à tempore, primi terræ istius post diluuium incolæ, scilicet Bartholani principalibus & famosis nouem scinditur, & rigatur insula. Quorum nomina sunt hæc: Auenisius per Dubliniam: Banna per Vltoniā; Moadus per Conalciā, Slichenis & Samarius per Kenelcunnillam. Modarnus & Phinnus per Keneleoniā, Sauerennus & Luuius per Corcagiam. Sunt & alia plurima sed quasi noua & respectu priorum nuper nata per Hiberniam manantia flumina, prædictis tamen nō minora, & (nisi sola temporis antiquitate) nō secunda. Quorū quædā ex terræ penetralib. irriguisq; fontiu venis originaliter emerfa: alia vero subito è stagnis erupta illustres per partes insulā longis excursibus disterrant & distinguunt. Horū autem quædā cōmemorare nō superflūū duxi. Igitur de sub pede montis * Blandinæ 3. nobil. *al. Blandicia.* fluuii nascuntur: qui & 3. sorores dicuntur, quia trium sororū nomina sunt sortiti.
- B** eria sc. per Lecliniā. Eyrus per Ossyriam. Suyrus per Archfinian & Tribarcciam & apud Gwaterfordiam in mare descendit. Slaña vero per Gueseford. Boandus per Mediam, Auenmorus Ligniorienf. & Sinnenus Limiricēsis. Inter omnia verō Hiberniæ flumina siue noua siue vetusta non immerito principatū Sinnenas obtinet, tam quantitatis sua maiestate, longisq; terrarū excursibus, quam fecundissima quoq; piscositate. Oritur namq; ex lacu quodā maximo & pulcherrimo, qui Conalciā Momoniāq; disterrant: duoq; brachia ad oppositas mundi partes expādit. Vno namq; versus Austrum ciuitatem Killelōnensem lateraliter permeans, Limericumq; complectens, centumq; hinc miliarib. & amplius duas ab inuicē Momonias distinguens, Brendanicum in mare se transfundit. Altero vero nec minore Mediam & vlteriores
- V** ltoniæ partes à Conalciā diuidens, multis variisq; mæandris in Oceanum mergitur tandem Borealem. Quartam igitur & occidentālē insulæ partē à tribus aliis tanquam mediterraneum flumen à mari vsq; ad mare separat & secernit. In 5. enim portiones fere æquales antiquitus hæc regio diuisa fuit: has sc. Momoniam duplicem Borealem & Australem, Lageniam, Vltoniam, & Conaltiam. Quas omnes Merlini vaticinium in vnum commemorat redigendas. Sed de iis suo in loco plenius dicetur. Hic autem notandum videtur: Duas Momonias Australes Hiberniæ partes obtinere, Vltoniam Boreales, Lagoniam Orientales, Conaltiam Occidentales.

De lacubus & earum insulis.

C A P. V I I.

- L** A C V S quoq; plurimos & pulcherrimos, piscosos, & grandes præ aliis terris, quas vidimus, quasi speciale quid hæc terra profert: Qui & mediamnas aliquantulū eleuat, & valde amœnas intra se continent. Vbi securitatis & refugii loca propriaq; domicilia, & præterquam nauigio inaccessibilia Dominatores terrarum metari solent.

De marinis & fluminalibus, & lacuum piscibus, eorumque defectibus.

- M** A R I N I S quoq; piscibus per omnia latera satis abundant maritima. Flumina vero lacusq; suis sibiq; innatis fecunda sunt piscibus, & præcipue generibus tribus, salmonibus & truttis, anguillisq; lutosi, alosiq; præpinguibus. Murenis etiam oculos ad periculosas diuitum delitias Sinnenus abundat. Sed desunt ei nobiles illi aliarum regionum & dulcis aquæ generosi pisces, Lucii videlicet & Perchii, Rochiæ, Barbuli, Gardiones & Guuiones. Desunt & minutæ, capitones & verones, & fere omnes, qui non ex marinis fluctibus Sementinam originem trahunt. Lochiæ quoq; vel nullæ sunt hic, vel valde raræ. Quælibet enim regna suos patiuntur rerum defectus. Britannia maior * tortuis & scorpionibus, Gallia Cisalpina pardis & leonibus, Italia perchiis, Regio Palæstina luciis, & vtraque Salmonibus. Item vt Italia, Apulia, Calabria, Sicilia, Salmonibus, Hispania tota luciis, perchiis & phasianis: Creta noctuis, Mare mediterraneum halece, Hungarorum regnum anguillis caret.

De piscibus novis & alibi non inuentis.

** al. salares.*

HABENT autem e contra stagna terræ istius tria piscium genera, quæ nusquam alibi reperiuntur. Sunt enim quidam truttis, qui & * salares dicuntur, longiores & rotundiores, albis carnibus confertis & sapidis. Tymalli qui vulgariter Vmbre dicuntur prioribus piscibus per similes, nisi quod capite degenerant grossiore. Sunt & alii marino haleci tam forma & qualitate, quam colore & sapore simillimi. Sunt & tertii truttis, nisi quod maculis carent, per omnia similes. Primos Glassanos, secundos catos, tertios vero Britios vocant. Hæc autem tria piscium genera in æstate tantum, & nunquam in hyeme comparent. In Media vero prope Foveram sunt tres lacus ab invicem non remoti, quorum quilibet piscium istorum suum genus continet: Ad quæ alii pisces nunquam accedunt, licet tamen fluminis interlabentis beneficiis vias habeant commecabiles: quinimo si piscis vnus ad locum & lacum alterius deferatur, aut omoritur, aut ad priorem redit.

De auibus earumque defectibus, & tam naturis quam Allegoriis.

C A P. VIII.

AVIBVS quidem aquaticis natione, aereis habitatione, quibusdam, quibus aliarum regiones præditæ sunt, inuolatur ista: quibusdam vero ab antiquo profuse est destituta.

De accipitre, falcone, & Nisore, earumque naturis.

ACCIPITRES ergo & falcones & nisos, quib. ad nobilium delitias animosa pectora, rostraque recurua & acuta, pedes vnguibus armatos, aptosque prædæ natura dedijt: præ aliis regionibus hæc copiose producit. De auibus istis hoc mirandum, quod nondum hodie plures, quam multis retro seculis, nidis indulgent. Et licet singulis annis earum crescant foetus: nunquam tamen nidificantium crescit exercitus. Altero tamen parium casu sublato, nouus ei subrogatur. Pluribus ex causis nidi deficiunt: nullis vnquam in numero crescunt. Item, iuxta Cassiodorum aues huiusmodi, quarum victus ex præda est, foetus suos nouitate marcentes, nidis perturbant (ne molle ocium consuecant) alis verberant, cogunt pullos teneros ad volatum: vt tales debeant existere, pro quibus possit parens vterque præsumere. Cum enim processu temporis firmum iam robur pennæ susceperint: natura cooperante paulatim instruuntur ad rapinam: & à natali solo deportandi statim ab impiis parentibus compelluntur irreuocabiliter exulare.

** al. enascentur.* Quoniam igitur longe facilius est informare rudes quam reformare peruersos: alitum istorum exemplo prouidi parentes in prima ætate filios moribus instruunt & informant. Et quoniam variam semper dant ocia mentem, curis acuunt & * exuscitant: ne torpentis desidiz vitia discant, quib. si tenerior ætas imbuta fuerit: animi (anni) difficile dediscant maturiores.

Præterea filios quos diligit, flagellat Deus. Et ad veram illam inuariabilem, æternamque felicitatem animos efficacius vt prouocet & inuitet, præsentium infelicitate reddit feliciter infelices. Quia, vt ait August. Nihil est infelicius felicitate peccantium, quæ poenalis nutritur impunitas, & mala voluntas velut interior hostis roboratur. Vnde & Gregor. Tauri mactandi largioribus partibus relinquuntur, reservandi vero iugo supponuntur.

Sic & adulti iam filii pie satis & prouide à patrum domiciliis interdum expelluntur: vt sibi relictæ incuriam cura, desidiam diligentia, sollicitudine torporem, ignauiam strenuitate dediscant. Raro namque deficit, qui sibi non diffidit. Qui de aliorum ex toto pendent auxiliis, frequentius fraudari videntur optatis. Ad hæc etiam Ecclesiastici parentes & pastores filios firmioris intelligentiæ iam capaces ad diuini pabuli prædas paulatim erudiunt. Regnum namque cælorum vim patitur, & violenti rapiunt illud. Aerumnosam quoque vitæ istius viam, vitiorumque voraginem tam contemnere docent, quam vitare: veramque patriam & permanentem totis visibus affectare: & sic mundo mortificatos impietate piissima feliciter exulare compellunt.

Item cum omni fere animantium genere mares maiori in robore natura producat: in his auibus, aliisque vniuersis, quæ rapto viuunt, & rapinis insistent,

insistunt, quibusque præcipue ad viuendum viribus opus est & violentia: degenerante masculorum priuilegio virilius & robustius feminei sexus efferuntur. Forſan & hoc ſignare poteſt muliebrem ſexum in omni malitia longe virili fortiorem, quia, vt ait Tullius: Viri forte vnus alicuius commodi cauſa, vnum aliquando ſcelus perpetrabunt: ſæminæ vero vnus explendæ cupiditatis cauſa, omnia ſimul ſcelera perpetrare non formidabunt. Item in Eccleſiaſtico. Breuis eſt hominis malitia ſuper malitiam mulieris. A viris quoque victorias modis omnibus ſemper appetunt: & effæminatos à ſæminis viros debita virilitate ſæminæ deprædantur. Inſirma quoque mundi, vt fortia quæque confunderent elegit Deus. Item auium iſtarum adeo mafculos debito fauore natura deſtituit: vt aduenientibus annis fere ſemper in deterius degenerando mutentur. Alteri vero ſexui annorum numero tam animoſitatis quam velocitatis vigor accreſcit.

De niſis autem hoc ſpeciale videmus: quod maculis alii candidis, alii rubris, quidam vero mediis diſtinguuntur. Vnde & ex arborum naturis, quibus innafcuntur, hanc contrahi varietatem nonnulli conieſtantur. Sed quoniam in eiufdem arboris eiufdemque nidi fortibus diuerſitatem plerunque videbis: certior habet opinio, quod potius ex parentibus naturaliter hæc proueniat diſcoloritas. Fertur etiam hoc de Niſo: quod ingruente fortius brumali algore, contra veſperam * ſerotinam auiculam rapiat: cui nocte tota ob calefactionis gratiam inſidendo tanquam nocturnum obſequium indemnitatem remunerans: eandem mane remittat illæſam. Item accipitres & Niſi quantitate diſſimiles magis quam qualitate: promptiore quadam velocitate prædas perſecuntur: & in primo fere impetu vel fraudantur, vel fruuntur optatis.

Falcones vero diuerſi generis tam maiores quam minores, tam generoſi quam degeneres: Meruli quoque minuti & æſtiales, obeli pigriores in primis, pernicioſius poſtmodum prædis inſiſtunt, longosque per gyros ſemper ad ardua tendentes, impetuoſius ab alto feruntur ad prædas: quas dum aſſequuntur, quadrati pectoris iſtu concutunt violento, præpoſitiſque talorum armaturis ſimul confodiunt & confundunt. Tanta ſiquidem velocitate, & tam indefatigabili deferuntur, vt fugitiuam auiculam alternatis hinc inde vicibus nunc à ſummis ad ima, nunc ab iſis ad ſumma nitentem, cum intuentium non vnus ſed omnium delectatione per tantam aerei orbis vaſtita-tem nec artiſcioſa nec longa fuga pertinaci ab hoſte tueatur. Accipitres & Niſi naturæ cuiuſdam delicatioris, & carnes exquisitioreſ & baiulos exigunt diligentiores. Falcones vero in vtroque firmiores & niſu * pertinaciores & portitoris ad manum quantum aut viſus aut etiam auditus extenditur, longe redire promptiores. Auibus primis ſimiles eſſe videntur qui cibis lautioribus, veſturis, & veſtibus, variis-que carnis illecebris dediti & deliniti: mollibus vtentes terrena ſapiunt, & in illis verſantur. Et quoniam graui perſeuerantique conamine prædam in alto non quæ-
runt: in imis eorum conuerſatio & non in cælis eſt.

Auibus aliis aſſimilari poſſunt, qui cibos delicatiores omneſque omnino carnis delicias poſtponentes, diuino intuitu, duritiis potius affligi carnem eligunt. Et quoniam nulla niſi ardua virtus, ad alta virtute nitentes longo difficilique niſu prædam, quam violenti rapiunt, præciumque laboris & præmium petunt & appetunt in ſublimi.

Falcones igitur à falcando, quia in falcis modum in circumeundo perluftrant: Gyroſalcones à gyro faciendo, vel in gyrum falcando: Niſi à niſu, accipitres ab accipiendo, nomen acceperunt.

De Aquila cuiusque natura.

C A P. I X.

AQUILARVM quoque non minorem hic copiam, quam alibi miluorum videas. Aues iſtæ, in ipſos ſolaris corporis radios irreuerberato lumine aciem deſigunt oculorum: Tenerosque ſætus (vt fertur) ad idem erudiunt vel inuitos. Vnde & ab oculorum acumine aquilæ dicuntur. Sic viri contemplatiui in ipſam diuinæ maiestatis naturam, verumque iuſtitie ſolem toto & indeflexo mentis tendunt intuitu: & ad aratrum cæleſtis paradyſi manum mittentes, retro non reſpiciunt. Eccleſiaſtici quoque parentes filios in tenera ætate, vt bonis aſſueſcant, ad diuini luminis intuitum ſimul & deſiderium oculos dirigere docent interiores.

Eadem quoque & per tot sæcula durant, vt renouatę, iuuentutis beneficio cum ipsa videantur perhennitate cõtendere. Sic & viri Sancti renouata verę iuuentutis innocentia, cum veterem hominem iam exuti fuerint & induiti nouum; ad perpetuę vitę fructum fæliciter accedunt. Item & tam ardua volatu plarunq; petunt: vt eis penę æstuantibus Solis ignibus exurantur. Sic & in sacris Scripturis qui vltra concessos, qui præteriri non debent nec possunt, terminos cælestium secretorum ardua & archana scrutari nituntur: tanquam alis præsumptuosi ingenii quibus transportantur ad uertis in se redeuntis infra subsistunt. Sed quoniam vindice dignus nodus hic incidit. (multos enim hac in parte grauiter errasse multis in locis tam legi, quam ipse cõspexi) paulo diutius & diligentius in iis immorari venia dignissimum reputauim.

Lapideis saxis terreęque moli quę nullum ex se motum habentia tantum ponderosa subsistunt, & ad centrum tendunt: arbores & herbę longe præcellunt quas in quadam quasi vegetatione vitali & vita vegetabili sensim sine sensu per se moueri, crescere constat, & augmentari. Arbores & herbę multum animalia bruta præcellunt, quę sensibilibus de loco ad locum se ipsa mouentia in quadam imaginaria specie præsepe cognoscunt, & præteritorum recordantur. Vnde & in hac parte quædam eorum etiã rationalibus præferuntur. *Vbi enim abundat ratio: ibi succumbit imaginatio.* His vero cunctis *μικρόκοσμος* homo longe præcellit, ingenio pollens & ratione, vultuque sublimi gaudens & sermone: cunctarumque terrestrium creaturarum dignissima colit & recolit creatorem. Sicut autem homo cæteris, sic & Angelica natura præeminet vniuersis, quantoque est homine subtilitate essentię, situque sublimior, quantoque creatori, cui semper assistit, familiarior: tanto & intellectu capacior. Cunctipotens vero & cuncticreator Deus, sicut fimo figulus, figurę figurator, imo longe præcellentius, quam vel exprimi vel excogitari possit creaturis omnibus incomparabiliter antefertur: qui nimirum omnia quęcunque voluit, fecit: qui dixit & facta sunt: quique mandauit & creata sunt: à quo omnis sapientia, de cuius quoque plenitudine omnes accepimus: à quo habemus, & quod sumus, & quod intelligentes sumus: à quo, quicquid vbiq; est intellectus, tanquam à fonte riuulus originaliter emanat. Cum igitur quam Angelica natura tanto inferior & indignior humana subsistat: dic homo, quā fronte quā temeritate eā scrutari præsumis, & ad vnguem exprimere, ad quorum indaginem ipsi se reputant angeli longe minores? Quanta elatione eā contendis intellectu comprehendere, quā nullo vel capi possunt ingenio vel comprehendere? Sicut enim incomprehensibilis est ipse cuius maiestatem adorant dominationes, tremunt potestates: Sic & incomprehensibilia sunt iudicia eius, & inuestigabiles vię eius. Non enim cogitationes meę, cogitationes vestrę, neque vię meę, vię vestrę, dicit Dominus. Quia sicut exaltantur cæli à terra; sic exaltatę sunt vię meę à viis vestris, & cogitationes meę à cogitationibus vestris. Nunquid in tantum exaltatum est cor tuum, & elati sunt oculi tui: vt in tam magnis ambules, & in mirabilibus super te? Num adeo à charitate Dei te separat elatio, vt alta dum sapias & altiora te cupias: humilibus consentire postponas? Cum tamen non plus sapere quam oportet sapere, sed sapere expedit ad sobrietatem.

Caue igitur ne id intelligendo, efficias vt minus intelligere videaris. Caue, ne rationis & ingenii priuilegium (quo creatoris beneficio sub cęlo præcellis,) dum in eundem abuteris, etiam iure priueris. Caue, ne in Aquilonem sedem ponas, & frustra altissimo assimilari quæras. Caue, ne in altum cornu extollens, loquaris aduersus Deum iniquitatem. Caue, siquidem ne in altum tendens, cadas ab alto. Caue, inquam, ne tam enormiter elatus supra te: longe corruas infra te. Intelligite ergo insipientes in populo, & stulti aliquando sapite. Nunquid, qui plantauit aurem: non audiet? aut qui finxit oculum, non considerat? Qui corripit hominem: non arguet? qui docet hominem scientiam? Dominus nouit cogitationes hominum, quoniam vanę sunt. Attendite potius quam humiliter vir ille (quem secundum cor suum inuenisse dominus ipse testatur) Rex scilicet & Propheta Dauid in Psalmis decantat. Domine non est exaltatum cor meum: neque elati sunt oculi mei. Neque ambulauit in magnis: neque in mirabilibus super me. Attendite quid inter Reges terrę sapientissimus ille Salomon ad filium dixerit. Fili, altiora te, ne scruteris: & fortiora te ne exquisieris. Sed quę præcipit tibi Deus: illa cogita semper & in pluribus operibus eius, ne fueris curiosus. Item, mel nimis comedenti, malum & amarum est, & alibi. Mel inuenisti, comede quod satis est, ne forte satiatus, euomas illud. Irę, Qui scrutator est maiestatis opprimetur à gloria, & vt verbis Iob, ex parte fruamur. Nunquid homo Dei compa-

ratione

ratione iustificabitur: aut factore suo purior erit vir? Ecce qui seruiunt ei, non sunt stabiles; & in Angelis suis reperit prauitatem: quanto magis hi, qui domos habitant luteas, qui terrenum habent fundamentum, dum in cælum os ponunt, confundentur, & consumentur velut à tineas? Item in eodem. Non iustificabitur homo: comparatus Deo.

Diciturque fragilis testa, qua fronte de omnibus rationem reddere, quæ sursum sunt, & quæ deorsum: & de iis præcipue quæ supra omnem rationem esse constat: & contra rationem præsumis, & contra fidem? Quid enim magis cōtra rationem, quam ratione cōari ipsam transcendere rationem? Et quid magis contra fidem, quam credere nolle quicquid non possis ratione pertingere? Sed forsan illud Salomonis te mouere potest. Qui cito credit, leuis est corde: tanquam fidem voluerit ratione discutiendam. Sed scias hoc Salomonem non de fide in Deum: sed de mutua inter hos credulitate dixisse. Illam enim vero quæ in Deum est fidem, Gregorius plane negat habere meritum: si ei humana ratio præbeat experimentum. Laudantur Apostoli, quod ad vnius iussione vocem, secuti sunt * Præceptorem. Pro laude nimirum dictum fuit: In auditu auris obediuit mihi. Increpantur enim è regione discipuli, quod tardius credidissent. Denique laudatur Maria quod rationem fide præuenit: & punitur Zacharias quod fidem ratione tentauit. Et rursum Abraham commendatur qui contra spem in spem credidit.

* Redemptorem.

20 Vt autem, ad naturalia recurramus: quis vnquam Dominus seruo, quis vt Euryalus Niso, quis Polynici Tydeus, quis Pyladi Orestes animi secreta sic cuncta commisit: quin potius intimo pectoris archiuo arcana sibi per plurima nulli vel vnquam exposita vel exponenda reseruaret? Quanto magis infinitissimus ille sibi reseruauit infinita? Num adeo dominator ille Dominus & vniuersitatis figulus, seruis infimis luteisque testis se totum exposuit: vt tam fragili, tam corruptibili tam vili materiæ, quæ circa tãram, tam inscrutabilem, tam ineffabilem diuinitatis naturam, quæ sunt, vel esse possunt, statim pateant vniuersa? Quis vnq̃ picturam vidit ad omnes pictoris artes eniti? Nunquid enim olla figulo suo diceret? quare me superius arctam, amplam inferius cōpegisti? Vnde & in libro sapientiæ legitur: Arenam maris, & pluuiæ guttas, & dies scul- 30 culi, quis dinumeret? Altitudinem cæli, & latitudinem terræ, & profundum abyssi quis dimensus est? Sapientiam Dei præcedentem omnia, quis inuestigauit? Item. Radix sapientiæ cui reuelata est? & astutias illius quis agnouit? Disciplina sapientiæ cui reuelata est & manifestata, & multiplicationem gressus illius, quis intellexit? vnus est altissimus: & creator omnipotens. Rex potens & metuendus nimis: sedens sup thronum illius & dominas Deus. Ipse creauit illā Spiritu sancto: & vidit, & dinumerauit & mensus est: & effudit illā super omnia opera sua: & super omnem carnē, secundum datum suum p̃buit illam diligentib. se. Sic igitur sapientia nō totaliter sed particulatim, & quasi per riuulos se suis exhibuit: vt ad ipsam semper tanq̃ ad fontem, viuum puteū in exhaustum & indeficientem, in singulorum defectibus recurratur. Quoniam itaq; 40 sapientia Domini abyssus multa: cælorum cælum domino, & q̃ residuum fuerit, igne comburi iubetur, memores esse debemus nec ingrati q̃ in partem admissi sumus cognitionis, non in plenitudinē vel intelligentiæ vel exquisitionis. Vnde & cuidam nimis scrupulose quærenti, Quidnam faceret Deus antequam mundus fieret? facete satis ad hominem magis quam ad orationem Augustinus respondet: Gehennam, inquit, stulte quærentibus præparauit. Frustra siquidem circa huiusmodi animalis spiritus sollicitatur. vt enim quasi sub bipenni dilemmate finaliter concludam: anima beneuola talia non exquirat. In maleuolam vero animam sapientia non introibit. Et, vt prophetæ verbis ad hæc vtat, quam magnificata, sunt opera tua Domine: nimis 50 profundę factę sunt cogitationes tuę? vir insipiens non * requiret: & stultus non intel- * al. Cognoscat.

De Grue eiusq̃ natura.

CAP. X.

IN tanta vero numerositate se grues ingerunt: vt vno in grege centum & circiter hunc numerum frequenter inuenias. Hæc avis singulis vicissim alternis noctibus natura dictante communi indemnitati excubantibus, vni insidens pedi, altero implumato, lapidem suspensum tenet: vt eiusdem casu, si forte sopor irrepsit, iterum ad vigilias statim redeat expectata. Aues istę prælatorum Ecclesiæ typum gerunt. Quibus supra gregem vigilandum esse dignoscitur & excubandum: quia qua hora fur venturus sit, penitus ignoratur: Et cura aliqua sacra animæ tanquam lapis est suspen-

est suspendenda. Quæ & torporem omnium prorsus excutiat, & nihil præter se meditari permittat: quæ etiam si forte interdum exciderit, mens ipsam desuescere nesciens, eadem iterum tanquam à somnis expectata resumat. Periculum quoque avis hæc clamore indicat: sic & Ecclesiastici pastores lupos diuinis oraculis & latratibus ab ouili arcent, & infatigabili clamore tanquam tuba vocem exaltant. Avis autem eadē tam calidum tam igneum iecur habet ut ferrum forte ingestum transire nequeat indigestum. Sic igne charitatis accensa viscera ferreos olim & inexorabiles animos domant & mitigant, & ad pacis fraternæ concordiam mansuescere iam compellunt.

Pauones syluestres hic abundant. Gallinæ vero campestris, quas vulgariter grutas vocant hic raræ sunt & modicæ perdicibus tam in quantitate quam colore persi-
 * al. cordiali. miles. Acetæ vero quæ & * Kardioli dicuntur tam maiores & syluestres, quam minores & palustres infinitissime. Minorum autem palustriū, copia maior. Item coturnices hic plurimi. Ratulæ vero raucæ & clamoræ innumeræ: * diemque laudantes alaude
 * al. Denique. infinitæ.

De Bernacis ex abiete nascentibus earumque natura.

C A P. XI.

SVNT & aues hic multæ quæ Bernacæ vocantur: quas mirum in modum contra naturam, natura producit: Aucis quidem palustribus similes, sed minores. Ex lignis namque abiegnis per æquora deuolutis: primo quasi gummi nascuntur. Dehinc tan-
 20 quam ab alga ligno coherente conchyliis testis ad liberiores formationem inclusæ per rostra dependent: & sic quo usque processu temporis firmam plumarum vestituram inducunt vel in aquas decidunt, vel in aeris libertatem volatu se transferunt, ex succo ligneo marinoque occulta nimis admirandaque semini ratione alimenta simul incrementaque suscipiunt. Vidi multoties oculis meis plusquam mille minuta huiusmodi auium corpuscula, in littore maris ab vno ligno dependentia testis inclusa & iam formata. Non ex harum coitu (ut in auibus assolet) oua gignuntur, non auis in earum procreatione vnquam ouis incubat: in nullis terrarum angulis vel libidini vacare, vel nidificare videntur. Vnde & in quibusdam Hiberniæ partibus, auibus istis tanquam non carneis quia de carne non natis, episcopi & viri religiosi ieiuniorum
 30 tempore sine delectu vesci solent. Sed hi quidem scrupulose mouentur ad delictum. Si quis enim ex primi parentis carni quidem, licet de carne non nati, femore comedisset: eum à carnium esu non immunem arbitraret. Resipisce infelix Iudæ, resipisce vel sero primam hominis generationem ex limo sine mare & femina: Secundamque ex mare sine femina ob legis venerationem diffiteri non audes: Tertiam solam, ex mare scilicet femina, quia vsualis est, dura ceruice approbas & affirmas. Quartam vero in qua sola salus est, ex femina scilicet sine mare obstinata malitia in propriam perniciem detestaris. Erubescere miser erubescere, & saltem ad naturam recurre, quæ ad argumenta fidei, ad instructionem maximam noua quotidie animalia sine omni mare & femina procreat & producit. Prima ergo generatio ex limo: & hæc vltima ex ligno.
 40 Illa quidem quia à Domino naturæ, tantum semel ideo semper obstupenda processit. Istam vero non minus admirabilem, minus tamen admirandum, quia sæpe imitatrix natura ministrat. Sic enim composita est humana natura, ut nihil præter inusitatum & raro contingens, vel preciosum ducat vel admirandum. Solis ortum & occasum, quo nihil in mundo pulchrius, nihil stupore dignius: quia quotidie videmus sine omni admiratione præterimus: Eclipsin vero solis, quia rarius accidit, totus orbis obstupescit. Ad idem etiam facere videtur, flatu solo, & occulta quadam inspiratione, citra omnem mixturam, apum ex fauo procreatio.

De Auibus biformibus earumque naturis, & de auibus quasi adulterinis & non veris.

C A P. XII.

AVES quoque biformis naturæ, quas halietos vocant, sunt hic multæ: Aquila quidem minores, Accipitre maiores, quibus alterum pedem vnguibus armatum apertum & rapacem: Alterum vero clausum & pacificum, solique natatui idoneum, naturæ ludentis opera contulit admiranda. Mirum de auibus istis (quod & oculis plerunque conspexi) quod in aeris summitate supra marinos fluctus, ut oculorum aciem liberius in ima defigant, alarum remigio quietos se continent & sustinent. Cumque pisciculos in fundo fluctuum latitantes, per tantā aeris & aquæ turbulentam intercapedinem lynceo acumine conspiciant, pernici velocitate se deorsum mittunt. Dum-
 que

que mergunt emerguntque: pede natatili in aquis se gubernant: pede vero rapaci vi-
ctores prædam extrahunt, & asportant. Sic nobis hostis antiquus in turbulentis huius
mundi fluctibus, quantumlibet occulta gerentes acuto aspicit intuitu: Dumque in
temporalibus successibus quasi pede pacifico blande ad nos ingreditur: miseras tan-
dem animas tanquam pede rapaci, prædo cruentus rapit ac disperdit.

Notandum vero quod in utroque avium genere tam hoc quam priore quædam
inveniuntur. Aves aliis simillime: Sed quasi adulterinæ tamen & non veræ: commu-
nem avium naturam sortientes, & ab utraque specialitate longe dissidentes. Verum-
tamen rerum quarumlibet tam similibus differentias, quam differentium similitudi-
nes, distinctius ab inuicem mens non incauta discernit.

De Martinetis earumque naturis.

C A P. XIII.

SVNT & hic auiculæ quas Martinetas vocant, merula minores, hic sicut alibi: raræ
& fluuiales: In modum coturnicis curtæ, & ad minutos pisculos, quibus vescuntur,
in aquam mergentes: cumque alias naturam per omnia retineant: solo in colore va-
riantur. Albo enim ventre nigroque dorso hic degenerant cum in aliis regionibus
ventre rubicundo, rostro pedibusque rubeis: Tergo vero alisque in modum Psittaci
pauonisve lucida viriditate fulgentibus conspicuæ sint & formosæ. Mirum de his avi-
culis, quia si mortuæ sicco in loco seruentur, putrescere nesciunt, & inter vestes alias-
ve res quascunque locatæ, eas indemnes à tinea conseruant, & odoriferas reddunt.
Et quod longe stupore dignius est: mortuæ quoque in sicco per rostra suspensæ, re-
diuina plumarum renouatione singulis annis immutantur, tanquam vitalis spiritus
ex parte superstitis occultis adhuc reliquiis vegetatæ.

Sic viri Sancti mundo mortui, igne charitatis accensi, & quasi in sicco positi, ani-
morum morumque induunt incorruptionem, seque sibi que coniunctos bonorum a-
ctuum studiis à vitiorum tinea purgant & elimant, bonoque virtutum odore laudabi-
les reddunt. Et dum tota mentis intentione in sublime suspenduntur: abiectis vete-
rum, nouisque virtutum incrementis, de die in diem renouantur in melius & mutan-
tur, Veterem prorsus exuentes hominem, & induentes nouum. Maximus quippe
laudis profectus est, quoties sequentibus bonis, priora vincuntur.

De Cygnis, & Ciconiis, earumque naturis.

C A P. XIV.

IN boreali Hiberniæ parte Cygni abundant: Ciconiæ vero per totam Insulam rarif-
simæ sunt, & illæ nigre. Mirum de Cygnis quod mortis discrimina doceant non do-
lenda, & imminente lætali articulo, tanquam de necessitate virtutem facientes, fune-
bria fata canendo contemnant. Sic viri virtutum meritis candidati, ab ærumnis hu-
ius sæculi læti discedunt: Solumque Deum fontem viuum sitientes, à corpore mortis
huius liberari dissoluique cupiunt, & esse cum Christo. De ciconiis hoc mirandum,
quod aquas gelidas petant, tepidas relinquant. Toto namque brumali tempore in
fundo fluminum hyemantes, ad primam veris emergunt temperiem, & in aeris iterum
se suscipiunt libertatem. Sic Sancti, hyemali, quod instat, mundi tempore, in terræ pe-
netralibus dormientes, mundo in meliorem statum renouato perpetuamque sine tem-
pore temperiem iam sortito, ad primam Archangeli vocem emergent obuiamque
Christo in aera rapti, & à dextris vocati, in veram filiorum libertatem transferentur.

De auibus hyemali tempore non comparentibus.

C A P. XV.

MIRVM etiam de auibus istis aliisque naturæ consimilis, quas hyemali exilio natu-
ræ rigor relegare solet, quod interim nec viuæ nec mortuæ, vitali tamen spiritu
vegetatæ, in extasim diuturnam, & statum quandam inter vitam mortemque quasi
medium, rapi videntur: & absque alimentorum iuuamine, quibus animale corpus
sustentari solet, tanto tempore, occulto naturæ beneficio recreatæ absque omni cor-
porum detrimento, tanquam à somnis excitatæ, & expectatæ, cum Zephyris redeunt
& hirundine prima. Haud aliter animalia quædam, quæ & glires dicuntur, quia pin-
gues eos efficit somnus. (Nam gliscere dicimus crescere, sicut & concupiscere.) hye-
me tota dormiunt, & immobiles quasi mortui iacent, tempore quidem æstiuo reuiu-
scunt. Vnde & quidam, quasi pro bestiola loquens, ait.

Tota

Tota mihi dormitur hyems, & pinguior illo

Tempore sum. quo me, nil nisi somnus alit.

Similis horum extasis esse videtur, quorum spiritus ad summa cælorum habitacula, seu inferorum spectacula, diuina permissione aliquamdiu rapiuntur, qui tandem ad corpora in terris interim mirabili in statu destituta, sine spiritu spirantia, sine vita viuentia, nec vero morti tamen nec vitæ ad plenum obnoxia, completa legatione reuertuntur.

De Cicadæ quæ decapitata dulcius canunt, diuque mortua, per se reuiuiscunt.

C A P. XVI.

SVNT in Apuliæ & Siciliæ partibus Cicadæ quædam alatæ non tiliarum nisu, sed alarum remigio se transferentes, arterias sub gutture apertas habentes, quibus & voces canoras emittunt, Dulciusque (vt fertur) decapitatæ quam integræ, meliusque mortuæ quam viuæ canunt. Vnde & pastores terræ illius, vt dulcem vel morte tantum extorqueant, eas decapitare solent. Residuum namque viuificantis spiritus donec moribundo à corpore per fenestras illas euaporauerit, mirabilis emittitur harmonia. Eadem quoque primo hyemali tempore, algore suffocatæ, absque omni vitæ vestigio marcidæ fiunt, & pleræque putrescunt. Redeunte vero vernali tam * tempore quam temperie, vitalem spiritum resumentes, reuiscunt simul & reuiuiscunt. Quod igitur mortuæ melius canunt quam viuæ: martyres Christi significare potest, 10 qui capite pro Christo truncati, mortui melius quodammodo quam viui prædicant. Christique Ecclesiam eorum efficacius ædificat mors quam vita. Quod vero de reuiscuntibus, sequitur & reuiuiscuntibus: expressum est nostræ resurrectionis argumentum. Sic etenim Creator, ad instructionem & firmitudinem nostram: magis * improbabilis probatæ fidei articulos, familiaribus rerum naturalium fulcit & firmat exemplis. Quid enim aliud sibi vult vermiculorum, qui sericum euomunt, tam prodigiosa proprio ex puluere procreatio? Quid illa Phœnicis tam obstupenda proprio ex cinere reparatio?

* al. Tempore.

* al. Improbabilis.

De Cornicibus hic variis, earumque naturis.

C A P. XVII.

ITEM cornices nigrae vel nullæ sunt hic, vel rarissime, omnes fere variæ. Aues istæ conchosos pisciculos contra littorea saxa, sursum in aera deferunt, & demittunt: vt testam quam rostro frangere non prævalent: lapidis altique casus iniuria, collisioneque confringant. Sic & hostis antiqui versuta malitia, quos in imo humilique statu positos peruertere non præualeat: ad summa dignitatis culmina iam prouectos audacius aggreditur, vt vel neglectu officii, vel arrogantia tumore nutantes impellens, quanto ab altiori gradu tanto prouiore casu in ima vitiorum lapsos, grauius allidat & confringat. Mirum de auibus istis, quia cum alias auium omnium sint * argutissimæ: in sola nidi positione (vbi & aues fatuæ etiam ingeniosæ reperiuntur) istas ingenio natura destituit. In publica namque strata, vel alia qualibet hominum frequentia, arbore demissa vel saxo nidificantes, nec ventos cogitant, nec angues, nec humanos accessus reformidant. Sic sapiens quisque quanto magis ingenii viribus, & sapientiæ dote præfulget: tanto libidini datus, & laqueis illectus amoris: modum & modestiam minus aduertit obseruare. In Dauid hoc clauit & Salomone, quorum alterum in homicidii, alterum in Apostasiæ crimen muliercularum furibundus amor induxit.

* al. Astutissima.

De Crociis hic albis, earumque naturis: & in genere de aliis auibus.

C A P. XVIII.

ITEM sicut albæ in Creta merulae sunt omnes: sic & Hibernicæ Crociæ albescunt. Auium istarum natura est, Scarabæos in spina suspendere. Vnde & venenosum spina sortitur acumē. Mirum igitur malitiam quam in nullo trium per se reperies: in trium tamen compositione non euitari. Sic quoque Creator, contrariorum iunctura mirabili spiritum carni connectit: vnde & peccati malitia statim contrahitur, quæ tamen in nullo trium, per se posset reperiri.

Falcones Hibernia præter generosos non habet. Degeneres enim illi desunt, quos vulgari vocabulo *Laneros* vocant. Desunt & gyrofalcones, quos Borealis Arctoque regio gignit & mittit. Desunt perdices & Phasiani, Desunt picæ, Desunt & philomenæ.

menz. communiter etiam omnium auium (maxime vero minutarum) minorem hic copiam, quam alibi videas. Quod & Orosium de Hibernia loquentem latere non potuit. Ait enim Anguis hic nullus, auis rara, apes nulla : De duobus prioribus indices veros, de tertio vero fallacem habens. Adhæc etiam aucæ minores albæ (quæ & Gantes dicuntur) & gregatim in multitudine magna, & garrula venire solent: in hos terrarum fines rarius adueniunt, & tunc valde raræ. Maiores autem, quæ vulgari vocabulo bysæ vel etiam grisiæ vocantur, cum bruma statim in grege magno, flante aquilone, aduectantur, & post hyemales protinus algores contra nidificationis tempora, austro spirante reuertuntur.

10

De feris, earumque naturis.

C A P. XIX.

FERARVM quoque quas occidentales pariunt regiones, cunctas fere species continet ista. Habet enim ceruos præ nimia pinguedine minus fugere prævalentes, quantoque minores sunt corporis quantitate, tanto præcellentius efferuntur, capitis & cornuum dignitate. Aprorum quidem & syluestrium porcorum nusquam terrarum tantam copiam vidimus. Sunt tamen exigui, deformes, & fugitiui. nec minus audacia & animositate, quam corporis compositione degeneres. Sunt & lepores multi, sed minuti, cuniculis quidē tam sui modicitate, quā delicata pilositate cōsimiles. Vt autem breuiter complectar: omnium animalium ferarumque & auium corpora, hic quā alibi, suo in genere, minora reperies: solis hominibus suam retinentibus maiestatem. Mirum de leporibus istis qui contra aliorum naturam, à canibus inuenti, semper in denso, tanquam vulpes, & in operto, non in aperto diffugiunt: ad campana nunquam patentemque semitam, nisi coacti & inuiti se transferentes. Hanc autem varietatem, nimia, ut arbitror, terræ, ipsius cursum præpediens, facit herbositas. Martricum copia abundans hic syluestria, quarum venatio in igne noctes diebus continuat. Sub arbore namque qua fugitiua à canibus bestia vesperi se recipit, igne succenso nocte tota, splendorem igneum ab alto inflexibiliter intuens, eius vel amoris, vel potius timoris causa reuertente diluculo ibidem à venatore mane conspicitur.

30

De Taxo, eiusque natura.

C A P. XX.

EST & hic Taxus: qui & Melota dicitur: animal mordax & immundum: montosa frequentans & saxosa. Scrobes subterraneos tanquam refugii loca munimenta-que pedibus scalpens & effodiens sibi ipse conformat. Quidam vero ex iis naturæ ipsius imperio seruire parati, terram ab aliis effossam, ventrique supino impositam, quatuor pedibus complectentes, lignoque in ore ex transuerso locato dentibus ab aliis hinc inde coherentibus, retrogradeque trahentibus, non absque intuentium admiratione simul cum oneribus extrahuntur.

40

De Castore, eiusque natura.

C A P. XXI.

SIMILI naturæ beneficio ac artificio Castores vtuntur, qui, dum castra sibi in fluuiis construunt, sui generis seruis, quasi pro rheda vtentes, à syluis ad aquas, lignea robora miro vecturæ modo contrahunt & conducunt. In utroque animantium genere, serui notabiles inueniuntur, tam degenerante quadam naturæ deformitate, quam abrasa & attrita pilorum in dorso densitate. Taxos Hibernia, non Castores habet. Habentur tamen in Gwallia Teynensi tantum in flumine apud Kairdygan: habentur & in Scotia similiter rari.

50

Notandum vero quod Castores caudas habent latas: & non longas, in modum palmæ humanæ spissas: quibus tanquam pro remigio natando funguntur. Cumque totum corpus reliquum valde pilosum habeant: hanc partem omni pilositate carentem, in modum phocæ marinæ, planam habent & leuigatam. Vnde & in Germania arctoisque regionibus (vbi abundant castores) caudis huiusmodi, piscium naturam (ut aiunt) tam sapore quam colore sortitis viri etiam magni & religiosi ieiuniorum tempore pro pisce vescuntur. videtur tamen quod quid iuris est in toto quoad totum: hoc in parte quoad partem: nec pars à toto tanta generis diuersitate distare consuevit. Sed de his & eorum natura, qualiter, & quanto artificio mediis in fluctibus munimenta connectant, qualiterque & quam laudabili in bestia dispensatio-

O o o

ne

* id est, testicu-
lorum per se-
iplos excisione,
vel amputatio-
ne potius.

* al. p. sicut.

ne damno * partis, hoste urgente, totum redimant: cum de vtriusque terræ, Gwalliæ scilicet & Scotiæ situ & proprietate, deq; vtriusq; gentis origine & natura tractabimus, plenius explicabitur. Sed alias huic alique beneficio, Deo duce, vitæ comite, locum faciemus. Defectum vero & aliarum quarundam patitur insula ferarum. Caret enim Capreis, caret & damis, caret hericiis, caret herminis, caret & * putaciis.

De Mustelis, earumque naturis.

C A P. XXII.

MV V S T E L Æ hic multæ sed minutæ plurimum & subrufæ. Hæc bestiola 10 plus cordis habens quam corporis, animosaque magis quam robusta, ingentes animos angusto in pectore versans, vindicis est iracundiæ, & renouatæ potius quam continuæ. Iniuriarum pro loco dissimulatrix, & vltrix, grauis murium maiorum tyrannus, & vestium corrosiua. Item lepores huic præda, cuniculique. Cum colubro plerunque duello congreditur: in quo conflictu interdum fugam simulans, ad cumulum se confert ante præsum, & in * crucis modum tam ex opposito vtrinque per medium latere, quam etiam superius ad hoc perforatum. Vbi & vermem sequacem, nec perforaminis angustiam se replicare valentem, agilitatis innatæ beneficio, à superiori foramine dentibus in medio conterit & comprehendit indemnis. Sicque mirabili, ne dicam prædita ingenio, vi quadam ingenita & quasi discretiua, veneno- 20 si capitis malitiam vitans: horrendum hostem arte magis quam Marte triumphat. Item fætus hæc teneros læsione quacunq; mortificatos, crocei cuiusdam floris beneficio, refocillare solet, & vitæ restituere. Vt enim perhibent qui viderunt, & catellos periculi istius causa morti dederunt, primo læsuræ, postmodum ori & naribus quasi inspirando, ceterisque per ordinem corpusculi fenestris omnibus, allatum ore florem apponit. & sic demum tam floris illius, quam oris spiraculo, vel potius herbæ, virtuosissimæ tactu, qui penitus expirasse videbantur, aliquo forte vitæ vestigio adhuc manente, licet occulto, respirare compellit.

* al. cratic.

* videtur de-
esse vastissimo,
vel tale aliquid.

Præterea, qui solo cætera necat aspectu, mors, mustela, basilisco. Sic qui tanto premit omnia fastu, leonem, minima minctu confundit hyena. Idem exiguo Scor- 30 pionis aculeo exagitatus, occiditur. Elephant * quoque, inter animantia, musterribilis esse perhibetur. Sic etenim optimi dispositoris prouidentia, minimis quibusdam maiora quæque premuntur: vt vel ex iis attendi valeat & deprehendi, nihil in terris maximum, nihilque beatum, quod plena queat felicitate gaudere. Quid homine sub cælo dignius? quid colubro, quid aranea, quid culice vilis? Nihil enim sine causa, nullumque malum suo absque remedio, inter creaturas Creator admisit.

Talpa

Talpæ quoque vel naturali defectu, vel propter nimiam terræ humiditatem: aut nullæ sunt hic aut rarissimæ. Sicut autem talpas sol excæcat: sic & Cicadas, dies eadem creat & necat. Vnde quidam tanquam ad vermiculum ipsum apostro- 40 phando,

Mors & vita dies una (Cicada) tibi est.

Mura

MV R E S autem maiores sunt hic multi, minuti vero infinitissimi, qui & enormius quam alibi grana consumunt, & vestes seratas etiam & clausas demoliendo corrodunt. Duo tantum animalium genera nociua insulam habere Beda describit. Nos * tertium hoc addimus & nocentissimum.

* Lupus sil. &
vulpes.

De Vermibus eorumque defectibus: & venenosis omnibus hic deficientibus: quoniam etiam allati statim moriuntur, & toxicum maliciam amittit: deque puluere terra istius & corrigiis contra venena conferentibus.

C A P. XXIII.

IN T E R omnia vermium genera, solis non nociuis Hibernia gaudet: venenosis enim omnibus caret. Caret serpentibus & colubris; caret bufonibus & ranis; caret tortuis & scorpionibus, caret & draconibus. Habet tamen araneas, habet sanguifugas, habet & lacertas, sed prorsus innocuas. Vnde satis historice satisque facete dici vel etiam scribi potest: Ranæ in Gallia & Italia clamoræ & garrulæ; in Britannia mutæ, in Hibernia nullæ. Quidam vero figmento satis fauorabili coniectant, Sæ- 50 ctum Patritium, aliosque terræ Sanctos, pestiferis cunctis insulam purgasse. Sed probabilior

babilior asserit historia, à primis temporibus longeque ante omnem fidei reuelatæ gratiam, sicut aliarum quarundam rerum, sic & istarum naturali quodam defectu, semper insulam destitutam fuisse.

Nec mihi mirandum videtur, quod vermium istorum sicut & piscium auium-que & ferarum quarundam naturalem defectum terra patitur. Sed hoc stupore dignum occurrit, quod nihil venenosum aliunde aduectum vnquam continere vel potuit vel potest. Legitur namque in antiquis terræ istius Sanctorum scriptis, quod aliquoties experiendi gratia, serpentes in ollis æneis delati sunt: Sed quam cito medium maris Hibernici cursum transmeauerant: exanimæ & mortui reperti sunt. 30 Toxicum quoque similiter allatum, mediis in fluctibus innata malitia benignior aura priuauit. De his autem Beda scribit, in hunc modum de Hibernia loquens. Nullum ibi reptile videri soleat, nullus viuere serpens valeat. Nam sæpe illo de Britannia allati serpentes, mox vt, proximantè terris nauigio, odore aeris illius afflati fuerint, intereant. Qui potius omnia pene, quæ de eadem insulas sunt: contra venena valent.

Scrutatores tamen Oceani mercatores, asserentes audiuius quod cum naues in portu Hibernico aliquoties exonerassent: Bufones casu illatos in fundo nauium inuenerunt, quos dum viuos in terram proiecissent, statim verso ventre, videntibus & admirantibus multis, medii crepuerunt & interierunt. Constat igitur quod 30 vel Scotorum meritis (sicut vulgata per orbem asserit opinio) siue ex aeris noua quidem & inaudita, benignissima tamen clementia, siue ex terræ ipsius vi quadam occulta & venenis inimica: nec animal venenosum his subsistere potest, & venenum quodlibet aliunde aduectum, omnem malignitatis efficaciam prorsus amittit.

In tantum siquidem terra hæc inimica veneno est: vt si aliarum regionum seu viridaria, seu quælibet alia loca puluere ipsius aspergantur, venenosos ab inde vermes procul exterminet.

Corrigiæ quoque terræ istius non adulterinæ, sed veræ, & de coriis animalium, quæ hic nata sunt, factæ: contra bufonum serpentumque morsus, in aqua rasæ, & 30 potæ, efficax remedium ferre solent. Vidi oculis meis, corrigiam huiusmodi strictam & arctam bufoni circulariter periculi causa circumpositam, ad quam perueniens & transire volens, statim tanquam percussus capite, retro cecidit: partesque ad oppositas se transferens, & corrigiam vndique inuentam, tanquam pestem quandam fugiens, in medio tandem circuli spatio terram fimosam subito pedibus effosam multis intuentibus subintrauit.

Quinimo, omnia pene quæ de eadem Insula sunt, iuxta Bedæ assertionem, contra venena valent. Asserit enim se vidisse, quibusdam à serpentibus percussis, rasa folia codicum, qui de Hibernia fuerant, & ipsam rasuram aquæ immixtam, protinus totam vim veneni grassantis, totum inflati corporis absumpsisse ac sedasse tumorem. 40 Contigit autem nostris diebus in Borealibus Angliæ finibus, iuuenis os dormientis colubrum intrasse, & per guttur apertum in ventrem descendisse. Qui male suum incontinenti remunerans hospitem, eius intestina rodere dentibus & lacera-re non cessauit. Adeo vt iuuenis ille tantis angustiis torqueretur, quod morte mori mallet, quam vitam ducere mortis: post cibum tamen sumptum aliquam quietem respectu temporis alterius habebat: ante vero penitus nullam. Cum autem loca sanctorum Dei per Angliam lustrasset, diu & in cassum: tandem saniori consilio in Hiberniam transuectus, statim aquis terræ illius salubriter hauitis, & cibariis sumptis, letalem hostem letaliter extinctum, per inferiora transmisit, & letus sanitate resumpta; repatriauit.

50 *De Rana in Hibernia nuper inuenta.*

C A P. XXIV.

NOSTRIS tamen temporibus apud Waterfordiam herbosis in pascuis rana inuenta fuit: & coram Roberto Poerio tunc ibi rectore, aliisque multis tam Anglicis quam Hibernicis in Curiam viua delata est. Cumque ipsam multum Anglici, multoque plus Hibernici cum admiratione conspexissent: demum Duuenaldus Rex Ossyrien-sis vir prudens in gente sua, & fidelis, tunc forte præsens: cum grandi capitis concussione, grauique cordis dolore, verbum hoc eructauit: Pessimos in Hiberniam rumores vermis iste portauit. Vtensque tanquam prognostico verbo, certissimum

O o o 2 hoc

hoc signum esse dicebat aduentus Anglorum, imminentisque conquisitionis, & expugnationis gentis suæ. Arbitrari tamen nemo præsumat, quod vnquam vermis iste hic natus fuisset, quia non hic, vt alibi, Semina limus habet virides generantia ranas. Quod si foret, frequentius & numerosius vel ante vel post inuentæ fuissent. Sed forte liquidi & limosi seminis particulam, æthereo calore in nubes attractam & vi ventorum huc impulsam, vel etiam vermiculum ipsum iam formatum, nubeculæ descendens concavitate sursum eleuatum, & huc casu aduentum, terra inhospita & inimica suscepit. vel potius rana portu propinquo forte fortuitu naue deuecta & in terram proiecta (quia vermis venenosus non est) aliquandiu subsistere, & viuere præualuit.

10

De variis insula laudibus, terræque naturis.

C A P. XXV.

TERRA terrarum hæc omnium temperatissima. Non cancri calor exæstians compellit ad umbras: non ad focos Capricorni rigor vrgenter inuitat. Nives hic raro, & tunc modico tempore durare, videbis. Ex omni tamen vento, non minus subsolanus, fauonioque & Zephyro, quam Circio & Borea quandoque brumescit. Ex omni quidem modice: ex nullo immoderate. Sicut æstiuo, sic & hyemali tempore herbosa virescunt pascua: vnde nec ad pabula fœna secari, nec armentis vnquam stabula parari solent. Aeris autem amœnitate temperieque, tempora fere cuncta tepescunt, Aeris quoque clementia tanta est: vt nec nebula inficiens, nec spiritus hic pestilens: nec aura corrumpens. Medicorum opera parum indiget Insula. Morbidos enim homines, præter moribundos, paucos inuenies. Inter sanitatem continuam, mortemque supremam, nihil fere medium. Aduenarum tamen vna hic fere est passio, & vnica vexatio. Ob humida namque nutrimenta, immoderatum ventris fluxum, vix in primis vllus euadit. Præterea per totum pene * annum carnes ad esum & vaccinae valent, & porcinae nocent. Item, nemo vnquam indigenarum hic natus, terram aeremque salubrem non egressus, vlla trium generum specie febricitauit, sola vexatur acuta, eaque perraro. Hic quidem tenor naturaliter rebus inerat. Sed mundo senescente, & tanquam in decrepitæ ætatis senium iam vergente, & ad finem tendente: cunctarum fere natura rerum corrupta & in deterius est mutata. Tanta siquidem pluuiarum hic iam inundat vbertas, tanta nebularum & nubium incumbit impuritas, vt vix tres dies vel æstiuos continua serenitate clarescere videas. Nulla tamen aeris turbulentia, nulla temporis intemperies, vel sanos, & hilares hic contristat, vel etiam delicati capitis cerebrum turbat.

* ad. anni circulum.

De comparatione orientis & Occidentis: & quod omnia elementa in Oriente pestifera sint: deque venenorum ibidem malicia.

C A P. XXVI.

40

QUAE igitur his comparabiles orientalis regio diuitias iactat? Habet quidem vermiculorum beneficiolanuginem sericam vario colore fucatam: habet præciosa metallorum genera, habet gemmas perlucas & arbores odoriferas: sed hæc quidem quid, cum vitæ sanitatisque dispendio? cum continua tam familiaris hostis, aeris scilicet inclusi & includentis, inimicitia?

Omnia quidem elementa, licet ad vsum hominum creata, miseris ibi mortalibus mortem interminando, & bonam valetudinem exterminant, & vitam terminant. Terram nudo vestigio teras, mors imminet. Marmor minus caute insideas: mors imminet. Aquam si vel crudam potes, vel corruptam ieiunis naribus olfacias: mors imminet. Auram nudato capite liberius carpas, si frigida, penetrat, si calida, perturbat: mors imminet. Cælum tonitrui terret, fulminibus infestat. Sol æstuantibus radiis inquietat. Præterea cibum maiori in quantitate sumas: mors in ianuis. Vinum non aquatum bibas: mors in ianuis. Si longe citra satietatem manum non suspendas: mors in ianuis. Item & nouercæ priuigno, & matronæ offensæ marito, & coci corrupti Domino: venenosa manus est formidanda. Nec tantum cibaria, & pocula, verum & vestes, sellæ, & subsellia, veneno suspecta sunt. Insidiatur venena, insidiantur & venenosa animalia, insidiatur omnium rerum nostrarum res nocentissima, homini homo. Præter enim vsualia, quæ abundant ibi incom-

incommoda, infestant & inuident humanæ salutis, Pantheræ veloces & variæ virgineoque capti amore Rinoceri: statuque horribiles Crocodili: fluuiales hippopotami, lynces penetrabiles, solisque leonibus solo hienæ miæ terribiles. Infestant aspidæ & viperæ. Infestant dracones, & solo inuisus visu, soloque timendus aspectu, basiliscus. Infestat seps, serpens exiguus, modicitatem tamen malitia supplens. Non solum enim carnem, sed & ossa veneno consumit. cuius Poeta sic meminit. Ossaque consumit cum corpore tabificus seps. Ipsa quoque serpens modicus, cuius venenum ante extinguit, quam sentiat: cuius tam dirum virus, vt, in eius morfu, doloris sensum mors anticipet.

- 90 Contigit temporibus nostris quendam de Brytanniæ partibus Hierosolymam (vt affolet) peregre transuectum, cum annonam equis apponendam manu forte purgaret, à vermiculo ibidem latitante in digito percussus esse: statimque totum corpus eius cum carnibus & ossibus in massam quandam informem & quasi picæ est resolutum. Inquisita vero à sociis mortis huius, vel potius immutationis causa & vermis natura: inuenerunt ibidem anguem modicum anguillulæ nigræ formam præferentem. Ab accolis etiam perceperunt anguem istum Galeiam vocatum, & à desertis Babylonie raro, sed & crebro nimis, intra triginta scilicet annorum spacium, ad partes illas accedere solere, & in hominem seu bestiam læuendo, tanta tam irremediabili malicia terribilem aduentum indicare. Vermium itaque huiusmodi, qui in
- 16 Oriente scaturiunt, quot genera sunt, tot venena; quot species, tot pernicies; quot colores, tot dolores; quot varietates, tot aduersitates. Inter tot igitur mortis pericula, quæ vitæ securitas? vel potius inter tot mortes, quæ vita?

De aeris nostri clementia incomparabili, & laudabilibus hic quarundam rerum defectibus.

C A P. XXVII.

- H**ABEAT igitur Oriens venenosas, habeat toxicas opulentias suas. Nos cum aurea rerum mediocritate, quæ & vsui decenter suppetat, & naturæ sufficiat, omnes Orientales pompas sola aeris nostri clementia compensamus. O Dei donum in terris incomparabile, o inæstimabilem & nondum intellectam mortalibus gratiam diuinis collatam. Secure sub diuo, securi nudo in marmore dormimus. Non auram vel algore penetrabilem, vel æstu periculosa, vel corruptione pestiferam formidamus. Et quod spirando includimus, & quo continenter includimur, benigna salubritate fœderatur. Quanto siquidem ad Eoos tractus cælique feruorem magis acceditur: tanto glebæ fertilitate, fructiferaque fecunditate terra felicior. Item & preciosa metallorum gemmarumque genera, bombycini sericique velleris & gazarum omnium copia maior. Gens quoque subtilioris aeris beneficio, exili corpore, subtili ingenio pollet. Vnde & venenis vincere magis solet, quam viribus, & arte magis
- 40 quam Marte vigere. Sed quanto ad Circii Zephyrique partes magis vergitur: gleba sterilior, sed aura salubrior. Gens acuta minus, sed robusta magis. Aere namque præpingui arua minus, minerua magis impinguatur. Et quoniam, omnis in arctois sanguis quicunque pruinis

Nascitur indomitus bellis, & martis amator:

Gens hæc ingentes animos ingenti corpore versant.

- Regnant igitur in Oriente Bacchus & Ceres, eorumque pedissequa, & semper his sine, frigens Venus. Regnat quoque delicati aeris semper alumna & amica Minerua. Mars hic, Mercurius, Arcadiæque Deus. Ibi igitur gazarum superabundans copia, hic modesta & honesta sufficientia. Ibi aeris serenitas: hic salubritas: Ibi gens arguta, hic robusta. Ibi venenis dimicatur, hic viribus. Ibi ars, hic Mars. Ibi sapientiæ studiū, hic eloquentiæ. Ibi Apollo: hic Mercurius: Ibi Minerua, hic Pallas atque Diana.

- 90 Sunt & aliarum quarundam hic rerum, perinde vt vermium defectus laudabiles. Terræ motus hic nunquam: vix semel in anno tonitruum audies. Non hic tonitrua cærent, Non fulmina feriunt. Non cataraæ obruunt, Non terræ motus absorbent, non leo rapit, Non pardus lacerat. Non vrsa deuorat, Non tygtis absūmit. Item. Non cibariorum xenia etiam ab hostibus facta, vlla veneni suspicio reddit infesta. Non nouerca priuignus, Non matrona pellicis quamlibet offensæ toxicata pocula reformidat.

000 1 Quæ

*Quod fons venenorum in Oriente, & quod Occidentalia commoda sunt orientalibus
preferenda.*

C A P. XXVIII.

FONS venenorum ebullit in Oriente: quantoque remotius ab origine deriuatur, tanto naturalis efficacię vim minorem exercet. Per tot igitur tantaque locorum interstitia, longa deriuatione paulatim deficiens, in his tandem extremitatibus venenosus vigor prorsus euauit.

Sol quanto in remotiore à Zodiaco partes radios mittit: minorem in subiecta vim caloris exercet. Vnde & quædam Arctoꝝ regionis vltimæ partes, caloris eius beneficio prorsus sunt destitutæ. Sed dices. Lapidibus præciosis, & radicibus virtuosissimis oriens præcellit. Prouido gestum est naturæ consilio, ut vbi multa mala: ibi & malorum remedia, pullularent. Cogunt enim multas inuenire medicinas multorum experimentalium laborum. Hic vero vbi rarissima pericula, & rariora remedia.

Quanto igitur sollicitudine appetibilior est tranquillitas: quanto conseruatiua potior est quam curatiua: quanto satius est continua sanitate gaudere quam post varias lésiones remedia quærere: tanto occidentis commoda orientalibus præminent & præcellunt: tantoque Zephyri quam Euri regna oculo benigniore natura respexit. Verisimile tamen videtur esse: quod sicut mane diei & vespere, primosque hominis annos & vltimos, medio feruente, mator mitigat, & humectat: Sic meridionales plagas, eisque conterminas (Phœbo in illis partibus tanquam iuuenilibus æstuante medullis, aeris intemperie distemperante) ortus eiusdem & occasus terminos natura reddit humidior temperatos.

Finis prioris particula.

INCIPIT SECVNDA DISTINCTIO, DE MIRABILIBVS HIBERNIÆ ET MIRACVLIS.

NUNC adea, quæ contra naturæ cursum ædita, digna stupore videtur. Ex his igitur, quæ per se miranda sui que nouitate conspicua, in his terrarum finibus natura reposuit: Ex his etiam quæ sanctorum meritis egregie nimis, & valde miraculose gesta sunt: quorumque memoria ex certis quibusdam indiciis perenniter extant memoratu dignissima: stylo perstringere non superfluum duxi. Vt sicut Orientalium regionum prodigia diligenti authorum opera in publicæ notitiæ lucem dudum prodire: sic & Occidentalia hætenus quidem abdita fere & incognita: nostro tandem labore his vel occiduis temporibus inueniant æditorem. Scio tamen & certus sum, me nonnulla scripturum quæ lectori vel impossibilia prorsus vel etiam ridiculosa videbuntur. Sed ita me Dii amabilem præsent, ut nihil in libello apposuerim, cuius veritatem vel occulta fide, vel probatissimorum & authenticorum comprouincialium virorum testimonio cum summa diligentia non elicerim. Nec mihi calumniæ nubila liuar obducant. Quæ namque oculis subiecta fidelibus ipse conspexi: firmiter & indubitanter hæc assero. Quæ vero tantum demissa per aures, quia segnius irritant, horum non assertor, sed recitator existo. Singulis tamen pro ut à multis & authenticis, à quibus & visa sunt, accepi, fidem adhibeo, aliorumque fidei & assertioni non incredulus acquiesco. Nec mirum tamen circa eius opera, quæ omnia, quæcunque voluit, fecit, mira reperiantur, referantur & scribantur: apud quem nihil impossibile, quique naturam, (utpote naturæ dominus) quo vult inflectit, & quasi de non natura, naturam facit. Præterea contra primæuam & veram, quæ Deus est, naturam, qualiter vere fieri quicquam dicitur, quod ipso constat authore creatum? Contra naturam ergo vsuali sermone, quam proprio magis ea sola fieri dicuntur, quæ contra eiusdem non potentiam, sed frequentiam prodire videntur. Cum ita mirabilis sit Deus in sanctis suis, & magnus in omnibus operibus suis, venite & videte opera Domini, quæ posuit prodigia super terram.

Quælibet nimirum Regionēs, Insulæ præsertim & partes à Centro remotissimæ, propriis quibusdam prodigiis pollent. Semper enim & quasi ex industria, seria

seria sui negotia, nouis quibusdam natura depingit: Vt sic manifeste doceat & declar-
ret, quod licet humanis vtrunque ingeniis vltima eiusdem opera valeant atten-
di: potentialis tamen effectus nequeat comprehendi. Hoc etiam diligens lector
aduertat, quod historia veritati non parcat, potiusque vera quam verisimilia sectatur.
Si quid ergo nouum hic & inauditum emerferit: non statim liuidi vel contemnant,
vel demordeant: sed nunc ignoscendo, nunc approbando, studia procedere sinant,
Nam vt Poeta canit:

*Si patribus nostris, nouit ab immita fuisset,
Vt nobis, quid nunc esset vetus, aut quid haberet
Quod legeret, sereretq; vixitque publicus usus?*

Desinant ergo aliquid damnare, quia sit nouum, quod labentis temporis bene-
ficio, dum nouitatis arguitur, desinit esse nouum. Habeat hic igitur & praeiens tem-
pus, quod laceret: & posteritas quod laudet: habeat hoc quod laudet, illa quod le-
gat: habeat hoc quod damnet, illa quod amet: habeat hoc quod reprobet, illa quod
probet.

*De Hibernico mari vndosissimo, variisque fluxibus eiusdem &
refluxibus.*

C A P. I.

HIBERNICVM igitur mare concurrentibus fluctibus vndosissimum, fere semper
est inquietum. Ita vt vix etiam aestiuo tempore paucis diebus, se nauigantibus
tranquillum exhibeat.

De contrariis aequoreis fluxibus in Hibernia & Britannia.

C A P. II.

DUBLINIAE portum quoties medio refluxu retrogradis vndis mare destituit. Bri-
tanniam Miluordiae nauium receptioni sinu optimu, medio influxu redeuntibus
aquis iam restituit. Vltiora vero Bristolii littora fugitiuis vndis ex tota nudata, tunc
primo reuertens aequor paulatim inserpit. Similiter & e diuerso per contrarium de-
fluxu intelligas. Est & portus apud * Gwykingelo, eo de latere Hiberniae, quo proxi-
mus Gwallias respicit, qui in generali maris refluxu vndas recipit influentes: In re-
uersione vero fluctuum quas iam recepit, emittit & amittit. Est & aliud ibi notabile,
quia cum totum iam sinum elapsis vndis refluxum mare deseruit: per omnem tamen
anfractum continua falsedine fluuius influens amaricatur. E contrario vero contin-
git in portu proximo apud Archelo, vbi non minus influentibus sinumq; replentib.
quam elapsis omnino marinis aquis: fluuius qui illabitur innatae dulcedinis saporem
retinet illibatum: & usq; in ipsum mare impermixtas falsedini aquas (vndas) obseruat.

* al. Wynio vel
Wynobio.

Quod luna tam liquores moderatur quam humores.

C A P. III.

LVNA meridiem obtinente, semper Oceanus ad oeculta receptacula pedissequas
reuocans vndas, australia Britanniae littora prorsus euacuat. Hibernica vero Du-
bliniae latera plenaria fluctuum reuersione tunc adaequat. Gwesfordiae namque lit-
tora non Hibernicos Dubliniae, sed Britannicos Miluordiae fluxus imitantur. Et,
quod vehementius est admirandum, rupes est quaedam marina non procul ab Ar-
chelo, cuius cum ex vno latere aequor influit, ex altero refluit. Luna reuertentibus
radiis, cum ultra medietatem iam tumescit, & quasi ventrem facit: occidentis aequo-
ra secretis quibusdam naturae causis exasperari incipiunt & moueri, & usque ad orbi-
cularis perfectionis rotunditatem, vndosis fluctuationibus de die in diem amplius
intumescunt, longeque trans vsuales metas abundantius littora complent. Eadem
vero fugitiuis ignibus decrecente, & quasi vultum auertente paulatim tumor ille
detumescit, & iuxta lunares defectus, tanquam residente deriuationis exuberatio-
ne proprios iterum redit in canales. Adeo quidem Phoebe totius humoris fons est
& fomentum: vt non tantum aequoreas vndas: verum etiam in ipsis animantibus os-
sum medullas, capitum cerebra, arborum herbarumque succos, iuxta sui vel incre-
menta, vel decrementsa proportionaliter dirigat atque disponat. Vnde & luna debita
luminositate destituta, destitui contentis cuncta videbis. Eadem iterum orbiculariter
illustrata ossa medullis capita cerebris, cetera succis plena reperies. Hinc est, quod lu-
natici dicuntur, qui singulis mensibus pro lunae augmento cerebro excrecente lan-
guescunt, & a mene mensis dicitur, hoc est, defectu, quia cum luna deficit, & cum ea-
dem cursum complet & consummat.

Notandum tamen, quod super hunc locum Euangelii Lunaticos & Paralyticos curauit, expositor scribit in hunc modum. Lunaticos illos dicit, quorum dolor in ascensione Lunæ crescit: non quod hæc infania sit per lunam: sed diabolus, qui insaniam facit, lunaria tempora seruat, ut infamet creaturam in creatoris blasphemiam. Potuisset autem, ut arbitror (salua eiusdem venia) non minus vere dixisse, propter varios humores in plenilunio nimis enormiter excrecentes, valetudinariis hæc accidere. Verum autem huiusmodi, & quare potius sensibiliusque Occidentalis Oceanus quam medius & mediterraneus huiuscemodi fluxus & refluxus ordinata quadam & indeficiente viuacitate sibi appropinquauerit: qualiterque humorum, magistra luna disponente, hæc omnia fiant: maioris est operæ causas euoluere. In libello tamen, quem de philosophicis flosculis metricè conscripsimus: dilucida breuitate sunt hæc explanata.

Vt autem ad euidentiore tantæ diuersitatis indaginem, & exquisitiorem tam subtilium causarum inquisitionem lectoris intentio paucis impellatur, quatuor hæc diligentius aduertantur. Tam fluminum quam fontium incidentium & mare quodammodo mouentium & viuificantium, semper circa terrarum extrema, longe copia maior: ex quatuor oppositis & remotissimis Oceani partibus violenta quadam maris attractio, absorptio vicissim & ebullitio: cuiuslibet humoris tam diminutionis quam augmenti, statim circa extremitates passio patens. Ad hæc etiam quia liberior circa extrema & absque impedimento discursus, siue refluendo, siue fluendo: Oceanus habet. Intra terras autem vndique complexus & tanquam in stagni morem tantis obstaculis stare compulsus, libere vagari permittitur.

De duabus insulis, in quarum altera nemo moritur: In altera feminei sexus animal non intrat.

C. A. P. IIII.

EST lacus in Momonia Boreali, duas continens insulas, vnam maiorem & alteram minorem. Maior Ecclesiam habet antiquæ religionis. Minor vero capellam, cui pauci coelibes, quos Calicolas vel Colideos vocant: deuote deseruiunt. In maiorem nunquam femina vel feminei sexus aliquod animal intrare potuit, quin statim moreretur. Probatum est hoc multoties per canes & catos, aliaque sexus illius animalia, quæ periculi causa frequenter aduecta, statim occubuerunt. Mirum de auibus terræ illius, quæ cum masculæ fruticibus insulæ passim infideant, alterius sexus illius auiculæ præteruolando pares ibi relinquunt, & tanquam insitæ virtutis non ignaræ insulam illam quasi pestem fugiunt. In minori vero insula nemo vnquam moritur, vnquam mortuus fuit, vel morte naturali mori potuit. Vnde & viuētium insula vocatur. Morbo tamen lethali grauissime interdum vexantur, & vsq; ad extremam exhalationem miserabiliter afficiuntur. Cumque nihil amplius spei, nihil iam vitæ vitalis superesse præsentiant: cumque inualecente valetudine tam finaliter afflictæ fuerint, ut morte nisi malint, quam vitam ducere mortis: in maiorem demum insulam se nauiculâ deferri faciunt, qui statim ut terram attingant, spiritum reddunt. Hic mihi notandum videtur, quod in primo scholasticæ historiæ, & circa principium de insulis huiusmodi viuentium fit mentio. Vbi & de arbore Solis dicitur, quia qui fructu eiusdem xescitur (sicut Rex Alexander Aristoteli scribit) vitam extendit in immensum. Est in Vltionja cœmeterium quoddam locusq; sacer sanctorum virorum diutina frequentia consecratus. Femineus hic sexus quoque non admittitur, huc sponsum sponsa non sequitur, celebratoque locali diuortio, consortes orationum non effecti, in hac parte iam ad imparia iudicantur: huc sine gallina gallus intrabit. Vbi & pastu quoque libet intus inuento (mirabile visu) voce monitoria sociæ quoque suadet, nec per-suadet.

Est in Boreali Britanniz parte Insula quædam, quæ & Sancta vocatur, vbi mulieres non pariunt. Concipiunt tamen, & prægnantes effectæ, vsque ad pariendi articulum naturaliter intumescunt. Quo imminente, ad alteram insulam aduectæ: naturali libertati naturæ indulgent. Quæ si forte detentæ fuerint (sicut aliquoties probandi causa compertum est) intolerabili statim vexatione torquentur, & vsque ad ipsas fere mortis angustias, donec emittantur, dolore premuntur.

De

De Insula cuius pars una bonis, altera malis spiritibus est frequentata.

C A P. V.

EST lacus in partibus Vltoniæ continens insulam bipartitam : cuius pars altera probatæ religionis Ecclesiam habens, spectabilis valde est, & amœna: Anglorum visitatione, Sanctorumque loci illius visibili frequentia incomparabiliter illustrata. Pars altera hispida nimis & horribilis, solis dæmoniis dicitur assignata: quæ ut visibilibus cacodæmonum turbis & pompis fere semper manet exposita. Pars ista nouem in se foueas habet : In quarum aliqua si quis forte pernoctare præsumpserit
 10 (quod à temerariis hominibus nonnunquam constat esse probatum) à malignis spiritibus statim arripitur, & nocte tota tanquam grauibus pœnis cruciatur, tot tantisque, & tam ineffabilibus ignis & aquæ varique generis tormentis incessanter affligitur : ut mane factò vix vel minimæ spiritus superstitis reliquæ misero in corpore reperiantur. Hæc, ut asserunt, tormenta, si quis semel ex iniuncta pœnitentia sustinuerit, & infernales amplius pœnas (nisi grauiora commiserit) non subibit.

Hic autem locus Purgatorium Patricii ab incolis vocatur. De infernalibus namque reproborum pœnis, de vera post mortem, perpetuaque electorum vita vir sanctus cum gente incredula dum disputasset : ut tanta, tam inusitata, tam inopinabilis rerum nouitas rudibus infidelium animis occulta fide cœrtius imprimeretur : efficaci orationum instantia magnam & admirabilem vtriusque rei notitiam, duræque
 20 ceruicis populo perutilem, meruit in terris obtinere.

De insula, ubi hominum corpora sub diuo posita non putrescunt.

C A P. VI.

EST insula quædam in Occidentali Conactiæ solo posita, cui nomen Aren, à Sancto Brendano, ut aiunt, consecrata. In hac hominum corpora nec humantur nec putrescunt : sed sub diuo posita & exposita, permanent incorrupta. Hic homines auos, atauos, & tritauos, longamque stirpis suæ retro seriem, mirando conspiciunt, & cognoscunt.
 30

Est & aliud ibi notabile. Quia cum per totam Hiberniam copiose nimis mures abundant, hæc tamen insula mure caret. Mus enim nec nascitur hic, nec viuit inuectus : sed si forte allatus fuerit, statim præpeti cursu in proximum mare se præcipitat. Sin autem impediatur, statim emoritur.

Dé mirandis fontium naturis.

C A P. VII.

EST fons in Momonia, cuius aquis si quis abluitur : statim canus efficitur. Vidi hominem, cuius pars barbæ limphis istis lota, canis incanduerat, altera parte tota in sua natura fusca manente. Est e contra fons in Vltonia, quo si quis abluitur : non
 40 canescet amplius. Hunc autem fontem fœminæ frequentant, & viri caniciem vitare volentes.

Est & in Conactia fons dulcis aquæ in vertice montis excelsi, & procul à mari : qui die naturali bis vñdis deficiens : & toties exuberans marinas imitatur instabilitates. Est etiam in Gwallia non procul à castello Dineuur, in prouincia tamen de Canterbochan, fons, qui similis inconstantæ limphas habere solet. Item refert Trogus Pompeius, quia Gramantum est oppidum, in quo fons ebullit, qui vicissim nocte dieque friget & feruet. In meridionali quoque Britannia parre, quæ à ducis nomine nomen accepit : Sunt fontes plurimi viuis e saxis erumpentes : non multum ab inuicem remoti, & procul à mari, * maxime tamen mobilitatis sortiti naturam. Sed hi
 50 nec dulcis aquæ, nec ad plenum salæ, sed inter vtrumque insipidæ. Quorum vnus in summitate rupis arduæ, & in modum turtis eleuatæ, ad menstrua maris incrementa, lunæ plenitudinem imitantia : cum intuentium admiratione longe abundantius solito aquas euomit excrecentes.

Item in eiusdem Britannia Chiltrensi territorio sunt fontes multi, quibus in generali frugum fertilitate penitus deficcatis, aquarum inopia tellus arefcit. Contra defectum vero famemque, ruptis aquarum venis, & referatis fontium claustris malorum prænuntia vndiq; videas exuberare fluentia. In Francorum regno * Vimocéli ter-
 ritorio & Nicbatenſi vico, est fons quidam eiusdem prognostici prodigio pollens.

* *al. imposita.** *al. efficacia
maiori.** *al. lineaque.** *al. Nazaca.*

In Normanniæ vero partibus quibusdam secus contingit. Abundant enim in abundantia, in defectu quoque frugum: aquæ deficiunt. Est fons in vltiore Boreali Vltioniæ parte: qui ob nimiam sui frigiditatem ligna * interposita per septennii spacium in lapides obdurat. Est & in Norwagia fons similis naturæ, sed tanto tamen * efficacioris naturæ: quanto ad frigidam Zonam magis accedit. In hoc enim non tantum ligna, sed & lina, * laneæq; telæ per annum imposita, durissimum in lapidem congelantur. Vnde & Gwaldemaro Danorum Regi nostris diebus regnanti, quidam Episcopus Norwagiæ Oxippale, quod anno præterito probandi causa ab eodem suscepérat, naturæ iam retulit bipartitæ. Parte enim media fonti imposita, lapis erat, altera parte, quæ extra iacuerat, in sua permanente natura. In Britannia maiore, non 10 procul à cœnobio Wyburnensi, est nemus quoddam fructicosum. Cuius cum ligna in aquam forte vel terram eo in loco inciderint: post annum reperies in lapidem conuersa. Vnde & pali sepibus inserti, soloquæ infixi: infra supraque naturam induunt bipertitam. Denique quasunque formas lignis excultas & aquæ, terræue illius loci per annum impositas, easdem indigenæ in lapidem extrahunt iam conuersas. Quod autem Palladius de talibus refert: & hic interfecere dignum duxi. Est in Cappadocia itinere, quod est inter * Mazaca, & Tuana, lacus amplus. In quem lacum pars, siue arundinis siue alius generis si dimissa fuerit, & postero die exempta ea pars, quæ fuerit exempta, inuenitur lapidea. Quæ autem pars extra aquam manserit, permanet in sua proprietate. Ecce quantæ efficaciz est lacus iste, quia quod alibi per annum vel etiam 20 septennale spacium completur: aquæ istius natura vnus diei naturalis spacio complet. Est fons in Vngaria, cuius riuuli non procul ab origine deriuati, chrystallinam in glaciem obdurantur. Et quod vehementius est admirandum, ad primos (quorum potius dissoluere est) solares radios solidissimum in lapidem, visuique penitus imperuium condensantur. Vnde & ex liquidis contra naturæ cursum in solidam naturam tam præmature conuersis, in quantitate non modica, saxea rupis excreuit. Est fons in Sueuia prouincia (quæ Suis dicitur) in vertice montis excelsi, qui non nisi sole super horizontem elucente, scaturigines emittit. Statim enim ac sol sub horizontem descendit, & donec iterum per reuolutionem se nobis mane præsentauerit, scaturire desistit. Mane vero non tamen statim vt diescit, sed sole recens orto: & super hori- 30 zontem emerso in magna quantitate aquas emittit. Nocte tota, quanquam tamen noctis naturæ, quæ humida est & frigida, magis aquæ proprietas conuenire solet, nec stillam præbens.

Est fons in Pictauia apud S. Iohannem d'angeli (vbi caput Baptistæ conditum habetur) qui in hyeme nullis, in æstate vero contra communem fontium naturam vberrimis solet manare fluentis. Est in Cornubia sylua quædam, cuius ligna quantumlibet modica in aquam missa, aqua non sustinet. Est & in Gallia sylua quædam Parisienû ab vrbe parum distans, Sequanæ fluuiio lateraliter coniuncta, quam publica quædam strata determinat, cuius vna ex parte si ligna in aquam proieceris: occulta quadam innata tamen grauitate, ligneæque naturæ nimis aliena, ad fundum fluminis 40 lapideo statim tam more quam mole descendunt. Ex altera vero viæ parte communem ligneæ leuitatis naturam obseruant. Est igitur hæc sylua duplici prodigio monstruosa. Admiranda est enim in ipsa tam innaturalis leuium grauitas: admiranda quoque & sub modico soli discrimine tam magna diuersitas. Est & in eodem Francorum regno circa Aluerniæ partes sylua, syluestrem nimis, solitæque sylvarum naturæ prorsus incognitam præ se ferens naturam: cuius partem, igne iniecto, si quis forte stirpitus adusserit, citra omnem cultoris operam per se rediuiua sponte succrescit. Sed talium causas quis vel inquirere, vel assignare psumat? cū elementorû vsum cunctis constet animantib. esse naturaliter cōmunem. Est & in Conactia fons quidā aquas habens solis hominibus acceptabiles, iumentis vero & pecoribus aliisque ani- 50 malibus quibuscunque, si gustatæ fuerint, pestilentes. Item fontis huius arenæ petrosæ sitibundis & aridis ori impositæ sitim extinguunt. Est fons in Hungaria tanto malitiæ maioris, quanto generalius ipsa se malitia infundit: Huius enim fluentia non minus hominibus, quam aliis quibuscunque animantibus libamina propināt venenosa. Est & in Francorum regno non procul à castro Pascensi fons quidam, aquas habens masculorum vsui competentes: mulieribus vero nec ad interiorem, nec ad exteriorum vsu vtiliter accedentes. Eiusdem, vt fertur, aquæ nulla naturalem frigiditatem calefactione, nullo habitum artificio vel actualiter mutant, nulla vnquam naturam arte, nullo proprium accidente vel ad horam dissimulant vel dediscunt.

In

In Teutonicorum regno, Cameracensi sc. prouincia, Galliarum parti contermina: est fluuius quidam vadum habens duobus sepibus infra supraque ex transuerso fluminis cancellatum. Intra quos aquæ potæ equis sunt omnibus pestiferæ. Vtrinque vero trans sepem ad communem tam equorum quam animalium quorumlibet vsum indifferenter accedunt. Est fons in Momonia, qui si tactus ab homine, vel etiam visus fuerit: statim tota prouincia pluuiis inundabit: quæ non cessabunt, donec sacerdos ad hoc deputatus, qui & virgo fuerit * à natiuitate, missæ celebratione in capella (quæ non procul à fonte ad hoc dignoscitur esse fundata) & aquæ benedictæ, lactisque vaccæ vnius coloris aspersione (barbaro satis ritu & ratione carente) fontem reconciliauerit.

* al. tam mente
quam corpore.

De duobus Britannia, scilicet Armorica & Sicilia, fontibus admirandis.

C A P. VIII.

EST fons in Armorica Britannia similis huius ex parte naturæ, cuius ex aquis in cornu bubali haustis, si petram ei proximam forte perfuderis, tempore quantumlibet sereno, & à pluuiis alieno, pluuias in continenti non euades. Est & in Sicilia fons miræ naturæ, ad quem rubro indutus vestimento, si quis accesserit: statim (in) ad eiusdem staturæ modum in altum profiliens, fontis ebullit scaturigo: quæ ad alios prorsus immota colores: ad cuius etiam abscessum solitæ mensuræ se conformans: pristinos iterum redit in canales. Felix qui potuit rerum cognoscere causas: & fontem lustrasse boni. Sed quoniam humanis ingeniis modus est positus, & longe citra perfectum est omne quod humanum est: rerum huiusmodi causas vos: Dicite Pyerides: non omnia possumus omnes. Istorum enim uero & similium causas inter archana sui miracula, sibi que soli referata inuida natura seruauit. Est in littore Connaictici maris acruus lapideus mediocriter magnus, qui quantum prominet littore fluctibus vacuato, tantum prænatate videtur redeuntibus vndis, & grandiora quæque velantibus, iam repleto. Est in Connaictia locus quidam muratus ampli castellarum similitudinem præferens, à sancto Patricio, ut aiunt, consecratus. In quem tot armementa nunquam introeunt (cum tamē totius prouinciæ præda refugii causa sæpissime includi soleat) quin multo plura intrare potuerunt: donec forte vel sufficientiæ vel * diffidentiæ verbum eruperit.

* al. hesitationis.

De lacu magno miram originem habente.

C A P. IX.

EST lacus in Vltonia miræ magnitudinis triginta mill. pass. in longum, & quindécim in latum habens. Ex quo eximæ pulchritudinis, qui & Banna vocatur, fluuius erumpit, & in Borealem Oceanum se transfundit. Hic quoque piscatores nimiam frequentius piscium conclusionem, retiumque rupturas, quam defectus con- queruntur. Hic nostris temporibus piscis inuentus fuit non marinus: sed de lacu descendens, Salmonis prope formam habens, tantæ quantitatis, ut integer nullatenus vel trahi vel ferri potuisset. Vnde & frustatim per prouinciam deferebatur. Huic vero lacui mirabilis, ut aiunt, casus initium dedit. Fuit in terra illa, quam nunc lacus obtinet, gens ab antiquissimis temporibus vitiosissima, & præcipue vitio coeundi cum bestis, præ omni alio Hiberniæ populo incorrigibiliter inuoluta. Fuerat autem in ore populi, verbum celebre, quod quam cito fons quidam terræ illius (qui ex reuerentia, de barbara superstitione sibi exhibita, operculum habebat & signaculum) discooper- tus relinqueretur: tanta statim inundatione fons exuberaret, ut totam prouinciam illam & gentem simul dilueret, & deleret.

Contigit autem aliquando mulierculam quandam hauriendi causa ad fontem accessisse, quæ vase impleto, nec dum fonte signato, ad paruulum suum, quem tamen non procul inde positum plorantem audiuit, commota mater eius ocyus occurrit, & quia vox populi vox Dei: maturans reditum tanta scaturigine fontem exuberantem offendit, ut & ipsam statim cum puero totamque gentem illam & pecora tanquam diluuio quodam particulari seu prouinciali in hora submergeret. Cumque totam terræ illius faciem aquarum iam velaret vbertas, stabilis permanens stagnum fecit. Tanquam terram tam turpius contra naturam facinorum consciam non tantum primis, sed & cunctis imposterum habitatoribus indignam, author naturæ iudicasset.

Huius

Huius autem euentus argumentum est non improbabile, quod piscatores aque illius turres ecclesiasticas, quæ more patriæ arctæ sunt & altæ, nec non & rotundæ, sub vndis manifeste sereno tempore conspiciunt, & extraneis transeuntibus, reique *causas admirantibus frequenter ostendunt. Haud longe dissimiliter regio Pentapolis ob detestandi criminis culpam, in lacum bituminosum (qui & mare mortuum & sterile dicitur, quia nec aues, nec pisces, nec quicquam in eo viuere valeat) est conuersa. Primum tamen igne sulphureo cœlitus emissio, funditus exusta est, deinde perpetua inundatione submersa. Et sic propter excessus enormitatem duplici fuerat contritione deleta.

Notandum autem, quod fluuius ille, qui nunc in magna quantitate de lacu descendit: à primo post diluuium Bartholani tempore, de prædicto fonte, aliis opitulanti-
tibus aquis originem trahens, per eandem terram, longe tamen in minore quantitate manauit: & de nouem principalibus fluuiis vnus hic fuit.

De pisce tres dentes aureos habente.

C A P. X.

* Biennio elapso.

NON *multo ante aduētum Anglorum in Insulam tempore, in Vltonia apud Carlenfordiam inuentus est piscis tam quantitatis immensæ, quam qualitatis inusitatæ. Inter alia sui prodigia, tres dentes (vt fertur) aureos habens, quinquaginta vnciarum pondus continentes. Quos aureos quidem exteriori quadam similitudine, auriq; nitore potius, quam natura crediderim, assumpti coloris fuco, aurea forte imminetis, & proximo futuræ conquisitionis tempora præfagientes. Nostis quoque diebus in Britannia maiori, foresta scilicet Dunolmensi, inuenta & capta est cerua, omnes in ore dentes aurei coloris habens.

De insulis Borealibus, quarum fere omnium dominium Norwagienses habent.

C A P. XI.

* Lemnædas.

IN Boreali Oceano trans Vltoniam & Galwediam sunt insulæ variæ, scilicet Orchades, & *Inchades, & aliæ multæ: quarum fere omnium dominium & subiectionem Norwagienses obtinuerunt. Licet enim aliis regionibus longe propinquius adiaceant, gens magis tamen ista scrutatrix Oceani præ omni gente pyratam vitam ducere solet. Vnde & omnes eorum expeditiones & bella, nauali certamine fiunt. Notandum autem, quod tam Orosius quam Isidorus, triginta tres Orchardum insulas esse describunt, quarum viginti desertæ, tredecim incoluntur. Hodie tamen maior earum pars est habitata.

De Insula primo instabili, tandem per ignem stabili facta.

C A P. XII.

INTER alias vero insulas est vna nuper nata: quam phantasticam vocant, cui talis euentus originem dedit. Die quodam sereno emerit in mari cumulus terræ non modicus: vbi nunquam antea terra visa fuerat, videntibus atque admirantibus insulanis. Quidam enim ex iis dicebant Balenam, vel aliam marinam beluam monstruosam esse. Alii vero considerantes, quod sine omni motu persisteret, dicebant: Nequaquam, sed terra est. Vt autem hanc ambiguitatis conditionem certitudo dirimeret, electi iuuenes de insula quadam propinquiore illuc naucula remisque adire statuerunt. Accedentes vero tam prope, vt applicare iam se arbitrati fuerint: tanquam in mare descendens ab oculis eorum insula prorsus euauit. In crastino vero similiter apparens, eosdem iuuenes simili delusione decepit. Tertio tandem die senioris cuiusdam consilio accedentes, sagittam igniti ferri in insulam præmiserunt, & sic applicantes terram stabilem, & habitabilem inuenerunt. Multis itaque patet argumentis, phantasmati cuilibet ignem semper inimicissimum. Vnde & qui phantasmata viderunt, igneum splendorem incontinenti sine passione syncopita non admittunt. Ignis enim tam situ quam natura elementorum dignissimus, tanquam cœlestium conscius est secretorum. Igneum cœlum, ignei Planetæ, igne rubus accensus, nec incensus erat. Igneis linguis in Apostolos Spiritus Sanctus insedit.

De

De Hislandia, qua gentem breuiloquam, & veridicam habet, & iuramento non utentem.

C A P. XIII.

EST & Hislandia Borealiū Insularum maxima, trium dierum naturalium nauigatione in Aquilonares partes ab Hibernia remota. Gentem hæc breuiloquam & veridicam habet. Raro namque breuiq; fungens sermone: iuramento non utitur: quia mentiri non nouit. Nihil enim magis quam mendacium detestatur. Gens hæc eodem utitur Rege, quo sacerdote: eodem Principe quo Pontifice. Penes enim
 10 Episcopum tam regni quam sacerdotii iura consistunt. Nunquam hic aut rarissime vel coruscant fulgura, vel cadunt fulmina, vel terrent tonitrua. Sed habent e contra pestem aliam & longe maiorem. In anno namque semel vel biennio per aliquam insulæ partem ignis emergens in modum turbinis cum vehementia spiritus excurrens, quicquid obuiam offendit, funditus exurit. Sed iste ignis vnde causaliter vel infra, vel desuper ortum habeat, incertum habetur. Hæc terra Girofalcons & accipitres grandes gignit & mittit.

De voragine maris naues absorbente.

C A P. XIII.

NON procul ab insulis à (ex) parte Boreali, est maris quædam miranda vorago: ad quam à remotis partibus omnes vndique marini fluctus tanquam ex condicto confluent, & concurrunt, qui in secreta naturæ penetralia se ibi transfundentes, quasi in abyssum vorantur. Si vero nauem hac forte transire contigerit, tanta rapitur & attrahitur fluctuum violentia: ut eam statim irreuocabiliter vis voracitatis absorbeat. Quatuor huiusmodi Oceani voragines à quatuor oppositis mundi partibus Philosophi describunt Vnde & tam marinos fluxus, quam etiam Æolicos flatus causaliter prouenire nonnulli coniectant.

*De * Mania insula, qua ratione venenosorum vermium, quos admittit, Britannia censetur applicanda.*

* Mena vel Manna.

C A P. XV.

EST insula quædam inter minores insulas non modica, quæ nunc Mannia vocatur: antiquius tamen Ewania dicta, medio (ut asserunt) libramine inter Boreales Hiberniæ & Britanniæ partes porrecta. De qua, utri terrarum applicari de iure debuerat, ab antiquis non mediocriter ambigebatur. Demum tamen in hunc modum lis ista quieuit. Quoniam enim aduectos periculi causa venenosos hæc terra vermes admittit: eam Britanniæ applicandam, communis omnium censura dictauit.

Quod longe post diluuium, nec subito sed paulatim, & quasi per eluuiōem Insula nata sunt.

C A P. XVI.

SIVE ante diluuium, siue per diluuium insulæ natæ fuerint, cum cuncta animantium semina in archa conclusa fuerint: non indignum videtur dubitatione, qualiter animalia nociua, nec non & reptilia venenosa, insulas impleuerint remotiores: cum ea constet neminem sani capitis vnquam transferre voluisse. Probabiliter tamen ad hoc dici potest, longe post diluuium, terra multiplicatis iam animantibus vbique repleta, non violenter, & subito, sed paulatim, & tanquam per eluuiōem Insulas na-
 40 tas fuisse. * eluuiōem.

De Thyle Occidentali insula, quæ apud Orientales est famosissima: cum Occidentalibus sit prorsus incognita.

C A P. XVII.

MIRVM de Thyle, quæ inter Occidentales vltima fertur insula: quod apud Orientales tam nomine quam natura sit famosissima: cum Occidentalibus sit prorsus incognita. Vergil. Augusto: & tibi seruiat vltima Thyle. Solinus inter multas, quæ circa Britanniam sunt insulas, Thylen vltimam esse commemorat. In qua æstiuo solstitio dicit esse noctem nullam. Brumali vero perinde diem nullum. Ultra Thylen vero pigrum & concretum mare: tam Solinus quam Isidorus esse commemorat.

Thylen vero vltimam Oceani insulam Isidorus inter Septentrionem, & Occi-

Ppp denta-

dentalem plagam ultra Britanniam sitam esse describit, à sole nomen habentem, quia in ea æstium solstitium sol faciat, & nullus ultra eam dies sit. Sed adeo Occidentalibus incognita est hæc insula: ut nullā Occidentalium vel etiam septentrionalium Insularum nedum naturam vel etiam nomen hoc habere constet. In remotissimis tamen Arctoæ regionis partibus sol regnans à Cancro aliquot noctium tempore iuxta limbum terræ (supra horizontem tamen) continue ab incolis circumeundo videtur. Eodē quoq; à Capricorni * sydere reuertēte: quasi sub opacis Antartici poli finibus totidem dierum spacio desiderati luminis splendor euanesceat. Aut ergo Thyle fabulosa non minus quam famosa est insula: aut in vltimis & extremis Borealis Oceani recessibus longe sub Arctico polo requiratur. Vnde & Orosius certius aliis de incertis 10 loquens, Tylen dicit per infinitum à ceteris separatam vndiq; terris, Circium versus medio sitam Oceano, vix paucis notam haberi. August. tamen * 21. lib. de ciuit. Dei, Thylen dicit Indiæ Insulam eo præferri ceteris terris, quod omnis arbor, quæ in ea gignitur, nunquam nudatur tegmine foliorum. Vnde & in India esse videtur. Sed æqui uocatio te non decipiat, quam in obliquo reperies, non in recto. Illa enim Tylist hæc Tyle vocatur. Vnde & Isidor. Tylist insula est Indiæ, foliis omni tempore virens. Iterum & Solin. Tylist insula Indiæ est, & affert palmas, oleam creat, vineis abundat, terrarum omnes sola miraculo vincit, quod quæcunq; in ea arbor nascitur, nunquam caret folio.

De chorea Gygantum, ab Hibernia in Britannia translata.

20

C A P. XVIII.

FUIT antiquis temporibus in Hibernia lapidum congeries admiranda, quæ & chorea Gygantum dicta fuit: quia Gygantes eam ab vltimis Africæ partibus in Hiberniam * attulerant, & in Kyldarenfi planicie, non procul à castro * Nasensi, tam ingenii quam virium opere mirabiliter erexerant. Vnde & ibidem lapides quidam aliis similimi, similiq; modo erecti: vsq; in hodiernum conspiciuntur. Mirum qualiter tanti lapides, tot etiam, & tam magni vnquam in vnum locū vel congesti fuerint, vel erecti, quantoq; artificio lapidibus, tam magnis & altis, alii superpositi sint, non minores: qui sic in pendulo & tanquam in inani suspēdi videntur, ut potius artificum studio, quam 30 suppositorum * podio inniti videantur. Iuxta Britannicam historiam lapides istos Rex Britonum Aurelius Ambrosius diuina Merlini diligētia, de Hibernia in Britanniam aduehi procurauit: & ut tanti facinoris egregium aliquod memoriale relinqueret: eodem ordine & arte, qua prius in loco constituit, vbi occultis Saxonum cultris, Britannia flos cecidit: & sub pacis obtentu, nequitia telis, male tuta regni iuuentus occubuit.

De mirabilibus nostri temporis: & primo de lupo cum sacerdote loquente.

C A P. XIX.

NUNC ea, quæ nostris hic temporibus digna stupore contigerunt, explicemus. Circa 40 triennium ante aduentum comitis Ioannis in Hiberniam: contigit quendam sacerdotem de partibus Vltionæ versus Mediam itinerantem in sylua quadam coniunctam Mediæ pernoctasse. Cumq; ad igniculum, quem sibi sub arbore quadā frondosa congefferat, vno tantum comitatus puerulo lucubrasset: ecce lupo ad eos accedens, qui & statim in huiusmodi verba prorupit: Securi estote, & nolite timere. Non enim trepidandum vobis est, vbi timor non est. Cumq; ipsi tanto vehementius consternatis animis obstupuisent, verba de Deo sana subiunxit. Et obtestatus à sacerdote, adiuratusque per Deum omnipotentem, & per fidem Trinitatis, ne eis noceret, & quænam creatura fuisset, quæ sub bestiali forma humana verba proferret: catholicum in omnibus responsum præbens: tandem tamen subiecit: De quodam hominum 50 genere sumus Ossyriensium: vnde quolibet septennio per imprecationem sancti cuiusdam Natalis scilicet Abbatis, duo videlicet, mas & fœmina, tam à formis, quam finibus exulare coguntur. Formam enim humanam prorsus exuentes: induunt lupinam.

Completo vero septennii spacio, si forte superstites fuerint: aliis duobus ipsorum loco simili conditione subrogatis, ad pristinam redeunt tam patriam quam naturam. Et mihi quidem peregrinationis huius sociæ non procul hinc grauitur infirmatur. Cui, si placet, iam in extremis agent, sacerdotale solatium intuitu diuinæ pietatis indulgeas.

Quo

* al. feda.

* al. id.

* accumularant.

* al. Kyldarenfi.

* iuxta quosdam

in monte de Lul-

larnao, iuxta alios

apud Obalen pro-

pe castellum de

Nam.

* id est, basi vel

fulcimento.

Vide Chro. Ang.

Credo enim Sta-

nes vel potius

Stonago signifi-

care: qui locus

iuxta viam, qua

ib occidentilib.

Anglorum popu-

lis Londiniatur,

situm est, miracu-

lo lapidum cele-

bris.

Quo dicto, lupum præcedentem vsque ad arborem quandam satis propinquam, presbyter sequitur tremebundus. In cuius concavitate lupam conspiciat sub specie ferina gemitus & planctus humanos emittentem. Quæ statim ut ipsum vidit, præmittens salutatione satis humanam: gratias etiam Deo retulit, quod in tali articulo, tanto eam solatio dignatus esset visitare: & sic vsq; ad extremam communionem à sacerdote cuncta rite peracta suscepit: quam & ipsam constanter efflagitavit, attentius supplicans, ut viatici largitione beneficium consummaret. Quo sacerdos cum se carere firmiter asseruisset: lupus qui parumper abscesserat, iterum accessit, ostendens ei parvulum librum manuum, & aliquot hostias consecratas continentem: quæ more patriæ
 10 presbyter itinerans, sub indumento, à collo suspensa deferebat. Rogabat etiam, ne Dei donum & subsidium eis diuina prouidentia destinatum, aliquatenus denegaret. Et ut omnem abstergeret dubietatem, pede quasi pro manu fungens: pellem totam à capite lupæ retrahens, vsque ad umbilicum replicauit. Et ita statim expressa formâ vetulæ cuiusdam apparuit. Quo viso, tandem sacerdos obnixè postulantem, & deuote suscipientem: terrore tamen magis quam ratione compulsus communicauit, & statim à lupo pellis retracta, priori formæ se coaptauit.

His ergo rite potius quam recte peractis, humanam potius quam bestialem societatem eis ad igniculum nocte tota, lupus exhibuit. Mane vero facto, extra syluam ipsos conducens, presbyteroque præbens iter, viam ei certissimam longe præostendit.
 20 Multas etiam sacerdoti super impenso beneficio gratias in discessu referebat: promittens efficaciores multo se ei gratias relaturum, si Dominus eum ab hoc exilio, cuius iam duas partes compleuerat, reuocauerit. Inter vltima vero confabulationis huius verba: quæsiuit presbyter à lupo, utrum gens inimica, quæ in insulam superuenerat, olim foret, diuque in ea permanens. Cui lupus: Propter peccata, inquit, populi nostri, & vitiorum enormitates, ira Dei descendens in generationem prauam, dedit eam in manus inimicorum. Quamdiu ergo gens ea mandata Domini custodierit, & in viis eius ambulauerit: tuta manebit, & inconuulsa. Sin autem (quia procliuus est cursus ad voluptates, & imitatrix est natura vitiorum) ad nostros ex conuictu mores forte condescenderint: diuinam in se quoq; proculdubio vindictam
 30 prouocabunt.

Similem quoque sententiam in Leuitico reperies: Domino ad populum Israeliticum loquente in hunc modum. Omnes execrationes istas, prædictas scilicet fecerunt accolæ terræ, qui fuerunt ante vos, & polluerunt eam. Cauete ergo, ne & vos similiter euomat, cum paria feceritis: sicut euomuit gentem, quæ fuit ante vos. Totum hoc autem postmodum contigit primo per Chaldæos, & postea per Romanos. Item & in Ecclesiastico: Regnum à gente in gentem transfertur, propter iniustitias, & iniurias, & contumelias, & diuersos dolos.

Biennio vero post elapso, contigit me per Mediam transitum fecisse, vbi Episcopus terræ illius synodum tunc forte conuocauerat, Episcopos etiam & Abbates
 40 vicinos asciuerat, ut super hac re (quam ex sacerdotis confessione iam didicerat) quid agendum illi foret, communicato concilio certius instrueretur. Audiens ergo me transire per partes illas, duos mihi de clericis suis transmisit, rogans ut tanto negotio tractando, in propria persona, si fieri posset, interesssem: sin autem, de assensu meo literis saltem eos certificarem. Audito ergo ab illis seriatim negotio (quod & prius tamen ab aliis audieram) quia causis quibusdam urgentibus adesse non potui: literarum beneficio, consilio quidem absens non fui. Cui & Episcopus cum synodo obtemperans: sacerdotem ipsum cum literis suis rem gestam & sacerdotis confessionem continentibus, appositis etiam Episcoporum & Abbatum, qui intererant, sigillis, ad summum Pontificem destinauit.

Non itaque discredendum est, sed potius fide certissima est amplectendum: diuinam naturam pro salute mundi, humanam naturam assumpsisse: cum hic solo Dei nutu ad declarandam sui potentiam & vindictam, non minori miraculo humana natura lupinam assumeret. Sed animal huiusmodi brutum an homo dicetur? Animal namque rationale à bruto longe alienum videtur esse. Præterea animal quadrupes, pronum in terram, nec risibile: humanæ naturæ quis adiunget? Item, qui hoc animal occiderit: nunquid hominem occiderit, & homicida dicetur? Sed miracula diuina, non in rationem humanæ disputationis trahenda sunt, sed admiranda. Augustinus tamen 16. lib. de Ciuit. Dei, cap. 8. vbi de monstrosis hominum generibus, quos oriens parit, quæstionem mouet: quorum quidam caninis capitibus, alii vero capite
 50

carentes, oculos in armis habere dicuntur: & variis deformati formis, vtrum à primo parente propagati reuera homines dicendi sunt: tandem subiungit. Idem de istis sentiendum est: quod & de monstruosis hominum partibus, quos fieri per sæpe audimus, & quicquid hominis definitionem (animal scilicet rationale mortale) sub quacunque forma recipit: illud hominem esse vera ratione testatur. Idem in 18. libro de Ciuitate Dei, cap. 18. refert de Archadibus, qui sorte ducti, transfatabant quoddam stagnum, atque ibi conuertebantur in lupos: & cum similibus feris per illius regionis deserta viuebant. Si autem carne non vescerentur humana: rursum post annos nouem * renato stagno reformabantur in homines. Cumque ibidem de variis hominum in lupos mutationibus sermonem produserat, demum subnectit: Nam & nos cum 10 essemus in Italia, audiebamus talia, de quadam regione illarum partium: vbi stabularias mulieres imbutas iis malis artibus, in casco dare solebant (vtri dicebāt) viatoribus, vnde in iumenta illico verterentur, & necessaria quæque portarent: postque perfuncta opera iterum ad se redirent: nec tamen in eis mentem fieri bestialem, sed rationalem humanamque seruari. Sicut Apuleius in libris, quos Asini Aurei titulo inscripsit, sibi ipsi refert accidisse, vt accepto veneno, humano animo permanente, asinus fieret.

Nostris quoque temporibus quosdam vidimus, qui Magicis artibus imbuti, pingues, vt videbantur, porcos, sed tantum rubros, ex quacunque præiacente materia producentes, in nundinis vendebant. Sed hi statim vt aquam aliquam transibant euanescentes, in propriam & veram reuertebantur naturam. Quantalibet autem industria 10 seruatis, assumpta species vltra triduum non durabat. Item, vetulas quasdam tam in Gwallia quam in Hibernia & in Scotia, se in leporinam transmutare formam: vt adulterina sub specie vbera sugendo, lac alienum occultius surripiant: vetus quidem, & adhuc recens frequensque querela est. Dæmones igitur seu malos homines sicut nec creare, ita nec naturas veraciter mutare posse, simul cum Augustino sentimus: Sed specie tenus, quæ à vero Deo creata sunt, ipso permittente, commutant: vt scilicet videantur esse, quod non sunt, sensibus hominum mira illusione captis & sopitis, quatenus res non videantur, sicut se habent. Sed ad falsas quasdam & fictitias videndum formas, vi fantasmatis seu magicæ incantationis mirabiliter abstrahantur.

Sed omnipotentem Deum sicut naturas creare, sic & easdem, cum voluerit, in 39 se inuicem permutare seu vindicando, seu diuinam potentiam declarando, vel vnam in alteram penitus transferre, sicut vxoris Loth contra dominicum præceptum respiciētis in statuam salis, sicut etiam aquæ in vinum mutatione: vel interiore manente natura, solum exterius transformare, sicut in præpositis patet exemplis, potentissimum esse indubitata veritate credendum est.

De illa vero speciali panis in corpus Christi mutatione, nec speciali tamen, imo verius substantiali (quia specie tota manente, substantia sola mutatur) hic prætereundum tutius existimaui. Quoniam supra humanam longe intelligentiam alta nimis & ardua est eius complexio.

De muliere barbata, & in tergo cristata & iubata,

C A P. X X.

D V V E N A L D V S Rex Limiticensis mulierem habebat vmbilico tenus prorsus barbata: quæ & cristam habuit à collo superius per spinam deorsum in modum pulli annui, crine vestita. Mulier ista duplici prodigio monstruosa, non Hermaphrodita tamen, sed alias muliebri natura emollita, ad intuentium tam risum quam stuporem, curiam assidue sequebatur. In spinæ quidem pilositate, neuter. In barbæ vero prolixitate: morem gerens patriæ, non naturæ. Nostris quoque diebus visa est in Connachia curiam sequens mulier, vtriusque sexus naturam præferens, & hermaphrodita: quæ barbam à dextris per labri vtriusque; & menti medium more virili, densam 50 nimis & longam habebat: faciem vero sinistram, cum labri & menti parte, muliebriter planam, & omni pilositate carentem.

De semiboue viro, seminiroq; boue.

C A P. X X I.

I N partibus de Gwykingelo, tempore, quo Mauritius Giraldi filius terram illam & castrum obtinuerat, visus fuit homo prodigiosus (si tamen cum hominem dici fas est) habebat enim totum corpus humanum, præter extremitates, quæ bouinæ erant.

A iun-

A iuncturis namque, quibus & manus à brachiis, & pedes à tibiis porrigunt: ungulas bouis expressas præferebat. Caput ei sine crine totum tam in occipite, quam anteriore parte, caluitio deforme. Raras tamen lanugines per loca pro capillis habens. Oculi grossi tam rotunditate quam colore bouini. Facies oretenus subinde plana, pro naso, præter duo foramina narium, nullam eminentiam habens. Verba ei nulla, mugitum enim tantum pro sermone reddebat. Curiam hic Mauricii diu frequentabat, quotidie ad prandium veniens, & quod ei dabatur ad vescendum, intra fissuras ungularum (quas pro manibus gestabat) * frangens, ori apponebat. * *al. fringens.*
 Illus vero sæpissime Hibernensibus terræ illius, à iuuentute castri, quod tales in
 10 vaccis genuissent: ex suorum malitia & inuidia, quam non meruerat, occulta nece demum interiit.

Parum enim ante aduentum Anglorum in insulam, ex coitu viri cum vacca *Minotaurum.* (quo vitio præcipue gens ista laborat) in montanis de Glindelachan, vitulum virilem bos edidit: ut credere valeas, semibouemque virum, semiuirumque bouem iterum fuisse progenitum.

Et cum fere per annum inter alios vitulos matrem lactendo sequeretur: tandem quia plus hominis habebat, quam pecoris, ad humanos conuictus transferebatur. Sed & huius animalis interemptor nunquid homicida dicitur? Animal monstrosum, animal irrationale, omni penitus tam ratione, quam oratione carens, rationalium gregi quis associabit? Præterea animal erectum, risibile, bipes, ab humana proprietate quis separabit? Nunquid natura

*Os * homini sublime dedit, cælumque videre
 Inssit?*

* *al. bruto.*

Sed excursus huiusmodi sunt excusandi: potiusque timenda est naturæ vindicta, quam disputatione discutienda.

De vacca ceruina.

C A P. XXII.

APUD Cestriam Britanniae, temporibus nostris ad vaccam ceruus accesserat, unde & vacca ceruina processit. Parte enim anteriore tota usque ad inguina bos erat. Coxas subinde cum cauda, tibiae & pedes expresse cum pilositate, & colore, ceruinos habens. Sed quia plus pecoris quam feræ præferebat: inter armenta resedit.

De hirco ad mulierem accedente.

C A P. XXIII.

ROTHERICVS Rex Conactiarum hircum habebat domesticum album tam pilositate prælonga, quam cornuum elatione suo in genere conspicuum. Hic mulierem quandam, cuius custodiæ deputatus fuerat, bestialiter adamabat. Cui miserrima, & potius se bestiam patiundo, quam ille agendo probans: se etiam ad abusum supponebat. O indignum facinus & nefandum. O quam enormiter sensualitati succumbit ratio? quam denegantem naturæ priuilegio in bestiam brutescit bestiarum dominator, cum bruto animali tam turpi commercio rationale se submittit? Quamuis enim vtrunque detestabile nimis sit, & abominabile: longe tamen minus est, bruta rationalibus in omnibus esse subiecta, & quia bruta, & quoniam naturaliter seruire parata, licet tamen ad usum non ad abusum creata. In metrum ergo natura forte negante prurumpit indignatio:

*Omnia iam nouitate * placent. nona grata voluptas:*

* *al. inuunt.*

Et naturalis inueterata Venus.

Arte minus natura placet, consumitur usus.

In reprobos ratio, iam ratione carens.

Vis genitua gemis, violata cupidinis arte:

Et violans vindex publicat ira scelus.

Pandis enim natura nephas, prodigia pudorem

Criminis infandi, prodigiosa creans.

De leone mulierem adamante.

C A P. XXIII.

PARISIIS leonem vidimus, quem Cardinalis quidam Philippo Ludouici Regis filio tunc puero catulum transmiserat. Hic fatuam quandam, Ioannam nomine, bestialiamore amplecti solebat. Qui, cum è carcere aliquando erupisset: & in tantam

commotus iram, ut ausus accedere nemo fuisset, tunc accita Ioanna iram eius & malitiam in continenti mitigabat. Et muliebribus ipsum demulcens illecebris, & quo voluerat ducebat, & omnem statim furorem in amorem conuertebat. O utramque bestiam turpi morte dignissimam: nec tamen modernis tantum temporibus scelera huiusmodi sunt attentata, verum etiam antiqua tempora maiori innocentia & simplicitate laudabilia, nefandis huiusmodi criminibus maculam contraxerunt. Vnde & in Leuitico scriptum est: Mulier quæ accesserit ad omne pecus ascendenda ab eo, mulierem interficietis, & pecus morte moriatur. Rei enim sunt. Pecus interfici iubetur, non propter culpam, à qua bestialitas excusat: sed propter memoriæ refractionem, quæ ad mentem facinus reuocare solet. De Pasiphae quoque taurum adamante mul- 10 torum opinione non fabula quidem, sed res gesta fuit.

De gallis aliter in Hibernia, quam alibi vociferantibus.

C A P. XXV.

GALLI gallinacei non hic, ut alibi tertiam & extremam noctis partem à duabus primis, triplici interuallo vociferando distinguunt. Parum enim ante diem hic audiuntur, & quantum alibi à tertia, tantum hic à prima galli voce dies distare dignoscitur. Nec arbitrandum tamen est, aliam hic quam alibi gallos habere naturam. Haud aliter enim vociferantur huc aliunde aduecti. Sed sicut breui contenta Britannia nocte est: sic & Hibernia: & tanto brevior, quanto solis adiacet occasui spacio propin- 20 quiore. Quanto igitur nox hic contractior, tanto post galli cantum dies acceleratior. Vnde & semper æstiuo tempore tanquam aurora surgente perclare diescat, ex solis splendore parum sub terra gyrantis, nocte tota, supra horizontem polus albescit.

De lupis in Decembri catulos habentibus.

C A P. XXVI.

LUPI in Hibernia plerunque in mense Decembri catulos habent: vel propter nimiam terræ temperatiam, vel potius prodictionis & rapinæ incommoda, quæ præ- 30 mature hic pullulant, designantes.

De cornis & vlulis circa natale pullos habentibus aliquando.

C A P. XXVII.

CIRCA natale, quo Comes Iohannes ab insula primo discessit: pluribus in Hibernia locis & præcipue circa partes Mediæ, corui & vlulæ pullos habuere, alicuius forte noui & præmaturi facinoris prognosticantes euentum. Sicut eodem anno terræ illius dominatoris Hugonis scilicet de Lacy mors pernitiola, suorum malitia est 40 protestata.

De miraculis, & primo de pomis, & coruis, & merula S. Keiwinini.

C A P. XXVIII.

NUNC ad miracula transeamus. Et à Sancto Keiwinino nobili confessore & Abbate initium sumamus. Sanctus igitur Keiwinus cum apud Glindelachan vita & sanctitate claruisset: puer quidam nobilis, quem alumnum habuerat, ægrotans forte poma desiderabat. Cui Sancto compatiante, & orationem ad dominum fundente, salix quædam non procul ab Ecclesia poma protulit, tam puero quam aliis ægrotantibus salutifera: & usque in hodiernum diem tam salix illa, quam aliæ ex ea circa ci- 40 miterium transplantatæ, more pomarii (salicis tamen alias per omnia tam foliis quam frondibus natura permanenet) singulis annis poma producant.

Sunt autem hæc poma alba & oblonga, salubria magis quam sapida: in magna 50 reuerentia ab indigenis habita: quæ etiam ad remotas Hiberniæ partes contra varios conferentia morbos à multis deferuntur, & S. Keiwinini poma dicuntur.

Die solemnitatis eiusdem Sancti, corui de Glindelachan, quia fore lac alumni ipsius fuderant, per eius imprecationem nec ad terram descendunt, nec cibum sumunt. Sed circa villam & Ecclesiam cum magno clamore volantes, eo die tam à re- 40 quie suspenduntur, quam refectione.

In Italia quoque apud urbem nobilem Rauennam, die solemnitatis sancti Apollinaris, omnes vndique corui, cornices, & monedulæ à cunctis Italiæ partibus, singulis annis, tanquam ex condicto conueniunt. Quibus eodem die, ex antiqua consuetudine equi

equi vnius cadauer datur. Si rei istius quaestionem facias, vt rationem queras: assignare non presumo. Nisi forte longo ex vsu tractu temporis inolito, & quasi in naturam iam conuerso, vbi corpus fuerit, & aquilæ congregantur: vel potius aliquo Sancti illius miraculo ista contingunt. Vnde & quoniam ab hoc coruorum conuentu, Teutonica lingua, primo Rauensburgh. i. coruorum vrbs est dicta: Inde & Rauennam vocatam nonnulli coniectant.

Item decollato in Hispania Beato Vincentio, corui qui ad corpus eius, tanquam ad cadauer descenderunt: statim omnes occubuerunt. Et quoniam personale delictum in genus plerunque redundat: in ausus illius vindictam, diuina procurante gratia, quam in Sanctis suis ipse mirabilem ostendit, ab illa semper hora circa corpus Martyris corui tanquam excubitores assistunt. Vnde & eodẽ corpore à Carthagine, Hispanica dico non Africana, Vlissiponam per mare translato, & corui in naue, circa corpus iugiter affuerunt. In Ecclesia quoque Sancti Vincentii Vlissiponensi, in vrbe vbi corpus eiusdem nobili in feretro reconditum iacet: Corui circa Altare vsque ad moderna fere tempora excubare solent: circa senarium numerum vel infra, nec semper iidem, sed successiue diuersi. In huius rei signum, signacula, quæ à peregrinis ab inde deferuntur, cum Martyris imagine inscriptam etiam corui imaginem habent. Vulgari quoque nuncupatione Sanctus Vincentius de Coruo vocatur: & quod in vita non habuit, post mortem euentus agnomen dedit.

20 In quibusdam Prouinciæ partibus, cum corpus Beati Firmini Vscesciensis Episcopi & natione Narbonensis Vscessiam deferretur: bobus forte, qui rhedam trahabant, ad pascua solutis, vnus eorum ab vrsu quodam subito est deuoratus. Quo comperto, Sanctus Ferreolus, qui & Firmini nepos & nobilis vecturæ procurator extiterat, eidemque Firmino in Episcopalem sedem statim successit, diuina obtestatione ad se incõtinenti vrsu asciiuit, qui & eadem accedens hora se sponte iugo supposuit, & boui perduto quasi vicarius ad trahendum, deuotusq; successit: & sic pluribus ab inde miliaribus Firmino Vscessiam tam miraculose transuecto, eiusdemq; exequiis celebriter ibidem & gloriose cõpletis, accepta quasi à Ferreolo licentia, vrsu indemnus ad montana secessit. Qui, & singulis postmodum, quãdiu vixerat, annis, die solemnitate S. Firmini ad ecclesiam eandem ex consuetudine veniebat, & omnino bestiali feritate interim * deposita, se populo quasi mansuetum palpabilem & tractabilem exhibebat. Tanq̃ ob ausum pœnalem, crimenq; cõmissum seruire, pœnamq; subire paratus. Vnde & corium eiusdem, vsq; hodie in ecclesia S. Firmini in veneratione reconditum habetur: & ob tanti miraculi memoriam transeuntibus & peregrinis ostendi solet.

In partibus Constantinopolitanæ regionis, plaga videlicet * Crebonensi corpore beati Clementis in mari miraculose reperto: singulis annis die solemnitate eiusdem S. & circiter eundem octo, præter solitum à sæculo cursum mare ibidem se refluxum exhibere, & peregrinis populisq; deuote accedentibus, reuelata terre facie, miraculosum iter ostendere solet. Quibus solemniter cõpletis, ad antiquas rediens metas, mare spaciosum vndiq; se transfundens statim occupat vniuersa, nec nisi reuoluto fere anni circulo, vlla viæ illius vestigia cõparebunt. Sic itaq; nostris diebus in quos fines sæculorũ deuenerũt, famosum illud Rubri maris miraculũ singulis annis ex parte representari solet. Igitur benedictus Dñs Deus Israel, qui facit mirabilia solus, & benedictum nomen maiestatis eius in æternũ. Quoniam ad declaranda Sanctorum suorum merita, & vt glorificatos in cælis, amplius glorificet & in terris: Aues, maria, ferẽ obediunt ei. Sed hæc hæcenus. Ad Keiuinum nostrum redeamus.

Sanctus igitur Keiuinus quadragesimali quodam tempore, hominum frequentia ex cõsuetudine fugiens: solitudine quadã tugurio modico, quo à sole tantũ & pluuia defenderetur, soli cõtemplationi vacans, lectioni & orationi insistebat, qui cum manu more solito per fenestrã ad cælum eleuaret, ei forte merula insedit, & quasi nido fungens, oua posuit. Cui prædictus S. tanta mansuetudine & patientia cõpassus est, vt nec manum clauderet, nec retraheret: sed vsq; ad plenam pullorum exclusionem, eam infatiganter extenderet & aptaret. In huius autem signi perpetuã memoriam, omnes imagines Sancti Keiui per Hiberniam, in manu extensa merulam habent.

De Cercellis Sancti Colemanni quasi mansuetis, & ad iniurias fugitiuis.

C A P. XXXI.

EST in Lagenia* stagnum modicum, aues Sancti Colemanni continens: a hares scilicet minores: quæ vulgari vocabulo cercellæ vocantur. Hæ à tempore Sancti tam

Ppp 4

mansue-

* *al. turbas.*

mansuerat facta sunt; ut de manibus cibos sumant, & usque hodie hominum *accessus non reformident. Sunt autem semper quasi conuentum adimplentes circa 13. numero. Quoties vero vel ecclesiarum & clero, vel ipsis auiculis iniuria fit forte, vel aliqua molestia illata fuerit: statim euolantes in lacu quodam procul inde remoto se recipiunt: nec ad priorem locum redeunt, donec condigna satisfactio fuerit subsecuta. Interim vero dum absentes fuerint: aqua stagni illius, quæ limpidissime prius & claræ fuerant, fœtidæ fiunt, & corruptæ, & nec ad hominum, nec ad pecorum usus accedunt. Contigit aliquando quodam ibi aquam, nocturno tempore, hauriente, vnam auicularum non sponte, sed casu simul hausisse, & cum carnes in aqua illa diu coquerentur, nec excoqui possent: tandem auis in olla superenatans inuenta est prorsus illeçsa, quæ cum 10 ad stagnum relata fuisset, statim carnes excoctæ sunt.

* *al. non minus.*

Contigit etiam temporibus nostris Roberto filio Stephani cum Dermicio Rege Lageniæ per locum illum transeunte, sagittarium quendam vnam auium illarum sagitta percussisse, quam cum secum ad hospitium detulisset, & in olla quadam cum carnibus coquendam imposuisset: trium ignium consumpta materia, usque ad mediam noctem coquendo non profecit. Sed iam tertio carnes extractæ: semper tamen *minus crudæ repertæ sunt, quam cum fuerunt impositæ. Tandem vero cum hospes inter frustra carniū auiculam conspexisset, audiensque quod de stagno illo fuisset: statim cum lachrimis exclamauit: Me miserum, quod vnquam infortunium istud in domum meam incidere, & in ea contingere debuit. De auibus enim Sancti Cole- 20 manni vna hæc erat. & statim carnes per se impositæ cocturam, quam amiserant, admiserunt. Sagittarius vero non multo post rebus humanis miserabiliter exemptus est. Præterea accidit, & miluum, cum vna auicularum istarum, quam rapuerat, in arborem quandam propinquam se recepisse, qui & multis intuentibus, membris omnibus statim irriguit, nec prædam sub pedibus prædo respexit. Accidit etiam glaciali quodam in tempore vulpeculam auium istarum vnam rapuisse: quæ mane facto in turgurio quodam lacui coniuncto, & Sancti Colemanii conuersione olim venerabili, intra fauces, auicula vitalem spiritum *præcludente, bestia inuenta est suffocata. Relatus igitur ad lacum, auibus prorsus illeçsis, optimi patroni beneficio, præda inde- 30 mni, mortis penas prædo perfoluit vterque.

* *al. præcludite.*

De lapide, vinum quotidie miraculose continenti.

C A P. XXX.

IN australi Momonia, circa partes Corcagiæ est insula quædam, Ecclesiam continēs Sancti Michaelis antiquæ nimis & authenticæ religionis. Vbi lapis quidam est extra ostium ecclesiæ à dexteris, ipsi fere coherens ostio, in cuius superioris partis concauitate, quotidie mane, per merita Sanctorum loci illius, tantum vini reperitur, quantum ad missarum solemnias, iuxta numerum sacerdotum, qui ibi eodem die celebraturi fuerint, conuenienter sufficere possit. Simile huic miraculum in Dialogo reperies. Refert enim S. Gregorius de Martino Campaniæ monacho, qui monte Mari- 40 sco multis annis in specu angustissimo inclusus fuerit, cuius hoc miraculum primum fuit, quod ut se prædicti montis foramine conclusit, ex petra eadem, quæ in se ipsa concava, angustum specum fecerat: aqua stilla de nouo prorupit: quæ Dei famulo in vñ coudiano sufficeret, & nec plus adesset, nec necessitati deesset.

De Pulicibus à Sancto Nannano deportatis.

C A P. XXXI.

EST in Connaçtia vicus quidam quem Sancti Nannani illustrat Ecclesia: vbi ab antiquo tanta pulicum excreuerat multitudo, ut ea pestilentia, locus ille fere desertus, & habitatoribus vacuus extitisset: donec intercessionem S. Nannani in pratum 50 quoddam proximum sunt deportati: ut nec vnus postmodum hic reperiri potuisset. In tantum igitur meritis Sancti istius locum illum vis diuina inundauit. In prato vero tanta superabundat copia, ut non tantum hominibus, verum etiam bestiis, semper maneat inaccessibile.

De Ratis, per S. Tuorum à Fernigenam expulsi.

C A P. XXXII.

EST in Lagenia prouincia quædam, quæ Fernigenam dicitur, quam à Gwefesfordia solum Slanensis aqua determinat. Vnde mures maiores, qui vulgariter Rati vocantur,

vocantur, per imprecationem Sancti Yuori Episcopi, (cuius forte libros corroserant) prorsus expulsi, nec ibi postea nasci, nec viuere possunt inuecti.

De Campana fugitiua.

C A P. XXXIII.

EST in Lagenia, in terra scilicet Maſtalewi campana quædam, quæ nisi à custode suo, exorcismo quodam ad hoc composito, singulis noctibus adiuretur, & vinculo quolibet vel fragili ligetur: mane in Media apud Clunarech in Ecclesia Sancti Finani vnde venerat, reperitur: quod & aliquoties certum est contigisse.

10 *De variis Kyldaria miraculis: & primo de igne quasi inextinguibili, cinereque non excreſcente.*

C A P. XXXIV.

APUD Kyldariam Lageniæ, quam Gloriosa Brigida reddit illustrem, digna memoratu sunt miracula multa. Inter quæ primum occurrit Ignis Brigidæ, quem inextinguibilem dicunt: non quod extingui non possit, sed quia tam sollicitè tam accurate moniales & sanctæ mulieres ignem, suppetente materia, fouent & nutriunt: ut à tempore virginis, per tot annorum curricula, semper mansit inextinctus, & cum tanta lignorum strues tanto in tempore sit hic consumpta, nunquam tamen cinis excreuit.

20 *De igne à Brigida sua nocte seruato.*

C A P. XXXV.

CVM tempore Brigidæ viginti Moniales hic Domino militassent, (ipsa vicesima existente) post gloriosum eius transitum, tantum vnde viginti semper extiterunt, & numerum non auxerunt. Cum vero singulis noctibus singulæ per ordinem ignem custodiant, nocte vicesima monialis vltima lignis apposis, inquit, Brigida custodi ignem istum tuum. Te enim nox ista contigit. Et sic igne relicto, mane materia more solito consumpta, inextinctus reperitur.

De Sepe circa ignem: intra quem Mas non intrat.

30 C A P. XXXVI.

VIRGE O quodam & orbiculari sepe ignis iste circuitur, intra quem mas non intrat: & si forte intrare præsumpserit (quod à temerariis quibusdam nonnunquam attentatum)* diutinam vltionem non euadit. Item mulieribus solum, & his non oris flatu, sed follibus tantum & ventilabris ignem licet exufflare. Item per imprecationem virginis caprarum fætus hic non proueniunt. Sunt & hic campeſtria pulcherri-
ma, quæ Brigidæ pascua vocantur: in quæ nullus aratrum ausus est mittere. de quibus pro miraculo ducitur, quod licet prouinciæ totius animalia solo tenus vesperi herbam corroserint: mane factò, non minus herboritas apparebit. Tanquam de pascuis illis dictum fuerit.

* al. diuinam.

40 *Et quantum longis carpunt armenta diebus:
Exigua tantum gelidus ros nocte reponit.*

De Falcone Kyldaria quasi domestico & mansucto.

C A P. XXXVII.

At tempore Brigidæ falco quidam egregius locum istum frequentabat, qui ecclesiasticæ turris summitati insidere consueuerat. Vnde & à populo auis Brigidæ vocabatur, & in veneratione quadam à cunctis habebatur. Hic ad nutum ciuium seu militum castrenſium tanquam mansueta & ad hoc domestica, anates & alias aues, tam campeſtres, quam fluuiales circa planiciem Kyldariæ cum intuentium non modica delectatione persequi solebat: & ad terram ab aere innata velocitate coercere. (Quis enim locus miseris auiculis relinquebatur, cum homines terram & aquas, auis inimica, grauisque tyrannus aerem obsidebat?) Mirum de hoc alite: quod circa templum quod frequentabat, parem non admittebat: sed amoris tempore procul inde secedens, & apud montana de Glindelachan ex consuetudine parem inueniens, naturæ indulgebat. Quo completo, iterum ad Ecclesiam solus reuertebatur? Viris Ecclesiasticis & tunc præcipue cum intra ecclesiarum sinus & septa diuinis deputantur officiis, signum præferens honestatis. In ipso discessu primo Domini Comitis Ioannis ab Hibernia, auem (quæ per tot durauerat sæcula, & delectabiliter
Brigi-

Brigidæ locum illustrauerat) demum prædæ, quam ceperat, minus caute insidentem, & humanos accessus parum euitantem, baculo, quem gestabat, rusticus quidam petiit. Ex quo patet, casum in secundis fore metuendum, & vitæ diuturnæ delectabili & dilectæ, parum esse confidendum.

De libro miraculose conscripto.

C A P. XXXVIII.

INTER vniuersa Kyldariæ miracula, nil mihi miraculosius occurrit: quam liber ille mirandus, tempore virginis (vt aiunt) Angelo dictante conscriptus. Continet hic liber quatuor Euangelistarum iuxta Hieronymum concordantiam: vbi quot paginæ fere sunt, tot figuræ diuersæ variisque coloribus distinctissimæ. Hic maiestatis vultum videas diuinitus impressum: hinc mysticas Euangelistarum formas: nunc senas, nunc quaternas, nunc binas alas habentes. hinc aquilam, inde vitulum, hinc hominis faciem, inde leonem, aliasque figuras penitus infinitas: quas si superficialiter & vsuali more minus acute conspexeris, litura potius videbitur quam ligatura. Nec vllam attendens prorsus subtilitatem: vbi nihil tamen præter subtilitatem. Sin autem ad perspicacius intuendum oculorum aciem inuitaueris: & longe penitus ad artis archana transpenetraueris: tam delicatas & subtiles, tam actas & arctas, tam nodosas & vinculatim colligatas, tamque recentibus adhuc coloribus illustratas notare poteris intricaturas: vt vere hæc omnia Angelica potius quam humana diligentia iam asseueraueris esse composita. Hæc equidem quanto frequentius & diligentius intueor: semper quasi nouis obstupeo, semperque magis ac magis admiranda conspicio.

De libri compositione.

C A P. XXXIX.

NOCTE prima (cuius mane librum scriptor inchoaturus fuerat:) astitit ei Angelus in somnis figuram quandam tabulæ, quam manu præferebat, impressam ei ostendens, & dicens. Putas ne hanc figuram in prima libri quem scripturus es pagina possis imprimere? Cui scriptor de tantæ subtilitatis arte, de tam ignotæ & inusitatæ rei diffidens notitia: respondit. Nequaquam. Cui Angelus. In crastino die dic Dominæ tuæ: vt ipsa pro te orationes fundat ad Dominum: quatenus ad acutius intuendum, & subtilius intelligendum, tibi tam mentis quam corporis oculos aperiat, & ad recte protrahendum, manus dirigat. Quo facto, nocte sequente iterum affuit Angelus, eandem figuram, aliasque multas ei præsentans. Quas omnes diuina opitulante gratia statim aduertens, & memoriæ fideliter commendans, libro suo locis competentibus ad vnguem scriptor impressit. Sic igitur Angelo præsentante, Brigida orante, scriptore imitante, liber est ille conscriptus.

De mirandis Sanctorum refugiis.

C A P. XL.

IN vltiore Vltoniæ parte sunt montana quedam, in quibus grues & grutæ, auesque variae suo in tempore abunde nidificant, propter refugium & pacem non tantum hominibus, verum etiam pecoribus & auibus ab incolis ibidem exhibitam, ob reuerentiam scilicet S. Beani, cuius Ecclesia locum illustrat. Sanctus iste miro & inaudito more, non tantum aues, sed & auium suarum oua tuetur. Si enim vt oua rapias, manum admoueas: videas protinus, pullos marcidos & rubros, & tanquam eadem hora iam excludos. Sin autem manum retrahas cum voluntate, videas iterum seu miraculose, seu fantastice contra naturæ cursum pullos in oua vel conuersos, vel reuersos. Accedant duo, inspector simul & raptor, hic pullos, ille oua videbit. In Australi Momonia inter collem Brendani & mare spaciosum, quod Hispaniam interluit & Hiberniam, est locus quidam non modicus, vno ex latere fluuio piscoso, altero vero riuulo quodam inclusus: qui, ob reuerentiam S. Brendani aliorumque loci illius Sanctorum, non tantum hominibus & pecoribus: verum etiam ipsis feris tam aduenis quam indigenis refugium præstat inauditum. Vnde non tam cerui quam apri & lepores, aliæque feræ cum canes e vestigio sequentes nullatenus fugere posse se præsentunt: à partibus procul inde remotis ad locum istum quantocius transferuntur. Qui vt riuulum pertransierunt, canibus ibidem cursum sistentibus, nec vltius insequentibus, ab omni statim periculo tuti sunt. Mira Dei virtus quod Sanctorum meritis, nec natura vorax, nec venator instigans & præda præcurrens, prædones impios & pertinaces promptam transue-

transuehant ad rapinam. In duobus refugiis istis ex longo pacis usu, quasi domesticæ, hominum frequentiam aues & feræ non refugiunt. Ex altero loci prædicti latere fluvius illabitur piscosissimus & præcipue Salmonibus ad miraculum usque fecundissimus. Hospitalitatis namque gratia, quam Sancti ibidem viri pro viribus, imo longe supra vires, in peregrinos & aduenas infatiganter exercere solebant: ad charitatis explendæ tam sufficientiam, quam experientiam, piscium indulta est copia tanta. Et ne avaritiæ stimulis, (ut assolet) ad emolumentum mercimoniale cupidos mortalium animos ipsa prouocaret abundantia ad Mannæ modum remedium diuinitus est indultum, ut nunquam ultra primam capturæ noctem pisces utiliter referuerentur: Quântumlibet enim sale conditi: putredini tamen semper obnoxii, insipidi manent & infulli. Nec arte quântalibet in crastinum reseruati, vel ad usum prouenient, vel ad esum.

De saltu Salmonis.

C A P. XLI.

PRÆTEREA fluvius iste nativam quandam rupem transfluit & transcurrit, nec nisi cum impetu magno ab alto (ut assolet) ad ima descendit: In summitate rupis istius est modica quædam concauitas sanctorum virorum manibus olim exculpta: ad quam Salmones abundanti in copia ab imis ad summa, quantum hastæ longissimæ est altitudo: saltu mirabili transferuntur, & (nisi piscis proprietates hoc exigeret) miraculoso.

20 Hoc enim piscium genus, saltum appetit ex natura. Vnde & à saltu Salmo nomen accepit.

De modo saliendo.

C A P. XLII.

MODVS autem saliendo, & proprietates hæc est. Pisces huiusmodi naturaliter aquæ cursum contra nitentes (sicut enim auibis contra flatus, sic & piscibus contra fluctus mos est eniti) cum obstaculum inveniunt valde præruptum, caudam ad os replicant: Interdum etiam ad maiorem saltus efficaciam, caudam ipso ore cõprimit: dumque à circulo huiusmodi se subito resoluunt, cum impetu quodam, tanquam subita virgæ circulatæ explicatione, se ab imis ad alta cum intuentium admiratione, longe

30 transmittunt. Similis huius in Auenpliphensi fluuio non procul à Dublinia saltus reperitur, sed non tantus. Australi quoque in Gwallia, Teiuensi scilicet in fluuio tertius est saltus, & trium præruptissimus.

De vita S. Brendani.

C A P. XLIII.

EA vero quæ de S. Brendano tam miraculose referuntur, & in scripta etiã sunt redacta: quanto quidem labore, septenni nauigatione mare lustrauerit; De Anglorum multiformi specie, De paschalis solemnitate supra monstruosam maris beluam annua per septenne spacium, celebratione: De miserrimi illius, nec miserabilis tamen, Iudæ proditoris in scopulo marino positione, &, priuilegiatæ lucis beneficio, relegatione simul ac religatione, Denique post longos & infatigabiles labores, desideratissima paradysi terrestris visione, & diuina opitulante gratia prospere demum ad propria reuersione: incredibilia nimirum videri possent: Nisi quoniam credenti omnia sunt possibilia, & quoniam omnia quæcunque voluit Dominus fecit in cælo & in terra, in mari & in omnibus abyssis, & quia mirabilis Deus in Sanctis suis, & magnus in omnibus operibus suis, semperq; mundi extremitates nouis quibusdam prodigiis pollet. Tanquam in publico dignitatem obseruans, licentius natura ludat in priuatis. Hæc autem si quis audire gestierit: qui de vita Brendani scriptus est, libellum legat.

De Cruce Dubliniæ loquente, & testimonium veritati perhibente.

C A P. XLIV.

50 **N**ON ea quæ circa moderna contigerunt tempora: explicemus. Dubliniæ in Ecclesia S. Trinitatis, est crux quædam virtuosissima vultum præferens crucifixi. Hæc non multis annis ante aduentum Anglorum (Ostmannorum scil. tempore.) pluribus audientibus sacrum os in verba resoluit. Contigerat enim quendam ciuium super cõtractu quodam eam solam testem & quasi sponsores inuocasse: processu vero temporis, eo, cum quo contraxerat, pactum penitus inficiante, & pecuniam, quam eius fidei crediderat constanter abnegante, de censura ciuium Ironica magis tamen quam seria, astantibus ad hoc in Ecclesia prædictam multis & audientibus, crux adiurata & obtestata testimonium perhibuit veritati.

COMITE Ric. primo Dubliniam cum exercitu veniente: Ciues, mente malorum plerunque præfaga, casum ciuitatis metuentes, & de defensione diffidentes, cum fugam iam nauigio machinarentur, crucem illam secum ad insulas asportare volebant. Quod cum omni conamine & diligentia effectui mancipare tentassent, totius ciuitatis populus nec vi, nec ingenio, eam à loco mouere potuerat.

De denario cruci oblato bis resiliente, & tertio post confessionem remanente, & ocreis ferreis miraculose restitutis.

10

CAPTA vero ciuitate, cum sagittarius quidam inter alios denarium ad crucem obtulisset: reuertens eundem statim post se volentem à tergo suscepit. Cui iterum eundem resument, & ad crucem reportanti, videtibus, & admirantibus multis idem euenit. Tum vero coram omnibus confessus est, se domos Archiepiscopi intra ecclesiæ illius septa eodem die spoliassse: & sic pecuniâ super hoc ei iniuncta, redditisque vniuersis, quæ ei obuenerant: tertio denarium eundem cum timore magno & reuerentia ad crucem retulit. qui & ibidem tum demum sine motu permanfit. Item Reymundo Comitum Rich. tunc constabulario, cum iuuenis quidam de familia sua ferreas ocreas furto sustulisset: tota eiusdem familia in Ecclesiâ Sanctæ Trinitatis super crucem præfatam se ab hoc facinore sacramento purgavit. Nec multo post, iuuenis ille reuersus ab Anglia, quo secesserat, nemine de ipso hoc suspicante, ad pedes Reymundi macilentus & miser se prostravit, de scelere perpetrato & satisfactionem offerens, & veniam querens. Confessus est etiam palam & publice se tantâ à cruce persecutionem perpeffum esse, vt post periurium, semper ei in collo graui cum pondere iacuisse videretur, ita vt nec postmodum dormire, nec requiem vllam habere potuisset. His igitur aliisque virtutibus & signis variis in primo nostrorum aduentu, crux vbique veneranda: se venerabilem hic exhibuit.

20

De frenetico apud Fernas: verbis de præterito futura prædicente.

30

TEMPORE quo filii Mauricii castrum apud Fernas obtinuerunt: Iuuenis quidam de eorum familia Phantasticus agnomine vocatus: cum Ecclesiam Sancti Maidoci spoliasset, in phrenesin raptus statim insaniuit, & nescio quo spiritu ductus, prophetizare cepit: & verbis de præterito futura prædicare. Video, inquit, homines nostros interfectos (plures etiam ex nomine designans) & castellum omnino destructum, & iam non est hic. Sic ergo quotidie non magna cunctorum admiratione vociferabat nec cessauit, donec hostili inuasionem, cuncta in breui, sicut prædixerat, sunt completa.

40

De sagittario, qui sepem Brigidæ transiit insaniente, & alio tibiam amittente.

APUD Kылdaciā sagittarius quidam de familia Rich. Comitum, sepem transiens, ignem Brigidæ ore sufflauit, qui statim resiliens, demens esse cepit, & cuicumque obuabat, insufflans in eius os dicebat, viden? Sic ignem Brigidæ sufflaui. Sic quoque per domos totius villæ discurrens, vbicumque ignem inuenit: eadem verba ingeminans, cum exufflauit. Tandem vero captus à sociis & ligatus: rogauit, vt ad aquam proximam duceretur. Ad quam ductus ore desiccato tantum exhaustit: quod inter eorum manus medius crepuerit, atque expirauerit. Alius vero vt ad ignem intraret, cum tibiam alteram trans sepem iam posuisset, & à sociis tamen retractus esset, & retentus: pes ille cum crure statim exaruit. Vnde & postmodum quamdiu vixit: claudus & imbecillis permanfit.

50

De Tritici semine per imprecationem Corcagiensis Episcopi non proveniente: & anno sequente è siligine miraculose conuerso.

CVM apud Corcagiam miles quidam terram Sancti Finbarri citra præsulis assensum occupasset, & aratam terram tritici semine iam perfunderet: accedens loci illius

illius Episcopus, ex parte Dei & sanctorum ecclesie sue prohibuit, ne terram illam amplius vel violenter occuparet, vel seminare. Quod cum miles pretermittere nullatenus voluisset: reuertens Episcopus cum lachrymis, Deum, inquit, omnipotentem oro, ut nunquam tibi ad messem semen istud proueniat: Contigit autem eodem anno, in campis illis toto ciuitatis populo vehementer admirante, non tantum in spicam non profiluiffe: sed nec in herbam, vel vnum granum germinasse. Anno vero sequente, aliis ibidem cum presulis assensu siliginem seminantibus, frumentum purum, & siligini penitus impermixtum, in Autumno messuerunt: vel siliginis grano in tritici naturam miraculose conuerso, vel potius prioris anni semine tunc non proueniente: usque in anni secundi messem sancti viri meritis reseruato.

De Philippo Wigorniensis apud Armatiam passione percussio: & Hugone Tyrello diuinitus flagellato.

C A P. L.

CV M apud Arthmatiam Beati Patricii sedem & proprium totius Hibernie primatie locum, Philippus Wigorniensis, quadragesimali tempore exercitum duxisset: & in diebus sacris a clero sacro, tributum non modicum violenter extorsisset: reuertens cum spoliis & anno, non procul ab inde subita passione percussus, vix euasit. Hugo vero Tyrellus cacabum magnum, qui conuentus clericorum fuerat, cum totius cleri maledictione ad * Luuedensem secum ciuitatem asportauit. Sed eadem nocte, igne, proprio eiusdem hospitio accenso, equi duo qui cacabum extraxerant, cum aliis rebus non paucis, statim combusti sunt. Pars etiam villae maxima eadem occasione igne est consumpta. Quo viso, Hugo Tyrellus mane cacabum inueniens prorsus illesum, pecunia ductus, Arthmatiam eum remisit. Episcopus vero * Luuedensis tunc presens existens, de eodem Hugone multis de exercitu audientibus, dixit. Homo iste, hoc anno magnum infortunium indubitanter incurreret. Nunquam enim tot bonorum virorum lachrymarum, nunquam tot maledictiones sunt frustra prolatae. Quod & ei per discordiam inter ipsum & Hugonem de Lacy, suis instigantibus, exortam (vnde & regnum fere totum turbare ceperat, & per uerti) anno nondum completo vidimus euasisse.

De Molendino, quod nec diebus Dominicis, nec de furto, vel rapina, quicquam molit.

C A P. LI.

AP V D Offyoriā est molendinum Sancti * Lucherini Abbatis: quod diebus Dominicis nihil de furto vero vel rapina nunquam molit. * Lutherni.

De Molendino, quod femina non intrant.

C A P. LII.

IN Media apud Fouenam, est molendinum quod Sanctus Phêchinus in latere cuiusdam saxi miraculose nimis, manibus suis exculpfit. Hoc sicut & Ecclesiam sancti istius, mulieres non intrant. Nec in minori reuerentia molendinum istud ab indigenis, quam una Ecclesiarum sancti eiusdem haberi solet. Contigit autem Hugone de Lacy exercitum per locum illum ducente, sagittarium, quendam mulierculam violenter attractam, in ipso molendino libidinose violasse. Qui repentina ultione igne infernali in membro percussus: usque in ipsum corpus statim exarsit, & nocte eadem expirauit.

De duobus equis, qui auenam de eodem Molendino raptam comedentes statim interierunt.

C A P. LIII.

IT E R V M exercitu ibidem pernoctante, annonam, quam ab ecclesiis & molendino passim rapuerant: Hugo de Lacy totam restitui fecit, preter pauculam auenae particulam de molendino surreptam, quam coram dextrariis suis, duo milites occulte reliquerant. Quorum vnus in insaniam versus, eadem nocte in stabulo confecto cerebro interiit. Alter vero mane (milite, qui insidebat ei, alios, qui annonam reddiderant, super ficta religione irridente) subita & improvisa morte iuxta latus Hugonis de Lacy vidente & admirante maiori exercitus parte, obiter occubuit.

De sagittariis apud Fineglas diuinitus condemnatis.

C A P. LIV.

CONTIGIT vero temporibus nostris Ioue preter solitum in Hibernia tonante, & Rege Henrico ibidem expeditionem agente: plurimas sagittariorum turmas in vico quodam Archipresulis Dublinensis, cui nomen Fineglas, aliquamdiu forte

moram fecisse: qui & statim in fraxinos, & taxos, arboreſque varias, quas nobilis Abbas Kenacus alique viri ſancti (quorum frequens religio locum illuſtrauerat,) propriis manibus quaſi ad ornatum Eccleſiæ, circa cæmeterium olim plantauerant, enormiter & irreuerenter deſequi cæperunt. Cum enim ſylua propinqua eſſet: non inſolita ſed inſolenti tamen populi prauæ malicia, & hominum officii illius intemperantia, prædictas arboreſ quaſdam frondibus mutilatas, alias vero ſtirpitibus euulſas, omnes fere in breui igne conſumpſerunt. Et vere officium illud & ab officiando non per antiphrasim, ſed proprie dictum eſt. Talibus enim aſcripti officiis, officioſiſſime ſemper potius officere parati ſunt, quam proficere. Sed incontinenti à Deo diuina indignatione (quæ ſibi vindictam reſeruari iubet & ſanctorum ſuorum iniuriam vindicare dignatur & in terris) ſubita quadam & ſingulari peſtilentia percuſſi ſunt, vt pars eorum maxima intra pauciſſimos dies eodem in vico miſerabiliter expiraſſent, diſtricti iudicis examine, vbi deliquerant, foro ſubiacentes. Pars vero reſidua cum nauigio fugæ præſidium attentaret: naufragio ſubmerſa, eundem in extremis tam terræ quam maris dominatorem inuenit. Cuius quidem à facie nec fugere quis poteſt, nec effugere.

Quo fugis ergo manum Regis gens impia Regum?

An nescis longas Regibus eſſe manus?

quia: Quo fugis ex illo, qui claudit cuncta, pugillo? Sed: Inter mille modos mortis, mors illa timori eſt; qua cæpere mori. Sic ergo veri ſummique Tonantis iram, quam prauitas in terris prouocauerat, Neptunus in vndis vindicauit. Audi namque prophetam Amos. Non erit fuga eius, & qui fugit ex eis non ſaluabitur. Si deſcenderint vſque ad infernum, inde manus mea deducet eos: Et ſi aſcenderint vſque in cælum, inde detrahā eos: Et ſi abſconditi fuerint in vertice Carmeli, inde ſcrutans auferam eos.

Et ſi celauerint ſe ab oculis meis in profundo maris, ibi mandabo ſerpenti & mordebit eos. Et ſi abierint in captiuitatem coram inimicis ſuis, ibi mandabo gladio, & occidet eos, & ponam oculos meos ſuper eos in malum & non in bonum. Audi & Abiam. Si exaltatus fueris vt aquila, & ſi inter ſydera poſueris nidum tuum, inde traham te, dicit Dominus. Audi inſuper Ionam, à facie domini fugientem & tamen hic dicentem. Dominum Deum cœli ego timeo, qui fecit mare & aridam. Super quod Hieronymus audi.

Cum confiteatur Creatorem maris & aridæ, cur aridam relinquens, arbitratur ſe conditorem in mari poſſe vitare? Audi & Pſalmiſtam. Si aſcendero in cælum, tu illic es: ſi deſcendero ad infernum, ades. Si ſumpſero pennas meas diluculo, & habitauero in extremis maris: Etenim illuc manus tua deducet me: & tenebit me dextera tua.

Quod etiam ſancti terræ iſtius, animi vindicis eſſe videntur.

C A P. L V.

HOc autē mirabile mihi & notabile videtur: q̃ ſicut nationis huius homines hac in vita mortali præ aliis gentib. impatientes ſunt & præcipites ad vindictam: ſic & in morte vitali, meritis iam excelsi, præ aliarum regionum ſanctis, animi vindicis eſſe videntur. Nec alia mihi ratio euentus huius occurrit: niſi quoniam gens Hibernica caſtellis carens, prædonibus abundans, Eccleſiarum potius refugiis quam caſtrorum municipiis, & præcipue Eccleſiaſtici viri ſequæ ſuæque tueri ſolent: diuina prouidentia ſimul & indulgentia graui frequentique animaduerſione, in Eccleſiarum hoſtes opus fuerat. Vt & ſic ab Eccleſiaſtica pace impiorum prauitas procul arceatur: & ipſis eccleſiis ab irreuerenti populo debita veneratio vel ſeruiliter exhibeatur.

TERTIA DISTINCTIO, DE TERRÆ iſtius habitatoribus.

DE cætero tempus videtur, vt ad primos terræ iſtius habitatores, ſinguloſq̃ ſigillatim diuerſarum nationum aduentus, ſtylum vertamus: qualiterque & quibus ex partibus huc aduenerint, quantamque moram in Inſula fecerint, quoue tenore defecerint, quam breuius & luculentius poterimus,

mus, explicemus. Competens enim ordo deposcit: ut postquā terram ipsam in Oceano fundauimus, situm & naturā, variasq; animantium eiusdem tā proprietates q̄ defectus, rerumq; nouitates enodauimus: tandem hominē ipsum tanq̄ digniorem operis partem, & cuius gratia de ceteris differuimus, introducamus: eiusq; mores & modos, variosq; iuxta fortunæ vices, rerum euentus, vsq; ad nostra iam tempora, declaremus. Ut sicut laudabili antiquorū industria nostri temporis aucta sunt studia: sic longe licet inferiore lyra calamoque fragili, dispari nimis, & valde dissimili, ut magni, cōponi parua solebant, nostra quoq; diligētia, posterorum studiis aliquid adiicitur: Ne per ignauiam & socordiam tempora ducamus ociosa, & non tanquam cōmuni omnium com-
10 modo, sed nobis solum inutiliter, & tanq̄ bestię, sine causa nati esse videamur. O quam preclariore, quā precellentiore preclari sunt animo, qui preciosum illud Dei donum, nobilem scilicet & incomparabilem scientiæ thesaurum non abscondunt? Sed larga potius laudabiliq; libertate, cunctorum mentibus vel dicendo, vel scribendo gratis acceptum, cum sui incremento gratis impendunt: luculentam quoq; multa; lucubratione plurimum elaboratam sapientiæ lucernam, ut omnibus in commune deducta pulchrius elucescat, palam exponunt. Sic & eorum digne commendanda videtur intentio, qui (quoniam breues dies hominis sunt, & tempora transitoria) propensius vigilant & elaborant, egregio aliquo facinore, memoriam sui in æuum extendere, dignisq; virtutum titulis perlongam facere, vel potius, (quoniam momentanea est
20 vita mortique accommoda, quam spiramus & expiramus,) perpetuam sibi mortique penitus impermixtam, spirabilem scilicet & inexspirabilem bonorum operum studiis comparare.

De aduentu primo Cæsara, scilicet Neptis Noe ante diluuium.

C A P. I.

IUXTA antiquissimas igitur Hibernensium historias, Cæsara Neptis Noe audiens diluuium in proximo futurum ad remotissimas occidentis Insulas, quas necdum quisquā hominum habitauerat, cum suis cōplicibus fugam nauigio destinauit, sperās, ubi nunq̄ peccatum perpetratum fuerat, diluuii vindictā locum non habere. Amis-
30 itaq; quas in comitatu habebat, naufragio nauibus: vna, qua cū viris tribus & quinquaginta mulieribus vehebatur, naue superstitē: primo ante diluuium anno ad Hibernica littora forte deuenit. Sed licet acute satis & laudabili in fœmina ingenio fatalitatē declinare statuerit, communem tamen interitum, & fere generalem, nullatenus potuit euitare. Littus igitur in quo naus illa primum applicuit, nauicularum littus vocatur, & in quo prefata tumulata est Cæsara: vsq; hodie Cæsaræ tumulus nominatur. Veruntamen cunctis fete per diluuium iam deletis, qualiter rerum istarum, & tam euentus q̄ aduentus memoria post diluuium retenta fuerit: non indignum videtur dubitatione. Sed qui historias istas primo scripserunt: ipsi viderint. Historiarum enim uero enucleator venio, non etiam impugnator. Sed forte in aliqua materia inscripta, lapidea scilicet vellateritia (sicut de arte Musica legitur ante diluuium) inuenta istorum
40 memoria, fuerat referuata.

De secundo aduentu Bartholani scilicet 300. annis post diluuium.

C A P. II.

TRECENTESIMO vero post diluuium anno Bartholanus Seræ filius de stirpe Iaphet filii Noe cum tribus filiis suis eorumq; vxoribus, vel casu vel industria, hoc est, vel errore vię, vel optima opinione patriæ, Hiberniæ littoribus fertur applicuisse. Erāt autem tres filii eius *Languinus, Salanus, Raturugus. Qui cum nominum suorum in-
50 dicia rebus largiretur extantibus, perpetuam sui memoriam & quasi viuacem quandam presentiam sunt inde sortiti. A primo enim filio *Lagini stagnum: A secundo mons altissimus, qui illi imminet mari, quod Hiberniam interfuit atq; Brytanniam, Salanga nominatur. Cuius ad radices, quia lōgis post temporibus S. Dominicus nobile monasterium construxerat: mons Dominici iam vsitatus nomen habet. Raturugus vero, qui duobus tertius successerat: Raturugo nomen stagno donauit. Sub hoc autem Bartholano gestorum pauca reperimus insignia. At vero non alia, nisi fere vastissima quatuor stagna subito ex terræ visceribus eructantia, quatuor nemora studio agriculturæ succisa, & radicitus auulsa, atque in campestem puritatem, non sine magno multorum sudore, redacta. Eo enim tempore, tota prope terra preter montana quædam (& ipsa rarissima) syluis immēsis, & fruticosis nemoribus fuerat obsita: ut, ubi
exerceretur aratra, campana planicies vix inueniretur. Sed etiam adhuc hodie, respectu sylvarum, pauca sunt hic campestria. Bartholanus vero cum filiis suis, & nepo-
tibus

Qq q 2

* *successoribus.*

ribus non mediocriter tam in rerum successibus prosperari cæpit, quam * *successio-*
 nibus. Nam ab aduentu eorum, postquam 300. annorum euolutus est circulus: ad I X.
 iam millia virorum successione suæ traditur numerus excreuisse. Tandem vero in
 bello magno, quod cum Gygantibus gessit, potitum victoria (quia mortalium prospe-
 ritas nescit esse perpetua & quoniam, faciles dare summa Deos, eademque tueri, dif-
 ficiles: & quia summis hunc numina rebus, Crescendi posuere modum: In se magna
 ruunt, summisque negatum, stare diu: nimiumque graues sub pondere lapsus) subita
 pestilentia, etiam ex aeris forte corruptione, de interemptorum Gygantum cada-
 ueribus exorta: eum cum omnibus fere suis aboleuit euentus. Ex illa namque morta-
 litate solus fertur euasisse Ruanus, qui scilicet Ruanus, ut antiquæ referunt historiae, 10
 per multa & plura (quam de facili credi possit) annorum curricula, usque ad tempora
 Beati Patricii reseruatus, & ab eo baptizatus fuit. Hic verus, ut aiunt, Hibernice histo-
 riæ relator, cuncta gentis gesta, à memoriæ * *sinibus* præ nimia antiquitate abolita,
 sancto Patricio replicabat. Nihil enim tam fixum animo: quod neglectu & tempore
 non aboleat. Hic quidem Ruanus licet à morte, viuendi quidem inducias extorserit:
 pacem tamen non impetrauit. Licet enim ultra communem & consuetum fluxum
 & momentaneæ vitæ terminum, mortem * *longa.* diu distulerat: debitam tamen miseræ car-
 nis fatalitatem non euasit. Ruanus iste (prout ex Hibernicis historiis colligi potest)
 longe trans omnem antiquorum patrum longæuitatem (licet incredibile valde vi-
 deatur, & calumniæ obnoxium) multis annis vitam produxisse perhibetur. 20

De tertio aduentu Nemedi, scilicet à partibus Scythia, cum 4. filiis suis.

C A P. III.

* *Animum.*

PRÆFATIO igitur Bartolano cum omni successione sua, acerbæ continuæq; pesti-
 lentia mucrone detricto: aliquandiu terra suo nudata cultore remansit: donec Ne-
 medus Agnominii filius natione Scythicus, cum quatuor filiis suis ad desolatæ littora
 terræ deuectus est. Starium, Gerbaulen, * *Antimum*, Fergusumque hic filios ha-
 buit. In cuius Nemedi temporibus, quatuor stagna subito inopinatoque impetu e-
 mersa, multa nemora & sylvæ in campos & plana sunt redacta. Hic tamen cum py-
 ratis, qui Hiberniam grauiter depopulari consueuerant: 4. bella gessit crudelissima: 30
 cui ubique cessit victoria. In quadam Australis Hiberniæ insula, diem demum
 obiit: quam & sui nominis perpetuam fecit hæredem. Filiorum autem Nemedi, Ne-
 potum, Abnepotumque successio, in breui generis numerositate in tantum excreuit,
 ut totam insulam fere longe abundantius solito, per omnes eius angulos, adimple-
 sent. Sed quoniam

*Plus grauitatis habent res, quæ cum tempore crescunt, &
 Rara solet subitis rebus inesse fides:*

sicut subito in tantâ excreuerant multitudinem, sic subitis, & inopinatis rerum euen-
 tibus, & casu longe citiore quam ortu defecerunt. Bellis namque frequentibus, quæ
 cum Gygantibus gesserant (quibus tunc temporis abundabat Insula) variisque incô- 40
 modis & infortuniis maxima pars in breui deleta est. Pars vero residua tot imminen-
 tia ea tempestate malorum incômoda, fugæ præsidio declinantes, partim Scythiam,
 partim Græciam nauigio petierunt. Ducentis igitur & 16. annis Nemedi generatio
 Hiberniam tenuit: & ducentis postmodum annis vacua fuit.

De quarto aduentu: quinque scilicet fratrum & filiorum Dela.

C A P. IV.

* *summo.** *Media.*

His itaque seriatim hoc * *tempore* completis, tandem quinque duces & hic Ger-
 mani fratres, filii scil. Dela: de prædicti Nemedi posteritate, quæ in Græciam se-
 cesserat, in Hibernia applicuerunt: & eam vacuam inuenientes, in quinque portiones 50
 æquales inter se diuiserunt: quarum capita in lapide quodam conueniunt apud Me-
 diam iuxta castrum de Kyllari, qui lapis & umbilicus Hiberniæ dicitur: quasi in medio
 & meditullio terræ positus. Vnde & Media pars illa Hibernia vocatur, quia in medio
 est Insula sita, de quinque tamen partibus illis famosis, quarum nomina supra posui-
 mus, nulla est hæc. Cum enim prædicti fratres quinque, videlicet Gandius, Genandius,
 Sagandius, Rutherrargus & Slanius: in quinque partes Insulam diuisissent: quælibet
 partium illarum, suam in Media portiunculam habebat, lapidē præfatum contingentē:
 quia terra illa à principio optima fuerat, tam campestri planitie, quam sæcunda frugū
 fertilitate. Vnde & nullus eorum quinque, expers ipsius esse volebat.

De

De primo Hibernia Monarcha, scilicet Slanio.

C A P. V.

PR O C E S S V vero temporis fortuna variante vices, & in breui, vt assolet, multa peruertens, Slanius solus totius Hiberniæ monarchiam obtinuit. Vnde & primus Hiberniæ, Rex nominatur. Hic primo quinque portiunculas Medię redintegrauit, & in vnum coniungens, totam Mediam mensę Regali appropriauit. Vnde & à principalibus illis quinque portionibus per Slanium, vt dictum est, iam mutilatis: vsque hodie segregata separatim per se Media iacet, nec tamen quantū terrę vna illarum quinque, tantum continet ista: sed solum medietatem. Cum enim à tempore Slanii quælibet
 10 illarum quinque partium triginta duos Cantaredos continuerit, 16. tantum Media contenta fuit. Est ergo numerus cantaredorum omnium Hiberniæ 176. Dicitur autem Cantaredus composito ex vulgari vocabulo tam Brytannica quam Hibernica lingua, tanta terrę portio, quanta 100. villas, continere solet. Cum igitur ex his fratribus & eorum successione, 9. successerunt Reges, parum tamen & circiter annos 30. tantum regnauerunt. Slanius vero in monte quodam apud Mediam tumulatus est, quia & ab eius nomine nomen accepit.

De quinto aduentu filiorum Milesii Regis, de partibus Hispaniæ: & qualiter Herymon, & Heberus regnum inter se diuiserunt.

C A P. VI.

20 **D**E L E T A igitur magna ex parte, & plurimum debilitata natione ista, tum variis inter se conflictibus, tum eo potius bello, quod cum alia quadam Nemedi posteritate, quæ de partibus Scythiæ superuenerat, graui cum dispendio gesserat: demum aduenerunt de Hispaniæ partibus in 60. nauium classe, quatuor nobiles, Milesii regis filii: qui & statim totam Insulam, nemine rebellante, sibi vendicarunt. procedente vero tempore, duo istorum nominatissimi Heberus scilicet & Herymon duas in partes æquales, regnum inter se diuiserunt. Herymoni cessit pas Australis: Hebero quidem Aquilonaris.

De fratrum discordia, & qualiter interfecto Hebero, de Hiberniensi populo primus Herymon monarcha fuit.

C A P. VII.

30 **C** V M aliquandiu autem prospere satis & fæliciter conregnassent: (quoniam, Nulla fides regni sociis: omnisq; potestas, Impatiens consortis erit) cæca malorum mater ambitio, fraterna paulatim distrūpens fœdera, omne pacis vinculum in breui dissoluit, & lætis se rebus immiscens discordia, cuncta peruertit, & perturbat. Post varios igitur fratrum conflictus, & ambiguos semper bellorum euentus: tandem Herymoni cessit victoria, & in bello quodam interfecto Hebero fratre suo, totum Regnum Herymon solus obtinuit. qui & de Hiberniensi populo, qui vsq; in hodiernum diem Insulam habitant: primus Monarcha fuit. A nomine vero prædicti Heberi, secundum quosdam, Hibernienses nomen traxerunt: vel potius secundum alios, ab Hiberno Hispaniæ fluuiio: vnde hi prouenerant. Dicti sunt & Gaideli: dicti sunt & Scoti. Sicut enim antiquæ referunt historiæ, Gaidelus quidam Phænii nepos, post linguarum confusionem, apud Nembrothicam turrim, in variis linguis peritissimus fuit. Ob quam peritiam Rex Pharaos filiam suam Scotiam ei sociauit uxorem. Quoniam igitur Hibernienses ab istis, vt aiunt, originalem lineam ducunt, à Gaidelo & Scotia, Gaideli & Scoti sunt, sicut & nati, sic & nominati. Gaidelus iste, vt asserūt, Hibernicam linguam composuit, quæ & Gaidelach dicitur: quasi ex omnibus linguis collecta. Scotia quoque pars Insulæ Brytannicæ Aquilonaris, quia gens originaliter ab iis propagata, terram illam habitare dinoscitur. Quod tam linguæ, quam cultus, tam armorum etiam,
 40 quam morum vsque in hodiernum probat affinitas.

De Gurguntio Brytonum Rege, qui Basclenses in Hyberniam transmisit, & eandem ipsis inhabitandam concessit.

C A P. VIII.

50 **S** I C V T Brytannica refert historia: Rex Brytonum Gurguntius nobilis ille Belini filius, & Brenni famosissimi nepos, rediens à Dacia, quam olim à patre suo subactam, & sibi iam rebellem iterum subiugauerat: apud Insulas Orchadum classem inuenit: quæ Basclenses de Hispaniarum partibus illuc aduectauerat. Cum ergo duces eorum ad Regem accessissent, & vnde huc aduenerint, causamque aduentus (vt aliquam scilicet terram in Occidentis partibus habitarent) ei proposuissent: cum etiam tanto-

pere iam flagitassent, ut aliquam terram eis incolendam traderet: Rex tandem de suorum consilio Insulam istam, quæ nunc Hibernia dicitur, & quæ tunc vel vacua prorsus fuerat, vel per ipsum inhabitata eis habitandam concessit. De suis etiam navigationis duces ipsis adhibuit. Ex quo patet, non nullo iure licet antiquo, Brytanniæ reges Hiberniam contingere. Legitur quoque, famosum illum Brytonum Regem Arthurum, Hiberniæ Reges tributarios habuisse: & ad magnam vrbs Legionum curiam, quosdam eorum accessisse.

De Triplici nouo Iure.

C A P. I X.

19

PRÆTEREA vrbs Baonenſis Guasconiæ terminus, & sub eodem dominio continetur. Eadem quoque Bascloniæ caput est, unde Hibernienses prouenerant. Hodie vero Gasconia & Aquitania tota, eodem quo & Brytannia* regimine gaudet. Duplici quoque præter id nouo iure, Britannia Reges ad hoc funguntur. (Cum enim liberum sit, cui libet, iuri suo renunciare) tam principum illius terræ spontanea deditione, & vltronea fidelitatis exhibitione; quam etiam priuilegiata Summi Pontificis confirmatione. In occiduis enim Oceani finibus Ioue tonante, & Henrico Rege Anglorum secundo ibidem expeditionem agente: Occidentales Reguli tonitruis eius attoniti, pacis adeptæ beneficio, fulminis ictum præuenerunt. De iis autem plenius suo loco dicetur.

De gentis istius natura, moribus, & cultu.

C A P. X.

DE Gentis huius tam corporum, quam mentium compositione, de utroque scilicet tam interiore cultu, quam exteriori: pauca proponere non superfluum duxi. Homines igitur isti cum nascuntur, non accurate, ut assolet, nutriuntur. Nam præter alimenta, quibus, ne penitus deficiant, duris, à parentibus sustentantur, per cætera fere cuncta naturæ relinquuntur. Non incunabulis aptantur. Non fasciis alligantur, non frequentibus in balneis tenera membra vel fouentur, vel artis iuuamine componuntur. Non enim obstetrices aquæ calentis beneficio, vel nares erigunt, vel faciem deprimunt, vel tibias extendunt: sed sola natura, quos ædedit, artus, præter artis cuiuslibet adminicula, pro sui arbitrio & componit & disponit. Tanquàm itaque probans, quid per se valeat fingere, non cessat & figurare, quousque in robur perfectum, pulcherrimis & proceris corporibus congruis & coloratissimis vultibus, homines istos, puehat & producat. Cæterum licet ad plenam naturæ dotibus excolantur: barbarus tamen tam barbarum quam vestium, necnon & mentium cultus, eos nimirum reddit incultos. Lanceis enim tenuiter vtuntur, & his omnibus ferme nigris (quia terræ istius oues nigræ sunt) & barbaro ritu compositis.

Caputis namque modicis assueti sunt & arctis, trans humeros deorsum, cubito 40 tenus protensis: variisque colorum generibus panniculorumque plerumque confutis: sub quibus phalingis laneis quoque palliorum vice vtuntur, seu braccis caligatis, seu caligis braccatis, & his plerumque colore fucatis. Item sellis equitando non vtuntur, non ocreis, non calcaribus: virga tantum, quam manu gestant, in superiori parte camerata, tam equos excitant, quam ad cursus inuitant. Frenis quidem vtuntur, tam chami quam freni vice fungentibus: quibus & equi, semper herbis assueti, ad pabula nequaquam impediuntur. Præterea nudi & inermes ad bella procedunt. Habent enim arma pro onere. Inermes vero dimicare, pro audacia reputant, & honore.

Tribus tamen vtuntur armorum generibus, lanceis non longis, & iaculis binis: in quibus & Basclensium mores sunt imitati. Securibus quoque amplis fabrilis diligentia optime chalybatis, quas à Norwagiensibus & Ostmannis (de quibus post dicetur) sunt mutuati. Vna tantum manu, & non ambabus in securi percutiunt, pollice desuper manubrium in longum extenso, ictumque regente, à quo nos galea caput. in collum erecta, nec reliquum corpus ferrea lorice tritatura tuetur. Vnde & in nostris contigit temporibus, totam militis coxam ferro vtrinque fideliter vestitam vno securis ictu præcisam fuisse. Ex vna parte equi coxa cum tibia: ex altera vero corpore cadente moribundo. Lapidibus quoque pugillares, cum alia defecerint, hostibus in conflictu damnosissimos præ alia gente, promptius & expeditius ad manum habent.

Est

Est autem gens hæc gens inhospita, gens ex bestiis solum, & bestialiter viuens; gens à primo pastoralis vitæ viuendi modo non recedens. Cum enim à syluis ad agros, ab agris ad villas, ciuiumque conuictus, humani generis ordo processerit: gens hæc agriculturæ labores aspernans, & ciuiles gazas parum affectans, ciuiumque iura multum detrectans: in syluis & pascuis, vitam quam hætenus assueuerat, nec desuescere nouit, nec descire. Agris igitur passim vtuntur, pascuis parum floridis, cultis parce, cõsitis parcissime. Sunt enim culti quidem neglectu cultorum agri perpauci. Plurimi tamen sua natura fertiles & fœcundi. Vacat aruorum virtus in vita: dum & optimis agris defunt agricolæ, defuntq; manus poscentibus aruis.

- 10 Pomiferarum autem arborum, quam pauca reperiuntur hic genera: & hoc non telluris natura, sed cultoris minor facit industria. Peregrinas namque arborum species, quas optime tellus exhiberet, ociosus cultor non exercet. Arborum autem species quatuor, quas insula Britannica circa cultoris operam per se producit, hic deficiunt: castanus & fagus fertiles, * Aralus & buxus fructum non ferētes: scyphos tamen & manubria largientes. Præterris autem omnibus, quas intrauimus, longe copiosius amaro hic succo taxus abundat, maxime vero in cœmiteriis antiquis, locisq; sacris, sanctorum virorum manibus olim plantatas, & decorem & ornatum, quem addere poterant, arborum istarum copiam videas. Item abundat & abiete syluositatis Hiberniæ, thuris & incensi matre. Metallorū quoq; diuersorū genera, quibus venæ scaturiunt interiores, eiusdem otiositatis vitio nec ad vsum prodeunt, nec proficiunt.
- 20 Aurū enim (quo & abundare quærun, & quod adhuc Hispanico more sitiunt) commerciorum genera scrutantes Oceanum mercatores, aduectant. Item non lino vel lanificio, non aliquo mercimoniorum genere, nec vlla mechanicarum artium specie vitam producant. Solum enim otio dediti, solum desidii dati, summas reputant delicias labore carere, summas reputant diuitias libertate gaudere. Gens igitur hæc gens barbara, & vere barbara: quia non tantum barbaro vestium ritu, verum etiam comis & barbibus luxuriantibus iuxta modernas nouitates, incultissima, & omnes eorum mores barbarissimi sunt. Sed cum à conuictu mores formentur (quoniam à communi terrarum orbe in iis extremitatibus. tanquā in orbe quodā altero, sunt tā remoti, & à modestis & morigeratis populis tam segregati) solam nimirū barbariæ, in qua & nati sunt, & nutriti, sapiunt & affuescunt, & tanquam alteram naturam amplectuntur. Quod igitur in his naturæ, illud optimum: quicquid fere industriæ, illud pessimum est.

De gentis istius in Musicis instrumentis peritia incomparabili.

C A P. XI.

- IN Musicis solum instrumentis commendabilem inuenio gentis istius diligentiam. In quibus præ omni natione, quam vidimus, incomparabiliter est instructa. Non enim in his, sicut in Britannicis (quibus assueti sumus) instrumentis, tarda & morosa est modulatio. verum velox & præceps: suavis tamen & iucunda sonoritas. Mirum quod
- 40 in tanta tam præcipiti digitorum rapacitate Musica seruetur proportio: & arte per omnia indemni inter crispatos modulos, organaq; multipliciter intricata, tā suauis velocitate, tam dispari paritate, tam discordi concordia consona redditur & completur melodia, seu diatesseron, seu diapente chordæ concrepent. Semper tamen ab molli incipiūt, & in idem redeunt, vt cuncta sub iucundæ sonoritatis dulcedine compleantur. Tam subtiliter modulos intrant & exeunt: sicq; sub obtuso grossioris chordæ sonitu, gracilium tinnitus licentius ludunt, latentius delectant, lasciuiusq; demulcent, vt pars artis maxima videatur, artem velare, tanquam

Si lateat, profuit: ferat ars deprenta pudorem.

- Hinc accidit, vt ea, quæ subtilius intuentibus, & artis archana acute discernentibus, internas & ineffabiles cõparant animi delicias: ea non attendentibus, sed quasi videndo non videntibus, & audiendo non intelligentibus, aures potius onerēt quam delectent: & tanquam confuso inordinatoque strepitu inuitis auditoribus, fastidia pariant tædiosa. Notandū vero, quod Scotia & Gwallia, hæc propagationis, illa commutationis & affinitatis gratia Hiberniam in modulis æmula imitari nituntur disciplina. Hibernia quidem tantum duobus vtitur & delectatur instrumentis, cythara scilicet & tympano. Scotia tribus cythara, tympano & choro: Gwallia vero cythara, tibiis & choro. Aeneis quoq; magis vtuntur chordis Hiberni, quam de corio factis. Multorum autem opinione hodie Scotia non tantum magistrā equiparauit Hiberniam, verum etiam in Musica peritia longe præualet & præcellit. Vnde & ibi quasi fontem artis iam requirunt.

299 4 De

MUSICÆ sonoritatis dulcedo non tantum delectat modulis: quinimo iuuat commodis. Animos itaque tristes non mediocriter exhilarat. Nubilos vultus serenat, supercilium ponit, austeritatem reponit, iucunditatem exponit. Inter omnia iucundissima nihil amplius humanos, vel iocundat, vel delectat affectus. Duobus enim ad delicias anima reficitur fomentis & recreatur. Odora suauitate scilicet, & sonora. Est siquidem tam melodia dulcisona, quam odor suauissimus, cibus eius. Cuicumque studio animum applicueris: ingenium augeat, & insensibilium officio, sensibili tamen effectū, sensus augmentat. Vnde & animosis animositates, & religiosi piās fouet & promouet intentiones. Hinc accidit, ut Episcopi & Abbates, & sancti in Hibernia viri cytharas circumferre, & in eis modulando pie delectari consueuerint. Quapropter & sancti Keiuini cythara ab indigenis in reuerentia non modica: & pro reliquiis virtuosis & magnis usque hodie habetur. Præterea bellica tuba cum strepitu clangoris Musicam effert consonantiam, quatenus & clangor altisonus, congregandi signum cunctis indicet: & consona sonoritas animosis audaciam altius infigat. Item & contraria nonnunquam in contrariis operatur. Huius enim effectū, tam vitiosis interdum voluptas quam virtuosis & validis virtus accrescit. Legitur de Alexandro Macedone, quod in quodam familiarium cōfessu dulcisonam audiens cytharam, chordas eius incidit. Interrogatus vero, cur nam hæc fecisset, respondit: satius est chordas incidere, quam corda. Præsenferat enim (& in hoc humanæ consuluit imbecillitati) animum ipsius vehementer incendi, licet inuiti, quod tunc his intendebat: Earumque modulatione mollitiis (quibus iam forte addictus fuerat) magis applicari, quam militiis; delitiis quā duritiis: Veneri quā virtuti: voluptati quā voluntati. Affectus enim nostri nostræ nequaquam subiacent potestati. Ad hæc autem morbos lenit & languores: dum exteriori modulatione ad interius operatur: ut vel prorsus desinat, quod molestat: vel certe facilius feratur, quod inquietat. Cunctis igitur confert, multis medetur: dum doloris angustias & nullas non mitigat, & nonnullas curat. Daudica lyra spiritum immundum à Saulis vexatione cohibuit, dum & ipso modulante cessauit vexatio: quæ quidem eodem cessante, cessare nesciebat. His autem illud Salomonis aduersari videtur: Musica in luctu importuna narratio est. Qui enim inter luctus cantum ultroneus effert: & in ipso doloris articulo gaudium simulat, & voce lætā bunda canorus exultat: contemptor aut fatuus esse videtur. Veruntamen sicut passio quælibet, dum adhuc recens est, & in augmento solatium non admittit: sic tempore mitescens & consolari non renuit, & vim doloris paulatim amittit. Quem enim nec ratio mitigat, nec medicina medetur: plerunque dies longior hebetat laxatum dolorem. Siquidem malis omnibus finis de tempore venit. Sic enim composita est hominum natura: ut vel crescant semper, vel decrescant: proficiant semper vel deficient: quia stare nesciunt res humanæ: & cum ad summum peruenerint, longe quidem ocius quam ascenderant, properant ad descensum. Itaque si tempora discernas & modum, in singulis modulator simul & moderator, obserues, qui narrator fueras importunus, fieri poteris oportunus.

Quis matrem, nisi mentis inops in funere nati

Flere neget? non hoc illa monenda loco est. Igitur

Dum dolor in cursu est: currenti cede dolori.

Tempore cum residet: tum medicina valet.

* al. iam.

Est itaque tanquam conuertibilis Musica naturæ. Huius enim opera animum si intendis, incendis: si remittis, amittis. Vnde & gens Hibernica & Hispanica, aliæque nationes nonnullæ inter lugubres funerum planctus, musicas efferunt lamentationes: quatenus vel dolorem instantem augeant & recentem: vel forte ut minuant iam remissum. Ad tolerandos quoque labores Musica animum mulcet: & singulorum operum fatigationem vocis modulatio consolatur. Vnde & plerunque mechanicarum artium operarii, laboris solatium cantilenæ remedio quarunt. Ipsas quoque bestias nec non & serpentes, ac volucres, & phocas etiam marinas ad auditum modulationis Musica prouocat harmonia. Et quod vehementius est admirandum: fugitiua quoque apum examina musico modulamine tam reuocantur, quam retinentur. Phocas vero marinas nonnunquam vidimus, cum nauigio fungeremur, longo maris tractu, nauem è vestigio sequentes, & ad cytharæ vel etiam tubæ sonitum, tam super vndas

das corpus erigere, quam ad auditum aures arrigere. Præterea, ut ait Isidor. sine Musica nulla disciplina potest esse perfecta. Nihil enim sine illa. Nam & ipse mundus harmonice dicitur esse compositus: & cælum ipsum sub harmoniæ fertur modulatione reuolui. Cuiuslibet autem soni (vnde materiam cantilenæ contrahunt) triformem constat esse naturam. Prima est harmonica, quæ ex vocum cantibus constat. Secunda organica, quæ ex flatu consistit. Tertia Rythmica, quæ pulsu digitorum numeros recipit. Nam aut voce editur sonus, sicut per fauces: aut flatu, sicut per tubā vel tibiā: aut pulsu, sicut per cytharam, aut quodlibet aliud instrumentum, quod percutiendo canorum est. Illud autem de commodis cytharæ Cassiodorus scribit: & hic interfere-

10 re præter rem non putavi. Ait enim: Hæc sunt comoda cytharæ: Tristitiam noxiam iocundat, tumidos furores attenuat, cruentam sæuitiam efficit blandam, ignauiam deprimit, languorem soporantem expergiscit, vigilantibus reddit saluberrimā quietem: Humanam à turpi amore ad honestum studium reuocat castitatem. Sanat mentis tedium bonis cogitationibus semper aduersum. Pernitiosa odia conuertit ad auxiliatricem gratiam, & (quod beatissimum genus curandi est) per dulcissimas voluptates, expellit animi passiones. Incorpoream animam corporaliter mulcet, & solo auditu ad quod vult deducit. Quod tenere non præualet, tacitus verbo, manibus clamat: sine ore loquitur. Et per insensibilem obsequium præualet sensuum exercere dominatum. Miseratio diuina localiter sparsit gratiam, dum omnia sua valde fecit esse laudanda. Perpulit quidem Dauidica lyra diabolum, sonus spiritibus imperauit, &

20 canente cythara ter Rex in libertatem rediit, quem internus inimicus turpiter possidebat. Facta est voluptuosa digressio, nec sine re tamen, quia semper gratum est de doctrina loqui cum peritis.

De primis Musica consonantiæ inuentoribus.

C A P. XIII.

INVENTOR fuit Musicæ consonantiæ, sicut in Genesi legitur, Tubal, de stirpe Cain, ante diluuium, qui & dictus est pater canentium, in cythara & organo. Et quia Adam audierat prophetasse de duobus iudiciis, ne perirer ars inuenta scripsit eam in duabus

30 columnis, in qualibet totam: vna marmorea, altera lateritia. Quarum altera non dilueretur diluuiο: altera non solueretur incendio. In philosophicis vero traditur disciplinis, primo Pythagoram huius artis inuenisse primordia, ex malleorum sonitu, & chordarum extensione percussa. Quidam autem Thebæum Linum, Zetum & Anxeon in Musica arte primos claruisse: post quos paulatim in tantum hæc adaucta est disciplina, ut tam turpe videretur Musicam nescire quam literas.

De Musicorum instrumentorum cultore præcipuo & ornatore.

C A P. XIII.

REX autem Dauid præcipuus Musicorum instrumentorum & cultor fuerat & ornator. Multorum quidem auctor, omnium adauctor. Psalterium decem chordarum, & alia instrumenta nonnulla adinuenit. Hic etiam Musicæ virtutis non ignarus, Dominum in Musicis instrumentis laudari monuit: quoniā creator à creaturis multimode laudari non renuit & ipsa modulatio modulantis affectum, ad diuinum amorem altius accendit. Vnde & Augustin. in libro confessionum: quoties me magis delectat sonus, quam sensus, pœnaliter me peccare confiteor. Optime tamen in Ecclesiā statutum est, ut quæ in ea ad laudem Dei proferenda sunt, cum vocis modulatione pronuntientur: ut internæ modulationis effectum corda fidelium ad pietatis opera plenius attendatur. Item & in eodem. Quantum fleui in hymnis, & canticis tuis suaue sonantis Ecclesiæ tuæ, vocibus commotus acriter. Voces igitur illæ influebant auribus meis, & eliquebatur veritas in cor meum: & æstuabat inde affectus pietatis: & currebant lachrymæ, & bene mihi erat cum illis.

40

50

De nomine Musica.

C A P. XV.

DICTA autem est Musica à Musis. Musæ autem appellatæ sunt à Græco Mazo, id est, à quærendo, quod per eas, sicut antiqui voluerunt, vis carminum & vocum quæreretur. Sed hæc hæcenus, de cetero ad historiam reuertamur.

2401

Quot Reges ab Herymone, vsque ad Patritii aduentum regnauerunt: & quod Insula per ipsum ad fidem est conuersa.

C A P. XVI.

Anno quo S. August. de Herymone mortuus est, scilicet 428. missum est Patritium in Hiberniam: venit vero eo 432. S. Brigida nata 439. obiit Patritius 493. anno ætatis sue 120. Hæc in quodam vetusto libro Chromellia inueni.

APRIMO igitur gentis huius Rege, scilicet Herymone, vsque ad Patritii aduentum 131. Reges de eadem gente in Hibernia regnauerunt. Patritius vero natione Britannus, vir vita & sanctitate conspicuus, regnante Laegirio Nelli magni filio, insulam intrauit: & gentem inueniens idololatram, varioque errore delusam, primus in ea diuina opitulante gratia, fidem Christianam, & prædicauit & plantauit. Baptizatis itaque cateruatim populis, & tota iam insula ad fidem Christi conuersa: apud Ardmacham 10 sibi sedem elegit, quam etiam quasi metropolim constituit, & proprium totius Hiberniæ primariæ locum, Episcopos quoque congruis in locis collocauit, vt in partem vocati sollicitudinis, quod ipse plantauerat, & ipsi rigarent, Deus autem incrementum daret.

Hic quoque notandum videtur, prædicto Nello Hiberniæ Monarchiam obtinente, sex filios Muredi Regis Ultoniæ in classe non modica Boreales Britannicæ partes occupasse. Vnde & gens ab iis propagata, & specificato vocabulo Scotica vocata, vsque in hodiernum Angulum illum inhabitant.

Sed quibus ex causis huc aduenerint, qualiterque & quantis proditiõibus potius quam expeditionibus Pictorum gentem perualidam, armis quoque & animosi- 20 tate longe præstantem, à partibus illis expulerunt: cum notabilem illam Britannicæ Topographiam declarauimus, enucleatius expeditur. Aliud autem hinc beneficium sua forte dignitate laudabile, studiosisq; mentibus appetibile, suis temporibus emanabit.

Quod Archiepiscopi nulli in Hibernia fuerint, ante aduentum Iohannis Papyronis, qui quatuor pallia in Hibernia plantauit, anno domini 1152.

C A P. XVII.

ARCHIEPISCOPI vero in Hibernia nulli fuerant: sed tantum se Episcopi inui- 30 cem consecrabant: donec Iohannes Papyrio Romanæ sedis legatus, non multis retro annis aduenit. Hic quatuor pallia in Hiberniam portauit, quorum vnum apud Ardmachianam posuit: Alterum apud Dubliniam Episcopo tum Gregorio: Tertium apud Cassiliam: Quartum vero in Connactia in Toeniam. Obiit autem Beatus Patritius, & in Domino quieuit: * Anno ætatis suæ 120. ab incarnatione Domini 458. ab aduentu Hibernensium 1800.

** Alibi. Anno ætatis suæ 123. incarnationis dominicæ 493. Pontificante Felice Papa primo, Imperante Anastasio, principante in Britannia Aurelio Ambrosio, in Hibernia autem Forhero.*

Quod tria corpora, Patritii scilicet, Columba & Brigida apud Ultoniam in Dunensi ciuitate his nostris diebus inuenta sunt, & translata.

C A P. XVIII.

FVERANT autem contemporanei Patricio Sanctus Columba, & Sancta Brigida, & apud Ultoniam, in eadem ciuitate Dunensi scilicet, ipsorum trium corpora sunt recondita. Vbi & his nostris temporibus, anno scilicet, quo Dominus Comes Iohannes primo in Hiberniam venit, quasi in spelunca triplici, Patritio in medio iacente, aliis duobus hinc inde. Iohanne vero de Curci tunc ibidem præidente, & hoc procurante, tres nobiles thesauri diuina reuelatione inuenta sunt, & translata. Vnde versus:

*In burgo Duno, sumulo tumultantur in uno,
Brigida, Patritius, atq; Columba pius.*

De Hiberniensibus in fidei rudimentis incultissimis.

C A P. XIX.

CVM autem à tempore Patritii per tot annorum curricula fides in insula fundata fuerit: & fere continue pullulauerit: mirum quod gens hæc in fidei rudimentis hætenus manserit tam inculta. Gens enim hæc, gens spurcissima, gens vitiis inuolutissima, gens omnium gentium in fidei rudimentis incultissima. Nondum enim decimas, vel primitias soluunt: nondum matrimonia contrahunt: non incestus vitant. Non Ecclesiam Dei cum debita reuerentia frequentant. Quinimo (quod valde de- 30 resta-

testabile est, & non tantum fidei, sed & cuilibet honestati valde contrarium) fratres pluribus per Hiberniam locis, fratrum defunctorum vxores, non dico ducunt, sed traducunt, imo verius seducunt: dum turpiter eas, & tam incestuose cognoscunt: veteris in hoc testamenti non medullæ, sed cortici adhærentes: veteresque libentius in vitiis quam virtutibus imitari volentes.

De eorum nequitia & proditiionibus.

C A P. XX.

PRÆ omnia aliā gente proditiionibus semper insistant: fidem datam nemini seruant: fidei & sacramenti religionem, quam sibi obseruari summo opere volunt: aliis præstitam quotidie violare nec verescunt nec verentur. Vnde & cū cautelas omnes obseruaueris & adhibueris: cum securitati & indemnitati tuæ tam sacramentis & obfidibus, quā amicitia firmiter iunctis, & beneficiis multimode collatis, modis omnibus inuigilaueris: tunc primo timendum est tibi, quia tunc præcipue ipsorum vigilat malitia, cum ex securitatis abundantia te tibi præsenferint non vigilare. Tum demum ad arcem nequitia: tum ad consueta fallacia tela confugiunt, vt sumpta securitatis occasione lædere valeant vel improbitum.

De securi, quam semper in manu quasi pro baculo baiulant.

C A P. XXI.

DE antiqua imo iniqua consuetudine, semper in manu quasi pro baculo securim baiulant: vt iniquitatis affectum facilius perduxerint ad effectum. Quocunque se vertant, hanc præuectant. Visa igitur oportunitate, & occasione captata: Non hæc vt gladius euaginat: Non vt arcus tenditur, non vt lancea protenditur: Citra omnem præparatum parum eleuata, læthale vulnus infligit. Ad manum igitur, imo in manu semper & in promptu est, quod ad mortem fat est. A securibus itaque nulla securitas. Si securum te reputes, securim senties. Te sponte in periculum mittis: si securim admittis, & securitatem amittis. Cum igitur exercenda malitia locum aduiderint, vtinam vel non inuiderint, vel potius nihil viderint. Est etenim gens hæc gens inconstans, gens varia, gens versipellis, & versuta: Gens sola in instabilitate stabilis, sola in infidelitate fidelis.

Hoc firmam seruans, quod nunquam firma, fidele:

Hoc solum retinens, quod nesciat esse fidelis.

Est igitur longe fortius timenda eorum ars, quam Mars; eorum pax, quam fax: eorum mel quam fel; malitia quam militia: proditio quam expeditio; amicitia præfucata, quam inimicitia despiciata. Hæc enim est eorum sententia:

Dolus an virtus quis in hoste requirat?

De argumento nequitia, & nouo desponsationis modo.

C A P. XXII.

INTER alia multa artis inique figmenta hoc vnum habent tanquam præcipuum argumentum: sub religionis & pacis obtentu ad sacrum aliquem locum conueniunt, cum eo quem oppetere cupiunt: primo compaternitatis fœdera iungunt: Deinde ter circa Ecclesiam se inuicem portant: postmodum Ecclesiam intrantes coram altari, reliquiis Sanctorum appositis, sacramentis multipharie præstitis, demum Missæ celebratione, & orationibus sanctorum sacerdotum tanquam desponsatione quadam, indissolubiliter fœderantur. Ad vltimum vero ad maiorem amicitia confirmationem, & quasi negotii consummationem, sanguinem sponte ad hoc fustum vterque alterius bibit. Hoc autem de ritu gentilium adhuc habent, qui sanguine in firmandis fœderibus vt solent. O quoties in ipso desponsationis huius articulo à viris sanguinum & dolosis, tam dolose & inique funditur sanguis: vt alteruter penitus maneat exanguis. O quoties eadem hora & in continenti, vel sequitur, vel præuenit, vel etiam inaudito more sanguinolentum diuortium ipsam interrumpit desponsationem.

Quod alumnos & collataneos diligunt: fratres & cognatos persequuntur.

C A P. XXIII.

VÆ autem fratribus in populo barbaro: vx & cognatis. Viuos enim ad mortem persequuntur: mortuos & ab aliis interemptos vlciscuntur: solum vero alumni & collataneis, si quid habent vel amoris vel fidei, illud habent.

De

De aduenis eodem vitio inquinatis.

CAP. XXIII.

AD E o igitur quicquid libet, licere videtur, & cura quid expediat cunctis, nō quid sit honestum: cum tamen nihil ad plenum expediat præter honestum: adeo proditionis pestis hic inualuit, & quasi radices posuit, adeo in naturam conuerti præualuit prauæ consuetudinis longus abusus: adeo à conuictu mores formantur: & qui tangit picem, coinquinabitur ab ea, & eo mali vis magna est. Melli enim plurimo, parum absynthii iniectum, velocem amaritudinem reddit. Mel vero duplum si misceatur absynthio, nequit eius obtineri dulcedo. Adeo, inquam, bonos mores corrumpunt colloquia praua: vt hoc vitio patriæ tanquam innato & contagiosissimo, etiam alienigenæ huc aduecti * fere inuoluantur. Sacros igitur locos hic aut recipit, aut facit: cum enim procliuus sit cursus ad voluptates: & imitatrix natura vitiorum: quis sacrum esse dubitet, quem tot sacrilegiorum exemplaria: tot rerum malarum documenta: tam frequens sacramentorum transgressio, tam fidei nulla religio prædocent & instruunt: & æmula malorum doctrina ad similia constanter inuitant.

* al. inenitabili
ser.

De nouo & enormi Regni & Domini confirmationis modo.

CAP. XXV.

SVNT etiam quædam, quæ nisi materiæ cursus expeteret: pudor reticenda persua-
deret. Turpis enim rei gestæ narratio, quanquam præferat artem, deuenustare tamen videtur artificem. Veruntamen quoniam historiæ seueritas nec veritati parcere nouit, nec verecundiæ: circumcisus labiis res inhonesta poterit venusta verborum vermilitate depromit. Est igitur in Boreali & vltiore Ultoniæ parte scilicet, apud Kenel Cunil: gens quædam, quæ barbaro nimis & abominabili ritu sic sibi Regem creare solet. Collecto in vnum vniuerso populo terræ illius, in medium producit iumentum candidum. Ad quod sublimandus ille non in principem sed in beluam: non in Regē, sed ex legem: corā omnib. bestialiter accedens, non minus impudenter, quam imprudenter se quoque bestiam profitetur, & statim iumento interfecto, & frustatim in aqua decocto, in eadem aqua balneum ei paratur. Cui insidens, de carnibus illis sibi allatis, circumstante populo suo & conuescente: comedit ipse. De iure quoque quo lauatur, non vase aliquo, non manu, sed ore tantum circumquaque haurit & bibit. Quibus ita rite non recte completis, Regnum illius & Dominium est confirmatum.

De multis in Insula non baptizatis: & ad quos nondum fidei doctrina peruenit.

CAP. XXVI.

AD hæc autem quamuis tanto iam tempore in terra ista fundata fides adoleuerit: in nonnullis tamen eiusdem angulis multi adhuc sunt non baptizati: & ad quos ex pastoralis negligentia, fidei nunquam doctrina peruenit. Audiui à nautis quibusdam, quod cum quadragesimali quodam tempore ad Boreales insulas, & inexcru-
biles Conactii maris vastitates, vi tempestatis depulsi fuissent: tandem * in insulam quandam modicam se * subdixerunt. Vbi & anchorarum morfu, funiumque triplicium, imò multiplicium tenacitate se vix retinuerunt. Residente vero infra triduum tempestate, & restituta tam aeris tranquillitate, quam maris serenitate: apparuit non procul facies cuiusdam terræ, eis hætenus prorsus ignotæ, de qua non longe post, & cymbulam modicam ad se viderunt remigantem arctam & oblongam: vimineam quidem, & coriis animalium extra contextam consutamque. Erant autem in ea homines duo nudis omnino corporibus præter zonas latas de crudis animalium coriis, quibus stringebantur. Habebant etiam Hibernico more comas perlongas & flauas, trans humeros deorsum, corpus magna ex parte regentes. De quibus cum audissent, quod de quadam Conactiæ parte fuissent, & Hibernica lingua loquerentur, intra nauem eos introduxerunt. Ipsi vero quæ ibi cuncta videbant, tanquam noua admirari cæperunt. Nauem enim magnam & ligneam, humanos etiam cultus, sicut asserebant, nunquam antea viderant. Cum vero panem & caseum ad comedendum eis obtulissent, vtrunque ignorantes, abnuerunt. Carnibus tantum & piscibus, & lacte se vesci solere dicebant. Nec vestibus vllis utebantur, nisi coriis animalium interdum, in magna necessitate. Et cum à nautis expeterent, an ibi ad prandendum carnes haberent, & re-

* al. sub insula
quandā modica.
* al. receperunt.

& responsum acciperent, in quadragesima carnes comedere non licere: ipsi de quadragesima nihil sciebant. Nec etiam de anno, vel mense, vel hebdomada quicquam: Quibus etiam nominibus dies septimanæ censerentur, penitus ignorabant. Cumq; ab ipsis quæreretur, an Christiani essent & baptizati: Responderunt, de Christo ante se nihil hætenus vel audisse vel sciuisse. Et sic reuertentes panem vnum & caseum secum retulerunt, vt præ admiratione suis ostenderent, quibus cibariis alienigenæ vescerentur.

Notandum autem, quod viri, qui Ecclesiastica gaudent immunitate, & quos viros Ecclesiasticos vocant, quanquam laici & vxorati comis quoque prælongis trans humerum diffusis, solum armis renuntiantes, in signum protectionis, pontificali impositione, amplas in capite coronas gestant. Item gens hæc ab aliis diuersa nimis, & peruersa: corporali tam manus quam capitis signo, quod innuit, abnuat: Renuit quoque, quoties alicui abscessum indicit. Præterea viri in hac gente sedendo, mulieres stando, vrinas emittunt. Ad hæc autem præ omni alio populo, zelotypiæ vitio, laborat hæc natio. Tam mulieres quoque, quam mares diuaticis cruribus, tibiisq; vtrinque protensis, equitare solent.

De clero Hibernia in multis laudabili.

C A P. XXVII.

20 **S**ED nunc ad clerum stylum vertamus. Est autem terræ istius clerus satis religione commendabilis, & inter varias, quibus pollet, virtutes, castitatis prærogatiua præeminet atque præcellit. Item psalmis & horis, lectioni & orationi vigilanter inserviunt: & intra Ecclesiæ septa se continentes, à diuinis, quibus deputati sunt officiis, non recedunt. Abstinentiæ quoque & parsimonix ciborum non mediocriter indulgent: ita vt pars maxima quotidie fere, donec cuncta diei compleuerint horarum officia, vsque ad crepusculum ieiunent. Sed vtiā post longa ieiunia tam sobrii fuerint, quam feri: tam veri, quam seueri: tam puri, quam duri: tam existentes, quam apparentes. Inter tot millia vix vnum inuenies, qui post iugem tam ieiuniorum quam orationum instantiam, vino, variisque potionibus diurnos labores enormius quam deceret, noctu non redimat.

30 Diem itaque naturalem tanquam ex æquo diuidentes, lucidaque spiritui tempora, nocturna quoque carni dedicantes, sicut de luce lucis operibus indulgent, sic & in tenebris ad tenebrarum opera conuertuntur. Vnde & hoc pro miraculo duci potest, quod vbi vina dominantur, Venus non regnat: Hoc enim difficile Hieronymo, difficilius Apostolo * persuaderi potest: quorum iste vino inebriari vetat, * *al. prædicari.* in quo est luxuria: Ille vero ventrem mero æstuantem facile spumare docet in libidinem.

40 Sunt tamen nonnulli inter hos optimi, & sine fermento syncerissimi. Est enim gens hæc cunctis fere in actibus immoderata, & in omnes affectus vehementissima. Vnde & sic mali, deterrimi sunt, & nusquam peiores: ita & bonis meliores non reperies. Sed inter auenas & lolium triticum rarum. Multos nimirum vocatos inuenies, paucos electos: grana rarissima, paleas multas.

De praelatis ex pastoralis negligentia corripiendis.

C A P. XXVIII.

IN Episcopis vero & prælatis hoc * præcipue reprehensione dignum inuenio, quod * *al. fero solum.* in populi tam enormiter delinquentis correctione desides nimis sunt & negligentes. Quod igitur nec prædicant, nec corripiunt: hinc ipsos prædico corripiendos: quod non arguunt, hinc arguo: quod reprehendere negligunt, hinc reprehendo. 50 Quoniam, vt ait Gregorius, præconis officium suscipit, quisquis ad sacerdotii gradum ascendit.

Sacerdos ergo, si prædicationis est nescius, quam clamoris vocem daturus est præco mutus? Si enim prælati à tempore Patritii per tot annorum curricula, prædicationi & instructioni, item increpationi & correptioni pro officii debito viriliter institissent: & prænotatas gentis enormitates aliquatenus extirpassent: aliquam proculdubio in eis formam honestatis & religionis impressissent. Sed non fuit in ipsis, qui tanquam tubam exaltaret vocem: non fuit, qui ex aduerso ascenderet, & murum pro domo Israel, se opposeret: non fuit, qui vsque ad exilium, nedum vsque ad

R r r

sanguis-

sanguinem pro Ecclesia Christi dimicaret, quam ipse sibi suo precioso sanguine acquisiuit. Vnde & omnes Sancti terræ istius, confessores sunt, & nullus martyr: quod in alio regno Christiano difficile erit inuenire.

Mirum itaque, quod ubi gens crudelissima, & sanguinis sitibunda, fides ab antiquo fundata, & semper tepidissima: pro Christi Ecclesia corona martyrii nulla. Non igitur inuentus est in partibus istis, qui Ecclesiæ surgentis fundamenta sanguinis effusione cementaret: non fuit, qui faceret hoc bonum: non fuit vsque ad vnum. Sunt enim pastores, qui non pascere quærent, sed pasci. Sunt prælati, qui non prodesse cupiunt, sed præesse. Sunt Episcopi, qui non omen, sed nomen: non onus, sed honorem amplectuntur.

Huius itaque terræ prælati intra Ecclesiarum septa, de antiqua consuetudine se continentes, contemplationi solum fere semper indulgent. Vbi & Rachelis pulchritudine sic delectantur: vt Liæ lippitudinem fastidio ducant. Vnde accidit, vt nec verbum Domini populo prædicent: nec scelera eorum eis annuntient, nec in grege sibi commisso vel extirpent vitia, vel inferant virtutes.

Quod omnes fere Episcopi Hibernia de monasteriis electi sunt.

C A P. XXIX.

CUM enim fere omnes Hiberniæ prælati de monasteriis in clerum electi sunt: quæ Monachi sunt, sollicitè complent omnia, quæ vero clerici vel prælati, fere præmittunt vniuersa. Sui enim tantum curam agentes, & tanquam sibi solliciti. Pro grege sibi commisso sollicitari negligenter omittunt, & postponunt. Illud Hieronymi ad Rusticum Monachum, vel prorsus ignorantes, vel dissimulantes: Sic vive in monasterio, vt clericus esse merearis: longo tempore discere, quod postmodum doceas, & inter bonos semper sectare meliores, & cum in clerum electus fueris, age ea, quæ clerici sunt: & illud ad eundem. Si clericatus titillat desiderium, discere prius, quod possis docere: Ne sis miles, antequam tyro: ne magister, antequam discipulus. Sed male sibi prouident, male sibi sui curam agunt: cum iis, quorum custodiæ ex suscepti regiminis officio sunt deputati, per incuriam & negligentiam, curam & prouidentiam subtrahunt & subducunt. Se ipsos enim multo grauius, quam illos, & damnabilius subducunt.

Qualiter à Monarchis clerici dissent: & eis præferantur.

C A P. XXX.

* al. omnes.

SCIRE igitur debent, quod (sicut Hieronymus ad Eleutherium testatur) cum alia sit causa Monachi, alia clerici, & clerici * omnes pascant, monachi pascantur: sic se habent monachi respectu clericorum, tanquam grex respectu pastorum. Monachus enim tanquam vnius custos, vel singularis dictus, sui solius curam gerit. Clericus vero circa multorum curam sollicitari tenetur. Est itaque Monachus tanquam granum tritici solum manens. Est autem clericus tanquam granum germinans, & in horrea Domini multum fructum afferens.

Bipertiti igitur huiusmodi prælati, quædam contrahant ex monacho, & quædam ex clerico; ex monacho contrahant columbinam simplicitatem: ex clerico vero serpentinam prudentiam: hinc sapientiam, inde eloquentiam: hinc verba, inde opera: hinc conscientiam, inde scientiam: hinc fecundi fiant, inde facundi: & sic vtrumque compleant officium: vt inter sacerdotes ingredientibus tabernaculum, eorum vestimenta tintinnabulis ambiantur, & in ore ipsorum, tam instructionis, quam increpationis verbum resonans audiatur. Fatuos enim & elingues prælatos, & plus monachi quam clerici præferentes, manifeste redarguit Hieronymus, dicens: Innocens, & absque sermone conuersatio, quantum exemplo prodest, tantum silentio obest. Latratu namque canum & baculo pastorum lupi sunt arcendi: Similiter & in primo Bibliothecæ prologo. Sancta quippe rusticitas sibi solum prodest: & quantum ex vitæ merito ædificat Ecclesiam Dei, tantum nocet, cum destruentibus non resistit. Error enim, cum non resistitur, approbatur: & veritas cum minime defensatur, opprimitur. Idem ad Eleutherium: Negligere cum possis perturbare peruersos: nihil est aliud, quam fouere. Nec caret scrupulo societatis occultæ, qui manifestato facinori desinit obuiare: præsertim cum ad hoc ex officio teneatur.

Quod

Quod quidam intus esse videntur, qui foras missi sunt, & è diuerso.

C A P. XXXI.

MIRVM autem cum omnino tam desides officii, tam subditorum salutis negligentes semper extiterint: quod tot ex ipsis in terra pro sanctis habentur, & ab accolis tanquam sanctis tam deuote coluntur, & venerantur. Vnde & vnum duorum ineuitabile est, non euitari. Aut enim ab hagiographis nostris tam circa pastoralis officii debita, quam aliarum quarumlibet rerum instructionem, multa ad terrorem constat esse emissa, & quoniam misericordia Domini plena est terra, magis sperandum
10 esse de clementia, quam timendum de iustitia: aut potius Ecclesia militans in multis decipitur. Triumphans vero non irridetur. Vnde & nonnullos, quos recipit hæc, decipit illa, quos prædicat hæc, abdicat illa, & è diuerso. Illa quoque inter electos non immerito multos honorat: quos ista tamen prorsus ignorat. Quidam enim intus esse videntur, qui foras missi sunt: & quidam foras missi, qui tamen intus existunt: quia plerunq; quod altum est hominibus, abominabile est apud Deum.

De obliqua Cassiliensis Archiepiscopi responsione.

C A P. XXXII.

CV M igitur hæc & huiusmodi * Mauritio Cassiliensi Archiepiscopo viro literato * Thaddæo.
20 & discreto, coram * Geraldo Ecclesiæ Romanæ clerico tunc ad partes illas legationis cuiusdam vice transmissio, aliquando obiecissem: & de tantis terræ illius enormitatibus, in prælatos præcipue culpam refunderem: validissimum inde argumentum sumens, quod nullus vnquam in regno illo pro Ecclesia Dei martyrii coronam adeptus esset: oblique satis, & ad hominem soluens, non ad orationem, respondit: Verum est, inquit, Quia licet gens nostra Barbara, nimis inculta & crudelis esse videatur: viris tamen Ecclesiasticis honorem magnum, & reuerentiam semper exhibere solebant, & in sanctos Dei nulla occasione manum extendere. Sed nunc in regnum gens aduenit, quæ martyres & facere nouit & consuevit. A modo Hibernia, sicut & aliæ regiones, martyres habebit.

30 *De campanis, & baculis, aliisque huiusmodi Sanctorum reliquiis, tam ab Hibernico & Scotico: quam à Gwallensi populo in magna reuerentia habitis.*

C A P. XXXIII.

HO C etiam non prætereundum puto: quod campanas baiulas, baculosque Sanctorum in superiore parte recuruos, auro & argento, vel ære * contextos, in magna reuerentia tam Hiberniæ & Scotiæ, quam & Gwalliæ populus & clerus habere solent. Ita vt sacramenta super hæc longe magis, quam super Euangelia,
40 & præstare vereantur, & peierate. Ex vi enim quadam occulta, & iis quali diuinitus insita, nec non & vindicta (cuius præcipue Sancti illi appetibiles esse videntur) plerumque puniuntur contemptores: & grauiter animaduertitur in transgressores.

De baculo virtuosissimo, quem baculum Iesu vocant, & sacerdote duplici passione percussio.

C A P. XXXIIII.

IN T E R vniuersos Hiberniæ baculos, ligneæque naturæ Sanctorum reliquias virtuosus ille, & famosus (quem baculum Iesu vocant) non immerito primus & præcipuus esse videtur. Per quem, vulgari opinione, Sanctus Patricius venenosos ab insula vermes eiecit. Cuius siquidem tam incertus est ortus, quam certissima virtus. Nostris autem temporibus, & nostrorum opera, nobilis thesaurus ab Armachia Dubliniam est translatus.

Vidimus quoque in Gwallia (vnde & vehementius admiramur) Hibernensem * baiulum quendam, cornu quoddam æneum, quod Sancti * Patritii fuisse dicebat, pro reliquiis in collo gestantem. Dicebat autem ob reuerentiam Sancti illius, neminem ausum hoc sonare. Cum igitur (Hibernico more) circumstanti populo cornu porrigeret osculandum: sacerdos quidam Bernardus nomine, de manibus eius illud arripuit, & oris apponens angulo, æremque impellens sonare cæpit;

Rrr 2 qui

qui & eadem hora multis astantibus, ore quidem aure tenus paralytice retorto, duplici passione percussus est. Cum enim torrentis eloquii prius extitisset, & delatoris linguam detractor habuisset: sermonis cuiuslibet statim amisit usum. Vnde & in hac parte sic læsus est, ut semper hætenus linguæ fuerit impeditæ. Præterea lethargum patiens, sic statim obliuioni cuncta tradiderat: ut vix etiam se nomen habuisse meminisset.

Enimuero tam enormiter in memoria læsus fuerat, ut psalmos, quos antea corde tenus optime nouerat, multis ab inde diebus quasi de noua recordantem videremus: & literas etiam, quarum notitiam copiose satis habuerat, denuo mendicantem, tanquam elementarium, senem miraremur. Cui tandem in Hiberniam ad Sanctum Patritium, excessus huius causa, peregre profecto: plenior valetudo rediit, sed non plena.

De corpore vitiatæ in hac natione quamplurimis.

C A P. XXXV.

AD hæc autem tot cæcos natos, tot claudos, tot corpore vitiatos, & naturæ beneficio destitutos, in alia non vidimus natione. Sicut enim, qui bene formantur, exquisitissime, & nusquam melius: sic & qui male, nusquam peius: & sicut egregie proueniunt, quos naturæ benignitas elimauerit: sic & enormiter prodeunt, quos benigno fauore destituerit. Nec mirandum, si de gente adultera, gente incesta, gente illegitime nata, & copulata, gente exlege, arte inuida & inuisa ipsam turpiter adulterante naturam: Tales interdum contra naturæ legem natura ut producat, & digna Dei vindicta videtur, ut qui interiore mentis lumine ad ipsum non respiciunt, hi exterioris & corporeæ lucis beneficio plerunque doleant destituti.

Quot Reges à tempore S. Patritii vsq; ad Turgesii aduentum regnauerunt.

C A P. XXXVI.

* al. istum insula.
* al. Edlundii.
& sic in sub-
quentibus, ubi-
cunq; hoc nomen
habetur.

DE gente igitur * ista, ab aduentu Patritii vsque ad * Felmidii Regis tempora, 33. Reges per 400. annos in Hibernia regnauerunt. Quorum diebus fides Christiana hic illibata permanfit, & inconcussa.

Quod tempore Felmidii Regis Norwagienses Turgesio duce Hiberniam expugnaverunt.

C A P. XXXVII.

IN huius vero Felmidii Regis tempore Norwagienses in magna classe Hibernica littora, anno octingentesimo trigesimo octauo, appulerunt: qui & in manu forti terram occupantes, & gentili furore debacchantes, Ecclesias fere omnes destruxerunt. Horum autem dux Turgesius vocatus: multis variisque conflictibus, & bellis atrocibus totam sibi insulam in breui subiugauit, & peragratis totius regni finibus totâ undiq; terrâ locis idoneis incastellauit. Vnde & fossata infinita, alta nimis, rotunda quoque ac pleraque triplicia. Castella etiam murata, & adhuc integra, vacua tamen & deserta, ex reliquiis illis, & antiquitatis vestigiis hic vsq; in hodiernum multa reperies. Hibernicus enim populus castella non curat. Syluis namque pro castris: paludibus vititur pro fossatis. Turgesius itaque regnum Hibernicum aliquandiu pacifice rexit: donec puellarum dolo delusus interiit.

Quod Angli Gurmundum: Hibernici Turgesium dicunt subiugasse.

C A P. XXXVIII.

CETERVM hoc mihi mirandum videtur, quod noster Anglorum populus Gurmundum clamat Hiberniam subiugasse, & tam castra prædicta, quam fossata struxisse, de Turgesio nullam penitus faciens mentionem. Hibernienles vero & eorum historiæ scriptæ Turgesium prædicant. Gurmundum autem prorsus ignorant. Vnde & quidam semel à Gurmundo & iterum à Turgesio insulam dicunt subiugatam. Sed hoc Hibernicis historiis aduersatur. Quæ tantum semel ante hæc tempora, & tunc à Turgesio gentem Hibernicam testantur expugnatam.

Alii vero eundem fuisse asserunt, sed Binomium, & quem nos Gurmundum, Hibernenses Turgesium vocare. Sed hoc etiam dissimiles eorum obitus, & finis diuersus constare non permittunt.

Verior igitur & verisimilior habet historia, quod Gurmundo in Britannia regno

regno (quod sibi subiugauerat) iam in sceptris agente, Turgesium istum cum electa iuuentute in hanc insulam expugnandam cum classis suæ non modica parte transmissit. Qui Turgesius (quoniam expeditionis huius tribunus fuerat, & terra subacta) diu sub Gurmundo, quasi regni rector, & Senescallus permansit. Gens Hibernica eius solius, quem præsentialiter & vidit & nouit, & à quo tanta mala sustinuit, tam nomen quam famam, perpetuæ memoriæ commendauit.

Vnde in Hiberniam vel Britanniam Gurmundus aduenerit.

C A P. XXXIX.

10 IN Britannica legitur historia: Gurmundum ab Africa in Hiberniam aduectum, & inde in Britanniam à Saxonibus ascitum, Cirecestriam obsidione cinxisse. Qua tandem capta, & passerum (vt fertur) maleficio, igne succensa: ignobili quoque tunc Britonum Rege Kereditio in Cambriam expulso, totius regni dominium in breui obtinuisse. Siue ergo Africanus, seu (vt verius esse videtur) Norwagiensis fuerit: vel in Hibernia nunquam fuit, vel relicto ibidem Turgesio modici temporis in ea moram fecit.

Qualiter interfecto in Gallia Gurmundo Turgesius dolo puellarum in Hibernia delusus occubuit.*

** al. Gvualia, sed minus recte.*

C A P. XL.

20 GURMUNDO itaque in Galliarum partibus interfecto, & Barbarorum iugo à Britannicis collis ea occasione iam depulso: Gens Hibernica ad consuetas artis iniquæ decipulas, non inefficaci molimine statim recurrit. Cum igitur ea tempestate filiam Regis Medensis scilicet Omachlachelini Turgesius adamasset: Rex ille virus sub pectore versans, filiam suam ipsi concedens, ad insulam quandam Mediæ, in stagno scilicet Lochyreno illam cum quindecim puellis egregiis ei missurum se spondit. Quibus & Turgesius gauisus cum totidem nobilioribus gentis suæ statuto die & loco obuiam venit: & inuenit, & inueniens in insula quindecim adolescentes imberbes animosos, & ad hoc electos sub habitu puellari dolum palliantes, 30 cultellis, quos occulte secum attulerant, statim inter amplexus Turgesius cum suis occubuit.

De Norwagiensibus, qui circiter annos triginta regnauerant, ab Hibernia expulsis.

C A P. XLI.

FAMA igitur pernicibus alis totam statim insulam peruolante, & rei euentum, vt affolet, diuulgante, Norwagienses vbique truncantur, & in breui omnes omnino seu vi, seu dolo, vel morti traduntur: vel iterum Norwagiam & insulas, vnde venerant, nauigio adire compelluntur.

40 *De Medensis Regis questione dolosa.*

C A P. XLII.

QVÆSIVERAT autem à Turgesio prædictus Medensium Rex, & in dolo (nequitia iam animo concepta) quonam tenore vel arte aues quædam in regnum nuper aduectæ terræ toti, patriæque pestiferæ destrui possent & deleri. Cumque responsum accepisset, nidos eorum vbique destruendos, si iam forte nidificassent (de castellis Norwagiensium hoc interpretantes) mortuo Turgesio in eorum destructione Hibernenses per totam insulam vnanimiter insurrexerunt. Annos igitur circiter triginta Norwagiensium pompa, & Turgesii tyrannis in Hibernia perdurauit, 50 & deinde gens Hibernica, seruitute depulsa, & pristinam libertatem recuperauit, & ad regni gubernacula denuo successit.

De Ostmannorum aduentu.

C A P. XLIII.

NON multo vero post tempore iterum de Norwagiæ, & insularum Borealium partibus, quasi de reliquiis gentis prioris, & quia vel oculata fide, vel parentum relatione, terram optimam nouerant: non in bellica classe: sed sub pacis obtentu, & quasi mercaturæ exercendæ prætextu, in insulam quidam aduenerunt: qui & maritimos Hiberniæ portus statim occupantes, tandem de assensu principum terræ, ciuita-

uitates in ipsis varias construxerunt. Quoniam enim innatæ ocioſitatis vitio gens Hibernica, vt diximus, nec maria luſtrare, nec mercaturæ indulgere aliquatenus voluerat: de communi totius regni conſilio perutile videbatur, vt gens aliqua, cuius opera aliarum regionum commercia, quibus hæc terra caruerat, huc aduehi poſſent, in aliquibus regni partib. admitterentur. Fuerunt autem Duces eorum tres fratres, Amelaus ſcilicet, Sytaracus, & Yuorus.

Conſtructis itaque primò ciuitatibus tribus: Dublinia, Gwaterfordia, Limirico, Dubliniæ principatus ceſſit Amelao, Gwaterfordiæ Sytaraco, Limirici Yuoro: & ex iis paulatim, ad alias Hiberniæ ciuitates conſtruendas proceſſu temporis ſunt deriuati.

Gens igitur hæc, quæ nunc Oſtmannica gens vocatur, in primis terræ iſtius Regibus ſatis tractabiles fuerant, & pacifici. Sed ex quo in immenſum generis numeroſitate iam excreuerant: & ciuitates foſſatis & muris optime cinxerant: antiquas inimicitias alta mente reſoſitas, nonnunquam renouare, & acriter rebellare ſolebant.

Dicti ſunt autem Oſtmanni lingua ipſorum, corrupto quodam Saxonico, quaſi orientales homines. Reſpectu namque terræ iſtius ab orientalibus huc partibus vnde cunq; aduecti ſunt. Ex hoc igitur & priorum Norwagiensium aduentu (de quibus parum ſecuri fuerant) vſum ſecurum contraxerunt, & malitiam, quam ipſi ab aliis ſuſceperant, æmula malorum doctrina in alios multoties transfuderunt.

Quot Reges in Hibernia regnauerint ab obitu Turgeſii, vſque ad vltimum Hibernia Monarcham Rothericum.

C A P. XLIIII.

IGITUR à tempore Felmidii Regis, & obitu Turgeſii vſque ad tempus Rotherici: Conactiæ regnum durauit (Qui vltimus de hac gente Monarcha fuit, & vſque hodie Conactiæ præſidet: Cuius etiam tempore, & per quem Rex Lageniæ Dermotius ſcilicet Murchardi filius, à regno expulſus fuerat) ſeptendecim Reges in Hibernia regnauerunt.

Quot Reges fuerunt à primo Herymone vſq; ad hunc vltimum Rothericum.

C A P. XLV.

EST itaque numerus omnium Regum, qui à primo gentis huius Rege Herymone vſque ad hunc vltimum Rothericum Hiberniam rexerunt: 181. quorum nomina, geſta, & tempora hic prætereo: tum quia pauca in his inſignia, & memoratu digna reſerio: tum etiam ne compendium noſtrum inutilis prolixitas impediret. Prædicti vero Reges non alicuius coronationis ſolemnitate, non inunctionis ſacramento, non etiam iure hereditario, vel aliqua ſucceſſionis proprietate: ſed vi & armis tantum, totius inſulæ Monarchiam obtinuerunt: & ſuo more regni gubernacula ſuſceperunt.

Quot à primo aduentu ſuo vſq; ad Turgeſium. & ab obitu Turgeſii vſque ad Anglorum regem Henricum ſecundum: gens Hibernica manſerit inconcuſſa.

C A P. XLVI.

GENS igitur Hibernica à primo aduentus ſui tempore, & primi illius Herymonis regno, vſq; ad Gurmundi & Turgeſii tempora (quibus & turbata quies, & interrupta aliquandiu fuit eius tranquillitas) iterumq; ab eorum obitu vſque ad hæc noſtra tempora, ab omni alienarum gentium incurſu, libera permansit & inconcuſſa: donec per vos (Rex inuiſſime) & veſtræ animoſitatis audaciam, his denuo noſtris diebus eſt ſubiugata. An. videlicet ætatis veſtræ 41. regni veſtri 17. ab incarnatione vero 1172. 50

De victoriis Anglorum Regis Henrici ſecundi.

C A P. XLVII.

CERTANT enim cum orbe terrarum victoriæ veſtræ: cum à Pyrenæis montibus in occiduos & extremos Borealis Oceani fines Alexander noſter Occidentalis brachium extendiſti. Quantum igitur his in partibus natura terras: tantum & victorias extuliſti. Si excuſſum tuorum metæ quærantur: prius deerit orbis, quam aderit finis. Animoſo enim peſtori ceſſare poſſunt terræ: ceſſare neſciunt victoriæ, nec deſeſe poterunt triumpho: ſed materia triumphandi.

De

QU A L I T E R igitur titulis vestris & triumphis Hibernicus orbis accesserit? Quanta & quam laudabili virtute, Oceani secreta & occulta naturæ deposita transpenetraveris? Quam præmature & intempestive, quam celerrime & scelerosissime intestina conspiratione, ab ausu nobili reuocatus fueris: victoria tamen completa, sed nondum in formam regione redacta? Qualiter fulguranti aduentus vestri lumine attoniti occidentales Reguli tanquam ad lucubram aniculæ, ad vestrum statim imperium convolaverunt? Quam innaturaliter & illaudabiliter coniurata in ventrem viscera tam Orientales Asiæ quam etiam Hispaniæ victorias vestras, quas & Occidentalibus continuare, & fide Christi egregie dilatare, animo excelso iam conceperas, tam pravo & iniquo consilio: totique fidelium orbi damnosissimo distulerint? Quantam misericordiam, & quam laudabilem, in Principe & capitaliter offenso Rege, clementiam, perpetuamque memoria, & exemplo dignissimam, superbiorum & sublimium collis mira virtute calcatis, & hostibus vbiq; triumphatis, in Reges & Principes victos, Rex & victor exercueris, & vere Rex victor, animum virtute regens, iramque modestia vincens. Illud quoque heroicum memoriter recolens. Vince animos, iramque tuam, qui cætera vincis. Et illud nobile C. Cæsaris elogium alta mente reuoluens. Perierat totus orbis: nisi iram finiret misericordia. Libellum quoque Senecæ de clementia ad Neronem præ manibus sæpe ad manum

10 vero semper habens, & illud Augusto datum Auguste consilium non ignorans. Fac, inquit, ut medici facere solent: qui cum visitata remedia non procedunt, tentant contraria. Quam præclare & expresse illud * prætextati Maximi & Oratoris optimi actibus impleueris. Fortis viri est, qui de victoria contendunt, eos hostes putare: qui victi fuerant, eos homines iudicare: ut possit bellum fortitudo minuere, pacem humanitas augere? Quanto studio, quantaque & quam laudabili regio in sanguine diligentia à prima ætate, annisque pueritiæ, studia literarum amplexus fueris? Illius Hieronymi non immemor: Radix literarum amara est: fructus vero dulcissimus. Et illius Regis & Prophetæ David. Erudimini qui iudicatis terram. Illud quoque Salomonis Salomon alter, ad animum reuocans, literarum eruditione, senectuti viaticum præparatur, & disciplinam iuuentus, ætatem confert fructuosam. Qualiter, istorum & similibus exemplo literatus princeps effectus, & in Ethicis disciplinis decenter eruditus, inter vniuersos mundi principes tanquam lucida gemma præfulseris, summisque philosophis tam ingenii dote, diuiteque vena, quam instructionis, & eruditionis ope in breui coequandus: si non ab institutis literarum tam intempestive raptus fueris ad curas terrarum? Quo tamen in utraque militia, in utroque videlicet tam Martis quam Mineræ studio teneris in annis gloriam adepto, indoli egregie stirpique Cæsareæ virtus contigit ante diem. Quanta & quam incomparabili in terris gratia, desuper tamen & diuinitus collata, discordantia regna propria virtute, aliena consilio & auctoritate, pacis amator & author pacificaueris? Qualiter eximie strenuitatis vestræ tantique nominis & terribilis aduentus opinio & fama meritis longe minor, orbem illustrans, debacchantem tam Asiæ quam Europæ gentilium furorem cohibuerit: & Ecclesiæ Christi tranquillitatem & pacem egregie comparauerit? Quam in longinquos & aduenas, ad ampliorem famæ cumulum prodiga liberalitas, profusa benignitas, & non absque enormi domesticorum damno, semper in externos cæca largitas? Et (quoniā vitiis sine nemo, Nascitur, optimus ille est: Qui minimis vrgetur) quanto discrimine nitidissime famæ vestræ candorem, macule quedam offuscant: & tantæ, tam inclytæ gloriæ splendorem, quasi solis faciem, nubila quinque pertranseunt? Qualiter etiam ab ineunte ætate, quasi vias vestras dirigens, & aspera quæque complanans, in regni detentores, pacisque vestræ perturbatores grauitè animaduertentes, regi pacifico,

30 totique fidelium populo tam futuro proficuo, ut ad votum cuncta successerint: diuinus fauor * accesserit, hæc, inquam, ad plenum singula quis explicabit?

De titulis filiorum, & primo de Anglorum Rege Henrico III.

C A P. XLIX.

SE D quoniam *Semper adest homini quo pectoris ima gemiscant,
Ne possit plena prosperitate frui:
Gaudia nunc luctu, nunc mutat amara secundis,
Versans humanas fors inopina vices:
Sola venire solent, & vix, & sero secunda:
Et simul & subito semper amara fluunt:*

Rrr 4

Adco,

Adeo,inquam,foelices fœcundans euentus, cunctis propemodum in actibus tibi diuina benignitas illa semper arrisit: & vtinam in finem perseuerauerit, vt tanquam ad viuum resecans, & medicina modum excedens, pie sœuiens, & impie fouens, propriis in patrem furentibus filiis, & patrios ante diem annos inquirentibus, patri tamen plus fere, quam patri charissimis ob patris fauorem non pepercit. Quorum omnium præcipuus & , vno dempto primæuus paterno tam nomine fungens quam honore, de magno maior, de luce lucidior, & tanquam alter Priameius Hæctor, suis honor, hostibus terror, omnibus amor. Inter armatas acies tanquam de igne fulgur egrediens, cunctorumque mentibus vel vnica spes, vel metus existens.

Omnis honoris honos, decor & decus, vrbis & orbis,

Militia splendor, gloria, lumen, apex.

Iulius ingenio, virtutibus Hæctor, Achilles

Viribus: Augustus moribus, ore Paris.

10

Inermis siquidem priuatusque, lenis & affabilis, mitis & amabilis, iniuriarum quarumlibet, data occasione pius indultor: quantumlibet reos longe pronior absolueret, quàm condemnare. Qui & animum sic instituerat, vt nihil vnquam dono dignum cuiquam denegaret: neminem tristem, neminem voti non compotem à se discedere dignum ducens. Illum sibi denique diem perditum iri reputans, quo non sibi multos alliceret multimoda liberalitate, multorumque tam corda quam corpora multiplici beneficiorum largitione compararet. In armis vero rebusque militaribus, galeato iam capite, sublimis, effrenis, atrox, longeque fera ferocior omni. Vbique fere virtute magis quam fortuna triumphans, & Hæctora Priamiden expresse representans: nisi quod ille pro patre patriaque: hic vero prauorum consilio, proh dolor contra militabat. Hoc enim vnum & votum; & desiderii caput extiterat: tantæ strenuitatis exercendæ materiam & tempus assequi posse: quo viri virtus digne valuerit enitere. Vnde & quoniam nihil humanum omni ex parte perfectum esse potest: tantam naturalem bonorum gratiam, in vnum congeri liuida natura detrectans, tandem tamen niueo candori næuum adiecit splendidissimum, virum solius ingratitude vitio & optimi patris vexatione notabilem reddens. De quo inter cætera sui prodigia, & hoc pro miraculo duci potuit: quod hominem terris & thesauris ex toto carentem, totus fere mundus sequebatur. Qui & in breui (vt sperabatur) & mundi monarchiam reformasset; si non tam præpropere tam præmature, tam inopinante vernantem florem verno in tempore, inuida fatorum series rapuisset. Tempore scil. ætatis suæ triateride nona: coronationis anno 14. ab incarnatione vero Domini. 1182.

De titulis Piçtaviensis.

C A P. L.

SEQVENS vero cuius digna laudum præconia vox præconis non silebit, prouida patris dispositione, paternæ nomen, Maternæ stirpis honorem statim adeptus: terram hætenus indomitam in tenera ætate tanta virtute rexit, & domuit: vt non tantum ipsam per omnes eius anfractus longe plenius & tranquillius solito pacificaret: verum etiam mutilata dudum & dispersa redintegrans. Strenua virtute pristinos in status, singula reuocaret. In formam igitur gentem informem redigens, in normam enormia quæque reducens, fortia confundens, & aspera complanans: antiquos Aquitanæ terminos & iura reformauit. Fortunam siquidem vrgens, & se in anteriora protendens, tempora sibi contemperans, & semper succellibus instans, Cæsarque secundus. Nil credens actum cum quid superesset agendum: rebusque in bellicis furibundus in arma, nec vllas, nisi sanguine fuso, gaudens incedere vias: cuius quoque nec prærupta montium latera, nec aereæ turres, arte situque hætenus inexpugnabiles, tam artificiosos quam virtuosos, nunc arduos & sublimes, nunc subterraneos animositatis impetus, præualent impedire. Sed (quoniam mala semper sunt vicina bonis, errore sub ipso, pro vitio virtus crimina sæpe tulit) pacis & iustitiæ zelo deferuens, vt in primis gentis indomitæ reprimeret audaciam, tutamque inter nocentes redderet innocentiam, in male meritis iuris rigore desequiens: vnde non indignam laudem à dignis promereri debuerat, inde liuidorum latratibus caput in commune, à crudelitate notari. Quam quidem & ob hoc constat sine causa notam incurri, quod residentibus paulisper causis, mansuetudinem induens & clementiam, citra rigidum longeque trans remissum, ad aureum illud medium accedens paulatim rigor ille resedit. Præterea qui contulit naturam, contulit & naturæ passionem. Ad reprimendos namque ferro-

ferocissimos animi motus, hic Leo noster, & plusquam Leo, quartanæ stimulo, leonino more vexatur: quo sic continue fere tremit, nec trepidat, ut & sui tremore mundum vniuersum tremere faciat, & timere. Inter varias igitur, quibus præminet, virtutes, peculiari quadam prerogatiua trina hunc insignia incomparabiliter reddunt illustrem: strenuitas & animositas eximia: Largitas & dapnitas immensa: superlaudabilis in principe, ceterasque virtutes adornans, tam animi quam verbi constantia firma. Et ut breui eloquio laudis ad cumulum multa concludam, egregio fratri, sola est ætate, & non virtute secundus.

De diuersitate Duorum.

- 10 **D**IVERSIS igitur tam moribus, quam studiis eodem ex germine, eademque radice, duo cum fuerint: perpetuæ tamen laudis gloriam æternitatisque memoriam * *promeruit.* Ambo igitur staturæ grandis, pauloque plusquam mediocris, & formæ dignæ imperio. Strenuitas illis & animi magnitudo fere par: sed via virtutis valde dispar. Ille lenitate laudabilis & liberalitate: iste seueritate spectabilis & stabilitate: Ille suauitate commendabilis, hic grauitate. Illi facilitas, huic constantia laudem peperit. Ille misericordia conspicuus, iste iustitia. Ille miserorum refugium, & male meritorum, iste supplicium. Ille malorum clypeus, iste malleus. Martiis ille ludis addictus: hic feriis. Ille extraneis, iste suis. Ille omnibus, iste bonis. Ille magnanimitate mundum ambiebat, iste sibi de iure competentia non inefficaciter appetebat. Sed quid per singula curro? Tātos ab vno principe, duos & tam diuersissimos, nec præsens ætas, nec vlla recolit antiquitas. Tanta nimirum & tam varia virtutum incrementa, longeque (si fieri posset) ampliora diuersi diuersa plene & abunde nobili poterant à stirpe contrahere. Quicquid enim in vtroque fere virtutis inuenias: noueris in ramos à radice transfusum. Quis enim nobilissimo patre, vel piis clementior, vel sæuis crudelior? longe tamen in clementiam pietate procliuior. In omni fere victoria pro summa reputans vindicta, vindicare potuisse. Quis in armata militia strenuior? Quis in togata subtilior? Quis vnquam vel leni iucundior, vel graui maturior? Et (ut veris historia non fraudetur: quamuis tamen interdum noceat omnia vera loqui: periculosum quippe est, quantalibet occasione in illum scribere, qui potest proscribere. Meticulosa res est in illum al-
- 20 **l**egare: qui potest relegare) quis ignobilibus nobilior? Quis nobilibus ignobilior? Quis humiliatum magis eleuat? Quis eleuatum magis humiliat? Item quis externis honoratior? Quis suis onerosior? Quis, inquam, vel amicis alienior? vel alienis amicior? Sic etenim nunc aliena simulans, nunc propria dissimulans, tam flexibilem ex summa prudentia reddidit naturam, ut multis multiformis: & omnibus omnis effectus, pro locis & temporibus omnia sibi conformaret.

De Brytone & Hibernico.

- D**IIGNAS quoque duorum sequentium laudes Armonica, Brytannica & Hibernica regna proclamant: ambo hii staturæ modicæ pauloque mediocri plus pusillæ: & formæ pro quantitatis captu satis idoneæ. Horum igitur alter virtutibus insignis, titulisque iam summus, & alter erit. Ille militaribus negotiis plene instructus: hic instruendus.
- 40 **I**lle in spica: hic messis in herba. Ille in re magnus: hic in spe magnificandus. Ille stirpe ab inclyta non degener, nobilissimos fratres virtute pro viribus æquiparauit: hinc ab vtroque vel parente vel pariete virtus originaliter inserta, suo in tempore degenerare non potuit. Ille vir eloquens & astutus, & (quia de facili falli non potuit) fallere si nollet, prudentissimus. Duabus militiis diuersisque naturis tam Vlysem præferens quam * Achillem. *Aiacem.* (prohi dolor) in patre semper ingratus existens, magnique fratrisque vestigia nimis in hoc expressa sequens: plus aloes intus quam mellis habes: In facie vero mollito super oleum effluens sermone, suauis quoque suadaque, facundia, diffæderare valens cõiunctissima, linguaque potens duo regna corrumpere, mirabili industria rerum omnium simulator varius & dissimulator. Sed quoniam vir linguosus non dirigetur in terra: Dominus non direxit vias eius nec multiplicauit dies eius.

Hic vero fluxe feruentisque iuuentem tam laqueis illeceus, quam stimulis irretitus: Cæreus in vitium flecti, monitoribus asper: Tempori se conformans, & naturæ motibus non repugnans. Ratione siquid ætatis mollicis hactenus magis addictus, quam militiis: deliciis quam duritiis: Iuuenili quippe magis adhuc leuitati, quam virili, quo nondum attingit, maturitati. Illa plurimum exercitatus malitia qua militat omnis amans: per quam & bonæ indolis adolescētes ad armatam plerumque militiam animari solent, & à cupidinis castris, ad palladis artes, & arcēs sublimari. Sicut ergo viridis iuuentute, sua: sic & sequentium ætatum iura sequetur. Vnde & quoniam, Non lusisse pudet:

pudet: sed non incidere ludum: iuuenilis excusabilis est leuitas: cum laudabilis fuerit ipsa maturitas: tunc prima est inculpabilis ætas, cum ludis ponunt tempora metas. Ille, arbor in radicem ramos conuertens, radices altas facere nequiuit: vltimus hic frater, & vtinam futurus virtute non vltimus: vtrique parenti fere semper obtemperans, longæuus in terris & fælix esse promeruit: Cuius etiam descriptioni vulgatum illud Merlini Ambrosii vaticinium, de illo, qui Hiberniæ mænia subuertet, dictum: vtinam sic vere consonet, sicut & verisimiliter consonare videtur. Principium, inquit, eius vago affectui succumbet: & finis ad superos conuolabit.

De fratrum inter se, & cum patre discordia.

DI I boni, si tanti fratres fraterno se inuicem fædere, filialique affectu patrem filii respexissent, duplicique simul tam beneuolentiæ scil. quam naturæ vinculo astricti fuissent: quanta & quam inæstimabilis, quam inclyta, & incomparabilis in æuum & patris fuisset gloria, & prolis victoria? O quam digna memoria, & Maronis ingenio digne explicanda historia? quænam virtus his viribus, quæue Reges his Regibus, tantisque belli ducibus quæ regna resisterent? Ad tantæ virtutis exercendæ materiam mundus ipse minor est: ad explicandos triumphales tantæ virtutis titulos: terræ superficies vix sufficeret. In quantum igitur, & quam arduum robur ramis naturaliter sibi cohærentibus, succumque à stirpe trahentibus arbor excreuisset: ipsa preciosorum tanta & tam præmatura ruina declarat. Sicut enim rami à stipite præcisi per se non coalescunt: sic & mutilata frondibus arbor cum læsæ maiestatis dispendio, tam dignitate minuitur quam decore.

De Saxonica, Hispanica & Sicula.

QUALITER etiam ab vna Occidentis radice fragilioris naturæ tres nobiles furculi, vel potius ab vno sole in Occasu oriente lucidissimi tres radii, tres alias & oppositas Europæ partes illustrauerint: præsentis areæ tenor annectit. Tantæ siquidem & tam arduæ materiæ longeque sublimiori ingenio non indebite cursim hic & sub cōpendio delibare veram & amplam historiam (si præceperis vt stylo perstringam) opus aggrediar. Nec enim laboriosum videri debet aut poterit vel molestum: quicquid à tanta maiestate fuerit iniunctum.

Finis Topographia Hibernica.

E X P V.

EXPUGNATIO HIBERNIÆ, SIVE HISTORIA VATICINALIS SILVESTRIS GIRALDI CAMBRENSIS.

P R A E F A T I O P R I M A I N L I B R V M E X P V -
gnationis Hibernica.

10 **Q**UONIAM de Insulæ Hibernicæ situ variisque tam continentis: quam
contentorum naturis: de prodigiis quoque naturæ ipsius excursibus &
originalibus gentium lineis, à longis retro seculis, usque ad nostros iam dies
in Topographia differuimus: ad multorum instantiam & magnorum, ag-
gressi sumus etiam nostri temporis gesta, & ultimæ istius expugnationis Hibernicæ se-
riem suo quoque volumine declarare. Nam si dies antiquos cum eorum gestis, quæ secula
nostra longe pervenerant, satis evidenter explicuimus: quanto magis, ea quæ vidimus, quo-
rumque maiori ex parte testes sumus, & quorum de fide memoria tam recens hæsitare non per-
mittit, luculento relatu depromentur. Retroacti siquidem temporis gesta locaque topo-
graphia describit: præsentia vero præsens historia comprehendit. Videor tamen mihi iam videre,
quoniam cuncta evidentia, cuncta facilia, cuncta patentia cunctis lector inueniet: qualiter
20 naucipiendo nunc in nausæa nares contrahit: nunc labellum porrigit, nunc libellum
percipiendo cõtemnit. Sciat autem in primis, quod laicis hæc & parum literatis ædita principibus,
plano facilique stylo solam desiderant ad intelligentiam explanari. Popularibus quippe ver-
bis uti licebit, ubi tam populi quam maiorum in populo res gestæ: literarum beneficio declarantur.
Præterea publicam ex industria formam, & cuius absque difficultate patentem, privato tamem
iure venustatam: in omni studio nostri musa laboris elegit, antiquum illum & austerum
quorundam authorum scribendi morem, modis omnibus respuens & refutans. Et quoniam novos
mores nova sibi cõformant tempora, veterumque vitam, & iuniorum verba sectari philoso-
phica suadet sententia: præsentis idioma sermonis, & modernæ modum eloquentiæ avidè cu-
piens & amplectens. Cum .n. articulatae sunt voces earum, quæ sunt in anima notæ: & ad de-
30 clarandos animi cõceptus solum humano generi verba sint data: quæ maior inscitia, quam illa,
quæ ad evidentiam indicanda proponimus, ignotis sermonum ambagibus, & intricatis quibus-
dam verborum inuolucris abdere & velare? Et ut singulari scientia Scioli videamur & so-
li aliis tanquam videndo non videntibus, & audiendo non intelligentibus, eo ipso quo in-
telligi debemus, ut non intelligamur, elaborare? Satius .n. est (ut ait Seneca) mutum esse,
quam quod nemo intelligat, palam proferre. Quanto igitur verba intellectui magis
accommoda, dum eleganti quadam iunctura fuerint ratione conferta: tanto magis
idonea, tantoque propensius literatæ discretionis familiaria. Vnde poeta

Dixeris egregie notum si callida verbum Reddidit iunctura nouum.-----

Præterea quoniam opus non ignobile nostram topographiam liuor laniat & detrectat:
40 ad eius excusationem quædam interserere non indignum putauimus. Scholastici styli ele-
gantiam omnium vnica laus est, & vniformis: primæ distinctioni, & tertiæ liuor contra
naturam in laudem erumpens oblatrare tam verecundatur, quam veretur. Sed quoniam difficile est, fictam
diu ferre personam: ad plenum à natura degenerare non parua, ut vel in aliquo noceat,
ut vel citra crepitum tumor ille detumescat: in mediâ distinctione insolenter inuehitur,
parte mendacii nitens, summam vniuersam decolorare. Obicit enim in hunc modum.
Lupum introducit cum sacerdote loquentem, Bouina humano corpori depingit extrema:
Mulierem barbatam, hyrcum amatorem & Leonem. Verum quia talia tam vehementer abhor-
ret: legat in libro Numeri asinam loquentem Balæ: & prophetam increpitationem. Legat vi-
tas Patrum, Faunumque ibidem cum Antonio loquentem. Legat & Paulum in heremo corui
50 ministerio pane refectionem: & duplicatum hospitis gratia beneficium. Legat alia quoque
Hieronymi opera multa. Legat Hexameron Ambrosii, & Dialogum Gregorii. Legat
Augustinum De ciuit. Dei. & precipue lib. 16. & 21. plena prodigiis volumina non præter-
eat. Legat & 11. de portentis. Erymolog. Isydori librum. Nec non & tam de bestiis 12.
quam de lapidibus eorumque virtutibus 16. Legat Valerium Max. Trogum Pompe-
ium: Plinium & Solinum. In quibus omnibus, quæ in hunc modum liuido dente de-
mordeat, multa deperiet. Legat hæc, inquam, & propter prodigiola quædam inserta:
nobiliū authorum opera vniuersa condemnet. Aduertat autem se sanius, & attendat,
iuxta Hieronymi sententiam: multa in scripturis incredibilia reperiri, nec verisimilia:
quæ nihilo tamen minus vera sunt. Nec enim contra naturam Dominum, parualet natura.

Nec

* quod Deifit
voluntate.

Nec detestari debet: sed admirari, sed venerari creatoris opera quęuis creatura; Et vt Augustini quoque verbis ad hæc vtamur: quomodo est aliquid contra naturam * cum voluntas tanti conditoris conditę cuiusque rei natura sit: Portentum ergo fit non contra naturam: sed contra quod est nota natura. Sic ergo non fuit impossibile Deo quas voluit naturas instituere: sic ei non est impossibile, in quidquid voluerit, quas instituit, immutare. Nec ego volo temere credi cuncta quę posui, quia nec à me ipso ita creduntur, tanquam nulla de eis sit in mea cogitatione dubitatio. Exceptis his, quę vel ipse sum expertus, vel cuius facile est experiri: cætera vero sic, vt neque affirmanda, neque neganda decreuerim. Qui lapides Indicos virtuosos habent, atque nouerunt: nunquid ita mirantur, vt ii, quibus primum potentia eorum ostenditur? 10 Quibus autem non ostenditur: fortasse non credunt, aut si credunt, in experta mirantur. Et si contigerit experiri: adhuc quidem admirantur insolita. Sed assiduitas experiendi paulatim subtrahit admirationis incitamentum. Quarum autem rerum ante nostros oculos cotidiana documenta versantur, licet genere non minus mirabili: ipsa tamen assiduitate vilescunt. Sic & in ipsa India constituti, iam desinunt multa mirari, quę ad nos poterunt miranda perducı. Vnde & idem August. super aquę in vinum in Euangelio conuersione: maior virtus est in creatione & gubernatione cœli & terrę: & quod quotidie aquę pluuię per vites vertuntur in vinum, & quod ex paruo seminario fruges creantur & arbores. Sed quod hæc naturaliter fiunt: iam ex vsu viluerunt. Ideo quędam etsi minora, præter solitum naturę sibi Deus seruauit, per quę 20 virtus, quę in maioribus operatur, ad memoriam redućitur. Videat itaque liuor, nec inuideat, naturę Dominum contra naturam præ oculis hominum multa sponte patrasse, quibus euidenter pateat & clarescat: plus Deum posse, quam hominem nosse: longeque trans omnem humanam intelligentiam, diuinam ineffabiliter extendi potentiam. Vnde Cassiodorus. Summum genus scientię est, scire Deum tanta præstare, quę humani sensus non valeant attingere. Semper enim & quasi ex industria seria sui negotia nouis quibusdam natura depingit: vt sic manifeste doceat, & declaret: quod licet humanis vtcumque ingeniis, vsualia eiusdem opera valeant attendi: potentialis tamen effectus nequeat comprehendı. Authores itaque præscripti, si temporum suorum prodigia, suis tanta diligentia scriptis inseruere: nostri quoque nos temporis no- 30 strorumque finium noua & contra naturę cursum ædita literis, eadem libertate commendantes: vt quid (nisi quia mündus in maligno positus est) rodimur & laceramur? Si quid ergo nouum in opusculis nostris, & inauditum emerferit: non statim liuidi vel demordeant, vel contemnant: sed nunc ignoscendo, nunc approbando, studia procedere sinant. Nam, vt ait Poeta.

*Si patribus nostris nouitas inuisa fuisset
Vt nobis: quid nunc esset vetus? aut quid haberet
Quod legeret, teneret que viris publicus usus?*

Desinant ergo aliquid damnare, quia sit nouum, quod labentis temporis beneficio, dum nouitatis arguitur: desinit esse nouum. Habeat igitur in illis, & præsens tempus, 40 quod lateret, & posteritas, quod laudet: habeat hoc quod lædat, illa quod legat: habeat hoc quod damnet, illa quod amet: habeat hoc quod reprobet, illa quod probet.

INCIPIUNT CAPITVLA IN DVOS LIBELLOS.

LIBER ISTE LIBRATUR.

- I. Primus continet de exilio Dermisii & eiusdem per Anglorum Regem Henricum secundum restitutione.
- II. De reditu eiusdem per maiorem Brytanniam: & mora aliquamdiu in Bristolliā: deinde in Cambria partibus facta.
- III. De primo Stephanida in Hyberniam aduentu, & Gwesefordiensis urbis subactione.
- IIII. De Ofsyriensium expugnatione.
- V. De Rotherici Connactiensis cum sociis Hibernia principibus in Dermisium conspiratione.
- VI. Defensio Dermisii & descriptio.
- VII. Oratio Rotherici.
- VIII. Oratio Dermisii.
- IX. Oratio Stephanida.
- X. De pace reformata.
- XI. De Mauricii Giralda aduentu, & Dubliniensium statim subactione.

XII. De

- XII. De Comitibus Richardi Strigulensis preparatione.
 XIII. De Reimundi aduentu, & Waterfordiensium Dundumnonse confectio.
 XIII. Oratio Reymundi.
 XV. Oratio Herueii.
 XVI. De Richardi Comitibus aduentu, & urbis Waterfordiensis expugnatione, & filia Dermotii desponsatione.
 XVII. De Dublinensis urbis expugnatione.
 XVIII. De Ardmatisensi concilio.
 XIX. De generali Anglorum Regis contra comitem Edicto: & Reymundo ad Regem transmissio.
 10 XX. De nobili Anglorum Antistite Thoma, interim in Anglia martyrizato.
 XXI. De confectio Norwagiensium & Insulanorum Hasculptro & Ioanne Vehementi Ducibus apud Dublin.
 XXII. Obsidio Dublinia à Rotherico Connactiensis facta, & insularis.
 XXIII. Oratio Mauriti.
 XXIII. Confectio Rotherici.
 XXV. De dolosa Stephanida à Guesfordiensi apud Karres captione.
 XXVI. Descriptio Stephanide.
 XXVII. Descriptio Comitibus.
 XXVIII. De occursum Comitibus Anglorum Regi in Claudicestria partibus: & pace reformata.
 20 XXIX. De Ororicii Regis Medensis apud Dublin interim confectio.
 XXX. De aduentu Anglorum Regis HENRICI secundi in Hiberniam.
 XXXI. De Stephanide in primis: Regi apud Waterfordiam in vinculis adducto: & paulo post liberato: & tam Dermotio Corragiensi quam Duuinaldo Limericensi cum vniuersis Australis Hibernia principibus se regi subdantibus.
 XXXII. De Borealis Hibernia principibus apud Dubliniam sponte, & Rotherico Connactiensis subditis subactis.
 XXXIII. De Cassiliensi concilio à Rege conuocato: & magnifice celebrato.
 XXXIII. De Regis constitutionibus ibidem promulgatis.
 30 XXXV. De nimia tempestatum ingruentia.
 XXXVI. De Rege reuocato per intestina malitia conspirationem: nec non & Romana curia legationem.
 XXXVII. Qualiter de Hibernia in Cambriam, de Cambria in Angliam, de Anglia in Normandiam, duobus Oceani brachiis ocys emensis, mira celeritate transuolauerit.
 XXXVIII. Qualiter cum Romanis apud Constantiam legatis: deinde cum L V D O V I C O Francorum Rege, in finalibus terrarum marchis, cuncta statim solita prudentia pacificauit.
 XXXIX. De visione, imo verius, visitatione Regi Henrico apud Kerdiff diuinitus facta, & reuelatione monstrata.
 40 XL. De Medensis interim Regis Ororicii prodicione, & eiusdem à Dublinensi familia interemptione.
 XLI. De visionibus & variis earundem effectibus.
 XLII. Descriptio Mauriti.
 XLIII. De filiis in patrem manifeste insurgentibus, & optima, quam Rex in Hibernia reliquerat, familia reuocata, & Hibernia Comiti RICHARDO commissa.
 XLIII. De belli biennalis alea, & patris in filios ubiq; victoria: nec non & pradicanda per sacula mira victoris in victos misericordia.
 50 XLV. Descriptio Regis Henrici Secundi Anglorum Regis.

CAPITVLA LIBRI SECVNDI.

- I. Secundus liber continet primo de reditu comitis in Hiberniam ab Anglorum Rege transmissi, & Reimundo iterum familia prefecto.
 II. De terris Ophelastorum depradatis, & Lismoria spoliata, in portu quoq; Ligmoriensi nali bello conferto.
 III. Qualiter reuerso in Cambriam Reimundo, iterum familia sub Hermeio defecit, interfectis apud Ossyriam Dublinensibus: & Comite apud Guesfordiam quasi obfesso.

- IV. De Reditu Reymundi ad Comitis mandatum: & Balilia sorore comitis ei desponsata: Rotherico vero Connactiensis à Dublinia finibus, quos inuaserat, in fugam conuerso.
- V. De generum inter se per alterna matrimonia connexionem, & tam Mauritio quam Meylerio in Hibernia scodato.
- VI. De priuilegiis interim ab Anglorum Rege perquisitis, & Synodo Gwaterfordiensis promulgatis.
- VII. De quinquepartito iure, duplici veteri, triplicique nouo: quo Brytanniæ Reges Hibernia contingit.
- VIII. De nobili dignaque memoria Limiricensis urbis expugnatione. 10
- IX. Reymundi descriptio.
- X. Meyleri descriptio: & generis commendatio.
- XI. Herucii descriptio: & Reymundi ab eodem facta delatio.
- XII. De laudabili Limiricensis familia per REYMUNDVM, & Meylerium subuentione.
- XIII. Principis Ofsyriensis oratio Duemaldi.
- XIIII. De Comitis interim morte Reymundo renunciata: & ob hoc Limiricensi, urbe relicta: totaque familia cum REYMUNDO Dubliniam reuerso.
- XV. De Gulielmo Aldelmi filio, post mortem Comitis, Generali in Hiberniam custode transmissso, & inuidia, quam in Reymundum & Meylerium Mauriti filios, totumque genus incessanter exercuit. 20
- XVI. Aldelmi filii descriptio: & de IOANNE de Curci, qui primus Vltioniam, citra maioris Authoritatem inuasit: & multis eam bellis viriliter expugnauit.
- XVII. Iohannis descriptio: Deque Dubliniensis concilio à legato Romana sedis Viuiano celebrato: & Anglorum Regis priuilegiato in Hiberniam iure publice ab ipso Legato viva voce propalato: & victualibus ab Ecclesiis extrahendis iusta taxationis precio soluto.
- XVIII. De Aldelmi filio reuocato: & Hugone de Lacy eidem subrogato: Stephanide quoque, & Milone Coganensi, & Philippo de Breusa apud Corcagiam & Limericum, confodatis, & confederatis: & variis partium illarum tam aduentibus quam euentibus. 30
- XIX. De Hybernica regno sub HVGONE de Lacy pacificato & in castellato: & suspitione de ipso ex nimia cum Hibernicis familiaritate contracta.
- XX. Hugonis descriptio: & electa Iuuentutis commendatio.
- XXI. De aduentu Ioannis Costabularii Cestrensis: & Richardi de Pec: & pluribus Hugone reuocato, castellis per Lageniam constructis.
- XXII. De Hugone de Lacy iterum custode transmissso, & multis tam per Lageniam, quam per Mediam castellis sub ipso constructis. 40
- XXIII. De Laurentio Dublinensi Archiepiscopo in transmarinis Gallia partibus, apud Augensem castrum rebus humanis exempto: & IOHANNI Cimino eidem substituto.
- XXIIII. De Ioanne Dublinensi iam Archiepiscopo tanquam filii Regis praeursore in Hiberniam à Rege destinato: Philippo Guigorniensis custode transmissso.
- XXV. De Hierosolymitano Patriarcha Erachio, ab Oriente in Occidentem emensis Oceani brachiis, ad Anglorum Regem Henricum secundum terram sanctam postulandi praesidii causa interim in Angliam transuecto.
- XXVI. De Regno Palestino occulto quodam diuina permissionis arbitrio: paulo post in sacrilegas Saracenorum manus deuoluto: & Cisalpinis principibus ab illustri Pictauensium Comite Richardo nobilis ausus exemplo, salutifera signo crucis insignitis. 50
- XXVII. De inopinata inter Reges, & Comitem Pictania statim suborta discordia.
- XXVIII. De Romani Imperatoris Frederici digna laude maturatione.
- XXIX. De uisione eius qui hac scripsit: & uisionis expositione.
- XXX. De memorabilibus nostri temporis tam aduentibus in Angliam, quam euentibus.
- XXXI. De primo Filii Regis aduentu, scilicet Ioannis in Hiberniam.
- XXXII. Tam Stephanide quam Comitum nec non & Regis tam commendatio quam excusatio.
- XXXIII. De mora & impedimentis plenae & perfectae conquestionis.
- XXXIV. De

XXXIV. *De gestis Hibernia translato in Ioannem Regni Dominio, breuiter recapitulatis & suis scriptoribus assignatis.*

XXXV. *Quibus ex causis filio Regis in hoc primo conatu ad plenum non successerit.*

XXXVI. *Qualiter gens Hibernica sit expugnanda.*

XXXVII. *Quo moderamine eadem expugnata, sit gubernanda.*

P R Æ F A T I O S E C V N D A.

10 **M**ULTIS requisitus, & multoties, ut inclyta nostri tēporis gesta, quæ vel certis ab indicibus audiui, vel oculis ipse conspexi, literis commendarem: temporum iniuriam pretendere consueui. Quæ certe inualescente luxu rerum ac libidine, tam sumptuosa sunt & ambitiosa: ut insatiabilem corporis ad curam liber ille animus ex toto captiuetur. Considerans tamen, & diligenter attendens rerum istarum notitiam posteritati fore perutilem, nihilq; laudabili ingenio, mentiq; studiosæ adeo pestiferum & perniciosum, ut otiositatis vitio cōtracta desidia: stylo potius indulgendum mihi ipse persuadens, vix tandem monitis acquieui. Sed quid præsumptuosius esse potest: quam ut scribere velimus non vacātes? ut publice legi gestiamus: non legentes? ut inuidi & inuisi iudicis vndique subdamur examini, nos ipsos non examinantes? Tullius eloquentiæ fons, cum dicere peteretur: 20 fertur excusasse, quod pridie non legisset. Quid iam aliis accidere poterit: si tanta laus facundiæ, authorum visa est beneficia postulare? Egrescit profecto ingenium, nisi iugilectione reparetur? Legendo namque & studiis quasi cotidiano cibo, & alitur & pinguescit oratio. Sicut igitur cito expediuntur horrea, quæ assidua non fuerint adiectione referta: Sicut thesaurus ipse, quam facile profunditur, si nullis iterum pecuniis restauretur: Sic & humanæ studium imperfectionis, cum alieno non iuuatur inuento, cito euacuatur & euanescit ex proprio. Nos ipsos itaque duplici natura 30 temporali scilicet & æterna compactos tanquam ex æquo diuidentes: tam tempori satisfaciamus quam æternitati. Terream enim & transitoriam nostri partem transitoriis, & friuolis temporis ratione dedicemus. Illo vero quod perpetuum in nobis esse dignoscitur: ad perennitatis gloriam aspiremus. Habeat aliquandiu Curia corpus: Animus vero liberalis & liber, quæ nec claudi nec incarcerari potest: nunc nostræ, nunc alterius subiaceat potestati: quæ sua sunt semper agat: & sui libertate gloriatur. Erret igitur homo exterior & turbetur erga plurima, variæque sollicitudine temporalibus indulgens nugis, prout a himo rectore dicitur & circumfertur: misera carnis conditione suæ depressioni morem gerat. Interior vero thesaurus, & tanquam testē, nucléus: innato sibi sibi iure fruatur: priuilegio quoque diuinitus indulto sic vndique muniatur: ut nec in turba turbari, nec sollicitudine sollicitari, nec solitarius valeat in solitudine reperiri.

40 Bipartito namque dominio diuisum in nobis imperium cum Ioue Cæsar habet. Habet id nostri Cæsar, in quod solum potens est potestatem exercere. Subtilem illam & incomprehensibilem nostri partem, solus ille possideat à quo solo & dinosci potest & comprehendere. Animus eius vero magnus, & magnificus, excelsus & immensus, & inter Dei dona sub cœlo præcellentius. Incomprehensibilis ipse, omnia comprehendens: quanta euidencia declarat diuinitatem suam: cum agilitatis ingenitæ beneficio, quatuor mundi cardines vno momento complectitur? Mundum vniuersum, mundique causas, artes, varias, scientiasque mira tam celeritate quam subtilitate percurrit: Soli notus ignoto, solo visus ab inuiso, solo finitus ab infinito.

50 Absit igitur ut partis huius studia perpetua, variis & vanis præpedita curis, aut omissa depereant: aut intermissa tepescant. Quid enim animo corpus, nisi pondus & poena est: & quasi carcer quidam non complectens, & tamen impediens? Quod igitur testudini testa: hoc spiritui caro est: impedimentum suum circumfert uterque. Huius itaque viribus & virtute Hibernicę gentis expugnationem, & tam barbarę nationis feritatem, his temporibus edomitam euidenter euoluere procuraui tuęque celsitudini (Pictauiensium comes Inclyte, Normannorumque Dux & Anglorum Rex mox future) digestam historiam destinaui: quatenus & rerum istarum recordatione paternatibi gloria: gloriam accumulet: & sicut terrarum, sic virtutum & victoriarum hæres tam æmulatione laudabili, quam succedanea proprietate, fieri comproberis. Hac igitur in area, arctalicer, & arida, hispida quoque & inculta:

Sed styli beneficio forsan excolenda, musam adhuc rudem se tanquam preludio quodam exercere constitui: ut quoniam de longo nec dum fidente paratu molimur ad inclytas titulorum vestrorum historias postmodum explicandas: quorum rudimenta tam magna, maturioris ætatis maxima iam probant incrementa futura plenius & efficacius informetur.

De exilio Dermicii Principis Lageniæ, & eiusdem per Anglorum Regem restitutione.

C A P. I.

DERMITIVS itaque Murchardi filius Lageniensium Princeps, & quintæ illius porcionis Hiberniæ Rector, Orientalia insulæ maritima maiori Britannia, mari tantum interluente, cotermina, nostris temporibus possidebat. Qui ab ineunte ætate regniq; sui nouitate, nobilitatis oppressor existens, in terræ suæ magnates graui & intolerabili tyrannide sæuebat. Accessit & aliud incōmodum. Ororicio namq; Medensium principe in remotas partes, expeditionis causa profecto, vxor ipsius Omachlachelini filia, q̃ in Insula quadam Mediæ reliquerat, à prædicto Dermitio eiusdē igne dudum accensio, captata viri absentia, rapta nimirum fuit: quia & rapi voluit. Et quoniam varium & mutabile semper Fœmina: ut prædoni præda fieret, ipsa procurauit. Sed quoniam mala fere cuncta maiora, tam M. Antonio, quam Troia testante, mundo per mulierem constat exorta: Rex Ororisius grauius utroque permotus, longe tamen grauius dedecoris quam damni dolore perculsus, totum in vindictam virum euomuit. Conuocans igitur & conflans tam proprias, quam vicinarum gentium vires, Connactiensium quoque Principem, & totius Hiberniæ tunc monarcham, ad idem animauit Rothericum. Considerantes autem Lagenienses Principem si cum in arcto iam positum, & hostium cuneis omni ex latere circumseptū: dissimulatas diu iniurias, altaq; mente repostas vindicæ ad animum reuocantes; cum hostibus vnanimis effecti, Murchardi filium maiores in hac gente simul cum fortuna reliquerunt. Vidēs itaque Dermitius se viribus vndiq; destitui: & auersa penitus fatorum facie, fortunæque fauore iam desperanter affligi: post multos & graues impari certamine cum hoste conflictus: tanquam ad vltimum confugiens salutis remedium: tandem tamen fugæ præsidium nauigio destinauit. Multis itaque rerum euentibus patet, tutius esse, volentibus quam inuitis imperare. Sensit hoc Nero, Sensit Domitianus, sensit & nostri temporibus tam Saxonum quam Bauariorum Dux Henricus. Expedit à subditis principi cui libet potius amari, quam timeri. Expedit siquidem & timeri. Dum tamen ex dilectione potius timor ille proueniat, quam coercionē. Quicquid enim terrenis affectibus adamatur: consequens est ut & ametur. Sic itaque timor cum dilectione temperetur, ut nec remissa liberalitas lentescat in teporem, nec insolenti vigore violenter extortus timor in tyrannidem conuertatur. Amor Augusto regnum ampliavit: Imperanti Iulio vitam & imperium timor inuidit. Fortunam igitur fugitiuam sequens, & rotæ volubilitati multum confidens, Murchardi filius velis fulcantibus æquora, ventoque ad vota spirante, ad Anglorum Regem Hæricum secundum, auxilium obnixè postulaturus accessit. Quilicet in remotis & transmarinis Aquitaniæ Galliæ partibus, principali more, negociolus existēs: ipsum tñ innatæ liberalitatis & humanitatis officio, pie satis & benigne suscepit. Audita ergo seriatim tam exilii q̃ aduentus causa, susceptisque ab ipso tam subiectionis vinculo, quam fidelitatis sacramento, literas * enim sub hoc tenore patentes indulxit. **HENRICVS** Rex Angliæ, Dux Normandiæ, & Aquitaniæ, & Comes Andegaviæ: vniuersis fidelibus suis Anglis, Normannis, Gualensibus & Scotis, cunctisque nationibus suæ ditioni subditis: Salutem. Cum præsentēs ad vos literæ peruenierint, Noueritis nos Dermitium Lageniensium Principem in gratiæ nostræ & beneuolentiæ sinum suscepisse. Vnde & quisquis ei de amplitudinis nostræ finibus tanquam homini & fidei nostro, restitutionis auxilium impendere voluerit: se nostram ad hoc tam gratiam nouerit, quam licentiam obtinere.

De Reditu eiusdem per Maiorem Brytanniam.

C A P. I I.

REDIENS itaque per maiorem Brytanniam Dermitius, & licet Regiæ munificentia donariis honoratus plurimum & oneratus, spetamen quam re longe abundantius exhilaratus: ad nobilis oppidi Bristolli partes se contulit. Vbi etiam occasione nauium, quæ de Hibernia eo in portu crebris applicationibus suscipi consueuerant à quibus

quibus terræ suæ gentisque statum audire gestiebat) fiscalibus stipendiis decenter exhibitis, est aliquandiu conuersatus. Cumque ibidem multoties literas Regias in multorum audientia legi fecisset: multasque promissiones tam terrarum, quam stipendiorum multis inaniter emisisset: tandem Comes Strigulensis Richardus Guiliberti comitis filius, Dictus Strangbow, fortis arcus, cum eo locuturus aduenit. Vbi & eo usque demum productum est colloquium: ut & Comes ei in proximo vernali tempore restitutionis auxilium: & Dermitius Comiti cum Regni successione filiam suam primogenitam firmiter pepigisset. His itaque seriatis hoc ordine completis: Dermitius desiderio visendæ patriæ plurimum accensus, eaque dulcedine, qua natale solum cunctos ducere solet, amplius allectus: ad Australis Cambriæ Meneuiæque partes incunctanter accessit. Quas à Lagenia vno transfretabile die, humanoque terras non subtrahens aspectui, solum interfluens mare determinat: Ryso videlicet Gryphini filio illis in finibus sub rege principante. Daudique secundo Meneuiæ præidente, & *Ryso* exulantis calamitatem, satis humaniter utroque miserante. Sic igitur tanquam ab ora Cambrycilitoris, æris Hibernici salubritatem Zephyri beneficio propinquius hauriens, & quasi desideratæ nidorem patriæ naribus trahens: solatio quamuis longinquo, non tamen exiguo, dum inter colles & nubila vix discernitur, terræ suæ prospectu lumina pascit. Ea tempestate, Robertus filius Stephani, qui apud * Abernemi, hereticæ regionis caput (cui tunc præerat) dolo suorum captus fuerat, & Ryso traditus: iam iamque per triennium in vinculis & carcere tentus: ea liberatus est conditione, ut vna cum Ryso in Anglorum Regem arma sumeret. Videnis autem Robertus se patris ex parte Domini Regis fidelitati naturaliter astrictum (ex matre namque nobili, scilicet * Nefsa, Ryfi Magnifilia, Ryfi filii Gryphini consobrinus extiterat) maluit potius & prælegit in extera regione sub capitis periculo, fatis & fortunæ se committere: quam in detrimentum famæ & opinionis suæ suorumque opprobrium non modicum, infidelitatis in posterum argui posse. Interuenientibus igitur vterinis eiusdem fratribus Daud Meneuensi Episcopo: & Mauricio Giraldfilio: impetrataque à Ryso licentia, vna Dermitium conuenientibus, firma inter illos sponsione conuenit: ut Dermitius Roberto Mauritioque urbem Gwefesfordiæ cum duobus cantaredis adiacentibus in feodum conferret, & eidem illi auxilium cum Zephyris & hyrundine prima compromitterent. Dermitius autem exulantis ultra damna non perferens, ut fortunam in exteris regionibus quesitam necdum inuentam, ubi amiserat, recuperaret: ad antiquam & autenticam Metropolin Meneuam circa cal. Augusti transfretaturus accessit. ubi & captata tam aeris serenitate, quam auræ prosperitate (Euro scilicet ab Aurora spirante) velo ventoque se committens, & tam viæ quam patriæ pericula tentans, in terra inimica mox susceptus, hostibus infinitis animo impatienti se priuatum exposuit. Apud Fernas igitur à clero loci illius honorifice iuxta modulum eorum facultatis exceptus, dissimulata paulisper principis Maiestate, satis singulariter hyemauit.

40

Aduentus Stephanida, & Expugnatio Gwefesfordensis.

C A P. I I I.

IN T E R E A vero Robertus Stephani filius nec promissionis immemor, nec fidei cō-
 temptor 130. militibus de proximis & alumnis suis se preparans, nec non & aliis 60.
 loricatis, sagittariis quoque pedestribus quasi 300. de electa Gwalliæ iuuentute, circa
 Calend. Maii in tribus nauibus apud Banuam applicuit. Tunc illud MERLINI
 Sylvestris vaticinium vulgo diuulgatum constat esse completum. Miles bipartitis
 armis, Hiberniæ claustra primus irrumpet. Si vatis ænigma videre volueris: ad pri-
 mos vtrinque respicias progenitores. Fuerat enim ex patre Normanno & Angli-
 co: & matre Brytannica & Kambrica, nobili scilicet Nefsa progenitus. In eodem
 comitatu Herueius de monte Maurisco vir quoque fugitiuus à facie fortunæ, iner-
 mis & inops, ex parte Richardi Comitis (cuius * patruus erat) explorator potius
 quam expugnator, aduenit. In crastino vero vir probus & strenuus MAVR-
 TIVS de Prendelgast Stephaniden sequens, in Dermitii auxilium, de Rosensi
 Walliæ Demetiæ prouincia, & portu Miluerdico cum x. militibus & sagittariis plu-
 rimis, ibidem in duabus nauibus applicuit. Cum igitur in Insula Banuensi omni
 parum ex parte securi, subductis se nauibus recepissent: nunciis ad Dermitium dire-
 ctis, fama que (ut assolet) aduentum diuulgante: ex partibus maritimis nonnulli,
 Sss 3 qui

qui olim à Dermatio vna cum fortuna discesserant, ad eundem statim, eadem reuer-
tente, confluxerunt. Nam vt ait Poeta: Sic cum fortuna statque caditque fides.
Murchardides autem audito eorum aduentu cum viris quasi quingentis (premissis
tamen Duuenaldo naturali eiusdem filio, & quamquam non legitimo, in sua tamen
gente præualido) ad eos statim ouanter accessit. Renouatis itaque foederibus, Sacra-
mentis quoque multipliciter, ad vtriusque partis securitatem vtrinque præstitit: iun-
ctisque ceteris: & de dissimilium populorum facta intentione iam simili, vnanimi-
que concordia: ad urbem Gwesefordiæ per mil. quasi 12. à Banua distantem, tam ar-
morum quam animorum acies conuertuntur. Quo audito plebs exiens urbis hæde-
nus indomita, pristinaque fortunæ plurimum confisa: numero virorum circa duo 10
millia, non procul à castris obuiam venire, & viribus dimicare disposuit. Videntis au-
tem ordinatas præter solitum acies, & equestrem turmam loriceis, & galeis clypeisque
fulgentibus insignem nouis super casibus nouo fungens consilio, suburbio toto igne
succenso: se statim intra muros reuersa suscepit. Stephanides vero cum suis se ad in-
sultum acriter preparantes, viris armatis fossata replentibus, propugnacula vero sa-
gittariis eminus obseruantibus: magno cum impetu & clamore, muros vnanimiter
inuasert. Ciues autem ad defensionem promptissimi: robora statim tam lignea
quam saxea proiicientes, non sine magna multorum læsione, eos aliquantulum re-
pulerunt.

Robertus Bar-
rensis.

Inter quos miles quidam Robertus Barrensis iuuenili insultans calore, mor-
tisque pericula strenuitate contemnens, cum inter primos muris primus obre-
pisset: galeato in capite saxo collisus, in inum fossæ præruptæ ab alto corruens: vix
tandem à locis extractus euasit. Exitus huius vehementia, 16. annis post elapsis, den-
tes ei molares deciderunt, & (quod stupore dignius erat) noui statim succreuerunt.
A muris itaque se retrahentes, ad littus proximum certatim irruentes, naues omnes,
quas ibidem inuenerunt, igne statim succenderunt. Nauis autem vna, quæ mercimonii
causa de Brytanniæ partibus huc aduenerat, tritico vinoque referta: anchorarum
morsu in portu retenta iacebat. Quam cum electæ iuuentutis pars potior, in Sca-
phis remigando viriliter occupassent, Anchorarum funibus nautarum industria iam
præcis, Circio à tergo vrgente nauemque in altum propellente, non absque magno 30
salutis dispendio, Scapharum remigumque auxilio, terram iterum vix obtinue-
runt. Sicigitur denuo fortuna, in sola varietate non varia: tam Murchardiden, quam
Stephaniden, pene fauore destituit. In crastino vero missis per exercitum solenni-
ter auditis: consultius & instructius ad insultum procedentes, & tam ingenii quam
virium ope suffulti, tam arte scilicet quam marte confisi: cum muris iam appropia-
sent: ciues de defensione diffidentes, suoque se Principi iniuste resistere consideran-
tes, nunciis ad ipsos transmissis, quæ pacis erant tractare potius satagebant. Interue-
nientibus igitur in vrbe Episcopis, qui tunc ibi forte fuerant, duobus, aliisque viris
bonis & pacificis, pace reformata, ciues demum se Dermatio dedentes, quatuor ob-
sides electos de fidelitate sibi de cætero seruanda tradiderunt. Ipse vero suos am- 40
plius animare iam cupiens, & in primis successibus primos remunerare disponens:
urbem statim cum territorio toto, Stephanidæ & Mauritio iuxta pristina conuen-
tionis debitum assignauit. Heruetio quoque de monte Mauriti duos Cantaredos
inter vrbes duas Gwesefordiam scilicet & Gwaterfordiam mari conterminos in
feodum dedit.

Ossyriensium expugnatio.

C A P. I V.

His igitur ad vota completis, adiunctis sibi Gwesefordiæ ciuibus, cum exercitu vi- 50
rorum quasi trium millium versus Ossyriam acies diriguntur. Fuerat autem Os-
syriæ Princeps Duuenaldus, inter vniuersos suorum rebelles Dermatio semper ini-
micissimus. Qui & filium eiusdem Dermatii primogenitum olim in vinculis ten-
tum, ad amplissimum tam iniuriarum cumulum, quam malorum incommodum:
Zelotypiæ causa exoculauerat. In primis igitur Ossyriæ partes non longe penetran-
tes: quasi in ipso terræ limbo, locis in arctis & tam syluis quam paludibus inuiis, Ossy-
rienses in patriæ defensione non inualidos inuenerunt.

Vnde & solitis confisi successibus, ipsos etiâ vsq; in ipsa campestria longe perse-
quuntur. Stephanidæ vero equites, in eodæ reuersi, statim acriter irruentes: facta strage
non

non modica, ipsos passim per campana diffusos, lanceis confodiunt, confoduntque. Et quos equestris turma in terram deliciunt, capitibus statim securibus amplis Hibernicæ cateruæ pedestres destituunt. Sic igitur parva victoria, hostium capita circiter ducenta ad pedes Dermittii sunt delata. Quibus singillatim reuolutis & agnitis præ nimio gaudii motu, ter iunctis manibus in altum proficiens, in gratiarum actione summo creatori vocelætabunda canorus exultat. Vnius etiam, quem magis inter ceteros exosum habuerat: capite per aures & comas ad os erecto, crudeli morfu & valde inhumano nares & labra dente corrosit.

Post hæc autem, cum ad vteriores & penitimas partes terræ, cædibus, rapinis, 10 & incendiis viriliter vacando, iam pluries transpenetrassent: tandem Ossyriæ princeps de suorum consilio, sub forma pacis, licet umbratili, fictaque magis vtrunque quam vera, datis obsidibus & sacramentis exhibitis, ad fidelitatem Dermittii venire nitebatur.

In iis vero conflictibus, sicut & in aliis cunctis, inter vniuersos strenuitate laudabili, cum Roberto Barrensi Meylerius emicuit. Erant enim hi duo adolescentuli ambo, Stephanidæque alter ex fratre, alter ex sorore nepotes. Moribus diuersis, variaque natura: sola tamen animositate fere per similes.

Meylerius namque laudis amator & gloriæ, cuncta sui gesta ad hæc summo opere referens: quicquid eius famam amplificare potuerat: illud adimplere modis omnibus satagebat: longeque maiori cura videri virtuosus quam esse cupiebat. Alter 20 vero innata strenuitate valde præclarus, nec laudis exactor, nec auræ popularis aucupator: inter primos præcipuus magis esse volebat, quam videri. Cui & animum natura sic instituerat: ut puellari verecundia nec iactabundus, nec verbosus existens: egregia sui facinora nec ipse prædicare, nec ab aliis in laudem efferri gestiebat. Unde & effectum est, ut quo minus gloriam appeteret: tanto amplius eam assequeretur. Gloria namque virtutes quasi umbra sequitur: & appetitores sui deserit: appetit contemptores, plerumque nimirum plus eo ipso placent: quod placere contemnunt: & mirum in modum laus, dum vitatur, acquiritur.

Contigit autem, exercitu in Ossyria in castellario quodam antiquo, & circum- 30 quaque pernoctante: his duobus simul (ut solet) recubantibus, ecce virorum quasi millia millium infinita vndique in illos irruentium, & tanquam in impetu furoris sui cuncta deuorantium, cum armorum sonitu, & securium collisione non modica, nec non & clamore terribili cælum replente (cuiusmodi fantasma in Hibernia circa expeditiones frequens esse solebat.) Quo terrore, maiori exercitus parte in fugam conuersa, quibusdam in syluis, aliis in paludibus latebras quærentibus: hi duo soli statim ad arma proficientes, ad Stephanidæ tentoria viriliter accesserunt: Socios dispersos acriter ad defensionem conuocantes & animantes. Robertus vero Barrensis in tanta tam vehementi cunctorum perturbatione (si quem ibidem domesticum habuerat) non sine magna multorum tam admiratione quam inuidia, ne perderetur, sollicitus 40 actitabat. Inter varia namque virtutis eiusdem indicia, hoc præcipue de ipso prædicari solet: quod nulla vnquam violentia vel inopinata, nulla præoccupatione, nulla de subitatione, vel desperanter meticulosus, vel in fugam turpiter conuersus, vel animo consternatus potuit inueniri: semper secum inuentus, semper ad tutelam promptus: semper ad arma paratus. Fortissimus ille nimirum est,

*Qui promptus metuenda pati, si cominus insent:
Et deferre potens.*

Primus igitur miles, qui in hac Hiberniæ expugnatione, inter Martios conflictus idum suscepit, & læsionem: primus hic miles, qui in hac insula Niso mansueto & domesticato, Nisi filiam infestauit.

Totius Hiberniæ in Dermittium & Stephaniden conspiratio.

C A P. V.

VOLVITVR interea fortunæ rota: statimque casum summisque ruinam, aduersariam facie comminatur. Auditis itaque per insulam nouis Dermittii successibus, & exterorum aduentu formidabili: Rothericus Connactiensium princeps, & totius Hiberniæ Monarcha, ex modicis maiora coniectans, & mente malorum plerumque præsaga, tam sibi quam patriæ toti ex aduenarum accessu, imminere iam pericula præsentens: missis vndique legatis conuocauit totius insulæ primates.

SSS 4

Qui

Qui statim communicato consilio, in Dermitium vnanimiter insurgentes, exercitus quamplurimos, & hominum multitudinem infinitam in Kenteleiam Lageniæ partem coniunxerunt. Dermitius vero amicis arundineis aliis retro abeuntibus, & quasi in occulto disparentibus: aliis vero fidei & sacramenti religione postposita ad hostes aperte se conferentibus: veros præter Stephanidas, in necessitatis articulo, paucos admodum amicos inuenit. In loco ergo quodam non procul à Fernis, syluis densissimis, & montibus præruptis, aquisque & paludibus orbiculariter obsito, sui que natura situque valde inaccessibili, cum suis se contulit. Vbi & statim procurante Stephanide concidibus insistens, prostratis arboribus, lignisque confertis, sylvas vndique condensans, puteis altis, foveisque profundis campos exasperans, introitus & exitus occultos & arctos, per varios anfractus insultibus aptans: loca denique sibi suisque peruia, hostibus inuia reddens: naturalem difficultatem industria plurimum & arte muniuit.

Descriptio Murchardida, id est, Dermisii.

C A P. VI.

ERAT autem Dermicius vir staturæ grandis, & corpore peramplo: vir bellicosus & audax in gente sua: ex crebro continuoque belli clamore voce raucifona. Timeri à cunctis quam diligi malens; nobilium oppressor, humilium erector, infestus suis, exosus alienis. Manus omnium contra ipsum: & ipse contrarius omni. Rothericus autem missis ad Stephaniden nuntiis, donariis quoque non modicis, tam præmissis, quam promissis, ut à patria, in qua ius nullum sibi vindicare potuerat, cum pace & amore discederet, variis suasit verbis nec persuasit. Nuntii vero ad Murchardiden conuersi, ut in exteris nationes delendas simul cum ipsis arma conuerteret, cum firma Rotherici amicitia totam sibi Lageniam pacificam reddi spondentes: multa quoque propria pro patria, proque gente multa allegantes, multis in hanc partem orant sermonibus, nec perorant tamen.

Oratio Rotherici.

C A P. VII.

VIDENS itaque Rothericus, se nihil in hunc modum proficere posse, viribusque ³⁰
* hic potius opus esse: iam iam animo concipiens, tanquam ad vltimum refugium ad arma conuersus, suos sic demum adorsus est.

Viri Illustres & bellicosi, patriæ tutores & libertatis; quibus cum gentibus, quæ de causa bella nobis gerenda sint, consideremus. Hostis ille patriæ, suorum tyrannus, & omnium inimicus, olim expulsus à patria: in publicam cunctorum perniciem, armis exterorum circumseptus ecce iam rediit. Suorum enim inuidens saluti, gentem inuitauit alienam: ut malitiam, quam cum effectu non potuit per se: inuise nationis feritate suffultus, efficacius in nos exerceret. Inimicus igitur ipse, gentem asciuit inimicissimam; gentem tam sibi, quam nobis omnibus olim imperare gliscentem, gentem quoque, quæ sibi terræ nostræ deberi dominium, fatis etiam disponentibus, profitetur. In tantum itaque venenum suum diffundere iam præparauit: quod quantum cunctis communi labe infectis, ut nemini parcat, nec ipse sibi pepercit. O crudelis bestia, longeque belua crudelior omni: quæ ut ciuium sanguine iram faceret infariabilem (inexorabilem) nec sibi, nec patriæ, nec sexui parcere nec ætati duxit. Hic ille est, qui olim licentia in suos debacchatus tyrannide desæuierat. Hic ille est, qui in cunctos communiter armatis exterorum viribus iam crudescit. Cunctorum itaque meretur odium, qui omnium in commune se comprobat inimicum. Attendite ciues, attendite, animisque profundius infigite, quod huiusmodi occasione, ciuili scilicet discordia, cuncta fere regna sunt expugnata. Iulium Cæsarem, qui bis terga Britannis ostenderat, in suam patriæque subactionem, offensus Androgeris, & doloris augmento dolorem vindicans tertio reuocauit. Idem Iulius Occidentali demum orbe subacto, singularis imperii ambitione, bello plusquam ciuili, gentibus inuisis Latium præbere cruorem, non formidauit. Et ut familiaribus quibusdam utamur exemplis: nostroque tempori longe propioribus: Gurmundum insularum malleum ad expugnandos Britones, in propriam perniciem subiectionemque, Saxonum populus inuitauit. Quem postea tamen sorte peiore ad Franciam expugnandam, Francus & Francorum hostis Ysembardus adduxit. Francorum igitur exemplo pro patria pugnantes, acriter in hostes irruamus. Et dum numero tam pauci huc exteri sunt aduecti,

necti, eos impetu vnanimi conteramus. Ignis enim dum adhuc in scintillis est, facillime opprimitur. Cum vero flammis iam stridentibus, suppetente materia, in ro- gum simul & robur excreuerit: difficilius extinguitur. Principiis enim uero semper obuiandum, & morbis venientibus est occurrendum. Sero namque

— *medicina paratur:*

Cum mala per longas inualuere moras.

Patriam itaq; tuentes, & libertatem, nostriq; memoriam per longam facientes, id aggrediendo viriliter, effectui mancipemus, vt paucorum interitus, multorum sit metus: & istorum exemplo, exteræ nationes ab ausu tam nephario imperpetuum absterreatur.

Oratio Dermittii.

C A P. VIII.

MURCHARDIDES vero suos magna ex parte desolatos, & quasi animis consternatos conspiciens, ipsos verbis, quib. potuit, sic animauit: Viri Lagenienses, quos in ytraq; fortuna nobis comites indiuisos veta fides, & firmitior natura coniunxit: animos ad tutelam nostri viriliter erigamus. Malleus ille malarum artium & ambitionum omnium magister & author, violento dominatu cunctos opprimere cupiens: ad nos iterum à patria pellendos, vel etiam in ipsa (q. absit) patria delendos, ecce super capita nobis iam imminet. De multitudine superbus & elatus ambitione suâ brachio metitur. Sed inermi multitudini & inertī plerumq; grauis esse solet: animosa paucitas & armata. Sed (si) Lageniam quærit: quoniam alicui Connactensium aliquando subiecta fuit: Ea ratione & nos Connactiam petimus, quia nostris aliquoties cum totius Hiberniæ subdita fuerat monarchia. Nec ille more monarchæ dominari quærit: sed damnare, sed delere, sed à patria propellere, & in omnium iura solus succedere: & omnia solus obtinere.

Multi sunt, & de multitudine forte gloriuntur, & confidunt. Sed congregi cum multis, Lagenienses semper nouerint ausos. Non enim virorum, sed virium, sed virtutum copia, bella vincuntur. Pro nobis itaque contra superbiam humilitas: contra iniuriam, ius & æquitas: contra arrogantiam & intemperantiam, modus & modestia dimicabunt. Numerosis virtutibus, non viribus innumeris, viri victoriam consequuntur. Iniuriam armis irrogaram, armorum propulsare remedio, leges & iura permittunt. Fauorabilis est causa pro patria simul patrimonioq; pugnare. Illi de lucro captando: nos de damno vitando certamus. Præterea locum habemus arctum tam arte quam natura munitissimum. In quo & ipsa sibi multitudo fiet onerosa: & ad victoriam sufficere poterit, paucitas vnanimis & animosa.

Oratio Stephanide.

C A P. IX.

FINITO itaque Dermittii sermone, suos Stephanides sic alloquitur: Bellorum socii adolescentes electi, qui tot pericula nobiscum experti animo semper generoso inuicti, fuitis. Si diligenter attendamus, qui, quo duce, quoue tenore hæc subeamus discrimina, & solita strenuitate præcellemus: & nos fortuna in prælio pristino fauore non destituit. Troiano partim ex sanguine linea descendimus originali. Ex Gallis namq; ex parte propaginem ducimus & naturam. Hinc nobis animositas: illinc armorum usus accedit. Cum itaq; duplici natura nobiliq; hinc inde profapia tam animosi simus, & armis instructi: populum inermem, turbamq; plebeiam nobis resistere non posse quis diffidat? Præterea dolo domestico, intestinaq; malitia natali cum solo ampla perdidimus patrimonia. Vnde & in has partes non stipendiorum ambitio, non auri cæca fames: sed terrarum & urbium nobis & nostris perpetua largitio nos aduexit. Non ergo pyratæ, non prædones huc aduenimus. Virum hunc illustrem, largitorem optimum & liberalē, fraude suorum circumuentum reparamus: miseremur afflicti, iuuamus oppressum, patriæ patrimonioq; restituimus destitutū. Gentē hic nostrā diligit, gentem hic nostrā attrahit, gentē hic nostrā in insula plantare & immobiliter radicare proposuit. Huius forsitan occasionis euentu, & quinque portiones in vnum redigentur: & ad nostrates in posterum totius regni dominium deuoluetur. Si nostra manu parata fuerit victoria, & Murchardides restituitur, & nostro aggressu regnum Hibernicum nobis & nostris in perpetuum retinetur. O quanta hæc gloria, quantisq; periculis, & quanto tam vitæ dispendio, quam mortis contemptu viris appetenda?

Quid est enim aliud mors quam interpolatio quædam, modica temporis mora, & quasi sonus inter momentaneam hanc vitam medius, & illam manentem?

Quid

Quid aliud mors, quam brevis quidam transitus à transitoriis ad æterna. Moriendum quippe est, quia ineuitabile est illud & commune fatum: Et si nullo egregio facinore vel gloria vitam illustret, vel morte saltem laudis memoria consequatur. Illis itaque mors terribilis est, quorum simul omnia cum morte mori videntur: non his quorum laus emori non potest. Id igitur viri viribus insignes & virtute præclari, id vnanimiter aggrediamur: vt in nobis hodie genus nostrum non degeneret. Et in hoc conflictu, seu vincendo seu moriendo perpetuam nobis strenuitate gloriam comparemus.

De pace reformata.

C A P. X.

18

SCIENS autem Rothericus ambiguos semper bellorum euentus: & quoniam iuxta Comici sententiam: omnia sapienti viro prius quam arma tentanda sunt: cum armatis quoque exterorum viribus, plurimum congregi reformidans; nuntiis intercurrentibus, ea subire, quæ pacis sunt, modis adhuc omnibus attentauit. Bonorum itaq; virorum interuentu & gratia desuper inspirante fauorem, pax demum sub hoc formata tenore est. Quod relicta Dermotio Laggenia: ipse Rothericum tanquam Hiberniæ principem & Monarcham, debita subiectione recognosceret. Et vt hoc ratum maneret, & illibatum, super hoc etiam Dermotius filium suum Cnuthum nomine obsidem dedit. Cui Rothericus, pace processu temporis operum exhibitione stabilitatem sortita, filiam suam se nuptui daturum spondit. His igitur publice propalatis: sacramentis quoque ad eorundem confirmationem vtrinque præstitis: & hoc inter eos, sed in priuato conuenit, quod aduenas in insulam de cetero Dermotius non vocaret. Illos etiam, quos iam ascuerat, pacificata sibi Laggenia statim remitteret.

Aduentus Mauritiū Giraldi, & Dubliniæ subactio.

C A P. XI.

* vir quidē prudens.

HIS ita completis: iterum tanquam arridente fortuna, vultusque serenos aduertente: ecce Mauritius Geraldi filius, de quo supra cap. 2. mentionem fecimus: vterinus scilicet Stephanidæ frater, cum decem militibus, & satellitibus equestribus triginta, sagittariis quoque pedestribus circiter centum, apud Gwesefordiam in duabus nauibus applicuit, * vir fide & strenuitate conspicuus, vir puellari verecundia, tam animi quam verbi constantia clarus. Murchardides autem aduentus huius euentu exhilaratus plurimum & animatus, graues Dubliniensium iniurias tam sibi, quam patri toties illatas, vindicem ad animum anxie reuocans: conuocato exercitu statim in Dubliniam acies & arma disposuit. Stephanide interim in rupe quadam prærupta mil. à Gwesefordia quasi duobus, quæ vulgari vocabulo Karrec dicitur, municipium construente, locumque natura munitum arte iuuante, & Mauritio Anglorum exercitum cum Dermotio ducente, eique ducis in modum præsidente.

In breui itaque toto vrbis territorio cum prouinciis adiacentibus, de prædationibus, cædibus & incendiis ad exterminium fere redacto: tandem ciues de pace tractantes de fidelitate principi suo de cetero seruanda, & debitis obsequiis exhibendis, cautionem securam præstiterunt.

Ortis interim inter Rothericum Connactiensem & Duuenaldum Limiricensem inimicitii: cum Rothericus armata manu Limirici fines iam inuasisset: Dermotius in Duuenaldi, puta generi sui auxilium, Stephaniden cum suis transmisit. Quorum fultus auxilio, post varios conflictus vbique victoria potitus: Rotherico cum decore ad sua reuertente, se ab eius dominatu omnino subtraxit. In his etiam expeditionibus sicut & in aliis cunctis mira strenuitate, cum Roberto Barrensi Meylerus emicuit. Hic autem tunc tempotis mulier illa barbata visa est, & in tergo iubata. De qua in Topographia locuti sumus, cap. 20. 2. distinct.

Comitis Richardi preparatio.

C A P. XII.

MURCHARDIDES autem se ad vltiora iam erigens: toto sibi patrimonio ad manus iam reuerso, ad auita atque antiqua iura conspirans: Connactiam sibi cum vniuersa Hiberniæ Monarchia potenti manu subiicere proponit. Super hoc itaq; Stephaniden & Mauritium secreto conueniens, animique conceptum omnino denudans:

dans : hoc facile fieri posse responsum suscepit, si amplioribus Anglorum viribus latus stipari procurauerit. Cum igitur modis omnibus ei supplicasset : quatenus genus & gentem copiosius in insulam aduocarent : propositumque suum effectui mancipare curarent : tandem ut efficacius id ipsis persuaderet, eorum alterutri cum regni successione filiam obtulit primogenitam. Sed quoniam forte tunc legitima copula gaudebat uterq; : post multas deliberationes in hoc consilium deniq; resedit, ut Comiti Richardo (cuius c. 2. supra mentionem fecimus : & cui filiam eandem se quondam in Bristolli partibus daturum pepigerat) nuntios quantocyus dirigeret, literas in hæc verba deferentes : Dermotus Mutchardi filius Lageniensium princeps, Richardo
 10 Comiti Strigulensi, Gilleberti Comitis filio S.

*Tempora si numeres, bene qua numeramus egentes,
 Non venit ante suum nostra querela diem.*

Ciconias & hirundines obseruauimus : venerunt aues æstiuæ : venerunt, & Circio iam flante, reuersæ sunt. Desiderabilem & diu expectatam præsentiam vestram nec Fauonius nec Eurus aduexit. Moram itaq; sanet executionis efficacia : & id operum efficiat exhibitio, ut solo videatur tempore lapsa fides. Ad nos Lagenia tota iam rediit. Si in manu valida tempestius adueneris : quatuor portiones ad quintam de facili conuertentur. Gratum itaque reddideris aduentum, si acceleratum : celebrem si celerem, festiuum quoq; si festinum. Vulneratæ siquidem ex parte per incuriam dilectioni, renouata cicatricem obducet affectio. Amicitia namq; sanatur cito officio : & obsequentis gratiæ beneficio, etiam in maioris integritatis robur accrescet. Quibus auditis Comes Rich. post multa variaq; consilia tandem ex aliorum euentibus sibi formam præscribens, & ex Stephanidæ successibus, quam prius abhorruerat, audaciam sumens : totis in Hiberniam tendens nisibus, totis in illam anhelans suspiriis, ad eius expugnationem omnimodas exigit intentiones.

Erat autem vir hic sanguine conspicuus, & Clarensum clara de stirpe progenitus : vir quidem plus nominis hætenus habens, quam hominis : plus senii, quam ingenii : plus successionis quam possessionis. Veniens igitur ad Anglorum Regem Henricum secundum obnixè supplicat, & efflagitat : ut vel terras ipsum iure hereditario
 30 contingentes sibi saltem, mediante iustitia, restitueret : vel in exteris regionibus se factis & fortunæ committendi licentiam daret.

Aduentus Reymundi, & Guaterfordiensium apud Dundunolf confectio.

C A P. XIII.

ACCEPTA igitur quasi licentia ironica magis quam verâ, brumali translapso tempore, iuuenem quædam de familia sua Reymundum nomine cum 10. militibus & sagittariis 70. circa cal. Maii in Hiberniam præmisit : iuuenē se. validum & robustum militaribus armis instructum : tam Stephanidæ quam Mauriti ex fratre primæuo nepotem. Applicantes itaq; sub rupe quadam marina (quæ Dundunolf dicitur) à Guaterfordia quasi 4 mil. à latere Guelefordiæ meridionali : tenuē satis ex virgis & cespite castrum crexerunt. Guaterfordiæ vero ciues, & cum ipsis Machlachelinus Ophellan, fama statim euentum diuulgante, exterorum viciniam suspectam habentes, communicato consilio principiis obuandum ducentes, in ipsos vnanimiter arma sumere decreuerunt. Transeuntes itaq; flumen Suyrense, quod Desmoniam à Lagenia sub ipsius vrbs muralibus ab Oriente determinat, quasi tria virorum millia, tribus ad insultum turmis ordinatis, fortiter accedunt ad fossata.

Sed quoniam vix est, ut virtus clausa celari, ut animositatis ardor extingui, ut probitatis scintilla comprimi valeat & includi : Reymundus cum suis, licet numero perpauci, strenuitate tamen conspicui, eis obuiam exeuntes, nimis impari certamine congressi sunt. Sed quia tantæ multitudini paucitas tam magna resistere non potuit : ad castra reuersi hostes à tergo persequentes, intra valuas vix plene suspensas certatim intrando susceperunt.

Videns autem Reymundus, seque suosque in arcto, imo extremo articulo iam constitutos : vultum ad hostes viriliter conuertentes primum quemque intrantem in ipsisianuis gladio transuerberauit. Et exclamans voce altissima, vno ictu, nobilique regressu tam suos ad tutelam reuocauit : quam horrendum hostibus metum incussit.

Sic igitur ancipiti semper bellorum alea, qui victi videbantur, in momento victores effecti : hostes in fugam conuersos, & passim iam per campana dispersos,
 tanta

ranta strage persequuntur, ut in continenti quingentos & eo amplius interimerent. Et cum cassatas feriendō manus ab ictibus iam suspenderent, ab altis in mare rupibus præcipitati sunt infiniti.

In hoc conflictu miles quidam Wilhelmus scilicet Ferrandus mirabili strenuitate præpolluit: vir carne quidem infirmus, sed corde firmissimus. Imminentem, ut videbatur, lepræ malitiam morte nimirum præuenire desiderans tam præmatura, quam præclara.

Sic Guaterfordiæ superbia cecidit, sic totum eius robur euanuit. Hinc nobilis urbis caput euersio, hinc Anglis spes, hinc consolatio: hinc hostibus horror, hinc desperatio. Inauditum enim hætenus est, in partibus illis tam modica manu tantam stragem factam fuisse: prauo tamen consilio, detestabilis nimis, & inhumana sæuitia, abusi sunt fortuna. Cum enim completa victoria septuaginta ciues de potioribus & primis, intra castra captiuos in vinculis tenuissent, propter quos vel urbem ipsam, vel pecuniam immensam suscepisse potuerant: Herueius de monte Maurisco (qui cum tribus militibus in eorum aduentu se statim ipsis adiunxerat, & Reymundus alternis deliberando sententiis, ad contraria contenderunt.

Oratio Reymundi.

C A P. XIII.

REYMUNDVS enim ad eorum laborans liberationem sic adorsus est: Viri commilitones, quibus ad gloriæ cumulum virtus simul & fortuna contendunt: quid de captiuis nostris statuendum est, videamus. Nec enim hostibus parcendum vlla ratione decreuerim. Sed hi non hostes iam, sed homines: non rebelles, sed debellati, sed victi, sed fatis urgentibus ob patriæ tutelam superati. Honesta quidem occupatio. Non fures, non factiosi, non proditores, non prædones. Eo iam numero sunt constituti, ut in eis potius locum habeat pietas ad exemplum, quam crudelitas ad tormentum. Difficile quidem est, & tanto virtus antiquior: effrenes semper & luxuriantes incommodis animos inter prospera temperare. Efficiat igitur in nobis dignissima laude clementia, ut cetera qui vicimus, animos vincamus & iram. Solet quippe præcipites animi motus modus & modestia temperare mitigareque. O quam laudabile est viro magnifico, quoties inter ipsos triumphales successus, pro vindicta reputat, vindicare potuisse.

Iulius Cæsar (cuius victoriis orbis angustus erat) in tanto imperio suo tantum Domitium, cui tamen & ante vitam donauerat, iussit occidi. Pietas in ipso & gloriam adauxit, & victorias non impediuit. O quam impia, quam bestialis sæuitia: ubi victoriam nulla sequitur misericordia. Fortis enim uero viri est, qui de victoria contendunt, eos hostes putare: qui victi fuerint, eos homines iudicare: ut possit bellum fortitudo minuere, pacem humanitas augere. Est itaque nobili viro misereri quam vincere laus longe præstantior. Illud enim fortunæ, istud virtutis est. Sicut igitur, si gladiis nostris rebelles in acie cecidissent: profecto id nobis augmento victoriæ cessisset ad gloriam: sic captis, & ad vitam reseruatis, & tanquam ex hostium numero, in hominum cœtus iam reuersis de cetero mors inflictæ, cum famæ detrimento non modico nobis verget in confusionem (ignominiam.) Cum igitur eorum interemptio patriæ non sit liberatio: ad augenda tam militum stipendia, quam virtutis exempla: longe commodior eorum redemptio censenda videtur, quam peremptio. Sicut enim Martios inter conflictus, galeato iam capite, sanguinem sitire, cædibus insistere, solum gladiis allegare, feritate plusquam ferina, se cunctis in actibus inexorabilem præbere militem decet: sic bellico cessante tumultu armis iam exutis, feritate quoque deposita: resumi deber humanitas, & animo nobili pietas, & mansuetudo renasci.

Oratio Herueii.

C A P. XV.

FINITO Reymundi sermone, & murmure populi cum quodam quasi seruire subsecuto, surgens ad proceres Herueius, sic adoritur: Satis exquisitè Reymundus de pietate nobiscum disseruit. Internos forsan animi sui motus verborum compositione nobis ostentans: tanquam pietatis operibus, & non potius cædibus & incendiis terra exterorum sit expugnanda. Nunquid hac via Iulius, nunquid Alexander Macedo, vniuersas subdidit nationes? Nunquid sponte ad pietatis istorum spectacula gentes vndique concurrerunt: & non potius vi & armis coactæ, crudelitatis quoque

terrore

terrore compulsæ colla submiserunt. Dum adhuc superbi, dumque rebelles sunt populi: postposita pietate modis sunt omnibus expugnandi. Cum vero iam subditi, iam seruire parati, tum demum (saluo regiminis moderamine) cum omni mansuetudine sunt tractandi. Hic itaque pietas, ibi exhibenda crudelitas. Hic locum habet clementia, ibi sæuitia. Reymundus vero quasi populis iam subditis, sola sit opus misericordia, vel tanquam hostibus in nimia paucitate constitutis, ubi virtus eniteat, inuenire non valeat (cum tamen totus Hiberniæ populus in nostram, nec immerito, coniurauerit perniciem) hostium augere numerum istorum adiectione, mirabili pietate contendit. Contrarius & inconstans esse videtur. Populum expugnare venit: & ut populo parcatur, argute proponit. O quam impiæ pietatis exemplum est, propria prorsus contempta salute, super hostium calamitate pie moueri: Præterea, iam plures in castris hostes habemus, quam domesticos: vndique periclitamur: exterius, parum hoc nobis esse videtur: nisi & intus quoque periclitemur, foris infiniti: intus multi nostrum moliuntur exterminium.

Quid si forte vinculis ruptis (quibus satis tenuiter alligantur) ad nostras subito proruperint armaturas? Mus in pera: Ignis in sinu: serpens in gremio, hostes in hostio male suos remunerant hospites. Nonne quod agit hic opere: destituit in sermone? Respondeat, quæso, Reymundus, cum ad nos expugnandos instructis aciebus aduenerunt, si eorum forte manu parta fuisset victoria: nunquid nobis pro pietate deferrent? Nunquid victis vitam venderent? Nunquid captos vlla redemptione liberarent? Sed non opus est multiloquio: ubi res est in expedito. Nostra siquidem sic victoria consumetur, ut istorum interitus aliorum sit merus. Et ipsorum exemplo, populus effrenis ac rebellis nobiscum de cetero congregari reformidet. Duorum quippe alterutrum eligamus. Aut enim ad quod venimus, viriliter exequamur, populumque rebellem, dissimulata prorsus clementia, armis & potentia, animosaque manu debellemus: aut si pietatis operibus, iuxta Reymundi sententiam potius indulgere dignum duximus, reuersis velis plebi miserabili patriam & patrimonia relinquamus.

Placuit commilitonibus Herueii sententia: & condemnati miseri, membris contractis, in maris præcipitium dati sunt.

Aduentus Comitum: Guaterfordiæ expugnatio.

C A P. XVI.

INTEREA Comes Richardus præparato tanti conaminis apparatu, per australis Cambriæ maritima Moneuiam petens, electam in partibus illis iuuentutem coadunauit. Conquisitis igitur & peractis tanto nauigio necessariis: in portu Miluerrico naues ascendens vento velis à tergo incubante, militibus cum quasi ducentis, & aliis circiter mille, circa decimum Calend. Septembris, vigilia videlicet sancti Bartholomæi apud Guaterfordiam applicuit. Mane vero post festum, die quidem Martis, Martia communiter ad vrbis insultum iam muris imminencia vexilla vehuntur. Sed cum à ciuibus & Dundunolfensium cædis reliquiis iam bis viriliter repulsi fuissent: videns domunculam quandam per postem deforis à muro dependentem, vndique ad insultum acriter inuitans, viros armatos ad eiusdem postis succissionem quantocytus immisit. Quo succiso: statim domus illius facta ruina, cum muri quoque parte non modica, certatim intrantes hostes in urbem irruerunt: & cæsis cateruatim per plateas ciuibus, victoria potiti sunt cruentissima. Captis igitur in turri Reginaldi duobus Sytaracis, & gladio sublati, Reginaldo vero & Machlachelino Ophelano similiter ibidem captis, sed interuentu Dermittii, qui cum Mauritio & Stephanide, nec non & Reymundo iam tunc aduenerat, ad vitam reseruatis, dispositis vrbi custodibus, filia quoque Dermittii, Eua nomine, ibidem Comiti patre tradente, foedusque firmante legitime copulata, cuncta communiter versus Dubliniam vexilla vehuntur.

De Dubliniensis vrbis expugnatione.

C A P. XVII.

SCIENS autem Dermittius totum Hiberniæ populum in defensionis auxilium à ciuibus Dubliniæ conuocatum, omnes circa urbem vias nemorosas & arctas armis obsedisse: paternæ non immemor iniuriæ, nemorosa declinans, per conuexa montium de Glyndelachan latere, exercitum ad vrbis mœnia duxit indemnem. Præ omni-

T t t bus

bus namque ciuibus istos non immerito habebat exosos. In medio namque domus cuiusdam grandis, vbi tanquam in foro pro curia sedere consueuerant: patrem ipsius interemptum, damno dedecus annectentes, cum cane ciues cumulauerant. Missis autem legatis, & interueniente præcipue laudabilis memoriæ, Laurentio Dublinensis Ecclesiæ tunc Archipræsule, cum de pace primo tractatus haberetur, ex vna parte Reymundus, ex altera miles animosus (de quo infra, & capit. vigesimo primo) Milo Coganensis, cum iuuentute tam belli, quam lucri cupida, certatim ad muros irruentes, victoriam statim adepti: non sine magna ciuium strage urbem viriliter inuasunt. Pars tamen eorum potior, Hasculpho Duce, naues & scaphas, cum iis, quæ pretiosiora possederant intrantes: boreales ad insulas se nauigio transtu-
lerunt.

Eodem die duo magna in vrbe miracula contigerunt. De cruce videlicet immobili facta, quam ciues ad insulas asportare contenderant: & denario eidem oblato bis resiliente, sicut in Topographia declaratur.

Cum itaque Comes per aliquot dies de statu vrbis disposuisset: ibidem Milone Coganensi custode relicto, instinctu Murchardidæ, antiquas inimicitias vindicem ad animum reuocantis, Ororicii Medensis fines hostili inuasionem demoliuntur. Totam igitur Media crebris de prædationibus, cædibus quoque & incendiis iam exterminio data.

Rothericus Connactiensis suam agi rem perspicuus, paries vbi proximus ardet: Nuntios Dermotio in hæc verba transmisit: Contra pacis formam, exterorum multitudinem in insulam aduocasti: dum tamen intra Lageniam tuam te continuisti: æquanimiter sustinuimus. Nuncautem, quoniam nec sacramenti memor, nec obsidis dati misertus, metas positas, patriosque fines insolenter excessisti: aut exterorum tuorum de cetero compescas excursus, aut præcisum tibi filii tui caput proculdubio remitemus. Cum autem Dermotius ad hæc superbe respondisset, adiiciens quoque, se à proposito non destitutum, donec sibi Connactiam auito iure competentem, cum totius Hiberniæ Monarchia, subiugasset: Indignans Rothericus, filium eius, quem ei (supr. c. 10.) obsidem dederat, capitali sententia condemnauit.

Ardmachiense concilium.

C A P. XVIII.

His itaque completis conuocato apud Ardmachiam totius Hiberniæ clero: & super aduenarum in insulam aduentu tractato diutius & deliberato: tandem communis omnium in hoc sententia resedit: propter peccata scilicet populi sui, eoque præcipue, quod Anglos olim tam à mercatoribus, quam prædonibus atque piratis, emere passim, & in seruitutem redigere consueuerant, diuinæ censura vindictæ hoc eis incommodum accidisse, ut & ipsi quoque ab eadem gente in seruitutem vice reciproca iam redigantur. Anglorum namque populus adhuc integro eorum regno, communi gentis vitio, liberos suos venales exponere, & priusquam inopiam ullam aut inedia-
m sustinerent: filios proprios & cognatos in Hiberniam vendere consueuerant. Vnde & probabiliter credi potest, sicut venditores olim, ita & emptores tam enormi delicto iuga seruitutis iam meruisse. Decretum est itaque prædicto concilio, & cum vniuersitatis consensu publice statutum: ut Angli vbique per insulam seruitutis vinculo mancipati: in pristinam reuocentur libertatem.

Edictum Anglorum Regis.

C A P. XIX.

AV D I T I S interea istarum rerum euertibus fama de magnis semper maiora vulgante, & quoniam Comes non tantum Lageniam, sed & alia quædam nec sibi nec uxori suæ vlllo iure competentia iam inuaserat: ab Anglorum Rege edictum emanauit, ut ab vniuersis terris suæ ditioni subditis, nulla de cetero navis in Hiberniam quicquam aduectare præsumat. Et ut omnes omnino de terris suis illuc aduecti: aut infra proximum Pascha redeant: aut exheredati prorsus exules à regno imperpetuum fiant.

Videns autem Comes seque suosque in arcto iam positos, & tam suorum amissione, quam necessariorum defectu desperanter afflictos: communicato consilio, ad Anglorum Regem, licet in remotis Aquitannicæ Galliarum partibus agentem, Reymundum destinauit.

Licet

Licentia vestra (mi Domine) si bene recordor, in Hiberniam transfretaui: fidei vestro Dermitio restitutionis auxilium impendere desiderans. Vnde & quicquid in ea vel eius, vel alterius patrimonio mihi fortunæ fauor adiecit, sicut ex vestræ benignitatis munificentia totum prouenit: sic ad eandem pro libito vestro nutuque redibit.

Martyrium S. Thomæ.

C A P. XX.

EA tempestate, Reymundo Curiam sequente, & Rege solita occupationum morositate responsum differente: THOMAS Cantuariensis Archiepiscopus in Anglia gladiis impiorum occubuit: Non sine multa maiorum tam regni quam sacerdotii nota. Cui præter multiplex illud septennalis fere exilii martyrium, in multo mœrore, cilicio scilicet duplici, tam fœmoralis, quam corporali: In lectione, & oratione continua, & omnium angustiarum grauissima, nec ætati parcente, nec sexui, tam miserabili sanguinis vniuersi proserptione, ad consummabilem totius martyrii gloriam id totum accessit. Quod ipse furibundis hostibus templi fores aperuit: & aperto vertice gladiis occurrens, sacram vulneribus coronam obtendit: Quod in Ecclesia matre & Metropolitana, & coram altari: Quod à quatuor aulicis canibus, rabie plusquam canina furentibus, in corona (quæ clero potius signum protectionis esse solebat) quatuor vulnera sustinuit, & nullum extra. Quod ea solum in parte, quæ passionem Christi significat, Christi miles & martyr insignis intrepide passus emicuit: felici commercio incorruptibilem pro corrupta coronam suscipiens: Quod sacram Dominici Natalis hebdomadam suo quoque sanguine consecrauit: & sicut primus Thomas quinta Natalem lucem præuenit: sic iste secundus sacris ex nomine iam cessantibus, eundem numerum subsequenter impleuit. Quod ille Orientis lampas fuit: hic Occidentis: Quod ille nascenti Ecclesiæ lumen dedit, hic senescenti: Et sicut ille surgentis Ecclesiæ fundamenta suo sanguine cementauit: sic iste suo diu fundatæ, tanquam ruinosa iam, & tam senio confectæ, quam vi tempestatum crebro concussæ, pristinum reformauit: Et sicut ille feruens erat fide feruente: sic iste non tantum feruens, sed & plusquam fetuor erat, iam frigescente. Et sicut ille ut Ecclesiæ substantiam erigeret, tortoribus se cruentis exposuit: sic iste, ut eiusdem formam conseruaret illasam, gladiis occumbere non formidauit. Cuius quoque triumphales tantæ gloriæ titulos hi duo versiculi sub compendio satis egregie comprehendunt:

*Pro Christi sponsa, Christi sub tempore, Christi
In templo, Christi verus amator obit.*

De quo inter varias eiusdem virtutes, illud præcipue spectabile memoriaque dignum occurrit: quod separatis membris & proiectis inaudito more noua reposit. Ex hac suæ nouitate virtutis, vere nouus martyr apparuit. Vnde quidam:

*Miratur rediisse virum neutratum: ocelli
Succedunt oculis, albus hic, ille niger.*

Quia ne causati malignitas posset, eosdem oculos fuisse, quos prius habuerat, non erutos ad plenum, sed læsos: dati sunt minores & diuersi coloris, miraculoque maiori, quibus non minus in tenebris & nocte obscura, quam clara luce videbantur.

Occidit autem hoc tritici granum, & in terram cadens, multum fructum attulit: anno videlicet ortus sui quadragesimo octauo: Consecrationis octauo: Exilii septimo, in fine Decembris felici brauii cursum finiens, veteremque vitam cum anno terminans, & nouam inchoans. Ab incarnatione vero Domini millesimo centesimo septuagesimo primo: præsidente Romæ Alexandro tertio, imperante Frederico, regnante in Francia Ludouico. Vnde quidam:

*Annus millennus, centenus, septuagenus
Primus erat, primas quo ruit ense Thomas.*

Elapsa interim hyeme Dermitius Murchardi filius plenus dierum, apud Fernas circiter Cal. Maii rebus humanis exemptus est.

Confectio Norrvagiensium apud Dubliniam.

C A P. XXI.

E A D E M fere tempestate, circa Pentecosten, Hasculphus olim Dubliniensium

T t t 2

Prin-

Princeps vindice deferuens animo, cum Norwagiensibus & Insulanis in sexaginta nauibus urbem expugnaturus, Auenliphenſe littus obtinuit. A nauibus igitur certatim erumpentes, Duce Iohanne cognomine Thewoode (quod Latine ſonat, inſano vel *vehementi) viri bellicoſi Danico more, vndique ferro veſtiti, alii loriciſ longis, alii laminis ferreiſ arte conſutis, clypeis quoque rotundis, & rubris, circulariter ferro munitis: homines tam animis ferrei, quam armis, ordinatis turmis, ad portam orientalem urbem inuadunt.

*dementi.

*ſupr. s. 17.

Verum *Milo Coganenſis tunc urbis cultos, innata animoſitatis audacia, longe licet impari numero, viriliter iſtis obuiare præſumpſit. Sed hoſtiles impetus tam parua manu perferre non valens, parte ſuorum perdita, militis quoque coxa ferro vtrinque veſtita, vno ſecuriſ ictu cum panno lorice præciſa, hoſte virgente in portam regredi compulſus eſt: donec Richardus Coganenſis Milonis frater, per poſticam australem cum paucis clam egreſſus, iſtos à tergo acriter exclamando percuffit. Cuius inopinati euentus, & de ſubitationis cauſa, aliis ante, aliis retro conſiſgentibus, ambigua ſemper bellorum alſa, ſtatim conſecti, & in fugam ſunt conuerſi.

Interfectis itaque fere cunctis, Iohanne quoque Vehementi: non abſque tutela virili, à Gualtero de Ridenesfordia, & aliis quibuſdam demum expugnato & interempto: Haſculphus à marina gliſi, per quam ad naues transfugerat retractus, ad maiorem victoriæ cumulum viuus in urbem, cui paulo ante præerat, eſt reductus. 20. Ad redemptionem itaque reſeruatus, & in curia coram Milone conſtitutus in publico auditorio verbum hoc indignanter & impudenter emiſit. Parua, inquit, manu nunc aduenimus, & ſolum noſtri conaminis initia ſunt iſta. Sed tamen, mihi vita ſuperſtite, in breui hiſ longe diſparia multoque maiora ſequentur. Quo audito (quoniam in manibus linguæ vita & mors) & quoniam frangit Deus omne ſuperbum, maleque dolorem vindicat, quiſquis doloris augmento, dolorem accumulat) præcepto Milonis ſtatim illi capite præciſo, paulo ante indultam, inſolenti verbo vitam amiſit.

Obſidio Dubliniæ à Rotherico Connaſtiens ſacta & inſulanis.

30.

C A P. XXII.

HIſ ita completis: videntes Hibernici Comitẽ & ſuos, tam ſuorum iactura, quam victualium defectu (quibus Anglicanæ copię beneficio hætenus inſula abundare conſueuerat) iam deficientes: collectis vndique viribus cum infinita totius Hiberniæ fere principes multitudine, Dubliniam obſidione cinxerunt: Laurentio Dublinienſi Antiftite zelo ſuæ gentis, vt ferebatur, hoc procurante, miſſis quoque literis tam Archipræſulis, quam Rotheſici Connaſtiens, Gottredum Maniæ principem, nec non & alios Inſulanos, ad portum urbis maritimum obſidendum, tam verborum inuitat perſuaſione, quam larga quoque ſtipendiorum promiſſione. Qui 40. tanto promptiores effecti, quanto ſibi quoque ex Anglorum ſucceſſibus ſubiectionis imminere periculum formidantes: *Circio flante, naues circiter triginta bellicoſis plenas viris, in Auenliptrii portum incunctanter adducunt. Totum namque præſidium, ſuaue collegium, eorum habere ſolatia: quos ipſa ſimul delectat ſubire ſuffragia.

*Euro.

Cum itaque duobus iam fere menſibus intra muros urbis Comes & ſui clauſi fuiſſent: nec vlla prorſus victualia iſtis vel terra vel mare miſiſſet: deficientibus alimentis, ſolitaque malitia non vno contenta malo, ſed cumulante ſemper incommoda fortuna ſiniſtra: ecce Duuenaldus Dermittii filius *Kenceliæ finibus adueniens, Stephaniden intra Karreſtenſe caſtrum à Gueſefordiæ ciuibus, nec non & Kencele- 50. ienſibus quaſi tribus virorum milibus cum paucis obſeſſum nuntiauit. Et niſi infra diem tertium ei in manu valida ſuccurratur: de ipſo & illis, qui cum ipſo ſunt, non amplius cogitandum.

*al. Synelle.

Erant autem intra Dubliniam cum Comite obſeſſi: Giraldides Mauritius, & Reymundus à curia iam reuerſus: tam ſuorum quam ſui non mediocriter anxietate turbati. Quorum Mauritius quanquam propria plurimum: longe plus tamen optimi fratris & vxoris, pignorumq; ſuorum calamitate commotus, quæ in hoſtium medio municipium tenebat immunitiſſimum, virgis tantum & ceſpite clauſum, ad Comitẽ ſurgens & proceres, in hæc verba prorupit.

Oratio

Oratio Mauriti.

C A P. XXIII.

NON ad delitias, viri, non ad oclia vocati, in hos terrarum fines aduecti sumus: fortunæ potius tentare vices, & sub caput periculo vires animositatis venimus experiri. In summitate rotæ aliquandiu stetimus, & ecce ad ima iam deuoluimur. Item ad summa, volubilitatis ratione prouehendi. Hæc est enim rerum mundanarum mutabilitas: vt alternis vicibus semper aduersis prospera distinguantur. Solis ortum cœli reuolutione sequitur occasus, & occidentis tenebras ad ortum tendens orientis lampas illuminat. Quibus hætenus cum triumphus gloria tantæ rerû copia omnium fortunæ fauor adiecerat: en clausis vndiq; hoste terra mariq; victualia iam deficiunt. Auxilium nobis nec mare mittit, nec classis inimica permittit. Stephaniden quoq; cuius animositas & nobilis ausus viam in insulam nobis aperuit, exili municipio clausum priuatumque, gens inimica coarctat. Quid igitur expectamus? Nunquid enim ad nostræ gentis solatiû aspiramus? Ea iam lege tenemur, vt sicut Hibernicis Angli: sic & Anglis Hibernici sumus? Non enim minore nos odio illa quam ista persequitur insula. Moram itaq; rumpentes & ignauiam (quoniam audaces fortuna iuuat: dum nobis iamiam deficientia vires adhuc alimenta ministrant) hostes viriliter aggrediamur: animosæque paucitas & armata, solita strenuitatis opera, consuetaq; belli victoria multitudinem inermem conterat, & imbellem.

*Talia voce refert: curisq; ingentibus eger**Spem simulat vultu, premis alto corde dolorem.*

Finito Mauriti sermone, Reymundus eiusdem doloris telo percussus, cum vniuersorum applausu simili sententia perorauit. Adiciens quoq; Connactiensium in Regem tanquam primum & principalem in primis irruendum: vt illo confecto aliorum exercituum haud difficilis foret persecutio.

Confectio Rotherici apud Dubliniam.

C A P. XXIII.

CERTATIM igitur electa iuuentus ad arma proficiens, in tres turmas quanquam tenues, se statim separant & secernunt. In prima Reymundus cum militib. 20. In media Milo cū 30. In tertia & vltima comes & Mauriti cū 40. præter satellites equestres, & ciues paucos salua vrbs custodia singulis turmis adiunctos. Egrescentes itaq; subito hora quasi post nonam, non sine magna contentione vtri videlicet an vrbs an familiæ præfecto, primus de iure cederet cum hoste confictus: triginta millium viro- rum exercitum propter matutinos eiusdem diei congressus improuidum penitus & improuisum tam parua manu viriliter inuadunt. Reymundus igitur inter primos primus existens, & primum in hostes impetum faciens, longe ante alios statim duos lancea perforauit. Meylerius quoque, & duo Mauriti filii Giraldu & Alexander, licet vltimæ turmæ primitus addicti, innatæ tamen strenuitatis inditio, ad primam se subito præripientes, viri armis & animositate perspicui promptissime sublequentes, multos ad tenebras à luce transmittunt. Multis igitur interemptis, & cunctis omnino confectis, Rotherico vero, qui tunc forte in balneis sedebat, vix elapso, fugituios & victos cædibus insistendo, vsque ad vesperam persecuti, demum victualibus & vcturis, spoliis quoque & armis onerati simul & honorati reuertuntur. Dispersis igitur & statim se dispergentibus exercitibus tam Australi scilicet Archipræsulis cum totis præter Kenceliam & Guesefordiam, Lageniæ viribus, Machelono scilicet, Machalene, Gillemolmoc, & Othuelhelis, quam aliis quoq; simili terrore concussis: Ex boreali vero his, scilicet Ororicio Medensi, Ocarnelo Vriensi, Machsalino, & Ochadesu, cum multitudine multa. In crastino dispositis vrbi custodibus versus Guesefordiam, superiore per Odranam via victoris palmarum vexilla reguntur.

Dolosa Stephanida captio.

C A P. XXV.

INTERIM autem (fortuna variante vices, & semper aduersis quibusdam secunda turbante, ne cuiquam inueniatur fida comes, neu firma in terris contingere valeat, vel perfecta felicitas) Guesefordienfes cum Kenceleyensibus circa tria viro- rum millia Stephaniden improuisum, & nil tale timentem, cum militibus scilicet & sagittariis paucis circumseptum, fidei, sacramentique religione contempta: crebris insultibus impetere non cessant. Sed quoniam se nihil viribus profecturos

T t t 3

præ-

* al. Nos.

præsentiant viris quanquam perpauca, ad defensionem tamen promptissimis, & præcipue milite quodam Gulielmo videlicet cognomine*Not, longe præ aliis in hac defensione virtute micante: ad consueta fallaciæ tela, figmentaue dolosa concurrunt. Adductis igitur Episcopis ad fossata duobus, Guesefordienſi scilicet & Kyldariensi: aliisque viris religionem habitu præferentibus, reliquiis appositis, communiter omnes sacramento corporaliter præstito iurantes affirmant: Comitem, Mauritium & Reymundum, nec non & Anglos vniuersos capta Dublinia iam deletos. Connaſſienſem quoque exercitum simul cum Lagenienſi ad Guesefordia partes iam appropriare. Afferunt quoque se Stephanidæ ipsius commodi causa id totum fecisse: ut ipsum scilicet (quoniam mitis eis & liberalis princeps extiterat) ante inimicæ multitudinis aduentum saluū cum suis in Cambriam transuectare potuissent. Quorum assertioni tandem Stephanide fidem adhibente, seq; suosq; eorum fidei committente, statim quibusdam suorum interemptis, alii verberibus, alii vero vulneribus grauitè afflicti, in carceres & vincula contruduntur. Nec mora, fama pernicipibus alis veram Dublinia liberationem, & Comitæ aduentum diulgante, proditores statim urbem totam proprio incendio concremantes, ad insulam Begeri in portus ostio sitam (quæ & sancta vocatur) cum suis omnibus tam rebus, quam captiuis nauigio transferuntur.

Descriptio Stephanidæ.

C A P. XXVI.

40

O VIRVM virtutis vnicum, veriq; laboris exemplum, fortunæ variæ, sortiq; aduersæ plusquam prospere semper obnoxium. O virum toties tam in Hibernia quam Cambria vtrâq; rotæ circumferentias æquanimiter expertum, & omnia passum,

*Quæ peior fortuna potest, atq; omnibus vsum,
Quæ melior. —*

O vere Marium secundum Stephaniden. Cuius si felicitatem respexeris: felicissimum dixeris. Si vero miseras: miserorum omnium miserrimum videas. Erat autem vir amplo corpore & integro, vultuq; decenti, & statura paulo mediocritatem excedente, vir dapſilis & largus, liberalis & iucundus, sed vino Veneriq; transmodestiam datus. Interea Comite Guesefordiam tendente, Lageniensium exercitus in passu Odronæ quanquam in sui natura arcto nimis, & inuio, * concidibus tamè plurimum arte munito, illi obuiam venit. Vbi & commisso graui conflictu, interfectis tandem hostium multis, præter iuuenis vnus casum, cum suis omnibus ad campana Comes indemnis euasit. Meylerio aliis ibidem solita strenuitate micante.

* cum sudibm.

Descriptio Comitæ.

C A P. XXVII.

COMITI vero modus hic erat. Vir subrufus, lentiginosus, oculis glaucis, facie scæminea, voce exili, collo contracto, per cetera fere cuncta, corpore procero, vir liberalis & lenis. Quod re non poterat, verborum suauitate componebat. Togatus & inermis parere paratior, quam imperare. Extra bellum plus militis, quam Ducis: in bello vero plus Ducis quam militis habens: omnia suorum audens consilio: Nihil vnquam ex se vel armis aggrediens, vel animositate præsumens. In prælio positus fixum suis recuperationis & refugii signum manebat. In vtraque belli fortuna stabilis & constans, nec casibus aduersis desperatione fluctuans; nec secundis vlla leuitate discurrens.

De pace & concordia inter Regem & Comitem in Claudicestria finibus reformata.

C A P. XXVIII.

50

NE c mora: descendentibus illis ad Guesefordia fines, occurrunt ei nuntii, Stephanidæ euentum, reique casum, & urbis incendium explicantes: ex parte quoque proditorum firmiter afferentes, quod si ad illos accedere forte præsumant: præcisa sibi suorum capita statim cuncta remitterent. Quibus auditis, non sine magna mentium amaritudine, versis in dexteram loris, versus Guaterfordiam iter arripiunt. Vbi & Herucium reperiunt ab Anglorum Rege, quo perrexerat, iam reuersum. Adeundem quoque Comitæ in Angliam accessum tam literis quam verbis persuadentem.

Comes

Comes itaque venti velique beneficio stanti æquore transcurso: in Clandestria, finibus apud Niweham Regi occurrit: iam in Hiberniam cum exercitu non modico transfretare parato. Vbi post multas & varias altercationes, tandem Herueii circumuentu pariter & interuētu, regia erga ipsum sic resedit indignatio: vt renouato subiectionis vinculo Regni caput Dubliniam scilicet cum Cantaredis adiacentibus, nec non & vrbes maritimas & castra Regi cuncta concederet. Residuum vero conquisitionis suæ de Rege, & hæredibus suis, ipse & hæredes sui recognoscerent. Quibus eo tenore completis, Rex per maritimam viam versus Meneuiam iter arripuit. Et Pembrochiam veniens, pulcherrimam in breui Myluerdico portu classem coniunxit.

10

Confectio Ororicii apud Dubliniam.

C A P. XXIX.

INTERIM Rex monoculus Medensis Ororicus, captata tam Comitum quam Reymundi, qui adhuc moram Gwaterfordiæ fecerat, absentia: cum multitudine magna circa cal. Sept. Dubliniam venit. Et inueniens in ea viros perpaucos, sed tamen viros, cum impetu magno & clamore muris & fossatis, acriter insultauit. Sed (quoniam virtus claudi nescit, & ignis oppressus in flammam erumpit) Milo Coganensis & sui, se foras subito mittentes, tanta statim hostes strage persecuntur: vt eisdem confectis Ororicii filium iuuenem egregium cum aliis infinitis ibidem interimerent.

Interea Rex Anglorum in Australis Cambriæ Pembrochiæque proceres, quia
 20 Comitem Rich. hac in Hiberniam transire permiserant: minis acerrimis intonare cepit. Sed tandem in ipsorum castris, Regiis custodibus assignatis: versa est in tranquillitatem tempestuosa procella. Tanta liquidem tonitrua, lætali fulminis ictu non subsecuto. Contigit ea tempestate, Rege in partibus illis auium volatu delectari volente: falconem nobile in saxo quodam sedentem cum forte conspiceret: eundem lateraliter ambiendo, accipitrem Norwagiensem generosum & grandem, quem gestabat læua, proiecit. Falco vero quanquam in primis tardior, ad alta * tamen vix subuectus, iraque vindice, vice versa, de præda prædo iam effectus: à summis impetuosius ad ima descendens, quadrati pectoris ictu vehementi, præpositaq; talorum armatura, talionem reddens, ad pedes Regios accipitrem confodiendo prostrauit. Vnde & ab hac
 30 hora, singulis Rex annis, circa nidificationis tempora, propter falcones terræ illius, qui marinis in rupibus excluduntur: mittere consuevit. Nec in terra sua nobiliores aut præstantiores inuenit.

Aduentus Anglorum Regis: & tam Australium Cambriæ principum: quam Borealiū spontanea subactio.

C A P. XXX.

His ita completis, ad tanti tam nobilis ausus apparatus, mora in Meneuiæ partibus aliquamdiu facta: sanctique Dauid sede deuotis omnibus honorifice requisita: captata temporis idoneitate, & tam aeris, quam auræ prosperitate, velo ventoque
 40 se committens: cum militibus quasi quingentis, satellitibus quoque equestribus, & sagittariis multis: circa cal. Nouemb. die videlicet S. Lucæ transmenso maris spacio, apud Guaterfordiam Rex animosus applicuit. Applicuit ergo anno regni sui 17. ætatis suæ 41. ab Incarnatione Domini 1172. præsidente, Imperante, Regnante, Alexandro III. Frederico, Ludouico.

De Stephanida apud Guaterfordiam liberatione, & Australis Hibernia principum vltronea subiectione.

C A P. XXXI.

APUD Guaterfordiam igitur paucis diebus Rege morante: Ecce Guelefordiæ ciues ei Stephaniden, quasi sub prætextu obsequii, eo quod Hiberniam citra ipsius
 50 assensum primus intrauerit, aliisque malignandi occasionem præbuerit, vinctum & captiuum adducunt. Cui Rex cum in primis de tanto, tam temerario Hibernicæ expugnationis ausu non absque indignatione plurima & comminatione multa grauiter improperasset: tandem ipsum cathenis, cum alio quodam firmiter compositum, in turrinam Reighnaldi custodiendum remisit. Nec mora Rex Corcagienfis Dermotus aduenit: qui statim tam subiectionis vinculo, quam fidelitatis Sacramento, nec non & obliuibus datis firmiter astrictus, annuo constituto Regni sui tributo, se Anglorum Regi sponte submisit. Abhinc autem Rex exercitum mouens, primo Lismoriam progressus ibique dierum mora facta duorum; inde Cassiliam

Ttc 4 est

est profectus. Vbi & Duuenaldus Rex Limiricensis se illi in craftino ad aquam Sourrensem obuam dedit: impetratoque pacis beneficio, constitutoque similiter Regni sui tributo, firmissimis subiectionis vinculis, se quoque Regi fidelem exhibuit. Præfctis itaque tam Corcagiæ quam Limerico Regiis custodibus ac ministris: cunctisque Australis Hiberniæ Principibus tam iis, quam etiam aliis, quanquam non tam principalibus, magnis & autenticis, tamen in gente sua, duobus: Duuenaldò scilicet Ossyriensi: & Machlachelino Ophelano sponte submissis: Singulis quoque in Regionem suam, cum Regiis donariis, & honore reuersis: Rex per tybracchiam Guaterfordiam remeauit. Vbi & adducto iterum ei Stephanide: Rex videns virum tantis fortunæ periculis & toties expositum: interiore pietate commotus: tantique viri laboribus humaniter compassus, magnorum quoque virorum interuentu, indignationem eorum, ex corde remisit: ipsumque solitæ liberationi & libertati, Guesfordia tamen cum terris adiacentibus sublata, plene restituit.

De Borealis Hibernia principibus apud Dubliniam subditis & Rotherico Connactiensibus sponte subactis.

C A P. XXXII.

His ita gestis relicto apud Guaterfordiam Roberto Bernardi filio cum familia: Rex per Ossyriam cum exercitu versus Dubliniam iter arripuit. Ibique morali quamdiu facta, adueniunt quoque partium illarum Principes sub fidelitatis & subiectionis obtentu, à Rege piissimo pacem obnixè petentes, & impetrantes. Hi scilicet Machelanus Ophelan, Machtalewy, Othweteli, Gillemoholmoch, Ocadhesi, Ocaruelwriensis, & Ororitius Medensis. Rothericus vero Connactiensis, nunciis Regiis, Hugoni scilicet de Lacy, & Gulielmo Aldelmi filio versus aquam Sinnenensem, quæ Mediam Connactiamque determinat, occurrit. Qui pace similiter impetrata, Regioque Dominio, constituto Regni sui tributo, firmissimis se fidelitatis & subiectionis vinculis innodauit. Sic itaque præter solos Vltonienses, subditi per se singuli. Sic & in singulari, Rotherico scilicet Connactiæ Principe, & tanquam Hibernensium capite & insulæ Monarcha: subditi redduntur vniuersi. Nec alicuius fere in Insula vel nominis erat vel ominis, qui Regiæ Maiestati, vel sui præsentiam, vel debitam Domino Reuerentiam, non exhiberet. Tunc implem videtur vsitatum illud & vulgatum (quia de veritate nil asseuero) Merlini Ambrosii vaticinium. Sextus Hiberniæ mænna subuertet. Et illud eiusdem. Quinque portiones in vnum redigentur. Imminente vero Dominici Natalis solennitate, Dubliniam terræ illius Principes ad Curiam videndam accessere quam plurimi. Vbi & lautam Anglicanæ mentis copiam * *venustissimum* vetustissimum quoque vernarum obsequium plurimum admirantes: carne gruina, quæ hætenus abhorruerant, regia voluntate passim per aulam, vesci ceperunt. Ea tempestate sagittarii apud Finégla in arbores, Sanctorum manibus per cimiterium olim plantatas, enormiter desequientes, singulari peste consumpti sunt: sicut & in Topographia declaratur.

Cassiliense Concilium.

C A P. XXXIII.

SILENTE igitur Insula in conspectu Regis tranquilla pace gaudente: Ecclesiæ Dei decus Christi que cultum in partibus illis magnificandi, ampliori desiderio Rex accensus: totius Cleri Hiberniæ Concilium apud Cassiliam conuocauit. Vbi requisitis & auditis publice terræ illius & gentis tam enormitatibus quam spurcitiis, & in scriptum, & sub sigillo Legati Lismoriensis (qui cæteris ibidem dignitate tunc præerat) ex industria redactis: constitutiones sacras, quæ adhuc extant, de matrimoniis contrahendis, de decimis dandis, de Ecclesiis debita deuotione venerandis & frequentandis, quam plures emisit: Ecclesiæ illius statum ad Anglicanæ Ecclesiæ formam redigere modis omnibus elaborando. Quas constitutiones sub eisdem verbis, quibus & promulgatæ sunt, hic interferere non superfluum reputaui.

Constitutiones Cassiliensis consilii.

C A P. XXXIIII.

ANNO igitur Dominicæ Incarnationis 1172. Primo autem anno, quo Illustrissimus Anglorum Rex & Hiberniæ Triumphator ipsam Insulam acquisiuit: Christianus Lismoriensis Episcopus, & Apostolicæ sedis legatus: Donatus Cassiliensis, Lau-

Laurentius Dubliniensis, & Catholicus Tuomenensis Archiepiscopi cum suffraganeis suis & coepiscopis: Abbatibus quoque, Archidiaconis, Prioribus & Decanis & multis aliis Hiberniensis ecclesie prelati: ex ipsius triumphatoris mandato, in ciuitate Cassiliensi conuenerunt, & de utilitate Ecclesie, & statu eius in meliorem formam producendo: ibidem Conciliū celebrarunt. Huic consilio interfuerunt isti: à Rege missi. Venerabilis vir Radulphus Abbas de Buldewas: Radulphus Archidiaconus de Landaff. Nicolaus Capellanus, & alii clerici: & nuncii Domini Regis. Concilii autem statuta subscripta sunt, & Regie sublimitatis autoritate firmata. Primo statutum est, quod vniuersi fideles per Hiberniam constituti, repudiato cognatorum & affinium
 20 contubernio, legitima contrahant matrimonia, & obseruent. Secundo quod Infantes ante fores Ecclesie catechizentur, & in sacro fonte in ipsis baptismalibus ecclesiis baptizentur. Tertio quod vniuersi fideles Christi, decimas animalium, frugum cæterarumque prouentionum: Ecclesie cuius fuerint parochiani, persoluant. In 4. quod omnes terræ Ecclesiasticæ & earum possessiones, ab * omnium secularium hominum
 exactione penitus sint immunes. Et specialiter, quod nec Reguli, nec comites, nec aliqui potentes viri Hiberniæ: nec eorum filii cum familiis suis cibaria, & hospitalitates in territoriis Ecclesiasticis, secundum consuetudinem, exigant: nec amodo violenter extorquere præsumant: & quod de villis Ecclesiarum cibus ille detestabilis, qui quater in anno à vicinis comitibus exigitur, de cætero nullatenus exigatur. In 5. quod pro
 30 homicidio à laicis perpetrato, quoties inde cum suis inimicis cõponunt: clerici videlicet eorum cognati nihil inde persoluant: sed sicut in homicidii perpetracione, sic in pecunie solutione sint immunes. 6. quod vniuersi fideles in infirmitate positi, confessor suo & vicinis astantibus, cum debita solennitate testamentum condant, bona sua mobilia, dummodo vxores & liberos habeant (ære alieno, & seruientium mercede exceptis) in tres partes diuidant: vnā liberis, alteram vxori legitime, tertiam propriis exequiis reliquentes. Et si forte prolem legitimam non habuerint: bona ipsa inter ipsam & vxorem in duo media diuiduntur. Et si legitima vxor decesserit: inter ipsum & liberos bipartiri debent. 7. vt cum bona confessione decedentibus & missarum & vigiliarum exhibitione, & more sepeliendi obsequium debitum persoluantur. Itaque omnia
 40 diuina ad instar sacrosanctæ Ecclesie, iuxta quod Anglicana obseruat Ecclesia, in omnibus partibus * Ecclesie, amodo tractentur. Dignum etenim & Iustissimum est, vt
 sicut Dominum & Regem ex Anglia, sortita est diuinitus Hibernia: sic etiam exinde, viuendi formam accipiant meliorem. Ipsi namque Regi magnifico tam Ecclesiam, quam Regnum Hiberniæ debent, quicquid de bono pacis, & incremento Religionis habere nunc est assecuta. Nam ante ipsius aduentum in Hiberniam: multimoda malorum genera, à multis retro temporibus ibidem emerferant: quæ ipsius potentia & munere in desuetudinem abiere. Armachienensis vero primas ob corporis imbecillitatem, & grandævitate tunc præsens non fuerat. Sed postea Dubliniam venit. Regie dispositioni per omnia fauorem præbens, vulgi opinione, vir sacer. Vaccam candidam, cuius
 50 solum lacte vesceretur: secum, quocunque venerat, circumducens.

De tempestatibus.

C A P. XXXV.

EFFRACTIS itaque claustris Æolicis, & conuulsis maris ructibus: tanta tamque continua tempestatum importunitas ingruebat: vt per hyemem totam vix vna naus in Insulam transnaugasset: nec aliqua nouellæ audiri omnino valuissent. Ita vt iram Dei, peccatis exigentibus in eos imminentem, communiter omnes existimarent. Eadem fere tempestate, ex nimia præter solitum procelle vehementia, fabulosis Australis Cambriæ litoribus solo tenus fabulo nudatis, longis * operata retro sæculis terræ
 30 facies apparuit. Arborumque in ipsum mare stipites stantium, vndique præcisarum ictusque securium tanquam hesterni: terra quoque nigerrima, lignaque truncorum hebeno simillima, mirandis rerum mutationibus, vt olim nauium via, nunc nauibus inuia, non littus iam, sed lucus esse videretur, Aut forte à diluuii tempore, aut potius longè post antiquitus tamen tam præcisus quam maris violentia semper excreveris, & terram amplius eluentis, paulatim absorptus & absumptus. Rex autem apud Guesefordiam interim moram faciens, & summo desiderio transmarinos audire rumores affectans: optimam sibi, quam in partibus illis inuenerat, familiam, Reymundum scilicet, Milonem Coganensem, Gulielmum * Maskarellum, & alios ex indu-
 40 stria quosdam allexit: vt & suam validiorem & Comitum partem redderet exiliorem.

In Re-

C A P. XXXVI.

POST medium vero quadragesimam tam ex Anglicanis quam Aquitannicæ partibus, tandem Euro spirante, naues adueniunt, tam grauitatis nunciæ, quam prauitatis. Venerant enim * in Normanniæ partes, à Summo Pontifice Alexandro III. transmissi Cardinales duo, quorum nomina Albertus, & Theotimus: de morte Martyris nostri Cantuariensis scrutinium facturi. Viri, ut putabantur, iusti, & boni, & ad hoc fideliter electi: sed tamen Romani: Nisi citius eis Rex occurrerit, toti regno cæterisque terris vniuersis suæ ditioni subditis interdicti sententiam acriter interminantes. Accessit & aliud incommodum longe grauius ac periculosius (quoniam soli solent accidere fortunæ fauores: sed infortunia nunquam) filii Regis, Primæuus scilicet, quem tanta diligentia regio insigniri diademate procurauerat, alique duo, fratrem puerili leuitate secuti prauissimo consilio multos habentes complices: tam Anglicanos proceres, quam transmarinos: in regem absentem vnanimi conspiratione coniurauerant. Quibus auditis, tantaque & tam inopinata malitia iam detecta: multiplici Rex anxietate desudat. Dolet in primis, se tanta tam immerito suspicione notari. Timet etiam regnum terrasque adiacentes tam prauis machinationibus perturbari. Doler quoque per plurimum, se regnum Hibernicum, quod æstate proxima tam in castellare, quam firma stabilire pace statuerat, & in formam omnino redigere, tam intempestiue relicturum. In primis itaque quibusdam suorum in Angliam transmissis: tam de Reditu suo, quam de Regni Hibernici securitate, primo secū, deinde cum suis: cæpit diligenter deliberare.

De reditu Regis per Meneuiam: & Lapide Lechlawar.

C A P. XXXVII.

RELICTIS ergo demum custodibus apud Dubliniam, videlicet Hugone de Lacy, cui iam Mediam in feodum donauerat cum militibus 20. Stephanide quoque & Mauricio Giraldide cum aliis 20. Gwaterfordiæ vero Humfredo Bohonenfi, Roberto filio Bernardi & Hugone de Gundeuilla cum militibus 40. Guesefordiam Guilielmo Aldelmi filio, Philippo de Hastings, & Philippo de Breusa cum 20. Paschali luce secunda, sole recens orto, apud Guesefordiam exteriore scilicet portus lymbo nauem scandens, Circio flante, prospero nauigio in portu Meneuensi: circa meridiem applicuit. Accedens itaque Meneuiam, deuoto peregrinantium more pedes, baculoque suffultus, canonicorum Ecclesiæ processione ipsum debita reuerentia & honore suscipientium, apud albam portam obuiam venit.

Accidit autem ut procedente seriatim processione, & rite præcedente: mulier Cambrica ad pedes Regis se subito prouolueret. Quæ & quærimonia de loci illius Episcopo facta, & Regi per interpretis linguam exposita, (quoniam ius suum incontinenti non obtinuit) voce altisona & proterua, cum manuum quoque complosione non modica: cæpit clamare coram omnibus & ingeminare: vindica nos hodie Lechlawar, vindica genus & gentem de homine hoc. Cumque ab illis, qui Brytannice nouerant inhiberetur & expelleretur: ipsa quoque tanto fortius & actius in hunc modum vociferabatur. Alludens illi fictitio vulgari, nec vero Merlini prouerbio, quo dici solebat: Angliæ Regem Hiberniæ triumphatorem ab homine cum rubra manu in Hibernia vulneratum, per Meneuiam redeundo, super Lechlawar moriturum. Erat autem hoc nomen lapidis, qui trans fluuium illum qui cæmiterium à Boreali Ecclesiæ parte præterfluendo determinat. iacens, vice pontis agebatur. Erat autem lapis hic marmoreus & pulcher, transeuntium pedibus superficie tenus perpõlitus, 10. pedes in longum, & sex in latum præferens, & vnius pedis spissitudinem habens. Sonant autem Lechlawar Brytannica lingua, lapis loquax. Erat autem de lapide hoc ab antiquo vulgata relatio: quod cum hominis cadauer, super illum aliquando deferretur, eadem hora in sermonem erumpens: ipso conatu crepuit medius, fissuram per medium adhuc prætendens. Vnde & barbarica superstitione, illi antiquitus exhibita usque in hodiernum quoque per ipsum mortuorum corpora non efferuntur.

Accedens igitur ad lapidem Rex (quia forte illius vaticinii mentionem audierat) ad pedem lapidis paulisper gradum sistens, & eundem acriter intuens, incunctate tamen passu audacter pertransiit: Verso itaque vultu ad lapidem respiciens, in vatem inuectus: verbum hoc indignanter emisit: **M E R L I N** o mendaci, quis de cætero fidem

*Flumen Alun
quod.*

dem habeat: Et sic intrans Ecclesiam, & Sancti Andreæ, Sanctiq; David honore fundatam, fufis deuote orationibus, & miffa folenniter audita, à Capellano quodam (quẽ solum inter tot loci illius presbyteros, ea hora ieiunum, & quem tanquam ad hoc diuina referuauerat prouidentia) cæna ibidem sumpta, statim ad castrum * Hauerfordiæ, quasi per mil. 12. ab inde distans, transmigrauit. * Harna.

Subita cum legatis, & cum Rege Francorum facta concordia.

C A P. XXXVIII.

LITTORIS itaque maritimi via rediens, qua venerat, à Cambria in Angliam, ab Anglia quoque cum summa festinatione in Normanniam nauigio transuectus: Romanis Cardinalibus se incontinenti, laudabili in Principe deuotione, apud Constantiam præsentauit. Vbi & post varias hinc inde altercationes demum innocentia sua Sacramento purgata: pœnitentia quoque sibi iniuncta (quoniam licet per ipsum minime, propter ipsum tamen interemptum martyrem non diffitebatur) legatis cum honore remissis, ipse statim ad Marchiam cum Francorum Rege Ludouico colloquium habiturus, accessit. Vbi & interuentu proborum virorum & præcipue Philippi Flandrensium Comitis à Sancto Iacobo iam tunc reuersi: reformata inter Reges concordia super offensa, quam Francorum Rex ob prædictam Martyris mortem contraxerat, puta quem Anglorum Rex archipræsuli in Angliam redituro cum aliis magnis & potentibus viris fideiussorem donauerat. Cuius mirę pacis occasione tam filiorum quam complicum suorum tanta in animo, & tam clandestina concepta malicia: vsque in annum sequentem conquieuit.

De visione imo verius visitatione: Regi Henrico, apud Kerdiff diuinitus facta, & reuelatione monstrata.

C A P. XXXIX.

Hic autem priusquam ad vltiora procedamus: quid Regi per maritimam Australis Cambriæ de Hibernia reuertenti, contigit explicare, nec superfluum, nec inutile reputauimus. In Oppido Keirddyff, sabbato primo Paschali, cum pernoctasset: missaque mane (Dominica scilicet, quæ vulgo clausum Pascha vocatur, iam audita) cum à capella Sancti Pirani præter Regem omnes exissent: ipso in orationibus plus solito tunc forte morante; tandem cum exiret, & ad ostium capellæ iam equum ascenderet: astitit ei vir quidam ante faciem: postea quodam præfixo, quasi propodio fungens: flauus tonsuraque rotunda, vultus macilenti, staturæ aliquantulum procerę, ætatis quasi circiter annos 40. tunica indurus alba, clausa quoque & vsque ad talum pedis demissa, zona præcinctus, & pedibus nudis. Qui & Regem in hæc verba Teutonice conuenit. Got holde yc Cuning. & postea eadem lingua profecutus est in hanc sententiam. Salutat vos Christus & pia mater eius, Ioannes quoque Baptista & Apostolus Petrus: mandantes vobis, quatenus per totas ditioni vestræ terras subditas, ne mercatus Dominicis diebus fiant, firmiter inhiberi faciatis, & quod in illis nihil vsquam operis fiat, nisi diuinum officium, & illud deuote facere & audire: præter cibaria solum, quæ ad vsum diurnum præparentur. Quod si feceritis: nihil vnquam inchoabitis, quod sine bono non compleatur, vitæque sæliciter consummabitis. Rex autem militi cuidam (cui nomen Philippus de Mercros, qui & frenum equi Regis tenebat, de finibus illis oriundus, qui & hæc nobis vera relatione propalauit) dixit Gallica lingua. Qœure à rustico illo, vtrum hoc somniauerit? Et cum hoc Anglice miles exponeret, subiecit ille lingua priori. Siue hoc somniauerim, inquit, siue non: Vide quis hodie dies sit (loquens Regi nõ interpreti) quia nisi hoc feceris, vitamq; maturius emēdaucris: priusquā annus iste prætereat, tales de rebus, quas in mundo plus diligis, rumores audies: talemq; inde turbationem inde accipies, q̃ tibi vsq; ad exitum vitæ non deficiet. Et cum Rex hoc dicto, equo calcaribus monito, parum versus * portam, & quasi passibus 8. processisset: super hoc tamen, quod audierat, cogitans, & lora regyrans, vocate mihi, inquit, bonum hominem illum. Et cum miles prædictus & iuuenis quidam, cui nomen Guilielmus (qui soli tunc in oppido remanserant) illum vocassent, & non inuentum, primum in Capella, deinde per aulā, & diuersoria cuncta quæssissent, nusquam comparuit: Rex autem eo non reperto, cū tamē diutius cum solus in oppido, dum alii quærerent, expectaret: Mœstus plurimum & plangens, quod amplius illi locutus non fuisset: versus Nouumburgū per Pontem de Rem-

* Pontem.

de Rempni iter arripuit. Sicut autem comminando vir ille promiserat, sic anno contigit non completo. Filii namque ipsius tres, Primæus scilicet, Henricus, & alii duo Pictauiensis, & Brito, contra ipsum in quadagesima sequente, ad Regem Francorum Ludouicum discesserunt. Vnde tanta mota est ei inquietatio, quantā antea nunquam habuerat: & quæ semper ei usque ad extremum spiritus halitum, per aliquem filiorum fere incessanter perdurasset. Exquisita namque Dei vindicta, sicut credi potest, qualem se filium patri spiritali exhibuerat: tales erga se quos genuerat, filios carnales inuenit. Multas etiam alias præmonitiones pariter & præmunitiones Rex iste diuina miseratione (quæ magis conuersionem peccatorum & pænitentium appetit, quam euerisionem) circiter eadem tempora & fini propinquiora suscepit: quas utinā omnes non animo obstinato, non corde indurato contempsisset: sed potius cordi pænitenti, corrigibiliter & feliciter apposuisset. Sicut in libro nostro de Principis instructione toties promisso, Deo propiciante, plenius explicabitur.

Ororeii tam proditio, quam peremptio.

C A P. XL.

IN T E R E A sub Regni custodibus tranquilla pace Hibernia respirante: contigit apud Dubliniam inter Hugonem de Lacy & Regem monoculum Ororicium Medensem, colloqui cuiusdem causa locum & diem assignari. Sed nocte cuius mane colloqui illius dies imminebat, miles quidam Nepos videlicet Mauritiæ Stephani-¹⁰ dæque Grifinus nomine, visus est in somnis, videre syluestrium porcorum multitudinem in Hugonem & Mauritium similiter irruisse: aprumque horribilem & grandem præ aliis venientem, ipsos fere dentibus transuerberasse: nisi ipse utique aprum interimendo, potenti manu subuenisset. In crastino vero ad colloquium proficiscentes, locum scilicet, qui collis Ororeii dicitur, in primis per nuntios, & à longe. deinde sumpta securitate, & sacramentis utrinque præstitis, ad colloquendum peruenerunt. Ex condito tamen perpauci, & numero pares, & illi inermes: præter hinc tantum gladios, inde secures: utriusque partis populo, aliquantulum ab ipsis remoto, Grifinus vero, qui cum Mauritio ad colloquium venerat, super visione, quam viderat, valde sollicitus: cum 7. militibus de cognatione sua, quos ad hoc elegerat, de quorum scilicet animositate magis confidebat: ex vna collis parte, quam propius poterant, se retrahentes, clypeis assumptis, & lanceis erectis, dextrariis admissis, ex industria tor-³⁰ namenti Gallicis præludia faciebant, ut in quamcunque partem colloquium vergeret, sub hoc prætextu præludii, prompti inuenirentur & parati. Ororeio vero & Hugone de Lacy variis interim altercando quæstionibus, nec ad concordiam vergentibus, in discordiam iam redactis: Monoculus ille proditoris illius virus sub pectore versans, simulans ad mergendum parumper abscessum, suis innuit, ut cum summa statim festinatione venirent. Quo facto, cum reuerteretur eleuata securi vultu pallido, passuque per amplo & præproprio, Mauritius Giraldides (qui ob visionis mentionem, quam forte à nepote audierat, præmunitior existens, hæc omnia diligentius obseruauerat) ⁴⁰ extracto gladio, quem semper in colloquio, promptum super genua per capulum tenuerat, Hugonem quoque præmuniens, & suscitans, se statim ad tutelam viriliter erexit. Proditor autem Hugonem percutere properans, viri interpretis (qui se fideliter iætui obiecit) lætali vulnere brachium amputauit. Mauricius vero voce altifona suis exclamans, dum contra securim gladio conflegebat, ob fugæ maturationem Hugo de Lacy bis retro cadens, Giraldidæ beneficio vix euasit. Interim autem Hibernici, numero non pauci, proditoris ad nutum, è vallibus emergentes, cum binis & securibus amplis, vndique quantocyus accurrerunt: De Mauricio & Hugone finem iam factur-⁵⁰ ri: quando Grifinus & sui ad Mauritiæ vocem inuitati, in equis cursoribus statim affuerunt. Quo viso, sibi fugæ præsidio consulere cupiens, cum equum adductum scandere proditor iam parasset, in ipso ascensu, Grifinus accelerans, tam equum quam ascensore eius lancea perforauit. Interfectis igitur ibidem cum ipso, tribus eiusdem familiaribus, qui sub tanto discrimine, equum ei adduxerant, eiusque capite præciso (quod postmodum Anglorum Regi in Angliam usque transmissum est) cunctis per campana tam diffusis quam confusis, usque ad ipsa, quæ procul aberant, Syluestria, strages fieri quam maxima non cessauit. Radulphus itaque Stephanidæ filius, iu-
uenis animosus & validus, strenua præ aliis virtute, hic
laudem meruit.

De

De visionibus.

CAP. XLI.

QVONIAM autem de visionibus, varix solent esse sententix: huius visionis occasione, vera quædam & autentica visionum exempla hic interferi nulli fastidio esse debet. Refert Valerius Maximus quod cum duo Archades iter facerent, & alter se ad hospitem sospitem contulerit, alter in tabernam meritoriam diuerteret: is qui in hospitio erat, vidit per somnium comitem suum orantem, ut sibi à caupone oppresso, subueniret. Excitatus, somnum repetit. Socius eius sauciatus, iterum ei
 10 apparuit, quoniam auxilium viuo ferre noluerat, vel mortuum rogans vindicaret. Dicebat corpus suum tunc à caupone ferri in plaustro, ad portam Sterquilinio cooperiendum. Quod euigilans ita inuenit, & cauponem ad capitale supplicium deduxit. Arcerius Rufus vidit se manu Retiarii confodi: quod in crastino contigit. Simonides poeta, cum in littore quodam corpus humanum iacens sepelisset, eadem nocte admonitus ab ipso, ne proximo die nauigaret, in terra remansit. Qui vero nauigare cæperunt: in conspectu eius, fluctibus & procellis obruti sunt. Calphurnia vxor Iulii ea nocte, quam is in terris vltimus egit, in somnis vidit eum multis vulneribus confectum in sinu suo iacentem. Exterrita rogauit in crastinum à curia abstinere. Quod ille, ne mulieris somnio id egisse videretur: distulit. Et ne longius exem-
 20 pla petantur, frater meus miles egregius: cui nomen Gualterus Barrensis, cum in gentem inimicam nostris diebus expeditionis cuiusdam iter arripere iam parasset: nocte præcedente mater mea præmorta astitit ei in somnis, monens diligenter, & præmunens, quatenus ab expeditione crastina, si vitam diligeret, modis omnibus abstinere. Sua tamen mater non fuerat: imo nouerca; quanquam non nouercali illum, sed materno diligens affectu. Hæc cum ille patri suo ac meo retulisset (germanus namque mihi fuerat non vterinus) & eandem ab ipso commonitionem suscepisset: ipse tamen (ut humanæ præsumptionis mos est) ne vanis terreri somniis videretur: contra monita mane profectus, & eodem die ab hostibus est interemptus. Et diuerso: Valerio testante, Augusto contra Brutum pugnaturo: Minerua Astorio
 30 medico in somnis præcepit: ut illum moneret, ne propter morbum prælio interesset: Quod cum audisset, lætica se in prælium ferri fecit, & vicit.

*Author huius
operis ex Barren-
sibus fuit.*

Parum etiam ante nostra tempora: contigit in Cambriæ finibus, Demetrix scilicet prouincia quadam, quæ Kemmeis dicitur: ut vir quidam locuples ibidem mansionem habens, à Boreali videlicet montium de presseh latere, tribus noctibus continue in somnis moneretur: quatenus in fonte proximo (qui sancti Bernaci fons dicebatur) lapidi qui scaturigini fontis supereminebat, manum submittens: aureum inde torquem extraheret. Qui die tertio monitis obtemperans: vipereo ibidem morsu letalem in digito læsionem accepit. Ob hæc igitur & varia rerum experimenta, quicquid cæteri de somniis somnient: mihi quod sicut rumoribus, sic & somniis credi
 40 oportere & non oportere visum est. De visionibus autem, cuiusmodi per Angelos in somnis Prophetis diuinitus immitti solent: longe secus est: quarum effectus irrefragabili veritate comprobantur.

Descriptio Mauriti.

CAP. XLII.

ERAT autem Mauritius vir venerabilis & verecundus: vultu colorato, decentique: mediocri quodam modicitate, tam mediocribus minor quam modicis maior. vir tam animo quam corpore modificato: nec illo elato, nec hoc dilatato: Innata vir bonitate bonus & tamen longe cura propensiore bonus fieri, quam videri malens.
 50 Mauricio modus, in omnibus seruare modum: ut credi possit suarum partium, sui que temporis tam censura morum, quam facetiarum exemplum. Vir breuiloquus & sermone perpaucos sed ornatos: puta, plus pectoris habens quam oris, plus rationis quam orationis: plus sapientia quam eloquentia. Et tamen cum sermonem res exigebat: ad sententiam dicendam, sicut serus, sic scientissimus. Rebus quoque in Martiis, vir animosus: & nulli fere strenuitate secundus. Ad capeffenda tamen pericula, nec impetuusus nec præceps: sed sicut prouidus in aggrediendis: sic pertinax erat in aggressis.

Vir sobrius, modestus, & castus: stabilis, firmus, atque fidelis. Vir quidem non expers criminis: crimine tamen omni notabili carens & enormi.

Fus

Pri-

Prima filiorum in Patrem discessio.

C A P. XLIII.

SEQVENTI vero Aprili Anglorum Rex Iunior: Henricus scilicet Henrici Regis filius: nequitiam erga patrem prauorum consiliis olim conceptam, amplius occultari non perferens, cum duobus fratribus suis Pietauiæ scilicet & Brytanniæ comitibus ad Ludouicum Francorum Regem, cuius filiam maritali copula iunctam habuerat, in Franciam secessit: ut foceri fultus auxilio (proh dolor) ante diem patrios inquirat in annos. Multos quoque proceres tam Anglicanos quam transmarinos manifeste: multo plures occulte habens complices & fautores. Rex Regis Iunioris pater ob inopinata, quæ sibi vndique emergunt incommoda: non mediocriter anxius existens: vultu tamen hylari & elato ex summa industria solacium simulans, & spem præferens, omni ex parte, quæcunque potuit, modis omnibus auxilia conquisiuit. Directis itaque nuntiis, & optima, quam in Hibernia reliquerat, familia reuocata, apud urbem Rotomagensis Comiti Richardo Hibernici regni custodiam ex toto commisit. Reymundum iterum ei, quasi manu sua coadiutorem adiungens, sine cuius societatis auxilio, custodiam illam suscipere Comes omnino renuerat. Tunc etiam Comiti urbem Guesefordiæ cum castello Guikyngeelonensi Regia contulit munificentia.

Victoria Anglorum Regis Henrici Secundi.

C A P. XLIV.

REX vero tam in Anglicanis quam Aquitannicæ Galliæ partibus, bella plusquam ciuilia per biennium sustinens, tot murationibus tantisque vigiliis, tanta quoque & tam laboriosa diligentia, tantorum simul & tot hostium inuicta virtute conatus elusit: ut ob innaturalem filiorum in patrem iniuriam diuina potius quam humana potentia, victor vbique videtur. Sed quoniam inimici hominis domestici eius, & inter pestes pessima familiaris semper inimicitia: hoc ei ad cumulum doloris & desperationis accessit: quod illi quoque quos cubicularios sibi milites elegerat: in quorum manibus mortem simul & vitam commiserat: qualibet fere nocte ad filios, hostili animo se transferentes, mane requisiti, non comparebant. Bellum tamen tam desperabilis initii, tam triumphali fine melior fortuna, conclusit: tantoque fauore Regis gloriam & tam feliciter augmentauit: ut sicut in primis indignatio diuina vindictam accelerasse omnium æstimatione putabatur: sic eadem conuersione magis gaudens quam euerfione, processu dierum, digna demum complacatione misericorditer resedisse videretur.

Post grauem itaque Dolensis capturæ dolorem: post Sancti Edmundi inundantis regna fauorem: Post Cantuariæ nocturnam principis peregrinantis pœnitentiam (propiciante Nobili martyre Thoma lachrymis & deuotione iam placato) in crastino apud * Amoytense castrum, præfidente probo, pudentique viro, & inter vtramque fortunam fidelissimo, Randulpho Glanuillensi diurnam adeptus est Anglia pacem, diurnamque lætitiā. Captus igitur * Albanix Rex, capti Cestrix comites & Leicestrix: præterea ex vtraque Gallici maris parte sorte consimili tot proceres capti, tot duces, tot viri militares, ut vix vincitis vincula, vix captis carceres inuenirentur. Sed quoniam Princeps donec de se ipso triumphet, obscure de hostibus triumphabit: (quippe nihil est, vnde non triumphet animi triumphator) inter tot rerum aliarum victorias, fortuna vbique spirante fauorem, egregie virtutis & inauditæ pietatis exemplo sibi rex imperans, deque se ipso triumphans, vincens animos iramque suam, qui cætera vicit: hostibus vndique victis & triumphatis, vitam reddidit & honorem. Quodque rebus in secundis rarum esse solet, æqua ferens commoda mente, inter ipsos triumphales euentus, summamque clementiam, summā inter prospera modestiam, conseruauit. Post varias igitur belli biennalis vexationes & inanes omnino fatigationes: sub pacis demum osculo umbratilique magis quam vera: sicut ex post facto claruit, ad patriam filii sunt reuersi.

Descriptio Anglorum Regis Henrici Secundi.

C A P. XLV.

EX PRESSAM vero Regis naturam, & tam interioris hominis, quam exterioris proprietatem æternitati depingere, non indignum reputaui: ut qui insignia eiusdem gesta in posterum audire gestierint: imaginarium quoque vultum eiusdem præ oculis gerant. Tantum quippe temporis nostri decus transitorie perire: præiens histo-

* *Sanuicemse.** *Scotia.*

historia non permittit. Impetrata tamen veritatis explicandæ venia, citra quam omnis historia non solum auctoritatem: sed & nomen historiæ demeretur. Naturam enim * vero imitari arte professus, auctoritatem pictor amittit, si diligentius apta ^{omnino.} dum protrahit, minus idonea verècunde prætermittit.

Vnde & quoniam vitiis sine nemo, Nascitur, optimus ille est: qui minimis vrgetur: nihil humanum à se alienum sapiens putet. Semper enim mundanis in rebus, quia in nulla sub cœlo perfecta fœlicitas, & mala sunt vicina bonis, & vitia virtutibus distinguuntur. Sicut ergo siue naturæ, siue industriæ bona, mentem bene compositam audita delectant, sic recitata bonis contraria, non offendant. Sed quoniam iuxta philosophicum illud, solari officiis oportet, non exasperare verbis potestatem: & illud Cômicum; Obsequium amicos, veritas odium patit: meticulosa nimirum Res est, quantalibet occasione in illum allegare, qui potest relegare: Arduum opus & periculosum magis quam fructuosum arripui, multis illum verbis describere, qui vno potest verbo proscribere. Gratosum quippe fore, & nostras longe vires excedens, veritatem in singulis non suppressere: & nullo tamen principis animum exasperare.

Erat igitur Anglorum Rex Henricus Secundus: vir subrufus, cæsius, amplo capite & rotundo, oculis glaucis ad iram toruis, & rubore suffusus. facie ignea, voce quassâ, collo ab humeris aliquantulum demisso, pectore quadrato, brachiis validis, corpore carnoso, & naturæ magis quam gulæ vicio, citra tumorem enormem, & torporem omnem moderata quadam immoderantia, ventre præamplo. Erat enim cibo potuque modestus ac sobrius, & parsimonix; quoad principi licuit, per omnia datus. Et ut hanc naturæ incuriam industria reprimeret ac mitigaret: carnisque vicium animi virtute leuaret: bello plusquam intestino tanquam in se coniurans, immoderata corpus vexatione torquebat. Nam præter bellorum tempora, quæ frequenter imminebant, quibus quod rebus agendis supererat, vix id tantillum quieti dabat. Pacis quoque tempore, sibi nec pacem ullam nec requiem indulgebat: venatione namque trans modestiam deditus, summo diluculo equo cursore transuectus: nunc saltus lustrans, nunc sylvas penetrans, nunc montium iuga transcendens, dies ducebat inquietos: vespere vero domi receptum, vel ante cœnam vel post, rarissime sedentem conspexeris. Post tantas namque fatigationes, totam statione continua curiam lassare consueuerat. Sed quoniam hoc ad vitam in primis utile, ut ne quid nimis: nullumque remedium simpliciter bonum, cum tibiæ pedumque tumore frequenti, recalcitrantium ad hoc iumentorum ictibus aucta latione, cæteras ad ipsum corporis incommoditates accelerabat, & si non aliam, matrem incommodorum atque ministram certe vel senectutem. Staturæ vir erat inter mediocres: quod nulli filiorum contingere potuit: primævis ambobus paulo mediocritatem excedentibus, in moribus vero duobus infra subsistentibus. Citra animi turbationes & iracundiæ motus, Princeps eloquentissimus. Et quod iis temporibus conspicuum est, literis eruditus. Vir affabilis, vir flexibilis & facetus: nulli prorsus hominum, quicquid intus palliauerit, vrbaniæ secundus. Princeps adeo pietate spectabilis, ut quoties armis vicerat, ipse quoque magis pietate vinceretur. In armata militia strenuus: in togata improuidus. Semper tamen in rebus Martiis ambigua bellorum fata reformidans: & ex summa prudentia iuxta Cômicum illud, omnia prius quam arma pertentans. Amissos in acie, plus Principe plangens: & humanior extincto militi quam superstiti: longeque maiori dolore mortuos lugens, quam viuos amore demulcens. Vrgentibus incommodis nemo benignior: resumpta securitate nemo rigidior. Acer in indomitos, clemens in subactos: durus in domesticos, effusus in extraneos. Largus in publico, parcus in priuato. Quem semel exosum habuerat, vix in amore: Quem semel amauerat vix in odium reuocabat. Auium quarum victus ex præda, volatu plurimum: canumque feras narium sagacitate persequentium, tam voce sonora & consona, quam cursu veloci ultra modum delectatus, & utinam tam deuotioni deditus, quam venationi. Post grauem Matris (ut fertur) instinctu filiorum in patrem offensam: publicus legitimi fœderis violator. Naturali quadam inconstantia: verbi plerumque spontaneus transgressor. Nam quoties res in arctum deuenerat: de dicto malens quam facto pœnitere, verbumque facilius quam factum irritum habere. Ideo in cunctis agendis prospector prouidus & moderator: ut ob hoc etiam, medicina ex parte modum excedente, iuris & iustitiæ dilator extiterit. Et non absque suorum enormi grauamine: morosus ad cuncta responfor. Denique

gratis exhibenda quæ Deus & iustitia vult: dum precio prouenit, impreciable: & in quæstu prostat omnia præstans, magnos Giezi tam regno quam sacerdotio reliquit hæredes. Author pacis diligentissimus, & obseruator. Incomparabilis eleemosynarum largitor: & præcipuus terræ Palestinæ sustentator. Humilitatis amator, nobilitatis oppressor, & superbiæ calcator. Esurientes implens bonis: & diuites dimittens inanes. Exaltans humiles, ponens de sede potentes. Detestandis in ea, quæ Dei sunt, usurpationibus multa præsumens: zeloque iustitiæ (sed non ex scientia) regni sacerdotique iura coniungens, vel confundens potius, & omnia solus existens. Ecclesiæ filius, & ab illa sceptri nactus honorem: sacramentalis delibutionis vel immemor, vel dissimulator acceptæ. Sacræ vix horam hostiæ mittendæ diuinis accommo- 10 dandis: & id ipsum temporis ob regni (forte) negotia tanta rei publicæ causâ, plus consiliis & sermone, quam deuotione consumens. Vacantium prouentus ecclesiarum in fiscale ærarium mittens, & modico fermenti massa corrupta, dum aufert fiscus, quod sibi vendicat Christus, nouis semper emerfis incommodis, & guerris maximis thesauros vniuersos profundeat: Dans impio militi, quæ dari debuerant sacerdoti. Ex summa prudentia multa machinans, multa prouide disponens: quæ tamen euentus non sortita secundos, in contraria plerumque vergere videbantur. Nec vnquam ingens emerfit incommodum: quod originem familiaribus ex causis non contraxerit. Legitime prolis pueritiam naturali affectu plusquam pater amplectens: prouectiores eiusdem annos plusquam vitricus oblique respiciens & quan- 20 quam filios tam inclytos habens, quam illustres: magno tamen absolutæ felicitatis impedimento, forsân ex meritis, semper odio persequens successores. Et quoniam humana prosperitas, sicut nec perpetua, sic nescit esse perfecta: exquisita quadam fortunæ malitia, vnde habere debuerat gaudium, inde gladium; vnde securitatem, inde securim. Vnde pacem, inde pestem: vnde fortitudinem, inde ingratitude- 30 dinem: vnde quietem & tranquillitatem, summa cum inquietudine suscipiensurbationem. Vnde vel aliquo maritalis copulæ vinculo, vel parentum criminis cuiuslibet vindicta videtur accidere: quod nec patris in filios, nec filiorum in parentem, nec fratrum inter se, est vera concordia. Sublatis statim tam regni detentoribus, quam pacis eiusdem perturbatoribus, tam fratribus & filiis quoque quam alienis: tam do- 30 mesticis, quam extraneis: diu ad votum succedentia cuncta suscipiens: & vtinam finalem sibi hunc diuinum fauorem, dignis operum meritis, vel in fine recognoscens. Quemcunque vel semel in facie attentius inspexerat: quanquam in tanta quotidie multitudine constitutus, nunquam amplius ignotum habebat. Quicquid aliquando memoria dignum audierat: nunquam à mente decidere poterat. Vnde & historiarum omnium fere promptam notitiam, & cunctarum rerum experientiam prope- modum ad manum habebat. Et vt paucis plurima concludam: Si à domino finaliter electus fuisset & ad eius obsequia se conuerterit: inter mundi principes, multis erat naturæ dotibus incomparabilis. Sed hæc hæcenus: nec præter rem tamen, cursim & breuiter hic delibasse sufficiat. Magnus quippe tam nobilis historiæ scripto- 40 ribus amplam gradiendi viam paucis aperientes, ad nostram de cætero Hiberniam reuertamur.

INCIPIT LIBER SECVNDVS.

HACTENVS historiam pleno perfectoque tenore produximus, nihil memoratu dignum omitentes, quod rerum gestarum series videbatur expetere. Sed quoniâ generalibus illis & necessariis crucis Christi iam occupati negotiis, ocium studio suppeditare nequiuimus: nec opus inchoatum semiplenum relinquere vlla ratione sustinuimus: cursim & breuiter communi quoque sermone, non ornato, cuncta de cætero prosequemur: vt posteritati potius 50 materiæ delibatio, quam historiæ narratio, tradi videatur. Ocium namque versum est in negotium: studium in odium, in luctum lætitia: in summam inquietudinem, summa tranquillitas. Non artes hodie vigent: sed Martis officia: non mentis, sed corporis exercitia: non musis, sed mucronibus: non animis, sed armis indulgetur. Non ordinem ergo hic lector requirat, non leporem. Necesse enim erat, tempori morem gerentia vt singula quæque turbata proueniant: sicut & ipsa sunt tempora turbatissima, plerumque nimirum per exteriora tam vultus quam verborum indicia: interior animi passio declaratur. Inter ipsos itaque tanti conaminis apparatus, & tanquam in ipso viæ procinctu non absq; lucubratione plurima & indebita maturatione, præsens

præfens opus consummari procurauimus, itinerantium more. Qui cum tardius iter arripiūt: celeritate moram compenſant. Quicquid in ſalutiferæ crucis obſequiis de noſtra Saluator ſalute ſtatuerit: cum Hibernica Topographia, vaticinalem hanc hiſtoriam, noſtra monumenta diligentia poſteris, & patriæ relinquentes.

De Comite Richardo in Hiberniam cuſtode tranſmiſſo: & Reimundo iterum familia præfecto.

C A P. I.

COMES autem Richardus in Hiberniam rediens (quoniam gens Hibernica tantam in tranſmarinis diſcordiâ nuper obortam audierat) utpote gens ſola conſtans
10 in inconstantia: ſola in inſtabilitate ſtabilis: ſola in infidelitate fidelis: omnes fere terræ illius Principes, Regi ſibi que rebelles inuenit. Conſumptis autem in breui theſauris, quos ſecum Comes attulerat: deficientibus quoque ſtipendiis, familia Comitum, quæ ſub Herueio Reymundi æmulo, ſequæ conſtabularium iam gerente, nihil in prædis, ut aſſolet, proficere potuit: demum ad Comitem omnes vnanimiter accedunt communiter aſſerentes: niſi Reymundum iterum eis præficiat: ſe ſtatim eundem omnes procul dubio relicturos: & vel in Angliam reuerſuros, vel etiâ (quod peius erat) ad hoſtes tranſituros.

De Reymundo iterum familia præfecto.

C A P. II.

20

PRÆFECTO vero hoc neceſſitatis articulo familiæ Reymundo: reſumptis animis, ſtatim in Ophelanos inſutgentes: prædis quam maximis reſci cæperunt. Equis quoque & armis egregie reformati. Abinde quoque Liſmoriæ præfecti, tam vrbe, quam vrbiſ prouincia ſpoliata, ſimul & deprædata: prædas per maritimam viam immenſas Gwaterfordiam duxere. Spoliis vero nauiculas videl. quarum quædam de Guaterfordia venerant, aliasque quas eodem portu repererant, onerauere. Cum ergo zephyri beneficium ibidem aliquandiu expectaſſent: Ecce Corcagiensium ab vrbe (quæ occidentali ex parte per mil. 16. ab inde diſtat) ad eos expugnandum 32. naues bellicofis viris reſertæ adueniunt. Prælio itaque nauali conſerto: dum iſti lapidibus & ſecuribus acriter impetunt: illi vero tam ſagittis, quam laminis ferreis, quibus abundabant, promptiſſime reſiſtebant. Tandem victis Corcagiensibus & conſectis, eorum Duce Gileberto *Türgerii filio, à iuvene perualido, Philippo ſcilicet *Cuirgerii
30 Gnalenſi, interfecto: Adam Herefordienſis (qui electæ iuuentuti ibi tunc præerat) aucto nauium numero cum annis, & oneribus Guaterfordiam nauigio victorioſus aduenit. Reymundus vero qui forte conſlictus huius nuncium habuerat cum militibus 20. & ſatellitibus 60. per maritimam viam ad partes illas properans: Dermotio Deſmonia Principem ſtatim à Liſmoria fugato (qui in auxilium Corcagiensium cum exercitu magno venerat) Guaterfordiam quatuor animalium millia ſecum reduxit. Circa hæc eadem tempora cum Hibernici partium illarum aliquantulum ad ſyluas de plano prædam Gwaterfordiæ rapuiſſent: & in ſyluæ ipſius ora in inſidiis latitaſſent: clamore ad urbem facto familia proſiliit, & in primis Meylerius (ut erat præceps ſemper & probus) ſatellite quodam comitatus equeſtri, prædones uſq; ad ſyluæ condenſa eſt perſecutus. Sed cum ipſe redire paraſſet: iuvene inſtigante temerario & præaccelerante, ſyluæ partem uſq; ad ſaltum interiorem tranſpenetrarunt: & ſtatim iuvene eodem corâ ipſo multis vulneribus conſoſſo, & fruſtatim ſecuribus dilacerato: cum fruſtra ſolus contra mille ſubuenire vellent, & impetum in hoſtes faceret, conſluſus ab ipſis & ad manus vndiq; comprehenſus, exerto gladio, viam ſibi vir animoſus viribus aperuit, & illi manus, huic brachium, aliis caput & humeros viriliter amputans, tres ſecures Hibernicas in equo conſixas duasque in clypeo portans, corpore tamen indemnus & illeſus ad planiciem ſuis obuiando, remeauit.
40
50

Interfectio Dublinenſium apud Oſſyriam.

C A P. III.

His ita completis, familiaque tam maris quam terræ ſucceſſibus egregie reſecta: dum Reymundus ob patris, quem audierat, obitum, nobilis videl. viri Guilielmi Giraldidæ, remenſo pelago, in Cambriam reſceſſiſſet: Herueius iterum ſe conſtabularium gerens: ut abſente Reymundo aliquid agere videretur: Comitem cum familia Caſſiliam duxit. Dublinenſium autem exercitus in eorum interim auxilium ex edito veniens, cum apud Oſſyriam forte pernoctaret: ecce Limiricēſium Princeps Du-

Vuu 3 uenal-

uenaldus vir sua in gente non improvidus, ipsorum aduentus exploratione certissima præscius, summo diluculo cum manu armata irruens in incautos, 4. milites qui aliis præerant & 400. Ostmannorum viros simul interemit. His autem auditis, Comite Guaterfordiam cum confusione reuerso, casus istius occasione, totus Hiberniæ populus in Anglos vnanimiter insurgunt: ita vt comes tanquam obsessus, Guaterfordiensi nusquam ab vrbe discederet. Rothericus vero Connactiensis Synnenensis fluiuii fluentia transcurrentes in manu valida Mediam inuasit. Cunctaque eiusdem castra vacua vsque ad ipsos Dubliniæ fines igne combusta, soloque confracta redegit.

Reymundi in Hiberniam Reuocatio, & Basilia desponsatio.

10

C A P. I V.

CONSIDERANS itaque Comes se in arcto iam positum, communicato suorum consilio, tanquam ultimo salutis refugio, literas in Cambriam sub hoc, vel simili tenore transmisit. Inspectis literis istis, nobis in manu forti subuenire non differas: & desiderium tuum in Basilia sorore mea tibi legitime copulanda, in ipso statim aduentu tuo, procul dubio noueris adimplendum. Reymundus vero his auditis, tam nobilis puellæ diuque concupitæ fruendi amplexibus, quam vires experiendi, domino in necessitatis articulo subueniendi, voto succensus: cum Mehlerio consobрино suo, nec non & aliis de stirpe sua militibus 30. non inualidis, satellitibus quoque equestribus 100. & sagittariis pedestribus de electa Cambriæ iuuentute 300. incontinenti se præparans, primo flante subfolano, apud Guaterfordiam cum 15. nauibus applicuit. Eadē siquidem hora ciues vrbs iniquo furore debacchantis amentię, Anglos vbicunq; repletos, trucidare iam parauerant: quando nauium intrantium vexilla non incognita in prioris eminentia conspexere. Igitur aduentu tam subito, tanta seditione sedata, statim Reymundus Guaterfordiam profectus, in manu forti Comitem ab inde Guesfordiā reduxit. * Frecellus interim Guaterfordiæ custos, dum per aquā Suyrensem Comitē sequi properaret: in scapha, qua vehabatur, ab antiquis Ostmānis, vector à vehentibus, cum suorū nonnullis interemptus occubuit. Qui statim hoc perpetrato scelere ad urbē reuertentes, Anglos quoscunq; in plateis & domib. reperiebant nec sexui parcētes, nec ætati: crudeliter ad umbras transmiserunt. Verū vrbe per turrē Reghnaldi retenta solum exclusis sceleris authoribus, frustratorio conamine delusi, denuo proditores ad pacem cum deteriore tam opinione quam conditione redierunt. Reymundus vero promissi non immemor, donec nunciis cum festinatione transmissis reuocata à Dublinia Basiliam solenni desponsatione sibi copulauerat: à Guesfordia non discessit. Quibus legitime completis, nuptialique more, toto in epulis die, in thalami deliciis nocte consumpta, audito Rothericum Connactiensem, Media rursum ex terminio data, ipsos Dubliniæ fines iam inuasisse: in crastino Reymundus nec vino, nec venere retardatus, septus suorum cuneis, iter ad illas partes incunctanter arripuit. Rothericus autem expertus antea viri virtutem, ad propria remeando formidabilem eius aduentum non expectauit. Reformatis igitur in partibus illis, quæ turbata fuerant: & castris Mediæ tam Trummenli scilicet duuelescensi dirutis, & ab Hugone Tyrello eorundem custode paulo ante relictis, Reymundi vero beneficio iam reparatis & in statum meliorem redactis, præ timore viri, insula aliquandiu sub pace quieuit.

Generum confederatio: & maiorum subsequenter confodatio.

C A P. V.

VIDENS autem Herueius Reymundi gloriam crescere vel inuitus, eiusque successus de die in diem amplius prosperari, quem in publico non poterat, lædere quærens vel in occulto, & sub affinitatis specie, falsæque amicitie fūco, cupiens efficacius opprimere nō prouisum: Reymundi consobrinā Mauricii Giraldidæ filiam Nestā nomine sibi legitime copulandā petiit & obtinuit. Et vt firmiore vinculo genera coirent & cōuenirent: Reymundo procurante, primæuo Mauricii filio Gulielmo, comes Alinam filiam suam dedit uxorem: Ipsi quoque Mauricio à Cambria in Hiberniam iterum ascito: medium Ophelanæ Cantaredum (quem & antea regio dono possederat) cum Gnykingelonensi castro in feodum donauit. Meylerio vero tanquam Marchioni remotiorem: proximum autem Dubliniæ, qui & olim Stephanidæ Regia munificentia fuerat assignatus, fratribus Herefordiensibus.

Prini.

Privilegii impetratio.

CAP. VI.

IN T E R E A quamquam Martiis plurimum intentus & detentus exercitiis: Anglorum rex suæ tamen inter agendum Hiberniæ non immemor: cum prænotatis spuri-
 citiarum literis in Synodo Cassiliensi per industriam quæsitis: directis ad curiam Ro-
 manam nuntiis, ab Adriano Papa de Anglia oriundo, tunc præsidente, privilegium
 impetrauit, eiusdem auctoritate & assensu, Hibernico populo tam dominandi quam
 ipsum in fidei rudimentis incultissimum, Ecclesiasticis normis & disciplinis, iuxta
 10 Anglicanæ Ecclesiæ mores informandi. In Hiberniam itaque privilegio transmis-
 so, per Nicholaum Guallingfordensem tunc Priorem, Malmesburiensem quoque
 postmodum Abbatem tam positum quam depositum: nec non & Gulielmum Al-
 delmi filium: conuocata statim apud Guaterfordiam Episcoporum Synodo: in pub-
 lica audientia eiusdem privilegii cum vniuersitatis assensu, solemniter recitatio facta
 fuit, per Iohannem Salisburiensem, postmodum Episcopum Carnotensem, Romam
 ad hoc destinatum: per quem etiam idem Papa Regi annulum aureum in inuestitu-
 ræ signum præsentauit. Qui statim simul cum privilegio in Archiuis Wyntonix re-
 positus fuerat. Vnde & eiusdem privilegii tenorem hic interserere non superfluum
 reputavi. Erat itaque tenor hic:

- 20 Adrianus Episcopus seruus seruorum Dei, charissimo in Christo filio illustri
 Anglorum Regi salutem, & Apostolicam benedictionem. Laudabiliter & fructuose
 de glorioso nomine propagando in terris, & æternæ felicitatis præmio cumulando
 in cælis, tua magnificentia cogitat: Cum ad dilatandos Ecclesiæ terminos, ad decla-
 randam indoctis & rudibus populis Christianæ fidei veritatem, & vitiorum plantaria
 de agro Dominico extirpanda, sicut Catholicus Princeps intendis. Ad id conueni-
 entius exequendum: consilium Apostolicæ sedis exis & fauorē. In quo facto, quan-
 to altiori consilio, & maiori discretione procedis: tanto in eo felicior progressum
 te, præstante Domino, confidimus habiturum: eo quod amplius ad bonum exitum
 semper & finem soleat attingere: quæ de ardore fidei, & religionis amore, principium
 30 acceperunt. Sane Hiberniam, & omnes insulas, quibus soli iustitiæ Christus illuxit: &
 quæ documenta fidei Christianæ cæperunt: ad ius B. Petri & sacrosanctæ Romanæ Ec-
 clesiæ (quod tua etiam nobilitas recognoscit) non est dubium pertinere. Vnde tanto
 in eis libentius plantationem fidem & germen gratum Deo inseruimus: quanto id
 à nobis interno examine districtius prospicimus exigendum. Significasti siquidem
 nobis fili in Christo charissime, te Hiberniæ insulam ad subdendum illum populum
 legibus, & vitiorum plantaria inde extirpanda velle intrare: & de singulis domib. an-
 nuam vnius denarii B. Petro velle soluere pensionem, & iura Ecclesiarum illius terræ
 illibata & integra conseruare. Nos itaq; pium & laudabile desiderium tuum cum fauore
 congruo prosequentes, & petitioni tuæ benignum impendentes assensum: gratum
 40 velle & acceptum habemus, vt pro dilatandis ecclesiæ terminis, pro vitiorum restrin-
 gendo decursu, pro corrigendis moribus, & virtutibus inserendis, pro Christianæ re-
 ligionis augmento: Insulam illam ingrediaris: & quæ ad honorem Dei & salutem il-
 lius terræ spectauerint, exequaris: Et illius terræ populus honorifice te recipiat, & sic
 ut Dominum veneretur: Iure nimirum Ecclesiarum illibato & integro permanente,
 & salua B. Petro & sacrosanctæ Ecclesiæ Romanæ de singulis domib. annua vnius de-
 narii pensione. Si ergo quod cōcepisti animo, effectu duxeris prosequente complen-
 dum: stude gentem illam bonis moribus informare: & agas tam per te, quam per il-
 los (alios) quos ad hoc fide, verbo, & vita idoneos esse perspexeris, vt decoretur ibi Ec-
 clesia, plantetur & crescat fidei Christianæ religio, & quæ ad honorem Dei, & salutem
 50 pertinent animarum per te taliter ordinentur: vt à Deo sempiternæ mercedis cumu-
 lum consequi merearis, & in terris gloriosum nomen valeas in seculis obtinere.

De quinquepartito iure.

CAP. VII.

C E S S E N T igitur inuidi, cessent & incauti, amplius obstrepere: Anglorum Re-
 ges nullo Hiberniam iure contingere: & discant eos ad hoc innitendo quinque-
 partito pariter (duplici scilicet antiquo, triplicique nouo) se iure tueri: sicut in To-
 pographia nostra declaratur.

Quippe Gurguntium Belini filium & Britannicæ Regem à Dacia cum triumpho

redeuntem, Basclensium classem apud Orchades inuentam (viz ducibus eis adhibitis) primo in Hiberniam transmisisse: Britannica testatur historia. Testatur quoque famosum illum Britanniae Regem Arthurum Hiberniae Reges tributarios habuisse, & magnae urbis legionum curiae, Gillomarum Hiberniae Regem cum aliis Regibus Insularis interfuisse.

Præterea urbis Baonensis (quam hodie nostra continet Gasconia) Bascloniae caput est, unde Hibernenses prouenerant. Item cum iuri suo renuntiare liberum sit cuilibet (quanquam subiectionis cuiuslibet haecenus immunes) his tamen hodie nostris diebus: Anglorum Regi Henrico secundo omnes Hiberniae principes firmis fidei sacramentis; vinculis se sponte submiserunt. Quanquam enim innatae leuitatis vitio (inconstantia) à fide quantocyus resilire non formidarunt: fidei tamen & fidelitatis vinculo non soluuntur. In contrahendo quippe liberi sunt contractus huiusmodi: non in distrahendo. Et (quod solum sufficere posset ad perfectionis cumulum, & absolutae consummationis) argumentum summorum Pontificum, qui insulas omnes sibi speciali quodam iure vendicat, totiusque Christianitatis Principum & Primatum confirmans accessit auctoritas.

Nobilis Limerici expugnatio.

C A P. VIII.

INTEREA Limericensium Princeps Duuenaldus, cum se nimis insolenter habere cepisset: & à fidelitate Anglorum Regi exhibita non minus infideliter, quam irreuerenter resiliisset: Reymundus collecta in vnum validae iuuentutis cohorte, cum militibus centum, & viginti satellitibus equestribus, 300. sagittariis, pedestribus 400. circa cal. Octob. Limericum audacter aggreditur. Accedentibus igitur illis ad aquam Sinnennensem, quae nobilem urbem Limericum circumfluendo complectitur, quoniam ob rapidi profundique fluminis interlabentis obstaculum transitum habere non poterant: iuuentus tam lucri quam laudis cupida, tanquam ad aquas Tantali posita, desideratae rei tam propinquum, non sine molestia pertulit impedimentum. Miles itaque nouus & tyro validus, Reymundi nepos, David agnomine Walensis, non cognomine, natione Cambriensis, non cognatione, iuuenis egregius, pulcher & procerus: præ aliis omnibus morae impatiens, horrendumque mortis periculum laudis amore contemnens, in rapidissimum flumen asperum funditus & saxosum se precipitem dedit. Cursum itaque fluminis lateraliter obliquans, & crispantis undae caput obferuans: ad oppositam indemnis ripam nobili transuectus equo, se vadum reperisse suis exclamauit.

Sed cum præter militem vnum, cui nomen Galfridus Iudas, sequaces non inuenit: eadem reuersus via, militem illum in redeundo amnis impetuosi violentia, raptum ad ima submersum non reduxit. Quo viso, Meylerius, qui cum Reymundo aduenerat, tantae strenuitatis audaciam alteri, & etiam sanguine propinquo, tam nobilis inuidens ausus honorem, forti statim, quo residebat, monito calcaribus equo, fluuium fremebundus intrauit. Et imitabili accensus æmulatione, nec militis iam submersi terribili retardatus exemplo: ad alteram statim ripae partem non trepide, non timide, sed audacter magis ac temerarie transpenetrauit. Ciues autem tam in ipsa ripa ei obuiantes, quam ab urbis muralibus, quae ripae imminebant, creberrimis lapidum iaculorumque iactibus, dum ipsum repellere, vel potius oppetere nituntur: miles insignis hinc hostis furentis, illinc aquae ruentis tabiem intuens: galeam iactibus, clypeumque prætendens, inter duo pericula se medium, & à neutro totum, animose continuit.

Facto igitur ex utraque parte clamore non modico: Reymundus, qui in vltima turma tanquam exercitus caput & rector, militiae princeps extiterat: euentuum istorum ignarus omnino per medias continenter acies se proripiens ad aquam peruenit. Videns itaque nepotem suum ex altera ripae parte in arcto iam positum, hostiumque sine iuuamine cuneis expositum: non absque plurima cordis anxietate, suis acriter exclamauit.

Oratio Reymundi.

VIRI, quibus virtutis vigorem insitum nouimus à natura: quorumque in tot angustis animositatis vires experti sumus: viri, venite, via nobis ostensa est, & aqua haecenus inuia, nostrorum ausu inuenta est peruia. Sequamur itaque praeuium, iuueamus oppressum, animosumque iuuenem in communis hac tam commodi nostri, quam

quam honoris gratia tā viriliter aggressum, defectu auxilii præ oculis tam prope perire nullatenus permittamus. Quo dicto, se primus in amnem Reymundus immisit: cunctoq; certatim exercitu sequente, seq; suosq; fortunę commisit. Transeuntes itaq; indemnes, præter duos solum satellites equestres submersos, & militem vnum, cui nomen Guido, fugatis in urbem hostibus non sine grandi ciuium strage muros statim irrumpunt: Et vrbe potiti cum victoria, spoliis plurimum ditati & auro, pericula ac damna lucri simul & laudis honore compensarunt.

Elige, lector, trium virorum audentissimum, an illum, qui citra exemplar omne primus omnium transeundo, aliis omnibus viam dedit? an illum, qui post exemplar
 10 simul & formidabile mortis exemplum transpenetrando se hostium multitudini solum exposuit: an illum, qui post vtrunque se cum exercitu toto tam animose periculo dedit. Hic quoque notandum videtur, die Martis captum fuisse Limericum, die Martis eidem fuisse subuentum: die Martis captam fuisse Waterfordiam: die Martis Wefesfordiam: die Martis Dubliniam: nec per industriam hæc, sed casu solo contigisse. Nec mirum tamen vel rationi dissonum, si Martis potissimum die, Martia negotia sunt completa.

Descriptio Reymundi.

C A P. I X.

20 **E**RAT itaq; Reymundus vir amplę quantitatis, staturęq; paulo plus quam mediocris: capillis flauis & subcrispis, oculis grossis, glaucis & rotundis, naso mediocriter elato, vultu colorato, hilari ac sereno. & quanquam carnosā superfuitate ventre turgescens, naturalem tamen corporis grauitatem innata cordis redimens viuacitate carnis vitium animi virtute leuabat. Super exercitus cura noctes ducebat insonnes, & tanquam excubiarum excubator, mirabili sollicitudine nocte tota circumcundo gyronagus, clamorosus, errabundus excubare solebat. Felix in hoc & fortunatus, quod vel nunquam, vel rarissime, cui præerat, manus, aut temerariis ausibus; aut per incuriam oberrauerit. Vir modestus & prouidus, nec cibo nec veste delicatus: Caloris ei algorisque patientia par: vir patiens irę, patiensque laboris.
 30 Quibus præsidebat, prodesse magis quam præesse, potiusque minister quam magister videri volens. Vt autem viri virtutes, mores & modos sub breuitate concludam: vir erat liberalis & lenis, prouidus & prudens. Et quanquam animosus plurimum, & armis instructus: prudentia tamen rebus in Martiis & prouidentia præcellebat. Vir in vtroque laudabilis: multum quidem militis habens, plus quam Ducis.

Descriptio Meylerii.

C A P. X.

40 **M**EYLERIUS vero vir fuscus, oculis nigris, & toruis, vultuque acerrimo. Staturę paulo mediocri plus pusillę. Corpore tamen pro quantitatis captu perualido. Petore quadrato, ventreque substricto, brachiis ceterisq; membris ossolis, plus neruositatis habentibus, quam carnositatis. Miles animosus & æmulus. Nihil vnquam abhorrens, quod aggredi quis vel solus debeat vel comitatus. Primus in præliū ire: vltimus conferto prælio redire cōsuetus: in omni conflictu omnis strenuitatis opera seu perire paratus, seu præire: adeo impatiens & præceps: vt vel vōta statim, vel fata complere dignum ducat. Inter mortis & Martis triumphos, nil medium ponēs: adeo laudis cupidus & glorię, quod si viuendo forte non valeat: vincere velit vel moriendo. Vir itaq; fuisset cumulatā laude dignus vterque, si ambitione posthabita, Christi Ecclesiam debita deuotione venerantes, antiqua & autentica eiusdem iura non tantum illibata conseruassent: Quinimo tam nouę, tamque cruentę conquisitionis (plurima quippe sanguinis effusione, Christianęq; gentis interemptione fœdatę) partem placabilem Deoq; placentem, laudabili largitione contrulissent. Veruntamē quod mage stupendum est, ampliori; dolore dolendum: postremum hoc vitium toti fere militię nostrę a primo aduentu, vsque in hodiernum constat commune fuisse.

Generis commendatio.

QUID Stephanidę filii suis meruere temporibus? Quid Mauriti? Quid Robertus Barrensis vir verecundus & audax: cuius laudes præcedentia tenent. Quid Milo Meneuentis tam Mauriti quam Stephanidę nepos: qui cum primis primus, & inter primos animosus aduenit? Quid Henrici filius Robertus, Meylerii frater? Quem nisi præpropere rebus humanis exemptus fuisset: nobili fratre minorem strenuitate non crediderim.

Quid

Quid Reymundus Kantitunensis: Quid Robertus Barrensis minor? vterque procerus, pulcher, & probissimus. Quid Reymundus Hugonides? Quanquam statum minoris: probitate tamen atque prudentia non tacendus. Horum autem trium (quos postmodum in Desmonia partibus virtus egregia sublimauit) damno suorum non modico, ob nimiam animositatis immoderantiam, longe ante diem fato caduca, mors præmatura anticipauit. Quid alii generositatis eiusdem quamplurimi? quibus insignia singulorum gesta perennem poterant laudis memoriam promereri.

Non, mihi si lingua centum sint, ora que centum,

Ferrea vox: digne promere cuncta queam.

O genus, ô gens gemina natura, à Troianis animositatem, à Gallis armorum v. 10 sum, originaliter trahens. O genus, ô gens tam generis numerositate, quam & innata strenuitate semper suspecta. O genus, ô gens, quæ ad regni cuiuslibet expugnationem per se sufficeret: si non tantâ inuidens illis strenuitatem, semper in alta liuor exardescens, ab alto coegisset descendere.

Cum itaque Reymundus super urbis statu aliquandiu disposuisset: alimentis illuc vndique contractis, & familia: militibus scilicet quinquaginta, satellitibus vero equestribus 200. & totidem sagittariis ibidem relictis, Milone quoque Meneuensi consobрино suo eisdem præfecto, cum victoria reuersus, in Lagenia partibus se cum exercitu indemnem recepit. Sed quoniam virtutem inuidia persequi non cessat: Herueius de monte Maurisco (solita mentis malitia affinitatis gratia non mutata) 20 continuo nuntiis ad Anglorum Regem transmissis: illi sinistre rerum euentum indicauit. Asserens quoque Reymundum contra Regis honorem, & fidem debitam, non tantum Limericensem ditionem, sed etiam Hiberniam totam sibi suisque iam occupare proculdubio proposuisse. Et ut hoc figmentum delator regiis auribus tutius & probabilius præsentaret: ad votum effectui mancipandum, in Bragmannorum morem, coniuratas ad hoc cateruas Reymundum asserit composuisse. Exercitum quoque (namque) totum Reymundus sacramento constrinxerat: de lucro in publicum producendo, de facienda iusta inter se partitione, & Principis reseruanda portione.

Herucii descriptio, & Reymundi ab eo facta delatio.

30

C A P. XI.

ERAT autem Herueius vir, procerus, & pulcher, oculis glaucis & prominentibus, aspectu amabili, vultuque venusto, verbis ornatis, collo tereti & longo, in infidam capitis columnam erecto, demissis humeris, & tam manibus quam brachiis decenter in longum protensis. Pectore mediocriter quadrato, medio vero, quod plerisque sine lege turgescere solet, naturaliter & modeste substricto. Demum in amplitudinem pectori proportionalem, versus ilia descendente. Denique tam coxis quam tibiis & pedibus per omnia militatibus partique corporis superiori non ineleganter respondentibus. Statura quoque vir erat immodicæ mediocritatis modum excedente. Sed quantum, exteriorem hominem multiplici natura dote beauerat: tantum & interior 40 rem variis vitiorum maculis malitia deformauerat. Erat quippe vir à pueritia Veneri datus, & quicquid in omni libidine vel aliis in ipsum, vel ipsi in alios collibuerat: exercere paratus: nec incestus vllos, nec adulteria vitans, vir inuidus, delator & duplex, vir subdolanus, facetus, & fallax. Cuius sub lingua mel, & lac veneno confecta. Vir vagus & vanus præter inconstantia solius, nullius rei constantiam habens. In summis rotæ gradibus quandoque constitutus, sed irremeabili descensu, & irreparabili iam casu, versus ima volubilitate dilapsus. Vir olim Gallica militia strenuus, sed hodie plus habens malitiæ quam militiæ: plus fraudis, quam laudis: plus eminentiæ, quam existentiæ: plus festiuitatis quam fecunditatis: plus verborum quam veritatis. Rex vero, sicut moris est (quia fama credibilior iniuriatum nuntia, quam beneficiorum fieri solet, & memoria diuturnior) forte delatori fidem habens: elapsa hyeme quatuor in Hiberniam legatos transmisit: hos scilicet, Robertum Poerium, & Osbertum de Herlotera, Gulielmum de Bendenges, & Adam de Gerneman. Quorum duo cum Reymundo iam reuocato in Angliam redirent: duo vero ibidem cum Comite moram traherent.

Regia apud Limericum familia subuentio.

C A P. XII.

PRÆPARATO itaque Reymundo, & nihil præter Zephyri beneficium iam præsto-

præstolante, ecce de familia Limiricea nuntii venerunt, indicantes Duuenaldum Tuemoniæ principem Limericum cum infinita multitudo iam cinxisse. Et quoniam omnia alimenta tam ibi inuenta, quam attracta, brumali tempore consumpserat, eis quantocyus subueniendum. Comes autem cum eis ad succurrendum anxius existeret, interpellatam super hoc familiam, adeo ex Reymundi abscessu exanimatam offendit & contristatam: ut se illuc ituros absque Reymundo omnes unanimiter contradicerent. Communicato igitur cum nuntiis regiis consilio, quoniam in arcto res erat: demum ad supplicationem tam Comitum, quam nuntiorum Reymundus iterum versus Limericum vexilla conuertit. Tendens itaque Cassiliam cum militibus 80. satellitibus equestribus 200. sagittariis 300. præter Hibernienses, quos secum adduxerat, Murchardum scilicet Kenceleensem, & Duuenaldum Ossyriensem: audiuit Tuemoniensem, obsidione relicta, ei in passu Cassiliensi obuiam venisse. Et locum natura difficilem confragis arborum & fossatis plurimum exasperasse. Sepem quoque fortissimam ex transuerso locasse.

Oratio Duuenaldi Ossyriensis.

C A P. XIII.

SEPARATO itaque exercitu in tres turmas, & armato: cum iam prope fuissent, Duuenaldus Ossyriensium Princeps: quoniam & Tuemoniensibus inimicissimus extiterat, videns Anglorum cohortes quamquam perpaucas, animosas tamen, & armis decenter ornatas; ut amplius etiam ipsas animaret: eas in hunc modum affatur: Viri, quorum victoriis cessit insula, hodie viriliter aggrediamini: quod si solita strenuitate victores effecti fueritis, nostræ secures cum gladiis vestris hostes acriter à tergo persequentur. Sin autem victas (quod absit) acies vestras variata sorte viderimus, in vos cum hostibus proculdubio * conuertentur. Cauete viri, cauete, procul hinc castra: fuga longissima. Et nos victoribus semper adhaerentes solum persequimur fugientes. De nobis itaque confidite, sed victores.

His dictis, Meylerius, qui primæ turmæ præerat, tanquam turbo validus, cum suis ad passus se proripiens, sepe destructa penitus ac deleta: non absque resistentium clade, viam gladiis aperuit, & ampliavit. Passu itaque Paschæ vigilia transpenetrat, tertio Paschali die, die videlicet Martis, sicut primo: sic & secundo: Limericum exercitus victoriosus intrauit.

Reparatis igitur illis & reformatis, quæ hostili obsidione turbata videbantur: non multo post aggressus est colloquium cum Connactiensi simul & Tuemoniensi principibus vno die: sed non loco. Rothericus vero nauigio venit in lacu magno, qui nobilem illum Synnenensem fluuium ex se pariens, duo brachia per oppositas Insulæ in Oceanum longe transfundit. Duuenaldus vero ex altera parte, sed non procul inde in sylvæ cuiusdam limbo. Reymundus vero in medio ultra Killeloniam militaribus à Limerico quasi sedecim eo usque productum est colloquium, ut princeps uterque datis ibidem obsidibus, fidelitatem Anglorum Regi & suis, de cetero inuiolabiliter exhibendam, sacramentis corporaliter præstitis renouauit.

His autem peractis, Limericum cum obsidibus reuerso: ecce Desmonia Princeps Dermitius Macharthy per nuntios Reymundo supplicat, ut ei contra filium suum primæuum Corniacum scilicet Olechan, qui ipsum iam fere à regno expulerat, tanquam homini & fideli Domini Anglorum Regis restitutionis auxilium misericorditer impendat. Larga quoque tam Reymundo donaria, quam militibus stipendia compromittens. Reymundus vero nec lucri, nec laudis contemptor, præhabito cum suis consilio, statim victoriosa contra Corcagiam vexilla direxit. Multis itaque tam prædis in breui, quam stipendiis familia in partibus illis abunde refecta, & alimentorum copia Limericum abinde prospere transmissa: Dermitius Macharthy Reymundi beneficio iam regnum integre recuperauerat: quando filius eius Kormacus ipsum sub pacis obtentu dolose tenuit & incarcerationi. Cui pater non longe post talionem reddens, & dolo dolum compenlans: ab ipso carcere mortem eidem machinari non formidauit.

De morte Comitum Reymundo nuntiata.

C A P. XIII.

INTEREA temporis autem, dum hæc in Desmonia partibus agerentur: adest nuntius Reymundo à Dubliniæ partibus cum festinatione transmissus: literas ei ex

ei ex parte Basilie sponsæ suæ deferens, sed earundem continentiam ignorans. Lectæ sunt igitur à familiari quodam clerico Reymundi in secreto literæ, quarum tenor hic erat:

Amantissimo Domino & sponso suo Reymundo sua Basilia eam quam sibi salutem exoptat. Nouerit (mi charissime) vestre dilectionis synceritas, quod dens ille molaris & magnus, qui tantum mihi doluerat, iam cecidit. Quapropter si qua vobis vel mei, vel etiam vestri de cetero cura fuerit: reditum maturare non differatis. Quibus auditis, statim Reymundus per dentis casum, Comitis mortem prudenter significatam perpendit. Qui ante ipsius discessum Dubliniæ graui morbo decubuerat. Sed eo iam circa Calend. Iunii humanitus extincto, mortem ipsius præ Hiberniensium timore, usque ad Reymundi familiæ reditum ex industria celare modis omnibus satagebat. Reymundus autem Limericum ilico reuersus, & interiorum mentis angustiam exteriori vultus hilaritate valde dissimulans, paucis familiæ viris casum aperiens, tantæ nouitatis & inopinati euentus consilium cum discretioribus communicauit. Communiter itaque deliberatum est, & decretum tum propter Comitis mortem, tum etiam propter imminentem Reymundi in Angliam abscessum: urbem tam remotam, tam infinitis hostibus vndique vallatam, in præsentiarum relinquendam, totamque familiam integre ad vrbes maritimas, Lageniæque castra tuenda, reducendâ. Acquiescens autem tandem Reymundus, quanquam inuitus, nullo prorsus maiorum inuento, qui post eius discessum vrbi præsidere voluit: Duuenaldo Tuemoniæ Principi tanquam Baroni domini Anglorum Regis, vrbis custodiam sponte commisit. De vrbis indemnitate, de vrbe ad Regis mandatum restituenda, & pace seruanda, nouis iterum obsidibus & sacramentis multipliciter renouatis.

Exeuntes igitur, & vix vltiore pontis capite transmeato, vere ex altera statim parte, ponte contracto, continenter urbem fortiter muratam, ædificiis decenter ornatam, alimentis vndique congestis plene refertam: quatuor ex partibus incendio datam, non absque dolore conspiciunt: proditore Duuenaldo, qualiter gentis suæ fidei de cetero fides sit habenda, tam impudenti tamque recenti periurio, tanto tam opprobrioso infidelitatis indicio fidem præstante. Anglorum autem Rex subuentionis huius ausum audiens, respondisse memoratur: Magnus fuit ausus in aggrediendo, maior in subueniendo: sed sapientia solum in destituendo. Dubliniam igitur familia reuersa, corpus Comitis, quod ex eius præcepto usque ad Reymundi aduentum fuerat reueruatum; Dubliniæ in Ecclesia Sanctæ Trinitatis in ipso reuerendæ Crucis * prospectu: procurante Laurentio sedis eiusdem Archipræsule: celebratis solemniter exequiis, est cumulatam.

* al. conspectu.

De Aldelmi filio, in Hiberniam custode transmissio.

C A P. XV.

His ita gestis, Regii legati nouis super casibus nouo fungentes consilio: relicto in Hibernia procuratore Reymundo, ad Anglorum Regem, primo flante Circio, 40 in Angliam cum festinatione contendunt. Nouas eidem rerum mutationes ex Comitis morte nuntiantes. Quibus auditis Rex ilico Wilhelmum Aldelmi filium cum decem militibus de priuata familia in Hiberniam procuratorem transmisit. Adiungens ei Iohannem de Curcy, cum aliis decem, Stephaniden quoque & Milonem Cogansensem (qui in biennali illo, & plusquam ciuili bello: Regi tam in Angliæ quam Galliarum partibus egregie militauerant) cum viginti. Audiens autem Reymundus eos applicuisse: statim cum militum agmine pulcherrimo in ipsis Guesefordiarum finibus illis ouanter occurrens: & in osculo pacis cunctos suscipiens, tam vrbes omnes & municipia, quam obsides quoque totius Hiberniæ Guilielmo tanquam Senescallo in regnum à Rege transmissio: in continenti commisit. Videns itaque Guilielmus & inuidens, Reymundum tam pulchra iuuentute stipatum: Intuens quoque Meylerium & alios Reymundi nepotes, in equis pulcherrimis, clypeis assumptis vnus armaturæ circiter 30. iuueniliter (vt moris est) per campana ludentes: ad suos se vertens, demissa voce superbiam hanc, inquit, in breui comprimam, & clypeos istos dispergam. Ab hac igitur hora, semper tam iste, quam alii procuratores Hiberniæ cuncti, Reymundo, Meylerio, tam Mauriti filii, quam Stephanidæ, totique generi, desuper forte, lata sententia, tanquam coniuratione quadam ex inuidia nocere non cessarunt. Hoc etenim gentis huius omen, & conditio. Semper in armata militia chari: semper primi: semper rebus in Martiis ausu nobili præstantissimi. Cessante vero necessitatis, statim

statim exossi, statim vltimi, statim ad ima liuore depressi. Veruntamen tantæ generositatis syluâ, liuor ad plenum extirpare non potuit. Vnde & vsque ad hodiernum diem gens hæc, nouis plantularum succrementis: vires in insula non modicas habent. Qui sunt qui penetrant hostis penetralia? Giraldidæ. Qui sunt qui patriam conseruant? Giraldidæ. Qui sunt quos hostes formidant? Giraldidæ. Qui sunt quos liuor detrahat? Giraldidæ. O si principem tantæ strenuitatis merita digne pensantem reperissent: quam tranquillum, quam pacificum olim Hiberniæ statum reddidissent? Sed horum, sine causa semper suspecta strenuitas, at quibus ex fide cura committitur, absq; strenuitate securitas. Viri ergo viribus insignes, & vitæ, strenuitatis amore, con-

Giraldidæ.

Apostrophe ad Giraldidæ.

10 temptores: solita virtutis incedere via, ne cessetis

Felices facti si quid mea carmina possunt.

Virtus enim vacare non potest. Suum semper vel in præsentis vel in futuro consequetur effectum. Quanquam igitur seu per ignauiam principum, seu per inuidiam vestra sit hætenus strenuitas irremunerata: styli nostri tamen diligentia non transibit illaudata. Gaudeat ergo iuuentus, & ampliori desiderio de die in diem virtutis amore defudet: quippe cuius memoria nec præterire, nec perire: quinimo terris & thesauris precioso perpetuo floret laudis honore celebrata.

Circa hæc tempora & parum ante visus est apud Guykingelo vir prodigiosus: In vacca quippe, vitio gentis illius à viro progenitus bouinas, in humano corpore præ-

20 ferens extremitates. Sicut Topographia nostra describit.

Igitur Aldelmi filio maritimas vrbes lustrante, interiora verò montana, & penitimas terræ partes à longe respiciente, aurum quoque, quo abundat insula sitibunda libidine congregante: Mauritius Giraldi filius, vir modestus, vir prudens ac strenuus, apud Guesefordiam non sine magno suorum mœrore, circa Calend. Septemb. occubuit: alium in Hibernia post se constantia & fide firmiorem, vel strenuitate præstantiorem non relinquens. Wilhelmus vero super castello Guikingelonensi Mauriti filios illico conueniens, & circumueniens: non cessauit, donec illud à manibus ipsorum fraudulenter eripuit. Quibus tamen non longe post Fernas quoq; quasi in excambium dedit, vbi & castrum cōtinuo, quanquam inter hostes medios ab animosa iuuentute constructū, Gualterus Alemannus nuncupatione, nō natura, non statura: Guilielmi nepos & sub eodem Guesefordiæ custos, ab auunculi moribus non degeneras.

Et quoniam *Asperius nihil est humili, cum surgit in altum,*

Cuncta premit, dum cuncta timer, desecuit in omnes,

Vt se posse putent: nec belua tetrior ulla est,

Quam ferui rabies in libera colla furentis.

Murchardi Kenceleiz principis auro corruptus, dolose destrui procurauit & deleri. Reymundo vero terras, quas in valle Dublinæ, & secus Wefesfordiam habuerat: statim Guillelmus subtraxit. Mandatum quoque Domini Anglorum Regis super Ophelanæ Cantaredo Stephanidæ restituendo, auro delinitus, effectui non mancipa-

40 uit. Denique viris egregiis, aspera solum & remota, hostibusque vicina tantum & periculosa reliquit.

Aldelmi filii descriptio.

C A P. XVI.

ERAT autem Aldelmi filius vir corpulentus, tam staturæ quam facturæ, inter parum mediocribus maiores satis idoneæ: vir dapilis & curialis. Sed quicquid honoris cuiquam impendit, semper in insidiis, semper in dolo, semper propinans sub melle venenum, semper latens anguis in herba. Vir in facie liberalis & lenis, intus vero plus aloes quam mellis habens. Semper

50 *Pelliculam veterem retinens, vir fronte politus,*

Astutam vapido portans sub pectore vulpem. Semper

Impia sub dulci melle venena ferens.

Molliti sermones eius super oleum: sed ipsi sunt iacula. Cuius hodie venerator, cras eiusdem spoliator existens, vel delator. Imbellium debellator, rebellium blanditor: Indomitis domitus, domitis indomitus, hosti suauissimus, subdito grauissimus: nec illi formidabilis, nec isti fidelis. Vir dolosus, blandus, meticulosus, vir vino Veneriq; datus. Et quanquam auri cupidus, & curialiter ambitiosus: non minus

tamen curiam diligens, quam curam.

xxx

Flsonia

Vltonia inuasio.

*exanimata.

VIDENS autem Iohannes à Curcy ab Aldelmi filio cuncta cupide, cuncta timide, cuncta dolose tractari: nec ipsum vel subditis fidelem, vel hostibus formidabilem considerans. De Dublinensium familia, stipendiorum defectu grauius * exanimata, & Ducis ignauia: prædis hostium (vt affolet) minime resecta paucos sibi alliciens, sed probos, sed strenuos, sed electos, cum militibus viginti duobus, & aliis quasi 300. Vltoniam, armis Anglorum hæcenus incognitam, miles animosus audacter aggreditur.

Tunc impletum esse videtur illud Merlini Calidonii dictum, vt dici solet (quia nihil de Merlinorum dictis asserimus) Miles albus, albo residens equo, aues in clypeo ferens, Vltoniam hostili inuasionem primus intrabit. Erat enim Ioannes plusquam flauus, & in albedinem plurimum vergens: album forte tunc equum equitans, & pictas in clypeo auiculas præferens. Trium itaq; dierum per mediam terram Vzielsenem, emerito itinere, 4. die mare Dunensem ciuitatem citra defensionis obstaculum, circa Cal. Febr. hospes & hostis inopinatus intrauit: Rege Dunleuo tam subiti casus euentu statim in fugam conuerso. Itaq; familia inops, & famelica alimentorum copia, prædis quoque ac spoliis, affatim iam resecta.

Viuanus Romanæ sedis legatus, à Scotiæ partibus in Hiberniam tunc forte nauigio transuectus, & eadem in vrbe tunc repertus. Qui de pace inter Regem & Iohannem formanda, de tributo quoque Anglis annuatim soluendo (dum tamen à finibus illis exire, & ad sua reuerti voluerint) multa quidem verba suasoria nec persuasoria proponebat. Videns autem Dunleuus se verbis minime profecturum, corrogatis vndiq; viribus cum 10. bellatorum milibus infra 8. dies hostes in vrbe viriliter inuadit. In hac etenim insula sicut & in omni natione, gens borealis magis bellica semper & truculenta reperitur. Nam, vt ait Poeta:

*Omnis in Arctoïs sanguis quicunq; pruinis
Nascitur, indomitus bellis, & mortis amator.*

Prospiciens itaq; Ioannes hostiles acies acriter ad urbem accedere: quanquã manu modica, tamen perualida, potius obuiã exire, & viribus dimicando, belli fata tentare, quam exili municipio, q; in vrbis angulo tenuiter erexerat, diutius ab hoste claudi, & fame confici longe prælegit. Igitur atroci bello conferto, in primo eminus sagittarum iaculorumq; grandine perfuso. Deinde cominus lanceæ lanceis, securibus enses configètes: ad tartara multos vtrinq; transmittunt. Dum igitur acerrimo Martis conflictu, *Iam clypeo clypeus, umbone repellitur umbo: Ense minax ensis, pede pes, & cuspide cuspis*: qui gladii Ioannis ictus hic cerneret, qualiter nunc caput ab humeris, nunc artus à corpore, nunc brachia separabat, viri bellatoris vires digne possit commendare. Multis igitur in hoc conflictu se strenue gerentibus: Roger. tamẽ Poerius adolescens imberbis & flauus, pulcher & procerus (qui postmodum in Lechliniæ & Ossyriæ partibus emicuit) secunda nõ immerito laudẽ obtinuit. Post graues itaq; diuq; ambiguos, nimis impari certamine belliq; cõgressus, tandẽ Ioannis virtuti cessit victoria: hostiũ multitudinem magna p. marinã glis, quo transfugerat, interempta. Tunc impletũ est, vt dicitur illud Hibernici Columbæ vaticiniũ: qui bellũ istud longe præcìnens, tantã in eo futurã, inquit, ciuiũ stragẽ, vt hostes ad genua eorundẽ fuso cruore natarent. Præ glis namq; mollicie, dum ad ima penetraret humana ponderositas, terræ lubricæ sanguis profluus superficiem tenens, genua cruraque de facili pertingebat. Scribit etiam idem vates, vt fertur, quendam pauperẽ & mendicũ, & quasi de aliis terris fugacẽ, cum parua manu Dunam venturum; & citra maioris auctoritatem urbem obtenturũ. Bella quoq; plurima, variosq; rerũ euentus: quæ omnia de Ioanne de Curcy sunt manifeste completa. Ipse vero Ioan. librũ hunc propheticũ Hibernice scriptum tanquã operum suorum speculũ p. manib. dicitur habuisse. Legitur quoq; in eodẽ lib. Iuuenẽ quendam cum armata manu Guaterfordiẽ muros violenter irrupturum, & cum magna ciuium strage urbem obtenturum. Eundem quoq; per Guesefordiam transiturum, & demum absq; difficultate Dubliniam intraturum. Quæ omnia de Comite Richardo cõstat esse completa. Urbem quoq; Limericensem, ab Anglorum gente bis deferendam, & tertio retinendam Sanctus ille testatur. Sed deserta quidem iam bis videtur. Primo, vt dictũ est, à Reymundo: secundo à Philippo, sup. c. 18. de Breusa: qui cum ad urbem sibi datam, aqua tamen interlabente veniret: citra conatus omnes, & insultus eandem reuertendo deseruit: sicut plenius suo loco dicitur. Vnde iuxta idem vaticinium: vrbs tertio petita, erit retinenda, vel potius longe post sub Ham-
mone

mone de Valoignes Iustituario fraudulenter destructa, & per Meylerium restaurata recuperataque.

In duobus itaque magnis præliis Iohannes apud Dunam victor * enituit. In primo post purificationem. In secundo circa Calendas Iulii, in natiuitate Sancti Iohannis, vir de quindecim virorum * militibus victoriam obtinuit cum paucissimis, hostium extincta multitudine. Tertiū erat apud Ferly in prædæ captione, vbi ob arctum viæ transitum, post graues tandem congressus & anxios: sic pars Iohannis victa succubuit, aliis interemptis, aliis per nemora dispersis, vt vix Iohanni II. milites superstites adhæsisent. Ipse vero virtutis inuidæ, cum tantilla suorum paucitate per 30. miliaria se ab hostili multitudine continue defendendo, equis amissis omnib. vsq; ad castrum suum duobus diebus & noctibus, ieiuni, armati, pedites, miro conatu, memoriaq; dignissimo, euaserunt. Quartum apud Vriel viri multi quoq; suorum interempti, & alii in fugam conuersi. Quintum apud Pontem Iuori in reditu ab Anglia: vnde tamen ad sua victor euasit. In tribus itaque victoriam adeptus. In duobus Martii certaminis * vires expertus: & aleam fortunæ: longe tamen hosti plus damni quidem læsus intulit, quam sustinuit.

Descriptio Iohannis de Curcy.

C A P. XVII.

20 ERAT itaque Iohannes vir albus & procerus, membris neruosis & ossosis, staturæ grandis, & corpore perualido, viribus immēsis, audaciæ singularis, vir fortis & bel-lator ab adolescentia. Semper in acie primus, semper grauioris periculi pondus arripiens. Adeo belli cupidus & ardens, vt militi dux præfectus, ducali plerunque deserta constantia Ducem exuens, & militem induens, inter primos impetuofus & præceps: turma vacillante suorum, nimia vincendi cupiditate victoriam amisisse videretur. Et quanquam in armis immoderatus, & plus militis quam Ducis habens, inermis tamen modestus, ac sobrius, & Ecclesiæ Christi debitam reuerentiam præstans, diuino cultui per omnia deditus: Gratiaque supernæ, quoties ei successerat, cum gratiarum actione totum ascribens, Deoq; dans gloriam, quoties aliquod fecerat gloriosum. Sed quoniam, vt ait Tullius, Nihil simplici in genere, omni ex parte perfectum natura expoliuit: nimia parcitatis & inconstantia nati, niueum tantæ laudis nitorem denigrauerant. Regis itaque Manniæ Gotredi filia sibi legitime copulata, post varia belli diuturni prælia: & graues vtrinque conflictus, tandem in arce victoriæ plane constitutus, Vltoniam vndique locis idoneis incastellauit. & nusquam (non absque) labore plurimo, & inedia, multisque periculis, pace firmissima stabilivit. Hoc autem mihi notabile videtur: quod grandes hi quatuor Hibernicæ expugnationis postes, Stephanides, Herueius, Reymundus, & Iohannes de Curcy (occulto quidem Dei iudicio, sed nunquam iniusto) legitimam ex sponsis prolem suscipere non meruerunt. Quintum autem his Meylerium adiunxerim, qui legitimam 40 vsque hodie de sponsa prolem non suscepit. Sed hæc de Iohanne Curcy summatim, & quasi sub epilogo commemorantes, grandiaq; eiusdem gesta, suis explicanda scriptoribus relinquentes, Dubliniam de cetero * reuertar.

Dubliniense concilium: Viuiano presidente.

INTEREA Viuianus legationis vice per Hiberniam fungens: conuocato Dubliniæ Episcoporum synodo, ius Anglorum Regis in Hiberniam, & summi Pont. confirmationem, viua voce publice protestatur: tam clero quam populo sub anathematis interminatione districte præcipiens, & iniungens, ne ab eius aliquatenus fidelitate ausu temerario resilire præsumant. Et quoniam consuetudinis erat, vt ab Hibernicis ad Ecclesiarum refugia victualia transferrentur: Anglicanæ familiæ licentiam 50 dedit, vt quoties in expeditionem profectis, aliunde alimenta non obuenerint: in Ecclesiis reperta (iustæ taxationis Ecclesiarum custodibus soluto pretio) extrahantur. His ita gestis, Milo Coganensis sub Aldelmi filio Dubliniens. familiæ constabularius, & vrbis iterum custos effectus: cum militibus 40. (quorum 20. iuuenis egregius Radulphus sc. Stephanidæ filius præfectus fuerat) cum satellitibus quoq; equestribus 200. & sagittariis 300. aquam Sinnenensem transeuntes, Connactiam ab Anglis hætenus non petitam, viriliter inuadunt. Connactenses vero vrbibus vndiq; & villis igne proprio combustis, alimentis quoq; cunctis (quæ hypogeis subterraneis abscondere non poterant) simul cum Ecclesiis igne consumptis, in nostræ gentis iniuriam, & diuinæ vindictæ prouocationem, cruces & imagines Sanctorum ad terram depo-

nentes, in hostiū prospectū per campestria proiecerunt. Anglicana vero familia cum Tuemoniā metropolin iam puenisset, & 8. dierū morā in hostili terra fecisset: terram alimentis vacuā inueniens, ad aquā Sinnenensem reuersa est. Rothericū vero Cona-
al. habito. etia principē cum 3. exercitibus magnis in sylua quadā prope Sinnenum obuiū habens, * inito graui vtrinque conflictu, demum tribus tantū satellitibus equestribus amissis, & interemptis hostium multis, Dubliniam indemnis euasit.

Aldelmi filii reuocatio, & Hugonis de Lacy praefectio.

C A P. XVIII.

REVOCATO interim in Angliam Aldelmi filio (qui nihil egregium in Hibernia ¹⁰ gessit, praeter hoc solum, quod baculum virtuosissimum, quem baculum Iesu vocant, ab Armacha Dubliniam transferri procurauit) & tam Milone quoque Coganensi quam Stephanide: Rex Henricus Hugonem de Lacy generalē Hiberniae procuratorem constituit: Robertum Poerium illi Guaterfordiae simul & Guesefordiae custodem adiungens. Stephanidae quoque & Miloni Momoniam tunc australem, Corcagię videlicet regnum ab occidentali Lismoriae inter ipsos ex aequo diuidendum, praeter urbem Corcagensem, cum Cantaredo ei adiacente in feodum donauit. Philippo quoque de Breusa Momoniam Borealem Limericense videlicet regnum integre, praeter urbem ipsam, cum suo Cantaredo, regia contulit munificentia. Transeuntes igitur in Hiberniam mense Nouemb. cum triplici familia tres viri confodati simul & confederati, ²⁰ per maritimam australis Hiberniae viam, primo Guaterfordiam, deinde Lismoriam, deinde vero Corcagiam, a ciuibus & milite quodam Richardo sc. Londoniensi tunc ibi sub Aldelmi filio custodiam agente, cum honore recepti, indemnes perueniunt. Pacificatis itaque continuo tam Dermotio Desmoniae principe, quam aliis quoque partis illius viris prepotentibus Stephanides & Milo 7. Cantaredos vrbi, p. p. in quiores, quos utique maiori in pace tunc possidebant, inter se diuiserunt. Stephanidae tribus ab Oriente, Miloni vero quatuor ab Occidente, sorte obuientibus, hinc paucis quia potioribus: illinc pluribus, quia deterioribus, in diuisione constitutis: vrbs existente communi custodia, & aliorum Cantaredorum 24. (qui restabant) tributo, cum venerit, inter ipsos aequaliter diuidendo. Dicitur autem Cantaredus, tam Hibernica quam ³⁰ Britannica (sicut Topographia describit) tanta terrae portio, quanta 100. villas continere solet. His ita gestis Philippum de Breusa Limericum conducunt. Habebat autem Stephanides milites secum 30. & satellites equestres 40. Milo vero milites 20. & satellites equestres 50. Philippus milites 20. & satellites equestres 60. praeter sagittarios pedestres multos: cuiuslibet trium agminum associatos. Venientibus igitur illis ad urbem, solum Sinnenensi interlabente fluuio, quasi 40. miliaribus a Corcagia distantem, & offerentibus statim Stephanida & Milone se aquam transire, & urbem aggredi velle (quanquam spontaneo ciuium igne praeculis iam combustam conspexissent) vel si mallet ex opposita parte super eundem amnem Philippo castrum metado ⁴⁰ construere: Philippus, quanquam in se miles animosus & audax: pusillanimi tamen suorum consilio potius indemnis ad sua reuerti, quam in terra tam hostili tamque remota fortunae tentare pericula, praeelegit. Nec mirum quoque, si in hac illi expeditione sinistre contigerit: qui tot australis Cambriae, siniumque illorum Marchiae sibi viros homicidas seditiosos ac flagitiosos, eosque praeculis electos, associauerat. Nec longe post: Mereducius Stephanidae filius, adolescens indolis egregiae, & strenuitatis eximiae, Corcagiensi in vrbe, cum magno suorum mœrore, mense Martio, Martis alumnus, occubuit. Circa id temporis apud Guaterfordiam vacca reperta fuit, cum multa gentis illius admiratione, sicut Topographia testatur.

* *al. Innocentio 3.*
an. 1215. videlicet
2. consil. Lat.

Interea sedit Romae famosum illud Lateranense concilium: praesidente * Alexandro 3. Alemannorum Ecclesia ad vnitatem reuersa, vicennali schismate iam cessante, & tribus Antipapis diuinitus extinctis. ⁵⁰

Circa triennium quoque temporis eiusdem tres solis eclipses contigerunt. Non generales tamen, sed partiales. Cum itaque Stephanides & Milo Desmoniae regnum quinquennali spacio iam simul pacifice gubernassent (ducum ipsorum modestia iuueniles impetus vtrinque cohibente) Milo Milonisque gener nuper effectus, Radolphus scilicet Stephanidae filius, iuuenis egregius, versus Lismoriae partes profecti: cum in campis sedentes colloquium cum Waterfordiensibus expectassent: a proditore Machtyro, qui eos ea nocte hospitari debuerat, cum aliis quinque militibus improvisis a tergo securum ictibus sunt interempti.

Cuius

Cuius occasione casus, sic ilico patria tota perturbari cepit: ut Dermotus Macharthy, & omnes fere terræ totius illius Hibernici, vna cum Machtyro se ab Anglorum fidelitate retrahentes, contra Stephaniden, fortunæ vires toties expertum, insurrexissent. Nec vnquam postea, donec Reymundus in hereditatem patruo Stephanidæ succedens, vrbis custodiam solus obtinuit, nec tunc plene pristinam pacem recuperavit. Sicut ergo Borealis Hiberniæ bellica: sic semper Australis gens subdola. Illa laudis, hæc fraudis cupida; Illa Martis, hæc artis ope confisa: Illa viribus nititur, hæc versutiis: Illa præliis, hæc proditiis: Iuxta illud Poetæ:

*Omnis in Arctos sanguis quicumque pruinis
Nascitur, indomitus bellis, & Martis amator. Ut supra. & subsequenter:
Quicquid ad Eos tractus, cæliq; teporem
Iungitur, emollit animos clementia cæli.*

Reymundi reditus in Hiberniam.

AVDIENS autem Reymundus Stephaniden, aversa fortunæ facie, desperanter afflictum, & in vrbe Corcagiensi hostium cuneis vndiq; circumseptum: cum militibus 20. & sagittariis simul & satellitibus equestribus 100. in Wesefordiæ portu se mari cōmittens, & terram à dextris lateraliter ambiens, Corcagiam ocysus fociis suis solatium, hostibus exitium nauigando peruenit. Variis itaq; conflictibus pars hostium interempta, pars à finibus expulsa, pars vero potior ad pacem reuocata, tam tempestuosa sortis aduersæ procella in breui sedata, cōquieuit. Nec mora, ecce Rich. Coganensis Milonis frater, & à fraterna strenuitate non degenerans: cum electa cohorte in fratris locū ab Anglorū rege transmissus, aduenit. Elapsa vero hyemis parte maiore, vir probus ac prudens, Philippus Barrensis Stephanidæ nepos, tam ad auunculi subuentionē, q̄ terræ suæ, sc. Olethan sibi à Stephanide collatæ, & à Stephanidæ filio Radulpho postmodum iniuriose sublata tutionem: cum valida virorū manu, in fine Febr. transfretauit. Venit eodem nauigio & alius Stephanidæ nepos, Philippiq; frater, tam auunculum quam fratrem plurimum consilio iuuans, & tam insulæ situm & naturam quam primæuā gentis originē diligenter explorans. Literato quippe vir præditus studio, cuiusq; nomen p̄sentis libelli titulus tenet. Circa hoc tempus idem Herueius de monte Maurisco, nobili Cantuariensi S. Trinitatis cœnobio se reddens (cui & Ecclesiæ terræ suæ maritimæ, Guaterfordiam sc. Guesefordiam interiacentis, in elemosynam ante donauerat) monasticam vitam elegit. Qui vtinam sicut habitum, sic & animum: sicut militiam sic & malitiam deposuisset.

Hibernia sub Hugone de Lacy in castellatio.

C A P. XIX.

INTERIM autem, dum hæc in Desmonia partibus geruntur: Hugo de Lacy, putavir probitate pollens, & prudentia: tam Lageniam quam Mediam castellis egregie communiuit. Inter quæ super nobilem Berue fluuium, à latere Ossyriæ trans Odronam, in loco natura munito, Lechliniæ castrum erexit. A quo Robertus Poerius (cui regio mandato iniunctum id fuerat) ante defecerat. O quales, quantique Marchiones Robertus hic Poerius, & Aldelmi filius, in terram transmissi viris indigentem?

*Quales ex humili magna ad fastigia rerum
Extollit, quoties voluit fortuna iocari.*

Erant quippe milites, quibus iucundius erat

— iacuisse thoro, tenuisse puellam,

Threiciam digitis increpasse lyram:

Quam clypeos humeris, & acuta cuspidis hastam,

Et galeam pressa sustinuisse coma.

Mirum itaq; tam nobilem, tam strenuum Principē: tam ignobiles, tam strenuitate carentes: longinquis marchis ex consuetudine præfecisse. Hugo vero de Lacy summa sollicitudine victos ab aliis & violenter à finibus eiectos, ad pacem reuocans, eisdem olim deserta, tam armentis pascua, quam ruricolis rura restituit. Allectos igitur tam mansuetudine, quam stabili conuentione deliniens, demum municipiis inclusos & paulatim edomitos legibus obtemperare & seruire coegit. Sic autem effectum est, ut destructa à prioribus & deformata, in formam reduxerit: & vnde alii laborem, hic primo fructum efficaciter elicit.

Xxx 3

Deni-

Denique tanta terrarum in breui pace stabiliuit, tam ampla manu alios opprimendo suos ubique ditauit: tanta liberalitate populum Hibernicum alliciens, & familiaritate nimia demulcens, sibi maiores in populo confœderauit, ut qui regni dominium, coronam simul & sceptrum, fidelitate postposita, sibi usurpare voluerit: valde suspectus haberetur.

Descriptio Hugonis de Lacy.

C A P. XX.

SI viri colorem, si vultum quæris, niger, nigris ocellis & defossis: naribus simis, facie à dextris igne casuali, mento tenus turpiter adusta. Collo contracto, corpore piloso, pariter & neruoso. Si staturam quæris, exiguus. Si facturam, deformis. Si mores: firmus ac stabilis, & Gallica sobrietate temperatus. Negotiis familiaribus plurimum intentus. Commisso quoque regimini, rebusque gerendis in commune vigilantissimus. Et quanquam militaribus negotiis plurimum instructus, crebrius tamen expeditionum iacturis, Ducis officio non fortunatus: post vxoris mortem vir vxorius, & non vnus tantum, sed plurimarum libidini datus: vir auri cupidus & auarus, propriique honoris & excellentiæ, trans modestiam ambitiosus. Floruit hoc tempore, strenuitatis opera in Lageniæ partibus Robertus Henrici filius, & Meylerii frater. Floruit quidem, & floris more intempestiuæ bruma mortis emacuit. Floruit Mauriti filius vterque, tam Alexander quam Giraldu, vir quanquam statura pusillus: prudentia tamen & probitate non modicus. Floruit & Rogerus Poerius, Lechlinenti familiæ sub Hugone præfectus. Floruit Gulielmus apud Guaterfordiam: Floruit Robertus Barrensis iunior Philippi filius, tam Lageniæ finibus, quam Desmoniz. Floruit quoque Reymundus vterque tam * Kantitunensis sc. quam Hugonides. Temporibus istis duo illa miracula magna, quæ Topographia nostra describit: in media apud Fouerum contigerunt. De muliere videlicet à sagittatio in molendino sancti Phechini rapta, & auena surrepta.

Aduentus Iohannis Constabularii, & Richardi de Pec.

C A P. XXI.

HI s ita se habentibus, & prænotatæ suspicionis fama crebrescente, aduenerunt in insulam circa Cal. Maii, collegæ duo, Iohannes scil. Constabularius Cestrensis, & Rich. de Pec, ad curam regiminis, Hugone reuocato, suscipiendam: ab Anglorum rege transmissi. Sed antequam Hugo discederet, communi consilio castra per Lageniam plurima construxerunt: Hastenus enim Media plurimum: Lagenia parum fuerat incastellata. Erectum est igitur & apud Fortheret Onolan primo castrum Reymundo, & aliud fratri eiusdem Griffino. Tertium in Omurethi Gualtero de Ridenesfordia apud Tristerdermot. Quartum Iohanni de Clahulla super aquam Beruz nō procul à Lechlinia. Quintum Iohanni Herefordensi apud Zyllacht. Meylerio vero Kildariam sibi à Comite datam, cum adiacente territorio subtrahentes: prouinciam de Leis ex parte regis, tanquam in excambium contulerunt: terram quidem hostilem, asperam & syluestrem remotam, ex industria vero Marchioni & Martii alumno Marchiam assignantes.

De Hugone de Lacy iterum custode transmissio.

C A P. XXII.

HI s igitur in insula æstate patratæ, hyeme sequente (Iohanne & Richardo in Angliam reuocatis) resumpta securitate iterum Hugoni cura committitur. Adiuncto eidem clerico quodam Roberto videlicet Salopesburienti, qui Regis ex parte coadiutor ei & consiliarius, operumque suorum testis existeret. Hugo vero de Lacy in hoc aduentu plurima castra construxit. Inter quæ Meylerio castellum in prouincia de Leis erexit, apud Tahmelio, cui & neptem suam tunc dedit vxorem. Castellum quoque Roberto de Bigarz: ibi prope, scilicet apud Obowy. Castellum Thomæ Flandrensi, non procul ab hoc in vltiore videlicet Omurethi parte Beruensis fluminis interlabentibus vndis. Castellum Roberto filio Richardi, apud Norrach. In Media vero castellum de Clunart, castellum de Kyllain, castellum Adæ de Ricepor: castellum Gilleberto de * Nungent, & alia multa, quæ singula per ordinem enumerare longum esset.

Circa dies istos in sylua Merlensi tam stupenda lupi cum sacerdote cōfabulatio. Sicut in Topographia luculenta narratione * depromitur. Multa nimirum, ut ait Hiero-

Hieronymus, in scripturis incredibilia reperies, & non verisimilia: quæ nihilo minus tamen vera sunt. Nihil enim contra naturæ Dominum præualet natura. Nec detestari debet sed admirari, sed venerari, creatoris opera, quæuis creatura: Nec longe post Anglorum Rex Iunior Henricus Henrici Regis filius, prauorum cōsiliis (proh dolor) in patrem iterum cæpit insurgere. Præpotentes Pictaviæ procures cum electa gallicæ militiæ iuuentute: nec non & fratrem suum Armoricæ Brytanniæ Comitem Gaufridum, mali totius incentorem, complices habens & fautores: Nec mora, diuina, ut creditur, tantæ ingratiitudinis ultione apud Marsiliam circa cal. Iunii, non sine magno exercitus vtriusque dolore, vir inuicta virtute, cætera vincens: tandem præmaturæ mortis, victus morte succubuit. Paucis vero post annis elapsis: Comes quoque Gaufridus, miles egregius, & eloquens, tam Vlissis hæres, quam Achillis, à patre & in patrem iam tertio recedens desuper vltice lata sententia: Parisius circa cal. Augusti: rebus humanis exemptus est.

Laurentii Dublinensis Archiepiscopi apud Augum decessio & Ioannis Cymini successio.

CAP. XXIII.

IN T E R E A Laurentius Dublinensis Archiepiscopus: vir bonus & iustus: ob priuilegia in Lateranensi consilio (cui intererat) contra Regiæ dignitatis honorem, zelo suæ gentis, ut ferebatur, impetrata, Anglorum Regi suspectus: & ob hoc tam in Anglicanis, quam transmarinis Galliæ partibus diu detentus: tandem apud Augum Normanniæ castrum 18. cal. Decemb. laboriosum viæ & vitæ istius cursum, felici fine compleuit. De quo inter varia miracula, quibus in hoc suo sancto, se mirabilem vique in hodiernum Deus ostendit: & hoc in partibus illis primum * enituit: quod in Abbatis villa, vir Sanctus, letali morbo correptus, contra suorum monita, quiescere recusauerat, dicens locum suum ibi non esse: Et transiens inde versus Augensem castrum, quam cito in Ecclesiam Sanctæ Mariæ oculos iniecit: audiens Beatæ virginis basilicam esse: versum hunc propheticum, propheticè depromens, ait. Hæc requies mea, in seculum seculorum: hic habitabo, quoniam elegi eam. Qui eodem in castro infra dies paucos rebus humanis exemptus, & in maiori Ecclesia debitis exequiis est tumulatus, & à domino quoque, qui lucernam suam abscondi non sinit: multis ilico signis, & virtutibus declaratus. Successit eidem Ioannes agnomine Cyminus, vir Anglicus natione: & in Anglia apud Eueshum à clero Dublinensi regia procurante industria: consone satis & concorditer electus: & à Romano Pontifice Lucio apud Velletrium presbyter cardinalis ordinatus & consecratus: literatæ vir eloquentiæ, qui iustitiæ zelo debitoque adeptæ dignitatis officio: Ecclesiæ Hibernicæ statum egregie sublimasset: nisi semper gladius gladio, sacerdotium regno, virtus inuidia reprimeretur. Sicut enim caro aduersus spiritum: sic carnales aduersus spirituales. Sic Cæsaris ministri, aduersus Christi milites indefinente malitia militare contendunt.

Ioannis Dublinensis Episcopi in Hiberniam aduentus.

CAP. XXIV.

ANGLORVM itaque Rex quod olim mente conceperat, totum Hiberniæ dominium in Iuniorem filium Ioannem nomine cum effectu transferre procurans: qui cuncta quoque terræ illius homagia patris assensu dudum susceperat: Ioannem Dublinensem Archiepiscopum circa cal. Aug. tanquam aduentus filii sui præcursores, in Hiberniam transmisit. Nec mora, reuocato Hugone de Lacy, Philippus Wigornienensis vir militaris, dapilis, & liberalis: circa cal. Septemb. cum militibus 40. procurator, est in Insulam transmissus. Inter ipsa igitur operum suorum initialia, terras, quas, Hugo de Lacy alienauerat, terram videlicet. Ocathesi & alias quam plures ad Regiam mensam cum omni sollicitudine reuocauit. Elapsa vero hyeme conuocato exercitu magno circa cal. Martii Armatiæ profectus, sacro quadragesimali tempore, à sacro clero auri tributum execrabile tam exigens quam extorquens, cum suis por vrbem * Luuedensem Dubliniam indemnis est reuersus. In hac expeditione duo miracula contigerunt, primum apud Ardmachiam, de passione, quam vrbem ingressus sustinuit: secundum apud * Luuedum super incendio & cacabo Ardmachienfi clero ab Hugone Tyrello sublato: sicut in Topographia declaratur. cap. 50. 2. distinct.

XXX 4

Hera-

DV M hæc in Hibernia geruntur, aduenit in Angliam circa Cal. Febr. mense itinere longo, ab Oriente in Occidentem vergens, vir venerabilis Patriarcha Hierosolymitanus: cui nomen Heraclius. Qui clauis urbis sacrae, sacrique sepulchri Domini, cum Regio vexillo Martioque signo, ex parte primorum Terræ Palestinæ tam fratrum scilicet militiæ Templi, quam hospitalis: nec non & totius tam cleri quam populi vniuersi voto & acclamatione: Anglorum Regi Henrico secundo, supplicans in lachrymis, & ad Regiæ genua prouolutus, humiliter deplorans, quatenus ad terræ sanctæ ab hostibus fidei iam desperanter afflictæ, specialemque patrimonii Christi Iesu subuentionem, misericorditer moueatur. Alioquin asserens (quod infra biennium post euenit,) & mente plerumque malorum præfaga, firmiter asseuerans, regnum vniuersum in Saracenorum & Saladini, tam Ægyptiorum quam Damascenorum tunc principis, manus sacrilegas in breui deuoluendum. O quanta tam Regis quam Regni gloria, quod prætermisiss & præteritis tam Imperatoribus, quam terrarum Regibus & principibus cunctis (tanquam in mundi medio non fuerit locus huic remedio) in hunc finalem orbis Angulum & quasi secretis quibusdam Oceani secessibus orbem alterum, ad tantæ subuentionis auxilia requirenda peruenitur! O quanta, & quam incomparabilis in terris Regis gloria, nec terrena solum sed perpetua: si statim omisiss negotiis cunctis, regnisque relictis & rebus vniuersis: ad tantæ Christi vocationem, Christi discipulus, tollens crucem suam, Christum fuisset, omni posthabita dilatione, sequutus, à quo tam regni sceptrum, & quod maius est regno, tam gloriosam regni regendi gratiā suscepit in terris: illi regni sui terreni in hac necessitatis umbra iura conseruans regnum ob hoc celeste suscepturus! O si tanti Regis patrimonium in hac necessitatis umbra, in hac deuotionis experientia tueri, pro posse, curaret in terris: de suo quam tutus urgente necessitatis articulo fieri posset, tanto patrono tantoque tutore digne munitus.

Regis Patriarcha facta responsio, & quasi Prophetica Patriarcha secuta comminatio.

DI E vero responsionis Londoniæ, tandem à Rege præfixo, multis quidem tam militaris ordinis quam plebei per Patriarchæ monita, publicosque tam eius, quam viri venerabilis & Sancti Cantuariensis Archiepiscopi Baldewyni, sermones ad populum suasorie factos, ad Christi obsequia consignatis: tandem responsum à Rege, Patriarcha suscepit, quod regnum suum absque tutela & regimine destituere, terrasque suas transmarinas Francorum rapacitati (quibus exosus extiterat) ei impresentiarum exponere, tutum non erat. Porro de pecunia tam illa, quam olim ad partes illas sibi referuandam transmiserat: quam & alia statim ei tradenda, ad terræ sacrae tuitionem, copiose conferret. Cui Patriarcha: Nihil agis, o Rex, huic stare consilio, si perstiteris: quoniam in hunc modum nec te saluabis: nec Christi patrimonium conseruabis. Principem enim querere venimus: non pecuniam: quælibet fere mundi pars nobis pecuniam mittit: sed principem nulla. Virum igitur appetimus qui pecunia indigeat: non pecuniam, quæ viro. Sed quoniam nullum aliud à Rege responsum Patriarcha elicere potuit: ad aliud denique se conuertit: rogans, ut vel vnum filiorum suorum, & si non alium, saltem natu minorem Ioannem, eis in subsidium Principem daret: ut Regium semen de Andegauenium stirpe descendens, possit eis vel ex hoc furculo rediuiuo germine suscitari. Ipse vero Ioannes (quanquam in Hiberniam ei à patre datam, iam tunc cum grandi expeditione mittendus foret) patrios ad pedes se prouoluens, & ut Hierosolymam potius mitteretur laudabiliter, ut fertur, efflagitans non impetrauit. Videns itaque Patriarcha, quia nihil proficeret, videns quia neque mel de petra, nec oleum de saxo durissimo elicere præualeret: hæc in Regem, multis audientibus, comminatorio pariter, & Prophetico spiritu verba deprompsit. Hactenus inter mundi principes incomparabili gratia, rex gloriose, regnasti, & cuius usque nunc honor, ad Regiæ celsitudinis apicem, magis ac magis accreuit: sed tibi proculdubio ad hanc experientiam, in qua deficis, referuato, & ob hoc à domino, quem deferis, derelicto, gratiaque penitus destituto: de cætero gloria in ærurnam & usque ad finalem halitum: honor in ignominiam conuertetur. Hanc itaque prophetica commi-

comminatione , quam vtinam exemplo Regis Niniue per pœnitentiam euacuasset: sententiamque mutari fecisset. Vir sanctus Regi nihil ex contingentibus omittendo: ter emisit, primo Londini: vt diximus: Deinde Doueriæ. Tertio vero apud Chino-
 10 nense castrum in transmarinis. Sed vtinam aut Patriarcha vir fuisset, non habens spi-
 ritum, & mendacium potius locutus esset: vel magis sententiam comminationis fuisset, pecunia secuta, quam dispositionum. Vt autem ad euidentiam maiorem paucis
 summam anticipemus: quæ per ordinem postea contigerunt: sicut à præcone verita-
 tis est propositum: sic vidimus in breui postmodum diuina dispositione completum. Cum etenim septem fere lustra regnando compleuerit: sex data sunt ei mundanam
 20 ad gloriam, ad conuersionis tolerantias ad deuotionis experientiam. Septimum vero
 tanquam seruo ingrato, tanquam abiecto prorsus & reprobato, cessit ad vindictam,
 cessit ad ærumnam: cessit ad ignominiam. Secundo namque septimi lustri anno, sta-
 tim in ipso tanti præconis aduentu (quoniam ante ruinam cor exaltabitur) primus e-
 iusdem, quem tanta diligentia procurauerat (de filio scilicet Ioanne in Hiberniam
 mittendo) pereuntibus opera pariter & impensa, conatus euauit, & ad plenum non
 profecit. Tertio, qui terras nunquam antea perdiderat: sed semper suæ ditioni po-
 terenter adiecerat: Philippo Francorum Rege (quanquam annis adhuc tenello) virili-
 ter in ipsum arma sumente, & damna paterna resarciende: Aluerniam fere totam a-
 misit. Quarto castellum Rad. & Berri fere totam. Quinto vero septimi lustri anno
 30 & ab aduentu Patriarchæ quarto, non solum Francorum Rege Philippo, sed & Picta-
 uensium Comite, simul cum ipso in patrem insurgente, vrbes Cenomanensem &
 Turonensem, cum castellis multis, & demum se ipsum. Iuxta illud psalmistæ. A facie
 iræ indignationis tuæ, quia eleuans allisisti me, & illud. Deiecisti eos, dum alleuaren-
 tur. & illud Gregorii. Quos diu Deus vt conuertantur tolerat: non conuersos durius
 damnat.

In crucis obsequia Principum signatio.

VERVNT AMEN ad amoris maioris meriti que palmam diuina forte dispositione
 Rex reseruatur. Quanto maius est diruta penitus reparare, quam ruinosam fulcire:
 30 lapsa suscitare, quam labentia sustinere: præcisa redintegrare, quam saucia sanare: de-
 structa reformare, quam debilitata firmare. Et quoniam

Hæc tunc quis nosset: felix si Troia fuisset?

At dux per præcepta gloria strauit iter.

Quanto grauior & instantior vrget aduersitas: quanto nebulosæ tenebrositatis & tur-
 bationis densior incumbit obscuritas: tanto luce clariore, strenuitatis gloria præful-
 gebit. Occulto namque Dei iudicio (sed nunquam iniusto) vix elapso post biennio:
 vel ad vlciscendam minus feruentem Orientalis Ecclesiæ deuotionem, vel ad exer-
 cendam & experiendam fidei feruore deuotam Occidentalium obedientiam paga-
 nis & Parthis de gente Christiana permessa est victoria. Vnde & illustri Pictaui-
 40 sium Comiti Richardo, in auris auditu primo, nec dum certa fama volante tam mise-
 rabilis casus nuncio, statim in vrbe Turonensi strenua deuotione cruce signato, &
 Cisalpinis Principibus tam nobilis ausus exemplo donato: prædictus Anglorum Rex
 Comitis pater, & Philippus Rex Francorum laudabili æmulatione, quamquam dis-
 cordes ad inuicem antea fuerint) eodem in loco, & eadem hora, apud colloquium
 Gifortii, persuadente, qui ad hoc venerat, Tyrensi Archipræsule (imo gratia de super
 inspirante) fauorem, cum multis & magnis tam populi quam cleri viris, vnanimi
 concordia, crucis signaculo sunt insigniti. Sicut autem ad Comitis exemplum Re-
 ges: sic ad Regum exemplar, Romanus Imperator Fredericus, nec non ad monita ve-
 nerabilis Albanensis Episcopi & Romanæ Ecclesiæ Cardinalis (illo cooperante, à
 50 quo sancta desideria, recta consilia, & iusta sunt opera) ad lætare Hierusalem, in curia
 illa magna (quam curiam Dei vocauit) in nobili vrbe Moguntina, cum maioribus Re-
 gni Teutonici ordinis vtriusque viris, crucem magnifice suscepit. Igitur ad tanti la-
 psum reparationem præ aliis cunctis, Anglorum (vt creditur) Rege reseruato, si victo-
 riosum vitæ labentis cursum, cum hac quoque tanta victoria, felici fine compleuerit:
 de ipso proculdubio famosum illud Merlini Ambrosii vaticinium constat
 esse complendum. Principium, inquit, eius affectui vago
 succumbet: & finis ad superos
 conuolabit.

Subi-

Subita Regum discordia.

C A P. XXVII.

REGES autem, & (longe forte peiore) inter Patrem & Comitem, hostis antiqui machinatione summiq; Rectoris (peccatis exigentibus) permissione: post tantam concordiam, ad detrimentum, & dilatorium laudabilis ausus impedimentum: subita suborta est, & inopinata discordia: tanquam ipsis indignis, aliis, diuinæ dispositionis intuitu, tantæ restorationis honor, debeat exhiberi. Aut forte iuxta Gregorii sententiam, aduersitas, quæ bonis votis obicitur, probatio virtutis est, non indicium reprobationis. Quis enim nesciat, quam prosperum fuit: quod Paulus ad Italiam vrgebatur: & tamen vehemens naufragium pertulit, sed navis cordis in maris fluctibus in-
regra stetit. Sic igitur, quoniam virtus in infirmitate perficitur, & aurum igne probatur: fidei constantia tribulationibus frangi nescia, more sinapis plus excrescet, & contra casus aduersos, contraque graues insultus fortior animi magnitudo resurget. Vtinam igitur cum fauore Plebeio, popularique plausu; cum viâ substantia iuste quæsitâ non extorta: largâ liberalique manu, & non contractâ; pura & elimata per pecuniam conscientia, Principes nostri in huius expeditionis aggressum proficisci meruissent. O quam mallem his, scilicet bona conscientia, & c. comitatos cum paucioribus Deoque placentibus viris: laboriosum hoc iter, sed gloriosum arripuisse, quam his sine, de multis & immensis pecuniæ thesauris, sed vndecunque congestis, de multitudi-
ne gentium infinita, sed non vnanimi, non concordî, hoc in agone superbire. Veteris
namque Testamenti percurrere seriem, ceteriora quoque respice tempora, & præcipue partium illarum exempla: semper inuenies non virorum sed virium: sed potius virtutum copia: diuinaque magis gratia quam humana potentia, triumphatum. Nam, vt ait Cassiodorus, populus armatus sine Deo: inermis est. Vnde Seneca. Non populorum numerus, sed paucorum virtus pugnam conficit.

De Friderico Imperatore.

C A P. XXVIII.

PRÆDICTIS itaque quatuor, vt creditur, Imperator Fredericus, quanquam Cispinorum Principum in signaculi susceptione postremus: in operis tamen executione, laudabili maturatione se primum exhibuit. Quem tanto cumulatior tam in cælis palma, quam in terris gloria dignum dixerim: quanto regnis amplioribus rebusque relictis, tantique imperii cura posthabita, terminum primo statutum, animosa constantia, non præterit.

Visio, & visionis expositio.

C A P. XXIX.

VNDE & visionem, quam super hac temporis nostri miseria, & crucis Christi contumelia, mihi miserrimo, mihi minimo (& tamen à Domino in hac visione visitato) ille reuelauit, qui interdum quæ abscondit à sapientibus, reuelat paruulis, hic euoluere præter rem non putaui. In illa igitur intestina & detestabili nimis Anglorum Regis, & Comitis Pictauensis, circa idem tempus emersa discordia, apud Chinnonense castrum cū Rege constitutus, 6. Id. Maii nocte in somnis & noctis hora quasi circa primum Galli cætum, visus sum mihi videre, turbam hominum multam, in cælum intuentem, & tanquam nouum aliquid admirantem. Eleuans igitur oculos, & suspiciens, quidnam esset, vidi intra nubium quarundam densitatem clarissimæ lucis splendorem erumpere: & statim separatis ab inuicem nubibus, tanquam inferiore hoc cælo ibidem ex parte referato: oculorum acie per fenestram illam ad empireum vsque transpenetrante, in multitudine multa, curia illa cælestis apparuit. Intentatis ei vndique armorum omnium generibus, in direptionem data, & tanquam hostibus ad mactandum exposita. Videas huic gladio caput, illi brachium amputari: Illos sagittis, cerninus peti. Illos lanceis comminus, illos sicis transpenetrari. Et cum intuentium multi, vel propter fulgorem nimium, vel propter rerum visarum seu terrorem, seu pietatem, proni in facies suas cecidissent: ad exitum rei videndum, visus sum mihi singula longe diutius aliis & diligentius intueri. Completa igitur in breui quasi de aliis cunctis victoria: Principem ipsum militiæ cælestis, tanquam in medio suorum & maiestate sedentem, sicut depingi solet, carnifices cruenti communiter inuadunt. Et vmbilico tenus à dextris illum à throno extrahentes: nudato pectore, dextrum ei la-
tus

tus lancea confodiunt. Et statim vox terribilis valde secuta est: in hunc modum.
 woch. woch. pater & filius: woch. woch. Spiritus Sanctus. Sed utrum desuper demissa, an à circumstanti populo prolata fuerit: hoc mihi datum est ignorare. Et sic mihi demum tam vocis huius, quam visionis terror experrecto, somnum excussit. Illum itaque testem inuoco, cui nuda & aperta sunt omnia, quoniam me statim in strato residentem, & hæc mecum anxie recolentem, tantus per dimidiam horam vel amplius, & tam vehemens carnis & spiritus horror inuasit: quod fere extra me factus, à mente transire, & dementiare timebam. Veruntamen ad vnicum illud salutis humanæ refugium promptissima deuotione recurrens, & signo crucis creberrimo tam frontem signans quam pectus muniens: sequentem noctis illius partem vsq; ad auroram duxi insomnem. Et sic diuina opitulante gratia tandem ad me reuersus, mihi demum plena securitate sum restitutus. Nunquam tamen ad animum nec etiam hodierno die absq; horrore magno visionem potui reuocare. Quid enim terribilius, quam à creatura cōspici ferro confodi creatorem? Quis cælorum ciues, Deiq; domesticos hominumque patronos, in cædem trahi videat, & turbari, non turbatus? Quis, inquam, ipsum naturæ dominū, & vniuersitatis figulum pati cōspicit: & non cōpatitur? Quid autem sibi hæc visio velit, & quid protēdere valeat, absq; præiudicio paucis absolutā. Qui olim in propria persona passus est pro suis: nunc iterum se pati significat, sed in suis. Et qui per crucis triumphum ad dexteram patris ascendens: regnum suum victoriosus intrauit: Illi iam hostes facti, in capite regnum auferre, maiestatem minuere, Ecclesiam subuertere nituntur, quam ipse sibi fuso sanguine comparauit. Ideoque ut arbitror, non in cruce, sed in maiestate apparuit hæc passio: tanquam cruce iam perditā, & de medio sublata: Illam, quam in cruce sibi acquisierat, hostes ei maiestatis gloriā auferre contendunt: vel potius in terra illa sacra, quam post tot, & tanta corporalis præsentia suæ sacramenta, demum proprio cruore consecrauit: fideles sui, non in cruce nunc, sed armis & bellico certamine passi sunt: sic suam ipse passionem istam, quam in suis quodammodo nunc sustinet, vbi in maiestate patri conregnat, non in cruce voluit, sed in armis & bellico tumultu declarari. Sicut & eodem supplicii genere quo Romæ passurus erat Petrus, se quoque passurum in Petro, testatus est ipse dicens.

30 Venio Romā iterum crucifigi. Totam itaque cælestem curiam cædi per compassionem simili strage designauit: suos volens ad vindictam vel tanti doloris ostensione prouocari. De voce autem illa à barbaris incipiente & in latina verba descendente, quid mihi videtur, edisseram. woch. woch. Teutonica lingua, quasi geminata dolentis interiectio est. Idem ergo sonat, ac si diceretur, heu, heu, pater & filius: Heu heu Spiritus Sanctus seu * vhe vhe. De iuncturæ namque ratione non discutio: dummodo sententia pateat.

Quod ergo inter tot linguarum genera, lugubris ille planctus à Teutonica lingua cæpit, & terminatus est in latinam: significare potest, quod præ aliis mundi nationibus, Teutonicæ tantum & latinæ linguæ populis eorumque Principi: Saluatoris nostri iniuria (sicut vindictæ declarat maturatio) molesta videtur. Absit enim ut de futura fidelium strage, & præcipue populorum eorundē in huius expeditionis aggressu: passio vel planctus intelligi queat.

Notabiles in Anglia & nostri temporis euentus.

C A P. XXX.

NOTABILES igitur nostri temporis in Angliam aduentus, & memoria dignos euentus, occasionaliter interserere, & quasi sub epilogo in medium deducere: ^{* detentorum vel detentoris.} non indignum reputaui. In primis itaque * detentio Anglicani Regni, contra legitimum hæredem Henricum Henrici primi Regis ex filia Matiltide nepotem: Inopinatus accidit casus; & primo tam militis insignis Eustachii Stephani Regis filii, & Generi Francorum Regis Lodouici: quam matris eiusdem Reginæ Matiltidis, & comitissæ Boloniensis subita in fata concessio. Deinde Stephani Regis Angliæ, & Henrici ducis Normanniæ concors ad inuicem facta est adoptio: & subsequenter Stephani Regis è rebus humanis exemptio. Reginæ Alenoræ desponsatio, & de corona in coronam translatio. Gloriosa statim Ducis in Regem sublimatio & HENRICI * SECUNDI coronatio. Nobilis castri Brugenſis supra Sabri- ^{* secunda.} num fluiuium obsidio: & militis egregii Hugonis de mortuo mari, terribili cunctis exemplo, ad deditionem compulsio: Quid plura? ad aspera complananda, & fortia confundenda, prosperis vbiq; casibus sicut Regni detentorum, sic subita pacis eius-

eiusdem turbatorum omnium, & tam fratrum primo, quam postea quoque filiorum
 euersio. Apud Venedociam bellica semper in incertum ludente fortuna, non absq;
 militum multorum in arcto syluestri iuxta Coleshylle, id est, carbonis collem dispen-
 dio, Principis Oenei subactio. Quamquam inutilis sumptuosa tamen & nobilis apud
 Tolosam expeditio. Inter Lodouicum Francorum Regem: & Henricum Anglo-
 rum Principem varia vtriusque partis deliberatione, frequens bellici certaminis al-
 tercatio. In Australis Cambriæ finibus, Anglorum Rege tonante, interuentu Oenei
 auunculi sui apud Pencader, id est, cathedræ caput, Principis Resi deditio. Apud
 Clarendunam Cantuariorum Archiepisculis Thomæ & suffraganeorum Antistitem,
 consuetudinum (quas auitas vocant) verbo tenus & scripto quoque (vt fertur) videtur
 non spontanea: sed extorta concessio. Tunc impletum esse videtur illud Merlini
 Ambrosii vaticinium. Et linguæ Taurorum abscinduntur. Apud Northampton, in
 Patrem cunis baiulum, & crucifixi iura tuentem, iniuriosa Curia totius conclama-
 tio: & eadem nocte, clandestina eiusdem in exilium discessio. Reginaldi Colonien-
 sis Archiepiscopi, & Imperatoris Cancellarii ab Imperatore Frederico ad Anglorum
 Regem transmissio. Qui inter nepotem Imperatoris Henricum, scilicet, tam Saxo-
 niæ Ducem, quam Bauariæ: & Primæuam Regis filiam Matildem, matrimonii con-
 trahendi suaser efficax factus est, & persuaser. Schismatis quoque, quo tunc Aleman-
 nica exorbitabat Ecclesia; factus incentor non obtentor. Contra Petri tamen Ca-
 thedræ Cantuariæque præfulem non longe post Regio edicto, publica per regnum
 peieratio. Nec mora, nuncii Ducis, tam Comes scilicet Guncelinus, quam alii præ-
 potentes Saxoniarum viri, propter filiam Regis in Angliam venerunt. Henrici tertii fi-
 lio Henrici in Cantuariensis Ecclesiæ præiudicium, celebrata Londoniis ab Eborac-
 ensi coronatio. Nuntii de Hispania Filiam Regis Alienor, Aufulso Regi Toletæ &
 castellæ legitime copulandam obnixè postulantes, & impetrantes aduenere. Der-
 micii in exilium depulsi: ad Anglorum Regem, & tam Stephanidæ primo, quam post-
 ea quoque Richardi Comitis in Hyberniam transfretatio. Apud Powisensem pro-
 uinciam nobilis Albi monasterii expeditio: & eiusdem non absque damnosa obsi-
 dum demembratione, & hostium complurium exterminatione, exuberante pluui-
 alium aquarum inundatione, indemnitas reuersio. Martyrium Thomæ. Crebra mira-
 culorum coruscatio. Nobilissimi viri, & in * vtrunque simul tam genii quam ingenii,
 tam * animi quam atavi nobilitate præditi, & Regia stirpe præclari, Henrici Gwyn-
 toniensis Episcopi apud Gwyn-toniam fœlix decessio. Regis in Hiberniam excursus.
 conspiratio tam procerum in Principem, quam filiorum in parentem duorum Cardi-
 nalium in Normanniam aduentus, vt de Martyris morte scrutinium facerent. Regis
 Reuersio, & tam subita ab Hibernia in Cambriam: à Cambria in Loegriam: à Loeg-
 ria in Normanniam transuolatio: & repentina tam Cardinalium quam Francorum
 Regis complacatio. Prima Regis Iunioris cum duobus fratribus suis in Franciam à
 patre discessio. Belli biennalis & plusquam ciuilibus inaudita Regis & inopinata tam
 de hostibus victoria, quam de victis iniuria: sicut in fine prioris libri ante Regis de-
 scriptionem de captis tam Cestriæ comite, quam Leycestriæ: nec non & Albanæ Re-
 ge, dilucida breuitate declarauimus. Huguntionis Petri Leonis tituli Sancti Angeli
 Cardinalis in Angliam transmissi legatio: sub quo totius Angliæ cleri Concilium
 Londoniis conuocatum: propter contentionem inter Archiepiscopos ibidem obor-
 tam: Richardum scilicet Cantuariensem, & Rogerium Eboracensem: de Primatiz
 dignitate, & prima Cathedrarum sede, allegatis demum hinc inde tam pugnis, quam
 baculis & virgis, aborsum fecit. Nuntii Guillelmi Regis Siculi, tam Episcopus scili-
 cet Capuanus, quam Diaferus electus Troianus, necnon & Comes Florius, propter
 Ioannam Regis filiam iuniorem suo Principi copulandam, aduenere. Nuntii Regum
 Hispaniæ, Castellæ scilicet & Nauarræ: qui super terris quibusdam & castellis, vnde
 inter ipsos magna fuit orta contentio, se Anglorum Regis arbitrio * standos firmiter
 compromiserant, in Angliam venerunt. Vnde & Rex conuocatis in vrbe London.
 viris peritis & sapientibus Regni totius ordinis vtriusque viris (quoniam causarum
 merita, partium assertione panduntur) auditis hinc inde vtriusque partis allegationi-
 bus ab aduocatis & causarum patronis vtrinque peroptimis. Quorum vnus tamen
 inter alios famosissimus Petrus scil. Kardonensis (qui ex parte Nauariæ principis ve-
 nerat) mira eloquentia longe præpolluit. Rex sapienti fretus consilio, media statuens
 incedere via: litem dirimere transactione curauit: vt aliquo dato, aliquo ve retento,
 iactura neuter læderetur enormi. Sed sicut ab vtroque fuerat Iudex electus: sic de
 vtriusq;

* vtriusq;
 * ani.

* staturos.

utriusque (si fieri posset) factus indemnitatis sollicitus. Igitur transactione formata: & in scriptum redacta, ad cautelam princeps, iudiciale quoque scripsit examen. Ut si forte pars alterutra transactioni stare recusaret: demum definitiva sententia lis dirimeretur. Aduentus Lodouici Francorum Regis in Angliam: qui Cantuariam peregre profectus, Martyris egregii (quem in vita suffragiis exilii tempore tanta diligentia sustentauerat) eiusdem in morte suffragia deuote postulaturus accessit, & Scypho aureo tam artis quam materię maiestate non infimo, in loco vbi sacrum corpus reconditum erat, decenter oblatō: cum ad Martyris tumbā prostratus aliquantulum declinasset: & in dextro lateralis marmoreiq; lapidis foramine, * apertum coronę caput *
 10 diutius apposuisse: demum ab oratione resurgens, vt peregrinationis suę memoriam perpetua largitione muniret: astantibus Anglorum Rege, Flandrensiū comite, nec non & loci eiusdem tñ Archipręsule q̄ conuentus priore, cum aliis viris magnis: Cantuariensi cœnobio centū vini modios annuatim impendit. Secunda discessio Regis Henrici Tertii, & comitis Gaufridi, & mors inopinata Regis Iunioris apud Marsiliā. Aduentus Colonienſis Archiepiscopi Godefridi cum Philippo Flandrensiū Comite, Cantuariā peregre profecturi. Mors comitis Gaufridi. Aduētus Eraclii Patriarchę: & prima Ioannis filii Regis in Hiberniam transfretatio. Hęc igitur fere omnia sicut per ordinem sunt hic disposita: sic non longis ab inuicem temporum interstitiis, nostris diebus acciderunt, & annorum spacio quasi 33.

- 20 O quam feliciter successisse probauerim, si ille, cuius ad gloriam hęc propemodum cuncta contigerant: quem adeo quasi blandiendo in singulis fortuna (si quid tamen fortuna est) in tot articulis tam fortunate prouexit, vitę temporalis comœdiam felicità fine compleuerit: & duplicata imo multiplicata fauoris gratia: à tanta terrestri gloria transire valuerit ad æternam. Hoc autem facile fieri potuisse coniecerim, si ad nobilem illam Christi vocationem (qui, quasi pro tantis gratiæ suę muneribus in terra collatis, remunerari petiit & in terris) citra lapsus omnes & dilationes statim obtemperando, se promptum ac deuotum ostēdisset. Et qui per sex lustra mundo tam glorioſe regnauerat, septimum saltem illud videl. tantillum temporis, vel si amplius forte indultum fuerit: residuum totum Deo dicādo Christo regnasset, Christi
 30 tianitatiq; toti in laudem & gloriā vtrāq; tam terrenā quam æternā, feliciter militasset. Res etenim regię semper hactenus ad glorię cumulum continuo in incremento steteret. Abhinc autem variata sorte paulatim retro sublapsa, multa præter solitum damni detrimenta sensere. Spectandum quippe est viro prudenti, quia fortunę fauor instabilis & rota volubilis. Cuius experientiam virentis ætatis viri perpauci: longæui vero temporis, vix vllus euadit. Quid enim Pompeii Magni gloriā extinxit, qui tot in orbe triumphis excelluerat: tantam in vrbe excellentiam obtinuerat: vt (quod annorum accidit antiquitate) vt ipsum qui summos olim dignitatis gradus ascenderat (quos nec vltra sublimari, nec in ipsis diutius stare permissum fuerat) ab alto necesse fuerat ad ima corruere. Vnde post tantam Dictatoris & optimi ciuis emi-
 40 nentiam, post multas & crebras varia de gente victorias, tanquam fastidiente iam desertus à fortuna tam occidentali tandem quam Orientali demum pulsus imperio: vir olim victoriosus postmodum ignominiose victus occubuit: & è diuerso, Vnde Poeta Lucanus:

*O faciles dare summa Deos: eademque tueri
 Difficiles.*

- Quid Iulio, quid Macedoni Alexandro, tam amplis laudum titulis gloriā in æuum accumulauit: nisi quod in axis culmine, nisi quod in arce victorię iam cōstitutus: fortunę malitiā, volubilemq; descensum maturata morte præuenit vterq;. Spectādum quoq; est: & semper in animo principi fixum habendum: quoniam clemens ille plas-
 50 mator omnium, & gubernator, quanq̄ longanimis sit expectator, puta conuersionem peccantium plus appetens: quam euerſionem. Tamē sicut conuerſis & correctis pius indultor: sic peruerſis & pertinacibus in terris plærumq; pœnam inchoans, grauis est vltor & punitor.

Ioannis filii Regis in Hiberniam excursus primus.

C A P. XXXI.

PRÆPARATIS igitur & expeditis ad tantam expeditionem patris opera necessariis: Ioannes Anglorū Regis filius, natu iunior, translato in ipsum Hibernici regni dominio, sequēte quadragesimali tempore, per maritimam Australis Cambrię viā ad Meneuię partes tendens, & Pembrochiam veniens: virum quoq; magnificum Ra-

Yyy

nul-

nulphū Glanuillensem Principalem & præcipuum Regis ac Regni tunc consiliarium, & Angliæ totius Iusticiarium, usque in nauem ipsam deductorem habens, 4. paschali die, Euro ad vota spirante, pulcherrimam in Miluerdico portu constitutam, classem ingreditur, ob præmaturum auræ fauorē, venerabili Mencuensi Ecclesiæ, omne sinistro, prætermissa. Vespero vero se mari committens: circa meridiem mane maris permenso spacio cum militibus quasi * 300. satellitibus quoque equestribus & sagittariis multis, apud Waterfordiam applicuit. Transmissi sunt cum ipso, & eodem nauigio, Clerici plures, quorum vnus specialius à patre cum filio directus: naturalis historiæ diligens perscrutator, per biennium tunc in Insula & ante moram faciens, tanquam precium laboris & præmium, tam libri vaticinalis, quam Topographiæ, secum materiā reportauit. Quam & in Brytanniam postmodum, inter ipsas tamen Curie curas, quinquennali studio digerens & disponens Topographiam triennio: Vaticinalem historiam biennii labore compleuit. Posteris lectionem, præsentibus liuorem, illis delectationem, istis detractionem, illis beneficium, istis odium præstans.

Tam Stephanida quam Comitum: nec non & Regis commendatio, quam excusatio.

C A P. XXXII.

STEPHANIDES itaque Comiti, Comes Regi, Rex filio Ioanni dux & præuius, viam præbuit & ducatum. Multum ergo contulit, qui ausu nobili, principium dedit. Multum qui quasi medium nectens: laudabili augmentum principio dedit. Longe plus aliis, qui toti negotio consummationem simul & auctoritatem adhibuit. Hic autē mihi notandum videtur: quod Stephanides & Comes Dermotum, ille fidelitatis, iste filiaratione iuste restituentes: eiusdem iure suffulti, à prædonum iniuria, quoad Lageniam, longe distare noscuntur. Quoad Waterfordiam vero, & tam Desmonia, quam etiam Mediæ partes insolenter occupatas: comitem non excuso. Comes autem quintæ portionis insule (quæ ipsum coniugis ex parte contingebat) in Anglorum Regem, ius & dominium plene transfudit. Residui vero principes eidem se statim sponte subdētes, eidem ius irrefragabile contulerunt. Vnde & prætermisissis prius assignatis, tam nouis quibusdam quam antiquis: Ex iis etiam liquido pateat, Anglorum Regem & gentem, non tanta iniuria insulam intrasse, quantum somniant imperiti.

De mora & impedimentis plenæ perfectæque conquisitionis.

C A P. XXXIII.

FÆLIX igitur hæc Insula, & de fine in finē fortiter olim ac feliciter subacta: castrorumque municipiis à mari usque in mare locis idoneis vndique constructis, in formam simul & normam absque difficultate redacta: si non primis præcursorum aduentibus regio fuisset edicto præcisa sequela: vel potius animosum Regis excursum, si ab usu nobili tam præmature intestina conspiratio non reuocasset. Felix quoque si vel digne pensatis virtutum meritis, viris ab initio virtuosus & validis cura regiminis, & rerum tradita summa fuisset. Gens etenim, quæ in primis nostrorum aduentibus tantæ nouitatis euentu stupida fuerat, & consternata: subitaque sagittarum vulnera, & armatæ militiæ, robur vehementer exhorrens, per moram (quæ periculum ad se trahere solet) per longam & languidam expugnationis dilationem, per procuratorum & præsidum (de quibus securitas, & nulla strenuitas) tam ignorantiam quàm ignauiam, usu pariter & exercitio sagittis & armis paulatim edocta & assueta: nec non & Martiis tam insidiis quàm cautelis, per mutuos & crebros cum nostris belli conflictus, & successus plurimos instructa: quæ de facili in primis confundi poterat, processu temporis fortior ad resistendum est effecta. Quippe lege libros Regum, lege Prophetas, totam percurrere veteris Testamenti seriem: familiaria quoque respice nostri temporis nostrorumque finium exempla: nunquam inuenies gentem aliquam nisi peccatis exigentibus expugnatam. Vt igitur gens Hibernica quæ (delictis vrgentibus & spurcitiis) aduenarum incursum meruit expugnatione turbari: nondum tamen, offenso Iudice summo vel omnino meruit subiici vel deleri: aut Anglorum populus gentis ex parte subactæ, & seruire paratæ, non dum plenæ subiectionis imperium, & tranquillæ seruitutis obsequiū, potuit ex meritis obtinere. Igitur in bellici certaminis exercitio (diuina forte vindicta) populo diutius utroque statuto: adeo neuter ex toto, vel meruisse gratiam, vel demeruisse videtur, ut nec ille ad plenum victor in Palladis hastenus arcem victoriosus ascenderit: nec iste victus omnino plenæ seruitutis iugo, colla submiserit. Cum enim quatuor Hibernici prophetas habere dicantur: Molingum, Braccanum, Patricium & Columkyllum (quorum etiam apud illos libri adhuc extant Hibernice scripti)

scripti de hac expugnatione loquentes omnes testantur eam crebris conflictibus longoque certamine multa in posterum tempora multis cedibus sceleratam. Sed vix parum ante diem iudicii, plenam Anglorum populo victoriam compromittunt: Insulamque Hibernicam de mari usque ad mare ex toto subactam, & incastellatam. Et quanquam Anglorum populum antea pluries bellici discriminis in Insula vices experiendo turbari cōtingat, & debilitari (sicut Braccani testimonio, per quendam Regem de desertis Patricii montibus vēturum, & nocte Dominica castrum quoddā in nemorosis Ophelanię partib⁹ irrupturum; Omnes fere Anglici ab Hibernia turbabuntur) eorundem tamē assertione, Orientalia Insulę maritima continue semper obtinebit.

10

Brevis gestorum recapitulatio.

CAP. XXXIV.

DE trium itaque castrorum in primo statim Ioannis aduentu constructione, primi scilicet apud Tibractiam: secundi apud Archphthnan: Tertii apud Lismoriam. De trium quoque nobilium adolescentum, satis aduersis & auersis, interemptione: Roberti Barrensis apud Lismoriā: Reymundi Hugonidę apud Olechan. Reymundi Kātītinentis apud Odranam. De parte quadā Archphinenfis familię in sylua Archphinenfi à Limericensium Principe natali Baptistę die & 4. militibus non citra tutelam militariē interemptis confecta. De Archphinenfis iterum in prędę captione versus Limericum confectis, & 19. militibus confectis. De Principe Desmonię Dermotio Macharthy cum aliis non paucis in colloquio prope Corcagiam, à Corcagiensibus & Theobaldi Gualteri familia ferro peremptis. De Keneleonensibus cum eorum Principe in Medię sinibus, quos nimis insolenter inuasent, à Medensium viris (pręsidente Guilielmo Modico) gladio sublati, & centum capitibus Dubliniā transmissi. De nobilis thesauri, trium videl. corporum Patricii, Brigidę, & Columbe, apud urbem Dunensem inuentione, & eorundem, procurante Ioanne de Curci, translatione. De Hugonis de Lacy à securibus male securi, dolo Hiberniensium suorum apud Dernach decapitatione. De 13. nobilium militum in reditu à Connactia sub Ioanne de Curcy interemptione. De iuuenis egregii Rogerii Poerii dolosa plurimum & dolenda, cum suorum multis, apud Ossyriam interemptione, & eiusdem casus occasione, clandestina quoque totius Hibernici populi in Anglos coniuratione, destructis castris pluribus, graui Insulę vniuersę perturbatione, non indigna memoratu singula, translato in filium Regis iam Regni dominio: sua suorumque gesta suis assignando scriptoribus, ad vltiora simul & vtiliora festinamus. Qualiter autem & quibus ex causis primus hic filii Regis labor ad vota non profecerit: tantoque conatui fortuna condigne non responderit, paucis absolvere non inutile reputavi. Vt finalis hic adiectio, quanquam de pręterito non medela, fiat tamen vel de futuro cautela.

Sinistri casus occasiones. De aduentu Ioannis filii Regis in Hiberniam.

CAP. XXXV.

PRIMA itaque causarum omnium dixerim & pręcipuam, quod cum Rex pater ad tantam vocationem per Patriarcham, vt dictum est, iam factam, in propria statim persona profectus fuisse: vel saltem aliquem filiorum pro se in Christi obsequium prompta deuotione misisse debuisset: eodem tantę citationis tempore, & in ipsa quoque tanti legati tantique pręconis pręsentia: hunc filium suum non in Orientem, sed in Occidentem, non in Saracenos, sed in Christianos, quę sua sunt quęrentem non quę Iesu Christi, sumptuosa magis quam vtili expeditione transmisit. In ipso igitur aduentu filii Regis in Insulam, occurrunt ei apud Waterfordiam Hibernici de partibus illis viri non infimi, fideles hactenus Anglis & pacifici: tanquam Domino congratulantes, & eum in osculo pacis suscipientes. Qui statim à nouis nostris & Normannis in despectū & derisum habiti, per barbas quoque (quas more patrię, grandes habebant & prolixas) quidam ex eis minus decenter sunt tractati. Illi vero quantocyus in suā recepti libertatem, cum suis omnibus se longe retrahentes, & ad Regem Limericensium se transferentes, tam ipsi quam Corcagiensium Principi, nec non & Rotherico Connactensi, quę apud Regis filium inuenerant, cuncta per ordinem propalarunt. Adolescentulum ipsum, solum adolescentum agmine stipatum: Iuenculum ipsum, solo consilio iuuenili datum: nullam prorsus maturitatem, nullā ibi stabilitatem, nullam Hibernicis securitatem, promittentes. Quibus auditis, tres principales tunc tēporis Hibernię postes, Limericensis, Connactensis, & Corcagiensis, qui filium Regis adire;

Yyy 2

cique

eique subiectionem profitendo se debitæ subiectionis modis astringere iam parati fuerat minoribus ex malis maiora futura coniectantes: & cum bonis & pacificis viris hoc acciderit, quid in superbos atque rebelles statuendum fuerit, secum disputantes: ad resistendum potius & antiquæ libertatis sub capitū discrimine iura tuendū, vnanimi voto conspirant. Et vt hūc plenius affectum perducere possint ad effectum: vinctis vndiq; fœderibus, de nouo fiūt ex hinc amici, qui antea fuerant inimici. Quod scimus loquimur, & quod vidimus, testamur: quia primos à nobis insolēter repulimus, (quoniam frangit Deus omne superbum) tam illos quam maiores vniuersos, eo exemplo procul abterruimus. Gens etenim hæc (sicut & natio barbara quæuis) quamq̃ honorē nesciant, honorari tamen supra modum affectant. Et quanq̃ falsitatis argui non vere- 10 cundetur nec vereantur: fallarios tamen aspernādo, & veridicos approbando, bonum q̃ in aliis diligunt, minus in se reperiri non erubescunt. Quantum vero mali ex insolentia proueniat: exemplo quoq; Roboam filii Salomonis sapiens intelligat, & per alieni exemplar incommodi, fugienda declinet. Qui quoniam iuuenum consilio, populo suo iuueniliter respondit, dicens: Digitus meus grossior est, quam spina dorſi patris mei: & si ipse vos cecidit virgis, ego vos cædam scorpionibus: 10. tribus Hieroboā adhæretes, à se repulit: & eadē factō in populo schismate irreuocabiliter amisit. Ad hæc etiam terras Hiberniensium nostrorum, qui à primis Stephanidæ, q̃ Comitis aduentibus nobiscum fideliter steterant: nouis nostris cōtra promissa contulimus. Qui ad hostes se transferendo, exploratores in nos, & vice versa, viæ duces sunt effecti. Tā- 10 to quidē ad nocendum efficaciores: quanto prius fuerat familiariores. Vrbium quoq; maritimarum & castrorum custodia, cum terris adiacentibus, & tributis, quæ in publica Regni cōmoda, & hostium grauamina dispensari debuerant, talibus est assignata: qui aurum assidue inter muros aucupantur, iugi crapulæ temulentiaq; dati, cum ciuium non hostium damno, cuncta inutiliter consumebant. Accessit, & aliud inter incommoda: q̃ in ipso filii Regis aduentu statim in terra hostili & Martiali, terra rebeli & aspera, terra nondum seruire parata: curam regiminis, cum militiæ principatu viri susceperē, plus Mercurii, q̃ Martis habentes: plus togatæ militiæ, quam armatæ: plus in ciues explorationis, quam in hostes expugnationis. Viri, inquam, & Marchiones Aldelmi filio per similes. Sub quo Cambria simul & Hibernia vtriq; præsidēte destrui 30 dolet, & deleri: viri quippe nec se subditis fideles, nec hostibus formidabiles exhibentes: illud nobilis animi proprium nec nouerant, nec innatum habuerant, Parcere subiectis, & debellare superbos: sed potius econtra: Hostib. illēsis semp̃ spoliare subactos. vnde accidit, vt nec hostilis patriæ depredatione, nec crebra castrorum cōstructione, nec syluestrium semitarū (quas vulgariter malos passūs vocant) contractis arboribus & distractis, ad comitantium securitatē ampliatiōe: statum firmiorem insula suscepit. Stipendiaria quippe familia, suos imitata magistros: suis maioribus morem gerens: vino veneriq; data, maritimis in vrbibus morā assidue faciebat: terrisq; penitimis, hostiq; ppinquieribus (q̃ Marchiæ dicuntur seu potius à Marte Martiæ dicuntur) omnino destitutis, & tā viris quam castris in medio constitutis, cædib. incendiis, & citratu- 40 telam omnē dep̃dationi datis. Antiqua vero militia, nouorū ingruente malitiā tanq̃ vilis & reprobata latuit interim & siluit. Tantæ intemperantiæ & repestuosæ p̃cellæ finales euent⁹ æquanimiter expectādo. Interim autē Insulæ status hic erat: vbiq; luctus, vbiq; clamor. Omnes viæ factæ sunt inuiæ. A securibus nulla securitas, quotidie noui rumores, nouā nostræ gentis ruinam nuntiantes. Hæc exterius agebantur. Sed solū in vrbibus, pacis vtrinq; seruari vmbra videbatur: Baccho solatiū dante, & auro, qui quid vbiq; delinquebatur, deliniente. Præterea quanquā hostilitatis instante procella, armatæ militiæ tempus ingruerit nō togatæ: tanta tamen ciuiliū causarū urgebat importunitas, vt miles veteranus nō tam cum hoste foris, quam intus foro vexaretur. Sic itaq; nostris ad impugnandum iam pusillanimis effectis, hostibus autem ad rebellan- 50 dum audacissimis: sub hac regiminis forma, se res habuere: donec reprobat⁹ iterum nouis tanquam rerum ignaris (ne dicam ignauis) summus Princeps antiquos, & olim vſitatos in Insulæ istius expugnatione viros probare disponens: Ioanni de Curcy summam rerum gerendarum nostrarum commisit. Sub quo in primis tanto regnum ampliore cæpit pace gaudere: quanto Ioannes armis & animositatē præcellebat. Puta, qui penitimas terræ partes tam Corcagiæ, scilicet, quam Conactiæ fines statim audacter transpenetrādo, familiamq; desidia torpescere nō dimittendo, cū creberrimo nunc suorum nunc hostiū damno varias fortunæ vices, & semper incertā bellici certaminis aleā, tentare non formidauit. Qui vtinā tantum Ducis, quātum militis habens: tam

tam prouidentiae ducalis, quam audaciae militaris excellentia preualuisset. Accessit & incommodum omnium maius quod Ecclesiae Christi in nouo principatu nostro, nihil de nouo conferentes: non tantum principali largitione, debitoque dignam honore non iudicauimus: quin imo terris statim sublati & possessionibus, pristinas eidem dignitates, & antiqua priuilegia, vel mutilare contendimus, vel abrogare. Cum igitur super vniuersis, quae nobis acciderant, mecum non mediocriter anxius extiterim, & praecipue super hac Saluatoris iniuria, suspiriose mihi multoties cogitationes in animum ascenderint: nocte quadam in somnis (ex reliquiis forte cogitationum) visionem vidi: quam & in crastino statim Venerabili Dubliniensium Archiepiscopo Ioanni, non absque vtriusque admiratione propalauimus. Visus enim sum mihi, videre filium Regis Ioannem, in viridi quadam planitie, tanquam Ecclesiam fundaturum. Cumque metantium more cespitem vndique signando, terrae faciem linealiter aperuisset: fabricam Archetypam sensili quodam modo circumponens: tandem corpus Ecclesiae signatione posterior aliquantulum capax: Presbyterium autem enormiter arctum apparuit, & informe. Tanquam Laicorum in Insula partem non modicam: Cleri vero minimam efficere potuisset. Cumque satis ibidem, ut videbatur, super eidem adiicienda, tam amplitudine maiore quam forma digniore, frustra tamen disputauerim: ipsa tandem contentionis anxietas, expectato somnum excussit. Tot igitur excessus, & tanti licet vtrisque plurimum: plus tamen prauis consiliis, quam puerilibus annis sunt imputandi. Terra quippe rudis adhuc, & prorsus informis: eruditus & maturis ingeniis informanda fuisset. Si enim regio quauis, quanquam statum olim sortita laudabilem: cum puero principe regitur, maledicta censetur: quanto magis cum rudis & informis, rudi traditur & informando? Quod autem prauis praecipue consiliariis tanti defectus essent imputandi: murmur quidem erat, inter minores, & quasi certum etiam apud maiores, & discretiores. Quidam enim qui per amplas regni terras in primis, & fertiliores olim habuerant, ac fructuosiores: vel in feodum minus prouide datas, vel etiam magnis ex partibus occupatas, quique ad singulare forsitan regni dominium, propter occupationes Regis & suorum nimias, nonnunquam aspirauerant: ut res ad vota non procederet (nec fidem patri debitam, nec filio fidelitatem fidei sacramentique: nec non & homagii vinculo praestitam, & quanquam triplici, soluendo tamen ex facili * respicientes) procurasse videbantur.

* respicientes.

De tripartita familia.

DENIQUE tripartita nobis in primis familia fuerat: Normanni, Angli, Nostri in Hibernia reperti. In summa familiaritate primos habuimus: in minori, medios: in nulla postremos. Primi vino, quo nutriti fuerant, carere non valentes: in remotis marchis & castris procul à mari constructis, moram facere modis omnibus recusabant. Solum filii Regis latera stipare: solum filio Regis inseparabiliter assistere, procul ab inopia, non procul à copia: poni cupientes: verbosi, iactatores, enormium iuramentorum authores, Aliorum ex superbia contemptores. In stipendiis & donariis sumendis promptissimi. Denique ad honorem suscipiendum semper primi: ad onus sustinendum semper vltimi sunt reperti. Quoniam igitur antiqua Insulae militia (cuius aggressu via nobis in Insulam data fuerat) quasi suspecta, quasi repudiata: solum nouis consilia communicantes: solum nouis fidem habentes, solum nouos dignos honore putauimus: effectum est, ut illis se retrahentibus, & inuitis operam non ingerentibus, in cunctis agendis parum isti profecissent.

Qualiter Hibernica gens sit expugnanda.

CAP. XXXVI.

IN qualibet nimirum expeditione (sicut artificii credendum in sua arte) sic horum praecipue standum est arbitrio: qui circa similia patriae negotia conuersati diutius & vsitati: mores gentis & modos agnoscunt. Quorumque magnopere refert, ut gens inimica, quarum ex crebris belli diutini conflictibus, hostilitatem plurimam, & odium implacabile contraxerunt: eorundem opera vel debilitari possit, vel deleri. Foelices quoque dixerim Cambriae fines, quos Anglorum gens inhabitat: si Rex eorundem in partibus illis gubernandis, & propulsandis inimicae gentis iniuriis, hac olim vsus arte fuisset. Noui vero quanquam in terra sua, milites egregii fuerint, & armis instructissimi: Gallica tamen militia, multum ab Hibernica, sicut & à Cambrica distare noscitur. Ibi namque plana petuntur, hic aspera: ibi campestria, hic siluestria: ibi arma ho-

Yyy 3 nori,

nori, hic oneri: Ibi stabilitate vincitur, hic agilitate: Ibi capiuntur milites, hic decapitantur: ibi redimuntur, hic perimuntur. Sicut igitur vbi militaris acies de plano cōueniunt: grauis illa & multiplex armatura, tā linea scil. quam ferrea, milites egregie ornat & munit: sic vbi solum in arcto configitur; seu loco syluestri seu palustri, vbi pedites potius, quam equites locum habent: longe leuis armatura præstantior. Contra inermes namque viros (quibus semper in primo statim impetu, vel parata est statim vel perdita victoria) expeditiora satis arma sufficiunt, vbi fugitiuam & agilem per arcta, vel aspera gentem, sola necesse graui quadam & armata mediocriter agilitate cōfundi. Cum illa nimirum armatura multiplici, sellisque recuruis, & aliis difficile descenditur: difficilius ascenditur: difficillime cum opus erit, itur pedibus. In omni igitur expeditione siue Hibernica, siue Cambrica, gens in Cambriæ marchiis nutrita, gens hostilibus partium illarum conflictibus exercitata: competentissima est puta fortissimis & formatis à cōiūcto moribus audax & expedita (cum alea Martis exegerit) nunc equis habilis, nunc pedibus agilis inuenta: cibo potuq; non delicata, tam Cere quā Baccho, caulis vrgentibus, abstinere parata. Talibus Hibernia viris, initium habuit expugnationis: talibus quoq; cōsummabilis finem habitura conquisitionis. Vt igitur singula quęq; locum teneant, fortita decenter: contra graues & armatos, solumq; virium robore, & armorum ope cōfisos, de plano dimicare, victoriamq; vi obtinere cōtendentes, armatis quoq; viris & viribus opus hic esse procul dubio protestamur. Cōtra leues autem & agiles, & aspera petentes; leuis armaturæ viri, taliumque præsertim exercitati congressibus adhibendi. In Hibernicis autem conflictibus & hoc summo pere curandū: vt semp sagittarii militaribus turmis mixtim adiiciātur: quatenus & lapidū (quorum ictibus graues & armatos cominus appetere solent, & indemnes agilitatis beneficio, crebris accedere vicibus & abscedere) è diuerso eminus sagittis iniuria propulsetur. Præterea pars terræ citerior vsq; ad* Simem fluuiū (qui tres Insulę partes orientales, à quarta & Occidentali separat & secernit) crebra castrorum constructione stabiliatur, & muniatur. Vltior vero quę Connactiam simul & partem Momoniæ, trans Sinnenum, præter urbē Limericensem (quę modis omnibus expugnāda est, & approprianda) annuis auri tributis interim arceatur. Satius enim est, & longe satius paulatim primo locis idoneis castra conferere, & quasi pederentim in eorundem constructionem procedere, quam interuallis distātia magnis variis passim locis multa construere: neq; inuicem sibi vel cohærentia, vel necessitatis articulis opitulantiā.

* Sinnenum.

Qualiter gubernanda.

C A P. XXXVII.

GENS itaque fidei tenerrimæ, nec leuis minus animo quam corpore: sic expugnāda, sic expugnata, modolato regimine gubernanda. Constantis & vindicis animi viris, curæ committantur: qui & pacis tempore, dum legibus obtemperat, & seruire non recusat: ipsam interim stabili conuentione deliniat & honore præueniat. Cum autem innatæ leuitatis vitio, à pace resilire præsumpserit: dissimulata prorsus mansuetudine, continuo iniuriam vindicta sequatur: Cum iterum ad pacem reuersi fuerint: condigna delicti satisfactione secuta (quoniam post inimicitias iræ meminisse, maiorum est) quamdiu fæliciter steterint: dissimulata prorsus iniuria, pristina statim tam securitate gaudeant, quam honore. Quatenus tam ad obsequendum, quam pacis bona sequendum, & præmium inuitet: & à temerariis ausibus, securura semper pœna deterreat.

Porro qui ista confundunt, in delictis deferendo, in obsequiis deprimendo, in guerra blandiendo, in pace depredando imbelles spoliando, rebelles venerando, (sicut plerosque vidimus) hi confusa sub se cuncta reddentes, demum & ipsi confunduntur. Præterea (quia minus ea lædere solent, quæ prævidentur) pacis tempore contra imminētia Martis incommoda, tam castrorum cōstructione, quam syluestrium viarum ampliatiōe, vir prudens præmuniatur, & præparetur. Semper enim insidias sub pacis fūco, gens hæc inimica molitur. Vnde & quoniam expedit, alienis in malis fugienda intueri (quippe indemnis est castigatio, quam prædocent exemplaria) insignium virorum exemplo, tam Milonis Coganensis, & Radulphi iuuenis egregii, quam Hugonis de Lacy: nec non & Rogerii Poerii: nunquam à securibus sit vlla securitas. Nam vt Topographia testatur: Nationis subdolę longe fortius timenda est ars, quam Mars: pax quam fax, mel quam fel, malitia quam militia, proditio quam expeditio: amicitia præfucata, quam inimicitia despicata.

Item,

Item, vt ait Euodius: Ruina præcedentium posteros docet, & cautio est semper in reliquum, lapsus anterior. Quoniam igitur abundans in his cautela non nocet, quinimo vix sufficit etiam exquisitissima: statim vt gens hæc plenæ subiectioni colla submiserit: ad modum nationis Siculæ, edicto publico, graui quoque transgressionis poena statuta: ab armorum omnium vsu procul arceatur. Interim autem illud detestabile prodicionis instrumentum, quod de antiqua, imo iniqua consuetudine semper in manu quasi pro baculo baiulant, pacis nunquam vel loco vel tempore gestare præsumant. Denique quoniam Brytanniæ Reges prædicto tenore multiplicato Hibernia iure contingit: & quoniam insulæ istius absque commodis & commerciis illa nequaquam subsistere potest: non indecens esse videtur, in auro vel auib, quibus abundat, huic tributariam illam constitui, vt sic in posterum cuncta grauaminis atque discordiæ submoueatur occasio. Et quoniam tempora transcurrunt, & vltra gradus omnes linea sanguinis in æuum extenditur: annuo tributo, tanquam perpetuo Chirographo, in Britannici perennem tam regni, quam Regis honorem, expugnationis huius memoria retineatur.

Finem igitur hic historiæ ponentes: dum ea, quæ scimus, loquimur, & quæ vidimus, fideliter testati sumus: nouis de cetero historicis tam indolis egregiæ, gesta futura digno coæquanda, explicandaq; stylo, nunc relinquamus.

20 PROOEMIUM SECUNDÆ EDITIONIS,

*Et correctoria Regi Anglorum Iohanni facta, Et dedicata,
eodem auctore.*

REVERENDISSIMO Domino suo: & in Christo dilecto: Nobili & Illustri Anglorum Regi Iohanni: Domino Hiberniæ, Duci Normanniæ & Aquitanniæ, & Comiti Andegauensi: Giraldus opus suum, & cum corporis animæque salute, prosperos in terris ad vota successus.

Placuit olim Excellenti & Magnanimo Regi Henrico patri tuo, me in Hiberniam à latere suo vobiscum transmittere. Vbi cum multa notarem noua quidem & notabilia: ceterisque regnis aliena prorsus & incognita; materiam ibidem cum diligentia colligens & congerens: Hibernicam postmodum in Anglia Topographiam de mirabilibus Hiberniæ scilicet, & situ eiusdem librum edidi, & in patris tui laudem triennii labore digessi. Cui quoniam labor hic placuit, utpote principi (quod nostris rarum est diebus) literarum eruditione conspicuo: ad ipsius postmodum instantiam super expugnatione regni eiusdem hac vltima per ipsum & suos facta, iterato quidem & fere continuato labore. Sed nec isto, nec illo (quia probitas laudatur & alget) remunerato, librum emisi.

Verum quoniam aut per incuriam, aut potius propter occupationem nimiam terræ illius inter occidentales insulas non ignobilis, iam diu in animo vestro visa quodammodo quasi sopita memoria fuit: ad eam excitandam, librum eundem iam correctius quidem & plenius editum, vestræ sublimitati destinare curavi. Vbi à Lageniæ Principe Dermotio per suos in exilium pulso, & ad patrem vestrum in transmari- nos Neustriæ fines profugo, auxiliumque ab eo postulante obnoxius & impetrante, inchoata historia: vsque ad aduentum vestrum in insulam primum (vbi & vobiscum fuimus) & quæ ibi tunc gesta, & à singulis Ducibus & Magnatibus illuc transuectis, à primis seriatim vsq; ad vltimos temporis illius, quid actum ibi vel boni vel mali fuerit, aperte declaratur.

Hic itaq; tanquam in speculo dilucido cōsiderari, longeque certius & plenius veritate historica perpendi poterit: quibus gloria conquestus huius amplior & maior digne attribui debet. An primis eiusdem aggressoribus Meneuensis scilicet diœcesis, nostriq; generis viris: an secundis Landaffensis, scilicet viris generosis reuera magis, quam animosis. A primis quidem inuitatis, & tanquam exemplo successuum suorum ad similia prouocantis: an aduentui tertio virorum & armorum ac victualium, & totius apparatus copia referto.

Multum etenim contulit, qui principium dedit: multū qui nobili principio non modicas veniendo demum vires adiecit. Longe plus autē ceteris omnib. qui totā tam primis quam secundis auctoritatem apponens, atq; licentiam præbens, proprio deniq; aduentu tota sibi regione subacta (sed propter festinam nimis eiusdem à terra

reuerſionem, & inſtaminam ſuorum factam in ipſam conſpirationem, nondum in formam ſtabilem plene redacta) totum ſtrenue negotium conſummauit. Ius itaque veſtrum patriſque veſtri laborem tam egregium (Rex animoſe) ne parui pendatis: gloriamque veſtram, & honorem tantum aliis, & alienis, indignis pariter, & ingratum, non tribuatis.

Et propter inſulam argenteam (cum duplex bonum ſit, & vnum alterum non excludat, ſed appetibilius & pretioſius duplicatum exiſtat) inſulam auream non o-mittatis. Aurum enim Arabiæ, & argentum Achaïæ, vnum & idem, diuerſis quam aceruis, ærarium implere ſolet. Præterea ad hoc vos etiam inducere poteſt, quod veſtræ de cetero Hiberniæ non immemor ſitis. Cum enim plurimos iam filios tam naturales quam legitimos vobis Deus & fortuna fecunda contulerint, & plures hic in breui conferre queant: quatenus duos illorum duobus in regnis regia dignitate ſublimare poſſitis: & innumeros quoque ſub illis viros, præcipueq; ſub Hibernico (cum regio rudis adhuc ea ſit, & informis: & à noſtris maiori ex parte nondum habitata, vel efficaciter occupata) de nouo feodare, & copioſe ditare valeatis. Quod ſi nec propter gloriam veſtram multiplicandam, nec propter prolem veſtram locupletandam amplius & ſublimandam Hiberniæ veſtræ curam adhibere velitis, propter hoc ſaltem id faciatis, vt veterem militiam veſtram tam patri veſtro quam vobis in fide ſtabili ſemper obnoxiam & deuotam (cuius etiam aggreſſu terra illa primum ob-tenta fuit, & vſque in hodiernum, adhuc retenta) quam noui quidam & recenſer ad-uecti, fortunaque magis ibidem, quam virtute prouecti, quatenus in aliorum labores abſque labore ſuccedant, opprimere non ceſſant, ſubleuare poſſitis & reformare. Il-lorumque ſuperbiam deiicere potenter, & ceruicoſam inſolentiam humiliare. Quæ in tantam arrogantiam, & tam præſumptuoſam iam erumpunt, vt ad ſingularem etiam regni illius principatum ſibi uſurpandum, auſi ſint (vt fama pronuntiat) aſpirare. Vnde & ad hoc facere quoque plurimum debet: quod cum in anteriora vos extendendo, in Orientem maxime verſam (vt decet) faciem habeatis: & ad iniurioſe ſublata totis, per Dei gratiam, niſibus reuocandum aſpiretis: nihil ab Occidente uerendum, nihil proſus à tergo timendum relinquatis. Hoſtes namque domeſticos iugiter in inſidiis excubantes, & ſemper inſurgendi, ſolum tempus & locum expe-ctantes: ſedibus in veſtris terris ſi curetis, licet occiduis quidem, velut à tergo tamen tam propinquis, tanquam vel in ſinu veſtro ſerpentes abſcondere, vel etiam ignem in gremio poſitum, & iam in flammam erumpere promptum ac paratum confouere: manifeſtum proculdubio non ſolum incuriæ magnæ, verum etiam ignauiæ, vel etiam inertis inſipientiæ ſignum foret. Tutum enim eſt principi cuilibet, nulla proſus in terris ſuis hydræ capita fouere. Tutum, Inſulanis præcipue Regibus, nullam in regnis ſuis, omni ex latere, præter mare ſolum Marchiam habere. Porro ſi propter hæc omnia, vel aliqua horum, induci forte poſſitis, vt terræ veſtræ toties dictæ, deſolata dudum & quaſi deſertæ miſereri cum effectu velitis, eamque in ſtatum redigere laudabilem, vobis & veſtris non inutilem affectetis: hoc à nobis (Britannicæ forte naturæ noſtræ leuitate, quam mutare non poſſumus, aut exuere) Regiæ Maieſtati conſilium detur. Quatenus ea duo, quæ pater veſter Adriano Papæ pepigerat olim propter licentiam impetandam intrandi Hiberniam, & expugnandi (prudenter & diſcrete ſibi ſuiſque prouidens, cum ſupremam in terris, tanti tamque cruenti in Chriſtianos aggreſſus, auctoritatem ſibi comparauit.) Scilicet Eccleſiam Dei in ſinibus illis exaltare, & denarium annuum de ſingulis domibus Beato Petro, ſicut in Anglia ſit, ſic & in Hibernia dare. Iuxta tenorem priuilegii eiſdem Papæ, ſuper hoc à patre veſtro prudenter & circumſpecte perquiſiti, & in Archiuis Wintoniæ fideliter reſpoſiti (quemadmodum inferius hiſtoria manifeſte declarat.) Ad exonerandam tamen patris veſtri, qui hæc promiſerat, animam, quoniam (vt ait Salomon in prouerbiis) nihil minus Principem decet, quam labium mendax: præcipueq; cum Deo mentiri, & creaturam ſuo creatori ſponte tranſgredi, periculoſum exiſtat, & pleſtibile: quam ad veſtram quoque & veſtrorum liberandam: qui clypeum alium aut deſenſionem contra diſtictum iudicem tanti fidelium cruoris effuſi, & adhuc forſan effundendi, vobis & veſtris non habetis, deuota complere voluntate ſatagatis. Quatenus ſi de hoc conqueſtu (ſicut decet, & debet) Deus honoratur, & prosperitas in terris, vobis ac veſtris augeatur, & perpetua denique felicitas, quæ ſuperat omnia, ſubſequatur.

Propter hoc etenim promiſſa: ſed hætenus omiſſa: duos ibi tanquam vltione diuina

diuina, credibile est, defectus accidisse, quod scilicet tam diu efficacia conquestus illius, & consummabilis utilitas est dilata: Et quod primi ac præcipui terræ illius expugnatores, verbi gratia: Robertus filius Stephani, qui primus ex nostris terram illam intrauit, & tanquam aliis viam aperuit atque ostendit. Herueius de monte Marisco, & Reymundus: Iohannes de Curcy, & Meylerius legitimam de carne sua prolem suscipere non meruerunt. Nec mirum. Mendicat enim miser in Insula clerus. Lugent Ecclesiæ cathedrales, terris suis & prædiis amplis quondam sibi fideliter & deuote collatis, à prædictis, & aliis vel cum ipsis, vel post ipsos aduectis, spoliatae. Ecce sic Ecclesiam exaltare, versum est, in Ecclesiam spoliare vel expilare.

- 10 Hæc igitur emendet Princeps bonus, ad cuius & spectat honorem (quamuis quoque Deus in causa minime foret) vt in terris suis clerus vbique, qui ei in consiliis suis, cunctisque regni negotiis magis arduis, & rebus agendis principalibus fideliter assistere debet, honore debito lætetur & subleuetur. Et vt in aliquo tam cruenti conquestus huius, & conquestus particeps & placatus Deus existat: promissus census ille modicus satis atq; modestus (omnes quippe liberans, & neminem grauans) de cetero detur. Item eadem in patientia & hoc adiicimus, quatenus in memoriam expugnationis huius Hibernicæ per Anglos factæ (quia crebra Dominorum per vices rerum varias fieri mutatio solet) & ad sanguine remotos, vel etiam prorsus extraneos: transcurso temporum hereditas plerunq; deuolui videtur) in annuo auri vel auium, vel etiam
- 20 arborum tributo firmiter statuto, quasi perpetuo chirographo, & indissolubili vinculo regnum Hibernicum Anglicanæ coronæ subiectum, omni palam tempore fiat. Veruntamen cum res per interpretem non adeo sapit, aut animo sedet: sicut proprio & idiomate noto prolata: alicui, si placet, lingua simul & literis erudito, ad transferendum in Gallicum opus, non ociosus hic liber committatur: qui forte fructum laboris sui, quoniam intelligi poterit, assequetur: quem nos quidem minus intellecti (quia Principes minus literati) hætenus obtinere non valuimus. Vnde & vir eloquio clarus W. Mapus Oxoniensis Archidiaconus (cuius animæ propicietur Deus) solita verborum faceria, & vrbaniæ præcipua dicere pluries, & nos in hunc modum conuenire solebat. Multa, Magister Giralde, scripsistis, & multum adhuc scribitis, & nos
- 30 multa diximus: vos scripta dedistis, & nos verba. Et quanquam scripta vestra longe laudabiliora sint, & longæuiora, quam dicta vestra: quia tamen hæc aperta, communi quippe idiomate prolata, illa vero, quia Latina, paucioribus euidentia, nos de dictis nostris fructum aliquem reportauimus: vos autem de scriptis egregiis (principib. nimirum literatis & largis, obsoletis olim, & ab orbe sublati) dignam minime retributionem consequi potuistis. Sane quoniam dulciores anni nostri, & tempora robustiora, quod ad literatos nostros labores attinet, iam transierunt irremunerata: nunc senescentibus nobis, cum tanquam in ianuis assistens mors immineat: de cetero nos temporaliter remunerari, nec expetimus à quoquam, nec expectamus. Solum hoc etenim amodo desideramus, & desiderare debemus, vt diuinum in primis & præcipuis fauorem: nobis per opera bona, eius cooperante gratia, imo totum efficiente, qui gratis omnia præstat, comparemus: & humanam per opuscula nostra gratiam, si
- 40 literarum decus quandoq; resurgat, & in statum redeat, saltem in posterum, cum suus ex merito quemque tuebitur honor, assequamur.

E X P L I C I T.

ITINE.

ITINERARIUM CAM-
BRIÆ; SEV LABORIOSÆ BALDVI-
NI CANTVAR. ARCHIEPISCOPI PER
WALLIAM LEGATIONIS, ACCV-

RATA DESCRIPTIO;

AUCTORE SILVEST. GIRALDÓ
Cambrense.

CVM ANNOTATIONIBVS DAVIDIS POVELI
sacrae Theologiae professoris.

ILLV-

ILLVSTRI VIRO OMNI TAM VIR-
TVTIS QVAM DOCTRINÆ LAVDE CLA-
RISSIMO, PHILIPPO SIDNÆO, AVRATÆ
militiæ equiti, Dauid Pouelus salu-
tem dicit.



TRIA sunt omnino (ornatissime vir) qua hominem perficiunt, cumq;
vere nobilem atque celebrem reddunt: Quorum primum in antiquo-
rum rebus gestis cognoscendis; Secundum in presentibus ad commu- 10
nem omnium utilitatem referendis; Tertium in eorum, qui venturi
sunt commodis procurandis, positum est. Quid enim viro nobili ma-
gis conuenit, quam præteritis antiqui temporis memorias animo e-
uoluere; egregia clarissimorum virorum facinora mente recollere; Re-
rum publicarum formas, initia, progressus & status ante oculos pone-
re; euentorum causas & effectus notare; illustres historias conserva-
re, & e tenebris in lucem educere; & ea, quæ cum virtute coniuncta
reperiantur, ex illis elicere, atque ad vitam recte componendam referre? Quid porro viri boni officio
magis accommodum, quam se totum reipublica commodis (propria utilitatis emolumentis posthabi-
tis) deuouere; uniuersam suam industriam, curas & cogitationes in bono publico promouendo colloca- 20
re; in eaq; solo mentem occupatam habere, quo adepto animus acquiescit nil amplius desiderans? Quid
deniq; vera nobilitati magis proprium quam de futuris bene mereri, posteritati providere, iisque, qui
nondum nati sunt, benefacere? Hinc etenim æterni nominis gloria prouenit, Hinc perennis fama cele-
britas oritur, Hinc laudabilis memoria apud posteros nascitur recordatio. His virtutum ornamentis
qui præditi sunt, non solum viri boni, sed etiam vere nobiles censendi sunt: digni sane, qui à principi-
bus in consilio adhibeantur, rebus gerendis præficiantur, & summis honorum titulis afficiantur. Hac
omniatibi & domestica & hereditaria exempla sunt (ornatissime Philippe Sidnæe) quæ in nobi-
lissimo tuo patre, tanquam in speculo quodam tibi ad imitandum proposita resident: Quo nemo anti-
quis præfci temporis historiis recensendis promptior, nemo in notandis & cognoscendis rerum publica-
rum formis peritior, nemo in restituendis clarissimorum virorum trophæis, renouandisque eorum me- 30
moriis diligentior existit. In publica autem utilitatis procuratione, cum priuata dispendio, non ve-
reor illum cum continentissimis multorum seculorum magistratibus conferre. Nam ut omitam, quæ
in rebus bellicis summa sua cum laude publicaue utilitate gessit, longiore oratione digna, in 30. an-
norum (quibus Cambria aut Hibernia præfuit) regimine, ne unius quidem pedis latitudinem terre-
na possessionis, in illis regionibus, vel à principe sibi dari procurauit, vel ab incolis accepit aut concu-
piuit. Et tamen in illis locis, non solum ordinarium sibi designatum stipendium, sed & proprios etiam
patrimonii sui redditus, ad Reipublica utilitatem & sui Principis honorem laudabiliter impendit.
Ita enim semper publico commodo addictus erat, ut suam interim priuatam negligeret utilitatem.
Quantam vero eorum, qui sequenti ætate futuri sunt, curam habuerit, Castellaque refecit, xenodo-
chia qua reparauit, via publica quas emendauit, ruinosa domus quas reedificauit, & historia magnis 40
eius sumptibus comparata, partim iam edita, partim breui etiam edenda, apud posteros testificabun-
tur. Idem etiam probat hoc Giraldi Itinerarium, cuius exemplar peruetustum ab comiti ad publi-
candum commissum est. Quodcum duobus aliis exemplaribus contuli, quorum unum à Clarissimo
viro D. Gul. Cecilio Barone Burghlenfi, Summo Anglia Thesaurario, magno rei literaria patro-
no, & huius Reipublica consiliario sapientissimo vigilantissimoque, alterum à Gulielmo Awbrey
L. Doctore Curiaque Audientia Cantuar. Iudice integerrimo accepi: quorum omnium facta collatio-
ne hanc editionem parauit. Quam meis quibusdam Annotationibus, tam ad pleniorum historia intel-
ligentiam, quam ad fabulosa relationis obseruationem illustratam, sub tuo nomine in publicum exire
volui: tum ut antiqua nobilitatis & magna literatura scriptor peruetustus, nobilem etiam & litera-
tum patronum ac defensorem haberet: tum etiam ut hoc munusculum te ad paternam imitationem in- 50
citarem. Maeste ergo virtute (Ornatissime Philippe) & in antiquis auctoribus euoluendis & confer-
uandis, communiq; Reipub. bono procurando, & posteritati consulendo paternis vestigiis insiste: Sid-
naam familiam, antiquitate, & rebus gestis claram & illustrem cumulatius orna, & ex celebri cele-
berrimam reddat. Deus optimus Max. timorem suum sanctum, qui veram sapientiam
parit, tibi largiatur. Ruabona tertio Calend. Iulii,

1585.

VITA

VITA GIRALDI CAMBRENSIS EX eius scriptis, Lelando & Baleo collecta.



SILVESTER Giraldus illustri genere in Cambria natus (vnde Cambrensis appellatus est) nobilissimi illius Giraldi de Winsor, qui primus Penbrochiæ castrum construxit, & Nestæ filiæ Resi filii Theodori, Demetiæ Principis, nepos extitit. Qui in bonis literis liberaliter educatus, dum adhuc adolescens esset, statura procerus, facie & forma nitidus, ac doctrina præclarus fuit, cuius causa totam fere Europam peragravit, & post ingentes in ea labores Parisium perueniens, artium scholas in Anglorum collegio rexit, per triennium quoque auditor Theologorum effectus, omnem fere scripturam postea exposuit, & omnium literarum gloria celebris factus, cæpit eius nomen ubique in honore haberi, vnde ab HENRICO SECUNDO Rege accersitus, in Curiam venit, & Regi à secretis constitutus est: Deinde Iohanni eius filio Tutor assignatus cum illo in Hiberniam missus est, vbi antiquas eius regionis Historias diligentissime colligens eas scriptis mandauit.

Postea Meneuensis & Brechonensis Archidiaconus factus, Balduino Cantuariorum Archipræsuli comes adiunctus vniuersam Cambriam peragravit, & cum eo in Syriam profectus est. Tum domum reuersus magnam reliquæ suæ vitæ partem in litibus cum Huberto Cantuariensi Archiepiscopo pro Metropolitano Meneuensis Ecclesiæ iure consumpsit: vnde in Romanorum Pontificum decretis eius nomen celebre habetur.

Hic tamen si Angliæ Regibus semper charus extiterit, & plures legationis pro illis obierit, multos tamen in Curia exprimi nominis nobilibus aduersarios habuit: de quibus in Præfatione libri sui de Principis instructione ita scribit:

Ad Curiam igitur à studio, peccatis exigentibus, à Rege vocatus, (cui nihil minus menti, quam mentiri, nihil desiderio magis, quam decipere, quam differre, quam sequentium animos & obsequentium dilationibus cruciare) circa eundem, eiusdemque defuncti filium atque hæredem, & vtinam non vitiosum, irrepabili damno duo fere lustra consumens, nihil ab illis præter inanes vexationes, & vacua veris promissa suscepi.

Si quid enim gratiæ morum grauitas, si quid literæ, si quid industria conferre potuit; totum id suspectum, totum infestum, totum exosum Walliæ nomen ademit. Tres enim naturæ partes, quamquam ab Anglis & Normannis linea contraxerim originalem, totamque præterea conuictus (à quo & mores formantur) vim, partem, & proprietatem, longam quoque commorandi consuetudinem, quæ & alteram sibi naturam comparare solet: ex quarta tamen parentalis propagationis columna, & post tertiam prima tanquam genialis quadrigæ rota à Troiana nobilitate contracta, totum infici, & modico quasi fermento massam corrumpi, semperque in elationem extolli gens inimica coniecit.

Vnde & quoniam inter Anglos (vt diximus) nostra tam morum institutio fuerat, quam conuersatio: in Cambria vero natio reperta est & cognatio: Compactum est ex his & confectum, vt vterque populus me sibi tanquam alienum reputans, & non suum, semper oculo respexerit nouercali. Alter ob hoc suspectum habens, & alter exosum.

Accessit & aliud inter incommoda, quod si quid à nobis egregie dictum vel gestum fuerit, statim quoad licuit, aut illud inuidia suppressit, aut malitia peruertendo corripit, in huiusmodi plerunque verba prorumpens: A Cambria potestne aliquid boni esse? sin autem (humanis vt mos est excessibus) aut pes à linea quandoque titubare, aut à litera vel syllaba cadere lingua videbatur, in mediis quoque & indifferenteribus, nec laude dignis, nec vituperio, statim hostilis irrisio, cum exclamatione Cambriæ vitium exprobrauit, tanquam patriæ cognata fuerit enormitas, & innata.

Mihi vero visum est, & indubitata veritate compertum, quod sicut nonnullos regio composita malos educat, & incompositos, sic aliquem interdum regio Barbara bonum producere possit & eruditum: Quia non tam locus personam, quam persona laudabilis locum illustrat. Hæc ille.

Ex quibus manifeste apparet, inuidiam virtutis comitem esse, Principisque fauorem

Zzz

norem instabilem atque incertum plurimos decipere. Quidam Monachus Cisterciensis Gulielmus Wibertus nomine, Giraldum prodicionis accusabat: Sed eius periculum (Deo donante) vir eruditus ac pius euasit. Claruit tempore H. 2. R. 1. & Io. vixitque ultra septuagesimum vitæ annum, & in Meneuensi Ecclesia tandem sepultus iacet. Domicilium habuit in Brechinia, ut ipse testatur Itiner. libro primo, capite tertio.

AD MONITIO AD lectorem.



Hoc te vnum (humanissime lector) admonitum esse velim: in hoc auctore edendo mihi aliquando consultum fuisse, fabulas omnes, & absurda miracula, ad sacrificorum avaritiam conficta, penitus refecare. Verū cū amicos hac de re consuluissem, vna voce omnes clamitant, meū illud propositū ab antiqua fide longe alienum esse, eaq; ratione quamplurimos fore, qui auctorem à me mutilatum atque diminutum esse iure quererentur. Vnde prudentiori eorum consilio acquiescens, satius esse duxi illum integrum cum omnibus suis ἀπορίαις in lucem emittere, quam fidem violare: præsertim cum intelligerem, veritatis aduersarios his suis ridiculis & absurdis fabulis (quas pro vero Christi Euangelio populo obtrudere conantur) redargui, & suis propriis quasi telis confici.

IN ITINERARIUM GIRALDI PRÆ- FATIO PRIMA, AD STEPHANVM CANT. ARCHIEP.



Sicut variis rerum motibus & mutationibus tempora mouentur: sic diuersis morum curriculis temporalium hominum animi trahuntur. Satyricus clamat:

Mille hominum species & mentis discolor vsus
Velle suum cuiq; est, nec voto viuatur vno.

Et illud Comicum: Quot capita, tot sententia, suus cuique mos est. Vnde & quoniam dispares mores disparia studia sequuntur: Armata militia tyrones exultant, togata vero causarum patroni delectantur. Aliis cumulandis diuitiis

anxie suspirant, & summum bonum opulentiam putant. Hi Galenum approbant. Illi Iustinianum amplectuntur. Honorum cupidi Curiam sequuntur, & rediuiua fame cruciatos grauer sauciat, nec satiat ambitio. Liberalibus artibus nonnulli sed hodie pauci & parui indulgent: inter quos & Logices alumnos admiramur, qui quum aliquantulum profecti fuerint, tanta studii sui voluptate trahuntur, vt iam illis Dialectica gyris atq; meandris plerumq; videamus, tanquam ad Syreneos scopulos consensescere. Sed inter tot hominum species, ubi diuini Poeta? ubi nobiles morum assertores? ubi lingua Latina moderatores? Quis hodie scriptis siue Poeticis seu historicis literatam adornat eloquentiam? Quis, inquam, nostri temporis vel mores astruit, vel inclite gesta perpetuis literarum vinculis aternitati ascribit? Adeo literarum honor in summis olim gradibus constitutus, quia sic omnia fato in peius ruere, & retro sublapsa referri, iam procliuus in ruinam, ad ima deuolui videtur: ut earum additi studiis non solum hodie non imitabiles, non venerabiles: verum etiam odibiles reperiantur. Felices quippe, ut ait Fabius, essent artes, si de illis soli artifices iudicaret. Naturaliter enim, ut ait Sydonius, fixum est ratumq; pectorib. humanis, ut qui ignorant artes, contemnant artifices. Ceterum, ut ad priora reuertamur: Qua mundo plus contulerunt quaso, arma Mariana, an carmina Virgiliana? Sed olim Marii gladios rubigo consumpsit: qui vero scripsit Aeneada, perpetua Maronis extat gloria. Et tamen quam literatis sub principibus litera tunc in honore fuissent, ab ipso scriptum inuenies: Tantum

Carmina nostra valent arma inter Martia, quantum

Caonias dicunt aquila veniente columbas.

Ad hac etiam vitrum fecundior ac fructuosior extiteris hasitas, opera Hieronymi an opulentia Crasi? Sed ubi hodie Crasi vel nitet argentum, vel rutulat aurum? ubi Cænobita pauperis orbem & irradiat studium, & illustrat exemplum? Et tamen cum tantus fuisset Roma per inuidiam, contumelias & verbera passus, ac demum trans mare pulsus Bethlemiticam studio suo solitudinem elegit. Inter hac ergo, que contulimus, hoc distare potest, quod aurum & arma vitam hanc fulcire videntur, post mortem nil valitura. Verum è diuerso scripta nihil in vita propter inuidiam pro-

sunt,

Dei gratia
comptum.

sunt, perpetuum à morte sortita valorem. Sicut igitur testamenti, sic & scripti auctoritas mortis astramento confirmatur. Iuxta illud Poeta:

Pascitur in viuis liuor, post fata quiescit:

Cum suus ex merito quemque tuetur honor.

Et illud:

Deniq; si quis adhuc prætendit nubila, liuor

Occidet, & meriti post me referentur honores.

Præterea qui facultates, qui sanitates suis artificibus vel conferre, vel conseruare nituntur, dum alienis tantum scaturiant verbis, propriis parum gloriantur inuentis. Compositores quippe tam or-
10 nati sermonis quo tam variis casus in tanto iuris corpore tam eleganti stilo complectuntur, perpetuis
effereendi præconis extant. Auctores siquidem elegantium verborum non auditores tantum, re-
pertores non recitatores, dixerim laude dignissimos. Curiam autem, & Logicam, tam in allicien-
do, quam in vix deferendo persimiles inuenies. Dialectica tamen notitiam tanquam aliarum o-
mnium tam scientiarum, quam artium acumen, cum moderamine mora inculcata, certum est esse
perutilem. Curiam vero nisi blandis solum palponibus & ambitiosis, non necessariam. Nempe si
quaestum facis in Curia, ne tanto fortius allicit, & annectit ambitio non missura tutum, non Curiam,
nisi plena: sin autem labor in damno est, adhuc tamen annum apponis, & iterum annum anno, & in
infinitum, una cum censu tempora perdidideris: iacturam temporis, quæ irreparabilis est, & omnium
mator incurris. Curiam igitur & aleam quadam videas proprietate conformes. Quoniam, ut ait

20 Poeta:

Sic ne perdididerit, non cessat perdere lufor.

Dum reuocat cupidas alea blanda manus.

Leni namq; mutatione, haud dissimiliter dicas:

Sic ne perdididerit, non cessat perdere lucis,

Dum reuocat cupidas Curia blanda manus.

Hoc etiam adiiciendum puto, quod sicut Alea sic & Curia casus delectu carens, dignis & indignis æ-
que respondet. Inter tot igitur hominum species quoniam trahit sua quemque voluptas: & quoniam
varius vexantur pectora votis: me quidem scribendi studium eligere posteritatis cura coegit. Et quia
momentanea & fluxa est præsens hæc vita, inuat saltem in futuro memoria viuere, & perpetuis fama
30 titulis laudis honore celebrari. Egregia namque mentis indicium est, ad illud enitendum elaborare,
quo sibi inuidiam in vita, gloriam post fata comparauerit. Perpetuum est itaque, quod auctores quod-
que Poeta principaliter affectant, temporale commodum si forte acceperit non recusantes. Sed quia
principibus parum literatis & multum occupatis, Hibernicam Anglorum Regi Henrico secundo To-
pographiam: eius denique filio, & utinam vitiorum non succedanea Pictauensium Comiti Richardo
Vaticinalem Historiam: vacuo quondam quoad accessorium illud & infructuoso labore peregi. Tibi,
vir inclite, STEPHANE CANTVARIENSIS ARCHIEPISCOPE, quem religio pariter
& literatura commendant, laborem nostrum per horridos Cambria fines non illaudabilem, in dua-
bus particulis scholastico stilo tam digerere quam destinare curavi. Virtus enim uero, quia sese diligit,
aspernaturque contraria: quacunque in hoc libello, coepiscopi & decessoris vestri penultimi viri vene-
40 rabilis & Metropolitani antistitis, veris laudum titulis adscripta reperis: te non minori affectu quam
si propria fuissent credimus amplexurum. Quibus expletis, Deo duce vitæ comite libellum tibi de
principis instructione promitto: Si, sopitis interdum tam orationum instantiis quam occupationum cu-
ris, lectioni quandoque vacare potueris, munus acceptum. Hos igitur & alios nostra diligentia fructus
tua degustandos discretioni, suis singulos temporibus destinare proposui: ut te nostra si forte mouere
nequeunt opera, moueant vel opuscula: moueant, inquam, & tam gratiam eliciant, quam gratum
reddant: qui nempe carnali minime motus affectu, in largiendis dextra munifica (quibus excellis be-
neficiis) non sanguinem, non sobolem, sed literas potius & merita pensas: quem in tanta, tam conti-
nua regni sacerdotisque disceptatione paucis comitatum, Anglicana Ecclesia firmum inuenit ac fide-
lem: in quem hodie fere solum & fideliter electum, illa episcopalis viri canonica descriptio cadere vide-
50 tur & concordare. Non itaque pilleum sustinendo, non puluillum supponendo, non pluuiam extraben-
do, non puluerem (& si nullus fuerit) excutiendo, sed inter alios palpones tibi scribendo placere consti-
tui. Tibi, inquam, vir præclarissime, vir insignis, vir virorum per paucorum, vir in quem quicquid fe-
re in terris antistitem decet, incomparabili gratia, tam industria quam natura congescit. Et si forte
nec tibi in hunc modum placere præualeam, tum quia lectionis horam tam oratio suffocat,
quam occupatio, tum etiam, quia literarum olim honor euauit: sal-
tem si quandoque resurgas: poste-
ritati.

Zzz 2.

ALIA

ITINERARII CAMBRIÆ
ALIA AVCTORIS PRÆFATIO
ad eundem.



VONIAM ea, qua laudabili deuotione gesta noscuntur, debitis non indigne praconiis efferuntur: Animus quoque, quia si remittitur amittitur, & desidia torpor vires enervat ingenii: ferrum situ rubiginem ducit, & capiunt vitium ni moueantur aquae. Ne stilum ociosum arugo consumat, deuotam Cantuariensis Archiepiscopi Balduini per Cambria fines legationem, literarum monumentis dignum duci commendare. Loca igitur inuisa, per qua transuimus, & tam fontium quam torrentum flumina nominatim expressa, verba faceta, 10
viaque labores, & casus varios; notabiles quoque tam moderni temporis quam antiqui partium illarum euentus; patria naturam, naturaque mirandos interdum excursus, patria quoque descriptionem, hoc opusculo quasi speculo quodam dilucido, per te vir inclite Stephane Cantuariensium Archiepiscopo, posteritati praesentamus: ne vel studium ocio depereat, vel laus silentia delitescat.

ITINERARII CAMBRIÆ, SEV LAB-
ORIOSÆ B. CANT. ARCHIEP. PER
WALLIAM LEGATIONIS LI-
BER PRIMVS.

De transitu per Herefordiam, & Radnoram cum notabilibus suis.

C A P. I.



N N o igitur ab incarnatione Domini millesimo centesimo octuagesimo octauo, Apostolatus apicem regente Urbano tertio; Imperante Romæ Alemannorum rege Friderico; Constantino- 30
poli Isaacio; Regnante in Francia Philippo Ludouici filio; In Anglia Henrico secundo; In Sicilia vero Wilhelmo; In Hungaria Bela; In Palestina Guidone; anno scil. quo Saladinus tam Aegyptiorum, quam Damascenorum Princeps, occulto Dei iudicio, sed nunquam iniusto, publico belli certamine victoria potitus Hierosolymorum regnum obtinuit, vir venerabilis, & tam literatura, quam religione conspicuus, Cantuariorum ARCHIPRÆSVL BALDVINVS, in Salutiferæ Crucis obsequium ab Anglia in Walliam tendens, apud Herefordiæ fines Cambriam intrauit.

Radnora.

Accedens itaque Radnoram 2 circa ieiunii caput, viro magnifico RANVLPHO GLANVILLENSI præcipuo Regis tunc Consiliario, regnique totius 40
iustitiario eo usque comitatus: Resum Gruffini filium Australis Cambriæ Principem, cum aliis partium illarum viris nobilibus ibidem obuium habuit. Vbi sermone statim super negotio crucis ab Archipræsule publice facto, & per interpretem Wallensibus exposito, primus omnium, ad importunam, quæ præcesserat, Regis instantiam, & pollicitis plenam tam Archiepiscopi quæ iustitiarii regis ex parte persuasionem, qui scripsit hæc (aliis exemplum præbens) se primus erexit, & ad validissimam quoque omnium inductionem, ad pedes viri sancti prouolutus, Crucis signaculum deuote suscepit. Quem illico Petrus Meneuensis Episcopus, & Cluniacensis Monachus tam imitatus est, quam secutus. Deinde Aeneas Aeneæ Claudii filius El- 50
ueniæ Princeps cum aliis multis. Qui statim exurgens, & coram Reso, cuius filiam uxorem habebat, assistens, vestra, mi pater, inquit, & domine licentia summi patris iniuriam vindicare depropero. Resus autem cum certissimo sanctæ peregrinationis proposito, quam cito Archiepiscopus terram suam intrauerit reuersus, adeo ut per quindecim fere dies de clitellis & saginariis, de sumptibus perquirendis, & clientibus, ceterisque tanto itineri necessariis cum multa sollicitudine disposuisset, donec vxor eius & communi patriæ vitio in quarto gradu cognata Gvendolena scilicet Madoci Pouisensis filia, ipsum à tam nobili proposito (peccatis exigentibus) muliebriter instans penitus auertit. Quoniam, ut ait Salomon, cor hominis disponit viam suam, sed domini est dirigere gressus eius. In ipso vero discessu
Resi

Resi, cum super his, quæ audierat, suos conueniret, iuuenis quidam egregius de familia ipsius, cui nomen Gruffinus, qui postea crucem suscepit, respondisse memoratur: quis vnquam animi virilis peregrinationis huius iter abhorreat, cum inter vniuersa, quæ excogitari poterunt, eius incommoda nihil incommodius cuiquam, nihil deterius accidere possit quam redire?

Accesserunt autem ad Resum in reditu suo quidam Canonici Meneuenses zelo Ecclesiæ suæ, maiores Curia, quos sibi allegerant, complices habentes, & fautores: qui ei suggerere modis omnibus nitebantur, vt Archiepiscopum Cantuariensem (quoniam inauditum hoc hætenus fuerat) ad penitiores Walliarum partes, præcipue sedem Meneuensem, quæ caput est Walliæ, accedere nullatenus sustineret, dicentes & asserentes eo ipso, si processerit, præiudicium magnum & grauamen in posterum, antiquæ dignitati suæ recuperandæ, & Metropolitanæ sedis honori posse proculdubio prouenire. Hæc, inquam, Principi toto conamine suadentes, ob innatam tamen eiusdem liberalitatem & mansuetudinem, ne confusionem viro sancto repulsa generaret, persuadere non valebant.

In crastino vero mane post Missæ celebrationem, & Ranulfi Glanuilensis in Angliam reuersionem, cum apud Castrum Crukeri, quod quasi duobus à Radnora passuum millibus distat, proficisceremur: iuuenis quidam robustus & validus, cui nomen Hector, ab Archiepiscopo super crucis susceptione conuentus: si haberem, (inquit) vnde vno die comederem, & altero ieiunarem, monitis acquiescerem. Die tamen sequente, idem ab Archiepiscopo crucem suscepit. Circa vero vespæram venit Malgo Caduallonis filius Princeps Meleniæ, qui statim ad breuem Archiepiscopi monitionem, sed efficacem, non absque suorum lachrymis & luctu, crucis signaculo est insignitus.

Hic autem quasi præ foribus mihi notandum occurrit, quod dominatori castri eiusdem de Radnora, tempore Anglorum Regis Henrici primi contigit interra Buelt, non procul abhinc distante, & eidem honori à primo conquestu adiacente. Cum enim Ecclesiam Sancti Auani (quæ Brytannice Lhan Auan dicitur) intrasset, & minus caute in eadem cum canibus venatoriis, atque irreuerenter pernoctasset, venantium more summo diluculo surgens, canes omnes inuenit rabie percussos, ipse quoque cæcus effectus, & nihil omnino videns, ad manum extractus est. Et cum diu postea viuendo tenebrosam semper & tædiosam vitam duxisset, demum se Hierosolymam duci faciens, ne & interior ei lucerna similiter extinguere-
Dimi Auani vindicta.

In prouincia quoque de Warthrenion, quæ paucis abhinc stadiis distat his nostris diebus, res accidit non indigna memoratu: Dominator enim uero loci eiusdem Aeneas scilicet filius Resi, cum die quodam exire saltibus feras intenderet (puta, qui venationis studio valde addictus fuerat) quidam ex suis arcum tenens ceruam exilientem sagitta perforauit. Quæ quidem contra sexus illius naturam inuenta est duodecim annorum cornua ferens, & præterea tam in cauda quam alibi plusquam cerui pinguedinem habens. Vnde & ob tanti prodigii nouitatem Anglorum Regi Henrico secundo, monstri eiusdem caput & cornua sunt destinata. Illud hoc in casu magis stupore dignum occurrit, quod vir ille, qui feram præscriptam sagittauit, mirum quo fato, quoue infortunio subita passione percussus, dextrum illico lumen amisit, & eadem hora paralytico morbo correptus, vsque ad mortem inutilis omnino & imbecillis permanuit.

In hac eadem prouincia de Warthrenion in Ecclesia videlicet Sancti Germani, Baculus, qui Sancti Cyrici dicitur, inuenitur: superius in crucis modum paulisper vtrinque protensus, auro & argento vndique contextus. Qui quanquam virtuosissimus in omni negotio comprobetur, longe plus tamen ad glandiculas gibbosas & strumas, quæ in humanis corporibus excrescere solent, euacuandas penitus & delendas, speciali quadam virtute præpoller, adeo quidem, vt omnes passim, qui huiusmodi vexantur incommodis, si baculum deuote cum vnus denarii oblatione petierint, optatam recipiant sanitatem. Contigit autem his nostris diebus, strumofum quendam solum obulum baculo præsentasse, cui per medium illico residens strumofus ille tumor euauit: Et post pusillum postquam alterius obuli re-
Baculum Cyrici.

Zzz 3 latione

*Non est bonum
videre cuncta san-
ctis.*

*Campana Ban-
gu.*

*Pixis fortasse mi-
raculo in aere
pendebat, cum tota
Ecclesia esset
combusta.*

Prælium Efig.

relatione debita est oblatio redintegrata, & integra quasi statim curatio est subsequuta. Item alius ad baculum accedens cum certa denarii promissione curatus est: qui tamen die statuta promissa non complens, pristinum statim incommodum cum confusione recepit: sed ut delicti veniam facilius impetraret cum trium denariorum oblatione, non absque timore magno & deuotione beneficium triplicasset, continuo stabilis curationis gaudia recuperauit. Apud Eleuein autem in Ecclesia de Glasum est Campana baiula virtuosissima, quam proprio vocabulo Bangu vocant, quæ & sancti Dauid fuisse perhibetur, hanc mulier quædam viro suo, qui in castello de Raidergwy, iuxta Warchrenion (quod Refus filius Gruffini nostris diebus construxerat) in vinculis tenebatur, ut cum vel sic liberaret, clam allatam supposuit. Sed quoniam 10
castellani non solum ob hoc virum non liberarunt, verum & campanam ipsam violenter captiuam quoque tenuerunt, nocte eadem ultione diuina totum oppidum præter parietem vnum ubi campana pendebat, igne proprio consumptum est. Apud Lucl quoque partibus de Brechinia nostro similiter tempore contigit Ecclesiam loci eiusdem hostiliter combustam, omnia prorsus intus & extra præter pixidem vnam, in qua hostia consecrata reposita fuerat consumpta fuisse. Contigit autem in Elueniæ prouincia, quam solum ab Haya flumen Vagense determinat duo stagna non modica, nocte quam Anglorum Rex Henricus primus duxit extremam: à claustris, alteri à natura, & alteri humano labore collatis, subito erupisse: Artificiali longius per deuexa dilapso, cursuque præcipiti demum, ut mos est, euacuato: naturali vero non ultra 20
duo passuum millia in valle quadam cum prioribus piscibus & accidentibus non absque multorum admiratione perpetua stabilitate statum sortito. Contigit & hac tempestate in Normanniæ partibus, paucis ante obitum Henrici secundi diebus, ut in stagno quodam non procul à Sagio quasi per quinque miliaria distante apud Oximense castrum, pisces omnes (quibus abundabat) tanto conflictu tam in aqua ipsa, quam extra exilientes nocte quadam congregarentur, ut vicinorum hominum multitudinem ipso collisionis strepitu ad spectaculum euocarent. Tanto nempe tamque lethali certamine congressi sunt, ut in toto viuario vix vnus mane vita superstes inueniretur, miro & inaudito prognostico, multorum morte mortem vnus præfagientes. Quanti vero & quam enormes excessus super fratrum & consobrinorum 30
exosulationibus, ob miseram terrarum ambitiones in his inter Vagam & Sabrinam, Melenyth sc. Eluein & Walthrenion finibus, his nostris diebus acciderint, satis Waliz fines memoriter tenent & abhorrent.

ANNOTATIONES IN

Caput I.

VT huius tam legationis quam peregrinationis causa intelligatur, sciendum est, terram sanctam, postquam incredibili Christianorum quorundam Principum virtute circa Ann. Domini 1099. ex infidelium manibus erepta esset, atque octuaginta octo annorum spacio non solum fortiter & strenue defensa, verum etiam Christiane & pie administrata: hac tempore Guidonis Lusignani ambitione, Raimundi Tripolitani Comitis proditione & perfidia, aliorumque Principum intestinis dissidiis, 40
in Saladini Damascenorum & Aegyptiorum Regis potestatem, magno Christiani nominis dedecore deuenisse. Quodcum ad Urbani tertii Pontificis Romani aures peruenisset, dolore ex ea clade concepto vitam finisse dicitur. Vnde Gregorius octauus eius successor, pro sua propensa in rem Christianam voluntate, per omnes prouincias ad Ecclesiastica functionis viros selectos literas dedit, quibus mandauit, ut crucem predicando, ad Christiani orbis defensionem, & afflictis fratribus opem ferendam, serio indulgentiis propositis (ut Rom. Pontificum mos est) omnes hortarentur, eosque quantum possent ad hoc tam pium bellum allicerent. Ex illorum numero, quibus hoc negotium demandatum erat, hic Baldunus Cantuariensis Archiepiscopus fuit, qui ea in re omnem suam curam & cogitationem posuit, grauissimos labores permut, hanc Cambria peregrinationem suscepit, & tandem ea de causa in Syriam 50
profectus, omnes suas facultates ad subleuandas militum necessitates impendens, ex hoc mundo migravit.

Maesfeta.

Maesfeta (inquit Lelandus) olim incolebant orientalem Cambria limitem ad sinistram, qua Vaga defluit ripam: à quibus ea vrbs Maesfeta dicta est, quæ nunc Radnora dicitur. Nomen vero gentis à pratis lata fertilitate luxuriantibus crediderim exortum esse. A tempore Offæ Regis Merciorum longe potentis, cuius & simul as erat (ut apparet ex epistolis Flacci Albini Eboracensis) cum Carolo M. cepit luculenta incrementa Herefordia, vrbs clarissimi Eshelberti Regis orientaliū Anglorum ac martyris monumento, & gentis prima sedes merito habita est. Ego aliquando legi apud Marianum Scotum, & Rogerum Houedenum Maesfetas aliter Masegetas & Magefetas appellatos. Hac Lelandus

De

TRANSEVNTES inde versus Brecheinoc, flumine Vagēsi transcurso, statim apud *Hayam* i sermone facto, inter multos ibidem cruce signandos, quosdam vidimus *Hayam* qui relictis vestibus, quibus alii ab amicis, alii ab vxoribus retinebantur, vsque in castrum ipsum cursim ad Archiepiscopum euaserunt. Mane vero versus *Aberhodni* iter arripuimus, & verbo domini apud Landeu seminato ibidem pernoctauimus. Dicitur autem *Aberhodni*, castrum & prouinciæ caput, ibi situm, ybi riuus Hodni in aquā *Oscæ* deuoluitur. Aber enim lingua Brytannica dicitur locus omnis vbi fluuius in fluuium *Aberhodni* *Aber.* cadit. Landeu vero ecclesia Dei sonat. Archidiaconus quoque loci eiusdē, opus suum nō ignobile Hibernicam ibidem Topographiam Archiepiscopo presentauit. Quod ipse gratanter accipiens singulisq; diebus obiter ipsum vel legens attente vel audiens, tandem in Angliam reuersus lectionem vna cum legatione compleuit. Ea igitur quæ nostris temporibus his in partibus notabilia contingere, prætereunda non putauī. Accidit itaq; pariter ante guerram illam grandem, qua tota fere prouincia illa per filios Iestini in exterminium data fuerat: 2 vt lacus ille magnus qui fluuium Leueni ex se *Libro Siquarum.* transmittit, simul cum ipso fluuiio in Vagæ flumen contra Glesbyriam ab ipso descendente, viridissimi coloris inueniretur. Consulti autem super hoc terræ illius seniores quidnam portendere potuisset, responderunt parum ante magnam illam desolationem per Hoelum filium Meredithi factam, similis coloris aquā inuentam fuisse. 3 Contigit quoq; eadem tempestate capellā quendam, cui nomen Hugo, Capellæ sancti Nicholai in castello de Aberhodni deseruientem, in somnis vidisse virum quendā *Per Hoelum & Meredithum factam.* venerabilem ei assistentem & dicentem: Dic domino tuo Gulielmo de Breusa qui prædium capellæ S. Nicholai olim in eleemosynam datum detinere præsumit, verbum istud, *Hoc aufert fiscus quod non accipit Christus, Dabit impio militi quod nō vis dare sacerdoti.* Cum hoc itaque semel, secundo, & tertio ei accidisset, veniens ad loci illius Archidiaconum apud Landu, tam visionem quam verba memoriter retenta, (quæ nunquam tamen ante audierat) ei proposuit, ipse vero Augustini statim hæc esse verba dignoscens, locumque scripturæ vbi reperiuntur ostendens, casum quoque in quo Augustinus ibi loquitur aperuit. Inuehitur enim in decimarum & obventionum seu rerum quarumlibet ecclesiasticarum detentores; Et quod eis ibi minatur, infra breuissimum tempus huic certissimum est contigisse detentori. Vidimus quippe nostris diebus & indubitata veritate comperimus, principes ecclesiasticarum possessionum vsurpatores, præcipue vero Anglorum regem Henricum secundum nostris diebus regnantem & hoc vitio præ aliis laborantem, modica fermenti massa corrupta, nouis ea occasione emerisis incommodis, thesauros vniuersos profudisse, stipendiario dantes militi, quæ dari debuerant sacerdoti.

De viro tamen prædicto Gulielmo, videlicet de Breusa, quanquam in hoc plurimum offenderit: quia nihil humanum omnino perfectum: omniumque habere notitiam (vt ait Imperator) & in nullo peccare, potius diuinitatis est quam humanitatis. *40* Hoc equidem memoratu dignum censui, quod in omni sermone suo semper dominum anteponebat consuevit, dicens: In nomine Domini fiat hoc: ex Dei parte fiat illud: Item si Deo placuerit: vel si Deus annuerit: vel per Dei gratiam futurum est ita. Quod autem in hunc modum Deo sit semper totum committendum, eiusque voluntati commendandum, habemus ex Paulo, qui sicut in Act. Apostolorum legitur, valefaciens fratribus dixit: *Iterum renouat ad vos Deo volente.* Similiter & Iacobus in epistola sua adiectiones huiusve: *Si Deus voluerit, & vixerimus.* singulis de futuro promissionibus faciendas ostendit, diuinæ voluntati & dispositioni cuncta relinquēdo. Literas quoq; quas varias ad partes veluti diues & præpotens mittere solet, à Deo gratiosis huiusmodi diuinæ indulgentiæ verbis onerare seu potius honorare cōsueuerat, vt in *50* redium plerumq; maximum, nō solum notariis, verum etiam auditoribus vergi soleat. Singulis etiā notariorum, vt literas omnes diuini auxilii verbo cōcluderent, præ communia stipendia aureū annuatim denarium dabat. Ad hæc etiam ex deuotionis abundantia, quoties iter agendo, vel in ecclesiam vel in crucem aliquam, oculos conuerxit, quanquam in cursu sermonis cum quocunque seu plebeio, seu potente verbum fieret, statim se transfert ad orationes: quibus expletis, à diuerticulo repetit orationem. Præterea quoties pueros in via obuios habet, eos illico salutatione præueniens ad reciprocā inuitat salutationem, vt sic innocentum benedictio vel extorta cum salutationis eulogio refundatur. Horum etiam omnium & sponsa eiusdem,

dem, Matildis de sancto Valerico consuetudinem habuit, mulier (inquam) prudens & pudica: mulier domui suæ bene preposita: mulier non tantum intus conseruando, verum etiam extra multiplicando prouidentissima. Qui utinam ambo tam finalem in tempore felicitatem & gratiam quam æternitatis gloriam fuerint ex deuotione consecuti.

Accidit etiam in eisdem partibus pueri cuiusdam pullos columbinos in ecclesia sancti Dauidis de *Lhannaes* à nido subripere volentis, lapidi supposito manum adhæsisse, miraculosa forte sancti illius vindicta auium ecclesiæ suæ indemnitate procurantis. Cumque tribus diebus & noctibus puer cum parentibus & amicis in ipsa ecclesia coram altari vigiliis, ieiuniis & orationibus institissent, tandem die tertio vinculo diuinitus relaxato, manum à lapide virtus quæ ligauit absoluit. Vidimus eundem apud Newbyriam in Anglia manentem, se Meneuensi episcopo Dauid secundo ibidem presentantem, & transactis ætatem gradibus iam senem ex puero factum, quoniam in episcopi illius diocesi ista contigerant, sibi hæc accidisse certissima relatione confitentem. Lapis vero in ecclesiam prædicta pro reliquiis vsque in hodiernum diem referuatur, quinque digitorum vestigiis tanquam in cera pressorum in silice comparentibus.

Pulli potius pro reliquiis referuandi erant, quia præstantior est causa quam instrumentum, & vix mortui sunt antequam da.
Reliquia sanctorum maluit à miseris oblationes accipere quam illis quicquam dare.

Miraculum autem haud longe dissimile his nostris diebus accidit apud S. Edmundum, mulier miserrima ad scrinium viri sancti quasi sub deuotionis obtentu accedere conlucta non tamen afferre quicquam sed auferre parata, argentum & aurum ab aliis oblatum, exquisito furti genere deosculando ablambere solebat, & ore reconditum asportare. Quæ cum semel (vt sæpius consueuerat,) id fecisset, labiis & lingua feretro firmiter adhæsit, argentumque ingestum diuinitus deprehensa palam euomuit, accurrentibus quoque multis admirantibus tam Iudæis quam Christianis maiori diei parte vt amplior virtus elucesceret & nulli dubium foret, ibi immota remansit & inconuulsa.

Sanctimoniales non possunt ferre concubinas sicut datur, qui volunt calidum.

Item in borealibus Angliæ trans Humbrum finibus in ecclesia de Houedene, rectoris eiusdem ecclesiæ concubina tumbæ sanctæ Ofanæ sororis regis Osfredi lignee in sedis modum super aream eminenti minus caute insedit. Quæ cum inde recedere vellet, fixis ligno natibus auelli non potuit, donec accurrente populo, scissis vestibus, & corpore nudato, & crebris disciplinis vsque ad sanguinis profluium acriter afflicto, cum lachrymis quoque multis & supplicationibus compunctione sequuta & pœnitentia iniuncta diuinitus laxata recessit.

Psalterium Quindreda.

Miraculum monasticum & vigilium catholica deuotio.

De Psalterio quoque Quindredæ sororis sancti Kenelmi, cuius instinctu interfectus erat, virtus magna nostris diebus emicuit. Cum subcelerarius vigilia sancti Kenelmi sero apud Winchelcumbe, aduentantibus mulierum turbis de vicinia & notitia monachorum ad festum vt solent, cum quadam illarum inter septa monasterii fornicationem incurrit. Qui die crastino ad processionem Psalterium prædictum inter reliquias sanctorum ferre præsumens, completa processionis solennitate reuersus in chorum, idem manibus suis firmiter adhærens deponere non præualuit. Qui stupefactus plurimum & confusus, tandem delictum hesternum ad mentem reuocans, confessione facta & pœnitentia iniuncta fratrum orationibus adiutus, & propria compunctione contritus, à vinculo diuinitus dato demum absolui meruit & laxari. Liber autem ille ideo in veneratione magna ibi tenetur: quia cum corpus Kenelmi exanime deferretur & clamarent turbæ Martyr Dei est, est vere, Martyr Dei est. Respondit Quindreda fratricidii rea & conscia, adeo vere martyr Dei est, sicut verum est, quod oculi mei super Psalterium istud eruti iacent, ea enim hora Psalterium forte legebat. Et statim oculi eius ambo à capite diuinitus auulsi in librum apertum, vbi & vestigia sanguinis adhuc apparent, ceciderunt.

Torquis Canani.

Torquis utilissimus si hodie exaret.

Præterea de torque, quam S. Canaui dicunt, tacendum non censui. Est etenim solum auro tam pondere & natura quam colore simillimus. Ex quatuor frustis sicut ex rimulis patet: orbiculariter in verticem infectis, artificiose commentus, & capite quasi canino rictuosis hinc inde dentibus extante per medium complexus. Hunc autem pro reliquiis habent indigenæ virtuosissimis, adeo vt hoc coram posito nemo peierare præsumat. Apparet autem ictus in torque magnus quasi ferreo marculo factus. Quidam enim, vt fertur, auri cupidine ductus, cum annulum infringere niteretur vindictam diuinitus sentiens, oculo est statim orbus utroque: & sic quamdiu postea vixit, tediosam in tenebris vitam perduxit.

Cornu sancti Patricii.

De cornu quoque sancti Patricii non aureo quidem sed æneo quod in partes istas

istas ab Hybernia nuper aduenit, haud dissimile obstupendum: Cuius virtus ex fatua & inepta Bernardi presbyteri cornicatione, terribili exemplo in finibus istis primum emicuit: sicut in Hybernica topographia nostra propalatur.

Campanas baiulas, baculos quoque in superiori parte cameratos, auro & argento vel ære contextos, aliasque huiusmodi sanctorum reliquias, in magna reuerentia, tam Hybernæ & Scotiæ, quam & Walliæ populus & clerus habere solent, adeo ut sacramenta super hæc longe magis quam super euangelia & præstare vereantur & perierare. Quippe ex vi quadam occulta & his quasi diuinitus insita, nec non & vindicta cuius præcipue sancti illi appetibiles esse videntur, plerumque puniuntur contemptores & grauitè animaduertitur in transgressores. De Cornu quoque Patricii hoc equidem notabile censui, qui ad aurem appposito capite foraminis ampliore, dulcisonam audias per se sonoritatem emitti, qualis ex cithara nudata leuiter impulsæ melodia solet educi.

Contigit autem his nostris diebus eisdem in finibus quod & notabile censui. Suillam siluestrem quia canem forte lactauerat odorisequis naribus sagacem, cuius mamillis apposita fuerat, adultam in ferarum persecutione ad miraculum usque fuisse perualidam, adeo quidem ut molossis ad hoc natura iuuante tam institutis quam instructis, odorum sagacitate longe præstantior inueniretur. Argumentum tam hominem quam animal quodlibet ab illa cuius lacte nutritur, naturam contrahere.

In eisdem quoque finibus & eodem fere tempore res accidit prodigiosa. Miles enim cui nomen Gilbertus cognomen vero Hagernellus, post diutinos continuosque fere triennii languores, & grauissimas tanquam parturientis angustias demum videntibus multis, per egestionis fenestram vitulum edidit. Noui alicuius & inusitati futuri casus ostetum, aut potius nefandi criminis ulttricem declarans indignationem.

Præterea ex antiquis & autenticis partium istarum scriptis colligitur, tempore quo Sanctus Elwitus heremiticam apud Lhanhamelach vitam exegit, iumentum eiusdem quo cibaria ipsius deferri consueuerant ceruo emissario prægnans effectum esse ex quo & miræ velocitatis equus prodiit, anteriori parte equi naturam præferens, posterius vero in ceruum descendens.

Primus Normannorum hanc prouinciam quæ tribus Cantredis distincta conferitur Bernardus de Nouo mercatu, noua contra Cambriæ ciues conquestione possedit. Hic filiam Nestæ, filii Gruffini, filii Leolini, cuius tyrannus totam aliquandiu Walliam oppresserat, materno Nestam nomine, quam & Angli vertendo Annes vocauere, sibi matrimonio copulauit: ex qua & prolem suscepit, in qua Miles egregius, cui nomen Mahel, hac paternum iniuria conquestum amisit. Mater eiusdem contra iugale vinculum adulterinis amplexibus militem quendam adamauit. Quo comperto militem noctu à matre redeuntem filius offensus, flagellatum grauitè mutilatumque cum dedecore magno remisit. Mater vero mira facti confusione perculsa, muliebrique dolore anxie concussa, totum in vindictam virus euomit. Accedens igitur ad Anglorum regem Henricum primum, assertionem vindice magis quam vera, proposuit, & coram curia publice sacramento corporaliter præstito confirmauit. Filium suum Mahelem non à Bernardo, sed ab alio quodam quem secretis & illicitis adamauerat amplexibus, fuisse progenitum. Cuius iuramenti vel potius periurii causa, rex Henricus voluntate magis quam ratione permotus primæuam prædictæ mulieris filiam, quem ex Bernardi semine professa est vere fuisse susceptam, iuueni de familia sua & militi insigni, Miloni s. filio Walteri Constabularii Glouerniæ cum Honore de Brecheinoc nuptui dedit. Qui post modum ab eiusdem regis filia & imperatrice Romana Matilde Comes Herefordiæ creatus est. Hic prolem egregiam ex eadem vxore suscepit, in qua filii quinque milites insignes, Rogerus, Gualterus, Henricus, Gulielmus & Mahel, nescio qua vindicta, quæue fatalitate sinistra, intempestiua nece, rebus humanis exempti sunt. Et tamen omnes præter Gulielmum sibi inuicem sine prole paternam in hæreditatem successerunt. Sic igitur hæc mulier muliebri non degenerans à natura, ut vindici satisfaceret iracundiæ, cum graui pudicitie iactura, cum damno dedecoris atque pudoris, vno eodemque facinore & filium patrimonio & se priuauit honore. Nec mirum si mulier innata malitiæ morem gerat. Legitur etenim in Ecclesiaste, *Virum unum de mille reperi bonum, mulierem non inueni.* Et in Ecclesiastico, *Non est caput nequius super caput colubri, & non est ira super iram mulieris.* Item in eodem, *Brenis est viri malicia super maliciam mulieris.* Et ut de spinis vuas, de tribulis ficus colligamus, muliebrem descri-

Sus venaticum.

Gilberti Hagernelli partus vitulinum.

Sancti Elwiti in πλάσος.

Bernardus de nouo mercatu.

Odium muliebri.

describens naturam Tullius, ait; Viri forte alicuius commodi causa, vnum aliquando scelus perpetrabunt: foemina vero vnius explenda voluntatis causa, omnia simul scelera perpetrare non formidabunt. Item Iuuenalis loquens de mulieribus, inquit;

Inuenal. Sat. 6.

— *nihil est audacior illis*

Deprensas, iram atque animos à crimine sumunt.

Et alibi.

Sat. 10.

— *mulier seuissima tunc est,*

Cum stimulos animo pudor admouet —

Et in eodem.

— *collige quod vindicta*

Sat. 13.

Nemo magis quam femina gaudet.

Prædictorum autem fratrum quinque & filiorum Comitum Milonis penultimus ille & postremus hæreditatis possessor, inhumana præ cæteris crudelitate notabilis, adeo in Meneuensem Episcopum David secundum, suasque tam possessiones quam terras & homines desæuire statuerat, ut à finibus de Brecheinoc non præsul iam, sed tanquam exul existens, tam Angliam, quam alias diocesis suæ partes frequentaret. Contigit autem interea ut in castro de Brendlais, cum Gualtero de Cliffordia, Mahel hospitio susceptus, ædibus casuali incendio consumptis, lapide à principali turre deorsum cadente percussus in capite lethaliter obrueretur. Et statim missis nunciis prædicto loci episcopo cum festinatione reuocato, voce miserabili proclamat; O pater & pontifex noster, crudelem nimis in me vindictam sanctus vester exercuit, non conuersionem peccatoris expectans, sed mortem magis & euersionem accelerans. Et cum huiusmodi verba lugubri lamentatione sæpius ingeminasset, anno dominationis suæ nondum completo vitam pariter & tyrannidem terminauit, & propriæ præco confusionis expirauit.

Brunellus.

Brachanna.

*Eilmathe
Eloned.*

*Cum plus satis
fotasse biberint.*

Erat autem antiquitus regionis illius quæ Brecheinoc dicitur, dominator vir potens & nobilis, cui nomen Brachanus, à quo & terra Brecheinoc denominata est. 7 De quo mihi notabile videtur, quod ipse 24. habuisse filias Historiæ Britannicæ testantur, omnes à pueritia diuinis deditas obsequiis, & in sanctitatis assumptæ proposito vitam foeliciter terminasse. Extant autem adhuc Basilicæ per Cambriam multæ, earum nominibus illustratæ: quarum vna in prouincia de Brecheinoc non procul à castro principali de Aberhodni in collis cuiusdam vertice sita, quæ Sanctæ Almedhæ ecclesia dicitur, hoc etenim virginis sanctæ nomen extiterat, quæ & ibidem terreni regis nuptias respuens, æterno nubens regi, foelici martyrio triumphauit. Celebratur autem sollemnis eiusdem dies eodem in loco singulis annis in capite cal. Augusti, vbi & eodem die multi de plebe longinquis ex partibus conuenire solent. Et variis languentibus infirmitatibus meritis beati virginis optatam recipere sanitatem consueuerant. Illud autem hoc in loco mihi notabile videtur, quod in omni fere solemnitate virginis huius accidere consuevit. Videas enim hic homines seu puellas nunc in ecclesia, nunc in cœmiterio, nunc in chorea, quæ circa cœmiterium cum cantilena circumfertur, subito in terram corruere, & primo tanquam in extasim ductos & quietos: deinde statim tanquam in frenesim raptos exilientes, opera quæcunque festis diebus illicite perpetrare consueuerant tam manibus quam pedibus coram populo representantes. Videas hunc aratro manus aptare, illum quasi stimulo boues excitare: Et vtrunque quasi laborem mitigando solitas barbaræ modulationis voces efferre: videas hunc artem futoriam, illum pellipariam imitari. Item videas hanc quasi colum baiulando, nunc filum manibus & brachiis in longum extrahere, nunc extractum occidendo tanquam in fustum reuocare: istam deambulando productis filis quasi telam ordiri: illam sedendo quasi iam orditam oppositis lanceolæ iactibus & alternis calamistræ cominus ictibus texere mireris. Demum vero intra ecclesiam cum oblationibus ad altare perductos tanquam experrectos & ad se redeuntes obstupescas. Sic itaque diuina miseratione, quæ peccantium conuersione magis gaudet quam euersione, multos vltionem huiusmodi tam videndo quam sentiendo, festis de cætero feriendo diebus corrigi constat & emendari. Est igitur hæc terra satis abundans grano: Et si quis est defectus in nato, ex Anglicanæ vicinitatis copia affatim suppletur alato, pascuis & siluis, feris & armentis terra foecunda: fluuiialibus quoque piscibus abundat, quos hinc Osca, inde Vaga ministrat: salmonibus etiam & trutis vtraque: sed plus illis Vaga, plus istis Osca foecunda est. Hyemali quoque tempore, Vagæ salmones, Estiuo vero Oscæ tempestiui reperiuntur: egregiis vero quas & vinbras vocant, sola

sola timallis Vaga fecunda est. In quorum laudem, quoniam & Mediolani illis abundat, in Ambrosii libris reperitur. Quid, inquit, aspectu pulchrius, quid odore suauius, quid gustu iucundius? Lucis quoque & perchiis trutisque; per optimis & tenchis anguillisque; lutosus, lacus ille de Brecheinoc magnus & famosus (quem & clamosum dicunt) patriam replet. De quo quod parum ante hæc nostra tempora contigit prætereundum non putavi. Tempore namque Anglorum regis Henrici primi Gruffino filio Resi filii Theodori, quanquam vnus commoti solum, id est, quartæ partis Cantredi de *Caoc* sc. in *Canterf Mawr* tunc domino, tamen & nobilitate tenuis in Southwallia quam Cambri *Deheubarth* i. dextralem Walliæ partem vocant, sub rege principante. Cum idem
 10 Gruffinus à Curia regis per lacum prædictum fluuialibus diuerforum generum auiculis hyemali algore redundantem reuerteretur, duces habens & deductores Milonem Herefordiæ Comitem & de Brecheinoc dominatorem, nec non & Paganum filium Ioannis, in cuius manu tunc Ewyas fuit, qui duo tunc temporis inter regis secretarios & præcipuos consiliarios pro magnis habebantur. Comes Milo ut aliquem à Gruffino nobilitatis innatæ sermonem eliceret, in hæc verba ludicro magis quam serio prorupit: Antiquum, inquit, verbum & ab antiquo in Wallia retentum est, quod si naturalis Walliæ Princeps ad hunc lacum veniens auibus eiusdem præceperit ut canant, statim omnes canent: ad quod Gruffinus plus animo diues quam auro: (ob hæreditatis namque diminutionem, nihil vnquam animositate, nihil dignitatis im-
 20 minuens subiecit.) Tu itaque qui terræ istius nunc dominium geris, primo præcipias: At illo frustra præcipiente, sicut & præcepto Gruffini postea quoque Pagano. Videns Gruffinus ad eorundem instantiam, sibi iam præcipiendi lege consortii necessitatem incumbere: statim ab equo descendens, & in orientem genua ponens, tanquam duelli confictum ibidem ingressurus, nunc cernuus in terram & humiliter prostratus, nunc oculis ac manibus in cælum intentus, deuotas ad dominum fudit orationes, tandem itaque se ab orationibus erigens & crucis signaculo frontem ac faciem signans, palam ac publice proclamauit. Deus omnipotens & omnia sciens Domine Iesu Christe, tuam hic hodie declara virtutem.

Quoniam si ex naturalibus Walliæ principibus me linealiter descendere fecisti, auibus istis ut hoc denuncient, in nomine tuo præcipio. Et continuo auiculæ cunctæ, quælibet in suo genere alis expansis aquam verberando, canere vnâ & proclamare cæperunt. Cunctis autem qui aderant stupidis effectis & consternatis: Comes & Paganus ad Curiam statim cum festinatione vniuersi, cuncta per ordinem Regi admiratione maxima retulerunt. Quibus auditis Rex respondisse memoratur: per mortem inquit Christi (quo iuramento uti consueuerat) non adeo est admirandum: quia licet gentibus illis per vires nostras magnas iniuriam & violentiam irrogemus, nihilominus tamen in terris eisdem ius hæreditarium habere noscuntur. Plurimis quoque (ut accollæ testantur) lacus iste miraculis pollet. Quemadmodum enim viridis aliquoties (sicut præscripsimus) coloris, sic sanguineus aliquando nostris
 30 diebus repertus est, non vniuersaliter tamen sed quasi per venas quasdam & riuulos sanguinem manare compertus est. Ad hæc etiam totus ædificiis confertus, culturis egregiis, hortis ornatus & pomeriis ab accolis quandoque conspicitur. Sub bruma quoque glacie constrictus & aquarum superficie in lubricam testam frigore coniecta, sonum horribilem tanquam multorum animantium in vnum collectorum mugitum emittit. Sed hoc forte glaciali testudine deorsum residente aeris inclusi, & per fenestras occultas sensim exhalantis, subita interdum & violenta facit eruptio. Præterea montibus excelsis præterquam à Borea hæc vndique terra concluditur, à Zephiron montana de Cantref Bachan, ab Austro montes habens meridionales, quorum principalis *Cadair Arthur* dicitur. i. Cathedra Arthuri, propter gemina promontorii cacumina in cathedræ modum se præferentia. Et quoniam in alto cathedra & in arduo sita est, summo & maximo Britonum Regi Arthuro vulgari nuncupatione est assignata. In excelsio montis huius vertice fontis ebullit scaturigo. Est autem fons in putei modum altus, sed quadratus, nullum ex se riuulum faciens, in quo tamen & trutæ quandoque (ut fertur) sunt repertæ. His igitur obstaculis ad meridiem apposis, à phebæo patriam feruore frigidior aura defendit, & insita quadam aeris salubritate temperatissimam reddit. Ab Euro vero de T algarth, & Ewyas montana præterdit. Quorum incolæ continuis inimicitiis & odio implacabili mutuis vulneribus sanguinem fundere & cædibus insistere non desistunt. Quanti vero & quæ enormes excessus super matrimoniis cruentissimis, protractis tamen potius quam contractis, & sanguinolento
 40
 50 diuor-

Llyn Samshan.

Putabant fortasse aves suum antiquum dominum sibi restitui.

diuortio præpeditis, cæterisque multis crudeliter exactis, hoc nostro tempore finibus istis acciderint, aliis explicare locum damus.

ANNOTATIONES IN

Caput II.

¹ **H**A Y, Coryletum, Brytannice Trekelhi. Hic eruuntur Romanorum numismata, qua urbis antiquitatem facile indicant. Leland.

² Habetur integra historia de exterminatione filiorum Iestini per Robertum filium Hamonis, & suos duodecim aurata militia viros nobiles, in Historia Cambria, nostro labore nuper edita: & in Breuiario Brytannica descriptionis, H. Lhuyd, unde huius loci explanatio petenda est. 10

³ De vastatione per Hoelum filium Meredythi, mendoſus plane locus est, qui per Hoelū & Meredythum, emendari debet: fuerunt enim fratres, filii Edvini filii Aeneæ filii Oeni, filii Hoeli Dba: qui cum contenderent cum Leolino filio Sifylli pro Demetico principatu, ingentem Dacorum & Anglorum copiam, sub ductu Edvini fratris Leofrici Merciorum reguli ad suum auxilium parantes & Brechinensem provinciam hostilem in modum intrantes, eam misere deturbarunt & vastarunt incendio. Verum a Gruffino dicti Leolini filio victi atque caesi sunt, præter Hoelum qui fuga vitauit mortem, sed postea ad confluentem Tywy inito cum eodem Gruffino conflictu cum magna parte suorum cecidit, vide Hist. Camb. Illi qui linguam Brytannicam norunt, facile perspiciunt, unde hic error emanaueris. Howelam Meredyth pro Howel à Meredyth interpretatum esse Giraldum quis non videt?

⁴ Ioannes Rex Anglia generali totius regni interdicto pressus, & veritus ne pontifex Rom. aut 20 ipsum nominatim excommunicando, aut suos subditos à fidelitatis sacramento absolueno maiores illi crearet molestias: mandat regni sui magnatibus (quos iniquiore in se animo esse sentiebat) ut obsides illi darent, quibus posset eos in officio continere, si forte per pontificem à sua fidelitate absoluerentur. Cum ergo inter alios ab hoc Gulielmo Brusio obsides peteret, Brusii uxor procacitate quadam muliebri, viro suo verba præcipiens, nunciis respondit: nolle se eorum domino filios suos credere, qui Arthurum nepotem suum, quem honorifice tueri & defendere debuisset, turpiter interfecerat. Rex, hoc responso grauiter offensus, milites quosdam armatos secreto misit, qui ipsum Brusium unà cum uxore & liberis & vniuersa familia comprehenderent atque ad se deducerent: verum ille ab amicis priuatim præmonitus, cum uxore & liberis fugit in Hyberniam: ubi, regis in illam regionem aduentu præfata Matildis cum filio suo & eius uxore capta est, qua una cum illo in Angliam missa, iubente rege fame 30 necati sunt. Maritus autem in Galliam fugiens apud Ebulam anno sequenti excessit è vita. Hæc ex Mat. Paris. deprompta Giraldi mentem explanant.

⁵ Quæ ratione Cambri post veram Catholica religionis cognitionem ad superstitiones descuerint, ita ut campanas, baculos, & mortuorum hominum pannicula vetustate & putredine fere consumpta coluerint & venerarentur: & quid præcipue eos in errore & ignorantia nunc detinet, hic interferendum putavi, ut causa cognita remedia facilius parentur. Quicumque semel à sincera pietatis professione ad supersticiosas vanitates transilierint, in omnes nugas & aniles fabulas facile dilabuntur, easque mordicus retinent. Cum Augustinus monachus Romanam religionem ad Saxones inueheret, Britanni (qui longe ante Christianam, Iosephi Aramashensis & sociorum predicatione susceperant) illius religionis formam admittere penitus recusarunt, eo quod esset humanis traditionibus atque friuolis 40 ceremoniis plena. At vero cum temporis diuturnitate & docentium negligentia histrionicam illam religionem admisissent, atque traditiones & ceremonias amplexi essent, reliquos regni incolæ, reliquiarum veneratione, peregrinationum longinquitate, & miraculorum fabularum varietate longe superarunt. Et tamen si sanioris iudicii homines, reliquorum insania semper reluctati sint, multitudo tamen verbi ignorantia seducta, illas vanitates sequebatur: adeo ut loca quadam peregrinationibus assueta, in hac euangelii luce, usque in hodiernum diem, ingenti peregrinantium multitudine singulis annis superstitiose frequententur: ut fons diuæ Venefredæ sacer: fons Dyfnoci in strata cluydensi: fanum Aeneæ regis in Aruonia: fanum Davidis in Demetia, &c. Atque hæc omnia veritatis ignorantia & euangelica predicationis inopia contingunt. Nam populus ipse præstantis cuiusdam naturæ beneficio, semper est ad audiendum promptus, ad discendum aptus, & ad obediendum paratissimus: ita ut quis- 50 quid hac in re peccatum sit, illud totum pastorum paucitati, qui populum assidue docere debent, ascribendum est, ad quorum sustentationem satis amplæ stipendia & redditus ecclesiastici in Cambria habentur: quæ iam in alium usum conuertuntur. Nam omnia fere optima sacerdotia & dignitates ecclesiastica totius Cambria, aut in generosorum quorundam manibus sunt, quæ eorum voto & deuotione mutis conferuntur canibus, qui latrare nesciunt, & malunt potius actores esse in fabula pro exiguo, quam spectatores pro nihilo: atque hanc ob causam aduocationum beneficiorum nundinationes fiunt, quæ etsi communi decreto non ita pridem abrogata sint, ubique tamen vanales prostant, tanquam preciosissima merces, & ita artificiose à peritis mercatoribus distrahuntur, ut si Simon ipse hodie viueret, habita cum illis comparatione in sua facultate haberetur indoctus: aut ab illis possideretur, qui

- qui non in Cambria sed in aliis regni partibus vitam degunt, quorum quidam sunt in religione tepidi, quidam boni socii, & quidam suo sensu euangelici feruentes. Hi neq. animas neq. corpora pascunt: modo ipsi lanam habeant, id est, suos redditus statis temporibus domi sibi solutos, nihil omnino de omnibus sunt solliciti, quæ interim in arduis Cambria montanis dispersa & palantes, spiritalis cibi inedia percunt. Hi tamen in hoc uno scripturas suo more sequuntur, colligunt enim ubi nō sparserunt, & metunt ubi non seminarunt. Cum reuera communi iuris regula onus honorem sequi debeat, & qui in agro domini non laborat ex illius agri fructibus non manducet. In illis omnibus Sacerdotiis imperiti homines & indocti curati sacramenta & sacramentalia (ut loquuntur) administrant: ubi hospitalitas omnis exulauit, cōciones aut rare aut prorsus nulla habentur. Atq. sic decima & oblationes, quæ in eum
- 10 finem à maioribus nostris instituta sunt, ut illi ipsi qui eas soluunt, in vera Christi doctrina recte instituuntur, ministri qui in verbo & doctrina laborant sustententur, & parochia pauperes cibo reficiantur, à recto usu penitus transferuntur in alium: adeo ut pauperes alimentis defraudentur, parochiani ignorantia seducti pro vera Christi religione superstitiones & aniles fabulas amplexentur, atq. in omnes idololatrias cultus suo quodam impetu ruant. Sublato enim stipendio tollitur doctrina: nam quis propriis stipendiis militabit, alio interim ordinarium stipendium intercipiente? Subductione vera doctrina ignorantia inducitur: Ignorantia autem superstitionem parit. Nulla enim natio tam fera & agrestis est, quæ non aliquo diuini numinis sensu afficiatur. Hinc voluntarius cultus: hinc superstitiosa deuotio, cuius matrem ignorantiam esse certum est: Hinc hæc ipsa campanarum, baculorum & reliquiarum reuerentia, de qua loquitur Giraldus: Hinc etiam hodierna peregrinationes de quibus supra dixi
- 20 originem habent. Præterea hic ecclesiasticorum reddituum abusus alia etiam offendicula secum trahit. Nam hinc vera religio male audit apud ignaros & simplices, qui eam propter hos abusus minus probant, ita ut sapissime audias viros probos ea de causa conqueri & pontificiam religionem laudibus extollere, quia viderant olim ut asserunt cum ea publice doceretur, plurimis in locis rectores ecclesiarum, domus habere perhospitales & apertas, ubi pauperes & peregrini refici & curari solebant, in quibus nunc tempore euangelii propter prædictas causas non datur pauperibus poculum aquæ frigide. Et sic vera doctrina propter insatiabilem quorundam auaritiam blasphematur: quasi hoc ex euangelio manauerit, aut hic fiet eius doctrina fructus, & non potius hypocritarum quorundam qui quantum pro religione habent insatiabilis cupiditas. Hæc si vera non sint, conuincat erroris, sin autem vera sint, (ut sunt verissima) Deus tempore opportuno ecclesiæ suæ melius providebit. De reliquiis vide ea quæ scri-
- 30 pta sunt a venerando sene domino Io. Foxo in sua responsione ad Osorium lib. 3. pag. 373.
- 6 Ego eorum opinioni accedo qui hanc Nestam filiam Gruffini aut illam ipsam aut illius sororem fuisse affirmant, ex qua Fleanchus Banchonis filius Gualterum Stuardum genuit, à qua Scotia reges qui hodie regnant originem traxerunt. Sunt qui affirmant Ranulphi Cantabrigia comitis matrem *Mat. Par.* (cuius apud authores mentio fit) huius etiam principis fuisse filiam, quam ego potius Gruffini filii Roderici filiam fuisse affirmauerim, sororem scilicet Caradoci de quo scribit Florilegus lib. 1. Sed ubi coniecturis & circumstantiis proceditur, suum cuique iudicium liberum esto.
- 7 Hic Brachanus natus erat patre Haulapho Hybernorum rege & matre Britannica, nimirum Marcella filia Theodorici filii Tethphalti reguli de Garthmathrin, illius nempe regionis, quæ ab hoc Brachano nomen accepit & hodie Brechonia vel Brechinia dicitur, Britannice Brecheinoc. Huius
- 40 Brachani filia nomine Tydvael uxor fuit Congeni filii Cadelli Powisia reguli, & mater Brochmaeli cognomento Scithroc, qui Ethelfredum Northumbrorum regem, ad Deuam fluvium interfecit, eiusque copias fudit, circa Annum domini 603.

De Ewyas & Lanthonicum N.S.

CAP. III.

- STAT autem in valle de Ewyas profundissima, quantum sagittæ est iactus arcu emissæ, montibus ethereis orbiculariter vndique conclusa, ecclesia sancti Ioannis Baptistæ plumbeis laminis operta, lapideo tabulatu pro loci natura non indecenter extructa. In loco videlicet ubi paupercula prius sancti Dauid Archiepiscopi
- 50 capella steterat, musco siluestri solum & hedræ nexibus adornata. Vere religioni locus idoneus, & disciplinæ canonicæ præ cunctis insulæ Britannicæ cœnobiis competentissimus, à duobus eremitis in honorem eremiticæ vitæ primo fundatus, ab omni populari strepitu in solitudine quadam longe remotus, super fluvium Hodeni per vallis ima labentis situs: vnde ab Hodeni Lanhodeni dictus. *Lan.* Lan enim locus ecclesiasticus sonat, Exquisitus tamen dici potest, quod propria loci illius nuncupatio Cambrice est Nanthodeni. Nant etenim riuus dicitur aquæ decurrentis, vnde vsque *Nant.* hodie ab accolis locus iste lingua Cambrica Landewi Nanthodeni vocatur i. ecclesia Dauidis super riuum Hodeni.

Corrupte igitur Angli Lanthoni dicunt ubi vel Nanthodeni per N & t id est,
Aaaa riuus

rius Hodeni, vel Lanhodeni per L sine t id est, ecclesia Hodeni dici deberet. Pluuiæ quas montana creant hic creberrimæ, venti perualidi, nebulæ sub bruma fere continuæ. Et tamen aeris quanto obtusioris tanto benignioris & clementioris salubri temperantia: morbi rarissimi, adeo quidem ut fratres apud filiam diutino labore consumpti & desperabiliter afflicti tanquam ad salubre remedium & vnicum sospitatis asylum ad matris vbera translati optatæ sanitati restituantur. Nam sicut Hybernica Topographia nostra testatur: Quanto ad Euri partes magis acceditur, tanto cœli faciem quo purior & subtilior, tanto penetrabilior & inclementior aer illustrat: Quanto vero ad Circii Zephiri que fines magis vergitur: occiduam temperiem quo nubilior, tanto benignior atque salubrior aura fecundat. Hic claustrales in claustro sedentes 10 cum respirandi gratia forte suspiciunt, ad quasunque partes trans alta tectorum culmina, montium vertices quasi cœlum tangentes, ipsasque plerumque feras (quarum hic copia est) in summo pascentes, tanquam in ultimo visas horizonte prospiciunt. Hora vero diei quasi inter primam & tertiam super montium cacumina vix emergens & sereno tempore corpus hic solare primo conspicitur. Vere locus contemplationi idoneus, locus felix & amœnus, locus à primæua institutione sibi sufficiens & fecundus, nisi ob Anglicam luxu opulentiam & lautæ mensæ gloriam ambitiosa quadam intemperantia, vitio quoque ingratitude inualecente, in seruitutem quæ libera fuerat prælatorum pariter & patronorum negligentia iam redacta, non minus inuide quam inuisse matrem filia facta priuigna supplantasset. Hic autem 20 mihi notabile videtur quod Priores omnes locum de quo loquimur aduersantes, flagellati diuinitus occubere. Prior Gulielmus qui primus armentis & armariis locum spoliavit demum deiectus à fratribus & depositus, inter Priores sepulturam non meruit. Clemens vero qui quanquam locum lectionis & orationis gratiam diligere & frequentare videretur, tamen ad exemplum Heli sacerdotis, quoniam diripientium & delinquentium fratrum errorem nec reprehendit nec repressit, paralytica passione percussus interiit. Rogerus autem qui plus cæteris locum infestans, & cuncta quæ ab aliis relicta videbantur palam asportans, libris, ornamentis & priuilegiis ecclesiam ex toto priuauit, longe ante obitum paralytin incurrens & honorem cedens, diutino languore consumptus, vitam pariter & valetudinem terminauit.

Tempore vero Anglorum regis Henrici primi matre florente tam rerum affluentia quam religione famosissima, (quæ tamen duo comitantia raro reperies) filia quippe matris æmula nondum genita, utinam & ab æuo non gignenda, Rogerum Salisburiensem episcopum, principalem regni tunc sub rege rectorem, huc fama tantæ religionis attraxit. Virtus enim vero est virtutem diligere vel in altero, & magnum innatæ bonitatis indicium, ipsa quæ necdum vitaueris vitia animi iudicio deuouere. Hic cum aliquandiu loci naturam, heremiticam solitudinem fratrum ibidem canonice viuientium, Deoque seruientium sine querela, sanctam sine murmure conuersationem, in singulis admiratus considerasset, reuersus ad regem, relatisque quæ 40 ibi repererat relatione digna, cum maximam diei partem in loci præscripti titulos expendisset, tandem in hoc verbo, laudis præconia consummauit. Quid inquit plura, totus tam regis quam regni thesaurus soli claustro erigendo non sufficeret. Cum itaque tam regis quam curiæ totius animos in huius verbi stuporem diutius suspendisset, tandem de montium claustris quibus vndique vallatur ænigma sermonis exposuit. Miles autem cui nomen Gulielmus, qui primus loci inuentor fuit & cultor, nec non & præbyter Eruistus qui se socium ei statim adiunxerat, quoniam iuxta Hieronymi sententiam forsitan audierant, sicut in vitis patrum legitur: Christi ecclesiam postquam creuit possessionibus decreuisse virtutibus, de vitiis pariter & diuitiis incrementa sumendo: deuotis ad dominum orationibus in publica audientia sæpius efflagitare solebant, ut nunquam ad magnas possessionum opulentias locus iste perueniret: 50 quoties in primis seu domini & patroni sui Hugonis de Laci primi & primæui, seu aliorum fidelium largitione, tam terris quam beneficiis ecclesiasticis cœpit locus hic locupletari valde dolentes. Plurima quoque tam in prædiis quam in Ecclesiis in primis oblata paupertatis amore respuerunt: Et in Eremita positi ne ab Eremitica vita recederent, loci condensa quibus in hispidam siluam vallis excreuerat, in planiciem redigi & extirpari non permiserunt. Vnde & effectum est ut quam cito in immensum ditari cœperant & dotari: Statim per Herefordiæ Comitum Milonem, (hostilitatis tamē tempore occasionem præstante) filia apud Glouerniam æmula matris emerfit: tanquam diuina prouidentia, meritis quoque sanctorum virorum, & precibus quorum hic cor-

hic corpora duo coram principali altari recondita iacent, in superfluis rerum fundamentis filia fundaretur: in laudabili quam semper appetit mediocritate matre manente. Ibi igitur actiui resideant, hic contemplatiui: Ibi terrestrium ambitus diuitiarum, hic cœlestium amor deliciarum: ibi frequentiam habeant populorum, hic præsentiam appetant angelorum: ibi mundi potentes suscipiantur, hic Christi pauperes reficiantur: ibi inquam actiones perstrepat & declamationes, hic vero lectiones obmurmurent & orationes: ibi vitiorum nutrix atque creatrix cum curis crescat & opulentia, hic virtutis alumna mediocritas aurea suppetat & moderantia: vtrunque tamen tam hic quam ibi quæ aliis hodie cunctis præeminet ordinibus, ab Augustino instituta canonica seruatur disciplina. Benedicti namque regulam in primæua paupertate laudatissimam, rerum opulentia postmodum feruore charitatis plurimum adaucta, & fidelium largitione multiplicata, sub prauæ dispensationis obtentu crapula iugis & copia corruerunt. Cisteriensis autem ordo spontaneo pristinae paupertatis & sanctitatis desiderio nuper à priore deriuatus, in primis similiter digne laudari meruit & extolli: donec iterum cæca malorum mater obrepit ambitio, nescia successibus modum ponere. Quoniam ut ait Seneca, facit quidem auidos nimia foelicitas, nec tam temperatæ cupiditates vnquam sunt ut in eo quod contingit desinant. Gradus à magnis ad maiora fit & spes improbissimas amplectuntur, in sperata affectuti. Cui & illud Ouidii concordare videtur;

*Benedicti in eremo
luxur.*

Cisterienses.

Opulentia religionem corrumpit.

20 *Luxuriant animi rebus plerumque secundis,
Nec facile est aqua commoda mente pati.*

Et illud eiusdem.

*Creuerunt opes & opum furiosa cupido,
Et cum possideant plurima plura petunt.*

Item illud Horatii in lib. carminum.

*Scilicet improba crescunt diuitia,
Tum curta nescio quid semper abest rei.*

Et in eod.

*Crescentem sequitur cura pecuniam
maiorque fames.*

30 Multa petentibus desunt multa. Bene est cui Deus obtulit parca quod satis est manu. unde & Lucanus.

Oda. 16. lib. 3.

Lib. 5. bel. cini.

— *O vita tuta facultas
Pauperis, angustique lares. O munera nondum
Intellecta deum.*

Petr.

*Non bibit inter aquas nec poma fugacia carpit
Tantalus infelix quem sua vota premunt.
Diuitis hic magni facies erit, omnia late
Qui tenet & sicco concoquit ore famem.*

Armentis quippe & equiciis montana, porcis siluestria, capris nemorosa, ouibus pascua, pecudibus plana, aratris rura, quanquam reuera in se largissima: singula tamen vitio mentis infatiabili videntur angusta. Ideoque terræ occupantur, termini transponuntur, fines inuaduntur, unde & nundinae mercimoniis, & fora litigiis, & curiæ replentur querimoniis. De talibus autem in Isaia legitur: *Ve vobis qui coniungitis domum ad domum, & agrum agro copulatis usque ad terminum loci. Nunquid habitabitis soli vos in medio terra?* Si ergo sic inuehitur propheta in eos qui usque ad terminum: quid in illos dicetur, qui longe ultra terminos? His igitur ex causis & similibus effectum est, ut veræ religionis color optimus, adeo in falsitatis fucum sit iam conuersus, adeo ut nigri interius mores candidis velentur operimentis, adeo inquam interioris olim habitus,

Isa. 5.

50 *Qui color albus erat nunc est contrarius albo.*

Ut de his illud Euangelicum vere videatur impletum, *Attendite ab his qui veniunt ad vos in vestimentis onium, intrinsecus autem sunt lupi rapaces.* Tantæ tamen & tam declamata per orbem auiditatis, bona ut credimus occasionem præstat intentio. Hospitalitatis namque gratia quam huius ordinis viri (quamquam in se abstinentissimi) præ aliis cunctis charitate largiflua in pauperes & peregrinos infatiganter exercent: & quia non redditibus ut alii, sed laboribus solum & prouidentia viuunt: terras tanto conamine, quibus ad hæc peragenda sufficientiam eliciant, auide perquirunt, prædique summopere petunt & pascua lata. Veruntamen ad reprimendam & remouendam ab ordine sacro detestandam ambitionis notam, utinam illud Ecclesiastici inter-

Bona intentio.

Ecl. 6. 34.

terdum ad animum reuocare velint; *Qui facit Eleemosynam, vel qui offert sacrificium de substantia pauperis, quasi qui filium victimat in conspectu patris.* Et illud Gregorii, bonus usus non iustificat male quæsitâ. Item & illud Ambrosii: Qui male accipit ut bene dispenset, grauatur potius quam iuuatur: tales enim cum Apostolo dicere videntur: *Faciamus mala ut veniant bona.* Scriptum est enim, talis debet esse misericordia quæ suscipiatur, non quæ repellatur: quæ peccata purget, non quæ reum faciat ante dominum: de iustis laboribus tuis non de rebus alienis. Audi Salomonem dicentem: *Honora dominum de tuis iustis laboribus.* Quid dicturi sunt qui aliena rapiunt & eleemosynas fecerunt? O domine in nomine tuo misericordias fecimus, pauperes pauimus, nudos vestiuius, peregrinos hospitio recepimus. Quibus dicturus est dominus, 10 quod dedistis dicitis, quod fecistis rapinam non dicitis. Quos pauistis memoratis, & quos necastis non recordamini. Exemplum autem de responso Richardi Regis Anglorum factio magistro Fulconi viro bono & sancto, per quem Deus in Francorum regno nostris diebus multa proculdubio signa fecit, hic interserere præter rem non putavi. Cum inter cætera vir ille sanctus regi dixisset: Tres filias habetis quæ 20 quamdiu penes vos fuerint nunquam Dei gratiam habere poteritis, superbiam scilicet, luxuriam & cupiditatem. Cui rex post modicam quasi pausationem, iam inquit maritavi filias istas & nuptui dedi: Templariis superbiam, nigris monachis luxuriam, & Albis cupiditatem. Id etiam pro valde mirando de loco præscripto Lanthornei dicto, vel potius quasi pro miraculo duximus, quod in summis quibus clauditur 20 vndique montium verticibus, non petrosis aut saxolis sed mollibus potius & herbosis, Parii lapides reperiri soleant, qui & liberi vulgo dicuntur, quia secabiles ferroque quodam modo polibiles sese quasi liberaliter præstant: ex quibus ecclesia ipsorum iam extat egregie constructa. Super quo quidem & hoc mirandum, quod quæsitis ad vnguem per montana lapidibus illis, & ex toto prorsus abstractis nullisque relictis qui reperiri ibidem amplius possent, infra tertium aut quartum diem iterum requisiti tanquam dono seipsum offerentes, & se quærentibus ostendentes copiosa multitudine reperiuntur. De duobus tamen ordinibus istis Cluniacensi scilicet & Cisterciensi si hoc compertum habeas, locum ædificiis egregie constructum, redditibus amplis & possessionibus locupletatum istis hodie tradas, inopem breui destructumque videbis: illis è diuerso eremum nudam & hispidam siluam assignes: intra paucos postmodum annos, non solum ecclesias & ædes insignes, verum etiam possessionum copias & opulentias multas ibidem inuenies. Hanc autem diuersitatem (ut mihi videtur) 30 morum diuersitas parit & studiorum. Ut enim salua utrorumque venia veritati non parcam, illinc sobrietas iuuat, parcimonia pariter & prouidentia: hinc vero obest, ventris ingluuius & intemperantia. Illi namque tanquam apes in vnum congerunt omnes & congregant vnanimitate conspicui, vno omnium existente loculo, & illo bene disposito: Isti congesta diuinitus, & deuota fidelium largitione collata, diuersis distrahunt animis & diripiunt indefinenter, multis existentibus & multorum loculis, quibus dum studiosius singuli tanquam propriis indulgent, minus proficitur in 40 commune: quoniam ut ait Salustius, Concordia parua res crescunt, discordia maxime dilabuntur. Præterea de tredecim ferculis vel quatuordecim, quæ sibi de solo consuetudinis iure deberi contendunt, tempore famis & inædiæ, priusquam vnum ad tempus intermitterent, priusquam vnum relinquerent aut à consuetudine vel in modico recederent, terras monasterii meliores & mansiones in fœnebre prædam perditum ire, & quod crudelius est pauperes ad ianuas cateruatim obire permitterent & perire. Illi vero non solum arietes omnes & armenta, grânio deficiente, verum & de duobus pulmentis quibus contenti sunt, alterum in vnum pauperum, urgente incommodo laudabili charitate largiuntur. His autem nostris diebus, ut tanquam à niueo corpore næuus abstergetur, in Cisterciensi capitulo statutum est, ne ab hoc vnquam in 50 posterum ordine, precio quolibet prædia vel pascua comparentur: tantum illa de cætero sufficiant, quæ gratis obueniunt & absq; grauamine cõferuntur. Prædictus igitur ordo canonicus plus aliis mediocritate contentus atq; modestia, & si non plene, plurimum tamen ambitioni stringit habenas, & in mundo positus, mundi pro posse contagia vitans, nec crapula notabilis nec temulentia pro luxu rerum siue libidine, publicum in populo scandalum incurrere tam verecundatur quam veretur. Sicut in libro quem de ecclesiasticis ordinibus Deo annuente scripturi simus, plenius explicabitur. Præscriptis igitur in finibus temperatissimis, & nō omen quo ad gazas grâde, tragicalque mundi pompas adeptus, iuxta vsualia tamen vocabula nomen dignitatis 60 obtinui.

De tribus regis filiabus totidem ordinibus sacris nuptui traditis.

Parii lapides.

Avaritia & intemperantia Monachorum.

Ecc. quam graua patiuntur Monachi pro amore Christi.

Dignitas & domicilium monachorum.

obtinue. Collateralem & propinquum principali de Brecheinoc castro loculum habens & domicilium, fœlici quadam mediocritate studiis idoneum atque labori. Quem suis semper delitiis plenum & æternitatis amicum Crœsi diuitiis longe præfero: quinimo cunctis quæ perire ac præterire possunt, incomparabiliter antepono. Sed ad rem reuertamur.

ANNOTATIONES IN

Caput III.

- H**OC caput in descriptione atque reprehensione vitæ Monastica totum pene consumitur: quod in omnibus fere exemplaribus mancum atque mutilatum existit, ita tamen ut quod in uno desit, in altero inueniatur. Si quid scriptum erat paulo acerbius contra unam aliquam monachorum sectam, id omisum est in aliquo exemplari, quod tamen reperitur in alio, & si quid aliud ordinem pungat, id desideratur in alio, quod in priori tamen habetur. Verisimile itaque mihi videtur, exemplaria ista à monachis esse descripta, qui id quod contra suum ordinem scriptum inuenerant deleuerunt. Extitit hæc Balduini Archiepiscopi visitatio An. 1188. iam quadringentis fere annis elapsis, non diu postquam regularis professio in his nostris regionibus primū inceperat exerceri: Si ergo eo tempore tam horrenda corruptiones in monachorum subsellia irrepserant, quid hunc auctorem si hodie viueret, de tot superstitionibus & Idolomaniis aliisque sceleribus in hoc sacro catu vsitatis, scripturum putemus? Persecutiones prima ætatis (ut scribit Peucerus) causam præbuerunt secessibus & monachatu: Postea accesserunt dilacerationes imperii & Peregrinarum gentium confusiones. In illa dilaceratione Italia & aliorum regnorum, cum videretur esse peculiaris fœlicitas abesse à Republica, procul in aliqua solitudine degere, sine familia, sine liberis, non spectare urbium excidia & vastationem patriæ, homines modesti, qui habebant familias, gratulabantur monachis suam tranquillitatem. Inde creuit & opinio de celibatu, & admiratio monachorum, ita ut plures caperint expetere & querere secessus. Deinde homines barbari natura, mirantur novos ritus, qui præ se ferunt speciem eximia pietatis, & cuiusdam quasi commercii cum Deo. Nihil mirum est igitur tunc & monachorum catus creuisse, & opiniones de hoc vitæ & operum genere plausibiles late vagatas esse. Postea cum pietati superstitio successisset, & pro euangelii doctrina receptæ essent leges pontificum: Collegia quæ fuerant hætenus conuentus studiosorum paulatim ad monachos translata, opes vero collegiorum in luxum superbia atque otiosorum hominum voluptates profusa sunt, scholis abolitis. Docendi autem provincia delegata est familiis monachorum, non Christi, sed Benedicti & Bernhardi nomen profitentium, & sectantium (ut iactitant) præcepta. Sed Collegiorum exemplum hi quoque sequuti, cum superstitionem quaestuosiore docendi laboribus experirentur, literas una cum docendi munere deseruerunt, nouam viuendi formam commenti. Redacta sunt ergo Scholastica opera, studiis pene ubique sepultis, post Sueuorum imperium, ad novos regni pontificii satius, scilicet ad mendicantium monachorum agmina, qui sæcundissimo prouentu his postremis annis ubique locorum & gentium, matre superstitione, patre pontificum tyrannide editi, sed diuersitate ac dissimilitudine professionis pene infinita, commentis suis orbem compleuerunt terrarum, & tyrannidis pontificia leges, cum exasperarunt, tum executi sunt acerbius multo quam pontifices ipsi, eo quæ res tandem perduxerunt, ut ipsis etiam pontificibus formidabiles essent. His doctrina custodibus & occiderunt literæ & interiit pietas Christiana, antiquata euangelii doctrina, rectoribus studiis deletis, & superstitionibus ultra modum cumulatis. Nec mirum: nam necesse fuit, in tam numerosa religionum multitudine, quamplurima ingenia cum non haberent puram euangelicæ veritatis doctrinam ad quam tanquam scopum collimarent, suapte natura ad vanitates deflectere. Sicut enim ager fertilis, si non colatur & puro grano seminetur, sentes & tribulos affatim gignit: sic ingenia præclara cum semine verbi Dei destituantur, ad superstitiones & inanes ceremonias facillime dilabuntur. Vnde omnes idæ & præiudicia ortum habent. Monachatus tempore Edgari regis Angliæ, superstitionis quorundam hypocritarum fuco & importunis Dunstani præstigiis, in hac nostra Brytannia caput primum in pretio haberi. Hoc Cænobium siue Prioratum de Lanthoni circa Annum Domini 1188. Extruxit Hugo Lacius miles, qui cum Gulielmo Conquestore in Angliam aduenerat, & in ecclesia de Webley sepultus iacet.

De transitu per Coed Grono, & Abergeuenni cum N.S.

CAP. IIII.

TRANSIVIMVS inde versus Abergeuenni per arcum illud Siluestre quod malum passum de Coed Grono vocant, nobile Cænobium de Lanthoni montibus suis inclusum à latere sinistro relinquentes. Dicitur autem Abergeuenni castrum eo loco situm, ubi fluuius Geuenni in Ofcam cadit. Contigit autem paulo post obitum Anglorum regis Henrici primi nobilem & magnificum virum Richardum Clarensem, qui cum honore de clara Cereticam regionem in australi Cambria possidebat, ab Anglia in

Abergeuenni.

Richardus Comes Clarensis interfectus.

Aaaa 3

Wal-

*Nimia securitas
& incauta præ-
sumptio.*

Walliam hac transire. Et cum prouinciæ illius tunc dominum Brienum videlicet Gualingfordensem cum militibus multis usque ad passum prædictum socium habuisset & deductorem, tam ipsum inuitum in ipso siluæ ingressu cum suis remisit, quam contra eiusdem monita siluam inermis intrauit. Ex nimia quoque securitatis presumptione tibicinem præuium habens & præcentorem, cantilenæ notulis alternatim in fidicula respondentem. Nec mora Wallenses qui aduentum eius explorauerant, Iorwerth scilicet Morgani frater de Caërleon, cum eorundem familiâ, siluosis è latebris irruentes in improvisos, statim ipso cum suorum multis interempto, præda potiti sunt cruentissima. Ex variis itaque patet rerum euentibus, quam incauta est semper nimia præsumptio & sui negligens. Timor enim prospicere futuris admonet, & diligentiam docet in prosperis: audacia vero præcipitanter obrepit, & inconsulta temeritas nescit consilium ducis expectare. Sermone igitur apud Abergeuenni facto plurimisque ad crucem conuersis, vir quidam nobilis partium illarum cui nomen Arthenus ad Archiepiscopum versus castellum Oscæ iam properantem humiliter accessit, quod ei citius non occurrerat veniam petens. Super crucis itaque susceptione conuentus, absque amicorum, inquit, consilio, res hæc fieri non debet. Cui Archiepiscopus: nunquid ergo cum vxore tua inde consilium habiturus es? At ille vultu demisso verecunde respondit: ad aggrediendum inquit opus virile non est expetendum consilium muliebri: & statim ab Archiepiscopo crucem suscepit.

Super excessibus autem partium istarum creberrimis & cruentissimis, nunc 20 prouincialium in Castellanos, nunc vice versa vindicis animi talionibus, Castellanos in prouinciales, quæ nostris accidere temporibus aliis explicare materiam damus. Vltimi tamen excessus enormis cædisque cruentæ nostris diebus hic perpetrata, quam præterire tamen ne scelerosis in exemplum trahi possit satius existimaui, vere auctor extiterat Anglorum rex Henricus secundus, Vicecomes autem Herefordiæ Ranulphus Poerius machinator. Sed quamquam turpe ex causa temporalis interdum sequi commoditas videatur, iusti tamen iudicis libramine pæna sceleris & si differtur, vel in tempore vel post tempus non cuitatur, iuxta illud Poetæ,

Non habet euentus sordida præda bonos.

Cum enim septennali iam spacio in partibus illis pax sequuta fuisset tranquillissima, 30 tandem interemptorum nepotes & filii ex pueris adulti, ex paruis interim maiores effecti, ira vindice deferuentes, captata domini absentia, intra fruticosa castri eiusdem fossata cum manu non inualida se in insidiis nocte contulerunt: dixerat autem vnus eorum (cui nomen Sisillus filius Eudaf) Constabulario die præcedente quasi præmuniendo sub risu tamen & ludicro magis quam serio: hic inquit hac nocte intrabimus, ostendens muri ipsius angulum quendam, vbi demissus esse videbatur. Sed quoniam ridendo *Dicere verum quis vetat?* Et quoniam *Fas est & ab hoste doceri*, Constabularius cum familia totam noctem illam in armis & vigiliis usque ad auroram duxit infomnem: sed cum demum labore fatigati & imminentis diei beneficio securitatem adepti, somno se cuncti dedissent: statim hostes per scalas quas con- 40 gesserant loco prænotato se muris ingerentes, captis constabulario & vxore sua cum aliis multis, præter turrem principalem & paucos qui in ipsam aufugerant, violenter occupant & incendunt vniuersa, iusto Dei iudicio, eo quo delictum est loco perpetratum, pæna delicti ex parte secuta. Præterea parum post Castri prædicti proditio- nem, cum iuxta Monemutham prædictus Herefordiæ Vicecomes videlicet apud *Landinegat* cum exercitu Herefordiæ castrum erigeret, nocte quadam cum adhuc tenuiter tenebras exuere cepisset:

Tythoni croceum linquens aurora cubile,

summo superueniente diluculo tam à Ventæ quam vicinarum partium iuuentute, 50 cum interemptorum adulta iam prole, non præoccupati, non desubitari, non aduentus huius ignari: Quinimo præscii potitis & præmuniti, armati quoque & in turmas ordinati, statim tamen sunt confecti, & inter propria iam fossata repulsi, de potioribus & primis Herefordensis prouinciæ militaribus viris cum ipso nouem, præter alios multos, lanceis ibidem sunt confossi. De Ranulpho tamen hoc mirandum, quod præter vulnera quæ lethaliter in corpore suscepit plurima, cum ferro quoque iugulatus fuisset, venis omnibus & arteriis cum via spiritus, & halitus organo pariter præcisus, sacerdotem tamen annuens & asciscens, aliquo reuera antea vitæ merito id exigente, eoque præcipue ut creditur, quod in sortem Christi electos, præ aliis hono-

*Honoris sacerdotis
exhibiti re-
muneratio.*

honorare consueuerat & venerari, facta confessione, & viatico deuote percepto statim spiritum exhalauit. Frequens est, & creberrimis declaratum experimentis, quod sicut debito clerum honore dignantes sacerdotali, in extremis solatio ex consuetudine gaudent: sic è diuerso cleri derisores & malignos delatores eodem solatio frequentissime fraudari, tametsi optato. Gulielmus autem de Breusa, qui vere non auctor sceleris, quod potius tacere decreuimus quam exprimere, non machinator extiterat, sed executor, vel executionis non impeditor, carnificum turbis mandato desuper accepto atrociter desauientibus, eodem conflictu in imum fossæ præruptæ est præcipitatus, ibique ab hostibus, & viris inimicissimis captus & extractus, viuus tamen diuina miseratione per impetum subita à suis factum, & omnino illæsus euasit. Ex quo patet, quia minus offendit, mitiusque punitur, inuitus qui facit, fieriue permittit, quam qui facto consilium simul & auctoritatem adhibuit: quod in Christi passione palam fuit, ubi & Iudas suspendio, Iudæi excidio pariter & exterminio, Pilatus exilio, pœnas luit.

Prædicto vero de Rege, qui proditori assensum præbuit, & præceptum fecit, qualiter ob hæc & alia multa enormis vitæ delicta, sicut in lib. de Principis instructione Deo duce propalabimus, ad ampliorem ignominia cumulum, in terris pœnas inchoauit confusione plenus & ærumna, finis eiusdem declarauit.

Hoc autem mihi notabile videtur, quod gens hæc, quæ Venta gens vocatur, *Ventani sagittarii egrogii.* & Martiis conflictibus vñtatißima, & strenuitatis opera laudatißima, & arte sagittandi præ ceteris Cambria finibus instructißima reperitur. Ad huius autem assertionis vltimæ certitudinem exempla proponere non pigeat. In extrema Castri prædicti expugnatione nostris diebus perpetrata, militibus duobus in turrim cumulato terrarum aggere sitam per pontem transfugientibus, Wallenses vt ipsos à tergo percuterent, sagittas arcu mittentes portam turris iliceam, palmaris fere spissitudinis transpenetrarunt, ad tantorum ictum vehementiæ perpetuam memoriam sagittis in porta ferro represso reseruatis. Accidit & tẽpore Gulielmi de Breusa (ipso testante) quendam militem suum in conflictu contra Wallenses à quodam ipsorum per mediam coxam cum panno lorica ocreali ferro vtrinque vestitâ sagitta percussum esse, eadẽ quoque sagitta per partem illam sellæ, quæ alua vocatur, vsque ad ipsum equum lethaliter transpenetrante. Alia quoque sagitta militis alterius coxam ferro similiter vtrinque munitam cum panno lorica vsque in sellam perforauit. Et cum miles ille loris equum in gyrum flecteret: alio sagittam eodem contorquente, in opposita coxa similem ictum suscepit, equo ab vtraque parte firmiter affixus. Quod ergo à balista tormentum maius expectes? Non autem arcu vtuntur corneo, non alburneo, non taxeo, solum ex vlmel- *Bovae Lory.* lis siluestribus arcus formant, non formosos, non politos, imo rudes, prorsus & informes: rigidos tamen & fortes: non tamen ad eminus missilia mittenda, sed ad graues cominus ictus percutienda tolerandos. Sed à diuerticulo iter iterum aggrediamur,

ANNOTATIONES IN

40

Caput IIII.

Videtur Giraldus parum candide de Henrico Rege sentire, qui tamen ubique (nescio quæ animi propensione motus) Gulielmi Brusii Brechinia domini scelera ita literis mandat, vt quadam minuatur aut excuset, alia de industria prætermittat: vt ex hoc capite & precedente manifestum est. Illic enim ex quadam vñtata loquendi & scribendi consuetudine, debita obedientia suo Regi denegata crimen extenuat, & quodammodo diluit: hic integram, perpetrati ab eodem Breusio sceleris, historiã prætermittit, commemoratis tantum quibusdam circumstantiis, quibus illius proditoris & cadis culpã in alios transferre molitur. Res vero acta hæc est. Postquam Resus filius Gruffini Demeria princeps, cum Henrico II. Anglorum Rege apud Claudiocestriam stabilem firmamque pacem fecerat, omnesque eius pro- *50* uincia nobiles Regi reconciliauerat, ita vt certa pax & tranquillitas restituta tandẽ viderentur: Gul. Brusius Brechinia dominus (cades & rapinas cogitans) nobiles quosdam Ventanos sub amicitia & beneuolentiã simulatione, ad prandium inuitauit in castrum de Abergeuenni, quo cum omnes aduenissent, statim ab armatorum militum multitudine, quos ea de causa in insidiis ibi collocauerat, crudeliter trucidati sunt. Inter quos Sisillus filius Dunuallonis (vel filius Eudaf, vt hic auctor habet) & Gruffinus filius eius atque multi alii ceciderunt. Hac cruenta cade perpetrata, hi immanes lani in Sisilli domum, qua non longe aberat, irruentes Claudiã vel Gladusiam, eius uxorem, Resig, sororem una cum Cadualadro filio infante è domo violenter attraxerunt, & quod magis horredum est, puerum in conspectu matris exquisito crudelitatis genere iugularunt. His tamen non obstantibus, mauult noster Giraldus Henricum Regem & Ranulphum Poerium huius crudelißima cadis & turpißima proditoris insimulare, quam Bru- *4* *sim,*

Mass. Par. pag.
176.

sum, qui hoc nefandum erimen perpetraverat, sicuti plane scriptum reliquit *Matthæus Parisiensis*: cuius verba, quia *Neoterici* quidam eius sententiam mutilantes, huius prodicionis & cadis turpitudinem suis scriptis diluere nituntur, adscribere non grauabor. Eodem, inquit, anno *Gulielmus de Breus*, multitudinem *Wallensium* in castello de *Bergauenni* callide conuocata, prohibuit, ne quis gladium ferret viator vel arcum: Sed illis huiusmodi decreto contradicentibus, capitali omnes sententia condemnauit. Qui (ut prodicionis sue nequitiam, quasi sub velamine honestatis palliatam intelligas) hac fecit in ultionem auunculi sui *Henrici de Hereford*, quem ipsi in sancto sabbato Pascha antea peremerunt. Hac ille.

Illud tempore hostilitatis & belli, cum neutra pars alteri fideret, factum est: Hoc autem scelus pace iam iureiurando utrinque firmata, sub amicitia specie committitur.

² In libro illo, De Principis instructione, acerbe admodum in Regem *Henricum* secundum inuehitur *Giraldus*, ubi sue in illum malevolentia virus ita euomit, ut suum inueteratum odium satis manifeste prodatur.

De transitu per *Oscæ* castrum & legionum urbem, cum N. S.

C A P. V.

IGITUR apud *Oscæ* castrum tam ad Archiepiscopi sermonem, quam ad viri boni & honesti *Gulielmi Landauen* Episcopi, qui per suam diocesin nobis fideliter assistit, per suasionem; *Alexandro* quoque *Banchorensis Ecclesiæ* Archidiacono, ubique ad *Wallenses* interprete existente, multitudo virorum cruce signatur. Vbi & hoc precipue notabile occurrit, quod famosissimi partiū illarum malefactores, homicidæ, prædones, & fures non abique multorum admiratione sunt conuersi. Transeuntes inde per *Carleon*,¹ *Monemutha*,² castrum, nobilemque *Danubia*³ syluam, quæ ferinam ferriq; copiam *Glouerniæ* ministrat, trans *Vagam*, citraque *Sabrinam*, longe à læua relinquentes, in *Novoburgo*,⁴ ter *Oscæ* flumine iam transcurso pernoctauimus. Dicitur autem *Caerleon* vrbs legionum. *Caer* enim *Britannice* vrbs vel castrum dicitur. Solent quippe legiones à Romanis in insulam transmissæ ibi hyemare, & inde vrbs legionum dicta est. Erat autem hæc vrbs antiqua & autentica, & à Romanis olim coctilibus muris egregie constructa. Videas hic multa pristina nobilitatis adhuc vestigia: Palatia immensa aureis olim tectorum fastigiis Romanos fastus imitantia, eo quod à Romanis Principibus primo constructa, & ædificiis egregiis illustrata fuissent: Turrim giganteam: Thermas insignes: templorum reliquias, & loca theatra lia muris egregiis partim adhuc extantibus, omnia clausa. Reperies ubique tam intra murorum ambitum, quam extra, ædificia subterranea: aquarum ductus hypogeosque meatus. Et quod inter alia notabile censui, stuphas vndique videas miro artificio confertas, lateralibus quibusdam & præangustis spiraculi viis occulte calorem exhalantibus. Iacent hic duo nobiles, & post *Albanum* & *Amphibalum* præcipui *Britanniæ* maioris protomartyres, & ibidem martyrio coronati *Iulius* scilicet & *Aaron*,⁵ quorum vterque Ecclesiam in vrbe insignem habebat suo nomine decoratam. Tres enim egregiæ in hac vrbe antiquis temporibus fuerunt Ecclesiæ. Vna *Iulii* martyris, virgineo Deo dicata regularium choro venustata. Altera vero beati *Aaron* socii eiusdem nomine fundata, & canonicorum ordine præclaro nobilitata. Tertia vero *Metropolitana* sede *Cambriæ* totius insignita. Fuit & *Amphibalus* hinc oriundus, beati *Albani* doctor & fidelis ad fidem informator. Situs vrbs egregius super *Oscæ* flumen, nauigio mari influente idoneum. Siluis & parcis vrbs illustrata. Hic magni illius *Arthuri* famosam curiam legati adire *Romani*, ubi & *Dubricius* Archiepiscopus *Dauid Meneuensi* cessit honorem, abhinc *Meneuiam* *Metropolitanam* sede translata, iuxta illud *Merlini Ambrosii* vaticinium: *Meneuia pallio vrbs legionum induetur, &c.*

Non procul inde stat rupis marina *Sabrinis* supereminens fluctibus, quæ *Anglorum* lingua *Gouldcliff* vocatur, hoc est, rupis aurca, eo quod aurei coloris saxa præferat sole reperi cussa, miro fulgore rutulantia.

Nec mihi de facili fieri persuasio posset,

Quod frustra tantum dederis natura nitorem

Saxis, quodq; suo fuerit flos hic sine fructu.

Si foret, qui venas ibidem & penitima terræ viscera arte præuia transpenetraret. Si foret (inquam) qui de petra mel eliceret, & oleum de saxo. Multa nimirum occulta latent naturæ beneficia, quæ per incuriam hætenus incognita posterorum educet cura propensior & diligentia. Nam sicut antiquos in humanæ vitæ commodis inueniendi viam ipsa necessitas vrgens edocuit: sic iunioribus industria sedula plurimum contulit,

tulit, & ingenii perspicacioris acumen multa modernis aperuit. Quoniam ut ait poeta, duas inuentionum istarum causas assignans:

— labor omnia vincit

Improbis, & duris vrgens in rebus egestas.

Notandum autem, quod in his vrbis legionum partibus fuit diebus nostris vir quidam Cambrensis, cui nomen Melerius, futuorum simul & occultorum scientiam habens, cui talis hanc euentus scientiam dedit. Nocte quadam scilicet Ramis palmarum puellam diu ante adamatā obuiā habens loco ameno, & ut videbatur oportuno, desideratis amplexibus atque delitiis cum indulisset, statim loco puellæ formosæ formam quandam villosam, hispidam & hirsutam adeoque enormiter deformem inuenit: quod in ipso eiusdem aspectu dementire cæpit & insanire. Cumque pluribus id annis ei durasset, tandem in Ecclesia Menensi meritis Sanctorum loci eiusdem, optatam sanitatem recuperauit. Semper tamen cum spiritibus immundis magnam & mirandam familiaritatem habens, eosdem videndo, cognoscendo, colloquendo, propriisque nominibus singulos nominando, ipsorum ministerio plerumque futura prædicebat. In longe vero futuris atque remotis (sicut & ipsi) frequentius falsebatur: in propinquieribus autem & quasi infra annum futuris minus falli consueuerat. Videbat autem eos fere semper pedites & expeditos, & quasi sub forma venatorum, cornu à collo suspensum habentes, & vere venatores non ferarum tamen nec animalium, sed animarum. Circa monasteria quoque, & loca religiosa magis eos & in multitudine maiori videri solebat. Ibi nimirum exercitu: ibi numerosis opus est viribus, vbi rebellio. Quoties autem falsum coram ipso ab aliquo dicebatur, id statim agnoscebat, videbat enim super linguam mentientis dæmonem quasi salientem & exultantem. Librum quoque mendosum, & vel falso scriptum, vel falsum etiam in se continentem inspiciens, statim licet illiteratus omnino fuisset, ad locum mendacii digitum ponebat. Interrogatus autem, qualiter hoc nosset, dicebat dæmonem ad locum eundem digitum suum primo porrigere: Similiter & dormitorium monasterii cuiuslibet intrando, lectum monachi falsi, & religionem habitu, non animo præferentis, eisdem indiciis ostendebat; dicebat autem spiritum gulosis & crapulæ supra & infra sordidum esse: spiritum vero libidinis & luxuriæ pulchriorem aliis, sed foetidissimum.

Notandū hic est, quam faciles hī diuī erga quosdā peccatores se præbeant, cuius terribiles pueros columbino pullos in ecclesia capientes, & pernoctantes ibidem cum canibus, leuiter ulciscuntur.

Similes cum similibus facillime congregantur.

Contigit aliquando, spiritibus immundis nimis eidem insultantibus, ut Euangelium Iohannis eius in gremio poneretur: qui statim tanquam aues euolantes omnes penitus euauerunt: quo sublato postmodum, & historia Britonum à Galfrido Arthuro tractata experiendi causa loco eiusdem subrogata; non solum corpori ipsius toti, sed etiam libro superposito longe solito crebrius & tædiosius infederunt. Notandum hoc etiā, quia Barnabas, sicut in legenda eius habetur, Euangelium Matthæi super ægros ponebat, & curabantur. Ex quo patet, sicut in præmissis, quantæ dignitatis & reuerentiæ sacrosancti euangelii liber existat: & super eundem quisquis scienter peierat, quā periculose & damnabiliter à via veritatis exorbitat. Ad hæc autem casum Abbatis Enoxi de Strata Marcella satis & plusquam satis per Wallias notum eadem die, cuius nocte contigit, multis aperuit. Sicut ex dicto eiusdem ab aliis retento, circiter octo dies post certis rumoribus euidenter apparuit. Interrogatus autem quemadmodum hoc sciebat, dicebat dæmonem sub venatoris expediti specie mane ad ipsum venisse: qui statim ruinam Abbatis exponendo, qualiter ipsum à monasterio cum moniali aufugere fecerit, quasi de tanta victoria gaudens plurimū & exultans, torū euomuit. Forte ad correctionem Abbatis & humiliationem hoc ei accidere permissum est. Sicut ex post facto claruit, qui breui reuersus, & humilior eoque melior effectus, nec diuertisse dicendus. Quia non male cadit (ut ait Seneca) quisquis post lapsum fortior resurgit. Fortior etenim post negationem Petrus; fortior post lapidationem Paulus. Et quoniam ubi abundat delictum, ibi superabundabit & gratia. Fortior quoque post fragilitatem Magdalena. Abbati quoque de Alba domo Conano viro probo & religioso, quid de muliere quadam quam aspexerat, cogitasset, in aure reuelauit. Et statim vir bonus concupiscentiam illam cum lachrymis fatendo, à tribus sacerdotibus incontinentiæ disciplinam suscepit. Sicut etenim hostis ille antiquus longis rerum experienciis & subtilitate naturæ ex signis quibusdam coniecturalibus argumentando de præteritis argute futura coniecit: sic & indiciis haud dissimilibus hominibus insidiando, interioris mentis conceptum per exteriora quandoque perpendit.

Nō liber scriptus, sed pietas in corde fideli dæmonem fugat.

Christus per fidem apprehensus non frustra salus est.

Castitatis claustralis exemplum.

Fuit in eodem tempore in Ventæ inferioris finibus dæmon incubus, qui puellam quandam

Dæmon incubus.

quandam adamando, locumque, vbi ipsa manebat, frequentando, cum hominibus loquebatur, & tam occulta quam futura pluries indicabat. Interrogatus autem inde Meilerius, se hunc bene nosse dicebat, & nomen eius proponebat. Dicebat enim & contra guerram patriæque turbationem magnam, spiritus immundos cum hominibus conuersari solere, sicut & hic apparuit, quia paulo post partes illæ per Hoelum filium Iorueri de vrbe legionum, prouinciam totam grauiter infestantem, destructæ sunt. Eadem vero tempestate cum Anglorum Rex Henricus secundus (capto Albanix Rege) regnum subito pacificasset: prædictus Hoelus per guerram, quam fecerat regiam plurimum timens ultionem, huiusmodi à Meilerio in maiori angustia consolationis verba suscepit. Ne timeas, inquit, Hoelæ Regis indignationem, quoniam 10 ad alias eum partes intendere oportebit. Vrbs etenim melior quam in transmarinis habet, iam à Rege Francorum obsidetur. Vnde ad partes illas postpositis omnibus aliis quanta poterit festinatione transibit. Cuius rei euentum in vrbe Rothomagensi obsessa infra triduum post, certis rumoribus Hoelus accepit. Proditionem quoque castelli de Osca, quod Hoelus occupatum detinebat, longe ante prædixit, & dominum suum Hoelum scilicet inde præmonuit: se etiam ibidem esse vulnerandum, sed non lethaliter, viuumque ab oppido euasurum præcecinit. In hoc solo deceptus, quia sic amicos hostis ille beare nouit: sic suos in fine remunerare consuevit: quod eodem vulnere paulo post lethaliter occubuit. 7

Huiusmodi fabula referuntur de Dunstano apud Captraunum.

Inter hæc autem omnia admiratione dignissima hoc solum censui magis admirandum quod oculis carneis spiritus illos tam aperte videbat, quia spiritus oculis corporalibus nisi assumptis corporibus, videri non solent. Si vero corpora, vt videri possent, assumpserant, ab aliis quoque præcipue præsentibus & prope positi quomodo videri non poterant? Sed forte corporali visione miraculosa visi sunt hi, cuiusmodi visione Rex Balthasar in Daniele vidit manum scribentis in pariete, *Mane, Techel, Phares*, hoc est, appensum, numeratum, diuisum, qui & eadem nocte regnum pariter & vitam amisit. His autem in finibus nostris quoque diebus cæco dominandi ambitu, rupto consanguinitatis & consobrinorum fœdere, fides quam enormiter in perfidiam auauerit, diffuso per Walliam prauitatis exemplo, Cambria non ignorat. 20

ANNOTATIONES IN

Caput V.

Osca.

OSCA¹ fluminis rapidissimus, cuius ortus est in nigro monte, hanc urbem alluit, quem Romani scriptores Iscam vocant, unde hac vrbs Iscelegia Latinis dicitur. Appellatur autem Britannice Caer Lheonar Ofyc, quod est vrbs legionum super Oscam fluminem, ad differentiam alterius vrbs legionum super Deuam, que vocatur Caer Lheonar Dhowrdwy.

Monumetha.

Danica sylua.

² Monemutha nomen sortitur à casu Monæ confluentis in Vagam, quasi os Monæ.

³ Danica sylua nemus est in extremo angulo inter Sabrinam & Vagam confluentes, à Danis (quos & Dacos vocant) nomen habens, qui Alfredi Regis tempore hanc syluam occupantes hoc illi nomen indiderunt. 40

⁴ Nouum Burgum, Britannice y castelh Newyth, nouum castellum Lelando.

⁵ De Iulio & Aarone sic scribit Baleus in catalogo scriptorum maioris Britannia. Iulius & Aaron famigerata legionum vrbs ciues præclari, & Amphibali martyris, in Christo discipuli, pietatis ornamenta plane illustria in Britannia fuerunt. Non solum in sua patria literis obnixè inuigilabant, sed & exterarum regiones pro bonis artibus addiscendis petebant. Romæque potissimum studuisse leguntur. Inde insigniter eruditos fuisse illos Britannica passim narrat Historia: & Giraldus illud idem in Hordaprico suo confirmat, adiecto etiam nobilitatis calculo. Hi tandem cum aliis vtriusque sexus non paucis (vt auctores sunt Gildas Badonicus in Extidio Britannia, Galfridus & Ponticus in chronico) magnanimitate summa in acie Christi perstantes, martyrium in fractis animis pertulerunt. Vnde & Bedas cap. 7. primi libri Anglicana historia, post Albani mentionem hæc scribit: Passi sunt ea tempestate Aaron & Iulius, legionum vrbs ciues: alique vtriusque sexus diuersis in locis per plures: Qui variis cruciatibus torti, & inaudita membrorum dissectione lacerati, animas ad superna ciuitatis gaudia perfectæ agone miserunt. Et ista fiebant anno Christi 292. regnante in Britannia Constantio Chloro. Sub cuius postea regimine, cum Imperator esset, à tanta clade ita immunes eius vrbes erant, vt asylum Christianis afflictis tutissimum foret illa ipsa Britannia. Refert Iohannes Rosius Warwicensis in libro suo de Wigorniensibus Episcopis, magnum in Britannia Christianorum numerum, quod prædictum Amphibalum prædicantem audiuerit, impiorum telis occubuisse, in loco, qui post aduentum Saxonum in insulam ab euentu Lichefelde vocatus est, id est, cadaverum campus. Sanitia (inquit Georgius Maior) & furoribus Dioclesiani vehementer labefacta est Christiana religio in gente Britanno-

tan norū. Ea. n. labes, teste Gilda, ita mortales generatim corruptis, ita Christianā religionē exinaniuit, ut illa admodū in paucis integra remanserit. Hinc Tertull. magnus ecclesia doctor ante aliquot annos opportune dixerat, in ope suo contra Iudeos: Britannorū inaccessa Romanis loca, vero Regi Christo esse subdita. Doctrinā (inquit p̄dictus Maior) & veros cultus ab Apostolorū discipulis acceperunt Britanni, cuius puritatē passim in omnib. Ecclesiis magno studio ac martyrio tuebantur. Hac ille. ⁶ De hac sedis translatione: tradūt autores, Dauidē Xanti Ceretica provincia reguli filiū ex Melaria virgine vestalē genitū, diutina p̄dicatione & disceptationib. publicis Pelagianā haresin ex Britannica eccl. profligasse: atq; ob id a Dubricio urbis legionū archipræsule factū esse Cābria Metropolitē, archipræsulatu illi resignato: q̄ cū Arthurō Britan. rege ita egit, ut illius voluntate ab urbe legionū ad suā Meneuiā archiepiscopatē sedē transferret, ut Ranulph. Cestrēsis monachus fusiū tradit li. i. c. 52. ubi omnes Cābr. episcopi ab archiep. Meneuensi sacra sunt, vsq; ad Normannorū aduētum. Curauit et ut sui nominis titulū ea sedes haberet, ita ut sanū Dauidis deinceps vocaretur. Qua de re vide inf. li. 2. c. 1. ⁷ Varia sunt demonū ludificationes, quib. simpliciu hominū credulitate & ignorantia abutētes, in aternū eos exitiū protrudere moluntur: improbi ē homines (August. teste) malarū rerū cupidi, occulto quodā iudicio diuino traduntur illudēdi & decipiēdi pro meritis voluntarū suarū, illudentib. atq; decipientib. eos p̄uicatorib. angelis, quib. ista pars mūdi infima, secundū pulcherr. rerū ordinē diuina p̄uidētia lege (ut scrib. Wierus) subiecta est. His. n. portentis per diabolorū fallaciā illuditur curiositas, quando id impudenter appetunt scire, q̄ nulla ratione competit eis inuestigare. Hac potestas immundis spiritib. ideo datur, ut perniciosos sibi aptent: h. e. prauos homines seducat: illos sc. q̄ spernunt veritatē, & credunt mēdacio, iuxta

10 Pauli sententiā: sanā doctrinā non ferent, sed ad sua desideria coaceruabunt sibi magistros prurientes auribus; & à veritate quidē auditum auertent, ad fabulas a. conuertentur, onerati peccatis: ducuntur variis desideriis, semper discētes, nunquā ad scientia veritatē peruenientes. Hos Paulus filios contumaces vocat, in quib. agit spiritus ille, cui potestas est aeris, eludēs subtilitate & dolo ineuitabili hac sua instrumenta in ipsius inductiones propendentia. Vide ea quae scribuntur ab Olao Gotko in fine libr. 3. cap. 11. de gentibus septentrionalibus. Et apud Augustin. lib. 2. de ciuit. Dei, in 2. parte, caus. 26. q. 5. episcopi.

De transitu per Newburgum & Caerdyf cum N. S. C A P. VI.

APVD nouū burgū itaq; vbi Oſcā flumē ab originali de Cantrefbachan fonte descēdēs in mare dilabitur, ad crucis obsequia multis allectis, fluuio Remni transcurso ad nobile super aquam Taf de Caerdyf castrum peruenimus. ¹ Serpit a. in Nouiburgi finibus, terra sc. de Gwentlwc, riuulus cui nomen Nant Pencarn, non tā aquarū profunditate q̄ aluei cōcauitate, palustriq; limositate, nō nisi certa p̄ loca vadaq; transmeabilis: habuerat a. antiquitus vadū, cui nomen Ryd Pencarn, ad q̄ publica strata ducebat. Sonat autē latine vadū sub capite rupis. Ryd. n. Britannice, vadū latine: Pen caput: Carn rupis. De quo Merlin. Siluestris mentionē faciens, in hac verba prupit. ² Cū fortē lentiginosum in dextrales Britones irruere videris, si Ryd Pencarn transierit, Cābria vires noueris eneruari. Cōtigit a. nostris tēporib. cū Anglorū rex Henric. II. in Resum Gruf-
fini filiū arma sumeret, & p̄ maritimā dextralis Cābria viā versus Caermardin tenderet, die quo Nant Pencarn trāsire debuerat, antiq̄ partiū illarū Britones circa p̄dictum vadū cū summa sollicitudine principis aduētū obseruabāt: scituri p̄ certo, quoniā &
40 fortē nouerāt & lentiginosum, si vadi transitus cōcordauerit, de ipso p̄culdubio vaticiniū esse cōplendū. Cum igitur rex ad p̄dictā aquā via duce festinasset, & vaticinali veteriq; vado dudū obsoleto, ad aliud eiusdē aquae vadū (q̄ modernior vsus frequētauerat) iā transire parasset, tubicines & buccinatores, quos Cornhriet vocāt, ab hir, q̄ est longū & cornu, eo q̄ longis in cornub. flatū emittāt, ex altera vadi ripa quasi regi exultātes in eiusdē honorē buccinare cæperūt. Vnde cū equus in quo rex sedebat, p̄ timore tā horribilis & insueti sonitus calcaria respuēs, aquā intrare p̄sus abnueret; rex lorā regyrans, ad antiquū vadū se cōferre ira præuia depperauit, quo statim impetuose transcurso, Britones eo expimento, quasi de imminētē iā excidio mœsti ad p̄pria sunt reuersi. In castro quoq; de Caerdyf cōtigit his nostris dieb. res memoratu nō indigna.

50 Claudiocestriæ nāq; comes Gulielm. Roberti comitis filius, qui cū castro p̄dicto totā puinciam de Gwladuorgan, i. e. terra Morgani, iure hereditario possidebat, ³ cū quodā homine suo, cui nomē Yuorus agnomē Modic⁹ erat, forte guerrā habuerat, erat. n. vir stature modicę, sed animositatis immēse: Wallensiū more mōtana quādā & siluestria possidēs, q̄ tñ illi comes vel auferre p̄sus vel mutilare cōtendebat. Nocte igitur quādā quanq̄ castrū de Caerdyf murorū ambitu munitis. excubiarū multitudine p̄sonaret: quanq̄ militibus 120. nec nō & archariis multis: stipendiaria quoq; plurima vrbs redundaret: inter tot tamē p̄sidia & securitatis argumēta, p̄dictus Yuorus scalis allatis clā muros irrepēs, comitē & comitissam cū paruo quē vnicū habebāt filio secū educēs ad siluestria perduxit, nec remisit, donec quicquid iniuste ablatum fuerat, & ampliora recuperasset: testante namq; Poeta:

Spectan-

*Spektandum est semper ne magna iniuria fiat
Fortibus & miseris: tollas licet omne quod vsquam est
Argenti atq; auri, spoliatis arma supersunt.*

*Admonitio H.2.
facta apud Caer-
dyf.*

In hoc eodem oppido de Caerdyf Anglorum Rex Henricus secundus in reditu ab Hibernia, sabbato primo post Pascha cum pernoctasset, missaq; mane dominica scilicet iam audita, cum à capella Sancti Pirani, præter Regem omnes exissent, ipso in orationibus plus solito tunc forte morante: tandem cum exiret, & ad ostium Capellæ iam equum ascenderet, astitit ei vir quidam ante faciem, poste quodam præfixo, quasi propodio fungens, flauus, tonsuraque rotunda, vultus macilenti, staturæ aliquantulum proceræ, ætatis quasi circiter annos quadraginta, tunica indutus alba vsque ad calcū pedis demissa, zona præcinctus, & pedibus nudis, qui & regē in hæc verba quasi
 10
 " Teutonice cōuenit: *God hold ye cuinge*, q; latine sonat, *Deus te custodiat rex*. Et postea eadē
 " lingua profecutus est in hunc modum: *Salutat vos Christus, & pia mater eius, Ioannes quoq;*
 " *Baptista, & Apostolus Petrus, mandantes vobis, quatenus per totas ditioni vestra terras subditas, ne*
 " *mercatus dominicis diebus fiant, firmiter inhiberi faciat, & quod illis nihil vsquam operis fiat, nisi*
 " *diuinum officium, & illud deuote facere & audire, præter cibaria solum, qua ad vsum diurnum præ-*
 " *parentur. Quod si feceritis, nihil vnquam inchoabitis quod sine bono non compleatur, vitæque felici-*
 " *ter consummabitis.* Rex autem militi, cui nomen Philippus de Mercros, qui frenum e-
 " qui tenebat, dixit lingua Gallica: *Quære à rustico, vtrum hoc somniauerit.* Et cum
 " Anglice miles exponeret, subiecit ille lingua priori: *Siue hoc somniauerim siue non, vide*
 " *quis hodie dies sit*, loquens Regi non interpreti: *quia nisi hoc feceris, vitæque maturius emen-*
 " *daueris, priusquam annus iste prætereat, tales de re, quam plus in mundo diligis, rumores audies, talem-*
 " *que turbationem inde recipies: quæ tibi vsque ad exitum vitæ non deficiet.* Et cum Rex hoc dicto
 equo calcaribus monito, parum versus portam & quasi passibus octo processisset, lora regyrans, vocate mihi, inquit, bonum hominem illum. Et cum miles prædictus, & iuuenis quidam, cui nomen Gulielmus, qui soli tunc in oppido cum rege remanserant, illum vocassent, & non inuentum primo in capella, deinde per aulam & diuersoria cuncta quæsiissent, nusquam comparuit. Rex autem eo non reperto, cum tamen diutius eum solus in oppido dum alii quærerent, expectaret, mœstus plurimum & plangens, quod amplius ei loquutus non fuisset, versus Nouumburgum per pontem de
 30
 Remni iter arripuit. Sicut autem comminando vir ille promiserat, sic anno contigit nō cōpleto: filii nāq; ipsius 3. primæus sc. Henricus, & alii duo, Piſtauensis sc. & Brito post ipsum, in quadregesima sequēte ad regē Francorū Ludouicū discesserunt. Vnde tanta mota est ei inquietatio, quantā antea nunq̃ habuerat, & q̃ semper ei vsq; ad extremū spiritus halitū, p̃ aliquē filiorū fere incessanter perdurauit. Multas & alias præmonitiones & castigationes rex iste diuina miseratione (quæ magis conuersionē peccatorū appetit, quā euerſionem) circa eadem tempora & fini propinquiora suscepit, 4 quas tamē omnes animo obstinato & corde indurato incorrigibilis omnino contempsit: sicut in lib. de Principis instructione (Deo propitiante) plenius ostendetur.

Barri insula.

Distat autem non magnis abhinc spaciis Insula modica in Sabrini maris littore sita, q̃ accolæ Barri, à nomine sancti Baroci loci eiusdem olim cultoris, sic dicta: cuius & reliquæ in Capella ibidem sita, hederæ nexibus amplexata, in feretrum translata continentur. Ab huius etiam insulæ nomine viri nobiles maritimarū australis Cambriæ partium, qui eidem insulæ cum terris finitimis dominari solent, sunt denominati. A Barris scilicet primo agnomen, postea cognomen de Barri suscipientes. Est autem hic notabile, quod in ipso insulæ introitu in rupe marina apparet rimula permodica, ad quam si aurem apponas, audies operæ strepitum quasi fabrilis: Nunc follium flatus, nunc marculorum ictus, nunc cotis & ferri sonora fricamina, stridentesque cauernis stricuras cālybum & hanelum fornacibus ignem. Ceterum haud difficile credendum ex aquis marinis occulte subintrantibus sonum huiusmodi prouenire posse, vbi quoniam non minus retrogradis & refluxis fluctibus vacuato prorsus littore continuatur, quam repleto.

ANNOTATIONES IN CAP. VI.

Caerdyf' Britannice hodie Caerdydh vocatur, sed corrupte. Lelandus Antiquarius Caerdaſ appellat, à Taf fluuio præterlabente nomine indito: Condita autem vrbs est à Roberto Claudiocestrenſi Comite, Henrici primi filio notho, qui Matildem filiam & heredem Roberti filii Hammonis, qui iure gladii (ut postea dicturi sumus) Morganniam prouinciam, obtinuit, coniugem habuit.

² De Merlino siluestri, & eius vaticiniis vide infr. lib. 2. cap. 8.

³ Morgannia Britannice Gulad vorgan, id est, Pronincia Morgani, sic dicta (ut Galfridus & Casto-

Castoreus habent à Morgano rege in ea regione caso à consobriño suo Gunedagio ante Romam conditam: vel potius ut ego non sine ratione conicio à Morgano cognominato Mwynuawr, qui tempore Edgari Regis Angliæ, illius regionis dominus existens, plurima bella cum Saxonibus gessit, de quo memoria proditum est, illum à suis subditis ita diligi, ut eo ad bellum proficiscente, omnes qui arma ferre possent, illum ultro sequerentur: nec ullus in uniuerso eius exercitu inueniretur, qui Domini sui causa mortem oppetere recusaret. Hic abauus fuit Gurguntii patris Iestini illius, qui à Roberto filio Hammonis uniuersa huius regionis hereditate spoliatus fuit. Cuius Roberti filiam unicam & heredem solam (ut ante diximus) Robertus Nothus Henrici primi Claudiocestria Comes duxit, ex qua hunc Gulielmum suscepit.

10 Tres fuerunt huiusmodi admonitiones Henrico regi de vita sua corrigenda factæ. Prima est hæc, de qua hic mentionem facit noster Giraldus. Secunda facta est à quodam Hibernico, qui cum admonuit, ut mores corrigeret suos, secretiorum quorundam signorum adiectione usus, ut fidem sibi apud Regem acquireret. Tertia, cum Rex in Normanniam traiecisset, miles quidam de Lindesey, cuius nomen erat Philippus de Estreby, ad illum accedens, sequentes septem articulos ad regale eius officium pertinentes ei proposuit, videlicet:

1 Si Catholicam Christi religionem foueret.

2 Si leges iustas & aquas statueret.

3 Si neminem tamen si reum sine legitimo iudicio condemnaret, quæ tria in sua inauguratione interposito iuramento vouerat:

20 4 Si terras & possessiones, quas iustis heredibus minus iuste abstulerat, iterum restitueret.

5 Si iustitiam sine donis & muneribus subditis suis administrari faciat.

6 Si ministrorum & militum stipendia debite persoluantur, ita ut ab iniusta populi expilatione abstineant.

7 Si denique Iudeos, qui grauioribus usuris uniuersas eius subditorum opes depeculabantur, è suis ditionibus expelleret: fore prosperum & gloriosum reliquum eius vitæ cursum, cumque ad septennium usque regnaturum, crucemque sacram ab infidelibus esse vindicaturum dicebat: Sin autem vitæ & morum suorum emendationem negligeret, anno quarto illum cum ignominia esse moriturum affirmabat.

30 De sede Landafensi, & monasterio de Margan, cum partium illarum notabilibus.

CAP. VII.

IGITUR in crastino crucis (apud Landaf) negotio publicè proposito, astantibus hinc Anglis, inde Wallensibus ex utroque populo plurimis ad crucem allectis, ea nocte ibidem cum episcopo loci eiusdem Gulielmo viro discreto & honesto, moram fecimus. Sonat autem Landaf Ecclesia sita super Taffluuium, quæ & Ecclesia sancti Teileau eiusdem olim Episcopi nunc dicitur. Mane ergo missa in Ecclesia cathedrali principalique altari ab Archipræsule celebrata, statim versus nobile Cisterciensis ordinis monasterium de Margan, per cellulam de Ewenith iter incunctanter arripuimus. Erat autem monasterium de Margan præ aliis cunctis ordinis illius per Cambriam locis, præsidente tunc viro literato & discreto Abbate Conano, charitatiua largitione laudatissimum: vnde & aliquoties graui ingruente famis articulo, certum noueris, & indubitata veritate compertum, ob immoderatam largifluæ charitatis abundantiam, quam in peregrinos & pauperes infatiganter exercuerat, deficiente aliquoties farre penique, sensibile fuisse diuinitus augmentum appositum, tanquam lecythi oleum, Elisei beneficio pauperi mulierculæ multiplicatum. Circa prima vero foundationis tempora iuuenis quidam de finibus illis genere Cambrensis, terras quædam monasterio datas acriter sibi vendicans, & in usus proprios redigere parans: post multas infestationes demum instinctu dæmoniaco grangiam monachorum optimam blado refertam igne combussit: & statim amens effectus per patriam discurrere cæpit rabie plenus & infania, nec ab errore cessauit, donec à parentibus captus fuerat atque ligatus, porro ruptis mane vinculis, fatigatisque custodibus ad monasterii denique portam euasit, clamans incessanter, & ululans, se monachorum ministerio totum intrinsecus igne comburi; Et sic planctu miserabili vociferando spiritum infra paucos dies exhalauit.

Miraculum tantum, & indubitata veritate compertum, quod negabis?

Contigit autem ut ab alio quodam iuvene in hospitum aula verberato statim in crastino diuina ultione sequuta iniurius ille ab hostibus interimeretur, & eodem aulae loco, quo fuit iniuria sacræ domui & fratribus astantibus irrogata, exanime

Bbbb

corpus

corpus extenderetur. His quoque nostris diebus ingruente famis inedia, & maxima in pauperum turba quotidie ad ianuam iacente, de communi fratrum consilio ad charitatis explendæ sufficientiam propter bladium in Angliam navis Bristollium missa est. Quæ cum diutinam ibidem vento contrario moram fecisset: die quo in monasterio tam ad usus pauperum quam monachorum annona deficere debuit, naue non redeunte, sed locum potius miraculo dante, contigit, ut campus prope monasterium per mensem & amplius, ante commune maturationis tempus, & antequam messis aliqua per patriam meteretur, cum multorum admiratione subito maturus inueniretur. Vnde tam fratribus quam pauperum turbis sufficientem usque ad autumnum alimoniam diuina miseratio ministraret. His igitur & nonnullis aliis re virtutum signis, locus Deo acceptus diligenter à cunctis caput & venerari.

Accidit autem his nostris diebus, quatuor Caradoci filii Iestini filiis, & Resi Principis ex sorore nepotibus his in finibus herili portione (sicut Wallensibus mos est) pro patre dominantibus: Morgano videlicet & Meredytho, Oeno & Caduallono, quod per inuidiam & Cainiticam malitiam (quæ iam inueterasset) iterum renatam, Oenum fratrem Caduallonus interemit: nec mora; diuina ultione subsecuta, cum castrum quoddam hostiliter inuasisset, muri subito super ipsum facta ruina minutim contractus interiit, inter tot tam sui quam fratrum suorum exercitus viros, dignas perpetrati facinoris & fratricidii poenas luens solus miserabiliter extinctus occubuit.

*De ceterum mira
gratitudine erga
dominum.*

Accidit hic quoque res memoratu non indigna, leporarius enim prædicti Oeni magnus & pulcher & mira varietate discoloratus, septem vulnera sagittis & lanceis corpore perforato, non absque tamen plurima hostium & homicidarum caninis moribus laceratione in domini defensione suscepit. Qui & postea Anglorum tunc Regi Henrico secundo vulneribus recenter in cicatricem obductis, à Comite Claudiocestriæ Gulielmo, ad tanti tam egregii facinoris ostentum est transmissus. Præ omni namque bestia plus hominem canis & diligit & dinoscit: Qui & interdum sublato domino viuere recusat, & pro domino mortis subire discrimina non formidat. Igitur & mori pro dominis & commori dominis est paratus. Vnde & exemplum vnum, quod Suetonius tangit in libro, qui de animantium naturis inscribitur: Et Ambrosius quoque in Exameron narrat, hic interferere non superfluum reputavi. Ferunt Antiochiæ in remotiore urbis parte crepusculo necatum virum, qui canem sibi adiunctum haberet. Miles quidam prædandi studio minister necis extiterat: tectus idem tenebroso adhuc diei exordio, in alias partes concesserat: Iacebat inhumatum cadaver: frequens spectantium vulgus astabat: canis questu lachrymabili domini deflebat ærumnam: forte is, qui necem intulerat, ut se habet versutia humani generis, quo versandi in medio auctoritate præsumpta, fidem assereret innocentie, ad illam circumspectantis populi coronam accessit, & velut miserans appropinquauit ad funus. Tunc canis sequestrato paulisper luctu doloris, arma ultionis assumpsit, atque apprehensum tenuit, & velut epilogo quodam miserabile carmen immurmurans, vniuersos conuertit in lachrymas: probationem detulit, quod solum tenuit è plurimis, nec demisit: præsertim cum nec odii neque inuidiæ aut iniuriæ alicuius poterat obiectione, crimen illatum euacuari.

*Duellum inter
militem & canem.*

Ob tantam igitur tam vehementem homicidii præsumptionem (milite tamen constanter inficiente) iudicatum est, duello, rei certitudinem experiri. In campo itaque constitutis, & vulgi circumstante corona, hinc cane dentibus armato, illinc baculo cubitali milite munito: tandem cane victore victus homicida succubuit, & ignominiosam publico patibulo poenam dedit.

Refert Plinius, refert & Solinus, Regem quendam studio venationis non mediocriter deditum, cum ab hostibus aliquando captus fuisset & incarceratus: quia canes dilexerat, per caninos demum regionis illius exercitus ad montana & siluestria per se sponte sequestratos, & inde tam in homines, quam in armenta & pecudes impetus faciendo, & atrociter defæuendo, demum absque alio quolibet necessariorum iuuamine modo mirando liberatum. Et præterea, ea quæ de canum natura experientia didici, oculisque meis plerumque conspexi, explicabo. Canis in rebus agnoscendis, dominoque præcipue: quem forte veluti in turba per aliquantulum tempus amiserit, plus naribus quam oculo credit. Primū etenim in domino seu ductore perditio reperiendo, oculis inspicit, deinde nares ad certius inuestigandum vestibis apponit: quanquam totas infallibilis experientie vires eidem in naribus natura plantauerit. Item, medici-

medicinam portat lingua canina, sicut econtra mortem lingua lupina. Vnde & sicut vulneribus canis lingendo medetur: sic vulnera lupo lingua corrumpit. Canis autem si vel collo vel capite, vel alia quauis corporis parte, quo linguam flectere non valeat, vulnus accipit: pede posteriori linguæ beneficium quasi nuntio fideli, transfert ad læsionem.

ANNOTATIONES IN

Caput VII.

- 10 **M**ira sunt, quæ de canum natura apud probatissimos auctores reperiuntur. Vt illud apud Plinium libro 8. c. 40. Cum ex causa Neronis Germanici filii in T. Sabinum animaduertetur, quamdiu in vinculis erat detentus, canis eius, quem à catulo nutruerat, à carcere nunquam abigi potuit, eoque postea ad scalas Gemonias deducto, gementium more latrando semper domino astitit, mirantibusq; hominibus panem quem illi aliquis obtulerat, non manducans vti domini admouebat: qui posteaquam in Tiberim proiectus fuit, in amnem statim dominum secutus, caput eius ex aqua ut poterat eleuabat, donec ipse ab aquis suffocaretur. Nec dissimile est, quod reperitur apud Tzetzen Chil. 3. de cane Silonii centurionis Romani in prælio interfecti, qui domini sui corpus à feris & anibus defendens, illud donec sepeliret tradere non deseruit. Cum Lysimachus interfectus esset, corpus humi stratum, & ab omnibus derelictum, canis domesticus plurimum contendens & decertans, ab anibus ferisq; illesum tandem præstitit, quoad Phorax quidam Pharsalicus aduenit, qui illud cremandum de more curauit. Cum autem in rogum accensum iniectum est corpus, canis in flammam se coniecit, & una cum illo igne absumptus est. Auctor est App. in Syriac.
- 20

De *Auenna* & *Neth* fluuiis transcurfis. De *Abertawe* quoque & *Goer* cum N. S.

CAP. VIII.

- P**ROFECTI abinde, non procul à *Margano*, vbi sabulosi littoris & maris influentis alterne incipiunt vicissitudines, *Auenna* fluuium sub plurimo tamen refluui maris moramine tranfluadauimus. Et inde versus *Neth* fluuium via maritima festinantes, primæuum *Carodoci* filium *Morganum* ducem & præuium habuimus. Accedentibus itaq; nobis ad aquam præ aliis australis *Cambriæ* fluuiis viui sabuli periculis, totumque subito, quod ingeritur absorbentis inaccessibilem, inter elitellarios multos, qui via versus mare venerant inferiore, vnus quæ solum qui scripsit hæc ibidē habebat, quamquam medius in turba conferta incederet, solus tamen quasi in abyssum descendit. Sed demum tamen non absq; sarcinæ detrimento librorumq; laboriosa simul & periculosa iuuenum opera vix extractus euasit. Quanquam igitur partium illarum principem *Morganum* viæ ducem haberemus, sub periculo tamen multo plurimorumq; lapsu ad aquam peruenimus: per sabulū quippe absorbens contra ducis monita nos viæ insolitæ festinare coegit, & timor addidit alas: cū per huiuscemodi pericula (sicut ibi didicimus) sit potius incesus moderata maturatione temperatior. Sed quoniam quolibet menstruo maris incremento, amnis illius vada mutantur, quolibet nubigero imbrium augmento non reperiuntur, pluuiialibus inundationibus exuberantibus vndis: nauigio non vado transecti sumus, monasterio de *Neth* à dextro relicto, iterum *Meneuiæ* partibus appropinquantes, & *Landauen* Ecclesiæ diocesium (quam apud *Abergauenni* intrauimus) post terga relinquentes.
- 30
- 40

- Accidit autem his nostris diebus *Meneuensi* Episcopo *Dauid* secundo hac iter agente, & vado recenti maris influentis procella turbato, *Capellanus* quidem de finibus illis *Rotherch* scilicet agnomine *Falcus*, quoniam transeundarum fuerat *Rotherch Phal-*
cus gnarus aquarum, vadi prætentandi periculum Episcopo præcipiente suscepit. Sed cum equum ipsi grandem & fortē, & ex toto comitatu ad hoc fideliter electum præbyter ascendisset, vado statim transmeato: quoniam suspensionis sententiam nuper incurrerat, ad ipsa quæ non procul aberant siluestria fuga maturata se proripuit: nec reuocari vllatenus potuit, donec sumpta securitatis & indemnitate cautione: hinc equus, & illinc missa restitueretur.
- 50

Intrantes itaque prouinciam, quæ *Goer* dicitur, in castro de *Surveysi*, quod & *Cambrice* *Abertawe* vocatur, id est, casus *Tawe* fluuii, pernoctauimus. Mane vero post missam populo conuocato, plurimisque ad crucem allectis, vir quidam partium illarum ætate prouectus, cui nomen *Cadorus* ad archipræfulē accedens, cum in hæc verba conuenit; Domine si mihi pristina vires suppetere, & iuuentutis elapsæ robur adesset, laudabilem quem prædicas laborem, nec vlla mihi elemosyna redimere, nec

» vilius desidiæ torpor posset adimere: verum quoniam desiderabilem hanc gratiam æ-
 » tas mihi debiliior, deteriorque dies inuidit (quippe, sic *multa ferunt anni venientes com-
 » moda secum: multa recedentes adimunt*) si beneficium corporis vexatione cōsequi plenum
 » non sufficio, decimarum tamen omnium, quæ possideo, largitione consequi valeam,
 vel semiplenū. Et sic ad pedes archiepiscopi prouolutus, & cū largo lachrymarū fon-
 te genua ponens in manu eiusdem ad crucis obsequiū, rerū suarū omniū decimas assi-
 gnauit, & ab eodē dimidiā iniūctę pœnitentię remissionē impetrauit. Cum autem
 » hoc factō paulisper seorsum recessisset, reuersus in hanc sententiam prorupit; Domi-
 » ne, si voluntas informat actionem, & ipsa plerunq; pro factō reputatur, cum mihi hoc
 » iter agendi sit plena & firma voluntas, residuæ partis pœnitentiæ relaxationem peto, 10
 » & insuper renouato beneficio decimarum mearū de residuo summā adæquabo. Sub-
 ridens ad hoc Archiepisc. deuotam viri subtilitatem cū admiratione est amplexatus.

Eadem vero nocte monachis duobus cubiculariis Archiepiscopi super his, quæ
 acciderant, viæq; periculis ad inuicem conferentibus, dixit vnus eorum, prouincia
 dura est ista: alter autem æque facete respondit: Quinimo nimis hesternā die mol-
 lis inuenta est: altero ad asperitatem patriæ, altero vero ad sabuli molliciem ser-
 monem referente.

*Elidorii presbyteri
 relatio fabulosa.*

Parum autem ante hæc nostra tempora accidit his in partibus res memoratu
 non indigna, quam sibi contigisse præbyter Elidorus constantissime referebat.
 Cum enim puerilis innocentia duodecimum iam ægeret annum: quoniam, vt ait Sa- 20
 lomon, Radix literarum amara est, quanquam fructus sit dulcis: puer literis addi-
 ctus, vt disciplinam subterfugeret, & verbera crebra præceptoris, in concaua fluuii
 cuiusdam ripa se fugitiuus occultauit: cumque ibidem bis sole reuoluto ieiunus cō-
 tinue iam latitasset, apparuerunt ei homunculi duo, staturæ quasi pigmæ, dicētes: si
 nobiscum venire volueris, in terram ludis & deliciis plenam te ducemus: annuens
 ille surgensque securus est præuios per viam primo subterraneam & tenebrosam vs-
 que in terram pulcherrimam, fluuiis & pratis, siluis & planis distinctissimam, obscu-
 ram tamen, & aperto solari lumine non illustratam.

Erant ibi dies omnes quasi nebulosi, & noctes lunæ stellarumq; absentia teter-
 rimæ. Adductus est puer ad regem, eique coram regni curia præsentatus, quem cum 30
 diu cum admiratione cunctorum rex intuitus esset, tandem cum filio suo, quem pue-
 rum habebat, tradens assignauit. Erant autem homines staturæ minimæ, sed pro
 quantitatis captu valde compositæ: flauī omnes, & luxuriante capillo, muliebriter
 per humeros coma demissa. Equos habebant suæ competentes modicitati, leporariis
 in quantitate conformes. Nec carne vescabantur, nec pisce, lacteis plerunque ciba-
 riis vtentes, & in pultis modum quasi croco confectis. Iuramenta eis nulla. Nihil
 enim adeo vt mendacia detestabantur. Quoties de superiori hemisphærio reuerte-
 bantur, ambitiones nostras, infidelitates & inconstantias expuebant. Cultus
 eis religionis palam nullus: veritatis solum, vt videbatur, amatores præcipui & cul-
 tores. 40

3 Solebat autem puer ille ad nostrum hemisphærium pluries ascendere interdum
 per viam quæ venerat, interdum per aliam: primo cum aliis, & postea per se. Solumq;
 matri suæ se committebat; patriæ modum, gentisque naturam & statum ei decla-
 rans. Monitus igitur à matre, vt auri, quo abundabat regio, munus ei quandoque re-
 ferret, pilam auream, qua Regis filius ludere consueuerat, ab ipso rapiens ludo, per
 viam solitam ad matrē deproperās, cursim asportauit: & cum ad ostium domus pa-
 ternæ, populi tamen illius nō absq; sequela iam peruenisset, intrare festinauit, pes hæ-
 sit in limine, & sic intra tectum cadenti matre ibidem sedente, pilam è manu elapsam
 duo pigmæ è vestigio sequentes arripuere, exeundo in puerum sputa, contemptus &
 derisiones emittentes. Ipse vero resurgens ad seque reuersus, mira facti confunditur 50
 erubescencia, & matris plurimum consilia deuouens ac detestans, cum via redire pa-
 raret, quam assueuerat, ad aquæ descensum hypogeumq; meatū cum petuisset, adi-
 tus ei iam nullus apparuit. Cū tamen per anni fere spatiū inter aquę prædictæ ripas viam
 inutilis explorator inquireret. Sed quoniam ea, quæ ratio non mitigat, temporis in-
 terdum mora mitescunt: & diuturnitas sola laxatos hebetat plerumque dolores: si-
 quidem malis multis finis de tempore venit: demum tamen ab amicis & matre præ-
 cipue vix reuocatus, sibi que restitutus, & literis denuo datus, tandem processu die-
 rum in sacerdotii gradum est promotus. Cum autem Meneuensis Episcopus Dauid
 secundus, super huius euentus inquisitione presbyterum iam senio confectū multo-
 ties

ties sollicitasset: nuquam ei negotii seriem potuit citra lachrymas replicare. Habuerat etiam gentis illius linguæ notitiam, cuius & verba recitare consueuerat, quæ sibi puerilibus (vt moris est) annis, rapide comparauerat. Erant autem verba sicut ab Episcopo prædicto mihi sunt sæpe proposita, Græco idiomati valde conformia. Cum enim aquam requirebant, dicebant *Ydorydorum*, quod latine sonat, aquam affer: *Ydor* enim aqua eorum lingua sicut & Græca dicebatur, vnde & vasa aquatica ὕδρια dicuntur, & *Dúr* lingua Britannica similiter aqua dicitur. Item Salem requirentes dicebant *Halgein Ydorum*, salem affer: & vero Græce sal dicitur, & *Halen* Britannice: lingua namque Britannica propter diutinam, quam Britones, qui tunc Troiani, & postea
 10 Britones à Brito eorum Duce sunt vocati, post Troiæ excidium moram in Græcia fecerant, in multis Græco conformis inuenitur.

Hic autem mihi notabile videtur, quod in vno verbo tot linguas conuenire non inuenio, sicut in isto: & enim Græce, *Halen* Britannice, similiter Hibernice, *Halgein* interposita G. lingua prædicta: Item *Sal* Latine, quia, vt ait Priscianus, in quibusdam dictionibus pro aspiratione ponitur S. vt & λ, Græce, sal Latine, ἑμι semi, ἑπτα septem, *Sel* Gallice, mutatione a vocalis in e, a Latino additione t literæ *Salt* Anglice, *Sout* Teutonice. Habetis ergo septem vel octo linguas in hac vna dictione plurimum concordantes. Sin autem interpositæ relationis de veritate quid sentiam, scrupulosus inuestigator inquiras: cum Augustino respondeo, admiranda fore diuina miracula, non disputatione discutienda: nec ego negando diuinæ potentiæ terminos pono, nec affirmando, eam quæ extendi non potest, insolenter extendo. Sed illud Hieronymi semper in talibus ad animum reuocō. Multa, inquit, incredibilia reperies, & non verisimilia, quæ nihilominus tamen vera sunt. Nihil enim contra naturæ dominum præualet natura. Hæc igitur & similia si quæ contigerint, iuxta Augustini sententiam inter illa locauerim, quæ nec affirmanda plurimum, neque neganda decreuerim.

Indicium multo-
 ris de præcedens
 fabula.

ANNOTATIONES IN

Caput VIII.

30 **D**E' *Auenna Netha* & *Tauo* confluentibus, vide infra eundem Giraldum in *Topographia Cambria* capite quinto. Monasterium autem de *Neth* condidit *Richardus Granuillanus* miles, vnus ex duodecim nobilibus, qui cum *Roberto filio Hammonis* in auxilium *Iestini filii Gurguntii*, contra *Resum* filium *Theodori Demetia* Principem aduenerunt: verum deuictō *Reso*, hanc regionem *Iestino*, à quo fuerant vocati, ademerunt, & inter se partiti sunt: vnde dominium de *Neth* in sortem *Granuillani* cecidit, qui ad usum & sustentationem monasterii prædicti omnes terras suas de *Neth* assignauit, vt in *Historia Cambria* manifestum est.

2 De hoc *Rotherico Phalcusio* multa commemorantur, eaque valde festiua & lepida. Obtinuerat enim dispensationem quandam ab Episcopo *Meneuensi*, videlicet vt missam vnā quotidie faceret, & præcipuus defunctorum Capellanus haberetur: quo nomine multa miracula vel θαυμάσια & potius operatus est. Nam tituli sui prerogatiua in omnibus funeralibus obsequiis, post rectorem loci, primus semper missificabat: & singulis diebus duas missas celebrabat. Quā in re cum de excessu coram Episcopo conueniretur, factum iustificabat: affirmans se presbyteri sui ratione missam vnā quotidie facere posse, & aliam ratione facultatis sibi ab Episcopo concessisse. Hic cum in magna & diuite quadam parochia sollemnifesteret missificaturus: accepit secum circumforaneum quendam circulatorem, vt sibi usus foret, qui in ipso missa sua (vt vocant) offertorio, cum parochiani suas illi oblationes deferrent, de pecunia mutatione rixam excitauit, ex qua acris orta est contentio, atque à verbis ad verbera deuentum, ita vt tota turbaretur multitudo. Hac dum geruntur, aliis pugnantibus, aliis vociferantibus, aliis deniq; suos paruulos & uxores protegentibus, Dominus *Rothericus* vestibus sacris (vt erat) indutus, se clam vna cum calice subduxit ex Ecclesia, & aufugit. Postea vero infra paucos dies, ad centum & viginti ex parochianis, ob sacrarum perturbationem, quæ se de vita periclitatum affirmabat, apud Episcopum grauiter accusauit, eosq; in ius vocauit, grauissima quæq; scelera illis obiciens, & modis omnibus, quibus poterat, eis molestias exhibens, donec illi pacem sibi redimentes, de calice & vestibus actionem penitus relaxassent.

3 Hac fabula mihi quidem videtur esse composita ad imitationem relationis *Eris Armenii* apud *Platonem* in libris de *Republica*: aut desumpta ex *Tigado* horto *Aloadini* Principis de *Mulet*, quem *M. Paulus Venetus* libro primo, capite vigesimo octauo, *Senem* de montanis appellat: de quo scribit *Haithonus* lib. de *Tartaris*, capite vigesimo quarto, & *Cal. Augustinus* *Curio*

Histor. Saracen. lib. 3.

Bbb 3

De

*De Lochor & Wendraeth fluuiis transcursis, de Cydweli quoque,
cum N. S.*

CAP. IX.

TRANSIVIMVS inde versus aquam de Lochor per campestria, in quibus Hoelus Meredythi filius de Brecheinoc, post obitum Regis Henrici I. Anglos de finibus illis & milites multos publico bello confectos interemit. Fluuio vero *Lochor* transuadato, & aquis postea, quæ *Wendraeth* dicuntur, transmeatis, ad castrum de *Cydweli* viâ duce peruenimus. In partibus istis Anglorum Rege Henrico rebus humanis exempto, dum Gruffinus Resi filius Soudwalliæ tunc Princeps, in Nordwalliam auxilium corrogaturus iuisset: vxor eius Guenliana (tanquam Amazonum regina, & Penthesilea secunda) in partes illas exercitum ducens, à Mauricio Londoniensi terræ domino, & viro egregio Gaufrido Præsulis cōstabulario, bellico in certamine confecta (interempto ibidem filio eiusdē Morgano, & altero capto scil. Malgone, quos pueros secum in expeditionem arrogāter adduxerat) cum aliis multis, ipsa demum ferro confossa caput amisit. Tempore vero Anglorum regis Henrici I. tranquillum pacis statum Wallia sortita, cum prædictus ille Mauritius filuam in partibus illis haberet ferarum multitudine ceruorumque præcipue valde copiosam, nimiaque parcitatis in ferina fuisset: quoniam, vt moris est, semper in viri fallacia est vxor astuta, miro mulier est vsa commento. Habebat enim vir ille à latere syluæ versus mare pascua magna & ouium in pascuis copiam multam. Mulier itaque pastores omnes & maiores domus figmenti sui complices habens, & fautores simplicis vtendo commoditate viri, in hæc verba ad maritum accessit (erat enim simplicis naturæ simul & tenacis) Mirum, inquit, quod bestiarum dominator bestiis dominari iam desisti, & ceruis non vtendo, ceruis iam non imperas, sed seruis: & ecce quantus abusus ex nimia surgit patientia: inaudita namque rabie, & insueta voracitate adeo in oues nostras desæuiunt, vt ex multis paucae, ex fere innumeris, iam reddantur numerosæ. Vt autem probabiliorem redderet assertionem, euisceratis ceruis duobus inter ipsa intestina lanam interferi procurauit. Sic itaque vir muliebri deceptus astutia canum rapacitati ceruos exposuit.

Vxoris Lantastutia in marito decipiendo.

ANNOTATIONES IN

Caput IX.

Gruffinus Resi Demetia Principis filius, mortuo Henrico primo Anglorum rege, ortisq. inimicitias inter Stephanum Bononiensem comitem, qui regni possessionē obtinuerat; & Marildē Henrici filiā & heredē unicā: ratus iam sibi libertatis & paternæ hereditatis recuperanda occasionem esse oblata, quorundam Normannorum possessiones inuasit. Verū cum se viribus imparem ad resistendum cerneret: se ad socerū suum Gruffinū Conani filium Venderia principem contulit, auxiliares copias ab eo petiturus. Interim dum is abest, eius vxor virilem animum induens, & quasq. potuit copias colligens, cum hoc Mauricio Londineo bello congregi ausa est: infelici tamen euentu, vt Girald. hic refert. De cuius morte cum Gruffinus pater eius certior factus esset, Oenū & Cadualadrum filios suos cum copioso exercitu, ad vindicandam filia necem, cum hoc mandato misit: videlicet, ne cuiquam Anglo aut Normanno parcerent, neq. ullā cum eis omnino pacē inirent, nisi regionē penitus relinquere atq. deserere velint. Præterea ad expellendos ex Cambria Normannos & Anglos, Hoelus filius Meredythi de Brechinia, & Madocus filius Edneri cū prædictis principibus suas vires coniungunt, atq. ferro & flamma eas regionis partes, quæ ab hostibus tenebantur, ad internecionem deuastant & perdunt, veteresq. incolas in suis sedibus collocant, vt in historia Cambria videre licet.

De fluuio Tywyensi nauigio transcursō. De Caermardin quoque & Albelande monasterio cum N. S.

CAP. X.

TRANSEUNTES inde nauigio flumen *Tywyense*, & versus *Caermardyn* iter arripiētes *Lanstephan* & *Talachar* marinis in scopulis à læua reliquimus. Erant autem hæc duo castra, quæ Refus filius Gruffini post obitum Anglorum regis Henrici II. desperatione custodum citra insultum occupauit; deinde prouinciis de *Penbroch* & *Ros* cædibus, incendiis & prædationibus, fere exterminio datis, frustrato conamine *Caermardyn* obsedit. Sonat autem *Caermardyn* vrbs Merlini, eo quod iuxta Britannicam historiam, ibi ex incubo genitus, inuentus fuerat Merlinus.

Caermardyn.

Est igitur hæc vrbs antiqua cōstilibus muris partim adhuc extantibus egregie clausa super nobilem *Tywy* fluuium sita, siluis & pratis abundans: habet autem *Canref Mawr*,

Mawr, id est Cantredum magnum ab oriente, copiosa siluarum condensitate australis Cambriæ ciuibus tutissimum in necessitate refugium, vbi & castrum *Dineuor* in collis excelsi vertice super fluuium *Tywy* situm: quod & principalis Sudwalliæ curia dicitur. Fuerant enim antiquitus tres principales in Wallia curiæ: *Dineuor* in Sudwallia: *Aberfrau* in Nordwallia scilicet apud *Môn*am. In Powisia apud *Pongwern*, quod & nunc Slopesburia dicitur. Sonat autem *Pengw'arn* caput alneti.² In his autem de *Cantref mawr* finibus Commoto videlicet de Caos, illud ad animam reuocans, *dolus an virtus quis in hoste requirat*: Et illud, *& si non recte possis quocumque modo rem*: quam enormiter in subditos hoc nostro tempore curia vindictam exercuerit noster explicare stilus abhorruit.³ Iuxta *Dineuor* trans flumen sc. *Tywy* in *Cantrefbachan*, id est, Cantredo breui, fons est qui die naturali bis vndis deficiens, & toties exuberans, marinas imitari solet instabilitates.⁴ Non procul à *Caermardyn* ex parte boreali scilicet apud *Peucadair*, id est, cathedræ caput, Reso Gruffini filio nostris diebus ad deditionem dolose magis quam viriliter compulso & in Angliam ducto: Rex Anglorum Henricus secundus de Armorica oriundum Britanniam militem quendam de cuius prudentia simul & fidelitate confidebat, sub decani de *Cantrefmawr* conductu cui nomen Guaidanus castrum *Dineuor* locique situm & patriæ munitionem exploraturum transmisit. Presbyter autem monitus vt per viam meliorem ad castrum & faciliorem militi præberet iter, per magis difficiles & inaccessibiles aditus ipsum de industria circumduxit. Et vbicunque per saltus herbosos transitum faciebant, cum inuentium admiratione presbyter herba pascebatur: asserens accolæ & indigenas herbis & radicibus (ingruente inedia) viuere & vesci solere. Ad regem itaque milite reuerso, cunctisque relatis quæ vel digna relatu viderat vel audierat: terram sc. inhabitabilem, terram iniquam & inaccessibilem, nullique genti nisi bestiali & bestiarum more viuenti victui necessariam. Demum fidei sacramentique nodis, nec non & obfidum vinculis astrictum Resum rex ad sua remisit.

Hist. Cam. 212.

Omy byddi gryf.
byddi gryf.

Progressis inde nobis versus Cisterciense monasterium quod *Alba domus* dicitur: adsunt quidam nuntiantes Archiepiscopo iuuenem quendam Cambrensem ei deuote occurrentem, obiter ab hostibus interemptum. Ad quem non procul à via diuertens, corpusque eruentum eleemosynarii sui operiri pallio iubens, iugulati iuuenis animam pia supplicatione commendauit. Igitur in crastino, sagittariis duodecim de sancti Clari castello satis propinquo, qui iuuenem prædictum iugulauerant, apud *Albam domum* in pœnam criminis cruce signatis, tribusque fluuiis, primo *Taf*, deinde *Cledheu* sub *Lanwadein*, alteroque sub *Hauerfordia* transmeatis, demum *Hauerfordiam* peruenimus. Sortita est autem inde prouincia nomen, inter duos hos fluuios sita, *Daugledheu*: eo quod duobus his fluuiis quasi duobus gladiis cingatur & terminetur. *Cledheu* namque Britannie gladius latine.

ANNOTATIONES IN

Caput X.

40 TAMETSI hac opinio de nomine *Mariduni* à *Merdhino* deducto, magnos atque celebres auctores habeat: ego tamen (doctorem pace dixerim) eius sententia sum, vt existimem eam nominis deriuationem, cum insigni errore esse coniunctam. Nam apud *Ptolomeum*, qui longe ante natum *Merlinum*, stante adhuc & integro Britannorum regno (tempore nimirum *Marci* imperatoris, vt testatur *Suidas*) scripsit, manifestum est, hanc urbem tunc *Maridnum* fuisse appellatam. Cuius verba *Geograph. lib. 2.* sunt hæc: Rursus post prædictos populos ultimi versus occasum sunt *Demeta*, quorum ciuitates *Louentium* & *Maridunum*. *Antoninus* etiam vel *Antonius Augustus*, cuius itinerarium circumfertur, qui *Merlinum* tempore præcessit, huius urbis mentionem facit; vbi *Muridunum* pro *Mariduno* legitur: nisi forte à muro egregio quo oppidum illud legionarii milites Rom. qui ibidem hyemare solebant, unde quaque muniebant, deductum esse nomen putemus: quod à Britannico quidem idiomate non est alienum: nam *Mûr* & *Murdhyn* Britannie, murum designant. Si tempore *Merlini* nomen acceperit, cedant nobis eius opiniois assertores, nomen eius antiquum. De *Merlino* postea (*Deo volente*) lib. 2. cap. 8. annot. 2. dicemus.

2 De tribus Cæbria curiis Principalib. vide descriptionis Cæbria, c. 2. & quæ ibidem annotata sunt.

3 Quæ sit illa vindicta quam tantopere *Giraldus* hoc in loco explicare veretur, haud facile est affirmare: coniectura tamen mihi videtur assequi quid sentiat. Cum *Oenus Venedotia* & *Resus Demetia* principes, *Henrico* Anglorum regi eius nominis secundo, munus fœdere, datis etiâ obsidibus essent deuincti: quorundâ Normanorum ita exarsit cupiditas, vt in Cambrorû possessiones violenter irruerët, vt *Rogerus Claræsis* comes & *Walterus Cliffordius*. De quorû excessu & violentia *Resus* apud Hen. regem.

Bbbb 4

sapins

sapius questus est, nec remedium ullum habere potuit: quia rex Normannis inique fauens, & ad eorum ferociam & iniurias conuiuens, nullam harum accusationum admittere voluit. Quamobrem Resus & alii procures, cum viderent in se leuissimis de causis crudelius animaduerti: & grauissima aduersariorum suorum scelera sine reprehensione vlla pratermitti: ad sui defensionem & propulsandam inimicorum iniuriam arma capiunt. Hac cum ad Anglum essent delata, ingentem exercitum confecit, & aduersus Cambros rebelles in Beruini montana duxit, apud Oswaldiam Cambria fines subintrans, non procul à Coruena, ubi Cambrorum copia praesto aderant in valle Dewana. Henricus montana occupans, in vallem descendere sine grauissimo sui & suorum periculo non poterat. Nam Cambri locorum & itinerum gnari, viarum angustias obseruantes: omnes fere qui necessarium parandorum causa ab exercitu discesserant interciperant, ita ut regem omni comiteatu intercluderent, nec tamen unquam montem ascendere volebant. Vnde Henricus loci iniquitate coactus, atque magnis & assiduus imbribus immoderatisque tempestatibus afflictus, hyeme etiam instante, cum magnam thesauri sui summam profudisset & quam plurimos ex suis militibus cum aeris inclementia tum inimicorum insidiis amisisset: sentiens se nihil profuturum, castra soluit; & domum reuersus, obsides Cambrorum quos longe antea acceperat, exoculauit, videlicet Resum & Caduallonum filios Oeni, atque Cynuricum & Meredythum filios Resi. Sic miselli iuuenes, eo quod Anglus patres eorum debellare nequinerat, oculos amiserunt. Atque hac mihi videtur esse illa enormis vindicta de qua hic loquitur Giraldus. Vide infra lib. 2. cap. 10 & 12.

4 In Tegenia, quasi sex millibus passuum à mari, est alius huiusmodi fons ab incolis vocatus Eynon Leinw, qui bis in die fluit & refluit. Hoc tamen (inquit H. Lhuyd) nuper obseruavi, Luna ab horizonte orientali ad meridianum ascendente, quo tempore omnia fluunt maria, fontis aquam dimini- 20
refluuiumque pati. Vide infra lib. 2. cap. 10. & in Annotat. ibidem.

5 Hic est locus ille antiquus, promulgatione legum Hoeli Boni Cambria olim regis valde celebris: ubi Princeps ille conuocatis 140. Prelatis & nobilibus, veteres Cambria leges reformauit, nouasque ex usu Reipub. constituit: quibus Cambri vsi sunt usque ad mortem Leolini tertijs Cambria Principis.

6 Hauerfordia post aduentum Flandrensium in illam regionem, illud nomen consequuta est: cum antea (ut scribit Lelandus) Dugladia, Britannice vero Aberdaugledheu; id est, Ostium duorum gladiatorum, diceretur; hodie vero Hulphord. Sunt qui existimant illam urbem, qua apud Antonium Vindogladia dicitur, in hac regione fuisse, & ab his duobus Gladiis nomen esse sortitam.

De Hauerfordia & Ros, cum Notabilibus suis.

C A P. II.

APUD Hauerfordiam itaque primo ab Archipræsule sermone facto: deinde, ab Archidiacono Meneuensi, cuius nomen presentis opusculi titulus tenet, verbo domini gratiose prolato turbæ, allecta est multitudo tam militaris quam plebea. Vbi pro mirando & quasi pro miraculo ducebatur à multis, quod ad verbum domini ab Archidiacono prolatum, cum tamen lingua Latina & Gallica loqueretur, non minus illi qui neutram nouerunt linguam, quam alii, ad lachrimarum affluentiam moti fuerunt, atque etiam ad Crucis signaculum cateruatim accurrerunt.

Accidit autem aniculam partium istarum quæ per triennium antea cæca fuerat 40
audito Archipræsulis aduentu, filium suum adolescentem ut vel de fimbria vestimenti eiusdem aliquam particulam ei referret, ad locum prædicationis destinasse. Qui cum ad Archiepiscopum ob turbam confertam accedere non potuisset glebam quam sub pedibus prædicantis turba dilapsa signauerat, secum matri reportauit, ipsa vero munus oblatum cum gaudio magno sulciens, & in orationum instantiam genua ponens, ori & oculis cespitem apposuit: & statim luminis læticiam quam penitus amiserat, tam viri sancti meritis quam fide propria & deuotione recuperauit. Erat autem gens hæc originem à Flandria ducens, ab Anglorum rege Henrico primo ad hos fines inhabitandum transmissa: Gens fortis & robusta, continuoque belli conflictu Gens Cambrensis inimicissima: Gens (inquam) lanificiis, Gens mercimoniis visita- 50
tissima? Quocunque labore sine periculo terra marique lucrum quærere, Gens perualida; vicissim loco & tempore nunc ad aratrum, nunc ad arma, Gens promptissima. Gens utique fœlix & fortis si vel Regibus ut deceret Cambria cordi fuisset, vel præstitutis saltem & præfectis iniuriarum dedecus animo vindice displicuisset.

Contigit autem prædicto in castro nostris diebus res nequaquam prætereunda. In eiusdem castri turre tenebatur in vinculis latro famosus: ad quem pueri tres, filius sc. comitis Clarenensis ibi nutritum commissus, aliique duo, quorum alter herilis filius, alter eiusdem, ex filia nepos, propter missilia lignea quæ eis arcu mittenda ferro formare consueuerat, frequenter conueniebant. Quondam autem puerorum precibus ad au-

Miraculum.

Flandri Rosse-
see.

Latro asinus.

ad auras ab imo nequam extractus, captata carcerarii absentia ocus ostia claudens tam ipsum exclusit, quam pueros quoque secum inclusit. Quo perpetrato statim clamor factus est magnus, tam intus puerorum quam exterius populorum, nec cessauit ille eleuata securi mortem pueris acriter interminare, donec ei tam indemnitate quam vitæ securitas sub cautione certissima fuerat indulta. In Francorum quoque regno apud castellum Radulphi casus accidit haud dissimilis. Dominator enim loci illius quem olim ex oculauerat, in castro quendam alebat, qui cum ex diutina frequentia vias castris cunctas turriumque gradus ascensus, cordis oculo iam tenuisset: semel ira vindice opportunitate captata, puerum quendam castellani filium quem vnicum
 10 habebat & hæredem, ad summa turris propugnacula secum adduxit. Stans igitur in alto & clausis intus ostiis ruinam puero parans, ad clamorem magnum & mærorem vniuersos prouocauit. Procedens itaque pueri pater, & non mediocri dolore concussus, cum filii redimere sospitatem modis omnibus attempasset: responsum accepit, nisi per partium inferiorum mutilationem, quam & sibi intulerat, hoc nullatenus fieri posse. Ipse vero multis antea frustra allegatis: demum hoc concesso quasi præcis illis cum lugubri circumstantium clamore ictum in trunco fieri fecit. Cæcus autem grauioribus angustias ubi sentiret cum requisisset, & responsum audiret quoniam in renibus: falsum esse proclamans, puerum iterum præcipitare parauit. Ictum itaque de
 20 nuo dato, & angustias sibi in corde maiores esse responso, dominum arguens falsitatis, puerum ad præcipitium exportauit. Tertio vero genitum ut redimat genitor, instrumenta gignendi vere præcidit: Et cum in dentibus se sentire dolorem proclamasset: Verum inquit ille, qui experto credendum, & iniurias vltus ex parte, mortem mitius aggrediar: & tu de cætero nec alium gignes, nec isto gaudebis: eoque dicto exiliens ab alto, se cum puero præcipitem dedit. Et statim in ima corruens, membris minutim contractis expirauit vterque. Miles autem pro anima pueri monasterium quod adhuc extat, & *De doloribus* dicitur ibidem construxit.

Hoc autem mihi notabile videtur, quod ad prædicti loci castellanum Richardum sc. Tangardi filium, cum tamen fratres habuerit plurimos & probos, & omnium iunior extiterat, præmortuis aliis vniuersa est hæreditas deuoluta. Similiter & ad
 30 sum Gruffini filium sublati de medio multis antea fratribus probis & pulcherrimis, australis Cambriæ dominium est deuolutum. Contigit autem prædicto Richardo pueriles annos agente, virum sanctum cui nomen Caradocus, apud sanctum Hismael in Rosensi prouincia Eremiticam & sanctissimam vitam ducere, ad quem puer tam à patre sæpius quam à matre transmissus cibariorum xenia quia frequenter ferre consueuerat, tantam in oculis viri boni gratiam obtinuit, ut ei sæpissime cum sua benedictione fratrum omnium fœlicitatem & paternam hæreditatē compromitteret. Accidit autem aliquando, prædictum Richardum ob pluuiam inundantem ad domum Eremiticam diuertisse. Et cum canes quos secum ad venatū adduxerat nec vocatione, nec adulatione, nec etiā oblatione, ad se introducere posset: subridens vir sanctus, &
 40 ipsos, manu leniter annuens, statim ad se venientes cunctos suscepit. Processu vero temporis cum diem Caradocus iam clausisset extremum, & vitæ labentis cursum sine fœlici consummasset, corpus suum quod libero postremæ voluntatis stilo Meneuensi ecclesiæ delegauerat: Richardi pater Tankardus violenta præsumptione detinuit: sed statim ægritudine graui correptus, mandatū ocus reuocauit. Cum itaq; semel & iterum hoc ei contigisset, tertio tam morbo laxato quam mandato, cū corpus versus *Meneuiam* per fabulū de *Nirwegal* deferretur, & exuberantem in pluuiam nube resoluta totoque comitatu pluuiæ perfuso, sacræ vecturæ duces à latebris exeuntes, pallam sericam, qua ferretrum opertum fuerat, ab omni imbrium madore indemnem reperiunt & immunem. Et sic Meneuiam corpus allatum crebra miraculorum tam præsentium
 50 quam sequentium quoque corruscatione, in ecclesiam Sancti Andreæ, Sanctiq; Dauid ala sinistra iuxta altare Sancti protomartyris Stephani, debita est celebritate tumultatum. Hoc autem mihi videtur hac de gente notandum quod in armis arietum dextris carne nudatis, & non assis sed elixis, tam futura prospiciunt quam præterita & ante incognita longe respiciunt. Tempore quoque præsentia, sed loco absentia, quasi prophetico quodam spiritu arte miranda cognoscunt: pacis & guerræ signa, cædes & incendia, domestica adulteria, regis statum, vitam & obitum, rimularum quarundam & notularum indiciis certissime declarant. Vnde & nostris temporibus contigit virum quendam partium istarum non ignobilem, & in arte prædicta præ aliis instructum (cui nomen Gulielmus Mangunel) vxorem habere de proprio viri nepote prægnan-

*Flandrorum
 Rossensem diuini
 nandi perit in
 armis arietum.*

pregnantem. Cuius euentus vir non ignarus, arietem de ouili proprio sumptum, ex parte cuiusdam vicini sui coram vxore, sibi presentari procurauit: quo statim ad coquinam transmissio, cum eodem die in prandio sedissent, armum arietis debito more decoctum & purgatum ad inspiciendum vir mulieri quam in hoc peritam nouerat ex industria porrexit. Quem cum paulisper intuita fuisset, rimulas notans & signa secreta, & oraculum in mensa subridendo proiecit. Ille vero cuncta dissimulans, cum risus causam rei que notitiam tanto vehementius efflagitasset, illa demum tanquam importuna viri mota instantia respondit: Vir de cuius ouili aries hic fuerat, vxorem habet adulteram & proprii nepotis incæstu iam grauidam effectam. Ad hæc autem vir subtristis vultuque demisso. Verum, inquit, oraculum profer, & nimia veritate subnixum, vnde & tanto mihi dolendum fortius quanto in propriam iniuriam publicata redundat ignominia. At illa tantam sui comperto crimine confusionem dissimulare non præualens, interiorem animi passionem signis exterioribus, urgente vicissim tam pudore quam angustia, nunc rubore vultus, nunc pallore, demum vero lachrimis more muliebri est protestata. Præterea oblatum est cuidam armus caprei quasi pro ouino quia simillima sunt ossa purgata, qui notatis rimulis parumper & signis cum admiratione subiecit: Infelix pecus quæ nunquam nouit multiplicari, infelix & pecudis dominus, qui nunquam ultra tres vel quatuor in vno grege habere præualuit. Destructionem quoque patriæ post obitum Regis Henrici primi, per annum ante vel dimidium, multi in humeris præuiderunt, qui venditis vniuersis quæ possidebant, tam mobilibus quam immobilibus indempnes per industriam patria relicta imminens excidium euaserunt.

Contigit etiam in Flandriæ finibus vnde Gens ista descenderat, viro quodam vicino suo os huiusmodi ad inspiciendum transmittente, quod portitor fossam obiter transiliendo fissâ nate crepitum dedit, quem statim viri naribus, cuius causa vexabatur verbis & votis adoptauit. Ille vero cui portabatur armo inspecto, illico subiecit: Sed tu frater id quod mihi adoptaueras in naribus habeas. Accidit autem quod & notabile censui quendam nostris diebus, ossis inspectorem non solum furtum furtique tenorem, furem ipsum, furandique modum & circumstantias omnes inspiciendo notasse: verum & campanæ pulsus & tubæ sonitus ac si præsentialiter adhuc agerentur quæ iam præterita fuerant, audisse. Mirum itaque quod sicut coniurationes illicitæ imaginaria quadam similitudine oculis acta, sic & auribus representant accidentia.

ANNOTATIONES IN

Caput I I.

FLANDRIA, olim Menapiscus pagus, de quo in legibus Caroli Magni frequens fit mentio, (& postea Ruitheia, ut Diuans & Canalis testantur) sic dicta siue à Flandra Luderici vxore, siue à Flan-
deberto Clodii regis nepote, siue ab aestu ventisque maris, siue à Germanica voce Flandren, qua sagittam significabat: regio est inferioris Germaniæ, ad mare Britannicum & Oceanum septentrionalem sita, soli fertilitate & omnium rerum copia florentissima: sed aestuantis maris inundationibus maxime
subiecta. Vnde maritimi tractus incolæ sapenúmero, cum eorum regio violenta aquarum irruptione
esset submersa, aliis in locis sedes sibi coacti sunt querere. Cum Gulielmus Normaniæ dux, qui Angliam
sibi subiugauit, aduersus Heraldum Goduini filium qui in regni possessionem irruebat, exercitum pararet,
Balduini Flandriæ Comitis socii sui opem implorauit. Flandrus genero suo cum magna copia
præsto adfuit, hac tamen conditione, ut ipse omnesque post eum Angliæ reges in perpetuum trecentas
marchas argenti in annos singulos Flandriæ Comitibus penderet. Illo tempore infinita multitudo, cum
infima sortis hominum, tum etiam eorum qui maris excursu & inundatione à sedibus pellebantur, in
Angliam cum Flandro commigrarunt: quos etsi Anglus (pacificam regni possessionem nactus) Matilde
regina intercedente, in suam clientelam protectionemque suscepit, eos tamen terrarum possessionibus
non ditauit. Hi non ita multo post, per vniuersum regnum dispersi, toti Angliæ molesti esse cæperunt.
Quamobrem postea ob denegatam prædictarum 300. marcharum solutionem, orta est simulacris inter
Robertum Hierosolymitanum Flandriæ Comitem & Henricum Angliæ regem. Vnde Anglus omnes
Flandricæ nationis regni sui incolas è suis diuisionibus expellere decreuit. Verum quia matris sue inter-
cessione primo fuerant recepti, atque etiam ut eorum opera Cambrenses sibi subiugaret: Rosiam Deme-
tia provinciam, illis concessit ad habitandum: sic (inquit Castoreus) Angliam defecauit, & arctauit
Walliam. Hi multis bellis à Cambria Principibus laceßiti, se suaque fortissime tutati
sunt, & in hunc diem (teste H. Lhwyd) & lingua & moribus à Cambriis
diuersis, ibidem pro Flandris agnoscuntur.

De

ADIA CET autem territorio Rossensi meridionali maritimoque ex latere, interlabente brachio marino, Prouincia Penbrochienfis, cuius principale municipium totiusque prouinciæ Demeticæ caput, in saxosa quadam & oblonga rupis eminentia situm lingua marina de Miluerdico portu profiliens in capite bifurco complectitur. Vnde & *Penbrochia* caput maritimæ sonat. Primus hoc castrum Arnulphus de Montgomery sub Anglorum rege Henrico primo, ex virgis & cespite tenui, satis exile construxit. Quod postmodum in Angliam reuertens viro probo prudentique Giraldo de Windesora constabulario suo primipiloque cum paucis custodiendum exposuit. Nec mora totius australis Cambriæ Wallenses Principe ipsorum viro bellicoso Reso scilicet Theodori filio paulo ante dolo suorum apud Brecheinoc interempto, & Gruffino filio suo puero relicto, castrum obsidione cinxerunt. Contigit nocte quadam cum milites quindecim castri desertores ex desperatione scapham intrantes nauigio fugam attemptassent, in crastino mane Giralduſ eorum armigeris arma dominorum cum feodis dedit, ipsosque statim militari cingulo decorauit. Inualeſcente vero & grauius incumbente per moram temporis obsidionis incommodo, cum ad vltimam fere inedia iam in castro perducti fuissent, Giralduſ ex summa prudentia spem simulans & solatia spondens, quatuor qui adhuc supererant bacones à propugnaculis frustatim ad hostes proiici fecit. Die vero sequenti ad figmenta recurrens exquisitiora, literas sigillo suo signatas coram hospitio Meneuenſis episcopi cui nomen Wilfredus qui forte tunc aderat, tanquam casu à portitore dilapsas inueniri procurauit. Erat autem literarum continentia quod infra menses quatuor Comitum Arnulphum super castri subuentione sollicitari non oporteat. Quo per exercitum literis lectis audito, statim obsidione dispersa ad propria singuli sunt reuersi. Nec mora Giralduſ ille vt altiores in sinibus illis sibi suisque radices figeret, Gruffini Principis Sudwalliæ sororem cui nomen Nesta, sibi lege maritali copulauit, de qua processu temporis egregiam vtriusque sexus prolem suscepit, per quam & Anglis Australis Cambriæ maritima retenta, & Hyberniciæ mœnia postmodum sunt expugnata, sicut vaticinalis declarat Historia.

Contigit in hoc *Penbrochia* castro nostris temporibus, virum quendam intra septa domus suæ mustelæ catulos in vellere quodam inuenisse. Quos cum illæfos ex industria cum ipso vellere à loco remouens abscondisset, bestiola rediens post crebros vndique quærendo nec inueniendo discursus, materno tandem mota dolore, ad vasculum lacte plenum, quo paruulus educabatur filius herilis accessit, & statim se supra vas erigens collectum intra se virus euomit, & lacteum condimento lethali potum infecit, tanquam perditæ prolis angustias, prolis amissione compensans: vir autem his obseruatis omnibus, vellus ad locum reportauit. Et ecce mustela materna sollicitudine inter spem & metum anxia, falsosque frequens mentita dolores, depositum inuenit, & continuo lætitiā tam gestu quam voce professā, ad vasculum præscriptum celerrime reuersa est, euersoque statim continente, totum quod continebatur effudit, tanquam recuperatæ prolis ob gratiam, hospitem illæsum fore statuens & indemnem. Contigit & alibi cum bestiola huiusmodi fœtus teneros ob solis & auræ temperiem extra domos in planiciem eduxisset, quod miluus insidians vnum ex catellis asportauit: & statim illa intra fruticum septa cum prole residua se suscepit, & exquisitæ vindictæ decipulam matri dolor ministrauit. Exiens igitur in tumulto quodam se resupinam dedit, & in ipso prædonis prospectu iam reuersi, se quasi mortuam finxit: & quoniam semper successus augent auiditatem, statim auis eam auidè rapiens ad alta tunc vexit: nec mora, & ecce à vindicis animi bestia venenosi dentis ad ima morsu corruit iugulata. Distat autem à *Penbrochia* castro quasi milliaribus tribus, castellum quod *Maenor Pyrr*, id est mansio Pyrrī dicitur: qui & insulam Chaldei habebat quam Cambri *Tnys Pyrr* id est insulam Pyrrī vocant. Stat etiam hoc castrum turribus & propugnaculis eximium, in collis cuiusdam capite versus marinum ab occidente portum extensi, à circio & borea sub ipsis muralibus viuarium habens egregium, rā sui maiestate quam aquarum profunditate conspicuū, pomerium quoque perpulchrum ab eodem latere: hinc vinario, inde nemore conclusum, tam Saxorum prominentia quam corylorum quoque proceritate præclarum. A dextra vero castrensis promontorii parte, inter castrum scilicet & ecclesiā, ad stagni amplissimi statum & molendini situm, sabulosam vi ventorum conuallem indeficientibus vndis

*Giralduſ de
Windesora
Constabularius
Penbrochienſis.*

Maenor Pyrr.

vndis riuus inserpit. Ab occidente sinuoso quodam in angulo mare Sabrinum iam prope in Hybernicum vergens, cum procul à castro distante subintrat, australi scopulo si paulo in boream se plus protenderet, aptum nauium receptioni portum faciente. Naues igitur quas cumque fere à maiori Britannia in Hyberniam curus impellit: ab hac prospectu tam formidandam ventorum inconstantiam quam furibundam & cæcam fretorum rabiem videas audacter attemptare. Terra tritico, marinis piscibus vinoque venali copiose referta: Et quod omnibus præstat, ex Hybernix confinio aeris salubritate temperata. Terrarum igitur omnium Cambriæ totius septem Cantredis conferta, *Demetia* tam pulcherrima est quam potentissima: *Demetia* vero *Penbrochia*, *Penbrochia* quidem tetra præscripta. Restat igitur, vt Cambriæ totius locus sit hic amœnissimus. Non itaque mirandum, non venia indignum, si natale solum Genialeque territorium, profusioribus laudum titulis auctor extulerit. In his autem *Penbrochia* partibus nostris accidit temporibus Spiritus immundos cum hominibus non visibiliter sed sensibiliter conuersatos. In domibus namque primo Stephani cuiusdam Wiriet, & postea processu temporis Gulielmi Not, iactu sordium & eorum quibus illudere potius quam lædere videntur, sui præsentiam ostentabant. In domo Gulielmi, non absque frequenti tam hospitis quam hospitum damno, tam lineis quam laneis scissuras in vestibis atque foramina faciebat: à quibus eas incommodis nulla poterat diligentia, nulla penitus sera tueri. In domo Stephani maiori miraculo cum hominibus sermocinari consueuerat, & conuitiantibus ei quod plerique ludicro faciebant, à natiuitatis tempore gesta quæ minus ab aliis vel audiri vel sciri voluerant palam improperabat. Si causam quæris euentus eius & rationem assignare non præsumo: nisi quod subitæ mutationis vel paupertatis in diuitias vel potius diuitiarum in paupertatem & desolationem præsagium vt dicitur esse solebat: sicut & in his ambobus paulo post compertum fuit. Illud autem hic notabile censui, quod nec aquæ benedictæ respiratione, non tantum communis sed etiam magnæ, nec ullius ecclesiastici sacramenti remedio, ab illusionibus huiusmodi loca mundantur. Quinimmo sacerdotes ipsi cum deuotione intrantes & tam cruce baiula quam aqua benedicta muniti statim inter primos sordium iactu dehonestantur. Ex quibus constare videtur, quod à nociuis non innocuis, & læsionibus non illusionibus tam sacramentalia quam sacramenta 30 ruentur. Notandum hic etiam his nostris diebus in Pictauia energuminam fuisse à diabolo possessam, qui & per os eius loquebatur differens & disputans acute & artificiose cum literatis & disertis. Exprobrabat & interdum hominibus ea quæ secretius gesserant & quæ minus audire voluerant. Cum autem liber euangelicus vel sanctorum reliquiæ super os obsessæ quandoque ponerentur, ad inferiorem gutturis partem fugiebat. Et cum ibi ponerentur in ventrem descendebat. Apparebat autem per inflationes quasdam & commotiones partiū illarum quas possederat: Et cum iterum ponerentur reliquiæ ad partes inferiores in quibus apparebat: statim redibat ad superiores. Cum autem demum attulissent corpus Christi & laboranti dedissent, respondit dæmon: stulti nihil est quod agitis, non enim cibus est corporis sed animæ quod ei 40 datis: mihi autem non est data potestas in animam sed in corpus. Cum autem hi quibus secretiora sua exprobrauerat, confessione super his facta ex pœnitentia sequuta redissent, nihil eis improperabat, sciui quidem sciui sed nunc ignoro (aliis autem quasi conuitium hoc emittebat) & ego taceo, quod enim scio nescio. Ex quibus apparet quia post confessionem & pœnitentiam vel omnino hominum peccata dæmones nesciunt vel ad damnum eorum & dedecus ea nesciunt. Quia vt ait Augustinus, Si homo tegit, Deus detegit: & si homo detegit, Deus tegit.

Nonnullos etiam mouere solet, quod fulmina frequenter ecclesias nostras & templa cadendo deiiciunt: cruces quoque & crucifixi imagines coram oculis cuncta cernentis & hoc permittentis plerunque feriendo diminuunt. Quibus nihil aliud ad 50 præsens nisi illud Ouidii respondere dignum duxi,

Summa petit liuor, perflant altissima venti,

Summa petunt dextra fulmina missa Iouis:

Sicut & Petrus Abaelardus egregie suo in tempore, in præsentia Philippi Francorum regis, cuidam Iudæo respondisse memoratur, hæc & similia in opprobrium fidei obiiicienti: Verum, inquit, quia fulmina ab alto descendunt domicilio, ad ea quæ in terris sublimiora reperiunt suaque naturæ similia se frequentius applicant. Ideoque in synagogas vestras nunquam fulmina cadunt, quia nec in cloacas vnquam ea cecidisse vel vidit quispiam, vel audiuit. Vnde & hic notabile censui quod cum in Francia nostris

Auctoris natale solum.

Ziim & Ohim. Esai. 13.

Nimis impudentes & arrogantes eos demones oportet esse, qui vinctos sacerdotes, crucem sacram & aquam benedictam tanta contumelia afficiunt. Vide Annot. lib. 2. c. 8. Annot. 2.

Notandum hic est, hystiam trāsubstantiam minorem efficere, cū habere aduersus diabolum quam reliquas sacrorum aut librum euangelicum Confessio auriculari silentium Diabolo imponit.

nostris diebus inter monachos Cisterciensis ordinis & militem quendam super metis agrorum & terrarum suarum terminis contentio sæpe fuisset, & acciderit aliquando vi tēpestatis ingruentis culturā monachorum damno eorundem nō modico, nocte quadam funditus destructam & demolitam fuisse: cultura militis ei contermina & quasi continua indemni penitus & illæsa manente, miles ea occasione in monachos insolenter inuectus, monachorum iniuriam in agri illius possessione diuinitus declaratam publice proclamauit. Abbas autem hoc audito satis facete respondit: nequaquam ita esse, sed habuisse militem amicos plures in illo equitatu quam monasterium, monachos è contra hostes ibidem plures & inimicos, verius esse demonstrauit.

At non eorum voluntate sed diuino mandato res acta est.

In hac eadem prouincia de Penbroch tertio in loco, domo videlicet Elidori de Stakepole circa eadem fere tempora: non solum sensibiliter, sed & visibiliter sub ruffi iuuenis specie qui & Simonem se vocabat, quidam apparuit. Hic primo clauēs à clauigero præripiens, se ad seneschaliam domus regendam impudenter ingessit. Eam tamen tam prouide, ut videbatur, tamque prudenter administrabat, ut omnia sub eius manibus abundare, nullusque defectus in domo fieri posse videretur. Quicquid autem herus & hera ad quotidianos vsus vel esus aut premeditati fuerant aut secreto proloquuti, id ipse non præmonitus, non inuitatus mirabili explebat agilitate dicens, id fieri vultis, hoc vobis fiet. Thesauros autem ipsorum & secretas repositiones sciebat, eisque aliquoties exprobrabat. Nam quoties auare aliquid aut parce nimis agi volebant, dicebat: ut quid aceruum illum auri vel argenti tangere timetis & expendere, breuissimi nempe dies vestri sunt: pecuniaque quam tantopere congeritis nunquam vobis erit ad vsus aliquos prouentura. Rusticis autem ministrisque domus mercenariis præciosa libentius cibaria atque pocula ministrabat, dicens: ea illis præcipue cum abundantia largiri debere quorum erant laboriosis operibus adquisita.

Bonus & diligens œconomus.

Quicquid autem agi statuerat, quanquā id domino vel dominæ displiceret quoniam secreta eorum, ut diximus omnia nouerat, & quoniam cuncta fere tam expedite, tamque mature gerebat, sine omni conditione complebat. Ecclesiam autem nunquam adibat, nec verbum aliquod catholicum vnquam pronunciabat. In domo nocte non iacebat, sed mane quotidie ad obsequia promptus astat. Obseruatus tandem à familia domus cum forte fuisset, circa molendinum & aquæ stagnum nocturna eiusdem inuenta est conuersatio. Quo comperto statim in crastino coram domino domus constitutus & domina clauēs quas quadraginta diebus vel amplius gestauerat, eis (licentiam accipiendo) porrexit. Interrogatus autem in discessu & obtestatus quis nam esset, respondit, se in vxore rustici cuiusdam de parœchia eadem, sub specie mariti ab incubo spiritu fuisse progenitum, nominans virum ac vitricum suum iam defunctum & matrem suam adhuc superstitem. Cuius inquisita diligentius rei certitudine, sic in veritate fuisse palam mulier est professæ. Similis huius in Dacia nostris diebus casus accidit. Archiepiscopo namque clericus quidam ignotus adhæsit, qui sub obrentu obsequii quia diligens & discretus esse videbatur, literarum etiam & historiarum omnium promptissimam habebat notitiam atque memoriam, magnam cum ipso familiaritatem in breui contraxit. Quadam etiam die cum narraret Archiepiscopo de historiis ab antiquis & ignotis rerum euentibus, unde ipsum libenter & frequenter audiebat, accidit ut de tempore incarnationis dominicæ loquerentur, qui & inter alia & hoc subiunxit: Antequam Christus carnem sumpisset, magnam habebant dæmones in genus humanum potestatem, sed in aduentu ipsius valde diminuta fuerat eorum potestas: adeo quidem ut à facie ipsius vndique diffugerint & disparuerint. Alii namque in mare se præcipitauerunt: Alii in concauitates arborum, & rimas petrarum & ego ipse in fontem quendam insilii. Quod dicto quasi verecundans erubuit, & surgens statim exiuit.

Dæmon non catholicus.

Vide annot. in cap. 8. lib. 2.

Dæmon iuricus.

Archiepiscopus autem & qui cum eo fuerant, vehementer admirantes ceperunt de verbo illo ad inuicem inquirere, & plurima coniectare. Et cum moram aliquantulum ille fecisset (putabatur enim statim reuersurus) præcepit Archiepiscopus cuidam suorum illum vocare, ipse vero vocatus & quæsitus vndique, nusquam comparuit. Nec longe post duo clerici quos Archiepiscopus Romam miserat, reuersi sunt: Quibus cum Archiepiscopus & sui rem gestam & euentum illum retulisset, ceperunt illi inquirere diem euentus illius & horam: quod cum audissent, dixerunt quod eodem die, & hora eadem obuiauerat eis in Alpibus, dicens se propter

Cccc

nego-

Dæmon ad Curiam Ro. missum se fugit. Falcones.

negotia domini sui scilicet Archiepiscopi nuper emerſa ad curiam Romanam fuiſſe tranſmiſſum. Sicque compertum eſt dæmonem ipſos in humano corpore deluſiſſe.

De falconibus quoque partium iſtarum egregiis & generoſis, qui grauiffimā in aues tam fluuiales quam campeſtres tyrannidem exercent, prætereundum non putauī. Vnde & Anglorum rex Henricus ſecundus cum in partibus iſtis iter in Hiberniam parando, moram aliquandiu faceret, & auium aliquando volatu delectari voluiſſet, falconem nobilem in ſaxo quodam ſedentem cum forte conſpiceret, eundem lateraliter ambiendo, accipitrem Norwagiensem generoſum & grandem quem geſtabat læua proiecit; Falco vero quanquam in primis tardior, ad alta tamen vix ſubuectus, iraque vindice vice verſa de præda prædo iam effectus, à ſummis impetuoſius ad ima deſcendens quadrati peſtoris icſtu vehementi præpoſitaque talorum armatura talionem reddens, ad pedes regio accipitrem confodiendo proſtrauit. Vnde & ab hac hora ſingulis rex annis circa nidificationis tempora propter falcones terræ illius qui marinis in rupibus excluduntur mittere conſuevit. Nec in terra ſua nobiliores illis aut præſtantiores inuenit. Sed hæc hætenus, ad viam de cætero reuertamur.

ANNOTATIONES IN

Caput XII.

GUILIELMVS Nothus Normannia dux, cum Angliæ regni poſſeſſionem iure belli naſtus eſſet: cupiens illud tranquillum & quietum reddere, vniuerſos Angliæ ſtemmatis nobiles vel ex-²⁰ heredauit vel è medio ſuſtulit: quorum poſſeſſiones Normannis diſtribuit: quæ cum eorum auidiſſi (plurimis indies ex Normannia, Gallia & Belgia, poſſeſſionum cauſa in Angliam conſluentibus) minus ſatis facerent, nec ſatis ampla viderentur: poſt acquiſitam, poſt Robertum Hammonis filium Morganiam, à Rufo Nothi filio qui tunc temporis rerum potiretur, inuadenda Cambria facultatem inſtanter petierunt: qua ſemel conceſſa, conſilioque capto aſſignarunt ſibi varias in ea regione prouincias, quas inuadere conſtituunt, pro quibus ſe regi fidelitatis ſacramento obſtringunt: veluti Rogerus Salopiensis Comes pro Powiſſia & Ceretia regione fidelitatem præſtitit. Hugo Ceſtreſis pro Tegenia & Renonocia. Bernardus de nouo Mercatu (de quo ſupra cap. 2.) pro Brechinia. Hugo Lacius pro Ewyas: & hic Arnulphus Rogeri Salopiensis Comitii filius iunior fidelitatem fecit pro iſta Penbrochiensis prouincia, quam poſtea & auxilio Giral-di Winſorii militis ſtrenui obrinuit & habuit: & poſtquam³⁰ à Rufo Penbrochiensis comes eſſet creatus vniuerſus pagus ille Penbrochiensis comitatus deinceps eſt appellatus, ut apud hunc auctore, qui fuit prædicti Giral-di nepos & non ita multo poſt, hæc eadem ſcripſit, videre licet.

² Hac Neſta Reſi principis Demetia filia præſtantis cuiuſdam forma elegantia inter omnes ſui temporis mulieres conſpicua fuit, ex qua Henricus primus Angliæ rex filium genuit nomine Henricum, ut patet in ſra lib. 2. huius Itiner. cap. 7. Deinde Giralduſ Winſorius eam (Rege conſentiente) matrimonio ſibi copulauit: unde Mauritiuſ filius Giral-di, Dauid epiſcopus Meneuensis, atque omnes Giral-di dæ Hibernenſes genus traxerunt. Poſt mortem Giral-di, Stephanuſ Abertiuenſis Caſtri Cuſtos eam duxit, ex eaq. genuit Robertum Stephanidæ, de quo in vaticinali huius auctoris hiſtoria honorifica fit mentio.⁴⁰

De tranſitu per Camros & Newigal cum N. S.

C A P. XIII.

ITER igitur ab Hauerfordia verſus Meneuiam quaſi milliaribus duodecim inde diſtantiem aggredientes, primo per Camros, vbi pro iuuenis egregii Giral-di ſcilicet filii Guilielmi nece, multorum cædibus cruentam nimis & grauem, tempore Stephani regis, propinqui & neceſſarii ſui, quanquam in hoc minus neceſſarii, vindiſtam in Roſenſes exercuerant. Deinde per ſabulum de Nwegal tranſiuimus, vbi & ea tempeſtate qua prædictus Anglorum rex Henricus ſecundus in Hiberniæ finibus hyemauiſt, nec non & aliis fere cunctis partium illarum portubus ab occidente marinis, res contigit non indigna memoratu. Ex nimia nimirum præter ſolitum procellæ vehementia,⁵⁰ fabuloſis auſtralis Cambriæ littoribus ſolo tenus fabulo nudatis, longis operta retro ſæculis, terræ facies apparuit, arborum in ipſum mare ſtipites ſtantium vndique præciſarum, icſuſque ſecurium tanquam heſterni, terra quoque nigerrima, lignaque truncorum hebeno ſimillima: mirandis rerum mutationibus, olim nauium via, nunc nauibus inuia, non littus ſed lucus eſſe videretur: aut forte à diluuii tempore, aut potius longo poſt, antiquitus tamen præciſus, quoniam maris violentia ſemper excreſcentis & terram amplius eluentis, paulatim abſumptus & abſorptus. Contigit autem inaudita tempeſtatis eiſdem rabie, Congroſ alioſque marinos piſces per plurimos trans rupes maris altiffimas vi ventorum intra dumeta proiectos,

ros, à multis reperiri. Apud *Meneuiam* igitur à loci eiusdem Antistite Petro viro videlicet personali & liberali, qui nobis indiuiduus hætenus in viâ comes extiterat, decenter exhibiti pernoctauimus.

ANNOTATIONES IN

Caput XIII.

IN orientali Cambria parte, videlicet Mailora & Trefreda, in locis vliginosis, ubi terra propter aquas hiemali tempore stagnantes mollis minimeque consolidata est, reperiuntur etiam hodie abietum precisarum stemmata, & aliquando ipsa abietes mira longitudinis, ita pura & integra ac si infra annum fuissent prostrata: quibus pro lynchis & tadis utuntur pauperiores, easque verubus & aliis instrumentis in terra quarunt, & cum inuenerint effodiunt. Quod eo magis mirandum est, quoniam nulla huiusmodi arbores in Cambria, aut satinae aut automatæ, prouenientes (quod sciam) reperiuntur. Hoc tamen verissimum esse his nostris diebus comperimus, non obstante eo quod scribit *Caesar de fago & abiete*, libro quinto de bello Gallico: fieri igitur potest ut talium arborum illi qui ab hoc autore commemorantur stipites fuerint.

SYLVESTRI GIRALDI CAMBRENSIS
ITINERARII CAMBRIÆ LIBER

SECUNDVS.

PRÆFATIO.

QVONIAM igitur caput Cambriæ est *Meneuia* & urbs olim metropolitana, quanquam hodie plus nominis habens quam ominis: antiqua tamen & autentica matris nostra tanquam exequias plangere & funus prosequi lamentabile, cineresque semisepulta lachrimas deplorare singulibus non abstinui. Qualiter huc igitur, & unde, & à quo tempore pallium allatum, & qualiter ablatum, quot palliis induti antistites, & quot spoliati, eorumque nomina usque ad hæc nostra tempora paucis absoluam.

De sede Meneuensis cum N. S.

CAP. I.

SICUT Britannicæ referunt historię apud urbem legionum in Curia illa magnam prætaxauimus, beatus *Dubritius* loci eiusdem tunc temporis Archiepiscopus, *Dauid* qui regis *Arthuri* (ut dicitur) auunculus extiterat, propter ætatis defectum, & quoniam contemplationi potius indulgere volebat, cessit honorem: & ex tunc procurante *Dauid* usque *Meneuiam* sedis facta est translatio. Quanquam tamen prior ille locus sicut in priori libro descripsimus, longe metropolitanæ sedi plus congruerit. Hic etenim angulus est supra Hibernicum mare remotissimus, terra saxosa sterilis & infœcunda: nec siluis vestita, nec fluminibus distincta, nec pratis ornata: ventis solum & procellis semper exposita: inter hostiles hodie populos hinc Flandrensem inde Cambrensem frequenter attrita. Ex industria namque viri sancti talia sibi delegerunt habitacula, ut populares strepitus subterfugiendo, vitamque eremiticam longe pastoralis præferendo, parti liberius quæ non auferetur indulgerent: fuerat autem *Dauid* sanctitate conspicuus & religione, sicut de vita ipsius testatur liber conscriptus. Inter omnia vero quæ de ipso leguntur miracula, tria mihi videntur admiratione dignissima: De origine videlicet ipsius & conceptione: & triginta annis ante ortum præelectione: & quod omnibus præstat, de terra quæ apud *Breny* vidento populo & admirante sub pedibus prædicantis in collem excreuit.

Liber Auctoris
de vita sancti
Dauid.

Sederunt autem à tempore *Dauid* successiuis temporum curriculis Archiepiscopi ibidem viginti quinque quorum hæc nomina: *Dauid*, *Cenau*, *Eliud* qui & *Teilaus* vocatur, *Ceneu*, *Morwal*, *Hærunen*, *Elwæd*, *Gurnuen*, *Lendivord* *Gorwysc*, *Gogan*, *Cledauc*, *Anian*, *Eluoced*, *Ethelmen*, *Elanc*, *Malscoed*, *Sadermen*, *Catellus*, *Sulhaithnai*, *Nonis*, *Erwal*, *Affer*, *Arthuael*, *Sampson*. Tempore *Sampsonis* huius pallium in hunc modum est trāslatum. Ingruente per Cambriam (isto præidente) peste quadam, qua cateruatim plebs occubuit, quam flauam pestem vocabant, quam & *Phyfici* iætericiam dicunt passionem, præsul quamquam sanctus & ad mortem intrepidus, tamen ad suorum instantiam nauem scandens, flante *Circio*, cum suis inde-

Nomina episcoporum
Meneuensis.

mnem in Armorica Britannia se suscepit: vbi & vacante tunc forte sede Dolenſi, ſtatim ibidem in epiſcopum eſt aſſumptus. Vnde contigit vt ob Pallii gratiam quod Sampſon ſecum hinc illuc attulerat, ſuccedentes ibi epiſcopi vſque ad noſtra hæc fere tempora (quibus prævalente Turonorum Archipræſule aduentitia dignitas euauit) pallia ſemper obtinuerunt. Noſtri vero vel propter ignauiam vel paupertatem, aut potius propter Anglorum aduentum in inſulam & Saxoniam interpoſitam hoſtilitatem, ea occasione priſtina caruerunt dignitate: ſemper tamen vſque ad plenam (quæ per Anglorum regem Henricum primum facta eſt.) Cambriæ ſubactiõnem, epiſcopi Walliæ à Meneuſi antiftite ſunt conſecrari: Et ipſe ſimiliter ab aliis tanquam Suffraganeis eſt conſecratus, nulla penitus alii eccleſiæ facta profeſſione vel ſubiectione. Sederunt autem à Sampſonis ibidem tempore vſque ad prædicti Henrici primi tempora 19. quorum hæc nomina: Ruelin, Rodherch, Elguin, Lunuerd, Nergu, Sulhidir, Eneuris, Morgeneu, primus hic inter epiſcopos Meneuiæ carnes comedit & ibidem à piratis interfectus eſt. Vnde & eadem nocte quam duxit extremam apparuit cuidam epiſcopo in Hibernia, oſtendens vulnera ſua & dicens: *Quia carnes comedi, caro factus ſum.* Nathan, Teuan, hic Ieuan vna ſola nocte vixit epiſcopus, Argultel, Morgenueth, Ervin, Tramerin, Ioseph, Bleithud, Sulghein, Abraham, Wilfredus. Poſt hos vero ſubacta iam Wallia vſque hodie tres: Tempore regis Henrici primi Bernardus, tempore regis Stephani Dauid ſecundus, tempore regis Henrici ſecundi, Petrus Cluniaceniſis monachus: qui tres regio vrgente mandato Cantuariæ conſecrationem ſuſceperunt. Sicut & quartus his ſuccedaneus tempore regis Ioannis nomine Galfridus Lanthoniensis Prior & Canonicus, per operam Huberti Cantuarienſis Archiepiſcopi, in eadem ſede promotus & ab eodem conſecratus.

De nullo vero Cantuarienſi antiftite legitur, vel poſt ſubiectionem iſtam vel ante, Cambriæ fines intraſſe, præter Balduinum ſolum monachum ſcilicet Cisterciensem & Abbatem Annaſordenſem, deinde vero præſulem Wigornienſem, qui legationis huius occasione & ſalutiferæ crucis obſequio terram tam hyſpidam, tam inacceſſibilem & remotam laudabili deuotione circuiuit, & in ſingulis Cathedralibus eccleſiis, tanquam inueſtituræ cuiuſdam ſignum miſſam celebrauit. Adeo autem ante finales hos dies & tempora nouiſſima Meneuſis eccleſiam Cantuarienſem nullo ſubiectionis vinculo reſpiciebat: vt in Anglicana hiſtoria Beda referente legatur: Auguſtinum Anglorum epiſcopum poſt conuerſionem regis Ethelſfredi, & Anglorum populi, epiſcopos Walliæ in conſinio occidentalium Saxonum tanquam iedis Apoſtolicæ legatum conuocaſſe. Et cum ſeptem epiſcopi veniſſent, quoniam Auguſtinus in ſella ſedens, venientibus Romano ſaltu non aſſurrexit, eum ſuperbiæ notantes (ſumpto quidem à viro quodam Anachorita de gentē ſua ſanctiſſimo, experimenti illius documento) tam ipſum quam eius ſtatuta, ſtatim reuerſi ſpreuerunt: nec ipſum pro Archiepiſcopo ſe habituros publice proclamabant, teſtantes ad inuicem: quia ſi nunc nobis aſſurgere noluit, quanto magis ſi ei ſubdi ceperimus iam nos pro nihilo contemnet? Quod autem ſeptem tunc erant epiſcopi Britonum, cum hodie non niſi quatuor, hæc ratio aſſignari potuit: quia plures tunc forte fuerant in hoc Walliæ ſpacio quam nunc ſunt ſedes Cathedralis, vel potius ſe tunc ampliori Wallia ſine dilatabat. Inter tot igitur epiſcopos tanto priuatos honore, ſolus Bernardus ille primus Francorum apud Meneuiam epiſcopus, eccleſiæ ſuæ iura publice proteſtans, poſt multas ſumptuoſas & graues ad euriam Romanam vexationes, demum niſi factæ profeſſionis, & ſubiectionis exhibitæ Cantuarienſi eccleſiæ, falſi teſtes in Remenſi Concilio, coram Eugenio Papa palam prodiſſent, non inefficaciter reclamafſet. Tribus igitur ſultis auxiliis tam formidabiles tantæ cauſæ conflictus confidenter eſt aggreſſus: Regis videlicet Henrici primi familiaritate ſubnixus plurima & fauore, tempore pacifico gaudens, & pacis ſequela ſufficientia. Adeo quidem ex nimia ſecuritatis audacia, debito de iure quandoque præſumpſit, vt & crucem interdum ſibi præferri per Cambriæ fines attemptafſet.

Bernardus iſte quanquam in aliquo commendabilis, pompoſitatis tamen & ambitionis vitio, trans modetiā notabilis fuerat. Quoniam enim uero de Curia exierat, & plantatio Regis extiterat, ad Anglicanas opulentias per translationem ſemper anhelans (quo morbo laborant fere ſinguli ab Angliæ finibus hic intruſi) terras eccleſiæ ſuæ plurimas infructuoſe penitus & inutiliter alienauit: Alias vero tam improuide & tam indiſcrete dimiſit, vt vbi militariſ officiis decem terræ carrucas, viginti vel triginta manu ampliſſima largiretur: ibi diuiniſ

Ambitio & avaritia epiſcoporum eccleſiæ præſu.

diuinis Sancti Dauid obsequiis & canonicis ab ipso misere nimis & infœliciter institutis, vix vnam, vix duas vel tres impertiret. De duabus autem sedibus istis de quibus facta est mentio, Cantuariensi videlicet & Meneuensi, quod mihi videtur iuxta moderna tempora paucis edisseram. Illinc hodie Regum fauor, opum affluentia, suffraganeorum antistitum opulenta numerositas, literatorum & iuris peritorum copia multa: hinc autem omnium istorum defectus & ius remotum. Quapropter nisi per regnorum forte mutationes rerumque vicissitudines magnas, quæ variis & inopinatis euentibus accidere solent, difficilis erit antiqui iuris recuperatio. Dicitur autem locus vbi ecclesia Meneuensis sita est, & in honore beati Andreæ Apostoli
 10 primo fundata, *Wallis Rosina*: quæ tamen Marmorea potius quam vel Rosea vel Rosina dici posset: quoniam rosæ minime, marmore vero plurimum abundat. Labitur autem hic Aluni fluuius, aqua turbida & infœcunda, cœmeterium lateraliter à Borea disterrinans, sub lapide *Lechlauar* marmoreo pedibus transeuntium perpolitum, de cuius quantitate, qualitate & nominis ratione in vaticinali Historia differuimus. Vbi rex Anglorum Henricus secundus ab Hibernia rediens per eundem lapidem transeundo deuote Sancti Andreæ Sanctique Dauid ecclesiam intrasse describitur, in hunc modum. Relictis ergo demum custodibus apud Dubliniam, videlicet Hugone de Lacy (cui iam Mediam in fœodum donauerat) cum militibus viginti: Stephani de quoque & Mauricio Giraldidis, cum aliis viginti. Waterfordiæ vero Humfredo
 20 Bohunensi, Roberto filio Bernardi, & Hugone de Grandeuilla cum militibus 40. Weixfordiæ Gulielmo Adelmi filio & Philippo de Breusa cum viginti: Pascali luce secunda, solē recens orto, apud Weixfordiam exteriore sc. portus limbo, Rex nauē scandens Circio flante, prospero nauigio, in portu Meneuensi circa meridiem ap-
 pelcuit.

Accedens itaque *Meneuiam* deuote peregrinantium more pedes baculoque suffultus, canonicorum ecclesiæ processionem ipsum debita reuerentia & honore suscipientium apud albam portam obuiam inuenit. Accidit autem vt procedente seriatim processione & rite præcedente, mulier Cambrica ad pedes regis se subito pro-
 30 uolueret, quæ & querimonia de loci illius episcopo facta & regi per interpretis linguā exposita, quoniam ius suum statim non est assequuta, voce altisona & proterua cum manuum quoque complicatione non modica, cepit coram omnibus exclamando ingeminare: *vindica nos hodie Lechlauar, vindica genus & gentem de homine hoc*. Cumque ab illis qui Britannicam linguam nouerant inhiheretur & expelleretur, ipsa tanto fortius & acrius in hunc modum vociferabatur: alludens illi fictitio vulgari, nec non Merlini prouerbio quo dici solebat: Angliæ Regem Hiberniæ triumphatorem, ab
 homine cum rubra manu in Hibernia vulneratum, per *Meneuiam* redeundo super
Lechlauar moriturum.

*Merlini pseudo-
propheta vati-
cinium mendax.*

Erat autem hoc nomen lapidis qui trans flumen *Aluni*, quod cœmeterium à boreali ecclesiæ parte præterfluendo disterrinat, iacens vicē pontis fungebatur. Erat
 40 autem lapis hic marmoreus & pulcher, transeuntium pedibus superficie tenus (vt dictum est) perpolitus, decem pedes in longum & sex in latum præferens, atque vnus pedis spissitudinem habens. Sonat autem *Lechlauar* Britannica lingua, *Lapis Loquax*. Erat enim de lapide hoc ab antiquo vulgata relatio quod cum hominis cadauer super illum aliquando deferretur, eadem hora in sermonem prorumpens ipso conatu crepuit medius, fissuram per medium adhuc prætendens. Vnde & de barbarica superstitione illi antiquitus exhibita vsque in hodiernum quoque per ipsum mortuorum corpora non efferuntur. Accedens igitur ad lapidem Rex, quia forte illius vaticinii mentionem audierat, ad pedem lapidis paulisper gradum sistens & eundem acriter intuens, incunctante tamen passu audacter pertransiit: verso itaque vultu ad lapidem respiciens, in vatem inuectus, verbum hoc indignanter emisit: Merlin-
 50 no mendaci quis de cætero fidem habet? Legator autem ibi cum aliis astans, & rei e-
 uentum obseruans, vt vatis iniuriam vindicaret, sic alta voce subiecit. Tu vero non es Rex ille, qui Hiberniam conquirere debet, nec de te mentionem Merlinus fecit. Et sic Rex intrans ecclesiam in Sancti Andreæ Sanctique Dauid honore fundatam, fusis deuote orationibus & missa solenniter audita à Capellano quodam quem solum inter tot loci illius presbyteros ea hora ieiunum tanquam ad hoc diuina reseruauerat prouidentia: cœna ibidem sumpta, statim ad Castrum *Hauefordiæ* quasi per miliaria duodecim ab inde distans, transmigravit. Hoc autem mihi notabile videtur, quod nostris diebus præsidente videlicet Dauid secundo, tam fluuium hunc vino
 Alunne

*Rex inuehitur in
Merlinum.*

*Pistyll Dewi.**Monedula mansuet.*

manare, quam fontem quem *Pistyll Dewi.* fistulam David vocant (quia quasi per fistulam quandam in cœmiterium ab oriente fons dilabitur lac stillare, constat aliquoties esse compertum. Aues quoque loci istius quæ monedula dicuntur, ex longo pacis usu à clericis ecclesiæ eis exhibitæ, adeo quasi mansuetas & domesticas inuenias, ut homines nigris indutos non refugiant. Abhinc autem sereno tempore montes Hiberniæ prospici possunt. Mari hibernico tantum vno contractiore transnauigabili die interiacente: vnde Gulielmus Gulielmi regis Bastardi filius & Normannorum in Anglia rex secundus qui Rufus est agnominatus, Cambriam suo in tempore animose penetrans & circumdans, cum à rupibus istis Hiberniam forte prospiceret dixisse memoratur: ad terram istam expugnandam ex nauibus regni mei huc conuocans, pontem adhuc faciam. Quo verbo ad Murchardum Lageniæ tunc Principem in Hiberniam forte translato, cum aliquandiu propensius inde cogitasset, fertur respondisse: nunquid tantæ cumminationis verbo Rex ille, si Deo placuerit adiecit? Audito vero quod nullam prorsus Dei mentionem in hoc suo Rex sermone fecisset, tanquam prognostico gaudens certissimo: Quoniam inquit homo iste de humana tantum confidit potentia, non diuina, eius aduentum non formido.

ANNOTATIONES IN

Caput I.

29

DVBRITIVS Demetrius, ad Vagæ confluentis ripam ex Eurdila nobili iuencula, ignoto patre natus, magnum apud Britannos doctrina & probitate iuuenilibus annis obtinuit nomen. Hic ad Vagam fluvium scholas erexit, multosque discipulos in omni literarum genere per celebres habuit, Pelagiana dogmata vehementer & solide refutauit. Vnde primum Tauenfis episcopus & postea legionum urbis (qua Cambrorum Metropolis erat) Archiepiscopus sub Aurelio Ambrosio rege constitutus est. Vtherium Pendragonem, & post eum Arthurum eius filium Nothum, regni Britannici diademate insigniuit: contra Saxones acerrimum se aduersarium opposuit, quos pro sua gentis Republica multis inuictis eleganter scriptis lace ssuit. Resignato tandem Archipræsulatu Davidi, reliquum temporis inter discipulos manuum suarum laboribus viuens, priuatim & quiete transegit. Obiit 18. Calend. Decembris, Anno, verbi incarnati 522. De hac sedis translatione vide plura in Annotationibus supra lib. 1. cap. 5. Annotat. 6. Hac in sede errauit Robertus Canalis lib. 2. Perioche 6. non intelligens statum Britannia ante aduentum Augustini Monachi in insulam.

² Giraldus alibi vocat hanc regionem totius Cambriæ amœnissimam supra lib. 1. cap. 12. Verum ibi iuxta illud Ouidii

Nescio qua natale solum dulcedine cunctos
ducit, & immemores non sinit esse sui,

patriam suam & geniale territorium profusioribus laudum titulis prosequitur: Hic vero ipsam rei veritatem (sicuti est) respicit: Nam in vniuersa Cambria multa loca inuenias, longe multumque huic anteponenda, siue aeris salubritatem, siue regionis amœnitatem, siue soli ipsius fertilitatem, aliâque humana vita commodare respicias.

³ Quod ad plenam hanc Cambriæ subactionem per Henricum primum factam attinet, intelligendus auctor est, vel de Rossensis regionis (in qua sedes Menenensis existit) subiectione: vel de provincia Demetica, quæ tunc maxima ex parte in Normannorum & Flandrorum manus deuenerat, ut in Historia Cambria manifestum est. Nam Venedotia eo tempore possessio fuit Gruffini filii Conani principis Northwalliæ: Et Powisia à filiis Belibini Principis tanquam supremis eius provincia dominis tenebatur. Nec fuit plene subacta Cambria, usque ad annum 12. Eduardi primi cum interfecto Leolino Gruffini filio, ultimo Cambrorum principe, vniuersa Cambria in manus regis Angliæ deuenerit.

⁴ Gregorius primus Rom. episcopus An. 596. misit Augustinum monachum ad Anglos, qui Romanam religionem hominum mandatis & traditionibus refertam illis obtrusit: Nam Britanni puriore Christi doctrinam longe ante à Iosepho Aramathensi & Asiaticis ecclesiis susceperant. Apud illos igitur vigeat veritatis predicatio, doctrina sincera, viuificatrix fides, & purus Dei cultus qualis ab ipsis Apostolis mandato diuino Christianorum ecclesiis traditus erat. Vnde Galfridus Monumethensis lib. 8. cap. 4. De gestis Britannorum, In patria (inquit) Brytonum adhuc vigeat Christianitas, quæ ab Apostolorum tempore nunquam inter eos defecerat. Postquam ergo venerat Augustinus à Gregorio ut dictum est missus, & ab Ethelberto Rege receptus, in Vigorniensis provincia Anno 602. synodum celebrans, in hunc finem ut Britannia clerum sibi subderet & Romana ecclesia obsequentem redderet. Ad hanc synodum vocati venerunt Britannorum episcopi septem. Nā illis dieb. sub Menenensi metropolitano ad eum numerum, Asiaticorum more principales ecclesias cum ordinationibus habebant, quorum tunc hæc erant nomina,

nomina, Henfordensis, Tauensis, Paternensis, Banchorensis, Eluiensis, Vicensis, ac Morganensis. Venerunt & Doctores ad eandem synodum, inter quos Dinotus Cœnobiarcha Banchorensis omnium primus, grauitate & doctè de non approbanda apud eos Romanorum auctoritate disputabat: fortiter præterea tuebatur Meneuensis Archiepiscopi, in Ecclesiarum suarum gubernatione ratam iurisdictionem: vehementer contendens non esse in Britannorum commodum futurum, vel Romanorum fastum, vel cognitam Anglosaxonum tyrannidem in communionem admittere: Affirmans etiam debuisse Gregorium admonere Saxones gentem perfidam, ut si sincere Christianismum admittere vellent, Britannia imperium, quod contra sacramentum militia per tyrannidem occupauerant, iustis dominis & possessoribus quamprimum restituerent. Cum ergo ad Augustini colloquium ituri

10 essent, solitarium quendam & prudentem virum prius consuluerunt: An eius mandata sequi, suasque à patribus sumptas traditiones deferere liceret? Si homo Dei est (inquit) sequimini illum. Et unde id probabimus? interrogant. Scitis (ait) Dominum præcepisse, tollite iugum meum super vos, & discite à me, quia mitis sum & humilis corde, si talis ergo sit Augustinus ille, credibile est, quod Christi iugum & ipse portet, ac vobis portandum offerat: Si autem & immitis fuerit, constat quia non est à Deo, neque vobis est eius sermo curandus: Et unde id sciemus? inquirunt; permittite, ait, ut ipse prior cum suis ad synodi locum veniat, & si aduentantibus assurrexerit, scitote, quia Christi seruus est, & obtemperate illi: at si vos spreuerit aut parui aestimauerit, & nullum benignitatis signum ostenderit in vultu, cum numero plures sitis, spernatur à vobis & ipse. Cum itaque venissent, & Augustinum in cella ambitiose sedentem, nec eis amicitia signum aliquod præbentem viderent, in iram

20 mox conuersi, eumque superbia notantes, cunctis quæ illis proposuit contradicebant. Exprobrabat enim eis quod vniuersalis Ecclesia consuetudini contraria in multis gererent, præsertim in celebratione Paschatis, in ministerio Baptismi, & in predicationis officio, & quod Romanas traditiones non curarent, mandabatque, ut in his atque aliis Romana ecclesia mores & ritus obseruarent, arroganter & contumeliose cuncta præcipiendo: At illi nihil horum se facturos, neque illum pro archiepiscopo habituros esse respondebant. Quibus ille futura bella promisit, ac mortis ultionem (quæ mox sequebatur) ferociter minitabatur. Vide Bedam in sua Historia Ecclesiastica gentis Anglorum libr. 2. cap. 2. Et prædictum Galfridum. De his ita scribit Mantuanus in Fastis:

Adde quod & patres ausi taxare Latinos:
Causabantur eos stulte, imprudenter & aequo
30 Durius, ad ritum Roma voluisse Britannos
Cogere, & antiquum tam præcipitanter amorem
Tam stolido temerasse ausu. Concedere Roma
Debuit, aiebant, potius quam rumpere pacem,
Humani quæ iuris erant, modo salua maneres
Lex diuina, fides, Christi doctrina, senatus
Quam primus tulit ore suo, quia tradita ab ipso
Christo erat, humana doctore & lumine vita, &c.

De transitu per Cemmeis, Monasterium sancti Dogmaeli cum N. S.

CAP. II.

40 CVM igitur Archiepiscopus in Ecclesia sancti Dauid, & ara principali missam summo diluculo celebrasset, relicto ibidem Meneuensi Archidiacono prætaxato, eiq; ad populū officio sermonis iniuncto: obuiam Reso Principi per Cemmeis versus Aberteiuui properauit. Duo vero, quæ in prouincia de Cemmeis, alterum his nostris diebus, alterum parum ante, contigerant, mihi non reticenda succurrunt. Hoc itaque nostro tempore contigit, iuuenem quendam de finibus his oriundum, tantam à bufonibus in ægritudinis lecto persecutionem fuisse perpeßum, ut omnes totius prouinciæ tanquam ex condito in ipsum concurrerent. Et cum à custodibus & amicis ipsius interfecti fuissent, infiniti semper tamen vndique confluentes tan-

50 quam Hydræ capita sine numero succreuerunt: tandem vero lassatis vniuersis tam necessariis quam extraneis, in arbore quadam excelsa mutilata frondibus & lenigata in loculo quodam est sublimatus. Nec ibi venenosis tutus ab hostibus, imo certatim in arborem rependo petitus, & vsq; ad ossa consumptus interiit. Nomen vero iuuenis fuerat *Sisillus Eſceir hir*, id est, tibia longa. Simile quoque legitur occulto Dei iudicio, sed nunquam iniusto murium maiorum, qui vulgariter Rati dicuntur, in virum quendam olim factam persecutionem. In eadem prouincia tempore Regis Henrici primi contigit, ut vir quidam locuples à boreali montium de *Præſelen* latere mansionem habens, tribus noctibus continue in fomais moneretur, quatenus in fonte proximo, qui S. Bernaci fons dicebatur, lapidi qui scaturigini fontis supereminebat, manum

Homo à bufonibus deuoratus.

Sorices intelligit.

Semini.

submittens, aureum inde torquem extraheret. Qui die tertio monitis obtemperans, vipetino ibidem morfu lethalem in digito læsionem suscepit. Sed quoniam multos è diuerso thesauros per somnia constat inuentos fuisse, mihi quidem verisimile videtur, sicut rumoribus sic & somniis credi oportere, & non oportere, locum communem esse.

Radisfragui.

Quod autem in principali de *Cemmes* castro scilicet apud *Lanheuer*, nostro notabile contigit æuo, hic non prætereo. Resus filius Gruffini, instinctu Gruffini filii sui viri versipellis & versuti viro nobili Gulielmo filio Martini genero suo, contra sacramenta plurima eidem super indemnitate & securitate sua sibi tanquam filio perpetuo conseruanda plures super reliquias preciosissimas corporaliter præstita castellum suum de *Lanheuer* ei viribus armatis & obsidione sustulit, & Gruffino filio tradidit: contra sacramentum & de castro eodem ei nominatim non tradendo specialiter datum. Sed quoniam

Non habet euentus sordida præda bonos.

Vindicta diuina.

Dominus, qui per prophetam suum clamat; *Mihi vindictam, & ego retribuam*: in breui post, machinatori sceleris & auctori Gruffino munitionem auferri, hominique sub sole quem magis exosum habebat, Malgoni suo fratri tradi fecit. Resus quoque circa biennium post ibidem vbi filiam suam imò filias duas & nepotes exheredare curauit, exquisito diuinitus vindictæ modo in bellico conflictu à filiis est captus, & in eodem castro incarceratus. Et sic vbique turpitudinem maiorem & enormiorem excessum perpetravit, ibi dedecus econtra maius & ampliorem suscipere meruit confusionem. Illud & hic notabile censui, quod eodem quo istud ei accidit tempore, torquem sancti Canauci de Brecheinoc, apud Dineuour captum tenebat & inclusum, per quod & ipse ultione diuina capi meruit & includi.

Cenobium Docmaelis.

Apud cenobium itaq; sancti Docmaelis pernoctantes, tam ibi in crastino quam versus *Aberteui*, id est, casum *Teui* fluminis in mare: vbi à Reso Principe ea nocte decenter exhibiti fuimus. Ex latere tamen Cemmesensi non procul à ponte, conuocato partium illarum populo, & tam Reso quam duobus filiis suis, Malgone scilicet & Gruffino præsentibus, verbo Domini tam ab Archiepiscopo quam Meneuensi Archidiacono persuasorie prolato ad crucis obsequium multos alleximus: quorum vno cruce signato, quanquam vnico filio, & vnico matris senio iam confectæ solatio: eundem statim mater intuita, & diuinitus vt videbatur inspirata subiecit: Grâtiâs tibi charissime domine Christe Iesu intimas ago, quod talem mihi filium, quem tuo dignareris obsequio parere concessisti.

Fuit & alia ibidem mulier, matrona videlicet de *Aberteui*, animo à priore longe dissimili, quæ virum suum, ne ad archiepiscopum iret, neue crucem susciperet, per pallium & zonam firmiter tenens, coram cunctis impudenter retrahebat. Sed eadem tertia post nocte terribilem hanc in somnis vocem audiuit: *Seruientem meum mihi abstulisti, quam obrem & à te quoque, quod plurimum diligis, auferetur*. Qua visione viro cum vtriusque tam admiratione quam terrore relata, cum iterum obdormisset, filium paruulum, quem secum in thoro materna plus dilectione, quam diligentia iacentem habebat, non minus infelicitè quam insuauiter oppressit. Et statim vir à diocesano Episcopo tam visionem referens, quam vindictam, crucem suscepit, vxore fauente, ipsa quoque signum sponte propriis manibus armo virili inferente vel insuente.

Sic mulier & filium & virum amisit.

Ineptas & aniles fabulas deuota exerce autem te ipsum ad pietatem. 2. Tim. 4.

In loco vero prædicationis, iuxta caput pontis tanquam tanti conuentus memoriale locum Capellæ in viridi planicie statim plebs deuota signauit: vbi vestigia loquendo ad populum Archiepiscopus fixerat altare designantes: vbi & multa miracula languentium turbis hinc vndique confluentibus, quæ singula referre longum esset, certum est contigisse.

ANNOTATIONES IN

Caput I I.

HYDRAM: monstrum fuisse in Lerna palude sinxerunt poeta, multa habens capita, quorum quibusdam excisis, alia continuo renascebantur. Hoc tandem ab Hercule sagittis & igne ferunt interfecit. Quo Gorgones acutissimam intelligebant, quæ ita quæstiones solebat proponere, vt vno soluto aubi, multa subnascerentur.

Inscrutabilia sunt omnino diuina iudicia, & ab omni humana ratione penitus remota: quorum quadam ad incutiendum impiis terrorem, præter naturalem rerum ordinem despicatissimis contemptissimisque mediis, sine ulla emitatione fiunt. Historia tradunt, Antiochum & Herodem Principes scelere

scelere & impietate insignes, diuini numinis vindicta à pediculis fuisse exesos. Tradit quoque Mathaeus Parisius consimilem huic relationem de Comite quodam Germano sic scribens. Anno Domini 1089. Alemannicus Comes quidam Henrici Imperatoris persecutor grauissimus, cum quodam die tristis ad mensam resideret, ministrantium stipatus cateruis, ita repente à muribus est circumuallatus, ^{Nobilis quidam à muribus deuoratus.} ut nusquam sibi diffugium appareret. Tanti enim erat illarum numerus bestiarum, ut in regione nulla tantam copiam esse credideris. Itaque famuli fustibus & baculis arreptis, cum muribus occurrissent, diu in illos saeuientes, nihil penitus profecerunt: quin dominum solum dentibus terribilibus quodam corrosu laniant. Et quamuis à ministris magno conatu baculis & fustibus percuterentur, nulli tamen damnum inferebant, quia ministri nec ipsas tangere bestiolas, aut ledere potuerunt. Quamuis autem cum ministris longius in pelagum naui delatus esset, tamen murium violentiam non euasit. Nam illico tanta bestiarum multitudo inundauit in pelago, qua naui tabulata corrodens perforauit, ut certum naufragium aqua per rimas ingrediens minaretur. Vnde famuli hac videntes, puppem ad litus celeriter retorquebant: mures autem ante naucm ad terram venientes, miserum illum in aridam deuectum inuaserunt. Qui mox totus à bestiis illis dilaceratus horrendam earum famem in momento refecit. Hec ille.

Lhaneuer alias Aberneuer (sic dicta, quod in ostiis Neueræ fluminis sita sit) & ut alii volunt, Trefdraeth. Hoc oppidum est, quod Normanni victores, quorum dux fuit Martinus quidam Turonensis pater huius Gulielmi filii Martini, nouum portum appellauerunt.

De fluuio Teini, Cardigan, & Emelyn, cum N. S.

20

CAP. III.

LABITVR autem hic fluuius egregius, cui nomen Teiui, præ cunctis Cambriæ fluuiis salmone præpingui sæcundissimus: habet & piscariâ copiosam iuxta Cilgarran in summitate rupis cuiusdam, sancti Ludoci manibus olim excultam, in loco, qui dicitur Canarch Mawr, per quam aqua prædicta transcurrens ab alto (ut assolet) cum strepitu magno ad ima ascendit, ubi & salmones ab imis ad summam rupis concauitatem, quantum hastæ longissimæ est altitudo saltu mirabili transferuntur, & (nisi piscis proprietas hoc exigeret) miraculoso. Hoc etenim piscium genus saltum appetit ex natura, vnde & à saltu salmo nomen accepit. Modus autem salendi & proprietates, sicut in Hibernica Topographia descriptimus, hæc est. Pisces huiusmodi naturaliter aquæ cursum contra intentantes (sicut enim auius contra flatus, sic & piscibus contra fluctus mos est eniti) cum obstaculum inueniunt præruptum, caudam ad os replicant: interdum etiam ad maiorem saltus efficaciam caudam ipsam ore comprimunt, dumque à circulo huiusmodi se subito resoluunt cum impetu quodam tanquam virgæ circulatæ explicatione, se ab imis ad alta, cum intuentium admiratione longe transmittunt. Stant autem simul in angusto sc. terræ arpeno ecclesia sancti illius, molendinum, cum ponte & piscaria, & pomeriū cum horto delectabili. Habet & aliud fluuius iste sua specialitate notabile. Inter vniuersos namque Cambriæ seu etiam Loegriæ fluuius, solus hic castores habet. In Albania quippe, ut fertur, fluuius similiter vnico habentur, sed rari. De cuius bestię natura, qualiter à syluis ad aquas materiam vehant: Quanto artificio ex attracta materia mediis in fluctibus munimenta connectant: quam defensionis artē contra venatores in occidente pretendunt, quam in oriente. De caudis quoque pisceis pauca interferere non inutile reputaui.

Castores enim, ut castra sibi in mediis fluuiis construant, sui generis seruis pro rheda videntes, à siluis ad aquas lignea roboramiro vecturæ modo contrahunt & conducunt. Quidam enim ex his naturæ imperio seruire parati, ligna ab aliis præcisa ventrique supino imposita quatuor pedibus complectentes, lignoque in ore extransuerso locato, dentibus ab aliis hinc inde coherentibus, retrogradeque trahentibus, non absque intuentium admiratione simul cum oneribus attrahuntur. Simili quoque naturæ artificio in scrobium purgatione, quas sibi pedibus in terram fodiendo scalpandoque conformant, melotæ vtuntur. In aliquo vero profundissimo fluuii angulo & pacifico, in castrorum constructione tanto artificio ligna connectunt, ut ne aquæ stillæ de facili penetrando subintret, nec procellæ vis labefactando concutiat, nec violentiam quamlibet præter humanam, & hanc ferro munitam reformident. Ex salicis etiam ramis in castrorum constructione ligna connectunt, foliisque variis in altum quantum aqua excrecere solet, & ultra ostiis interius à folio in solum aptatis, machinam distinguunt, ut iuxta fluminis incrementa fluctuantes vndas (cum voluerint) ab alto despicere valeant. Ex salicibus autem, ut per annos crescendo salicum saltus, hispidum exterius siluescat arbustum tota interius arte latente.

Hoc

Rana.
Phoca.
Castores
aquæ Grol.

Hoc animal in aquis ad libitum perdurat, & sub eisdem more Ranarum veluti-
que Phocæ pilosæ, quæ fluxum maris atque refluxum leuitate pilorum & hispirate
declariant, halitum fouet. Sub aquis igitur, indifferenter & sub dio, tria hæc anima-
lium genera spiritum trahunt, suntque tibiis curtis, corpore lato, caudis nullis vel
quali mutilatis, & talpis quodammodo siue melotis in corporis compositione con-
formia. Notandum etiam, quatuor hæc solum dentes bestia præfert, oris anteriori
parte duos supra, & duos inferius e contra, eisque latis plurimum, & acutis tanquam
dolabris utitur ad secandum. Habent autem in proxima castris ripa scrobes subter-
raneas, latibulaque in sicco munitissima: ad quæ venator explorans dum præcutis
sudibus desuper transpenetrare molitur: ictum audiens & violentiam timens quam
citius ad castrum munimenta se bestia confert: sed primo ad ipsum foraminis ingressum
in ripa residens aquam exsufflat, pedibus scalpendo terram immiscet, & ex limpida vi-
suique peruia turbidam reddit & cœnulentam, ut sic hostis à ripa cum fuscina ferrea
saltum obseruantis artem arte deludat. In eis autem regionibus, cum canes narium
sagacitate sequaces se nullatenus effugere posse præsentit, ut damno partis totum re-
dimat, partem quam appeti naturali industria nouit proiciendo, venatoris in con-
spectu seipsam bestia castrat, vnde & à castrando Castor nomen accepit. Præterea si
bestiam præcastratam canes iterum forte prosequantur, ad eminentem se statim con-
ferens locum, coxa in altum eleuata partem venatori, quam appetit, præcisam o-
stendit. De quibus Cicero in Scauriana, redimunt se ex illa parte corporis, propter
quam maxime expetuntur. Iuuenalis: *Qui se Eunuchum ipse facit, cupiens euadere damno te-
sticuli*. Et Bernardus:

Prodit item Castor proprio de corpore velox

Reddere, quas sequitur hostis auarus opes.

Sic igitur ut hinc pellem, quæ in occidente quæritur, tueri valeat: illinc partis medi-
cinalis, quæ in oriente diligitur, largitione, totum quanquam tamen non totum con-
seruet, mirabili (ne dicam ingenio) vi quadam ingenita & quasi discretiua, venatoris
astutiam vitare molitur. Notandum quoque, quod Castores caudas habent latas, &
non longas, in modum palmæ humanæ spissas, quibus tanquam pro remigio natando
funguntur, cumque totum corpus reliquum pilosum habeant, hanc partem omni
pilositate carentem in morem Phocæ marinæ planam habent, & leuigatam: vnde &
in Germania Artoisque regionibus, ubi abundant Beuers, caudis huiusmodi piscium
ut aiunt, naturam tam sapore quam colore sortitis, viri etiam magni & religiosi, ieiun-
iorum tempore propisce veltuntur. Videtur tamen, quod iuris in toto quoad to-
tum, hoc in parte quoad partem, nec pars à toto tanta generis diuersitate distare
consuevit.

Transiuimus autem à castro prædicto versus pontem Stephani, *Cruc Mawr*, id
est, colle magno iuxta *Aberceini* à sinistro latere relicto. Vbi Gruffinus filius Resi filii
Theodori post obitum Anglorum Regis Henrici primi in bello publico, de Anglo-
rum populo per necem nobilis viri Richardi Clarensis iuxta *Abergeuenni* (ut dictum
est paulo ante) interempti, sine capite relicto: & ob hoc in impetu primo statim con-
fecto, stragem non modicam fecit, in summitate collis eiusdem tumulus reperitur,
quem se cuiuslibet staturæ præstare conformem incolæ testantur. Et si arma quæcun-
que vespere ibidem integra relinquantur, mane contracta vulgari assertionem re-
perientur.

ANNOTATIONES IN

Caput III.

Castor, ab extremis amnium fibris, in quibus degit, Fiber latine dicitur & Græce κατὰ ὤψον quasi
κατὰ ὤψον quod ventrem magnum habeat, ut Etymologici tradunt. Hoc animal est ex iis, quæ
Græci ἀμφίβια vel ἰνὺδρα vocant, admodum simile latræ, nisi quod cauda piscis sit, ut refert Plinius
lib. 8. cap. 30. cui mollior pluma pilus est. Effossus in ripa cuniculis candam intra aquas tenet, reliquo
corpore in sicco habitat. Castor, ut tradit Albertus Magnus, pedes posteriores anserinos habet, qui-
bus facilius natet, anteriores vero caninos. Hic comprehensa hominis parte, non ante quam fracta
concrepuerint ossa, morsum resoluit. Huius generis animalium gregatim in Ponto reperiuntur quam-
plurimi: vnde Castor canis Ponticus à quibusdam vocatur, & Castorium Ponticum optimum du-
cunt medici. Hodie nullus Castor in Cambria reperitur, nec quale sit animal vulgus
cognoscit. Vide Dioscoridem & Plin-
ium.

De transitu per pontem Stephani, per monasterium quoque de Stratflur, per Breui, & Ecclesiam Paterni magni, cum N.S.

CAP. IIII.

APVD Stephani vero pontem sermone in crastino facto tam ab Archiepiscopo, quam Meneuensi Archidiacono, nec non & abbatibus Cisterciensis ordinis duobus de Alba domo, sancto Iohanne, & Stratflur Sisillo, qui nobis in partibus istis & vsque in Norwalliam fideliter astiterunt: plurimis quoque ad Cucis obsequium allectis, ea nocte apud Stratflur moram fecimus. ¹ Progreffis inde parum, montanis
¹⁰ de *Moruge* magnis & immensis, quæ Cambrice dicuntur *Ellennish*, à latere dextro relictis, in siluæ cuiusdam ora, obuiauit nobis Cyneuricus filius Resi, iuuentute septus expeditissima. Adolescens ille flauus, & crispus, pulcher & procerus, ut patriæ gentique morem gereret, pallio tenui solum & internula indutus, tibiis & pedib. nudis tribulos & spinas non formidantibus: vir non arte quidem, sed natura munitus, plurimum quippe dignitatis ex se præferens, ex adiuncto parum. Sermone igitur tribus filiis adultis, Gruffino scilicet, Malgoni & Cyneurico in præsentia patris ibidem facto, & altercantibus de Crucis susceptione fratribus, tandem Malgo se cum Archiepiscopo ad Curiam Regis iturum firma sponsione concessit. Et tam Regis quam Archiepiscopi consilio (nisi per ipsos steterit) obtemperaturum. Transiimus inde
²⁰ per *Landewi Breui*, id est, ecclesia Dauid de Breui, quæ sita est in collis vertice, qui sub pedibus eiusdem Dauid prædicantis olim excreuerat: in illa synodo magna Episcoporum omnium & abbatum Cambriæ totius, nec non & cleri vniuersi ibidē vna cum populo collecta propter Pelagianā hæresim, quanquam olim à B. Germano Altisfidiodorensi Episcopo ab insula Britannica deletam, his, denuo in partibus recidiuo morbo, rediuiuaque peste iam tunc emerfam. ² Vbi & vnanimi totius conuentus tam electione, quam acclamatione ob tanti miraculi signum, quanquam inuitus & renitens Dauid in Archiepiscopum est sublimatus: præsertim cum Beatus quoque Dubri-
³⁰ cius in memorata vrbe legionum curia eidem paulo ante sua tam destinatione quam nuncupatione cessisset honorem: sede Metropolitana ab vrbe legionum vsque Meneuiam abhinc translata. Ea igitur nocte apud *Lhan padarn Vawr*, id est, Ecclesiam Paterni magni mora facta, mane ad Christi obsequium plures alleximus. Notandum autem, quod hæc Ecclesia, sicut & aliæ per Hiberniam & Walliam plures, Abbatem
⁴⁰ laicum habet. Vfus enim inoleuit & praua consuetudo, ut viri in parochia potentes, primo tanquam œconomi seu potius Ecclesiarum patroni & defensores à clero constituti: postea processu temporis aucta cupidine totum sibi ius usurparent: & terras omnes cum exteriori possessione sibi impudenter appropriarent: solū altaria cum decimis & obuentionibus clero relinquentes. Et hæc ipsa filiis suis clericis & cognatis assignantes. Tales itaq; defensores seu potius Ecclesiarum destructores abbates se vocari fecere, & tam nomen indebitum quam rem quoque sibi assignari præsumpsere.
⁵⁰ In hoc statu Ecclesiam hanc inuenimus capite destitutam, veteri quodam & inueterato dierum malorum (cui nomen Eden Oen filius Gwaithvoed) se abbatem gerente, & filiis eiusdem altari incumbentibus. Tempore tamen regis Henrici primi Anglorum potestate per Cambriam vigente, cœnobium S. Perri Glouerniæ, prædictam ecclesiam quiete possedit. Sed post obitum regis eiusdem, Anglis expulsis, monachi quoq; sunt eiekti, & more præfato tam clerici interius quam laici exterius violenter intrusi. Contigit autem regnante Stephano, qui successit Henrico primo, militem quendam de Armorica oriundum Britannia, peragratis regionibus multis, ut variarum gentiū tam vrbes quam mores discerneret, huc tandem forte fortuitu aduectum esse. Cum itaq; die quodam festiuo ad missæ celebrationem aduentum Abbatis tam
⁶⁰ clerus quam populus expectaret, demum Abbati venienti cum aliis occursans, vidit turbam iuuenum venire circiter viginti more gentis expeditam, & armis munitam: cumque quærenti, quisnam illorum Abbas esset, virum quendam ostenderent cum lancea longa præcedentem: intuens in eum, & admirans ait: Nunquid alium habitum aliumue baculum abbas iste, quam illū, quem nunc præfert, habet? Responderunt, nequaquam. At ille: Sat, inquit, hodie nouitatis vidi, satq; miraculi iam audiui. Et ab illa statim hora reuersus finem labori posuit & explorationi. Iactat autem gens hæc & generatio praua, Episcopum quendam Ecclesiæ istius (quia cathedralis aliquando fuerat) à decessoribus suis interemptum. Et hac præcipue allegatione in loco eodem ius sibi vendicant & proprietatem. Elegimus itaque has potius enormitates ad præsens
sub

Supr. lib. 1. c. 3. & lib. 2. c. 1.

Abbas laici.

sub dissimulatione transire, quam (nullo ibidem querimoniam deponente) gentem iniquam exasperare.

ANNOTATIONES IN

Caput III.

Strat fluv.

Aber conuwy.

Monasterium : de Strata florida, à Demetrio Principe constructum, alterum fuit è duobus cænobiiis, in quibus Cambria nobiles sepulti iacent. Aliud fuit apud Connouium Venedotia urbem, à principe eius regionis extructum, quod Aber-conwy Cambrice dicitur. In his duobus monasteriis annales principum & nobilium Cambria conseruabantur, in quibus eorum genealogia, natiuitates, connubia & obitus notabantur. Principes autem Powisia fere omnes humati iacent in Ecclesia de Myuot, quæ & ipsa antiquitus Ecclesia Archidiaconalis totius Powisia fuisse perhibetur: postea vero in parochialem Ecclesiam conuersa fuit. Sita hæc est ad Marnouia confluentis ripam non procul à Mathraual, quod præcipuum erat eius prouincia palatium. Hic Mediolanum (quod Ptolomæus & Ethicus ad occidentem inter Ordouices posuerunt) olim fuisse nonnulli affirmant. Extant ibidem adhuc (præter constantem incolarum assæuationem, à parentibus ad posteros transmissam) quamplurima veneranda antiquitatis monumenta, quæ urbis cuiusdam vestigia manifeste indicant.

² Pelagius genere Britannus, ut testatur Bedas, vel ut vult Polychronici auctor, Romanus, aut ut Ecclesiastici scriptores tradunt, Brito Armoricanus, in eam opinionem flagitiose atque turpiter inridit, ut hominem suis meritis, sine gratia Dei, salutem consequi posse, & unumquemque ad iustitiam propria voluntate regi, impie doceret atque defenderet. Hoc sua perfidia venenum longe lateq; dispersit, per Iulianum quendam de Campania & Leporium Agricolam Seueriani Episcopi filium, ipsiusque Pelagii discipulum, cuius opera uniuersam Britanniam hoc pestilenti dogmate infecit. Vnde Britannii à Gallicanis Ecclesiis ad hoc incendium extinguendum opem auxiliumque petebant, quorum petitioni tam iusta tamque necessaria inclinantes Galli, Germanum Alsisiodorensem, & Lupum Trecafinum Episcopos, viros fide ac virtute diuina pollentes, tum sermone facundos & disserendo acres, qui huic recenti heresi diuino verbo resisterent, in Britanniam miserunt. Hi habita cum Pelagianis disputatione, verbi diuini pugione aduersarios confodiunt, eosque ad palinodiam cogunt, ita ut Leporius ab eo tempore Pelagii doctrinam penitus repudiauerit. His itaque peractis, Episcopi supradicti, Britannii eorum opera à Pelagianismo vindicatis, & in Euangelii doctrina firmatis, ad suas sedes reuersi sunt. Postea tamen huius pestis semina & initia, quæ optime extincta putabantur, ab impiis quibusdam rursus excitata atque sæpius repetita sunt, donec Dubricius urbis legionum Archipræsul omnes Cambria Episcopos reliquosque verbi ministros in unum locum conuocari fecisset: ubi David grauius & neruose absurdam Pelagii doctrinam, solidis rationibus è sacra scriptura fontibus peritis, ita refutauit, ut magnam sibi doctrinæ & sanctitatis opinionem consequutus sit. Ex qua re vulgus postea quamplurimas fabulas confinxit.

³ Paternensis Ecclesia una erat ex septem Ecclesiis cathedralibus, quæ Metropolitano urbis legionum suberant, quorum Episcopi ab Augustino Anglorum Apostolo, ad suam synodum vocati sunt, de quibus vide supra lib. 2. cap. 1. Annotatione 4. & Matth. Park. de antiquitate Ecclesiæ Britannicæ. Hanc Gilbertus Clarenfis Comes, cum Creticam regionem sibi subiugasset, cum omnibus decimis, oblationibus & aliis Ecclesiasticis emolumentis, monachis cænobii sancti Petri Claudiocestrensis dedit & concessit, qui eum pacifice tenuerunt, viginti sex annorum spatio circiter, donec tempore Stephani Regis, circa ann. 1136. Cretica prouincia per Oenum & Cadualadrum Gruffini Venedotia principis filios, & Normannorum & Anglorum manibus erepta, & veteribus incolis restituta est, ut supra lib. 1. cap. 9. in annot. Quo tempore etiam hi Abbates, quos laicos Giraldus appellat, huius Ecclesiæ possessionem nacti sunt. Qui reuera melius ad publicam patriæ utilitatem eius fructibus vsi sunt, quam monachi Claudiocestrenses. Nam tamen si hi non magis, quam illi populum docerent, loci tamen pauperes Ecclesiæ redditibus alebant, quod ab illis factum non erat. In aliis suum cuique iudicium relinquo.

De fluuio Deui, & terra filiorum Conani, cum N. S.

CAP. V.

ACCEDENTES igitur ad aquam Deui, quæ Norwalliam scernit à Sudwallia: reuerso iam Meneuensi episcopo cum Reso Gruffini filio, qui nos à castro de Aberteiu per Creticam regionem vsque ad aquam istam laudabili in Principe liberalitate deduxit: Transcurso nauigio flumine, & Meneuensi diocesi iam post terga relicta, terram filiorum Conani scil. Merionnyth, & primam ea ex parte Venedotia prouinciam, & Episcopatum Banchoriensem intrauimus, apud Towyn pernoctantes. In crastino vero mane occurrit nobis filius Conani Gruffinus, quod diutius Archiepiscopo venire distu-

re distulisset humiliter & deuote veniam petens. Transiuimus eodem die nauigio bifurcum *Mauia* flumen, vbi Malgo filius Resi, qui indiuiduum Archiepiscopo ad curiam Regis se Comitem dederat, iuxta mare vadum inuenit. Ea nocte iacuimus apud *Lhanuair*, id est, Ecclesiam Mariæ in prouincia de *Ardudwy*. Hæc autem terra Conani & præcipue *Merionyth*, omnium totius Cambriæ terrarum hispida magis est & horribilis. Habet enim montes altissimos, arctos tamen, & in arcis modum acutissimos, nec raros quidem, sed creberrimos, & tanta inæqualitate confertos, vt in summis eorum verticibus pastores confabulantes ad inuicem vel conuitiantes, si concurrere forte statuerint, à mane in vesperam vix conuenient. Sunt autem his in partibus lanceæ longissimæ. Sicut enim arcu præualet Sudwallia, sic lanceis præstat Venedotia: adeo vt ictum hic lancea cominus datum ferrea lorice tricatura minime sustineat. In craftino obuiauit nobis filius Conani iunior (cui nomen Meredythus) in transitu pontis cuiusdam cum plebe prouinciæ illius. Vbi quamplurimis ad crucem allectis, tādē vno de familia ipsius cruce signato iuvene perualido, eiq; familiarissimo, quoniam pallium, cui crux affui debuerat, tenue nimis & vile videbatur, cum vberimo lachrymarum fonte, suum ei Meredythus pallium proiecit.

ANNOTATIONES IN

Caput V.

20 **P**ERAGRATA iam vniuersa prouincia Demetica, pergit Archiepiscopus ad Venedotiam, & ingreditur Meruiniam, Deuo confluenta traiecto. Hac regio antiquitus Meraonia dicta est, à Meraone filio Tibeonis filii Cunedagii sine Cunetha, de quo Gildas Britannus mentionem facit: & etiam Meruinia à Mervino Lentigeno Roderici Magni patre, eius prouincia domino: qui postea iure uxoris rex factus est Cambria. De qua Lelandus in Genethliaco:

Porrigitur vasto fluvii trans ostia Deui

Tractu terra potens hastis Meruinia longis:

In quacastrium ingens Arleha crepidine saxi.

In hac regione est lacus Tegydus, de quo infr. c. II. & in annot. ibidem.

De Traeth Mawr & Traeth bachan transcurssis, de Neuyn quoque, Caernarvon, & Banchor, cum N.S.

30

CAP. VI.

TRANSIVIMVS inde Traeth Mawr, & Traeth bachan, id est, tractum maris maiorem, & tractum minorem, vbi duo castra lapidea de nouo sita fuerunt: vnum in *Euioryth* versus montana borealia, quod erat filiorum Conani, cui nomen *Deudraeth*: alterum vero, ex alia fluvii parte versus mare in capite *Lhyn*, quod erat filiorum Oeni, cui nomen *Carn Madryn*. Dicitur autem Traeth lingua Cambrica, sabulum mari influente longius & se retrahente nudatum. Transieramus tamen aquas antea non ignobiles, *Diffennith* inter *Mauiam* & *Traeth Mawr*, *Arthro* inter *Traeth Mawr* & *Traeth Bachan*. Ea nocte iacuimus apud *Neuyn*, videlicet vigilia Paschæ floridi: vbi Merlinū Siluestrem diu quæsitum, desideratumq; archidiaconus Meneuensis dicitur inuenisse.

Traeth Britannica significat sabulum, quod cū spatiose expanditur magnitudinis nomen aspicit. Traeth.

Iacet autem extra *Lhyn* insula modica quam monachi inhabitant religiosissimi, quos Cælibes vel Colideos vocant. Hæc autem insula vel ab aeris salubritate quam ex Hiberniæ confinio sortitur, vel potius aliquo ex miraculo ex Sanctorum meritis, hoc mirandum habet, quod in ea seniores præmoriuntur, quia morbi in ea rarissimi: & raro vel nunquam hic nusquam moritur, nisi longa senectute confectus. Hæc insula *Enhly* Cambrice vocatur, & lingua Saxonica *Berdesey*. Et in ea (vt fertur) infinita sanctorum sepulta sunt corpora. Ibiq; iacere testantur corpus B. Danielis Banchorensis Episcopi.

Enhly.

50 Plurimis igitur in craftino ad Archipræsulis sermonem cruce signatis, versus Banchor iter arripientes transiuimus per *Carnarvon*, id est, castrum de *Aruon*. Dicitur autem *Aruon* prouincia contra *Mon*, eo quod sita sit contra *Monam* insulā. Venientibus itaq; nobis ad vallem via duce, tam in ascensu quam in descensu valde præruptā, cuncti ab equis dilapsi pedites porreximus, ex condito, tanquā Hierosolymitanæ peregrinationis (sicut tunc credebatur) iam instantis quædā præludia faciētes. Valle igitur transmeata, cum ad partem oppositam transcenderemus, fatigatis vniuersis, in quercu quadam vi ventorū stirpitus auulsa & prostrata, quiescendi respirādiq; gratia cum archiepiscopus resedisset, laudabilem in tanto tamq; grauitatis autenticæ viro, resolutus in iocunditatem circumstantibus ait: Quis vestrum in hac turba sibilando au-

Aruon.

Dddd

r c s

res delectare hunc præualet fatigatas? Quod fessis ex itinere fieri solet difficile. Ipso vero se id posse, si vellet, protestante, auditur in silua propinqua sibilus auiculæ dulcisonus, quam alii picum, alii verius aureolum dixere. Dicitur autem picus auicula lingua Gallica Spec dicta, quæ rostro robusto quercum perforans, maiorem viribus ictus ingeminat. Dicitur & aureolus auicula aureo croceoq; colore conspicua, dulcemq; suo in tempore pro cantu sibilum reddēs, quæ & aureolus ab aureo colore nomen accepit. Ad hæc igitur quodam dicente, nunquam philomenam partes istas intrasse: subiunxit Archiepiscopus modesta quadam subrilis significantia: philomena quidem sapienti freta est consilio, quæ Cambriæ fines non intrauit: nos autem insipienti, qui Cambriam & penetrauimus & circumimus. Ea igitur nocte moram fecimus 1.0 apud Banchor, cathedralem videlicet Venedotiæ sedem, à loci eiusdem episcopo decenter exhibiti. In crastino vero missa in principali altari ab archipræsule celebrata, sedis eiusdem antistes, cui nomen Guianus, à dextris altaris ad magnam tam Archiepiscopi, quam aliorum plurium instantiam, & importunā magis quam persuasoriam, ad crucis susceptionem est compulsus, cum magna suorum in ipsa Ecclesia lamentatione, miserabilique sub barbara quadam vociferatione vtriusque sexus hominum tam clamore quam mœrore.

ANNOTATIONES IN

Caput VI.

2.0

CONANUS: filius Oeni, filios habuit Gruffinum & Meredythum eius fratrem, de quibus in superiore capite mentio fit, horum possessio fuit præter Meruiniam castrū Deudraeth. Carn Madryn autem tamen si patris eorum possessio fuerat, pertinebat tamen hoc tempore ad Rothericum & Malgonem filios Oeni cognomento Gwyneth Venedotiæ Principis. Vide cap. sequentis annot. 1.

² Referunt historia Cambriæ post Banchorensis cœnobii, per Ethelfredū Northumbriū vastationem, Christianorum viginti millia, ut Saxonum crudelitatem vitarent, in hanc insulam confugisse, atq; ibi eremiticam vitam traduentes fæto concessiss: quos eius regionis incole Yr vgein mil Saint appellant. Quod verumne sit an secus, aliis discutiendum & definiendum relinquo.

³ Picus avis est Marti sacra, quæ Aristoteli δρυονόδων vocatur, aduncis unguibus, quæ felium more arbores in subrectum ascendit, percussitq; corticis sono pabulum subesse intelligit. Pullos in canis 3.0 arborum educat: cuneos à pastoribus cauerna ori impactos admota herba quadam expellit.

⁴ Ban lingua Britannica locum significat, Chorus multitudo est eorū, qui religionis ergo conueniunt. Sic appellabat Daniel Aronius ecclesiæ suæ sedem. Tres fuerunt ecclesiæ ab illo eodem nomine fundata. Vna in Aruonia, ubi præsidebat ipse, de qua hic loquitur Giraldus. Secunda in Mailora, ubi celebre illud cœnobium fuit: cuius mentio fit apud Bedam & Galfridum. Tertia in Hibernia, quæ omnes hodie Danielem patronum agnoscunt.

De Mona insula cum notabilibus suis.

CAP. VII.

His ita peractis transiuimus in Monam insulam, quasi miliaribus duobus inde di- 4.0 stantem, breui maris brachio transnauigato. Vbi & iunior Oeni filius Rothericus cum insulæ torius, nec non & terrarum adiacentium populo nobis deuotus occurrit. Facta igitur in loco quodā non procul à ripa confessione petrosis rupibus in theatri modum orbiculariter circumstantibus, ad sermonem Archiepiscopi, & eiusdem loci archidiaconi, & interpretatis nostri Alexandri: Nec non & abbatis de Stratflur Sifilli, multi de plebe ad crucis obsequium sunt allekti. Sedebant autem in opposita rupe de familia Rotherici iuuenes electi, quorum nullus allici potuit: quanquam tamen illas, mel frustra de petra elicere conantes, & oleum de saxo, tam archiepiscopus quam alii præcipue ad ipsos sermone directo, verbis suasoriis nec persuasoriis inuitarent. Contigit autem post intra triduum, tanquā diuina ultione secuta, quod iuuenes 5.0 hi cum aliis multis prædones patriæ persequerentur: qui statim à prædonibus confecti & in fugam dati, interemptis quibusdā, & aliis lethaliter vulneratis, crucem quam antea spreuerant, in carne sibi inuicem iam vltronei affixerunt. Rothericus quoque, qui sanguine sibi propinquam, & in tertio gradu cognatam, Resi principis filiam paulo ante incestuoso contubernio copulauerat, vt contra fratrum filios (quos exhereditauerat) se Resi auxilio fortius tueretur: salutaribus archiepiscopi monitis super hoc non obtemperans, à tota, quam possederat, terra in breui postmodum ab eisdem est eiektus. Vnde sibi illicite sperauerat defensionem, inde merito reportans confusionem.

• Habet

Habet autem hæc insula Monæ trecentas quadraginta tres villas, & pro tribus Cantredis reputatur.

Dicitur autem Cantredus composito vocabulo tam Britannica quam Hiber- Cantredus.
nica lingua, tanta terræ portio quanta 100. villas continere solet. Adiacent autem in-
sulæ *Britannia* tres lateraliter diuersis ex partibus insulæ, quæ eiusdem fere quantitatis
esse perhibentur. Ab Austro *Vetia*, à Zephyro *Mona*, à Circio *Mania*. Sed duæ priores
propinquius adiacent, modicis distinctæ maris interstitiis. Tertia vero, quæ *Mania* di-
citur, media inter Hibernicam *Vltioniam* & *Scoticas Galouidias* libramine iacens, remo-
tius extenditur. Est autem *Mona* arida tellus & saxosa, deformis aspectu & inamœna,
10 terræ de *Pebidion* (quæ adiacet *Meneuia*) exteriori qualitate similima: veruntamen in-
teriori naturæ dote longe dissimilis.

Est etenim hæc insula præ cunctis Cambriæ finibus triticeo germine incompa-
rabiliter fecunda: adeo vt prouerbialiter dici soleat lingua Britannica, *Mon mam Cym-
bry*, quod latine sonat, *Mona mater Cambriæ*. Quoniam aliis vndiq; terris deficienti-
bus, hæc sola gleba præpingui vberiq; frugum prouentu Cambriam totam sustentare
confuevit. Sed quoniam in hac insula digna memoratu multa reperies, quædam ex
his excerptare, & hic interferere non superfluum duxi.

Est igitur hic lapis humano foemori fere conformis, cui insita virtus hoc habet, Lapis Maen
Mordbruyd.
vt spacio quantolibet asportatus, proxima per se nocte reuertatur, sicut ab accolis
20 pluries est compertum. Vnde & Hugo comes Cestrensis, qui tempore Regis Henrici
primi tam insulam istam, quam terras adiacentes viriliter occupauerat, & audita hu-
ius lapidis virtute, ipsum alii lapidi longe maiori ferreis cathenis fortiter ligatū pro-
bandi causa procul in mari proiici fecit: qui tamen summo diluculo cum multorum
admiratione pristino more suo in loco repertus est. Cuius rei occasione publico Co-
mitis edicto prohibitum est, ne quis de cetero lapidem à loco mouere præsumat. Con-
tingit aliquando, rusticum quendam experiendi gratia ad foemur suum lapidem ligas-
se: sed putrefacto statim foemore ad locum pristinum lapis euasit.

Est & in eadem insula collis saxosus, non magnus, & parum altus, cuius ex vna Rupis audientium.
parte si clamaueris, ex altera nequaquam audieris, & vocatur ab incolis per anti-
30 phrasin *Rupis audientium*. In Boreali quoque maioris Britanniae latere, quod ab Hum-
bro flumine, quasi trans Humbrum ab Anglis nomen accepit, est collis haud dissi-
milis: cuius ex vno latere si cornu altisonum vel tubæ clangor experitur, opposito in
latere non audietur. Est & in hac insula Ecclesia Sancti Tefredauci confessoris, in Tymueia S. Te-
fredauci.
qua Hugo comes Slopesburiensis, cum semel vna cum comite Cestræli hanc insulam
vi ingrederetur, canes nocte quadam posuisset, insanos omnes mane recepit. Et ipse
met infra mensem miserabiliter extinctus occubuit: accesserant enim ad insulæ por-
tum ab Orchardum insulis piratæ in nauibus longis: quorum aduentum vbi Comes
audiuit, statim eis vsque in ipsum mare, forti residens equo animo se nimis occurrit.
Et ecce nauium princeps, cui nomen Magnus, primæ nauis in prora cum arcu pro-
40 stans sagittam direxit: & quanquam Comes à vertice capitis vsque in talum pedis
præter oculos solum, ferro fideliter esset indutus: tamen dextro percussus in lumine
perforato cerebro in mare corruit moribundus. Quem cum sic corruentem victor
ab alto despiceret, superbe in victum & insolenter inuectus, dixisse memoratur lin-
gua Danica, *Leit loupe*, quod latine sonat, sine salire. Et ab hac imposterum hora pote-
stas Anglorum in Mona cessauit. Nostis quoque temporibus Anglorum Rege Hen-
rico secundo in Venedotiam exercitum ducente: vbi & in arcto siluestri apud Colef-
hulle bellicam aleam expertus est: classe in Monam transmissa, cum prædictæ Eccle-
siæ aliisque sanctorum per insulam locis spoliando, prædando minime deferrent, di-
uina sequuta vindicta, accolæ tandem in aduenas, pauci in multos, inermes in arma-
50 tos, subito irruentes multis interemptis, multisque captis, & in vincula datis, victoria
potiti sunt cruentissima. Quemadmodum enim Hibernica testatur Topographia,
sicut natio Hibernica, nec nō & Cambrica præ aliis gentibus præcipites in iram & ad
vindictam in vita proni reperiuntur, sic & in morte vitali, terrarum earundem sancti
præ aliis animi vindicis esse videntur.

Fuerant autem duo nobiles viri, & eius qui scripsit hæc auunculi cum aliis huc
à Rege transmissi, Henricus scilicet Regis Henrici primi filius, & secundi auuncu-
lus, ex nobili Nesta Resi filia in australi Cambria Demetriæ finib. oriundus, & Rober-
tus Stephani filius Henrici, frater non germanus, sed vterinus: vir quidem, qui
nostro primus tempore, aliis viam præbens, Hibernicam non longe post aggressus

expugnationem: cuius quoque præconia vaticinalis depromit historia. Henricus, igitur nimia fretus audacia, bonaq; destitutus omnino sequela, cum magno suorum dolore inter primos lanceis confossus occubuit: Robertus vero de defensione diffidens, vix ad naues grauitervulneratus euasit.

Est & insula modica collateralis Monæ, & fere continua, quam solum Eremitæ labore manuum viuentes Deo seruientes inhabitant. De quibus hoc mirandum, quod cum aliquibus forte motibus humanis discordes ad inuicem inuenti fuerint, statim mures minutissimi (quibus abūdat insula) elcas eorum omnes & potiones tam cōsumunt quam corrumpunt. Cessante vero discordia, cōtinuo cessat & incommodum. Nec mirandum, si Dei famuli discordes interdum inueniantur: quoniam in 10 Rebeccæ vtero Iacob & Esau bella gessere: Paulus & Barnabas contentiose ab inuicem discessere: Inter discipulos quoque Iesu facta est contentio, quis eorum videretur esse maior. Infirmitatis enim humanæ temptationes sunt hæc. Veruntamen & virtus plerunque in infirmitate perficitur, & fidei cōstantia tribulationibus augmentatur. Dicitur autem insula prædicta Cambrice *Ynys Lenach* id est, insula ecclesiastica, propter copiam sanctorum, quorum ibi corpora iacent, & hanc insulam fœminæ non intrant.

Præterea vidimus in Mona canem curtum, non natura quidem sed casu solo cauda mutilatum. Cuius & progenies plurima tam à genitore descendens quam genitura, similem iam naturalem pati defectum ostensa est, Mirum enim uero, quod solum 20 parenti casus adiicit: hoc sibi prolem impostero tanquam à natura conformare. Militem quoque in Anglia vidimus ex Deuoniæ finibus oriundum, cui nomen Erathbaldus, de quo contigit, vt dum in matris aluo gestaretur, patre partum penitus abnegante, & matrem zelotypiæ causa ex sola suspitione fortiter accusante: puero in lucem prodeunte sola litem per se natura diremit. Fissuram namque, quam ictu lanceæ militari exercitio per medium sub nare superius labrum genitor olim suscep- rat, laudabili naturæ miraculo eodem in loco genitura prætendit. Erathbaldi quoque filium vidimus, cui nomen Stephanus, eodem indicio patris causali læsione tanquam in naturam iam conuersa. Item, in Comite Alberico, Alberici Comitis de Veer filio simile naturæ miraculum vidimus. Cum enim pater eiusdē matre iam præ- 30 gnante, filia scilicet Henrici de Estsexia, ob ignominiosum patris euentum iam ad diuortium modis omnibus elaborasset, partu prodeunte, quem pater in oculo casuali læsione sustinuit, eadem in parte defectus in filio parentauit. Sed forsitan ex rei visæ memoria, quæ per aspectum contrahitur & reseruatur, huiusmodi proprietas in prolem descendit. Sicut de Regina legitur, quæ quoniam Æthiopem in thalamo depictum inspicere consueuerat, ex inopinato Æthiopem peperit, quam & Quintilianus per picturam excusauit. Similiter & de ouibus variis contigit, quas Labe nepoti suo Iacob de grege concessit, per virgarum præfixarum variationem multiplicatis. Nec tantum ex mulieris, verum etiam ex imaginaria viri memoria partus interdum informatur. Compertum est enim de quodam, qui cum forte transeundo ho- 40 minem inspiceret se ante & retro continua passione mouentem, ad vxorem illico accedens, eamque cognoscens, quoniam motionis illius memoria à mente præadmiratione excidere non potuit: eadem hora puerum genuit simili passione percussum.

ANNOTATIONES IN

Caput VII.

DVo' in hoc nostro Giraldo, quæ illi fere semper in more posita sunt, animaduertere licet. Primum enim suum tantummodo propositum, neglectis aut non consideratis aliorum (de quibus scribis) 50 negotiis, respicere & persequi solet. Deinde si quid aduersi cuiquam accideris circa huius legationis tempus, id totum, vel quod is crucem recipere nolueris, vel quod superstitiosum diuorum aut reliquiarum cultum neglexeris, euenisse confirmat. Quæ in hoc capite manifesta sunt. Quod ad huius loci intellectum attinet, quadam alius mihi repetenda sunt. Cum David filius Oeni Venedotia Princeps omnes suos fratres hereditariis suis portionibus eiecisset, & Malgonem atque Rothericum in vincula sub saluis custodiis coniecisset: hi duo deceptis custodibus, non ita multo post, euaserunt è carcere: & Rothericus ad Gothricum Manauie regem aufugit, cuius auxilio fretus Monam insulam capit: deinde unacum Malgone fratre castrum de Carn Madryn in Lhyn, nepotibus suis Gruffino & Meredytho Conani filius violenta manu eripuit: illi tamen iuuenes, eo tempore quo Archiepiscopus in his partibus ageret, vires suas colligunt, & in Rothericum exercitum ducunt, quem non solum ad insulam deferent-

deferendam, verum etiam ad salutem fuga querendam, maxima suorum militum parte casa compellunt. Hac cum ita se haberent, cuius manifestum esse potest, Rothericū eo tempore nec Saracenicō bello vacare, neq. in tanto periculo militum suorum numerum imminuere vllō modo potuisse: nisi forte suas possessiones penitus derelinquere vellet. An vero idcirco in acie superatus sit, quod crucem non suscepissent eius milites, illi qui victoriam tribuit diiudicandum relinquo.

2 Tres Mōnæ Canirēdi fuerunt, id est, Aberfrau, in quo Lhion & Malhtraeth: Cernais in quo Talebolion & Twrcelyn: & Rossiria, ubi Dyndaethuy & Menay continentur.

3 Extat peruetustus quidam liber de vita & rebus gestis Gruffini filii Conani Venedotarum principis, Britannice scriptus, in quo memoria proditum est Marianum quendam cognomine Ruffum prædicti principis famulum, dominum suum Hugoni Cestrensi comiti, sub specie colloqui cuiusdam apud Ruc habendi prodidisse. In quem locū cum princeps paucis stipatus venisset, & nihil tale suspicaretur, statim captus est, & Cestriam missus, atq. in carcere coniectus. Vbi cum multis annis Grif. in vinculis detineretur, prædictus comes in Monam insulam ingentem per mare conduxit exercitum, eamq. regionem (ferro & flamma cuncta deuastando) sibi subiugauit: in qua, ut eam facilius postea retineret, duo castra construxit: unum sc. in insula prædicta, & aliud in Aruonia, eaq. præditiarii militibus & rebus omnibus necessariis firmavit. Accidit autem longo intervallo post, ut Talensis quidam nomine Cynuricus Hir, qui antea principi seruierat, eumq. probe nouerat, necessariorum parandorum causa Cestriam proficisceretur: qui cum omnia, quorum causa venerat, parasset, iamq. domum redire cogitaret: forte fortuna Gruffinum principem suum ferrea cathena constrictum conspicit, eumq. adiit, quem sub cœna
 20 tempore (custodibus cibo intendentibus) cum in humeros suos extulisset, nemine prohibente, secum asportauit. Princeps itaq. è carcere liberatus, collectis viribus (ad quem omnes undiq. concurrunt) suas possessiones haud difficulter recuperauit. Postea tamen comes ascito sibi in auxilium Hugone Salopiense, in Monam iterum exercitum ducit, sed frustra: nam cum Salopiensis comes casus esset, Cestrensis eius infortunii terrore perculsus, cum ignominia domum reuertitur.

4 Gulielmus Salisburius, vir in Cambria antiquitatibus egregie versatus, & de patria sua optime meritis, testatur hunc lapidem, de quo hic mentio fit, suo tempore videlicet 1554. in muro cœmiterii ecclesie D. Aedani in Mona insula adhuc extare.

5 De diuorum Cambria & Hibernia iracundia & ultione. Locus grauis est, ex intimis mystica Theologia penetralibus depromptus, accuratissima Sorbonicorum doctorum disputatione dignus. Huiusmodi prædicti & diuorum & reliquiarum frequens est in hoc libro. Hic diuus Tefredaucus Hugonem Salopiensem comitem, quoniam canes suos in eius ecclesia nocte quadam posuisset, morte multauit, & ipsos canes insanos reddidit. Idem etiam Henricum Regis Henrici primi filium nothum, eo quod sua ecclesia non pepercisset, lanceis confossum perire fecit, ut in hoc capite apparet. Diuus Ananus, quia dominator castri de Radnora, cum suis canibus venatoriis nocte quadam in eius Ecclesia incaute pernoctasset, canes rabie, & dominum cœcitate percussit, supr. lib. 1. c. 1. Baculus Cyrici strumosum quendam, qui denarium ob suam sanationem præstituto tempore non obtulit, in pristinum morbum cum confusione redegit, lib. 1. c. 1. Campana Bangu propter suam detentionem castellum de Rayder Gwy incendio consumpsit, eodem cap. sup. pag. 822. Torquis diui Canaui à Reso Demetie principe captus & inclusus, eundem Resum à filiis suis capi & includi ultione diuina fecit, supra c. 2. huius libri, pag. 860. Hac & infinita huiusmodi deliramenta ex monachorum & sacerdotum relationibus scripsit Giraldus, eaque aliquando false deridet, aliquando lectorum iudicio relinquit, & nonnunquam iuxta sui temporis consuetudinem strenue defendit: fuit enim in summo tenebrarum regno, eo scilicet tempore, quo humana traditiones & insulsa ceremonie ab hypocritis in suum commodum & perniciem introductæ, hominum mentes ita dementarant, ut non solum sincera verbi prædicatio sed etiam omnis veræ religio exularet, & vix Christianismi nomen esset relictum. Nam superstitiosa ignorantia iam in Ecclesiam, auaritia sacerdotum inuecta, pura Christi dogmata ubique corrumpebat. Quis ergo tam amens est, qui non plane intelligat, has & huiusmodi fabulas plusquam aniles, esse Diaboli instrumenta, quibus is veritatis lumen è mundo penitus tollere conatur? His itaque reiectis & amotis, satius esset firmissimo sacrosancti verbi Dei fundamento niti, illumq. iuxta sua voluntatis normam sancte & pie colere.

50

De Conwy fluuio nauigio transcurso, & Dinas Emrys cum N. S.

CAP. VIII.

REVERSI à Mona Banchor iterū, ostensum est nobis principis Oeni sepulchrum, qui in presbyterio coram altari cum fratre minore Cadualadro in spelunca duplici iacebant. Quanquam tamen Oenus ob publicum cum consobrina incestum à beatorum martyre Thoma excommunicatus obierit. Inimico itaque loci illius Episcopo ut visa opportunitate & occasione captata corpus ab Ecclesia quantoties eiiceret: per littora maritima, hinc rupibus præruptis, illinc fluctibus æquoreis arctati, versus Conwey flumen marinis vndis non impermixtum, iter incunctanter arripimus.

Dddd 3 Non

Non procul ab ortu Conwey in capite montis Eryri, qui ex hac parte in Boream extenditur, stat Dinas Emrys, id est, promontorium Ambrosii, ubi Merlinus prophetauit, sedente super ripam Vortigerno. Erant enim Merlini duo, iste qui & Ambrosius dictus est, quia binomius fuerat, & sub rege Vortigerno prophetauit, ab incubo genitus, & apud Carmardhin inuentus: unde & ab ipso ibidem inuento denominata est Caermerdhin, id est, urbs Merlini: alter vero de Albania oriundus, qui & Celidonius dictus est, à Celidonia silua, in qua prophetauit, & Siluester, quia cum inter acies bellicas constitutus, monstrum horribile nimis in aera suspiciendo prospiceret, demerere coepit, & ad siluam transfugiendo siluestrem usque ad obitum vitam perduxit. Hic autem Merlinus tempore Arthuri fuit, & longe plenius & apertius quam alter prophetaisse perhibetur. Quid autem mortuo Oeno vel in extremis agente filii eiusdem prauo dominandi ambitu, fraterna non respicientes fœdera, nostris diebus inter se gesserint, hic prætereo. Illud autem, quod nostris his diebus notabile censui, prætercundum non putavi. Oenus filius Gruffini princeps Nordwalliæ inter multos, quos genuit filios tantum vnum legitimum suscepit, scilicet Ioruerdum Trwyndwn (quod Cambrice simum sonat) agnominatum, qui & filium similiter legitimum suscepit Leolinum. Hic in transitu nostro patris suis Dauid & Rotherico, quos de consobrina sua cui nomē Christiana, Oenus susceperat, quanquā puer tunc duodennis infestare cepit, & licet totam Venedotiam, præter terram Conani, inter se pro herili portione diuisissent. Licet & præter hoc, Dauid Anglicano fulciretur auxilio, puta qui sororem Regis Henrici secundi sibi matrimonio copulauerat: ex qua & filium quoque suscepit; tamen intra paucos postmodum annos de publico incæstu natos diuitiis pariter & diuitum auxilio fultos, legitimus iste terris omnino carens, & thesauris à Venedotia tota diuina opitulante vindicta viriliter eiecit: nihil eisdem nisi ultrotroneo motu, bonorumque virorum consilio misericorditer & ex pietate relinquens. Argumentum adulterinos & incæstuosos domino displicere.

ANNOTATIONES IN

Caput VIII.

Gruffinus¹ filius Conani Venedotia princeps duxit sibi uxorem Ancharetam filiam Oeni filii Ed-
uini Tegennia domini, qua hunc Oenum principem illi peperit. Oenus primo matrimonio sibi
copulauit Claudiam (alias Gladusiam) filiam Lomarchi filii Traherni, filii Caradaci, ex qua natus est
Ioruerdus Simus Leolini Magni pater, deinde vinculis ingalibus sibi sociauit hanc Christianam conso-
brinam suam, filiam nempe auunculi sui Gromo prædictæ Ancharetæ fratris.

De incubis &
succubis.

² De humana commixtione cum spiritibus aut incubis aut succubis, varia sunt atque discrepantes
doctissimorum virorum sententia. Omnes enim Platonici demonas cum mulieribus commisceri, & ex
eis generare posse affirmant: Quorum opinioni Michael Psellus in libro de Demonibus (quem Fici-
nus latinitate donauit) Lactantius & alii recentiores accedunt. Augustinus autem quod rumore ac-
cepisset duntaxat recenset, nec ipse certi quicquam statuit. E contra vero Aegyptii, Iamblicus, Cassia-
nus, & recentioribus, Steuchus, Scaliger, Wierus, & vniuersa medicorum turba, solidis rationibus in 49

Spiritus carum
& ossa non ha-
bat. Luc 24.
Vide Maximam
Tyrium Ser. 27.

medium productis, id ipsum fieri posse constanter pernegant: asserentes demonas spiritus esse corpore
nudatos, & ideo non posse amore feminarum capi. Sublata causa tollitur effectus: ubi non est corpus, non
sunt actus corporei naturales: ubi non sunt membra genitalia, non est desiderium coeundi: ubi non est ci-
bus & potus, non est sperma: ubi non requiritur successio aut propagatio, non adhibuit natura generandi
facultatem. Sicut spiritus nudus sitire aut esurire non possunt, sic Veneris libidine nequeunt inflammari.

Spiritualis gene-
ratio unde.

Mortale & immortale, corporeum & incorporeum, æternum & caducum, non commiscuntur, neque in
propagando natura cursu conueniunt. Hac spiritualis generandi ratio ab hominibus conficta (ut scribit
Wierus) & excogitata est, vel per adulationem, ad principum ac potentum familias illustrandas &
extollendas: vel per pudorem ad obscuritatem generis aut natalium turpitudinem tegendam: vel per
timorem ad stupra mulierum aut adulteria celanda: vel per artem ad ocioforum sacerdotum aut iuue-
num libidinem explendam: quod prudentiores semper verum esse perspiciebant. Memoria proditum
est, Iouem aliquando Danae misisse in gremium imbrem aureum. Et Cherea consimile iam olim luisse
se lusum ait, deum sese in hominem conuertisse, atque per alienas regulas venisse clanculum per impluuium,
fucum factum mulieri. At quem Deum? qui templa cæli summa sonitu concutit. Ego homuncio id non
facerem? Harum technarum infinita apud Historicos reperiuntur exempla. Nota est illa elegantissi-
ma narratio apud Iosephum Antiquitat. Iud. libr. 18. cap. 4. de turpi lenocinio sacerdotum Isis, in
prodenda castitate Paulina femina probatissima, Decio Mundo, qui cum illa sub persona Anubidis
in ipso templo rem habuit. Est & alia huic non dissimilis historia apud Eusebium Pamph. in Ecclesia-
stica hist. De tyranno Saturni sacerdote, qui Dei sui nomine incubum agebat. Hinc existimare possu-
mus

- mus ac dignoscere, quomodo Matrona Romana fuerit à Marte compressa: & alii huiusmodi quas Val. Max. & alii historici referunt. Fuit hac fraus semper usitata sacrificiis, ut hac de causa, simulachra deorum, ipsosque deos & comedere & bibere & coire fingerent. Atq; hic sane fructus est votiui & coacti cœlibatus. Gulielmus de Sancto Amore in libro de periculis nouissimorum temporum, negat alios esse, Vide supra lib. 1. c. 12. pag. 12. incubos demonas præter fratres mendicantes, qui (inquit) prius in simplicitate cordis vivebant, post ingressum seclæ eorum, sunt astuti hypocrita. Hi incubi demones (inquit Author operis de bono vniuersali lib. 2. c. 56.) ita religiosas virgines illis diebus opprimebant, ut nulla eos crucis signatio, nec aqua benedicta, nec ipsum corporis Christi Sacramentum, abigere valeret. Qua de re Paulus Æmilius, De gestis Gallorum sic scribit. Anno Domini 1260. Mendicantium ordinum fratres suum genus vitæ miris laudibus ac religionis sanctitate, schismaticæ ac seditiosæ commendabant. Gulielmus à fano Amoris Sorbonicus doctor aliq; doctrinæ clari mendicitatem illam vulgo, ac votiuam siue causam paupertatem improbans, contententes speciem & prætextum religionis dari inerti ac desidiosa vitæ & mendicationi: liber eius qui adhuc extat in Bibliotheca Sorbonna, damnatus est. Hac Æmilius. Huiusmodi in omni ætate extiterunt miracula ab improbis & sceleratis hominibus conficta. Vnde satis manifestum est neque Merlinum nec quæquam alium mortalem hominem ab incubo genitum esse, non obstante eo, quod ex Apuleio fabulatur Maugantius (ut est apud Galfridum) de mediante incubi natura inter humanam & angelicam. Mendacissime itaque Simon Magus ex virgine se natum iactabat, ut Deum mentiretur: Nec minus falso Seruius Tullius Laris familiaris filius creditus est: Nam & hi mortales erant, & patres eorum viri & matres femina fuerunt. Merlinus ipse natus est in Cambria, non ex incubo demone (ut Merlinus.
- 20 inquit Baleus) sed ex furtiua venere cuiusdam Romani Consulis cum virgine Vestalis, in Maridunensi monialium cœnobio, ut in Breuiario apud Gildam habetur. Et quia in Britannorum gente rigida lex erat, si qua puella in patris domo ex scortatione esset grauida, ut de montis vertice mox precipitaretur, & ut eius corruptor capite plecteretur: miris illusionibus & mendaciis hoc facinus celatum est, ne veniret in lucem: Aliunde ergo per impostores asseritur eius conceptio, quam ex communi hominum officio & usu, ut facile deciperentur creduli. Sic ex Apuleio Maugantius medicus interroganti Vortigerno regi incubos adduxit, ut prodigium fuisse putaret. Narratur ab historicis, Merlinum istum carminibus magicis demonas quosdam in colloquium vocasse, eduxisseque fertur prestigiis miris ex stagno hoc apud Dynas Embrys dormientes dracones, qui impedimento erant Vortigerno ne turrinam edificaret: Et ex Hibernia per Gigantum choream, prodigiosam in agro Seueriano lapidum stru-
- 30 cturam. Dicitur etiam quod suis incantationibus Vtherium regem in Gorloidis Cornubiæ ducis speciem transformauerit, ut Igeria uxor is potiretur amplexu, & quod ex eo scelerato concubitu Arthurum & Annam genuerit. Sed de his prudentes iudicent. De Maridun urbis nomine vide ea quæ annotauimus supra in Cap. 10. lib. 1. Extant apud Galfridum Histor. Britannica libro quarto Merlini uaticinia, obscura quidem illa, & nihil certi continentia, quæ vel antequam eueniant, sperare, vel cum euenierint promissa, uera audeas affirmare: Præterea ita composita sunt, ut eadē ad multa diuersarum rerum euenta sensibus ambiguis & multiplicibus circumflectere & accommodare quis possit. Et quanquā multi his & huiusmodi imposturis delusi & decepti perierint: tamen hominum credulorum tanta est insania, ut quæ non intelligant, quoniam Sacramento, uera esse contendere non dubitent: nec in manifesto interim deprehensi mendacio, se coargui patiantur. Ea est humani ingenii uanitas & stultitia cum à uera diuini uerbi
- 40 regula deflexerit.

De montanis Eryri, cum N.S.

CAP. IX.

MONTANA uero quæ à Cambris Eryri ab Anglis uero Snowdone id est Niuium Eryri. montes dicuntur, quæ à terra filiorum Conani paulatim incrementa suscipiunt, & prope Degannwy in Boream se protendunt: contra Mōnam uero turribus aereis nimis enormiter usque ad nubes excrescunt, sub silentio non sunt prætereunda. Tantæ siquidem & tam immensæ quantitatis esse perhibentur ut antiquo prouerbio dici soleat: Sicut Mōnam insulam hominibus in annona, sic Eryri in pascuis, coactis in vnum armentis omnibus toti Walliæ sufficere posse. Vnde & his pascuis illud Virgilianum

50 adaptari potest,

*Et quantum longis carpunt armenta diebus:**Exigua tantum gelidus ros nocte reponit.*

In summis autem montium istorum verticibus duo lacus reperiuntur, sua non indigni admiratione. Alter enim insulam habet erraticam, vi ventorum impellentium ad oppositas plerunque lacus partes errabundam. Hic armenta pascencia nonnunquam pastores ad longinquas sublimis partes translata mirantur. Fieri namque potuit ut pars aliqua ripæ olim auulsa, salicibus & adicibus aliorumque fruticum naturaliter insertorum uinculis astricta & colligata, paulatim postea per alluionem incrementa suscepit: & quoniam uolenta ventorum rapacitate, quæ loco tam arduo fere continua reperi-

Dddd 4 tur,

Llyn & Dy-vvareben.

*Pisces monoculi.**Aquila fabu-
losa.*

tur ad varias creberrime ripas impellitur, firmas solo tenus & altas figere radices non permittitur. Alter vero miro & inaudito miraculo pollet: quia cum trium generum piscibus abundet, anguillis, trutis & perchiis: omnes in eo pisces monoculi reperiuntur: oculum dextrum habentes & sinistro carentes. Si rei tam nouæ tamque stupendæ rationem scrupulosus lector efflagitet, assignare non præsumo. Notandum & quod in Albania quoque duobus in locis, vno ad mare orientale & altero ad occidentale pisces marini qui Muluelli dicuntur monoculi reperiuntur, dextrum oculum habentes & sinistro carentes. In eisdem montanis de *Eryri* aquila fabulosa frequentat, quæ qualibet quinta feria lapidi cuidam insidens fatali, ut interemptorum cadauere famem satiet, bellum eodem die fertur expectare: lapidemque prædictum cui consue- 10 uit insidere, iam prope rostrum purgando pariter & exacuendo perforasse.

A N N O T A T I O N E S I N

. Caput I X.

*Penmaen.**Lhyny lhy-
phaint.**I 5 4 2.
Miraculosa lapi-
dum remotio.*

IN Septentrionalium parte montium *Eryri*, duæ rupes excelsæ, quas *Giraldus* hoc in loco turres æreas appellat, quasi præruptæ, maris ita prominent, ut viatoribus per sabulum iter facientibus, lapidibus ita periculosa pendeniibus, ac si iam iam in eorum capita decidere videantur, formidabiles apparent, quæ lingua Cambrica *Penmaen mawr* & *Penmaen bachan* vocantur. Ex omnibus his montibus duo reliquos altitudine & albescentium nivium splendore superant, in quorum cuiusque vertice perennis aquarum scaturigo reperitur, videlicet *Ewythva* & *Carneth Leolin*. Porro in 20 huius montis pede est quidam lacus qui ranarum lacus dicitur: in quo paulo ante hæc nostra tempora, circa Annum Domini 1542. miraculosum quiddam accidisse testantur accolæ: etiamnum in viuis agentes, duos nimirum lapides stupenda magnitudinis qui in lacu erant, eadem nocte ex eodem emeruisse, & contra naturam cursum nitentes, versus montis cacumen latos quantum spatium arcus uno ictu sagittam emittere solet à lacu (vbi hodie remanent) constituisse. Hocque absque ulla humana ope factum est. Nam horum lapidum alter domum ingentem magnitudine aquat, quem mille iuga bouum non mouerent: alter vero paulo minor est. Cuius rei certitudinis exploranda causa, illustrissimus Princeps *Henricus octauus* paulo ante mortem quosdam illuc misisse fertur, qui eum de re tota certiore facerent.

De transitu per *Deganwy* & *Ruthlan*, sedem quoque *Laneluensæ*, de
vno Sabulo & *Coleshulle* cum N.S.

C A P. X.

*Finon leirvon.**Lhansbury.**H. 2. ter Walliæ
ingressus est ar-
matum.*

TRANSNAVIGATO deinde *Conwey* fluuiio vel potius maris brachio sub *Deganwy*, monasterio Cisterciensis ordinis super *Conwey* ab occidua fluuii parte à dextra relicto, usque *Ruthlan* nobile similiter castrum primæui Oeni filii de consobrina *Dauid* super *Cloyd* fluuium via duce peruenimus: vbi & ab ipso ad instantiam eius magnam eadem nocte decenter exhibiti fuimus.

Est fons non procul à *Ruthlan* in prouincia de *Tegengel*, quem non bis tantum die naturali more marino: vicissim & crebro diebus & noctibus nunc undis deficere, 40 nunc exuberare certum est. Idem refert *Trogus Pompeius*, quod *Garamantum* est opidum in quo fons ebullit, qui vicissim nocte dieque friget & feruet. Multis itaque mane ad Christi obsequium allectis, ad pauperulam sedis *Laneluensæ* ecclesiam parum inde distantem transiuimus, vbi & missa ab Archiepiscopo celebrata iter incontinenti aggressi sumus, & per diuitem venam fructuosumque argenti scrutinium, vbi pecuniam scrutando itum est in viscera terra, transeuntes in celula de *Bafinwerk* pernoctauimus. 4 In crastino vero longum viuumque per loca Sabulum non absque formidine permeantes, *Siluestria* de *Coleshulle*. i. carbonis colle, à dextra reliquimus: vbi Anglorum Rex *Henricus secundus* nostris diebus cum primo *Walliam* hostiliter intrauit, iuuenili impetu & inconsulto calore, arctum illud *Siluestre* penetrare præsumens, cum detrimento suorum & damno non modico ambiguam bellorum aleam expertus est. Ter enim prædictus Rex in manu forti *Walliam* intrauit. Primo *Nord-* 50 *Walliam* prænominato in loco: Secundo *Sudwalliam* per maritima de *Guladmorgan* & *Gouber* viam versus *Caermarthin* & usque *Peucadair* intrando, & per *Elenish* & *Melenish* reuertendo: Tertio vero *Powissam* apud *Oswaldestre*. His autem expeditionibus cunctis Rex ideo minime profecit, quoniam probis & viris proceribusque Prouinciæ gnaris & peritis, fidem non habuit: solum in his à *Marchia* remotos, mores gentis & modos prorsus ignorantes, consiliarios habens principales. In qualibet nimirum expeditione sicut artifici credendum in sua facultate: sic horum præcipue standum est ar-

est arbitrio, qui circa similia patriæ negotia conuersati diutius & vsitati, mores gentis & modos agnoscunt: Quorumque magnopere refert ut gens inimica quacum ex crebris belli diutini conflictibus hostilitatem plurimam & odium implacabile contraxerunt: eorundem opera vel debilitari possit vel deleri, sicut in vaticinali historia declarauimus.

In hac eadem silua de *Coleshulle* interfecto iuvene quodam Cambrensi per exercitum prædicti regis transeunte, leporarius eiusdem inuentus est per octo fere dies absque cibo domini cadauer non deseruisse, sed illud à canibus, lupis, & auibus prorsus indemne fideliter & admiranda in bruto dilectione conseruasse. Quis itaque patri filius? Quisue Euryalo Nisus? Quis Tydeo Polynices? Quis Pyladi Orestes, hunc dilectionis affectum exhiberet? Ob huius igitur euentus gratiam leporarii que fauorem, diutina fere iam fame confecti, ab Anglorum populo Cambriæ gentibus inimicissimo corpus iam foetidum debito humanitatis officio est tumultum.

Canis gratulando erga dominum, vide supra lib. 1. cap. 7. pag. 624.

ANNOTATIONES IN

Caput X.

DE GANWY Castrum erat munitissimum in promontorio Ganganorum iuxta Conouium *Deganwy* à *Malgone* cognomento *Gwyneth* Britannorum rege constructum, quod regale Palatium fuit
20 *ultimorum Britannia regum* scilicet *Malgonis*, *Caresici*, *Caduani*, *Caduolloni*, & *Cadualadri*. Hoc Castrum una cum oppido adiacenti circa Annum 810. igne Cælesti conflagraſſe tradunt *Annales Cambriae*: Quod postea *Hugo Comes Cestria* qui illam regionem sibi subiugauit, refecit: tandem vero ab *Eduardo primo Anglia Rege* Conouium transferitur.

3 Ruthlanæ Castrum primo conditum est à *Leolino* *Sisili* filio *Cambria* principe, fuitque non solum ipsius *Leolini* verumetiam *Gruffini* filii sui præcipuum pallatium. Cum vero *Heroaldus* *Godwini* Comitis filius ab *Eduardo Anglia rege*, contra dictum *Gruffinum* *Cambria* principem, regias possessiones deuastantem, cum exercitu missus esset, hoc castrum igne consumpsit Anno 1063. Postea tamen ab *Henrico secundo* restauratum est, & huic *Dauidi*, qui eius sororem connubio sibi iunxerat, ut se à fratrum suorum violentia melius tueretur habitationis causa concessum.

30 De hoc fonte sic scribit *H. Lhoyd* in suo *Britannica descriptionis* fragmento: in *Tegenia* est mira natura fons, qui cum à mari sex millibus passuum distat in *Parochia Cilcensi*, bis in die fluit & refluit. Hoc tamē nuper obseruauit, luna ab *Horizonte* orientali ad *Meridianum* ascendente (quo tempore omnia fluunt maria) fontis aqua diminui refluuntq. pati. Hæc ille. Vide supra lib. 1. c. 10. Annot. 4.

4 Ad dimidium milliare à *Basywerke*, est fons hodie celebris à superstitioso (ut scribit idem *Roms Dna W. H. Lhoyd*) *Wenefreda* virginis cultu nomen habens, cuius aqua pura est, salubris & grati saporis, qui ingenti murorum structura arcatus subito ebulliens, magnum ex se emittit flumen, muscumque odoriferum sua frigiditate gignit. Hoc fonte imperiti & diuina veritatis ignari, à monachis eius loci (ad suum primatum quæstum omnia referentibus) primo seducti, non solum ad *Idololatriam* & superstitiosum cultum stabilendum, verumetiam ad omnem vitæ turpitudinem, sub fucata religionis specie, fæde abutuntur: affirmantes illū fontem ad eadē prædicta virginis ex terra primo emanasse & ob meritorū eius sanctitatē, omnes languores tam in hominib. quam in pecoribus (ut legenda verba habent) sanare. Hanc opinionē peperit monachorum auaritia hoc modo. *Henricus 11. Anglia rex* cum ex *Cambria*, prima sua expeditione reuerteretur, castellum de *Basywerke* prædiis firmavit & cellam prope idem castellū pro *Templariis* construxit, eamq. possessionibus sufficienter locupletauit. Postquam ille *Templariorum* ordo, communi generalis Concilii decreto deletus esset, Cella illa in cœnobium monachorum conuersa est, Anno 1312. atque illarum possessionum quadam ab *Edouardo secundo* eisdem monachis concessa sunt. Hi monachi primam huic fonti, miraculosa sanctitatis opinionem sui quæstus causa procurarunt. Nam ante huius cœnobii erectionem, nullus unquam scriptor huius fabulosi commenti mentionē fecit. Nouam esse igitur hanc fabulā non ante ita multos annos introductā, ex hoc auctore facile euincitur. Hic auctor isto itinere in prædicta cella apud *Basywerke* pernoctauit: Fons etiā eodem in loco quo nunc est eo tempore exitit: nemo (sat scio) illud negabit: de eo tamen fonte nullū dominino verbum habet. Quod si ad eadē *Wenefreda* virginis (qua longo intervallo ante patrata erat) fons primo miraculose à terra erupisset, habitusq. fuisset ab incolis ea virtute pollere qua asseritur: num huic auctori in comitatu *Archiepiscopi* existentis, illud inaudtum esse potuit? An cuiquam credibile videri potest, illum, qui ubique ita diligens atque curiosus erat, in miraculosis fontium, lapidum, baculorum, campanarum & torquium virtutibus perscrutandis & diuulgandis: tam insigne miraculum, tamque diuinum & excellens sacra virginis in mortales collatum beneficium, tam ingrate & negligenter velle præterire? An non potius putandum est (quod res erat) superstitiosam huius fontis sanctitatem, adhuc mundo non innotuisse? Verum postea crescente, una cum oblationum quæstu miraculosa-

Ynm

rum sanationum fama, illius cœnobii monachi quæstus sui causa à Romano pontifice circa annum Domini 1420. venales indulgentias eo peregrinantibus procurarunt: & alias iterum indulgentias tempore Henrici septimi regis Angliæ, quando illa adificia, quæ circa fontem hodie reperiuntur, constructa sunt. Et nostris diebus tempore Mariæ reginæ, Thomas Gouldwell episcopus Asaphensis, has quæstuosas technas & sordes renouauit, easque amplioribus indulgentiis à Romano pontifice perquisitis confirmauit.

De fluuio Deua transcurso & Cestria, cum N.S.

C A P. XI.

TRANSVADATO tandem Deua fluuio sub Cestria (quem Cambri Dourdeu dicunt) 10
feria tertia ante Pascha die videlicet absolutionis, Cestriam venimus. Sicut enim Vaga ab Austro sub castro Strigulensi, sic Deua à Borea sub Cestrensi Walliam ab Angliā secernit & separat. Item vt asserunt accolæ aqua ista singulis mensibus vada permutat, vt vtri finium Angliæ scilicet an Cambriæ, alueo relicto magis incubuerit: gentem illam eo in anno succumbere & alteram præualere certissimum prognosticum habent. Fluuius iste de lacu quodam cui nomen Penmelefmere originem ducit, & cum salmonibus fluuius abundet, nunquam tamen in lacu pisces huiusmodi reperiuntur. Hoc etiam de eodem fluuio notabile reperies: quod pluuiis nunquam, frequenter autem & fere semper ventis exuberat.

Imperatorem quoque Romanum Henricum se iactat hæc vrbs habere sepul- 20
crum. Qui quoniam suis diebus tam patrem carnalem quam etiam spirituales summum pontificem scilicet Paschalem incarcerationat, demum pœnitentia ductus & ultroque exul effectus sanctam in eremo finibus istis vitam (vt fertur) consummauit. Similiter & Haroaldum Regem se habere testantur: qui vltimus de gente Saxonica Rex in Angliā, publico apud Hastings bello cum Normannis congregiendi, pœnas succumbendo periurii luit, multisque (vt aiunt) confossus vulneribus, oculoque sinistro sagitta perduto, ad partes istas victus euasit, vbi sancta conuersatione cuiusdam vr-
bis ecclesiæ iugis & assiduus contemplator adhærens, vitamque tanquam Anachoriticam ducens, viæ cursum (vt creditur) fœliciter consummauit. Ex vtriusque (vt fertur) vltimi articuli confessione, veritas antea non comperta, demum prodit 30
publicata.

Vidimus, quod in oculis nostris nouum apparuit, caseos ceruinos. Comitissa namque & comitis mater ceruas habens domesticas, ex earundem lacte coagulato tres caseos modicos expressos & fiscella formatos Archiepiscopo præsentauit.

Eisdem quoque finibus his nostris diebus visa est vacca ceruina, ad vaccam enim ceruus accesserat: vnde & vacca ceruina processit: parte enim anteriore tota vs-
que ad inguina bos erat, coxas subinde cum cauda & tibias & pedes expresse cum pilositate & colore ceruinos habens. Sed quia plus pecoris quam feræ præferbat inter armenta resedit. Contigit eisdem in partibus nostris quoque temporibus canem ex
simia pregnantem, catulos tandem produxisse parte anteriore tota simiam præferen- 40
tes, in canem vero versus posteriora descendentes: quos cum aulæ militaris custos rusticus intueretur, prodigiorum nouitate stupefcens, & tam deformes biformis nature formas abhorrens, baculo quem manu gestabat, non absque damno proprio, & domini (re comperta indignatione quamplurima) cunctos statim interemit.

Mulier manibus
cauens.

Visa est & in vrbe Cestrensi nostris diebus mulier manca manibus carens à natiuitate, cui tamen contra defectum istum tale natura remedium dederat, vt pedes tam
flexibiles tam delicate articulatos haberet, quod articulorum proceritate pariter &
flexibilitate, non minus subtiliter quam aliæ mulieres acu suere consueuerit. Et quic-
quid filo ac forfice manibus fieri solet, citra defectum omnem, cum intuentium ad-
miratione pedibus ista complet. 50

ANNOTATIONES IN

Caput X I.

ANTIQUVM huius fluminis nomen (vnde etiam & vrbs) Deuam fuisse: Ex Ptolomæo, Antoni-
no & aliis perspicuum est. Hinc Dourdeua vel Dofrdeu (nam ubique v consonantis vim ob-
tinet) id est, aqua Deuæ, Dour enim Britannie aquam designat: vnde Devanus ætus: Deva ci-
uitas, & Devania prouincia, & huiusmodi, quæ apud antiquissimos authores reperiuntur, deflu-
xerunt. In his & huiusmodi antiquis fluminum, urbium & locorum nominibus, fæde erratur à
multis scriptoribus Britannie antiquitatis & sermonis ignaris, qui dum sese mirum in modum, in
variis

variis etymologiarum formis confingendis misere torquent, saepenumero di: did: paratū à scopo absunt.
De Lacu Tegydeo sic scribit Lelandus in Genethliaco:

Hispida qua tellus Mervinia respicit Eurum,
Est lacus antiquo Penlthinum nomine dictus:
Hic lacus illimeis in valle Tegeius alta
Late expandit aquas, & vastum conficit orbem,
Excipiens gremio latices, qui fonte perenni
Vicinis recidunt de montibus, atque sonoris
Illecebris captas demulcent suauiter aures:
Illud habet certe lacus admirabile dictu,
Quantumvis magna pluvia non aestuat: atque
Aere turbato, si ventus murmura tollat
Excrescit subito rapidis violentior undis,
Et tumido superat contemptas flumine ripas.
Dena lacu celebris fluius prorumpit ab isto.

Hæc ille:

Quod hic fluius ventis tantum extraripas diffluere dicitur, veritas sic habet: illū scilicet ex-
crefcere pluuiis & tempestatibus non aliter quam cætera flumina: non ita tamen abundanter ripas e-
greditur, atq; facit Africo sufflante. Nam ventus ille inter duos montes per longitudinem lacus perflans,
20 aquam vehementer commouet, suoque impetu in confluentem amnem ea parte qua perfluit ex lacu ej-
cit & impellit, atq; sic maxima fluminis inundatio efficitur. Lacus vero ipse nunquam intumescit ven-
tis, sed potius euacuatur & ventorum violentia quasi exhauritur: nisi forte naturalis aquæ cursus im-
pediatur contrario vento, qui aquam retrocedere suo sufflatu cogat, ita ut lacus ea ratione excrefcere
quod raro fit. Quod autem de piscibus huius lacus scribit H. Lhoyd verissimum esse ab accolis constan-
tissime asseritur. Hoc (inquit) notatu dignum, piscium quoddam genus illi stagno singulare nanquam
in fluuiio inueniri, nec Salmones in amne frequentes, vnuquam lacum ingrediuntur.

Vbi dicitur Deuam fluuiam Cambriæ & Loegriæ metam esse: intelligendum est id verum
esse, ab Hilcuria vsque ad castrum Leonum: inde autem versus meridiem terminus est linea ducta ab
eodem Castro, ad Pengwern Powys, id est, Salopiam: & postea ad Castrum Isabelis ad Sabrina ri-
30 pam positum: ita ut Cantredi de Trefred & Maelora, ad Cambriam pertineant: Sicuti manife-
stum est in Articulis pacificationis facta apud Montem Gomericum inter Hen. 3. Angliæ regem & Leo-
linum filium Gruffini, Cambriæ ex Brit. stemmate principem ultimum.

De transitu per Album monasterium & Oswaldestree, Powisiam quoque
Slopesburiam, cum N.S.

CAP. XII.

Hic itaque Paschali festo debita solemnitate completo, multis quoque ad Archi-
episcopi monita cruce signatis, versus Album monasterium iter aggressi sumus.
Et inde versus Oswaldestree: vbi tanquam in ipsa regionis Powisiensis ora occurrerunt
40 nobis Powisia principes, Gruffinus Madoci filius & Elissa, & alii cum populo terræ suæ,
, vbi nonnullis ad crucem allectis. Ab episcopo namque loci illius Reinerio multitu-
do fuerat ante signata.² A Gruffino terræ illius principe consobrina sua Anchareta: s.
Oeni principis filia quā publico gentis illius vitio, diu pro vxore tenuerat, coram Ar-
chipræsule palā abiurata.³ Apud Oswaldestree, id est, Oswaldi arborē pernoctauimus, à
Gulielmo Alani filio iuvene nobili ac liberali ad importunam eiusdem instantiā An-
glicanæ sumptuositatis more splendide nimis & laute procurati. Acciderat autē his
in partibus paulo ante Reinerio episcopo crucem prædicante, iuuenem quendā per-
ualidum, cū à sociis cruce signatis, ad eiusdem signi susceptionem cum instantia ma-
gna verbis suasoriis inuitaretur, demum respondisse: priusquam, inquit, Domini mei
50 mortē ha lancea quam manu gesto vindicauero monitis non acquiescam, Oenum
significans Madoci filium virum egregium ab Oeno de Ceuelioc consobrino suo do-
lole nuper & scelerose peremptum. Et inter loquendum, cum ira vindice deferuens,
lanceam fortiter excuteret, ipsa forte ex vtraque manus excutientis parte confracta
statim in terram decidit, tantum trunculū quem manu claudebat ei remanente.
Quo prognostico perterritus plurimum & consternatus, tanquam certissimo crucis
sulcipiendæ signo, prouocatus crucem illico sponte suscepit.

In hac tertia Walliæ portione quæ Powisia dicitur, sunt equitia peroptima, & e-
qui emissarii laudatissimi, de Hispaniensium equorū generositate, quos olim Comes
Slopesburiæ Robert⁹ de Belesmo in fines istos adduci curauerat, originaliter ppagati,
Vnde

Archiepiscopus
hic fuit extra
provinciam suā
in provincia ni-
mirum Eborā-
censi.

Lancea miracu-
lose confracta.

Equi ex Hispani-
a in Cambriā
delati.

Vnde & qui hinc exeunt equi, cum nobili formæ pictura ipsa protrahente natura, tam membrofa sua maiestate, quam incomparabili velocitate valde commemorabile reperiuntur.

Hic Anglorum Rex Henricus secundus cum expeditione quanquam inutili, sumptuosa tamen & nobili nostris temporibus *Powysiam* intrauit. Vbi demembratis solum obsidibus, quos antea susceperat, subita & inopinata pluuiarum aquarum inundatione, frustra reuerti compulsus est. + Die namque præcedente Anglicanæ exercitus satrapæ Wallensium ecclesias aliquot cum villis & cœmiteriis igne appposito cōbusserunt. Vnde & Oeni magni filii cum expedita exercitus iuuentute patrem aliosq; principes suos super hoc acriter commouerunt, dicentes & afferentes se Anglorum ecclesiis de cætero nullatenus deferre velle. Cumque totus propemodum in hoc cōmuniter assentiret exercitus, solus Oenus vt erat vir in gente sua moderantiæ magnæ, & sapientiæ, sedato tumultu, demum in huiusmodi verba prorupit: Mea quidem in hanc sententiam non concordat opinio, gratulari namque potius ob hoc & gaudere debemus, quia cum Anglis nisi diuino fulciamur auxilio, longe impares simus: ipsi in hoc facto deos quoque (qui & se & nos potenter vindicare prævalent) inimicos constitutuere: Proinde & deuote domino compromittamus nos ecclesiis locisque sacris maiorem solito reuerentiam exhibituros & honorem. Quo facto præscriptam nocte sequente diuinitus emissam sensit Anglorum exercitus ultionem. Progressi sumus inde versus Slopesburiam à Sabrina fluuio complexam. vbi & diebus aliquot recreandi respirandique gratia perendinauimus. Et tam ad Archiepiscopi monita quam ad gratiosos Archidiaconi Meneuensis sermones ad crucis obsequia multos alleximus. Oenum quoque de Ceuelioc quia solus inter Walliæ principes Archipræsuli cum populo suo non occurrerat, excommunicauimus. Oenus iste præ aliis Cambriæ principibus & linguæ dicacis extiterat, & in terræ suæ moderamine ingenii perspicacis. Hic autem cum Anglorum rege Henrico II. quoniam primatibus gentis suæ viris semper fere contrarius esse, Regique fidelius adhærere videbatur, familiaritatem contraxerat plurimam. Vnde & aliquando cum Rege apud Slopesburiam in mensa sedens, cū ei de panibus propriis vnum in honoris (vt assolet) & amoris signum Rex misisset: ipse statim in regio conspectu tanquam eleemosynarium panem in frusta concidit: & eleemosynarii more primo remotius exposita, deinde singulatim retracta comedit vniuersa. Cuius rei rationem cum rex requisisset: Respondens Oenus sub risu modici simulatione: Domino (inquit) meo morem in hoc gero: Subtiliter & acute in regem, qui ecclesiasticos honores vacantes diutius in manu tenere consueuerat, ambitus & auaritiæ notam intorquens.

Viri nobiles Cambria huius visitationis tempore.

Notandum hic quoque quod viri tantum nostris diebus in tribus Walliæ partibus, iustitia, prudentia principalique modestia regiminis emicuere: Oenus Gruffini filius in *Venedotia*: Meredyth nepos eiusdem, filius Gruffini quem fata festina surripuere in *Sudwallia*: Oenus iste de Ceuelioc in *Powysia*. Duo vero largitatis eximie prærogatiua enituere, Cadwaladarius filius Gruffini in *Venedotia*: & Gruffinus de Maclor filius Madoci in *Powysia*: Refus autem Gruffini filius in *Sudwallia*, libertate & animositate laudem meruit. In *Venedotia* vero Dauid Oeni filius: & in *Sudwallia* finibus de *Morgannoc*, Hoelus filius Iorueith de vrbe legionum æqua se inter Cambros & Anglos trutinam librantem fidem integram & opinionem seruauerunt.

ANNOTATIONES IN

Caput XII.

INGREDITVR hic Archiepiscopus in tertiam Cambria partem, peragrans alius duabus, Decmetia videlicet & Venedotia. Hac pars post aduentum Normannorum in hanc insulam, vnum aliquem supremum sui principem non agnouit. Nam post mortem Blethini filii Conuini, qui ultimus totius Powysia possessor extitit, iuxta illud Bardis,

Powysia.

Blethyn ap Conuyn bob cwyys

y hūn bioedh hēn Bowys.

id est,

Powysiam veterem solus Blethinus habebat: Altera huius provincie pars, ad Septentrionalem Sabrinæ ripam sita, inter quinque eius filios distributa est: unde infinita contentiones, prodisiones perfida, & plurima homicidia consequuta sunt: Donec tandem Blethinii filii & nepotibus, maxima ex parte interfectis & deletis, ea pars iterum, præter eas portiones quas Normanni, (qui alteram partem ad meridiem protensam fere totam diripuerant) vi & armis possidebant, ad Meredythum filium Blethinii, qui reliquis fratribus superuixit, deuoluta est: & post illius mortem, inter duos eius filios Mado-

cum,

cum, scilicet, huius Gruffini de Maelora patrem & Gruffinum patrem Oeni de Cebelioc (de quibus mentio fit in hoc capite) dispartita est, & postea inter eorum filios & nepotes. Hi non Principes, sed Domini in sua quisque regione, dicti sunt: & Regum Anglia aduersus Cambria principes fere semper sequuti sunt partes.

² Iste Reinerus episcopus Asaphensis in hac regione domicilium habuit, ubi fere semper morabatur. Hic decimas omnes granorum & feni ad ecclesiam de Albo monasterio Sancti Oswaldi pertinentes, cum capella sua de Sancto Martino, & aliis capellis suis: quibus duodecim clerici (quos vocant seculares) qui fere semper suas legitimas uxores habebant, alebantur, monachis de Salopia concessit: & prædictos clericos Papali auctoritate expulit.

10 ³ Hic Gruffinus fuit filius Susanna sororis Oeni patris huius Anchorita.

⁴ De hac expeditione Henrici secundi contra Cambros, vide quæ supra annotauimus in cap. 10. libri primi Annot. 3.

De transitu per Wenloch, Brumfeld, Castellum de Ludlow, & Leonis monasterium, usque Hereford.

CAP. XIII.

PROFECTI sumus inde versus Wenloch, per arctam viam & præruptam, quam malam plateam vocant. Hic autem contigit nostris diebus, Iudæo quodam cum Archidiacono loci eiusdem cui cognomen Peccatum & Decano cui nomen Diabolus
20 versus Slopesburiam iter agente, cum Archidiacono forte referente audiret, Archidiaconatum suum ab hoc loco qui mala platea dicitur, incipere, & usque ad malum passum versus Cestriam durare: considerans & intelligens quoque tam Archidiaconi cognomen quam & Decani agnomen, lepide satis & facere subiecit: Mirum, inquit, si
ab hac vnquam patria me mea fors reducat incolumem, cuius quippe Peccatum Archidiaconus, Diabolus Decanus, Archidiaconatus vero mala platea introitus, & malus passus exitus.

Transiuimus autem à Wenloch per Cellulam de Brumfeld: per nobile Castrum de Ludlow: ² per Leonis monasterium usque Herefordiam, Melenyth & Eluel à dextra relictis: à puncto quo per Walliam laboriosum hoc iter arripuimus, tãquam in
30 circino circumeundo, ad punctum denuo iam reuersi.

In huius itaque legationis longo laudabilique labore, circiter tria virorum milia crucis signaculo sunt insignita, lanceis & sagittis expeditissima martiisque negotiis exercitatissima: solam cum hostibus fidei congregiendi moram communiter accusantia: fructuose quidem Christi obsequiis, ac foeliciter obligata, si salutiferæ crucis expeditio tam expedite fuisset tantaque maturatione profecta, quanta fuerat tam diligentia quam deuotione collecta. Porro occulto Dei iudicio sed nunquam iniusto Imperatori Romano viæ: regibusque nostris discordiæ data sunt impedimenta: regi Siculo, qui præ cunctis terræ regibus, terram sacram annonis & alimentis in tantæ desolationis articulo sustentabat, mors inopinata & intèpestiua: & mortis sequela Principum nostrorum grauis ob regni iura decertatio: Grauiissima fidelium populi transmarinis interea partibus fame & inedia miserabiliter afflicti, medios inter hostes expectatio. Veruntamen vt intellectum forte præbeat vexatio: vt aurum igne probetur: & virtus in infirmitate firmetur, hæc accidere permittuntur. Aduersitas quippe (Gregorio testante) quæ bonis votis obicitur, probatio virtutis est, nõ iudiciũ reprobationis. Quis enim nesciat quam prosperum fuit quod Paulus Italiam vergebat, & tam vehemens naufragium pertulit? Sed naus cordis in maris fluctibus integra stetit.

3000. viri sunt cruce insigniti, in hac legatione Cambria.

ANNOTATIONES IN

Caput XIII.

50 HOC castellum de Dinam (sic enim vicus ille usque in hodiernum diem dicitur) primo constructum est à Rogero de Monte Gomerico Comite Salopia: verum postquam Robertus de Belesmo filius eius prodicionis causa regno pulsus esset, Henricus primus dedit idem castellum cum adiacenti valle Coruensi, Fulconi de Dinam militi, à quo in familiam Piperellorum pertransit. Deinde possessio fuit Walteri de Laci militis, patris Gilberti de Laci, cuius filia & hæres matrimonialiter coniuncta fuit, domino Galfrido de Genivile, cum honore de Coruedale & castro de Ludlow &c. Postea vero Rogerus de Mortuo mari, primus Comes Marchia, eundem honorem & Castrum cum aliis possessionibus obtinuit, cum filia & hærede domini Petri de Genivile, dicti Galfridi nepte: Et sic tandem ad Regiã familiam cum vniuersis Mortimeriorum possessionibus deuenit: atque hodie præcipuum Principis Cambriæ Pallatium, & Præsidis eiusdem Prouinciæ domicilium habetur.

Eccc

Descri-

Descriptio Baldwini Cantuar. Archiepiscopi.

C A P. XIV.

EI V S autem cuius legationis insignia, & quasi peregrinationis sanctæ præfudia surcincta breuitate prælibauimus; tam interioris hominis quam exterioris proprietatem exprimere, præter rem ne putetur. Erat itaque vir fuscus, vultu simplici ac venusto, statura modica, pro corporis captu habitudine bona, ad tenuitatem tamen quā ad corpulentiam magis accommoda. Erat enim vir modestus ac sobrius, vir abstinentiæ magnæ & continentiæ tantæ, vt vix vnquā in ipsum quicquam sinistrum ausa fuisset fama præsumere, vir sermone parcus, iracundia serus, cunctis propemodum naturæ motibus vel dotibus temperatus: erat quippe velox ad audiendum, tardus ad loquendum, & tardus ad iram: literarum studiis a puerilibus annis affatim imbutus, & iugum domini ab adolescentia portans, moribus & vita eminens in populo lucerna fuit. Vnde & Archileuitæ quem Canonice adeptus fuerat, cedens honorem & sponte deserens, mundique pompas alta mente despiciens, Cisterciensis ordinis habitum sancta cum deuotione suscepit. Et quoniam moribus olim plusquam monachus extiterat, infra anni terminum Abbas effectus: & intra paucos postmodum annos in episcopum, deinde in Archiepiscopum est sublimatus, tanquam super pauca fidelis inuentus & ob hoc supra multa constitutus. Cæterum quoniam (vt ait Tullius) Nihil simplici in genere omni ex parte perfectum natura expoliuit: innatæ benignitatis mansuetudinem, quam priuatus exercuerat, in potestate non exuens, tantum baculo sustentans, & non virga castigans, tanquam vbera dans matris, & non verbera patris: remissionis in publico graui cum scandalo notam incurrit. A deo nempe lenitatis in ipso tepor actorpor, pastorem penitus rigorem absumpsit, vt melior monachus simplex quam Abbas, melior episcopus quam Archiepiscopus fuisse videretur. Vnde & eidem Urbanus Papa quandoque scripsisse recolitur in hunc modum: *Urbanus seruus seruatorum Dei Monacho seruentissimo, Abbati calido, Episcopo tepido, Archiepiscopo remisso salutem, &c.*

Inter primos Thomæ martyris' successor hic secundus audita saluatoris & saluti feræ crucis iniuria, nostris pro dolor diebus per Saladinum irrogata, cruce signatus, in eiusdem obsequiis tam remotis finibus quam propinquis, prædicationis officium viriliter assumpsit. Et postmodum iter arripiens nauigioque fungens, apud Marfiliam transcurso tandem Pelagi profundo, in portu Tyrensi ineolumis applicuit: & inde ad exercitum nostrum oblidentem pariter & obsessum Aconem transiuit: vbi multos ex nostris inueniens, & fere cunctos principum defectu, in summa desolatione iam positos & desperatione: alios quidem longa expectatione fatigatos: alios fame & inopia grauiter afflictos: quosdam vero aeris inclemētia distemperatos diem foeliciter in terra sacra clausurus extremum, singulos pro posse vinculo charitatis amplectens, sumptibus & impensis, verbis & vitæ meritis, confirmauit. Cuius cum vniuerso fidelium cœtu, vias, vitas & actus, dirigat in veritate, & ad gloriam nominis sui fideique palmam quam ipse plantauit, manus eorum ad prælium doceat, & digitos eorum ad bellum, ille qui solus via, veritas est, & vita: via sine offendiculo, veritas sine ambiguo, vita sine fine.

A N N O T A T I O N E S I N

Caput X I V.

PRÆCIPV A causa dissidii inter Regem & Thomam Cantuariensem Archiepiscopum hæc fuit. Cum Rex in Parlamento ad Northamptonensem urbem conuocato, ad maiorem subditorum suorum securitatem: & pacem conseruandam, leges statui vellet: vt prodicionis & homicidii crimen, in clericis & religiosis personis, quemadmodum & in aliis capitale haberetur: atque vt rei coram publicis Regni iudicibus sisterentur, & causam dicere coacti, secundum leges in ea parte salubriter aditas iudicium subirent: huic legi, Thomas nullo modo assensum præbere voluit, affirmans clericos & religiosas personas non esse coram regni iudicibus conueniendos. Sed ab omni seculari iurisdictione esse immunes, quia scriptum est; Nolite tangere Christos meos. Qua in re gloriosum sibi fore duxit, cum rege pertinaciter & pernicioso exemplo contendere. Nec erat ille religionis causa trucidatus: sed rege infcio; iusta tamen de causa, etsi non iuste: quia s. regi suo secundum ipsum Dei mandatum leges subditis suis in proprio regno statuenti, contumeliose se opposuerat: & è regno non prius petita domini sui licentia arroganter & contumeliose aufugiens, Gallia regem contra illum concitauerat. Vnde colligere licet, pertinaces Pontificia tyrannidis propugnatores, etsi regibus suis rebelles, & patria proditores extiterint, ab ipso tamen Pontifice pro gloriosis martyribus reputari.

C A M-

**CAMBRIÆ DESCRI
PTIO, AVCTORE SIL
GIRALDO CAMBRENSI.**

**CVM ANNOTATIONIBVS DAVI-
DIS POVELI SACRÆ THEOLO-
gia professoris.**

Eccc 2

SIL.

SIL. GIRALDI CAMB. STEPHANO
CANTVAR. ARCHIEPISCOPO, IN CAM-
BRIÆ DESCRIPTIONEM PRÆFA-
TIO PRIMA.



LE ego qui quondam Hybernicam Topographiam cum abditis suis & natura secretis, in tribus distinctionibus triennii labore digesti, & vaticinalem expugnationis Hibernica subsequenter historiam duabus distinctionibus biennalis lucubratione complui: quig, Itinerarium educens laboriosam viri sancti per Wallia fines legationem sub ignorantia tenebris perire non permisi, Cambria nostra descriptionem, gentisq, naturam aliis alienam nationibus & valde diversam, hoc opusculo declarare, tibiq, vir inclyte Stephane Cant. Archiepiscopo, (quem religio pariter & literatura commendant) sicut Itinerarium olim, sic presentem quoque diligentia nostra laborem vestra sanctitati destinare disposui, quanquam tanto forte viro manus indignum, digno tamen cui digna donentur presentatum.

Obiiciunt autem nonnulli & sub dilectionis specie me pictori assimulant, qui preciosis abundans coloribus, & tanquam Zeuxis alter praeclens, ubi Palatium insigne aut templum depingere cum multa expectatione sperabatur, tugurium aliquod seu vile quodcunque in sui natura, despectumque tanto artificio, tantisque sumptibus illustrare contendit. Sic etenim inter tantas tamque illustres mundi materias, me finales hos terrarum angulos Hiberniam scilicet & Cambriam literis extollere, rhetoricisque coloribus insignire velle, mirantur.

Præterea dicunt alii & acutius obloquuntur, collatam desper gratiam non in infimis istis evacuandam, nec in principum laudes vana lucubratione confumendam, qui hodie nec literati nec largi, gloriosa literarum studia nec remunerare norunt, nec laudare. Quinto, quod de sursum illabitur, potius ad superna referri & eius ad gloriam cuncta reuerti debere, de cuius plenitudine id totum accepimus: eiusque summopere laudibus inseruire, a quo omne donum perfectum tanquam ab indeficiente fonte descendit: cui vere nunquam ingrato nihil unquam oblatum transit irremuneratum. Sed quoniam nobiles aliarum regionum historia egregiis olim edita scriptoribus, in lucem prodire: nos ob patriæ favorem & posteritatis finium nostrorum abdita quidem evolvere, & inclyte gesta, nec dum tamen in memoriam luculento labore digesta, tenebris exuere, humilemque stilo materiam efferre, nec inutile quidem nec illaudabile reputauimus. Troiano nimirum excidio, Thebis & Athenis, Laniisq, littoribus, impar & inculta quid addere posset opera nostra? Quin igitur actum agere, quasi nihil agentis opus existeret: malui potius & longe prælegi pauperes finium nostrorum historias ab aliis hæcenus omnino fere relictas, industria nostra parentibus & patriæ non ingratas declarare, & sic postmodum ad maiora pedetentim & paulatim anhelare. Et ut ex minoribus vscunque liqueat istis, quæ admodum maiores cum fors materias obtulerit, noster valeat stilus explicare. Adhuc etiam quia quædam agenda sunt, & alia non prætermittenda: rudis adhuc viridisque inuentus conamina licuit in istis & similibus exercere: ne sub otio penitus & delicti fonte desidia, tempora transeant dulciora.

Hæc igitur quasi præludia quedam ad inclitos scientia scientiarum thesauros quæ sola scit scire, sola scientes facere hominem tam regere quam imbueri, quasi præambula prælibauimus. Quam solam facultates alia tanquam pedisseque reginam longe sequuntur. In his itaque tanto adificio inuenilibus annis tuta struentes fundamenta ad eximios tam matura tam sacra scientia tractatus postmodum explicandos maturiores annos Deo duce vitæque comite reservabimus. Ardua quippe fides (ut ait poeta) robustos exigit annos. In aliis itaque gratam istius moram facere fas est, sed moderatam: In hac non solum morari verum etiam mori desiderabile.

Porro ad hac ingrediendum inducias petimus, sed exiguas, donec cum libello de principis instructione toties promisso, Cambria quam præ manibus habemus descriptio & Brytannica Topographia in publicam notitiam emanaverint.

Præ aliis itaque Britannia scriptoribus, solus mihi Gildas (quoties eundem materia cursus obtulerit) imitabilis esse videtur. Quia ea quæ vidit & ipse cognovit scripto commendans, excidiumque gentis suæ declarans potius quam describens, veram magis historiam texuit quam ornatam. Gildas itaque Giraldus sequitur, quem vitæ moribus & vitæ sequi posset, factus eiusdem, plus sapientia quam eloquentia, plus animo quam calamo, plus zelo quam stilo, plus vitæ quam verbis imitator.

P R Æ-

P R Æ F A T I O S E C V N D A ad eundem.



V M inter varia literarum studia ad historias scribendas studiose mentis
 aciem applicuerim, inprimis patriam patriæque vicinas & conterminas
 ex industria regiones, ne natali ingratus solo viderer pro ingenii modulo
 literis illustrare: & sic seriatim ad vltiora, Deo duce vitæque comite
 (quasi salutata primum patria) transire disposui. Sed quoniam nonnulli
 viri magni (quos vidimus & nouimus) quibus literæ nauscam creant, libros egregios
 10 eis oblatos statim in scrineis recondere, & tanquam perpetuo carceri tradere & re-
 trudere solent: A te (vir optime) cui præsens opusculum transmitti deproperat, peri-
 tum si placet & impetratum esse cupio, quatenus hæc nostræ diligentiae monumenta,
 sicut & priora à nobis exarata, quanquam in se modica, aliquando tamen & aliquibus
 forsan accepta futura, tenebris inuolui quæ lucem desiderant, non permittas: sed ea
 potius quæ publicata pulchrius elucescunt, voce liberali ac libera iubeas in commu-
 ne deduci. Pretium quippe laboris & præmium reputem, si sopitis interdum oratio-
 num instantiis & occupationum curis, vel oculos ad hoc quandoque legendum, vel
 saltem aures attente accommodes: Nec enim aliam à vobis, (cum hodie scripta nemo
 remuneret) vel expeto vel expecto retributionem: quanquam rationi tamen id dif-
 20 sonum minime foret, nisi à magnatibus hodie quasi coniuratio in auctores facta fuisset:
 si ille qui tot virtutibus & tam industriæ quæ naturæ dotibus, moribus electis & mu-
 nificentis his nostris diebus longe præeminet & præcellit, & in hac virtute ab aliis om-
 nib. derelicta dudum & destituta, se ipsum spectabile & quasi singulare exhiberet: Ille,
 inquæ, (vt breui eloquio laudis ad cumulum multa concludam) cui versus illi Martia-
 lis ad Traianum sub Diocletiano militantem digne poterint adaptari,

Laudari debes, quoniam sub principe duro,

Temporibusq; malis ausus es esse bonus.

Et illi Maronis ad Mæcenatem, principis mansuetudinem declarantes,

Omnia cum possis tanto tam clarus amico,

Te sensit nemo posse nocere tamen.

30 Ad hæc autem obiiciunt multi, & hi præsertim, qui dicuntur amici, ob studii vehemē-
 tiam me rebus secularibus negotiisque familiaribus minus intentum, & ob hoc segnius
 in mundanæ dignitatis gradibus prouehendum, auctorum olim tam Historicorum
 quam Poeticorum auctoritatē in desuetudinem abiisse: literarum honorem cum lite-
 raris principibus præteruisse: aliis hodie viis ad honorem perueniri. Fateor, hæc equi-
 dē fateor, & facile veris acquiesco. Sequuntur enim principes improbi, Curiam cupidi,
 codices clerici, & pixides ambitiosi. Sed quoniam trahit sua quemque voluptas, me li-
 terarum à pueritia traxit amor, & tanquam deliciarum omnium caput literarum studium
 delectat eloquentiæ. Hoc itaque præditus voto, supra coetaneos multos scrutabunda rã
 40 naturaliū cursus rerum quæ excursus inquisitione profeci, & posteritati cõsulens, in-
 clyti nostri tēporis acta, sub silentio perire nō permisi. Nec ista tamen absque labore cõ-
 plentur plurimo sed iucundo: difficilis namque est certa rerum singularum indagatio, dif-
 ficilis inquisitæ simul & exquisitæ veritatis ordinata dispositio, & ab initiali puncto fi-
 nale ad vltique terminum non discrepante materia recta per medium funis extentio,
 difficilis quoque quatenus tam verbis quam sententiis scintillet oratio & ornati sermo-
 nis eloquutio, quippe cum ad plicandam memorandorum seriẽ, non minus interdum
 elegantium verborum torquet electio, quam vexat inuentio. Tanto namque propen-
 siore opus est opera, tantoque singula prius eliminanda videntur quæ eliminanda, quanto
 scripto cõmendata se multorum oculis subiicere non formidant: nec solum presentibus
 50 sed & futuris, argutorum simul subitura iudicium & offensorum: verba nimirum emissa
 quia statim euolant & euanescent nec laudis eorum memoria, nec vituperii diuturna.
 Scripta vero quando semel & publicata non prætereunt, ad auctoris sui permanentem
 vel gloriam extant vel ignominiam: quando vt ait Seneca, Liuidi lectoris malitia dictio-
 nem sanam & insanam pari reuoluit appetitu, non amplius concupiscens electa quæ lau-
 det, quam despecta quæ rideat. Vnde Poeta.

Discit enim citius, meminitque libentius illud,

Quod quis deridet, quam quod probat & veneratur.

Igitur inter studia laude dignissima huius quoque studii laus nō vltima. Historia nam-
 que (vt ait moralis ille philosophus) est antiquitatis auctoritas, testis temporum, lux

Eccc 3 veri-

veritatis, vita memoriæ, magistra vitæ, nuncia vetustatis. Tanto deniq; labor hic delectabilior, quanto dignius quam aliena recitare, recitanda proferre: Quanto appetibilius ab aliis eligi quam bonus aliorum elector videri. Quanto laudabilius digne ab aliis in laudem efferri, quam dignus aliorum laudator haberi. His itaque pascor, deliciis & reficior, Hieronymo malens similis esse quam Cræso, longeque opibus cunctis opum approbans contemptorem. His gratulor deliciis & delector, semper intemperantiæ modestiam, semper honestam superfluitati præferens sufficientiam: & quando illa pereunt, ista perire non possunt: Illa transeunt, ista cum æternitate contendunt. Semper lucro laudem, semper gazarum gloriam anteponebat.

SIL. GIRALDI CAMBR. CAMBRIÆ DESCRIPTIO.

De longitudine Cambria & latitudine, soli natura, & tribus Britonum reliquiis.

C A P. I.

CAMBRIA, quæ adulterinò vocabulo vſitatoque magis sed proprio minus modernis diebus Wallia dicitur, ducenta millia passuum in longum, circiter vero centum millia in latum habet. Longitudo namque à portu *Gordber* in Mona vsque ad portum *Eskew* in *Venta* quasi per octo dietas extenditur. Latitudo vero à *Porshmawr* 10
Meneuiæ, id est, portu magno vsque *Rydhell*, quod Latine Vadum salicis, Anglice vero nunc *Wilowforde* dicitur, quasi per quatuor dietas expanditur: montibus excelsis, vallibus imis, siluis immensis aquis & paludibus terra munitissima, adeo ut à tempore quo Saxones primum insulam occupauerant, reliquiæ Britonum qui in has partes secesserunt, nec ab Anglis olim, nec à Normannis postmodum expugnati ad plenum potuissent. Illi vero qui australem angulum, qui à ducis Corinæi nomine nomen accepit susceperunt, quia terra tam munita non est, adeo rebelles esse non valuerunt. Tertia namque Brytonum extantium pars quæ Armoricum australis Galliæ finem obtinuit, non post Britannicum excidium sed longe ante à Maximo rege tyranno translata est: & post multos graues quos Britannica iuuentus cum ipso sustinuit bellicos sudores, vltimis his Galliarum finibus imperiali munificentia est remunerata. 30

Cornubiensia.

*Brytones.
Armorici.*

A N N O T A T I O N E S I N

Caput I.

VETERVM Britannorum reliquiæ, quæ nunc in tribus regionibus, Cambria, scilicet Cornubia & Armorica disſuncta habitant, Britannici sermonis antiquitatem ita etiam hodie retinent, ut in ipsis vocabulis & rerum nomenclaturis vnius regionis incolæ cum alterius incolis loquentes sensum facile percipiant: Quanquam in Syntaxi & loquutionis forma, quæ in re ex Anglorum & Gallorum mixtione & iurisdictionis prerogativa, à Britannici idiomatis antiqua consuetudine nonnihil declinauerunt, (ut in odiis & rhythmis antiquis videre licet) aliquando discrepent. 40

De diuisione Wallia totalis in tres partes.

C A P. II.

DIVISA est antiquitus Wallia totalis in tres partes tanquam æquales, plus æquivalentiæ tamen quam iustæ quantitatis & proportionis habita consideratione. *Venedotiam* scilicet quæ nunc *Nordwallia* id est, Borealis Wallia dicitur. *Demetiam* vel *Sudwalliam* id est Australem Walliam quæ Britannice *Deheubarth*, id est dextralis pars dicitur. *Powisiam* quasi mediam & orientalem. Diuisionis autem huius causa erat *Rodericus* magnus, qui Britannice *Roderi Mawr* dicebatur, totique Walliæ præſidebat. Hic tres filios habuit, *Meruinum*, *Anarawt* & *Cadelh*, qui tres totam Walliam inter se diuiserunt. *Meruino* cessit *Nordwallia*, *Anarawt* *Powisia*, *Cadelh* cum populi totius & fratrum benedictione *Sudwallia*: Ipsa nimirum quanquam quantitate longe maior, propter nobiles tamen qui *Vchelwyr* quasi superiores viri vocantur, quibus abundabat, qui & dominis rebelles esse solebant, dominumque ferre detrectabant, deterior esse videbatur. *Cadelh* autem præmortuis fratribus totius Walliæ demum monarchiam obtinuit, & successores sui similiter vsque ad *Theodorum*. Descendentes enim à *Theodoro* tantum *Sudwalliam* obtinuerunt, sicut & pater eorum. Hii scilicet: *Refus* filius *Theodori*, *Gruffinus* filius *Refi*, & *Refus* *Gruffini* filius qui diebus nostris præſuit.

Rodericus Magnus.

Id est, Nobilis.

Etsi communis opinio omnium Neotericorum scriptorum sit Rodericum Magnum, primum omnium Cambriam in tres partes, scilicet Venedotiam, Demetiam & Powisiam distribuisse, easque tribus filiis suis assignasse: ostendam tamen, longe ante excidium regni Britannici in has tres partes Cambriam fuisse diuisam. Extat enim liber antiquissimus de legibus Britannorum, qui testatur, Venedotiz, Powisiz, & Demetiz incolas mortuo Vortiporio unum in locum conuenisse ad noui Regis electionem, ibique Malgonem Venedotum Regem designasse. Historia etiam Britannica, 10 Galfridus & Castoreus testantur Morganum Demetie regulum, Caduannum regulum Venedotie, & Bledricum Corinia in auxilium ducem Brochmaelo Powisiz regulo, & Denania consuli contra Ethelfredum Northumbria Regem, post Banthorensensem cladem, venisse, ubi Caduanus unanimi omnium consensu Rex constitutus est Britannia. Quae omnia multis annis ante natum Rothericum contigerunt. Non fuit igitur illius diuisionis auctor, sed his tribus prouinciis, totidem ex filiis suis (quos multos habuit) praefecit.

² Vide infra cap. 3. annot. 1.

De generatione principum Wallia.

C A P. III.

20 **H**æc itaque est generatio principum Sudwalliz, Refus filius Gruffini, Gruffinus filius Refi, Refus filius Theodori, Theodor⁹ filius Æneæ, Æneas filius Oeni, Oenus filius Hoeli Dha, id est, Hoeli boni, Hoelus filius Cadelli filii Rotherici Magni. De Cadello igitur filio Roderici Magni descenderant principes Sudwalliz. De Meruino principes Nordwalliz in hunc modum: Leolinus filius Iorouarti, Iorouartus filius Oeni, Oenus filius Gruffini, Gruffinus filius Conani, Conanus filius Iago, Iago filius Edoual, Edoual filius Meyrici, Meyric⁹ filius Anandhrec, Anandhrec filius Meruini filii Roderici Magni. De Anaraut autem generatio non prouenit: unde & principes Powisiz suam habent per se generationem.

Hoc etiam mihi notandum videtur, quod Bardi, Cambrenses, & Cantores seu 30 recitatores, genealogiam habent prædictorum principum in libris eorum antiquis & authenticis, sed tamen Cambrice scriptam, eandemque memoriter tenent à Roderico Magno usque ad B. M. & inde usque ad Siluium, Ascanium & Æneam: & ab Ænea usque ad Adam generationem linealiter producant.

Sed quoniam tam longinqua, tamque remotissima generis enarratio multis truitanica potius quam historica esse videretur, eam huic nostro compendio inferere ex industria supersedimus.

ANNOTATIONES IN

Caput III.

40 **I**n successione filiorum Rotherici Giraldus Bardis & genealogiarum Britannicarum scriptoribus aduersatur. Illorum enim constans assertio est, Anaratum primogenitum principem fuisse Venedotia, & genuisse Edoalum Meyrici patrem, qui fuit pater Edoali, patris Iacobi, patris Conani, patris Gruffini. Et Powisiam cecisse Meruino filio iuniori, qui liberos non reliquit, in cuius possessiones post eius obitum irruit Cadellus medius, cui pater Demetiam dederat. Lelandus tamen & H. Lhoydus cum Giraldosentiunt. Per me itaque, cuius liberum sit, suo uti iudicio: nolo enim, aut contra veneranda antiquitatis auctoritatem & doctissimorum virorum sententias, meum interponere iudicium: aut recepta & constanti opinioni sine manifesta probatione contradicere.

² Librariorum vel scribentium ignorantia atque stultitia factum est, ut auctor hoc in loco turpi-
ter corrumpetur, qui sic scripserat: Eandem memoriter tenent à Rotherico Magno usque
50 ad B. M. & inde usque ad Siluium, &c. Superstitiosi fraterculi B. Virginis cultui plus a quo additi,
nihil aliud per literas B. M. significari putabant, nisi Beatam Mariam: in auctore ergo transcribendo
sic posuerunt, Eamque memoriter tenent à Rotherico Magno usque ad Beatam Mariam. Alii
locum ex corrupto magis absurdum reddiderunt, facientes ex B. M. Beatam virginem. At qui
in Antiquitatibus Britannicis vel mediocriter versati fuerint, facile animaduertere possunt, B.
M. in genealogiis Belinum Magnum Britannia Regem significare, à quo omnes nobiles totius Cam-
bria genus ducunt: nam Bardi in recensendis genealogiis semper ascendunt usque ad Belinum Magnum,
ibique sistunt: quia inde ad Æneam peruulgata est, & satis cognita generis repetitio. Hoc quod di-
co, manifeste satis apparet in certificatorio cuiusdam Diplomatis regii, ab Henrico septimo Anglia
Rege, ad Abbatem monasterii de valle Crucis, & Oenum Pool legum doctorem Canonicum Herefor-
densem

Eccc 4

densem

denssem in Cambriam transmissi, ad inquirendum, & modis omnibus inuestigandum stemma & genus Oeni Theodori aui Regis: ubi in singulis genealogiis ad Belinum Magnum ascenditur, & non ultra. Cuius certificatorii exemplar apud me est. Hic Belinus, alias dictus Heli pater Luddi & Cassiuelanzum Britannia Rex fuit, cuius nomen in genealogiis adeo tritum est, ut illud B. M. literis notare satis fuerit. Nec possunt huius scandali assertores ullum unquam Cambrorum proferre, qui genus suum ad Beatam Mariam deduxerit, licet multi sint, qui sui generis enumerationem ad B. M. referant. Detestantur enim Cambri Heluidianam insaniam, omnesque firmiter credunt Iesum Christum Seruatorem nostrum non solum *σωτήτορον*, verum etiam *μωρην* vñ beatam virginis filium extitisse.

Quot Cantredos Wallia continet, quot Curias principales, & quot sedes Cathedralles.

10

C A P. IIII.

C O N T I N E T autem Sudwallia cantredos viginti nouem, Nordwallia duodecim, Powisia sex, quorum tamen hodie multi ab Anglis & Francis occupati sunt. Terranamque, quæ Slopesburia dicitur, olim Powisia fuerat. Vnde & locus, ubi nunc castrum Slopesburia situm est, olim *Pengwern*, id est, caput alneti vocabatur.

Tres enim fuerant Wallia totius Curia principales, *Dineuour* in Sudwallia, modernis diebus, antiquitus enim apud urbem legionum erat. *Aberfraw* in Norwallia: *Pengwern* in Powisia.

Cantredos.

Est itaque numerus omnium Cantredorum totius Wallia quinquaginta quatuor. Cantredus autem, id est, Cantref, à Cant, quod centum, & Tref, villa composito vocabulo tam Britannica quam Hibernica lingua dicitur tanta terræ portio, quanta centum villas continere solet.

Sedes cathedralles Cambria.

Sunt autem in Wallia sedes Cathedralles quatuor. In Sudwallia *Meneuensis* super Hibernicum mare, David Archiepiscopo patrocinante. Hæc antiquitus Metropolitana fuerat, & Cantredos continet viginti quatuor, cum tamen hodie tantum viginti tres contenta sit. *Ergengleten* enim, quæ Anglice *Vrchenfeld* dicitur, intra diocesin Meneuensem olim aliquando: intra Landauensem quoque quandoque fuisse perhibetur. Habuerat autem sedes Meneuensis Archiepiscopos successiue viginti quinque. Sublato vero pallio usque ad hodiernum diem, viginti duo, quorum nomina & 30 ordinem causamque pallii sublati, si scire volueris, nostrum itinerarium quæras.

Supra pag. 855.

In eadem quoque Australi Wallia sedis Landafensis super mare Sabrinum iuxta nobile castrum de Caerdyf, præfule Teilo præsidente quinque continens Cantredos & quartam partem vnus s. Senghennyd.

In Norwallia inter Monam & montes Eiryri sedes Banchorensis Danielis Abbatris patrocinio gaudens, Cantredos continens circiter nouem.

In eadem paupercula cathedra *Lanelwensis*, cui & Powisia subest, Asaph Episcopo præsidente, Cantredos continens quasi sex.

A N N O T A T I O N E S I N

Caput IIII.

40

A N T E tempus Offæ Regis Mercia, *Pengwern*, quæ hodie *Salopia* dicitur, Principis Powisia sedes fuit: Postea vero cum Cambri ab Offa ultra fossam, quæ ab eius nomine in hodiernum usque diem *Clawdh* Offa dicitur, regredi cogerentur, præcipuum domicilium Principis Powisia apud *Mathraual* ad *Marnouia* fluminis ripam situm est.

² Quod Auctor urbem Legionum Demetici principatus caput aliquando extitisse dicit, id referendum est ad tempus *Arthur*i Regis, ante translationem sedis Archiepiscopalis, cum in ea urbe Christiana religionis sincera professio vigeret, omniumque liberalium artium floreret studium, ex quo nobili gymnasio viri multi summa pietatis & doctrina laude conspicui prodierunt, ut *Amphibalus*, *Iulius*, *Aaron*, *Albanus*, *Dubricius*, *Sampson*, *David*, *Maugantius*, & alii *Evangelica* veritatis assertores & propugnatores acerrimi. quorum pars maior Christianam pietatem sanguinis sui profusione consignare non dubitarunt. Post autem euerfionem imperii Britannici regia sedes Regni Demetici ab urbe legionum *Maridunum* translata est: ubi mansit usque ad ingressum *Normannorum* in insulam, quo tempore *Resus* filius *Theodori* castrum de *Dineuour* construxit.

Venedotia caput & regia sedes antiquitus *Deuania* fuit, quæ nunc *Cestria* dicitur, quæ per *Egbertum* Regem hostiliter *Britannis* erepta, Principis domicilium in *Mona* insula apud *Aberfraw* constitutum est.

De

*De duobus montanis, à quibus aqua nobiles emanantes Walliam egregie diuidunt
& distinguunt.*

C A P. XV.

SCINDITVR autem & distinguitur aquis Wallia nobilibus, quæ ex montanis duobus originem habent, *Elennith* scilicet in Sudwallia, quæ Angli *Moruge* vocant, quasi paludum cacumina. *Eryri* quoque in Nordwallia, quæ Anglice *Schnowdon* dicuntur, id est, montes niuium: hi tantæ quantitatis & capacitatis esse perhibentur, quod si cuncta totius Walliæ armeta in vnum coacta fuerint, eis ad pascua multo tempore sufficere possent: in his & duo lacus illi esse perhibentur, quorum alterum insulam erraticam: alterum autem pisces omnes monoculos certum est continere, sicut in Itinerario nostro declarauimus.

Supra pag. 872.

Notandum hic &, quod in Albania quoque duobus in locis, vno ad mare Orientale, altero Occidentale, pisces marini, qui *Mulnelli* dicuntur monoculi dextrum similiter oculum habentes, & sinistro carentes.

De montanis igitur *Elennith* nobilis emanat *Sabrina* fluuius, castrum Slopesburiz, castrum Brugense, per urbem quoque Vigorniz, per Glouerniā ferream atque fabrilē, sub qua paucis passuum millibus in mare descendit, quod ab eius quoque nomine *Sabrinum* mare vocatur. Hæc aqua multis olim temporibus inter Cambriam & Locgriam, hoc est, inter Walliam & Angliam Marchia fuit. Hæc Britannice *Hafren* à nomine puellæ filiz sc. Locrini, ibi à nouerca submersæ vocata est: Vnde & Latine mutatione aspirationis in S. vt in distortis à Græcis in Latinum fieri solet, dicta est *Sabrina*, sicut pro hal sal, pro hemi semi, pro hepta septem. *Vaga* fluuius ab eisdem quoque montanis *Elennith* per *Haia* castrum, & *Cliffordia*, per urbem *Herefordia*, per Castellum de *Wiltonia*, & Castellum *Godricii* discurrens, siluam quoque *Danubiz* ferro fertilem, atque ferinā, transpenetrando vsque *Strigulense* castrum, sub quo & in mare dilabitur, & Angliam ibidem à Wallia separans, modernis diebus Marchiam facit. *Oscæ* vero non ab *Elennith*, sed à montanis de *Cantrebachan* originem trahens per principale castrum de *Brecheinoc*, quod *Aberhodni* dicunt, id est, casum *Hodni* in *Oscam*. *Aber* enim Britannice dicitur locus omnis, vbi aqua in aquam cadit, per castrum de *Abergeuenni*, per *Oscæ* castrum, per antiquam & autenticam legionum urbem descendens, non procul à *Nouoburgo* in *Sabrinum* mare demergitur. *Remni* fluuius de montanis de *Brecheinoc* per castellum & pontem de *Remni* in mare descendit. Et ab eisdem montanis *Taf* per sedē *Cathedralem* de *Landaf*, cui & nomen dedit vsque ad castrum de *Caerdyf*, vbi se mari immiscet. Imperuose transcurrit de montibus *Wladmorgan* inter egregia *Cisterciensis* ordinis cœnobiaz de *Margan* & *Neth* *Auennia* fluuius: & *Neth* de montibus *Brecheinoc* viuo sabulo, & absorbente terribiles in mare deproperant, *Neth* fluuius iuxta Castellum de *Neth* profluente. De montanis quoque de *Brecheinoc* *Tawe* fluuius per castellum de *Abertawe*, quod Anglice *Swainsey* dicitur. *Lochor* per castellum de *Lochor*, & *Wendraith* per *Cyd-wely* in profundum dilabuntur. Ab *Elennith* iterum nobile flumen *Tywy* *Cantref mawr*, & *Cantref bachan* ab inuicem separans per castrum *Lhanymdhyfri*, per castellum *Dineuor* siluis & situ munitissimum, vbi & principalis Sudwalliæ curia fuit, per nobile castrum de *Caermardhin*, vbi *Merlinus* inuentus fuerat, à quo & nomen accepit, vsq; ad castellum de *Lhanstephan* in mare transfertur.

Sabrina.

Vaga.

Oscæ.

Remni.

Taf.

Auennia.

Neth.

Tawe.

Lochor.

Wendraith.

Tywy.

Vide supra pag. 844.

De montanis *Presseleu* *Taf* fluuius non procul ab *Albæ* domus monasterio, per castellum de *Sancto Claro* non longe ab *Abercorran* & *Talacharn* in mare deuoluitur. De Montanis eiusdem *Cledheu* prouinciā *Daugledheu* complectentes, eique de suo nomine nomen donantes, alter per castellum de *Lahaden*, alter per *Hafersfordiam* in mare decurrunt, & dicuntur Britannice *Daugledheu*, quasi duo gladii.

Cledheu duorum fluminum nomen est.

A montibus etiam *Elennith* aqua *Teini* nobilis emanat à superiori parte *Cantref mawr*, & *Caerdigan*, non procul ab armentis, & optimo de *Stratflur* monasterio, inferius autem *Demetiam* & *Caerdigan*, vsque in *Hibernicum* mare longe determinans. Hæc aqua sola in Cambria castores habet, quorum miracula si scire volueris, Itinerarium quæras. Salmone quoque præpingui præ cunctis Cambriæ fluuiis magis abundat. Sed quoniam in multorum forte manus liber iste deueniet, ad quas non ille, multa quæ de castoribus specialia reperies & notabilia quædam hic interserere præter rem non putavi. De huius enim bestię natura, qualiter à siluis ad aquas materiam vehant.

Supra pag. 861.

vehant. Quanto artificio extracta materia mediis in fluctibus munimenta conne-
ctant, quam defensionis artem contra venatores in occidente prætendant, & quam
in oriente. De caudis quoque pisceis (vt aiunt potius quam carneis) pauca interfere-
re non inutile reputavi. Reliqua vide supra pag. 861.

Ystuyth.

*Deuu.
Mawr.*

*Diffennith.
Arthro.
Conwy.*

*Cloyd.
Dowrdwy.*

Montibus eisdem *Ystuyth* erumpit, & superiores Cereticæ regionis partes de Pen-
wedic transpenetrando sub castro Aberstuyth in mare descendit. A niueis autem E-
ryri montibus nobilis *Deui* fluuius originem trahens, Sudwalliam à Nordwallia lon-
ge discernit & distinguit. Ab eisdem quoque montibus *Mawr* fluuius magnus ema-
nans, Traeth Mawr, & Traeth bachan, id est, tractum maiorem & minorem facit.
Diffennith similiter & *Arthro* per Meryonnith & terram Conanni dilabuntur. *Conwy* 16
vero de sub Eryri pede boreali montis emergens, sub nobili castello Degannwy se
marinis undis immiscet. A latere montis eiusdem per castellum Ruthlan, & sic usque
in mare *Cloyd* dilabitur. De lacu Pemeflesmere *Dowrdwy*, quam Angli Deiam vocant
originem ducens, & per Cestriam currens, longeque à latere dextro siluam de Colf-
hille, Basingwerke, & diuitem non procul inde argenti venam, viuum & absorbens
mare influendo sabulum facit, & inter Walliam à parte boreali, sicut & Vaga ab au-
strali, moderno tempore marchiam facit.

De amœnitate Walliæ & fertilitate.

C A P. VI.

20

TOTIVS autem Walliæ sicut australis pars circa regionem Cereticam, & præcipue
Demeticam campestri planicie maritimoque littore longe amœnior: sic borea-
lis Venedotia & situ terrarum munitior, & robustis virorum corporibus fœcundior,
vberique gleba fertilior esse dinoscitur. Sicut montes Eryri cunctis Walliæ totius ar-
mentis in vnum coactis ad pascua: sic insula Mona triticei graminis fertilitate toti
Walliæ fertur aliquandiu sufficere posse: Vnde *Monmam Cymry*, id est, *Mona mater Cam-*
bria, Britannice dici solet. Merionyth autem & terra Conani, præ aliis omnibus hispi-
da & minus culta est, & inaccessibilis. Pars ista Walliæ lanceis longis præstat, sicut au-
stralis, & præcipue circa Ventæ fines arcu solet præualere.

Lingua Britan-
nica ubi in usu.

Notandum etiam, quia in Nordwallia lingua Britannica delicatior, ornatior & 30
laudabilior est, quanto alienigenis terra illa impermixtior esse phibetur. Cereticâ ta-
men in Sudwallia regionem, tanquam in medio Cambriæ ac meditullio sitam lingua
præcipua vti & laudatissima pleriq; testantur.

Anglica lingua
originalis ubi in
usu.

Cornubienses vero & Armoricani Britonū lingua vtuntur fere persimili, Cam-
bris tamen propter originem & conuenientiam in multis adhuc & fere cunctis intel-
ligibili. Quæ quanto delicata minus & incomposita: magis tamen antiquo linguæ
Britannicæ idiomati, vt arbitror, appropriata. Sicut in australibus Angliæ finibus, &
præcipue circa Deuoniam Anglica lingua hodie magis videtur incomposita, ea ta-
men vetustatem longe plus redolens (borealibus insulæ partibus per crebras Daco-
rum & Norwagienſium irruptiones valde corruptis) originalis linguæ proprietatem 40
& antiquum loquendi modum magis obseruat. Cuius etiam rei non solum argumen-
tum, sed & certitudinem inde habere potes, quod omnes libros Anglicos Bedæ
Rabani, Regis Alfredi, vel aliorum quorumcunque sub huius idiomatis proprietate
scriptos inuenies.

Vnde dicta sit Cambria, & vnde Wallia.

C A P. VII.

DICTA est autem Cambria à Duce Cambro Bruti filio. Brutus etenim medianti-
bus auo Ascanio, & patre Siluio à Troianis descendens, & Troianorum reliqui-
as, qui in Græcia detenti fuerant, in occiduam hanc insulam ducens, cum annis non 50
paucis feliciter regnasset, & tam terræ quam genti de suo nomine nomina dedisset,
in extremo tandem positus articulo, tribus filiis suis regnum Britannicæ totale di-
uisit.

Loegria.

Primo primæuo f. Loctrino medium illud & meditullium inter Humbrum & Sa-
brinam, quod & ab eius nomine Loegria vocatur.

Albania.

Medio vero f. Albanacto totam trans Humbrum insulæ partem, quæ & ab eius no-
mine Albania dicitur.

Cambria.

Natu vero minori f. Cambro totam trans Sabrinam regionem, quæ similiter & e-
ius nomine Cambria nuncupatur. Hinc igitur & proprie & vere patria Cambria.

Hinc

Hinc patriotæ Cambri vel Cambrenses dicuntur. Eorum autem linguam à Cam & Græco dictam dicunt, hoc est, distorto Græco, propter linguarum affinitatem, quæ ob diuturnam in Græcia moram contracta est, probabilis quidem & verisimilis est, minus tamen vera relatio.

Wallia vero non à Wallone duce vel Wandolena Regina, sicut fabulosa Galfridi *Wallia* Arthuri mentitur histotia: quia reuera neutra eorum apud Cambros inuenies, sed à Barbarica potius nuncupatione nomen istud inoleuit. Saxones enim occupato regno Britannico, quoniam lingua sua extraneum quemlibet Wallum vocant, & gentes has sibi extraneas Wallenses vocant, & inde vsque in hodiernum Barbara *Hinc apparet, Polydorum non fuisse huius assertionis primū inuentorem.* nuncupatione, & homines Wallenses & terra Wallia vocitatur. Sed quoniam de qualitate terræ & quantitate, de generatione Principum, origine fluminum, & ratione nominum hæcenus explicuimus, naturam gentis & proprietatem euoluere subsequenter aggrediemur.

De gentis huius natura, moribus, & cultu: & primo de audacia eius, agilitate, & animositate.

C A P. VIII.

GENS hæc igitur gens leuis & agilis, gens aspera magis quam robusta, gens armis *Belli studium.* dedita tota. Non enim nobiles hic solum, sed totus populus ad arma paratus est: bellica tuba sonante non segnius ab aratro ruricola, quam aulicus ab aula prorumpit ad arma. Non etenim hic ut alibi redit.

— *agricolis labor actus in orbem:*

Solum quippe Martio & Aprili solum semel aperiunt ad aduenas; nec non bis in æstate, tertioque in hyeme ad tritici tritutam terras vertendo laborant. Totus prope modum populus armentis pascitur & auenis, lacte, caseo & butyro: carne plenius, pane parcius vesci solent. Non mercimoniis, non nauigiis, non mechanicis artibus, nec villo prorsus nisi martio labore vexantur, patriæ tamen tutelæ student & libertatis: pro patria pugnant, pro libertate laborant: pro quibus non solum ferro dimicare, verum etiam vitam dare dulce videtur. Vnde & in thoro turpe, in bello mori decus reputat. *Patria libertas.* Ac illud poetæ dixerunt: *Procul hinc auertite pacem*, nobilitas cum pace perit, nec mirum, si non degenerant. Quorum etenim hii reliquæ sunt, olim Æneadæ in ferrum pro libertate ruebant. De his igitur hoc spectabile, quod nudi multoties cum ferro vestitis inermes cum armatis, pedites cum equitibus congregi non verentur, in quo plerunque conflictu sola fiunt agilitate & animositate victores. Illis, quorum poeta sic meminit, sicut situ sic & natura non dissimiles

— *populi quos despicit artos,*

Felices errore suo, quos ille timorum

Maximus haud urget leti metus, inde ruendi

In ferrum, mens prona viris, animæq; capaces

Mortis & ignaum reditura parcere vita.

Lucan. lib. 1.

Armis tamen vtuntur leuib. agilitatem non impediuntibus, lorice minoribus, sagittarum manipulis, & lanceis longis, galeis & clypeis, ocreisq; ferreis rarius: equis autem cursoribus & generosis, quos patria gignit, nobiliores ad bella feruntur. Pars autem populi maior propter terras palustres pariter & inæquales ad prælia pedestres incidunt: equites autem pro locorum & temporum oportunitate seu dimicando, seu fugiendo facile pedites fiunt: nudis autem pedibus ambulant, vel corio crudo confutis, barbaris pro calciamento peronibus vtentes. Pacis quoq; & iuuentutis tempore siluas & saltus transpenetrare montium alta transcurrere, dies huic labori noctibus continuare ex industria prædiscunt, & quasi sub pace prælia dum cogitant, nunc lanceando, nunc fatigando bella præludunt. Illud autē in hoc loco notandū videtur, quod Anglorum Rex Henricus secundus nostris diebus Imperatori Constantinopolitano Emanueli super Insulæ Britannicæ situ ac natura, magisque notabilibus, literis & nuntiis inquirenti: inter cætera hoc quasi præcipue notabile rescripsit. In quadam Insulæ parte sunt gentes, quæ Wallenses dicuntur, tantæ audaciæ & ferocitatis, vt nudi cū armatis congregi non vereantur, adeo vt sanguinē pro patria fundere promptissime, vitamque velint pro laude pacisci. Quod & mirandū, quia bestię per totam propemodum insulæ faciē quasi mansuescunt, homines vero proiecti bestiales mansuescere nesciunt. In tanta quoque multitudine ob pacem eis indultam hic feræ, præ-

Armatura.

præcipueque cerui & damæ abundant, vt in boſealibus inſulæ ſinibus verſus Pech noſtris diebus, canes eorumque duces in impetu numeroſitatis ſuæ ad interitum cerui ſuppeditauerint.

De ſobria eiufdem cœna & parcimonia.

C A P. I X.

PRÆTEREA nec crapulę dediti nec temulentia, quibus eſt nec cœna, nec veſtium vlla ſumptuoſitas: ſed in equis ſolum & armis eorumque apparatibus tota verſatur intentio. Quibus ad patriæ prædęque tuitionem mens ſemper erecta. A mane in veſperam ieiuni, totum rebus agendis animum, totum conſiliis prouidentia diem donant, veſpere vero cœna ſobria. Et ſi forte nulla vel minima fuerit, veſperam alteram patienter expectant. Et tamen nec fame nec frigore tardati, ad hoſtiles irrogandum inuaſiones noctes tenebroſas diligunt & procelloſas.

De hoſpitalitate & dapſilitate.

C A P. X.

NEMO in hac gente mendicus, omnium enim hoſpitia omnibus ſunt communia, largitatem quippe & præcipue dapſilitatem cunctis virtutibus anteponunt: adeo nempe hoſpitalis hic gratia communione lætatur, quod itinerantibus ea nec offeratur nec petatur: tantum etenim domum intrantes protinus arma cuſtodia tradunt; deinde ſtatim aquam offerentibus, ſi pedes ablui permiferint, hoſpitio ſuſcepti ſunt, aquæ nimirum pedibus oblatio, hoſpitalis apud hanc gentem eſt inuitatio. Obſequium autem oblatum ſi forte recuſant, matutinas recreationes, & non hoſpitia volunt. Perturbas igitur & familias capite ſibi præfecto gentis huius iuuentus incedit, ſolum armis & otio data, patriæque deſenſioni promptiſſima, vnde & teſta cuiuſlibet veluti propria ſecure ſubintranſ.

Cythera.

Qui matutinis autem horis adueniunt, puellarum affatibus, & cytherarum modulis vſque ad veſperam delectantur: domus enim hic quælibet puellas habet, & cytheras ad hoc deputatas. Vnde & duo notabilia hic reperies, quia zelotypiæ vitio ſicut nulla magis quam Hibernica, nulla minus quam Cambrica gens laborat. Omnis quoque decuria ſeu familia viri, citra doctrinam omnem cytharizandi per ſe peritiam tenent. Veſpere vero ceſſantibus iam aduentantium turbis, iuxta numerum viro- rum & dignitatem, iuxta domus quoque facultatem exhibitio procuratur, vbi non ferculis multis, non ſaporibus & gularum irritamentis coquina grauatur, non menſis, non mappis, vel manutergiis domus ornatur. Naturæ magis ſtudent quam nitori: Vnde cœnantibus non binis, vt alibi, ſed trinis, ſcirpis & herbæ nitidæ, ſcultellis & latis & amplis fercula cuncta ſimul apponunt. Pani quoque tenui & lato quotidiano labore decocto, cuiuſmodi in veteri inſtrumento Lagana dici ſolent: interdum pulmentaria ſupponunt. Talibus olim vſus eſt menſis puer ille nobilis, de cuius & hii ſe genere iactant, & cuius adhuc ex parte mores obſeruant teſtante Poeta:

Heu menſas conſumpſimus inquit Iulus.

Cum autem certatim obſequiis familia tota deſeruiat, ſoli præ ceteris hoſpes & hoſpita, ſemper aſtando ſolicite cuncta perlustrant, nec vnquam niſi poſt plenam omnium refectionem cibos ſumunt, vt ſi quis forte defectus accidere debeat, in ipſos cadat. Demum autem hora ſoporis inſtante publico ſtrato, per latera domus in longum, iuncis ſolum tenuiter inſertis, panno quoque duro & aſpero, quem patria parit (qui & vulgari vocabulo *Brychan* dicitur) ſuperpoſito communiter accumbunt: nec alius eis nocte cultus, quam die, pallio namque tenui, & interula ſolum omni tempore frigora pellunt: Igne tamen ſicut die ſic & nocte tota ad pedes accenſo, propinquo pariter concubantium calore multum adiuti. Cum autem vel latus inferius thori duritia laſari, vel etiam nimio ſuperius algore frigefcere capit, ilico ad ignem proſiliunt, de cuius beneficio promptiſſima vtriuſque incommodi remedia quærunt, & ſic ad ſtrata reuertentes alternis vicibus latus vnum frigori, alterum vero duritiæ donant.

Brychan.

De crinium tonſura, dentium cultu, & barbaræ ſura.

C A P. X I.

TAM mulieribus autem in hac gente, quam etiam maribus ad aures & oculos tonſura rotunda. Mulieres etiam peplo candido & amplo more Parthico in coronam per gradus erecto capita velant.

Crimen.

Dentes

Dentes vero in utroque sexu præ omni quam vidimus natione propensius curant, *Dentes.* quos assidua corili viridis confricatione, lanei quoque panni purgatione, tanquam eburneos reddunt, eorundem etiam culture gratia alimentis abstinent calidis, frigidis autem, tepidis & temperatis semper utuntur. Barbam viri præterguboda solum radere solent. Et hanc non de nouo, sed ab antiquo longisque retro seculis consuetudinem tenent, sicut ex libro de Gestis Iulii Cæsaris ab ipso conscripto perpendi potest, *De bell. Gall. lib. 6.* ubi & hæc verba reperies.

Britannorum gens omni parte corporis abrasa præter caput & labrum superius. Solent etiam, ut agiliores fierent, & comis capita nudare, casum Absolonis, *Barba.* quoniam silvas & nemora sæpe percurrunt, vitare volentes: unde & usque in hodiernum gens hæc quoque prægentibus aliis, pilositatem magis abradit. Refert etiam Iulius, quod Britones temporibus illis martio certamine congressuri facies suas nitræo quodam unguento lineabant, inde & easdem tam luridas habebant & perlucidas, ut vix in earum vultus præsertim sole re percusso, hostes aciem intendere præualuissent.

De ingenii acumine & subtilitate.

C A P. XI.

ITEM ingenii gens subtilis, acuti, cuicumque studio animum applicuerint, venæ diuitis dote præcellunt, totaque communiter hæc natio prægentibus aliis occiduo climate degentibus arguta nimis & astuta.

In musicis instrumentis dulcedine aures deliniunt & demulcent, tanta modulorum celeritate pariter & subtilitate feruntur, tantamque discrepantium sub tam præcipiti digitorum rapacitate consonantiam præstant, quantum, ut breuiter transcam, in tribus nationibus titulo de Musicis instrumentis Hibernica Topographia nostra declarat in hæc verba: Mirum quod in tanta tam præcipiti digitorum rapacitate Musica seruetur proportio, & arte per omnia indemniter crispatos modulos organaque multipliciter intricata, tam suauis velocitate, tam dispari paritate, tam discorde concordia consona redditur, & completur melodia, *Musica.* *ἡ ἁρμονία* seu *ἡ ἁρμονία* chordæ concrepent: semper autem à b molli incipiunt, & in idem redeunt, ut cuncta sub iucundæ sonoritatis dulcedine compleantur. Tam subtiliter modulos intrant & exeunt, sicque sub obtuso grossioris chordæ sonitu gracilium tinnitus licentius ludunt, latentius delectant, lasciuiusque demulcent, ut pars artis maxima videatur artem velare, tanquam *Si lateat proficit*

— *Ferat ars deprensa pudorem.*

Hinc accidit, ut ea quæ subtilius intuentibus, & artis arcana acute discutientibus, internas & ineffabiles comparant animi delitias, ea non attendentibus, sed tanquam videndo non videntibus, & audiendo non intelligentibus, aures potius onerent quam delectant, & tanquam confuso, inordinatoque strepitu inuitis auditoribus fastidia pariant tædiosa. Tribus utuntur instrumentis, cythara, tibiis, & choro.

In causis, actionibus, & foro ciuili captando, insinuando, inueniendo, disponendo, refutando & confirmando nullas penitus naturalis Rhetoricæ partes omittunt. In cantilenis, rhythmicis, & dictamine tam subtiles inueniuntur, ut miræ & exquisitæ *Canilena.* inuentionis lingua propria tam verborum quam sententiarum proferant exornationes. Unde & Poetas (quos Bardos vocant) ad hoc deputatos in hac natione multos inuenies, iuxta illud poeticum:

Plurima concreti fuderunt carmina Bardi.

Præ cunctis autem Rhetoricis exornationibus Annominatione magis utuntur, eaque præcipue specie, quæ primas dictionum literas vel syllabas conuenientia iungit. Ad eo igitur hoc verborum ornatu, duæ nationes Angli scilicet & Cambri in omni sermone exquisito utuntur, ut nihil ab his eleganter dictum, nullum nisi rude & agreste censeatur eloquium, si non schematis huius lima plene fuerit expolitur; sicut Britannice in hunc modum:

Digaw n diw da y unic.

Wrth bob crybwyllh paraw d.

Anglice vero,

God is together gammen & wisdom.

In Latino quoque haud dissimiliter eloquio eandem exornationem frequens est inuenire in hunc modum. Virgilius:

Ffff

Tales

Tales casus Cassandra canebat.

Et illud eiusdem ad Augustum:

Dum dubitet natura marem, faceretne puellam,

Natus es opulcher pene puella puer.

In nullis tamen linguis, quas nouimus, hæc exornatio adeo ut in prioribus duabus est usitata. Mirum autem, quod Gallica lingua alias tam ornata, hunc verborum ornatum ab aliis tam usitatum prorsus ignorat. Nec ego tamen id crediderim, quod priores populi duo tam diuersi ab inuicē & aduersi in hoc verborum ornatu ex arte conueniant. Sed potius ex usu longo, qui quia placuit solum, & facili similia ad similia transitu aures demulcet, per succedentia tempora inoleuit. Sicut Tullius in libro de elocutione, de talibus, qui usum habent, & non artem, loquitur dicens: Ceteri cum legunt orationes bonas, aut poemata, probant oratores & poetas, neque intelligunt, qualiter commoti probent, eo quod scire non possunt, ubi sit, aut quid sit, quomodo factum sit id, quod eos maxime delectat.

A N N O T A T I O N E S I N

Caput XII.

HO C : quotidiana docet experientia, quod vel ipsa inuidia negare non potest, veterum Britannorum reliquias, præstantis cuiusdam indolis bonitate, & naturalis ingenii dexteritate ita potter, ut omnium liberalium scientiarum, & aliarum artium, quæ humanis necessitatibus inferuiunt, reperiantur capacissimi: sed præ aliis studiis, Iuris ciuilis & rerum politicarum cognitione gaudent, & in rebus sua fidei commissis summa utuntur diligentia: unde fit, ut in magnatum negotiis procurandis sæpius adhibeantur.

De symphoniis eorum cantilenis organicis.

C A P. XIII.

Cantilena.

IN Musico modulamine non vniuniformiter ut alibi, sed multipliciter, multisque modis & modulis cantilenas emittunt, adeo ut in turba canentium, sicut huic genti mos est, quot videas capita, tot audias carmina discriminaque vocum, varia in vnam denique sub B. mollis dulcedine blanda consonantiam & organicam conuenientiam melodiam. In Borealibus quoque maioris Britanniae partibus trans Humbrum, Eboracique finibus Anglorum populi, qui partes illas inhabitant, simili canendo symphoniaca utuntur harmonia: binis tamen solummodo tonorum differentiis, & vocum modulando varietatibus, vna inferius submurmurante, altera vero superne demulcente pariter & delectante. Nec arte tantum, sed usu longæuo, & quasi in naturam mora diutina iam conuerso, hæc vel illa sibi gens hanc specialitatem comparauit. Qui adeo apud utranque inualuit, & altas iam radices posuit, ut nihil hic simpliciter, ubi multipliciter, ut apud priores, vel saltem dupliciter ut apud sequentes, mellite proferri consueuerit. Pueris etiam (quod magis admirandum) & fere infantibus (cum primum à fletibus in cantus erumpunt) eandem modulationem obseruantibus. Angli vero quoniam non generaliter omnes sed boreales solum huiusmodi vocum utuntur modulationibus, credo quod à Dacis & Norwagienfibus, qui partes illas insulæ frequentius occupare, ac diutius obtinere solebant, sicut loquendi affinitatem, sic canendi proprietatem contraxerunt.

De verborum facetiis & urbanitate.

C A P. XIII.

Facetia & ὑπερφαιδία.

DE C V R I A vero & familia viri, ut circumstantibus risum moueant, sibi quoque loquendo laudem comparent, facetiā in sermone plurimam obseruant, dum vel sales, vel ædoria nunc leui lingua, nunc mordaci sub æquiocationis vel amphiboliæ nebula, relatione diuersa, transpositione verborum, & traiectione subtiles & dicaces emittunt. Vnde & exempla quædam explanandi gratia subsequenter annexi non superfluum reputaui. Tegengl est nomen prouinciæ apud Venedotiam, cui dominabatur Dauid Oeni filius, quam & quidam frater eius quandoque possederat. Hoc idem & nomen fuit mulieris cuiusdam, quam uterque habuisse dicebatur. Vnde & aliquodam dictum est iniuriosum, Tegengel habere, cum frater eiusdem ante Tegengel habuerit.

Item cum Ecclesiam Meneuensem prouinciæ princeps Resus Gruffini filius cum suorum multitudine peregrinandi causa aliquando deuotius adiisset, factis oblationi-

lationibus & missarum solemnitate completa, accessit ad eum iuuenis quidam in ipsa Ecclesia, seque filium eius esse publice protestando, & ad pedem ipsius se prosternendo, quatenus eidem rei certitudinem ferri candentis examine probare liceret, cum lachrymis humiliter implorauit. Quo verbo ad familiam & filios eiusdem duos, qui iam exierant extra, delato, subiecit iuuenis quidam: nec mirum, alii enim aurum obtulerunt, alii argentum, hic autem, qui utroque caruit, quod habuit, obtulit, sc. ferrum, paupertatis incommodum iuueni dicaciter impropere. Cum de domo quadam forti, & quasi inexpugnabili sermo à quibusdam factus fuisset, dixit vnus eorum, vere domus hæc fortis est, quia si in ea esca fuerit, nunquam erit conquisita, ad vtrun-
 10 que referri potuit, & ad escam & ad domum. Similiter & dominam domus cuiusdam quidam auaritiæ notans, dixit: hoc solum in hospita nostra reprehensibile inuenio, quod parum butyri ex consuetudine sali imponit, cum accessorium rei principali so-
 leat apponi, subtili verborum traiectione, quoniam in quantitate abundare videbatur accessorium, principale constituens. Similia in Macrobio de Saturnaliis, philosophorum & magnorum virorum dicta scripto commendata hæc & huiusmodi multa reperies. Cicero cum Lentulum generum suum exiguae staturæ hominem longo gladio accinctum vidisset: Quis, inquit, generum meum ad gladium alligauit? Acces-
 20 sorium causa præscripta in principale, conuertēs. Idem, cum Q. Ciceronis fratris imaginem clypeatam cum ingentibus lineamētis vsq; ad pectus ex more pictam vidisset, ait, frater meus dimidius maior est quam totus. Cum soror Fausti mœchum haberet fullonem: Mirum, inquit, sororem meam maculam habere, cum fullonem habeat. Cum Hannibali Antiochus copias bellatorum & armorum ingētes in campis ostenderet, quas bellum facturum populo Romano comparauerat: Putasne, inquit, ô Hannibal, hæc satis esse Romanis? Hannibal imbelles militum eiusdem cohortes eludēs, Plane, inquit, satis esse credo Romanis hæc, et si auari sint: lepidesatis & acerbe respon-
 dens. Cum Rex de æstimanda eius præparatione quæreret, ille de præda dixit.

De loquendi audacia & securitate.

C A P. X V.

30 **L**OQVENDI audaciam & respondendi fiduciam coram principibus & magnati-
 bus cunctis communiter & minimis in plebe, sicut maioribus in omni negotio na-
 tura dedit. Romanos & Francos hanc eandem naturæ dotem habere videmus: non
 autem Anglos, sicut nec Saxones, à quibus descenderant, nec Germanos. Si enim ser-
 uitutem caularis in Anglis, & hunc eis inde defectum assignas: in Saxonibus & Ger-
 manis, qui & libertate gaudent, & eodem tamen vitio vexantur, ratio non prouenit.
 Saxones igitur & Germani à gelida poli regione, cui subiacent, hanc trahunt naturæ
 geliditatem. Angli quoque quanquam olim à regione remoti, originali tamen natu-
 ra tam exteriori in candore qualitate quam etiam interiori illam geliditatis,
 eadem ex causa liquida s. & gelida complexionis natura proprietatem inseparabiliter
 40 tenent. Britones autem è diuerso ex calida & adusta Dardaniæ plaga, quanquam in
 fines hos temperatos aduecti (quia

Calum non animum mutant qui trans mare currunt.)

tam exterius fuscum illum cognatumque terræ colorem, quam etiam naturalem in-
 terius ex adusto humore calorem, vnde securitas oritur, originaliter trahunt. Tres e-
 tenim populi, Romani Ænea duce, Franci Antenore, Britones Bruto, post Troianum
 excidium reliquæ Danaum ab Asia in Europam varias ad partes profugerunt. Tri-
 bus igitur his nationibus hinc animositas, hinc nobilitas, & tanta generositatis anti-
 quitas, perspicacis ingenii subtilitas, & loquendi securitas. Inter has autem gentes,
 quæ Troiani reliquæ sunt excidii, soli Britones, quia (vt videtur) multis post vasta-
 50 tionem & euerfionem patriæ annorum curriculis in Græcia detenti, tardius in occi-
 duos hos Europæ fines aduecti sunt, & primæua gentis suæ vocabula, & originalis lin-
 guæ proprietatem abundantiùs retinuerunt. Inuenies etenim in his hæc nomina, Oe-
 nus, Relus, Æneas, Hector, Achilles. Heliodorus, Theodorus, Ajax, Euander, Vliex,
 Anianus, Elifa, Guendolena, & alia multa in hunc modum antiquitatem redolentia.
 Notandum etiam, quod verba linguæ Britannicæ omnia fere vel Græco conueniunt
 vel Latino. Græci ὄρεα aquam vocant, Britones dour, Salem ἀλ, Britones Halen, ὄροια
 eno, αἰντι, δῖνα pump, dec. Item Latini frenum dicunt, & tripodem gladium & lori-
 cam Britones, Froyn, trepet, cledhyf & lhuric, vnico vnice, cane can, belua beleu.

*Romani, Franci,
 & Britanni à
 Troianis defece-
 runt.*

*Nomina Britanni-
 norum Troianis
 antiquitatem
 redolentia.
 Britannica vo-
 cabula à Græcis
 & Romanis ac-
 cepta.*

Ffff 2 ANNO-

LINGVÆ Britannica vocabula pauciora à Græcis, infinita autem à Latinis recepta sunt
ut:

Anuodhinuitus.	Lhuriclorica.
Aradr aratrum.	Lhyuer liber.
Ariant argentum.	Magwyr maceria.
Arueu arma.	Malais malitia.
Aur aurum.	Marw mori.
Awr hora.	Mawr magnus.
Bacl baculus.	Medheginiaeth medicina.
Bendith benedictio.	Medhic medicus.
Ber veru.	Mël mel.
Cader cathedra.	Melhrith maledictio.
Calch calx.	Melhtithio maledicere.
Canwylh candela.	Melhtigedic maledictus.
Car carrus.	Membrwn membrana.
Carw ceruus.	Menyber manubrium.
Casw cascus.	Milwr miles.
Celh cella.	Milwriaw militare.
Cely celare.	Moes mos.
Cist cista.	Monwent monumentum.
Coch coccineum.	Môr mare.
Corn cornu.	Mur murus.
Cuyr cera.	Mynyth mons.
Cybydh cupidus.	Nos nox.
Cybydhdra cupiditas.	Orie hora.
Cylhelh cultellus.	Orioc horarius.
Dant dens.	Pared paries.
Die dies.	Pawl palus.
Dilyw diluuium.	Pont pons.
Dysc disciplina.	Porth porta.
Dyscibl discipulus.	Pisc piscis.
Eccleys ecclesia.	Scriuen scriptura.
Fenster fenestra.	Scryueny scribere.
Fest festinanter.	Sych siccus.
Festa festina.	Stabl stabulum.
Fos fossa.	Tarw taurus.
Fyrf forma.	Tembl templum.
Gwal vallum.	Tir terra.
Glud gluten.	Tyner tener.
Gwenwyn venenum.	Tyst testis.
Gwiber vipera.	Tystiolaeth testificatio.
Gwyder vitrum.	Tystholaethy testificare.
Gwyrdd viride.	Yscal scala.
Lhavurys laboriosus.	Yscol schola.
Lheo leo.	Yscolhaic scholasticus.
Lhin linum, item linea.	Ysbryd spiritus.

Atq; sexcenta alia trita & vulgaria quidem illa, quæ non recens nata sunt, sed ante 1000. ann. elapsos in
vñ recepta, & apud imperitum vulgus vsq; in hodiernum diem communiter vñrpatæ.

De diminutoribus in hac gente, & quasi arreptitiis.

CAP. XVI.

Arwenydhon. SVNT & in hoc Cambriæ populo, quod alibi non reperies, viri nonnulli, quos *Arwenydhon* vocant, quasi mente ductos. Hi super aliquo consulti ambiguo, statim frementes spiritu quasi extra se rapiuntur, & tanquã arreptitii fiunt. Nec in cõtinenti tamen quod desideratur edisserunt: sed per ambages multas inter varios, quibus effluunt

effluunt sermones nugatorios magis & vanos quam sibi cohærentes, sed omnes tamen ornatos, in aliquo demum verbi diuerticulo, qui responsum solerter obseruat, quod petit accipiet enucleatum: & sic deniq; de hac extasi tanquam à somno graui ab aliis excitantur, & quasi per violentiam quandam ad se reuerti compelluntur. Vbi & duo notanda reperies, quia post responsum nisi violenter excitati & reuocati ab eiusmodi quasi furore reuerti non solent, & quod in se reuersi nihil horum omnium, quæ ab eis interim prolata sunt, ad memoriam reuocabunt. Vnde etsi forte super hoc iterum vel alio consulti, dicere debeant aliis omnino verbis & alienis enuntiabunt. Forsan sicut per phanaticos & energuménos spiritus interdum loquuntur tãquam ignaros. Solent autem eis hæc dona plerunq; in somnis per visiones infundi. Quibusdam enim videtur, quod eis vel lac dulce, vel mel ori infundatur. Aliis etiam, quod eis schedula inscripta ori imponatur: & statim à somno erecti se gratiam hanc suscepisse publice profitentur.

Tale est illud Esdræ de se scribentis, Dixit Dominus mihi: Aperi os tuum; & aperui os meum, & ecce calix plenus aqua, cuius color similis igni: & cum bibissem, eructauit cor meum intellectum, & in pectus meum introiuit sapientia. Faciunt autem inter vaticinia inuocationes ad Deum viuum & verum & ad sanctam Trinitatem, vt peccatorum meritis à veri inuentione non impediuntur. In aliis autem nationibus, quam hac Britannica, sicut & olim Troiana, de qua descēdunt, prophetas huiusmodi raro reperies. Calcas etenim & Cassandra apud Ilion, nobilis illius obsidionis tempore vaticinii spiritum habentes, vrbis excidium aperte prædixerunt. Vnde & Helēnus Priami filios, qui archiflāmen eorum erat, propter vaticiniorum libros, quos habebat, tam Calcantis, quam & aliorum longe ante super patriæ destructione, primo statim ad Græcos vna cum Calcante se transtulit anno, à quibus & egregie postmodum in Græcia remuneratus est. Cassandra vero puella Priami Regis filia, quotidie vrbis euerfionem canebat, nec ei tamen ob superbiam Troianorum nimiam, & præsumptionem fides habebatur. Nocte quoq; qua vrbs prodita fuit, prodicionem ipsam & modum prodendi manifeste præcēdunt. Vnde Virgilius:

— *Tales casus Cassandra canebat.*

30 Sicut & olim, stante adhuc Britonum regno, gentis excidium, & tam Saxonum primo, quam etiam Normannorum post aduentum, Merlinus vterque tam Calidonus, quam Ambrosius fertur vaticinando declarasse. Illud quoque, quod de talibus A. Gellius refert, hic interferere dignum duxi. Quo die C. Cæsar & Cn. Pompeius, per ciuile bellum collatis signis in Thessalia conflixerunt, in Transpadana Italia memoratu digna res accidit. Sacerdos namque Cornelius, & loco nobilis, & sacerdotii religione venerandus, & vitæ castitate sanctus: repente, mota mente, Cæsarem vicisse proclamauit, pugnaeque dies & exitus omnis, pugnandi reciprocationes, & ipsa duorum exercituum conflictatio eius vaticinantis motu atque verbis repræsentata est. Si spiritu proferantur huiusmodi, scrupulosius lector inquiras. Non dico Pytho-

40 nico, non dæmoniaco, verum quia sicut solius Dei proprium est scire futura, sic & futurorum scientiam dare, spiritu sciētiae desuper & gratia dato. Diuisiones quippe gratiarum sunt, vt ait Apostolus, vnus autem atq; idem spiritus. Vnde Petrus in Epistola secunda, non voluntate humana allata est aliquando prophetia, sed spiritu sancto inspirati locuti sunt homines. Ad idem facit illud in Daniele, quod Chaldæi Regi Nabuchodonosor super somnii sui interpretatione, quam ab ipsis extorquere volebat, responderunt: Non est, inquiunt, homo super terram, qui sermonem tuū, Rex, possit implere: sed neque Regum quisquam magnus & potens verbum huiusmodi sciscitatur ab omni ariolo, & mago, & Chaldæo, sermo enim, quem tu Rex quæris, grauis est, nec reperietur quisquam qui indicet illum in conspectu Regis, exceptis diis, quorum

50 non est cum hominibus conuersatio. Super eundem locum Hieronymus: Confitentur arioli, & omnis scientia secularis, præsciētiam futurorum solius Dei esse, non hominum, vnde probatur, prophetas spiritu Dei locutos, qui dixerunt futura. Ad hoc autem, quod obiiciunt quidam, si spiritu Dei ducerentur, quandoque permitterent. Hæc dicit dominus Deus, vel aliquid in hunc modum more prophetico, & quia talis prophetandi modus in Merlino non reperitur, eum potius Pythonico spiritu locutum esse plerique coniectant. Et quia etiam de sanctitate ipsius vel deuotione, quamque fidelis fuerit minime legitur. Ad quæ respondeo, quod non solum sanctis, sed infidelibus interdum & gentilibus: sicut Baalæ & Sibyllæ, & etiam malis, vt Cayphæ, sicut & Belez prophetæ spiritus datus est. Vnde Origen. super Numer. Ne mi-

Propheta quidā, sed insani, ut praecodensibus apparet.

Cornelius sacerdos.

Vide sup. pa. 326.

Quo spiritu prophetauit ex Gualdo hispano apparet.

reris, eum quem diximus scribas & phariseos & doctores populi significare Iudeos de Christo prophetare, Caiphas enim ait: Expedi nobis, ut vnus moriatur homo pro populo. Sed, inquit, quia erat pontifex anni illius, prophetauit. Nemo ergo extollatur, si prophetet, si præscientiā mereatur, quia pphetiæ destruentur, cessabunt lingue, scientia destruetur: permanet autem fides, spes, charitas: maior enim est charitas, quæ sola nunquam cadit. Et non solum prophetizabant, sed virtutes & signa mali quandoque faciebant, quod plerique non poterant. Sicut Iohannes Baptista, qui tantus erat, signa non fecit, sicut Iohan. Euangelista testatur dicens: Et multi venerunt ad Iesum, & dicebant, quia Ioannes quidem signum fecit nullum, &c. De matre quoque Domini nō legitur quod aliquid fecerit. De filiis etiam Scheuæ legimus in Actis Apost. quod 10 in nomine Iesu, quem Paulus prædicabat, dæmonia eiecerunt: vnde in Matth. & Luca reperies: Multi dicent in illa die mihi, Domine, Domine, nonne in nomine tuo prophetauimus, & in nomine tua dæmonia eiecimus, & in nomine tuo virtutes multas fecimus? & tunc confitebor illis, quia nunquā noui vos. Et alibi, respondens autē Ioannes dixit, Magister vidimus quendam in nomine tuo dæmonia eiicientē, & prohibuimus eum, quia non sequitur nobiscum. Iesus autē ait: nolite prohibere eum, nemo est qui faciat virtutem in nomine meo, & possit cito male loqui de me. Qui enim non est aduersus nos, pro nobis est. Item Alexander Macedo gentilis montes Caspios transfuit, & decem tribus intra eorundem promontoria, vbi vsq; in hodiernum resident, & vsq; in aduentū Eliæ & Henoc residebunt, miraculose conclusit. Merlini itaq; pro- 20 phetiam legimus, sanctitatem eius vel miracula non legimus. Obiiciunt, & quia prophetiæ non extra se fiebant, quando prophetabant, sicut de Merlino Siluestri legitur, quod amens factus prophetabat: & de his similiter quasi arreptitiis, de quibus hic locuti sumus. Sed alii per somnia, visiones & ænigmata, ut Ezechiel & Daniel: alii per facta & dicta, ut Noe in Archæ fabricatione Ecclesiam; Abraham in filii immolatione, Christi passionem; Moyse dicens suscitabit vobis Deus prophetam de fratrib. vestris, hunc audite, Christum significauit. Alii excellentiori quodam modo per internam spiritus sancti inspirationem ac reuelationem, ut Dauid, quibus id solum, quod in libro Regum 1. de Saule legitur Dauid persequente, respondeo, Quia cum accepisset Saul Dauid in Naioth (qui est collis in Ramatha) vbi erat cuneus prophetarum, transf- 30 fugisse, misit lictores in Naioth, ut raperent Dauid, qui cum vidissent prophetas & Samuelem stantem super eos, factus est illis spiritus Domini, & prophetabant, misitq; secundos & tertios nuntios, qui & ipsi prophetauerunt. Et iratus Saul abiit post eos, & antequam veniret in Naioth ingrediens prophetabat, & quasi amens factus & exutus veste regia, tota die & nocte canebat cum ceteris, Dauid & Samuele clam videntibus: nec mirum, si illi, qui spiritum Domini datamq; de super gratiam tantam subito suscipiunt, à terrenæ mentis interim statu alienari videantur.

De generositatis amore, & genealogia longe retenta.

C A P. XVII.

40

GENEROSITATEM vero, & generis nobilitatem præ rebus omnibus magis appetunt. Vnde & generosa coniugia plus longe cupiunt quam sumptuosa vel opima. Genealogiam quoque generis sui etiam de populo quilibet obseruat, & non solum auos, atauos, sed vsque ad sextam vel septimam, & vltra procul generationem memoriter & prompte genus enarrat in hunc modum, Resus filius Gruffini, filii Resi, filii Theodori, filii Æneæ, filii Oeni, filii Hoeli, filii Cadelli, filii Roderici Magni, & sic deinceps.

Genus itaq; super omnia diligunt, & damna sanguinis atq; dedecoris acriter vlci-
scuntur. Vindicis enim animi sunt & iræ cruentę, nec solum nouas & recētes iniurias, verum etiam veteres & antiquas velut instantes vindicare parati. Non vrbe, non 50 vico, non castris cohabitant, sed quasi solitarii siluis inhærent: in quarum eiusdem margine non palatia magna nec sumptuosas & superfluas lapidum cementique stru-
cturas in altum erigere, verum tecta viminea, vñbus annuis sufficientia, modico tam labore quam sumptu, connectere mos est. Non pomeriis vtuntur, non hortis, vtrorumque tamen fructibus eis aliunde porrectis, libenter vesci solent. Agris igitur plurimum vtuntur pascuis, parum cultis, floridis parce, consitis parcissime. Boues autem ad aratra vel plaustra binos quidam iungunt rarius, sed quater-
nos frequentius, stimulatore præambulo, sed retrogrado: quem & pericula plerun-
que dum tauri iuga detractant retro cadendo contingit experiri. Falcibus quoque
minus

minus vtuntur ad metendum: plus autem & expeditius ferro quodam modico in cuncti modum formato, baculis binis ad capita laxè & flexibiliter catenato: sed quoniam segnius irritant animos demissa per aures, quam quæ sunt oculis subiecta fidelibus, melius videndo quam audiendo modum attendes. Sunt & his nauiculæ ad piscandum seu flumina transnauigandum viminiæ, non oblongæ, non rostratæ sed quasi rotundæ. vel potius in triangulum formatæ, vndique coriis animalium crudis intus & extra contactæ. Cum autem nauiculam salmo iniectus cauda fortiter percusserit, non absque periculo plerumque vecturam pariter & vectorem euertit. Nauiculas istas piscatores patriæ ritu eundo & redeundo humeris portant, vnde & famosus ille Fabulator Bledhercus, qui tempora nostra paulo præuenit, super hoc casu sic ænigmatice proloqui consueuerat. Sunt apud nos gentes quæ cum ad prædandum depererent, equos humeris impositos vsque ad prædam ipsam portant, ad prædam vero capiendam equis insiliunt, atque capta statim equos humeris iterum iniectos, domum redeundo reportant.

De antiqua fidei fundamine, Christianitatis amore & deuotione.

C A P. XVIII.

PRÆTEREA olim longeque ante excidium Britannicum, quia per annos circiter ducentos per Faganum & Damianum ad petitionem Lucii Regis ab Eleutherio
 20 Papa in insulam transmissos, in fide fundati sunt & solidati. Vnde & à tempore quo Germanus Altisiodorensis & Lupus Trecentis propter corruptionem quæ Paganorum Saxonum irruptionibus iam irreperat, & præcipue ad expellendam hæresin Pelagianam in insulam missi sunt, nihil hæreticum, nihil recte fidei contrarium sentire. Ab eorundem quoque doctrina hæc, vt fertur, vsque in hodiernum documenta tenuerunt. De quolibet pane appposito primum fractionis angulum pauperibus
 30 donant. Terni quoque in Trinitatis memoriam ad prandium sedent. Viro cuilibet religioso monacho vel clerico, vel cuicunque religionis habitum præferenti, statim proiectis armis cernuo capite benedictionem petunt. Episcopalem vero confirmationem & chrismatis (qua gratia spiritus datur) inunctionem, præ alia gente totus populus magnopere petit. Omnium quoque rerum quas possident, animalium, pecorum, & pecudum interdum decimas donant, quando videlicet vel vxores sibi martiali copula iungunt, vel peregrinationis iter arripiunt, aut quamlibet vitæ suæ, ecclesiæ consilio, correctionem assument. Hanc autem rerum suarum partitionem decimam
 40 magnam vocant, cuius duas partes ecclesiæ suæ baptismali, tertiam vero episcopo diocesano dare solent. Præ omni autem peregrino labore, Roman peregre libentius eundo, deuotis mentibus Apostolorum limina propensius adorant. Ecclesiis autem & ecclesiasticis viris, sanctorum quoque reliquiis, & campanis baiulis, libris textis & cruci, deuotam reuerentiam exhibere, longeque magis quam vllam gentem his omnibus honorem deferre videmus: vnde & ecclesiæ istorum longe maiorem quam
 50 alibi pacem habent. Non etenim in cœmeteriis solum, verumetiam extra procul per metas & fossas vltiores ab episcopis causa pacis impositas & constitutas, animalibus ad pascua pax seruatur. Ecclesiæ vero maiores quibus maiorem antiquitas reuerentiam exhibuit: quatenus armenta mane ad pascua exire & vesperi redire possunt, pacem præbent. Vnde si cum Principe capitales quis inimicitias incurrerit, si ecclesiæ refugium quæsierit, eadem sibi & suis pace gaudebit: adeo vt hæc immunitatis indemnitate, longe Canonum indulgentiam excedente, (qui corpori solum & membris tali in casu salutem præstant) multi abutentes, audacius ob hanc impunitatem hostiliter excedunt, & ab his etiam refugii locis, tam patriam vndique totam quam principem ipsum grauiter infestando molestant. Heremitas & Anachoritas abstinentiæ
 60 maioris magisque spirituales alibi non videas. Gens etenim hæc omni vehemens est intentione. Vnde & *Sicut malis nusquam peiores, sic bonis meliores non reperies.*

Fœlix itaque gens & fortunata, Gens vere, vtraque sorte beata, Si Prælatos haberent bonos & Pastores, vnoque gauderent Principe & illo bono.

A N N O T A T I O N E S I N
 Caput XVIII.

DVÆ res, seste Giraldo, Remp. felicem & fortunatam reddunt: quarum altera in vniuersi boni principis moderata gubernatione consistit: altera in fidelis diligentiisque pastoris sana doctrina & disciplina salubri. Priorē nobis his nostris diebus largita est Dei clemētia vt videremus ipsi: Cambria enim

Ffff 4 princi-

principatu Anglia regno unito, & antiqua ciuium libertate incolis restituta, vnius Principis boni pacifico moderamine fruimur, veteri inimicitia inter Anglicam gentem & Cambricam iam pridem sopita & penitus extincta. In posteriore vero non ita felices & fortunati sumus. Nam etsi summi pastores viri boni & moderati sint, est tamen tam in doctrina penuria, quam in disciplina executione, (in Cambria) defectus. Etenim sicuti ecclesiasticorum sacerdotiorum cauponatio & abusus, (de quibus supra Itinerarii lib. 1. cap. 2. Annot. 5. memini) euangelica predicationis cursum impedit, & veritatis doctrinam à populo auertit: ita & publica penitentia redemptio pecuniaria, (quam commutationem vocant) usurpata ab iis qui pecunie magis quam pietati student, impuros mores & omnem vitam turpitudinem inducit, nec quisquam aliud adeo fenestram omnem scortationibus atque adulteriis patefacit, atque hac criminum vel animarum potius nundinatio, nullo penitentia indicio (quo illis, qui hominis improbitate offenduntur satisfieret) edito. Et si quis excipiat, illam pecuniam, qua hoc modo, ex penitentia publica redemptione conflatur, in pios usus, videlicet, aut in viis publicis & pontibus reficiendis, aut in reparandis ecclesiarum ruinis, aut in subleuandis pauperum necessitatibus erogari: Audio quod dicitur, & video quod fit. Quod si hoc quod asseritur, cum externa delinquentis submissione iis in locis fieret in quibus admissum crimen est, ita ut laesa congregationi innotesceret, non omnino quereretur. Sin vero in priuatos quorundam usus multa illa pecuniaria redundet, omnes pii redargutionem iustam esse fatebuntur. Nam quid turpius & à Christiana professione magis alienum excogitari potest, quam ex scortationibus, stupris & adulteriis (more Romanorum pontificum) quaestum facere? Sed de his & aliis peruersis in Cambria disciplina nauis, cum multis ἀπλῆς ὡν ἀνδρῶν φιλοκτήμασι, fusi à me in eo libro, quem de grauioribus Cambria incommodis conscripsi tractatum est.

20

DE BRITANNICA HISTORIA RECTE INTELLIGENDA, ET CVM ROMANIS SCRIPTORIBVS RECONCILIANDA, DA.

POVELI EPISTOLA,

Ad

ORNATISSIMUM VIRVM GVLIELMVM FLETEWOOD
ad leges seruientem, in chylia Londinensis Ciuitatis Recordatorem,
conscripita.

30



UM ad te nuper salutandi tui causa venissem (integerrime FLETEWOOD) tuque (quo liberius de humanioribus literis, ut soles, mecum differeres) quasi respirandi spatium, à litium strepitu tibi concedi postulasses: memento te, cum inter alia tua sapientissima dicta, de antiquo Britannorum regno verba faceres, in eum sermonem incidisse, ut Historiam nostram Britannicam (de qua summa scriptorum dissensione certatur) ab aliquo Britannicæ atque Romanæ antiquitatis studio, cum Latinis Græcisque scriptoribus quires Britannicæ scriptis mandarunt, conferri, & quoad fieri possit, reconciliari optares. Quod cum ego percommode effici posse contenderem, atque rationem quæ id fiat à te rogatus, pro ingenii tenuitate ostendissem: tum tu, ut illa quæ eo tempore dicebam, & quasi ex improviso mihi excidebant, scriptis committere non grauarer, petebas. Cum ergo me tam subito propria temeritate in eas detrusum angustias intelligerem, ut mihi aut imperitiæ rusticitatis notam incurrendi, aut omnino tibi morem gerendi necessitatem incumbere viderem, aliquandiu attonitus hæsi: deinde me reuocans & quasi mihi redditus, tuæ prudentiæ cedens acquieui; & quod petebas me facturum pollicebar. Quod & nunc pro memoriæ imbecillitate repetitum, ad te mitto.

Eo itaque tempore, primum dixi duo hominum genera (qui sua importunitate hanc reconciliationem impediunt) ab hoc negotio esse remouenda. Quorum primum genus eorum est, qui Britannicam historiam vniuersam confictitiam esse, & ab omni veritate penitus alienam, affirmare non dubitant: & quicquid ex antiquis Britannorum monumentis in contrarium adduxeris, adulterinum esse statim clamitant, illudque ita eleuant & contemnunt, ut omni auditione indignum esse iudicent: nec aliud quicquam admittendum censent, nisi quod Romanorum scriptorum auctoritate nitatur: quasi nihil aliud verum sit, nisi quod aut illi testimonio confirmauerint, aut isti oculis contemplati fuerint. Secundum genus eorum est, qui contra, hanc historiam ultra quam par est defendentes, eam nimis importune tuentur, ita ut quilibet illius inanes fabulas, absurda miracula, & cuncta pseudoprophetarum varicina fallacia sine vlla dubitatione arête tenentes, ea verissima esse quouis sacramento

conten-

contendant. Hi & superiores tanta inter se contentione decertant ut interdum tanquam pro aris & focis acerrime digladiantur: dum hi Britannicas fabulas defendere, illi cornicum oculos configere nitantur. Quos omnes, si sibi constare velint, & melioris cuiusdam naturæ bonitate allekti aliquando non mitescant: non ad historiarum veritatem inuestigandam, sed ad propugnaculi cuiusdam obsessi possessionem, à violento hostium impetu defendendam, ubi pertinax & accurata defensio & non deliberatæ rationis consideratio requiritur, adhibendos atque amandandos esse sentiebam. Huius autem restaurandæ atque restituendæ historiarum tractationem prudentibus & moderatis viris, qui & suæ sententiæ rationem reddere, & captiosas aduersariorum

10 ratiocinationes dissoluere, & veritatem perspicere atque retinere possint, committendam esse dicebam. Addidi præterea quædam in hac historia mihi non probari, non solum quia Græcanicam vanitatem sapiunt, sed etiam quia ultra Historiarum fidem scripta esse videntur: ut sunt, stupendæ transformationes, prodigiosa miracula, & omnia Merlini aliorumque incerta vaticinia, atque nonnulla alia, quæ quamquam historico more tradantur, in quibusdam tamen libris Britannice scriptis non habentur: ita ut ab interprete addita esse videri possint: quibus detractis facilem & expeditam fore reconciliationem affirmavi. Nam quod reliquum est difficultatis, vel in ipsis Reipublicæ gubernatoribus distinguendis: vel in rerum gestarum relationibus: vel in topicorum nominum intelligentia haud multum esse dicebam.

20 Et primum quod ad rectores attinet, sic sentiebam: Hanc nimirum Insulam à tempore Dunuallonis Molmutii, in plures principatus semper fuisse distributam, & à pluribus Regulis iupremam & mandandi & iudicandi auctoritatem in suis prouinciis obtinentibus, fuisse gubernatam, ut ex Cæsaris, Taciti, Dionis, & Suetonii, & aliorum scriptis videre licet.

Præterea certum est, vel hac, quam habemus historia testante, Loegriam, Albaniam, Cornubiam, Demetiam, Venedotiam, Déiram & Berniciam suos fere semper habuisse regulos: qui etsi sæpenumero se mutuo bello infestabant: in communi tamen patriæ periculo, ad violentum externi hostis impetum propulsandum, semper vnum aliquem ipsorum supremum belli ducem & Imperatorem (quoties vrgebat necessitas) constituere solebant: cuius mandato cuncta gerebant. Fieri itaque posse affirmabam, ut plures auctores diuersorum regum, (qui in variis insulæ partibus eodem tempore præfuerunt) in suis scriptis mentionem faciant, qui eam ob causam, non sunt putandi sibi inuicem contradicere, quod hic vnum, ille alium Britanniarum Regem fuisse scripserit, præsertim cum plures simul exiterint. In personarum etiam nominibus cauendum esse monui, ne diuersa nomina eidem personæ accommodata fuerint: quæ non animaduersa magnam confusionem & insignes errores facile inducunt. Nam apud Britannos (sicuti etiam apud Romanos) ex insigni aliqua qualitate vel deformitate corporis, nomina imponere consuetum fuit, ut Eledor War Helidornus Pius, Vther Pendragon, Edoal Ywrrch Edoualus Hinnulus, Gwilym

30 Goch Gulielmus Rufus, & huiusmodi.

40 In relationibus rerum gestarum, notandam atque obseruandam esse dixi, in singulis auctoribus erga suos ciues, aut eos quorum res gestas suis scriptis ornare student, affectatam quandam animi propensionem, qua & commissorum ab illis laudem pluribus extollunt, & admissorum turpitudinem aut omnino diluere, aut certe cleuare nituntur.

Hoc morbo plerique omnes scriptores laborant, à quo Cæsar ipse in rerum à se in hac insula gestarum relatione non erat immunis, ut ex Lucano, Tacito, Dione & Plutarcho satis manifestum est. Idem etiam in Tito Liuiio notat Augustinus. In rebus igitur dubiis cohibendam esse assensionem, atque rerum circumstantias

50 prudenter esse perpendendas putabam: & eius demum auctoris sententiæ magis inclinandum, cuius fides nobis cognita & perspecta magis est, prout res ipsa quæ narratur, veresimilis vel non veresimilis videretur. Sed illud in primis tenendum nobis esse statuebam, ut ad veritatem indagandam animum adferamus liberum, ab omni præiudicata opinione & affectata in alterutram partem inclinatione penitus alienum.

In propriis populorum, regionum, ciuitatum, fluuiorum, montium, & aliarum rerum nomenclaturis, magnam à nobis adhibendam esse curam contende-
bam, ut intelligamus, qua ratione primo nomen impositum sit: à quo idiomate de-
fluxerit: num idem nomen Britannicum & Romanum sit, an aliud Britannicum
aliud

aliud Romanum reperiatur: num antiquum nomen hodie manet: & alia huiusmodi. Quam ad rem, tam Romanæ Britannicæque consuetudinis quam antiqui sermonis Britannici cognitionem & intelligentiam necessariam esse indicabam. Nam Romanos scriptores vocabula Britannica ad Latini sermonis formam traduxisse aiebam, & Britannos è conuerso Romana vocabula fœde deformasse, eaque corruptissime & scripsisse & protulisse certum est: adeo ut sine illarum rerum cognitione, haud facile hæc intelligi, multo minus antiquæ suæ integritati restitui & reconciliari posse arbitrabar. Quæ tamen omnia (illis obseruatis) diligentibus & accuratis antiquitatis inuestigatoribus, acri & prudenti iudicio præditis facillima esse affirmabam.

Atque hæc fere sunt omnia, quæ eo tempore in medium proferebam. Quæ tu, pro tua prudentia, quam negotiis pertractandis, notandis exemplis, & cognoscenda antiquitate, summam tibi comparasti, methodo conformans meliori, facile emendabis: Qua in re tuum (in absentia Lambardi nostri) non consilium solû, sed & auxilium peto: ut tu videlicet qui non tantum varia atque multiplici excellentis doctrinæ cognitione, verumetiam perspicacis ingenii dexteritate polles, in antiqua huius Insulæ historia restituenda opem ferre non graueris.

A D D E N D A.

IN Epistola præfixa Pon. Virunnio, linea 16. post illa verba, *Dion Bassus & alii.* hæc addenda sunt. *De Cymbelino legitur apud Dionem lib. 60. Cuius duo filij, Cataractus & Togodumnus (ut ibi habetur) ab A. Plautio victi atque fugati perhibentur.*

F I N I S.



INDEX

INDEX VERBORVM ET RERVM IN OPERE HOC TOTO PRÆCIPVE MEMORABI- LIVM: VBI NVMERVS PRIOR, PAGINAM;

POSTERIOR, VERSICV-
lum notat.



A BBAS & conventus S. Albani accusantur de perturbatione & commotione rusticorum rebellium 276.49	se cnaferret, victoriam ab Anglis reportaturus 611.11
Abbas montis Cassini transitu Papam prohibet 335.51	Aduena Hibernienses vitiis eorum inquinantur 744.1
Abbas de bello 96.22	Aduentus Asseri ad Ælfredum Anglosaxonem 13. 33
Abbates laici 861.32	Aduentus comitis de Ostrians in Angliam 347.40
Abbatia Becci 643.1	Aduentus ducis Gelria in Angliam 347.33
Abbatia Cisterciensium 475.48	Aduentus Francorum in Scotiam 316.6
Abbatia de bello 666.38	Aduentus Mauriti Giralda in Hiberniam 766. 26
Abbatia de Pratellis 650.1	Aduentus nuncii regis Francia 344.15
Abbatia de valle regis 51.39	Aduentus regis Francia in Angliam miraculose impeditus 325.13
Abbatia sancti Dawidis 230.11	Aduentus Reymundi in Hiberniam 767.32
Abbatia S. Michaelis de monte & S. Audocni 632.2	Aduentus Stephanida in Britanniam 761.41
Abbatissa de Lacok somniat 466.53	Adulphus Alemannia rex interfectus 488.3
Aber 823.9.864.6	Ædificatio Westmonasterii 463.53
Abergeuenni 833.51	Ælfredus homines doctos plurimi facit 14.13.25
Aberhodni 823.8	Ælfredus inops 9.37
Abertaroe 843.22	Ælfredus iudex integer est 21.20
Accipiter Hibernicus 702.22	Ælfredus Londinum instaurat 14.54
Accusatio communitatis Anglica 71.40	Ælfredus monasteria duo condit 18.28
Accusatio episcopi Herefordensis 119.35	Ælfredus morbosus 12.27
Accusationes falsa contraproceres Anglia 541.22	Ælfredus moritur 21.51
Acon à Soldano capitur 55.16	Ælfredus pauperum tutor solus 21.7
Acon recuperatur 454.13	Ælfredus precatur Deum 12.39
Acta Anglicorum in Francia 242.4	Æmulatio procerum aduersus Iohannem Philpot 211.44
Acta apud Sanctum Albanum 256.53	Æstus Deuanus 874.55
Acta apud Westmonasterium inter regē & pro- ceres eius 331.8	Æthelaldus uxorem patris sui ducit 4.29
Acta Christiani cuiusdam & Iudæi 53.15	Æthelbertus moritur 4.48
Acta comitis Derbyensis 167.31	Æthelwulfus moritur 4.28
Acta Hugonis Caluerlee in mari 220.19	Æthelwulfus Romam proficiscitur 2.40
Acta in Scotia 78.19	Æthelwulfus testamentum condit 4.16
Acta in Wallia 49.50 & 50.22.52.8.63.14.24	Ætheredus moritur 7.47
Acta in Wasconia 63.44.65.14.72.20.482.20	Afflictio Flandrensium 486.24
Acta inter Richardum II. regem & Londonien- ses 333.10	Alannus 634.48.620.4.642.44
Acta Michaelis Atte Pole 332.28	Albamarlus rebellans capitur 441.13
Acta Thoma Percy in maricum socio Hugone Caluerlee 220.19	Albanactus 492.19
Acta Westmonasteriensia 52.52	Albania 886.56
Acton Burnel 51.54	Alentium 641.1. & 656.25
Actus Papa 320.8	Alexander V. in papam electus 570.20
Adam Cardinalis Anglicus restitutus. 545.3	Alexandria per Cypria regem capta 180.44
Adela filia Henrici regis Anglorum 685.6.688.25	Alfonsus Anglia regis filius è vita excedit 476.9
Adelena Walleranni Comitis Mellenti filia 650.1	Alicia Peeres 520.33
Adeliza 682.1	Alicia Peeres fallax mulier 192.36
Adestanus Anglorum rex Christianissimus 612. 22.81.51	Alicia Peeres proscripita 200.1
Admonitio Henrici II. apud Caerdyf 840.6	Alienigena Anglia pulsi 506.51
Admonitio Rolloni facta in somnis, ut in Angliā 39. monacha fit	Alienora Anglia regina sanctimonialis fit 53.11
	Alienora Aquitania ducissa 459.20
	Alienora mater regis Anglia diem suum obit 57. 476.21
	Almed-

I N D E X.

<i>Almedha</i>	826.32	<i>aquitania spoliatur</i>	414.52
<i>Alphonſus Arragonia rex</i>	52.47	<i>Archiepiſcopatus Cantuarienſis Anſelmo datus</i>	440.58
<i>Alunus</i>	857.59	<i>archiepiſcopi in Hibernia nulli fuerunt ante Iohan-</i>	
<i>Aluredus iniuſte peremptus</i>	434.14	<i>nus Papyrionis aduentum</i>	742.25
<i>ambitio epiſcoporum eccleſia peſtis</i>	856.57	<i>Archiepiſcopus Armachanus contra ordines mē-</i>	
<i>Ambresbyria</i>	52.21	<i>dicanrium diſcepat</i>	173.22
<i>amicitia inter Edwardum Anglia regem & A-</i>		<i>archiepiſcopus Cantuarienſis creatur in Cardina-</i>	
<i>chaia principem</i>	53.42	<i>lem</i>	183.33
<i>amicus verus</i>	454.43	<i>archiepiſcopus Cantuarienſis de concluſionibus Io-</i>	
<i>amor Ælfredi in viros eruditos</i>	14.13	<i>hannis Wickliſ agit cum coepiſcopis ſuis</i>	285.35
<i>Andegauum ab Anglia rege Iohanne occupatum</i>	461.22	<i>archiepiſcopus Cantuarienſis mandatum ſuum</i>	
<i>Andreas Herkle capitur, Angliaque regi traditur</i>	118.32	<i>Cancellario Oxonia contra articulos Iohannis</i>	
<i>Andreas Herkle ingratus ad Scotos transfugit</i>	118.5	<i>Wicklif mittit</i>	286.27
<i>Andreas Herkle proditor, ſupplicio affectus</i>	505.50	<i>archiepiſcopus Cantuarienſis obit</i>	128.25
<i>Anglicaſi</i>	501.33	<i>archiepiſcopus Cantuarienſis Oxoniam viſitare</i>	
<i>angli duci Normannorum rebellantes per eum ſub-</i>		<i>volens repellitur</i>	572.5
<i>acti ſunt</i>	666.14	<i>archiepiſcopus Caſſilienſis</i>	220.45
<i>angli duo Cardinales facti</i>	89.24	<i>archiepiſcopus Eboracenſis capitur</i>	372.52. decolla-
<i>angli Gallos vincunt</i>	224.3	<i>tur</i>	565.28
<i>angli in Waſconiam parantur</i>	69.36	<i>Argentonium</i>	650.35
<i>angli mare ingreſſi</i>	200.28	<i>argumentum nequitia Hibernenſium</i>	743.38
<i>angli nauem Falconem piratis eripiunt</i>	288.9	<i>Arnulfus Flandrenſis</i>	623.16.625.19.628.25
<i>angli obſident caſtrum de Dunbar</i>	136.10	<i>arnulfus patria turbator</i>	419.47
<i>angli penuria laborant</i>	187.29	<i>arnulfus Wilhelmi Taluacii filius</i>	653.35
<i>angli per Robertum le Brus fugati</i>	93.21	<i>Arveragia Anglis per regem ipſorum remiſſa</i>	147.38
<i>angli per Scotos victi</i>	86.57	<i>Arthro</i>	886.10
<i>angli peſte pereunt</i>	183.50	<i>Arthurus</i>	81.42.492.27
<i>angli Portingalenſibus opem ferunt</i>	535.1	<i>arthurus Britania comes patruo ſuo homagium fa-</i>	
<i>angli pradas agunt in Francia</i>	319.9	<i>cit</i>	458.14
<i>angli puſillanimes effecti</i>	106.28	<i>Articuli Iohannis Wickliſ ab archiepiſcopo Can-</i>	
<i>angli vincuntur per Scotos</i>	112.11	<i>tuarienſi aliſque nonnullis damnati</i>	285.50
<i>anglia interdicto ſuppoſita</i>	459.57	<i>articuli pacis inter Anglia Franciaque reges inita</i>	
<i>anglia proditoribus nunquam vacua</i>	326.24	<i>175.51</i>	
<i>anglia Scotiam ſibi ſubdit</i>	55.44	<i>articuli pacis inter Anglia regem & proceres</i>	488.21
<i>animofitas epiſcopi Northwicenſis</i>	263.53	<i>articuli procerum Anglicorum quidam per regem</i>	
<i>Annona cariſſima</i>	180.1	<i>ipſorum confirmati</i>	97.45
<i>Annus tubileus</i>	169.23.519.46.544.30	<i>Aruon</i>	865.52
<i>annus morbidus</i>	179.25	<i>ascendiſti ut vulpes, &c.</i>	62.52
<i>Anſelmus abbas Beccenſis archiepiſcopus Cantua-</i>		<i>aſſertiones Iohannis Wickliſ</i>	208.26.534.42
<i>rienſis fit</i>	672.43	<i>aſſertiones Lollardorum</i>	558.22
<i>anſelmus Herluini ſucceſſor</i>	643.1	<i>Aſſerus ad Ælfredum venit</i>	13.33
<i>anſelmus reſtituitur in integrum</i>	442.49	<i>aſſerus febre corripitur</i>	13.50
<i>anſelmus tranſfretat</i>	442.30	<i>aſſerus quis fuerit</i>	22.13
<i>anſelmus unde fuerit oriundus</i>	442.5	<i>aſtutia uxoris in decipiendo viro lauta</i>	846.19
<i>Antiochia per Chriſtianos capta</i>	443.5	<i>auaritia epiſcoporum eccleſiarum peſtis eſt</i>	856.57
<i>aper Carolomannum cadit</i>	11.52	<i>auaritia monachorum</i>	832.34
<i>apoſtata quidam ſupplicio mortis affectus</i>	464.15	<i>Auenna</i>	843.22
<i>apparatus regis Francia Angliam innuadere cogi-</i>		<i>aves hyemali tempore in Hibernia non comparen-</i>	
<i>tantis</i>	315.17	<i>tes</i>	702.15.707.47
<i>appulſus Gallorum in Walliam</i>	374.3	<i>aves in Hibernia biſformes & adulterina</i>	706.50
<i>appulſus regina Francia in Angliam</i>	508.48	<i>Augum</i>	799.14
<i>aqua mirabiliter diuiſa</i>	552.46	<i>Anianus diuus quidam</i>	821.27
<i>aqua in Cantio exundantes</i>	564.22	<i>Aymericus è carcere liberatus</i>	475.3
<i>Aquila fabuloſa</i>	872.8	<i>Aymerus pœnas de Roberto le Brus ſumit</i>	498.42
<i>aquila Hibernica</i>	703.49		
<i>Aquitania deſcit à rege Anglorum</i>	188.6.529.35		
		B	
		<i>Baculus Cyrici</i>	821.50
			Bacii-

I N D E X.

<i>Baculus virtuosissimus quidam , Baculus Iesu vo-</i>		<i>Beuerlacum</i>	111.50
<i>catus</i>	747.44	<i>Bier costa ferrea dictus</i>	414.17
<i>Baioca destructa</i>	616.10	<i>Bier Dacia expulsus</i>	607.1
<i>Baldwinus comes Flandrensis</i>	692.52	<i>Bier redire volens in Danemarcham apud Frisiam</i>	609.19
<i>filio suo Balduino Roberti Francorum regis fi-</i>		<i>moritur</i>	609.19
<i>liam in coniugem petit</i>	641.47	<i>Bigamia Lancastræ ducis impia</i>	540.42
<i>Baleares</i>	165.13	<i>Blancha filia regis Anglici nata</i>	149.1
<i>Balzo</i>	623.52	<i>Boamundus proditor amens expirat</i>	452.38
<i>Bangu</i>	822.7	<i>Bona monachorum confiscata</i>	146.16. & 513.7
<i>Banwille</i>	14.35	<i>regis Anglorum per Scotos direpta</i>	505.18
<i>Bargia quadam Eboraci unacum hominibus sub-</i>		<i>Bona regis Ælfredi morituri diuisa</i>	19.52
<i>mersa</i>	225.40	<i>Bona templariorum possidenda legantur</i>	506.18
<i>Barones Anglia à rege deficiunt</i>	460.39	<i>Bonifacius IX. papa moritur</i>	372.55
<i>Barones Anglia insurgunt in regem</i>	504.31	<i>Bonifacius Papa accusatus</i>	497.1
<i>Barones Anglia multi capti</i>	462.6	<i>Bonifacius papa librum decretalium VI. facit</i>	72.49
<i>Barones quidam Normannici falso ad ducem suum</i>		<i>Bonifacius male tractatus</i>	497.7
<i>delati è Normannia pelluntur</i>	663.8	<i>Bonifacius Papareges Anglum Gallumque pacifi-</i>	
<i>Barrus</i>	840.37	<i>cat</i>	76.27
<i>Bartholanus</i>	753.41	<i>Bos femiur</i>	724.53
<i>Basclenses</i>	737.50	<i>Boso Abbas Beccensis</i>	689.12
<i>Belinus</i>	81.39. 492.29	<i>Bones peste moriuntur</i>	504.5
<i>Bellum apud Nazar</i>	182.4	<i>Brecheinia</i>	823.1
<i>apud Valedunas gestum</i>	655.42	<i>Brennius</i>	81.39
<i>ciuile</i>	469.44	<i>Bretolium castrum</i>	661.29
<i>de Fow kirch</i>	75.50	<i>Breu</i>	863.1
<i>de Poyteres</i>	172.1	<i>Brienus</i>	668.45
<i>de Striuelyn</i>	73.25. & 105.3	<i>Brigida</i>	742.37
<i>Dunelmia inter Scotos & Anglos</i>	167.5	<i>Brigittini</i>	578.52
<i>Hispania quoddam notabile</i>	52.33	<i>Bristolli</i>	52.11
<i>in Wallia</i>	51.20	<i>Britanni submersi</i>	462.7
<i>inconstans</i>	8.4	<i>Britannia per Robertum Knolles vastata</i>	173.45
<i>inter Anglos & Gallos</i>	222.31	<i>Britones à rege suo dissentiunt</i>	219.57
<i>inter Scotos & Anglos</i>	488.10	<i>Britones decipulis hostium casi</i>	428.50
<i>inter Turstinum de Bastenborc & Walcheli-</i>		<i>Britones in Wecta casi</i>	1.57
<i>num de Ferraris</i>	649.6	<i>Britones Rolloni rebellantes per eum subiungantur</i>	
<i>mariscum</i>	482.35		618.37
<i>Bellum Mauronium</i>	169.4	<i>Bronsfeld</i>	516.2
<i>nauale</i>	540.1	<i>Brunellis</i>	826.27
<i>Normannis illatum</i>	665.51	<i>Bruno fraudulentus</i>	423.56
<i>papa aduersus antipapam</i>	221.29	<i>Brutus insignis quidam vir de Troianorum gente</i>	
<i>Regnoldi Francia principis cum Rollone</i>	616.9		81.27. 492.13
<i>Winchelseyense</i>	169.6	<i>Brychan</i>	888.47
<i>Benedictini</i>	831.10	<i>Bryto</i>	753.36
<i>Benedictus in papam electus</i>	89.18	<i>Busones hominem quendam deuorant</i>	859.45
<i>Benedictus papa moritur</i>	90.14. 158.36	<i>Bulla Clementis</i>	519.24
<i>Beorhtic veneno sublatus</i>	3.46	<i>Bulla papalis Archiepiscopo Cætuariensi nec nō. epi-</i>	
<i>Berengerius (f. Berengarius)</i>	620.4	<i>scopo Lōdinenſi missa, ad monendū regē Anglia</i>	
<i>Bernace Hibernenses ex abietibus nascentes</i>	706.15	<i>& magnates eius , ne Iohanni Wicklif adha-</i>	
		<i>reant</i>	202.10. 203.14. 204.14
<i>Bernardus Danus</i>	626.3	<i>Bulla papalis episcopo Northwicēsi directā</i>	291.36
<i>Bernardus de nouo mercatu</i>	825.30	<i>Bulla papalis Oxoniensibus oblata</i>	201.12
<i>Berroc. scire</i>	1.22	<i>Bulla papales quantarum virium sint</i>	545.10
<i>Bertrandus in Hispania regem bellum mouens su-</i>		<i>Burburgh</i>	303.54. 304.52
<i>git</i>	181.26	<i>Burdegallia se in libertatem vendicat</i>	496.32
<i>Berwicum castrum capitur</i>	66.5. 219.15. 521.19	<i>Burghredus Roma mortuus</i>	8.28
<i>Berwicum fossa munitur</i>	483.58	<i>Burgundiones Francorum regem dominum suum</i>	
<i>Berwicum obsidetur</i>	112.5. 132.26	<i>recipiunt inuiti</i>	429.45
<i>Berwicum redditum</i>	565.58		
<i>Berwicum Scotis proditum</i>	111.51		

C

Gggg

Ca-

I N D E X.

<i>Cades Anglorum</i>	501.33	<i>Carolus de Pace Silicia rex Neapoli moritur</i>	321.27
<i>Cadas Francorum</i>	435.32	<i>Francia rex filiam suam Rolloni dat</i>	617.37
<i>Cades in tēplo Westmonasteriensipatrata</i>	214.50	<i>moritur</i>	241.51.407.31
<i>Cades Normannorum</i>	516.57	<i>Carruca castrum</i>	642.45
<i>Cades paganorum & Christianorum memorabilis</i>		<i>Cartena</i>	615.55
180.31		<i>Castella per Henricum Normannia ducem adifica-</i>	
<i>S. Quintini gravis</i>	414.25	<i>ta</i>	682.52
<i>Scotorum</i>	489.46	<i>Castellum de Werck à Scotis captum</i>	536.22
<i>Thoma Cantuariensis</i>	447.26	<i>S. Angelise dedit</i>	222.28
<i>Caerleon</i>	836.26	<i>Castitas claustralis</i>	837.43
<i>Caermardyn</i>	846.55	<i>Castor Hibernia qua natura sit</i>	709.40.861.40.
<i>Casara Noe neptis ante diluuium</i>	735.23	862.3	
<i>Calesium captum</i>	167.44	<i>Castra ab Henrico Anglorum rege structa</i>	444.58
<i>obsessum</i>	166.59	<i>Castrum Bristolliense obsidetur</i>	125.8
<i>Camber</i>	492.20	<i>Carruca dictum</i>	642.45
<i>Cambria</i>	88.6.58	<i>de Edinburg</i>	67.20
<i>Campana quadam fugitiua</i>	729.3	<i>de Ledes obsidetur capiturq;</i>	115.10
<i>Bangu</i>	822.7	<i>de Rokesburg capitur</i>	67.17
<i>Canaucus</i>	824.50	<i>de Stryuelin</i>	67.23.89.4
<i>Canes in dominos mire grati</i>	842.26. & 873.6	<i>Doueria redditur</i>	470.17
<i>Canis cum milite duello concertat</i>	842.44	<i>Falesia</i>	651.1
<i>Canonicus quidam Leicestria sequax est doctrina</i>		<i>Kenelworth redditum</i>	470.55
<i>Iohannis Wicklif</i>	285.18	<i>Warwici per Scotos captum</i>	537.4
<i>Cantredus quid</i>	867.3	<i>Casus Gallorum apud Calesium</i>	168.39
<i>Capella S. Gertrudis</i>	415.52	<i>quidam mirabilis</i>	165.7
<i>Copgrauus</i>	838.20	<i>Cathena omnes iussu regio Londinum portantur</i>	
<i>Captio castri Berwici</i>	219.15	77.48	
<i>Captio Stephanida dolosa</i>	773.51	<i>Causa diffensionis inter papam Franciag; regē</i>	80.4
<i>Caput S. Benedicti</i>	171.1	<i>monasterii S. Edmundi de Bury</i>	314.41
<i>Caracalla S. Albani</i>	104.38	<i>monasteriorum duorum Cadomi construendo-</i>	
<i>Cardinales à papa deficiunt</i>	222.16	<i>rum qua fuerit</i>	661.51
<i>à Romanis perterriti</i>	289.39	<i>mortis comitis Marchia</i>	131.9
<i>denarios octo de marca petunt</i>	110.20	<i>Causa odii popularis erga episcopum Exoniensem</i>	
<i>duo pacis concilianda causa in Angliam missi</i>		124.48	
<i>109.53.64.6. in Francia partes inclinant</i>	146.26	<i>Causa ventorum pluuiarumq; Hibernicarū</i>	700.20
<i>de pace tractaturi conveniunt</i>	482.47	<i>Celestinus papatu renunciat</i>	482.6
<i>fugati</i>	76.42. & 87.44	<i>Ceolnothus moritur</i>	6.43
<i>fulminant in spoliatores suos</i>	110.15	<i>Cercerella S. Colemanni quasi mansueta & ad in-</i>	
<i>humiliant se coram Papa</i>	489.56	<i>turias fugientes</i>	727.55
<i>Papa reconciliati</i>	76.16	<i>Certamen inter Anglicos & Gallicos apud Scher-</i>	
<i>Cardinales Papales in Anglia treugas indicunt</i>	69.	<i>burgh pro victualibus acerrimum</i>	223.12
55		<i>Cerua cornuta</i>	821.42
<i>per grassatores spoliati</i>	110.5	<i>Cestria</i>	874.7
<i>sex degradati</i>	312.46	<i>Cestria per Leu linum vastata</i>	467.31
<i>spoliantur</i>	503	<i>Charta regis de rusticorum manumissione</i>	254.6
<i>Cardinalis Anglicus obit</i>	191.1	<i>concessa natiuis S. Albani</i>	261.16
<i>papalis Angliam expilat indulgentiis</i>	246.51	<i>Chnutus Anglorum rex</i>	647.45.651.53
<i>Albanensis ad Angliam regem venit</i>	69.4	<i>Chorea Gigantum ab Hibernia in Britanniam</i>	
<i>Caristia</i>	525.21	<i>translata</i>	722.20
<i>Caritas annona mirabilis</i>	106.54.180.1.184.30.520.	<i>Christiani casi</i>	180.31
7		<i>cum paganis confligunt</i>	6.56
<i>Carolomannus ab apro casus</i>	11.52	<i>victoria potiti</i>	441.42
<i>Carolus Caroli Francia regis filius paruulus adhuc</i>		<i>Christus fide apprehensus salus nostra est</i>	837.38
<i>coronatur</i>	534.23	<i>Chronica Risanteri</i>	116.47
<i>cum Rollone pacem init</i>	616.50	<i>S. Albani</i>	56.10
<i>le Bloys captus</i>	168.6	<i>Cibus Anglorum in Gallia</i>	583.23
<i>le Bloys in pralio succumbit</i>	180.14	<i>Cicada decapitata dulcius in Hibernia canentes</i>	
<i>de Pace per papam coronatur in regem Neapolis</i>		<i>quam viua, quaque diu mortua per semetipsas</i>	
282.23		<i>reniiscunt</i>	708.8
		<i>Cicada</i>	

I N D E X.

Cicadia die una viuentes	710.42.	Comes de Warennia in Scotos proficiscitur	70.31
Ciconia Hibernica	707.32	Fladria captus	79.49. cū Anglis fœdus init 68.58
Cinis ignis Kildaria non exorescens	729.10	duim nouas à suis communibus exigit consuetu-	
Cippenhamme	2.40	dines, expellitur	229.40
Ciracestria	115.33	Parisiis arrestatur	65.1
Cistaregis Scotorum aperta	490.22	de terra sua pellitur	286.57 533.35
Cistercienses	831.13	Glouernia in hostes medios irrui	105.23
ciuitas Anglie seruientium	486.17	turrim occupat	471.7
ciuitas Rossensis obsidetur	11.38	Comes Herefordia captus	105.41
ciuitates Anglorum singula contra Scotos aliquos		occumbit	116.19
armant	111.24	Lancastria capite plexus	116.34
Clades Christianorum	441.35	Lancastria fugit	116.1
Gallorum	520.1	Lancastria in Angliam redit	472.36
Hispanorum	526.44	Lancastria ludibrio habetur	116.17
Paganorum	7.32	Comes Leicestria pacē oblatam respuit	469.12
Clades Scotorum maxima	131.36.511.25.517.44	Legiocestria perfidus	448.52
Classis à duce Roberto in Angliam destinata	647.1	Comes Norshumbria capit castellum Berwicum	
Anglia Francos abducit	460.52		311.45
Gallicana ab Anglis capta	481.7	condemnatur Londini	311.20
Gallicana tempestate dispersa	537.57	decollatur	556.23
Clauis argentea in strophio inuenta	623.52	Scotos infestat	198.42
Clemens V. fit papa	90.44.497.46	Comes Oxonia Marchio Dublinia fit in Hibernia	
papa moritur	103.58		320.53
papa VI. obit	169.50	Comes Penbrochia capitur ab Hispanis	189.11
clementia aeris Hibernici non comparabilis	713.	hastiludio perit	343.1
23		Comes Richmundia per Scotos est captus	113.14
Clerici amouentur	186.12	sancti Pauli è comitatu suo eycitur	245.18
Clerici arrestati	334.11	Comes Southfolchia morte repentina mortuus	282.5
Hibernia qualiter à monarchis distent, eisque		Warwici exilio multatur	551.33
preferantur	746.32	Cometa quidam visus	146.18.557.16
Clerus Anglicanus à protectione regis sui excludit	69.31.486.4	Comitas regis Scotorum	501.54
Clerus Anglicanus per papam deglabitur	466.34	Comitatus Constantinienfis	670.54
Anglicanus regi decimas triennales indulget		Comitatus Moritolii	657.1
515.51		Comitatus Oximensis	633.41
Hibernienfis in multis laudabilis	745.17	Suesstonicus Willemo Busatio exuli dono da-	
Clipston	108.49	tus	657.30
Cloyd	886.13	Comites Andegauenses	680.29
Coed Grono	833.51	comites Angli ad liberandam rempublicam con-	
cænobia Domaelis	860.25	spirant	100.40
collegia antiqua	833.28	per populum decollati	556.10. rebellant 555.53
Colloquium Anglia & Francia regum	549	Comites creati	532.11
lupi cum sacerdote	722.37	Comites Sarum & Arundelia componunt cum ha-	
columba	742.37	bitatorib. de Scarbourgh pro villa	211.59.212.1
Cnutus	82.20.493.2	Sarum & Southfolchia capti	148.3
de Anglis triumphat	428.2	Comitia apud S. Albanum celebrata	276.6
Emmam ducit	428.20	Comitissa Lancastria Richardo de sancto Martino	
moritur	433.57	turpiter nubit	109.4
Cænobia Cadomi quare duo constructa	661.51	Leicestria filiam mittit ad Wallie principem	
cænobium Gemiticensē restauratum	622.9		473.43
Comes Arundelia ad mare proficiscitur	326	Lincastris rapitur	108.53
capendus euadit	330.15	Commissio ad inquirendum, ut omnes qui tenent	
capite plexus	551.15	aliquid de sancto Albano, reddant seruitia con-	
interfectus	546.17	sueti abbati loci illius	277.41
Comes Beloniensis decumbit vulnere	449.17	Comitiua magna	178.7.181.8.52.4.33
Cantebrigia è Portugallia redit	296.8	Commentum comitissa Oxoniensis de Richardo	
Cornubia obit	134.55	mortuo, quasi superstitē	562.23
de Alba Marlo excommunicatus	464.6	de muliere penitentiam agente	135.45
de Saucy morbo Antiochiano percussus	298.19	Commoda Musica	740.1. &c.
		occidentalia orientalibus preferenda	714.1
		Gggg 2	Com-

I N D E X.

<i>Commatio regni Anglicani inanis</i>	323.40	<i>Conspiratio comitum Anglicorum ad rem publicam liberandam</i>	100.40
<i>Competitores iuris in regnum Scotia, voluntate regis Anglia se subdunt</i>	478.6	<i>Conspiratio Gallorum per militem patefacta</i>	463.11
<i>Concilium apud Lambhesh celebratum</i>	49.17	<i>Conspiratio Hibernia totius in Dermisium & Stephaniden</i>	763.51
<i>apud Nottingham</i>	134.7	<i>in regem Anglicanum</i>	557.23
<i>apud Stamford</i>	546.11	<i>inter homines de Northfolchia</i>	291.1
<i>Concilium Archiepiscopi Cant.</i>	510.23	<i>Constantia mater Henrici regis Francorum</i>	642.13
<i>concilium Ardmachienſe</i>	770.31	<i>Constitutiones consilii Caſilienſis</i>	776.54
<i>Concilium Bruſenſe</i>	529.48	<i>Conſuetudo Danorum vetus</i>	414.2
<i>Concilium Caſilienſe</i>	776.41	<i>Contemptus Ælſfredi in ſubditos</i>	9.58
<i>Dublinenſe Viſiano praſidente</i>	795.43	<i>Contentio monachorum de archiepiſcopi electione</i>	459.39
<i>Concilium generale Piſis celebratum</i>	569.36	<i>Conuerſatio Ricardi II. tam in ſecularibus quam diuinis negotiis honeſta</i>	633.4
<i>Lateranenſe</i>	462.20	<i>Conuerſio Tartarorum ad fidem</i>	93.10
<i>Lugdunenſe</i>	466.16	<i>Conuocatio cleri Neapolitani</i>	314.28
<i>Concilium per Archiepiſcopum Cantuarienſem factum</i>	510.24.579.29	<i>Conwy fluius</i>	869.51
<i>per diſcordiam fruſtratum</i>	132.4	<i>Copia frumenti</i>	476.45
<i>prouinciale Anglicum</i>	129.19	<i>Cornices in Hibernia varia</i>	708.30
<i>Radingia celebratum</i>	49.8	<i>Cornu S. Patricii</i>	824.58
<i>Concio habita per Episcopum Roſſenſem in Richardi II. coronatione</i>	198.11	<i>Corona Arthuri Anglia regi reſtituta</i>	476.4
<i>Concluſiones Iohannis Wicklif</i>	204.54.206.26.283.58.284.48	<i>Corona regni Scotici in Anglia regem tranſlata</i>	171.33
<i>per eundem declarata</i>	206.3	<i>Corona Scotici regis Thoma Cantuarienſis conſecrata</i>	77.4
<i>Concordia inter regem Francum & Anglum ſubiuſta</i>	779.6	<i>Coronatio Edwardi III.</i>	127.18.473.21
<i>Concordia regis Wilhelmi cum fratre</i>	440.45	<i>Coronatio Henrici V.</i>	573.58
<i>Condemnatio Comitum Northumbria</i>	311.20	<i>Coronatio regis Francia</i>	243.46
<i>Conditiones inter Anglia regem & Wallenſes initae</i>	473.57	<i>Coronatio Ricardi II.</i>	197.59
<i>Conditiones pacis à papa ſagitata</i>	87.57	<i>Corpora hominum in inſula quadam Hibernica ſub diuo poſita non putreſcunt</i>	717.23
<i>Conditiones pacis inter Anglia Franciaque reges</i>	121.39	<i>preditorum quorundam inſuſu regio cathenis ferreis ad furcas denuo ſuſpenſa</i>	278.21
<i>Conduſtus Armenia regi denegatur</i>	325.5	<i>Corpus Chriſti quomodo per militem quenda tranſlatum ſit</i>	246.17
<i>Conſectio Guaterfordienſium apud Dundunolf</i>	767.32	<i>Petri de Gauerſton Oxoniam tranſlatum</i>	106.51
<i>Conſectio Norwagięſium apud Dubliniam</i>	771.56	<i>Corrigia venenis conferentes</i>	710.50
<i>Conſectio Oronicus apud Dubliniam</i>	775.10	<i>Corui circa natalem Chriſti pullos aliquando habentes</i>	726.31
<i>Rotherici apud Dubliniam</i>	773.26	<i>Corui S. Keywini</i>	726.39
<i>Confeſſio auricularis ſilentium diabolis imponit</i>	852.46	<i>Coſta regi Edwarda due fracta</i>	489.45
<i>Iohannis Straw</i>	265.18	<i>Creatio comitum quorundam Anglicorum</i>	135.6.
<i>Conſines Scotia latronibus infeſtantur</i>	109.40	355.45	
<i>Congregatio Villanorum ad portam S. Albani</i>	258.1	<i>Creatio ducum in Anglia</i>	538.10
<i>Congreſſus Anglorum cum Gallis impar</i>	392.15.584.13	<i>Crimes</i>	888.57
<i>Congreſſus regum Francia & Anglia</i>	353.5	<i>Croeria Hibernica alba</i>	708.47
<i>regum quatuor amicis</i>	451.39	<i>Cruce ſignati</i>	299.42.301.46
<i>Coniunctio Iouis & Saturni</i>	315.14	<i>Cruces pro regina Anglicana mortua erectae</i>	55.10
<i>Coniuratio in Æthelwulfum</i>	3.1	<i>Crudelitas comitis Flandria</i>	241.27
<i>Coniuratio in Anglia regem</i>	778.1	<i>Crudelitas Edelredi regis Anglorum in Danos</i>	427.11.635.8
<i>Coniuratio procerum Anglicorum de liberandis omnibus incarceratis</i>	118.44	<i>Crudelitas ſæminarum in mortuos immanis & barbara</i>	557.58
<i>Coniuratio ruſticorum in Normannia per quem repreſſa</i>	633.24	<i>Crudelitas regis Francia in Pariſianos reſiſtentes</i>	295.51
<i>Conſeruatio Edwardi I. regis Anglici miraculoſa</i>	53.29	<i>Crudelitas Wilhelmi Taluati</i>	652.39
<i>Conſilium ſubdolum</i>	329.22	<i>Crux Dublinia loquens, & veritati teſtimonium perhibens, & immobilis facta</i>	731.44. & 732.1
		<i>Crux</i>	

INDEX.

<i>Crux Neoti</i>	51.29	<i>Defensio episcopi Herefordensis ad archiepiscopum</i>	
<i>Crux sancta capitur à Turcis</i>	452.34	<i> prouocantis</i>	119.36
<i>Cultor instrumentorum musicorum precipuus quis</i>		<i>Deganwy</i>	873.18
<i> fuerit</i>	741.36	<i>Degradatio Cardinalium sex</i>	312.46
<i>Cultus Hibernica gentis</i>	738.22	<i>Dela</i>	736.45
<i>Curaregis Anglorum in ecclesiis</i>	456.9	<i>Delphin mirabilia operatus in Tamesi</i>	346.33.393.
<i>Cursac compedibus argenteis arctatur</i>	453.37	<i> 54</i>	
<i>Custodes regni Anglicani rege Edwardo absente</i>		<i>Denarius Cruci oblatu bis resiliens, ac tertio post</i>	
<i> quis fuerint</i>	472.34	<i> confessionem remanens</i>	732.9
<i>Custodia Berwici Edwardo Baliolo commissa</i>	132.	<i>Depauperatio regni Anglicani per ducis Lancastria</i>	
<i> 52.</i>		<i> in Scotiam profectiorem</i>	244.44
<i>Cygni Hibernici</i>	707.32	<i>Deposita in parlamento contra Michaelen Atte</i>	
<i>Cyricus</i>	821.50	<i> Pole</i>	324.9
<i>Cythara</i>	888.27	<i>depositio Iohannis XXIII.</i>	580.7
		<i>Dermotius Lagenia princeps</i>	760.6
		<i> per Britanniam maiorem redit</i>	760.53
		<i>Descriptio Henrici II. regis Anglorum</i>	782.53
		<i> Herucii</i>	770.30
		<i> Hibernia</i>	452.7
		<i> Hugonis de Lacy</i>	798.6
		<i> Iohannis de Curcy</i>	795.17
		<i> Mauritii</i>	781.43
		<i> Meylerii</i>	789.35
		<i> Murchardida</i>	764.14
		<i> Reymundi</i>	789.17
		<i> Stephanida</i>	774.20
		<i>Desponsatio Basilia</i>	786.10
		<i>desponsatio regis Anglici cum Margaretha Gallo-</i>	
		<i> rum regina</i>	77.12
		<i>Destructio Parisiorum</i>	608.20
		<i>Deua fluius</i>	874.7
		<i>Deuania</i>	874.57
		<i>denastatio Scotia</i>	512.10
		<i>Denotio Ætheredi</i>	7.11
		<i>Denotio regis Anglorum Henrici</i>	469.22.472.
		<i> 18</i>	
		<i> Richardi Normannia ducis</i>	425.22
		<i>Deus cur homines affligat, peste praesertim</i>	228.43
		<i>Dies regi Norwegia datus</i>	59.14.480.27
		<i>Diluuium aquarum</i>	372.45
		<i>Dinas Emrys</i>	869.51
		<i>Dionysius Areopagita</i>	618.23
		<i>Discessus ducis Aureliani infamis</i>	376.13
		<i>Discordia inter Anglia regē & Barones eius</i>	464.
		<i> 38</i>	
		<i> inter Anglos & Francos</i>	57.58
		<i> inter ducem Lancastria & comitem Northum-</i>	
		<i> brorum</i>	279.37
		<i>Discordia inter Londonienses pro Maiorib.</i>	308.24
		<i>Discordia inter papam & aliquos de collegio</i>	313.16
		<i> inter papam & regem Sicilia</i>	312.45
		<i>Discordia inter papam Franciaque regem</i>	80.4
		<i>discordia inter papam nec non Cardinales eius</i>	705
		<i>discordia inter regem & Lancastria ducem</i>	314.
		<i> 56.317.7</i>	
		<i>discordia inter regem nec non proceres Anglia re-</i>	
		<i> crudescit</i>	102.50
		<i>discordia inter Ricardum ducem & Odonem co-</i>	
		<i> mitem Carnotensem</i>	636.45
			Dis-

I N D E X.

<i>Discordia inter Richardum I I I. & fratrem eius</i> 640.20	<i>Dunenaldus Offyriensis</i> 791.15
<i>Discordia inter Wilhelmum regem Anglorum & Robertum Normannia ducem</i> 671.27	<i>Dux Andegavia in regem Neapolitanum corona- tur</i> 288.24
<i>discordia orta inter Anglos & Hannonenses</i> 127.42	<i>Dux Aquitania novus</i> 343.34
<i>Oxonia coorta</i> 69.8	<i>Dux Armorica Britannia à suis honorifice susce- ptus</i> 225.48
<i>regum subita</i> 802.1	<i>Dux Aureliacasus</i> 377.38.569.12
<i>Roberti & archiepiscopi</i> 640.43	<i>Dux Austria filiam regis Anglia in uxorem profi- lio suo petit</i> 147.44
<i>Dissennith</i> 886.10	<i>Dux Bauaria regem Anglia humaniter suscipit</i> 146.44
<i>Dissensio regis & Britonum</i> 219.57	<i>Dux Britannia à Britonibus commotus Anglos dimittit</i> 281.16
<i>Diui quidam peccatoribus magnis valde propitii, sed paruis valde graues & immites reperti</i> 837.10	<i>Dux Britannia ruina muri oppressus</i> 90.50
<i>Diuisio bonorum Ælfredii morituri</i> 19.52	<i>Dux Eboracensis expirat</i> 558.13
<i>diuisio regni Francorum bellum generat interre- ges</i> 16.46	<i>Dux Glouernia in carcerem comiectus</i> 550.23
<i>Diuites Angli subsidium regi suo soluunt</i> 533.2	<i>Dux Glouernia in Hiberniam profectus reuocatur</i> 349.22
<i>Dofreden</i> 874.54	<i>Dux Glouernia indignatur</i> 329.5
<i>Dolus an virtus, quis in hoste requiras</i> 743.37	<i>Dux Glouernia suffocatur</i> 551.38
<i>Dolus Burdegalia in Gallos</i> 513.50	<i>Dux Glouernia versus le Spruis iter arripit infelix</i> 345.43
<i>Dolus dolo compensatus</i> 212.38	<i>Dux Herefordia in Angliam redit</i> 553.58
<i>Francorum</i> 170.15.527.24	<i>Dux Hibernia exercitum congregans proceres An- glicos extirpare cupit</i> 331.41
<i>Haraldi perniciēs illimet ipsi</i> 438.2	<i>Dux Hibernia verba facit ad suos</i> 331.56
<i>Hastings insignis</i> 415.8	<i>Dux Hibernia uxore sua repudiata aliam ducit</i> 328.55
<i>Lotharii detectus</i> 424.15	<i>Dux Lancastria à Londoniensibus male tractatur</i> 192.4
<i>Domicelli duos fulminis ictu percussi</i> 476.26	<i>corporis ergastulo solutus</i> 553.5
<i>Dominus de Cobham senex exilio multatus</i> 552.7	<i>de Aquitania reuersus</i> 548.47
<i>Dona per Londinenses regi ipsorum data</i> 349.8	<i>Dux Lancastria Hispania regnum sibi vindicat</i> 538.34
<i>Dona per papam Ælfredo collata</i> 12.13	<i>in Angliam redit</i> 342.4
<i>Donum Æthelwulfi pro anima sua</i> 2.47	<i>in Franciam pro treugis faciendis se confert</i> 310.35
<i>Dorcasinum castrum</i> 636.45	<i>in regionem longinquam Hispania, ad regnum sibi capiendum vadit</i> 321.41
<i>Dos comitissa Cornubia</i> 79.16	<i>in Scotiam profectus</i> 244.28
<i>Douera castrum</i> 667.54	<i>lesa maiestatis regia accusatur</i> 536.43
<i>Douerdwy</i> 874.10.886.13	<i>Londoniensibus reconciliatur</i> 194.33
<i>Doueria</i> 64.17	<i>primus</i> 178.14
<i>Doueria castrum hosti redditum</i> 470.17	<i>regnum Anglia sibi vindicat</i> 554.56
<i>Dour</i> 874.56	<i>Scotiam versus contendit</i> 308.40
<i>Dourdeua</i> 874.54	<i>sibi agerit inuidiam</i> 215.25
<i>Dubitatio de Scotia regibus</i> 54.45. & 477.11	<i>transfretas, magnificeque à rege Francia susci- pitur</i> 347.7
<i>Dublinia subacta</i> 766.26.769.53	<i>Dux Northfolcia patria pulsus</i> 552.23
<i>Dublinenses apud Offyriam deleti</i> 785.51	<i>Dux quidam latronum captus, & supplicio mortis affectus</i> 110.40
<i>Ducatus Normannia cum Anglia regno dispositus</i> 675.22	<i>Dywarchen</i> 871.54
<i>Ducissa Lancastria animam efflat</i> 527.55	E
<i>Duellum in parlamento Londoniensi factum</i> 311.20.356.12.533.52	<i>Edmundus ungitur in regem</i> 4.37
<i>Duellum inter Ioh. Anneslee & Thomam Ka- trington</i> 237.20	<i>Ealsthanus moritur</i> 6.9
<i>Duellum inter militem quēdam & canem</i> 842.44	<i>Ebrilium</i> 641.33
<i>Dunbar castrum Scotis proditum</i> 67.4	<i>Ebrulfus</i> 659.12
<i>Dunbar à Scotis captum recuperatur</i> 484.39	<i>Ebulus (f. Eubulus) comes Pictauensis</i> 617.23
<i>Dundunolf</i> 767.32	<i>Ecclesia de Middleton concremata</i> 98.55
<i>Dunelmum castrum</i> 668.14	<i>Eccle-</i>
<i>Dunstanus</i> 838.20	
<i>Dunum arx</i> 742.49	
<i>Dunwallus</i> 81.37	
<i>Dunwallus Britonum rex</i> 492.24	

INDEX.

<i>Ecclesia S. Almedha</i>	826.32	<i>dysenteria laborat</i>	93.35	<i>moritur</i>	499.21
<i>Ecclesia in honorem S. Trinitatis constructa</i>	632.1	<i>ossa sua per Scotiam portata hostes fugare possunt</i>			
<i>Ecclesia S. Gervasii combusta</i>	655.2	<i>existimat</i>			93.40
<i>Ecclesia Sarumensis vacat</i>	130.37	<i>ubi natus fuerit</i>			52.4
<i>Ecclesia Anglica taxata</i>	54.38	<i>Westmonasterii sepelitur</i>			95.12
<i>Ecclesiastici oppressi</i>	548.23	<i>Edwardus IV. apud Carnervan nascitur</i>	130.47.		
<i>Eclipsis lune</i>	102.42		476.1		
<i>Eclipsis solis</i>	11.9.177.51 311.18	<i>Edwardus IV. rex Scotia coronatur</i>	130.49		
<i>Edelredus Anglia rex</i>	634.14	<i>Edwardus II. Anglia rex veru confusus</i>	127.50		
<i>Edelredus crudelis in Danos</i>	635.8	<i>Edwardus II. cum aliis quibusdam captus</i>	125.		
<i>Edgarus</i>	82.11.492.53		39		
<i>Edictum de victualibus vendendis</i>	108.32	<i>Edwardus II. dignitate regali priuatur sic, ut filius eius illi substituatur</i>	126.34		
<i>Edictum Edwardi II. in aduersarios suos</i>	123.53	<i>Edwardus II. in Walliam ad Glamorgan fugit</i>	125.20		
<i>Edictum in Lollaros</i>	556.48				
<i>Edictum quoddam de annona vendenda reuocatum</i>	107.40	<i>Edwardus II. regina filioq. mortem machinatur</i>	123.1		
<i>Edictum regine Anglicane</i>	124.1	<i>Edwardus III. a suis nequiter & crudeliter occisus</i>	509.36		
<i>Edictum regis Anglicani</i>	770.46	<i>Edwardus III. a Wallia principe homagium petit</i>	473.29		
<i>Editha</i>	652.9	<i>Edwardus III. mortuus</i>	192.36		
<i>Edmundus archiepiscopus Cantuariensis canonizatur</i>	466.31. moritur 465.39	<i>Edwardus III. coronatus</i>	127.18.509.9		
<i>Edmundus Brumfielde cum suis adherentibus turri Londoniensi commissus</i>	231.47	<i>Edwardus III. insignia militaria capit</i>	127.15		
<i>Edmundus Brumfielde fraudulenter agit in acquisitione abbatis S. Davidis</i>	230.11	<i>Edwardus III. iuuenis rex uxorem ducit</i>	128.		
<i>Edmundus Cantii comes decollatur</i>	129.29		14		
<i>Edmundus Cornubia comes obit</i>	78.4.490.38	<i>Edwardus III. mare intrat, sed frustra</i>	187.8		
<i>Edmundus de Abendonia archiepiscopus Cantuar. fit</i>	464.58	<i>Edwardus III. nequiter occisus</i>	509.55		
<i>Edmundus de Hoodstock decapitatus</i>	510.38	<i>Edwardus Wallia princeps intoxicatus</i>	182.46		
<i>Edmundus Ironsyde</i>	81.18	<i>Edwardus Wallia princeps moritur</i>	190.9		
<i>Edredus</i>	492.51	<i>Effecta Musica</i>	740.1. &c.		
<i>Educatio nobilium sub Ælfredo</i>	13.14	<i>Effectus bulla papalis episcopo Northwicensi missa</i>	291.46		
<i>Edwardus a Wallensibus repulsus</i>	482.1	<i>Egelredus</i>	492.59		
<i>Edwardus absens a proceribus suis Rex ordinatur</i>	472.30	<i>Electio Cardinalis de Columna in papam</i>	588.3		
<i>Edwardus Anglia rex matri libras mille quotannis assignat.</i>	511.13	<i>Electus S. Andrea captus</i>	320.17		
<i>Edwardus Anglia Rex vagatur & capitur</i>	508.26.	<i>Elementa in oriente pestifera sunt omnia</i>	712.		
<i>& 33</i>			37		
<i>Edwardus Aquitania princeps</i>	178.46	<i>Elidorus episcopus</i>	844.18		
<i>Edwardus Baliol in regem Scotia coronatus</i>	132.	<i>Elenses sancti Albani se corpus habere merentur</i>	104.12		
<i>10</i>		<i>Elstanus Anglorum rex</i>	621.15		
<i>Edwardus Baliol regnum Scotia vendicat</i>	131.	<i>Eltha</i>	108.20		
<i>24</i>		<i>Eluitus sanctus quidam</i>	825.25		
<i>Edwardus Boun submersus</i>	134.23	<i>Enhly</i>	865.47		
<i>Edwardus clam casus</i>	472.4	<i>Emma</i>	628.25. 634.14. 636.29		
<i>Edwardus de Carnervan</i>	95.20.499.42	<i>Emma Gnuto nubit</i>	428.20		
<i>Edwardus & Ælfredus filii Edelredi</i>	647.2	<i>Emma eadem sine liberis defuncta</i>	631.		
<i>Edwardus Edwardi primi filius in Scotiam proficiscitur</i>	91.15.496.19		35		
<i>Edwardus Edwardi II. filius custos Anglia constituitur</i>	125.28	<i>Episcopi ab officiis secularibus amouentur</i>	528.		
<i>Edwardus Edwardi II. filius regi Francorum homagium facit</i>	122.1		42		
<i>Edwardus le Bourser</i>	312.27	<i>episcopi Hibernienses e monasteriis electi sunt fere cuncti</i>	746.16		
<i>Edwardus le Brus capitur</i>	111.33.503.41	<i>episcopi translati</i>	376.52		
<i>Edwardus I. Anglia rex cruce signatus, Iudeos e Wasconia expellit</i>	53.50	<i>episcopus Bathoniensis obit</i>	130.40		
		<i>episcopus Cantuariensis obit</i>	133.3		
		<i>episcopus Cestrensis in carcerem sine causa coniectus</i>	95.41		
		<i>episcopus Dunelmensis militem agit</i>	75.28		
		<i>Gggg 4</i>	Episco-		

I N D E X.

Digitized by Google

INDEX

<i>Falsitas in doctrina Iohannis Wiclif tota num</i>		<i>Flandri affliguntur</i>	70.8.24.486.24
<i>vlla demonstrari queat</i>	283.44	<i>Flandri crudelitatis sua in Anglos pœnas luunt</i>	
<i>Fames</i>	54.33		224.20
<i>Fames acris</i>	222.27	<i>cum Anglis pacem faciunt</i>	345.28
<i>Fames cum peste</i>	63.2	<i>ex Anglia pelluntur</i>	498.5
<i>Fames gravissima</i>	108.22	<i>fortiter denicti</i>	146.32
<i>Fames in Gallia magna</i>	465.3	<i>rem bene gerunt</i>	86.10
<i>Familia tripartita</i>	309.32	<i>Flandri Rossenses diuinationis periti</i>	848.47.849.
<i>Familiaritas cum demonibus male conuenit reli-</i>			52
<i>giosis</i>	366.4	<i>submersi</i>	448.45
<i>Farolus pro Karolus</i>	3.19	<i>Flandri sunt interdicto subiecti</i>	514.40
<i>Fastus Francorum intolerabilis Anglia regi visus</i>		<i>Flandri vexantur ab aduersariis suis, & in an-</i>	
174.1		<i>gustias maximas adiguntur, è quibus diffi-</i>	
<i>Fatuitas Edwardi II. facit, ut à comite Lanca-</i>		<i>cilime eluctantur</i>	70.8. & vigesimoquar-
<i>stria deferatur</i>	112.4		to.
<i>Felicitas Edwardi III. regis Anglorum</i>	192.	<i>Vide etiam paginam quadringentesimam o-</i>	
	54	<i>ctogesimalam sextam, numero vigesimoquar-</i>	
<i>Felmidius</i>	748.31		to
<i>Fercula prafame diminuta</i>	502.32	<i>Flandri crudelitatis & immanitatis sua, quain</i>	
<i>Fera Hibernia qua natura sint</i>	709.11	<i>Anglos antea sauiierant, seque illis immites ex-</i>	
<i>Fernigenan à ratis per S. Tuorum liberata</i>	728.	<i>hibuerant pœnas luunt</i>	224.20
55		<i>Flandri cum aduersariis suis Anglis, post longa diu-</i>	
<i>Fertilitas gleba Hibernica</i>	700.20	<i>turnaque dissidia & bella pacem constituunt, ut</i>	
<i>Festum Maria nec non Elizabetha nonum</i>	347.	<i>videre est, pagina ducentesima quadagesima</i>	
41		<i>quinta, numero vigesimo octauo.</i>	
<i>Fidelitas Hispani cuiusdam miranda</i>	229.26	<i>Flandri ex Anglia, quam hostiliter & popula-</i>	
<i>Filia comitis Leicestria dum ad principem</i>		<i>bunde inuasert, rursus expelluntur: unde fit,</i>	
<i>Wallia transmittitur, in itinere capitur</i>	473.	<i>ut quotquot è medio armis hostilibus non tol-</i>	
47		<i>lantur, difficulter elapsi, unde venerunt, eodem</i>	
<i>Filia regis Ælfredi abbatisa</i>	19.34	<i>reuertantur</i>	498.5
<i>Filia regis Anglia sanctimonialis fit</i>	52.21	<i>Flandri fortiter denicti & superati votorum suo-</i>	
<i>Filia Gilberti consulis Glouernia</i>	501.45	<i>rum minime participes euadunt.</i>	146. numero
<i>Filia regis Anglia tres ordinibus sacris totidem de-</i>			32
<i>sponsata</i>	832.15	<i>Flandri fortuna propitia rem bene gerunt, aduer-</i>	
<i>Filia regis Scotici nupui dantur</i>	54.49	<i>sariisque suis superiores euadentes rerum possum-</i>	
<i>Filii Dela quinque</i>	736.45	<i>tur</i>	86.10
<i>Filii Wilhelmi Sorengi</i>	654.28	<i>Floreni ad turrim Londoniarum facti</i>	164.
<i>Filius Aldelmi custos in Hiberniam transmissus.</i>			24
792.36		<i>Florentini regis Anglia serui sunt</i>	190.49
<i>Filius comitis Lancastria in Scotiam proficiscitur</i>		<i>Flumina Hibernia principalia nonem</i>	701.5
134.45		<i>Flushinga Insularum Zelandicarum una</i>	613.
<i>Filius Edwardi I. princeps Wallie, Comesque</i>			56
<i>Cestria fit</i>	79.11	<i>Fluuus Dewy</i>	864.50
<i>Filius Edwardo primo natus Thomas appellatur</i>		<i>Fluxus aquorei in Hibernia Britanniaque contra-</i>	
78.13		<i>rii</i>	715.22
<i>Filius Gulielmi regis Anglorum submersus</i>	444.	<i>Fluxus Hibernici maris variis</i>	715.16
22		<i>Fœdisfragus quidam</i>	860.6
<i>Filius inobediens mandata patris negligit</i>	93.	<i>Fons diua Wenefreda</i>	873.34
57		<i>Fons venenorum est in Oriente</i>	714.1
<i>Filius regis Anglici Edwardi II. in Franciam va-</i>		<i>Fontes Hibernia admirandi duo</i>	719.11
<i>dit</i>	121.48	<i>Forestanoua</i>	674.1
<i>Filius Richardi Normannorum ducis catholicus</i>		<i>Forma absolutionis Papalis</i>	295.5
425.57		<i>Forma concordia inter Anglia. comites & regem</i>	
<i>Finegle</i>	733.54	<i>facta</i>	73.36
<i>Finis Iohannis Lissestera Northfolchia regis</i>	264.	<i>Forma depositionis regis Anglia</i>	359.32
44		<i>Forma homagii quod Scotus Anglo fecit</i>	59. 47.
<i>Flandri à Francis fusi</i>	90.11		485.29
<i>Flandri ab Anglia expulsi</i>	90.52.528.56	<i>Forma pacis inter Anglia Franciaque reges</i>	
<i>ad parliamentum Anglicum confluunt</i>	291.14		507.1

Fortitu-

I N D E X.

<i>Fortitudo archiepiscopi Cantuar. in clero suo defendendo</i>	563.26	<i>Galli in Walliam appellant</i>	374.3
<i>Fortitudo comitis Warwici</i>	482.27	<i>Galli naues struunt</i>	515.46
<i>Fortitudo Francorum qualiter imminuta sit</i>	605.4	<i>Galli monachum, direpto Doueria prioratu, occidunt</i>	64.17
<i>Fortitudo Godfridi</i>	441.49	<i>Galli per Anglos victi</i>	224.3
<i>Fortitudo Thoma de bello campo</i>	516.48	<i>Galli profligati</i>	86.17.561.26
<i>Fortuna Ælfredi</i>	9.50	<i>Galli terras ducis Gelrensis ingressi</i>	334.55
<i>Fortuna Rogeri de Waldene varia</i>	374.50. 566.25	<i>Galli villanos de Burges è suis laribus detrudunt</i>	295.25
<i>Fragmentum ex antiquo libro monasterii S. Stephani Cadomensis</i>	29.1	<i>Gallia spoliata</i>	519.12
<i>Francia Anglia expulsi</i>	121.9	<i>Gallici infirmati ad propria reuertuntur</i>	301.31
<i>Franci Anglia regem infestare prohibentur</i>	461.17	<i>Galfridus Britannia dux mortuus</i>	453.27
<i>Franci casti</i>	435.32	<i>Gandauenses capiunt villam Owdenarde</i>	306.46
<i>Franci fœdis fragi</i>	527.16	<i>Gandauenses regi Francia se dedunt</i>	321.35
<i>Franci frangunt pacem</i>	183.9	<i>Gandauenses tributum in usum Regis Francia collectum hostiliter diripiunt</i>	298.7
<i>Franci fugati</i>	517.21	<i>Gasco de Bierna ad Francia Regem appellat</i>	473.13.
<i>Franci pacem petunt</i>	175.4	<i>per regem obsessus</i>	473.10
<i>Franci profligati</i>	543.40	<i>rebellionis conuictus</i>	473.16
<i>Franci se iactitant</i>	187.43	<i>vita ipsi donata, carceri mancipatur</i>	473.25
<i>Franci Wilhelmo Normannico inuident</i>	620.3	<i>Gaudium Gallorum inane</i>	393.29
<i>Francia Regibus quinque distribuitur</i>	16.38	<i>Gaufridus Andegauensis</i>	629.53
<i>Francus Anglum ad prælium laceffit</i>	142.53	<i>Gaufridus Archiepiscopus Rotomagensis</i>	682.41
<i>Francus territus ab Anglo recedit</i>	143.58	<i>Gaufridus comes Britannorum</i>	634.47
<i>Fratres predicatorum in Francia delirantes</i>	339.31.	<i>Gelloc</i>	620.54
<i>Fraudulentia Brunonis cuiusdam</i>	423.56	<i>Gelu</i>	525.15
<i>Fraus Gallorum</i>	117.51.168.39	<i>Gemetia</i>	615.1
<i>Fridericus Imperator</i>	802.27	<i>Gemetium monachorum sedes</i>	414.30
<i>Fructus beneficiorum per papam reſeruantur</i>	502.45	<i>Genealogia Ælfredi</i>	1.24
<i>Fuga Anglorum rebellium</i>	577.59	<i>Genealogia matris Ælfredi</i>	1.51
<i>Fuga Cardinalium</i>	76.42	<i>Generatio spiritalis unde sit</i>	870.47
<i>Fuga Ethelredi</i>	427.45	<i>Gens Hibernica qualiter expugnanda</i>	809.47
<i>Fuga filii regis Anglorum</i>	448.32	<i>qualiter eadem gubernanda.</i>	810.33
<i>Fuga imperatricis</i>	445.37	<i>Gens Islandica</i>	721.1
<i>Fuga Paganorum</i>	11.42	<i>Gens sine capite in Francia</i>	172.56.522.23
<i>Fuga regis Francia</i>	171.22.456.24.519.2	<i>Genus crudelitatis inauditum</i>	127.58
<i>Fuga Rogeri de mortuo mari</i>	506.35	<i>Genus Thoma Lancestrensis</i>	100.4
<i>Fulgur horrendum</i>	98.52	<i>Gerberga</i>	627.43.629.26
<i>Fulgura</i>	316.44	<i>Gerunda</i>	616.35
<i>Fundationes Wickhami</i>	372.50	<i>Gesta circa Archiepiscopum Anglicanum</i>	250.39
<i>Fures grassantur</i>	107.57	<i>Gesta Domini Hugonis Caluerlee</i>	200.34
<i>Furia acta in Northfolchia</i>	261.35	<i>Gesta Henrici Comitis de Derby</i>	343.53
<i>Furor Londinensium</i>	531.47	<i>Gesta Henrici Regis Anglorum in Germania</i>	588.39
G.			
<i>Galli aliter in Hibernia, quam alibi vociferantes</i>	726.12	<i>Gesta in Portugallia</i>	319.18
<i>Galli Angliam inuadunt</i>	532.19	<i>Gesta insularum de Dorthmouth</i>	370.12
<i>Galli in Anglia strati</i>	426.49	<i>Gesta principis Edwardi</i>	520.50
<i>Galli capiunt insulam Vectam</i>	198.59	<i>Gilbertus consul Glouernia</i>	501.45
<i>Galli capiunt Priorem de Lewes</i>	199.39	<i>Gilbertus Glouernia comes casus</i>	105.31
<i>Galli capiunt villam de Arde</i>	199.46	<i>depradatur Wallenses</i>	475.12
<i>Galli cum Anglis congregientes</i>	584.13	<i>Gilbertus Hagenellus</i>	825.20
<i>Galli Doueriam spoliant</i>	482.54	<i>Giraldus</i>	793.4
<i>Galli fraudulentis apud Caleſium</i>	168.39	<i>Giraldus de Widesfora Constabularius Penbrochiensis</i>	851.10
		<i>Gisla</i>	

I N D E X.

<i>Gisla filia Turystini de monte forti</i>	653.12	<i>Hastings</i>	607.1
<i>Gislebertus castrum quoddam reddit</i>	433.21	<i>Hastings Lunas capit, eas Romam esse putans</i>	
<i>Gladus papa verbalis</i>	491.4	609.1	
<i>Glamorga</i>	125.20	<i>omnibus diuendis peregreque profectus dis-</i>	
<i>Gleba Hibernica quam fertilis sit</i>	700.20	<i>paret</i>	615.55
<i>Gloria regni Anglixi</i>	168.12	<i>Romam nauigat</i>	608.40
<i>Glouernia</i>	124.10	<i>Haya</i>	823.4
capta	468.29	<i>Heberus</i>	737.18
<i>Goer</i>	843.22	<i>Helias filius Iohannis de Fleca</i>	672.22
<i>Goisfridus Andegauensum comes</i>	656.25	<i>Henricus Anglorum rex captus</i>	469.57
Britannorum comes	638.1	<i>deuotissimus</i>	469.22
Normanniam spoliat	434.51	<i>magnanimus</i>	444.3
<i>Gotfridus fortis</i>	441.49	<i>montem Caluum capit</i>	446.49
<i>Grassatio furum</i>	107.57	<i>Normanniam vastat</i>	435.22
<i>Grassatores spoliant Cardinales in Scotia</i>	110.5	<i>rex obit</i>	444.29
<i>Gratitudo canum mira in dominos suos</i>	842.26	<i>Bastardus Hispania regem se dicens nauigium</i>	
873.6		<i>parat</i>	210.29
<i>Graueling</i>	303.54	<i>comes de Derby probissimus</i>	165.20
<i>Gregorius X. in papam electus</i>	472.48	<i>comes Warwici</i>	688.54
V. papa	493.39	<i>Henricus Percy Calestiam missus</i>	322.6.
V. papa confirmat Scotia subiectionem Anglia		<i>capitur</i>	335.18
regi debitam	83.2	<i>fugatur</i>	91.39
<i>Grossi integri dimidiique fabricati</i>	169.29	<i>interimitur</i>	560.33
<i>Grus Hibernia qua natura sit</i>	705.51	<i>iunior ad mare destinatur</i>	327.24
<i>Guaterfordia expugnata</i>	769.31	<i>Henricus filius Henrici II.</i>	82.39
<i>Guaterfordienses apud Dundunolf confecti</i>	767.	<i>filius regis Romanorum occisus</i>	471.56
32		<i>Francorum rex castrum Tegularias dictum co-</i>	
<i>Guido de monte forti de carcere liberatur</i>	51.42	<i>barit</i>	650.34
<i>Guido de monte forti excommunicatur</i>	472.52	<i>Grene</i>	309.5
<i>Flandria comes carcere liberatur</i>	86.54	<i>Huntingdon</i>	21.51
<i>Gulielmus Anglorum rex sagitta petitus occumbit</i>		<i>Imperator Romanorum</i>	674.36
443.28		<i>le Scroope proditor regis sui</i>	389.24
<i>Conquestor</i>	493.8	<i>Henricus le Scroope supplicio capitis affectus</i>	581.
<i>de Cortiniaco moritur</i>	549.53	27	
<i>Longa spatha dictus</i>	416.39	<i>le Spencer</i>	263.56
<i>Gulielmus Normannia dux monachus fieri cupit</i>		<i>Normannia dux Anglia rex coronatur</i>	446.18
419.19		<i>I. Anglia rex</i>	82.35 493.15
<i>Rufus</i>	493.9	<i>Henricus IV. Alemannia rex moritur</i>	444.32
<i>Wickham moritur</i>	564.26	<i>Henricus V. Anglia rex fundat monasteria tria</i>	
<i>Gunnor</i>	631.35.686.1. & 31. & 55	578.47	
<i>Gurguntius</i>	737.59	<i>moritur</i>	407.6
<i>Gurus frater Rollonis</i>	609.43	<i>rex Transrhenanus</i>	621.31
<i>Gurmundus</i>	748.46.749.7. & 17	<i>Roberti regis Francorum gnatus</i>	641.49
		<i>Henricus II. Anglorum rex</i>	750.41
H		<i>descriptus</i>	782.53
<i>Haduis</i>	634.59	<i>Henricus Walliam ter ingressus est & matrus</i>	87.21
<i>Haresis in doctrina Iohannis Wicklif an vlla pro-</i>		53	
<i>bari queat</i>	283.44	<i>III. Anglia rex</i>	83.35
<i>Haresis papa</i>	87.23	<i>Heraclius patriarcha</i>	800.1
<i>Hareticus quidam combustus</i>	570.37	<i>Heraldus consiliu matris & fratris spernes Nor-</i>	
<i>Venetius exortus</i>	92.20	<i>mannos bello vexat</i>	605.51
<i>Haigroldus Danorum rex</i>	627.6.628.9	<i>Heraldus duci Wilhelmo fidelitatem facit. quam</i>	
<i>Hannonenses cum Anglis discordes sunt</i>	127.	<i>postea frangit</i>	664.24
42		<i>Herbertus comes Giromandorum</i>	620.55
<i>Haraldus</i>	424.45.493.5	<i>Herefordia</i>	820.23
<i>regnum innadens occiditur</i>	436.5 & c.	<i>Heres comitis Staffordia peremptus</i>	537.40
<i>Hardecnutus</i>	82.23.493.5	<i>Heroldus (f Heraldus) rex Danorum</i>	623.5
<i>Haraldo fratri suo succedit</i>	652.7	<i>Herluinus</i>	622.16
<i>Hareslu obfessum</i>	582.7	<i>Herluinus Abbacia Becci primus fundator</i>	643.1
		<i>Her-</i>	

I N D E X.

<i>Herucius descriptus</i>	790.30	<i>Hugo de Lacy descriptus</i>	796.7
<i>Herymon</i>	737.17.750.31		798.6
<i>Hibernia descripta</i>	452.7	<i>Hugo de Grentemaisnilio</i>	659.13
<i>Hibernia expugnata</i>	755.1. &c.	<i>Hugo le Spencer capite plexus</i>	125.52
<i>Hibernia laudata</i>	712.11	<i>omnibus inuisus</i>	113.50
<i>Hibernia per quem expugnata</i>	748.46	<i>pater comes Wintonia : sed filius eius comes</i>	
<i>Hibernia tota in Dermittum Stephanidenque con-</i>		<i>Glocestria fuit</i>	597.28
<i>iurat</i>	763.51	<i>pater suspensus</i>	125.10
<i>Hibernici corporibus vitati quamplurimi sunt</i>		<i>redit in Angliam ab exilio</i>	504.44
	748.13	<i>suspensus</i>	125.10.508.23
<i>Hibernici ex Anglia ad solum ipsis natale relegati</i>		<i>Hugo episcopus Baiocensis</i>	641.33.655.41
	547.26	<i>Hugo magnus à deuastatione Normannia cessat</i>	
<i>Hibernicus</i>	753.36		626.33
<i>Hibernienses alumnos collactaneosque diligunt,</i>		<i>Hugo magnus filiam suam Ricardo cuidam despon-</i>	
<i>fratres autem suos cognatosque persequuntur</i>		<i>det</i>	628.25
	743.54	<i>Hugo magnus Francorum dux</i>	620.53
<i>Hibernienses rudimentorum fidei inscientissimi</i>		<i>Hugo senior exulat, iunior latitat</i>	114.49
	742.51	<i>Hugo Tyrellus diuinitus flagellatus</i>	733.11
<i>Hinnula biceps</i>	135.56	<i>Hugolinus tradit se regina Anglica cum castro Bri-</i>	
<i>Hippelaphos S. Eluisti</i>	825.25	<i>stolliense</i>	125.22
<i>Hircus ad mulierem quandam accedere solitus</i>	725.32	<i>Hybernenses subduntur Anglo</i>	447.51
		<i>Hyems dura</i>	568.38
<i>Hispani clade affecti</i>	526.44		I
<i>Hoelus</i>	823.20	<i>Iactantia Francorum</i>	187.43
<i>Homagium Arthuri</i>	458.14	<i>Iactantia Gallorum inanis</i>	369.48.561.40
<i>Homagium Edwardo regi Anglorum per regem</i>		<i>Ierusalem sanguine paganorum fluit</i>	443.20
<i>Francorum factum</i>	480.48	<i>Ignis Brigida</i>	729.21
<i>Homagium per Edwardum III. à Wallia principe</i>		<i>Ignis Kyldaria non extingibilis</i>	729.10
<i>petitum</i>	473.29	<i>Immanitas Scotorum</i>	84.30
<i>Homagium principum quorundam regi Anglia</i>		<i>Imperator excommunicatus</i>	506.7
<i>per eos factum</i>	446.56	<i>Imperator frenum equi Papalis tenet</i>	396.58.588.20
<i>Homagium regis Anglia</i>	510.34	<i>Imperator in Angliam venit</i>	364.20
<i>Homagium regi Francisco factum</i>	130.55	<i>Imperator inconstans</i>	514.58
<i>Homagium regis Scotorum</i>	59.57.473.23.512.1	<i>Imperator per papam excommunicatus</i>	506.6
<i>Homicida papa</i>	87.23	<i>Imperatrix fugit</i>	445.37
<i>Homines de comitatu Hertfordia regi fidelitatem</i>		<i>Imprecatio Scotorum</i>	228.55
<i>præstant</i>	278.5	<i>Inaqualitas Hibernia</i>	700.3
<i>Homo quidam per bufones voratus</i>	859.45	<i>Incarceratio Iohannis Katrington</i>	237.33
<i>Honor sacerdotibus exhibitus remuneratione com-</i>		<i>Incastellatio Hibernia sub Hugone de Lacy</i>	797.35
<i>pensatus</i>	834.58		35
<i>Honorius Papa IV. moritur</i>	52.57	<i>Inconstantia belli</i>	8.4
<i>Hortatio Edwardi I. ad filium suum</i>	93.33	<i>Ludouici Bauari imperatorem se dicentis</i>	514.58
<i>Hospitalarii Templariorum possessiones accipiunt</i>			regis Francia 61.39
	120.13	<i>Increpatio Cardinalium per papam facta</i>	216.24
<i>Hostes in Hibernia capiuntur</i>	240.16	<i>Incubi</i>	870.35
<i>Hostia transubstantiata minus aduersus cacoda-</i>		<i>Indignatio regis Anglici contra archiepiscopum</i>	
<i>mones, quam reliquia sanctorum & euangelii</i>		<i>Cantuariensem, & alios quosdam</i>	3.5.51
<i>liber valere deprehensa est</i>	852.39	<i>Inducia biennales cum Scotis per Edwardum I.</i>	
<i>Howenus Glendor</i>	558.53	<i>inita</i>	112.28
<i>Humanitas Roberti le Brus</i>	106.11	<i>Inducia Turcarum cum Christianis</i>	454.59
<i>Humilitas Henrici regis Anglorum</i>	464.45	<i>Indulgentia Cardinalis sacrilega</i>	95.8
<i>Hubertus de Burgo Cantii comes incarceratur</i>	464.51	<i>Indulta Clero Anglia per regem eius</i>	515.52
		<i>Indulta regis Anglia pro subsidio obtinendo</i>	513.57
<i>Hugo Abbas Radingarum</i>	682.42		Industria regis Edwardi III. in ponte faciendo 475.9
<i>Hugo Caluerle</i>	200.34		<i>Infantia Ælfredi</i> 5.18
<i>à Calestia renocatur</i>	220.19		<i>Ingratitudo Iohannis de sancto Iohanne</i> 70.1
<i>cum sociis suis spoliat mercatores Bolonienses</i>	209.36		<i>Initium</i>
<i>Hugo Capetus in regem electus</i>	633.3		

I N D E X.

<i>Initium regni Æthelfredi</i>	7.51	<i>Iohannes Cyminus</i>	799.14
<i>Iniuria Abbati de Euesham facta</i>	190.23	<i>Iohannes de Arundelia submersus</i>	533.38
<i>Innocentius VII. papa</i>	372.56	<i>Iohannes de Balliolo regnum Scotia obtinet.</i>	59.
<i>Innocentius VI. papa</i>	179.14	35	
<i>Inopia Ælfredi</i>	9.37	<i>de Curcy descriptus</i>	795.17
<i>Inopia regis Anglorum</i>	561.6	<i>de sancto Iohanne vir ingratus</i>	70.1
<i>Inscitia temporis Ælfredi</i>	5.38	<i>de Matrauers</i>	127.56
<i>Insolentia Petri de Gauerstone</i>	97.34	<i>Iohannes de Northampton supplicio mortis afficitur</i>	310.42
<i>Insurrectio archiepiscopi Eboracensis comitis de Percy</i>	373.20		
<i>Lollarorum</i>	377.13	<i>Iohannes de Kendale episcopus Wintoniensis moritur</i>	112.54
<i>Institutio solemnitate corporis Christi</i>	577.27		
<i>Insula Barri</i>	111.1	<i>Gaunt Lancastræ dux fit</i>	178.4
<i>de Vecta per Gallos capta</i>	840.37	<i>Harleston oppressus</i>	222.50
<i>Hibernia, in qua corpora sub diuo posita non putrescunt</i>	198.59	<i>Hawkwood miles strenuus</i>	184.18
<i>Hibernia, in qua pars una bonis, altera malis spiritibus est frequentata</i>	717.23	<i>Katrington incarceratur</i>	237.33
<i>Insula Man dicta</i>	717.1	<i>Iohannes Klerck miles strenuus in femore percussus ruit</i>	225.34
<i>Insula quadam instabilis stabilis facta</i>	96.8.546.53	<i>Iohannes Litteftere Northfolchiæ rex</i>	264.
<i>Insula Balæares</i>	720.37	44	
<i>boreales imperio Norwagiensium fere omnes subiecta</i>	165.13	<i>Menstreworth capitur</i>	192.18
<i>Hibernica</i>	720.25	<i>Oldcastel ad crimina sibi obiecta respondet</i>	383.
<i>Insula Hibernia dua, in quarum hac nullus moritur, in illam sexus fæmineus nullus intrat</i>	701.38	58	
23		<i>Oldcastle citatur</i>	574.35
<i>quando nata fuerint</i>	271.38	<i>Iohannes Dymoch athleta regis Anglorum</i>	197.
<i>Zelandia</i>	613.55	20	
<i>Insultus ad villam de Ypres</i>	303.16	<i>Papa XXII. obit</i>	134.32
<i>in Petronem</i>	526.7	<i>Papa vestitum mutat</i>	580.1
<i>Intemperantia monachorum</i>	832.34	<i>Iohannes Peckham archiepiscopus Cantuariensis</i>	
<i>Interdicta Oxoniensia</i>	520.28	474.41	
<i>Interfectio Dubliniensium ad Ofsyriam</i>	785.	<i>Papyrio</i>	742.25
51		<i>Philpot magnanimus in patriam</i>	211.26
<i>Inuasio Vltonia</i>	749.1	<i>Philpot moritur</i>	310.31
<i>Inuenta armatorum Iohannis O'dcastle</i>	582	<i>Iohannes Schakel libertati pristina restituitur</i>	229.1
<i>Inuentio lanterna mirabilis</i>	20.53	<i>Iohannes Scotia quondam rex papa mittitur</i>	490.
<i>Inuectores Musica primi qui fuerint</i>	741.	17	
24		<i>turri committitur</i>	485.47
<i>Inundatio aquarum</i>	350.13.546.58	<i>Iohannes Segraue à Scotis vulneratus</i>	496.41
<i>aquarum Parisiis</i>	456.53	<i>Scotia prefectus</i>	86.30
<i>aquarum in Cantio</i>	564.22	<i>Straw</i>	262.8
<i>maris</i>	134.28	<i>Iohannes Tymworth in abbatem S. Edmundi pro pecunia per papam confirmatur</i>	289.56
<i>Iohannes Angliæ rex pacem mercatur à Papa</i>	461.	<i>Iohannes XXIII. à papatu depositus</i>	580.7
11		<i>Wicklif</i>	191.24
<i>Angliæ rex uxorem ducit</i>	458.18	<i>Wicklif moritur</i>	312.11.537.13
<i>Arundel in sanctimoniales fauit</i>	232.36	<i>Ioppe capta recuperatur</i>	454.55
<i>Iohannes Arundel sacerdoti calicem aufert</i>	233.	<i>Ira Richardi II. in Londinenses</i>	347.53.546.19
6		<i>Irruptio in Normannos</i>	423.15
<i>Baliol rex Scotia declaratur</i>	479.4	<i>Irruptio Scotorum in Angliam</i>	310.24.503.52
<i>Ballpresbyter</i>	275.8	<i>Isca</i>	838.34
<i>Iohannes Blackwel populi concursu opprimitur</i>	96.	<i>Islandia gentem breuiloquam, & veridicam, & iuramento non utentem habet</i>	721.1
50		<i>Itali ecclesiæ Anglicana optima occupant</i>	466.
<i>Chandos interficitur</i>	185.56	23	
<i>comes Moritonii deficit à fratre</i>	455.29	<i>Iter Æthelwulfi Romam</i>	2.32
<i>Comyn casus</i>	498.11	<i>Iubilaus</i>	169.23
<i>Iohannes Constabularius in Britanniam aduenit</i>	798.28	<i>Iubilaus institutus</i>	78.7.339.48
		<i>Indai è Wasconia expulsi</i>	53.50.54.16
		<i>Indai ex Angliæ eiecti</i>	476.48

H h h h

Indi-

I N D E X.

<i>Iudices inferiores male iudicantes per Ælfredum</i>		<i>Latrones quidam conspirans</i>	437.8
<i>acriter reprehensi</i>	21.33	<i>Latrunculi Anglia castrum Dunelmum condunt</i>	
<i>Iudicium contra regem Norrwegia</i>	59.33		668.14
<i>Iudicium contra procures Anglia</i>	361.43	<i>Laurentius Dubliniensis archiepiscopus apud Augū</i>	
<i>contra regem Norwagia</i>	480.40	<i>decedit</i>	799.14
<i>in Iohannem de Northampton quondam Lon-</i>		<i>Lechlawar</i>	857.32
<i>doniarum maiorem</i>	310.42	<i>Ledam obfessa</i>	317.57
<i>Iuo episcopus Sagiensis</i>	654.1.655.1	<i>Legati Anglici Gallum à pace auersum sentientes</i>	
<i>Iuramentum de pace inter Anglia Francieque</i>		<i>cum duce Bauaria fœdus inuunt</i>	135.28
<i>reges</i>	352.47	<i>Legati Francorum spreti</i>	580.49
<i>Iuramentum Henrico regi per communes Anglia</i>		<i>in Franciam pro pace missi</i>	121.3.24
<i>factum</i>	402.3	<i>per Angliæ regem missi, regem suum de homagio</i>	
<i>per Richardum II. ante coronationem sui præsti-</i>		<i>non præstito apud Francia regē excusant</i>	120.18
<i>sum</i>	195.25	<i>Legati pontificii & præsules pro pace intercedunt</i>	
<i>Scotorum quod Anglia regi fecerunt</i>	68.20.		102.4
	485.36	<i>Legatio ad regem Anglia de Petro Gauerstone in</i>	
<i>Ius nouum triplex</i>	738.9	<i>exilium profigando</i>	100.56
<i>quinquepartitum</i>	787.52	<i>Anglica in Franciam</i>	135.25
<i>Iusiurandum Francia regis</i>	549.5	<i>Bonifacii I X. ad regem Richardum secundum</i>	
<i>Iustitarii Anglici multati</i>	54.21		344.51
<i>Anglia per Oxonienses repulsi</i>	468.9	<i>curia Romana</i>	778.1
<i>Traibaston vocati</i>	90.4	<i>Londoniensem ad regem nouum</i>	193.42
<i>Iustitiarius in aula Westmonasteriensis casus</i>	471.	<i>Papa</i>	377.53
	27	<i>presulum Francia ad papam</i>	86.27
<i>Iustus super modico adificat</i>	17.17	<i>procerum Anglia ad regem ipsorum</i>	114.15
<i>Iuuenis quidam mirabiliter sensibus priuatus</i>	163.	<i>Legatio Richardi II. regis Anglorum ad Londo-</i>	
	50	<i>nienses</i>	194.6
		<i>Legitimatō filiorum regis Castella</i>	80.16
		<i>Leo mulierem quandam deperiens</i>	725.54
		<i>papa</i>	655.1
		<i>Leprosi de veneficio conuicti</i>	113.19
		<i>supplicis affecti</i>	504.12
		<i>Lex Dacorum vel Danorum de iniuriis exulan-</i>	
		<i>dis</i>	414.6
		<i>Rollonis de assensu furibus non prabendo</i>	618.55
		<i>Lewlinus Bren Wallicorū capitaneus captus</i>	502.
			26
		<i>Cestriam vastat</i>	467.31.469.3
		<i>interfectus</i>	475.20
		<i>Lhanelwy</i>	872.43
		<i>Lbyn</i>	823.16.871.33
		<i>Liber decretalium septimus</i>	110.57
		<i>Decretalium V I per papam Bonifacium confe-</i>	
		<i>ctus</i>	72.49
		<i>quidam miraculose exaratus</i>	730.5
		<i>scriptus demones non fugat, sed pietas in corde</i>	
		<i>fideli</i>	837.32
		<i>Liberalitas Anglorum ad regem suum è carcere</i>	
		<i>liberandum</i>	455.58
		<i>Comitis Derbiensis</i>	165.34
		<i>Stephani regis Anglia præclara</i>	445.14
		<i>Liberi Ælfredi</i>	13.6
		<i>regis Edwardi I.</i>	94.34.499.24
		<i>Libertas pristina Iohanni Schakelio restituta</i>	229.1
		<i>Ligeris</i>	616.35
		<i>Limericum nobile expugnatum</i>	788.17
		<i>Limpoldus Austria dux</i>	456.44
		<i>Lingua Britannica ubi sit in usu</i>	886.30
		<i>Linsincum</i>	86.3
		<i>Lionel-</i>	

K

<i>Kalesia obfessa</i>	517.34
<i>Karnaruan</i>	52.4
<i>Kendale</i>	112.54
<i>Kenelworth</i>	119.16.127.29.470.55
<i>Kenyngton</i>	160.29
<i>Kokodones moneta genus</i>	77.55
<i>Kyldaria</i>	729.10
<i>Kynadius</i>	82.11

L

<i>Lacus Hibernici</i>	701.38
<i>Lacus quidam magnus originem miram habens</i>	
	719.33
<i>Laici in locum clericorum submotorum surrogati</i>	
	186.12
<i>Lan</i>	829.54
<i>Lana vendita</i>	170.42
<i>Lancea miraculose confracta</i>	875.52
<i>Lanfrancus quomodo à Papa sit exceptus</i>	438.46
<i>Lanterna per Ælfredum mirabiliter inuenta</i>	20.
	53
<i>Lapides miraculose remoti</i>	872.24
<i>Lapides Parii</i>	832.23
<i>Lapis Lechlawar</i>	778.24
<i>Lapis Maeri Mordhwyl</i>	867.18
<i>Lapis quidam erectus thronus regis Seotici fuit</i>	
	68.3
<i>vinum quotidie miraculose continens</i>	728.31
<i>Latro astutus</i>	848.56
<i>Latrones in Scotia confinibus grassantur</i>	109.40.
	179.52
<i>quidam casti & fugati</i>	437.23

I N D E X.

Hbbb 2

I N D E X.

<i>Memoria pueri Ælfredi</i>	5.31	<i>Modus desponsationis Hiberniensium nouus</i>	743.38
<i>Mendacium unum per aliud excusatum</i>	104.33	<i>Molendinam ab ingressu faminarum liberum</i>	733.33
<i>Meneuia</i>	778.24	<i>Molendinum nec dominicis diebus, nec de furto</i>	
<i>Mercator Ianuensis à Flandrensibus interfectus</i>		<i>vel rapto quicquam molere solitum</i>	733.30
533.19		<i>Monas insula</i>	866.37
<i>Mercator quidam Ianuensis opulentus à mercato-</i>		<i>Monachus unde sit ortus & propagatus</i>	833.
<i>ribus Anglicanis inuidiose peremptus</i>	227.36	20	
<i>Mercatores quidam Venetiani supplicio affecti</i>		<i>Monachi auarique & intemperantes sunt</i>	832.34
471.51		<i>nigri luxuriosi</i>	832.18
<i>Mercii cum Paganis pacem ineunt</i>	8.17	<i>albicupidi sunt</i>	832.19
<i>Meredithus</i>	823.20	<i>quã grauiam pro amore Christi patiantur</i>	832.43
<i>Merlinus pseudopropheta</i>	857.35.871.19	<i>quidam in abbatis ipsorum mortem conspirant</i>	
<i>Merula S. Keywini</i>	726.39	19.5	
<i>Meylerius descriptus</i>	789.35	<i>quidam restituti</i>	457.15
<i>Michael Atte Pole moritur</i>	339.44	<i>se suaque miraculis tuentes</i>	114.11
<i>Middleton suspenditur</i>	503.21	<i>Monachi Westmonasteriensis carcere liberati</i>	92.
<i>Milidunum castrum</i>	638.20	15	
<i>rebellans capitur</i>	429.35	<i>Monarcha Hibernia primus</i>	737.1
<i>Miles & canis duello contendans</i>	842.44	<i>Monasteria ab Ælfredo condita</i>	18.28
<i>Milesius</i>	737.17	<i>Anglicana per regem peruestigantur</i>	65.4
<i>Milites arrestati</i>	334.8	<i>tempore ducis Willelmi in Normannia constru-</i>	
<i>contradicunt episcopo Pikardiam ingredi vo-</i>		<i>cta</i>	658.6
<i>lenti</i>	303.34	<i>Monasterium S. Ebrulfi apud Vicum refectum</i>	659.
<i>pontem quendam transire volentes, eo fracto,</i>		12	
<i>submerguntur</i>	50.45	<i>Straßlar</i>	863.1
<i>quidam duo per Carolum Francorum regem pu-</i>		<i>Moredula mansuetissima</i>	838.3
<i>niti</i>	619.21	<i>Moneta adulterata</i>	77.55
<i>Militia domini Thoma Percyclares</i>	235.5	<i>Anglica renouata</i>	474.43
<i>Mina papales in reges</i>	460.16	<i>noua</i>	519.51
<i>Mirabile</i>	310.17	<i>Mons Cassinus</i>	335.52
<i>de hostia</i>	461.46	<i>Mons S. Michaelis</i>	671.28
<i>de sig'illo communi</i>	261.3	<i>Monumentum Scotos Anglia regi subiectos esse demõ-</i>	
<i>quoddam dictu</i>	416.58	<i>strans</i>	82.54
<i>Mirabilia diuersa</i>	177.53	<i>Monumetha</i>	838.37
<i>quadam Hibernica</i>	722.37	<i>Morbus Ælfredi</i>	12.27
<i>Miracula apud Wymundham</i>	340.21	<i>Mores Anglicorum</i>	188.36
<i>de Byddlington</i>	340.25	<i>Edwardi III. Anglorum regis</i>	192.54
<i>Ky'daria varia</i>	729.10	<i>Gallorum dominantium</i>	317.50
<i>Merlini</i>	871.26	<i>Hibernica gentis</i>	738.22
<i>Miraculum</i>	848.42	<i>Iohannis Menstreworthi</i>	192.23
<i>circa corpus Christi contingens Cantebrigia</i>		<i>Romanorum</i>	222.48
339.1		<i>Mors Ælfredi</i>	21.51
<i>Miraculum circa regis Anglici saluationem</i>	71.	<i>Æthelberti</i>	4.48.
19		<i>Ætheredi</i>	7.47
<i>de Ely</i>	338.9	<i>Æthelwulfi</i>	4.28
<i>de Ethelthreda</i>	338.41	<i>Alexandri V.</i>	571.29
<i>de filio Tartari cuiusdam</i>	76.36.	<i>Arthuri</i>	459.5
<i>Miraculum de mortuo archiepiscopo Anglia</i>	251.	<i>Mors bonifacii IX.</i>	372.55
41		<i>Caroli Francie regis</i>	241.51
<i>factum apud S. Albanum</i>	339.52	<i>Celestini</i>	486.1
<i>factum in die S. Oswini regis</i>	310.58	<i>Ceolnothi</i>	6.43
<i>factum per S. Albanum</i>	164.51.	<i>comitis Penbrochia</i>	189.22
<i>Miraculum indubitata fide compertum à nemine</i>		<i>comitis Southfolchie repentina</i>	282.5
<i>negatur</i>	841.42	<i>Cnuti</i>	433.57
<i>Iohannis de Beuerlaco</i>	492.42	<i>Cunani comitis Britannorum</i>	665.10
<i>quoddam relatu dignum</i>	689.24	<i>Ealsthani</i>	6.9
<i>Miseria per tumultuationem rusticorum & aliorum</i>		<i>episcopi Herefordensis</i>	476.32
<i>communium Anglie illata</i>	247.43	<i>Guris fratris Rollonis</i>	609.51
<i>Missã saluos conseruauit quosdam in bello</i>	496.49	<i>Mors Henrici IV.</i>	472.16.573.54
		<i>Mors</i>	

INDEX.

<i>Mors Honorii Papa IV.</i>	52.57	<i>Navis Scotica capta</i>	239.40
<i>Mors Iohannis Philpoti</i>	310.31	<i>Nebulo quidam physicus equo impositus mendacii</i>	
<i>Mors Iohannis Wicklif</i>	312.11	<i>fui mercedem recipit</i>	287.54
<i>Mors Innocentij Papa</i>	375.35	<i>Neceſſitates Edwardi le Bourſer apud Gandauum</i>	
<i>Martini Papa IV.</i>	52.30		312.27
<i>Mors Nicolai papa I V.</i>	57.56	<i>Negotia regis Ælfredi</i>	13.27
<i>Northfolchie ducis</i>	555.45	<i>Nemedus</i>	736.23
<i>Philippi regis Francorum</i>	52.41	<i>Nequiſſia Hibernienſium</i>	743.6
<i>regis Edwardi III. Anglorum</i>	192.36	<i>Neth</i>	885.37
<i>Mors regis Francorum</i>	170.53	<i>Nicolaus Hertford ſequax eſt doctrina Iohannis</i>	
<i>Mors regis Nauarrai</i>	473.6	<i>Wicklif</i>	285.18
<i>Mors Richardi Normannorum ducis</i>	425.51	<i>Nicolaus Papa IV. obit</i>	57.56
<i>Richardi ſubita</i>	452.1	<i>tertius Papa moritur</i>	49.11
<i>Roberti regis Francorum</i>	641.48	<i>Nigellus Conſtantiniſis</i>	634.15
<i>Richardi I I I. qua poſt concordiam cum fra-</i>		<i>Niſus Hibernicus</i>	702.22
<i>tre ſactam obiit</i>	640.21	<i>Nix aſperrima</i>	377.3
<i>Mors Roberti de Veer</i>	546.37	<i>Nobiles ſub Ælfredo qualiter educati</i>	13.14
<i>Soldani patris</i>	55.15	<i>Nobilis quidam à muribus deuoratus</i>	861.3
<i>Mors Thoma de Arundelia</i>	578.30	<i>Nobilitas Rollonis</i>	609.43
<i>Wilhelmi comitis Flandria</i>	677.51	<i>Nomen Muſica quale ſit</i>	741.52
<i>Wilhelmi ducis Normannorum</i>	417.57	<i>Nomina cardinalium ſeptem per Urbanum Papam</i>	
<i>Wilhelmi regis Anglorum</i>	669.48	<i>degradatorum</i>	313.26
<i>Mortalitas inuſitata</i>	168.28.345.55	<i>Nomina ductorum communium</i>	265.48
<i>miraſamem ſubſecuta</i>	502.36	<i>Nomina epiſcoporum Meneuenſium</i>	855.52
<i>Mucil quid</i>	6.15	<i>Normanni ad regem Francorum deſciſcunt</i>	459.
<i>Mulier à leone amata</i>	725.54		10
<i>Mulier ab incubo oppreſſa</i>	136.1.2	<i>aufugiunt</i>	523.21
<i>Mulier barbata, & in tergo criſtata iubataque</i>		<i>caſi</i>	516.57
	724.40	<i>dominum ſuum Ricardum de Francia reducunt</i>	
<i>hiſtrionis habitu literas mordaces regi Anglia</i>			628.8
<i>aſſert</i>	109.19	<i>Odonem duosque comites adiutores eius vice-</i>	
<i>Mulier manibus carens</i>	874.45	<i>runt</i>	636.47
<i>Mulieres papam famelicum aſſim cibant</i>	88.56	<i>Porteſmutham incendunt</i>	136.34
<i>Muli ſe fruſtra parant ad terra ſancta recupera-</i>		<i>quo tempore primum in Apuliam perrexerint</i>	
<i>tionem</i>	112.39		663.30
<i>Multitudo nauium maxima</i>	634.21	<i>Normannia per Robertum Knolles vaſtata</i>	173.45
<i>Muniſcentia Ælfredi regis in Aſſerum</i>	14.34	<i>Northanhymbri regem ſuum abdicant</i>	5.53
<i>Muniſcentia Willemi Normannorum ducis in</i>		<i>Northumbri ſpoliant ſuos</i>	502.47
<i>monachos</i>	419.11	<i>Northfolchiani conſpirant</i>	291.1
<i>Murchardides idem qui Dermittus</i>	674.14	<i>Northampton capitur</i>	469.32
<i>Muremuth</i>	129.38	<i>Northamptonia</i>	80.3
<i>Mures deuorant nobilem quendam</i>	861.3	<i>Norwagiens ſes apud Dubliniam conſecti</i>	771.56
<i>Muſica vndenam dicta</i>	741.52	<i>Norwagiens ſes ex Hibernia pulſi</i>	749.32
<i>Muſtela Hibernica</i>	710.6	<i>Norwagiens ſes Turgeſio duce Hiberniam expu-</i>	
		<i>gnant</i>	748.31
		<i>Nota de Iohanne Straw ductore plebis</i>	262.8
<i>Nant</i>	829.56	<i>Notabilia contra fratres mendicantes</i>	266.34
<i>Natura aquila Hibernienſis</i>	703.49	<i>Notabilia de Papa Urbano</i>	311.55
<i>Hibernienſium</i>	738.22	<i>de villanis S. Albani</i>	267.35
<i>Hibernia varia</i>	699.3	<i>Notingham</i>	121.20.130.50
<i>fontium Hibernia miranda</i>	717.35	<i>Numerus doliorum nauiumque ſuper mari capta-</i>	
<i>Naues XII. viſtuque & armato milite plena Rollo-</i>		<i>rum</i>	326.35
<i>ni per Anglorum regem Adelftanum miſſa</i>	613.	<i>Nuncii ad Papam de pace miſſi</i>	489.12
	51	<i>Nuncii Anglici Scotiam verſus deſtinantur</i>	337.
<i>Naues Francorum capta</i>	323.29		45
<i>Naues hoſtium intercepta</i>	306.32	<i>è regnis variis ad Anglos proſecti</i>	451.9
<i>in Angliam miſſa</i>	665.33	<i>Papa noui</i>	216.1
<i>ſubmerſa</i>	567.36	<i>Nuncii Papa pro Scotorum rege intercedunt</i>	76.
<i>Nauigium Anglicanum</i>	207.56		52
<i>Navis Carika apud Sandwicum appellis</i>	296.43		

INDEX.

<i>Nuncios Papalis</i>	545.37	<i>Oratio Rotherici</i>	764.28
<i>Nuncios regis Francorum captus</i>	332.50	<i>Stephanida</i>	765.36
<i>Papa Francia cedere iussus</i>	490.50	<i>Oratio Walseri Attelee ad rusticos S. Albani se-</i>	
<i>Nundina de Penreth per Scotos capta</i>	240.31	<i>ditiosos</i>	271.24
<i>Nuptia Ælfredi</i>	6.13	<i>Ordines mendicantium</i>	173.22
<i>ducis Lancastræ</i>	352.34	<i>religiosorum de Schene</i>	579.1
<i>filia regis Anglorum</i>	60.52	<i>Ordo coronationis Richardi II.</i>	195.11
<i>principis Wallensis</i>	474.23	<i>Templariorum damnatus</i>	99.9
<i>Nuptia regales</i>	281.42	<i>Brigittinorum</i>	578.52
O			
<i>Obitus abbatum S. Edmundi</i>	336.51	<i>Oriens cum occidente comparatus</i>	712.37
<i>Bosonis</i>	689.12	<i>Origo Anselmi</i>	442.5
<i>Caroli regis Francorum</i>	407.31	<i>comitum Ebroicensium</i>	678.15
<i>Episcopi Rossensis</i>	336.57	<i>Origo domini Tartarorum</i>	459.1
<i>Henrici V. regis Anglorum</i>	407.6	<i>Origo & progressus Monachatus</i>	833.20
<i>Michaelis Atte Pole</i>	339.44	<i>Gothorum, & ubi primum habitavit</i>	606.9
<i>multorum</i>	128.8	<i>Orovicius & proditus & peremptus</i>	780.14
<i>regina Castellana</i>	474.33	<i>Ornator instrumentorum musicorum precipuus</i>	
<i>Roberti Knolles</i>	376.44	<i>quis extiterit</i>	741.36
<i>Wilhelmi Abbatis Beccensis</i>	679.33	<i>Ortus Iohannis Wicklif</i>	531.13
<i>Obsides Anglico regi dati</i>	175.32	<i>Osbernus Heruasti filius obis</i>	649.6
<i>Obsidio Calestii</i>	166.59	<i>Osburgh</i>	1.52
<i>Dublinia</i>	772.30	<i>Osca</i>	885.28
<i>Parisorum annua</i>	616.9	<i>Oslac</i>	1.53
<i>Rhotomagi turpiter soluta</i>	682.54	<i>Osmundus</i>	625.36
<i>ville de Ledam</i>	317.57	<i>Ossyria</i>	785.51
<i>Occasio coniurationis Anglia procerum nona</i>	113.28	<i>Ossyrienses expugnati</i>	762.46
<i>Ocrea ferrea mirabiliter reposita</i>	732.9	<i>Ostenta inaudita</i>	559.9
<i>Odium inter Normannos & Anglos</i>	507.33	<i>Ostentatio Romanorum</i>	109.57
<i>muliebre</i>	825.39	<i>Ostmanni</i>	749.52
<i>Odo Comes Carnotensis</i>	428.19	<i>Otho depositus</i>	461.37
<i>rebellans subiungatur</i>	428.32	<i>moritur</i>	461.41
<i>rege absente regni fit custos</i>	438.16	<i>Rothomagum depopulari aggreditur</i>	628.27
<i>Odo per Willelmum fratrem in ducatu subrogatus</i>	655.41	<i>Saxonia aux rex Normannorum fit</i>	459.50
<i>Oeconomus bonus & diligens</i>	853.16	<i>sedis apostolica legatus ab Oxoniensibus male</i>	
<i>Offa</i>	3.38	<i>tractatur</i>	465.12
<i>Ohim</i>	852.14	<i>Otia Ælfredi</i>	13.27
<i>Olanus & Christianus & martyr fit</i>	429.10	<i>Owdenarde per Gandauenses capta</i>	306.46
<i>Oldcastle fuga elabatur</i>	577.1	<i>Oxonia</i>	69.8.124.14
<i>Oliuinus monachus Beccensis</i>	653.35	<i>Oxonienfes dubitant, an bullam papa recipere de-</i>	
<i>Omnia sunt Roma venalia</i>	78.36	<i>beant nec ne</i>	201.12
<i>Opiniones de causis propter quas rustici in Anglia</i>		P	
<i>turbas dederint</i>	266.1	<i>Pactum inter Normannos & Danos per ducem</i>	
<i>Iohannis Wicklif</i>	191.24.246.4	<i>Normannia Richardum firmatum</i>	635.33
<i>Opiniones Lotardorum</i>	366.43	<i>Pagani cæsi</i>	180.31
<i>Oppressio Ecclesiasticorum</i>	548.23	<i>cum Christianis confligunt</i>	6.56
<i>Romanorum</i>	100.30	<i>clade afficiuntur</i>	7.32
<i>Opulentia religionis corruptrix</i>	831.13	<i>sedisfragi fiunt</i>	8.56
<i>Oratio Ælfredi</i>	12.39	<i>fugiunt</i>	11.42
<i>Oratio comitis Lincolnia ad generum suum</i>	100.28	<i>in Cantuarienses sedisfragi fiunt</i>	4.56
<i>Dermittii</i>	765.11	<i>Londoniam vastant</i>	2.15.37
<i>ducis Hibernia ad suos</i>	331.56	<i>sternuntur</i>	2.15
<i>Oratio Duuernaldi Ossyriensis</i>	791.15	<i>submersi</i>	9.20
<i>Herueii</i>	768.51	<i>Wintoniam vastant</i>	4.44
<i>Mauritij</i>	773.1	<i>Paris an quilibet cum pane missa comparandus sit</i>	
<i>papa</i>	88.48	<i>246.27</i>	
<i>Reymundi</i>	768.17.788.55	<i>Pannus villosus pro corpore inuentus</i>	104.31
		<i>Papa ad episcopatum velasunum admitteret</i>	516.25
		<i>Anglum concitat in Francum</i>	86.7
		<i>Papa</i>	

INDEX:

<i>Papa Clemens obit</i>	106.28	<i>Parliamentum Northamptonienſe</i>	128.18.130.
<i>conditiones pacis flagitat</i>	87.57		21.245.33
<i>confirmat Iohannem Tymworth in abbatem S.</i>		<i>Parliamentum Salisburii celebratum</i>	309.15
<i>Edmundi, ſed non ſine pecunia</i>	289.56	<i>Salopia</i>	51.31
<i>conſtituit iubilaeum</i>	339.48	<i>Stamfordia celebratum</i>	80.18
<i>Papa contradicſorem habet regem Anglicanum</i>		<i>Pars Anglia Scotis tributaria facta</i>	502.17
<i>366.58</i>		<i>Pars decima quinta bonorum regi Angliae per po-</i>	
<i>deglubit clerum Anglicanum</i>	466.34	<i>pulum ſoluta</i>	473.38
<i>diſcordiarum motor</i>	460.30	<i>Partes orbis tres</i>	605.33
<i>Papa electionem Imperatoris pro arbitrio ſuo fru-</i>		<i>Partitio hereditatis Gilberti comitis Glouerniae</i>	
<i>ſtratur</i>	119.10		106.5
<i>& rex Sicilia diſcordes ſunt</i>	312.45	<i>Partus Gilberti Hagenelli vitulinus</i>	825.20
<i>& Romani</i>	306.11	<i>Paternus magnus</i>	863.2
<i>facile annuit comiti Flandrenſi</i>	222.2	<i>Patritius</i>	742.37.748.25
<i>famelicus cibos emendicat</i>	88.52	<i>Pauperes per Ælfredum fideliter deſenſi</i>	21.7
<i>fit ſenator</i>	49.22	<i>Pax Anglia</i>	168.12
<i>fratres minores grandi pecuniarum ſumma e-</i>		<i>inter Anglia Galliaeque reges per Papam facta</i>	
<i>mungit</i>	92.52		76.27
<i>Papa hæreſis, ſimonia, homicidii denique accuſatus</i>		<i>inter Anglia Franciaeque reges</i>	452.57.458.6
<i>87.23</i>		<i>Pax inter Anglia regem proceresque eius conſtitu-</i>	
<i>humaniter tractat Anſelmum</i>	442.30	<i>ta</i>	102.27
<i>ignominioſe vexatur</i>	88.41	<i>inter Anglos & Scotos turpis</i>	510.17
<i>Imperator contrarius</i>	130.44	<i>Pax inter Anglum & Francum dolo Francorum</i>	
<i>legatos ad Anglia regem mittit</i>	74.29	<i>facta</i>	170.15
<i>liberatus</i>	88.37	<i>inter Edwardum II. & comitem Lancaſtria</i>	
<i>mediatorem ſe prabet inter Anglia Franciaeque</i>		<i>facta</i>	110.29
<i>reges</i>	489.4	<i>inter Lewlinum & regem</i>	471.15
<i>obſeſſus</i>	87.27	<i>inter Mercios & Paganos inita</i>	8.17
<i>moriſur ut canis</i>	89.12	<i>inter reges & Papam facta</i>	490.1
<i>Papa novus</i>	396.42	<i>reſormata</i>	766.10
<i>potius emori vult, quam papatum relinquere</i>		<i>turpis inter Anglos & Scotos</i>	510.17
<i>88.19</i>		<i>Pecunia papae inſinita vel incredibilis</i>	88.31
<i>regem Anglia a perdomandis Scotis inſubet</i>	78.	<i>Penmaen</i>	872.14
<i>53</i>		<i>Penuria Anglorum</i>	187.29
<i>Papa regem Anglorum in Gallos concitat</i>	496.25	<i>Perduelles Anglici ſuppliciiſ afficiuntur</i>	91.42
<i>regi decimas concedit</i>	131.3	<i>Peremptio Oronicii</i>	780.14
<i>regnum Apuliae fratri regis Angliae offert</i>	467.	<i>Perſidia regis Francorum</i>	454.31
<i>8</i>		<i>Scotorum</i>	64.56.75.8
<i>ſcribit in gratiam Scotorum</i>	80.21	<i>Periculum Edwardi tertii ipſi per Iacobum Dou-</i>	
<i>Papa tres papatus renunciant</i>	579.41	<i>glam intentatum</i>	509.52
<i>Papia</i>	651.21	<i>regis Anglici in mari</i>	167.44
<i>Pares XII per Scotos electi</i>	64.35	<i>Richardus regis Francorum</i>	454.38
<i>Parifium quomodo deſtructum</i>	608.20	<i>Pertinacia Æthelbaldi</i>	3.2
<i>Parliamentum apud Acton Burnel habitum</i>	51.54	<i>Peritia Flandrorum Roſſenſium in diuinando per</i>	
<i>apud Berwicum</i>	68.6	<i>armos arietum</i>	849.52
<i>Parliamentum apud ſanctum Edmundum</i>	68.44.	<i>Peritia gentis Hibernenſis incomparabilis in arte</i>	
<i>485.52</i>		<i>canendi</i>	739.33
<i>bonum</i>	530.19	<i>Perturbationes per Londinenſes mota</i>	288.37
<i>Parliamentum Cantebregia celebratum</i>	335.31.	<i>Peſtilentia grauis</i>	108.4
<i>543.53</i>		<i>prima</i>	168.28
<i>Dublinia coactum</i>	547.51	<i>Peſtis</i>	184.30.571.51
<i>Eboracenſe</i>	75.17.77.30.106.23	<i>baum</i>	504.5
<i>Glouernia factum</i>	215.39	<i>Peſtis e corporibus ſubmerſorum originem ducens</i>	
<i>Parliamentum indiſtum quidem, ſed executioni</i>			462.14
<i>non datum</i>	107.6	<i>magna graſſatur in partibus borealibus</i>	228.13.
<i>indoctorum</i>	371.40.563.17		376.28
<i>Parliamentum Londinenſe</i>	76.43.78.11.111.22.	<i>Londini</i>	567.59
<i>121.18.235.58.280.2.296.52.307.19.334.16.353.</i>		<i>Petitio ducis Lancaſtria</i>	210.13
<i>46.354.28.350.26</i>		<i>Lollarorum</i>	570.49
			Peri-

I N D E X.

<i>Petitio regis Anglorum ad Papam directa</i>	529.23	<i>Potestas episcopo Northwicensi concessa</i>	296.52
<i>Petitiones Comitum Anglicanorum</i>	487.9	<i>Potestas Waltheri Disse</i>	327.35
<i>Petitiones communitalis regni Anglicani regi ipsorum directa</i>	71.36	<i>Powysia</i>	876.51
<i>Petro insulatus</i>	526.7	<i>Prada in regno Francorum</i>	456.31
<i>Petrus Abbas Cluniacensis</i>	688.6	<i>regis Anglia</i>	457.28
<i>Petrus de Gauerstone ab exilio reuocatur</i>	95.55	<i>Pradatio Howeni de Gleyndor</i>	562.13
<i>Petrus de Gauerstone exulat</i>	500.21. & 40	<i>Pradatio Scotorum</i>	503.29
<i>de Gauerstone ab exilio reuocatus comitis Glouce- uernia sororem in uxorem ducit</i>	98.12	<i>Pralati Hibernia ex pastoralis negligentia corrip- endi</i>	745.43
<i>de Gauerstone capite truncatur</i>	101.48.501.5	<i>regni Scotici fugiunt</i>	132.55
<i>Petrus de Gauerstone in exilium mittitur</i>	98.2.46	<i>Pralium atrox inter Anglos & Scotos</i>	105.7
<i>de Gauerstone in procerum Anglicorum potesta- tem venit</i>	101.24	<i>inter Anglia Francieque reges</i>	465.50
<i>de Murrone in papam electus Celestinus appella- tur</i>	62.13	<i>Pralium inter cruce signatos & Flandrenses</i>	299.42
<i>de Murrone moritur</i>	68.52	<i>piscium</i>	822.23
<i>Petrus Pykard Lombardus</i>	516.4	<i>Preparatio Anglorum ad Gallis resistendam</i>	539.11
<i>Philippina Anglia regina moritur</i>	184.23	<i>Prases in fule Man coronatur</i>	350.6
<i>Philippus Francie rex obit</i>	52.41.464.20.505.25	<i>Prasumptio incauta</i>	834.7
<i>le beau Francie rex</i>	52.43	<i>Pragenses sedis fragi sunt</i>	406.2
<i>Wigorniensis apud Armatiam passione percus- sus</i>	733.11	<i>Pratum Belli</i>	620.25
<i>Phoca</i>	862.2	<i>Presbyter quidam proditor captus</i>	390.14
<i>Phreneticus apud Fernas de prateritis futura pra- dicens</i>	732.30	<i>Preces in coronatione Richardi I. dicta</i>	195.39
<i>Physicus quidam mendacii sui penas soluit</i>	287.54	<i>Pretium rerum in Anglia venantium</i>	502.5
<i>Picardia vastata</i>	166.20	<i>Primitia beneficiorum papa venduntur</i>	108.42
<i>Pietas demones fugat</i>	837.32	<i>Princeps Achaie captus</i>	515.4
<i>Pinchiniacum</i>	623.34	<i>insularum Balerium nouus creatus</i>	165.13
<i>Pirate Flandrenses in Anglia capti</i>	225.4	<i>Wallia consanguineam suam desponsat</i>	178.17
<i>Piscatores Londonienses libertati sua restituti</i>	297.51	<i>Wallia moritur</i>	533.46
<i>Pisces in Hibernia marini flumiales, lacustres deni- que</i>	701.44	<i>Princeps Wasconia Wasconiam resignat</i>	528.31
<i>Pisces in Hibernia noui alibique non inuenti</i>	702.1	<i>Principes Cambria tam australes quam Boreales subacti</i>	775.33. & 776.14
<i>mirabiliter inter se praeliantes</i>	822.23	<i>in crucis obsequia signati</i>	801.26
<i>monotuli</i>	872.3	<i>Normanni quorum ducatus subacti sunt Apulia quinam fuerint</i>	663.30
<i>Piscis quidam repertus dentes aureos tres habens</i>	720.14	<i>Prior de Lewes capitur a Gallis</i>	199.39
<i>Plebs in Anglia tumultuatur</i>	535.13	<i>Prinilegia clero per Anglia regem concessa</i>	164.56
<i>Plimmouth incensa</i>	369.40	<i>episcopo Northwicensi pro executione rerum quarundam per papam concessa</i>	293.43
<i>Pluuia inusitata</i>	168.21.377.43	<i>per papam communicata</i>	540.22
<i>Pluuiofusa Hibernia</i>	700.20	<i>Probitas comitis Warwici</i>	63.29
<i>Pena perfidia</i>	463.36	<i>Henrici comitis Derbyensis insignis</i>	165.20
<i>Poma S. Keywini</i>	726.39	<i>Simonis de monte acuto</i>	65.35
<i>Pollardi moneta genus</i>	77.55	<i>Thoma de Dagworth</i>	167.25
<i>Pons Stephani</i>	863.1	<i>Walteri de Bendeley</i>	169.4
<i>Pontifex regi Anglia scribit</i>	140.21	<i>Profectio generalis in coronatione Richardi II. regis Anglorum</i>	198.5
<i>Popa virgo quadam Baiocensis</i>	616.10.619.42	<i>Proceres Anglici arma capiunt</i>	101.4
<i>Populus in partes comitis Lancastrensis inclinat</i>	110.37	<i>Proceres Anglici de capiendo Petro Gauerstone consultant</i>	99.53
<i>Portentum de aqua diuisa</i>	552.46	<i>Proceres Anglia duci Hibernia obuiam procedunt</i>	331.50
<i>Portugallus vincit Hispanos</i>	318.22	<i>Anglici indictantur</i>	329.36
<i>Possessiones Templariorum Hospitalariis concedu- tur</i>	120.13	<i>Anglia legatos Papae reiciunt</i>	102.14
<i>Posteritas comitum Ebroicensium</i>	678.15	<i>Anglia multi regi se dedunt</i>	115.39
		<i>Anglia non volunt regem suum iudicio Papali sistis</i>	85.36
			Proce-

INDEX.

<i>Proceres Anglia Petro de Gauerstone inuident</i> 97.	<i>Prouisiones Oxonia reuocantur</i> 407.48.468.14
10	papa cassata 515.15
<i>Anglia petunt sibi dari potestatem leges conden-</i>	<i>Psalterium Quindreda</i> 824.34
<i>di</i> 97.19	<i>Pugna Ælfredi maritima</i> 8.43
<i>Anglici petunt sibi articulos quosdam per regem</i>	<i>Pugna cyniphum</i> 339.24
<i>suum confirmari</i> 101.57	<i>Pulices à S.Nannano deportati</i> 728.45
<i>Anglici petunt, ut Petrus de Gauerstone in exi-</i>	
<i>lium mittatur</i> 96.39	2
<i>Proceres Anglia regina contra regem se adiungunt</i>	<i>Qua in Austria contigerint</i> 322.21
123.31	<i>Questio regis Medensis dolosa</i> 749.41
<i>Anglici se congregantes regem perterrefaciunt</i>	<i>Qualiter Edwardus primus ad colloquium regis</i>
330.29	<i>Franci rogatus fuerit</i> 52.26
<i>Proceres Anglici se rebelles fore minitantur, nisi</i>	<i>Qualiter Gandanenses ceperint villam de Owde-</i>
<i>Petrus Gauerstonius in exilium profigetur</i> 98.	<i>narde</i> 306.46
27	<i>Guido de monte forti è carcere liberetur</i> 51.
<i>Proceres quidam Anglici supplicio afficiuntur</i> 125.	42
47	<i>Qualiter Iohannes de Balliolorex Scotia coronetur</i>
<i>Processus apud S. Albanum per Walterum Attelee</i>	59.38
<i>militem factus</i> 254.22.270.46	<i>Querela in Iohannem de Oldcastel</i> 574.28
<i>contra Edmundum de Bury</i> 236.15	<i>Querela proditorum</i> 559.22
<i>contra mendicantes</i> 522.40	<i>Quidam Brigida sepem transiliens tibiam amittit</i>
<i>de Scotia</i> 58.23	732.41
<i>in Iohannem de Northampton olim Londonia</i>	<i>Quidam factis comitis Percy inuident</i> 327.11
<i>maiorum</i> 310.42	<i>Quidam se filium Edwardi II. mentitur esse</i>
<i>in Michaelem Atte Pole</i> 325.26	113.5
<i>Proclamatio contra Papam</i> 220.53	<i>Quindreda</i> 824.34
<i>Proclamatio pacis iussu regis Anglia noui facta</i> 126.	<i>Quomodo Richardus II. à Londoniensibus rece-</i>
56	<i>ptus fuerit</i> 194.54
<i>Proclamatio regina Anglicana & regis itidem</i> 508.	<i>Quo pacto Petrus de Murrone Celestinus cogno-</i>
7. & 10	<i>minatus papatu decesserit</i> 62.40
<i>regis Anglia in proceres eius</i> 550.42.	R
<i>villanorum S. Albani</i> 258.57	<i>Rabies Paganorum in Franciam</i> 414.39
<i>Procuratores ad curiam Romanam missi</i> 162.3.44	<i>Radeboldus Frisia princeps</i> 613.50
<i>Procuratorium ducis Aurelianensis</i> 573.1	<i>Radnora</i> 820.23 & 39
<i>Prodigia natalem comitis Edmundi comitantia</i>	<i>Radulphus de Mounthemmer liberatur</i> 105.47
558.56	<i>Rainaldus casu interfectus</i> 416.32
<i>Prodigium singulare</i> 147.3	<i>Paganis obuuius fit</i> 416.3
<i>Proditio Henrici le Scroope</i> 580.58	<i>per Rollonem in fugam versus</i> 615.19
<i>Ororicii</i> 780.14	<i>Rainaldus trans Saona fluuium Burgundionum co-</i>
<i>Proditores quidam Anglicani capite plexi</i> 560.46	<i>mes</i> 639.10
<i>Proditio quorundam</i> 302.54	<i>Rainerius dux Hainacensis</i> 613.50.
<i>Proditiones Hibernensium</i> 743.6	<i>Rana in Hibernia nuper inuenta</i> 711.51
<i>Profectio comitis Arundeliensis ad mare</i> 334.46	<i>Rana</i> 862.1
<i>ducis Lancastria Scotiam versus</i> 244.28	<i>Rati per S. Tuorum à Fernigena expulsi</i> 728.55
<i>Edmundi Comitis Cornubia cum exercitu in</i>	<i>Ratio conuersionis Tartarorum ad fidem</i> 93.10
<i>Walliam</i> 53.57.	<i>Rationes papa quibus ostendit, Scotiam ad Anglia</i>
<i>in Portugalliam</i> 247.17	<i>regem non pertinere</i> 80.25.491.1
<i>noua cruce signatorum</i> 301.46	<i>Rebellio Baronum Anglicorum</i> 461.53
<i>regis Anglorum in Scotiam</i> 511.33	<i>comitum Anglicanorum</i> 555.53
<i>regis Edwardi II. in Scotiam</i> 127.39	<i>Rebellio Davidis principis Wallie germani</i> 474.
<i>Prolocutio concordia inter regem Francia & An-</i>	52
<i>glia, de lo Francorum irrita facta</i> 170.15	<i>exheredatorum</i> 470.58
<i>Prologus in gesta regis Henrici</i> 670.25	<i>Rebellio Wallorum</i> 364.7
<i>Promissum Cardinalium</i> 521.43	<i>Recapitulatio triumphorum titularumq. Henrici</i>
<i>Prophetia Celestini completa</i> 89.13	<i>II. regis Anglorum variorum</i> 751.5. & c.
<i>Celestini in Benedictum papam</i> 62.52	<i>Recognitio quadam comitis Cantii</i> 129.45
<i>de Benedicto Papa</i> 482.11	<i>Redemptio regis Scotorum</i> 173.1
<i>Propositiones Iohannis Wicklif publice per eum</i>	<i>Reditus Edebridi in Angliam</i> 636.6
<i>proposita</i> 204.54.208.26.283.3. & 33	<i>Referendarius papa exultus</i> 108.4
	<i>Refluxus</i>

INDEX.

<i>Refluxus Hibernici maris varii</i>	715.16	<i>Responsio episcoporum Catholicorum ad epistolam pseudocardinalium</i>	218.7
<i>Refugia Sanctorum miranda</i>	730.38	<i>Responsio Iohannis Oldcastel ad crimina sibi obiecta</i>	383.58
<i>Reges Anglia & Francia inuicem iurant</i>	451.22	<i>Responsio regis Anglici ad Carolum Gallum de patris sui & filii morte</i>	472.42
<i>Reges duo pagani Ricardo contra Francos auxilium ferunt</i>	637.18	<i>Restitutio Dermitti per Anglorum regem</i>	760.6
<i>Reges Francorum de comitum Andegauensium familia descenderunt</i>	680.29	<i>Restitutio temporalium Episcopi Norwicensis</i>	321.6
<i>Reges Hibernici à tempore S. Patritii usq. ad Turgesium quot extiterint</i>	748.25	<i>Resus carceri mancipatur</i>	475.44
<i>Reges subito discordes facti</i>	802.1	<i>condemnatur</i>	57.47
<i>Reges tres exteri Anglia regem inuisunt</i>	179.44	<i>rebellat</i>	476.40
<i>Regina Anglia aspectum mariti non fere</i>	127.36	<i>Reuocatio Anglicorum à curia Romana</i>	344.43
<i>Regina Anglia castrum Bristolienſe obsidet</i>	125.8	<i>Rex Anglorum à nece Thoma expurgat se</i>	448.7
<i>Regina Anglia è Francia in Angliam redit</i>	507.48	<i>Rex Anglia insignia mutat</i>	143.32
<i>Regina coniux Anglia Edwardi II. in Angliam venit</i>	123.28	<i>Anglia insignia sua cum insignibus Francia coniungit</i>	146.55
<i>Anglia exulatum vadit</i>	507.22	<i>Anglia intrat Franciam, capis Cadomum, vastat Picardiam, & aquam de Summe transit</i>	166.20
<i>Anglia filium quintum parit & Edmundum vocat</i>	160.23	<i>Anglia iuramento Baronibus praestito absoluitur</i>	498.51
<i>Regina Anglia in Francia per annum commorans consuetudinem habet cum Rogero de mortuo mari</i>	122.17	<i>Anglia legatos ad papam mittit aduersum Scotos</i>	79.42
<i>Anglia in Franciam missa, ut de pace tractet</i>	121.35	<i>Rex Anglia literis missis per Flandriam ius suum in Francia denunciat</i>	143.34
<i>Anglia ingressu castri cuiusdam prohibetur</i>	114.59	<i>Anglia mari contra Francos se committit</i>	136.44
<i>Anglia Londinum venit</i>	126.28	<i>Anglia monasteria scrutatur</i>	65.4
<i>Anglia male per regem tractata</i>	468.35	<i>Anglia nauigat in Hiberniam</i>	553.46
<i>Anglia mortua</i>	477.1	<i>Anglia nemini subest</i>	146.48
<i>Regina Anglia Philippa filiam parit Blanchiam</i>	149.1	<i>Anglia officarios nouos eligit</i>	544.13
<i>Castella moritur</i>	474.33	<i>Anglia obsidet castrum de Striuelyn</i>	89.41
<i>Francia in Angliam exulatum contendit</i>	507.22. &c.	<i>Rex Anglia per Francia regem citatus</i>	60.38.481.25
<i>mendicans</i>	4.5	<i>Anglia per Meneniam redit</i>	778.24
<i>Regina Nauarrea ob stuprum suffocata</i>	106.37	<i>Anglia preparat se ad Barones suos oppugnandos</i>	504.53
<i>Regnum Scotia excommunicatum</i>	503.46	<i>Rex Anglia primum Anglia & Francia rex appellatus</i>	147.7
<i>Relatio de Elidoro episcopo fabulosa</i>	844.18	<i>Anglia promittit se regnum Scotia hereditare reddendum</i>	57.26.478.55
<i>Relaxationes per Anglum subditis suis concessae</i>	147.31	<i>Rex Anglia regi Francia homagium facit</i>	473.1
<i>Religiosi demonibus male familiares sunt</i>	366.4	<i>Anglia regno suo deiectus</i>	508.55
<i>Reliquiae Hiberni: ca sanctorum</i>	747.31	<i>Rex Anglia regnum Francia vendicat iterum</i>	183.42
<i>Remissio peccatorum p'ena per papam concessa</i>	168.59	<i>Anglia Richardus dispositionem regni liberam sibi concedi petit à proceribus</i>	337.9
<i>Pem si</i>	885.32	<i>Rex Anglia Richardus uxorem ducit</i>	535.26
<i>Remotio lapidum miraculosa</i>	872.24	<i>Anglia Scotia subacta in Angliam redit</i>	89.55
<i>Remuneratio honoris sacerdotibus exhibiti</i>	834.58	<i>Anglia Scotiam hostiliter ingreditur</i>	85.52
<i>Renouatio moneta Anglicana</i>	474.43	<i>Anglia ab equo deiectus costas duas frangit</i>	75.42
<i>Res gesta Edwardi I. regis Anglorum</i>	499.34	<i>Anglia ad fastum Francorum frangendū transfretat</i>	174.1
<i>Rescriptum archiepiscopi Cantuariensis Papa certificatorium</i>	236.47	<i>Rex Anglia ad homagium Francia regi faciendum citatus</i>	505.32
<i>Responsio Cardinalium furiosa papa facta per illos</i>	216.34	<i>Rex</i>	
<i>Responsio Cassilicnsis archiepiscopi obliua</i>	747.16		

I N D E X.

<i>Rex Anglia ad Papam literis scriptis imperium regni Francia vendicat</i>	136.52	<i>Rex & regina Anglorum coronantur</i>	500.8
<i>Rex Anglia armatus Scotiam peruadit</i>	87.14	<i>Rex Francia à rege Anglia sibi homagium praestari poscit</i>	117.45
<i>Anglia Berwicum capit</i>	66.5	<i>Rex Francia Anglia regnum inuadere parat</i>	323.18
<i>Anglia cedit regno</i>	359.15	<i>Rex Francia ab excommunicatione liberatur</i>	90.6
<i>Anglia circuit abbatias</i>	302.27	<i>Francia absolutus</i>	497.34
<i>Rex Anglia cum Scotis inducias biennales pangit</i>	74.42	<i>Francia appellat à papa</i>	87.25
<i>Anglia dysenteria laborat</i>	499.17	<i>Francia Atrebatium obsessum dimittere coactus inglorius domum redit</i>	86.29
<i>Anglia Edwardus I. I. Glouerniam se confert</i>	124.10	<i>Rex Francia Bonifacii papae ossa exurere vult</i>	92.8
<i>Rex Anglia Edwardus I. I. obsidionem Berwici soluit</i>	112.22	<i>Francia dominia Anglia occupat</i>	452.46
<i>Anglia equitat per Scotiam totam comburens loca diuersa</i>	316.52	<i>Francia excommunicatur</i>	80.6
<i>Anglia exercitum conscribit in Scotos</i>	116.50	<i>Rex Francia exercitum mittit in Wasconiam</i>	120.42
<i>Rex Anglia exercitum magnum contra Kentenses cogit</i>	266.51	<i>Francia fugiendo periclitatur</i>	171.22.457.23
<i>Anglia extremo quodam capitis periculo liberatur</i>	557.5	<i>Francia liberatus</i>	466.58.524.14
<i>Anglia fere circumuentus esset à Scotis</i>	117.6	<i>Francia mittit qui regem Arundelia capiant</i>	330.15
<i>Anglia Franciam populatur</i>	143.50	<i>Francia naues suas comburit</i>	460.59
<i>Rex Anglia homagio pro Aquitania faciendo renuntiat</i>	481.41	<i>Rex Francia nauigium preparat contra Anglos</i>	317.41
<i>Rex Anglia homagium facit Gallo</i>	476.14	<i>Francia obit</i>	107.30
<i>Rex Anglia Hiberniam subiugat</i>	460.21	<i>Francia per Saracenos capitur</i>	466.47
<i>Anglia Hiberniam visitat</i>	447.34	<i>Francia quarit occasiones fœderis infringendi</i>	458.25
<i>Rex Anglia in angustias magnas adductus</i>	554.32	<i>Francia regi Anglia Wasconiam restituit</i>	86.47
<i>Rex Anglia in Flandriam ire parat</i>	70.52.72.23	<i>Medensis</i>	749.41
<i>Anglia in Galliam transit</i>	53.1	<i>Neapolitanus obsidet papam</i>	376.39
<i>Rex Anglia in Scotiam proficiscitur</i>	75.21.104.56	<i>Nauarra captus</i>	181.56
<i>Rex Anglia iniurias à proceribus illatas conquiritur</i>	102.56	<i>Norwegia Scotiam sibi vendicat</i>	58.29
<i>Anglia Scotiam versus profectus</i>	65.39	<i>Paganorum baptizatus</i>	10.55
<i>Anglia senatum cogit in proceres</i>	541.1	<i>Portugallia expirat</i>	538.4
<i>Anglia venit in Sabaudiam</i>	472.56	<i>Richardus II. Cantuariam proficiscitur</i>	330.26
<i>Anglia una cum Petro Gauerstone fugit</i>	101.8	<i>Romanus obit</i>	58.21.76.14
<i>Rex Armenia pacis in Anglia mediator est</i>	538.16	<i>Scotorum citatur</i>	483.36
<i>Arragonum moritur</i>	58.22	<i>Scotorum comis</i>	501.54
<i>Cypria capit Alexandriam</i>	180.44	<i>Rex Scotorum excommunicatur regnoque excluditur</i>	111.41
<i>de Crakon Christianus</i>	571.33	<i>Scotorum facit homagium regi Anglia</i>	133.46
<i>Rex Edwardus I. filium remittit in Angliam</i>	94.25	<i>Scotorum fidem violat</i>	64.27.483.3
<i>Edwardus I. in Wallia perdit multos</i>	51.8	<i>Scotorum homagium facit</i>	439.5
<i>Edwardus II. in Scotiam profectus</i>	127.39	<i>Scotorum lepra mortuus</i>	510.49
<i>Edwardus secundus iterum articulos quos concedit non obseruat</i>	111.16	<i>Rex Scotorum miserabiliter interfectus</i>	54.23.476.53
<i>Edwardus II. se contra proceres suos defendere conatur</i>	115.22	<i>Scotorum mittitur Londonias</i>	68.39
<i>Edwardus III. in Angliam redit</i>	147.14	<i>Scotorum pacem ab Anglia rege petit</i>	484.45
<i>Edwardus III. in mari periclitatur</i>	167.44	<i>Scotorum pacem impetrat</i>	67.26
<i>Edwardus III. in Scotiam se confert</i>	135.12	<i>Scotorum regem Anglia super rebus arduis consulit</i>	474.35
<i>Edwardus vagatur, capitur, regnoque priuatur</i>	508.26. &c.	<i>Scotorum regi Anglorum homagiū facit</i>	66.29.458.3
<i>Edwardus uxorem ducit</i>	490.30	<i>Scotorum scius</i>	449.39
		<i>Scotorum tenet parliamentum</i>	133.36
		<i>Sicilia & papa discordes sunt</i>	312.45
		<i>Sicilia per Arragonia regem expellitur</i>	58.9
		<i>Reymundus descriptus</i>	789.17
		<i>Rey</i>	

I N D E X.

<i>Reymundus familiarum praefectus</i>	785.18	<i>Robertus Francorum rex inter Ricardum & Odo-</i>	
<i>Reymundus in Hiberniam reuocatur</i>	786.10	<i>nem pacem facit</i>	637.41
<i>Reymundus in Hiberniam venit</i>	767.32.797.13	<i>Grosted obit</i>	467.20
<i>Rhotomagum captum</i>	459.22.615.1	<i>Knolles Normanniam, Britanniamque deu-</i>	
<i>Richardus Anglus balista iactu perit</i>	457.35	<i>stat</i>	173.45
<i>Richardus Anglia rex capitur</i>	455.4	<i>Knolles obit</i>	376.44.568.20
<i>Richardus Anglia rex cum classe magna Aconem</i>		<i>le Brus Anglos fugat</i>	93.21
<i>nauiat</i>	454.3	<i>Robertus le Brus homicida rex Scotia coronatur</i>	
<i>Richardus Anglia rex in carcerem coniectus</i>	455.		91.6
36		<i>le Brus moritur</i>	129.27
<i>Richardus Anglus in regem Romanorum creatus</i>		<i>Normannorum dux Hierosolymam pergit</i>	672.55
467.44		<i>Normannorum dux in Angliam redit fratre re-</i>	
<i>Richardus Anglia rex regno depositus expirat</i>	556.	<i>gnum ablaturus</i>	675.1
30		<i>Trysilianus capitur</i>	334.20
<i>Richardus Burgundionum dux</i>	617.10	<i>Willelmum de Belesmo obsidet</i>	641.1
<i>Richardus comes Clarenfis interfectus</i>	833.58	<i>Winchelsea</i>	91.58
<i>Richardus Comes in Hiberniam custos transmis-</i>		<i>Robertus Winchelsea episcopus Cantuariensis fit</i>	
<i>sus</i>	785.5		62.36
<i>Richardus comitatum Carnotensem & Dunen-</i>		<i>Wiscardus Apulia dux</i>	669.17
<i>sem vastat</i>	630.21	<i>comes Glocestria</i>	682.2
<i>de Bury consecratur in episcopum Dunelm-</i>		<i>Rodbertus ab Hierosolymis reuersus apud urbem</i>	
<i>sem</i>	133.23	<i>Nicenam obit</i>	648.19
<i>de Pec.</i>	798.28	<i>Rodericus Magnus</i>	882.50
<i>de sancto Martino</i>	109.4	<i>Rogerus de bello monte filius Humfridi de Vetulis</i>	
<i>filium suum Normannis praeficit</i>	633.30		649.30
<i>Richardus imperium deponit</i>	554.40	<i>Rogerus de monte Gummerici ex qua natus fue-</i>	
<i>Normannorum dux</i>	423.5. &c.	<i>rit</i>	686.1
<i>Richardus patre viuente regno praefectus</i>	419.	<i>de Tancio</i>	649.30
36		<i>Robertus Wiscardi nepos</i>	669.18
<i>patri Wilhelmo succedit</i>	624.32	<i>Rogerus de mortuo mari fugit à carcere</i>	120.53.
<i>puer Normannia dux periculo poplitum sibi ad-</i>			506.35
<i>urendorum subest</i>	625.13	<i>Mortimerus suspensus</i>	130.52
<i>Scrop miles officio Cancellarii priuatur</i>	290.	<i>Waldenius qua fortuna fuerit</i>	566.25
17		<i>Rokesburg castrum capitur</i>	67.17.134.35.146.4
<i>Scrop regi sigillum reddit</i>	290.39	<i>Rollo cum Adelfano foedus indissolubilis amicitia</i>	
<i>subito mortuus</i>	452.1	<i>contrahit</i>	612.22
<i>Richardus III. paruo tempore in regimine existens,</i>		<i>Rollo cum nauibus sex in Insulam Scanzam venit</i>	
<i>bonitatem patris imitatus est</i>	640.5		609.51
<i>dux uxorem ducit Iuditham Goisfridi comitis</i>		<i>filiam regis Francorum ducit</i>	417.14
<i>Britannorum sororem</i>	638.1	<i>furiis succensus Franciam vastat</i>	617.37
<i>Richmundia</i>	113.14	<i>non Burgundionibus sed diuina virtuti cedit</i>	
<i>Rigandus de Assero episcop. Wintoniensis moritur</i>			617.12
119.13		<i>Rollo osculari debet pedem Caroli Francia regis</i>	
<i>Rihulfus</i>	418.15		617.41
<i>Risangerus</i>	116.47	<i>quando baptizatus fuerit</i>	618.21
<i>Risuncium à Gallis captum recuperatur</i>	62.21.482.	<i>rebellat</i>	609.26
44		<i>rebelles Anglia coercet</i>	416.48
<i>Robertus archiepiscopus Cantuariensis ab exilio re-</i>		<i>tempestate vexatus Walgorum listoribus ap-</i>	
<i>uocatus</i>	97.38	<i>pellit</i>	613.11
<i>Robertus Baldock in vinculis mortuus</i>	126.12	<i>terram hominibus suis diuidit, ecclesias murosq;</i>	
<i>Barrensis</i>	762.20	<i>ciuitatum readificans</i>	618.37
<i>Comes Mellenti</i>	688.54	<i>Walgrenses rebellantes diuidit</i>	613.50
<i>Robertus de Veer Hibernia dux creatur</i>	539.	<i>Romani & papa Romanus</i>	306.11
23		<i>Romani qualiter morati</i>	222.48
<i>filius Hugonis Capeti</i>	633.4	<i>Rothericus apud Dubliniam consecratus</i>	773.26
<i>fratri suo Richardo succedit</i>	640.43	<i>Connactiensis Dubliniam obsidet</i>	772.30
<i>Robertus Francorum dux Burgundia ducatum</i>		<i>Phalcus</i>	843.47
<i>Burgundionibus inuitis adipiscitur</i>	617.40.638.	<i>Rothericus ultimus Hibernia monarcha</i>	750.21.
43		<i>& 31</i>	
		<i>Ruber-</i>	

I N D E X.

<i>Ruberuile suspenditur</i>	483.14	<i>Sauathan</i>	823.16
<i>Ruina militum Lolardorum</i>	328.27	<i>Saxones reginam non admittunt</i>	3.22
<i>Rumores, Anglia regem Imperatorem futurum, quid causati fuerint</i>	353.56	<i>Scanza insula</i>	6.10
<i>Rumores monachorum de morte Iohannis Wicklif</i>	312.20	<i>Scelera propter quanam Templarii damnati sint</i>	99.22
<i>Richardum Anglia regem post mortem superstitum esse, magni & multi sparsi</i>	370.49.567.	<i>Scelus Norwicensium punitum</i>	472.9
55		<i>Scheapieg</i>	23
<i>Rupis audientium</i>	867.28	<i>Schedula Londini affixa</i>	574.20
<i>Rustici habitu clericali induti incedunt</i>	397.28.588.	<i>Scherburgh</i>	222.12
50		<i>Scoti ad Eboracum usque Lancastriamque grassantur</i>	111.12
<i>Rustici per Anglia regem manumissi proponunt Londonias spoliare rebelles</i>	254.6 252.17 426.6	<i>Andream Herkle trasfugam libenter suscipiunt</i>	118.19
<i>Rustici Sancti Albani & alii, literas mittunt ad regem de Essexia pro libertate obtinenda</i>	268.48	<i>Scoti Anglia reginam armis capere conantur</i>	111.56
<i>Rusticus quidam cum uxore iussu Rollonis suspensus</i>	618.55	<i>Angliam vastant</i>	483.47
<i>Ruthlana</i>	873.24	<i>Anglo se submitunt</i>	484.51
<i>Ryd Pencarn</i>	839.32	<i>Anglos vincunt</i>	86.57
		<i>Scoti casi</i>	489.46
		<i>casi adhuc</i>	511.44
		<i>casi tertium</i>	516.38
		<i>capiunt nundinas de Penreth</i>	240.31
		<i>capi</i>	135.35
		<i>castellum de Werck capiunt</i>	536.22
		<i>castrum Warwicense obtinent</i>	537.4
		<i>clade maxima affecti</i>	131.36
		<i>comburunt Hexam</i>	67.1
		<i>comburunt villas in Anglia</i>	165.51
		<i>comitem Richmundia capiunt</i>	113.14
		<i>complures Anglia regem pro superiore suo agnoscunt</i>	58.14
		<i>corrumpunt papam</i>	78.34
		<i>Scoti depopulantur Angliam rege absente</i>	317.37
		<i>Scoti duodecim pares eligunt</i>	64.35.483.7
		<i>Scoti fidelitatem regi Anglicano iurant</i>	485.19
		<i>fugiant</i>	127.46
		<i>funduntur in Hibernia</i>	111.34
		<i>in fugam acti</i>	91.32
		<i>interdicto non relaxati</i>	505.41
		<i>intran in Angliam</i>	305.57.503.52. &c.
		<i>legatos Romam mittentes ab excommunicatione absolui cupiunt</i>	117.55
		<i>nundinas de Penreth depredantur</i>	534.9
		<i>Scoti omnia usque Eboracum depopulantur</i>	107.11
		<i>pacem petunt ab Anglo</i>	496.55
		<i>partes boreales peste graui laborantes inuadunt</i>	228.13
		<i>Scoti per Northumbria comitem infestati</i>	198.42
		<i>perfidi</i>	64.56
		<i>Scoti quidam Comiti Waremma se dedunt</i>	70.43
		<i>rebellant</i>	86.43
		<i>strati</i>	76.1
		<i>sunt immanes</i>	84.30
		<i>victi</i>	132.48
			Iiii
			Scoti
<i>Sabrina</i>	885.16		
<i>Sacerdos cum lupo colloquutus</i>	722.37		
<i>Sacerdos passione duplici percussus</i>	747.44		
<i>Sancti regis Scotorum</i>	449.39		
<i>Sagittarii apud Fineglas diuinitus condemnati</i>	733.54		
<i>Sagittarius quidam septem Brigida transiliens infans</i>	732.41		
<i>Saladinus vincitur à Christianis</i>	454.26		
<i>Salmones salientes</i>	861.29		
<i>Salus salmonis</i>	731.12		
<i>Sancti Cambria vindicta quam cupidi sint</i>	867.52		
<i>etiam ipsi Hibernienses vindictis animi videntur esse</i>	734.38		
<i>Sanctimoniales sacerdotum concubinas ferre nequeunt</i>	824.27		
<i>vagabunda</i>	79.21		
<i>S. Botolphus</i>	54.2		
<i>S. Brendanus</i>	731.33		
<i>Sanctus Edmundus</i>	123.16		
<i>Sanctus Edwardus rex & martyr</i>	81.17.492.58		
<i>S. Franciscus natione Tuscus</i>	460.43		
<i>S. Thomas Herfordensis translatus</i>	169.18		
<i>Thomas martyrio affectus</i>	771.6		
<i>Sanguis e ligno quodam miraculose fluens</i>	536.55		
<i>Saona fluuius</i>	639.1		
<i>Adeliz</i>	639.2		
<i>Sarraceni Christianos cadunt intercepti</i>	466.10 454.49		
<i>per Tartaros strati</i>	93.8		
<i>Sarum</i>	129.5		

I N D E X.

<i>Scoti vincunt Anglos</i>	112.11	<i>Soldanus pater moritur</i>	55.15
<i>Scoti unde dicti sint</i>	452.23	<i>Tripolin capis</i>	53.55
<i>Scotia Anglia subditur</i>	55.44	<i>Solemnizatio missa in coronationis Richardi II.</i>	197.7
<i>deuastatur</i>	512.10	<i>die celebrata</i>	197.7
<i>subigitur</i>	496.34	<i>Solutio obsidionis ville de Owdenarde cum magna</i>	295.11
<i>Scotus homagium facit Anglo</i>	59.46	<i>Flandrensiu confusione facta</i>	859.57
<i>Scriptum Erici Norwagia regis ad Anglia regem</i>	479.37	<i>Somnium</i>	466.53
<i>Sebertus rex translatus</i>	93.28	<i>abbatissa de Lacok</i>	466.53
<i>Securis ab Hibernensibus loco baculi gestari solet</i>	743.18	<i>Somnium Rollonis per Christianum quendam ex-</i>	611.41
<i>positum</i>		<i>positum</i>	465.43
<i>Securitas nimia</i>	834.6	<i>Soror Ariburi moritur</i>	281.5
<i>Sedes cathedralis Cambria</i>	884.24	<i>regis Bohemia honorifice suscepta</i>	146.5.512.56
<i>Seditio crescit in Anglia</i>	72.42	<i>Southampton per Francos incensa</i>	859.55
<i>in Flandria</i>	74.48	<i>Sorices</i>	870.41
<i>Sedulius</i>	1.35	<i>Spiritus ossa & carnem non habet</i>	620.26
<i>Semen tritici per episcopum Corcagiensem maledi-</i>	732.53	<i>Sprota puella nobilissima quaedam</i>	472.23
<i>ctum non provenit</i>		<i>Statura Henrici regis Anglorum</i>	425.33
<i>Senatus Anglicus apud S. Albanum conuocatus</i>	554.8	<i>Richardi Normannorum ducis</i>	525.2
<i>Sententia in Iohannem de Oldcastle pronunciata</i>	385.4.576.34	<i>Statuta de vestibus</i>	13
<i>Sententia Solini, Orosci & aliorum quorundam par-</i>	699.40	<i>edita quidem, sed executioni non mandata</i>	135.15
<i>tim vera partim falsa</i>		<i>frustra sunt in Parlamento Londinensi</i>	169.57
<i>Sepsignis Brigida circularis, in quam mas intrare</i>	719.29	<i>Stephanides descriptus</i>	774.20
<i>non ausit</i>		<i>in Britanniam venit</i>	761.41
<i>Sepultura Wilhelmi regis Anglorum apud Cado-</i>	669.48	<i>apud Guaterfordiam liberatur</i>	775.45
<i>mum</i>		<i>Stephanus Anglia rex</i>	493.17
<i>Sequana</i>	616.35	<i>Anglia rex captus</i>	445.27
<i>Serlorumorum vanorum sparsor captus</i>	562.46	<i>Anglia rex liberalis</i>	445.14
<i>Serlor tractus</i>	371.18	<i>comes Blefensis</i>	685.6
<i>Serpens incantatus</i>	516.2	<i>comes Bolonia coronatur</i>	445.6
<i>Serui regis Anglici citantur ab eo cuncti</i>	69.52	<i>Langton prohibetur Anglia</i>	459.47
<i>Seueritas Ælfredi in iudices inferiores male indi-</i>	21.33	<i>Moristolii comes</i>	688.1
<i>cantes</i>		<i>Stephanus ducem Normannorum heredem insti-</i>	446.11
<i>papa in Capellanum suum</i>	467.40	<i>tuit</i>	438.33
<i>Seueritas Roberti in legibus executioni dandis</i>	417.40	<i>Stigandus quare degradatus</i>	426.49
<i>Seynclo capitur</i>	572.39	<i>Strages Anglorum in Gallia</i>	86.17.519.35
<i>Sigismundus Hungaria, Bohemia Romanorumque</i>	405.50	<i>& fuga Gallorum</i>	2.15a
<i>rex Pragam obsidet</i>	122.8	<i>paganorum</i>	67.2.76.1.366.28.511.44.516.38
<i>Siccitas immensa</i>	801.26	<i>Scotorum</i>	110.47.147.53
<i>Signatio principum in crucis obsequia</i>	191.52	<i>Strategema quoddam singulare</i>	863.1
<i>Silentium Iohanni Wickliff indictum</i>	837.20	<i>Stratflur</i>	497.21
<i>Similes cum similibus facillime congregantur</i>		<i>Struelin castrum obsessum</i>	14.25
<i>Simon Burley decollatus</i>	334.34	<i>belli</i>	887.19
<i>de monte acuto</i>	65.35	<i>Subactio Dublinia</i>	766.26
<i>de monte forti in gratiam receptus</i>	465.20	<i>Submersio Britannorum quorundam</i>	462.7
<i>de Reding suspenditur</i>	126.4	<i>Subditi denegant suo regi subsidium</i>	189.39
<i>Simonia papalis</i>	87.23	<i>Subditi in Gulielmum regem suum rebelles sunt.</i>	433.6
<i>Situs Cypri</i>	453.45	<i>Subiectio Scotorum</i>	67.34
<i>Hibernia</i>	699.3	<i>regis Scotorum</i>	450.53.521.19
<i>Scheapie</i>	2.5	<i>Submersio Flandrensiu</i>	448.45
<i>Slanus monarcha primus Hibernie</i>	737.1	<i>Paganorum</i>	9.20
<i>Soboles Scotici regis</i>	54.27	<i>Subsidium Edwardo I. Anglia regi concessum</i>	74.14
<i>Soleclipsin passus</i>	11.9	<i>per Cleru populumq. Anglia regi suo prestitum</i>	475.27
<i>Soldanus Babylonia per Tartaros fusus</i>	79.4	<i>regi per Anglos denegatum</i>	564.42
<i>Soldanus filius Aconem obsidet</i>	55.15	<i>Subuen-</i>	

INDEX.

<i>Subventio familia apud Limericum regia</i>	790.	<i>Thomas Beauchamp</i>	327.40
57		<i>Thomas Cantuariensis</i>	77.4
<i>Succubi</i>	870.36	<i>de Arundel moritur</i>	578.30
<i>Suenus Danamarcha rex</i>	635.11	<i>de Dagworth homo probus</i>	167.25
<i>Suenus ad Comitatum Eboracensem appellat</i>	635.	<i>de Hilton capitur in Aquitania</i>	199.55
31		<i>Thomas de Hilson è carcere liberatur</i>	241.20
<i>Haraldi regis Danorum gnatus</i>	623.5	<i>de Lancastria captus</i>	505.3
<i>moritur apud Londoniam</i>	636.5	<i>Gerney</i>	127.56
<i>Superbia Walteri Tyleris</i>	252.40	<i>Molineus occisus</i>	332.15
<i>Sus venaticus</i>	825.15	<i>Triuet casu equi peremptus</i>	335.41
<i>Suspensio militum quorundam</i>	334.28	<i>Turberuilensis suspenditur</i>	64.45
<i>Surhampton combusta</i>	512.56	<i>Thronus regis Scotorum in Angliam translatus</i>	485.12
<i>Suenus exercitum parat in Anglos</i>	427.29	<i>Thronus regis Scotorum qualis fuerit</i>	68.3
<i>Sylva Danica</i>	838.38	<i>Thurstinus rebellans fugit</i>	433.34
		<i>Thyle</i>	721.48
		<i>Timiditas Londoniensium</i>	322.42
		<i>De hac etiam vide pag.</i>	538.51
		<i>Timor pauens</i>	108.59
		<i>Tipueta S. Tefredauci</i>	867.33
<i>Tabula rotunda arx in Anglia & Francia</i>	164.34	<i>Tituli Henrici II. regis Anglorum variis</i>	751.1
515.36		<i>Pictauenses</i>	752.35
<i>rotunda ludus militaris dicta</i>	49.2	<i>Tonitrua inusitata</i>	316.44
<i>Taf</i>	885.34	<i>Topographia Hibernia</i>	692.1
<i>Tartari ad fidem conuersi</i>	93.10	<i>Tornamentum</i>	472.57
<i>Sarracenos sternunt</i>	93.8	<i>Tornamentum per Petrum Gauerstonium institutum</i>	96.55
<i>Tawe</i>	885.39	<i>Torquis Canauici</i>	824.50
<i>Taxa cleri populi que Anglicani</i>	566.38	<i>Tosticus comes</i>	664.52
<i>grauis</i>	534.34-561.33	<i>Tractatus de treugis</i>	336.31
<i>inaudita</i>	531.6	<i>Tractatus Britannis quid</i>	865.32
<i>insoluta</i>	369.58	<i>Transfretatio ducis Lancastria</i>	170.46-347.7
<i>sumptuum quos Richardus II. facere licite possit</i>	200.1	<i>regis Anglie</i>	171.14
<i>Taxatio Francia ad bellum in Normannos</i>	449.6	<i>Transgressiones Londinensium</i>	347.53
<i>Taxus quae natura sit in Hibernia</i>	709.30	<i>Translatio beati Hugonis</i>	49.58
<i>Tedboldus</i>	615.55	<i>corporis Edwardi</i>	471.25
<i>Tefredaucus</i>	867.33	<i>episcopi Wigorniensis ad episcopatum Wintoniensem</i>	133.11
<i>Tegularia castrum</i>	650.34-662.44	<i>Translationes episcoporum</i>	336.19-376.52
<i>Teui</i>	885.52	<i>Translatio S. Thome Herfordensis</i>	169.18
<i>Tempestas inaudita</i>	54.33	<i>Seberti regis</i>	93.28
<i>Ralloni de Anglia in regnum Francorum nauigaturo superueniens</i>	613.11	<i>Trapezeta (firapezita) Anglicani</i>	679.14
<i>Tempestates in Hibernia facta</i>	777.41	<i>Traybaston</i>	90.4
<i>Templarii capti</i>	500.10	<i>Treuga biennales inter Anglos & Scotos facta</i>	278.54
<i>concremati</i>	99.7	<i>inter regna</i>	308.8
<i>deleti</i>	444.29	<i>Treuga Scotis papa petente per Angliam concessa</i>	490.44
<i>propter scelera sua damnati</i>	99.22	<i>Tributum lana in Anglia augetur</i>	69.48.486.
<i>superbi</i>	832.18	14	
<i>Tempus regis Richardi II.</i>	193.35	<i>Tripolis per Soldanum capta</i>	53.55
<i>Tenechbray</i>	675.21	<i>Triticum è siligine conuersa factum</i>	732.53
<i>Terra filiorum Conani</i>	864.50	<i>Triumphus Henrici secundi regis Anglorum variis</i>	751.1
<i>Terramotus</i>	111.31.289.34.315.47.316.	<i>Tumultuatio communium Parisensium</i>	243.46
44		<i>rusticorum, aliorumque communium in Anglia</i>	
<i>Testamentum Ælfredi</i>	22.17	<i>quanta mala excitatis</i>	247.43
<i>Testamentum Æthelwulfi</i>	4.16	<i>Turgeusius</i>	748.25-760.21.41
<i>Testimonia chronicorum de regis Anglicani in regnum Scotorum iure</i>	477.33	<i>Turstinus Goz</i>	651.1
<i>Thema sermonis Iohannis Ball</i>	275.35		
<i>Theobaldus comes Carnothensis cum dedecore fugit</i>	424.31		
<i>Theobaldus comes Carnotensis cum duce pacem init</i>	425.3		

INDEX.

Wellis

I N D E X.

<i>Wellia</i>	131.55	<i>Wilhelmus Sorengus</i>	854.28
<i>Wendraeth</i>	885.41	<i>Wilhelmus Taluatus crudelis</i>	652.39
<i>Wenefreda diua</i>	873.34	<i>Taluatus</i>	655.18
<i>Wicgambeorg</i>	2.3	<i>Waleys</i>	73.7
<i>Wilhelmus abbas Beccensis</i>	679.33	<i>Waleys undenam sit ortus</i>	90.30
<i>Anglorum rex</i>	672.55	<i>Waleys Scotos ad rebellionem incitat</i>	486.27
<i>Archacensis</i>	651.22	<i>Werlencus</i>	657.1
<i>Busatus</i>	657.29	<i>Winchelsey moritur</i>	501.12
<i>comes Herefordia</i>	676.36	<i>Winchelsey oppidum captum</i>	240.58
<i>comes Pictauorum</i>	620.53	<i>Windeleshore</i>	52.17.106.47
<i>Conquestor</i>	82.27	<i>Wintonia per Paganos vastata</i>	4.44
<i>de Belesmo per Robertum obsessus</i>	641.1	<i>Woch, woch</i>	803.2
<i>de Norwico moritur</i>	129.13	<i>Wodstock</i>	160.43
<i>Wilhelmus Douglas cum suis captus</i>	132.33	<i>Wulstanus e vita excedit</i>	441.1
<i>Douglas perimitur</i>	335.18		
<i>Wilhelmus Flandria comes</i>	677.1	<i>Ypres obsessa</i>	302.16
<i>Wilhelmus Geroii filius Monachus Becci factus</i>	652.39.	<i>Ysthuys</i>	880.5
<i>Geroiianus</i>	659.12	<i>Ynorus Bach</i>	839.52
<i>Normannorum marchio</i>	621.32	<i>Philotimueia sanctorum Cambriensium</i>	867.52
<i>Rufus</i>	82.28	<i>Ziim</i>	852.14

F I N I S.









